

10/2
No. 12798

Ex Libris

Josephi Sedlmayr Cancell. Fris.

5J.
BIBLIOTHECA


MONASTERII S^{ti} MICHAELIS ARCH.


ET OMN. S.S. ANGELORUM,

APUD BELMONT

PROPE HEREFORDIAM.

1771





GERMANIÆ,

QUORUM COLLECTIONEM

CELSISSIMI PRINCIPIS

JOANNIS MAURITII,

GLOR.^{MÆ} MEM. ARCHI-EPISCOPI PRAGENSIS
S U M P T U,

CL. JOANN. FRIDERICUS SCHANNAT

PRIMUM COEPIT,

P. JOSEPHUS HARTZHEIM Soc. JESU P. M.

CONTINUAVIT, ET PRELO DEDIT.

CONTINUAVIT, ET PRELO DEDIT.
ad Canoniam **TOMUS VI.** Neustift

EJUSDEM CELSISSIMI PRINCIPIS MUNIFICENTIA

EX HARTZHEMIANIS COLLECTIS

EDITUS, AUCTUS, ET NOTIS ILLUSTRATUS

A P. HERMANNO SCHOLL EJUSDEM SOCIETATIS.

COMPLECTITUR CONCILIA

AB ANNO MD. AD MDLXIV.



COLONIÆ AUGUSTÆ AGRIPPINENSIIUM,

TYPO VIDUÆ JOAN. WILHELMI KRAKAMP, ET HÆREDUM
CHRISTIANI SIMONIS, Bibliopolarum,
ANNO MDCCLXV.

CUM PERMISSU SUPERIORUM.

CONCILIUM
GERMANICUM

CELESTINI PRINCIPIS
IOANNIS MAURITII

DE IUSTITIA
ET IUSTITIA

DE IUSTITIA
ET IUSTITIA

DE IUSTITIA
ET IUSTITIA

DE IUSTITIA
ET IUSTITIA

DE IUSTITIA
ET IUSTITIA

DE IUSTITIA
ET IUSTITIA

DE IUSTITIA
ET IUSTITIA

DE IUSTITIA
ET IUSTITIA

DE IUSTITIA
ET IUSTITIA

PERPETUÆ. GRATISSIMÆQUE.
MEMORIÆ.

REVERENDISSIMI. ET. CELSISSIMI.
DOMINI. DOMINI.

J O A N N I S.
M A U R I T I I.
G U S T A V I.

DEI. GRATIA. ARCHI-EPI-
SCOPI. PRAGENSIS.

SEDIS. APOSTOLICÆ. LEGATI. NATI.

S. ROMANI. IMPERII. PRINCIPIS.

COMITIS. DE. MANDERSCHIED-
BLANCKENHEIM.
ET. GEROLDSTEIN.

LIBERI. BARONIS. IN. JUNCKERATH.
DOMINI. IN. BETTINGEN. DAUN. ET. ERP.

UTRIUSQUE. SACRÆ. CÆSAREÆ. NEC. NON. GERMANIÆ.
HUNGARIÆ. ET. BOHEMIÆ. REGIÆ. MAJESTATIS.

CONSILIARII. INTIMI. ACTUALIS.

INCLYTI. REGNI. BOHEMIÆ. PRIMATIS.

ECCLESiarUM. METROPOLITANÆ. COLONIENSIS. ET. CATHEDRALIS.
ARGENTINENSIS. RESPECTIVE.

PRÆPOSITI. SENIORIS. AC. THESAURARII.

ILLUSTRI. ECCLESIÆ. COLLEGIATÆ. AD. S. GERËONEM.
PARITER. PRÆPOSITI.

NEC. NON. UNIVERSITATUM. COLONIENSIS. ET. CAROLO-
FERDINANDÆ. PRAGENSIS.

CANCELLARII. PERPETUI. ET. PROTECTORIS. &c. &c.

OPERIS. HUIUS. PRIMI. AUTHORIS. ET. MUNIFI-
CENTISSIMI. ETIAM. POST. FATA.
MECOENATIS.

TOMUM. HUNC. SEXTUM.

D. D. C.

Hermannus Scholl S. J.

FACULTAS REV. P. PROVINCIALIS
CUM PRIVILEGIO CÆSAREO.




Um Vidua JOANNIS WILHELMI KRAKAMP, & Hæredes
CHRISTIANI SIMONIS, Bibliopolæ Colonienſes, typis
vulgare deſiderent Tomum Sextum *CONCILIO-
RUM GERMANIÆ, ex Hartzheimianis collectis*
a P. Hermanno Scholl, Soc. noſtræ Sacerdote,
editum, auctum, & Notis illustratum; Ego infra ſcriptus, ejusdem
Societatis in Provincia Rheni Inferioris Præpoſitus Provincialis, poteſtate ad
id mihi facta ab Adm. R. P. N. LAURENTIO RICCI, Univerſæ Societatis
JESU Præpoſito Generali, iisdem ad primam hanc duntaxat prædicti Tomi
editionem facultatem imperio; ſimulque communico Jus Privilegii Cæſarei,
quo Bibliopolis ac Typographis interdicitur, ne quis Librum ullum a So-
cietatis noſtræ Patribus conſcriptum, citra conſenſum Superiorum recudere,
aut alibi recuſum, intra fines S. R. Imperii inferre præſumat. In cujus rei
fidem has iis manu propria ſubſcriptas, ac conſueto officii mei Sigillo muni-
tas, dedi. Coloniae 5. April. 1765.



ANTONIUS RÜTING S. J. m. pp.

INDEX



INDEX CHRONOLOGICUS TOMI VI.

CONCILIORUM GERMANIÆ, ET EPISTOLA- RUM &c. AD CONCILIA PERTINENTIUM.

SÆCULO XVI.

AB ANNO MDIII. AD MDLXIV.

<i>Annus Christi</i>		<i>Pagina</i>
1503.	P ATAVIENSIS Synodus sub WIGILBO Episcopo celebrata. (<i>Sola mentio</i>)	1
1503.	BASILEENSIS Concilii Diœcesani sub CHRISTOPHORO Episcopo Constitutiones Synodales. Prologus in Statuta Synodalia.	2
	Statuta Synodi. Tituli XXXIII.	3
1504.	MISNENSIS Episcopatus Statuta Synodalia, edita a JOANNE VI. Episcopo Misnensi.	30
	Bulla Martini Papæ de Festo Ss. Corporis Christi.	34
	<i>Fundatio Ecclesiæ Misnensis, & ejusdem Fundationis Confirmatio, his Statutis inserta.</i>	55
1505.	MAGDEBURGENSIS Ecclesiæ Statuta Synodalia, a JOANNE Archi-Episcopo renovata, & ab ERNESTO ejus Successore confirmata, Capita XXI.	60
	Præfatio ERNESTI Archi-Episc. Magdeburg.	<i>ibid.</i>
1506.	BAMBERGENSIS Diœcesis Synodaliū Statutorum confirmatio & extensio per GEORGII Episcopum.	65
1507.	Ejusdem GEORGII Episc. Bambergensis Mandatum ad Decanos &c. de curanda observatione Statutorum.	66
1507.	Ejusdem Declaratio Statuti Synodalis de gestandis sub Officio Divino Superpelliceis.	67
1509.	WRATISLAVIENSIS Synodus sub JOANNE V. Episc. Wratislaviensi.	<i>ibid.</i>
	Ejusdem Statuta & Ordinationes.	69
1509.	TORNACENSIS Synodus sub CAROLO DU HAUT-BOIS Episc. Tornacensi.	71
1511.	<i>MAXIMILIANI Caesaris Edictum, quo suis ad Sedem Apostolicam Legatis facultatem concedit, petendi indictionem Concilii Generalis.</i>	73
1511.	WRATISLAVIENSIS totius Cleri Diœcesani congregatio, in qua publicatio Statutorum Synodi Provincialis Gneznenſis facta est in Ecclesia Wratislaviensi.	75
1511.	HAVELBERGENSIS Synodus in Wistogk celebrata.	77
1512.	RATISBONENSIS Ecclesiæ Statuta Synodalia, edita a JOANNE DE BAVARIA Episc. Ratisbonensi.	78

<i>Annus Christi</i>		<i>Pag.</i>
1512.	COLONIENSE Statutum Synodale sub PHILIPPO DE DUNA Archi-Episc. Colon. de Clericis alienæ Diocesis non recipiendis sine literis dimissoriis, & formatis Ordinationis suæ.	131
1512.	Declaratio MAXIMILIANI I. Imp. per Matthæum Gurcensem Episc. in Concilio Lateranensi P. facta, qua Imperator, reprobato Schismate & Conciliabulo Pisano, Synodo Lateranensi se adbare profutetur.	133
1512.	BRANDEBURGENSIS Synodus sub HIERONYMO SCHULTETO Episcopo. (<i>Sola Mentio</i>)	135
1513.	COLONIENSIS Synodus sub PHILIPPO DE DUNA Colon. Archi-Episc.	136
1515.	COLONIENSIS Synodus sub HERMANNO V. DE WEDA. Archi-Episcopi Mandatum de Breui Apostolico LEONIS X. PP. ejusdemque Bulla Cænæ, in Synodo publicandis.	142
1515.	Breve Apostolicum LEONIS X. ad Hermannum V. Archi Episc. Coloniensem contra violatores Ecclesiasticæ Libertatis.	143
1515.	Ejusdem LEONIS X. Papæ Bulla Cænæ.	144
1518.	MAXIMILIANI I. Imp. ad Leonem X. PP. Epistola de Martini Lutheri Concionibus ac Tractibus contra Indulgentias, missa ex Conventu Augustano.	148
1520.	TORNACENSIS Synodus sub LUDOVICO Episcopo Tornac. Capita XVII.	150
1520.	LEONIS PP. X. Bulla Apostolica contra errores Martini Lutheri & sequacium.	171
1521.	LEONIS PP. X. Bulla damnationis & excommunicationis contra Mart. Lutherum & ejus asseclas.	179
1521.	CAROLI V. Imp. Edictum contra Lutherum, in Wormatiensibus Comitibus promulgatum.	182
1522.	HADRIANI Papæ VI. Breve ad Fridericum Saxonie Ducem adversus Lutherum.	190
1524.	LAURENTII CAMPEGII S. R. E. Cardinalis, ad Germaniam &c. de latere Legati, Constitutio ad removendos abusos, & Ordinatio ad Cleri vitam reformandam, Ratisbonæ edita, in Synodis promulganda.	196
1527.	MOGUNTINA Synodus sub ALBERTO BRANDEBURGICO. Friderici Naufæ ad Ecclesiasticam in inclyta Ecclesia Moguntina Synodum, de reformanda Ecclesia, Oratio.	205
1527.	COLONIENSIS Synodus Verna sub HERMANNO V. Oratio Ant. Cornelii Lynnichani in hac Synodo ad Clerum Coloniensem habita.	209
1527.	COLONIENSIS Synodus Autumnalis sub eodem. Publicata Constitutio de his, qui Matrimonium clandestine contraxerunt.	219
1528.	COLONIENSIS Synodus, in qua Reformatio Curia Colonienfis, præscripta ab HERMANNO V. Archi-Episcopo, per ejusdem Officialem promulgata fuit.	221
1533.	OSNABRUGENSIS Synodus. FRANCISCI, COMITIS DE WALDECK, Episcopi Osnabrugensis Statuta Synodalia. Capit. XXIII.	231
1536.	COLONIENSIS Synodus PROVINCIALIS. Complectitur Partes XIV.	235
1539.	HILDESIENSIS Synodus sub VALENTINO Episcopo. Statutorum Capita L.	311
1544.	Congregatio totius Cleri civitatis Colonienfis, ejusdemque Protestatio, & ad Summum Pontificem PAULUM III. ac Imperatorem CAROLUM V. Provocatio adversus HERMANNUM V., quod contra ultima Provincialis Synodi ab ipso celebrata Decreta, Lutherana dogmata in Diocesi inducere moliretur.	339
1544.	SALISBURGENSIS Synodus sub ERNESTO Archi-Episcopo.	349

CONCIL. GERM. TOM. VI. SÆCUL. XVI.

III

Annus Christi

	Pag.
1548. COLONIENSIS Synodus sub ADOLPHO III. Archi-Episcopo.	350
1548. PADERBORNENSIS Synodus sub REMBERTO Episcopo.	359
1548. AUGUSTANA Synodus, ad Reformationem Cleri, auctoritate OTTONIS Cardinalis & Episcopi Augustani celebrata.	<i>ibid.</i>
Acta primæ diei.	360
Statuta Synodi. Capita XXXIII.	362
Acta secundæ diei.	381
Acta tertiæ diei.	382
Martini de Olave, Theologi Hispani, & Cæsareæ atque Catholicæ Majestatis Sacellani, Oratio ad Synodum Augustanam.	383
1548. LEODIENSIS Synodus sub GEORGIO Austriaco, Leodiensi Episc.	
Literæ convocationis Patrum ad hanc Synodum.	390
Mandatum pro Reformatione, & Statuta Synodalia. Cap. XVIII.	391
1548. TREVIRENSIS Synodus sub JOANNE ISENBURGICO Archi-Episc.	
Trevir.	398
Mandatum convocationis.	399
Oratio D. Pelargi, Doctoris Theologi, in hac Synodo Trevirensi habita.	401
Summaria tractandarum rerum propositio.	405
Edicta & Statuta Synodi. Capita X.	407
Mandatum contra Concubinarios.	412
1549. SALISBURGENSIS Synodus PROVINCIALIS sub ERNESTO Archi-Ep.	415
1549. ARGENTINENSIS Synodus sub ERASMO Episc. Indictio Synodi.	416
Mandatum de acceptanda Reformationis formula, quam CAROLUS Cæsar Augustæ in Comitibus Ecclesiasticis Ordinibus proposuit, deque Synodalibus Statutis observandis.	417
Statuta & Decreta. Capita XLIX.	419
1549. COLONIENSIS Synodus PROVINCIALIS, sub ADOLPHO Archi-Episcopo, ab undecima Martii usque ad sextam Aprilis.	532
Præfatio, in qua sex media proponuntur ad pleniorum Cleri populi Reformationem utilissima.	<i>ibid.</i>
I. Medium: Instauratio Studiorum, præsertim Sacrorum.	535
II. Medium: Examen Ordinandorum, & ad Ministeria vel Prælaturas instituendorum.	540
III. Medium: Officiorum susceptorum sedula perfunctio.	542
IV. Medium: Visitatio Archi-Episcopalis, Episcopalis, Archidiaconalis, & eorum, quibus hoc incumbit.	546
V. Medium: Synodorum frequens celebratio.	548
VI. Medium: Jurisdictionis Ecclesiasticæ jam propemodum collapsæ, & abusu depravatæ restitutio.	549
Censuræ & Decreta, ad abusuum & vitiorum, ad Synodi judicium perlatorum, emendationem.	550
CAROLI V. Cæsaris Edictum pro Decretorum hujus Colonienfis Concilii Provincialis executione.	562
1549. MOGUNTINA Synodus PROVINCIALIS, sub SEBASTIANO AB HEUSENSTAMM, Archi-Ep. Moguntino. Capita CIV.	562
Capitula ad Fidem pertinentia.	566
Capitula ad mores pertinentia.	576

<i>Annus Christi</i>		<i>Pag.</i>
1549.	TREVIRENSIS Synodus PROVINCIALIS sub JOANNE Archi-Episc. Capita XX.	595
1549.	COLONIENSIS Synodus Diœcesana sub ADOLPHO III. Archi-Ep. Enumeratio Festorum Diœcesis Colonienfis.	608 612
	Bulla INNOCENTII VIII. Papæ, per HERMANNUM IV. Archi-Ep. Coloniensem anno 1491. impetrata, declarans auctoritate Apostolica Statutum, quod nullus in diversis Ecclesiis uno eodemque die distributiones quotidianas percipiat ratione beneficiorum, obtinere debere non modo in Canonicatibus & Præbendis, sed etiam in Vicariis : In hac Synodo recitata.	613
1550.	COLONIENSIS Synodus Verna Diœcesana sub ADOLPHO III. Ar- chi-Episc.	616
	Mandatum, in quo sententiam Excommunicationis majoris inci- disse declarantur, qui Parochiales Ecclesias, absque Canonica institutione occupatas, detinent, vel enormibus flagitiis irre- titi, publico cum scandalo administrant.	620
	Forma instituendæ Visitationis Cleri & populi.	622
1550.	CAMERACENSIS Synodus Diœcesana sub ROBERTO DE CROY Episcopo.	654
	Mandatum Convocationis.	657
	Acta primæ diei.	
	Oratio D. Martini Episc. Chalcedonenfis, Suffraganei Cameracenfis.	658
	Acta secundæ diei.	
	Oratio Fr. Petri Faber Ord. Minorum S. Francisci.	662
	Acta tertiæ ac reliquorum dierum.	670
	Statuta Synodalia. Tituli XV.	674
	Statuta Synodalia antiqua Diœcesis Cameracenfis, auctoritate hu- jus Synodi recognita, correctæ, & innovata.	689
	Formula Reformationis per Cæsaream Majestatem Statibus Eccle- siasticis in Comitibus Augustanis ad deliberandum proposita, & ab eisdem probata & recepta Anno 1548., in hac Syno- do publicata.	741
1550.	COLONIENSIS Synodus Autumnalis sub ADOLPHO III. Archi-Ep.	767
	Mandatum contra Disciplinæ Jurisdictionis Ecclesiasticæ temera- rios contemptores.	770
	Mandatum contra comestationes & ebrietates : & quod ob eam rem Dedications omnes omnium templorum totius Diœce- sis Colonienfis uno eodemque die celebrandæ sint.	776
1551.	COLONIENSIS Synodus Vernalis sub eodem ADOLPHO III. Ar- chi-Episcopo.	781
	Mandatum de Juramentis non leviter præstandis.	785
	Innovatio Statutorum SIFRIDII & WALRAMI Archi-Episcoporum de Synodorum observatione.	786
	Mandatum ADOLPHI III. de Conciliis, seu Capitulis Archi-Diaco- norum & Decanorum frequentandis.	<i>ibid.</i>
	Ejusdem Mandatum contra Decanos, qui nec Episcopalis Sy- nodis interesse curant, nec sua Capitula servant.	788
	Innovatio variorum Statutorum antiquorum.	791
	ADOLPHI III. Decretum de Ludimagistris, cujus sint fidei, sedulo examinandis.	793

CONCIL. GERM. TOM. VI. SÆCUL. XVI.

V

Annus Christi

	Pag.
1551. De collapsæ Disciplinæ Ecclesiasticæ instauratione.	794
Commendatio & publicatio indictæ & prosequendæ Synodi Generalis Tridentinæ.	<i>ibid.</i>
Actio contra quosdam Decanos Rurales.	797
Decretum Synodi contra eosdem.	800
1559. GLACENSIS Synodus Archi-Diaconalis.	801

SACRO-SANCTUM ŒCUMENICUM ET GENERALE CONCILIUM TRIDENTINUM a 13. Decembr. anni 1545. ad 4. Decembris anni 1564.

1545.	PAULI III. Papæ Bulla indictionis Concilii.	808
	<i>SESSIO I.</i> sub PAULO III.	
	Decretum de inchoando Concilio.	814
1546.	<i>SESSIO II.</i> celebrata VII. Januarii.	
	Decretum de modo vivendi, & aliis in Concilio servandis.	815
	<i>SESSIO III.</i> die IV. Februarii.	
	Decretum de Symbolo Fidei.	816
	<i>SESSIO IV.</i> die VIII. Aprilis.	
	Decretum de Canonicis Scripturis.	817
	Decretum de editione & usu Sacrorum Librorum.	818
	<i>SESSIO V.</i> die XVII. Mensis Junii.	
	Decretum de peccato Originali.	819
	Decretum de Reformatione.	820
1547.	<i>SESSIO VI.</i> die XIII. Januarii.	
	Decretum de Justificatione.	822
	Canones XXXIII.	829
	Decretum de Reformatione.	832
	<i>SESSIO VII.</i> die III. Martii.	
	Decretum de Sacramentis.	834
	Canones XIII. de Sacramentis in genere.	<i>ibid.</i>
	Canones XIV. de Baptismo.	835
	Canones III. de Confirmatione.	836
	Decretum de Reformatione.	<i>ibid.</i>
	Bulla facultatis transferendi Concilii.	839
	<i>SESSIO VIII.</i> celebrata die XI. Martii.	
	Decretum de Translatione Concilii.	841
	<i>SESSIO IX.</i> celebrata die XXI. Aprilis.	
	Decretum prorogationis Sessionis.	<i>ibid.</i>
	<i>SESSIO X.</i> Bononiæ celebrata die II. Junii.	
	Decretum prorogationis Sessionis.	842
1550.	Bulla Resumptionis Concilii Tridentini sub JULIO III. Papa.	<i>ibid.</i>
1551.	<i>SESSIO XI.</i> Kal. Maji. SUB JULIO III. PP.	
	Decretum de resumendo Concilio.	843
	<i>SESSIO XII.</i> Kal. Septembris.	
	Decretum prorogationis Sessionis.	844
	<i>SESSIO XIII.</i> XI. Octobris.	
	Decretum de Ssmo Eucharistiæ Sacramento.	<i>ibid.</i>
	Canones XI. de eod. Ssmo Sacramento.	847
	Decretum de Reformatione.	848

Annus Christi

1551.

Decretum prorogationis definitionis quatuor Articulorum de Sacramento Eucharistiæ, & Salvi conductus, Protestantibus dandi.

Pag.

851

Salvus conductus, datus Protestantibus.

*ibid.**SESSIO XIV.* die XXV. Novembris.

Doctrina de Sacramento Pœnitentiæ, & extremæ Unctionis,

852

Canones XV. de Sacramento Pœnitentiæ.

859

Canones IV. de Sacramento Extremæ Unctionis.

860

Decretum de Reformatione.

861

1552.

SESSIO XV. die XXV. Januarii.

Decretum prorogationis Sessionis.

865

Salvus conductus, datus Protestantibus.

866

SESSIO XVI. die XXVIII. Aprilis.

Decretum suspensionis Concilii.

867

1560.

Bulla Celebrationis Concilii Tridentini a PIO IV. Papa.

868

III. Kal. Dec.

1562.

SESSIO XVII. XVIII. Januarii. SUB PIO IV. PP.

Decretum de celebrando Concilio.

870

SESSIO XVIII. XXVI. Februarii.

Decretum de Librorum delectu, & omnibus ad Concilium fide publica invitandis.

871

Salvus conductus concessus Germanicæ Nationi.

872

Ejusdem extensio ad alias Nationes.

873

SESSIO XIX. die XIV. Maji.

Decretum prorogationis Sessionis.

*ibid.**SESSIO XX.* die IV. Junii.

Decretum prorogationis Sessionis.

*ibid.**SESSIO XXI.* XVI. Julii.

Doctrina de Communione sub utraque specie, & parvulorum.

874

Canones IV.

875

Decretum de Reformatione.

876

SESSIO XXII. die XVII. Septembris.

Doctrina de Sacrificio Missæ.

879

Canones IX. de eodem Sacrificio.

882

Decretum de observandis & evitandis in celebratione Missæ.

ibid.

Decretum de Reformatione.

883

Decretum super petitione concessionis Calicis.

887

1563.

SESSIO XXIII. die XV. Julii.

Vera & Catholica doctrina de Sacramento Ordinis.

887

Canones VIII. de eodem Sacramento.

888

Decretum de Reformatione.

889

SESSIO XXIV. die XI. Novembris.

Doctrina de Sacramento Matrimonii.

897

Canones XII. de eodem Sacramento.

ibid.

Decretum de Reformatione Matrimonii.

898

Decretum de Reformatione.

902

SESSIO XXV. die IV. Decembris.

Decretum de Purgatorio.

914

De

CONCIL. GERM. TOM. VI. SÆCUL. XVI.

Annus Christi
1563.

De Invocatione, Veneratione, & Reliquiis Sanctorum, & sacris imaginibus.	VII Pag. 914
Reformatio de Regularibus & Monialibus.	916
Decretum de Reformatione.	923
Decretum de continuanda Sessione in diem sequentem.	933

CONTINUATIO SESSIONIS.

Decretum de Indulgentiis.	ibid.
De delectu ciborum, jejuniis, & diebus festis.	934
De Indice Librorum, & Catechismo, Breviario & Missali.	ibid.
De recipiendis, & observandis Decretis Concilii.	ibid.
De fine Concilii, & Confirmatione petenda a Summo Pontifice.	935
Acclamationes Patrum in fine Concilii.	ibid.

1564.

CONFIRMATIO CONCILII.

BULLA PII IV. Papæ super CONFIRMATIONE Concilii.	936 ibid.
Bulla ejusdem super Declaratione temporis ad observanda Decreta Concilii.	939
Bulla ejusdem super forma Juramenti Professionis Fidei.	940
Motus proprius ejusdem, per quem deputantur octo Cardinales, qui faciant observari Decreta Concilii.	942
Bulla ejusdem Revocatoria Privilegiorum, quæ Decretis Concilii adversantur.	943
Bulla ejusdem, de Indice Librorum prohibitorum, per delectos a Concilio Prælatos confecto.	945
Regulæ decem de Libris prohibitis, cum Præfatione Francisci Forerii, Ordinis Prædicatorum.	946
Nomina & cognomina, Patriæ & Dignitates Legatorum, & aliorum Patrum, item Oratorum ac Theologorum, qui ad Tridentinam Synodum convenerunt, &c.	950

FINIS INDICIS CHRONOLOGICI.



INDEX ALPHABETICUS CONCILIORUM GERMANIÆ

SÆCULI XVI.

USQUE AD ANNUM MDLXIV.



A.

Argentinenſe IV.
Anno MDXLIX. pag. 416
Augustanum X.
Anno MDXLVIII. p. 359

H.

Havelbergense - MDXI. - p. 77
Hildesienſe - MDXXXIX. p. 311

L.

Leodiense XI. - MDXLVIII. p. 390

B.

Bambergensis Statuta
Synod. A. - MDVI. - p. 65
Basilienſe Dieceſ. - MDIII. - p. 2
Brandeburgense II. - MDXII. - p. 135

M.

Magdeburgensis Statuta MDV. p. 60
Milenſes II. - MDIV. - p. 30
Moguntinum LXIV. MDXXXVII. p. 205
Moguntinum LXV.
PROVINC. - MDXLIX. p. 563

C.

Cameracenſe XVIII. MDL. - p. 654
Colonienſe LXXVI. MDXIII. p. 136
Colonienſe LXXVII. MDXV. p. 142
Colonienſe LXXVIII.
Vernum. - MDXXXVII. p. 209
Colonienſe LXXIX.
Autumn. - MDXXVII. p. 219
Colonienſe LXXX. MDXXVIII. p. 221
Colonienſe LXXXI.
PROVINC. - MDXXXVI. p. 235
Colonienſe LXXXII.
Dieceſ. - MDXLVIII. p. 350
Colonienſe LXXXIII.
PROVINC. - MDXLIX. p. 532
Colonienſe LXXXIV.
Dieceſ. - MDXLIX. p. 608
Colonienſe LXXXV.
Vernum. - MDL. - p. 616
Colonienſe LXXXVI.
Autumn. - MDL. - p. 767
Colonienſe LXXXVII.
Vernum. - MDLI. - p. 785

O.

Osnabrugense - MDXXXIII. p. 231

P.

Paderbornense XVII. MDXLVIII. p. 359
Patavienſe XI. - MDIII. - p. 1

R.

Ratisbonense. XVI. - MDXII. - p. 78

S.

Salisburgense XXX. MDXLIV. p. 349
Salisburgense XXXI.
PROVINC. - MDXLIX. p. 415

T.

Tornacense V. - MDIX. - p. 71
Tornacense VI. - MDXX. - p. 150
Trevirenſe XL. - MDXLVIII. p. 398
Trevirenſe XLI. PROV. MDXLIX. p. 595

TRIDENTINUM

OECUMENICUM
ab anno - MDXLV.
ad MDLXIV. p. 808

W.

Glacense Archi-Dia-
conale - MDLIX. - p. 801

Wratislaviense XII. MDIX. - p. 67
Wratislaviense XIII. MDXI. - p. 75

CATA-

CATALOGUS ROMANORUM PONTIFICUM

AB ANNO MDIII. AD ANNUM MDLXIV.

<i>Nomen & Natio.</i>	<i>Ordo Successio nis a S. Petro.</i>	<i>Adiit Pontificatum.</i>	<i>Sedit in Cathedra Petri.</i>	<i>Obiit.</i>
Pius III. <i>antea Franciscus Tu- deschinus Piccolomi- neus, Senensis.</i>	CCXVII.	Anno Christi MDIII. X. Kalend. Octobr.	Dies XXV.	Anno Christi MDIII. XV. Kalend. Novembr.
Julius II. <i>antea Julianus Ro- boreus, Ligur, Savonensis.</i>	CCXVIII.	MDIII. Kalend. No- vembr.	Annos IX. Menses III. Dies XXI.	MDXIII. XI. Kalend. Martii.

Anno 1506. Ordinem Minimorum S. Francisci de Paula, per Sixtum IV. Innocentium VIII. & Alexandrum VI. antea probatum, iterum approbavit, & quamplurimis Privilegiis auxit.

Anno 1511. contra Julium II. Papam a quibusdam Schismaticis Cardinalibus coactum est Conciliabulum Pisanum, quod deinde Mediolanum, ac demum Lugdunum in Galliam translatum fuit, fædoque ibidem exitu finitum. ()*

Tollendo isti Conciliabulo Julius Pontifex Concilium Oecumenicum Lateranense Vtum opposuit anno 1512., sed, morte præventus, non absolvit.

Leo X. <i>antea Joannes Me- diceus, Florentinus.</i>	CCXIX.	MDXIII. V. Idus Martii.	Annos VIII. Menses VIII. Dies XX.	MDXXI. Kalend. Decembr.
--	--------	-------------------------------	---	-------------------------------

Lateranense V. Concilium Oecumenicum ab Antecessore inchoatum, continuavit, & anno 1517. finivit.

Eodem anno 1517. Martinus Lutherus suis erroribus, ore, calamoque, ac typo per Germaniam sparsis perturbare cæpit Ecclesiam.

(*) Sandinus in Vitis Romanorum Pontificum.
Catal. Roman. Pontif. Tom. VI.

<i>Nomen & Natio.</i>	<i>Ordo Successio- nis a S. Petro.</i>	<i>Adit Pontificatum.</i>	<i>Sedit in Cathe- dra Petri.</i>	<i>Obiit.</i>
---------------------------	--	-------------------------------	---------------------------------------	---------------

*clesiam. Leo Papa duplici Bulla primum errores, dein earun-
dem Authorem, ejusque assecclas condemnavit. Prior edita est
Romæ anno 1520: Altera anno sequente. Utramque vide hoc
Tomo VI. a pag. 171. & 179.*

Hadrianus VI.

CCXX.

Anno Christi

MDXXII.

Anno Christi

MDXXIII.

*Retinuit nomen, quo
antea vocabatur. (*)*

V. Idus

Annum I.

XVIII. Kal.

Januar.

Menses VIII.

Octobr.

Dies VI.

*Batacus, Ultrajecti-
nus.*

*Mox ab adito Pontificatu, motis a Luthero tumultibus, qui in-
valescebant indies, supprimendis, se se impendit, misso eam
obrem Francisco Cbergato, Fabriani Episcopo, ad Comitium Prin-
cipum Imperii, Norimbergæ coacta, datis etiam ad Principes,
tum Ecclesiasticos, tum Sæculares literis. Vide hoc Tom. VI.
pag. 190. prolixam ejusdem, vehementique conscriptam stylo
Epistolam ad Fridericum, Saxonie Ducem, qua eundem modis
omnibus cohortatus est, ut avitæ memor pietatis, Lutherum,
ejusque doctrinam desereret, & orthodoxam reverteretur ad fi-
dem. Idem Hadrianus Antoninum, Florentinorum Antisti-
tem, ex familia S. Dominici, & Bennonem (**) Misnensium
in Saxonia Episcopum retulit in Fastos Sanctorum.*

Eodem

(*) "Alterius Nationis (inquit Spondanus) quam Batavæ, fuisse Hadrianum, nemini un-
quam in mentem venit; quousque Matthias Bellintanus, Capuccinus Salodienfis,
"Diocesis Brixienfis in Italia, anno 1586, brevi edita historia, ut est apud Victo-
rellum in Addition. ad Ciaconium, persuadere voluit, Hadrianum natum esse in
"pago Renzano, Salodienfis agri, Patre Joanne Bono, atque in Baptismo Ludovi-
cum dictum; cum in Belgium adolescentulus commigrasset, in Hadrianum com-
mutasse: ac propterea factum Pontificem noluisse amplius nomen mutare, quod
"id jam semel præstitisset. Addit alia plura ejusdem acuminis de Patre, familia,
"in signibus, & educatione: quæ omnia aut somnium dormientis, . . . aut fa-
cilem credulitatem commenti alicujus ex familia Joannibona, esse puto. Sane si
"id fuisset, poterat Hadrianus uno verbo iis satisfacere, qui querebantur, Pontifi-
catum ad Ultramontanos esse delatum. An vero honorificentius ei fuit, Batavum
"esse, quam Italum? Aut illum dicemus, Patriam, & nomen, & familiam emen-
tiri voluisse, ut mundo illuderet? Apage commentum! Fuit igitur Hadrianus
"vere Baravus Trajectinus, Patre Florentio, aulaeorum textore, seu, ut alii volunt,
"cerevisiæ coctore, honesto, sed ita paupere, ut præclaræ indolis filium suo sumptu
"literis imbuiere non posset. &c. Spondanus *Annal. Ecclesiast. Tomo II. ad an-
num Christi 1522.*

(**) Publicum hunc inter Cælites cultum, S. Benoni auctoritate Pontificia decretum,
ægerime tulit Lutherus: majoremque exarist in rabiem, cum intelligeret anno se-
quente de Sacris ejusdem ossibus, in ipsa urbe Misna, ex verufo tumultu levandis,
communice Saxonum venerationi proponendis. Hinc, ut populum, quod tamen
non potuit, ab ea celebritate averteret, libellum conscripsit, plenum scommatis,
atque

Nomen & Natio.	Ordo Successio- nis a S. Petro.	Adiit Pontificatum.	Sedit in Cathedra Petri.	Obiit.
----------------	------------------------------------	------------------------	-----------------------------	--------

Eodem Hadriano sedente magnum rei Christianæ allatum est detrimentum, Insula Rhodo perdita, quæ, dum Christiani Principes cunctantur, obsessis venire subsidio; a Turcis occupata est, pulsus inde Equitibus Hierosolymitanis, postquam eandem ante ducentos circiter ac duodecim annos Turcis ereptam, veluti validissimum Christiani nominis adversus illos propugnaculum fortissime semper defendissent. Ad sarcinendam eam jacturam, Carolus V. Imp. anno 1530. ejusdem Ordinis Equitibus Insulam Melitam dedit, a qua Melitensium modo sortiti sunt nomen, qui Rhodii; seu Rhodienses antea dicebantur.

Clemens VII. antea Julius Mediceus, Florentinus.	CCXXI.	Anno Christi MDXXIII. XIII. Kal. Decembr.	Annos X. Menses X. Dies VII.	Anno Christi MDXXXIV. VI. Kalend. Octobr.
---	--------	--	------------------------------------	--

Approbavit institutam a S. Cajetano Thienæo Congregationem Clericorum Regularium, qui deinde Theatini nuncupati sunt: Ordinem item Capuccinorum, quorum auctor fuit Matthæus de Bassio, UMBER, Sacerdos Minorita.

Ob initum anno 1526. a Clemente PP. cum Rege Gallie, Venetis & Mediolanensium Duce fædus contra Cæsarem, indictum illi a Carolo V. bellum: occupata & expilata ab exercitu Cæsareano (*) Roma, Pontifex ipse captus est. Redintegrata dein utrimque amicitia, Clemens Carolum solenni ritu Imperatorem coronavit anno 1530. Gravius sub hæc Clementi negotium fuit cum Henrico VIII. Rege Angliæ, quem demum anno 1534. ob legitimam Conjugem Catharinam, quæ Caroli V. Matertera fuit, repudiatam, incestasque cum Anna Bolena nuptias, anathemate percussit. Sed is ea pœna exacerbatus magis, non emendatus, primum a Pontifice, factò schismate; dein

atque omni genere convitiis, sub hoc titulo: *Adversus novum idolum, & antiquum diabolum, qui Misæ exaltandus est.* Timebat nimirum infelix, ne publici cultus ista solennitas, semper in Ecclesia ab antiquissimis temporibus usitata, suis esset obfutura novitatibus, atque ipse de sui vanissima existimatione quidpiam perditurus apud plebem, ex veneratione Sancti illius Viri, qui ex Ecclesiæ Catholicæ Sanctissimis Institutis, aliis omnino moribus vixerat, alia docuerat, alia fecerat, quam Lutherus.

(*) Præerat Cæsareano militi Carolus Borbonius, in Italiam a Carolo V. missus, qui exercitu Romæ admoto, dum inter primos conscendit muros, globulo plumbeo ictus & occisus, urbem militibus, Lutheranis plerisque, fæde diripiendam reliquit.

Vide Rayn. ad annum 1527. §. 16. &c. & Spondan. ad eund. annum §. 2. & seqq.

Nomen & Natio.	Ordo Successio- nis a S. Petro.	Adit Pontificatum.	Sedit in Cathe- dra Petri.	Obit.
----------------	------------------------------------	-----------------------	-------------------------------	-------

dein adoptatis enormibus erroribus, ab Ecclesia universa defecit, simulque & Regnum suum eandem in perniciem traxit: factus persecutor ejus fidei & hostis, cujus defensor (*) a Leone X. meruerat saluari.

Paulus III.	CCXXII.	Anno Christi MDXXXIV.	Anno Christi MDXLIX.
antea Alexander		III. Idus	IV. Idus
Farnesius, Romanus.		Octobr.	Novembr.

Indixit Concilium Generale Oecumenicum. Primo Mantuam anno 1536, dein anno sequente Vincentiam: cumque neutrum in locum consentirent Germaniæ Principes; tandem anno 1542. Tridentum, Germaniæ civitatem, illi celebrando designavit. Inchoatum fuit Concilium anno 1545. Idib. Decembris. Habitæ sub Paulo III. Sessiones X., Octo nimirum Tridenti, duæ Bononiæ: quam in urbem propter grassantem Tridenti contagionem Concilium translatum fuit. Ne plures haberentur ipso regnante Sessiones; exortæ inter Paulum PP. & Carolum V. Imp. simultates impedivere.

Cum Henricus VIII. Angliæ Rex, atrocibus odiis sævire cœpisset in Catholicos sibi subjectos, & inter cæteros Joannem Cardinalem Fischerum, Episcopum Rossensem, ac Thomam Morum Regni

(*) Occasionem gloriofi tituli DEFENSORIS ECCLESIAE Henrico VIII. concessi, prout eam Spondanus refert, integram damus; ut palam fiat, quantus antea fuerit Henrico Regi Catholice fidei defendendæ zelus, quanta Romanam in Sedem reverentia. Henricus VIII. Rex Angliæ, hinc non leviter instructus generoso conamine (Librum) contra Lutheri doctrinam conscripsit, misitque ad Leonem Pontificem, præmissa epistola, qua sua in erga ipsum observantiam, erga Religionem Christianam studium, & erga DEI cultum obsequium, cunctis manifesta esse voluit: excusansque eruditionem zelo fidei læsæ, quo in communi causâ experiri voluit calamo, quid posset, qui voluntate nemini cederet. ... Prædicto autem libro præcipue impugnavit Lutheri Commentarium de Captivitate Babylonica, apprimèque erudite & eleganter confutavit: singula Septem Ecclesiæ Sacramenta, atque in fine Epistolam S. Jacobi, quam Lutherus æque rejiciebat in odium Sacramenti extremæ Unctionis, quod ibi plane asseritur, egregie ab ejus maledictis & impiis argumentis vindicans. Monens denique Christianos omnes, ut tanquam terribilissimam pestem devitarent illum, qui tam fœda portenta, ipsissima Anti-Christi dogmata, in Ecclesiam Christi conaretur invehere; eundemque ultimo suis coloribus depingens, vehementius exagitavit.

Quem librum cum mense Octobri accepisset Leo, & inter Cardinales legendum exhibuisset, non solum ab omnibus laudatus & comprobatus est; verum etiam Henrico Regi, ejus auctori, a Pontifice, & amplissimo Senatu, titulus DEFENSORIS FIDEI attributus est: mandatumque omnibus, qui ad eum scriberent, post dictionem: Regi, adjungere: Fidei Defensori: perpetuum & immortale gloriæ monumentum, posteris relinquendum; quo intelligerent, ut si tali titulo ipsi quoque insigniri optarent, talia quoque opera efficere, præclaraque ejus vestigia sequi studerent. Ut traditur in Diplomate ad Regem ea de re dato V. Idus Octobr. Extat hoc Diploma in Bullar. T. I. Leon. X. Const. 45. Hucusque Spondanus Annal. Eccles. T. II. ad annum 1521.

<i>Nomen & Natio.</i>	<i>Ordo Successio- nis a S. Petro.</i>	<i>Adiit Pontificatum.</i>	<i>Sedit in Cathe- dra Petri.</i>	<i>Obiit.</i>
---------------------------	--	--------------------------------	---------------------------------------	---------------

Regni Cancellarium, publica morte multasset; Paulus Papa repetito eundem anathemate damnavit.

Idem Societatis JESU institutum, ab Ignatio de Loyola sibi oblatum, Apostolica auctoritate ratum habuit: quod etiam deinde Julius III. Paulus IV. Gregorius XIII. Gregorius XIV. & Paulus V. Romani Pontifices, suis etiam Decretis approbaverunt: ac recentissime Ssmus Dominus Noster Clemens Papa XIII. hoc ipso, quo hæc scribimus, anno 1765. die 7. Januarii, nova Constitutione, quæ incipit: Apostolicum pascendi munus. collaudatis Antecessorum suorum Sententiis ac Decretis, confirmavit, atque adversus obtreptantium cavillationes defendit.

Anno 1546. Paulus Papa Hermannum V., Archi-Episcopum Coloniensem, ob ejus a Catholica fide apostasiam, susceptosque Lutheri errores, Archi-Episcopali e Cathedra submovit, omnibusque dignitatibus & beneficiis Ecclesiasticis privatum, a cætu fidelium proscripsit. Celebratam antea ab hoc Archi-Episcopo Synodum Provincialem Vide hoc Tomo VI. apag. 235. ()*

*Decessit Paulus eo, quem supra notavimus, anno, senio, curisque confectus: Pontifex, si propensiores erga suos charitatem excipias, longe maximus. (**)*

Julius III.

*antea Joannes Maria
de Monte, Aretinus.*

CCXXIII.

Anno Christi

MDL.

VI. Idus

Februar.

Annos V.

Mensem I.

Dies XVI.

Anno Christi

MDLV.

X. Kalend.

April.

Ipso, quo electus est, anno, Concilii Oecumenici, quod jam diu intermissum fuerat, resumendi & proseguendi decretum edidit, illudque anno sequente 1551. Tridentinam in civitatem revocatum, instauravit. Sex Julio Papa sedente, celebratæ Sessiones: nimirum XI. XII. XIII. XIV. XV. & XVI. quas vide hoc Tomo a pag. 843. Dein rursus ob exortos tum in Italia, tum in Germania bellorum tumultus Synodi facta Suspendio.

Multum

(*) De cæteris Hermanni V. Colonienf. actis, ac secuta per Bucerum perversione, pravisque conatibus, hæresin in Diocesem Colonienfem introducendi, vide hoc Tomo pag. 236. 339. & 346. Latam in eum a Paulo III. Sententiam anathematis exhibet Mesbovius in *Historia Schismatis Hermanni V.*

(**) Vide Spondanum *Annal. Eccles. Tom. II. Natal. Alexandr. Hist. Eccles. Tomo VIII. Anton. Sandinum in Vitis Pontificum Romanorum.*

Multum studii in eo posuit, ut Caroli V. Caesaris, & Henrici II. Regis Gallorum, animos gravissime a se invicem dissidentes, ad amicitiam, pacemque reduceret.

Pro Germanicæ Nationis, tot hæresibus discissæ emolumento, Collegium, seu Seminarium in Urbe condidit; ut in eo Germani lectæ indolis adolescentes, & moribus, & sana doctrina exculti, Germaniæ Ecclesiis regendis, præsticerentur, labantemque in iis regionibus Catholicam fidem sustinerent, aut exersam restituerent. Datum ei contubernio Collegii, seu Seminarii Germanici nomen, illudque deinceps a Gregorio XIII. Regia prorsus, vereque Apostolica liberalitate ditatum & auctum fuit.

Anno 1553. Syriæ Patriarcham & suo, & suorum nomine, ad Ecclesiæ Romanæ fidem, unitatemque revertentem suscepit: In quo, ut Natalis Alexander () ait, Divinæ Providentiæ dispositio, & gratiæ æconomia cunctis, quæ Syros schismaticos ad Romani Pontificis Primatum profitendum, colendumque perduxit; cum Lutherani & Calvinistæ petulantius ipsum impugnabant.*

*Eodem anno, cum post mortem Eduardi VI. Angliæ regnum pervenisset ad Mariam, legitimam Henrici VIII filiam, quæ Catholicæ fidei constantissime semper adhæsit; illique reducendæ mox ab adito regno se totam impendit; Julius Reginaldum Polum Cardinalem, ipsamet Regina petente, misit Legatum de latere in Angliam, cum amplissimis ad Schisma abolendum facultatibus. Felicissimus (**) ejus Legationis fuit successus; sed non diuturnus ob præmaturum Mariæ obitum, notaque Elisabethæ, Henrici VIII. ex Anna Bolena filiæ, in Catholicos, & Sedem Romanam odia.*

Marcel-

(*) *Natal. Alexand. dicto Tom. VIII. Cap. I. art. XVII. Ubi addit, exstare literas, ab Ecclesiasticis, Laicisque Nationis illius ad Julium scriptas, quibus Patriarcham suum ab eo confirmari, & consecrari postulabant, & una cum eo regressuro idoneos Viros mitti, qui de fidei rebus ipsos edocerent: Exstare etiam in actis Vaticanæ Senatus Fidei Professionem, quam in Consistorio ediderit idem Patriarcha.*

(**) *De successu hujus Legationis vide Sanderum Libr. de Schismate Anglicano, ubi de Reginaldi Legati actis, de Anglorum supplici petitione in Senatu facta coram Rege (Philippo Hispano, Caroli V. Filio, cui Maria nupta jam erat) & Regina, ut absolutionem a schismate ipsis a Legato impertiendam exorarent: de eadem ipsis deinceps concessa, de missis Romam Legatis, qui Romano Pontifici, tanquam Capiti Ecclesiæ, obedientiam fidemque Nationis universæ testarentur & præstarent, ac de cæteris, quæ ad schisma penitus tollendum gesta sunt, accurate pertractat. Formulam petitionis, qua coram Rege & Regina pro absolutione ipsis obtinenda supplicarint, conceptam fuisse scribit in hanc sententiam: " Poenitere se vehementer schismatis, quod obedientiam Sedi Apostolicæ denegarint, & quod Decretis factis contra illam assenserint: in posterum vero se futuros in ipsius atque Reginæ potestate, & facturos, quicquid omnino possint, ut ejusmodi Leges omnes atque Decreta his Comitibus abrogentur. Majorem igitur in modum orare, ut interveniant, & efficiant, ut censuris absoluti, in quas juxta Leges Ecclesiasticas per schisma inciderant, in Ecclesiæ Christi gremium rursus tanquam filii poenitentes recipiantur; ut deinceps in Romanæ Sedis & Pontificum obedientia fervire Deo possint, ad ipsius Nominis gloriam, & suæ salutis incrementum. "*

Nomen & Natio.	Ordo Successio- nis a S. Petro.	Adiit Pontificatum.	Sedit in Cathe- dra Petri.	Obiit.
Marcellus II. eodem antea nomine dictus: Marcellus Cervinus, Politianus.	CCXXIV.	Anno Christi MDLV. V. Idus April.	Dies XXII.	Anno Christi MDLV. Kal. Maji.

Summo bonorum omnium gaudio Pontificatum obtinuit, in ejusque electione nihil fortunæ datum, sed Sanctimonie, doctrinæ, prudentiæ usu rerum consultissimæ, æquitati, moderationi, cæterisque virtutibus, Summo totius Ecclesiæ Principatu dignis, quæ in Marcello eminebant. Retinuit, quod antea gerebat, nomen, tum sua ductus pietate erga inclytum Pontificem & Martyrem S. Marcellum I., tum (quod Spondanus ait) ut testatum omnibus faceret, se per hanc Supremam Dignitatem immutatum non iri.

Prima ejus fuere consilia de prosequendo negotio Reformationis: illudque dicebat prius in Concilio urgeri debuisse, ad os Hæreticis obstruendum. Contestabatur, se nunquam permissurum, ut, quibus animarum commissa esset cura, suis ab Ecclesiis abessent, aut Politicæ jurisdictionis munia obirent. Consanguineis adeo nihil indulgit, ut neminem ex iis venire voluerit Romam, ne fratrem quidem. Accitos ad se Oratores Imperatoris & Regis Christianissimi, gravi oratione commouit, suos ut Reges certiores facerent, ni ad pacis consilia flecterentur, se non Legatos duntaxat missurum, sed ipsummet ad eos concordie sancientiæ causâ profecturum esse.

Cum totus in eo esset, ut vias excogitaret & modos, quibus Ecclesiam ab hæresibus & vitiis, Rempublicam a bellis & dissensionibus, Curiam Romanam a sumptibus superfluis & inutili pompa purgaret; optima ejus consilia, & amplissimas proborum omnium spes, de ipsius Pontificatu conceptas, præmatura mors die vigesima secunda a suscepta dignitate, præcidit. ()*

Pau-

(*) Videatur Spondanus *Annal. Eccles. Tom. II. Natal. Alexand. Histor. Eccl. Tom. VIII. Ant. Sandin. in Vit. Rom. Pontif.* Impactam præstantissimo Pontifici; atque omnium elogiis celebrato, a P. Suavi calumniam de arte generbiaca, & observationibus Astrologicis, copiosissime refutat apud Natalem Alexandrum Cardinalis Pallavicinus, alique ibid. citati.

Nomen & Natio,	Ordo Successio- nis a S. Petro.	Adit Pontificatum.	Sedit in Cathe- dra Petri.	Obit.
Paulus IV. antea Joannes Pe- trus Caraffa, Nea- politanus.	CCXXV.	Anno Christi MDL.V. X. Kal. Jun.	Annos IV. Menses II. Dies XXVII.	Anno Christi MDLIX. XV. Kal. Septembr.

Ad Pontificatum assumptus est anno ætatis undecimagesimo, vegeto tamen ingenio, atque integris in senili corpore sensibus. Rigidus disciplinæ sanctioris exactor, totus incubuit in abusus tollendos, quos temporum superiorum negligentia invexerat. Multa eam in rem edidit summæ severitatis edicta, quæ tum ad Cleri summi, imique naves emendandos, tum ad dissolutos civitatis mores corrigendos pertinebant: Quem tamen rigorem ita temperavit beneficiis, quibus quam plurimis, maximisque populum Romanum auxit; ut quantum timeretur a Romanis ob severitatem, tantum vicissim diligeretur ob munificentiam, habitus propterea prudens morum censor, & delicie populi Romani: cujus etiam decreto meritis fuit, ut gratæ illius memorie causa, marmorea ei Statua in Capitolio poneretur.

Ipso Pontificatus initio Anglorum Legatos (de quibus supra in Julio III. PP.) Romam venientes, supplicesque veniam erratorum petentes, atque obedientiam, & Principum, & populi nomine præstantes, suscepit eo lubentius; quod paucis ante diebus, ut Regum Angliæ dignitatem augeret, Hiberniam Regni titulo Apostolica auctoritate donaverit.

Pontificiæ dignitatis tuendæ studiosissimus fuit, nec adduci potuit, ut in ea consentiret, quæ ejusdem prærogativis & jurebus adversari putaret.

Præcipuam vero curam, eamque impensissimam ad Religionem, fidemque Catholicam, tum conservandam, tum, sicubi collapsa erat, restituendam: tum vero etiam ad gentes barbaras, ac remotum in orbem provehendam contulit. Ne ab Hebræorum gente labis quidpiam acciperet Christiana plebs, voluit eosdem & habitatione separari a fidelibus, atque ipso etiam vestitu distingui: maribusque, ut glauco pileo, fæminis, ut ejusdem coloris velo uterentur, præscripsit. Vetuit etiam, ne vel famulos, aut ancillas, vel nutrices haberent ex Christianis: quin & a Medicis Judæis, vocatis licet, rogatisque, Christianorum morbis curationem adhiberi prohibuit. Sacræ Inquisitionis Tribu-

Tribunal (*) non confirmavit solum, sed auxit etiam, nova illi auctoritate tributa, qua non de hæresi tantum, sed aliis etiam quibusdam criminibus cognosceret, & judicaret. Per ejusdem Sacri Tribunalis Inquisitores, Librorum noxiorum, quibuscunque ab Authoribus editorum, Indicem (**) conscribi curavit, & impressum publicari, lata pœna anathematis in eos, qui contentos illo indice libros, aut legere præsumerent, aut habere.

Ultimo Pontificatus anno manifesta severitatis exempla in ipsis etiam Nepotibus suis edidit: de quorum vitiis postquam compertum habuit, eadem in sacro Cardinalium cœtu detestatus, lata sententia singulos, solo Alphonso Cardinali excepto, una cum familia intra dies duodecim Roma exesse iussos, alios alio relegavit: iisque pulsus auditus est dicere: nunc dicendum & scribendum: Pontificatus anno primo.

Præter novas, quas in Belgio, petente Philippo Hispaniarum Rege, Cathedrales statuerat Sedes, aliquas etiam in Indiis instituit,

(*) Sacrum istud Tribunal institutum primo fuit a Paulo III. Papa sub annum 1542., sua-dente potissimum Paulo IV. tunc Cardinali. De ejus institutione & causa Spon-danus hæc habet: "Sex Cardinalium congregationem instituit (Paulus III.) sapientia, " zeloque præstantium, qui summa cum potestate in hæreticos, & depravatos in " fide inquirerent: Auctore, ut volunt, Joanne Petro Cardinale Cataffa, postea " Pontifice Paulo IV., cum jam latius per totam Italian serpente Lutherana hæresi, " ejus labe non profani modo, sed & Religiosorum hominum multi pollati essent. " Qua ratione factum est, ut membris ægrotis aut sanatis, aut amputatis, quæ con-tagio inficiebantur, paulatim salutaribus remediis pristinae sanitati restituerentur." Spondan. ad annum 1542. §. XIV. Ejus porro sacri tribunalis vigor adeo semper Paulo IV. cordi fuit; ut illud & cum viveret, promoverit, auxeritque; & jam mo-riturus, studio singulari accitos ad se Cardinales adhortatus fuerit, ut Sanctissimum Inquisitionis officium, quo uno niteretur Apostolica Sedis auctoritas, commendatum ha-bere. Spondanus ad annum 1559. §. XXXII. Notat Sandinus, quod a Pauli IV. obitu populus Romanus furens, ob confirmatum ab eo, auctumque auctoritate tri-bunal Inquisitionis sacræ, Statuam, quam illi erexerat, dejecerit. Clemens tamen XI. eandem reposuit cum hac epigraphe: Paulo IV. Pont. Max., scelерum vindici in-tegerrimo, Catholica fidei acerrimo propugnatori.

(**) Primum fuisse dicit Spondanus: "qui universalem omnium perniciosorum librorum, " ejuscumque argumenti etiam profani, a quibuscumque, etiam Religione Catho- " licis, Scriptorum, vel etiam a suspectis Typographis, de quacumque arte edito- " rum Indicem, colligere studuerit; cum ad eum usque diem librorum prohibitio- " nes, tam a Pontificibus, quam Imperatoribus factæ, nunquam excessissent termi- " nos librorum hæreticorum: aliive pestilentes legi prohibiti fuissent, nisi quorum " auctores etiam damnati extitissent: . . . Quod tamen prudentissima cautione a " Paulo præstitum intelligitur; cum soleant etiam multi alii libri, præter hæreti- " cos, mores corrumpere, & falsas opiniones inducere." Spondan. ad ann. 1557. §. V. Addit ibidem: "Illud tamen in hoc Pauli Indice rigidius visum, quod pœna " legentibus libros, eo catalogo comprehensos ac prohibitos, denunciata erat excom-municatio lætæ sententiæ, Pontifici reservata: privatio atque incapacitas quorum- " cunque munerum ac Sacerdotiorum: perpetua infamia; cum aliis pœnis arbitra- " riis. Quo factum est, ut Pius IV. Pauli Successor, rigorem hunc temperans, " totum illud librorum negotium ad Concilium retulerit."

Nomen & Natio.	Ordo Successio- nis a S. Petro.	Adiit Pontificatum.	Sedit in Cathe- dra Petri.	Obiit.
----------------	------------------------------------	------------------------	-------------------------------	--------

stituit, per Provincias Regi Lusitaniæ subjectas. Abassinis, flagitante id Claudio, eorum Imperatore, Patriarcham dedit, additis, in subsidium binis Episcopis, (*) qui gentem Aethiopum a Dioscorig & Eutychetis erroribus rectam ad fidem, unitatemque cum Romana Ecclesia reducerent.

Pius IV.

antea Joannes An-
gelus Medices,
Mediolanensis.

CCXXVI.

Anno Christi

MDLIX.

VII. Kalend.

Februar.

Annos V.

Menses XI.

Dies XV.

Anno Christi

MDLXV.

V. Idus

Decembr.

Mox ac administrare cepit Ecclesiam, dignitatem Cæsaream, quod Paulus IV. facere recusaverat, Ferdinando I. Imperatori, confirmavit, ejusque Oratores perhonorifice suscepit.

Primas, maximasque Pontificatus sui curas ad Concilium Oecumenicum restaurandum contulit, eumque in finem ad Ferdinandum Imp., ad Regem Catholicum, ad Franciscum II. Regem Christianissimum, cæterosque ad Principes Nuntios misit: ac tandem illud, postquam per annos decem intermissum fuerat, Tridenti resumendum, ac celebrandum indixit ad diem Paschæ anni 1561.

Novem sub ipso habitæ Sessiones, nimirum XVII. XVIII. XIX. XX. XXI. XXII. XXIII. XXIV. & XXV. qua postrema & ultima Concilium finitum fuit anno 1563. die 3. Decembris, ac dein, quod Synodi Patres petiverunt, a Pio IV. Papa confirmatum, edito Diplomate VII. Kal. Februar. 1564. Varia dein alia eandem ad Synodum pertinentia vulgavit diplomata: altero tempus declaravit, quo Concilii Decreta obligare inciperent: altero præscripsit formam profitendæ fidei: altero, Motu proprio, octo constituit Cardinales, quibus id curæ esset, ut eorum, quæ in Concilio statuta, decretaque fuerant, observationi intenderent. Diplomata hæc sub Concilii Tridentini, & hujus Tomi finem reperiunt.

Multa

(*) Delecti hi fuerunt e Societate Jesu. " Joannes Nonnius Barretus, Lusitanus, qui Patriarcha: & Melchior Carnerius, item Lusitanus, atque Andreas Oviedus, Castellanus, qui Episcopi, ille Nicænus, hic Hieropolitanus, eidemque Barrero Coadjutores, & si quid gravius accidisset, Successores constituti & consecrati. Hicque fuere primi honores in Societatem inducti; sed ejusmodi, ut in iis plus inesset curarum atque laborum, quam splendoris & pompæ. Spondan. ad annum 1555. §. XV. Vide etiam Massæum in Hist. rerum Indic. L. 16. & Orlandinum in Hist. Societatis JESU. L. 15.

Multa præterea sancivit, quibus Romanæ Curiae disciplina, solutique mores aulicorum meliorem reducerentur ad statum. Rotæ Romanæ, Pœnitentiariæ Apostolicæ, & Cameræ, Procuratoris Fisci, aliaque tribunalia & officia severissimis edictis emendavit.

Anno 1564. repetitis precibus ab Imp. Ferdinando, aliisque Principibus Imperii sollicitatus, ut Eucharistiam sub duplici specie Nationi Germanicæ permitteret: quamvis ab hac novitate inducenda multum abhorreret; quia tamen ex ea indulgentia spes amplior futura dicebatur reducendorum ad Ecclesiam, qui jam ad Lutheranos defecerant: & minuendum periculum, ne plures desciscerent; audito Cardinalium, aliorumque præstantium virorum consilio, assensit, certis conditionibus adjectis, quibus potestatem hanc Germaniæ Episcopis datam adstrinxit (*) Paucorum tamen annorum ista facultas fuit: cum enim usu fuisset ipso compertum, quod ex ea permissione non solum nihil emolumentum ad Religionis profectum adveniret, sed Lutherani potius majore contumacia suis in erroribus defigerentur; aliaque inde, & majora indies orerentur incommoda, a S. Pio V. Pii IV. Successore, ac postmodum rursus a Gregorio XIII. concessio hæc revocata, ususque pristinus, qui tot Sæculis in Ecclesia obtinuerat, restitutus est.

Anno 1565. Pius IV. Pontificatu & vita decessit. Adstiterunt morienti duo Sanctissimi Viri, Philippus Neri, & Carolus Cardinalis Borromæus, a quo supremis etiam Mysteriis procuratus fuit.

(*) Exstat de ea concessione Epistola a Pio Papa IV. ad Henricum Juniozem, Ducem Brunswicensis, data anno 1564. quam hic integram damus:

DILECTO FILIO, NOBILI VIRO, HENRICO JUNIORI, DUCI
BRUNSUICENSIS, PIUS PAPA IV.

DILECTE FILI, NOBILIS VIR, SALUTEM, ET APOSTOLICAM BENEDICTIONEM.

Accepimus literas a dilecto filio Ludolfo Halverio Oratore tuo: quem ad charissimum in Christo filium nostrum, novum Romanorum Imperatorem electum misisti. In quibus scribit, delatum nuper ad te exemplar fuisse concessionis nostræ, in Viennensi Civitate Austriæ promulgatæ, de Sacra Communione sub utraque specie permittenda: & quoniam tua interfit, mentem nostram cognitam habere; cupere te, & pie postulare, quemadmodum sese res habeat, a nobis fieri certiore. Cui desiderio tuo, tanto æquius esse, & magis decere intelligimus satisfieri: quanto te constantiorem Ecclesiæ Catholicæ filium novimus. Non enim parum testata est; neque obscura tua in Catholica Religione constantia: sed insignis admodum & variis temporibus, magna tua cum laude cognita, atque spectata. Sic autem ea res se habet. Ferdinandus, piæ memoriæ Romanorum Imperator electus, qui ad meliorem vitam nuper a Domino vocatus fuit; sicut de Divina ejus misericordia confidimus: per literas, & per Oratorem suum nobis sæpe proposuit incredibile desiderium; quo plerique Imperii, ac ditionis suæ populi tenerentur Communionis Sacræ, sub utraque specie sumendæ. Deplorare solitus fuit magnam animarum jacturam, quam Ecclesia Catholica faciebat, desciscitibus ejus rei causa quotidie multis,

seque ad hæreticos conferentibus: a quibus fidem Catholicam abjurare cogebantur. Testificatus est, ac denunciavit, fore, ut Catholicorum in illis partibus reliquæ propediem idem facerent; atque ita Catholica illic fides, ac religio penitus extingueretur, nisi eorum desiderio satisfieret. At extremum, peracto Concilio Tricentino, vehementius, quam unquam antea, rogavit, & institit; ut quoniam Concilium ipsum eam rem ad nos rejecisset, tandem tot populorum desideriis annuere, & tot animas perituras conservare vellemus. Nos autem ejus precibus, & diuturna efflagitatione commoti: & cavere volentes, ne unquam assignari pertinacia, & duritiæ nostræ posset, quod tot animæ periissent: cum spem etiam optimus ille Princeps afferret, futurum, ut ea facultate concessa, non solum ii, qui titubarent, in fide Catholica confirmarentur; sed multi etiam eorum, qui ab Ecclesia recessissent, resipiscerent, & ad ejus unionem redirent: communicata re cum aliquot delectis Cardinalibus, & aliis piis admodum, ac rerum Germaniæ peritis viris, pro pastoralis officio, & charitate cupientes nobilissimæ illi nationi consulere, consilium cepimus, non eam ipsi quidem facultatem concedere, sed ejus rei Venerabilium aliquot Prælatorum ejus nationis, quos idem Imperator nobis nominaverat, arbitrio permittere: quibus facultatem concedendæ Communionis sub utraque specie discrete ita dedimus, si eis ita videretur; & si ita expedire censerent: eorum fidem ea in re, & conscientiam onerantes, admonentesque diligentissime de iis, quæ ab iis requiri exigique deberent, qui potestatem sibi eam concedi petitiuri essent: nempe, ut contriti, & confessi ad Sacram Communionem, sub utraque specie sumendam accederent: eaque illis per Catholicos, & probatos Sacerdotes, recto, maturoque judicio huic officio præpositos, omni, quæ oriri posset, offensione vitata, ministraretur: & ut ii, qui ita communicarent, Catholicam Religionem, ac fidem, quam Sancta Romana Ecclesia tenet & docet, tenerent: eamque profiterentur, non errasse, neque errare, quod Communionem sub altera tantum specie omnibus, præter Sacerdotes celebrantes, præbere consueverit: & hoc confiterentur, atque etiam profiterentur, & crederent: ac diligentissime communicaturi sub utraque specie admonerentur, Christum integrum tam sub una, quam sub utraque specie sumi. Hæc fuit literarum nostrarum ad illos Prælatos missarum sententia. Hanc autem concessionem a nobis, cordis eorum durities, qui Communionem sub utraque specie jam pridem tam pertinaciter poposcerunt, multorum tamen gravium & piorum virorum accedente consilio, vere, ut dicamus, expressit: ne si eam denegavissemus, illi obdurato animo ab Ecclesia recederent, atque animas suas perditum irent. Cupimus tamen, ac vehementer hortamur, ut & ipsa eum servet: sicut facturam eam esse confidimus: & ditionis suæ populos in eodem Ecclesiæ ritu, & instituto studeat continere: cum hæc humilitas, & erga Matrem Ecclesiam pietas & reverentia inprimis Deo grata futura sit. Datum Romæ apud Sanctum Marcum sub annulo Piscatoris, die primo Septembris M.D.LXIV. Pontificatus Nostri Anno Quinto.

ANT. FLOREBELLUS LAVELLINUS.

FINIS CATALOGI ROMAN. PONTIF.



SERIES

SERIES REGUM ROMANORUM, ET IMPERATORUM OCCIDENTIS.

AB ANNO MD. AD MDLXIV.

MAXIMILIANUS I.



Anno MCCCCXCIII. Maximilianus, Friderici IV. Imp. Fil., mox ab obitu Patris Romanum capeffivit Imperium, quod illi jam ante feptennium (a) ex Principum Elektorum fuffragiis delatum fuerat: Princeps omnibus & corporis & animi dotibus, quæ Regiam Majeftatem ornarent, excultus, & ad fupremum Orbis Magiftratum adminiftrandum non ætate folum, annos jam tres, ac triginta natus; fed rebus etiam geftis idoneus.

Primam uxorem duxerat (anno 1477.) Mariam, Caroli Audacis, Burgundiæ Ducis Filiam unicam, magnarum opum & Provinciarum ampliffimarum hæredem: (b) qua tamen anno 1482. præmature fato orbatus fuit, poftquam tres ex ipfâ proles fufcepiffet, Philippum cognomento Pulchrum, Hifpaniarum deinde Regem, Caroli V. ac Ferdinandi I. Imperatorum Patrem: Francifcum, quem in ipfo vitæ limine, vix quadrimeftrem mors rapuit: & Margaretham, quæ Carolo Delphino, Ludovici XI. Filio, Galliarum dein Regi, ejus nominis VIII. primum deponfa, fed ab hoc remiffa: tum Joanni, Ferdinandi Catholici Regis Filio nupta: & poftquam is ipfo nuptiali anno e vita deceffiffet; demum Philiberto II. Sabaudia Ducis in conjugium data fuit. Tandem vidua, Belgium ufque ad mortem, fuma probitatis & prudentiæ laude gubernavit. (c)

Anno MCCCCXCIV. fub prima Imperii aufpicia Maximilianus in ipfis exequiarum, quibus Friderico Patri parentaverat, folennitatibus, cum de Turcarum in Croatiam irruptione audiviffet, cum exercitu, quem paratum habebat, ad cladem arcendam properavit, hoftesque magna bellicæ commendatione virtutis, partim adventus fui terrore, partim armis abegit. (d)

Eodem anno Oeniponti ad alteras tranfvit nuptias cum Blanca Maria, Galeatii Mariæ Sfortiæ, Ducis Mediolanenfis, Filia, quæ quadringenta aureorum

(a) Vide in Tomo noftro præcedente *Ser. Chronolog. Regum Rom. pag. XX.*

(b) Magna ex his nuptiis Maximiliani cum Maria Burgundica Auftriæ rebus facta accelfio: Nam "Dotis nomine Burgundiam, Brabantiam, Flandriam, Limburgum, " Lucemburgum, Hannoniæ, Hollandiam, Seelandiam, Artesium, Geldriam, " cum nonnullis aliis terris accepit." *Naucler. Chronogr. Volum. III. Gener. I. pag. 498.*

(c) *Hortenfius Pallavicin. in Cafarib. Auftriæ.* De Margaretha, Maximiliani filia, vide *Struvium in Corp. Hift. German. Period. X. Sect. II. pag. 782. & Sect. III. pag. 973.*

(d) "Maximilianus ubi hoc audivit, mirabili celeritate cum Germanorum manu in Croatia præparat, Turcarum copias abigit, multis ex illis mactatis: Croatiam recipit, nec mediocrem gloriam reportavit ex illa expeditione." *Halderic. Matins apud Struv. Period. X. pag. 927.*

rum nummum millia dotis nomine tulit, majori tamen formæ incredibilis pretio, & virtutum omnium muliebri mundo dotata. (e)

Anno MCCCCXCV. Wormatiæ Comitia (f) celebravit. In his, autore potissimum Bertholdo, Archi-Episcopo Moguntino, Viro Sapientissimo, supremum Camerae (ut vocant) Imperialis Tribunal institutum est, ad lites Imperii dirimendas, & minuendas. Quam in rem Maximilianus ipse singularem operam contulit, juris dicundi formam ac methodo, sua in capita dilucide redacta, Principibus eandem suo consensu & auctoritate comprobantibus (g) Tribunal istud primum in ipsa Wormatia stetit: dein Ratisbonam, postea Spiram, atque inde demum Wetzlarum translatum fuit, ubi adhuc dum confidet. In iisdem Comitibus Everardum Barbatum Wirtembergensem ob insignia merita tum sua, tum majorum, ex Comitum ordine ad Ducum dignitatem, motu proprio, pompa solenni transtulit. (h)

Anno MCCCCXCVIII. acre illi bellum ex fœdere Suevico cum Helvetiis fuit: in quo licet totis viribus nunquam pugnatum sit, variis tamen præliis, in quibus ab Helvetiis fere semper victoria stetit, ad viginti hominum millia cæsa, perhibentur. Tandem utraque parte bello fessa, anno MCCCCXCIX. Basileæ pacis in Leges itum. (i)

Annus MD. qui bissextilis erat, Maximiliano lætissimus fuit, cum gloriosissimum illi Nepotem dederit Carolum, ejus nominis V. postea Imperatorem, ipsa intercalari die S. Mathiæ Apostolo Sacra, Gandavi ex Philippo Filio Archiduce, & Joanna, Ferdinandi, ac Isabellæ, Hispaniarum Regum Filia natum; futurum aliquando Avi in Cæsarea dignitate Successorem, & non solum fatiscensis Imperii, sed Catholicæ etiam Religionis adversus ejusdem hostes tutandæ, fortissimum columnen.

Anno MDIV. ferale Bavaricum exarsit bellum, quo Germania superior fere tota in armis constitit, ob relictam a Georgio Divite, Baviaræ Principe, hæreditatem, a Ruperto Palatino & Philippo ejusdem Patre motum; quod Maximilianus Imp. tum suis, tum aliorum Principum armis compressit, pacemque restituit. (k)

Anno MDV. Publica Comitia Coloniarum Agrippinæ, magno splendore, atque Ordinum omnium concursu a Maximiliano celebrata. Aderant Ecclesiasticis & Præsulibus Hermannus Colonienfis, & Jacobus Trevirensis Archi-Episcopi: Conradus Monasteriensis, Laurentius Herbipolenfis, Georgius Bambergenfis,

(e) *Hortens. Pallavic. in Cæsarib. Austriacis.*

(f) Maximus Principum omnium Conventus fuit Wormatiæ, ubi auctor iis fuit Bertholdus, ut Spirense ad dijudicandas lites tribunal excitaretur. Cum enim ipse sæpe ac diu Imperatoris aulam secutus, Archi-Cancellarii per se ipsum partes obivisset, vidissetque maxima cum populorum molestia, causas ad Imperatoris, qui modo hic, modo illic, & interdum quidem longissime est, aulam referri, pro insigni Sapientia sua perspexit, proque præstante sua eloquentia omnibus persuasit, ut fixum firmumque litibus disceptandis Prætorium, in quo prudentes, jureque consulti, & incorrupti federent viri complures, Spiræ statueretur. *Serarius rerum Moguntiacar. L. V. in Bertholdo Archi-Ep.*

(g) *Brøwer. Annal. Trev. Parte II. ad annum 1495.*

(h) *Naucler. libr. cit. pag. 509.*

(i) *Struv. ubi supra pag. 939.*

(k) *Joann. Jac. Hoffmann. in Hist. Augusta Imp. Roman. Struv. Period. X. Sæcl. III. pag. 945. Strunck. Annal. Paderborn. Parte III.*

genſis, Fridericus Ultrajeſtinus, Chriſtophorus Labacenſis, Petrus Tergeſtenſis, Matthæus Gurcenſis, Chriſtophorus Chiemenſis, Epiſcopi. E Sæcularibus Principibus Philippus Eleſtor Palatinus, cum Ludovico & Friderico, filiis: Fridericus Eleſtor Saxonicus cum Joanne fratre, & Georgio Patruo ſuo: Joachimus Eleſtor Brandenburgicus, cum Friderico Patruo: Ericus Dux Brunſwicensis: Henricus Dux Lawenburgenſis: Wilhelmus Dux Juliacenſis: Henricus Dux Mecklenburgenſis: Wilhelmus Landgravius Haſſiæ: Joannes Comes Holſatiz: Philippus Comes de Waldeck, aliorum præterea Comitum, nobiliumque Virorum, ac Legatorum ingens numerus. Actum de pace firmanda, ſopiendisque prioris belli Bavarici reliquiis. Philippus Palatinus (Rupertus, qui præcipua fax belli fuit, anno præcedente inter ipſos militares tumultus e vita diſceſſerat) petita ſuppliciter venia, Cæſari reconciliatus eſt. Dein concordiz leges dictæ, ſtatuta poena læſæ Majeſtatis in eos, qui pacem porro violarent. Habita etiam conſultatio de expeditione Italica, deque bello Venetis inferendo. (l)

Colonia Imperator in Belgium cum exercitu movit adverſus Carolum Egmondanum, Geldriz Ducem, qui variis injuriis Philippum Archi-Ducem laceſſiverat. Verum is cognito Cæſaris adventu, cum imparem ſe reſiſtendo vidit, mox arma poſuit, pacem ſupplex petiit, & impetravit. Unde Coloniam Maximilianus ovans rediit, magno ibidem plauſu civium, reſonantibus per totam urbem campanis exceptus. (m)

Anno MDVII. Conſtantiens in conventu Principum decretum eſt bellum in Venetos, tum ob negatum Imperatori, exercitum in Italiam educturo tranſitum, tum ad civitates Imperii, quas occupaverant, repetendas. Magnis illud ſuſceptum animis, lentis tamen progreſſibus ac parum proſperis geſtum: iſto dein

Anno MDVIII. Cameraci cum Romano Pontifice, Gallizque & Hiſpaniz Regibus federe majoribus viribus inſtauratum fuit.

Anno MDIX. a Ludovico XII. Gallorum Rege Veneti ad Abduam flumen victi, maxima copiarum parte deleta. Qua ſtrage accepta, adeo fracti ſunt animi ſenatus, populique; ut quæcunque in continenti poſſederant oppida, civitatesque, victoribus relinquerent: atque ita paucorum intervallo dierum ampliffima ea Reſpublica, & opulentiffima, omni prope terrarum imperio exuta, atque intra Veneriarum ſuarum anguſtias conſtriſta, cum de terreſtri ditione deſperafſet, de maritima etiam amittenda formidaret. Captæ Urbes, Regionefque, Conſederatos inter Victores diviſæ ſunt. Imperatori Verona, Vicentia, Patavium, atque ea loca, quæ Benaco lacu alluuntur, ceſſere. (n)

Maximiliano tamen nec integer, nec diuturnus fuit hujus victoriæ fruſtus, ob Cæſareanarum in Italia copiarum paucitatem, retardatasque diutius in Germania ſuppetias: unde factum, ut Tarviſio urbe, cum adjacente regione nunquam potiretur, & Patavium non diu retineret, Venetis depreſſos animos ruſum erigentibus, novoque collecto milite amiſſa recuperantibus.

(l) Struv. Libr. cit. pag. 947.

(m) Ibid. pag. 949.

(n) Vide Spondan. Annal. Eccleſ. Tom. II.

Anno MDXI. Maximilianus, ob susceptum a Julio II. Papa Venetorum Patrocinium, alieniore ab eodem animo fuit, & in schisma raptus, coacto contra illum Pisano Conciliabulo tantisper favit. Ast altero mox, qui secutus est, anno schisma illud & Conciliabulum averſatus, ad unionem cum Papa & Ecclesia rediit.

Anno MDXII. Comitia Imperii Augustæ Trevirorum, ad diem XI. Aprilis habenda, Imperator indixit. Maximo eadem Principum concursu fuisse frequentata: (e) Sed cum ejus anni ætate flagrantissima, ob immensam hominum undique affluentium multitudinem, (p) contagiosa lues Trevirim infecisset, Coloniam versus, in purioris Cœli regionem translata sunt.

In hoc Conventu Imperii in decem circulos est facta divisio, quatuor circulis adjectis ad sex antea constitutos. Decreta Maximiliano Imperatori auxilia, communi subditorum Imperii contributione præstanda. Constituti Consiliarii octo, qui in Aula Cæsaris Imperii negotia ad Imperatorem delata curarent, providerentque, ne quid detrimenti caperet Respublica Germaniæ. Ex quo Judicium Imperiale Aulicum succrevit.

Reſcissum foedus, cum Rege Galliarum Cameraci initum. In blasphemos quoque graves constitutæ sunt pœnæ: & edictum ea de re in quatuor præcipuis anni solennitatibus pro Concione proclamari jussum. Actum etiam de ebrietate, & ei vitio deditis e Principum familia pellendis: De tollendo schismate Cardinalium a Julio Papa discedentium, abrogandaque auctoritate Conciliabuli Pisani, anno præcedente contra Pontificem convocati. Eum in finem missus est Romam Mathæus Episcopus Gurcensis, qui de pace cum Pontifice ageret: Schisma & Conciliabulum Imperatoris nomine damnaver, eundemque legitimo Concilio Lateranensi adhærere profiteretur. (q)

Anno

(e) Præter Campegium, Julii Papæ Legatum, Regumque Galliæ, Navarræ, Angliæ & Poloniæ Oratores, aderant Richardus Trevirensis, Uriel Moguntinus, Philippus Colonienſis Archi-Episcopi: Georgius Bambergensis, Reinardus Wormatiensis, Wilhelmus Argentinenſis, Ericus Monasterienſis, Hugo Tullenſis, Matthæus Gurcensis Episcopi: Ludovicus Rheni Palatinus, Albertus Brandeburgicus, Ordinis Teutonici Magister: Fridericus Casimirus, & Joannes Brandeburgensis Marchiones: Ulricus Dux Wirtembergenſis, Ericus Dux Brunſwicensis, Joannes Comes Palatinus in Sponheim, Chriſtophorus Marchio Badensis, cum Ernesto ac Philippo filiis: Itelius Fridericus Comes de Zollern, Wilhelmus Comes de Fürſtenberg, Ludovicus Comes Nassovio-Saerbrugenſis, & alii Comites viginti sex, præter complurium aliorum Episcoporum ac Principum Legatos. *Trith. Tom. II. Chron. Hirſ. Browerus in Annal. Trevir.*

(p) Ocasio tanti concursus populi fuit exhibitio publica inconfutis & venerandæ Tunicae Christi Domini, Servatoris nostri. Hujus videndæ, honorandæque, ardentissimum quoddam desiderium Maximilianus Imperator mox ab adventu suo, coram Richardo Trevirorum tunc Archi-Episcopo testabatur: qui proin repetitis ejusdem precibus victus, indictis tamen prius publice supplicationibus, sacrum hunc thesaurum, sub ara maxima Ecclesiæ Trevirensis reconditum, & a trecentis jam annis palam non ostensum, summa cum reverentia denuo produxit: ac Imperatoris primum ac Principum, dein populi universi, præ gaudio illachrymantis, venerationis exhibuit. Ad exhibitionis hujus futuræ famam antea divulgatam, tanta excita est ex circumjacentibus Regionibus hominum turba, ut, Browero & Masenio testibus, ad centum millia, sacri istius spectaculi causa Treviros confluisse credantur. *Vide Trithem. Tom. II. Chron. Hirſ. Brower. Tom. II. Annal. Trev. Strunck. Tom. III. Annal. Paderb.*

(q) Vide in hoc Tomo pag. 133. Declarationem Maximiliani Imp. ab Episcopo Gurcensi in Concilio Lateranensis Sessione III. publice, solenniterque pronuntiatam. Cætera Comitiorum horum Acta vide apud *Struvium L. cit. pag. 962. & 963.*

Anno MDXV. Cæsar, ut & Imperii commodis ac tranquillitati consulere, & novis amicitiiis firmaret Austriacam Domum, Sigismundum Poloniæ, & ejus fratrem Vladislaum Hungariæ, hujusque filium Ludovicum Bohemiæ, Reges, Viennam Austriæ invitatos, digna Regiis hospitibus pompa & honoribus excepit. In eo Serenissimo Conventu actum præcipue de pace & inter ipsos Principes, & inter eorum Regna novis fœderibus sancienda: quæ ut stabiliretur certius, decretum est conjugium Regis Ludovici cum Maria, filia Philippi Regis Hispaniæ, Imperatoris nepte: conjugium item Ferdinandi Archi-Ducis, Mariæ fratris, cum Anna, ejusdem Ludovici sorore. Quo duplici connubio utrimque rato, Maximilianus pactiorem antiquam de familiæ Austriacæ in Bohemiæ & Hungariæ Regnis successione constabilitam vidit (r): felicior multo, in Domo Austriaca per nuptias tum suas, tum Nepotum novis Provinciis locupletanda & amplificanda, quam in veteribus ejusdem possessionibus bello defendendis.

De Comitiiis Augustanis anni MDXVIII. agemus in Digressionem ad finem Sæculi XVI. Tomo sequente. (r)

Anno MDXIX. Maximilianus Oeniponto Viennam reversurus, in ipso itinere, aucto, quo ante tentari cœperat, morbo ad æternitatem abiit, die Januarii XII. Ætatis anno LIX. Imperii post Friderici Patris mortem XXV. (s) Princeps, cui, ut Brietius ait, ad magnam gloriam tantum felicitas defuit: (u) Rei bellicæ, bonarumque artium promovendarum studiosissimus, & insignis in Deum pietatis, quam ab infanzia usque ad ultimum vitæ diem tenuit. Primus fuit ex Germaniæ Principibus, qui Illustriorum Familiarum Genealogias concinnari, proferrique curavit in lucem. Electoribus author fuit, ut singuli suis in terris Academiis erigerent: quo ejus studio excitati Principes effecere, ut Germania, armorum gloria jam pridem inclyta, dein etiam Artium liberalium, ac Scientiarum studia complecti, & felici ingeniorum proventu florere cœperit. (x) Laudatissimum ejus zelum in avita & Catholica Religione tuenda, præter alia illustria monumenta, testantur extrema ejusdem mandata, qua ultima ante mortem die adstantibus Principibus præcepit: *Renuntiate Carolo & Ferdinando Nepotibus meis, ut Majorum suorum vestigiis insistentes, Catholicam Religionem adversus novorum dogmatum auctores & sectatores, etiam cum vitæ periculo defendant.* (y)

Historiam de piissimo ejus obitu descripsit Cuspinianus. Oratio Funebris, qua laudatus fuit a Joanne Fabro, Ordinis FF. Prædicatorum Theologo, edita est Tomo II. *Rerum Germanicarum Marquardi Freberi*, cum altera Georgii Sauromani. Multa in hujus Cæsaris laudem conscripserunt elogia Viri eruditi, quorum egregius semper & liberalissimus Meccenas fuit. Vide illos apud Struv. pag. 972. Vide etiam Palat. Aquil. Austriac. & Vernul. Virtut. Dom. Austr.

CARO.

(r) Struvius L. c. pag. 967. Nat. Alex. Hist. Eccl. Tom. VIII.

(s) Datam ex his Comitiiis a Maximiliano Epistolam ad Leonem X. Papam, de excitatis a Luthero in Ecclesia turbis, vide hoc Tomo pag. 148.

(t) Struv. pag. 972.

(u) Philippus Brietius Annal. Mundi, seu Chronici universalis Tomo II. ad annum 1519.

(x) Struv. pag. 923.

(y) Vernul. in Virtut. Dom. Austriac. L. I. c. I.

Series Reg. Roman. Tom. VI.

CAROLUS V.

A Maximiliani I. obitu, de Successione & Imperio disceptarunt apud Septemviros Franciscus I. Galliarum, & Carolus Austriacus Hispaniarum Reges. Hujus demum factio prævaluit. In ejusdem creatione, Friderici, cognomento Sapientis, Ducis Saxonie virtus enituit singularis, cui, suspensis adhuc inter Carolum & Franciscum votis, cum a quibusdam deferretur Imperium; (z) sine verborum ambagibus respondit: *Dubitari inprimis a se non posse, quin electio Galli prohibita sit per Bullam auream; adeoque frustra laborari in hac aliter explicanda. Deinde & illud planum esse, quod Carolus, Hispanie Rex, vere ac proprie sit Princeps Germanicus, tamen si materno titulo ad Coronam Hispanie evocatus fuerit. Denique & Sole clarius versari in oculis omnium, quod periculosi hisce temporibus necesse sit, ejusmodi Imperatorem circumspicere, qui istius fastigii Majestatem & opibus illustrare, & magna potentia tueri possit. Talem vero inter modernos Germanie Principes altum non occurrere, quam Carolum Hispanie Regem, Austrie Archi Ducem, Belgii totius Ducem.* (zz) Qua ejus collaudata sententia, omnium suffragia in Carolum conspiravere.

Anno igitur MDXIX. XXVIII. Junii, Francofurti in Æde Divi Bartholomæi Carolus, qui Hispanie corona potitus jam erat, Romanorum Rex renuntiatus est: XIX. tunc annorum adolescens, sed in quo supra ætatem eminebant omnia. Missus in Hispaniam ex Septemviralis Concilii Decreto Fridericus Palatinus, qui eundem ad oblato Imperii curam suscipiendam invitaret. (a)

Anno MDXX. Carolus primo vere adornato ex Hispania in Germaniam itinere, Mense Junio appulsus in Belgium, die XXIII. Octobris Aquisgrani ab Hermanno V. Archi-Episc. Colonienfi, majorum ritu, Regiis Insignibus condecoratus fuit. Inde Coloniam digressus, publica indixit Comitia, anni sequentis initio Wormatiæ celebranda.

Anno MDXXI. Cæpta in Januario Wormatiæ Principum consultatio, & in Majum usque protracta. Constituti Ferdinandus Archi-Dux Austrie, Caroli Frater, & Fridericus Palatinus, qui pro Cæsare, in Hispanias abituro, potestate vicaria Rempublicam administrarent: definita eorundem auctoritas: designati, qui Consilii adessent: etiam Septemviros, ubi res posceret, convocandi facultas tributa. Variis deinde legibus, quæ injuria temporum obsoleverant, suus restitutus est vigor. Monopolia ex Imperio proscripita. Constricta sceneratorum rapacitas. Monetæ cudendæ præscripta ratio. Vestium luxus & conviviorum coercitus. Externæ militiæ stipendia Germanis, lata exilii lege, interdicta. (b)

De Religionis posthæc diffidiis actum. Accitus Wormatiæ (c) data fide publica Martinus Lutherus: sed paucos post dies propter pertinaciam rursum abesse jussus, publicoque edicto ab Imperatore (d) proscriptus est. Severissi-

mæ

(z) *Briet. in Annal. Mundi ad annum 1519.*

(zz) *Palat. in Aquil. Austr. Sabin. de elect. Caroli V.* (a) *Struv. L. cit. pag. 970.*

(b) *Struv. pag. 976. Masen. Hist. Caroli V. & Ferdin. L. I. pag. 42.*

(c) De actis Wormatiæ in causa Lutheri vide plura *Tomo sequente in Digressione, ad finem Seculi XVI.*

(d) Edictum Caroli V. contra Lutherum, ejusdemque fautores, vide *hoc Tomo pag. 182.*

mæ in eo ediſto, etiam in Lutheri fautores, latæ ſunt leges: ſed cum nimis ad-
ulta jam eſſet Lutherana factio, & latiffime propagata; effectu caruere, exorto præ-
fertim, hoc ipſo anno, inter Carolum & Franciſcum I. Galliarum Regem graviffi-
mo bello, quo Imperatoris plures in exercitus diſtractæ ſunt vires, & potentia
imminuta.

Initium belli a Gallorum Rege factum. Hic Hiſpanorum inteſtinis moti-
bus adverſus Carolum uſus, miſſo exercitu, Navarræ Regnum occupavit. Inde
a Gallis in ipſius etiam Caſtellæ fines tentata expeditio: ſed ab Hiſpanis gravi
cæde repreſſi, Aſparro Belliduce, cum Nobilibus permittis, capto, non e Ca-
ſtella ſolum, ſed univerſa etiam e Navarra ejeſti ſunt. (e)

Cladem hanc mox altera apud Inſubres excepit poſt initum a Carolo Cæ-
ſare cum Leone Pontifice ſædus, Gallis, qui ſub Lautrechio militaverant, amiſſa
Parma, Placentia, & urbe Mediolanenſi pulſis.

Anno MDXXII. In Italia nova Gallis ad Bicocam villam illata ſtrages.
Genua etiam ejeſti, Cæſareanis eam urbem occupantibus. Creſcunt interim
abſente Carolo Imp. in Germania Lutheri & Lutheranorum motus, eorumque
ſecta, auctoribus Caroloſtadio, Thoma Muntzero, aliisque, novas in ſectas di-
ſcinditur. (f)

De Comitibus Norimbergenſibus hujus & ſequentis anni a Ferdinando Ar-
chi-Duce convocatis, de propoſitis in eiſdem centum gravaminibus, aliisque
in cauſa Lutheri deinde geſtis, vide *Digeſſionem Tomo ſequentem*.

Anno MDXXIV. Viſti iterum Galli in Inſubria ad Eporediam. Cecidit eo
prælio Bajardus, Dux inter Gallos ab animi robore celeberrimus: de quo Brie-
tius ait, quod meliorem eo viro, & fortiorem iſta ætas viderit neminem. (g)

Anno MDXXV. Galli ad Papiam caſi. Franciſcus I. Rex captus, cum
Henrico Rege Navarræ, Franciſco Borbonio, Mommerancio Mareſcallo, aliis-
que plurimis. Oſto Gallorum millia aut ferro, aut in Ticino fluvio periire.
Ex Cæſarianis ad ſeptingentos tantum deſiderati. (h)

Eundem hunc annum Germaniæ funeſtiſſimum fecit bellum Ruſticorum,
prætenſa libertate Evangelica, motum: inſtigante Muntzero, Lutheri diſcipulo
geſtum: & non niſi centum millium cæde, ferali novi Evangelii fructu, re-
ſtinctum. Muntzerus, ejusque ſocius Pfeifferus, uterque apoſtata, capti, &
Mulhuſii capite plexi. (i)

Anno MDXXVI. Hungaris graviffima clade a Solymanno Turcarum Imp.
proſtratis, Ludovico Rege in fuga ſubmerſo, Regnum a Mahometano Victore
ſæde vaſtatum, Ferdinando Archi-Duci Caroli Cæſaris fratri ceſſit.

Anno MDXXIX. tandem optata diu pax inter Rom. Pontificem, Caro-
lum V. Imp. & Franciſcum I. Regem Galliarum coaluit magno Chriſtiani orbis
gaudio, utinam magis diuturno!

(e) Spondanus in *Annal. Eccleſ. ad h. annum.*

(f) Spondan. ad annum 1522.

(g) Brietius in *Annal. Mundi.*

(h) Spondan. in *Annal. Eccl. & Briet. l. cit.*

(i) Spondan. ad ann. 1525. ubi addit: Pfeifferum in erroribus obſtinatum interiſſe:
Muntzerum vero penitentem errores revocaſſe, Confeſſione facta, Communionem
ſub una ſpecie ritu Catholico ſumpſiſſe: monitis Principibus, ut majore clementia
erga miſeros Ruſticos & Colonos uterentur.

Hoc eodem anno Solymanus post occupatam denuo, stimulante Joanne Wayvoda Transylvania, Ferdinandi æmulo, Hungariam, Viennam Austria obsedit. Hanc autem Philippus Rhæni Palatinus, Nicolaus Comes Salmenfis, & Guillelmus Rogendorffius tam strenue, fortiterque defenderunt; ut post acerrimam viginti dierum oppugnationem, Solymanus obsidionem solverit, & exercitum, sexaginta suorum millibus imminutum, reduxerit.

Anno MDXXX. Carolus Imp. Bononiæ a Clemente VII. Papa Augustus dictus est, & Cæsarea corona redimitus 24. Febr., eadem die, quam olim natalem, ac per sæpe dein magnis, prosperisque eventibus faustissimam habuit.

De Comitibus hujus anni Augustanis, & oblata in illis a Principibus Protestantibus Confessione suæ fidei, agemus in *Digressione sub finem Saculi XVI.*

Anno MDXXXI. Colonienfisibus in Comitibus ipso solenni Epiphaniæ, ac trium Regum die a Principibus, reclamante tamen Duce Saxoniz, Ferdinandus, Caroli frater, Romanorum Rex renuntiatus est, indeque Aquisgranum perductus, XI. Januarii Corona Regia, post Hungaricam ac Bohemicam, tertia donatus. (k)

Anno MDXXXII. Comitatus Ratisbonensis. In his ob imminentem Turcarum in Pannoniam irruptionem, magis ex usu temporum, quam ex re Christiana, sancita lex est; ut usque ad Generale Concilium, nemo alteri ob fidei causam negotium facefferet. Totis dein conatibus in bellum Turcicum arma & subsidia corrogata, maximique facti apparatus: quorum tamen magnitudini eventus non respondit alius, quam quod Solymanus, qui sexcentorum millium exercitum ducere ferebatur, accepta, Christiani roboris adversum se advertentis fama, reflexerit iter, bellumque omiserit. (l)

Anno MDXXXV. Carolus Imp. classe septingentarum navium Barbarossam Solymani Archithalassum, Italiæ & Hispaniæ oris infestum, in Africa vicit, Tuneto eiecit, Malleassen Regno restituit, quo eum Barbarossa privaverat: & viginti Christianorum captivorum millia in libertatem asseruit. (m)

Anno MDXXXVI. Novis iterum ex Sfortiæ Ducis Mediolanensis obitu, jactis belli seminibus, Carolus cum exercitu movit in Galliam; quam deserere mox iterum debuit, multis suorum millibus ob annonæ penuriam morbo absumptis. (n)

Anno MDXXXVII. Christianis se se invicem lacerantibus, eorundem exercitui ad Esseckium a Turcis funestissima illata clades. (o)

Anno MDXXXIX. Restituta apud Nicæam inter Carolum V. & Franciscum I. pace, maritimum in Turcas decretum est bellum. Maximis sumptibus naves centum, ducentæ Triremes, cum quinquaginta millibus hominum in hostem ductæ. Obvia fuit inimica classis: victa fuisset, si Christianorum Duces ausi fuissent vincere. Sed Andrea Auria, Hispanarum navium Præfecto, certamen detrectante, non sine dedecore discessum est. (p)

Anno

(k) Struv. pag. 1018.

(l) Brower. *Annal. Trevir. Parte II.*

(m) Struv. p. 1024. *Masen. in Hist. Caroli V. & Ferdinandi I.*

(n) Spondan. *Annal. Eccles.* Briet. *Annal. Mundi.*

(o) Briet. *L. cit.*

(p) Briet. *L. cit. ad ann. 1539.* Horat. *Turcellin. Epist. Historiar. ab orbe cond.*

Anno MDXLI. altera in Africam a Carolo suscepta expeditio, desiderato tamen eventu frustrata, tum ob tempestates, quibus naves: tum ob aeris inclementiam, qua milites, magna parte perierunt. (g)

Anno MDXLII. nova inter Carolum & Franciscum bella in Belgio.

Anno MDXLIV. nova inter eosdem pax, animis tamen nondum omnino pacatis inita.

Anno MDXLVI. Lutheranorum secta usque adeo jam invaluerat, ut omnis fere Germania & a Religione, & a Cæsare defecérít. Principes defectionis Fridericus Dux Saxonie, & Philippus Hassiæ Landgravius. Ab his, aliorum simul adiuvante opera, ingens adversus Cæsarem conscribitur exercitus (r), illique, minus tunc ad resistendum parato, bellum denuntiatur (s): quod tamen ipsorummet Lutheranorum discordia, metuque retardatum fuit.

Anno MDXLVII. Cæsar, accito ex Italia, Hungaria, & Belgio milite auctus, primo vere in Fridericum Saxonem festinatis itineribus movit, quem ubi VII. Kal. Maji ad Albim flumen affecutus fuit prope Mulbergam, continuo solis equitum turmis, nullo tormentorum, nullo pedestrium copiarum præsidio, adortus, totum prope inimicum agmen, CCCC. duntaxat fuga dilapsis, pari virtute ac felicitate delevit. Fridericus Dux, cum Ernesto Philippi Brunsvicensis filio, in acie captus, idemque dein suffragii jure, in Mauritium translato, bonisque spoliatus fuit. Nec multo post Philippus Hassiæ Landgravius, Friderici terribus fato, Cæsari se dedit. (t) Diu ambo a Carolo in custodia detenti.

Multa fuere in ea victoria, quæ Divina ope potius, quam humanis viribus relatum persuasere. Cæsar ipse Carolus DEO tribuendam professus, notum illud Julii Cæsaris post Asiaticam victoriam Symbolum, modeste deflexo lemmate, usurpabat: *Veni, inquit, Vidi; at DEUS vicit.* (u)

Inde ad Kal. Septembris indicta fuere Augustæ Comitia, eademque in annum sequentem protracta. Adfuere raro exemplo Electores omnes, & inter alios Adolphus Colonienfis, qui Hermannò Wedano, nuper ob hæresin, & Archi-Episcopali dignitate, & Electoralis suffragii jure privato, successerat, ac Mauritius, Friderico Saxoni a Carolo successus. Comprimis actum de Synodo Tridentina, quæ inchoata jam fuerat, communi consensu ab Imperii Statibus recipienda. (x) Hac autem Synodo, ob contagionis metum,

Bono-

(g) *Briet. Libr. cit. ad annum 1541.*

(r) Censebantur esse in armis pro Protestantibus LXXX. millia peditum, & equitum X. millia, cum CXXX. tormentis; quibus Cæsarem commode e Germania potuissent arcere; sed aliquot dierum morâ ferias fecit, exercitum suum coadunandi. *Struv. pag. 1046. ex Carassa.*

(s) Hostili more veteri Germanico, epistola ad amentum teli alligata, Cæsari missa, inimicitias denuntiant: & repente profiliunt ad arma; tantæque brevissimo temporis spatio coegere manus, ut antequam ex Pannonia, Italiaque Cæsaris adventarent copiæ, imparatus Ratisbonæ Cæsar, ni Deus consilium eripuisset, opprimi poterit. *Brower. Annal. Trev. Part. II.*

(t) *Struv. pag. 1048. Brower. ibid.*

(u) *Mosen. in Hist. Caroli V. & Ferdinandi I.*

(x) In Conventu Augustano Imperator Carolus deliberationes mensè Septembri exorsus est, fuitque præcipuum caput, de quo ab initio Imperii semper Carolus egerat, ut

contra-

Bononiam translata, ne quid interea, dum Tridenti restauraretur Concilium, Germaniæ Ecclesia pateretur detrimenti, tenendam interim fidei quandam formam, non optimo consilio, Principibus obtulit : famosum scilicet libellum, communi vocabulo INTERIM appellatum. Promulgatus hic quidem in istis Comitibus fuit; Neutri tamen parti, nec Catholicis, nec Protestantibus satisfecit. Adhæc singularem a Principibus, maxime sacris, requisivit curam, ut collapsos Ordinis Ecclesiastici mores, ac multiplicia, quæ inde ad populum emanassent, exempli pravi detrimenta, quamprimum refarcirent, proposita ipsis eam in rem Formula Reformationis (y). Pio utrumque studio factum a Carolo; sed extra forum.

Anno ineunte MDL. Julius III. Papa, Paulo III. susceptus, mox ab adepto Pontificatu Oecumenicæ Synodi Tridentum revocandæ, promovendæque curas suscepit. Convocata propterea rursus Augustam a Cæsare Comiticia, in iisque Principes de retinenda, Concilii Decretis obtemperandi voluntate, ac de rebellibus & immorigeris ex legum severitate puniendis, cõmoniti.

Anno MDLI. cœpta feliciter Synodi prosecutio, sed mox iterum, abrumpenda, ob initum hoc anno a Mauricio, quem nuper Septemvirali dignitate Cæsar exornaverat, & aliis quibusdam Protestantibus Principibus, cum Henrico II. Galliarum Rege, adversus Cæsarem, clandestinum fœdus. Prætensæ fœderi causæ: diuturna Landgravii in captivitate detentio, & Germanicæ Nationis suppressa libertas.

Anno MDLII. Fœderatorum istud bellum apertas in flammas erupit. Henricus Rex Tullum, Virodunum, ac Metas occupavit. Mauritius Augustam Vindelicorum post paucorum dierum obsidionem, deditiõne accepit, indeque celeritate maxima movens Oenipontum, ubi Cæsar cum Ferdinando morabatur: tantum his terroris iniecit; ut impedimentis omnibus Mauricianæ prædæ relictis, intempesta nocte diffugerint. (z) Atrocissimo bello per cæteras Catholicæ potissimum Germaniæ Provincias diffuso, Passaviensis tandem in avitæ Religionis detrimentum extorta pax est: cui Ferdinandus, duræ necessitati illachrymans, Carolus vero Cæsar nunquam, subscripsit.

Pacata Germania, Cæsar ad Lotharingæ urbes recuperandas adjecit animum, ingentique parato exercitu, qui C. millia peditum: equitum vero millia XII. numerabat, Metas properavit. Sed hic fixam felicitati suæ, gloriæque metam reperit. Ad XI. Kal. Novembris urbem obsidendo cinxit, cumque ad finem usque Decembris oppugnationem, infelici successu, in summa frigoris acerbitate protraxisset, visa immani suorum, tum obsessorum armis, tum morbis intereuntium strage, ultima mensis & anni die obsidionem solvit, militemque ad Hyberna reduxit.

Anno MDLV. Imperator, mundanarum jam rerum pertæsus, totius administrationem Belgii, convocatis ad id Proceribus, in Philippum filium tran-

stulit:

controverfiæ Religionis per Synodum tandem tollerentur: & interim, dum de Religione controverfiæ in Synodo explicarentur; Pax aliqua inter Ordines Germanicos constitui posset. Primum igitur petiit, ut promitterent Principes, se Synodo obtemperaturos esse. *Cbytræus L. XVI. pag. 421.* Promiserunt, & affirmarunt juramento. *Vide Brower. L. cit. ad b. annum.*

(y) Formulam hanc Reformationis vide *hoc Tomo VI. pag.*

(z) *Briet. L. cit.*

stulit : nec diu post Hispaniarum etiam, & quæ ultra Oceanum apud Indos obtinuerat Regna, eidem tradidit gubernanda : Imperii vero cura, titulum duntaxat Cæsaris reservans, Ferdinandus fratri commendata, profectus est in Hispaniam, ibique in S. Justi Monasterium secessit, per spatium vitæ reliquum DEO, & sibi vacaturus.

Anno demum MDLVII. solenni a Carolo Imperii abdicatione per Legatos Francofurti coram Septemviris facta, Ferdinandus Imperator salutatus est. Carolus autem magnis passibus in sacra sua solitudine ad vitæ finem decurrens, hoc ipso anno eundem attigit die Septembris prima & vigesima, Sancto Matthæo Apostolo sacra. Vixit annis LIX. Imperavit XXXVII. Cæsar virtute ac felicitate nemini secundus, a Paulo III. Papa in frequenti Cardinalium consessu *Maximi ac Fortissimi* titulo, ex rerum gestarum merito honoratus. (a)

FERDINANDUS I.

Imperium, quod, communicatis cum Carolo V. fratre curis, administraverat jam dudum, post ejus obitum solus regendum suscepit annos natus quinque & quinquaginta. Primam lucem vidit Compluti anno MDIII. X. Martii, Austriacos inter Archi-Duces primus Hispano sub Cælo genitus (b) : a pietatis, prudentiæ, mansuetudinis, vigilantisque & indefessæ assiduitatis laude plurimum commendatus, Catholicæ vero & avitæ Religionis tuendæ Studiofissimus.

Anno MDLIX. convocatis Augustam Comitibus, defuncto Carolo V. fratri magna pompa parentavit cum Imperii Proceribus, ac totius fere Europæ Principum Legatis : Laudante funus Ludovico Madruto, Tridentino Episcopo, qui dein in S. R. E. Cardinalium Collegium cooptratus fuit. Hoc in fratre pietatis officio perfunctus, ad restituendam in Germania veræ fidei unitatem curas intendit, egitque cum Principibus de Oecumenica Synodo, quam suis apud Pontificem studiis denuo instaurandam pollicebatur, dummodo ipsi ejusdem Synodi Sententiis assentiri vellent, & Decretis insistere. Optatissimum id quidem Principibus Catholicis & Orthodoxis : Verum Protestantes, præoccupato Lutheranis erroribus animo, & in iisdem retinendis obfirmato, sancitam in Augustanis Comitibus libertatem Religionis stabiliri maluerunt. Quare Ferdinandus Imperator protestatus palam fuit, per se non stare, quominus omnes, quod tamen maxime cupiebat, veram rectamque reverterentur ad fidem : neminem a se invitum cogi. (c)

Anno MDLXI. Eodem veræ Religionis reducendæ studio incitatus Ferdinandus Legatos misit Naumburgum ad Salam, ubi Confessionis Augustanæ Principes ad communem de fidei causâ consultationem convenerant. De duobus hic punctis actum. Primum erat de Augustana Confessione communi subscriptione renovanda & confirmanda. Alterum de Concilio Tridentino, ad quod Pontifex Pius IV. & Cæsar invitabant, vel adeundo, vel repudiando. In primo parum concordēs discessere : concordēs in altero, dum communi confessione repudiarent veritatem, in Legitimo & Oecumenico Concilio, in & a Catholica, vera Christi Ecclesia ipsis oblatam : extra quam tamen Ecclesiam vera do-

(a) *Masén. Hist. Carol. V. & Ferdin. I.*(b) *Hortens. Pallav. Cæsar. Austriac.*(c) *Briet. ad b. annum.*

Strinz concordia nec hucusque reperiri a Protestantibus potuit, nec unquam reperietur.

Anno MDLXII. indicta a Ferdinando Comitia Francofurti. In his Maximilianus, Ferdinandi filius, magnæ virtutis Princeps, & singularibus animi, corporisque præditus ornamentis, summa Septemvirorum voluntate Romanorum Rex renuntiatus, ibidemque die 30. Novembris, Sancti Andreæ Apostoli honoribus consecrata, in D. Bartholomæi templo, ab Archi-Episcopo Moguntino Regali diademate donatus. Septembri mense præcedente, die 20., Bohemicam coronam obtinuerat Pragæ: Septembri item anni sequentis die 8. accepit Hungaricam Posonii: atque ita uno non integro vertente anno, coronam tergerminam reulit. (d)

Annus MDLXIV. Ferdinando Cæsari & vitæ, & Imperii postremus fuit. Viennæ decessit VIII. Kal. Augusti, die festo Sancti Jacobi, uti ante prædixerat.

Vixit annos sexaginta, menses novem & aliquot dies. Imperavit annis septem. Princeps Religiosissimus, & Ecclesiæ cumprimis amans, cujus pacem non semel suo anteposuit Imperio.

FINIS SERIEI REGUM ROMANOR.

(d) Struv. Corp. Hist. Germ. pag. 1094. in not.

AD LECTOREM.

Statueram equidem, Sæculi XVI. Conciliis præmittere Chartam Chorographicam Episcopatum, in Germania post Lutherum suppressorum, novorumque deinceps erectorum, una cum explanatione historica; sed cum hic Tomus ob Synodorum, eodem Sæculo celebratarum & multitudinem, & amplitudinem, non attigerit eos annos, in quibus ista tum antiquorum Episcopatum suppressio, tum erectio novorum confecta, penitusque consummata fuit: utramque Tomo sequenti reservandam putavi. In eodem sub finem Sæculi XVI. pro Digressionem dabimus brevem Epitomen rerum, in causa Lutheri & Sectatorum ejus toto eo Sæculo gestarum. Noli eam narrationem mutilam hic exhibere, & ad annum MDLXIV., ultra quem hujus Tomi Concilia non excurrunt, abrumpere: gratus Lectori futurum ratus, si integram rerum seriem, uno & continuo ordine, subiectam oculis cerneret. Notationes quod attinet, in his parciore esse malui, quam superfluo, Harduini, aliorumque Synodographorum secutus exemplum. Si hæere vellemus ad singula, quæ moderno hoc Sæculo quibusdam revocanda videntur ad crisi; immensum futurum esset hoc opus. Hæc, Benevole Lector, paucis te monitum volui. Vale, & face.



CON-



CONCILIA GERMANIÆ.

SÆCULUM XVI.

SYNODUS PATAVIENSIS

Anno Christi MDIII. Alexandri VI. PP. X.
Maximiliani I. Imp. IX.

Hujus memoriam Synodi his verbis refert Hansizius Germ. Sacre Tom. I. pag. 600.



Anno MDIII. Wigileus (*) (Pataviensis Ecclesiæ Episcopus) invitat Clerum suæ Diœcesis, etiam Prælatos cujus-
cunque status ad Provincialem Synodum
in Mautern oppidulo suo, Dominica
Misericordia Domini proxime ventura, pro

corrigeno vitiis dedito Clero celebrandam. Datum Pataviæ sub majori Decreto Anno Domini 1503. Kal. Febr.

Sed eo Conventu tunc impedito, idem Episcopus Synodum pro Reformatione Cleri de Mauttarn in Pataviam transfert eo fine, ut omnes tam supra, quam infra Anasum constituti illuc confluant ad visitationem B. MARLE; ibi in soli-

(*) Wigileus Fröschel de Marzols, nobilis Bavarus, anno 1500, Pataviensem Cathedram unanimi Collegarum suffragio adeptus, eandem usque ad annum 1517. cum magna sapientia, probitatis, liberalitatis & justitiæ laude tenuit. Anno 1490. Christophoro Schachnero ad Pontificalem Pataviensis Ecclesiæ dignitatem evecto in Decanatu successerat. Eo in officio dum reformandis Cleri moribus se se impendit, a Canonicis quibusdam ejusdem Ecclesiæ, inita conspiratione manipatus est carceri. Postea dimissus tanquam innocens, & sublimatus in Episcopum, nunquam vindicavit se de adversariis; sed imitatus est patientiam sui Patroni S. Stephani. Ita Auctor Appendicis Schritov. apud Hansiz. pag. 598.

solitæ suæ residentię Curia compareant. Impedimentum autem Synodi prioris in Mautiern fuerat, quod Episcopus in obsequio Regis Romanorum Ratisbonæ Judicio Cameræ Regalis præesse cogeba-

tur, aliisque rationabilibus intervenientibus causis. Actum in Civitate nostra Patavienti Anno Domini 1503. 10. Aprilis.

Hæc Hanfzius.

CONCILIIUM BASILEENSE

Eodem anno Christi MDIII.

Prologus in Statuta Synodalia.

CHRISTOPHORUS, (*) DEI GRATIA EPISCOPUS BASILEENSIS,
UNIVERSO CLERO NOSTRO SALUTEM.

Pontificale nostrum requirit officium, ut vitæ & morum totius Cleri nostri ad suam, ac populi Nobis, & eidem subiecti salutem, præcipuam curam, singularemque respectum habeamus: Quod in sancta Congregatione (quam Synodum vocant) convenientius fieri posse videtur. Sicut enim olim ante Constantini Magni tempora, Christianitas in diversas hæreses scissa est, propterea quod non erat Episcopis in unum conveniendi data libertas: sic & multas vitiorum spinas inter Ecclesiasticos & populares crescere timendum est, quia Sacerdotes ab Episcopis, cæterisque Prælati suis non convocantur: dum Synodi per Episcopos juxta eorum officium non celebrantur: dum Constitutiones Synodales non patefunt: dum nulla sit ad virtutes exhortatio, nulla vitiorum reprehensio, nullum de populi vita & conversatione scrutinium, nulla de statu & dispositione Ecclesiarum & Beneficiorum, Divinique cultus inquisitio. Quapropter ut facilius & felicius (Domino DEO cooperante) Nobis liceat pristinum Ecclesiarum nostræ Diocesis decus restituere, Cleri honestatem fovere, antiquas & pene oblitteratas Constitutiones innovare; de Venerabilium Fratrum Ecclesiæ nostræ, Decani & Capituli consilio & consensu, Synodum Sanctam jam dudum vitio temporum interpolatam, ad DEI laudem, animarumque salutem imprimis celebrare, Statutaque Synodalia publicare decrevimus. Et ne

fortassis quispiam de Clero nostro, excusationem amodo quærat, Constitutionum Synodaliū a se non observatarum, propter earum ignorantiam, aut oblivionem (memoria enim hominum labilis est) curavimus antiquis Synodalibus Statutis nova quædam addere, ea simul in unum congerere, in ordinemque sequentem disseminare, ut ex illis quisque Sacerdotum & Clericorum manifeste cognoscat, quod suum sit officium, quid ars artium (animarum scilicet cura) requirat, quid ad vitam & honestatem Cleri pertineat, & quæ ad conservanda, tum temporalia, tum spiritualia ipsarum Ecclesiarum bona conducere videantur. Vos itaque universos & singulos Nobis subiectos (præcipue vero Curatos) auctoritate nostra ordinaria in virtute sanctæ obedientiæ, in Sacerdotii susceptione præstitæ, pie in Domino JESU exhortamur, & districte requirimus, ut his nostris Constitutionibus deinceps pro Synodalibus uti, illas memoriæ commendare, in eisque legendis vos ipsos exercere, arque omni studio tanquam Christiani & honesti Sacerdotes, obediētesque filii humiliter observare velitis. Quilibet etiam ex Decanis, in Capitulis ruralibus, illas Confratribus suis publicare, legere, communicare & interpretari, omni excusatione cessante benevole studeat, & benigne labore. In hoc facturi estis rem Deo gratam, Nobis jucundam, vobis ipsis honorificam, & Ecclesiis, Beneficiisque

(*) Christophorus ab Uttenheim, sexagesimus Basileensis urbis Episcopus, laudatissimus Caspari de Rheinach anno 1502. defuncti Successor. Resignavit Pedum Basileense anno 1527. *Bucelinus in German. Sacr.*

ciisque vestris salutarem. Exemptos denique, aut exemptione sua abutentes, ad finem epistolæ Sancti Bernardi quadragesimæ secundæ, paterne remittimus, quam dedit ad Archi-Episcopum Seno-

nensem; cujus principium est: Placuit præstantiæ vestræ. Datæ in civitate nostra Basileensi, quinto Calendas Octobris, Anni salutiferæ Christi Nativitatis Millefimi quingentesimi tertii.

TITULI STATUTORUM SYNODALIIUM.

- I. De Summa Trinitate & Fide Catholica.
- II. De officio Decani, Camerarii, vel Juratorum.
- III. De Constitutionibus.
- IV. De regentibus curam animarum.
- V. De Petitioribus sive Stationariis.
- VI. De executione Citationum, aliorumque Processuum, vel Mandatorum a Nobis, vel Curia nostra emanantium.
- VII. De renuntiatione Beneficiorum.
- VIII. De temporibus Ordinationum.
- IX. De Filiis Presbyterorum, vel aliis illegitime natis.
- X. De officio Conservatorum, vel Judicum delegatorum.
- XI. De Majoritate & Obedientia.
- XII. De Judiciis.
- XIII. De Foro competenti.
- XIV. De Probationibus.
- XV. De vita, vel honestate, vel vestitu Clericorum.
- XVI. De Clericis non residentibus.
- XVII. De congrua portione.

- XVIII. De Institutionibus.
- XIX. De rebus Ecclesiæ non alienandis.
- XX. De Decimis.
- XXI. De Testamentis.
- XXII. De Celebratione Missarum.
- XXIII. De Regularibus.
- XXIV. De Procuratoribus Ecclesiarum.
- XXV. De Judæis.
- XXVI. De Adulteriis, vel Fornicationibus.
- XXVII. De Presbyteris secularibus, vel Religiosis sermonem ad populum facientibus.
- XXVIII. De sententia Excommunicationis.
- XXIX. De Interdicto.
- XXX. De Excommunicationis vitandis, vel interdictis observandis.
- XXXI. De procurandis Statutis istis Synodalibus.
- XXXII. De temporibus, quibus nuptiarum solennitas interdicta est: de Festis, vel Jejuniiis.
- XXXIII. De Casibus Papalibus, vel Episcopalibus &c.

Statuta Synodalia Basileensia.

TITULUS I.

De Summa Trinitate, & Fide Catholica.

Peccatis fidei contrariis resistatur: simplices in fide instruantur, & ut in ea firmiter maneant, sunt docendi.

CUM Fides Catholica (quam Clerici, præcipue Curati etiam explicite, vel Laici saltem implicate, prout Sancta universalis sentit Ecclesia, firmiter credere tenentur) totius Christianæ Religionis fundamentum existat, volumus Canonica Statuta contra abominandum idololatriæ flagitium, contra terribiles & horrendas DEI ac Sanctorum blasphemias, contra superstitiones, sortilegia, incantationes, Phythonum, & Phythonissarum divinationes, jam dudum edita, ab universis Nobis subditis diligentissime observari. De hujusmodi quoque pec-

catis, vel cæteris Christianæ fidei contrariis, volumus in confessionibus solemtem fieri inquisitionem, reosque, & in his culpabiles ad desistendum sedulo admoneri, atque si necessitas postulaverit, auctoritate nostra compelli. Hortamur etiam, vel ex paterno zelo requirimus omnes Diocesis nostræ Curatos, ut fidei articulos fideliter doceant suos subditos, eisque persuadeant, ut in ea fide constanter, vel religiose vivant, fidem hanc certissimam, atque Evangelium veracissimum esse, nequaquam dubitent. De fide nec temere, aut scrupulose, sed neque jocose disputent: animam hominis esse immortalem: post hanc brevem vitam, alteram, bonis beatam, malis vero miserrimam in sempiternis ignibus esse preparatam, certo cognoscant. Et si subditi quandoque potissimum in agone circa Benedictissimam TRINITATEM, circa Sacra-

Tomus VI. Concilior, German.

menta (præsertim Eucharistiæ) vel de aliis hujus generis fidei mysteriis, aut in aliquo ejus articulo, qualemcumque temptationem ab humani generis hoste passi fuerint, quod firmiter inhærent, firmitissime credant, quidquid & quomodo Ecclesia sancta credit: idque eis sufficere non dubitent, nec ab ea declinent, diaboli jacula vel suggestionem fortiter repellant, vel non curent, Domino Deo, & suæ ineffabili misericordiæ sese committant, sicque in fide stabiles, in spe firmi, & in charitate Dei ac proximi perseverantes feliciter moriantur.

TITULUS II.

De officio Decani, Camerarii, vel Juratorum.

Nomina Beneficiorum ultra tempus juris vacantium intinentur Episcopo, vel ejus Vicario.

Statuimus, ut Decanus ruralis Nobis, vel Vicario nostro, nomina Beneficiorum, quæ infra suum Decanatum, ultra tempus juris vacaverint, intimare procuret, simul & cum nominibus collatorum hujusmodi Beneficiorum: similiter etiam nomina eorum, qui vigore literarum Apostolicarum, vel Legatorum, vel precum Imperialium, aut Regalium, infra suum Decanatum Beneficia Ecclesiastica assequuntur, eorundemque Beneficiorum nomina: vel ad id faciendum, ipsi Decano mensis spatium præfigimus, infra quod insinuationem hujusmodi Nobis, vel Vicario nostro faciat.

Nullus admittatur ad inofficiandum aliquod Beneficium, nisi titulum ostendat &c.

Decanus nullum Presbyterum infra suum Decanatum quodcumque Beneficium Ecclesiasticum inofficiare permittat, nisi sibi titulum, investituram, seu commissionem suam infra spatium unius mensis, a publicatione præsentium sequentis, ostendat. Quod si quispiam non ostenso titulo, investitura, seu commissione se de inofficiando intromiserit; Decanus eum admoneat, ut ab inofficiando desistat: quod si nec tunc quidem desistere curaverit, ipsum auctoritate nostra a Divinis in scriptis suspendat sub hac forma:

Quia tu N. requisitus, ut titulum, seu commissionem tui Beneficii ostenderes, aut ab in officio desisteres: requisitioni hujusmodi non paruit; ideo auctoritate mihi concessa te in his scriptis a Divinis suspendo, vel suspensionem denuncio. Datum &c.

Excessus enormes notorii notificentur Episcopo, Vicario, Officiali, vel Fiscali.

Decanus excessus notorios, vel præsertim illos, quibus Ecclesia scandalizatur, quorumcumque infra suum Decanatum Beneficiatorum, seu aliorum Clericorum, infra unam quindecim a tempore suæ notitiæ computando, Nobis, Vicario, Officiali, vel Fiscali nostro notificet, & comenbat; quod si negligens fuerit, poena condigna eum volumus mulctari. Sunt autem scandalosi excessus: furtum manifestum, vulneratio, mulatio, homicidium, fornicatio scandalosa, vel adeo notoria, quæ nulla possit tergiversatione celari. Item si Clericus literatorie excommunicatus Missas celebraret, vel in Divinis ministraret, legendo Epistolam, vel Evangelium &c. Item, si Clericus cujuscumque status post monitionem verbalem, seu scriptam, se tabernis, ludis, lupanaribus, aut quibuscumque aliis illicitis actibus, seu litigiis, vel sibi per Decanum prohibitis, & his similibus immisceret.

Bona decedentium sine Fertone (uti vocant) arrescentur.

Decanus, aut Camerarius bona Clericorum sine Fertone decedentium, vel defectum natalium patiennum, nostra auctoritate statim arrescet, & defunctos tales mox Vicario, vel Fiscali nostro denunciaret. Si vero defunctum Fertorem habere contigerit, illum sine mora Vicario nostro transmittat.

Vacantia Beneficia provideantur per personas idoneas.

Decanus Beneficia per mortem, vel alias vacantia per personas idoneas cum scitu Vicarii nostri providendi faciat, quousque per Nos, vel Vicarium nostrum aliter fuerit ordinatum.

Rectores non residentes, intinentur Vicario nostro in Spiritualibus.

Decanus singulis annis Vicario nostro notificet Rectores, seu Curatos Eccle-

clesiarum Parochialium, qui in suis Ecclesiis personaliter non resident.

Juramentum Decani.

Nullus Decanus ante suam confirmationem a Nobis, vel Vicario nostro obtinendam, ac priusquam juramentum suum Nobis præstiterit, officium Decani exercere præsumat.

Forma Juramenti.

Primo jurabit, quod mandata nostra, Vicarii, & Officialium nostrorum reverenter exequatur, ac Nobis, & eisdem fidelis erit, quodque officium, ad quod electus est, diligenter exercebit. Item quod Statuta Synodalia, quotiens Capitula ruralia celebrantur (saltem semel in anno) Confratribus suis ad intellectum publicabit, ea quoque fideliter observabit, & ab aliis (quantum in eo est) observari faciat; dolo & fraude semotis. Ac insuper excessus Confratrum suorum (prout ad se spectant) corrigere; incorrigibiles vero pro eorum excessibus, pro quibus deferendi sunt, Nobis, vel Vicario, aut Officiali nostris, deferre non tardabit, absque dolo, vel fraude.

Ecclesiæ, vel Capellæ singulis annis visitentur.

Decanus per se, vel per Cameraarium, vel una cum Camerario, ubi necesse fuerit, singulis annis tempore sibi magis commodo & convenienti, ad minus semel singulas visitet Ecclesias, vel Capellas infra suum Decanatum constitutas, perquirendo diligenter, quomodo Sacerdos Parochialis cujuslibet Ecclesiæ, & alii Sacerdotes locorum, ad quæ declinaverit, se regant, tam in administratione Sacramentorum, celebratione Missarum, quam aliis, quæ ad officium suum spectant. Habendo etiam respectum diligentem, an Eucharistia, sacrum Oleum, Baptismus, & alia sub debita custodia, vel in decenti reverentia serventur; vel si ante Sacratissimum Eucharistiæ Sacramentum lumen, seu ampulla ardens teneatur. Et si aliquem defectum circa præmissa, vel circa alia repererit, conscribat, eundemque (pro suo posse) auctoritate nostra infra certum terminum, in debitum ordinem, statum & modum reducat. Et si forsan Ecclesiarum Procuratores, seu alii qui-

cunque ipsum in præmissis impediverint, aut mandatis suis (quæ circa præmissa rationabiliter fecerit) non obtemperaverint, illos statim Vicario nostro denunciet.

Minus idonei ad regendum, vel celebrandum, intimentur Vicario.

Decani, Camerarii, vel Jurati, si in suis Capitulis, vel Decanatibus, aliquos Sacerdotes, præcipue Curatos, ad celebrandum, vel curam animarum regendam minus idoneos exploraverint, eosdem (etiamsi prius admissi essent, & examinati) a regendo, vel celebrando suspendant, ipsosque Vicario nostro sine mora denuncient; cum sæpe, quod ex parvi temporis examine non percipitur, ex diuturna postea conversatione apertius cognoscatur.

Quales mittendi sunt pro Oleo & Chrismate.

Decani, & Camerarii, in die Ccenæ Domini, Sacerdotes mittant honestos & discretos ad Ecclesiam nostram Cathedralē, pro Chrismate vel Oleo sacro alportando. Qui quidem sic missi sint tales, ut sciant discernere, ubi Chrisma, vel ubi Oleum sit reponendum, vel quam caute, vel reverenter in ipsa via (urpote in loco sacro) sint conservanda. Idem etiam Decani, vel Camerarii, dum hujusmodi Oleum, vel Chrisma ipsis fuerit apportatum, provideant diligenter, ne per mulieres, aut laicos illa per Decanatum suum distribuenda transmittant, sed per Sacerdotes providos & honestos, prout pœnam condignam voluerint evitare.

Habeatur respectus ad Apostatas quorumcunque Ordinum, vel ad Clericos peregrinos.

Decani, Camerarii, vel Jurati diligentissime respiciant ad Monachos, vel Fratres, atque Moniales, vel alios Clericos apostatas, & peregrinos, in Decanatibus suis divagantes; & quorumcunque conversationem habuerint suspectam, illos, ut mox nostram Diocesim egrediantur, inducant, vel si opus sit, eis, ut exeant, mandent, atque præcipiant; quod si id facere distulerint, aut recusaverint, illos ad nos transmittant, condignam pœnam recepturos.

Decanus non eligatur, nisi investitus, & residens.

In Decanum, Camerarium, vel Juratum nullus eligatur, nisi investitus, vel residentiam faciat personalem; vel si animo alibi residendi, se per unum mensem præter Vicarii nostri licentiam absentaverit, lapso mensis spatio, Decanatu privetur, Camerariusque Confratres capitulares convocet ad alium eligendum, quod si Camerarius facere neglexerit, a Divinis veniet suspendendus.

TITULUS III.

De Constitutionibus.

Statuta sine Episcopi auctoritate condita irritantur.

Cum membra sine capite nihil agere debeant, omnia Statuta per quævis Capitula, vel Collegia nostræ Dicecesis, etiam de Prælatorum consensu, qui eisdem Capitulis immediate præsunt, super quibusvis arduis negotiis, vel statum Ecclesiarum tangentibus ordinata, quibus auctoritas nostra, vel Antecessorum nostrorum non intercesserit, declaramus, & decernimus robur non habere firmitatis: imo talia statuta irritamus, & de cætero fieri prohibemus: per hoc tamen laudabilibus consuetudinibus rationabiliter introductis nolumus derogari.

Fraternitas nulla sine Episcopi consensu erigatur.

Ordinamus etiam, ut in nullis Ecclesiis, vel Monasteriis nostrarum Civitatis vel Dicecesis, Societates, quas vulgariter Confraternitates, vel Fraternitates appellant, deinceps ineantur, aut fieri permittantur, vel jam initæ, vel factæ admittantur, nisi eadem per parentes nostras literas fuerint approbatæ.

TITULUS IV.

De regentibus Curam animarum.

Ne nova Altaria erigi permittantur sine consensu Episcopi.

Curati Ecclesiarum non permittant in eorum Ecclesiis, vel Parochiis novas Capellas, vel Altaria erigi, vel antiqua transmutari sine nostra licentia speciali, quam tamen asserentibus se habere non credant, nisi literas nostras desuper sigil-

latas videant. Quod si quispiam forte contrarium attemptare, & Altaria, sive Capellas erigere præsumperit, Curatus eidem mox sub excommunicationis pœna, trium dierum monitione Canonica præmissa, inhibeat. Et si inhibitioni suæ paritum non fuerit, id Nobis, Vicario, vel Officiali nostris intimare curet.

Laicis Processiones instituere præsumentibus, Clerici non obediunt.

Cum Laicis de Spiritualibus ordinandi nulla concessa sit auctoritas, quos obsequendi tenet necessitas; nihilominus, quanquam (*) certas processiones, certa officia tempore Divinorum peragenda, vel alia ejusmodi ad eos minime spectantia, Clericis absque Dicecesani, vel Vicarii scitu & licentia, propria auctoritate imponere attemptant; volumus & mandamus, ne de cætero quisquam Sacerdotum, vel Curatorum nostrarum Civitatis & Dicecesis tales ordinationes, qualitercunque per laicos (ut præfertur) impositas, sine Nostra, vel Vicarii nostri speciali & expressa licentia, scitu & voluntate, publice peragat, vel quoquo modo illis intersit. Quæ licet quomodo-cunque bonæ & legitimæ videantur: quia tamen non bene in contemptum Ecclesiasticæ Superioritatis fieri præsumuntur; idcirco sub pœna unius marcæ argenti merito prohibentur.

Novus populi concursus ad loca profana cobibeatur, & de tali exorto mox Episcopus certior reddatur.

Et quoniam experientia teste hætenus quædam peregrinationes, & frequens vulgi concursus, ad quasdam imagines, aut profana quædam loca in montibus vel sylvis abstrusa, non tam ex veris visionibus, quam ex falsis somniis, lætæ phantasie illusionibus, vel sensuum præstigiis, sicut vana vel incerta principia, ita vel leves & ridiculos exitus habuerunt: ideo ne de cætero in nostra Dicecesi simplicem populum facili credulitate decipi, fictis aut superstitiosis miraculis illudi, frustra fatigari, superfluos viarum sumptus pati, vel in idololatriæ errorem labi contingat: mandamus sub pœna excommunicationis, ut, ubicunque hujuscemodi tumultuarius concursus quocunque eventu, aut novo quodam aucupio exortus fuerit, ab ejusdem loci

(*) forte: quoniam

loci Curato, vel Decano quamprimum ad Nos referatur: vel interim (quantum fieri potest) concursus ille rationabiliter & discrete cohibeatur, nec ulla miracula in cancellis, nisi per Nos prius examinata fuerint vel approbata, publicentur.

Probibeatur, ne sub Divinis choreæ fiant.

Curati diligenter & cum effectu prohibeant, ne subditi sui tempore Missarum, & Vesperarum, seu sermonum choreas publicas faciant. Quod si huiusmodi præceptis obtemperare contempserint, illis tempore confessionis propterea specialem poenitentiam imponant.

Diebus Dominicis Curati in suis Ecclesiis celebrent.

Curati singulis diebus Dominicis, in maioribusque Festivitatibus, ac in diebus anniversariorum, congruis horis Missam suis in Ecclesiis celebrare, vel pro illa celebranda pullari facere per competens intervallum non postponant; ita quod Parochiani commode sese disponere possint ad Ecclesiam frequentandam. Missam vero celebrantes, Epistolam, Evangelium, Collectas (præter Secretam) & Cantica legant alta voce, ut audiri possint.

Ne Curati duas Ecclesias regant.

Curati non assumant sibi onus regendi aliam Ecclesiam Parochialem cum sua, vel etiam illa dimissa; nisi de Nostra, aut Vicarii nostri in Spiritualibus licentia speciali & expressa.

Vicarii temporales, vel Coadiutores non assumantur, nisi prius fuerint examinati.

Curati non assumant Sacerdotem in Vicarium suæ Ecclesiæ, aut in Coadjutorem suum, nisi talis per Examinatores a Nobis ad hoc deputatos fuerit examinatus, vel pro idoneo approbatus, & super hoc literas nostras, vel Vicarii nostri videant opportunas.

Extranei non admittantur ad celebrandum.

Curati nullos extraneos, qui se dicunt esse Sacerdotes, admittant ad celebrandum in suis Ecclesiis Missas sine Nostris, vel Vicarii nostri litteris, nisi indubitam de eis habeant noticiam; aut nisi

sint tales, tamque notabiles personæ, de quibus nulla sinistra suspicio possit haberi.

Ordinati extra nostram Diocesim non admittantur sine licentia Episcopi, vel Vicarii.

Neque Curati permittant Sacerdotes extra nostram Diocesim promotos, in suis celebrare Parochiis, etiam si in illis Ecclesiastica habeant Beneficia, donec eis contiterit literatorie de Nostra, vel Vicarii nostri in Spiritualibus Generalis licentia, cum nostra interfit examinare, si tales rite sint canoniceque promoti, alioquin pœna condigna puniantur.

Ornamenta Altarium lavanda sunt, vel Hostiæ, sive Particulæ innovande.

Curati, seu eorum Vicarii, abluant per se ipsos (bis saltem in anno) mappa Altarium suorum: similiter corporalia, amictum, & albam. Quod si forte per se ipsos lavare non possent, faciant ea per religiosas, aut post primam lotionem vel ablutioem per eos factam, per honestas virgines, seu matronas lavari. Hostias etiam sacras de mense in mentem renovent, ne putrescant, ne ex diuturnitate custodiæ sumentibus generent horrorem.

Curati habeant Calendarium, vel Breviarium, secundum quod habet Ecclesia nostra Basiliensis.

Curati, & Canonici, Collegiarumque vel aliarum Ecclesiarum Beneficiati sese conforment matri Ecclesiæ (prout juris est) habeantque Calendarium vel Breviarium, in omnibus Calendario & Breviario Ecclesiæ nostræ Basiliensis conforme, quæ est omnium Ecclesiarum Civitatis vel Diocesis nostrarum Mater, vel Caput: ita, ut de nullo alio Sancto celebrent; quam de nominatis in eodem Calendario; nisi tales Sancti sint Ecclesiarum suarum, vel Præbendarum, seu Altarium Patroni: aut eorum officia ex speciali devotione aliter fundata essent in ipsorum Ecclesiis per aliquos Christi fideles: vel ex consuetudine, seu pia causa ad aliquem Sanctum honorandum peculiariter afficerentur.

*Parochiani diebus Dominicis vel Festiis
sint in sua Ecclesia.*

Curati indicant, hortentur, & admoneant suos Parochianos, ut singulis diebus Dominicis, & in præcipuis Festivitatibus ad suam convenient Ecclesiam, asperionem aquæ benedictæ recipiant, vel prædicationem, ac mandata audiant: genuflexiones quoque sub elevatione & sumptione Sanctissimi Corporis, nec non Sanguinis Domini nostri JESU CHRISTI devote faciant, nec ante Missæ Parochialis ad hoc deputatæ finem recedant. Quibus etiam denuncient, quod, si iusto impedimento cessante, ad Ecclesiam prædictis diebus non venerint, graviter peccabunt; vel contra eos procedi poterit (secundum viam juris) ad sententiam excommunicationis, vel alias penas debitas atque condignas.

*Ne Parochiani tempore sermonis in cimiteriis
sint confabulando.*

Curati expressè prohibeant vel effaciter suos inducant Parochianos, ne tempore Prædicationis in cimiteriis, vel extra Ecclesiam confabulando, seu alias otiosi stare præsumant: sed potius in Ecclesiis maneant, Verbum Divinum diligenter audientes: quod si facere vel obedire contempserint, Nobis, vel nostro in Spiritualibus Vicario id deferant, ut sub penis juris eos ad hoc coercere valeamus.

*In Processionibus indicendis Parochiani se
devote habeant.*

Curati populum solícite inducant, ut in die Sancti Marci, & in diebus Rogationum, in aliisque Processionibus pro tempore indicendis, cum omni devotione, & peccatorum suorum contritione incedant; huiusmodi Processionibus intersint abstinendo ab omni inani confabulatione, & commellatione, aliisque rebus illicitis: ad minusque de qualibet domo una persona idonea adfit: separatim quoque viros a mulieribus incedere inducant.

Quid Curati intimare debeant populo.

Curati singulis diebus Dominicis, Parochianis suis Evangelium (quod pro tempore occurrit) secundum literam in vulgari exponant: Festa Sanctorum, vel jejunia, quæ cadunt sub præcepto, ac

anniversaria, quæ erunt in proxima sequenti hebdomada, denuncient. Orationem quoque Dominicam, Salutarium Angelicam, & Symbolum Apostolorum, vel Præcepta Decalogi alta & intelligibili voce tractim cum pausa per singulas clausulas, & articulos, non transcurſorie, vel intucando verba in vulgari, & vernacula lingua pronuncient: ut Parochiani juvenes & senes ab eis discere possint, quomodo perfecte & bene debeant dicere, vel pronuciare, vel vivere, atque in fine doceant eos Sanctæ Crucis signo se se consignare, dicendo: *In Nomine Patris, & Filii, & Spiritus Sancti. Amen.* Alias quoque populum ad devotionem, vel peccatorum suorum contritionem exhortentur, secundum quod cuilibet gratia a DEO fuerit concessa.

Indulgentiæ Festi Corporis Christi publicentur.

Curati singulis annis Dominica die ante Corporis Christi festum denuncient populo Indulgentias a Summis Pontificibus vere pœnitentibus & confessis concessas, qui in profecto dictæ festivitatis ex devotione jejunaverint, vel qui Missæ & horis officii tam diurni, quam nocturni ejusdem festi, per totamque ejusdem octavam intererunt, quique communicaverint, vel celebraverint; ut Parochiani ad illas assequendas sese præparare possint. Denuntient etiam Indulgentias a Summis Pontificibus, a Nobis quoque concessas his, qui reverenter vel devote comitantur Sacerdotem, Corpus Christi ad infirmum deferentem, eundo & redeundo, juxta mandati nostri formam, quod super præmissis nuper ad singulas Civitatis & Diocesis nostræ Ecclesias duximus transmittendum.

*Monstrantia nuncupatæ, ubi non habentur,
ibidem procurentur.*

Quilibet in Parochia sua coram Sacramento Horas alta voce per ejusdem festi octavam dicat propter Indulgentias, campanis etiam pulsatis.

*Indulgentiæ Festorum Conceptionis, & Visitationis MARIE Virginis,
intimentur.*

Curati singulis etiam annis, proximis Dominicis festa Conceptionis, & Visitationis Beatæ MARIE Virginis præcedenti-

dentibus, indulgentias Missæ, vel aliis earundem festivitatum horis interexistentibus concessas (prout eadem indulgentiæ in prædicto nostro mandato summam sunt collectæ) proponant, atque manifestent. Volumus etiam ad minus semel in anno publicari **II.** dierum indulgentias, quas concedimus cuilibet ex laicis, die Veneris per totum annum in pulsu campanæ, ob Dominicæ Passionis memoriam fieri solito, oranti tres Orationes Dominicas cum totidem Salutationibus Angelicis. Clerico vero dicenti Psalmum : *In te Domine speravi*, per sex versus, cum Oratione Dominica, vesiculo : *Christus factus est pro nobis obediens*. Et Collecta : *Domine JESU Christe, Fili DEI vivi, pone Mortem, Passionem & Misericordiam tuam inter nos, & animas nostras &c.* Vel illa : *Respice, quesumus Domine super hanc familiam tuam.* Aut consimili. Alias nihilominus indulgentias ad hoc idem Dominicæ Passionis obsequium a nostris Prædecessoribus concessas, robur & firmitatem suam perpetuo decernimus habituras.

Alieni Parochiani ne recipiantur.

Curati nullos Parochianos alienos, de inobedientia, vel excommunicatione suspectos, ad Divina recipiant Officia, vel Ecclesiastica Sacramenta, nisi literas habeant testimoniales Curatorum, in quorum Parochiis residentiam fecerunt, per quas appareat, quod non sint excommunicati, vel interdicti, ad evitanda pericula, quæ in administratione Sacramentorum, vel receptione ad Divina, ex prædictarum literarum defectu plerumque evenerunt.

Ne ante Sacramentorum administrationem quicquam exigatur.

Curati ante Sacramentorum administrationem nihil penitus exigant; sed Sacramenta ipsa sine mora, seu contradictione, devote, & secundum Ecclesiæ ritum administrent. Et si quid alicui Curatorum secundum antiquam, laudabilemque consuetudinem debitum fuerit; id post Sacramentorum hujusmodi administrationem (sine tamen strepitu & figura judicii) Nostra, vel Vicarii, aut Officialis nostri auctoritate consequi poterit, si ei fuerit denegatum. Idem circa sepulturas defunctorum statuimus

Tomus VI. Concil. German.

observandum; adjunctes, ut defuncto prætextu cujuscunque debiti ad instantiam creditorum suorum sepulturam minime denegent, nisi aliud Canonicum obstiterit impedimentum; quodque nemo absque scitu Curati in Parochia sua sepeliatur.

Exequiæ & Anniversaria diebus Festivis nequaquam habeantur &c.

Curati exequias Defunctorum, & anniversaria Dominicis diebus, aliisque Festivitatibus peragere non præsumant; quoniam veraciter edocti sumus, quod, dum Curati ad exequias talibus diebus hætenus peragendas simul convenerunt, Officia Festorum fuerunt sæpe numero multis in Ecclesiis neglecta, & populus Officio Divino, Prædicationeque Verbi DEI privatus; nisi rationabilis causa subsistat in loco, ubi multi resident Sacerdotes, ita ut Prædicatio Verbi DEI, & solennis Missa de die Dominico, sive Festo non negligatur.

Curati populum ad confitendum in Quadragesima inducant.

Curati in Quadragesimæ principio populum in sermonibus instruant, quomodo debeant confiteri, pueros etiam doli capaces ad annuam confessionem inchoandam inducant, adhortenturque, ut cum omni humilitate & devotione reverenter Presbyterum accedant, neque aliquod mortale peccatum scienter obliteant: certificantes eos, quod si quis peccatum mortale in confessione sponte celaverit, sicque ex hac vita migraverit, indubie eum ad inferos & sempiternos ignes esse descensurum.

Curati subditorum suorum confessiones benigne audiant, nihilque exigant, neque prodant.

Curati per se ipsos, vel eorum adjutores, in locis publicis & facie averſa confessiones subditorum suorum benigne cum omni mansuetudine audiant: neque peccatum, neque peccatorem verbo aut nutu unquam prodant, aut detegant, & infirmos tempore debito vident, nisi Parochiani licentiam ab eo petierint alteri confitendi; quo casu eam taliter petenti volumus minime negari, caventes omnino, ne quicquam pro confessionibus audiendis exigant, sed

B

ſpon-

sponte oblata (si velint) recipere possunt.

Emenda quomodo injungenda sit, & quæ absolutionis forma.

Curati confiteri volentem ante omnia interrogent, si a jure vel judice sit excommunicatus, ne frustra confessionem audiant ejus, quem absolvere non possunt. Confessione vero non excommunicati facta, & interrogatoriis secundum cujuslibet statum a Confessore adhibitis (sicuti confessionalia Antonini, vel Bartholomæi de Chaymis dirigunt) injungant emendam tolerabilem, quam confessus sponte se dicat impleturum: cautius enim est cum modica poenitentia remittere ad ignem purgatorium, quam cum magna ad inferos. Emenda (quæ est arbitraria) imposita, poterit addere Confessor: *Si quid minus injunxi, id suppleat amara Passio Christi.* Absoluturus dicat: *Dominus noster JESUS CHRISTUS te absolvat, & Ego auctoritate ipsius, qua fungor, absolvo te a vinculo excommunicationis minoris, si incidisti, & a peccatis tuis: In Nomine Patris, & Filii, & Spiritus Sancti.* Neque ullo pacto addat hæc verba: *Confessus, contritus, & oblitus.*

Ad infirmos primo vocentur Confessores.

Curati sæpe in sermonibus suis publient, ne ad infirmos vocentur Medici corporis, nisi prius vocati fuerint Medici animarum, providendo efficaciter, ne ad infirmos incantatores, vel sortilegi, vel alii admittantur, qui aliquid ægroto consulant contra animæ suæ salutem.

Ad Communionem tempore Paschali excitentur subditi.

Curati circa Dominicam Palmarum populum ad Communionem incitent, & ut nullo pacto in peccato mortali scienter accedant, paterne obtestentur & avisent.

Eucharistia quomodo infirmis porrigenda.

Curati ad infirmos Eucharistiam in calopedibus ne deferant: ad illam adorandam subditos instigent: in particulis abundant: quod si una sola (quod absit) inventa fuerit in pyxide, pars detur infirmo, residuum reponatur in locum priorem; ne populus vacuum a Sacramento pyxidem falso adoret, Sacerdote ad templum redeunte.

In Cæna Domini tres Hostiæ consecrentur.

Curati in Cæna Domini consecrent Hostiam magnam pro crastino Parasceves die; item alteram Sepulchro Domini imponendam, ubi saltem consuetudo de Eucharistia ad Dominicum Sepulchrum reponenda hæctenus observata est. Et hæc ad Missalia consignentur, in quibus ista consignatio omissa est.

Curati, condemnatis ad ultimum supplicium, si humiliter petant, neque Confessionis, neque Eucharistiæ Sacramentum sciant esse denegandum.

Non confessi in anno, Nobis, vel Vicario nostro intimentur.

Curati Nobis, vel Vicario nostro in scriptis notificent nomina eorum, qui in anno non fuerunt confessi, & communicati, ut contra eos (prout juris est) procedere valeamus.

Inexpertis in ministrandis Sacramentis, ab expertis petant informari.

Curati, & Presbyteri novi, antequam confessionem audiant subditorum, Decanum rogent, aut aliquem alium Sacerdotem, in confessionibus audiendis exercitatum, cautum, providum, & honestum, ut ipsos in confessionibus audiendis, & cæteris Sacramentis administrandis fideliter informet.

Lumen ante Eucharistiam ardeat.

Curati Procuratores Ecclesiarum inducant, & (si opus fuerit) publice coram populo moneant, & requirant, ut ante Venerabile Sacramentum Corporis Christi in Ecclesia continue habeatur lumen, seu ampulla ardens. Quod si Procuratores negligentes extiterint, eosdem Nobis, vel Vicario nostro denuncient.

Baptismus, quomodo sit benedicendus: Chrisma & Oleum vetus non sit in usu.

Curati singulis annis in Sabbato Sancto Paschæ, & Vigilia Pentecostes solenniter benedicant fontes suos Baptismales, aquam renouent, & veterem in piscinam projiciant, & effundant. Chrisma etiam & Oleum sanctum præcedentis anni super piscinam comburant, neque illis veteribus (nisi in mortis articulo) utantur.

*In Baptismo & Unctione servetur ipsius
actus, & verborum similitas.*

Curati in omni Sacramento per eos dispensando, intentionem habeant ipsius Ecclesiæ, idque intendant, quod Ecclesiæ intendit. Baptizantes autem pueros, cum illos intingunt, vel aqua potius baptismali aspergunt, simul verba substantialia proferant: *Ego te baptizo in Nomine Patris, & Filii, & Spiritus Sancti: Amen.* Quæ etiam laicos & obsterices perfecte docere, Curati non omittant. Eadem similitas unctionis, & verborum prolationis in extremæ Unctionis Sacramento similiter observetur. Si puer in utero matris membrum, aut partem corporis exponat, ea baptizari potest. Mulieres in partu mortuæ, si commode & caute scindi possunt, infans adhuc vivens baptizetur. Sciant etiam Curati, Religiosos a levandis de sacro Fonte pueris, per sacratissimos Canones esse excludos.

Confirmationis Sacramentum ne negligatur.

Curati ne Confirmationis Sacramentum negligatur, inter prædicandum persuadeant, atque, ut ad illud tempestive suscipiendum, pueri adducantur, eorum parentes & amicos diligenter moneant, & fideliter exhortentur.

Extrema Unctio quando, & quibus danda.

Pueris ad Eucharistiam sumendam idoneis atque puerperis, extremæ Unctionis Sacramentum devote & pie desiderantibus, a Curatis nequaquam est denegandum, quod etiam in eadem infirmitate, si fuerit diuturna, quoties homo in mortis periculo constitutus creditur, poterit reiterari.

Sabbati violatores moneantur, aut denuncientur.

Curati eos, qui diebus festivis temere opera servilia, vel vecturas faciunt publicas, nominatim moneant, ut Deo & Ecclesiæ satisfaciant. Quod si non fecerint, ipsos coram Officiali nostro faciant citari, aut saltem ipsos Fiscali nostro denuncient.

Advenæ matrimonio probato admittantur.

Curati virum, & mulierem foris venientes, dicentes se conjuges, ut tales

Tonus VI. Concilior. German.

non habeant, nec admittant, nisi per legitimas probationes ita esse, eis constiterit.

TITULUS V.

De Petitoribus, sive Stationariis.

Stationarii, nisi sint Sacerdotes, non admittantur ad cancellos: fines mandati non excedant: discipuli ad nos remittantur captivi.

Curati non permittant aliquos Petitores, sive Stationarios, in suis Ecclesiis questas, aut stationes quascunque facere sine literis nostris: nec permittant illos Verbum Dei prædicare, aut aliud exponere, quam in veris literis Apostolicis (prius tamen per Nos visis) aut in literis nostris sit expressum, nisi tales essent viri literati, vel personæ notæ; vel si hoc in literis nostris ipsis esset permissum. Videant etiam diligenter Curati datam literarum nostrarum, si sint pro illo anno, in quo accedunt ad Ecclesias eorum: & si in eis sit aliqua ratura sive suspicio. Nec Curati hujusmodi Quæstionarios (etiam si literas nostras ostenderint) admittant, nisi fuerint Sacerdotes, & in habitu Clericali honeste inceserint: & si Religiosi, religionis suæ parentem habitum detulerint, & in hospitibus honestis hospitati fuerint. Quod si fuerint laici, nullatenus admittantur, nisi de hoc in nostris literis specialis & expressa fieret mentio, & tunc in eo casu ad cancellos eos ad prædicandum aut proponendum nequaquam admittant; sed ipsi Curati (si per eos rogati fuerint) eorum petitionem populo proponant. Damus etiam ipsis Curatis per hoc nostrum statutum licentiam, eis etiam præcipimus, & mandamus, ut si aliquos petitores minus honeste se gerentes, vel ludentes, fornicantes, aut elemosynarum, vel oblationum abutores, in hujusmodi negotiis repperint, illos cum suis literis & bonis capiant, & Nobis, vel Fiscali nostro fideliter adducant. Alioquin si ipsi Curati in hoc negligentes extiterint, penam eis propterea infligendam non evadent.

Fabrica Ecclesiæ Basilienfis fideliter promoveatur, & vagæ restitutiones ei fieri jubeantur.

Curati etiam Gloriosissimæ Virginis MARLÆ, Ecclesiæ nostræ Basilienfis Patronæ

tronzæ, negotium & fabricam fideliter habeant recommitissimam, subditisque una cum indulgentiis & privilegiis fidelissime commendare studeant, juxta formam & continentiam libellorum, nec non chartarum, quæ a Nobis pridem emanarunt, non obstante mandatorum quorumcunque tenore Petitoribus, & Stationariis concessorum.

Cæterum ut & ipsi Religiosi eandem summæ Ecclesiæ nostræ fabricam studiose promoveant, toties quoties opportunum videbitur, eos in Domino hortamur, atque paterne monemus.

Volumus etiam, ut tam religiosi, quam sæculares Confessores ex singulari eorum affectu & amore (quem eos ad Gloriosissimam Virginem MARIAM habere confidimus) omnem operam suam in confessionibus audiendis adhibeant, ut res alienæ qualitercunque ablatæ, quarum vaga & incerta est restitutio, ad Ecclesiæ nostræ Basiliensis fabricam conservandam, ordinentur, atque convertantur.

TITULUS VI.

De Executione Citationum, aliorumque Processuum, & Mandatorum, a Nobis, vel Curia nostra emanantium.

Mandata fideliter cum mansuetudine publicentur.

Curati citationes, monitiones, aliosque processus, & mandata a Nobis, vel Curia nostra emanantia prompte recipiant, fideliterque & constanter exequantur, publicentque diligenter, non parcendo propter timorem, vel favorem cuiquam, providendo tamen, ut in exequendo humilitate utantur & pietate, ut Patres videantur & non malitiosi.

Mandata aliena examinentur ab Ordinario.

Propter diversa pericula præcavenda, ne vel fraus, dolus, error, iniquitas committatur, & ne animæ illaqueentur: statuimus, ut Summi Pontificis, aut Metropolitani, aut aliorum, quorumvis mandata nullus exequatur, vel publicet, nisi per Nos fuerint visa prius, & approbata.

Processuum Executio post Latoris abitum fiat.

Curati, postquam literas a Nobis, vel Curia nostra exequendas receperint, illi parti, contra quam executio est fienda, non notificent, nec ad executionem procedant, nec alicui de hoc quicquam dicant, vel significant, donec Lator eorundem literarum tam longe recesserit, quod ei verisimile sit, non posse aliquid periculum imminere, vel violentia aliqua inferri: ita tamen, quod ipsi Curati hujusmodi literas die Dominica proxima post receptionem sequenti, exequi non differant.

Absente aliquo Curato, vicinior Plebanus, vel Rector accipiat Processus a Latore.

Lator literarum, si Curatum aliquem domi reperire non possit, ut ei mandata tradat, proximus Rector, vel Plebanus processus a Latore benigne zelo iustitiæ recipiat, & ad eum, qui absens fuit, mittat: ille vero postquam acceperit, nequaquam Sacerdotem vicinum, qui ei misit, aut tradidit, manifestet, sed fideliter publicet, sicuti verus amator pacis & charitatis.

Executio Mandatorum & Processuum quorumcunque quomodo sit scribenda.

Curati in executione mandatorum, vel literarum originalium, & sigillatarum, diem, mentem, annum, nomen exequentis, & locum executionis a tergo literarum apponant; sic videlicet scribendo sua propria manu: *Executa est hæc citatio, vel hoc mandatum per me N. Plebanum Ecclesiæ in N. (Nomen & cognomen suum, & Ecclesiæ exprimendo) Anno intra scripto, die tali, mensis talis*; ut de hujusmodi executione legitima fides fiat.

Absentia, vel impedimentum eorum, contra quos agitur, Procuratori, qui literas emisit, significetur.

Curati, si literas citatorias, seu monitorias, vel aliorum Processuum a Nobis, vel Curia nostra emanantes receperint, & citandus, vel monendus forsitan absens fuerit, seu alio legitimo impedimento detentus, ita, quod executio sibi fieri non possit, nec ipse in termino valeat comparere; hujusmodi absentiam, vel impedimentum Procuratori, qui tales

lite-

litteras emisit (quamprimum commodè poterit) ante expirationem termini, priusquam ad ulteriora procedatur, fideliter notificet, ne actor frustratoris expensis gravetur, & reus indebite molestetur. Quod si Curati hoc statutum non servaverint, eos pœna debita puniemus.

Citationes extra Diœcesim non exequantur Curati.

Curati non exequantur litteras citationis, a quibuscunque Judicibus emanaverint, ad citandum aliquem extra nostram Diœcesim, vel ad excommunicandum illos, quos iudices hujusmodi contumaces reputaverint, nisi ipsis de voluntate nostra, vel Officialis nostri litteratorie constiterit, ad obviandum abusus, qui circa hæc committuntur.

Ante interdictum præmoneantur, vel avisentur Domini temporales.

Curati, cum receperint monitorium interdicti exequendum contra aliquem excommunicatum, præmoneant, avisent, & requirant Dominos temporales illius excommunicati, aut Officiales, & Præfectos temporales illius loci, in quo talis excommunicatus habitat, ut illum infra certum terminum, (quindecim scilicet dierum, quem statuere debebunt) compellant suo satisfacere creditori, aut ipsum extra Parochiam abire cogant, cum avisione expressa si Officiales ipsi prædicta non fecerint, quod tempore suo a Divinis cessabunt, & Ecclesiasticum interdictum observabunt.

Processus sibi contrarii remittantur.

Curati, quibus simul præsentabuntur literæ excommunicatoriæ pro una parte, & literæ expectatoriæ pro altera parte de eadem data, neutras illarum exequantur, sed remittant partes ad Officiales nostros, assignando eisdem certum diem competentem ad recipiendum declarationem juris super prædictis.

Excommunicatio Sacerdotis in sua Ecclesia denunciatur.

Curati, postquam eis mandatur, ut alium Curatum, vel Beneficiatum quempiam, vel Sacerdotem denuncient excommunicatum, mandatum istud in Ecclesia ejusdem Curati, vel Sacerdotis excommunicandi publicent, & nihilomi-

nus Decano illius Curati notificent; ut idem Decanus-eundem suis confratribus significet esse excommunicatum.

TITULUS VII.

De Renunciatione Beneficiorum.

Beneficiorum Resignatio fiat in manus Ordinarii.

Prohibemus universis Beneficiatis, ne beneficia sua aliter permulent, dimittant, seu resignent, quam in manus nostras, seu Vicarii nostri, vel Superioris super hoc potestatem habentis: nec illa alias relinquunt absque Nostra, vel Vicarii nostri, vel Superioris potestatem habentis licentia. Quod si secus factum fuerit, ad hujusmodi resignata & dimissa beneficia nullus admittatur, nisi forte ex rationabili causa tales resignationes per Nos, aut Vicarium nostrum approbarentur.

TITULUS VIII.

De Temporibus Ordinationum.

Beneficiati ad Ordines astricci proxima Angaria illos fiscipiant.

Ut pia desideria tam vivorum, quam mortuorum, cultum Divinum augmentari desiderantium; effectu debito non fraudentur: statim us, ut præsentati & præsentandi deinceps, & instituti, & instituendi ad beneficia, quæ de jure, aut consuetudine, vel ex fundatione certum ordinem requirunt, illum in proximis statutis temporibus sine mora longiori recipiant: alioquin Nos ad præsentationem, ac collationem Beneficiorum (pro ut justitia exigit) procedemus. Quod si Patroni in mora fuerint, Nos ipsi talibus Beneficiis curabimus provideri.

TITULUS IX.

De Filiis Presbyterorum, & aliis illegitime natis.

Illegitimi Dispensationes suas ostendant.

Universi defectum natalium in nostra Diœcesi patientes, qui Beneficia Ecclesiastica obtinent in eadem, Nos, vel Vicarium nostrum de suis dispensationibus super hujusmodi defectu certiores reddant: alioquin hujusmodi beneficiorum fructus non percipiant, sed sub arresto firmo per Decanum custodiri manden-

mandentur, donec præmissa adimpleverint.

TITULUS X.

De officio Conservatorum, & Judicum delegatorum.

Conservatores facultatem suam non excedant.

Quia Conservatores jurium & privilegiorum a Sede Apostolica, seu Conciliis Generalibus per nostram Diocesim deputati, sæpe numero suæ jurisdictionis metas excedunt; citationes, monitiones, excommunicationes, aliosque processus plerumque emittendo contra eos, contra quos literarum conservatoriarum vigore nullam penitus jurisdictionem receperunt (per quod subditi nostræ Diocesis indebite molestantur, & ad graves expensas & damna perducuntur) statuimus, & Conservatoribus per Civitatem & Diocesim nostram constitutis, districte præcipiendo mandamus, ut literas conservatorias ad ipsos directas diligenter & mature respiciant, nec citationes, seu alios processus contra quemquam decernant, aut emitti faciant, nisi contra talem, virtute literarum conservatoriarum, jurisdictio plane eis competat: alioquin se sciant taliter indebite molestato, ad expensas, damna, & interesse in districto Dei judicio teneri. Tales etiam Judices delegatos, seu subdelegatos, ne rescriptorum fines excedant, neve civitates, oppida, & villas minus juxta Ecclesiastico subdiciant interdictioni, monemus, & hortamur, eosque ad decretalem Extravagantem, quæ incipit: *Provide attendentes*, remittimus.

TITULUS XI.

De Majoritate & Obedientia.

Nullus interfit deliberationi contra personam Episcopi, aut sua jura.

Prohibemus districte, ne quisquam Clericorum Nobis subditorum, cuicumque Congregationi, Capitulo, aut Conventiculo, in quo quicquam in præjudicium status & honoris nostri, seu Successorum nostrorum, aut Jurium Episcopaliū tractatur, seu tractari contigerit, interesse præsumat, dando consilium, auxilium, vel favorem scienter & dolose. Secus autem faciens, nostram incurrat indignationem, ultra poenam

alias sibi per Nos, seu Vicarium, vel Officialem nostros infligendam.

Contra Episcopi, aut Prælati sui jurisdictionem nullus Clericorum opem secularem imploret.

Præterea districte prohibemus, ne de cætero quæcunque Ecclesiastica, Civitatis & Diocesis nostræ persona, Nobis subiecta, laicale civilegium, Dominorum aut Præfeclorum temporalium opem, auxilium, subsidium, aut defensionem contra Nos, aut jurisdictionem nostram, vel alios suos ordinarios Superiores, qualitercunque invocet, assumat, aut sibi procuret: neque ab aliis impetratis, aut sponte oblati utatur: ut si Magnates, aut eorum Præfæcti sæculares, motu proprio de facto, contra omnem juris dispositionem personas Ecclesiasticas contra suorum Superiorum obedientiam defendere, & manutenere, ipsorumque spiritualium Prælatorum, & Judicum ordinariam auctoritatem & jurisdictionem impedire, diminuere, vel labefactare conarentur: contrarium facientes nostræ Diocesis Clerici, eo ipso suspensionis sententiæ subjaceant, scientique se excommunicationis poenæ inmodandos, & ut ab omnibus evitentur, publice denuntiandos: nihilominus poenæ decem aureorum Rhenensium Cameræ nostræ persolvendorum obnoxii erunt & astricti, quamvis secundum iustissimas Summorum Pontificum sententias sacratissimis Canonibus insertas, graviolem poenam mereantur. Per hoc tamen præsens legitimum & canonicum statutum non prohibemus, quin laici ex amicitia & pacis amore pro iustitia, vel gratia facilius obtinenda, ipsis Clericis ad consulendum, vel intercedendum coram eorum ordinariis Judicibus assistere possint.

Honor Prælati impendatur.

Quoniam Ordo Ecclesiasticus confunditur, cum unicuique honor debitus nequaquam impenditur; sancimus, ut in quibuslibet Ecclesiis, nostra Cathedrali, & Collegiatis, cæterisque, in quibus membra sunt sub aliquo capite, antiquæ honestæ, & approbatæ in exhibenda reverentia, consuetudines observentur: ut scilicet Prælati in assurgendo, in licitis eorum mandatis obtemperando, & secundum alias eorum prærogativas illis

illis deferendo, debitus honor & condigna obedientia (cum sint Ecclesiarum Capita) tam a Canonicis, quam aliis Presbyteris impendatur. Rurales vero Sacerdotes omnes, suis Decanis, & Camerariis debitam reverentiam impendant: alioquin transgressores juxta de merita sua faciemus castigari.

TITULUS XII.

De Judiciis.

Dubia Matrimonia remittantur ad Officialem.

Quia causæ matrimoniales cum dependentibus & connexis, per eos, qui judicandi potestatem habent, & Canonum statuta non ignorant, tractari, & definiri debent; statuimus, ut unusquisque Curatus subditos suos specificè moneat, ut super ambiguitate matrimoniorum, quam habent, si jure subsistant, infra unius mensis spatium pro declaratione decisionis recipienda, coram Officiali nostro compareant, sententiam ejus super illis petant, ac causam (quantum in eis est) usque ad finem prosequantur. Quod si taliter moniti infra dicti mensis spatium facere contempserint, ipsis in vita Ecclesiastica denegentur Sacramenta, & morientes (nisi peccata sua confessi fuerint) Christiana careant sepultura.

Nullus se de decisione Matrimoniorum judiciali intromittat.

Univerfis subditis nostris tam Clericis, quam Laicis inhibemus, ne de examinatione, cognitione, vel decisione judiciali quarumcunque causarum matrimonialium, se, aut aliarum quarumlibet de jure, vel de consuetudine ad forum Ecclesiasticum spectantium intromittant: secus autem facientes, sententiæ excommunicationis innodentur.

TITULUS XIII.

De Foro competentis.

Nullus Clericorum coram judicio seculari compareat.

Interdicimus universis, ne quisquam de nostra Diocesi Clericum ad judicia laicalia, vel secularia sub excommunicationis poena trahat, nec Clerici hujusmodi judicia tubeant, aut aliquatenus ibidem respondeant, etiam ad cuiuscunque instantiam, sub poena juris, &

alia poena arbitraria, ipsis per Nos, & Officiales nostros infligenda; per hoc tamen statutum causis feudalibus, & curiis Dominicalibus nolumus derogari.

Beneficiati suorum Beneficiorum causas, alibi non præsumant tractare, quam in Curia nostra.

TITULUS XIV.

De Probationibus.

Sententiæ in causis matrimoniali non credatur, nisi sigillatæ.

Curati subditis suis, asserentibus se in Curia nostra sententias pro vel contra matrimonium obtinuisse, nullatenus credant, nisi litteras sigillo Curiae nostrae sigillatas super hujusmodi sententiis eis exhibeant. Quod si contigerit, Curatum hujusmodi sententiarum prolationi in Curia nostra interesse; nihilominus volumus, ut ipse subditum suum, pro quo, seu contra quem sententia hujusmodi lata est, inducat, ne sine sententia sigillata recedat, sed eandem secum recipiat.

Matrimonium clandestinum prohibeatur, & copula carnalis ante nuptias. &c.

Curati subditos suos fideliter admo-
neant, ne clandestine matrimonium contrahant, nec post contractum ante solennisationem in facie Ecclesiae (quam trina præcedat proclamatio) carnaliter se cognoscant. Primas solum nuptias benedicant. Mulieres, quæ ex concubinato pepererunt, solenniter ad purificationem non admittant. Mulieres maritatas, ne absque consensu virorum, castitatis, aut aliud votum emittant, paterne adhortentur.

TITULUS XV.

De vita, & honestate, & vestitu Clericorum.

Impresbentiarum Clericos appellari volumus omnes in majoribus vel minoribus Ordinibus constitutos.

Clerici laicos scientia & virtutibus excellent.

Quia vilissimus est reputandus, qui alios dignitate præcellit & honore, nisi scientia & sanctitate sit præstantior: curent Clerici, qui omnes Christi sunt famuli, ut, sicut laicos gradu & professione antecedunt, ita scientia, bonorum operum actione, virtutibus, & morum honestate.

honestate illos præcellant: ut ostendant in semeripsis, qualiter oporteat laicos in Ecclesia Catholica, quæ Domus DEI est, conversari.

Quomodo Horæ sunt psallendæ absque confabulationibus.

Quoniam iniquum est, ut tempore, quo Divina celebrantur Officia, Canonici, alique Clerici ad Divinum cultum deputati, quorum officium est Psalmis, Hymnis, & Canticis spiritualibus intendere, confabulationes, alique inter se habeant colloquia, Divinum cultum perturbantia; Hortamur, ut Canonici, & alii Clerici in conscientiarum puritate, & animæ devotione, quantum DEUS dederit, præstant, Horasque Canonicas legant, non syncopando, nec colloquia alia vana intermiscendo. Quod si aliqui eorum tempore Divinorum confabulationes vana in choro habuerint, a præsentis & distributione quotidiana per unum diem irremissibiliter suspendantur, & alias ad arbitrium Decani, aut ejus, ad quem in choro spectat eorum correctio, puniantur. Quod si tales in correctione hujusmodi negligentes extiterint, eidem se noverint pænæ subiacere, seu pœna arbitraria per Superiores deservenda placeantur.

Tempore Divinorum nemo in templo spatietur, vel deambulet, nec in religione forum accedat.

Canonici, cæterique Clerici, tempore Divinorum per Ecclesiam cum laicis, vel aliis Clericis deambulare non præsumant: neque, sicut hætenus in certis nostræ Diocesis Ecclesiis Collegiatis sæpe factum esse intelleximus, tempore Divinorum in superpelliciis forum accedant, causa emendi ibidem ova, vel caseos, seu alia comestibilia, aut res quasunque: sed eodem potius tempore Ecclesiæ, & Choro intersint Divinis laudibus studiose insistendo. Si contrarium fecerint, pænæ subiaceant proximo statuto expressæ; eidemque pænæ subiaceat Decanus, seu alius, ad quem correctio illius excedentis pertinet, si in corrigendo negligens extiterit. Si vero quempiam ipsorum tempore Divinorum ex rationabili causa in foro esse oporteat; petita licentia, illuc prodeat sine tamen superpellicio.

Vestes sint talares & honestæ juxta statum. Arma non deferantur.

Præcipimus, ut Clerici nostrarum Civitatis & Diocesis in plateis, & præcipue in Ecclesiis, vestes longas statui Clericali convenientes, non sericas, rubeas, aut virides, nec de vario serico, aut rubeo subductas, nec desuper ab extra replicas foderatas habentes, nec circa pectora apertas, & cum zona magna (ut quidam hætenus soliti fuerunt deferre) restrictas; nec manicas nimis longas & latas habentes, de cætero gestare præsumant: nec armati incedant, aut gladios, pugiones, vel cultellos longos (excepta peregrinatione) portent. Contra facientes, Decani, & Camerarii corripiant: Et, si aliqui eis obedire contemplerint, illos Officialibus nostris denuncient. Canonicos tamen Ecclesiæ nostræ Cathedralis, & Doctores, seu Licentiatos, propter Ecclesiæ decorem, & gradus prærogativam sub hoc statuto nolumus comprehendere: dummodo vestes eorum alioquin in longitudine, & aliis qualitatibus sint decentes, eorundemque statui convenientes.

Pallia aperta non deferantur.

Clerici mantellos ante apertos & scissos, & alias undique clausos, & circa collum cum magna zona restrictos, aut ab una parte in toto clausos, & alia parte in scapula apertos, & usque ad fimbriam scissos, taliter quod indumentata, quæ sub illis geruntur, videri possint, non deferant.

Diploides sint clausæ, & alte cervicem circumtegentes.

Clerici diploides, seu bombasia vulgariter nuncupata, cum manicis vix cubitum brachiorum tegentibus, non deferant. Colleria etiam bombasiorum in bona sint altitudine, & non adeo depressa, ut collum ante & retro omnino nudum apparere possit: neque in colleteriis hujusmodi phibulas, aut circulos argenteos, seu alterius metalli, vel materiæ habere præsumant.

Caputia sint honesta, & illorum caudæ nequaquam sericæ.

Volumus etiam, ne de cætero Sacerdotes, & alii nostræ Civitatis & Diocesis

cessis Clerici capucipendia deferant serica vel lanea : sed caputia habeant decencia & caudata : & illa præcipue in civitatibus & oppidis, & alias in celebratione Capitulorum, & Anniversariorum deferant.

Inhibemus etiam, ne Clerici impostherum birrera cornuta instar laicorum in publico gerant : sed honestati Clericali congruentibus (prout hæcenus consuetum fuit) utantur. Alioquin ipsi transgressores ad unius mensis spatium a beneficiorum suorum fructibus noverint se suspensos, quorum quidem fructuum dispositionem ad pias causas Nobis referamus. Non Beneficiarii vero poena arbitraria puniantur.

Almuitiis sub Divinis Officiis nemo careat ; & Capitula sub Divinis absque urgenti necessitate non habeantur.

Clerici Ecclesiarum, in quibus almutiorum usus habetur, Missis, & aliis Divinis Officiis, ac etiam Processionibus pro tempore peragendis, cum almuitiis huiusmodi intersint, secundum cuiuslibet Ecclesiæ consuetudinem, sub poena privationis distributionum, tam præsentiarum, quam quotidianæ illius diei, quotiescunque negligentia huiusmodi committatur. Sub eadem poena districtè præcipiendo mandamus, quatenus deinceps tempore Divinorum nulli generales tractatus, seu actus capitulares in nostra Cathedrali, aut aliis quibuscunque Ecclesiis fieri debeant, aut haberi : nisi id propter aliquam rationabilem causam in aliud congruum tempus differri non possit.

Superpellicia sub Officio Divino induantur.

Clerici Beneficiarii, Horis Divinis in Ecclesiis, in quibus Beneficiarii existunt, nisi superpellicciati, non intersint, nec alias in ipsis Ecclesiis absque superpellicciis incedant sub Divinis : alias in Ecclesiis Collegiatis, præsentibus, & distributione illius diei quotidiana careant ; In aliis autem non Collegiatis, juxta Decani, & Camerarii, seu Rectoris arbitrium puniantur.

Annuli non deferantur, nisi a Prælatiis & Doctoribus.

Clerici annulos in digitis non deferant, nisi quibus ex officio dignitatis,

Tomus VI. Concil. German.

vel gradus prærogativa competit illis uti.

Calcei sint decentes.

Clerici calceos, seu solulares inhonestos & indecentes non deferant, nec in illis aliquas novitates quærant : sed bonos & simplices modos observent, absque rostris, replicis, aut nimia & deformi obtusitate : sint etiam per pedum tabulata lati, non solas pedicas, sive pedum digitos, more bellivagorum, sed totum pedem contegentes.

Ne ludis Clerici intersint, præsertim in præsentia Laicorum.

Quia non absque gravi displicentia percepimus, quod plerique nostrarum Civitatis & Diocesis Presbyteri, dum ad Nobilium, & aliarum personarum exequias pro Divinis celebrandis vocantur, plurimum inhoneste se habeant in ludis & ebrietatibus, ita, quod aliqui ex eis nonnunquam per totas noctes sedendo ludunt : alii ex crapula, vel ebrietate vomitum faciunt, per totamque noctem in scamnis dormiunt, aliasque notabiliter excedunt, in dedecus, in ignominiam, & contemptum status Ecclesiastici, & scandalum plurimorum : districtè præcipimus, ne Clerici sic vocati, & alii quicunque, ludis taxillorum, chartarum, vel aliis enormibus, & turpissimis actibus insistant ullo unquam tempore, & præcipue in tabernis & stibis laicorum : mandantes Decanis, Camerariis, & aliis Juratis, ut contra hoc statutum excedentes, & per eos correctos, & non desistentes, Fiscali nostro denuncient emendandos, præcipuum habendo respectum ad eos, qui in defunctorum exequiis contra præmissa excedunt, ut illos mox denuncient.

Ne comas Clerici nutriant.

Plerique Clerici beneficiarii, & alii in sacris Ordinibus per nostram Diocesin constituti, hæcenus non veriti fuerunt capillos, seu comas nimis longas nutrire, & diversis practicis, sive calamistratura in colore & crispatione alterare : prohibemus districtè, ne id de cætero per quemquam eorum fiat, sed comas in decenti brevitate, & tonsuram ordini suo convenientem deferant : quam quidem tonsuram congruis temporibus fieri, coronam quoque, & barbam radi procurant.

Tibiæ sub Divinis sint amictæ.

Clerici, præcipue dum celebrant, dumque in oppidis & civitatibus existunt, discooperitis tibiis non incedant, sed caligis, vel aliis tibiæ indumentis Clericali statui convenientibus utantur, ad tegendam crurium nuditatem, honestis Sacerdotibus, immo quibuslibet gravibus viris indecoram.

Choreæ in primitiis non fiant, nec locis Deo sacris.

Clerici in eorum primitiis, & laicorum nuptiis, a choreis, cæterisque vanis spectaculis abstineant: nec in eorum Ecclesiis, seu cæmeteriis choreas ac ludos (præterquam representationes Dei & Sanctorum) neque negotiationes mercantiarum, & nundinarum, nec iudiciorum sæcularium strepitus, in locis illis Deo sacris fieri permittant.

Beneficiati, & Sacris initiati, utrique ad Horas tenentur Canonicas.

Clerici omnes in Sacris constituti, & etiam nondum constituti in Sacris, dummodo Beneficiati fuerint, tenentur quotidie Horas dicere Canonicas, juxta regulas & traditiones primariæ Ecclesiæ nostræ Basilienfis, salvis suarum Ecclesiarum & Præbendarum Patrocinii, atque Dedicationibus.

In Templo servetur gravitas absque tumultu, aut seditione.

Clerici caveant, ne in Ecclesiis seditiones excitent, vel clamores moveant: sed in illis devote & graviter se habeant: memores domum Domini domum orationis esse, & Sanctitudinem illam decere.

Clerici non sint Laicorum Dispensatores, aut Oeconomi.

Clerici non exercent, aut gerant officia Dominorum temporalium, propter quæ teneantur ipsis reddere rationem: alioquin non juvabunt eos privilegia, & beneficia juris, adversus tales Dominos, si arrestentur & detineantur ab ipsis in persona; aut si eorum bona occupari contigerit pro ratione reddenda, & solutione debiti facienda.

Clerici ne sint hospites, aut mercatores.

Clerici non teneant tabernas, non sint mercatores, nec commercia, seu ne-

gotiationes exercent, emendo blada, vina, equos, aut res alias quascunque pro viliori pretio, ut postea carius vendant. Si vero aliqui fuerint Clerici, quibus suorum Beneficiorum redditus non sufficiunt; hi ex artificio honesto, ut puta libros scribendo, conglutinando, aut notando, vel familia faciendo, videlicet sibi quærere poterunt.

Clerici in Curia sæculari ne possulent.

Clerici non exercent Advocacionis, vel Procuracionis officium coram Iudice sæculari, nisi pro causâ suâ; vel suæ Ecclesiæ, aut suorum conjunctorum, vel miserabilium personarum.

Clerici nihil agant in causâ sanguinis: Medicinam non exercent, nec venationem clamorâ.

Clerici de causis sanguinis, arte chirurgiæ & medicinæ se nullatenus intromittant, venationemque clamorâ non exercent, ut ei placeant, cui militare decreverunt.

Beneficiis satisfiat, & eorum redditus conserventur.

Clerici beneficiati onera Beneficiorum suis incumbencia tam in spiritualibus, quam in temporalibus supportent, & adimpleant, jura, redditus & bona ipsorum diligenter conservando.

Clerici in manibus Laici ne dent fidem.

Clerici in manu Laici fidem non præstent, neque promittant, nec coram Iudice laico jurent, vel testimonium perhibeant absque Nostra, vel Vicarii nostri licentia speciali, literatorie (prout moris est) obtenta.

Contra Superiores nulla fiat conspiratio.

Clerici nullam contra suos Superiores, aut se invicem ineant colligationem, confederationem, seu conspirationem, super quacunque re.

Spolia non emantur a Clericis.

Clerici res per prædas, & spolia captas emere, seu comparare non præsumant, alioquin tantundem fabricæ nostræ Ecclesiæ persolvere teneantur: & alias per Nos, aut Officiales nostros arbitraliter venient puniendi.

*Periculossissimus concubinatus omni jure ab
Episcopis prohiberi potest, atque
castigari.*

Clerici caste, continenter, & pudice vivant: non habeant in domibus suis fœminas, quarum vita & conversatio suspecta sit de incontinentia; ut in conspectu Omnipotentis DEI, puro & casto corpore, ac mundo corde ministrare valeant, ne populo scandala præbeant: ne fide & simulate confiteantur: ne nunquam vere contriti a Deo (qui corda inspicit) judicentur; ne indigne ad Summum Sacrificium accedant: ne in peccato mortali celebrent: ne per indignæ celebrationis assiduitatem excæcati, infelicitè tandem moriantur. Quod si quis forsitan omnem honestatem a se abjecerit, omnem pudorem amiserit, infamiam propriam & Sacerdotii maculam non curaverit, sacrilegium & abusum patrimonii Christi pauperibus debiti non abhorruerit, indignam celebrationem pro nihilo duxerit, Divinam justitiam parvi penderit, levem creaturam plus, quam Creatorem & Redemptorem suum pro se crucifixum dilexerit, transitoriam voluptatem sempiternis gaudiis proposuerit, adeo, ut omnibus his retrahi non possit, quo minus infamem concubinam publice domi foveat, illi tanquam uxori maritus cohabitare, ex ea proles suscipiat, vicinos & proximos scandalizet: ille certo sciat, ex auctoritate Sacrorum Canonum, ex vi Sanctissimorum Conciliorum, & ex Constitutionibus Provincialibus & Synodalibus, (si monitus non destiterit) usque ad suspensionis & excommunicationis sententiam, imò usque ad privationis pœnam justissime contra se procedi posse.

TITULUS XVI.

De Clericis non residentibus.

In Beneficiis residentiam requirentibus fiat residentia.

Cum ad hoc Ecclesiastica Beneficia sint deputata, ut in eis ad serviendum Altissimo tales assumantur, qui per se ipsos possunt & volunt eorum curam exercere: statuimus, ut quilibet intra Civitatem & Diocesim nostras Beneficiatus, cujusunque status, ordinis, vel conditionis extiterit, cujus Beneficium resi-

dentiam personalem de jure statuto, vel consuetudine requirit, in illo infra proximos duos menses personaliter residere incipiat: & deinde, quamdiu beneficium hujusmodi obtinuerit, talem residentiam faciat: alioquin (servato juris ordine) privetur, nisi expressam super hoc a Nobis, vel Vicario nostro licentiam obtinuerit.

TITULUS XVII.

De congrua Portione.

Competentia assignetur.

Cum non debeat bovis os ligari triturantis, Sacris jubentibus Canonibus: universos & singulos Prælatos, & alios quoscunque Civitatis & Diocesis nostrarum, in Domino exhortamur: ut Ecclesiarum ipsis, & eorum mensis unitarum & incorporatarum Vicariis de Præbendis congruis, unde decenter sustentari, jura Episcopalia & Capitularia solvere, hospitalitatem tenere, & alia incumbuntia onera supportare valeant (prout de jure tenentur) provideant: alioquin sicut jure & æquitate astringimur, eis negligentibus, ad Præbendarum hujusmodi deputationem (servatis servandis) procedere non omitemus. Omnes etiam & singulas promissiones, obligationes, chirographo, vel jurejurando, aut quacunque renunciatione firmatas, quæ in contrarium faciunt, per hanc nostram constitutionem cassantes, nulliusque prorsus momenti fore decernentes.

TITULUS XVIII.

De Institutionibus.

*Dispensationes super incompatilibus infra
menssem Episcopo, vel Vicario ex-
hibeantur.*

Statuimus, quod habentes plures Ecclesias curatas, seu alia Beneficia incompatibilia, de suis dispensationibus (quarum auctoritate illa habere prætendunt) nec non de titulis suis ad eadem, infra unius mensis spatium, a presentium publicatione computando, coram Nobis, vel Vicario nostro legitime, & sub pœnis juris doceant. Similiter hi, qui deinceps talia incompatibilia affecuti fuerint, per Decanos, seu Camerarios, nullatenus in eorundem possessionem

mittantur, nisi prius tales cum eorum dispensationibus, & titulis Nobis, vel Vicario nostro remiserint: alioquin contra huiusmodi obtinentes procedemus, prout Sacrorum Canonum iusta severitas exigere videtur.

TITULUS XIX.

De rebus Ecclesiæ non alienandis.

Beneficiorum bona ne alienentur.

Curati, & alii Beneficiati non præsumant alienare, obligare, aut in pignus vel hypothecam dare jura, census, & bona suæ Ecclesiæ, & Præbendæ, quæcunque sint, mobilia, vel immobilia, Nobis inconsultis, & forma juris non servata: alias irrita sint per eos gesta: transgressores quoque pœna condigna per Nos punientur.

Beneficia non conferantur sub pacto, neque a Laicis sic recipiantur.

Nullus Clericorum a Patrono laico præsentationem, ad quodcunque Beneficium accipiat sub pacto, ut partem decimarum, vel aliarum obventionum ipsarum Ecclesiarum, aut Beneficiorum, in quibus jus obtinet Patronatus, sibi Patronus ille retineat. Qui vero cæca cupiditate ducti taliter a Patronis præsentationem receperint, officio, beneficioque priventur. Nec ad Beneficium, aut actus Ecclesiasticos admittantur, nisi per Sedem Apostolicam cum eis fuerit dispensatum.

Beneficiorum bona conscribantur.

Quoniam ex negligentia sæpe Beneficiorum bona distrahuntur: statuimus, ut ornamenta, & libri Ecclesiarum, & Beneficiorum, eorumque redditus, & prædia, quæ & qualia sint, sub sigillo Prælati, & Capituli plenissime conscribantur.

Advocati Ecclesiarum antiquo suo jure sint contenti.

Constituimus etiam, ut cuncti Ecclesiarum Advocati, cujuscunque status sint, vel præminentia, juribus illis sint contenti, quæ ipsis, seu eorum antecessoribus concessa fuerunt tempore, quo Advocatiam huiusmodi susceperunt: & Ecclesias, quarum Advocati existunt, defensare studeant, & pro posse manuteneant.

TITULUS XX.

De Decimis.

Religiosi & sæculares Sacerdotes ad Decimas præstandas populum inducant.

Quoniam in plerisque locis nostræ Diocesis laici temere quamcunque denegant Sacerdotibus solvere Decimam fructuum: declaramus de omni fructu terræ, quocunque nomine nominetur; similiter etiam de apibus & animalibus decimam Ecclesiæ Parochiali esse persolvendam: volentes, ut tam Religiosi, quam sæculares Presbyteri, in suis sermonibus & confessionibus populum ad huiusmodi decimas libere, & integre persolvendas inducant, ostendendo ipsis, quomodo de Jure Divino & humano ad hoc teneantur, & quam multa mala propter non solutionem decimarum perveniant. Hortamur tamen, ne Sacerdotes decimas exigendo minutas, & subditi illas denegando, ex radice cupiditatis, sive avaritiæ procedant; sed eas solvere animo semper parati existant.

TITULUS XXI.

De Testamentis.

Testamenta non exequentes denunciantur.

Curati studeant, Nobis, aut Procuratori nostro fiscali intimare, si aliqui ex eorum Parochianis, aut Sacerdotibus, qui ab hoc Sæculo decesserunt, condiderint testamenta, quorum Executores negligentes existant; ut pro defuncti testatoris salute officium nostrum intendere valeamus. Nam secundum piissimas leges, dilatas defunctorum pias voluntates, Episcopali decens est studio adimpleri, & ipsos Executores de sua legali executione facta Nobis rationem reddere; Nosque illos super hoc quietare expedit, & æquitas requirit.

Laici Sacerdotum testamenta ne impediant.

Moneantur etiam Laici, sive privati, sive publicæ sint personæ, ne ultimas Sacerdotum, & quorumlibet Beneficiatorum voluntates, atque legitima testamenta, contra omnem legem cassare, vel impedire attentent: ne graves juris sententias, & Divinam offensam incendant, cum animarum suarum periculo sempiterno.

TITU.

TITULUS XXII.

De Celebratione Missarum.

Ante Offertorium, Missam non celebrent Capellani contra voluntatem Rectoris.

Statuimus, ut in Ecclesiis Parochialibus, Capellani in diebus Dominicis, & summis quatuor Festivitatibus Missas ante Offertorium publice non dicant, seu legant: nisi illud ex aliqua justa causa, & de consensu Curatorum fiat.

In primitiis non fiant tumultuosa convivicia, & turpes choreæ.

Nullus novorum Sacerdotum die, qua primum Missæ Sacrificium celebrabit, publicum convivium faciat: nec ad illud tanquam ad sæculares nuptias aliquis invitet, aut invitari procuret: ut illa potissimum die puris cogitationibus, & devotione sincera Domino DEO inhærere possit, cujus militiæ & servitio voluit adscribi. Dignum enim est, ut mens ejus libera sit a curis & sollicitudinibus temporalium, quibus etiam laicorum mentes distrahuntur. Et merito novus Sacerdos, officium suum feliciter inchoare sperans, abstinere a tam populosis conviviiis, quæ vanis spectaculis, histrionum obsecrationibus, aliisque impuris tumultibus, & chorearum insolentibus raro, vel nunquam carere videntur. Solent enim histriones & tibicines, cæteræque leves & obsecræ personæ ad hujusmodi cœnas irrumpere, etiam non vocatæ. Si vero quisquam ante, vel post primitias, octo dierum intervallo, honestam amicorum convocationem habere voluerit, absque histrionum tumultibus, & chorearum turpitudine, fieri nequaquam prohibemus.

Symbolum finiatur absque melodia validorum Mendicantium.

In Missis, quæ sub nota cantantur, Symbolum Nycenum non obruncetur, sed integre, mature, & honeste (præsertim in Cathedrali nostra, & Collegiatis Ecclesiis) ad finem decantetur; omissa prorsus illa melodia, quæ more agrestis & sæcularis cantilenæ psallitur; qua uti solent peregrini & trutanni ad Sanctum Jacobum ambulantes,

Post quas boras & uti celebrandum sit.

Missam celebraturus, Matutinas & Primas ad minus perfolvisse debet (ex-

cepto Natalis Christi die) corporali lineo & mundissimo utatur, non autem serico vel bombicino: nec in ara enormiter fracta, neque in altari portatili, absque Episcopi, aut Vicarii consensu, Missam legat.

Eucharistia sit in tuta custodia cum Oleo Sancto & Cbrismate.

Eucharistiæ Sacramentum, sive Viaticum, in loco honesto & eminenti, ac in pyxide mundissima, atque sacrum Chrisma, & Oleum sanctum (quæ duo notabilem inter se habeant differentiam, & distinctionem) sub diligenti custodia (ut a sacrilegis manibus tuta sint) fideliter conserventur.

TITULUS XXIII.

De Regularibus.

Vota substantialia a Religiosis observentur.

Abbates, Præpositi, Priores, Decani, cæterique Prælati regulares nostræ Diœcesis, Religiosos sibi subiectos, in observantia regulari, aliisque religionis suæ statutis & ordinationibus diligenter instruant: eosque ad eorundem, potissimum autem ad trium votorum substantialium (paupertatis, castitatis, & obedientiæ) observantiam inducant. Sicque in præsidendo suis subditis se regant, & imitabiles exhibeant, ut subditi eorum exemplo, & pia conversatione ædificati, ad meliora indies opera facilius inducantur, atque incitentur.

Religiosi beneficiati, secularibus Clericis in obedientia Episcopo, & cæteris Prælati, ac Officialibus exhibenda, sese conforment.

Religiosi (etiam exempti) qui præsumunt Ecclesiis, aut Capellis non exemptis, circa jura Episcopalia, Capitularia, & Parochialia, ratione illarum (quas regunt) Ecclesiarum, aut Capellarum per eos præstanda, & perfolvenda, perinde habeantur, tanquam Sacerdotes sæculares: qui etiam Decanis, & Camerariis (in his, quæ ad eorum spectant officium) instar sæcularium obediant Sacerdotum: neque ad aliquod Ecclesiarum regimen admittantur, nisi ex singulari Sedis Apostolicæ privilegio, Nobis perspecto & cognito, facultatem illam sint consecuti,

& tunc de suorum Superiorum consensu, Episcopo se subdiciant, ac in omnibus, sicut cæteri sæculares Clerici, obediētes existant.

TITULUS XXIV.

De Procuratoribus Ecclesiarum.

Ecclesiarum Procuratores annuam reddant rationem.

Quorundam fide dignorum relatione didicimus, quod pro fabricis quam plurimarum Ecclesiarum nostræ Diocesis, Procuratores duntaxat laici constituantur, qui ad eorum nutum cum pecuniis & rebus fabricæ hujusmodi, absque Curatorum, sive Plebanorum scitu, & consensu, propria commoda quærant, ac mercaturas & contractus interdum vitiosos cum illis exercent, & eas ad alios privatos usus convertere non formident: nec de receptis per eos, collectis, imbutis, & gestis in præsentia Rectorum, vel eorum vicem gerentium (tanquam quorum principaliter interest) rationem reddant. Cum autem ex tanto abusu, Ecclesiarum hujusmodi fabricæ miserabiliter defraudari possent: id profecto & subditi, & Ecclesiis periculosissimum esse arbitramur. Quamobrem Ecclesiarum indemnitati, & subditorum saluti providere cupientes: præsentis constitutione ordinamus, ut deinceps cujuslibet Ecclesiæ nostræ Diocesis Procuratores, de scitu Curati assumantur, & qui pro tempore fuerint, hujusmodi Procuratoris officia, citra eorum privata commoda fideliter exercent, ac utilitatem Ecclesiæ promoveant; rationemque de singulis per eos levatis, collectis, distributis, actis, & factis, in præsentia ipsius Rectoris, vel vicem ipsius tenentis, coram his, qui ad hoc sunt deputati, ad minus semel in anno tempore consueto rationem faciant; prout de hoc in extremo judicio respondere velint. Qui autem hujusmodi nostro statuto inobedientes fuerint, per eorum Curatos primum benigne & amice requirantur. Quod si nec tunc obedierint, publice in cancellis coram populo noxentur. Et, si nec tunc quidem obtemperare velint, Nobis, vel Vicario, aut Officiali nostro denunciatur, qui eos propterea excommunicationi inno-

dabunt, prævia tamen quindecim dierum monitione.

Libros & Ornamenta Procuratores disponant.

Procuratores Ecclesiarum, in Ecclesiis defectus librorum ad cultum Divinum necessariorum, & aliorum ornamentorum, secundum Ecclesiarum facultatem procurent, & ne defint, provideant. Quod si negligentes extiterint, & per ejusdem Capituli Decanum requisiti, emendare noluerint, Nobis, vel Vicario nostro, aut Officiali nostro denunciatur.

Ædituus tempore Divinorum superpellicio induatur.

Procuratores Ecclesiarum de cætero Sacristam habilem & idoneum cum Rectoris, vel ejus vicem gerentis consensu recipiant, qui Curato Ecclesiæ circa Divinum Officium in omnibus obediāt, & Divinorum tempore superpellicio utatur: quod quidem superpellicium fabricæ, aut subditorum expensis disponatur, & ordinetur.

TITULUS XXV.

De Judæis.

Judæis nemo serviāt, nec domos locet, præcipue usurariis.

Quia indignum est, ut filii liberæ filii famulentur ancillæ, districtius inhibemus, ne Judæi nutrices, seu servientes habeant Christianos: eisdem servientibus, seu nutricibus præcipientes, ut a serviitiis eorum statim recedant, quos etiam Judæi libere dimittere teneantur. Sacerdotes etiam, & alii subditi nostri, domos, vel habitationes Judæis, vel aliis usuram publice exercentibus locare non præsumant. Transgressores hujus statuti, poena condigna puniantur.

Medicina non sumatur a Judæis, neque cum eis familiaritas contrahatur.

A Judæis nemo medicinam capiat, nec medicinæ consilium quærat, neque cum eis manducet, aut familiaritatem contrahat: quanquam (*) Judæi Christianis illam retributionem impendunt, quam juxta vulgare proverbium: *Mus in pera: serpens in gremio, & ignis in sinu:* suis consueverunt hospitibus exhibere.

Eccle-

(*) *fort: quoniam*

Ecclesiæ bona Judæis ne obligentur.

Sub pœna excommunicationis latæ sententiæ præcipimus omnibus Nobis subiectis tam Clericis, quam Laicis, ne res Sacras, vel Ecclesiarum ornamenta, ex quacunque etiam causa, Judæis obligare, aut hujusmodi obligationi consentire præsumant. Nos enim decernimus, tales obligationes omnino neque robur habere, neque jure subsistere posse.

Judæi utriusque sexus, signum distinctionis deferant.

Judæi masculi, in veste extrinseca ante pectus circulum deferant de filis croceis: Mulieres vero Judææ, in suis peplis, duas coloris ætherei, seu vulgariter blavii, rigas deferant, ut per hujusmodi signa a Christianis discerni, & cognosci possint. Et, ut statutum hujusmodi eo firmissime observetur, mandamus, ut per Regentes, & Officiales sæculares ad id compellantur: alioquin si Rectores, & Præsidentes hujusmodi in hoc negligentes exciterint, Nos contra eos per Sacramenti Eucharistiæ subtractionem, & contra Judæos per exclusionem communionis Fidelium, & alias (prout de jure) procedi faciemus: hocque statutum per Curatos locorum, in quibus Judæi moram habere consueverunt, ad talium Regentium, & Officialium sæcularium notitiam deducatur.

TITULUS XXVI.

De Adulteriis & Fornicationibus.

Adulteria non sustineantur.

Quædam personæ relicto legitimo thoro, non verentur una domo in adulterinis amplexibus manifeste cohabitare, in scandalum plurimorum; quorum saluti provideri volentes, Curatis Ecclesiarum in virtute sanctæ obedientiæ præcipimus, quatenus omnes & singulos, qui in adulterinis amplexibus simul cohabitare non verentur, moneant, & requirant, ut infra quindecim dies a se invicem discedant: & si mandato hujusmodi obedire contempserint, ac post dictos quindecim dies (quod absit) simul cohabitaverint: tales in eorum vita ab Ecclesiasticis excludantur Sacramentis, & post mortem (nisi penitentiam de commissis egerint) Ecclesiastica careant

sepultura. Et nihilominus, si viventes fuerint, ad Nos, vel Vicarium nostrum, pro absolutionis beneficio consequendo remittantur. Injungentes ipsis etiam Curatis, ut eorundem nomina infra aliam quindenam, dictos quindecim dies mox sequentem, Nobis, Vicario, vel Fiscali nostro denuncient, ut contra tales (prout juris est) procedere valeamus.

Monialium Monasteria nemo temere ingrediatur.

Clerici Sanctimonialium Monasteria ne subintrent: eorundemque ingressum absque legitima causa, & Superioris licentia, Curati subditis suis interdican, & ipsas quoque mulieres paterne præmoneant, ne Fratrum & Monachorum septa frequentent.

TITULUS XXVII.

De Presbyteris sæcularibus & religiosis, sermonem ad populum facientibus.

Concionantes contra se invicem non prædicent: sed errata ad Episcopum referantur.

Experientia edocti sumus, quod quidam Verbum Dei in Ecclesiis nostrarum Civitatis & Diœcesis seminantes, religiosi & sæculares Presbyteri contra se invicem prædicare quandoque non verentur, in populi scandalum, & exemplum perniciosum. Idcirco inhibemus, ne quisquam Prædicantium, sive religiosus, sive sæcularis existat, de cætero in contrarium alterius dictis quicquam prædicet in cancellis: sed, si errorem, hæresin, vel aliquid contra præsentem alterius jus quispiam ex ipsis prædicaverit, id ad Nos, vel Vicarium nostrum referatur, ne ex hujusmodi contentione publica, in populo scandala & pericula consurgant animarum. Secus facientes, pœnam condignam non evadent.

Prædicantes ad bene instituendos pueros persuadeant: Prælati non detrahant: miserabiles personas promoveant.

Hortamur etiam omnes Verbum Dei seminantes, ut, qualiter pueri in bonis moribus sint instituendi, sæpe & studiose prædicent: quanquam (*) utique a pueris Ecclesiæ reformatio utilius est inchoanda. Deque Prælati, & Superioribus

(*) opinor legendum: Quoniam.

bus suis irreverenter, & temere nihil loquantur, nec in sermonibus suis, ullo pacto Ecclesiarum Prælati detrahant: quod jam dudum in virtute sanctæ obedientiæ, & sub interminatione maledictionis æternæ districtius inhibicum est: ne inobedientiæ venenum, ne scandali pernicies, ne detractionis morsus ab eis ortum habeant, qui ad obedientiam, ad ædificationem, ad charitatem debuerant pro viribus laborasse. Eleemosynas, & jura pauperum, leproforum, viduarum, orphanorum, aliarumque miserabilium personarum fideliter promoveant.

Religiosi tempore Missarum Parochialium ne prædicent.

Religiosi in suis Monasteriis stationes, seu prædicationes diebus Dominicis & Festivis non faciant circa horas Missarum Parochialium, sub quibus Curati mandata a Nobis, vel Officialibus nostris eis injuncta exequi, & publicare, aliaque laicis opportuna patefacere tenentur: ne propter subditorum absentiam, id, quod exequendum fuerit, imperfecte fiat; & ne subditi ea nesciant, quorum ignorantia eos non excusans, in spiritualibus, vel temporalibus, ipsis damnum asserere possit.

Religiosi quoad Evangelia inter prædicandum Curatis se conforment.

Religiosi prædicantes, in sermonibus suis quoad Evangelia se conforment Ecclesiarum Parochialium Curatis: ita ut ea Evangelia prædicent populo, quæ secundum Breviarium Ecclesiæ nostræ Basiliensis pro tempore occurrunt; ne propter diffinitatem, populo detur occasio murmurandi.

Concordes sint Curati sæculares, & Fratres inter se.

Concordia, charitas, & pax Christiana inter Fratres, & Curatos sæculares observetur, ne scilicet Curati sæculares ipsis fratribus detrahant, aut eos molestis afficiant: neque fratres prædicent, populum Dominicis, & Festis diebus ad audiendam Missam, & Evangelium in suis Parochiis non esse astrictum; aut subditos contempto suo Plebano (qui de eis Deo rationem redditurus est) absque omni causa, ubicunque liber, posse peccata sua in Quadragesima confiteri:

ne per contrarios hinc inde sermones judicentur, non quæ JESU CHRISTI sunt, & animarum saluti deserviunt, sed seipsum, & suam privaram utilitatem querere, & intendere. Quippe cum una sit omnium Sæcularium, & Religiosorum Ecclesia, unus Dominus, unum Baptisma, una Fides; profecto decet, ut omnes, qui ejusdem sunt corporis, unius etiam sint voluntatis. Decet itaque, ut tam exempti, quam non exempti, suis juribus sint contenti, & alter in alterius injuriam non prosiliat, neque jacturam.

TITULUS XXVIII.

De sententia Excommunicationis.

Excommunicati in registram consignentur.

Curati kbrum faciant, sive registram, in quo consignent, aut registrent fideliter nomina excommunicatorum, diem executionis, personam, ad cujus instantiam, & causam, propter quam facta est excommunicatio: sic scilicet scribendo: *Talis excommunicatus est pro contumacia, vel pro tali causa, ad instantiam talis, die tali, & anno tali.* Et similiter fiat de absolutione, & relaxatione. Nisi enim hæc consignatio fiat, possit a Curato (qui memoriam omnium habere non potest) dispensari, quanquam (*) Sacramentum Eucharistiæ excommunicato, unam, vel duas absolutiones afferenti, cum adhuc aliis multis (quarum vel ipse, vel Curatus oblitus est) censuris forsitan sit irretitus.

Coram excommunicato Celebrantis, quantum sit periculum.

Curati nullum publice excommunicatum ad Divina audienda admittant, nec coram eo celebrent: alias ingressus Ecclesiæ taliter Celebranti ipso jure est interdictus, & Celebrans est vicinus irregularitati: quoniam, si postea ante relaxationem hujusmodi interdicti celebraret, fieret irregularis, & a solo Papa esset rehabilitandus. Similiter, si talis hujusmodi suspensione ab ingressu Ecclesiæ durante moreretur: non esset in cœmeterio, seu Ecclesia sepeliendus.

Excom-

(*) *Desiderantur aliqua.*

Excommunicatos ad publicum munus, vel officium non esse idoneos, sæpe dicatur in cancellis.

Curati subditos suos ad minus Dominicis diebus post angariam, seu quatuor temporum, & etiam sæpius (si videbitur expedire) instruant, & moneant, quod excommunicati publice non debeant, neque possint esse Judices, Testes, Procuratores, Notarii, & Pedelli, seu aliquod aliud publicum officium exercere.

Qui fuit excommunicatus, absolutus esse non credatur, nisi literas sigillatas exhibeat.

Quoniam excommunicati absolutos se esse nonnunquam fingunt (ex quorum communione pericula proveniunt animarum) inhibemus, ne de cætero quisquam Curatorum quancunque suæ Parochiæ personam, quam semel per Nostras, vel Officialium nostrorum literas excommunicatas excommunicatam denunciavit, aut contra quam tales literas vidit, & recepit, ultra ad Divina sua scienter admittat, vel coram eo celebret, aut absolutionem credat, vel pro absoluto teneat: nisi absolutionem suam literatorie sigillatam illius sigillo, qui eum excommunicavit, sibi prius ostendat. Quæ absolutione ostensa, idem Curatus exinde eundem in cancellis absolutum publicet. Hujus autem statuti transgressores ultra pœnam juris, quam incurrent, pœnam arbitralem se fiant non esse evasuros.

TITULUS XXIX.

De Interdicto.

Clerico laico, ubi, & quamdiu interdictum observandum.

Præsenti constitutione perpetuo valitura sancimus: ut si in antea quæcunque Ecclesiastica, vel secularis persona (cujuscunque dignitatis, status, vel conditionis existat) instigante Diabolo infra Civitatem & Dioecesin nostras, Clericum se pro Clerico gerentem interfecerit, aut mutilaverit, seu sine Superiorum suorum licentia illum captivaverit, aut detinuerit: eo ipso in civitate, terris, Ecclesiis, & Parochiis totius Decanatus, in quo hujusmodi delictum commissum, aut Clericus hujusmodi captus fuerit: &

Tomus VI. Concil. German.

non solum in illo Decanatu, sed etiam in quibuscunque aliis Decanatibus, in quibus quempiam talium detineri constiterit, & in omnibus locis, in quibus interfector, seu mutilator, aut captor, seu ejus complices, ipsi consilium, auxilium, & juvamen præstantes domicilium, aut dominium obtinuerint, vel moram fecerint, & ad quæ devenerint, & quamdiu in eisdem fuerint; & post cujuslibet ipsorum abinde recessum, ad tres dies continuos ipso facto cessetur a Divinis, & servetur districte Ecclesiasticum interdictum tamdiu, & quoutque læto, Nobis, & Ecclesiæ de tanto flagitio fuerit satisfactum, aut interdictum alias legitime relaxatum. Tales etiam injuriatores tanquam excommunicati mox a singulis arctius evitentur, coramque multitudine populi singulis diebus Dominicis publice denuncientur: donec absolutionis beneficium meruerint legitime obtinere. Ne autem hi juxta præmissa interdictum servare debentes, se valeant per ignorantiam quomodolibet excusare: præcipimus, ut Curati, in quorum Parochiis facinora prædicta commissa fuerint, statim infra unius diei spatium, Decano, si præsens in Decanatu fuerit; alioquin Camerario: si autem Camerarius etiam abesset, viciniore Presbytero jurato illius Decanatus tantum scelus, & flagitium notum faciant. Qui Decanus, Camerarius, aut vicinior Presbyter juratus, omnibus cæteris Decanatus hujusmodi Confratribus, & etiam Religiosis in eo commorantibus, sine mora hoc idem facinus manifestet, ac interdictum per eos, & in toto Decanatu servandum esse notificet: quibus super his fidem plenam (sicut nostris literis) volumus adhiberi. Per præmissa tamen constitutionibus legalibus, & aliis contra prædictos sacrilegos editis nolumus derogare.

Latore literarum damnum corporis passo, interdictum servandum est.

Curati, postquam eis constiterit latorem literarum Curia nostræ in eorum Parochiis propter delationem literarum per quemcunque esse captum, seu detentum, occisum, aut vulneratum, seu alias verberibus affectum: mox absque alicujus novi mandati expectatione in suis Parochiis cessent a Divinis: & tales

D

capti-

captivantes, detinentes, occidentes, vulnerantes, & verberantes, die Dominica proxime sequenti publice denuncient excommunicatos: quia tales ipso facto sententia excommunicationis volumus esse ligatos.

Interdictum qua forma sit servandum.

Curati, cum mandatur eis, ut a Divinis cessent, vel interdictum Ecclesiasticum observent, sic intelligant: quod clausis Ecclesiæ suæ januis, Missam, aut Vesperas quasi legendo dicant, absque pulsatione campanarum, populo, & aliis de foris venientibus exclusis: nec sint in januis Ecclesiarum suarum fenestræ, per quas foris existentes audire possint, & videre Divina Officia, & Sacramenta Ecclesiastica. Tempore etiam interdicti Sacramentum Baptismi pro parvulis, Penitentia tam pro sanis, quam pro infirmis, & etiam Sacra Eucharistia (pro infirmis duntaxat) licite administrent. Ab extrema vero Unctione, & cæterorum Sacramentorum administratione illo tempore abstineant: nisi Episcopus in loco foret, qui Confirmationis Sacramentum conferre possit. Defunctos etiam in Ecclesiis non sepeliant, neque cœmentis, nisi Clerici fuerint, qui causam interdicti non dederint, & Ecclesiasticum interdictum servaverint. In quatuor ex principalibus Festivitatibus a primis Vesperis inclusive, usque ad Completorium ipsius Festi secundum exclusive, Missas, & alia Divina Officia januis apertis, pulsatis campanis (excommunicatis tamen exclusis) licite peragant: nisi specialiter in aliqua certa prohibitum esset Ecclesia, ne ibi Divina celebrentur: tunc enim prohibitione hujusmodi durante, nequaquam in illa Ecclesia Divina sunt celebranda.

TITULUS XXX.

De Excommunicatis vitandis, & Interdictis observandis.

Non nisi denunciati sunt vitandi: nisi excommunicatio sit omnino notoria, & inexcusabilis.

Statuimus, prout etiam in Sacra generali Synodo Constantensi, ad vitandum scandala, & multa pericula, subveniendumque conscientis timoratis statu-

tum est, quod deinceps nemo a communione alicujus, in Sacramentorum administratione, vel receptione ad Divina, aut aliis quibuscunque, in judiciis, vel extra, cujuscunque sententiæ, vel censuræ Ecclesiasticæ, & suspensionis, vel prohibitionis ab homine, vel a jure generaliter promulgatæ occasione teneatur abstinere, vel aliquem vitare, vel Ecclesiasticum interdictum observare; nisi sententia, prohibitio, suspensio, vel censura Ecclesiastica hujusmodi lata contra personam, Collegium, Universitatem, Ecclesiam certam, aut locum certum, a Judice, seu de ejus mandato publicata fuerit, vel denunciata specialiter & expresse: salvo, si quem pro sacrilega manuum injectione in Clericum, sententiam latam a Canone, adeo notorie constiterit incidisse, quod factum nulla possit tergiversatione celari, neque aliquo juris suffragio excusari. Nam a communione illius, licet denunciatus non fuerit, abstinere volumus, prout etiam eadem Sancta Synodus vult juxta Canonicas Sanctiones. Per hoc tamen, primis duobus statutis, supra de interdicto per Nos positis, non intendimus derogare: nec hujusmodi excommunicatos, suspensos, interdictos, seu prohibitos in aliquo relevare, nec eis quomodolibet suffragari.

TITULUS XXXI.

De procurandis Statutis istis Synodalibus.

Statuta habeantur.

Decani, Camerarii, & Jurati sub pœna unius libræ denariorum, Fisco nostro irremissibiliter persolvendorum, infra quindenam a tempore publicationis præsentium, hæc nostra Synodalia Statuta penes se habere studeant, & habeant cum effectu.

Religiosi, præsertim ad Confessiones audiendas præsentati, etiam hæc habeant Statuta.

Quia vero Religiosi excommunicatos a sententiis, per Statuta Provincialia, vel Synodalia promulgatis, nec non in casibus Sedi Apostolicæ, aut locorum Ordinariis reservatis, absolvere per expressum jus prohibentur: ne laqueos sibi ipsis, & cæteris fidelibus ponant; ope-

operæ pretium est, eos hæc nostra statuta non ignorare. Itaque hortamur eosdem, & in Domino JESU pie requirimus, ut has nostras Synodales Constitutiones & ipsi quoque apud se habere, easque revolvere non reculent, neque aspernentur.

Publicentur Statuta, atque observentur.

Decanus infra unius mensis spatium post præsentium Statutorum publicationem, omnes suos Confratres, & in suo Capitulo Beneficiatos, qui in hac nostra Synodo præsentes non interfuerunt, ad certum aliquem locum convocat, ipsique hæc nostra Statuta de verbo ad verbum publicet, ne quisquam eorum in suæ prævaricationis excusationem possit ignorantiam allegare. Præcipiat etiam eisdem, ut infra mensis spatium hæc Statuta quilibet eorum propria habere procuret: Decanus etiam, & Camerarius quilibet, quantum ipsorum personas respiciunt, & concernunt, has Constitutiones fideliter observent, ac ad eas observandas singulos Confratres diligenter exhortentur, & inducant. Si vero quisquam ad procurandum sibi hæc Statuta negligens, aut ad observandum rebellis & inobediens fuerit; Nobis, vel Vicario nostro denunciare illum teneantur. Quod si etiam Decanos, & Camerarios, sicut & alios Confratres de transgressione, ac contemptu hujuscemodi Statutorum, quæ in Sacratissimis Canonibus, ac justissimis Summorum Pontificum sententiis fundata sunt, apud Nos, aut Vicarium nostrum ex fide digna relatione accusari contigerit; iusta & legitima propter inobedientiam poena se ipsis sciant esse afficiendos, nostramque indignationem incurfuros.

Moderamen Censurarum, quæ jam dudum emanarunt.

Postremo ne Clerus noster censuris, & sententiis Ecclesiasticis propter Statutorum a Prædecessoribus nostris edictorum transgressionem damnabiliter deinceps illaqueetur: easdem sententias per Prædecessorum nostrorum Statuta latas (dummodo saltem a jure communi latæ non sint) in his scriptis tollimus: illas in poenas arbitrarías ab Officialibus nostris imponendas commutantes.

Epikeya Statutorum Episcopo reservata est.

Quia secundum diversitatem temporum, locorum, & morum vivendi, aliarumque circumstantiarum conditionem leges sint instituendæ: præsertim, quod vix aliquid adeo certum, clarumque statuitur, quin ex causis emergentibus prius a Legislatore non prævisis, in dubium postea revocari possit: has nostras leges per epikeyam, vel æquitatem interpretandi, exponendi, declarandi, moderandi, & accumulandi potestatem Nobis reservamus.

TITULUS XXXII.

De temporibus, quibus Nuptiarum solennitas interdicta est. De Festis & Jejniis.

Nuptiarum solennitas prohibetur a prima Adventus Dominica, usque ad Octavam Epiphaniæ inclusive. Item a Dominica Septuagesimæ, usque ad Octavas Paschæ inclusive. Et a tribus diebus Rogationum ante Ascensionem, usque ad octavas Pentecostes exclusive.

Festa, quæ celebranda sunt, in quibus ab omni opere servili, & mechanico cessandum est.

Omnes dies Dominicæ, Patroni cuiuslibet Ecclesiæ in sua Ecclesia, & Dedicationes particulares Ecclesiarum in sua Parochia duntaxat.

Circumcisionis, & Epiphaniæ Domini. Purificationis MARIE. Mathiæ Apostoli. Annunciationis MARIE. Resurrectionis Domini, cum tribus sequentibus.

Resurrectionis Domini, ut supra. Marci Evangelistæ. Ascensionis Domini.

Philippi, & Jacobi Apostolorum. Inventionis Sanctæ Crucis. Pentecostes cum tribus sequentibus. Trinitatis.

Nativitatis Sancti Joannis Baptistæ. Petri, & Pauli Apostolorum.

Visitationis MARIE Virginis. Heinrici Imperatoris in civitate Basilienfi, præsertim Mariæ Magdalenæ. Jacobi Apostoli.

Laurentii Martyris. Assumptionis MARIE. Bartholomæi Apostoli.

Nativitatis MARIE. Exaltationis Sanctæ Crucis. Mathæi Apostoli, Michaelis Archangeli.

Dedicationis Ecclesiæ Basilienfis.
Galli Abbatis. Lucæ Evangelistæ. Si-
monis & Judæ Apostolorum.

Solennitas Omnium Sanctorum.
Martini Episcopi. Catharinæ Virginis, &
Marryris. Andreæ Apostoli.

Nicolai Episcopi. Conceptionis MARIE.
Thomæ Apostoli. Nativitatis Do-
mini. Stephani Proto-Martyris. Jo-
hannis Evangelistæ. Sanctorum
Innocentum.

Ad Festa vero Sancti Georgii, Udalrici,
Margarethæ, Exaltationis Crucis,
Francisci, celebranda populum no-
stræ Diocesis sub poena peccati mor-
talis, ex rationabilibus causis non
volumus esse astrictum.

Tempora Jejuniorum.

Sub Ecclesiæ præcepto cadunt, ad
quod tenentur fortes, legitimam aetatem
habentes : qui non coguntur laboribus
manuum suarum quærere victum :

Quadragesima, ad Vigiliam Paschæ
inclusive.

Vigilia { Pentecostes,
Sancti Joannis Baptistæ,
Petri & Pauli,
Laurentii,
Assumptionis Beatæ MARIE,
Omnium Sanctorum,
Natalis Christi.

Vigiliæ omnium Apostolorum, excepto
Philippi & Jacobi Profesto, & tres
dies in quatuor angariis, quæ ca-
dunt proxima feria quarta post Do-
minicam *Invocavit*, post Dominicam
Pentecostes, post Exaltationem San-
ctæ Crucis, & post festum Lucæ.

TITULUS XXXIII.

De casibus Papalibus.

Interfectio Clerici, vel atrox & enormis
ejusdem læsio.

Hæresis.

Simonia.

Falsificatio literarum Apostolicarum.

Crimen incendiarii post denunciationem.

Celebratio Missæ facta in excommunica-
tione majori.

Commutatio voti ad Sepulchrum Do-
minicum : ad limina Beatorum Petri
& Pauli, & Sancti Jacobi in Com-
postella, & voti castitatis.

*Casus Episcopales a jure vel consuetudine
ipsis Episcopis reservati.*

Homicidium.

Incendium ante denunciationem.

Sacrilegium.

Peccatum contra naturam.

Incestus non solum cum consanguineis,
sed etiam cum monialibus.

Percussio parentum.

Sortilegium.

Oppressio parvulorum.

Negligentia parentum circa pueros.

Perjurium.

Voti fractio.

Maleficium.

Procuratio abortus, vel sterilitatis.

Propinatio toxici, vel veneni.

Magna blasphemia in Deum.

Falsificatio literarum Episcopi, aut suæ
Curie.

Adulterium.

Stuprum.

Excommunicatio major.

Baptizans propriam prolem absque ne-
cessitate.

Celebrans sponte coram ex-
communicato.

Promotus per saltum ad Sa-
cros Ordines.

Ordinatus sine licentia ab
Episcopo alieno.

Celebrans in Ecclesia inter-
dicta.

Celebrans in Altari non con-
secrato.

Sepeliens excommunicatos,
aut interdictos.

Fornicans cum filia confessio-
nis, vel baptismi.

Celebrans sine sacris indu-
mentis.

Proditor confessionis.

Notabile circa Sacramen-
tum Eucharistiæ negli-
gentiam committens.

Supra nominatos casus Nobis ipsis, &
nostro in Pœnitentialibus Vicario refer-
vamus : parati tamen erimus ipsis Reli-
giosis præsentatis, & Decanis, aut aliis
nonnullis Curatis Doctoribus, & magis
expertis nostram quoque facultatem in
illis impartiri, ac nequaquam denegare.

Præterea nullam reservationem fieri
volumus, quo ad mulieres maritatas in
peccatis saltem occultis. Item neque ad
pue-

Quo ad
Ecclesia-
sticos.

pueros, & puellas nondum decimum quartum ætatis annum agentes. Clerum(*) juniores Curati in hujusmodi dubiis quo ad uxores, & pueros consulant prudentiores, & magis expertos: cavendo tamen, ne dicant sibi ex confessione constare: sed proponant in hunc, vel consimilem modum: *Si vobis talis, vel talis casus occurreret; quid faciendum, qualis emenda injungenda vobis videretur?*

Exhortationes circa infirmos.

Infirmus moneatur, ut de peccatis doleat, omnem spem in merito Passionis Christi ponat, in fide Christi, & Ecclesiæ constans maneat, utque patientiam habeat dolorum, quæ sibi sit pro magna parte purgatorii, in qua relevetur: quodque de necessitate faciat virtutem, quia sibi utique moriendum sit: quod voluntatem suam conformet Divinæ voluntati, & offerat voluntarie mortem suam Deo: id erit summum Sacrificium, maxime ipsi Deo acceptum. Moneatur etiam, ne rem alienam sciepter detineat, & ut omnibus amore Christi ex corde ignoscat.

Quos Libros Curati inter alios habeant magis familiares.

Habeant { *Tractatum Sacerdotalem, cuius principium est: Medice cura te ipsum.*
Manipulum Curatorum.
Manuale Curatorum.
Opuscula Joannis Gerson. & præcipue tripertitum ejus, & de arte audiendi Confessiones.

(*) fors: Clerici.

Habeant { *Confessionale Antonini.*
Confessionale Bartholomæi de Chaymis.
Summam vitiorum, & virtutum Lugdunensium.
Summam Angelicam; vel Baptistinianam.
Compendium Theologicæ veritatis Thomæ de Argentina.
Expositionem Canonis Gabrielis.
Resolutorium dubiorum Miscalæ Joannis de Lapide.
Præceptorium Joannis Nider.

Explicitæ sunt Constitutiones in Divino & Pontificio jure fundatæ, sub piensissimo Antistite CHRISTOPHORO IX. Calend. Novembris: Anno Christi MDIII. in solenni & ornatissima Synodo editæ; quæ plane & breviter indicant, quid ad vitam & bonos mores Sacerdotum, quidque ad animas pertineat bene gubernandas, ad gloriam Summi DEI, & ad institutionem tyronum, sive eorum, qui nuper Sacris sunt initiati: ut in his justissimis legibus, tanquam in speculo cognoscant officium suum: Et quomodo vita & doctrina populos excellere, eosque exemplo suo ad honestatem movere debeant: ut Clerus una cum populo felicitatem (ad quam conditi sumus) assequatur.

Ex impresso Libro in folio litera Petri, communicato a DD. Veith, Bibliopolis Augustanis.



Statu-

Statuta Synodalia Episcopatus MISNENSIS,

Anno Christi MDIV. Julii II. PP. II.
Maximiliani I. Imp. X.

JOANNES (*) DEI ET APOSTOLICÆ SEDIS GRATIA EPISCOPUS
MISNENSIS: UNIVERSIS ET SINGULIS DOMINIS ABBATIBUS, ABBATISSIS, PRÆ-
POSITIS, DECANIS, ARCHI-DIACONIS, CANONICIS, PRIORIBUS, GUARDIANIS,
ARCHI-PRESBYTERIS, PLEBANIS, VICE-PLEBANIS, ALTARISTIS, CAPELLANIS,
CÆTERISQUE CLERICIS PER ET INFRA CIVITATEM, ET DIOECESIN NOS-
TRAM UBILIBET CONSTITUTIS; SALUTEM IN DOMINO
SEMPITERNAM,

Quaquam per Nos, & Prædecessores nostros Episcopos, Venerabilis Capituli Ecclesiæ nostræ Misnenfis desuper habito consilio, pro statu nostro-
rum subditorum feliciori, Statuta Synodalia edita sunt, ac in Synodis Generalibus publicata, ne ab aliquo eorundem ignorantia prætenderetur: Quia tamen ad audientiam nostram sæpius pervenit, paucissimos reperiri, qui hujusmodi Statuta penes se scripta habeant, aut ex tali eorundem pronuntiatione eadem memoriter retinent, cum memoria hominum labilis existat: unde non solum compilationem illorum Statutorum apud plerosque inanem fuisse, nullosque aut paucos fructus attulisse: verum etiam errores, pericula, scandalaque varia, ac damna, nostræ Diœcesis inhabitatoribus exoriri, ac inferri percepimus, quæ singula, dum eorum Statutorum tenores impressi forent, facillime præcaverentur. Ob id Nos JOANNES Episcopus antedictus, qui pro Divini cultus, ac Reip. augmento, utque Nobis commissi subditi pacifice, ac quiete vivere valeant, curis sollicitamur continuis, quantumque ab Alto Nobis permixtum est, viribus totis laboramus, pro laude DEI, Reipubl. fructu, ac meliori statu, & utilitate omnium nostræ Diœcesis inhabitatorum, singularia nostra, ac Prædecessorum nostrorum edita Synodalia Statuta, una cum Constitutionibus piissimorum Ro-

manorum Imperatorum *Friderici Secundi, Caroli Quarti, & Sigismundi*, pro quiete, bono statu, & fidei tuitione Clericorum, personarum Ecclesiasticarum, editis, atque fundatione Ecclesiæ nostræ Misnenfis per Ottonem primum Romanorum Imperatorem Augustissimum, una cum Confirmatione Sanctissimi in Christo Patris, bonæ memoriæ *Joannis Papæ istius nominis Decimi tertii* desuper emanata, in unum colligi, atque redigi, imprimique decrevimus, ac iussimus. Vos omnes & singulos hortamur, requirimus, districteque præcipiendo mandamus, quantum hujusmodi Statuta cum eisdem annexis, sic, ut præmittitur, impressa, diligenter curetis infra mensem a Synodo proxima computando, obtinere, ipsaque diligenter observare, atque vestris Plebanis singula in eis contenta, ipsos concernentia, publicare, intimare, & declarare, ut hujusmodi Statuta cum Constitutionibus annexis diligenter servent, nihilque ipsis in contrarium attentent; alioqui, tam contra non habentes, quam contra non publicantes, & non servantes, arctius insurgemus, dignasque penas & multas juxta excessus, & contemptus modos eis irrogabimus. Datum in arce nostra episcopali Wurtzen, anno Domini Millesimo, quingentesimo quarto, die Lunæ, decima octava mensis Martii.

De

(*) Joannes (hoc nomine VI.) de familia Salhusia (de Salhausen) Decanus Misnenfis, Decret. Doctor, Misnenfis Ecclesiæ electus est Episcopus Id. Novembr. A. MCCCLXXXVII. Sedit usque ad annum MDXVIII. quo obiit IV. Id. April. Wurcienæ sepultus. Egregius disciplinæ Ecclesiasticæ exactor fuit, lenitate usus, dum poterat, iusta etiam, quando res poscebat, severitate.

De Vita & Honestate Clericorum.

Imprimis omnes & singulos Presbyteros nostræ Diœcesis, cujuscunque status, gradus, dignitatis, aut præmi-
nentiæ fuerint, peremptorie requirimus, & monemus, ut infra unius mensis spa-
tium, a die proxima Synodi continue computandum, concubinas, & mulieres suspectas, si quas in domibus suis, vel
expensis habent, aut retinuerint, a se
penitus ejiciant, amoveant, & dimittant:
alioqui inventi obnoxii post lapsum
prædicti termini, præter pœnam Cano-
nicam, eis de jure infligendam, suis, si
quæ habuerint, Beneficiis per Nos, quan-
tum de jure possumus, privabuntur.

Item statuimus, ut eidem Clerici non pannis rubeis vel viridibus, fibulis
deauratis, vel ornamentis in cingulis, sive
peris, annulis aureis vel argenteis utan-
tur, nisi quibus ex dignitate a jure con-
cessum fuerit: sed vestes deferant com-
petentes, non nimia longitudine, aut
brevitate annotatas; alias contra eos,
sicut transgressores, canonicè procede-
mus. Archi-Presbyteris omnibus &
singulis, præsentibus & absentibus, in
virtute obedientiæ præcipimus, ut de
transgressoribus præmissorum inquirent
diligenter, & quos culpabiles invenerint
in præmissis, Nobis, aut Vicario nostro
in Spiritualibus, quam cito poterint,
per literas, vel nuncios suos certos de-
nuncient, si de obedientia sua cum pœ-
na debita noluerint reprehendi.

Item volumus, & mandamus, quod
nemo Clericorum in locis publicis cho-
reisare, turpia dicere, ludos ineptos ex-
ercere, seu talibus interesse præsumat:
& maxime ludis taxillorum. Si quis au-
tem eis uti voluerit pro recreatione, &
solatii causa, dum cum discretione, in
privato, & paucis vicibus fiat, sub diffi-
mulatione toleramus.

Item, cum experientia omnium re-
rum magistra edocti sumus, ex nullo
statum Clericalem tam turpiter vilescere,
atque in Diœcesi nostra majora scan-
dala, damna, ac animarum pericula
evenire, sicuti ex visitatione tabernarum:
Quapropter volumus, & districte, sub
pœna obedientiæ præcipiendo, manda-
mus omnibus, & singulis nostræ Diœcesis
Clericis, ne publicas tabernas vel do-

mus aliquas, in qua vinum, cerevisia,
aut aliis potus publice vendatur, in-
trent, sive foris eisdem sedendo, vel
stando publice bibant, nisi in itinere con-
stituti essent. Si qui vero nostri ratio-
nabilis statuti contemptores, & transgres-
sores reperti fuerint, contra eos rigidis-
sima pœna procedere curabimus: si ve-
ro aliqui dicta loca frequentare compe-
riuntur, incarcerationem, aut expulsio-
nem de Diœcesi nostra nullatenus eva-
dent.

Item, cum quotidianis vulgi cla-
moribus informati sumus, quomodo Sa-
cerdotes in & per Civitatem, & Diœ-
cesim nostram Misnensem, Divinis Mis-
særum Officiis effæminati, & discalciati,
in non modicum ipsius vulgi scandalum,
Venerabilis Sacramenti, Divini Officii,
Sacerdotalisque dignitatis vilipendium,
se immiscere consueverunt; de quo me-
rito consulere, & de remedio opportu-
no providere, in decus Sacerdotii, Pa-
storali officio astringimur: quare matu-
ro consilio, debitave masticatione con-
stituimus, ac in virtute sanctæ obedien-
tiæ præcipientes mandamus, quatenus
omnes & singuli Sacerdotes, sive Curati,
sive non, per Civitatem & Diœcesim
nostram Misnensem existentes, de cæte-
ro absque caligis & braccis celebrare
non præsumant, nec sic effæminati Divinis
Missærum Solenniis, & Officiis se immis-
ceant, nisi infirmitate aliqua, quæ in his
eos impedire, aut rationabiliter excu-
sare poterit, gravati fuerint, in quo con-
scientias eorum gravamus, & oneramus;
sic tamen, quod caute & solícite provi-
deant, ne pedes eorum nudi appareant;
in his honeste in honorem Sacerdotii se
gerendo. Contrarium facientes a fru-
ctibus Beneficiorum, aut officiorum emo-
lumentis, præsentibus suspendimus, &
si non emendaverint, excommunicabi-
mus.

*Quando Presbyteri beneficiati, sive non, &
alii Clerici debeant interesse Divinis.*

Cum Salvatori nostro super judicia
Justitiæ suæ laudes referre jubemur, Pro-
pheta testante: *Septies in die laudem dixi
tibi &c.* Apostolo etiam confirmante:
Cantantes & psallentes in cordibus vestris &c.
& propter hoc beneficia tribuantur, ut
officia compleantur: Sane, ut ad no-
strum

strum pervenit auditum, quidam Altaristæ, five Presbyteri, Altaria in Ecclesiis Parochialibus nostræ Diocesis obtinentes, Missas tantummodo in ipsis Altaribus celebrantes, aliis Divinis officiis, quæ in eisdem Ecclesiis decantantur, interesse contemnunt, ex quo scandalum inter laicos non est dubium exoriri. Nos volentes salubre remedium adhibere, ipsosque Presbyteros ad obsequendum Deo, prout possibile Nobis fuerit, inducere: præsentî nostro Decreto ordinamus, & eisdem Altaristis, seu Presbyteris, Altaria in Parochialibus Ecclesiis habentes, per modum consilii injungimus, quatenus Divinis officiis, quæ in ipsis Ecclesiis Parochialibus, in quibus Altaria obtinent, quando illa decantari contigerit, seu consueverit, præsertim diebus celebribus & festivis, si commode possint, intersint, & interesse debeant, per se, vel suos Capellanos, usque ad finem inibi permanendi, nisi aliqua necessitas, vel justa causa eos permiserit abire.

Aliud de eisdem.

Item cum Salvator noster, cujus est terra & plenitudo ejus, formam servi accipiens, factus sub lege, ut eos, qui sub lege erant, redimeret, obediens Patri usque ad mortem crucis, cujus livore sanati sumus; qui etiam in carne similitudine hominis circumiens per castella, sanavit homines a languoribus suis; ita nobis familiare præbuit obsequium laboris, ut in medio nostrum stans, non ministrari, sed ministrare vernerit. Sane, cum nuper salubre mandatum salutis, humilitatis, ac servitutis DEI, cui servire, ubique regnare est, & cujus jugum suave est portantibus; de Processionibus, & thurificatione Ecclesiarum emisisse meminimus; talis, ut accipimus, irrepsit obsequi debentium clamor & rebellio, ut non solum, qui ministerio DEI saccati, ac DEI cultui specialiter deputati famulari Deo, contradicunt: verum etiam, quod deterius est, ad fortificandum suam rebellionem, se onerari, & gravari prætendunt: cum & ipsi nostris mandatis per se directe opponere non audeant, ac formident, sub eisdem laboris, & oneris nefanda fictione, & falsa simulatione, cum hoc ipsum, ut diximus, non servire, sed regnare sit;

laicos inducere non verentur, ut ipsi per eos tueantur, & defendantur, ne suos Capellanos asseritos & fictos, gravari permittant: cum tamen nunquam nostræ intentionis fuerit, aliquem ad hoc esse adstrictum ultra posse, sed ea solum, quæ Dei exigunt honorem, exemplarem ædificationem, atque salutem animarum; sed quia Sanctæ Mariæ Ecclesiæ statutum respicientes, quo omnibus laicis præcipitur diebus Dominicis interessentia Divinorum: Nos volumus, Clericos Nobis subiectos, prout tenemur, aliis esse perfectiores, ac bonos exemplares, & ad id fortius obligatos, cum & ipsi immediata Ecclesiæ membra esse dignoscuntur: Idcirco præsentî Decreto hortamur in Domino, & per modum injungimus consilii, ut omnes & singuli Parochialium Ecclesiarum Altaristæ omnibus & singulis diebus Dominicis, & aliis solennibus, quibus Processiones per Ecclesias, civitates, & oppida fieri consueverunt, Ecclesiæ Cathedrali se conforment, & per se, aut suos substitutos, si per se Altaribus non deserviunt, ad laudem & decorem domus DEI, ædificationem proximorum, & propriarum suarum animarum salutem, eisdem intersint: ac etiam Altarium thurificationibus diebus subnotatis: ut puta, in Festivitatibus Assumptionis, Pentecostes, Trinitatis, Corporis Christi, Joannis Baptistæ, Mariæ Magdalenæ, ac aliarum omnium Virginis MARIE, Michaelis, omnium Sanctorum, Martini, Catharinæ, Nicolai, Nativitatis Domini. Circumcisionis, Epiphaniæ, Patronorum, Dedicationis, ac omnium Apostolorum Vigiliis, nisi aliqua necessitas, aut infirmitas eos excuset corporalis. Sed ne hoc Statuto nostro Synodali, quis æstimer, Altaristas duntaxat ad obsequendum Deo obstrictos, & irretitos, cum suis Capellanis similiter comprehendi, ne alii recipiant argumentum rebellandi ab eisdem. Utque ultra juris communis, ac nostri Statuti ordinationem, Clerici ipsi, atque Presbyteri fortius animentur, majoremque ad præmissa habeant adfectionem, ac etiam studeant diligentius adimplere: Nos ipsis omnibus & singulis circuitibus & thurificationibus præactis interessentibus, atque tunc unum Pater noster cum Salutatione Angelica, & Symbolo Apostolico, pro felici statu Mariæ Eccle-

Ecclesiæ, ac omnium Christi fidelium salute devote orantibus, pro quolibet circumcui & thurificatione, dummodo contriti & confessi fuerint, viginti dies indulgentiarum de injunctis eis poenitentis, misericorditer in Domino relaxamus. Nolumus etiam per hoc nostrum Statutum, laudabilem quorundam locorum infringere morem, quo Plebani, in certis Festivitatibus anni, memoratis Altaristis collationes dare consuevere. Ut ergo nemo per ignorantiam hujusmodi ordinationis, se valeat aliquo colore de cætero excusare; præcipimus, ut singuli Archi-Presbyteri, in suis particularibus conventionibus Clericorum, hanc nostram ordinationem publice pronuncient, & exponant, si & ipsi, una cum transgressoribus nostræ ordinationis, de inobedientia noluerint reprehendi.

De Plebanis Sclavos Plebifanos habentibus.

Item sub pœna excommunicationis districte præcipimus, & mandamus, quod singuli & omnes Plebani nostræ Diocesis, in suis Plebanatibus, & Ecclesiarum terminis plebem Sclavicam habentes, qui in idiomate Sclavonico ignari sunt, & inexperti, populum sibi subiectum Prædicationibus, Confessionibus, Oratione Dominica, Symbolo Apostolico, & aliorum dicendorum publicationibus non valent, aut possunt informare, & personaliter expedire; secum teneant & habeant Capellanos, seu Vicarios, in hujusmodi idiomate peritos, & expertos, qui sciunt Sclavis prædicare, & præesse, eosque in præmissis possunt informare salubriter, & expedire: alioquin suis Beneficiis per Nos privabuntur, & genti facienti fructus suos dabuntur.

Item ad audientiam nostram deductum est, de quo non immerito plurimum dolemus, quod nonnulli animarum Pastores, & Curati Presbyteri, plus lucrum ex Parochianis suis, & ovibus, quam ipsarum salutem sitientes, suos Parochianos, tantum semel in anno, in confessionibus audiunt, & expediunt: & quod deterius est, tunc incipere solent aliquando post Dominicam Lætare, aliquando post Dominicam Judica: istos tunc confessos non prius, quam ad Cœnam Domini, aut ad diem Paschæ, Eu-

Tomus VI. Concilior, German.

charistia & Corpore Christi providendo, quod, pro dolor, in periculum multarum redundat animarum. Huic pestifero morbo remedium salubre invenientes: omnibus & singulis per Diocesin nostram Curatis Presbyteris injungimus, atque præcipimus, ut consuetudini Romanæ Ecclesiæ se conforment, in antea Parochianorum suorum ad minus bis in anno confessiones audiant; ut ipsi Parochiani bis confiteantur admoneant, & inducant, sicque cum eis agant, quod confessi post secundam confessionem infra biduum Eucharistiæ Sacramento, in die videlicet Palmarum, & aliis sequentibus diebus provideantur. Si quis autem tam Plebanorum, quam Parochianorum, hujus nostri præcepti inventus fuerit transgressor, sciat, se ut rebellem & inobedientem, condignam pœnam minime evasurum.

De Symboli Apostolici, & Orationis Dominica pronuntiatione.

Item cum dicit Apostolus: Sine fide est impossibile placere Deo, quæ maxime in Symbolo, & doctrina Apostolorum continetur: & eapropter præcipimus, & mandamus sub excommunicationis pœna, quam negligentes, & contrarium facientes incurrere volumus ipso facto, quatenus omnes & singuli Plebani, seu Curati, quibuslibet diebus Dominicis, post sermonem, Symbolum Apostolicum, & Orationem Dominicam, in lingua apud plebem suam nota, & usitata pronuncient, & eam in hujusmodi studeant diligentius informare: quodque non solum pronunciantes, imo & dicentes formidine pœnæ, verum etiam respectu meriti, ad præmissa salubrius invitentur, singulis diebus prædictis, tam pronunciantibus, quam dicentibus, viginti dies indulgentiarum injunctæ eis poenitentiae, dummodo saltem contriti, & confessi fuerint, misericorditer in Domino relaxamus.

De Collecta: Et famulos tuos &c.

Item hortamur omnes & singulos Curatos, & non Curatos nostræ Civitatis, & Diocesis Sacerdotes, quatenus omnibus diebus in Missarum celebrationibus, infra scripta verba, ante conclusionem ultimæ complendæ pronuncient,

E

atque

atque legant, scilicet: Et famulos tuos, Domnum Apostolicum, & Regem Romanorum, Antistitem, & Principes nostros, eorumque fideles dirige in viam salutis æternæ, & ab omni adversitate custodi, & pacem nostris concede temporibus &c. Per Dominum nostrum &c. Propterea præscripta verba recitantibus, viginti dies indulgentiarum injunctæ eis poenitentiae, Pontificali largitione relaxamus, & concedimus.

De Bullis Festi Corporis Christi.

Item volumus, & ordinamus, quod quilibet Sacerdos Curatus, singulis annis, ad minus uno die Dominico, ante festum Corporis Christi, Indulgentias, per Urbanum, & Martinum Pontifices Maximos, ad diem Corporis Christi, & ejus Octavam concessas, populo suo exponere, & publicare debeat, & teneatur. Ne autem aliquis tenorem Bullarum neficiat, tenorem Bullæ Martini subimprimi fecimus, Tenor Bullæ Urbani in Clementina prima, de Reliquiis & Veneratione Sanctorum invenitur.

TENOR BULLÆ MARTINI.

MARTINUS EPISCOPUS, SERVUS
SERVORUM DEI. AD PÆRPETUAM
REI MEMORIAM.

Ineffabilis Sacramenti, quod Sacerdos in æternum Christus Dominus, intante, quam pro peccatoribus subire voluit, suæ mortis tempore, nobis, ut eo digni refecti, Divinitatis ipsius participes simus, in memoriale reliquit, gloriosi Corporis & Sanguinis ejus mysterium, præcipuis a fidelium quolibet fore attollendum censentes honoribus, atque devotissimis laudum studiis amplectendum, mystici dispensationis thesauri, fideles eosdem, quod tam pretiosissimi veneratione Sacramenti sinceris affectibus, & dignis obsequiis ferventer intendant, excitare satagamus, ut hujusmodi in eis fructum mors afferat, & illis cælesti pabulo vegetatis ipsius institutio Sacramenti, prosit jugiter ad salutem. Sane dudum felicitis recordationis Urbanus Papa Quartus, Prædecessor noster, ad Orthodoxæ corroborationem, & exaltationem fidei, digne & rationabiliter statuens, ut de tanto Sacramento, præter illam, quæ dicitur in Ecclesia fieri, annuatim, me-

moria solennior, & specialior haberetur, & ad celebrandum ejus tam excelsum, tamque gloriosum festum, quintam post octavas Pentecostes feriam designans, ipsosque fideles ad colendum illud, donis spiritualibus animare volens, omnibus vere poenitentibus & confessis, qui in matutinali officio festi ejusdem in Ecclesia, qua illud celebraretur, interesset, centum: qui vero Missæ, totidem: & qui in primis ipsius festi Vesperis, similiter centum: qui autem in secundis, totidem: illis vero, qui Primæ, Tertie, Sextæ, Nonæ, Completorii, & horarum officiis, pro qualibet ipsarum, quadraginta: eis autem, qui per octavas ipsius festi, Matutinalibus, Vespertinis, Missæ, aut prædictarum horarum officiis interesset, singulis octavarum ipsarum diebus, etiam centum dies de injunctis eis poenitentis misericorditer relaxavit. Nos vero, qui hujus curricula mundi supersticiosi hæresis fomentis, guerrarumque turbinibus, nec non pestis, & aliarum, quæ dietim ex Divinæ Majestatis, ut formidamus, offensa circumstrepunt, calamitatum dispendiis, fines, proh dolor, adducere cernimus passim deteriores; amplioribus spiritualis recompensationis impendiis fideles eosdem ad impendenda pro veneratione Sacramenti hujusmodi, ut illud, quo pascantur, & salventur, ipsorum corda perlustrat, potiora reverentiæ & devotionis exercitia firmare summo opere cupientes: singulis ex eis vere poenitentibus, & confessis, qui & quoties ipsius Sacramenti profecto jejunium, vel loco illius, aliud pium, juxta suorum consilia Confessorum, opus fecerint; centum: & qui præmissis in Ecclesiis, quibus illa celebrare contigerit, officiis interfuerint, nec non Episcopis, & aliis Prælati superioribus, qui dictis officiis libenter interesset, sed quominus eis in ipsis Ecclesiis interesse possunt, pro conservandis suarum dignitatum juribus, ac alias tunc legitime impeditis, pro Matutinalium, ducentos; pro Missæ, totidem; ac pro qualibet Vesperarum, etiam ducentos, reliquarum vero, videlicet, Primæ, Tertie, Sextæ, Nonæ, & Completorii festi, octuaginta; Rursus autem in quibuslibet octavarum diebus, pro singulis, Matutinalium, Missarum, & Vesperarum, similiter centum; nec non reliquarum horarum officiis hujus-

hujusmodi, quadraginta; Illis præterea, qui Processiones, in quibus ipsum vivificum Sacramentum dicto festo, juxta præfatarum Ecclesiarum ritus, deferetur, continuo secuti fuerint; ac quibuslibet in festo, & octavarum diebus hujusmodi, pro pace & tranquillitate Ecclesiæ Missas devote celebrantibus, pro singulis ipsarum, nec non aliis in eodem festo Eucharistiæ Sacramenta devote fumentibus; etiam centum singulis annis, profecto vice qualibet, eis, qui, dum Corpus Dominicum communicandis deferunt infirmis, illud cum incenso luminarum præcedendo, vel sequendo reverenter, similiter centum; & qui tunc alias illud devote secuti fuerint, etiam quinquaginta dies, de Omnipotentis DEI misericordia, ac Beatorum Apostolorum ejus Petri & Pauli auctoritate confisi, de injunctis penitentis misericorditer relaxamus, quodque in Festo, & diebus Octavarum hujusmodi, in terris & locis Ecclesiastico quavis auctoritate suppositis interdicto, pulsatis campanis, januis apertis, & alta voce, excommunicatis penitus exclusis: sed interdictis, ut citius reconciliari studeant, admittis & illis, qui causam, vel occasionem hujusmodi interdicto dederint, Altari tunc nullatenus appropinquantibus, Missæ, & alia officia licite celebrari possint, auctoritate Apostolica concedimus per præsentis: aliis, quæ circa observationem interdictorum a nostris sunt instituta Prædecessoribus, in suo robore duraturis. Et insuper universos Patriarchas, Archiepiscopos, Episcopos, & alios Ecclesiarum Prælatos, monemus, & hortamur in Domino, ac eis per Apostolica scripta, in virtute sanctæ obedienciæ districte præcipiendo mandamus, & in remissionem peccaminum injungimus, ut per se, vel per alios eorum subditos, per singulas suarum Civitatum & Dicecesum Ecclesias, in Dominica, Feria, & Festo prædicto proxima præcedente, salutaribus ad venerationem potissimi Sacramenti hujusmodi, monitis & exhortationibus, præsentium literarum continentiam, & effectum publicare, & insinuare procurent; ut eodem suffragante mysterio, subditi, & fideles Christi, gratiarum uberiori fulciantur augmento, & ab illo, qui se immolavit Hostiam, post hujus vitæ cursum, ad gloriam perducantur æter-

Tomus VI. Concil. German.

nam. Verum, quia difficile foret, hujusmodi literas singulis exhiberi: volumus, & eadem auctoritate decernimus, quod ipsarum transumpto, manu publica, & sigillo alicujus Episcopi, & Superioris Ecclesiasticæ Curie munito, tanquam præfatæ originalis exhiberentur literæ, plena fides adhibeatur, & perinde stetur, ac si dictæ originales literæ forent exhibitæ, & ostensæ. *Datum Romæ, apud Sanctos Apostolos, septimo Calendæ Junii, Pontificatus nostri anno duodecimo.*

De intimatione Festivitatum solemnium ultra dies Dominicos.

Item, quia ad audientiam nostram deductum est, quod Divinorum Rectores, & Verbi DEI disseminatores plurima Festa, ultra dies Dominicos, quam per jus commune provisum, per Nos, & Prædecessores nostros ordinatum est, in & per Dicecesin nostram, sub præcepto & obedientia Ecclesiæ celebranda, Plebanis suis intimare, & publicare soleant: ex quo sequitur, quod Christi fideles conventiones faciunt, tabernas, & alia loca inhonesta accedunt, ludos, & choreas attentant, bona eis a Deo collata, aut magnis laboribus acquisita, inutiliter dissipant: unde tandem homicidia, adulteria, stupra, infinitaque alia peccata, & scandala oriri, & committi palam est. Nos his occurrere volentes, quæ Festa tam de jure, quam consuetudine dudum observata in Dicecesi nostra celebrari consueverunt; & in quorum Vigiliis, aut ex præcepto juris, aut ex consuetudine jejunari debeat, hic inseri jussimus, & annotari fecimus, videlicet: Nativitatis Domini cum tribus sequentibus cum jejunio in Vigilia; Circumcisionis; Trium Regum; Conversionis Sancti Pauli, Purificationis Mariæ cum jejunio; Annunciationis Mariæ cum jejunio; Diei Paschæ cum duobus sequentibus cum jejunio; in Vigilia Philippi & Jacobi; Inventionis Sanctæ Crucis; Joannis ante Portam latinam, Patroni totius Dicecesis principalis; Ascensionis Domini; Pentecostes cum duobus sequentibus diebus, cum jejunio in Vigilia Corporis Christi, Joannis Baptiste cum jejunio in Vigilia; Petri & Pauli cum jejunio; Visitationis Mariæ cum jejunio; Donati secundi Patroni Dicecesis; Laurentii cum jejunio;

E 2

Assump-

Assumptionis Beatæ Virginis cum jejuni-
o; Michaelis, Simonis & Judæ cum je-
juni-
o; Martini, Catharinæ cum jejuni-
o ex
consuetudine; Conceptionis Mariæ,
Thomæ Apostoli cum jejuni-
o; Barbaræ
cum jejuni-
o ex consuetudine; Nicolai
cum jejuni-
o ex consuetudine; Universis
& singulis Presbyteris, Curatis, & Ver-
bi Dei Prædicatoribus, in virtute obe-
dientiæ districte præcipiendo mandamus,
quatenus tantum Festa præmissa, & non
alia, sub præcepto, in Dieceſi nostra
solemniter celebranda, populo vestro in-
timetis, & notificetis: Aliorum Sancto-
rum & Patronorum Ecclesiarum Festa,
cum Officiis Divinis in Ecclesiis juxta
denuntiationem vestram diligenter per-
agendo. Si quis contrarium attentare
præſumpſerit, debitam nostram non eva-
det ultionem.

De Divino Ordine.

Item volentes occurrere confuſioni,
quam aliquoties ex distorta, & minus
diligenti observatione Divini Ordinis fieri
percepimus; omnibus & singulis Archi-
Presbyteris nostræ Dieceſis, sub pœna
suspensionis ab ingressu Ecclesiæ præci-
pimus, ut quilibet eorum in Synodo
Lucæ, Ordinem Divinum pro tunc pub-
licandum, recipere debeat in scriptis;
ipſum deinde in conventionem proxima
Presbyterorum suæ sedis, quam quilibet
post singulas Synodos, infra spatium
quindenæ pro denuntiatione præcepto-
rum, & mandatorum in ipsa Synodo
publicatorum, facere tenetur, ipsis suæ
sedis Presbyteris, sub salario, aut pretio
competenti, communicare. Si quis au-
tem eundem recipere non curaverit, il-
lum ex tunc, pro ex nunc, in dimidia
libra ceræ, pro fabrica nostra applican-
da, præſentibus condemnamus.

De vasis pro Chrismate mittendis.

Item volumus, quod omnes Pres-
byteri Curati, mittentes nuncios suos in
bona quinta feria pro receptione Chris-
matis, Olei sancti, & Olei infirmorum,
vasa & receptacula eorum in superficie,
litteris consuetis signari procurent, ne
error circa impositionem talium com-
mittatur. Si quis autem circa ista negli-
gens inventus fuerit, juxta condignum
corripietur.

De Altaribus nondum confirmatis.

Item, quia nonnulli Altarium Re-
ctores in nostra Dieceſi constituti, con-
tra Sacrorum Canonum instituta, ipso-
rum Altaria dudum a retroactis tempo-
ribus tenuerunt, & hodie detinent, non-
dum confirmata; de quo contingit mul-
tipliciter census cum suis summis capita-
libus minorari, aliquando penitus in ni-
hilum redigi: sequitur tunc, quod bona
spes Christi fidelium, qui ad hujusmodi
Altaria manus porrexerunt adjutrices,
defraudatur, aliorumque, qui ad ipsa
legata fecerunt, ultima voluntas contra
Sacrorum instituta Canonum immutatur;
Huic morbo salubre remedium invenire
volentes, præſentium auctoritate præci-
pimus, & mandamus, quatenus omnes
& singuli hujusmodi Altarium Rectores,
ipſorum Altaria dudum fundata, &
nondum confirmata, infra duos menses
a data præſentium, & eis facta notifica-
tione; Altaria vero, in futurum fundan-
da, & dotanda, infra spatium sex men-
sium a die foundationis incipiendo, con-
firmari procurent, alioquin ipsis, termi-
nis lapsis, in hujusmodi Altaribus cele-
brationem interdiciamus Divinorum; a-
crius contra Rectores negligentes pro-
cessuri.

*De cæmeteriis & fructibus in iisdem
creſcentibus.*

Quia cæmeteria Ecclesiarum, ubi
fidelium corpora, ex quibus multi sine
dubio cœlestes possident, & inhabitant
mansiones, in licito honore non servari
percipimus: igitur, universis & singulis
nostræ Dieceſis Curatis Presbyteris præci-
pimus, quatenus Plebisanos suos, ac
Custodes Ecclesiarum suarum publice in
ambone requirant, & admoneant, sub-
que pœna obedienciæ præcipiant; ne de-
inceps equos, porcos, aut pecora quæ-
cunque, exceptis volatilibus, in cæmi-
teriis pascant, neque hoc familiam suam
facere permittant quovismodo: alioquin
contrarium facientes se noverint graviter
puniendo.

Item, sicut Prædecessores nostri con-
stituerunt, ut gramina & arbores, cum
fructibus eorum in cæmeteriis creſcentes,
nulli, nisi Plebano in usum cedere de-
beant: ita Nos præſentibus, ad idem sic
fieri demandamus, & statuimus.

De

*De Reemptionibus censuum beneficia-
lium.*

Item volumus, quod nemo Beneficiarius, per Dioecesin nostram habens ad suum Beneficium census reemptionis, postquam illi reemuntur, & capitalis summa cum ipsis censibus præsentatur, audeat illam sine consilio Prælati sui vicinioris, nec sine consensu Collatorum, si in vicino haberi poterint, accipere, vel exponere, ut minoratio censuum, quantum possibile sit, evitari possit. Contrarium si quis facere attentaverit, digna animadversione adversus eundem inlur-gemus.

De Casibus Episcopalibus.

Item universis Presbyteris, & Confessoribus inhibemus, ne de cætero, quantamcunque specialiter vel generaliter habeant auctoritatem, in Episcopali-bus Casibus absolvendi, audeant absol-vere homicidas, incendiarios, vel effra-ctores Ecclesiarum, & qui in eorum Ecclesiis vel cæmisteriis rapinam commi-serint, vel qui inibi aliquem percusse-rint, vulneraverint, captivaverint, vel violentiam injuriolam fecerint, paren-tumque & Clericorum percussores, mo-nerarum, seu literarum falsificatores fue-rint: sed tales ad Nos pro obtinenda venia & absolutione remittant; nihilo-minus talibus ingressum Ecclesiæ, quo-usque a Nobis veniam, aut absolutionis beneficium obtinuerint, interdici-mus, absolutionibus peregrinis & quæstorum non obstantibus.

*De Proclamatione circa Matrimonia con-
trahenda, facienda.*

Item, licet jure cautum sit, quod dum aliqui Matrimonia contrahere vo-luerint, Proclamationes, sive edicta in Ecclesiis per Presbyteros publice propo-ni debeant, competenti termino præsi-nito, ut infra illum, qui voluerit, legi-timum impedimentum opponat: & ipsi nihilominus Presbyteri invellent, utrum aliquod impedimentum obstat; & si apparuerit conjectura probabilis alicujus impedimenti circa copulam con-trahentium, contractus interdicitur ex-pressè, donec, quid fieri debeat, mani-festis constiterit documentis. Et si quis clandestina vel interdicta conjugia inire

præsumperit in gradu prohibito, etiam ignoranter; soboles de tali conjunctione suscepta, illegitima censeatur; de pa-rentum ignorantia nullum habitura sub-sidium, cum illi taliter contrahentes, non expertes scientiæ, vel saltem affecta-tores ignorantiae videantur. Sacerdos, qui ejusmodi conjunctiones prohibere contempserit, aut qui præsumperit eis interesse, juxta Canonicas Sanctiones puniatur. Quia tamen illa jura in no-stra Diocesi hæcenus negligenter obser-vata existunt, ex quo animarum peri-cula proveniunt, & proles, quæ ex Ca-nonibus illegitima judicatur, si ipsa jura fervarentur, legitima utique censeretur: Nos hujusmodi periculis occurrere vo-lentes, præsentī statuto sancimus, ut nul-lus Sacerdotum, aliquos matrimoniali-ter copulare præsumat, nisi prius tribus diebus Dominicis, aut Festivis, compe-tentia tamen intervalla habentibus, edi-cta, in Ecclesiis, in quibus morantur contrahentes, secundum formam supra scriptam proponantur: & quicumque Sacerdotum præsens Statutum, imo jus Ecclesiæ non observaverit, præter pœ-nam Canonicam eis de jure infligendam, per octo dies continuos ingressum Ec-clesiæ sibi noverit interdictum. Ne etiam laici prætextu ignorantiae ab hujusmodi transgressione Statuti vel Juris se valeant excusare: volumus, ut singulis diebus Dominicis, inter festum Epiphaniæ Do-mini, & Dominicam *Circumdederunt*, annis singulis, cum eo tempore, plus aliis temporibus fieri consueverunt hu-jusmodi contractus, præsens nostrum Statutum per quemlibet Sacerdotem Pa-rochiale, in sua Ecclesia publicetur, & in materna lingua laicis exponatur; in locisque, ubi habentur plures Presby-teri, solum per illos, qui proclamationes fecerint, aut de eorum jussione, vo-lumus de cætero jungendos copu-lari.

*Ne causæ matrimoniales per alios, quam
Judices competentes audiantur.*

Quoniam, ubi majus periculum, ibi avidior diligentia est adhibenda: & quia in causis matrimonialibus, summum pe-riculum vertitur animarum: ea de re di-strictè præcipiendo mandamus, ne quis Presbyter Curatus, sive non, ullam cau-sam matrimonialem, aut sponsaliorum audi-

audire , decernere , aut diffinire præsumat , vel quoscunque amicales tractatus inter tales personas habeat , sive ipsis partibus , per quas hujusmodi contractus (uti præfertur) initus est , facultatem vel auctoritatem ad alia vota matrimonii convolandum , concedat : cum causæ hujusmodi (*) habeant , & Statuta Canonum non ignorant , duntaxat sint tractandæ . Quare caveat sibi quivis diligenter , ne falsam suam in messem mittat alienam , & ne contra hoc nostrum Statutum quicquam attentare præsumat : alioquin , ultra pœnam Canonicam sibi infligendam , gravissime punietur .

De Clericis vagis & peregrinis.

Item præcipimus & mandamus omnibus Prælati & Clerici nostræ Diœcesis , cujuscunque status aut conditionis fuerint ; ne Clericos ignotos & aliarum Diœcesium , in suis Beneficiis ad officium recipiant , sine nostris literis receptoriis , aut licentia nostra speciali : cum tales ignoti , & aliarum Diœcesium Clerici , ut plurimum sunt infames , irregulares , sive excommunicati , & , quod horrendum est dicere , homicidæ . Si quis etiam talem vel tales haberet apud se , eum vel eos mox a se dimittat : alias vos omnes , & quemlibet vestrum , ex tunc , prout ex nunc , Ecclesiæ suspendimus ab ingressu ; ad alias pœnas graves , si necessarium fuerit , processuri .

De Religiosis se terminarios asserentibus.

Item intelleximus , qualiter multi Religiosi ordinis mendicantium , se terminarios asserentes , cum tamen non sint , in nostra Diœcesi , faciunt petitiones , tam in civitatibus , quam villis . Parochialibus Sacerdotibus in non modicum damnum & gravamen : propterea volumus , ac omnibus Divinorum Rectoribus nostræ Diœcesis injungimus & præcipimus , ne de cetero quempiam talium admittant , nisi nostras , vel Officialis nostri literas exhibuerit , sigillis debitis roboratas & munitas .

De Mandatis peregrinis , & Judicium incognitorum.

Fraudibus impetrantium rescRIPTa Apostolica , per quæ subditi extra Diœce-

sin & civitatem fatigantur , suspensi , excommunicati , & interdicti nunciantur , erroribus obviare volentes ; statuimus & ordinamus , quod nullus , ad cujuscunque Judicis ignoti requisitionem , se delegatum , vel subdelegatum , vel executorem Sedis Apostolicæ nominantem , & asserentem , aliquam citationem seu publicationem processuum quorumcunque audeat facere , nisi prius de jurisdictione ipsius sibi , per ostensionem Bullæ Apostolicæ , vel transumptæ auctoritate Ordinarii per manum publici Notarii , facta fuerit plena fides : alioquin contrarium facientes gravissime puniemus .

De Quæstoribus & denunciatoribus indulgentiarum indiscretarum.

Percepimus etiam , quod nonnulli in & per Diœcesin nostram , sine licentia nostra , prædicant , absolvent , & indulgentias publicant indiscretas , ut simplices decipiant , & aurum , subtili , imo fallaci ingenio , extorqueant ab iisdem ; quod , cum in animarum cedat periculum & scandalum plurimorum : Nos huic pestifero morbo obviare volentes ; præcipimus , ne aliquis de cetero quæstores vagos , aut Eleemosynarum petitores , nec imaginum portatores , ad prædicandum seu publicandum indulgentias , seu petendum elemosynas , etiam ostiatim , nisi in pane & potu tantum , in sua Parochia admittere præsumat , quantum in eo est ; nisi licentiam nostram ad hoc habuerit specialem ; religiosis duntaxat nostræ Diœcesis mendicantibus Nobis præsentatis , & Canonice admissis exceptis , quibus per præmissa nullum volumus præjudicium generari .

De his , qui se Notarios publicos asserunt.

Item prohibemus , ne Personæ , se Notarios publicos asserentes , in Diœcesi nostra , officium tabellionatus exercere , neque acta , seu instrumenta in judiciis , aut extra conscribere præsumant , sub pœna excommunicationis majoris : quam quemlibet transgredientem hanc nostram inhibitionem , incurrere volumus ipso facto , nisi ante omnia Nobis aut Officiali nostro se exhibeant , & de idoneitate , legalitate , & aliis circumstantiis , ad præmissa concurrentibus , fuerint examinati ,

(*) Desiderantur aliqua.

nati, & approbati, & de hoc, per literas nostras, vel Officialis nostri, fidem fecerint plenariam. Decernimus etiam, ut acta, vel instrumenta per dictas personas, seu eorum alteram, contra hanc nostram ordinationem conscripta, aut conscribenda in antea, robore careant, nec fidem faciant pro his, pro quibus sunt confecta.

De executione debita mandatis & processibus facienda.

Non sine magna mentis amaritudine percipimus, quod nostræ Diœceseos major numerus Plebanorum, & Presbyterorum, obedientiæ Nobis promissæ immemores, dum processus, seu mandata nostra, sive etiam Officialis nostri, aut aliorum nostrorum Prælatorum nostræ Diœcesis, contra aliquem per eos denuncianda in manus eorum præsentantur; certi ex eis, omni postposita reverentia, maledicendo jam literis, jam nunciis, aut se non esse deputatos executores denunciandum, audaciter asserentes, difficulter easdem vel eosdem suscipiunt: alii, etsi suscipiunt, tenorem eorundem minime perspicunt, sed sine omni differentia singula mandata, omni solennitate omissa, denunciant; non advertendo, quod sacratissima Canonum institutio, atque longæva & inveterata consuetudo, juxta majorem, & minorem Ecclesiasticam censuram, aliam & aliam solennitatem, in laicorum terrorem, servandam esse, instituit, atque ordinavit. Sunt & nonnulli alii, qui, licet solitam & consuetam solennitatem in denunciando servare solent, mandata tamen hujusmodi vix una, aut bina, seu ad maximum trina vice in conspectu suorum Parochianorum denunciant, cum tamen talia singulis Dominicis diebus, juxta communem mandatorum, formam & tenorem denunciare sint obligati. Hi omnes minime considerant, quod nostro ævo, libertates, privilegia, bona Spiritualia, & Ecclesiastica Beneficia, per censuram Ecclesiasticam manutene- re, tueri, atque in esse conservare possumus; ea igitur omissa, ut prædicta pereant, & annihilentur, necesse est. Ideo districte præcipiendo mandamus universis & singulis Divinorum Rectoribus, ceterisque Presbyteris nostræ Diœcesis, ut in executionibus mandatorum

prædictorum, supra enarrata in derogationem Ecclesiasticæ libertatis, nostræque jurisdictionis, de cætero minime attentent quovis modo: sed ipsa solita, & consueta solennitate servata, quoties fuerit oportunitum, & necesse, excusatione omni sinistra posthabita, publice ac diligenter denuncient, atque executionem debitam in scriptis manu propria, cum annotatione proprii nominis & cognominis, ac officii, an Plebanus, Prædicator, Altarista, vel Capellanus sit, hujusmodi processibus faciant, numerum annorum, a Nativitate Domini, & diem suæ executionis etiam adjungendo: alioquin quolibet contra facientem, veluti negligentem & rebellem gravissime puniemus.

De mulieribus abortivos parient.

Quoniam ex longæva, & hucusque tenta consuetudine, qua indifferenter omnes nostræ Diœcesis mulieres abortientes, solennem subire pœnitentiam solitæ sunt, plures utriusque sexus homines, plurima acceperunt scandala, prout in his quoque indies magis ac magis accipiunt: Nos scandalis hujusmodi acceptis, de Venerabilis Capituli nostræ Ecclesiæ Misnensis maturo consilio, ut de cetero nullus Sacerdotum Parochialium nostræ Diœceseos aliquam suæ Parochiæ mulierem abortivum parientem, pro solenni suscipienda pœnitentia, nisi certificatus, quod causam vel occasionem talis modi partui dederit, ad Nos, vel Generalem nostrum remittere attentet: sed potius, ubi de causâ vel occasione hujusmodi non constiterit, eandem, ut se Archipresbytero sedis ejus, in qua abortivum illud editum est, ad examinandum de culpa, infra spacium trium mensium infelicis sui partus continue computandum, sub pœna suspensionis ab ingressu Ecclesiæ, repræsenter, moneat, & inducat: cui quidem Archi-Presbytero in virtute sanctæ obedientiæ præcipimus ac mandamus, quatenus omni acceptione personarum seclusa, mulierem sic ad eum venientem, de circumstantiis singulis ad rem facientibus, diligenter examinet, & inquirat: an ipsa videlicet, vel ejus maritus, vel alter qualiscunque ea faciente, vel consentiente, abortivo suo causam dederit vel occasionem: & si illam, aut quemcunque alium in hoc culpabilem reperiet;

periet; talem ad Nos, pro condigna sumenda pœnitentia; alioquin sine omni emenda ad Pastorem aut Plebanum ejus, qui ei, nec interessentiam Divinorum, neque prætextu partus illius subtrahat Sacramenta, remittat: ut eo medio, innocentes mulieres, ultra perpeſſam earum afflictionem, minime affligantur, & nocentes qualescunque debitam non effugiant disciplinam.

De Sepultura Ecclesiastica, & ejusdem libera electione.

Item, ut cujuslibet diffensionis materia, quæ super electione sepulturæ Ecclesiasticæ, inter nostrum Clerum & Religiosos exemptos, & non exemptos possit oriri, sublatis fraudibus singulis de medio tollatur: Nos de consensu & consilio Capituli nostræ Ecclesiæ Misnensis prohibendo statuimus, ut nullus hominum nostræ Diœcesis, cujuscunque status vel conditionis fuerit, audeat sub quacunque forma verborum, consilio, vel signo, inducere aliquem vel aliquam, ad eligendam sepulturam extra Ecclesiam suam Parochialem: sed cuilibet sit liberum, prout Deus ei inspiraverit, eligere sepulturam de se, vel per se, etiam in loco minus religioso, secundum Canonum Sanctiones. Facientes vero contra prohibitionem nostram præſatam, excommunicationis sententiam, quam ex tunc, prout ex nunc, & econtra in tales ferimus, præſenti nostro Satuto, incurrere volumus ipso facto, qua transgressores tamdiu constringi volumus ipso facto, quo usque absolutionis Beneficium meruerint obtinere. Simili pœna eos, vel eas constringi volumus, qui vel quæ pro sepultura aut alias donare, vel legare volentem a donando vel legando, sive donato aut legato, sine justa causa retraxerint vel revocaverint quoquomodo, sed testatorem ultima voluntate sive libertate, quam ei leges & Canones concesserunt, uti & frui permittant.

De Statu Monialium, Monasteriorumque custodia & clausura.

Et quia, ubi periculum majus intenditur, ibi procul dubio plenius est consulendum, cum autem comperimus, quod circa receptionem Virginum in Sorores ad claustra, & Cœnobîa Sanctimoniali-

um, pericula plura proveniant animarum, ut frequentius simoniace recipiantur: veluti evidenter in eo patet, quod cum pacto & conventionem, super determinato precio in certo termino solvendo, & non alias, neque aliter admittuntur: unde, non solum recipientes, sed & personæ receptæ, abominabile peccatum simoniæ damnabiliter incurrunt, imo, ultra hæc, pœnam Canonicam quæ est, quod tam personæ sic recipientes, quam receptæ, sine spe restitutionis, de suis debent Monasteriis expelli, & in locum arctioris regulæ, ad perpetuam agendam pœnitentiam detrudi, secundum Canonum Sanctiones: & quod ut frequentius ad dicta claustra, ultra, quam vires bonorum, & fructus eorundem se extendunt, sorores plurimæ recipiuntur; ex quo contingit, quod receptio talium fororum est ipso jure nulla: propterea volentes huic periculo non modico obviare, quantum possumus: omnibus & singulis Præpositis, Abbatissis, & Priorissis Sanctimonialium nostræ Diœcesis, & Nobis subiectis præcipimus sub pœna excommunicationis, quam eos & eas incurrere volumus ipso facto, octo tamen dierum spacio pro monitione Canonica præmissa, si nostro non paruerint mandato; ut de cetero, nullam aliquid in sororem, aut etiam puellas seculares, ad Monasteria sua recipiant, sine nostra licentia speciali petita & obtenta: alias, secus facientes, excommunicatos, publice nunciari faciemus, ad graviores pœnas, si opus fuerit, procedentes.

Item, licet per jus commune sit provifum, & maxime *Bonifaciana constitutione* caveatur, omnes & singulas Sanctimonialiales, atque Deo dicatas virgines, sub perpetuis clausuris, debere in suis Monasteriis permanere, ipsisque nulla tribuatur facultas exeundi, nisi diebus & casibus infra scriptis. Videlicet, si aliqua esset infirma, & cum aliis sine gravi periculo non posset conversari; & si Monasteria haberent aliqua bona in feudum a Principibus & Dominis temporalibus: tunc Abbatissa, assumptis sibi duabus antiquis & non suspectis sororibus, exire poterit ad suscipiendum hujusmodi feudum: eo suscepto, ad suum Monasterium sine mora reversura. Et quanquam volebamus executioni hujusmodi jurium com-

munium, nostro conanime, sicuti ex officii nostri debito tenemur, intendere: prohibuimus omnes & singulas Sanctimoniales, quorumcunque Monasteriorum Nobis subjeutorum, per certa nostra Statuta super edita, sub certis pœnis in eis contentis, & quæ majoribus culpis, secundum Regulam Sancti Benedicti infligi consueverunt, ne sua Monasteria exirent sine nostra speciali licentia. Attamen huiusmodi nostra Statuta, & pœnas in eis contentas parvi pendentes, sua Monasteria exire non formidant, propter quod ad pœnas arctiores contra ipsas arcemur. Unde, præsentī nostro Statuto, prohibemus sub pœna excommunicationis, omnibus & singulis Sanctimonialibus nostræ Diœcesis, quorumcunque Monasteriorum Nobis subjeutorum, ne de cætero sua Monasteria, vel clausuram suorum Monasteriorum exire præsumant, sine nostra licentia speciali: & si aliquæ jam exiverint, illas peremptorie monemus, ut infra sex dies continuos, post præsentium publicationem, ad sua Monasteria redeant, nec clausuram egrediantur, nisi licentia a Nobis petita, & obtenta: alioquin contrarium facientes, excommunicationis sententiis decernimus subiacere, præcipiendo, ipsas, & ipsam ab omnibus Christi fidelibus arctius evitari: Præpositis Monasteriorum eorundem injungimus, & in virtute sanctæ obedientiæ, districtè præcipiendo mandamus, ut ipsis, tanquam malæ mentis, tunc Præbendas suas subtrahant, & eisdem non plus, quam panem & aquam ministrare præsumant, donec absolutionis beneficium meruerint a Nobis obtinere.

Item, quia illas ipsas pœnas timeamus adhuc ab exitu eas non posse coercere: igitur omnibus & singulis Ecclesiarum Reſtoribus, vel eorum loca tenentibus, in perque nostram Civitatem & Diœcesin Misnensem ubilibet constitutis, sub banno obedientiæ præcipimus, & mandamus, quatenus tribus diebus Dominicis, post Synodum æstivalem singulis annis, in suis Ecclesiis, publice, sub excommunicationis pœna prohibeant omnibus & singulis Parochianis suis utriusque sexus, quibus & Nos sub pœna eadem inhibemus, ne Sanctimoniales prædictas sine nostra licentia Mo-

nasteria sua exeuntes, ad sua hospitia recipere, & tenere, aut eis alimenta præbere, aut aliqua obsequia exhibere præsumant: & si qui aliquas receperint, & in domibus suis, seu hospitiiis tenuerint, illos peremptorie monemus, ut infra sex dies continuos vestræ monitionis illas dimittant: alioquin contrarium facientes, in ipsos præsentī statuto-excommunicationis sententiam promulgamus: Et cum vobis Ecclesiarum Reſtoribus de illo constiterit, ipsos omnes, & quemlibet eorum excommunicatos publice nuncietis, facientes ipsos, & ipsam ab omnibus Christi fidelibus arctius evitari, donec absolutionis beneficium a Nobis meruerint obtinere.

Item præcipimus, & mandamus, quod Præpositi & Abbatissæ Monasteriorum Monialium, clausuram Monasteriorum suorum sub diligenti habeant cura, nec quemquam virorum, cujuscunque status, conditionis, ordinis, sive professionis existat, die noctuque Monasteria intrare, nec Monialibus in manifesto, sive occulto confabulare permittant, nisi ex legitima necessitate hoc fieri oporteat, quod tamen in audientia & præsentia trium Monialium, & de licentia Abbatissæ fieri debet: alioquin scandala, si quæ in personas Monasteriorum evenierint, de his rationem eorundem de manibus Præpositi & Abbatissæ requiremus.

*De Reſtoribus Scholarum, & suis
Conſociis.*

Item, quantum in Nobis est, volentes modis, quibus possumus, errores & negligentias in nostra Diœcesi tollere, deliberatione provida duximus inhibendum Reſtoribus Scholarum in studiis particularibus, succentoribus, locatis, & collaboratoribus eorundem, sub pœna suspensionis ab ingressu Ecclesiæ: ne de cætero in ipsorum Scholis, seu locis aliis quibusvis, præterquam in studiis privilegiatis, libros sacræ Paginæ, atque Juristarum legant, aut declarent publice, aut occulte, imo in studio artium liberalium stent contenti: quoniam plerumque, ut experientia didicimus, ex talium in particularibus studiis, lectionibus & declarationibus, pericula non paucā insurgunt animarum, sectæque quam plurimæ, & errores inde oriuntur, &

F

quod

quod potius hæreses exinde possent pul-
lulare: expositionem tamen Evangelio-
rum, Epistolarum, Hymnorum, & Se-
quentiarum in materna lingua permitti-
mus.

*De numero Patrinorum pro Baptismatis
susceptione.*

Item, cum Sacramentorum percep-
tione omnia, quæ eadem maculare pos-
sunt, sint salubriter refecanda, providen-
dum duximus, ut in Sacramento Baptis-
matis, quod aliorum janua est Sacra-
mentorum, Patrinorum pluralitas, quæ
arrogantiæ, seu cupiditatis gratia plerum-
que fieri consuevit, abdicetur: præci-
pimus, ut baptizandus, uno, aut juxta
patriæ consuetudinem, duobus, vel tri-
bus Patrinis in antea stet contentus:
maxime, cum ex nimietate Patrinorum,
matrimonialis copula sæpe impediatur;
& nonnunquam hi, qui per errorem
contrahunt, cognationis spiritualis re-
perto impedimento; non sine gravi per-
turbationis dispendio, atque verecundia,
coguntur multoties separari: Principi-
bus tamen, personis Illustribus, ac No-
bilibus, Militibus, ac militaribus excep-
tis, qui propter sui status, & sanguinis
altitudinem, circa matrimonia sollicitam
curam gerunt, ut intra patriæ consue-
tudinem, Patrinorum numero uti possint,
permittimus.

De Parochiis, & alienis Parochianis.

Item, universos & singulos Presby-
teros Curatos hortamur, quatenus alie-
nos Parochianos, ad Divina Officia in
Ecclesiis vestris non facile admittatis, sed
unusquisque publice Parochianis suis
demander, quatenus cessante legitimo
impedimento, suas Parochias, & non
alienas Ecclesias, diebus Dominicis & Fe-
stis devote frequentent, juraque Para-
chialia solvere non negligant: alioquin
tam Plebanos, quam Parochianos con-
trarium facientes, gravissime puniemus.

De Decimis & Oblationibus.

Quia experientia didicimus, quod
plures Laici, Decimas, Deo & personis
Ecclesiasticis Divino etiam jure debitas,
antiqui hostis Diaboli odio forte ducti,
non solvunt: vel, si solvunt, non tamen
de frumentis, quæ & qualia eis Dominus

dedit; sed, sepositis melioribus, paleas,
& zizaniæ, & frumenta omnium da-
tori immolant exiliora, mensuram etiam
aliquando fraudantes: unde iisdem in-
vitis datoribus plura mala Divinitus ir-
rogari, palam est. Nam secundum Au-
gustinum, hæc est Dei justissima con-
suetudo, ut, qui Decimam non dant, ut
tenentur; ad Decimam ipsi revocentur:
dabunt impio militi, quod nolebant da-
re Sacerdoti; & quod nolebant parti-
cum Christo, postea hoc tollitur a seculo:
qui autem dederint, ut tenentur, terre-
na & cælestia præmia merentur: Ideo-
que mandamus singulis Curatis Presby-
teris, & eorum Prædicatoribus, dum
datur oportunitas, Parochianos omnes
vestros adhortari velitis, ut Deo dent,
quæ Dei sunt, & Cæsari, quæ Cæsaris,
neminem fraudantes, nec decipientes:
terrena & æterna præmia ab omnium Re-
tributore bonorum pro hoc accepturi.

Item statuimus, & ordinamus, quod
omnia, quæ offeruntur in Ecclesiis, five
Capellis, aut extra Ecclesias, in festis
Patronorum, & Dedicationis, tam in ta-
bulis, quam ad imagines, inter Plebanum,
& ipsos Vitricos nomine fabricæ, pro
medietate veniant dividenda. Quod cum
cæteris diebus quibuscunque ad tabulas
offertur, pro fabrica colligatur.

Item oblationes quæcunque, quæ
sunt in Ecclesiis, five Capellis per manus
fidelium super Altaria; nulli alteri, nisi
Plebano cedere debent, in quibuscun-
que rebus offerantur.

Item, quod Custodes Ecclesiarum,
five alius quicunque ceram aut cande-
las, per manus fidelium ad Altare obla-
tas, contra voluntatem Plebani distrahat,
tquam absurdum reprobamus.

Item, oblationes factæ in Ecclesiis,
vel Capellis ad Crucem in die Parasceves,
Sabbatho Sancto, & nocte Dominicæ
Resurrectionis, five in pecuniis, cera,
candelis, aut rebus aliis consistat, cum
oblationes sint Ecclesiæ, easdem dun-
taxat Plebano debere mandamus, nisi in
contrarium constiterit de privilegio, aut
jure speciali.

*De Provisoribus, qui Vitrici, seu Altärmanni
Ecclesiarum dicuntur.*

Insuper juribus Ecclesiæ nostræ, &
Statutis aliis Synodalibus inhærendo, de-
cer-

cernimus, & declaramus, quod Provi-
fores Ecclesiæ, vel fabricæ, qui vulgato
proverbio Vitrici, sive Alcärmanni, nun-
cupantur, nonnisi de consensu Plebano-
rum assumantur; singulisque annis in
præsentia Plebani, vel vices suas geren-
tium, Consulum civitatum, aut Scabi-
norum in villis, toties, quoties Plebano
expedire videbitur, & semel saltem ad
minus in anno, ad ipsius Plebani requi-
sitionem, de omnibus & singulis nomi-
ne Ecclesiæ perceptis, & expositis, dili-
gentem & sollicitam facere debeant, &
teneantur rationem. Contrarium facien-
tes, Plebani ipsi Nobis, aut Vicario no-
stro in Spiritualibus absque mora de-
nunciari curent, censura Ecclesiastica
contra illos procedere non omitemus.

*De Testamentis, & iis, qui liberam
facultatem testandi inibent.*

Accepimus non sine cordis amari-
tudine, quomodo certi Nobiles, Con-
sules, & Rectores civitatum ac oppido-
rum, nec non singulares quædam per-
sonæ, temporale Dominium in locis qui-
busdam nostræ Diocesis obtinentes,
improvidis suis ordinationibus, iussioni-
bus, & præceptis, liberam testandi fa-
cultatem, nedum a Sacris Canonibus,
verum etiam Imperialibus Constitutioni-
bus, cuilibet fidelium, ad pias præfer-
tim causas datam & concessam, refræ-
nare, & impedire molientes, statuere, &
inhibere nituntur, prout de facto sta-
tuerunt, & inhiyerunt: Et quidam, ne
subditi sui, vel alias eorum regimini cre-
diti, pro remedio & salute animarum
suarum, Ecclesiis, Monasteriis, seu aliis
piis locis, aut etiam personis Ecclesiasti-
cis, quicquam legare, vel relinquere:
Cæteri vero, & si quicquam eorum sub-
diti & crediti testari voluerint, id tamen,
nisi sub certa quantitate, vel saltem abs-
que Scabinorum, vel aliorum suorum
Officialium scitu, voluntate, aut præ-
sentia facere non præsumant, in Eccle-
siasticæ libertatis non modicum præjudi-
cium, periculumque, & perditionem
animarum plurimarum: Hujusmodi igi-
tur temerariis machinationibus obicem
ponere, & salutem animarum, quantum
cum Deo possumus, consulere volentes,
de Venerabilis Capituli nostræ Ecclesiæ
Misnensis certa scientia, maturo consi-
lio, & unanimi assensu, iustissimas illas,

Tomus VI. Concil. German.

arque Sanctas veterum Patrum, Divo-
rumque Imperatorum Constitutiones in-
novantes, volumus, decernimus, statui-
mus, & ordinamus: ut de cætero per-
petuis futuris temporibus, quilibet utri-
usque sexus fidelis nostræ Diocesis, sa-
næ mentis & compos rationis, assisten-
tibus sibi duobus legitimis testibus suo
arbitrio eligendis, quibuscunque Eccle-
siis, Monasteriis, seu aliis piis locis, per-
sonisve Ecclesiasticis, de bonis & rebus
suis sibi a Deo collatis, absque Domini
sui temporalis, sive alterius cujuscunque
requisitione, seu licentia, voluntate, sive
præsentia, libere & licite, prout sibi vi-
debitur, relinquere, testari, & legare
possit & valeat, dictis iniquis, injustis,
& illicitis ordinationibus, & inhibitioni-
bus non obstantibus quibuscunque, quæ
singula & omnia cassamus, annullamus,
& irrita denunciamus, ac nullius volu-
mus esse roboris seu momenti; futuro-
que tempore in condendis testamentis,
vel ultimis voluntatibus locum nullum
habere debere. Quod si aliqui in sen-
sum reprobum ducti, huic salutari no-
stro Statuto obviare, & si quem Christi
fidelium, ad ordinationes illas iniquas
servandas, trahere, & allicere, seu quo-
modolibet, directe vel indirecte compel-
lere, aut etiam per se ipsos easdem ser-
vare præsumperint: præter poenas in
utroque jure expressas, si singulares
personæ fuerint; excommunicationis
sententiam incurrant ipso facto: si vero
Universitates, Communitates, Collegia,
aut aliæ Congregationes, quibuscunque
nominibus censeantur, earundem loca,
Ecclesiastico subiciantur interdicto. Ut
autem hujusmodi nostri Statuti nullus
prætendere valeat ignorantiam: univer-
sis & singulis Divinorum Rectoribus, &
Verbi Dei Prædicatoribus, per Diocesim
nostram ubilibet constitutis, districte
præcipiendo mandamus, quatenus hoc
ipsum in Ecclesiis suis, singulis annis,
duobus vel tribus diebus Dominicis, aut
Festivis, tempore, quo inibi fuerit po-
puli multitudo, materna & vulgari lin-
gua, ut in noticiam cujuslibet venire
valeat, clara & dilucida voce, in medio
sermonum suorum exponant, & quili-
bet eorum exponat, dum debitam sal-
tem nostram voluerint evitare ultionem.

De Legatorum divisione.

Quia a nonnullis Plebanis, & eorum Parochianis fuit in dubium revocatum de his, quæ testator pro anima sua legat Ecclesiis, qualiter hujusmodi sint inter Ecclesiam, & Plebanum dividenda: petitum fuit a Nobis, ut præmissa declarare dignaremur. Nos, Prædecessorum nostrorum Episcoporum Ecclesiæ Misnensis (qui, sic in suis Synodis diffinierunt, ac jus commune, quod, quomodo inter Plebanum, & Ecclesiam suam fieri debuit, statuit) vestigiis inherentes, præsentium tenore sic duximus declarandum: Equidem regulariter verum est, quod Plebanus secundum consuetudinem in dicta nostra Dicecesi observatam, debet de hujusmodi legato mediam habere portionem: considerandum tamen est, utrum aliquid legeretur Plebano tantum, aut Ecclesiæ tantum, aut aliquid Ecclesiæ & Plebano, sive Plebano & Ecclesiæ simul: si legeretur aliquid Plebano tantum, puta, si ipse Testator dixerit, quod velit istud Plebani tantum esse: isto casu servanda est dispositio Testatoris, & Plebanus totum id habebit. Si autem aliquid legeretur Ecclesiæ tantum, Plebanus in isto habere debebit suam dimidiam portionem: quia privata dispositio Testatoris, non potest generalem constitutionem Canonis immutare: nam per nomen Ecclesiæ, intelligitur Plebanus, qui est Caput Ecclesiæ, & ipse Plebanus debet ali de bonis Ecclesiæ, & non contra: & Plebanus potest habere proprium sine Ecclesia, sed Ecclesia nihil habet, quod non tenetur communicare suis Ministris. Si vero aliquid legeretur Plebano, & aliquid Ecclesiæ: tunc de jure communi, sive æqualia, sive inæqualia fuerint legata, sunt ad Canonicam divisionem reducenda: sed consuetudine hætenus servata, quæ pro lege tenenda est, & servanda, in Plebani erit optio, an dispositione Testatoris velit esse contentus, an dare suum legatum, & cum Ecclesia æqualem facere divisionem. Si autem aliquid Plebano, & Ecclesiæ insimul legeretur; ista legata etiam ad Canonicam divisionem inter Ecclesiam, & Plebanum sunt reducenda. Si quid vero testatum aut legatum fuerit, quod illud in usum fabricæ, absque cujusve contradictione cedere debet, de

hoc ita fieri jubemus. Volumus tamen, quod nulli liceat suggerere in fraudem testatori, pro Ecclesia, aut Ministris ejus legare volenti, per quod a proposito faciendum legata revocetur, aut alias in præjudicium Plebani, aut suorum quicquam prædicare.

De Statutis contra libertatem Ecclesiasticam existentibus.

Item, præcipimus omnibus & singulis Plebanis, & Vice-Plebanis, quatenus omnes & singulos, cujuscunque status & conditionis fuerint, in & per nostram Dicecesin constitutos, qui statuta, vel prohibitiones in derogationem, & præjudicium libertatis Ecclesiasticæ confingunt, aut publicant, confinxerunt, aut publicaverunt; sive fuerint communitates, sive singulares personæ, peremptorie moneatis, quos ignoratis, in genere: quos scitis, in specie, & nominatim, quos & Nos præsentibus peremptorie sic monemus: ut infra quindecim spacium, vestram monitionem continue sequentem, hujusmodi statuta & prohibitiones revocent, retractent, cassent, irritent, & annullent, veluti ipso jure cassa, irrita, & nulla sunt; & de transgressione hujusmodi, Deo & Ecclesiæ satisfacere curent. Quod si secus fecerint, eos omnes, & quemlibet eorum, & singulariter singulos, ex tunc, prout ex nunc, & contra, excommunicamus, hujus Statuti nostri auctoritate vobis injungendo, quatenus omnes, quos ignoraveritis in genere; quos vero scitis, in specie & nominatim, & singulariter singulos, omnibus diebus Dominicis, & Festivis, infra Missarum solennia, publice excommunicatos denuncietis; si nostram vitare volueritis ultionem.

De Constitutionibus Divorum Imperatorum FRIDERICI Secundi, CAROLI Quarti & SIGISMUNDI.

Quoniam per Concilia Generalia, sacratissimosque Canones & Leges, libertati Ecclesiasticæ multipliciter provisorum sit; multæque & varæ contra illos, qui vel Statuta, aut Constitutiones libertati Ecclesiasticæ contraria, aut contrarias, vel quicquam contra eandem attentare præsumunt, penales Canones & Leges

Leges positæ, & scriptæ, aliquid etiam in nostro proximo Statuto reperitur. Quia tamen inter alios Imperatores, felicis memoriæ *Fridericus Secundus*, & *Carolus Quartus*, nec non *Sigismundus* Caroli filius, veluti Ecclesiæ Romanæ veri Amatores, Defensores, & Propugnatores, magni facientes libertatem Ecclesiasticam, pro ipsius conservatione, tuitione, & defensione, Constitutiones nonnullas ediderunt, quas in Synodis Generalibus publicari voluerunt. Igitur ut nostræ Diocesis Clerici, Presbyteri, Curati, & non Curati, illarum sciant vim & tenorem, possint & valeant se & sua cum ipsis tueri, injuriantibus resistere: injuriantes etiam, & præcipue isti, qui die nocteque non solum jura Ecclesiarum, & personarum ecclesiasticarum usurpare, imo vehementer libertatem Ecclesiæ suppressere, & evellere nituntur, cogitant, & laborant, suas debitas pœnas in illis expressas in posterum non ignorent, neque aliquam ex ignorantia excusationem habere queant: Constitutiones istas ad Statuta nostra Synodalia duximus annexendas. Omnes & singulos Divinorum Rectores, & Verbi Dei Seminatores, cujusunque ordinis vel conditionis fuerint, in & per Diocesin nostram ubilibet constitutos, hortamur, & requirimus, districteque præcipiendo mandamus; quatenus amore libertatis Ecclesiasticæ, proprioque quietiori statu, ac totius Cleri majori profectui, hujusmodi Constitutiones diligenter legant, ipsorumque effectum, vim, & continentiam singulis annis, quatuor diebus Dominicis, aut Festivis, ad minus circa quatuor tempora, Parochianis suis materna & vulgari lingua intimare, omnique opera & diligentia exponere, atque declarare curent. In his Deo obsequium, religionique nostræ profectum facient; contrarium tamen facientes, ut rebelles, dignis pœnis afficere non omitemus. Ne tamen pluralitas, tedium posset generare legentibus; non omnem Constitutionum ipsarum tenorem, sed tantum Sigismundi, reliquas duas confirmantem, & in se continentem, cum Bulla Joannis vigesimi tertii Papæ, ac confirmatione Concilii Basiliensis, Constitutiones ipsas confirmantes imprimi volumus, & jussimus.

*Tenor Constitutionis Sigismundi
Imp., Constitutionem Friderici
& Carolinam in se continentis.*

SIGISMUNDUS, DIVINA FAVENTE CLEMENTIA ROMANORUM IMPERATOR SEMPER AUGUSTUS, BOHEMIÆ, DALMATIÆ, CROATIÆ REX &c.
AD PERPETUAM REI MEMORIAM.

Sublinitatis Imperialis gloriam, invexit supernæ Majestatis veritas, nullo derelinquens virtuosos suppeditatos, & animadvertenter exposcit, ut Romani Imperii gubernaculum tenens, præter alia eximia virtutum opera sua, cunctos, præsertim servitio DEI mancipatos, ab universis oppressionibus & offensis suis semper insistat accurata diligentia clementer sublevare: & ob id Nos, qui ad Romanum Imperium Divina dispositione vocati, curis sollicitamur assiduis, ut præ cæteris tuitioni nostræ commissis, personarum Ecclesiasticarum status venerandus in varietate virtutum, Clerus sublimatus in suis libertatibus, & immunitatibus conservetur, & tueatur, & ab oppressionibus, & a temerariorum ausibus liberetur; nunc novarum Constitutionum editione, nunc antiquarum novatione, & extensione, cum augmento pœnarum, ad gloriam & laudem DEI solerter providere curemus. Sane præclaræ memoriæ *FRIDERICUS Secundus*, olim Romanus Imperator, Prædecessor noster, ad Sanctæ Romanæ Ecclesiæ laudem, & Sacri Romani Imperii decorem, cupiens, ut expurgatis quorundam erroribus, & iniquis statutis, de cætero Ecclesiæ, & Ecclesiasticæ personæ plena vigerent quiete, & secura libertate gauderent: ac pie & juste attendens, quod quorundam perverforum iniquitas adeo abundaverat; ut non dubitarent contra Ecclesiasticam disciplinam, ac sacros Canones sua confingere Statuta; & adversus Ecclesiasticas personas, & Ecclesiasticam libertatem, edictali lege, hujusmodi Statuta iniqua irritaverat, & præceperat irrita nunciari; & omnia statuta, & consuetudines, quæ civitates & loca, Potestates & Consules, aut quæcunque aliæ personæ contra li-

bertatem Ecclesiæ, vel personas Ecclesiasticas, ac bona hujusmodi edere, aut servare tentarent contra Canonicas & Imperiales Sanctiones: de ipsorum Capitalibus infra duos menses, post hujus legis publicationem, penitus abolere facerent: & si de cætero talia attentarent, illa ipsa jure decrevit esse nulla, & eos sua jurisdictione esse privatos: nec non locum, ubi talia deinceps præsumpta fuissent, banno mille marcarum auri Filco Imperiali præceperat subjacere: Potestates vero, Consules, Statutarii, & Scriptores Statutorum prædictorum, nec non Consilarii locorum ipsorum, qui secundum Statuta & consuetudines memoratas judicarent, ex tunc essent ipso jure infames, quorum sententias & actus alios illegitimos statuerat aliquatenus non teneri: quodque si per annum præfactorum constitutionum inventi fuerint contemptores, bona eorum per totum Imperium mandavit impune ab omnibus occupari: salvis nihilominus aliis pœnis, contra tales, in Sacris Conciliis generaliter promulgatis. Et insuper voluit idem tunc Imperator, quod nulla communitas, vel persona publica, vel privata, collectas vel exactiones, angarias vel perangarias, Ecclesiis vel aliis piis locis, aut Ecclesiasticis Personis hujusmodi imponere, seu invadere Ecclesiastica bona præsumeret: quod si fecus faceret, & requisitus ab Ecclesia vel Imperio, hujusmodi emendare contemneret, tripliciter refunderet, & nihilominus banno Imperiali subjaceret, quod sine satisfactione debita nullatenus remitteretur. Statuit insuper, quod quæcunque communitas vel privata persona, per annum in excommunicatione, propter libertatem Ecclesiæ violatam peristeret, ipso jure similiter dicto banno Imperiali subjaceret, a quo nullatenus extraheretur, nisi prius ab Ecclesia beneficio absolutionis obtento. Et insuper ordinaverat, ut nullus Ecclesiasticam Personam in criminali quæstione vel civili, ad Judicem secularem trahere præsumeret, contra easdem Canonicas Sanctiones & Imperiales Constitutiones: quod si fecus faceret, Actor, a suo jure caderet, judicatum non teneret, & Judex foret ex tunc judicandi potestate privatus: quodque Judices temporales,

qui Clericis & Personis Ecclesiasticis justitiam denegare præsumerent, tercio requisiti, suam jurisdictionem amittant.

Et deinde ad Divæ memoriæ Caroli Quarti etiam Romanorum Imperatoris Prædecessoris & Genitoris nostri audientiam deducto, quod sæculares quidam, in potestatibus & officiis publicis constituti, videlicet, Duces, Barones, & alii Domini temporales, nec non Consules civitatum, oppidorum, villarum, & locorum Rectores, Dei timore postposito, Statuta singularia & iniquas ordinationes, motu proprio, & de facto, contra Personas Ecclesiasticas, & Ecclesiarum & locorum religiosorum libertates & privilegia condiderant, eisdemque publice & de facto præsumerent insistere, contra legitimas, Canonicas, & civiles Sanctiones: ut puta, quod nulla bona temporalia in potestatem Ecclesiasticam transferantur: neve Clerici in Sacris constituti, ad agendum, testificandum in civilibus, maxime piis causis, aliquatenus admittantur: & quod excommunicati laici, & publice denunciati, in civili foro minime repellantur: præterea, quod dicti Domini temporales, Consules, & Rectores, per secularem potestatem res & bona Clericorum occupaverant, arestaverant, oblationes fidelium diminuerant, & restrinxerant; exactiones & tallias indebitas, de bonis & redditibus Ecclesiarum & personarum eorundem devastaverant incendiis & rapinis: & contractus inter Clericos & laicos factos legitime ad libros civitatum, villarum, & locorum recusaverant inscribere atque sigillare, ac donata & legata ad fabricas & Ecclesiarum structuras, contra voluntatem Prælatorum, & aliorum, quorum intererat, præsumperunt usurpare, contra justitiam, & in fraudem & odium Clericorum, & de bonis & rebus Clericorum, quas non causa negotiationis, sed pro usibus propriis per terras ducebant, vel duci faciebant, telonium exigere & capere veriti non fuerunt; confugientes ad Ecclesias & Cemiteria inde extrahere, contra Sanctiones Imperiales præsumperunt: Idem Genitor & Prædecessor noster, hæc omnia, & quæcunque exinde secuta, per sacras civiles & Canonicas Sanctiones expresse reprobatæ essent, & in fraudem Eccle-

siasti-

fiasticæ libertatis de facto præsumpta : de Principum, Ducum, Comitum, Baronum, fideliumque suorum consilio ex certa scientia, & autoritate Imperiali cassavit, irritavit, annullavit, cassaque & irrita, & nullius esse momenti pronunciavit: præcipiendo sub indignatione Imperialis banni, universis & singulis Dominis temporalibus, Consulibus, Potestatibus, & in Officiis publicis constitutis; quatenus, mox visis & intellectis præsentibus, cassatione, irritatione, & annullatione, hujusmodi dicta eorum Statuta, & ordinationes, sicut in præjudicium Ecclesiasticæ libertatis edita erant, omnino revocarent & de luce tollerent; quodque secundum ea non judicaret amplius, nec sententias dictarent, aut eisdem in judicio, aut extra judicium, quomodolibet, pro se, & contra Ecclesiasticam libertatem potirentur. Et insuper pronunciavit & declaravit autoritate prædicta, quod quicumque laicus, cujusunque status vel conditionis foret, ausu sacrilego, vel propria temeritatis audacia, Sacerdotem vel Clericum secularem, vel Religiosum diffidaret, proscriberet, vel captivaret, vel spoliaret, vel occideret, vel mutilaret, aut in carcere detineret: aut hujusmodi malitiam perpetrantes, scienter receptaret, vel favorem iis præstaret: præter poenas a Sacris Imperialibus & Canonicis Sanctionibus eis inflictas, forent ipso facto infames, & omni honore, privati, nec ad placita nobilium aliquatenus admittendi. Voluerat etiam & hortabatur, & requisiverat Episcopos & Prælatos, ut hanc suam legem & constitutionem in Synodis & Ecclesiis publicare procurarent, ne in præmissis excedentes, per simulatam ignorantiam suas valeant excusare malitias: adjiciens, quod nulli hominum liceret hujusmodi suæ cassationis, irritationis, annullationis, pronunciationis, & declarationis paginam, quovis ausu temerario infringere, aut eis quomodolibet contraire, sub pœna quinquaginta marcarum auri puri, quas ab eo, qui contra faceret, toties, quoties contra fecerit, irremissibiliter exigi voluit, & pro medietate sui Imperialis Ærarii, sive Fisci: pro reliqua vero parte injuriam passorum usus applicari, prout in ipsis

Prædecessoris & Genitoris nostri desuper confectis literis, ejus Imperiali signo & bulla aurea picerio suæ Majestatis impressis, signatis & munitis, quas præsentibus hic habere volumus sufficienter pro expressis, plenius continetur. Et quoniam per prædicta Ecclesiasticæ libertati nondum satis provisum esse videtur: ut igitur per infra scripta sit uberius, & latius ipsi libertati provisum, & ut Ecclesiasticæ personæ plene sua libertate gaudere, & pia loca a noxiis præservari, & optatis proficere valeant incrementis: Nos SIGISMUNDUS, qui Statum Ecclesiasticum fervore fidei & sane devotionis affectu veneramus, libenter, ut tenemur, hac edictali lege & Imperiali autoritate, constitutiones, sive leges antedictas, tanquam justas, sanctas, & legitimas, tenore præsentium, approbamus pariter & innovamus: ipsasque & infra scriptas nostras leges, & prohibitionem, & præsentis literas, & mandatum nostrum, ad omnes & singulas Ecclesias & Monasteria quæcunque, cujusunque nationis existant, & ad omnes & singulos Prælatos, Clericos, Presbyteros, ac Ecclesiasticas Personas, pro majori eorum tuitione, & cautela, ad tollendum in his quorundam curiosorum ambiguitatis dubium, de singularis munificentia dono, ex certa nostra scientia, tenore præsentium duximus extendendum, & extendimus, & præcipimus, ubique locorum, sub banno & pœnis ante & infra scriptis, a quolibet inviolabiliter observari. Deinde statui-
mus hoc edicto in perpetuum valituro, ut nullus judex secularis, in Ecclesiasticis causis, præsertim matrimonii, legitimationis, usurarum, testamentorum infra annum non executorum, & ad judicium Ecclesiasticum legitime devolutionum, ac decimarum, prædiorum ac fructuum, reddituum, ac proventuum Ecclesiasticorum, ac locationum & conductionum seu conductorum eorundem possit seu valeat judicare, aut quomodolibet de hujusmodi causis, aut eorum articulis cognoscere, nisi quatenus ab Ecclesiasticis Judicibus fuerit requisitus. Quodsi contrarium fecerit, judicatum non tenet, & Judex ex tunc judicandi potestate sit privatus, & subiaceat nihilominus pœnis infra scriptis, dictoque a jure

jure suo cadat ipso facto. Insuper omnibus & singulis Principibus, Ducibus, Baronibus, Comitibus, Comitibus, Consulibus, Rectoribus, ac in officiis temporalibus; Dominiis, & Potestatibus constitutis, sub indignatione Imperialis banni, & quadraginta marcarum auri multa, ad cujus solutionem & præstationem pro una; nostro, sive Imperiali arario, aut Fisco, & alia medietatibus personis injuriam passis faciendam, quemlibet hujus nostræ prohibitionis transgressorem ipso facto teneri volumus. Demum præsentis & irrevocabili sancimus, declaramus, decernimus, & pronunciamus edicto, districtius prohibentes, ne quisquam ex eis, Prælatos, Præbyteros, Clericos, & Personas Ecclesiasticas, quo minus vina, grana, res & bona de suis redditibus Ecclesiasticis provenientia, libere, & sine solutione telonii seu gabellæ, vendere, seu abduci facere possit: & quo minus res, bona, vina, cerevicias, carnes, grana, panes & pannos, & alia quæcunque eorum usus & recreationi convenientia, sive intraneæ, sive intraneæ, sive extraneæ vel externa fuerint, pro eorum usus, seu recreatione sibi, & per quævis loca, civitates, terras, castra, & aquas, vehigio, vel navigio, absque quavis prohibitione libere, & absque solutione cujusque telonii, daciæ, vel gabellæ, adduci & portari facere valeant: & etiam, quo minus res, & bona mobilia, & immobilia per Prælatorum, seu Ecclesiasticarum Personarum obitus relicta, ad manus illorum, ad quos de jure spectant, libere, & sine quibuscunque impedimentis, invasionibus, intromissionibus, exactonibus, & occupationibus, præsertim per laicos quantumcunque attentatis, perveniant, sive valeant pacifice pervenire: & quo minus coloni & subditi Ecclesiasticarum Personarum, sive violentis hospitalitatibus, etiam venationum occasione, ac vectigalibus, servitiis & exactionibus, quas ipsi exactores petitiones vocant, & a petitionibus hujusmodi absque damno, libere & in pace demittantur: & etiam, quo minus damna hospitalitatum & vectigalium, extortorum servitiorum, & exactionum, & petitionum hujusmodi occasione, colonis & subditis

ipsis illata, plenarie refarciantur: nec non etiam, quo minus Prælati seu Judices Ecclesiastici eorum spirituali jurisdictioni subiectos pro suorum excessuum demeritis, capi & incarcerari, & captos duci, & per quævis loca, & civitates liberi abduci, & alias debita correctione puniri facere valeant, quomodocunque aut qualitercunque, publice vel occulte, directe vel indirecte, per se, vel alios, impedire, aut facere impediri præsumant, vel permittant: nec talia committentes receperint, aut eis in præmissis, aut circa ea impendant auxilium, consilium, vel favorem: quin imo magis volumus, & mandamus sub banno & pœna proxime supradicta, ut Duces, Principes, Comites, Barones, Comitatus, Consules, Rectores, ac in Officiis, Dominiis, & Potestatibus prædictis constituti quicumque, ab impedimentis & usurpationibus rerum, & bonorum relictorum hujusmodi, & a prædictis violentis hospitalitatibus, vectigalibus, servitiis, exactionibus, & petitionibus hujusmodi colonorum, & subditorum Ecclesiasticarum personarum, & ab impedimentis, & perturbationibus ecclesiasticæ jurisdictionis omnimode desistant: nec captos, vel abductos rebelles repetere, vel repeti facere præsumant: nec non requisiti, totis viribus personas Ecclesiasticas in præmissis, ac jurisdictionem hujusmodi Ecclesiasticam exercentes, adjuvent, & diligenter sine omni dilatione adhibeant, & apponant auxilium brachii sæcularis; ut libertas Ecclesiastica manuteneatur, & ut subditi rebelles, criminosi, & delinquentes, modis præfatis, aut alias, prout iisdem jurisdictionem Ecclesiasticam exercentibus, conjunctim vel divisim expedire videbitur, digna animadversione configantur.

Ceterum, ut didicimus, nonnulli eorum perversis conatibus adversus Leges, & Constitutiones antedictas, Prælatos, Presbyteros, Clericos, & Personas Ecclesiasticas diversis injuriis afficientes, pro eo, quod tam per Constitutiones, & Leges, quam Sanctiones hujusmodi, inflictarum penarum executio absque animadversione negligitur, infringere non verentur; Ut igitur, tam *Genitoris nostri*, quam *Friderici Secundi, Prædecessorum nostrorum præfatorum, ac no-*

stra

ſuæ Conſtitutiones, & Leges præſentibus literis contentæ, ad mandatum noſtrum debitæ executionis ſiendæ ſuffragio, ſortiantur effectum, & inſolentiæ compescantur transgreſſorum: omnes & ſingulos noſtros, & Sacri Romani Imperii Principes (ſpirituales & ſæculares, ac Comites, Barones, Milites, Militares, Proconſulesque, & Conſules, ac Conſulatus, Poſteſtates, Rectores civitatum, oppidorum, & locorum quorumcunque, pro executione huiusmodi Conſtitutionum, & Legum Imperialium, & præſentium noſtrarum literarum faciendæ, executores earundem, conjunctim & diviſim, tenore præſentium depuramus: & nihilominus ipſis ſub Imperialiſ banni indignatione, & ſub ante dicta, quoad illos, qui feudum, vel privilegia aliqua non habent; quoad illos vero, qui talia habent, ſub perditione ſuorum feodorum, & privilegiorum quorumcunque, pœnis, quas eos, ſi reſquiſiti infra unius menſis ſpaciũ, reſquiſitionem huiusmodi immediate ſequentem, ad inſcriptam executionem non proceſſerint, & non fecerint, quod mandamus, incurere volumus ipſo facto. Diſtrictè præcipiendo per hæc Imperialia Reſcripta, mandantes, quatenus ipſi & eorum ſinguli, quoscuque, & quemcunque, dum & quoties præſentibus executores ipſos requiri contigerit, Prælatiſ, & Presbyteriſ, Clericiſ, & perſoniſ Eccleſiaſticis quibuſcunque, conjunctim & diviſim, efficacis præſidii auxilio aſſiſtentes, non permittant, iſdem, aut eorum alicui, a quoquam, cujuſcunque gradus, ſtatus, vel conditioniſ fuerit, contra vel circa præmiſſa omnia, aut aliquod ipſorum, quomodolibet injuriã irrogari: ſed magiſ injuriantes huiusmodi, niſi poſt reſquiſitionem executorum eorundem, infra certum terminum peremptorium competentem, eiſ per executores ipſos deſuper præſigendum, contra præmiſſa aut neglecta emendando, reſipiſcant; pœnas antedictas, prout quemlibet pro commiſſo aut neglecto contingit, incidiſſe, declarent, ſic per captionem, & detentionem perſonalem, diſtractionem, invaſionem, aut alienationem rerum, & bonorum ſuorum mobilium & immobilium quorumcunque ſine mora, ad ſaſtiſfactionem & obſervantiam plenariã,

Tomus VI. Concil. German.

præmiſſorum omnium, & ſingulorum, executores ipſi ſuo ſæculari brachio cogant, & compellant, ac ab aliis, quantum in ipſiſ fuerit, cogi, & compelli faciant; ac pecunias, occaſione pœnarum præfatarum Aerario, ſive Fiſco Imperiali debitas, & debendas, Imperiali authoritate emoneant, & partem ipſorum ad Fiſcum Imperialem pertinentem, ad Fiſcum ipſum fideliter ſtudeant deſtinare: reliquam vero partem earundem, partibus læſiſ realiter aſſignari procurent; ſuper quibus eiſdem executoribus, & eorum cuilibet in ſolidum, Imperiali authoritate noſtra prædicta, plenam licentiam, & poteſtatem liberam concedimus per præſentes. Volentes, & decernentes, ut eiſdem executoribus omnibus & ſinguliſ, præſentibus, & futuris, vigore præſentium, quoad præmiſſa, perpetua poteſtas, & licentia remaneat attributa: Conſtitutionibus & Legibus Imperialibus, ac Privilegiis & Indultis quorumcunque, & aliis in contrarium forſan facientibus, non obſtantibus quibuſcunque. Ne autem in præmiſſiſ excedentes, per ſimulatam ignorantiam ſuã valeant malitiã exculare: Hortamur, & requirimus univerſos & ſingulos Archiepiſcopos, Epicoſpos, & Prælatos, ut Conſtitutiones, & Leges Imperiales antedictas, & præſentes noſtras literas ſinguliſ anniſ in Synodiſ, & Eccleſiaſiſ ſuiſ publicari procurent, ſi noſtram indignationem voluerint evitare. Nulli ergo hominum liceat, hanc Legum & Conſtitutionum præfatarum, & præſentium literarum noſtrarum, ac inhibitorium, præcepti & mandati noſtri paginã, quovis aũſu temerario infringere, aut eiſ quomodolibet contraire, ſub pœna quadraginta marcarum auri puri, quas ab eo, qui contra fecerit, toties, quoties contra factũ fuerit, præter ſupra dictas, & alias pœnas a Sacriſ Canonibus, & Imperialibus Sanctionibus etiam eiſ inſcriptas, irremiſſibiliter volumus exigi, ut præfertur: nec non ſub indignatione DEI Omnipotentis, & timore ultionis ſuæ æternæ. Datum &c.

Conſir.

*Confirmatio Joannis Papæ vigesimi tertii super Constitutionibus
Friderici & Carolina.*

JOANNES EPISCOPUS, SERVUS
SERVORUM DEI, DILECTIS FILIIS, MAG-
DEBURGENS. ET PRAGENS. AC VRATIS-
LAVIENSIS ECCLESiarUM DECANIS,
SALUTEM ET APOSTOLICAM
BENEDICTIONEM.

JUSTIS ac honestis supplicum votis libenter annuimus, illaque prosequimur favoribus opportunis. Dudum liquidem felicitis recordationis *HONORIIUS* Papa tertius, Prædecessor noster, attente considerans, quod claræ memoriæ *FRIDERICUS Secundus* Imperator Romanus semper Augustus, ad laudem Romanæ Ecclesiæ, & sacri decus Imperii, cupiens, ut expurgatis quorundam erroribus, & iniquis statutis penitus destitutis, de cetero Ecclesia, & Ecclesiasticæ personæ, plena vigerent quiete, & securia libertate gauderent: ac pie & juste attendens, quod quorundam perversorum iniquitas adeo abundaverat, ut non dubitarent, contra Ecclesiasticam disciplinam, & Sacros Canones, Statuta sua confingere adversus Ecclesiasticas personas, & Ecclesiasticam libertatem: edita lege hujusmodi Statuta iniqua irritaverat, & præceperat irrita nunciari: & omnia Statuta, quæ civitates & loca, Potestates vel Consules, aut quæcunque aliæ personæ contra libertatem Ecclesiæ, vel personas Ecclesiasticas edere tentarent, vel servarent, contra Canonicas vel Imperiales Sanctiones: de ipsorum Capitularibus infra duos menses post ipsius legis publicationem, penitus aboleri facerent; & si de cætero talia attentarent, ipso jure decrevit esse nulla, & eos sua jurisdictione privatos, nec non locum, ubi talia deinceps præsumpta fuissent, banno mille marcarum auri præceperat subjacere; Potestates vero, Consules, Statutarii, & Scriptores Statutorum prædictorum, nec non Consilarii locorum ipsorum, qui secundum statuta & consuetudines memoratas judicarent, ex tunc essent ipso jure infames, quorum sententiam, & actus legitimos statuerat aliquatenus non tenere: quodque, si per annum præfatæ Constitutionis fu-

issent inventi contemptores, bona eorum per totum suum Imperium mandavit impune ab omnibus occupari; salvis nihilominus aliis poenis contra tales in generali Concilio promulgatis. Et insuper voluerat idem Imperator, quod nulla communitas, vel persona publica, vel privata, collectas, seu exactiones, angarias, vel perangarias, Ecclesiis, vel aliis piis locis, aut Ecclesiasticis personis imponerent, aut invadere Ecclesiastica bona præsumerent: aut si secus facerent, & requisiti ab Ecclesia, vel Imperio, emendare contemnerent, triplum refundere, & nihilominus banno Imperiali subjacerent, a quo sine satisfactione debita nullatenus dimitterentur. Statuerat insuper, quod quæcunque communitas, vel persona per annum in excommunicatione, propter libertatem Ecclesiæ violatam, persisteret, ipso jure banno Imperiali subjaceret, a quo nullatenus extrahatur, nisi prius ab Ecclesia beneficio absolutionis obtento. Et insuper ordinaverat, ut nullus Ecclesiasticam personam, in criminali quæstione aut civili, trahere ad judicium sæculare præsumeret, contra Canonicas Sanctiones, & Constitutiones Imperiales: quod si secus faceret, Actor a suo jure caderet, judicatum non teneret, & Judex foret ex tunc judicandi potestate & auctoritate privatus; quodque Judices temporales, qui Clericis, vel personis Ecclesiasticis justitiam denegare præsumerent, tertio requisiti, suam jurisdictionem amitterent, prout in dicta *Imperiali Constitutione* plenius continetur: idemque *Prædecessor* Constitutionem ipsam, de consilio etiam Fratrum suorum, Sanctæ Romanæ Ecclesiæ Cardinalium, Apostolica auctoritate approbans, & confirmans, ipsam mandavit inviolabiliter observari, nec non Statutarios, & Scriptores, ac violatores prædictos excommunicatos Apostolica auctoritate prædicta nuntiari. Et deinde ad audientiam divæ memoriæ Caroli Quarti Romani Imperatoris semper Augusti, etiam deducto, quod nonnulli Sæculares, in potestatibus & officiis publicis constituti, videlicet, Duces, Comites, Barones, & alii Domini temporales, nec non Consules civitatum, oppidorum, villarum, & locorum Rectores, in nonnullis Provinciis constituti,

DEI

DEI timore postposito, statuta singulæ, & iniquas ordinationes, motu proprio, & de facto contra personas Ecclesiasticas, Ecclesiarum libertates, & eorum privilegia condiderant, eisque de facto & publice insistere præsumperant, contra Canonicas, & legitimas Sanctiones: utpote quod nulla bona temporalia in potestatem Ecclesiasticam transferrentur; neve Clerici in Sacris constituti, ad agendum, & testificandum in civilibus, & maxime in piis causis aliquatenus admitterentur, quodque excommunicati laici, & publice denunciati, in civili foro minime repellerentur: & insuper tamen prædicti Domini temporales, Consules, & Rectores per secularem potestatem res & bona Clericorum occuparent, arresarent, & oblationes Christi fidelium diminuerent, & restringerent; exactio- nes, & tallias indebitas de bonis & redditibus Ecclesiarum exigerent, & extorquerent; possessiones Ecclesiarum, & personarum earundem devastarent incendiis, & rapinis; Contractus inter Clericos & laicos factos legitime, ad libros civitatum, villarum, & locorum prædictorum inscribere, & sigillare recusarent; donata, & legata ad fabricas, & Ecclesiarum structuras, contra Prælatorum voluntatem, & aliorum, quorum intererat, contra iusticiam usurpare præsumerent; & in fraudem & odium Clericorum, de bonis etiam & rebus Clericorum, quæ non causâ negotiationis, sed pro eorum propriis usibus per eorum terras ducebant, seu duci faciebant, telonium exigere, & recipere non verebantur; & confugientes ad Ecclesias, & eorum cœmeteria inde extrahere, contra Sanctiones Imperiales præsumperant: idem Carolus Imperator, tanquam Christianissimus Princeps, volens in præmissis providere de remedio salutari, de Principum, Ducum, Comitum, Baronum, fideliumque aliorum Sacri Imperii consilio, & Imperiali auctoritate, quæcunque statuta & consuetudines prædictas, tanquam per Canonicas & civiles Sanctiones expresse reprobatas, cassavit, irritavit, & annullavit; ac cassâ, & irritâ, nulliusque esse roboris penitus voluit vel momenti: præcipiens sub indignatione Imperialis banni, universis & singulis Principibus, & Dominis tempo-

ralibus, Consulibus, Potestatibus, & aliis in officiis publicis constitutis; quatenus ex tunc ipsorum statuta, & ordinationes, sicut in præjudicium Ecclesiasticæ libertatis edita fuerant, omnino revocarent, & de luce tollerent, quodque secundum ea amplius non iudicarent, nec sententias dictarent, aut iisdem in iudicio, vel extra iudiciû quomodolibet pro se, & contra Ecclesiasticam libertatem potirentur. Pronunciavit insuper, & eadem Imperiali decrevit auctoritate, quod quicumque laicus, cuiuscunque status, vel conditionis existeret, ausu sacrilego, & propriæ temeritatis audacia, Sacerdotem vel Clericum sæcularem, aut Religiosum prosciberet, captivaret, spoliaret, occideret, mutilaret, aut in carcere detineret, ac huiusmodi maleficia perpetrantes, scienter receptaret, vel favorem eis præstaret; præter pœnas a Sacris Canonibus, & legalibus Sanctionibus eis inflictas, eo ipso redderetur infamis, ac omni honore privatus, nec ad placita, vel consilia nobilium admitteretur quovis modo: Hortans insuper in Domino, & requirens Prælatos in illis partibus constitutos, ut Legem Imperialem huiusmodi, per eorum Ecclesias, & Synodos publicarent, ne transgressores huiusmodi, per simulatam ignorantiam suas valerent malitias excusare, prout in edictali lege plenius continetur. Cum autem, sicut exhibita Nobis pro parte Venerabilis Fratris nostri Episcopi *Misnensis*, & dilectorum Filiorum Cleri Civitatis, & Diœcesis *Misnensis* petitio continebat, adeo quorundam Laicorum & Dominorum temporalium Civitatis & Diœcesis *Misnensis*, ac etiam in locis circum vicinis habitantium malitia inoleverit, quod huiusmodi Imperiales Constitutiones transgredi non verentur, & Ecclesiasticas libertates violare præsumunt: pro parte dictorum Episcopi, & Cleri fuit Nobis humiliter supplicatum, ut providere ipsis super præmissis de oportuno remedio dignaremur. Nos igitur vestigiis præfati Prædecessoris nostri inhærentes, huiusmodi supplicationibus inclinati, discretioni vestræ, per Apostolica Scripta mandamus, quatenus vos, vel duo, aut unus vestrum, per vos, vel alium, seu alios, Constitutiones prædictas in Civita-

te, Diceceſi, ac locis circumvicinis hujusmodi, auctoritate noſtra faciatis in-violabiliter obſervari: Transgreſſores, ac violatores, & contemptores, ac ſacri-legos prædictos, nec non contradictores quoslibet & rebelles per cenſuram Ec-cleſiaſticam, appellatione poſtpoſita com-peſcendo, invocato ad hoc, ſi opus fue-rit, auxilio brachii ſæcularis: non ob-ſtantibus, ſi aliquibus conjunctim, vel diviſim a Sede Apoſtolica ſit indultum, quod interdicti, ſuſpendi, vel excom-municari non poſſint per literas Apoſto-licas, non facientes plenam & expreſſam, ac de verbo ad verbum de indulto hu-jusmodi mentionem. Datum Romæ apud Sanctum Petrum, nono Calend. Februarii, Pontificatus noſtri anno ſe-cundo.

Conſirmatio earundem Conſtitutio-num, & Sigismundinæ, Sacri Generalis Concilii Ba-ſilienſis.

SACROSANCTA GENERALIS SY-
NODUS BASILIENSIS, IN SPIRITU
SANCTO LEGITIME CONGREGATA,
UNIVERSALEM ECCLESIAM REPRÆ-
SENTANS: DILECTIS ECCLESIAE FI-
LIIS, PRAGENS. ET MERSBURGENS.
AC SANCTI SEPULCHRI DOMINICI
LIGNICENS. VRATISLAVIENSIS DI-
OECESIOS ECCLESiarUM DECA-
NIS, SALUTEM ET OMNIPO-
TENTIS DEI BENE-
DICTIONEM.

AD compeſcendos conatus nefarios perversorum, qui perſonas & lo-
ca Eccleſiaſtica bonis & juribus ſuis of-
fendere ac multiplicibus perturbare mo-
leſtiis non verentur, tanto magis Nos
deceat oportuno remedio providere, quan-
to per amplius turbationes hujusmodi, &
moleſtiæ in Divinæ Majeſtatis offenſam,
nec non Eccleſiaſticæ libertatis redundare
diſpendium dignoſcuntur. Dudum ſiqui-
dem, cum in diverſis mundi partibus,
Conſules civitatum & Rectores, nec non
alii, qui poteſtatem habere videbantur,
tot onera frequenter imponerent Eccle-
ſiis, ut deterioris conditionis factum ſub

eis Sacerdotium videretur, quam ſub
Pharaone fuiſſet, qui legis Divinæ noti-
tiam non habebat, quique omnibus aliis
ſervituti ſubactis, Sacerdotes, & poſſeſ-
ſiones eorum in priſtina libertate dimiſit,
& de publico eis alimoniam miniſtravit.
In Concilio Lateranenſi, Eccleſiæ immuni-
tati providendo, ſub anathematis diſtrictio-
ne prohibitum exitit, ne Conſules, Recto-
res, aut alii prædicti, Eccleſias & viros
Eccleſiaſticos, talliis ſeu collectis, aut
exactionibus aliis aggravare præſumerent,
transgreſſores & fautores eorum præci-
pando anathematis ſententiæ ſubjucere,
donec ſatiſfactionem impenderent com-
petentem. Et deinde in Generali Con-
cilio editum fuit, quod ſi Epifcopi for-
te ſimul cum Clericis, etiamſi tantam ne-
ceſſitatem vel utilitatem inſpicerent, ut
abſque nulla coactione, ad relevandas
communes utilitates vel neceſſitates, ubi
laicorum non ſuppeterent facultates, ſub-
ſidia per Eccleſias laicis ducerent concedenda,
minime conſulto ſuper hoc Ro-
mano Pontifice: conſeſſiones & ſenten-
tiæ, quæ a talibus, vel de ipſorum man-
dato forent promulgatæ, eſſent irritæ &
inanes, nullo unquam tempore valituræ.
Ac etiam in ipſo Generali Concilio decre-
tum exiſtit, illum, qui infra tempus ſui
regiminis, propter fractionem conſtitu-
tionum vel ſanctionum hujusmodi ſuſti-
neret anathema, tanquam poſt illud non
eſſet ad ſatiſfactionis debitum compellen-
dus, nec non ipſius Succeſſorem, qui
non ſatiſfaceret intra menſem, manere
Eccleſiaſtica cenſura conſuſum, donec
ſatiſfaceret competenter, cum ſuccede-
ret in onere, qui ſubſtitueretur in hono-
re. Poſtmodum vero feliciſ recordatio-
nis *HONORIUS Papa tertius* attente con-
ſiderans, quod quondam *FRIDERICUS*
ſecundus olim Romanus Imperator, tunc
ſub obedientia & devotione Sanctæ Ro-
manæ Eccleſiæ perſiſtens, ad laudem ejus-
dem Eccleſiæ, & decus Romani Imperii,
cupiens, ut expurgatis quorundam erro-
ribus, & iniquis ſtatutis de cetero Ec-
cleſiaſticæ Perſonæ plena vigerent quie-
te, & ſecura libertate gauderent: ac pie
& juſte attendens, quod quorundam per-
verſorum iniquitas adeo abundaverat, ut
non dubitarent contra Eccleſiaſticam diſ-
ciplinam & Sacros Canones, Statuta ſua
conſingere, adverſus Eccleſiaſticas Per-
ſonas,

sonas, & Ecclesiasticam libertatem; edictali lege, huiusmodi Statuta iniqua irritaverat, & præceperat irrita nunciari: & omnia Statuta, & consuetudines, quæ civitates & loca, Potestates, Consules, aut quæcunque alia personæ, contra libertatem Ecclesiæ, vel Personas Ecclesiasticas huiusmodi edere, aut servare tentarent contra Canonicas & Imperiales Sanctiones; de ipsorum Capitularibus infra duos menses, post ipsius legis publicationem, penitus aboleri facerent: & si de cetero talia attentarent, illa ipso jure decrevit esse nulla, & eos sua jurisdictione privatos, nec non locum, ubi talia deinceps præsumpta fuissent, banno mille marcarum auri Fisco Imperiali præceperat subjacere. Potestates vero, Consules, Statutarii, & Scriptorum Statutorum prædictorum, nec non Consiliariorum locorum ipsorum, qui secundum Statuta, & consuetudines memoratas iudicarent, ex tunc essent ipso jure infames, quorum sententias & actus legitimos statuerat aliquid non tenere: quodque si per annum præfatarum constitutionum inventi fuerint contemptores, bona eorum per totum suum Imperium, mandavit impune ab omnibus occupari: salvis nihilominus aliis poenis contra tales in iisdem Generalibus Conciliis promulgatis. Et insuper voluit idem tunc Imperator, quod nulla communitas, vel persona publica seu privata, collectas, exactiones, angarias vel perangarias, Ecclesiis vel aliis piis locis, aut Ecclesiasticis personis huiusmodi imponere, seu invadere bona Ecclesiastica præsumeret: Quodsi secus faceret, & requisita ab Ecclesia vel Imperio, huiusmodi emendare contemneret, tripliciter refunderet, & nihilominus banno Imperiali subjaceret, quod sine satisfactione debita nullatenus remitteretur. Statuerat insuper, quod quæcunque communitas vel persona, in excommunicatione, propter libertatem Ecclesiæ violatam, persisteret; ipso jure similiter banno Imperiali subjaceret, a quo nullatenus extraheretur, nisi prius ab Ecclesia beneficio absolutionis obtento. Et insuper ordinaverat, ut nullus, Ecclesiasticam Personam, in criminali quæstione vel civili, ad iudicium seculare trahere præsumeret, contra easdem Canonicas Sanctiones &

& constitutiones Imperiales: quodsi secus faceret, Actor a suo jure caderet, iudicatum non teneret, & Judex foret ex tunc iudicandi autoritate privatus; quodque Iudices temporales, qui Clericis & Personis Ecclesiasticis iustitiam depegare præsumerent, tertio requisiti suam jurisdictionem amitterent. Constitutionem ipsam de consilio etiam fratrum suorum Sanctæ Romanæ Ecclesiæ Cardinalium, qui tunc erant, autoritate Apostolica approbans & confirmand, ipsam mandavit inviolabiliter observari, nec non Statutarios & Scriptores ac violatores prædictos, excommunicatos, eadem autoritate nunciari. Et deinde ad audientiam *divæ memoriæ CAROLI quarti, etiam Romanorum Imperatoris semper Augusti* deducto, quod nonnullæ seculares personæ in potestatibus & officiis constitutæ, videlicet, Duces, Marchiones, Comites, Barones, & alii Domini temporales, nec non Consules civitatum, oppidorum, villarum & locorum Rectores, in diversis Provinciis ejusdem Imperii, Dei timore postposito, statuta singularia, & iniquas ordinationes, motu proprio, & de facto, contra ipsas Personas Ecclesiasticas, & Ecclesiarum libertates, & eorum privilegia condiderant, illisque de facto & publice utebantur, contra Canonicas & legitimas Sanctiones, utpote: quod nulla bona temporalia in potestatem Ecclesiasticam transferrentur: & ne Clerici in Sacris Ordinibus constituti, ad agendum & testificandum in civilibus, & maxime in piis causis aliquatenus admitterentur: quodque excommunicati laici, & publice denunciati, in civili foro minime repellerentur: & insuper prædicti Domini temporales, Consules & Rectores, per secularem potestatem, res & bona Clericorum occuparent, arestarent, & oblationes Christi fidelium minuerent, atque restringerent; exactiones & tallias indebitas, de bonis & redditibus Ecclesiarum exigerent & extorquerent; possessiones Ecclesiarum & personarum earundem devastarent incendiis & rapinis; contractus inter Clericos & laicos factos legitime, ad libros civitatum, villarum, & locorum prædictorum inscribere & sigillare recusarent; donataque & legata ad fabricas & Ecclesiarum structuras, contra Prælatorum voluntatem, & aliorum, quorum intererat, teme-

re usurpare præsumerent, ac in fraudem & odium Clericorum, de bonis etiam ac rebus eorundem, quæ non causa negotiationum, sed pro eorum propriis ulibus per eorum terras ducebant, seu duci faciebant, telonium exigere & recipere non verebantur; & confugientes ad Ecclesias & eorum cœmeteria inde extrahere, contra Canonicas & Imperiales Sanctiones huiusmodi præsumerent & præsumebant: Idem CAROLUS Imperator tanquam Christianissimus Princeps, volens in præmissis providere de remedio salutari, etiam de quorundam Ducum, Principum, Comitum, Baronum, fideliumque aliorum Sacri Imperii sæpe dicti consilio, auctoritate Imperiali, quæcunque Statuta, & consuetudines prædictas tanquam per Canonicas, & civiles Sanctiones expresse reprobatas, cassavit, irritavit, & annullavit, & cassa, irrita, nulliusque voluit esse roboris vel momenti: præcipiens sub Imperialis banni pœna, universis & singulis Principibus, & Dominis temporalibus, Consulibus, Potestatibus & aliis in officiis publicis in eodem Imperio constitutis, quatenus ex tunc ipsorum statuta, & ordinationes, sicut in præjudicium libertatis Ecclesiasticæ edita fuerant, omnino revocarent; & de luce tollerent, quodque secundum ea non judicarent amplius, nec sententias dicerent, aut eisdem in iudicio, vel extra iudicium quomodolibet per se, & contra eandem Ecclesiasticam libertatem potirentur. Pronunciavit insuper & eadem decrevit auctoritate, quod quicumque laicus cujuscunque status & conditionis existeret, ausu sacrilego & propriæ temeritatis audacia Sacerdotem, vel Clericum secularem, vel Religiosum, diffidaret, proscriberet, captivaret, spoliaret, occideret, mutilaret, aut in carcere detineret, vel huiusmodi maleficia perpetrantes, scienter receptaret, vel eis favorem præstaret: præter pœnas a Sacris Canonibus & legalibus Sanctionibus in tales inflictas, eo ipso redderetur infamis, & omni honore privatus, nec ad placita vel consilia nobilium admitteretur quovis modo. Hortans insuper in Domino, & requirens Ecclesiasticos Prælatos in illis partibus, in quibus committerentur talia, constitutos, ut legem Imperialem huiusmodi per eorum Ecclesias & Synodos publicarent, ne trans-

gressores huiusmodi per simulatam ignorantiam, suam valerent in hac parte malitiam excusare: prout in Constitutionibus & Sanctionibus Conciliorum, & Honori prædictorum, ac Imperialibus præfatis plenius continetur. Cum autem, sicut lamentabili querela Venerabilis Episcopi Misnensis, & dilectorum Ecclesiæ Filiorum, Præpositi, Decani, & Capituli, singulorumque Canonicorum, & Personarum Ecclesiæ, nec non universi Cleri civitatis & Diœcesis Misnensis nuper accepimus, quod nonnulli Principes, Duces, Comites, Barones, Milites, communitates, & aliæ seculares potestates, earundem Constitutionum & Sanctionum Canonicarum, & legalium forsan ignari, contra ipsas ab Episcopo, Præposito, Decano, Capitulo, Canonicis Personis & Clero, communiter vel divisim, forsan tallias, gabellas, ac alias exactiones illicitas hæcenus extorserint, & adhuc extorquere nitantur; ac etiam bona ipsorum communiter vel divisim invaserint, arestaverint, occupaverint, detinuerint, & suis usibus applicaverint, nec non occupare, invadere, arestare, detinere, & eisdem suis usibus applicare similiter de facto præsumant, in animarum suarum periculum; nec non Episcopi, Præpositi, Decani, Canonicorum, Personarum & Cleri prædictorum, communiter & divisim, non modicum præjudicium atque damnum. Nos, in præmissis Episcopo, Præposito, Decano, Capitulo, Canonicis, Personis, & Clero præfatis communiter & divisim de opportuno remedio providere volentes: discretionem vestram, tenore præsentium, in virtute sanctæ obedientiæ, districte præcipiendo mandamus, quatenus vos, vel duo, aut unus vestrum, per vos, vel alium, seu alios, Episcopo, Præposito, Decano, Capitulo, Canonicis, Personis & Clero prædictis, contra quoscunque transgressores & violatores Constitutionum & Sanctionum earundem, cujuscunque gradus, dignitatis, & excellentiæ fuerint, efficaci defensionis auxilio assistentes, non permittatis eos contra Canonicas & legales Sanctiones & Constitutiones huiusmodi, indebite molestari, nec non easdem Constitutiones, & Sanctiones, ubi & quando expedire videritis, solenniter publicantes, faciatis transgressores & viola-

violatores hujusmodi, si, & prout iustum fuerit, aut ubi & quoties expediverit, tam diu excommunicatos, aut anathematizatos publice nunciari, donec ab earundem talliarum, collectarum, impositionum, & quarumlibet extorsionum, nec non bonorum Episcopi, Præpositi, Decani, Capituli, Capitulorum, Canoniorum, Personarum, & Cleri prædictorum hujusmodi invasione, arestatione, occupatione, detentione, & applicatione omnino desistant; nec non etiam efficaciter restituant eisdem Episcopo, Præposito, Decano, Capitulo, Canonicis, Personis, & Clero præfatis, occasione præmissorum per eos communiter vel divisim læsis seu gravatis, tallias, gabellas & etiam exactiones ipsas, ac etiam bona ipsorum arestata, occupata, detenta & applicata, ipsis aut quæ per se vel per alios illo prætextu quomodolibet receperint, imo verius temere, & illicite usurparunt, a se libere omnino relaxent; ac in manibus vestris juraverint, quod de cætero talia non committent, & ea committentibus non præstabunt auxilium, consilium vel favorem; contraditores per censuram Ecclesiasticam, & alia juris oportuna remedia compercendo, invocato etiam ad hoc, si opus fuerit, auxilio brachii sæcularis. Ceterum, si forsan hujusmodi transgressorum, vel violatorum, vel ea fieri mandantium, ipsisque consentientium, seu dantium illis per se, vel per alios, directe, vel indirecte, publice, vel occulte auxilium, consilium, aut favorem, præsentia pro monitionibus, & requisitionibus, per vos de ipsis faciendis, tute, secure, vel commode haberi nequiverit: Nos vobis monitiones hujusmodi, ac citationes quaslibet, per edicta publica, locis affigenda publicis, de quibus sit verisimilis conjectura, quod ad notitiam dictorum citatorum hujusmodi pervenire valeant, faciendi plenam & liberam concedimus tenore præsentium potestatem: volentes, quod monitiones, requisitiones, ac citationes hujusmodi, perinde ipsos citatos, requisitos, & monitos, ut præmittitur, arceant, ac si eis factæ, & insinuatæ præfentialiter, & personaliter extitissent.

Non obstantibus, tam piæ memoriæ Bonifacii Papæ Octavi, quibus cavetur, ne aliquis extra suam Civitatem, vel Diocesin, nisi in certis exceptis casibus, & in illis ultra unam diætam a fine suæ Diœcesis ad iudicium evocetur, seu ne Iudices extra Civitatem vel Diœcesin, in quibus deputati fuerint, contra quoscunque procedere, aut alii, aut aliis vices suas committere, seu aliquos ultra unam diætam a fine Diœcesis eorundem trahere præsumant, dummodo ultra duas diætas aliquis auctoritate præsentium non trahatur; ac de personis ultra certum numerum ad iudicium non vocandis: quam aliis Constitutionibus Apostolicis contrariis quibuscunque; aut si aliquibus communiter vel divisim a Sede Apostolica indultum existat, quod interdici, suspendi, vel excommunicari, aut extra, vel ultra certa loca ad iudicium evocari non possint per literas Apostolicas, non facientes plenam, & expressam, ac de verbo ad verbum de indulto hujusmodi mentionem. Datum Basilie, Calendis Augusti, Anno a Nativitate Domini Millesimo, quadringentesimo, tricesimo quarto. (*)

*De Fundatione, & Confirmatione
ingenua Ecclesiæ Misnensis.*

Postremo, ut omnes & singuli sciant, quis nostri Episcopatus, & Ecclesiæ Misnensis erector, & fundator fuerit, quodque ipsa libera fundata, & erecta sit, videlicet, quod nulli Patriarchæ, neque Archi-Episcopo, sed tantum Apostolicæ Sedi subiecta existat, & sic per Sedem Apostolicam confirmata, & approbata sit; videant, & intelligant literas foundationis Pissimi, & Gloriosissimi Imperatoris OTTONIS Primi, qui suis excellentissimis virtutibus Romanum Imperium ad Alemannos transferri, & ob id Otto Magnus appellari meruit, primusque inter Alemannos Romanum Imperium tenuit, qui Misnensem Ecclesiam in honorem Sancti Joannis Apostoli & Evangelistæ, inprimis ante omnes alias Cathedrales Ecclesias fundavit, Sedem Episcopalem, quam liberam, & Romanæ Ecclesiæ immediate subiectam esse voluit,

(*) Literarum harum meminit P. Sigismundus Calles S. J. in Serie Episcoporum Misnensium pag. 288. in vita Joannis IV., cognomenro Hoffmanni, Episcopi Misnensis XXXVI. ad annum MCCCCXXXIV.

luit, ibi erexit, & abundantissime dotavit: ex qua sua dotatione, Prædecessores nostri Episcopi, majorem partem Ecclesiarum Parochialium, ac certas Collegiatis Ecclesias, & Monasteria utriusque sexus, in nostra Diœcesi erexerunt, decimis Episcopalibus, & aliis redditibus dotando: ac literas confirmationis Joannis Papæ decimi tertii sui nominis, præmissis singulis jussimus & volumus apprimi: Clerum nostrum exhortantes, ut pro anima istius pii & Gloriosissimi OTTONIS in Divinis Officiis diligentes ad Dominum preces fundant, a summo omnium bonorum Re tributore largis suam mercedem recepturi. Nos denique, ut ad hos vehementiores sint, toties, quoties omnes, & quilibet eorum hoc fecerit, aut fecerint, ipsis confessis, & contritis, de Omnipotentis DEI misericordia confisi, viginti dies indulgentiarum, pro injunctis eis pœnitentiis elargimur, & misericorditer in Domino relaxamus.

*Tenor Fundationis OTTONIS
primi Imperatoris.*

IN NOMINE SANCTÆ ET INDIVIDUÆ TRINITATIS,

OTTO, DIVINA FAVENTE CLEMENTIA ROMANORUM IMPERATOR AUGUSTUS.

Quia Nos, qui quotidie multorum Venerabilium Episcoporum, Abbatum, ceterorumque fidelium Christi Canonicorum, & Monachorum ad omne bonum opus præceptis instruimur, exemplis informamur, libenter ex abundanti rerum nostrarum copia, ad æternam beatitudinis vitam obtinendam, & ad temporalem feliciter transigendam: Divina auxiliante gratia, quod nostræ felicitati aptissimum credimus, incipere, & in Domino perficere constanter elaboramus; ergo manifestare, ac notificare omnibus in Christo fidelibus, tam futuris, quam presentibus, quam maxime desideramus, qualiter Nos, pro remedio & perpetua omnium fidelium Defunctorum animarum redemptione: nec non pro nostra sempiterna salute, ac dulcissimæ Collateralis nostræ, charissimæque sobolis nostræ perrenni felicitate, Ecclesiam quandam in Misna civitate collocari

& construi præcepimus: ubi etiam rogatu & consilio universorum Principum nostrorum in honorem Sancti Joannis Evangelistæ Sedem Episcopalem fieri decrevimus, cui quondam nostræ dilectionis intimum, nomine Bernhardum electum, & ad Præsulatus dignitatem in Christo consecratum, a Sanctæ Moguntinensis Ecclesiæ Venerabili Archiepiscopo, nomine Hildeberto, in laudem omnipotentis Domini, gloriose præfecimus. Huic etiam Episcopatu, more antiquorum Imperatorum, & Regum, nostra Imperiali potestate terminum posuimus, ubi oritur fluvius, qui dicitur Orientalis Milda, inde usquequo idem fluvius intrat in Albeam, & sic sursum, & ultra Provinciam Nisizi ad eundem terminum sine dubio: nec non in altera parte Lusizi & Sepulj, illam videlicet infra eundem terminum, & inde in aquam, quæ dicitur Odera: & sic Odera sursum usque ad caput ejus, inde quasi recta via usque ad caput Albeæ: inde deorsum in Occidentalem partem, ubi divisæ confinium duarum Regionum est Behem, & Nisinen: ibidem ultra Albeam, & per silvam in Occidentalem partem usque ad caput prædicti fluminis Orientalis Mildæ. Homines vero, qui intra prædictum terminum habitant, in omni fertilitate terræ, frugum, & pecudum, in argento, vestimento, nec non quod teutonice dicunt, Overcapunga & Calunga familiarum; insuper tota utilitate, & in omnibus rebus, quibus mortales utuntur diversis modis, decimationes, quas Deo cuncta gubernanti debent, ad Misnensem Ecclesiam, primo Deo, deinde Sancto Joanni Evangelistæ, universa dubietate procul remota, pleniter perfolvant, referant, & reddant. Et si quis hoc nostri Imperialis præcepti constitutum transgredi, vel dirumpere præsumat, cum Anania & Saphira, nec non Juda traditore infernalis incendii tormentum patiat, nec inde, nisi resipiscat, in perpetuum absolvatur. Et ut hæc nostra concessio in remunerationem DEI Omnipotentis, firma stabilisque permaneat: hoc præceptum inde conscriptum, annulique nostri impressione signatum, manu propria firmamus. Datum tertio Idus Januarii, Anno Incarnationis Domini Noningentesimo, quadragesimo octavo, Indictione octava, Anno vero Magni

Ouo-

Ottonis Imperatoris, in Domino feliciter regnantis, tercio. Actum Moguntiae feliciter, Amen.

Et ista Bulla magni Ottonis Imperatoris taliter est subscripta, & signata:

Signum Domini OTTONIS
Magni & Iavictissimi Imperatoris. (L.S.)

Volemarus Cancellarius, vice Hildeberti Archi-Cappellani, recognovi.

*Confirmatio Summi Pontificis JO-
ANNIS decimi tertii super Ec-
clesia & Episcopatu
Misnensi.*

JOANNES EPISCOPUS, SERVUS
SERVORUM DEI.

Si semper sunt concedenda, quæ piis desideriis congruunt, quanto potissimum ea, quæ Divini cultus prærogativa noscuntur, non sunt omnino abneganda, quæ sunt a largitoribus non solum poscenda, sed vi charitatis procul dubio exigenda. *Habita igitur Synodo, & multorum Venerabilium Patrum, Coepiscoporumque nostrorum Conventu, Romæ in Ecclesia Beati Petri, Principis Apostolorum, assidentibus Augustissimis Imperatoribus Ottonum utrisque, anno scilicet Imperii Majoris sexto, Minoris primo, iidem Gloriosissimi Imperatores postularunt a Nobis, quatenus Monasterium, quod pro remedio animarum suarum primitus construi, & in honorem Beati Joannis Evangelistæ consecrari fecerunt, super ripam fluminis, cujus nomen est Albea, in civitate Misna sita, videlicet in Provincia, quæ dicitur Thalementæ; cui etiam Monasterio, Virum Venerabilem, nomine Burchardum, honorifice præfecerunt, privilegiis Apostolicæ Sedis decoraretur: ut sub jurisdictione Sanctæ Ecclesiæ nostræ, cui Authore DEO præsidemus, constitutum, nullius alterius Ecclesiæ ditionibus submittatur. Pro qua re, piis desideriis faventes, hac nostra auctoritate, id, quod exposcitur, effectui mancipamus: interponentes tamen ea, quæ & ipsi Principes nostri, in nostris privilegiis cupiunt exponi, & cunctis Christi fidelibus ma-*

nifesta fieri, more antiquorum Imperatorum. Hi divi Imperatores Pater & Filius, Nobis assidentes, Misnensi Episcopatu terminum imposuerunt, nominando etiam fines & determinationes locorum, sicut infra continetur: ubi caput & fons est aquæ, quæ dicitur Odera; inde quasi recta via, usque ad caput Albeæ: inde deorsum ad occidentalem partem, ubi divisio duarum regionum est, Behem & Nisen: ibidem ultra Albeam, & per silvam in occidentalem partem, usque ad caput Mildæ, & sic deorsum per ambas plagas ejusdem fluminis, usque dum Milda intrat in Albeam, & sic sursum, ultra Provinciam Nisici ad ipsum terminum, sine dubio: nec non in altera parte Lusize & Selpoli, & sic usque ad civitatem Selpize, illam videlicet infra eundem terminum, & inde in aquam, quæ dicitur Odera, & sic Odera sursum, usque ad caput ejus. Homines vero, quemadmodum hi Imperatores statuisse fatentur, qui infra terminum istum habitant, in omni fertilitate terræ, frugum & pecudum, in argento, vestimento, nec non quod Teutonici dicunt Ueberkoffunga, & Calunga familiarum, insuper tota utilitate, & in omnibus rebus, quibus mortales utuntur, in diversis modis decimationes, quas Deo cuncta gubernanti debent, ad Misnensem Ecclesiam, primum Deo, deinde Sancto Joanni Evangelistæ, universa dubietate procul remota, persolvant, referant, & reddant. Et ideo in Christo sanximus, firmiterque concessimus, ut nullus Metropolitanus, nullus Episcopus, nulla etiam magna vel parva alterius ordinis vel gradus persona, præter Sedis Apostolicæ Antistitem, infra terminos Misnensis Ecclesiæ, cui Venerabilis Episcopus Burchardus præesse dignoscitur, quemque ordinare, dijudicare, excommunicare, vel aliquid temere exercere ullo modo præsumat: Statuentes etiam Apostolica censura sub Divini iudicii obtestatione, & validis, atque atrocibus anathematis interdictionibus, ut nullus Imperator post hoc, aut Rex ullus, sive quispiam alius, cujuscunque dignitatis potestate sit præditus, ejusdem Ecclesiæ causis præsumat incumbere, vel minimum quiddam ex eis, quæ ad illud Monasterium Sancti Joannis pertinere vi-

H dentur,

dentur, cui Episcopus Burchardus præfidet, ut sibi remere vendicare, aut aliqui parvæ vel magnæ personæ pro beneficio dare, aut quolibet modo inde auferre, aut alienare audeat. Promulgamus etiam, & hoc autoritate Petri Apostolorum Principis, coram Deo, & terribili ejus futuro examine, per hujus nostri privilegii, atque constituti vim interminamus, ne quis mortalium sibi licere existimet, aliquid ex possessionibus Misnenfis Ecclesiæ, tam ex iis, quæ antehac a Gloriosissimis Imperatoribus Ottone, & ejus æquivoco Filio, vel cæteris Christianis eidem sancto loco oblata, atque collata sunt: quam quæ postmodum sunt conferenda, ut profecto juxta id, quod subiectum est, idem venerabilis locus, hoc Apostolico privilegio, inconcussæ donatus, permaneat. Si quis autem, quod minime optamus, nefaria autoritate hæc, quæ a Nobis ad laudem DEI, pro stabilitate sæpe dicti Monasterii statuta sunt, refragare præsumperit, nostrique præcepti transgressor extiterit: sciat se anathematis vinculo innodatum, & cum Diabolo & Juda traditore Domini nostri JESU CHRISTI æterni incendii supplicio deputatum. At vero, qui pio intuitu hujus Apostolici instituti observator extiterit: Benedictionis gratiam a misericordissimo Domino DEO multipliciter consequatur, & vitæ æternæ particeps effici mereatur. Scriptum per manus Stephani, Scriniarii Sanctæ Romanæ Ecclesiæ, *in mense Decembri, Indictione undecima.* Signum Domini OTTONIS Magni Imperatoris Augusti. Signum Domini OTTONIS Minoris Imperatoris Augusti.

Petrus, Ravennensis Ecclesiæ Archi-Episcopus, subscripsit.

Codaldus, Patriarcha Aquilejensis Ecclesiæ, subscripsit.

Sigolphus, Episcopus Sanctæ Placentiæ Ecclesiæ, consensit & subscripsit.

Udalricus, Episcopus Sanctæ Pergamenfis Ecclesiæ, consensit & subscripsit.

Martinus, Sanctæ Sudrienfis Ecclesiæ Episcopus, consensit & subscripsit.

Siggo, Plendenfis Ecclesiæ Episcopus, consensit & subscripsit.

Benedictus, Sanctæ Fulmenfis Ecclesiæ Episcopus, consensit & subscripsit.

Joannes, Sanctæ Normienfis Ecclesiæ Episcopus, subscripsit.

Joannes, Episcopus Sanctæ Armenfis Ecclesiæ, interfuit & subscripsit.

Hibertus, Episcopus Sanctæ Lamenfis Ecclesiæ, consensit & subscripsit.

Gerhardus, Faventinæ Ecclesiæ Episcopus, consensit & subscripsit.

Anfredus, Episcopus Werdecensis Ecclesiæ, consensit & subscripsit.

Senebius, Episcopus Fesolanæ Ecclesiæ, consensit & subscripsit.

Gardolphus, Episcopus Firmienfis Ecclesiæ, consensit & subscripsit.

Ego Petrus, Camerinæ Ecclesiæ, ibi fui, & subscripsit.

Eberhardus, Episcopus Aretinæ Ecclesiæ, consensit & subscripsit.

Stephanus, Naninenfis Ecclesiæ, consensit & subscripsit.

Leo, Ostienfis Ecclesiæ Episcopus, consensit & subscripsit.

Giselbertus, Episcopus Castrenenfis Ecclesiæ, consensit & subscripsit.

Alberinus, Episcopus Ausculanus, consensit & subscripsit.

Antonius, Brixienfis Episcopus, subscripsit.

Diodericus, *Metensis* Ecclesiæ Episcopus, subscripsit.

Lanuardus, *Mendensis* Ecclesiæ Episcopus, subscripsit.

Hucbertus Episcopus subscripsit.

Lizo Episcopus subscripsit.

Joannes, Episcopus Tordonenfis, subscripsit.

Adalbertus Episcopus subscripsit.

Orger Episcopus subscripsit.

Sigishelmus, Episcopus Florentinus, subscripsit.

Albericus Episcopus subscripsit.

Astringo, Episcopus Ansanenfis, subscripsit.

Luzinno, Lucanenfis Ecclesiæ Episcopus, subscripsit.

Erphemarius, Antias Episcopus, subscripsit.

Julianus, Episcopus Nucerinus, subscripsit.

Stephanus, Termenfis Ecclesiæ Episcopus, subscripsit.

Attho, Senegalliæ Ecclesiæ Episcopus, subscripsit.

Lupus, Spoletinus Episcopus, subscripsit.

Lindo,

Lindo, Dufianæ ecclesiæ Episcopus, subscript.

Datum quarto Nonas Januarii, per manus Guidonis, Episcopi Sanctæ Sylvæ candidæ ecclesiæ, Bibliothecarii Sanctæ Sedis Apostolicæ, Anno, Deo propitio, Pontificatus Domini JOANNIS Summi Pontificis, & universalis tertii decimi Papæ in sacratissima Sede Beati Petri Apostoli, tertio: Imperantibus Dominis Pissimis & Augustissimis OTTONE, & ejus æquivoco Filio, a Deo coronatis magnis Imperatoribus, anno Majoris Imperii sexto, & Minoris primo, in mense Januario, Indictione supra dicta undecima.

PRIVILEGIUM

Pro condendis Testamentis Prælatorum, Canonicorum, & omnium Clericorum Ecclesiæ Budissinensis.

ITEM

Dispositio relictorum ab intestato decedentium pertinet ad Capitulum.

JOANNES, (*) DEI ET APOSTOLICÆ SEDIS GRATIA EPISCOPUS MISNENSIS, AD PERPETUAM REI MEMORIAM.

UNiversis & singulis Diploma hoc nostrum vistris, lecturis, vel legi audituris, notum esse volumus; quamprimum, Deo potissimum auspice, Sanctæ & ingenuæ Ecclesiæ Misnensis regimen, ejusdemque Cura Pastoralis Nobis esset legitime commissâ, & tradita, animum nostrum, Dei freti auxilio, solcite & paterne eo intendimus & direximus, ut primo omnium circa status quarumlibet nostræ Diocesis, tam Collegiatarum, quam Cathedralium Ecclesiarum, una cum earundem personis, jura, libertates, simul & Antecessorum nostrorum concessionem, prout æquum est, illasque permanerent. Cum itaque Venerabiles & devoti, Nobisque in Christo dilecti, Præpositus, Decanus,

Senior, & totum Capitulum Collegiatarum nostræ Ecclesiæ S. Petri in Budissin superioris Lusacæ, statim in nostri suscepti Episcopatus regiminis ingressu Nobis exponerent, riteque declararent & probarent, quod a primæva nostræ Ecclesiæ Budissinens. fundatione & erectione, instar Statutorum & consuetudinum Cathedralis Ecclesiæ nostræ Misnensis ipsorum Matre, hucusque semper haberint, atque hodie adhuc dum habeant liberam facultatem & potestatem condendi & faciendi Testamenta de omnibus bonis, etiam intuitu Ecclesiæ acquisitis: Unde Nobis humiliter & obnixè supplicarunt, quatenus hanc ipsorum consuetudinem, seu facultatem & potestatem condendi testamenta, dignaremur pro ipsis, & ipsorum Successoribus, & omnibus prædictæ Ecclesiæ Budissinensis, incorporatis membris, autoritate nostra Episcopali confirmare: ita sane, ut non solum modernis & futuris, imo etiam sicut aliquot præteritis jam seculis hucusque, ita perpetuis temporibus semper, quiete, pacifice, ac licite sæpe dictam consuetudinem testamentorum condendorum exercere valerent & possent, hacque ratione ea, quæ corporali nostro juramento servanda promissimus, etiam literis stabilire non renueremus. Quapropter Nos Joannes Episcopus prælibatus, officii nostri memores, & prævia hac in re debita & legitima præmeditatione, hujusmodi petitionibus dare & relinquere locum, æquum & justum esse judicantes, autoritate nostra ordinaria, vigore præstiti juramenti nostri, tale Statutum & consuetudinem, seu facultatem condendi testamenta, per præsentem corroboramus, & corroboratam esse volumus, de modo & forma, ut decet, meliori; ita, ut possint & valeant indifferenter omnes Clerici prædictæ Ecclesiæ Budissinensis modernis, futuris & perpetuis temporibus, sicut antea consueverunt, facere & condere testamenta, seu codicillos, libere & quiete, non obstante quorumcunque conditione, vel etiam aliquorum jurium dispositione, de omnibus eorum bonis undequaque acquisitis, eaque cuicunque volue-

(*) Joannes de Haugwitz, XLIV. Misnensium Episcopus, anno 1555. electus, anno 1581. Lutheri dogmata secutus, Mitram Misnensem abdicavit in favorem Electoris Saxonie.

Tomus VI. Concil. German.

luerint, ligare, omniaque & singula, quæ ad ultimas voluntates spectant ab solvendas, agere, exercere & perficere.

Cum præterea *Statuta & Articuli nostri Juramenti*, utpote decimus quartus & quintus contineant, ut in Prælatorum, Canonicorum, vel quorumcunque bonis nostræ Diœcesis, si qui ab intestato decesserint, Capitulis, & Decanis liberam desuper dispositionem relinquamus: hoc & in futurum & perpetuum, tenore & præsentium concedimus & indulgemus, salvo tamen anno gratiæ, per Brunonem secundum Episcopum Misnensem piæ memoriæ Antecessorem nostrum, Anno Millesimo ducentesimo vigesimo quinto, Pontificatus sui decimo septimo, septimo Calend. Octob. Capitulo & defunctis concessio; & utroque gratia in omnia post futura tempora, præfatis Præposito, Decano, Seniori, totque Capitulo & Clero prænominatæ nostræ Ecclesiæ Budissinensis firma, inconcussa sit & maneat, curavimus præfens diploma desuper scribi & confici, atque in majorem fidem sigilli nostri majoris appenditione roborari mandavimus. *Date in Arce nostra Episcopali Stolpen, Anno Pontificatus nostri secundo, Anno Domini Millesimo quingentesimo quinquagesimo sexto, die prima mensis Decembris. (*)*

JOANNES Episcopus Misnenf.
manu propria subscriptis.

(*) Diploma istud, prioribus Statutis multo posterius, in ultima Statutorum Misnensium editione iisdem adjunctum fuit: ideoque ab illis separandum non putavimus.

Statuta Synodalia Ecclesiæ Magdeburgensis,
a JOHANNE (*) Archi-Episcopo renovata, & ab ERNESTO (**) ejus Successore denuo confirmata.

Anno Christi MDV. Julii II. PP. III.
Maximiliani I. Imp. XI. (***)

UNiversis & singulis nostræ Diœcesis Presbyteris notum facimus, auctoribus nostris heu! rumore gravi inno-

Statuta ista, cum aliis eis adjunctis, ex speciali commissione Reverendissimi in Christo Patris & Domini, Domini Joannis de Salhausen Episcopi Misnensis, per Venerabilem & Egregium Virum Dominum Guilelmum de Perzkhitz, utriusque Juris Doctorem, pro tunc Curæ Episcopalis Misnensis Officiale Generalem, in ordinem præmissum redacta, & diligenter emendata, perque Melchiorum Lotter in famoso oppido Lipsiæ Merseburgensis Diœcesis, prædicti Domini Episcopi impensis, pro conservatione status Ecclesiastici sunt impressa, anno Domini Millesimo quingentesimo quarto. Recula & correctus evulgata impensis Reverendissimi, & Illustris Domini Episcopi, Administratoris, & Decani Budissinensis, Typis Nicolai Zipseri Chalcographi Budissinensis A. 1627.

Diligenter collatum cum suo genuino textu in Archivo Archi-Episcopali Pragensi sub fide mea jurata assertato, per omnia concordare testor
Pragæ die 7. Octobris A. 1757.

WENCESLAUS PROCOPIUS
(L.S.) DUCHOWSKY, m. pp. Reg.
& Colleg. Capel. OO. Sanct. in
Castro Pragensi Beneficiatus,
Notarius Apostolicus, & Curia
Archiepiscopalis Pragensis Ar-
chiepiscopus juratus.

tuisse, quod plerique Pastores & Clerici, quamvis corporaliter Synodo Sanctæ pœnarum metu assistant, attenta tamen aure

(*) Joannes, Dux Bavarie, anno 1457. Monasteriensium Episcopus a Callisto III. Papa dictus fuit; anno autem 1464. mortuo Friderico Magdeburgensium Episcopo, qui cum fama Sanctitatis obierat, ad Metropolim hanc regendam concordibus suffragis postulabatur: Brevio relictus, tandem Pauli II. Pontificis jussu Archi-Episcopatum obtulit, cuiusque in decennium gessit, pari, qua Antecessor, laude gubernationis, & laudationis fama clarus. Vivere desit anno 1475. feito S. Martini, vel, ut alii volunt, pridie ejusdem diei. *Lenz. Hist. Diplom. Magdeburg. Schotten Annal. Paderborn. Tomo II. L. XVIII. ex Cranzio, Langio &c.*

(**) Er:

aure in scandalum multorum, & detrimentum propriæ salutis longe absentes reperiantur: ut sic, quæ salutis sunt, non audiant, & crassa sua ignorantia liberius in peccatis perdurent, quod eorum facta, mores, & vita luce clarius demonstrant. Ut ergo tantæ ignorantie præveniat, Nos ERNESTUS, Dei & Apostolicæ Sedis gratia, Archi-Episcopus Magdeburgensis, Primas Germaniæ, & Halberstadientium Ecclesiarum Administrator, Dux Saxonie, Landgravius Thuringiæ, & Marchio Misniæ, Pastoralis(†) officio moti, dedimus per Officialem nostrum, Curie Magdeburgensis Generalem, Statuta Synodalia inprimere, quæ tanquam speculum ante cuiuslibet Sacerdotis oculos necesse est in dies observentur, & contemplentur, quæ facienda sunt, facient, & dimittenda dimittent; quæ quidem Statuta per quondam felicis memorie Reverendum Dominum JOHANNEM, Archi-episcopum Magdeburgensem, Primatem Germaniæ, Ducem Bavarie, Comitem Palatinum Rheni &c. sunt renovata, & denuo auctoritate nostra confirmata secundum tenorem sequentem de verbo ad verbum annotata.

I. De Hæreticis vitandis.

JOHANNES, DEI GRATIA, SANCTÆ MAGDEBURGENSIS ECCLESIE ARCHIEPISCOPUS, GERMANIÆ PRIMAS, COMES PALATINUS RHENI, ET DUX BAVARIE, UNIVERSIS ET SINGULIS PRELATIS, DIVINORUM ET ECCLESiarum RECTORIBUS, PRESBYTERIS, ET CLERICIS QUIBUSCUNQUE NOSTRE CIVITATIS ET DIOECESIS MAGDEBURGENSIS, SALUTEM IN DOMINO SEMPERITERNAM.

Vobis omnibus & singulis in virtute sanctæ obedientie districtè præcipiendo mandamus: quatenus omnes & singulos hæreticos, eorumque fautores notorios, ac apostatas, qui habitum suæ professionis fraudulenter deposuerunt,

tamquam excommunicatos a jure, & homines pestiferos evitetis, & a vestris subditis evitari faciatis, & si commode poteritis, tales personaliter apprehensos Nobis, aut Officiali nostro præsentetis, aut alias cum erroribus suis manifestare, & denunciare curetis; alioqui vos, ut & tamquam defensores & receptores talium personarum, pœnas juris declaramus incidisse iusticia mediante.

II. De Tabernis a Clero non visitandis.

Item vobis prædictis sub excommunicationis pœna inhibemus, ne quisquam vestrum tabernas extra casus a jure permisos intrare, ac in eis conviviis interesse præsumat: alioquin contrarium faciens, si semel monitus a Nobis, Officiali nostro, aut suo Prælato, non velit desistere realiter & cum effectu excommunicetur, & alias, prout contumacia sua exegerit, severius punietur.

III. De Vestibus, & tonsura Clericali retinenda.

Item omnes & singulos Clericos prædictos peremptorie requirimus & monemus, ut vestes & tonsuram Clericales pro-notitia & congruentia ordinis sui deputatas & consuetas, publice deferant. Contrarium facientes post præsentem monitionem privilegiis Clericalibus nolumus gaudere contra suos invasores.

IV. De concubinis non alendis.

Item districtius prohibemus, ne quisquam vestrum deinceps concubinam secum detineat, vel alias a se positam in domo nutriat aliena, fama publica attestante, quod hæc sit concubina ipsius. Alioquin contrarium faciens, juxta quoddam Statutum Provinciale felicis memorie Alberti Prædecessoris nostris, aut Decretum Concilii Basiliensis, contra concubinarum editum, cujus tenor infra sequitur.

H 3

qui-

(**) Ernestus, Dux Saxonie & Misniæ, Ernesti Electoris & Elisabethæ Bavaræ filius, cum decennium ætatis vix implevisset, electus est Magdeburgensium Archi-episcopus anno 1476. Elapso exinde triennio Halberstadientium quoque administrandam accepit Ecclesiam. Episcopus consecratus anno 1489, utrique Sedi præfuit usque ad annum 1512, quo decessit.

(***) Horum Statutorum Synodali confirmationem referimus ad annum 1505. eo quod Ernestus eodem anno per Præpositum suæ Metropolitanæ, Principem Adolphum Anhaltinum, visitationem instituerit suarum Ecclesiarum, Clerique mores, ac vitam reformaverit, teste Lenz. in *Histor. Diplom. Magdeburg.* pag. 469.

(†) fors: curæ Pastoralis.

quitur , & est talis : Albertus Archiepiscopus. debita animadversione puniatur.

V. *De iis, qui matrimonium contrabere gestiunt, publice proclamandis.*

Item volumus, & sub pœna excommunicationis latæ sententiæ mandamus, ut nemo vestrum quascunque personas matrimonialiter copulare præsumat, nisi diebus festivis publicaverit de umbone, quod talis & talis intendunt matrimonialiter copulari, tam virum, quam virginem, sive feminam, propriis eorum nominibus & cognominibus exprimendo & nominando; ut si quis sit, qui aliquod impedimentum noverit inter eos, vel alias contradicere velit, revelandi & contradicendi liberam habeat facultatem. Contrarium faciens, tanquam excommunicatus per præsentem, a Christi fidelibus vitari debet, nisi nostris aut Officialis nostri visis literis, aliter disponentibus.

VI. *De rebus sacris non alienandis, aut ad usus privatos transferendis.*

Item inhibemus, ne quisquam Clericorum aut laicorum nostræ civitatis & Diocesis campanas, libros missales, vestes sacras, vel quæcunque ornamenta, semel dedicata Ecclesiis, & Altaribus appropriata, amplius ad humanos usus transferre, pignori obligare aut vendere quoquomodo præsumat absque nostra aut Officialis nostri speciali licentia & voluntate. Alioquin emptor & mutuans pretio, quod expenderunt pro vel super eisdem, sint omnino privati per præsentem, quod ad pios usus volumus converti, & venditor ac oppignorans excommunicentur, donec id, in quo deliquerunt, ad arbitrium nostrum seu nostri Officialis sufficienter emendaverint.

VII. *De rebus furto ablatiis non recipiendis.*

Insuper prohibemus, ne quisquam res spoliatas, seu furtive substractas scienter venditionis, pignoris seu quocunque alio titulo ad se recipere, & in usus suos convertere præsumat. Contrarium faciens ultra pœnam juris, quo pretio,

quod expendit pro eisdem, privatus est, ac ad restituendum simpliciter tenetur, per Nos aut nostrum Officialem coerceatur, donec & quousque id duxerit debite emendandum.

VIII. *De falsariis monetarum &c. excommunicandis.*

Item omnes falsarios monetarum & librarum quarumcunque, ac homicidas voluntarios excommunicamus Dei nomine per præsentem.

IX. *De cerevisiis & ponderibus non falsificandis.*

Insuper prohibemus, ne quisquam vina, cerevisiam, blada vel quascunque res vendibiles fraudulenter causâ avaritiæ miscere præsumat; nec etiam pondera aut mensuras in eis, quæ sub certis pondere & mensura constitutis venduntur, falsificet; alioquin contrarium faciens, donec & quousque satisfecerit læso, & se emendaverit, excommunicetur, & alias, prout Judici suo æquum videbitur, puniatur.

X. *De usurariis excommunicandis.*

Item usurarios publicos & privatos præsentibus monemus, ut infra trium dierum spatium desistant; alioquin ipsos; prout juxta Statuta Canonica actu excommunicati & privati sunt, excommunicamus etiam communione Corporis Christi, & sepultura Ecclesiastica privamus per præsentem. Si quis vero Clericus aut Religiosus, cujuscunque sit religionis aut status, eosdem usurarios a sententia excommunicationis hujusmodi absolverit, & ad Ecclesiasticam sepulturam receperit, publice aut occulte, frivole contra hujusmodi mandatum nostrum, eundem pro nunc, ut & tunc, & econtra, excommunicamus Dei nomine in his scriptis.

XI. *De indulgentiis non abutendis.*

Item districtius inhibemus, ne quæstores quarumcunque Ecclesiarum, etiam si sint per Nos admissi, vires seu continentias suarum literarum excedant, ac indulgentias excessivas indiscrete pronuntient, seu a votis, in quibus non habent potestatem, absolvant. Alioquin, post-

postquam de talibus fuerint informati , possunt personaliter capi , & Nobis ab Officiali nostro puniendi pro excessibus suis præsentari , dummodo tamen de fuga sint suspecti , alias debent citari , arrestari , ac excommunicari , donec & quouſque satisfecerint pro excessibus suis ad arbitrium iudicantis.

XII. *De ligatis non temere absolvendis.*

Item volumus , ut omnes ligati nunc & etiam antea sententiis & pœnis juris communis , vel nostrorum Statutorum Provincialium ac Synodaliū , a nullo Sacerdote absolvantur , qui nostras literas super hoc exhibere non poterit speciales ; sed ad Nos aut Vicarium nostrum in Spiritualibus remittantur absolvendi. Et si quisquam contra hujusmodi nostram ordinationem se de talibus absolvendo pertinaciter intromittat, eundem suspendimus ab ingressu Ecclesiæ per præſentes.

XIII. *De cedentibus & cessionariis puniendis.*

Item contra novum malitiæ hominum deceptionis commentum prohibemus , ne quisquam cessionis actionem transferat in alium potentiorē vel æqualem personam fraudulenter ; & ne simili modo quisquam tales cessiones ad se recipere præſumat. Si contrarium fiat , cedens quinque marcas, & cessionarius etiam quinque , & Judex talis causæ cessionariæ decem marcas, Magdeburgensis Gwarandiz, Nobis dare & solvere pro emenda teneantur ; nisi tam cedens quam cessionarius coram competente Iudice juraverit , quod in hujusmodi cessione cedens pro rebus cessis nullum fructum exspectabit in futurum, & quod hujusmodi cessio non per dolum aut fraudem fiat , aut causa ponendi fortiorē & potentiorē adversarium suo debitori.

XIV. *De transgressoribus Statutorum deferendis.*

Item mandamus , & volumus , ut infra menſem, postquam innotuerit vobis , aliquem excessisse contra Statuta nostra , executori Statutorum nostrorum id inimicare curetis , & executorem eorundem Statutorum Vicarium nostrum

in Spiritualibus , ac Officialem generalem duximus deputandum , & deputamus per præſentes.

XV. *De Officiis celebrandis in majoribus Festis etiam excommunicatis concedendis.*

Item, ut per totam septimam (*) communem , & in commemoratione omnium animarum, in singulis festis B. MARIE Virginis, Sanctorum Petri & Pauli, Nativitatis B. Johannis Baptistæ, S. Michaelis , omnium Sanctorum , S. Mauritii, S. Elisabethæ, Dedicationis vestrarum Ecclesiarum, in Ecclesiis vestris, ecclesiastico suppositis interdicto , vel ubi cessatum fuerat a Solemnitatibus Divinorum auctoritate nostra, seu nostrorum Iudicum, vel Archi-Diaconorum , ob reverentiam Dei, & Divini cultus augmentationem, excommunicatis tamen , & his , qui causam dederunt interdicto, exclusis, solemniter possitis celebrare Divina officia, vobis misericorditer indulgemus.

XVI. *De Rectoribus Ecclesiarum.*

Item volumus & mandamus , ut nullus Rectorum Parochialium Ecclesiarum nostræ Civitatis & Diœcesis se a sua Ecclesia absentare præſumat, nisi a Nobis, aut nostro Officiali licentiam petierit , & obtinuerit specialem. Contrarium faciens, eadem & sua Ecclesia, a qua recedit, privabitur iustitia mediante.

XVII. *De Mandatis Superiorum reverenter recipiendis.*

Item mandamus vobis omnibus & singulis prædictis, ut nostra, nostrorumque Commissariorum , ac Officialis nostri, seu Vicarii in Spiritualibus mandata, & literas mandatorum, dum vobis offeruntur, reverenter recipere , & exequi curetis. Alioquin contrarium facientem ac quemcunque in his rebellem suspendimus ab ingressu Ecclesiæ per nunc, & ex tunc, & contra, per præſentes.

XVIII. *De Refractoriis excommunicandis.*

Inhibentes insuper omnibus & singulis Prælatiſ, & Archi-Diaconis prædictis, ne quisquam eorum frivole in nostræ auctoritatis præjudicium subditis suis

(*) *Locus corruptus.*

suis inhibeat, ne nostras Commissario-
rum nostrorum, aut Officialis nostri lita-
ras recipiant, & exequantur mandato-
rum. Contrarium facientes, excommu-
nicentur.

XIX. *De Cultu Divino secundum morem
Ecclesiæ Metropolitanae compo-
nendo.*

Item volumus & mandamus, ut
omnes & singuli Presbyteri & Clerici in
nostra civitate & Diocesi Beneficia, Offi-
cia, Capellanas, Officiaturas, seu alias
domicilium habentes in Ecclesiis Paro-
chialibus, in Divinis Officiis celebran-
dis, aut peragendis, Divinum ordinem
& Breviarium, ritum & morem nostræ
Ecclesiæ Magdeburgensis studeant ob-
servare. Contrarium facientes per Nos
aut Officiale nostrum debite punian-
tur.

XX. *De pecuniis aliisque rebus Magistro
fabricæ Ecclesiæ Metropolitanae
dandis.*

Item, ex quo Ecclesia nostra Caput
est & Magistra omnium Ecclesiarum no-
stræ civitatis & Diocesis, imo & totius
Provinciæ, & omnes excellit in dignita-
te, ita & dignum esse arbitramur, ut
præfulgeat in structura & ornamentis.
Mandamus igitur, ut subditos vestros
in Ecclesiis vestris & alibi, ubi videbitur
opportunitatem; sæpius publice & solem-
niter moneatis, ut vagas restitutiones
seu pecunias, & alias res pro commu-
tatione votorum debitas, nullis quæsto-
ribus Religiosis aut secularibus dare aut
tradere præsumant; sed ea tantummodo
Magistro fabricæ Ecclesiæ nostræ prædi-
ctæ fideliter dare & præsentare tenean-
tur. Alioquin ad solvendum easdem
res, ac ad restituendum denuo ipsos
volumus esse adstrictos & obligatos per
præsentem.

XXI. *De Casibus reservatis.*

Item quia, ubi magis periculum
imminet, cautius est agendum, casus
maiores, videlicet hæresis, Simonia, læ-
sæ Majestatis Divinæ & humanæ, testa-
mentarias, homicidii, sacrilegii, im-
munitatis Ecclesiarum, incendiariorum,
fractionis votorum, injectionis manu-
um violentarum in Clericos, apostasia,
schismatis, falsariorum quarumcun-
que literarum & monetarum, oppres-
sionis parvulorum, maleficiorum, pec-
cati contra naturam, decimarum, usu-
rarum, oblationum, adulterii, ince-
stus, stupri, libertatis egregiarum per-
sonarum, dotis atque matrimoniales,
ceterasque a jure communi & statutis
Prædecessorum nostrorum, Nobis in foro
pœnitentiæ reservatos, etiam in foro
contentioso & judiciali Nobis aut Offi-
ciali nostro tantummodo, auctoritate Or-
dinaria judicandos specialiter reservamus
per præsentem: mandantes universis &
singulis Archidiaconis & iudicibus infe-
rioribus quibuscunque nostræ civitatis
& Diocesis, ne se deinceps in & de tali-
bus causis, ubi & quando judicalem re-
quirunt indaginem, judicando intro-
mittant quoque modo; sed easdem,
dum proponuntur, ad Nos aut nostrum
Officiale judicandos remittant. Non
tamen per hoc (*), quin in notoriis, cum
visitant Ecclesias & populum sibi subje-
ctum, in his culpabiles & delinquentes
sine strepitu & figura iudicii simpliciter
& de plano possint & valeant corrigere
& emendare, ubi hoc ad ipsos ex con-
suetudine laudabili dignoscitur pertinere.
Contrarium facientem, per tres menses
pro nunc ut & tunc & e contra suspen-
dimus ab officio judicandi per præsentem,
& si advertere non curabit, excommu-
nicetur.

*Communicavit Clarissimus D. ab Erath,
Consiliarius Nassovico-Dillenburgericus.*

(*) *Supple: inhihemus.*



GEORGIUS, Episcopi Bambergensis, Confirmatio & Extensio Statutorum Synodaliū suæ Diocesis.

Anno Christi MDVI. Julii II. PP. III.

Maximiliani I. Imp. XIII.

GEORGIUS (*), DEI ET APOSTOLICÆ SEDIS GRATIA EPISCOPUS BAMBERGENN. UNIVERSIS ET SINGULIS IN CHRISTO NOBIS DEVOTIS DILECTIS, AB-
BATIBUS, PRIORIBUS, PREPOSITIS, DECANIS, ARCHI-DYACONIS, SCO-
LASTICIS, CANTORIBUS, CUSTODIBUS, THESAURARIIS, SUCCENTORIBUS,
CANONICIS, COLLEGIIS, CAPITULIS ET CONVENTIBUS, PAROCHIALIUMQUE
ECCLESiarUM RECTORIBUS, VICARIIS PERPETUIS, CAPELLANIS, PRIMISSA-
RIIS, ALTARISTIS, PRESBYTERIS CURATIS, ET NON CURATIS: DYACONIS,
SUBDYACONIS, ET TAM SECULARIBUS, QUAM ORDINUM QUORUMCUNQUE REGULARIBUS
CLERICIS: TOTIQUE CLERO CIVITATIS ET DYOCESIS NOSTRE BAMBERGENN. CU-
JUSCUNQUE ETIAM DIGNITATIS, STATUS, GRADUS, ORDINIS AC PREEMINENTIE, ET
EXCELLENTIE EXISTANT, COMMUNITER ET DIVISIM, SALUTEM IN
DOMINO SEMPTERNAM.

*Inferuntur hic Statuta Synodalia anni MCCCCXCI. relata in Tomo V. a pag. 597. Sed
Tit. XLIV. De Judeis. post ultima verba: opera medicinæ exerceant. ad-
dita sunt, quæ sequuntur:*

MAndamus etiam, & in virtute san-
cte obedientie sub pena excom-
municationis precipimus omnibus &
singulis subditis, nostreque ditioni sub-
jectis utriusque sexus Diocesis nostris,
& per universam Diocesi. nostram consti-
tutis, ut nemo, cujuscunque status, aut
conditionis existat, cum Judeis aliquam
habeat communionem comedendo, bi-
bendo; hospitando, domos, aut habi-
tationes locando, emendo, vendendo,
aut quavis alia ratione vasa, vel clinodia,
annulos, vestes, res aut bona parvi aut
magni valoris, quibuscunque appellen-
tur nominibus, impignorando, vel in
custodiam recipiendo, aut ipsis traden-
do, neque consensum ad id adhibendo,
seu permittendo, vel in aliis casibus, a
jure prohibitis participando: cum veri-
simile sit, omnia hec supra dicta in frau-
dem fieri usurarum. Inhibentes nostris
Capitaneis, Præfectis, Officialibus, Scul-
tētis, Judicibus, Lentgraviis, Granato-
ribus, & Scabinis omnium & singulo-
rum nostrarum Civitatis & Diocesi. Judi-
ciorum, ne aliquis querimoniam seu
petitionem in judicio super quacunque
usura a quovis Judeo admittat vel reci-

piat: nec sententiam aliquam super hoc
dicat, aut executionem faciat; verum
hujusmodi petitiones & causas rejiciat,
& annulet. Ac ubi contingeret aliquem
ex Judeis propter mutuum, vel aliud le-
gitimum debitum pro summa capitali
querimoniam offerre, debet Judex illius
judicii terminum legitimum reo Christia-
no statuere, in quo reus juramento af-
firmare debet, quantum ab initio per-
ceperit, & Judeo de vera capitali sum-
ma absque fenore & usura debuerit; in
quo Judex juxta consuetudinem & ob-
servationem illius judicii contra reum
executionem facere, & ad satisfaciendum
ipsum compellere debet. Si vero quis-
piam repertus fuerit, qui hoc præsum-
ptum nostrum transgressus sit, &
ob id in pœnam excommunicationis, ut
preferitur, inciderit, illius absolutionem
nobis duntaxat reservamus: ita, ut non
nisi a nobis, aut de speciali mandato no-
stro absolvi possit.

Dat. in civitate nostra Bambergenn.
Anno Domini Millesimo quinquagesimo
sexto. Feria tertia post Dominicam, qua
in Ecclesia Dei cantabatur officium *Ex-
audi.*

Ejus-

(*) Georgius Schenck, Baro de Limburg, Bambergensi in Episcopatu successit Georgio
ab Ebner anno 1505. defuncto. Præfuit suæ Ecclesiæ usque in annum 1522.

Ejusdem GEORGII Episcopi Bambergensis

Mandatum ad Decanos & Camerarios, seu Thesaurarios Rurales, ut Clerum sibi subiectum ad Synodalia Statuta observanda adstringant.

Anno Christi MDVII. Julii II. PP. IV.
Maximiliani I. Imp. XIV.

GEORGIUS, DEI GRATIA EPISCOPUS BAMBERGENN., UNIVERSIS
ET SINGULIS NOSTRE DIOCESIS DECANIS, NEC NON CAMERARIIS,
SEU THESAURARIIS RURALIBUS SALUTEM IN DOMINO, ET NOSTRIS
HUIUSMODI FIRMITER OBEDIRE MANDATIS.

CUM secundum Sanctorum Patrum instituta, & juris communis Sanctiones Christi militares, laudibus Divinis deputati, vita, gestu, moribus & habitu honeste se regere, & suorum Superiorum rationabilibus preceptis obedire teneantur, Nosque propterea Statuta nostra Synodalia prefata, vestigiis Patrum Sanctorum prefatorum, & Predecessorum nostrorum, jurisque communis Sanctionibus inherendo, singulis annis publicare facimus: que cum a plerisque Clericis nostris preteriri ymo temere violare conspiciamus: & quidem condolenter referimus, vitam & honestatem Clericalem adeo apud quamplures nostrarum Civitatis & Dioecesis Clericos esse obumbratam; ut vix inter Clericos & laycos discrimen habeatur: & ipsa Statuta nostra Synodalia in ipsorum Clericorum cordibus oblitterata, & a pluribus non visa aut perlecta vilipendantur: nullam propter nostram, quam hactenus pii Pastoris more tolleravimus patientiam, capientes emendationem.

Ne igitur major ad inobedientiam detur occasio, & ne patientia nostra huiusmodi ad delinquendum incentivum tribuat & audaciam; vobis omnibus & singulis supradictis tam conjunctim, quam divisim in virtute sancte obedientie, & sub excommunicationis pena districte precipiendo mandamus, quatenus omnes & singulos Presbyteros & Clericos rurales, sub districtibus & sedibus, atque Parochiis vestris constitutos, se in vita, conversatione, habitu clericaliter non gerentes, ac nostrorum Synodali, & Sanctorum Patrum Statutorum trans-

gressores, precipue in beneficiis eorum curatis, vel non curatis, sine nostra licentia non residentes, aut beneficia non confirmata providentes, aut in Capellis arcium, seu castrorum, vel in Altaribus portatilibus Divina, licentia seu admissione nostris non obtentis, celebrantes officia, seu eadem admissione non obtenta, peregrinos Clericos admittentes: aut absque testamentis decedentes, & eorundem Clericorum pretensores testamentarios, & bonorum occupatores seu dispensatores, & reliquos Statutorum nostrorum Synodali, violatores, ad nostram, & Vicarii, seu Commissarii, vel Officialis, seu etiam Fiscalis nostri in Spiritualibus audientiam, totiens quotiens illud contigerit, deferre quantocius procuretis: significantes Nobis negociorum huiusmodi, quantum vobis innotescit, & innotescere poterit, per literas aut nuncios vestros merita.

Alioquin contra vos, qui in premissis culpabiles fueritis, tanquam contra inobedientes, juxta negotii qualitatem, prout dignum fuerit & justum, procedemus, inobedientiam huiusmodi condigna animadversione feriendo.

Dat. in civitate nostra Bambergenn. Anno a Nativitate Domini 1507. die vicesima Junii.

STEFFANUS SCHNEIDENWINT
Fiscalis subscripsit.

Intimetur per Cursores juratos.

Ejus-

*Ejusdem GEORGII Episcopi Bambergensis**Declaratio Statuti Synodalis, de gestandis sub Officio**Divino Superpelliciis, edita**Eodem anno Christi MDVII.*GEORGIUS, DEI GRATIA EPISCOPUS BAMBERGENSIS, UNIVERSIS
ET SINGULIS PRÆSENTES NOSTRAS LITERAS INSPECTURIS, LECTU-

RIS, ET LEGI AUDITURIS, SALUTEM IN DOMINO SEMPTERNAM.

Debitum Officii nostri exigit, & ratio deposcit, ut emergentia circa condita per Nos Statuta dubia per declarationis remedium submoveantur. Dudum siquidem & in initio Pastoralis nostri Regiminis inter alias Constitutiones Synodales statuimus, ac sub suspensionis pena, ut Prebendati Primissarii, & Beneficiati Parochialium Ecclesiarum in Processionibus, Matutinis, Missis, Vesperis & Completoriis, in plenis Officiis, ac novem Lectionum, & Dominicis diebus superpelliciatu interessent. Volumus & mandamus, prout in eadem Constitutione, cujus tenorem hic pro expresso haberi volumus, latius continetur. Et quia deinde ab aliquibus, ut accepimus, versum fuit in dubium, an predicti Prebendati Primissarii, & Beneficiati indifferenter quarumcunque Parochialium Ecclesiarum ad hujusmodi processionum & Divinorum interessentiam, de quibus in dicto Statuto fit mentio, tenerentur. Ad hujusmodi ambiguitatis dubium tollendum, & ex certis rationabilibus, animum nostrum moventibus causis, declaravimus Auctoritate nostra Ordinaria, declaramus per presentes, & in hiis scriptis, nostre intentionis, mentis, & voluntatis fuisse & esse, eosdem Prebendarios Primissarios, &

Beneficiatos in Parochialibus Ecclesiis existentes, in quibus hujusmodi Processiones & Divina Officia in festis & diebus in statuto expressis per Plebanos, Vice-Plebanos, Cooperatores, Rectores Scholarium, Chorales, & Scholares, aut aliquos eorum ex consuetudine, sive fundatione, absque prefatorum Prebendariorum, Primissariorum, & Beneficiatorum interessentia hæctenus fieri, celebrari, & cantari consueverunt, per hujusmodi Statutum nostrum minime comprehensos fuisse, fore, seu esse: neque hujusmodi Processionum & Divinorum interessentiam aut aliter, quam hucusque introductum, observatum, & consuetum fuit, in aliquo obligasse, aut obligare: sive ultra tenores eorum fundationum Beneficiorum gravasse, seu gravare voluisse aut velle. Quam quidem declarationem nostram hujusmodi, Statuto prædicto alias in suo robore permanens, observari, & in valvis Ecclesie nostre Bambergensis publicari, ac ad alias Constitutiones annotari volumus & mandamus presentium per tenorem. Dat. in Civitate nostra Bambergenn. Anno a Nativitate Domini Millesimo quingentesimo septimo, Feria tertia mensis Julii, nostri Vicariatus sub sigillo presentibus impresso.

SYNODUS WRATISLAVIENSIS

Anno Christi MDIX, Julii II. PP. VI.

Maximiliani I. Imp. XVI.

*Per Reverendissimum in Christo Patrem & Dominum, Dominum
JOANNEM Quintum, Episcopum Wratislaviensem, vigesima quarta mensis Aprilis celebrata.*

Reverendissimus in Christo Pater & Dominus, Dominus JOHANNES (*) QUINTUS, Episcopus Wratislaviensis. præmissis citationibus solitis, vocatis

Tomus VI. Concilior. German.

I 2

catis ad hoc omnibus, & singulis legitime, qui de jure, seu consuetudine fuerant evocandi, *Synodum Generalem Diocesanam* celebravit eo modo, & ordine servato, prout in Synodalibus actis Reverendissimi olim Domini RUDOLPHI, Episcopi Wratislaviensis. Prædecessoris suæ R. P. declaratum est, continuando eam per tres dies: in quarum prima die imprimis sua R. P. coram Clero ejusdem Synodi Promotorem constituit Venerabilem Eximium Virum, Dominum Mathiam Kolbe, Sacræ Theologiæ Doctorem, Archidiaconum Ecclesiæ majoris Wratislaviensis: qui Dominos Prælatos, Canonicos, & Clerum locavit, quemadmodum quisque in Synodo dicti olim Reverendissimi Domini RUDOLPHI Episcopi locum obtinuit: item & Notarium Synodi, Dominicum Schleupner, Ecclesiæ Collegiæ S. Ægidii Wratislaviensis. Canonicum, & Cancellariæ suæ R. P. Scribam.

Et deinde sua R. P. propria in persona solenniter cantavit Missam de Sancto Spiritu: qua finita, & sua P. in loco, seu stallo suo stante, Venerabilis, & Egregius Vir, Dominus Stanislaus Sawer, Decretorum Doctor, & præfate majoris Ecclesiæ Wratislaviensis. Canonicus, post acceptam a Reverendissimo Domino Episcopo benedictionem, doctum, arque elegantem ad Clerum fecit sermonem. Quo finito, Dominus Doctor Mathias Kolbe, Promotor Synodi, absentium contumaciam accusavit. Et literas Constitutionum Sacri Concilii Basilien. in pergameno scriptas, salvas, & integras, Bulla ejusdem Concilii plumbea, filo Canapis appendente sigillatas, Dominico Schleupner Notario exhibuit: & inde Decretum de Concubinariis legi jussit, hujus, qui sequitur, tenoris:

SACROSANCTA GENERALIS SYNODUS BASILIENSIS, IN SPIRITU
SANCTO LEGITIME CONGREGATA, UNIVERSALEM ECCLESIAM REPRESENTANS, AD
PERPETUAM REI MEMORIAM.

Quicumque Clericus, cujuscunque status, conditionis, religionis, dignitatis, etiam si Pontificalis, vel

alterius præminentiae existat, qui post hujus constitutionis noticiam, quam habere præsumatur, per duos menses, post publicationem ejusdem in Ecclesiis Cathedralibus, quam ipsi Diocesani omnino facere teneantur, postquam eadem constitutio ad eorum noticiam pervenerit: fuerit publicus concubiniarius, a perceptione fructuum omnium suorum beneficiorum trium mensium spatio, sit ipso facto suspensus, quos suas Superior in fabricam vel aliam evidentem Ecclesiarum utilitatem, ex quibus hi fructus percipiuntur, convertat. Nec non hujusmodi concubinariarum, ut primum esse talem innotuerit, mox suas Superior monere teneatur, ut infra brevissimum terminum concubinam dimittat: quam si non dimiserit, vel dimissam, aut aliam publice resumpserit, jubet hæc Sancta Synodus, ut ipsum suis omnibus Beneficiis omnino priveat. Et nihilominus hi publici concubinarij, usquequo cum eis per suos Superiores, post ipsarum concubinarum dimissionem, manifestamque vitæ emendationem, fuerit dispensatum, ad susceptionem quorumcunque bonorum, dignitatum, beneficiorum, vel officiorum sint inhabiles. Qui, si post dispensationem recidivo vomitu, ad hujusmodi concubinatum publicum redierint, sine spe alicujus dispensationis ad prædicta prorsus inhabiles existant. Quod si hi, ad quos talium correctio pertinet, eos, ut prædictum est, punire neglexerint, eorum Superiores, tam in ipsos de neglectu, quam in illos pro concubinato, modis omnibus digna punitione animadvertant. In Conciliis etiam Provincialibus, & Synodalibus, adversus tales punire negligentes, vel de hoc crimine diffamatos, etiam per suspensionem a collatione beneficiorum, vel alia condigna poena severiter procedatur.

Et si hi, quorum destitutio ad Summum Pontificem spectat, per Concilia Provincialia, aut suos Superiores propter publicum concubinatum reperiantur privatione digni, statim cum processu inquisitionis, ipsi summo Pontifici deferantur. Eadem diligentia, & inquisitio in

(*) Fuit is Joannes Thurzo, Cracoviensis, Frater Stanislai Episcopi Olomucensis, multa eruditionis laude claruit. Plures ejusdem Epistolæ reperiuntur in operibus Erasmi, cui singulari addictus amicitia fuerat. Wratislaviensem Ecclesiam ab anno 1506. moderatus est usque ad annum 1520., qui regiminis ejus & vitæ ultimus fuit.

in quibusvis Capitulis Generalibus, & Provincialibus, quo ad suos servetur, pœnis aliis, contra prædictos, & alios non publicos concubinariorum, Statutis in suo robore permanfuris.

Publici autem intelligendi sunt non solum ii, quorum concubinatus per sententiam, aut confessionem in jure factam, seu per rei evidentiam, quæ nulla possit tergiversatione celari, notorius est; Sed qui mulierem de incontinentia suspectam, & infamatam tenet, & per suum Superiorem admonitus, ipsam cum effectu non dimittit. Quia vero in quibusdam Regionibus nonnulli jurisdictionem Ecclesiasticam habentes, pecuniarios quæstus a concubinariis percipere non erubescunt, patiendi eos in tali fœditate fordescere; sub pœna maledictionis æternæ præcepit, ne deinceps sub pacto, compositione, aut spe alicujus quæstus, talia quovismodo tolerant, aut dissimulent; alioquin ultra præmissam negligentiae pœnam, duplum ejus, quod propterea acceperint, restituere ad pios usus omnino teneantur, & compellantur. Ipsas autem concubinas, seu mulieres suspectas Prælati modis omnibus curent a suis subditis, etiam per brachii sæcularis auxilium, si opus fuerit, penitus arcere. Quin etiam ex tali concubinato procreatos filios apud patres suos cohabitare non permittant.

Jubet insuper hæc Sancta Synodus, ut etiam in prædictis Synodis, & Capitulis hæc constitutio publicetur, & quilibet suos subditos ad ipsarum concubinarum dimissionem moneat diligenter: injungit præterea omnibus sæcularibus Viris, etiam si Regali præfulgeant dignitate; ne ullum quaecunque inferant impedimentum, quocunque quæsito colore, Prælati, qui ratione officii sui adversus suos subditos pro hujusmodi concubinato procedunt.

Et cum omne fornicationis crimen Lege Divina prohibitum sit, & sub peccati mortalis pœna necessario evitandum, monet omnes laicos tam uxoratos, quam solutos, ut similiter a concubinato abstineant, nimis enim reprehensibilis est, qui uxorem habet, & ad alienam mulierem accedit: Qui vero solutus est, si continere nolit, juxta Apostoli consilium, uxorem ducat. Pro hujus au-

tem Divini observatione Præcepti, ii, ad quos pertinet, tam salutaribus monitis, quam aliis Canonicis remediis omni studio laborent. &c.

Deinde Reverendissimus Dominus Episcopus lectioni finem imponens, tunc præsentibus universis hora decima nona in Aula Episcopali comparandum, & defectus, quos haberent, proponendum constituit. Hora itaque XIX. in Aula Episcopali quorundam Capitulorum Nuntii, item Wratislaviens. & aliorum passim Sedium Wratislaviens. Diocesis Archi-Presbyteri complures, proposuerunt in scriptis articulos, quorum aliqui lecti sunt, quibus Reverendissimus Dominus Episcopus ex tempore respondit: Alios vero, qui sequentibus duobus diebus legebantur, dixit, se velle partim cum tempore reformare: & ut plurimos hujusmodi defectus constitutionibus melioribus reformari non posse, quam a suis Prædecessoribus Dominis Episcopis Wratislaviens. accuratissime constitutum existeret; sed negligentia Sacerdotum & Clericorum, quod dicta Statuta legere non curarent, multi committerentur errores, statum, & rem ipsam Ecclesiasticam dedecorantes. Condidit igitur per totam istam Synodum, eadem unanimiter approbante, Statuta subsequencia:

Sequuntur Statuta & Ordinationes per præfatum Reverendissimum in Christo Patrem & Dominum, Dn. JOAN- NEM Episcopum Wratislaviens. edita.

IN NOMINE DOMINI. AMEN.

NOS JOHANNES, DEI GRATIA EPISCOPUS WRATISLAVIENSIS, UNIVERSIS, ET SINGULIS DOMINIS ABBATIBUS, PREPOSITIS, PRÆLATIS, CANONICIS, DOMORUM MAGISTRIS, PRIORIBUS, ARCHI-PRESBYTERIS, CÆTERISQUE PRESBYTERIS; ET CLERICIS, IN ET PER CIVITATEM, ET DIOECESIN NOSTRAM WRATISLAVIEN. UBILIBET CONSTITUTIS, SALUTEM IN DOMINO SEMPITERNAM.

Quamquam a Prædecessoribus nostris (felicis record.) olim Dominis

CONRADO, PETRO, RUDOLPHO, & JOHANNÉ Episcopis Wratislaviensibus, Synodalibus eorum Constitutionibus, ad statum, honestatemque Ecclesiasticam nostræ Diœcesis pertinentia, singula quæque adeo provide, ac solerter instituta, & ordinata sint, ut pene singulis defectibus, & gravaminibus, Nobis in hac præsentī Synodo propositis Statuta quædam eos reformantia respondeant: reperimus tamen ob Clericorum desidiam, qui memorata Statuta habere, legere, ac nosse non curarunt, in Diœcesi nostra multum aberrari. Ideo innovando, repetendo, & approbando omnia, & singula præfatorum Reverendissimorum Dominorum Episcoporum, Prædecessorum nostrorum Statuta, & Ordinationes in his præsertim, quæ libertatem, & immunitatem Ecclesiasticam, atque Personarum Ecclesiasticarum honestatem concernunt.

Quod Sacerdotes habeant, & legant Provincialia, & Synodalia Statuta.

Statuimus, ordinamus, ac districte præcipientes mandamus: quod quilibet Presbyter, & præsertim qui aliquam regit Ecclesiam nostræ Diœcesis, Provincialia, atque præsentia nostra, nec non CONRADI, PETRI, RUDOLPHI, & JOANNIS Episcoporum Synodalia Statuta apud se, & Ecclesiam suam permanens amaret, & diligenter perlegat; & in Sacramentorum administratione, & in his, quæ ad Sacerdotalia officia, honestatemque Clericalem spectant, se se fecundum ea gerat. In Ecclesia sua, prout, & quantum in eisdem publicandum mandatur, publicet, denuntiet, inviolabiliter observet, ac servari faciat, sub penis in eisdem Statutis contentis. Quia vero complures in nostra Diœcesi Presbyteros, & Clericos reperimus, qui ex desidia (etiā si haberent) Statuta ipsa legere non curarent, ut scilicet & ejusmodi ad ea sciendum trahantur, & compellantur: Volumus, & mandamus, quod omnes & singuli Archi-Presbyteri, quilibet in Archi-Presbyterali sua sede in locum aliquem competentem, utpote in oppidum, vel villam, singulis anni quatuor temporibus, omnes & singulos suæ sedis Presbyteros, Ecclesiarum Rectores convocat, quos ad convoca-

tiones hujusmodi veniendum præsentī nostræ Synodali Constitutione astringimus, demptis eorum paucis, qui interea domi pro absentibus Plebanis curam Sacramentorum administrandorum gerant: ita tamen, quod pro alia vice quidam alii ex iis Plebanis, qui proximæ convocationi interfuerant, ad domum manendum deputentur, ut isti, qui nuper domi relictī fuerant, deinde ad convocationem veniant. Archi-Presbyteris vero districte injungimus, & in virtute sanctæ obedientiæ mandamus: ut tunc ante omnia, præsentibus, & audientibus omnibus, Statuta præfatorum nostrorum Antecessorum, atque nostra intelligibili voce utque in finem diligenter legi faciant, quatenus nullus eorum ignorantiam prætereundere possit, sed omnia rectius, & laudabilius ad Divinam laudem observentur.

Deinde de Ordinibus sacris singulorum ipsarum Sedium Presbyterorum, & præcipue peregrinorum, non ex nostra Diœcesi existentium, ubi scilicet & quomodo unusquisque ordinatus sit? Qua auctoritate Ecclesiam regat, an investituram, vel commendam habeat? De vita, moribus, & defectibus eorundem: per omnia, sicut in præmissis Dominorum Episcoporum statutis Archi-Presbyteri sibi injectum esse reperient, fideliter, & diligenter examinent, scrutentur, & prosequantur.

Inhibemus autem, ne se aliquis absenter, aut de oppido, vel villa, & loco pro convocatione deputato recedat, priusquam omnia præmissa obedienter expleta fuerint, & Archi Presbyter eis omnibus, & singulis licentiam ad propria remeandi concefferit, sub pena excommunicationis, & multa arbitrio nostro reservata: nisi quis rationabilem causam haberet, propter quam ab Archi-Presbytero licentiam ad hoc obtinere mereretur.

De Sententia Excommunicationis.

Super consultatione vero, & ad instantiam plurimorum Presbyterorum in hac Synodo congregatorum, declaramus: quod deinceps in nostra Diœcesi nullus sive Clericus, sive laicus fuerit, ab Excommunicationis sententiā absolvi debeat sine expresso partis alterius consensu;

sensu, aut sufficienti cautione prout de jure. Et qui propter contumaciam non comparitionis sententiis excommunicationis innodati fuerint, ante omnia teneantur juxta juris communis Sanctionem, & Consistorii nostri Wratislaviensis observatam consuetudinem, ad refundendum parti obedienti expensas, quas parti illi vel in judicio coram iudice, in partis absentia cautionem de stando juri suscipiente, reddere, & ponere debent: nisi a parte actrice aliter consensum fuerit, quatenus rea pars absolvarur.

De Festo Sanctæ Annæ.

Item hac Synodo unanimiter approbante, statuimus: quod Festum Sanctæ Annæ, quod hactenus novem lectionum in Diocesi nostra tentum est, de-

inceps perpetuis futuris temporibus in omnibus, & singulis, tam in nostra majore Sancti Joannis Wratislaviensis, quam Collegiatis, & aliis quibuscunque nostræ Diocesis Ecclesiis, sub duplici officio observetur: ut sic majore Sanctæ ipsius matris adjuti suffragio, tranquilliorum Ecclesiæ statum, & vitam æternam consequamur. In quibus omnibus, ut rite agantur, vestras, & omnium, quorum interest, conscientias oneramus per præsentem; quibus sigillum nostrum majus appendi iussimus in robur sempiternum.

Actum, & datum Wratislaviæ in Synodo celebrata die vigesima mensis Aprilis: Anno Domini Millesimo quingentesimo nono.

SYNODUS TORNACENSIS

Anno Christi MDIX. Julii II. Papæ VI.
Maximiliani I. Imp. XVI.

Statuta Synodalia Diocesis Tornacensis novissime roborata per Reverendum in Christo Patrem, Dominum KAROLUM, ejusdem Diocesis Episcopum.

KAROLUS, (*) DEI ET APOSTOLICÆ SEDIS GRATIA
TORNACENSIS EPISCOPUS.

ET si tum propter diuturnas, graves & dispendiosas lites ratione nostri Episcopatus, annis fere viginti tribus, & usque ad nostram ad eundem Episcopatum assumptionem, per totam penes nostram Diocesin habitas atque subortas, tum propter crudelia bella atque dissensiones, quæ inter Reges & Principes in Flandriæ, & aliis nostræ Diocesis partibus, proh dolor! diutius vigerunt: synodare, pleraque alia Ecclesiarum, Monasteriorum ac aliorum piorum loco-

rum, personarumque dictæ nostræ Diocesis augmentum, salutem, morumque & vitæ reformationem, nec non jurisdictionis nostræ Ecclesiasticæ incrementum concernentia, fuerint hactenus & sint (unde non parum dolemus) passim omissa atque prætermissa, non sine gravi dictarum Ecclesiarum, Monasteriorum, locorum, & personarum ipsarum damno & præjudicio, ob quod Divinus cultus atque libertas Ecclesiastica ferme abolita, scelera, peccataque infi-

(*) Carolus du Haut-Bois, natione Gallus, & Regis Christianissimi Consiliarius, a Canonicis Ecclesiæ Tornacensis Episcopus postulatus fuit anno 1506. eodemque anno a Summi Pontificis Legato consecratus. Synodum celebravit anno 1509. Idib. Decembris, in qua Prædecessorum Statuta, paucis additis, renovavit. Adversarius usus valetudine, c. Rom. Pontificis, & Regis Galliarum assensu Episcopatum resignavit, transcripsitque Ludovico Guillard, Filio secundarii Prædici Senatus Parisini, paucisque post resignationem diebus e vita decessit anno 1513. *Le Groux in Synopsis vitæ Epp. Tornac. & Joann. Bapt. Ludov. de Castillon in Sacra Belgii Chronologia.*

infinita , ac varia discrimina rerum in Deum tendentia perpetrata fuerunt , atque pullularunt: quibus etsi pro ipsius libertatis Ecclesiæ augmento , atque Cleri & gregis Nobis crediti, animarum salute summe desideraremus remedium apponere ; variis tamen negotiis Rempublicam tam Ecclesiasticam, quam sæcularem concernentibus ; & maxime pro inter Principes & Reges perpetuanda pace, fraternitate & unione , præpediti hæcenus id agere non valuimus ; tamen sane considerato , quod omnia prædicta jam cessaverunt incommoda ac impedimenta, Prædecessorum nostrorum, & præcipue recolendæ memoriæ DD. Guillelmi & Ferrici , qui vita eorum Comite annis singulis per se , vel suos Vicarios synodare , Synodaliaque Concilia celebrare , & Statuta edere consueverunt, vestigia non solum imitari, sed potius præcellere, atque exuperare peroptantes , ac Pastoralis Officii nostri debito , & vinculo , quibus Divinæ Majestati astringimur , in quantum possumus, satisfacere volentes , ut in districto Dei Judicio de grege Nobis commissio rationem villicationis reddere possimus : ad Omnipotentis Dei laudem & gloriam , animarum subditorum nostrorum salutem , pacem atque tranquillitatem, disposuimus & decrevimus, favente Altissimo , Synodum nostram generalem , quæ ob causas prædictas a tempore obitus dictorum Prædecessorum nostrorum Guillelmi & Ferrici celebrata non fuit , personaliter nunc celebrare in Ecclesia nostra Tornacensi ; ut in ipsa tum exhortationibus & admonitionibus salutaribus, tum Statutorum per eosdem Prædecessores nostros Episcopos Tornacenses editorum , vitæ, morumque Cleri , atque gregis Nobis crediti in capite & in membris reformationem continentium renovatione , & aliquorum de novo editione ipsi satius providere , & ipsum salubriter pascere valeamus : quo verius Ecclesiasticæ disciplinæ, salutarisque doctrinæ (*) magis vigeat, excessusque corrigantur, & errores emendentur. Mandamus ob hoc , & injungimus Decanis nostris Christianitatis , & singulis Pres-

byteris nostræ Diocesis , præcipue Ecclesiarum Parochialium Rectoribus, quantum veram copiam hujusmodi sequentium , & publicandorum Statutorum infra tres menses proxime sequentes habeant, illaque frequenter legendo melius intelligant, & observare studeant, cum quibus, Altissimo favente, nostra proxima in Synodo compareant, & ut moris est, coram se teneant, ut de bono & salubri opere magis magisque commendari possint.

R. Carolus du Haut-Bois Præful in hac sua Synodo proponit Decreta anni 1481. sub Cardinali de Clugniaco (**) (excepto numero 6. capitis IV.) in quo verba nonnulla mutantur, quæ hic referuntur, hoc modo: *Le Groux L. cit.*

Item animarum subditorum nostrorum saluti providere cupientes, omnibus vere pœnitentibus & confessis, qui Matrem eorum Ecclesiam Tornacensem devote visitaverint, & de bonis eorum dederint, quadraginta dies. Item Benefactoribus pauperum suarum Parochiarum, triginta dies. Item omnibus & singulis quotidie deferentibus funera, seu corpora pauperum de domibus ad Ecclesiam, & qui exequiis intererunt , triginta dies. Item omnibus & singulis flectentibus genua & dicentibus *Pater noster* : qui in Missa audierint nominare nomen JESUS, vel hoc nomen MARIA, vel hæc verba: *Et Verbum Caro factum est* , viginti dies. Item comitantibus Presbyterum Corpus Christi vel extremam Unctionem ad infirmos deferentem, si fuerit de die, viginti ; si fuerit de nocte, triginta dies. Item illis, qui devote interfunt processionibus, quæ sunt in suis Ecclesiis, & Parochialibus, viginti dies. Item qui Exequiis & funeralibus Presbyterorum interfuerint, quadraginta dies. Item qui primæ Missæ Sacerdotis novi interfuerint, quadraginta dies. Item illis, qui ob reverentiam & honorem Domini nostri JESU CHRISTI, & Ecclesiæ Sanctæ assurgunt Sacerdotibus, viginti dies de injunctis sibi pœnitentiis relaxamus.

Addi-

(*) *Supple* : observatio.

(**) *Decreta Synodi, a Ferrico de Cluniaco, Cardinali, anno 1481. celebrata, retulimus Tomo præcedente pag. 525. Caput IV. de quo hic fit mentio, vide ibid. pag. 527.*

Addidit etiam Capiti VI. sequentia:

Item prohibemus, ne mulieres, etiam Moniales, aut alias Deo dedicatæ, ad Altare accedere, aut Presbytero in Divinis ministrare, Reliquias, seu alia Sacra tangere, aut alias prædictis se immiscere præsumant sub pœna arbitraria.

Cætera, ne sæpius repetita, tædium afferant, hic præmittuntur: demum sub finem Statutorum hæc subiungitur clausula:

LECTA & publicata fuerunt Synodalia Præscripta in Synodo Episcopali Tornacensi per præfactum Rdissimum in Christo Patrem & Dominum, D. KAROLUM, Episcopum Tornacensem in sua Ecclesia Tornacensi celebrata, assistentibus sibi Rmo in Christo Patre D. Balduino, Episcopo Sarreptano, Suffraganeo, Abbate Monasterii S. Andræ juxta Brugas, Ordinis S. Benedicti, ac DD. & Magistris Petro Cotrel, in Legibus Licentiaro, dicti R. in Christo Patris Vicario Generali Brugenfi, Balthazare de Cordes, utriusque Juris Doctore, Officiali, & Gandavenfi in Ecclesia Tornacensi Archidiaconis; Guilermo Bernardi Sigillifero, Joanne Corvillain, & Georgio Tayspiil Promotoribus, Jacobo van Thiel Secretario, Laurentio de Thiedeghem, & Bernardino de Curia Scribis Curie

Tornacensis, ac Gossuino Ridon ejusdem Curie Tornacensis Apparitore: Per me Leonem Hauart, etiam Secretarium Vicariatus dicti Rmi in Christo Patris, feria V. post festum B. Martini hyemalis mensis Decembris die XV. Anno Domini M.D.IX. Præsentibus R. R. Patribus Dominis Carolo de Crequi, Decano dictæ Ecclesiæ Tornacensis, Joanne S. Martini Tornac. Ordinis S. Benedicti, Philippo S. Nicolai juxta Tornacum, Karolo S. Bartholomæi de Echout in Brugis, nec non de Phalempin, & de Dulcivalle S. Augustini Ordinum Monasteriorum Abbatibus, ac Prioribus Monasterii S. Petri Gandensis, ac Prioratus de Fivia juxta Insulas, ac B. Mariæ Curtracensis, & S. Piat Seclinienfis Ecclesiarum Collegiatarum Decanis. Nec non Ecclesiarum etiam Collegiatarum Sanctæ Pharaïdis Gandensis, & S. Petri Thoraltensis Præpositis, & pluribus aliis Prælati, & Patronis tam Ecclesiasticis, quam Sæcularibus, ac duodecim Decanis Christianitatis, una cum Curatis, & Vice-Curatis suorum Decanatum, & pluribus aliis Beneficiatis Dicecesis Tornacensis ibidem comparentibus, ad præmissa vocatis.

Le Groux in Collectione Statutorum Synodal. Tornacens. ex Archivis Episcop.



MAXIMILIANI I. Cæsaris Edictum,

quo suis ad Sedem Apostolicam Legatis facultatem concedit, petendi indictionem Concilii Generalis.

Anno Christi MDXI. Julii II. PP. IX.

Maximiliani I. Imp. XVIII.

MAXIMILIANUS, DIVINA FAVENTE CLEMENTIA ELECTUS ROM. IMPERATOR SEMPER AUGUSTUS, AC GERMANIÆ, HUNGARIÆ, DALMATIÆ, CROATIÆ &c. REX, ARCHIDUX AUSTRIÆ, DUX BURGUNDIÆ, BRABANTIÆ &c. COMES PALATINUS &c. &c.

Conspicientes immensas calamitates, quas universa Respublica Christiana, & ipsa nostra Sancta Mater Ecclesia ubique patitur, ex quo & decrementum orthodoxæ fidei, & incrementum omnium malorum subsequitur, & indies ma-

jor confusio in omnibus rebus, ac bella intestina inter Christianos oriuntur, & effusio sanguinis Christiani: ad quæ cum non videamus aliud remedium, quam quod juxta Sanctorum Patrum instituta, Concilium & Congregatio universalis fie-

Tomus VI. Concil. German.

K

rent,

rent, ut ibidem communi consilio possit omnibus commode provideri; expectantes igitur dictum Concilium debere indici & convocari per Beatitudinem Pontificis, & Reverendissimorum Dominorum Sacræ Romanæ Ecclesiæ Cardinalium, ac alios Prælatos juxta ordinationem Concilii Constantiensis, & votum ac debitum eorundem; cessantibus ipsis (ne & Nos ab Omnipotenti Deo negligentia redarguamur) nolumus Nos cessare: quum illis negligentibus, Nos tanquam Imperator & ejusdem Sanctæ Matris Ecclesiæ Advocatus & Protector, & quantum in Nobis est, subvenire his tantis necessitatibus teneamur. Ideo obviare tot inconvenientiis, sicut teneamur, cupientes etiam Sanctæ Matri Ecclesiæ opem ferre, consili de fide, prudentia, dexteritate & rerum gerendarum experientia magnificorum & honorabilium Don Ferdinandi Tochi ex despotibus Artha, & Cephalia, Matthæi Kuen Vice-Cancellarii in Ispurgk, Viti de Furst Comitis, Hieronymi Nogaroli, Antonii de Capitibus Vaccæ, & Ludovici Faelæ, Consiliarium fidelium Nobis dilectorum, motu proprio, & ex certa nostra scientia, ac animo deliberato & omni meliori modo, via, jure, forma & causa, quibus melius possumus & debemus, ipsos omnes & partem eorum, & quemlibet ex eis in solidum constituimus, fecimus, creavimus & nominavimus, ac tenore præsentium constituimus, facimus, creamus & nominamus Nuntios nostros, & negotiorum infra scriptorum gestores generales, ac Procuratores speciales: ita tamen, quod generalitas specialitati non deroget, nec e converso: & quod unus inceperit, alter eorum prosequi, mediare & finire valeat: & quod non sit melior conditio primitus occupantis, nec deterior subsequæntis, spiritualiter & expresse, ad requirendum nostro nomine, & cum ea, qua decet, reverentia instandum, & procurandum apud Beatitudinem Pontificis, & R. D. Cardinales, ut sua Sanctitas de illorum consilio convocare, & indicare velit Concilium Generale universalis Ecclesiæ in loco convenienti & tuto, ac intra brevius tempus, quod fieri possit, juxta Constitutionem Concilii Constantiensis, spiritualis juramenti, & voti suæ Sanctitatis: & Beatitudine sua

id negligente vel tardante, item apud R. Dominos Cardinales instare, ut ipsi hoc Concilium convocent, & indicant: & casu, quo eadem Beatitudo Pontificis, & R. D. Cardinales dictum Concilium congregare recusarent, vel differrent, aut locum tutum & convenientem non assignarent; ad faciendum protestationes notorias, & convocationem, aut indictionem Generalis Concilii simul cum Procuratoribus, vel Procuratore Serenissimi Principis, Domini Ludovici, Francorum Regis, Consanguinei, & Fratris nostri Charissimi, & reliquorum, qui huic intimationi adherere voluerint. Dantes, & concedentes eisdem Procuratoribus nostris, quod si constaret eis de non tuto accessu, vel alias legitime suspicarentur de personali eorum comparitione coram Beatitudine sua, & R. D. Card.; talem actum possint per Edictum, vel affixionem in aliquo loco convenienti facere, ita quod verisimiliter possit pervenire ad notitiam suæ Sanctitatis, & ipsorum R. D. Cardinalium, & cæterorum, etiam hoc omni meliori forma, via, & modo possibilibus, suppletes omnes & singulos defectus tam juris, quam facti, qui in præmissis aliquo modo intervenire *potuerunt*: promittentes quoque, quod Nos omnia & singula acta, tractata, & gesta per dictos Procuratores nostros, vel partem eorum, aut unum ex eis, grata & firma tenebimus, & servabimus harum testimonio literarum, sigilli nostri appensione munitarum. Datum in oppido nostro Friburgi, die XVI. mensis Januarii, anno Domini Millesimo quingentesimo undecimo, Regnorum nostrorum Romani XXV. Hungariæ vero XXI.

AD MANDATUM CÆSARÆ
MAJESTATIS proprium.

Goldast. Constit. Imp. T. I.

Lunig Spicil. Eccl. T. I. pag. 368.

*Observatio Odorici Raynaldi ad
præcedentem Epistolam.*

" Ineunte anno humanæ salutis Mille-
" simo quingentesimo undecimo, de-
" cima quarta indictione, Maximilianus
" Romanorum Rex, quem nonnulli
" Scriptores accusant, Pontificatum con-
" jungere Imperio meditatum, transfu-
garum

garum aliquot Cardinalium, Gallorumque consilia secutus, conflando nove schismati occasionem præbuit: iratus, quod Pontifex optime meritam de Ecclesia & Christiana Religione Venetam Rempubliam, adversus Reges, in ejus excidium conjuratos, tueretur, nec vestigales illius urbis in Provinciam Germanicam redigendas curaret. Factiosorum itaque impulsu consiliis, finxit his de causis (in epistola expressis) ad creando Oratores pro Conciliabulo in Julium II. provehendo permotum fuisse.

Oratores porro suo apud Pontificem munere, ut par erat, perfuncti non sunt; sed apud transfugas (Cardinales) & paucos numero, & schismatis crimine suspectos de Conciliabulo cogendo egerunt. Pari modo XV. Februarii concinatum est Ludovici (XII.) Franciæ Regis edictum pro Synodo adversus Julium Papam congreganda. Ludovicum ingenue fassum ajunt, hanc dolo tragœdiam a se excitatam, ut Pontifici infenso molestiam faceretur: Synodumque se veluti larvam, illi terrendo, objecisse.

Bernardinus Episcopus Sabinensis, Guillelmus Episcopus Prænestinus, & Franciscus Tit. SS. Nerei & Achillei Car-

dinales (qui capita factiosorum erant) his Maximiliani Cæsaris, & Ludovici Gallorum Regis fulti studiis, XVI. die Maji indicendi Concilii, non ad sedandos Ecclesiæ motus, sed ad novos excitandos auctoritatem sibi arrogarunt. Locum Pseudo-Synodo statuerunt urbem Pisnam, tempus vero ad Kalend. Septembris proxime futuri. Atque hæc novi Conciliabuli Pisani origo fuit. Non diu tamen illud Pisis perstitit. Tribus ibidem Sessionibus celebratis, schismatici Cardinales, cum suæ securitati Pisis non satis provisum adverterent, primum Mediolanum, inde Lugdunum in Galliam se recepere. Demum & a Maximiliano Cæsare, & a Ludovico Galliarum Rege, schisma damnantibus, deserti, dissoluti cœtu, & ipsi ad unitatem Ecclesiæ redierunt. Romanus Pontifex Pisano isti Conventiculo aliud mox Romæ Concilium in Laterano opposuit: quod a Julio Papa anno 1512. cœptum, a Leone X. Julii Successore continuatum, ac demum anno 1517., multis salubriter constitutis, finitum fuit.

Vide Raynaldum *Annal. Ecclesiæ*, Tom. XX. ad annum 1511. a. n. I.
Harduin. *Conc. Tom. IX.*



Publicatio Statutorum Synodi Provincialis GNEZNENSIS,

Facta in Ecclesia Wratislaviensi, toto Clero Diecesano congregato.

Anno Christi MDXI. XXVIII. April.

Anno Domini Millesimo quingentesimo undecimo, die vigesima octava Mensis April. Reverendissimus Pater, Dominus JOHANNES Episcopus Wratislavienn. Universo suæ Diecesis Clero convocato, in Ecclesia Wratislavienn. subseqentes Ordinationes & Decreta, ex SYNODO PROVINCIALI a nuntiis suæ R. P. sibi ad publicandum relata, publice legi jussit: Et ut ab universis in Diecesi sua observentur, & non ignorentur, præmissis (*Statutis Diecesanis anni 1509. supra relatis*) adjici voluit.

DECRETA

*Sacræ Synodi Provincialis in Peterkaw: pro festo S. Martini,
Anno Millesimo quingentesimo decimo,*

Quam Reverendissimus in Christo Pater, Dominus JOHANNES, Dei gratia Sanctæ Ecclesiæ Gnez-

Tomus VI. Concilior. German.

nensis Archi-Episcopus & Primas, una cum Reverendissimis Patribus, Domino BERNHARDINO Archi-Episcopo Leo-

K 2

polienn.

polienn. VINCENTIO Wladislavienn. & JOHANNE Poznanienn. Episcopis; Abbatibus & Capitulis ipsorum, ac Nunciis & Procuratoribus Reverendissimorum DNN. Cracovienn. Wratislavienn. Plocenn. Wilnenn. & Mednicenn. multisque aliis Prælati, tam Religiosis, quam Sæcularibus, & Clero nostræ Provinciæ, in Spiritu Sancto congregatis, invocata Spiritus Sancti gratia celebravit.

In primis Sacro Sancta Synodus instituit festum Conceptionis Beatissimæ, & Gloriosiss. DEI Genitricis Virginis MARIÆ, cum octava, in tota Provincia Gneznenn. sub officio Domini Leonardi Nagaroli Prothonotarii Apostolici, Sacræ Theologiæ Doctoris, edito, & a Romano Pontifice approbato, de cætero fore celebrandum. A festo proximo Conceptionis ejusdem Virginis Gloriosæ, per annum incipiendum, & deinceps continuandum perpetuum: quod Officium apud Johannem Haller impresorem, civem Cracovien. invenietur.

Item: Festivitatem Sancti Francisci deinceps perpetuis temporibus celebrem esse, & a cunctis Christianis celebrari, ab omni servili opere abstineri, & sub observantia & præcepto comprehendi, eadem Synodus decrevit & voluit.

Item: Statuta Provincialia dudum Divinitus edita, ab omnibus eadem Synodus observanda decrevit & mandavit: adjiciens, quod Episcopi, aut Suffraganei, exigentes aliquid ultra procuracionem expensarum a jure concessam, in consecrationibus, reconciliationibus, & benedictionibus: præter pœnas juris, pro arbitrio Archiepiscopi puniantur: in quo per Capitulum majoris Ecclesiæ avilabitur, & in hoc eorum conscientia onerata sunt.

Item: Archidiaconi, & qui habent onus visitandi, si non fuerint vigiles circa visitationem, aut exigentes aliquid præter procuracionem a jure concessam, ultra pœnas juris & Statutorum, arbitraria pœna per Diœcesanum puniantur toties, quoties id fecerint: in quo conscientia Diœcesanorum sint onerata.

Item: Quod circa Ecclesias Collegiatas aliquæ Præbendæ deputentur; ad quas non nisi Jurisperiti eligantur, qui in Officiales foraneos constituantur,

Item: Quod non instituantur ad Parochiales Ecclesias, nisi docti, & de bonis moribus, & quod ante institutionem examinarentur.

Item: Ut Venerabiles Domini, Petrus Thomitzki, Archidiaconus Cracoviensis, & Sigismundus Targowitzki, Custos Sandomiriensis, & Canonicus Cracoviensis, cum Reverendissimo Domino Episcopo Cracovien. Cancellario Universitatis Cracovienn. omnes defectus ejusdem Universitatis quoad studium, si qui sunt, revideant.

Item: Quod ad regendas Scholas Cathedralium, Collegiatarum, & Parochialium Ecclesiarum, docti & idonei viri deinceps eligantur & assumantur, nec per eosdem Rectores in Scholis, nisi qui studiis intenderent, servarentur: non recipianturque deinceps aliunde venientes, nisi cum literis testimonialibus de vita & moribus a Rectore, vel Plebano dandis, ubi prius steterint, quomodo illic se observassent.

Item: Ut nullus ad aliquos Ordines, etiam majores recipiendos, admitteretur, nisi prius per literas testimoniales Archiepiscopos, vel Decani ruralis, & duorum Plebanorum ejusdem Decanatus, sub quo degit, doceat de vita, moribus & conversatione suis bonis & honestis: circa quam institutionem unusquisque Plebanus instituendi conscientia oneraretur, quod non nisi bene idoneum promoveret.

Item: Bullam Cœnæ Domini diebus solennibus, & præcipue Feria quinta magna, aliaque Statuta atque jura, quæ mandantur nuncianda, populo publicent.

Item: Quod Statutum Provinciale de fide instrumentorum, propter falsarios bene exequatur. Et ne falsarii sint, unusquisque in sua Diœcesi bene videat.

Item: De non curantibus censuras Ecclesiasticas, & infordecibus in eis, ac publicis blasphemis, ne de malicia sua commodum tales reportent, Diœcesani bene provideant, eosdem secundum jura & statuta punientes.

Item: Nundinæ diebus Dominicis & Festis non teneantur: prout in jure & statutis cavetur, idque per omnes Eccle-

Ecclesias deinceps principaliter publicetur.

Item : Hæretici & Schismatici, & Tartari, Turcique, per spirituales non servantur in servitio domestico circa se. Et Ordinarius tales servitores facultatem habebit accipiendi circa unumquemque absque contradictione, servitio vili per eundem applicando.

Item : Quod Pontificale Romanum in conferendis Ordinibus, & consecrationibus episcoporum, & Virginum benedictionibus, Officiisque Divinis, & aliis, in tota Provincia observetur.

Item : Ut Episcopi Rokeras juxta statutum deferant.

Item : Quod Presbyteri conforment se in celebrationibus Officiorum Rationali Divinorum, quod quilibet Curatus & alii, ac Statuta Provincialia, & Sacramentale habere debent.

Item : Quod Missæ alta & intelligibili voce legantur, præter Secreta & Canonem majorem & minorem.

Item : Quod uniones Ecclesiarum Parochialium, quæ decreverunt in preventibus, per Ordinarios fiant.

Item : Quod contra adulteros & concubinos publicos animadvertetur per Ordinarios, Regiæque Majestati suggeratur; ne tales ad dignitates, aut officia publica promoveant.

Item : De Usurariis Statutum Provinciale in genere observetur.

Item : Ut Statutum, ne spirituales vestes seculares, Hæc cognominatas,

deferant, in proxima præterita Synodo Provinciali factum, observetur.

Item : Quod bireta cornuta, ne de cætero deferantur per Clericos, nisi in via.

Item : In conviviis ad æquales sumendo ne obligarent se potatores; & pro salute alicujus ne biberent.

Item : Sacerdotes tabernas ne visitent: de quo ordinationem Episcopi in suis locis faciant.

Item : De Matrimoniis contrahendis, ut provideatur, ne Plebani alienarum Parochialium homines copulare audeant.

Item : De vestibus sericeis ne de cætero portarentur, præter Thabin curialibus, & nunciis Regis & Principum duntaxat permittitur, si voluerint illis uti.

Et propter alia negotia, quæ non sunt determinata ex certis causis, & ex consensu unanimi omnium ejusdem Synodi Peterkoviensis, cum potestate & auctoritate hinc ad feriam tertiam post festum Trium Regum proxime venturum prorogatur, & continuatur: omnia & singula per eos, qui pro tunc erunt præsentés, definienda, declaranda, pariter & concludenda. &c.

Ex Statutis Synodalibus Cathedralis Ecclesie Wratislaviensis, editis Wratislaviae anno 1585., a Reverendissimo & Illustrissimo D. Zaluski, Episcopo Kioviensi commodatis.

SYNODUS HAVELBERGENSIS

Eodem anno Christi MDXI.

Synodi hujus notitiam accepimus ex Bibliotheca Historica Brandeburgica, a Georgio Gothofredo Küstero, Gymnasii Fridr. Rectore conscripta, L. III. C. VIII. ubi brevem recenset indiculum Statutorum antiquorum, prioribus in Synodis, Sæculo potissimum XIV. & XV. celebratis editorum, quæ in Synodo hujus anni a Joanne Episcopo Havelbergenfi renovata sunt, typisque excusa, & Breviario Havelbergenfi adnexa. Tempus Synodi indicat præmissa eidem Breviario Præfatio, qua Episcopus ejusdem usum omnibus, qui Canonicas ad preces quovis titulo adstricti sunt, sollicite commendat. Præfationem hanc, in ipsa Synodo conscriptam, ex laudata Bibliotheca integram damus:

JOANNES, (*) DEI GRATIA EPISCOPUS HAVELBERGENN.

Prophetarum præcipuus Psalmista cium laudis offerens in spiritu gratulabatur & dixit: *Septies in die laudem dixi tibi,*
de fructu laborum suorum sacrifici
K 3 inſi.

insinuans, singulos, qui in sortem Domini se electos gratulantur, pensum servitutis sue, in signum subjectionis, quasi Deo tributa sua se in septem horis solvere debere. Tunc quidem Deo debitum nostrum persolvimus, cum in Canonicis horis corde & ore pariter digne Dominum collaudamus, de quo in alio loco per eundem Prophetam Dominus dixit: *Sacrificium laudis honorificabit me.* Convenit autem, Ecclesie ordinem non quemcunque secundum varietatem personarum ac Clericorum variare, sed ab omnibus equaliter custodiri, ut sic unus & idem in psallendo ordo in Divinis officiis teneatur. Quum juxta majorum Decreta Sedes, que uniuscujusque Sacerdotalis dignitatis mater est, Ecclesiastice dignitatis, vel rationis sit magistra; Ea propter librum Divinorum officiorum, quem secundum ritum nostre Ecclesie Havelbergensi, pro toto Clero in psallendis horis diligenter colligi, conscribi, ac examinari fecimus, in Dei nomine de consensu nostri Capituli approbamus, & approbando confirmamus. Monemus itaque, & exhortamur in Do-

mino omnes & singulos Presbyteros, Curatos & non Curatos, ac alios quoscunque, qui ex ordine sacro, aut ratione titulorum Beneficiorum suorum, ad horas Canonicas sunt adstricti: quibus in virtute sancte obedientie districte precipiendo mandamus, eis nihilominus in remissionem peccatorum suorum injungentes: quatenus presentem Ordinarium, sive Breviarium diligenter acceptent, & secundum ipsum horas Canonicas Deo granter persolvant; & ita conformiter legant, ut uniformitas orandi uniformitatem animorum indicet, & recte intentionis in Deum; ut sic gratum Deo obsequium cotidie exhibeant; quo tandem una cum ipsis ab omnium bonorum largitore mercedem consequantur in celis. Datum WISTOGK IN SYNODO NOSTRA EPISCOPALI, Anno Domini Millesimo quingentesimo undecimo celebrata Feria tertia post *Cantate*, nostro sub Sigillo.

Statuta Synodorum præcedentium, in hac Synodo confirmata, vide sub finem Tomi V. pag. 955.

(*) Joannes V. de Schladerndorff, J. U. D., & Havelbergensis Ecclesiæ Præpositus, Otoni II. ex Canonicorum Cathedralium votis in Episcopatu successit anno 1501. A Theoderico de Bulow Episcopo Lebusensi anno 1503. solenni cerimonia consecratus, Diocesim suam præclaro eximie probitatis, munificentieque in egenes exemplo gubernavit annis fere novemdecim. Obiit anno 1520. die 10. Augusti. Sub hoc Episcopo, ex concessione Julii II. Papæ anno 1507. Havelbergensis Ecclesiæ Canonici, qui eo usque Regulis Ordinis Præmonstratensis adstricti vixerant, transierunt ad statum Canonicorum secularium. *Lenz. in Hist. Diplom. Havelbergensi. pag. 57.*

STATUTA SYNODALIA

A JOANNE Episcopo Ratisbonensi
edita

Anno Christi MDXII. Kal. Januar. Julii II. PP. X.
Maximiliani I. Imp. XIX.

IN NOMINE DOMINI. AMEN.

JOANNES, (*) DEI ET APOSTOLICÆ SEDIS GRATIA ADMINISTRATOR ECCLESIÆ RATISPONENSIS, COMES PALATINUS RHENI, AC BAVARIÆ DUX. &c. &c. UNIVERSIS ET SINGULIS IN CHRISTO NOBIS DEVOTIS ET DILECTIS, SECLARIUM ET REGULARIUM ECCLESiarum ABBATIBUS, PRÆLATIS, CANONICIS, RECTORIBUS, PLEBANIS, VICARIIS, CAPELLANIS, TOTIQUE CLERO CIVITATIS ET DIOECESIS RATISPONENSIS, CUJUSCUNQUE ETIAM DIGNITATIS, STATUS, GRADUS, ORDINIS AC PRÆEMINENTIÆ EXISTANT, SALUTEM IN DOMINO

SEMPITERNAM.

Quamquam Deus omnium creaturarum mundi fabricator, æquo moderamine cuncta præordinans, ad imaginem & similitudinem ipsius humanam condi-

condiderit naturam, cunctis adornatam virtutibus, quibus felicitatem poterat possidere perpetuam, si in ipsa originali iustitia perstitisset; attamen ille humani generis acerrimus hostis felicitati, quam amiserat, invidens, primum hominem caliditate sua traxit ad vetita: qui in virtute sua vulneratus, mortalisque effectus, cepit infinitis tam corporis, quam animi incommodis & miseris laborare. Hinc & homicidia, malaque innumerabilia (crescente genere humano) per appetitum noxium, ad mala proclivum, orire, quæ totum orbem terrarum inextinguibili quadam contagione repleverunt: adeo quod sæcula nostra quasi in sentinam malorum descenderunt: quapropter orbis Rector ab æterno voluit legum esse conditores, quatenus huiusmodi propulsatis vitis iustitia vigeret, appetitusque noxius ad bene beateque vivendum sub juris regula limitaretur. Et licet antea per Sanctissimos Pontifices, Romanosque Imperatores variis decretis & constitutionibus humano generi sit salubriter provisum, quibus divinas & humanas res bene disposuerunt, & omnem iniquitatem expulerunt: attamen quia humani juris conditio semper in infinitum decurrit, & nihil est, quod in ea re stare possit perpetuo: sed indes emergunt negotia, quæ adhuc legum laqueis non sunt innodata; eapropter ad honorem Omnipotentis Dei, Beatorum Petri & Pauli Apostolorum, ac omnium Sanctorum, diversas constitutiones Synodales Prædecessorum nostrorum, in quibus varia pro communi utilitate honestateque Clericorum continentur (quæ tamen in oblivionem transierunt) in unum redeimus. Quotidiana namque didicimus experientia, & præsertim in transacta vilitatione per Venerabilem Nobis dilectum Dominum Georgium Sintzenhoffer, Decretorum Doctorem, & tunc Vicarium nostrum, de mandato nostro celebrata, intelleximus innumerabiles errores tam in Clericis, quam in laicis nostræ jurisdictioni subiectis, propter non usum earundem Constitutionum evenisse: ideoque huiusmodi constitutiones congeimus ad reprimen-

dum conatus noxios, ac corrigendum excessus gregis Nobis commissi, reformandumque mores per humanæ conditionis hostem decoloratos; quatenus puro corde & casto corpore, præsertim Clerus noster, Creatori suo digne ministrare valeat, felicitatemque perpetuam possidere.

Vobis igitur omnibus & singulis supradictis in virtute sanctæ obedientiæ firmiter præcipiendo mandamus, quatenus infrascriptas constitutiones, seu Statuta Synodalia, per Antecessores nostros in Divinis Synodis matura deliberatione prius facta, & per nos de novo collecta, prompto suscipiatis affectu, eaque de cætero diligenter observare studeatis: scituri, quod si ea non feceritis, quæ inibi præcipiuntur, aut aliquis vestrum Statutis ejusdem contravenerit, præter hoc, quod iram Dei in se provocabit, a Nobis impunitus non evadet. Datum Ratisponæ prima mensis Januarii Anno Domini Millesimo quingentesimo duodecimo.

Statuta Synodalia Ecclesiæ Ratisponensis, & primum de Summa Trinitate & Fide Catholica.

Firmiter credimus, & secundum Apostolicam disciplinam, Evangelicamque doctrinam simpliciter confitemur, quod unus solus est verus Deus, æternus, immensus, incomprehensibilis, omnipotens, ineffabilis, Pater & Filius & Spiritus Sanctus, tres quidem Personæ, sed una essentia, æqualis gloria, coæterna Majestas, unaque Divinitas.

Insuper credimus & firmiter profite-mur nihil aliud in Fide Catholica credendum, nisi quod Sancta Romana tenet & docet Ecclesia.

Omnibus igitur & singulis Diœcesis nostræ Decanis, ac Parochialium Ecclesiarum Curatoribus in virtute sanctæ obedientiæ districtè præcipiendo mandamus, quatenus quilibet eorum singulis Dominicis diebus suis Parochianis publice in ambone alta & intelligibili voce, materna lingua

(*) Joannes de Bavaria, Filius Philippi, Electoris Palatini Rheni, ex Canonico Passaviensi, Ruperti Bavari Episcopi Ratisponensis Coadjutor dictus, huic anno 1507. defuncto in Episcopatu successit. Rexit Ecclesiam annis triginta. Obiit anno 1538.

Hist. Ecclesiastica Germ. impressa Bruxellis Typis Francisci Foppens anno 1724.

qua exponere debeat secundum me-
ram literam latinam & pure literaliter Ora-
tionem Dominicam, Salutationem Ange-
licam, Symbolum Apostolorum, atque
præcepta Decalogi. Illaque in tabulis in
Ecclesiis affigendis aperte conscribi faciat,
populum quoque sibi subiectum de præ-
missis diligenter informet, & nullum di-
ctorum suorum Parochianorum utriusque
sexus, qui præmissa nesciverit vel igno-
raverit, ad susceptionem Sacratissimi Eu-
charistiae Sacramenti admittat, prout Om-
nipotentis Dei, nostramque indignationem
cupiverit evitare.

De Constitutionibus.

Quoniam nulli fas est velle vel posse
transgredi Apostolicæ Sedis præcepta,
quapropter Canonum Statuta ab omni-
bus Clericis nostræ jurisdictioni subiectis
mandamus custodiri.

Insuper etiam Statuta nostra Syno-
dalia debite observari: præterea consti-
tutiones, statuta & consuetudines contra
Ecclesiæ libertatem introductas penitus
deleri præcipimus,

Decernentes Scriptores Statutorum
ipsorum nec non Potestates, Consules,
Rectores, & Consiliarios locorum, ubi de
cætero hujusmodi statuta & consuetudi-
nes editæ fuerint vel servatæ; ipso facto
sententiam Excommunicationis incur-
rere.

De Rescriptis & Commissionibus.

Ex injuncto Nobis Pastoralis Officio
inducimur, quatenus usum falsarum lite-
rarum restringamus; quapropter statuimus,
ne aliquis nostræ jurisdictioni subiectus
per literas quascunque, etiam bullatas, tan-
quam Apostolicas, in Judicem, & Conser-
vatore, aut Commissarium, vel Executo-
rem in gratiosis, & justitiæ negotiis, tan-
quam delegatus Judex, Conservator,
Commissarius aut Executor requisitus hu-
jusmodi literas recipiat, seu eas exequat-
ur vel exequi faciat aut procuret, seu
procedat vigore earundem; nisi hujus-
modi literæ per Nos vel Vicarium no-
strum visæ, examinatæ, & absque falsitate
justæ, legitimæ & rationabiles fuerint ap-
probatæ: idem decernimus observan-
dum circa mandata citationum seu edicta
quorumcunque Judicum extraneorum.

De Renuntiatione.

Nullus sub pœna suspensionis (quam
in rebelles ferimus) Ecclesiasticum Bene-
ficio dimittere, vel recipere sine nostra
autoritate præsumat: sed si quis Bene-
ficio Ecclesiastico, quod obtinet, re-
signare velit, resignationem ad manus
nostras seu Vicarii nostri cum juramento,
quod non intervenierit Simoniaca pravi-
tas, per se aut Procuratorem suum omni-
no faciat. Non tamen intendimus aliis
Prælati, quibus institutio Canonica ex
privilegio aut consuetudine competit,
præsenti statuto derogare. Dummodo
Nobis de eorum privilegio & jure le-
gitime constet.

De Qualitatibus Ordinandorum.

Cum sanctius sit, in Ecclesia DEI
paucos bonos, quam multos malos habe-
re ministros, qui digne possint Domini-
ca Sacramenta tractare; quare statuimus,
ut de cætero ad Sacros Ordines assuman-
tur viri idonei, in Divinis Officiis, Ecclesia-
sticisque Sacramentis exercitati, quique
doctrina, Lectionibus, Psalmis, Hymnis,
Canticis jugiter incumbant, doctrinæque
gratiam populis administrent. Insuper
noverint universi ad Sacros Clericorum
ordines promovendi cupientes, quod si
quis aliquem ex defectibus vel impedi-
mentis infra scriptis habet, vel patitur, te-
netur Dominis Examinatoribus pandere
talem defectum, sub periculo animæ suæ
ac sub pœna suspensionis ab ordine, quam
si sic impeditus ordinem suscepit, ipso
facto incurrat: imprimis, quod ordinandus
sit ætatis sufficientis, in Sacerdotio videli-
cet in vicesimo quinto: in Diaconatu vi-
gesimo, in Subdiaconatu decimo octavo
annis. Insuper ad Sacros Ordines non
accedant servus, vel ad ratiocinia obliga-
tus, nisi libertati restitutus, vel absolutus
fuerit. Item nullus, qui cum aliqua
contraxit, vel se desponsavit per verba de
præsenti. Item nullus apostata, seu bi-
gamus, aut excommunicatus, suspensus, vel
irregularis. Nullus Simoniacus, nullus,
nisi baptizatus & confirmatus. Item nul-
lus, nisi Diocesanus, vel si alterius Diœ-
cesis fuerit, cum licentia sui Ordinarii.
Item nullus epilepticus, vel aliquo mem-
bro mutilatus, seu corpore vitiatum,
aut aliqua alia infirmitate incurabili præ-
grava-

gravatus; item nullus per saltum ad duos ordines una vice. Neque illegitimus, aut alias ex aliquo crimine infamis, seu inhabilis, nisi super hoc cum eo fuerit dispensatum. Nullus denique sine titulo sufficienti; de quo Nobis, aut Vicario nostro fidem facere tenetur. Item nullus in peccato mortali existens. Volumus autem, quatenus omnes & singuli ordinandi ad quoscunque etiam ordines, confiteri debeant in Ecclesia Ratisbonensi Pœnitentiariorum nostro, vel sibi adjungendis Confessoribus, sub pœna repulsionis ab ordinibus.

De Sacra Unctione.

Unctionis extremæ Sacramentum pro infirmorum salute institutum, debet a Presbyteris cum debitis ceremoniis & forma conferri, ut dum super ægros hæc proferunt verba: Ungo oculos &c. subjungant deprecatoria & substantialia verba cum intentione ministrandi, videlicet: Per istam sanctam unctionem, & suam piissimam misericordiam indulgeat tibi Dominus, quicquid deliquisti per visum, & sic de singulis membris & locis inungendis. Statuimus præterea, quatenus in singulis Ecclesiis Parochialibus habeatur oleum infirmorum, ne propter ejus carentiam hujusmodi deficiat Sacramentum.

De Clericis peregrinis.

Quoniam Divinæ vocis oraculo Nobis injungitur, quatenus diligenter vulgum subditorum nostrorum agnoscamus; & de quorum vita, moribus & conversatione, nec non aliis circumstantiis certa notitia non habetur, sustinere in Ecclesiarum regimine non debemus: præsertim de quibus hæsitatur, an ab Episcopis veris, Sedis Apostolicæ gratiam habentibus, promoti fuerint: quidam præterea in suis Diocesis (culpæ eorum exigentibus) reprobati, velejæsti, cum infames loca suæ consueverint fugere nationis, se latenter ad Diocesium nostram recipiunt, & Divinis ingerunt, ac multos pravo exemplo inficiunt, & corrumpunt; quocirca universis Ecclesiarum Rectoribus in virtute sanctæ obedientiæ, & sub excommunicationis pœna districte præcipiendo mandamus, ut de cætero nullum Clericum sæcularem aut religiosum extra nostram Diocesium, & ab alieno

Episcopo promotum, seu alium quemcunque alienæ Diocesis ad aliquod officium Sacerdotale celebrandum quovis modo recipiatis, nisi per Nos, aut nostrum in Spiritualibus Vicarium examinatam & admissum, & quod idem de examinatione & admissione ejusdem per nostras, vel dicti Vicarii nostri literas legitimam fecerit fidem.

De Officio Vicarii.

Cum in plerisque Ecclesiis Parochialibus in absentia Curatorum Vicarii constituantur, quorum officium est imprimis curare, quatenus sint vigiles & solliciti custodes animarum, earundemque salutis jugiter intendant, & excusso negligentia somno, diligentia sedula vigilantes, animas Deo lucrifaciant. Ut autem ad curam animarum regendam viri docti, sobrii & casti assumantur, volumus, & sub pœna excommunicationis latæ sententiæ (quam ferimus in his scriptis) districte præcipiendo mandamus, inhibentes, ut nullus se de cura animarum regenda quomodolibet intromittat, nisi per Nos, aut Vicarium nostrum sufficiens repertus, & admissus fuerit, literasque desuper consuetas receperit. Insuper statuimus, quod deinceps Clerici non solum, quando ad sacros Ordines recipiuntur, vel admittuntur, sed etiam dum Ecclesias suscipiunt regendas, de scientia, peritiâ, & moribus diligenter examinentur. Et quoniam Rectores Ecclesiarum nonnunquam Vicariis suis relinquunt exiguam portionem, adeo quod ex ea nequeunt sustentari, neque Ecclesiarum onera ferre; vel etiam ædificia ruinosa, prout tenentur, recuperare; quapropter præsentis statuto ordinamus, quatenus locationes Ecclesiarum futuris temporibus coram Vicario nostro fiant, qui cognoscere habebit de causis absentia Pastorum, & providere, quod Vicarii Ecclesiarum sint idonei ad curam regendam, habeantque portionem ad competentiam honestam, qua onera incumbencia valeant supportare. Non tamen intendimus per hoc quoad obligationes faciendas Officiali Capituli nostri quomodocunque derogare. Similiter statuimus, & sub pœna privationis tertiæ partis fructuum mandamus, ut Vicarii, etiam Plebani, & Beneficiarii nostræ Diocesis domos suarum Ecclesiarum,

rum, & Beneficiorum competenter reficiant, ac refectas in bono statu teneant, atque conferrent.

Cum vero sit reprehensione dignum, ut quis oves proprias deferat, & alienas regere præsumat, idcirco volumus, quatenus cura animarum illis, qui oves proprias habuerint, in alienas minime concedatur. Insuper Presbyteris duas recipere Vicarias prohibemus, cum sit impossibile, quod sufficienter Ecclesiis possint deservire duabus. Præterea Rectores, qui matrices habent Ecclesias, a quibus dependent filiales Ecclesiæ, statuunt Vicarios idoneos, qui quotidie resideant in eisdem, & deserviant in Divinis ac Parochianis spiritualia præbeant alimenta; præsertim si ad hoc Ecclesiarum suppetant facultates.

De Officio Decani ruralis.

Quoniam Decani rurales pro singulis Plebibus & Clericis ideo constituuntur, ut illorum vitam jugi circumspeditione custodiant, Cleri honestatem, & Confratrum utilitatem procurent, excessus eorum referant, mandata nostra, Vicarii nostri, & aliorum Judicum debite exequantur, ac singula, quæ mandantur a Superioribus, ad notitiam Fratrum deducant: quapropter in receptionis principio jurare debent, vel saltem fidem dare loco juramenti, quod sine dolo & fraude præscriptos articulos observare velint, & quod Nobis, & Successoribus nostris obedientes existant, Constitutiones Synodales per Episcopos Ratisbonenses factas, & per Nos approbatas, seu innovatas firmiter observent, & ab aliis Confratribus cujuslibet Decanatus respective jubeant inviolabiliter observari. Omnes insuper & singulos Decanos præsentis statuto juxta Sacrorum Canonum Decreta in testes Synodales constituimus, & deputamus in finem & effectum, ut notorios excessus, & præsertim illos, quibus Ecclesia scandalizatur, quorumcunque Clericorum, infra unius mensis spatium a tempore notitiæ Nobis, seu Vicario nostro notificent: si quis vero negligens in hoc repertus fuerit, ab ingressu Ecclesiæ suspendatur, & Officio Decanali ipso facto sit privatus. Præmissis quoque adjicimus statuendo, ut nullus in Decanum ruralem nostræ Diocesis ele-

ctus, aut eligendus, per Nos, aut Vicarium nostrum nondum admissus, & confirmatus, Officium Decani exercere, aut se Decanum nominare quomodolibet præsumat, si quis autem secus fecerit, ad Decanatum hujusmodi inhabilis existat; volumus autem, quatenus de cætero nullus eligatur in Decanum, qui sit aliquo crimine publico diffamatus; alioquin eligentes, sint ea vice potestate eligendi ipso facto privati. Præterea Decanis prædictis sub pœna suspensionis ab officio & beneficio districtè præcipimus, & mandamus, quatenus assumptis sibi juratis Confratribus sui Decanatus singulis annis circa Festum omnium Sanctorum, vel alio tempore magis congruo, omnes Confratres suos in unum locum convocent causa visitationis habendæ, & hæc Statuta Synodalia auribus ipsorum tunc seriosius inculcare procurent, nec non super excessibus eorum inquirent, & sic inquisitos, nostris, seu Vicarii nostri auribus deferant infra mensem. Insuper infra octavas omnium Sanctorum Cathedralium more solito expostulent, & recipiant. Qui vero Cathedralium solvere tenentur, solutionem ipsam faciant Decano sub pœna dupli in termino præfato, una cum salarii nuntiorum, ad quemlibet propterea destinatum. Alioquin contra non solventes, tam ad pœnam dupli prædictam, quam etiam ad alia juris remedia procedi procul dubio faciemus. Quoniam (quod dolenter referimus) nonnulli Sacerdotes contra Canonum Statuta, cum ad convocationes Decanorum, vel anniversaria Principum, exequias, vel peractiones, aut quamcunque aliam vocationem, ad collectam veniunt, sese inebriare, ac alias ad bibendum cogere, & ad æquales haustus obligare non verentur in grave scandalum plurimorum, ac animarum suarum periculum; quapropter præsentis Statuto singulis Decanis in virtute sanctæ obediendiæ districtè præcipiendo mandamus, quatenus omnes Confratres suos ex parte nostra diligenter moneant, & requirant, ne post peractum Divinum Ministerium, in contemptum & irreverentiam Ordinis Clericalis ita, ut præfertur, se inebriare præsumant; sed præmissa oratione ad necessariam refectionem ad prandium, & tabulas discrete resideant, nec

nec plausus & risus inconditos, fabulasve inanes, aut turpes jocos, ibidem referant, sed unus ipsorum aliquis de sacris literis ad mensam legat : post refectionem vero exemplo Dominico Hymnum sive gratias dicat, & se omnes contineant maxime in talibus locis, ut non vituperetur illorum ministerium. Si vero quenkumque hoc præsens nostrum Statutum violare (ad denuntiationem Decani, quam infra mensem sub pœna suspensionis facere tenetur) compertum fuerit, volumus eundem digna animadversione ad arbitrium Vicarii nostri quam acerrime puniri.

Decanis etiam in virtute sanctæ obedientiæ mandamus, quatenus in singulis convocationibus collecturam fabricæ Ecclesiæ Ratisbonensis diligenter promoveant, faciantque a Confratribus suis eandem cum diligentia temporibus confueris similiter promoveri. Item quia sæpe contingit res & bona decedentium Sacerdotum dissipari, antequam certa ad Nos de eorum obitu potest devenire noticia; eapropter universis & singulis Decanis nostræ Diocesis committimus, eisque sub excommunicationis pœna mandamus: quatenus statim, postquam de alicujus Sacerdotis obitu eis constiterit, autoritate nostra omnia bona mobilia & immobilia, sive contingat hujusmodi Sacerdotes testatos, sive intestatos decedere, sub Ecclesiastico ponant arresto; per hoc enim intendimus ultimas voluntates decedentium Clericorum (quatenus debite exequantur) manutene- re, & Ecclesiarum commoditati providere. Et ne invalores hujusmodi rerum, tanquam sacrilegi, impuniti evadant; eos omnes & singulos arresta hujusmodi violentes, ex nunc, prout ex tunc sententiam excommunicationis incidere volumus ipso facto, quam etiam in contrafacientes ferimus in his scriptis, a qua absolvi non possint, nisi restitutione sufficienti facta, & de licentia nostra speciali. Mandantes etiam taliter excommunicatos publice denunciari, donec meruerint absolutionis beneficium obtinere. Decani vero, qui in præmissis negligentes extiterint, a Nobis impuniti non evadent.

Et postremo, quoniam nonnulli prætextu literarum Apostolicarum, quas

Tomus VI. Concil. German.

se impetrasse mentiuntur, Ecclesiastica Beneficia pro tempore vacantia, etiam nonnunquam incompatibilia, sine dispensatione, propria autoritate, seu verius temeritate, occupare præsumunt in animarum suarum grave periculum: alii vero Vicario, seu provisorio nomine, non obtemperantes a Nobis animarum cura, Ecclesias regunt; Nos volentes hujusmodi periculis animarum obviare, statuimus & ordinamus, ut quilibet Decanus, seu locus ejus tenens, in proxima Confratrum convocatione, post publicationem præsentium, omnes suos Confratres, cæterosque Presbyteros sæculares & religiosos, infra suum Decanatum, Beneficia Ecclesiastica inofficiantes, de quorum titulis, investituris, dispensationibus, & animarum cura sibi non constat, ad ostendendum respective investuras, titulos, dispensationes, & curæ animarum commissiones, infra quindecim dierum spatium, sub pœna suspensionis a Divinis, auctoritate nostra requirant, & post lapsum hujusmodi termini rebelles, sive contumaces, suspensos in scriptis denuntiet, ac de cætero nullum ad inofficiandum aliquod Beneficium in suo Decanatu, nisi prius visis literis investituræ, curæ, seu dispensationis hujusmodi, quovis quæsito colore admittat. Quod si Decanus quempiam literas suas, ut præferret, non ostendentem, in regimine Ecclesiastici Beneficii scienter & malitiose tolerare præsumpserit, ipsum, ut supra narratur, non suspendendo, ex tunc quindecim diebus a tempore notitiæ elapsis, Decanus ipse suspensionis sententiam incurrat ipso facto. Sit autem forma suspensionis, quam Decani in scriptis ferant, hæc videlicet: *Quia tu sub pœna suspensionis monitus, ut titulum tui Beneficii, vel simile, secundum exigentiam ostenderes infra quindecim dierum spatium; hujusmodi mandato non parvisisti: ideo auctoritate mihi commissa, te in his scriptis a Divinis suspendo, & suspensum denuntio in Nomine Patris, & Filii, & Spiritus Sancti.*

De Majoritate & Obedientia.

Cum Sacris Canonibus sit institutum, quod, si quis contra Decretum Episcopi venerit, ab Ecclesia abjiciatur; quare volumus præsentes nostros Syno-

dales Canones ab omnibus debita obedientia fervari. Insuper quoniam nonnulli Abbates & Prælati, Nobis Dicecesana lege subditi, præterea etiam exempti, habentes tamen populum, & curam animarum, nec non Ecclesias Parochiales; ad Synodum, visitationes, & convocationes Decanorum (in quibus hæc nostra Statuta Synodalia, & alia Mandata nostra pro tempore publicantur) contra Canonicas Sanctiones venire contemnunt: quos tenore præsentis Statuti ad debitam obedientiam requisitos esse volumus. Mandantes, quatenus per se, eorumque provisos, quibus animarum cura a Nobis est commissa, ad hujusmodi convocationes accedant; alioquin contrafacientes ad obedientiam Nobis exhibendam canonicè compellere curabimus.

De Judiciis.

Officii nostri debitum (quo sumus universis nostræ jurisdictioni creditis in iustitia debitores) exigit, & ad hoc potissimum nos inducit, ut Ecclesiasticæ libertatis auctoritatem præservemus, ac etiam opportuna provisionis adhibeamus remedia, per quæ jus suum quisque consequi valeat. Sane multorum clamoribus, & fide dignorum relatione non sine perturbatione mentis nostræ accepimus, qualiter nonnulli laici propter potentiam & crudelitatem sint adeo perverfi, quod conantur impedire & turbare Jurisdictionem Ecclesiasticam, prohibendo, ne quis causas super decimis, & censibus, ac bonis Ecclesiarum, nec non matrimonii, & generatim ad forum Ecclesiasticum de jure vel consuetudine pertinentes, coram Ecclesiastico Judice tractet, judicium, & iustitiam libere quærat: præterea nuntios, seu curiores, judiciales literas deferentes verbis opprobriosis, & quandoque verberibus, afficiunt, in non medicam libertatis Ecclesiasticæ contumeliam & jacturam: unde iustitia retardatur, autoritas Ecclesiæ vilescit, mandataque nostra, & judicium contemnuntur. Nos igitur cupientes, quantum cum Deo possumus, huic morbo, ne amplius invaleseat, opportuna medelam adhibere, considerantesque, malitiis hominum non esse aliquatenus indulgendum, ut tamen, qui moribus propriis, ac nulla conscientie

castigatione corriguntur, saltem Ecclesiasticæ & Canonicæ vindictæ perfodiantur aculeis; omnes & singulos Jurisdictionem Ecclesiasticam, ut præfertur, impediennes, excommunicationis sententiam incurrere decernimus ipso facto, a qua, nisi tam Judici cujus cognitio fuerit impedita, vel jurisdictio turbata, quam parti, quæ in prosecutione sui juris fuit suspensa, de injuria, damnis, & expensis, ac interesse, prius per eosdem integre fuerit satisfactum, & absque consensu nostro speciali, nullatenus absolvantur. Mandamus insuper singulis Ecclesiarum Rectoribus, quatenus præsentem Constitutionem nostram ad minus semel in anno populo publicent, & insinuent; ne aliquis possit in his ignorantiam allegare. Inhibemus etiam, & sub pœna excommunicationis interdiciamus tam Clericis, quam laicis nostræ jurisdictioni subiectis, ut nullus contra sacros Canones de causis matrimonialibus cognoscere, concordare, seu definire qualitercunque præsumat; sed easdem causas ad Officiale Capituli nostri remittat indilate. Confessores quoque & Curati quamprimum de cohabitatione, vel etiam matrimoniorum suorum Parochianorum, utrum de jure subsistere possit, dubium emerferit, eosdem specificè moneant; ut infra duos menses proximos pro decisione recipiende Officiale prædictum accedant, & causam hujusmodi usque ad finem prosequendam sententiam desuper obtineant; alioquin contemtores eosdem per Sacramentorum subtractionem, & Ecclesiasticæ sepulture denegationem arceantur: ipsi quoque Presbyteri, qui taliter non monendo processerint, pœnas Canonicas non evadent.

Licet illorum, qui occulto Dei judicio asseruntur lepræ morbo percussi, separatio a communione hominum, majoribus gradibus Eccles. secundum Medicorum examen duntaxat sit credita; frequenti tamen querulantium assertione percepimus, plerosque innocenter separatos, alios separandos collectos. Quare præsentī statuto sub excommunicationis pœna inhibemus, quod nullus deinceps sive Clericus, sive laicus, quemcunque hominem quovis modo, vel forma, sua temeritate audeat judicare le-

pro-

profum, vel ab hominum communione separare: sed universis in Dicecesi nostra degentibus firmiter præcipimus, ut suborta contra aliquem fama, quasi lepræ morbo sit percussus; talem ad summum Scholasticum Ecclesiæ nostræ majoris remittat, tanquam ad Sacerdotem Leviticum, per ipsum amplius medicorum examini subjiendum, ac prout calus exegerit, judicandum. Nolumus etiam aliquem ad leprosarum Dicecesis nostræ qualitercunque admitti, nisi, ut præfertur, judicatus fuerit, literasque desuper consuetas obtinuerit.

De Foro competenti.

Prædecessorum nostrorum vestigiis inhærentes, duximus statuendum, ne Prælati, seu quivis alius Clericus, alium Prælatum, sive Clericum, aut etiam laicus quamcunque aliam personam Ecclesiasticam coram sæculari Judice trahere, vel convenire: aut tractus, vel conventus, sponte & judicialiter, nisi in casibus de jure concessis, præsumat respondere; alioquin tam trahentes, quam tractos, ultra penas contra tales a jure promulgatas, excommunicationis sententiam decernimus incurrere ipso facto, quam etiam pœnam ad Judices ipsos forenses, qui Clericos coram se experiri cogunt, extendi volumus. Citati vero raliter debent absque mora ad Nos, vel nostrum in Spiritualibus Vicarium habere recursum, ad impetrandum remissionis literas, vel aliter, prout expedire cognoverimus, eis providendum. Statuimus etiam, ne Judices Ecclesiastici se de causis, quas laici habent inter se, nisi tales essent, quod ad forum Ecclesiasticum de jure pertineant, aliquatenus intromittant; ne ex hoc sæculare judicium (quod esset valde incongruum) enervetur. Sed quoniam dubitationes insurgunt, videlicet, quæ causæ debeant ad forum Ecclesiasticum pertinere, sequentes casus duximus annotandos, ne tam Judex Ecclesiasticus, quam sæcularis, per ipsorum ignorantiam se valeant exequiare.

Imprimis omnes invasores Ecclesiasticarum rerum, seu personarum, religiosorum locorum, sub Ecclesiastico Judice conveniuntur.

Item causæ rusticorum vel servorum Ecclesiæ.

Item causæ publice pœnitentium.

Item causæ pupillorum, viduarum, & miserabilium personarum.

Item causæ peregrinorum.

Item, quando Judex sæcularis justitiam reddere negligit.

Item in crimine sacrilegii, usurarum, hæresis, Simonia, excommunicationis, adulterii.

Item causæ matrimoniales, dotis, & super decimis, oblationibus, & censibus Ecclesiarum.

Item causæ nativitatis, Beneficiales, Juris patronatus, rapinae, ratione peccati, & voti fracti, pretii deserviti. Item ratione Juramenti.

Item, quando aliqua pars fuerit Ecclesiastica, etiam super re profana, nisi in casibus a jure concessis, coram Ecclesiastico Judice tantum respondebit.

De Fide Instrumentorum.

Cum sæpe ex Notariis incognitis & imperitis grandia pericula consueverint evenire; mandamus, quatenus personæ gerentes se pro Notariis, seu Tabellionibus publicis in Dicecesi nostra, in judicio, vel extra nullatenus admittantur, nec eorum instrumenta tanquam publica recipiantur; nisi coram Vicario nostro de eorum officio faciant plenam fidem, & alias idonei reperiantur, literasque desuper obtinuerint fide dignas.

De Sententia & re judicata.

Intelleximus, quod interdum Ecclesiarum Rectores cum subditis suis in causis matrimonialibus, cum dependentiis & connexis, ad Judicem Capituli nostri adveniunt, & latis sententiis definitivis, prætendentes sufficere, quod lectioni sententiæ interfuerint, partes jubent sine literarum expeditione recedere: contingit quoque, quod latis hujusmodi sententiis, partes Plebanos suos, & alios, decipere volentes, asserunt, eas aliter esse latis, quam veritas existit, & cum iterum ad Consistorium prædictum redeunt, contrarias reportant sententias: Et quia procul dubio propter temporis diuturnitatem de sententiæ hujusmodi tenore sine literis ita præcise constare non potest, & eveniunt exinde scandala, ac animarum non modica pericula.

L 3

Nos

Nos volentes illis occurrere, præfenti Edicto diftrictè inhibemus, ne de cætero Reſtores Eccleſiarum, vel alii Presbyteri, quamcunque ſententiam, præſertim in cauſa matrimoniali, ubi periculum vertitur animarum, latam, exequi, vel publicare præſumant; niſi literas deſuper habeant patentes, & expeditas. Decernimus quoque, partibus aſſerentibus, ſententias pro matrimonio, vel contra latas, abſque earundem ſententiarum literis debite ſigillatis, credi non debere: & nihilominus eosdem aſſerentes a Sacramentorum communione (mortis articulo ſalvo) excludendos; donec & quousque ſententias huiusmodi ſcriptas, & debite ſigillatas, curaverint exhibere. Reſtores autem & Plebanos eosdem, ſi quamcunque ſententiam, priuſquam illam, ut præfertur, expeditam & ſigillatam receperint, exequi præſumpſerint, per integrum menſem fructibus Eccleſiarum ſuarum careant, & niſi poſt lapſum huiusmodi menſis errorem ſuum correxerint, ipſos ab ingreſſu Eccleſiæ ſuſpendimus ipſo facto.

De Vita & Honeſtate Clericorum.

Cum in Clericis & Eccleſiaſticis perſonis vigerè debeat vitæ honeſtas, morum maturitas, & gravitas tam verbo, quam exemplo, nec ullum levitatis indicium in eis apparere; quidam tamen plus cum his, qui in mundo, & ad ſimilitudinem laicorum, quam cum his, qui in ſortem Domini recepti ſunt, vivere, & ſe eis conformare ſatagunt. Quapropter ſtatuiſmus, atque mandamus, quatenus Clerici de cætero officia, ſeu ſæcularia commercia non exercent, maxime inhoneſta; ſed victu, geſtu, ac circumſtantiis ſtatus ſui honeſte ſe habeant, & a ſpectaculis publicis abſtineant; ne propter ipſos nomen Eccleſiaſticum inter laicos blaſphemetur: ad aleam, & taxillos, ſeu chartas non ludant; ne de patrimonio Crucifixi ſe faciant inimicos crucis Chriſti: in conviviis ſuis privatis, & convocationibus publicis, modeſtiam, & mediocritatem obſervent, Coronam, habeant competentem, clauſa deſuper deferant indumenta, nimia brevitate & longitudine non notanda: pannis rubeis, & viridibus, aut

albis, non utantur. Diſcooperitis capitibus in plateis non vadant, non vagis oculis, non effræni lingua aut petulanti, fluidoque geſtu incedant, ſed pudorem & verecundiam mentis ſimplici habitu, inceſſuque oſtendant, quatenus per decentiam habitus extrinſeci intrinſeca morum honeſtas oſtendatur: quicunque autem veſtem, ut præfertur, prohibitam temere deferre præſumpſerit, veſtem ipſam perdat. Inſuper omnes Clerici tabernas publicas, niſi in itinere conſtituti, ſub pœna arbitraria proſuſus evitent, & ſuperfluitatem indebitam reſecantes, ebrietatem omnium vitiorum fomitem & nutricem fugiant diligenter.

De Cobabitatione Clericorum & Mulierum.

DECRETUM CONCILII BASILIENSIS.

Quicunque Clericus, &c. *Vide ſupra pag. 68. huius Tomi: ubi Decretum hoc integrum allatum fuit.*

Licet itaque per præſatum Decretum Concilii Baſilienſis, ac etiam Sacrorum Canonum Conſtitutiones ſalubriter fit proviſum, ne Clerici concubinas tenere, vel ſecum habere præſumant; quidam tamen Clerici, laſciviam ſuam magis, quam decreta huiusmodi ſequentes, nec pœnas formidabiles advertentes, concubinas publice tenere adeo inverecunde præſumunt; quod quidam cæcitate mentis, neque ſcandalum, neque peccatum eſſe putant, & indies tamen cum Juda ſe Altari ingerunt, licet in ſtatu pœnitentiæ (quamdiu concubinas retinent) ſtare non poſſint; ſed eorum pravo exemplo multos quotidie inficiunt & corrumpunt. Cum autem talia nequeamus, neque debeamus coniventibus oculis præterire; conſiderantes, quod plures pœnarum gravitas, quam Dei timor arcere ſolet a voluntate peccandi: ac ſummis deſideriis aſſectantes, quatenus hoc peſtiferum vitium concubinitas non ſolum ex uſu, ſed etiam mentibus hominum penitus evellatur: volentes præterea, Decretum Sacri Concilii Baſilienſis, uti tenemur, exequi; Prædeceſſorum noſtrorum veſtigiiſ inhzrendo ſtatuiſmus & mandamus, quatenus omnes & ſinguli Clerici concubinas, aut quascunque alias mulieres de

de incontinentia suspectas, etiam cum pueris, si quos ex eisdem procreaverint, infra triginta dierum spatium post publicationem præsentium eis factam (quorum triginta dierum decem pro primo, decem pro secundo, & reliquos decem dies pro tertio & peremptorio termino, ac monitione Canonica eis, & cuilibet ipsorum assignamus) veraciter & ex toto a se repellant & rejiciant, nec eas si rejectas, aut alias quascunque de incontinentia suspectas, in domibus propriis, seu vicinis, habere & nutrire, sed neque ipsos pueros, seu sic suspectas, ad se redire, seu accedere permittant. Alioquin tales, qui infra dictum tempus concubinas non dimiserint, aut rejectas ad se redire permiserint, quarta parte fructuum unius anni, quos de beneficiis, quæ obtinent, percipiunt, sint ipso facto privati: si vero Beneficiati non fuerint, quarta parte obventionum, quam de quocunque statu Ecclesiastico percipere habent, sint privati, vel saltem poena arbitraria puniantur; si qui vero adeo indurati, nec Deum timentes, nec metu poenarum hujusmodi mandatis nostris obdiderint, ac moniti ex superabundanti, non destiterint; ab officio, & beneficiis suis suspensos declarari, declaratosque publice denuntiari faciemus.

Intimantes nihilominus eisdem Clericis concubinariis præsentibus, & futuris, quod, quicunque hujusmodi sententias suspensionis & poenas contemnere præsumpserint, in rebellionemque continua ultra triginta dies alios temere perduraverint; quod Nos contra præsumptores eosdem etiam ad excommunicationis, & deinde, exigente contumacia, ad privationis beneficiorum, & alias graviores poenas, prout protervitas eorum postulabit, jurisque ac rationis ordo dictaverit, per Nos, aut nostrum in Spiritualibus Vicarium procedemus, & procedi faciemus. Præterea cum Clerici concubinarij notorii sint ipso jure ab officiis & beneficiis suis suspensi quoad se, & alios; quapropter eisdem districte præcipiendo mandamus, ne se Divinis ingerant: alioquin ministrando in sacris Ordinibus, eosdem irregularitatem declaramus incurrere ipso facto, a qua, nisi per Sedem Apostolicam, non poterunt liberari.

Postremo statuimus, & universis veris Pastoribus districte præcipiendo mandamus, quatenus de vita & conversatione moribus ac idoneitate Vicariorum suorum, antequam Nobis præsententur, diligenter inquirent.

Ipsis etiam præsentatis & admissis, similiter omni anno de vita & conversatione ipsorum inquirere non omittant, & eos, quos vitio incontinentiæ laborare, ac concubinas tenere invenerint, a tempore, quo excessus hujusmodi ad eorum pervenerint notitiam, nostris aut Vicarii nostri auribus deferant infra mentem. Alioquin ipsis Pastoribus privilegium a Nobis concessum, præsentis statuto revocamus, & nihilominus contra ipsos ad poenam suspensionis a Divinis, quantum de jure poterimus, procedemus.

De Clericis non residentibus.

Cum in Lateranensi Concilio provide statutum sit, quatenus Ecclesiæ (præsertim, quibus cura imminet animarum) personis idoneis, qui resident, ut curam valeant per se ipsos exercere, tantummodo conferantur; quapropter omnes & singulos Parochialium Ecclesiarum Rectores præsentis Constitutione ad residentiam personalem requirimus & citamus, nisi forte vel propter studium literarum, vel ex aliis honestis causis a Nobis, aut Vicario nostro meruerint licentiam obtinere specialem. Idem etiam decernimus in beneficiis non curatis statuendum. Et ideo curis, sub poena suspensionis a Divinis, districte inhibemus, ut nullus Beneficiatus nostræ Diocesis ab Ecclesia, seu beneficio suo, ad quam, seu quod intitulatus existit, se absentare velit, nisi nostra aut Vicarii nostri licentia obtenta, non obstantibus quibuscunque consuetudinibus, confirmationibus beneficiorum, ac aliis forsitan in contrarium facientibus.

De Præbendis, & concessione earundem.

Grave nimis & absurdum, quod quidam Ecclesiarum Prælati, & alij seculares ac Religiosi, cum possint viros idoneos ad Ecclesiastica Beneficia & Ordines sacros præsentare; assumere & promovere non verentur indignos & igna-

ignaros, quibus nec morum honestas, nec literarum scientia, neque ætatis maturitas suffragantur. Unde quanta exinde Ecclesiis damna proveniant, nemo sanæ mentis ignorat. Ex hoc enim status Ecclesiasticus deformatur, salus animarum negligitur, & alia plura mala & scandala sequuntur. Volentes igitur huic morbo mederi, præcipimus, ut prætermisissis indignis idonei ad Beneficia Ecclesiastica & Ordines sacros præsententur, qui Deo & Ecclesiis velint & valeant gratum efficere famulatum: contrarium vero præsumentes pœnis, a sacris Canonibus institutis, decernimus iustitia mediante puniendos, inhibentes Vicario nostro in Spiritualibus, qui est, & qui pro tempore erit, ac aliis quibuscunque, ne aliquos sæculares vel etiam regulares ad Beneficia Ecclesiastica, præferant quibus cura imminet animarum, admittant, seu instituant, vel ad Sacros Ordines promoveant, seu promoveri permittant; nisi prius tales de & super scientia, moribus, ætate, ac cæteris de jure necessariis fuerint examinati, & idonei reperti. Quod si secus incaute fuerit ab aliquo præsumptum, non solum deiciendus indigne promotus: verum etiam promovens indignum animadversione condigna puniendus erit. Denique prohibemus in virtute sanctæ obedientiæ, & sub pœna suspensionis a Divinis, nec non sub obestatione Divini Judicii, ne Sacerdotes, & aliæ Ecclesiasticæ personæ a Patronis Ecclesiarum ad beneficia vacantia nomine & vice alicujus minoris aut impuberis, vel alterius non idonei, se faciant pro veris Rectoribus præsentari; quoniam ex illo execrabili abusu Ecclesia Dei, & animæ fidelium damnabiliter decipiuntur, ipsa quoque Ecclesia Simoniaca inficitur pravitate, cum ipsi minores seu impuberes, ac alias minus idonei, proventus beneficiorum sibi retinere præsumunt, ac ipsos institutos sub pacto ad resignandum (postquam ad ætatem legitimam pervenerint, aut alias idonei fiant) astringunt contra Canonicas Sanctiones: cum autem in talibus omnis pactio, aut conventio cessare debeat; volumus, quod si qui hætenus taliter præsentati fuissent fraudulenter, eadem beneficia resignent, quod eis sub prædictis pœnis firmiter præcipimus & per præsentantes.

De Institutionibus.

Quoniam a Sanctorum Patrum & institutionibus alienum, & Ecclesiasticæ contrarium honestati, quod Clerici Ecclesiastica Beneficia nonnunquam sine titulo Canonico, & absque consensu, seu investitura nostra ordinaria, propria auctoritate recipiunt, aliquando ad solam voluntatem Patronorum; & propter ex Officio Nobis commissio tam in illos, qui Ecclesiastica Beneficia taliter occupata ultra novem dierum spatium (quem terminum eisdem pro Canonica admonitione peremptorie assignamus) scienter detinent, quam etiam in eos, qui de cætero talia occupare præsumperint, excommunicationis sententiam ferimus in his scriptis, a qua sine speciali nostra licentia minime absolvantur. Insuper volumus, quatenus omnes & singuli Clerici nostræ jurisdictioni subiecti, postquam Beneficia Ecclesiastica auctoritate Apostolica obtinent, teneantur infra spatium unius mensis Nobis, aut Vicario nostro de eorundem jure & titulo legitimam facere fidem, sub pœna arbitraria, propterea eis, nisi id fecerint, infligenda. Idem etiam decernimus statuendum de illis, qui plures dignitates vel Ecclesias, quibus cura animarum imminet, cum dispensationibus Apostolicis obtinent, quatenus hujusmodi dispensationes, vigore quarum Ecclesias, Personatus seu dignitates easdem se tenere asserunt, pariter infra mensem nostro, aut Vicarii nostri arbitrio exhibeant.

Ut Beneficia Ecclesiastica sine diminutione conferantur.

In quibusdam locis laici Fundatores, sive Patroni Ecclesiarum, vel hæredes ipsorum, potestate, in qua Ecclesia hucusque eos sustinuit, abutuntur: nam partem decimarum, vel aliarum obventionum in Beneficiis, in quibus jus obtinent Patronatus, sibi retinent ex pacto, cum præsentant Clericos ad eadem; unde Nos ad hujusmodi malam perniciem extirpandam statuimus, quod si tales Clerici, se de portione debita spoliari videntes, ad Nos, vel Vicarium nostrum non detulerint, sint ipso facto suspensi, & nihilominus eisdem Beneficiis priventur, aliisque Presbyteris idoneis provideatur de eisdem. Si vero ad Nos de-

rule-

tulerint quæstionem, ipsum Patronum per censuram Ecclesiasticam ab hujusmodi molestatione compesci volumus, & demandamus. Adjicientes nihilominus, quod si in hoc Patronus exiterit pertinax, ad præsentationem talis Beneficii nullatenus admittatur.

De rebus Ecclesie non alienandis.

Districte inhiibemus, ne Abbas, Abbatissa, vel quicumque Prælati, aut Clericus obliget, vel quocunque obligationis titulo ab Ecclesia transferat, vel commoret Ecclesiarum possessiones, decimas, vel quascunque res alias: sed neque bona Ecclesiarum in usumfructum, seu Emphyteusim perpetuo concedat, aut Præbendas vendat laicis, vel aliis, quod vulgariter *Leibgeding* appellatur, nisi ex certa scientia nostra, & juxta formam in Canonibus comprehensam. Si vero quisquam contractum hujusmodi fecerit, eum a perceptione fructuum suæ dignitatis, vel beneficii, quod obtinet, decernimus suspendendum. Insuper edicto perpetuo inhiibemus, & inviolabiliter observari volumus, quod nullus Clericorum, cujuscunque gradus, seu dignitatis existat, Calices, libros, ornamenta, & alia utensilia quæcunque, ad Divinum cultum spectantia, distrahere, obligare, seu alienare præsumat, nostra, seu illorum, quorum interest, licentia non obtenta; alioquin tales noverint, se ipso facto sententiam suspensionis a Divinis incidisse. Si quis vero monitus non restituerit Ecclesie, quæ Ecclesie sunt; is noverit ipso facto se sententiam excommunicationis incurrisse. Statuimus etiam, ne aliquis Procurator, vel œconomus Parochialis, aut filialis Ecclesie (qui vulgariter *Kirchprobst* dicitur) cum bonis Ecclesiasticis sub nomine Sanctorum, & Patroni illius Ecclesie, contractus illicitos ulterius exercere præsumat; alioquin ex nunc talem a perceptione corporis Christi suspendimus ipso facto. Præterea intelleximus, qualiter hujusmodi œconomi, vel vitrici Ecclesiarum, redditus, qui Ecclesiis & luminaribus atinent, ad suos conferunt usus, & in alias transferunt personas, res & bona Ecclesiarum alienando: quibus sub excommunicationis pœna districte præcipiendo mandamus, quate-

nus de omnibus & singulis perceptis, vel quæ percipere potuerunt, singulis annis coram Plebano loci, & duobus, vel tribus de plebe, faciant rationem; alioquin per Plebanos ad reddendas rationes per Sacramentorum subtractionem, & alia juris remedia, compellantur. Sed quoniam nonnulli vitrici, cum rationes hujusmodi facere contueverunt, larga convivia præparant cum incommodo & jactura Ecclesiarum: aliquando etiam per potestatem sæcularem ad hujusmodi superfluas expensas faciendas compelluntur; quapropter tam Judicibus sæcularibus, & aliis quibuscunque, quam ipsis Vitricis, sive fabricæ Magistris, & Plebanis, sub pœna suspensionis a perceptione corporis Christi, pariter inhiibemus; ne hujusmodi expensas sumptuosas cum detrimento Ecclesiarum faciant, seu fieri procurent. Injungimus præterea præfatis Administratoribus, Vitricis, sive Magistris fabricæ, quatenus in suis officiis fideles existant, velut Deo, cujus res tractant, rationem reddere habeant: quodque diligenter attendant circa domorum Dei ædificationes, & ornamentorum defectus; ut juxta eorum facultatem & qualitatem decorentur. Si vero quisquam ex præfatis Magistris fabricæ, aut Vitricis, negligens repertus fuerit, vel singulis annis rationem reddere recusaverit; hunc debeat & possit Plebanus, seu Rector Ecclesie, infra cuius limites hoc contingit, per Sacramentorum subtractionem pariter stringere, vel ad nostram, vel Vicarii nostri audientiam remittere. Volumus autem præsentem nostram Constitutionem ad minus semel in anno populo publicari.

De Testamentis.

Quia circa Clericorum testamenta, & illorum executiones sæpe fraudes committuntur, bonaque per eos relicta ad usus non destinatos, vel alias inutiliter dispensantur; quapropter Nos, quibus ex officio provisio circa hæc merito incumbit, remedium ponere volentes, statuimus, ut quicumque de executionibus testamentorum, vel dispensatione bonorum per Clericos decedentes relictorum, se intromittere velit, teneatur infra mensis spatium de sua constitutione fidei commissaria, vel executoria ultimæ

voluntatis, coram Nobis, aut Vicario nostro, plenam & idoneam facere fidem, antequam manum apponat ad exequendum, vel relicta bona defuncti Clerici dispensandum. Inventarium etiam sub manu autentica, vel in præsentia duorum testium, fide dignorum, de bonis relictis & inventis omnino conficiat, obtineatque testamentum hujusmodi a Nobis confirmari, ac post lapsum anni, a morte testatoris computandi, similiter infra unius mensis spatium, Nobis, aut Vicario nostro, integram de inventis, perceptis & distributis faciat rationem. Si quis vero aliter & præmissis non observatis, bona cujuscunque Clerici dispensare præsumpserit; Fisco nostro in summa quinquaginta florenorum multandus existat. Quod autem præmissa firmitus observentur, mandamus, statutum nostrum, supra de officio Decani propterea editum, diligenter practicari. Ad aures nostras per clamorofam insinuationem multorum devenit, quod nonnunquam Patroni, Ecclesiarumque Advocati, Judices, & præcones, res & bona decedentium Clericorum occupant, volentes ab intestato succedere pro suæ voluntatis arbitrio; quare provide duximus statuendum, quod nullus Ecclesiasticus vel sæcularis, cujuscunque status, vel dignitatis fuerit, Clericorum decedentium bona rapiat, dissipet, aut invadat quocunque quæsito colore: contrafaciens ab ingressu Ecclesiæ vivens arceatur, neque ad Communionem sacram, nisi restitutione facta, & de licentia nostra speciali aliquatenus admittatur: moriens vero Ecclesiastica careat sepultura. Et ne quisquam per ignorantiam se valeat excusare, mandamus, quatenus Rectores Ecclesiarum hanc nostram Constitutionem ad minus semel in anno, inter cæteras a sacra Communione prohibitiones, publicare non omittant. Cum Nobis ex officio pastoralis incumbat, utroque jure suadente, ultimas voluntates & testamenta defendere, maxime pro animarum salute, & ad pios usus ordinata; Quare universis nostræ jurisdictioni subiectis Ecclesiasticis, & sæcularibus, sub excommunicationis pena districte præcipimus, & mandamus, ne testamenta & ultimas fidelium Ecclesiasticarum, vel sæcularium personarum voluntates maxime ad pios usus & ani-

marum salutem se extendentes, earumque executionem directe vel indirecte impediant, negligent, vel retardent. Pariter universis & singulis Civitatum, seu Collegiorum, aut Communitatum Prælati, Rectoribus, Judicibus tam Ecclesiasticis, quam sæcularibus, sub interminatione Divini judicii, & excommunicationis sententia, quam in contrafacientes, sex dierum monitione prævia, ferimus in his scriptis, districte præciendo mandamus; ne prætextu cujusvis consuetudinis, seu statuti, aut quovis alio modo liberam testandi facultatem ad pias causas, ac pro animarum remedio & salute impediant; cum nihil sit; quod hominibus magis debeat, quam ut supremæ voluntatis liber stylus existat: & Nos hujusmodi statuta & consuetudines, tanquam Deo odibiles, animabus & bonis moribus inimicas, auctoritate hujus salutaris Constitutionis penitus reprobamus, firmiter statuantes, ut illis (quos jura a Testamentorum non prohibent factione, & dummodo hæredes suos necessarios, & legitimos, contra juris determinationem non prætereant) legandi, disponendi, & ordinandi de bonis sibi a Deo collatis, ad pia loca, Ecclesiasticas, & alias personas libera sit facultas. Et postremo præfatis omnibus sub dicta excommunicationis pœna inhibemus, ne de Testamentorum & legatorum pro Deo, seu animarum salute, & ad pios usus factorum, causarum quoque, occasione eorundem pro tempore motarum, seu movendarum cognitione se intromittant; sed Nos, & Officiales nostros, ordinariam jurisdictionem causarum hujusmodi habentes, libere in his judicare permittant. Et ut nemo de his se per ignorantiam valeat excusare, volumus hoc præsens Statutum ter in anno per Ecclesiarum Rectores in suis Ecclesiis expresse publicari.

De Sepulturis.

Nos instituta majorum Patrum considerantes, rationi consonum judicamus, quod ubi quis vivus Ecclesiastica recipit Sacramenta, ibi mortuus requiescat; omnibus igitur & singulis Christi fidelibus, per Dioccesim nostram ubilibet constitutis, qui deinceps in agone vitæ suæ apud suas Ecclesias Parochiales viatico Corporis Christi communicaverint,

&

& apud easdem Ecclesias sepulturam elegerint, seu procuraverint sepelire, de Omnipotentis Dei misericordia confisi, quadraginta dies de injunctis sibi pœnitentiis misericorditer relaxamus.

Nullus præterea sæcularis vel Religiosus alienum Parochianum in sua Ecclesia sepelire præsumat; nisi sepulturam ibidem elegerit sua propria & matura voluntate, Ecclesiæ Parochialis juri- bus semper salvis; caveant autem omnes Ecclesiasticæ personæ, atque omnes utrisque sexus homines, ne quendam ad hujusmodi electionem, directe vel indirecte inducere præsumant, alioquin noverint se pœnas juris incidisse.

Item ordo juris confunditur, si jus suum unicuique non servatur, quapropter statuimus ordinando, ut personæ Ecclesiasticæ tam sæculares, quam regulares, cujuscunque ordinis vel status existant, qui alterius Ecclesiæ Parochianum per electionem sepulturæ, rite & legitime factam, ad suam Ecclesiam vel cœmeterium susceperint tumulandum, Rectori ejusdem Parochiæ, de quibuscunque obventionibus, occasione ipsius funeris provenientibus, secundum Statuta Canonica quartam partem infra quindenam post ejusdem funeris tumulationem aut peractionem, & dicti Rectoris requisitionem integre persolvere teneantur, alioquin (salvis aliis pœnis juris) omnes, qui in dicta quarta parte solvenda & termino prædicto se negligentes exhibuerint, per censuram Ecclesiasticam præcipimus coerceri, tanquam aliena temere & de facto detinentes.

Malas voluntates hominum tamen si nequeamus ex toto cohibere; tamen ex officii nostri debito malitis hominum, quantum possibile est, occurrere cupientes, Constitutione præsentis duximus statuendum, quatenus nullis publice criminosos, usurarios manifestos, nisi restitutione juxta possibilitatem, vel cautione sufficienti de pecunia fœderali restituenda facta, & præstita, absolvat. Item excommunicatos a jure statuto, vel homines suspensos patibulo, vel qualitercunque per sententiam mortis traditos, nisi pœniterint & in pœnitentia decesserint, in cœmeteriis non sepeliant.

In torneamentis, ludis, & pub-

Tomus VI. Concilior. German.

licis spectaculis, vel per se occisos, aut subito absque viatico decedentes, & præsertim eos, qui tempore Paschali Constitutioni: *Omnis utriusque sexus &c.* satisfacere propria temeritate neglexerint;

Insuper eos, qui bona decedentium Clericorum propria autoritate & temeritate publice invaserunt, & detinent, nisi restitutione facta: Denique blasphemos nominis Dei & Sanctorum publicos, nisi pœniterint, *nemo* tradere præsumat Ecclesiasticæ sepulturæ, nisi licentia super his a Nobis petita & obtenta. Sed quia plerumque contingit, multos utriusque sexus homines absque viatico & perceptione Sacramentorum, culpa non accedente, ex hac vita decedere; quare volumus, quod Decani rurales in hoc solo casu facultatem habeant, concedendi licentiam, sepeliendi, salvis tamen juri- bus nostris consuetis; in aliis vero casibus supra enarratis, nolumus eandem facultatem ad eos quomodolibet extendi.

*De Parochiis & alienis Parochia-
nis.*

Gravis querela ad nostras aures devenit, quod nonnulli Clerici suis juribus & finibus non contenti, Parochianos alienos ad confessionem, aliaque Sacramenta Ecclesiæ, Divina Officia, & sepulturam, in periculum animarum suarum alliciunt, & temere admittere præsumunt contra Canonicas Sanctiones, cum non liceat alteri mittere falcem in messiem alienam; Nos igitur Sanctorum Patrum vestigiis inhærentes, qui, Ecclesiæ Sanctæ & personis Ecclesiasticis terminos (quos non licet transgredi) posuerunt, mandamus, quatenus Rectores Ecclesiarum alienos Parochianos scienter in Ecclesiis eorum non admittant, nisi aliqui propter funus familiare, vel nuptias solennes, aut Dedicaciones Ecclesiarum, seu aliquam evidentem necessitatem illuc venissent. Multo minus etiam de cætero alienum ad confessionem, & alia Sacramenta, seu sepulturam recipiant quovis modo; alioquin per septem dies immediate sequentes, quicumque scienter contraverit, noverit se ab ingressu Ecclesiæ suspensum ipso facto, salvis etiam aliis pœnis a jure desuper editis.

De Decimis & Oblationibus.

Quia Dominus in signum universalis Domini pro ministris Altaris decimas retinuit, Canonicaque Sanctio jubet, eas de omnibus fructibus cum integritate persolvi; statuimus, quod laici decimas ipsas de agris, pratis, hortis & arboribus, nec non de omnibus fructibus, qualitercunque ex terra nascuntur, Clericis, seu Parochialibus Ecclesiis, nullis deductis expensis, sive messorum, sive familiarum, aut mercenariorum sit pretium, etiam si in uno fundo, & eodem anno pluribus vicibus crescant, atque prove-niant plures fructus: & similiter de animalibus, & aliis rebus licite acquisitis, sine omni fraude integraliter tribuant & persolvant. Volumus igitur, ut Plebani, Rectores Ecclesiarum, & alii Prædicatores, tam sæculares, quam regulares, in prædicationibus publicis & confessionibus secretis, charitative populum inducant, declarando, quod ad hujusmodi integram solutionem teneantur, & ex Præcepto DEI, & Ecclesiæ sint adstricti.

Quoniam decimas novalium per totam Diocesin nostram ad Nos, mensamque nostram Episcopalem de consuetudine longæva & rationabili pertinere, manifestum est; ideoque mandamus, quatenus Rectores Ecclesiarum se de illis nequaquam intromittant: sed cum easdem ad culturam redigi, seu præscindi contigerit, infra mensem teneantur, sub excommunicationis pœna quantocius notificare; alioquin contra eosdem ad pœnam præscriptam procedemus, & procedi faciemus. Dicitur autem novale, terra de novo ad culturam redacta, cujus non extat memoria, quod culta fuisset.

Licet omnis Christianus ad Missarum solemniam aliquod munus Deo offerre tenatur, & reducere ad memoriam, quod Deus per Moysen dixit: *Non apparebis in conspectu meo vacuus*; in præcipuis tamen festivitatis, per anni circulum occurrentibus, ad oblationes & offertoria omnes & singulos nostros subditos in suis Parochialibus Ecclesiis, Sacerdotibus suis Curatis juxta consuetudinem earundem Ecclesiarum teneri præsentibus declaramus.

De Regularibus

Monachi, mortui mundo, & Deo viventes, veluti piscis in aqua semper debent in Monasteriis remanere, nec se sæcularium cœtibus immiscere: quapropter Dominis Abbatibus & Prælatibus in virtute sanctæ obedientiæ præcipimus, & mandamus, quatenus Monachos fugitivos, & in sæculo discurrentes, quanto-cius revocare procurent, fiatque in singulis Monasteriis carcer, in quo incorrigibiles, seu alias delinquentes enormiter, prout culpæ qualitas exegerit, recludantur.

Illam vero Abbatum, & Prælatorum pravam consuetudinem reprobamus, qua Prælati pro excessibus levibus, & nonnunquam pro simulatis offensis, passim & indifferenter de Monasteriis ad Monasteria Monachos suos mittunt, & quandoque ab obedientia absolvunt, quæ tamen Monachorum ossibus est irreparabiliter affixa: cum etiam delictum ibi puniri & mori debeat, ubi committitur; nec tales missi ad alia Monasteria peccata sua lugeant, sed vagentur potius absolute. Quapropter si necessitas exegerit, ut aliquis Monachus ad aliud Monasterium transmittatur; hoc Prælati non liceat, nisi de licentia nostra special'. Ne res Ecclesiasticæ in usum convertantur indebitos; sed fidelis dispensatio Prælatorum elucescat; præsentis statuto definimus, ut de bonis Ecclesiæ & administrationis suæ semel in anno Prælati ejuslibet Ecclesiæ & Conventus, Conventui suo plenam faciat rationem, & ad minus ter in anno a suis officialibus Monachis, vel etiam laicis, computationem discretam recipiat & fidelem; alioquin contra tales ad pœnam suspensionis seu privationis procedemus iustitia mediante.

Insuper statuimus, quod quilibet Prælati, cujusvis gradus, ordinis, ac dignitatis existat, beneficia ad ipsum spectantia simpliciter & pure, sine omni diminutione, & pactione conferat, nihil sibi, aut Ecclesiæ suæ reservando, nisi quantum ex antiqua consuetudine, vel privilegio ad se dignoscitur pertinere; alioquin pœnam suspensionis a Divinis noverit se ipso facto incidisse.

Quia Religiosos decet puritatem omni-

omnimodam in suis actibus observare; quam tamen sæpe divagando maculant, & tanquam pseudoprophetæ fabulosis prædicationibus audientium animos plerumque seducunt; eapropter volumus, quod Rectores Ecclesiarum hujusmodi Fratres vagabundos ad proponendum verbum Dei, nec non confessiones audiendas, & celebrandum Divina officia minime admittant; nisi a Nobis & Superioribus suis licentiam habeant specialem, & dictis Rectoribus de eadem licentia faciant plenam fidem. Statuimus insuper, ut regulares proprietarii, nisi post notitiam præsentium infra dies quindecim, quem terminum eisdem pro Canonica admonitione assignamus, proprium ad manus suorum offerant Prælatorum, usque ad restitutionem debitam ab officio Divino sint suspensi, & nihilominus, si manifesta sit proprietas, carcerali custodia mancipientur. Sunt etiam nonnulli Abbates, qui in indulgentiis & remissionibus faciendis, ac in mitris seu infulis, annisque deferendis, nec non in benedictione sacrarum vestium, & Ecclesiasticorum vasorum, insuper etiam in tonsura Clericorum, & cæteris, quæ ad ordinem & officium Pontificale requiruntur, sibi Pontificum potestates usurpant: his districte præcipiendo mandamus, quatenus de cætero talia non attemptent, nisi fidem nobis faciant de privilegiis eisdem propterea concessis.

Ut habitus unicuique debitus Religiosos distinguat a Sæcularibus, a quibus debent vita & moribus esse separati; volumus, ut Religiosi & Religiosæ tam in Monasteriis, quam extra, veste suæ religionis utantur, nec vestes sæculares assumere præsumant.

De Jure Patronatus.

Ecclesiarum Patronos præsentem Sanctione monemus; quatenus vacantibus Ecclesiis de jure & factò, in quibus jus Patronatus obtinent, personas idoneas Nobis, aut Vicario nostro infra tempus a jure statutum, videlicet Patronus laicus infra quatuor menses, Ecclesiasticus vero infra sex menses, studeant præsentare: quod si ultra tempus prædictum Ecclesias ipsas retinere præsumserint; ea vice sint a jure præsentandi privati, Nosque de hujusmodi Ecclesiis tunc provi-

dere curabimus. Quoniam in quibusdam locis Patroni Ecclesiarum potestate, in qua eos Ecclesia sustinuit, abutuntur, partem decimarum, & aliarum obventionum in beneficiis, in quibus jus obtinent Patronatus, sibi retinentes ex pacto, cum præsentant Clericos ad eadem: nonnulli vero fundata beneficia in totum cassantes, redditus illorum sibi usurpant: aliquando etiam, auctoritate nostra neglecta, Clericos instituunt in Ecclesiis, possessionem quoque, & alia Ecclesiastica bona pro sua voluntate plerumque distribuunt; His omnibus occurrere volentes, statuimus, ut sive Clericus, sive laicus hoc facere præsumserit, jure præsentandi sit ipso facto privatus, atque ad sacram Communionem nullatenus, nisi satisfactione prævia, admittatur. Clericus vero, qui Ecclesiam per laicos, sive Patronos etiam Ecclesiasticos, absque auctoritate nostra receperit, Communionem priveretur: & si persistiterit, a ministerio Ecclesiastico & ordine deponatur. Laicos in nonnullis partibus, prætextu fabricæ reparandæ, per Patronos, seu alios laicos, sine consensu Plebanorum, ad recipiendum oblationes, sive proventus, fabricæ Ecclesiarum deputatos, præsentis Constitutionis tenore hujusmodi officio volumus esse privatos, & alios laicos, sive Clericos, sine assensu Plebanorum prohibemus impofterum ordinari: cum consuetudine aliqua induci non possit, ut laici (Prælati Ecclesiarum invitis) bona Ecclesiastica administrent. Nonnulli Patroni Ecclesiarum, Ecclesiis, quæ vacationis laborant incommodo, non verentes addere afflictionem, bona earundem Ecclesiarum morientibus earum Rectoribus, quæ in utilitatem ipsarum expendi, vel futuris deberent successoribus reservari, occupare, & in suos usus convertere nituntur; Nos super hoc vacantibus Ecclesiis providere volentes, omnes & singulos, qui vacantium Ecclesiarum, & decedentium Clericorum bona de cætero, ut præfertur, usurpaverint, a perceptione Dominici Corporis suspendimus ipso facto, & jure Patronatus sint pariter privati. Quamvis Patroni sint Ecclesiis in præsidium deputati, sæpe tamen hoc tendit ad noxam, quod ad defensionem noscitur institutum: nam Advocati pariter & Patroni bona, quæ sunt Ecclesiasticis

usibus deputata, diripiunt, & personas Ecclesiasticas variis & diversis oneribus multipliciter inquietant; cui pesti cupientes mederi, præsentî Constitutione sancimus, ut tam Advocati, quam Patroni, cujuscunque præminentia, seu status fuerint, statutis, & antiquis juribus, ipsis vel eorum progenitoribus in institutione primæva, & cum ipsas advocatias de licentia Prædecessorum nostrorum susceperunt, deputatis, penitus sint contenti: pro posse quoque suo statum, honorem, & Ecclesiarum res & bona fideliter manteneant, & defendant. Alioquin noverint se tanquam raptores & spoliatores Ecclesiarum, atque sacrilegos fore puniendos.

Statuimus quoque, quod Patroni diligenter attendant, ne resignationem cujuscunque beneficii, in quo jus Patronatus habere dicuntur, ad manus suas recipiant; sed quando tales Beneficiati cedere, vel resignare voluerint, ipsos ad Nos, seu Vicarium nostrum, remittant: item neque indignum præsentent, alioquin noverint se a jure præsentandi ea vice penitus cecidisse.

De Censibus.

Pastoribus Ecclesiarum, ac aliis quibuscunque Beneficiatis, sub pœna excommunicationis districte inhibemus, ne sine nostro speciali consensu ex quacunque causa se, aut subditos suos, cuicunque sæculari personæ de novo constituent censuales, vel ad protegendum se submittant: neque præsumant, sine nostro consensu, census, fructus, & redditus, aut bona Beneficiorum suorum in perpetuum, aut alias ad longum tempus impignorare, vendere, locare, commutare, aut quovis modo alienare, pœna sub prædicta. Pastores etiam Ecclesiarum nostræ Diocesis censu antiquo & consueto sint contenti; nisi forte plus, vel minus ab aliquibus, consideratis locorum & temporum circumstantiis exigi valeat. Statuimus etiam, & sub pœna suspensionis mandamus firmiter & districte, ut Decani, Plebani, ac Provires Ecclesiarum, inquirent diligenter homines censuales Ecclesiarum nostrarum, ac facta inquisitione hujusmodi Nobis, seu Ecclesiarum Prælati, ad quos pertinent census tales, respective assignent in

scriptis nomina censualium inventorum: in confessionibus vero memoratis censualibus conscientiam faciant, atque eodem per subtractionem Sacramentorum ad satisfactionem compellant.

De Celebratione Missarum & Sacramento Eucharistiæ.

Officium Missæ, in quo Divinum Eucharistiæ Sacramentum conficitur, a Presbyteris cum cordis puritate attente & devote præcipimus celebrari: ut quando Missas legunt, verba, extra Secretam & Canonem, alta & intelligibili voce proferant, quæ possint a circumstantibus audiri. Attendant omnino, ne quid de forma consecrationis tam panis, quam calicis omittatur, sed quod integra verba cum consecrandi debita intentione proferant. Nullus vero Presbyter Missarum solemnia celebrare præsumat, nisi duobus præsentibus & ipse tertius habeatur: laici vero Sacrarium non ingrediantur, nec ad Altare appropinquent, nisi ad Missarum solemniam aliquid Deo offerre voluerint. Sacerdotum enim, aliorumque Clericorum, Ecclesiis servientium chorum, a laicorum loco discrete apparere convenit; quatenus libere ac honorifice possint sacra Officia exercere. Sæcularibus vero totas audire Missas die Dominico, ac aliis diebus Festivis speciali ordine præcipimus; ita, ut ante benedictionem Sacerdotis egredi non præsumant. Alioquin per Pastores Ecclesiarum acris corrigantur. Quia, uti acceperimus, Clerici diversi diversimode in celebratione Missarum ac horis Canonicis, aliisque Divinis Officiis diversum tenent modum contra Canonica Statuta: volentes igitur huic morbo remedium ponere opportunum, districte præcipimus; ut ab omnibus & singulis Clericis sæcularibus psallendo ac celebrando idem modus & ordo in Divinis Officiis, & horis Canonicis, observetur, ita quod unusquisque in hoc Cathedrali Ecclesiæ nostræ se totaliter conformet. Si quis vero hujusmodi Constitutionis nostræ transgressor repertus fuerit; ad denuntiationem Decani sui, quam infra mensem facere teneatur, per Vicarium nostrum Canonice puniatur. Insuper caveant Sacerdotes, ne hostiam, cum qua celebrandum est, tam diu reservent, quod incipiat corrumpi: similiter

liter & Corpus Domini nostri *JESU CHRISTI* utique ad corruptionem speciorum panis nullatenus conservetur; sed ad minus singulis mensibus juxta locorum qualitatem innovetur: atramen quilibet super custodia seu renovatione ipsius Sacramenti curam habens custoditum sumere, & loco sumpti aliud conficere non differat. Presbyteri etiam Curati Eucharistiam semper habeant pro infirmis, ne sine communionem moriantur. Præterea quivis Rector Ecclesiæ hortetur plebem suam, ut infirmi tempestive & jejuni Sacramenta percipiant, nisi periculum mortis aliter exposcat. Sacerdotes vero, si aliquid post medium noctis per modum cibi vel potus sumpserint, debent sequenti die a celebratione Missarum abstinere. Sint quoque cauti, quando præparant calicem, ne vinum omnino sit acidum, putridum, pendulum seu corruptum, & parum de aqua apponatur, ut a vino de facili absorbeat.

Ut Sacerdotes, qui in sortem Domini vocati existunt, obsequium debitum Deo præstent & perfectum, universos hortamur, quatenus reverenter & caute circa consecrationem hujus Sacramenti verificentur, ne propter incuriam & negligentiam Sacerdotum Divina indignatio gravius exardescat. Sint vero cauti, ut, si casu musca, vel aranea, vel aliud immundum aliquod in calicem ante consecrationem ceciderit, quantocius effundatur & oblato calice de novo præparetur: si vero aliquod horum post consecrationem acciderit, illud caute capiatur, & diligenter lavetur & comburatur, ablutioque cum cineribus ad Sanctuaria in Ecclesia recondatur. Præterea si Sacerdos ante consecrationem Sanguinis & post consecrationem Corporis Domini percipiat vinum & aquam non esse in calice, debet statim apponere & consecrare; si vero post consecrationem & formam verborum percipit, quod aqua desit, debet nihilominus procedere, nec debet aquam ad speciem vini jam consecrati miscere; quia sic sequeretur corruptio Sacramenti. Si vero percipit post verba consecrationis, quod vinum non fuerit in calice, siquidem hoc percipiat ante sumptionem Corporis Domini, debet deposita aqua, si inibi fuerit, imponere vinum cum alia aqua, & resumere verba consecrationis

Sanguinis; si vero percipiat post sumptionem Corporis; debet apponere aliam hostiam, iterum simul consecrandam cum sanguine, ut servetur ordo debitus consecrandi.

Cum falsa sint abjicienda remedia, quæ veris sunt periculis graviora; quare præsentī statuto declaramus, quod Sacerdos, qui pro sui criminis conscientia se Missam celebrare fingit, suppressis verbis, quibus conficitur Corpus Christi, panem & vinum tantummodo sumit, credens per id, quod præterdit, populo satisfacere, Deum non debeat provocare: quia vero talis Deum offendit: cujus sacrificium negligit, ac populum decipit, gravius peccat, quam si scienter in peccatis mortalibus consecraret. Quapropter caveant Sacerdotes, ne hujusmodi delictum committant, iram Dei in se per hoc procul dubio provocantes.

Pastoralis Officii nostri cura sollicitè Nos admonet, subditorum nostrorum salutem providere, virtutes plantare, ac vitia & scandala remove. Sane dudum ad Nos multorum veridica relatione pervenit, qualiter transactis temporibus nonnulli in Presbyteros noviter ordinati, in decantationibus, seu celebrationibus suarum primarum Missarum, quas primitias vocant, more sæcularium nuptiarum convivias & commestationes superfluas præparaverint, turbamque tam cognatorum, quam aliorum utriusque sexus hominum ad convivias hujusmodi invitaverint, propinas receperint, choreas duci, strepitum cum instrumentis musicalibus, & plura alia, quæ in dictis sæcularibus nuptiis vix licite admittuntur, fieri & exerceri permiserint: quæ omnia & singula Presbyteros ipsos a devotione, quam in prima celebratione majorem habere præsumuntur, magis distrahant, quam conducunt; Nos igitur abusiones hujusmodi tollere, ipsosque Presbyteros sic celebrantes a mensarum curis absolutos, devotioni ac Divino Officio magis intentos esse cupientes, in virtute obedientiæ mandamus, strictissime inhibendo, ne deinceps Presbyteri quicunque, cujuscunque status, ordinis, conditionis, aut dignitatis existant, primitias suas perficere cupientes, eo die, quo easdem celebrare constituunt & celebrant, ultra decem personas virilis sexus duntaxat. (in-

ter quas sibi etiam ad Altare ministrantes comprehendere volumus) in prandio & in cœna secum habeant invitatas : neque choreas juxta sæcularium nuptiarum morem apud se duci aut fieri faciant , aut ipsi ducant , seu ab aliis fieri , aut canere cantilenas permittant sub pœna suspensionis a Divinis Officiis , ac multa viginti florenorum Fisco nostro applicandorum.

Sanctissimum Christi Corpus , quod digna veneratione nemo sufficit commendare , cum extra Ecclesiam portatur , mandamus veneratione solita venerari , ut videlicet Presbyter in decenti habitu cum stola illud superposito mundo velamine , portet reverenter ante pectus , semper lumine præcedente , cum sit candor lucis æternæ ; nisi loci distantia , aut temporis qualitas aliud deprecetur . Sacerdotes vero doceant frequenter plebem suam , quatenus reverenter Sacramentum comitentur , cumque illud viderint , seu Presbytero deferenti obviaverint , genua flectant , & dicant devote ad minus ter orationem Dominicam cum salutatione Angelica : Nos enim eis omnibus & singulis , qui pro reverentia tanti Sacramenti , ut præfertur , genuflexerint , aut cum Sacramentum ad infirmum portatur , comitati fuerint , XL. diēs de injunctis sibi pœnitentiis pro vice qualibet , autoritate , qua fungimur in Domino , relaxamus . Presbyteri vero , qui occulte , seu aliter Sacramentum hujusmodi portare præsumperint , præter offensam Divinam , pœnam excessui condignam formidare habebunt .

Felicis recordationis olim Urbanus Papa sextus pio ductus proposito omnibus vere pœnitentibus , Sacrosanctum Eucharistiæ Sacramentum , quando ad infirmos portatur , devote sequentibus , centum dies indulgentiarum misericorditer in Domino relaxavit : quod etiam frequenter Christi fidelibus intimari mandamus .

De Baptismo.

Baptismus cum sit janua omnium Sacramentorum , cujus substantia in elemento aquæ consistit , conferatur , ut in libris obsequialium continetur , adeo , quod super baptizando aqua pura & elementalis sub hac forma verborum fundatur : *N: Ego baptizo te in Nomine Patris , & Filii , & Spiritus Sancti . Amen.* Hoc specia-

liter observato , quod nulli extra Ecclesiam , præter casum necessitatis , propter quem nequeat ad Ecclesiam absque periculo haberi accessus , baptizentur . Baptisterium etiam semper teneatur clausum & seratum , cujus claves apud Sacerdotes , & non in manibus laicorum , diligenter reserventur . Et quia propter puerorum baptizandorum imbecillitatem compadres fieri solent , ne ex illorum pluralitate contingat in contrahendis postea matrimoniis impedimentum exoriri ; præcipimus districte , ut unus tantummodo assumatur in Baptismate compater . Pueri vero quantocius fieri poterit , baptizentur ; ne frote propter naturæ imbecillitatem morte præveniantur . In hyeme vero in aqua calefacta infantes convenienter baptizari possunt . Parentes vero pueros proprios non nisi in summa necessitate baptizent . Et propterea laici utriusque sexus de forma baptismi diligentius instruantur , quatenus tempore necessitatis , & Presbyteris absentibus , valeant rite baptizare , & dicant sine diminutione : *Ich tauffe dich im Nahmen Vatters , und Sohns , und des Heiligen Geistes Amen.* Et circa hoc expectandus est totalis egressus partus ex utero . Ubi tamen periculum mortis immineret , egressa parte principali scilicet capite , in qua operationes animæ magis manifestantur , baptizetur infans : & si Sacerdotes , super forma baptizandi diligenter inquirentes , debitam formam servatam in Baptismate invenerint , quod factum est , approbent , suppletes circa baptizatum quoad unctionem & alia , quod a laicis est omissum : si autem in Baptismate debitam formam non invenerint observatam ; non differant pueros baptizare . Quod si de Baptismo alicujus dubitetur , tunc baptizetur sub hac forma : *Si es baptizatus , ego te non intendo baptizare , neque baptizo : si non est baptizatus , ego te baptizo in nomine Patris , & Filii , & Spiritus Sancti . Amen.*

De Sacramento Confirmationis.

Quoniam omnes fideles per manus Episcoporum impositionem Spiritum Sanctum post Baptismum accipere debent , ut pleni Christiani inveniantur : quia sicut in Baptismo tribuitur plenitudo innocentiae , ita in Confirmatione augmen-

tum præstatur ad gratiam , ut roborentur per Spiritum Sanctum ad prædicandum aliis donum , quod in Baptismate sunt consecuti; quapropter singulis Presbyteris Curatis committimus, quatenus populum sibi subiectum fideliter instruant, ut jejuni ad confirmationem veniant perfectæ ætatis: moneantur quoque confessionem facere prius , ut mundi donum Spiritus Sancti valeant accipere: & avitentur , ne patres , seu matres proprios filios, aut filias ad confirmationem teneant, aliouin sint ipso facto ab exactione & redditione debiti conjugalis suspensi.

De Custodia Eucharistiæ.

In plerisque locis & Ecclesiis mapæ, corporalia, & alia vestimenta Altaris, ac vasa Divino cultui deputata, tam inculca & immunda relinquuntur, quod interdum quibusdam sint horri: & licet alias super his tam a jure , quam etiam nostris Prædecessoribus satis utiliter sit provisum; Nos tamen repetitis eorum Constitutionibus volentes expressius providere, universis Presbyteris, Custodibus, & Sacristis districte præcipimus, quatenus omnia vestimenta, ornamenta, & vasa supradicta per ipsos munda & nitida, & præcipue Ecclesiastica Sacramenta sub clausura & fida custodia conserventur. Claves etiam ad easdem clausuras spectantes in manibus Sacerdotum & non laicorum habeantur: ipsa quoque vestimenta, & corporalia verustate consumpta, ad humanos usus nullatenus redigantur; sed incendio tribuantur, & cineres, ut moris est, conserventur. Insuper ordinamus, ut mulieres hujusmodi sacra vasa contingere, & ad Altare Sacerdotibus ministrare non præsumant; si quis vero in transgressione hujusmodi statuti culpabilis fuerit, arbitrio nostro puniatur.

Cum in Excellentissimo Sacramento Eucharistiæ JESUS CHRISTUS sub alia quidem forma, in propria vero substantia; in singulis Parochialibus Ecclesiis conservetur: ne infirmati sine viatico, & communione moriantur; ipsum non immerito, cum sit candor lucis æternæ, continuo ardenti lumine veneramur. Quapropter mandamus universis Rectoribus Ecclesiarum, ac Viricis earun-

dem, quatenus die noctueque, lumen ardens coram eodem Venerabili Sacramento incendi & haberi procurent. Quod si Ecclesiarum ad hoc non suppeterent facultates, moneantur Christifideles, ut ad conservationem hujusmodi luminis suas elargiantur elemosynas, fiantque per ipsos Presbyteros curatos collecturæ consuetæ, quibus literas nostras ad hoc promotoriales etiam gratis dari volumus atque mandamus.

De Immunitate Ecclesiarum.

Cum scriptum sit in Concilio Lugdunensi, quod decet domum Domini Sanctitudo; quare statuimus, & sub anathematis poena stricte mandamus, quatenus de cætero nullus Clericus, sive laicus, seditionem, insultum, vel impetum in Ecclesiis faciat, vel committat quovis modo: cessent ab ipsis scæda & profana colloquia, & publica perlamenta: cessent etiam in ipsis Ecclesiis, & earum cæmeteriis, negotiationes, & præcipue nundinarum & fori, ac quorumcunque sæcularium negotiorum strepitus & tumultus: fileatque in his horrida vox præconum, ne ubi peccatorum est venia postulanda, ibi peccandi relinquatur occasio: nullus etiam Plebanus, ad requisitionem etiam cujuscunque laici, mandata laicalia in ambone qualitercunque publicet seu publicari faciat. Præcipimus insuper, & sub poena suspensionis mandamus, ut si per laicos quoscunque spoliū vel rapinam spiritualium personarum, seu etiam Ecclesiasticam personam, absque scitu & mandato nostro, captivam ad aliquem locum duci contigerit; Sacerdotes & Capellani eorundem locorum, postquam hoc sciverint, nullo alio mandato expectato, cessent a Divinis, & Nobis, vel Vicario nostro quantocius insinuent.

Inter sollicitudines nostras, ex officio Pastoralis Nobis incumbentes, non minima cura est, ut pro temporum & personarum conditione, in casibus de novo emergentibus, pro communi & præsertim animarum salute prospiciamus salubri informatione, ne per ignorantiam excusationes peccatorum fiant in peccatis. Cum itaque (quod dolenter referimus) nostris & præsentibus temporibus, peccatis forte nostris exigentibus,

ordo Clericalis non , prout ab antiquo & de jure , sed pro sæcularium personarum libito & voluntate , variis & intolerabilibus incommodis & gravaminibus afficitur; ita , quod Ecclesiastica libertas penitus & omnino subverti videatur , & poenæ contra ejusdem violatores editæ & promulgatæ non immerito locum habere possint : Et quia inter alios casus Episcopales , Nobis reservatos , violatio libertatis Ecclesiasticæ enumeratur , quæ in plerisque casibus contingit , & plures tempore Paschali , ac septimana præcedente , eundem articulum , prout de consuetudine in Ecclesiis publicari consuevit , minus , quam necesse est , declarant , vel populo exponunt ; quapropter Nos pro informatione subditorum nostrorum declaramus per præsentem , quod contra libertatem Ecclesiasticam facere dicuntur illi , qui contraveniunt privilegiis , universali Ecclesiæ vel a Deo , vel a Papa , seu ab Imperatoribus concessis , de quibus infra mentionem faciemus : & licet multa sint hujusmodi privilegia Ecclesiis , & piis locis , personisque Ecclesiasticis , & ordini Clericali , per Sacros Canones , jus civile , ac Romanorum Imperatores concessa ; de quibusdam tamen magis frequentibus aliqua statuimus referre.

Item , si quis , suadente diabolo , extra casum defensionis , & sine moderamine inculpatae tutelæ , manum violentam in Ecclesiam , vel personam Ecclesiasticam injecerit , sive confugientem ad Ecclesiam violenter extraxerit.

Item , si quis per violentam sanguinis , aut seminis humani effusionem , Ecclesiam consecratam polluerit.

Item , si quis Clericos & Presbyteros in Ecclesia , Divino cultui insidentes , temere (quominus Divinum Officium debite exequantur) impediverit , vel alias quomodocunque injuriam intulerit.

Item , si quis Clericum in causa civili , vel criminali , coram Judice sæculari convenerit , aut in jus vocaverit ; si ad requisitionem Judicis Ecclesiastici perseveraverit , & ab actione instituta non destiterit.

Item , qui statuta contra Ecclesiasticam libertatem in odium Clericorum & favorem laicorum fecerit , ediderit ,

publicaverit , distaverit , scripserit , & secundum illa injuriose judicaverit , aut sententias illorum latas executioni mandaverit.

Item , qui suis subditis prohibuerit , ne Ecclesiasticis personis quidquam vendant , emant , coquant , molant , aut alia licita & honesta commercia cum ipsis habeant , aut humanitatis officia exhibeant.

Item , qui res Ecclesiasticas , bona Clericorum mobilia & immobilia , violenter occupant seu invadunt , & qui se de bonis Clericorum decedentium , eadem usurpando , intromittunt.

Item , qui impediunt , aut turbant jurisdictionem Ecclesiasticam , per capturam nuntiorum , aut invasionem bonorum & rerum Clericorum : prohibendo , ne aliquis causam Ecclesiasticam , & ad forum Ecclesiasticum de jure vel consuetudine pertinentem , seu spectantem , coram Ecclesiastico Judice tractet , vel judicium & justitiam ibi quærat , vel ut a causa ibidem cœpta desistat.

Item , qui pedagia , guipedagia , gabellas , dacias , ungeltas , telonia , vectigalia , aut alias exactiones , a Clericis seu eorum bonis , quæ non negotiandi causa , sed pro eorum sustentatione & necessitate deferunt , exigunt , aut recipiunt exacta : etiam qui stearas , angarias , perangarias , aliasque exactiones , impositiones , servitia , hospitalitates coactas , aut alia onera per venatores , aut alios quoscunque , Ecclesiis , aut earum Rectoribus , personis & possessoribus bonorum & rerum earundem imponunt , ac dantes consilium vel favorem in præmissis. Quæ omnia , quantum Divinæ Legi , Sacrisque Canonibus , & Imperatorum legibus , ac libertati Ecclesiasticæ obviat , nemo sanæ mentis ignorat. Sancta enim Mater Ecclesia Catholica , Christi Sponsa illibata , non terrena , neque temporali substantia , sed pretiosissimo Sanguine Salvatoris nostri Domini JESU CHRISTI consecrata , ac super firmam petram in Apostolorum Principe , Beatissimo Petro fundata , extra quam nulla salus , nullaque peccatorum remissio existit , in suo primordio Divina & æterna Lege , rationabiliter Sancti Spiritus inspiratione suffulta , Ministros , ejus cul-

cultui, obsequiis & religionis ceremoniis deputatos, quo liberius & expeditius Deo servire possent, ab omnibus oneribus, muneribus publicis, exactionibus, contributionibus, subventionibus, talliis, daciis, gabellis, angariis, perangariis, & quibuscunque gravaminibus exemit, & liberatos esse decrevit, prout utriusque testamenti pagina, Sanctorum Patrum statuta, & Imperatorum Sanctiones, in utroque Jure clausæ, continent: quæ etsi neminem latere debeant; ne tamen ex ignorantia contrafacientes erroris sui velamen capiant, duximus aliqua saltem pro illorum informatione, ac præmissorum confirmatione, inferenda. Quis namque ignorat, Sacerdotes & Ministros veteris testamenti (qui tamen sub figura solummodo & umbra ministrabant) ab omnibus oneribus liberos fuisse? Nam cum tota terra Ægypti redacta fuisset in servitutem, & subiecta tributis; terra tamen & portio Sacerdotum ab omni tributo & exactione libera fuit. Quid vero ipsa gentilitas Sacerdotibus suis apud Ægyptum contulerit, nemo ignorat, quos ab omni tributo & exactione liberos esse voluit. Artaxerxes Rex, licet gentilis & infidelis esset, cum omni populo Judæorum, per Nabuchodonosorem capto, multa tributa & vectigalia imponeret; Sacerdotes tamen & Levitas ab illis liberos esse voluit, & his verbis mandavit: Vobis, inquit, notum facimus de universis Sacerdotibus, Cantoribus, Levitis, Janitoribus, & Ministris domus Dei, ut vectigalia, tributum & annonas imponendi super eos potestatem non habeatis. Timebat enim, si Sacerdotes & Ministros domus Dei gravaret; ne Deus Cæli contra regnum & filios Regis irasceretur. Nolu itaque idem, quod Sacerdotes & Ministri domus Dei in ædificatione templi tributis onerarentur, ne ultio Divina in eum & filios faviret. Salomon Rex, omnium sapientissimus, cum universum populum, qui remanserant de Amorrhæis, Hethæis & Hieubeis tributarium fecisset, filios tamen Israël noluit tributo subjacere. Denique Historia Machabæorum non prætereatur. Heliodorus, templi & Sacerdotum acerbissimus persecutor, cum perturbaret Sacerdotes & Ministros

templi; apparuit ei equus terribilis, habens fessorem, & cum eo duo juvenes, splendido amictu, qui multis plagis affictum Heliodorum, quasi in exterminio palpitantem, compulerunt Regi Divina mysteria demonstrare; at cum Rex alium mittere conaretur, dixisse fertur Heliodorus, si quem habes regni infidiatorem, mitte, & flagellatum illum recipies. Nam qui habitat in Cælis, visitator & adiutor est loci illius, & venientes ad malefaciendum percutit & perdit.

Balthasar Rex Chaldæorum, qui templi Hierusalem vasa aurea & argentea in usum profanos deputaverat, ultione Divina eadem nocte interfectus est, & regnum ejus ad Medos & Persas translatum.

Pompejus, vir fortissimus, & in rebus bellicis fortunatissimus, postquam res templi Hierusalem abstulit, nihil prospere postea gessit, sed infelicissime terra marique fugatus, ab Ægyptiis truncatus, turpissima morte obiit.

Quorum exempla Christianissimi Romanorum Imperatores, orthodoxæ fidei cultores, rationabiliter attendentes, Ecclesias, & illarum Ministros non solum ab omnibus exactionibus, gravaminibus, & impositionibus liberos & immunes esse voluerunt, sed etiam suis saluberrimis Constitutionibus & Legibus contrafacientes, eosdemque in personis & rebus suis gravantes, certis & gravibus poenis subjacere decreverunt.

Constantinus enim Imperator Felici Episcopo scribens sic ait: A Clericis tributorum injuria, & exactionis repellatur improbitas: contra quos omnis molestia conquiescat, tantaque eis prærogativa libertatis succurrat, ut Sacerdotum Ministri immunes ab oneribus præserventur. Idem etiam Constantinus ita scribens: Imperator Constantinus Augustus, Ecclesiis salutem. Juxta Sanctionem, quam dudum meruistis, & vos, & mancipia vestra nullus novis collationibus obligabit, sed vacatione gaudebitis: præterea neque hospites suscipietis. Subjunctumque: Gaudere & gloriari volumus ex fide, scientes magis religionibus, quam tributis & exactionibus, rempublicam conservari.

Honorius & Theodosius Imperatores statuerunt, ne prædia ulibus celestium secretorum dedicata, sordidorum munerum sece vexentur: nil extraordinarium abhinc, superinductumve flagitetur &c. si quis vero contravenerit, post debita ultionis acrimoniam, quæ contra sacrilegos jure promenda est, exilio perpetuæ deportationis subdatur.

Valentinianus & Marcus Imperatores voluerunt, privilegia, quæ per generales Constitutiones universis Sacrosanctis Ecclesiis Christiani Imperatores præstiterunt, firma & illibata in perpetuum custodiri: omnes quoque Constitutiones & Sanctiones, quæ contra Ecclesiasticos Canones interventu gratiæ, vel ambitionis sint elicite, robore & firmitate vacuas præceperunt.

Fridericus Secundus Imperator inter cæteras suas Constitutiones rationaliter editas, voluit & decrevit, quod nulla communitas, vel persona publica, aut privata, collectas, exactiones, angarias, vel perangarias Ecclesiis, seu piis locis, aut Ecclesiasticis personis imponat, aut Ecclesiastica bona invadere præsumat. Quod si fecerint, & requisiti ab Ecclesia vel Imperio, se emendare contempserint, triplum refundant: & nihilominus banno Imperiali subiaceant, quod bannum absque satisfactione nullatenus remittatur. Idem etiam Imperator Fridericus statuit, ut quæcunque communitas, vel privata persona per annum in excommunicatione propter libertatem Ecclesiæ fractam perseveraverit; ipso jure Imperiali banno subiaceat, a quo nullatenus extrahatur, nisi prius absolutionis beneficio ab Ecclesia obtento. Nec omitendum, quod Carolus Quartus Imperator, cum ad ejus notitiam devenisset, quomodo personæ sæculares in officiis publicis constitutæ, posthabito Dei timore, statuta & iniquas ordinationes motu proprio & de facto contra Ecclesiasticas personas, & libertatem Ecclesiæ condiderunt; quibus etiam publice & de facto insistere præsumpserint contra legitimas Canonicas & Civiles Sanctiones: ut puta, quod nulla bona temporalia in potestatem Ecclesiasticam transferantur: item quod laici excommunicati, ac etiam publice denunciati, in foro civili nullatenus repel-

lantur: & quod Clerici, in sacris constituti ordinibus, ad agendum & testificandum in civilibus, & maxime piis causis non admittantur: item, quod præfati Domini temporales exactiones & tallias de bonis & redditibus Ecclesiarum extorserunt: possessiones Ecclesiæ, & personas earum incendiis & rapinis devastarunt: de bonis & rebus Clericorum, quas non causa negotiationis deferrebant, telonia exegerunt, ac bona Clericorum occuparunt, & arrestarunt: oblationes fidelium diminuerunt, & restrinxerunt: contractus legitimos inter Clericos & laicos in libris (ubi inscribere consueverant) inscribere, & sigillare recusarunt: donata & legata ad fabricas Ecclesiarum & pia loca relicta, contra Prælatorum, & illorum, quorum intererat, voluntatem usurpare, ac ad Ecclesias & cœmeteria confugientes abinde extrahere præsumpserunt. Quæ omnia & singula cum inde secutus, tanquam per Canonicas & Civiles Constitutiones reprobata, in derogationem libertatis Ecclesiasticæ de facto præsumpta & attentata, præfatus Imperator Carolus ex certa scientia, maturo consilio Procerum Imperii accedente cassavit, irritavit, annullavit, & sicut de facto procefferant, revocavit: præcipiendo desuper, & certos executores deputando, voluit præmissa, sic de facto præsumpta, etiam ordinationes & statuta, illorum occasione & prætextu edita, omnino revocari & tolli, quodque secundum illa nec sententias dictarent, nec illis quovis modo in judicio vel extra judicium uterentur. Adjecit etiam præfatus Imperator, quod quicumque laicus, cujuscunque status vel conditionis, sacrilego ausu & propria temeritate Sacerdotem, Clericum sæcularem, vel religiosum diffidaverit, captivaverit, proseripserit, spoliaverit, occiderit, mutilaverit, aut in carcere, vel alias contra suam voluntatem detinuerit: aut hujusmodi facinora perpetrantes scienter receperit, eisdem favorem vel auxilium præstiterit; præter poenas a sacris Canonibus, & Imperatorum Constitutionibus eis inflictas, ille vel illi sint ipso facto infames, omni honore & dignitate privati, nec ad placita vel consilia nobilium admittendi. Precepit denique idem Imperator, ut omnes Prælati Ecclesia-

stici

stici hanc suam Legem, & Imperialem Constitutionem in Synodis, & Ecclesiis suis faciant publicari, ac requisiti ad poenarum & sententiarum executionem procedant, ne quisquam illorum ignorantiam allegare, & ejus prætextu audaciam suam excusare possit: imo ultra præmissa poenam quinquaginta marcarum auri puri irremissibiliter solvendam incurrat. Quas quidem rationabiles Constitutiones & Privilegia Divorum Romanorum Imperatorum Friderici Secundi, & Caroli Quarti, nec non Summorum Pontificum, super Ecclesiastica libertate, & immunitate Ecclesiarum, Clericorum, & bonorum ipsorum editas bonæ memoriæ Bonifacii Octavius, & Joannes Vicefimus secundus, Summi Pontifices, nec non Martinus Quintus in Concilio Constantiensi, confirmarunt: præcipientes, omnia & singula in ipsis contenta sub excommunicationis, & aliis poenis firmiter observari, prout literæ & Bullæ desuper emanatæ plenius continere videntur. Et postremo Serenissimus Sigismundus, Romanorum Imperator, dicti Caroli Imperatoris, Genitoris sui, & Prædecessorum suorum, vestigiis & statutis rationabiliter editis inhærendo, omnia & singula præmissa statuta & ordinata, Imperiali auctoritate, ex certa scientia, motu proprio, & deliberato consensu, confirmavit, approbavit, & innovavit, ac prædictas ac infra scriptas leges, ordinationes, privilegia ad omnes & singulas Ecclesias, & Monasteria quæcunque, cujuscunque nationis, similiter ad quoscunque Prælatos, Ecclesiasticasque personas, pro uberiori ipsorum tuitione, ac ad omne ambiguitatis dubium tollendum, de specialis munificentia dono extendere voluit & extendit, ac sub banni, & aliis supra & infra scriptis poenis firmiter præcepit observari; adjiciendo hoc salubre & rationabile statutum perpetuo valiturum, ut nullus Judex secularis in causis Ecclesiasticis, præsertim Matrimonii, legitimationis, usurarum, testamentorum infra annum non executorum, ad judicium Ecclesiasticum legitime devolutorum, decimarum, fructuum, reddituum, proventuum & obventionum Ecclesiasticarum personarum, ac locationum, & conductionum, seu conductorum ea-

rundem possit vel valeat judicare, aut quomodolibet de his, seu eorum articulis cognoscere, nisi quatenus ab Ecclesiasticis Judicibus fuerit requisitus: & si contrarium fecerit, judicatum non teneret, Judexque judicandi potestate esset eo ipso privatus, nihilominus poenis subjaceret infra scriptis, actor quoque ipso facto caderet a jure suo: Et quicumque Princeps, Dux, Comes, Consul, Rector, vel alius in officio publico constitutus, contrarium faciens, Imperiali banno subjaceret, & XL. marcas auri puri, quarum medietas Fisco Imperiali, altera injuriam passo cederet, persolvere cum effectu teneretur. Idem quoque Serenissimus Imperator Sigismundus voluit & decrevit, ne aliqua dictarum personarum Prælatos, Presbyteros, Clericos, aut alias Ecclesiasticas personas prohibeat, impediatur, vel impediri faciat per se, vel alios, directe vel indirecte, quominus vina, grana, res & bona, de suis redditibus Ecclesiasticis provenientia, libere, & sine solutione & exactione telonii, seu gabellarum ducere & vendere possint: vel quominus res, bona, vinum, cerevisiam, carnes, grana, aut alia quæcunque, eorum usus & sustentationi convenientia, per quævis loca, civitates, terras, castra & aquas, vectigio vel navigio, absque omni exactione duci, vehi, portari, & ferri valeant & possint: & quominus res, & bona mobilia & immobilia ex Prælatorum, & Ecclesiasticarum personarum obitu in testamentis ipsorum relicta, legata, donata, vel ab intestato devoluta ad manus illorum, ad quos de jure spectant, libere, & sine impedimentis, intrusionibus, intromissionibus, exactionibus, occupationibus præsertim laicorum perveniant, vel valeant pervenire: ac quominus coloni & subditi Ecclesiasticarum personarum, sine violentis hospitalitatibus, etiam venationum occasione, ac vectigalibus, servitiis, & exactionibus (quas ipsi exactores petitiones vocant) a petitionibus hujusmodi absque damno in pace dimittantur: nec non quominus Prælati & Judices Ecclesiastici eorum jurisdictioni subiectos pro suorum excessuum demeritis capi & incarcerari, captos duci per quævis loca & civitates, ac alia debita correctione puniri facere valeant, quo-

quomodo & qualitercunque, publice vel occulte, per se vel alios, impedire, vel facere impediri præsumant vel permittant, prout hæc omnia ad longum & clarius in præfati Imperatoris literis plenius continentur.

Hæc omnia ad Sacerdotum & subditorum nostrorum notitiam & memoriam reducimus, præsentique statuto in novamus, recipimus & confirmamus. Vos denique, Ecclesiarum Rectores, Vicarii, & ipsorum loca renentes, ac præsertim, quibus animarum cura committitur, in audiendis confessionibus de præmissis, ubi secundum facti qualitatem majus periculum imminere videritis, cautius inquiratis, & consentibus ipsis conscientiam faciatis, & in ambonibus Ecclesiarum vestrarum, ut ab hujusmodi illicitis & prohibitis abstineant, diligenter moneatis: laicos ipsos de pœnis contra violatores Ecclesiasticæ libertatis, præsertim, qui in subversionem ejusdem statuta, ordinationes & decreta fecerint, dictaverint, promulgaverint, scripserint, publicaverint, & secundum ea judicare præsumperint; nisi ea de libris & capitulis, in quibus scripta sunt, deleri fecerint infra duos menses, quod excommunicationis sententiam incurrant, discretè informetis & charitative inducat, ut penas in prædictis constitutionibus contentas noverint evitare.

Attendant præterea diligenter Sacerdotes, ne in casu eis non permisso, sed Nobis aut Superioribus nostris reservato, clave errante absolvant: ne, ubi solvere prætendunt, animas illaqueari contingat. Quare noverint etiam universi, quod quicumque contra prohibitiones & censuras Papales in die sancto Ccenæ Domini per Summum Pontificem promulgatas, Ecclesiasticam libertatem violaverint, ac contra easdem fecerint, ad Sedem Apostolicam, & non ad Episcopalem auctoritatem, mittendus erit. Insuper ut detestabilis malignorum audacia & insolentium nefaria temeritas propulsetur, præsentī statuto declaramus, quoslibet captivatores Clericorum excommunicationis sententiam incurrere ipso facto: statuantes, quod si in locis alicujus Decanatus quempiam Clericum sacros ordines habentem, & pro Clerico se gerentem, temere captivari, aut

captivum detineri constiterit; ipso facto in eodem loco cessetur a Divinis: recurrendo propter hoc ad arma spiritualia, defendentes Nos spirituali mucrone; ut sic laici contra malefactores hujusmodi ex Divinorum carentia provocati, assurgant ad liberationem illius, qui ausu sacrilego detinetur, auxilium præstaturi. Si vero Judex laicus Clericum criminis capī mandaverit, hoc eidem non liceat absque speciali nostra licentia, præsertim si talis Clericus non sit de fuga suspectus: si autem Clericum in crimine flagranti deprehensum & fugitivum detineri mandaverit, adeo, quod periculum sit in mora, & si talis fugeret, crimen remaneret impunitum; hoc eidem absque metu excommunicationis licere declaramus, dummodo crimen tale sit, propter quod merito debeat carceribus mancipari, & Nobis eundem absque alia cognitione & in continenti præsentet.

De Sponsalibus & Matrimoniiis.

Matrimonia clandestine contrahi sub pena excommunicationis prohibemus, & ne Clerici Nobis subiecti taliter contractis intersint, aut quovis modo auctorisent: statuantes, ut dum aliqui matrimonium contrahere velint, hoc prius Plebano suo insinuare procurent, idemque Plebanus in Ecclesia sua infra Missarum solennia Dominica, vel alia Festiva die publicationem, aut proclamationem faciat, nominando personas contrahere volentes, admoneatque Parochianos, ut si quis consanguinitatis, affinitatis, compaternitatis, vel aliud Canonicum impedimentum inter contrahentes sciat: vel si aliquis duxisset eam, quam polluit per adulterium, illud infra octo dierum terminum ad audientiam suam deferat: & si Plebanus impedimentum aliquod subesse cognoverit, vel de impedimento hujusmodi dubitaverit, matrimonium hujusmodi nullatenus solenniset, & contrahentes ipsos ad audientiam Officialis Capituli nostri remittat. Quod si quis Sacerdotum matrimonium, non præmissa proclamatione publica, & termino octo dierum non elapso (veluti superius exprimitur) solennizare, aut matrimoniis clandestinis interesse præsumperit; per triennium ab officio sit ipso

ipſo factō ſuſpenſus, niſi a Nobis meruerit veniam obtinere : ſalva nihilominus conſuetudine quarundem Eccleſiarum, in quibus trinæ proclamationes fieri conſueverunt. Inhibemus præterea, & ſub excommunicationis pœna interdici-mus tam Clericis, quam laicis noſtræ juridi-ctioni ſubjectis, ne quiſquam contra dictum Salvatoris, Sacroſque Canones, de cauſis matrimonialibus, ac eiſdem annexis, ſeu acceſſoriis, cognoscere, con-cordare, tranſigere, ſeu deſignare quali-tercunque præſumat ; cum huiusmodi cauſæ tantum apud Religioſorum Epiſ-coporum conſilium de jure examinari debeant. Præcipimus itaque eiſdem in virtute ſanctæ obedientiæ, quod poſt-quam ipſis conſtiterit pro certo, vel pro-babili fama, aliquos contraxiſſe clandeſtine, ſeu aliquod impedimentum Ca-nonicum inter eosdem exiſtere ; ipſos ſtatim ad publicandum in facie Eccleſiæ, aut jura ſua proſequendum coram Ec-cleſiaſtico Judice, per ſubtractionem Sa-cramentorum (extra tamen neceſſitatis articulum) cogere non poſtponant, ſed cauſas eaſdem ad Judicem Ordinarium Capituli noſtri (ad quem cauſarum ma-trimoniaſium per Diceceſim noſtram cog-nicio ſpectare dignoſcitur) remittant.

Inſuper cum hi, qui Divino timore poſtpoſito ſcienter in gradibus conſan-guinitatis, vel affinitatis, aut cognatio-nis Spiritualis, Canonica inſtitutione in-terdictis, aut cum Monialibus matrimo-nium contrahere non verentur : ſimiliter Religioſi, ac Moniales & Clerici, in ma-joribus ordinibus conſtituti, matrimonia contrahentes ſint ipſo factō excommu-nicationis ſententia innodati ; Quocirca Prælati, Eccleſiarumque Reſtoribus com-mittimus & mandamus, quatenus illos, quos conſtiterit taliter contraxiſſe, co-ram ſubditis ſuis excommunicatos curent publice nunciare tam diu, donec ſuum recognoſcentes errorem, abſolu-tionis beneficium meruerint obtinere. Cum Decreta Sanctorum Patrum om-nem ſolennitatem & pompam nuptia-lem certis temporibus anni penitus pro-hibeant ; eapropter univerſis Parochia-lium Eccleſiarum Reſtoribus, ſub pœna ſuſpenſionis ab officio & beneficio, di-ſtriſte inhibemus, ne deinceps tempori-bus a jure vel conſuetudine prohibitis

matrimonia nubentium ſolenniter intro-niſare præſumant : propterea tamen non improbamus, ſi matrimonia etiam eiſ-dem temporibus ſine alia celebritate per verba de præſenti, abſque traduſtione ad domum & carnis commixtione, eti-am in facie Eccleſiæ contrahantur. Tem-pora autem prohibita ſunt hæc, videli-cet : a prima Dominica Adventus Do-mini uſque ad octavas Epiphaniæ incluſive : item in Septuageſima uſque ad octavas Paſchæ ſimiliter incluſive : in hebdomada Litanæ majoris, in qua ce-lebratur Feſtum Sancti Marci, nec non a Dominica, qua cantatur : *Vocem jucundi-tatis*, quæ proxima eſt ante Feſtum Aſ-cenſionis Domini, & Rogationum uſque ad octavas Corporis Chriſti etiam incluſive.

De Cognatione Spirituali.

Cum in jure inter perſonam Bapti-zatam ac illum, qui eam ſuſcepit, ac in-ter eandem Baptizatam perſonam & ſuſ-cipientis filios & uxorem ante ſuſceptio-nem huiusmodi carnaliter cognitam, nec non inter ſuſcipientem, patremque Baptizati & matrem, cognatio ſpiritu-alis contrahatur, quæ cognatio matrimo-nium impedit contrahendum, & dirimit poſt contractum : hæc quoque jam dicta de ſuſcipiente, ſunt etiam de Baptizante cenſenda : præterea quia ex confirmatio-ne, ſeu frontis chrismatione, ſpiritualis cognatio eiſdem modis contrahitur, ma-trimonium ſimiliter impediens contra-hendum, & dirimens poſt contractum ; ideoque præſentis ſtatuti, & dicti juris authoritate, huiusmodi ſpirituales cog-natos matrimonium invicem contrahere ſub pœna excommunicationis inhibe-mus.

De Simonia.

Quoniam inter Eccleſiaſtica crimina Simoniaca pravitas primum locum ob-tinet : qui enim Simoniaci ſunt, Spiritus Sancti gratiam habere non poſſunt, nam dona Sancti Spiritus (*) comparari, quid aliud eſt, quam capitale crimen, quod deteſtabiliter in utroque teſtamento mul-torum exemplis vindicatum eſt? Giezi enim gratiam ſanctis Naaman Syro vendidit ; eandem gratiam Elizæo vindi-cante, leproſus factus eſt. Judas Re-demp-

(*) ſupple: pretio temporali.

demptorem nostrum vendidit, mox laqueo suspensus. Dominus etiam ementes & vendentes in templo flagellans, ejecit. Quapropter nos volentes eandem hæresim extirpare, scripto præfenti excommunicamus omnes & singulos vendentes Ecclesiastica Sacramenta, videlicet Baptismum, Eucharistiam, Unionem extremam, Poenitentiam, & alia Sacramenta: item Ecclesiasticam Sepulturam, vel Beneficium Ecclesiasticum: illos sententia nostra complectentes, qui aliquod prædictorum negligunt, vel differunt impendere, quousque pecunia, vel æquivalens pecuniæ detur, aut promittatur. Gratis enim, & absque omni pacto, dona & Sacramenta prædicta debent exhiberi, nec prætextu alicujus longævæ consuetudinis, seu potius corruptelæ, antequam impendatur, aliquid exigi permittimus, vel pacisci; licet eis exhibitis volumus (prout de jure cautum est) consuetudines antiquas observari.

Constitutio Pauli Veneti Papæ II.

Cum detestabile scelus Simoniacæ pravitatis tam Divinorum, quam Sacrorum Canonum auctoritas abhorreat atque damnet, Nos, considerantes, quod plures poenarum gravitas, quam DEI timor arcere solet a voluntate peccandi, ac summis desideriis affectantes, ut hoc pestiferum vitium non ex usu solum, sed etiam ex mentibus hominum, saltem propter poenarum metum, penitus evellatur; Prædecessorum nostrorum Romanorum Pontificum vestigiis inhaerentes, ac etiam omnes & singulas excommunicationis, suspensionis, privationis, interdicti sententias, censuras & poenas, dudum a Romanis Pontificibus prædictis, & pro talibus habitis, contra Simoniacos quomodolibet latis, & illos, qui cujuscunque status, gradus, ordinis, conditionis vel præminentiae fuerint, etiam si Cardinalatus, Patriarchali, Episcopali, Regali, Reginali, vel alia quavis Ecclesiastica, seu mundana dignitatibus præfulgeant, & eorum quemlibet, tam manifestum, quam occultum, ipso facto incurrere volumus, confirmantes, & innovantes, Apostolica auctoritate declaramus, quod omnes illi, qui Simoniacæ ordinati fuerint, a suorum

sint ordinum executione suspensi: per electiones vero, postulationes, confirmationes, provisiones, seu quasvis alias dispositiones, quas Simoniacæ contigerit labe fieri, & quæ viribus omnino careant, in Ecclesiis, Monasteriis, dignitatibus, Personatibus, Officiis Ecclesiasticis, & quibusvis Beneficiis, aut aliquo eorum, cuiquam jus nullatenus acquiratur, nec inde faciat aliquos fructus suos: sed ad illorum omnium, quæ percepit, restitutionem, sub animæ suæ periculo sit adstrictus. Statuentes præterea, quod universi & singuli, etiam præmissis dignitatibus præditi, qui quomodolibet dando, vel recipiendo, Simoniam commiserint, aut quod illa fiat, mediatores fuerint, seu procuraverint, sententiam excommunicationis incurrant, a qua nisi a Romano Pontifice, pro tempore existente, non possint absolvi, præterquam in mortis articulo constituti. Et ut hujusmodi labe contagio frequentius reprimatur, omnibus & singulis Ecclesiasticis, sæcularibusque personis, cujuscunque dignitatis, status, gradus, ordinis vel conditionis fuerint, in virtute sanctæ obedientiæ districtius injungimus, ut eos omnes, quos Simoniam hujusmodi commisisse, vel procurasse, aut in ea mediatores esse, sciverint; Pontifici prædicto, vel cui idem Pontifex duxerit committendum, per se vel alios revelare quantocius non omitant: pro revelatione hujusmodi, etiam si complices fuerint, non solum veniam a Nobis, sed etiam gratiam consecuturi, si eorum indicio participes tanti criminis valeant coerceri: quod si non fecerint, absolvi non valeant, donec prædicta revelent, & complices hujusmodi detecti arctius punientur. Nulli ergo omnino hominum liceat &c. Datum Romæ apud Sanctum Petrum Anno Incarnationis Dominicæ MCCCCLXIV. IX. Kalend. Decembris, Pontificatus nostri anno primo.

De Magistris.

Experientia docti novimus, quod quidam religiosi & sæculares Presbyteri verbum Dei seminantes, interdum rancore moti, contra se invicem prædicare non verentur in populi scandalum & perniciosum exemplum. Nos igitur con-

considerantes, quod sicut ex indiscreto silentio sapius error post se relinquitur, ita etiam incauta locutio errorem plerumque inducit; idcirco præsentî Statuto inhibemus, ne quis prædicantium in Monasteriis & Ecclesiis nostræ Diocesis, sive sit sæcularis, sive religiosus, de cætero contra alium quidquam in cancellis scandalosum, aut irritans prædicet: quin potius taliter læsus ad Nos referat, ne ex hujusmodi contentione publica scandala in populo, & pericula consurgant animarum: secus facientes pœnam gravem & condignam non evadent.

De Judæis.

Ne Judæi de cætero in civitate Ratisbonensi, & Diocesi nostra nutrices seu servientes habeant Christianas, districtius inhibemus: valde enim est indignum, quod filii liberi filiis famulentur ancillæ; omnibus propterea Judæis servientibus, seu nutricibus præcipientes, quatenus infra novem dierum spatium post publicationem præsentium a servitiis hujusmodi recedant; alioquin Sacramenta Ecclesiastica eisden denegamus, ad alias etiam pœnas Canonicas contra eos processuri.

Judæos ad remittendas Christianis usuras per Principes & Potestates compelli præcipimus sæculares: & quia in hoc Judæi etiam Deum offendunt, donec eis remiserint; ab universis Christi fidelibus tam in mercimoniis, quam in aliis, jubemus eis communionem omnimodam denegari.

De Hæreticis & Sortilegis.

Detestamur sectas universas, a vero judicio Catholicæ religionis alienas, quibuscunque etiam nominibus censeantur, omnesque vanas & superstitiosas observantias, Divinationes videlicet, & sortilegia, artesque maleficas Phitonissarum, quibus nefarias præces emittunt circa aras idolorum, dæmonesque consulunt, & eorum responsa suscipiunt: unde homines decepti, putant bona provenire, & mala posse evitari. Quod quidem pestiferum genus eradicare cupientes, statuimus, ut deinceps quicumque Presbyter, vel Clericus, talem recipiat quicumque conditionis hominem, Cleri-

cum, sive laicum, prædictis erroribus involutum, aut præmissis incantationibus, vel superstitionibus dæmoniis qualitercunque utentem, in foro pœnitentia, ad Nos, vel Vicarium, seu Commissarium nostrum remittat absolvendum.

Publice vero hujusmodi criminibus irretitos, nisi infra novem dierum spatium (quem terminum eis pro Canonica admonitione assignamus) postquam per eorum Curatos requisiti fuerint, errores prædictos abjuraverint, ipso facto in his scriptis excommunicamus, mandantes eosdem, sic requisiti, lapsi termino hujusmodi, publice excommunicatos denunciari.

De Apostatis.

Apostatam, habitu suo dimisso vagantem, cum ipso facto a jure excommunicatus habeatur, nullus admittat quomodolibet ad Divina, sed tanquam excommunicatus vitetur, & mandetur ab aliis districtius evitari, ac Nobis, si commode fieri poterit, præsentetur debita pœna puniendus. Apostata vero dicitur ille, qui temerarie recedit a statu fidei, obedientiæ, vel religionis, quam quis professus est, se tenere.

De Adulteris.

Quædam personæ (relictæ legitimo thoro) non verentur una domo in adulterinis amplexibus manifeste cohabitare in scandalum plurimorum: quorum saluti providere volentes, omnibus & singulis Ecclesiarum Rectoribus, Plebanis, & Curatis nostræ Diocesis, in virtute sanctæ obedientiæ districtè præcipiendo mandamus; quatenus omnes & singulos, qui in adulterinis amplexibus insimul residere non verentur, singulis mensibus admoneant, requirant, & exhortentur, ut infra quindecim dies ab invicem discedant: & si requisitioni hujusmodi obedire contempserint, & post dictos quindecim dies (quod absit) simul cohabitaverint, tales in eorum vita ab Ecclesiasticis suspendantur Sacramentis, & post mortem, nisi pœnitentiam egerint, Ecclesiastica careant sepultura. Ipsi vero Rectores Ecclesiarum, qui tales monere omiserint, a Nobis, seu Vicario nostro, expectare se non dubitent

ultionem, quibus etiam sub simili comminatione injungimus, quatenus eorundem rebellium nomina infra alios quindecim dies Nobis, vel Vicario nostro denuntient, ut contra eosdem ad ulteriora procedere valeamus.

De Raptoribus.

Spoliatores Ecclesiarum, vel stratarum, vel raptores, qui transeuntes in Diocesi nostra per vias & stratas publicas: quique viduas, pupillos, scholares, vel Clericos, ad studium, vel Romanam Curiam proficiscentes, vel etiam alias personas, eorum bonis vi spoliant, ac eorum violentia perturbationes desiderandæ pacis inducunt, volentes præter poenas, quas eis jura imponunt, severiori poena coercere, statuimus, ut tam ipsi, quam receptantes eos scienter, & dantes eis consilium, auxilium, vel favorem, nisi infra tres dies post commissam rapinam ad cor reversi, res ablatas curaverint restituere spoliatis; sint ipso facto in vita ab ingressu Ecclesiæ, & perceptione Sacramentorum suspensi, & mortui Ecclesiastica careant sepultura.

De Usuris.

Usuræ pravitatem a nostris subditis extirpare volentes, universis & singulis Parochialium Ecclesiarum Rectoribus, Divinorumque cooperatoribus quibuscunque, districtius inhibemus, ne manifestos usurarios ad Communionem Altaris admittant, nec oblationes eorum accipiant, neque etiam Ecclesiasticæ, si in hujusmodi peccato decesserint, eorundem corpora tradantur sepulturæ. Mandamus insuper, quod nullus Sacerdos sæcularis vel religiosus, cujuscunque fuerit conditionis, vel status, manifestos usurarios, vel saltem publice diffamatos, audeat qualitercunque absolvere; sed ipsos ad Nos, seu nostrum in Spiritualibus Vicarium pro absolutione obtinenda remittat: non obstante, si ipsis, vel alicui ex eis, forsân per Nos, aut Vicarium nostrum, generaliter, vel specialiter sit indultum, quod etiam in casibus Nobis reservatis beneficium absolutionis valeant obtinere. Inhibemus insuper universis & singulis Judicibus tam Ecclesiasticis, quam sæcularibus, ne querimo-

niam, seu petitionem in judicio super quacunque usura ab aliquo publico usurario qualitercunque admittant, vel recipiant, nec sententiam aliquam super hoc proferant, aut executionem faciant; sed potius hujusmodi causas repellant, annullent, & rejiciant. Et quia non solum laici, verum etiam Clerici, per quos nomen Domini blasphematur, usuram exercere etiam publice non verentur; quapropter, ut tam detestabile vitium, & Clericali ordini inimicum, per Nos valeat amplius extirpari, universos & singulos, in Clero constitutos, usuram publice exercentes, peremptorie requiramus & monemus, ut infra unius mensis spatium a publicatione præsentium omnibus & singulis ipsorum debitoribus de usuris extortis & receptis satisfaciant cum effectu, & deinceps a detestandis usurarum lucris desistant; alioquin ipsos, & ipsorum quemlibet, ex nunc ab officio & beneficio suspendimus ipso facto, laicos vero excommunicationis vinculo innodamus.

De Clerico percussore.

Cum in Concilio Agathensi scriptum sit, si quis in aliquo gradu sacro percussor extiterit, corripatur a crimine; quapropter hac nostra Constitutione mandamus, quatenus Clerici nostræ Diocesis discrete ac virtuose, pacifice & amice sine offensione alicujus vivere, seque ab omnibus verbis probrosis, rixosis, contumeliosisque, & factis illicitis, abstinere studeant: & sicut ipsos Clericos offendere, vel lædere, sub excommunicationis lætæ sententiæ poena non licet; sic ipsi Clerici alius alterum, neque etiam laicum temere offendere, seu lædere, sub excommunicationis poena non debent. Si quis vero in præmissis fecerit contrarium, ultra sententiam prædictam, etiam juxta excessus qualitatem, ultiores poenas non evadet.

De maledicis & blasphemis.

Statuimus, ut si quis contra Deum, vel aliquem Sanctorum suorum, & maxime Beatam Virginem linguam in blasphemiam publice relaxare præsumperit, ad Nos, seu Vicarium nostrum, remittatur ad recipiendam pro tali crimine poenitentiam Canonicam & publicam.

Nos

Nos enim specialiter hunc casum propter ipsius atrocitatem Nobis reservamus; non obstante, si religiosis, vel curatis Sacerdotibus, seu quibusvis aliis, per Nos, aut Vicarium nostrum, generaliter vel specialiter sit indultum, quod etiam in casibus Nobis reservatis, beneficium absolutionis valeant impendere. Hortamur insuper temporalem potestatem, quatenus coactione & manu sua huiusmodi publicos blasphemos severioribus pœnis corrigant, nullam in hoc misericordiam habituri. Super hoc volumus etiam, quod Plebani in prædicationibus suis Iudices sæculares frequentius & constanter requirant.

De Clerico excommunicato ministrante.

Quia nonnulli Presbyteri errant, credentes, quod licet quis sit excommunicatus a iure, vel ab homine, si denunciatus non sit, non egeat absolutione, & sic celebrant, credentes se non esse ligatos; sed quoniam sententia excommunicationis, postquam a Iudice, vel a iure, lata est, statim in dorso paratam habet excommunicationem; adeo quod taliter excommunicati etiam ante denuntiationem tenentur quoad se abstinere a Divinis: Decernimus itaque, eosdem transgressores necessario fore absolvendos, dummodo satisfecerint, & Ecclesiæ mandatis paruerint: & si, ut præfertur, se Divinis ingesserint, tumque irregulares, ad Sedem Apostolicam remittendos.

De Privilegiis.

Quia nonnulli Quæstores, Eleemosynarumque collectores privilegiis suis abutentes (sicut ad audientiam nostram est perlatum) non sine temeritatis audacia & deceptione multiplici animarum, varias indiscretas & superfluas indulgentias populo motu suo proprio de facto publicant & concedunt, super votis dispensant, a perjuriis, homicidiis & peccatis aliis sibi contentes absolvent, male ablata, & incerta bona (data sibi aliqua pecuniæ quantitate) remittunt: animas tres, vel plures, parentum, vel amicorum illorum, qui Eleemosynas eis conferunt, de purgatorio (ut asserunt) mendaciter extrahunt, & benefactoribus locorum,

quorum quæstores existunt, remissionem plenariam peccatorum indulgent, & aliqui ex ipsis eos a pœna & a culpa absolvent; Nos vero cupientes huiusmodi abusiones penitus aboleri sub excommunicationis pœna inhibemus Parochialium Ecclesiarum, & quorumcunque Divinorum Rectoribus, ne Quæstores, seu collectores quoscunque absque licentia speciali, & literis nostris, seu Vicarii nostri, ac illis visis, ad prosecutionem negotiorum suorum in Ecclesiis eorum admittant, seu promoveant, nec ad prædicandum eosdem Quæstores admittant; sed per Sacerdotes Ecclesiarum & locorum, in quibus requirunt subsidium, hoc duntaxat, quod in literis nostris viderint, & cognoverint contineri, publicetur: nec etiam eosdem Quæstores cum novis & singularibus actibus supra enarratis admittant, nisi præmissa in nostris literis caveantur, ac mentio & licentia de eis expresse factæ existant. Quæstores vero, qui in præmissis, vel aliquo præmissorum deliquerint, vel alias quibuscunque suis privilegiis abusi fuerint, sententiam excommunicationis incurrere volumus ipso facto, quam etiam (sex dierum Canonica monitione prævia) in rebelles ferimus in his scriptis, nullo prorsus eisdem Quæstoribus in hac parte privilegio suffragante; quatenus a suis temerariis ausibus, qui, ut communis habet assertio, nimium excreverunt, pœnæ formidine propensus compescantur. Inhibemus etiam, ne de cætero aliqua religiosa sæcularisve persona, cujuscunque etiam status, honoris seu dignitatis existat, sub pœna excommunicationis latæ sententiæ (quam similiter in contravenientes, sex dierum monitione prævia, ferimus in his scriptis) se de dispensatione, absolutione, cura animarum, vel alio quovis actu, ad Nos ratione dignitatis Pontificalis, vel jurisdictionis, de jure vel consuetudine pertinente, aliquid intromittat, etiam quorumcunque privilegiorum intuitu; nisi eadem privilegia sint prius per Nos visa & approbata. Quoniam vero nonnulli Religiosi nostræ Diœcesis, prætextu quorundam præsumptorum privilegiorum, Clericis & laicis Sacramenta Ecclesiastica conferunt, & in casibus, Sedi Apostolicæ ac Nobis specialiter reservatis, indi-

stincte dispensant, insuper in casibus præfatis, nec non excommunicationis, a Canone, & a sententiis per statuta Provincialia & Synodalia promulgatis, seu, ut verbis ipsorum utamur, a poena & a culpa absolvere quoscunque præsumunt: qua de re absque dubio sententiam excommunicationis ipso facto, & de jure incurrunt, a qua nisi per Sedem Apostolicam duntaxat absolvi non possunt; quocirca vobis omnibus & singulis Parochialium Rectoribus in virtute sanctæ obedientiæ mandamus, quatenus publice in ambonibus Ecclesiarum omnes & singulos Parochianos vestros admoneatis, ut ad confessores dictorum locorum propter casus præfatos nequaquam accedant; alioquin noverint, se non fore absolutos, & nihilominus transgressores præsentis nostræ prohibitionis a communione sacra autoritate nostra prohibere non omittere:

Certificantes eosdem Religiosos, etiam exemptos, quod, postquam in futurum de transgressione ipsorum circa præmissa latius constiterit, faciemus eosdem tanquam excommunicatos publice nuntiari; donec de absolutione ipsorum Nobis fuerit facta fides, nullo eisdem super hoc exemptionis, vel alio privilegio suffragante, volentes præfens mandatum nostrum tam diu observari, quousque de autoritate ipsorum & privilegiis fuerimus sufficienter certificati.

De Penitentibus & Remissionibus.

Cum sit ars artium regimen animarum, quod in audiendis confessionibus, & casibus conscientiarum decidendis potissimum consistit: quare Sacerdotes, quibus animarum cura commissa existit, diligentiam observent, ut a confitente peccata uisitata & communia singulatim, inuisitata vero per quasdam circumstantias caute perquirant; ne inexpertis detur materia, quod antea nescierunt, perpetrandi. In communiiori quoque Ecclesiæ loco & suspitione carente sedent Sacerdotes, cum confessiones audiant: & in spiritu lenitatis instruant penitentem, ut de peccatis, quibus Deum offendit, contritionem habeat, & propositum de cætero abstinendi. Caveant autem omnino Sacerdotes, ne

verbo vel signo prodant peccatorem, & si prudentiori consilio indigerint, illud absque ulla expressione, vel nota personæ confitentis, caute perquirant: nam eum, qui ex confessione peccatum revelare præsumperit, non solum a Sacerdotali officio deponendum, verum etiam ad agendam perpetuam poenitentiam in arctum Monasterium detrudendum fore decernimus: & propterea volumus, singulisque Ecclesiarum Rectoribus mandamus, quatenus in casibus dubitabilibus, præcipue periculum, vel salutem animarum concernentibus, ad superiores recurrant confidenter, vel saltem peritiores studeant super his diligenter interrogare, & singulariter caveant, ne aliquando clave errante procedant, absolvendo quenquam a peccatis conscientiarum, qui sit a Canone, Constitutione, Statuto, vel ab homine excommunicatus, antequam a sententia excommunicationis hujusmodi fuerit per Superiorem absolutus, & Sacramentis Ecclesiæ restitutus. Hanc vero tenere debent Sacerdotes absolutionis formam in foro poenitentiarum, tanquam substantialem, videlicet: præmissa oratione deprecatoria: *Miserere tui &c. Dominus noster JESUS CHRISTUS dignetur te absolvere: & autoritate, qua fungor, ego absolvo te a vinculo excommunicationis, si incidisti, & restituo te Sacramentis Ecclesiæ.* Insuper ego absolvo te a peccatis tuis in nomine Patris, & Filii, & Spiritus Sancti. Amen.

De modis autem injungendi poenitentias, qui licet in antiquis Canonibus descripi sunt, prout infra latius annotabimus; quia tamen hodie omnes poenitentiarum sunt arbitrarie, & resident in judicio discreti Sacerdotis, de eis non potest tradi certa doctrina. Nam in singulis casibus considerandæ sunt qualitas & quantitas criminis, in loco, tempore, perseverantia, varietate personæ, statu, ordine, & sexu: & quali peccator peccaverit tentatione, & ipsius vitii multiplicatione, & alia multa, quæ ipse discretus Sacerdos noverit attendenda: unde curare debent singuli Sacerdotes, ut habeant Summulas & tractatus, de hujusmodi materiis ab authenticis auctoribus compilatos, in quibus se exercent, & habilitent. Et licet in privata poenitentia pro occultis delictis regularem poeni-

pœnitentiam imponere, & de omnibus criminibus occultis cognoscere possint; nisi quibus Canon, Constitutio, vel Judex sententiam excommunicationis ipso facto imponit; sunt tamen certi casus, de quibus cognoscere non possunt præter casum necessitatis. Propterea specialiter inhibemus, ne aliquis Sacerdos in casibus Sedi Apostolicæ reservatis quempiam præsumat absolvere: & ne quis possit de his ignorantiam allegare, hujusmodi casus hic duximus annotandos.

Casus Papales.

Primus casus Papalis est in illo, qui percutit enormiter Clericum. *XVII. Q. IV. C. Si quis suadente.* Si autem est levis percussio, Episcopus absolvit. *C. Pervenit. De sent. excomm.*

Secundus est in illo, qui comburit Ecclesias, vel eas infringit, spoliando: qui postquam denunciatus est, pro absolutione ad Papam remittitur. *C. Conquesti. De sent. excomm.* Idem etiam est de quocunque alio incendiario, si forte excommunicetur, & publicetur. *C. Tua. De sent. excomm.*

Tertius est in illo, qui falsificat literas Domini nostri Papæ, vel falsis scienter utitur. *C. Dura. C. Ad falsariorum. De crim. falsi.*

Quartus est in illo, qui est excommunicatus a legato Papæ, qui non potest absolvi per aliquem, nisi per Summum Pontificem, aut ejus Legatum.

Quintus: qui participat excommunicato a Papa, quia non potest absolvi, nisi per Papam: quod tamen intelligitur de participante in crimine, propter quod talis fuit excommunicatus, seu Clerico participante in Divinis officiis. *C. Nuper. C. Significavit. De sent. excomm.*

Sextus est in illo, qui participat ei, qui excommunicatus est cum participantibus, quoniam talis ab illo debet absolvi, qui sententiam tulit. *C. Quod in dubiis. De sent. exc. in fin.*

Septimus est in Clerico, qui secundas nuptias benedixit. *C. I. De secund. nupt.* Sed de isto casu, an sit Papalis, vel Episcopalis, vide per *Abb. in dicto C. I.*

Octavus est in persecutoribus Cardinalium, qui varias pœnas incurrunt. *C. Felicis. De Pen. Lib. VI.*

Nonus: qui dat licentiam gravand eos, qui tulerunt sententiam excommunicationis, suspensionis, vel interdicti in suis personis, vel bonis; si in eadem sententia per duos menses permanserint. *C. Quicunque. De sent. exc. Lib. VI.*

Decimus est in eo, qui corpus defuncti incendit, vel decoquit; pro offibus deferendis. *In extrav. Bonifac. VIII. Detestande.*

Undecimus est in requisitoribus hæreticorum, si odio, gratia, vel lucro contra justitiam & conscientiam omiserint, contra quempiam procedere, vel ipsam hæresim alicui imponere. *Cle. Multiplicum. De hæret.*

Duodecimus est de Religiosis, qui absque licentia speciali Parochialis Presbyteri solennizant matrimonia, vel administrant Sacramenta, velut Eucharistia, & extremæ Unctionis.

Item excommunicantur Religiosi, qui excommunicatos a Canone solvunt in casibus non concessis: aut absolvent a sententiis, per Provincialia, seu Synodalia Statuta promulgatis, & absolvent a pœna & a culpa. *Cle. I. De privileg.*

Tredecimus est de persecutoribus Episcoporum. *Cle. Si quis. De penis.*

Decimus quartus est de Religiosis, vel Clericis, inducentibus ad vovendum, promittendum, vel jurandum de eligenda sepultura apud eos. *Cle. Cupientes. De pen.*

Quintus decimus est de his, qui cogunt celebrari sibi in loco interdicto, vel ad audiendum convocant excommunicatos, vel interdictos: vel prohibent illis, ne moniti exeant: & de illis, qui moniti non exeunt. *Cle. Gravis. De sent. exc.*

Sedecimus est de illis, qui ferunt ferrum, arma, equos ad impugnandum Christianos, vel alia necessaria deferunt, vel transmittunt, seu etiam galeas, aut naves vendunt: vel in piraticis Saracenorum navibus gubernationem exercent, impendunt consilium, vel auxilium, in dispendium terræ sanctæ. *C. Ita quorundam. C. Ad liberandum. De Judæis & Sara. Et iste casus est Papalis per Extrav. Bonifac. VIII. quæ incipit: Contra illos.*

Decimus septimus est in piratis, qui ore Papali excommunicantur.

Decimus octavus est in eo, qui absolutus propter mortis articulum, vel aliud impedimentum ab eo, a quo alias absolvi non poterat; si cessante impedimento non se præsentat, cum commode potest ei, a quo prius absolvi debebat: nam reincidit ipso facto. *C. Eos. De sent. exc. Lib. VI. Cle. I. §. Sane si quis. De pen.* Et iste casus est Papalis, si talis absolvendus erat a Papa.

Decimus nonus est in absoluto a Papa, vel ejus Pœnitentiario de ipsius speciali mandato, qui se debet alicujus conspectui præsentare: nam reincidit, si hoc non faciat, *dicto C. Eos, qui.*

Vicesimus: Imperator, Rex, vel Princeps, Marchio, vel Comes, Baro, frater, filius, vel nepos ipsorum, vel alterius notabilis præeminentiae, dignitatis, qui ad terminum, vel in perpetuum nominatur, eligitur, vel assumitur in Rectorem, vel Senatorem urbis Romæ, quocunque nomine vocetur ipsa Rectoria: & quicumque, qui ultra annum ad hujusmodi regimen assumitur præter Apostolicæ Sedis licentiam, literis ipsius Sedis exprimendam, & omnes prædictis consentientes sunt absolvendi per Papam.

*Sequitur Constitutio Pauli Veneti Papæ II.
super casibus Sedi Apostolicæ
reservatis.*

Etsi Dominici gregis &c. Sanctissimus in Christo Pater & Dominus noster, Dominus Paulus, Divina providentia Papa secundus, qui pridem super plenariis remissionibus, quæ semel in vita & mortis articulo conceduntur, formam ac normam instituit, ne passim sine exceptione quorumcumque criminum procliviores redderentur homines ad peccandum, per regulam in Cancellaria Apostolica publicatam, statuit & ordinavit, quod in quibuscunque concessionibus & facultatibus absolvendi, casus infra scripti, tanquam speciales Sedi Apostolicæ reservati, semper intelligerentur excepti: videlicet: offensæ Ecclesiasticæ libertatis, violationis interdicti, ab eadem Sede impositi, criminum hæresis, conspirationis in personam, aut statum Romani Pontificis: seu cujusvis offensæ, inobedientiæ, seu rebellionis ejusdem Pontificis, vel Sedis Apostolicæ: Presbytericidii, offensæ personalis in Episcopum, seu alium Præ-

latum: invasionis, deprædationis, occupationis, aut devastationis terrarum, Romanæ Ecclesiæ mediate vel immediate subiectarum, ac etiam invasionis Rompetarum, seu quorumcumque aliorum, ad Romanam Curiam venientium: prohibitionis devolutionis causarum ad dictam Curiam: delationis armorum, & aliorum prohibitorum ad partes infidelium: impositionis novorum onerum realium, vel personalium Ecclesiis, vel Ecclesiasticis personis: Simonie super ordinibus, vel beneficiis assequendis in eadem Curia, vel extra contracta: & generaliter in casibus contentis in Bulla, quæ consuevit in die cænæ Domini per Prædecessores suos Romanos Pontifices publicari. Considerans vero, quod plerumque contingit, suam Sanctitatem hujusmodi facultates & confessionalia tam præsentibus, quam absentibus, etiam vivæ vocis oraculo concedere; ne prætextu confessionalium hujusmodi, vel pœnitentes vel confessores in supra scriptis casibus fallantur & fallant, statuit & decrevit, suæ intentionis fuisse & esse, per quascunque concessionem & facultates, per suam Sanctitatem tam scripto, quam verbo factas, & imposterum faciendas, nemini licere irretitos dictis casibus absolvere sine speciali suæ Sanctitatis licentia: quinimo concessionem & indulta prædicta quoad casus exceptos hujusmodi, nulli penitus suffragari. Ut autem ipsa constitutio, quæ dudum, scilicet V. Kal. Aprilis Anni ab Incarnatione Domini Millesimi quadringentesimi sexagesimi sexti, Pontificatus nostri anno secundo publicata fuit, eisdem Christi fidelibus plenius innotescat, nullusque illius ignorantiam prætere valedat in futurum; præsentibus inferi fecimus, ut in majorem omnium veniat notitiam. Nulli ergo hominum &c. Datum Romæ apud Sanctum Petrum Anno Incarnationis Dominicæ Millesimo quadringentesimo sexagesimo octavo, V. Non. Martii, Pontificatus anno V.

Sequuntur casus Episcopales.

Remittantur igitur ad Nos, seu vices nostras gerentes, non obstante, si alicui generaliter vices nostras quoad pœnitentias injungendas commiserimus, Re baptizatus, Reconfirmatus, Reordinatus.

Item

Item: qui post sponsalia jurata, cum alia, quam sponsa, contraxerit.

Item: qui matrimonium clandestine, vel contra interdictum Ecclesiasticum contraxerunt.

Item perimens, seu negligens propriam prolem.

Item sterilitatem, vel abortum, quomodolibet procurans.

Item homicida facto, præcepto, consilio, vel authoritativa exhortatione, seu alio quovis modo.

Item publice criminosi, quibus publica poenitentia est injungenda.

Item falsi testes, oppressores liberorum, perjuri, iucestui.

Item quilibet Simoniacus, usurarius, raptor, sacrilegus, incendiarius, latro,

Item Ecclesiam consecratam sanguinis, aut feminis effusione polluens.

Item quilibet Ecclesiæ, vel cœmeterii, aut immunitatis, vel libertatis Ecclesiasticæ violator.

Item quilibet excommunicatus a Canone, vel Constitutione; hujusmodi enim casus quoad censuras magis sunt Jurisdictionis Episcopalis, quam quod in foro conscientie tractari debeant, nisi ratione peccati: & ne aliquis de his possit ignorantiam allegare; mandavimus eosdem casus his nostris Statutis inseri.

Insuper remittatur etiam quilibet irregularis, item Sacerdos proditor confessionis.

Item celebrans in Ecclesia interdicta, vel Altari non consecrato, aut viatico, sine licentia, aut indumentis non consecratis, seu Sacris, celebrans non jejunus.

Item non ordinatus celebrans, vel ministrans in ordine, quem non habet.

Item Sacerdos, cujus culpa vel negligentia aliquid inhonesti, vel scandali circa Sacramentum evenit.

Item Sacerdos notorius fornicator, vel publicus concubinarius.

Item quilibet dejurans, vel veniens, aut faciens, contra suum juramentum.

Item quilibet blasphemator DEI, Beatæ Virginis, & Sanctorum,

Item falsarius literarum vel monetæ.

Item quilibet injiciens manus violentas in Presbyterum, Clericum, aut parentes.

Item quilibet conjugatus, contrahens matrimonium, vivente uxore, cum secunda: vel intrans religionem, seu recipiens sacrum ordinem, conjuge invita, & econtra.

Item conjux, qui vel quæ effectualiter machinatus vel machinata fuerit in mortem alterius conjugis.

Item scienter coiens cum infideli aut brutis animalibus.

Item restitutiones vagæ, & dispositiones male ablatorum, incertorum & certorum, quando non extant hi, quibus facienda est restitutio.

Item promotus per alium, quam suum Episcopum sine licentia.

Item furtive, vel per saltum, aut extra tempora statuta promotus.

Item excommunicatus, suspensus, vel interdictus, in ordine suo ministrans, vel qui taliter ligatus, aliquem suscipit ordinem.

Item scienter sepeliens corpus excommunicati, vel tempore interdicti.

Item abutens quomodolibet Sacramentis Ecclesiæ, puta Hostia, Chrismate, vel alia re sacra.

Item quilibet scienter baptizans propriam prolem, vel illam tenens in Baptismo vel Confirmatione.

Item omnis hæreticus, fautor, vel participator hæreticæ pravitatis.

Item quilibet coiens cum sanctimoniali, aut ingrediens in earum Monasteria.

Desiderantes animarum periculis occurrere, statuimus, & sub pœna excommunicationis inhibemus, ne Sacerdotes tam sæculares, quam ordinum quorumcunque regulares, in foro poenitentiae frena in tantum relaxent, ut extra terminos sibi positos, & in casibus superioribus reservatis ausu temerario auctoritatem sibi usurpent: & quia sæpius contingit, quod Nos etiam in præfatis casibus, Nobis de jure, vel consuetudine reservatis, variis ex causis animum nostrum

strum aliquando moventibus, tam Religiosis quam etiam Curatis Sacerdotibus indulgemus generaliter, quod in casibus Nobis, ut præmittitur, reservatis beneficium absolutionis valeant impendere; sed ne passim sine exceptione quorumcunque criminum procliviores reddantur homines ad peccandum: volumus, & statuimus, quod in quibuscunque concessionibus & facultatibus absolvendi, casus infra scripti, tanquam specialiter Nobis reservati, semper intelligantur excepti, videlicet: de violenta manuum injectione in Clericos, vel parentes; de violatione Ecclesiasticæ libertatis, & conditoribus statutorum contra Ecclesiasticam libertatem: de hæresi in fide, de blasphemia nominis Christi, vel Sanctorum ejus publica: de Simonia, de usuris publicis, & perjuriis; de commutatione votorum, de notorio Clericorum concubinato, de vagis restitutionibus, ubi certi & legitimi hæredes non existunt: de testamentis non executis, de detentione bonorum Ecclesiæ Ratisbonensis, & aliarum Ecclesiarum, ac decedentium Clericorum: quorum absolutionem Nobis, seu Superiori nostro specialiter reservamus, decernentes, quascunque concessiones & facultates, per Nos verbo, vel scripto factas, & imposterum faciendas, quoad casus sic specialiter exceptos, nulli penitus suffragari: nec cuicumque licere, eisdem casibus irretitos absolvere absque licentia nostra speciali.

Cum Sacerdotes, quibus a Domino prædicandi officium commissum est, Dominicas oves, sibi creditas, verbo Dei spirituali alimonia pascere, &, ut in præceptis Divinis ambulent, docere debeant; idcirco eosdem in suis sermonibus præcipimus esse cautos, ne verba proferant inutilia, aut vana, & maxime piarum mentium offensiva: sed potius Scripturam sacram, veteris videlicet, & novi Testamenti, & præcipue Evangelium Christi plane & intelligibiliter Dominicis & aliis solennibus diebus populo prædicent: primo textum subjunctis postillis declarent, veluti plebis capacitati noverint convenire: & quia repetita notitia mandatorum Dei multum videtur edificare; ordinamus, quatenus Rectores Ecclesiarum ad minus semel in anno assu-

mant materiam decem Præceptorum, inducentes cum summa diligentia populum, ad agendam pœnitentiam pro peccatis commissis. Insuper singulis annis Dominica prima Quadragesimæ eidem populo publicent & pronuntient Constitutionem Generalis Concilii, quæ incipit: Omnis utriusque sexus &c.

Tenor Constitutionis prædictæ talis est.

Innocentius Papa Tertius, in Concilio Generali. Omnis utriusque sexus fidelis, postquam ad annos discretionis pervenerit, omnia solus peccata saltem semel in anno fideliter confiteatur suo proprio Sacerdoti, & injunctam sibi pœnitentiam propriis viribus studeat adimplere, suscipiens ad minus in Pascha Eucharistiæ Sacramentum; nisi forsitan de proprii Sacerdotis consilio, ob aliquam rationabilem causam, ad tempus ab ejus perceptione duxerit abstinendum: alioquin & vivens ab ingressu Ecclesiæ arceatur, & moriens Christiana careat sepultura. Unde hoc salutare Statutum frequenter in Ecclesiis publicetur, ne quisquam ex ignorantie cæcitate velamen excusationis assumat. Si quis autem alieno Sacerdoti voluerit iusta de causa sua peccata confiteri, licentiam prius postulet, & obtineat a proprio Sacerdote, cum aliter ipse illum non possit solvere, vel ligare. Sacerdos autem sit discretus & cautus, ut more periti medici superinfundat vinum & oleum vulneribus fauciat: diligenter inquirens & peccatoris circumstantias & peccati, quibus prudenter intelligat, quale debeat præbere consilium, & cujusmodi remedium adhibere, diversis experimentis utendo ad sanandum ægrotum. Caveant autem omnino, ne verbo, aut signo, seu quovis alio modo, prodant aliquatenus peccatorem; sed, si prudentiori consilio indiguerit, illud absque ulla expressione personæ, caute requirat: quoniam, qui peccatum in penitentiali iudicio sibi detectum, præsumpserit revelare, non solum a Sacerdotali officio deponendum decernimus; verum etiam ad agendam perpetuam pœnitentiam in artum Monasterium detrudendum.

Sequitur.

Sequitur in lingua vulgari.

Ein neglicher gläubiger Mensch. so bald er zu den Jaren seiner Vermunft kommen ist, der sol allein all sein Sunde beveran einmahl im Jar seinem aygen Briester gerrentlichen peichten, und sich vleissen, die Puch vme aufzusecht, mit aygen Krafft zu vollbringen, und sol würdiglich empfangen zum minsten zu Ofteren das Heilig Sacrament des Frentleibnauhs **IHSU CHRISTI**. Es sey dan, daß er nach Ratt seins aygen Briesters etlicher genugsamer Ursach halber ein Zeit von Empfangung desselben Sacraments sich enthalte; Sunst sol vni lebendig Eingang der Kirchen verpotten werden, und so er stirbt, sol er Christlicher Bezgerbus mangelen und beraubt sein. Dennach zumbt sich, das haylwertig Geseß etwe oft yn den Kirchen zu offenware, daß niemand aus Unwissenheit Ursach nennen moge, sich deshalb aufzureden und zu entschuldigen. Ob aber jemand einem frembden Briester, redlicher Ursach halb, sein Sund wolt peichten; der sol verbyn von dem aygen Briester Urlaub begere, und erlangen, nach dem er vme sunst nit mocht entlossen, oder entbinden. Der Briester sol auch beschaiden und fürsichtig sein, daß er, als ein verstandiger Arzt, Wein und Oell yn dy Wunden des verferten Kranken eingesse, und sol vleissiglich erfragen die Umbtend des Sunders, und der Sunde, daraus er weislich und grüntlich versee, wie er vme Ratt geben, und was er vme Erhuc zufugen solle: damit er manigerlay Erforschung gebrauch zu haylen den Kranken. Doch sol er sich vor allen Dingen hüten, daß er mit Wortreim, oder Zeichen, yn kein Weiß mit nichte offenwar den Sunder: dan ob er eins weiserne Rats bedorfft, den sol er on alle Vermeldung der Person, fürsichtiglich erfragen. Wann wer dye Sunde, dye vme yn der Peicht entdeckt und geoffent sind, unferstunde zu offenware, denselben erkennen wir nit a lein von dem Briesterlichen Mecht zu entsetzen; sonder auch zu ewiger Puch yn ein Gester strengs Ordens verlossen zu werden.

Publicata vero præfata Constitutione, volumus, quod omnes & singuli Pastores Ecclesiarum Parochialium ad præcavendas discordias & dissensiones sequentia verba vulgari sermone populo publicent, ut sequitur:

Auch sollent yr wissen zu vermeiden der yrrung, so zwischen der Selsorger, und die Psaarkirchen regieren und vortwesen, auch der Brüder und Orden entsteen mochten, und sonderlich der vor verkundten Sazung halb, daß nicht alsein Pfarrer und Schërger, der Peicht halben verstanden sollen werden; zunder auch, wan dye Brüder der vier Orden, ynnassen, wie yn geistlichen Rechten gesetzt ist, einem Bischoff, yre verordnete Peichtveter fürsenden, und presentiren; alsdan mag ein yedliches Christenliches Mensch denselben verordenten und zugelassen Peichtveterinn wohl peichten, on Erlaubnus seins Pfarrers, thuet auch der verkundten Sazung der Christlichen Kirchen genug. Doch sol ein negliches Christenliches Mensch das Heilig Hochwürdig Sacrament des Altars von seinem aygen Selsorger und Pfarrer empfangen. Es haben dye gemelten Brüder der vier Orden Macht und Gewalt zu absolviren, und zu entbinden yn allen Fallen und Stucken, daryn dye Pfarrer haben zu absolviren; doch zuvor, so sie dem Bischoff, wie oben angezeigt, presentiret sein: aufgenommen in den Stucken und Jellen, dye yn gleich, als den Pfarreren, durch Vorbehaltung des Pabsts, oder Bischohes, sonderlich verpotten und vorbehalten sind, also daß dye Pfarrer yn den zu absolviren auch kein Gewalt haben. Es sol auch nyemands denselben Brüdern solichen Swalt entziehen. Auch sollendt yr wissen, daß soliche Freyheit allein denen Brüdern der vier Orden diß Bistums, was Stands der sindt. Darumb lest auch mein gnediger Herr von Regenspurg, allen und yeden hyemit verbieten, daß yr dyeselden mit peichten nit haynsücher, und sonderlich die Brüder von Altemmunster, auch zu Sandt Leonhard zu Regenspurg. Wer aber solichs thet, der sol wissen, daß er der verkundten Sazung

ung nit genug gethan hab. Sollen auch der Empfangung des Hochwürdigen Sacraments des Heilighen Abendmahls SU ERHESZ beirathet sein. Zuletzt solendt yr auch wissen, daß nyemands, was Stands oder Wesens er auch sey, geystlich oder weltlich, exempt oder nicht exempt, in kein Weis heimlich oder öffentlich sich unterstehen soll, niemand von der verkündten Sakung, und Gehot der Christlichen Kirchen, der jährlichen Precht halben abzugeben. Oder aber, daß er bey dem heyligen Ampt der Mess, zuver an allen Sonntagen, und an den oberisten und hohen Feien, yn seiner armen Pfarrkirchen nit sey, oder von Gnugthuung, und Reichung der Zehent-copffer und pferzlichen Rechten abzuwenden; sonder wer das thuet, was Stands der ist, exempt oder nit exempt, dem ist verpotten der Eingang der Kirchen, und das heylig Sacrament. Davon er allein von dem Stul zu Rom (ausgenommen des Todes Nothe) mag gelöst werden.

Ordinamus insuper, quatenus Ecclesiarum Rectores sequentes articulos, propter quos unusquisque a communione sacra jure prohibetur, singulis annis Dominica Passionis Dominicæ, populo suo studeant insinuare: culpabiles enim in aliquo articulo hujusmodi a communione sacra prohibentur, nisi contriti & confessi fuerint pariter, & absoluti, ac satisfecerint, vel satisfacere velint juxta consilium suorum Confessorum.

Prohibitiones a Sacra Communionem secundum Sanctorum Patrum Sententias.

A Sacra Communionem prohibentur omnes infideles, qui non habent communionem cum Sancta Ecclesia Catholica, prout sunt Judæi, Saraceni & hæretici. XXIII. Q. IV. Infideles. XXVIII. Q. I. Omnis. XI. Q. III. Ad mensam. C. Firmissime. C. Ab abolendam. C. Excommunicamus. De Hæret.

Item omnes hæreticorum fautores, & receptatores, ac defensores. Nam tales sunt excommunicati ipso jure, & decedentes in hujusmodi peccato, in loco sacratio sepeliri non debent. C. Sicut. C. Noverit. De sent. exc.

Item omnes schismatici, qui se dividunt ab unitate Sanctæ Matris Ecclesiæ constituendo sibi Ecclesiam, ordinando Clericos & Sacerdotes. Tales enim appellantur hæretici, quia veniunt contra istum articulum: Credo Sanctam Ecclesiam Catholicam. XXIV. Q. I. C. Loquitur. C. Inter schisma. XXIV. Q. III.

Item omnes, qui Papali, Episcopali, vel alia autoritate ordinaria, sive delegata, sunt excommunicati, & postea publice denunciati, vel quia hujusmodi excommunicatio adeo notoria existit, quod tergiversatione celari non potest; debent a communione sacra prohiberi, cum omnes tales sint extra Ecclesiam positi, & a communione fidelium exclusi. XI. Q. III. Sicut Apostoli. C. Excommunicatos. cum seq.

Item tempore interdicti generalis communio sacra sanis debet denegari: potest tamen infirmis, & in mortis articulo constitutis Eucharistia licite ministrari. C. Alma. De sent. exc. Lib. VI.

Item alieni Parochiani, qui absque licentia, & ex contemptu Plebanorum suorum, volunt in aliis Parochiis communicare, admitti non debent. C. II. De Paroch. & alie. Paroch.

Item pueris furiosis, Dæmoniis, vel dementibus, non habentibus usum rationis, denegatur communio sacra: ubi vero furiosi & mente alienati intervalla ægritudinis essent soliti habere, procul dubio tunc ad communionem sacram admitti debent. C. Quamvis. VII. Q. I. C. Dilectus. De sponsal.

Item continuo vomitum patientes a Communionem sacra repelluntur. De consecr. Dis. II. C. Si quis.

Item omnes, qui non habent rectam intentionem sumendi Sacramentum Eucharistiæ, prout institutum est: & præcipue, qui volunt cum eodem exercere maleficia, incantationes, aut alias sacrilege ipso abuti; tales enim sapiunt hæresim. C. Si quis. XXVI. Q. V.

Item omnes, qui infamem vitam ducunt, ut sunt joculariores, histiones.

Item artem magicam exercentes, publici lenones, & publice in ludo taxillos, sive chartas concedentes, vulgo Scholdrer appellati. Item meretrices, qua-

quarum turpitudine publice venalis existit, & earum hospitiæ.

Item Fistulatores, Citharistæ & alii, qui variis utuntur instrumentis musicis, ex conducto pro pretio, & ad illicita: & reliqui artem ludicam publice & illicite exercentes, a Communione Sacra repelli debent, quousque ab huiusmodi peccatis suis prorsus abstineant, & pœnitentiam eis injunctam perfecerint. *De confec. Dis. II. C. Pro dilectione. cum C. Se. XXXII. Q. IV. Meretrices.*

Item omnes Christiani, qui Judæis serviunt, aut pueros ipsorum alere, nutrire, seu educare non formidant, aut cum eis manducant, & habitant, aut aliquem ipsorum in infirmitatibus suis vocant, seu aliam a jure prohibitam communionem cum eis habent, a communionem prohibeantur, donec ab huiusmodi peccatis abstineant, & peragant pœnitentiam ipsis propterea injunctam. *C. Nullus cum seq. XXVIII. Q. I. C. Ad hæc. De Judeis.*

Mulieribus deferentibus habitum virilem nialo proposito, ut suam malam voluntatem perficere possint, Communio Sacra propter excommunicationem, quam propterea a jure incurrunt, denegari debet; quousque a peccato huiusmodi abstinerint, & pœnitentiam propterea ipsis injunctam perfecerint. *XXX Dis. C. Si qua mulier.*

Omnes, qui proprias singularitates, sive sectas in se suscipiunt, præsertim a sancta Matre Ecclesia non receptas: sicut sunt hi, qui latenter conventicula faciunt, & habitum religiosum deferunt, seu circulos ferreos: etiam qui sectam Beghardorum, seu Beguinarum assumunt. *Clem. Ad nostrum. De Hæret.*

Item omnibus incantatoribus, & incantatricibus, utentibus benedictionibus ab Ecclesia non approbatis: item pythonibus, pythonissis, & qui diebus Ægyptiacis arte magica utuntur, prout nonnullæ mulieres vulgo Unholden nuncupare: item maledicis, & generaliter omnibus aliis, non recte sentientibus, quæ sancta Ecclesia præcipit, statuit & ordinavit, communio sacra denegari debet, quousque de consilio suorum confessorum a præmissis abstineant, & de super pœnitentiam suscipiant. *C. Igitur.*

Tomus VI. Concil. German.

XXVI. Q. III. C. Sciendum. XXVI. Q. IV. C. Si quis ariolos. XXVI. Q. V. C. I. De sortileg.

Item omnes, qui non confitentur peccata sua juxta Statutum Ecclesiæ, quod incipit: *Omnis utriusque sexus.* Hoc est, semel in anno, a Communione sacra prohiberi, ac ab ingressu Ecclesiæ arceri, & post ipsorum decessum debent Ecclesiastica carere sepultura. *C. Omnis. De penit. & remiss.*

Item omnes, qui non sunt confessi & contriti, & sic in peccatis mortalibus remanent, debent communionem sacra prohiberi; ne cum Juda proditore accedant & iudicium sibi manducant, non dijudicantes Corpus Domini. *C. Et sancta. C. Sicut Judas. De confec. Dis. II.*

Præterea illi, qui licet confiteantur, non tamen habent propositum desistendi a peccatis, tanquam impœnitentes, excluduntur a sacra communionem Altaris. *C. Nemo potest. De Penit. Dis. I.*

Denique hi, qui non integre confitentur peccata sua, sed aliqua peccata retinent, & ex proposito sine causa dividunt confessionem, quod est se laudare, in Hypocrisim tendere, & semper venia carere. *C. Consideret. §. Cautus sit. De Penit. Dis. V.*

Item omnes, non solventes decimam absque diminutione, per Sacerdotes & Plebanos, imo & per fratres quatuor ordinum charitative debent admoneri, ut eandem solvant; si vero contumaciter solvere neglexerint, excommunicandi sunt. *C. Pervenit. cum seq. De Decim. XVI. Q. VII. C. Omnes.*

Omnes, qui bona relicta ex testamento, vel ultima voluntate, in ipsorum potestate habent, & quibus executio huiusmodi relictorum commissæ est; si quidem infra annum testamenta, sive ultimas voluntates defunctorum, exequi neglexerint, debent per censuram Ecclesiasticam ad exequendum cogi, & propter huiusmodi negligentiam commissam, rationabili causa cessante, a communionem sacra prohiberi. *C. Clerici. XIII. Q. II. C. Nos quidem. C. Tua no. C. Johannes. De Testam.*

Omnes, qui contemnunt Ecclesias consecratas, & congregant populum ad

orandum ad alia loca absque licentia Episcopi, sunt excommunicati, & propterea communione privati. *C. Si quis. XXX. Dist.*

Item quia quilibet Christianus præceptis & mandatis sanctæ Matris Ecclesiæ obedire tenetur, ut puta jejunando, sabbatha sanctificando, confitendo, & Ecclesias visitando, nec non reliqua facere, prout consuetudo sanctæ Ecclesiæ habet & observat; quapropter omnes, qui ea crediderint, seu pertinaciter putaverint, spernenda, & qui se extollunt adversus scripturas & Canones Ecclesiasticos, ac nova introducunt præcepta, a sacra communione prohiberi debent, quousque poenitentiam super præmissis susceperint peragendam. *C. Si quis per superbiam. C. Hæc autem. XXX. Dist.*

Item Sacerdotem in ambone impediens, dum verbum Dei prædicat, & in contemptum ejus exeunt Ecclesiam, prohiberi debent a sacra communione, donec poenituerint. *De conse. Dist. I. C. Sacerdote. XXXVIII. Dist. II. Sedulo.*

Omnes etiam, qui ex contemptu mandatorum Ecclesiæ in solennitatibus sacris, Dominicis, & aliis Festivis diebus Missarum solennia non audiunt, neque cum officio Missæ permanere curant, donec benedictionem a Presbytero obtineant, a communione sacra juxta arbitrium confessoris prohiberi debent. *De conse. Dist. I. Fideles. & C. Missas.*

Item omnes, qui Dominicis, & aliis Festivis diebus, mercaturam rerum vendibilem, quæ ad usum victus quotidiani necessaria non sunt, exercent. *C. I. De feriis.*

Item omnes, qui clandestine contraxerunt matrimonium, debent prohiberi a communione sacra, donec secundum ordinationem sanctæ Matris Ecclesiæ contractum hujusmodi proclamari procuraverint.

Item omnes conjugati, qui absque licentia Ecclesiæ discobitant, a communione repellantur, quousque cohabitent, aut ad cohabitandum per Ecclesiam compellantur. *C. Cum inhibito. De clandest. despon. XXX. Q. V. C. Aliter.*

Item omnes, qui Dominicam ora-

tionem & Symbolum fidei ex negligentia, seu contemptu, addiscere nolunt, a communione prohibeantur, donec discant. *C. Deus, qui. De Panit. & remiss.*

Item, qui Deum, aut Beatam Virginem Mariam, vel alios Sanctos Dei publice blasphemaverint, aut per membra eorundem ex contemptu juraverint, a communione sacra, & Ecclesiæ ingressu prohiberi debent, donec poenitentiam publicam, in Sacris Canonibus definitam, peregerint. *C. Statuimus. De maledict. C. Si quis per capillum. XXII. Q. I.*

Item omnes, qui Sacerdotibus & honestati Clericorum publice detrahunt, ipsosque contemnunt, ab ingressu Ecclesiæ & communione sacra prohiberi debent. *VI. Q. I. C. Deteriores, cum seq.*

Item omnes homicidæ voluntarii, similiter, qui inimicitias, sive odium cum vindicta contra proximos suos habent, aut qui eos injuste opprimunt, sive in honore lædunt, vel offendunt, ante peractam poenitentiam, reconciliationem, sive satisfactionem, ad communionem sacram admitti non debent. *C. Si quis voluntate. L. Dist.*

Item parentes, qui pueros suos opprimunt ignoranter per negligentiam, juxta arbitrium confessoris a communione sacra prohiberi debent, donec poenitentiam sibi propterea injunctam perfecterint. *De his, qui proprii. fil. occid. per totum.*

Quia in Sacris Canonibus sub poena excommunicationis latæ sententiæ prohibitum est, quod nullus hominum mandare, præcipere, sive statuta edere debeat, quæ sunt contra libertatem Ecclesiasticam: & propterea quicumque mandaverit, sive statuerit, seu statutum hujusmodi servari fecerit, mandaverit, aut scripserit, statuta & consuetudines, hæcenus introductas contra libertatem Ecclesiasticam, ut sunt illa, quæ veniunt contra privilegia concessa a Deo, ab Ecclesiâ, a Papa, vel Imperatore; omnes illi prohiberi debent a communione sacra, donec consuetudines, statuta, & præcepta hujusmodi deleri fecerint, ac beneficium absolutionis a sententia excommunicationis, quam propterea ipso jure

jure incurrunt, meruerint obtinere. C. *Noverit. C. Gravem. De sent. excom.*

Item omnes, qui super usuris publicis solvendis sententias ferunt, vel quod usura hujusmodi non possunt repeti, sunt excommunicati ipso jure, & a sacra communione repellendi, donec absolvantur & penitentiam susceperint.

Item quilibet proprius Sacerdos potest filium confessionis, considerata gravitate, sive magnitudine peccati ipsius, ad tempus a communione sacra suspendere, cui etiam ipse confitens in hoc obedire debet, nisi a superiore suo aliud obtinuerit. Et si hujusmodi peccatum est oculum, & confitens non obstante hujusmodi prohibitione ad Altare publice accesserit, & Eucharistiam sibi dari petierit, eandem sibi debet præstare Sacerdos, licet in hoc accedens graviter peccet. C. *Omnis. In principio. cum ibi. not. De penit. & remiss. De consecr. Dist. II. C. Non prohibeat. & C. Sicut Judas. De offic. ordin. C. Si Sacerdos.*

De Sententia Excommunicationis.

Sicut triplex est communio fidelium, scilicet in conversatione, in Sacramentorum susceptione, & in bonorum spiritualium participatione; sic etiam triplicem excommunicationem fore præfenti statuto declaramus.

Prima est excommunicatio, quæ major dicitur, & illa a triplici communione excludit, videlicet a conversatione hominum, a Sacramentorum susceptione, & bonorum spiritualium participatione. Alia excommunicatio, quæ minor dicitur, quæ excludit a participatione spiritualium, & a communione Sacramentorum passiva tantum. Tertia excommunicatio est lata a Deo, inflicta pro quolibet peccato mortali, quæ pariter minor dicitur, & excludit ligatum a bonorum spiritualium participatione, quia quoad se ipsum est suspensus, & non aliter; sed quoniam juxta Sanctorum Patrum statuta excommunicatis, majori excommunicatione, nec vivis, nec defunctis communicare licet; sed statim, cum suis in Parochialibus Ecclesiis, vel alias fuerint denunciati nominatim, aut aliquem ita notorie excommunicationis

sententiam consisterit incidisse: quod nulla possit tergiversatione, aut aliquo juris suffragio excusari, mox ab omnibus exemptis & non exemptis debent vitari. Quare caveant universi & singuli Ecclesiarum Rectores, quod nullum excommunicatum, vel nominatim denuntiatum, aut de cujus excommunicatione alias, ut præfertur, notorie constiterit, absolvant, nec ad Divina officia, vel sepulturas admittant: sed eos publice admoneant, & de suis Ecclesiis, ne intersint Divinis, expellant, si penam Sacrorum Canonum excommunicationis videlicet & irregularitatis voluerint evitare.

Et quia nonnulli Sacerdotes nostræ Diocesis, quibus absolutio excommunicatorum aliquando committitur, formam hujusmodi absolutionis præsertim ab excommunicatione majori videntur ignorare; idcirco, ut omnes in hac parte pariformiter se teneant, modum infra scriptum observabunt. Quotiescunque enim a Vicario nostro, sive aliis Judicibus fuerit commissum, ut excommunicatum aliquem ab homine, vel jure majori excommunicatione Sacerdos absolvat, talis faciat ipsum excommunicatum coram se prosterni, recepto ab eodem juramento, quod velit stare mandatis Ecclesiæ: deinde præmittat Psalmum: *Miserere mei Deus, cum Kyrie eleyson, Pater noster &c. & versiculis seqq. videlicet: Salvum fac servum tuum &c. Convertere Domine, usquequo &c. Domine exaudi orationem &c. Dominus vobiscum &c. Oremus. Deus, cui proprium est, misereri semper & parcere, suscipe deprecationem meam, & hunc famulum, quem excommunicationis catena constringit, miseratione tuæ pietatis absolvat. Et ego auctoritate Dei omnipotentis ex potestate mihi specialiter commissa, absolvo te a sententia excommunicationis majoris in te lata, vel, quam propter tale delictum incidisti, & restituo te communioni fidelium, & Ecclesiasticis Sacramentis, & Sanctæ Matris Ecclesiæ unitati. In nomine Patris, & Filii, & Spiritus Sancti. Amen.*

A minori vero excommunicatione quilibet Sacerdos proprius absolvit, qui absolvendi potestatem habet a peccatis, & fiat sub hac forma: *Ego absolvo te a vinculo excommunicationis minoris, & a peccatis tuis. In nomine Patris, & Filii, & Spiritus Sancti.*

Spiritus Sancti. Amen. Caveant autem Sacerdotes, ne quenkum a peccatis absolvant, quem noverint vinculo excommunicationis majoris ligatum; nisi meruerit prius beneficium absolutionis a censuris obtinere. Advertant etiam, ne suspensos, nisi eis absolutio specialiter committatur, & habita autoritate, absolvant. Facta autem commissione, absolvant sub hac forma: *Dominus noster Jesus Christus dignetur te absolvere, & ego auctoritate mihi concessa, absolvo te a sententia suspensionis in te lata, & restituo te, ut officium tui Ordinis, sicut antea, exercere possis, In nomine Patris, & Filii, & Spiritus Sancti. Amen.* Si autem aliquis sit suspensus ab ingressu Ecclesiæ, & Divinis; addatur in prædicta forma: *Et restituo te ad ingressum Ecclesiæ, & Ecclesiasticis Sacramentis. In nomine, ut supra.*

Plerique etiam Clerici, sive Presbyteri, errant credentes, quod licet excommunicati sint ab homine, sive a Canone, ante denuntiationem non egeant absolutione: & sic celebrant Divina, credentes se non fore ligatos: quia vero posteaquam hujusmodi sententia lata est, statim habet in dorso paratam executionem; quapropter eosdem transgressores decernimus omnino fore ligatos, & si celebraverint, tanquam irregulares, remittendos.

Item nonnulli excommunicati, fiducia absolutionis extremæ, claves Ecclesiæ contemnunt, & tempore sanitatis nec satisfacere, neque confiteri volunt; unde statuimus, ut tales in extremis ad reconciliationis beneficium nullatenus admittantur, nisi satisfecerint, vel cautionem de satisfacendo (saltem juratoriam, si aliam facere non possent) præstiterint: quod si moriantur, sive convalescant, per se, vel suos, quantum ipsis possibile erit, satisfaciant de commissio.

Postremo, quoniam sententia excommunicationis lætæ sententiæ nonnunquam a Canone, sive jure, ipso facto pro nonnullis criminibus & delictis infligitur; quare Nobis absolutionem istorum specialiter reservavimus, mandantes, ne quisquam secularis, seu regularis, etiam cujusvis ordinis, vigore generalis concessionis, hujusmodi excommunicatos, etiam si denuntiati non fuerint,

præsumat absolvere, nostra speciali super hoc non habita licentia. Quod autem hujusmodi casus ad cunctorum aures deferantur, eosdem Statutis nostris duximus interendos; quatenus agniti magis evitentur, & nemo valeat de his ignorantiam allegare. Advertant vero Sacerdotes diligenter casus sequentes, quatenus obtenta a Nobis auctoritate absolventi, in illis diligenter observent formam absolutionis a censuris, quam supra descripsimus, antequam a peccatis aliquem absolvant, alioquin (cum excommunicatus non sit particeps Sacramentorum) noverint se errante clave processisse, ac absolutionem hujusmodi minime tenere.

Sequuntur Casus Excommunicationis majoris a Jure lata, & colliguntur ex antiquis.

Primus casus est, cum quis incidit in hæresim, jam damnatam, vel novam confingit, & generaliter, quicumque per Romanam Ecclesiam, vel singulos Episcopos in suis Civitatibus, vel Diocesis, tanquam hæretici, sunt damnati, quocumque nomine censeantur, excommunicati sunt. XXIV. Q. I. C. I. cum seq. C. Ad abolendam. C. Excommunicamus. De Hæretic.

Secundus casus, cum quis defendit, vel receptat hæreticos. C. Sicut. De Hæretic.

Tertius, si quis dicat Romanam Ecclesiam non esse Caput, & ei, tanquam capiti, noluerit obedire. XIX. Dist. Nulli.

Quartus, si quis in Clericum, vel personam Religiosam alicujus approbatæ religionis manus injicit violentas, & temerarias. XVII. Q. IV. Si quis suadente.

Quintus, cum quis potest defendere Clericum a violenta manuum injectione, & præsertim illi, qui ex officio tenentur defendere, seu qui alias commode defendere possunt, & dolose non defendunt. C. Quante præsumptionis. De sent. excomm.

Sextus est in illo, qui nec manum injicit, nec aliquo modo consentit, tamen ipsum Clericum invitum retinet, ponendo forte ei custodes, vel infra domum aliquem includendo. De sent. exc. C. Nuper. §. I.

Septimus introductus est contra Potestates, Rectores, Consules, & alios officiales laicos civitatum, & aliorum locorum, angarias & exactiones indebitas Ecclesiis, Sacerdotibus, & eorum possessionibus, & alia universa onera imponentes: sive etiam fossata, expeditiones, seu alia quælibet agenda de bonis Ecclesiarum, Clericorum, & pauperum, Christi usibus deputatis compleri volentes, ac jurisdictionem Prælatorum, quam habent in suis hominibus, evacuantes: si enim tales, qui in his deliquerint, competenter admoniti non desistant, tam ipsi, quam fautores eorum, excommunicationi se noverint subjacere: nec debent reddi communioni, donec satisfecerint competenter. *C. Minus. De immunit. Eccles.*

Octavus est contra illos, qui supradictis proxime succedunt, & infra mensem errorem, vel excessum prædecessorum non purgaverint: prædecessoribus nihilominus excommunicatis remanentibus, donec utrique satisfecerint competenter. *C. Adversus. §. fi. De immunit. Eccles.*

Nonus est contra illos, qui de cætero servari fecerint statuta edita, & consuetudines introductas, contra Ecclesiæ libertatem; nisi ea de Capitularibus, sive Chartulariis suis, vel aliis libris, fecerint aboleri, infra duos menses post publicationem præsentium, per Jura superius tacta.

Decimus in his, qui hujusmodi Statuta de cætero fecerint.

Undecimus contra illos, qui Statuta hujusmodi scripserint.

Duodecimus contra Potestates, Consules, Rectores, Consiliarios locorum, ubi hujusmodi Statuta, & consuetudines de cætero editæ fuerint, vel servatæ; quamvis non statuerint, nec servari fecerint.

Tredecimus, qui secundum ea præsumpserint judicare.

Quartus decimus, contra illos, qui scribere præsumunt judicata. *C. Noverit. & C. Gravem. De sent. excom.*

Quintus decimus, contra incendiarios, & violatores Ecclesiarum cum effractione. *C. Conquesti. De sent. excom. XI. Q. III. Canonica. C. In literis. De rapto. Cæteri*

vero, qui aliter offendunt Ecclesias, vel bona eorum diripiunt, licet ipso re excommunicati non sint, tamen sacrilegi judicantur, & excommunicandi sunt. *C. Conquestus. De for. compet.*

Sedecimus, cum quis a paucioribus, quam a duabus partibus Cardinalium in Summum Pontificem electus, electioni de se factæ consentit, & pro Papa se gerit.

Decimus septimus contra illum, qui de tertia parte Cardinalium consiliis, nomen Papæ sibi usurpaverit, & illi, qui eum receperit. *C. Licet. §. Præterea. De Elect.*

Decimus octavus, cum quis per se, vel per alium falsat literas Domini Papæ cum fautoribus, & defensoribus suis.

Decimus nonus, cum quis scienter utitur litteris Apostolicis, etiam ab illo falsificatis. *C. Ad falsarium. De crim. falsi.*

Vicesimus, contra illos, qui deferunt arma, ferrum, ligna, galeas, naves, Saracenis, vel regimen navium, vel galearum suarum exercent, vel aliquid aliud auxilium eis impendunt in dispendium Terræ sanctæ. *De Jude. C. Ita quorundam. cum seq.*

Vicesimus primus, contra Magistros, vel Scholares, qui tractant cum aliquo cive Bononiensi, de ipsius hospitio, in præjudicium scholaris inquilini, vel eo irrequiritò. *C. I. De locat. & conduct.*

Vicesimus secundus, contra quoscunque Religiosos Professos, Leges vel Physicam audientes, nisi infra duorum mensium spatium a studio hujusmodi duxerint abstinendum. *C. Non magno opere. & C. Super specula. Ne Cleric. vel Mon.*

Vicesimus tertius, contra Archidiaconos, Decanos, Plebanos, Præpositos, Cantores, & alios Clericos, personatus habentes, nec non Presbyteros, Leges, vel Physicam audientes. Juribus supra proxime allegatis.

Vicesimus quartus, contra illos, qui artem illam mortiferam & odibilem Basilicorum, & Sagittariorum adversus Christianos exercent. *C. Unico. De Sagittar.*

Vicesimus quintus, cum quis participat in crimine criminoso, & propter crimen suum excommunicato. *De sent. exc. C. Nuper. C. Si concubina.*

Vicesi.

Vicesimus sextus, in Clerico, qui sponte, vel scienter participat excommunicato a Papa, in Divinis officiis. *C. Significavit. De sent. exc.*

Vicesimus septimus, contra illos, qui Romanos, aut alios Christianos, pro negotiatione, vel aliis honestis causis, navigio vestos capere, aut rebus suis spoliare præsumunt, aut etiam naufragium passos, spoliant rebus suis; nisi moniti satisfecerint. *De rapto. Excommunicationi.*

Vicesimus octavus, contra illos, qui innituntur ordinationibus, vel alienationibus a schismaticis factis. *C. I. De Schismaticis.*

Vicesimus nonus, contra illum, qui se ingerit in Ecclesia, in qua est Episcopus, se pro Episcopo gerens, sine consensu suo. *C. Quoniam. De offic. ord.*

Trigesimus, Sacerdos habens officium Vice Comititis, aut Præpositi sæcularis, si commonitus, emendare noluerit. *C. Clericus. Ne Cler. & Monach.*

De Jure vero sexti libri notantur XXXII. Casus.

Primus contra eos, qui tempore electionis Papæ ad conclave eligentium alicui secrete scripturam, aut nuntium transmittunt, aut cum aliquo eorum secrete loquuntur. *Vid. Glo. in C. Eos, qui. De sent. exc. Lib. VI.*

Secundus, contra Rectorem & Officiales civitatis, in qua Summus Pontifex eligi debet, si fraudes committunt, aut diligentiam eis commissam diligenter non faciunt. *C. Ubi periculum. De elect. Lib. VI.*

Tertius, contra eos, qui gravaverint aliquam personam Ecclesiasticam, vel ejus consanguineos, vel Ecclesias, seu bona, pro eo, quod illum, pro quo rogabatur, eligere noluit. *C. Sciant cuncti. De elect. eod. Lib.*

Quartus, contra usurpantes bona Ecclesiarum vacantium, seu qui custodiam; aut aliquem defensionis titulum sibi de novo in eisdem usurpant. *C. Generali. De elec. eod. Lib.*

Quintus, contra eos, qui de regimine urbis Romæ se intromittunt; nisi specialis intervenerit Apostolicæ Sedis licentia, per ipsius Sedis literas exprimenda. *C. Fundamenta. De Elec.*

Sextus, contra seminantes discordiam in electionibus Abbatissarum. *C. Indemnitatibus. §. Postremo eod. Tit.*

Septimus, contra partem procurantem, conservatorem procedere contra formam juris. *C. Fi. De offi. dele.*

Octavus, de his, qui extorquent absolutiones per metum. *C. Fi. De his que vi metuque &c.*

Nonus, contra Judicem simulantem se mulierem, seu, qui alias fraudulenter vadit ad mulierem in testem productam. *De judic. C. Mulieres.*

Decimus, contra obedientem Imperatori, per Sedem Apostolicam deposito. *De re jud. C. Ad Apostolica. in fi.*

Undecimus, contra compellentes personas Ecclesiasticas ad submissionem bonorum & jurium Ecclesiarum. *C. Hoc consultiissimo. §. Laici. De rebus Ecclæs. non alien.*

Duodecimus, contra Laicos, qui ex contractibus initis super rebus Ecclesiasticis plus sibi usurpant, quam ex natura contractus eis licet. *C. Hoc consultiissimo. §. Ex contractibus. Lib. VI.*

Tredecimus, contra religiosos mendicantes ementes eis domos de novo. *De religi. Domi. C. I.*

Quartus decimus, contra imponentes telonia, pedagia, & guipedagia Clericis. *C. Quanquam de censu.*

Quintus decimus, contra eos, qui propter mortis periculum, aut aliud impedimentum, absolvitur ab eo, a quo alias non poterat absolvi; si cessante impedimento se non præsentat ei, a quo alias absolvi debebat, nam reincidit in eandem sententiam. *C. Eos, qui. De sen. ex Lib. VI.*

Sedecimus, verberans novitium aliqujus religionis. *C. Religioso. eod. Ti.*

Decimus septimus, contra eos, qui impediant super causis, quæ ad forum Ecclesiasticum de jure, vel consuetudine pertinent, literas a Sede Apostolica impetrari, vel super ipsis coram Ordinariis, vel delegatis Ecclesiasticis litigari. *C. Quoniam. De immuni. Ecclæs.*

Decimus octavus, contra violentes Ecclesiasticam libertatem per indirectum prohibendo subditis suis, ne Clericis consueta obsequia præstent. *C. ult. eod. Ti.*

Deci-

Decimus nonus, contra Religiosos temere habitum religionis dimittentes, vel studia literarum visitantes absque Prælati licentia.

Vicesimus, contra Doctores & Magistros, qui Religiosos, habitu suo dimisso, leges & physicam audientes, scienter docere, aut in scholis suis præsumpserint retinere. *C. Ut periculosa. Ne Cleri, vel Monachi. Lib. VI.*

Vicesimus primus, contra tradentes scienter Ecclesiasticæ sepulturæ hæreticos, aut eorum fautores. *C. II. De Hæretic. I. Responso.*

Vicesimus secundus, contra laicos, publice vel private de fide Catholica disputantes; sed iste casus potius est ferendæ sententiæ, quam latæ. *C. II. §. Inhibemus. eod. Tit.*

Vicesimus tertius, contra Judices laicos, super crimine hæresis judicantes, aut captos super eodem crimine liberantes, sive executionem eis injunctam non exequentes, ac Judicem Ecclesiasticum, super eodem crimine procedentem, impediētes. *C. Ut inquisitione. De hæret.*

Vicesimus quartus, contra illos, qui Jacobum & Petrum de Columna pro Cardinalibus tentent.

Vicesimus quintus, contra eos, qui dictis Ja. & Pet. auxilium, vel favorem præbuerint. *C. I. De schismat.*

Vicesimus sextus, contra eos, qui per Assassinos aliquem Christianum interfecerint, vel mandaverint, licet mors non sit secuta; aut qui tales receperint vel defenserint. *C. Pro humani. De homicid.*

Vicesimus septimus, contra concedentes, aut extendentes repressalia, adversus personas Ecclesiasticas. *C. De injuriis & damn. dato.*

Vicesimus octavus, contra infrequentes hostiliter aliquem ex Cardinalibus, etiam si non injecerint manum. *C. Felicia. De penis.*

Vicesimus nonus, contra Rectores & Dominos, qui interfectores Cardinalium non puniunt. *dic. C. §. Fi.*

Trigesimus, contra lædentes directe vel indirecte Ecclesiasticos Judices, propter suæ jurisdictionis exercitium. *C. Quicunque. De sen. exc.*

Tomus VI. Concil. German.

Trigesimus primus, contra eum, qui percussione in Clericum suo nomine factam, ratam habet. *C. Cum quis. De sent. exc.*

Trigesimus secundus, contra absolutos a Sede Apostolica, vel ejus delegatis, qui se debent alicujus conspectui præsentare pro suscipienda pœnitentia, aut pro satisfaciendo læso, & non faciunt. *Alle. C. Eos. §. Idem statuimus. De sen. exc. Lib. VI.*

Ex Clementinis eliciuntur quinquaginta unus Casus, qui enumerantur in Glo. Cle.

I. De sen. ex. super verbo Excommunicationis.

Primus, contra possessorem beneficii, qui in una sententia definitiva succubuit, & per triennium non possedit, si sequestrum per loci Ordinarium impedit, aut fructus sequestratos occupat. *Cle. una de sequest. possess.*

Secundus contra eos, qui defunctorum corpora in loco interdicto Ecclesiasticæ tradunt sepulturæ.

Tertius, qui publice excommunicatos,

Quartus, qui nominatim interdictos,

Quintus, qui manifestos usurarios scienter tradunt Ecclesiasticæ sepulturæ, in loco etiam non interdicto. *Cle. I. De sepul.*

Sextus, Septimus, Octavus & Nonus, contra Religiosos, gravantes & defraudantes Ecclesias in decimis. *Primo* ex eo, cum decimas Ecclesiis debitas, absque causa legitima sibi appropriare, seu usurpare præsumunt. *Secundo*, quando aliorum animalia suis gregibus immiscunt, ut exinde decimæ non solvantur. *Tertio*, quando animalia emunt, & venditoribus, aut aliis locant, ut ex eis decimæ non solvantur. *Quarto*, quando terris, quas tradunt aliis excolendas, decimasolvere Ecclesiis non permiserint, aut prohibuerint. *Cle. I. De Decim.*

Decimus, contra Religiosos administrationem non habentes, qui sine licentia speciali suorum Prælatorum ad Curias Principum se conferunt, ut suis Prælati, aut Monasteriis damna inferant.

Undecimus, contra Monachos, qui

Q

infra

infra septa Monasterii arma tenent. *Cle. I. §. Quia vero. De statu Monach.*

Duodecimus, contra impediētes visitatores Monasteriorum monialium. *Cle. II. Eod. tit.*

Tredecimus, contra mulieres, sectantes, aut de novo assumētes statum Beginarum.

Quartus decimus contra Religiosos, pro statu Beginarum dantes auxilium, consilium, vel favorem. *Cle. I. De religiof. domi.*

Quintus decimus, contrahētes scienter matrimonium in gradu prohibito consanguinitatis :

Sedecimus, in gradu affinitatis prohibito,

Decimus septimus, vel cum Moniali.

Decimus octavus, Religiosus contrahens matrimonium,

Decimus nonus, vel Monialis:

Vigesimus, aut Clericus, in sacris ordinibus constitutus, ipso jure est excommunicatus. *Cle. I. De consang. & affin.*

Vigesimus primus, Inquisitores hæreticæ pravitatis, & substituti a talibus Inquisitoribus, aut ab Episcopo, vel Sede vacante a Capitulo, ad exercendum officium inquisitionis hæreticæ pravitatis; si ex odio, gratia vel amore, aut propter lucrum, seu commodum temporale, omittunt procedere contra quenquam, ubi fuerit procedendum super hujusmodi pravitare :

Vigesimus secundus, aut hujusmodi pravitatem insonti imponunt :

Vigesimus tertius, aut insontem alio modo vexant super tali crimine, excommunicati sunt, & solum per Papam veniunt absolvendi. *Cle. I. De hæret.*

Vigesimus quartus. Inquisitores hæreticæ pravitatis aut Commissarii, si prætextu inquisitionis, illicite pecuniam, aut aliquid aliud extorquent.

Vigesimus quintus, si præfati Inquisitores Ecclesiarum bona, ob delicta Clericorum, Fisco etiam Ecclesiæ, scienter applicant. *Cle. II. De hæreti.*

Vigesimus sextus, Officiales communitatum, facientes statuta super usuris solvendis, non repetendis, aut non restituendis :

Vigesimus septimus, aut talia scribentes,

Vigesimus octavus, aut talia dictantes,

Vigesimus nonus, aut judicantes secundum illa :

Trigesimus, vel non delētes illa de libris communitatum, si possunt:

Trigesimus primus, vel illa servantes, excommunicati sunt ipso jure. *Cle. I. De usuris.*

Trigesimus secundus, Religiosi, qui Clericis, aut Laicis Sacramentum Unionis extremæ,

Trigesimus tertius, vel Eucharistiæ Sacramentum ministrare,

Trigesimus quartus, aut matrimonium solennizare præsumunt, non habita super his Parochialis Presbyteri licentia speciali:

Trigesimus quintus, aut qui excommunicatos a Canone, præterquam in casibus a jure expressis, vel per privilegia Sedis Apostolicæ concessis eisdem,

Trigesimus sextus, vel a sententiis per statuta Provincialia aut Synodalia promulgatis,

Trigesimus septimus, vel a poena & culpa absolvere quemquam præsumpserint, excommunicationis sententiam incurrant ipso facto, per Sedem Apostolicam duntaxat absolvendi. *Cle. I. De privile.*

Trigesimus octavus, Banniens injuriose Episcopum,

Trigesimus nonus, vel qui hujusmodi bannum fieri mandaverit, aut factum ab aliis, ratum habuerit: vel socius fuerit in hoc facientis, seu consilium in hoc dederit, vel favorem, aut scienter defensusverit eundem bannientem, ipso jure est excommunicatus: a qua excommunicatione nequit, nisi per Summum Pontificem, præterquam in mortis articulo, absolvi. *Cle. I. De pan.*

Quadragesimus. Religiosi mendicantes, qui domos ad habitandum, vel loca quæcunque de novo recipiunt, aut prius recepta mutant, vel alienant,

Quadragesimus primus, aut retrahunt aliquos a solutione Decimarum Ecclesiis debitaram.

Quadragesimus secundus: sibi conscientibus conscientiam faciant de solvendis hujusmodi decimis: alioquin scienter omittentes, tamdiu ab officio prædicationis manent suspensi quousque fecerint, si commode facere possunt, & si medio tempore prædicare præsumpserint, excommunicati sunt ipso facto.

Quadragesimus tertius, Religiosi aut Clerici sæculares, qui aliquos ad votendum, jurandum vel promittendum inducunt, ut vel sepulturam apud eorum Ecclesiam eligant, vel electam ulterius non immutent, excommunicati sunt, & per solum Romanum Pontificem veniunt absolvendi. *Cle. Cupientes. De penis.*

Quadragesimus quartus, Religiosi, etiam exempti, violantes interdictum Ecclesiasticum, aut Divinorum cessationem, servatam per matricem Ecclesiam. *Cle. I. De sen. exc.*

Quadragesimus quintus. Domini temporales, qui cogunt aliquem in loco interdicto celebrare Divina:

Quadragesimus sextus, vel qui per præcones faciunt populos ad illa audienda evocari:

Quadragesimus septimus, vel qui prohibent, ne publice excommunicati, vel interdicti Ecclesias exeant:

Quadragesimus octavus: Et ipsi nominatim moniti, qui non exeunt, excommunicati sunt, & per solum Papam absolventi. *Cle. Gravis. De sent. exc.*

Quadragesimus nonus, Fratres minores, si tempore interdicti recipiunt in suis Ecclesiis ad Divina fratres & sorores tertii ordinis Sancti Francisci. *Cle. Cum ex eo. eod. ti.*

Quinquagesimus. Afferens pertinaciter, quod anima rationalis, seu intellectiva, non sit forma corporis humani. *Cle. Una. S. Porro. De Summa Trini.*

Quinquagesimus primus. Pertinaciter asserens, uluram non esse peccatum, tanquam hæreticus excommunicatus est. *Cle. Ex gravi. De usuris.*

Quando vitandi sunt Excommunicati, vel aliis censuris innodati.

Ad evitandum scandala, & multa pericula, subveniendumque conscientis

Tomus VI. Concilior. German.

timoratis, statuimus, quod nemo deinceps a communione alicujus in Sacramentorum administratione, vel receptione, aut aliis quibuscunque Divinis, vel extra, prætextu cujuscunque sententiæ, aut censuræ Ecclesiasticæ, seu suspensionis, aut prohibitionis a jure vel ab homine generaliter promulgatæ, teneatur abstinere, vel aliquem vitare, aut interdictum Ecclesiasticum observare; nisi sententia, prohibitio, suspensio, vel censuræ hujusmodi fuerint in, vel contra personam, Collegium, & Universitatem, Ecclesiam vel locum certum, vel certam, a Judice publicata, vel denunciata specialiter, & expresse: aut si aliquem ita notorie excommunicationis sententiam constiterit incidisse, quod nulla possit tergiversatione celari, aut aliquo juris suffragio excusari. Nam a communione illius abstinere volumus juxta Canonicas Sanctiones. Per hoc tamen hujusmodi excommunicatos, suspensos, seu interdictos, non intendimus in aliquo relevare.

De Interdicto observando.

Quoniam apices Juris non omnibus innotescunt, ad uberiores Sacerdotum instructionem, ac salubrem informationem, qualiter Sacerdotes tempore interdicti se gerere debeant & habere, præsentem declaramus statuto: quod, videlicet, interdicti tempore, tam ab homine, quam a jure prolati, & sani & infirmi sunt ad remedium poenitentiae admittendi; nisi fuerint interdicti vel excommunicati: vel quorum dolo, culpa, consilio, favore, aut auxilio, locus exitit interdictus: quibus tantum viaticum, & baptisma parvulorum conceduntur: & Chrisma die Cœnæ conficitur. Nullus vero inungatur, aut Ecclesiasticæ tradatur sepulturæ præter Clericos, qui servaverint interdictum, nisi tales sint, qui nominatim excommunicati, suspensi, vel interdicti fuerint. Clerici vero, qui non fuerint hujusmodi sententiis innodati, sine pulsatione campanarum (cessantibus quibuscunque solennitatibus) cum silentio tumulentur. Insuper Sacerdotes, populum habentes sine scrupulo conscientiae, semel in hebdomada viros & mulieres possunt ad Ecclesias convocare, & ipsis exponere

ponere verbum Dei. Mulieres vero post primum cum solennitate Psalmi & orationum non inthroniscentur : nuptiæ non benedicantur , nec aqua benedicta populus solenniter aspergatur. Singulis diebus in Ecclesiis Missæ celebrentur , & officia Divina quæcunque peragantur , submissa tamen voce , & januis clausis , ac excommunicatis & interdictis omnino exclusis. Possunt etiam , campanis non pulsatis , bini vel tres simul Horas Canonicas legere , ita tamen quod foris , seu extra Ecclesiam , nullatenus audiantur. In Festivitatibus Natalis Domini , Paschæ , Penthecostes , Assumptionis Beatæ Mariæ Virginis , a primis Vesperis usque ad secundas Vesperas inclusive , campanæ pulsantur , Ecclesiarum januæ aperiuntur , Divina quoque officia solenniter celebrentur , excommunicatis prorsus exclusis , sed interdictis admittis : qui , si causam dederint interdicto , Altari nullatenus appropinquent , nec in illis Festivitatibus sepeliantur corpora mortuorum , neque vivis & sanis Eucharistiæ Sacramentum ministretur.

De Regulis Juris.

Regulis Sanctorum Patrum , & præsentibus nostris statutis , quivis noster subditus regatur , ut sciat , & faciat , quod acceptum sit Omnipotenti Deo , qui vivit & regnat in sæcula sæculorum. Amen.

Conclusio.

Ne de publice gestis quisquam valeat ignorantiam allegare ; volumus , & præsentis statuto sub excommunicationis pœna mandamus , ut quilibet Ecclesiarum Collegiatarum , Monasteriorum sæcularium & regularium Diocesis nostræ Prælati principalis , præterea Decanatum ruralium Decani , & Ecclesiarum Parochialium Sacerdotes curati , aut quoquomodo beneficiati , seriem & ordinem prædictorum statutorum habeant de verbo ad verbum infra tres menses , postquam ad eorum notitiam devenerint. Protestamur tamen ante omnia , quod per hæc nostra Synodalia , seu Diocesana statuta non volumus , neque intendimus Statutis sacrorum Provincialium , ac Prædecessorum nostrorum Synodaliū Conciliorum , nec non statu-

tis , privilegiis , & consuetudinibus Capituli Ecclesiæ nostræ Ratisbonensis in aliquo derogare : quinimo ea servare , manutene , & debitæ executioni una cum pœnarum adjectione , in quantum Nobis erit possibile , demandare : reservantes nihilominus Nobis potestatem omnimodam , ipsa nostra Statuta , in toto , vel in parte revocandi , variandi , interpretandi , augendi , & minuendi toties , quoties videbitur , juxta consilium Jurisperitorum atque Sapientum expedire.

LAUS DEO.

Canones Penitentiales.

Cum nulli Presbytero liceat facere , quod possit Sanctorum Patrum regulis obviare , & Sacerdotes Canones Penitentiales scire teneantur , sine quibus etiam Sacerdotis nomen vix possit constare : quatenus ergo circa dispensationem pœnitentiæ (quæ licet hodie sit arbitraria) cautius arbitrentur , eosdem Canones Statutis nostris duximus subnotandos.

Primus est , quod si Presbyter fornicationem fecerit , pœnitentiam X. annorum faciat hoc modo , scilicet : quod sit inclusus , sive a cæteris in aliquo loco remotus , sacco indutus , & humi prostratus , Misericordiam Dei jugiter implorans. Primis tribus mensibus continuis a vespere in vesperem pane & aqua utatur , exceptis Dominicis diebus , & festis præcipuis , in quibus modico vino , pisciculis , & leguminibus recreetur. Elapsis autem his tribus primis mensibus , de illo loco exeat : non tamen in publicum procedat ; ne populus in eum scandalizetur , & per hoc vitetur , quod in publico crimine loquatur. Post hoc , resumptis viribus aliquantulum , unum annum & dimidium in pane & aqua expleat , exceptis Dominicis , & aliis præcipuis festis , in quibus vino , sagimine , ovis , & caseo poterit uti. Finito sic primo anno & dimidio , particeps sit Corporis Domini , & ad pacem veniat , & ad Psalmos , cum aliis fratribus canendos : in choro ultimus recipitur , ad cornu tamen altaris non accedat , sed minorum ordinum tantum officia gerat. Deinde usque ad completionem septimi anni , tres legitimas ferias , scilicet : secundam , quartam & sextam , exceptis die-

bus

bus Paschalibus, qui sunt quinquaginta, in pane & aqua jejundet, secundam tamen feriam uno psalterio, vel denario, si sit operarius, redimere poterit: & sic, cum septimum annum compleverit, potest eum Episcopus ad gradum pristinum revocare; ita tamen, quod in tribus annis sequentibus, sine ulla redemptione, omni sexta feria in pane & aqua jejundet. Et eadem poenitentia imponenda est Presbytero de omnibus aliis peccatis, quæ depositionem inducunt. Probantur autem hæc omnia *LXXXII. Dist. Presbyter si fornicationem.* Quod intelligunt quidam de simplici fornicatione: alii forte melius secundum Ray. de adulterio, vel incestu, puta: quia cognovit conjugatam, consanguineam, vel affinem.

Secundus casus est, si Presbyter cognovit filiam suam spiritualem, quam scilicet Baptizavit, vel in Baptismo, vel in Confirmatione tenuit, vel quæ sibi confessæ fuit: debet poenitentiam agere XII. annis, & etiam debet deponi, si crimen sit manifestum, & peregrinando XV. annis poeniteat: & postea Monasterium intret, tota vita sua moraturus ibidem. Episcopus vero, qui talia commisit, poeniteat XV. annis. Ipsa vero mulier debet omnia relinquere, & res suas pauperibus dare, & conversa usque ad mortem in Monasterio Deo servire. *XXX. Q. I. Si quis Sacerdos &c. Non debet.*

Tertius est, quod quicumque filiam suam spiritualem, vel matrem cognoscit, VII. annis poeniteat, & similiter ei consentientes. *XXX. Q. III. Non oportet.*

Quartus est, quod qui contrahit cum aliqua alii desponsata per verba de presenti, ipsa dimissa, XL. diebus jejundet in pane & aqua, & sequentibus VII. annis poeniteat. *Extrav. De spon. duo. accepisti.*

Quintus est, quod, qui cognoscit duas commatres vel sorores, sive uxor vivat, sive non; ad minus VII. annis poeniteat; licet plus deberet. *XXX. Q. IV. Si Pater.*

Sextus est, quod qui cognoverit monialem, sive devotam, X. annis poeniteat: & similiter ipsa secundum formam traditam. *XXVI. Q. I. De filia. & C. Devotam.* In quorum primo C. dicitur,

quod si filia Episcopi, vel Presbyteri, vel Diaconi, post votum solenne contraxerit matrimonium, non admittatur ad communionem, nisi marito defuncto poenitentiam egerit; si autem eo vivente decesserit, & poenitentiam egerit, & communionem petierit, tantum in fine vitæ recipiet eam. In secundo C. dicitur, quod devota peccans non est recipienda in Ecclesia, nisi peccare desierit, & desinens egerit poenitentiam X. annis. Postea recipiatur ad Communionem, & antequam in Ecclesia admittatur ad orationem, ad nullius convivium Christianæ mulieris accedat.

Septimus est de eo, qui ignoranter cognoscit duas sorores, vel matrem & filiam, vel amitam & neptem, poeniteat VII. annis: si autem scienter, perpetuo priveretur conjugio. *XXXIX. q. III. Si quis cum duabus.*

Octavus est, quod qui duxit in uxorem, eam quam polluit per adulterium, poeniteat V. annis. *XXXI. q. I. Si qua vidua.*

Nonus est, quod qui contra naturam peccavit, si sit Clericus, debet deponi, vel religioni tradi, si corrigibilis appareat, ad perpetuam poenitentiam peragendam: si vero sit laicus, a cœtu fidelium, usque ad condignam satisfactionem, debet fieri alienus. *Extrav. de excess. Prælat. Cleric.* Hoc enim vitium majus est, quam cognoscere matrem. *XXXII. Q. VII. Adulterii.* & est Aug. Adulterii, inquit, malum vincit fornicationem: vincitur autem ab incestu fornicatio; pejus enim est cum matre, quam cum aliena uxore concumbere; sed omnium horum pessimum est, quod contra naturam fit, ut si vir membro mulieris non ad hoc concessio voluerit uti: Hæc Augustinus. Quocunque autem modo tale factum exerceatur, præterquam inter virum & feminam ordinate in vase debito, vitium contra naturam, & Sodomiticum judicatur, ut dicit Ray.

Decimus est, quod qui coierit cum brutis, poeniteat plus quam VII. annis, & similiter pro incestu. *XXXII. Q. II. Hoc ipsum. & §. seq.*

Undecimus est, quod Presbyter, qui interest clandestinis nuptiis, triennio suspenditur, & si culpa exegerit, gravius

puniatur. *Extrav. De cland. despons. Cum inibitio.*

Duodecimus est, quod qui votum simplex violaverit, pœniteat tribus annis. *XXXVII. Dist. Si vir.*

Tredecimus est, quod qui excommunicatus celebraverit, debet triennio pœnitere, & feria II. IV. & VI. a vino & carnibus abstinere. *XI. Q. III. De bis. De pœna vero degradati celebrantis habetur Dist. L. Accedens.*

Quartus decimus est, quod homicida voluntarius sine spe restitutionis deponitur, & pœniteat VII. annis. *Dist. L. C. Miror.*

Quintus decimus est, quod homicida casualis pœniteat V. annis: & hoc secundum Ray. si culpa casum præcessit; aliter non, nisi forte ad cautelam. *Dist. L. C. Eos. & duobus CC. segg.*

Sedecimus est, quod si quis fecerit homicidium propter necessitatem evitabilem, pœniteat duobus annis. *Dist. L. C. De bis Clericis*, quæ licet, si inevitabilis esset, in nullo sibi imputaretur. *L. Dist. Quia te.* Quod verum est quoad culpam: sed bonum esset, quod pœniteret, quoad cautelam & innocentiam suam Ecclesiæ ostendendam. *Extrav. De homicidio. C. §. ult.* Et secundum Ray. forte distinguui potest in homicidio necessario, sicut in casuali, scilicet utrum culpa præcesserit necessitatem, vel non. *Arg. dist. de his not. extra, De homicid. Interfecisti.* Sed & si quis per insaniam committat homicidium, non ei imputatur. *III. Q. IV. Judicas.* Quin etiam, qui intuitu disciplinæ incaute percutiendo occiderit, deponitur. *Extrav. De homicid. Presbyterum. xv. Q. I. Si quis non iratus.* Sed qui ligatum latronem interficit, deponitur. *Extrav. De homicid. Suscepimus.* Qui autem latronem occultum occidit, quem vivum comprehendere potuit, XL. diebus non intret Ecclesiam, & alias pœnitere debet. *Extrav. eod. tit. C. II. ubi de hoc dicitur.* Qui vero paganum, vel Judæum occidit, pœniteat XL. diebus. *Dist. L. Cap. Qui vero odii.*

Decimus septimus est, quod matricida pœniteat X. annis secundum formam satis aperte traditam. *xxxiii. Q. II. Latorem.* Uxoridæ vero gravior pœnitentia debet imponi; talis enim, & qui Do-

minum occidit, nunquam equitat, nec vehiculo portatur, nec matrimonium contrahit. Uſque ad X. annos carnes non comedit, nec vinum bibit, & alia, quæ habentur *xxxiii. Q. II. Admonere. & C. Quicumque.* Imponitur autem pœnitentia major uxoridæ, non quia illud peccatum sit gravius isto, sed quia homines proniores sunt ad occidendum uxores, quam matres. Majus enim peccatum est occidere matrem, quam uxorem occidere, ut dicit *Bonav. in iv. Sententiarum*, & communiter omnes Doctores. Guil. vero Durand. tenet contrarium in *Repertorio*, pro eo, quod uxoridæ imponitur major pœnitentia. Mihi autem magis placet sententia aliorum. Sed qualem pœnitentiam agere debent, qui filios occidunt? Resp. Aut est certum, quod ipſimet ſcienter interfecerunt; & ſic debet eis imponi pœnitentia major, quam pro alio homicidio. *Arg. Extrav. eod. C. ult. In tex. Et gl. & De homic. cum juramento. De pen. Dist. I. Aut facta.* In hoc tamen casu vir uxorem recuperat, quam coactus abjuraverat, & ipſa pœnitentiam agit ſecundum arbitrium Episcopi; ita quod ſi habet alios filios paciſice gubernare poſſit eos uxor. *Extrav. eod. Intelleximus.* Quod ſi virum non habet, induci debet, ut intret religionem. Ad quod ſi non poteſt induci, tutius eſt ei dare licentiam nubendi, ut *Extrav. eod. Veniens.* Et hoc quando timeretur de incontinentia, alias non. Ut patet *XXXI. Q. II. In adoleſcentia.* Et ſi pater ſit Clericus, ab officio altaris debet perpetuo abſtinere, & ei gravior, quam laico, non tamen publica (niſi veniat in publicum) pœnitentia debet imponi, ut *Extrav. De pan. Quæſitum.* Aut certum eſt, quod non interfecerunt ſponte, nec in culpa fuerunt, ſed caſu fortuito contigit: & ſic diſtincto jure in nullo tenentur. *Aug. Ext. De homic. ex literis II. & C. Joannes. & C. ult.* Niſi velint ad cautelam pœnitere. In dubio tamen præſumitur, quod hoc non ex certa ſcientia, ſed potius ex incuria provenerit. *Ext. De præſumpt. Afferte.* Aut certum eſt, quod non exhibuerint omnem diligentiã, quam potuerunt, & debuerunt; & ſic culpa præceſſit caſum. Et ſi ſit gravis culpa, ut ſi poſuit puerum in medio utriuſque, ſecundum arbitrium Pœnitentiarii imponitur

nitur poenitentia V. & VII. annorum. *I. Dist. Si qua femina. & C. seg. & C. Si quis sponte.* Occulta, si sit occultum; publica, si sit publicum: & major, si in lecto suffocetur, quam si in cunis: & major Presbytero Græco, quam laico, ut habetur *Extrav. De pen. Quæstum.* Et licet dispensetur quoad poenitentiam, quæ est arbitraria, ut dicitur ibidem: non tamen quoad ordines, propter homicidium, quod est delictum enorme & indispensabile. *Dist. L. Miror.* Si autem culpa, quæ præcessit casum, sit levis, ut si posuit puerum in eodem lecto, longe tamen a se; imponitur poenitentia trium annorum. Secundum hoc intellige illud *Extr. eod. De Infantibus.* Monendi ergo sunt parentes, quod tam tenellos secum in uno non collocent lecto, ne qualibet negligentia interveniente opprimantur, & suffocentur. *Ut II. Q. V. Confutasti.* & hoc modo distinguit *Hosii.* & *Bev. Extr. De infantibus.* Quid de illis, qui filios, vel servos suos infantes, vel etiam adultos, languidos relegata pietate exponunt, id est, extra se ponunt ante Ecclesias, ut aliqui moti misericordia colligant eos? Resp. Tales graviter peccant. Quia, cum ignoretur sæpe consanguinitas expositorum; contrahere possent matrimonium cum sorore, vel cum consanguinea. Ideo exponens tenetur de hoc peccato poenitere, & est puniendus, sicut expositus, si scienter cum tali contraheret, puniretur. *Ext. De pen. Officii.* secundum *Hosien.* Talis enim secundum *Ray.* est tanquam homicida judicandus, qui hominem sibi ita conjunctum periculo mortis exponit. Consideratis tamen circumstantiis, & utrum ob hoc mors secuta fuerit, vel non fuerit, poenitentia moderanda erit. Erunt autem tales irregulares secundum *Ray.* si mors inde sit secuta: quia scilicet fuerunt in culpa, eos exponendo, vel alimenta negando. Tamen secundum *Ro.*, si in nulla culpa fuissent: quia forte nec eleemosynas quærendo, nec aliter eos alere possent, irregulares non essent, nec peccarent.

Decimus octavus est, quod qui Presbyterum interfecit, poeniteat XII. annis. *Ext. De pen. & rem. C. II.* De poenitentia vero ejus, qui occidit Monachum, vel Clericum, Subdiaconum, vel Diacono-

num, habetur *XVII. Q. IV. Qui occiderit.* De poenitentia autem ejus, qui machinatur in mortem Domini sui, vel in regimen ejus, habetur *XXIII. Q. ult. §. Si quis.*

Decimus nonus est, quod qui injuste etiam ad mortem accusat, XL. diebus in pane & aqua per VII. annos jejundet & poeniteat: & hoc, si accusatus sit occisus; si autem tantum membrum perdiderit, triennio poeniteat. *Ext. De accus. C. Accusasti. Hosien.* vero, & *Joan de Deo.* in jejunando intellexerunt, quod primus poeniteat per septem annos, quolibet anno jejunando XL. diebus in pane & aqua: secundus vero per tres annos. G. vero *Durand.* intellexit prout litera magis sonat, scilicet, quod primus jejunabit XL. diebus in pane & aqua, sive continue, sive interpolate, & per septem annos jejunabit & poenitebit; non tamen in pane & aqua; sed ad arbitrium Presbyteri: secundus vero per tres quadragesimas, prima ante Natalem Domini, secunda ante Pascha, tertia ante Sanctum Joannem, has enim instituit Beatus Petrus, ut habetur in *Chronicis.* Jejunabit autem tunc in pane & aqua. Probantur hæc secundum *Hosien. XII. Q. V. C. I. II. & III.*

Vigesimus est, quod perjurus XL. diebus in pane & aqua jejundet, & VII. annis sequentibus poeniteat, & semper debet esse in poenitentia, scilicet interiori. *VI. Q. I. Quicumque.*

Vigesimus primus est, quod, qui compulsus conditionaliter a Domino, scienter perjurat, si liber sit, XL. diebus in pane & aqua, & hoc secundum *Gloss.* intellige, vel continue, vel interpolate, poeniteat VII. annis sequentibus, non tamen in pane & aqua, ut dicit *Gloss.* Si vero servus sit ejus, qui eum coegit, tribus quadragesimis, & legitimis feriis, scilicet II. IV. & VI. *XX. Q. V. Qui compulsus.*

Vigesimus secundus est, quod, qui perjurat in manu Episcopi, vel in Cruce consecrata, poeniteat tribus annis; si vero in Cruce non consecrata, uno anno. Qui vero coactus & ignorans ignorantia juris, & postea cognoscit, poeniteat tribus quadragesimis. *XXII. Q. V. C. II.* Qui vero coactus pro vita redimenda, vel

vel qualibet causa, vel necessitate perjurat (quia corpus plus quam animam dilexit) tribus quadagesimis pœniteat. *Ead. Q. V. Si quis coactus.* Alii indicunt tres annos: & unum ex his in pane & aqua.

Vigesimus tertius est, qui falsum scienter jurat, & alium jurare cogit, diebus XL pœniteat in pane & aqua, & VII.sequentibus annis nunquam sit sine pœnitentia, scilicet interiori. Alii etiam, si consilii fuerint, similiter pœniteant. *XXII. Q. V. Si quis convictus.*

Vigesimus quartus est, quod, qui mensurat in falsa mensura, XXX. diebus in pane & aqua jejundet. *Ext. De contrab. empt. Ut mensura.* De pœna vero falsarii literarum habetur. *Ext. cod. Ad audientiam. & C. Dura. & C. Ad falsarium. & De verb. signi. Novimus.*

Vigesimus quintus est, qui frangunt pœnitentiam solennem, sive redeundo ad crimina priora, vel similia: sive redeundo ad negotiationem, vel militiam sæcularem, quæ sibi fuerant interdicta; sola intra Ecclesiam fidelibus oratione junguntur, a communione suspenduntur, a Catholicorum conviviis separantur, & pœnitere debent X. annis, & communicent in fine vitæ. *XXXIII. Q. II. De his vero. Et: De pœn. Dist. V. Si quis vero.*

Vigesimus sextus est, quod, qui canit Missam, & non communicat, debet uno anno pœnitere, & interim Missas non cantare. *De consecr. Dist. V. Relatum.*

Vigesimus septimus est, quod Presbyter, qui mortuum Clericum involvit in palla altaris, pœniteat X. annis, & mensibus. V. Diaconus vero triennio & dimidio. *De consecr. Dist. I. Nemo per ignorantiam.*

Vigesimus octavus, quod qui committit sacrilegium, Ecclesiam violando, vel Chrisma, sive calicem sacrum pollutis manibus accipit, vel similia sacrilegia committit; pœniteat VII. annis. Primo anno extra cœmeterium, quod violavit, consistat, secundo anno ante fores Ecclesiæ, tertio in Ecclesia: & in hoc triennio carnes non comedat, vinum non bibat, nisi in Pascha, vel Natali. Non offerat, nec communionem accipiat: quarto anno communicabit, & in illo,

& in V., & in VI. & in VII. tribus feriis a carnibus & vino abstineat jejunando. *XII. Q. II. Demon.* Comburens autem Ecclesiam quindecim annis pœniteat & eam restituat. *XPVII. Q. IV. §. Si quis. in vers. Majus.* De pœna vero raptoris, sive furis rei Ecclesiasticæ, & de pœna furis & effraCTORIS, tam Clerici, quam laici, habetur eadem *Q. §. Peccata. & C. Si quis Clericus.*

Vigesimus nonus est, quod si parentes frangunt sponsalia filiorum, a communione triennio separentur; & similiter filii, si sint in culpa. Si tamen filii, secundum promissionem factam contraxerint, exculantur utique, scilicet quoad pœnam Ecclesiæ, sed non quoad reatum, ex quo dederunt operam in contrarium. *XXXI. Q. III. Si qui parentes. Arg. De pœn. Dist. 1. Si cui.*

Trigesimus est, quod, qui blasphemaverit publice Deum, vel aliquem Sanctorum, & maxime Beatam Virginem, illi debet Episcopus hanc pœnitentiam injungere: scilicet, ut VII. diebus Dominicis præ foribus Ecclesiæ in manifesto, dum Missa cantatur, existat: & ultimo illorum dierum Dominicorum pallium & calceamenta deponat, & corrigiam ligatam circa collum habeat, & VII. præcedentibus sextis feriis in pane & aqua jejundet, Ecclesiam nullatenus ingressurus & quolibet prædictorum dierum tres pauperes, vel duos, vel saltem unum reficiat, si potest; & si non potest, hæc pœna in aliam commutetur. Quod si renuerit agere omnia supradicta, interdicatur sibi Ecclesia, & in morte privetur Ecclesiastica sepultura. *Ext. De maled. Statuimus.* Item blasphemus, si dives fuerit, XL. alioquin XXX. & XX., & si ad hoc non sufficit, quinque solidorum usualis monetæ pœna mulctetur, nullamque misericordiam in hoc habiturus, ut dicitur ibidem, scilicet, quin solvat quinque solidos, quos si non habet, currat per civitatem, & commutetur in pœnam aliam temporalem. Hæc autem pœna solvetur ei, qui condemnat, id est, potestati sæculari: hanc enim pœnam temporalem præcipit Papa imponi per potestatem temporalem. Quod si neglexerit, per Episcopum præcipitur cogi. Hæc Host. Habet autem prædicta pœna locum, secundum Goffr.

Goffr. cum quis blasphematur, non ex ira, vel ebrietate, vel dementia; quia tunc cum eo benignius ageretur. *II. Q. III. Si quis iratus.* §. *Notandum.* Secundum vero *Hosien.* poena est specialiter indulta contra eos, qui Deum blasphemant ex ira; non enim aliquis de levi blasphematur Deum, nisi iratus. Tanta posset esse iracundia, quod æquipararetur dementiae, & tunc illud, quod dicit *Gof.* locum posset habere. *Hæc Hosien.*

Quid, si quis juret per caput, vel per ventrem, vel corpus, vel capillum? *Resp. Hof.* Quod si faciat hoc, affirmando vel jurando; non habet locum hæc poena: secus est, si faciat hoc detestando, vel vituperando, licet iratus. Item secundum *Gof.* & *Hof.* hæc, quæ dicuntur de poena temporali, sunt iudice pro tribunali sedente; in iudicio autem animæ Presbyter discretus, molliendo rigorem, dispensare poterit ex causa circa poenam spirituales superiores. *XXV. Q. VI. Pœnitentibus.* Hæc *Hof.* Item blasphemus Clericus, maxime Presbyter, cogatur ad veniam postulandam; quod si noluerit, degradetur. *Dist. XLVI. Clericus.*

Notandum vero, quod blasphemus secundum leges est decapitandus, ut in *Auten.* Ut non luxu. Contra natu. Circa medium. Colla. VI. Secundum vero Canonem antiquum, Clericus erat degradandus, & laicus excommunicandus. *XXII. Q. I. Si quis per capillum.* Hodie vero laicus ager poenitentiam supradictam, scilicet illius Canonis: *Statuimus:* & hoc, si publice blasphemavit; si enim occulte, non poenitebit publice, ut puto. Clericus vero hodie est corrigendus poena arbitraria & occulta; non illa, quæ est publica. Clericus enim publice non debet poenitere. Si autem rebellis fuerit, vel sæpius commiserit, locum habet poena legis, scilicet, ut laicus decapitetur in foro civili, & in Canonico anathematizetur, id est, Ecclesiæ ingressus sibi interdicator, & in morte privetur Ecclesiastica sepultura: Clericus vero degradetur. *Hæc Hosien. Tit. De maledictis.*

Trigesimus primus est de Presbytero, qui revelat confessionem, quod de jure antiquo debet deponi, & omnibus diebus vitæ suæ ignominiosius peregrinari. *De pœn. Dist. VI. Sacerdos.*

Tomus VI. Concil. German.

Trigesimus secundus est, quod, qui in dicendis Horis Canonicis, & aliis officiis Divinis discrepat a consuetudine propriæ Metropolitanæ Ecclesiæ, VI. mensibus privatur communione, si hoc accadat ex contemptu. *XXVII. Dist. De bis.*

Trigesimus tertius est, quod Episcopus, qui ordinat sine causa iusta Clericum invitum, aut reclamantem, vel penitus invitum, absolute suspenditur anno uno. *LXXIX. Dist. C. I.*

Trigesimus quartus est, quod Episcopus, qui correctionem de venditione ministeriorum dissimulat, duobus mensibus: Presbyter IV. Diaconus III. Subdiaconus, & ceteri ad arbitrium Iudicis poenitere debent. *I. Q. I. Quidquid invisibilis.*

Trigesimus quintus est, quod sortilegus XL. diebus poeniteat. *Ext. De sortileg. Requisiti.*

Trigesimus sextus est, quod qui videt in astrolabio, poeniteat II. annis. *Extra. De sortileg. Ex tuarum.*

Trigesimus septimus est de stilla sanguinis altaris, cadentis super terram, vel aliquid aliud, propter negligentiam Presbyteri: debet Presbyter poenitere XL. diebus: si cecidit super pallio altaris, poeniteat quatuor diebus. *De consecr. Dist. II. C. Si per negligentiam.*

Trigesimus octavus est, quod si aliquis evomit Eucharistiam propter ebrietatem, vel voracitatem, si laicus, poeniteat XL. diebus: si Clericus, vel Monachus, vel Presbyter, vel Diaconus, poeniteat LXX. diebus: si Episcopus, poeniteat XC. diebus; & debet evomitura comburi, & juxta altare collocari. Si vero causa infirmitatis evomuerit; VII. diebus poeniteat. *De consecr. Dist. II. Si quis propter ebrietatem.*

Trigesimus nonus est, quando mus corrodit, vel comedit Corpus Christi, de poenitentia hujus casus inquire, ubi sit notata. *De consecr. Dist. II. circa finem.*

Quadragesimus est, quod, qui domum vel arcam voluntarie succendit, sublata vel incensa omnia restituat, & tribus annis poeniteat. *Extra. De injuriis. Si quis domum.* Canon tamen dicit, quod si ex odio, vel injuria hoc fecerit, excommunicari debet, nec absolvi, donec sa-

R

tiste-

tisecerit, & juraverit, quod ignem de cætero non apponat. Imponitur autem sibi, ut Hierosolymam, vel in Hispaniam vadat, in Dei servitio anno integro ibi moraturus. Si quis autem Archiepiscopus, vel Episcopus hoc relaxaverit; damnum restituat, & ab officio Episcopali per annum absteineat. *XXIII. Q. VIII. Pessimam.* Hodie autem, postquam sunt denunciati, non possunt citra Sedem Apostolicam absolvi. *Ext. De sent. excom. Tua nos.* Imo text. loquitur de incendiariis indistincte, postquam sunt publicati. Et *Ber.* hoc idem dicit expresse, & *Grat.* *Ext. De sent. excom. Quicunque.* & *Gess.* licet *Ro.* contrarium dicat. Secundum autem leges, qui in civitate data opera incendium fecerit; si sit humilis, subijcitur bestiis: si sit in aliquo gradu, decapitatur, vel in insulam relegatur. *ff. De incend. ruin. nauf. L. fin.* Qui vero alibi, ut in villis, vel in castris remissis ibidem aedes postas combusserit, si hoc dolo fecerit, comburitur: & hoc intelligendum secundum *Hoftien.* si sit humilis: si autem hoc ex sua negligentia contigerit, resarciat damnum: vel si minus idoneus sit, parum vel leviter castigetur, & nomine ædium, omne ædificium continetur, ut ibidem dicitur. *L. Qui aedes.*

Quadragesimus primus est, quod, qui dederit, vel acceperit communionem ab hæretico, & nescit, hoc esse prohibitum ab Ecclesia, & postea intelligit; pœniteat uno anno: si autem scivit, & neglexit, pœniteat X. annis, vel secundum quosdam VII, vel secundum alios V. Qui vero permittit hæreticum Missam celebrare in Ecclesia Catholica per ignorantiam juris, pœniteat XL. diebus: si pro reverentia ejus, per annum pœniteat: si pro damnatione Ecclesiæ Catholicæ, & pro consuetudine Romanorum, projiciatur ab Ecclesia, sicut hæreticus, si sit impœnitens: alioquin pœniteat X. annis. Si autem, relicta Ecclesia, ad hæreticos transierit, & alios ad hoc induxerit, pœniteat XII. annis: tribus extra Ecclesiam, VIII. inter audientes: duobus extra communionem, & sic XII. anno communionem, sive oblationem percipiat. *XXIV. Q. I. Si quis dederit.*

Quadragesimus secundus est, quod Pa-

tronus, qui res Ecclesiæ dilapidat, uno anno pœniteat. *XVI. Q. VII. C. Filiis.*

Quadragesimus tertius est, quod, qui domum suam magicis & incantatoribus lustrat, vel aliud facit, & qui ei hoc consultit, annis V. pœniteat. *XVI. Q. V. Qui divinatores, & C. Non liceat.*

Quadragesimus quartus est, quod, qui pacem cum proximo suo non facere jurat, anno uno pœniteat, & ad pacem redeat. *XXII. Q. II. Qui Sacramento.*

Quadragesimus quintus est, quod pro perjurio, adulterio, homicidio dantur regulariter VII. anni: & similiter pro fornicatione, licet non ita aspera pœnitentia, injungatur. *XXII. Q. I. Prædicandum. XXXIII. Q. I. Hoc ipsum. & §. seq.*

Quadragesimus sextus est, quod, qui scienter rebaptizatur, VII. annis pœniteat, & feria IV. & VI. in pane & aqua jejunando, tres quadragesimas faciat: & hoc, si fecit pro hæresi introducenda. Si autem pro munditia, id est, pro salute corporis obtinenda, ut *Extr. De apostasia. C. II.*, tribus annis pœniteat. *De consecr. Dist. IV. Qui bis.* & talis, qui baptizatur, vel confirmatur, sit de foro Ecclesiæ, & cogitur fieri irregularis. *Dist. LXXXIV. Dictum est.* De pena autem talium habetur *De consecr. Dist. IV. Eos.* cujus Capituli sententiam prætermitto gratia brevitatis.

Quadragesimus septimus est, quod, qui uxorem adulteram cognoscit antequam pœniteat, III. annos pœniteat. *XXI. Q. I. Si quis secundo.* qui vero cognoscit eam pœnitentem ante pœnitentiam peractam, pœniteat II. annis. *Ead. Q. Si quis primo.* Quomodo vero pœnitentia injungenda sit mulieri, partum alterius supponenti, vel etiam de non suo viro concipienti, habetur *Extr. De pen. & rem. Officii.*

Ad regulas igitur prædictas inspiciendo, potest studiosus indagator procedere ad pœnitentias pro diversis criminibus secundum Canones imponendas, & ex causa, consideratis circumstantiis, ut dictum est supra, moderari poterit eas. Et licet ab ipso omnes circumstantiæ sint diligenter attendendæ; principaliter tamen qualitates personæ, & præcipue, utrum sit persona obnoxia alicui aliquo vinculo servitutis: nam circa

circa tales personas cavere debet pro posse Presbyter, ne talem pœnitentiam eis imponat, per quam illis, quibus sunt adstrictæ, præjudicium fiat, maxime circa conjugatos. Unde si servus sit, & timore peccaverit, obediens Domino suo in atrocioribus, est mitius puniendus, XXII. *Q. V. Qui compulsus*, obedire tamen non tenebatur in talibus. XI. *Q. III. Si Dominus*. Si autem voluntarie peccaverit, corpore punietur etiam acrius, quam alius. XXIV. *Q. I. Qui contra pacem*. Nec est servo injungenda peregrinatio, per quam Dominus ejus, qui non est in culpa, illius servitio defraudetur, *Extr. De sent. excom. Relatum*. si vero liber sit, tota pœnitentia Canonis (si potest facere) debet imponi. XVI. *Q. I. Sacerdotes pœnitentiam*. Sed ex causa poterit eam Presbyter moderari. Considerandum etiam erit, utrum sit persona nova in fide: quia novis in fide minor debet etiam imponi. *Extr. De pœn. & rem. Deus, qui*. Et similiter considerandæ erunt aliæ personarum circumstantiæ, de quibus ad præsens supersedeo gratia brevitas.

Sciendum autem, quod in foro pœnitentiam dicuntur legitimæ feriæ II. IV. & VI. *Dist. LXXXI. Presbyter. De consecr. Dist. III. Jejunia*. Aliqui tamen, ut dicit Ro. pro II. feriæ ponunt sabbatum.

Insuper notandum, quod si pœnitentia in pane & aqua imponatur non habenti panem, potest loco panis leguminibus & pisciculis vesci, & etiam aliis, si necessitas illud requirat. *Extrav. De pan. & rem.* Licet in tex. & gloss. alias non licet. Notandum etiam secundum

Jo., si pœnitentia sit imposita à Canone, liberatur quis a jejuniis dando denarium, vel legendo Psalterium propria auctoritate. *Innoc.* vero dicit, quod jejunia necessaria, ut quatuor temporum, & hujusmodi, non possunt redimi, nisi subfit rationalis causa, voluntaria tamen redimi possunt etiam sine auctoritate Superioris.

Ad hoc etiam nota, quod ubi imponitur pœnitentia aliquot annorum, sive quadragesimarum, nec additur, quomodo quis debet pœnitere; hoc relinquitur arbitrio Presbyteri, cum pœnitentiæ sint arbitrarie, ut dictum est supra: ipse enim Presbyter arbitratibus eam per ferias legitimas faciendam, secundum Canones. I. *Dist. De his Clericis. Extr. De homic. C. II.* & in multis aliis Juribus. Et sic intelligitur illud *Extr. De accus. Accusasti. & De spons. Dilectus.* & similia.

Expliciunt Canones Pœnitentiales.

Finiunt Statuta Synodalia sive Diœcesana Ecclesiæ Ratisbonensis, quæ si bene per personas Ecclesiasticas practicata fuerint, procul dubio talentum a Domino cum duplici fœnore reportabunt. Quæ in Pontificali civitate Babenberg. per Joannem Pfeil, artis impressoriæ Magistram, nunc primum sunt impressa. Anno a Nativitate Salvatoris nostri Millesimo quingentesimo duodecimo, die Sabbathi post Dominicam *Cantate*, quæ fuit XV. mensis Maji.

Lunig Spicil. Eccles. Contin. II. a pag. 827.

STATUTUM Synodale COLONIENSE

INNOVATUM SUB PHILIPPO II. (*) ARCHIEPISCOPO COLONIENSI.

Anno Christi MDXII. Die XVII. Januar.

De non recipiendis Clericis alienæ Diœcesis sine literis dimissoriis sui proprii Episcopi, & formatis Ordinationis suæ.

OFFICIALIS CURIÆ COLONIENSIS UNIVERSIS ET SINGULIS PAROCHIALIUM ECCLESiarUM, CAPELLARUM, ALTARIUM, DIVINORUMQUE RECTORIBUS, CÆTERISQUE PRESBYTERIS, NOTARIIS, ET TABELLIONIBUS PUBLICIS QUIBUSCUNQUE, PER CIVITATEM ET DIÆCESIN COLONIENSEM UBILIBET CONSTITUTIS, NOBIS SUBJECTIS, SALUTEM IN DOMINO.

Pro parte honorabilis Domini Petri & Illustrissimi Principis & Domini novan der Hattert, Reverendissimi stri, Domini PHILIPPI, Sanctæ Ecclesiæ
Tomus VI. Concil. German. R 2 fise

siæ Colonienſis Archi-Epiſcopi, Principis Electoris &c. Procuratoris Fiscalis, fuit nobis cum querela expoſitum, quod quanquam jure verante Clerici unius Diœceſis, in alia Diœceſi ſine literis ſui proprii Epiſcopi commendatiſ, & niſi de ipſorum Canonica ordinatione, & eos juxta claves Eccleſiæ rite ordinaros conſtiterit, recipi, & ad celebrandum, Divinaque officia peragendum admitti minime debeant: cum poſſibile ſit, hujusmodi Clericos eſſe notatos infamia, vel irregulares, excommunicatos, depoſitos, ſive apoſtatas, vel aliquid ſimile ipſis accidiſſe, & ideo ſe ad partes contruliſſe alienas. Et propterea recolendæ memoriæ quondam VUICHBOLDUS (dum viveret) dictæ Eccleſiæ Colonienſis Archi-Epiſcopus, in ſuo ſtatuto, per eum contra alienos & ignotos regentes Eccleſias edito, ut nullus Presbyter alienus ad regimen & curam animarum, loco Coadjutoris, vel Vicarii, aut ſocii, per Paſtores Eccleſiarum, vel Capellarum, aut Altarium Rectores, deinceps aſſumeretur, abſque literis teſtimonialibus proprii Epiſcopi, proſiſtentis, talem rite ſecundum Claves Eccleſiæ ordinatum, & executionem ſui officii habentem, provide ſtatuerit & ordinaverit, in Paſtores, Capellanos & Altarium Rectores dictæ Diœceſis, qui, his ſpretis, aliquem Clericum ignotum, dicentem ſe Presbyterum, aſſumpſerint, excommunicationis ſententiam, quam ipſos, niſi intra ſex dies talem a ſe amoverint, incurere voluit ipſo facto, inſtigendam & promulgandam.

Nec non recolendæ memoriæ quondam HENRICUS, etiam dictæ Eccleſiæ, dum in humanis ageret, Archi-Epiſcopus, in ſuo ſtatuto ſub rubrica: *Ne alienus permittatur celebrare in Eccleſiis*, collocato, univerſos & ſingulos Prælatos, Eccleſiarum Rectores, eorumque Vicarios, eis & eorum cuilibet diſtrictè

mandando, monuerit, quatenus nullum, cujuſcunque fuerit conditionis & ſtatus, Clericum, Beneficium Eccleſiaſticum in civitate & Diœceſi Colonienſi non habentem, ad celebrandum in ordine, vel ordinibus aliquibus, in eorum Eccleſiis, Capellis, ſeu Altaribus permitterent, niſi prius de eorum Canonica ordinatione coram ipſo, aut Nobis, Officiali antedicto docerent: & ſuper hoc a Nobis per literas licentiam habuerint ſpecialem, contrafacientes excommunicationis ſententiæ ſubjacere decernendo, prout hæc in ipſis ſtatutis latius continentur: fuerintque eadem ſtatuta ſæpius poſtmodum in *Sanctis Synodis* in civitate Colonienſi publicata & innovata, ita ut ipſi Eccleſiarum, Capellarum, & Altarium Rectores de eorundem ſtatutorum continentis & tenoribus aliquam ignorantiam prætereſſe, ſive allegare minime poſſint, neque valeant; Nihilominus iidem Eccleſiarum, Capellarum, & Altarium Rectores, ſuæ propriæ ſalutis immemores, hujusmodi alienos, & ignotos Presbyteros, & Clericos, ad regimen & curam animarum admittere, ac illos loco Coadjutorum, vel Vicariorum, aut ſociorum, aſſumere, & ad celebrandum in eorum Eccleſiis, Capellis, & Altaribus, nulla deſuper a Nobis licentia obtenta, admittere indies non ſunt veriti, neque verentur, excommunicationis ſententiam, contra eos in dictis ſtatutis latam, temere & damnabiliter incurrentes in animarum ſuarum grave periculum, prædictorum ſtatutorum (ad quorum obſervationem tenentur & adſtricti ſunt) vilipendium & contemptum. Hinc eſt, quod Nos Officialis præſatus, pro parte præſati Domini Petri Fiscalis ſuper hoc debita cum iſtancia requiſiti, Vobis omnibus & ſingulis ſupradictis, & veſtrum cuilibet in ſolidum, autoritate noſtra, præſentium tenore, ſub excommunicationis

(*) Philippus de Duna & Oberſtein, Metropolitanæ Colonienſis Decanus, & Cathedralis Argentinæ Præpoſitus, anno 1508. Idib. Novembr. electus eſt Colonienſium Archi-Epiſcopus, jam ſenio gravis. Obiit anno 1515, cum Eccleſiæ ſuæ multa cum laude præſuiſſet fere ſeptennio. Præter Statutum hoc anno 1512. nova promulgatione renovatum, anno 1513. convocata Synodo, complura alia Anteceſſorum ſuorum Statuta, ad corrigendos Cleri mores, novis quibuſdam additis, confirmavit, & ſub annexis eiſdem penais obſervari præcepit, quæ paulo poſt ad annum 1513. exhibebimus.

Hiſt. Eccleſ. Germ. edita Bruxellis. P. Mich. Mörckens Cartbuſ. Colonienſ. Presbyt. in Catalog. Epiſcop. Colonienſ.

nis pœna districte præcipimus, commitimus, & mandamus; quatenus statim visis & receptis præsentibus, ac dum, quoties & quando pro parte dicti Domini Petri Fiscalis vigore præsentium fueritis requisiti, seu alter vestrum fuerit requisitus, moneatis & requiratis, vice & autoritate nostris, prout Nos eadem autoritate, præsentium tenore sub excommunicationis pœna monemus & requirimus præfatos Ecclesiarum, Capellarum & Altarium Rectores, omnesque & singulos alios, tempore præsentium executionis in specie nominandos, de quibus opus fuerit: quatenus intra sex dies, vestram monitionem & requisitionem hujusmodi ipsi factas proxime sequentes (quos dies ipsis, & eorum cuilibet, pro omni dilatione, terminoque peremptorio, ac monitione Canonica præfigatis & assignetis, prout Nos eisdem dies sic præfigimus & assignamus eisdem) omnes & singulos Presbyteros, & Clericos alienos & ignotos, ac nullum Ecclesiasticum beneficium in civitate vel Diœcesi Colonienſi habentes, a se, & ab eorum Ecclesiis, Capellis, & Altaribus, animo tales sine nostra licentia deinceps non recipiendi, neque admitendi, amoveant & repellant, ac quilibet eorum amoveat & expellat realiter & cum effectu: Inhibentes nihilominus eisdem mo-

nitis & requisitis, sub prædicta excommunicationis sententia, ne de cætero aliquem Præsbyterum alienum ad regimen & curam animarum loco Coadjutoris, Vicarii, aut socii assumere, neque aliquem Clericum, Ecclesiasticum beneficium in civitate vel Diœcesi Colonienſi non habentem, ad celebrandum in ordine, vel ordinibus aliquibus, in eorum Ecclesiis, Capellis, seu Altaribus permittere, absque nostra desuper obtemperata licentia, audeant sive præsumant, seu aliquis eorum audeat vel præsumat per se, vel alium, seu alios, publice vel occulte, directe vel indirecte, quovis quæsito ad hoc colore vel ingenio. Alioquin ipsos contrarium facientes, dicto sex dierum termino exacto, in iis scriptis ob hujusmodi nostri monitionis, & inhibitionis, mandati, non paritionem excommunicamus; quos sic excommunicatos publice nunciatis & teneatis, nisi saltem medio tempore causas coram Nobis rationabiles, quare præmissa fieri non debeant & ad ea non teneantur, allegaverint, altera parte ad hoc legitime vocata. Reddite literas signatas, diem, sive dies, atque modum & formam executionis præsentium, & quidquid in præmissis feceritis, Nobis liquide referibentes. Datum Anno Domini MDXII. die decima sexta mensis Januarii.

Ex Libro Statut. Colonienſi.

Declaratio MAXIMILIANI I. Imperatoris, per Matthæum Gurcensem Episcopum in Concilio Lateranenſi V. facta, qua Imperator damnato Schismate, reprobatoque Conciliabulo Pisano, Synodo Lateranenſi se adhærere profitetur. ()*

A.C. MDXII. Julii II. PP. X. Maximiliani Imp. xxvii. In Concilii Lateranenſis V. Sessione III.

Anno & Indictione quibus supra... Die vero Veneris tertia mensis Decembris, fuit celebrata tertia Sessio Concilii Generalis in Basilica Lateranenſi præ-

(*) Maximilianus Imperator schismaticis Cardinalibus, convocatoque ab iisdem anno præcedente Pisano Conciliabulo, non ipse solum favebat hætenus; sed Reges etiam Daniæ, Scotiaque, ut *Paris de Grassis refert apud Raynaldum*, in societatem schismatis invitavit. Neutrum tamen suas pertrahere potuit in partes: cum & Reges ipsi Schisma detestarentur, & subiectarum illis Regionum Præsules ac Prælati profiterentur palam, non aliud se revereri Concilium, quam, quod a Romano Pontifice indictum esset, aut indicendum.

Nec plus quidpiam Imperator a Germaniæ Episcopis ac Principibus obtinuit. Quamquam enim varia, solemniaque Comitia, tum eodem hoc anno millesimo quingentesimo

præsente præfato Sanctissimo Domino nostro: &c.

Celebrata Missa Reverendus Dominus Thomas Phedra, Secretarius Concilii, ascendit ambonem, & legit quoddam Mandatum Procurationis Serenissimi & Invißissimi Principis MAXIMILIANI, electi Imperatoris, datum per supradictum Dominum Matthæum Gurcensem Episcopum, locum tenentem, cujus tenor sequitur, & est talis:

MANDATUM MAXIMILIANI.

MAXIMILIANUS, DIVINA FAVENTE CLEMENTIA, ELECTUS ROMANORUM IMPERATOR SEMPER AUGUSTUS, AC GERMANIÆ, HUNGARIÆ, DALMATIÆ, CROATIÆ &c. REX, ARCHI-DUX AUSTRIÆ, DUX BURGUNDIÆ, BRABANTIÆ &c. COMES PALATINUS HANNONIÆ &c.

Recognoscimus, & tenore præsentium notum esse volumus universis: cum in præsentiarum Nos destinamus in Italiam, & ad urbem, Venerabilem Matthæum, Episcopum Gurcensem, Principem, Consiliarium & locum tenentem nostrum Generalem in Italia, devotum ac dilectum, pro quibusdam rebus nostris ibi faciendis. Idcirco Nos de ejus dexteritate, ingenio, atque rerum gerendarum peritia, plurimum confisi, motu proprio, & ex certa scientia, ac animo deliberato, fecimus, constituimus, creavimus, & ordinavimus, ac tenore præsentium facimus, constituimus, creamus, solenniter ordinamus præfatum Gurcensem Principem & locum tenentem nostrum, Procuratorem, Rectorem, ac negotiorum nostrorum gestorem specialem, omni meliore mo-

do, via, jure & forma & ordine, quibus melius & validius de jure possumus & debemus, ad comparandum pro Nobis & nomine nostro in Synodo, seu Concilio Lateranensi (*) superiori, per Sanctissimum in Christo Patrem, & Dominum, Dominum Julium Secundum, Sacrosanctæ Romanæ, ac Universalis Ecclesiæ Summum Pontificem, Dominum nostrum Sanctissimum, & consensu Sacri Reverendissimorum Dominorum Cardinalium Collegii indicto, & denunciato, ad illud approbandum, & prosequendum, & si, & in quantum opus foret, illud ad alium locum, & aliud tempus transferendum; Etiam ex toto tollendum & extinguendum, nec non revocandum, annullandum, irritandum & penitus delendum omnia & singula ea, quæ per Ecclesiam Gallicanam in civitate Turonis eodem anno superiori fuerunt acta, conclusa & deliberata; & similiter ad revocandum omnia & singula mandata, & procuratoria, si qua a Nobis emanaverunt pro indictione Concilii Pisani, quod nonnulli Cardinales tunc indixerant, & idem Concilium Pisenum penitus tollendum & extinguendum. Dantes & cedentes eidem Gurcensi Principi, locum tenenti & Procuratori nostro, plenam & amplam potestatem, gerendi & exercendi omnia & singula in præmissis, & circa ea necessaria & opportuna, juxta dexteritatem suam, prout magis videbitur expedire: nec non ad faciendum omnia alia, & singula, quæ verus, & legitimus, & indubitatus Procurator, liberam & generalem potestatem habens, circa præmissa facere posset, & quæ nosmet facere possemus, si præmissis personaliter interessemus: etiam si talia forent, quæ

tesimo duodecimo, tum etiam præcedente, Augustæ, Treviris, & Coloniae celebrasset, ut Germanos ab obsequio Romani Pontificis avelleret, Conciliique auctoritatem Pontificiæ præferendam suaderet; persuadere id tamen nunquam potuit, Germaniæ Episcopis, Ducibusque in antiqua erga Summum Christi in terris Vicarium pietate constanter persistentibus.

Quare Schismatis & ipse pertæsus, priora de cogenda Pisis Pseudo-Synodo edicta damnare, pacem cum Pontifice sancire, & convocato ab hoc Concilio Lateranensi se se adjungere decrevit.

Eum in finem Matthæum Langium Gurcensem Episcopum, cui suas in Italia commiserat vices, Romam ablegavit, cum plenissima rerum agendarum potestate. Per hunc, pacto federe, Cæsarem inter Romanamque Sedem concordia restaurata: tum ex Maximiliani mandato, supra recitato, Conventiculi Pisani declarata damnatio; ac dein ad Concilium Lateranensem publica, solemnisque accessio facta est.

Vide Odoric. Raynald. *Annal. Eccles. Tom. XX. ad annum Christi 1512. a n. 83.*

(*) forte: anno superiori.

quæ mandatum exigent magis speciale: ponentes dictum Procuratorem nostrum, quoad præmissa, totaliter (*) in locum nostrum. Insuper promittentes in verbo nostro Cæsareo, & sub bona fide nostra, Nos gratum & ratum habituros, quidquid per præfatum Principem, locum tenentem, & Procuratorem nostrum in præmissis & circa ea, cum omnibus suis dependentiis, emergentibus & connexis, actum, dictum, transactum, concordatum, seu conclusum fuerit: & nullo unquam tempore contravenire directe, vel indirecte, aut quovis exquisito colore vel causa, de jure, vel de facto, etiamsi de jure possemus. Supplices præterea omnes & singulos defectus tam juris, quam facti, quæ in præmissis aliquo modo poterunt evenire. Promittentes quoque, ut si forte mandatum istud ad aliqua per supradictum Procuratorem nostrum tractanda & concludenda sufficiens non foret; quod Nos omnia & singula hujusmodi tractata, & per supradictum Procuratorem nostrum sic conclusa, rata, grata & firma habebimus & observabimus, harum testimonio litterarum, sigilli nostri appensione roboratarum.

Datum in civitate nostra Imperiali Colonia, die prima mensis Septembris, Anno Domini Millelesimo quingentesimo duodecimo, Regnorum nostrorum, Romani vigesimo septimo, Hungariæ vero vigesimo tertio.

PER REGEM.

Ad Mandatum Cæsareæ Majestatis proprium.

Quo perlecto, surrexit præfatus Reverendus, & Illustris Dominus Mat-

(*) *al. fataliter.*

thæus, & legit quandam Schedulam, manu propria scriptam, cuius tenor est talis:

Schedula lecta per Gurcensem.

EGo vigore dicti Mandati Cæsareæ Majestatis, Clementissimi & Invictissimi Principis, ad abolendum omne schisma, quod in Ecclesia oriri posset, & etiam pro executione Capitulorum conclusorum coram Sanctissimo Domino nostro, revoco quodcumque Mandatum, qualitercumque concessum Conciliabulo Pisano, & Procuratores quoscunque, qui in dicto Conciliabulo intervenerint, & omnia acta & agenda per illud Conciliabulum; quæ declaro irrita & nulla, nomine præfatæ Cæsareæ Majestatis: & adhæreo Sacro & Canonico Lateranensi Concilio, Ecclesiam universalem repræsentanti, rite & legitime congregato. Declaro etiam, Majestatem Cæsaream nunquam dedisse mandatum ad præfatum Conciliabulum.

Et declaratione facta, præfatus Dominus Matthæus Gurcensis accessit cum ea, qua decuit, reverentiâ ad præfatum Sanctissimum Dominum nostrum, & deosculatus est pedes ejusdem Sanctissimi Domini nostri, comitante eum. . . Illustri Domino Alberto de Carpi, præfatæ Cæsareæ Majestatis Oratore. Quibus peractis Magister Marianus de Cucinis, Procurator Filii, & præfati Concilii Procurator, petiit a Proto-Notariis & Notariis Concilii publicum & publica fieri instrumentum & instrumenta de omnibus supradictis, &c.

Ex Concilii Lateranensis V. Sessione III. apud Harduin, Conciliorum Tom. IX.

SYNODUS BRANDENBURGENSIS

Eodem Anno Christi MDXII.

Mentio hujus Synodi fit a Lenzio in Historia Diplomat. Diœcesis Brandenburgensis.

ANno, inquit, MDXII. (Hieronymus) Episcopus Brandenburgensis convocavit Clerum in Belitz, Brietzen, Juterbock, Wittenberg.

Zerbst, Lietzkan, Zielar, Brandenburg, Rathenau, Nauen, Spandau, Bernau, Templin, Angermunde, Friedland, Strausberg, Berlin, ad Synodum

in

in Castro Ziefar celebrandam. Unde eruitur, quæ civitates ad Dioccesin Brandenburgensem pertinent. Hæc Lenz. ex *Quint. Essent. Potsdam.* De mense ac die, quo facta illa fuerit per encyclicas con-

vocatio, aut ipsa Synodus celebrata, nihil innuitur.

Lenz. in *Hist. Diplom. Brandenburg.* a pag. 58.

(*) Hieronymus Schultz, sive Schultetus, natus in Gramschütz, Decretorum Licentiat, & Parochus erat in Corbus; a Joachimo I. Electore Brandenburgensi ad fan-ctiora Consilia, Legationesque, & fœdera faciendâ adhibitus, ejusdem dein favore & benevolentia Brandenburgensem ad Cathedralam elevatus fuit, post obitum Episcopi Joachimi de Bredau, anno 1507. defuncti.

Anno 1521. ejusdem Joachimi Electoris opera Havelbergensi etiam Cathedra donatus, armataque militum manu eidem fuit impositus, contra Georgium a Blumenthal, quem Canonici Havelbergenses suis suffragis Episcopum elegunt, & Leo X. Pontifex confirmaverat. Obiit *judice Lenzio* anno 1523. 29. Octobris.

Hoc sub Episcopo Martinus Lutherus anno 1517. Theſibus contra Indulgentiis editis, ac propugnatis, aliisque dein scriptis evulgatis, adversus Pontificem & Ecclesiam tumultuari cepit: obnitente quidem Hieronymo, multumque allaborante, ut silentium illi persuaderet, ruentemque in præceptis ad faniora consilia reduceret, sed frustra.

Promiserat Lutherus, se Præfulis sui monitis obtemperaturum, dicens: *Bene contentus sum, malo obedire, quam miracula facere, etiamsi possem*; sed mox ad ingenium rediit, animumque paulo post ita obcuravit, ut non Episcopi tantum sui, sed ipsiusmet etiam Romani Pontificis, immo Ecclesiæ universæ auctoritatem contemneret.

SYNODUS COLONIENSIS.

Anno Christi MDXIII. Leonis X. PP. I.
Maximiliani I. Imp. XX.

*Innovatio & Publicatio Statutorum infra scriptorum facta auctoritate
PHILIPPI Archi-Episcopi Colonienſis.*

Inprimis itaque omnia & singula tam Provincialia, quam Synodalia Statuta insignis Ecclesiæ Colonienſis, nec non alia quæcunque Mandata, & pronuntiata, in diversis præteritis Synodis lecta & publicata innovamus, illaque una cum Statutis & Mandatis jam legendis, & publicandis sub pœnis in iisdem contentis firmiter observari mandamus.

Præterea Statutum quondam recolendæ memoriæ Domini SIFRIDII Archi-Episcopi Colonienſis, incipiens: *Li- cet Clericis, qualiter eos cum modestia, sobrietate, vitæ munditia in domo Domini oporteat conversari.* &c. (a)

Item ejusdem quondam Domini

SIFRIDII Archi-Episcopi, *De vitâ & honestate, & officio Clericorum.* Incipiens: *Ex Concilio Generali statuimus, & præcipimus.* (b)

Item ejusdem *De cohabitatoribus mulierum, & concubinariis.* Incipiens: *Ex Concilio bonæ memoriæ CONRADII Archi-Episcopi, Prædecessoris nostri &c.* (c)

Item Statutum quondam recolendæ memoriæ Domini HENRICI Archi-Episcopi Colonienſis: *Ne alienus permittatur celebrare in Ecclesiis.* Incipiens: *Item, cum a jure sit penitus interdictum, ne &c.* (d)

Item ejusdem *Contra falsarios literarum.* Incipiens: *Falsarios item literarum &c.* (e)

Item

(a) Vide Tom. III. Concil. Germ. pag. 657.

(b) Ibid. pag. 658.

(c) ibid. pag. 659.

(d) Tom. IV. Concil. Germ. pag. 104.

(e) ibid. ead. pag.

Item ejusdem Contra illos, qui truncos erigunt in plateis, & oblationes tollunt. Incipiens : Item cum ex usurpatione &c. (f)

Item Statutum quondam recolendæ memoriæ Domini HERMANNI Archi Episcopi Colonienfis, incipiens : Item mandat idem Venerabilis Dominus Officialis sub ejisdem pœnis & censuris, universis & singulis Ecclesiarum Parochialium, & Capellorum &c. (g)

Item ejusdem quondam HERMANNI, incipiens : Item mandat idem Venerabilis Dominus Officialis eidem Pastoribus, & Vice-Plebanis sub similibus pœnis, ut ipsi circa &c. Vide infra N. II.

Item Statutum ejusdem incipiens : Item mandat, & inibet idem Venerabilis Dominus Officialis, ne dicti Pastores, aut Plebani &c. Vide infra N. III.

Item Statutum quondam D. HERMANNI, incipiens : Item mandat, & inibet idem Ven. D. Officialis eidem Pastoribus, & Vice-Plebanis, ne ipsi aliquos &c. Vide infra N. IV.

Ejusdem incipiens : Item inibet idem Ven. D. Offic. sub similibus pœnis & censuris, omnibus Ecclesiis, & Religiosis intra &c. Vide infra N. V.

Item ejusdem incipiens : Item exhortantur, & monentur prædicti Penitentiarii, & quicumque Confessarii, ut ipsi &c. Vide infra N. VI.

Item ejusdem incipiens : Item inibet idem Ven. D. Offic. eidem Penitentiariis sub pœna suspensionis &c. Vide infra N. VII.

Item ejusdem Dni HERMANNI, incipiens : Item mandat idem Ven. D. Offic. omnibus & singulis Christianitatum Decanis Diœcesis Colonienfis, ut ipsi Pastoribus, sive Divinorum Rectoribus &c. Vide infra N. VIII.

Insuper Statuta ejusdem quondam Dni HERMANNI Archi Episcopi, De Executoribus Testamentorum, quæ priori Statutorum Dni HERMANNI editioni impressæ nondum inserta fuerant, ne quis ignorantiam illorum prætereundum posset, de verbo ad verbum præsentibus inseruntur, & sequuntur hujusmodi sub tenore :

HERMANNUS, DEI GRATIA &c. UNIVERSIS ET SINGULIS UTRISQUE SEXUS HOMINIBUS, CUJUSCUNQUE STATUS, CONDITIONISVE, NOSTRÆ JURISDICTIONI SUBJECTIS, SALUTEM IN DOMINO SEMPERNAM.

Cum nil plus debeat hominibus, quam ut supremæ voluntatis, postquam jam aliud velle non possint, liber sit stylus, & licitum, quod non redit, arbitrium : nostraque interfit, ut vota defunctorum per omnia observentur, & adimpleantur ; idcirco pietate, & misericordia, quam defunctis debemus, moti, & animarum saluti consulentes, autoritate nostra ordinaria statuimus, & ordinamus, ut cujuscunque testamenti, ultimæ voluntatis, sive codicilli, aut etiam ordinationis quorumcunque legatorum, verbo, vel in scriptis quomodocunque factorum executores, manifesti, sive fidei commissarii, quomodocunque nominentur, & appellentur, intra annum continuum, a die mortis testatoris computandum, testamenta, ultimas voluntates, codicillos, sive ordinationes Legatorum, Defunctorum, debeant realiter, cum effectu executi fuisse : alioqui dicto elapso anno, executio testamentorum, ultimarum voluntatum, codicillorum, sive piarum ordinationum, nulla expectata monitione, sive avocatione, ad Nos, nostrosque Successores, futuros Archi-Episcopos pro tempore, devolvatur.

Insuper statuimus, & ordinamus, præcipimusque & mandamus, ut executores præfati, intra triginta unum dies, a die mortis Testatoris computandos, Sigillifero Curie nostræ Colonienfis veras & integras de verbo ad verbum concordantes, & collationatas copias, ex veris originalibus extractas testamenti & inventarii, realiter & cum effectu debeant exhibuisse, sub pœna excommunicationis latæ sententiæ, & decem florenorum Rhenensium, Fisco nostro, dicto termino lapso, ipso facto perfolvendum ; nisi substantia defuncti tam ampla, & magna sit, aut aliud legitimum

(f) Tom. IV. Conc. Germ. pag. 105.

(g) Capitulum hoc una cum sequentibus ejusdem HERMANNI Archi-Ep. Colonienf. Vide infra sub finem eorum Statutorum pag. 141.

num obftet impedimentum, quod intra dictos triginta unum dies, bona defuncti nequeant commode conſcribi, & de his inventarium fieri. Ex tunc nihilominus noſtro Sigillifero pro tempore teneantur hoc ipſum ſignificare, & intra triginta unum dies prædictos, a Sigillifero tempus competens petere. Quod etiam, ſi eorum petitio fuerit rationabilis, eis non denegabitur, ſub pœnis & cenſuris prædictis.

Item ordinamus, ſtatuiſmus, præcipimus, & mandamus, ut dicti executores cujuſcunque teſtamenti, ultimæ voluntatis, codicilli, aut ordinationis, quorumcunque legatorum, intra menſem poſt annum prædictum immediate ſequentem, ſine ulteriori dilatione coram Nobis de executione dicti teſtamenti computationem, rationem, aut calculum legitimis realiter & cum effectu feciſſe debeant, & teneantur: alioqui in pœnas excommunicationis, & decem florenorum prædictorum incidant ipſo facto. (*)

Hæc noſtra ſtatuta ſalubria, & ordinationes, præcepta, & mandata, libro, ſive volumini Statutorum Provincialium, & Synodaliſum Eccleſiæ noſtræ Coloni-enſis inferi, & in ſingulis Synodis deinceps, more aliorum ſtatutorum, perpetuis futuris temporibus publicari volumus, & mandamus. Datum anno Domini Milleſimo quingentefimo decimo tertio, die Lunæ, decima tertia menſis Octobris in Synodo tunc ſervata.

Item mandat Ven. Dominus Officialis omnibus, & ſingulis Abbatibus, Prioribus &c. Chriſtianitatibus Decanis; ut ipſi ſuis ſubjectis, & in Synodis obſervandis præcipiant, & mandent, prout & Nos mandamus, lecta & publicata duo mandata per Nos pro parte M. Franciſci de Reymbach, Procuratoris Fiſcalis, decreta, juxta earundem vim, formam, & continentiam publicent, intiment, & inſinuent, ac inſinuari & publicari, quantum in ipſis eſt, realiter, & cum effectu procurent: quorum mandatorum tenores ſequuntur, & ſunt tales:

De Jurisdictionis Eccleſiaſticae impeditoribus.

OFFICIALIS CURIÆ COLONIENSIS, UNIVERSIS ET SINGULIS PAROCHIALIUM ECCLESiarUM, CAPELLARUM, ALTARIUM, DIVINORUMQUE RECTORIBUS, CLERICIS, NOTARIIS, ET TABELLIONIBUS PUBLICIS QUEBUSCUNQUE, PER CIVITATEM ET DIOCEſIN COLONIENSEM UBILIBET CONSTITUTIS, SALUTEM IN DOMINO.

Pro parte providi Vari Magiſtri Stuynde Reymbach, Decretorum Baccalaurei, Reverendiſſimi, & Illuſtriſſimi Principis, & Domini, Domini PHILIPPI, Eccleſiæ Coloni-enſis Archi-Epiſcopi, Principis Electoris &c. Procuratoris Fiſcalis, ſuit Nobis expoſitum; quod, quanquam ab Illuſtriſſimis, & Reverendiſſimis Dominis, recolendæ memoriæ Epiſcopis Coloni-enſibus, & præſertim a quodam bonæ memoriæ Domino Theoderico, Archi-Epiſcopo Coloni-enſi, provide, & conſulte ſtatutum fuerit, & ordinatum; ut in cauſis prophanis, ſuper verbis injuriſis, aut percuffionis, vulnerationisve, & etiam in aliis cauſis emptionis & venditionis, ac ſupportationis, qualescunque fuerint, quæ extendunt ſe ad ſummam duorum florenorum, & infra, quæ contingeret inter commemorantes extra civitatem Coloni-enſem, & per diſtanciam unius miliaris, & inter ſeculares perſonas tantum; illas cauſas Officialis pro tempore ad judicem temporalem, ſub quo partes commemorantur, cum condemnatione expenſarum contra actores ipſos remittat, & remittere debeat: Hinc tamen forſan ſumpta occasione nonnulli Droſſati, ſeu Officiati certorum caſtrorum Domini, ſeu territorii Coloni-enſis, nec non Burgimagiſtri, Officiati, Advocati, Scholleti, & Judicia temporalia inibi regentes (quo ſpiritu ducti, aut qua authoritate ſuſciti, nescitur) in cauſis aliis in ſupra expreſſis demptis, & exceptis, indifferenter nedum curſum mandatorum noſtrorum impedire, ſed, quod deterius eſt, ſubditis hujusmodi caſtrorum, ſeu Domini, ne ullus illorum alium commorantem in hujusmodi dominio, ſeu terri-

(*) Alia Hermanni IV. Archi-Ep. Colon. Statuta partim nova, partim antiqua, ejusdem auctoritate Synodaliter innovata, vide in Tomo V. præcedente a pag. 541.

ritorio coram Nobis conveniat, in causam trahere audeat : ac Pastoribus, sive Divinorum Rectoribus, ne nostra mandata exequantur, sub magnis, & formidabilibus pœnis prohibere non sunt veriti, neque verentur : per hæc, & alia diversa media nostram Ecclesiasticam jurisdictionem impediētes temere quidem & de facto : pœnas juris communis, & statutorum Ecclesiæ Colonienfis, contra impediētes Judicium Ecclesiasticorum jurisdictionem editorum damnabiliter incurrentes, in animarum suarum grave periculum : Hinc est, quod Nos Officialis præfatus, pro parte supradicti M. Francisci de Reymbach, Procuratoris Fiscalis, debita cum instantia requisiti, vobis omnibus, & singulis supradictis, & vestrorum cuilibet in solidum, in virtute sanctæ obedientiæ, & sub excommunicationis pœna districtè præcipiendo committimus & mandamus; quatenus accedentes, quo propterea fuerit accedendum, & accedere fueritis requisiti, seu alter vestrum præfentium vobis dixerit, in specie nominandos, reliquos vero in genere publice de ambonibus Ecclesiarum vestrarum, tempore Divinorum, populi multitudine inibi congregata, prout Nos eosdem conjunctim, & divisim autoritate nostra præfentium tenore sub excommunicationis, & decem millium florenorum, pro una dicto Procuratori Fiscalis, & pro reliqua mediocritatibus fabricæ Ecclesiæ Colonienfis, si commissæ fuerit, irremissibiliter applicandum pœnis(*); ut intra sex dies vestram monitionem hujusmodi ipsis factam proxime sequentes, quos dies ipsi, & eorum cuilibet, pro omni dilatione, terminoque peremptorio ac monitione Canonica præfatis, prout Nos eosdem dies sic præfigimus eisdem, omnia, & singula impedimenta, & prohibitiones, sic, ut præmittitur, præstita, & facta, ac præstitas, & factas, una cum omnibus inde secutis, animo non innovandi

tollant, deponant, cassent, & revocent, tollique, deponi, cassari, & revocari efficiant, ac quilibet eorum (in quantum ipsum concernit) tollat, deponat, casset, & revocet cum effectu, Nosque desuper cetificet; inhibentes nihilominus eisdem monitis, sub similibus pœnis, modo præmissis applicandis; ne ipsi deinceps nostram jurisdictionem ordinariam impediānt, aut cursum mandatorum nostrorum prohibere, aut quicquam contra eandem, & in illius præjudicium, enervationem, vilipendium, & contemptum attentare audeant, vel præsumant, seu aliquis eorum audeat, vel præsumat per se, vel alios, publice, vel occulte, directe, vel indirecte, quovis quæsito ad hoc colore, vel ingenio. Alioqui ipsos omnes & singulos, contrarium facientes, dictam excommunicationis sententiam incidisse declarabimus. Et nihilominus ad prædictæ pœnæ pecuniariæ extortionem, sive exactionem, arctius, quo de jure poterimus, procedemus, & procedi faciemus. Citantes nihilominus eosdem monitos, & inhibitos, & eorum quemlibet peremptorie coram Nobis ad Aulam Archi Episcopalem Coloniensem, in qua jura reddi solent, ad primam diem juridicam, cursum, sive terminum dictæ nostræ monitionis proxime sequentem, & ad horam primarum judicii, sive causarum audiendarum coram Nobis consuetam; ad docendum, & fidem legitimam Nobis faciendam, se hujusmodi nostris monitioni, & inhibitioni realiter, & cum effectu paruisse : alioqui eos, & eorum quemlibet pœnas prædictas incidisse declarari, literas declaratorias desuper necessarias decerni & concedi per Nos, videndum, audiendum, vel dicendum, causam rationabilem, quare ea fieri non debeant, allegando, cum intimationibus debitis, & consuetis. Reddite literas sigillatas, diem, seu dies, atque modum, & formam executionis præfentium, & quicquid in præmissis feceritis, Nobis liquide rescribentes. Datum anno Domini 1513. die V. Septembris.

De.

(*) *Supple* : monemus.*Tomus VI. Concil. German.*

De exequendis Testamentis.

OFFICIALIS CURIAE COLONIENSIS, UNIVERSIS ET SINGULIS PAROCHIALIUM ECCLESiarUM, CAPELLARUM, ALTARIUM, DIVINORUMQUE RECTORIBUS, CAETERISQUE PRESBYTERIS, CLERICIS, NOTARIIS, ET LABELLIONIBUS PUBLICIS QUIBUSCUNQUE, PER CIVITATEM, ET DIOECESIN COLONIENSEM UBILIBET CONSTITUTIS, NOBIS SUBJECTIS, SALUTEM IN DOMINO.

GRavi cum querela pro parte providi M. Francisci Sluin de Reymbach, Procuratoris Fiscalis Reverendissimi Domini nostri, Domini PHILIPPI, Archi-Episcopi Coloniensis, Nobis inter alia expositum fuit; quod, licet tam juris communis, quam etiam Statutarii insignis Ecclesiae Coloniensis dispositionibus, & ordinationibus salubriter cautum esse dignoscitur; quod manifideles, seu Executores testamentorum, sive ultimarum voluntatum, intra annum tunc proxime sequentem ad testamenta, & ultimas voluntates hujusmodi implendas pariter, & exequendas adstricti existant: estque nihilominus veritas; quod nonnulli fuerunt, erant, & sunt manifideles, seu Executores testamentorum, sive ultimarum voluntatum quorundam Sacerdotum, ac aliarum personarum Ecclesiasticarum, & saecularium, Dioecesis praedictae, seque pro talibus, & ut tales de rebus, & bonis, per, & post obitum & decessum eorundem relictis, intromittendo, praeter id, & absque eo, quod ultimas voluntates eorundem intra tempus supradictum, aut alias tam juris communis, quam etiam statuti supradicti dispositione pariter, & ordinatione executioni demandare, aut etiam de rebus, & bonis per eos receptis, & inventis calculum, & computum legales reddere curaverint, in salutis animarum eorundem testatorum, & decedentium postergationem per maximam. Hinc est, quod Nos Officialis praefatus pro parte supradicti Magistri Francisci de Reymbach Procuratoris Fiscalis, debita cum instantia requisiti, vobis omnibus, & singulis supradictis, & vestrum cuilibet in solidum, in virtute sanctae obedientiae, & sub excommunicationis poena

districte praecipiendo committimus, & mandamus, quatenus vice, & autoritate nostris, & ad instantiam dicti Magistri Francisci Fiscalis moneatis, & requiratis, prout Nos sub excommunicationis, & sexingentorum florenorum aureorum in auro, supradicto Reverendissimo Domino Archi-Episcopo &c, & ejus Fisco, si commissae fuerint, irremissibiliter applicandorum poenis, monemus, & requirimus omnes & singulos manifideles, seu testamentorum, sive ultimarum voluntatum Executores, per civitatem, & Dioecsin Coloniensem ubilibet constitutos, tempore praesentium executionis in specie nominandos; ut intra sex dies, vestram monitionem, & praesentium executionem ipsis factam, proxime sequentes, quos dies ipsis pro omni dilatione, terminoque peremptorio, ac monitione Canonica, ad id praefigatis, & assignetis, prout Nos eosdem dies praefigimus, & assignamus eisdem, coram Nobis, seu Venerabili Viro, Domino Sigillifero dictae Curiae compareant, atque, quo jure se de rebus, & bonis testatorum, & per eos relictis, intromiserunt, & intromittunt; atque se eorundem testatorum ultimas voluntates intra tempus supra expressum legitime fuisse executos doceant, & fidem faciant legitimam, atque de rebus, & bonis per eos receptis, & inventis calculum, & computum reddant legales realiter, & cum effectu, alioquin in ipsos omnes, & singulos contrarium facientes, dictam excommunicationis sententiam incidisse, & incurrisse, in scriptis declarabimus, & nihilominus ad praedictae poenae pecuniariae, sive multae extortionem, & exactionem arctius, quo de jure poterimus, procedemus, & procedi faciemus justitia mediente: nisi saltem medio tempore causam, si quam habeant, rationabilem, quare praemissa minime fieri debeant, & ad ea non teneantur, allegaverint, altera parte ad hoc legitime vocata, sive citata. Citantes insuper eosdem monitos, & eorum quemlibet, ad praefati conquerentis instantiam, peremptorie coram Nobis ad Aulam Archi-Episcopalem Coloniensem, in qua jura reddi solent, ad primam diem, cursum sive terminum dictae monitionis nostrae proxime sequentem, juridica

si fuerit , & Nos pro Tribunali federimus: alioqui ad proximam diem juridicam, extunc immediate futuram, & ad horam primarum iudicii, siue audientiae causarum coram Nobis consuetam, ad docendum, & fidem legitimam Nobis faciendam, se, & eorum quemlibet præfacto nostro monitionis mandato realiter, & cum effectu, ac in omnibus, & per omnia juxta ipsius vim, formam, & tenorem paruisse, & obedivisse, alioqui ad videndum, & audiendum, ipsos, & eorum quemlibet pœnas, sententias, & censuras prædictas damnabiliter incidisse, & incurrisse declarari, literasque

declaratorias, desuper necessarias, & opportunas per Nos decerni, & concedi: vel dicendum causam, si quam habeant, rationabilem, quare præmissa minime fieri debeant, & ad ea non teneantur, allegando, cum intimationibus debitis, & consuetis. Reddite literas sigillatas, diem, siue dies, atque modum, & formam executionis præsentium, & quicquid in præmissis feceritis, seu alter vestrum duxerit faciendum, Nobis liquide rescribendo. Datum anno Domini 1513. die 26. mensis Septembris.

Sequuntur Capitula octo HERMANNI IV.

Archi-Episc. Colonienfis, quorum supra facta est mentio, designatis eorumdem initiis, & quæ in Tomis præcedentibus non leguntur.

I. **I**tem mandat idem Venerabilis Dominus Officialis, sub eisdem pœnis & censuris, universis & singulis Ecclesiarum Parochialium & Capellarum Rectoribus, per civitatem & Diocesim Coloniensem ubilibet constitutis, ut quam cito ipsi aliquas aggravationes, contra quoscunque eis offensas & præsentatas viderunt, eosdem sic aggravatos, excommunicatos, immediate vident, & singulis diebus Dominicis & Festivis juxta tenorem earundem literarum publice in Ecclesiis & Capellis eorum tempore Divinorum denunciant, ipsosque sic excommunicatos ad interessendum Divinis non admittant, nisi visa primitus, & ante omnia per eos absolutione sigillata hujusmodi excommunicatorum: non obstante, quod partes inter se factæ essent concordæ.

II. Item mandat idem Venerabilis Dominus Officialis eisdem Pastoribus & Vice-Plebanis, sub similibus pœnis, ut ipsi circa executionem mandatorum nostrorum, & aliorum Judicum Ecclesiasticorum diligenter attendant, non scribendo, ut solent: Executum, ut in forma: non nominando per quem, vel contra quem, vel qua die, vel in propriam personam, vel locum domicilii &c. quare plures partes negliguntur & periclitantur; Sed sic scribere de-

beant: Executum est præsens mandatum per me N. talem, contra N. talem, anno, die tali, in propriam ejus personam, vel in locum domicilii. Et in testimonium executionis sigillum Ecclesiæ suæ, vel proprium, ut antiquitus fieri consuevit, hujusmodi mandato executi inferius appendant. &c. Alioqui.

III. Item mandat & inhibet idem Venerabilis Dominus Officialis, ne dicti Pastores, aut Plebani, postquam eis constiterit, quod aliquis Parochianus eorum, aliquem, vel aliquam, super matrimonio coram eodem Domino Officiali, aut alio Judice competente in causam traxisset; illos sic litigantes, etiam ante, vel post sententiam latam ad solennizandum matrimonium cum alio, vel alia admittant; nisi prius viderint sententiam sigillatam illius judicis sigillo, coram quo hujusmodi causa fuit ventilata.

IV. Item mandat & inhibet idem Venerabilis Dominus Officialis eisdem Plebanis, & Vice-Plebanis, ne ipsi aliquos reclamatos super clandestino matrimonio, ad solennizandum illud in facie Ecclesiæ admittant, nisi visa per eos sententia desuper lata & sigillata.

V. Item inhibet idem Venerabilis Dominus Officialis sub similibus pœnis omnibus & singulis Ecclesiasticis & Religio-

ligiosis intra Civitatem & Diocesim Colonienf. ubilibet constitutis, quacunq[ue] autoritate fungentibus, ne ipsi in suis Monasteriis, Ecclesiis, & Conventibus, aliquas novas Fraternitates, vel Indulgentias pronunciare audeant, aut pronuncient, nisi de licentia Reverendissimi Domini nostri Archi-Episcopi Colonienfis, aut ipsius Officialis, desuper ob-
tenta.

VI. Item exhortantur & monentur prædicti Pœnitentarii, & quicunque Confessores, ut ipsi fabricam hujus insignis Ecclesiæ Colonienfis in suis sermonibus & confessionibus habeant promotam & recommendatam: inhibentes eisdem, ne ipsi aliquem, impediens Ecclesiasticam, sive spirituales jurisdictionem, absolvant, sed illum, vel illos, ad Venerabilem Dominum Sigilliferum, remittant.

VII. Item inhibet idem Venerabilis Dominus Officialis eisdem Pœnitentiariis, sub pœna suspensionis a Divinis, & excommunicationis, ne ipsi in confessionibus, aut alias se de auditione, aut cognitione causarum matrimonialium intromittant; sed contentes de facto, matrimonium tangente, ad eundem Venerabilem Dominum Officialem, tanquam

Ordinarium, ad quem cognitio causarum matrimonialium de jure spectare dignoscitur, indilate remittant, justitiam desuper ab eodem recepturos expeditam.

VIII. Item mandat idem Venerabilis Dominus Officialis omnibus & singulis Christianitatum Decanis Diocesis Colonienfis, ut ipsi Pastoribus, sive Divinorum Rectoribus singularum Ecclesiarum Parochialium, tam Conventualium, quam aliarum Ecclesiarum ejusdem Diocesis, mandent sub excommunicationis pœnis, ad conscribendum nomina & cognomina Pastorum, & Vicariorum, in Ecclesiis eorum personaliter residentium, & non residentium, ac titulos beneficiorum, & officiorum in eorundem Ecclesiis, cum nominibus & cognominibus: & nomina defunctorum hujusmodi Beneficiatorum & Officiatorum, ac valorem illorum, intra hinc & proximam Synodum futuram, hujusmodi eidem Domino Officiali, aut Fisco ejusdem, per ipsos descripta notificandum, & in scriptis singula præmissa significandum sub pœnis præexpressis.

*Ex Statutis Colonienfibus, impressis typo
Quenteliano Coloniae anno 1554.*

HERMANNI V. Archi-Episc. Colonienfis MANDATUM

*Ad Officialem suæ Curiae, de Brevi Apostolico Leonis X. PP. contra
violatores Ecclesiasticæ Libertatis, ejusdemque Bullæ Cænæ
Domini, in proxima Synodo publicandis.*

Anno Christi MDXV. Leonis X. PP. III.
Maximiliani I. Imp. XXII.

HERMANNUS, (C) DEI GRATIA SANCTÆ COLONIENSIS ECCLESIAE
ELECTUS ET CONFIRMATUS, SACRI ROMANI IMPERII PER ITALIAM
ARCHI-CANCELLARIUS, PRINCEPS ELECTOR, WESTPHALIÆ ET ANGA-
RIÆ DUX. & C. VENERABILI CANCELLARIO, DEVOTO NOBIS AC DILECTO, MARTI-
NO DE OEDE, OFFICIALI CURIÆ NOSTRÆ COLONIENSIS,
SALUTEM IN DOMINO.

Literas Sanctissimi in Christo Patris & Divina Providentia Papæ X. ejus vera
Domini nostri, Domini LEONIS, Bulla plumbea, filis sericis sub impen-
dente,

(C) De Hermanni V. Wedani, qui anno 1540. a fide defecit, gestis & fatis, vide dicenda
ad Synodum Provincialem Colonienfem, ab ipso celebratam anno 1536.

dente, nec non alteras in forma Brevis Apostolici, sub annulo Piscatoris signatas, sanas quidem & integras, non vitiatas, non cancellatas, sed omni prorsus suspitione carentes, Nobis præsentatas, cum ea, qua decuit, reverentia recepimus: quas tibi præsentibus colligatas mittimus. Et quia Nos per alia Ecclesiæ nostræ (quibus distringimur) incumbentia negotia, in proxime futura Synodo, ubi hæc literæ commodius publicantur, earundem executioni personaliter interesse non possumus, Tibi committimus & mandamus, ut literas huiusmodi utraque, & earundem contenta in proxime futura Synodo publices, seu publicari mandes, ac per alios Ecclesiarum civitatis & Diocesis nostræ Colonienfis Rectores, loco & temporibus, in eisdem contentis, & juxta eorum continentiam, modum & formam, sub pœnis in eisdem expressis, insinuari, publicari, & ad noticiam omnium & singulorum, quorum interest, deduci facias & procures. In quorum omnium & singulorum præmissorum fidem & testimonium, has nostras literas fieri, sigillique nostri sub impressione fecimus communiri. Datum in Arce nostra Arnsberch, mensis Septembris die XX. anno Domini MDXV.

**BREVE APOSTOLICUM
ad HERMANNUM V.**

Archi-Episcopum Coloniensem.

LEO PAPA X.

VENERABILI FRATRI HERMANNO,
ARCHI-EPISCOPO COLONIENSI, SACRI
ROMANI IMPERII PRINCIPI
ELECTORI,

VENERABILIS FRATER, SALUTEM ET
APOSTOLICAM BENEDICTIONEM.

Nuper sub data videlicet Non. Aprilis, Pontificatus nostri anno tertio, inter alia excommunicavimus, & anathematizavimus omnes violatores & perturbatores libertatis Ecclesiasticæ, aut illam quovis modo impediētes, & eos præsertim, qui contra Sacrorum Canonum instituta, Ecclesiasticis personis sine speciali licentia Romani Pontificis, collectas vel alia onera, aut quævis gra-

vamina realia, vel personalia, imponunt vel exigunt, aut imponi, vel exigi faciunt, vel procurant per se, vel alium, seu alios, directe vel indirecte, ac dantes in præmissis auxilium, consilium, vel favorem, prout in literis inde confectis plenius continetur. Cum autem, sicut accepimus, diversæ personæ tam Ecclesiasticæ, quam seculares, ac communia & universitates illarum partium, Ecclesiis, Clero & Ecclesiasticis personis Tuarum civitatis & Diocesis Colonienfis, in personis, privilegiis, bonis suis, diversas molestias, impedimenta, & injurias inferre non formidant, in Sedis Apostolicæ, ac literarum earundem contemptum, & præjudicium Ecclesiasticæ libertatis, ac animarum suarum periculum, perniciosum quoque exemplum & scandalum plurimorum; Nos igitur præmissa conniventibus oculis præterire non valentes, motu proprio, non ad alicujus Nobis super hoc oblatae petitionis instantiam, sed de nostra mera deliberatione, iustitia, & æquitate id suadentibus, Fraternitati Tuae in virtute sanctæ obedientiæ, & sub interdicti ingressus Ecclesiæ, ac suspensionis a Divinis latæ sententiæ, & aliis in dictis literis contentis pœnis, præcipimus & mandamus, quatenus dictas literas, quas ad Te mittimus, cum omnibus & singulis in eis contentis clausulis, in prædictis, ac tuorum Suffraganeorum civitatibus & Diocesis, saltem quater in anno, videlicet in principalioribus Festivitatibus anni, per Rectores Parochialium Ecclesiarum civitatis & Diocesis prædictarum, in eorum Ecclesiis, dum major inibi populi multitudo ad Divina convenerit, ac alias, & per alios, ubi, quando, & quoties opus fuerit, & Tibi videbitur expedire, solenniter publicari, & ad Christi fidelium mentes deduci facias. Nos enim præfatis Rectoribus, & quibusvis aliis Ecclesiasticis personis tam secularibus, quam quorumvis etiam mendicantium ordinum Regularibus sub excommunicationis, & privationis beneficiorum suorum ac privilegiorum, illis, ac eorum Monasteriis, ordinibus & locis concessorum, ac inhabilitatis ad beneficia & ordines, ac irregularitatis latæ sententiæ, & aliis in dictis literis contentis pœnis, quas toties, quoties in præmissis contraven-

venerint, ex nunc, prout ex tunc, & econtra, eos incurrisse, & ab illis per alios, quam Nos, & dictam Sedem, etiam vigore cujuscunque facultatis, aut privilegii, etiam mare magnum nuncupati, præterquam in mortis articulo, & satisfactione prævia, absolvi nullatenus posse decernimus, & declaramus: ne violatores, perturbatores, & inobedientes prædictos, ac quoscunque alios, per Nos, & in dictis literis excommunicatos, & anathematizatos, ab hujusmodi censuris absolvere præsumant, districtius inhibentes. Et nihilominus per Te, vel alium, omnes & singulos prædictos, etiam exemptos, qui in præmissis, aut aliquo præmissorum contraverint, sententias, censuras, & pœnas hujusmodi damnabiliter incurrisse: autoritate nostra, etiam extra judicialiter, ac unica citatione præcedente, & omni alia juris solennitate ommissa, declares: & pro talibus publicari, & ab omnibus Christi fidelibus arctius evitari facias, ac in eorum Ecclesiis & locis interdictum Ecclesiasticum apponas, invocato etiam ad hoc, si opus fuerit, auxilio brachii secularis. Non obstantibus præmissis, ac constitutionibus & ordinationibus Apostolicis, ac omnibus illis, quæ in dictis literis volumus non obstare, cæterisque contrariis quibuscunque. Volumus autem, quod transumptis præsentium, manu publici Notarii subscriptis, plena fides ubique in iudicio & extra adhibeatur, prout adhiberetur eisdem præsentibus originalibus literis, si forent exhibere vel ostensæ. Datum Romæ apud Sanctum Petrum sub annulo Piscatoris die secunda Maji, MDXV. Pontificatus Nostri anno tertio.

JAC. SADOLETUS.

Sequitur:

(*) Mos in Principe Rom. Ecclesia vetustissimus fuit, ut die solenni Cænæ Domini, autoritate Summi Pontificis, iis, qui ob admissa publica crimina pœnitentiam publicam, sub initium Quadragesimæ acceptam egissent, Ecclesiæ publice reconciliarentur: qui vero criminibus publicis obstiti, nullam de se spem resipiscentiæ præbuisent, aut præberent, ab illius consortio & communione anathematis mucrone absunderentur. Qui mos non temere introductus, sed acceptus est partim ex disciplina Apostolica, tradita 1. Cor. 5. & 2. Cor. 2. Partim ab exemplo Domini, qui die Sacræ suæ Cænæ, Juda proditore misso foras, Apostolis suis, cum externa lotionem, tum Divino sermone purificatis, Cælestis doctrinæ arcana contradidit. Vide quoque, si voles, post veteres de isthoc Ecclesiæ more *Durandum* Libro *Rationali* Divinorum, *Titulo de Officio diei Cænæ Domini*.

Notatio hæc legitur in Libro Statut. Colonienf.

BULLA JOVIS SANCTÆ,
sic a publicatione, quæ solenni
COENÆ DOMINI die
Romæ fit, appellata. ()*

LEO EPISCOPUS, SERVUS SERVORUM DEI, AD PERPETUAM REI MEMORIAM.

Consueverunt Romani Pontifices Prædecessores nostri, ad retinendum puritatem religionis Christianæ, & ipsius unitatem, quæ in conjunctione membrorum ad unum caput, Christum videlicet, ejusque Vicarium, principaliter consistit, & sanctam fidelium societatem ab offensione servandam; arma justitiæ per ministerium Apostolatus, in præsentem celebritatem exercere. Nos igitur vetustum & solennem hunc morem sequentes, excommunicamus & anathematizamus ex parte Dei Omnipotentis, Patris, & Filii, & Spiritus Sancti, autoritate quoque Beatorum Apostolorum Petri & Pauli, ac nostra, omnes hæreticos, Gazaros, Patarenos, Pauperes de Lugduno, Arnoldistas, Sphæronistas, Passagerios, Wiclevistas, seu Hussitas, Fratricellos, de opinione nuncupatos, & quoslibet alios hæreticos, quocunque nomine censeantur, ac omnes fautores, receptatores, & defensores eorundem. Item excommunicamus & anathematizamus omnes violatores, & perturbatores libertatis Ecclesiasticæ, aut illam quovis modo impediunt, & eos præsertim, qui contra Sacrorum Canonum instituta, Ecclesiis, & Ecclesiasticis personis, sine licentia speciali Romani Pontificis, collectas, vel alia onera, aut quævis gravamina realia, vel personalia imponunt, vel exigunt, aut imponi, vel

exigi

exigi faciunt, aut procurant per se vel alium, seu alios, directe vel indirecte, ac dantes in præmissis auxilium, consilium, vel favorem. Item excommunicamus & anathematizamus omnes piratas, corsarios, latrunculos maritimos, & alios, præcipue, qui mare nostrum a monte argentario usque ad Terracinam discurre, & navigantes in illo deprædari, mutilare, interficere, ac rebus & bonis suis spoliare hætenus præsumperunt, ac omnes receptatores eorundem, ac eis auxilium dantes, consilium, vel favorem. Item excommunicamus & anathematizamus omnes, qui in terris suis nova pedagia imponunt, vel prohibita exigunt. Item excommunicamus & anathematizamus omnes fallarios Bullarum, seu literarum Apostolicarum, & supplicationum, gratiam & iustitiam continentium, per Summum Pontificem, vel Vice-Cancellarium, seu gerentes vices eorum, aut officium Vice-Cancellarii Sanctæ Romanæ Ecclesiæ, de mandato ejusdem Summi Pontificis, signatarum, aut sub nomine ejusdem Summi Pontificis, seu Vice-Cancellarii, seu gerentium vices prædictorum, signantes supplicationes easdem. Item excommunicamus & anathematizamus omnes illos, qui equos, arma, ferrum, ligamina, & alia prohibita deferunt Saracenis, Turcis, & aliis Christi nominis inimicis, quibus Christianos impugnant. Item excommunicamus, & anathematizamus omnes impiedentes, seu invadentes victualia, seu alia, ad usum Romanæ Curie necessaria, adducentes: vel qui, ne ad Romanam Curiam ipsa adducantur, vel deferantur, impediunt, vel perturbant: qui talia faciunt, vel defendunt, cujuscunque fuerint ordinis, præminentie, conditionis & status, etiam si Pontificali, Regali, Reginali, aut alia quavis Ecclesiastica, vel mundana præfulgeant dignitate. Item excommunicamus & anathematizamus omnes illos, qui ad Sedem Apostolicam venientes, & recedentes ab eadem, nec non omnes illos, qui jurisdictionem ordinariam vel delegatam aliquam non habent, in eadem Curia morantes, temeritate propria rapiunt, spoliant, & detinent, aut ex proposito deliberato verberare, mutilare, vel interficere præsumunt, & qui talia fieri faciunt, seu mandant.

Tomus VI. Concilior. German.

Item excommunicamus & anathematizamus omnes temere mutilantes, vulnerantes, interficientes, capientes, carcerantes, & detinentes Patriarchas, Archiepiscopos, eorumque mandatores.

Item excommunicamus & anathematizamus omnes illos, qui per se, vel alium, seu alios, quascunque personas Ecclesiasticas, vel seculares, ad Romanam Curiam super eorum causis & negotiis recurrentes, illaque in eadem Curia prosequentes, aut procurantes, negotiorumque gestores, Advocatos, vel Procuratores ipsorum, vel etiam Auditores, seu Judices, super dictis causis, seu negotiis deputatos, occasione causarum, vel negotiorum ejusmodi verberant, mutilant, vel occidunt, seu bonis spoliant: ac illos, qui ne literis & mandatis, & Apostolicæ Sedis, & Legatorum, Nunciorum, & Judicum delegatorum ejusdem, gratiam vel iustitiam concernentibus, decretisque super illis, & cæteris judicatis processibus, & executorialibus, non habito primo eorum beneplacito & assensu pareatur: neve Tabelliones & Notarii, literarum & processuum executiones, instrumenta vel acta conficere, aut confecta, parti, cujus est, tradere, sub gravissimis pœnis prohibere, statuere, seu mandare: quive in animarum eorundem periculum se a nostra, & Romani Pontificis pro tempore obedientia, pertinaciter subtrahere, seu quomodolibet recedere præsumunt: quive jurisdictionem, seu fructus, ad Ecclesiasticas personas pertinentes usurpant vel arripiunt, vel qui per se, vel alium, seu alios directe vel indirecte prædicta exequi, vel procurare, aut in eisdem consilium, auxilium, vel favorem præstare non verentur: cujuscunque præminentie, dignitatis, ordinis, conditionis & status fuerint, etiam si Pontificali, Regali, Reginali, vel quavis alia præfulgeant dignitate. Item excommunicamus & anathematizamus omnes mutilantes, vulnerantes, & interficientes, seu capientes & detinentes, seu deprædantes Romipetas & peregrinos, ad urbem causâ devotionis, seu peregrinationis accedentes, & in ea morantes, vel recedentes ab ipsa, & in his dantes auxilium, consilium, vel favorem.

T

Item

Item excommunicamus & anathematizamus omnes illos, qui per se, vel alium, seu alios, directe vel indirecte, sub quocunque titulo vel colore occupant, detinent, vel hostiliter destruunt, seu invadunt, aut occupare, detinere, vel destruere, vel invadere hostiliter præsumunt, in totum, vel in partem, Almam urbem, Regna Siciliae, vel Trinacriae, Insulas Sardiniae & Corsicae, Terras citra Pharum, Patrimonium B. Petri in Tuscia, Ducatum Spoletanum, Comitatum Venayfinum, Sabinensem, Marchiae Anconitanæ, Massæ, Trebariae, Romandiolæ, Campaniæ, & Maritimæ Provincias, & Terras specialis commissionis Arnolphorum, Bononiensium, Ferrariensium, Beneventanorum, Perusii, Avinionensis civitatis, Castellum, Tuderti, & alias civitates, terras, & loca, vel jura ad ipsam Romanam Ecclesiam spectantia & pertinentia; & adherentes & fautores, & defensores eorum, seu in his dantes eisdem consilium, auxilium vel favorem. Non obstantibus quibuscunque privilegiis, & indulgentiis, & litteris Apostolicis, generalibus, vel specialibus, eis, vel eorum alicui, vel aliquibus, cujuscunque status, gradus, ordinis, vel conditionis, dignitatis vel præminentiae fuerint, etiam si (ut præmittitur) Pontificali, Regali, Reginali, seu quavis alia Ecclesiastica, vel mundana præfulgeant dignitate, a prædicta Sede sub quavis forma vel tenore concessis, quod excommunicari vel anathematizari non possint per litteras Apostolicas, non facientes plenam & expressam, ac de verbo ad verbum de indulto hujusmodi, ac ordinibus, locis, nominibus omnibus propriis, cognominibus & dignitatibus eorundem, mentionem: Nec non consuetudinibus & observantiis, scriptis & non scriptis, & aliis contrariis quibuscunque, per quæ contra nostros processus hujusmodi, ac sententias, quo minus includantur in eis, se juvari valeant, aut tueri: & quæ, quoad hoc, penitus tollimus & omnino revocamus: & a quibus quidem sententiis nullus per alium, quam per Romanum Pontificem, nisi duntaxat in mortis articulo constitutus, absolvi possit: nec etiam tunc, nisi de stando Sanctæ Romanæ Ecclesiæ mandatis, sa-

tisfactione, vel sufficienti cautione præstitis: etiam prætextu confessionalis, seu quarumvis facultatum, verbo, literis, aut quavis alia scriptura, etiam in qua, quod sola signatura sufficeret, concessorum, & quævis derogatoriarum derogatoriæ fortiores & efficaciores, & insolitæ clausulæ apparerent, quibuscunque personis, cujuscunque præminentiae, dignitatis, conditionis, aut status fuerint, etiam si (ut præmittitur) Pontificali, Regali, Reginali, aut quavis alia præfulgeant dignitate, Religiosis & secularibus utriusque sexus, Capitulis, Collegiis, Conventibus, etiam mendicantium, & miliarum hospitalibus, Confratribus, & Universitatibus concessarum a Nobis, vel prædicta Sede, & quas concedi contigerit quomodolibet in futurum. Illos autem, qui contra tenorem præsentium talibus, vel alicui eorum, seu aliquibus, absolutionis beneficium impendunt de facto, excommunicationis & anathematizationis sententia innodamus: eisque prædicationis, lectionis, administrationis Sacramentorum & audiendi confessiones officia interdiciamus, prædicentes, & declarantes aperte transgressoribus & contemptoribus prædictis, Nos gravius contra eos spiritualiter & temporaliter, prout expedire cognoverimus, processuros, & nihilominus quidquid egerint absolviendo, vel alias, nullius sit roboris ac momenti. Ut autem hujusmodi nostri processus ad communem omnium notitiam deducantur, chartas sive membranas processus continentes eosdem in valvis Basilicarum Principis Apostolorum, Sanctique Johannis Lateranensis de urbe affigi, seu appendi faciemus, quæ processus ipsos suo quasi sonbro præconio & patulo indicio publicabunt, ut hi, quos processus hujusmodi contingunt, qui ad ipsos non pervenerint, aut qui ipsos ignoraverint, nullam possint exultationem prætere, seu ignorantiam allegare, cum non sit verisimile, quoad ipsos remanere incognitum, quod tam patenter omnibus publicatur. Verum ut præsentis litteræ, ac omnia in eis contenta, eo fiant notiora, quo in plerisque civitatibus & locis fuerint publicata, Venerabilibus Fratribus nostris Patriarchis, Primatibus, Archiepiscopis, Episcopis,

copis, & locorum Ordinariis ubilibet constitutis, per hæc scripta committimus, & in virtute sanctæ obedienciæ districtè præcipiendo mandamus, quatenus per se, vel alium, seu alios, præsentem literas, postquam eas receperint, seu earum habuerint notitiam, saltem semel in anno, aut pluries, prout expedire viderint, in Ecclesiis suis, dum major in eis populi multitudo ad Divina convenit, solenniter publicent, & ad Christi fidelium mentes deducant, & declarent. Nulli ergo omnino hominum liceat hanc paginam nostræ excommunicationis, anathematizationis, ablationis, revocationis, innodationis, commissionis, & mandati infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac Beatorum Petri & Pauli Apostolorum ejus, se noverit incursum. Datum Romæ apud Sanctum Petrum, anno Incarnationis Dominicæ Millesimo, quingentesimo, quinto decimo, Nonis Aprilis, Pontificatus nostri anno tertio.

DE CURIA.

D. de Comitibus.

Anno a Nativitate Domini Millesimo quingentesimo quinto decimo, Indictione tertia, die vero septima Mensis Aprilis, Pontificatus Sanctissimi in Christo Patris, & Domini nostri, Domini LEONIS, Divina providentia Papæ decimi, anno tertio, retroscriptæ literæ affixæ & publicatæ fuerunt in Basilicarum Principis Apostolorum, ac Sancti Joannis Lateranensis valvis, seu portis, dimissis ibidem copiis, ut moris est, per me Hubertum Jacobi, præfati Sanctissimi Domini nostri Curatorem.

Ita est. Jo. BERNARDI *pro Magistro*
Curs.

OFFICIALIS Curie Colonienfis, Executor & Commissarius ad infra scripta a Reverendissimo, & Illustrissimo Principe & Domino nostro, Domino HERMANNO, Sanctæ Colonienfis Ecclesiæ Electo, & Confirmato, Sacri Romani Imperii. per Italiani Archi-


Tomus VI. Concilior. German.

Cancellario, Principe Electore, Westphaliæ & Angariæ Duce &c. specialiter deputatus, universis & singulis Parochialium Ecclesiarum, Capellarum, Divinorumque Rectoribus, cæterisque Plebanis, Vice-Plebanis, Capellanis, Curatis, & non Curatis, per Civitatem & Diocesim Coloniensem ubilibet constitutis, Salutem in Domino, & nostris hujusmodi, immo verius Apostolicis, ac præfati Reverendissimi Domini nostri, Domini HERMANNI, Electi & Confirmati &c. firmiter obedire mandatis.

Literas Commissionis præfati Reverendissimi Domini nostri, Domini HERMANNI, Electi & Confirmati, super publicatione quarundam literarum Apostolicarum Sanctissimi in Christo Patris, & Domini nostri, Domini LEONIS, Divina providentia Papæ decimi, ejus vera Bulla plumbea in filis fericis sub impendente Bullatarum, in quibus inter alia, die Jovis Sancta proxime præterita excommunicavit & anathematizavit omnes violatores & perturbatores libertatis Ecclesiasticæ, aut illam quovis modo impediens, & eos præsertim, qui contra Sacrorum Canonum instituta, Ecclesiis, & Ecclesiasticis personis, sine speciali licentia Romani Pontificis, collectas, vel alias onera, aut quævis gravamina realia vel personalia imponunt, vel exigunt, aut imponi, vel exigi faciunt, vel procurant, per se, vel alium, directè vel indirectè, aut dantes in præmissis auxilium, consilium, vel favorem, prout in ipsis literis Apostolicis plenius continetur. Ac quarundam aliarum literarum in forma Brevis Apostolici, sub anulo Piscatoris signatarum, præfato Domino nostro Reverendissimo, per Sanctissimum Dominum Papam nostrum directarum, ejusdem Domini Reverendissimi Sigillo, spatio earundem literarum inferius impresso sigillatas recepimus. Quarum quidem, tum Apostolicarum utrarumque, quam Reverendissimi Domini nostri literarum tenores, præsentibus de verbo ad verbum præin-feri fecimus. Nos itaque OFFICIALIS præfatus, volentes tam ipsas Apostolicas, quam præfati Reverendissimi Domini nostri, Domini HERMANNI, Electi & Confirmati &c. Commissionis literas reverenter exequi, ac debitæ executioni

(ut tenemur) quantum in Nobis est, demandare, utrasque Apostolicas ac Reverendissimi Domini nostri literas una cum omnibus & singulis in eisdem contentis clausulis, vobis omnibus & singulis supradictis, intimamus, & insinuamus, & notificamus, ac ad vestram, & cuiuslibet vestrum noticiam deducimus, & deduci volumus per præsentem. Vosque omnes & singulos supradictos, & vestrum quemlibet in solidum tenore præsentium requirimus, & monemus primo, secundo, tertio, & peremptorie, vobis nihilominus & vestrum cuilibet in virtute sanctæ obedientiæ, & sub pœnis, sententiis, & censuris, in ipsis literis Apostolicis contentis, districte præcipiendo committimus & mandamus, quatenus utrasque literas Apostolicas præinertas, cum omnibus & singulis in eis contentis clausulis, saltem quater in anno, videlicet in principalioribus festi-

vitibus anni, in vestris Ecclesiis, dum major inibi populi multitudo ad Divina convenerit, & alias, ac per alios, ubi, quando, & quoties opus fuerit, & vobis videbitur expedire, sollemniter publicetis, & ad Christi fidelium nientes deducatis, seu publicari & deduci faciat. Alioqui contra illos, qui huiusmodi mandatis non paruerint, ad dictarum pœnarum, sententiarum, & censurarum declarationem, ac alia, prout iustum fuerit, procedemus, & procedi faciemus. In quorum fidem & testimonium, præsentem nostras literas exinde fieri, & per Notarium, dictæque Curie Scribam Sententiarum, infra scriptum, subscribi, Sigillique maioris Officialitatis dictæ Curie appensione iussimus & fecimus communiri. Sub anno Domini Millesimo, quingentesimo, quinto decimo, die vicesima quarta mensis Septembris.



Epistola MAXIMILIANI I. Imperatoris

ad LEONEM X. Rom. Pontificem,

De Martini Lutheri Concionibus, ac Theſibus () contra Indulgentias, missa ex Conventu Augustano*

Anno Christi MDXVIII. Leonis X. PP. VII.
Maximiliani I. Imp. XXV.

BEATISSIME PATER, DOMINE REVERENDISSIME!

Accepimus non adeo multos ante dies, quendam Fratrem Augustinianum, Martinum Lutherum, nonnullas conclusiones, in materia Indulgentiarum, scholastico more discutiendas disseminasse, nec non in concionibus suis & de ea re, & de vi Apostolicarum excommunicationum plurima docuisse, in quibus damnosa & hæretica pleraque videantur; atque ea nunc per Magistrum Sacri vestri Palatii notata esse. Quæ res Nobis eo magis displicuit, quo pertinacius dictus Frater, ut edocti sumus, doctrinæ suæ inharere, atque complures errorum suorum defensores & patronos, etiam potentes consecutus esse dicitur.

Verum cum suspectæ assertiones & periculosa dogmata a nemine melius,

rectius, & verius dijudicari queant, quam a Beatitudine vestra, quæ sola, ut potest, ita debet, vanarum quæstionum, Sophisticarum rationum, & verbosarum contentionum auctores compescere, quibus pestilenciores Christianæ pietati nulli contigerunt, huc tantum spectantes, ut, quod ipsi didicerunt, id solum habeatur in precio, non, quod præsentis sæculi, & eruditorum consensus, & pie antea in Christo defunctorum candida & solida doctrina comprobant.

Extat pervetustum Pontificii Senatus Decretum de constituendis Doctoribus, in quo de Sophistica nūquam quidquam cautum est, nisi quod ista in Decretis vocantur in dubium; utrum fas sit, ea discere, nec ne: atque horum studium

a multis, & magnis authoribus improbatum.

Cum igitur, quod Pontificum auctoritas iussit, negligitur, & de quo dubitatum, imo improbatum est, id solum recipitur; necesse est interdum hallucinari, somnari; & cæcutire Magistros istos: quibus debetur, quod non solum hætenus Doctores ab Ecclesia recepti solidiores non lecti, sed plerique depravati sunt, atque mutili redditi.

Taceamus iis authoribus pullulasse longe plures, quam unquam damnatas fuisse hærefes; Taceamus Reuchlinianam infamationem, & nunc præsentem hanc periculosissimam de indulgentiis, atque censuris Apostolicis disceptationem, his perniciosiis authoribus in mundum emanasse. Quibus nisi Beatitudinis vestrae, & Reverendissimorum Patrum auctoritas legem, finemque imposuerit; brevi non solum imperitæ imponent multitudini, sed & Principum virorum sibi aurem & favorem in mutuam perniciem comparabunt.

Quibus si conniventibus oculis cam-

pus apertus, atque liber dimittatur, futurum est, ut, quod omnium maxime in votis habent, ut pro optimis & Sanctissimis Doctoribus istorum nánias præ oculis habere cogatur totus mundus.

Hæc pro singulari nostra in Sedem Apostolicam reverentia Beatitudini vestrae significavimus, ut sinceritas Christiana huiusmodi temerariis disputationibus & captiosis argumentis non lædatur & scandalizetur. Nos enim quidquid super his sancte statuerit, in Imperio nostro ad laudem & honorem Dei omnipotentis, & Christi fidelium salutem, ab omnibus observari faciemus. Datum in Civitate nostra Imperiali Augusta, die quinta mensis Augusti, Anno Millefimo quingentesimo decimo octavo. Regnorum nostrorum Romani trigesimo tertio, Hungariæ vero vigesimo nono.

MAXIMILIANUS, DIVINA
FAVENTE CLEMENTIA RO-
MANORUM REX.

Nicolaus Zieglerus.

Goldst. Constit. Imperial. Tom. II. Lutig Spicil. Eccl. T. I. pag. 369.

(*) Promulgatarum a Luthero thesium, de quibus Maximiliani in literis agitur, hæc fuit occasio: Leo X. ob varias Ecclesiæ necessitates, ac cum primis ob inferendum Turcis bellum, Vaticanamque Basilicam restaurandam, Fidelium opem sibi implorandam censuerat: omnibusque, qui dictos in fines elemosynæ quidpiam sua essent liberalitate collaturi, largas ex Ecclesiæ thesauro Indulgentias concesserat. Harum per Germaniam publicandarum negotium demandatum a Pontifice fuit Alberto Brandeburgico, Moguntino tunc Archi-Episcopo & Septemviro. Albertus ad exequendum id munus, Indulgentiasque prædicandas, Joannem Terzelium delegit, strenuum, doctamque ex Dominicana familia virum, qui Fidei Quæstoris officioungebatur, suamque operam paulo ante in simili delegatione pro Teutonicis Equitibus egregie probaverat.

Egre hunc delectum ferebant Augustiniani Eremitæ, qui, ut Spondanus ait, longo jam tempore id muneris obire consueverant: nec modica inde nata est inter utriusque Ordinis Fratres emulatio. Præ cæteris Joannes Staupitius, Augustinianorum per Germaniam Vicarius Generalis, Vir nobilis, eruditus atque facundus, & Martinus Lutherus, Wittenbergenfis in Academia Professor, in abusus primum, qui in ea Indulgentiarum prædicatione, simulque in collectione pecuniarum, tum per imprudentiam, tum etiam per avaritiam admitti solebant, vehementius invegit, monueruntque pro Concione populum, ne fucum sibi fieri sinerent, quæstorumve suasionibus deludi se paterentur.

Non displicuit ea res Friderico Saxoni Electori, suoque horratu hæc Staupitii & Lutheri studia animabat, tum quod his a viris Wittenbergenfis Academiae, recens a se erectæ, claritudinis aliquod lumen adventurum crederet; tum etiam, quod in Albertum Moguntinum, quem Indulgentiis promulgandis a Pontifice præfectum diximus, iniquiore ferretur animo.

Incentus hoc Ducis favore Lutherus, non satis habuit, abusus perstringere; sed frequentibus insuper sermonibus in ipsos Indulgentiarum prædicatores debacchari cepit, ac demum eo progressus fuit, ut, quo illis plus noceret, ipsarummet, quas commendabant, Indulgentiarum vim ac valorem non ore solum, sed calamo etiam, scriptisque impugnaret. Igitur ultima die Octobris, in ipso Sanctorum Omnium pervigilio anni

MDXVII. Theses seu Propositiones numero nonaginta & quinque publice exposuit, Valvis Wittenbergensis Basilicæ affixas, illarumque exemplum simul eadem ipsa die additis literis ad Albertum Archi-Episcopum Moguntinum transmissit, ac dein typis excusas, quæque versum dispersit.

In his Thesis, multa quidem, quæ vera; sed multa etiam admixta veris falsa legabantur. Carpebat in illis communem & receptum ab Ecclesia Indulgentiarum usum: Romanorum Pontificum in iis concedendis auctoritatem, eorundemque ligandi ac solvendi potestatem vocabat in dubium: Vellicabat insuper, quæ ad Pœnitentiæ Sacramentum pertinent: De thesauro Christi & Ecclesiæ, de purgatorio itidem nova, & a fidelium sensu aliena adstruebat.

Propositiones has ut vidit Joannes Terzelius, qui Francofordiæ ad Oderam tunc morabatur, mox iisdem centum & sex propositiones opposuit, quibus Catholicam doctrinam & declarabat, & tuebatur: cumque, quod supra diximus, hæreticæ pravitatis inquisitor esset, Lutheranas Theses tanquam hæreticas, Spondano reite, exulsi. Sed Terzelianæ vicissim Propositiones parem a flammis Wittenbergentibus contumeliam accepere: exemplaribus earundem octingentis publice in foro combustis, Academia universa ad hoc spectaculum advocata.

Atque ex his scintillis eruperunt ingentes illæ flammæ, quæ postmodum per Europam pene universam grassatæ sunt, in gravissimam complurium Regnorum, Germanici præsertim Imperii, perniciem ac fragem. Prævidens hæc Maximilianus Imperator, suis literis, quas attulimus, Pontificem obtestatus est, ut immixtæ calamitati matura ope occurreret, & ne longius serperet malum, opportuno remedio præcaveret.

Vide Cochleum, Authorem Lutero coævum, in Commentariis de actis & scriptis Lutheri, ad annum 1517. Caspar. Ulenbergium de vita & rebus gestis Lutheri. C. II. Spondanum in Cont. Annal. Ecclesiastic. Baron. Tom. II. ad annum 1517. Emin. Cardin. Pallavic. in Hist. Conc. Trid. P. I. Cap. III. IV. & VI.

SYNODUS TORNACENSIS

Anno Christi MDXX. Leonis X. PP. VIII.
Caroli V. Imp. I.

SUB LUDOVICO ECCLESIAE TORNACENSIS EPISCOPO.

LUDOVICUS, (a) DEI ET APOSTOLICÆ SEDIS GRATIA
TORNACENSIS EPISCOPUS.

PER Ezechielem Prophetam pollicetur Dominus populo suo fidei salutarem directionem hisce verbis consolatoriis: *Suscitabo (b) super pecora mea Pastorem unum, qui pascet ea, servum meum David, ipse pascet ea, & erit eis in Pastorem: Pascet, inquam, scientia & doctrina,* inquit Jeremias. (c) Ex quibus quidem verbis evadit dilucidum, Episcopi præcipui Pastoris esse officium, gregem sibi a Domino commissum spirituali pabulo pascere debere, ipsumque ad læta ducere.

(a) Carolo du Haut-Bois, Tornacensium Episcopo, anno 1513. e vivis erepto, Henricus VIII. Angliæ Rex, qui armis urbem occupaverat, Episcopi nominandi jus ad se devolutum existimans, Tornacensium Præsulem dixit Guillelmum Volsæum, Anglicani postea schismatis autorem. Sed reddita Gallis urbe ad annum 1518., cum nulla Volsæi haberetur ratio; Anno 1519. Cathedram adivit Ludovicus Guillard, cui eandem a Carolo, annuente Pontifice & Galliarum Rege, transcriptam fuisse supra meminimus in Notatione ad Synodum, anno 1509. a Carolo celebratam. Ludovicus postea in Gallia commoratus, Tornacensem Sedem cum Carnotensi permutavit ad annum 1524. ubi postquam contra hæreticos strenue decertasset, circa annum 1565. e vita discessit. *Le Groux in Synopsi Vit. Epp. Tornacens. De Castillon in Sacra Belgii Chronolog.*

(b) Ezech. 34. v. 23. (c) Jerem. 3. 15.

ducere pascua salubris alimonie , per sacre Doctrinæ communicationem , & rectam disciplinæ Ecclesiasticæ institutionem. Quod sane diligenter & accurate præstiterunt nostri Prædecessores piæ memoriæ Ferricus , & Carolus , & eorum Antecessores : cum in solemni totius Ecclesiæ Tornacensis convocatione , & Pastorum ipsius Parochialium , Statuta Synodalia mature ac prudenter sanxerunt , & eadem omnibus observanda publice promulgarunt. Idem quoque & Nos ipsi , Divino indultu in sollicitudinem & curam pascendi ejusdem gregis Dominici adsciti , jam pridem libenter præstitissemus munus ; nisi in ipso Præfatus nostri exordio , primisque foribus , incidissemus in tempora calamitosa , quæ filias a piæ matris avulserunt uberibus : in manus alienigenarum traditæ. Miseranda plane illa rerum conditio , quæ jus erat in armis & oppressis leges timor , nequaquam Nobis tum facultatem indulgit , ea exequendi munia , quæ in tranquillæ pacis & libertatis tempore fuisset incunctanter executi. Verum huic ærumnosæ temporum qualitati Deus (ut confidimus) finem operatum imposuit. Id quoque in causâ differendi præsentis negotii fuit , quod necdum Episcopalis consecrationis munus ante fueramus adepti , legitimis certe causis impediti , quo minus eam prius susciperemus. At vero , Quoniam Dei gratia jam sacro suo delibuti sumus oleo , & Episcopali consecratione insigniti ; liberior nunc & importunior (d) indulta Nobis est commoditas , nostro fungendi , ad quod astringimur , officio : utpote Synodum convocandi , atque constitutiones Synodales , more Majorum nostrorum decernendi. Accessit item huic impedimento & alterum non minus urgens : quod jam diutius detenti fuimus , & occupati in defendenda nostræ Diocesis immunitate Ecclesiastica , jureque & libertate nostræ jurisdictionis contra oppugnantem & opprimentes illam ; in quo quidem negotio , quantum operæ , laboris & impensarum adhibuerimus , novit Deus. Sane Pastores ignavos increpat Dominus per Ezechielem , dicens : *Non ascendistis ex adverso : neque opposuistis murum pro Domo Israel,*

ut staretis in prælio in die Domini. (e) Cujus increpationis nota ne merito afficemur ; operæ pretium Nobis certe fuit , pro libertate Ecclesiastica , quasi pro focis , arisque decertare : pro qua legimus plerosque sanctos Viros sanguinem suum effudisse , gloriosaque occubuisse morte. At cum nunc , adjutore Deo , lites illæ forenses aliquantulum sunt sopitæ , neque tanto , ut prius , obstreperunt tumultu ; datur Nobis jam otium & opportunitas , sequendi vestigia Patrum nostrorum , nostroque Pastoralis officio utcumque satisfaciendi , per præsentis Synodi solemnem celebrationem , & publicam Statutorum Synodaliū in ea divulgationem : Quæ partim a nostris supradictis Prædecessoribus Ferrico & Carolo sunt prius constituta : partim per Nos , adjectis nonnullis , quæ statui & honestati totius Cleri nostri conducentia videbantur , de novo edita , ad Dei laudem & nostrorum subditorum Nobis commissorum salutem. Si enim colendis agris , putandis vineis , ovibusque curandis certæ statuuntur leges ; nonne longe potius excolendis hominum animis , componendis moribus , & plano virtutis calle dirigendis hominibus discernendæ sunt ? Si Regna , Civitates , & Respublicæ , militaris item disciplina , nautica , & scholastica , suas exposcant Sanctiones , Decreta , & Constitutiones , quibus probe regantur ; quis ibi inficias , Ecclesiasticam Rempublicam ac disciplinam rectis itidem legibus definiri debere , quibus solide nitatur ? Mandamus itaque , & præcipimus omnibus Decanis nostræ Christianitatis , & singulis Presbyteris nostræ Diocesis , præsertim Ecclesiarum Parochialium Rectoribus : quod integrum & verum exemplar hujusmodi statutorum nunc publicandorum , infra trium mensium proxime sequentium spatium habeant , ea sæpius legant , assiduæque versent manu ; quo facilius eadem intelligant , & intellecta ad unguem & integre observare studeant. Confidimus , enim , illorum observationem mirum in modum valicuram ad ornatum & decorem totius Ecclesiæ nostræ : ad rectam morum totius Ecclesiastici cætus formationem , & lapforum in melius erectionem : unde & honor

(d) pro opportunior

(e) Ezech. 13. v. 5.

honor Dei in primis augeatur, animarum salus procuretur, & ordinis Ecclesiastici splendor & dignitas amplificetur. Quæ omnia ut melius assequamur, iidem Decani & Ecclesiarum Parochialium Rectores, cum iisdem statutis nostris in proxime celebranda Synodo compareant, il-

laque in manibus palam omnibus, atque in propatulo singuli contineant; quo se diligentes fuisse, ad ea obedienter opere complenda, quæ nunc injunximus, li- quido ostendant, & de illa obedientiæ promptitudine a Nobis commendari merito valeant.

Statuta Synodalia Diœcesis Tornacensis,

Per Reverendum in Christo Patrem ac Dominum LUDOVICUM, ejusdem Diœcesis Episcopum, novissime ordinata.

Primo de Baptismo, & adjacentibus.

CAPUT I.

Injungimus Curatis, Vice-Curatis, & aliis Presbyteris nostræ Diœcesis, quatenus reverenter ac cum gravitate & modestia Baptismi Sacramentum in Ecclesia, & non extra (nisi in casu necessitatis) ministrent, verba Sacramentalia tractim proferant. Chrisma, Oleum sanctum, fontes & piscinas cum omni munditia & puritate teneant: obstetrices & mulieres, quid & qualiter in casu necessitatis circa dictum Sacramentum agendum sit, instruant.

Item ordinamus, quod pro levando prolem masculini sexus de sacro fonte, ultra duos viros cum una muliere: & pro feminei sexus sobole ultra duas mulieres cum uno viro, absque nostra licentia non admittant. Injungant etiam Presbyteri Baptizantes puerum levantibus, ut ipsi in fidei articulis eum instrui procurent, & ad hoc dicti levantes astringantur.

Item inhibemus Decanis nostris, Curatis, Vice-Curatis, cæterisque Presbyteris, & Religiosis nostræ Diœcesis, ne mulieres, quæ in incestu, stupro, aut de Presbyteris, vel Religiosis conceperunt, nec etiam Moniales, Hospitalarias, Beghinas, aut alias Religiosas ad purificationem, seu reconciliationem, post partum recipere seu purificare præsumant: absque nostra, aut Curiae nostræ Tornacensis licentia speciali.

Item etiam similiter inhibemus ipsis Ecclesiarum Parochialium Rectoribus, Presbyterisque, & Religiosis nostræ Diœcesis; ne mulieres, quæ in adulterio, seu fornicatione conceperunt, ad puri-

ficationem post partum, absque scitu & licentia Decani nostri Christianitatis loci admittant.

Item præcipimus Parochialium Ecclesiarum Rectoribus, Presbyterisque & Religiosis dictæ nostræ Diœcesis, quatenus in Baptismo inquirent diligenter, & sciant nomina & cognomina parentum parvulorum procreatorum, hujusmodique nomina & cognomina, atque Parochias, in quibus degunt, in scriptis redigant: nec non literas consensus tam Curiae nostræ, quam Decanorum Christianitatis, de mulieribus purificandis, fideliter semel in anno dictæ Curiae nostræ exhibeant.

Item doceant Presbyteri, quod si pater, vel mater infantem suum in necessitate Baptizent, non propter hoc dimittant, quin ut conjuges se habeant, sicut ante; si autem sine necessitate hoc fecerint, vel existente necessitate, fuerit alter, qui id potuit adimplere, & ipsi in propria (f) fecerint, remittantur ad Nos, aut ad Curiam nostram absolvendi.

De Confirmatione.

CAPUT II.

Item præcipimus omnibus Curatis, ut diligenter plebes admoneant, ut pueros nondum confirmatos adducant ad Episcopum, qui solus potest confirmare: & moneantur parentes, ut sic confirmatos adducant ad Ecclesiam, ut Presbyteri lavent frontem eorum, & aquam lotionis cum cinere bendellorum conservent. Quod si pueri sint duodecim annorum, vel amplius, prius confitentur.

Item Episcopus in eorum confirmatione nomina poterit mutare: & qui fuerit

(f) *Supple*: persona.

fuerit semel confirmatus, non accedat amplius ad confirmationem suscipiendam, sub pœna excommunicationis. Qui autem veniunt ad confirmationem, moneantur, ut intersint primæ orationi, & usque ad ultimam maneant in Ecclesia, quæ super confirmandos fuerit facienda.

Item præcipimus Sacerdotibus, ut in suis Ecclesiis publice denuntient, quod in Confirmatione (sicut in Baptismo) contrahitur compaternitas, quæ non solum impedit matrimonium, sed etiam dirimit contractum.

De Extrema Unctione..

CAPUT III.

Cum reverentia & aqua benedicta deferatur oleum sanctum ad infirmos, & diligenter septem Psalmi, Litaniam & Orationes ad hoc institutæ dicantur.

Item Presbyteri moneant sæpe populum, ut indifferenter a quatuordecim annis citra & supra, singuli, cum necesse fuerit, inungantur, nec pauperes se pro egestate excusent. Inuncti cum stuppâ diligenter in singulis membris inunctis extergantur, & stuppæ comburantur, & cinis in Sacratio reponatur.

Item doceant Sacerdotes, quod hoc Sacramentum licite potest iterari in qualibet gravi & periculosa infirmitate. Et susceptri quodcunque Sacramentum prius confessione mundentur.

Item Curati, & Vice-Curati habeant semper in promptu & ad manum omnia necessaria ad Sacramentum Extreme Unctionis: ne si diu illa perquirere habeant; interea decedat ægrotus sine ejusmodi Sacramento, ex eorum culpa & incuria.

De Ordinibus.

CAPUT IV.

Præcipimus, statuendo omnibus Clericis habentibus Parochiales Ecclesias, Capellanas, & Præposituras, vel alias curas animarum, ut per singula tempora Ordinum offerant se ordinandos Episcopo, prout onus beneficii requisierit, etiam non vocati, ut possint inquirere de iis, quæ pertinent ad sufficientiam ordinandi.

Tomus VI. Concilior. German.

Statuimus, ut omnes Curati & Beneficiati resideant & deserviant Ecclesiis eorum; nisi a Nobis fuerit super hoc cum eis dispensatum: alias Decani nostri arceant fructus in manibus nostris, reddaturi Nobis tempore computorum rationem.

Item nullus accedat ad Ordines, qui primo non fuerit confirmatus & confessus: & usque ad finem Missæ non recedat, absque licentia Episcopi celebrantis.

Omnes ordinandi diligenter ante Ordines confiteantur, ut mundi mentis & corpore gratiam recipiant ampliorum.

Excommunicamus omnes illos, qui Tonsuram Clericalem, & quoscunque Ordines sacros, vel non sacros, ab alienis Episcopis recipiunt: nostra speciali licentia super hoc non obtenta.

Item excommunicamus alios extraneos, qui a Nobis, sive nostras vices gerente, in nostra Dicecesi Tonsuram Clericalem, vel quoscunque alios Ordines furtive receperint, sine licentia Episcoporum suorum.

Item præcipimus, quod nullus accedat ad Ordines, nisi ætate, moribus, & scientia dignus existat, & sub certo titulo: vel quod ad minus habeat iusto titulo tres libras grossorum; de quibus constet, quod non fuerit in fraudem factum, & quod ab eo non possit amoveri: & debet illam provisionem non alienare, donec sibi sufficienter provisum fuerit.

Item omnibus publicis concubinariis, aut de incestu cum Parochianis, vel filiabus spiritualibus, aut aliter notorie diffamatis & suspectis, omnem Sacramentorum administrationem interdiciamus. Contra quos, nisi se Canonice purgaverint, secundum juris formam & regulam procedere intendimus.

Monemus item sollicite omnes in sacris Ordinibus constitutos, lapsum carnis, actumque libidinis in ipsis non esse simplicem fornicationem, sed longe gravius peccatum, alteriusque speciei. Cum sit voti (*Sacris Ordinibus affixi*) fractio, & ex parte Clerici, in majoribus constituti Ordinibus, jam Deo consecrati, spi-

ritua-

ritualis incestus, atque sacrilegium: Et ob eam rem considerent illum lapsum debere inter casus reservatos annumerari.

Denique præcipimus omnibus, ad sacros Ordines admissis, & præsertim Sacerdotibus, ut caveant a tabernarum ac ludorum publicorum frequentia, & crebra visitatione. Nam hæc omnia in usum deducta statum Ecclesiasticum decorant, & dehonestant.

De Sacramento Eucharistiæ.

CAPUT V.

Item statuentes ordinamus ob reverentiam Sacrosancti Sacramenti, ut Sacerdos accedens visitare infirmos cum Sacramento Eucharistiæ, faciat lumen ante se deferri, nolam pulsari, & in habitu decenti publice incedat. Et Hostiæ pro infirmis reservatæ, singulis mensibus ad minus renoventur.

Item injungimus Curatis, & Vice-Curatis, ac aliis Presbyteris, ut Altaria, mappas, cortinas, ampullas, & piscinas, vestes sacras, ac ornamenta Altaris & Ecclesiæ, cum omni puritate & munditia conservent: & super hoc Decani vigilent, & quos negligentes, vel culpabiles in præmissis invenerint, Curia nostræ referant Canonice puniendos.

Item Altare ad minus paretur duabus mappis benedictis.

Item nullus celebret in ligneo, æreo, vel vitreo vase; sed in aureo, argenteo, aut stanneo.

Item Presbyteri non deserviant duabus Ecclesiis, nisi una ex altera dependeat.

Item nullus se ingerat ad celebrandum, nisi dixerit prius Horas Canonicas, saltem usque ad Tertiam, & nisi fuerit in habitu & tonsura decenti, ob reverentiam Sacramenti.

Item non celebrentur passim Missæ in domibus, aut oratorii privatis, sine licentia nostra. Quod si aliqui dispensationem habuerint, ostendant eam Nobis, aut Vicariis nostris.

De Matrimonio.

CAPUT VI.

Item inhibemus omnibus Curatis, & Vice-Curatis nostræ Diocesis, ne de

cætero proclamationes bannorum super matrimoniis contrahendis faciant, nisi Dominicis diebus, & aliis Festis solemnibus, per totam Diocesim nostram observari solitis, & hora summæ Mittæ.

Item statuimus & ordinamus, quod si duo contrahere volentes sint diversarum Parochiarum in eodem Decanatu; Curatus literas suas testimoniales super bannis proclamatis scribat alteri Curato. Si vero dicti contrahentes diversorum Decanatum nostræ Diocesis existant, Curatus Decano suo scribat, & Decanus illas literas roboratas mittat Decano alterius contrahentium: qui quidem Decanus Curato suo, sub eo degenti, scribat. Et si oriundus de nostra Diocesi contrahere velit cum persona alienæ Diocesis, Curatus suas literas dirigat Decano suo, & Decanus illas roboratas mittat Officiali nostro. Pro quibus literis concedendis Curatus ultra octo, & Decanus ultra duodecim grossos, sive solidos Flandriæ, non recipiant. Si autem persona alienæ Diocesis in nostra Diocesi matrimonium contrahere voluerit, non admittatur ad hujusmodi matrimonium, absque nostra, seu Curia nostræ licentia speciali.

Item inhibemus Curatis, Vice-Curatis, cæterisque Presbyteris, ne sine licentia speciali Curia nostræ ad matrimonii solemnisationem admittant illos, quos sciverint sponsalia clandestine contraxisse, vel eorum matrimonium bannis & Ecclesiæ solemnitatibus omisis, carnali copula consummasse: aut ubi sciverint, oppositionem vel impedimentum intervenisse. Et quod de præmissis sciverint per famam, vel alias, Curia nostræ Tornacensi rescribant, & denuntient indilate. Etiam, ne aliquos ad sponsalia extra Ecclesiam vel cæmeterium, aut matrimonii solemnisationem, ante solis ortum, vel contrahere volentes, ad sponsalia per verba de præsentem admittere præsumant, absque licentia Decanorum nostrorum.

Item inhibemus nostris Decanis, ne de causis sponsalium, matrimonii, seu divortii, aut aliis, ad forum nostrum Ecclesiasticum spectantibus, cognoscere, vel coram se tractari facere, quoquo modo præsumant. Quod etiam ii, qui sponsalia contraxerint ætate legitima,

ma, non se mutuo absolvant ab illa promissione futurarum nuptiarum, nisi interveniente auctoritate Ecclesiæ, & causas absolutionis mutue declarent.

Item prohibemus sub pœna excommunicationis omnibus & singulis subditis nostris, qui sunt matrimonialiter copulari, ne absque Judicio Ecclesiæ se ab invicem separent, aut segregatim vivant, aliquosve contractus, vel promissiones, juramenta, aut vota de seorsim manendo, facere vel inire præsumant, & quos de præmissis Decani vel Curati noverint culpabiles, Curia nostræ referant, secundum casus exigentiam puniendos.

Item statuimus & ordinamus, ne in celebratione sponfalium, aut matrimonii, fiant ab assistentibus risus leves, & ludici gestus, aut dicantur verba inhonestæ, aliudve quippiam fiat, quod cedat in irreverentiam, & contemptum Ecclesiasticæ gravitatis. Et Sacerdos Curatus, aut Vice-Curatus ista ridicula fieri ab aliquibus conspiciens, aut audiens, severe eos corripiat, & Curia nostræ referat puniendos, ut & cæteri timorem habeant.

Item Sacerdos sciscitetur ante sponfalia ab utroque volentium ea contrahere, si inter eos sit aliquod impedimentum, propter quod non posset complari matrimonium: nam tarde nimium illis adhibetur remedium, cum omnia ad nuptias sunt præparata, quod tamen opportune potuisset præstari, si tempore sponfalium fuisset impedimentum declaratum.

Item Sacerdos tempore sponfalium admoneat utrumque ea contrahentium, quod tempestive confiteantur ante matrimonii solemnisationem, & libere declarent omnia sua dubia idoneo confessori. Tunc enim poterunt omnia mature discuti, cum si tantum revelent die præcedente nuptias, non recte poterunt determinari.

Demum ordinamus & præcipimus, quod Sacerdos ad nuptias vocatus, nihil inhonestum in verbis, risu, aut gestu perpetret, neque choreas exerceat. Hæc enim omnia vergerent in infamiam status Ecclesiastici, & aliis præstarent offenculum.

Tomus VI. Concilior. German.

Item jubemus, quod Sacerdos moveat contrahentes sponfalia, quod ab omni actu carnis, quousque fuerint celebrata nuptiæ, abstineant, sub pœna excommunicationis, & alia Canonica.

Postremum admoneantur sponforum & sponfarum parentes, ne liberos suos invitos cogant ad contrahendum cum aliquo, aut aliqua. Nam consensus in matrimonio debet esse liber.

De Penitentis & Indulgentis.

CAPUT VII.

Item reservamus Nobis & Vicariis nostris absolutiones a majoribus peccatis, ut puta, peccatis contra naturam in viris ultra vigesimum annum: rapto virginis; homicidio, incendiis, Simonia, hæresi, & apostasia: sacrilegio ultra 40. solidos: incestu cum patre, matre, filio, filia, fratre & sorore, ac cum religiosis mulieribus professis: iniectione manuum violenta in parentes ex deliberatione facta: sortilegio, quod fit circa Sacramentum, vel Sacramentalia: oppressione parvulorum voluntarie vel negligenter facta: negligentia parentum, in igne & aqua natos perditionis: perjurio solenni, & fidei fractione in Curia nostra Tornacensi, & alibi judicialiter facta: voti solemnitis transgressionem: maleficio, impediendo coitum: procreatione sterilitatum, vel abortivorum: propinatione veneni hæreticalis, & magna blasphemia, Deo & Sanctis vel Ecclesiæ ex animi deliberatione facta: falsificatione literarum nostræ Tornacensis Curia: omni excommunicatione, tam a Nobis, quam a Canone lata: & omni peccato iis simili, vel graviore; nisi sit Sanctæ Sedi Apostolicæ de jure reservatum; in quibus casibus, majorem auctoritatem a Nobis non habentibus, excepto in mortis articulo, omnimodam absolvendi interdicimus potestatem.

Item, ne deinceps hæsitetur, qui casus Decanis nostris Christianitatis sint concessi, eorum declarationem hic duximus annotandam, & sunt hi, videlicet: Peccatum contra naturam in omni ætate a mulieribus perpetratum, & in viris citra vigesimum annum: pollutiones

nes in omni ætate: perjuria & fidei fractiones extra iudicium factæ: votorum non solemnium transgressionibus: injectiones manuum in parentes & Clericos, citra decimum quartum annum, ubi non fuerit gravis læssio, vel deliberatio: sortilegia, quæ non sunt circa Sacramenta vel Sacramentalia: parvulorum oppressiones casuales: clandestinæ nuptiæ, incestus (exceptis patre, matre, filio, filia, fratre & sorore) stuprum virginis, omnia adulteria: hoc salvo, quod si clandestinæ nuptiæ, incestus, stuprum, & adulteria huiusmodi, per duos testes, aut plures, qui iis interfuerint, aut alias per communem famam, vel infamiam probari possint: prius super hoc Ecclesiæ, vel nostram jurisdictionem exercentibus, satisfiat. Injectiones manuum mulierum in Clericum vel Sacerdotem, ubi non est enormis læssio; de qua tamen si probari possit, ut dictum est, læssio & Ecclesiæ satisfiat: sacrilegia de quadraginta solidis, & infra, dummodo debita fiat restitutio Ecclesiæ de eisdem: ac omnia peccata eis similia, & inferiora.

Quæ quidem inferiora Rectoribus Parochialium Ecclesiarum dimituntur, ut puta: inordinati concubitus cum mulieribus: mollities, peccata contra naturam in ætate puerili: in viris usque ad decimum quartum annum, & in mulieribus usque ad vigesimum quartum annum: adulteria ex una parte provenientia: damnificationes & furta, dummodo fiat restitutio, quam cito facultas se obtulerit: levis injectio manuum in parentes: sortilegia in rebus minimis & communibus, ubi non est horror & turpitudine: stuprum virginis occultum: abortus non procurati.

Item inhibemus omnibus & singulis Sacerdotibus, ne confessiones mulierum, cum quibus peccaverint carnaliter, vel eas ad peccandum induxerint, audiant, nisi in magno necessitatis articulo.

Item statuimus & ordinamus, quod si alicui sit imponenda pœna publica, aut sollemnis pœnitentia, talis ad Nos, vel Vicarios nostros remittatur absolvendus.

Item præcipimus omnibus & singulis Ecclesiarum Parochialium Rectoribus,

ut suos Parochianos sæpe moneant, adhortentur & inducant, ut frequenter ad confessionem accedant: ad minus semel in anno, omnia peccata sua confiteantur suo proprio Sacerdoti, scilicet Rectori Parochialis Ecclesiæ, vel alteri de ejus licentia. Qui quidem Rector Parochialis ideo magis proprius dicitur esse Sacerdos, quia non solum confessiones audit, sed etiam ministrat Sacramenta. Et una cum hoc corpus Christi reverenter recipiant: & quos sciverint omisisse, infra mensem post Festum Paschæ quolibet anno Curia nostræ referant, vel rescribant absque dissimulatione quacunque.

Item decernimus, quod omnes animarum curam habentes diligenter inquirent, si omnes sui subditi sciant orationem Dominicam cum salutatione Angelica, simul & articulis fidei, qui in utroque *Credo* continentur, ac mandata Dei & Ecclesiæ. Quos autem circa prædicta ignorantes invenerint, diligenter instruant. Sint etiam Curati multum solliciti, monere Magistros scholarum, ut scholasticos suos erudiant diligenter circa prædicta fidei nostræ rudimenta, omnibus summopere necessaria.

Ordinamus item, quod Curati de cætero faciant primum Missæ inter oblationem & secreta; eo quod si ante, vel post Missam fiat primum, plerique Parochiani interfunt Missæ, qui non interfunt primum.

Insuper monemus Curatos omnes nostræ Diocesis, quod sint diligentes ad inquirendum de fide tuorum Parochianorum, & de superstitionibus contrariis, tam circa morborum curationes, quam rerum perditarum recuperationes, ut illis tempestive occurratur atque obvietur.

Item præcipimus nostris Curatis, quod non permittant Capellanos, & Sacerdotes ignotos, regulariter celebrare in suis Ecclesiis; nisi prius constiterit eis de vita, honestate & ordinatione eorum per literas nostras: secus est autem de Sacerdotibus per viam transeuntibus, gravitatem & honestatem præ se ferentibus.

Item animarum subditorum nostrorum salutem providere cupientes, omnibus vere pœnitentibus & confessis, qui matrem

trem eorum Ecclesiam Tornacensem devotè visitaverint, & de bonis eorum dedierint, quadraginta dies : Item benefactoribus pauperum Parochiarum suarum, triginta dies : Item omnibus & singulis quotidie deferentibus funera, sive corpora pauperum de domibus ad Ecclesiam : & qui exequiis intererunt, triginta dies : Item omnibus & singulis flectentibus genua, & dicentibus *Pater noster*, cum in Missa audierint nominare hoc nomen *JESUS*, vel hoc nomen *MARIA*, vel hæc verba : *Et verbum cavo factum est*, viginti dies : Item comitantibus Presbyterum, Corpus Christi, vel extremam Unctionem ad infirmos deferentem, si fuerit de die, viginti; si fuerit de nocte, triginta dies : Item illis, qui devotè interfunt Processionibus, quæ fiunt in suis Ecclesiis Parochialibus, viginti dies : Item, qui exequiis & funeralibus Presbyterorum interfuerint, quadraginta dies : Item, qui primæ Missæ Sacerdotis novi interfuerint, quadraginta dies : Item illis, qui ob reverentiam & honorem Domini nostri *Jesu Christi*, & Ecclesiæ sanctæ, assurgunt Sacerdotibus, viginti dies de injunctis sibi penitentis relaxamus.

Item Statuta Prædecessorum nostrorum insequendo, & ad obviandum fraudibus, quæ in foro penitentiali committi possent, statuimus & ordinamus, quod de cætero Religiosi mendicantes, qui singulis annis ad prædicandum, & confessiones audiendum per Nos, seu Vicarios nostros admittuntur, literas admissiois eorum Decanis locorum, ubi prædicare, seu confessiones audire intendunt, præsentare teneantur, antequam actus confessionis & prædicationis exerceant : ut ipsi Decani in prima eorum convocatione nomina dictorum Religiosorum admissorum, cum eorum potestate facta, per scedulas & alias Curatis valeant declarare, alias nullatenus admittantur.

Item revocamus ex nunc omnes & singulas facultates, per Nos quibusvis personis Ecclesiasticis, sæcularibus, seu religiosis, cujuscunque ordinis, de absolvendo subditos nostros in casibus, Nobis, vel nostris Decanis Christianitatis, aut Curatis nostræ Diocesis reservatis, & commissis, per Nos hætenus con-

cessas : volumusque & præcipimus, quod eisdem facultatibus non utantur, nisi a Nobis super hoc speciale obtinuerint commissionem, & facultatem.

De Testamentis & Sepulturis.

CAPUT VIII.

Item præcipimus & injungimus Decanis nostris, quatenus bona mobilia Presbyterorum quorumque, Nobis subditorum, in nostra Diocesi decedentium, statim post obitus eorum arrescent, fideliter inventariant, & sub stricto & securo arresto inventoriata teneant, quousque eis constiterit, an Presbyteri defuncti testamentum condiderint, vel non. Si autem intestati decesserint; bona prædicta, sic arrestata, & inventoriata, per dictos Decanos ad majorem utilitatem vendantur, & taliter super hoc Decani disponant; quod ipsi indigentibus, & officariis nostris computum & rationem loco & tempore debitis reddere possint. Si vero testamentum condiderint, non relaxent Decani arrestum, nec manus inde amoveant, quoadusque eis legitime constiterit, testamentum prædictum per Nos, seu Curiam nostram fuisse & esse approbatum. Tunc enim, & non citius, toleramus bona ipsa recredi executoribus testamenti, seu aliis, per Officiale nostrum loco ipsorum executorum, vel alterius eorundem, si onus hujusmodi executionis testamenti assumere recusaverint, surrogandis : injungendo Ecclesiarum Parochialium Rectoribus, quatenus nomina & cognomina eorum, qui in suis Parochiis fecerint testamenta, suis Decanis rescribant infra mensem post obitum testatoris, ac etiam nomina & cognomina executorum : qui quidem Decani super hoc Curiam nostram informant infra mensem sequentem.

Item statuimus, ut executores testamentorum, quæ per Curiam Tornacensem approbantur, seu eorum loco surrogandi, infra annum a die obitus testatoris, coram gentibus & officariis nostris computum & rationem reddere teneantur, vocatis hæredibus testatoris, & aliis, qui ad hoc pro suo interesse erunt vocandi : inhibendo dictis executoribus, & surrogatis, ne hujusmodi testamentorum executionem suscipiant, & bona testa-

testatoris apprehendant, donec & quouique legale, & in fide dignorum præfenda fecerint de dictis bonis inventarium in scriptis fideliter redactum.

Item præcipimus omnibus & singulis Rectoribus Parochialium Ecclesiarum, quatenus suos Parochianos publice moneant, & sæpius exhortentur, ut testamentorum executiones, quas susceperint, diligenter & fideliter expleant, & præcipue de legatis factis Ecclesiæ, piis locis, ac Ecclesiasticis, pauperibus, aut miserabilibus personis, satisfaciant. Et quos dicti Rectores sciverint in præmissis remissos & negligentes, Curia nostra nuntient & scribant indilate.

Item inhibemus Parochialium Ecclesiarum Rectoribus, ne Ecclesiastica Sacramenta ministrare præsumant illis, qui extra eorum Parochias se dicunt aliud domicilium habere, & ibi fuisse confessos; nisi ipsis Rectoribus constiterit per literas Rectoris hujusmodi alterius domicilii, ipsos debite fuisse confessos, & Sacramentum Eucharistiæ recepisse: & si tales decesserint, eorum corpora Ecclesiasticæ sepulturæ non tradantur, absque Curia nostræ licentia speciali: & si aliqui in tali errore per biennium perseverare præsumperint; nomina talium præcipimus per dictos Rectores Curia nostræ rescribi, ut super hoc, prout decebit, provideatur.

Item prohibemus, ne quis cadaver excommunicati, abortivi, aut alterius, sepultura Ecclesiastica indigni, sepelire præsumat, nisi sub distantia viginti pedum a cimiterio Ecclesiæ Parochialis.

Item cum salus animarum sit rebus cæteris præferenda, statuimus, ut quilibet pro salute animæ suæ de rebus & bonis suis causâ ultimæ suæ voluntatis testari, vel alias disponere valeat, præsertim ad pios usus, libere & quiete. In omnes vero, qui contra hujusmodi Statutum nostrum fecerint, aut venerint, directe vel indirecte, tacite vel expresse, clam vel palam, seu auxilium, consilium præbuerint vel favorem; una cum aliis pœnis, a jure statutis, excommunicationis sententiam in his scriptis proferimus. Quæ quidem testamenta, seu testamentarias dispositiones, cum de illis per Sacerdotem testatoris, vel Scabinos

loci, aut alios fide dignos, quos testator dispositor elegerit, seu qui præsentés fuerint, legitime constiterit; defendere intendimus & tueri, prout de jure tenemur, & debitæ executioni demandari faceré, quolibet impedimento in contrarium præstito, non obstante.

Item inhibemus dictis Rectoribus, & aliis Presbyteris, ne absque nostra, & Curia nostræ licentia speciali Ecclesiasticæ tradant sepulturæ corpora seu cadavera usurariorum, interdictorum, seu excommunicatorum quorumcunque: nec illorum, quos per famam, seu alias sciverint, seu dici audiverint, homicidium notorie perpetrasse, vel in incestu, vel adulterio, abjectis suis uxoribus, & simili fœditate, etiam per plures annos non confitendo, nec sua Ecclesiastica Sacramenta recipiendo vixisse; nisi eis constiterit per literas inde viſas, & debite examinatas, tales a Nobis, vel Curia nostra Tornacensi, beneficium absolutionis obtinuisse. Similiter ne cadaver, seu corpus alicujus in Ecclesia, seu cimiterio polluto inhumare, aut sepelire præsumant, aut permittant.

De Servitio Divino, & nonnullis concernentibus officia Decanorum & Curatorum.

CAPUT IX.

Item præcipimus Decanis nostris, ut quoties in eorum Decanatibus contingit Jurisdictionem nostram Ecclesiasticam & spiritualem, seu observationem Synodorum suarum impediri, vel Ecclesiarum immunitates infringi aut violari, super hoc mox faciant informationem diligentem, ac ipsam in scriptis redactam Curia nostræ immediate transmittant.

Item injungimus dictis Decanis, nec non Curatis, & Vice-Curatis, ac Capellanis, cæterisque subditis nostris, in vim juramenti, per eos præstiti, quatenus significant & intiment dictæ Curia nostræ, seu Promotori causarum ejusdem, clandestinas affidationes, nec non crimina, excessus, & delicta tam Presbyterorum, & Clericorum, quam aliorum, de quorum criminibus & excessibus Ecclesia potest, seu debet cognoscere de consuetudine, vel de jure: scandala
etiam

etiam publica, & præsertim in populo damnabili consuetudine introducta, tollere studeant frequentibus monitis: & si opus est, ad Nos, & Officalem nostrum deferant, atque revelent, potissimum ea scandala, quæ fiunt in festis Parochiarum, aut Dedicationum, in nocte Nativitatis Domini, ac Defunctorum, & in die Pentecostes infra Missarum solennia, cum dicitur *Veni Creator Spiritus*: & in omnibus communibus obitiis, ubi Sacerdotes undecumque conveniunt, & post multas commensationes publice ludunt, quos omnes ita ludentes jubemus per Curatum loci coram nostro Officiali citari.

Item inhibemus Decanis nostris, nec non Curatis, & Vice-Curatis, ac Ecclesiarum Ministris & Rectoribus, ne in eorum Ecclesiis aliquem Presbyterum alienæ Diocesis ad celebrandum Missas, ac alia Divina officia admittant; nisi per literas nostras, aut Vicariorum nostrorum de licentia & gratia nostra expresse constiterit: nec dicti Provisores & Ministri talibus Presbyteris vestem, calicem, aut alia ornamenta ad celebrandum apta ministrent.

Item injungimus Decanis nostris, quatenus diligenter inquirent de & super onere Missarum & servitii, ad quod beneficia sui Decanatus astringuntur; & summo opere vigilant, ne hujusmodi beneficia obsequiis defraudentur; & ubi defectum invenerint, statim hujusmodi beneficiorum fructus & bona, in & sub manibus nostris arrestent, & de dictis bonis faciant hujusmodi beneficiis deserviri, & etiam quod omisum fuerit, debite suppleri; de residuo Nobis, aut Vicariis nostris tempore & loco reddituri computum & rationem.

Item præcipimus Decanis & Curatis, quod sint solliciti, se informare de hospitalibus & leprosariis, aliisque locis piis, in sua ditione contentis, & præsertim de administratoribus & administratione illorum; ut de illis Nos quamprimum efficiant certiores, & quoties a Nobis fuerint requisiti. Quod si ruinæ imminentes promptum remedium requirant, non differant Nos, aut Officalem nostrum super his debite informare, & eadem per eos fiat informatio de fabricis Ecclesiarum.

Item injungimus omnibus Curatis, & eorum Vice-Curatis, quod in præcipuis Festis solemnibus præmoneant & horrentur suos Parochianos, se præparare ad susceptionem Eucharistiæ, aut saltem ad confessionem peccatorum faciendam: quatenus magis Dominus propitiatur eis, & liberis, & familiæ suæ tam in spiritualibus, quam in temporalibus.

Item statuimus, quod Curati, & eorum Vicarii, maxime quod ultimo dictum est, faciant in principio Quadragesimæ: Item, ut omnes Parochiani ante Ramos Palmarum sint confessi, ut dignos poenitentiae fructus faciant. Quod si qui inventi fuerint a Paschate præcedente usque ad Ramos Palmarum per negligentiam aut contemptum non confessi, non propter illud dimittat Parochialis Curatus jam confessos reconciliare; sed prædictos remittat usque post Pascha, nisi urgente necessitate prudenter judicet, aliter esse faciendum.

Item injungimus Curatis, & non Curatis, cæterisque Presbyteris, & Beneficiatis in nostra Diocesi, quatenus Horas suas Canonicas ad usum Diocesis debite legant: ipsique Curati & Ecclesiarum Parochiales Rectores diebus Dominicis & Festivis, & aliis diebus, quibus eis incumbet, Missas & alia Divina officia celebrent: populumque eis commissum hortentur, excitent, & inducant, diebus Dominicis & festivis Ecclesiam suam Parochialem frequentare, & Divina officia audire, & eisdem interesse: eundemque populum fidei articulis instruant, ac crimina & maleficia detestentur.

Item prohibemus, ne mulieres, etiam Moniales, aut alias Deo dicata, ad altare accedere, aut Presbytero in Divinis ministrare, Reliquias, seu alia sacra tangere, aut alias prædictis se immiscere præsumant, sub pœna arbitraria.

Item cum tam de jure, quam vigore constitutionum Provincialium & Synodali, Parochiani debeant diebus Dominicis & Festivis ad audiendum servitium Ecclesiæ, & verbum Dei, in suis Parochialibus Ecclesiis venire, & eis intendere teneantur; inhibemus omnibus & singulis Curatis, cæterisque Presbyteris, &

& Religiosis nostræ Diœcesis, ne dictis diebus Dominicis & Festivis, horis decantationum summæ Missæ & Vesperarum, in Capellis, extra dictas Ecclesias Parochiales constitutis, Divina celebrare, seu verbum Dei prædicare præsumant; & Rectoribus seu Gubernatoribus dictarum Capellarum, ne hæc fieri permittant.

Item horrentur dicti Curati, & Presbyteri, prout Nos etiam hortamur, omnes Christi fideles, quatenus cum audient de sero campanam sonare ac pulsari, ob reverentiam B. Mariæ Virginis *ter Ave Maria* genibus flexis dicant: intimando eisdem, quod cuilibet id facienti, & in statu gratiæ existenti, Dominus noster Papa viginti dies indulgentiarum concessit, & Nos decem eis concedimus.

Item injungant dicti Curati suarum Parochiarum Provisoribus, & Ministris tam fabricæ, quam mensæ pauperum, prout etiam eis injungimus, quatenus quolibet anno in præsentia Decani Christianitatis, aut saltem Curati, rationem & computum de per eos administratis faciant, atque reddant, & hujusmodi computa in præsentia Decani Christianitatis loci faciant in archivis & cistis dictarum Ecclesiarum secure custodiri & reponi.

Item præcipiant & injungant dicti Curati suis Parochianis, ut Festa & solemnitates Dei & Sanctorum diligenter observent & celebrent: & quos sciverint in hoc deficere & errare, dictæ Curiæ nostræ referre non postponant.

Item injungimus Decanis nostris, quatenus diligenter inquirent, & Nos informant infra quatuor menses, de & super onus ad fundationem & dotationem Capellaniarum concessis & collatis: & qualiter de dictis bonis disponitur, ut congrue super hoc provideatur: inhibeantque dicti Decani, prout etiam inhibemus, ne in dictis Capellaniis, & confraternitatibus nondum confirmatis, Missæ & alia Divina officia absque nostra licentia celebrentur.

Item prohibemus sub pœna excommunicationis, & alia per Curiam nostram arbitranda, omnibus Presbyteris, Curatis, & non Curatis, ne quis Mil-

sam bis in die celebret, seu celebrare præsumat, nisi illis diebus, quibus id per Ecclesiam fieri permissum est.

Item inhibemus sub pœna excommunicationis, & pœna per Curiam nostram arbitranda, omnibus & singulis Presbyteris, ne quis duabus Ecclesiis Parochialibus simul & semel, nec alteri Ecclesiæ Parochiali, propria dimissa, deservire præsumat, absque nostra, aut Vicariorum nostrorum licentia speciali.

Item injungimus dictis Curatis, & Vice-Curatis, quatenus Parochianos suos hortentur & moneant, ut Sacramentum Confirmationis reverenter suscipiant, & eorum proles hujusmodi Sacramentum suscipere faciant ac procurent: suosque Parochianos verbo, doctrina & exemplo viam salutis animarum suarum doceant, ac eos hortentur & excitent, ut pueros suos ad studium literarum deputent, & præcipue *Pater noster*, *Ave Maria*, articulos fidei, *Confiteor*, septem Psalmos, & alias similes orationes & Ecclesiæ suffragia addicere faciant.

Item præcipimus, & injungimus omnibus & singulis in nostra Diœcesi beneficia obtinentibus, quatenus temporibus ad hæc statutis, ad ordines, quos beneficia sua requirunt, se faciant promoveri, & in eisdem beneficiis residentiam faciant personalem, ipsis deserviendo; nisi super hoc cum eis fuerit legitime dispensatum.

Item præcipimus & mandamus, ne deinceps in nostra Diœcesi, aliquis per Vicarios nostros ad sacros ordines promoveri permittatur; nisi eis debite constiterit, quod ipse promovendus beneficium Ecclesiasticum liberum & (*) non accommodatum pro istius sustentatione, valoris annui ad minus trium librarum grossorum, aut bona patrimonialia ejusdem valoris, sine fraude, oneribus deductis, habuerit: quod, seu quæ, dictus promovendus solemni juramento non alienare promittet; nisi sibi de aliquo beneficio, aut titulo competente debite fuerit provisum.

Item inhibemus Curatis, Vice-Curatis, Capellanis, cæterisque Presbyteris nostræ Diœcesis, ne amodo celebrent

III

(*) to non videtur redundare.

in altaribus, majori, Beatæ Mariæ, & Patroni suarum Ecclesiarum, nisi fuerint consecrata, & alia procurent, quanto-cyus commode fieri poterit, consecrari: in quibus non poterunt interim uti lapidibus portativis consecratis, nisi de speciali licentia nostra, aut Vicariorum nostrorum.

Item inhibemus Curatis, Vice-Curatis, & Ecclesiarum Provisoribus nostræ Diœcesis, ne aliquas Confraternitates, seu ghildas, de novo institui permittant in suis Ecclesiis, nisi prius Nostra, vel Curia nostra, super hoc obtenta licentia cum consensu Curati loci: quodque illarum convivia, seu commestationes, nullatenus in suis Ecclesiis (quæ domus orationis sunt, non conviviorum) fieri: neque cibaria in Ecclesiarum cœmeteriis, sub pœna viginti librarum, quoties id fecerint, præparari permittant.

Item inhibemus Curatis, Vice-Curatis, & Ecclesiarum Provisoribus, ne indulgentias quascunque in eorum Ecclesiis, seu Capellis, admittant, nec publicari, aut altaribus appendi permittant; nisi de Nostra, vel Vicariorum nostrorum licentia speciali literatorie constiterit.

Item præcipimus & jubemus, majora festa totius anni, sine opere aliquo diligenter & sedulo ab omnibus observari: videlicet Festum Paschæ cum die sequente, Ascensionis, Pentecostes cum die sequente, Trinitatis, Venerabilis Sacramenti, Inventionis Sanctæ Crucis, Nativitatis Sancti Joannis Baptistæ, Magdalenæ, Laurentii, Assumptionis B. M. Virginis, Nativitatis ejusdem, Exaltationis Sanctæ Crucis, Michaelis Archangeli, Lucæ Evangelistæ, omnium Sanctorum, Martini, Catharinæ, Nicolai, Conceptionis ejusdem B. Virginis, Nativitatis Domini, Stephani, Joannis Apostoli, Innocentium, Circumcisionis, Epiphaniæ, Purificationis, Annuntiationis, omnesque dies Dominicales, & Sanctorum Apostolorum.

In Festis autem sequentibus, servitio Divino prius completo, poterit quilibet, qui voluerit, opus seu officium suum exercere, videlicet Feria III. & IV. post Pascha, Feria III. & IV. post Pentecosten: ipso die Marci, quo fit abstinentia

a carnibus cum processione: Decollationis S. Joannis, Piat, Remigii, & Bavonis, Commemorationis fidelium Defunctorum, Vincentii, Conversionis Pauli, Cathedræ Petri.

Item inhibemus præterea sub pœna excommunicationis, ne die omnium Ss. conveniant in hac civitate famuli, nec ancillæ, se locaturi, vel locaturæ; sed eligant eis diem sequentem, aut aliam commodiorem.

Item & sub consimili pœna expresse inhibemus, ne tabernæ, cabareta, nec macellum, seu loca, in quibus carnes venduntur, diebus Dominicis, & aliis Festivis supra declaratis, nisi complero in nostra Tornacensi, & aliis Parochialibus Ecclesiis nostræ Civitatis servitio Divino, quovis modo aperiantur. Nec ad easdem, nisi viatores existant, ulli admittantur.

Inhibemus insuper, ne iisdem diebus Dominicis & Festivis, & durante hujusmodi servitio Divino, Sagittarii, Balistarii, seu quivis alii ad pſticum, sive aviculam, sagittare præsumant.

De Immunitate, & libertatibus Ecclesiarum, & Ecclesiasticarum Personarum.

CAPUT X.

Item omnibus & singulis subditis nostris inhibemus, ne in Ecclesiis, Cœmeteriis, aut locis sacris placita sæcularia teneant, aut exercent, vel exerceri permittant: ludos quoque Joculatorum, & histrionum, vel forum rerum venalium, seu proclamationes edictorum, vel bannorum justitiæ sæcularis, fieri tolerant.

Item eisdem præcipimus, quod non permittant cœmeteria esse viam publicam brutorum, vel hominum, & hoc pacto ea prophanari; sed & ad eorum clausuram, & debitam conclusionem per muros, aut sepes ac spinas, ita suos Parochianos inducant, ut brutis animalibus, vaccis; porcis & jumentis non pateat ad ipsa Cœmeteria accessus, vel ingressus.

Item statuimus, quod ubicumque obſidentur Ecclesiæ, vel Cœmeteria adversus eos, qui causa immunitatis ha-

X

bendæ

bendæ ibi confugiunt, moneantur obfidentes per eorum Rectores; seu eorum vicegerentes, ut recedant & defistant; alioquin dicti obfidentes nuntientur excommunicati, & ibidem cessetur a Divinis.

Item statuimus, quod si Ecclesia vel Cœmeterium quovis modo polluat, sicque reconciliatione indigeat, nisi ille vel illi, qui in hujusmodi pollutionis culpa fuerint, infra mensem reconciliationem procuraverint, Parochiani infra duos menses sequentes reconciliationem fieri, facere & procurare teneantur: actione eis contra illum, vel illos, quorum culpa pollutio facta est, super damnis & interesse reservata.

Item quia nonnunquam banniti, exules, & alii malefactores, ad immunitatem Ecclesiæ confugientes, solent ibidem minus devoto se tenere, & ad longa tempora tanquam in domo privata habitationis suæ perseverare, commensationes, & convivia publice in conspectu omnium, cum amicis, & persæpe cum impudicis mulieribus, in Ecclesia tenere, alta voce cantare, insolentias inhonestas & rumores facere, tabernam publicam de Ecclesia Dei facientes; Ea propter super hoc providere cupientes, districtè præcipiendo mandamus omnibus Curatis, & Vice-Curatis nostræ Diocesis, ne amodo talia permitrant, quinimo bannitos, exules, & malefactores quoscunque talia perpetrantes moneant nostra autoritate, ut infra triduum, post monitionem sibi factam, ab inde recedant, cum intimatione expressa, quod nisi id fecerint cum effectu, per Decanum Christianitatis loci, assumpto secum auxilio brachii secularis, si opus est, extrahantur, per ipsum ad prisiones Curie nostræ adducendi, ut de eis cognoscat noster Officialis, an immunitate Ecclesiæ sic facientes gaudere debeant, an non.

Item præcipimus Decanis nostris, & specialiter injungimus, quatenus Presbyteros & Clericos, quos per justitarios laicales captos & detentos sciverint, statim autoritate nostra requirant, ac eis restitui procurent; eosque ad Curiam nostram indilata, si pro crimine capti & restituti fuerint, adducant, juxta

sua demerita corrigendos & puniendos. Si vero pro levi delicto, vel causa civili, vel emenda pecuniaria capti & restituti fuerint; sub, & mediante cautione idonea, ad Curiam nostram prædictam certa die ibidem comparituri transmittantur.

De vita & honestate Clericorum.

CAPUT XI.

Item inhibemus sub pœnis juris, & aliis per Nos arbitrandis, omnibus & singulis Presbyteris, Beneficiatis, ac Officiatis, & Religiosis nostræ Diocesis, ne vestes nimium breves, in manicis apertas, aut frongiatis tunicas, seu camisas, comam & bireta retro plicata, pileos etiam cum cornetis, sotulares, aut alias vestes, statui Ecclesiastico repugnantes, & non decentes gestare, & ne arma portare, aut tabernas, seu taxillorum, aut alios illicitos ludos, aut spectacula frequentare, seu negotiis secularibus se immiscere, vitamve dissolutam & inhonestam ducere præsumant; sed a frequentatione tabernarum & ludorum illuciorum, ac armorum portatione penitus abstineant. Quod si armati, vel dissolute vestiti, incedere, vel scenis, aut illicitis actibus se immiscere reperti fuerint; volumus, & requirimus, eos per laicales justitarios capi, ac Nobis restitui, pro suis demeritis juxta casum exigentiam puniendos.

Item injungimus eisdem, & omnibus Christi fidelibus, ne tempore celebrationis Divini servitii atque officii, in Ecclesia ultro citroque deambulent confabulantes: sed Clerici superpelliceis induti, officio Ecclesiastico reverenter assistant; necetiam in publico ludant cum laicis, suis vestibus expoliati, aut ad pilam, arcum aut globum; quoniam ex his omnibus Ecclesiæ decor multum deturpatur.

Item præcipimus & mandamus dictis Presbyteris & Beneficiatis, Nobis subditis, ne in domibus eorum, vel alibi, concubinas, vel alias mulieres in ætate suspectas, etiam prætextu consanguinitatis, aut affinitatis teneant, & si quas habuerint, eas immediate expellant. Injungentes Decanis nostris, ut quilibet

in suo Decanatu super hoc diligenter inquirat, & quod invenerit, Nobis, aut Curiae nostrae frequenter referat, vel referibat; ut contra eos districtè, & prout decet, procedatur.

Item significamus omnibus Sacerdotibus & Clericis, Nobis subditis, quod intendimus contra eos, qui publice concubinas tenent atque notorie, levare procedere, per irrogationem poenae a jure expressae atque declaratae, scilicet per suspensionem ab administratione Sacramentorum, per sententiam excommunicationis, si adhuc perstiterint: & demum per privationem suorum beneficiorum, & abjectionem de loco habitationis ignominiosam; ut tam abominabile malum tandem evellatur de domo Domini.

Item injungimus dictis Curatis, Vice-Curatis, Presbyteris, & aliis quibuscumque Nobis subditis, ut a crapula, potibus aequalibus, & ebrietatibus abstineant. Etiam Presbyteri convivia, aut comestiones, sive conversationes cum laicis non habeant, praecipue ubi conveniunt mulieres, de quibus possit haberi aliquis suspicio, sive nota: alioquin prout decebit, contra eos procedatur.

Item injungimus omnibus Curatis, Vice-Curatis, & Sacerdotibus, ne in festo S. Nicolai, Innocentium, aut alio quovis die, quo fit recreatio Scholasticorum, aut Sacerdotum totius Ecclesiae per festum sui Episcopi, ipsi in Ecclesia stultum aliquid, aut ridiculum faciant, aut aliis fieri permittant, potissimum tempore celebrationis Divini officii: nec in Ecclesia & Choro compareant in vestibus fatuorum, aut personas scenicas agentium; quoniam haec omnia vergunt in contemptum Dei & irreverentiam SS., inferuntque grave scandalum in populo, qui ex illis male edificatur, & corrumpitur.

Item injungimus eisdem Curatis, & Vice-Curatis, quod diligenter moneant pueros, ne circa altare, in quo celebratur Missa, conglobentur simul in unum, confabulantes, & strepitum, atque tumultum cum irreverentia ibidem excitantes, sed separatim flexis genibus consistent, legentes Psalmos, Horas, aut

alias orationes. Admoneant etiam Magistros scholarum, quod solliciti sint, suos scholasticos assidue instruere, & hortari, ut in Ecclesia, Choro, & circa altare, reverenter se habeant, & in tenera aetate Deo humiliter servire discant.

De bonis, & aedificiis Beneficiorum.

CAPUT XII.

Item praecipimus Decanis nostris, ut ad futuram rei memoriam, & conservationem jurium beneficiorum, quilibet beneficia sui Decanatus, & eorum terras, bona, redditus, & pertinentias in scriptis particulariter & districtè redigat, ac registrum inde faciat: quod, vel ejus copiam veram, bene collationatam, de triennio in triennium in suis computis reportare non postponat.

Item si contingat aliquem Curatum, Vice-Curatum, seu Capellanum beneficium in Dicecesi nostra, excommunicationis sententia, vel a jure, vel ab homine lata, innodari; statuimus & praecipimus, quatenus statim Decanus loci fructus beneficii excommunicati praedicti arrestet, & sub manibus nostris teneat, faciatque de dictis fructibus beneficio excommunicati in Divinis deserviri.

Item statuimus & ordinamus, quod Abbates, & Conventus Monasteriorum nostrae Dicecesis, bona hujusmodi Monasteriorum vendere, alienare, seu permutare, aut redditus vitales, seu perpetuos super dictis bonis vendere, vel assignare, contractusve alios super venditione, seu alienatione hujusmodi bonorum facere de cetero non possint; nisi pro evidenti utilitate, & de nostra, aut Vicariorum nostrorum licentia speciali. Quod si tales contractus (quos omnino fieri prohibemus) facere praesumpserint; pronuntiamus & declaramus, illos viribus carere, & effectum, aut executionem sortiri non debere. Imo ex nunc decernimus, eosdem contractus cassos, irritos penitus & inanes.

Item injungimus Decanis nostris, quatenus quilibet in suo Decanatu arrestet, & sub manibus nostris gubernari faciat fructus omnium & singulorum beneficiorum, Nobis subditorum, quorum possessores in eis residentiam non faciunt personalem; nisi cum eis super

hoc per Nos, aut Vicarios nostros fuerit litteratorie dispensatum, vel ipsi in studio generali, aut loco privilegiato resideant, & de hujusmodi privilegio, ac testimoniali residentie legitimæ doceant, cujus prætextu, hujusmodi fructus suos levare possint. Ordinamus insuper, ut ultra duos menses in anno Curatus ab ejus Ecclesia Parochiali absens esse non possit, quam absentiam duorum mensium, dum eam ex causa rationabili facere voluerit, Decano loci tenebitur intimare; alioquin Ecclesiæ fructus facere non possit pro anno suæ absentie memorata.

Item injungimus Curatis, Capellanis & Beneficiariis nostræ Diocesis, quatenus infra annum suorum beneficiorum, domos & ædificia sustentent, & debite reparent. Quod si in præmissis negligentes fuerint, aut remissi, Decanus loci hujusmodi beneficiorum fructus statim arrester, & de dictis fructibus reparationes in hujusmodi ædificiis necessarias indilate fieri faciat. Et nisi circa præmissa Decani vigilaverint, & diligentiam fecerint; volumus & ordinamus, quod hujusmodi reparationes necessariæ, propriis sumptibus & expensis dictorum Decanorum negligentium fiant & expleantur.

Item præcipimus, quod quicumque Beneficiarij, Nobis subditi, omnia bona & redditus suorum beneficiorum, tam in Missalibus, quam in aliis libris authenticis, scripto fideliter redigant, & alienata recuperent. Inhibemus etiam eisdem, ne quidquam de dictis bonis vendere, aut alienare, seu parentibus, consanguineis, aut aliis personis dare, assignare, seu transferre, nec de dictis bonis quidquam acquirere, nisi ad opus beneficii possint aut valeant quovis modo: etiam nec in fundis alienis quidquam de hujusmodi bonis ædificare quoquo modo præsumant: decernentes nullum & invalidum, quidquid secus factum fuerit.

Item inhibemus quibuscumque Prælati, Presbyteris, & Beneficiariis, Nobis subditis, ne libros, calices, vestes, jo-calia seu ornamenta suarum Ecclesiarum & Beneficiorum Divino cultui dedicata, vendant, alienent, impignorent, aut

alias de eisdem disponant, quominus res ipsæ officio Divino in Ecclesiis prædictis applicari valeant.

Item statuimus, quod si quis Presbyter terras sui beneficii ad censam sine fraude concesserit, & postquam censitor per ejus laborem, expensas & industriam, hujusmodi terras melioraverit, dictum Presbyterum ante terminum censæ contingat decedere, vel resignare, eo casu successor in beneficio decedentis vel resignantis, hujusmodi censam approbare, aut censitori meliorationem ipsam arbitrio & judicio proborum reddere & refundere teneatur, & si super his oria-tur discordia, illam per Officialem nostrum terminari volumus.

Item quia aliqui abusus circa regimen beneficiorum nostræ Diocesis tam in Divinis, quam in administratione bonorum eorundem fieri & committi possent, ex quo Ecclesiarum bona perduntur, & diminuuntur; prohibemus, ne deinceps aliquis Beneficiarius in dicta nostra Diocesi bona, terras, redditus & proventus sui beneficii Nobis subditi, ullo modo in emphiteusim, neque etiam ultra novem annos in arrendam, seu ad firmam, aut locationem dare, nec aliquas commutationes terrarum, bonorum, seu hereditagiorum dictorum beneficiorum ad alia, aut cum aliis facere præsumat absque nostra, aut Vicariorum, seu Officialis nostrorum licentia & autoritate. Quod si quis contra fecerit, contractus ipse nullus sit, & arbitrarie puniatur.

Item Decanis nostris Christianitatis districtè præcipimus, quatenus debite & diligenter inquirent, & Curie nostræ referant, an per Presbyteros idoneos, Nobis subditos, seu admissos, in Capellis, & aliis beneficiis nostræ Diocesis non curatis, Missæ, & alia Divina officia secundum institutionem beneficiorum, & intentionem fundatorum debite celebrentur. Et si negligentia comperiat in his & similibus, volumus debite provideri.

Item injungimus Decanis nostris, quatenus diligenter inquirent, & Curie nostræ referant, si in Ecclesiis, Monasteriis, Prioratibus, & Hospitalibus, & aliis locis piis nostræ Diocesis cultus Divi-

Divinus debite fiat, & si debitus Religioforum, vel aliarum Ecclesiasticarum personarum ad hoc determinatus numerus pro servitio Divino celebrando in eisdem resideat: inhibentes Abbatibus, Prioribus, & aliis Ecclesiasticis personis quibuscumque; ne tantum de bonis ipsarum Ecclesiarum capiant, aut extorqueant, quod residuum huiusmodi bonorum sufficere nequeat ad sustentationem Religioforum, & aliarum Ecclesiasticarum personarum, in dictis locis deservientium, aut ibidem existentium, atque ad reparationes aedificiorum, aliasque necessitates ipsis in Ecclesiis & locis incumbentes.

Item injungimus & præcipimus Decanis nostris, ne aliquem Presbyterum ad deservendum Ecclesiæ Parochiali recipiant, nisi prius eis constiterit per nostras, aut Vicariorum nostrorum patentes literas, dictum Presbyterum Nobis præsentatum, & per Nos admissum fuisse. Volumus enim fructus Ecclesiæ, cujus servitio Presbyter non præsentatus, & admissus se intruserit, statim per Decanum loci arrestari, & sub manibus nostris gubernari; ut ibidem tam ad officium Divinum, quam alias, auctoritate nostra debite provideatur.

Item præcipimus & injungimus, sub pœna excommunicationis & anathematizationis, omnibus & singulis, qui celaverint & celant feuda, jura, redditus & proventus, ad Ecclesiam nostram Tornacensem & Episcopatum nostrum, seu alias Ecclesias, vel Beneficia nostræ Diœcesis spectantia, & pertinentia, & eis, qui sciverint aliqua de præmissis fuisse & esse male alienata, aut substracta; quatenus infra duos menses, postquam præmissa sciverint, Nobis, & Curia nostræ referre & revelare non omittant.

De Litterarum & Mandatorum nostrorum, & Curia nostræ Executione.

CAPUT XIII.

Item præcipimus & mandamus Curatis, Vice-Curatis, Presbyteris, & Notariis, Nobis subditis, quatenus literas & mandata Curiarum nostrarum eis directæ, viriliter & diligenter exequantur: nec non literas excommunicatorias

& aggravatorias infra summæ Missæ celebrationem, diebus Dominicis & Festivis, alta voce publicent coram populo, ut excommunicati vitari, nec causam ignorantia prætereundere possint: injungendo eisdem Executoribus, ut quater in anno in dictis Ecclesiis suis, dum aderit populi multitudo, registra interdictorum, & excommunicatorum, absque dissimulatione legant, & publicare non omittant. Nec differant, vel postponant, literarum & mandatorum executiones facere, vel portitoribus, seu procuratoribus huiusmodi literas reddere, & restituere executas, propter minas, inhibitiones, seu requestas, vel preces DD. temporalium, seu quarumcunque aliarum personarum. Et si dictarum literarum, & mandatorum executores videant, aut formident portitoribus literarum periculum imminere; eos dirigere, & a dicto periculo liberare, quantum in eis fuerit, procurent: ac literas & mandata ipsis portitoribus statim reddant executas, ita quod non habeant expectare, nisi voluerint.

Item inhibemus omnibus & singulis literarum inhibitoriarum per Clericos impetratarum executoribus; ne in executione earum, formam solitam prætermittant: videlicet, si in ipsis literis inhibitoriis contineatur clausula, si pro levi vel pro gravi delicto &c. advertant Executores, si delictum Clerico impositum grave existat, & eo casu sint adeo de dicto Clerico securi, ut quantocyus poterunt, ad prisonas Curia nostræ adducatur: & si delictum leve fuerit, ipsum Clericum, mediante cautione, ad certam diem ad Curiam nostram transmittant, ad vel infra quam diem executor Officiali nostro Clerico impositi declarationem, una cum nominibus pro eo cautionem præstantium, referat vel scribat. Ordinantes insuper, & statuentes, quod Decanus, vel alter quicumque dictarum literarum inhibitoriarum executor, pro sola executione facta in villa, vel oppido, qua dictus executor residebit, ultra duodecim solidos monetæ Flandriæ a Clerico exigere non valeat, & si extra villam vel oppidum pro executione fienda dictum executorem accedere, aut pluribus diebus vacare contingat, sit moderato salario contentus. Quod si ultra justum &

moderatum salarium exegerit, ipsum, etiam Clerico non instante, ad restitutionem compelli, & acerrime puniri volumus & mandamus.

Item ad obviandum fraudibus & malitiis, quæ per abusores sub umbra falsarum literarum sæpius contra simplices personas Nobis subditas committuntur, eas ad diversa judicia & loca citando, monendo, ac expensis & laboribus multipliciter inquietando; statuimus & ordinamus, ne de cætero qui literas aliarum Curiarum in nostris civitate & Diœcesi exequi præsumant; nisi prius per Officium nostrum dictæ literæ visæ, & per ejus placitum roboratæ fuerint.

De Sententia Excommunicationis, & cessatione a Divinis.

CAPUT XIV.

Item Prædecessorum nostrorum vestigia insequentes, tam autoritate Ss. Canonum, quam in vim Statutorum & constitutionum Provincialium, & Synodaliū hæcenus editarum, quas & quæ volumus, in suo robore permanere, nec eis derogare intendimus: excommunicatos publice nuntiari mandamus per Ecclesiarum Rectores, ac alios Presbyteros, omnes & singulos utriusque sexus incendiarios, & Ecclesiarum infractores, seu violatores.

Item omnes illos, & illas, qui contractis sponsalibus in civitate & Diœcesi Tornacensi, etiam si super hoc banni fuerint proclamati, vel non, absque nostra, aut Curie nostræ licentia speciali, in alia Diœcesi matrimonium contrahunt, aut solemnizant, & qui præmissis scieñter interesse, vel ad hoc consilium, favorem, & auxilium præbere præsumunt.

Item omnes illos, & illas, qui scieñter in gradu prohibito, vel tempore a jure interdicto, matrimonium simul contrahunt, ac illos & illas, qui post conventiones, vel sponsalia consummare præsumunt, solemnitate Ecclesiæ omiffa. Omnes etiam illos vel illas, qui, vel quæ sponsalibus, aut matrimonio aliquod impedimentum fiste inveniunt, & confingunt, quominus ad matrimonium procedatur.

Item omnes & singulos tam Clericos, quam laicos, qui conjurationes, aut verius conspirationes, communibus eorum expensis, aut alias faciunt ad præstandum impedimenta contra libertates Ecclesiasticas, & jurisdictionem nostram spirituales.

Item omnes & singulos, qui subditis nostris inhihent, ne unus alium in foro Ecclesiastico trahat, aut conveniri faciat, aut alias directè vel indirectè jurisdictionem nostram impediunt.

Item omnes & singulos, qui tallias, subsidia, angarias, aut alia indebita & extraordinaria onera Viris Ecclesiasticis inducunt & imponunt: eas ab ipsis exigunt & recipiunt, nisi ipsi Ecclesiastici ex causa hoc liberaliter concesserint.

Item omnes, & quoscunque jurisdictionis nostræ perturbatores, & libertatis Ecclesiasticæ violatores, Patrum Decreta, aliasque Sanctiones Canonicas insequendo, sententiæ excommunicationis subiacere declaramus.

Item omnes & singulos Religiosos, exemptos & non exemptos, qui absque nostra, aut Curie nostræ licentia, regimini Ecclesiæ Parochialis, Sacramentorum matrimonii, vel alterius administrationi præsumpserint se immiscere.

Item omnes & singulos, qui litigando in Curia nostra, vel ad eam querelando accedentes, impediunt minis, prohibitionibus, aut alias directè vel indirectè; quo minus causas in Curia nostra prosequantur, aut propter hæc eis, aut eorum consanguineis, vel affinibus, molestias per se vel per alios inferunt, aut inferri procurant, vel eis auxilium, consilium, aut favorem præstant.

Item omnes & singulos Presbyteros & Clericos, qui torneamentis, aut hastiludiis, sive talibus actibus se immiscere præsumunt.

Item omnes & singulos, qui statuta fabricant, edunt, & servant, ac servari faciunt contra Ecclesiasticam libertatem: etiam statuarios & scriptores hujusmodi statutorum, nec non qui talia faciunt statuta, & illa præcipiunt & mandant observari, & secundum ea judicant, in præjudicium Ecclesiasticæ libertatis.

Item excommunicari mandamus omnes

nes illos, & illas, qui matrimonialiter conjuncti ab invicem se separant, & seorsim se tenent, absque judicio Ecclesiæ.

Item excommunicatos nuntiari mandamus omnes exemptos & non exemptos, qui etiam interdicti tempore usurarios publicos, aut excommunicatos sepeliunt in loco sacro.

Item excommunicatos nuntiari mandamus omnes & singulos, privilegio Clericali gaudere debentes, qui pro excessibus & delictis, per eos commissis, sponte & voluntarie respondent coram laicalibus iustitiariis, & se eorum ordinationi submitunt. Et ultra hæc ordinamus, dictos Clericos ex officio Curia nostræ citari, & Canonica punitione gravissime puniri.

Item excommunicatos nuntiari mandamus omnes & singulos, qui cogunt & compellunt per captionem, minas, aut alium terrorem, Clericos ad deponendam Tonfuram, & ad inducendum contra eorum voluntatem vestes non Clericales, & se submitendum iustitiæ seculari.

Item excommunicatos nuntiari mandamus omnes & singulos, qui prohibent directe vel indirecte, ne victualia, aut alia bona Presbyteris, Religiosis, vel aliis Ecclesiasticis personis vendantur seu expendantur.

Item excommunicatos nuntiari mandamus omnes & singulos, qui in odium jurisdictionis Ecclesiasticæ Presbyteros, Religiosos, aut alios Ecclesiasticos, quos sciunt iudicio Ecclesiæ se submittere, & ad forum Ecclesiasticum recurrisse, vexant, molestant, vel exleges faciunt, seu alias inquietant quoquo modo.

Item excommunicatos nuntiari mandamus omnes & singulos, qui aliquem confugientem, vel se tenentem in Ecclesia, vel Cœmiterio, aut loco sacro immunitatis habendæ gratia, capiunt, percutiunt, vulnerant, aut violenter extrahunt, & eos, qui ad hoc auxilium, consilium & assistentiam præbent.

Item excommunicatos nuntiari mandamus omnes illos, qui nostras, aut Curia nostræ, seu Decanorum nostrorum literas a portitoribus violenter capiunt, lacerant, vel eosdem portitores verberant, percutiunt, aut male tractant, & qui hæc fieri mandant.

Item excommunicatos nuntiari mandamus omnes & singulos, qui Decanos nostros impediunt, ne libere teneant suas Synodos, & ob hoc testes, seu Scabinos Synodales male tractant, vel eis in odium eorum officii injuriantur, & qui in hoc eis auxilium, seu consilium præbent atque favorem.

Item excommunicatos nuntiari mandamus omnes & singulos, qui cogunt aliquem in locis interdicto suppositis Divina celebrare: & qui interdictos & excommunicatos in Ecclesia ad audiendum Divina evocare præsumunt: & qui excommunicatis prohibent, ne Ecclesia exeant. Quod si interdicti, & excommunicati hujusmodi per celebrantem exire moniti, non recedant; illico celebrantem a Divinis cessare volumus. Poterunt tamen hi interdicti & excommunicati in Ecclesia interesse, dum in ea prædicabitur verbum Dei; proviso, quod prædicatione facta, statim inchoato servitio Divino recedant.

Item præcipimus, quod in Parochia, in qua Canonicus, Curatus, seu Capellanus, infra nostras civitatem & Diocesim Beneficiatus, vel Presbyter de nostris civitate & Diocesi oriundus, seu qui alienæ Diocesis ad deferendum Ecclesiæ Parochiali, aut Capellanæ, per Nos, aut Curiam nostram institutus, verberatus, aut vulneratus fuerit, mox ibidem a Divinis cessetur. Et si ipsum Curatum, Capellanum, aut Presbyterum, vel nostrarum, aut Curia nostræ literarum executorem seu portitorem interfici contingat, quod absit; præcipimus, undique ad unam leucam a loco criminis perpetrati, mox cessari a Divinis, & nihilominus occisores singulis diebus Festivis publice in Ecclesiis denuntientur excommunicati.

Item ubicumque portitores literarum & mandatorum, aut literæ & mandata Curia nostræ, & pariter ubi Presbyter, aut literarum executores capiuntur & detinentur inviti, tam in loco captionis, quam detentionis, præcipimus & mandamus cessari a Divinis.

Item statuimus, ut si aliqui reperti fuerint, cessationem a Divinis indebite indici procurasse, per Officiale nostrum ad expensas legitimas, & interesse partis con-

condemnentur, & alias gravissime puni-
antur.

Monemus insuper omnes illos & il-
las, qui sententiam excommunicationis,
quavis autoritate latam, per annum &
amplius pertinaciter sustinuerunt corde &
animo induratis; quatenus infra duorum
mensium spatium proxime computando
mensium absolutiones suas in forma debita ob-
tineant. Alioquin contra ipsos excom-
municatos, prout jura volunt, & requi-
runt Canonica Sanctiones, Canonicè
procedemus. Curatis vero & Vice-Cu-
ratis dictæ nostræ Diocesis districtè injun-
gimus, quatenus omnibus & singulis
Parochianis suis (sicut præmittitur) ex-
communicatis, præsentem nostram moni-
tionem tam ad eorum proprias personas,
quam in plenis suis Ecclesiis, diebus Do-
minicis & Festivis, populo inibi ad audi-
endum Divina congregato, palam &
publice notificent & insinuent. Nec non
eosdem excommunicatos, & quemlibet
eorum nominatim & expresse moneant,
ut a dicta excommunicationis sententia
se absolvi faciant. Monitorum vero hu-
jusmodi nomina & cognomina, suis pa-
rentibus literis infra mensem proximum
Curia nostræ omni excusatione & favo-
re postpositis, significant, ut contra eos;
prout justum fuerit, procedatur.

Item præcipimus Decanis nostris
Christianitatis, ut quolibet anno repor-
tent in scriptis nomina & cognomina illo-
rum, qui per annum & ultra non formi-
dant in Excommunicationis sententia per-
manere: contra quos, tanquam in fide
suspectos, nisi pœnituerint, & absolu-
tionis beneficium meruerint obtinere,
procedi volumus & mandamus.

De Prædicatoribus & Quæstoribus.

CAPUT XV.

Item inhibemus Decanis nostris, ac
omnibus & singulis Ecclesiarum Rectori-
bus, ne aliquem Religiosum, aut alium,
ad prædicandum, seu confessiones subdi-
torum nostrorum audiendum, vel ad de-
serviendum Ecclesiæ Parochiali, vel alte-
ri beneficio, seu officio Ecclesiastico no-
stræ Diocesis admittant, seu admitti per-
mittant; nisi per literas nostras, aut Vi-
cariorum nostrorum constiterit, ipsum

Nobis præsentatum, & per Nos admis-
sum fuisse & esse. Ordinantes, ut Reli-
giosi, si terminarii fuerint, terminis eo-
rum consuetis finitis, ad eorum Conven-
tum absque longiori mora in Domino re-
vertantur.

Item injungimus eisdem Decanis,
& Curatis, quod pseudo-prædicatores,
id est, vagos quæstuarios, indulgentia-
rum, aut confratriarum, aut reliquiarum
subdolos affirmatores, qui suis abusioni-
bus Ecclesiam Dei erroribus, & scanda-
lis dedecorant, & quibus prædicatio jure
prohibetur, nequaquam recipiant. Su-
per quo singulis notum facimus, quod
nullas plenarias indulgentias in nostra
Diocesi publicari permittere intendimus,
præter eas, quibus de novo sumus assen-
suri: irritantes superius assignatas, quia
cum majore examine volumus insistere,
ne populus ipse decipiatur, & Curati
jure suo fraudentur.

Item monemus, quod Curati no-
stræ Diocesis & Vicarii habeant fabricam
matricis Ecclesiæ Tornacensis, multum
indigentem; super quæstas omnes singu-
lariter commendatam; quatenus declara-
ta per eos subditis suis ejus indigentia,
pias eorum elemosynas studiose recipi-
ant, & iis, qui prædictæ fabricæ curam
habebunt, fideliter reddant.

Item præcipimus, quod quæstuarii,
sive quæstores, absque nostra, seu Vica-
riorum nostrorum, aut Curia nostræ li-
centia speciali, in Ecclesiis, plateis & vi-
cis negotia suarum quæstarum exponere,
vel Verbum Dei prædicare non permit-
tantur: inhibendo Decanis, & quibus-
cumque aliis subditis nostris, ne literas
quæstæ alicui pro casu quocumque con-
cedant, nostra Curia prædicta inconsulta:
nec permittant, quæstores suas quæstas
exponere diebus solemnibus, quibus
populus communicare consuevit: utpote
in Festis Paschæ, Pentecostes, omnium
Ss. Nativitatis Domini, Dedicationis Ec-
clesiæ, & Patroni loci.

Item statuimus, ut nullus quæstor
admittatur in aliqua Ecclesia, nisi prius
ibidem facta quæsta generali pro paupe-
ribus, infirmis, & miserabilibus personis
illius loci, sive Parochiæ: quibus de bo-
nis prius Parochianorum est subvenien-
dum. Et nuntient Presbyteri suis Paro-
chianis

chianis, diebus Festivis, quod ex determinatione Concilii Provincialis, cuilibet Parochiano elemosynam dictis pauperibus, infirmis & miserabilibus personis eroganti, Episcopus loci quadraginta dies indulgentiarum concessit.

De Convocationibus Decanorum.

CAPUT XVI.

Item cum Decani nostri Christianitatis convocationem suorum Curatorum in aliquibus locis ter, & aliis locis quater in anno, temporibus minus aptis tenere consueverint, statuimus & ordinamus, quod amodo dicti Decani nostri hujusmodi suas convocationes teneant & faciant duntaxat ter in anno: videlicet primam inter Festum Epiphaniæ & Purificationis B. M. secundam inter Dominicam *Exaudi* & Festum Trinitatis. Tertiam vero inter Festum S. Remigii & omnium Ss.

Item præcipimus & mandamus, quod omnes Curati Nobis subditi, diebus & terminis prædictis, in dictis convocationibus ac locis, per dictos Decanos qualibet vice deputandis, personaliter compareant; nisi gravi infirmitate, aut alio legitimo impedimento (de quibus literatorie fidem facere teneantur) oppressi fuerint. Et qui in his negligentes & desertuosi fuerint, per Curiam nostram, tanquam rebelles & inobedientes, puniri volumus & mandamus.

Item quia tam per mortem, quam alias, Ecclesiarum nostræ Diœcesis Rectores nonnunquam renovari contingit, volumus & ordinamus, quod illi, seu illis, cui, vel quibus regimen curæ animarum per Nos, aut Vicarios nostros, de novo committeretur, in proxima convocatione, quæ fiet post hujusmodi onus sibi commissum, Statuta nostra debite collationata, & per Decanum loci signata ad instar aliorum Curatorum nostræ Diœcesis (qui anno quolibet post Festum Purificationis Gloriosæ Virginis Mariæ, talia Statuta nostra portare, & Decano nostro Christianitatis loci, sub quo erunt, præsentare tenebuntur) secum portent, & suo Decano ostendant.

De Comparitione ad Synodum & eam tangentibus.

CAPUT XVII.

Item omnibus & singulis, qui nostræ Synodo tenentur interesse, ad comparandum in nostra proxima Synodo, feria tertia post Dominicam *Misericordia Domini*, anno revoluto, in Ecclesia nostra S. Salvatoris Brugenlis, hora sexta de mane diem assignamus, ac eis, & eorum cuilibet, absque alia evocatione intimamus & insinuamus; nisi interim aliter auctoritate nostra fuerit ordinatum.

Item statuimus, ut quicumque Canonico impedimento detenti, ad nostram Synodum comparere non valent, Procuratores cum literis suis mittant, suscepturos quidquid Synodus ipsa rite statuerit. Procuratores autem suos ita instructos mittant, ut in animas eorum jurare possint, quod Canonico impedimento sunt detenti, cujus impedimenti species, sive causa, in ipso procuratorio exprimat; alioquin mittentes pro excusatis non habebuntur.

Item præcipimus, ut venientes ad Synodum honeste incedant, & in honestis hospitiiis se recipiant, sumptus moderatos faciant, & in veniendo, stando, ac recedendo nimiam faciant moram, nec recedant absque licentia. Injungentes Decanis nostris, ut cum albis & stolis, cæteris autem Presbyteris, ut cum superpelliciis dictæ Synodi celebrationi intersint.

Item præcipimus, ut singuli Presbyteri, qui ad Synodum hujusmodi venire tenentur, constitutiones nostras Synodales habeant, & si contigerit, eisdem additiones, subtractiones, aut mutationes fieri, ad nostrum exemplar corrigant & emendent. Statuendo insuper, & Parochialium Ecclesiarum Rectoribus districtè præcipiendo & injungendo, ut hujusmodi Constitutiones & Statuta publicent, & maxime ea, quæ continentur in Capitulo, sive titulo: *De immunitate Ecclesiarum, & de sententia excommunicationis*; ac in vulgari exponant in Ecclesiis suis Parochialibus quater in anno, videlicet, ipso die Pentecostes, in Festo B. Remigii in capite Octobris, in Festo Nativitatis Domini, & Dominica in Ramis Palmarum,

infra Missarum solemniam, immediate post Offertorium.

Item revocamus omnes, & singulas gratias tam super non residentiis beneficiorum, quam aliis quibuscumque, per Nos, aut Vicarios nostros hactenus, quacunque occasione, quibusvis personis, tam Ecclesiasticis, quam sæcularibus factas, ac eas & literas inde factas cassamus & annullamus, nisi expresse clausula: Synodali revocatione, interim forsan facienda, non obstante, in eisdem contineatur.

Postremo cupientes salutem animarum subditorum nostrorum more pii Patris, & boni Pastoris, providere, omnibus & singulis utriusque sexus personis dictæ nostræ Diocesis, sententiis interdicti & excommunicationis, ad instantiam & prosecutionem suorum creditorum nostræ, vel Curie nostræ Tornacensis auctoritate, ligatis & innodatis, quæ infra Festum Nativitatis Domini nostri Jesu Christi proxime venturum, suis Creditoribus satisfaciant, aut cum ipsis concordabunt, sicque in eorum absolutionem consentient, de quo Officiariis nostris debite constiterit, volumus, & de gratia speciali indulgemus, quatenus eorum absolutionem a Nobis, seu dictis Officiariis nostris gratis, & sine expensis pro hac vice obtineant & assequantur: mandantes omnibus & singulis Curatis, & Vice-Curatis nostræ Diocesis, quatenus hujusmodi nostram gratiam in suis Ecclesiis Parochialibus, & alibi, ubi opus fuerit, quamprimum, & repetitis vicibus publice legant, notificent, & diligenter insinuent.

Lectæ & publicata fuerunt Statuta Synodalia præscripta in Synodo Episcopali Tornacensi per præfatum Rm in Christo Patrem, & D. Ludovicum Episcopum Tornacensem, in sua Ecclesia Tornacensi celebrata, assistentibus sibi Rdo in Christo Patre & D. Nicolao Episcopo Sarreptano, Suffraganeo, ac DD. & Magistris Petro Cotrel in legibus Licen-

tiato, dicti Rdi in Christo Patris Vicario Generali Brugensi, Balthasar de Cordes utriusque Juris Doct. Officiali, & Gandensi in Ecclesia Tornacensi Archidiaconi, Guillermo Bernard Sigillifero, Joanne Corvillain, Ludovico Fabri, Jacobo de Boudt partium Flandriæ Procuratoribus, Jacobo van Thielt Ecclesiæ B.M. Curtracensis Cantore & Canonico, Secretariorum Vicariatus dicti R. in Christo Patris altero, Laurentio de Thiedeghem, Joanne Beudins Scribis Curie Tornacensis, ac Gossuino Ridon ejusdem Curie Tornacensis Apparitore. Per me Leonem Haccart dictæ Tornacensis Ecclesiæ Canonicum ac Vicarium prædicti Secretariorum alterum. Feria tertia post Dominicam *Quasimodo*, mensis Aprilis die 17. post Pascha, Anno Domini MDXX. Præsentibus ibidem RR. Patribus & DD. SS. Nicolai in Pratis juxta Tornacum, Bartholomei de Ecchoute apud Brugenses, & Phalempini S. Augustini, ac B. Andreæ juxta Brugas B. Benedicti respective Ordinum Monasteriorum Abbatibus, ac Prioribus Monasteriorum Ss. Petri & Bavonis Gandensis, prædicti ordinis S. Benedicti, & S. Petri Thorakensis Præposito, nec non Domino temporalis de Vichta, pluribusque aliis diversorum DD. Prælatorum, & temporalium Procuratoribus, ac XII Decanis Christianitatis, una cum Curatis, & Vice-Curatis suorum Decanatum, & pluribus aliis Beneficiatis Diocesis Tornacensis ibidem comparentibus, ad præmissa vocatis.

Collat. cum exemplari authentico Biblioth. Eccles. Catbedr. Tornac. Ex impressa Insulis Summa Statutorum Synodali-um Diocesis Tornacensis, curante Jacobo le Groux, Monte Pabulamo, Pastore in Marque en Baveul.



Bulla Apostolica LEONIS Papæ X.

Contra Errores Martini Lutheri & Sequacium.

Anno Christi MDXX. Leonis X. PP. VIII.

Caroli V. Imp. II.

LEO EPISCOPUS, SERVUS SERVORUM DEI, AD PERPETUAM

REI MEMORIAM.

EXsurge Domine, & judica causam tuam: memor esto improprietatum tuorum eorum, quæ ab insipientibus fiunt tota die: Inclina aurem tuam ad preces nostras, quoniam surrexerunt vulpes, quærentes demoliri vineam; cujus tu torcular calcasti solus, & ascensus ad Patrem, ejus curam, regimen & administrationem Petro tanquam Capiti, & tuo Vicario, ejusque Successoribus, instar triumphantis Ecclesiæ, commisisti. Exterminare eam nititur aper de sylva, & singularis ferus depascitur eam. Exsurge Petre, & pro Pastoralis cura præfata, tibi, ut præfertur, divinitus demandata, intende in causam Sanctæ Romanæ Ecclesiæ, matris omnium Ecclesiarum, ac fidei magistræ, quam tu jubente Deo, tuo sanguine consecrasti: contra quam, sicut tu præmonere dignatus es, insurgunt magistri mendaces, introducunt sectas perditionis, sibi celerem interitum superducentes: quorum lingua ignis est, inquietum malum, plena veneno mortifero, qui zelum amarum habentes, & contentiones in cordibus suis gloriantur, & mendaces sunt adversus veritatem. Exsurge Tu quoque, quæsumus, Paule, qui eam tua doctrina, ac pari martyrio illuminasti, atque illustrasti. Jam enim surgit novus Porphyrius, quia sicut ille olim Sanctos Apostolos injuste momordit, ita hic Sanctos Pontifices, Prædecessores nostros, contra tuam doctrinam, eos non obsecrando, sed increpando mordere, lacera- re, ac ubi causæ suæ diffidit, ad convitia accedere non veretur, more hæreticorum, quorum, ut inquit Hieronymus, ultimum præsidium est; ut cum conspiciant causas suas damnatum iri, incipiant virus serpentis lingua diffundere, & cum se victos conspiciant, ad

contumelias proflire. Nam licet hæreses esse ad exercitationem fidelium Tu dixeris oportere, eas tamen ne incrementum accipiant, neve vulpeculæ coalescant, in ipso ortu Te interdicente, & adjuvante extingui necesse est.

Exsurgat denique omnis Sanctorum, ac aliqua universalis Ecclesia, cujus vera sacrarum literarum interpretatione posthabita, quidam, quorum mentem pater mendacii excæcavit, ex veteri hæreticorum instituto apud semetipsos sapientes scripturas easdem aliter, quam Spiritus Sanctus flagitet, proprioduntaxat sensu, ambitionis, auræque popularis causæ teste Apostolo interpretantur, imo vero torquent & adulterant, ita ut juxta Hieronymum jam non sit Evangelium Christi, sed hominis, aut, quod pejus est, Diaboli. Exsurgat, inquam, præfata Ecclesia Sancta Dei, & una cum Beatissimis Apostolis præfatis apud Deum Omnipotentem intercedat, ut purgatis ovium suarum erroribus, eliminatisque a fidelium sinibus hæresibus universis, Ecclesiæ suæ sanctæ pacem & unitatem conservare dignetur.

Dudum siquidem, quod præ animi angustia & mœrore exprimere vix possumus, fide dignorum relatu ac fama publica referente, ad nostrum pervenit auditum, imo vero proh dolor! oculis nostris vidimus ac legimus multos & varios errores, quosdam videlicet jam per Concilia ac Prædecessorum nostrorum Constitutiones damnatos, hæresin etiam Græcorum & Bohemicam expresse continentes, alios vero respectu vel hæreticos, vel falsos, vel scandalosos, vel piarum aurium offensivos, vel simplicium mentium seductivos, a falsis fidei cultoribus, qui per superbam curiositatem mundi gloriam cupientes, contra

Tomus VI. Concilior. German.

Y 2

Apo-

Apostoli doctrinam plus sapere volunt quam oporteat, quorum garrulitas, ut inquit, Hieronymus, sine Scripturarum autoritate non haberet fidem, nisi viderentur perverſam doctrinam, etiam Divinis testimoniis, male tamen interpretatis, roborare: a quorum oculis Deus timor receſſit, humani generis hoſte ſuggerente noviter ſuſcitatos, & nuper apud quosdam leviores in inclyta natione Germanica ſeminatos. Quod eo magis dolemus ibi eveniſſe, quod eandem nationem, & Nos & Prædeceſſores noſtri in viſceribus ſemper geſſerimus caritatis. Nam poſt translatum ex Græcis a Romana Eccleſia in eosdem Germanos Imperium, iidem Prædeceſſores noſtri & Nos ejuſdem Eccleſiæ advocatos, defenſoresque ex eis ſemper accepimus; quos quidem Germanos Catholici veritatis vere germanos conſtat hæreſeon acerrimos oppugnatores ſemper fuiſſe, cujus rei teſtes ſunt laudabiles illæ Conſtitutiones Germanorum Imperatorum prolibertate Eccleſiæ, proque expellendis, exterminandisque ex omni Germania hæreticis ſub graviffimis pœnis, etiam amiſſionis terrarum & Dominiorum contra receptatores, vel non expellentes, olim editæ, & a noſtris Prædeceſſoribus confirmatæ: quæ ſi hodie ſervarentur; & Nos & ipſi utique hac moleſtia careremus. Teſtis eſt in Concilio Conſtanti-enſi Huſſitarum ac Wicleſſitarum, nec non Hieronymi Pragensis damnata ac punita perſidia: teſtis eſt toties contra Bohemos Germanorum ſanguis effuſus: teſtis denique eſt prædictorum errorum, ſeu multorum ex eis per Colonienſem & Lovanienſem univerſitates, utpote agri Dominici piſſimas religioſiſſimasque cultrices, non minus docta, quam vera ac ſancta conſutatio, reprobatio & damnatio. Multa quoque alia allegare poſſemus, quæ, ne hiftoriam texere videamur, prætermittenda cenſuimus. Pro Paſtoralis igitur officii, Divina gratia Nobis injuncti, cura, quam gerimus, prædictorum errorum virus peſiferum ulterius tolerare, ſeu diſſimulare ſine Chriſtianæ religionis nota atque orthodoxæ fidei injuria, nullo modo poſſumus. Eorum autem errorum aliquos præſentibus duximus inferendos, quorum tenor ſequitur, & eſt talis:

I. Hæretica ſententia eſt, ſed uſitata, Sacramenta novæ legis juſtificantem gratiam illis dare, qui non ponunt obicem.

II. In puero poſt Baptiſmum negare remanens peccatum, eſt Paulum & Chriſtum ſimul concuſcare.

III. Fomes peccati, etiamſi nullum adſit actuale peccatum, moratur exeuntem a corpore animam ab ingreſſu Cœli.

IV. Imperfecta caritas morituri fert ſecum neceſſario magnum timorem, qui ſe ſolo ſatis eſt facere pœnam purgatorii, & impedit introitum regni.

V. Tres eſſe partes pœnitentiæ, contritionem, confeſſionem & ſatiſfactionem, non eſt fundatum in ſacra Scriptura, nec in antiquis ſanctis Chriſtianis Doctõribus.

VI. Contritio, quæ paratur per diſcuſſionem, collationem & deteſtationem peccatorum, qua quis recogitat annos ſuos in amaritudine animæ ſuæ, ponderando peccatorum gravitatem, multitudinem, ſeditatem, amiſſionem æternæ beatitudinis, ac æternæ damnationis acquiſitionem, hæc contritio facit Hypocritam, imo magis peccatorem.

VII. Veriſſimum eſt proverbium, & omnium doctrina de contritionibus hucusque data præſtantius: De cætero non facere, ſumma pœnitentia. Optima pœnitentia, nova vita.

VIII. Nullo modo præſumas conſiteri peccata venialia, ſed nec omnia mortalia; quia impoſſibile eſt, ut omnia mortalia cognolcas: unde in primitiva Eccleſia ſolum manifeſta mortalia conſitebantur.

IX. Dum volumus omnia pure conſiteri, nihil aliud facimus, quam quod Miſericordiæ Dei nihil volumus relinquere ignoſcendum.

X. Peccata non ſunt ulli remiſſa, niſi remittente Sacerdote credat ſibi remitti: imo peccatum maneret, niſi remiſſum crederet; non enim ſufficit remiſſio peccati, & gratiæ donatio; ſed oportet etiam credere, eſſe remiſſum.

XI. Nullo modo conſidas, abſolvi propter tuam contritionem; ſed propter ver-

verbum Christi: *Quodcumque solveris &c.* Hic, inquam, confide, si Sacerdotis obtrueris absolutionem, & crede fortiter te absolutum, & absolutus vere eris, quidquid sit de contritione.

XII. Si per impossibile confessus non esset contritus, aut Sacerdos non serio, sed joco absolveret; si tamen credat se absolutum, verissime est absolutus.

XIII. In Sacramento pœnitentiæ ac remissione culpæ non plus facit Papa, aut Episcopus, quam infimus Sacerdos: imo tibi non est Sacerdos, æque tantum quilibet Christianus, etiam si mulier, aut puer esset.

XIV. Nullus debet Sacerdoti respondere, se esse contritum, nec Sacerdos requirere.

XV. Magnus est error eorum, qui ad Sacramenta Eucharistiæ accedunt huic innixi, quod sint confessi, quod non sint sibi conficii alicujus peccati mortalis, quod præmiserint orationes suas & præparatoria: omnes illi iudicium sibi manducant & bibunt; sed si credant, & confidant, se gratiam ibi consecuturos; hæc sola fides facit eos puros & dignos.

XVI. Consultum videtur, quod Ecclesia in communi Concilio statueret, Laicos sub utraque specie communicandos: nec Bohemi communicantes sub utraque specie sunt hæretici, & schismatici.

XVII. Thesauri Ecclesiæ, unde Papa dat Indulgentias, non sunt merita Christi & Sanctorum.

XVIII. Indulgentiæ sunt piæ fraudes fidelum, & remissiones bonorum operum, & sunt de numero eorum, quæ licent; & non de numero eorum, quæ expediunt.

XIX. Indulgentiæ his, qui veraciter eas consequuntur, non valent ad remissionem pœnæ, pro peccatis actualibus debiti apud Divinam iustitiam.

XX. Seducuntur credentes Indulgentias esse salutare, & ad fructum Spiritus utiles.

XXI. Indulgentiæ necessariae sunt solum publicis criminibus, & proprie conceduntur duris solummodo & impatientibus.

XXII. Sex generibus hominum indulgentiæ nec sunt necessariae, nec utiles: videlicet mortuis seu morituris, infirmis, legitime impeditis; his, qui non commiserunt crimina: his, qui crimina commiserunt, sed non publica: his, qui meliora operantur.

XXIII. Excommunicationes sunt tantum externæ pœnæ, nec privant hominem communibus spiritualibus Ecclesiæ orationibus.

XXIV. Docendi sunt Christiani plus diligere excommunicationem, quam timere.

XXV. Romanus Pontifex Petri Successor, non est Christi Vicarius super omnes totius mundi Ecclesias, ab ipso Christo in Beato Petro institutus.

XXVI. Verbum Christi ad Petrum: *Quodcumque solveris super terram &c.* extenditur duntaxat ad legata ab ipso Petro.

XXVII. Certum est, in manu Ecclesiæ, aut Papæ prorsus non esse, statuere articulos fidei, imo nec leges morum, seu bonorum operum.

XXVIII. Si Papa cum magna parte Ecclesiæ sic vel sic sentiret, nec etiam erraret; adhuc non est peccatum, aut hæresis, contrarium sentire, præsertim in re non necessaria ad salutem; donec fuerit per Concilium universale alterum reprobatum, alterum approbatum.

XXIX. Via nobis facta est enervandi auctoritatem Conciliorum, & libere contradicendi eorum gestis, & iudicandi eorum Decreta, & confidenter confitendi, quidquid verum videtur; sive probatum fuerit, sive reprobatum a quocunque Concilio.

XXX. Aliqui articuli Joannis Husz condemnati in Concilio Constantiensi sunt Christianissimi, verissimi, & Evangelici, quos nec universalis Ecclesia posset damnare.

XXXI. In omni opere bono iustus peccat.

XXXII. Opus bonum, optime factum, est veniale peccatum.

XXXIII. Hæreticos comburi est contra voluntatem Spiritus.

XXXIV. Præliari adversus Turcas est repugnare Deo, visitanti iniquitates nostras per illos.

XXXV. Nemo est certus, se non semper peccare mortaliter propter occultissimum superbix vitium.

XXXVI. Liberum arbitrium post peccatum est res de solo titulo, & dum facit, quod in se est, peccat mortaliter.

XXXVII. Purgatorium non potest probari ex sacra Scriptura, quæ sit in Canone.

XXXVIII. Animæ in purgatorio non sunt securæ de earum salute, saltem omnes; nec probatum est ullis aut rationibus, aut scripturis, ipsas esse extra statum merendi, aut augendæ caritatis.

XXXIX. Animæ in purgatorio peccant sine intermissione, quamdiu quaerunt requiem, & horrent pœnas.

XL. Animæ ex purgatorio liberatæ suffragiis viventium, minus beantur, quam si per se satisfecissent.

XLI. Prælati Ecclesiastici & Principes sæculares non malefacerent, si omnes saccos mendicitatis delegerent.

Qui quidem errores respectivè quam sint pestiferi, quam pernitiosi, quam scandalosi, quam piarum & simplicium mentium seductivi, quam denique sint contra omnem caritatem, ac Sanctæ Romanæ Ecclesiæ, matris omnium fidelium, & magistræ fidei, reverentiam atque nervum Ecclesiasticæ disciplinæ, obedientiam scilicet, quæ fons est & origo omnium virtutum, sine qua facile unusquisque infidelis esse convincitur, nemo sanæ mentis ignorat. Nos igitur in præmissis, utpote gravissimis, propensus, ut decet, procedere, nec non huiusmodi pesti, morboque canceroso, ne in agro Dominico tanquam vepis nociva ulterius serpat, viam præcludere cupientes, habita super prædictis erroribus, & eorum singulis, diligenti trutinatio, discussione, ac districto examine, maturaque deliberatione, omnibusque rite pensatis, ac sæpius ventilatis, cum Venerabilibus Fratribus nostris Sanctæ Romanæ Ecclesiæ Cardinalibus, ac regularium Ordinum Prioribus, seu Ministris generalibus, pluribusque aliis Sacræ Theologiæ, nec non utriusque Juris Professoribus, sive Magistris, & quidem peritissimis, reperimus eosdem errores respectivè, ut præfertur, aut ar-

ticulos non esse Catholicos, nec tanquam tales esse dogmatizandos, sed contra Ecclesiæ Catholicæ doctrinam, sive traditionem, atque ab ea veram Divinarum Scripturarum receptam interpretationem, cuius authoritati ita acquiescendum censuit Augustinus, ut dixerit se Evangelio non fuisse crediturum, nisi Ecclesiæ Catholicæ intervenisset autoritas. Nam ex iisdem erroribus, vel eorum aliquo, vel aliquibus, palam sequitur eandem Ecclesiam, quæ in Spiritu Sancto regitur, errare, & semper errasse, quod est utique contra illud, quod Christus discipulis suis in ascensione sua, ut in sancto Evangelio Matthæi legitur, promisit dicens: *Ego vobiscum sum usque ad consummationem sæculi*: Nec non contra Sanctorum Patrum determinationes, Conciliorum quoque, & Summorum Pontificum expressas ordinationes, seu Canones, quibus non obtemperasse omnium hæreseon & schismatum, teste Cypriano, fomes & causa semper fuit.

De eorundem itaque Venerabilium Fratrum nostrorum consilio & assensu, ac omnium & singulorum prædictorum matura deliberatione prædicta, auctoritate omnipotentis DEI, & Beatorum Apostolorum Petri & Pauli, & nostra, præfatos omnes & singulos articulos, seu errores, tanquam, ut præmittitur, respectivè hæreticos, aut scandalosos, aut falsos, aut piarum aurium offensivos, vel simplicium mentium seductivos, & veritati Catholicæ obviantes, damnamus, reprobamus, atque omnino rejicimus, ac pro damnatis, reprobatis, & rejectis ab omnibus utriusque sexus Christi fidelibus haberi debere, harum serie decernimus & declaramus. Inhibentes in virtute sanctæ obedientiæ, ac sub majoris excommunicationis latæ sententiæ, nec non quoad Ecclesiasticas & regulares personas, Episcopaliū omnium, etiam Patriarchaliū, Metropolitanarum, & aliarum Cathedralium Ecclesiarum, Monasteriorum quoque & Prioratuum, etiam Conventualium, & quarumcunque Dignitatum, aut Beneficiorum Ecclesiasticorum, sæcularium, aut quorumvis ordinum regularium, privationis & inhabilitatis ad illa, & alia imposteriorum obtinenda, quo vero ad Conventus, Capi-

Capitula, seu domos, aut pia loca secularium, vel regularium, etiam Mendicantium, nec non universitates, etiam studiorum generalium, quorumcunque privilegiorum, indultorum a Sede Apostolica, vel ejus Legatis, aut alias quomodolibet habitorum, vel obtentorum, cujuscunque tenoris existant, nec non nominis, & potestatis, studium generale tenendi, legendi, ac interpretandi quasvis scientias & facultates, & inhabilitatis ad illa, & alia imposterum obtinenda; prædicationis quoque officii, ac amissionis studii generalis, & omnium privilegiorum ejusdem: Quo vero ad sæculares, ejusdem excommunicationis, nec non amissionis cujuscunque Emphyteusis, seu quorumcunque feudorum, tam a Romana Ecclesia, quam alias quomodolibet obtentorum, ac etiam inhabilitatis ad illa, & alia imposterum obtinenda: Nec non quoad omnes & singulos superius nominatos, inhibicionis Ecclesiasticæ sepulture, inhabilitatis quoque ad omnes & singulos actus legitimos, infamæ, ac diffidationis, & criminis læsæ Majestatis, & hæreticorum, & fautorum eorundem, in jure expressis pœnis, eo ipso & absque ulteriori declaratione, per omnes & singulos supradictos, si, quod absit, contraxerint, incurrendis: a quibus vigore cujuscunque facultatis & clausularum, etiam in confessionibus, quibusvis personis, sub quibusvis verborum formis contentarum, nisi a Romano Pontifice, vel alio ab eo ad id in specie facultatem habente, præterquam in mortis articulo constituti absolvi nequeant. Omnibus & singulis utriusque sexus Christi fidelibus, tam laicis, quam Clericis, sæcularibus, & quorumvis ordinum regularibus, & aliis quibuscunque personis, cujuscunque status, gradus, vel conditionis existant, & quacunque Ecclesiastica, vel mundana præfulgeant dignitate, etiam Sanctæ Romanæ Ecclesiæ Cardinalibus, Patriarchis, Primatibus, Archiepiscopis, Episcopis, Patriarchalium, Metropolitanarum, & aliarum Cathedralium, Collegiatarum, ac inferiorum Ecclesiarum Prælati, Clericis, aliisque Personis Ecclesiasticis, sæcularibus & quorumvis ordinum etiam Mendicantium regularibus, nec non Regibus, Im-

peratoris Electoribus, Principibus, Ducibus, Marchionibus, Comitibus, Baronibus, Capitaneis, Conductoribus, Domicellis, omnibusque Officialibus, Judicibus, Notariis, Ecclesiasticis & sæcularibus, Communitaribus, Universitatibus, Potentatibus, Civitatibus, Castris, terris & locis, seu eorum vel earum civibus, habitatoribus & incolis, ac quibusvis aliis personis Ecclesiasticis vel regularibus, ut præfertur, per universum orbem, ubicunque, præsertim in Alemannia, existentibus, vel pro tempore futuris, ne præfatos errores, aut eorum aliquos, perversamque doctrinam hujusmodi asserere, affirmare, defendere, prædicare, aut illi quomodolibet publice vel occulte, quovis quæsito ingenio vel colore, tacite vel expresse favere præsumant.

Insuper quia errores præfati, & plures alii, continentur in libellis, seu scriptis cujusdam *Martini Luther*, dictos libellos, & omnia dicti *Martini* scripta, seu prædicationes, in Latino, vel quocunque alio idiomate reperiantur, in quibus dicti errores, seu eorum aliqui continentur, similiter damnamus, reprobamus, atque omnino rejicimus, & pro omnino damnatis, reprobatis ac rejectis, ut præfertur, haberi volumus: Mandantes in virtute sanctæ obedientiæ, & sub prædictis pœnis eo ipso incurrendis, omnibus & singulis utriusque sexus Christi fidelibus superius nominatis, ne hujusmodi scripta, libellos, prædicationes, seu schedulas, vel in eis contenta Capitula, errores aut articulos supradictos continentia legere, asserere, prædicare, laudare, imprimere, publicare, sive defendere per se, vel alium, seu alios, directe vel indirecte, tacite vel expresse, publice vel occulte, aut in domibus suis, sive aliis publicis vel privatis locis, tenere quoquo modo præsumant: Quinimo illa statim post harum publicationem, ubicunque fuerint, per Ordinarios, & alios supradictos diligenter quæsitæ, publice & solenniter in præsentia Cleri & populi, sub omnibus & singulis supradictis pœnis comburant.

Quod vero ad ipsum Martinum attinet, bone Deus! quid prætermisimus, quid non fecimus, quid paternæ caritatis omisimus, ut eum ab hujusmodi errori-

roribus revocaremus? Postquam enim ipsum citavimus, mitius cum eo procedere volentes, illum invitavimus, atque tam per diversos tractatus, cum Legato nostro habitos, quam per literas nostras hortati fuimus, ut a prædictis erroribus discederet, aut ad Nos, oblato etiam salvo conductu, & pecunia ad iter necessaria, sine metu, seu timore aliquo, quem perfecta caritas foras mittere debuit, veniret, ac Salvatoris nostri, Apostolique Pauli exemplo, non in occulto, sed palam, & in facie loqueretur: quod si fecisset, pro certo, ut arbitramur, ad cor reversus, errores suos cognovisset, nec in Romana Curia, quam tantopere, vanis malevolorum rumoribus, plus quam oportuit, tribuendo, vituperat, tot reperisset errata: docuissimusque eum luce clarius, Sanctos Romanos Pontifices Prædecessores nostros, quos præter omnem modestiam injuriose lacerat, in suis Canonibus, seu Constitutionibus, quas mordere nititur, nunquam errasse, quia juxta Prophetam: *Nec in Galaad refina, nec medicus deest.*

Sed obaudivit semper, & prædicta citatione omnibusque & singulis supradictis spreto, venire contempsit, ac usque in præsentem diem contumax, atque animo indurato censuras ultra annum sustinuit, & quod deterius est, addens mala malis, de citatione hujusmodi notitiam habens, in vocem temerariæ appellationis prorupit ad futurum Concilium, Constitutionem Pii Secundi ac Julii Secundi, Prædecessorum nostrorum, quia cavetur, taliter appellantes hæreticorum poena plectendos. Frustra etiam Concilii auxilium imploravit, qui illi se non credere palam proficitur; ita ut contra ipsum, tanquam de fide notorie suspectum, imo vere hæreticum, absque ulteriori citatione, vel mora, ad condemnationem, vel damnationem ejus, tanquam hæretici, ac ad omnium & singulorum supra scriptarum poenarum & censurarum severitatem procedere possemus.

Nihilominus de eorundem Fratrum nostrorum consilio Omnipotentis DEI imitantes Clementiam, qui non vult mortem peccatoris, sed magis, ut convertatur & vivat; omnium injuriarum hactenus Nobis, & Apostolicæ Sedi illa-

tarum, oblii, omni, qua possumus pietate uti decrevimus, & quantum in Nobis est, agere, ut propolita mansuetudinis via, ad cor revertatur, & a prædictis recedat erroribus; ut ipsum tanquam filium illum prodigum ad gremium Ecclesiæ revertentem, benigne recipiamus. Ipsum igitur *Martinum*, & quoscunque ei adhærentes, ejusque receptatores & fautores, per viscera Misericordiæ Dei nostri, & per asperionem sanguinis Domini nostri JESU CHRISTI, quo & per quem humani generis redemptio, & Sanctæ Matris Ecclesiæ edificatio facta est, ex toto corde hortamur & obsecramus, ut ipsius Ecclesiæ pacem, unitatem & veritatem, pro qua ipse Salvator tam instanter oravit ad Patrem, turbare desistant, & a prædictis tam perniciosus erroribus prorsus abstineant, inventuri apud Nos, si effectualiter paruerint, & paruisse per legitima documenta nos certificaverint, paternæ caritatis affectum & apertum mansuetudinis & clementiæ fontem.

Inhibentes nihilominus eidem *Martino* ex nunc, ut interim ab omni prædicatione, seu prædicationis officio omnino desistat:

Alioquin, ut ipsum *Martinum*, si forte justitiæ & virtutis amor a peccato non retrahat, indulgentiæque spes ad poenitentiam non reducat, poenarum terror coerceat disciplinæ, eundem *Martinum*, ejusque adhærentes, complices, fautores, & receptatores, tenore præsentium requirimus & monemus, in virtute sanctæ obedientiæ, & sub prædictis omnibus, & singulis poenis, eo ipso incurrendis, districte præcipiendo mandamus, quatenus infra sexaginta dies, quorum viginti pro primo, viginti pro secundo, & reliquos viginti dies pro tertio & peremptorio termino assignamus, ab affixione præsentium in locis infra scriptis immediate sequentes numerandos, ipse *Martinus*, complices, fautores, adhærentes & receptatores prædicti, a præfatis erroribus, eorumque prædicatione ac publicatione & assertione, defensione quoque, & librorum, seu scripturarum editione super eisdem, sive eorum aliquo, omnino desistant, librosque ac scripturas omnes & singulas, præfatos errores, seu eorum aliquos

quo-

quomodolibet continentes comburant, vel comburi faciant. Ipse etiam *Martinus* errores & assertiones hujusmodi omnino revocet, ac de revocatione hujusmodi per publica documenta in forma juris valida, in manibus duorum Prælatorum consignata, ad Nos infra alios similes sexaginta dies transmittenda, vel per ipsummet (si ad Nos venire voluerit, quod magis placeret) cum præfato plenissimo salvo conductu, quem ex nunc concedimus, deferenda nos certiores efficiat, ut de ejus vera obedientia nullus dubitationis scrupulus valeat remanere.

Alias si, quod absit, *Martinus* præfatus, complices, fautores, adherentes & receptatores prædicti secus egerint, seu præmissa omnia & singula intra terminum prædictum cum effectu non adimpleverint; Apostoli imitantes doctrinam, qui hæreticum hominem post primam & secundam correptionem vitandum docuit, ex nunc prout ex tunc, & e converso, eundem *Martinum*, complices, adherentes, fautores & receptatores præfatos, & eorum quemlibet, tanquam aridos palmites in Christo non manentes, sed doctrinam contrariam, Catholicæ fidei inimicam, sive scandalosam, seu damnatam, in non modicam offensam Divine Majestatis, ac universalis Ecclesiæ, & fidei Catholicæ detrimentum & scandalum dogmatizantes & prædicantes, claves quoque Ecclesiæ vilipendentes, notorios & pertinaces hæreticos, eadem autoritate, fuisse, & esse, declarantes, eosdem, ut tales, harum serie condemnamus, & eos pro talibus haberi ab omnibus utriusque sexus Christi fidelibus supra dictis volumus & mandamus, eosque omnes & singulos omnibus supra dictis, & aliis contra tales a jure inflictis pœnis, & præsentium tenore subijcimus, & eisdem irretitos fuisse & esse decernimus & declaramus.

Inhibemus præterea sub omnibus & singulis præmissis pœnis, eo ipso incurrendis, omnibus & singulis Christi fidelibus superius nominatis, ne scripta, etiam præfatos errores non continentia, ab eodem *Martino* quomodolibet condita vel edita, aut condenda vel edenda, seu eorum aliqua, tanquam ab homine orthodoxæ fidei inimico, atque ideo vehe-

menter suspecta, & ut ejus memoria omnino deleatur de Christi fidelium confortio, legere, asserere, prædicare, laudare, imprimere, publicare, sive defendere, per se vel alium, seu alios, directe vel indirecte, tacite vel expresse, publice vel occulte, seu in domibus suis, sive aliis locis, publicis vel privatis tenere quoquo modo præsumant, quinimo illa comburant, ut præferatur.

Monemus insuper omnes & singulos Christi fideles supra dictos, sub eadem excommunicationis lætæ sententiæ pœna, ut hæreticos prædictos declaratos, & condemnatos, mandatis nostris non obtemperantes, post lapsum termini supra dicti evitent, & quantum in eis est, evitari faciant, nec cum eisdem, vel eorum aliquo commercium, aut aliquam conversationem seu communionem habeant, nec eis necessaria ministrent.

Ad majorem præterea dicti *Martini*, suorumque complicum, fautorum, & adherentium, ac receptatorum prædictorum, sic post lapsum termini prædicti declaratorum hæreticorum & condemnatorum confusionem, universis & singulis utriusque sexus Christi fidelibus, Patriarchis, Archi-Episcopis, Episcopis, Patriarchalium, Metropolitanarum, & aliarum Cathedralium, Collegiarum, ac inferiorum Ecclesiarum Prælatiis, Capitulis, aliisque personis Ecclesiasticis, secularibus, & quorumvis ordinum etiam Mendicantium (præsertim ejus Congregationis, cujus dictus *Martinus* est professus, & in qua degere & morari dicitur) regularibus, exemptis & non exemptis, nec non universis & singulis Principibus, quacunque Ecclesiastica, vel mundana fulgentibus dignitate, Regibus, Imperatoris Electoribus, Ducibus, Marchionibus, Comitibus, Baronibus, Capitaneis, Conductoribus, Domicellis, Communitatibus, Universitatibus, Potentatibus, Civitatibus, terris, castris, & locis, seu eorum habitatoribus, civibus & incolis, omnibusque aliis & singulis supra dictis, per universum orbem, præsertim in eadem Alemannia constitutis, mandamus, quatenus sub prædictis omnibus & singulis pœnis ipsi, vel eorum quilibet præfatum *Martinum*, complices, adherentes, receptantes, & fau-

tores,

tores, personaliter capiant, & captos ad nostram instantiam retineant, & ad Nos mittant, reportaturi pro tam bono opere a Nobis & Sede Apostolica remunerationem, præmiumque condignum; vel saltem eos, & eorum quemlibet de Metropolitanis, Cathedralibus, Collegiatis, & aliis Ecclesiis, domibus, Monasteriis, Conventibus, Civitatibus, Dominiis, Universitatibus, Communitatibus, castris, terris ac locis, respectively tam Clerici & Regulares, quam laici, omnes & singuli supra dicti omnino expellant.

Civitates vero, Dominia, terras, castra, villas, Comitatus, fortalitia, opida, & loca quæcunque, ubilibet consistentia, eorum & earum respectively Metropolitanas, Cathedrales, Collegiatas, & alias Ecclesias, Monasteria, Prioratus, domus, Conventus, & loca religiosa vel pia, cujuscunque ordinis, ut præfertur, ad quæ præfatum *Martinum*, vel aliquem ex prædictis declinare contigerit, quamdiu ibi permanserint, & triduo post recessum Ecclesiastico subjicimus interdicto.

Et ut præmissa omnibus innotescant, mandamus insuper universis Patriarchis, Archi-Episcopis, Episcopis, Patriarchalium, Metropolitanarum, & aliarum Cathedralium, ac Collegiatarum Ecclesiarum Prælatiis, Capitulis, aliisque personis Ecclesiasticis, sæcularibus & quorumvis Ordinum supradictorum Regularibus, Fratribus religiosis, Monachis, exemptis & non exemptis supradictis ubilibet, præsertim in Alemania constitutis, quatenus ipsi, vel eorum quilibet sub similibus censuris & pœnis, eo ipso incurrendis, *Martinum*, omnesque & singulos supradictos, qui elapso termino hujusmodi mandatis, seu monitiis nostris non paruerint, in eorum Ecclesiis, Dominicis & aliis Festivis diebus, dum inibi major populi multitudo ad Divina convenerit, declaratos hæreticos & condemnatos publice nuntient, faciantque & mandent ab aliis nuntari, & ab omnibus arctius evitari.

Nec non omnibus Christi fidelibus, ut eos evitent, pari modo sub prædictis censuris & pœnis, & præsentibus literas, vel earum transumptum sub forma in-

frascripta factum, in eorum Ecclesiis, Monasteriis, domibus, Conventibus, & aliis locis, legi, publicari, atque affigi faciant.

Excommunicamus quoque & anathematizamus omnes & singulos cujuscunque status, gradus, conditionis, præminentiae, dignitatis aut excellentiae fuerint, qui, quominus præsentibus literæ, vel earum transumpta, seu exemplaria in suis terris, Dominiis legi, affigi & publicari possint, fecerint, vel quoquo modo procuraverint, per se vel alium, seu alios, publice vel occulte, directe vel indirecte, tacite vel expresse.

Postremo, quia difficile foret, præsentibus literas ad singula quæque loca deferri, in quibus necessarium foret, volumus & Apostolica auctoritate decernimus, quod earum transumptis, manu publici Notarii confectis & subscriptis, vel in alma urbe impressis, & sigillo alicujus Ecclesiastici Prælati munitis ubique stetur, & plena fides adhibeatur, prout originalibus literis staretur & adhiberetur, si forent exhibitæ vel ostensæ.

Et ne præfatus *Martinus*, omnesque alii supradicti, quos præsentibus literæ quomodolibet concernunt, ignorantiam earundem literarum, & in eis contentorum omnium & singulorum prætereundere valeant, literas ipsas in Basilicæ Principis Apostolorum, & Cancellariæ Apostolicæ, nec non Cathedralium Ecclesiarum Brandeburgensis, Misnensis & Merspurgenfis valvis affigi, & publicari debere volumus, decernentes, quod earundem literarum publicatione sic facta, supradictum *Martinum*, omnesque alios & singulos prænominatos, quos literæ hujusmodi quomodolibet concernunt, proinde arceant, ac si literæ ipse die affixionis & publicationis hujusmodi eis personaliter lectæ & intimatæ forent. Cum non sit verisimile, quod ea, quæ tam patenter fiunt, debeant apud eos incognita manere.

Non obstantibus Constitutionibus & Ordinationibus Apostolicis, seu si supradictis omnibus & singulis, vel eorum alicui, aut quibusvis aliis a Sede Apostolica prædicta, vel ab ea potestatem habentibus sub quavis forma, etiam con-

confessionali, cum quibusvis etiam fortissimis clausulis, aut ex quavis causa, seu grandi consideratione indultum vel concessum existat, quod interdicti, suspendi, vel excommunicari non possint per literas Apostolicas, non facientes plenam & expressum, ac de verbo ad verbum, non autem per clausulas generales id importantes, de indulto huiusmodi mentionem, ejusdem indulti tenores, causas & formas, perinde ac si de verbo ad verbum infererentur, ita ut omnino tollantur presentibus pro expressis habentes.

Nulli ergo omnino hominum liceat, hanc paginam nostræ damnationis, reprobationis, rejectionis, Decreti, declarationis, inhibitionis, voluntatis,

mandati, hortationis, obsecrationis, requisitionis, monitionis, assignatio is, concessionis, condemnationis, subjectionis, excommunicationis & anathematizationis infringere, vel ei ausu temerario contraire.

Si quis autem hoc attentare præsumpserit, indignationem Omnipotentis DEI, ac Beatorum Petri ac Pauli Apostolorum ejus, se noverit incursum.

Datum Romæ apud Sanctum Petrum Anno Incarnationis Dominicæ MDXX. XVII. Kalendas Junii, Pontificatus Anno octavo.

VISA R. MILANESIUS.
ALBERGATUS.

*LEONIS Papæ X. Bulla Damnationis &
Excommunicationis contra Martinum Lutherum,
& ejus asseclas; data*

Anno Christi MDXXI. Leonis X. PP. IX.
Caroli V. Imp. III.

LEO EPISCOPUS, SERVUS SERVORUM DEI, AD PERPETUAM
REI MEMORIAM.

DECET Romanum Pontificem, & tradita sibi Divinitus potestate, pœnarum spiritualium, & temporalium, pro meritorum diversitate, Dispensatorem constitutum, ad reprimendum nefarios conatus perversorum, quos noxiæ voluntatis adeo depravata captivat intentio, ut Dei timore postposito, Canonicis Sanctionibus, mandatisque Apostolicis neglectis, arque contemptis, nova & falsa dogmata excogitare, ac in Ecclesia Dei nefarium schisma inducere, aut schismaticis ipsis, inconfutilem Redemptoris nostri tunicam, orthodoxæque fidei unitatem scindere satagentibus, favorem præbere, assistere, adhærereque non verentur, ne Petri Navicula sine gubernatore, & remige navigare videatur; contra tales, eorumque sequaces, acrius insurgere, & exaggeratione poenarum, & alias opportuno remedio ita providere, ne iidem contemptores, in reprobum sensum dati, illisque adhæreres falsis commentis, ac subdolis eorum malitiis simplicem turbam decipiant,

Tomus VI. Concilior. German.

ac in eundem errorem ac ruinam secum trahant, ac veluti morbo contagioso contaminent: & ad majorem ipsorum damnatorum confusionem, omnibus Christi fidelibus publice ostendere, ac palam declarare; quam formidabilem censurarum & pœnarum illi rei existant, ad hoc, ut ipsi sic declarati, ac publicati, confusi tandem & compuncti, ad cor suum redire, & ab eorundem excommunicatorum, & anathematizatorum prohibita conversatione, & participatione, ac etiam obedientia, se penitus subtrahant, ut Divinam ultionem evadant, illorumque damnationis participes minime fiant.

Sane alias, cum quidam falsi fidei cultores, mundi gloriam quærentes &c.

Omittitur narratio, quæ præcedente in Bulla continetur.

Cum autem, sicut accepimus, licet post litterarum affixionem & publicationem, post elapsum termini, seu terminorum, hujusmodi in litteris per Nos

Z 2

præ-

præfixi, seu præfixorum (quos quidem terminos elapſos fuiſſe, & eſſe, omnibus Chriſti fidelibus & per præſentes ſignificamus, & fidem facimus) nonnulli ex eis, qui ejusdem *Martini* errores ſecuti fuerunt, ipſarum litterarum, ac monitionum, & mandatorum noſtrorum noticiam habentes, ſpiritu ſanioris conſilii ad cor reverſi, errores ſuos conſitentes, & hæreſim in manibus noſtris abjurantes, & ad veram fidem Catholicam ſe convertentes, abſolutionis beneficium, juxta facultatem eiſdem nunciis deſuper conceſſim, obtinuerint, & in nonnullis civitatibus & locis Alemanniæ libri, & ſcripturæ dicti *Martini* juxta mandata noſtra, publice cremati fuerint; tamen ipſe *Martinus* (quod non ſine gravi animi moleſtia, & mentis noſtræ perturbatione referimus) in reprobum ſenſum datus, non ſolum errores ſuos infra præmiſſum terminum revocare, & de revocatione hujusmodi Nos certiores facere, ſeu ad Nos venire contempſit; verum tamquam perra ſcandali pejora prioribus contra Nos, & hanc Sanctam Sedem, & fidem Catholicam ſcribere & prædicare, & alios ad hoc inducere non eſt veritus. Propter quod, ſicut ipſe jam hæreticus eſt declaratus, ita & alii etiam, non parvæ authoritatis, & dignitatis, propriæ ſuæ ſalutis immemores, ipſius *Martini* peſtiferam, hæreticamque ſectam publice & notorie ſequentes, eique palam, & publice auxilium, conſilium, & favorem ſubminiſtrantes, ipſumque *Martinum* in ſuis inobedientia & contumacia conſoventes, & alii, publicationem dictarum litterarum impediētes, poenas in dictis noſtris litteris contentas, damnabiliter incurrerunt, & hæretici merito ſunt habendi, arque ab omnibus Chriſti fidelibus evitandi: dicente Apoſtolo: *Hæreticum hominem poſt unam & ſecundam correptionem devota*, ſciens, quia ſubverſus eſt, qui ejusmodi eſt, & delinquit, cum ſit proprio judicio condemnatus.

Ut igitur cum *Martino*, & aliis hæreticis excommunicatis, & anathematizatis, & maledictis, merito copulentur, & ſicut in delinquendo dicti *Martini* pertinaciam ſequuntur, ita poenarum, & nominis participes fiant, ſecumque Lutherani vocem, & debitas portent poe-

nas, cum præmiſſa adeo manifeſta, & notoria ſunt effecta, & permanentes, ita, ut nulla probatione, aut monitione vel citatione indigeant, prout ſic fore decernimus, & declaramus: *Martinum*, & alios, qui eundem *Martinum* in ſuo pravo, & damnato propoſito obſtinatum, ſequuntur: ac etiam eos, qui eum etiam præſidio militari defendunt, cuſtodiant, & propriis facultatibus, vel alias quomodolibet ſuſtentare non verentur, ac auxilium, conſilium, vel favorem quovis modo præſtare, & ſubminiſtrare præſumpſerunt, & præſumunt, quorum omnium nomina, cognomina, & qualitates, eſſi quavis ceſſa, vel grandi præfulgeant dignitate, præſentibus haberi volumus pro expreſſis, ac ſi nominatim exprimerentur, ac in illorum publicatione vigore præſentium faciēda, nominatim exprimi poſſent, decernimus excommunicationis, & etiam anathematis, nec non maledictionis æternæ, & interdicti, ac in eos, & eorum deſcendentes, dignitatum, honorum & bonorum privationis, & inhabilitationis ad illa, nec non bonorum conſecrationis, & criminis læſæ Majeſtatis, & alias ſententias, cenſuras, & poenas, etiam in hæreticos a Canonibus inſiſctas, in dictis litteris contentas, damnabiliter incidiffe.

Civitates quoque, terras, caſtra, oppida, & loca, in quibus tunc pro tempore fuerint, & ad quæ eos declinare contigerit, ac quæ in illis ſunt, ac alias etiam Cathedralis & Metropolitanas, Monaſteria, & alias religioſa & pia loca, etiam exempta & non exempta quæcumque, Eccleſiaſtico interdicto ſuppoſita eſſe, ita, ut, illo durante, illis prætextu cujuſvis indulti Apoſtolici, præterquam in caſibus a jure permiſſis, & in illis non alias, quam januis clauſis, ac excommunicatis, & interdictis excluſis, nequeant Miſſæ, & alia Divina officia celebrari, Apoſtolica auctoritate tenore præſentium declaramus, illosque pro excommunicatis, & anathematizatis, maledictis, interdictis, privatis, & inhabilibus ubicunque locorum denunciari, & publicari, ac ab omnibus Chriſti fidelibus arctius evitari præcipimus & mandamus.

Et ut omnibus, tantum in DEI & Eccleſiæ ſuæ vilipendium *Martini*, & ſequa-

sequacium, & aliorum inobedientium obstinata temeritatis audacia innotescat, ne morbida pecus gregem inficiat, parsque sincera ad infectionem trahatur; universis & singulis Patriarchis, Archiepiscopis, Episcopis, Patriarchalium, Metropolitanarum, Cathedralium, & Collegiatarum Ecclesiarum, Prælati, Capitulis, & personis Ecclesiasticis, & quorumvis ordinum etiam Mendicantium Religiosis, exemptis & non exemptis, ubilibet constitutis, in virtute sanctæ obedientiæ, & sub excommunicationis læte sententiæ penis mandamus, quatenus ipsi & quilibet eorum, si & postquam vigore præsentium requisiti fuerint, infra tres dies, quorum unum pro primo, & alium pro secundo, & reliquum pro tertio & peremptorio termino, ac Canonica monitione præmissa assignamus, eosdem *Martinum*, & alios excommunicatos, anathematizatos, maledictos, & hæreticos declaratos, aggravatos, interdictos, privatos, & inhabiles, & in præsentium executione nominatos, in eorum Ecclesiis, Dominicis, & aliis festivis diebus (dum major inibi populi multitudo convenerit ad Divina) cum crucis vexillo, pulsatis campanis, & accensis candelis, ac demum extinctis, in terram projectis, & conculcatis, cum trina lapidum projectione, aliisque ceremoniis, in similibus observari solitis, publice nuncient, & faciant, & mandent ab aliis nunciari, & ab omnibus Christi fidelibus arctius evitari. Ad maiorem insuper præfati *Martini*, aliorumque hæreticorum supradictorum, adherentium, & sequacium, & fautorum confusionem, in virtute sanctæ obedientiæ mandamus omnibus & singulis Patriarchis, Archiepiscopis, Episcopis, & aliarum Ecclesiarum Prælati, ut, sicut ipsi ad sedandum schismata, auctore Hieronymo, constituti fuerunt, ita nunc, urgente necessitate, prout eorum incumbit officio, constituent se murum pro populo Christiano, non tacendo, tamquam canes muti, non valentes latrare, sed incessanter clamando, & exaltando vocem, & prædicando, & prædicari faciendo verbum Dei, ac veritatem fidei Catholicæ contra damnatos articulos, & hæreticos supradictos.

Nec non omnibus & singulis Paro-

chialium Ecclesiarum Rectoribus, ac Religiosis quorumcumque Ordinum, etiam Mendicantium, exemptis & non exemptis, ut præmittitur, similiter in virtute sanctæ obedientiæ mandamus, ut sicut ipsi nubes a Deo constituti sunt, ita spirituales imbrem in populo Dei seminare, & contra supradictos articulos, ut præfertur, damnatos, sicut etiam incumbit eorum officio, publice prædicare non vereantur. Scriptum est enim, quod perfecta charitas foras mittit timorem. Vos igitur, & vestrum singuli, onus tam meritorii negotii devota mente suscipientes, vos in illius executione sic sollicitos, ac verbo & opere studiosos, atque diligentes exhibeatis, quod ex vestris laboribus, Divina nobis favente gratia, sperati fructus adveniant, ac per sollicitudinem nostram, quæ causas pias gerentibus pro retributione debetur, palmam gloriæ non solum consequi mereamini; verum etiam apud Nos, & Sedem prædictam non immerito valeatis de exacta diligentia vestra uberius commendari.

Verum quia difficile foret, præsentis declarationis, & publicationis litteras ad præsentiam & personam propriam *Martini*, & aliorum declaratorum, & excommunicatorum huiusmodi, personaliter deducere, propter iis faventium potentiam; volumus, ut affixio & publicatio præsentium litterarum in valvis duarum Cathedralium, seu Metropolitanarum; aut Cathedralis unius, & alterius Metropolitanæ, in dicta Alemannia consistentium Ecclesiarum, per unum ex Nunciis nostris, ibidem existentibus facta, ita eos liget & arctet, *Martinumque*, & alios declaratos, damnatos huiusmodi demonstret in omnibus, & per omnia, ac si eis, & eorum quilibet personaliter intimata, & præsentata fuissent.

Et quia etiam difficile foret, præsentis litteras ad singula quæque loca deferre, in quibus earum publicatio necessaria foret; volumus, & præfata auctoritate decernimus, quod earum transumptis, sigillo alicujus publici Notarii subscriptis, ubique stetur, prout præsentibus originalibus litteris staretur, si essent exhibitæ, vel ostensæ.

Non obstantibus Constitutionibus, & Ordinationibus Apostolicis, ac omni-

bus illis, quæ in prioribus litteris nostris prædictis volumus non obstare, cæterisque contrariis quibuscumque.

Nulli ergo omnino hominum liceat, hanc paginam nostræ Constitutionis, Declarationis, præcepti, mandati, assignationis, voluntatis, & decreti infringere, vel ei ausu temerario contraire.

Si quis autem hoc attentare præsumpserit, indignationem Omnipotentis DEI, ac Beatorum Petri & Pauli Apostolorum ejus, se noverit incursum.

Datum Romæ apud Sanctum Petrum anno Incarnationis Dominicæ Millesimo, quingentesimo, vigesimo primo, tertio Nonas Januarii, Pontificatus nostri anno octavo.

CAROLI V. Imperat. Aug. Edictum contra LUTHERUM,

Promulgatum in Comitibus Wormatiensibus

Eodem anno MDXXI.

CAROLUS QUINTUS, DIVINA FAVENTE CLEMENTIA, ELECTUS ROMANORUM IMPERATOR, SEMPER AUGUSTUS, AC GERMANIÆ, HISPANIARUM, UTRIVSQUE SICILIÆ, HIERUSALEM, HUNGARIÆ, DALMATIÆ, CROATIÆ &c. REX: ARCHIDUX AUSTRIÆ, DUX BURGUNDIÆ, BRABANTIÆ, STYRIÆ, CARINTHIÆ, CARNIOLÆ, COMES HABSBURGI, FLANDRIÆ ET TYROLIS &c.

UNiversis & singulis Sacri Romani Imperii Electoribus, aliisque Principibus, tam Ecclesiasticis, quam secularibus: Archiepiscopis, Episcopis, Prælatibus, Ducibus, Marchionibus, Comitibus, Baronibus, Nobilibus, Militibus, Clientibus, Præfectis, Præsidibus, Judicibus, Scholasticis, Burgimagistris, Consulibus, Scabinis, Civitatum, Oppidorum, Villarum, terrarum, & quorumvis aliorum locorum communitatibus: Nec non Universitatibus, Studio-rum, sive Gymnasiorum Rectoribus, & locum tenentibus, seu Officialibus eorundem, ac cæteris quibuscumque, Nobis tam jure Sacri Imperii, quam hæreditario, aut alio quocumque modo subiectis, & fidelibus dilectis cujuscunque status, gradus, aut conditionis sint, & ad quos præsentis, vel earundem exemplum, nostro, vel alicujus Prælati Ecclesiastici sigillo, sive etiam publici Notarii manus subscriptione communiter pervenerit, gratiam Cæsaream, & omne bonum.

Ad veri Romanorum Imperatoris officium pertinet, non solum fines, seu jus Sacri Imperii, quod Præcessores nostri Germaniæ Principes, ob defensionem Sanctæ Romanæ & universalis Ec-

clesiæ, suo, suorumque sæpius effuso sanguine, per Divinam gratiam sibi quæsierunt, ad orthodoxam viam, abductis vel expulsi infidelibus propagare, verum etiam, nequa hæreseos lates, aut suspicio in jam sibi subditis nationibus, sacrosanc-tam religionem nostram commaculet, summo studio providere. Aut si qua jam oriri cœperit, eam omni ope, omnique cura, juxta normam a Sancta Romana Ecclesia hætenus observatam, delere penitus & extinguere.

Quod si quis alius e majoribus nostris, tanto Nos magis præstare debemus, quanto Dei Opt. Max. immensa benignitas Nobis plura Regna & Domina, pluresque, & magis bellicosos populos, majoresque vires, quam jam multis sæculis alicui Principi, qui huiusmodi sit potitus, ad suæ sanctæ fidei tutelam & incrementum enlargiri dignata est.

Accedit, quod quum ex paterno genere e Christianissimis Imperatoribus, & Archi-Ducibus Austriæ, Ducibusque Burgundiæ: ex Materno vero, Catholicis, Hispaniarum, Siciliæ & Hierusalem Regibus sinus orti, quorum omni-

um pro fide Christiana res præclare gestas, nulla unquam debet oblivio, non sine gravi conscientiarum nostrarum onere, & perpetua nominis nota, quadamque veluti nebula, felicibus ineuntis Principatus nostri auspiciis offusa, factum crederetur; si quæ jam ab hinc triennium pullulare in Germania coeperunt, novas quasdam hæreses, imo verius jam sæpe olim per Concilia & Summorum Pontificum Decreta, approbante Ecclesiâ damnatas, & nunc denuo veluti ab inferis erutas, altiores jacere radices, ulla nostra negligentia passi esse videamur.

Sane vestrum neminem ignorare existimamus, quibus erroribus & hæresibus ab orthodoxa fide longe alienis, quidam Frater Martinus Lutherus, Ordinis Sancti Augustini, religionem Christianam in hac præsertim inclyta Germanica natione, omnis infidelitatis & hæresum perpetua oppugnatrice, ita insicere conetur; ut nisi mature occurratur, tota hæc natio, & deinde serpente contagione, universa Christiana respublica in abominandum schisma, & bonorum morum, pacisque, ac tandem detestandam sui perniciem prolapsura videatur.

Quapropter non immerito commotus Sanctissimus in Christo Pater Leo X. Sacrosanctæ Romanæ & universalis Ecclesiæ Summus Pontifex, ad quem fidem Catholicam, & Ecclesiæ Sacramenta curare spectat, prædictum Martinum a principio clementer & paterne monuit, & hortatus est, ut a nefandis hujusmodi inceptis desisteret, & jam sparsos errores revocaret. Quod quum ille neglexisset, ac pejora semper prioribus adderet, idem Beatissimus Pater ad opportuna, neque tamen infueta remedia recurrere statuit.

Itaque convocatis sæpius Reverendissimis Sanctæ Romanæ Ecclesiæ Cardinalibus, Episcopis, ac aliis Prælati, nec non Regularium ordinum Prioribus, seu Ministris generalibus, accersitisque pluribus scientia & probitate præstantibus viris, & in omni doctrinarum & linguarum genere eruditis, ac diversarum nationum Doctores, & Magistris, prædicto tamen Martino prius vocato, ac citato, & in contumacia persistente; ipsius scripta tam Alemannico, quam lati-

no sermone edita, & edenda, ut perniciofa, & fidei, unitatque Ecclesiæ contraria, auctoritate sua Apostolica, præfatorumque ad hoc accedente Cardinalium consilio & assensu, ac Episcoporum, & Prælatorum, Doctoresque, & Magistrorum matura deliberatione, damnavit, & ubique locorum comburenda, prorsusque abolenda censuit & decrevit.

Martinum vero ipsum, nisi infra certum expressum terminum a publicatione Decreti Sanctitatis suæ, mutata sententia se errores suos revocasse, & ad poenitentiam rediisse docuisset; ut inobedientiæ & iniquitatis filium, ut schismaticum & hæreticum ab omnibus evitandum, & prout jura postulant, puniendum declaravit, sub pœnis & censuris, quæ in Apostolicis literis, Bulla plumbea communitis, & super hac re editis, latius continentur. Quas ad Nos, utpote Christianæ fidei verum & supremum propugnatorem, & Sedis Apostolicæ, Sanctæque Romanæ & universalis Ecclesiæ primum filium & advocatum, per suum & dictæ Sedis specialem Nuncium, & Oratorem honorabilem virum Nobis dilectum Hieronymum Aleyandrum, ejusdem Sedis Protonotarium, & Apostolicæ Bibliothecæ Præfectum, dedita ad hæc opera misit: petens, atque requirens, ut pro officio ac debito Imperiali dignitatis, in universo primum Romanorum Imperio, deinde (quod Catholicum Regem & Principem Christianum decet) in cæteris etiam Regnis, Dominiis & Provinciis nostris, & præsertim in Germania, præstito in auxilium fidei Catholicæ brachio sæculari, omnia & singula in jam dictis literis Apostolicis contenta inviolabiliter observari, & executioni mandari juberemus.

Post quas quidem prædicto Martino factas a Summo Pontifice monitionem, vocationem, citationem, & ipsius tandem condemnationem, nec non præsentatas Nobis ejusdem Beatissimi Patris literas, Bullamque Apostolicam per varia & diversa Germaniæ loca publicatam, & nostro jussu & mandato non solum Lovanii in inferioribus Dominiis nostris, verum & Coloniarum, Treviris, Moguntiarum, Leodii executioni demandatam, tantum absuit; ut idem Martinus
refi-

resipisceret, errataque sua revocaret, & petita absolutionis venia, in gratiam cum Summo Pontifice, & Sancta Ecclesia redire procuraret; ut etiam derestabiliiores perverſi ingenii ſui fructus in dies ederet, & perinde ac in manifeſtam Eccleſiæ perniciem furens rueret, complures acervatim libros non modo novarum, ſed etiam a Sacris Conciliis condemnatarum hæreſum plenos: nec ſolum latino; verum etiam, ut facilius vulgus perverteret, Alemannico, ſermone a ſe compoſitos, vel ſaltem ſuo nomine editos ſere quotidie divulgaret. In quibus obſervatum ab Eccleſia jam tot ſæculis ſeptem Sacramentorum numerum, ordinem, uſum, diſſipat, confundit, deturpat. Inviolatas matrimonii leges miris modis ſediſſime inficit. Extremam Uctionem cum Wicleſſo fictionem dicit. Communicandæ Sacraſſimæ Euchariſtiæ ritum ad damnata Boëmorum revocat inſtituta. At ſaluberrimam contaminatis peccato mentibus confeſſionem, primum ita involvit, ut confeſſionem eam e confeſſione fecerit: mox etiam magna in parte convellit: poſtremo adhuc pejora ſe de ea ſcripturum minatur. Unde nonnulli jam ſumpta hac occasione de confeſſionis inſtituto & modo ceperint ſubdubitare. Alii mutilatam, & truncam fecerunt, alii vero (pro ſcelus) & confiteri ipſi deſtiterint & nequaquam eſſe conſtitendum publice aſſerere ſunt auſi. Porro Sacerdotalem ordinem, & per quod Sacroſanctum Chriſti Corpus, Sanguisque conſicitur, Divinum illud munus, claviumque celeſtium poteſtatem, non ſolum viliffimi pendit Lutherus, & laicis, puerisque, atque adeo ſæminis ipſis communia facit; ſed & eosdem laicos ad lavandas ſibi in Sacerdotum ſanguine manus incitat. Ipſum ſummum religionis noſtræ Sacerdotem, D. Petri Succellorem, & verum in terris Chriſti Vicarium, non niſi infamibus & probroſis nominat verbis, & frequentiffimis atque inauditis inveſtivis, contumeliis & blaſphemiis infeſtatur. Liberum arbitrium proriſum nullum eſſe, ſed omnia certa lege ſtare ex Manichæi quidem, & Wicleſſi penu depromit, ſed tanquam irrefragabili argumento Ethnicorum Poetarum carminibus confirmat. Milia Venerabile Sacramentum neque

deſunctis, neque vivis aliis, quam ſoli celebranti ſuſſagari ſcribit. Jejuniorum & orationum inſtitutionem & conſuetudinem, ab Eccleſia obſervatam invertit & corrumpit. De purgatorio, & animarum, quæ in eo expiantur, ſtatu, deque Divini Sacrificii & vivorum ſuffragiis, quæ a Nobis fideles deſuncti expectant, cum Waldenſibus & Wicleſſiſtis contra Eccleſiam ſentit. De Eccleſia vero ipſa militante, cum Pelagianis & Huſſitis. At Sanctorum Patrum auctoritates & ſcripta ab Eccleſia recepta, pro nihilo habet, eſt ubi etiam ſape deridet, debitumque illis cultum, & devotionem detent & diminuit. Obedientiam & regimen omne priuſus tollit, unde populi ad deſectionem, & rebellionem a ſuis tam ſpiritualibus, quam temporalibus Dominis faciendam, ad rapinas, cædes, incendia, cum magno & manifeſto Chriſtiæ reipublicæ diſcrimine provocentur. Quinimo cum vitam quandam ſolutam, licentioſam, atque ab omni lege explicatam & vere ſerſinam inducere conetur, ita exlex homo leges ipſas omnes damnat & contemnit, ut Decreta Sanctorum Patrum, & Sacros Canones publico igni comburere non formidaverit, ſacturus pejora civili juri, ſi non magis ſæculi gladium, quam Pontificis excommunicationes & cenſuras metuiffet. Jam vero Sacroſanctis Conciliis palam contradicere, & pro ſuo arbitratu detrudere non erubefcit. E quibus poſſimum Conſtantiense illud, quod cum perpetua inclite Germanicæ nationis gloria pacem & tranquillitatem diſſidenti Eccleſiæ dedit, ita ubique mordet, & impuro ſccleratoque ore lacerat, ut in magnum univerſalis Eccleſiæ dedecus & offendiculum, ſed Germanicæ præſertim nationis opprobrium & ignominiam, Concilium ipſum nunc peſſime omnium erraſſe ſcribat, nunc Synagogam Sathanæ, quique in eo convenerant, & Joannem Huſſitam Hæreſiarcham comburi juſſerant, Sigismundum utique felicitis recordationis Imperatorem, & Sacri Imperii Principes Antichriſtum & ſuos Apoſtolos, homicidasque & Phariſæos vocet. Quidquid damnata in eodem Concilio omnia Joannis Huſſitæ errata, Evangelica & Chriſtiana eſſe, & ſe recipere probaturumque profiteretur. Approbatos vero ejusdem Huſſitæ articulos

los nequaquam admittit. In tantamque prorupit mentis vefaniam, ut si semel Joannes Hussita fuerit Hæreticus, se plus decies hæreticum Martinus gloriatur, homo usque adeo novarum rerum, ac potius perditionis humanæ cupidus, ut nihil fere scripserit, vel saltem suo nomine divulgari, cui non aliqua pestis, aliquis lethalis insitaculeus, præter illos libros, ne nominandos quidem, ob execrandam eorum materiam ipsius tamen titulo editos, & ab eo cum reliquis ut suos agnitos, quorum singula verba, singula venena merito quis dicat.

Et ne omnia, quæ innumerabilia sunt, Lutheri errata singulatim percerantur, tanquam si hic unus non homo, sed Diabolus ipse, sub hominis specie ad perniciem humani generis adsumpta Monachi cuculla, quam plurimorum hæreticorum damnatissimæ hæreses, tam diu sepultas in unam sentinam congesterit, & aliquas etiam novissime de suo excogitaverit, sub simulata prædicatione fidei, quam ad prætexendos suos dolos, tam sæpe tantoque opere objicit, fidem veram prorsus destruit: sub libertatis, quam promittit, specie, Diaboli jugum & servitutem inducit. Et sub Evangelicæ professionis nomine, omnem Evangelicam pacem & charitatem, omnemque rerum ordinem, & pulcherrimam denique totius Ecclesiæ faciem invertere, labefactare & penitus pessundare molitur.

Quibus omnibus per Nos & Concilia nostra nationum omnium Nobis subditarum, sæpius & diligenter attentis & consideratis; & præserim in hac parte ab eodem Beatissimo Patre requisiti, absque insigni macula nostra, atque orthodoxæ religionis injuria & detrimento, rem tanti ponderis negligere nequaquam potuimus, ut etiam non debuimus, neque volumus. Sed potius Prædecessorum nostrorum Romanorum Imperatorum vestigiis insistentes, eorumque pro libertate Catholicæ & Apostolicæ Ecclesiæ perpetuo laudabilia facta, ac pias & sanctas super puniendis & exterminandis hæreticis, constitutiones observantes; convocatis sæpius ad præsentiam nostram propter hoc præcipue Electoribus, nec non universis Sacri Romanorum Imperii ordinibus & statibus, in hoc Wormatiensi Conventu congregatis, de eorum omni-

um & singulorum unanimi consilio, matura deliberatione & consensu, in hanc tandem devenimus sententiam, & conclusionem; ut quamvis hominem ita a Summo Pontifice, & Sede Apostolica condemnatum, & in sua obstinata perversitate obduratum, atque ab usu Catholicæ Ecclesiæ alienum, & notorium hæreticum audire, omni jure exceptum esset; tamen ad tollendam omnem cavillandi causam, idque quia nonnulli plerosque libros Martino adscriptos ipsius esse apertissime inficiabantur. Complures audiendum a Nobis hominem, quam in eum ad executionem Pontificii Decreti ulterius procederemus, asseverabant. Martinum sæpe dictum misso ad ipsum dedita opera uno e caduceatoribus seu præconibus, & Heraldis nostris, sub libero huc veniendi, & recedendi salvo conductu accersiri juberemus. Quod & factum fuit, non ut Nos de hoc negotio judicaremus aut cognosceremus, quum id dubio procul ad Romanum Pontificem & Sedem Apostolicam pertineat, neque ut res sacrosanctæ fidei nostræ nunc tandem post tot sæcula per novas altercationes cum magno fidelium scandalo & perturbatione, ac infidelium derisione in controversiam revocari pateremur. Sed ut cum vulgi & plurimorum ita petentium satisfactionem, hominis animum percontantes, eum bonis monitionibus & suasionibus ad rectam semitam (si fieri posset) reduceremus. Itaque Lutherum in nostra & Sacri Imperii Electorum Principum, Prælatorum, statuum præsentia constitutum juxta formam Imperialis mandati, super hac re nuper interrogari jussimus.

Primum nunquid ipse multos libros sibi ob oculos adductos, & titulatim nominatos, & alios item, qui sub suo nomine circumferuntur, composuisset. Deinde, an ea, quæ in ipsis libris contra Sacra Concilia, Decreta Patrum, ritus & consuetudines a nostris Majoribus, ad hunc usque præsentem diem observatas scripserit, revocare veller, & ad sinum & unitatem universalis Ecclesiæ redire, adhibitis ad hoc nostro & Imperii nomine admonitionibus, & adhortationibus, quæ obstinatissimum hominem, etiam lapide duriores emollire & convertere potuissent. Qui sane statim libros ipsos antedictos, ut suos agnovit & confessus est,

nunquam se id negaturum protestatus. Iam & adhuc alios se composuisse dixit, quorum copia quum Nobis non fuisset facta, idcirco in medium non fuerant allati.

Quantum vero ad revocationem attinet, terminum sibi ad respondendum dari petiit, qui quamvis merito negari potuisset, tum quia novitates, & errores in fide, nulla sunt dilatione tractandi, sed statim penitus refecandi; tum quia ex mandato nostro sibi legitime insinuato, nec non etiam literis, quas ad eum dedera-
mus, optime admonitus, quam ob causam vocaretur, non nisi statim respondere paratus ad tantum Imperialis Conventus consessum venire debuisset, tamen ex nostra clementia & benignitate, unius adhuc diei terminum ad respondendum ei dedimus, quo elapso rursus coram Nobis & prædictis ordinibus Imperii comparens, & similibus adhortationibus sapientius, ut ad cor rediret, efflagitatus, pollicentibus etiam Nobis, si resipisceret, erroresque suos agnosceret, & quæ in libris ejus damnata & mala essent, revocaret, facile Nos impetraturos, ut a beatitudine Pontificis in gratiam reciperetur, & adhibito fideli, æquo & diligenti examine, ex ipsius libris, quæ mala scripserat, secernerentur, quæ vero bona, auctoritate Apostolica approbarentur, se ne verbum quidem in suis libris mutaturum; imprudentibus simul & impudentibus verbis, orisque & corporis gestu, quodvis potius, quam religiosum aut sanum hominem præ se ferentem apertissime negavit. Quinimo in nostram & Sancti Imperii faciem summorum Decreta Pontificum, & Concilia ipsa sacrosancta errasse sapientius, & sibi ipsis contradixisse, & tandem nullius apud se momenti fore asseveravit, seque nihil ex his, quæ scripserat revocaturum, nisi evidenti sibi ratione, & Sacræ Scripturæ auctoritatibus ad suæ conscientiæ, animique satisfactionem & assensum fuerit convictus, illud subinde repetens, & inculcans (quo fraudum stirpem virus jam multis detegit ceptum occultaret) conscientia sibi illa-
sa & integra, neque velle se, nec posse verbum immutare. Mala mens, malus animus: quasi vero Nos id ab eo peteremus, ut verbum Dei immutaret, ac non potius, ut juxta verum Dei verbum ad gre-

mium sanctæ Matris Ecclesiæ, a qua tam impie, quam turpiter defecerat, rediret. Cujus auctoritatem, quum tantam voluerit esse Dominus, idemque Deus noster JESUS Christus, ut qui Ecclesiæ non aucterit, tanquam Ethnicus & Pubbeanus sic habendus: idcirco non immento vel eam solam omnibus inventionibus, & vasa mentis hæreticorum longe anteferebam nemo nunquam, nisi perditissimus & vere hæreticus & Lutherus iuravit, qui ut tandem egregia sua hic acta, condigno sine claudet, & quod pessime inceperat, pejus terminaret, quid animi habeat, quam fidelium clade exultet, vel in nostro & in Sacri Imperii conspectu dissimulare non potuit. Nam detorta (ut hæreticis mos est) a vero sensu ad suam impietatem Evangelica illa sententia: *Non veni mittere pacem, sed gladium*, Omnium sibi, dixit, jucundissimam in rebus faciem, videre ob verbum Dei studia & dissensiones fieri. Id est (quod utinam ne experientia videremus) ob dissidentes ab Ecclesiæ ritu Lutheri opiniones, quas verbi Dei falso titulo prætexit, vere studia contraria, & dissensiones, & diffidia, & schismata, & bella, & cædes, & rapinas inter Christianos concitari.

Tali igitur & tam subdola, atque hæreticis omnibus peculiari responsione Nobis & Sacro Imperio a Luthero data, etsi decreveramus ipso statim remisso ad ulteriora progredi (id quod ex sententia nostra scripta, & postera die publicata, nemini non constare potest) tamen ad preces omnium Imper. ordinum inclinati adhuc ipsi triduum ad respiscendum concessimus. Quo tempore duo Electores, duo Episcopi, duo Principes sæculares, quoque civitatum nomine universos ordines & status Sancti Romani Imperii repræsentantes, & ad hoc communi omnium jussu & nomine deputati, vocato ad se Martino prædicto nullum non admonendi & adhortandi eum, ut tandem resipisceret, & nisi id faceret, quæ ipsum a Nobis & Sacro Imperio, legumque constitutionibus pænæ manerent, declarandi officium frustra insumperunt.

Unus etiam ejusdem Sacri Imperii Elector adhibitis secum duobus Doctoribus pietate & scientia præclaris, non solum adhortationibus, sed etiam multo-

rum errorum evidentibus redargutionibus ad ipsius usque obmutescentiam factis, mox seorsim ipsum prudenter & humane commonefecit, ut ad Summi Pontificis & Sedis Apostolicæ, nostrumque & Sacri Imperii statuum, & ceterarum fidelium nationum sanam sententiam, iuxta continuatum tot sæculis Ecclesiæ ritum, potius, quam ad suam unius opinionem respiceret, a qua si recedens in ordinem redire vellet, id se primum nonnullorum Sanctorum Patrum, qui & ipsi aliquando erraverunt, laudabili exemplo, deinde salvis anima, corpore, & honore facturum cognosceret. Ad quæ Martinus antedictus, & varia pluraque & diversa, cumque iis, quæ scripserat, pugnancia, nihilo tamen meliora, aut saniora privatim respondit, quam publice coram Nobis, & Sacro Imperio fecerat. Atque adeo se non omnes modo supra memoratos, sed & Concilium ipsum generale (si quod fieret) suspectum habere protestatus est.

Et (ut certissimo & omni exceptione majori testimonio constat) pollutissimo & sceleratissimo ore profari non est veritus, res Evangelii & Catholicæ fidei, nunquam fuisse in Conciliis Generalibus bene tractatas. Unde non injuria plurimum Nobis mirari subiret, cur nam a Summi Pontificis sententia ad Generale Concilium nuper provocarit, quum tam impie de Conciliis ipsis loquatur & scribat. Nisi manifeste sciremus, ut nihil est hæreticis æque formidabile, atque œcumenicum Concilium, nihil iisdem magis proprium esse, quam ut dictis, factisque & scriptis secum ipsi dissideant. Quod si usquam alibi, præcipue in Lutheri libris (Divina providentia sic operante, quo ipsius vana ædificia per se ruant) passim legere & videre est.

His omnibus & singulis sic omnino, ut præmittitur, se habentibus, quum prædictus Martinus tam perverse & obstinate in suis adeo manifeste hæreticis opinionibus persisteret; ut ab omnibus iis, qui sapiunt, partim demens, partim etiam malo aliquo obsessus spiritu judicaretur, Nos juxta tenorem Salvi conductus, ipsum statim a conspectu nostro missum fecimus, datoque ei in comitatu uno ex Heraldis nostris, & præscripto termino a vigesima quinta mensis Aprilis,

Tomus VI. Concilior. German.

qua ex Wormatia discessit ad viginti deinde proxime futuros dies, quibus peractis una salvus conductus peractus, & extinctus censeretur.

Nunc tandem ad reliquas oportunas medelas huic pestilentissimo morbo necessarias, in hunc, qui sequitur, modum procedere decrevimus.

Primum omnium ad honorem Omnipotentis Romanique Pontificis & Sanctæ Sedis Apostolicæ debitam reverentiam, pro Imperialis dignitatis officio ac debito, nec non zelo & studio, quo nostrorum majorum more, & ingenua etiam Nobis vi ad defensionem Catholicæ fidei, Sanctæque Romanæ & universalis Ecclesiæ honorem, tutelam & protectionem, omnes nostras vires ac facultates, Imperium, Regna, Dominia, amicos, vitam denique & animam ipsam nostram exponere sumus parati. Ex Imperiali & Regia autoritate, nec non consilio, & assensu Electorum & omnium Sacri Romani Imperii Principum, ordinum & statuum, in hac celeberrima & frequentissima Imperiali Diæta Wormatiæ congregatorum.

Ad perpetuam rei memoriam exequendo Sanctissimi nostri Domini Papæ in hac parte Judicis sententiam, Decretum, & condemnationem in literis Apostolicis (ut supra dictum est) ad Nos directis contentum, Martinum Lutherum, ut membrum ab Ecclesia Dei abalienatum, ut obstinatum schismaticum, & notorium hæreticum a Nobis haberi declaramus, & ut talem a vobis habendum decernimus, & edicimus; mandantes de eorundem statuum consilio & consensu, sub criminis læsæ Majestatis, nostræque, & Sacri Imperii gravissimæ indignationis, ac etiam amissionis Feudorum, Dominiorum, & bonorum omnium; gratiarum quoque, & omnium privilegiorum a Nobis, & Sacro Imperio dependentium, quæ obtinistis hæcenus, aut Prædecessores vestri quomodolibet obtinuerunt, nec non proscriptionis, ac banni, & interdicti Imperialis pœnis. Ne quis vestrum præfatum Martinum Lutherum receptare, defendere, & sustentare, fovere dicto, facto, aut scripto præsumat.

Quinimo post elapsum supra dictum viginti dierum terminum, contra eum, ubi-

ubicunque deprehensus fuerit, & in manu aut facultate vestra erit; juxta formam Imperialis Banni procedatis, vel saltem captum tamdiu custodiat, donec Nos a vobis de hac re certiores facti, de legitima in eum persecutione facienda vobis significemus, ut vos tam sancti operis & laboris debita pramia, & mercedem etiam uberem cum impensis ob hanc causam factis reportetis.

Et nihilominus ejusdem Martini complices, adhaerentes, receptatores, & quomodolibet fautores, & sectatores (nisi se iniquitatis semitam deseruisse, & auctoritate Apostolica absolutionis remedium consequutos esse fidem condignam fecerint) nec non eorum omnia & singula bona, mobilia & immobilia, juxta sacras Constitutiones, ac interdicti, & Banni Imperialis legem & ordinem, & absque ulla contradictione perfequamini, illosque & illa capiat, & in usus vestros optimo & pleno jure convertatis.

Mandamus insuper vobis omnibus & singulis praefatis, sub eisdem praenominatis poenis, ne quis Martini Lutheri scripta a Summo Pontifice auctoritate sua Apostolica (ut praemittitur) damnata, aut alia quaecunque tam Latino, quam Alemannico, seu alio quovis idiomate ab eo haftenus composita, vel in posterum componenda, utpote mala, suspecta, & a notorio, & pervicacissimo haeretico provenientia emere, vendere, tenere, legere, describere, imprimere, aut describi, vel imprimi facere, asserere, sustentare, predicare, defendere, praesumant. Non obstante, quod illis etiam aliqua bona ad fallendas simplicium mentes immixta essent.

In quo praeter justam Sedis Apostolicæ sententiam, etiam laudatissimam veterum Patrum institutionem & consuetudinem, omnino exequendam duximus, qui Arianorum, Priscillianistarum, Nestorianorum, Eutychianorum, & aliorum haeticorum libros, & in illis contenta omnia tam bona, quam mala promiscue exusserunt, & adnilarunt: neque id immerito, nam si optimi quique cibi unius tantum guttae veneni, quo humanum corpus laederetur, infusione suspecti, penitus sunt abjiciendi, quanto magis ea scripta, quibus tanta, & tam noxia ani-

mabus venena passim inserta sunt, non solum Nobis cavenda sunt, sed etiam ne alii noceant, prorsus destruenda, & corrumpenda, atque ab omni hominum memoria veniant observanda. Accedit ad id, quod quicquid boni in Martini libris reperitur, id antea a sanctis Patribus, quos Ecclesia recepit & approbavit, saepe dictum & saepius repetitum, absque ullius periculi aut mali suspicione legi, aut haberi potest.

Eapropter sub eisdem poenis omnibus, & singulis supradictis, vos omnes & quilibet vestrum tam Principes, quam alii, ad quos justitiam quomodolibet pertinet ministrare, & alii quicunque in universo Imperio, Regnis & Dominis nostris constituti, hujuscemodi pestiferos Martini libros, tam Alemannicos, quam Latinos, impressos, & imprimendos, aut etiam manu scriptos, ubicunque reperiantur, utpote magnæ seditionis, schismatis, hæresios in Ecclesia Dei fomites, diripiendos, & publico igni consumendos, penitusque abolendos cum effectu curetis, Apostolicisque Nunciis, seu eorum Commissariis, si operam vestram ad hanc rem requisierint, fideliter & diligenter adstatis. Et nihilominus in eorum absentia, per vos ipsos hac sic fieri nostro nomine & jussu, omnino & reipsa faciatis. In quo omnibus fidelibus dilectis subditis nostris ut Nobis, ac vobismetipsis assistant & pareant, tenore praesentium sub eisdem poenis injungimus, & mandamus.

Verum quia maxime cavendum est, ne Martini libri, aut ex illis excerpta mala, suppresso aut etiam mutato auctoris nomine, publicentur, quia etiam non sine magna animi nostri offensa, multos quotidie videmus, & audimus cum alibi, tum maxime in Germania componi, & imprimi libros plurimis malis traditionibus & exemplis refertos, & ne non omni astu & dolo humanæ naturæ hostis Christianis laqueos tendat, multas passim divulgari picturas, & imagines non in opprobrium modo privatarum personarum, sed & ipsius Summi Pontificis, & Sedis Apostolicæ contumeliam excogitatas. Ex quibus omnibus libris & picturis, Christi fideles in maximos tam in fide, quam in vita & moribus prolabantur errores, &

non solum privata odia, scandala, & similitates (prout experientia docet) multis in locis exorta fuerunt, verum etiam seditiones, tumultus, rebelliones, schismata in Regnis, Provinciis, & populis, atque universa Dei Ecclesia (nisi providetur) jamjam excitanda formidantur. Idcirco ad hanc perniciosissimam pestem extinguendam ex supradictorum Electorum & Statuum concordii animo & sententia omnibus & singulis supradictis, tam Imperiali, quam hæreditario jure Nobis subditis, sæpe eos dictis pœnis omnibus præcipimus & mandamus, ne quis hujusmodi famosos, & pestilentes libros, seu quascunque alias schedas, scripturas, imagines, picturas contra orthodoxam fidem, bonos mores, & id quod Sancta Romana Ecclesia hactenus observavit, atque etiam invectivas, criminationes, & ignominias contra Summum Pontificem, Sedem Apostolicam, Prælatos, Principes, Universitates Studiorum, & eorum facultates, honestasque personas componere, depingere, vendere, emere, tenerè, habere, aut imprimi, describi, depingi, vel vendi facere, quavis arte, aut dolo audeat, aut attentet.

Quinimo sub iisdem pœnis jubemus omnibus, & singulis supradictis, & præsertim iis, qui justitiæ ministerio præsunt, ut ejusmodi libros quoscunque antehac impressos, vel post hac imprimendos, nec non etiam manu scriptos, cujuscunque sint auctoris, aut ubicunque locorum per Sacrum Imperium, atque etiam nostra hæreditaria Regna & Domina inveniantur, similiter etiam picturas hujusmodi & imagines, nostro jussu & nomine occupent, diripiant, & publico igni comburant.

Et nihilominus hujusmodi detestabilem librorum, codicum, schedarum, & scripturarum, & picturarum auctores, & inventores, ac etiam post præsentis mandati publicationem, impressores, emptores, & venditores, qui contra jussa facere præsumpserint (si modo id legitime constiterit) nec non eorum jura, & bona omnia & singula capiant, apprehendant, & detineant, ac jure bono, quicquid sibi libitum fuerit, de illis disponant, ita quod de hoc nulli hominum tam in judicio, quam extra respondere sint obligati.

Atque ut omnis ejuscemodi, & aliorum errorum occasio tollatur, & ne

aliorum scribentium venena longe lateque diffundantur, sed præclarum imprimendi libros artificium in bonos tantum & laudabiles usus exerceatur, ex certa nostra scientia, animoque deliberato, ac Imperiali, Regiaque autoritate de maturo supradictorum Electorum, & aliorum Sacri Romani Imperii Statuum consilio, deliberatione, & unanimi consensu volumus, & sub Banni, & interdicti Imperialis, & aliis pœnis antedictis præcipimus, & jubemus, tenore præsentis edicti, quod vim inviolabilis legis habere decernimus, ne quis de cætero chalcographus, & librorum impressor, aut alius quivis ubilibet per Sacrum Imperium, atque nostra prædicta Regna, & Domina constitutus, libros illos, seu aliam quamcunque scripturam, in quibus de sacris literis, aut fide Catholica aliquid vel minimum tractatur, non habito prius consensu, & voluntate Ordinarii loci, aut ejus ad hoc substituti & deputati, aut autoritate etiam Facultatis Theologicæ, alicujus propinquæ Universitatis, pro prima videlicet impressione, alias vero cujuscunque rei, & facultatis libros, schedas, & picturas de consensu saltem Ordinarii, aut ejus ad hoc substituti, ullo pacto imprimere, vel vendere, aut imprimi, vel vendi facere directe vel indirecte, quoquo modo præsumat, aut attentet...

Quod si quis cujuscunque sit dignitatis, gradus aut conditionis, hanc nostram mentem, Decretum, Statutum, tam Lutheranam, quam impressoriam materiam concernentibus, inviolabiliter observandam ullo pacto, aut quovis quæsito colore vel ingenio contrafacere, aut venire ausu temerario præsumpserit, præterquam quod illud irritum decernimus & inane, etiam læsæ Majestatis crimen, ac nostram, & sacram Imperii gravissimam indignationem, proscriptionisque, & banni, ac interdicti Imperialis, nec non alias sæpe dictas pœnas se ipso facto incurrisse cognoscat.

Datum in Civitate nostra Imperiali Wormatia, die octava mensis Maji, Anno Domini Millesimo quingentesimo vigesimo primo. Regnorum nostrorum Romani secundo, cæterorum vero omnium sexto.

Ex Chapeauvill. Gest. Pontificum Leodiens.
Tom. III. Cap. XI. Idem exhibet Odoric.
Reynald in Annal. Eccles. ad ann. 1521.
n. 26. Goldast. Constit. Imperial. Tom. II.

HADRIANI PAPÆ VI.

BREVE ad FRIDERICUM, Saxonie Ducem,
adversus Lutherum.

Anno Christi MDXXII. Hadriani VI. PP. I.
Caroli V. Imp. IV.

DILECTE FILII! SALUTEM ET APOSTOLICAM BENE-
DICTIONEM.

Satis & plusquam satis sustinimus, Dilecte in Christo, si forte Dei pietas tuam animam digneur invisere ac dare poenitentiam ad cognoscendam veritatem, ut resipisceres a Diaboli laqueis, a quo captivus detineris. Novimus te paterne monitum a felicitis recordationis Prædecessore nostro, ut a te separares perniciem illam Christianæ Religionis Martinum Lutherum, & cum jam toti orbi manifesta essent scelestissimæ machinationes illius, speravimus & te ad cor poenitens reversurum.

Sed quoniam expectavimus uvas: Et ecce quia frustra conslavit conslator, malitiæ enim tuæ non sunt consumptæ. Coegit Nos misratio tui, coegit paternus amor, quo te & tibi subditos Saxones in Domino semper fuimus persecuti, salutaribus & paternis monitis adhuc convenire, ut vel tandem resipiscatis, antequam plane in vos conveniat, quod mox subdit Propheta: *Argentum reprobum vocate eos, quia Dominus projecit eos.*

Et quid dicemus vobis, quam quod Galatis suis Paulus: *O insensati, quis vos fascinauit veritati non obedire? currebatis bene: interrogate patres vestros, ac dicent vobis, majores vestros & annuntiabunt vobis: quod ab ea ætate, qua uno eodemque tempore vixere Hadrianus Romanus Pontifex & Carolus ille magnus Imperator, Saxonice fidei plantatores ad nostra usque, & carissimi in Christo Filii nostri Caroli tempora, avi & proavi vestri, atque adeo Saxones omnes semper habiti estis veluti pacis amatores, fidei propugnatores, per omnia obedientiæ pacifici filii, talesque, ut non immerito Gregorius V. natione Saxo olim Romanus Pontifex, Saxonie Ducem in Romani Imperatoris consti-*

tuerit Electorem. *Quomodo ergo tam cito mutatus est color optimus? cur tam facile transferimini ab eo, qui vos vocavit in gratiam Christi, in aliud Evangelium, quod non est aliud, nisi sunt quidam, qui vos conturbant, & volunt convertere Evangelium Christi? Quis vineam Domini Sabaoth tam pulchre plantatam est demolitus? certe exterminavit eam aper de sylva & singularis ferus depastus est eam. Sed vix illud a vobis, a domesticis & amicis, a cruciatu præcordiorum. Obsecramus te, Fili dilecte in Christo, leva oculos tuos in directum; & vide ubi sis prostratus. Considera quantam Ecclesiæ Christi tot malis undique circumvallatæ, ac pene oppressæ pro opera, qua illi subvenire debueras, cladem insuper intulisti. Oppugnatur foris ab infestissimo illo ac potentissimo Christiani nominis hoste. Dissident intus Principes reipublicæ Christianæ & in mutam armati perniciem cruentissimis inter se odiis conficiuntur, & in fraterna viscera ferrum stringunt, ut vix Ethnici inter se, crudelius. An hæc ita tibi visa sunt non satis gravia, nisi contritionem induceres super contritionem, nutriendi ac fovendi serpentem illum in sinu tuo, qui veneno linguæ suæ Ecclesiam & terras infecit adeo, ut nunc pervenerit gladius etiam usque ad animam? Quanto autem plurius est anima quam corpus, tanto gravius est prædictis omnibus horrendum illud & plusquam Tartareum venenum, quo hæreseon ac schismatum contagione tot myriades animarum interierunt, intereuntque. Ita tibi debemus omnes, quod nunc passim ab unitate matris Ecclesiæ recedatur, quod avertatur vulgus indoctum, ac bis mille præstigiis ac fascinationibus retrahatur a fide,*

fide , quam suxit ab ubere materno : quod basilicæ sine fine plebibus , plebs sine Sacerdotibus , Sacerdotes sine debita reverentia , & sine Christo denique Christiani : quod Sacramenta fidei non sacra censeantur , quod Sanctuarium Christi Sanctum esse negetur , quod dies festi festivis frustrentur solemnibus , quod moriantur homines in peccatis suis , rapiantur animæ ad tribunal terrificum , nec poenitentia reconciliati , nec sacra Communione muniti : quod pulcherrimus ille tabernaculi ordo confusus sit , & pro Christiana pace ac tranquillitate ad rebellionem , ad rapinas , ad cædes , ad incendia cum magno ac manifesto Christianæ reipublicæ discrimine veluti Classico passim excitati . Pro quibus egregiis tuis in Ecclesiam Christi meritis , quo te præmio , imo quo non supplicio dignum censēbimus ? At dices forte : serpens me decepit . Dignam certe recepisti mercedem , qui illum nutriti in sinu tuo . Sed itane stultus es ac sine corde , ut in eis maxime rebus , in quibus errare damnari est , uni homuncioni cooperto peccatis , quam tot sanctissimis ab initio patribus , qui in lege Dei meditati sunt die ac nocte , & quam tot universalibus Conciliis , adversus quæ impudens os illud velut sepulchrum patens se aperire non erubescit : Sanctæ denique & Catholicæ Ecclesiæ , cuius ritum , consuetudinem & Decreta a temporibus Apostolorum ad nos usque inviolabiliter observata , unus iste sacrilega temeritate damnare præsumit , plus credere potueris ? O cæcam mentem , ac plus quam Judaicam cæcitatem ! At fortassis hoc tibi imposuit , quod veterator ille Martinus & ejus sequaces de Capitulis scripturarum visi sunt sua confirmare . Et quis tandem hæreticorum ita non fecit ? An non hæ sunt veteris serpentis astutiæ , qui hac veluti esca obducto hamo miseris animabus mille technis & versutiis semper est insidiatus , quique , quo angularem intringeret veræ fidei lapidem ac Christianam scinderet unitatem , in scripturarum agrum suum feminare semen & perverfam scripturarum intelligentiam jam pridem eff aggressus ? Cum itaque maxime semper pars Ecclesiarum imperita turba sit , & vix unus reperiat aut alter , qui spiritualibus

oculis de scripturarum intelligentia digne valeat judicare , siquidem librum signatum legimus , quem solus leo de tribu juda dignatus est aperire , ac solvere signacula ejus : quæ tandem ista Diabolica excæcatio , uni carnali homuncioni semper eructanti crapulam & potum , quam reliquo orbi universo , quam tot spiritualibus Patribus , quorum voluntas semper fuit in lege Domini , qui vitæ sanctimonia , ostensione spiritus , ac virtute , glorioso denique Martyrio suam doctrinam comprobaverunt , in scripturarum intelligentia plus apud te fidei habere potuisse ? O cæcitatem novam & inauditam ! unus apostata tibi potuit persuadere fecisse priores universos , errare posteros , in solum se & quos decepit , pervenisse Regnum Dei , pervenisse totas miserationum Dei divitias ac gratiam universitatis ? Et quid non dicimus cum Propheta : *Heu , heu , heu Domine : ergone decepisti populum tuum* . Quin potius cur non devitatis (secundum Apostolicum præceptum) quæstionibus ac pugnis verborum , ex quibus oriuntur invidiæ , contentiones , blasphemiæ , suspiciones malæ , confictiones hominum mente corruptorum , & subvertunt corda audientium , ex operibus suis , juxta Dominicam designationem studuisti cognoscere filium profanum istum , qui ad vos venit primum in vestimentis ovium , lupus intrinsecus rapacissimus , siquidem non ex floribus , sed ex fructibus arbor cognoscenda erat .

Annon manifesti sunt nequissimi fructus ejus ? Siquidem sacrilegus hic adversus Deum , imagines sacras , atque adeo ipsam Crucem Christi sceleratis manibus confringere & pollutis conculcare pedibus non formidat , contra Sacerdotes DEI furore impio temerarie debachans , non desinit laicos ad lavandas sibi in eorum sanguine manus sedulo concitare , Ecclesiam Christi parricidalibus armis oppugnans hoc agit assiduo , ut suffocentur homines in peccatis suis , hoc unum elaborat , ne Divina misericordia suis Sacramentis , quæ peccatorum remedia efficacia esse voluit , vulneratos in Ecclesia sua curet . Ita enim ea aut sustulit universa , aut hæreseos suæ pestifero infecit veneno , ut toxicum magis requirat , quam animarum medicinas

cinas. Præcepit suis, ne indignanti Deo quis satisfaciat, ne jejuniis, orationibus, lamentationibus peccata redimat, ne hostia illa placens Deo, Corpus & Sanguis Domini nostri Jesu Christi a Sacerdotibus offeratur quotidie pro peccatis nostris, vota docet non reddere Domino Deo suo. Et cum ipse sit apostata ac professionis suæ desertor, ut plurimos sui faciat similes, sancta illa Deo vasa polluere non veretur, consecratasque virgines & vitam Monasticam professis extrahere a Monasteriis suis, & mundo, imo Diabolo, quem temel abjuraverunt, reddere. Quod in veteri lege in umbraticis Sacerdotibus Dominus non tulit, quod Ethnici in idolorum suorum flaminibus omnes sunt abominati, Christi Sacerdotes etiam vilissimis copulat meretricibus, Sanctos Patres, illos, quorum vita & doctrina illustravit universum mundum, non solum debito honore non prosequitur, sed multo quam Cain scelestius despicit, deridet, contemnit, infestatur.

Sacrofanctis omnibus universalibus Conciliis impudenti ore palam contradicit, ac sacrilega lingua detrahit, libertatis specie licentiosam quandam vitam nullis constrictam legibus ac vere ferinam inducere conatur, unde & exlex homo, contemptor ac violator legum omnium in tantam erupit mentis vesaniam, ut Sanctissimorum Patrum Decreta, & Ecclesiasticos Canones igne publico concremare non formidaret. Et breviter Christianorum veritatem, omnem rerum ordinem, pulcherrimam denique Ecclesiæ faciem a Christo, ab Apostolis, Apostolicisque viris, ac Sanctissimis Patribus ab initio constitutam, unus hic post tot centenos annos discindere, invertere, ac deformare molitur.

Quod si nondum satis etiam interioscis, de Christiano magisterio, an de Antichristi spiritu illa proficiantur, si ita fascinauit te præstigiator ille, ut credere possis unum hunc perfidissimum apostatam veluti alterum Eliseum habere duplicem spiritum Eliae, aut alterum esse, quem se jactitat, Danielem, in quo sit spiritus amplior & intelligentia scripturarum major, quam in omnibus olim sanctissimis illis doctissimisque viris, quam in Sacrosancta Ecclesia Catholica, quid est

te uno cæcius? aut si jam ex fructibus arborem cognoscens in errore persistis tamen, quid te miserius?

Sed esto, transfiguratus sit coram te Satanas ille in Angelum lucis, & quæ manifesta sunt opera carnis ac diabolica, spiritus esse & Christi opera, venenata sua facundia persuadere potuerit, nunquid non ubique vel hoc ipso prodit, cujusnam spiritus sit, quod omnis ejus sermo amarus est, virulentus, arrogans ac maledicentissimus, nusquam non scatens convitiis, blasphemis ac scommatibus plusquam venenatis adversus omne Christianæ pietatis, modestiæ, mansuetudinis ac benignitatis officium? nunquid ita docuit Paulus, cujus se jactitat spiritum habere, cum nulla ejus extet Epistola, quæ non pacem & unitatem, ac alias id genus virtutes redoleat? An non Romanos suos hortatur in Domino, ut in caritate fraternitatis se diligant invicem, sectentur quæ sunt pacis, & quæ ædificationis custodiant? Corinthiis an non testatur se docere in Ecclesiis Deum non dissensionis sed pacis Deum esse? Et breviter nunquid non ubique clamat, ubique docet Evangelica illa tuba, ut digne ambulemus in omni humilitate ac mansuetudine, cum patientia supponentes invicem in caritate, solliciti fervare unitatem spiritus in vinculo pacis, utque deponamus omnem iram, indignationem, malitiam, blasphemiam, turpem sermonem? Quo igitur pacto maledicentiam, amaritudinem, iram, indignationem, blasphemiam, inflationem, jactationem, quæ ita huic peculiaria sunt, ut illa Paulo ac illius discipulis universis, qui mitis est ac humilis corde, non Paulini, non Christiani, sed diabolici spiritus esse certissima indicia vel cæco non clarissime appareat.

Ex verbis illius quomodo non intellexisti Christum in corde suo, an vero Antichristum haberet, secundum quod ipsa veritas in Evangelio ait: *Progenies viperarum, quomodo potestis bona loqui, cum sitis mali, de abundantia enim cordis os loquitur.* Et cum scriptum sit, quod *Maledici Regnum Dei non possidebunt*, item cum in Evangelio dicat Dominus: *Quicumque dixerit fratri suo Raca, reus erit Concilio, qui autem dixerit Fatue, reus erit gehennæ incendio.*

Illum.

Illumne esse Antichristi Apostolum cuiquam obsecurum esse poterit? qui non modo Sacerdotes Dei, sed & Principem Sacerdotum, Petri Successorem, JESU Christi in terris Vicarium tam intandis, infamibusque nominibus, tam inauditis convitiis ac blasphemis nusquam non lacerat, disceperit ac insectatur, ut ea commemorare pudica refugiat lingua & & audire horreant aures castæ: Qui Apostolicam Cathedram, in qua præsedet Caput Apostolorum Petrus, cui præfuerunt tot Sancti Pontifices, quam Ecclesiam principalem, unde sit exorta unitas Sacerdotalis, sanctus ille & gloriosus Martyr Cyprianus non dubitat asserere, impio ac pestilenti ore Cathedram pestilentiae, Antichristianam, Diabolicam, & si quæ potuit excogitare nefandiora, roties appellare non cessat: Qui scholas Christianas, quæ tam multos doctissimos, sanctissimosque viros, tam egregias in Ecclesia Dei Columnas Nobis protulerunt, impudica lingua sua lupanaria, Sodomas & Gomorras ubique vocare non verecundatur: Qui non satis habet, Omnipotentis Dei Sacerdotes probris omnibus, convitiis, contumeliis ac blasphemis horrendis & inauditis, nunquam non publice ac privatim insectari, quibusvis canibus viliores facere, nisi etiam laicos conciter ac lavandas sibi manus in sanguine ipsorum. Cum tamen quanto honore haberi velit Sacerdotes suos, maxime autem Principem Sacerdotem, idem ipse Dominus in Deuteronomio testatus est dicens: *Si difficile & ambiguum apud te iudicium esse prospexeris inter Sanguinem & Sanguinem, Causam & Causam, lepram & non lepram, & iudicium intra portas tuas videris verba variari, surge & ascende ad locum, quem elegerit Dominus Deus tuus, veniesque ad Sacerdotes Levitici generis & ad iudicem, qui fuerit illo tempore, quæresque ab eis, qui indicabunt tibi iudicii veritatem, & facies quæcunque dixerint, qui præsumt loco, quem elegerit Dominus, & docuerint te juxta legem ejus, sequerisque sententiam eorum, nec declinabis ad dexteram neque ad sinistram. Qui autem superbievit, nolens obedire Sacerdotis Imperio, qui eo tempore ministrat Domino Deo tuo, ex Decreto iudicis morietur homo ille, & auferes malum de Israel, cunctusque populus audiens timebit, ut nullus deinceps intumescat superbia.* Et Samuel cum sperneretur a

Filiis Israel, annón dicit Dominus: *Non enim te spreverunt, sed me, ne regnem super eos.* Manifeste ostendens invisibilem se contemni, cum visibilem quis spernit Sacerdotem; quare & Moyses murmuranti adversus se populo respondit: *Non adversus me murmurastis, sed adversus Dominum Deum vestrum.* Quod si Leviticis illos Sacerdotes tanta honoris prærogativa præcellere voluerit Dominus, qui exemplari tantum & umbræ deserviebant, cœlestium in umbratulo illo tabernaculo sacrificiorum officia confuentes, quo tandem honoris loco eos haberi voluit, quibus tradidit claves regni cœlorum? tantamque tribuit potestatem, ut quæ ligarent super terram, ligarentur & in cœlis, & quæ solverent super terram, soluta essent & in cœlis, utque quorum ipsi dimitterent peccata, dimissa forent, quorum retinerent, forent & retenta, qui non sanguinem hircorum aut vitulorum, sed hostiam vivam, sanctam, immaculatam Corpus & Sanguinem Domini nostri Jesu Christi offerunt quotidie pro peccatis nostris, conficiunt verbo suo, ac manibus tractant? breviter Sacramenta omnia, quibus hominibus vita salusque tribuitur animarum, suis perficiunt orationibus? quanto inquam honore hos præcellere voluerit Dominus, quis tandem dubitabit, quod nec ipse tacuit in Evangelio, cum dixit ad eos: *Qui vos audit, me audit, & qui vos spernit, me spernit, qui autem me spernit, spernit & eum, qui misit me.* Et quid consequitur? quod in eundem Christum blasphemus est & maledicus, qui Sacerdoti Christi blasphematur aut maledicit. Annon hoc primum mandatum in retributione: *Honora patrem & matrem, ut sis longævus super terram; qui maledicit patri aut matri, morte moriatur.* Nunquid ad carnales tantum parentes illud est referendum? Et num minus ad eos, qui nos in Christo regeneraverunt, per quos Christiani sumus, qui nobis peccata dimittunt, qui cœlestibus nos pascunt Sacramentis? Quid si peccatores & mali Sacerdotes? Quid si & parentes? Nunquid propterea eos non honorare, aut eis maledicere licet? Numquid non & Judas erat inter eos, quos Dominus misit ante faciem suam, & ad quos dicebat: *Quicumque non*

reciperit vos , neque audierit sermones vestros, exeuntes foras de domo aut civitate, excutite pulverem de pedibus vestris. Amen dico vobis: tolerabilius erit terræ Sodomorum & Gomorrhæorum in die Judicii, quam illi civitati. Annon præcepit ita Apostolus: *Obedite Præpositis vestris & subiacete eis?* quod si malis & peccatoribus non sit obediendum, quibus tandem? quoniam si dixerimus, peccatum non habemus, ipsi nos seducimus, & veritas in nobis non est. Ovis es, noli discutere Pastorem, noli te Iudicem Dei constituere & Christi. Annon ita præcepit Dominus in Evangelio dicens: *Super Cathedram Moysis sederunt Scribæ & Pharisei, omnia quæcunque dixerint vobis, servate, & facite, siquæ autem fecerint male, facere nolite.* Manifeste significans, habere eos dignitatem, tamen si vitæ essent perditæ. Nunquid idem Dominus, cum postea tempore Passionis alapam accepisset a servo Sacerdotis dicente sibi: *Sic respondes Pontifici?* Adversus Pontificem quidquam dixit contumeliose, quin magis innocentiam suam asserens & ostendens: *Si male, inquit, locutus sum, exprobra de malo, sin bene, quid me cædis?* Annon & Paulus cum cæderetur in Concilio jussu Ananiæ, diceretque: *Percutiet te Deus paries dealbate. Et tu sedens iudicas me secundum legem, & contra legem jubes me percuti.* Audiens ab adstantibus: *Sic insimulas Sacerdotem DEI maledicendo ipsum;* tamen inane nomen & umbram quandam Sacerdotis cogitans expavit. *Nesciebam, inquit, fratres, quia Princeps est Sacerdotum,* scriptum est enim, *Principi populi tui non maledices.* Quo magis miramur, quod ex istis diabolici spiritus operibus veluti fructibus nequissimis arborem pessimam nondum cognovistis. Et quis tandem est ita hebes animo, ut non videat, quo nunc prorumpant furiosissimi conatus istius, cum ut quisque facinorosissimus, desperatissimus aut perditissimus latro aut homicida, sub istius vexillis ac signis conveniant? Ecclesiam jam Christi parricidalibus armis ac sacrilegis manibus non clam, sed palam oppugnant, consecrata Deo loca Templâ & Monasteria exurant & profanant, Christo dicatas Virgines, Sacerdotes Christi & Monachos crudelissime persequuntur, Ecclesiarum bona diripiunt, & breviter rapinis, latrocinis, cædibus, incen-

diis confundunt universa, excecante nimirum eos iusto Dei Judicio & in insaniam tam manifestam erumpere permitte, ut neminem jam latere possint scelestissimæ machinationes istius, atque hi, qui pestifera contagione ipsius infectos sese nunc tandem cognoverunt, schismatico errore deposito, ac hæretico furore deserto, unitatis ac veritatis domicilium fidei sanctitate repetunt, inter quos dilecte Nobis in Christo Jesu, cum te non ex postremis reversurum ad salutarem matris sinum speravissemus, quem revertentem libenter & obviis excepissemus manibus, bona spe tandem nostra frustrati videmus supra petram induravisse te faciem tuam, videmus pernitentiam illam animarum Lutherum, sub tuo patrocinio latitantem, suum adhuc virus longe lateque spargere. Sed quoniam adhuc potens est Dominus Deus etiam de lapidibus istis suscitare Filios Abraham, antequam egrediatur ut ignis indignatio ejus & succendatur, nec sit qui extinguat. Ideo te fili dilecte in Christo obsecramus per viscera nostri Redemptoris Domini nostri Jesu Christi, per Christianam unitatem, per patriæ caritatem, per tuam denique ipsius tuorumque salutem, miserere Ecclesiæ Christi & tot jam malorum procellis undique exagitæ ac pene oppressæ tua maxime culpa aliquando fer opem: Miserere patriæ nostræ, quæ sinceræ olim fidei, eximie religionis sub jugo Domini ac religiose obedientiæ insigni præcellens gloria, pernitentiam illam religionis Christianæ, ac fidei ac pietatis publicum hostem Martinum in suis se peperisse ac fovisse visceribus nunc erubescit. Miserere denique tui ipsius, tuorumque misere seductorum Saxonum. Quos, nisi respiciatis & quidem cito, manet præsens & certa ultio Divina, quam neque in hoc seculo effugietis, neque in futuro. Hæc dicit Dominus Deus: *Audi popule stulte, audi Princeps, qui non habes cor, qui habetis oculos & non videtis, aures & non auditis, Me ergo non timebitis & a facie mea non dolebitis?* nunquid non audistis, quæ fecerim in diebus antiquis? legite scripturas, in quibus putatis vos vitam æternam habere, & invenietis, quam gravis semper fuerit & quam terribilis Divina vindicta in illos, qui populo DEI schis-

schisma concitaverunt. Non quid non legistis horribilem Divinam ulcionem adversus Dathan & Abiron, quod multitudinem adversus Moysen concitavissent, quos dehiscens sub pedibus terra & aperiens os suum deglutivit, & omnia, quæ ad eas pertinuerunt, ita ut descenderent viventes in infernum? & adversus Core, quem eandem ob causam cum ducentis & quinquaginta viris cœlestis flamma devoravit. Quod si ob durius Imperium fortassis, aut quorundam Pastorum seu ignaviam seu malitiam schismata excitanda putatis, nunquid non ex libro Regum audistis, adeo indignatum fuisse Dominum adversus decem tribus Filiorum Israel & in omne semen eorum, ut dimoverit eos & tradiderit in direptionem, donec projiceret eos a facie sua? ob quam tandem culpam, nisi quod ob durius Imperium Salomonis, & imprudentius arrogantiusque responsum Roboam Regis Jerusalem scissæ fuerunt a tribu Juda & Benjamin? Quam præsens semper fuerit Dominus vindex Sacerdotibus suis, annon Saul ab regio abjectus honore & Ozias Rex Juda percussus lepra, propterea quod, quæ Sacerdotum erant, contra Sacerdotes Domini sunt ausi usurpare, sufficiens vobis potuerunt esse argumento? & breviter annon omnes testantur historiæ, universos ultrice Domini manu infelice periisse exitu, qui in Christos Domini sacrilegas manus injicere non formidaverunt? contra autem felicia omnia, & longam illis contigisse vitam, qui Christum in Sacerdotibus suis venerati sunt? Moveant ergo vos exempla, & cogitate, quid vobis sit expectandum, qui venerabilem Dei chorum in manus tentatis tradere profanas. Proinde quod Dominus per Moysen universo præcepit populo Israel, ut separarentur a tabernaculis Core, Dathan & Abiron, nec tangerent quidquam, quod ad eos pertineret, ne involverentur in peccatis eorum, hoc & vobis, præcipue autem tibi dilecte fili! ejusdem Domini nostri autoritate præcipimus & obsecramus in Christo Jesu, ut separemini a Martino Lutero, aufferatis a vobis petram illam scandali, neque tangatis, quod illius est, ne & vos Divina ultio involvat subito in peccatis illius. *Expurgate quamprimum fermentum illud, quod reliquam fidei vestræ mas-*

sam corruptit, ut sitis nova conspersio, nova-que creatura. Non dedigneris fili dilecte Paulum imitari, quem sicut vicisti in Ecclesiæ Dei persecutione, tam gravem animarum perniciem sub tuo nutriendi patrocínio, ita reversus ad cor, effice, ut omnes intelligant tuam conversionem, utque qui per te sunt scandalizati, in te rursus glorificent Deum. Maxime autem hoc præsta quamprimum, ut impurum os illud obstruatur, ut capuletur blasphema lingua, quæ contra Deum ac Sanctos ejus loqui non cessat, & virus suum undique spargit, & ut Prophetis vos verbis admoneamus: State super vias & videte ac interrogate de semitis antiquis, quæ sit via bona, & ambulate in ea, & invenietis refrigerium animabus vestris. State inquam, & doctrinis variis & peregrinis nolite abduci, interrogate de semitis antiquis, quæ sit via bona, per quam ambulerunt patres vestri, quam demonstraverunt tot Myriades Martyrum, docueruntque tot millia Confessorum, & ambulate in ea.

Quod si a vobis impetraverimus, sicut & sincere speramus, erit quod gaudeamus cum Angelis de peccatore penitentiam agente, & perditam rursus inventam ovem humeris nostris ad ovile Domini gaudentes reportabimus, paterneque piecæ, quantum in Nobis fuerit, stolam vobis pristinam restitueamus.

Quod si dixeritis: *Non ambulabimus; & paterne salubriterque vos monenti respondebitis: Non audemus. Ideo audite gentes, dicit Dominus, & cognoscite congregationes, quanta ego faciam eis. Ecce ego adducam mala super populum istum fructum cogitationum ejus, quia verba mea non audierunt & legem meam projecerunt. Sed & hoc tibi denuntiamus in virtute Omnipotentis Dei & Domini nostri JESU Christi, cujus in terris Vicarius sumus, nec te in præsentis sæculo hoc laturum impune, & in futuro æterni te ignis expectare incendium. Vivunt una pontifex Hadrianus, & Religiosissimus Imperator Carolus meus in Christo carissimus Filius & alumnus, cujus tu edictum vere Christianum adversus Lutheranam perfidiam, & quod talem decebat Imperatorem, non sine gravi offensa ac vilipensione Cæsa-*

rez Majestatis violare non timuisti. Non commitemus, ut quos olim cum Magno Carolo Hadrianus Pontifex in Christo genuerant, nunc Hadrianus Pontifex & Imperator Carolus sub schismatico ac hæretico tyranno hæreseon ac schismatum finamus interire contagione. Quare revertimi-

ni ad cor & respicite tu, tuique misere seducti Saxones, nisi utrumque gladium Apostolicum simul & Cæsareum olim velitis experiri. Scripta Romæ Anno Domini Millesimo, quingentesimo vigesimo secundo.

Harduin. Concilior. Tom. IX. column. 1901.

CONSTITUTIO

AD REMOVENDOS ABUSUS,

Et Ordinatio ad Cleri vitam reformandam, per Reverendissimum in Christo Patrem & Dominum, Dominum LAURENTIUM, tituli Sanctæ Anastasiæ, Sanctæ Romanæ Ecclesiæ Presbyterum Cardinalem Campegiū ad Germaniam &c. de latere Legatum, Anno Domini Millesimo quingentesimo vigesimo quarto, Ratisbonæ edita.

SYNOPSIS CAPITUM SEQUENTIUM.

- Quod nemini prædicare liceat, nisi per Episcopum admissio, cujus est verbo Dei seminando eos adhibere, quos probaverit esse doctos, modestos, ac pios viros. Cap. I.*
- Quod Clerici morum integritatem Clericali quoque habitu ac tonsura ornare debeant. Cap. II.*
- Vitandæ Clericis tabernæ, scenæ, ludi, omnisque levitas. Cap. III.*
- Interdicitur Clericis cautionaria, ac mercatio. Cap. IV.*
- Ut Parochi oblationibus ac juribus suis contenti, subditis nihil superflui oneris imponant. Cap. V.*
- Ut Parochi pro necessaria Sacramentorum administratione, quod de consuetudine voluntarie offertur, recipiant, nihil vero extorqueant. Cap. VI.*
- Consuetudo, per quam plus justo onerantur subditi, auctoritate Episcoporum, vel Magistratus moderanda. Cap. VII.*
- Quod oporteat Clericos esse temperantes, & non miscere cum laicis convivia, ne funeraria quidem aut fraternitatem. Cap. VIII.*
- Parochis datur potestas occultos peccatores gratis absolvendi, præter hæreticos, homicidas & excommunicatos, qui cum publicis peccatoribus remittendi sunt ad eos, quibus absolutio reservata est. Cap. IX.*
- Ne Praelati animarum curam indignis & subvili stipendio locent. Cap. X.*
- Gaudere non debent Clerici de Ecclesiasticis Beneficiis, quorum prædia & domos non restaurant. Cap. XI.*
- Non debent animarum curæ præfici Religiosi, sed ad regulam (quam professi sunt) observantiam compelli. Cap. XII.*
- Licebit pauperi Conventui cuiuslibet suæ Ecclesiæ diviti tantum coherenti præficere Religiosum probatum prius, & admissum per Episcopum, sed ne ad sacros quidem ordines alii, quam tales promoveri debent. Cap. XIII.*
- Extra Diocesim ordinati sine Ordinarii auctoritate, ac literis testimonialibus ad Divina non admittantur. Cap. XIV.*
- Sacerdotes in libidinem effusos, & nefario concubinato pollutos, panis ac censuris Ecclesiasticis coercendos. Cap. XV.*
- Stationarios, qui eleemosynam pacti sunt, prohibendos, qui vero integra fide colligunt, non admittendos, nisi sub testimonio Ordinarii. Cap. XVI.*
- Vagos Sacerdotes non tolerandos ultra mensem, nisi cum testimonio Ordinarii, unde discesserunt, ejusque cuius Diocesim intrarunt, admisione. Cap. XVII.*
- Servandas in arario templi pecunias templo dedicatas, nec erogari debent, nisi accedente ad voluntatem Præfectorum ararii, Rectoris quoque consensu. Cap. XVIII.*
- Episcopi debent suis Vicariis (quod & ipsi Episco-*

Episcopi sunt) ita providere, ne cogantur contra Episcopalem dignitatem quaestui servire. Cap. XIX.

Rediguntur dies festi in numerum; ceteri ita abrogentur, ut nihilominus peragantur Divina. Cap. XX.

Quibus diebus interdicta sit nuptiarum celebritas, & quatenus jejunium plebi sit imponendum. Cap. XXI.

Quod cædis Clerici auctores tantum Divinis excludi debeant. Cap. XXII.

Quod Episcopi non debeant Clericorum bonis inbiare, qui legitimos hæredes aut successores relinquunt. Cap. XXIII.

Quod secularis potestas capere possit episcopatus, debet tamen Ordinario tradere, cujus erit in ipsos animadvertere, quodque non liceat Episcopis pensionem, aut absentiarum decimas extorquere. Cap. XXIV.

Quod non liceat Episcopis beneficiorum fructus immodice ac avaræ Clericis surripere. Cap. XXV.

Archi-Episcopi debent Provinciale Synodum omni triennio convocare. Cap. XXVI.

Qui recusat altari servire, non debet de altari vivere. Cap. XXVII.

Qui Sacramentorum communionem in totum neglexerint, sepultura debent aënovum sepeliri. Cap. XXVIII.

Non committendum ut relinquatur impunita blasphemia. Cap. XXIX.

Servanda, quæ adversus Simoniacos Sacri Canonnes decernunt. Cap. XXX.

Divinatores, Hæreticos, & fidei dilaceratores non modo vitandos, ac rescindendos, sed severa quoque animadversione plectendos. Cap. XXXI.

Ut Sacerdotes oportet sacras literas assidue discere, ita laicorum est non temere de illis disceptare, ac judicare. Cap. XXXII.

Decet Episcopos in suos Vicarios esse liberales, Prælatosque omnes elemosynarios. Cap. XXXIII.

Veterum Decreta Sanctionesque pulchrum est observare. Cap. XXXIV.

Episcopi in Synodo, quomodo de more veterum singulis annis oportet celebrare, debent hæc Constitutiones publicare, & subditos ad earum observantiam compellere. Cap. XXXV.

LAURENTIUS, MISERATIONE DIVINA TITULI SANCTÆ ANASTASIÆ ROMANÆ ECCLESIAE PRESBYTER CARDINALIS, PER UNIVERSAM GERMANIAM, AC HUNGARIÆ ET BOHEMIÆ, POLONIÆQUE REGNA, ET QUÆCUNQUE ALIA LOCA, AD QUÆ NOS DECLINARE CONTIGERIT, DOMINI NOSTRI PAPÆ ET APOSTOLICÆ SEDIS LEGATUS, AD PERPETUAM REI MEMORIAM.

EX Legationis officio a Sede Apostolica nobis commissio obligamur, ut circa statum personarum Ecclesiasticarum sub finibus nostræ Legationis consistentium, in melius reducendum, propensius cogitemus, ut quæ in eis a Sanctorum Patrum Decretis & ordinatione deviare perpenderimus, ad debitam reformationis normam dirigentes, eis opem & operam adhibeamus efficaces. Nuper siquidem cum Sanctissimus Dominus noster CLEMENS Papa septimus, cum pro pastoralis suo officio, tum pro ea affectione, qua inclytam Nationem Germanicam paterne prosequitur, intellectis eis fluctuationibus, hæreticorumque impietate indies crescente, Nos ad universam Germaniam suam Apostolicæ Sedis Legatum de latere miserit, non aliam ob causam, quam ut tranquillitati Provinciarum, & salutis animarum, quæ pe-

riclitantur ob dictam nuper natam impurissimam omnis hæreseos sentinam, consulat; quod onus licet humeris nostris impar, ejus tamen præceptis & mandatis obedire, ut tenemur, volentes freti Christi favore servatoris nostri, cujus negotium agitur, subivimus, nihil hic prorsus nostris viribus tribuentes, aut præterea cupientes, quam quod ad munus hoc feliciter implendum attineat; cumque aliquot mensium experientia multa collapsa, & præter omnem opinionem difficultatibus plena perpenderimus, cum Serenissimo Ferdinando Hispaniarum Principe, Archi-Duce Austriæ Imperiali locumtenente generali, communicatis consiliis, concordi sententia particularem Conventum in civitate Ratisbonæ convocare decrevimus, in quo una nobiscum interfuerunt præfatus Serenissimus Princeps & Archi-Dux, Re-

verendissimus Matthæus, Sanctæ Romanæ Ecclesiæ tituli Sancti Angeli Presbyter Cardinalis Archi-Episcopus Salzburchensis, ac Illustrissimi Guilielmus & Ludovicus, Palatini Rheni Duces in Superiori & Inferiori Bavaria, Fratres germani: Venerabiles in Christo Patres Bernardus Episcopus Tridentinus, Joannes Administrator Ecclesiæ Ratisbonensis, Palatinus Rheni, Dux Baviaræ, ac Nuntii, sive Oratores, omnes cum pleno mandato Venerabilium in Christo Patrum, ac Illustrissimorum Principum, Vigandi Episcopi Bambergensis, Gregorii Episcopi Spirensis Palatini, Wilhelmi Episcopi Argentinensis, Christophori Episcopi Augustensis, Hugonis Episcopi Constantiensis, Christophori Episcopi Basileensis, Philippi Episcopi Frisingensis, Palatini Rheni Ducis Baviaræ, Ernesti Administratoris Ecclesiæ Pataviensis, ac Palatini Rheni Ducis superioris & inferioris Baviaræ, & Sebastiani Episcopi Brixinensis. Cum quibus pluribus hinc inde in discussionem allatis, & præcipue quibus consiliis, quibusque modis præfatæ nationi Germanicæ periclitanti confuleretur, paribus sententiis receptum fuit, hanc perditissimam hæresin rudi populo plausibilem, ob libertatem illi falso persuasam, prætextu Evangelicæ caritatis non parvam habuisse occasionem, partim a perditis moribus & vita Clericorum, partim ob non diutius dissimulandum sacrarum Sanctionum Ecclesiasticarum Constitutionum abusum, & proinde non parum momenti fore extirpandæ hæreticorum Lutheranorum, & eorum sequacium sectæ, ut Clerici ad honestatem vitæ, moresque suos illos, quos Divus Paulus exigit & præscribit, debita censura reducti, abususque, laicos male offendentes, sublati fuerint. Itaque habitis maturis deliberationibus, & piis consiliis præfatorum Ferdinandi Principis, Cardinalis, ac Ducum, & Episcoporum, atque Nuntiorum suorum infra scriptos salutares aliquot tam necessariæ reformationis Sacerdotum, Presbyterorum, Religiosorum & Clericorum modos præscribere, statuere, sancire, atque edere necessarium duximus. Quocirca auctoritate Apostolica, qua fungimur in hac parte, Statuta & Ordinationes per Nos, ut præfertur, editas ab omnibus

& singulis Archi-Episcopis, Episcopis, Abbatibus, Præpositis, Decanis, Archidiaconis, & aliis personis in Ecclesiastica dignitate constitutis, ac Parochialium Ecclesiarum, aliorumque beneficiorum Ecclesiasticorum Rectoribus, Presbyteris, Religiosis, ac Clericis in universa Germania residentibus, prout eos & eorum quemlibet respectively tangit, aut tangere poterit in futurum, perpetuis futuris temporibus inviolabiliter observari volumus, decernentes irritum & inane, si secus super his a quoquam quavis auctoritate scienter vel ignoranter contigerit attentari, & nihilominus universis & singulis Archi-Episcopis, Episcopis, Abbatibus, & aliis personis in Ecclesiastica dignitate constitutis, nec non Metropolitanarum, & aliarum Cathedralium Ecclesiarum Canonicis, ipsorumque Archi-Episcoporum & Episcoporum Officialibus, & Vicariis Generalibus per præsentem committimus, & mandamus, quatenus ipsi & eorum quilibet, & postquam pro parte illorum, quorum interest, aut in futurum interesse poterit, fuerint requisiti, Statuta & Ordinationes hujusmodi, & horum singula inviolabiliter observari faciant; contraditores per censuras Ecclesiasticas, & alia juris remedia compescendo, invocato, si opus fuerit, auxilio Brachii secularis: non obstante Constitutione felicis recordationis BONIFACII Papæ octavi, qua cavetur, ne quis extra suam Civitatem & Dicecesim, nisi in certis exceptis casibus, & in illis ultra unam dicendam a fine suæ Dicecesis ad iudicium evocetur, seu ne Judices a Sede Apostolica, vel ejus auctoritate deputati extra Civitatem & Dicecesim, in quibus deputati fuerint, contra quoscunque procedere, aut alii vel aliis vices suas committere præsumant. Et in Concilio generali de duabus dietis & personis ultra certum numerum ad iudicium non vocandis, & aliis Constitutionibus & ordinationibus Apostolicis, cæterisque contrariis quibuscunque. Verum quia difficile foret, præsentem literas ad singula loca, ad quæ expediens fuerit, deferri: volumus, & auctoritate Apostolica decernimus, quod transumptis præsentium literarum, manu Notarii publici subscriptis, & sigillo alicujus personæ in Ecclesiastica dignitate consti-

constitutæ munitis, ea fides adhibeatur, quæ eisdem originalibus, si essent exhibitæ vel ostensæ, adhiberetur. Et ut hujusmodi Statuta & Ordinationes ad singulorum notitiam deducantur, universis locorum Ordinariis auctoritate Apostolica præfata in virtute sanctæ obedientiæ mandamus, quatenus Statuta & Ordinationes hujusmodi per se, vel alium, seu alios in eorum Ecclesiis, vel civitatibus publicent, seu publicari faciant, quæ post publicationem ipsam eosdem, quorum interest, aut interesse poterit, perinde ardeant, ac si eis personaliter intimatæ essent, aut intimarentur. Tenor vero Statutorum & Ordinationum prædictarum sequitur, & est talis:

I.

Cum potissimum anima verbo, quod ex ore Dei procedit, vivat, id autem nec passim, nec ab omnibus expediat prædicari, admonente Apostolo, qui inquit: *Quomodo enim prædicabunt, nisi mittantur?* ideo statuimus, & ordinavimus, ut non liceat cuicumque etiam religionem professio ac quomodolibet exempto Evangelium docere, nisi ab Ordinario vel ejus Vicario, tam moribus quam doctrina probatus fuerit, facta fide per patentes literas, quæ præter Notarii mercedem gratis prorsus concedantur. Missi itaque atque probati Evangelicum negotium tractabunt recte, sobrie, & pure, loca quæque recondita magis & abstrusa intellectuque difficilia non ad novum & adulterinum sentum, sed juxta Sanctorum Patrum & ab Ecclesia receptorum Doctorum præcipue Cypriani, Chrysostomi, Ambrosii, Hieronymi, Augustini & Gregorii exponant & interpretentur, omni etiam opere student, ne pro veris somnia & aniles fabulas, pro certis dubia, pro receptis apocrypha & jam dudum explosa damnataque ab orthodoxa Ecclesia tendant, vel depromant, idque omni modestia, ne unquam eos ad convitia injuriasque delabi contingat, locusque ille cum populi offendiculo dehonestetur. Itaque Ordinarius aliquot excellenti doctrina præditos constituit, qui per Diececem inquirant, qui sint ad Evangelicam doctrinam idonei disseminandam, quique ad impias novitates & perfidiam aliquam

non desistant, ut remedia adhibeantur, quo populus recte instruat in Christiana lege, & ab ea deficiens, ne secum alios trahat, debite coerceatur, cultus Divinus observetur, peragaturque his modis & ritibus, qui per manus Sanctorum Patrum Nobis traditus & per majores nostros observatus est in sacrificio Altaris, officiis defunctorum, Canoniciis Horis, cæterisque Divinis laudibus atque cærimoniis.

I I.

Hinc hortamur atque monemus omnes & singulos, qui sacris initiati sunt, ut vivant vitam, quam professio exigit & Christus requirit inquit: *Sic luceat lux vestra coram hominibus, ut videant opera vestra bona & glorificent Patrem vestrum, qui in celis est.* Cum vestitu honesto incedant, quem Paulus alicubi præscripsit. Quapropter singulari cura intendat quisque Prælati, ne hi, quibus præest, in sacris ordinibus constituti, vestes varii coloris virgatas & fimbriatas deferant, sed longis atque talaribus utantur: nulla arma induant nisi itinerantes; barbam & comam non nutriendam, coronam & tonsuram deferentes, tum summo opere curantes, ne quem laicorum indecentia vestitus offendant, ut Sacris Canonibus cautum est.

I I I.

Insuper tabernas publicas evitent, nisi eas peregre proficiscentes ingredi oporteat, & tam inibi, quam domi & alibi a crapula & ebrietatibus, omnique ludo a jure prohibito, blasphemis, rixis, ac aliis quibuscunque excessibus & offensionibus penitus abstineant, choreas spectaculaque & convivia publica vitent, ne ob luxum petulantiamque eorum nomen Ecclesiasticum male audiat.

I V.

Cumque secundum Apostolum *Nemo militans Deo sese negotiis secularibus implicare debeat*: Nemini liceat contra Provincialia Statuta & Synodalia domi suæ tabernam comportandique locum aperire laicis, quoniam non raro sequi solent ebrietatem rixæ, cædes, & multa hoc genus scelera, quæ Sacerdotalem pollunt dignitatem: præterea negotiationibus mercimoniisque more mercatorum abstineant.

V.

V.

Sacerdotes quoque Curati, quique vicem eorum referunt, subditos in remediis & aliis juribus Parochialibus ultra ea, quæ sibi de jure debentur, non gravent, utraque depositiones, eos ad peractiones septimi, tricesimi vel anniversarii peragi faciendas non cogant: tum præter oblationes festis solemnibus fieri solitas, cum illa pro arbitrio fieri debeant, ab invitis non exigant.

V I.

De Sepultura quoque ac administratione Sacramentorum aliisque spiritualibus pacisci, aut aliquid ab invito exigere nemo possit aut debeat, & propter ejusmodi a Parochianis neglecta, cuiquam non liceat aliquid Sacramentorum denegare, neque propter debita quempiam ab Ecclesiastica sepultura prohibere: Parochialia tamen jura, quæ usus recepit, & debentur Altari servienti, per prædicta non abrogamus.

VII.

Cum autem in Diocesisbus non sit eadem consuetudo, & inter subditos & Pastores multa & varia emergant dissidia; Pastoribus quibusdam plura exigere propensis, subditis vero ob penuriam & egestatem reclamantibus & reculantibus: ordinamus, quod quilibet Ordinarius infra sex menses post præsentium publicationem omnibus perpensis, beneque & sufficienter examinatis, super prædictis certam legem ordinationemque una cum Principum aut Dominorum secularium consilio, quos ista negotia tangunt, constituat; ne viduæ, pupilli & alii pauperes nimium ultra vires injuste graventur; quos Nos, si neglectum fuerit, si in provincia affuerimus vel Successor noster, habita de his plena informatione facturos pollicemur, aut rem ipsam Sanctissimo Domino nostro relaturi sumus, qui huic rei prospiciendæ Judices deputabit.

VIII.

Convivia Presbyterorum, quæ in exequiis & fraternitatibus publice in tabernis hucusque exhibita sunt, prorsus abrogamus, quod plerumque laicis sint scandalo: si autem convivium vel consuetudo vel locorum distantia exiget, fiat illud in domo Sacerdotis, honeste-

que non ad luxum, sed ad necessitatem instruat, siquidem neque commestationi, neque computationi vacandum est Sacerdotibus, cum quod ne audiant: *Quorum Deus venter est*, tum quod officii eorum est & sobrie & caste pro peccatis Deo dona sacrificiaque offerre.

IX.

Porro ne & ipsi videantur pecuniæ aucupium magis, quam salutis animarum studium amplecti, dum laicos graviora delicta confessos hinc inde remittunt non sine famæ rerumque dispendio: constitutum & ordinavimus, ut deinceps quilibet confessor absolvere possit laicos contritos & confessos a quibuscunque peccatis occultis, quantumcunque gravibus & enormibus, quæ Ordinarii suæ autoritati reservaverant, exceptis duntaxat homicidis, hæreticis & excommunicatis, ad Episcopum vel ejus Vicarium mittendis. Quod autem ad Clericos, nihil, quoad hoc statutum, intelligatur innovatum. Pro condonatione autem & remissione peccatorum, quam absolutionem vocant, nihil omnino ab invito exigant.

X.

Statuimus quoque juxta Apostoli sententiam, quæ dicit nemini cito manum esse imponendam, ne cui temere cura animarum committatur. Itaque probeatur prius per Episcopum vel ejus Officiale, etiam religionem professus, nec liceat ulli Vicarium Ecclesiæ & plebi suæ sufficere, illamve locare, sive emolumentum, quod absentium nomine recipiet, constituere; sine autoritate Episcopi aut Vicarii. Nam cum os bovi trituranti non sit alligandum, Episcopi vel Officialis arbitrio ejusmodi emolumenta locationum, & absentiarum moderanda censemus.

X I.

Domos quoque fundosque dotales beneficiorum collapsos instaurent possessores, quantum necessitas postulaverit, reparataque in debita structura conservent, & per Archidiaconos & Decanos rurales ac alios, ad quos de jure vel consuetudine spectat; ubi negligentes fuerint, per subtractionem proventuum auctoritate nostra arctius compellantur.

XII.

XII.

Expresse cavemus, ne cura Ecclesiarum, beneficiorumque concedatur religionem quamcunque professis, etiam exemptis, quod si hactenus aliqui admissi vel recepti essent, nisi de voluntate favoreque Superioris sui, legitimisque causis constiterit, extra sua Monasteria degere nequaquam sibi integrum fore putent, quando illos sic vagos per Ordinarios vel Vicarios ad Superiores suos pervictus denegationem, aut alia juris remedia remittendos esse jubemus.

XIII.

Monasteriorum Prælati, unitas Ecclesias habentes, prædictos Vicarios perpetuos, vel ad nutum amovendos in eisdem Ecclesiis imposteram non constituent, nisi prius per Ordinarios, aut eorum Vicarios ut idonei & apti fuerint admissi, Ecclesiæ tamen, suis Monasteriis unitæ, usque adeo propinquæ, quod Religiosi earundem curam habituri, sub religione in Monasterio sub debitaque obedientia stare possent, modo sint habiles & idonei, per huiusmodi Religiosos provideri possint: id quoque permittimus de Monasterio; quod tam tenue est, ut debitam sustentationem habere nequeat, volentes, Religiosos, & qualitercunque exemptos, curata beneficia habentes, Ordinario loci esse subiectos. Cumque in Ecclesia Dei magis præstet paucos bonos & doctos, quam plures indoctos & imperitos habere ministros, id quod ratio nostrorum temporum exigere videtur, idcirco deinceps non iniciantur sacris Ordinibus, nisi viri morum, vitæ cando- re, & doctrina præ cæteris spectati, probatique per testimonium examinis, rite servandi.

XIV.

Quod attinet ad ordinatos in urbe, vel in alia quacunque aliena Diocesi, sancimus, ut & illi suarum ordinationum literas & titulos ostendant, & simili modo ad Divina peragenda prius non admittantur, quam ab Episcopo, vel Vicario, aut Officiali fuerint rite admissi.

X V.

Præterea cum nihil æque conveniat omnibus numeris, ac eos esse mundos, qui vasa Domini portant, & in Sacrario

Tomus VI. Concilior. German.

operantur, quales Sacerdotes constituit ipse Dominus, qui quotidie sacrosancta tractant, & in illis versantur. Igitur volumus, atque juxta Sanctiones Canonicas, feliciter a Divis Patribus institutas, sancimus, ut caste continenterque vivant. Sacerdotes concubinarij incontinentesque vitam agentes, Canonum pœnis in ordinem redigantur, nulla consuetudine eis, nulla conniventia, imo damnosa Prælatorum negligentia patrocinante.

XVI.

Quo vero ad quæstores, qui vulgo stationarii appellantur, ne quis quavis autoritate & literarum occasione, vel ad prædicandum, vel subsidia, eleemosynasque colligendas, se ingerat, utcunque se jactet indulgentiis abundare, nisi prius literæ admissionis & approbationis Ordinariorum, vel Vicariorum ab eo prolatae fuerint, adstringentes ipsos Ordinarios, ut tales admittant, qui probæ vitæ testimonium habeant, & de prædicatione sua, dum opus erit, rationem reddere possint, eleemosynis, piorumque oblationibus non abuturi per luxum proprium, religione jurejurandi affirmaturi se, nec quotam, nec totam colligendi facultatem certa summa pecuniarum pactos esse. Fratribus tamen mendicantibus integras salvasque concessionès a Sede Apostolica factas relinquimus.

XVII.

Et ut Pastor agnoscat vocem ovium, & illa vicissim vocem Pastoris audiat, tollaturque omnis vagandi occasio: ordinamus, quod Presbyteri peregrini & ignoti ad Missarum sacrificia non admittantur, non ultra mensis spatium in consortio Presbyterorum tolerentur, nisi exhibeant literas admissionis alterius ex Archi-Episcopis vel Episcopis, in cujus Diocesi se transtulerint, ac documenta & literas testimoniales sui Ordinarii, a cujus Diocesi proxime discesserant, quibus de eorum ordinibus & honestate constet, ne aliquis incorrigibilis post perpetratos excessus impune ad aliam Diocesi transeundo evadat.

XVIII.

Ut autem Christi fidelium eleemosynæ in usum, pro quo erogantur, ver- tantur, non liceat Procuratoribus, seu

C c

Vica.

Vicariis fabricarum in singulis Ecclesiis quidquam de pecuniis ad fabricam providentibus distributæ, aut in ædificiorum, vel alterius rei usum dispensare sine Rectoris scitu, sed ad armaria fabricæ reponantur, ut hætenus servatum est, duabus vel tribus clavibus pro loci consuetudine tenendis; quarum una ipsi Rectori servanda tradatur, observato usu in clavibus & rationibus reddendis a Principibus & Superioribus hætenus recepto.

XIX.

Statuimus quoque & ordinamus, ne Episcoporum in Pontificalibus Vicarii in consecrandis Ecclesiis & Altaribus, quod sacri jubent Canones, quidquam omnino exigant, excepta procuratione. Convenit namque, ut pro qualitate status ipsorum Episcopi prospiciant, præstando præcipue pensiones, super fructibus mensæ Episcopalis a Sede Apostolica constitutas, ne aliquid attentare habeant in Dedecus Episcopalis dignitatis.

XX.

Nec ab re, imo iustis de causis adducti festorum multitudinem constringendam esse duximus, statuentes & ordinantes: ut de cætero Dominica dies, quæ in gloriam Dominicæ Resurrectionis ad nos usque a primitiva Ecclesia maxime celebris semper habita est, dies quoque Nativitatis Christi, Sancti Stephani, Joannis, & Iacobi, Circumcisionis, Epiphaniarum, Paschæ cum feria secunda & tertia duntaxat, Ascensionis, Georgii, Pentecostes cum feria secunda & tertia duntaxat, Corporis Christi, & præsertim quatuor Beatæ Virginis: Purificationis, Annuntiationis, Assumptionis, & Nativitatis, natalitia Apostolorum, Joannis Baptistæ, Magdalenzæ, Laurentii, Dedicationis Michaelis, omnium Sanctorum, Martini, Nicolai, & Catharinæ, & per Diocesim Saltzburgensem Festivitates Sancti Ruperti, sicut hætenus observatæ fuerunt, celebres quoque & festi habeantur. In cæteris autem Festivitatibus quacunque ratione vel institutis vel receptis, & quæ sub præcepto celebrari debeant, permitimus, liberumque cuique facimus, ut Missa audita ad operas suas, quibus

suam suorumque alimoniam quærere cogitur, redire possit, Festis tamen Dedicationum & Patronorum principalium nihil derogantes, quoad eorum celebrationem in Cathedrali Sede, Civitateque, ac loco etiam Episcopalis residentie duntaxat.

XXI.

Cumque in certis locis & Diocesis, inter Pastores & gregem propter nuptiarum celebritatem, quam alii inthronizationem, alii solemnizationem vocare solent, multa jurgia & scandala eveniant, declaramus & statuimus, quod matrimonia in conspectu Ecclesiæ possint solemnizari, nullo ab Ordinario ad hoc consensu petito, aut quapiam re pro ea exposita, exceptis tamen tota quadragesima, ultima hebdomada Adventus, Festis Paschæ, Pentecostes & Nativitatis Dominicæ, cum octavis, ac diebus Rogationum: jejunia quoque ab Ecclesia instituta sub debito obedientie sanctæ Ecclesiæ Catholicæ imposterum indici debent, omisso excommunicationis verbo, ne infirmorum conscientie ostendantur, cum his temporibus pietas pene omnis jaceat, Sacerdotibusque parum defertur.

XXII.

Ut igitur extinctus cultus exciteretur, populusque non fiat indies negligentior: statuimus, ut propter cædem Clericorum persona tantum, non autem locus interdicens veniat, nisi cætu concursusque populari facinus patrum esset.

XXIII.

Inhibemus insuper, ne imposterum Episcopi Clericis legitimis ab incestato decedentibus, in patrimonialibus bonis aut industria propria acquisitis, succedere possint, aut debeant.

XXIV.

Cumque quotidie ob novas, imo jam olim damnatas hæreses apostatarum numerus tam Religiosorum, quam Sacerdotum in immentum crescat, quamplurimis eorum uxores ducentibus, ut ergo hæc sacrilegia impunita non remaneant, concedimus quibuscunque Principibus, statibusque potestatis secularis, eorumque Officialibus facultatem, ut ejusmodi

modi apostatas & sacrilegos capere possint, modo reos ipsos Ordinariis infra tempus debitum tradant & assignent absque aliqua in eos tortura & animadversione debite puniendos. Quibus enixe mandamus, ut omni posita mora, favoreque diligentius, quam hactenus factum fuit, juxta sacras Sanctiones omnino puniant facinorosos, adeo quod criminis enormitate expostulante, possit Episcopus, servata forma Capituli primi de hæreticis in sexto, reum Curiae sæculari relinquere, vel ad perpetui carceris arum nam damnare. Negligentia autem Ordinariorum ad Apostolicam Sedem deducta Judices Ecclesiastici ab ea deputantur, qui confilio de Ordinariorum negligentia ad preces Principum, aliorumque sæcularium reos, maxime hæreseos, meritis pœnis afficiunt. Quod jam Episcoporum quidam, ut accepimus de beneficiorum pensionibus atque absentitiis decimas exigant, cum sit id contrarium juri, longeque præster male inductos usus delere, quam inusitatum quid admittere, idcirco decimas ejusmodi ulterius exigi solvique interdiciamus, usumque talem qualitercunque receptum cassantes, cassatumque esse censentes.

XXV.

Item reprobamus, & ut absolum prorsus rejicimus, ab Episcopis medios exigi fructus de beneficiis, quæ unius sustentationi vix sufficiunt, ut sunt, quæ non excedunt valorem triginta duorum Rhenensium, de quibus in Romana Curia medii fructus non exiguntur: quod etiam ab Ordinariis observandum esse præcipimus, nisi concordatis aliter cautum esset, vel honesta ratione aliquid sine tamen reprehensibili gravamine recipiant.

XXVI.

Cæterum quo major fiat conjunctio, firmaque magis inter Provinciales stabilitur concordia, totius Provinciæ antiquum morem Synodorum innovantes statuimus: ut singulo triennio post Pascha Provinciale Concilium celebretur.

XXVII.

Ad hæc cum beneficia propter officia juxta Patrum Sanctiones dari consueverint, fierique vix possit, ut in tanta

Tomus VI. Concilior. German.

Præbendorum caterva non reperitur, qui officii oblitus horas negligat Canonicas, hinc statuentes volumus, & ordinamus: ut locorum Ordinarii per Archidiaconos & Decanos de hujusmodi Sacerdotibus negligentibus sefe diligenter edoceant, & secundum uniuscujusque negligentiam atque desidiam fructus perceptos, vel in utilitatem Ecclesiæ, vel in usum pauperum vertant. Quod si post legitimas monitiones, & simul primam correctionem in eandem negligentiam, quæ dissolutæ prorsus mentis indicium est, quis relabatur, tum beneficio etiam Ecclesiastico privetur, Collatorique vel Patrono de alio idoneo providendi, aut præsentandi sit potestas.

XXVIII.

Sanctionem Patrum, qua Ecclesiastica sepultura privatur, quisquis non confessus, nec Eucharistia Paschali tempore communionem sumperit, inviolabiliter observandam esse statuimus: at ubi quem contigerit inopinata morte obire inconfessum, sepultura præfacta illum carere non volumus, modo ipsius Curato constet vel doceatur illi, ipsum secundum jam dictam Sanctionem confessum esse, & simul communicatum, aliudque non obstat Canonicum impedimentum.

XXIX.

Ad tollendam execrabilem blasphemiam Divini nominis ac Divinorum, quos temnere fas non est, statuimus & ordinamus: ut quicumque Clericus vel Sacerdos Deo palam maledixerit, convitiis, contumeliisque, atque adeo obcenis verbis incesserit Deum & Dominum nostrum Jesum Christum, aut nunquam satis laudatam Matrem ejus gloriosam Virginem pari blasphema lingua impetiverit, aliosque Sanctos blasphemaverit, fructuum vel bonorum privatione, seu aliis pœnis pro qualitate blasphemiarum & delicti plectatur.

XXX.

Contra Simoniarum labem non discedimus a Patrum Sanctionibus, jubentes eas sub pœnis in illis contentis observari.

XXXI.

In fortilegos, divinaculos, incan-

tratoresque Clericos, quos tam Sacræ Leges, quam Patrum Decreta execrantur; statimur & ordinamus: ut arbitrio Superiorum infamia notentur, si qui moniti non destiterint, ordine amoveantur, inque Monasterium ad tempus juxta arbitrium Superioris relegentur, beneficiisque suis Ecclesiasticis privati. Cæteri autem pseudochristiani, de fideque parum probe sentientes, citra delectum personarum, hæretici quoque, vel Judaïsmum referentes, a sancta Congregatione Christianorum procul arceantur. Contraque eos diligenti inquisitione procedatur per Ordinarios, vel eorundem Vicarios, aut hæreticæ pravitatis Inquisitores, vel per Judices a Sede Apostolica vel per Nos Deputandos, ut non resipiscences pœnis puniantur debitis.

XXXII.

Prohibemus etiam tam Clericis, quam laicis de Sacrosancta Fide temere præcipue inter pocula atque convivia disceptare, injungentes Sacerdotibus, ut omni modestia utantur, & peculiariter operam impendant novo, veterique testamento legendo, ut par est, ne per otia in vitia voluptatesque labantur.

XXXIII.

Statuimus & ordinamus, ut quilibet Episcopus diligenter provideat, atque imprimis id curet, ut Vicarii, sive perpetui, sive pro nutu positi, competentem vivendi portionem assequantur, ne detur eis anxia suos subditos ob rei familiaris penuriam gravandi: porro quod proxime accedit ad Apostolorum institutionem, moremque primitivæ Ecclesiæ, hortamur cum Prælatos, tum reliquos Sacerdotes, ut meminerint pauperum, & Eleemosynis studeant alter alterum vincere.

XXXIV.

Sunt item pleraque alia a Summis Pontificibus, Sacris Conciliis, Provincialibusque & Synodalibus Constitutionibus prodita, quæ mire decent & adornant candorem vitæ Clericalis, nec minus obviant offendiculis, quæ Christus passim cavenda præcepit, quæ velut sancta teneri & observari mandamus,

transgressores secundum Canones ipsos, prædictasque Constitutiones puniri volentes.

XXXV.

Inhibentesque propterea omnibus & singulis Vicariis & Officialibus, nec non & Archidiaconis & Decanis ruralibus, aliisque, ad quos criminum denuntiatio, correctioque quomodolibet spectant, aut quibus id per Ordinarios committitur, ne ad excessus transgressionesque alicujus dictarum Constitutionum, Statutorum & ordinationum nostrarum ob pecuniam, etiam ultro oblata, aut alterius rei gratia conniveant, sed potius ad pœnas, de jure vel consuetudine debitas, contra delinquentes pro delicti qualitate & officii sui debito procedant, atque ut ita fiat, quoniam nihil proderit leges condere, nisi sint, qui conditas juvent, mentemque earum exequantur, utque refloreat Catholica fides, Ecclesiasticaque dignitas, hæresibus radicitus extirpatis, suum locum recuperet; idque vix alio modo aptius & commodius fieri possit, quam Synodis. Itaque priscum Synodorum morem renovare cupientes, statimur & ordinamus: ut singulo anno saltem Synodus Diocesana opportuno tempore a singulis Episcopis celebretur cum potioribus Prælati, Decanis ruralibus, virisque dignis. In quibus per quartas designentur Judices, qui diligenter intendant, si Statuta prædicta, ac alia per Synodos de scitu Episcopi statuenda observentur, invocato ad hoc, si opus fuerit, brachio sæculari. Mandantes propterea, ut hujus nostræ Constitutionis ordinationisque series in præfatis Synodis tam Provincialibus, quam Diocesanis in eorundem principio diligenter legatur, ne quis in futurum ignorantiam prætexere possit.

Datum Ratisbonæ a Nativitate Domini Millesimo, quingentesimo, vigesimo quarto, Nonis Julii, Pontificatus præfati Domini nostri Papæ Anno primo.

VISA JUL. FLO. MONTINUS.
D. DE PATERNINA.
G. PREGO.

Harduinus Concilior. Tom. IX.

SYNODUS MOGUNTINA

Anno Christi MDXXVII. Clementis VII. PP. IV.
Caroli V. Imp. IX.

*FRIDERICI NAUSEÆ Blancicampiani, ad Ecclesiasticam in
inclyta Ecclesia Moguntina Synodum de reformanda
Ecclesia Oratio.*

QUam anno superiore, PP. in hoc primum amplissimo dicendi, consultandique loco ad vos essem dicturus, initio paucis in hoc ipsum ab Ecclesia præfabar institutum, quo bis in anno hic cogimini, de iis, quæ hujus sunt Ecclesiæ, non minore studio, quam consilio tractantes: in hoc, inquam, tum instituti præfabar, ipsum vel inter cætera pro loco commendans, quod & inibi plerumque semper quispiam pro concione diceret, ad bene, beateque vivendum verius admoneret, quam cogeret. Nimirum cujus sit, ut, vel quamlibet Propheta inferior clamet, ne cesset, perindeque tuba suam exaltet vocem, DEF Opt. Max. gloriam promoturus, populo scelera eorum, domuique Jacob peccata eorum denuntiaturus, interimque zizaniis exertis triticum seminaturus. In hoc vero, quam tum ex animo, ut potui, conatus sim, nemo arbitror est, qui secundum Deum, quem nihil latet, me novit melius: qui sane non parum multa paulo longius repetebam, unde vera illa pristina vobis reductura esset dignitas, futuraque sua Christo gloria, quam antea apud vos, amplior & frequentior haberetur. Quod vero mea interim ea in re (ut ajunt) diu multumque desiderata spe & expectatione adeo sim falsus; ut præter quod oleum & operam perdidici, aliud nihil egerim, tam hercle doleo, quam rursus nunc idem negotium animo quasi consternatus subeo. Cujus tamen Provinciam mihi, quam antea feliciter spero successuram, quod sæpe numero juxta proverbium *deuter. 32. 15.* perfrui. Accedit, quod nihil eorum, me confido prætermisissimum, quod non æque sit omnibus salutare, atque impendio necessarium, & sane illud, in quo summa rei sit posita,

& in quo nostræ religionis cardo non dubie vertatur, quod & audiisse tam sic commodo, quam non facere incommodo futurum. Id quod ut in memoriam simul & in intellectum facilius veniat, duabus, & quidem, brevissimis partibus in præsentia acturus sum. In quarum prima narrabitur, unde potissimum hæc deploranda, qua nunc agitur, in Ecclesiam Christianam hac misera tempestate, calamitas irrepsisse, tamque inibi alte suas egisse radices videri queat: deinde quo illi possit antidoto occurrere, ipsaque saltem ex parte & maturius tamen tolli. Quod igitur primum est, vos omnes ex animo velim oratos, ut quæ dicturus sum, ea audire satagatis attentione & gratia, quam res ipsa cum tempore exigit: nec solum quid a me dicatur, sed & quid oporteat dici, consideraturi. Quo nimirum pacto fiet, ut vel res ipsa, non nostra oratio, apud vos in animo calcar sit, & aculeum ad bene vivendum relictura.

Atque, ut ordiamur P.P. nemo est, arbitror, qui, si non suo periculo, certe non sine magno animi dolore hanc miseram hujus temporis in Ecclesia Christiana calamitatem & intelligat, & experiat: cum videt in ea adeo in diversum ire omnia, & nihil perinde sub Cælo sibi constare, sed omnem totius rei ordinem multo longissime inverti, regnum utpote contra regnum, & gentem contra gentem diduci, fratres in fratres mutuo odio plusquam hostiliter ferri, seditionibus ac tumultibus, bellis item ac præliis, plusquam cruentis, omnia fervere & æstuare: pestilentia denique & fame apud non parum multos, vel hisce novissimis diebus esse laborari ceptum; eaque passim nunc mala in crudescere, & sua lue nullum non locum

adillare. Sileo, quæ sunt hoc genus reliqua, non minus dictu, quam auditu horrenda. Hæc nimirum non possumus perinde ob oculos posita non scire. Verum, unde huc emanarint, admodum pauci quærimus, nec qua ex scaturigine derivarint, inter omnes recte convenit: quum procul dubio singula & universa, nisi ex una eademque lacuna profluere nequaquam possint. Cur enim obsecro, in dubium venire queat, undenam isthæc & illud genus adversa in nos, adeoque in totam Christianam Ecclesiam se obtulerint: quando certissima rerum experientia magistra constet, hæc illa a solis nostris peccatis & sceleribus, quibus obvoluti Deum Max. offendimus, hanc sibi sevam in nos vendicare tyrannidem? Nonne Davidi vel ideo terrorem non unius, sed & famis, cædis, pestilentia, sibi & suis Divino oraculo propositum legimus, quia superbior populum suum recentierat, in eoque arroganter facto peccarat? Atque cur illud? Argumento nimirum, Deum Max. hæc rebus adversis plerumque semper mala nostra ulcisci, in illaque serio animadvertere. Jam vero si itidem constet, Regem Salomonem, mortalium aliqui sapientissimum, non aliam ob causam magnis bellorum fuisse fluctibus jactatum, quam quod uxoris obstrictus illecebris, a Majorum religione & pietate deflexerat, sitque hæc ipsi patris noxa etiam in filio Roboam adeo vindicata, ut is opulentissimi regni hæres relictus, confestim a morte patris ex hujus parte multo maxima ceciderit.

Si quoque constet, Oziam in regio constitutum fastigio, lepra infectum, deponere regnum fuisse coactum, & in ordinem turpiter reductum; quia Sacrorum ritu tam stulte, quam impie neglecto, malorum se se Demonum præstigiis addixerat? Si pariter plus quam notum est, Joam, Ochozæ filium, diffideli bello in urbem fuisse compulsum, & ignominiosam sibi redimere pacem, omni regia gazâ hostibus tradita perpulsum, morbo deinde atrociter confectum, domestica fraude exitum invenisse; qui Zachariam virum justum in medio templo interfecerat, quod is peregrinum cultum non probaret. Si etiam perhibent in Hierichuntis excidio, Acha-

num, Charmi filium, mutato Numinis indicio cum uxore & liberis ab universo fuisse exercitu, Deo jubente, lapidibus obrutum, quoniam rem sacram in profanum verterat usum. Si præterea in confesso est, bis dena millia Judæorum spatio paucorum dierum pestilentia fuisse consumpta, quod illi non patrio ritu, non religione, a Moabitum mulierum congressu concubituque nefario inhiberi potuerant: insigni nimirum documento, nullam domum oportere privata charitate scelus admittere, ne quod in paucis peccatum sit, in multis vindicetur. Si denique constet, non paucos quondam partim ægrotasse, partim fuisse una misere vita defunctos, quia Sacrosancam Eucharistiam non satis digne tractarant.

Si, inquam, constet, toties tamque serio Deum Max. in mortalium olim scelera, vel quamlibet privata, animadvertisse, proptereaque illum mala rebus adversis fuisse ultum: ipsi adhuc dubitamus, aliunde, quam a peccatis, tot nobis hoc tempore flagella obvenire, quibus tam nihil est a peccato usquam immune? Quis enim obsecro latorem vidit unquam, aut sensit omnium scelerum, quam apud Nos, hæc quidem temporibus, colluviem? An, oro, nostris sit criminibus aliquid additura posteritas? Nihil sane: quum videmus omne in præcipiti stare vitium, cui nec addi possit quicquam. Et quando uberior vitiorum copia? quando major avaritiæ patuit sinus? quando alea dies ac noctes frequentior? & quando, & quo in loco, quam nunc & apud nos major veræ religionis contemptus? quum non desint, qui & suam Deo immortalī Majestatem plane extinctam, illique Filium ejus unigenitum JESUM Christum, unicum nostrum Servatorem omnino sublaturum; ejusque Sanctissimum Corpus & Sanguinem pretiosissimum non modo in numerum redigendum velint, sed & nulli non convitio, contumelia, injuria, opprobrioque, supra quam dici debeat, aut possit, turpiter addiciunt, pedibusque immundis & spurcidis proculant, & in Sacramenta quæque Sanctissima scurriliter debachantur. Atque Dei Max. ejusque Divorum delubra, & quæ illis jure ipso sunt dicata, prophanant, demoluntur & tollunt: qui etiam nedum Reges & Prin-

Principes, vel quamlibet pios, appellitant carnifices, scurras & nebulones: item Pontifices Antichristos, Lenones & Idola: Dei opt. templa, quæ illius sunt domicilia, vocant lupanaria: sed & divos ipsos atque adeo ipsam, nunquam alioqui satis laudatam Virginem, Deiparam Mariam linguis suis acerrimis vellicant, vilipendunt, elevant: in Sacerdotes, vel quamlibet religiosos indiscriminatim invehuntur, jaculanturque: cælibatam, precesque illorum prolixas damnant, subannant, & execrantur & tollunt. Monachorum vota solvunt, Monialibus (proh æternum dedecus) præstare potius, quam sub iugo esse Monastico, suadent, quibus eapropter vicescortorum execrando abutuntur connubio: conjugia, ut Cynici, posthabita omni honestate, communia faciunt: itemque jejunia Lurconibus inderisum, Numina cœlestia nefariis in contemptum, & bona spiritualium Harpiis in prædā concedunt, vulgusque omne a legibus & obedientia plane missum faciunt. Sileo interim, quam elati, superbiq̃ue intumeant, quam portentose libidinentur, quam luxuriose voluptuentur & crapulentur, naso interea adunco alios suspēdentes, & sua crimina, quamlibet horrēda & impia, verbo Evangelico perinde operculo quodam apud indoctam plebeculam nequiter prætexuantes. Proh scelus indignum, & nec igne satis piandum. O Cœlum. O terra. O tempora. O mores. Procures hoc Christiani non intelligunt modo, sed vident, sed sentiunt, sed & suo nunquam satis deplorando periculo, & dispendio experti sunt, experiuntur, indesque, quod nollem, vehementius experturi? Et isti tamen vivunt? Immo vero etiam indulgentius contra Deum, contra Rempub. Christianam foventur, publicique apud nonnullos consilii fiunt participes. Atqui de hoc alias. Jam vero, jam, quis æquo sit animo laturus, qui Curios simulant, & Bacchanalia vivunt? Et quis tulerit Gracchos de seditione querentes? Quis cœlum terris non misceat, & mare cœlo? Si fur displiceat Verri, homicida Miloni? Clodius accusat Mechos? Catilina Cethegum? In tabulam Syllæ si dicant discipuli tres? Annon Dominus noster, idemque Præceptor unicus & Māx. hoc

genus homines evidenter & serio notavit, inquiens: Hypocrita, ejice primo trabem ex oculo tuo, ac tum, si videbitur, dispicies, ut eximas festucam de oculo fratris tui. Sane quis sine peccato? Nullus. Si quidem dixerimus, quoniam peccatum non habemus, ipsi nos seducimus, nec veritas in nobis est ulla. Quis non vicus abundat tristibus obscænis? Nimirum omnis. Et unde primum tot tantorumque vitiorum, tamque deplorata in Christianismo vitæ fons & origo? Egressa est, respondet Dominus, iniquitas a Senioribus, qui videbantur regere populum: vel quod ipsi sint mali, vel quia malis conniveant, & suis irretiti peccatis alios ad peccandum perinde vehementissimo exemplo provocarint. Tales quidem esse plerique omnes solemus, quales sunt, qui nobis præfunt: sic & Scriptura tales adfuerat urbis esse inhabitatores, qualis ejus sit Rector. Si proinde vitiosi fuerint Magistratus & Prælati, abesse nequit, quin & ejusmodi sint subditi, quum in eorum, quos sequimur, vitia sumus veluti natura proclivi. Sic utique natura comparari videmus, ut velocius ac citius nos corrumpant domestica vitiorum exempla, magnis præsertim quum subeant (ut ille ait) animos authoribus. Sic Cherea ille Terentianus (si Sacra tractanti convenit profanis uti) quum Jo- vem in imbrem aureum versum in finem Danaes decidisse animadverteret per inpluvium, tali confirmatus exemplo inquit: Hæc ego non facerem, quæ Jupiter fecerat? Utpote vitium puellæ inferens, exemplo ductus magni authoris. Ita nimirum, quando Pastor, qui Prælatus est, per abrupta vitiorum graditur, necesse est, ut ad præcipitium grex trahatur: quandoquidem lapis magnus de monte corruens, multos secum lapides subjectos trahat, corruereque cogat; sic & Prælatus ubi peccat, multos suo secum exemplo ad barathrum inferni demergit. Hinc passim clamant Scripturæ, populi peccata derivari a peccatis Presbyterorum, & Sacerdotum, perinde atque agnitudines a capite in membra. Superest modo, quod in altera nos parte diducos, polliciti sumus, qui tantis, quibus afflictim oppugnamur, calamitatibus demum occurri queat, pro virili & quidem breviter, doceamus.

Hoc

Hoc sane loco P. P. nodum in scyrpo querendum non censuerim, quando citra difficultatem, amota causa, semoveatur effectus. Atqui nunc constat totum, quo misere distringimur, & divexamur, haud aliunde, quam a peccatis, & hæc primum a proceribus in plebem, non secus atque a capite morbos in membra diffuere. Sic non video nos aliter ab iis & tantis rebus adversis in Dei max. gloriam, adeoque in omnium nostri salutem ereptum iri, nisi primum vitiis defuescant, initioque reformatur, unde primum vitia derivata suas in plebe radices egerunt. Cujusmodi esse audivimus, qui aliis ex officio præferuntur, Prælati inde cognomen sortiti. Et ita quidem, ut quemadmodum inde corruptio in omnes inferiores emanavit, sic etiam illinc sanitas & reformatio omnium emanet. Cujus sane rei Christus Domihus insigne nobis post se reliquit documentum, quum curaturus infirmam civitatem Hierusalem, prius templum ingressus traditur, ut peccata Sacerdotum primo castigaret, instar boni medici, qui morbum a radice curat. Quem & ipsi hac in parte, ut & alias, & semper debemus, imitantes hortamur, ut quæ opus sunt facto iis, qui aliis sunt vel Prælati, vel præfuturi, diligenter audiat.

Principio eapropter meminisse debent, qui aliis, præsertim inter Ecclesiasticos officio antestant & dignitate, se titulo tenus duntaxat cæteris esse majores, non etiam dominatione: nimirum se non esse tam Dominos, quam aliorum ministros, dicique Prælatos & Præpositos eam ob rem coëptos, quod aliis ministerio præponantur, & sint, qui pervigilant, rationem perinde pro animabus nostris suo loco reddituri: unde & illos peculiari ferme vocabulo *ἐπισκοπῆς*, id est, observatores, speculatores, exploratores, custodes appellamus, quoniam vigilem curam, atque considerationem in eorum salutem, quibus præfecti sunt, gerere debeant, qui & ideo speculatores, inquam, a Domino passim nuncupati sunt, quod etiamnum, ut oculi vigiles speculentur, videant, & quæ domui Israel, cui præfunt, dimissu sunt aut factu necessaria, diligenter, exacteque prospiciant. Id quod procul dubio, ut debent, exequuntur, quando meminerint, se hoc esse in ecclesia, quod

in homine oculi, sibi que idem atque unicuique cum illis esse officium, minus atque onus.

Est itaque, ut oculorum, bonorum Prælatorum, ut quemadmodum in corpore oculi, cæteris sunt officio, & statu eminentiores, ita vitæ quoque sanctimonia, virtutis, & doctrina multo præstent, & lucis instar in loco editiore positæ, morum candore luceant, nec sibi solis, sed toti corpori, & quidem in salutem & incolumitatem provideant: ne de illorum sint numero speculatorum, quos esse cæcos Dominus queritur, nequaquam idoneos, ut aliis ducatum præstent, quum illi omnium primi se, atque suos, deindeque alios recte sunt emendaturi. Quomodo enim, inquit Apostolus, Ecclesiæ Dei diligentiam habebit, qui domui suæ præesse nescit? Sint proinde Episcopi atque Presbyteri cum Timotheo fidelium exemplo, in verbo, in conversatione, in charitate, in fide, in castitate, ut eorum profectus sit omnibus notus, ut & se & suos salvent, qui non de se tantum, sed de omnibus, quos pascendos susceperunt, rationem reddituri sunt. Porro vereor, ne nunc suis sint Prælati subditis deteriores, aut certe cum istis eorundem rei, in quos hoc Prophetæ dici possit: Sicut populus, sic Sacerdos. Moses quondam faciem suam velabat, quoniam alioqui propter gloriam vultus ejus Filii Israel in eum intedere haud possent. Jam suspicor plerisque Presbyterorum, & quidem Majorum, suam faciem præ confusione velare, non sane memores talentorum, quæ a Domino in usuram aliquando exhibendam susceperunt. Quid illi, obsecro, olim, Domino ad judicium veniente, dicturi sunt, qui hi Pastores tum vacui apparebunt, quando suos quisque Apostolorum, quibus se isti successisse gloriantur, greges coram palanque est ante Judicem cum lucro exhibiturus? Judæam conversam Petrus, gentes Paulus, Achaiam Andreas, Asiam Joannes, Indiam Thomas, & hoc genus, inquam, quisque suos? utique non aliud, quam quod piger iste servus, respondere habebunt: quos propterea Dominus in tenebras exteriores, ubi erit fletus & stridor dentium, sit proscripturus. Sint ideoque, qui aliis præfunt, tam sui ipsorum, quam & eorum, quorum

cu-

curam acceperunt, diu noctuque ad omnem salutem solliciti, suis in miseria, calamitate, atque inopia ex animo misericordes collachrymentur, ne eos se arguant esse Sacerdotes & Levitas, qui nulla moti misericordia relicto homine semimortuo pertransiere: immo esse conentur, ut ad suos cum Apostolo dicere queant: Qui infirmantur, & nos non infirmamur? Qui tanto etiamnum in illos adfieri amore debuerint, ut pro ipsis, sicubi pietas exigit, esse a Christo anathema non renuant, minime sua, & quæ illorum sunt, querentes: mediocritatis item circa res temporales adservandæ nunquam non studiosi: nimirum contenti eis, quibus natura, quæ paucis est contenta, ali & regi possunt, ab omni prorsus alieni avaritia, quæ omnium est malorum radix, & Idolorum servitus, & Sacerdotibus maxime dedecorosa, quos inter omnes decet, misericordia, & liberalitas; quum in hoc sint Pastores, ut oves pascant, non deglubant. Quum enim ad omnes a Christo JESU dictum scimus: Quod superest, date eleemosynam, quid ad eos, quos ille sibi singulariter elegit, deque sua sorte Clericos esse voluit, ab eodem arbitramur dictum? Hoc indubie iter ingressuri, ne zonas vestras oneretis auro, argentove, immo ne peram quidem, veluti pennarium

quoddam vobiscum circumferatis, neque tunicas binas, ne calceamenta quidem aut baculum. Et quare hoc obsecro? Nimirum, quò essent cæteris perfectiores, qui alios ex officio regere debent, quorum est peccatum, quam aliorum longe perniciosius: quando sit omne animi vitium tanto conspectus in se crimen, quanto major, qui peccat, habetur: quum aliis sit ad peccandum ansa, interrimque ad pœnam ruina. Cujus quidem solius non modo scelus, sed & in ipso aliorum crimen Deus sit ulturus.

Quod igitur reliquum est, PP. modis, quibus possum, omnibus, vehementer oro, ut quæ dixi, non solum boni consuletis, verum etiam, quæ factò juxta ea opus sunt, reipsa implere conemini: toto demum pectore hujus, qua undecunque agitur, memores calamitatis, causam ejus, unde istam derivasse monstravimus, jam tandem mediis, quæ recensuimus, mature abscondatis, ne vel (quod dici solet) damno accepto serius januam sitis clausuri, vel mora ne Concilium quidem ulterius sit admittura: a quibus Deus ille Max. ita primum suscipiat vindictam, ut qui gradu dignitatis primi esse volunt, primi quoque, justitia censente, in supplicio sufferendo sint futuri, juxta Domini verbum: a Sanctuario meo incipite.

Ex impresso exemplari, Moguntiae edito, & Alberto Brandeburgensi, Archi-Episcopo Moguntino, & Magdeburgensi ab Autore dicato, eodem anno 1527.

SYNODUS COLONIENSIS V E R N A

Eodem anno Christi MDXXVII.

Duæ hoc anno sub HERMANNO V. Archi-Episcopo celebratæ fuerunt Synodi, altera Verna, altera Autumnalis. Vernam prima Martii habitam fuisse, testatur Antonius Cornelius Lynnichanus, Gymnasii Laurentiani Professor, in Epistola, quæ subjectam Orationem hac in Synodo a se dictam, & altero post mense ejusdem anni typis datam, dedicavit Magnifico, Præstantissimoque Viro, Dno Arnoldo Broicksmidt de Lemgo, Aetium, & SS. Canonum Doctori Eximio, Curie Coloniensis Officiali, & Metropolitane Ecclesie Canonico. Epistolam his verbis orditur: Improbis quorundam Amicorum precibus oppugnatus, Vir Ornatissime! cogor Orationem eam, quam superrima in Synodo, quinto Idus Martias ad Clerum Coloniensem habui, excudendam, dare, &c. Colonia in Pedagogy Divi Laurentii Anno Domini Millesimo, quingentesimo, vicesimo septimo. III. Non. Aprilis. Præter Orationem hanc Synodalem, quam Ortvinus in fasciculo rerum expetendarum & fugiendarum recudit, alia hujus Synodi acta non reperi.

Tomus VI. Concilior. German.

D d

ORA-

O R A T I O

*Habita Coloniae in Synodo coram frequenti Clero ab Antonio Cornelio
Lynnichau, qua Scripturarum testimoniis ostendit, cujusmodi Eccle-
siæ Principes, Pontifices, Primarii Sacerdotes, & Evangelici
Gregis Pastores esse debeant, eos officii sui admonens:
interim tamen gravem Ecclesiæ jacturam deflens,
& lamentans.*

MAjorum nostrorum studium & industriam, Venerandi Patres, quantum laudare quis debeat, non meum est virium oratione consequi, cum omnia sic providerint; ut providentius pene nihil posterior ætas excogitare possit: omnia sic consilio & ratione libraverint; ut quidquid extra eorum consilium gestum fuerit, diuturnum esse non possit: omnia sic ad amissum perpenderit; ut quidquid citra eorum præscriptum negligenter omisum fuerit, bonis moribus adversum, & castis legibus obvium atque contrarium sit. Quæ quidem instituta abolere, & veteres eos mores antiquare, visum esset non in Ecclesiæ commodum & profectum consulere, sed in ejus grave dispendium, ingensque disturbium moliri. Quis nostrum nunc non videt, quantis Ecclesiæ æstuet persecutionum procellis, quantis periclitetur negotiorum undis, quantis involvatur æstibus? Spirant circumquaque horridi venti, sonorus Boreas suum afflat horrorem, prociæ Austro e tartareo specu missus, noxias flat nebulas, Circius turbines & vertigines, Septentrio grandines, repentinasque procellas. Consciscunt graves nobis in dies tempestates, circumfre-munt circumquaque, ad Ecclesiæ navem quassandam. At nos, qui ea navi vehimur, nihilo fecius nosmet gerimus, quam si nulla oborta sit tempestas: arbitantes, nihil adversum nos posse contrariorum flatuum vires, pigri, segnes, inertes, inconsiderati homines, quiescimus & desidemus, non videntes, quantum naufragium fecerimus. Ubi nunc nostri Archi-nautæ? ubi nauleri? quorum consilio & prudentia esset, ne sic ad scopulos illideremur, quorum officio esset, pyratum molimina, & persecutiones aut frustrare, aut vitare, non in-

vitare. Ab horum insidiis & molimine, quam se caverint Majores nostri, satis perspicuum est ex laudatis his Legibus & Constitutionibus, nec non probis moribus, quibus satis se posteritati commendarunt: quas vero Leges & Constitutiones, quosque laudatos mores, si nos ea integritate servavimus, qua illi; procul dubio haud esset, quod sic periclitaremur. Nimirum cum id antiquus Poeta doceat: *Moribus* (inquiens) *antiquis res stat Romana virisque.* (a) Ut tamen ex multis unum colligam, quis nescit hunc morem a majoribus inolevisse, & apud posteros receptum esse, his quot annis per singulas Dioceses, ex altis suggestibus, Ecclesiastica declamari statuta, in loco, ubi seniores Patres Metropoleos conveniunt, in Ecclesiæ bonum & commodum consulentes; a quibus subditus quisque vitæ normam & disciplinam acciperet.

Hoc quo commodius agatur, quid convenientius excogitari possit, quam subditum quemque præmio & honore invitare: prævaricatorem autem omnem, multis & pœnis deterere, & non eorum more agere, qui secus, quam docent, faciunt: quasi præscribatur lex, cujus sancitor voluerit esse lex. Parendum enim est legi, quam quisque sancit.

Id quidem si non feceris, male audies a vulgo. Quid porro est, quod Principem magis vulgo commendat, quam ut bonorum morum exemplar in se statuatur; secundum quod vulgus vivat? Quod si ipse Princeps & Magistratus recta via non inambulaveris, idem haud dubie tibi obtinget, quod stulto illi Prophetæ Balaam Filio Bosor, (b) qui iniquitatis suæ redarguebatur per asinam, animal subjugale, mutum, quod humana voce loquens,

(a) Ennius.

(b) Numer. 22.

quens, Prophetæ prohibuit dementiam.

Num simile istius nunc fieri videmus, cum passim a laicis & indoctis audimus Principum, & Prælatorum, vestigiis Christi non insistentium, mores & vitam reprehendi? Igroscent, rogo, mihi dicenti, hi, qui nullius iniquitatis sibi sunt conscii. Caveant item & mihi irasci, quos stimulus conscientia punit: generalem de vitiis disputationem in suam non referant contumeliam; ne dum mihi irascuntur, suam indicent conscientiam, pejus de se, quam de me iudicantes. Non ego in hunc suggestum ascendi, ut cuiquam adulari velim, omnia (ut quidam dixit) temperaturus fumo & parietem velle linire lapsentem. Nolo etiam canina quadam facundia orationem nostram nimis esse maledicam atque rixosam, ne reddam aures vestras mihi invitam. Facilius duxi, Musicorum morem sequi, qui leni Chordarum tactu pectora demulcent, non gravi pulsu; ita orationem meam placidam citius, quam asperam, vos posse movere non dubito: in qua si delicatus quispiam auditor exactum Rhetorices artificium ullum desiderarit, sciat, nec Philosophiæ, nec Rhetorices artificium ullum Divinam Scripturam admittere, suo nitore satis claram: quemadmodum Paulus ad Corinthios scribens, missum se dicit, ad Evangelizandum, non erudito sermone, ne inanis reddatur Crux Christi: *Sermo* (inquit) *Crucis stultitia est his, qui pereunt, at illis, qui salutem consequuntur, potentia Dei.* (c) Rogemus nos, ut arcanus ille scripturarum spiritus corda nostra percellat, qui & balbos reddit disertos, rusticos supremæ sapientiæ, & gloriæ compotes hæredes. Quid nobis mundana Philosophia? quid confert Ethnicos authores nocturna, diurnaue evolvere manu, dum non in Christo proficimus, dum non ad salutem nostram sapimus. Intelligamus ea, per quæ servabimur: Erudiamur ea, quæ æternam sapientiam & hæreditatem nobis pollicentur. Porro, quam hoc nunc necessum sit, ipsi satis cognoscitis, ipsi Iudices estis, Vos Pontifices, Prælati, & Primarii Sacerdotes, ad quos mea festinat oratio. Vestrum est intelligere,

re, Vestrum est erudiri. Videtis, quam invaluerint hostium vires, quam late proserpserit hæc contagiosissima hæreseos lues? Num adhuc vestram iacturam intelligitis? Num adhuc erudimini? Usquequo torpebunt corda vestra? Usquequo hos resides animos detinebitis? Satis jam, satis dormitum est: Satis jam, satis cessatum est: Expergiscimini, qui habitatis in torpedinis pulvere. Audite Davidicam tubam, Vobis buccinantem in Psalmo Mystico: *Et nunc Reges intelligite, erudimini, qui iudicatis terram.* (d) Hoc ego buccinum per totam nostram orationem cantabo, hoc efflabo: sub hoc, quicquid est meæ operæ, ponam, orationem eo modo bipartiturus, quo ipsum Prophetæ elogium est bipartitum. Nempe priori membro vos ad intelligendum hortaturus, posteriori vero ad erudiendum. Quod ut incitatus facere possim, vos, quæso, reddite mihi attentos, & mecum una Divinum implorate auxilium, quo prætermisso, nullum rite fundatur exordium. Mecum, inquam, una Deum implorate, ut gratiæ suæ spiritum nobis omnibus infundat, per quem vos audire, & ego salubriter dicere valeamus. Adoremus supremum illum Iudicem: cui cum nos multis malis obnoxios reddiderimus, profugiamus tristes rei ad mitissimam eam advocatam, potentissimam quippe Iudicis matrem, quæ Filium nobis exorare potest. Ea cum sit gratia plena; laboremus, ne gratiæ per illam nobis partæ exortes reddamus: cum & inter omnes mulieres sit benedicta; agamus, ne fructus ventris JESUS CHRISTUS, extremo seculo venturus Iudex, propter blasphemias in matrem iactas, nos iudicet ad æternum supplicium ire maledictos. Quapropter dicamus cum Sancta Elisabeth, eam inter omnes mulieres benedictam; & cum Gabriele Archangelo salutemus eam, dicentes: Ave gratia plena.

Psaltes ipse mysticus David, vos Reges, Pontifices, Primarii Sacerdotes, Magistratus & Potestates, hoc, quo dixi, elogio ad intelligendum, & erudiendum adhortatus est, dicens: *Et nunc* (inquit) *Reges intelligite: erudimini, qui iudicatis terram.* Et nunc, inquam, inquit, intel-

(c) 1. Cor. 1.

(d) Psalm. 2.

Tomus VI. Concilior. German.

intelligite : haud negligite , sed intelligite , quid vos intelligere deceat . Nullam vult intervenire moram , nullam ad intelligendum dari dilationem : quin instantem , & in hoc temporis momento , nunc vult , ut intelligatis . Res omnis in novacula acie sita est . Extremum urget periculum . Aut est intelligendum , quid vos deceat , quid vos deceat : quo pacto salutem consecuturi , & hostium molimina sitis frustraturi ; aut certe per negligentiam , pereundum vobis est , futuri praeda , & irrisio inimicis vestris . Gladius imminet capiti , laqueus insidiatur jugulo ; securis posita est ad arborem , non trunco , nec ramis minans , sed radicebus : funditus & immedicabili vulnere , succisura omnem arborem non ferentem dignos poenitentiae fructus . Vestra omnium refert , nunc intelligere , & omnes nervos ad intelligendum intendere , quid vos facere expedit . Audite Sapientis vocem , vobis acclamantem : *Attendite Reges , & intelligite* ; (e) *discite Iudices finium terrae : praebete aures , qui continetis multitudines ; & placetis vobis in turbis nationum : quoniam data est a Domino potestas vobis , & virtus ab Altissimo , qui interrogabit opera vestra , & cogitationes scrutabitur : quoniam cum essetis Ministri Regni illius ; non recte judicastis , nec custodistis legem iustitiae , neque secundum voluntatem Dei ambulastis . Horrende & cito apparebit vobis , quoniam iudicium durissimum bis , qui praesunt , fiet . Exiguo enim conceditur misericordia , potentes autem potenter tormenta patientur . Non subtrahet personam cujusquam Deus , qui omnium est Dominator , nec verebitur magnitudinem cujusquam ; quoniam pusillum & magnum ipse fecit , & aequaliter est illi cura de omnibus . Fortioribus autem fortior instat cruciatio . Ad vos ergo Reges sunt hi sermones mei , ut discatis sapientiam Si delectamini (f) *Sedibus & Sceptris , O Reges populi , diligite sapientiam , ut in perpetuum regnetis : diligite sapientiam , omnes qui praefestis populis .* Hisce verbis jubemini discere sapientiam , & legem Domini , non Veneris , non alex , non Martis , non Bacchi . Non sit in voto vobis summum scire , quid dexter senio ferat , & quantum damnosa canicula radat , (g) & angustae collo non fallier orcae . Nec id*

vobis sit studium , assem discere in partes centum diducere , ut confiter , quid superfit , si de quicunque remota est uncia . Vestrum studium sit , meditari in lege Domini , Philosopharique in Philosophia Christi . Non temere a Platone , & a laudatissimis Viris dictum , beatam fore Rempubicam , si aut philosophentur Principes , aut Philosophi capeffant Principatum . Enim vero talis solet esse populus , qualis Princeps & Sacerdos . *Multitudo (h) Sapientium sanitas est orbis terrarum . Rex sapiens populi stabilimentum , insipiens autem populi detrimentum .* Revolvamus veterum historias , reperiemus ubique ejusmodi fuisse seculi mores , cujusmodi fuerat Principis vita . Proinde Principis , & ejus , qui Principis munus gerit , est se quam optimum exhibere . Cum enim quoddam Dei sit simulachrum , suarum partium est , bonitate , clementia , sapientia , & doctrina , omnibus vel le prodesse . Hoc secum animo perpenderit : memineritque id se esse in populo , quod Sol in mundo . Quippe ut Deus pulcherrimum sui simulachrum in Caelo constituit , Solem , ita inter homines vivam ac evidentem sui collocavit imaginem , Regem atque Principem . Sole nihil communius , ac ceteris item corporibus caelestibus lucem suam impartit : ita Princeps publicis usibus maxime debet esse expositus , & nativum sapientiae lumen habere domi , ut etiam , si quid caecutiant ceteri , nunquam tamen ille hallucinetur . Curandum ergo Principi , ne ejus , quod ab eo exigitur , expers inveniat . Alioqui audiet Dominum per Osae vocem dicentem : *Conticuit populus meus , eo quod non habuit scientiam : quia tu scientiam repulisti , repellam te , ne Sacerdotio fungaris mihi .* Audi haec Rex , haec discute Princeps , intellige Sacerdos , cum & ipse Principatum in terris geras , quid Dominus a te exigit , quid tibi praescribat : Cum (inquit Deuter. 17.) fuerit Rex constitutus , non multiplicabit sibi equos , non reducet populum in Aegyptum , equitatus numero sublevatus : praesertim cum Dominus praeeperit , ne per eandem viam revertamini . Non habebit uxores plurimas , quas alliciant animum ejus , neque auri & argenti immensa pondera . Postquam autem sederit

(e) Sapient. 6. v. 2. & seqq.
(f) Sap. 6. v. 26.

(f) Ibid. v. 22.

(g) Persius Sat. 3.

in folio regni sui, describet sibi Deuteronomium, Legis hujus in volumine, accipiens exemplar a Sacerdotibus Levitica tribus: & habebit secum omnibus diebus vite suæ, ut discat timere Dominum Deum suum, & custodire verba & ceremonias ejus, quæ in lege præcepta sunt. Nec elevetur cor ejus in superbiam super fratres suos, neque declinet in partem dextram vel sinistram; ut longo tempore regnet ipse & filii ejus super Israel. Audis præceptum esse, ut non sit magnus equorum strepitus, ut non reducas populum in Ægyptum. Ægyptus cum sit terra vitiosa, in qua populus Dei sub duro Pharaonis Imperio operibus laci & lateris, omnique operoso famulatu premitur. Audis præterea non licere plurimas habere uxores, quæ animum tuum alliciant: non decere domalere tot scorta, tot Veneres, quæ te continue exedunt, tuamque substantiam disperdunt. Quæ nunc (malum) impudens, non dico, Sacerdotum impudentia, qui effronte libidine membra Deo dicata templum Dei, quod ipsi sunt, spurcant, & contaminant; iisdem labiis osculari audentes filium Virginis, quibus impuræ Veneris os & labia circumlamberant? Quid est nocte se exhibere filium Veneris, die autem polluto ore, pollutissimaque mente infumere filium Virginis? Tu, quisquis Sacerdos es, quique totus Divinis rebus es consecratus, cogita, quam indignum sit facinus, eo ore sumere adorandum illud corpus, quo putidam scorti carnem contigisti: iisdem manibus abominandas sordes contrectare, quibus ministrantibus Angelis ineffabile illud mysterium peragis. Item, quam non conveniat, idem corpus eundem cum Deo Spiritum fieri, & unum corpus fieri cum meretrice. Pudet me, multa de his dicere, quæ tamen multos minime pudet facere. Vellem mentirer: vellem mendacii arguerer. Hæc, ut vereor, veriora sunt, quam ut redargui possint. His & aliis datur scandalum populo; præbatur offencilum vulgo, cui hac tempestate viler, & contemptui est ordo quilibet Sacer. Vilis plebs te Sacerdotem nunc cachinnis, atque ludibriis incescit, & odit, qui calumniandi ansam ultro præbueris. Dicis namque: tot hic, aut ille scorta domi suæ ex patrimonio Crucifixi

nutrit, quo non sordida scorta, sed pauperes Christi forent sustentandi. Tot hic, aut ille Sacerdotiis, seu (ut dicunt) Præbendis & Beneficiis Ecclesiasticis est suffarcinatus: quem non multis Sacerdotiis deceret esse suffarcinatum, sed vita, moribus, atque virtutibus esse probatum. Habet profecto & vulgus suos oculos, habet & suum de te judicium, quod tu ne ut vile refutes, dico: sæpe etiam, ut ajunt, & olitor est verba opportuna locutus. Quamdiu ipse pergis te tua vita, tuisque moribus dedecorare, & ipsum vulgus de te judicium dare non desinet. Vis ut te vulgus amet? ut te revereatur, ut te amore & benevolentia prosequatur? Age, quæ amore sunt digna, quæ amorem & benevolentiam promerentur, quæ justum est, in te revereri: ita te geras, ut sis illi probæ vitæ norma & regula: fingas te quandam omnis virtutis amussim. Curandum est & id tibi præcipue, qui inter Sacerdotes primas tenes, ut non de Cathedra Moysis reddas Cathedram pestilentiae. *Qui bene sedit super Cathedram, honorem accipit Cathedra: qui vero male, injuriam facit Cathedra*, authore Chrysostomo *Dist. 40. C. Multi Sacerdotes*. Officium tuum aptissime Hieronymus super Levitico scribens demonstrat, ut habes 36. *Dist.*, quem Canonem ad verbum hic subjicere lubet: *Si quis* (inquit) *Pontifex vult esse, non tam vocabulo, quam merito imitetur Moysen, & Aaron. Quid enim dicitur de eis? Quod non discedunt de tabernaculo Domini. Erat ergo Moyses indefinenter in tabernaculo Domini. Quid autem ei opus erat? Ut a Deo aliquid disceret, aut ipse populum doceret. Hæc duo sunt Pontificis opera, ut a Deo discat legendo Scripturas Divinas, & sæpius meditando: aut populum doceat; sed illa doceat, quæ a Deo ipse didicerat: non ex proprio corde, vel humano sensu, sed quæ Spiritus Sanctus docet. Est & aliud opus, quod fecit Moyses: Ad bella non vadit, non pugnat contra inimicos: sed quid facit? Orat, & donec orat, vincit populus: Si relaxaverit & dimiserit manus, populus vincitur & fugatur. Oret ergo Sacerdos Ecclesiæ, ut vincat populus, qui sub ipso est, hostes invisibiles Amalechitas, qui sunt Damones impugnantes eos, qui volunt pie vivere in Christo. Hæc Hieronymus. Verendum est, proh dolor (ut audentius quid dicam) Pontifices*

tifices nostros non multum vacasse orationibus, non uique adeo meditados fuisse Legem Domini, non continuam moram traxisse in tabernaculo Domini; quin pro lege Domini, meditados fuisse legem Martis, Veneris & Bacchi: de tabernaculo Domini abscessisse ad cruenta bella, pro gladio Spiritus Sancti, quod est efficax verbum Dei, exemisse gladium cruenti Martis: non expandisse manus in Cælum, sed per ignaviam remisisse in cœnum. Hinc factum, quod populus Dei vincitur & fugatur, invulnerunt Amalechitarum vires: Hæreticus & schismaticus, hostes nostri domestici, suum evomuerunt virus, quo, proh pudor! infectus totus pene Christianus orbis. Nemo repertus, qui præmunierit antidoto, quique remedio ullo succurrere studuerit; sed pigri, socordes, nulla alacritate insignes, admisimus nos falli, nobisque imponi. Ubi modo industrii Patres familias, quos decuisset excubias possuisse, ne nocturni fures, nos incautos oppressissent, ne oppressos suo cachinno irrississent. Jam facti sumus opprobrium, subannatio & irrisio inimicis nostris. In nos comminiscuntur carmina; in nos occentando, jaculantur convitia, & convitiando varia impingunt cognomina. Nec satis hoc, quin sæviunt in Divos & Sanctos; quin etiam in eum, qui est Sanctus Sanctorum, in sæcula benedictus, proterviunt. Nempe latrones hi, ubi inconfutilem Domini tunicam in varias partes conati sunt rumpere, demum invaserunt ipsissimum Corpus & Sanguinem Domini, commiscentes Sacra prophanis, adulterantes legitima, antiquantes Sacrosancta Sacramenta, Christi sanguine sancita. Quid multa de his ego effutiam ineptus? Compertum habetis, quod non vobis mentior, quodque hæc se se longe execrabilius habent, quam ego dicere possum. O tempora! O mores! Eo dementia ventum? quod humana protervitas Divinam incescit Majestatem? Cui omnis Majestas cedit, quam omnis principatus in cælo & in terra veneratur, & adorat: cuique omne genu Cœlestium, terrestrium, infernorum flectitur, atque prosternitur. Si humanis cautum est legibus, ne Imperatori quis maledicat, & ne contra Magistratus suos quis

scelestam ineat factionem; quanto magis id cautum oportuisset in eum, qui Summum Imperatorem, illum Monarcham mundi incescit, cælo, terræ, mari & ventis, & quæ in his sunt, creaturis imperantem? usque adeo Judaica rabies non sævit in Christum Dominum, ut postera hæc sordidorum hominum coluvies, ludibriis, irrisionibus, calumniis, blasphemis, spurciis innumeris eum est adorta: siquidem illi postremo palam, & in aperto professi hostes, Christum multis plagis impositis crucifixerunt; hi autem ejus morte redempti, & in ejus Sacramenta jurati milites, qui & ultro se Sacramentario munere subarrhari permiserunt, facti apostatae & transfugæ deficiunt ad hostes: deficiunt a vero Duce, deferentes propria castra, dant manus & paciscuntur cum hostibus. Obliti & immemores datæ fidei, perjuri se se agglomerarunt inimicis Catholicæ fidei. Interim tamen se inimicos videri nolunt, quin Evangelici nominis prætextu, jactant se vestigiis Christi insistere, Christi doctrinam & viam sequi. At quo sua figant vestigia, & ad quæ suam doctrinam moliantur, satis exploratum est. Pax publica turbatur, quies privata negatur. Nusquam est, ubi tuto quisquam sibi consulere possit. Confusus est omnium rerum status. Quocunque vergas, quocunque oculos declines, non datur cernere, quod antiquam repræsentet morum honestatem. Non opus esset adeo in id incumbere, ut quæque innovarentur, modo singuli studeremus observare ea, quæ antiquitus sunt sancita: Non tantum dediti in quæstum, in privatum commodum, inhabitantes prædæ & avaritiæ, non secus huc atque illuc hæc Sacerdoria & beneficia distrahentes, quam si venalium mercium publicam auctionem, seu venditionem faceremus. Quid Deo cum Belial? Quid Sacra ad Mercurium prophanum mercaturæ Deum? Abeat & valeat ille cum suo Ethnicorum mercium emporio. Inspiciantur Hebræorum historiarum: reperiemus ubique pessum ivisse Judæorum religionem, dum fas & nefas ambiebant Magistratus & Sacerdoria. Diceret hic adversum me adversarius: Tu si hic sis, aliter sentias. Respondeo, si ve ego, si ve ille aliter sentiat; hunc præ-

textum, siye hanc dolosam stropham nihil in re mutare, sed magis dare errori patrocinium, quo rei veritas semper eludatur. Insuper & iniquissimum esse, Christi Sacerdotes, hæc beneficia distrahere; veluti venales merces essent, quæ tabernaculum circumferuntur. Non hæc Propheta vult esse intelligenda & erudienda. Non præpostero modo faciendum, ut qui Diabolo & omnibus operibus idololatricæ renuntiavimus, & Deo nos totos devovimus, rursus ad illius, puta, Diaboli cultum & servitium (i) recurrere. Secus in utroque testamento factum legimus. Abraham, homo dives, de patria ibat, quo nesciebat: Apostoli de piscatione lacus Genezareth, ad piscationem hominum transferunt. At hoc tempore, plerique in Apostolorum loca se suspectos esse credentes, piscatione hominum relicta, redeunt ad lacum Genezaret, ad locum sordidi quæstus, in quo queritur cibus ventris, in quo laboratur pro victu vilis corporuli. Miseri, infelices & stulti homines, corporis tantum ingluviei indulgentes, negligimus querere dulcem illum cibum animi. Et cum ipso Evangelico reti æternam nesciamus piscari salutem, jácimus & ponimus laqueos & retia, ad irretiendum & circumveniendum fratrem, ad machinandum dolum & fraudem. Quid multis morer? Intelligenda dediscuntur, & negliguntur; erudienda dedocentur.

Nos alio mentes, alio convertimus aures.

Omnia hic dicere,

Non mihi si linguæ centum sint, oraque centum.

Ferrea vox, omnes scelerum comprehendere formas:

Omnia cunctorum percurrere nomina possum.

Digrediar ergo ad alteram orationis partem, quæ est de eruditione, qua terrarum Judices Propheta jubet esse imbutos, siquidem nostrum sic habet elogium: et nunc Reges intelligite: Erudimini, qui judicatis terram. Quid Propheta a terrarum Judicibus exigit, & ad quid hortetur, satis ex ipso verbo haberi po-

test, dicens: erudimini, qui judicatis terram, perinde ac si dicat, si hucusque rudes inertesque fuistis, tempus nunc est, ut erudiamini: si hucusque animos gessistis incultos; expedit nunc eos fieri cultos & expolitos. Quos si cultos & expolitos fieri volueritis, hilares agite, capeffatis sapientiam & doctrinam, quæ & vobis, & gregi, vestræ custodiæ commisso, prodesse possitis. Videtis errabundum & palantem gregem, multijugis insidiis obnoxium: insidiantur fures & latrones, qui gregem per devia abigere & abducere moluntur. Opus ergo esset Pastoribus, qui furum & latronum insidias frustrarent, qui contra rugientium leonum incurfus, & contra rapacium luporum infestationes, repagula ponerent. Præterea & opus esset canibus, qui gregem suo latratu a luporum moribus tuerentur, quique & oves e luporum faucibus eripere sint gnari, nec quicquam timeant, si quando lupo gregem invadat. Timerem ego, quod, si Isaias (k) plerosque nostri sæculi Pastores cerneret, rursum diceret: speculatores gregis cæci, omnes nescierunt: universi canes muti, non valentes latrare, videntes vana, dormientes, & amantes somnia. Et canes impudentissimi nescierunt saturitatem. Ipsi Pastores ignoraverunt intelligentiam. Omnes in viam suam declinaverunt, unusquisque ad avaritiam suam. Et Dominus per Hieremiam locutus, sic criminaretur gregis sui perditionem: *Grex perditus factus est populus meus*, (l) Pastores eorum seduxerunt eos, feceruntque vagari in montibus. Rursum & Ezechiel stomacharetur his verbis: *Væ Pastoribus Israël*, (m) *qui pascabant semetipsos*: qui lac comedunt, & lanis operiuntur: quod crassum est, occidunt; gregem autem non pascunt: quod infirmum est, non consolidant: quod ægrotum est, non sanant: quod contractum est, non alligant: quod abjectum est, non reducunt: quod perit, non querunt: sed cum austeritate & potentia imperant. Ovibus dispersis, & segregatis, non est pastor fidelis; factæ sunt ergo in devotionem omnium bestiarum. Hic ego me continere non possum, quin effu-

tiam

(i) *Supple:* velimus.

(m) *Ezech.* 34. v. 2.

(k) *Isai.* C. 56. v. 10.

(l) *Jerem.* 50. v. 6.

tiam id, quod res est, cogorque dicere: heu mihi quam paucos hæc mea verba movent? Eloquar an fileam? Quotusquisque est hodie pastor, qui his fungatur officiis, quæ Petrus pastoribus præscribit: dicens in Epistola 1. Cap. 5. *Pascite, qui in vobis est, gregem Dei: providentes non coacte, sed sponte secundum Deum: neque turpis lucri gratia, sed voluntarie: neque, ut domiantes, in Cleris, sed forma facti gregis ex animo. Et cum apparuerit Princeps pastorum, percipietis immarcescibilem glorie coronam.* Dicite Pastores, quo amoris argumento dicere possitis, vos Christum diligere, cum oves ejus pabulo sermonis Evangelici pascere negligatis? Nonne hujusmodi amoris aut saltem dilectionis argumentum, a Petro sibi exhiberi postulat Christus, dum verbis sæpe repetitis eum interpellat, dicens: *Simon Johannis diligis me? pascere oves meas.* Cum Pastores vocemini, cur non præstatis, quod appellamini? Vestra appellatione, vestri officii admonemini. Quod si lupos in gregem impune grassari finitis, jam non pastores, sed mercenarii appellandi essetis. Enim vero bonus pastor, animam suam dat pro ovibus suis, mercenarius autem in lupi adventu oves deserit, fugitque, ac finit oves a lupo rapi & dispergi. Nempe, quia est mercenarius, & oves non sunt illi curæ. Pastoris boni officium est, pascere gregem, curare, regere, custodire, ne qua ovis ulla aberret, errantem prompte, libenter, non gravate, sed ex animo quærere, quousque inventa fuerit. Inventam autem in humeris ad gregem portare. Videmus (proh dolor) hoc infelici sæculo non unam aut alteram ovem errantem, sed totum ferme gregem, Pastore bono destitutum, inter salebrosas hæreseos rupes errantem. Quotumquemque putatis hodie reperiri Pastorem, qui ovem errantem quærat, ut servet, ut reducat, qui & in humeris suis ovem ad gregem, vel ad ovile portet? Annon diceretis, plerosque in hoc tantum deditos esse Pastores, dum ovem quærunt, ob nil aliud quærere, quam ut lanam cum velle deglubant, ut ovem excorient, ut mactent? Nonne, si nostri sæculi Pastores cum priscis conferre volueritis, illos re id præstitisse, quod vocabantur, nempe Pastores pascebant, & custodes cu-

stodierunt gregem; hos autem longe ab illorum studio excidisse & degenerasse? Illi, quanta cura, quanta sollicitudine quanta vigilantia vigilaverunt supra gregem suum, excubiis positis contra rugientium leonum imperus, & furentium luporum insidias? Illi in dies & numerosiorum, & fertiliorum reddiderunt gregem, lucrantes gregi amcenissima & latissima pascua, florentissima regna, celeberrimas urbes & nationes; At hodie, nescio qua fatorum invidia fieri videmus, quod grex, puta populus Christianus, cruentissimis bellis, immanissimis cædibus, horrendissimisque poenis affectus, suis regnis exulat. Quod ne quis meum, aut alterius cuiusvis commentum esse dicat; in promptu ejus, quod dico, occurrit argumentum & exemplum: Pro se, rogo, mihi quisque intendat animum, quæ vita, qui mores fuerint: per quos viros, aut quibus artibus, res Christiana & Evangelii Majestas longe lateque per universum terrarum orbem est propagata? labente deinde paulatim disciplina, secum cogitet, ut sensim quoque partum illud, & per omnia pene mundi regna auctum Christi Imperium, magis, magisque dilapsum sit. Primo amissimus Africam, deinde mox tota Asia Saracenis & Turcis cessimus, postremo etiam majore & nobiliore Europæ parte adempta, vix tandem in Europæ angulo desidemus, nostras ipsorum conterentes vires, intestinis tumultuantibus bellis, mutuis digladiantes armis, Turcarum immanitati non modo non repugnantes; verum eam potius per mutuas contentiones, & intestina dissidia, nutriendas. Heu miseram & infelicem Christianæ religionis sortem! Ocæcas nostrorum Principum mentes, quos tantus perturbationum stupor oppressit, ut perinde tanquam in theatri ludo otiosi spectarent, intra biennium Rhodum occupari, & hoc ipso anno majorem Hungariæ partem sivismus a Turcis devastari! In quo quidem bello bellicosissimus Ille Christianæ Religionis pugil & athleta, felices recordationis, Rex Hungariæ, de Christiana fide semper bene meritus, interiit a suis destitutus, non audeo dicere, ut fertur, traditus. O vos Principes Christiani, quibus victimis, quibus, putatis, piaculis, quibus lu-

stra-

strationibus tantum facinus eluetis? qui licet titulo tenus, quasi Dii tutelares, salutem & securitatem Christianæ reipublicæ polliceamini, quosque vel ipsa cognomina ad publicas clades levandas inflammare debuerat, Christianas tamen opes distrāhitis, evertitis, dilaceratis! Cavete, cavete, ne qui nunc ab aliena domo incendium restringere negligitis, mox flammarum impetus in vestras proprias evolet ædes, utque posterior Africanus in incensæ Cartaginis conflagratione, Romanæ urbis occasum versibus Homericis deflevit.

Tempus erit, sacram quod dealeat
Ilion urbem,
Ac Priamum, & Priami populum,
regnumque decori.
Vestra revera agitur res, paries modo
proximus ardet.

Subvenite ergo Principes, accurrite per Deum immortalem; occurrite perditis & profligatis rebus; jam tandem opem afferite. Extremum periculum cuique vestrum ante oculos obversatur. Quod prius fides & pietas debuerat, jam summa cogit necessitas: ut qui prohibere noluitis, ne hostili igne arderemus, saltem exultam & conflagramus Christianam rempublicam a tanto incendio liberetis. Quo autem nostra intendit simulatio? Cur publica omnium errata in unum, aut alterum conjicimus? Magis ipsi in causa & culpa sumus. Accusetur nostra negligentia, accusentur intestinæ similitates, & civiles dissensiones, quibus nimium Christiana respublica conterrita: & interim dum nos sic domestico bello tumultuamur, tertius nos invadit hostis, barbarus & immanissimus ille Turca, pro certo sperans, & jactare non desinens, se propediem totius Christiani orbis potiturum Imperio. Qui quidem nobis haud dubie est ille Assyriorum Rex Serinacherib, vel Babyloniorum tyrannus Nabuchodonosor, a Deo ad nos missus, quem peccata nostra meruerunt, a quo nobis imminet virga furoris Domini, quæ flagellamur prævaricatores, & transgressores mandatorum Domini. Porro hoc sic in Psalmo mystico

comminatus est dicens: *Si dereliquerint filii mei legem meam, (n) & in iudiciis meis non ambulaverint: si iustitias meas prophana-verint, & mandata mea non custodierint; visitabo in virga iniquitates eorum, & in verbis peccata eorum.* Et per Ezechielem: *Quia Sacerdotes, inquit, contempserunt legem meam, & polluerunt Sanctuaria mea: (o) Inter sanctum & prophanum non habuerunt distantiam: inter pollutum & mundum non intellexerunt, & a Sabbatis meis avert-runt oculos suos, & coinquinabar in medio eorum.* Principes, quasi lupi, rapientes prædam, ad effundendum sanguinem; & ad per-dendas animas avare sectando lucra. Prophetæ limiebant eos absque temperamento, videntes vana, & divinantes eis mendacium, dicen-tes: *Hæc dicit Dominus Deus, cum Dominus non sit locutus.* Et rursus per Michæam: *Principes in muneribus judicabant (p) & Sacerdotes in mercede docebant.* Prophetæ in pecunia divinabant, & super Dominum requiescebant, dicentes: *nunquid non Dominus in medio nostrum? nunquid super nos venient ma-la? Propter hoc causa vestri, Sion quasi ager ambitur, & Hierusalem quasi acervus lapidum, & mons templi in excelsa sylvarum.* O Sion? O Hierusalem, Civitas Deo Sacra! O Sancta Christi Ecclesia, quæ quondam ab Assyriis, & Babylonis, exteris inimicis tuis, expugnabaris, nunc autem longe execrabiliori bello, non modo ab exteris, verum etiam ab intra-neis pignoribus, piratis militibus, grave, internecinum bellum, ne dicam, exitium, pateris. Hi, qui in tua Sacramenta jurarunt, facti transfugæ, apostatæ, tua castra relinquunt, paciscendo cum hostibus. Quæ hæc iniquitas? quæ vesania? Siccine fides servanda? siccine promissum in fidei Sacramenta? Domestici his hostibus non sat erat, diruta esse templa, quum aras, templa, sacras ædes & domos sunt demoliti; quin scelus scelere gravantes, temerario ausu grassati sunt in Sanctuarium Domini, in quo juxta Ezechielis prophetæ vaticinium, ege-runt, ipsum Sanctuarium prophanantes, nullo discrimine inter sanctum & prophanum habito, inter mundum & pollutum, nil intelligentes, Sabbata & sacras ferias prophanantes, docentes ea, quæ carnis sunt, non quæ spiritus. Blan-

(n) Psalm. 88.

(o) Ezech. 22.

(p) Mich. 3.

do pre , blandoque sermone incautos homines , incautaque pectora fallentes , non secus sacris literis abutentes , quam versipellis ille Satan , cuius Evangelium meminit , qui ad suum sensum sacris literis abusus , Salvatorem nostrum decipere est molitus. Qui nimirum stulti & impii homines , ex sacris literis hæreseos & majoris impietatis habent occasionem , sicut e diverso sobrii & prudentes salutarem ex his habent alimoniam : quemadmodum simile legimus de rhododaphnes arboris frondibus , quæ (authore Plinio) quادرupedibus venena sunt , hominibus autem contra serpentium venena remedio. Proinde hoc unum dicere non erubescō , præstaret , nunquam Evangelia & sacras literas legisse , quam horum lectione id fieri , quo demum prævaricemur legem Altissimi. Enim vero non hæc sapientia , nec prudentia , sed prudentiæ nequitia , de qua Ecclesiastici 19. dicitur : *Melior est homo , qui minuitur sapientia , deficiens sensu in timore Dei , quam qui abundat sensu & transgreditur legem Altissimi.* Longe sanus esset tibi , cum Paulo & Antonio Eremitis , rusticis illis Patribus , qui in Eremito latitarunt , literas nescire , & cum illis confors fieri cœlestis gloriæ , quam eas scire , & cum veritissimo hæreticorum sodalicio detrudi in infernum. Quid , rogo , est scientia ? quando intellectus non captivatur ad fidem ? quando cor ad servitutum Christi non redigitur ? Præter modum & plusquam oportet , sapere , est desipere. Paulus ad Romanos scribens , præcipit , ut ad sobrietatem , & non plus , quam oportet , sapiamus , ut non simus prudentes apud nosmetipsos , & ut non alta sapiamus ; sed humilibus consentiamus. Diligit Dominus mites & humiles corde. Non simus , quales idem futuros esse prædixit , ad Timotheum scribens , fore his extremis temporibus , qui erunt homines sui amantes , cupidi , elati , superbi , blasphemii , parentibus immorigeri , ingrati , scelesti , sine affectione , sine pace , criminatores , incontinentes , immites , sine benignitate , proditores , protervi , tumidi , voluptatum amatores , magis , quam Dei : habentes speciem quidem pietatis , virtutem autem ejus abnegan-

tes. Hæc ea periculosa esse tempora , quis modo non diceret ? Videmus ne , quam universus terrarum orbis , ex pravis & perversis moribus degenerans , totus Redemptori factus sit contumax , & rebellis ? Hæreses ubique pullularunt , ubique eruperunt , & in dies magis , magisque propagantur , quibus infelix plebs & ad omnem rerum novandarum varietatem obvia semper & exposita , velut pestifera quadam contagione tabescit adeo , ut & magna Europæ pars , quæ hætenus omni monstro caruit , tota sui dissimilis sit facta , quum cum fide perfidia , cum pietate impietas , cum veritate mendacium nullo pacto cohæret. Pro-ruperunt ab inferis furæ ipsæ Erynnyes , ira , rabie , cæde , sanguine , scelere perturbantes , involvantes , permiscen-tes universa. In qua omnium rerum confusione nihil est , quod non inquieta-tum sit , ita ut vere nunc dicere possu-mus , ut habetur Machabæorum. 1. cap. 3. Ablatam esse voluptatem a Jacob , & deficere apud eum tibiam. Nonne , ut eodem loco dicitur , sancta conculcata & contaminata sunt ? Sacerdotes facti sunt in luctum & humilitatem : nationes convenerunt adversum nos , ut nos disperdant. Dixi forsasse de his longius , quam ferebat tempus , sed omnino par-cius , quam res pōscit. Reliquum est , ut redeam ad orationis meæ elogium : *Et nunc Reges intelligite : Erudimini , qui judicatis terram.* Si hætenus neglectum est meditari in lege Domini : Si hucus-que cessatum est , ambulare in via Do-mini : si ad hunc usque diem destitum est , nolle salubri admoneri eruditione ; tempus nunc est erudiri. Apprehen-damus disciplinam , ne pereamus de via justa. Satis jam superque insanitum est : satis in mutua debaccharum est exitia , satis diu , quæ Turcarum pascant oculos , acta est Tragedia. Si volumus Turcis , & inimicis Christianæ fidei formidabiles esse , simus concordēs , sit amor mutuus , sit timor Domini : extirpentur hæreses , fa-cessant intestina jurgia & dissidia : frædum est , Christianos contra Christianos bellige-rari. Etenim Christianus orbis una no-bis est patria , una nobis est Ecclesia , una familia , eadem sumus gens & ejusdem civitatis incolæ , ejusdem corporis membra :

bra : ab eodem continemur Capite , Christo Jesu , eodem vegetamur spiritu , pari pretio redempti , ad eandem hæreditatem ex æquo vocati. Sit igitur omnium eadem vox , eadem mens , idem conatus.

Vos ergo appello , Reges , Principes , Pontifices , de quorum nutu Christiani orbis felicitas potissimum pendet , ut super his intelligatis , in quibus Christianæ fidei commodum quæritur , & incommodum evitatur. Vos appello terrarum Judices , Primates , Magistratus , Pastores , Sacerdotes , & qui Ecclesiastica præeminetis dignitate , ut quisque ruditate seposita , curet salubri eruditione fieri verum Christianæ Scholæ membrum. Adest modo tempus acceptabile , adest dies salutis. Quod infanivimus , imputetur factis : resipiscamus , & conemur imperrare veniam. Adoremus , procidamus , & ploremus ante Dominum , qui fecit nos , quia ipse est Dominus Deus noster. Apud eum

est portus placida manens quiete : apud eum patens unum omnibus miseris asyllum. Jubet ipse nos ad se venire , inquiens : *Venite ad me omnes , (q) qui laboratis , & onerati estis , & ego reficiam vos. Tollite jugum meum super vos , & discite a me , quia mitis sum & humilis corde , & invenietis requiem animabus vestris. Jugum enim meum suave est , & onus meum leve.* Hanc nos doctrinam intelligere , & hac disciplina erudiri omnes studeamus. Beatus est enim , quem Dominus erudit , & legem suam docet. Monstrat siquidem viam , qua itur ad gaudia vitæ , ad quam nos omnes pervenire concedat idem is , qui dixit : *Ego sum via , veritas , & vita : (r) qua vita & Propheta cum Christo in æternum fruatur , qui vos Reges & terrarum Judices ad eam quoque adipiscendam adhortatus est , dicens : Et nunc Reges intelligite : Erudimini , qui judicatis terram. Dixi.*

Ex Ortwinii Gratii Fasciculo a pag. CCXV. Edition. Colon. anno 1535.

(q) Matth. II.

(r) Joan. 14.

SYNODUS COLONIENSIS AUTUMNALIS

Eodem anno Christi MDXXVII.

In qua publicata fuit hæc Constitutio : de his , qui Matrimonium clandestinè contraxerunt.

OFFICIALIS CURIÆ COLONIENSIS, UNIVERSIS ET SINGULIS CHRISTIANITATUM DECANIS, PAROCHIALIUM ECCLESiarUM, ET CAPELLARUM RECTORIBUS, PLEBANIS ET VICE-PLEBANIS, CAPELLANIS CURATIS, ET NON CURATIS, CÆTERISQUE PRESBYTERIS, CLERICIS, NOTARIIS, ET TABELLIONIBUS PUBLICIS QUIBUSCUNQUE PER CIVITATEM ET DIOECESIN COLONIENSEM UBILIBET CONSTITUTIS, NOBIS SUBJECTIS, SALUTEM IN DOMINO, ET NOSTRIS HUIUSMODI OBEDIRE MANDATIS.

Querelam gravem pro parte honorabilis Domini Joannis Trip, Reverendissimi Domini nostri, Domini Hermanni, Sanctæ Coloniensis Ecclesiæ Archiepiscopi, Principis Electoris &c. Procuratoris Fiscalis , recipimus in effectu continentem : Quod cum nedum de jure, verum etiam de statuto , ac antiqua & laudabili ab immemorabili tempore citra observata consuetudine distet Ecclesiæ Coloniensis , clandestina

conjugia fuerint & sint prohibita , nec non taliter matrimonia contrahentes , ipso facto sententiam excommunicationis incurrant , atque cum matrimonia inter aliquas personas fuerint contrahenda , tres proclamationes in Ecclesiis Parochialibus , sub quarum Parochiis hujusmodi personæ natæ fuerint , aut moram traxerint , seu domicilium foverint , publice de Ambonibus , seu aliis consuetis & publicis locis , populi multitudinem

Tomus VI. Concilior. German.

E e 2

ibi

ibidem ad Divina audiendum congregata, & tribus diebus festivis, a se invicem distantibus præmitti consueverint & debeant; ut intra illum terminum, si alicui impedimentum aliquod occurrerit, & obstitat, opponat: non licuerit præ tactis personis per Civitatem & Dioecesim Coloniensem constitutis, & in eisdem moram trahentibus, matrimonia clandestina, aut alias aliunde, nisi hujusmodi proclamationibus, præ tacto modo factis, præviis contrahere: Nihilominus tamen frequenti & assidua fama prævia, & quod dolenter referimus, evidentia facti id, acclamante, ad aures nostras diversis cum querelis, & per medium dicti Procuratoris Fiscalis pervenit, quomodo plures personæ, prælibato Reverendissimo Domino nostro Archiepiscopo Colonienfi, & nobis subjectæ, inter quas plura impedimenta, quominus matrimonium invicem contrahere potuissent, comperta fuerint, & in eventum, quo proclamationes præ tacto modo factæ præcessissent, indubie hujusmodi impedimenta opposita fuissent, timore Dei postposito, propriæque salutis immemores, nedum extra suam Parochiam, verum etiam Dioecesim Coloniensem hujusmodi proclamationibus etiam minime præviis, & matrimonialiter copulari fecerunt, & passim faciunt, atque suos Plebanos ad eas personas, ac si in earundem Ecclesiis debite copulatæ fuerint, pro conjugibus legitimis habendas, tenendas & reputandas, compellere nisi fuerunt, & passim nituntur: non obstante, quod inter aliquas ex eis notoria, quominus in matrimoniis hujusmodi persistere possint, obstant impedimenta, unde plura scandala exorta sunt, & quotidie magis ac magis exoriantur, in earundem animarum gravia pericula.

Nos igitur Officialis præfatus, hujusmodi scandalis & periculis, quantum possumus, obviare cupientes, pro parte supra dicti Domini Joannis Trip, Procuratoris Fiscalis super hoc requisiti, vobis omnibus & singulis supradictis, & vestrum cuilibet in solidum, in virtute sanctæ obedientiæ, & sub excommunicationis pena, auctoritate nostra præsentium tenore districtè præcipiendo committimus & mandamus, quatenus personas supradictas, quæ inter se (ut

præmissum est) matrimonium clandestine contraxerunt, & quæ se tribus proclamationibus, tribus diebus festivis, & a se invicem distantibus, in earum Parochialibus Ecclesiis non præviis, ac sine licentia sui proprii Pastoris, extra suam Parochiam sive etiam Dioecesim Coloniensem, matrimonialiter copulari fecerunt, in vestris Ecclesiis & Capellis ac aliis locis publicis, ubi, quoties, & quando expediens fuerit, excommunicatos publice nunciatis, & ut tales evitatis, & ab aliis, quantum in vobis fuerit, nunciari & evitari faciat, donec Deo & Ecclesiæ satisfecerint, ac absolutionis beneficium a dicta excommunicationis sententia a nobis meruerint obtinere: Inhibentes nihilominus vobis Christianitatum Decanis, Pastoribus ac Rectoribus Ecclesiarum & Capellarum, Plebanis, Vice Plebanis, Capellanis, Presbyteris, & aliis supradictis, nec non quibuscunque utriusque sexus personis per Civitatem & Dioecesim Coloniensem prædictas ubilibet constitutis, sub dicta excommunicationis & quinquaginta florenorum aureorum, præfato Reverendissimo Domino nostro, si commissæ fuerint, applicandorum pœnis, prout vobis & ipsis sic præsentium tenore inhibemus, vobis videlicet Christianitatum Decanis, Pastoribus, ac Rectoribus Ecclesiarum & Capellarum, Plebanis, & Vice Plebanis, Capellanis, Presbyteris, & aliis supradictis, ne tales personas, quæ inter se (ut præfertur) matrimonium clandestine contraxerunt, & tribus diebus festivis a se invicem distantibus, in earum matrice Ecclesia non præviis, ac sine licentia sui proprii Pastoris, extra suam Parochiam, sive Dioecesim Coloniensem taliter qualiter matrimonialiter copulari se fecerunt, pro conjugibus legitimis minime admittatis, teneatis & reputetis: quin imo ut excommunicatos publice evitetis, & vitari procuretis. Ipsi vero utriusque sexus personis supra dictis vestris Parochianis, ne de cætero aliunde & extra suam Parochiam, seu etiam Dioecesim Coloniensem, absque licentia sui proprii Pastoris & tribus modis & formis, prout præscribitur, minime præviis, matrimonium solennizent, seu matrimonialiter se copulari faciant, publice vel occulte, quovis quæsito etiam ad hoc colore, vel ingenio.

Alio-

Alioqui contra ipsos contrarium facientes, & hujusmodi nostro mandato non parentes, ad dictæ excommunicationis sententiæ declamationem, ac pœnæ pecuniariæ exactionem, arctius, quo de jure poterimus, procedemus, & procedi faciemus, nisi saltem intra sex dies post præsentium insinuationem & publicationem ipsi factam proxime sequentes, cau-

sas coram nobis rationabiles, quare præmissa fieri non debeant, & ad ea non teneantur, allegaverint, dicto Domino Joanne Trip, Procuratore Fideali ad hoc legitime vocato. Reddite literas sigillatas & debite executas. Datum anno Domini Millesimo, quingentesimo, vigesimo septimo, mensis Septembris die 28.

Constitutionem hanc in Synodo autumnali anni 1527. fuisse promulgatam, patet ex Decreto, contra eos, qui quereis & quereis teneri matrimonio copulant, aut alibi temere copulant, apertè se ferunt, edito anno 1535. In quo alteritur, similem de eodem argumento Constitutionem, anno 1527, in Septembri fuisse conscriptam, & in Sancta Synodo legitime promulgatam. Vide Statuta Colon. Editionis Quentelunæ anni 1554. pag. 327.

SYNODUS COLONIENSIS,

In qua Reformatio Curiae Coloniensis, præscripta ab Hermanno V. Archi-Episcopo Coloniensi, ab ejusdem Officiali publicata fuit

Anno Christi MDXXVIII. Clementis VII. PP. V.
Caroli V. Imp. X.

HERMANNUS, DEI GRATIA SANCTÆ COLONIENSIS ECCLESİÆ
ARCHI-EPISCOPUS, SACRI ROMANI IMPERII PER ITALIAM ARCHI-
CANCELLARIUS, PRINCEPS ELECTOR, WESTPHALÆ ET
ANGARIÆ DUX, LEGATUSQUE NATUS &c.

Quamquam a recolendæ memoriæ retro Principibus, Prædecessoribus nostris, Ecclesiæ nostræ Coloniensis Archi-Episcopis, cum alia multa, tum ea, quæ ad judiciorum ordinem pertinent, summa cum providentia constituta sint, eaque jurisdictioni nostræ Ecclesiasticæ exercendæ forma data, ut si hominum & temporum malitia ab ea paulatim discessum non fuisset; judicia haberemus pristino illo suo vigore decurrentia, nec tantas in dies querimonias aures nostræ sustinerent. Verum, quod & aliis omnibus in rebus ulu venire videmus, ut ea quæ rectissime sancita sunt, partim abutentium nequitia depraventur, partim etiam malorum improbitate penitus aboleantur; Constitutionibus quoque Prædecessorum nostrorum, quæ de exercendis judiciis emanarunt, evenerit, & quidem perniciosissime: quid enim Reipublicæ damnosius contingat, quam cum judiciorum rigor, & tribunalia, ubi justitia (qua sine nulla hominum societas consistit) administranda est, vitium contra-

hunt, & a recto tramite aberrant? Idcirco, cum nihil æque Principis officio conveniat, ut juris justitiæque viam omnibus patentem faciat, his, quæ remorantur, obstaculis procul amotis, operæ precium nobis visum est, jurisdictioni nostræ Ecclesiasticæ corrigendæ animum adhibere. Adhibito itaque tam Venerabilis Capituli nostri, quam Jurisperitorum consilio, initio Statuta bonæ memoriæ THEODERICI & ROBERTI Archi-Episcoporum, Antecessorum nostrorum super hac re olim edita, innovavimus. Deinde cum novis morbis nova sint apponenda remedia, permulta insuper nova Statuta præsentis temporis servientia prioribus illis adjecimus, eaque in generali nostra Synodo publicari mandavimus, omnibus & singulis Consistorii nostri ordinibus sua munera præscribentes.

De Officiali.

Imprimis & ante omnia Officialis huc spectet, & intendat, ut partibus expeditam & celerem justitiam faciat.

II. Officialis in omnibus audientis usque in finem per seipsum præsideat, & patienter audiat, & respondeat, nisi urgente necessitate avocetur.

III. Civitatem Coloniensem pro examinandis testibus, vel aliam similem ob causam non exeat, nisi ex permisso nostro, ne inde partes maximo dispendio, & gravissimis expensis afficiantur.

IV. Advocatos diligenter & benigne audiat & respondeat: Instructiones juris custodiat: dubia non necessaria omittat: Decreta certa, non conditionalia, sed indubitata proferat, nec extranea & impertinentia faciat.

V. Responsiones partium & examina testium, a quibus fere semper tota causa dependet, ipse audiat: aut impeditus, non passim omnibus, sed probis tantum & circumspectis committat.

VI. Causas in prima instantia deleget, ut ad minimum duæ instantiæ in Consistorio nostro peragantur.

VII. A Procuratoribus referentibus ad jura nihil recipiet, nisi ab eo, qui per interloquutoriam suam, injuste ad jura retulisse convincitur.

VIII. In excommunicando & absolviendo parem servet gravitatem. Volumus enim excommunicationem, non nisi magna cum maturitate solis inobedientibus infligi: inflictam vero, non facile & ex abrupto tolli, ne auctoritas ejus vilescat, & pars altera dispendio afficiatur, quemadmodum etiam habet Statutum Prædecessoris nostri Domini Theoderici.

IX. Id quod & in interdicto ponendo servari præcipimus, & tanto magis, quanto est censura durior, & latius se porrigit, quemadmodum etiam in Statutis Domini Theoderici perspectum est.

X. Et quo id maturius fiat, Officialis noster Notariis communibus & Bancalibus nostris magno serio præcipiet, injunget, & mandabit: ne aliquod mandatum excommunicationis, seu declarationis contra quempiam scribant, nisi prioribus mandatis in personam contumacis legitime exequutis, aut confito, quod talia mandata in notitiam indubitam ejus pervenerint, quovis modo dent, sive tradant. Quod si eos secus fe-

cisse, aut excommunicationis seu declarationis litteras nulliter extractas ob indebitam executionem, aut alias ipsorum vitio comperiat, statim Officialis noster eos compellat, eorum expensis nulliter excommunicato abolutionem impetrare, cum omnium expensarum & damnorum passorum refectione, absque procrastinatione, & citra aliquod appellationis remedium, facienda, & præterea ipso facto, quoties in hoc statutum nostrum commiserint, incident in multam unius floreni aurei per nostrum Fiscalem exigendam.

XI. Et ne subditi nostri inopinato excommunicationi innodentur, & præcipiatur censura, quam convenit (eo quod medicinalis est) summa cum maturitate infligi: volumus per Notarios & Bancales mandata immediate excommunicationem præcedentia, quæ hætenus ad quintam, posthac ad octavam diem: ubi vero per quatuor citationes proceditur, quartam & ultimam, quæ hætenus ad primam, deinceps ad tertiam diem conscribi. Per quod subditi nostris & bonis, præcipationis duritiem & molestiam; & malis, frivolæ executionis materiam amputamus.

XII. Officialis impeditus, quominus præsideat, Sigillifero nostro vices suas committat. Quod si hic forte etiam impeditus sit, (*) alium ex Advocatis, status, honestatis, & habitus Clericalis.

XIII. Officialis noster citra diligentem causæ examinationem & cognitionem nullas inhibitionis litteras contra Judices sæculares ad liberandum reos in vincula conjectos, & in criminibus notoriis comprehensos: Nec pro tuitione rerum seu bonorum illorum hominum, qui conscientia malæ causæ ex Dicecisi nostra se reddunt fugitivos, decerneret.

De Sigillifero.

I. Ipse & Officialis circa jurisdictionem nostram diligentes sint, unus alteri assistat, ac simul jurisdictionem nostram contra violatores tueantur, & defendant, seu ad nos referant, quemadmodum habent Statuta a Prædecessoribus nostris edita.

II. Per se, aut Subsigilliferum suum acta circa observationem terminorum, &

(*) Supple: substituat.

& alia diligenter revideat, an videlicet nullitates aliquæ admiffæ sint : & an debite scripta sint per Notarios, & rubricata, & contineant tot verfus, feu rigas, dictiones, & syllabas, quot requirunt Statuta. Et Notarios in conscriptione actorum delinquentes, pro suo arbitratu, & modo delicti corrigat.

III. Et generaliter cum consilio Officialis, excessus, negligentias, aliaque correctione digna Procuratorum, Notariorum, Bancalium, Latorum litterarum, & audientiarum emendet.

IV. Et præsertim intendat animum, ut Bancales sua officia sedulo & probe exercent, partes inutilibus expensis non gravent, sed Statutis obtemperent. In delinquentes vero & excedentes animadvertat, ut sint aliis in exemplum, privatione scilicet officiorum, aut saltem temporaria suspensione.

V. Ut notoria Presbyterorum crimina, sive excessus, quæ in scandalum vergunt laicorum, non sinat redimi pecunia, sed perpetua aut temporali suspensione, aut alia poena Canonica pro modo culpæ corrigat.

De Advocato Fiscii.

Advocatus Fiscii statutum Domini Theoderici servet, copiam sui Procuratoribus Fiscii faciat: ut causæ fiscales debite instituantur & peragantur, diligenter animadvertat. In consiciendis materiis exhibendis non tardum, sed celerem se præbeat.

De Fiscalibus.

Fiscales statuta Domini Theoderici, aliorumque nostrorum Prædecessorum observent. Processum in contradictorio iudicio non nisi de consilio Advocati Fiscii incipiant, quo etiam frequenter utantur, ne ex incuria processus, nullitatis argui contingat.

De cæteris Advocatis.

I. Clientes non instruant ad tegendam vel occultandam veritatem.

II. Quod si aliqua per incuriam vel ignorantiam, vel alias non admittenda temere subscrisperint, aut eorum vitio pars propter commissam nullitatem in institutione actionis succumbat, teneant

parti læsæ ad refusionem expensarum, & refestationem damni, & servant statutum Roperti ultimum.

III. Causas commissas post præsentationem actorum intra duos menses sub poena restitutionis sportularum expediant, nisi gravitas causæ, Officiali significanda, aliud desideret.

IV. Advocati & Procuratores pauperibus, paupertatem juramento affirmantibus, gratis inservient: quod si plures pauperum causæ occurrant, eas Officialis inter Advocatos & Procuratores distribuatur, ne unus plus aliis graveatur. Volumus etiam, quod quibuslibet litigantibus, iustas tamen causas habentibus, contra quoslibet, cujuscunque etiam status & dignitatis sint, requisiti fideliter inservire teneantur.

De Procuratoribus.

I. Quod se non intromittant de his, quæ pertinent ad Advocatos, consiciendo libellos, articulos, & alias materias, judicialiter exhibendas.

II. Nullam materiam exhibeant, quam quæ manu jurati Advocati subscripta sit, nisi Advocatus causam legitimam, quare se subscribere nolit, alleget, & juramento suo approbet: quo casu materias exhibendas, subscriptione sua signet Officiali mittendas.

III. Quod si aliquam nullitatem, aut negligentiam per incuriam aut imperitiam commiserint, de expensis & damnis, ea occasione passis, absque appellatione & ulla contradictione ad dictamen Officialis & Sigilliferi parti læsæ satisfaciant: id si facere recusent, protinus suspendantur.

IV. Et sibi videant, ne aliquam causam occupent, aut in iudicio compareant, nisi mandatum sufficiens ab omnibus, quorum nomine compareant, habeant sub poena suspensionis ab officio. Præterea si ex defectu mandati, processum in dubium revocari contingat: ipsi, non partes, dispendium ferant.

V. Alium loco sui, absque permisso Domini Officialis, substituere non debent: nam per substitutiones istas sæpius repetitas, partes non modo gravantur, immo sæpius negliguntur, & processus nullitatis insimulantur.

VI.

VI. Ne partes nimium, ut hætenus, graventur, Procuratores in causis, ubi continentur acta, pro eorum salario, pro observatione terminorum, exhibitione instrumentorum, constitutionum, libellorum, aliarumque materialium & jurium habebunt tantum, quantum secundum numerum foliorum Notarius: sed pro foliis, quibus libelli, materię, jura, instrumenta; constitutiones, aliaque exhibita, vel attestaciones testium, inscripta, & per eos diligenter revisa sunt, recipient unum album. Ubi vero acta extense non scribuntur, sed dumtaxat per modum protocolli, pro quolibet terminorum recipient unum album.

VII. Diligenter servari volumus statuta Roperti quintum & quartum a fine, nec non penultimum, & ultimum sub pœnis in eisdem expressis: in quibus remittendis, prohibitam nostris Officiali & Sigillifero omnem conniventiam volumus.

VIII. Procacem & maledicum Advocatum, & Procuratorem, Officialis non ferat. Quod si vel ille scribendo, vel hic exhibendo; & proponendo, ultra, quam licitum exposcit utilitas, in licentiam conviciandi, & maledicendi temeritatem proruperint; præter infamię notam a consistorio amoveantur.

IX. Nullum contractum cum clientibus, lite pendente, ineant, sed suis salariis contenti sint.

X. Jurabunt, quod pecunias, quas a partibus recipient, juxta voluntatem partium distribuent, & partibus inde calculum verum & legalem reddent.

XI. Juramentum calumnię non ita, ut hætenus maxima cum levitate, sed solenniter omnibus Capitulis illius recensitis, & reverenter tactis sacris præstabunt. Nolumus tamen, ut propterea fiat latior in actis extensio, quam hætenus.

De Notariis.

I. Notarii in omnibus audientis personaliter præsentem erunt. Quod si ex inevitabili & urgenti causa impediti sunt, ex permissu Officialis alium Notarium juratum Consistorii nostri, non ex-

traneum, substituent juxta Statutum XLIII. & finale Domini Theodorici, quod servabunt nedum Notarii, sed & alii officarii sub pœna inibi expressa.

II. Nullos actus eis absentibus factos, vel alia, ab eis non audita personaliter, subscribant: & si unus Notariorum juratorum pro alio scripserit, aut protocolloverit, ille idem subscribat.

III. Notarii de quolibet folio registri in utroque latere scripto, quorum unum quodque latus continebit triginta duas lineas, & una quæque linea ad minimum quindecim syllabas, habebunt quatuor solidos monetæ Colonienfis currentis: nec exigent quicquam ultra, salvo beneficio pauperis, cui servient gratis, quemadmodum in Advocato & Procuratore supra scriptum est.

IV. Interpellati & subarrhati pro completionem actuum, non differant acta conscribere, sed intra triduum decem folia perficere, & ita consequenter secundum numerum foliorum ascendendo, mandata quam primum absolvere teneantur. Quod si negligentes fuerint, Officialis & Sigillifer causam ex eorum manibus eripient, ac aliis acta scribenda committent.

V. Et quum plurimum nostra interest, ut in causis jurisdictionis legationis Apostolicę citis partibus fiat expeditio; Notario ejusdem injungimus, ut celeriter conscribenda conscribat, & præsertim primum mandatum a requisitione partis uno die. Et similiter alias litteras & mandata ocysus absolvat, sub pœna suspensionis, & decem florenorum aureorum.

VI. Acta vero, seu registra debite conscribant per se aut alios idoneos & intelligentes; non autem per illiteratos & pueros, sicut quandoque factum est, sub pœna lacerationis actuum, damno ipsorum juxta statuta Domini Theodorici.

VII. A superflua & nimia extensione, ac multiplicatione verborum, quæ ad nihilum valent, nisi ut registra redantur ingentia, abstineant: & in principio tantum cujuslibet mensis, ponant expresse annum Domini, deinceps per totum mensem, illum omitiendo: volumusque, ut breviter comparisonem
hinc

hinc inde , Procuratorum nominibus & cognominibus dumtaxat expressis , absque inani & vana titulorum ipsorum & partium suarum, aliarumque designationum non necessariarum repetitione , extendant.

VIII. Privilegia, instrumenta, commissiones Apostolicas , rescripta, libellos, appellationes, querelas, aliasque materias , & quæcumque jura semel dumtaxat actis inferant : deinde ubi re-exhibentur, re-exhibitionis actum tantum scribant, subnotando principium & finem, cum remissione ad locum registri , ubi præscripta reperiuntur.

IX. In extensione attestatorum , solum necessaria , & non inutilia, extranea, vel impertinentia , ponere debent : ut puta, si testis dicit, se nescire, breviter annotet. Et si plura sint interrogatoria, aut articuli conjuncti, super quibus testis idem deponit, aut se nescire dicit, non repetentur singuli articuli, seu interrogatoria separatim ; sed scribant, testem super illo , ac aliis articulis subsequentibus, hoc, vel illud deposuisse, vel sese expedire non potuisse juxta modum & qualitatem depositionis.

X. In causis minimis non scribentur acta extensa, sed tantum per modum protocolli, juxta statutum Domini Roperti, incipiens : In minimis tamen &c.

XI. Debeant, & tenebuntur pro eodem salario rubricare acta, & registra diligenter revidere, ut concordent cum actis & protocollo.

XII. Statuta Dominorum Theoderici & Roperti exacte servabunt, & servanda jurent, & præsertim statutum Domini Roperti decimum septimum, incipiens : Item, Notarii nulli &c. quod est de non scribendo, seu concedendo aliquod mandatum citationis, aut monitionis, nisi partibus principalibus petentibus, seu confiso saltem de mandato procuratoris impetrantis, aut prævia cautione, quod principalis ratificabit, ita quod ipse in primo termino in contradictorio judicio servando, de mandato fidem faciat, sub poena inserta, Filco nostro committenda.

XIII. Notarii in prima citatione, vel monitorio emittendo, designabunt specificè rem, vel causam, super, vel ex qua actor intendit agere.

Tomus VI. Concilior. German.

XIV. Notarii nullum mandatum respondendi subscribant, nisi prævia reali ac judiciali exhibitione libelli, sive petitionis : & juxta tenorem hujusmodi libelli, aut petitionis, mandatum ipsum extendant : videlicet, ut monitis libello articulado, aut petitioni summariè respondeat : neque etiam mandata aliqua per Procuratores, vel Notarios, Bancalès, aut causarum sollicitatores conscripta, subscribant, sub poena decem florenorum aureorum toties, quoties præmissis contraventum fuerit.

XV. Pignora & deposita, in numerata pecunia, & clenodiis reponibilibus resistentia, intra octo dies debebunt ad cistam in armario Ecclesiæ Colon. existentem, per Notarios reponi, sub poena decem florenorum aureorum toties, quoties id factum non fuerit : & amodo non habebunt aliquod salarium ratione pignorum aut depositorum.

XVI. Tenebuntur Notarii & Bancalès, tam expensas mandatorum & actorum, quam principalem sortem, super qua actum est, receptas in continenti partibus petentibus integre tradere, nisi legitima causa subsistente impediantur, quam eisdem exponent, sub poena decem florenorum aureorum toties, quoties &c.

XVII. Non habebunt copiiatas (quos vocant) causarum, quarum ipsi Notarii sunt, sollicitatores : quibus etiam nisi juratis, attestaciones & testium dicta conscribenda non committant.

XVIII. Diligenter examinabunt mandatorum executiones, an videlicet debite executæ sint, nec ne. Et si compererint, jam tres menses a die executionis lapsos, ulteriora non scribant, sed ultimum mandatum renovabunt per transfixum, idque etiam servabunt Bancalès.

XIX. Eodem modo excommunicationum, caterarumque declarationum mandata post trimestre, a die Decreti elapsum, exequi nolumus. Quod si contrarium factum fuerit, impetrans, qui tantam moram exequendi commisit, excommunicato suis sumptibus, modo tamen ei fors principalis & expensæ persolvantur, absolutionem obtinebit. Non tenebitur tamen ea de causa ex-

F f

com-

communicato actione injuriarum, nisi alia causa subfit.

De Audientiariorum.

I. Audientarius noster accurate annotabit & registrabit omnes citationes, tam vigore mandatorum per Bancales nostros scriptorum, quam per apparitorem, seu curiorem nostrum factas; quo sciatur, quis contumax reputandus sit, & quando: & quis a citatione (ut vocant) licentiandus sit.

II. Et quoniam sæpe numero contingit, partem citatam in termino comparere, & partem adversam contentam reddere non posse; aut, cedere velit ne, an contendere, & juri stare, apud se se nondum deliberaſſe; in ea ergo re ita ei conſulitur, ut in termino citationis ab Audientario nostro petat, seu per quemlibet peti faciat dilationem. Dabit autem Audientarius petenti parti, si intra Coloniam moratur, dilationem ad primam aut secundam: si vero extra Coloniam degat, in Quadragesima & in Adventu Domini, ad octo: si vero extra ea tempora fuerit, ad quindecim dies: lapſo vero termino præfixo, habebit utraque pars reſpicere & curare, ut ſua comparitio iterum annotetur: actor quidem, ſive impetrans, accuſando contumaciam citati, non comparentis: reus vero, ſive opponens, petendo a citatione & mandatis abſolvi, seu licentiarium.

III. Reputabit autem Audientarius citatum in termino non comparentem, contumacem: & admittet proceſſum contumaciale. Quod ſi in primo termino comparuiſſet, dilationemque petiuiſſet, verum ſe in præfixo non reſpreſentet, ſignabit proceſſum (ut vocant) per reſceſſum, & procedetur in contumaciam, donec reus eandem purgare curaverit. Si vero impetrans in termino primo, aut prorogato non comparuerit, Audientarius citato licentiarium impertietur. Citato autem in primo, & in prorogato termino comparente, Audientarius actorem remittet ad tribunal Officialis noſtri, ad proponendum ſuam actionem, & nequaquam proceſſum contumaciale admittet. In matrimonialibus cauſis, injuriarum, deſlorationis, in citationibus cum litteris inhibitionis,

arreſti, & cum litteris univerſis, atque in cauſis ad proponendum actionem juxta L. diffamari C. de ingenuis, non procedetur in contumaciam. Nihilominus tenetur impetrans facere regiſtrari per Audientarium: alias citatus poteſt impetrare licentiarium ab Audientario.

IV. Quod ſi Audientarius per incuriam admittat proceſſum contumaciale, qui ob citati comparitionem admittendus non erit, aut licentiarium in ſua audientia cautum ſignare neglexerit; tenebitur parti ex hoc leſæ ad reſeſtionem expenſarum, & damnorum.

De Bancalibus.

I. Sint honeſtæ vitæ, non ebriof, tabernarii, aleatores, neque fornicarii, non hiſtriones, mimi, aut immorigeri, Superioribus ſuis debitam reverentiam exhibentes, partes & omnes ſe accedentes, humaniter abſque jurgiis audientes, & expedientes, ſub pœna ſuſpenſionis, aut etiam privationis officiorum ſuorum ad arbitrium Sigilliferi noſtri.

II. Et quoniam iniquum eſt, quem ſalcem mittere in meſſem alienam, noſtraque multum interſit, ut ordines officiorum Aulae noſtræ non confundantur, nec quicquam officio & rei ad ſe non pertinenti, ingerat ſe ſe; nemo citra Notarios noſtros Bancales juratos, & per Sigilliferum noſtrum receptos, & (ut vocant) installatos, de officio Bancalium, eorundemque emolumentis, quovis modo ſe intromittat, contravenienti decem florenorum aureorum pœna infligenda, & noſtro Fiſco applicanda.

III. Nemo Bancalium, proceſſum per alium Bancalem inchoatum occupabit, proſequeretur, ſeu continuabit, aut abſolutionem ſuper alterius Notarii, ſeu Bancalis habito proceſſu ſcribat: nec unus Bancalium ſollicitationem cauſarum alicujus partis, quam hætenus alter exercuit, acceptabit; niſi huic priori Bancali antea per partem principalem de ſalario & expenſis ſatisfactum ſit: niſi aliud Sigillifero noſtro faciendum placuerit, ſub pœna ſuſpenſionis, donec ſtatuto ſatisſiat.

IV. Ne expenſæ de expenſis fiant, non audietur contumax, niſi contumaciam integre purgaverit, videlicet per

cita-

citationem cum litteris, constitutionem Procuratorum, & omnium expensarum refusionem: alias processus ad Bancalem, deinceps continuandus, remittatur.

V. Bancales mandata sua scribant debite, legibilter, & congrue. Nec amodo scribant mandata super obijciendis in genere, sed cum expressione rei, vel causæ inserta, sub pœna lacerationis mandatorum.

VI. Principale debitum a reis exactum, aut expensas mandatorum per partes expositas, non recipiant ad se sine consensu partis suæ: & si quid de consensu partium in depositum receperint, illud partibus intra octo dies notificabunt, & partibus ipsis tradent integre ad quamcunque requisitionem, sub pœna suspensionis, & decem florenorum auctororum toties, &c.

VII. Nullas expensas a partibus recipient, nisi deliberatis mandatis ipsis, pro quibus illas recipient, sub pœna suspensionis &c.

VIII. Quamdiu principale debitum non est solum, aut partes concordatæ non sunt, Bancales non procedant sub expensis litterarum, seu mandatorum, ne expensas de expensis faciant, sub condemnatione expensarum, & suspensione, per Sigilliferum nostrum infligenda.

IX. Recognita non recipiant alibi, quam in Aula; Officiali nostro pro tribunali sedente. Quod si alibi recognitiones receperint, necesse habebunt adhibere duos idoneos legales, & notos testes; ut si talem recognitionem in dubium revocari contingat, veritas erui possit.

X. Nolumus deinceps mandata aggravatoria, & contra Judices, quæ sequuntur excommunicationem, per Bancales nostros, nisi servatis certorum dierum intervallis, extrahi: ita videlicet, ut intra singulorum talium mandatorum extractionem medient dies decem & quatuor.

XI. Nolumus etiam Procuratores, Notarios, ac Bancales, salarium suum a parte adversa extorquere; sed id a suis partibus aut recipiant, aut exigant: Eodem quoque tempore, quo pars condemnata solvit fortem, solvet expensas:

Tomus VI. Concilior. German.

& quum componitur super sorte, debet etiam super expensis (quas tum taxari mandamus) componi, ut principalis causa, & expensarum, simul transigantur.

XII. Huic rei præponetur quispiam fidelis & legalis, qui ut ita fiat, curabit, & respectum habebit pauperum, sequere medium inter partes interponet, ac dilationem solvendi, ubi exigit paupertas, obtinere conabitur.

De Curfore, sive Apparitore.

I. Imprimis jurabit Nobis, ac nostris Officiali & Sigillifero pro tempore existentibus, & ipsorum Successoribus, fidelitatem & obedientiam.

II. Curfor habebit claves Consistorii & Aulæ nostræ, & semper hora audientiae causarum erit in Aula Consistorii nostri primus & ultimus: januas ejusdem Consistorii claudere & recludere debet.

III. Omnes passim citationes, videlicet primam ad causam cum litteris, præterea contra testes, citationes quare, pro contumacia, & similes, in nostra Civitate Colonienfi, & locis extra eandem, ad unum dumtaxat milliare distantibus, idem per se, aut suum substitutum habilem & idoneum, rite & legitime faciet.

IV. De qualibet citatione prima ad causam, in dicta Civitate nostra facienda, recipiet quatuor hallenses. Item de citatione cum litteris, contra testes, & citatione quare, pro contumacia, unum solidum Colonienfis monetæ, nisi eadem contra communitatem aliquam, Conventum, Capitulum, Fraternalitatem, sive Prælaturum, utpote Commendatorem, Balivum, Præceptorem &c. aut Executores, Curatores, sive pupillorum & miserabilium personarum tutores, aut provisores, aut hujusmodi status sive conditionis homines fecerit; de quarum qualibet in civitate quidem nostra habebit duos solidos monetæ Colonienfis, extra vero eandam facienda ad unius milliaris ab ipsa civitate distantiam, similiter duos solidos recipiet.

V. Volumus, quod quilibet Novitius, in dicta Curia nostra ad aliquod officiorum assumptus, postquam fidelitatis

tatis iuramentum more consueto præstitit, pro introitu apparitori Curie nostrae duos florenos aureos intra quindenam ingressus solvet, aut sese super eo jure cum Apparitore componet. Vicissim autem cursor singulis diebus vespere post octavam horam pomeridianam, candelam ardentem ante imaginem gloriosæ Virginis Mariæ ante Aulam nostram constitutam, collocabit & ponet.

VI. Omnia passim arresta & qualibet inhibitiones, de scitu tamen & expresso consensu nostri Officialis passim in civitate nostra facere potest, & debet: & de quolibet arresto octo solidos, & qualibet inhibitione duodecim solidos: sed extra eandem civitatem intra unius milliaris spatium, decem & sex recipiet solidos cognomines monete Colonienfis; vicissim vero congeriem prunarum in loco Sigilliferi nostri ad necessitatem ejusdem & causâ liquefaciendæ ceræ per tempus brumale disponet.

VII. Præterea causas & examini partium, quæ sese super matrimonio contracto, coram Officiali, seu ejus delegato impetunt, aut impetere volunt, intererit: & pro jure suo tantum solidum cum dimidio recipiet.

VIII. In habitu decenti, pro dicti nostri Consistorii honore, incedere debet.

De Tabellariis, seu Latoribus litterarum.

I. Sint quatuor numero litterarum latores jurati, qui jurent secundum formam antiquam, aut aliam eis præfigendam.

II. Fideliter & absque mora deferant & præsentent litteras exequendas, & executas reportent.

III. Exhibeant sese morigeros, non autem insolentes, nec quicquam recipient, quo minus mandata exequenda præsentent: quod si favore, aut pecunia corrupti, mandata penes se retineant, aut non executâ reportaverint absque causâ legitima; officio privabuntur, & punientur poena X. florenorum aureorum toties &c.

IV. Deferent arma Domini Reverendissimi, non solum in Diœcesi, ve-

rum etiam in civitate nostra Colonienfi, ac observabunt protectiones, seu reissas suas (ut vocant) vicissim.

V. Deputabitur etiam aliquis nobis juratus, legalis, & fidelis in magistrum nunciorum seu latorum, qui, & nullus alter, omnia mandata emittenda & exequenda a nostris Fiscalibus & Bancalibus recipiet, & latoribus deferenda tradet: exhibuntque latores cum mandatis, die eisdem per dictum magistrum nunciorum, de consensu Subsigilliferi præfigendo, & revertentur in termino similiter eisdem juxta distantiam locorum & reissâ assignando, sub poena unius floreni aurei.

VI. Magister autem nunciorum, per latores mittendos, Fiscales & Bancalibus faciet certiores diei, cum ipsi latoribus cum mandatis egredientur.

VII. Idem dabit latoribus litterarum una cum mandatis chartam quamdam papyream, in capite cujus hæc vel eis similia verba, ad mandatorum executores (qui erunt ex hac ordinatione nostra nova, Pastores ipsi, aut eorum Vice Curati, & nulli alii) scribet: Honorabiles Domini, Divinorum Rectores, & mandatorum Executores, exhortor vos, ut in hanc chartam diem adventus præsentium litterarum latoris ad vos, & quot numero mandata exequenda vobis præsentaverit, & quot ex eisdem executi sitis, nec ne, rescribatis. Executor autem rescribet hac forma: Tali die N. tot N. mandata mihi N. Divinorum Rectori N. exequenda præsentavit, quorum tot N. sum executus. Causam vero non executorum mandatorum in marginibus mandatorum scripto significabit.

Generale

In Consistorio nostro suspendetur tabula scripta, continens salarium Procuratorum, Notariorum, Audienciarum, Bancalium, litterarum latorum pro uno quoque mandato: & quilibet eorum jurabit, contenta illius servare velle: nec ultra illam taxationem exigere vel recipere sub poena privationis officiorum suorum, præsumant.

De Processu.

I. Servetur in omnibus & per omnia tabula in Consistorio pendens, & Statuta Domini Roperti.

II. Cum hætenus variatum sit in processu contra Judices, & circa invocationem brachii sæcularis, unde plures subortæ sunt dissensionum materiæ, quos amputare volentes post Statuta Domini Theoderici, ea de re edita, sancimus, quod ubi aliqua mandata contra Judices emittuntur, eadem lator noster juratus, Pastor Parochiæ, in qua excommunicatus moratur, tradet, & statim Pastor eadem perferet ad Præfectum, seu Judicem temporalem ibidem, eidemque mentem & sententiam eorundem exponet, ut sciat, an reus ob meram contumaciam, an vero ob non paritionem rei judicatur, vel non solutionem recogniti, vel confessati, excommunicatus sit. Et si ob meram contumaciam, Præfectus, seu Judex temporalis, non expectata citatione Quare, designabit Pastori diem certam, quæ erit intra octo dies post terminum executionis, qua apprehensus & repositurus erit contumacem in vincula, & bona ejus positurus in arresto, donec excommunicatus idonee caveat, quod contumaciam in forma juris purgabit. Hoc responso accepto, scribet Pastor veram & debitam executionem in modum infra scriptum: Executum est præsens mandatum per me N. Rectorem Parochialis Ecclesiæ N. anno, ut in mandato, die N. contra N. Judices, per traditionem copiarum ad manus eorum, qui intellecto tenore mandati, responderunt se die N. incarceraturos reum, & bona ejus arrestaturos: quod protestor &c. Præsentibus &c.

III. Quod si ob non paritionem rei judicatur, aut non solutionem recogniti seu confessati, quis excommunicatus fuerit; Præfectus, seu Judex temporalis, post receptum & intellectum mandatum, contra Judices, designabit Pastori diem, quo pignora erit daturus, & scribet Pastor executionem sub hac forma: Executum est hoc mandatum die N. per me N. Rectorem Ecclesiæ Parochialis N. contra N. Judices, qui intellecto tenore mandati, responderunt, se die N. auctori ad ejus requisitionem in loco judicii, sub

quo reus habet domicilium, se tradituros pignora: quod protestor &c.

IV. Comparebit pars impetrans utroque casu diebus designatis, per se, aut Procuratorem, aut cursores juratum cum taxatione expensarum totius habitus processus, sigillo Curie nostræ signata, quam Judicibus præsentabit. Et priori casu, ubi reus ob contumaciam excommunicatus est, dabit incarcerationi solita alimenta. Præfecto vero, & nuncio judicii sui, jura infra scripta, hætenus dari consueverunt: & incarcerabitur reus, & arrestabuntur bona ejus, tam pro sorte, & pro taxatis prædictis, quam expensis viatici, quas singulis diebus ad unam marcæ Coloniensem computari volumus: nec non pro expensis ibidem in judicio fieri necessariis. Posteriori vero casu, ubi ob rem liquidam excommunicatus est reus, dabunt Judices tam pro sorte, quam expensis præscriptis (quemadmodum dictum jam est) computandis, parti impetranti idonea & sufficientia pignora, in modum infra scriptum, videlicet, ut primum dent res mobiles, quæ sine expensis & sumptibus non conservantur: ut puta, vina, equos, boves, aliave pecora, & res similes. Quod si illæ præsto non sint, dent ex suppellectili & utensilibus. Quod si desit suppellex, dent immobilia bona. Quod si neque immobilia bona habeat excommunicatus, conjicietur reus in vincula, donec bonis suis cedat in forma juris, salvo Domini Theoderici Statutis.

V. Datis pignoribus, procedetur hoc modo: nam si res mobiles sumptuosæ datæ sunt pignori, reservabunt usque in diem tertium: interim licebit excommunicato luere pignus, & solvere sortem, & expensas creditori, seu impetranti. Quod si id intra triduum non fecerit; taxabuntur pignora a juratis, & vendentur; fietque creditori ex pretio redacto solutio sortis & expensarum, nisi valor pignorum sorti & expensis æquetur, quo casu dent pignora in solutum. Quod si meliora sint pignora, creditor illis receptis, pretium, in quo sortem & expensas excedunt, excommunicato restituet.

VI. Quod si in pignus data sit suppellex, utensilia, & aliæ res mobiles, quæ

quæ non expostulant sumptus, ut sunt cistæ, lecti, lectisternia, vestes, currus, aratra, carruæ &c. reservabunt res tales diebus decem & quatuor. Interim potestas erit excommunicato, easdem luedi. Quod nisi factum fuerit, taxentur: & proclamata exponantur vendendæ, ut ex pretio creditori satisfiat: aut si emptorem non invenerint, dentur in solutum, quemadmodum de prioribus mobilibus bonis dictum est.

VII. Verum si nullæ res mobiles præto sint, dabuntur bona immobilia, videlicet domus, vineæ, horti, agri, & sylvæ &c. hoc pacto, ut primum per juratos æstimentur, deinde vero tribus diebus Dominicis continuis proclamatio fiat in Ecclesia ad resciscendum, an quispiam ex consanguineis, & attinentibus excommunicato, seu alius sit, qui eadem majoris emere velit. Quod si nemo venerit, tradentur creditori, seu impetranti, qui eis anno & die, hoc est, anno toto & sex septimanis utetur, & fruatur. Interea integrum erit excommunicato, seu ejus proximis, & consanguineis, eadem bona redimere, soluta forte & expensis: nemine vero hujusmodi res luente inter annum & diem, faciet creditor se se ad easdem res per Judicem secundum consuetudinem iudicii & loci immitti, & easdem pro debito sibi adjudicari.

VIII. Cæterum si excommunicatus repositus sit in vincula, qui neque mobilia, neque immobilia bona habeat; detinebitur in carceribus, quamdiu creditor, seu impetrans solverit singulis diebus pro alimentis incarcerati quatuor hallenses, & nuncio, seu commentariensi etiam quatuor hallenses pro jure carceris. Quod si creditor, seu impetrans, octo diebus id facere neglexerit, nuncius impune incarceratum dimittet: & erit mandatis Officialis nostri pro illa vice satisfactum.

IX. Ex eo vero tempore, quo excommunicatus apprehensus & receptus est in carcerem, continue erit in vinculis: nec dabitur ei copia quoquam exundi, donec mandatis realiter paruerit.

X. Ut autem fraudi, quæ circa taxationem bonorum quandoque adhibetur, occurramus, volumus res per taxa-

torem juste, atque ita æstimari, ut si non inveniant emptorem, qui tanti eas comparare in animum inducat, actor quoque easdem multo minoris faciat, & tanti accipere recuset; ipse taxator easdem pretio æstimato recipere compellatur.

XI. Quod si Judices sive Præco, præscripta nostra statuta prævaricati fuerint, contra eos juxta formam juris, quibuscunque non obstantibus procedatur.

Et hic finem accipiat Reformatio nostra nova, qua singulis Consistorii nostri Ecclesiastici ordinibus, formam & regulam exercendorum officiorum, & servandi processus præscripsimus, ea quoque (ut putamus) omnia, quæ emendationem exigebant, castigavimus. Quod si posthac alia irreperant, quæ necesse sit corrigere, novis morbis nova remedia dabimus, & ut tempus, aliaque postulabunt, providebimus. Et quoniam parum, immo nihil refert, bonas leges esse conditas, nisi eadem ad amussim serventur, volumus ergo has nostras Constitutiones per Officiale nostrum in Sancta Synodo proxima publicari, & deinceps ab omnibus Nobis subjectis, ipsius quidem Officialis & Sigilliferi cura & diligentissima providentia, observari: quod procul dubio probi omnes sua sponte, maxima animi promptitudine & consensu facient, improbiore vero pænis debitis adigentur. In fidem & testimonium omnium, & singulorum præmissorum, sigillum nostrum appendi curavimus. Datum in Arce nostra Arnsbergensi, anno a Nato Christo Salvatore nostro supra millesimum quingentesimum vicesimo octavo, die Mercurii post Mathæi Apostoli.

PUBLICATIO REFORMATIONIS

Præscripta, facta Anno Domini 1528.

in SANCTA SYNODO altera post Remigii.

Reverendissimus & Illustrissimus Princeps, & Dominus noster, Dominus HERMANNUS, Archi-Episcopus Coloniensis, Princeps Elector &c. Commodis & utilitati subditorum suorum diligenter invigilans, inter alia multa, quæ ad reipublicæ profectum & quietem spectare videbantur, summa cura uni rei optimæ & quidem saluberrimæ, nempe reformati-

dæ

dæ jurisdictioni Ecclesiasticæ (quæ ob abutentium malitiam passim male audit) animum intendit, tandemque reformationem absolutam, sigilloque gratiæ suæ Reverendissimæ munitam, Nobis Officiali, in hac *Sancta Synodo* publicandam

destinavit, ita ut eandem, quam primum fieri possit, excusam, omnibus qui ejus copiam habere desiderarint, communem faciamus.

Statuta Synodalia Colonienſia editionis Quenteliænæ.

De Conventu Auguſtano anni 1530, & de iis, quæ ibidem in cauſa Religionis geſta ſunt, agemus in Digreſſione.

SYNODUS OSNABRUGENSIS

Anno Chriſti MDXXXIII. Clementis VII. PP. X.
Caroli V. Imp. XIV.

FRANCISCI Episcopi Osnabrugensis Statuta Synodalia.

FRANCISCUS, (*) DEI ET APOSTOLICÆ SEDIS GRATIA MONASTERIENSIS ET OSNABRUGENSIS EPISCOPUS, AC MINDENSIS ECCLESIA-
RUM ADMINISTRATOR, UNIVERSIS ET SINGULIS DOMINIS ABBATIBUS, PRIORI-
BUS, PRÆPOSITIS, DECANIS ET ARCHIDIACONIS, CAPITULIS ET CONVENTIBUS,
CATHEDRALIS, AC COLLEGIATARUM REGULARIUM ET SÆCULARIUM, PAROCHIA-
LIUMQUE ECCLESIA-
RUM, ET DIVINORUM RECTORIBUS, NEC NON TOTI CLERO,
AC CLERICIS, ET NOTARIIS PUBLICIS, ET PERSONIS ECCLESIASTICIS, QUI-
BUSCUNQUE NOMINIBUS CENSEANTUR, AUT QUACUNQUE PRÆFULGEANT
DIGNITATE, CIVITATIS ET DIOCESES NOSTRARUM OSNABRUG.
UBILIBET CONSTITUTIS, SALUTEM IN DOMINO.

PRO cultura agri Divini ad extirpan-
dum vitia, plantandum virtutes,
corrigen-
dum excessus, & reformandum
mores Cleri prædicti, recolendæ memo-
riæ dictæ Osnabrugensis Ecclesiæ Episcopi
nostri Prædecessores nonnulla saluberri-
ma, Constitutiones & Statuta *Synodalia*
in diversis retroactis *Synodis* Episcopali-
bus publicari, eaque sub certis censuris
& pœnis firmiter teneri & observari præ-

ceperunt & mandarunt. Nos igitur, qui
regimen & gubernationem ejusdem Osnab-
rugensis Ecclesiæ pro nunc gerimus,
eorundem nostrorum Prædecessorum ve-
stigiis inherere volentes, Constitutiones &
Statuta *Synodalia* hujusmodi sub modo &
forma infraſcriptis duximus innovanda, &
innovamus, atque sub pœnis & censu-
ris infraſcriptis firmiter observari præcipi-
mus & mandamus per præſentes.

I.

(*) Franciscus, Comes de Waldeck, ineunte anno 1530. Mindensium electus fuit Episcopus, idemque biennio post Monasteriensi etiam & Osnabrugensi mitra ornatus. Magnam sibi Episcopi apprime Catholici laudem sub aditi Regiminis initia conciliaverat, quod Anabaptistarum colluviem, Monasteriensem in Civitatem undequaque illapsam inde eiecerit; Sed anno dein 1543. adulatorum quorundam blanditiis ad amplectendos Lutheri errores impulsus, partem antea gloriæ decus sua apostasia turpissimum obscuravit, eo usque etiam progressus, ut, quos ipse jam animo imberat errores, in commissis sibi Diocesibus invehere niteretur. Perstitit in hæresi annis plus quatuor. Anno 1548. cum de Episcopatu, ex Pontificio Decreto jam edito, amittendorum periculo doceretur, mutavit animum, & ejurata Lutheri doctrina, Catholicum se esse, & in posterum fore professus est. Obiit Wolbeckæ, Catholicis Sacris ex Ecclesiæ ritu præmunitus, anno 1553. Cadaver Monasterium delatum, & in Cathedrali Ecclesia honorifice tumulatum fuit.

P. Michael Strunck Annal. Paderborn. Parte III. ad annos supra citatos.

I. Imprimis, ut omnes & singuli Prælati dictarum Civitatis & Diœcesis Osnabrugensis, de jure vel consuetudine jurisdictionem in suos subditos habentes, infra unius mensis spatium, postquam eis & eorum cuilibet innotuerit, crimina & excessus corrigendos suorum corrigant subditorum, alioquin nos lapso dicto mense ad illorum correctionem procedemus, prout de jure fuerit procedendum.

II. Item, ut omnes & singuli Clerici & personæ Ecclesiasticæ dictarum Civitatis & Diœcesis, cujuscunque status vel præeminentiæ fuerint, in eorum domibus familiam honestam habeant, nec concubinas publicas, vel alias personas suspectas sibi cohabitare permittant: quinimo tales infra unum mensem proxime sequentem a se expellant adeo remote, quod vulgus inde nihil sinistri valeat suspicari, easdem nullatenus reassumpturi.

III. Item, ut nullus eorum tabernas publicas, nisi in itinere constitutus, vistet, aut frequenter: ac habitum & tonsuram Clericales debitos & decentes deferant, seque prout eorum beneficia exigunt & requirunt, infra terminum juris, statutis ad hoc temporibus, ad sacros Ordines faciant promoveri, & in suis beneficiis residentiâ faciant personalem.

IV. Item, ut quarumcunque Ecclesiarum & aliorum locorum piorum structuarii & provisoires pro tempore, Ecclesias, Capellas, Oratoria, Altaria, Cœmeteria, Campanas, fenestras Sacramentales, & alia vasa quæcunque, ad Ecclesiastica Sacramenta deservientia, violatas vel violata, reconciliari, ac non consecratas & non consecrata, infra dicti mensis spatium consecrari debite faciant & procurent.

V. Item, ut quicumque pro tempore quorumcunque Clericorum vel Beneficiatorum dictarum civitatis & Diœcesis Osnabrugensis defunctorum, manu fideles, & testamentorum executores, infra unius mensis spatium, obitum testatoris immediate sequens, Nobis vel Officiali nostro de bonis inventis, & de dispositione, & infra unum annum, a tempore obitus hujusmodi immediate sequentem,

de executione eorundem certificent & informant legitimis documentis, prout hactenus solitum fuit, & consuetum.

VI. Item & Ecclesiarum quarumcunque Campanarii, temporibus Divinorum condigna religione, sicut decet, sint induti, ac nocturno tempore in Ecclesiis dormire non omitant: sintque etiam ipsi campanarii, ubi saltem Ecclesiarum facultates ad hoc suppetunt, competenti literatura imbuti, & decorati.

VII. Item, ut nullus Clericorum, vel Notariorum, vel Executorum citationes, vel alia quæcunque, processus, seu mandata quorumcunque Judicum delegatorum, vel subdelegatorum, seu aliorum, alias quam Ordinariorum exequi præsumat; nisi talium Judicum potestas, sive jurisdictio eisdem citationibus, processibus, literis, vel mandatis, de verbo ad verbum sit inserta.

VIII. Item, ut nullus cujuscunque status, gradus vel conditionis existat, ex nunc in antea, causam vel causas quascunque, contra quoscunque incolas civitatis & Diœcesis præfatarum, extra eandem civitatem & Diœcesim, coram quocunque delegato, vel subdelegato, Conservatore, Commissario, sive Judice movere, prosequi, seu aliquem ex prædictis incolis evocare, seu evocari facere præsumat, vel attentet quoquo modo, quam diu iidem incolæ infra civitatem Osnabrugensem antedictam, coram eorum veris locorum Ordinariis, seu Archidiaconis, de se querulantibus stare juri se paratos asserunt: quinimo ipsi hujusmodi suas causas primo & ante omnia coram eisdem Archidiaconis & locorum Ordinariis prosequi debeant atque teneantur; donec & quousque per appellationem legitimam a sententia, seu notorio aliquo gravamine, causa seu causæ hujusmodi ad Superiorem legitime fuerint devolutæ.

IX. Item, ne Quæstuarii, vel Terminarii, sine literis licentiatoriis, integris & illæsis, in robore & vigore existentibus, ac pro anno innovatis, ac de novo a Nobis aut Officiali nostro, ac Decano & Capitulo Ecclesiæ Osnabrugensis, prout solitum est, obtentis ac illæsis, visis, lectis, ostensis & diligenter examinatis, per

per quoscunque admittantur : quodque quarumcunque Ecclesiarum Rectores , five mercenarii , pro huiusmodi a Nobis , & dicto nostro Officiali literarum obtentorum , ac adventus intimatione , a quolibet Quæstuario ultra quartam urnam vini , seu illius valorem non exigant seu extorqueant : & quod nullus falso nomine in dictis civitate & Diœcesi quæstum faciat , seu talis admittatur absque literis consimilibus , ut præfertur , a Nobis & Officiali nostro , ac Decano , & Capitulo obtentis.

X. Et insuper ne structuarii Ecclesiarum , sine licentia & expresse consensu suorum Plebanorum , quoquo modo fabricent : & quod semel in quolibet anno de bonis Ecclesiarum perceptis , & expositis singulis ipsarum Ecclesiarum Plebanis computum faciant , atque rationem.

XI. Item statuimus & præcipimus , ut Sacerdotes & Presbyteri frequenter prohibeant omnibus subditis suis sub pena excommunicationis , ne fidem mutuo dent clandestine & in occulto super matrimonio contrahendo , vel clam matrimonium contrahant , sed publice , trina proclamatione præcedente , coram Presbytero & coram pluribus hoc faciant : & si aliter fidem dederint de contrahendo , vel contraxerint , ipsos excommunicamus , qui sic excommunicati publice denuntientur & teneantur , donec absolutionis beneficium meruerint obtinere.

XII. Item volumus & mandamus , ut nullus Abbas , Abbatissa , Priorissa , Monachus , seu Monacha , habitu religionis abjecto in Ecclesiis , vicis vel plateis , aut alicubi , nisi in religione debita & decenti , sicuti in eorum Monasteriis procedant , ac secundum regulam ferant peplum & velum , ubicunque fuerint constituti : alioquin ad Divina nullatenus admittantur.

XIII. Item , ne quis saltem pacis tempore in cœmeteriis forum teneat , seu in illis commorari præsumat ; seu commorari permittatur : quodque Ecclesiæ & illarum cœmeteria , nec non Baptisteria , & alia sacra vasa & receptacula , ne forte quovis casu eadem violari , seu alias contaminari contingat , diligenter præmunita , purgata , munda & ferata conserventur , immunitatesque Ecclesiarum & cœ-

meteriorum inviolatas & incontaminatas præcipimus ab omnibus observari.

XIV. Item , ut omnes & singuli , qui tempore de annis structuræ ratione beneficiorum , quæ obtinent & adepti sunt , satisfacere tenentur , infra mensem antedictum collectoribus ad hoc deputatis cum effectu respondeant atque satisfaciant.

XV. Insuper , ut universi & singuli Ecclesiarum Rectores , seu eorum loca tenentes , ac Capellani , nec non Clerici & Notarii , per dictas Civitatem & Diœcesim ubilibet constituti , in mandatorum executionibus modum & formam executionum suarum fideliter & authentice conscribant , & observent : mandata quoque eadem de ambone , vel alias publice denuntient , nec occulte vel clandestine , quinimo publice & patenter mandata exequenda exequi , & publicare studeant : Decretum etiam in mandatis ipsis positum , in præjudicium , atque partium detrimentum abbreviare , vel prorogare non præsumant : quodque etiam factis mandatorum executionibus , saltem excommunicatos mox ad eorum registra inscribant , ac excommunicatorum registra huiusmodi singulis annis suis Archi-Diaconis , salvo eorum pro labore salario competentis , præsentare non recuset : quodque etiam ipsi mandata quæcunque , quæ pro tempore executi fuerint , absque omni denegatione & difficultate partibus , sive nuntiis restituant , nec publice excommunicatos ad Divina vel Communionem quovis modo admittant.

XVI. Item , ut nullus Presbyterorum cupiditate , vel alia sinistra causa ductus , quinimo causa rationabili subsistente , una die duas Missas , præterquam in die sancto Natalis Domini , vel alias in casibus a jure permisis celebrare præsumat : quodque etiam nullus de cætero Presbyterorum in dictis Civitate & Diœcesi Osnabrug. in altari portatili , nisi quantum jus permittit , celebrare præsumat absque desuper a Sede Apostolica , seu Nobis , vel Officiali prædicto pro tempore obtenta , & impetrata licentia speciali.

XVII. Item , ut nulli alienæ Diœcesis Presbyteri in Capellanos , vel mercenarios assumantur , nisi tales de eorum formatis , atque personarum legalitate coram

Nobis, seu Officiali prædicto, fidem fecerint oculatam: nec aliqui loco sui mercenarios, sive loca tenentes in suis beneficiis ponant, vel substituant, nisi tales eorum Archi-Diaconis rite præsentaverint, curam ab eis animarum recepturos.

XVIII. Insuper, ut excommunicatis, in articulo mortis, post idoneam & sufficientem receptam, atque datam cautionem, solum & duntaxat viaticum ministretur juxta modum & consuetudinem vicinarum Ecclesiarum, & maxime Ecclesiæ Metropolitanæ: quodque talibus etiam, si decesserint, Ecclesiastica denegetur sepultura, donec & quousque de satisfactione partis, & Judicis absolutione, per aliqua legitima constiterit documenta.

XIX. Item, ut nullus Notariorum, de cujus idoneitate, ac sufficientia, ac experientia in officio possit merito suspicari, sine speciali dicti Domini Officialis approbatione, officium Notariatus exercere, seu instrumenta scribere, & conficere præsumat, ne forte propterea pericula verisimiliter valeant suboriri.

XX. Et insuper, ut Rectores, & Provires Ecclesiarum ad vasa Chrismalia, ut sint munda, integra, & diligenter clausa, respectum singularem, & debitum studium habeant: ac dato ac recepto, tempore, & loco solitis, oleo sacro hujusmodi talia vasa cum debita reverentia, atque pudicitia deferri faciant, & procurent: in quo quidem oleo sancto deferendo unaquæque Parochialis Ecclesia suum proprium habeat, & propterea emittat campanarium, seu fidelium (*) & legalem nuntium, seu cursorem, pauperibus Ecclesiis duntaxat in hoc exceptis.

XXI. Cæterum fraudibus nonnullorum obviare, ac communi singulorum civitatis & Diocesis Osnabrugensis tam spiritualium, quam sæcularium incolarum utilitati providentes, ordinamus & statuimus per præsentis: ut ex nunc in antea perpetuis futuris temporibus omnes & singuli in dictis civitate & Diocesi Osnabrugensi tam Beneficiati, quam non Beneficiati Clerici, & personæ Ecclesiasticæ, qui pro tempore fuerint in eorum Constitutionibus manifestum, & testamentariorum, ac ultimarum voluntatum Executorum, & inter illos unum vel plures de personis Ecclesiasticis, in eisdem Civitate

& Diocesi Beneficiatos, in eorum testamentarios, ac ultimarum voluntatum executores, & manifestos, non cum minori sed simili per omnia & æquali aliis suis fidelibus testamentariis & executoribus attributa potestate, sub omnium bonorum suorum, post eorum & cujuslibet eorum obitum relictorum confiscationis pœna deponent & constituent, ac tales post eorum, & cujuslibet eorum obitum habeant & derelinquant. Inhibemus etiam sub pœnis similibus, & infrascriptis, ne quis in præfatis Constitutionibus suorum manifestum focarias, seu personas suspectas constituat, & si constitutæ forent, illis omnino disponendi interdiciamus facultatem.

XXII. Volumus etiam & mandamus, ut Stationarius sancti Petri, secundum suæ præsentationis tenorem, benevole recipiatur, & favorabiliter pertractetur. Dies vero stationis suæ populo fideliter intimitur, & per utriusque sexus homines, in quorum Parochia pro tempore existit, donec officium suum compleverit, celebris & festiva habeatur.

XXIII. Insuper vero per præsentis citamus omnes & singulos Dominos Prælatos, Clericos, & Personas Ecclesiasticas supradictas, sacrosanctam Synodum hujusmodi celebrantes, & ipsi interesse debentes, tam præsentis, quam absentes, quatenus feria tertia post Dominicam Oculi, vel feria tertia post Festum sancti Remigii proxime sequente, pro Sacrosancta Synodo hujusmodi tunc, ut moris est, iterato celebranda, loco & hora præsentibus compareant, Nobisque, & Commissario, sive Commissariis nostris, per Nos ad hoc deputandis, in hujusmodi celebratione ex tunc, prout ex nunc debito modo assistentes; inhibentes præterea sub infrascriptis excommunicationis, & pecuniarum pœnis universis & singulis Dominis Parochialium Ecclesiarum, Capellarum & Altarium, Divinorum Rectoribus, Plebanis, Vice-Plebanis, Capellanis, Curatis & non Curatis, Vicariis perpetuis, Altaristis, cæterisque Presbyteris, Clericis, Notariis & Tabellionibus publicis quibuscunque, per civitatem & Diocesim Osnabrugensem ubilibet constitutis, ne de cetero aliqua tam conservatorum, quam sub-conservatorum, seu aliorum quorumcunque Judicum, quacunque autoritate fun-

(*) forte: fidelem.

gentium, præterquam Sedis Apostolicæ immediate, & nostri Officialis, ac Dominorum Archidiaconorum Ecclesiæ mandata citationum, seu alias quascunque literas exequantur, seu ad eorum executionem procedant, nisi talia per Nos, aut dictum Officialem nostrum rite sint admissa ac approbata, & desuper nostras, aut dicti nostri Officialis literas receperint patentēs.

Præmissa omnia & singula, Constitutiones & Statuta, *authoritate hujus Sanctæ Synodi*, cum omnibus & singulis suis clausulis per quemque in virtute sanctæ obedientiæ, & sub suspensionis, & excommunicationis, trium dierum Canonica monitione præmissa, præsentibus ferimus in rebelles, nec non quinquaginta florenorum Rhenensium, in pios usus applicationum, pœnis, præcipimus & mandamus firmiter & inviolabiliter observari. Protestamur tamen, quod si quid forsan dubii vel difficultatis emerferit in præmissis, hoc nobis in his scriptis per expressum reservamus declarandum, corrigendum, interpretandum, mutandum, augmentandum, seu in melius commutandum: omnem etiam in præmissis omnibus & singulis per Edictum etiam publicum in valvis Ecclesiæ Osnabrugensis, seu alias, prout visum fuerit, ulteriorem executio-

nem, processuum continuationem, ac pœnarum & sententiarum prædictarum, in quolibet negligentes, & contra rebelles declarationem, & relaxationem, & absolutionem faciendam, dicto nostro Officiali plenarie committentes. Absentes vero, qui ad hanc Synodum, absque petita & obtenta licentia, non venerint, seu absque religione hunc locum Capitularem intraverint, præsentibus judicamus contumaces, desuper processuri, prout de jure fuerit procedendum.

In quorum omnium & singulorum fidem & testimonium præmissorum, præsentibus literas Synodales hujusmodi subscriptas, Constitutiones & Statuta in se continentes, Sigilli Officialatus dictæ Curiae Osnabrugensis iussimus & fecimus appensione roborari. Datum Osnaburgis apud Ecclesiam Osnabrugensem, Anno a Nativitate Domini Millesimo, quingentesimo, trigesimo tertio, feria tertia post Dominicam *Oculi*.

Subscriptum per me JASPARUM
MISSINCK, Sacris Apostolica
& Imperiali Authoritatibus Notarium.

Lunig Spicileg. Eccles. Tom. II. pag. 584.

SYNODUS COLONIENSIS PROVINCIALIS

Anno Christi MDXXXVI. Pauli III. PP. II.
Caroli V. Imp. XVIII.

P R Æ F A T I O.

HERMANNUS, (*) DEI GRATIA SANCTÆ COLONIENSIS ECCLESIAE
ARCHI-EPISCOPUS, SACRI ROMANI IMPERII PER ITALIAM ARCHI-CAN-
CELLARIUS, PRINCEPS ELECTOR, WESTPHALLÆ ET ANGARIÆ DUX,
SACRO-SANCTÆ APOSTOLICÆ SEDIS LEGATUS NATUS, AC ADMI-
NISTRATOR ECCLESIAE PADERBORNENSIS &c. UNIVERSO CLERO
AC POPULO PROVINCIAE NOSTRÆ COLONIENSIS,
SALUTEM IN DOMINO SEMPITERNAM.

INter innumera hujus calamitosæ tempestatis adversa, quibus justo Dei Judicio premimur, nihil ita ex eo potissimum tempore, quo nos Deus Opti-

mus, Maximus, licet indignos, ad ministerii Episcopalis Functionem vocare dignatus est, animum nostrum torfit; quam quod videmus, Ecclesiæ navicu-

Tomus VI. Concilior. German.

G g 2 lam,

lam, velut indormiente ipsius Naucleo, Christo Jesu, in mediis constitutam fluctibus, turbulentiſſimarum procellarum impetu, jam nimium diu summo cum rei Christianæ periculo jactari: nec interim in tanta rerum desperatione laborantibus, ullum aliunde salutis portum, in quem se tuto recipiat Christi navis, vel de longinquo adfulgere.

Nam, quod aliquot abhinc annis pleraque remedia tentata sint, id nos discruciat magis; quum animadvertimus, hætenus pene nihil actum, sed omnino frustra laboratum esse. Et quis, tam stupidus est, qui non sentiat omnem conatum nostrum idcirco irritum, atque inanem fuisse; quod hucusque nec sincera in Deum fide, nec unanimi voto indormiscentem Dominum ardentibus precibus inclamaverimus; sed incredulitate torpentes, ac corruptissimis animorum affectibus, studia in contraria currentes non respexerimus toto corde in eum, qui dixit: *Venite ad me omnes, qui laboratis & onerati estis, & ego reficiam vos.* Neque enim ille vel immemor est

promissi, vel manus ejus abbreviata, ut salvere non possit, qui non derelinquit omnes sperantes in se: sed iniquitates nostræ diviserunt inter nos & illum. Atque utinam jam tandem resipiscentes, studeamus, repurgatis per Dei misericordiam mentibus nostris, vel tantillam fidem a Domino impetrare, quantula Apostoli præditi erant, quum in mari intumescenti comprehensi, Dominum pariter acceſſerunt, atque in cervicali reclinantem suscitarent, inclamantes: *Domine salva nos, perimus.* Quæ ut tum non satis integra fuerit, quod vicissim audirent: *Quid timidi estis modicæ fidei?* tanta tamen fuisse perhibetur, ut JESUS ille Servator excitatus ac surgens, imperaret ventis & mari, adeo ut statim subsequuta sit tranquillitas magna. Quomodo inferior ergo, illa licet modica, unanimi tamen discipulorum fide, nostra erga Deum fiducia hætenus fuerit, quam indignos gratiæ Dei præ Apostolis, quamquam adhuc rudibus, nos hucusque præſtiterimus, res ipsa, actio- numque nostrarum eventus satis super- que

- (*) Hermannus V. hoc nomine Colonienſium Archi-Epiſcopus, anno 1472. Wedanis & Comitibus natus fuit. Anno 1515. ex Primarii Cleri ſuffragiis Philippo Dunenſi in Cathedra Metropolitana ſucceſſit. Anno 1519. cum cæteris Septenviris Francofurti Carolum V. Romanorum Regem dixit, & anno ſequenti Regiſ inſignibus Aquigrani coronavit.

Diu Boni Paſtoris, Præfulſque egregii laudem tenuit, tantoque Catholi- cæ fidei munda zelo exarſit, ut Lutheranis erroribus infectos nullibi ſua in Diceceſi quietos conſiſtere pateretur: Præter frequentes Synodos Diceceſanas, in quibus ſaluberrima Statuta promulgari fecit, celeberrimum Concilium Provinciale coegit anno 1536., invitatis ad illud Leodiienſi, Trajeſtenſi, Monafterienſi, Osnabrugeni & Mindenſi Epiſcopis, Metropolitanæ Colonienſis Suffraganeis. Multa in eo Concilio de Cleri moribus emendandis, & Sacramentorum digna adminiſtratione, condita fuere Decreta, quæ Joannes Gropperus Suſanenſis, vir ſua ætate Clariffimus, & ob rerum pro Eccleſia Chriſti præclare geſtarum merita, in S. R. E. Cardinalium numerum deinde coopatus, digeſſit in ordinem, typisque vulgavit. Cum Hermannus viginti circiter & quinque ab adito Epiſcopatu annos, cum iſta fidei defendendæ laude traduxiſſet, anno 1540. Hagenoæ, ubi Principum tunc Conventus erât, in Bucerum, fidei, religionisque deſectorem incidit, quem dum ab hæreſi ad Eccleſiam reducere nitebatur, ipſe, cum ſacrarum literarum rudis eſſet, veteratoris fraudibus ac ſophiſmaris circumventus, inſtillatam ab illo Lutheri doctrinam tam alte immiſit in animum, ut non ſolum ab hæreſi nunquam receſſerit, ſed eandem etiam transfundere in alios, accitisque Bonnam Bucero, Melanchthone, Erasmo Sarcerio, Casparo Hedione, Joanne Piſtorio, aliisque Apoſtatis, totam per Diceceſin diſpergere allaboraverit. Sed Clerus, Univerſitas, atque ipſe Senatus Colonienſis voce, ſcriptis, & ſoleni ad Pontificem, Cæſaremque facta provocatione impiis ejus conatibus tam fortiter obſistere; ut, quæ facere decreverat, perficere non potuerit: immo ſua ipſe dignitate, laſa in eum Anno 1546. & a Paulo III. Papa, & a Carolo V. ſententia exciderit. Cum a Proteſtantibus Principibus, bello a Carolo fractis, opem & ſubſidia fruſtra exſpectaſſet, Anno 1547. cedere Cathedra coactus, in Wedanum Comitatum ſe recepit, ibidemque poſt quinquennium vivere deſiit, Biverni, obſcuro in loco, tumulatus.

Arn. Meibovius in Schiſm. Hermanni V. Spondanus Annal. Eccleſiaſt. Tom. II. Mörckens in Conatu Chronologico: Strunck in Annal. Paderborn. Parte III. &c.

que declarant. Quid enim tot comitiis, tot conventibus, tot denique cum privatis, tum publicis consultationibus super componendis hisce fluctibus, non semel habitis, aliud effectum est, quam quod tempestas propemodum facta est concitior?

Tandem ad Universale Concilium, uti ad ultimum asylum respeximus omnes, quod in primis invictissimus perinde, ac pientissimus Ecclesiæ pugil, Carolus, ejus nominis Quintus, Romanorum Imperator, semper Augustus, auctoritate Apostolica indici, magna cum instantia postulavit, Beatissimus subinde Pontifex pientissimæ postulationi assentiens, futurum promisit, totus denique orbis ingenti cum desiderio hæcenus expectavit.

Sed ut non levis momenti res est, Generalem Ecclesiæ Synodum convenire, ita permulta sunt, quæ omnis diffidii parente diabolo procurante, subinde suboriantur impedimenta, quibus etsi non omnino spes indicendi, cogendique Concilii adimatur, tamen res omnium maxime necessaria, in longum saltem protrahitur.

Nos igitur rationem officii Episcopalis nobis concediti, solícite animo versantes, quamquam maluisse rebus labentibus, publico atque adeo totius orbis Christiani auxilio succurri, quam privatim in provincia nostra de necessario remedio dispicere; in tam longa tamen expectatione, dilationeque speratæ opis, nullam excusationem invenimus diutius in officio nostro cessandi, maxime quod hæresum ac schismatum pestilentissimis, exitialibusque flatibus provinciam nostram undecunque, idque agminatim impetentibus, scelere quo-

que ac morum longe corruptissimorum lue ac fluctibus magis ac magis inundantibus, omnem dehinc moram extremi plenam periculi judicemus.

Proinde & Divina voce commoniti, & Sacrorum Canonum jussu cohortati, Provinciale Concilium in civitate nostra Colonia Agrippina, DEO auctore, celebrandum indiximus: in quo quum nobiscum Reverendorum Suffraganeorum nostrorum Leodiensis Episcopi, ac Monasteriensis & Olinaburgensis confirmati, Administratorisque Mindensis Ecclesiarum Legati (Trajectensis interim Episcopi Procuratoribus, quo minus ad nos se reciperent, inter eundem per obvios milites, quemadmodum ipsorum litteræ excusatoriæ continebant, prohibitis) simul & cum Venerabili Clero nostro, in Dei nomine convenerint, ipsiusque Dei ac Ecclesiæ causam (quantum is, a quo omne datum optimum, ac omne donum perfectum descendit, Pater luminum concessit) diligenter pertractarint; tandem discussis omnibus, quæ repurganda videbantur, reformationem (quam omni ope molimur, & ex animo optamus) in Canones quosdam Divinæ Legi, ac Patrum Sanctionibus consentaneos contraximus, quos Visitatione Diocesanos nostræ effectui mancipare, (quoad ejus fieri potest) Deo adiutore adnitemur; ut habeat Provincia nostra, donec Generale illud indicatur Concilium, aliquantulam saltem opem, qua se adversus ingruentes ac inundantes dissidiorum fluctus ac scelerum luem, servet ac tutetur. Omnia tamen, quæ in hoc libello continentur, judicio Sacrosanctæ Apostolicæ Sedis, quam merito veneramur, submittentes.

Index Titulorum principalium, ac Capitulorum Concilii Provincialis Colonienfis, quæ sub illis ad Christianæ pietatis augmentum comprehenduntur.

PARS PRIMA.

De Munere Episcopali.

Officium Episcopi, post verbi predicationem, consistit potissimum in impositione manuum, & visitatione Ecclesiarum.

De impositione manuum, quæ est ordinum Ecclesiasticorum collatio, ac institutio Ministrorum.

Cap. I.

Ad certum titulum Ecclesiæ Ministros Canonice deligendos, ordinandosque.

II.

Manum nemini cito imponendam.

III.

G g 3

Huma-

- Humani adfectus & venalitas in Beneficiis Ecclesiasticis, execrabiles.* IV.
- Beneficia Ecclesiastica priusquam vacent, nemini promittenda.* V.
- Dignis tantum Beneficia esse conferenda.* VI.
- Idoneos tantum in Prælatos eligendos esse.* VII.
- In eligendo, ætas, mores, literatura, & sacer ordo spectanda.* VIII.
- Electiorem sinceram esse oportere.* IX.
- In confirmatione Electionis, quæ expendenda.* X.
- Per Patronos idoneos præsentari oportere.* XI.
- Quid incumbat Archidiacono.* XII.
- Aliquot abusus Officialium inter visitandum corrigendi.* XIII.
- Omnes qui de Beneficiis disponunt, sui officii admonendi.* XIV.
- Moderatio Patronos laicos respiciens.* XV.
- De officio Vicariorum in Pontificalibus.* XVI.
- Quid ipsis potissimum cavandum sit.* XVII.
- De erate Ordinandorum.* XVIII.
- Testimonium vitæ ac doctrinæ per initiandos Sacris, exhibendum.* XIX.
- De eruditione Ordinandorum inquirendum.* XX.
- Videndum, quo affectu ad Ordines accedatur.* XXI.
- Quanto temporis spatio, ante majorum Ordinum receptionem, initiandi se præsentare debeant. Item, & quid initiandi tum secum allaturi sint.* XXII.
- Quale testimonium adferendum.* XXIII.
- Die Mercurii proxima ante susceptionem Ordinum, examinandi, qui initientur Sacris.* XXIV.
- Neminem ab examinatione immunem esse oportere.* XXV.
- Cujus admonendi sint pridie ordinationis die, initiandi Sacris.* XXVI.
- In minoribus Ordinibus conferendis, quæ cura adhibenda.* XXVII.
- Ab initiandis nihil exigendum.* XXVIII.
- Litteræ dimissoriæ nulli temere concedendæ.* XXIX.
- Tituli Ordinandorum diligenter discutendi.* XXX.
- Peregrini Clerici quomodo admittendi.* XXXI.
- Odiosa Beneficiorum pluralitas in una, eademque persona.* XXXII.
- Dispensationes inspiciendæ, ut occurratur abusus.* XXXIII.
- In resignationibus ac permutationibus Beneficiorum, quæ cura adhibenda.* XXXIV.
- Præstat paucos esse bonos, quam multos iniales Sacerdotes.* XXXV.
- De visitatione ultimo loco dicendum.* XXXVI.

P A R S II.

- De officio privato ac publico, vitæque ac moribus Clericorum generatim.* Cap. I.
- Unde Clerici appellatio derivata.* II.
- Clericum suo officio intentum esse oportere.* III.
- Duplex Clericorum ministerium.* IV.
- Biblia a Clericorum manibus nunquam deponenda.* V.
- De horariis precibus indies perlegendis, & reformandis Breviariis.* VI.
- Pro cuiuslibet affectu, non facile novandum, quod in Ecclesiastico officio agitur.* VII.
- Quo affectu horarias preces persolvere oporteat.* VIII.
- Summa devotione Missæ sacram celebrari oportere.* IX.
- Arguantur, qui polluta mente altare Domini accedunt.* X.
- Revidenda Missalia ac Breviaria.* XI.
- Quæ omitti aut decurtari, vel organorum, vel cantorum concentu baud debeant.* XII.
- Quemadmodum Missa legenda.* XIII.
- Quid post Elevationem Eucharistiæ agendum.* XIV.
- Organorum melodia quemadmodum temperanda.* XV.
- Singulis Dominicis diebus, quæ ipsis peculiariter sunt officia dicenda.* XVI.
- Confessio, Missæ præambulum, devote recitanda.* XVII.
- Cur Sacerdos in altari Ministrum habeat.* XVIII.
- Omnis cultus summa cum veneratione peragendus.* XIX.
- De vita ac moribus Clericorum.* XX.
- Ob quam causam Clerici male audiant ac puniantur.* XXI.
- Præcipuæ causæ omnis mali tres.* XXII.
- Ambitionem ac fastum Clericali officio maxime repugnare.* XXIII.
- Omnis luxus Clerico interdictus.* XXIV.
- Clerico non licere vel cauponem agere, vel tabernare, nisi necessitatis causa, intrare.* XXV.
- Habitus seu exterioris corporis cultus modestia a Clericis exigitur.* XXVI.
- Mali exempli est, Sacerdotem se venditare in Capellanum delicato laico, aut mulierculæ.* XXVII.

Suspecta mulierum cohabitatio Clericis interdita. XXVIII.
Avaritia in Clero execrabilis. XXIX.
Honesto artificio victum quærere Clerico licet. XXX.
Clerici ne mercatores sint, multo minus fenestratores. XXXI.
Damnantur Clerici superstitiosi, scurræ, curiosi ac leuiculi. XXXII.

P A R S III.

De Metropolitanis, Cathedralibus & Collegiatis Ecclesiis, & in his ministrantibus. Cap. i.
De officio Decanorum. ii.
De officiis in hujuscemodi Ecclesiis ministrantium. iii.
De Canonicorum vita & officio. iv.
Quemadmodum preces horariae, aliaque laudes Divinae decantandæ. v.
Inter Sacra nihil ne cogitandum quidem, quod Dei aut Ecclesiæ oculis offendant. vi.
Decani templi summi potestas in prævaricatoribus. vii.
Quem oporteat esse vestitum ministrantium in hisce Ecclesiis. viii.
Decani undiqueque aduigilabunt. ix.
Ante omnia vero, ut Canonici Sacris adsint. x.
Vicarii, ut Divinis laudibus decantandis intersint, adigendi. xi.
Ad personalem residentiam cogendi, quibus hæc per fundationes Beneficiorum est imposita. xii.
Lucri tantum causa Sacris adesse non oportere. xiii.
Capitula disciplinæ qualiter observanda. xiv.
Officium Decani in rebelles. xv.
Contentiosi ad pacem & concordiam per Decanum & Capitulum revocandi. xvi.
Pena adversus contentiosos pertinaces. xvii.
Quo tempore Capitulorum quotidianorum conventus observandi. xviii.
Volumina Statutorum revidenda. xix.
In Capitulis a juramento facili exactione temperandum. xx.
Inter visitandum de moderandis annis (qui expectantiae appellantur) videndum. xxi.
Non oportere a Canonico recens admissio, pecuniam statutariam duplicatam ob antecessorem exigi. xxii.
Communi necessitati Ecclesiæ, communi contributione consulendum. xxiii.

Tribunalia extra templa collocanda. xxiv.
Optandum, ut deambulationes in hisce Ecclesiis prohiberi possint. xxv.
Theatrales ludos non inferendos templis. xxvi.
Cujusdam abusus abrogatio. xxvii.
Processionum Collegiatarum Ecclesiarum, quæ ad majorem fiunt, moderatio. xxviii.
De Processionibus non abrogatis. xxix.
Quomodo ad Anniversaria Episcoporum in majori Ecclesia conveniendum sit. xxx.
Minora ministeria idoneis committenda, ac decenter peragenda. xxxi.

P A R S IV.

De Parochis ac eorum Vicariis, aliisque verbi Ministris. Cap. i.
Qui admittendi. ii.
Orandus Deus, ut mittat operarios in messem suam. iii.
Unde dignoscere oporteat Pseudo-Ecclesiastas. iv.
Soli auctoritate Ordinaria comprobati, ad verbi ministerium admittendi. v.
Quod ordinarii verbi Ministri, sunt legitimi Parochi, & illorum Vicarii, modo tamen hi examinati prius & admissi sint. vi.
Fratres mendicantes quatenus admittendi. vii.
Quam modestiam Fratres mendicantes in verbi prædicatione servare oporteat. viii.
Non ferendi, qui in jurisdictiones & potestates temere ad plebem invehuntur. ix.
Abusus est, qui Parocho suo officio intedydit. x.
Fratres mendicantes his Synodalibus Constitutionibus erunt parentes. xi.
Decet quoque, ut Fratres eatenus ordinariæ potestati subjiciantur. xii.
De semel certo loco destinatis ac admissis non temere retrahendis. xiii.
Qui nulla legitima auctoritate innixi, se verbi ministerio ingerunt, uti seditiosi comprimendi. xiv.
Prohibentur omnes apostatae, Monachi ignoti, ac peregrini Spermologi. xv.
De Terminariis, quatenus admittendi. xvi.
Privilegiis fratrum nihil derogatur. xvii.
Monachorum Ecclesiæ per sæculares (ut vocant) Presbyteros gubernande. xviii.

P A R S V.

De vita ac moribus Parochorum. Cap. i.
Vita ut doctrinæ in Parocho conveniat, necessarium. ii.
Passq.

Pastorem gregis exemplum esse oportere. iii.
Vitanda Parocho inprimis avaritia. iv.
Parochi familiam irreprehensibilem esse debere. v.
Parocho luxus omnino cavendus. vi.
Pulchritudo servanda Parocho. vii.
Quæ fugienda, & quæ sectanda Parocho. viii.

P A R S VI.

De disseminatione verbi. Cap. i.
Quid Parocho meditandum. ii.
Fidelitas inprimis in Parocho requiritur. iii.
Quis sit fidelis verbi dispensator. iv.
*Omnis scriptura ad geminam charitatem exi-
 genda.* v.
Summa Evangelicæ prædicationis. vi.
*Parocho cautissima solitudine in prædicatione
 verbi utendum.* vii.
Quemadmodum sermo temperandus. viii.
Quid cavendum inter concionandum. ix.
*Nihil aut fabulosum aut suspectum adferen-
 dum.* x.
Loquacitas vitanda. xi.
*Quemadmodum Parochum adversus hæreticos
 pugnare oporteat.* xii.
A scommatis & convitiis abstinendum. xiii.
*In contentiosis dogmatibus, quomodo docendus po-
 pulus sapere.* xiv.
*Qualem oportet esse Parochum in reprehenden-
 dis criminibus.* xv.
*Manifesta reprehensio utriusque potestatis vi-
 tanda.* xvi.
Quomodo corripiendi Magistratus. xvii.
*Admonendus populus, ut orat pro Magistrati-
 bus.* xviii.
Notantur, qui scilicet docent. xix.
*Summa doctrinæ Christianæ in Enchiridion con-
 trabenda.* xx.
Enchiridion quæ docebit. xxi.
*Ordo concionandi, quem simpliciores sequen-
 tur.* xxii.
Sanctorum historiarum quatenus attingende. xxiii.
Allegorie quomodo explicandæ. xxiv.
Quomodo finienda concio. xxv.
Quid recitandum finita concione. xxvi.
*Quomodo finita concione, populus excitandus
 ad orandum pro defunctis.* xxvii.

P A R S VII.

De Administratione Sacramentorum. Cap. i.
*Instruendus populus, quid agatur in cujuslibet
 Sacramenti exhibitione.* ii.

Quid agatur in Baptismo. iii.
Cujus sint admonendi susceptores infantis. iv.
*Populus docendus, quid velint externa fig-
 na.* v.
Quomodo accedendum ad Baptismum. vi.
Baptismus in facie Ecclesiæ peragendus. vii.
*In confirmationis exhibitione quid docen-
 dum.* viii.
*Quomodo ad Sacramentum confirmationis ac-
 cedendum.* ix.
Cujus sint admonendi susceptores confirmati. x.
*De moderandis donariis, quæ susceptores infan-
 tibus donant.* xi.
Docendus populus de signis externis. xii.
De Sacrosanctæ Eucharistiæ. xiii.
*Quid docendus populus in hujus Sacramenti mi-
 nistratione.* xiv.
*Quibus persusum est, utramque speciem lai-
 cum participare oportere, quomodo do-
 cendi.* xv.
De veneratione Sacrosanctæ Eucharistiæ. xvi.
*Quomodo tantum miraculum in hoc Sacramen-
 to fiat, populus docendus.* xvii.
*Quomodo admonenda plebs, ad sumendam Eu-
 charistiæ accedens.* xviii.
*Qui ad hoc Sacramentum participandum ad-
 mittendi.* xix.
*Quatenus alteri, quam suo Parocho confessus,
 ad Eucharistiæ admittendus.* xx.
*Intra annum saltem semel communican-
 dum.* xxi.
*Quorum admoneri populus, hoc Sacramentum
 participaturus, maxime debeat.* xxii.
*Docendus quoque, cur hoc Sacramentum sub
 specie panis & vini institutum sit.* xxiii.
*Quomodo singulis Dominicis diebus plebs ad au-
 diendam Missam se preparabit.* xxiv.
*Docendus populus generatim, quid agatur in
 Missa.* xxv.
*Corripiendus abusus eorum, qui ante finitam
 Missam irreverenter discedunt.* xxvi.
*Docendus populus, quale sit Missa Sacrifici-
 um.* xxvii.
*Exequiæ ac Missæ pro defunctis, quando &
 cum qua admonitione celebrandæ.* xxviii.
Qui ad exequias evocandi. xxix.
De penitentiae partibus. xxx.
*Prima penitentiae pars contritio, in suggesto
 semper pertractanda.* xxxi.
Neminem non ad penitentiam invitari. xxxii.
*Presbyter qui a confessionibus est, qualis esse de-
 beat.* xxxiii.
 Quid

- Quid contentem docebit Presbyter confessarius.* xxxiv.
Remedium proratione morbi adhibendum. xxxv.
Nimis anxii, quomodo tranquillandi. xxxvi.
Moderatio in casibus reservatis. xxxvii.
Publicæ penitentia usus in Ecclesiam revocandus. xxxviii.
Recitata confessione, quid agendum per Parochum. xxxix.
In Matrimonii Sacramento quid agatur. xl.
Quemadmodum monendi sunt, qui matrimonium contrahere affectant. xli.
Matrimonium tria complecti. xlii.
Pium votum, & in clandestine contrahentes censura. xliii.
Conjunctio conjugum in facie Ecclesiæ peragenda. xlii.
Peregrinos & ignotos sine legitimo testimonio non coniungendos. xlv.
In gradibus consanguinitatis & affinitatis Concilium Generale observandum. xlv.
Ludicra tollenda. xlvii.
De Sacro Ordine dictum esse prius. xlviii.
Cur adhibeatur extrema Unctio. xlix.
Quomodo impendenda Unctio extrema. l.
A sepultura nemo in comunione discedens repellendus. li.
Quam admonitionem in sepulturis & exequiis fieri oporteat. lii.
- Irrisores Ecclesiasticorum jejuniorum reselluntur.* iii.
Ecclesiæ constitutionem charitati cedere. iv.
Quid in jejuniis potissimum spectandum. v.
Redarguuntur, qui quadragesimæ observationem contemnunt. vi.
Litanie & Rogationes cur institutæ, & quomodo populus admonendus sit. vii.
Processiones intra septa Ecclesiarum peragenda. viii.
Admonendus populus, cur feriæ institutæ. ix.
In feriis soli Deo vacandum. x.
Dies Dedicationis Templi extra Coloniam, uno die ubique celebrandus, & quomodo sit admonendus populus. xi.
Cur Templi & Altaria consecrentur. xii.
Populus docendus, quid agatur, & significetur in consecratione Templorum & Altarium. xiii.
Cur benedicantur campanæ. xiv.
Docendus populus, ut signatis potius, quam signis inbareat. xv.
Quidquid in cæremoniis ad abusum spectat, caute ac diligenter cavendum. xvi.
Cur reconcilietur Templum aut Cimiterium. xvii.
Quæ pollutio reconciliationem requirat. xviii.
Quorum sumptu & expensis reconciliatio facienda. xix.
Immunitatem Ecclesiasticam in duobus potissimum sitam esse. xx.
Quemadmodum fraternitates reformandæ sint. xxi.

P A R S VIII.

- De victu Parochorum.* Cap. i.
Parochis victus necessarius suppeditandus. ii.
Vice-Curatos quos vocant, ex proventibus Ecclesiæ congruam sustentationem recepturos. iii.
Qui Ecclesias unitas habent, Vicariis perpetuis portionem congruam assignare oportere. iv.
Ubi redditus non suffecerint, quid agendum. v.
Denarius consuetus, sed duplicatus, pendendus. vi.
Laudabilem consuetudinem Agrippinæ Colonie per hæc non abrogari. vii.

P A R S IX.

- De Constitutionibus ac consuetudinibus Ecclesiasticis.* Cap. i.
Jejunia ab Ecclesia indicta, reverenter observanda. ii.

Tomus VI. Concilior. German.

P A R S X.

- De vita & conversatione Monastica.* Cap. i.
Neminem Monachismi professione temere alligandum. ii.
Admonendi parentes, ne liberos invitos in Monasterium detrudant. iii.
Quo affectu monastica vita amplectenda. iv.
In Monasteriis habendus, qui doceat Legem Domini. v.
Verbi Prædicatorem in Monasteriis esse oportet. vi.
Monachi bonæ indolis ad Academiæ mittendi. vii.
Moniales non esse alligandas, ut nulli, quam suo (ut vocant) Patri, aut Præposito consiteantur. viii.
Mutatam esse paulatim faciem Monasteriorum,

H h

ac

- ac usurpatum hospitii jus simul cum accessu moderandum. ix.
Visitatio Monasteriorum necessaria. x.
Sumptuosi Monialium Præpositi abrogandi, & frugales æconomi constituendi. xi.
In Monasteriis Monialium victum ac mensam communem esse oportere. xii.
De Præpositis solitarie commorantibus. xiii.
Visitandæ domus Fratrum Teutonicorum, Divi Job. Bap. & Antonitarum. xiv.
De vita & conversatione Monachorum. xv.
Monachorum studia atque exercitationes quales esse oporteat. xvi.
Monachos vagos sub custodiam revocandos. xvii.
Litteras privatas Monacho aut Monachæ, in jussu Abbatis, resignare non licere. xviii.
Canonissarum secularium mores reformandi. xix.

P A R S XI.

- De hospitalibus & orphanotrophiis, aliisque id genus piis locis.* Cap. i.
In hospitalibus in primis animæ curandæ, deinde corpus. ii.
In hospitalia qui recipiendi. iii.
In hospitalia pauperes ejus loci, ubi constituta sunt, potissimum recipiendos, maxime contagiosis morbis implicitos. iv.
Mendicantibus validis hospitalia clausa, & mendicitatem interdiciam esse oportere. v.
Magistrorum hospitalium pravi affectus damnantur. vi.
Quam graviter peccent, qui ex pauperum victu se ditant. vii.

P A R S XII.

- De scholis, typographis, ac bibliopis.* Cap. i.
Schole inter visitandum repurgandæ, ac instituendæ. ii.
Apud singulas Ecclesias habendus vir eruditus, qui Clericos ejus Ecclesiæ instituat. iii.
Qui huic viro victum suppeditabunt. iv.
Quemadmodum Academiæ instaurari, ac studia ali possint. v.
Pium votum ad studia sublevanda. vi.
Decretalem Honorii tertii, quoad ejus fieri potest, renovari æquum esse. vii.
Quid curandum in Academiis. viii.
Nihil imprimendum aut vendendum, nisi revivum prius. ix.

P A R S XIII.

- De Jurisdictione Ecclesiastica contentiosa.* Cap. i.
Excommunicationis origo, & præcipuus usus. ii.
Quor passim in omnes inobedientes excommunicationis censura distringi cæperit. iii.
Usus excommunicationis in publice criminosos in lucem revocandum. iv.
Quid cavendum in decernenda excommunicationis censura. v.
Excommunicatos vitandos. vi.
Non passim contra omnes delatos per Fiscales inquirendum. vii.
Manifeste criminosi pro quaestu nequaquam ferendi. viii.
Clerici gravissimorum criminum rei, secundum Canonicas Sanctiones puniendi. ix.
De testamentis insinuandis, approbandis, ac exequendis. x.
Bona Presbyteri, ab intestato defuncti, in piam causam convertenda. xi.
Portio, quæ Archiepiscopo solvitur, minime gravis. xii.
Fuamentorum facilis exactio in judiciis revolvenda. xiii.
Formula inquirendi hæreticos delineanda. xiv.

P A R S XIV.

- De visitatione ac Synodis Archiepiscopaliibus, Archidiaconalibusque.* Cap. i.
Quo ordine visitatio instituenda. ii.
Quæ ubique corrigere oportent. iii.
In primis reformandos esse Decanos. iv.
Inquietos, & Prælatos rebelles, corripiendos. v.
In Monasteriis quomodo abusus percipiendi. vi.
In visitatione Parochiarum quid agendum. vii.
Habenda concio per Visitatores. viii.
Interrogandus Parochus, quo titulo ministerium gerat. ix.
De vita, moribus, & doctrina inquirendum. x.
De habitu, Tonsura, ac reliquis externis videndum. xi.
Num hæresis quæpiam serpat, diligenter investigandum. xii.
Num agantur alia, quæ cum Dei & Ecclesiæ institutis pugnent, dispiciendum. xiii.
De puerorum institutione, & hospitalium cura querendum. xiv.

Vitia, quibus assueverint Parochiani, acriter corrigenda ac rescandenda. xv.
De officio Parochi inquirendum. xvi.
Synodus Episcopalis anno bis habenda. xvii.
Quid agendum in Synodo Episcopali. xviii.
De Synodis Archidiaconalibus ac ruralibus. xix.
Officiales Archidiaconorum, & Decanos rurales, viros graves esse oportere. xx.

Synodi Archidiaconales antiquitatem quandam præ se ferunt. xxi.
Abusus in Synodorum Archidiaconalium ac ruralium observatione. xxii.
Inter visitandum abusus corrigendi. xxiii.
Procurvationem suo officio recte fungentibus pendere, æquum esse. xxiv.

C A N O N E S.

P A R S P R I M A.

D E M U N E R E E P I S C O P A L I.

Officium Episcopi, post verbi prædicationem, consistit potissimum in impositione manuum, & visitatione Ecclesiæ-rum.

EPiscopi munus in duobus potissimum consistit. Primum in impositione manuum, quæ est Ordinum Ecclesiasticorum collatio, ac institutio Ministrorum: Deinde in Visitatione Dioceseos. Utrumque Beatissimus Apostolus ad Titum, dilectum filium, Cretæ Episcopum scribens, complectitur. *Hujus, inquit, rei gratia, (a) reliquite Cretæ, ut ea, quæ desunt, corrigas, & constituas per civitates Presbyteros, sicut & ego disposui tibi.* Alterum vero idem Apostolus, cum a Mileto discessum maturaret, profecturus Hierosolymam, ac certus, quod amplius haud visurus esset faciem eorum omnium, per quos transivit, prædicans regnum Dei, vocatis illo ad se ab Epheso Ecclesiæ Presbyteris, Apostolica vehementia inculcat, cum ait: *Attendite vobis, & universo gregi, in quo vos Spiritus Sanctus posuit Episcopos, regere Ecclesiam Dei, quam acquisivit sanguine suo. (b) Et quoniam scio, inquit, quod intrabunt post discessionem meam lupi rapaces in vos, non parcentes gregi, & ex vobis ipsis exurgent viri loquentes perversa, ut abducant discipulos post se, propterea vigilate.* Cui muneri, ut ambo illa Apostolici ordinis eximia luminaria, nimirum Petrus, ac illius collega Paulus, satisfacerent, alter transivit, & invisit univer-

fos: alter perambulavit Syriam, & Ciliciam, confirmans Ecclesias, præcipiens custodire præcepta Apostolorum & Seniorum: nimirum non tantum verbo, sed & exemplo, Episcopos commonentes, ut qui Speculatores in Dei Ecclesia constituti sunt, ac appellantur, provinciae sibi mandatæ, vigilantissime intendant, fidem, conversationem, mores, & vitam singulorum explorent, examinentque, ac provideant, ne alicubi quis in ea vocatione, ad quam a Deo vocatus est, torpescat.

De Impositione manuum, quæ est Ordinum Ecclesiasticorum collatio, ac institutio Ministrorum.

Caput I.

Impositio manuum est ostium, per quod intrant, qui Ecclesiarum gubernaculis admoventur. Proinde, quia ejusmodi ostium diligenter custoditum non est, factum est, ut tanta mala, quæ sentimus, agminatim in Ecclesiam Dei irruerint. Hujus januæ vigilantissimi custodes fuerunt Apostoli Christi, & quotquot ipsis successerunt, Apostolici Episcopi. Imprimis vero Divinissimus Paulus, qui dilectissimis discipulis Timotheo ac Tito, ejuscemodi custodiæ formulam, ex professo præscribit. Porro Apostoli, (c) cum esset in locum Judæ proditoris deligendus duodecimus Collega, statuerunt duos ex his viris, (qui cum ipsis congregati fuerunt in omni tempore, quo intravit & exivit inter eos Dominus JESUS) probatissimos, electionem

(a) Tit. i.

(b) Act. 20.

(c) Act. i.

Tomus VI. Concilior. German.

Etionem alterutrius Domino committentes. Adhæc cum essent deligendi primi illi Ecclesiæ Diaconi, Apostoli convocata discipulorum multitudine, dixerunt: *Considerate Fratres ex vobis viros boni testimonii, (d) plenos Spiritu Sancto ac sapientia, quos constituamus super hoc opus.* Atque illi (cum placuisset hic sermo) coram omni multitudine elegerunt Stephanum, virum plenum Fide & Spiritu Sancto, ac reliquos sex, quos statuerunt ante conspectum Apostolorum: qui dein non temere, sed orantes, illis imposuerunt manus. Denique de Barnaba, per Apostolos ad Antiochiam destinato, refert Scriptura: Quoniam Apostoli miserunt Barnabam, (e) quod esset vir bonus & plenus Spiritu Sancto ac fide. Quibus exemplis edocemur, quanta cura ac delectu manus impositionem fieri oporteat. Beatus Apostolus inter alia Timotheum (f) sic alloquitur: *Commenda, inquit, quæ audisti per me per multos testes, fidelibus, qui & idonei erunt alios docere.* Et iterum: *Manus nemini cito imposueris, neque communicaveris peccatis alienis.* (g) A qua regula cum longe lateque discessum sit, affectibus privatis sibi omnia vendicantibus, morbus obortus est plurimus, arque ita radicans; ut vix spes medendi relicta sit. Neque tamen in mediis, & exulceratissimis morbis, de remedio desperandum erit, sed tanto magis de pharmaco idoneo cogitandum, providendumque.

Ad certum titulum Ecclesiæ Ministros Canonice deligendos, ordinandosque.

Caput II.

Quoniam (b) vero primitivæ Ecclesiæ facies, quod ad institutionem ministrorum attinet, paulatim immutata fuit: nimirum, dotatis Templis, Sacerdotiisque ac certis stipendiis ministrantibus constitutis, visum subinde Sanctis Patribus, non absque multa ratione fuit, ne quisquam sine certo titulo (qui illi victum necessarium suppeditaret) ad majores, quos & sacros Ordines vocamus, ordinaretur. Adhibita etiam non levi severitate in Episcopos, qui secus facere præsumpissent. Quæcum sic se

habeant, Reformationem ordiri hinc fuerit necesse. Videndum itaque imprimi est, ut collationes Ecclesiasticorum Sacerdotiorum seu beneficiorum, ut Electiones, Præsentationes, & Institutiones Clericorum ac ministrorum, maxime eorum, qui curæ præficiuntur animarum (quæ scientia scientiarum merito appellanda est) rite ac Canonice fiant: Utque maximi illi & terribili abusus & vitia (quæ in deligendis personis Ecclesiasticis, non vulgari cum detrimento Ecclesiæ, sæpe numero committuntur) quoad fieri potest, tollantur. Quod tunc demum futurum est, cum repulsis ac submotis indignis, digni tantum & idonei admittantur, qui & velint & possint officium (propter quod beneficium datur) gerere & explere. Scriptum est enim: *Qui non laborat, non manducet.* (i)

Manum nemini cito imponendam.

Caput III.

Quamobrem omnibus, qui præficiendi Ecclesiasticis muniis ministros potestatem habent, illa (quam paulo ante retulimus) Paulina admonitio semper ob oculos versabitur: *Manus cito nemini imposueris, neque communicaveris peccatis alienis.* Si enim (k) ad honores mundi sine suffragio temporis, sine merito laboris indignum est pervenire: & notari ambitus solent, quos probitatis documenta non adjuvant; quam diligens & quam prudens habenda est dispensatio Divinorum munerum, & Cœlestium dignitatum? Certe olim excommunicatione percellebantur, qui Ecclesiastica beneficia contulissent indignis.

Humani adfectus & venalitas in Beneficiis Ecclesiasticis, execrabiles.

Caput IV.

Nulla itaque (l) consanguinitatis ratio, nulla propinquitatis contemplatio, facere debet hoc, ut populi gubernatio, alii, quam meliori tradatur. Cessent omnes affectus humani, qui sua, (m) non quæ Jesu Christi sunt, quærunt. Maxime vero Sacerdotiorum ac bene-

(d) Act. 6.

(e) 1. Tim. 5.

(f) 2. Thess. 3.

(l) Hieron. in Num.

(e) Act. 11.

(b) Ex Concil. Lateran. sub Alexandr. III.

(k) S. Leo. C. Miramur. 61. Dist. Ex Conc. Tolet.

(m) Philip. 2.

(f) 2. Tim. 2.

beneficiorum venalitas execranda est. Quod, qui sic præficiunt ac præficiuntur, inter ementes (n) & vendentes columbas (quos Dominus flagello, de funiculis factos, e Templo eiecit, ac menfas nummulariorum & cathedras vendentium columbas evertit,) computentur. Si enim is dignus Sacerdotio creditur, cui non actionis merita, sed præmiorum copia suffragatur; restat, ut nihil sibi in Ecclesiasticis honoribus gravitas, nihil sibi defendat industria, sed totum auri profanus amor obtineat. Et cum fides simul & vita in Sacerdotibus & ministris eligenda sit; quæ tandem vita, & quæ opera Sacerdotis illius erunt, qui honores tanti Sacramenti per præmium convincitur obtinere?

Beneficia Ecclesiastica priusquam vacent, nemini promittenda.

Caput V.

Cum olim (o) Conciliari constitutione vetitum sit, ne ulla Ecclesiastica ministeria, seu beneficia promittantur alicui, priusquam vacent: tum ne quis mortem proximi, in cuius locum & beneficium se crediderit successurum, considerare videatur: tum quod turpe sit, Divinique plenum animadversione iudicii, si locum in Ecclesia Dei futuræ successione expectatio habeat, quam ipsæ etiam sæculares leges condemnare curant: idque vero cum nunc passim præter omnem personarum delectum, designatis etiam ex nomine beneficiis, in qua stipulatores successuri sunt, pessimo exemplo fiat, tollendus abusus est: idque non aliter, quam secundum Canonicam ordinationem, ne quis sollicitus sit, non tam de officio, quam de beneficio viventis.

Dignis tantum Beneficia esse conferenda.

Cap. VI.

Qui Sacerdotia Ecclesiastica pleno (ut ajunt) jure, potestatem conferendi habent, alium, factæ a se manuum impositionis, discusso non expectant. Præcipua ergo illis habenda cura est, idque maxime in præficiendis Parochis,

ne Apostolici præcepti prævaricatores ac rei fiant. Quis enim non intelligit, quam gravi culpa se obstringit is, qui in causa est, ut cæcus (p) cæco ducatum præstet? nimirum ambobus in foveam delabentibus. Despiciunt (inquit Malachias Propheta) nomen Domini, (q) qui cæcum, qui claudum, qui languidum animal, ad immolandum offerunt, & propterea graviter a Domino increpantur: Quis vero cæcum animal offert, (r) nisi qui indoctum in docti locum ordinat: Magistrum facit, qui vix discipulus esse poterat? claudum vero, qui lucra terrena quærentem, locat in dignitate, veluti pedem in diversa ponentem? cui potest inferri illud: *Ulsquequo (s) claudicatis in duas partes?* Languidum denique, qui vitiosum pro religioso habet, quique tardum & pigrum probat patientem.

Idoneos tantum in Prælatos eligendos esse.

Cap. VII.

Sacris Canonibus saluberrime constitutum est, (t) ut omnes Cathedrales Ecclesiæ, Collegia, & Conventus ad dignitates vacantes, ex sua congregatione idoneos eligant Prælatos: atque eos demum sacris administrationibus dignos esse existiment, quorum omnis ætas per disciplinas Ecclesiasticas cucurrisset. Jam ut primitivæ Ecclesiæ censura mitigationem recipiat discretionis, is saltem aliorum curæ præficiatur, cujus comparatione, grex cæteri merito dicantur. Quomodo enim fieri potest, ut non vilissimus reputetur, qui est honore præstantior, nisi quoque scientia & sanctitate præcellat? atque utinam hic pensitetur, & nautis & navigio deferendis eandem imminere periclitandi necessitatem.

In eligendo, ætas, mores, literatura, & sacer ordo spectanda.

Cap. VIII.

Quapropter Electores solliciti sint, ut talem præficiant, qui officio credendo satisfacere possit: virum ætatis legitimæ, moribus gravem, scientia præditum, atque in sacris Ordinibus constitutum, scientes ipsis in re tam gravi, vel

H h 3

dolo,

(n) Matt. 21.

(o) Ex Conc. Lateran.

(q) Malach. 1.

(r) Hieron. in Malach.

(s) Ex Conc. gener. C. Ne pro defectu. De electione.

(p) Matth. 15.

(t) 3. Reg. 18.

dolo, vel negligenter agentibus, non minorem, quam malis illis Pastoribus ac Prælatiis (quos ipsi præfecerunt) in districto Dei iudicio imminere poenam. Neque enim impune peccatur in Spiritum Sanctum, qui in omni electione ut author invocatur. Neque inultum permittere Deus, si quis iurejurando, quod sub electionem præstatur, frustra nomen Domini (u) usurpaverit. Ut omittamus poenas Canonicas, quæ perperam eligentes manent.

Electionem synccram esse oportere.

Cap. IX.

Abstineat ergo omnis Simoniacæ pravitas, omnis personarum respectus. Cessent potentiorum preces, quæ minis æquiparantur, omnisque impressio. Cesset ambitio, ac dominandi libido. Adhæc, procul absint omnes illicitæ obligationes, quæ sub electionem, aut paulo post ab eligendo vel electo, haud præter simoniacæ labem extorquentur. Et procedat de vultu Dei opus ipsius, ut scilicet, qui præstantior est omnibus, qui doctior, qui sanctior, qui in omni virtute eminentior, hic eligatur.

In confirmatione Electionis, quæ expendenda.

Cap. X.

Electio facta, Nos, & cæteri qui confirmationis munus impendimus, officio nostro, Deo volente, non deerimus, discutere scilicet diligenter, & formam electionis, & electi merita, priusquam nostras imponamus manus.

Per Patronos idoneos præsentari oportere.

Cap. XI.

Patroni tum Ecclesiastici, tum laici (quos hac de re diligenter admoneri curabimus) videbunt, ut idoneos (quemadmodum ante diximus) Archidiaconis præsentent. Compertum siquidem habemus, quod hic supra modum peccetur. Sunt enim, qui tantum filios, aut consanguineos, seu aliter ipsis addictos citra ullum delectum, aut discrimen scientiæ, morum ac ætatis, beneficiis Ecclesiasticis admovent. Sunt, qui admo-

tis nomen tantum relinquunt, (x) censum autem arque Ecclesiasticos redditus, sibi ausu quodam sacrilego (nihil minus quam de Ecclesiastico ministerio cogitantes) usurpant. Quæ omnia cum Sanctorum Patrum Sanctionibus damnantur, multorumque malorum in Ecclesia Dei causa sint, posthac non committi, sed sublata penitus esse, suamque vim Canonici regulis constare ex animo cupimus.

Quid incumbat Archi-Diaconis.

Cap. XII.

Archidiaconi nostri, [y] ad quorum curam inter alia pertinet, ut nostro nomine Parochias ordinent, ac ministros Ecclesiæ ipsis præsentatos ac oblatos inquirent: scient sui muneris esse, negligendam Patronorum supplere. Cum enim oculi nostri sint, dispicient, ne quis alioqui indignus, sub alicujus præsentationis prætextu irrepat, ac admittatur. Nec contenti, quod post edicta ter publicata, nusquam compareat, qui præsentationem oppugnet; eorum etiam, qui ipsis præsentantur, & ad instituendum offeruntur, vitam, mores, & eruditionem accurate pervestigabunt: ac nisi comperti illi fuerint, muneri, cui præfici postulantur, pares; fore nefas putabunt, stulte perentibus assentiri. Neque existimabunt id temporis, quod huic examini impendunt, perdi: cum nequaquam possit collocari melius; maxime quod officium eorum, hoc ipsum ut fiat, magnopere requiratur.

Aliquot abusus Officialium inter visitandum corrigendi.

Cap. XIII.

Et quoniam ad Nos quorundam querela perlatum est, nonnullos Officialia Archidiaconorum nostrorum, investituræ nomine plus æquo interdum petere: quosdam etiam institutionem ipsam petentibus, vel temere negare, vel saltem in longum differre tempus, quamlibet legitima sit præsentatio, & idoneus is, qui præsentatus est. Curæ itaque nobis erit, inter visitandum, de his diligenter inquirere, & quæ vitiosa compententur, Archiepiscopali auctoritate, com-

(u) Deut. 5.

(x) Alexand. III. C. Ex freq. De instit.

(y) C. Ad hæc. De offic. Archidiacon. C. finali De elect. in 6.

communicato tamen cum Archidiaconis nostris (ut par est) consilio, quoad ejus fieri poterit, corrigere.

Omnes, qui de Beneficiis disponunt, sui officii admonendi.

Cap. XIV.

Referre etiam non parum existimamus, omnes, qui de Sacerdotis seu beneficii Ecclesiasticis quamcunque disponendi potestatem habent, speciatim ac diligenter admoneri, ut hiis Synodaticis Canonibus per omnia obtemperent, nisi in eo ipso, in quo deliquerint, puniri velint.

Moderatio Patronos laicos respiciens.

Cap. XV.

Attamen quod ad Patronos laicos attinet, hanc censuram eatenus moderamur, ut si Archidiaconi nostri præsentratos ab eis, qui inidonei sint, instituire recusent, liceat ipsis, inutilium loco, alios iterum, intra tempus legitimum præsentrare, modo tamen dolus absit.

De officio Vicariorum in Pontificalibus.

Cap. XVI.

Posteaquam de illorum officio diximus, qui Sacerdotis seu beneficii Rectores admovent Ecclesiasticis ordinibus initiandos: restat, ut de Vicariis nostris in Pontificalibus, qui huic muneri (in partem sollicitudinis nostræ vocati) potissimum delegati sunt, paucis dicamus. Nobis quidem, uti cæteris omnibus Pontificibus, in Aaronis persona locutus est Deus: *Homo (z) per familias, qui habuerit maculam, non offeret panes Deo suo, nec accedet ad ministerium ejus. Si cæcus fuerit, si claudus, si vel parvo, vel grandi, vel torto naso, si fracto pede, si manu: si gibbus, si lippus, si albuginem habens in oculo, si jugem scabiem in corpore, vel herniosus. Omnis enim qui habuerit maculam, non accedat offerre hostias Domino, nec panes Deo suo.* Quid per allegoriam sermo Divinus significare voluerit, maximus ille cœlestium rerum peruestigator Paulus in Epistolis, quas Timotheo ac Tito, ambobus nascentis Ecclesiæ Episcopis, inscripsit, gravissime explicavit. Cum enim mandasset, ut per civitates Presbyteri constituerentur,

statim subjecit, quales substitui vellet, & oporteret. *Oportet (a) constituendum sine crimine esse, sicut Dei dispensatorem, non superbum, non iracundum, non vinolentum, non percussorem, non turpis lucri cupidum: sed hospitalem, benignum, prudentem, sobrium, justum, sanctum, continentem, amplectentem eum, qui secundum doctrinam est, fidelem sermonem, ut potens sit exhortari in doctrina sana, & eos, qui contradicunt, arguere. Diaconos (b) similiter pudicos, non bilingues, non multo vino deditos, non turpe lucrum sectantes, habentes mysterium fidei in conscientia pura. Et ut iterum nos officii nostri commonesceret, subjecit: Et hi probentur primum, & sic ministrent, nullum crimen habentes.*

Quid Episcopis potissimum curandum sit.

Cap. XVII.

Incumbit itaque nobis, ut probeamus primum eos, qui ordinibus, maxime sacris, initiari desiderant. Curæ ergo erit Vicariis nostris in Pontificalibus, manus impositionem auspicaturis, ne hic quid desit, neve ordines sacros aliter, quam secundum regulam Evangelicam impartiantur. Ut adjutores in hoc examinationis munere habeant, non repugnamus: modo primæ sollicitudinis partes apud eos sint, nec quæ ipsis ante omnia agenda erant, in alios penitus relegent, interim ipsi de omnibus incerti. Per hæc tamen Suffraganeis nostris nihil præjudicantes, quo minus ipsi, quemadmodum videbitur opportunum, de hujusmodi examine faciendo, dispiciant. Ut vero summam multa complectamur, dispicient de ordinandorum, ætate, vita, scientia, & affectu.

De ætate Ordinandorum.

Cap. XVIII.

Olim Diaconus ante XXV., Presbyter vero ante XXX. ætatis annos non ordinabantur. (c) In Viennensi vero Concilio sub Clemente quinto, (d) Ordines Sacri minori etiam ætati concessi sunt, nempe Subdiaconatus XVIII. Diaconatus XX. Presbyteratus denique XXV. ætatis annum nato. Num ad antiquos Canones regredi referat, futurum Con-

(z) Levit. 21.

(c) Ex Conc. Arelat. III.

(a) Tit. 1.

(d) Ex Vienn. Conc. Clem. Generalem De æta. & qual.

(b) 1. Tim. 3.

Concilium dispiciet. Nos interim admonemus, Viennense Concilium, tum ex aliis Canonibus, tum ex se ipso interpretandum. Nimirum, ut ætas quidem illa sufficiat, modo tamen cætera quoque, quæ Canones plus, quam ætatem respiciunt, haud desint: nempe literarum scientia, & morum gravitas.

Testimonium vitæ ac doctrinæ, per initiandos Sacris exhibendum.

Cap. XIX.

De doctrina, vita, ac moribus Suffraganeus noster testimonium præceptorum, qui ipsos in litteris instituerunt, docueruntque, eorum quoque, apud quos sacris initiandus potiorum vitæ partem transegit, ac diversatus est, exigere non omittet, ne manifeste criminosi irrepant: Idque ad certam formulam, quam delineari curabimus. Dum enim priscam Ecclesiam respicimus, summo desiderio tangimur, priscos illos sanctissimos mores, non tantum verbis, sed & re ipsa in Ecclesiam, quod in nobis est, reducendi. Illa certe veruit, [e] ne Episcopus sine testimonio Clericorum & plebis, Clericos ullos instituat. Hinc illæ interrogationes solennes, præambulæ: Sunt iusti? sunt casti? atque aliæ similes. [f] Neque frustra scriptum legimus, quod quanquam Dominus de constituendo Josue Principe, præcepisset, eundemque elegeret, nihilo secius tamen convocari Synagogam voluisse.

De eruditione Ordinandorum inquirendum.

Cap. XX.

De eruditione quoque & scientia disquiret, ne statim a stiva ad Ecclesiastica munia, confugiat. Per Prophetam Dominus dixit: *Quoniam tu scientiam repulisti, (g) & ego repellam te, ne Sacerdotio fungaris mihi.* Substantia siquidem Sacerdotii, sunt eloquia divinitus tradita, ut Dionysius ille magnus apposite dixit. Quæ vero in Parochis, quæ in cæteris eruditio requirenda sit, post dicemus.

Videndum, quo affectu ad Ordines accedatur.

Cap. XXI.

Quo denique affectu & proposito accedant ordinandi, videndum, accurateque investigandum est; Num videlicet Dei causa tantum, an potius suæ commoditatis gratia ad Ordines capeffendos aspirent: *Quærentes, (h) quæ sua sunt, non quæ Jesu Christi.* Quid enim est sua quærere & non quæ Christi sunt, nisi cum tales non gratis Deum diligunt, non DEUM propter DEUM quærunt, temporalia commoda sequentes, lucris inhiantes, & honores ab hominibus expectantes. (i) Quisquis ergo talis est, non DEI Filius, nec ovili Christi idoneus Pastor futurus, sed mercenarius est. Ubique Deus hominis intentionem & mentem spectat, quam Christum in Evangelio (k) lucernam corporis, atque oculum vocat. Qui si simplex fuerit, totum corpus lucidum erit: sin autem fuerit nequam, totum corpus tenebrosum erit. Quare si lumen (quod in initiando est) tenebræ sint, ipsæ tenebræ quantæ erunt?

Quanto temporis spatio, ante majorum Ordinum receptionem, initiandi se præsentare debeant. Item, & quid initiandi tum secum allaturi sint.

Cap. XXII.

Ut autem hic animus Vicariis nostris in Pontificalibus eo explorator sit, neque enim qualicumque assertioni statim tuto creditur; operæ pretium existimamus, ut qui ad sacros [quos vocamus majores] Ordines capeffendos aspirant, quatuor temporibus, ut vocant, quæ tempus impertitionis ejusmodi Ordinum proxime præcedunt, Vicariis nostris in Pontificalibus se se repræsentent; qui eos (quemadmodum diximus) rogabunt, quid eos huc permoveat, an expenderint, quid in hac vocatione præstare oporteat, an huic vocationi se sentiant posse respondere: & an sperent, se adjutore Deo continere posse ac velle. Item, an affectu carnis huc ducantur, ut videlicet in otio, & suaviter vivant, opesve & honores parent. Admoneantur

(e) Conc. Carthag. III.

(b) Philip. 2.

(f) Hieron. in Levit.

(i) Aug. 8. q. 1. C. Sunt in Ecclesia.

(g) Ose. 4.

(k) Marth. 6.

tur quoque, ut seipſos bene explorent, excutiantque, ne cum ad capiendos Ordines reverſi fuerint, Spiritum Sanctum fraudent.

Eo ipſo etiam tempore, ordinandi testimonium vitæ ac converſationis ſecum adferent, ut Vicarii noſtri in Pontificalibus cum ex reſponſione, tum vitæ præcedente colligere poſſint, an admittendi videantur: & num referat, diligentius de vitæ testimonio, ante appetens ordinationis tempus inquirere.

Quale Testimonium adferendum.

Cap. XXIII.

Qui civitatem, aut oppidum, Senatus: qui vero pagum aut vicum incolit, iudicii ejus loci litteras ſigillatas, quæ gratis dantur, ſecum feret. Quæ ne cuiſpiam vel per invidentiam, vel alium minus ſyncerum affectum denegentur, prohibemus. Alioqui adferens documentum factæ requiſitionis, & denegati testimonii, nec tamen incuſatus criminis vel defectus, ac idoneus per Vicarios noſtros in Pontificalibus repertus, nihilo ſecius admitte-
tur. Qui vero non in oppidis aut pagis, in quibus titulum naſti, ac miniſtraturi ſunt, ſed in longinqua regione moram traxerunt, hi Canonici ſatisfaciant inſtitutis.

Die Mercurii proxima ante ſuſceptionem Ordinum, examinandi, qui initiuntur Sacris.

Cap. XXIV.

Et ut hæc omnia eo accuratius obſerventur, viſum nobis eſt, ut ordinandi maxime ad Sacerdotii gradum (quod die Sabbatino ex more Eccleſiaſtico fieri ſolet) die Mercurii proxime præcedente ad noſtras civitates, ubi Vicarii noſtri in Pontificalibus Ordines ipſos ſacros impartient, ſe ſe conferant: quo duobus dehinc ſequentibus diebus, videlicet Jovis & Veneris, quos ejusmodi diſquiſitioni peragenda deputamus, Vicariis noſtris, ipſisque noſtra authoritate in eo munere adjungendis Theologis, ſe re præſentent, examinationique eorum ſubmittant.

(1) Hieron. ad Nepot.

Tomus VI. Concilior. German.

Neminem ab examinatione immunum eſſe oportere.

Cap. XXV.

A qua quidem neminem excipimus, eſſi magiſterii titulum prætexat, niſi quem publicum ſit, & vitam integram egiſſe, & ea, quæ ordo impetendus requirit, facile callere. Quamobrem non ſolum Clerici, qui ſeculares appellantur, ſed & religioſi, cujuſlibet etiam profeſſionis fuerint, hanc cenſuram experientur.

Cujus admonendi ſunt pridie Ordinationis, initiandi Sacris.

Cap. XXVI.

Pridie Ordinationis, admonebit Vicarius noſter in Pontificalibus omnes iterum, quo ſe quiſque diſcutiat, ne officio ſe alliget, cui non poſſit ſatisfacere. Neve mentiatur Spiritui Sancto, aut impœnitenti corde accurrat; ſed ore confeſſus, ac ſpiritu contritus, humiliatusque, poſt perceptam Sacroſanctam Euchariftiam, Deo totus deditus accedat.

In minoribus Ordinibus conferendis, quæ cura adhibenda.

Cap. XXVII.

Quamquam qui minores vocantur ordines, tam exactam curam non requirant, ſuo tamen modo, pro gradu & excellentia ordinis, omnium eorum, quæ diximus, ratio adhibenda eſt. Quid enim indecorum magis, quam admove-
ri infantes, qui non intelligant, quid agatur, imo ne capiant quidem, quid Clerici nomen, & reliqua minorum Ordinum vocabula ſignificent? Quid turpius, quam quod penitus Analphabeti, ac interdum flagitioſi (qui ut legum civilium cenſuras ac pœnas eludant, ſe ſe impudentiſſime ingerunt) in maximam Eccleſiaſtici nominis ignominiam, ſacris initiuntur? Qua de re nemo poſthac ordinibus hiſce inſigniendus eſt, niſi quem & vita commendat, & literaturæ, ætatisque ſit, pro ratione ſuſcipiendi Ordinis, ſufficientis, ac rectæ ſynceræque voluntatis. (1) Qui enim in Clerum alleguntur, rem proſitentur minime ridiculam, nempe ſe peculiariter in ſortem Domi-

Domini ascitos, quibus posthac omnia terrena fordeant, ac solus Dominus fors ac pars hæreditatis futurus sit. Cujus quoque, priusquam ordinentur, diligenter admoneri debent.

Ab initiandis nihil exigendum.

Cap. XXVIII.

Ut autem Ecclesiastici Ordines, summa sinceritate, omni quæstus suspicione, omnisque mali specie quam longissime submota, conferantur: nolumus, ut ab initiatis quicquam, vel sigilli nomine, a Vicariis nostris in Pontificalibus exigatur; sed tantum scribis earum litterarum (quæ formatæ appellantur) unus albus solvatur. Nam eos sumptus, quos antehac Vicarius noster in Dicecesi Colonienfi Choralium causa facere consuevit, non deinceps pendemus. Non dubitamus interim, Suffraganeos nostros Vicariis suis in Pontificalibus ita provisuros, ne quis justam querendi causam inveniat.

Litteræ dimissoriæ nulli temere concedendæ.

Cap. XXIX.

Prohibemus quoque, ne Officiales nostri litteras dimissorias, quæ vulgo licentiatoria ordinandi vocantur, alicui temere concedant. Illorum enim prætextu, qui suæ nuditatis, & inscitæ sibi conficii sunt, nostrorum Vicariorum in Pontificalibus disquisitionem subterfugiant, ac alio demigrant, ubi nullus Canonice traditionis respectus habetur.

Tituli Ordinandorum diligenter discutendi.

Cap. XXX.

Tituli quoque Ordinandorum discutiantur. Plerique enim inventi sunt, qui fictis, & emendicatis titulis, ad Sacerdotii dignitatem evecti, eandem turpiter prostituere postea coacti sunt, vendibiles, quandocunque dolosi spes resulserit nummi. (m) Quorum numerum, quod nihil fere aliud, quam numerus sint, imminui, plurimum referret. Inter hos siquidem est, qui in plateis mendicat infelix Clericus, & servili operi mancipa-

tus, publicam deposcit eleemosynam: Qui eo magis a cunctis despicitur, quod miser ac desolatus, iuste putatur ad hanc ignominiam devenisse. Inter hos est, qui in divitum ac nobilium domibus scurram, aut mimum, aut morionem agit, quem ab officio retrahendum, Carthaginense Concilium decernit.

Peregrini Clerici quomodo admittendi.

Cap. XXXI.

Peregrini Clerici (n) Romæ, aut alibi ordinati, priusquam de ordinatione sua rite adepta, deque vita, moribus, eruditione, ac titulo fidem fecerint, ac commendaticias suorum Episcoporum, suæque Ordinationis litteras exhibuerint, repellantur. Quanta enim per hos (qui evagandi licentia abutuntur) scandala, animarumque pericula, & in Clero, & in populo frequenter eveniant, nemo est, qui non videat.

Odiosa Beneficiorum pluralitas in una, eademque persona.

Cap. XXXII.

Odiosa semper apud veteres fuit plurium Sacerdotiorum ambitiosa cupiditas, neque semel generalibus Conciliis damnata. In Chalcedonenfi enim inter alia cautum est, Clericum in duabus Ecclesiis conscribi non oportere; quod difficile videatur, ut unus vicem duorum sustineat: & absurdum, si promiscuis actibus rerum turbentur officia. (o) Id vero inprimis noxiū est, ubi plures Parochiæ, seu dignitates, uni Presbytero committuntur, quod solus per omnes Ecclesias, nec officium persolvere, nec rebus earum necessariam curam impendere valeat. Quare tam eos, qui de Sacerdotiis ejuscemodi disponendi potestatem habent, quam qui ea, cæca cupiditate ducti, ambiunt, commonitos volumus, ut suos affectus Canonicis institutis submittant. Qui vero dispensatione Apostolica adversus hæc se tueri velint, hi viderint, ut causam dispensationis obtentæ, Deo comprobent. Neque enim sublimes, arque admodum litteratas personas suo privilegio nudamus, modo illo recte & secundum Deum utantur.

Dispen-

(m) Hieron. ad Rust. C. Diac. 93. Dist.

(o) Ex Tolet. C. Unio. 10. q. 3.

(n) Ex Agath. C. 25. de Cler. peregr. toto Tit.

*Dispensationes inspiciendæ, ut occurratur
abusibus.*

Cap. XXXIII.

Quam impudenter plerique diplomatis ac dispensationibus apud Sedem Apostolicam extortis, præter Summi Pontificis mentem (qui & vult & debet potestate sibi concessa (p) non ad destructionem, sed ad ædificationem uti) abutantur, nullus est, qui ignoret. Non prohibeo, (inquit quidam vir pius (q)) dispensare, sed dissipare, dispensatio quidem credita est: sed (r) *hic jam queritur inter dispensatores, ut fidelis quis inveniat.* Quamquam apud illos maxima culpæ pars retideat, qui vel nulla, vel minus legitima, vel etiam ficta causa, supplicatoriis precibus inserta, dispensationis rectorum tandem eliciunt; quos apud Deum, (s) qui renes & corda scrutatur, omnemque hypocrisis ac fraudem execratur, securus quis dixerit? Nemo sibi (ait idem ille, (t) quem jam citavimus) de dispensatione Apostolica blandiatur, cujus conscientiam Divina sententia tener alligatam. Sed quia pauci sunt, in quorum conspectu est Deus, plerique vero, qui sacra autoritate pro sua libidine passim abutantur, fit, ut Lugdunensis Concilii (u) sub Gregorio decimo celebrati, non insalubre Decretum adversus insolentiam ejuscemodi hominum in utrum revocare cogamur. Quo subnixi, cunctis, qui talibus diplomatis sibi blandiuntur, necessitatem imponemus; litteras suas nobis exhibendi, visuris, num rite impetraverint, ac recte impetratis utantur. Et ut quam maxime robustæ sint dispensationes istæ, curabimus tamen, ut menti Canonis, ac Summi Pontificis satisfiat: videlicet, ne animarum cura in his Ecclesiis, Personatibus, seu dignitatibus, quas sub hoc prætextu occupant, negligatur; nec Beneficia ipsa debitis obsequiis defraudentur.

In resignationibus ac permutationibus Beneficiorum, quæ cura adhibenda.

Cap. XXXIV.

Postremo, cum Nobis haud clam fit; in resignationibus, permutationibusque Beneficiorum multa ancipitia

perjuria committi ab his; qui frequenter, subito, ac non præmeditati, aut ipsi, aut per suos Procuratores (id quod ejusdem reatus ac culpæ est) jurejurando, ante manus impositionem testantur, in hujusmodi resignationibus, seu permutationibus nullam Simonix labem, aut aliam illicitam intervenisse corruptelam, cum res crebro longe secus habeat, per quod illi gravem in se Dei iram procul dubio provocant. Majori ergo cura diligentiorique, quam antehac fieri consuevit, per investigatione prævia, hæc juramenta recipi convenit.

*Præstat paucos esse bonos, quam multos
inutiles Sacerdotes.*

Cap. XXXV.

Et ut cum Divo Clemente hoc caput concludamus; melius est Episcopo, paucos habere Sacerdotes, ac Ecclesiæ Ministros, qui possint digne opus Dei exercere, quam multos inutiles, qui onus grave Ordinatori adducant.

De visitatione ultimo loco dicendum.

Cap. XXXVI.

De visitatione (quæ est altera muneris nostri Episcopalis pars) hic dicendi locus non fuerit importunus. Expedientius tamen erit, hanc partem in ultimam harum Synodaliū Institutionum classē rejicere, quod illic tractetur commodius, majorique cum fructu, nimirum traditis, jam atque expositis regulis, ad quas oporteat, veluti ad amissim quandam, visitationem redigere, ordiri, atque peragere.

PARS SECUNDA.

De officio privato ac publico, vitæque ac moribus Clericorum generatim.

Caput I.

Qui exacte volet cognoscere Clericorum officium & vitam, is Divum Hieronymum ad Neporianum, ac cæteros Patres, non minus eruditione, quam vitæ sanctimonia claros, qui de hac re ex professo iustis voluminibus

[p] 2. Cor. 10.

[s] Psal. 7.

[q] Bern. ad Eugen.

[t] Bern. ad Rup. cog.

[r] 1. Cor. 4.

[u] C. Ord. De offic. Ord. lib. 6

nibus scripserunt, perlegat. Sat nobis in præfentiarum erit, carptim quædam deliberare, ex quibus Clerici nostri summatim deprehendant, quam longe lateque a recta semita declinarint; subindeque errores ipsi tam periculose digressionis commoniti, pedem in viam mandatorum Domini referant: quod ab illis piensissimus simul ac iustissimus Deus, cum verbo hætenus adhortans, parum profecerit, innumeris plagis iustissime immissis commonens, manifesto requirit.

Unde Clerici appellatio derivata.

Cap. II.

Neminem fugit, unde Clerici appellatio derivata sit: nempe a Cleros, quod sortem sonat. Propterea etiam (si Divo Hieronymo credimus) Clerici dicuntur, quia de sorte Domini sunt, vel quia ipse Dominus sors, id est, pars eorum est. Quia ergo vel ipsi pars Domini sunt, vel Dominum partem habent, tales se exhibere debent, ut & ipsi possideant Dominum, & possideantur a Domino; quo cum Propheta confidenter dicant: (x) *Dominus pars hereditatis meæ*; non quidem, quia a sorte Domini laicos secludamus, (omnes enim, qui Christo per Baptismum & fidem concorporati sumus, populus acquisitionis ejus sumus, de quo Propheta dixit: (y) *Pars autem Domini populus ejus*; Jacob fuitculus hereditatis ejus.) sed quod Clerici peculiari quadam ratione ministerio Dei & Ecclesiæ dedicati sint. Omnis quidem multitudo Sanctorum erat; attramen Dominus Tribum Leviticam suo ministerio peculiariter delegit, (z) quam in terra Israel propter primitias, decimas, partesque immolatorum, ac reliqua, quæ ipsis peculiariter lex dedicavit, nihil proprium possidere, nec habere partem inter fratres voluit. Dominus etiam ipse est hereditas ejus, quam in hoc elegit ex omnibus Tribubus, ut staret & ministeret nomini ejus. Habet Evangelium suam Magdalenam, habet & Martham: & secrevit quosdam Christus, quos dedit Apostolos, (a) quosdam autem Prophetas, alios vero Evangelis-

tas, alios autem Pastores & Doctores, ad consummationem Sanctorum in opus ministerii, in ædificationem Corporis Christi. Breviter, a condito orbe, & ab Ecclesiæ, quæ in Adam cepit, crepundiis, semper videntur ex hominibus assumpti quidam constituti (b) pro hominibus, in his, quæ sunt ad Deum. Semperque visum est genus humanum (c) a duobus Ministris Dei optime regi, quæ sunt Sacerdotalis auctoritas, & regia potestas. Quibus, quamdiu inter se convenit, bene actum est de publica Dei: quum secus, omnia in diversum repente mutata sunt. Ponit ob oculos sermo Divinus pleraque exempla huc spectantia, perpetuo memorabilia. Sed quid attinet antiqua repetere, quum nostri temporis exempla non minus insignia, non in aures tantum, sed in oculos ipsos influant, quæ nimis abunde docent, quantum malorum in Ecclesiam Dei invexerit, sacra profanis miscuisse?

Clericum suo officio intentum esse oportere.

Cap. III.

Omnis mali seminarium (d) cupiditas semper fuit. Nam dum nemo suum peragit officium, alienis semper intentus: nempe Clericus, quæ laici, laicus, quæ Clerici sunt (ut deteriora si leamus) usurpat: fit, ut Ecclesiæ harmonia diutius constare non possit. Obtestatur Paulus Apostolus Timotheum, quin potius contestatur simul omnes, quotquot erant Timotheo successuri: Tu (inquiens) vigila, (e) in omnibus labora, opus fac Evangelistæ, ministerium tuum imple.

Duplex Clericorum Ministerium.

Cap. IV.

Clericis, & inprimis Ecclesiæ Presbyteris, duplex ministerium, Divinis & humanis legibus est injectum. Alterum, ut in commissum sibi populum Deum propitium habere, cunctis rationibus enitatur: quod non tantum sacrificii solennibus efficitur, sed etiam precibus, quæ a pio corde proficiuntur, teste Jacobo, qui nos ad precandum cohortans: Orate (inquit) pro invicem, (f)

(x) Psal. 15.

(a) Ephes. 4.

(d) 1. Tim. 6.

(y) Deut. 32.

(b) Hebr. 5.

(e) 2. Tim. 4.

(z) Num. 18. Deut. 18.

(c) Gelas. Pontif. ad Anast.

(f) ut salvemini: Multum enim valet deprecatio iusti assilua. Omnibus quidem dictum est: (g) Petite & accipietis. His vero, ut semper petant, nec prosemet-ipsis tantum, sed & pro tota Ecclesia Dei, ut vincat populus, qui sub ipsis est, hostes illos invisibiles, impugnantes eos, qui volunt pie vivere in Christo, ut stent sicut Moyses, levatis semper interioribus animi manibus in cœlum, in contrafectione, in conspectu Domini, ad avertendum iram ejus, ne disperdat populum suum assidue precantem: deinde ut offerant dona, ac sacrificia pro peccatis, quemadmodum scriptum est: (b) Quoniam Sancti erunt Deo suo, & non polluent nomen ejus. Incensum enim Domini, & panes Dei sui offerent, & ideo sancti erunt. Alterum, ut sint religionis magistri, proindeque ut in lege Domini meditentur die ac nocte, (i) ut Judicia Domini vera, justificata in semetipsa, desiderabilia super aurum & lapidem pretiosum multum; dulciora super mel & favum, totis præcordiis amplectantur, exquirant, scrutenturque. Idque non propria præsumptione, aut humano sensu, sed Spiritu Sancto dictante, qui abscondit(k), hæc a sapientibus & prudentibus in oculis suis, & revelat ea parvulis. Unde scriptum est: (l) La-bia Sacerdotis custodient scientiam, & legem exquirent ex ore ejus, quia Angelus Domini exercituum est. Qui in hoc secundo munere præstant, gregi Christi pascendo admoventi sunt: de quibus suo loco dicemus.

Biblia a Clericorum manibus nunquam deponenda.

Cap. V.

Hic satis est admonuisse omnes, prae-riter Ecclesiasticis muniis consecratos, ipsos precibus supplicationibusque publicis Deo persolvendis mancipari. Quas ut non tantum ore murmurent, sed & eorde persolvant, nunquam a manibus eorum liber legis (hoc est, Biblia) deponatur. Nam ut quæ legunt & canunt, discant intelligere, tota vita vix suffecerit: si tamen quid est in literis sacris, quod totum humanus in-

tellektus assequi possit, aliis subinde divitiarum fonticulis ex eodem fonte semper scaturientibus.

De brevium precibus indies perlegendis, & reformandis Breviariis.

Cap. VI.

Veteris ergo instituti, quo sanctum est, ut Clerici sacris initiati, vel Sacerdotiis præfidentes, singulis diebus perlegant horarias preces, quas Canonicas appellamus, causæ multæ, & potissimum eæ, quas jam commemoravimus, videri solent. Hic multo jam ex tempore, pio (ut ipse est) animo desideravimus repurgari Breviaria. Nam cum olim a Sanctissimis Patribus (m) institutum sit, ut solæ Scripturæ sacræ in Ecclesia recitarentur, nescimus, qua incuria acciderit, ut in earum locum successerint alia, cum his neutiquam comparanda. Atque interim historiæ Sanctorum tam inculæ, ac tam negligenti judicio conscriptæ, ut nec auctoritatem habere videantur, nec gravitatem. Deo itaque Authore, deque consilio Capituli nostri, ac Theologorum, aliorumque piorum virorum, reformationem Breviariorum meditabimur.

Pro cujuslibet affectu, non facile novandum, quod in Ecclesiastico officio agit.

Cap. VII.

Sunt in Clero (n) Zelum quidem Dei habentes, sed non secundum scientiam, qui privatis quibusdam affectibus ducti, vel testamento, vel (ut vocant) foundationibus efficiunt, ut nova Festa, præter Ecclesiæ auctoritatem, solenniter subinde celebrentur. Quo interim fit, ut preces horariæ, ac reliqua publice recepta, pro affectu cujuslibet facile noventur, id quod nobis non satis probatur. Neque enim errarunt Patres, a quorum institutis in dicendis precibus, utinam tam longe discessum non fuisset. Quod si hic singulorum affectibus indulgebatur, tandem antiquus ritus penitus evanescet.

I i 3

Quo

(f) Jac. 5.

(g) Matt. 7.

(i) Psal. 18.

(k) Matt. 11.

(m) In Conc. Afric.

(n) Rom. 10.

(b) Levit. 21.

(l) Malach. 2.

Quo affectu horariis preces persolvere oporteat.

Cap. VIII.

Non suffecerit autem preces istas horarias, utcumque permurmurasse, sed ut conciliari Constitutione (a) cautum est, Presbyter ex intimo affectu, elevataque mente in solum Deum, nocturnum hoc, diurnumque suæ servitutis pensum exsolvat. Maledictus (p) enim, qui facit opus Domini negligenter. Alioqui in precantes competer: [q] Populus hic labiis me honorat, cor autem eorum longe est a me. Quam maxime vero orationem cavere oportebit, ne alio respiciat, quam ad Deum. Quod si eternæ gloriæ aucupandæ, aut lucri gratia, denique potius ex more, quam mente orare instituat; pars ejus inter hypocritas reputabitur, de quibus Dominus in Evangelio pronuntiavit, (r) quod ament in Synagogis & in angulis platearum stantes orare, ut videantur ab hominibus, proindeque mercedem suam receperint. Et alibi ipsis interminans: [s] *Va* (inquit) vobis Scribæ & Pharisei hypocritæ, qui comeditis domos viduarum, orationes longas orantes: propter hoc amplius accipietis judicium. Alibi quidem Dominus ait, (t) Oportere semper orare, ac nunquam deficere, sed alia prorsus ratione, quam precabantur Pharisei: nempe secundum Divi Pauli sententiam, qui Divini Numinis clementiam sibi conciliare voler orando, oculis interioribus in Cœlum semper intentus, (u) orabit spiritu, orabit pariter & mente, psallet spiritu, psallet & mente: quemadmodum de Anna Samuelis matre legimus, quæ multiplicans preces, coram Domino (x) loquebatur in corde suo, tantumque labia illius movebantur, & vox penitus non audiebatur. Effudit enim animam suam in conspectu Domini. Denique curandum est, ut pœnitenti animo ac corde contrito, humiliatoque, gratiæ Deo dicantur, ac psallatur. Ut enim Divinus Psalter ait: (y) *Peccatori dixit Deus, quare tu enarras justitias meas? & cæ, quæ sequuntur.*

[a] Ex Conc. Agath. Cum Presbyter & C. Dolentes, De celebr. Miss.

[p] Hierem. 48.

[q] Matt. 23.

[x] 1. Reg. 1.

[a] Matt. 7.

[q] Esaiæ 29.

[t] Luc. 18.

[y] Psal. 49.

[r] Matt. 6.

[u] 1. Cor. 14.

[z] 1. Cor. 11.

Utque oculi inter orandum ab omni vanitate avertantur.

Summa devotione Missæ sacrum celebrari oportere.

Cap. IX.

Jam si tanto mentis ardore quælibet preces dicendæ sunt, quanta, putamus, devotione Sacrosanctum Missæ Ministerium, in quo Corporis & Sanguinis Domini Sacramenta tractantur, conficiunturque, peragendum est? Certe graviter dolemus, atque animo inhorrescimus, ubi videmus passim, tantis mysteriis indignos, ac conductitios illos, ac indignos Sacerdotes, publicis etiam ac manifestis criminibus contaminatos, sese (idque irreverenter & interdum magis lucelli ac stipis, quam Dei causa) Sacris ingerere, quorum instar incertus, & perditio non dormitat. *Probet* (inquit Paulus) (z) *se ipsum homo, & sic de pane illo edat, & de calice bibat. Qui enim manducat & bibit indigne, judicium sibi manducat & bibit, non judicans Corpus Domini. Atque ideo (ut subdit) inter vos multi infirmi & imbecilles, & dormiunt multi. Nam si nos ipsos judicavimus, non utique judicavimus.*

Arguantur, qui polluta mente altare Domini accedunt.

Cap. X.

Terret, nec immerito, nos sermo Dominicus, qui verat, (a) nos Sanctum dare canibus, & margaritas nostras projicere ante porcos, quum quosdam leviculos Sacerdotes, illotis manibus, pedibusque (ut in Proverbio est) audacius in hæc sacratissima mysteria, quam in prophana irrumpere comperimus. Quales sunt, qui humano affectu tantum, & potius ex more, quam devotionis ardore ad altare accedunt, quorum polluta est & mens & conscientia: quos merito horrendum Evangelii exemplum (quod Joannis decimo tertio legimus, in hæc verba: Et postquam acceperat buccellam, introivit in eum Sathanas, & cætera, quæ sequuntur) ad meliorem vitæ frugem,

gem, altioremq; tanti mysterii contem-
plationem revocaret.

Revidenda Missalia, ac Breviaria.

Cap. XI.

Peculiaria Missarum argumenta, re-
cens præter veterum institutionem in-
venta, etiam Patribus displicuerunt,
quod tantum mysterium pro affectu cu-
juslibet tractari non debeat. Profas in-
doctas, nuperius Missalibus cæco quo-
dam judicio inventas, prætermittere per
nos liceret. Videbimur ergo operæ
pretium facturi, si Missalia perinde, atque
Breviaria pervideri curemus, ut am-
putatis superfluis, & quæ supersti-
tiosius inuenta videri possint, ea tantum,
quæ dignitati Ecclesiæ, & priscis institutis
consentanea fuerint, relinquuntur.

*Quæ omitti aut decurtari, vel organorum, vel
cantorum concentu baud debeant.*

Cap. XII.

Jam & illud non recte fit in quibus-
dam Ecclesiis, ut ob Cantorum & Or-
ganorum concentum, omittantur, aut
decurtentur ea, quæ sunt præcipua. Cu-
jus generis sunt, recitatio verborum
Propheticorum, aut Apostolicorum,
quam Epistolam vocamus, Symbolum
fidei, Præfatio, quæ & gratiarum actio,
atque precatio Dominica. Quamobrem
hæc tota distinctissime ac intelligibiliter,
uti cætera omnia (si tamen non levis
decurtandi causa subfit) decantentur.
Sit quoque cantus, quo Presbytero re-
spondetur, æqualis, nec præcipitatus.

Quemadmodum Missa legenda.

Cap. XIII.

Qui legit Missam, cum reverenda
modestia, clare, distincte, & exerte le-
gat omnia usque ad Canonem, ut qui
audiendi Sacri causa astat, quod legitur,
intelligat, atque ad pietatem excitetur.

*Quid post Elevationem Eucharistiæ
agendum.*

Cap. XIV.

Post Elevationem consecrati Cor-
poris & Sanguinis Dominici in nonnullis
templis canunt Antiphonas, pro pace,

aut contra pestilentiam, & mortalitatem,
cum potius tum videretur silendum, &
ab omni populo mortis Dominicæ com-
memoratio habenda, prostratisque humi
corporibus, animis in cælum erectis,
gratiæ agendæ Christo redemptori, (b)
qui nos sanguine suo lavit, morteque
redemit. Cantiones vero illæ contra
mortalitatem, seu cladem, aut pro pace,
satius post finitam Missam canuntur. Quæ
ut ad Deum dirigantur, excerptæ ex
Canonica Scriptura plus placuerint, qua-
les sunt Antiphonæ, *Media vita*; ac, *Da
pacem Domine*, & similes. Sic tamen, ut
illis etiam, quæ Gloriosæ Virgini Matri
dicatæ sunt, suus honos ac locus serve-
tur.

*Organorum melodia quemadmodum tem-
peranda.*

Cap. XV.

Organorum melodia in templis sic
adhibebitur, ne lasciviam magis, quam
devotionem excitet; neve præter Hym-
nos Divinos ac cantica spiritalia quic-
quam resonet, ac repræsentet.

*Singulis Dominicis diebus, quæ ipsis pecu-
liaria sunt, officia dicenda.*

Cap. XVI.

Mos inolevit non admodum im-
probandus, (c) ut diebus Dominicis,
toto ferme anno, officium Missæ vel de
Sacrosancta Trinitate, vel de Spiritu
Sancto dicatur. Nobis satius videtur,
ut quæ prisca Ecclesia singulis Dominicis
peculiaria fecit, observentur. Quod si
illorum loco alia usurpanda erunt, vide-
bitur, quod de Resurrectione Domini
est, diei Dominico magis convenire,
quod dies illa potissimum Resurrectioni
dedicata sit. Neque ignoramus non
absque causa Concilio Triburiensi (d)
constitutum, ne propter Missas peculia-
res, Missa, quam de feria vocamus,
prætermittatur.

*Confessio, Missæ præambulum, devote
recitanda.*

Cap. XVII.

Confessio illa, Missæ præambulum,
devote cum Ministris uno aut pluribus,
vicissim confitentibus, ac Sacerdotis ab-
solu-

(b) Ephes. 5.

(c) De Conf. Dist. 3. Sabb. C. 2. De feriis.

(d) C. 2. De celebr. Miss.

solutionem in verbo Christi, plena pœnitentis cordis erga Dei pietatem fiducia, recipientibus, recitanda. Ad omnes enim Sacro astantes, ea absolutio refertur, ut digne tantis mysteriis valeant interesse. Quamobrem dum hæc fiunt, non sit minister accendendis luminaribus, aut aliis mentem avocantibus (quæ prius facta oportuit) intentus.

Cur Sacerdos in Altari Ministrum habeat.

Cap. XVIII.

Nec sine magna ratione in Concilio Toletano (e) constitutum fuit, ut habeat quisque canens Deo atque sacrificans, post se vicini solaminis adiutorem, ubi temporis, loci, sive Cleri copia suffragatur: idque propter morbos & casus diversos, qui occurrere possunt; quo is, qui impleturus officia accedit, si aliquo casu turbatus, vel in terram elisus fuerit, a tergo semper habeat, qui ejus vicem & officium intrepidus exequatur. Aliis insuper Canonibus (f) cavetur, ne Presbyter, nisi duobus testibus præsentibus, celebret. Quæ decreta in quam diffuetudinem abierint, in aperto est: nimirum Presbyteris frequenter celebrantibus, talibus tantum adhibitis, qui vix ipsis respondere, nec quid agatur, sciant.

Omnis Cultus Divinus summa cum veneratione peragendus.

Cap. XIX.

In summa, Cultus Divinus, (g) quem Sacerdos in domo Dei exhibet, debita cum veneratione peragendus est, ut & Deo gratus sit, & inspicientibus placitus, qui considerantes non solum instruat, sed & reficiat. Monet siquidem Divinissimus Paulus, (h) ut omnia nostra ordinate ac honeste fiant: ac acerrime increpat Corinthios, (i) quod irreverenter convenirent in unum ad cœnam Domini manducandam.

De vita ac moribus Clericorum.

Cap. XX.

Nunc de vita ac moribus paucis

videamus. De vita instituenda sic præcepit Paulus, nedum Clericis, sed omnibus Christianis: (k) *Mortificate (inquiens) membra vestra, quæ sunt super terram, fornicationem, immunditiam, libidinem, concupiscentiam malam, & avaritiam, quæ est simulachrorum servitus, propter quæ venit ira Dei in filios dissidentie. . . . Nunc autem deponite & vos omnia, iram, indignationem, malitiam, blasphemiam de ore vestro, . . . expoliantes vos veterem hominem cum actibus suis, & influentes novum, eum, qui renovatur in agnitorem secumiam imaginem ejus, qui creavit illum, . . . quia est omnia & in omnibus Christus. Induite vero vos sicut Electi Dei, Sancti & Dilecti, viscera misericordiæ, benignitatem, humilitatem, modestiam, patientiam. . . . Super omnia autem hæc, Charitatem habete, quod est vinculum perfectionis, . . . & grati stote. Verbum Christi habet in vobis abundanter: in omni sapientia docentes & commoneutes vosmetipsos in Psalmis, Hymnis, & Canticis spiritualibus, in gratia cantantes & psallentes in cor. huius vestris Deo. Omne quodcumque facitis in verbo, aut in opere, omnia in nomine Domini nostri JESU CHRISTI, gratias agentes Deo, & Patri per ipsum . . . Non ad oculum servientes, quasi hominibus placentes, sed in simplicitate cordis, timentes Deum. Quodcumque facitis, ex animo operamini, sicut Domino, & non hominibus. [l] Oratori instate, vigilantes in ea in gratiarum actione . . . Sermo vester semper in gratia sile sit conditus, ut sciatis, quomodo operetur vos unicuique respondere. (m) Omnis autem sermo malus ex ore vestro non procedat. Sed si quis bonus, ad ædificationem fidei, ut det gratiam audientibus. Et nolite contristare Spiritum Sanctum Dei. (n) Modestia vestra nota sit omnibus hominibus. . . De cetero, quæcumque sunt vera, quæcumque pudica, quæcumque iusta, quæcumque sancta; quæcumque amabilia, quæcumque bonæ famæ, si qua virtus, si qua laus discipline, hæc cogitate, . . . & Deus pacis erit vobiscum.*

(e) C. II. C. Ut illud. De consec. Dist. I.

(g) Ex Conc. Lugd. sub Greg. X.

(k) Colof. 3.

(l) Colof. 4.

(n) Philip. 4.

(f) De consec. Dist. I. Hoc quoque.

(b) I. Cor. 14. (i) I. Cor. 11.

(m) Ephes. 4.

*Ob quam causam Clerici male audiant,
ac puniuntur.*

Cap. XXI.

Olim Clericis hæc Apostolica præcepta tenentibus, (o) *Pax super illos erat:* (p) quomodo ergo non tantum vineæ, sed & vineæ cultores facti sunt in direptionem? Ecce (inquit Ezechiel, (q) ad Hierusalem verba faciens) *hæc fecit iniquitas Sodomæ sororis tuæ, superbia, saturitas panis, & abundantia, & otium ipsius, & filiarum ejus: & manum egeno non porrigebant. Et elevatae sunt, & fecerunt abominationes coram me, & abstuli eos, sicut vidisti.*

Præcipuæ causæ omnis mali tres.

Cap. XXII.

Præcipuæ ergo causæ omnis mali, sunt fastus, luxus, & avaritia, a quibus Clerici potissimum male audiunt.

*Ambitionem, ac fastum Clericali officio
maxime repugnare.*

Cap. XXIII.

Ut omnem ambitionis radicem Christus discipulorum cordibus eximeret, parvulum in medio illorum statuit, (r) deque primatu certare prohibuit. *Qui major (inquit) (s) est in vobis, fiat sicut minor, & qui Præcessor est, sicut Ministrator. Nam quis major est? qui recumbit, an qui ministrat? nonne qui recumbit? Quis vero ignorat Clericum in medio Ecclesiæ esse tanquam eum, qui ministrat? Quare meminerimus potius officii nostri, quam dignitatis. Neque enim ad dominationem vocati sumus, sed ad opus. Non immerito Hieronymus, ut pestem quandam fugiendos Clericos ait, qui a speluncis domorum paternarum abstracti, & post in Ecclesia sublimati, ac Sacerdotiis ditati, vanæ gloriæ & superbiæ stimulis effervunt.*

Omnis luxus Clerico interdictus.

Cap. XXIV.

Beatus Hieronymus Ecclesiæ Præfectos, qui luxu ac deliciis affluunt, Mi-

cheam describere afferit, quod ejicienti sint de spatiosis domibus, lautisque conviviiis, & multo labore conquiritis epulis, (t) *in tenebras exteriores, ubi erit fletus, & fridor dentium.* Vivere quidem de Altario Sacerdoti licet, luxuriari non permittitur. A crapula itaque & ebrietate, a comotationibus illis ad haustus æquales, a luxu, ab alea, ab immoderatis sumptibus & commensationibus Concilium Generale (u) Clericos revocat universos, sequutum veteris testamenti institutum, quo ministris Templi vinum & ficera prohibebatur, ne ebrietate gravarentur corda eorum, & ut sensus eorum semper vigeret, & esset tenuis. Et Apostolus ait: (x) *Nolite inebriari vino, in quo est luxuria; sed implemini Spiritu Sancto.* Et iterum: (y) *Non in commensationibus & ebrietatibus;* & quæ sequuntur. Atque alibi Salomon: (z) *Luxuriosa res, vinum, & tumultuosa ebrietas: quicumque bis delectatur, non erit sapiens.*

Clerico non licere vel cauponem agere, vel tabernas, nisi necessitatis causa, intrare.

Cap. XXV.

Olim tanta honestas desiderabatur in Clero, (a) ut ne nuptialibus quidem conviviiis ipsis interesse liceret, nec immisceri spectaculis, ac cœtibus, ubi amatoria cantantur, aut obsceni motus corporis, choræis, & saltationibus efferuntur, ne auditus & intuitus sacris mysteriis deputatus, turpium spectaculorum, atque verborum contagione pollueretur. Quid? si videret Ecclesia illa prisca Clericos nostri temporis tabernarios, tabernisque (quasi domos non haberent) noctu diuque alligatos, quam execraretur facinus? Posthac ergo, non solum nullus ex Clero sordidissimum Cauponem, aut tabernarium agat; sed ne ad tabernas quidem, nisi necessitatis causa, divertat. Alioqui penæ Canonice imminet ei, qui Ordini suo hanc ignominiosam notam inurere tentaverit.

Habi-

(o) Gal. 6.

(p) Esaïæ 5.

(r) Matt. 18.

(s) Luc. 22.

(u) De vit. & honest. Cleric. C. A crapula.

(y) Rom. 13.

(z) Prov. 20.

(q) Ezech. 16.

(t) Matt. 8.

(x) Ephes. 5.

(a) Ex Conc. Agath. Laodic. Carthag. ult.

Habitus, seu exterioris corporis cultus modestia, a Clericis exigitur.

Cap. XXVI.

Beatissimus Paulus [b] habitus modestiam & in mulieribus desiderat, quem vult verecundum esse, non in tortis crinibus, aut auro, aut margaritis vel veste pretiosa, sed quod decet mulieres, promittentes pietatem per opera bona. Idem Apostolus Petrus (c) eas commendat, quarum non sit extrinsecus capillatura, aut circumdatio auri, aut indumenti vestimentorum cultus, sed qui absconditus est cordis homo, in incorruptibilitate quieti & modesti spiritus, qui est in conspectu Dei locuples. Quam turpis ergo putanda est in Clericis, tanto gradu sublimioribus, deformissima illa ac frequentissima nostræ tempestatis habituum variatio, quam ne infirmiori quidem vasculo Apostolorum Principes permittendam duxerunt? Ex veste apud homines sanctimoniam opinionem aucupari prohibuit Christus, qui in omnibus operibus nostris, id quod intus est, primum respicit, mundarique jubet, deinde quod deforis est, vè illud horrendum Pharisæis hypocritis interminans, (d) qui ut viderentur ab hominibus iusti, dilatant phylacteria sua, & magnificabant fimbrias, cum essent intus pleni rapina, & immunditia. Interim tamen Evangelium non temere vestimentum Joannis Baptiste (quod illius professioni ac menti respondebat) de pilis camelorum contextum celebrat, (e) ac ipse Christus vestium molliem ac lenitatem averfatur. (f) Ecce! (inquiens) qui mollibus vestiuntur, in domibus Regum sunt. Quæ omnia huc spectant, ut velimus, Clericos præter indictam tonsuram, vestes quoque suo Ordini congruentes deferre; quemadmodum olim Generali Concilio (g) cautum est. Pudet siquidem nos, cum videmus, prodire Clericos perinde, atque seculi milites amictos, vel qui sint ut scæmina compri: Idem pannosi Clerici ac vestibus laceri displicent. Neque etiam affectatæ sordes, aut exquisitæ delicæ laudem pariunt.

Mali exempli est, Sacerdotem se venditare in Capellum delicato laico, aut mulierculæ.

Cap. XXVII.

Magna eorum levitas est, in magnam Cleri ignominiam redundans, qui se laicis, atque adeo delicatis scæminis, ventris causa, in Capellanos, ut appellant, atque Anteambulones venditant. Qui enim debebant esse gregis duces, rediguntur in caudam, & sordidissimis quibusque negotiis alligantur. Proh! nefas.

Suspecta mulierum cohabitatio Clericis interdicta.

Cap. XXVIII.

Nicæno Concilio neque Episcopo, neque Presbytero, neque Diacono, neque ulli Clericorum omnino habere secum mulierem extraneam permittitur, nisi forte mater, aut soror, aut avia, vel amita, vel matertera sit. Nos [si tamen hæc tempora tantam severitatem pati non videntur] saltem suspectam cohabitationem prohibemus.

Avaritia in Clero execrabilis.

Cap. XXIX.

Ex quo in Ecclesia Dei avaritia crevit, (b) perit lex de Sacerdote, & visio de Propheta, quemadmodum Divus Hieronymus ad Rusticum Narbonensem ait. Nec mirum, quod nemo possit servire Deo & Mammonæ: (i) aut enim unum odio habebit, & alterum diligit, aut unum sustinebit, & alterum contemnet. Ubi enim est thesaurus tuus, ibi est & cor tuum. (k) Habentes autem alimenta, & quibus tegamur, quisque secundum suæ vocationis rationem, his contenti simus.

Honesto artificolo victum querere, Clerico licet.

Cap. XXX.

Quibus non suppetit ex Sacerdotio, (l) honesto artificolo victum querant, secuti Divi Pauli exemplum. [m] Sic tamen, ne sordidam aliquam artem, Sacerdotio ignominiosam, exercent.

Clerici

(b) 1. Tim. 2. (c) 1. Pet. 3.

(e) Matt. 3. (f) Matt. 11.

(b) Ex Conc. Mogunt. Ezach. 7.

(l) Ex Conc. Carth. C. Cler. vict. 91. Dist.

(d) Matt. 23.

(g) C. Cler. De vit. & hon. Cler.

(i) Matt. 6.

(k) 1. Tim. 6.

(m) Act. 18.

*Clerici ne mercatores sint, multo minus
feneratores.*

Cap. XXXI.

Nemo militans Deo (n) implicet se negotiis sæcularibus, ut ei placeat, cui se probavit. Quare multa providentia olim vetitum est, (o) ne Clerici vel Monachi, mercatores (taceamus feneratores) sint lucri causa.

*Damnantur Clerici superstitiosi, scurræ,
curiosi, ac leviculi.*

Cap. XXXII.

Reperiuntur, qui superstitioni, divinationibusque ac sortibus dediti sunt, (p) quos damnamus. Sunt qui scurras in conviviis divitum, ac potentum agunt, qui cum malefecerint, gloriantur, & exultant in rebus pessimis: qui digni non sunt, ut Clerici appellentur. Sunt curiosi & leviculi, (q) qui in foris, in compitis, in plateis, in vicis obambulant vagis oculis, effreni lingua, petulante fluidoque incessu, & levitatem animi, impudentiamque mentis ostendunt: quos averſamur. Eos vero tantum, & re, & nomine Clericos reputamus, qui legem Dei die noctuque meditantur, munus susceptum debite exequuntur, ac vitam agunt Sacerdotio dignam.

PARS TERTIA.

De Metropolitanis, Cathedralibus & Collegiatis Ecclesiis, & in his ministrantibus.

Caput I.

Quum Metropolitana, seu Cathedralis Ecclesia Sedes sit Episcopi, Principemque locum in Clero obtineat, nequaquam postremum in reformatione locum obtinere debet. Nisi enim ea Ecclesia præluceat omnibus, quæ in tota Provincia aut Diœcesi constitutæ sunt, frustra intendimus redigere in ordinem Ecclesiasticæ disciplinæ cæteras.

De officio Decanorum.

Cap. II.

Porro quum Collegiatæ Ecclesiæ, secundariæ sint post Cathedrales, & in-

star illarum (quod ad ordines ministrantium, Divinumque cultum attinet) constitutæ; utrobique Decanis curæ erit, ut Cleros suos ad observationem piorum rituum provocent, ac reducant; ut ad agendam vitam Clericis dignam perpetuo cohortentur, ac impellant; ut a negotiis, a tumultibus mundanis revocent, ne magis sæculi, quam Christi milites videantur: ut comestationibus, ebrietatibus, ac omni luxui interdican; denique ut singulos suo officio satisfacere compellant.

De officiis in ejuscemodi Ecclesiis ministrantium generatim.

Cap. III.

Sunt in hisce Ecclesiis diversi ministrantium gradus: nempe Præpositi, Decani, Archi-Diaconi, Scholastici, Cantores, qui & Chori-Episcopi: Thesaurarii, qui & Sacristæ, seu Custodes: Canonici, Vicarii, arque id genus alii. Interpretetur quisque vocabulum suum, & curet esse, quod dicitur, secundum veterum Patrum institutionem ac regulam. Atque eo solo fecerint, ut cum nostræ, tum omnium piorum expectationi magna ex parte respondisse videantur.

De Canonicorum vita & officio.

Cap. IV.

Ut de Canonicis dicamus paucis: Respondeat eorum vita titulo, respondeat nomini: sint reipsa, ut sunt nomine, Canonici, id est, Regulares. Neque enim clam est, primam eorum originem monasticæ disciplinæ fuisse. Imitentur Apostolos, & nascentis Ecclesiæ Ministros, (r) quorum erat cor unum, & anima una; qui quotidie (ut in Actis Apostolicis legimus (s)) *perdurantes unanimiter in templo, & frangentes circa domos panem, sumebant cibum cum exultatione & simplicitate cordis, perseverantes in orationibus, collaudantes Deum, & habentes gratiam ad omnem plebem.* De tali Conventu Psaltes dixit: (t) *Ecce quam bonum, & quam jucundum, habitare fratres in unum.* Qui & compellans, ac provocans ejuscemodi

(n) 2. Tim. 2.

(o) Ex Conc. Mogunt. C. i. Nem. Cler. vel Mon. C. So. eo Tit.

(p) Ex Conc. Agath. 7. C. Quam sit grave. De exc. Præl.

(q) 23. Dist. C. His.

(r) Act. 4.

(s) Act. 2.

(t) Psalm. 132.

cemodi Conventum, ait: (u) *Ecce nunc benedicite Dominum omnes servi Domini: qui statis in domo Domini, in atriis domus Dei vestri.* Porro Ecclesie istæ Collegiatæ quandam vetustatem spirant, & Ecclesie primitivæ institutum præ se ferunt, quod vel forma ædificiorum ostendit, quæ Canonicos prope templum in unum pene habitaculum collocavit, ut procul a promiscua multitudine separati, Divinis pariter laudibus jugiter insisterent.

Quemadmodum preces horariæ, aliaque laudes Divinæ decantandæ.

Cap. V.

Statis ergo ac debitis horis, (x) laudes Divinæ non cursim ac festinanter, sed tractim, sed integre, distincte, devore, reverenterque ab omnibus decantentur, persolvanturque. Et quum psallendi gratia conveniatur ibidem, muta aut clausa labia nemo teneat; sed omnes pariter, senes cum junioribus laudent nomen Domini in Psalmis, Hymnis, & Canticis, Deo alacriter modulantes; sic tamen, ne boatus confundat recitationem. Nemo tum, cum publice vel preces horariæ, vel Missæ sacrum, cantando peraguntur, legat vel dicat privatim officium: nam is id, cui obnoxius est, choro subtrahit, atque alios vel psallentes perturbat, vel a psallendo retrahit. Quem tamen aliud officium Ecclesiasticum, aut publicum alio statim rapier, ut nisi legens preces horarias, tempestive absolvere haud possit, hac lege teneri nolumus. Quam autem a vero aberrant, qui existimant, se se non alicujus officii in Ecclesia exercendi, sed quietis & inertie tantum causa Canonicatus esse adeptos? Perinde atque satis sit, paucis quibusdam Clericis admodum ignaris, tenui pretio conductis, curam Divini officii committi, quod deinde ejuscemodi mercenarii, non servatis temporum interstitiis, syncopando transcurrunt, interim ipsis Canonicis tota vita torpentibus.

Inter Sacra nihil ne cogitandum quidem, quod Dei aut Ecclesie oculos offendat.

Cap. VI.

Longe vero abominabile est, quod

quidam tum, cum Divina aguntur, inter se de rebus profanis tractant, mutationes, colloquia, risus, & cachinnos intermiscunt. Quidam aut in aliquem chori angulum se recipientes, de nugis, ne quid gravius dicamus, commentantur: aut foris per templum magno cum populi offendiculo deambulantes, oculos pariter & aures ad vanitatem convertunt, atque sacra loca sædant, positi in lapidem offensionis & petram scandalii. Hac lege nullum exceipimus, siue claris sit natalibus prognatus, siue plebejus. Quin potius, qui genere præstant, meminerint se illic Canonicos agere, & conversari non in aulis, sed in scholis virtutum, ac Ecclesiasticæ disciplinæ.

Decani templi summi potestas in prævaricatoribus.

Cap. VII.

Facimus quoque Decano Ecclesie nostræ potestatem, personas Ecclesiasticas ex aliis Collegiatis Ecclesiis, interdum magis curiositate rerum novarum, quam devotionis causa ad Templum summum se recipientes, ac inibi, præter omne decorum, sæpe etiam Ecclesiastico habitu non amictas, inter laicos sursum, & deorsum inambulantes, poena Canonica, nimirum suspensionis temporariæ, aut majori etiam, pro ratione culpæ coercendi.

Quem oporteat esse vestitum ministrantium in hisce Ecclesiis.

Cap. VIII.

De vestitu Clericorum ante diximus, qui in his tanto debet esse decentior, quo sunt altiori loco, perindeque atque in speculo quodam constituti. Sit ergo eorum ingredientibus vestis talaris, sint pilei, (quæ bireta vocamus) sint camisiae, sint denique calcei pariter & caligæ tales, in quibus non fastus, jactantia, elationis vitium, vel mentis levitas, sed Clericalis Ordinis honestas & modestia deprehendatur. Siquidem ita semper visum est majoribus nostris, externum habitum, quid intus creper, designare: Adeo ut & leges civiles injuriam, matronæ, habitu meretricio utenti, illatam, non

(u) Psalm. 133.

(x) Ex Conc. Agath. C. Presb.

non vindicent: ac Canones [y] Clericum non alligatum conjugio, habitum ac tonsuram Clericales deserentem, post tertiam monitionem; Clericum vero conjugatum, statim privilegio exuant Clericali: Adeo ut sic in maleficiis deprehensi, animadversionem civilium Magistratum non evadant. Ne autem posthac quispiam excusationem non factæ aut præviæ monitionis prætexat, hac nostra Synodali constitutione omnes (quotquot sunt in nostris Diocesibus constituti) Clericos, qui habitu minus decenti utuntur, monemus, ut intra tres menses, quorum singulos pro singulis dilationibus, tertium vero uti peremptorium terminum præfigimus, habitum, qui Clericos deceat, reassumant: Alioqui ipso facto, nulla posthæc alia monitione expectanda; in censuras ac pœnas constitutionum Canoniarum incurfuri.

Decani undiqueque advigilabunt.

Cap. IX.

Quo ergo hæc, quæ diximus, repurgentur, ac debite simul cum omnibus aliis ad Divini Officii prosecutionem, ac Cleri disciplinam spectantibus observentur, Decanus diligenter invigilabit, hinc & hinc circumspiciens, ne quid inordinate fiat.

Ante omnia vero, ut Canonici Sacris adsint.

Cap. X.

Cui ante omnia curæ erit, ne quis Canoniorum Sacris absit, sed ut qui emolumentum ferre volent, officium quoque suum, propter quod beneficium datur, in Ecclesia gerant. Aureliani Concilio caveretur, Clericos, qui officio adesse contemnunt, Ecclesiasticam disciplinam arbitrio Episcopi recepturos. Sed facile castigabitur hic lapsus, si negligentes subtractione proventuum seu distributionum mulcentur. Quare qui ab Epistola lectione, exinde toti Missæ, & a Psalmo, singulis horis Canonicis integris ac minime interpolatis (nisi forsitan necessitate advocante, petitaque ac obtenta licentia) non interfuerit, iustum est, ut hic illius horæ aut officii stipendio in totum careat.

Vicarii, ut Divinis laudibus decantandis intersint, adigendi.

Cap. XI.

Qui Vicarii dicuntur, in quibusdam Collegiis se in libertatem quandam potius carnis, quam spiritus vindicare contendunt, nolentes choro, decantandisque simul cum Canonicis, Divinis laudibus ac sacris esse addicti: sed hi resipiscant, ac incipiant intelligere, cur Vicarii dicantur: superpelliceis quoque utantur. Cujus enim vices gerent, nisi Canonicis adiutores accedant? Horum nimirum vice, qui vel adversa valetudine detenti, vel negotiis necessariis avocati, interesse non possunt. Cur tandem superpelliceis utentur, qui chori sacris se mancipatos non agnoscunt? In ordinem ergo disciplinæ redigantur, suspensionisque pœna, etiam a fructibus, nedum quotidianis illis, quæ distribuuntur, sed a grossis etiam, pro culpæ modo, animadvertendum in non parentes.

Ad personalem residentiam cogendi, quibus hæc per fundaciones Beneficiorum est imposita.

Cap. XII.

Quorum fundaciones personalem residentiam requirunt, illi aut ipsi resideant, aut a proventuum perceptione suspendantur, & fructus illi in alios pios usus convertantur, nisi qui Republicæ causâ ex autoritate nostra abfuerint.

Lucri tantum causa Sacris adesse non oportere.

Cap. XIII.

Utinam optando a Deo Opt. Maximo consequi possimus, ne quisquam lucri causa Divinis interesset, alioqui non accessurus sacra: veluti quem nummi magis, quam Dei amor in templum trahit, quæstum pietatem esse putans: qui, non dubium, ex numero eorum est, de quibus, Esaïas dixit: Omnes diligunt munera, sequuntur retributiones. Nec multum is abest, (uti plerisque doctissimis viris placuit) ab horrendo crimine Giezi, (z) qui existimavit Divinum munus pecunia redimendum. Quare viderint Clerici nostri, ut eorum

K k 3

mens

(y) Honor. 3. C. Ex parte. De privil. & exceſ. privil.

(z) 4. Reg. 5.

mens & intentio tota in Deum referatur, ut cum David confiteantur Deo in directione cordis, ac in labiis suis pronuntiantes omnia judicia oris ejus. Optandum, ut Psalmus ille centesimus decimus octavus, qui toties non sine causa in Ecclesiis replicatur, ore simul & correspondente singulis verbis mente decantetur: & cum eodem Plalte ex animo dicatur: (a) *Voluntarie sacrificabo tibi, & confitebor nomini tuo Domine, quoniam bonum est.* Non adimit Christus, sed decernit operanti suam mercedem: (b) *Dignus est enim operarius mercede sua.* Et: (c) *Qui altario deservit, de altario & vivet.* Sed interim cogitare debet Clericus, se vivere, non ut edat: sed edere, ut Christo vivat, habereque semper mente reconditum Christi verbum: (d) *Primum quærit regnum Dei, & hæc omnia adjiciuntur vobis.*

Capitula disciplinæ qualiter observanda.

Cap. XIV.

Capitula disciplinæ (quæ vocant) multo majori diligentia observentur, atque hæctenus. Id ita fiet; si non tam prophana, quam res sacræ in his tractentur: si de moribus inquiratur, si vita expendatur singulorum: Et quod olim Sancti Patres fecisse dignoscuntur, extemporali oratione, interdum commoventur fratres: Et imprimis ad sacras litteras capeffendas instigantur, atque ut in his optimas horas collocarent, incitarentur; quod hic reperitur fons vitæ scaturiens, (e) ex quo, qui haurit, non sitit in æternum. Hic thesaurus Evangelicus (propter quem oportet vendere universa) reconditus sit, (f) ex quo prudens ille paterfamilias profert nova & vetera.

Officium Decani in rebelles.

Cap. XV.

Si quos Decanus (g) rebelles cenat, si Divini cultus atque sui officii negligentiores, si rixosos, si litigiosos, si percussores, si aleatores, si scorta foventes, aut aliis publicis criminibus irreti-

tos, atque hi fraternam correptionem audire recusaverint, agat in his Capitulis, quod jubet Paulus: (h) *Peccantes coram omnibus argue.* Tum si resistere nolint, arceat a Sacris, prohibeat participare fructus, donec ad meliorem vitæ frugem revertantur; sic tamen, ut hic servetur regula Apostolica: (i) *Corripite inquietos, consolamini pusillanimes, patientes estote ad omnes, & neque ira, neque odium, neque rancor, ullas sibi partes vendicent.* Nam illa Præpositorum sollicitudo est utilis, illa cautela est laudabilis, in qua totum ratio agit, & furor nihil sibi vendicat. Ira enim sæpe etiam innocentes ad crimen adducit. Dum enim justo amplius irascimur, & volumus aliena coercere peccata, graviora committimus. Per hæc tamen nostris ac Ecclesiarum Provinciæ nostræ privilegiis, ac legitimis consuetudinibus, & præsertim mori ac consuetudini, quæ in aliquibus Ecclesiis est, (nempe ut causæ disciplinæ per Diaconos judicentur) nihil præjudicamus, modo tamen Diaconi, ad requisitionem Decani, suo officio gnaviger ac strenue incumbant, ac satisfaciant. Quod si Decanus & Capitulum negligentes, aut eisdem criminibus irretiiti fuerint, ad juris communis dispositionem redire, necesse erit.

Contentiosi ad pacem & concordiam per Decanum & Capitulum revocandi.

Cap. XVI.

Invidiæ, detractionisque vitium longe omnium pestilentissimum, in Collegiis non est novum, quod humani generis hostis inter fratres serere semper conatus est. Quemadmodum (k) de Abel & Cain, [l] de Joseph, & fratribus ejus legimus. Quin parum aberat ab omnium sanctissimo illo Collegio, nempe Apostolico, (m) nisi pacificator Christus Jesus intercessisset, ac Satanam repente ejecisset. Hinc sæpe numero in Clero, rixæ, jurgia, & injuriæ nascuntur. Hinc multæ falsæ criminationes, æmulationes, obtræctiones, & delationes oriuntur. Et fit lingua, ordinata in laudem Dei, (n) *inquietum malum,*

(a) Psalm. 53.

(d) Matt. 6.

(g) Ex Conc. Agath. C. 2.

(k) Gen. 4.

(n) Jac. 3.

(b) Luc. 10.

(e) Joan. 4.

(h) 1. Tim. 5.

(l) Gen. 37.

(c) 1. Cor. 9.

(f) Matt. 14.

(i) 1. Thess. 5.

(m) Joan. 13.

lum, plena veneno mortifero. Fit denique, ut in ea, qua benedicimus Deum & Patrem, in ipsa maledicantur homines, qui ad imaginem & similitudinem Dei facti sunt. Atque ex eodem ore procedit benedictio & maledictio. Non oportet, (inquit Divus Jacobus (o)) *Fratres mei, hæc ita fieri: sed qui sapientes, & disciplinati inter vos, ostendant ex bona conversatione operationem suam in mansuetudine sapientie. Nam si zelum amarum habetis, & contentiones sint in cordibus vestris, nolite gloriari, & mendaces esse adversus veritatem. Non enim est ista sapientia de sursum, descendens a Patre lupinum; sed terrena, animalis, diabolica. Ubi enim zelus & contentio est, ibi inconstantia, & omne opus pravam. Quæ autem de sursum est sapientia, primum quidem pudica est, deinde pacifica, modesta, suavis, . . . plena misericordia, & fructibus bonis, non iudicans, sine simulatione. Fructus enim iustitiæ in pace seminatur, facientibus pacem. Proinde (p) si quis putat, se religiosum esse, non refrenans linguam suam, sed seducens cor suum, hujus vana est religio. Hæc ille.*

Pæna adversus contentiosos pertinaces.

Cap. XVII.

Agathensi Concilio (q) constitutum est, ut quicumque odio aut longinqua inter se lite dissenferint, & ad pacem revocari nequiverint, primitus arguantur. Qui si inimicitias deponere pernitiola intentione noluerint, de Ecclesiæ coetu iustissima excommunicatione pelantur. Decanus ergo, ubi viderit, intercedere inter fratres disensionis materiam, quæ fraternam dirimat charitatem, hujus Canonis autoritate utatur: ac pro pace facienda, conservandaque, Capituli sui consilium atque auxilium imploret, quod invicem libenter præstabunt, cujuscunque odio vel amore longe postposito.

Quo tempore Capitulorum quotidianorum conventus observandi.

Cap. XVIII.

Quotidiani Capitulorum conventus, aut maturius sub summam Missam, aut statim post illam servandi sunt; Ne ob

illos Divinum Officium vel suspendatur, vel præcipitur, vel denique ab ipsis Canonicis negligatur. Debet enim Dei causa omnibus aliis anteponi.

Volumina Statutorum revidentia.

Cap. XIX.

Habent fere quorquot sunt Cathedralæ, ac Collegiatae Ecclesiæ, suum volumen peculiarium Statutorum, quæ interdum pro affectu privato cujuslibet augmentur, ac crescant. Inter hæc reperias quamplura, quæ quæstum magis, quam pietatem respiciant, & ad inæqualitatem potius, quam æqualitatem faciant: unde discordia inter fratres (uti fieri solet,) frequenter alitur, concordia vero scinditur, laceraturque. Et quantumvis pleraque inter hæc iniqua reperias, adiguntur tamen omnes, qui recens admittuntur, ut ad ejusmodi Statutorum observationem (etiam penitus ignari, quid contineant illa) citra ullum delectum jurejurando sese alligent, quum tamen juramentum non debeat esse iniquitatis vinculum, nec ad ignorata extendi. Operæ pretium itaque nobis videtur, hujusmodi Statutorum volumina inter visitandum excutere, & quæ Evangelicæ puritati, atque fraternæ charitati, denique disciplinæ Ecclesiasticæ minus consentanea reperta fuerint, rescire: cavereque, ne posthac ulla nova Statuta in ejusmodi Ecclesiis, (nisi tamen noster accesserit calculus) edantur.

In Capitulis a juramentorum facili executione temperandum.

Cap. XX.

Et quum Christus (r) tanto serio jurandi facilitatem prohibuerit, ut nisi necessitate veritatis, aliqui periclitandæ, cogamur, omnino non jurare debeamus: Coercenda est illa immoderata in Capitulis juramentorum exactio, per quam necesse est, ut multi in ancipitia perjuriam corruant, quorum non tantum illi, qui peierant, sed & qui causam perjurii, temere exigendo præstant, rei sint. Nam Christi verbum est, sit sermo vester, Est, est: non, non; quod amplius his est, a malo est. Et in Ecclesiastico legi-

[o] Jac. 3.

[r] Matt. 5.

[p] Jac. 1.

[q] Ex Agat. Conc. C. 31.

legimus: (s) *Vir multum jurans, replebitur iniquitate, & non discedet a domo ejus plaga.* (t) *Si nos ipsos dejudicavimus, non utique judicavemur.*

Inter visitandum de moderandis annis, qui expectantia appellantur, videndum.

Cap. XXI.

Num annos, (qui expectantia appellantur,) moderari possimus, videbimus inter visitandum: quando Nobis vel id maxime curæ erit, ut qui recens accesserunt Canonici, aliquot annis de consensu Capitulorum suorum, bonarum ac potissimum sacrarum literarum studiis, in Academia aliqua publica & bene Christiana incumbant: utque tum sequantur filios interim redditus præbendarum suarum, quotidianis distributionibus tantum exceptis, aut portio ejusmodi personis, juxta Ecclesiarum Statuta, & consuetudines assignata. Multum enim refert, viros doctos esse in Ecclesia Dei, qui veluti splendor firmamenti fulgeant, & tanquam stellæ in perpetuas æternitates mansuri, ad justitiam plurimos valeant erudire. Indignum ergo, studio tam frugifero intentos, ac in vinea Domini operantes, diurno denario fraudari, modo tamen testimonium exhibeant magistrorum, quod totos illos annos rectis operam dederint disciplinis. Per hæc tamen Canonis inducias, (quæ se latius porrigunt) nolumus coarctare.

Non oportere a Canonico recens admissis, pecuniam statutariam duplicatam, ob antecessorem exigere.

Cap. XXII.

Nec ferendus nobis diutius videtur mos ille irrationabilis, quo ad unam præbendam receptus, ob suos in eadem præbenda antecessores non receptos, (a quibus jus non habet, sed potius a conferente vel instituyente) pecuniam statutariam sæpius exolvere compellitur. Nec ignoramus, quosdam Decanos, & Capitula in eo esse, ut hæc pecuniaria onera (qua recens recepti, contra sacrorum Canonum dispositionem gravantur) indies novis quibusdam adinventionibus

graviora, ac tandem importabilia efficiant: quod penitus improbamus.

Communi necessitati Ecclesiæ, communi contributione consulendum.

Cap. XXIII.

Quod si fabricæ, aut alia necessitas Ecclesiæ immineat, satius est, ut quod in communem vertetur utilitatem, ex communibus redditibus destimatur, quam ut quis privatim gravetur. Evangelicum præceptum est, in quo universa lex consistit, & Prophetæ: Quod tibi non vis fieri, alteri ne feceris, & (u) quodcumque vultis ut faciant vobis homines, & vos facite illis. Ad hanc regulam, veluti ad Lydium quandam lapidem, omnes actiones suas, quum omnes Christianos, tum viros Ecclesiasticos, redigere, æquum est pariter, ac necessarium.

Tribunalia extra templa collocanda.

Cap. XXIV.

Cum in quibusdam nostris templis jurisdictionis Ecclesiasticæ Officiales pro tribunali sedeant, ad quod interdum multo cum tumultu concurritur, delitigaturque: visum Nobis est, ut hæc tribunalia foris, intra tamen Ecclesiarum pomeria, collocentur. Cordi siquidem Nobis est, ut quæcumque Divinum officium perturbare possunt, aut Divinæ Majestatis oculos offendere, e templis eliminentur: ne, ubi peccatorum est venia postulanda, ibi peccandi detur occasio, aut deprehendantur peccata committi.

Optandum, ut deambulationes in bise Ecclesiis prohiberi possint.

Cap. XXV.

Atque utinam commodè deambulationes etiam illas laicorum [qui ad Cathedralis ac Collegiatis Ecclesias solarum novarum curiositate ducti conflunt, ibidemque nihil minus, quam de rebus sacris, quæ inspectantibus illis aguntur, cogitant] submovere possimus. Grande equidem putamus piaculum, tam veneranda mysteria, quibus astat Deus, & inter quæ Christi Corpus & Sanguis conficitur, tam irreverenter habe-

[s] Eccli. Cap. 23.

[t] 1. Cor. 11.

[u] Matt. 7.

haberi. Tacemus, quod domus Dei contemnitur, de qua Christus ejecit ementes & vendentes; & non sinebas ut quis transferret vas per templum, & dicebat docens: (x) *Nonne scriptum est: Domus mea, domus orationis vocabitur; vos autem fecistis illam speluncam latronum?* Duplici autem cura hic videbitur opus: tum ut Prædicatores verbi Dei ex suggestis populum ab istis deambulationibus ex Scripturis deterreant; tum ut Magistratus civiles huic rei corrigendæ officium accommodent, cum quibus hac de re agemus.

Theatrales ludos non inferendos templis.

Cap. XXVI.

Olim theatrales quoque ludi, & larvarum ludibria inferebantur, pessimo quidem exemplo, adeo ut provisione Canonica, (y) (qua is teterrimus abusus aboleretur) opus fuerit: quem ex nostris Dicecesibus jam, ut speramus, ejectum gaudemus.

Cujusdam abusus abrogatio.

Cap. XXVII.

In quibusdam Collegiatis Ecclesiis ad summum altare, non ordinarii, sed mercenarii Clerici, Presbytero Sacra peragenti ministraturi adjunguntur, qui tamen officio suo satisfaciunt minus, cum ab altari ad subsellia, ex quibus succinitur, a subsellis rursus ad altare multum incompote subinde discurrunt; quod fieri non oportuit, maxime in Ecclesiis illis, quæ ordinariis personis abundant, & quorum ministri copiosis redditibus sunt ditati. Nam omnis occasio contemptus & scandali promiscuo vulgo adimenda est.

Processionum Collegiarum Ecclesiarum, quæ ad majorem fiunt, moderatio.

Cap. XXVIII.

Processiones Ecclesiarum Collegiarum (z) ad summum templum, quæ diebus maxime celebribus ac festis fiunt, procul dubio institutæ sunt, causa conveniendi illuc ad Missas Episcopales, desiderioque recipiendi communionem, vel

benedictionem Episcopalem; jam quum isti conventus speciem quidem antiquitatis, & nihil præterea repræsentent, imo pernitiolæ evagationis materiam, & crapulæ occasionem diebus illis sacratissimis præstent; illas Nobis eatenus abrogare visum est, ut Collegia in civitate nostrâ Colonienſi, in quatuor illis summis anni festis, ac diebus celebribus sequentibus, quæque in suis Ecclesiis Divinum officium statis horis reverenter, solenniterque concelebrent ac peragant: neque his diebus, nisi quum nos in summo templo nostro præsentemur, collegialiter accedant. Nam quantula sit devotio Collegiorum, quæ tum accedunt, quis Dei cultus ac veneratio, satis in aperto est. Tacemus, quod interim apud ipsas Collegiatis Ecclesias hæc diebus, maxime insignibus, solenne officium prætermittitur: aut si quod dicitur, verius præcipitur ac truncatur, quam celebratur.

De Processionibus non abrogatis.

Cap. XXIX.

Reliquas autem processiones more antiquo observari volumus: jubemus tamen, ut Clerus civitatis nostræ abusus, qui hætenus irrepperunt, matura consultatione prævia, tollere peragat.

Quomodo ad Anniversaria Episcoporum in majori Ecclesia conveniendum sit.

Cap. XXX.

Dum Vigiliæ in Anniversariis Episcoporum in summo nostro templo, convenientibus illuc Collegiis, persolvuntur: inconcinnus, atque adeo specie ipsa non satis pius ac devotus cantus editur. Quare Nobis visum est expedientius, ut Collegia singula in suis templis Vigilias hæc devote absolvant, dein Ecclesiam nostram majorem ad Sacrum tantum accedant, illic tantisper facturi moram, donec id compleatur, singulis interim animum ad Deum ac pias preces conversionis, quemadmodum superiori articulo diximus.

Minora

(x) Marc. II.

(y) Innoc. III. C. Cum decorem. De vit. & hon. Cler.

(z) Agath. C. 63. & 64.

*Minora ministeria idoneis committenda, ac
decenter peragenda.*

Cap. XXXI.

Antiquissimis Canonibus in plerisque etiam Conciliis sancitum est, (a) ne laici secus altare inter Clericos ministrarent, neve infacri Ministri, licentiam habeant ingrediendi in Sacramentum, quod Græci Diaconium appellant, neve vasa Domini contingant. Præterea, ne Reliquiæ Sanctorum, & vestimenta Ecclesiastica, quæ honesta esse decet, nisi tantum a sacris Ministris attrectentur: adeo ut ne sacris quidem Deo fœminis, ac monachabus, aut lectoribus etiam sacra vasa, vel sacras pallas contingere, vel incensum circa altare præferre liceat, verum id solis Diaconis permissum sit: expressim autem laicis vetitum, ne pallas, Ecclesiæ vela, ac altaris ornamenta abluant. Neque Patres hic scripturis deservuntur. Jam vero eo ventum est, ut quatuor illi minores Ordines, nempe Ostiarii, Exorcistæ, Psalmistæ, ac Lectores, non temere ab Ecclesia instituti, ac recepti, præter nomen nihil in Ecclesia retinuerint, illorumque loco tenues aliquot homines laici, qui per Ecclesiæ Prælatos minoris compendii gratia subrogantur, illorum officiis sese ingerant, idque indecore; quippe nullo penitus clericali habitu amicti, inter quos sunt, quos appellamus campanarios. Quos ad minimum (cereis accendendis, aliisque in choro ministrationibus intentos) deceret superpelliceis indui. Ne interim prætereamus ablutionem palliarum, vestimentorumque altarium, breviter, Sacrorum custodiam talibus per Custodes seu Thesaurarios nostri temporis committi, quos hæc contingentes antiquitas nefarii criminis, simul cum furrogantibus damnaisset: quare cautius posthac agendum, ne ob talem præsumptionem Dominus iratus, plagam populo, qua simul innocens cum nocente involvatur, immitat.

PARS QUARTA.

*De Parochis, eorum Vicariis, aliisque
verbi Ministris.*

Cap. I.

Titulus hic cum generalis sit, in plerisque etiam aliis inciditur. Primum enim videndum, qui ad verbi ministerium, & regimen Ecclesiarum admittendi sint: deinde de vita ac moribus eorum: post, de officio, quod in duobus potissimum situm est, disseminatione verbi, administratione Sacramentorum. Postremo de ipsorum victu, de quibus speciatim dispiciemus. Ante omnia tamen Lectorem admonitum esse volumus, hos esse locos, quos Ecclesiarum jubar Divus Paulus in Epistolis ad Timotheum (b) ac Titum accuratissime tractat. Nam huc illi potissimum spectant, ut sciant Timotheus ac Titus, quomodo oporteat eos in domo Dei conversari, quæ est Ecclesia Dei viventis, nisi quod articulus administrationis Sacramentorum, & qui de victu est, alibi fusius explicantur. Porro cum hæc Paulinæ Epistolæ meræ aureæ sint, & nulli non Parocho cognitu imprimis necessaria: Idcirco ad verbum ediscendæ, memoriæ mandandæ, ac opere complendæ erunt. Ex quibus aliis Evangelicis, Apostolicisque Scripturis, ac Patrum Sanctionibus, nos quædam decerpemus, quo dilucidius fiat, in quibus hæctenus magno cum Reipublicæ detrimento peccatum, & quid de cætero Parochis factu opus sit.

Qui admittendi.

Cap. II.

Quum CHRISTUS JESUS (c) Pastor ille bonus, ac pastorum Princeps, qui posuit animam suam pro ovibus suis, circuiret omnes civitates & castella, docens in Synagoga eorum, (d) & prædicans Evangelium regni, & curans omnem languorem & omnem infirmitatem: Quum, inquam, is, qui venit requirere, & servare, quod perierat, vidisset turbas, misertus est eis, qui erant vexati & jacentes, sicut oves non habentes pastorem, dicebatque Discipulis suis: (e) *Messis quidem*

(a) Ex Conc. Mogunt. De vir. & hon. Cler. C. Non liceat. Ex Conc. Agath. C. De Sacr. 23. Diff. (b) 1. Tim. 5. (c) Joan. 10. (d) Matt. 9. (e) Marc. 6. & Luc. 10.

quidem multa, operarii autem pauci: rogare ergo Dominum messis, ut mittat operarios in messem suam.

Orandus Deus; ut operarios suos mittat in messem suam.

Cap. III.

Num, quæso, putamus, necdum tempestivum esse, interpellare Dominum messis, ut mittat operarios in messem, ac Pastores, non quoslibet, sed secundum cor suum: nimirum ovibus misere dissipatis ac palantibus requirendis? Quis, nisi in media luce cæcus, non præfentiscat, Nos in ea periculosissima tempe pora incidisse, in quibus prædicationes Christi, & Apostolorum scripturæ omnino atque omni ex parte complentur? Quis enim non videt, venisse, irrupsisseque, numerosa admodum caterva ad nos, falsos illos prophetas in vestimentis ovium (f), qui sint intrinsecus lupi rapaces, qui non introierint (g) per ostium in ovile ovium, sed ascenderint aliunde fures ac latrones? Non enim venerunt, nisi ut furentur, & mactent, & perdant, quos videntes mercenarii, & qui non sunt pastores, venientes fugiunt, & dimittunt oves, & lupi rapiunt, & dispergunt eas. Fugit enim mercenarius, quia mercenarius est, & non pertinet ad eum de ovibus. Poterant direptores isti sub exuvio ovino aliquamdiu delitescere, nisi Christus eos prodidisset. Ex fructibus (inquiens (b)) eorum cognoscetis eos; quod non possit arbor bona fructus malos facere, nec arbor mala fructus bonos. Ex fructu enim suo unaquæque arbor cognoscitur.

Unde dignoscere oporteat Pseudo-Ecclesiastas.

Cap. IV.

Quos qui velit penitus agnoscere, is secundam Petri Epistolam legat cap. II: & quæ ejusdem argumenti est, Judæ Apostoli unicam, & eas potissimum Divi Pauli Epistolas, quas ad Timotheum ac Titum (i) Co-Episcopos suos perscripsit, in quibus illos, eodem, quo Dominus, nomine appellat lupos rapaces, non parcentes gregi: ex nobis quidem sub-

orituos, sed perversa loquentes, ut abducant discipulos post se, homines se ipsos amantes, cupidos, elaros, superbos, blasphemos, sine affectione, sine pace, criminatores, incontinentes, protervos, reprobos circa fidem: a sine præcepti, quæ caritas est, de corde puro & conscientia bona, & fide non ficta, toto cælo aberrantes, in vaniloquium conversos, seductores, proficientes in pejus, errantes, & in errorem mittentes, magistros prurientes auribus, & in fide (quod bonam conscientiam repulerint) naufragos, verbis contententes, sanis vero sermonibus, & ei, quæ secundum pietatem est, doctrinæ neutiquam acquiescentes, superbos, languentes circa quæstiones, & pugnas verborum, ex quibus oriuntur invidiæ, contentionēs, blasphemiæ, suspiciones, malæque conflictationes hominum mente corruptorum, ac proinde ad nihil utiles, nisi ad subversionem audientium, quorum sermo ut cancer serpit. Nunquid poterat Apostolus futurorum conscius, hosce Pseudo-Ecclesiastas apertius aut dilucidius designare? quos nullus profecto Apelles tam expressim suis coloribus depingere potuisset.

Soli, autoritate ordinaria comprobati, ad Verbi ministerium admittendi.

Cap. V.

Adversus hos Pseudo-Chrísticos & Pseudo-Phphetas nos præmunivit Christus: (k) Videte (inquit) ne seducamini. Multi enim venient in nomine meo, dicentes: Ego sum Christus: & multos seducent, ut in errorem (si tamen fieri potest) inducantur etiam electi. Nolite ergo ire post eos. Vos ergo (ut subjecit communens) videte: Ecce prædixi vobis omnia. Christi ergo præceptum, quantum nobis ipse concedit, sequentes, quo lupos tam pestilentes ab ovilibus & Diaecesibus nostris abigamus; visum nobis est operæ pretium fore, antiquos innovare Canones, quibus præcipitur, ne ulli ad Verbi ministerium, seu Prædicationis officium, nisi missi, autoritateque ordinaria approbati sint, admittantur; Quomodo enim (secundum Apostolum (l)) prædicabunt, nisi mittantur?

Quod

(f) Matt. 7. (g) Joan. 10.
(i) 2. Tim. 3. Tit. 1. (k) Matt. 24.

(b) Matt. 7.
(l) Rom. 10.

*Quod legitimi, & ordinarii Verbi Ministri,
sunt Parochi, & illorum Vicarii,
modo tamen hi examinati
prius, & admissi sint.*

Cap. VI.

Ordinarii ergo Verbi Ministri, (m) Ecclesiarum Parochialium legitimi Rectores, ac Parochi sunt, quos etiam personaliter apud easdem Ecclesias, secundum Canonicas Sanctiones perpetuo residere volumus: nisi tamen eos magna ratio, veluti quod vel majoris ac publicæ utilitatis causa absint, quæ & nostro calculo approbari debet, vel quod soli ob Parochiæ amplitudinem gubernationi tantæ non sufficiant, excusaverint. Tum enim, qui per illos delegabuntur Vicarii, seu Vice-Curati (modo tamen hi etiam examinati, & tam quod ad vitæ integritatem, quam Christianæ eruditionis puritatem, & zelum attinerent, idonei reperti fuerint) nostro permisso eodem officio perfungentur. Qui vero deinceps in Vice-Curatos assumuntur, Vicarii nostri in Pontificalibus, ac Theologorum ei per Nos adjungendorum: in Diocesibus vero Suffraganeorum nostrorum, illorum, quibus hoc muneris committendum duxerint, censuram (num videlicet obeundo muneri apti seu idonei sint, vel minus) expectabunt.

Frates mendicantes quatenus admittendi.

Cap. VII.

Aliquot retro seculis (n) in Ecclesiam recepti sunt quatuor mendicantium Fratrum Ordines, quo Parochorum in verbi ministerio cooperarii forent. Quos absit, ut repellamus: si tamen intra Concilii Viennensis, sub Clemente quinto celebrati, aliarumque Canonicarum constitutionum cancellos se continuerint: Nec ante accesserint, quam per ipsorum Prælatos, ut vitæ inculpatæ viri, discreti pariter ac modesti, ac verbi Divini probe gnari judicentur, atque ad hoc munus deligantur: Deinde etiam Vicariis nostris in Pontificalibus præsentati, tales inventi fuerint ac permitti.

(m) C. Licet is. De elect. Lib. 6.

(o) Ex Decret. Pontian. Pont.

(g) Rom. 14.

*Quam modestiam Fratres mendicantes in
Verbi prædicatione servare
oporteat.*

Cap. VIII.

Qui tamen, quum in subsidium tantum vocati sint, Ordinariis Ecclesiarum Rectores molesti esse desinent, ita videlicet, ne eosdem (quum suo munere fungi ipsimet velint) præoccupent, neve quos in excolenda vinea Domini juvare debent, (o) in concionibus virulenta ac detractoria lingua carpant, uti nonnulli hujus generis solent, qui inflati, ac incompositi populi auribus demulcendis student, suam, non Christi gloriam ambientes: tam ignari omnis Ecclesiasticæ disciplinæ, ut ignorent, Parochos, si forte ceciderint, suos habere Judices, non ipsos fratres censores: multo minus promiscuam plebem, quam, exploratum est, mutis Ecclesiasticorum virorum amarulentis detractationibus adeo non emendari, ut scandalizetur multo magis. (p) Nec audiendi sunt isti, si servos Dei accusare se dicant, ut meliores fiant; quum potius invidiæ stimulis, adulationisque, quam charitatis studio agitari convincantur: Id ipsum vel propria eorum conscientia attestante, quod sciant, nullum vel in seculo, ne dicamus in eorum Monasteriis inveniri, qui velit suum servum ab alio, quam a se, judicari: Adeo ut si quis fecus facere præsumperit, hunc & multa sequatur indignatio, & ulciscendi cupiditas. Quin Paulum audiant dicentem: (q) Nolite judicare invicem, sed hoc judicate magis, ne offendiculum detis fratri.

*Non ferendi, qui in jurisdictiones, &
potestates temere ad plebem in-
vebuntur.*

Cap. IX.

Multo minus ferendi sunt, qui, ut auram venentur popularem, in jurisdictiones Episcopales ac Ordines Ecclesiasticorum pariter, & civilium Magistratum invehentes, temere vociferantur ad populum: (r) non intelligentes interdum, neque quæ loquuntur, neque de quibus affirmant. Quo nihil aliud efficiunt, quam ut ple-

(n) Ex Conc. Viennens. Cle. Dudum. De sepul.

(p) Ex Decret. Anaclet.

(r) 1. Tim. 2.

hem, alioqui satis in Clerum irritatam, irritatiorem reddant, ac gliscenti seditionum igni oleum subministrant. Jurisdictiones ac Magistratus esse oportet. Quod interdum personarum, non ordinis seu magistratus, vitio peccatur, alia providentia purgandum est, non cæco plebis iudicio expendendum. (r) Fraterna correptione opus erat, non accusatione aut laceratione ex suggestis. Et ut omnia non statim ad vivum usque repurgentur, quod fieri vix potest, non gravabuntur isti oculati, in se quoque descendere, ac suos erratus inspicere, quo tandem æquiores fiant, Divinisque iudiciis etiam quadam relinquant. Si enim omnia [ut scite Anacletus ait] in hoc seculo vindicata essent, locum Divina iudicia non haberent. Sed de his satis.

Abusus est, qui Parocho suo officio interdicit.

Cap. X.

Ex his, quæ diximus, consequitur, eum morem, qui alicubi irrepit, penitus irrationabilem, ne dicamus, execrabilem abusum esse, quo legitimi Ecclesiarum Parochi adiguntur iurejurando affirmare, sese in suis Ecclesiis Fratres mendicantes ad verbi ministerium (etiam si ipsimet pro ratione suscepti ac concediti muneris eo fungi velint) perpetuo admissuros. Quid enim hoc more aliud agitur, quam ut Parocho officium, quo se Christo & Ecclesiæ obstringit, adimatur, ac in alium relegatur? Id vitii, ut spes est, curabimus.

Fratres mendicantes his Synodalibus Constitutionibus evunt parentes.

Cap. XI.

Æquum quoque censemus, ut qui ex fratribus huic muneri accingi velint, nostris Vicariis in Pontificalibus serio promittant, sese his Synodalibus institutis omnino obtemperaturos, quo sermo Dei, pure, sincere, ac sine offensione decurrat.

Decet quoque, ut Fratres eatenus Ordinariæ potestati subijciantur.

Cap. XII.

Qui ut Ordinariæ nostræ potestati, quod ad ejusmodi functionem attinet, subijciantur, & eatenus monasticæ professionis regulis, obligationibusque eximantur, non decens tantum, sed & justum putamus.

De semel certo loco destinatis, ac admissis non temere retrahendis.

Cap. XIII.

Qui vero semel præsentati ac admissi fuerint, ut certo loco hoc ministerio fungantur, non debent temere, seu præter nostrum assensum a suscepto munere retrahi. Nam frequentem personarum mutationem periculosam putamus: ut interim fileamus, sæpe minus idoneum in idonei locum surrogari.

Qui nulla legitima auctoritate innixi, se verbis ministerio ingerunt, uti seditiosi comprimendi.

Cap. XIV.

Extra Ordinarios Parochos, (z) illorumque legitimos cooperarios, nemo deinceps suggestum occupet, neque conventicula vel in privatis domibus, vel vicis faciat, aut quovis tandem modo usurpet. Quod si quis secus agere præsumperit, & inobediens perturbare Ecclesiam Dei (quæ foris est) perseveraverit, hunc tanquam seditiosum corripere oportet.

Prohibentur omnes Apostatæ, Monachi ignoti, ac peregrini Spernologi.

Cap. XV.

Quamobrem prohibemus omnes Apostatas, Monachos ignotos, item istos ac peregrinos Spernologos, quorum neque doctrina, neque vita ulli perspecta est: eritque proinde curæ civilibus Magistratibus, ac Præsidibus, ut de his inquirant diligenter: & quos Nos proscriptimus, eos illi cum receptatoribus ipsorum doli mali consciis, excedere provincia compellant: (u) Nisi quid

L 1 3

seve-

[r] Matt. 18.

[z] Ex Conc. Antioch. C. 5.

[u] Ex Conc. Sardic. 1. & 18. Laodic. 13.

severius culpa horum prævaricatorum in ipsos statuere postulaverit. Jam ut inveniatur quispiam (quod absit) qui aliter, quam legitime Parochiam occupaverit, hunc abjici statim oportet, quantumvis plebs, quam corrumpit, eum retinere contendat.

De Terminariis, quatenus admittendi.

Cap. XVI.

Ex Ordine Mendicantium, qui oppidatim soli commorantur, quos Terminarios appellamus, vitam interdum agere (x) monachismo plurimum dissimilem cognovimus, proindeque multis esse invisos: hos potius, quam officio prædicationis statis illis diebus perfuncti essent, elemosynasque collegissent, statim ad monasteria sua regredi, ibidemque quieti operam dare atque observare jejunia, & orationes juxta Ordinis sui institutum, malumus, quam vitam communem, ne dicamus licentiosam, inter civitum turmas ducere. Ubi tamen monasteria ab oppidis aut vicis tam longe distita fuerint, ut unius diei itinere repeti non possint, nolumus Terminarios istos hac lege teneri, modo tamen viri graves & annosi, vitæ quoque ex omni parte integræ, ac sacræ doctrinæ comperti fuerint, ac id etiam visitatione potius, quam constitutionibus cavebitur.

Privilegiis fratrum nihil derogatur.

Cap. XVII.

Nolumus autem per prædicta, privilegiis, ordinibus fratrum mendicantium rite & legitime concessis, præjudicare.

Monachorum Ecclesiæ per seculares (ut vocant) Presbyteros gubernandæ.

Cap. XVIII.

Eadem ratione decens est, ut Monachi, qui (y) Parochiales Ecclesias, cura animarum apud ipsum Monasterium, non personam relicta, incorporatas (ut vocant) Monasteriis suis habent, non per Religiosos, quos in Monasteriis perpetuam vitam agere convenit, sed per Vicarios Presbyteros seculares [modo haberi possint] ad eundem modum, quem supra diximus, examinandos ad-

mittendosque gubernari procurent. Quibus etiam de Ecclesiæ proventibus tantum assignare obligati erunt, unde & jura Episcopalia perolvere, & congruam sustentationem habere possint: quod ut fiat, nobis curæ erit. Non tamen tam duri hic erimus, quo minus interdum viros monasticos, quos singulari vitæ exemplo, & doctrinæ salutaris diffeminatione insignes comperiemus, apud Ecclesias Parochiales relicturi & confirmaturi simus.

PARS QUINTA.

De vita & moribus Parochorum.

Caput I.

Quamquam de vita ac moribus Clericorum supra dixerimus, videtur tamen hic locus postulare, ut speciatim aliquid de conversatione ac moribus Parochorum dicamus, quod horum vita & officium Divo Paulo præcipue curæ fuerint, adeo ut his recte se habentibus, de reliquis non admodum magnam sollicitudinem habuisse videatur. Nec immerito: res enim ipsa declarat, ac prisca sæcula meminerunt, quam tranquilla, quam florens, quam fructificans, quam denique felix Ecclesia fuerit, dum talibus esset Parochis insignis, qui Evangelicis Apostolicisque institutis, Sanctorumque Patrum regulis adducti, non tantum vocabulo, sed & facto præstabant, quod dicebantur. Contra vero, in quantos æstus, tempestates, procellas, ac pericula ob eosdem sensim in diversum mutatos ac varicantes, Ecclesiæ navicula misere conjecta sit, Nos sentimus: Ex quibus rursus emergere, quum certo certius non possimus, nisi Nos [quibus gregem suum Christus pascendum commisit] vias Domini rectas, a quibus varicando excidimus, inambulare pergamus: Quid tandem aliud consilii capiendum nobis, quam ut singuli, quales esse debemus, tales & simus: atque hoc insigne Christi verbum, quod hinc discedens, Petroque oviculas suas committens, post tertiam denum dilectionis stipulationem, promissionemque, uti ultimum elogium ac memoriale, fidelissime,

(x) Ex Conc. Chalced.

(y) C. De Monach. De Presb. C. I. De Capell. Mon.

lissime, diligentissimeque inculcavit, & mente & opere teneamus, quod est: [z] *Pasce agnos meos?* Id fecerimus, si gregem Christi post Christum unice diligamus, atque eundem tam verbi doctrina, quam operis exemplo pascamus, Divinorumque Sacramentorum dispensationem tueamur, defendamusque.

Vita ut doctrinæ in Parocho conveniat, necessarium.

Cap. II.

Ubique ferme, cum de Parochis sermo incidit, scriptura vitam doctrinæ copulat: Nimirum, qui vitam agit doctrinæ contrariam, plus exemplo destruit, quam ædificet verbo. Oportet enim & fieri sermonem, non tantum dici. Alioqui competet in Parochum, quod Seneca Platoni objectum fuisse refert: aliter loqueris, aliter vivis. Et quod Christus Phariseis imputat: (a) *Dicunt enim, & non faciunt. Alligant autem onera gravia & importabilia, & imponunt in humeros hominum: digito autem suo nolunt ea movere.* Apponatur ergo manus ori necesse est, ne sit (b) *vox quidem, vox Jacob, manus autem manus Esau.* Porro vox operum fortius sonat, quam verborum. Intuendus nobis Pastorum Princeps est, cuius tota vita, sua doctrina est; (c) qui cœpit primum facere, post docere. Siquidem (d) *potens opere, & sermone, qui Discipulos Joannis, de adventu Messiae rogantes, ad opera remisit, dicens: (e) Ite, dicite Joanni, quæ vidistis, & audistis. Qui denique non solum vocat oves suas nominatim, sed & vadit ante eas. Et eum tantum, (f) qui sic docuerit & fecerit, magnum in regno cælorum fore pollicetur.*

Pastorem gregis exemplum esse oportere.

Cap. III.

Quare Beatissimus Paulus, Ecclesiæ Ministrum instituturus: (g) *Exemplum* (inquit) *esto fidelium in verbo, in conversatione, in charitate, in fide, in castitate.* Item ad Titum: (h) *In omnibus te ipsum*

præbe exemplum bonorum operum, in doctrina, in integritate, in gravitate, verbum sanum, irreprehensibile: ut is, qui ex adverso est, vereatur, nihil habens malum dicere de nobis. Sal enim (i) terræ, & lux mundi Prædicator Evangelii dicitur, & lucerna super candelabrum posita, ut luceat omnibus, qui in domo sunt: sic ut videant homines opera illius bona, & glorificent Patrem, qui in cælis est. Quod si sal infatuatum fuerit, in quo salietur? Ad nihilum enim valet ultra, nisi ut projiciatur foras, & conculcetur ab hominibus. Apostolus itaque hoc præceptum commendat Timotheo, (k) *ut militet bonam militiam, habens non tantum fidem, sed & bonam conscientiam: quam quidam repellentes, circa fidem naufragaverunt: ex quibus tum erant Hymenæus & Alexander, quos tradidit Saranæ, ut discant non blasphemare.* Interea vero ex eodem numero omnes hæretici fuere.

Vitanda Parocho inprimis avaritia.

Cap. IV.

Jam quæ Clericis vitanda erunt, supra diximus. Ea ipsa potissimum Paulus quam longissime a Parochis esse vult, & quæ illis opposita sunt, in ipsis quam maxime elucere. Primum scilicet, ut abstineant ab omni avaritia. (l) *Hospitalitates enim erunt, non turpis lucri cupiditas; non opes, sed animas venantes; non auri, sed hominum piscatores.* Alioqui ex Pastoribus fient mercenarii, & vertentur in lupos, audientque Dominum per Ezechielem exprobrantem: (m) *Lac comedebatis, & lamis operiebamini: quod crassum erat, occidebatis: gregem autem meum non pascebatis: quod infirmum fuit, non consolidastis, & quod egrotum erat, non sumastis, quod confractum est, non alligastis, & quod abjectum est, non reduxistis, & quod perierat, non quaesivistis, sed cum austeritate imperabatis eis, & cum potentia, & cætera, quæ sequuntur. Qui (*) enim volunt divites fieri, incidunt in tentationem, & in laqueum Diaboli, & desideria multa inutilia, & nociva, quæ mergunt homines in interitum & perditionem. Radix quippe omnium malo-*

(z) Joan. 21.

(c) Act. 1.

(f) Matt. 5.

(i) Matt. 5.

(m) Ezech. 34.

(d) Matt. 23.

(d) Luc. 24.

(g) 1. Tim. 4.

(k) 1. Tim. 5.

[*] 1. Tim. 6.

(h) Gen. 27.

(e) Matt. 11.

(b) Tit. 2.

(l) 1. Tim. 5. & Tit. 1.

rum est cupiditas, quam quidem appetentes, erraverunt a fide, & inservierunt se doloribus multis. Tu vero o homo Dei, hæc fuge: sectare vero iustitiam, pietatem, fidem, charitatem, patientiam, & mansuetudinem.

Parochi familiam irreprehensibilem esse debere.

Cap. V.

Interim erit domui suæ bene Præpositus, ut non tantum ipse, sed & sua familia irreprehensibilem, vitam agat. Qui enim domui suæ præesse nescit, quomodo Ecclesiæ Dei diligentiam habebit? oportet autem illum & testimonium habere ab his, qui foris sunt, ut non in opprobrium incidat, & in laqueum diaboli.

Parocho luxur omnino cavendus.

Cap. VI.

Deinde procul absint Parochi ab omni luxu. Sobrium enim vult Parochum esse Paulus, nec multo vino deditum, ac vino potius ad necessitatem, quam ad voluptatem utentem, quemadmodum ipse Timotheo præcipit, [n] ne aquam adhuc bibat, sed modico vino utatur propter stomachum suum, & frequentes suas infirmitates. Nesciat ergo Parochi domus commestrationes crapulosas, excretur computationes illas, ad æquales haustus obligatorias. Sit procul a symbolorum (ut vocant) dationibus. Turpissimum putet, nisi causa necessitatis, intrare tabernam, quasi domum non habeat ad edendum & bibendum. Brevis, vitet omnia, quæ Pastoralem auctoritatem aut dedecorant, aut imminuunt.

Pudicitia servanda Parocho.

Cap. VII.

Detestetur quoque omnem libidinem. Nam oportet Parochum esse pudicum. 1. Timoth. 3. & se præbere exemplum in castitate, 1. Timoth. 4. ne in eum vere dicatur: (o) *Qui alium doces, te ipsum non doces: Qui prædicas, non furandum, furaris: Qui dicis, non mæchandum, mæcharis. . . . Qui in lege gloriaris, per*

prævaricationem legis Deum inbonoras; per quod blasphematur nomen Dei inter gentes. Quo enim vultu fornicarios cæcæ excludet cum Paulo, (p) qui huic volutabro cæni ipse immerfus est? An existimas (inquit ipse Paulus) (q) O homo omnis, qui iudicas eos, qui talia agunt, & facis ea, quia tu effugies iudicium Dei? In quo enim iudicas alterum, te ipsum condemnas: eadem enim agis, quæ iudicas. Scimus quippe, quia iudicium Dei est secundum veritatem in eos, qui talia agunt.

Quæ fugienda, & quæ sectanda Parocho.

Cap. VIII.

Denique Paulus ad Timotheum: (r) *Juvenilia (inquit) desideria fuge, sectare vero iustitiam, fidem, spem, & charitatem, & pacem cum bonis, qui invocant Dominum de corde puro. Labora sicut bonus miles Christi. Nemo enim militans Deo, implicat se negotiis secularibus, & quæ sequuntur. In summa, sollicite cura, te ipsum probabilem exhibere Deo, operarium inconfusibilem, recte tractantem verbum veritatis.*

PARS SEXTA.

De Diffeminatione Verbi.

Caput I.

HOc ministerium Sanctissimus Apostolus cæteris omnibus longè præfert. Unde & Corinthiis scribens, ait: (s) *Non misit me Christus baptizare, sed evangelizare: cui & cæteri Apostoli adstipulantur, quum inquirunt: (t) Non est æquum nos relinquere verbum, & ministrare mensis. Quinimo & Christus aliis anteponit: (u) Euntes (inquiens) in mundum universum, prædicate Evangelium omni creaturæ, (x) & docete omnes gentes, baptizantes eos, in nomine Patris, & Filii, & Spiritus Sancti, docentes eos servare omnia, quæcunque mandavi vobis. Quamobrem Paulus Timotheum suum excitans, ait: (y) Attende lectioni, attende exhortationi & doctrinæ: noli negligere gratiam, quæ in te est, quæ data est tibi per prophetiam, cum impositione manuum Presbyterii. Hæc medi-*

[n] 1. Tim. 5.

[q] Rom. 2.

[r] Act. 6.

[s] 1. Tim. 4.

[o] Rom. 2.

[p] 2. Tim. 2.

[q] Marc. 16.

[r] 1. Cor. 6. Ephes. 5. Gal. 5.

[s] 1. Cor. 1.

[t] Matt. 28.

tare; in his esto, ut profectus tuus manifestus sit omnibus. Attende tibi, & doctrinæ; infra in illis: hoc enim faciens, & te ipsum saluum facies, & eos, qui te audiunt. Et iterum: (z) Tu vero vigila, in omnibus labora, opus fac Evangelistæ, prædica verbum, infra opportune, importune, ministerium tuum imple.

Quid Parocho meditandum.

Cap. II.

Meditabitur Parochus, quid ipsi Dominus per Ezechielem cap. III. xxxiii. ac xxxiv. præceperit: parabolaque speculatoris, menti infigenda est: Speculatorem (inquit) dedi te domui Israel. Quod si speculator viderit gladium venientem, & non insonuerit buccina, & populus se non custodierit, veneritque gladius, & tulerit de eis animam: ille quidem in iniquitate sua captus est, sanguinem autem ejus de manu speculatoris requiram. Parochi siquidem sunt, quibus potissimum dictum est: (a) Fratres, si quis ex vobis erraverit a veritate, & converterit quis eum: scire debet, quoniam qui converti fecerit peccatorem ab errore viæ suæ, salvabit animam ejus a morte. Dura est nimis illa Prophetæ lamentatio: (b) Parvuli petierunt panem, & nemo dabat eis. Palce ergo fame morientem: si non paveris, occidisti. At homo ex duabus partibus constat, ex carne scilicet & spiritu. Duplici ergo cibo opus est. Nam ut Scriptura ait: (c) Non in sole pane vivit homo, sed in omni verbo, quod procedit de ore Dei. Cibus exterior carnem tantum mortalem reficit, & intrans per os, in ventrem vadit, & in secessum emittitur. Panis autem Spiritus, tam per verbum prædicationis, quam Sacramentaliter in veritate corporis & sanguinis Dominici, in viva fide comestus, vivificat, reficit, ac vegetat animam, qui non perit, sed permanet in vitam æternam: & hunc, qui ederit, non morietur in æternum. Id quod omnes pii sciunt ac sentiunt. [d] Vetus enim sermo Dei est, & efficax, & penetrantior quovis gladio ancipiti, ac pertingens usque, ad divisionem animæ & spiritus, compagumque & medullarum.

Fidelitas imprimis in Parocho requiritur.

Cap. III.

Hic jam inter hujus cœlestis panis Dispensatores [e] quaeritur, ut fidelis quis inveniat: Fidelis, inquam, servus & prudens, quem constituit Dominus super suam familiam, ut det illis escam in tempore. [f] Beatus ille servus, quem, quum venerit Dominus ejus, invenerit sic facientem. Sin secus, veniet Dominus servi illius, in die, quò non sperat, & hora, quam ignorat, & dividet eum, partemque ejus ponet cum hypocritis, ubi erit fletus & stridor denuum.

Quis sit fidelis verbi Dispensator.

Cap. IV.

Is autem fidelis est Dispensator (attestante Divinissimo Joanne (g)) cujus scopus unicus ille Christus est, & cujus Spiritus confitetur Christum in carne venisse, id est, ut Divus Paulus interpretatur, (h) qui docet apparuisse gratiam Dei & Salvatoris nostri omnibus hominibus ad erudiendum nos, ut abnegantes omnem impietatem & secularia desideria, sobrie, juste, & pie vivamus in hoc seculo, expectantes beatam spem, & adventum gloriæ magni DEI & Salvatoris nostri JESU CHRISTI. Qui, inquam, docet eundem CHRISTUM JESUM Dominum nostrum hominem factum, ut daret semetipsum pro nobis, ut nos redimeret ab omni iniquitate, & mundaret sibi populum acceptabilem, sectatorem bonorum operum. Quibus verbis Sanctus Paulus duas in Christo naturas, Verbi scilicet & carnis, indissolubili vinculo cohærentes, & utriusque naturæ rationem complectitur: Verbi, quatenus erudit nos, docens, quæ sit voluntas Patris, quam facientibus denuntiat præmium, prævaricantibus vero pœnam æternam. Carnis vero, quatenus datus & immolatus est pro nobis in ara Crucis: Agnus immaculatus, & vittima tollens peccata mundi, (i) nobis relinquens exemplum, ut sequamur vestigia ejus, & eadem cogitatione armemur: quia (k) qui passus est in carne, desit

a pec-

[z] 2. Tim. 4.

(c) Matt. 4.

(f) Matt. 24.

(i) 1. Pet. 2.

[a] Jac. 5.

(d) Hebr. 4.

(g) 1. Joan. 4.

(k) 1. Pet. 4.

(b) Thren. 4.

(e) 1. Cor. 4.

(h) Tit. 2.

a peccatis: ut jam non desideris hominum, sed voluntati Dei, quod reliquum est in carne temporis, vivamus. (1) Omnis autem Spiritus, qui solvit Jesum, ex Deo non est: & hic est Antichristus, de quo audistis, quoniam venit, & jam in mundo est.

Omnis scriptura ad geminam charitatem exigenda.

Cap. V.

Is item fidus est minister Verbi, qui omnem scripturam ad Christianam exigit charitatem. Charitas enim Christianismum consummat, quemadmodum apud Divum Paulum legimus: (m) *Finis præceptis, est charitas de corde puro, conscientia bona, & fide non ficta.* Et est potissimum illud indicium, quo Christiani esse comprobamur. In hoc (ait Christus) (n) *cognoscent omnes, quia discipuli mei estis, si dilectionem habueritis ad invicem.* Unde Beatus Augustinus in libris de Doctrina Christiana (o) brevissimam methodum ad pervertigandas, intelligendasque scripturas commonstrare volens: Quisquis (inquit) Scripturas Divinas, vel quamlibet eorum partem intellexisse sibi videtur, ita ut in illo intellectu non ædificet geminam charitatem, Dei & proximi, is nondum intellexit, quod Legis, ac Scripturarum summa, finis ac plenitudo, (p) sit dilectio, quæ duobus mandatis comprehenditur, nempe: (q) *Diliges Dominum Deum tuum ex toto corde tuo, ex tota anima tua, ex tota mente tua, ex tota virtute tua; & diliges proximum tuum, sicut te ipsum.* Et quemadmodum vultis, (r) ut faciant vobis homines, ita & vos facite illis. In his duobus mandatis universa Lex pendet & Prophetæ. Qui cunque ergo ad hanc amussim doctrinam suam attemperat, is nunquam potest perniciose errare.

Summa Evangelicæ Prædicationis.

Cap. VI.

Ezechiel vero Propheta summam suæ Prædicationis Dominum enarrantem facit, hisce pene verbis: (s) *Vivo ego, dicit Dominus: Nolo mortem peccatoris, sed ut convertatur impius, & vivat.*

(1) 1. Joan. 4.
(o) Lib. 1. C. 36.
(r) Matt. 7.
(u) Psal. 140.

(m) 1. Tim. 1.
(p) Rom. 13.
(s) Ezech. 18.

Justitia justî non liberabit eum, in quacunque die peccaverit; & impietas impij non nocebit ei, in quacunque die conversus fuerit ab impietate sua. Quare qui egerit poenitentiam a peccato tuo, feceritque judicium, & justitiam, & in mandatis vitæ ambulaverit, nec fecerit quicquam injustum, vita vivet, & non morietur. Quod Christus brevius complexus est: (t) *Poenitentiam (inquit) agite appropinquavit enim regnum celorum.* Sed de his alias locupletius. Suffecerit hic, utcunque indicasse scopum.

Parocho cautissima sollicitudine in prædicatione verbi utendum.

Cap. VII.

Quo autem sollicitus Parochus provinciam, cui admotus est, gubernare satagat, haud exstimabit se alicui levi muneris, sed omnium gravissimo ac difficillimo præfectum, tantæ nimirum difficultatis, ut verbi prædicatorem undequaque absolutum, vix unum e millibus reperias. Non idem est ovium palatium; magna in pascendis varietas: quod unam oviculum nutrit, alteram macerat vel mactat. Culpaverit aliquis avaros, prodigus hinc argumentum prodigalitatæ suæ colligit. Culpaverit prodigos, avarus inde tenacitatis suæ excusationem arripit. Ea est hominum malitia, ut nedum alia, sed & Sanctissimum Dei verbum pro suis quisque affectibus, ac ad sua desideria confovenda potius, quam eradicanda trahat. Videmus, pro dolor, quemadmodum hac tempestate plerique sacras literas in parabolam ac proverbium vertant, atque (u) *ad excusandas excusationes in peccatis summa vi atque impudentia torqueant, adulterantes verbum Dei.* Quare Parochus cautissima sollicitudine agere debet, per gladium Dei, secantem a dextris, & sinistris, ut medium iter pateat ad incedendum per viam regiam mandatorum Dei.

Quemadmodum sermo temperandus.

Cap. VIII.

Attemperandus sermo, quoad ejus fieri potest, pro auditorum captu. Alii liqui-

(n) Joan. 13.
(q) Matt. 22.
(t) Matt. 4.

liquidem acri ingenio ac iudicio sunt, alii hebetes animo, ac rudi minerva præditi: quidam attentii, quidam vero desides: hi recte ac sincere instituti, illi seducti ac decepti: Discretionem ergo maxima opus est. Breviter, nemo erit concionator absolutus, cui præter vitam exemplarem non adsint omnia, quæ sequuntur: nempe cognitio scripturarum, utriusque Testamenti, ingenium velox, solers, atque versatile, eloquentia vehementer, suadibilis & suavis: neque interit minus temperata, quam copiosa, prudentia rerum ac personarum docendarum, experientia multiplex, immobilis constantia. Denique spiritus, qui si deerit, reliquis donis parum profecerit. (x) *Non enim vos estis, qui loquimini, sed Spiritus Patris vestri, qui loquitur in vobis.* Quomodo enim ad æternarum rerum desideria alios accendet, qui ipse totus languet ac friger, nondum spiritu concepto, qui ex Deo est, quem & ipse Deus dat bonum, petentibus se? En quam arduum est concionandi munus. Nec tamen propterea diffidentia (quæ plerumque multos avertit,) deservendum. Ad evangelizandum missi sunt Parochi. Væ (y) ergo illis, si non evangelizaverint. Si quis (z) autem eorum sapientia indiget, scrutetur scripturas, & postulet a Deo, qui dat omnibus affluenter, & non impropere, & dabitur ei.

Quid cavendum inter concionandum.

Cap. IX.

Cavebit autem omnibus modis, ne lubricus in docendo sit, (a) huc illucque effluens. Et inprimis, ne vento doctrinarum ab Ecclesia Catholica non receptarum, veluti nubes sine aqua circumferatur, sed formam habeat sanorum verborum ab Ecclesiæ (quæ columna veritatis est) instituto nihil discrepantium. Tu (inquit Paulus (b) ad Titum) loquere, quæ decent sanam doctrinam, . . . verbum sanum & irreprehensibile.

Nihil aut fabulosum, aut suspectum adferendum.

Cap. X.

Ineptas (c) autem & aniles fabulas devitabit, qualia nuper erant, quæ ex nullis probatis authoribus, sed potius suspectissimis obscurorum hominum commentis adferebantur exempla. Olim vero genealogiæ interminatæ, quod ad pietatem illa nihil fecerint. Exercebit autem se ipsum ad pietatem, quod corporalis exercitatio ad modicum utilis sit. Pias autem ad omnia utilis, promissionem habens vitæ, quæ nunc est, & futuræ.

Loquacitas vitanda.

Cap. XI.

Neque minus evitabit profana, & vaniloquia, hoc est, futilem & inanem loquacitatem, qua nonnulli ratiocinationibus humanis falsam scientiæ opinionem sibi venantur. Sic enim suum compellat Timotheum Paulus: (d) *O Timothee, depositum serva, devitans profanas vocum novitates & oppositiones falsi nominis scientiæ, quam quidam promittentes, circa fidem exciderunt.*

Quemadmodum Parochum adversus hæreticos pugnare oporteat.

Cap. XII.

Paratos nos esse vult Apostolus Petrus (e) ad satisfactionem omni, poscenti nos rationem de ea, quæ in nobis est, spe & fide, sed cum modestia & timore. Neque ergo doceat, neque intendant his Parochus, quæ quæstiones magis præstant, quam ædificationem, quæ est ex charitate. 1. Tim. 1. Et iterum 2. Tim. 2. & 3. Paulus ait: Stultas & sine disciplina quæstiones, & pugnas legis respue, sciens, quia generant lites. Servum autem Domini non oportet litigare. Proindeque ubi cum hæreticis res est, corripit quidem eos cum modestia, qui resistunt veritati, ne quando Deus det illis poenitentiam ad cognoscendam veritatem, & resipiscant a diaboli laqueis, a quo tenentur captivi ad illius voluntatem. Quod si non pro:

(x) Matt. 10.

(a) Ex Epist. Judæ.

(d) 1. Tim. 6.

(y) 1. Cor. 11.

(b) C. 2.

(e) 1. Pet. 3.

(z) Jac. 1.

(c) 1. Tim. 4.

profecerit, (f) hæreticum hominem post unam & secundam correptionem, devitet, sciens, quia subversus est, qui ejusmodi est, & delinquit, quum sit proprio judicio condemnatus. Nequaquam autem ad populum verbis contendat: ad nihil enim utile est, nisi ad audientium subversionem: memor Apostolici sermonis, quo rejiciuntur omnes, qui scissuram quarunt. (g) Siquis enim vult contentiosus esse: nos talem consuetudinem non habemus, neque Ecclesia Dei.

A scommatis & convitiis abstinendum.

Cap. XIII.

Inter concionandum ergo, a scommatis, maledictis, ac convitiis omnino abstinendum est. Prædicetur pure ac sincere Dei verbum, juxta Ecclesiasticam traditionem, & Patrum ab Ecclesia Catholica approbatorum interpretatio- nem. Quæ vero in contentionem & disceptationem revocari possunt, penitus fileantur, quemadmodum quoque pragmatica Augustensi Sanctione cautum est.

In contentiosis dogmatibus, quomodo docendus populus super.

Cap. XIV.

In controversis autem & contentiosis, obscurisque dogmatibus, quæ sacris voluminibus, vel universali Ecclesiæ consensu expressim decisa non sunt, populus privatim (maxime cum exomologesi se purgat, modo gravatam conscientiam in hoc habeat) ita docendus est sapere, atque hac cautione profiteri de his se credere, sicut credit Ecclesia. Hoc enim tutius, quam asseverare, de quo dubites, aut quod non intelligas.

Qualem oporteat esse Parochum in reprehendendis criminibus.

Cap. XV.

Erit quoque Parochus in reprehendendis criminibus vehemens atque acer. Constitutus est enim, ut annuntiet populo scelera eorum, sic tamen, ut in suggesto vitia tantum reprehendat, non personas nominatim perstringat. Argue,

inquit Apostolus, (h) increpa, obsecra in omni patientia & doctrina. Ubi perlonge arguenda, denuntiatione Evangelica utendum. Si peccaverit in te frater tuus: (i) inquit Christus) (i) vade, & corripe eum inter te & ipsum solum: quod si te audivit, eris lucratus fratrem tuum. Quod si non audivit, adhibe tecum adhuc unum aut duos, ut in ore duorum, vel trium testimonium stet omne verbum. Quod si eos non audivit, dic Ecclesie: quod si Ecclesiam non audivit, sit tibi sicut Ethnicus, & Publicanus. Sic Paulus Corinthios respicere nolentem [k] excommunicavit. Et hic iterum Christi doctrina, & exemplum sequendum, ut benevolentia severitatem vincat, ut paratus sit Parochus dimittere peccanti non modo septies, [l] sed septuagesies septies. Et cum Christo paratior sit, ad absolvendum (m) adulteram, ad frugem melioris vitæ revertentem, quam ad condemnandum. Quemadmodum Paulus (n) quoque in gratiam recepit Corinthium illum illam pœnitentem.

Manifesta reprehensio utriusque potestatis vitanda.

Cap. XVI.

Vitanda quoque manifesta reprehensio utriusque potestatis, tam Ecclesiasticæ, quam Civilis. Neque invehendum in ordinem aliquem, aut aliquod ab Ecclesia receptum vivendi genus. (o) Omnis enim potestas a Deo est, & propterea eatenus honoranda, non incessenda. Sequenda Dominici Præcursoris doctrina, & exemplum, (p) qui ne milites quidem a se repulit, aut ulla contumelia affecit, sed magis viam recte vivendi ostendit. Per ejusmodi enim incautam reprehensionem plebs ad seditionem magis, ac rebelliones incitatur. Hanc murmur, odium, impatientia, contumacia, protervia, & detractionis libido comitantur. Quin potius docendus populus est obedire Magistratibus, parere Præpositis suis, eri- n- discolis: ac interim admonendus est, ut si sint Magistratus interdum vitiosi, id evenire, quod Dominus regnare (q) faciat malos & hypocritas propter peccata populi: Om-

(f) Tit. 3.
(z) Matt. 18.
(m) Joan. 8.
(p) Luc. 3.

(g) 1. Cor. 11.
(k) 1. Cor. 5.
(n) 2. Cor. 2.
(q) Job. 14. Prov. 28. Esaiæ 3.

(b) 2. Tim. 4.
(l) Matt. 18.
(o) Rom. 13.

nem animam potestatibus sublimioribus subditam esse, quodque omnis potestas a Deo sit: quod denique, qui potestati resistit, Dei ordinationi resistat. Nisi tamen potestas expressim præcipiat, quod est contra mandatum Dei: tum enim oportet (r) plus obedire Deo, quam hominibus.

Quomodo corripiendi Magistratus.

Cap. XVII.

In corripiendis vero Magistratibus, correctioni quoque fraternæ locus est, quemadmodum Joannes reprehendit Herodem. Sic enim legimus: Dicebat enim Joannes Herodi (non populo) (r) *Non licet tibi habere uxorem fratris tui.* Quia si nihil promoveas, postulanda & expectanda provisio Prælatorum, ac majorum Magistratuum est: qui si dissimulent, etiam consultum magis, ut ultio remittatur ad Deum: quam ut tantum scandalum inde deterius subsequatur.

Admonendus populus, ut oret pro Magistratibus.

Cap. XVIII.

Est autem populus frequenter in concionibus, post conciones vero semper diligentissime commonendus, ut Deum Optimum, Maximum pro Potestatibus deprecetur. Volo (inquit gentium Magister Paulus (t)) ut fiant *omnium primum obsecrationes, orationes, postulationes, gratiarum actiones pro omnibus hominibus: pro Regibus, & omnibus, qui in sublimitate constituti sunt, ut quietam, & tranquillam vitam agamus, in omni pietate & castitate.* Hoc enim bonum est, & acceptum coram Salvatore nostro Deo, qui omnes homines vult salvos fieri, & ad agnitionem veritatis venire.

Notantur, qui secus docent.

Cap. XIX.

Siquis (u) aliter docet, & non acquiescit sanis sermonibus Domini nostri JESU CHRISTI, & ei, quæ secundum pietatem est, doctrinæ: superbus est, nihil sciens, sed languens circa quæstiones & pugnas verborum: ex quibus oriuntur invidia, contentiones, blasphemæ, suspensiones malæ, consilia hominum corruptorum, & qui a veritate privati sunt, existimantium quæstum esse pietatem.

(r) Aët. 5.

(s) Marc. 6.

(u) 1. Tim. 6.

(x) Ex Conc. Aphr.

Summa Doctrinæ Christianæ in Enchiridion contrahenda.

Cap. XX.

Porro, cum secundum Evangelicam, atque Apostolicam Doctrinam, quibus Decreta Patrum, ac Conciliorum, (x) denique pragmatica Sanctio Augustana merito accedunt, in Ecclesia Dei sola Canonica Scriptura, ac Divina eloquia secundum Ecclesiasticam interpretationem Sanctorum Patrum, ac Doctorum, & recitari, & prædicari debeant, non abs re videbitur, Parochis summam Bibliorum paucissimis præscribere, ne alicubi, dum Scripturæ metas nesciunt, impingant.

Enchiridion quæ docebit.

Cap. XXI.

Et cum præcipue ipsis incumbat, ut plebem erudiant in Præceptis Decalogi, Articulis Fidei, qui Symbolo Apostolico recententur, ac Ecclesiæ Sacramentis simul cum explicatione Orationis Dominicæ (hic est enim inchoationis Christi sermo, quo jacitur fundamentum ab operibus mortuis & fidei in Deum) idcirco, ut imperitioribus consulatur, quoddam Enchiridion dabimus, in quo brevissime hæc omnia secundum sanam & Ecclesiasticam doctrinam exponentur: simul & loci quidam communes ad omnes hominum ætates, ac Ordines commonitorii inferentur: Veneratio quoque Sanctorum, ac Reliquiarum: denique quatenus imaginibus ac picturis utendum, docebitur. Nec interim, quid sibi Ecclesiasticæ ceremoniæ, præsertim illæ piæ ac antiquissimæ, velint, & quo conducant, in eodem libello declarare omitemus, idque succinctissime.

Ordo Concionandi, quem simpliciores sequentur.

Cap. XXII.

Simpliciores, ac minus eruditi Concionatores, festis quibusque diebus concione (y) in nomine Sanctissimæ Trinitatis, cum imprecatione gratiæ Dei (nempe ut Dominus suum Spiritum verbo addere dignetur) cæpta, initio ambas Lectiones, quæ Epistola ac Evangelium

M m 3

(*) 1. Tim. 2.

(y) S. Aug. De doct. Christ. Lib. 4. C. 30.

gelium Missæ ejus diei appellantur, ad verbum denarrabunt. Deinde post imploratam Divini Numinis clementiam, regrediantur ad utriusque lectionis brevem dilucidationem, locos aliquot communes ex utraque deligentes, quibus populus ad vitæ pietatem, charitatemque Dei ac proximi inflammetur. Denuntiabunt quoque, quid Ecclesia Dei eo die potissimum Deum oret ac precetur. Quod in precationibus seu collectis, quæ post canticum Kyrie eleyson, aut Gloria in excelsis, dicuntur, continetur: ac hortabuntur populum, ut idem pariter interea, dum Sacra aguntur, Deum oret, si non verbo tenus, mente tamen.

Sanctorum historiæ quatenus attingenda.

Cap. XXIII.

Sanctorum historiis ne nimis diu immorentur: quin potior pars (uti jam diximus) Evangelio detur, & Epistolæ explicandis. Quod si fabulosa videbitur historia, ne attingat quidem: si verisimilis, leviter, eaque decerpat, quæ imitanda videantur. Miracula quoque, ne impudentius jactentur, nisi quæ Scripturis prodita, aut a non levibus Scripturibus summa cum historiæ fide tradita fuerint.

Allegoriæ quomodo explicandæ.

Cap. XXIV.

Si quas allegorias, aut sensus scripturæ reconditiores, spiritualia spiritualibus conferentes, adferre velint: has ex receptis Ecclesiæ Doctoribus, veluti Ambrosio, Hieronymo, Augustino, Chrysostomo, ac similibus comprobatis authoribus desument.

Quomodo finienda Concio.

Cap. XXV.

Ubi ad calcem Concionis devenit, erit, brevi epilogo, quo argumentum, ac capita totius concionis renarrat, utatur. Id enim ad captum, ac fulciendam memoriam Auditorum plurimum fecerit.

Quid recitandum finita Concione.

Cap. XXVI.

Debet quoque finita Concione, Decalogus ac Symbolum fidei & succincte, &

exerte recitari. Illa quoque exomologesis, ac publica peccatorum confessio, cum imploratione misericordiæ DEI, pure ac distincte pronuntiari, ac moneri populus, ut eisdem verbis Sacerdotem pronuntiantem sublequatur: ac deinde recenseri consolatoria imprecatio remissionis peccatorum, ut populus dejecto, contrito, humiliato animo, ac toto corde cum Presbytero accingatur, ad mysterium redemptionis suæ (quod in altari tractatur) contemplandum, fructumque Dominicæ Passionis, quæ in altaris mysterio commemoratur, repræsentaturque, participandum.

Quomodo, finita Concione, populus excitandus ad orandum pro defunctis.

Cap. XXVII.

Cum multum plerumque temporis, parvo cum fructu teratur in recensendis singulatim defunctorum nominibus, ubi viritum pro quolibet exigitur una oratio Dominica, idque interdum non citra suspicionem vel quæstus, vel ambitionis fiat: Nobis potius videbitur, ut populus ad communem pro defunctis orationem pie ac devote dicendam accendatur, & hæ genealogiæ intermittantur. Super qua re tamen, quod ad morem civitatis nostræ Colonienfis attinet, & cum Parochis, & cum Senatu latius agere non omittemus.

PARS SEPTIMA.

De Administratione Sacramentorum.

Caput I.

Ecclesiæ Catholicæ usus, septem Mysteria (quæ Sacramenta appellantur) observat, veluti septem quædam parata remedia, per quam Deo visum est peccatis nostris mederi, ac nobis gratiæ suæ salutaris medicinam (diversa tamen ratione) infundere: quæ sunt Baptismus, Confirmatio, Eucharistia, Pœnitentia, Extrema Unctio, Ordo, & Matrimonium. Quæ cur a Christo & Ecclesia instituta sint, & a veteribus Sacramenta peculiariter appellata: deinde quæ illorum sit per gratiam Dei efficacia, & virtus, nunc non est dicendi locus. Tantum admonebimus in præsentia Parochum, quæ illum circa dispensationem, singulorum observare conveniat.

Infir-

Instruendus populus, quid agatur in cujuslibet Sacramenti exhibitione.

Cap. II.

Quia igitur (z) in Sacramentis aliud videtur, atque aliud agitur: instruendus est populus in cujuslibet exhibitione, quid in hujusmodi religioso arcano (id enim Sacramentum sonat) agatur. Cum enim in Sacramentis istis per signa quædam sensibilia infundatur insensibilis gratia, congruens externis signis, excitanda est fidelium fides, & devotio in Deum, ut credentes, ac Divinum mysterium intelligentes ad Dei ac Salvatoris nostri Jesu Christi participandam gratiam accedant. Quod fiet, cum Parochus sub administratione cujuslibet Sacramenti, sacra concione populum breviter admonuerit, quid in ea re agatur.

Quid agatur in Baptismo.

Cap. III.

Et ut de sacro Baptismo exordium capiamus, docendus est populus, quod illic (a) aboleatur vetus homo, remisso omni peccato: atque novus exoriat, ab omni labe purgatus per fidem in Christum: quod illic, qui baptizatur, lavetur (b) lavacro regenerationis, & renovationis Spiritus Sancti in Sanguine Christi, pro nobis effuso: quod illic veterem Adam exuimus; ac vicissim Christum induimus, conscripti cum illo per Baptismum in mortem, ut quomodo Christus (c) surrexit a mortuis per gloriam Patris, ita & nos in novitate vitæ ambulemus: quemadmodum hæc Enchiridion latius edocebit.

Cujus sint admonendi susceptores infantis.

Cap. IV.

Susceptores infantes (Patrini qui dicuntur) merito admonentur, quod ipsi sint, qui Ecclesiæ nomine, & in Ecclesiæ fide Christo parvulos offerant per Baptismum, ac se propemodum pro parvulis fidei iustores constituent, nomine parvuli respondentes: quem etiam postquam adoleverit, Symbolum simul & orationem Dominicam edocere, atque vitam Christo ac professione in Baptismo

facta dignam perpetuo agere, saltem ubi id necessitas poscere videbitur, cohortari non omittent: proindeque malumus illos deligi provectæ ætatis, quam impuberis, ne videatur infans infantem offerre, ac sponso rem se Deo pro alio constituere, qui, quod promittit, non intelligat, ideoque multo minus, quod non intelligit, docere queat.

Populus docendus, quid velint externa signa.

Cap. V.

Præterea docebunt populum, quid sit, quod Catechizetur baptizandus: quid reliqua solennia, quæ Ecclesiæ adhiberi voluit, signent: videlicet, cur insuffletur in faciem baptizandi, cur signum crucis & in pectore & in fronte fiat, cur sal in os detur, cur aures & nares spuito attingantur, linianturque: cur unctio in pectore & scapulis fiat, & cur post Baptismi tinctionem in vertice. Denique quid significet amictus albus, quo infans seu alius baptizatus superinduitur: quæ omnia sunt mysteriorum plena, quemadmodum Enchiridion declarabit.

Quomodo accedendum ad Baptismum.

Cap. VI.

Cum Beatissimus Apostolus (d) in Ecclesiæ omnia honeste atque secundum ordinem fieri jubeat, debet Baptismus summa mentis in Deum, & in Sacratissima, quæ aguntur Mysteria, intentione & dari & accipi. Quare quidquid hinc susceptores seu alios astantes advocat, procul tollendum est. Accedatur itaque, deposito omni fastu, humili spiritu, ac recta in Deum fiducia, quemadmodum acceperunt, (e) qui Jesu parvulos obtulerunt, ut manus eis imponeret. Nam hic renuntiatur Satanæ, omnibus operibus, atque omnibus pompis ejus. Conveniaturque inter Patrinos de nomine infantis, ut potius in Baptismo ipso cogitetur de lucranda anima Christo, quam retinendo nomine.

Baptis-

(z) S. Aug. de Doct. Christ.

(c) Rom. 6.

(a) Gal. 6.

(d) I. Cor. 14.

(b) Tit. 3.

(e) Matt. 18.

Baptismus in facie Ecclesiæ peragendus.

Cap. VII.

Magna certe ratione Ecclesiasticis Patribus visum est, ut Baptismus in conspectu Ecclesiæ in loco sacro recipiatur, nisi tamen imminens necessitas fieri aliud suaserit. Quamobrem displicet Nobis, quod quidam fastuosi templum Domini despicientes, ambiunt magis suos infantes in domibus privatim baptizari. Quod deinceps, nisi necessitas id ipsum exegerit, & causæ cognitio præcesserit, indulgere nolumus.

In Confirmationis exhibitione quid docendum.

Cap. VIII.

Idem dum Sacramentum (f) Confirmationis confertur, docebunt Vicarii nostri in Pontificalibus, quid agatur, nempe quod illic ambiatur gratia Spiritus Sancti, qua confirmatur tyro adversus Satanæ tentationes, roboraturque, ut quod (g) corde credit ad iusticiam, ore quoque palam confiteatur ad salutem. Quamobrem eo communiri solet ætas tenera, quæ ad nequitiam proclivior est, quam ad pietatem; ut ea proclivitas minuatur, docilitasque ad pietatem augeatur. Omnes fideles, (inquit Urbanus Pontifex Romanus) per manus impositionem Episcoporum Spiritum Sanctum post Baptismum accipere debent, ut pleni Christiani inveniantur: quia cum Spiritus infunditur, cor fidele ad prudentiam & constantiam roboratur. De Spiritu Sancto accepimus, ut efficiamur spirituales, (b) quia animalis homo non percipit ea, quæ sunt Spiritus Dei. De Spiritu Sancto accepimus, ut sapiamus inter bonum malumque discernere, iusta diligere, injusta respuere, ut malitiæ, ac superbix repugnemus, ut luxuriæ & diversis illecebris, ac foedis indignisque cupiditatibus resistamus. De Spiritu Sancto accepimus, ut amore vitæ, & gloriæ ardore succensi, erigere a terrenis mentem ad superna & Divina valeamus. Sed de hoc alibi latius.

(f) Aët. 8. De Conf. Dist. 5. C. Novif.

(g) Ex Conc. Aurel. C. Ut jejun. De Conf. Dist. 5.

Quomodo ad Sacramentum Confirmationis accedendum est.

Cap. IX.

An expediat imitari consuetudinem, (i) qua observatur, ut nedum adultis, sed & Confirmatio detur infantibus, idque pransis, hic non definimus: quamquam quod Aurelianensi Concilio sancitum est, Nobis magis placuerit, videlicet, ut jejuni ad Confirmationem veniant perfectæ ætatis, ut moneantur Confessionem Sacramentalem facere, priusquam acceperint; quo mundi, donum Spiritus Sancti mereantur accipere. Cum enim hoc Sacramentum non sit necessitatis absolutæ, convenientius & utilius dabitur, si addatur admonituncula. At antequam infans supra septimum ætatis annum progressus fuerit, parum aut nihil horum, quæ aguntur, intelliget, ne dicamus, meminerit.

Cujus sint admonendi susceptores Confirmationi.

Cap. X.

Quemadmodum in Baptismo susceptores sunt, ita hic, qui confirmandum præsentant, ac coram Episcopo sistunt: idque non admodum diversa ratione, nisi quod quidam etiam dicunt, decens esse, ut qui nondum adversus Carnis, Mundi, ac Satanæ tentationes roborati sint, per Confirmatos jam dudum atque exercitatos sensus habentes, quibus fides confirmandi cognita atque explorata sit, Episcopo præsententur. Quamobrem quoque admonendi sunt isti officii sui, curandumque, ut tanti Sacramenti perceptio digne ac reverenter peragatur, quemadmodum in primitiva Ecclesia observatum legimus.

De moderandis donariis, quæ susceptores infantibus donant.

Cap. XI.

Quibusdam in locis ambitionis magis, quam pietatis causa, dum utriusque tam Baptismi, quam Confirmationis Sacramentum peragitur, hi, qui Patrini dicuntur, certant, ut alter alterum donariorum pretio (quo suscepti ac præsentati pueri donantur) vincant. Præterea

itur

(i) Rom. 10.

(b) 1. Cor. 2.

itur statim post Baptismum ad comestationes, cum tum maxime comestationibus esset abstinendum. Quia de re monendus populus est, ut quæ digna sunt his Sacramentis, tantum curent. Cætera aut moderentur, aut penitus tollant. Nam non offenderimus Deum gravius, quam cum illius Sanctissima Mysteria indigne tractamus.

Docendus populus de signis externis.

Cap. XII.

Docebit præterea Parochus populum, quid signet Chrisma; & cur ex oleo olivæ ac balsamo conficiatur, quem admodum docebit Enchiridion.

De Sacrosancta Eucharistia.

Cap. XIII.

Eucharistia, unicum illud piarum mentium solatium, ac delictum, hac deploreatissima tempestate, execranda infamia, ac abominabili prophanatione hæreticorum, de re tanta quodlibet commincentium, plerisque quodammodo in nauseam vertitur: adeo ut (quod dolentes referimus) multi nunc sint, qui non tantum hunc panem vitæ, (k) qui de cælo descendit, accipere non desiderent; sed & averterentur, homines solo nomine Christiani, re ipsa vero Capernaitis ipsis deteriores, etiam quos post acceptam notitiam veritatis, (l) voluntarie in Filium Dei peccantes, ac Corpori Dominico & Sanguini contumeliam inferentes, terribilis quædam expectatio iudicii, & ignis æmulatio (quæ consumptura est adversarios) manet.

Quid docendus populus in huius Sacramenti sumptione.

Cap. XIV.

Docendus est itaque populus Christianus certissima fide credere, quod in hoc Sacramento sit verum Corpus & verus Sanguis CHRISTI JESU. Neque enim veritas mentitur, quæ apud Matthæum, Marcum, & Lucam, (m) hoc Sacramentum instituens, ac porrigens, simplicissime dixit: *Accipite, & comedite: Hoc est Corpus meum, quod pro vobis trade-*

tur: Hic est Sanguis meus novi testamenti, qui pro vobis, & pro multis effundetur in remissionem peccatorum: Hoc facite in meam commemorationem. Sic docet Paulus Apostolus: (n) *Calix benedictionis, cui benedicimus, nonne communicatio Sanguinis Christi est? & panis, quem frangimus, nonne participatio Corporis Domini est?* Unde consequitur, in Eucharistia totum esse Christum, quanquam ibi sit sub ratione cibi & potus. Qui enim tradidit verum Corpus & Sanguinem, haud dubie tradidit vivum. Quare si credimus in sepulchro Divinam naturam non fuisse separatam ab exanimi corpore, quanto magis credemus eam a vivo corpore non esse separatam in Sacramento.

Quibus persuasum est, utramque speciem laicum participare oportere, quomodo docendi.

Cap. XV.

Ubi sunt, quibus contra Ecclesiæ consuetudinem est persuasum, oportere laicos participare Corpus & Sanguinem Domini sub utraque specie: ibi docebit Parochus hos, qui gravatam habent conscientiam, Corpus & Sanguinem Domini in altera tantum specie perfecte consistere, adeo ut laicus, qui sub specie panis communicat, non tantum Corpus, sed & Sanguinem Domini non minus recipiat, quam qui capit sub utraque specie panis & vini. Ecclesiam quoque (o) laicis unam tantum speciem dare, quod pro reverentia ipsius Sacramenti, & salute fidelium, Ecclesia (cui dispensatio Sacramentorum Dei commissæ est) sic viderit expedire. Nam quum nullatenus ambigendum sit, sub specie panis non tantum carnem, nec sub specie vini sanguinem tantum, sed sub qualibet specie totum Christum contineri: cur se laicus iudicio Ecclesiæ, (p) quam Dominus audire voluit, non submitter? Quæ non temere, sed multis rationibus permota, decrevit, salubrius esse, ut non tantum populus, sed & Sacerdotes non sacrificantes, Christum sub una tantum specie, quam sub duabus, perciperent. Quid enim (q) panis vini

(k) Joan. 6.

(l) Hebr. 10.

(m) Matt. 26. Marc. 14. Luc. 22.

(n) 1. Cor. 10.

(o) Ex Conc. Constant.

(p) Matt. 18.

(q) Ambr. de Sac. C. Rever. De Conf. Dist. 2.

vinique species, aliud sunt post consecrationem, quam species Sacramentales, & accidentia sine subiecto? Ut non habeat laicus, cur queratur; sibi alteram subtrahi speciem, ubi totum, quod sub utraque specie continetur, integre accipiat. De qua re alibi latius dicitur.

De veneratione Sacrosanctæ Eucharistiæ.

Cap. XVI.

Et quoniam (r) in hoc Sacramento Christus continetur, cohortandus est populus, ut ad hæc mytheria contremiscens, quum in celebratione Missarum elevatur Hostia salutaris, se reverenter inclinet, corporeque humi fuso, mente adoret Crucifixum, facturus idem, quum Presbyter defert ad infirmum Eucharistiam, quam ob id paratam semper habere debet, ut quando quis infirmatus fuerit, statim eum communicet, ne sine communione decedat. Quod faciens, decenti habitu indutus, hanc salutarem Hostiam palam ac honorifice ante pectus cum omni reverentia & timore ferat, & referat lumine semper præcedente, ut signo populus intelligat, illic eum esse præsentem, qui est candor lucis æternæ. Hæc denique Sacrosancta Hostia reponatur semper in loco singulari, mundo, & signato: honorificeque collocata, devote ac fideliter conservetur.

Quomodo tantum miraculum in hoc Sacramento fiat, populus docendus.

Cap. XVII.

Docendus item est populus, quod tantum miraculum in hoc Sacramento virtute Christi fiat, non ex merito Sacerdotis; quod & in cæteris Sacramentis obtinet. Nam intra Sanctam Ecclesiam Catholicam in mysterio corporis Christi, nihil a bono majus, nihil a malo minus, perficitur Sacerdote: quia non in merito consecrantis, sed in verbo efficitur Creatoris, & in virtute Spiritus Sancti. Si enim in merito esset Sacerdotis, nequaquam ad Christum pertineret. Nunc autem, sicut ipse est; qui baptizat, ita ipse est, qui per Spiritum Sanctum hanc suam efficit carnem, & transit vinum in

sanguinem. Sed hoc tantum interest, quod malus Sacerdos sibi tantum nocet, indigne tanta mytheria tractans. Nam quod ad veritatem corporis Dominici attinet, ita percipit hic, cui dicit Apostolus: (r) Qui manducat indigne, iudicium sibi manducat: sicut is, cui dicitur: (s) Qui manducat carnem meam, & bibit meum sanguinem, in me manet, & ego in eo.

Quomodo admonenda plebs, ad sumendum Eucharistiam accedens.

Cap. XVIII.

Præterea instituenda plebs est, quomodo Eucharistia sumenda sit. Et imprimis admonenda, quam grave crimen sit, ad tanti Sacramenti participationem indigne accedere. Nam Apostolus ait: (u) Quicumque manducaverit panem hunc, & biberit calicem Domini indigne, reus erit corporis & sanguinis Domini. Et iterum hanc horrendam sententiam congenians: Qui (inquit) manducat, & bibit indigne, iudicium sibi manducat, & bibit, non dijudicans corpus Domini. Ideoque (ut subjicit) multi inter vos infirmi & imbecilles sunt, & dormiunt multi. Quod si nos ipsos dijudicavimus, non utique iudicavimus.

Qui ad hoc Sacramentum participandum admittendi.

Cap. XIX.

Proinde nemo admittendus est, nisi ejus conscientia Parocho sit, aut cui potestas super hac re legitime facta est, per exomologesim explorata, & qui poenitenti ac contrito corde corpus Domini dijudicans acceperit, quod jubet Apostolus, quum ait: (x) Probet autem semetipsum homo, & sic de pane illo edat, & de calice bibat. Ne cum Juda, (y) qui cenæ Dominicæ ad iudicium interfuit, locum diabolo præbeat. Mens ergo ab omni affectu peccandi longe absit. Nam si (z) adhuc habet voluntatem peccandi, gravatur magis Eucharistiæ perceptione, quam purificatur. At contra, quamvis quis peccato mordeatur, si tamen poeniteat, & de cætero peccandi voluntatem nullam habeat, contidens

(r) Honor. III. C. Sane. De celeb. Miss. Ex Conc. Mogunt. C. Presb. De Conf. Dist. 2. in C. Sane.
(u) 1. Cor. II. (s) 1. Cor. II. (t) Joan. 6.
(x) L. c. (y) Joan. 13.
(z) S. Aug. C. Quot. De Conf. Dist. 2.

de Domini miseratione, accedat ad Eucharistiam intrepidus, & securus.

Quatenus alteri, quam suo Parocho confessus, ad Eucharistiam admittendus.

Cap. XX.

Qui alteri, quam suo Parocho confessus est, is si non factæ confessionis suspectus habeatur, testimonium adferret se confessum esse, cujus etiam conscientiam verus ille Parochus in principalibus Christianismi articulis excutere non omittet. Ac generatim singuli Parochiani rudiores anno saltem semel, quum adibunt mensam Dominicam, examinandi prius, in præceptis Domini, articulis fidei, oratione Dominica, ac Ecclesiæ Sacramentis, maxime Baptismi & Eucharistiæ.

Intra annum saltem semel communicandum.

Cap. XXI.

Et ut cohortandus est populus, quo sæpe numero communicet, quemadmodum (a) olim singulis diebus Dominicis fieri consuevit (quod quidem nunc, quo minus fiat, per laicos fiat, quibus non debet cœlestis ille cibus invitis, aut nauseantibus intrudi) ita ad (b) minimum populus ipse in disciplina Ecclesiastica retinendus est, ut saltem toto anno semel ab omnibus, qui ad discretionis annos pervenissent, confessis & contritis, Eucharistia summa cum reverentia suscipiatur. Olim qui non communicassent in anno saltem ter, in Pascha videlicet, Pentecoste, & Natali Domini, inter fideles Catholicos non connumerabantur: sed quum sensim omnis pene refrixerit Charitas, in hoc quoque Ecclesiastica disciplina cœpit esse remissior.

Quorum admoneri populus, hoc Sacramentum participaturus, maxime debeat.

Cap. XXII.

Omnium autem maxime instruendus est populus, (c) ut recta fide acce-

dat, sermoni Domini firmiter credens, quo nos edocet Christus, dicens: [d] *Hoc est corpus meum, quod pro vobis tradetur. Hoc facite in meam commemorationem.* Quibus verbis & veritatem sui Corporis astruit, & credentibus, digneque suscipientibus, remissionem peccatorum promittit, jubens, ut hoc faciamus in suam commemorationem. Porro anima, quæ fidem habet, & ejusmodi Christi verbis credit, in memoriam Christi Sacramentum edit, quum secum recogitat, quemadmodum unigenitus Filius Dei, ob perditum hominem Deo Patri reconciliandum, & delendum, (e) quod contra nos scriptum erat, chirographum, de cœlo descenderit, semetipsum exinaniverit, ac humiliaverit, (f) factus obediens Patri usque ad mortem, mortem autem crucis. In quo maxima erga nos Dei caritas commendatur, qui (g) unico Filio suo non pepercit, sed pro omnibus nobis, a peccati & satanæ vinculis redimendis, tradidit illum. Talem ergo fidem & affectum, Deo suggerente, præparare debet in animo suo is, qui Eucharistiam percipit.

Docendus quoque, cur hoc Sacramentum sub specie panis, & vini institutum sit.

Cap. XXIII.

Neque interim negligendum est, sed perpetuo inculcandum erit, (b) hoc Sacramentum Corporis & Sanguinis Domini, sub specie panis & vini institutum esse, ut præter veritatem Corporis, & Sanguinis [quæ in eo continetur, & recipitur] quoddam etiam eximium signum mutæ dilectionis & charitatis excitandæ in nobis foret, quemadmodum Divus Paulus inquit: (i) *Quoniam unus panis, & unum corpus multi sumus, qui de uno pane & de uno calice participamus.* Quamobrem ab hujus convivii spirituali participatione longe absunt, qui invidiæ vel odii veneno infecti, aut iracundiæ furore repleti fuerint. Monendi itaque sunt, qui communicare desiderant, ut deposita omni similitate, diligant alterutrum

(a) Ex Conc. Gener. C. Omnes. De pœnit. & remis.

(b) Ex Conc. Tol. & alibi De Conf. Dist. 2. Omnis homo.

(c) C. Timotheo. n. De Conf. Dist. 2.

(d) Matr. 26.

(e) Colof. 2.

(f) Philip. 2. Ephes. 2.

(g) Joan. 3.

(b) S. Aug. in Sermon. de ædific. Eccl.

(i) 1. Cor. 10.

utrum , ut unius corporis membra , ut non sit schisma in corpore , sed in id ipsum pro invicem sollicita sint membra.

*Quomodo singulis Dominicis diebus plebs
a. l. audiendam Missam se præ-
parabit.*

Cap. XXIV.

Docendus quoque populus, ut qui juxta antiquum Ecclesiæ ritum singulis Dominicis diebus ad communicandum Corpori & Sanguini Dominico non se præparat, Missæ saltem Parochiali, hisce, aliisque festis diebus intersit, ut tamen si inter sacrificantem & assistentes non sit (more illo antiquo) tam frequens (k) Sacramentalis communio, sit saltem sacræ doctrinæ, piæ exhortationis, precationis, laudis, & gratiarum actionis communio, ut sic quodammodo omnes spiritualiter communicent, cum desiderio etiam Sacramentaliter communicandi. Ne vero populus ab hac Missâ Parochiali, & ab auditione verbi Dei distrahatur, placuerit nobis, ut si quæ sint aliæ Missæ legendæ die Dominico, hæc inchoentur primum post verbi prædicationem finitam, quemadmodum latius in visitatione secundum diversorum locorum mores ordinare studebimus.

*Docendus populus generatim, quid agatur
in Missa.*

Cap. XXV.

Docendus populus generatim, quid agatur in Missâ, & quibus partibus constet. Constat siquidem psalmodia, quem vocamus introitum, invocatione, & gloriosa celebratione Sanctissimæ Trinitatis, quæ in canticis *Kyrie eleison*, & *Gloria in excelsis Deo*, peraguntur: precatione, seu Collecta, recitatione verborum Prophetico-rum, aut Apostolico-rum, quam vocamus Epistolam: sacris Canticis, quæ vocamus Gradualia, & Alleluja, & quæ sequuntur: Lectio-nem Evangelicam, Symboli recitatione, seu Professione fidei Catholicæ: cantico, quod non sine mysterio Offertorium appellatum est: gratiarum actione, quæ dicta est Præfatio: religiosa commemo-

ratione mortis, consecrationeque Corporis & Sanguinis Dominici, quæ sit in Canone. Rursus, precationibus, inter quas est precatio Dominica: sequitur osculum pacis, symbolum Christianæ caritatis, mox communio. Rursus sacrum canticum, quod commune appellatur, & precatio. Postremo loco Sacerdos totum populum, velut in suam tutelam receptum, Deo benedictione tradit atque commendat, ut perseveret in affectu pietatis, mutuaque charitate. Quorum quum admonetur populus, incipiet nedum credere, sed & sentire, quod in Missâ nihil non sit pium ac venerandum.

*Corripiendus abusus eorum, qui ante finitam
Missam irreverenter discedunt.*

Cap. XXVI.

Corripiendus vero (l) abusus est, quod quidam post aspersam aquam ante Missæ introitum, exitum faciunt: Quidam post auditum, & non intellectum Evangelium abeunt: alique posteaquam Sacerdos dixit: *Sursum cor. la.* & *Gratias agamus.* Atqui tum præcipue populi partes erant, quando submissus legente, aut tacente Sacerdote, quisque cum Deo loquitur. Denique alii statim post elevationem Corporis & Sanguinis Dominici, non expectantes præcipuam Missæ partem, quæ est Communio. Antiquissimus ergo Canon populo rememorandus est, qui sic habet: (m) Omnes fideles, qui in solennitatibus sacris ad Ecclesiam conveniunt, & scripturas Apostolorum, & Evangelium audiant. Qui autem non perseverant in oratione, usque dum Missa peragatur, nec sanctam Communionem percipiunt, (quam nos, ut non exigimus quotidie Sacramentalem, saltem spiritualementem a populo requirimus) velut iniquitudo Ecclesiæ commoventes, convenit communionem privari.

*Docendus populus, quale sit Missæ
Sacrificium.*

Cap. XXVII.

Docendus item est populus, quale sit Missæ sacrificium, nempe præsen-

tatio-

[k] C. Et hoc attendend. De Conf. Dist. 5. Ex Conc. Carthag. C. Sacer. De Conf. Dist. 1.

[l] Ex Conc. Agath. C. Miss. De Conf. Dist. 5. & C. seq.

[m] C. Omnes fidel. De Conf. Dist. 1.

tativum. *Semel* (n) quidem *Christus .. est mortuus*, *justus pro injustis*: semel in manifestatione sui corporis, in distensione suorum membrorum omnium. Verus Deus & verus homo, semel tantum in cruce pependit, offerens Patri se ipsum hostiam vivam, passibilem, immortalem, vivorum & mortuorum redemptionis efficacem. Et scimus, quia *Christus* (o) *resurgens a mortuis*, *jam non moritur*, *mors illi ultra non dominabitur*. Et tamen quotidie immolatur in Sacramento: non quod toties Christus occidatur; sed quod illud unicum Sacrificium mysticis ritibus quotidie renovetur, quotidianaque recordatione mortis Domini (qua liberati sumus) in edendo & potando Carnem & Sanguinem, quæ pro nobis oblata sunt, hoc ipsum repræsentetur: quod olim factum est: facitque oblatio ista Sacramentalis moneri nos, tanquam videamus præsentem Dominum in cruce, elicientes subinde nobis ex illo fonte inexhausto, gratiam salutarem: immolamusque hostiam pro vivis, & defunctis, dum pro illis Patrem per Filii mortem deprecamur.

Exequiæ, ac Missæ pro defunctis, quando & cum qua admonitione celebrande.

Cap. XXVIII.

Exequias ac Missas, quæ pro defunctis peculiariter dicuntur, malumus in alium diem transferri, quam die Dominico celebrari, nisi tamen plebs diei translatione gravaretur. In quibus etiam ad populum fiat admonitio, declareturque, quibus potissimum modis Dei misericordia pro animabus ambienda sit: sic ut interim admoneantur hi, qui funebres pompas, ac Missas, gloriæ tantum aucupandæ causâ instituunt, perdere mercedem suam. Debet quoque plebs doceri, pium esse, quemadmodum ab Apostolorum temporibus, Ecclesia (quæ (p) columna, & firmamentum veritatis est) & docuit, & observavit, pro defunctis Dominum exorare, & Eleemosynas in sinus pauperum elargiri, atque hæc eis prodesse, qui in communione Ecclesiæ, & signo pacis decesserunt, & qui cum

viverent, hæc sibi, ut postea possent prodesse, cooperando meruerunt.

Qui ad Exequias evocandi.

Cap. XXIX.

Ad Exequias, quæ extra civitatem nostram Coloniam celebrantur, non evocandi Monachi, nec ista cohors levium, ac indignorum Sacerdotum. Aut si evocentur, videndum ipsis, ne lasciviant. Quanquam nobis magis probeatur, ut qui volet, pietatē ductus, multiplicari pro defuncto preces, is Monachos in suis Monasteriis, ac Clericos singulos in suis templis permanere, sinat, ibidemque preces, ac Missas peragere. Quoniam enim spectat concursus iste, interdum, quam par est, immodestior, quam ad captandam auram popularem? Cavenda vero summo opere post exequias delicata convivia, crapulæ, ac comestationes, ne Deus placandus, magis irriteretur.

De Pœnitentiæ partibus.

Cap. XXX.

In Sacramento Pœnitentiæ explicando, ac recte ministrando, maturitate multa ac diligentia opus est. Veteres orthodoxi pœnitentiæ partes tres nobis tradiderunt, Contritionem, Confessionem, ac Satisfactionem, seu fructum pœnitentiæ dignum. Quanquam pœnitentia, quatenus Sacramentum dicitur, potissimum in absolutione Presbyteri consistat, qua ille ex virtute verbi, & clavium (q) sibi a Christo traditarum, peccatorem pœnitentem, & in misericordia Dei sperantem, a peccatis suis absolvit, de quibus paulo latius in Enchiridio dicemus.

Prima Pœnitentiæ pars, Contritio, in suggesto semper pertractanda.

Cap. XXXI.

Prima Pœnitentiæ pars, quum omnis Evangelicæ prædicationis exordium sit, nunquam non est in suggesto pertractanda. Hac enim confugitur ab ira Dei ad misericordiam, hac convertimur (r) ab operibus mortuis ad Deum viventem, hac subducimur a peccatis, ac diaboli laqueis, ac concorporamur Christo.

N n 3

Unde

[n] 1. Pet. 3.
[q] Joan. 20.

[o] Rom. 6.
[r] Hebr. 6.

[p] 1. Tim. 3.

Unde a pœnitentia Præcursor Joannes, (r) deinde Christus ipse, ac Princeps Apostolorum Petrus, (s) Prædicationis Evangelicæ doctrinam sunt exorsi. Pœnitentia autem tum recte prædicatur, quum arguuntur scelera, ac flagitia per verbum Dei, & incutitur populo timor iræ, indignationisque, (u) ac iusti iudicii Dei, certo certius manentis eos, qui male agunt, ac male agendo perseverant. Subinde vero vino oleum miscendum est, ut ex animo, vereque territis ac conversis promittatur gratia ac misericordia. Ad eum modum Paulus ad Ephesios scribens: (x) Hoc (inquit) sciote, . . . quod omnis fornicator, aut immundus, aut avarus (quod est idolorum servitus) non habet hereditatem in regno Christi & Dei. Nemo vos seducat inanibus verbis: propter hæc enim venit ira Dei in filios dissidentiae. Nolite ergo effici participes eorum. Et iterum ad Galatas: (y) Manifesta autem sunt opera carnis, quæ sunt, fornicatio, . . . impudicitia, luxuria, idolorum servitus, venusticia, inimicitia, contentiones, emulationes, rixæ, iræ, dissensiones, secta, invidia, homicidia, ebrietates, comestiones, & his similia, quæ prædico vobis, sicut prædixi, quoniam qui talia agunt, regnum Dei non consequentur.

Neminem non ad Pœnitentiam invitari.

Cap. XXXII.

Jam, quanquam nemo convertatur ad Dominum, nisi (z) tractus per Patrem, attamen nemo hic excusationem prætexat, quod non trahatur: quod ille semper stet ante ostium pulsans, nimirum per internum & externum verbum, commonens, ut convertamur a via nostra pessima, & inclamans, quoniam (a) ira, indignatio, tribulatio, & angustia in omnem animam hominis operantis malum. . . Gloria autem, & honor, & pax omni operanti bonum. Hic concussis conscientiis commonstrandus est Samaritanus ille, [b] qui infundit vinum & oleum, qui (c) sanat omnes contritos, & alligat omnes contritiones eorum. Filioli mei, inquit D. Joannes, (d) hæc scribo vobis, ut non peccetis. Sed & si quis peccaverit, Advocatum habemus

apud Patrem, Jesum Christum justum, & ipse est propitiatio pro peccatis nostris: non pro nostris autem tantum, sed & pro totius mundi. Hæc est doctrina, quæ docet mori mundo, & vivere Christo.

Presbyter, qui a Confessionibus est, qualis esse debeat.

Cap. XXXIII.

De Confessione, & quoduplex sit, alibi dicemus. Tantum, quod ad eam, quæ Sacerdoti privatim fit, attinet, paucis admonebimus. Primo magnopere necessarium judicamus, ut Sacerdos, qui a confessionibus est, sit integer, eruditus, ac silentii tenax: alioqui si ad quæstum intentus sit, si ad malum sollicitet, si curiosior explorator sit, si pertinacibus blandiatur, si intricatam conscientiam extricare nesciat, si denique vel ebriosus, vel iracundus, vel levis, vel secreti minime tenax, dissipandis magis, quam pascendis ovibus videbitur idoneus.

Quid confitentem docebit Presbyter confessarius.

Cap. XXXIV.

Inprimis autem, qui huic muneri intentus est, docebit confitentem, ne ambiguus ac perplexus sermonibus se remoretur, & percontando cogatur velut expiscari crimina [quod sæpe numero periculosum est] sed simpliciter tanquam coram Deo, aperiat lethalia crimina, & quæ conscientiam onerant, ac lædunt, quod ea, quæ contra conscientiam aguntur, ædificent ad gehennam. Atque ibi maxime opus est Sacerdote iudice, discernente inter lepram, & non lepram.

Remedium pro ratione morbi adhibendum.

Cap. XXXV.

Quod omnibus Christianis præcepit Paulus dicens: (e) Rogamus autem vos fratres, corripite inquietos, consolamini pusillanimes, suscipite infirmos, patientes estote ad omnes: hoc eum, qui a confessionibus est, maxime convenit observare, nimirum ut consolando erigat pusillanimes per immentem Dei misericordiam: præfractos

[r] Matt. 3.

[s] Ephes. 5.

[a] Rom. 2.

[d] 1. Joan. 2.

[t] Act. 2.

[y] Gal. 5.

[b] Luc. 10.

[e] 1. Thess. 5.

[u] Rom. 2.

[z] Joan. 6.

[c] Psal. 146.

fractos autem obijurget, tremendumque Dei iudicium ante oculos ponat. Denique uti prudentissimus medicus pro morbi qualitate temperabit medicinam, magis obfuturus, quam profuturus, si putaverit uno collyrio omnium mederi morbis. Monendi ergo, qui confitentur, singuli secundum ordinem, statum, ac ætatem, atque id per locos quosdam communes, ex Scriptura depromptos, quos in numerato habere debet Parochus.

Nimis anxii, quomodo tranquillandi.

Cap. XXXVI.

Qui nimis anxii sunt in repetenda confessione, vel iteranda apud alium Sacerdotem, vel etiam in enumerandis circumstantiis, quales sunt quidam, qui quantumvis confitendo, conscientiam tamen vix tranquillare possunt, docendi erunt, Deum (cui omnia patent) sinceritatem tantum cordis a nobis requirere, nec tam severum esse exactorem, qui conscientiam ob unam, vel aliam delicti circumstantiam, inter confitendum non dedita opera neglectam, perpetuo turbatam esse velit. Nam quis omnes erratus suos enumeraverit? quemadmodum David ait: (f) *Delicta quis intelligit? ab occultis meis munda me Domine.*

Moderatio in casibus reservatis.

Cap. XXXVII.

In occultis delictis ex reservatione casuum compertum habemus, nonnihil mali interdum accidere: vel quod peccator non habens in promptu Sacerdotem, qui illum absolvat, confiteri vel differt vel contemnit: vel quod, qui minores ætate sunt, vel mulieres, difficile adducantur, ut ex suis Parochiis non sine levi suspitione ad Nos, seu Commissarios nostros profiscantur. Quare ut consulamus & verecundiæ, & famæ, visum Nobis est, hanc potestatem nostram absolventi a peccatis, & casibus nostræ absolutioni reservatis (occultis tamen) omnibus Parochis per Diocesim nostram constitutis, rite vocatis, delegare: modo tamen Vicariorum nostrorum in Pontificalibus consilium requirant ac adhibeant: nostris tamen Suffraganeis potesta-

tem facientes, aliter in Diœcesibus suis, uti consultius videbitur, super hac re ordinandi.

Publicæ penitentia usus in Ecclesiam revocandus.

Cap. XXXVIII.

In publicis vero criminibus, quemadmodum necesse est, ita iubemus ad Canones antiquos publicæ penitentia regredi, atque adeo ad Christi & Discipuli sui Pauli institutum reverti, qui ad (g) Corinthios exemplo ostendit, quomodo oporteat Ecclesiam in publice peccantem animadvertere, donec ipsi publice peracta penitentia satisfecerit. De quo fufius docemus sub titulo, de jurisdictione Ecclesiastica contentiosa.

Recitata confessione, quid agendum per Parochum.

Cap. XXXIX.

Peracta confessione, sub absolutionem Sacerdos monebit confitentem, ut quod admissum est, dereftetur, ut sic deinceps vitam instituat, ne in ullum lethale crimen posthac incidat, quemadmodum Christus ad mulierem dixit: (b) *Vade, & noli amplius peccare.* Utque eum affectum habens, credat, per Dei misericordiam virtute Sanguinis Christi per absolutionem impartiendam in verbo ejus, sibi remissum iri peccata. Injungat etiam illi fructum dignum penitentia facere, ac tum denique imponat manum, ac absolvat confitentem.

In Matrimonii Sacramento quid agatur.

Cap. XL.

Dum Matrimonio jungunt Parochi virum ac mulierem, docebunt Matrimonium institutum esse a Deo, confirmatum per Christum, ut Geneſeos secundo & Math. XIX. legimus: quod Sacramentum si quis, sicut decet, acceperit accedente Sacerdotali precatione, confertur donum Spiritus, quo vir diligat uxorem amore casto, (i) sicut Christus dilexit Ecclesiam: mulier vicissim, propter Christum amet, revereaturque virum suum uti Dominum. Uterque liberos (si denatur) summa cura instituunt ad Christianam pietatem.

(f) Psal. 18.

(g) 1. Cor. 5.

(b) Joan. 8.

(2) Ephes. 5.

pietatem. Copiosam monendi materiam Paulus ad Ephes. 5. subministrat.

Quemadmodum monendi sunt, qui Matrimonium contrahere affectant.

Cap. XLI.

Cum Matrimonium (k) ante lapsum Adæ propter procreandos liberos institutum, ac benedictione Dei firmatum sit, qua dixit ille: (l) *Crescite, & multiplicamini, & replete terram*: peculiariter autem homini: (m) *Erunt duo in carne una: propterea relinquet homo patrem suum & matrem, & adhaerebit uxori suæ. Nec ratio conjunctionis, seu benedictio post lapsum defecit: sed tantum, quod sanis potuit esse officium, id ægrotis factum etiam sit remedium. Dum utriusque sexus infirmitas propendens in ruinam turpitudinis, recte excipitur honestate nuptiarum. Quemadmodum Divus Paulus ait: (n) *Unusquisque uxorem suam habeat, propter fornicationem, nimirum vitandam: monendi sunt, qui Matrimonium contrahere affectant, ne alius affectus ipsos huc rapiat, ut sit honorabile conjugium, ac cubile impolurum. Nam si neque ob prolem suscitandam, neque ob fornicationem vitandam, sed potius divitiarum, aut opum nanciscendarum, aut alterius rei gratia Matrimonium contrahatur, perperam agitur, ac graviter in Sacramentum peccatur. Hic, quæ Tobia VI. VII. & VIII. scribuntur, enarrari, proponi, ac doceri conveniet: ubi locus pulcherrimus est, exemplo commonstrans, quemadmodum bona uxor donum Dei sit, debitum timenti Dominum: quomodo in timore Dei apparentibus, non luxuriæ causa, sed sola posteritatis dilectione, in qua benedicatur nomen Dei in sæcula, petenda: quo pacto conjugii conscriptione facta, tradenda: quemadmodum etiam convivium nuptiale cum laude & benedictione Dei agendum. Denique quomodo sit precandus Deus per conjuges; ut benedictionem suam in ipsos, quos conjunxit, impleat. Hæc enim decent sanctorum filios, qui non debent ita conjungi, sicut gentes, quæ ignorant Deum. Eritque horrendum illud exemplum de septem Saræ viris, a Dæmonio occisis, replicandum. His namque (ut Raphael Ange-**

lus apud Tobiam ait] qui conjugium ita suscipiunt, ut Deum a se & sua mente excludant, & suæ libidini ita vacent, sicut equus & mulus, in quibus non est intellectus, dæmonium malum dominatur. Quamobrem vehementer comprobamus, illum morem, quo Matrimonio jungendi ante Ecclesiasticam conjunctionem, jejuniis se præparant, & sacram Eucharistiam sumunt.

Matrimonium tria complecti.

Cap. XLII.

Docendi itaque breviter, [o] Matrimonium tria complecti, fidem, prolem, & Sacramentum. In fide attenditur, ne præter vinculum conjugale cum altera vel cum altero concumbatur. In prole, ut amanter suscipiatur, benigne nutriatur, religiose educetur. In Sacramento autem, ne conjugium separetur, neve dimissus aut dimissa etiam prolis causa alteri conjugatur.

Pium votum, & in clandestine contrahentes censura.

Cap. XLIII.

Optandum, ut Canon Evaristi Pontificis Concilio Generali renovetur, tollanturque illa clandestina matrimonia, quæ invitis parentibus ac propinquis Veneris potius, quam Dei causa contrahuntur. Nam quanta ex his clandestinis matrimoniis mala suboriantur, in aperto est. Interea vero donec Ecclesia de hoc prospiciat, si non irrita, prohibita saltem sint, & poenæ canonicæ, hoc est, excommunicationi, contrahentes, & qui ope aut consilio his adfuerint, subiaceant: quam nec tam facile, nisi Ecclesiæ satisfiat, tolli admodum expedire Nobis videtur. Quantum fieri potest, cavebit Parochus, ne liberos citra parentum auctoritatem conjugat. Quod si parentes negligentes fuerint, aut in admittendo matrimonio jam contracto rigidiores negatores: admonebit eos, ut liberos maturæ ætatis elocent, neve vinculo jam per Ecclesiam indissolubili, pertinacius oblucentur.

Conjun-

(k) Aug. de Gen. Ad lit. Lib. 9. C. 3. & seq.

(l) Gen. 1.

(m) Gen. 2.

(n) 1. Cor. 7.

(o) Aug. de Gen. Ad lit. Lib. 9. C. 7.

*Conjunctio conjugum in facie Ecclesie
peragenda.*

Cap. XLIV.

Conjunctio nem per Sacerdotem cum benedictione Sacerdotali, ac precibus inter Missarum solennia, in templo secundum antiquos Canones, & Ecclesiasticum ritum fieri decernimus. Superbia ac fastu tumidis, qui in privatis domiciliis malunt, quam in templo (ubi Ecclesia convenit, ac jungendis bene precatur) copulari, quis non inepte opposuerit illud Paulinum: (p) Num Ecclesiam Dei contemnitis? Nec Sacerdos ante quoslibet conjugio jungat, nisi editis, aut proclamationibus tribus publice e suggesto ad populum factis, præcedentibus, ob multas ac varias fraudes evitandas. Contra hæc haud facile, sed tantum, ubi ratio admodum necessaria hoc ipsum fieri postulaverit, idque non, nisi causa cognita, dispensabitur.

Peregrinos & ignotos sine legitimo testimonio non conjungendos.

Cap. XLV.

Peregrini, & ignoti non conjungantur, nisi legitimis testimoniis doceant, se, ubi ante versati fuerint, nullis Matrimonii vinculis adstringi, ipsisque per sum Parochum licere, per alium Parochum copulari.

*In gradibus consanguinitatis ac affinitatis,
Concilium Generale observandum.*

Cap. XLVI.

Quod ad gradus [q] consanguinitatis ac affinitatis attinet, qui Matrimonium contrahendum, ac contractum dirimunt, Decretum Concilii generalis observabitur. Hic si Parochi in dinumeratione graduum addubitarint, peritiores consulant. Ubi Romanus Pontifex dispensatorio diplomate Matrimonium secus contractum, approbandum jusserit, examinentur causæ diligentius, quæ dispensationem extorserunt. Quæ si comperiantur aliter, quam narratum est, se habere, non dubium est, dispensationem nullius roboris esse.

(p) 1. Cor. II.

(r) Jac. 5.

(q) Ex Conc. Gen. C. Non debet. De consang. & affin.

(s) Gen. 23. & 25.

Ludicra tollenda.

Cap. XLVII.

Ludicra illa, quæ in templis post conjunctionem Sacerdotalem fieri consueverunt, veluti in pulsando sponso, atque alia ejusdem generis, penitus tollantur. Nam res seria, quam Deus ipse instituit, benedixit, inviolabilemque decrevit, agitur.

De Sacro Ordine dictum esse prius.

Cap. XLVIII.

De Sacro Ordine, & quæ salutaris gratia hoc Sacramento conferatur: quæ denique in eodem Sacramento conferendo observari oporteat, Titulo primo, qui de Munere Episcopali est, abunde diximus.

Cur adhibeatur extrema Unctio.

Cap. XLIX.

Restat extrema Unctio, quæ (quoniam in morte extrema lucta est) adhibetur, ut vel convalescat ægrotus, si Deo ita visum, vel cum fide, bonaque spe obdormiat in Domino.

Quomodo impendenda Unctio extrema.

Cap. L.

Est autem Unctio impendenda cum expositione Unctionis, & mandati Apostolici, quod sic habet: (r) *Infirmatur quis in vobis? inducat Presbyteros Ecclesie, ut orent super eum, ungentes eum oleo in nomine Domini: & oratio fidei salvabit infirmum, & alleviabit eum Dominus: & si in peccatis sit, remittentur ei.* Postremo loco adhibebit Parochus admonitionem præparationis ad mortem, quemadmodum Enchiridion docebit.

A Sepultura nemo, in communione decedens, repellendus.

Cap. LI.

Quod ad Sepulturam attinet, quis poterit negare, rem longe piissimam esse, & in veteri (s) & in nova lege accurate observatam, ut Christianorum (qui spem resurrectionis habent) corpora non pecudum more disjiciantur, sed in cæmeterii sinum recordantur, quod etiam alto mysterio

sterio non caret? Ab hac ergo sepultura (†) nemo Christianus, qui in communione decessit Ecclesiæ, arceatur, etsi casu mortuus fuerit. Quum enim communicabatur viventi, & mortuo communicandum est. Soli vero hæretici excommunicati, publici latrones, & hi, qui sibi mortem criminis conscientia adacti, consciverunt, & quos in peccato lethali, nullis poenitentiae signis præcedentibus, decessisse constiterit, prohibeantur.

Quam admonitionem in Sepulturis & Exequiis fieri oporteat.

Cap. LII.

In sepulturis autem & exequiis, mortalitatis atque hujus calamitosæ vitæ admonitio diligens fiat, atque excitandi inter alia præsentis, ut recogitent, sibi eodem modo hinc excedendum esse, sese in hac terra peregrinos agere; (u) aliam autem inquirere, ad quam semper oporteat suspirare. Nam quo pacto ad exorandam pro defunctis Dei misericordiam commoneandi sint, supra diximus.

PARS OCTAVA.

De victu Parochorum.

Caput I.

Superest, ut de victu Parochorum dispiciamus. (w) Hic inprimis, quod Christus docuit, & Sacri Canones maximo serio præceperunt, præmittendum duximus: nempe ut Sacramenta Ecclesiastica gratis administrentur, dicente Domino: (x) *Gratis accepistis, gratis date.* Quamobrem (y) neque pro baptizandis, consignandisque fidelibus, neque pro collatione Chrismatis, vel promotionibus graduum, neque aliis Sacramentis distribuendis pretia quolibet, vel præmia, nisi quid voluntarie offeratur, recipienda sunt. Neminem quoque ad quæstuosas exequias cogi, aut pro sepultura munus, aut pretium exigere volumus secundum Canonicas Sanctiones. Custodi interim ac vespilloni, de sua mercede nihil detrahentes.

(†) C. Ex parte. De Sepult.

(x) Matt. 10.

(y) Deut. 25. 1. Tim. 5.

Parochis victus necessarius suppeditandus.

Cap. II.

At quum Lex Divina præcipiat, (z) non alligandum os bovi trituranti, quod utique non boum causa, sed propter nos dictum, Christus in Evangelio explicat; (a) Dignus [inquiens] est mercenarius mercede sua. Ac Paulus toto Capite IX. primæ ad Corinth. confirmat: *Quis enim militat suis stipendiis unquam? quis plantat vineam, & de fructu ejus non edit? quis pascit gregem, & de lacte gregis non manducat?* Neque enim magnam est, si qui spiritualia seminant, etiam carnalia metant. Quamobrem dispiciendum est, ut Parochis Evangelii Prædicatoribus, certa ac competens subministratio victus, & vestitus fiat, idque ad eum modum, ne in administrandis Sacramentis quippiam exigendo, oneri sint Parochianis, aut cibum vicatim discurrendo emendicare cogantur, quo nihil turpius, aut sordidius.

Vice-Curatos, quos vocant, ex proventibus Ecclesiæ congruam sustentationem recepturos.

Cap. III.

Inprimis igitur, qui per Vicarios seu Vicecuratos Ecclesias Parochiales regendi potestatem a Nobis acceperunt, iisdem Vicariis tantam ex proventibus Ecclesiæ partem assignabunt, qua vitam congrue sustentare possint. Quod Nos inter visitandum ratione locorum ac Parochiarum, ut fiat, ordinabimus.

Qui Ecclesias unitas habent, Vicariis perpetuis portionem congruam assignare oportere.

Cap. IV.

Ecclesiæ Cathedrales, (b) ac Collegiatæ, itidem Monachi seu Religiosi, qui Ecclesias Parochiales, aut suis Ecclesiis vel Monasteriis unitas habent, aut regendas aliis committunt, aut præsentando committi procurant, adeo interdum omnem proventum emungunt, ut residui redditus, qui Rectoribus Ecclesiarum permittuntur, nimis tenues sint & exiles. Quamobrem nostræ curæ est, ut tanta portio Rectoribus istis assignetur, unde

(z) Hebr. 11.

(w) Ex Conc. Tolet. 11. C. 8.

(y) C. In Ecclesiastico. C. Præcipiendum 13. Q. 2.

(a) Matt. 10.

(b) De Præbend. & Dignitat. Lib. 6.

unde jura Episcopalia solvere, & congruam sustentationem habere possint.

Ubi redditus non suffecerint, quid agendum.

Cap. V.

Ubi vero redditus (c) Ecclesiarum non suffecerint, juris consilium sequendum putamus, nempe ut duæ uniantur: aut si id grave videbitur, saltem una aut plures etiam Vicariæ, quæ ad altaria in ejusmodi Ecclesiis fundatæ sunt, ipsi Ecclesiæ Parochiali (ut vocant) incorporentur: sic tamen, ut quoad fieri potest, per Parochum officium, ob quod Vicariæ illæ fundatæ sunt, minime negligatur. Porro decimas potissimum Parochis, ac Ecclesiæ ministris deberi, non dubium est. Nunc quum illæ passim a laicis magna ex parte usurpentur, neque facile ex eorum manibus divelli possint: videndum, num diligenti cohortatione, aut alia via juri consentanea, Parocho, cui Ecclesiæ redditus ad victum non sufficiunt, hinc aliquid emendicari possit.

Denarius consuetus, sed duplicatus, pendendus.

Cap. VI.

Postremo loco justum ac decens putamus, ut singuli Parochiani denarium illum consueta, sed duplicatum, saltem in anno quater, videlicet in festis illis majoribus, veluti in Natali Dominico, Paschate, Pentecoste, Assumptioneque Virginis gloriosæ, id est, singulis festis duos Parocho denarios pendant. Neque enim tantillum offerri, ulli onerosum esse, aut videri potest. Quis enim tam sordidus est, qui non æquum puter, modicum quid caduci, ac temporalis subministrare illi, a quo spiritualia ac æterna vicissim repetit. Certe omnes scire debent, eos, qui (d) in sacrario operantur, quæ de sacrario sunt, edere: & qui altario deserviunt, cum altario participare. Nam & Dominus ordinavit his, qui Evangelium annuntiant, de Evangelio vivere. Qui se unica solutione (quæ uno albo rotato fiet) liberare volet, id ipsi liberum esto. Ne vero Parochus aut in contentionem aut suspensionem trahatur, potius hæc pecunia per Ecclesiæ œcono-

mos, aut alios probatæ fidei viros colligetur, ac ipsi Parocho numerabitur.

Laudabilem consuetudinem Agrippinæ Coloniæ per hæc non abrogari.

Cap. VII.

Laudabilem tamen consuetudinem in civitate nostra Colonienli erga sanctam Ecclesiam, pia devotione fidelium introductam, per has nostras Synodales constitutiones nolumus immutare; donec ipsis Parochis intra eandem civitatem de sufficientiori victu fuerit provisum.

PARS NONA.

De Constitutionibus ac consuetudinibus Ecclesiasticis.

Cap. I.

DE constitutionibus humanis, ac Ecclesiasticis consuetudinibus magna in præsentiarum in Ecclesia Dei concentratio est, quam Ecclesiæ turbatores, ut Ecclesiæ auctoritatem everterent, ad nihilumque redigerent, invexerunt. At populus hic docendus est, Sanctorum Patrum regulam sequi, qui diligenter admonent; traditiones Ecclesiasticas, præsertim quæ fidei non officiant, ita observandas, ut a majoribus traditæ sunt. Sunt autem illa, quæ non scripta, sed tradita custodimus, non unius generis, quem admodum Divus Augustinus tradit. (e) Alia enim toto terrarum orbe observantur, a Patribus nobis, quasi per manus tradita. Quæ quidem putanda sunt vel ab ipsis Apostolis, vel ex plenariis Conciliis (quorum est in Ecclesia saluberrima auctoritas) commendata, atque statuta retineri, veluti quod Passio, & Resurrectio, & Ascensio in cælum, adventus Spiritus Sancti, & Quadragesima, annua solennitate celebrantur, quod die Veneris a carnibus abstinetur; atque alia multa, quæ ab universis merito observantur. Alia vero, quæ per loca terrarum regionesque variantur, sicut est, quod alii jejunant diem Mercurii, alii non: alii quotidie communicant Corpori & Sanguini Domini, alii certis diebus accipiunt. Et si quid aliud hujusmodi animadverti potest, totum hoc genus rerum li-

beras

(c) Ex Conc. Vienn. Clem. Si una.

(d) 1. Cor. 9.

(e) C. Illa autem 12. Dist.

Tomus VI. Concilior. German.

beras habet observationes. Quod enim neque contra fidem Catholicam, neque contra bonos mores esse convincitur, indifferenter est habendum, & pro eorum, inter quos vivitur, societate servandum. Sic Divus Ambrosius Augustinum docuit, de hoc altero genere interrogantem: Tu (inquit) ad quamcunque forte Ecclesiam (nimirum in unitate Ecclesiæ Catholicæ permanentem) veneris, ejus morem serva, si cuiquam non vis esse scandalum, nec quemque tibi. Sed de his, ac quatenus Ecclesiasticæ illæ constitutiones obligent, alibi latius dicemus.

Jejunia ab Ecclesia indicta, reverenter observanda.

Cap. II.

Jejunia ergo ab Ecclesia indicta, reverenter observari volumus, admonendusque populus, cur sint instituta, nempe ut corpus, per intemperantiam cibi ac potus luxurians, castigetur, in servitutemque redigatur, quo animus vegetior ac liberior laudibus Divinis insistat, Divinæque voluntati sese attemperet. Magnum (f) certe & generale jejunium est, abstinere ab omnibus iniquitatibus, & ab illicitis voluptatibus seculi. Ad hoc perfectionis, qui nondum pervenit, is Ecclesiæ indictum huc vocans, haud contemnat.

Irrisores Ecclesiasticorum jejuniorum reselluntur.

Cap. III.

Qui Ecclesiæ ordinationem irrident, illique Divum Paulum (g) opponunt, quasi is jejuniis Ecclesiasticis contradicat, gravissimam utrique contumeliam (Apostoli doctrinam dedita opera adulterantes) inferunt. Non enim Ecclesia aliquod cibi genus perpetuo interdixit, aut Judæum ciborum delectum contra Apostolicam doctrinam invexit: quinimo cum Paulo semper docuit, doctrinam esse demoniorum, cibum aliquem immundum judicare, & prohibere, quem Deus creavit ad percipiendum cum gratiarum actione fidelibus, & his, qui cognoverunt veritatem. Quod scilicet omnis creatura Dei bona sit, & nihil rejiciendum, quod

cum gratiarum actione percipitur. Sed potius Ecclesia veteris legis, ac Apostolicorum virorum exempla sequuta, jejunia quædam publica certis diebus indixit, jubens tum a carnibus abstinere, & cibis aridioribus uti, non quod carnes immundæ sint, sed ut luxui temperetur. Quæ de re in Gangrensi Concilio (quod non multo post Apostolorum tempora observatum est) pari censura damnati sunt, tum hi, qui nonnullos cibos carniū illicitos reputarunt; tum illi, qui præter necessitatem corporalem superbientes, jejunia communia totius Ecclesiæ putaverint contemnenda, perfectam in sua scientia rationem vindicantes, quos anathema esse Concilium illud decrevit. Atque alia multa, quæ nunc in contentione rursus vocantur, ut succincte admodum, ita christianissime Apostolico spiritu diffinit.

Ecclesiæ constitutionem charitati cedere.

Cap. IV.

Cur vero crimentur hostes Ecclesiæ ejus institutum, non videmus, quum ipsa nulli injiciat laqueum, quod hanc constitutionem adeo ligare non vestit, ut vel charitati vel necessitati minime cedere debeat. (h) Quinimo liberum facit, quolibet tempore quibuslibet vesci, modo id vel charitas vel necessitas suadeat, adhibito tamen utriusque Medici (si præsto sint) aut saltem alterius, nimirum animæ, consilio.

Quid in jejunio potissimum spectandum.

Cap. V.

Jam quum in jejuniis ratio potius indictionis, quam abstinencia ista a carnibus spectetur: admonendus est populus, quum jejunandum erit, non minus sumptuosa & proluxa illa piscium fercula, quam carniū vitanda: bellaria item illa magis, quam carnes, inflammantia.

Redarguuntur, qui Quadragesimæ observationem contemnunt.

Cap. VI.

Quadragesimæ institutio antiquissima est, (i) a temporibus Apostolorum

ad

(f) Aug. in Joan. C. Jejunium autem magnum. De Conf. Diff. 5.

(g) Colof. 2. 1. Tim. 4.

(h) C. Consilium. De observ. jejun.

(i) Orig. super Levit. Hieron. advers. Monta. hæret. Ambr. in ferm. de Quadrag. 36.

ad nos usque deducta, ejus violatores plerisque generalibus Conciliis, præsertim Toletano octavo acerrime redarguuntur, religionique contraire monstrantur. Atque adeo omnes, quotquot sine inevitabili necessitate seu fragilitate, evidentique languore, seu etiam impossibilitate ætatis, diebus Quadragesimæ esum carniū attentare præsumpserint, alienos a sancta Communionē decernit, quod sacris diebus abstinentiæ oblitī sint, disciplinam, ac Quadragesimæ dies (quæ anni totius decimæ putantur, quæ & in oblatione jejunii Domino consecrantur) temerarie prophanaverint. Quos vero vel ætas incurvat, aut languor extenuat, aut necessitas arctat; non ante prohibita, violare præsumant, quam a Sacerdote permissum esse percipiant.

Litanie, & Rogationes cur institutæ, & quomodo populus admonendus sit.

Cap. VII.

Litanias, id est, supplicationes, (k) seu rogationes, in dicto triduo jejunio, ante Domini Ascensionem Patribus placuit celebrari: quibus omnes interesse jubentur, ut quemadmodum omnes peccaverunt, sic & omnes pro venia supplicent, omnesque ad Deum corda cum manibus elevent. Quanquam potissimum Litanie istæ principio institutæ sint, ut tum populus, Divina institutione admonitus, clementiam DEI exoret, quo pestes, clades, calamitates, fames, bella, & id generis adversa, quæ nobis justissimo Dei judicio ob peccata nostra infliguntur, ac sub id anni tempus, nempe Veris (quum bella emergere, atque terræ fructus, qui tum in flore, atque teneri adhuc sunt, facile corrumpi solent, potissimum imminet) avertat, & tollat. Ut autem Ecclesia fiduciam erga Deum (quam orantes ac petentes habere necesse est) tum nobis adaugeat, Heliam proponit hominem nobis similem & passibilem, qui oratione oravit, ut non plueret super terram; & non pluit annis tres, & menses. Et rursus oravit, & cælum dedit pluviam, & terra dedit fructum suum. Quod si solus Helias petens exauditus est, num Christus Ecclesiæ suæ preces averfabi-

tur? Hic interim populus docendus est, quod non solum, quæ animi, sed & quæ corporis & externa bona sunt, a Deo omnium authore postulare oporteat. Et redarguendi illi (haud ita multo, quam gentes, meliores) qui vel fortunæ vel suæ indolentiæ, bona temporaria accepta ferunt.

Processiones intra septa Ecclesiarum peragenda.

Cap. VIII.

Quod processiones per agros & campos peraguntur, rationem quidem habet, nempe quod populus oret, ut segetes, ac fruges terræ a Domino conserventur. Verum ut alia plurima, ita & hic mos hominum malitia depravatus est; quod per occasionem talis deambulationis, quæ Deo placando erat instituta, pleraque scelera committantur. Quamobrem Nobis satius videtur, ut hæc, aliæque supplicationes, ac processiones de cætero intra septa Ecclesiarum religiose fiant, ac ut in templo, loco precationibus peculiariter dedicato, oretur Deus, habeaturque pius, rei ac temporis conveniens, ad populum commonitorius sermo. Nostri tamen Suffraganei liberum relinquimus, ut ipsi in suis Diocesibus de hac re, uti mores regionis patientur, dispiciant.

Admonendus populus, cur feriæ institutæ.

Cap. IX.

Diligenter quoque populus admonendus est, cur feriæ, & potissimum dies Dominicus (qui a temporibus Apostolorum in Ecclesia Dei semper celebris fuit) institutæ sint. Nempe, ut tum in unum omnes pariter convenirent ad audiendum verbum Domini, ad audiendum quoque Sacrum, & communicandum. Breviter, ad vacandum Deo soli, ut dies illa tantum orationibus, hymnis, psalmis, & canticis spiritualibus transigatur. Hoc enim est sanctificare sabbatum.

In Feriis soli Deo vacandum.

Cap. X.

Quamobrem cupimus, hisce diebus prohibere nundinas, claudi cauponas, vitari

O o 3

(k) Ex Conc. Aurelian. C. 23.

vitari comestiones, ebrietates; sumptus, lites, lusus improbos, choreas plenas infanis, colloquia prava, cantilenas turpes: breviter, omnem luxum. Nam hisce (& quæ hæc fere semper consequuntur) blasphemias, ac perjuriis nomen Domini prophanatur, ac sabbatum (quod nos admonet, ut quiescamus perverse agere, & bene facere difcamus) contaminatur.

Dies Dedicacionis Templi extra Coloniam, uno die ubique celebrandus, & quomodo sit admonendus populus.

Cap. XI.

Et quum in diebus festis (qui Dedicacioni Ecclesiarum peculiariter dicati sunt) plerumque indigna committantur adeo, ut videatur populus tum potissimum comestionis causa convenire: visum Nobis est, ut per Dioceses nostras, uno certo die anni, quo ejusmodi festum Dedicacionis in Metropolitana nostra colitur, in reliquis quoque Ecclesiis omnibus, extra civitatem nostram Coloniam Agrippinam constitutis, observetur. Nam intra Coloniam summo nostro templo suus honos consistere debet: quod & in aliis oppidis insignioribus, ubi una cæteris Ecclesiis præeminet, obtinere placuerit: videlicet, ut ibi minores Ecclesiæ pridie ejus diei, qui dedicationi Ecclesiæ summæ ejus loci consecratus est, aut die Dominico proximo præcedente suas singulæ dedicationes celebrent, observetur. Docendus autem est populus, dedicatione templi significari Ecclesiæ dedicationem Catholicæ, ac cujuslibet hominis Christiani, qua copulatur Deo. Nam ut Divus Augustinus ait: Quotiescunque templi festivitatem colimus, si fideliter, ac diligenter attendimus, & sancte & juste vivimus, quidquid in templis manufactis agitur, totum in nobis spirituali ædificatione completur. Non enim est mentitus ille: qui dixit: Templum enim Dei Sanctum est, quod estis vos. ⁽¹⁾ Et iterum: Nescitis, quia corpora vestra templum est Spiritus Sancti.

(1) 1. Cor. 3.

(2) C. Sicut non alii. C. Missarum solennia. C. Ecclesias. De consec. Dist. 1.

(2) C. 1. Et si. De sacra Unct.

Cur Templi & Altaria consecrentur.

Cap. XII.

Ex vetustissima institutione, & more receptum est, ^(m) Templi, & Altaria, & pleraque alia, quibus in templis ad excitandum fidelium animos, & Divinum cultum explendum utimur, consecrari, solennibusque precibus ac benedictionibus dedicari Deo, quod in veteri quidem testamento præceptum etiam Divinum habuit, quemadmodum Exodi XXXI, & II. Paralip. XXII. legimus. Ungitur præterea secundum Ecclesiasticam consuetudinem, quum consecratur altare, quum dedicatur templum, quum benedicitur calix, idque non solum ex mandato veteris legis, verum etiam exemplo beati Sylvestri, qui quum consecrabat altare, illud Chrismate perungebat. Verum Unctionis Sacramentum, aliud quidem efficit, & figurat, tam in novo, quam in veteri testamento. Unde non judaizat Ecclesia, quum Unctionis celebrat Sacramentum, ⁽ⁿ⁾ sicut aliqui mentiuntur, qui neque scripturas, neque Dei novere virtutem.

Populus docendus, quid agatur, & significetur in Consecratione Templorum, ac Altarium.

Cap. XIII.

Quamobrem populus docendus est, hic aliud agi, atque aliud significari, quum consecratur templum. Funduntur preces Domino, ut hunc locum sibi peculiariter dedicatum esse velit; ut diabolus, & ejus potestatem inde penitus expellat; ut omnes, qui huc deprecaturi conveniunt, ^(o) ex quacunque tribulatione consolationis Divinæ beneficia consequantur; ut ab omnibus pariter convenientibus Deo laudes solvantur, Divinum verbum audiat, ac Sacramenta Ecclesiastica ministrentur. Peculiariter altare consecratur, ut hic oblatio munda Deo offeratur, hoc est, Sacramentum Corporis, & Sanguinis Christi, quod in memoriam passionis Dominicæ immolamus. Quod vero præter preces, asperisionis etiam, atque un-

ctionis,

(o) 2. Reg. 6.

Stionis, aliarumque rerum solennia adhibentur, mysterii secretionis plenum est: non quod inanimata ista gratiæ Divinæ susceptiva sint: sed quum hæc visibiliter fiunt, admonetur Christianus, Deum omnia hæc per invisibilem virtutem in anima operari, quæ est domus Deo dedicanda, ubi fides facit fundamentum, spes erigit, & caritas consummat. Signat ergo templi dedicatio tam fidelis animæ, quam Ecclesiæ cum Christo desponsationem. Ipsa enim Ecclesia, ex multis vivis lapidibus adunata, verum Dei templum est. Quodsi Dei templum sumus, altare intus habemus. Altare quidem nostrum, cor nostrum est. In hoc altari fit sacrificium laudis: sacrificium enim Deo, spiritus (p) contritionis, & cor contritum. In hoc altari fit commemoratio Corporis & Sanguinis Christi: hinc preces ad cælum ascendunt; ad cor enim respicit Deus. Quamobrem, nisi omnia, quæ in hujuscemodi consecratione exterius aguntur, in nobis spiritualiter impleantur, parum hinc fructus nobis accesserit. Quid enim exterior ablutio, vel inunctio sine interiori prodest?

Cur benedicantur Campanæ.

Cap. XIV.

Benedicuntur quoque campanæ, ut sint tubæ Ecclesiæ militantis, quibus vocetur populus ad conveniendum in templum, & audiendum verbum Dei: Cleus vero ad annuntiandum mane misericordiam Dei, & veritatem ejus per noctem, ut per illarum sonitum fideles invitentur ad preces, & ut crescat in his devotio fidei: quamvis etiam Patres alio respexerint, videlicet ut dæmones tintu campanarum Christianos ad preces concitantium, terreantur, quin potius precibus ipsis territi abscedant, illisque submotis, fruges, mentes & corpora credentium ferventur, ut procul pellantur hostiles exercitus, & omnes insidiæ inimici, fragor grandinum, procellæ turbinum, impetus tempestatum, & fulgurum temperentur, infesta tonitrua, & ventorum flamina suspendantur, spiritus procellarum, & aeræ potestates prosternantur. Breviter, ut audientes confugiant ad matris Ecclesiæ gremium,

ac ante S. crucis vexillum, cui flebitur omne genu, quemadmodum hæc in solenni benedictione campanæ reperies.

Docendus populus, ut signatis potius, quam signis inhæreat.

Cap. XV.

Docendus ergo est populus ab exterioribus istis, ut signatis potius, quam signis inhæreat ac intendat. Quod & in omnibus aliis obtinet ceremoniis, aliqui parum ad pietatem profuturis. Nam qui in exterioribus istis consistit, ac non potius illis admonetur, ut ad Deum respiciat, confugiat, ac totam suam fiduciam in illum collocaet, huic citius externa ista in subversionem, quam ædificationem erunt.

Quidquid in cæremoniis ad abusum spectat, caute ac diligenter cavendum.

Cap. XVI.

Quamobrem quidquid in ejusmodi rebus ad abusum & superstitionem spectat, & quo populus a Deo ad collocandum in externis istis aliquam fiduciam abduci possit, prohibemus. Quale inter alia est, quod Sanctorum imagines cum indulgentiis & impositione incertarum reliquiarum dedicantur: quod quidam aqua, sale, cereis, ac herbis benedictis in medicandis pecoribus superstitiosius abutuntur. Omnis quidem creatura per verbum Dei & orationem sanctificatur, quemadmodum Divus Paulus testatur. Ergo quanto res sacratio, tanto abusus ejus damnabilior.

Cur reconcilietur Templum, aut Camiterium.

Cap. XVII.

Reconciliatur Ecclesia, aut coemiterium ob seminis emissionem, peccandi libidine factam. Itidem ob enormem sanguinis effusionem, dedita opera, violenter, & injuriose commissam, ac aliis quibusdam de causis, qui mos ex Levitici XIV & XV. suam trahit originem. Fit autem hæc reconciliatio, non quod templum revera polluat. Ecclesia enim, quum sit sancta, coinquinari non potest: imo ipsius loci sanctitas infamiam loci abolet. Sed cum templum locus

eus sit, ubi delictorum venia postulatur, ubi salutaris hostia pro peccatis immolatur, ubi Deo laudes exolvuntur, ubi tutela refugii esse debet; sit, ut scandalum, horror, atque abominatio turpitudinis, & peccati ibi commissi, propositum quoque & voluntas lethaliter delinquentis, in causâ sint, ut sacer locus reconcilietur: idque ad exemplum, & terrorem, ut videntes locum sacrum seu inanimatum templum, nullo peccato obnoxium, lavari, & purificari, delicti, horrore concutiantur, & cogitent, quantum pro expiatione peccatorum, vivo Dei templo sit elaborandum. Sic Christus (q) ementes & vendentes e templo ejecit, flagello facto de funiculis, ipsos acerrime corripiens, ac dicens: (r) *Domus mea, domus orationis vocabitur; vos autem fecistis illam speluncam latronum: aliud quidem agens, aliud verò innuens.*

Quæ pollutio reconciliationem requirat.

Cap. XVIII.

Non tamen omnis pollutio hanc reconciliationem requirit, sed tantum publica, vel per rei evidentiam, ac saltem per famam. Quodsi occulta sit contaminatio, quæ etiam Baptismi, ac Pœnitentiæ Sacramenta non remoratur, solemnitatis non exigitur, quod ratio reconciliationis in occultis non habeat locum.

Quorum sumptu & expensis reconciliatione faciendâ.

Cap. XIX.

Reconciliationem autem ejuscemodi gratis fieri, ac tantum itineris sumptus Vicariis nostris in Pontificalibus suppeditari volumus. Qui quidem sumptus ex bonis delinquentis desumentur, modo tamen tantæ illius facultates sint: sin secus, Parochiani non gravabuntur, vel tantillos sumptus itineris suppeditare, ne populus præter culpam suam gravetur. Ne vero diutius ob talem pollutionem Divinum suspendatur officium, aut Ecclesiastica intermittatur sepultura, Vicarius noster in Pontificali-bus statim, ut vocatus fuerit a po-

pulo (modo gravioribus rebus id temporis non fuerit implicitus) ultro ibit, officium suum expleturus.

Immunitatem Ecclesiasticam in duobus potissimum sitam esse.

Cap. XX.

Immunitas Ecclesiastica vetustissima res est, jure pariter Divino ac humano (s) introducta, quæ in duobus potissimum sita est. Primum ut Clerici, illorumque possessiones & bona a vestigalibus & tributis, aliisque muneribus laicis libera sint. Nam (ut de libertate Levitarum fileamus) non temere refert scriptura, Pharaonem totam terram Ægypti fecisse tributariam, præter terram Sacerdotum, & possessiones, quæ a Rege traditæ fuerant eis, quas vendere non sunt compulsi: quin potius ipsi etiam statuta cibaria ex horreis publicis præbebantur, ut legimus Gene. XLVII. Deinde ne rei criminis, ad Ecclesias confugientes, inde violenter extrahantur, exceptis publicis latronibus, qui per industriam proximum occiderint, ac nocturnis depopulatoribus agrorum, qui itinera obsident aggressionum insidiis. Denique his, qui sub immunitatis spe in Ecclesiis, ac cœmeteriis delinquant. Quodsi a confugientibus ad Ecclesias paria his commissa sint crimina, quæ Rei-publicæ referat puniri, tantisper saltem debet sæcularis potestas a manuum injectione abstinere, donec nostros consulat Officiales, ne devenire necesse sit ad cessationes a Divinis, & interdicta, quæ visum est antecessoribus nostris, ob violationem ejuscemodi immunitatis, editis constitutionibus promulgare.

Quemadmodum fraternitates reformandæ sint.

Cap. XXI.

Fraternitates (quæ vocantur) & in honorem aliquorum Sanctorum in Ecclesiis fiunt, speciem quidem pietatis habent: sed quales hac tempestate servantur, nempe in quibus tam Clerici, quam laici potissimum comestationibus & ebrietatibus vacant, interdum etiam variis conspirationibus adversus potesta-

(q) Matt. 21. Joan. 2. (r) Matt. 21. Joan. 2.

[s] Ex Conc. Later. C. Non minus. Ex Conc. Tolet. III. C. Eccles. servos. Ex Conc. Gangr. C. Si quis per super. 30. Dist. &c.

tes intenti sunt, si non omnino sublatas, saltem correctas volumus: omnino sublatas malimus, ac redditus seu census earundem, vel in usus pauperum, vel Parochi expendi, nobis magis placuerit. At quum hæc sodalitates forsan propter publicum offendiculum, ac pauperum (qui ab eis elemosynas ex constitutione accipiunt) præjudicium commode tolli non possint, videbimus inter visitandum, ut saltem tollantur abusus, ut prima servetur institutio, & examinentur formulæ earum, & statuta, ut ratio ac calculus singulis annis per Provifores (ut vocant) earundem fraternitatum coram Parochis Ecclesiarum reddatur, ut superextantes fructus ac redditus in pauperum seu Ecclesiæ usum ac utilitatem convertantur, aut etiam inde aliquid Parocho ad victum decidatur.

PARS DECIMA.

De vita & conversatione Monastica.

Caput I.

Vita Monastica non multo post Apostolorum tempora coepit, quanquam multis persuasum sit, aliam tui fuisse, quam nunc est, Monachismi rationem. Nemo tamen negaverit, hoc vitæ genus ad perfectionem Evangelicam maxime accommodum, modo secundum sanctissimam institutionem pure immaculateque observetur. Quia vero res est quam maxime ardua, in carne vivere, & carnis stimulis nullum locum dare, diabolique mille fraudibus (quibus præfertim solitarios aggreditur) feliciter semper resistere: idcirco in hoc vitæ genus nemo vel invitus intrudendus, vel pellendus, vel temere suscipiendus, sed summa cura adhibita, post diligentissimam demum examinationem, Monachi ac Monachæ recipiantur. Quibus sæpe inculcandus est prius Christi-verbum (†) de Eunuchis, qui se castrarunt propter Regnum cælorum, quum ait: *Qui potest capere, capiat.* Proponenda sapientis sententia, (u) quæ habet in hæc verba: *Altior a te ne quæsieris*, &c. Rememorandum quoque diligentissime, quod Deo stulta

infidelisque promissio admodum displiceat. Breviter, admonendus est omnis, ad hanc vitam aspirans, ut primum se totum excutiat, ne provinciam suscipiat, cui non suffecerit, alioqui parabolæ Evangelicæ (x) disterio notandus, quod coeperit ædificare, & non potuerit consummare. Maxima autem cautio adhibenda est in puellis, propter sexus fragilitatem, ne vel ob ætatem desit voluntas, vel metus adsit, aut alius affectus minime Christianus.

Neminem Monachismi Professione temere alligandum.

Cap. II.

Certe Sancti Patres admodum fuerunt solliciti, ut non nisi voluntario (y) ac spontaneo iudicio, virginittis propositum atque habitus susciperentur, quod coacta servitia Domino ingrata esse dignoscantur. Siquidem voluntarie Domino sacrificandum est, & voluntaria oris sui beneplacita fieri in conspectu Domini Psalmographus (z) obsecrat. Quod enim quis non eligit, nec optat: quod non optat, non diligit: quod non diligit, facile contemnit. Unde consequitur, nullum esse bonum, nisi voluntarium, adeo, ut qui alio affectu, quam bonæ voluntatis, monachismo se alligant, magis peccent, quam mereantur. Ambigi enim non potest, crimen magnum admitti, ubi & propositum deseritur, & consecratio violatur. Nam si humana facta non possunt impune calcari, quis de eis manebit, qui corruperint fœdera Divini Sacramenti? De adolescentioribus viduis Paulus pronuntiavit, (a) quod quum fuerint luxuriaræ, in Christo nubere volunt, habentes damnationem, quia primam fidem irritam fecerunt.

Admonendi parentes, ne liberos invitos in Monasterium detrudant.

Cap. III.

Admonendi quoque erunt parentes, ne liberos in Monasterium invitos detrudant, quod illos vix longe gravius maneat, quam Pharisæos, qui (b) circum-

(†) Matt. 19.

(u) Eccli. 3.

(x) Luc. 14.

(y) C. Puella. 12. Quæst. 2. C. Præfens. 12. Quæst. 2.

(z) Psal. 118.

(a) 2. Tim. 5.

(b) Matt. 23.

cumibant mare, & aridam, ut facerent unum proſelytum, & quum eſſet factus, ſiebat filius gehennæ duplo magis, quam ipſi.

Quo affectu monaſtica vita amplectenda.

Cap. IV.

Qui Monaſterium ingreditur alio affectu, quam ſimplici amore Dei ductus, veluti vel ſpem vel promiſſionem Abbatiam conſequendi habens, vel in otio vivere affectans, vel lucris temporalibus appetens: quicquid talis eſt, non Dei Filius, aut Monachus, ſed plane mercenarius eſt, quemadmodum ſuperius nos de Clericis etiam dixiſſe meminimus. Cui verendum eſt, ut quum volet ingredi nuptias Evangelicas, obijciatur illud: (c) *Amice! quomodo huc intraſti, non habens veſtem nuptialem?* quodque ipſo obmutefcente, Rex ſit præcepturus miniſtris, ut ligatis manibus & pedibus, ipſum in tenebras exteriores mittant, ubi erit fletus & ſtridor dentium.

In Monaſteriis habendus, qui doceat Legem Domini.

Cap. V.

Habendus in virorum Monaſteriis vir pius ac doctus, qui doceat Monachos ab adoleſcentia meditari in lege Domini die ac nocte, ad quod munus in Monaſteriis Monialium, Sanctimonialis, cæteris vita & doctrina præſtantius deligatur. Debet autem, qui Monaſterio præeſt, ſumma diſcretione uti, maxime erga eos, quos compererit Divinis literis intentos, aut contemplationi deditos, ut ſcilicet tales fordidioribus officiis ſinat eſſe immunes.

Verbi Prædicatorem in Monaſteriis eſſe oportere.

Cap. VI.

In Monaſteriis quoque verbi Prædicator erit, pius quidem ac eruditus; nam nulla armatura fortior ad reſiſtendum diabolicis inſidiis ac jaculis, quam gladius ille ſpiritus; quod eſt verbum Dei, (d) quo Chriſtus in deſerto ſolitarus, jejunis & orationibus vacans, & nihilo ſecius tentationibus diabolicis ex-

poſitus, retudit omnem dæmonis fraudem atque nequitiam. Nihil quoque potentius illo ad dejiciendos; ac viciffim conſolandos animos noſtros, nihil efficacius ad concitandum mentem in amorem Dei ac contemptum mundi, ac omnium, quæ in mundo pulchra, ac ſpecioſa apparent.

Monachi bonæ indolis ad Academiæ mittendi.

Cap. VII.

Neque Nobis diſplicuerit, ut aliquot ex Monachis bonæ indolis, ad Univerſitates publicas, & bene Chriſtianas, aliquot annos theologicis ſtudiis operam navaturi mitterentur: illic tamen non alibi, quam in Monaſteriis ſeu Gymnaſiis ſub cura & oculis præceptorum commoraturi, ne bonis ac rectis ſtudiis deſtinati, mores minime monaſticos imbibant, ac contrahant.

Moniales non eſſe alligandas, ut nulli, quam ſuo (ut vocant) Patri, aut Præpoſito conſeantur.

Cap. VIII.

Sint præterea in Monaſteriis, virginum præſertim, præter Abbates, aut Præpoſitos, alii conſcientiarum Examinatores, ac a conſeſſionibus, aut ſaltem virginibus liberum ſit, bis aut ter in anno aliis (quos elegerint) probis ac doctis viris de ſuorum Superiorum (ut vocant) conſenſu (quem hi interpellati, rationabili cauſa intellecta, nequaquam negabunt,) conſcientias ſuas exomologèſi exponere, exonerareque, ne ſcilicet adigatur Monialis renitens, ſemper uni homini delicta conſiteri. Debent autem hi, qui ejuscemodi munere in Monaſteriis Monialium funguntur, eſſe homines vitæ probatiſſimæ, ac morum quam maxime inculpatorum, eruditi ac ſingularis judicii, obſervaturi ea, quæ ſupra, ubi de pœnitentiæ Sacramento tractatum eſt, delibavimus. Cavebit autem is inprimis, criminum non conſeſſorum rememorationem, ne virgines diſcant, quæ prius neſcierunt. Cavebit præterea, niſi res omnino exegerit, duriſſimam increpationis, magis intentus ad modeſtiſſime arguendum, & pientiffime viciffim conſolandum, Conſeſſiones autem Monialium non privatim audiet, ſed in cæ-

tera-

(c) Matt. 22.

(d) Matt. 4.

terarum conspectu, non tantum, ut omne malum, sed & omnis mali suspicio omnino cesser.

Mutatam esse paulatim faciem Monasteriorum, ac usurpatum hospitii jus, simul cum accessu, modervandum.

Cap. IX.

Monasteria olim virtutum scholæ, ac pauperum hospitalia erant: nunc pro dolor, videmus ea, quæ virorum sunt, e scholis virtutum in diversoria militum ac raptorum: quæ vero mulierum sunt, in plerisque locis in suspectas de incontinentia domos, (ne quid gravius dicamus) esse commutata. Quamobrem dispiciendum Nobis est, ne tam passim a quibusvis militibus hospitii jus a Monasteriis vi exigatur, & elemosynæ, pauperibus deputatæ, improborum luxu devorentur, neve ad Monasteria virginum accessus, toties a sacris Canonibus (e) prohibitus, pateat. Et ut, qui deprehensi propter hæc fuerint, offendiculum, aut occasionem illis labendi, sive intra sive extra Monasteria dedisse, dignas poenas ferant.

Visitatio Monasteriorum necessaria.

Cap. X.

Visitatio ergo Monasteriorum quam maxime opus esse intelligimus, quam & Canones (f) nobis imponunt. In hac vero oportebit omnia ad regulam Ordinis monastici exigere; nihil non ad pietatem & vitæ Sanctimoniam dirigere; & quidquid mali exempli, aut improbæ consuetudinis irrepsit, penitus tollere ac eradicare. Profecerit quoque hic examinari Regulas, statuta, & consuetudines, tolli superstitiosa.

Sumptuosi Monialium Præpositi abrogandi, & frugales æconomi constituendi.

Cap. XI.

Habent quædam Monialium Monasteria sumptuosos Præpositos, sub quorum potestate quum omnis bonorum administratio sit, ipsi de redditibus monasticis luxuriantur; & qui monasticæ

conversacionis exemplum esse debuerant, ad mundi delicias revolvuntur. Fastidientes interdum simulam & mella, interim Monialibus ipsis vix milio & cibario pane rugientem ventrem saturantibus. Sunt quoque Virginum Monasteria, ubi non est victus, & mensa communis, sed mos ille (quem ad Corinthios (g) scribens Paulus, quamvis in longe sacratori convivio damnavit) quotidianus, nempe quod unaquæque suum cibum præsumit ad manducandum: & alia quidem esurit, alia vero ebria est. Quos abusus (h) tollere putamus necessarium, videlicet, ut in illorum delicatolorum Præpositorum locum probi æconomi a Nobis comprobandi (quorum victus sit monastico similis) surrogentur; qui etiam obligati erunt singulis annis rationem de receptis ac erogatis integram reddere.

In Monasteriis Monialium victum, ac mensam communem esse oportere.

Cap. XII.

Idem ut Moniales victum ac mensam communem ubique habeant, & quæ pari sunt officio destinatæ, pari etiam cibo alantur. Quod ut quam minime onerosum sit, non debebunt plures in Monasterium Moniales recipi, quam congrue poterunt in singulis Monasteriis sustentari, de quo Nobis prius legitimam fidem fieri conveniet.

De Præpositis solitarie commorantibus.

Cap. XIII.

Displicet etiam Nobis, quod quædam Monasteria quosdam Præpositos habent, qui in capellis solitarii commorantur, quod Lateranensi Concilio vetitum est, ac cautum, ut Episcopus Abbates, monitione præmissa, per censuram Ecclesiasticam compellat, ut ejusmodi Præpositos, aut Priores ad claustrum revocent, faciantque Ecclesiis ipsis seu capellis per sæculares Clericos deserviri, aut saltem alios monachos ipsis adjungant.

Visi-

(e) C. 1. De Immun. Eccl. C. Monast. De vit. & hon. Cler.

(f) C. In sing. §. Porro Dicc. De statu Monach.

(g) I. Cor. 11.

(h) C. Offus. 9. Quæst. 3. C. Qui Relig. 17. Quæst. 2.

Tomus VI. Concilior. German.

*Visitande Domus Fratrum Teutonicorum,
Divi Joannis Baptistæ, & Antonitarum.*

Cap. XIV.

Visitandæ quoque inprimis, & reformandæ erunt domus hospitalium Militum Teutonicorum, præterea Ordinis Divi Joannis Baptistæ, ac Antonitarum, atque initio providendum, ut in iisdem domibus cultus Divinus rite ac debite peragatur, ut hospitalitas pro pauperibus servetur, ut vita ac conversatio Regularis, secundum institutionem primam ac regulam, quam illi professi sunt, illic geratur: ut ab ipsis vestes, Ordini ac Professioni dignæ, ac convenientes publice deferantur; ut comestationes, crapulæ, ac omnis luxus prohibeatur; ut prædæ illæ bonorum mobilium, quæ post mortem Prælatorum per primores Ordinis fieri, ac in exterarum regiones deferri pessimo omnium exemplo consueverunt, amodo nequaquam fiant; sed quidquid parsimonia defuncti Prælati coarcevat, ac relictum fuit, vel necessariis usibus Ecclesiæ, aut successorum, aut pauperum ejus regionis, ubi religiosa domus sita est, applicetur.

De vita & conversatione Monachorum.

Cap. XV.

Et ut revertamur ad Monachorum vitam, haud ignorare debent, Concilio Chalcedonensi cautum, Monachos oportere quieti operam dare; jejunia, & orationes observare; in his locis, in quibus se semel Deo devoverunt, remanere; nullas Ecclesiasticas seu sæculares actiones tractare; sua Monasteria nunquam relinquere, nisi forsitan ob ingentes necessitates id facere a suo Episcopo jubentur, ne nomen Domini blasphemetur. Quare libertas illa peregrinandi seu exundi, prætextu invisendi parentes, moderanda seu penitus tollenda erit.

Monachorum studia atque exercitationes, quales esse oporteat.

Cap. XVI.

Monachus & Monacha amare debent (i) scripturarum scientiam, & carnis vitia non amare: Psalterii librum de

manu aut oculis nunquam deponere, semper orare, sensu vigilare, vanis cogitationibus aditum præcludere, corpore pariter & animo in Deum tendere, iram patientia vincere: Breviter, nullis animi perturbationibus (quæ si infederint, ad delictum maximum inducunt) locum dare: semper aliquid operis facere, ut eos diabolus semper inveniat occupatos. Et (k) ut nulla sint, quæ manibus operari liceat, libros tamen sacros describere ipsis maxime conveniret, ut & manus operetur cibos, & lectione anima sacretur. Porro Ægyptiorum Monasteria hunc morem servasse leguntur, ut nullum Monachum absque opere ac labore susciperent, non tam propter victus necessaria, quam propter animæ salutem; ne perniciosas cogitationibus vagarentur, neve instar fornicantis Israël, (l) omni transeunti divaricarent pedes suos.

Monachos vagos sub custodiam revocandos.

Cap. XVII.

Monachi, qui (m) pervagati fuerint, ubicunque inveniuntur, tanquam fugaces, nostro auxilio sub custodia revocentur. Et si qui habitum abjecerint, ut eundem reassumant, cogendi.

Litteras privatas Monacho, aut Monachæ, injussu Abbatis, resignare non licere.

Cap. XVIII.

Ut Monachi, seu Monachæ litteras nullas, vel destinare, vel recipere audent, absque Abbatis seu Abbatissæ aut ejus, qui ipsorum loco Monasterio præest, scientia, summa ratione olim constitutum est, sed per incuriam abolitum: id præsentis constitutione innovandum censuimus.

Canonissarum secularium mores reformandi.

Cap. XIX.

Postremo vitam, conversationem, ac mores Canonissarum, quæ sæculares ob id appellantur, quod perpetuæ castitatis, ac reliqua vota monastica non emittant, reformari omnino ducimus necessarium. Nam vitam agunt plusnimo

(i) S. Hieron. ad Rust. Mon.

(l) Hierem. 3.

(k) C. Nunquam. De Conf. Dist. 3.

(m) Ex Conc. Tolet. IV.

mio licentiosam ac plerisque scandalo-
sam. Quæ ut in Ordinem & Ecclesiasti-
cam quandam disciplinam, quoad fie-
ri potest, revocentur, Nobis, quum
visitationem aggrediemur, curandum
est.

PARS UNDECIMA.

*De hospitalibus, orphanotrophiis, aliisque
id genus pijs locis.*

Caput I.

Non solum Canonicis Constitutioni-
bus, sed & Imperialibus, ac Regali-
bus institutis antiquitus pientissime sanc-
tum est, ut habeantur, quoad fieri potest,
frequentia in Repub. Xenodochia, Pto-
chotrophia, Orphanotrophia, Geron-
tocomia, & Brephotrophia, & id genus
alia loca pietati consecrata, in quæ reci-
pantur peregrini, pauperes, invalidi,
senes, parentibus orbi, atque inopes
liberi, infantes expositi, furiosi, leprosi,
contagiosisque atque perpetuis morbis
obsiti, atque alia miserabiles personæ.
Idcirco curæ nostræ imminet, ut ejus-
cemodi loca, ubi constituta sunt, sarta
recta teneantur. Ubi vero dissipata sunt,
instaurentur, reformenturque. Deni-
que ubi necdum constituta sunt, Epis-
copali nostra providentia ædificentur,
construanturque. Pauperum enim cu-
ram nobis Christus (n) præcipuam esse
voluit, & horum toties meminit Divinissi-
mus Paulus Apostolus. (o)

*In hospitalibus imprimis animæ curandæ,
deinde corpus.*

Cap. II.

Hic ante omnia curandum nobis est,
ut in domibus istis, quæ ad salutem ani-
marum pertinent, minime negligantur,
sed ante omnia de Sacramentorum ad-
ministratone, pauperibus debilibus &
ægrois provideatur. Ac ubi corporis
infirmas medicum postulat, ibi prius
animæ, deinde corporis medicus accer-
satur.

In hospitalia qui recipiendi.

Cap. III.

In ejuscemodi autem hospitalia nul-
læ aliæ, quam eæ, quas diximus, mise-

rabiles personæ, quæ aut morbo, aut
debilitate, aut ætate impeditæ, suis ma-
nibus laborare, victumque ac vestitum
sibi comparere non possunt, recipiantur:
quas ad Ecclesiasticam disciplinam Ca-
nones pertinere, ac nostris, aliorumque
piorum hominum largitionibus victitare,
voluerunt.

*In hospitalia pauperes ejus loci, ubi consti-
tuta sunt, potissimum recipiendos,
maxime contagiosis morbis
implicitos.*

Cap. IV.

Inprimis autem recipiantur in hæc
hospitalia personæ miserabiles ejus loci,
ubi hospitalia constituta sunt. Quodsi
recte curatum est, fuffecerint pene (nisi
tamen fallamur) jam constituta hospita-
lia omnibus vere pauperibus, per singu-
la oppida, ac vicos repertis, ut amodo
illis non fuerit necesse, ostiatim panem
emendicare, aut eos, qui lepra, seu alio
contagioso morbo impliciti sunt, inter
homines diversari, quod lege Divina,
(p) ne fiat, prohibitum legimus. Nec
immerito, quod ex tali commixtione,
ac conversatione cum sanis, infinita pe-
ricula subsequantur, etiam ex solo aspe-
ctu, qui intuentibus horrorem solet in-
cutere. Quodsi leprosis, aliisque, qui
similibus morbis impliciti sunt, hospita-
lium, quibus addicuntur, redditus non
fuffecerint, satius est, ut ipsorum no-
mine in conventu Ecclesiæ elemosyna
per aliquot viros probos, ad hoc munus
deputandos, colligatur ac præstetur;
atque ut trunci in templis, elemosynis
istis colligendis, asservandisque erigan-
tur, quam ut ipsi morbo, alimoniam pe-
tendæ obtentu, aut quocunque alio
prætextu, consortiis hominum misce-
antur.

*Mendicantibus validis hospitalia clausa, &
mendicantem interdiciam esse
oportere.*

Cap. V.

Sint autem mendicantibus validis
non solum hospitalia clausa, sed & pub-
lice ac ostiatim mendicare penitus inter-
dictum. Et qui sæcus agere comperti
fuerint, arceantur, ac legalibus, No-
strisque constitutionibus comprehensis
pœnis

P p 3

(n) Matt. 26. Marc. 14.

(o) 2. Cor. 8.

(p) Num. 12.

pœnis subdantur. Utilius enim esurienti panis tollitur, si de cibo securus iustitiam negligat; quam eidem frangitur, ut seductus, iniustitiæ acquiescat.

Magistrorum hospitalium pravi affectus damnantur.

Cap. VI.

Damnamus ergo abusum, quo in quibusdam locis fit, ut neglectis miseris ac inopibus, quibus hospitalia dedicata sunt, ex privato affectu Magistrorum, aut Magistratum, qui hospitalibus hisce præstant, non modo validi, sed & quibus victus & vestitus suppetit, recipiantur, tantum quod illic commodius & in otio vivatur: qui certe aliter censeris non possunt, quam pauperum deprædatores, raptosque de alieno viventes, ac veluti ex sanguine pauperum faginati. Quos Divus Hieronymus gravissime increpat. Qui, inquit, ex bonis parentum, & suis opibus sustentari possunt, si quod pauperum est, accipiunt, sacrilegium profecto committunt, & per abusionem talium, iudicium sibi manducant, & bibunt.

Quam graviter peccent, qui ex pauperum victu se ditant.

Cap. VII.

Viderint quoque hi Magistri, ac hospitalium Præsides, ne Judam imitentur, qui (q) oculos (ex quibus pauperibus distribuebatur) ferebat, ac fur erat, ne sicut ille, ita & ipsi pereant. Noverint ergo, se tali muneri addictos, non ut sui, sed ut pauperum curam gerant; quos neglexisse, occidisse est: quibus quid subtraxisse, sacrilegii instar est. Et quo vigilantiores in officio sint, annis singulis, aut sæpius, Magistratui ejus loci, præsentè Parocho, rationem de omnibus reddant. Non meum est (inquit Prosper) dicere, quantum peccatum est eorum, qui cibos pauperum sibi usurpant, & unde pauper victurus erat, præsumendo accipiunt.

(q) Joan. 12.

PARS DUODECIMA.

De Scholis, Typographis; ac Bibliopols.

Caput I.

Ecclesiæ reformatio a summis pariter & infimis, a capitibus simul & a parvulis ordiendâ est. Parvuli enim sunt, qui succrescentes, in majorum locum subinde decedentium, in Reipublicâ tam Ecclesiasticâ, quam sæcularis administratione succedunt, ut consequens sit, ab ipsis prave ac nequiter institutis, Reipublicæ perniciem imminere. Quamobrem summopere refert, ut pueritia, quæ Seges omnium Rerum publicarum est, in timore Domini, ac bonis Disciplinis edoceatur. Id quod Dominus præcepit Exodi XIII. & Proverb. 6. Siquidem eas nullis aliis usibus accommoda, per id tempus colligere poterit, & sibi & Reipublicæ luculentum fructum. Impiis autem operæ pretium videtur Nobis, ut clancularii illi magistelli, qui in conventiculis vicatim docent, prohibeantur, utque Gymnasia illa, ac scholæ minores, in quibus pueri primis Rudimentis imbuuntur, diligenter repurgentur, prædictis illis didascalis, seu præceptoribus, non tam eruditis, quam sanæ doctrinæ, integræque ac inculpatæ vitæ viris, idque hac potissimum tempestate, qua innumera pestilentes hæreses totam fere Germaniam summo cum Christianismi, ac Reipublicæ detrimento, justo Dei iudicio pervadunt, ac veluti cancer serpunt: quas quum pueri semel imbiberint, difficile, imo impossibile erit, ut easdem penitus iterum eluant. Nam, quo semel est imbuta recens servabit odorem Testa diu.

Scholæ inter visitandum repurgandæ, ac instituendæ.

Cap. II.

Quemadmodum vero Didascali pueros in classes digerent, quæ dein ipsis prælegent tam ad eruditionem, quam ad vitam Christianam recte instituendam pertinentia, Nos inter visitandum pro ratione cujuscunque scholæ trademus.

Apud singulas Ecclesias habendus vir eruditus, qui Clericos ejus Ecclesiæ instituat.

Cap. III.

Olim Conciliari constitutione (r) cautum est, ut non solum apud quamlibet Cathedralē Ecclesiam, sed & apud alias, nimirum collegiatas, quarum sufficere poterunt facultates, constituatur Magister idoneus, qui Clericos earundem Ecclesiarum doceat ac instituat. Apud Metropolim autem Theologum haberi præceptum est, qui Sacerdotes, ac quoscunque alios in sacris literis doceat, & in his præsertim instituat, quæ ad curam animarum pertinere dignoscuntur. Visum etiam Concilio fuit, ut singulis Magistris unius præbendæ proventus tantisper, quoad in docendo perstiterint, assignentur. Cujus quidem saluberrimæ constitutionis vix vestigia quædam apud ejusmodi Ecclesias reliqua videmus. Nam ut scholas ipsas reperiās, Didascalum tamen vix ullum eruditum ac pium reperiēs, quod nihil pene stipendii (ne dicamus unius præbendæ proventus) illi suppeditetur: quod emendatione magna indiget. Neque enim hæc res levis momenti est, a qua totius propemodum Reipublicæ tum salus, tum perniciēs dependet.

Qui huic viro victum suppeditabunt.

Cap. IV.

Curandum itaque, ut singula Collegia ludos literarios diligenter instituant, eisque de idoneis ludimagistris, ac sumptibus prospiciant: ubi Collegia non sunt, Senatus, & Respublica idem curet.

Quemadmodum Academia instaurari, ac studia ali possint.

Cap. V.

Academias, seu Universitates publicas per hanc hæresum colluviem misere perire cernimus, quas instaurari maxime in votis est. Id fieri posse Nobis videtur, si modus aliquis inveniat, quo pauperibus Scholasticis ex Ecclesiasticis stipendiis aliquid possit decidi: (Clericos enim illos convenit Ecclesiasticis stipendiis sustentari, quibus parentum & propinquorum nulla bona suffragantur) Quo

insuper Professoribus, atque his, qui in bonis literis, optimis quibusque disciplinis, ac imprimis studiis Theologiæ multum profecissent, spes præmi fieret: nam spes alit artes.

Pium votum ad studia sublevanda.

Cap. VI.

Et quanquam hic (s) articulus a Summo Pontifice potissimum pendere videatur; tamen quod in Nobis est, cuperemus omnes ordinarios collatores, præsertim Parochialium Ecclesiarum, huc induci posse, ut Academiæ potestatem facerent, significandi subinde ipsis viros literatos, ad regendum Ecclesias ejusmodi idoneos, quos ipsi collatores quibuscunque aliis non idoneis præferrent, ac Parochiis, quum vacarent, præficere non differrent, modo tamen personaliter residere non detrectarent. Quod si idem apud Collegiatas Ecclesias (qui mense ordinario Canonicatus, & Præbendas conferunt) obtineri possit, non dubium, id plerisque ad studia capeienda calcar fore non exiguum.

Decretalem Honorii tertii, quoad ejus fieri potest, renovari æquum esse.

Cap. VII.

Præterea non parum huc fecerit, si Honorii tertii decretalis (t) servetur, nempe ut Canonici Ecclesiarum Diœcesis nostræ Colonienſis dociles ad studia, potissimum Theologiæ, per Capitula transmittantur, percepturi toto quinquennio beneficiorum suorum fructus, non obstante aliqua contraria consuetudine, vel statuto; cum denario fraudari non debeant in vinea Domini operantes, de quo dictum est partim superius. Ex his enim tandem spes non vana concipi possit, aliquando futurum, ut doctorum copia habeatur, quo veluti stellæ valerent plurimos ad justitiam erudire, & temporis successu Ecclesiam Dei universalem in vita ac doctrina reformare.

Quid curandum in Academiis.

Cap. VIII.

Neque ignoramus multa, ac diligenti provisione esse opus in Academiis, qua imprimis curari necesse erit, ut opti-

mi

(r) C. 1. & C. Quia nonnullis, De Magist.
(t) C. Super specul. De Magist.

(s) Ex Conc. Basil.

mi quique libri in singulis professionibus ac disciplinis per doctissimos Professores statis diebus ac horis vigilantissime prælegantur, enarrenturque. Deinde ut scholasticis vivendi regulæ præscribantur: nempe ut bonis disciplinis vacent; a pomis, comestationibus, ebrietatibus, aleæ ludis, dissensionibus ac rixis abstineant; ut prodigi esse desinant, ac quisque se suo modulo metiatur; ut fastum omnem, ac doctrinæ supercilium deponat. Nec incipiant esse magistri, priusquam fiant discipuli. Quot enim sunt, qui magistrorum ac doctorum insignia ambiunt, ac per ambitum extorquent, etiam qui nunquam eam artem, quam post magistrum profitentur, vel a limine salutarunt? quod quam turpe ac indecorum sit, nemo ignorat.

Nihil imprimendum, aut vendendum, nisi revisum prius.

Cap. IX.

Præterea quum per abusum Artis impressoriæ librorum, plurimum malorum emerferit, prohibemus, ne ulli Typographi, aut Bibliopolæ quencumque recens editum librum, aut chartam vel imprimant, vel venum exponant, vel vendant publice vel occulte, nisi hic liber revisus, & charta vel scripturam, vel picturam continens, per nostros ad hoc deputatos Commissarios, diligenter perspecta sit prius. Quæ & Typographi nomen & cognomen complectantur, atque eam civitatem seu oppidum, in quibus excusa sunt, nominatim designent. Quæ vero his caruerint, nullo pacto venum exponantur. Porro Typographi, Bibliopolæ, ac reliqui librorum institores ac geruli, qui huic ordinationi contraveniant, præter confiscationem librorum, poenis etiam legalibus, ac pragmaticæ constitutioni Augustanæ subiacebunt. Contra quos in territoriis nostris Fiscalis noster acerrime inquirere, ac ad justarum poenarum declarationem procedere non omittet.

(*) Anno 1528. Vide supra pag. 221.

PARS DECIMA TERTIA.

De Jurisdictione Ecclesiastica contentiosa.

Caput I.

ANte annos non admodum multos, (*) reformationem jurisdictionis nostræ Ecclesiasticæ edi curavimus, per quam ita temperata, ac moderata omnia speramus, ut nemo de ea jure queri possit.

Excommunicationis origo, & præcipuus usus.

Cap. II.

Ne autem quispiam excommunicationis Ecclesiasticæ originem ignoret, primus excommunicationis in Ecclesia usus, qualis fuerit, Paulus I. ad Corinth. V. manifeste ostendit, ubi Corinthium, publice cum noverca fornicantem, tradit satanæ in interitum carnis, ut spiritus ejus salvus fieret in die Domini nostri JESU Christi: non tantum exemplo indicans, sed & expressim jubens, ut qui ejusmodi sunt, e medio Ecclesiæ ejiciantur. Si is (inquit) qui frater nominatur, inter vos est fornicator, aut avarus, aut idolis serviens, aut maledicus, aut ebriosus, aut rapax, cum ejusmodi nec cibum sumere permitto. Quin ante discipulum, ille qui solus vere magister est Christus, ejusmodi excommunicationis usum Matthæi XVIII. docuit. Quem optamus in Ecclesiam revocari, ac frequentissimum esse, nempe ut tales publice ac enormiter peccantes, ne aliis offendiculo sint, & notati tandem resipiant, extra communionem Sacramentorum, ac vitæ communis ponantur, donec ad cor, & Ecclesiæ gremium reversi, suum reatum deplorent. Divus sane Paulus gravissime Corinthios increpat, quod incestum illum tantisper paterentur. Omnino, inquit (u), auditur inter vos fornicatio, & talis fornicatio, qualis nec inter gentes, ita ut uxorem patris sui quis habeat. Et vos inflati estis, & non magis luctum habuistis, ut tollatur de medio vestrum, qui hoc opus fecit. . . . Non est bona gloriatio vestra. Nescitis, quia modicum fermentum totam massam corrumpit.

(u) 1. Cor. 5.

vumpit? Expurgate ergo vetus fermentum, ut sitis nova conspersio, sicut estis azimi. Et cætera, quæ sequuntur. Quod si denuntiationem Evangelicam, (qua nulla res salubrior esse potest, & quæ nobis non tantum facienda suadet, sed præcipitur) frequentaremus, & Apostolica præcepta mordicus teneremus, rariores profecto in cœtu nostro haberemus adulteros, raptos, homicidas, & id genus alios publice criminosos, propter quos (x) blasphematur nomen nostrum inter gentes, & scandalizantur multi inter nos infirmiores.

Cur passim in omnes inobedientes excommunicationis censura distringi cæperit.

Cap. III.

Jam dudum vero cæpit excommunicatio in omnes inobedientes distringi: quod (y) quasi peccatum bariolandi sit repugnare, & quasi scelus idololatriæ, nolle acquiescere.

Usus excommunicationis in publice criminosis in lucem revocandum.

Cap. IV.

Usus excommunicationis, præsertim adversus publice criminosos, in lucem revocari convenerit: deinde posthac in aliis causis excommunicatio tantum in manifeste contumaces feratur.

Quid cavendum in decernenda excommunicationis censura.

Cap. V.

Cavebit autem (z) inprimis Judex, ne hanc, aliasve censuras Ecclesiasticas, vel ex injustis, vel ex levibus causis, vel juris ordine non servato, vel ex odii fomite proferat unquam. Quum enim excommunicatio pœna sit, qua nulla major est in Ecclesia: nec sit excommunicandus quis, nisi pro peccato lethali, quod anathema sit æternæ mortis damnatio: nec infligenda veniat, nisi his, qui aliter corrigi non possunt: debet Judex non ante excommunicare quemp-

am, quam cognoverit id, vel causæ gravitatem, vel ejus, qui extra communionem ponendus est, apertam contumaciam, præcepto justo acquiescere nolentis, exigere.

Excommunicatos vitandos.

Cap. VI.

Volumus autem, (a) ut hæc censura ab omnibus (jure non tantum humano, sed & Divino id ipsum postulante) timeatur: utque excommunicati in familiari conversatione vitentur, & a nemine recipiantur, quemadmodum antiquissima Concilia sub gravis reatus incursum id ipsum fieri præceperunt.

Non passim contra omnes delatos, per Fiscales inquirendum.

Cap. VII.

Procuratores nostri Fiscales adversus neminem (b) inquirent, nisi quem legitima, ac frequens gravat infamia, non quidem a malevolis & maledicis, sed a providis & honestis justitiæ zelo commotis, suborta: quam si non probaverint, condemnentur ipsi, non autem inquisiti, in expensis. Neque enim speciem aliquam æquitatis habet, quod ab innocentibus absolutis quippiam, expensarum nomine, extorqueatur. Alioqui calumnia, & injusta diffamatio, mercedem (quod absit) haberent. Valeant ergo alii malevoli delatores, depeculatores famæ, ac Reipublicæ pestes. Neque enim ad petitionem eorum, qui libellum infamationis porrigunt, in occulto inquirendum est super criminibus in eodem descriptis: Quum inquisitio fieri tantum debeat super illis, de quibus clamores aliqui præcesserint.

Manifeste criminosi pro quæstu nequaquam ferendi.

Cap. VIII.

Nolumus autem, ut (c) concubinari, aut alii manifeste criminosi ullo modo pro quæstu, aut pecuniæ emungendæ causâ ferantur, tolerenturque:

aut

[x] Esaïæ 52. Rom. 2.

[z] C. Nullus Sacer. 11. Quæst. 3.

[a] Ex Conc. Carthag. Arelat. Bracar.

[c] C. Pauper. 11. Quæst. 3.

[y] 1. Reg. 15.

Ex Conc. Lugd. C. 1. De sent. excom. in 6.

[b] C. Inquisit. §. tert. Dubitat. De accusar.

aut ut pœnæ pecuniariæ pro criminibus passim imponantur; quod res mali exempli sit, crimen pecunia redimere: sed reformationis nostræ constitutio, quæ de officio Sigilliferi postrema est, servetur. Quodsi interdum vel personæ delinquentis, vel delicti qualitas pœnam pecuniariam imponi postulerit, hæc in pios tantum usus convertatur, ne magis avaritiæ, quam correctionis causa exacta videatur.

Clerici gravissimorum criminum rei, secundum Canonicas Sanctiones puniendi.

Cap. IX.

Clerici, in gravissimis criminibus deprehensi, juxta Canonicas Sanctiones puniantur. Expedit enim, ut publice delinquentes, & Ecclesiam Dei scandalizantes, (d) publice quoque arguantur & puniantur. Quamobrem tales vel a Nobis deprehensi, vel extra territoria nostra per Magistratus capti, ac Nobis juxta sanctiones Canonicas traditi, dignam sui sceleris pœnam recipiant. Quodsi tam grave fuerit, ut degradatione dignum sit, faciemus ipsos Curia tradere seculari, ne Clericali privilegio gaudeant, quo se per flagitia reddiderunt indignos.

De Testamentis insinuandis, approbandis, ac exequendis.

Cap. X.

In Concilio Moguntino (e) sancitum est, ut hæredibus, qui iussa testatorum non adimpleverint, ab Episcopo loci illius, omnis res, quæ eis relicta est, interdicatur, cum fructibus, & emolumentis, ut vota defunctorum adimpleantur. Quamobrem Procuratores nostri Fiscales in Diœcesi nostra Coloniensi ad vigilabunt, ut testamenta, maxime Ecclesiasticarum personarum, privilegiis Ecclesiæ nostræ majoris salvis, intra anni spatium exequutioni mandentur: utque intra idem tempus exequutores testamentorum legitimum calculum reddant. Quorum etiam testamentorum insinuationem, approbationemque intra triginta dies a morte Sacerdotis peti volumus, atque obtineri, nisi rationabilis causa longiorem dilationem expos-

cat in præmissis. Dispiciet autem Sigillifer noster, ut si quid in quempiam stultum, aut jure prohibitum usum temere relictum sit, in pium convertatur.

Bona Presbyteri, ab intestato defuncti, in piam causam convertenda

Cap. XI.

Ubi Sacerdos nostræ Diœcesis Coloniensis mortuus est intestatus, bona ipsius præter patrimonialia, quæ hæredibus cedunt, deducto ære alieno, & funeralibus, in piam causam pro defuncti animæ salute convertentur.

Portio, quæ Archi-Episcopo solvitur, minime gravis.

Cap. XII.

Ea portio, (f) quæ Nobis uti Archi-Episcopo secundum rationem bonorum (extra quæ tamen patrimonialia immobilia sunt) deducto ære alieno, ex more & speciali conventione, cum Clero nostro inita, debetur, nemini gravis esse potest, quod major Episcopo secundum Canonicas Sanctiones portio, quam ea est, quæ ex remissione nostra Nobis solvitur, debeatur.

Juramentorum facilis exactio in judiciis refrenanda.

Cap. XIII.

Multiplex illa & facilis juramentorum exactio, quæ in judiciis Ecclesiasticis fit, Nobis probari non potest. Christus (g) inter perfectionis hortamenta ponit & illud, ut in totum abstineamus ab omni jurejurando. Quo colore ergo consuetudo, nunc passim jurantium in omni negotio, excusari possit, non videmus, nisi aut gravitate negotii, aut necessitate. Crebris juramentis raro deest perjurium, quod gravissime (h) punit Deus. Quamobrem monemus Causidicos, ne tam faciles sint in exigendis malitiæ ac aliis juramentis. Compertum enim habemus, quosdam esse tam male Christianos, qui in re tam seria ludant, ac juramenta interdum exigant, quibus præstitis credere nolint. Ne dicamus, quosdam eo vesaniæ prolabi, ut jusjurandum exigant, quod malint suspicari, præstando violatum iri, quam vere reverenterque adhiberi. Quo laqueo

[d] 1. Tim. 5.
[g] Matt. 5.

[e] C. Si hæred. De Test.
[h] Deut. 15.

[f] C. Offic. De Test.

laqueo quis perniciosior esse potest? Admonebit igitur Officialis noster Causidicos, atque alios juramenta exigentes, ut ea, quæ judicii processus solennitas necessario non requirit, remittant: utque memores sint, eandem manere poenam temere exigentem, quæ manet frustra præstantem.

Formula inquirendi hæreticos delineanda.

Cap. XIV.

Quum hæresum ac schismatum in-præsentiarum plena sint omnia, videbimur operæ pretium facturi, si communicatq cum inquisitoribus Apostolicis consilio, formulam quandam inquirendi, juri consentaneam, ac tantum negotium decentem, minimeque captiosam, præscribamus. Quamobrem ea de re nostris jurisperitis mandabimus.

PARS DECIMA QUARTA.

De Visitatione, ac Synodis Episcopalibus, Archi Diaconalibusque.

Caput I.

Quum frustra sint in Civitate leges, nisi & sint, qui eas exequantur; itidem institutiones Canonicas inefficaces, & languidas esse oporteat, nisi ab Episcopo & reliquis (quibus ea cura demandata est, & quodammodo viva lex sunt, qui & in Evangelio (i) nuncupantur sal terræ) mancipentur effectui: Idcirco visitatione per nostram Diocesim Coloniensem opus est, quam Deo auctore per nostrum in Pontificalibus Vicarium, ac ipsi adjunctos viros juxta pios ac doctos, quibus plenam dabimus in hispiritualibus ac Ecclesiasticis rebus ordinandi potestatem, aggrediemur, eodemque adjuvante Deo peragemus.

Quo ordine Visitatio instituenda.

Cap. II.

Ex Superioribus vero liquet plus satis, quo ordine visitatio instituenda sit. Siquidem in primis ab nostris Ecclesiis Metropolitana, ac Cathedrali inchoandum: dehinc singulæ Collegiæ simul cum Mona-

steriis & virorum, & mulierum invisdæ: post hæc ad Parochiales Ecclesias omnes in nostris Civitatibus ac Diocesisbus constitutas, (ubi maxima cura opus erit) transeundum: ibi non solum Parochi, sed etiam alii, (quotquot ibidem commorantur) Sacerdotes, & Clerici advocandi. Atque interim non præmittendæ scholæ, & bibliothecæ, ubi illæ reperiuntur: ac postremo hospitalia pauperum diligenter perlustranda erunt.

Quæ ubique corrigere oporteat.

Cap. III.

Quæ vero oporteat ubique sciscitari ac investigare, quæ corrigere ac reprimere, quæ statuere ac ordinare, superiores constitutiones abunde docent.

In primis reformandos esse Decanos.

Cap. IV.

Quod ad Cathedrales, & Collegiatas Ecclesias attinet, prima cura erit in reformandis Ecclesiarum Prælatiis, maxime Decanis, qui si cæci fuerint, consequitur necessario, ut hi, quibus ducatum præstant, simul in foveam trahantur ac cadant. Quod enim ab illis committitur, facile ab aliis trahitur in exemplum.

Inquietos, & Prælatiis rebelles, corripiendos.

Cap. V.

Et quoniam alicubi tanta est Cleri dissolutio, ut Prælatiis, quantumvis bonis ac eruditis, neque suus honor, neque authoritas servetur, intendunt Visitatores nostri animum, ut inquieti corripantur. Qui corripere & obedire nolunt, censura Ecclesiastica secundum culpæ modum percillantur, donec resipuerint.

In Monasteriis quomodo abusus percipiendi.

Cap. VI.

In Monasteriis facile percipiuntur abusus, modo regulæ Ordinis relegantur, interrogenturque, qui illis præsunt, num illis scilicet simul cum nostris constitutionibus per omnia satisfiat.

In

(i) Matt. 5.

In visitatione Parochiarum quid agendum.

Cap. VII.

Ubi ad Parochias ibitur, debet Parocho ac populo paucis ante diebus adventus Visitatorum significari, quo tum omnes expediti adsint, ac publicæ salutis intendant: Denique ea Sacramenta ac munera, quæ per solum Episcopum administrantur, expurgati & præparati recipiant.

Habenda Concio per Visitatores.

Cap. VIII.

Nec videbitur inutile, ut Vicarius noster in Pontificalibus, seu alius ex Visitatoribus nostris Theologus, concionem ad populum habeat, eundemque de omnibus, de quibus utile videbitur, ex Divinis Scripturis per Dei verbum admoneat.

Interrogandus Parochus, quo titulo ministerium gerat.

Cap. IX.

Interrogandus deinde Parochus, num ipse principalis Rector sit, aut Vicarius mercenarius, an ordinaria auctoritate admissus; nec ne: ubi Vicarius præest Parochiæ, videndum, quo privilegio absit Parochus principalis.

De vita, moribus, & doctrina inquirendum.

Cap. X.

Deinde investigandum de vita, moribus, ac doctrina, quo pacto verbum Divinum disseminet, ac Sacramenta Ecclesiastica administret, & num omnia calleat, quæ ad officium suum spectant: Ubi vero minus fuerit instructus, erudiat maxime in his, quæ ad dispensationem Ecclesiasticorum Sacramentorum attinent, præsertim poenitentiae. Subinde inquiretur, num in his desit, aut negligens interdum sit; & num illi necessarius & honestus victus suppetat, seu digna stipendia exolvantur. Nam si competens victus defecerit, ad eum modum (uti supra diximus) procurandus erit, aut ad Nos referendum.

De habitu, Tonsura, ac reliquis externis videndum.

Cap. XI.

Videndum deinde de eruditione,

habitu, tonsura, ac familiari conversatione: honestas familiarum exploranda: liberi quoque omnes inspiciendi, qui si nothi, aut suspecti erunt, auferendi ac tollendi sunt.

Num hæresis quapiam serpat, diligenter investigandum.

Cap. XII.

Insuper investigandum erit diligentissime, num in tota Parochia ullus hæreticus, aut schismaticus delitescat; num hæresis aliqua serpat: atque hic apponenda securis ad radicem, ut seducti, per verbum Dei in viam veritatis, & Ecclesiæ unitatem reducantur. Qui contumaces fuerint, e cætu cæterorum tollantur.

Num agantur alia, quæ cum Dei, & Ecclesiæ institutis pugnent, dispiciendum.

Cap. XIII.

Præterea num in Parochia superstitiones, sortilegia, divinationes, atque alia id generis, quibus mentes a DEO vivo per diaboli fraudes seducuntur, exerceantur: num perjuria, blasphemiae, adulteria; & similia crimina, ob quæ iratus Deus in nos gladium iræ suæ vibrat, publice committantur: num Ecclesiastica censura contemnantur: num sint, qui Parocho obedire floccifaciant, qui Sacramenta Ecclesiæ non participant: item, num festi dies, & jejunia Ecclesiastica rite observentur.

De puerorum institutione, & hospitalium cura querendum.

Cap. XIV.

Dein videndum, quo pacto pueri instituantur, qui præterea sint scholis præfetti. Hospitalium quoque cura haud prætermittenda.

Vitia, quibus assueverint Parochiani, acriter corrigenda ac refrænanda.

Cap. XV.

De vitiis, quibus Parochiani vel maxime assueverint, inquisitio facienda, ut per Visitatores verbo Divino ab his populus avocetur.

De officio Parochi inquirendum.

Cap. XVI.

Denique expiscandum, num Parochus Divinum officium in Ecclesia canendo, legendoque rite gefat: num Sacrum Baptisma, itidem Sacrosanctam Eucharistiam cum Chrismate secure ac decenter custodiat: num vestes, & reliqua ornamenta, quibus in Divinis officiis utimur, munde afferret: num ipse, aut qui Ecclesiæ Provifores appellantur, templum sanctum tectum curent: num sacris Altaribus suis honos impendatur: num ruinis domus Parochialis occurrat: num de rebus Ecclesiæ alienationes faciat. Atque his similia, quæ Visitatoribus nostris pro eorum circumspeditione & prudentia facile occurrent; & ex constitutionibus nostris, quas ubique pro loci ac personarum ratione rememorari debebunt, suppeditabuntur.

Synodus Episcopalis anno bis habenda.

Cap. XVII.

Et quoniam visitationes istæ generales per singulas Parochias absque magno sumptu singulis quibusque annis frequentari haud possunt, saluberrime sancitum est in antiquissimis Canonibus, bis per singulos annos, in singulis Provinciis Concilium fieri: ut primum ante dies Quadragesimæ habeatur, videlicet quo omnibus, si quæ sunt, simultatibus amputatis, mundum solenneque DEO munus possit offerri. Secundum vero agatur ante tempus autumnii, in quo si communi omnium consensu rationabiliter comprobato, secundum Ecclesiasticam Regulam, duo vel tres animositate ducti, per contentionem contradicant, obtineat plurimorum sententia Sacerdotum.

Quid agendum in Synodo Episcopali.

Cap. XVIII.

In his ergo Conciliis, anno bis, de his omnibus apud Metropolitanæ, Cathedralium, Collegiatarum, Monasteriorumque Prælatos, & præsertim Archidiaconos, ac quos vocamus Decanos rurales (qui vocati sunt in partem sollicitudinis Episcopalis) per Vicarium nostrum in Pontificalibus, ac Officalem

disquisitio diligens fiat. Et quæ ex illorum judicio reformatione opus habere comperientur, communi consilio emendentur.

De Synodis Archidiaconalibus, & Ruralibus.

Cap. XIX.

Denique Archidiaconi, qui Episcoporum oculi dicuntur, ac Decani isti Rurales in suis deinceps Synodis, quæ sancita fuerint, in Provinciali seu Episcopali Concilio publicabunt. Et ad eundem modum (qui in visitatione præscriptus est) vitiis extirpandis, ac virtutibus inferendis studeant, criminibus publicis, magis per pœnitentias Canonicas, quam pecuniæ exactione puniendis, intenti.

Officiales Archidiaconorum, & Decanos rurales, viros graves esse oportere.

Cap. XX.

Quod ut recte ac prudenter fiat, Archidiaconis nostris incumbit, ne ullos inidoneos Officiales aut Decanos Rurales deligant, aut admittant, sed ad has functiones viros tantum assumant, cum doctrina præstantes, tum vitæ innocentis, inculpataque, qui nullius criminis labe notabiles, officium suum irreprehensibiliter exequantur.

Synodi Archidiaconales antiquitatem quandam præ se ferunt.

Cap. XXI.

Ex vetustissima (k) quadam inquirendorum criminum formula relictum est, ut Archidiaconi anno bissextili circumcumeant, & peccata enormia emendent, quæ sequitur in hæc verba: In Concilio publico ab Episcopo habito, primitus jurare debent de villis singulis fidelissimi quique liberi & servi, tres vel quatuor, seu etiam plures, ut rei veritas omnino inquiretur. Juramentum autem illud hujuscemodi esse debet: quicquid in villa, in qua habitat, veraciter sciat, vel serio audierit actum contra fidem rectam & Christianitatem, Episcopum aut ejus nuntium, quantum recordari possit, & scientia subministrat, non lateat. Post juramentum vero Episcopus per singula numerare debet, quæ prius

Q q 3

jura-

[k] C. I. De offic. Archid. Hunc Canonem renarrat B. Rhenanus in Proœmio Tertull.

juramento comprehendit, hoc est: si vir super uxorem suam, aliquam clanculo corripit: si cum duabus cognatis, sive mulier cum duobus propinquis fornicata sit: si commatrem spiritualement aut filiolum suum stupro violavit: si qua mulier partum suum necavit, vel conceptum quocunque modo excussit: si quis cognatum suum voluntate, aut casu occidit, seu morbidum fecit, & necdum ad publicam poenitentiam venit: si mulier maritum suum, aut maritus uxorem suam iniquo consilio interemit: si quis virum aut sceminam veneno, aut aliqua alia porione occidit, & qui hoc scilicet veneno machinatur: si sciant divinatrices vel augures, etiam illos, qui per incredulitatem illas inquirent: si sciant meretrices, quia meretrix appellatur, si uno contempto, cum aliis fornicatur, licet nupta non sit: si illos etiam sciant, qui cum excommunicatis communionem habent: si illos sciant, qui convicti sunt perjurium perpetrasse: si & illos noverint, qui loca Deo non dicata, contra fidem Ecclesiasticam colunt; & ad Christi Ecclesias venire contemnunt: illos etiam, si sciant, qui indictum jejunium negligunt. Hæc omnia, dum Episcopus habet recitata, juratores per juramentum commoneat, ceteros vero omnes nobiles & ignobiles, per bannum Christianitatis constringat, ut supradictas res minime celent, ac si in die judicii ante tribunal Domini N. J. C. rei occultatione rerum præfatarum nefandarum inveniantur. Hoc enim indicet, & per bannum contestetur, ut nemo per ullius timorem aut favorem, vel etiam amicitiam, præfata reticeat, veraciter scita. Neque per odium, neque per inimicitiam ullam quicquam alicui irroget, quod veraciter non possit probare. Horum aliqua, si antea in præsentia Episcopi allata essent, ejusque judicio terminata, postea iterata comperta fuerint, velut in initio referantur, & Episcopali decreto constituentur.

Abusus in Synodorum Archidiaconalium, ac Ruralium observatione.

Cap. XXII.

Præscripta quidem formula, quam antiquitatis causa retulimus, successu temporis in abusum, quod negare non possumus, deducta est; quod non fidelissimi quique, sed leves delatores, non qui veraciter sciant, aut serio audiverint, idque a probatis, neque uno tantum, sed pluribus, hisque fide dignis, minimeque malevolis, sed frequentius absque omni delectu vel leves, ac futiles, vel invidi, ac rapaces calumniatores delationi comperiantur adsciti. Quodque pro manifestis criminibus non Canonice poenitentia, sed pecuniaria potissimum multa a delinquentibus fuerint exacta, permittis interim delinquentibus, haud præter grave populi offendiculum, in publica scelus infamia perseverare.

Inter visitandum abusus corrigendi.

Cap. XXIII.

Quæ omnia magna correctione indigent, quam, volente ac adjuvante Deo, inter visitandum adhibebimus, nimirum curaturi, ut viris explorata virtutis tantum hoc officii delegetur.

Procuratorem, suo officio recte fungentibus pendere, æquum esse.

Cap. XXIV.

His autem, (1) qui Synodo præficiendi sunt, sumptus necessarios (quam procuratorem Canones vocant) per Parochianos suppeditari, justum atque æquum est.

Cætera, quæ præsentis Concilii decretis comprehensa non sunt (sunt autem pleraque non minorem, quam ea, quæ correximus, castigationem postulantia) ea secundum sacrorum Canonum censuram, partim in visitatione, partim in futuris Synodis Episcopalibus, Deo dante, emendare diligenter adnitemur.

FINIS.

(1) Ex Conc. Lateran. & C. Cum Apostol. C. Procurat. De censib.

SYNODUS HILDESIENSIS

Anno Christi MDXXXIX. Pauli III. PP. V.

Caroli V. Imp. XX.

SUB VALENTINO (*) EPISCOPO.

I N D E X

Rubricarum Statutorum Synodaliū Episcopi Hildesheimensis.

De Summa Trinitate, & Fide Catho- lica.	Cap. I.	De fructibus defunctorum Plebanorum, seu Rectorum Ecclesiarum Parochialium,	
De officio Archi-Presbyteri.	II.	Vicariorum, Altaristarum, & alia- rum Personarum Ecclesiasticarum Ci- uitatis & Diocesis Hildesheimensis, & qualiter inter defunctum, & succeſso- rem dividi debeant.	XXIII.
De renuntiationibus Beneficiorum.	III.		
De temporibus Ordinationum.	IV.		
De Filiis Presbyterorum.	V.		
De Clericis peregrinis.	VI.	De bladis & frumentis.	XXIV.
De Majoritate, & Obedientia.	VII.	De feno.	XXV.
De Judiciis.	VIII.	De fructibus arborum.	XXVI.
De Foro competentis.	IX.	De censibus, & aliis proventibus.	XXVII.
De alienatione Judicii mutandi causa facta, & cessionibus.	X.	De rata solutionis impositionum.	XXVIII.
De Probationibus.	XI.	De Regularibus.	XXIX.
De fide Instrumentorum, ac Notariorum.	XII.	De Monialibus.	XXX.
De Sententia, & re judicata.	XIII.	De Magistris Scholasticis.	XXXI.
De vita, & honestate Clericorum.	XIV.	De custodia Eucharistiæ, & reverentia Sa- cramentorum.	XXXII.
De cohabitatione Clericorum, & Mulie- rum.	XV.	De Baptismo.	XXXIII.
De Clericis non residentibus.	XVI.	De Ecclesiarum Procuratoribus.	XXXIV.
De Præbendis.	XVII.	De celebratione Missarum, & Horarum Ca- nonicarum perſolutione; & de Con- cionatoribus.	XXXV.
De Portione congrua, seu competentia.	XVIII.	Quomodo Divinum Officium sit celebran- dum.	XXXVI.
De Institutionibus.	XIX.	Quo tempore quisque debeat esse in Choro.	XXXVII.
De rebus Ecclesiæ non alienandis.	XX.	Qualiter Horæ Canonice extra Chorum di- cenda sint.	XXXVIII.
De Testamentis, & ultimis voluntatibus.	XXI.		
De Parochiis, & Parochianis.	XXII.		

(*) Valentinus, e nobili Teutleborum stirpe progenitus, Theologiæ & Canonum Doctor, magna scientiæ virtutisque laude claruit. Ottone Schawenburgico ob inertiam & Lutheranismi suspensionem anno 1537. a Paulo III. Pontifice, Hildesienſi e Cathedra deposto, communibus omnium votis illius in locum suffectus, sub initium anni sequentis ab eodem Paulo Pontifice Romæ Episcopus consecratus fuit: Hildesienſi Ecclesiæ afflictissimis ejusdem temporibus præfuit usque in annum decimum quartum, majori suæ commendatione virtutis, quam felicitate: Nam ab Hildesienſibus, qui Lutherana ad dogmata defecerant, exulare coactus, cedere Diocesi debuit. Exul Moguntiam se recepit, ubi Metropolitana Ecclesiæ Canonicus fuerat, & Alberti Brandenburgici Moguntini Archi-Episcopi & Cardinalis Vicarius, ibidemque anno 1551. vivere desuit.

P. Mich. Strunck in *Annal. Paderborn. Part. III. L. XX. & XXI. Hist. Eccl. Germ. edit. Bruxellens. T. I.*

De his, qui in tempore Divinorum vagantur per Ecclesiam. XXXIX.

De Tabula pendente in Choro. XL.

De tenentibus Capitula tempore Missæ. XLI.

De Sponsalibus, & Matrimoniiis. XLII.

De Judæis. XLIII.

De Adulteris. XLIV.

De Raptoribus. XLV.

De Ufariis. XLVI.

De panis, & occasione Interdicti. XLVII.

De Penitentibus, & Remissionibus. XLVIII.

De Sententia Excommunicationis. XLIX.

Casus Episcopis specialiter reservati. L.

Statuta Synodalia Reverendi in Christo Patris, Domini VALENTINI, Episcopi Hildesheimensis.

IN NOMINE PATRIS, ET FILII, ET SPIRITUS SANCTI.
AMEN.

VALENTINUS, DEI ET APOSTOLICÆ SEDIS GRATIA EPISCOPUS HILDESHEIMENSIS, UNIVERSIS SÆCULARIUM ET REGULARIUM ECCLESiarum PRÆLATIS, CAPITULIS, CONVENTIBUS, RECTORIBUS, PLEBANIS, VICE-PLEBANIS, CANONICIS, CAPELLANIS, PRESBYTERIS, CLERICIS ET LAICIS PER CIVITATEM, ET DIOECESIM NOSTRAS UBILIBET CONSTITUTIS, PRÆSENTIBUS ET FUTURIS, SALUTEM IN DOMINO SEMPITERNAM.

CHRISTUS ille Optimus Maximus Gubernator & Rector omnium cœlestium & terrenorum, æquo tramite cuncta disponens, voluit & in terris cum spiritualium, tum & sœcularium negotiorum, legum quandam esse feriem, qua in humanis degentes, ducti, nativa insolentia, quæ perpetuo ad malum flexa est, postposita, a vitiis tanto magis deterrerentur, alter ab altero diligeretur, adamarenturque, ita ut iustitia matre & Duce, omnia iusto ducerentur tramite: pacata & in tuto omnia confisterent, cohiberenturque appetitus & libido lædendi proximi. Cujus consideratione moti, cumque Ecclesiam & Dioecesim nostras Hildesheimenses pluribus annis gravissimis bellorum ac tumultuum fluctibus & procellis misere vexatam & afflictam, Episcopo ac Pastore sponso suo viduatam atque orbatam, & ab optimo quoque flore, præcipue legum ordine pessumisse ac cecidisse, legibus Dicecesanis, bonisque & salubribus Statutis carere, & in summa, quod ajunt, omnia susque deque versa, sacraque profanis mista esse reperivimus: ad honorem Dei Omnipotentis, Gloriosissimæ Virginis Mariæ Matris ejus, Beatorum Apostolorum Petri & Pauli, Godehardi, Epiphani, Berwardi, & aliorum

Patronorum nostrorum, ac Sanctorum omnium, pro communi Cleri, Civitatis & Dicecesis nostrarum utilitate, proque expurgandis sordibus, quibus Ecclesia & Dicecesis nostra polluta est: utque singuli suo ordine gerantur, & cuique, quibus porro sibi vivendum sit legibus & ordine, constet; has Synodales nostras Constitutiones, ex jure & Patrum Decretis sumptas, præter æquum & honestum nihil spirantes, sed ad unius Dei & suorum Cultum, proximique dilectionem deservientes, hic congestimus. Quare ne hic labor & studium nostrum, integerque animus noster in vos frustraneus sit, & illudatur, auctoritate nostra Ordinaria, vobis omnibus & singulis, nostris curæ & gubernationi commissis ac subiectis, mandamus, volentes, ut has nostras, quas videtis, Sanctiones Synodales studiose & inviolabiliter observetis, & eisdem pro Statutis Synodalibus abhinc in futurum utamini: hoc addito, ut quivis Archipresbyter Nobis subiectus, easdem habeat, & apud se custodiat, perque se, seu suo nomine in Capitulo rurali Confratribus suis, & omnibus, quorum interest, annuo & singulis annis ad minus bis prælegat, publice & publicari faciat & procuret. Contrafacientibus Ecclesiasticis &

& aliis juris remediis & censuris obviatur. Interim non ab re Generalem Cleri Germaniæ Reverendissimi Domini Cardinalis Campegii Reformationem, Ratisponæ evulgatam, præmissam fuisse putantes.

*De Summa Trinitate, & Fide
Catholica.*

Caput I.

In primis igitur omnia & singula, quæ propter sui exquisitam & probatissimam perfectionem, ac clarissimam & candidissimam veritatem adjectione, vel declaratione ulla non indigent, & ad quæ, utpote ad principium, medium & finem salutis omnium, corda nostra, manus & oculos elevamus devoti, & quod sancta Catholica & Apostolica, Romanaque credit, tenet, & docet Ecclesia, sanctissima, piissima, & prudentissima mater nostra, & nihil aliud credendum, tenendum, ac docendum statuimus & ordinamus, atque præcipimus.

Cæterum ea, quæ per Reverendissimum in Christo Patrem & Dominum, Dominum Laurentium S. R. E. Sabinensem Episcopum, Cardinalem, de Latere ad Germaniam Sanctæ Apostolicæ Sedis olim Legatum (tam circa reformationem vitæ ac morum Cleri Germaniæ, quam antiquandos abolendosque abusus, quæ hic præferri curavimus) Ratisponæ edita, ordinata & statuta sunt, reverenter & obedienter acceptamus atque suscipimus, illaque ab omnibus subditis nostris observari mandamus.

*Ex Concilio Provinciali Aſchaffemburgensi
Domini Petri Archiepiscopi Mo-
guntini.*

Item statuimus & ordinamus, ut si aliquis Clericus vel laicus utriusque sexus, cujuscunque dignitatis, religionis vel status existat, ausus sit præsumptione & pertinacia damnabili publice prædicare, vel occulte docere, credere vel tenere, quod Sacerdos, in mortali peccato existens, non possit conficere Corpus Christi, seu sic ligatus, non possit ligare vel solvere suos subditos a peccatis, pro hæretico & incredulo habeatur; & errorem hujusmodi Sacri Concilii approbatione condemnatum, anathemati-

zamus & penitus reprobamus: cum sacra Scripturæ dicat auctoritas, quod sive bonus, sive malus sit minister, per utrumque Deus effectum gratiæ suæ confert. Non enim quæ sancta sunt, coinquinari possunt, nec ipsa Sacramenta potest hominum malitia profanare: unde Sacerdos, quantumcunque pollutus existat, Divina non potest polluere Sacramenta, quæ purgatoria cunctarum contagionum existunt. Licite ergo a quocunque Sacerdote ab Ecclesia tolerato, Divina mysteria audiantur, & alia recipiantur Ecclesiastica Sacramenta.

Ad idem de Blasphematoribus & Sortilegiis.

Quamvis Sacris Canonibus, & Sanctorum Patrum traditionibus contra manifestos Sanctorum blasphemos, ac damnatum & abominabile scelus idololatriæ, videlicet incantationes, superstitiones, & sortilegia Pythonum & Pythonissarum, in locis diversis sufficienter cautum & provisum existat: quia tamen (quod mentis amaritudine referimus) adhuc vitia talia in multis locis nobis subiectis existant in usu, quapropter erroribus & periculis exinde indies confluentibus, quantum in nobis est, obviare cupientes, districte statuto præsentis perpetuo duraturo præcipimus, ut contra tales statuta Canonica desuper edita, summa cum diligentia ab universis nobis subiectis præstentur: & in confessionibus de peccatis hujusmodi solers fiat inquisitio; & tam mares quam mulieres, talia exercentes, a communione Sacramentorum excludantur, ac pro absolutione ad Nos vel Vicarium nostrum remittantur. Et nihilominus siqui publici blasphemii reperti fuerint, vel de hujusmodi incantationibus, vel superstitionibus ab Ecclesia reprobatis, se intromiserint, vel eisdem fidem adhibuerint, ut ab his infra breve tempus, eis statuum, desistant, volumus moneri, sub pœna suspensionis a Divinis & Ecclesiastica sepultura, a qua non nisi per Nos, vel Vicarium nostrum, aut nostros Superiores valeant liberari & absolvi. Hoc etiam statutum nostrum salutiferum, ne quis illius ignorantiam præterdere possit, volumus per Rectores Ecclesiarum, ac curam animarum habentes, in can-

cellis Ecclesiarum, si & quoties expedire visum fuerit, solenniter publicari.

De Officio Archi-Presbyteri.

Caput II.

Indemnitas Ecclesiarum & Beneficiorum, quæ frequenter propter eorum longam vacationem grandia in spiritualibus & temporalibus dispendia patiuntur, occurrere volentes, statuimus: ut quilibet Archipresbyter, seu ejus locum tenens, singulis annis ad minus bis, scilicet in quibuslibet sex mensibus semel, in præsentia Confratrum suorum, in loco Capitulari congregatorum, de omnibus beneficiis, infra Archipresbyteratum suum vacantibus, curatis, & non curatis, quæ ultra tempus, Collatoribus & Patronis eorum a jure statutum, vacaverint, nec non de ipsis Collatoribus & Patronis, accorum nominibus diligentius inquirat, Nobis, seu Vicario nostro in spiritualibus illa cum suorum Patronorum & Collatorum nominibus quamprimum commode possit (sic tamen quod istud ultra duorum mensum spatium non differatur) post inquisitionem hujusmodi in scriptis notificet: quod si facere omiserit, poenam suspensionis ab officio Divinorum (dictorum duorum mensum spatium lapso) incurrat; quam etiam poenam quilibet confrater, qui super præmissis requisitus, ea Archipresbytero scienter celaverit, incidat simili modo. Verum quia nonnulli prætextu literarum Apostolicarum, quas se impetrasse mentiuntur, Ecclesiastica beneficia vacantia, propria autoritate in periculum suarum animarum occupare præsumunt, ordinamus, ut de cætero quilibet Archipresbyter, seu ejus locum tenens, tam eorum, qui infra suum Archipresbyteratum Ecclesiastica beneficia vigore literarum Apostolicarum assequuntur, quam etiam beneficiorum & Patronorum eorundem nomina infra mensis spatium, a tempore assecutionis hujusmodi computandum, Nobis vel Vicario nostro rescribat seu notificet: alioquin similem poenam, ut præfertur, dicto mense lapso incurrat. Tempus autem a jure datum pro conferendis beneficiis, Patronis Ecclesiasticis sex menses, laicis vero quatuor intelligatur.

Ad idem.

Præterea statuimus & ordinamus, ut quilibet Archipresbyter, seu ejus locum tenens, infra proximos tres menses a publicatione præsentium, omnes suos Confratres, cæterosque Presbyteros, seculares & religiosos, infra suum Archipresbyteratum beneficia Ecclesiastica obtinentes seu officiantes, de quorum titulis, investituris, seu institutionibus ac provisionibus sibi non constat, ad ostendendum sibi investituras, titulos, aut institutiones, seu provisiones beneficiorum suorum, autoritate nostra in scriptis cum insertione pænæ suspensionis requirat: & de cætero nullum infra suum Archipresbyteratum, ad officium aliquod beneficium Ecclesiasticum, nisi prius ostenderit sibi titulum, investituram, aut institutionem & provisionem sigillatas, scienter toleret vel admittat. Quod si Archipresbyter quempiam talium, literas suas, ut præfertur, sibi non ostendentem, in regimine & officiatione Ecclesiastici beneficii contra præmissa tolerare præsumpserit, ipsum, ut supra mandatur, non suspendendo; ex tunc aliis quindecim diebus elapsis, Archipresbyter ipse suspensionis sententiam propter hujusmodi negligentiam incurrat ipso facto. Sit etiam forma suspensionis, quam in scriptis Archipresbyteri ferant: Quia tu monitus, ut titulum vel provisionem tui beneficii ostenderes, infra quindecim dierum spatium hujusmodi mandato non paruisti, nec titulum ostendisti, idcirco, autoritate mihi concessa, te in his scriptis a Divinis suspendo ac suspensum denuntio. Quam formam etiam in aliis censuris infligendis juxta caularum exigentiam volumus observari.

Ad idem.

Considerantes, quod Archipresbyteri rurales pro eo constituuntur, ut Clericorum honestatem, & Confratrum utilitatem procurent, excessus eorum referant, mandata nostri Vicarii & Officialium nostrorum debite exequantur, & singula, quæ a Superioribus mandantur, ad notitiam Confratrum suorum deducant, quæ tamen ab Archipresbyteratis suis absentes nequeant adimplere: statuimus & ordinamus, ut quilibet Archipresbyter Diocesis nostræ Hildesheimensis

mensis teneatur infra suum Archipresbyteratum facere residentiam personalem; decornentes, ut absentes a suis Archipresbyteratibus Archipresbyteri, nisi infra mensem proximum a publicatione præsentium ad residentiam se cum effectu receperint, & etiam illi, qui de cætero a suis Archipresbyteratibus se absentaverint, & animo alibi residendi, seu domicilium extra Archipresbyteratum suum constituendi & fovendi, in absentia huiusmodi per unum mensem, manserint, suis Archipresbyteratibus, lapsò mensis spatio prædicto, sint eo ipso privati. Moxque Camerarius teneatur Confratres Capitulares pro electione alterius Archipresbyteri convocare, & alium Archipresbyterum eidem eligere. Quod si Camerarius infra quindecim dies post lapsum dicti mensis facere neglexerit, sit eo ipso ab officio Divinorum suspensus.

Ad idem.

Hac insuper Constitutione universis & singulis Archipresbyteris præcipimus, ut notorios excessus, & præsertim illos, in quibus Ecclesia scandalizatur, quorumcunque intra suum Archipresbyteratum Beneficiatorum seu aliorum Clericorum, infra duos menses a tempore notitiæ suæ computandum, Nobis, seu Vicario nostro notificent & conscribant. Quod si quis facere neglexerit, & huiusmodi statutum executus non fuerit cum effectu, præter Omnipotentis Dei indignationem, quam incurrat, pœna condigna per Nos, vel nostrum Vicarium puniatur & inflectatur. Sunt autem scandalosi excessus, furtum manifestum; Presbyteri homicidium; fornicatio scandalosa Cleri, & adeo notoria, quod nulla tergiversatione celari potest; si Clericus literatorie publice, & in forma Ecclesiæ excommunicatus celebret, legendo Evangelium, seu Epistolam; si Clericus usuram manifeste exerceat; si Clericus cujuscunque gradus post monitionem Archipresbyteri se tabernis, lupanaribus, & actibus illicitis ac litigiosis notorie immisceat: & his similes, qui, pro loci, temporis, & personæ ratione, scandalosi dici possunt.

Ad idem.

Insuper ordinamus, ut nullus Archipresbyterorum ruralium nostræ Diocesis electus, aut eligendus, nondum confirmatus; officium Archipresbyteri ante confirmationem suam, a Nobis, vel Vicario nostro obtinendam, exercere, aut se Archipresbyterum nominare, vel scribere, vel pro tali gerere quomodolibet præsumat. Formam autem Juramenti, per Archipresbyterum quemlibet in sua confirmatione præstandi, talem esse volumus, ut sequitur: Primo videlicet jurabit, quod mandata nostra, ac Vicarii, & Officialium nostrorum, pro tempore existentium, reverenter exequetur, ac Nobis, & eisdem fidelis erit, quodque officium, ad quod electus est, fideliter exercebit absque dolo & fraude. Item, quod penes se habeat Statuta Synodalia, & illa quater, vel evidenti occurrente impedimento, bis in anno Confratribus suis ad intellectum publicabit, ea quoque inviolabiliter observabit, & in aliis, quantum in se est, observari faciat, dolo & fraude semotis: quod insuper excessus Confratrum suorum, prout ad se spectat, corrigere, incorrigibiles vero pro eorum excessibus, pro quibus deferendi sunt, Nobis, vel Vicario, aut Officiali nostris deferre non tardabit.

De Renuntiationibus Beneficiorum.

Caput III.

Universis nostri Episcopatus Ecclesiasticis Personis beneficiatis districtius prohibemus, ne audeant aliter, quam in manus nostras, seu Vicarii nostri in Pontificalibus, & Officialis, vel Superioris, ad hoc potestatem habentis, beneficia sua dimittere, & resignare, aut illa alias (nulla super hoc a Nobis, seu Vicario nostro, vel ab alio Superiore potestatem habente, obtemperata licentia) relinquere: quod si secus factum fuerit, ad huiusmodi resignata & dimissa beneficia, per Nos, vel Vicarium nostrum, nisi forte ex causa rationabili tales resignationes autoritate nostra approbarentur, seu ratificarentur, quisquam nullatenus instituitur.

De

De temporibus Ordinationum.

Caput IV.

Sæpe contingit, quod nonnulli Clerici Civitatis & Diœcesis nostrarum, vinculo excommunicationis astricti, aut apostata, seu irregulares, vel idiotæ, vel alias susceptione Sacrorum Ordinum indigni, in remotis partibus per alienos Episcopos, quandoque furtive, & ali quando per saltum, & interdum extra statuta tempora, & alias indebite se faciunt contra Statuta sacrorum Canonum promoveri. Et deinde se a Romano Pontifice, vel alias debite promotos fore mentientes, in sacris Ordinibus præsumunt ministrare. Volentes igitur his pro executione juris communis juxta posse providere, statuimus: ut nullus Civitatis & Diœcesis Hildesheimensis Clericus, absque licentia nostra, seu Vicarii nostri, ad sacros Ordines promotus, in Ordinibus hujuscemodi in Civitate & Diœcesi nostris ministrare præsumat, seu ad executionem Ordinum, taliter susceptorum, per aliquem admittatur; imo ipsum, & quemlibet ipsorum sic furtive promotum, ab ingressu Ecclesiæ suspendimus, donec & quousque de Ordinibus suis coram Nobis, aut Vicario nostro in Spiritualibus legitime docuerit, & quod admitti debeat, nostris, seu Vicarii nostri patentibus literis ostendat. Si quis autem hanc Constitutionem transgredi, & contra illam in susceptis Ordinibus non admissus (ut prædicitur) ministrare præsumpserit, eo ipso sententiam excommunicationis incurrat, quam etiam ex tunc per Archipresbyterum, & alios Confratres, apud quos moram fecerint, ipsos incurrisse denunciari volumus, & publicari.

De Filiis Presbyterorum.

Caput V.

Sacris disponentibus ordinationibus, filii Sacerdotum in Ecclesiis Patrum ministrare, aut ea, seu alia in eisdem Beneficia Ecclesiastica quomodolibet obtinere, & ipsi & alii illegitime nati, seu ex illegitimo coitu procreati, sine dispensatione Sedis Apostolicæ unum beneficium curatum obtinere prohibentur. Et si ex dispensatione hujusmodi unum curatum, deinde tacito defectu natalium,

quem patiuntur, a Sede præfata, ut duo vel plura beneficia similem curam habentia, recipere possint, & retinere valeant, & si eis canonice conferantur, obineant, talis dispensatio, tanquam per surreptionem obtenta, nullius penitus sit momenti. Quapropter censentes parum fore, jura condere, nisi executioni demandentur: volumus & statuimus, ut deinceps Sacerdotum filii in suorum Patrum Ecclesiis, in nostris Civitate & Diœcesi ministrare, aut eas, seu alia beneficia in eisdem quomodolibet obtinere non præsumant; illaque ex tunc in antea per ipsos taliter contra juris dispositionem occupata vacare decernimus, & eorum Collatoribus licentiam, talia idoneis conferendi, præsentibus assignamus, nisi cum ipsis per Sedem Apostolicam desuper sit dispensatum; eisdem Presbyterorum filiis, & aliis illegitime natis, Beneficiatis nostrarum Civitatis & Diœcesis præsentibus injungentes, ut infra unius mensis spatium a publicatione præsentium de suis dispensationibus tam super eo, quod in Ecclesiis Patrum ministrare, succedere, & in eis beneficia obtinere valeant, quam quod super defectibus suis, & pro obtinendis uno vel pluribus beneficiis a Sede prædicta obtentis, coram Nobis, vel Vicario nostro doceant, ut animarum periculis obvietur, & Ecclesiasticis beneficiis debite provideatur: quod si secus fecerint, contra ipsos secundum ordinationes prædictas, prout de jure poterimus, procedemus.

De Clericis peregrinis.

Caput VI.

Didicimus, quod in Civitate & Diœcesi nostris Hildesheimensibus, plures Clerici peregrini, de quorum promotione non constat, in sacris Ordinibus publice ministrent, & curam gerant animarum, licet literas commendatitias, & dimissoriales suorum Episcoporum, vel examen nunquam ostenderunt. Volentes igitur in his providere, statuimus, ut deinceps nullus Clericus peregrinus, sive secularis aut religiosus existat, ad executionem sacrorum Ordinum infra Civitatem & Diœcesim nostras in publico admittatur, nisi per literas nostras, aut Vicarii nostri se admittendum fore prius osten-

ostendat. Si quis autem contra hoc statutum, per Nos, vel Vicarium nostrum non admissis, scienter ministrare, & de cura animarum se intromittere præsumperit, eo ipso sententiam excommunicationis incurrat. Quam etiam sententiam taliter delinquentes incurrisse volumus denunciari, certificando quoslibet eorum, taliter excommunicatos, post hujusmodi denuntiationem celebrantes, suspensionis sententiam a jure in tales promulgatam incurrere, & exinde notam contrahere irregularitatis.

De Majoritate & Obedientia.

Caput VII.

Statuimus, ut unusquisque Archipresbyter, Rector, Plebanus, Vice Plebanus, sive Curatus Nobis subiectus, literas nostras, ac Vicarii & Officialis nostrorum, nostraque & eorum mandata reverenter ubique infra limites suæ Parochiæ recipiat, & sine dolo & fraude proxima Dominica die sequenti diligenter exequatur, nuntiosque literarum nullo modo prodat, sed pro viribus defendat. Secus autem faciens, & constito de eo, puniatur. Volumus etiam & statuimus, ut in executione quorumcumque mandatorum, literarum, & processuum, a Nobis, vel Vicario, seu Officiali nostris emissorum, dies, mensis, annus, nomen exequentis, & locus executionis per Rectores, Plebanos, & Vice Plebanos apponatur, ut sic videlicet executor scribat a tergo mandati ejusdem propria sua manu: Executum est hoc mandatum per me N. Plebanum Ecclesiæ in N. nomen & cognomen suum, ac Ecclesiæ suæ nomen exprimendo, anno infra scripto, die tali, mensis talis, &c. ut de hujusmodi executione legitima fides per hoc habeatur: alioquin si secus factum fuerit, per Officiales gravius puniatur.

Inhibemus quoque, ne quispiam Clericorum, Nobis subiectorum, cuiusque Congregationi, Capitulo, aut Conventiculo, in quo quidquam in præjudicium status & honoris nostri, & successorum nostrorum Episcoporum Hildesheimensium, seu jurium Episcopaliū tractatur, interesse, dando consilium, auxilium, vel favorem, scienter & dolose præsumat: secus autem faciens

nostram incurrat, ultra pœnam juris, indignationem.

Et præterea considerantes, quod tunc Ecclesiasticus Ordo confunditur, cum unicuique honor debitus non observatur: statuimus & ordinamus, quod in Ecclesiis Collegiatis, Conventualibus seu Capitularibus antiquæ honestates & consuetudines approbatæ debite serventur, & Prælati earundem assurgendo, & aliis prærogativis, debita reverentia & obedientia, cum sint columnæ Ecclesiarum earundem, exhibeantur, tam a Canonicis, quam aliis simplicibus Presbyteris Ecclesiarum hujusmodi. Quod si quis hujus statuti transgressor repertus fuerit, in fructibus præbendæ suæ taliter puniatur, ut discat Superioribus honorem, & reverentiam condignam impendere, & exhibere.

De Judiciis.

Caput VIII.

Quia causæ matrimoniales, cum dependentibus & connexis per eos, qui potestatem judicandi habent, & Canonum statuta non ignorant, tractari & definiri debent: statuimus, & in virtute sanctæ obedientiæ mandamus, ut deinceps unusquisque Presbyter, habens curam animarum, ac subditos, quorum cohabitatio, seu discohabitatio, seu matrimonia publica, in veritate vel errore fuerint, ita quod de his, an jure subsistere possint, saltem probabile dubium extiterit, tales, postquam hoc sciunt, specifice moneant, & super his infra duos menses proximos, pro declaratione decisionis recipienda, ad Nos, vel Officiale nostrum remittant, ut & sententiam Judicum super his petant, & abinde causam hujusmodi usque ad finem, quantum in eis est, prosequantur: alioquin taliter moniti, si hoc infra eosdem duos menses facere contempserint, Ecclesiastica Sacramenta eis in vita denegentur, & morientes peccata sua non confessi careant Ecclesiastica sepultura. Presbyter autem curatus, qui taliter monendo non processerit, per Nos, vel Vicarium nostrum graviter & condigne puniatur. Volentes, ut quilibet Plebanorum hujusmodi nostram Constitutionem singulis annis semel aut bis in Ecclesiis eorundem publicet, aut publicari faciat.

Inhibemus quoque omnibus & singulis subditiis nostris, Clericis & laicis, cujusconque status aut conditionis existant, ne de examinatione, cognitione, vel decisione judiciali quarumcunque causarum matrimonialium aliter, quam per modum salubris consilii se intromittant, aut aliarum quarumlibet, de jure vel consuetudine ad forum Ecclesiasticum spectantium. Secus autem facientes, decernimus excommunicationis sententia eo ipso subiacere: per hoc autem non prohibemus, quo minus in causis, ubi transactiones locum habent, in arbitratores & viros communes compromitti possit, per quæ discordiarum materiae, & quaestiones celerius valeant terminari, dummodo talia in fraudem non fiant.

De Foro competenti.

Caput IX.

Attendendo, quod laici de Ecclesiasticis negotiis intromittere se non debeant, omnibus & singulis Ecclesiasticis personis, per Civitatem & Dioecesim nostras ubilibet constitutis, interdiciamus, ne quisquam laicorum ad judicia laicalia seu secularia Clericum dolose trahat, aut Clerici se trahi ad talia consentiant, vel hujusmodi verita judicia subeant, seu ibidem aliquatenus respondeant, sub causarum suarum sic morarum, etiam si in hujusmodi veritis judiciis pro ipsis judicaretur, perditione, seu amissione: feudalibus tamen exceptis, quas, prout de jure, volumus tractari.

Ad idem de Foro competenti servetur Capitulum Libri secundi Decretalium, cujus tenor de verbo ad verbum sequitur:

Si diligenti. Et infra: Afferuisti, te usque ad hæc tempora tenuisse, quod sit licitum Clerico, renunciare saltem in temporalibus causis juri suo, & sibi laicum Judicem constituere, præsertim ubi adversarii voluntas accesserit, ac tenere juramentum super hoc interpositum respondisti, immemor Constitutionis, qua cavetur, pacto privatorum, juri publico minime derogari. Quum igitur jus hoc in Milevitanen. & Carthaginenf. Conciliis specialiter promulgatum sit, ne Clerici Clericos, relicto suo Pontifice,

ad judicia publica pertrahant: alioquin causam perdant, & a communione habeantur extranei, & tam Episcopi, quam Diaconi, seu quilibet Clericus in criminali vel civili negotio, si derelicto Judicio Ecclesiastico, publicis Judiciis se purgare voluerint, etiam si pro eis lata sit sententia, locum suum amittant, & hoc in criminali actione: in civili vero perdant, quod eviderint, si locum suum maluerint obtinere: manifeste patet, quod non solum inviti, sed etiam voluntarii pacisci non possunt, ut secularia judicia habeant, cum non sit beneficium hoc personale, cui renunciari valeat; sed potius toti Collegio Ecclesiastico publice sit indultum, cui privatorum pactio derogare non potest, nec juramentum licite servari potuit, quod contra Canonica Statuta illicitis pactioibus informatur.

Præterea inhibemus, ne de cætero quæcunque Ecclesiastica persona Civitatis & Dioecesis Hildesheimenf. Nobis subiecta, seculari auxilium, vel subsidium laicorum contra Nos, sive Jurisdictionem nostram, sibi qualitercunque assumat, aut evocet, vel sibi procuret: contrarium autem facientes, eo ipso excommunicationis sententia subiaceant.

De Alienatione, Judicii mutandi causa facta, & cessionibus.

Caput X.

Cum alias sancta Sedes Moguntinensis inter alia statuta provincialia ediderit provinciale statutum, cujus tenor sequitur, & est talis:

Quia plurium cessiones actionum in fraudem aliquando non pure & simpliciter ex causa seu legitimis causis fiant: statuimus, ut cessiones actionum ex justis causis procedant in præsentia Episcoporum, Judicum vel Officialium suorum, & de licentia eorundem, si subsunt causæ legitimæ, etiam jurent cedentes, quod non simulare, sed vere cedant; & si cessiones secus factæ fuerint, decernimus non tenere. Et tenore præsentium, inter alia mandamus, statuta provincialia dictæ Sedis Moguntinæ (quorum etiam aliqua præsentibus nostris statutis Synodalibus & Episcopalibus, ex certis Nos ad hoc moventibus causis, inseruimus)

in

in Civitate & Diœcesi nostris Hildesheimenf. servari; & præsertim statutum cessionis præinsertum, attento, quod per simulatas cessiones privilegia, in favorem Cleri data & concessa, sæpe per abusum eorundem, prout experientia docet, ad noxam tendunt. Et propterea singulis subditis nostris statuendo committimus, & in virtute sanctæ obedientiæ, & sub excommunicationis, nec non quinquaginta aureorum Rhenensium pro una Filco nostro, pro altera medietatibus, partibus pro tempore lassis, seu propterea lændendis applicandorum pœnis, mandamus & præcipimus, quatenus præinsertum statutum irrefragabiliter & firmiter teneant & observent, inhibentes eisdem sub similibus pœnis, ne deinceps cessionibus præter & contra præinsertum, & per Nos modo innovatum statutum factis & celebratis, in judiciis seu extra utantur: quod si secus fuerit, contra negligentes contradictores & rebelles ad dictæ excommunicationis sententiæ declarationem, ac prædictæ pœnæ extorsionem, servatis servandis, procedemus, seu Curia nostræ causarum Officialis Generalis irremissibiliter procedet.

De Probationibus.

Caput XI.

Quia sicut didicimus, sæpe propter defectus probationum cognationum spiritualium, pericula consurgunt animarum, eo quod adinvicem matrimonii Sacramento constrictis interdum cognationum spiritualium obstant impedimenta, quæ difficulter, vel aliquando vix, vel non probari possunt: hujusmodi periculis cupientes, quoad nobis subiectos, obviare, decernimus, & hoc statuto perpetuo servari præcipimus, ut Ecclesiarum per civitatem & Diœcesim nostras Rectores, Plebani, Vice-Plebani, & singuli Curati in baptizando pueros subditorum suorum, levantium & Baptizati nomina in registro communi, quod in sua Ecclesia habeant, conscribant, & testes quamplures assumantur: similiter subditos suos inducant & informant, ut deinceps in Confirmatione suorum pueros coram Episcopo testes requirant discretos & intelligentes, qui de Confirmatione & tentione coram Episcopo, ac nomine tenentis, dum opus fuerit, te-

stimonium valeant dare, ut facilius impedimenta hujusmodi, & minoribus laboribus & expensis valeant opportuno tempore comprobari.

De fide Instrumentorum, ac Notariis.

Caput XII.

Statuimus pariter & ordinamus, ut nulli tabellionatus, sive Notariatus officium juxta Sacrorum Canonum ac legum, & præcipue novissimæ Imperialis reformationis & ordinationis, Colonia factæ, committi debeant, aut exercere liceat, nisi competentis literaturæ, honestæque conversationis & vitæ, & laudabilis testimonii sit, & vigesimum tertium ætatis annum peregerit: unde præter præmissam ordinationem, plerumque minus idonei ad officium hujusmodi assumuntur, qui sub umbra ignorantia, & temeritatis audacia graviter in dicto officio delinquant, sibi ipsis infamiam parant, aliisque grave præjudicium, & inæstimabile periculum inferunt. Ne igitur detestabilis morbus in hac nostra Diœcesi amodo, ut in antea, serpat ac progressum habeat; volumus, præcipimus, & mandamus, quod nullus hujusmodi officium tabellionatus sive Notariatus amplius in nostra Diœcesi exercere præsumat, nisi prius per Nos, aut Officiale nostrum ad id repertus fuerit idoneus atque sufficiens, ut sit legitime & tanquam legalis admissus. Contrarium vero facientes, præter excommunicationis pœnas, tanquam mandatorum nostrorum transgressores utique puniemus, eorumque instrumenta, tanquam invalida, nulliusque roboris aut momenti decernimus rejicienda, neque in judicio, vel extra quoquo modo admittenda.

De Sententiæ & re Judicata.

Caput XIII.

Intelleximus, quod interdum Ecclesiarum civitatis & Diœcesis nostrarum Hildesheimenf. Rectores, seu Plebani cum suis subditis in causis matrimonialibus, tam simplicibus quam impedimentorum, in curiam nostram Hildesheimensem, ubi expediri debeant, adveniant: & latis sententiis definitivis, prætendentes sufficere, quod lectioni sententiæ intererant, partes jubent sine literis & sententiis recedere: sæpius etiam contingit, quod,

quod, latis hujusmodi sententiis, partes coram suis Plebanis & aliis asserunt, eas aliter esse latis, quam sunt, & deinde secundario curiam nostram visitantes, variant depositiones, & contrarias reportant sententias: & quia aliquando propter temporis diuturnitatem de sententia constare non poterit, ex quo non-modica pericula evenerunt animarum, ut experientia sumus edocti. Volentes igitur hujusmodi periculis obviare, præsentem edicto districtius jubemus, ne de cætero aliquis Ecclesiarum Rector, seu Plebanus præmissa quomodolibet faciat: decernentes, partibus asserentibus sententias pro matrimonio vel contra matrimonium latis, absque sententiarum literis debite sigillatis, credi nullo modo debere, nihilominus easdem asserentes a Sacramento communionis excludimus, salvo mortis articulo, donec, & quousque sententias hujusmodi scriptas & debite sigillatas obtineant. Rectores autem & Plebanos Ecclesiarum, si deinde præmissa perpetraverint, aut etiam quamcunque sententiam hujusmodi, antequam illam scriptam viderint, publicare præsumpserint, per integrum mensem ab ingressu Ecclesiæ suspendimus, fructus Ecclesiarum suarum per idem tempus cedentes, officiantibus easdem, & subditis providentibus reservantes.

De vita & honestate Clericorum.

Caput XIV.

Præsenti inviolabiliter duraturo prohibemus edicto, ne de cætero aliquis Clericus, in sacris Ordinibus constitutus, aut Beneficiatus infra civitatem & Diocesim nostras cerevisiam sub mensura publice vendere, ministrando fercula, lectisternia & hospitium ad modum publici hospitii, aut mercatoris & laicorum exercere, puta res venales pro lucro captando remissius emere, ut carius vendat, seu alias illicite mercari per se, vel interpositam personam quomodolibet præsumat. Si quis autem talia facere præsumpserit, & ab hujusmodi negotiationibus non destiterit, lucrum exinde captatum, Fisco nostro applicandum, atque eundem alias etiam gravius puniendum juxta excessus qualitatem decernimus.

Cæterum sub pœna excommunicationis, Canonica monitione præmissa,

mandamus, quatenus Clerici nostri, & præsertim illi, qui curam animarum gerunt, ab scurrilibus, & illicitis crapulis in Calendis & Exequialibus conviviis, per eos fieri solitis, abstineant atque desistant; quodque scorta & mulieres suspectas ad hujusmodi convivia minime adducant, sed honeste in Calendarum solennitatibus, & exequiis hujusmodi se habere studeant: alioquin contra non observantes & delinquentes rigide procedemus.

Ad idem.

Rursus Constitutione præsentem, prout etiam in Provinciali Concilio quondam Domini Conradi, Archi-Episcopi Moguntinensis, sancitum dignoscitur, volumus, præcipimus, & ordinamus, ut Clerici nostrarum civitatis & Diocesis in civitatibus & oppidis, præsertim in Ecclesiis, vestes longas, statui Clericali decentes, & non subductas de vario, aut serico (nisi graduatus, aut Canonicus majoris Ecclesiæ Hildesheimensis, vel nobilis existant) deferant, non sericeas, ab extra non variatas, aut divisiatas, nec desuper ab extra cum plicaturis foderatis, sed manicis strictis & alias decentibus utantur. Non deferant calceos, seu fotulares inhonestos aut indecentes. Itinerantibus autem ex causa brevioribus vestibus uti liceat: Coronam vero, & tonsuram suo statui, ordini, aut dignitati convenientem, juxta Canonum Sanctiones deferant; nec armati incedant, neque gladios, seu cultellos longos portent; nisi forte extra civitatem, vel loca sua eos pergere contingat, vel de licentia Superioris pro personarum Ecclesiæ, & rerum suarum defensione id faciant. Districtius insuper inhibentes, ne mantellos ab ante apertos & scissos, & circa collum cum magna zona constrictos, sed vestibus honestati Clericali congruentibus utantur, prout Canonicam & nostram gravem ultionem voluerint evitare. Hujus autem statuti transgressores, ad unius mensis spatium, a fructibus beneficiorum suorum noverint se suspensos. Quorum fructuum dispensationem arbitrio nostro reservamus per præmissa. Cæterum Clementinæ de vita & honestate Clericorum Generalis Concilii ordinationi, & aliis juribus, quæ de indecentia vestium tractant, non intendimus derogare.

Item

Item ut Clericorum, maxime Beneficiorum, vita sit exemplaris & accepta, universis Clericis beneficiatis in Sacris & nostra Dicecesi constitutis, constitutione præsentis districtius inhibemus, ne ludis taxillorum, aut aliis levitatibus, ac choreis, hastiludiis, torneamentis, & aliis spectaculis publicis & prohibitis intersint, aut talia exerceant, prout pœnas condignas in contrasacientes, facti exigente qualitate, auctoritate nostra infligendas, voluerint evitare.

Insuper districtius inhibemus Clericis, pro sacris Ordinibus suscipiendis itinerantibus, ne in hospitibus, ludis taxillorum, aut aliis enormibus ac turpibus actibus insistant, sed honeste & clericiliter vivant: secus vero facientes, volumus esse a susceptione Ordinis pro qualibet vice ipso facto suspensos: quodque comas non nutriant, sed crines capitis ante & retro non nimis longos deferant, prout Canonum & Statutorum prædictorum pœnas, & nostram ac Canonice ultionem voluerint evitare.

Simili modo præcipimus, & mandamus, ut Clerici beneficiati nostrarum Civitatis & Dicecesis, temporibus Divinorum Ecclesiarum, in & sub quibus Beneficiati existant, absque superpellicis non accedant, vel subintrent: contrarium facientes vice qualibet trium dierum spatio stipendiis suis præbendalibus careant, in usus fabricæ convertendis: quos etiam Decanis, Rectoribus, Plebanis, & aliis in Ecclesiis Superioribus reverentiam debitam impendere volumus, sub nostra gravi indignatione, & pœna superius expressa.

De cohabitatione Clericorum, & Mulierum.

Caput XV.

Sancta Generalis Synodus Basileensis, reformationi Status Clericalis intendens, inter alia constitutionem salubrem contra Clericos concubinos edidit, per locorum Ordinarios publicandam & exequendam: cujus quidem constitutionis ignorantiam ne quis prætereundum valeat de Clero nostro, illam præsentibus inferri, & cum statutis aliis nostris publicari, & districtius volumus observari, cujus tenor sequitur, & est talis:

Tomus VI. Concilior. German.

SACROSANCTA GENERALIS SYNODUS BASILEENSIS, IN SPIRITU SANCTO LEGITIME CONGREGATA, UNIVERSALEM ECCLESIAM REPRÆSENTANS, AD PERPETUAM REI MEMORIAM.

Quicumque Clericus, cujuscunque status, conditionis, religionis, dignitatis, etiam si Pontificalis, vel alterius præeminentiæ existat, qui post hujus Constitutionis notitiam, quam habere præsumatur, post duos menses post publicationem ejusdem in Ecclesiis Cathedralibus, quam ipsi Dicecesani omnino facere teneantur, postquam eadem Constitutio ad eorum notitiam pervenerit, fuerit publicus concubinarium, a perceptione fructuum omnium suorum beneficiorum trium mensium spatio sit ipso facto suspensus; quos suos Superior in fabricam, vel aliam evidentem Ecclesiarum utilitatem, ex quibus hi fructus percipiuntur, convertat: nec non hujusmodi publicum concubinarium, cum primum talem esse innotuerit, mox suos Superior monere teneatur, ut infra novissimum terminum concubinam dimittat; quam si non dimiserit, vel dimissam, aut aliam publice reassumserit, vult hæc Sancta Synodus, ut ipsius omnibus suis beneficiis omnino privet. Et nihilominus hi publici concubinarij, usquequo cum eis per suos Superiores post ipsarum concubinarum dimissionem, manifestamque vitæ emendationem fuerit dispensatum, ad susceptionem quorumcunque honorum, dignitatum, beneficiorum, vel officiorum sint inhabiles. Qui si post dispensationem recidivo vomitu ad hujusmodi publicum concubinarium redierint, sine spe alterius dispensationis, ad prædicta prorsus inhabiles existant. Quod si hi, ad quos talium correctio pertinet, eos (ut prædictum est) punire neglexerint, eorum Superiores tam in ipsos de neglectu, quam in illos de concubinato modis omnibus digna punitione animadvertant: In Conciliis etiam Provincialibus & Synodalibus adversus tales punire negligentes, vel de hoc crimine diffamatos, etiam per suspensionem & privationem collationum beneficiorum, vel aliam condig-

S s

nam

nam pœnam severiter procedatur. Et si hi, quorum destitutio ad Summum Pontificem spectat, per Concilia Provincialia, aut suos Superiores propter publicum concubinatum reperiantur privatione digni, statim cum processu inquisitionis, ipsi Summo Pontifici deferantur. Eadem diligentia & inquisitio in quibuscunque Capitulis Generalibus & Provincialibus quoad suos servetur, pœnis aliis contra prædictos, & alios non publicos concubinariorum statutis, in suo robore permanentis. Publici autem intelligendi sunt, non solum hi, quorum concubinatus per sententiam, aut confessionem in jure factam, seu per rei evidentiam, quæ nulla potest tergiversatione celari, notorius est; sed & qui mulierem de incontinentia suspectam & infamatam tenet, & per suum Superiorem admonitus ipsam cum effectu non dimittit. Quia vero in quibusdam Regionibus nonnulli, Jurisdictionem Ecclesiasticam habentes, pecuniarios quæstus a concubinariis percipere non erubescunt, patientes eos in fœditate sua sordescere, sub pœna maledictionis æternæ præcipit, ne deinceps sub pacto, compositione, aut spe alicujus quæstus, talia quovis modo tolerant, aut dissimulent; alioquin ultra præmissam negligentiam pœnam duplicem ejus, quod propterea acceperint, restituere ad pios usus omnino teneantur, & compellantur. Ipsas autem concubinas, seu mulieres suspectas, Prælati modis omnibus curent a suis subditis, etiam per brachii sæcularis auxilium, si opus fuerit, penitus arcere; quarum concubinarum res, quas de bonis præsumuntur habere Ecclesiæ, in fabricam, vel in aliam ipsius Ecclesiæ utilitatem per ipsos Prælatos convertantur. Qui etiam ex tali concubinato procuratos filios apud patres suos cohabitare non patiantur. Jubet insuper hæc Sancta Synodus, ut etiam in prædictis Synodis & Capitulis hæc Constitutio publicetur, & quoslibet suos subditos ad ipsarum concubinarum dimissionem moneat diligenter. Injungit præterea omnibus sæcularibus viris, etiam si Regali præfulgeant dignitate, ne ullum qualecunque inferant impedimentum, quocunque quæstio colore, Prælati, qui ratione sui officii adversus suos subditos pro hujusmodi

concubinato procedunt. Et cum omne fornicationis crimen Lege Divina prohibitum sit, & sub pœna peccati mortalis evitandum; monet omnes laicos tam uxoratos, quam solutos, ut similiter a concubinato abstineant: nimis etiam reprehensibilis est, qui uxorem habet, & ad alienam mulierem accedit: qui vero solutus, si continere noluerit, juxta Apostoli consilium uxorem ducat. Pro hujusmodi autem Divini observatione præcepti, hi, ad quos pertinet, tam salutaribus monitis, quam aliis Canonicis remediis omni studio laborent.

De Clericis non residentibus.

Caput XVI.

Cum autem ad hoc sint Ecclesiastica Beneficia deputata, ut in eis ad servendum Altissimo tales assumantur, qui per se ipsos volunt & possunt eorum curam exercere: statuimus, ut quilibet infra Civitatem & Diocesim nostras Beneficiatus, cujuscunque status, ordinis, vel conditionis extiterit, cujus beneficium residentiam personalem, vel certum ordinem de jure, statuto, vel consuetudine requirit, in illo infra proximum mensem personaliter residere incipiat, & abinde quamdiu beneficium hujusmodi obtinuerit, talem residentiam faciat, sequæ ad Ordinem, quem onus beneficii sui requirit, juxta tempora obtineat promovendi. Transgressores vero hujus statuti nostri per suos Superiores servato juris ordine priventur, nisi expressam super hoc a Nobis, vel Vicario nostro licentiam obtinere meruerint.

De Præbendis.

Caput XVII.

Item statuimus, ut quilibet Religiosus, infra Diocesim nostram Hildesheimensem, curam gerens animarum, titulum hujusmodi beneficii sui in proximo Capitulo post illius affectionem Archipresbytero, vel ejus locum tenenti in præsentia fratrum ostendat: & si alium, quam a Nobis, seu Vicario nostro impetratum ostenderit, titulo hujusmodi nulla fides adhibeatur, nisi forte Romanus Pontifex illum sibi concessisset, & hoc Nostris, vel Vicarii nostri literis appareret declaratum.

Si quis

Si quis vero contra præmissa venire præsumpserit, ultra penam juris communis tam diu a Divinis suspensus remaneat, quousque hujusmodi statuto nostro studuerit cum effectu parere, & obedire.

De Portione congrua seu competentia.

Caput XVIII.

Cum non debeat ligari os bovis triturantis, sacris jubentibus Canonibus, universos & singulos Prælatos civitatis & Diocesis nostrarum in Domino exhortamur, ut Ecclesiarum, ipsis & eorum mensis unitarum & incorporatarum, nostræ Diocesis Vicariis de præbendis congruis, unde decenter sustentari, jura Episcopalia & Archidiaconalia solvere, hospitalitatem tenere, & alia incumbencia onera supportare valeant, prout de jure tenentur, provideant: alioquin prout de jure constringuntur, eis negligentibus, ad præbendarum hujusmodi deputacionem, servatis servandis, procedere non omitemus.

De Institutionibus.

Caput XIX.

Cum in cunctis sacris ministeriis sint ætatis maturitas, gravitas morum, & literarum scientia requirenda, præsentiperpetuo prohibemus Edicto, ne deinceps aliquis Sacerdos sæcularis vel religiosus infra civitatem & Diocesim nostras quodcumque Ecclesiasticum beneficium, cum cura vel sine cura, absque institutione, seu investitura, aut induciis seu licentia a Nobis, vel Vicario nostro, aut alias legitime, ac per literas sigillatas obtentis, & prius Archipresbytero vel ejus locumtenenti ostensis, regere aut quomodolibet officiare, suo vel aliquo nomine præsumat, nisi ipsius beneficii Rector, seu Vicarius, vel Capellanus personaliter in eo resideat, cujus nomine & consensu aliquis ut socius in Divinis inibi inofficiet; secus autem facientem, cum non suos fructus faciat, ipso jure ad respondendum Fisco nostro de fructibus, sic per eum levatis, condemnamus, Fisco eidem decernimus applicandos: concedimus tum, (*) ut bene-

ficio, postquam primo vacare coeperit, possit loci Archipresbyter per se vel alium, quem duxerit eligendum, per primum proximum mensem & non ultra in Divinis providere, servato modamine, superius de officio Archipresbyteri expresso.

Cum ad extirpandum quorundam detestandam cupiditatem in Sacro Lateranensi Concilio prohibitam, ut nullus diversas Ecclesiasticas dignitates, aut Parochiales Ecclesias recipiat, & consequenter statutum, quod recipiens beneficium, habens curam animarum annexam, si prius tale habeat, is eo sit ipso jure privatus; & si forte illud retinere contenderit, etiam alio spoliatur; imo si ultra mensem teneat, ambobus est privatus; Apostolicæ tamen Sedis dispensatione in his salva: & alibi Canon, vitium cupiditatis hujusmodi redarguens, tales in curatis beneficiis plurales, eo quia sic retenta ad ipsos non spectant, de jure rem asserit attrahere alienam; & sic furtum committerent quodammodo & rapinam, non sine suorum, & subditorum animarum periculo: eapropter ut hujusmodi Canones, & Sacrorum Conciliorum Generalium sancita debita executioni demandentur, locorum Ordinariis per felicis recordationis Gregorii decimi decretum, in Sacro Generali Concilio est præceptum, ut subditos suos, plures dignitates vel Ecclesias, quibus animarum cura imminet, obtinentes, seu personatum aut dignitatem cum alio beneficio, cui similis cura est annexa, ad exhibendum dispensationem, autoritate cujus Ecclesias, personatus, aut dignitates canonice se tenere asserunt, infra tempus, arbitrio Ordinariorum statuentium, districte compellant. Nos itaque animarum periculis obviare, & ut Ecclesiastica Beneficia canonice possideantur, per executionem præmissorum cupientes providere, hoc præsentis statuto decernimus, ut deinceps a publicatione præsentium sic, ut præfertur, plura curata obtinentes beneficia, ac plures dignitates & personatus, seu personatum & dignitatem cum alio beneficio curato, de suis dispensationibus, quarum autoritate illa tenere prætendunt, nec non titulis

(*) forte: tamen.

tulis suis ad eadem; infra duorum mensium spatium coram Nobis, vel Vicario nostro in Spiritualibus legitime, & sub pœnis juris doceant, ne deficientes in titulis & dispensationibus hujusmodi Canonicis, occupando injuste ipsa beneficia, contrectent rem alienam, & per consequens furtum committant, & animæ exinde periclitentur, ipsorumque sanguis de nostris manibus exigatur: alioquin ad executionem præmissarum sacrarum Constitutionum contra ipsos, dictis lapsis mensibus, effectualiter procedemus.

De rebus Ecclesiæ non alienandis.

Caput XX.

Item mandamus sub excommunicationis pœna, canonica monitione præmissa, universis & singulis Abbatibus, Præpositis, Decanis, Prioribus, Priorissis Monasteriorum & Ecclesiarum nostrarum Civitatis & Diœcesis, ne de cætero aliqua bona immobilia, seu redditus, & proventus Monasteriorum, seu Ecclesiarum suarum vendant, aut obligent quovis modo, absque licentia nostra speciali. Et si qui contra hujusmodi inhibitionem, & mandatum nostrum bona vel redditus suorum Monasteriorum, seu Ecclesiarum alienaverint, seu obligaverint, hujusmodi Contractus decernimus irritos, ac inanes: Decernentes, ut in mutuo contrahendo, nec non obligatione mobilium vel immobilium, sacri Canones observentur.

Statuimus etiam, quod ornatus, & libri Ecclesiæ, Altariumque, seu Vicariorum fundationes, & literæ capitales censuum, ac proventuum eorundem bis vel ad minus semel in anno inspiciantur a Decano & Capitulo diligenter, & sub sigillis Prælatorum & Capituli ponantur sigillatim in Scriniis, ut sic cognoscatur imposteriorum, si de ipsis augmentatum sit aliquid, vel subtrahum.

Et quoniam pauci sunt in singulis Ecclesiis, qui prædia, & redditus Ecclesiæ plene cognoscant, & nonnulli redditus & bona propter negligentiam officiariorum, & infelicem statum horum turbarissimorum temporum sunt forte perditæ, seu destructa: statuimus, quod prædia & redditus Ecclesiarum commu-

nes, & specialiter dignitatum & officiorum, & quæ ac quales rationes cujuslibet officio fieri debeant, sub sigillis Prælatorum, & Capituli plenissime conscribantur.

De Testamentis & ultimis voluntatibus,

Ex Provinciali Concilio Fritzlarienti.

Caput XXI.

Clericus de proventibus anni gratiæ, vel alias de rebus Ecclesiæ acquisitis, concubinæ suæ, vel filiis ex fornicatione genitis quidquam penitus non relinquit: quod si fecerit, legatum non teneat, & quod taliter est relictum, Ecclesiæ applicetur.

Ex eodem Concilio.

Ad abolendam pravam consuetudinem, vel potius corruptelam, seu temeritatem Clericorum, qui signum pudicitie debent ostendere laicis, quibus sunt positi in exemplum, in argumentum suæ finalis impenitentiae fructus præbendarum suarum concubinis, seu spuris suis legant in ultima voluntate, rigor Ecclesiasticus debet exerceri. Quare sub anathematis vinculo prohibemus, ne de cætero Clerici, annis gratiæ abutentes, de rebus Ecclesiæ, fructus beneficiorum Ecclesiasticorum (puris, & concubinis dimittendo, aliquo modo disponant. Qui vero contra inhibitionem hujusmodi venire præsumperit, in signum suæ perditionis Ecclesiastica sepultura, & quibus taliter fructus legantur, eis careant ipso jure. Qui autem testamentum tale post mortem defuncti manu tenere voluerint, & per quorum manus talibus personis fructus præbendarum & beneficiorum Ecclesiasticorum fuerint ministrati, Ecclesia ipsa sit supposita interdicto.

Ex Provinciali Concilio Moguntino.

Sunt nonnulli, qui anno gratiæ pro relevatione debitorum in fructibus beneficiorum defunctis Clericis concessio, damnabiliter abutuntur, fructus anni ipsius gratiæ consanguineis suis, vel aliis, quibus voluerint, relinquentes; ex quo provenit duplex injuria, Ecclesiæ scilicet, & personæ: fraudatur enim Ecclesia per dictum

dictum anni spatium servitore; privatur etiam successor in percipiendis fructibus suo jure: quod de cætero fieri prohibentes, sacra approbatione Concilii statuimus, quod nisi pro releatione debitorum, quæ cum aliunde solvi non possunt, anno gratiæ Clerici non utantur, nisi ipsius anni fructus pro aliqua pia causa, ipsi relinquunt Ecclesiæ, a qua iidem beneficium habuisse noscuntur.

Ad idem.

Quoniam in quibusdam locis nostrarum Civitatis & Diocesis, uti accepimus, consuetudo, sive corruptela detestabilis observatur, videlicet quod tam Clericus, quam laicus, in lecto ægritudinis constitutus, ultra certam, limitatam, & expressam summam, nec piis locis, nec personis Ecclesiasticis, pro animæ suæ remedio & salute aliqua possit ordinare legata: considerantes prædictam consuetudinem, sacris Canonibus & sæcularibus legibus obviare, cum omnia jura clament, quod ultima voluntas hominis, & ultimum testamentum immobile perseveret, & nihil sit, quod hominibus magis debeatur, quam ut supremæ voluntatis liber stylus existat; eandem consuetudinem Deo odibilem, animabus & bonis moribus inimicam, autoritate hujus salutaris Sanctionis penitus reprobamus, firmiter statuentes, ut illis, quos jura a testamentorum non prohibent factione, etiam in sanitate vel in lecto ægritudinis constitutis legandi, disponendi, & ordinandi de bonis, sibi a Deo collatis, ad pia loca, & personas Ecclesiasticas, dummodo contra legitimas constitutiones non venerint, libera sit facultas: Volentes, & præcipientes districtè, ut universi Clerici & laici, impediens defunctorum legata seu voluntates, per excommunicationis in personas, & interdicti in loca sententias (monitione canonica præmissa) ferendas, ab hujusmodi impedimentis desistere compellantur.

Ad idem.

Dolenter audivimus, quod fidelium tam Clericorum, quam laicorum testamenta, & ultimæ voluntates, maxime pro animarum salute, & ad pios usus legata & testata, in suis debitis executionibus

ac ordinationibus, interdum perveris machinationibus hominum, & quandoque negligentis intervenientibus & obstantibus, in nostris civitate & Diocesi in locis pluribus multipliciter impediuntur & retardentur. Cum itaque ultima voluntas, seu ultimum hujusmodi testamentum pro lege servari debeat, & supremæ hominis rationabilis voluntatis liber stylus existat, & nostro incumbat Pastoralis officio talibus providere, & testamenta utroque jure suadente defendere; universis nostræ jurisdictioni subiectis, Ecclesiasticis & sæcularibus, sub interminatione Divini Judicii, & excommunicationis sententia, quam in contrasfacientes, sex dierum monitione prævia, in his scriptis ferimus, ne testamenta & ultimas fidelium Ecclesiasticarum vel sæcularium personarum, quas jura a testamentorum factione non prohibent, voluntates, maxime ad usus pios, & animarum salutem se extendentes, earumque executiones debitas impediunt, negligent vel retardent, nec de testamentorum & causarum earundem, ac ipsorum occasione pro tempore motorum cognitioni se intromittant; sed ad Nos, & Officiales nostros, ordinariam jurisdictionem causarum hujusmodi habentes, remittant, districtius inhibemus, atque mandamus.

Mandamus præterea, testamenta ac ultimas voluntates per Testamentarios & Executores ad hoc per defunctos testatores, deputatos, nominatos, ac designatos, juxta Juris communis ordinationem ac dispositionem infra anni spatium a morte eorundem testatorum computandum, etiam absque aliqua prævia monitione (cujus vicem hoc præsens statutum nostrum habere volumus) debitæ executioni demandentur, & rite exequantur: alioquin elapso anno eorundem executionem ipso jure ad Nos uti Episcopum diocesanum & loci Ordinarium, devolutam esse decernimus.

De Parochiis & Parochianis.

Caput XXII.

Gravis ad Nos querela perduxit, quod nonnulli suis juribus & finibus non contenti, Parochianos alterius præsumant recipere temere ad Divina, contra canon-

cas Sanctiones: & cum dictorum Parochianorum Judices non existant, nec ligandi vel solvendi in eos receperint potestatem, se tamen Judices faciendo in foro pœnientiali periculose absolvunt & ligant pro libito suæ voluntatis, sicque ipsis, qui proprios spernunt Sacerdotes, minime absolutis, illud salutiferum nostræ peregrinationis viaticum, quod non proficit nisi prius a criminum labe mundatis, & in animarum suarum, & eorum, qui id non dijudicantes indiscrete recipiunt, periculum conferre non verentur: sicque dicti eorum Sacerdotes, qui curam recipiendo, suam pro ipsis animam obligant, dum sibi taliter subtrahuntur, statum ignorantes ipsorum ægrotantium, non possunt, quod in eis est, sanare, nec consolidare infirmum, nec alligare contractum: & sic, dum curationis necessaria non adhibentur remedia, invalescentibus morbis usque ad interemptionem læsio dilaturatur, unde Sacerdotes nullam possunt de sic pereuntibus animabus summo Judici dare rationem. Nostrorum Patrum, qui Ecclesiæ Sanctæ Dei, & Personis Ecclesiasticis terminos, quos non licet transgredi, posuerunt, statuta considerantes, universis Sacerdotibus tam religiosis quam sæcularibus, cujuscunque ordinis, conditionis, sive status existant, in civitate & Diœcesi nostris degentibus, sub debito juramento, quod in receptione suorum ordinum præstiterunt, & sub interminatione Divini Judicii firmiter inhibemus, ne quis alienum Parochianum, cujus cura per Episcopum loci, vel Archidiaconum, vel ejus Vicarium alii est commissæ, præsumat (excepta necessitatis causa, quæ legem non habet) ad confessionem recipere, vel ad porrigendum ei Ecclesiasticum Sacramentum, nisi petita desuper & obtenta licentia proprii Sacerdotis, accedere; cum certi & indubitati juris existat, talem a tali Presbytero absolvi non posse aliquatenus, vel ligari, & ex hoc ordinem Ecclesiæ, per majores & Sanctos Patres Divina providentia institutum, confundi: quod per universos Plebanos singulis diebus Dominicis & Festivis, coram suis plebibus præcipimus publicari.

Ad idem.

Insuper veridica relatione intelleximus, populum vulgarem in plerisque locis nobis subiectis, diebus Dominicis & Festivis raro interesse Divino officio Missæ, & prædicationi verbi Dei, licet juxta ordinationem & statutum Sanctæ Matris Ecclesiæ, eisdem diebus interesse debeant, ut ibidem Divinis præceptis, & Evangelicis doctrinis informantur. Nos volentes huic morbo obviare, ac animarum saluti consulere, præsentī volumus & ordinamus statuto, districtè universis Presbyteris curatis nostræ Diœcesis mandantes & exhortantes, quatenus plebes & Parochianos suos, qui ad annos pervenerint discretionis, hortentur & admonent sub pena excommunicationis, quatenus deinceps singulis Dominicis & Festivis diebus officio Missæ in Ecclesiis suis interesse studeant, & prædicationem verbi Dei diligenter audiant, nisi legitimo impedimento ex causa rationabili quis excusetur, nec ab officio hujusmodi ante benedictionem Sacerdotis, donec compleatur, recedant; vel alias inhoneste discurrant, faciendo ob reverentiam Divinissimi Sacramenti genuflexiones. Interim dum hostia salutaris per Presbyterum elevatur, cum devotione cordis Deum exorent pro peccatis. Si quis vero rebellis & negligens in his fuerit, hunc in confessione severe volumus emendari; & nihilominus talis, qui tempore prædicationis verbi Dei extra Ecclesiam, & in cœmiterio stare contra prohibitionem hujusmodi præsumpserit, ad auctoritatem nostram Episcopalem remittatur. Contemptores etiam hujus saluberrimi præcepti per excommunicationis inflictionem coerceantur. Insuper Presbyteri curati in sermonibus populum, eis commissum, ad hoc inducere curent, ut processionibus & aliis actibus & caremoniis Ecclesiasticis intersint devote, laudesque omnipotenti Deo cum attentione cordis & morum gravitate persolvant.

De fructibus Defunctorum Plebanorum, seu Rectorum Ecclesiarum Parochialium, Vicariorum, Altaristarum, & aliarum personarum Ecclesiasticarum Civitatis & Diacesis Hildesheimens. Et qualiter inter defunctum & successorem dividi debent.

Caput XXIII.

Volumus, ut in morientium Plebanorum, Vicariorum, Altaristarum, & aliarum personarum Ecclesiasticarum fructibus, subsequens definitio seu decisio, juri communi & æquitati conformis, in omnibus observetur.

De Bladis seu Frumentis.

Caput XXIV.

Annus ad deserviendum blada, incipit in festo Beate Margarethæ: unde declaramus, quod si aliquis decesserit quacunque parte anni, fructus bladorum libere cedentium, debentur defuncto a festo Beate Margarethæ, usque in finem tricesimi diei obitus sui, proportionabiliter secundum ratam temporis; reliqua portio hujusmodi bladorum debetur successori defuncti. Si autem defunctus haberet vel habuisset blada per ipsum elaborata, & fecisset omnem laborem agrorum usque ad messem exclusive, tunc duas tertias crementorum debentur defuncto: de reliqua tertia defunctus recipiat partem a festo Margarethæ usque ad finem tricesimi diei obitus sui, secundum ratam temporis, residuum vero habebit successor suus. Idem si defunctus dictos agros coluisset usque ad spariationem seminis exclusive, extunc successor satisfaciatur defuncto, per ipsum ad culturam agrorum expositis usque in diem obitus sui, & colat ulterius bona ipsa, recipiatque omnes fructus ipsorum bonorum. Et si fortassis successor recusaret labores hujusmodi facere, ex tunc testamentarii ac manifesti defuncti, vel pro ipsis, si defunctus decessit intestatus, Vicarius noster in Spiritualibus, seu Officialis, vel alius quicumque per Vicarium seu Officiale nostrum ad hoc deputatus seu deputandus, colat vel colant bona ipsa usque ad consummationem, tollantque fructus omnes dictorum bonorum pro de-

functo, tertia tamen parte dictarum frugum reservata pro defuncti successore.

De Feno.

Caput XXV.

Annus ad deserviendum fœnum, incipit in die Beati Urbani Papæ, de quo fœno judicabitur sicut de blado, libere cedente proportionabiliter secundum ratam temporis, usque ad diem tricesimum obitus defuncti.

De Fructibus arborum.

Caput XXVI.

Annus ad deserviendum fructus arborum, incipit in die Assumptionis Gloriosæ Virginis Mariæ, de quibus idem judicium erit, sicut de blado, libere cedente proportionabiliter usque in diem tricesimum obitus defuncti.

De Censibus & aliis proventibus.

Caput XXVII.

Annus ad deserviendum census, redditus, ac proventus pecuniales, anseres, pullos, capones, & alia, quæ intra census computantur, incipit a festo B. Martini Episcopi. Hæc omnia veniunt defuncto pro rata temporis, usque in diem tricesimum obitus sui proportionabiliter dividenda; reliqua autem portio debetur successori pro sua rata. Idem etiam judicium erit in omnibus Altaristarum fructibus, sicut de proventibus Ecclesiarum, quoad assignationem ratæ temporis pro defuncto & ejus successore.

De rata solutionis impositionum.

Caput XXVIII.

Volumus etiam, quod si aliqua subsidia sive procuraciones imponerentur Clero, anno illo, in quo aliquis Beneficiatus naturæ debitum persolvisset, quo in persolutione talium impositionum, quilibet partim tam defunctus quam successor, solvat ipsas impositiones proportionabiliter, secundum quod recepit de fructibus ipsius anni, unde solvantur hujusmodi subsidia seu impositiones.

De Regularibus.

Caput XXIX.

Quoniam nonnulli Religiosi contra Deum & suam conscientiam multipliciter

ter excedunt, eorumque Prælati desides & negligentes in observatione regularis disciplinæ, & correctione excessuum existunt, eos per viscera misericordiæ Domini nostri Jesu Christi requirimus & hortamur, ut personas regulares sibi subiectas ad observantiam regularum suarum, & statutorum regularium diligentius inducant, moneant, & alliciant: & si opus est, strictius compellant, ut de officio sibi commissio dignam Deo possint reddere rationem: quod si ultra prævaricatores ordinis sui fuerint aut contemptores, seu negligentes vel remissi, pro certo se noverint, non solum ab officio deponendos, sed alias secundum regulam suam castigandos, cum offensa non solum propria, verum etiam aliena, ac sanguis subditorum suorum de suis manibus requiratur. Nos etiam eorundem Prælatorum negligentiam, favente Domino, supplebimus, juxta canonicas sanctiones.

Ad idem.

Periculosum nimium fore considerantes, & scandalosum, quod personæ regulares utriusque sexus extra Monasteria sua vagantes, in sæculo moram trahant, nonnullæ etiam ex ipsis, religionis habitu dimisso, apostatare non formidant, excommunicationis sententiam ut sic incurrendo, & suis Superioribus rebellando. Cum itaque periculosum sit talibus sic vagantibus, excommunicatis & apostatis in Divinis participare, volumus, & universis nobis subiectis Ecclesiasticis personis mandamus, ut omnes & singulos, sic in sæculo suis sub districtibus vagantes, & commorantes, cujuscunque ordinis vel conditionis fuerint, moneant & requirant, ut infra mensis spatium a die publicationis & requisitionis hujusmodi ad sua Monasteria redeant, & ut vota sua Deo reddant, suis Superioribus juxta ordinem & regulæ institutionem obediendo, vel saltem infra eundem terminum coram Nobis vel nostro Vicario de indultis, si quæ de contrario habeant, legitime doceant: alioquin contra ipsos per Ecclesiasticam censuram poenæ, & prout justum fuerit, procedemus.

Ad idem de Regularibus.

Quamvis contra Monachos & Moniales, de suis claustris propter aliquos enormes excessus, aut animi levitate te-

mere fugientes, & in sæculo per tempora vagantes, & conversantes, & tandem poenitentia ducti ad claustra sua humiliter redire volentes, certæ & variæ poenæ juxta qualitatem & quantitatem excedentium a sanctis Patribus sint statutæ: quidam tamen Abbates, & Magistratus poenis in sacris Canonibus & regula sui ordinis contra tales profugos expressis non contenti, graviores, & quasi importabiles poenas ipsis in sui reversione imponere non verentur, vel quod deterius est, easdem personas, quantumcunque humiliter postulantes, ad sua claustra, de quibus exiverunt, admittete inhumaniter contradicunt. Cum itaque de jure poenæ ampliandæ non sint, sed leniendæ, & longe sit securius de misericordia, quam de crudelitate reddere rationem, cum etiam Dominus per os Prophetæ sit pollicitus, dicentis: Peccator quacunque hora conversus fuerit, & ingemuerit, iniquitatum suarum amplius non recordabor: Nos advertentes, quod ubi paterfamilias largus dispensator existit, non familiam esse tenacem, ut peccandi materia & occasio talibus præcludatur, provida deliberatione statuimus, & præfenti statuto decernimus & ordinamus, ut Monasteriorum Abbates, & Prælati, Abbatissæ, Præpositi, Priores, & Magistratus cujuscunque ordinis Nobis subiecti, fratribus & sororibus, modo præmissis a suis Monasteriis profugientibus, aut in apostasiam ex quacunque causa lapsis, desiderantibus & querentibus cum humanitate ac devotione regressum, gremium misericordiæ (quod Mater Ecclesia claudere nulli petenti consuevit, more pii patrisfamilias, qui filium primum prodigum, & postea poenitentem paterne suscepit) studeant liberaliter aperire, & tales redire volentes, quantumcunque eorum excessus graves fuerint vel enormes, juxta cujuslibet Ordinis disciplinam sive regulam & consuetudinem observatam, sine contradictione recipiant & admittant, ita tamen, quod propter eorum excessus, nec victus nec vestitus eis subtrahatur, sed alias regulariter puniantur, ut præfertur, prout ipsi Prælati, Abbates, Abbatissæ, Præpositi, Priores, & Magistratus sententiam suspensionis a Divinis, quam in contrasacientes, sex dierum canonica monitione præmissa, in his scriptis ferimus, voluerint evitare.

Ad

Ad idem de Monialibus.

Caput XXX.

Sacras Apostolicas Constitutiones debitæ executioni demandantes, hoc nostro statuto inhibemus, ut Sanctimonialia, cujuscunque sint ordinis vel religionis, nostrarum Civitatis & Diœcesis, quæ in suis Monasteriis sub perpetua clausura manere jubentur in Constitutionibus Apostolicis antedictis, ita quod nulla earum religionem tacite vel expresse professæ, quacunque ratione vel causa, nisi forte tali morbo evidenti aliquam earum laborare constaret, quod non posset cum aliis absque gravi periculo, vel scandalo commorari, Monasteria ipsa egrediendi sit facultas, deinceps absque licentia Superiorum suorum, quam non nisi ex causa expressa, vel inevitabili exigente necessitate, concedi volumus, Monasteria sua non exeant, prout dictarum Constitutionum pœnas & ultionem canonicam voluerint evitare: quodque ut ipsæ Sanctimonialia a publicis & mundanis aspectibus separatæ, Deo liberius servire, & lasciviendi opportunitate sublata, corda sua & corpora in animi sanctimonialia diligentius custodire valeant; univærsis & singulis Ecclesiasticis & regularibus personis, nostræ jurisdictioni subiectis, interdiciamus & prohibemus, ne absque rationabili & manifesta causa, & sine Superioris, ad quem pertinet, licentia speciali, ipsa Monasteria Sanctimonialium subintrent, sub pœnis suspensionis in Ecclesiasticas, & excommunicationis in sæculares personas, prout de jure poterimus, contra ipsos procedemus.

Ad idem.

Item præcipimus, & sub pœna excommunicationis mandamus, ne etiam ipsi Prælati, Provisores, aut Præpositi Monasteriorum Monialium, nostrarum Civitatum & Diœcesis, ipsa Monasteria seu claustra quovis modo introeant, nisi magna & evidens necessitas id exposcat. Quæ si talis fuerit, nequaquam tamen hujusmodi ingressus sine religione, & socio sibi comite facere præsumant, sub pœna præmissa: & si ex justa & honesta causa cuicumque personarum sui Monasterii loqui voluerint, hoc in Ecclesia sub

Tomus VI. Concilior. German.(*) *supple: intrent.*

bono testimonio faciant manifeste, ne sinistra contra ipsos suspicio oriatur, alioquin gravi subjaceant ultioni.

Ad idem.

Item mandamus sub pœna excommunicationis similiter, ne Capellani aut Scholares Monasteriorum Monialium, seu illi, qui conversi dicuntur, absque licentia Præpositorum, Provisorum eorundem Monasteriorum, claustra vel clausuras Monialium, personis mundanis prohibitas (*), aut cum Monialibus per fenestras colloquium habeant. Contrarium facientes, & Præpositis, seu Provisoribus Monasteriorum inobedientes & rebelles in hac parte, prout eorum rebellio vel pertinacia exegerit, Nobis, aut Commissario nostro in hac parte fideliter studeant intimare.

De Magistris Scholasticis.

Caput XXXI.

Quia nonnullis propter inopiam & legendi studium opportunitas proficendi subtrahitur, in Lateranensi Concilio pia fuit institutione provisum, ut per unamquamque Cathedrali Ecclesiam Magistro, qui Clericos ejusdem Ecclesiæ, aliosque Scholares pauperes gratis instrueret, aliquod competens beneficium concederetur, quo & docentis relevaretur necessitas, & via pateret discipulis ad doctrinam. Verum cum in multis Ecclesiis id minime observatur, Nos prædictum roborantes statutum, adjicimus, ut non solum in qualibet Cathedrali Ecclesia, sed etiam in aliis, quarum sufficere poterunt facultates, constitutur Magister idoneus, a Prælato cum Capitulo, seu majori ac saniori parte Capituli eligendus, qui Clericos Ecclesiarum ipsarum, & aliarum gratis in Grammatices facultate & aliis instruat juxta posse. Volumus etiam, ut Prælati & Capitula tam Cathedralium, quam Collegiatarum Ecclesiarum, qui Magistros hujusmodi assumendi, recipiendi, ac constituendi habent facultatem, modernis perversorum dogmatum, & perniciosarum novitatum temporibus, neminem in Magistrum recipiant, seu assumant, nisi de cujus vita, integritate, scientia, moribus ac conversatione, plenam & perfectam habeant notitiam, & qui

T t

per-

perversorum dogmatum fermento confusus, infectusque non sit, ne tenera juvenus cum lacte venenum imbibat, & ea discat, quæ postea non sine magno salutis discrimine, ac ingenti labore dediscere vix aut nullatenus possit. Cæterum Magistros, qui tales reperti fuerint, mox destituendos, amovendosque districte mandamus.

De custodia Eucharistiæ, & reverentia Sacramentorum.

Caput XXXII.

Ne propter irreverentiam Sacramentorum ira Dei sæviat in Ministros, statuimus, ut Eucharistia, Chrisma, & Oleum Sanctum sub diligenti custodia servantur. Cum autem Sacerdos Eucharistiam, vel Oleum infirmorum ad decumbentem deportaverit, videat, quod superpellicio, stola, seu orario sit indutus, supposito mundo velamine, manifeste & honeste, lumine ac etiam campanella Eucharistiæ præcedentibus Sacramentum. Hæc facienti, ac omnibus etiam vere pœnitentibus & confessis, qui Sacerdotem, Eucharistiam, vel Oleum infirmorum, ut sic deferentem eundo, vel redeundo associaverint, vel secuti fuerint, & hoc de die faciunt, decem: si vero de nocte cum lumine proprio vel alieno, viginti dierum de injunctis sibi pœnitentiis, præter indulgentias ab aliis, & autoritate Apostolica concessas, auctoritate nostra ordinaria misericorditer in Domino relaxamus. Similiter in ministracione Sacramenti Baptismatis, ut Sacerdos superpellicio ac stola utatur, volumus atque mandamus.

Ad idem de custodia Eucharistiæ.

Considerantes, quod graviter gloriosus Deus propter Sacramentorum irreverentiam offendatur, ideo quanquam circa Sacramentorum custodiam & reverentiam sufficienter sancitum dignoscatur, quia tamen, ut quotidiana edocemur experientia, Sacerdotes, cum dignissima Eucharistiæ, & extremæ Unctionis Sacramenta ad infirmos deportant, incaute cum callopedibus & scandalose ac turpiter, capite nudo, aut vix Birreto superposito, non ornatis capillis, in mundi conspectum procedant, districte præsentis statuto inviolabiliter duraturo, san-

cimus, ut Constitutio proxime præserta firmiter observetur, ac quilibet Presbyter sic infirmos Eucharistiæ & extremæ Unctionis Sacramentis accedens, absque callopedibus & capite almutio (si saltem tali in loco almutia solita sint portari) tecto, alioquin caputio Clericali per collum tracto, ut sola facies nuda appareat, devote ac religiose præcedentibus lumine & campanella, juxta ejusdem Constitutionis tenorem incedat, indulgentias inibi expressas, Christi fidelibus in Domino elargientes. Si qui vero Constitutionem nostram servare contempserint, se ultionem nostram gravem non collum agnoscant.

De Baptismo, ex Concilio Provinciali Fritzlarienti.

Caput XXXIII.

Baptismus cum summa reverentia celebretur, maxime in distinctione & prolacione verborum, in quibus Sacramenti virtus consistit, his scilicet verbis: *Ego Baptizo te in nomine Patris, & Filii, & Spiritus Sancti. Amen.* Doceant etiam Sacerdotes, tam mares, quam fœminas, in necessitate parvulos baptizare, eadem forma in suo idiomate, & quod patres & matres proprios infantes, si summa necessitas exigat, poterunt baptizare: & si Sacerdotes super hoc diligentius requirentes, debitam formam servatam in Baptismate invenerint, quod factum est, approbent, supplentes circa Baptizatum quoad unctionem olei in pectore & in scapulis, & Chrismatis in vertice, quod a laicis est omisum. Si autem in Baptismate debitam formam non invenerint observatam, non differant pueros iterum baptizare.

De Ecclesiarum Procuratoribus.

Caput XXXIV.

Quorundam fide dignorum didicimus relatione, quod plurimarum Ecclesiarum nostræ Diœcesis Procuratores laici duntaxat constituantur, qui ad eorum nutum cum pecuniis & rebus earundem Ecclesiarum absque Plebanorum scitu & consensu propria commoda quærant, ac mercationes & contractus interdum vitiosos cum illis exerceant, & eas ad alios privatos usus convertere non formident, nec de per eos perceptis collectis, im-

bur-

bus & gestis in præsentia Plebanorum, quorum tanquam Procuratorum principalium interest, rationem reddere studeant, fabricas Ecclesiarum hujusmodi, & eorum animas miserabiliter defraudando, quod profecto periculosum fore arbitramur. Quamobrem Ecclesiarum indemnitati, & subditorum salutis providere cupientes, præsentis Constitutione ordinamus, ut deinceps cujuslibet Ecclesiæ nostræ Diœcesis Rector sive Plebanus tanquam principalis, & cum eo ad minus duo laici hujusmodi procuratoris officia, citra eorum privata commoda fideliter cum scitu & consensu Plebani exerceant, ac utilitatem Ecclesiæ promoveant, rationem de singulis per eos levatis, collectis, distributis, actis & factis, in præsentia ipsius Rectoris sive Plebani, tanquam principalis Procuratoris coram his, qui ad hoc sunt Depurati, temporibus consuetis faciendo, prout de hoc in extremo Judicio respondere velint. Qui autem hujusmodi nostri statuti rebelles fuerint reperti, per eorum Plebanos & Pastores monitione prævia excommunicari possint & debeant, ad quod eisdem Plebanis præsentis statuti vigore liberam damus facultatem.

De celebratione Missarum & Horarum Canonicarum per solutionem, & de Concionatoribus, ex Concilio Provinciali Moguntino.

Caput XXXV.

Prædecessorum nostrorum vestigiis inhærendo, statuimus, inhibentes sub excommunicationis pœna, quam in omnes transgressores hujus sacri approbatione Concilii decernimus ferendam, ut nullus Sacerdotum novitiorum, illa die, qua celebrare intendit primam Missam, in exordium publicationis sui sacratissimi officii, oblaturus Deo primitias gratiæ ac salutis sibi collatæ, aliquos ad convivium invitare, aut invitatos habere aut procurare, per se vel per alium quoquo modo præsumat, sed ad solum Deum, cujus militiæ est adscriptus, dirigat aciem sui cordis, maxime die illa devotus, & curis ac sollicitudinibus temporalium, quibus mentes hominum distrahuntur, exutus, remotus a vanitatibus, histrionum cursibus, tumultibus & insolentis reproborum, qui

etiam sæpe venire solent non vocati. Si qui autem post vel ante (octo dierum spatio seu plurium intermedio) amicorum honestam vocationem habere velint, absque histrionum cursibus, fieri non vetamus.

Quomodo Divinum Officium fit celebrandum.

Caput XXXVI.

Sancta Generalis Synodus Basileensis, reformationi status Clericalis intendens, etiam inter alia de celebrando Divino officio, & horis Canonicis rite per solvendis, ac nonnullis aliis circa cultum Divinum necessariis, certas ordinationes fecit tenoris infra scripti : Si quis Principem sæculi rogaturus, habitu honesto, gestu decenti, prolatione non præcipiti, sed distincta, attenta quoque mente, se ipsum ac verba studet componere: quanto diligentius in sacro loco Omnipotentem oraturus Deum, hæc omnino facere curare debet? Statuit igitur Sancta Synodus, ut in cunctis Cathedralibus ac Collegiatis Ecclesiis horis debitis, signis congrua pulsatione præmissis, laudes Divinæ per singulas horas non cursim ac festinanter, sed tractim & cum pausa decenti, præsertim in medio cujuslibet versiculi Psalmorum, debitam faciendâ inter solenne ac feriale officium differentiam, reverenter ab omnibus persolvantur. Horas Canonicas dicturi cum tunica talari ac superpellicis mundis, ultra medias tibias longis, vel cappis, juxta temporum ac regionum diversitatem, Ecclesias ingrediantur, non caputia, sed almutias, vel birreta tenentes in capite. Qui cum in Choro fuerint, gravitatem servant, quam & locus & officium exigunt, non insimul aut cum aliis confabulantes, seu colloquentes, aut literas, seu scripturas alias legentes: & cum psallendi gratia ibidem conveniant, muta ac clausa labia tenere non debent; sed omnes, præsertim, qui majori funguntur honore, in Psalmis, Hymnis, & Canticis Deo alacriter modulentur. Cum dicitur: *Gloria Patri, & Filio, & Spiritui Sancto, sicut erat in principio* &c. omnes consurgant. Cum nominatur gloriosum illud nomen JESUS, in quo omne genu flectitur cœlestium, terrestrium, & infernorum, omnes caput

Tomus VI. Concilior. Germag.

T r 2

inclu-

inclinant. Nemo ibidem, dum horæ in communi publice cantantur, legat vel dicat privatim officium: nam non solum obsequium, quo obnoxius est Choro, subtrahit, sed alios psallentes perturbat. Super his debite observandis, aliisque ad Divini officii prosecutionem, ac Chori disciplinam spectantibus, Decanus, vel cui onus incumbit, diligenter invigilet, hinc inde, ne quid inordinate fiat, circumspiciens. Horum autem transgressores, illius horæ, in qua circa prædicta excesserint, vel alia majori, prout transgressionis gravitas exigit, plectuntur poena; laudabilibus tamen consuetudinibus, statutis, ac observantiis specialibus Ecclesiarum singularum salvis.

Quo tempore quisque debeat esse in Choro.

Caput XXXVII.

Qui in Matutinis ante finem Psalmi: *Venite exultemus*, in aliis horis ante finem primi Psalmi: in Missa ante ultimum *Kyrie eleison* usque in finem Divino officio non interfuerit (nisi forte necessitate cogente, ac petita & obtenta a Præsidente Chori licentia, discedere oporteat) pro illa hora absens censeatur; salvis Ecclesiarum consuetudinibus, si quæ forte circa hoc arctiores existant. Idem in his observetur, qui a principio usque in finem in processionibus non permanferint; pro cuius executione deputetur aliquis, onus habens notandi personas singulas, statuto tempore non convenientes, juramento adstrictus agere fideliter, & nulli parcere. Jubet etiam hæc sancta Synodus, quod in illis Ecclesiis, in quibus singulis horis certæ distributiones statutæ non sunt, omnino etiam de grossis fructibus (si opus sit) deputentur, ut juxta mensuram laboris, plus minusve quisque capiat emolumentum; tollens prorsus abusum illum, quo in una duntaxat hora præsens totius diei distributiones usurpat; & illum, quo Præpositi, vel Decani, aut alii Officiales ex hoc solum, quod Officiales sunt, licet actualiter pro utilitate Ecclesiæ non absint, quotidianas distributiones percipiunt,

Qualiter Horæ Canonice extra Chorum dicende sint.

Caput XXXVIII.

Quosunque etiam alibi Beneficiatos, seu in Sacris constitutos, cum ad Horas Canonicas teneantur, admonet hæc sancta Synodus, si orationes suas Deo acceptas fore cupiunt, ut non in gutture, vel inter dentes, seu deglutiendo aut syncopando dictiones, nec colloquia vel risus intermiscendo, sed sive soli, sive associati, diurnum nocturnumque officium reverenter, verbisque distinctis peragant, ac tali in loco, unde a devotione non retrahantur, ad quam se disponere & preparare debent, juxta id, quod scriptum est: Ante orationem præpara animam tuam, ne sis, quasi qui tentat Deum.

De his, qui tempore Divinorum vagantur per Ecclesiam.

Caput XXXIX.

Quicumque in Ecclesia Beneficiatus, præsertim de majoribus, Divinorum tempore per Ecclesiam, vel foris circa ipsam deambulando, aut cum aliis colloquendo, vagari visus fuerit, non solum illius horæ, sed totius diei præsentiam ipso facto amittat. Qui si semel correctus non destiterit, per mensem distributionibus careat, vel graviore (si pertinacia exegerit) poenæ subiaceat, ita ut tandem desistere cogatur. Prohibeatur etiam, ne Divina officia tumultuosi quorumcunque per Ecclesiam discursus impedian, aut perturbent. Regulares, qui in conventualibus Ecclesiis circa prædicta excesserint, graviter Superioris arbitrio castigentur.

De Tabula pendente in Choro.

Caput XL.

Ut cuncta in Domo Dei ordinate procedant, & quilibet sciat, quid sibi agendum imminet, statuatur tabella aliqua, continue pendens in Choro, in qua quid per unumquemque ex Canonicis, vel aliis Beneficiatis in singulis horis per hebdomadam, aut majus tempus legendum, cantandumve sit, scribatur. Qui autem, secundum quod ibi descriptum fuerit, facere per se, vel alium neglexerit, pro qualibet hora distributiones unius diei amittat.

De tenentibus Capitula tempore Missæ.

Caput XLI.

Prohibet hæc Sancta Synodus, ut tempore Missæ majoris, præsertim solennibus diebus, Capitula, seu actus Capitulares, aut alii tractatus per Canonicos non celebrentur, nisi forte urgens & evidens ingrueret necessitas. Qui vero ad talem horam Capitulum indixerit, a distributionibus quotidianis per hebdomadam sit suspensus, neque ipsi Canonici pro illa hora distributiones ipsas lucentur.

Experientia docti novimus, quod quidam verbum Dei in Ecclesiis nostrarum Civitatis & Diocesis seminantes, religiosi & sæculares Presbyteri, interdum rancore moti, contra se invicem prædicare non verentur, in populi scandalum, & exemplum perniciosum: Nos considerantes, quod sicut ex indiscreto silentio sæpius error post se relinquitur, ita & incauta locutio sæpius errorem inducit, idcirco præsentī statuto inhibemus, ne quis Prædicantium in Monasteriis & Ecclesiis nostrarum Civitatis & Diocesis, sive religiosus, sive sæcularis existat, de cætero contra alium quidquam in cancellis prædicet; sed si errorem, hæresim, vel quid aliud aliquis ex ipsis prædicaverit, id Nobis, vel nostro Vicario in Spiritualibus referatur; ne ex hujusmodi contentione publica scandala in populo, & pericula confurgant animarum: sæcus facientes pœnam gravem & condignam non evadent.

De Sponsalibus & Matrimoniiis.

Caput XLII.

Quamvis in Generali Concilio Innocentius Papa tertius sufficienter statuerit, ne quis Sacerdos clandestinis Matrimoniiis intersit, inhibens nihilominus, ne talia clandestina Matrimonia contrahantur: cum tamen, quod dolenter referimus, prædicta clandestina Matrimonia sæpius contrahantur, per quæ grandia scandala, & animarum pericula non modica insurgunt; prohibemus, de cætero clandestina Matrimonia contrahi, juxta Constitutionem in Concilio Generali editam, quæ habetur in *C. fin. de clandestina Desponsatione* infra scriptam, quam in omnibus Parochialibus Ecclesiis præ-

cipimus singulis annis per Plebanum, & curam animarum habentem, quater publicari: ne autem Constitutio prædicta cuiquam sit incognita, eam etiam de verbo ad verbum hic inferi volumus, cuius tenor sequitur, & est talis:

Cum inhibitio copulæ conjugalis sit in ultimis tribus gradibus revocata, eam in aliis volumus districte observari. Unde Prædecessorum nostrorum vestigiis inhærendo, clandestina Matrimonia inhibemus, prohibentes etiam, ne quis Sacerdos talibus interesse præsumat. Quare specialem quorundam locorum consuetudinem ad alia generaliter prorogando, statuimus, ut cum Matrimonia fuerint contrahenda, in Ecclesiis per Presbyteros publice proponantur, competenti termino præfinito: ut intra illum, qui voluerit & valuerit, legitimum impedimentum opponat; & ipsi Presbyteri nihilominus investigent, utrum aliquod impedimentum obstitat. Cum autem apparuerit probabilis conjectura contra copulam contrahendam, contractus interdicatur expresse, donec, quid fieri debeat super eo, manifestis constiterit documentis. Si quis vero hujusmodi clandestina, vel interdicta conjugia inire præsumpserit, in gradu prohibito etiam ignoranter, soboles de tali conjunctione suscepta, prorsus illegitima censeatur, de parentum ignorantia nullum habitura subsidium: cum illi taliter contrahendo non expertes scientiæ, vel saltem affectatores ignorantia videantur; Pari modo proles illegitima censeatur, si ambo parentes impedimentum scientes legitimum, præter omne interdictum etiam in conspectu Ecclesiæ contrahere præsumpserunt. Sane si Parochialis Sacerdos tales conjunctiones prohibere contempserit, aut quilibet etiam regularis, qui eis præsumpserit interesse, per triennium ab officio suspendatur; gravius puniendus, si culpæ qualitas postulaverit. Sed & his, qui taliter copulari præsumpserint, etiam in gradu concessio, pœnitentia condigna iungatur. Si quis autem ad impediendam legitimam copulam malitiose impedimentum objecerit, canonicam non effugiet ultionem.

Hac Constitutione prohibemus, ne quis Plebanorum, seu Curatorum Civitatis & Diocesis Hildesheimen. de cætero

clandestinis Matrimoniis intersit : quod si secus fecerit, ultra poenas Canonis prædictas, condigne mulctetur. Si autem aliqui ex subditiis Matrimonium clandestinum contraxerint ; mox postquam hoc sciverit, eos moneat, ut Matrimonium per eos contractum, in facie Ecclesiæ infra proximum mensem solemnizent, qui etiam infra tempus & spatium mensis eis præfigendum, Matrimonium hujusmodi in facie Ecclesiæ solemnizare, legitimo cessante impedimento, teneantur. Et si id facere contempserint, seu eorum Curatus, ut præfertur, ipsos monere non curaverit, tam Curatus, quam contrahentes juxta dictam Constitutionem, & alias canonice puniantur.

De Judæis.

Caput XLIII.

Ne Judæi de cætero in Civitate & Diocesi nostris, nutrices, seu servientes habeant Christianas, districtius inhibemus; quia indignum est, quod filii liberi filiis famulentur ancillæ: omnibus ipsorum servientibus ac nutricibus præcipientes, ut a servitiis eorum infra proximum mensem, a publicatione præsentium, recedant; quos etiam Judæi libere dimittere teneantur, & transgressores hujus statuti condigna animadversione puniantur.

Ad idem.

Quoniam dudum in Generalibus Conciliis, & in Sacra Provinciali Synodo Moguntina, novissime celebrata, inter cætera de Judæis, & Crucis Christi inimicis, sub cessatione Divinorum & poena subtractionis Communionis, statutum & mandatum reperitur: quod etiam nuper in Conventu Imperiali Augusten. per Piissimum & Invictissimum Dominum, Dominum Carolum quintum, Romanorum Imperatorem, in reformatione sua Imperiali, ibidem facta, similiter repetitum, ac de novo est ordinatum & dispositum, quod Judæi signa deferre debeant, per quæ a Christianis distingui, & discerni videantur; declarando, & adjiciendo tale signum esse debere, circulum videlicet de filis croceis in veste extrinseca ante pectus quoad mares ac masculos; & duas rigas blavei coloris in peplis mulierum quoad

fœminas. Cum autem parum profuit statuta condere, & eorum executionem negligere; idcirco Constitutione præfenti præcipimus districtè universis Judæis, per civitatem & Diocesim nostras habitantibus, sub poena quinquaginta florenorum Rhenensium, mandantes, quatenus hujusmodi signa extrinseca juxta declarationem Cæsareæ & Catholicæ Majestatis prædictam deferant conformiter; & ad hoc per potestatem saccularem, & Officiales, ac Regentes compellantur: alioquin contra secus facientes Officiales & Regentes ad subtractionem Sacramenti Eucharistiæ, & nihilominus etiam contra Judæos ad exclusionem communionis fidelium, & alias poenas, prout de jure, procedatur.

De Adulteris.

Caput XLIV.

Quædam personæ, relicto legitimo thoro, non verentur una domo in adulterinis amplexibus manifeste cohabitare, in scandalum plurimorum: quorum saluti providere volentes, omnibus Rectoribus, Plebanis, & Curatis nostrarum civitatis & Diocesis in virtute sanctæ obedientiæ districtè præcipiendo mandamus, quatenus omnes & singulos, qui in adulterinis amplexibus insimul reside-re non verentur, admonere, requirant, & exhortentur, ut infra quindecim dies ab invicem discedant; & si mandato hujusmodi obedire contempserint, & post dictos quindecim dies (quod absit) insimul cohabitaverint, tales in eorum vita ab Ecclesiasticis excludantur Sacramentis, & post mortem, nisi penitentiam egerint de commissis, Ecclesiastica careant sepultura; & nihilominus ad Nos, vel Vicarium nostrum pro absolutionis beneficio consequendo remittantur: ipsi vero Rectores, Plebani & Curati, qui eos monere omiserint, a Nobis, vel Vicario nostro canonicam expectare se non dubitent ultionem: quibus etiam sub simili comminatione districtius injungimus, ut eorundem rebellium nomina infra alios quindecim dies Nobis, vel Vicario nostro denunti-ent, ut contra eosdem ad ulteriora procedere valeamus.

De Raptoribus.

Caput XLV.

Spoliatores stratarum, ac raptores alios, qui transeuntes per vias & stratas publicas, viduas, pupillos, vel personas alias præsertim Ecclesiasticas, eorum bonis spoliant, propter eorum violentias, quæ perturbationem desiderandæ pacis inducunt, tali volumus nostro ferienti correctionis gladio poena mulctari, ut tam ipsi, quam receptantes eos, & scienter dantes eis auxilium vel favorem, ipso facto sint anathematis vinculo innodati. Hoc quidem statutum volumus anno quolibet in singulis quatuor Festivitatibus principalibus, si sermo eodem die fiet, alioquin die sequenti proximo, dum sermo fuerit, in quibuslibet Ecclesiis civitatis & Diocesis nostrarum in cancellis publicari.

De Usuris.

Caput XLVI.

Usurarios actus Divina & humana lege satis novimus exprobratos, & contra exercentēs usuras novissima Constitutio Concilii Lugdunens. penas statuit exquisitas. Sed quia, quæsito scenerandi colore, nonnulli sub titulo venditionis exercent usuras, qui pecunias mutant datis induciis, ut statuto die recipiant fruges forte in duplo valore, quas deinde ampliori pecunia vendant; quidam etiam emendo rem pro certa quantitate venditori dimissam, statuto termino pro adaucto numero usurarum quantitate revendunt. His fraudibus obvian- do prohibemus, ne quis usurarium absolvat publicum, vel ad Ecclesiasticam recipiat sepulturam, nisi cautione præstita de universis restituendis, juxta Constitutionem Apostolicam, in Concilio Lugdunens. factam, quæ habetur de usuris libro sexto, quæ incipit: *Quamquam* &c. quam in omnibus Parochialibus Ecclesiis præcipimus singulis annis per Regentem curam animarum, semel videlicet in Dominica Quadragesimæ, qua canitur *Judica* &c. solenniter publicari. Ne autem Constitutio prædicta cuiquam sit incognita, illam volumus hic de verbo ad verbum inferi:

Quamquam usurarii manifesti de usuris, quas receperant, satisfieri expressa quantitate vel indistincte in ultima voluntate mandaverint: nihilominus tamen Ecclesiastica denegetur sepultura, nisi de usuris ipsis fuerit, prout patiuntur facultates eorum, plenarie satisfactum, vel illis, quibus est facienda restitutio, si præsto sint ipsi, aut aliis, qui possint eis acquirere, vel eis absentibus loci Ordinario, aut ejus vices gerenti, sive Rectori Parochiæ, in qua testator habitabat, coram aliquibus fide dignis de ipsa Parochia (quibus quidem Ordinario, Vicario, aut Rectori prædicto modo cautionem hujusmodi, eorum nomine, liceat præsentis Constitutionis autoritate recipere, ita quod illis perinde actio acquiratur) aut servo publico de ipsis Ordinarii mandato idonee de restitutione facienda sit cautum. Cæterum si receptarum usurarum sit quantitas manifesta, illam semper in cautione prædicta exprimi volumus: alioquin aliam recipiens (*) cautionem hujusmodi arbitrio moderandam, ipse tamen scienter non minorem, quam verisimiliter creditur, moderetur, & si secus fecerit, ad satisfactionem residui teneatur. Omnes autem religiosos, & alios, qui manifestos usurarios contra præsentis sanctionis formam ad Ecclesiasticam ausi fuerint admittere sepulturam, penæ Lateranens. Concilii, contra usurarios promulgatæ, statuimus subjacere. Nullus manifestorum usurariorum testamentis intersit, aut eos ad confessionem admittat, sive ipsos absolvat; nisi de usuris satisfecerint, vel de satisfaciendo pro suarum viribus facultatum præstent (ut præmittitur) idoneam cautionem. Testamenta quoque manifestorum usurariorum aliter facta non valeant, sed sint irrita ipso jure.

De Penis, & occasione Interdicti.

Caput XLVII.

Sacri Provincialis Concilii ordinationi inhærendo, hac Constitutione perpetuo valitura (ordinatione Reverendissimi Domini Cardinalis Campegii Legati in sua reformatione præinserta posita pro præsentis rerum statu salva) sancimus, ut si antea aliqua Ecclesiastica, vel secularis persona, cujuscunque Dignitatis, status,

(*) al. recipientis.

status, vel conditionis existat, instigante diabolo infra civitatem & Dicecesim nostras Clericum, aut pro Clerico se gentem interfecerit, aut mutilaverit, aut sine licentia Superioris ipsius Clerici captivaverit, aut detinuerit, eo ipso in terris, Ecclesiis, Parochiis totius Archipresbyteratus, in quo huiusmodi delictum commissum, aut Clericus huiusmodi captus fuerit; non solum in illo Archipresbyteratu, sed etiam in quibuscunque aliis Archipresbyteratibus, in quibus quempiam talium detineri constiterit, & in omnibus locis, in quibus interfector, seu mutilator, aut captor, seu ejus complices, & ipsi consilium, auxilium & juvamen præstantes domicilium aut dominium obtinentes, & sive de facto, sive de jure jurisdictionem obtinuerint, vel moram traxerint, & ad quod devenierint, & quamdiu in eisdem fuerint, & post cujuslibet ipsorum abinde recessum, ad tres dies continuos ipso facto cessetur a Divinis, & servetur strictissime Ecclesiasticum Interdictum tam diu, & quousque læso, Nobis, & Ecclesiæ fuerit de tanto flagitio satisfactum, aut interdictum huiusmodi alias fuerit legitime relaxatum: tales etiam injuriatores tanquam excommunicati eo ipso a singulis arctius evitentur, donec absolutionis beneficium meruerint legitime obtinere. Ne autem hi, juxta præmissa, interdictum servare debentes, se valeant per ignorantiam quomodolibet excusare, præcipimus, ut Rectores, seu Plebani Ecclesiarum Parochialium, in quorum Parochiis facinora prædicta commissa fuerint, statim & infra unius diei spatium Archipresbytero, si præsens in Archipresbyteratu fuerit, alioquin Camerario, & si Camerarius etiam abesset, viciniore Presbytero Curato illius Archipresbyteratus præsentem rem gestam referant, qui Archipresbyter, seu Camerarius, aut viciniore Confrater Curatus omnibus cæteris Confratribus Archipresbyteratus huiusmodi, & etiam Religiosis, in eo commorantibus, infra biduum proximum hoc idem facinus manifestet, ac interdictum per eos, & in toto Archipresbyteratu servandum fore notificet: quibus super his fidem plenam, sicut nostris literis, volumus adhiberi. Si quis vero Rectorum seu Pleba-

norum Ecclesiarum Parochialium, aut Archipresbyterorum, vel Camerariorum hoc nostrum præceptum adimplere contemplerit, excommunicationis sententiam eo ipso incurrat, a qua non possit, nisi congrua satisfactione prævia, liberari; per præmissa Constitutionibus legalibus, & Provincialibus, contra sacrilegos prædictos editis, & aliis, quæ de ipsorum pœnis tractant, non intendimus derogare, sed potius eas in suo robore volumus permanere.

Ex eadem Generali Synodo Basileensi.

Insuper eadem Sacrosancta Synodus Basileensis ad vitandum scandala, & multa pericula, subveniendumque conscientis timoratis, statuit, quod nemo deinceps a communione alicujus in Sacramentorum administratione, vel receptione, aut aliis quibuscunque, in iudiciis vel extra, cujuscunque sententiæ aut censuræ Ecclesiasticæ, aut suspensionis, vel prohibitionis ab homine vel a jure generaliter promulgatæ, occasione teneatur abstinere, vel aliquem vitare, aut Ecclesiasticum interdictum observare, nisi sententia, prohibitio, suspensio, vel censura Ecclesiastica huiusmodi fuerit vel contra personam, Collegium, Universitatem, Ecclesiam, aut locum certum, aut certam a Iudice publicata vel denunciata specialiter & expresse; aut si aliquem ita notorie excommunicationis sententiam contigerit incidisse, quod nulla possit tergiversatione celari, aut aliquo juris suffragio excusari. Nam a communione illius abstinere vult juxta Canonicas Sanctiones, per hoc tamen huiusmodi excommunicatos, suspensos, & interdictos, seu prohibitos non intendit in aliquo relevare, nec eis quomodolibet suffragari.

Ad idem ex eadem Generali Synodo.

Quoniam ex indiscreta Interdictorum promulgatione, multa consueverunt scandala evenire, statuit hæc sancta Synodus, quod nulla civitas, oppidum, castrum, villa aut locus Ecclesiastico possit supponi interdicto, nisi ex causa, seu culpa ipsorum locorum, aut Domini seu Rectoris, vel Officialium. Propter culpam

culpam vero, seu causam alterius cujuscunque privatæ personæ, hujusmodi loca interdici nequaquam possint auctoritate quacunque ordinaria vel delegata, nisi talis persona fuerit prius excommunicata, aut denunciata, sive in Ecclesia publicata; ac Domini, seu Rectores, vel Officiales ipsorum locorum, auctoritate Judicis requisiti, hujusmodi personam excommunicatam infra biduum inde cum effectu non ejecerint, aut ad satisfaciendum compulerint: qua etiam post biduum ejecta, recedente, vel satisfaciente, mox Divina resumuntur; quod etiam in pendentibus locum ipsa Synodus vult habere. Per hanc tamen Constitutionem non volumus esse sublatam Constitutionem nostram præmissam, quæ incipit: *Sacri Provincialis*. (*)

De Pœnitentiis, & Remissionibus.

Caput XLVIII.

Tametsi juxta Ordinationem, & Constitutionem Sanctæ Matris Ecclesiæ in Concilio Lateranensi, sub Innocentio tertio celebrato, editam & factam, quæ habetur sub titulo: De Pœnitentiis & remissionibus in antiquis, quilibet doli capax teneatur saltem semel in anno confiteri proprio Sacerdoti, vel de ejus licentia alteri, & Eucharistiæ Sacramentum ad minus in Pascha recipere; Certificati tamen sumus, quod certe dolenter referimus, quod nonnulli civitatis & Diocesis nostrarum incolæ & inhabitatores, his turbatissimis perniciosorum dogmatum, & novitatum temporibus, etiam pluribus annis non sint confessi, nec sacrum Eucharistiæ receperint Sacramentum. Itaque pro Pastoralis officii nostri debito, ut tales, circa propriam salutem desides, ad meliorem vitam omni studio & solertia reducantur, districte præcipimus, & mandamus, dictam Lateranensis Concilii Constitutionem in omnibus Parochialibus Ecclesiis annis singulis per Ecclesiarum Parochialium Rectores, & curam animarum habentes, bis in Quadragesima, semel in Dominica *Invocavit*, & iterum in Dominica, qua canitur *Lætare*, publice & solenniter publicari. Et ne Constitutio hujusmodi cuiquam sit incognita, illam

præsentibus de verbo ad verbum inferendam curavimus:

Omnis utriusque sexus fidelis, postquam ad annos discretionis pervenerit, omnia sua solus peccata, saltem semel in anno, fideliter confiteatur proprio Sacerdoti, & injunctam sibi pœnitentiam propriis viribus studeat adimplere, suscipiens reverenter ad minus in Pascha Eucharistiæ Sacramentum; nisi forte de proprii Sacerdotis consilio ob aliquam rationabilem causam ad tempus ab hujusmodi perceptione duxerit abstinendum: alioquin & vivens ab ingressu Ecclesiæ arceatur, & moriens Christiana careat sepultura. Unde hoc salutare statutum frequenter in Ecclesiis publicetur, ne quisquam ignorantia cæcitate velamen exculpationis assumat. Si quis autem alieno Sacerdoti voluerit iuxta de causa sua confiteri peccata, licentiam prius postulet, & obtineat a proprio Sacerdote, cum aliter ipse ullum non possit absolvere, & ligare. Sacerdos autem sit discretus, & cautus, ut more periti medici superinfundat vinum & oleum vulneribus sauciati, diligenter inquirens & peccatoris circumstantias, & peccati: quibus prudenter intelligat, quale debeat ei præbere consilium, & cujusmodi remedium adhibere, diversis experimentis utendo ad salvandum ægrotum. Caveat autem omnino, ne verbo aut signo, aut alio quovis modo aliquatenus prodatur peccatorem; sed si prudentiori consilio indigerit, illud absque ulla expressione personæ caute requirat. Quoniam qui peccatum, in pœnitentiali iudicio sibi detectum, præsumpserit revelare, non solum a Sacerdotali officio deponendum decernimus, verum etiam ad agendum perpetuam pœnitentiam in arctum Monasterium detrudendum.

Quia nonnulli Religiosi, terminis suis non contenti, in prodicionem animarum in casibus Sedi Apostolicæ, & Nobis reservatis, in civitate & Diocesi nostris subditos nostros absolvere præsumunt, licet de hoc nullam receperint potestatem: præsentī Decreto inhibemus, ne deinceps nudo verbo ipsorum Religiosorum asserentium, se talem habere potestatem, nisi alias de potestate hujusmodi fecerint fidem legitimis documentis.

(*) In Exordio hujus Cap. XLVII.
Tomus VI. Concilior. German.

cumentis, credatur; declarantes absolutiones eorum, in casibus prædictis factas, nullas esse, nisi hoc specificè a Sede Apostolica, seu a Nobis eis sit concessum.

Ad idem.

Insuper omnibus Presbyteris curatis, & non curatis nostrarum Civitatis & Diocesis inhihemus, ne de casibus Episcopalibus, Nobis reservatis, quos duximus inferius annectendos, nisi quatenus juxta tenorem præinsertæ reformationis Reverendissimi Domini Cardinalis Campegii, de latere Legati, hoc ipsis conceditur, seu permittitur, se intromittere audeant; sed ad Nos, seu Vicarium nostrum, omnes infra scripti remittantur: decernentes, absolutionem, per eos absque speciali concessione nostra, seu Vicarii nostri in casibus hujusmodi, præterquam in mortis articulo factam, viribus penitus carere.

De Sententia Excommunicationis.

Caput XLIX.

Quoniam Excommunicati absolutos se esse nonnunquam mentiuntur, ex quorum communione pericula eveniunt animarum; præsentî Constitutione inhihemus, ne de cætero quisque Sacerdos curatus, Nobis subiectus, quamcunque personam ejus Parochiæ, quam semel per nostras, vel Vicarii, seu Officialis nostri literas excommunicatorias sigillatas excommunicatam denuntiavit, aut contra quam tales literas vidit & recepit, ultra ad Divina scienter admittat, vel coram eo celebret, aut absolutam credat vel teneat, nisi absolutionem suam literatorie & sigillatam illius sigillo, qui eam excommunicavit, sibi prius ostendat. Transgressores autem, ultra pœnam juris, quam incurrunt, pœnam condignam non evadent.

Quamvis contra absentes, ad Synodum vocatos, ad pœnas juris procedere, id eorum contumacia exigente, possemus; ex causis tamen certis Nos moventibus mitius agentes, sub spe, quod in futurum, nostra benignitate attenta, reddantur obedientes, pœnarum hujusmodi effectum duximus suspendendum, & suspendimus per præsentem. Præ-

terea ne Clerus noster censuris, & sententiis Ecclesiasticis, autoritate ordinaria propter statutorum transgressionem, & non observationem, a Nobis, & Prædecessoribus nostris latis, dummodo a jure latæ non sint, involvatur, illas tollimus in his scriptis, easdem in arbitrias pœnas, per nostrum Vicarium in transgressores infligendas, (*) committentes, citra tamen pœnarum juris sublationem, quibus per hoc nolumus derogare.

Casus Episcopis Specialiter reservati sunt infra scripti.

Caput L.

Rebaptizatus, reconfirmatus, vel reordinatus.

Item qui Matrimonium post Sponsalia jurata, cum alia, quam sponsa, contraxerit.

Item ille, qui virginem defloraverit, oppresserit, & rapuerit.

Item opprimens propriam prolem.

Item in se sterilitatem, vel abortum quomodolibet procurans.

Item homicidium factò, præcepto, consilio, consensu, autoritate propria, vel autoritativa exhortatione, vel quovis alio modo committens.

Item incestum in tertio, aut proximiori gradu consanguinitatis, aut affinitatis committens.

Item voti Transgressores.

Item Simoniacus.

Item Usurarius.

Item Raptor.

Item Sacrilegus.

Item incendiarius.

Item latro.

Item Ecclesiam consecratam sanguinis, vel seminis effusione polluens.

Item quilibet Ecclesiæ, vel cœniterii, aut immunitatis, vel libertatis Ecclesiasticæ violator.

Item quilibet excommunicatus a Canone vel Constitutione.

Item Sacerdos proditor confessionis.

Item celebrans in Ecclesia interdita, vel altari non consecrato, aut mobili sine licen-

(*) forte: commutantes.

licentia, vel sine indumentis, aut non jejunos.

Item non ordinatus celebrans, vel ministrans.

Item Sacerdos, cujus negligentia, vel culpa aliquid inhonestum, vel aliquod scandalum circa Sacramenta evenit.

Item quilibet dejerans, seu veniens contra suum juramentum.

Item falsarius literarum, & monetæ.

Item quilibet manus violentas injiciens in patrem, & matrem suam.

Item quilibet conjugatus, contrahens Matrimonium, vivente uxore, cum secunda, vel intrans religionem, vel recipiens sacrum Ordinem, conjuge invita, & econtra.

Item conjunx, qui vel quæ in mortem conjugis effectualiter machinatus, vel machinata fuerit.

Item scienter coiens cum infideli.

Item promotus per alium, quam per proprium Episcopum sine licentia.

Item furtive, seu per saltum, vel extra statuta tempora promotus.

Item excommunicatus, vel suspensus, aut interdictus, in ordine suo ministrans, vel qui taliter ligatus aliquem ordinem suscepit.

Item scienter sepeliens corpus excommunicati in Cæmeterio, vel etiam non excommunicati tempore Interdicti.

Item abutens quomodolibet Sacramentis Ecclesiæ, utpote Hostia, Chrismate, vel alia re sacra.

Item omnis adulter, & adultera, saltem publicus & publica.

Item quilibet scienter extra casum necessitatis baptizans propriam prolem, vel illam tenens in Baptismo, aut confirmatione.

Item omnis hæreticus, aut fautor, participatorve hæreticæ pravitatis.

Item committens Sodomiticum crimen, aut cum brutis commissum.

Item quilibet cum Sanctimonialibus coiens.

Item omnes clandestine contrahentes Sponsalia, nisi infra tempus statuti suprapositi illa solennizaverint.

Postremo ad sinistrae suspicionis tollendum ambiguum, inhibemus, ne quis Sacerdos, vel Religiosus de cætero confessiones mulierum audiat alibi, quam in loco publico, ubi videri possit.

Acta & publicata fuerunt hæc Statuta Synodalia Reverendissimi Principis & Domini, Domini Valentini Episcopi Hildesheimensis, in Synodo Episcopali, per ipsum personaliter in Civitate & Ecclesia Hildesheimensis, celebrata, die Lunæ post Dominicum Letare, quæ fuit 17. mensis Martii, Anno a Nativitate Domini 1539.

Ex Tomo III. Conciliorum Editionis Quenteliane Colon. A. 1551.

CONGREGATIO TOTIUS CLERI CIVITATIS COLONIENSIS,

Ejusdemque Protestatio, & ad Summum Pontificem Paulum III. ac Imperatorem Carolum V. Provocatio solennis, adversus Hermannum V. Archi-Episcopum Coloniensem, quod contra ultimæ Provincialis Synodi sub ipso celebratæ Decreta, sub reformationis prætextu, Lutherana dogmata per Bucerum, aliosque Sectarios, in Dicecesin inducere moliretur. ()*

Anno Christi MDXLIV. Pauli III. PP. X.
Caroli V. Imp. XXIV.

IN NOMINE DOMINI. AMEN.

NOverint universi, præsentés literas inspecturi, quod anno a Nativitate ejusdem DEI & Domini nostri JESU CHRISTI Millesimo, quingentesimo,

Tomus VI. Concilior. German.

V v 2

fimo,

[*] De Hermannii V. Apostasia dixi supra pag. 236.

fimo, quadagesimo quarto, Indictione tertia, secundum usum, stilum, & consuetudinem scribendi, in Civitate & Diocesi Colonienſi, die quidem Jovis, nona mensis Octobris, hora secunda, vel circiter, post meridiem: Pontificatus Sanctissimi in Christo Patris & Domini, Domini nostri PAULI, Divina Providentia Papæ Terti, anno ejus decimo: Imperii autem Sacratissimi & Inviſtissimi Principis & Domini, Domini CAROLI, hujus nominis Quinti Romanorum Imperatoris, semper Augusti, ac Hispaniarum Regis Catholici, &c. Domini nostri Clementissimi, anno XXIV. coram Reverendo in Christo Patre, & Illustrissimo Principe ac Domino, Georgio, ex Ducibus Brunswicensibus, & Luneburgensibus, Metropolitana Ecclesiæ Præposito & Archidiacono, atque Almæ Universitatis Generalis Studii Colonienſis Summo Cancellario, tanquam persona sublimi, & Ecclesiastica dignitate insignita: Inque Reverendorum & Illustrum, Venerabilium, Egregiorum, Honorabilium, & Religioforum Dominorum, Subdecani, Chori-Episcopi, & Scholaſtici, Prælatorum, & Capituli ejusdem Metropolitana Ecclesiæ, Capitulariter, ut moris est, convocatorum & congregatorum, solo Decano ex Prælatiſ in præſentiarum abſente, & in longinquis agente: Ad hæc in Reverendorum Patrum Monasterii Sancti Pantaleonis, & Sancti Martini, Abbatum, Decanorum quoque, & aliorum Deputatorum Ecclesiarum Collegiatarum, Monasteriorum, & piorum locorum infra scriptorum, videlicet Sanctorum Gereonis, Severini, Cuniberti, Andreæ, Apostolorum, ad Gradus Mariæ, Georgii, undecim Millium Virginum, Divæ Virginis Mariæ in Capitolio, Cecilie, Sancti Johannis Cordulæ, Sancti Anthonii, Prædicatorum, Minorum, Augustinensium, Carmelitarum, Carthusiensium, Regularium ad Corpus Christi, Cruciferorum, Mauricii, Gertrudis, Clare, Agathæ, ad Hortum Mariæ, ad Albas Dominas, Machabæorum, Maximini, Nazareth, Seyn, Wydenbach, Reynoldi, Bonifacii: Pastorum quoque Ecclesiarum Parochialium, totum & universalem, Primarium & Secundarium Clerum inclytæ civitatis Colonienſis repræſentantium: Nec non

etiam spectabilis & magnifici, ac Eximiorum, Doctissimorumque Virorum, Dominorum, Rectoris, & Deputatorum quatuor Facultatum memoratæ Almæ Universitatis Studii Colonienſis, meique Notarii publici, & Testium infra scriptorum ad hoc specialiter vocatorum & rogatorum præſentia, in Domo Capitulari memoratæ Ecclesiæ Metropolitana Colonienſis personaliter constitutus, proviſus vir Magister Henricus de Wilshufen, jam dictæ Universitatis Studii Colonienſis Pedellus juratus, præſatorumque Dominorum Prælatorum & Capituli Metropolitana, omniumque & singularum aliarum Ecclesiarum, Collegiatarum, ac Monasteriorum, & piorum locorum supra commemoratorum, totiusque & universalis Primarii & Secundarii Cleri: Nec non etiam prædictorum Dominorum Rectoris, & quatuor Facultatum, seu potius totius Universitatis generalis Studii civitatis Colonienſis, partium suarum principalem Syndicus, sive Procurator, ad infra scripta gerendum, & agendum ab eisdem suis partibus, citra tamen revocationem quorumcunque aliorum Syndicorum, sive Procuratorum suorum per eosdem hæcenus quomodolibet constitutorum, ordinatorum & deputatorum, specialiter & legitime constitutus: Eoque nomine Syndicatorio, sive Procuratorio, imprimis protestans, quod copiam personæ Reverendissimi in Christo Patris, & Illustrissimi Principis & Domini nostri, Domini Hermanni, Sanctæ Ecclesiæ Colonienſis Archi-Episcopi, Sacri Romani Imperii per Italiam Archi-Cancellarii, Principis Electoris, Westvaliæ, & Angariæ Ducis, Legatique nati, ac Administratoris Paderbornensis, Domini nostri gratiosissimi, ad finem infra scripta coram gratia sua Reverendissima gerendi, commode in præſentiarum habere non possit: Habensque insuper, ac suis in manibus tenens quemdam provocationis, & appellationis, Apostolorumque petitionis, infra scripti tenoris Libellum, quem eodem, quo supra, Syndicatorio sive Procuratorio nomine (præſati tamen Reverendissimi Domini nostri reverentia & honore semper salvis, ac alias citra injuriam cujuscunque, de quo etiam expresse & solenniter protestabatur) animo & intentione

a quibusdam indebitis & inconcessis præsumptionibus, novationibus, recusationibus, & denegationibus, caterisque gravaminibus, & comminationibus, præteritis & futuris, subsequuturis, universis & singulis in eodem Appellationis libello contentis & descriptis, provocandi & appellandi, Apostolosque perendi & recipiendi, alta & intelligibili voce legere incepit, & ad finem usque legit, atque juxta contenta & descripta in eodem, mox pro præfatis Dominis suis constituentibus, omnibusque aliis, successu temporis huic suæ Appellationi adhæsuris, & eorundem omnium nominibus, omni meliori modo, via, jure, causa & forma, quibus debuit & potuit, provocavit, & appellavit, Apostolosque desuper sibi & partibus suis a præfato Reverendo & Illustrissimo Principe & Domino Præposito & Archidiacono ac Cancellario, atque me Notario publico infra scripto, testimoniales saltem, primo, secundo, tertio, instantier, instantius, & instantissime dari, & concedi, ac de illis responderi petivit, & postulavit. Se quoque & prædictos Dominos, partes suas, eorundemque, & huic suæ appellationi adhærere volentium, personas, Ecclesias, Monasteria, & pia loca, res quoque & bona, jura, privilegia, libertates, statuta, consuetudines & observantias laudabiles, novas, & antiquas, singulari tuitioni, protectioni, & defensionis præfati Sanctissimi Domini nostri Papæ, Sacrosanctæ Sedis Apostolicæ, nec non Imperialis Majestatis, uti Ecclesiæ Dei supremi Advocati & Protectoris submisit ac subjecit, præsentis publici instrumenti tenore: Nec non de hujusmodi Appellatione sua loco & tempore congruis & opportunis insinuanda, intimanda, ac etiam legitime prosequenda; Nec non & quod hujusmodi Appellatione sua pendente, nihil prorsus ab aliquo attentetur, & innovetur, seu attentari & innovari debeat; Alioqui de nullitate omnium eorundem, ac damnis, injuriis, & interesse propterea passis & illatis, patiendisque, inferendis contra hujusmodi attentantes & innovantes, publice, solenniter, & expresse protestabatur. Cæteraque omnia & singula se se facere & peragere dixit, ac fecit & peregit, quæ in eodem subinferto provocationis & appellationis libello clarius &

prolixius contineri dicebat & haberi, continenturque & habentur. Cui quidem Magistro Henrico Wilshufen Syndico sive Procuratori, quo supra nomine, sic ut præmittitur in præsentia præfati Capituli Metropolitanæ, nec non Deputatorum omnium aliarum Ecclesiarum, & piorum locorum, Rectoris quoque & doctorum almæ Universitatis, provocanti & appellanti, ac Apostolos cum debita diligentia petenti, præfatus Reverendus Dominus, & Illustrissimus Princeps, Dominus Georgius Dux, Præpositus & Archidiaconus, atque Cancellarius, pariformiter & ego publicus Notarius infra scriptus, conjunctim & divisim, Apostolos testimoniales, ac alias tales, quales de jure melius & efficacius dare debui- mus & potuimus, dedimus & assignavimus, damusque & assignamus, præsentis publici instrumenti tenore. Super quibus omnibus & singulis præmissis, præfatus Magister Henricus de Wilshufen Pedellus, tam suo proprio, quam etiam, ut Syndicus sive Procurator primarii, & secundarii, & universalis Cleri, nec non almæ Universitatis studii Colonienfis, & eorundem nominibus, sibi a me Notario publico infra scripto, unum vel plura, publicum seu publica confici atque dari petiit instrumentum, & instrumenta, in meliori forma. Acta fuerunt & sunt hæc in loco, seu Camera Capitulari Ecclesiæ Colonienfis supradictæ, sub anno Domini, indictione, die, mense, hora, Pontificatu, & Imperio quibus supra. Præsentibus ibidem providis & discretis juris, Hermanno Top de Werlis, & Cornelio Crupht de Bonna, Clericis Colonienfis Diocesis, testibus ad præmissa vocatis pariter & rogatis. Tenor autem provocationis, & appellationis libelli, de quo supra fit mentio, sequitur ad verbum, & est talis. Quum appellationis remedium, & in oppressorum, & opprimi verisimiliter timentium relevamen, nedum lege positiva productum, sed & jure Divino & naturali stabilitum, comprobatum sit. Hinc est, quod ego Henricus de Wilshufen almæ Universitatis Studii Colonienfis Pedellus juratus, ac Syndicus, sive Procurator, & eo nomine insignis Capituli Metropolitanæ Colonienfis Ecclesiæ, ac etiam omnium aliarum Collegiarum Ecclesiarum, Monasteriorum,

& piorum locorum, seu Venerabilis primarii, ac secundarii, & universalis Cleri, nec non Magnifici Domini Rectoris, & almæ Universitatis generalis studii hujus inclytæ civitatis Colonien. ad infra scripta faciendum specialiter deputatus, sufficientique ad ea gerendum mandato communitus, coram Vobis Reverendo Patre & Illustrissimo Principe Domino, Domino Georgio, ex Ducibus Brunsvicensibus, & Lunenburgensibus, memoratæ Ecclesiæ Metropolitanæ Colonien. Præposito, Universitatisque studii Colonien. Summo Cancellario, tanquam persona sublimi, & Ecclesiastica dignitate prædita, Vobisque Notario publico, & testibus hic præsentibus & adstantibus constitutus, volens per ordinarium Appellationis præsidium, quibusdam longe maximis gravaminibus dictæ Metropolitanæ Ecclesiæ, torique Clero & Universitati hætenus actu continuo, adhuc etiam, proli dolor! durante, & in dies augescente, illatis, & posthac, ut metus est, inferendis, quantum per Dei gratiam fieri potest, mederi & occurrere, indemnitationis publicæ providere: Pro dictis Metropolitana, aliisque Ecclesiis, Monasteriis, & piis locis universalis Cleri, nec non Universitate, & illius membris conjunctim & divisim, omnibusque aliis, huic Appellationi adhæsuris, non sine partium mearum communi & gravi animorum dolore, dico, conqueror, & allego, quod quanquam Divino pariter & humano jure certa forma tractandarum, & agendarum causarum Ecclesiasticarum, tam quæ Sacrosanctæ Fidei & Religionis nostræ doctrinam, quam Ecclesiarum ordinationem, administrationemque & disciplinam concernunt, saluberrime constituta, & sancita sit, quam nulli, cujuscunque etiam dignitatis, gradus, seu præminentie fuerit, quovis modo infringere, seu transgredi conceditur: Ea videlicet, ut imprimis nemini liceat, quæ contra unamquamque hæresim coacta semel Synodus pro fidei communione & veritate Catholica & Apostolica promulgasset, novis retractationibus quomodolibet immutare: Deinde ut si recens ulla quaestio de doctrina Fidei & Religionis nostræ suboriatur, quæ hætenus dijudicata non sit, ea ad universalis Concilii determinationem rejiciatur: Si vero de

administratione, ordinationeque Ecclesiarum, & disciplina, quaestiones noviter inciderint, hæ, siquidem minores fuerint ad Provinciale Synodum canonice & legitime convocandam; Sin majores & difficiliore extiterint, ad Sedem Apostolicam referantur, utque ea relatione pendente nemo aliquid audeat innovare. Et quidem quod ad auctoritatem Episcopalem attinet, simili modo compertissimum sit, eam in Ecclesia Dei non in destructionem, sed in edificationem (ut Apostolus ait) positam & collocatam esse, idque potissimum, ut vigilantie ejus inspectione, hæresim, & schismatum semina tollerentur: Proindeque liqueat, hæc, quæ sequuntur, ad Episcopi officium quam maxime pertinere, veluti quibus neglectis necesse sit, schismata cumulativum irumpere: Primum, ut ubi aperte Dominus, vel ejus Apostoli, & eorum sequaces Sancti Patres sententialiter aliquid definiverint, ibi Episcopus non novam legem statuere præsumat; sed potius, quod definitum & prædicatum est, ad animam & sanguinem confirmare, & defendere nitatur, & contendat: utque Sacris Canonibus (quorum custos vocatur) nedum ipse debitam reverentiam exhibeat, sed & a suis subditis exhiberi, procuret. Secundo, ut in administratione Sacrosanctorum Sacramentorum, nobis ab Apostolis, & illorum Successoribus & institutione Christi traditorum, eam regulam & normam diligenter observet, & a suis Clericis observari faciat, quam ipse ab Apostolica Ecclesia veluti per manus traditam, accepisse dignoscitur, a qua etiam ulla temeraria novitate recedere sibi grave nefas esse ducat. Tertio, ut norit se vocatum in partem sollicitudinis, non in plenitudinem potestatis: Eaue de re eam obedientiam, quam ipse ab his, quibus Prælatum est, exigit, se suis quoque majoribus pendere debere. Postremo, ut in administranda Ecclesia hoc ante omnia spectet, quo lupos ab ovili Christi, hoc est, hæreticos, & schismaticos, a sua Ecclesia vigilantia cura abarceat: ut alienæ vel pollutæ communionis Clericos, seu a suis Episcopis segregatos, & præsertim perfidos Monasteriorum desertores, & apostatas Monachos, omnesque alios, qui ulla hæreseos, seu schismatis labe, aut su-

spicione

spicione, vel commaculati, vel gravati sunt, a se, rerumque Ecclesiasticarum administratione procul repellat, eosque modis omnibus prohibeat alienas insilire Parochias, ordinariisque Rectoribus & Pastoribus ullam molestiam inferre: Ecclesiam vero suam non privato, seu exterorum, sed suorum Presbyterorum & Clericorum consilio regat, ac gubernet, suosque Clericos, quasi Clericos honoret, ut ipsi a Clericis, quasi Episcopo, honos deferatur:

Et, si Metropolitanus sit, sine suorum comprovincialium Episcoporum consilio in causis communibus, nihil agat. Quæ item eorum accedente consilio semel bene statuit, ea rursus privatim ne abroget. Præcipuam vero sui primarii Capituli, a quo electus & præpositus est, rationem habeat, ac intelligat, se, & Capitulum suum unum corpus constituere, in quo non debeat caput omisissis membris alieno consilio in communibus Ecclesiæ negotiis uti. Quod id (non dubium) fuerit & honestati, & Sanctorum Patrum institutionibus contraire, veluti quibus expressim cavetur, ut Episcopus in Ecclesiæ suæ negotiis fratres suos requirat, & cum eorum, vel majoris partis consilio eadem peragat, & pertractet, & quæ statuenda sunt, statuatur, & errata corrigat, & evellenda dissipet & evellat.

Quum enim jura & dignitates Ecclesiæ per Episcopum & Capitulum pariter possideantur, & in re communi potior sit prohibentis conditio, consequi sane est necesse, Episcopum non posse privata autoritate suæ Ecclesiæ, vel Capituli conditionem deteriorem facere, seu sibi soli arrogare, quod communiter expe diendum est. Jam vero, & id in factum manifestum sit, qualiter jam dudum Apostolica Sedes Martinum Lutherum, omnesque illius complices, adhærentes, receptores, fautores, & sectatores, ut inobedienciæ filios, schismaticos & hæreticos, ab omnibus evitandos declaravit. Qualiter item Sacratissima Cæsarea Majestas pro Imperiali Majest. officio ac debito, nec non zelo ac studio defensionis Catholicæ, & orthodoxæ fidei, accedente consilio & assensu Electorum, aliorumque Principum, Ordinum ac Statuum Imperii, ejusmodi Apostolicæ Sedis sententiam exequendo, publico edi-

cto autoritate Imperiali decrevit, commemoratum Martinum, suosque complices, adhærentes, fautores, & sectatores, pro talibus, ut declarati sunt, ab omnibus habendos, & vitandos esse, sub criminis læsæ Majestatis, & amissionis feudorum & bonorum omnium, gratiarumque & privilegiorum, a se & Sacro Imperio dependentium, nec non proscriptionis & Banni, interdictique Imperialis pœnis, quemadmodum in eodem edicto latius continetur & habetur. Quod postea in Comitibus Augustensibus, anno Millesimo quingentesimo tricesimo, cum majori, & uberiore declaratione renovatum est, & rursus in Ratisbonensibus anno Millesimo quingentesimo quadagesimo primo (ubi de religione colloquium est habitum) hoc inter omnes Imperii Ordines conventum, ut omnes articuli de religione in Universale Concilium, seu, si id obtineri non posset, in Nationale, aut si utrumque successu careret, in Generalem Imperii Conventionem referrentur, prout relati sunt.

Ubi & hoc quoque diserte statutum, quod Prælati Germaniæ, non quidem pro suo arbitratu, aut ex improbatorum & adventitiorum hominum consultatione, sed inter se, & cum suis, quibus præessent, Christianam reformationem meditarentur.

Ita tamen, ut Pragmaticæ Augustanæ, nihil derogaretur; sed si quid forte inde disceptationis suboriretur, super eo Cæsareæ Majestatis declarationem expectandam fore. Cumprimis autem, ne Protestantes interea quemquam ad se pellicerent, attraherentve. Quod quoque statutum (quod ad relationem articulorum Religionis in Concilium, seu saltem futura Comitia, quod item ad prohibitionem coactæ, vel pellacis abstractionis seu defectionis a prisca Religione attinet) in novissimis Comitibus Spirensibus confirmatum constat: Denique & hoc manifestum sit, qualiter Reverendissimus in Christo Pater, & Dominus noster Hermannus, Sanctæ Coloniensis Ecclesiæ Archi Episcopus, Princeps Elector (qui & commemorato edicto, & Imperii decretis subscripsit) anno Millesimo quingentesimo tricesimo sexto, in hac Metropolitana Ecclesia, cum suis

suis Comprovincialibus Episcopis , ac commemorato suo Capitulo : Nec non Prælati, totoque Clero suæ Diœcesis personaliter constitutus, Provinciale Concilium ad præscriptum Sanctorum Canonum celebraverit, & in eodem communi & matura consultatione præhabita, quandam Catholicam Reformationem in hac sua Diœcesi, donec alia melior per Sedem Apostolicam, seu Concilium (quorum judicio etiam cum suam subjecit) succederet, observandam promulgaverit, & publicaverit, quæ una cum institutione doctrinæ Christianæ, etiamnum impressa extat. Cui quoque neque præfatum suum Capitulum, neque Clerus, quo minus per Canonicam Visitationem, aliasque legitimas vias ad debitam executionem deduceretur, unquam obstiterunt, sed potius se se ad hujusmodi, ac aliam quamcunque Christianam & Catholicam Reformationem (modo Catholice & Canonice instituatur) paratos semper obtulerunt, prout offerunt. Quamobrem præmissis omnibus sic se habentibus, & (ut merito erant attendenda) attentis, non licuerit præfato Reverendissimo Domino nostro Archi Episcopo, adversus ista, solo suo privato, seu extero consilio, prædictis partibus meis, & præsertim suo Capitulo inconsultis, in suæ Ecclesiæ, Cleri, & ipsorum Successorum præjudicium, aliquid præsumere, seu attentare, & multo minus adversus hæc a se præsumptis & attentatis, omnibus ipsorum piis & obsequiosis admonitionibus & deprecationibus spretis, inhærere, & duriora in dies ordiri & moliri.

Nihilominus tamen his omnibus male consideratis, Celsitudo sua Reverendissima quamplurima contraria præsumpsit, fecit & attentavit, quibus etiam in præsentem usque diem inhæsit, & in dies plura similia præsumere & attentare satagit. Principio enim Martinum Bucerum, hominem Monasticæ professionis desertorem, & bis incestis nuptiis pollutum: quarum primas cum votifraga Moniali, alteras cum bis vidua (ut quæ initio Oecolampadio, & deinde Capitone, alteri olim Monacho, & utrisque Presbyteris, impiæ Sacramentarium sectæ coryphæis nefarie nupta fuit) contra Legis Divinæ & humanæ interdi-

ctum contraxit: qui & non tantum se Lutheri, sui Magistri discipulum, & memoratorum Oecolampadii & Capitonis (quibus etiam Sanctitatis titulum affingit) symmachum & socium, editis publice libellis, professus est: sed & Argentinæ, aliisque in locis Sacramentariæ, seu Berengarianæ, & Iconoclastarum hæreseon præcipuus autor, illicque seditiosæ everfionis altarium, & imaginum, ac abolitionis Missæ, aliarumque piarum cæremoniarum, & Divini cultus (in Ecclesia Catholica hætenus usitati) nec non dissipationis Monasteriorum, & suppressionis Ecclesiasticæ libertatis inceptor, & tantorum facinororum signifer fuit. Hunc inquam Bucerum sua Celsitudo Reverend. una cum aliis cum pluribus, improbatis & schismaticis Concionatoribus, cum eodem conspirantibus (qui itidem omnes fere perfidi desertores Monasticæ & apostatæ sunt) ad se, præfatis suis Capitulo & Clero insciis, & ubi innotuisset, fortiter reclamantibus, accivit. Eoque sua privata autoritate Andernaci, Bonnæ, Lynzii, Kempenæ, angularibus videlicet, & medianis oppidis, aliisque in locis hujus Diœceseos prædicationi verbi, seu concionibus præfecit: præbita eis licentia, alienas Ecclesias, seu Parochias in injuriam verorum Pastorum eo prætextu insiliendi, & eorum ordinaria officia præoccupandi.

Secundo, tamen sæpe memoratum suum Capitulum una cum Clero & celeberrima Universitate generalis studii hujus incolæ civitatis Colon. Celsitudinem suam Reverend. diligenter & crebro commonefecerint, ipsi neque jure Divino, neque humano licuisse, Bucerum & sui similes schismaticos, verbi prædicationi præficere: tamen item, doctrinam Bucer (quam ille se Bonnæ profiteri & disseminare libello Germanico in hoc peculiari ter edito, testatus est) innumeris schismaticis & seditiosis articulis scatere manifeste ostenderint, prout judicium Cleri & Universitatis (quod hic repetitum volo) præter alia multa scripta, ad Reverendissimam Celsitudinem suam ea de causa missa, demonstrat. Et proinde Celsitudinem suam in publico Conventu omnium suorum Ordinum hujus Diœceseos, obsequiose & suppliciter obtestati sunt, ut

able-

ablegatis & amotis istis schismaticis & seditionis declamatoribus, in antiqua Religione perſeuerare: & vel Reformatione, jam pridem in ſuo provinciali Concilio edita in præſentia contentus eſſe; Sin minus, aliud Provinciale Concilium ſecundum Canonum præſcripta (ubi de Reformatione legitime agatur) indicare: vel denique Generale Concilium, quod tunc indiſtum erat, aut ſaltem publicum Imperii Conventum, qui inſtabat (ad quæ cauſa iſta Religionis, omnium Imperii Ordinum conſenſu accedente, ut ſuperius commemoratum eſt, relata erat) expectare dignaretur. Adeo tamen his omnibus nihil profecerunt, ut Celſitudo ſua Reverendiſſima ſuum inſtitutum acrius urgendo, volumen quoddam ſatis magnum & longum, ſub nomine Reformationis, per ſectarios iſtos componi & conſcribi, & commemoratis ſuæ Diceceſeos Ordinibus, publico Conventu ad hoc indiſto, exhiberi fecerit. Quanquam item tum præſatum inſigne Capitulum, per ſuum Decanum, alioſque ex ſuo gremio Capitulares Canonicos, Nuncios, & Commiſſarios ad ejuſmodi Conventum deputatos, cauſæ huius ſublimitatem, & pondus cum omnibus circumſtantiis, per ſuam Reverendiſſimam Celſitudinem merito penſandis, magna cum diligentia, prout res exigebat, rursus repeti & exaggerari fecerit, humiliter ſupplicando, ne ſua Reverendiſſima Celſitudo in re tanta quid præcipitantiuſ ageret; aliud tamen quam brevem admodum dilationem (intra quam, quæ ipſi Capitulo diſplicerent in eo libro, ex Scripturis refellere deberet) non potuit impetrare. Præterea quamquam idem Capitulum intra ejuſmodi dilationem (eſſi multo brevior, quam prolixitas tanti voluminis, tam longe excurrentis, poſcebat) jam diſtum volumen diligenter inſpexerit, & per Theologos, orthodoxos, pios, & Catholicos viros inſpici, & examinari fecerit, illudque, quantum fieri intra tantillum temporis potuit, diligenter inſpectum & examinatum, complurimis reſperſum articulis, partim hæreſim ac ſchiſma ſapientibus, partim ſcandalofiſ, & piarum aurium offeniſivis, partim cum Eccleſiaſtica æconomia e diametro pugnantibus, & fere iis ipſis, quos jam pridem

Sedes Apoſtolica, & Cæſarea Maieſtas, ſuo ediſto in Luthero damnavit, deprehenderit. Et ad inſtruendum ſuper his Celſitudinem ſuam Reverendiſſimam, quoddam orthodoxum & Catholicum ſcriptum reſutatorium, quod latine verſum, Antididagma viſum eſt appellare (in quo ſigillatim tales articuli annotati, & per Scripturas ſacras, orthodoxamque & Catholicam Eccleſiæ doctrinam, & Sanctorum Patrum conſenſum & definitionem reprobati comperiuntur) conſcribi curaverit, (quod etiam ego Syndicus nomine, quo ſupra, pro juſtificatione præſentis Appellationis hic repeti, & pro repetito haberi volo) illudque tum Celſitudini ſuæ Reverendiſſimæ cum magna ſubmiſſione tranſmiſerit, unice obſecrans, ut tale ſcriptum diligenter perlegere, & quæ illic ad propugnationem Fidei & Religionis noſtræ Catholicæ, bona fide & ſinceriter adducta non dubitant animadvertere: illisque attentis librum ſuum obtentæ Reformationis ſupprimere dignaretur: A Celſitudine ſua Rev. nihil minus expectantes, quam quod ſcripto eo noſtro ſpreto & contempto, & forſan nunquam lecto, neque Ordinibus ſuæ Diceceſeos, ſeu illorum deſectis (pro ut tamen in antediſto Conventu pollicita erat, ſe facturam) communicato, volumen ſuum imprimendum curare, edere, & in publicum emittere debuiffet: Nihilo ſeciuſ tamen, Reverend. Celſitudo ſua, his omnibus poſthabitis, prava & ſeducitrice ſuggeſtione eorum, qui volumen illud pro ſua libidine congeſſerunt, circumventa, idem volumen eſſi ab Autographo ſcripto ſuo Capitulo prius miſſo & communicato, valde diverſum, typis æneis incudi & imprimi; & primum quidem complura exemplaria huc, illuc, deinde vero in Comitibus Spirenſibus proximis, inter complures Germaniæ Principes ſpargi fecit. Jam vero demum in Nundinis Francofordienſibus, ad Natale Virginis Matris proxime præteritum habitis, & nunc quidem in hac inſigni Agrippina Colonia, ea etiam publice & paſſim venum exponi, & divendi curavit, & curat. In quorum ſane procemio inter cætera & hoc conteſtatur, ſe jam ſecum plane delibeſſaſſe & conſtituiſſe, in ea doctrina, quæ hoc ſuo volumine continetur, velle perſiſtere,

fitere, eamque, quantacunque diligentia poterit, executioni committere, promovere, tuerique: nec super ea diutius, ne ad horam quidem, quorumcunque hominum commune aut privatum iudicium expectare: quemadmodum etiam quæcunque in volumine illo habentur, per modum præcepti digesta sunt, & ut statim exequenda promulgantur, prout etiam nunc passim schismatici illi prædicantes, quos Celsitudo sua Reverendissima in hanc Diocesim invexit, ad illius suæ obtentæ Reformationis præscriptum, atque etiam sæpe deterius & seditiosius sua improbata & damnata dogmata ubi vis spargere, summo conatu adnuntur: veris, & legitimis Pastoribus, & animarum Curatoribus illis cedere iussis & abactis. Quibus & nunc suæ Reverendissimæ Celsitudinis mandatis identidem iungitur, ut illis sectariis, Sacramentorum administrationem in ipsorum Ecclesiis exercere permittant, non quidem ad Ecclesiasticam & Catholicam formam, sed novo plane more, lingua Germanica, & quemadmodum Prædicantibus istis videtur; hoc est, non sine veterum solennium precum (quibus Beatus Augustinus tantum tribuit, ut de his diceret, quod legem credendi lex statuit supplicandi) abrogatione, piarumque & a temporibus Apostolorum in Ecclesia Dei ad Sacramentorum exhibitionem usitatarum ceremoniarum, nec non a tot sæculis uniformiter observatæ Missæ, & Sacri Canonis (in quo Corpus & Sanguis Domini consecrantur) nefaria abolitione. Quin & nunc eo ventum est, ut commemoratis ordinariis Pastoribus & animarum Curatoribus, aliisque Ecclesiarum Presbyteris ac Clericis, per Reverendissimam suam Celsitudinem subinde districte mandetur, ne vel officium prædicationis exercendo, vel in Ecclesia Divina officia decantando, breviter, ne facto vel verbo Pseudo-Ecclesiasticis illis ullo impedimento sint: cum prohibitione Ecclesiasticæ jurisdictionis hætenus exerceri solitæ. Ut taceamus, quod a tempore, quo primum Bucerus accitus est, non sine multorum infirmorum gravi scandalo & corruptione circumlati sint, ac etiamnum passim in hac Diocesi impune circumferantur libelli omnium perniciosissimi. Qualis inter alios est li-

bellus Lutheri hæresiarhæ in Canonem Missæ, plane impius & blasphemus, & libellus Joannis Meynertzhagen apostatæ Monachi, moderni declamatoris Bonnenfis, in locum Bucerii surrogati (qui & recens se incestis nuptiis confurgavit) sub titulo: *Des Christlichen Bürgers Hand-Büchlein* x. blasphemis & impietatibus plenus, suo tempore in deductione & prosecutione hujus Appellationis speciatim designandis; ad quem finem etiam præacti libelli, pro justificatione ejusdem Appellationis, hic repetuntur. Jam ut antedictum Capitulum, una cum Clero civitatis Coloniensis præfatum Reverendissimum Dominum nostrum de his non semel admonuerit, & ut in Meynertzhagen alterius libelli auctorem, & in impressores & venditores utriusque, Bonnæ, & alibi commorantes, animadverteret, requirerit; ejus tamen nihil potuit obtinere. Quo fit, ut idem Meynertzhagen, & ceteri Prædicantes isti, suis hæreticis & schismaticis ad populum declamationibus verbum Dei miris modis adulterare, Sacramenta, & illorum administrationem Ecclesiasticam & Catholicam, palam irridere, blasphemare, & contemptim explodere, plebem in Ordinem Ecclesiasticum concitare, & nihil aliud in hac Diocesi, quam dissensiones, contentiones, amulationes, rixas, sectas, invidias, atque adeo cædes, & subinde violentas turbationes, publici Divini cultus (quales nuper Andernaci, Bonnæ, Kempenæ, & alibi, magno cum piorum gemitu, præter omnem subsecutam animadversionem, quam leges gravissimam requirunt, visæ sunt) excitare pergunt. Ex quibus omnibus nihil aliud tandem (nisi tamen optimis remediis tantis malis tempestive obviam eatur) sequi est necesse, quam prædictæ Ecclesiæ Metropolitanæ, & totius Cleri, hujusque insignis Dioceseos indubitatam everisionem, almæque hujus Catholicæ Universitatis, atque adeo veteris & Catholicæ Religionis extirpationem, omnis obedientiæ dissipationem; denique rerum omnium horribilem & deplorandam confusionem, non sine gravi metu sensum subsecuturæ finalis ruinæ totius inferioris Germaniæ; quod ea fere tota a constantia Fidei & Religionis incly-

inclutæ Agrippinæ (in præsentiarum ab hæreticis & schismaticis circumlatrantibus periculossime obfessæ) dependere videatur. Quum itaque omnia & singula præmissa sic, ut præscribitur, se habeant, eaque præfatus Reverendissimus Archiepiscopus noster, quamlibet monitus & interpellatus, emendare plane negligat: Imo ut ex veridica relatione intelligitur, Reverendissima Celsitudo sua intendat, quæcunque in prædicto suo libro obtentæ Reformationis continentur, per quandam præposteram visitationem, opera suorum schismaticorum, effectui mancipare: Et interim Sacris Canonibus caveatur, quod sicut laudabile discretumque est, reverentiam & honorem exhibere Prioribus, ita vicissim rectitudinis & Dei timoris sit, si quæ in eis sunt, quæ indigent correctione, nulla dissimulatione postponere, ne tum (quod absit) corpus morbus invadat, si languor non fuerit curatus in capite: Et proinde Prælati antedicti & Capitulum Metropolitanæ Ecclesiæ, uti proxima membra, una cum toto Clero, teneantur hæc tam gravia, nedum omni sollicitudine & vivacitate indagare, sed & Superioribus suis, cujuslibet personæ gratia & favore (quæ veritati cedere debent) longe postpositis, viis legitimis intimare, ne si in his pigri & negligentes reperti fuerint, eorum omnium apud Deum se reos & participes faciant: Et rursus caveatur, neminem Clericorum Apostolicæ offensæ futurum immunem, qui, si quid in Ecclesia damni, vel quæ sint prohibita, Pontificem viderit facientem, id dissimulaverit, præsertim in causa fidei, pro cuius sinceritate retinenda, quilibet Christianus & imprimis Clerus se totum impendere, & pro Ecclesia Dei se se veluti murum contra omnem hominem opponere tenetur, ne facientis culpam contrahat, qui, quod potest corrigere, negligit emendare.

Quod & tanto magis ipsis incumbit, ne scilicet propter suam dissimulationem & negligentiam (quam scrupulo occultæ societatis non carere Canones definiunt) pœnas privationis omnium & singulorum suorum privilegiorum, jurium & bonorum, ex vi Imperialis edicti supra commemorati, quod nedom in facientes, sed & consentientes distringitur, amittant. Denique cum jure expresse cautum sit, quod

si ex facto Episcopi aliquod præjudicium, seu jactura Ecclesiæ quomodolibet generetur, seu generari verisimiliter timeatur, tum posse & debere Capitulum tali facto obviare & contradicere, atque etiam ab eodem appellare, quodque Episcopus tali appellationi sub gravissimis pœnis, alioqui incurrendis, deferre teneatur.

Hinc ego Syndicus præfatorum Dominorum Prælatorum, & Capituli Ecclesiæ Metropolitanæ, ac secundarii & universalis Cleri, nec non Rectoris, & totius alme Universitatis studii Coloniensis, & eo nomine respective sentiens, eandem Ecclesiam Metropolitanam, omnesque alias Ecclesias, Monasteria & pias Domos, totumque Clerum hujus insignis Civitatis Coloniensis, imo totius Dioceseos, & hanc insignem Universitatem, & illius membra, per commemoratas indebitas & inconcessas præsumptiones, novationes, recusationes, & denegationes præfati Domini nostri Archiepiscopi, & alia præmissa per Reverendissimam Celsitudinem suam quomodolibet in & circa præmissa, aliena magis circumventionem, quam dedita opera, facta & procurata, gravissime læsos & gravatos, timeamque partes meas verisimiliter temporum successu plus lædi & gravari posse; idcirco & ne mora longior ingens periculum afferat, ab eisdem partibus meis hæcenus inflictiis, & adhuc perturbantibus, & in futurum forsân infligendis gravaminibus omnibus, melioribus modo, via, jure, causa, & forma, quibus melius & efficacius possim, & debeo, pro eisdem partibus meis, omnibusque aliis & singulis successu temporis huic appellationi adherentibus & adhæsuris, ad Sanctissimum in Christo Patrem & Dominum nostrum, Dominum Paulum, ejus nomine Tertium, Sanctæ Romanæ & universalis Ecclesiæ Pontificem maximum, Sanctamque Sedem Apostolicam, Legatumve missum, vel mittendum: nec non etiam ad Invictissimum & Gloriosissimum Principem & Dominum nostrum, Dominum Carolum Rom. Imper. semper Augustum, Regem Catholicum, &c. Dominum nostrum Clementissimum, uti religionis nostræ Sacrosanctæ, & Ecclesiæ Dei supremum Advocatum & Protectorem, & eorum (quæ in hujusmodi causa religionis hæcenus

definita sunt) legitimum executorem , &c. conjunctim & divisim , & prout conjuslibet harum summarum potestatum officium hæc res concernit (cum in executivis simus) in his scriptis provoco & appello , mihiq; a vobis Reverendo Domino & Illustrissimo Principe Domino Præposito , & Archidiacono Ecclesiæ Metropolitanæ , nec non almæ Universitatis Studii Colonienfis , Cancellariò dignissimo , pariter & vobis Notario publico , seu alio quocunque dare , & concedere valente Apostolos , saltem testimoniales , primo , secundo , tertio , instantè , instantius , & instantissime dari peto & repeto . Subjiciens me , & præfatas Metropolitanam , aliasque Ecclesias , Monasteria & pia loca prædicta , totumque Clerum & Universitatem Studii Colonienf. nec non & singulares personas eorundem , & illorum omnium res & bona , privilegia , libertates , & jura singulari tuitioni , protectioni , & defensionì , prædictæ Sanctæ Sedis Apostolicæ , & Cæsareæ Majestatis , solenniterque & expresse adversus omnes & singulos , cujuscunque status , gradus & conditionis fuerint (qui hujusmodi appellatione pendente adversum prædictum insigne Capitulum & Clerum , nec non & Universitatem ipsam , eorumque res & bona , quidquam quomodolibet attentare præsumperint) protestans de nullitate & penis contra tales innovatores tam in Canonicis , quam Imperialibus constitutionibus fulminatis , eo ipso incurrendis ,

deque hujusmodi Appellatione intimanda , insinuanda , & prosequenda , loco & tempore congruis & opportunis . Salvo jure addendi , mutandi &c. Et protestor prout fuit , & est moris &c. Et ego Thielmannus Gravius , Clericus Colonienf. publicus Sacris Apostolica & Imperiali autoritatibus Notarius , & Capituli Metropolitanæ Ecclesiæ Colonienf. Secretarius juratus : quia prædictæ appellationis coram præfato Reverendo & Illustrissimo Principe Domino Georgio Duce , Præposito & Cancellario , in præsentia Dominorum prædictorum interpositioni , ac provocationi & appellationi , Apostolorumque petitioni , & testimonialium dationi , omnibusque aliis & singulis præmissis , dum sic , ut præmittitur , fierent & agerentur , una cum testibus prænominationis interfui , eaque omnia & singula sic fieri vidi , & audiui , ac parim peregi : ideo hoc præsens publicum instrumentum in quatuor foliis præcedentibus manu alterius (me interim aliunde legitime præpedito) fideliter conscriptum , exinde confeci , subscripsi , publicavi , & in hanc publicam formam redegi , signoque , nomine & cognomine meis solitis & consuetis signavi : rogatus pariter , & in vim juramenti mei (Reverendis & Illustribus ac Eximiiis Dominis meis de Capitulo Colonienf. Ecclesiæ prætactæ olim præstiti) serio admonitus & requisitus , in fidem & testimonium omnium & singulorum præmissorum .

Lunig. Cont. III. Spicileg. Eccles. pag. 560. Eandem Protestationem & Appellationem exhibet Meshovius in Historia Schismatis Hermanni V. Archi-Ep. Colon.

Hac ad Pontificem , Cæsaremque Provocatione non magnopere territus Hermannus Archi-Episcopus , a promovenda Reformatione Lutherana non tantum non destitit , sed eandem urit vehèmentius , nulla reperitarum a Capitulo Metropolitano precum , nulla Caroli V. Cæsaris mandatorum habita ratione . Immo , teste Strunkio , post interpositam hanc a Colonienfibus protestationem , Paderbornensem quoque in Diocèsim , cujus ipsi ab Anno 1532. commissâ fuerat administratio , Lutheri dogmata invchere nitebatur , edito mandato , quo per omnes ejus ditionis urbes & oppida veteres Ecclesiæ Catholicæ ceremoniæ jubebantur aboleri , novique ritus adoptari , ad Augustanæ Confessionis normam compositi .

Qua perpeffa viri pertinacia primum a Cæsare , dein & a Romano Pontifice in jus vocatus fuit . Cum neutri faceret satis , mitioraque omnia remedia , quæ in eo ad saniora consilia revocando adhibita fuerunt , eluderet ; tandem Pontifex , potentantibus Clero & Academia Colonienfi , quibus cæteri Patriæ Ordines , sinique vicarii Episcopi Leodiensis & Ultrajectensis , cum Academia Lovaniensi se conjunxerunt , in Hermannum sententiam tulit , eumque , quod *Salutis sue immemor , contra Regulas & Jemata Ecclesiastica , ac Apostolicas Traditiones , nec non Consuetudines Religiosas veteres in Ecclesia consuetos ritus & ceremonias , & Leonis Papæ A. censuras , adversus Lutherum & sequaces , eorumque fautores editam non uno modo pecca-*

peccarit, ab Ecclesiæ communione submovit, ac *Archi-Episcopatu Colonienſi*, & *adminiſtratione Episcopatus Paderbornenſis*, aliſque *Prælatuſis*, *Dignitatibus*, *Pœbendis*, *Beneficiis Eccleſiaſticis*, nec non *Penſionibus annuis*, *Juribusque* & *Privilegiis*, ac *omnibus* & *ſingulis bonis*, etiam *feudis*, *Eccleſiaſticis* privavit, ac *privatum* declaravit &c.

Leſta, *lata*, & *publicata ſuit ſupra ſcripta ſententia* *ſub anno a Nativitate Domini* & *Servatoris noſtri Miſleſimo*, *quingentefimo*, *quadrageſimo ſexto* . . . *Die vero decima ſexta Aprilis*.

Eandem integram vide apud *Mesbovium Lib. cit.* ubi alias etiam exhibet ejusdem Pauli III. Papæ literas, quibus Adolphum Schauenburgicum, qui jam pridem Hermano Coadjutor datus fuerat, in ejusdem locum Archi-Episcopum declarat: monitis Provinciæ Ordinibus, ut eundem pro ſuo Præſule recipiant, & agnoſcant. Datæ hæ fuerunt eodem anno 1546. die 3. Julii.

SYNODUS SALISBURGENSIS

Anno Chriſti MDXLIV. Pauli III. PP. X.

Caroli V. Imp. XXVI.

SUB ERNESTO (*) ARCHI-EPISCOPO.

De hac Synodo ſequentia refert Hanſizius:

" Poſt plura de Religione colloquia,
" quibus Erneſtus vel ipſe inter-
" ſuit, vel per Legatos, celebratus eſt
" anni 1544. principio conventus Spi-
" ræ, ubi tamen more ſuperiorum con-
" ventuum nihil conſectum. Id conſti-
" tutum erat, ut in proximo congreſſu,
" qui Wormatiæ habendus eſſet, de
" controverſiis accuratius diſceptaretur:
" In quo quid reſpondendum eſſet, quid-
" ve in medium conſulendum, Erneſtus
" in Synodo Salisburgi convocata anno
" eodem 1544. deliberavit. Eo, præter
" Salisburgenſes, advenerunt etiam Epi-
" ſcopus Auguſtanus, & Aiſtetenſis.
" Aderat etiam vocatus e primis Ordini-
" nis Jeſuitici Decemviris Claudiuſ Ja-
" juſ, vir egregiis pro Religione labo-
" ribus in Germania pertunetus. Is pri-
" vatim commentarium elucubraverat
" hoc ipſo de argumento, in quo ad-
" ſtruebat, rem indignam, & periculi
" plenam eſſe, in conventu civili, lai-
" coque de quæſtionibus Fidei, dudum
" in Eccleſia deſinitis, judicium reoqui,
" nedum quidpiam decerni. Id facile

" pertuaſum Erneſto, qui lucubrationis
" exemplo in ſcriptum relato, proban-
" tibus aſſeſſoribus Episcopis ita decre-
" vit, nec tuo, nec ſuorum Episcoporum
" nomine quicquam, injuſſu Ro-
" mani Pontificis de Religione in con-
" ventibus civilibus actum iri. Atque
" hæc totius Synodi clauſula fuit, cui
" primus ipſe Salisburgenſis, deinde Au-
" guſtanus & Aiſtetenſis, cæterique
" deinceps Episcopi ſubſcripſerunt. Tum
" audita vox inſignis Auguſtani Ottonis
" Truchſeſſii, qua dicebat: Amittere ſe
" denos Episcoparus, & patrimonium,
" & vitam ipſam malle; quam ulla in
" diſceptatione cum Lutheri ſectatori-
" bus conſentiret. Ipſe quoque Metro-
" polita, cujus & auctoritas erat permag-
" na, & poteſtas, adeo obfirmabat ani-
" mum, ut nihil ulla in re Proteſtantium
" cupidini concedendum ſtatueret. Hæ-
" bita hæc fuit Synodus exeunte jam
" anno.

*Hanſizius Germ. Sacræ Tomo II. in
Erneſto.*

(*) Erneſtus, Alberti Sapientis, Bavarie Ducis, & Cunigundæ Auſtriacæ filius, poſt-
quam Episcopatum Patavienſem in annum tertium ſupra vicesimum magna laude
adminiſtraſſet; tum propter propria virtutum decora, tum ob Sereniſſimorum Fra-
trum in Eccleſia Salisburgenſem merita, ad hanc Metropolim regendam poſtula-
tus ſuit anno 1540. Placiſſimi animi Princeps erat, & in commoda ſubditorum
ſemper intentus. Duas Salisburgi Synodos celebravit, alteram anno 1544, alte-
ram

ram 1549. Quanquam omnibus egregii Præfulis virtutibus esset excultus, ob animi tamen modestiam, qua de se humillime sentiebat, adduci nunquam potuit, ut Sacerdotii dignitatem admitteret. Unde, cum in Comitibus Augustanis anni 1548. præter cætera capita Reformationis, sancita fuisset ea lex; ut nemo Episcopatum teneret, qui ejus ordinis gradu solenni inauguratione donatus non esset; maluit Metropolitana Cathedra cedere, quam augustum illud suscipere munus, quo se indignum reputabat. Igitur anno 1554. Salisburgensis Ecclesiæ administrationem, quam annis circiter quatuordecim summa fide & vigilantia, maximeque omnium ordinum approbatione gesserat, abdicavit, ac paulo post Glacensem in Comitatum, quem suo peculio, frugalitate parto, coemerat, se recepit, soli Deo deinceps, & sibi vacaturus. Exacto ibidem sexennio, inculpatæ vitæ diem extremum clausit anno 1560. Funus Monachium deportatum, & in avito Bavarie Ducum Mausoleo, quod unicuique ex Paterna hæreditate sibi reservaverat, tumulatum fuit.

Hanfiz. L. cit.

SYNODUS COLONIENSIS

Anno Christi MDXLVIII. Pauli III. PP. XIV.
Caroli V. Imp. XXX.

Sub Reverendissimo & Illustrissimo Domino, D. ADOLPHO, ()
Sanctæ Coloniensis Ecclesiæ Archi-Episcopo, Sacri Romani Imperii
per Italiam Archi-Cancellario, Principe Electore, &c.
habita.*

*Vocatio Ordinum Ecclesiasticorum ad
Synodum, secunda Octobris celebrandam.*

ADOLPHUS, DEI GRATIA SANCTÆ COLONIENSIS ECCLESIAE
ARCHI-EPISCOPUS, SACRI ROM. IMPERII PER ITALIAM ARCHI-
CANCELLARIUS, PRINCEPS ELECTOR, WESTPHALIÆ, ET ANGARIÆ
DUX, LEGATUSQUE NATUS &c. UNIVERSIS ET SINGULIS ABBATIBUS,
PRIORIBUS, PRÆPOSITIS, DECANIS, TAM COLLEGIALIBUS, QUAM RU-
RALIBUS, ECCLESIAIARUMQUE PAROCHIALIUM RECTORIBUS, MONASTE-
RIIS, ET CONVENTIBUS, ET ALIIS, QUI SYNODO NOSTRÆ EPISCO-
PALI DE JURE, VEL CONSUETUDINE INTERESSE CONSUEVE-
RUNT, ET DEBENT, SALUTEM IN DOMINO
SEMPITERNAM.

Benedictus DEUS, & Pater Domini nostri JESU CHRISTI, Pater
misericordiarum, & Deus totius conso-
lationis, qui consolatur nos in omni tri-
bulatione nostra. Is superioribus diebus
Ecclesiam suam, jam multos annos ab
infä-

(*) Adolphus, tertius hoc nomine Archi-Episcopus Coloniensis, Patre Jodoco Comite de Schawenburg, Matre Maria Nassovica natus, ob insignem prudentiæ & eruditionis laudem jam pridem ab Hermanno V. prædecessore in sociam administrationis curam assumptus fuit, eidemque in Synodo Provinciali anno 1536. celebrata adjutor assedit. Hermanno ob hæresin deposito, communi acclamatione Cleri, populi in Archi-Episcopum receptus, continuo abrogavit omnia, quæ per Lutheranam Reformationem innovata in Dicecesi fuerant: eosque & loco movit, & dignitatibus nudavit, qui hæresin promoverant. Eodem hoc anno 1548. dum Augustanis interesset Comitibus, a Carolo V. Imp. Electoris accepit Insignia: ibidem Sacerdotii ad Ordinem solenni ritu promotus, coram Carolo & Ferdinando Augustis

infanis & sceleratis hæreticis nostri temporis, graviter & miserabiliter divexatam, & afflictam, ex infinita sua misericordia respiciens, per religiosam Christianissimi & Clementissimi Imperatoris nostri CAROLI Quinti sollicitudinem, mirifice consolatus est. Unde nos plurimum gaudere, & exultare in Domino debemus, ipsi gratias agentes, quod naviculam suam, spiritualium ventorum & procellarum turbine dire conqussatam, ac in mediis fluctibus periculossime, & pene ad desperationem usque laborantem, secundum veracissimam promissionem suam non deseruerit, reddita ei spe securitatis, maxima & certa fiducia, ex hac sæva & horrida tempestate semel tandem emergendi, & ad portum Catholicæ tranquillitatis & pacis celestis favore feliciter pertingendi. Audistis enim haud dubium omnes, & quamplurimi ex vobis scripto etiam cognoverunt, quemadmodum Invißissimi, & Excellentissimi Principis pietas, Spiritu Dei incitata, in proximis Augustenßibus Comitibus, Religionis reparandæ, restituendæque causæ, a se clementissime indictis, omnem animi ac consilii sui vim eo intenderit, ut sua providentia omnem dissensionem, contra integritatem fidei, & religionis Catholicæ a schismaticis & pestilentissimis apostatis in hac inclyta Natione nostra perniciosissime excitatam, restingeret, ac sopiret, nihilque in Catholica Ecclesia impacatum relinqueret, quod ad suam gloriam quam maxime pertinere existimaret; ut, cujus tutelam a Deo suscepit, eam & captivitate vere Babylonica, in pristinam vindicaret libertatem. Quam in re bonum profecto initium fecit, quando inter cætera in sua Imperiali declaratione, quomodo in negotio Religionis per Imperium, usque ad de-

finitionem Concilii Generalis vivendum sit, a communibus Imperii statibus, qui Ecclesiæ Catholicæ institutiones & decreta hætenus observaverunt, clementer requisivit, ut eadem deinceps in suis ditionibus religiose observent, constanterque teneant, & a suis subditis observari & teneri faciant, nec se avelli ab eisullo modo patiantur, aut omnino quicquam immutent, adempta eis facultate, novos ritus ubilibet sectandi, vel retinendi. Quod & status isti Catholici (e quorum numero Dei benignitate & Nos sumus, & eodem bene favente, perpetuo erimus) se facturos & perleveranter observaturos esse, jam ante obtulerunt, & requisitione facta, libenter receperunt. Porro cum sua Majestas sapientissime secum considerasset, omnium harum calamitatum & malorum, quibus Ecclesia Catholica tam diu jacuit oppressa, unicam causam esse iniquitates, scelera, & peccata nostra præterita, ob quæ (ut Propheta ait) (*) *Stillavit super nos maledictio & detestatio, quæ scripta est in libro Moysis (**) servi Dei*; ea de re ad Reformationem morum ac disciplinæ Cleri, animum inprimis appulit, veluti ad unicum remedium, quo mediante, excisa omnis mali causa, finem denique malorum omnium inde promanantium, a Deo propicio, certissime sperare possimus. Formulam igitur quandam Reformationis, a viris Catholicis, Theologis, sacrarum literarum peritis, & singulari fide, & veræ religionis zelo præditis, conscriptam, statibus Ecclesiasticis, hoc est, Nobis Archi-Episcopis, Episcopis, aliisque Ecclesiarum Prælati, in memoratis suis Augustenßibus Comitibus, ad deliberandum proposuit. Qui nobiscum perpendentes, quantum præsidii Dominus Ecclesiæ suæ in ejus clementia præpara-

rit,

gustis primam DEO hostiam litavit. Inde redux, Clerum omnem ad Synodum Diocesanam, atque altero mox anno ad Synodum Provinciale convocavit, in id unum totis viribus intentus, ut, quæ per Antecessorem suæ Ecclesiæ illata fuerant, fidei damna faceret, Clerique simul ac populi mores secundum oblatam a Carolo, & ab Episcopis probatam Reformationis formulam emendaret. Eum in finem duas iterum anno 1550. Synodos, ac aliam rursus A. 1551. celebravit; quo anno Tridentini etiam Concilii Sessioni XIII. XIV. & XV. interfuit, itemque anno 1555. Augustinis Imperii Comitibus; ubi cum oblata illi fuisset Pacificatio Passaviensis, adduci nulla ratione potuit, ut eandem sua subscriptione probaret. Anno 1556. Brulæ ardenti febri correptus, eademque extinctus fuit XII. Cal. Octobris, postquam Diocesi præfuisset annis IX. mens. VII. dieb. XXV. Vir de Ecclesia optime meritus, ac vita longiore dignus.

Mörckens in Conatu Chronologico ad Catalog. Archi-Episcopor. Colon.

(*) Dan. 9.

(**) Deut. 27.

rit, Formulam istam diligenter visam & perspectam, quo paci publicæ consuleremus, & per eam Ecclesiarum, & Clerorum nostrorum utilitati commodius provideremus, uti Divinis literis, & sacris Canonibus consentaneam, probavimus, eamque singuli in nostris Ecclesiis & Decesis debita executioni per Synodos, cum Episcopales, tum Provinciales, ut ea res postulat, intra præstitutum tempus demandare velle promissimus.

De his igitur tam pie & religiose gestis, Vos omnes & singulos certiores reddentes, in virtute sanctæ obedientiæ, autoritate nostra Archiepiscopali, in Domino requirimus, & monemus in primis, ut secundum Cæsareæ Majestatis seriam declarationem & mandatum, Ecclesiæ Catholicæ institutiones & decreta tam in doctrina, quam Sacramentorum administratione, & disciplina in Ecclesiis, Monasteriis, Sacellis, & Oratoriis vestris, ac alias ubilibet, posthac religiose observetis, constanterque teneatis, observarique & constanter teneri faciatis; neque ab eis ullo modo Vos avelli, vel immutari quicquam patiamini.

Deinde simili modo requirimus Vos, & monemus, ut ad alteram diem post Remigii Confessoris, quæ est secunda Mensis Octobris, quam celebrationi Synodi nostræ Episcopalis, pro executione memoratæ Reformationis, ut hactenus quoque semper fuit, destinata, præfixamque esse volumus, in civitate nostra Colonienfi, omni excusatione remota, obedientes compareatis, audituri à Nobis, & facturi Nobiscum omnia, quæ ad extirpationem errorum, & consentientem Divinorum Sacramentorum, & Ecclesiasticorum Officiorum administrationem, morum correctionem, salutariisque disciplinæ observationem, secundum ejusmodi Ecclesiasticæ Reformationis tenorem, ac Sacras Scripturas, & scita Sacrorum Canonum, necessaria videbuntur & opportuna.

Ne vero quisquam tum, per obtemperantiam Reformationis hujus, quoquo modo se valeat excusare, mittimus Vobis, & vestrum cuivis, secundum suum munus & officium, unum vel plura ejusdem Reformationis exemplaria, inter suos, suæque curæ com-

missos publicanda & distribuenda, præsertim per vos Decanos Rurales, in Ecclesiis Parochialium Rectores, sub vestris Decaniis commorantes. Vos nihilominus omnes & singulos prædictos in Domino fideliter exhortantes, ut statim exemplaribus istis acceptis, ad illorum præscriptum vitam, mores, & officium vestrum exigatis, & quæ secus habent, quæque adversus ea, & Ecclesiæ Catholicæ, sacrorumque Conciliorum instituta, in Ecclesiis, Monasteriis, Sacellis, & Oratoriis vestris, recens postortam in religione dissensionem, quælibet invecita, seu introducta fuerint, quantum in Vobis est, e medio tollatis. Quod si minus poteritis, saltem eos, qui in hac re vobis obstitent, aut secundum hanc formam se reformare detrectabunt, Nobis in futura Synodo, ut vel nostra autoritate coerceantur, vel Cæs. Majestati secundum jussionem ejus, Nobis desuper factam, indicentur, denunciatis: Omnino caventes, ne quisquam vestrum, gratia, aut formidine potestatum secularium se depravari sinat, ut a veritate abscedat. Certificantes etiam vos omnes & singulos prædictos, præsentium per tenorem, ut sive ad præfixam Synodo diem compareatis, sive minus, Nos nihilominus ad executionem Reformationis prædictæ, ex officio Nobis injuncto, per remedia opportuna processuros esse, refractariorum contumacia non obstante.

In fidem & testimonium præmissorum, præsentibus nostras literas, sigillo nostro subimpresso fecimus communiri. Datum in Arce nostra Brülensi, prima mensis Septembris, Anno Domini 1548.

Mandatum de abjiciendis Concubinis.

ADOLPHUS, DEI GRATIA SANCTÆ COLONIENSIS ECCLESIE ARCHIEPISCOPUS, SACRI ROMANI IMPERII PER ITALIAM ARCHICANCELLARIUS, PRINCEPS ELECTOR, WESTPHALIÆ ET ANGARIÆ DUX, LEGATUSQUE NATUS, &c. OMNIBUS ET SINGULIS PRÆPOSITIS, DECANIS, CANONICIS, PLEBANIS, ALIISQUE COLLEGIATARUM ET PAROCHIA-

LIIUM

LIUM ECCLESiarUM AC CAPELLARUM
RECTORIBUS, VICARIIS, PRESBYTERIS,
ET CLERICIS UNIVERSIS NOstrarUM
CIVITATIS ET DIOECESIS COLO-
NIEN. ET VESTRUM CUILIBET
SALUTEM IN DO-
MINO.

ET si ex Reformatione Cleri per Cæs. Majestatem Dominum nostrum Clementiss. in proximis Augustens. Comitiis, Ecclesiasticis statibus proposita, & ab eisdem expensa, probata & recepta, quam vobis suæ Majest. jussu duximus intimandam, cognoscere abunde possitis, qualem Vos posthac vitam instituere, quibus moribus ornatos & præditos esse, & quæ vitia, ne cuiquam offendiculo sitis, cavere oporteat: Nihilominus tamen, cum inter omnia crimina nullum fere sit, quod Clerum fœdus apud populum traducat, & majus in plebe scandalum pariat, quam scortatio manifesta, visum est Nobis operæ pretium, ut quod majorem præbet Ecclesiastici Ordinis contemnendi materiam, specialiori, & accuratori animadversione coerceamus. Quamobrem non modo Concilio Generali, & sacris Canonibus, nostrorumque Prædecessorum Constitutionibus super hac re editis insistentes, sed & Reformationem memoratam in hoc Articulo, sub titulo: *DE DISCIPLINA CLERI*, cujus initium est: *Porro quis ferendum putet, ut scortationi indulgeant, & adhæreant concubinis &c.* (quem diligenter perlegere, & animis vestris infigere debetis) exequi, ut tenemur, volentes: harum literarum nostrarum tenore statuimus, volumus, & mandamus, ut omnes & singuli sacris Ordinibus initiati, Presbyteri, Diaconi, Subdiaconi, cujuscunque dignitatis, status, gradus, vel conditionis fuerint, quibus concubinæ, vel fœminæ de incontinentia suspectæ, seu quarum nomine ipsi antehac de fornicatione diffamati fuerunt, manifeste cohabitant, ejusmodi mulieres a se e domibus, & Parochiis suis intra novem dierum spatium, post receptionem & publicationem præsentium, quorum tres pro prima, tres pro secunda, & tres pro tertia peremptoria & Canonica monitione ipsis præfigimus, omnino amoveant & expellant. Alioqui juxta dictæ Reformationis tenorem, ten-

Tomus VI. Concilior. German.

tentiam suspensionis ab Officio & Beneficio, quam propter hoc in eos ferimus in his scriptis, se noverint incurrisse. Mulieres autem ejusmodi. si post istos novem dies in domibus, seu Parochiis horum Clericorum repertæ fuerint permansisse, & permanere, per Collegiales & Christianitatum ipsorum locorum Decanos, autoritate Nostra excommunicentur, & excommunicatæ publice nuncientur. Volumus quoque, ut Ecclesiarum Prælati memoratas pœnas diligenter exequantur: Alioqui Noseorum negligentiam suppleri, inobedientes secundum Canonicas Sanctiones puniemus, ut pœna docente, bene agere, & a malo desistere, & a peccatis abstinere discant.

Injungimus etiam Prælati ipsis, & Christianitatum Decanis, ut ad proximam per Nos indictam Synodum Nobis indicent, quinam Clericorum prædictorum huic nostro mandato intra tempus præscriptum parere, & obtemperare neglexerint; ut contra tales ulterius ad beneficiorum privationem, aliasque duriores pœnas, secundum dictæ Reformationis præscriptum, procedamus, in hoc facturi nostram, immo Sacræ Cæs. Majestatis mentem, & expressam voluntatem. In fidem præmissorum, præsentis nostras literas, sigilli nostri Impressione fecimus communiri. Datum in Arce nostra Brulensi, prima mensis Septembris, Anno Domini M. D. XL. VIII.

SECUNDA OCTOBRIIS die, præsentibus, & ordine compositis in Choro Cathedralis Ecclesiæ Patribus & Dominis, quos Reverendissimus Archi-Episcopus ad celebrandam Synodum acciverat, cum reliqua Cleri & populi omnium, qui interesse volebant, multitudine, mane sub horam sextam, Missa de S. Spiritu solenni ritu peracta est, quam Benedictio Archi-Episcopalis subsequēbatur. Deinde expositis nomine Reverendiss. Archi-Episcopi causis hujus Conventus, & habita pro more oratione ad Synodum Reverendus D. Joannes Næpel a Lippia, Episcopus Cyrenensis, ipsiusque Reverendissimi Vicarius in Pontificalibus, jussu ejus ad Synodum loquens, ita subjecit: Quod, cum Concilium Oecumenicum, Tridenti per Sedem Apostolicam indictum, feliciter cœptum, & Sessionibus aliquot habitis

Y y

cele-

celebre factum, e quo omnium animi pendere viderentur, ignotum qua diaboli invidia, suspensum jam hæreat; nec fortia-
tur progressum; & Cæs. Majestatem D. nostrum Clementissimum, ne graviores per hanc tam longam atque periculosam necessarii Concilii suspensionem, perturbationes in Imperio, variis hæresibus ac infidiis plus satis jactato, subnascerentur, Statibus Imperii Ecclesiasticis proposuisse Reformationem quandam expendendam, secundum quam, si sacris Canonibus consentanea videretur, suas quisque Ecclesias in Religione & officio continerent, ac gererent, donec Concilium Generale finiretur, & dissidia hæc tolleretur. Quam (cum Ecclesiasticorum Ordinum judicio visa fuisset e Scripturis Divinis, Patrum traditionibus, & Sacris Canonibus congesta, atque ad Disciplinæ Ecclesiasticæ restitutionem, & emendationem vitiorum non parum allatura) ipse Reverendissimus Dominus noster, una cum aliis Archi-Episcopis, Episcopis, omnibusque aliis Ecclesiastici Ordinis Prælati & Statibus receperit, atque acceptarit, ad definitionem usque Oecumenici Concilii, in tota Diocesi & Provincia sua observandam, eaque de causa ipsam omnibus sibi subiectis Diocesis, quos ad præsentem Synodum convocasset, transmissit.

Verum, ne cui videatur hoc pacto non satis legitime publicata, & ne quis ejus ignorantiam causari possit, vel ipsam subterfugere, juberet modo Reverendissimus Dominus eam & in præsentem Synodo legi palam, & publicari.

Quibus dictis, statim conscendit suggestum M. Petrus a Cosfeld, Capituli Metropolitani Secretarius, & alta inde voce totam Reformationem illam ad finem usque legit, & publicavit.

Facta publicatione, Reverendissimus Dominus Archi-Episcopus jussit, ut ad Synodum vocati, & quibus Synodi actionibus interesse liceret, ingrederentur Domum Capitularem, ubi de negotiis Synodalibus tractaretur, & de causis, ad Synodi cognitionem, & vitiorum emendationem pertinentibus, inquireretur, & consilio communi decerneretur.

Processerunt itaque Abbates, Decani, & Patres, ad Synodum convocati, e Choro ad Domum Capitularem. Primoribusque cum Reverendissimo Archi-Episcopo sedentibus, cæteris vero ob loci angustiam stantibus, invitabat Reverendissimus Dominus Archi-Episcopus per suum in Pontificalibus Vicarium omnes, ad conferendum de pertinentibus ad Cleri & populi

Reformationem, vitiorumque emendationem. Ibi primum interrogati proprios assidentes, professi sunt, se velle seipsum suosque subditos ad modum præscriptæ, ac publicatæ Reformationis, quantum in ipsis esset, per gratiam Dei componere: ac omnem dare operam, ne quid in eis desideraretur. Cæptum quoque est inquiri de vitiis.

Postridie tertia Octobris, omnibus ad eundem locum reversis, Reverendus Dominus Cyrenensis Vicarius &c. jussit, quæ in mandatis habebat, exponere, retulit, Reverendissimum Dominum Archi-Episcopum ita secum firmiter constituisse, ut quoniam a capite ad membra inferiora dignum esset Reformationem ordiri, se diligenter curaturum, ut quæ Archi-Episcopalis sui officii sint, minime negligantur, nec temporalia spiritualibus præpositurum. Pertinere autem ad suum officium, celebrare Synodos, cui negotio intentus ipse jam esset: visitare Diocesim, quod exequi proposuisset primum in ipsa Metropoli: & ubi commode intra urbem, vel extra, visitare ipse non posset propter negotiorum multitudinem, quæ in dies inciderint; decrevisse per idoneos Visitatores, quæ ad ipsum pertinerent, implere omnia, & exequi.

Et quia in hac Reformatione Episcopis daretur inter alia negotium, ut si quæ in sacra Missæ officium vel Horas Canonicas inutilia, aut quæ parum ad pietatem & ædificationem conferrent, postrema hac ætate irreplissent, ea repurgarent, atque ad veterum & probatissimorum codicum fidem restituerent: quo non nisi pura, emendata, & sacra existerent, quæ in officiis Divinis recitantur. Quod licet multum temporis ac laboris requireret, decrevisset tamen Reverendissimus Dominus Archi-Episcopus, adhibitis ad id negotii viris piis ac doctis, sedulo curare, atque ad proximam Synodum Provinciali, si expediri interea temporis negotia tanta queant, publicare. Quod propterea Cæsarea Majestas Episcopis in Reformatione imposuisset, ut Ecclesiis neglectis, & debitis obsequiis fraudatis, per occupatores plurium Beneficiorum, aut Ecclesias incorporatas tenentes, juxta constitutionem GREGORI Decimi in Concilio Lugdunensi providerent de idoneis Vicariis, quibus competentiam & congruam portionis fructus assignent: & ubi tenuia sunt Beneficia, quæ victum non suppeditent, ut per unionem talium curent secundum modum, quem præscribit Reformatio, quo habeant, qui Altari deserviant, unde vivant, nec causa relinquatur,

cur non debeat uno quisque Beneficio merito esse contentus, decrevit (quantum ejus modo fieri poterit) in sua Visitatione exequi : & sicubi obstat difficultas, per quam impediatur, eam ad futuram Synodum Provinciale referre. Hortaretur proinde, ut singuli ad hunc modum & ejus exemplum, perfecta diligenter Reformatione, quæ sui muneris esse cognoscerent, ad se raperent, eisque satisfaciendis atque implendis sedulo inculcarent: Decani, quod est Decanorum: Canonici, quod est Canonicorum: Pastoris, quod ad Pastoris, & Concionatoris officium pertinet: qui ea etiam, quæ de Disciplina populi scripta sunt, diligenter populo inculcarent: ita futurum, ut pietas vera aliquando restitueretur.

Quæ præfatus, censuit progrediendum ad inquisitionem de rebellibus, criminosis, & Ecclesiarum gravaminibus faciendam: iussitque Reverendissimus D. Archi-Episcopus, quo sciret unusquisque, quæ sibi cognita deferre ac proponere Sanctæ Synodo deberet, prælegi Articulum, qui sub titulo: *DE SYNODIS in Reformatione (*) habetur*, in hæc verba: *Subeat Episcopus singulos per juramentum, Notarius, qui omnia excipiant, assistentibus, proferre in medium, Ecclesiarum suarum, Prælatorum quoque & populi, sive præsentium, sive absentium vitia gravia, quæ a Synodo corrigantur, absque ullo personæ respectu: Si sit Pastor aliquis non legitimus, aut per vim intrusus: si negligens officii, & incorrigibilis: si in Clero quis Simoniacus: si hæreses suppullulent: si in Officiis Divina irrepant abusus: si Prælati aut Parochi bene præsidenti rebelles sint inferiores: si ulli male præsideant: si per tyrannidem potentiorum, aut judicia injusta opprimatur Ecclesia, populus, viduæ, vel orphani: si sacrilegia committantur: si violentur Ecclesie jura: si usurarii sint in Clero vel populo: si incestuosi: si enormia crimina admittantur, a quibus nolint desistere, aut agere penitentiam.*

Ita admonitis præsentibus & informatis, fecit Reverendissimus Dominus Archi-Episcopus omnibus potestatem, sive scriptis, sive verbis, sua proponendi, & si qui forte haberent negotia, quæ metu potentiorum ad Synodum deferre non auderent, ut ea clam apud Commissarios deponerent, quos sua Reverendissima Gracia ad hoc dare & ordinare veller.

Ordine itaque singuli vocati, ad Reverendissimi Archi-Episcopi conspectum processerunt,

ubi sua deposuerunt, ut habebant parata: suntque omnes a Reverendissimo ita auditi, ut tamen a remotioribus exaudiri non potuerint: & quæ attulerunt, a Notariis excepta. Nec cessatum ab ista inquisitione fuit, donec ullus superesset non auditus.

Omnium deinde consensu & sententia placuit, e singulis Ordinibus deligere quosdam, qui denunciata ac proposita expendere, ac deliberarent, conciperentque de eis suum judicium, quod ad totam Synodum vel probandum, vel emendandum, priusquam evulgaretur, referrent. Tempore per hæc negotia ultra meridiem fere lapsa, dimissis ad sequentem diem cæteris, soli delecti a prandio reversi sunt, & negotia, quæ plurima erant, ut a multis delata, & pleraque ejusdem generis, reulerunt in ordinem, arque compendium: deliberationeque & collatione invicem habita, sententiam suam jusserunt ad Reverendiss. Dominum Archi-Episcopum referri.

Quarta Octobris, cum Reverendissimus Dominus Archi-Episcopus cum delectis sententiam suam fuissent scripto complexi, accitis Ordinibus omnibus ad Domum Capitularem, Reverendissimo Domino Archi-Episcopo Præsidente, ac suffragia singulorum, quæ libere quisque dare poterat, requirente, Sententia illa, distinctis ac disertis verbis, universis Synodi Patribus prælegebatur: quorum suffragiis acceptis, omniumque sententia atque iudicio ad illam accedentibus, statim processum est ad Sacrum solenne: quo peracto, publicatio facta est e papyro in verba, quæ sequuntur.

Reverendissimus Dominus noster Archi-Episcopus Colonienfis, Princeps Elector &c. Cupiens pro Pastoralis suo officio, Clerum & plebem secundum Reformationem, a Cæsarea Majestate præscriptam, & ab universis Ecclesiasticis Imperii statibus receptam, dirigere atque instituere, primum omnium ipsam in Synodo præsentem publicavit. Deinde a præsentis Synodi Ordinibus inquirendum duxit de iis, qui parent, ac vitam suam secundum ipsam componere statuerent, & qui secus facerent.

In qua inquisitione & examine suorum Prælatorum, Abbatum, Decanorum,

(*) Formula Reformat. Capite XXI. §. 3.
Tonus VI. Concilior. German.

rum, Statuumque Ecclesiasticorum, hic præsentium, explorata ipsi facta est, & comperta præsentium omnium obedientia, qui se polliciti sunt huc omnes vires & studia sua convertere velle, quo & ipsi eam observent, & subditis suis observandam tradant, atque committant: quod clementer & cum gratia ab eis sua Reverendissima Gratia accepit.

Percepit quoque absentiū eorum, qui repugnant, & reformationi parere detrectant, inobedientiam, atque rebellionem. Cui occurrere & mederi statuit, partim Canoniarum pœnarum severitate, partim in visitatione, aut aliis opportunis remediis, pro hujus Synodi judicio atque sententia.

Et inprimis, quod Ordines quidam indicarunt, quosdam esse Pastores, Sacerdotes, & Laicos, qui inordinate viverent, contra prædictæ Reformationis præscriptum, a quibus tamen admonitis de emendatione, nondum retulissent responsum: præcipit & mandat Reverendissimus Dominus noster, cum præsentī Synodo, ut hi diligenter de eorum proposito in proximis eorum Capitulis inquirant, eorumque responsum Reverendissimæ suæ Gratiæ denuncient, quo possit de ipsis secundum Sacros Canones, & Reformationem præsentem judicare, atque statuere.

Quod vero simul accepit, quosdam esse Pastores, & Sacerdotes inobedientes, qui Reformationi prædictæ, & Ordinariæ suæ potestati subiacere, ac parere plane recusarent; decrevit sua Reverendissima Gratia una cum præsentī Synodo, ut contra ejusmodi rebelles & inobedientes, primum procederet Reverendissimæ suæ Gratiæ Fiscalis, eosque ad parendum via juris compelleret: quod si non obtineret, statuit idem Dominus Reverendissimus, se agere velle cum Principibus & Magistratibus, quorum præsidio niterentur, secundum clausulam Reformationis, quæ ita habet, sub titulo: *DE DISCIPLINA POPULI* (*): *Principes seculares & Magistratus civiles non patrocinentur eis, qui in Clero & populo reformari detrectant, sed Episcopis & Prælatīs Ecclesiæ sint auxilio, eorumque decreta fideliter exequantur, & ordinem præscriptum co-*

gant observare. Jurisdictionem quoque & libertatem, ac immunitatem Ecclesiasticam, Imperatorum Legibus, & Sacris Canonibus Episcopis & Clero tributam ac firmatam, tuantur, ipsique conservent. &c.

Decrevitque omnino sua Reverendissima Gratia, non desistere, etiam si ad Cæsaream Majestatem res sit deferenda, donec ejusmodi rebelles ad obedientiam & emendationem perducantur.

De apostatis vero, profugis Monachis, & Monialibus, quos votorum & religionis suæ immemores accepit Reverendissima sua Gratia cum Synodo, extra Prælatorum & Superiorum suorum obedientiam passim in Dicecesi, & Provincia sua vagari, & se continere alicubi etiam sub Magistratuum secularium defensione: sancivit & ordinavit Reverendissima sua Gratia cum præsentī Synodo, secundum formam sequentem.

De Monachis & Monialibus suam Professionem, sub quocunque prætextu, deserentibus.

ADOLPHUS, DEI GRATIA SANCTÆ COLONIENSIS ECCLESIAE ARCHIEPISCOPUS, SACRI ROMANI IMPERII PER ITALIAM ARCHI-CANCELLARIUS, PRINCEPS ELECTOR, WESTPHALIE ET ANGARIAE DUX, LEGATUSQUE NATUS &c. UNIVERSIS ET SINGULIS ABBATIBUS, PRIORIBUS, PRÆPOSITIS, DECANIS, CANONICIS, PLEBANIS, ALIARUMQUE ECCLESIAARUM COLLEGIATARUM, ET PAROCHIALIUM, MONASTERIORUM, CONVENTUUM UTRIUSQUE SEXUS ECCLESIASTICI STATUS, CAPELLANIS, ALTARIUM RECTORIBUS, VICARIIS, PRESBYTERIS ET CLERICIS CIVITATIS ET DIOCESES NOSTRÆ COLONIENSIS, SALUTEM IN DOMINO SEMPTERNAM.

Cum nihil æque deceat, hanc Sacram Synodum procurare, quam ut suæ quisque vocationi ac professioni satisficiat, id quod & Cæs. Majestatis Reformatio exigit, & Religionis, jam prope modum per insolentes ac professionis suæ desertores confusa ac perturbata, restitutio postulat: Hinc decernimus, man-

(*) *Form. Reformat. Cap. 19. §. 6.*

mandamus; ac præcipimus, ne quis posthac Monachos, vel Monachas fugitivos, & extra Superiorum suorum obedientiam vagantes, recipere, fovere, aut ad Sacramenta, vel Ecclesiastica ministeria admittere audeat, sub excommunicationis pena, qua & Sacri Canones feriunt eos, qui huiusmodi fugitivis, apostatis, atque excommunicatis communicant. Eos vero, qui sub Dispensationum Apostolicarum prætextu, extra Monasteria sua degunt, volumus, ut Dispensationes suas, quas plerumque subreptitie, vel allegatorie causarum falsarum impetrant, Nobis exhibeant examinandas, & vocatis eorum Superioribus, ac quorum intererit, discutiendas. Datum in civitate nostra Colonien. Anno Domini Millesimo, quingentesimo, quadragesimo octavo, die secunda mensis Octobris.

Insuper decrevit, eos omnes nominatim persequendos committere suo Fiscali, donec resipiscant, & ad obedientiam reducantur.

De Monachis vero, & Sanctimonialibus, & Sacerdotibus, qui jam conjugia inierunt, & in connubio incestuoso perseverant, statuit & decrevit Reverendissima sua Gratia, una cum præsentì Synodo, secundum formam, quæ hic sequitur:

ADOLPHUS. DEI GRATIA SANCTÆ COLONIENSIS ECCLESIAE ARCHIEPISCOPUS, SACRI ROMANI IMPERII PER ITALIAM ARCHICANCELLARIUS, PRINCEPS ELECTOR, WESTPHALIE, ET ANGARIE DUX, LEGATUSQUE NATUS &c. UNIVERSIS ABBATIBUS, PRIORIBUS, PRÆPOSITIS, DECANIS, CANONICIS, PLEBANIS, ALIARUMQUE ECCLESiarUM COLLEGIATARUM ET PAROCHIALIUM, MONASTERIORUM, CONVENTUUM UTRIUSQUE SEXUS ECCLESIASTICI STATUS, CAPELLANIS, ALTARIUM RECTORIBUS, VICARIIS, PRESBYTERIS, ET CLERICIS CIVITATIS ET DIOCESEOS NOSTRÆ COLONIENSIS, SALUTEM IN DOMINO SEMPERPTERNAM.

Volentes tranquillitati Sanctæ Ecclesiæ nostræ consulere, & errorem, unde gravissimæ perturbaciones, non in Ecclesiasticis modo rebus, verum etiam in civilibus oriri possent, penitus tollere, juxta Sanctorum Patrum Decreta, Sacros Canones & Leges, una cum hac

Sancta Synodo, matura deliberatione præhabita, decernimus & declaramus, prophanas, illicitas, & nusquam tolerandas esse nuptias, quas vel Monachi, vel Moniales, Religionem aliquam solenni voto professi, vel Sacerdotes post hunc gradum, contraxerunt, prolesque inde susceptas, illegitimas esse, nec aliter, quam spurios & nothos habendas, ac proinde hæreditario nomine Parentibus suis neque in mobilibus, neque in immobilibus succedere posse aut debere. Quæ non nova aut recens est sanctio, sed perverusta, semper in Ecclesia recepta, Imperatorumque Legibus & Sacrorum Canonum autoritate firmata, ac usu longævo probata. Datum in Civitate nostra Colonien. Anno Millesimo quingentesimo quadragesimo octavo, die secunda mensis Octobris.

Quo vero tales ad resipiscentiam, & dignam satisfactionem reducuntur, statuit Reverendissima sua Gratia committere suo Fiscali, ut eos, ubicunque locorum agant, intra Diocesis suæ fines coram Inquisitoribus vel Judicibus Ordinariis persequatur.

Cum eis vero, qui resipiscencia ducti, sponte redeunt ad Ecclesiam, Reverendissima sua Gratia pollicetur, misericorditer & clementer se acturam.

Ad eundem omnino modum statuit Reverendissimus Dominus noster una cum præsentì Synodo, agere, & procedere velle per suum Fiscalem & Inquisitores, contra Sacerdotes, Clericos, & laicos, de hæresi & schismate suspectos, aut sortilegia, vel divinationes, & similia, Divina Lege graviter posthabita, exercentes; præcipitque, ac mandat Decanis & Pastoribus, in quorum Territorio vel Pastorum se continent, ut eos præcipiente populo vitandos, ne plebs inde contagionem accipiat.

Sunt & alia pleraque vitia Reverendissimo Domino nostro, & præsentì Synodo exposita, de quibusdam non bene Præsidentibus Pastoribus, aut intrusis, concubinariis, ac Tyrannis, qui per vim & iudicia injusta opprimunt Clerum, Immunitatesque Ecclesiasticas, populum, viduas, & orphanos. De sacrilegiis item, homicidiis, adulteriis, & vitiis similibus, quæ quoniam non ad omnes

pertinent, statuit Reverendissimus Dominus noster una cum Synodo, in visitatione per suos Visitatores exactius ac diligenter investigare, ac juxta Canones, & Reformationem præsentem, corrigere & emendare.

Porro quod Decani & Pastores quidam petierunt declarationem mandati, per reverendissimum Dominum nostrum contra concubinariorum Sacerdotes & concubinas editi, quas sua Reverendissima Gratiæ, cupiens Reformationem Cæsareæ Majestatis exequi, mandaverat ejicere extra ipsam Parochiam: deliberatione cum Synodo habita, considerataque Parochiarum quarundam amplitudine, aliarum vero angustia, declarat Reverendissimus Dominus noster cum Synodo, ejiciendas e vicinia concubinas, ita ut commerciis non detur occasio, & suspiciones omnes vitentur.

Quod item petiverunt Decani & Pastores quidam, quomodo se habere debeant in Administratione Sacramenti Eucharistiæ, quod quidam peterent, tanquam in Reformatione a Cæsareæ Majestate proposita permissum, quibuslibet sub utraque specie sibi exhiberi, declarat & exponit idem Reverendissimus Dominus noster cum præsentī Synodo, ejusmodi Reformationem, Communionem duplicis speciei laicis Catholicis minime permisisse, sed expresse & disertis verbis a Catholicis statibus & eorum subditis exigere, ne quid in Sacramentorum administratione, præter Ecclesiæ consuetudinem, immutent, aut immutari in suis ditionibus ullo pacto permittant.

Cui ordinationi vult Reverendissimus Dominus noster, tanquam Archiepiscopus & Princeps per Dei gratiam Catholicus, fideliter & obedienter per omnia obtemperare, omnibusque sibi subiectis præcipit, & mandat cum tota Synodo, ut usque ad Generalis Concilii definitionem, eidem obtemperent.

Cæterum propter quosdam, qui metu potentiorum forte deterriti, non ausi fuerunt negotia & gravamina, ipsis

cognita, ad Synodum palam referre, ordinat & statuit Reverendissimus Dominus noster suum Commissarium in hac parte, memoratum Dominum Joannem Episcopum Cyrenensem, suum Vicarium in Pontificalibus, quem possint secreto ac libere adire, & ea omnia tuto exponere; quo Reverendissimus Dominus noster de rebus, suppressis deferentium nominibus, informatus, possit ejusmodi negotiis & gravaminibus remedium ac medelam adhibere.

Præterea ubi Reverendissimæ suæ Gratiæ non erit commodum personaliter visitare, designat & ordinat præcipuum Visitatorem eundem D. Episcopum Cyrenensem, cui pro temporum, locorum, & causarum ratione ac dispositione, plures idoneos Visitatores ac Cooperarios adjungat: eosdemque in patentibus suis literis, quas eisdem dabit, significabit.

Cæterum, si quæ occurrant Visitatoribus deputandis, aut etiam Reverendissimi Domini Fiscali & Commissariis, quæ in præsens emendationem facilem non admittant, ejusmodi omnia decretum est reservare, ac rejicere in futuram Synodum suam Provinciale, quæ feria secunda post Dominicam *Invo-cavit*, favente & propitio Deo, celebrabitur.

Pœnitentiariorum vero, seu Confessorum vult Reverendissimus Dominus noster suo opportuno tempore ordinare.

Actum, conclusum, & pronunciatum in publico Synodi Conventu, Coloniae, Anno Domini Millesimo, quingentesimo, quadragesimo octavo; die 4. Octobris.

Sententia per Secretarium e suggestu recitata, statim cantarunt: *Te Deum laudamus.* & Antiphonam: *Da pacem Domine.* Quibus Reverendissimus Dominus Archi-Episcopus submisit Collectam, & Synodum omnem cum Archi-Episcopali Benedictione dimisit.

Statuta Synodalia Ecclesiæ Coloniensis, editionis Quenteliane anno 1554.

SYNODUS PADERBORNENSIS

Eodem anno Christi MDXLVIII.

Synodum hanc 16. Octobris celebratam fuisse testatur, qui eidem interfuit *Henricus Abbas in Marien-Münster*, in suo *Diario* apud *P. Strunck Annal. Paderborn. Part. III. Lib. XXI. pag. 295.*

IN die S. Galli Abbatis, inquit, celebrata est Synodus Paderbornæ : & Reverendissimus ac Gratiolus Dominus Remberus (*) Episcopus præsidebat, congregatis ibidem Canonicis Majoris Ecclesiæ eum Abbatibus, Prælatibus, Pastoribus, ac toto Clero hujus Diocesis. Inprimis Missa de Spiritu Sancto solenniter decantata; & post eam Concionator fecit devotam & integerrimam exhortationem. Qua finita, lectæ sunt Litteræ Cæsareæ Majestatis, & Archi-Epi-

scopi Moguntinensis, velut Metropolitani: In quorum literis Episcopo nostro facta est commissio de reformatione Clericalis disciplinæ; quæ & ibidem prælecta & promulgata est in medio majoris Ecclesiæ. Deinde facta deliberatione lectum est mandatum Synodale; & post finem horum omnium solenniter decantatum *Te Deum laudamus*. Duravit ista Synodus a medio octavæ usque ad medium primæ.

(*) Abdicata ab Hermanno V. Wedano & Cathedra Metropolitana Colonienfi, & Administratione Paderbornensi, ut supra narratum fuit pag. 348. conspirantibus eligentium votis, illius in locum Paderbornensi in Cathedra successus fuit Remberus a Kerßenbroich, grandis jam ætate vir, tuendæque Catholicæ Religionis tam ante, quam post obtentum Episcopatum studiosissimus. Ex cujus etiam in extremo senio defendendæ zelo morbum, mortemque contraxit. Præfuit Dicecesi magno ejusdem emolumento, nec minore laude sua, annis viginti & uno. Obiit nonagenario major anno 1568. 12. Februarii.

In Historia Ecclesiastica Germaniæ, edita Bruxellis, Hermanno Wedano, Administratori Paderbornensi successisse scribitur Joannes ab Hoya, nulla facta Remberi mentione, sed perperam: nam Hoyanus non ante ad Paderbornensem Ecclesiam, cum Osnabrugensi & Monasteriensi regendam postulatus fuit, quam post mortem Remberi. *Vide P. Mich. Strunck Lib. cit.*

SYNODUS AUGUSTANA

Eodem anno Christi MDXLVIII.

AD REFORMATIONEM CLERI Auctoritate OTTONIS Cardinalis, & Episcopi Augustani celebrata.

Acta & Statuta Synodi Diocesanae Augustensis, Reverendissimo in Christo Patre, & Illustrissimo Principe & Domino, Domino OTTONE, Sanctæ Romanæ Ecclesiæ tituli Sanctæ Balbinæ Presbytero Cardinale, & Episcopo Augustano præsidente, ad diem duodecimum Novembris anni 1548. convocata, & continuo triduo celebrata.

Reverendissimus in Christo Pater & Illustrissimus Princeps & Dominus, Dominus OTTO, Sanctæ Romanæ Ecclesiæ tituli Sanctæ Balbinæ Presbyter

Cardinalis, & Episcopus Augustanus, memor communis Ecclesiasticorum Sacri Romani Imperii Statuum consensus, Invictissimo & Potentissimo Principi & Domi-

Domino, Domino CAROLO V. Romanorum Imperatori maximo, in proximis Comitibus Augustanis de reformandis Cleri & populi moribus, deformitatibusque Ecclesiarum tollendis, præstiti: etsi calamitatum superiorum reliquiis sanandis apprimè distractus, summo tamen studio atque labore adnissus est, ut & Cæsareæ Majestati, cui hanc Synodorum congregandarum Facultatem, Germanorum Ecclesiæ, veluti olim Constantino Imperatori totus fere orbis, acceptam ferunt, satisfaceret, & quod muneris sui esset, pro viribus adimpleret.

Kalendis igitur Octobris, postquam Albogiviam Subalpinam Ecclesiæ suæ ditionem, proximo biennio misere afflictam, præsentia sua consolari, consilio, libertate, jureque dicundo juvare, atque paterna sane cura & pietate lustrare cœpisset, e Fuesia oppido epistolas citatorias ad Abbates, Præpositos, Decanosque tam Collegiales, quam rurales Diocesis suæ misit.

Quibus, ut in pauca conferantur, Sanctorum Patrum Decretis & Basileensis Concilii auctoritate, in memoriam revocata, Sacrique Romani Imperii Electorum Principum, & Statuum Ecclesiasticorum, de convocandis Synodis consensione memorata imperat, eosque in Domino hortatur, ut ad diem duodecimam Novembris in oppido Dilinga, Synodi initio, finique adesse velint: inprimis dent operam singuli, ut citationes hujusmodi in Capitulis suis, ad hoc convocatis, publicentur, ipsaque Capitula, seu Collegia Abbatibus, Præpositis, Decanis, aut aliis horum loco comparituris, instrumento publico, cujus formulæ singulis citationibus additæ fuerunt, potestatem faciant, ut eorum etiam atque nomine Synodi hujus statuta, quatenus ea ad quosque pertinerent, approbare, atque ipsos observaturos, profiteri legitime possint. Missa præterea fuerunt citatis omnibus exempla formulæ Cæsareanæ Reformationis, mandatumque omnibus, ut eam diligenter expenderent: atque si quid ex temporum, locorum, aut personarum occasione, usu vel necessitate addendum, moderandumve ipsi judicassent, ad Synodum referrent: & cum suas, tum Collegiorum, aut Ca-

pitulorum suorum sententias inter consultantum explicarent.

Ad tempus igitur præscriptum advenire Abbates, Præpositi, Decani & Camerarii quamplurimi, quorum multi veluti ex captivitate respirantes, præclaram animi magnitudinem ad Domum Domini ædificandam afferre videbantur. Qui remanserunt, partim privilegiis ab Ordinarii jurisdictione exemptos se esse asseruerunt: partim profani Magistratus Imperio retenti sunt: nonnullos libertatis amor, conscientiaque perturbata a se religionis, obedientiæ jugo subtraxit.

Acta primæ diei Synodi.

Hora autem septima antemeridiana diei Novembris duodecimæ, Reverendissimus Dominus Cardinalis, Reverendi Domini, Marcus Avunculus, Episcopus Nazianzenus, & reliqui Abbates jus Pontificiorum ornamentorum habentes, cum baculis Pastoralibus, mitris & reliquo habitu Pontificali; cæteri vero Præpositi, Canonici, Decani, Presbyteri & Clerici, suis quique vestimentis Ecclesiasticis insignes, in Ecclesia Dilingensi Parochiali frequentes conveniunt. Unde re sacra de Sancto Spiritu a Reverendissimo Cardinale summa omnium devotione peracta, ordine cuncti binique ad arcem Dilingensem processerunt, idque ea de causa, quod Ecclesia Parochialis rei tantæ gerendæ minime idonea, tantæque multitudinis capax non esset.

In arce vero aula superior amplissima est, in cujus capite altare intra cancellos decentissime ornatum extitit; pro cancellis Reverendissimi Cardinalis subsestium, Nazianzeni Episcopi, & aliquot Ecclesiæ suæ Cathedralis ad hoc deputatorum Canoniorum sedibus utrimque clausum.

Ad utrumque aulae latus, qua in longitudinem patet, triplex scamnorum ordo: in ima vero aula, transversa fuere scamna multa, omnia stragulis operata, atque inter se ita disposita, ut ambitus, transitusque liber undiquaque esset.

Porro cum ex dignioribus suum quisque locum occupasset, cæteri in reliquis

liquis sedibus affedissent, aut in spatiis intermediis constitissent, Synodales orationes, sacræ laudes, atque preces omnes, ex libri Pontificalis præscripto ordine inceptæ, atque absolutæ fuerunt.

Deinde Reverendissimus Dominus Martinus de Olave, Theologus Hispanus, & Cæsareæ Majestatis Sacellanus, orationem habuit ad Synodum de horum temporum statu, de officio Pastorum & Cleri, moribusque omnium in melius reformandis, atque Disciplina Ecclesiastica restituenda, tanta eruditione & eloquentia excultam, ut universæ Synodo fuerit & ornamento & admirationi.

Ea finita, Reverendissimus Cardinalis cautus Synodi hujus convocandæ paucis explicavit, summæque & dignitate & gravitate universos ad rem præsentem in recessus animi interiores revocandam, Synodique totius negotium, æquis animis, ab omniq[ue] deteriori affectu semotis, tractandum cohortatus est: atque postremo seipsum quoque obulit Synodi judicio emendandum, rogavitque ex animo, ut in vita, moribusque suis corrigendis monitores esse velint, iis se & libenti & grato animo obtemperaturum.

His dictis, Joannes Albertus Widmanstetter, Ordinis S. Jacobi Lusitani frater militaris, Juris consultus, & Dominationis suæ Reverendissimus Cancellarius, nonnulla, quæ ad præsentem actionem pertinere videbantur, præfatus, Cæsareæ Majestatis formulam in Comitibus Augustensibus, ut dictum supra fuit, propositam, clara voce, continuæque lectione recitavit. Absoluta ejus lectione, quoniam dies a meridie ad horam primam inclinabat, jussi sunt a Reverendissimo Cardinale omnes, dimissis ornamentis & habitibus, ad cænaculum, quod aulæ Synodali substructum est, eademque amplitudine patens, divertere, quo eos ad recreanda prandio corpora cum benedictione dimisit.

Hora pomeridiana tertia conveniunt in eadem aula omnes, ubi Reverendissimi Cardinalis jussu Cancellarius Synodum allocutus est in hanc fere sententiam: procul dubio intellexisse eos, memoriaque recenti adhuc retinere, in cujus nomine congregati sint, quid in

Sacris solennibus a Deo Optimo Maximo communibus votis postularint: quid non modo Pastori & Episcopo suo, sed & gregi sibi commissio quisque debeat; quanta doctrinæ & vitæ ad Patrum regulas conformandæ necessitas, omnes fere Ordines Ecclesiasticos urgeat: quam habeant promptam Episcopi sui voluntatem ad prospiciendum sibi & gregi: & denum, quod præcipuum tamen in hoc toto negotio est, quanta pietate, diligentia & fervore Cæsareæ Majestas, veluti navis Reipublicæ, discordiarum tempestatibus jactatæ, prudentissimus Gubernator, incolumitati omnium provium cupiat: cujus rei singulare e multis exemplum sit, quod Reformationis Ecclesiasticæ formulam antiquorum Patrum rationi, disciplinæque maxime consentaneam proposuerit, quam Ecclesiastici Status in Synodis celebrandis, seu normam Decretorum sequerentur. Eam igitur formulam tanquam summam totius consultationis, Dominationem suam Reverendissimam, quod factum hodie ante prandium sit, publicandam omnibus censuisse.

Quoniam vero Dominationi suæ Reverendissimæ dubium non sit, quin pro suo quisque officio, ut jussu fuerat, formulæ hujus Capita singula apud suos diligenter tractaret, atque de iis, quæ in hac consultatione offerri oporteat, deliberaret: supervacuum sane videri, ut singulorum sententiæ de singulis Capitibus Cæsareanæ formulæ prius exquirantur, quam Statutorum inde excerptorum ratio ineatur. Ut igitur compendio majus negotium hoc expediretur, Dominationem suam Reverendissimam formulam totam Reformationis, paucis omissis, quorum deliberatio & cognitio pertinere, ad Superiores visa est, insertisque ex prioribus Statutis nonnullis aliis, in Decretorum, seu Statutorum Synodaliū speciem contraxisse, eumque ordinem, qui cum in Pontificio jure, tum in aliis Augustanæ Ecclesiæ Synodalibus Statutis servari consuevit, secutum fuisse. Quibus dictis, Cancellarius Statuta tenore continuo ad finem usque, ut sequuntur, prælegit.

STATU-

STATUTA SYNODI DIOECESANÆ

AUGUSTENSIS,

XII. XIII. & XIV. Novembris, Anno MDXLVIII. OTTONE

Cardinale & Episcopo Augustano Præsidente,

Dilingæ celebratæ.

I. **C**um tota creationis universi ratio, atque redemptionis nostræ fundamentum, in Summæ Individuæque TRINITATIS recta indubitataque fide consistat, & a Redemptore nostro JESU CHRISTO per suos Apostolos, eorumque Successores una Fides Catholica in universum orbem, cujus Primatus Romanæ Sedi ex Divi Petri Apostoli prærogativa jure tribuitur, derivata sit: statuimus, atque omnibus Prælati, universo Clero & populo nostræ Diocesis mandamus, ut in Sancta Fide Catholica, quam Divina Clementia, & Sanctissimo- rum hominum prædicatione, secundum prædictæ Sanctæ Sedis puram & incorruptam traditionem majores nostri ab initio acceperunt, constantes firmique permaneant, eandem credant, observent & doceant: atque Pastores oves, agnosque suæ curæ commissos, in eadem fide orthodoxa, pro cujusque captu erudiant, summoque studio confirment.

II. Sacrorum Canonum & Conciliorum Decreta, & tam Provincialis Moguntinæ Sedis, quam a nostris Prædecessoribus, Nobisque editas Synodales Constitutiones in universum, præcipue vero eas, de quibus specialis mentio in sequentibus nostris statutis non habebitur, firmiter observari præcipimus, transgressores secundum Canones ipsos, prædictasque Constitutiones puniri decernentes.

Invißissimi etiam Christianissimique Imperatoris Caroli Quinti, cui Maximi cognomentum merito tribuimus, Constitutionem, de interreligione in Comitibus Augustanis hoc anno editam, in ea parte, qua ad status Catholicos pertinet, acceptamus, nostræque Diocesis subditis innovari decernimus, scilicet, ut Ecclesiæ Catholicæ institutiones hæcenus ab eis summa cum laude observatas, deinceps religiose observent, teneantque constanter: ne se ab eis ullo modo avelli patian-

tur, aut omnino quidquam immutent: cæteros vero, qui novationes induxerunt, una cum Clementissimo Imperatore, valde hoc ab eis ac serio requirente, in Domino hortamur, ut & ad Ecclesiam Catholicam accedentes, in observatione Constitutionum & Ceremoniarum Ecclesiæ Catholicæ per omnia nobiscum conveniant, & se hisce nostris saluberrimis & Catholicis statutis conforment.

Quin & formulam Reformationis, ab eadem Cæsarea Majestate Ecclesiasticis Statibus in iisdem Comitibus propositam, quam Nos in nostris Synodalibus Statutis sequi profiteamur, omnibus nostræ Diocesis Ecclesiasticis personis crebro legendam, versandamque proponimus, Constitutiones quoque & ordinationes a Reverendissimo Domino Laurentio Campegio, Sanctæ Romanæ Ecclesiæ Cardinale, & Sedis Apostolicæ per Germaniam Legato, Ratisbonæ anno MDXXIII. editas & publicatas, tanquam salutares, & Capituli nostri consilio & assensu acceptamus: easque ab omnibus Prælati, Presbyteris & Clericis, Nobis subiectis, volumus observari.

Statuimus præterea, ut præsens libellus Synodali Constitutionum nostrarum in Ecclesia nostra Cathedrali, aliisque Collegiatis, & Monasteriis, quamprimum typis excusus fuerit, habeatur, & in Choro, ut cuilibet accessus ad eum pateat, servetur. Decani quoque rurales, Camerarii, Plebani, Capellani, cæteri que Presbyteri nostræ Diocesis privatum eum sibi comparent, fræquenterque legant, ut quisque tam repentinis, quam indictis visitationibus de his, quæ ad se pertinent, rationem reddere possit. Volumus etiam, ut Abbates & Præpositi, convocatis omnibus Monachis, & Canonicis, & Regularibus, nec non Decani Collegiarum Ecclesiarum Canonicis, Decani vero rurales in Capitulo suis confratribus accersitis, eadem statuta bis

in anno ad verbum prælegant, aut prælegi curent. Si quis vero huic nostro mandato non obtemperaverit, a Nobis, seu Vicario nostro canonice punietur.

III. Approbante Cathedralis Ecclesiæ nostræ Venerabili Capitulo, statuimus & ordinamus, ut posthac ad Episcopatum Ecclesiæ Augustensis nullus, nisi Presbyteratus ordine insignis, aut qui se gradus, quos nondum habet omnes, statutus ordinationum temporibus, nulla interdicta mora, aut tergiversatione adepturum promiserit, eligatur, aut assumatur.

IV. Ad Ecclesiasticas dignitates, animarum curas, aliaque beneficia, ad nostram dispositionem, seu approbationem pertinentia, nullus posthac Coadjutor, vel Resignatarius, nisi examinationis testimonio subnixus fuerit, a Nobis, aut Vicario nostro in Spiritualibus admittetur. Siqui vero per surreptionem, ejusmodi dignitatum, curarum, aut beneficiorum Coadjutores, sive Resignatarii successores in illis, sine examinatione præscripta extiterint, amovebuntur.

V. Ut Catholica doctrina atque disciplina Ecclesiastica melius conservetur, statuimus atque ordinamus, ut ordinandi super hæresibus hoc tempore jactatis, quid de illis, & contra, quid de Rom. Catholica & Apostolica Ecclesia sentiant, diligenti examinatione explorentur. Deinde, ut nullus ordinetur, nisi qui publicum a primario Sacerdote, vel Magistratu patriæ suæ, aut ejus loci, ubi majorem vitæ suæ partem exegerit, de vita ejus & moribus probatis, testimonium litteris consignatum attulerit; qua in re primarii Sacerdotis, seu Magistratus & testium conscientiam oneramus.

Adhæc, ut ordinandi scientia, explendis saltem Ecclesiæ ministeriis sufficiens, non titulus, sed diligenti constet examinatione.

Eandem quoque rationem in his, qui ad Prælaturas admittendi, & ad Ecclesias Parochiales provehendi sunt, volumus haberi: atque ad Parochiales Ecclesias que quæquam, nisi populum docere & velie & sciat, nolumus admitti.

Postremo neminem ad Prælaturas, aut Ecclesias Parochiales, sive per ele-

ctionem, sive per inferiores collatores, aut patronos designatus fuerit, prius investiri, aut ad Ecclesiæ munera subeunda admitti debere, quam examini satisfecerit, & vocationi suæ satisfacturum se pro viribus pollicitus fuerit, statuimus, atque mandamus.

Ætatem etiam ordinandorum, secundum laudabilem Ecclesiæ nostræ morem, hætenus introductum & servatum, deinceps quoque observari præcipimus. Pro examinatione vero nullam ab his, qui a Nobis deputati ad hoc fuerint, pecuniam exigi debere præcipimus: quod & hætenus in Ecclesiæ nostra factum fuisse compertum habemus. Quod autem ad nostrum Episcopale officium attinet, profiteamur, Nos pro gratia, quam Altissimus nobis largiri dignatus fuerit, munus nostrum rite recteque tam per Nos, quam per Vicarios & Cooperatores nostros executuros. Volumusque posthac ordinandorum examini, Paschali, Pentecostesque tempore Augustæ, reliquis vero anni temporibus consuevis in oppido nostro Dilinga celebrandq, ipsi coram adesse & præesse, ne in hac parte in Nobis quidquam desideretur.

VI. Ignotos atque vagos Sacerdotes & Monachos, absque Prælatorum suorum testimoniis, seu formatis, multoque minus suspectos de fide, aut flagitiosos Sacerdotes, vel Monachos, seu fratres fugitivos, ad concionandi, sacraque peragendi officium nusquam in nostra Diocesi admitti, nec peregrinos & ignotos Presbyteros in consortio aliorum Presbyterorum tolerari, vel ad Missarum Sacrificium, nisi sui Ordinarii, e cujus Diocesi proxime discessit, litteras de eorum ordinibus & honestate docentes ostenderint, & a Nobis, vel nostro in Spiritualibus Vicario admissorias habuerint, admitti debere præcipimus.

VII. Quos Græci Chorepiscopos, hoc est, certarum regiuncularum in qualibet Diocesi speculatores, alii Archidiaconos, alii Archi Presbyteros vocant, in nostra Ecclesiâ Cathedrali, quoad certum districtum mœnii Augustanæ civitatis adjacentem Archi Diaconi, in reliqua vero Diocesi Decanorum ruralium nomine censentur.

His igitur hoc statuto mandamus,

Z z 2

ut

ut hæc nostra placita, atque Synodalia Decreta curæ suæ Parochis publicent, & exequantur; ut Capitula sua ruralia, sicut hactenus consuetum fuit, congregent, & seruent; ad futuras Synodos citati veniant; diligenter quoque invigilent, ut Parochi subditos suos doceant, corrigant, & velut Pastores fideles in via Catholicæ doctrinæ ducant; ne irregularitate contracta ministrent, neve in foro conscientiæ in dubiis consultant, nisi peritiores prius super his adhibuerint in consilium: adhæc, ab extortionibus & exactionibus illicitis & insolitis abstineant, & libertatem Ecclesiasticam, quantum in eis est, tueantur. Hos etiam senis quibusque mensibus districtus, seu regiunculæ suæ Ecclesias suas visitare, & de omnibus rebus tam spiritualibus, quam temporalibus sibi concurrentibus curam habere præcipiant, & si quid emendare non poterunt, ad Synodum pro tempore, aut si mora periculum habuerit, ad Nos, ut opportune providere de omnibus possimus, referre jubemus: si quos intrusos ad Parochias, aut alia Beneficia Ecclesiastica in suis districtibus esse Decani intellexerint, aut suspectas de surreptione absolutiones dispensationesve ostentari, aut circumferri a quibuscunque cognoverint: eos moneant primum, ne sibi Beneficia, Sacramentorumque administrationem usurpent, neve gregem Christi huiusmodi dispensationum, vel absolutionum prætextu decipiant. Si qui vero parere monitis noluerint, hi Nobis a Decanis, quos fidei juramento Nobis præstitæ super hoc admonemus, sine mora indicentur. Decanis quoque ruralibus injungimus, ne in templis, sacellis, aut oratoriis suarum regiuncularum, picturas, aut imagines quascunque depingi, sculpi, aut fieri, Nobis, aut Vicario nostro inconsultis, patiantur, ut in his veteris Ecclesiæ decorum, sacrarum historiarum veritas, & imaginum honestas, maturiore deliberatione circa ea præcedente, conservetur. Idem decernimus in cæteris Dicecesis nostræ ædibus diligenter observandum.

Isdem Decanis ruralibus præcipimus, ut in inquirendis hæreticorum libris, aut de hæresi schismateve suspectis, nullam diligentiam prætermittant. Contrahant etiam, undecumque in suis regiun-

culis possunt, ejusmodi libros omnes, & imprimis formulas administrationis Sacramentorum, quas adversari ordinationes Ecclesiasticas vocant, eosque libros ad Nos quamprimum transmittant, & in concionibus suis, Sacramentorumque administratione, Catholicos Doctores, & Romanæ Ecclesiæ manualia sequantur, cæterisque ejusdem rei, pro officii sui cura, monitores, auctoresque existant.

VIII. Parochi de fide & religione nostra populum sibi commissum doceant, atque instruant, Sacramenta administrent, eorum mysticam gratiam exponant, publicis peccatis irretitos canonicæ, occultis vero delictis occulte arguant, & ad poenitentiam adducant. Incorrigibiles Nobis, aut nostro in Spiritualibus Vicario indicent, ut vel publica satisfactione curentur, vel communionem Catholica arceantur: parvulos quoque & rudes quosque Parochiæ suæ doceant certis temporibus Symbolum Fidei, Dominicam Precationem, Salutationem Angelicam, & Decalogi præcepta: aut ea diebus Dominicis e suggestu diserte pronuntient, ut revera publici honore digni habeantur.

Cum nihili magis officiat Ecclesiæ Dei, quam quod ad regimen animarum indigni assumantur; statuimus, & districtè præcipiendo mandamus, ut a Vicario nostro in Spiritualibus generali, aliisque Prælati viri graves, docti, & ad curam animarum habendam idonei deligantur, diligensque & anniversaria de eorum vita & moribus inquisitio habeatur.

Et quoniam non raro accidit, ut Presbyteri & Clerici Beneficia Ecclesiastica curata absque institutione, seu commissione, vel nostra, vel Vicarii nostri de facto occupent, atque nulla ligandi, vel absolvendi potestate præditi, populum Dei decipiant: volumus, & mandamus, ut quilibet Decanus, vel Camerarius in Capitulo proximo sui Decanatus, litteras huiusmodi commissionum sibi petat exhiberi, Nobisque, aut Vicario nostro, si qui nullas habuerint, intra mensis spatium significet. Idemque de Beneficiis non curatis, ad eaque intrusis, intelligi volumus atque mandamus.

Paro-

Parochi, seu Presbyteri curati omnes, libros apud Ecclesias suas habeant quatuor: Primum, in quo baptizatorum: Secundum, in quo, statuto ab Ecclesia tempore confitentium & communicantium: Tertium, in quo eorum, qui matrimonia in facie Ecclesiæ contraxerunt: & Quartum, in quo mortuorum, & Ecclesiasticæ sepulturæ traditorum nomina & cognomina cum annotatione diei & anni describantur. Hæc enim diligentia cum ad multa utilis, tum vero ad hoc præcipue, ut Pastoribus ovium suarum ratio melius constet. Capellani & Primissarii Rectoribus aut Plebanis suis debitam reverentiam exhibeant, ac omnia debita officia, sive in fundationibus expressa sint, sive ex consuetudine introducta, suis locis, temporibusque exequantur: in iuribus Parochialibus, nisi fundationum suarum tenore specialiter & expresse fuerint privilegiati; ipsis minime adversentur, vel inobedientes existant, sed in executione curæ, & Divinis officiis cantando & legendo fideliter assistant. Quod si aliter fecerint, canonicam nostram vindictam minime evadent.

Meminerint porro Presbyteri omnes, & in primis hi, quibus animarum cura incumbit, ut eorum, quæ ad officii sui essentiam pertinent, notitiam habeant certam & indubitatam, veluti sunt abolutionis, aliorumque Sacramentorum collationis formæ substantiales.

Quoniam autem interesse plurimum constat, qua ratione pueri & rudes catechizentur, Parochis nostræ Diœcesis catechismum, sive libros de institutione Christiani hominis Reverendi Patris Domini Petri de Soto, ex Prædicatorio ordine, Theologi Hispani, & Cæsareæ Majestatis Confessoris doctissimi, & religiosissimi viri, legendos, docendosque commendamus: alios vero de hæresi, aut schismate suspectos ex usu eorum tolli præcipimus.

IX. Decanus Collegii sui Clericos & familiam in officio quemque suo contineat, exemplo alios præcedat: vitæ, morumque honestatem in habitu & disciplina, debitumque in Divinorum officiorum perfolutione & ceremoniis exigit: ebrios, aleatores, percussores, scortatores, & officii sui immemores corripit,

Sacris abigat, & pro jure sibi competenti mulctet. Scholastici Ecclesiæ nostræ dignitate aut titulo eminens, juventutem Ecclesiæ ministeriis destinatam, doctrina, pietate, & morum honestate imbuat: aut per idoneos & probos Pædagogos institui curet, atque ordinandorum examini de more nostræ Ecclesiæ, unaque nobiscum diligenter intendat.

Canonici Decano suo obediant, Divinis omnibus intersint, qua decet modestia, gravitate & pietate. Eleemosynas pauperibus distribuunt, populum bonis exemplis ædificant, Divinorum tempore deambulare, nec ipsis in templo liceat, neque alii cuiquam permittatur. Turpe enim est, in eo loco quacunque de causa motoriam agere, & ambulationes instituere, ubi & gestu corporis & animo in sacrorum mysteriorum tractationem defixos intentosque esse oporteat.

Studiofis quoque aliquibus, bonamque de se spem præbentibus, Decanus & Collegium provideant, ut iusto studiorum suorum tempore, justisq; sumptibus in Academicis & Catholicis Universitatibus sustententur: qui post tempus eis concessum redeunt, de diligentia, probitate, pietateque testimonium ejus Universitatis publicum secum asferre teneantur.

Cæterum Horas Canonicas, residentes Canonici tam Cathedralis nostræ, quam Collegiatarum Ecclesiarum, decenti modulatione pro Ecclesiæ nostræ Cathedralis & Collegiatarum more perfolvant, & hanc curam ad conductitios tantum succentores minime rejiciant.

Canonici etiam juniores Theologum, qui in singulis Collegiis frequentioribus haberi debet, lectionem suæ professioni & institutioni congruentem, certis horis, quemadmodum & Vicarii, aliaque Collegiorum membra facere tenentur, prælegentem audiant, itaque & animos Divinis studiis excolant, & ab otio removeantur.

X. Clerus nostræ Diœcesis in habitu, coronæ tonsura, & incessu decorum servet, superiore veste talari indutus, atque pietate magis venerabilis, quam aut famulorum multitudine, aut vano armorum terrore contemptibilis incedat. Mensa quoque utatur frugali, & ab ebrietate, ludis a jure prohibitis, atque omni lu-

dicra levitate abstineat, luxum omnem fugiat, mercaturæ aut cauponario exercitio, avaritiæ fordibus, fortilegiis, divinationibus, venationibus clamosis, omnibusque profanis negotiis, & a quibus cura Sacerdotalis merito abhorret, prorsus alienus existat.

Hospitia quoque publica, tabernas, aut cenopolia, compotandi causa, non ingrediatur. Qui secus fecerit, florenos quatuor dependet, quorum dimidiam partem fabricæ templi nostræ Cathedralis, reliquum delatori impartiemur. Pœnam festus dies graviolem efficit.

Instituta quoque Ecclesiastica de jejuniis & abstinentia carniū, feriis, atque hujusmodi, ab universo nostræ Diœcesis Clero religiose ac pie observari, atque sub debito obedientiæ Sanctæ Ecclesiæ Catholicæ præstandæ, populo indici debere, sub censuris & pœnis gravissimis mandamus.

Præterea cum æquum inprimis sit, eos mundos esse, qui vasa Domini portant, & in Sacrario operantur; volumus, atque juxta Sanctiones canonicas decernimus, ut Sacerdotes professionis suæ memores, caste continenterque vivant, atque a nefario concubinato abstineant. Sacerdos, Diaconus, & Sub-Diaconus fornicationis; adulterii, & familiaritatis suspectæ convictus, remota protinus concubina, ab officio suspendatur, & beneficii fructu ad certum tempus pro scandali gravitate privetur: item convictus, suspensione & privatione fructuum gravius plectatur. Incurrigibilis demum factus, beneficium amittat. Concubinæ autem Clericorum excommunicentur. Cæteris vero Clericis infra Subdiaconatum constitutis, & Ecclesiastico beneficio præditis, eadem privationis fructuum pœna infligatur, & a ministerio, si quod in Ecclesia habuerint, repellantur. Et cum his omnibus nullas fœminas, nisi aut sanguinis necessitudine junctas, aut annorum quadragenario numero majores, aut saltem suspitione carentes in illa vicinia, easque verecundas, sobrias, & publico testimonio castas liceat cohabitare.

Clerici nostræ Diœcesis domos, fundosque dotales beneficiorum collapsos instaurent, quantum necessitas postulaverit, reparataque in debita structura con-

servent, & negligentes per Decanos rurales, ac alios, ad quos de jure & consuetudine spectat, eorum proventuum domibus, fundisque applicandorum subtractione multentur.

XI. Quicumque vel cupiditate, vel quovis etiam honesto colore impellente, plura Beneficia Ecclesiastica obtinent, hoc nostro mandato jubentur, sicuti districte præcipiendo mandamus, ut retento, quod ex illis maluerint, unico Beneficio, cætera intra annum resignent, aut Nobis, vel Deputatis ad hoc nostris, dispensationum suarum privilegia hujusmodi ostendant. Quod, nisi debita obedientia præstiterint, sciant se ex nostra diligentia in recta & vera Ecclesiasticorum Beneficiorum dispensatione adhibenda, inobedientiæ aut cupiditatis suæ pœnas legitimas suscepturos.

Si qui vero posthac Sedis Apostolicæ dispensatione plura Beneficia obtineant, compertumque a Nobis fuerit, eadem Sedi (quæ in litteris, concessionibus, privilegiisque suis rationes, causasque honestas & necessarias, prout suggestum ei fuerit, sequi consuevit) illudum ab impetrantibus fuisse, hi sciant, Nos Sanctissimo Domino nostro melius informato dispensationum hujusmodi revocationem procuraturos. Unde statuimus & ordinamus, ut imposterum nullus, cujuscunque gradus aut dignitatis fuerit, ad alterius aut plurium Beneficiorum possessionem admittatur, nisi Nobis tanquam Ordinario loci, dispensationis ejusmodi litteras, pro Sedis Apostolicæ dignitate conservanda, inspiciendas prius exhibeat, Bonifacii IX. & Leonis X. Maximorum Pontificum Constitutionibus semper salvis. Et si dispensatione dignus videbitur, nihilominus statuimus, ut tales, aut alii quicumque Ecclesiarum Rectores & Beneficiati, Vicariis suis tantam ex fructibus portionem relinquunt, quanta ad hospitalitatem servandam, ad jura Episcopalia & Archidiaconalia persolvenda, aliaque onera ferenda sufficiat, alioquin a suis Beneficiis, reservato tamen unicuique Patrono aut Collatori jure suo, decernimus amovendos.

Hortamur etiam in Domino eos, qui plura Beneficia curata ex dispensatione Apostolica jam obtinent, ut uno, quod maluerint, retento, cætera intra annum

sine

sine ulla pensione idoneis Presbyteris resignent, & Christiano hoc officio, pietateque sua severitatem & coactionem Synodaliū, Provincialiū, aut Generaliū Statutorum, aut Decretorum antevertant.

Monasteria porro & Collegia, aut si qui alii incorporatas cum decimis & censibus Ecclesias, quas retinere velint, habuerint, idoneos Sacerdotes eis præficiant: quibus de victu, vestitu honesto, & competentia iusta prospici decernimus: alioquin, aut per privationem incorporationis legitimam, aut honestam ex Ecclesiæ illius decimis & viribus (*) assignationem, aut ineptorum Sacerdotum remotionem, ejusmodi Ecclesiarum commoditati provifuri.

Prelati Monasteriorum, Collegia, aut alii, unitas Ecclesias habentes, Vicarios hujusmodi, aut Sacerdotes non constituent, nisi prius per Nos, aut nostrum Vicarium, ut idonei, fuerint admissi.

Religiosos vero, Beneficiorum hujusmodi curæ a suis Prelatis præfectos, non obstante eorum qualiumcunque exemptione, volumus Nobis tanquam Ordinario esse subiectos.

XII. Monasteria cujuscunque Ordinis, secundum regulas, quas professi sunt, reformari, ipsosque Monachos in obedientia & religione sui ordinis contineri, capitulum disciplinæ frequenter fervari, vitia illic quotidie subnascentia severiter corrigi, cultum Divinum reverenter & debite fervari, concubinos, adulteros, ebrios, criminosos, infames, suspectos de heresi, aliisque criminibus, pœnis debitis castigari, habitum & tonsuram diligenter fervari, ædificia & bibliothecas studiose curari, prædia, census & jura conservari præcipimus: repugnantes, aut reformationis impatientes severa coercionem, debitisque mediis castigaturi.

Intermissa sacrarum litterarum, atque ea etiam, per quæ ad sacras litteras pervenitur, studia, apud opulenta Monasteria intra sex mensium spatium restaurentur. Ubi vero pauci sunt Monachi, iidemque egentes, unus atque alter ad aliud ejusdem, aut si commodum videbitur, diversi Ordinis Monasterium, ubi scholæ restitutæ sunt, mittantur, ubi & in sacris litteris, & in religionis observantia insti-

tui & proficere, atque ad prædicationem Divini verbi idonei reddi possint.

A rerum profanarum exercitio Monachi abstineant, atque intra Monasterii septa, nisi Concionum aut Sacrorum peragendorum gratia a suis Prelatis dimittantur, seu ad aliud Monasterium destinentur, vel a Nobis, tanquam Ordinario, ad curam animarum, secundum Canonum permissionem evocentur, se contineant. Tempore vero eis a Divinis lectionibus vacuo, semper pii & honesti quid agant.

Monachi a solitaria vita nomen adepti, familia superflua, equorum fastu & pompæ multitudine ne se ingerant, aut sibi otiosis, vanisque sumptibus frequentiam in solitudine procurent, sed frugaliter in humilitate vivant: & quæ necessitati supersunt, pauperibus, studiosorumque educationi, Ecclesiæ sementem uberimam facturi, erogent atque dispensent.

Monasteria excisa aut deserta, quantum fieri poterit, restaurentur.

Moniales ab egressu Monasteriorum suorum, virorumque conspectu contineant: earumque Monasteria viri non ingrediantur, nisi id postulet inevitabilis necessitas. Oeconomum ad res suas foris procurandas deligant honestum, fidum, frugalem, qui eis & Visitatori ternis mensibus rationem reddat negotiorum suorum; inutilem, gravem, infidum amoveant, aliumque surrogandum procurent.

Canonisæ continentis studium nulla voti solennitate obstrictum sectantes, commune habeant dormitorium, habitu modesto, mundo & castitatis indice utantur. Magna quoque instituti sui commoda ex mensæ communione perciperent, si contra inveteratum apud eas morem adduci ad hoc possent: quod ut faciant, eas in Domino hortamur. Sicubi liberiori vita detrimentum famæ patiantur, reformari eadem curabimus.

XIII. Concionandi officium soli vocati, & ab ordinaria Ecclesiastica potestate admissi sustineant.

Pastores, quibus animarum cura incumbit, Vicarios Sacerdotes, si ipsi iusta ex causa munus hoc explere nequeant, admittere possunt: notos tamen, & Prælatorum suorum testimoniis subnixos.

Concionator, seu Doctor Divini Verbi, Evangelium, & Sacras Scripturas non

(*) forte: juribus.

non suo, sed orthodoxorum & Sanctorum Patrum sensu & interpretatione tractet, & doceat, Homilias Sanctorum Patrum & Martyrum passiones, a fide dignis tamen Scripturibus proditas, post Evangelia statis diebus poterit recitare.

In Concione nihil profani, fabulosi, suspective proferatur, sed sint conciones sanorum verborum, & sanæ doctrinæ. Concionator se ad captum auditorum demittat; nunc Catechistam agat, nunc interpretem scripturarum, nunc vitiorum reprehensorem, nunc Doctorem mysteriorum, omniaque, ad lucrum Christo afferendum, omnibus fiat: & a quæstionibus perplexis & difficilibus, omni eruditionis ostentatione rejecta, abstineat, caveatque, ne se unquam ad convitia injuriasque, quibus Ecclesia cum populi offendiculo dehonestatur, delabi contingat.

Idem Clerum & Magistratum, aut absentes quosvis, suo quosque Judici relinquendos, perverso & multis hætenus usitato iudicii genere, apud populum non accusent, non deferant, non calumnientur: linguisque suis pro seditionum flagellis non utantur: sed sit oratio eorum modesta, sobria, gravis, & Verbi Divini nervis compacta, qua potentes sint exhortari in sana doctrina, & eos, qui contradicunt, arguere.

Misericordiam, bonitatem & caritatem Dei opportuno tempore prædicent, & extollant, ita tamen, ut iustitiæ ejus in benefactorum præmiis largiendis, malefactorumque poenis infligendis non obliviscantur, ut dubitantes & anxii, spe & amore Divino inflammentur, vel a peccatis deterriti resipiscant.

Eleemosynas, satisfactiones, & opera pietatis inducant: ne populus ab eis seductus credat, opinione quadam sua tutum se esse, etiamsi hujusmodi opera, quibus Christianæ fidei paries liniendus est, non faciat, cum tamen Deus sicuti de Pseudo-Prophetis apud Ezechielem dicturus sit: Et complebo indignationem meam in pariete, & in his, qui liniunt eum absque temperamento. (*)

Adversus grassantium hæreseon tempestatem, populum præmoneant sæpe & confirmant. Catechismum & Decalogi præcepta crebro relegant, & explicant, imprimisque dent operam, ut perniciosiss-

simus error, qui multorum animos occupat hoc tempore, eradicetur, quo verbum Domini limitibus adeo angustis quidam includunt, ut ab eis nihil, nisi atramento in sacris Bibliis exaratum, pro verbo Domini habeatur: cum verbum Domini initio nullis libris, sed Apostolorum cordibus impressum inveniretur: quod postea non Scriptura tantum, sed magna ex parte Ecclesiæ & Fidelium animis sermone communicaverunt, & sacræ litteræ testentur, Legem Evangelicam, ipsissimum Domini verbum, in tabulis cordium carnalibus, Spiritu Dei vivi scribendum fuisse. Horretur præterea populum, ut verbum Dei attente audiat, ab hæresibus abhorreat, Missæ officio libenter interesse, frequenti confessione se expurget, mundo corde & avido salutarem Christi corporis cibum excipiat, Sacramentis & eorum Mysteriis secundum Ecclesiæ traditionem religiose utatur, & diebus festis, sanctis tantum vacet operibus: memineritque Concionator, ut corpus suum in servitutem redigat, ne quos sermone ad pietatem adducere conatur, ipse in servitute ventris & peccati obfordescens, deterreat, aut illis opprobrio fiat.

XIV. Divinus cultus observetur, peragaturque his modis & ritibus, qui per manus Sanctorum Patrum nobis traditus, & per Majores nostros in Sacrificio Altaris, Officiis Defunctorum, Canonici cæterisque Divinis laudibus atque ceremoniis observatus fuit.

XV. In administratione usuque Sacramentorum ut confusio & schismata in Ecclesia Dei vitentur, & Apostolicis traditionibus, sacrisque Canonibus & Legibus reverentia debita habeatur; ceremoniarum, orationum, rituumque receptam uniformitatem Parochos nostros in omnibus sequi volumus atque jubemus.

Volumus etiam, populum, quid in cujusque Sacramenti collatione agatur, in concionibus & Sacramentorum administratione frequenter doceri.

Lingua latina, cui veluti Divino instrumento in ipsa Crucis ara sacris usibus dedicato, Ecclesia occidentalis Religionem Christianam fert acceptam, in Sacramentorum administratione, aliisque Ecclesiasticis officiis per totam nostram Dioccesin retineatur, & exclusa revocetur.

Quæ

(*) Ezech. 13.

Quæ vero Germanica lingua, secundum antiquas agendas pronuntiarî consueverunt, mutare fas non sit, sed & ipsa quoque conserventur.

XVI. Solennes ceremoniæ & orationes circa Baptismum hætenus in Ecclesia Catholica usitatæ, & in agendis Ecclesiæ nostræ descriptæ, nisi necessitas illud cogat, non omittantur. Quarum significationes populo sæpius exponi mandamus, ut professionis suæ, qua Christo initiatus est, admoneatur.

Susceptores quoque, seu sponsores parvulorum, ætatis provectæ sint, atque in fide probe catechizati & instructi, quo non ore tantum, sed & mente & serio ad interrogata respondere, suum munus intelligere, & parvulos, ubi adoleverint, & res postulaverit, in fide orthodoxa instituere possint: ætate vero aut fide nondum provectos, ad tantum munus admitti non debere, & ipsa ratio suadet, & nos præcipiendo decernimus.

XVII. Parochi suo tempore de Confirmationis origine, mysterio & Chris-
matis arcano subditos sibi doceant, eosque ad ejus desiderium accendant: ut Nobis, quod ex officio nostri debiti crebro facere institimus, aut si qua justa causa impediti fuerimus, Suffraganeo nostro, Diocesim nostram ad confirmandos baptizatos circumeuntibus, prompti paratique sint ad hujus Sacramenti susceptionem, faciliusque, quæ ipso administrationis tempore dicentur agenturve, percipiant.

XVIII. Canon Missæ submissa voce, excepta Dominica oratione, pacis exoptatione, Dei invocatione, & postrema populi salutatione, quemadmodum hætenus a Catholicis factum est, summaque religione, ut Mysteriis tremendis sua conferatur auctoritas, pronuncietur.

Reliquæ vero Missæ, quæ catechumenorum dicitur, partes debita religione & voce alta, intelligibilique legantur, aditque semper legenti Minister, qui Ecclesiæ nomine respondeat Sacrificanti.

Evangelia, vel Epistolæ Dominicis & festis diebus in Parochialibus Ecclesiis populo, sive ante Sacrum, sive sub eo, sive etiam a prandio, quod tempus Epistolæ declarationi non incommodum videretur, lingua germanica exponantur:

Tomus VI. Concilior. German.

eoque tempore nulla Missa, ne populum ab auscultatione distrahi contingat, celebretur.

Ut nimia festinatio in Missæ lectione aut celebratione religiosas aures oculosque offendit, ita incondita prolixitas fastidium potius generat, quam devotionem. Quapropter Sacerdotibus nostræ Diocesis devotam mediocritatem, & toto sacratissimæ actionis tempore decorum, quod ex corporis gestu, vestium sacrarum munda compositione, ipsoque vultu eluceat, commendamus.

Organa ad populi aures nullum alium sonitum, aut numerum deferant, quam qui religiosus ac pius ab omnibus habeatur. Melodiæ lascivæ, aut alio pertinentes, procul absint: profani etiam Rhythmi Ecclesiasticis sonis, aut verba sententiæve Ecclesiasticæ profanis numeris, aut rebus, ludibrii causa, non accommodentur. Nam cum aut melodiæ, aut orationes, sententiæve sacræ in profanam consuetudinem abeunt, fieri non potest, quin ad suum usum in Ecclesiis depromptæ, animis audientium memoria illius ludibrii aut scommatis pungant, atque avocent a devotione.

Sub Elevatione sacræ Hostiæ, Antiphonæ ad hoc Sacrificium tantum pertinentes cantentur: quanquam melius & veteri Ecclesiæ convenientius esset, præsentiam Dominici Corporis in altissimo silentio prostratos contemplari. Si quæ autem aliæ Antiphonæ ex consuetudine, aut fundatione cantari solitæ fuerint, ex peracto Sacro cantentur.

Concordiæ & pacis symbolum, veluti imaguncula crucifixi, ab ore Sacerdotis pacem populo imprecantis, secundum cujusque Ecclesiæ ritum hætenus servatum, aut commodiorem institutionem, ad adstantes in Missis solennioribus deferatur.

Ignotos Sacerdotes, & qui publicis criminibus infames sunt, aut solum quæstum sectantur, a celebratione hujus Sacri repelli jubemus.

Hostia vitalis pro infirmorum victico in loco mundo & honorato, accenso ad eum perpetuo lumine, servetur.

Eadem si in solennibus festivitibus, aut magnis supplicationibus circumferatur (quod nisi ex Catholico instituto, aut gravi causa præsentibus devotis cul-

A a a

toribus

toribus, fieri non debet) quidquid veram devotionem non excitat, ludique omnes profani removeantur.

Sed & quando ad infirmos defertur, lumen præferri, & campanella fidelibus signum dari præcipimus. Caveat tamen Presbyter, ut ad infirmum pauciores duabus particulis non deferat, ne populus in redeuntis manibus inane vasculum adoret: sin autem contigerit forte, ut reverti ad templum sine Eucharistiæ Sacramento cogatur, lumen præferri, aut signum dari prohibeat.

XIX. Non sine magna animi nostri molestia intelleximus, nonnullos nostræ Diœcesis laicos salutis suæ adeo immemores esse, ut nec constituto ab Ecclesia Catholica tempore confiteantur, neque ad Sacratissimæ Eucharistiæ sumptionem ulla ratione se præparent, aut ab ea penitus abstineant. Quocirca in virtute sanctæ obedientiæ, & sub pœna alias super hoc constituta, universis & singulis Parochis, aut eorum Vicariis præcipimus, ut quadragenarii jejunii singulis Dominicis diebus, Capitulum, quod incipit: *Omnis utriusque sexus*, subditis suis publicent in Ecclesiis, & contra inobedientes ad pœnas, juxta tenorem Constitutionis jam dictæ procedant.

Tenor ac verba Capituli: Omnis utriusque.

Omnis utriusque sexus fidelis, postquam ad annos discretionis pervenerit, &c. *Vide supra pag. 337.*

Sequuntur Casus aliquot, in quibus Sacramentum Eucharistiæ personis, ejusmodi criminibus gravatis, non ministrari, aut saltem ad tempus differri debet: qui & ipsi una cum Capitulo: Omnis utriusque sexus, vulgari lingua suo tempore sunt publicandi.

Cum ex laudabili Catholicæ Ecclesiæ consuetudine singulis annis vobis, Dilectissimi in Christo, denunciari soleat, cuinam Sacrosancti ac Venerabilis Corporis Domini Sacramenti perceptione interdictum sit, Reverendissimus in Christo Pater, & Princeps Dominus, Dominus OTTO, Sanctæ Romanæ Ecclesiæ Cardinalis, & Episcopus Augustanus, in cunctis suæ Diœcesis Parochiis denuncia-

tionem sub hac, quæ subditur, forma & ratione fieri mandavit.

Primo, quando hoc præstantissimum Sacramentum hominum e Religione Christianorum unio est & conjunctio cum Deo, cuncti infideles, qui ab Ecclesiæ communione & focierate disjuncti sunt, ut sunt Judæi, Ehnici, Hæretici, & quotquot hæreses manutinent, tuentur, eisque opem ferunt, ab ejus perceptione arcendi sunt.

Arcendi sunt etiam, qui vel Papalis, vel Episcopalis excommunicationis sententia constructi, publice denunciati sunt: siquidem illi ab Ecclesiæ communione excluduntur, donec absolutionis beneficium consequantur.

Item ubi cantione, & lectione Ecclesiastica communiter interdictum est, ut sit tempore interdicti, donec ejusmodi perdurat interdictum, non licet sanis percipere hoc Sacramentum: attamen ægrotis ad extrema tendentibus id ministrare permittitur.

Item cum unusquilibet in sua Parochia veneranda debeat accipere Sacramenta, illis, qui alterius sunt Parochiæ, non licet in alienis Ecclesiis hoc percipere Sacramentum, dum absque sui Pastoris permisso, atque ex illius contemptu aliis in locis id sumere volunt. Et Sacerdos, si ea de re certus fuerit, ejusmodi alienæ Parochiæ subditis Sacramentum non porrigat.

Item quando præcellum hoc Sacramentum sana mente, & ex vera devotione sumendum est, ejus perceptione pueris infra annos discretionis interdictum est. Sicut & illis, qui mente capri sunt, & ratione destituti, ut sunt amentes & infani, siue id naturaliter, siue ex dæmonum obsessione patiantur: nisi forte quandoque mentis compotes reddantur. Tum enim quamdiu ratione sua probe utuntur, Sacramentum hoc eis ministrari potest.

Item ex iisdem jam dictis causis, etiam illis hoc venerabile Sacramentum præbendum non est, qui perpetua stomachi cruditate laborant. Siquidem dum is perseverat morbus, aut agra affectio, Sacramenti hujus sumptione eis interdictum est: si quis etiam Venerandum hoc Sacramentum absque ulla ratione, vel devotione, aut secus, quam institutum est, expectat, aut indigne, puta

puta vel ad incantationem, aut superstitionem eo uti velit, ei Sacerdos, dum id resciscit, neutiquam ea ratione ministrare debet, sed populum Christianum sibi subditum instituere, ac informare, uti pro Catholicæ Ecclesiæ constitutione ad id sumendum præparare se debeat.

Item ne hoc præcellens Sacramentum aliqua afficiatur injuria & contemptu, ex Sanctorum Patrum decreto & institutione etiam infames omnes ab ejus perceptione prohibendi sunt, cujusmodi sunt præstigiatores, incantatores publice fei, & scurræ, & qui ludis vacant jure Pontificio prohibitis, itidemque scorta ac lenones, & qui Judæis serviunt, aut eorum alunt proles, vel alia illicita cum eis commercia habent, & si qui alii ejus generis sunt: ii, inquam, omnes ab altaris Sacramento removendi sunt, donec vita sua improba penitus abdicanda, irrogatam sibi pœnitentiæ multam persolverint.

Item scemina virilem habitum malo animo gestantes, quo perveriam suam expleant voluntatem, a Venerando hoc Sacramento arcendæ sunt, donec id mali penitus correxerint, & satisfecerint.

Item quotquot se segregant, ad hæreses deficiunt, & peregrina quædam sectantur instituta, ab Ecclesia minime approbata, ut sunt, qui in latebris clandestino conveniunt, & singularem, aut etiam rejectam atque damnatam colunt fidem: illi etiam, qui ejusmodi hæreses palam præ se ferunt, & exercent, ut qui ad fores templorum consistunt, ferreis sua sponte circulis devincti, aut sine pœnitentiæ injunctiōe se se flagellis cædunt.

Item qui sectam Pauperum de Lugduno colunt, in plateis panem propter Deum sibi dari alta voce precantes, tanquam perfecti sint. Hos omnes singuli Parochi tribus Dominicis publice e suggestione, ut ab his abstineant, & cæteris Christianis se se conformant, admonebunt. Quod si obtemperare nolint, ex sua Ecclesia & Parochia eos expellant, nec Sacrosanctum eis ministrabunt Sacramentum. Ita enim habent Statuta Synodalia Provinciæ Moguntinæ.

Item quicumque superstitioni dediti sunt, ut certis quibusdam ac singularibus

nec approbatis utendis(*) benedictionibus, aut rejectis diebus, aut incantationibus dæmonum, aut futura prædicando ex libris magicis, aut alias, vel quippiam ejusmodi sectando, quod sit Christianæ fidei, aut præceptis, & constitutionibus Ecclesiæ adversum: iis omnibus negandum est hoc Venerabile Sacramentum, nisi pro sui Confessoris consilio ejusmodi superstitionibus prorsus renuntiarint, & pro admittis pœnitentiæ multam susceperint.

Item cum unusquislibet Christianus ad idem Sacratissimum Sacramentum percipiendum per veram contritionem, & peccatorum suorum puram confessionem se se præparare obstrictus sit, illis omnibus ejus sumptione interdictum est, qui absque contritione & confessione in suis manent peccatis: & speciatim illis, qui secundum Sanctæ Ecclesiæ præceptum singulis annis semel non confitentur. Tales enim ab Ecclesia ejiciendi sunt, & in extremis, si sic decedant, Christiana sepultura eis neganda est.

Item cum confessio integra & indivisa esse debeat, & cum proposito deinceps peccata non admittendi; eam ob rem quicumque in publicis ac notoriis degunt sceleribus, ut sunt manifesti adulteri, & adulteræ, aut qui alias in lupanaribus simul viciant, & publici scenatores, & qui alios ad eadem inducunt, & id genus alii, ad hujus Venerandi Sacramenti communionem admittendi non sunt, donec re ipsa & factis testatum reddant, se suis omnino vale fecisse criminibus, & pœnitentiæ satisfactionem recepisse.

Item quando legitimo juncti Matrimonio simul degere sunt obligati, si qui ex illis absque Superioris Ecclesiastici, seu spiritualis Judicis sui permisso, ipsi se disjunxerint, sive divortium fecerint, quamdiu absque juridica separatione, vel concessione se junctim vixerint, non ministrandum, sed negandum est eis Dominicum Sacramentum.

Item iis annumerandi sunt, qui alea lufui perpetuo vacante: quibus non est porrigendum Venerabile Sacramentum, donec inde abstineant.

Item qui ebrietati, & crapulæ, & comessationibus perpetuo dediti sunt,

A a a 2 &

(*) forte: utentes.

& inhærent, & maxime, qui festos dies aut noctes in tabernis exigunt, illis post factam confessionem Venerabilis hujus Sacramenti sumptione per triginta dies est interdicendum, uti ab his vitiis se se emendent. Quod si facere nolint, juxta Canonum decreta etiam (*) morte mulctandi sunt.

Item, qui aliena detinent bona invitis illis, quorum ea sunt, possuntque restituere, iis negandum hoc dignissimum Sacramentum est, donec restituerint.

Item, qui sacras perfringunt ædes, & despoliant, & qui Sanctorum, ac Dei templis damna inferunt, ab hoc debent excludi Sacramento, donec relictis hisce sacrilegiis, Deo dicatis locis satisfecerint, atque restituerint.

Item quotquot proximis suis intra eorum terminos, siue illi sint agrorum, siue pratorum, siue hortorum, siue ararum, injuriam inferunt, vel invadendo, vel inarando, vel ædificia exstruendo, si festis id agant diebus, hujus eis Venerabilis Sacramenti perceptione interdictum est, donec ab his cessent injuriis, & læsis satisfecerint.

Item subditi, qui propriis Dominis suis, ob accepta verbera, aut castigationem, vel alias fidem & obedientiam præstare nolunt, Sacramenti hujus sumptione interdictum est, donec se morigeros præbeant, & agant pœnitentiam.

Item quicumque iniqua mensura vel pondere emunt, aut vendunt, triginta diebus jubentur abstinere a sacra Communionem, posteaquam ex Canonum præscripto irrogatam sibi pœnitentiæ mulctam susceperint.

Item quotquot justas non solvunt decimas, Parochi sui tribus vicibus admonere debent, ut eas jure persolvant. Quod si admoniti facere recusabunt, neganda est eis sacra Communio, donec satisfaciant, & mulctam sibi imponi patiantur.

Item quibus alicujus testamenti negotia bona fide exequenda commissa sunt, si ultra annum rem differant, auctoritate Episcopi ad executionem compellantur; poteruntque ob ejuscemodi negligentiam, si justa & rationabilis causa desit, sacra Communionem prohiberi.

(*) *Lege:* in morte

Item, quando singulus quisque e Religione Christiana sanctis Ecclesiæ præceptis obtemperare tenetur, puta, ut jejundet, festa celebret, consecratur peccata tua, sacras invias aedes, & alias Sanctæ Ecclesiæ consuetudines colat, & obliervet, quicumque animo obstinato iis se se opposuerint, eaque contemptui habuerint, a dignissimi Sacramenti perceptione excluduntur, donec redeant ad obedientiam, & pro suis peccatis mulctam sibi irrogari ferant: idque illi maxime, qui, spreis templis consecratis, absque Præsulis sui permisso in aliis locis plebem orationis causa congregant. Qui enim id agunt, excommunicationis sententia ligati sunt, nec licet eis Dominicum percipere Sacramentum.

Item, qui Sacerdotem e suggestu concionantem impediunt, atque in ejus contemptum ex sacris ædibus abscedunt, a sacra Communionem arcendi sunt, donec se se emendent, & agant pœnitentiam.

Item quotquot ex Ecclesiastici decreti, siue præcepti contemptu, Dominici, aut aliis festivis diebus Sacram Misse auscultare nolunt, nec in ipso Missæ officio perseverant, donec Sacerdos ultimam benedictionem impertiatur, pro judicio Confessoris sui a Communionem prohibeantur, donec agant pœnitentiam.

Item quicumque Dominicis, aut aliis festivis diebus rebus venalibus, quæ ad necessarium corporis victum non requiruntur, mercimonia exercent, Synodalibus Statutis a Venerabilis Sacramenti sumptione prohibentur, donec ab his penitus abstineant.

Item, qui clanculum se se jungunt Matrimonio, iis sacra Communio neganda est, donec secundum Ecclesiæ constitutionem publice se denuntiare faciant.

Item, qui Dominicam Orationem, & Symbolum Apostolorum ex desidia aut contemptu discere nolunt, poterunt a suo Confessore sacra Communionem prohiberi, donec ea addiscant.

Item quicumque Omnipotentem Deum, aut Sacratissimam Dei Genitricem, vel alios Sanctos palam blasphemant, aut eis maledicunt, vel per eorum

rum nomina, vel membra indigne ac impie jurant, & imprecantur, seu maledicunt, ab Ecclesiæ ingressu, & sacra Communione excludendi sunt, donec publicam egerint pœnitentiam.

Item quotquot Sacerdotalem dignitatem, & Sacerdotes ipsos publice dehonstant, aut conviciantur, iis similiter Ecclesiæ aditu, & sacra Communione interdictum est, donec pœnitentiam egerint.

Item, qui animo deliberato homicidium perpetrant, & qui erga proximum ininimicitias, aut invidentiam ulcisci meditantem animo gerunt, aut qui proximos inique opprimunt, aut eorum existimationi, aut honori falso derogant, ii omnes ad Venerabilis Sacramenti perceptionem non sunt admittendi, donec vel pacem conciliando, vel aliena damna restituendo satisfaciant, & irrogatam pœnitentiæ multam persolverint.

Item pater & mater, qui proles suas a mortis periculis non custodiunt, sive id scientes fecerint, sive ex incuria ac negligentia, aut forte in somnis, poterunt ad tempus a Confessore suo præstantissimi Sacramenti sumptione prohiberi, donec pœnitentiam expleverint.

Item cum Sacris Canonibus sub excommunicationis pœnis cautum sit, ne quisquam cujuscunque status sit, adversus Ecclesiasticarum personarum, Templorum, aut Monasteriorum Ecclesiasticam libertatem sancire quippiam vel statuere ausit, eam ob rem quicunque tale aliquid præcipiunt, aut statuunt contra Ecclesiasticam libertatem, aut ejusmodi decreta manutinent ac tuentur, & secundum ea judicant, aut talibus mandatis utuntur, & personas, bonaque Ecclesiastica exactionibus, aut aliis modis gravant, iis omnibus sacra Communione est interdictum, donec hujusmodi mandata & constitutiones abrogent, ab iniquo proposito cessent, & inde absolvantur.

Item quando Sacri Canones vetant, ne quis manifestam usuram non esse restituendam, aut quod per usuram contractum est, non esse reddendum, sententiam ferat: si quis autem id agat, excommunicationi subjaceat; quicunque talem ferunt sententiam, iis hujus est

perceptione Sacramenti interdictum, donec inde absolvantur, & pœnitentiæ multa eis irrogetur. Potest denique unusquislibet Confessor, cui curæ sunt animæ sibi confitentium, præ peccatorum magnitudine & gravitate eisdem sibi confitentibus, seu filiis confessionis suæ, ex causa, quæ sibi iusta videbitur, ad tempus sacra Communione interdicere, eique tales confitentes morem gerere debent: nisi a Superiore Ecclesiastica potestate aliud impetraverint. Quod, si peccatum occultum sit, & talis quispiam ad Altare accedens Venerabile Sacramentum sibi porrigi publice petat, non id illi Sacerdos negare debet: quanquam hoc ipso, quod contra tui Confessoris prohibitionem accedit, peccatum admittit.

Catholicæ Ecclesiæ pietissimæ matris lenitas, de rigore pœnarum Canonicarum, de quibus omnes Canones pœnitentiales extant, tantum remittit, populusque sibi ex ea clementia permittit tantum, ut difficile sit eas leges hoc tempore in usum Ecclesiasticum revocare. Nam cum Christianorum licentia in peccando crevisset, sæpeque anni pœnitentiales ex iis Canonibus in numerum ingentem, pœnitentisque vitam etiam longissimam excedentem conficerent, aut senio morbisque gravati satisfacere nequirent: factum deinceps fuit, ut illæ pœnæ ex clementissimæ Matris Ecclesiæ indulgentia & thesauri meritorum Christi & Martyrum dispensatione, in eleemosynas, orationes, sacrorum locorum visitationes, aliæque Christiani hominis exercitia commutarentur. Quoniam igitur & pœnarum usus exolevit, & indulgentiæ hujusmodi, Hæreticorum culpa, plerisque contemptui sunt: Parochis nostræ Diocesis injungimus, atque mandamus, ut confitentes harum pœnarum saltem admoneant, Judiciumque veteris Ecclesiæ circa eas explicant, & pestilentem illam opinionem, qua persuasum plerique habent, hominem peccati actualis pœnam Divinæ Justitiæ non debere, ex animis confitentium evellant, atque pœnitentialium Canonum severitatem, pro recepta posterioris ætatis consuetudine, orationibus, eleemosynis, jeuniis, aliisque id genus pietatis operibus, pro satisfactione pœnarum injunctis, mitigent.

gent, prudentique iudicio pro lepræ qualitate, pœnitentisque viribus, facultate, & affectibus expensis, simul & medicinam animæ ulceribus adhibeant, & pœnas delinquentibus infligant. In peccatorum Sacramentali inquisitione caveant, ne inconsulta diligentia, pusillorum animæ scandalizentur.

Decernimus etiam, ut Confessores probatam aliquam confessionis summam legant, qualis est Beati Antonini, Caymi Mediolanensis, aut Thomæ Cardinalis Cajetani: ex eaque criminum differentias, magnitudines, causasque optime discant, ut salutarem medicinam facere suo tempore possint.

Præterea, ne Ecclesiarum Rectores videantur pecuniæ magis, quam animarum salutem studere, statuimus & ordinamus, ut deinceps quilibet Confessor idoneus laicos contritos & confessos, ab omnibus peccatis occultis, quantumcunque gravibus & enormibus, Nobis, tanquam Ordinario ante reservatis, absolvere possit: homicidis, hæreticis, & excommunicatis, quos ad Nos, vel Pœnitentiarium nostrum remitti volumus, duntaxat exceptis. Quod ad Clericos attinet, in hac parte nihil esse volumus innovatum.

Mandamus denique, ut a confitentibus pro confessionis auscultatione aut absolutione nihil exigatur.

Postremo Presbyteris nostræ Diœcesis omnibus præcipimus, ne posthac eos, qui se in Monasteriis, aliisque locis, in casibus Sedi Apostolicæ, aut Nobis, tanquam Ordinario specialiter reservatis, aut ad contentiosi fori indagacionem pertinentibus, absolutos esse præteadunt, tanquam rite absolutos admittant, aut tolerant: sed eos ad Nos, seu Pœnitentiarium nostrum remittant, ut Nobis, aut Officialibus nostris de Canonicis eorum absolutionibus fidem faciant legitimam, superque præmissis expeditionem salubrem recipiant, & quod iustitia suaserit, vel rationis ordo distaverit, exequantur: donec hi, qui se absolvendi potestatem huiusmodi habere afferuerunt, privilegia sua Nobis congruo, tutoque loco exhibuerint, eaque a Nobis fuerint examinata. Quæ tamen in re mendicantium Ordinum Fratribus,

eorumque Facultatibus, ipsis à Summis Pontificibus concessis, nolumus præjudicari: quin ipsi, tam ut jure Pontifici cautum est, quam, ut à Nobis, Prædecessoribusque nostris eis concessum fuit, atque conceditur, Christi fidelium confessiones audire, & eos in casibus sibi, ut præfertur, concessis, in foro pœnitentiali absolvere, pœnitentiasque salutares injungere valeant, quemadmodum Ecclesiarum Rectoribus nostræ Diœcesis concedere consuevimus.

XX. Unctionis extremæ Sacramentum cum litanis & orationibus à Majoribus acceptis, totaque Ecclesia servatis, fidelibus impartiendum jubemus.

Sacerdos infirmum consoletur, a curis & desideris præsentis vitæ ad spem æternæ salutis erigat: diabolum & terribilia ejus alto animo contemnere, Christique misericordiam sperare jubeat, atque ita confirmatum cum benedictione Christo commendet.

A reditu quoque comitantem multitudinem infirmitatis humanæ admoneat, atque ad preces pro infirmo, in calce terreni agonis luctante, fundendas hortetur.

XXI. Sacerdotem nuptias alibi, quam in Ecclesia, quæ proprius est Sacramentorum locus, admittere, conjugere, aut benedicere prohibemus.

Vetamus etiam a Sacerdotibus eos conjungi, de quibus edictis, aut proclamationibus, ut minimum tribus, iisque tribus diebus festis sibi succedentibus, propositis, aut in concione publice factis, non constiterit, eorum conjunctionem nulla legitima Canonica causa impediri, aut eos a parentibus, tutoribus, vel cognatis ad hanc copulam non cogi, sed liberum ad eam consensum afferre.

Jungendos Matrimonio admoneri quoque a Sacerdotibus volumus, ut parentum & amicorum consilia potius, quam privata desideria sequantur; exemploque Tobie, jejuniis, & orationibus se se præparent, atque commendent gratiæ Dei.

Doceri etiam eos præcipimus Matrimonium, etsi quoad personas contrahentium legitima rataque sint, tamen nisi reli-

religione & fide eorum sanctificentur, Deo grata non esse, Sacramentalique gratia, donec vitium suum emendaverint, Ecclesiæque legibus subdantur, destituti.

XXII. Pro reconciliatione pœnitentium, aut alicujus Sacramenti, vel Sacramentalium quorumcunque administratione, Sacerdos de pecunia, aut re qualibet sibi danda minime paciscatur, sed eadem pro temporis, loci, personarumve necessitate secundum ritum Ecclesiæ, sine mora administret. Verum quia ratione, jureque distante, fœcii passio, ad consolationem societatem merito admittuntur: Permittimus tandem etiam Judicis officio implorato, exigi, quod in hujusmodi consuetudine debetur: ad cuius observationem laicos hortamur, & quantum de jure est, adstringi volumus, atque compelli.

XXIII. Prælati nostræ Diœcesis, Virgines, Ecclesias, Altaria, Cœmeteria consecrari, sacra loca quocumque modo execrata reconciliari, vasa, vestesque sacras, aquam, sal, palmarum ramos, frutices, herbas, cereos, agnum paschalem, fructus novos, & quæ sunt talia, quæ de jure, vel consuetudine ante hanc Catholicæ Religionis perturbationem consecrari, aut benedici consueverunt, suo quæque tempore & loco, suisque ritibus & orationibus per totam nostram Diœcesin benedici jubemus. Si quid vero locorum, aut rerum non consecratarum, aut execratum fortasse fuerit, quod consecrari aut reconciliari debuisset, Nobis intra proximum mensis spatium indicari ab his, quorum hæc cura esse debet, præcipimus, ut nostro Episcopali muneri in hac etiam parte satisfacere possimus.

Parochi, & quibus in nostra Diœcesi Verbi Dei prædicatio incumbit, populum doceant, loca, vestes & vasa usibus profanis exempta, & Sacramentorum Christi ministerio mancipata, ideò consecrari & benedici, ut sciamus non nisi Sacris & Divinis rebus vacandum, gratia Dei illic, seu munimine Divino prærente. Præterea res alias, humanis usibus necessarias, in nomine Christi per orationem Ministri, & verbum Dei benedici, ut Nobis, Divina beneficentia

contra adversarias potestates, incantationes, Magias, fraudes & machinationes inimici, pertinaciter nos oppugnantes, prosint, & virtutem concipiant.

Ceremonias vero Majoribus nostris, hominibus religiosissimis usitatas, quod ad varios pietatis usus valeant, & exercitia quædam sint, quibus mens externarum scilicet rerum sensu & significatione, ad Divinum cultum ipsumque Deum attrahitur, in Ecclesiis nostræ Diœcesis retinendas, & ubi abrogatæ fuerint, revocandas esse statuimus, atque mandamus.

Et quemadmodum a Parochis, Concionatoribusque nostris de ceremoniarum significationibus populum doceri volumus, veluti cereos ad laudem & gloriam ejus, qui lucem inaccessibilem inhabitat, & omnem hominem in hunc mundum venientem illuminat, accendi: thura incensa significare, orationes & desideria nostra cum odore bonorum operum ad Deum ascendere oportere: Processiones lætas, nostram de Christi triumpho & gloria exultationem: lugubres, nostrum in hac lachrymarum valle exilium indicare; & illis Deo gratias agi, his veniam peccatorum, & pro vindicta misericordiam implorari: ita eundem populum sedulo moneri jubemus, ne ceremonias religiosissime institutas, in abusum vertant aut superstitionem, sed ipsis ad pietatem exercendam utantur: atque ut processiones sint graves, ordinariæ, honestæ, Christiana religione dignæ, atque a vanis & secularibus studiis prorsus alienæ.

Cum autem Deo Optimo Maximo Creatori & Redemptori suo honorem, timorem, & reverentiam homo, tanquam creatura, debeat, multosque videamus ea in re damnata ignavia desides esse, omnibus Ecclesiasticis personis nostræ Diœcesis districtè præcipiendo mandamus: ut posthac summa pietate Deum ubique & honorent, & timeant, præcipue vero in templis humiliter reverentur, & venerentur: & cum in nomine Domini nostri JESU CHRISTI omne genu cœlestium, terrestrium, & infernorum flectendum sit: volumus, ut omnes, quotiescunque in sacris Concionibus, aut Missis, nominis Sanguinis & Corporis Christi,

Christi, aut Dei Genitricis Mariæ Virginis fiat mentio, aut quando canticum: Gloria in excelsis, aut Gloria tibi Domine, ante Evangelii initium, aut Nativitatis Christi ex Virgine, & Incarnatio in Symbolo, aut gratiarum actio in Præfatione, aut hujusmodi alia in Divinis officiis canuntur, vel commemorantur, detecto capite, genibusque flexis ante altare, velut locus tempusque postulaverit, Deo reverentiam exhibeant debitam, & populum ad ejus rei imitationem verbis factisque commoneant, atque hortentur.

XXIV. De diebus Festis feriandis nihil innovare volentes, præcipimus, ut Festivitates Christi, ac Beatæ Mariæ Virginis, aliorumque Sanctorum, juxta constitutionem & ordinationem per quondam felicis memoriæ Christophorum, Episcopum Augustensem, Prædecessorem nostrum desuper factas, & divulgatas, quarum tenor subinseritur, deinceps celebres habeantur.

CHRISTOPHORUS DEI GRATIA,
EPISCOPUS AUGUSTENSIS, DILECTIS
NOBIS IN CHRISTO DECANO,
ET CAMERARIO CAPITULI IN
N. SALUTEM IN DOMINO.

Licet superioribus annis constitutiones in particulari Conventu Ratisbonæ habito, per Sedis Apostolicæ Legatum factas, per totam Diœcesin nostram publicari fecerimus: ad aures tamen nostras pervenit, quod hæ constitutiones, & præsertim quoad observantiam dierum Festivitatum ab aliquibus vestris Capitularibus Plebanis inæqualiter observentur: ex quo multi emergunt errores, in Divini cultus contemptum, & scandalum plurimorum. Unde Nos, sicuti nostro incumbit officio, hujusmodi erroribus in futurum obviare cupientes, festa in Diœcesi nostra celebranda hic inferi fecimus: videlicet statuimus, ordinamus & volumus, ut de cætero Dominica dies, quæ in gloriam Dominicæ Resurrectionis ad nos usque a primitiva Ecclesia maxime celebris semper habita est, dies quoque Nativitatis Christi, sancti Stephani, & Innocentium, Circumcisionis, Epiphaniæ, Paschæ cum feria secunda & tertia dun-

taxat, Ascensionis, Georgii, Pentecostes cum feria secunda & tertia tantum, Corporis Christi, quatuor Festa Beatæ Mariæ Virginis, nempe Purificationis, Denunciationis, Assumptionis, & Nativitatis, Natalia Apostolorum, Joannis Baptistæ, Magdalenæ, Laurentii, Dedicationis Michaelis, omnium Sanctorum, Martini, Nicolai, Catharinæ, Hulderici atque Afræ, Patronorum nostrorum, sicuti hæcenus observari fuere, celebres quoque & Festi habeantur. Mandantes insuper vobis, ut Festa jam specificata observetis, & a Parochianis vestris observari faciatis: in cæteris autem Festivitatibus, quacunque ratione vel institutis, vel receptis, cuique liberum permittatis. Datum in castro nostro Dilingensi anno a Nativitate Domini 1539.

XXV. Cum post innumeras novationes nostra tempestate in fidei orthodoxæ articulis, moribus & ritibus a perversis hominibus introductas, nihil intentatum relinqueretur, quo populi aures a novatoribus captæ detinerentur: eo tandem ventum est, ut Oratio Dominica, Angelica Salutatio, Apostolorum Symbolum, & Decalogi Præcepta, quæ majores nostri in Germanicam linguam religiosissime conversa nobis tradiderunt, ab istis inverterentur: Illaque Reverendissima Religio, verborum majestas, tenor atque numeri, in animos hominum una cum materno lacte instillati, e media Ecclesia tollerentur: adeoque, ut qui nova interpretatione usi sunt, intelligerent se a vetere devotione esse dimotos. Nam ut unico exemplo ostendamus, sequens nostrum statutum ratione non carere, ab istis novis interpretibus factum est, ut quod antea in Oratione Dominica dictum fuit Pater noster in celis: ab istis dicatur, Noster Pater in celis: jamque sive data opera, sive casu aliquo hostili id acciderit, essentia verbum sedem suam in Divinæ Paternitatis invocatione amiserit. Ut igitur antiqua verborum religio, atque in ea devotio passim conservetur, Plebanis Ecclesiarum Parochialium in virtute sanctæ obedientiæ districtè præcipiendo mandamus, ut singulis diebus Dominicis finita concione, Orationem Dominicam, Angelicam Salutationem, Symbolum Apostolorum, & Deca-

Decalogi Præcepta, distincte ac tractatim ita prælegant, ut populus legentem repetitione subsequi, ea discere, & memoriz mandare possit.

XXVI. Inprimis statuimus & ordinamus, ut nullus nostræ Augustensis ditionis, aut Diœcesis, cujuscunque ætatis, status, ordinis, aut gradus fuerit, ad Scholas & Gymnasia, de schismate aut hæresi suspecta, nuperque natis de religione perverfis opinionibus contaminata, discendi docendive causa audeat proficisci. Nam qui contra fecerit, is faciat, se Nobis penas debitas daturum.

Quod vero ad Nos attinet, /Academis incorruptis, & in Catholica doctrina, vitæque perseverantibus, potestatem facimus, Nobis viros literatos ad regendum Ecclesias idoneos significandi: quorum in collatione Beneficiorum, Parochialiumque Ecclesiarum, apud quos residere voluerint nostræ Diœcesis, honestissimam rationem Nos habituros, eosque, si digni ea re videbuntur, etiam apud Sanctissimum Dominum nostrum PAULUM Tertium Pontificem Maximum, cujus optimam mentem ad hoc inclinare cognovimus, summo studio atque diligentia promoturos pollicemur.

Concilii quoque Lateranensis Decretum amplexi, præcipimus, ut quæcunque, aut qualiacunque Canonico Collegia, Scholas pro cujusque Collegii magnitudine, sicuti aut defuerint, aut novis opinionibus infectæ, erigant, & restituant.

His præficiantur Magistri. & Pædagogii incorruptæ vitæ, a quibus tam pietatis Christianæ prima principia, quam rudimenta literarum juvenus hauriat, æque in classes, si ætatis aut ingeniorum ratio id postulare videtur, dividantur.

Quibus etiam nihil, quod eorum innocentiam, vel in religione, vel in moribus lædere possit, prælegi mandamus.

In reliquis vero oppidis, ubi Collegia non sunt, Scholas, quarum Magistri boni, honesti, & docti sint, instituere, aut conservari jubemus.

Apud singula frequentioraque Canonico Collegia singuli Theologi

Tomus VI. Concilior. German.

honestis stipendiis conducti habeantur: qui certis diebus & horis interpretentur Biblia, ac de re theologica juniore Canonicos, Vicarios, & alia Collegii membra doceant: ubi eorum quisque adlectionem suæ professioni & instituto congruentem comparere teneatur.

Doctori unius Præbendæ proventus, donec in docendo perstiterit, assignetur: qui, si non suffecerit, ratio aliqua ineatur, ut ei, quantum sit satis, suppeditetur.

XXVII. Hospitalia nostræ Diœcesis conservari, redditus ad ea destinatos in nullos alios usus converti, atque sicubi alienati, aut in privatos usus conversi fuerint, revocari jubemus: si apud Collegia, Monasteria, aut sacras alioquin ædes, hospitalium redditus cum cæteris redditibus, aut bonis confusi fuerint, & hodie ignorentur, curabimus nihilominus, ex Collegii, Monasterii, aut sacre illius ædis ærario, aut proventibus, pauperum & infirmorum necessitati provideri. Viduæ, Orphani, & qui ad quærendum victum sibi non sufficiunt, ex eo loco, ubi hospitalia constituta sunt, oriundi, in ea recipiantur: Peregrini autem hospitalia pro refectioe tantum, non autem in fraudem indigentium pauperum pro inhabitatione patere concedimus.

Hospitalium, quorum fundatores sibi provisionem, ac dispensationem retinuerunt, administratores, saltem semel in anno Provisoribus rationem reddant, quorum omnium curam & inspectionem præcipuam nobis Divino aspirante Numine, pro ordinaria nostra auctoritate sumemus.

XXVIII. Principes, Comites, Barones, Nobiles, civitatisque Augustensis, atque aliorum oppidorum & municipiorum nostræ Diœcesis Magistratus, & Præfectos hortamur in Domino, atque in virtute Ecclesiasticæ obedientiæ requirimus, eisque munere, quod Deo authore gerimus, confisi, mandamus, ut invocati Nobis, nostrisque Vicariis in exequendis hujus Sanctæ Synodi Decretis auxilio sint: Jurisdictionem, libertatem, & immunitatem Ecclesiasticam Imperatorum legibus, & sacris Canonibus, Episcopis & Clero tributam ac

B b b

firma-

firmatam tueantur, Nobisque conferrent: adhæc etiam, ne Ecclesiis, quas tuitionis, protectionis, aut advocacy jure tueri deberent, contra fidei datæ Sacramentum, gravia & iniqua onera imponant, ne ipsos tandem Cæsareæ Majestatis præcepto aut amoveri contingat, aut limitibus præscriptis, quid alteri alteris invicem debeant, includi. Cæsaris enim jussu in re tam justa prævenire honorificentius est, quam eum ad exequendum invitum compelli.

Cum populus præter obedientiam, quam Principibus & civili Magistratui debet, ad eam quoque, quam Nobis, & aliis Ecclesiasticis Ordinibus debet, redigendus sit: universos & singulos nostræ Diœcesis laicos in Domino hortamur, eisque præcipimus, ut Clerum nostrum, Parochos, aliosque Ordines Ecclesiasticos venerentur, eorum facta non temere judicent, adversus Presbyteros suos præfractæ non contendant, sed morigeros se præbeant, atque obsequentes. Ad Christum enim, cujus legatione funguntur, eorum tam honor, quam contemptus pertinere credendus est.

Conveniat quoque diebus Dominicis & Festis ad Divina, quæ in Ecclesiis Catholicis celebrantur. Concionem sub silentio audiat, memoriæ commendet, & Concionatorem vel auscultantes strepitu, aut deambulatione, non perturbet. In Missa audienda ad finem usque donec Benedictionem Sacerdotalem acceperit, perseveret: & qui peccati vinculo retinentur ligati, absque absolutionis, & veræ emendationis proposito, ab Eucharistiæ Sacrosanctæ perceptione abstineant: palam vero criminosos, & qui peccati certissimam occasionem dimittere nolunt, sive Sacerdotes sint, sive laici, omnino a Communionem volumus abarceri.

Patres & matres familias, liberos & familiam, secundum audita in concione domi instruant, timorem Dei, Symbolum Apostolicum, Orationem Dominicam, Salutationem Angelicam, Præcepta Decalogi, & quidquid pertinet ad bonos mores & virtutem in eis educandam, doceant: præcipue vero eos a blasphemis, juramentis, & execrationibus, cum domestica disciplina, tum iræ Divinæ prædicatione deterreant. Cætera, quæ

hic brevitate causa omittimus, ut a piis Concionatoribus acceperint, ita doctrina & usu domestico tractent, atque sicuti Christianos homines decet, exercent.

Ceremonias quoque Christianæ pietatis, & instituta Ecclesiastica de jejunii & abstinentiæ carniū, de feriis, de processionibus, & id genus ritibus, a populo Nobis commissio suo debito obedientiæ Sanctæ Ecclesiæ, religiose ac sancte observari mandamus.

Sanctionem Patrum Christianus populus de Confectione & Eucharistiæ Communione, Paschali tempore, sub pœnis in Canone contentis observet; liberos contagiosos, de falsa religione suspectos, & impiis jocis refertos, imagines præterea & picturas obscenas, vel ad ludibrium religionis Catholicæ, aut ad certorum hominum infamiam expressas populum nostræ Diœcesis legere, aut habere, atque de Sacrosancta Fide, præcipue inter pocula atque convivia, temere disceptare non liceat. Legat autem libros sacros, sanctos Patres, vitas Sanctorum, præclarorum & fortium virorum historias, & imagines tales spectet, quibus ad pietatem, virtutem, religionis & reipublicæ amorem accendatur.

Ebrietatem atque infames compositiones fugiat, quibus & corporis & animi vires enervantur.

Tabernæ & cenopolia diebus festis ante Sacrum in Ecclesia peractum, infirmis & peregrinis exceptis, non pateant.

Novorum & ab Ecclesia non receptorum dogmatum auctores, prædicatores, aut jactatores, sacrilegos, perjuros, blasphemos, usurarios, adulteros, ebrios, aliisque publicis criminibus obnoxios, ferri in Ecclesia nostraque Diœcesi prohibemus: in quos etiam censuris & pœnis Ecclesiasticis summa severitate animadverti debere statuimus, & ordinamus.

XXIX. Ut porro sciant Abbates, Præpositi, Decani, & Clerus nostræ Diœcesis, Nos hæc Statuta Synodalia ex sacra Cæsareæ Majestatis formula, sacrisque Canonibus, & Patrum Antecessorum nostrorum Decretis & Statutis, non ad ostentationem, sed ad indubitata-

tam

tam Reformationem ipsorum, nostrique gregis, pro ipsorum temporum usu atque necessitate collegisse, posthac tertio quoque anno, quot annis, aut quoties res postulaverit, Diœcesin nostram totam, visitationis gratia, vel ipsi circumibimus, aut per Suffraganeum nostrum, qui baptizatos etiam Confirmationis Sacramento figner, mandabimus visitari.

Visitationis autem normam, si quid in Ecclesiæ nostræ formulis desiderabitur, Suffraganeo, aut Vicario nostro, quorum alteri, vel utrique in occupationibus nostris visitandi munus delegabimus, præscribemus: eamque Decanis quoque Diœcesis nostræ ruralibus in suis visitationibus sequendam, quatenus pertinere ad eos videbitur, proponemus: operamque dabimus indefessam, ut in hac quoque parte eorum, quæ hoc quidem tempore effici possunt, nihil desideretur.

XXX. Excommunicationis, suspensionis, & interdicti nostri sententias a nullo, cujuscunque status, gradus, & conditionis fuerit, negligi, contemni, aut quoad publicationem, & executionem earum impediri debere statuimus, atque sub pœnis & censuris Ecclesiasticis quibuscunque impedientibus irrogandis, districtè præcipimus.

Officiali quoque nostro injungimus, ne Divinam censuram, qua nulla est major in Ecclesiâ, leviter & propter exiguas parvique momenti causas proferrat: sed ut ad sanitatem magis, quam ad interitum contumacium ac rebellium animorum respiciat.

Excommunicatos & denunciatos, ab omnibus vitari, & a nemine in consortium recipi decernimus, eosque ante pœnitentiam, emendationisque ipsionem, atque satisfactionem tam Ecclesiæ, quam injuriam passò faciendam, ad Sacramenta, Communionemque fidelium admitti, atque absolvi prohibemus.

Nisi populari concursu cædes Clerici facta sit, persona tantum, Clericalis homicidii rea, non autem locus delicti, interdicendus erit; idque ea de causa, ne per hanc occasionem populus indies negligentior fiat, neve a sceleratis hominibus otium a Divinis, patrato crimine, dataque opera procurari possit.

Tomus VI. Concilior. German.

XXXI. Universis Sacerdotibus, & omnibus nostris subditis, tam religiosis, quam sæcularibus injungimus, & mandamus, ut pro Sanctissimo Domino nostro PAULO Papa III. atque Invißtissimo Imperatore nostro CAROLO Quinto, cujus immortalis beneficio hanc pacem quietemque publicam debemus: pro Serenissimo Principe Ferdinando, Romanorum Rege, & aliis Principibus Catholicis, in Missis, Orationibus & Concionibus suis devotissime precentur: populumque, ut idem faciat, hortentur, ut orthodoxam fidem, Sedisque Apostolicæ, a qua fidei Christianæ incunabula traximus, auctoritatem, ut hætenus factum ab eis fuit, ad gloriam Omnipotentis Dei tueantur: & si qui alii forte callidis adversarii nostri artibus in errores prolapsi addictive sint, pro his una cum populo atque in Sacris orent, ut in tempore resipiscant, atque ad pristinam Ecclesiæ Catholicæ unitatem & obedientiam una cum populis sibi subiectis revertantur.

XXXII. Cum porro sine coercitione Jurisdictio nulla sit, & absque pœnis non modo leges vilescant, verum etiam quælibet civilis societas in deterius facile abeat, atque dissolvatur, ne frustra huic sancto muneri operam impendisse videamur: statuimus, atque ordinamus, ut pœnæ canonice tam in Corpore Juris clausæ, quam Provincialibus, Synodali- busve Statutis alias editis annexæ, transgressoribus horum Statutorum, scilicet specialis pœna expressa non sit, infligatur; Nobis, aut Vicario, seu Officiali nostro, earum electionem, moderationem, aut aliam quamlibet arbitriam pœnam, earum loco, pro personarum, locorum, aut transgressionis qualitate exigendam, reservantes.

XXXIII. Cum Synodorum celebrandarum ratio in tanta rerum Ecclesiasticarum perturbatione plerisque ignota sit; volumus subditis nostræ Diœcesis omnibus nostram in hanc rem mentem, & quid quisque in ea facere, aut ex ea sperare possit, vel debeat, explicare:

Synodos igitur nostras Diœcesanas anniversarias, & quoties necessitas Ecclesiæ nostræ postulaverit, esse & habere volumus, atque decernimus.

B b b 2

Qui

Qui ex nostra Dicecesi in Synodalem concessum recipiuntur, singuli iurisjurandi, Nobis præstiti, admoniti, aut si videbitur, jurati, Ecclesiarum suarum, Prælatorum, atque etiam Officialium nostrorum, & populi detrimenta, defectus, vitia gravia, & sæcularium quorumcunque, sive præsentium, sive absentium, tyrannidem in Ecclesias, populum, viduas, vel orphanos sævientem, proferant in medium, a Synodo sine ullo respectu corrigenda.

Appellationes quoque eorum, qui ad nostram Synodum provocarunt, absentiumque gravamina, aut desideria per epistolas, aut libellos supplices explicata audientur.

Laicis etiam suas querelas, modo res, aut causas Ecclesiasticas concernant, aut ad iudicium Synodi pertineant, in scriptis proponendi potestas fiet: quibus Procuratores & Advocatos Synodales ex nostris Consiliariis laicis deputabimus; aut ipsos, si digni, vel ad causas suas exponendas apti sunt, intromitti mandabimus.

Et quicumque Divini amoris zelo ducti, crimina, disciplinam, & quietem Ecclesiasticam perturbantia, denunciare voluerint, vel publice, vel privatim audientur: ad quam denunciationem ceu Evangelicam, & ex caritatis visceribus proficiscentem, universos & singulos per amorem, quo Reipublicæ Christianæ quisque infixus esse debet, exhortamur.

Intestina quoque odia, & capitales inimicitias, ex quibus nostræ Dicecesis tranquillitas perturbari, aut scandala oriri possent, summo studio, summoque moderamine æquitatis, extingui, deponi, atque ad amicitiam, aut saltem ad compositionem & pacem traduci adnitemur.

Quoniam veto multi sunt, qui aliorum vitia & defectus, aut potentiorum injurias, oppressiones, seu tyrannidem, coram tota Synodo proponere non audeant: deputabimus tres, aut plures ex Synodo Commissarios auditores, apud quos universi & singuli, tam Clerici, quam laici, quæ volunt, tuto deponere possunt. Sciantque omnia sub silentio regenda esse.

Et ne quis existimet, Nosmet, aut nostros Officiales ex eorum numero quorum vita, mores, & actiones corrigi debeant, exemptos esse velles, a tota Synodo testes Synodales, qui nostræ, nostrorumque Officialium reformationi intendunt, deputari mandabimus. Nam etsi multa nobis deesse cognoscimus; multa tamen nos fugere non ignoramus.

Neque Synodum, aut ejus Deputatos dimittemus, donec de omnibus causis, omniumque gravaminibus sufficienter fuerit informata.

Vitiis & querelis auditis, adhibito Theologorum Jurisperitorum consilio, ea atque alia incommoda, admonitione, correctione, executione, epistolis, statutisque Synodaliibus, pro viribus nostris, Omnipotentis Dei auxilio innixis, apud omnes emendari, & tolli curabimus: & alia omnia ad rem sacram, Divina officia, & laudes pertinentia, ex libri Pontificalis præscripto peragemus.

Quod autem ad apocrypha, inepta, parumque sincera, quæ temporum vitio in Breviaria irrepserunt, emendanda: earundemque Precum & Psalmorum frequentes repetitiones, innumera Suffragia, & novas Collectas, Sequentias, Præfationes, & id genus fastidium afferentes, & Officiis Divinis, Missæque Sacrificio parum congruentes, tollendas, mutandasque attinet: adhæc etiam, ut sub Sacro solenni coram eodem populo Missæ speciales non legantur: ut excommunicationis sententiæ ob criminales tantum causas, easque valde graves & lethales ferantur: ut Apostolice vel coadjutores facti, vel alias provili examinentur: ut Beneficiorum pluralitas refrenetur: ut Beneficia tenuiora unione crescant, atque ad pauciorum numerum redigantur: ut exempti, Ordinariorum reformationi, visitationi, & correctioni subiaceant: ut Academiae, seu Doctorum, & studiosorum hominum Universitates, quarum in Dicecesi nostra nullam habemus, reformentur, eisque privilegia sua & immunitates conserventur: & si quæ sunt alia, quæ in Cæsareæ Majestatis formula delibata sunt, & in hisce Statutis nostris vel prætermisimus, vel exhortando potius, quam statuendo inseruimus, ad Synodum Provincialem; & si in ea super his statui

statui nihil queat, ad Oecumenicum Concilium, Sanctissimique Domini nostri deliberationem duximus rejicienda. Ostenditur autem Nobis ex Reverendissimi, & Illustrissimi Principis & Domini Sebastiani, Electoris & Archi-Episcopi Moguntini, Metropolitanis, Domini & amici nostri carissimi, pietate, eruditione, industria, ingenio, animique magnitudine spes optima fore, ut in proxima Synodo Provinciali, de his, aliisque nostræ Religionis negotiis, rebusque omnibus ratio inearat certissima, qua amplissima illius Metropolis Provincia orthodoxæ fidei, ipsique Christo tota restitatur.

Finita sub irruentem jam noctem Statutorum lectione, Reverendissimus Cardinalis Cancellario mandavit, ut Synodum his fere verbis alloqueretur: Quomodo Reformationis formulæ, hodie publicatæ, Statutorum ratio conveniat, ex lectione hac perpectum plane omnibus esse: restareve illud solum, ut universa Synodus de his omnibus suffragia ferat. Ut igitur cogitandi, deliberandique de singulis spatium habeant ad Synodum vocati, sequenti die primum, quæ decima tertia Novembris futura erat, post rem sacram peractam, de his omnibus ineunda suffragia esse. Itaque Reverendissimus Cardinalis eos ad cœnam, in cœnaculo ad hoc instructo, sumendam cum sua benedictione dimisit.

Acta secundæ diei Synodi.

Altera die hujus sacratissimæ Tractationis convenerunt omnes constituto tempore: & Missa per Reverendum Dominum Philippum a Rechberge de Hohenrechberg, Decanum Ecclesiæ Augustensis, de Sancta Trinitate solenni Canticorum ritu celebrata, moxque reliquis ex libri Pontificalis præscripto peractis, Reverendissimus Cardinalis, laicis antea per Dominationis suæ Reverendissimum Fiscalem exire jussis, Synodum obtestatus est ferventi sermone, ut meminisse velit, se non privato cujusquam mortalis, aut quenquam suo, sed universos Christi, per quem creati & redempti essemus, nomine convenisse: Christi hanc causam esse, de qua nunc sit deliberandum: afferrent igitur hodie animos, ab omni perturbatione, cupiditate, pertinacia, im-

munditia, & socordia expurgatos: consulerentque in medium de his, quæ disciplinam Ecclesiasticam in Ecclesia DEI excitare, restituere, & conservare queant. Quod ad se privatim attineret, daturum operam, ut Deo Duce, Episcopi munere, quantum in se esset, rite recteque fungeretur: & quanquam imbecillitatem defectusque suos plerosque in se ipso agnosceret, tamen non dubitare se, quin multa sint, quæ latere ipsum possint. Quapropter postulare se ab universa Synodo, ut ex Prælatorum, Canonicorum & Decanorum ruralium triplici ordine, singulos, binos, ternos, aut plures, si ita videretur, eligerent, qui ceu testes Synodales, de his, quæ emendanda in se essent, inquirerent, seque Synodi nomine admonerent: paratum enim se esse, promptumque & ad audiendum tranquillo animo singula, & ad obtemperandum monitis salutaribus sanctæ hujus Synodi, in Spiritu Sancto congregatæ. His in hanc fere sententiam, majore tamen sermonis affluentia, dictis, summum aliquamdiu silentium fuit. Quod cum a nemine rumperetur, Dominationis suæ Reverendissima advocatis a se Consiliariis, constituit suffragiorum Scrutinium inchoandum esse. Quo consilio per Cancellarium publicato, Fiscalis e schedula nominatim, ordineque singulos ad mandata Procuratoria, aut Syndicatoria afferenda compellavit. Singuli itaque depositis apud Reverendum Dominum Jacobum Henrichmannum, Augustensis Ecclesiæ Canonicum & Vicarium, atque Notarios ad hoc deputatos, mandatorum instrumentis, super statutis Synodalibus approbandis sententias dixerunt. Quorum primus Reverendus Dominus Marcus Avunculus, Episcopus Nazianzenus, & Suffraganeus Augustensis, brevi candidaque oratione statuta Synodalia approbavit, seque observationi eorum, quatenus ad se pertinerent, adstrinxit: hunc secuti sunt reliqui Prælati, Abbates, Præpositi, & Decani tam Collegiorum, quam regiuncularum ruralium: nemoque in tanta multitudinem extitit, qui voce sua statuta hæc saluberrima non collaudaret, atque se una cum his, quorum nomine huic Synodo interesset, illis pro viribus pariturum, aliisque, ut idem

facerent, auctorem futurum, non profiteretur.

Tanta igitur consensione omnium, votisque concordibus animadversis, Reverendissimus Cardinalis Deo optimo maximo, cujus spiritu afflante hæc gerebantur, gratias egit: & accito ad se Cancellario mandavit, ut Synodo, quæ a prandio agenda essent, indicaret, nempe Dominationem suam Reverendissimam negotium dedisse, Reverendissimis Dominis, Episcopo Nazianzeno, Philippo a Rechberg &c. Decano, Jacobo Henrichmano Vicario & Cancellario suo, ut horis pomeridianis causas, gravamina & defectus tam Ecclesiasticorum, quam laicorum, ad Synodi cognitionem pertinentes, audiant, expediant, aut, si res ita postulet, ad Dominationem suam Reverendissimam, vel Synodum ipsam referant decidendam: cupere præterea Dominationem suam Reverendissimam, obnoxque petere a Synodo, ut tres pluresve deputet, qui de Officialium, aliorumque Ecclesiasticarum functionis, seu fori ministrorum suorum negligentia, aliisve gravaminibus, inde fortasse ad se manantibus, inquirent, atque ad Dominationem suam Reverendissimam, sine ulla reformidatione, deponant, ut diligentia ejusdem, curaque debita, si quid incommodi fuerit, emendetur.

His dictis, Reverendissimus Cardinalis Synodum, ad corpora in cænaculo inferiore, sicuti toto hoc Synodi tempore impensis ejusdem factum fuit, prandio curanda, de more dimisit.

A prandio Auditores causarum Synodali negotio sibi dato satisfecerunt; causasque, scripto vel voce propositas, aut expediverunt, aut si quæ majore investigatione opus habere visæ sunt, in aliud tempus, dum veritas inquiri, aut pars altera audiri potuerit, rejecerunt.

Acta tertiæ diei Synodi.

Postrema die Synodi, quæ fuit Novembris decima quarta, hora sub lucana, celebravit officium Missæ de Beata Maria Virgine solenne & habitu Pontificali Reverendus Dominus Caspar, Abbas Monasterii Othoburensis. Et Sacris tum Missæ, tum Synodalibus in libro

Pontificali præscriptis, rite summaque totius Cleri & populi devotione peractis Cancellarius, quæ a Reverendissimo Cardinale fuerat jussus, in eam, quæ sequitur, sententiam Synodo exposuit: Dominationem suam Reverendissimam videlicet, intellecta totius Synodi in approbandis statutis, ad Cæsareæ Majestatis formulam conditis, hesternaque die prælectis, summa concordia, reliquum esse censere, ut ea pro approbatis publicatisque habeantur: idecirco eandem paterno benignoque affectu omnes admonere, meminisse ut velint, se consensu hoc Synodali ad ea observanda, perpetuæque vitæ, morum, atque officii integritate custodienda, Deo omnium bonorum consiliorum auctori, & humanarum actionum inspectori, ipsiusque Ecclesiæ Christi, ejusque Antistitibus obstrictos esse. Cavendum igitur omnibus, ne a legibus ipsis actorum suorum culpa coar-guatur.

Posthæc Reverendissimus Cardinalis Synodum denuo admonuit, ab eaque urgendo petiit, ut monitores ex se deligerent, qui Dominationem suam Reverendissimam de his, quæ se fortasse circa officii sui, suorumque ministrorum negligentiam, aut improvidam curam, seu administrationem liteant, admonerent: daturum enim se operam, ut se ipsum, suæque ad rectam Episcopalis officii regulam pro viribus emendet.

His dictis, Synodus, communicatis inter se omnium ordinum consiliis, per Reverendum Dominum Episcopum Nazianzenum respondit, se amplius in Dominatione sua Reverendissima nihil desiderare, quam prout conscientiæ suæ modo, Statutis hisce Synodalibus unacum suis insistant, atque veluti Lex animata, in Ecclesiæ suæ cardine eminens, cætera membra in officio contineat.

Hoc responso, Reverendissimus Cardinalis tanquam restituendæ apud suos Catholicæ pietatis ingenti spe excitatus, Synodo gratias egit, Deumque omnipotentem supplex rogavit, ut sibi in explendis, exequendisque hujus Synodi constitutionibus Divino suo Numine assistere dignaretur.

Postremo præsentibus, atque comparentibus in hac Synodo tamquam obedi-

dientiæ filiis , gratiæ a Cancellario actæ sunt , benignitatis Dominationis Sux Reverendissimæ , plenæ , addita etiam clementissima obtestatione , Dominationi Sux Reverendissimæ gratius accidere nihil posse , quam si ad eum , veluti ad Patrem , & Pastorem , in rebus suis dubiis , adversisque confugiant : auxilio enim , consilio , studio , cura , benevolentiaque sua , se eis pro viribus semper adfuturum.

Cum igitur Synodus , peractis fere jam omnibus , dimittenda esset , prodiit in medium Fisci promotor , atque citatorum non comparentium contumaciam ac-

cusavit ; petiitque eos contumaces , atque in Consistorio Episcopi ea de causa processum decerni atque committi : cujus petitioni Reverendissima Dominatio Sua annuit ; præcepitque contra contumaces , juris ordine servato , procedi . Citati fuerunt etiam omnes ad Synodum proximam , quæ indicta fuit ad Kalend. Septemb. Anni 1549. in oppido Dilinga celebranda.

His omnibus magna omnium attentione absolutis , admisi sunt laici , hymnoque , *Ti Deum laudamus* , cantato , Reverendissimus Cardinalis solenni benedictione recessuros est profecutus.

*Reverendi Domini Martini de Olave, Theologi Hispani, & Casareæ atque Catholicæ Majestatis Sacellani,
Oratio habita in Synodo Augustana.*

*Attendite vobis & universo gregi,
in quo vos posuit Spiritus Sanctus Episcopos, regere Ecclesiam Dei, quam acquisivit sanguine suo.* (a)

Dicturus hodie apud vos , præclari Ecclesiæ Dei Præsides ac Pastores , de insigni illo studio ac pietate , quam quisque vestrum pro suo officio ad hujus Sanctissimæ Synodi celebrationem afferre debet : vereor ego non parum , ne temere ac valde inconsulte fecisse videar , si rem ingenii mei viribus longe majorem suscipere , & in hac tam celebri corona , homo peregrinus , de re cumprimis ardua & minime populari , loqui audeam . Quanquam autem mandatum Illustrissimi Principis , & Excellentis Reipublicæ Christianæ Cardinalis , quo ad hoc munus suscipiendum impulsus sum , satis magnam vim apud vos habere non dubitem , ut me possit ab omni temeritatis suspicione vindicare ; præsertim cum tantum apud me semper eximia ejus dignitas & sapientia valuerit , ut ego nec benevolentiam ipsius erga me ignorare , nec voluntatem negligere , nec auctoritatem non revereri absque nefario scelere possem ; verum animo meo penitus non satisfacio , cum simul de earum rerum , quæ mihi ad di-

cendum proponuntur , Sanctitate & Majestate , simul de summa mea indignitate & vehementi spiritus mei remissione ac indevotione altius cogito . Doseo equidem plurimum me tam sanctæ functioni parem morum integritatem , paremque spiritus acrimoniam & ardorem minime afferre . Nam de facultate dicendi , quam sentio , quam in me sit exigua ac pene nulla , non ita sum sollicitus . Nec enim causam agendam suscepi , quæ persuasibilibus humanæ sapientiæ verbis indigeat : quin ipso Spiritu Dei , ipso , inquam , Dei Spiritu , orationem nostram instructam & ornatam esse oporteret , ut commovere illa vestros animos posset , & ad hoc Synodale munus sanctæ & religiose gerendum , incendere & inflammare . In quo munere non arbitror ignorare vos , quantum momenti situm sit ad ea mala , magna ex parte sananda , quibus tam misere hodie afflictamur .

Verum ne quicquam nobis ex eo brevissimo tempore , quod mihi ad dicendum concessum est , in præfatione , aut mei officii purgatione depereat , aggreddiar ad rem : illud ante omnia vos omnes , viri Christiani , etiam atque etiam obsecrans & obtestans , ut quo me nunc pluribus difficultatibus circumseptum esse videtis , quoque melius agnoscitis , quantum mihi hodie Dei præsidio

&

& gratia sit opus, eo ardentioribus votis mecum juxta illi supplicetis, ut orationem mihi inspiret, quæ sit digna et expectatione, quam fortasse Dominus Reverendissimus concepit; cum hanc mihi provinciam demandavit; digna ipsius vestrisque auribus, digna hujus confessus celebritate & amplitudine, digna denique gravitate & sanctimonia earum rerum, de quibus dicturi sumus. Concedat, ut Spiritus Sanctus animo meo nunc illabatur, quo possit cor meum in hujus Sanctæ Synodi conspectu (b) verbum eructare bonum, verbum ignitum, verbum salutis & ædificationis. Ejusmodi enim verba sunt, quæ Sanctum & Spiritualem Convantum decent: (c) *Quid enim paleis ad triticum, dicit Dominus? nonne verba mea quasi ignis?* Hoc autem ita commodissime efficiemus, si omnes supplices & venerabundi Sacratissimam Virginem Mariam deprecemur, ut nobis Filium ipsa suum, eundemque Servatorem nostrum advocare, & conciliare dignetur, salutationem illi Angelicam offerentes, Ave Maria.

Attendite vobis, & universo gregi, in quo vos posuit Spiritus Sanctus Episcopos, regere Ecclesiam Dei, quam acquisivit sanguine suo.

Act. 20.

Hæc sunt verba, viri Christiani, magni illius Apostoli, qui *vas electionis* (d) a Christo dictus est, quibus omnes ille Ecclesiæ Præsides & Rectores, quos hoc loco Episcopos, id est Præpositos appellat, ad gubernandum instituit: hæc Pauli doctrina, est divinitus inspirata, qua si imbuti essent omnes Dominici gregis Pastores, tuto & diu eum pascere possent, gratum Deo obsequium præstantes, sibi vero ac suis omnibus æternam felicitatem & salutem concilians. Ac mihi quidem ejusmodi hæc verba esse videntur, quæ omnes magni Ecclesiæ Pontifices in suis aulæis & magnificis tapetis, reliqui etiam Pastores in humilioribus stragulis inserta & intexta habere deberent, ut semper eis aliquid ante oculos versaretur, quod

fui officii ipsos admoneret. Perfarum Rex, ut literis proditum est, unum habebat cubicularium, cui hoc munus mandatum erat, ut diluculo ingressus illi diceret: surge Rex, & ea cura negotia, quæ te curare voluit Mesorofmados. (*) At multo magis conveniret, hunc Divinum Apostoli sermonem omnibus Ecclesiæ Pastoribus quotidie inculcari: non se, inquam, a Regibus, non a Magistratibus, non a Senatu, non a plebe gregi Dominico fuisse præfectos, sed ab ipso Spiritu Sancto; ut semper meminerint, eia quo acceperunt, munus rationem esse reddendam. Ac gregem quidem non quemvis illis esse commissum, sed eum, cujus salus tam cara sit maximo universæ naturæ Principi ac optimo Creatori & Parenti Deo, ut Filium ipse suum unigenitum tradere non dubitaverit, qui pro eo sanguinem suum funderet, ac mortem cum primis ignominiosam oppeteret. Operæ pretium est autem, ut causam etiam illam consideremus, qua adductus Apostolus fuit, ut tam diligenter curam gregis Pastoribus commendaret. Addit ergo ille: (e) *Ego scio, quoniam intrabunt lupi rapaces in vos, non parcentes gregi, & ex vobis ipsi exsurgent viri loquentes perversa, ut abducant discipulos post se, propter quod vigilate.* Mihi igitur, viri Christiani, ad eam admonitionem, quam a principio diligentius inspicienti, & hanc ejus causam ac rationem altiori etiam animi cogitatione perpendenti, visum est, nihil a me in hunc convantum afferri nunc potuisse, quod vel muneri meo, vel huic hodiernæ celebritati magis conveniret. Video etenim non absque summa quidem animi lætitia, veluti cælestem quandam exercitum fortissimorum fidei propugnatorum, & optimorum Ecclesiæ Christi Pastorum in hunc locum hodie convenisse, ut de bello instruendo adversus satanam & ejus fautores, ac de gravissimo periculo depellendo, quod suis, oviumque omnium suarum cervicibus imminet, consultant ac deliberent. In quo exercitu te Deus, optime Pontifex, velut Principem & Imperatorem esse voluit: reliquos clarissimos & honestissimos viros, qui hic adsunt, tibi tanquam Assessores & Duces ac Tribunos exercitus attribuit, ut

eorum

(b) Psalm. 44.

(c) forte: Horosmades.

(d) Hierem. 23.

(e) Act. 20.

(d) Act. 9.

eorum tu confilio & viribus utaris. Terribilem certe quidem exercitum, & formidolosum adversariis: siquidem illis armis instructus accedat, quibus eum munitum esse debere D. Paulus his verbis explicat: (f) *Arma militiæ nostræ non carnalia sunt, sed potentia Deo ad destructionem munitionum, consilia destruentes, & omnem altitudinem extollentem se adversus scientiam Dei, & in captivitatem redigentes omnem intellectum in obsequium Christi.* Quorum armorum quanta sit vis, & efficacia, idem Apostolus Timotheo discipulo suo indicat: (g) *Omnis, inquit, scriptura divinitus inspirata, utilis est ad docendum, ad arguendum, ad corripiendum, ad erudiendum in iustitia, ut perfectus sit homo Dei, ad omne opus bonum instructus.*

Igitur ut etiam ego aliqua saltem ex parte, pro exigua mea facultate, & pro officii mihi impositi ratione, vos contra communes hostes adjuvem, tractabo nunc paucis, quod ad admonitionem ex D. Paulo a principio allatam, & ad ipsius causam atque rationem imprimis pertinere existimo. Ac prius quidem dicam de præfenti Reipublicæ Christianæ statu, & conditione, deque magnitudine periculorum, in quibus omnes hodie versamur, id quod causæ jam dictæ responderet.

Deinde, quid nos hoc tempore potissimum facere oporteat, Dei gratia & ope adjutus juxta Pauli exhortationem explicabo. Quibus de rebus dum breviter dissero, & brevius fortasse, quam varietas & magnitudo hujus causæ postulent, peto a vobis, viri Christiani, ut me pro vestra religione & pietate libenter & studiosè audire velitis.

Nullum unquam tempus extitisse, cum non gravissimis Satanae bellis Ecclesia infestaretur, cum veterum temporum monumentis, tum præsentium experientia didicimus: quin & illas Scripturæ voces: (b) *Sape expugnaverunt me a juventute mea,* Ecclesiæ multi esse arbitrantur. Etenim ut omnia alia tempora silentio tacitus prætermittam, quæ Evangelii regulam antecesserunt, in quibus non puto ignorare vos, quod varie & crudeliter perique justis, & fideles Dei servi, a satana, & ejus ministris exerciti, & vexati

fuerint: in ipso certe Ecclesiæ Christianæ nascentis exordio animadvertere potestis, quot machinas capitalis ille generis humani hostis contra Christi Apostolos, & alios sanctos Dei homines, qui eorum vitam & mores secuti sunt, admovent: quot artes nocendi excogitaverit, quot Principes & Tyrannos potentissimos impulerit, ut innocentes & inermes aperte & hostiliter insequerentur: quot item Hypocritas excitaverit, qui ovium vestibus induti, occulte & insidiosè lupos rapaces agerent, & miseris multorum animas devorarent. Verum cum multa atque innumerabilia maximarum persecutionum genera extiterint, quibus ille Dei Ecclesiam laceßere, atque exagitare nunquam intermisit; tamen hoc affirmo, ex omnibus eam longe gravissimam & perniciosissimam quovis tempore habitam esse, quæ fidem invaderet, & convellere niteretur. Atqui hanc etiam non arbitrator nescire vos, tunc esse periculosissimam, cum res per eos ministros geritur, qui nos nostris armis, id est, testimoniis Scripturarum, & magnifica ac populari Dei & Christi commendatione aggrediuntur, & oppugnant. Sed ego propterea persecutionem illam, quæ contra fidem intenditur, reliquis omnibus anteponendam censeo, non quod alia peccata, infidelitate deteriora, inveniri possent non existimem; sed quoniam crindina illa, quæ contra solam charitatem admittuntur, & Divinum fidei lumen in mentibus nostris non extinguunt, etsi invisos illi admodum sæpe nos reddant; non ita tamen procul ab eo nos semovent, ut non vel unico gemitu reconciliari illi & conjungi possimus. At fidem si quis semel amittat, is nec facile eam recuperare potest: quoniam suo se ipse judicio condemnavit, ut D. Pauli ratione utar: & reliquis adminiculis sapius ad perniciem, quam ad salutem suam abuti solet. Nam qui absque fide est, eo longius a Deo abducitur, quo sibi justior & sanctior esse videtur. Itaque ut in Christiano ædificio erigendo, a fide exordiri necessum est, quod nonnisi in ea fundamenta jaci & poni possint; ita in amoliendo hoc ædificio, quod extremo loco concutitur, fides est: quam donec convulsam videat, nihil

(f) 1. Cor. 10.

(g) 2. Tim. 3.

(b) Psalm. 128.

Tomus VI. Concilior. German.

nihil propemodum perfecisse se diabolus existimat. Intelligit nimirum, reliqua omnia, quæ destruxerit, per eam facile, & nullo negotio posse instaurari. Verum hac una eversa, velut parva omnino victoria, triumphat, & conquiescit. Hanc ob rem perpetuo, hoc ille suis satellitibus inculcat: (i) *Exinanite, exinanite, usque ad fundamentum in ea*: id est, convellete omnia religionis præsidia, nec cessate, quoad fidem, quæ altissimum & firmissimum ipsius fundamentum est, ab imis radicibus extirpetis. Non latuit sane hoc veteres illos Sanctissimos Patres, qui quanquam aliis etiam in persecutionibus gnauiter & strenue adversus Satanam decertarent; cum bellum tamen ille fidei inferebat, ita animis omnes commovebantur, ut non sibi satisfacerent, nisi universas Ecclesiæ vires colligerent, ac tanquam communi classico evocati, omnes una ad resistendum occurrerent. Alia vitia ut depellerent, nemo de sua statione discedebat; hæresim ut propulsarent, domos & provincias suas deferere, & ignotas & longissime sepositas regiones cum maximo etiamnum vitæ discrimine adire nihil dubitabant. Per multa hujus rei exempla notiora sunt omnibus, quam ut a me huc adduci conveniat. Quis enim non legit, quam frequentes olim & quam vehemente studio & ardore incitati permulti ex Episcopis, & aliis Ecclesiæ Pastoribus, ex omnibus totius orbis terrarum finibus, contra unum Arium, vel unum Macedonium, vel unum Photium, vel unum denique ex quamplurimis aliis hæresiarchis, sedibus suis relictis, convenerint? Quod si præcis illis temporibus, cum non ita ubique Christi fides explicata, & confirmata erat, unus error totum Christianismum usque adeo commovebat, & concitabat: quo tandem animo nos nunc esse par est, Viri Christiani, qui non uno errore, sed ipsa, ut ita dicam, hæresum colluvione appetimur, & exercemur; nec alienis armis, ut quondam, id est, Philosophorum & Ethnicorum testimoniis, sed nostris ipsis, Christi nimirum, Prophetarum, & Apostolorum verbis, contortis illis quidem & adulteratis, at illorum tamen verbis invadimur, & oppugnamur? Non nobis, inquam, ut olim, de uno & altero fidei

articulo contentio est; sed de tota propemodum Religionis summa diffidemus. Nam eo Hæreticorum hujus temporis doctrina & labor spectant, ut nobis Sacramenta salutis eripiant, ut totum Ordinem Ecclesiæ conturbent, ut universas Sanctissimas ejus Cæremonias exterminent, ut veterum sapientissimorum, & Sanctissimorum Doctorum disciplinam, & doctrinam conculcent, ut omnem omnium temporum auctoritatem convellant, ut ad immoderatam quandam vivendi libertatem & licentiam homines inducant, Dei timore omnino sublato. Annon merito cum Propheta nunc exclamabimus? (k) *Quantum malignatus est inimicus in Sancto, incenderunt Sanctuarium Dei, polluerunt tabernaculum ejus?* Nisi forte levius est, aedes sacras in equorum & ferarum, religiosis viris ejectis, stabula convertisse, quam igni illas incendiisse: aut quasi non polluisse tabernaculum Dei illi videri debeant, qui claustra pudoris laxantes, & impurissimas & sacrilegas nuptias inducentes, mortales omnes votorum sanctimonia & nexu liberarunt. O miseram, & in brevi tam celerem, & tam variam in Ecclesia Dei commutationem! O lucuosam Religionis conversionem! O excellentem olim, & omni laude, ac commendatione celebratam Germaniam: quam negligenter cavisti, ne in te lupi rapaces, quos tantopere reformidandos esse Paulus admonuerat, ingrederentur! Quam multi viri, perversa loquentes, ex te his temporibus prodierunt; & quam innumerabiles illi discipulos fefellerunt, ac post se abduxerunt! Equidem non possumus non ex animo dolere omnes, qui te, quam non ita pridem, ut tutissimam arcem fidei, ut eximum pietatis domicilium, ut unicum religionis firmamentum suspiciebamus, nunc tanquam scapham sine remige sævissima hæresum tempestate jactari videmus. Utinam vero non extrema hæc tua sit discessio, utinam non in finem repulsa sis, ac celerius opinione hominum, Domino infideli parere cogaris, quemadmodum & nunc illa olim inclyta Græcia paret! Non enim dubito, quin tuam infidelitatem severius adhuc vindicaturus sit Deus, nisi brevi respicias.

Sed

(i) Psalm. 136. (k) Psalm. 73.

Sed unde, quæso, tanta adversus Christianos Satanæ potestas? unde tanta in nos vis hostibus addita? unde? nisi ex sceleribus nostris, qui alia super alia adjicere nunquam cessamus? quibus utique ita in nos Dei iram inflammavimus, ut verendum sit, ne non solum Satanam, sed etiam ipsum Deum, ipsum, inquam, Deum Conservatorem nostrum, cujus solo præsidio uti possumus, hostem & inimicum habeamus, ac cum Hieremia lugere cogamur: (l) *Factus est Dominus velut inimicus, præcipitavit Israel, præcipitavit mania ejus, dissipavit munitiones ejus. Tendit arcum suum quasi inimicus, firmavit dexteram suam quasi hostis, & occidit omne, quod pulchrum erat visu, in Tabernaculo Filie Sion.*

Verum quid nos agimus, O Christi Sacerdotes? Vos enim nunc omnes appello, ut de remedio eo, de quo extremo loco me acturum promisi, consulemus. Quid nos, inquam, nunc in tanto discrimine positi agimus? Quibus de rebus, tot tantisque periculis circumsepti, cogitamus? Imo vero, quid nos nunc agere, & quæ potissimum consilia capere oportet? Nam, quid agamus? nimio plusquam satis, prohi dolor! perspicuum est omnibus. Otiamur & stertimus omnes; magni juxta & parvi ad rem nostram attentissimi sumus. Omnes Dei Patientia & longanimitate abutimur. Omnes toto animo, & studio omni in eam curam incumbimus, ut cupiditatibus & desiderii nostris satisfaciamus. Omnes in res inanes & fallaces, universas nostras cogitationes abjicimus. In medio gravissimi belli omnium, quæ ullo unquam tempore in Ecclesia Dei gesta sunt, constituti, nihil de periculo cogitamus: imo nec bellum quidem ullum esse existimamus; si de nostris opibus nihil discedat, & reliquas voluptates sectari liceat. Tot tantaque mala, & tam graves Reipublicæ Christianæ persecutiones pacem ducimus; nec satanæ incursumus, nec Dei flagella sentimus. Nam quotusquisque, obsecro, ex nobis his flagellis, atque hac tam severa Dei correctione commonitus, factus melior esse videtur? Nimium profecto & vere in nos illud Hieremiæ congruit: (m) *Domine percussisti eos, & non*

doluerunt: attrivisti eos, & renatuunt accipere disciplinam: induraverunt facies suas supra petram, noluerunt reverti.

Attendite igitur diligenter, O vos exercitus Dei Duces ac Principes; quantam ruinam hoc tempore Catholica Religio minetur, perspicitis. Quam innumerales miserorum hominum animæ perierint, & quot nunc quotidie tententur: ex quibus partim victæ succumbunt, partim nutant, ac vacillant, non ignoratis. Hoc utique tempus illud est, cum Deus a vobis exigit, ut sanguinem & vitam pro suis ovibus offeratis. Quod si mortem vestram nihil nunc profuturam existimatis, nec ego sane auctor vobis esse velim, ut eam temere & absque fructu suscipiatis: cupio tamen vehementer, ut omnes intelligatis, cujusmodi suspiriis & desiderii pectora vestra nunc plena esse debeant. Meminisse certe perpetuo vos convenit eorum Pauli verborum, quæ a principio attulimus, vos a Spiritu Sancto gregi Dominico fuisse præpositos: vestra curæ eas oves esse commissas, quas suo sanguine Christus acquisivit. De illis igitur adeo nunc sollicitos vos esse oportet, ut parati sitis fortunas omnes vestras, & vitam, si interfit, pro earum salute ac libertate libenter impendere. Quæ cura, si pro eo ac debet, defixa in animis vestris insideret, admittere haud dubie nullam illi consolationem aut remissionem possent, donec ovium vestrarum saluti recte prospectum esse videretis. *Quis scandalizatur, & ego non uror? quis infirmatur, & ego non infirmor? dicebat magnus ille animarum Zelator Paulus. (n)*

Ad hunc modum si vos omnes nunc ad hanc Sanctam Synodum compositi accedatis, non equidem dubito, quin Deus optima & salutaria consilia sit inspiraturus.

Non est necesse, in discrimen vestram nunc offerre vitam; esto: at necessum est certe, vitam nos omnes emendare, ut Dei iram, vehementer in nos concitatam, leniamus: necessum est, ditæ & multum nos orare, ut ejus misericordiam conciliemus. Multa etiam alia præter tuum sanguinem necessaria sunt; quæ si tu

(l) Thren. 2.

(m) Hierem. 5.

(n) 2. Cor. 11.

si tu nunc præstare recusas, quemadmodum tandem vitam te, si inter sit, traditurum credemus?

In ea sane tempora, Auditores, incidimus, ut veri fideles non distingui, & internosci ab infidelibus non facile possint. Nunc demum verissime Evangelicum illud impletur in nobis: (o) *Qui non est mecum, contra me est: & qui non colligit mecum, dispergit.* Tepidum existere nemo nunc potest. Frigidum te aut calidum esse necesse est: aut enim pro Christo, pro Fide, pro Religione, pro animarum salute stare in acie debes; aut Christo renunciare, & illi cum Satana tanquam hostis & inimicus bellum inferre. Non licet mediam his temporibus tenere viam. Non fert hoc tam ingens & flagrans Hæreseon incendium, fidelem quempiam dissimulare, multo autem minus vos Ecclesiæ Dei Pastores.

A nobis nunc magnus ille Gubernator & Pastor animarum Christus, vitæ reformationem, & orationis assiduitatem inprimis exigit. His vos potissimum armis, & hæreticis ad calumniandum aditum intercludere, & simplicem populum in officio continere, & dispersas oves ad Dominicum ovile revocare potestis. *Nemini*, inquit Divus Paulus, (p) nos alloquens, *demon ullam offensionem: sed exhibeamus nosmetipsos, sicut Dei Ministros.*

Non estis nescii, quemadmodum nos hæretici apud populum perpetuo traducant: nos scortatores, nos ambitiosos, nos avaros, nos ignavos & rudes esse, nos otio semper, luxui & ventri servire, identidem vociferantur. Superbe quidem illi & insolenter, negare non possum; cum se ipsi quotidie omnium flagitiorum dedecore & turpitudine polluant, & contaminent, ac aliis omnibus magnam vitiorum omnium impunitatem polliceri non cessent. Superbe itaque illi: sed utinam non nimium sæpe vere: nam si vera potius hoc loco, quam plausibilia, dicenda sint; negare certe non possumus, quin maximam ad nos accusandos occasionem sæpe dederimus.

Nos ea tela suggestimus, quibus acris & vehementius, quam ullis aliis

exagitamur. Dicam etiam amplius: Nos, nos inquam, adversus Christum arma dedimus; nos eorum aciem instruximus; propter nos Catholice Religionis nomen inter ipsos blasphematur; propter nos utique, qui cum bonus odor Christi omnibus esse deberemus, ingens fœtor effecti sumus; propter nos, qui magna ex parte extra Ecclesiam flagitiosissime vivimus, in Ecclesia autem tanta oris & cordis impuritate sacra Mysteria attrectamus, tam irreverenter ad Sanctissima Christi Sacramenta accedimus: tam nulla adhibita devotione neque modestia, Evangelica verba, Hymnos & Psalmos pronuntiamus, atque alia Ecclesiastica munera obimus, ut multorum infirmorum mentes & voluntates a Dei cultu & veneratione frequenter alienemus. Ita fit, ut quibus nos armis inprimis uti debeamus, ea omnia in Diaboli arma adversus nos converterimus.

Etenim orationibus nostris & Sacrificiis tantum abest, ut iram Dei in nos incensam restinguamus, ut vehementius eam quotidie commoveamus, & inflammemus. Ut ego quidem non dubitem, hanc tantam calamitatem, quantam hodie universa Respublica Christiana patitur, propter nostra præcipue peccata esse illi illatam, ac quadrare in nos verissime, quod apud Hieremiam scriptum legimus: (q) *Propter peccata Prophetarum, & iniquitates Sacerdotum complevit Dominus furorem.*

Apud Ezechielem autem Deus, ubi Sacerdotum peccata his commemorat verbis: (r) *Sacerdotes ejus contempserunt legem meam, & polluerunt Sanctuaria mea: inter Sacrum & profanum non habuerunt distantiam: inter pollutum & mundum non intellexerunt.* Sed post hanc criminationem, volens Dominus ostendere, quod veluti invitum ad puniendos nos trahatur, & quod vehementer cupiat nostris precibus, & vitæ nostræ reformatione flecti, atque placari: contra vero, quanta nostra omnium pertinacia & obstinatione offendatur, & irritetur, subjicit: (s) *Quæsvi virum, qui interponeret sepem, & staret oppositus coram me pro terra, & non inveni: & effudi super eos indignationem meam,*

(o) Matt. 12.
(p) Ezech. 22.

(p) 2. Cor. 6.
(r) Ibid.

(q) Thren. 4.

am, & in igne iræ meæ consumpsi eos: viam eorum in caput eorum reddidi.

Timeamus igitur, Viri Christiani, ne graviolem adhuc indignationem Deus in nos effundat, nisi celeriter resipiscamus. At ne tandem iræ suæ nos igne consumat, ad ipsum toto animo, & studio omni convertamur. Fallacia bona, & brevi interitura libenter aliis relinquamus: nos certe religionem & pietatem colentes, solida illa & vera atque æterna bona confectemur, & veterem morum disciplinam, quoad ejus fieri poterit, in nobis ipsis instaurare conemur.

Hujus autem tam Divini Boni consequendi hæc una ratio inveniri potest, si omnem ambitionem & avaritiam cum iniquissima Beneficiorum pluralitate, omnem item impudicitiam, omnem luxum & ebrietatem exterminemus: si execrabilem, & abominandum concubinatum funditus convellamus: si sacris ministeriis puritatem & sanctitatem, reverentiam item ac devotionem restituamus: si orationi, jejunio, & eleemosynæ multum & ex animo nos dedamus: si studia pietatis & veræ sapientiæ excolamus, erigentes & aperientes scholas multas, atque in hunc usum, inprimis pium, & in his temporibus maxime necessarium, de nostris opibus libenter impertientes: ad extremum si non honestos & speciosos Canones condidisse contenti simus, sed eos re ipsa atque opere diligenter præstare, & implere studemus.

At me, Viri Christiani, optima spes tenet, fore ut brevi in hac Provincia Religionem in integrum restitutam videamus. Nam præter voluntatem, quam in Christianissimo & Potentissimo Cæsare solidam ad hanc rem & expressam esse cognoscimus, maximis illam quidem & nunquam intermorituris laudibus & præconiis commemorandam; in multis certe Germaniæ Ecclesiasticis Præsidibus, ac in vobis præsertim, optimi Antistites, tam ardens hujus rei desiderium, & tam incredibilem voluntatem, studiorum & sententiarum consensionem esse perspicio, ut lenivisse magna ex parte Deus iram suam, & oculos clementiores ad nos adjecisse videatur.

Nam de immortali & prope Divina

tua diligentia, Clarissime Cardinalis! non patieris, te præsentem & auscultantem, me plura dicere: alioquin non commississem, ut tam rarum, tam insolitum, tam excellens virtutis genus silentio tacitus præterissem. Gratias age Deo, quod te unum ex paucissimis esse voluit, qui primi depellendi omnem hæresim ex Germania authores extitisti: primi contra Fidei & Religionis hostes arma cepisti: primi pro ipsius Ecclesiæ fortunam omnes vestras, vitamque in apertissimum discrimen & periculum obulisti. Gratias age Deo, quod nunc etiam tam acres tibi admoveat stimulos, ad hanc Sanctæ Ecclesiasticæ disciplinæ, & vitæ reformationem, vere & ex ipsius sententia procurandam, & modis omnibus promovendam, ut oculi, sensus omnes, & cogitationes tuæ in hanc unam rem duntaxat, pro eo, ac debent, intentæ esse videantur: ut primus esse velis, qui reliquis omnibus, quibus honore gradus & dignitate præcellis, maximum etiam & illustrissimum in te ipso reformationis præbeas exemplar: ut Collegium literarum vel solis tuis impensis erigere constitueris, ne studia pietatis, & Christianæ doctrinæ, quibus solitudo & exilium hac in Provincia indictum his temporibus esse videtur, penitus dilabuntur. Hæc nimirum vera tua gloria est, optime Pontifex: huic (ut magnus ille Orator agebat) tu inservias, huic te ostentes oportet, quæ vigeat memoria sæculorum omnium, quam posteritas alet, quam ipsa semper intuebitur æternitas.

Nec vero, Viri Christiani, quod tam angustæ & asperæ res nostrorum temporum sint, ut illis minime occurrere posse videamur, propterea debilitari aut frangi nos decet. Non enim nostris viribus hæc conficienda sunt, nec illis nos ulla ex parte nisi debemus. Hoc utique opus solius Dei, & nullius præterea esse potest. Quare nos ad ipsius Sanctissimum Numen, tanquam ad tutissimam arcem, summa cum fiducia confugiamus: ab eo certissimam opem expectemus, qui nullius spem fallere potest: ipsiusque solo præsidio confidentes, & reliqua omnia adjumenta inania existimantes, audaçter cum Propheta exclamemus.

clamemus: (†) Dominus illuminatio nostra
& salus nostra, quem timebimus? Dominus
protector vitæ nostræ, a quo trepidabimus?
Nec dubitemus, quin exauditor sit
nos maximus ille Conservator & Parens
salutis nostræ, cujus summum in sæcula

sæculorum, & in omnem æternitatem
durat imperium. Amen.

Dixi.

Harduin. Conciliorum Tbm. IX.
Lunig Spicil. Eccles. Part. II.

(†) Psalm. 26.

De Ottone Cardinali & Episcopo Augustano vide dicenda ad Synodum Augustanam, anno MDLXVII. sub ipso celebratam.

SYNODUS LEODIENSIS

Anno Christi MDXLVIII. Pauli III. PP. XIV.
Caroli V. Imp. XXX.

*Tenor Litterarum Convocationis Patrum ad Synodum sequitur
in hæc verba:*

GEORGIUS DEI GRATIA EPISCOPUS LEODIENSIS, DUX BULLO-
NENSIS ET COMES LOSSENSIS, UNIVERSIS ET SINGULIS ABBATIBUS,
PRIORIBUS, PRÆPOSITIS, DECANIS, TAM COLLEGIATIS, QUAM
REGULARIBUS DIOECESIS NOSTRÆ SINCERAM IN
DOMINO SALUTEM.

QUandoquidem Altissimo omnium
bonorum largitori placuit, spon-
sam suam sanctam Ecclesiam, pre-
tioso unici Filii sanguine redemptam,
peccatis nostris exigentibus, plures jam
annos ab hæreticis ac schismaticis gravi-
ter & periculose nimis jactatam, & affli-
ctam, ac perturbatam, tandem clemen-
tiori oculo respicere, ac Christianissimo
ac invictissimo Imperatori nostro Carolo,
ejusdem Sanctæ Ecclesiæ & fidei Catho-
licæ ferventissimo, fortissimoque Pro-
pugnatori adversus perniciosissimos Sa-
thanæ satellites, quorum superbia ac vi-
res jam nimis excreverant, præclaram
victoriam, quasi præter omnium expe-
ctationem, cœlitus concedere;

Eaque parva, Majestatis suæ animum,
studiumque omne, ad pessimorum dog-
matum, ab ipsis hæreticis longe lateque
diffusorum extirpationem, veræque
fidei restitutionem, nec non ad diu desi-
deratam ab omnibus piis, & plusquam
necessariam disciplinæ Ecclesiasticæ, su-
periorum temporum incuria nimium col-
lapsæ, reformationem (sine qua spes
non est, Deum populo suo unquam pla-
catum iri) excitare & accendere digna-

tus est, eoque rem deduxit, ut formula
reformationis ipsius in novissimis Comi-
tiis, Augustæ habitis, jussu dictæ Cæs-
aræ Majestatis a viris aliquot, zelo,
prudentia, & sacrarum litterarum, &
Canonum, Sanctorumque Patrum pe-
ricia præstantissimis concepta, atque a
statibus Ecclesiasticis Sacri Romani Im-
perii, seu Ecclesiæ Germanicæ Antistiti-
bus, mature expensa, & omnium con-
sensu pro ipsis, Cleroque universo sibi
subdito recepta, quæ etiam nunc est ty-
pis excusa & in publicum emissâ, quam
& plures vestrum vidisse atque legisse
non ambigimus: nec aliud deinceps re-
stet, quam ut Episcoporum opera, qui-
bus hoc incumbit, in singulorum Dice-
cesibus quamprimum executioni man-
detur. Tantam ergo Dei Benignitatem
expertos, justum est, in rerum Eccle-
siasticarum deinceps feliciter gerendarum,
Ecclesiæque in pristinam dignitatem re-
stituendæ, optimam spem sese erigere,
ipsique Deo, a quo omne bonum pro-
cedit, & qui solus facit mirabilia, ex toto
gratias agere: atque nunc tandem cu-
randum sedulo, ut quod ad iram Dei
mitigandam, & beneficia ejus prome-
renda

renda imprimis necessarium est, dicta reformatio a cunctis benevole suscepta, in mores transmittatur, singulique pro sua vocatione & facultate ad ipsius reformationis promotionem pro viribus fideliter cooperentur.

Rei igitur, de qua agitur, pondus, atque Cæsareæ Majestatis jussio urget & postulat, ut pro eorum, quæ pro communi salute concepta, editaque sunt, & a quibus Ecclesiæ tranquillitas dependet, executione, Diocesana Synodus (ut olim in similibus fieri consuevit) indicatur.

Quare Nos omnes & singulos auctoritate nostra Episcopali in virtute sanctæ obedientiæ in Domino requirimus & monemus, juxta dictæ Cæsareæ Majestatis seriam declarationem & mandatum, ut ad septimam proximam mensis Novembris, quam celebrationi Synodi nostræ Diocesanæ, pro executione memoratæ reformationis, præfigimus, præfixamque esse volumus, in civitate nostra Leodiensi, omni excusatione posthabita, compareatis, a Nobis audituri, quæ ad hanc rem pertinent, nobiscum consultaturi, atque tractaturi de modo, rationeque congrua, zizania errorum, pravorumque dogmatum, ab Hæreticis, Dei & veritatis inimicis, in medio tritici seminata eradicanda, & ea, quæ ad debitam & uniformem Sacramentorum administrationem, Verbi Dei prædicationem, nec non Ecclesiasticorum officiorum functionem, posthac in Ecclesiis,

Monasteriis, Sacellis & Oratorii vestris observanda pertinere videbuntur, communicato consilio ordinandi, statuendi atque publicandi.

Itaque operæ pretium fuerit, ut dictæ reformationis exemplaria, quæ publice prostant, diligenter a vobis lecta, expensa, atque discussa iis, qui vobis subsunt, seu curæ vestræ commissi sunt, statim intimetis & prælegatis, ut interim defectibus, quos quisque vestrum apud suos in genere vel in specie publice vel privatim invenerit, collectis, annotatis ac memoriæ mandatis, de eisdem fidelem ac veracem (sicuti memini) in ipsa Synodo relationem facere, atque congruam eorundem emendationem, prout in conscientia tenemini, promoveri valeatis, & quisque vestrum valeat.

Denunciamus autem vobis omnibus & singulis prædictis præsentium per tenorem, ut siue ad dictam diem Synodo præfixam comparueritis, siue non, Nos nihilominus ad dictæ reformationis executionem, & alia, quæ ratio poscet, pro injuncto Nobis officio processuros, eorum, qui aberunt, contumacia non obstante. In quorum fidem & testimonium præsentibus nostras literas sigillo nostro infra impresso fecimus communiri. Datum in Civitate nostra Leodiensi decima quinta mensis Octobris Anno Domini Millesimo quingentesimo quadragésimo octavo.

Mandatum pro Reformatione, & Statuta Synodalia.

GEORGIUS DEI GRATIA EPISCOPUS LEODIENSIS, DUX BULLONENSIS, COMES LOSSENSIS &c. UNIVERSIS ET SINGULIS TAM NOSTRÆ CATHEDRALIS, QUAM COLLEGIATARUM ECCLESiarUM DECANIS ET CAPITULIS, ARCHI-DIACONIS, PRÆPOSITIS, ABBATIBUS, ET ABBATISSIS, CONCILIORUM QUOQUE DECANIS, ET ARCHI-PRESBYTERIS, CUNCTIS UTRIVSQUE SEXUS PERSONIS, AD CLERICALEM ORDINEM, STATUMQUE ECCLESIASTICUM PERTINENTIBUS TAM SÆCULARIBUS, QUAM QUORUMVIS ORDINUM REGULARIBUS NOSTRARUM CIVITATIS, PATRIÆ, ET DIOECESIS LEODIENSIS, SALUTEM IN DOMINO.

Quamquam ex libello, seu formula reformationis, in postremis Comitiis Imperialibus, Augustæ celebratis, per Imperialem Majestatem, illiusque auctoritate editæ, atque ab

omnibus Imperii Ordinibus acceptatæ, publicatæ, & servari jussæ, unicuique vestrum satis innotuisse potest, quemadmodum Clericis, atque personis Ecclesiasticis, deinceps vivendum sit, &

in

in quibus se reformare, emendareque debeant; quia tamen non satis est, nosse quæ facienda sunt, nisi & opere impleantur; præceptaque salubria in mores transeant: idque ut fiat, Episcopi, & Imperii Principes, de quorum numero, disponente Domino, sumus, pro suo quisque virili apud sibi commissos & subditos curare debent; Non ab re putavimus, vobis & cunctis significare, Nos ad promovendum gloriam Dei & animarum nobis creditarum salutem firmiter statuisse ac resolutos esse, dictam reformationem per nostras Civitatem, Patriam & Diocesim strenue & absque simulatione vel personarum acceptione exequi: idque eo facturos libentius, quod eadem reformatio (præterquam quod hoc infelici sæculo, quo omnis caro corripit viam suam, præsertimque ordo Clericorum & Ecclesiasticorum nimium degenerant, plus quam unquam est necessaria) etiam sacris literis, Sanctorumque Patrum Decretis, & rectæ rationi comperiat consentanea; ut nemo, nisi malevolus ac deploratus, eam ullo colore, vel prætextu detrectare possit: Quocirca vos omnes & singulos in Domino hortamur, serioque & in virtute sanctæ obedientiæ requirimus, ut memores vocationis vestræ & dignitatis, ordinis Clericalis, ac Sacerdotalis, cui vos mancipastis, nec non etiam strictæ rationis a vobis exigendæ, reformationem ipsam benevole, & ex animo suscipientes, omni studio accingamini ad eam (quantum quemque vestrum respicit) opere exequendam, & quæ unusquisque vestrum in sua, vel regimini suo commissorum, vita ac moribus, habituque & aliis reformatione indigere cognoverit, sic reformare satagat, ut & Deus, nostris excessibus offensus, placari possit, & hi, qui de nobis scandalizati sunt, videntes emendationem nostram, rursus ædificentur, & Deum in nobis glorificent.

Ut autem dicta reformatio felicior expeditiorque sortiatur executionem, de consilio & unanimi consensu Venerabilium Patrum & Dominorum, in Sancta Synodo nostra Diocesana in Domino congregatorum, nonnulla ad hanc rem conducentia statuenda & ordinanda duximus, quæ sequuntur.

Caput I.

De non promovendis indignis.

Et primo, ad obviandum promotionibus indignorum ad sacros Ordines, dignitates Ecclesiasticas & Curas Pastorales, earumque deservituras, statuimus & ordinamus, ut quisquis posthac ad sacrum Subdiaconatus ordinem promoveri voluerit, feria quarta Quatuor temporum ad horam septimam ante meridiem: qui vero ad Diaconatum, vel Sacerdotium, quinta feria, eadem hora, in Civitate nostra Leodienfi compareat, adferens secum testimonium legitimum sui Pastoris, aut Vice-Pastoris, seu Præceptorum, aut aliorum proborum virorum, qui ipsius ordinandi vitam & mores noverint, eumque suis literis, talem esse testentur, quales dictæ reformationis formula promovendos ad hujusmodi ordines esse requirit: & nisi talis compertus ac judicatus fuerit ab illis, quos in civitate nostra Leodienfi ad examen morum & literaturæ specialiter deputabimus, ad dictos ordines respectively non admittantur.

Caput II.

De examine promovendorum.

Pari modo ad probandum idoneitatem, seu dignitatem, vel indignitatem eorum, qui ad dignitates Ecclesiasticas electi, vel assumpti, vel ad Ecclesias Parochiales, earumque Deservituras præsentati, seu nominati fuerint, volumus eos, atque unumquemque eorum, per viros doctos & probos, quos similiter in dicta civitate deputabimus, super vita, moribus, & literarum scientia, ad hujusmodi dignitates, Parochiales Ecclesias, earumque Deservituras respectively requisitis, diligenter examinari: ita tamen, ut si Ecclesiæ hujusmodi in ea parte Brabantiæ, Hollandiæ vel Zelandiæ, quæ huic nostræ Diocesi subest, sitæ sint, electi, ac præsentati, seu nominati ad easdem, vel earum deservituras, per Deputandos a Nobis in Brabantia, in loco, ubi Curiam nostram residere contigerit, debeant super iis, quæ dicta sunt, examinari: Et qui testimonio Deputandorum, ad quos pertinebit, pronuntiat erunt idonei, ab illis, quibus incumbit, Pastores instituere, ac Vice-Pasto-

Pastores admittere, seu electos confirmare, institui & admitti, ac electiones poterunt confirmari, solito interim examine super reliquis qualitatibus, tam ad supradictos Ordines sacros, quam ad dignitates hujusmodi, vel curas Pastorales requisitis, puta; super electorum vel præsentatorum perionis, electionumque validitate, vel invaliditate, Vicario nostro, & Officiali, aliisque ad quos pertinet, reservato. Quemadmodum etiam examen causarum, propter quas veri Pastores a personali apud Ecclesias suas residentia excusari petent, penes Nos, seu Vicarium nostrum, & Archidiaconos, sicut hætenus, remanere volumus.

Caput III.

De qualitate instituendorum in Ecclesiis, vel Dignitatibus.

Quocirca de dictæ Synodi consilio mandamus, ut omnes & singuli, ad quos pertinet, de Ecclesiis Parochialibus, vel quibuscunque dignitatibus Ecclesiasticis hujus nostræ Diocesis, sive per viam collationis, præsentationis, vel electionis, sive per aliam quamcunque, providere, seu Ecclesiarum deservitores, veris Pastoribus absentibus, admittere, tales designent, præsentent, eligant & admittant, quales jam dicta formula describit: alioquin ad Ecclesias Parochiales, earumque deservituras præsentatos ab Archidiaconis, & aliis, ad quos præsentatorum institutio, seu deservitorum admissio pertinet, de hujusmodi Ecclesiis investire, vel ad earum deservituras nequaquam volumus admitti, neque electos ad dignitates per Vicarium nostrum, aut quemcunque alium confirmari.

Caput IV.

De modo celebrandi Divinum Officium.

Insuper ad emendandum magnos & notabiles defectus Canonicorum, Capellanorum, & aliorum Divinis officiis mancipatorum, qui circa frequentationem Horarum Canonicarum, cæterorumque Ecclesiasticorum officiorum illis incumbendum, hætenus in multis Ecclesiis, præsertim Collegiatis, non sine magno populi scandalo contigerunt, auctoritate nostra, Sanctæque Synodi præcipimus & mandamus, ut deinceps in

Tomus VI. Concilior. German.

omnibus & singulis Ecclesiis nostræ Diocesis, in quibus Horæ Canonice collegialiter decantantur, juxta uniuscujusque Ecclesiæ dignitatem & facultates (habita ratione eorum, quæ ad dictum usum relicta) instituatur distributio, ubi tamen non sunt institutæ, præsertim pro unaquaque trium Horarum principalium, scilicet Matutinarum, summæ Missæ, & Vesperarum: quas soli illi, qui hujusmodi Horis, seu Officiis, a principio usque ad finem, idque in habitu uniformi, talique, qualem temporis conditio requirit, percipiant.

Eadem quoque auctoritate districtè præcipimus omnibus & singulis Canonicis, Capellanis, & Ecclesiarum Ministris supradictis, ut a vagationibus & obambulationibus, quæ multis in locis tempore Divinorum officiorum in Ecclesiis, vel intra illarum immunitates, cum gravi laicorum scandalo, & ipsorum ambulantium animarum periculo fieri solent, deinceps abstineant: alioquin distributiones illius Horæ, seu illarum Horarum, sub qua, vel quibus hoc facere præsumpserunt, penitus amittant.

Caput V.

Qui gaudere possint Universitatum Privilegiis.

Volumus etiam, & mandamus, ut in Universitate oppidi Lovaniensis, aut alia quacunque, nulli, nisi ad studia literarum idonei, & illarum gratia principaliter se ad Universitatem conferentes, in supposita & ad usum privilegiorum hujusmodi Universitatis recipiantur, aut suorum beneficiorum fructibus eo prætextu gaudeant: nec recepti ipsis privilegiis pro beneficiorum fructibus uti sinantur; nisi quamdiu causa studii permanerint, & spes sit, quod ex studio suo fructum uberiores in Ecclesia Dei sint parituri. Qui vero defides & otiosi comperti fuerint, ab eorundem privilegiorum usu, & fructuum perceptione repellantur.

Et quia in multis particularibus, seu minoribus scholis, juvenus hætenus parum recte, Christianeque instituta est; illos solos posthac in hujusmodi scholis prælegi volumus Authores Grammaticos, Dialecticos, Oratores, atque Poetas,

D d d

tas, quos patentibus nostris literis brevi designaturi sumus : quibus etiam titulos ac nomina librorum prava dogmata continentium, proptereaque ab omnibus vitandorum, pariter exprimemus.

Caput VI.

De assumendo in qualibet opulentiore Ecclesia Theologo, qui sacras profiteatur literas.

Eadem quoque autoritate statuimus & ordinamus, ut in civitate nostra Leodiensi, communibus majoris, & secundariorum Ecclesiarum expensis assumatur Theologus, qui Canonicis, & aliis Beneficiatis earundem Ecclesiarum, cæterisque comparere volentibus sacras literas (præcipue illas, quæ in Ecclesiasticis officiis leguntur) publice prælegat, profiteatur, & exponat. Idemque in Trajectensi, & Aquisgranensi, ac aliis Canonicorum Collegiis opulentiorebus fieri volumus.

Caput VII.

De modo dispensandi bona pauperibus relicta.

Præterea ut Hospitalia, & alia quælibet pia loca hujus nostræ Diocesis, in quibus bona aliqua in usus pauperum relicta fundataque sunt, deinceps fideliter regantur; statuimus & ordinamus, ut bona hujusmodi per eorundem receptores & administratores in illos duntaxat usus, in quibus pia fidelium largitione relicta sunt, ea fide & integritate erogentur & distribuuntur; ut de fidei eorundem dispensatione per Visitatores a Nobis deputandos (quantum ad ea, quorum cura, tutela, atque protectio Nobis incumbit) nobis legitime constare possit. Quantum vero ad illa Hospitalia & bona, quorum administratio, seu distributio Abbatibus, Abbatissis, Præpositis, Prioribus, Decanis & Capitulis, vel aliis quibuslibet credita est, volumus, ut per illos, ad quos eorundem visitatio & superintenduntia ex fundatione, consuetudine, vel privilegio pertinet; in præsentia alicujus ex tribus personis, per Nos in civitate nostra Leodiensi, & totidem in Brabantia nominandi, quem ipsi Visitatores eligendum duxerint, per inspectionem antiquorum

monumentorum, registorum, & quorumlibet aliorum documentorum, bonæ & fundationes hujusmodi concernentium, cum omni diligentia inquiretur, quid & quantum in pauperum sustentationem relictum sit, & quam fideliter distributum, & hoc pro ista vice duntaxat, & sine præjudicio tam articulorum dictæ reformationis, quam privilegiorum dictis Monasteriis, seu Collegiis concessorum.

Caput VIII.

Qui ad docendum Verbum Dei ex Mendicantibus admitti debeant.

Item volumus & ordinamus, ut ex ordinibus Mendicantium nulli posthac ad prædicationem Verbi Dei admittantur, nisi exactiore & diligentiore, quam hactenus, præcedente examine, per literas testimoniales suorum Provincialium, ac Guardianorum, seu Priorum, tanquam juxta reformationis tenorem, ac alias idonei, Nobis præsentati, ac per Nos admitti fuerint: & jam admissos dicti ipsorum Guardiani, seu Priores tenebuntur serio adhortari ac monere, ut juxta regulam, in ipsa reformationis formula præscriptam, populum doceant, caveantque, ne contra eandem quidquam temere effutiant, unde auditores male ædificari, vel ad contemptum, seu minorem æstimationem Verbi Dei provocari possint.

Caput IX.

De concessa absolvendi auctoritate in casibus Ordinariorum reservatis.

Insuper ut conscientiarum timoratis, & animarum saluti promptius efficaciusque consulatur; omnibus & singulis Pastoribus, & Vice Pastoribus, nec non quatuor ordinum Mendicantium Guardianis, ac Prioribus potestatem absolvendi a casibus, Nobis de jure, vel per Statuta Synodalia reservatis, concedimus & largimur: licebitque unicuique ipsorum Priorum, & Guardianorum, unum ex illis, quos ad prædicandum præsentabunt, Nobis designare, cui similem a dictis casibus absolvendi facultatem impertiemur, quam aliis per Nos, vel Vicarium nostrum antea concessam, adimimus & revocamus.

Caput X.

Quo tempore Sacra celebrari non debeant.

Item ordinamus, ut in Ecclesiis Parochialibus non Collegiatis, sub Missa majori diebus Dominicis, & festivis celebribus, & tam in his, quam Collegiatis Ecclesiis, tempore prædicationis Verbi Dei, ab aliarum Missarum celebratione absteineatur; ne occasio detur populo, huc illucque discurrendi, Missamque Parochialem, aut Verbum Dei negligentius audiendi.

Caput XI.

De numero Susceptorum & Susceptricum.

In Baptismo infantium non plures a parentibus eorundem adhibeantur, aut a Sacerdotibus baptizantibus admittantur Susceptores ac Susceptrices, quam quatuor, aut ad summum quinque, habita ratione sexus ipsius Baptizandi.

Caput XII.

De Solemnibus Matrimonii.

Ad hæc ut abusibus, magnæque confusione, quæ in contractu Sponsalium ac Matrimonii committi solent, occurratur, autoritate nostra, & Synodi statuimus & ordinamus, ut qui deinceps matrimonialiter coniungi voverint, coram alterutrius ipsorum Pastore, seu Vice-Pastore, & non coram aliis Sacerdotibus, sponsalia contrahant, nec ad contrahendum Matrimonium, nisi præviis tribus proclamationibus (quas tribus Dominicis, vel festis, saltem uno die intermedio ab invicem distantibus, in Ecclesia sub sermone, vel post Evangelium summæ Missæ, populo ad Divina audienda congregato, solenniter fieri volumus) procedere præsumant; salva tamen Archi-Diaconis, aliisque Prælati, proclamationes remittendi facultatem habentibus, potestate, duas ex tribus remittendi: quo tamen casu non poterit Pastor illos ad contrahendum Matrimonium admittere, nisi tertiam (quæ remitti non poterit) proclamationem modo supradicto præmiserit, interque eandem & contractum, solemnizationemque hujusmodi, unus ut minimum dies in-

tercesserit, deque spontaneo & libero contrahere volentium consensu, & quod nullum Canonicum obstat impedimentum, Pastori, seu Vice-Pastori eorum, seu alterius ex ipsis (si diversarum sint Parochiarum) per literas testimoniales consuetas legitime constiterit, licebit Pastori, seu Vice-Pastori alterutrius eorum, quem ad hoc requisiverint, eos in Ecclesia hora summæ Missæ, & aliter minime coniungere. Qui sic conjuncti Missam tenebuntur audire, nisi consuetudo, quod eam ante Matrimonii solemnizationem audire possint, permittat: nostra in præmissis autoritate salva. Hortamur nihilominus dictos Archi-Diaconos, aliosque Prælatos, ut non passim aut promiscue, sed legitima duntaxat, & rationabili subsistente causa, super dictis duabus proclamationibus dispensent.

Prohibemus etiam districte sub pœna excommunicationis, ne Diœcesis nostræ Sacerdotes contra hujus nostræ Diœcesanæ Synodi formam & ordinationem præsumant aliquos matrimonialiter coniungere, neve nobiles, castra, vel capellas, quibus præsunt, habentes, sub cujusvis libertatis, vel consuetudinis prætextu in eisdem id fieri permittant.

Caput XIII.

De tollendo Concubinato.

Cæterum, quia inter crimina atque flagitia nullum est, quod personas Ecclesiasticas, in sortem Dei peculiariter electas, magis dedecoret, atque dehonestet, ac ad Divina tractanda indigniores reddat, quam incontinentia & inhonestas cum mulieribus commercia: omnes & singulos Subdiaconos, Diaconos, & Sacerdotes, & alios quoscunque Clericos Beneficiatos, vel Ecclesiæ Ministros districte requirimus, ut concubinas, vel quascunque mulieres suspectas, cum quibus antehac de fornicatione diffamati fuerint, tenent ac fovent, seu quibus cum scandalo populi adhærent, easdem intra quindecim dierum spatium post publicationem præsentium (quos pro peremptoria & Canonica monitione ipsis præfigimus) a suis cohabitatione, consortioque amoveant, alioquin sententiam suspensionis ab officio & beneficio (quam ferimus in his scriptis) se nove-

rint incurrisse. Ipsas vero mulieres, quæ post dictos quindecim dies in domibus dictorum Clericorum repertæ fuerint permansisse, vel permanere, aut alias suspectam cum eisdem conversationem non dimisisse, per Officiales nostros & Decanos rurales. autoritate nostra excommunicari volumus, & excommunicatas denunciari. Idem quoque fieri volumus per illos, ad quos (de legitima præscripta consuetudine vel privilegio) pertinet huiusmodi excessus corrigere, ne Nos idipsum facere, & illorum negligentiam supplere cogamur.

Caput XIV.

De tollenda pluralitate Beneficiorum.

Item ad restringendam irrationabilem & scandalosam Beneficiorum (præsertim, quibus cura animarum annexa est) pluralitatem, autoritate nostra & Synodi hujus præcipimus omnibus & singulis Diœcesis nostræ personis, plura beneficia habentibus, ut Nobis, seu Visitatoribus nostris, visitationis tempore, literas dispensationum suarum super huiusmodi pluralitate (si quas habeant) ostendant; alioquin uno, quod maluerint, retento, reliqua dimittant, viris idoneis personaliter residere volentibus conferenda.

Caput XV.

De assignanda Parochis portione Canonica.

Eadem quoque autoritate mandamus omnibus & singulis Visitatoribus per Nos deputandis, ut ubicunque in visitationibus Ecclesiarum compererint Pastores aut Vicarios perpetuos, quibus vel propter Decimarum, ipsis Ecclesiis olim in toto, vel in parte ablatarum ademptionem, & Monasteriis, Collegiis, & Dignitatibus, vel aliis foundationibus factam incorporationem, vel Canonicæ portionis, eis olim reservatæ diminutionem a quadraginta annis citra, non suppetit, unde pro dignitate Ecclesiarum suarum, & onerum illis incumbendum, decenter & honeste vivant; eisdem juxta dictæ reformationis tenorem ex decimis incorporatis de competenti ac sufficienti portione provideant, seu provideri faciant. Similiter ubi invenerint Ecclesiarum de-

servitoribus seu temporalibus Vicariis stipendium nimis exiguum a veris Pastoribus, quibus intersunt, & pondus, æstusque diei portant, illis interim nihil oneris ferentibus, suppeditari; eisdem Pastoribus præscribant, talem mercedem ac portionem ipsis deservientibus præbendam, quæ illis ad decenter honesteque vivendum sufficiat, eamque ex Ecclesiarum proventibus, durante eorum Vicariatu, quot annis persolvant, ne videlicet dicti Pastores, vel Vicarii temporales, aut perpetui, propter sufficientis stipendii, seu sustentationis defectum, occasionem sumant, populum indebitis exactionibus ultra gravandi, atque scandalizandi.

Caput XVI.

De claudendis cenopoliis.

Item omnes & singulos Magistratus & locorum sub Diœcesi nostra consistentium Rectores & Officiarios serio requiramus, & mandamus, ut cenopolia & tabernas diebus Dominicis & Festis prohibeant operiri, aut aliquos computandi, seu commessandi gratia in eis recipi (peregrinis atque infirmis duntaxat exceptis) donec summa Missa fuerit absoluta: nec non & alia præstari curent, atque a populo observari faciant, quæ in dicta reformatione sub titulo: de disciplina populi, præcipiuntur. Quemadmodum Nobis subiectis, ut præmissa fideliter observent, & autoritate nostra observari faciant, serio præcipimus & mandamus.

Caput XVII.

De Visitazione & modo visitandi.

Et quia negotium reformationis potissimum dependet a strenua visitatione, sine qua defectus, correctione indigentes, sciri nequeunt, & minus corrigi; omnibus & singulis Abbatibus, Archidiaconis, Archi-Presbyteris, Collegiarum Ecclesiarum Decanis, & aliis quibuscunque, quibus visitandi officium incumbit, singuli eorum, quam citissime fieri poterit, & si non prius, saltem ante proximum Sancti Joannis Baptistæ Festum, suos respectively visitent Archidiaconatus, & jurisdictionis terminos seu loca, in quibus visitandi jus habent, idque

idque non perfunctorie, sed fideliter, diligenter & serio, quemadmodum dicta reformatio præscribit, quo supra speratus emendationis fructus ex ipsis visitationibus provenire possit: deque peracto hujusmodi visitationis officio, nec non de rebellione & inobedientia (si quam invenerint) Nos ante jam dictum festum per suas literas certiores reddant, quo adversus rebelles & inobedientes de opportuno remedio providere possimus.

Eisdem etiam Visitatoribus districte præcipimus, ut ubicunque in locis jurisdictionis suæ deprehenderint Monachos, aut Moniales apostatas, seu fugitivos, eos corporaliter apprehendi, atque ad Monasteria sua reductos Prælati suis tradi faciant, juxta eorundem arbitrium poenitentiam acturos.

Super omnia vero solliciti sint de hæreticis, ac de hæresi suspectis, vel diffamatis, deque hæreticorum fautoribus, receptatoribus, atque defensoribus; de libris item, hæretica continentibus, ac prohibitis, omni studio investigare & inquirere, & quæ repperint, inquisitionibus nostris fideliter curent intimare.

Cæterum ut ea, quæ sub titulo de excommunicatione in dicta formula habentur, debitam fortiantur executionem, utque abusus Judicum Apostolicorum atque impedimenta, quæ Ecclesiasticæ ordinariæ jurisdictioni hæcenus præstita sunt, tollantur; maturo cum Reverendo Domino Archi Episcopo Colonienfi, Metropolitano nostro, habito consilio providebimus & statuemus. Tempus quoque, quo proxima Synodus nostra Diocesana servari debeat, post celebratam proximam Provinciam Synodum constituemus.

Caput XVIII.

De modo exequendi præscriptas ordinationes.

Demum Prælatos & omnes, quibus incumbit, delinquentium excessus corrigere, serio monemus & requirimus, ut quæ sunt præscripta: (quatenus unumquemque eorum contingit ac respicit) strenue exequantur, suisque officiis, ut oportet, fungantur: alioquin contra eos, quos dictæ Majestatis Imperialis, Ordini-

numque Imperii, & hæc nostra mandata, salubriaque monita compererimus non servasse, supradictas & alias in dicta reformatione contentas poenas absque dissimulatione exequemur, vel ad Cæsaream Majestatem, aliosque Superiores, prout res postulare videbitur, referemus. Per præmissa tamen antiquis Synodali-
bus Statutis non intendimus derogare, sed in suo illa robore volumus permanere. Datum in Civitate nostra Leodiensi anno a Nativitate Domini Mille-
mo quingentesimo quadragésimo octavo, mensis Novembris die decima tertia.

Ad Mandatum Reverendissimi & Illustrissimi Domini D. Episcopi Leodiensis &c. præfati Domini nostri Gratiosissimi proprium.

V. VEERT.

M. DE JAILLON.

Decretum Episcopi Leodiensis.

GEORGIUS DEI GRATIA EPISCOPUS LEODIENSIS, DUX BULLONENSIS, COMES LOSSENSIS &c. UNIVERSIS ET SINGULIS ARCHI DIACONIS, ARCHI-PRESBYTERIS, SEU DECANIS RURALIBUS, CÆTERISQUE ECCLESiarUM AC MONASTERIORUM PRÆLATIS, PASTORIBUS QUOQUE AC PLEBANIS, EORUMQUE VICARIIS, NOSTRARUM CIVITATIS ET DIOCE-
CESIS, SINCERAM IN DOMINO SALUTEM.

ET si ad obviandum promotioni indignorum ad sacros Ordines, in Synodo nostra Diocesana, nuper in hac nostra civitate celebrata, salubriter provide-
que ordinatum est; quod deinceps nemo in Diocesi nostra Leodiensi ad aliquem sacrum Ordinem admitti debeat, nisi qui prævio examine non qualicumque, sed diligenti ac legitimo, super ipsius ordinandi vita, moribusque, & literarum scientia per Nos ad hoc specialiter deputandos, inventus fuerit idoneus. Tamen, sicut ex fide dignorum insinuatione interea didicimus, nonnulli Clerici ejusdem nostræ Diocesis, vel propter conscientiam indignitatis, infamitæque suæ non audentes, vel propter proterviam dedignantes hujusmodi examen subire, modum excogitarunt, quo se confidunt, ac etiam jactant, di-

Etiam ordinationem Synodalem, licet rationi ac sacris Canonibus omnino consentaneam, nec non hoc corrupto sæculo summe necessariam, proptereaque ab omnibus bonis merito acceptandam, posse frustrare & eludere: spem videlicet collocantes in dispensationibus Apostolicis, facile, ut sibi pollicentur, impetrandis: quarum prætextu & adminiculo putant se ab extraneis, seu ab aliis Episcopis, ad quos confugerint, dictos sacros Ordines consecuturos, in eisdemque postea etiam in hac nostra Dicecesi libere ministraturos. Nos igitur hujusmodi viis obliquis, quibus tales dispensationes plerumque fraudulentè, subreptitèque, & contra mentem illas concedentium, obtineri solent, tacitis iis, quæ pro vera illorum informatione exprimi debuerant, obviare volentes, Vobis omnibus & singulis in virtute sanctæ obedientiæ & suspensionis a Divinis officiis pœnis districtè mandamus, ne posthac aliquem sub prætextu cujuscunque dispensationis, seu licentiæ, a quocunque alio, quam a Nobis, in Ecclesiis,

Monasteriis aut Capellis vestris, seu sub vestra jurisdictione sitis, publice vel occulte celebrare, aut in Ordinibus sic susceptis ministrare sinatis; nisi prius legitime docuerit, se nostram super hoc licentiam obtinuisse, quam nulli dare intendimus, nisi quem deputati nostri compererint, attestatique fuerint, & probæ vitæ legitimè habere testimonium, & ultra competentem latinæ linguæ periciam de iis, quæ ad fidem ac religionem nostram, Ecclesiæque Sacramenta pertinent, ea nosse, quæ omnes sacris Ordinibus insigniti merito scire debent. Datum in Civitate nostra Leodienfi Anno a Nativitate Domini MDXLVIII. Mensis Decembris die XXIII.

Ad Mandatum Reverendissimi ac Illustriissimi Domini D. Episcopi Leodienfis &c. præfati Domini nostri Gratiissimi proprium,

V. VEERT.

M. DE JAILLON.

Ex editione Lovaniensi, facta anno 1549. per Jacobum Batbenium.

Eandem Synodum exhibet Lung. Cont. III. Spicil. Ecclesiast. a pag. 1104.

Georgius Austriacus, Maximiliani I. Imp. filius, Archi-Episcopus Valentinus, & Episcopus Brixinensis, a Cornelio a Bergis Episcopo Leodienfi anno 1541. in Pastoralis curæ adiutorem adscitus, eidem in Cathedra successit anno 1544. 17. Augusti. Elapso post aditum Episcopatum quadriennio descriptam supra Synodum habuit, in eaque formulam Reformationis Ecclesiasticæ a Carolo V. Imp. propositam publicavit. Ecclesiam Leodiensem magna modestia, clementiaque rexit annis tredecim. Obiit anno 1557. 4ta Maji.

Chappeville in Gestis Pontif. Leodiensium. Tom. III.



SYNODUS TREVIRENSIS DIOECESANA

Eodem anno Christi MDXLVIII.

Acta & Decreta Synodi Diœcesanæ Trevirensis, Præsidente Reverendissimo in Christo Patre, & Amplissimo Principe, Domino, Domino JOANNE Archi-Episcopo Trevirensi, S. R. I. per Galliam, & Regnum Arelatense Archi-Cancellario ac Principe Electore &c. celebratæ vigesima quinta Novembris.

MAN.

MANDATUM CONVOCATIONIS.

JOANNES (*) DEI GRATIA, SANCTÆ TREVEREN. ECCLESIAE ARCHI-EPISCOPUS, SACRI ROMANI IMPERII. PER GALLIAM ET REGNUM ARELATENSE ARCHI-CANCELLARIUS, AC PRINCEPS ELECTOR.

UNIVERSIS ET SINGULIS CATHEDRALIS NOSTRÆ, ET COLLEGIATARUM PAROCHIALIUMQUE ECCLESiarum ABBATIBUS, PRIORIBUS, PRÆPOSITIS, DECANIS, TUM RURALIBUS DIVINORUM RECTORIBUS, CURATIS AC NON CURATIS, ALIISQUE ECCLESIASTICIS PERSONIS, CIVITATIS ET DIOECESIS NOSTRÆ TREVEREN. QUIBUSCUNQUE CONJUNCTIM, AUT SINGULATIM, QUI NOSTRÆ SYNODO EPISCOPALI, DE JURE, AUT CONSUETUDINE INTERESSE CONSUEVERUNT ET TENENTUR, SALUTEM IN DOMINO SEMPTERNAM.

Neminem vestrum latere volumus, quod Clementissimus & Inviictissimus Princeps & Dominus noster CAROLUS V. Romanorum Imperator, semper Augustus, publicæ pacis & tranquillitatis vindex, Comitibus hisce superioribus Augustæ celebratis, omnem animi, consiliique rationem in id contulerit, ut pro admirabili sua prudentia simul, & suscepto cœlitus Ecclesiam tuendi Catholicam officio, rebus jam in extremum periculum adductis, ac Religioni prope universæ improborum licentia obliteratæ, opem ferret, eamque, quomodo posset, Divina aspirante gratia, in tutum tranquillitatis portum, de mediis procellarum, turbinumque fluctibus reduceret. Itaque hac tam justa ac necessaria ratione commotus, nimirum, quo celerioribus consiliis rebus lapsis succurreret, idoneaque magis via subvenire posset, tantamque ac tam pestilentem hæreticorum contentionum inundationem reprimeret, revocata, reditaque inclytæ Germanicæ Nationi pristina, avitæque luce & pace, a Catholicis Imperii membris, præter alia de Religionis forma, a sua Majestate diserte declarata, clementer monendo postulavit, ne quid ab observatis hætenus in universali Dei Ecclesia ritibus, sanctisque observationibus quisquam digrederetur. Imo ut cum Nos inprimis in-

culpato, circa religionis normam exhiberemus, tum etiam nostræ fidei commissos, in Divina disciplina ita moderaremur, ut omni diligentia cautum, accurateque providum videretur, ne aliunde insolens quid aut alienum a vetustis Ecclesiæ Catholicæ ritibus irreperet, aut intromitti pateremur; sed immobiles potius, tanquam ad scopulum tabula aliqua naufragio ejecti, ita ad relictam a majoribus Religionem, usque ad Generalis Concilii definitionem, adhereremus.

Quod quidem fieri posse illius Majestas existimavit, si Ecclesiarum mores, vitæque ratio ad meliorem, sanctioremque formam revocarentur. Huic igitur tam pie monenti, perinde atque Divino Oraculo omnes Catholici, Imperique Principes, ac Status, ut par erat, lubenter paruerunt, & pro se quisque, simul atque ad suos redisset, curaturum recepit. Et ne foret cuiquam necessarium, qualisnam esset reformandi processus, modusque assumendus, longum cogitando tempus impendere, sacra illius Majestas sibi haud quaquam grave duxit, formam nobis proponere, ad amissim consentaneam scripturis, & cœlitus inspiratis Canonibus, quam de sacrorum voluminum penu, priorum literatissimorumque hominum industria, depromperat: Qua quidem admoniti singuli, quid apud suos

(*) Joannes, Comes Hénburgicus, ex Archi-Diacono Ecclesiæ Trevirensis Archi-Episcopus electus fuit anno 1547. Mox a dignitate suscepta egregiam Imperio & Ecclesiæ Germanicæ ad pacem reducendæ navavit operam: multis propterea, atque ob eximias virtutes alias elogiis, a cœvis Scriptoribus ad posteritorem memoriam commendatus. Præter hanc Synodum Dioecesanam anno 1548. coactam, alteram, quam paulo post referemus, anno sequente, Provinciale celebravit. Utraque anno 1549. Colonienfis est typis excusa per Jasparem Gennepæum. Cum Ecclesiam, ut in ejus Epitaphio legitur, *venique publicam inter gravissimos Imperii motus, insigni pietate & animi constantia administrasset, multis pro Christi gloria & Ecclesiæ suæ salutem laboribus susceptis, & itineribus confectis, in Concilio Tridentino in adversam valetudinem incidit, & paucis post annis patientissime tolerato morbo, ex hac vita in æternam requiem decessit.* Browerus in *Annal. Trev. Tom. II. L. XXI.*

suos facto opus esset, ad restaurandum Ecclesiæ integritatem, non difficulter, neque obscure perspicerent. Hanc igitur Nos protinus, ut a Comitibus vobis rediti sumus, convocato Clero nostro, superioris nostræ Diocesis Treverens. in Cathedrali Ecclesia: inferioris vero in Confluentina arce, Reformationis formulam, juxta Cæsaris mandatum publicari & prælegi omnibus vobis curavimus: ac nunc de integro etiam a vobis exigimus, monentes & obsecrantes, aut etiam virtute sanctæ obedientiæ, & auctoritate nostra præcipientes, ne quisquam vestrum a declarata Cæsareæ Majestatis formula, institutionibusque, & a majoribus nostris conservatæ disciplinæ, vel in Cathedrali, aut secundariis, Parochialibus Ecclesiis, Monasteriis, Sacellis, Oratoriis, aut ullis locis Religioni dicatis, discedat, aut alienum aliquid insolitumve agat, vel obstrepere præsumat; sed ea omnia, qualia sunt, summo studio & animo complectatur, observet, & constanter reipsum & opere prosequatur.

Deinde quoque eadem auctoritate, ut ad Synodum nostram Episcopalem, in qua executionis edictum concluderetur, die constituto, in Ecclesia nostra Metropolitana, cæteris postpositis rebus omnibus, propensis animis conveniatis, quo possimus in commune consulere, ac dispicere ea omnia, quæ extirpandis erroribus erunt necessaria, & ad rectam Divinorum officiorum administrationem conducibilia. Inquisituri præterea, quod etiam communis salus maximopere postulat, quid ad morum ornamenta, splendoremque conferat: quid vitam emendet, ac Nos denique extra malevolorum reprehensionem ponat. Quas quidem commoditates, ac officiorum certissima adjumenta suppeditabit cum recti cupidus in Synodum allatus animus, tum ipsa norma & observatio veterum Canonum, Divinorumque scriptorum, quæ sacro Spiritus afflatu, quasi indice viam ostendent. Ac ne quis dicat: sibi de hujus nostræ Synodi, deque reformationis intimatione certi nihil constituisse, talique prætextu effugere speret: Ideo in omnem Ecclesiæ nostræ regionem, & agrum tot Reformationis exempla spargi curavimus, ut omnibus vobis a maximo ad minimum sufficere

credamus. Quamobrem ad unum omnes ratione officii nostri appellamus, & paterna charitate adhortamur, obsecramus, & monemus, ut cum hanc religionis disciplinam divinitus Cæsari inspiratam nacti sitis, operam detis, nervosque omnes huc intendatis, ut illi per vos respondeatur, ejusque tanquam fideles ministri in omnibus & singulis articulis curam summam habuisse videamini: neque impunitum erit ea, quæ hic jubentur, non præstare, aut ad illius præscriptum non explodere in totum, quidquid jam diu sævientibus dissensionum tempestatibus a Catholica Ecclesia alienum, sanctoque gregi noxium, atque huic reformationi contrarium fuerit inventum. Si vero quisquam obtemperare noluert, aut obstiterit, quo minus hæc Reformatio in opus producatur, ejus in futura Synodo indicia faciat: ut aut nostra in talem auctoritas juxta Canonem censuram animadvertat, aut ad Cæsaream Majestatem, uti injunctum est omnibus, de hujusmodi pertinacia relatio fiat. Quamobrem unumquemque magno & securo animo ad promulgandum Reformationis doctrinam procedere jubemus, quia certus modo luculentæ veritatis scopus a Cæsare erectus est: Ad cujus conspectum, nulla vi aut potestate territi, una cum illis, quorum curam geritis, conniti debetis. Et hoc modo ad constitutum diem in Synodo idonei compareatis: in qua sane Nos una cum vobis, juxta promulgationem harum litterarum, ad reformationis executionem erimus intenti, digna videlicet excessibus istis, quæ contra reformationem commissi sunt, & contumacibus, remedia adhibitori. Porro in fidem & testimonium præmissorum præsentibus nostras literas, sigillo nostro subimpresso fecimus communiri. Datum ex oppido nostro Wirlich, die XXX. Octobris Anno Millesimo, quingentesimo, quadagesimo octavo.

Cum itaque dies venisset, qui a Reverendissimo Patre ac Domino Joanne Archi-Episcopo Treverens. Principe Electore indictus erat, ad celebrandam Synodum, comparuerunt Nobiles & Reverendi Patres, ac Domini Archidiaconi, Abbates, Præpositi, Prælati, Archi-Presbyteri, Decani, cæterique

voca-

vocati, qui omnes simul in Basilicam majorem Treverensē processerunt, & invocato ante omnia Spiritus Sancti auxilio, & officio Divino peracto, Vicarius Reverendissimi in Pontificalibus, Nicolaus, Episcopus Azotensis, toti Ordini Ecclesiastico præsenti, solenniter benedixit, & ad Deum preces direxit: quibus transactis, in medium chori progressus, præsentes in Synodo pia & erudita oratione hortatus est, ut omnem operam suam in Ecclesiæ Treverensis reformationem salutarem conferre dignentur.

Post huc Doctor Pelargus prodijt, qui in eandem sententiam, Reverendos Patres in Synodo congregatos, copiosa Oratione cohortatus est.

ORATIO

*D. Pelargi, Doctoris Theologi,
in Synodo Treverensi
habita.*

ÆGre quidem; sed tamen passus sum, in hoc celebri Patrum concilio dicendi Provinciam mihi mandari, quod publicam auctoritatem (quæ eam necessitatem imposuit) detrectare integrum non fuerit, etiam si resum hac oratione tractandarum, magnitudo & difficultas propemodum deterreat ab officio. Proinde cum hanc tam ancipitem Provinciam, & gratificandi studio, & recusandi pudore susceptam, ulterius deprecari non liceat, & tamen vestræ expectationi respondere nequeam, (non enim qualiscunque, sed gravis equidem pro gravitate exigitur oratio) pretium operæ me facturum existimo, si liberandæ fidei meæ, flexanimum illum spiritum cœlis devocavero, qui mentes nostras luminis sui radiis coruscet, orationi vim & energiam suppediter: denique in amorem eorum, ad quæ vos in hoc Synodali confesso cohortaturus sum, corda vestra exciet, extimulet, rapiat, accendat, inflammet, & incallescere faciat; quod ut facere dignetur, vos quoque flagrantibus votis ab ipso contendere convenit.

Porro non stat sententia, hac oratione operam sumere colligendis, celebrandisque virtutum vestrarum laudibus, quod & dignitatibus, & meritis vestris forte conveniet. Certæ causæ, in quam tota fere hæc nostra oratio incumbit,

Tomus VI. Concilior. German.

magis exhortatio congruit, tamen si per multa sunt, fateor, quæ gratulationem sane & laudem merentur: cur hoc unum commemorasse satis habeo, quod in hoc odiosissimo tumultu, ac formidanda renovatione, varie tentati & pulsati, nulla ratione aut persuasione passus estis, in editionem hostium, proditorumque Ecclesiæ & Fidei vos redigi: sed in castris Christi, firmi, immoti, invicti & ipsi constitistis, & fidei vestræ concreditis, etiam eos, qui forte vacillantes, ac propemodum persuasi jam defecturi videbantur in apostasiam & hæresim, in fide & officio continuistis. Quod si laude dignum est, a desertoribus ac profugis in totum abstinuistis, nullamque unquam cum ipsis habuisse consuetudinem: si virtus est, & vitam illorum, & dogmata odisse ex animo; quibus vos laudibus ferendos esse sentiam, qui non modo, non ad hæreticorum castra defeceritis, verum etiam pro defendenda Ecclesiæ dignitate, & fortunarum, & capitis quoque periculum fortiter neglexeritis? Dum scilicet superioribus aliquot annis juratus hostis per Trevericos agros grassatus, & religionem labefactare, & fidem etiam vestram expugnare nefandis ausibus sibi sumpsit. Verum enimvero cum ego vestram hanc in fide constantiam, ob firmatam pertinaciam, ac singularem animi fortitudinem vobis congratulor; laudo quidem vos, sed in transcurso, & tanquam aliud agens, hoc mirum, ut magis magisque vos incitem & cohorter ad istiusmodi virtutum studia: haud ignarus ejus sententiæ, quam externæ sapientiæ auctor quidam extulit, virtutem laudatam crescere, gloriamque immensum calcar habere. Maeste igitur hac constantiæ virtute este Viri, Patres ac Domini, & ad quod Paulus quoque cohortatur: (*) Vigilate, ac stete in fide, quam gratia Dei assecuti estis, per quam & salutem vos consecuturos esse speratis. Neque ab ea ulla hæreticorum persuasionem divelli vos patiamini. Hoc enim pacto perpetuam, & nunquam morituram nominis vestri memoriam comparabitis. Imo vero partam jam comparatamque, tam insigni præclaroque facinore, etiam atque etiam confirmabitis.

Est vero aliud, Viri, Patres ac Domini, quod in vobis desiderem, quod

E e e

unum

(*) 2. Cor. 16.

unum moneo, hortor, oro, obsecro, omni denique studio a vobis contendo, ac flagito. Quamobrem peto, ut pro humanitate vestra, & admonentem & obtestantem me, æquis benignisque animis audiat. Rem namque justam, honestam, & Reipublicæ quam maxime profuturam, oratum vos huc venio: nisi forte non sit justum & utile, instaurare bonarum, sacrarumque literarum studia; aut non ex honesto, publicam Ecclesiæ lustrare disciplinam; aut forte est aliud Christianæ Reipublicæ magis necessarium & utile. Quod si æquum & bonum me postulare jam intelligitis, imperem obsecro. Ideo enim ea de re, etiam & etiam admonendos atque obtestandos vos esse duxi, quod hunc unum coactæ Synodi scopum ac finem esse videam, ni fallar, ut & oblitterata diu res literaria restitueretur, ac repurgeretur disciplina Status Ecclesiastici: quod ut fiat, luculenta necessitas vos monet, urgetque.

Ut enim neglectis agris, filix, noxi-umque id genus germen innascitur, ita neglectis Scholis, ingenii, inquam, & animi cultura, immane dictu, quanta, quamque venenata errorum, hæresum, scandalorum, offensionumque zizania susque deque in agro Dominico suppulent, non sine incredibili Ecclesiæ malo & incommodo. Quantis, bone JESU! tenebris, quam horrenda caligine obruta videmus propemodum omnia? Quis non deploret Studiorum puritatem, a multis jam inde annis, nedum neglectam, sed etiam contaminatam, labefactatam, condensatisque tenebris obumbratam? Artes, Philosophiam, Divinasque literas non satis pro dignitate tractatas: quæ rectius tractatæ, multum profecto attulissent luminis, plus religiosæ, minimeque fucatæ pietatis. Quid dissimulamus? quin quod omnium verissimum fatemur, annon collapsis ac prope extinctis scholis, magnum vulnus Christiana accepit Respublica? Quid ita inquis? Dicam in genere, siquidem libera est Synodus: In Scholis docentur bonæ literæ, & artes, quas Græci *ἐλευθερίας* vocant, nos liberales. Literarum studia ad Philosophiam, tum naturalem, tum moralem viam sternunt. Porro ut rerum naturæ cognitio viam munit ad professionem medicam, ita morum di-

sciplinæ non parum adminiculantur & Theologiæ, & Jurisprudentiæ: ex qua nimirum jus, sive sacrum, sive prophæ-
num ortum esse existimant. Quis jam non videt, quantum fructus ex Scholæ Seminariis ad Rempublicam rediit, sive ad bonam corporum habitudinem, constitutionemque instaurandam, alendam, & confirmandam; sive Respublicas recte & ordine gerendas; & administrandas: sive ad vitam pie, ac religiose instituendam, & componendam.

Contra neglectis literarum & Philosophiæ studiis, qualis, amabo, possit esse doctrina in templis? Quid sani judicii? quid opis apud Medicos? quid consilii aut patrocinii apud eos, qui juris proficentur peritiam? Verum esse, quod dico, res ipsa clamat, & rerum eventus confirmat. Nusquam fere non desiderantur Artium, honoratorumque Facultatum Professores. In Republica quidem experti Medici, prudentes Jureconsulti: in Cathedra & publico suggestu, eximii & candide docti Theologi: in templis Pastores: in scholis probe instructi & eruditi Praeceptores. Unde quæso? Neglectæ sunt scholæ, a quibus complures annos exularunt cum liberalia studia, tum vero sanctissima illa, amplissimaque Divinarum literarum disciplina: recepta est in scholas, & aliquamdiu obtinuit spinosa, senticosa, frigida, jejuna, ac nimis quam infelix illa tum Philosophiæ, tum Theologiæ tractatio. Eis nimirum in utramvis aurem dormientibus, altumque stertentibus, quorum advigilare, aut inspicere intererat. Animadversum est tandem Romanorum Imperatori Domino nostro Clementissimo, nescio quibus suggerentibus, eum studiorum antiquæ Religionis neglectum principem causam esse. Quamobrem tot hodie malis premitur, angitur, & affligitur Ecclesia ab hæreticis. Nec sordo narrata est fabula: simul enim ut rescivit, rem ita habere, simul nervos omnes intendit, strenuamque navavit operam, ut postliminio ad nos redeant honesta, & literarum, & pietatis studia. Certe non poterat melioribus consiliis ac rationibus succursum esse afflictis, ac pene deploratis rebus Ecclesiæ, quam instauratio-
ne publicorum studiorum, & reformatione collapsi status Ecclesiastici. Atque utinam ego sincerum, ardentem, recti-
que

que ac pietatis amantem illius animum, tam digne possim vobis oratione commendare, quam nunquam satis pro dignitate potest celebrari. Felicibus illius cœptis, agedum Viri, Patres ac Domini favete omnes: non utroque modo, quod ajunt pollice, sed toto quoque, apertoque pectore. Sed ad rem: hoc fateamur omnes oportet, nulla re æque opus esse Ecclesiæ, in has, quas videmus angustias contractæ, ac liberali eruditione, qua suffragante, suppetiasque ferente, facile & libertatem suam, & priorem dignitatis, ac gloriæ splendorem, amplitudinemque suam vindicaverit. Quæ causa, si non est & alia, vel sola hortari, & excitare nos debet, ut summa animorum contentione, liberalia expetamus & revocemus literarum studia: quod utinam ea res omnes ex æquo haberet sollicitos. Vereor enim, urea cura tanto minus tangat aliquos, quanto magis student rebus & a literis, & a Religione alienis: Venationibus, inquam, aucupiiis, aleæ, ventri denique ac Veneri, ut nihil aliud dicam. Hi hoc durius objurgandi sunt, quod cum plerique ipsi impendio indocti ac barbari sunt, culpandæ denique ignorantix tenebris infuscati, oppressa, extincta, ac deleta cupiunt etiam sacrarum literarum studia: sperantes hac ratione, suam quoque inscitiam facilius latere posse; satis esse rati, si nomen, ac dignitatem suam tueantur otiosis titulis. Habebis priorem orationis partem.

Venio nunc ad Religionis, ac disciplinæ Ecclesiasticæ repurgationem. Quam vero cupiam veræ, sinceræ, minimeque superstitiosæ Religionis formam & imaginem non jam literis in tabulis, aut membranis deformatam circumferri, verum cordibus vestris inscriptam, impressam, pietatisque operibus expressam exhiberi, spectandam cæteris, ex qua alii viva virtutum simulachra expriment. Ad quam item vitam suam exigant, quamque imitentur. Quemadmodum permagni refert, recte secusve discipulos præceptor doceat; ita plurimum interest, bene an male vivat, qui vitæ aliorum fingendæ ac formandæ suscepit provinciam. Ita enim sive natura, sive moribus comparatum est, ut non tam facile verba ejus, cui se totum quis credidit, quam facta æmulari contendat. Quo fit,

ut si ii, qui præsumunt, perperam agant, fiant ipsi subditis quam simillimi; ut nihil hoc Gregoriano verbo verius sit, quo ait: Gregem consequenter ferri in præceps, si per prærupta viciorum gradiatur Pastor. Quale autem est, obsecro, si ii, quorum refert, errantes & delinquentes corrigere, objurgare, coercere, atque omnino continere in officio; sint ipsi omnium corruptissimi moribus? Qua etiam fronte, qua libertate alios reprehendent, si iisdem, aut gravioribus forte vitiis sunt ipsi obnoxii? Quisquis secum ipse reputet, quanto pudore sui nominis delinquant subditi, dum ad ipsius exemplum alius ludit aleam; alius ebrietati ac crapulæ est deditus; alius fœdis voluptatibus dat operam; alii alia pro sua quisque libidine designant. Meminerit proinde quisque vocationis suæ, & hoc esse studeat, quod dicitur, quodque audit: Posuit vos Deus in Ecclesiam (*), alios Episcopos, alios Doctores, alios Evangelistas seu Prædicatores, alios Pastores, & Dispensatores Mysterii verbi, Dispensatores multiformis gratiæ Dei. Magnifici tituli, & quos blande compellati, facile agnoscitis. Atque utinam vere agnoscat omnes. Hi enim non tam dignitatis, quam officii vestri vos admonent, si sapitis. An vero susque deque habetis, sedere ad Ecclesiæ (**) gubernacula, regere ac pascere gregem Christi, quem tanti ipse fecit, ut ei redimendo sanguinem & sudaverit & fuderit: si non etiam sanguine fleverit? Quod si magni hæc vobis sunt, quin (amabo) probe, ut convenit, respondere curetis vocationum vestrarum titulis. Hem Pelarge! dicet aliquis, extra chorum saltas. Minime gentium, cohortator sum, non objurgator, siquidem rogo, hortor, moneo, idque amanter, quisque ut suo fungatur munere, ut clavum rectum, quod dicitur, teneat. Quod si me inhortantem ægre forte auditis, Petrum quæso audite etiam obsecrantem, & amplissimis præmiis invitantem, ut commissum gregem, exemplo etiam, nedum verbo pascatis. Recito verba Pontificis: "Presbyteros vos ipse quoque Presbyter, obsecro: pascite, qui in vobis est, gregem Christi, curam illius habentes non coacti, sed voleantes: non turpis lucri gratia, sed propenso animo: heque ceu dominium exercentes adversus Clæ-

Tomus VI. Concilior. German.

E e e z

rum,

(*) forte: Ecclesia.

(**) al. Ecclesiarum.

rum, sed sic, ut sitis exemplaria gregis : & cum apparuerit Princeps Pastorum, percipietis immarcescibilem æternæ gloriæ coronam." Certe vel hinc colliquescit, non satis esse commodo Pastori ad populum e suggestu agere, nisi & vita, seu conversatione studeat aliorum animis certam morum formam imprimere : idque non necessitate, aut religione officii, neque quæstus gratia, sed paterno sinceroque affectu.

Porro ut Petrus Ecclesiarum Præsides, typos seu formas factos esse dicit gregis Dominici, ita eosdem ipse Servator saltem terræ esse dicit, lucemque mundi : opinor, ut uno tantum nomine, de officio suo illos commonefaciat. Verum cum hoc non solum Apostolis dictum sit, sed omnibus, quorum interest, iusto clavo designatas gubernare Ecclesias : Vestra quoque curæ ac laboris erit, sana doctrina, falsa ac mordaci reprehensione, honestæ etiam vitæ exemplis, luxos animos, velut sale perficere, urere & restringere, ne in vitiorum putredinem diffluant, perpetuosque vermes spargant. Sic item ignorantia, errorumque tenebris offusas, infuscatasque hominum illustrare mentes, ut & ipsi eadem luce potiantur in Dei gloriam. Inde enim Salvator postquam dixit, non esse ex more hominum, ut accensam lucernam subtus modium ponant, sed super candelabrum, ut luceat omnibus in domo existentibus, continenter subiunxit : Sic luceat lux vestra coram hominibus, ut videntes opera vestra bona, glorificent Patrem vestrum cœlestem.

Si his, qui in Christianismo vix tertias tenent, Apostolus præcipit, ut vita, conversatione ac moribus, ceu luminaria in edito posita luceant, in medio nationis pravæ ac perversæ, si quem forte e tenebris in lucem vindicent : quid non his, qui primas tenent in Ecclesiis, faciendum est, in veritatis lucem revocandis errantibus ? Hæc enim qui sedulo præstant & candide, magnum profecto merentur operæ pretium. Nam & Daniel vaticinatur, eos, qui & docti ipsi fuerint, & alios ad iustitiam sinxerint, ceu splendorem firmamenti, & quasi stellas perpetuo æternumque fulsuros.

Eclipse Servator, eum vero magnum vocatum iri ait in Regno Cœlorum,

qui iustitiæ præcepta, & ipse fecerit, & alios edocuerit. Contra, eum minimum fore in regno, qui vel unum ex minimis etiam mandatis solverit, aut solvendum esse docuerit. Nihil vero minus convenit, quam vel sal faruum fieri, ac decipere, vel lucem tenebrosam esse. Quorum hoc quidem tum denique fit, cum ii, quorum est sapientiam in alios transfundere, & quasi de suo lumine lumen in aliorum mentibus accendere, perniciose & ipsi errant, & alios in errorem adducunt. Illud autem tunc fit, cum ii, quorum refert, sermone gratia salito, probatæque vitæ exemplo aliorum condire mores, luxosque solidare animos, aut non solide docent, sed stulti ipsi cum sint, fatua, ut Esaias ait, loquuntur, aut non ita, ut loquuntur, vivunt : quo fit, ut doctrina illorum despiat, adeoque conculcetur, despiciatur, rejiciaturque ab omnibus ; ut hic quoque locum habeat Gregorianum illud : Cujus vita despicitur, restat, ut ejus prædicatio contemnatur. Prius illud Doctorem ac Pastorum genus Jeremias subinde taxat in Prophetis mendacia loquentibus, quibus nihil vanius esse possit aut tenebrosius. Posterius vero ipse Servator in Phariseis notat, aut mandata hominum docentibus, aut alios, ut ad præscriptum Mosæ legis viverent, urgentibus, cum diversum ipsi facerent. Qua quidem re, quid, amabo, cogitari possit stultius ? Dicunt, inquit, & non faciunt. Imponunt humeris hominum onera gravia, & portatu difficilia, quæ tamen ipsi ne digitulo quidem vel movere volunt. His non melioris notæ sunt, qui nostra quoque ætate aliud foris docent, aliud ipsi domi agunt.

Prædicant Christum in deserto jejunantem : vivunt Epicurum splendide in hortis cœnantem : alii jejunia commendant, ipsi Bacchanalia vivunt. Tales Apostolus graphice suis coloribus alibi exprimit, atque objurgat durius. Ut sciens interim, ac prudens præteream objurgatricem illam expostulationem, quæ in Psalms cuidam dicitur : Quare tu enarras iustitias meas, & assumis testamentum meum per os tuum ? Sed his valere iussis, ad figuram orationis redeam, & quantum possum, vos omnes, Venerandi Patres ac Domini, hortor, moneo, rogo & obtestor : agendum

dum favere rectoribus studiis, eaque postliminio redeuntia obvis, quod ajunt, ulnis excipite, juvate, hisque instaurandis totum adjicite animum. Huc studium, curam, cogitationes, consilia, operam, conatum omnem denique & fortunas vestras, quantum res fert, conferte.

Quod si quid forte & in Religionis studio neglectum est, curet pro se quisque emendationis vitæ usura sarcire, aut anteaacti temporis negligentiam compensare. Facietis autem omnino, nisi forte, si quis est, qui nullam vel communis Reipublicæ Christianæ, vel dignitatis Ecclesiasticæ, vel propriæ salutis rationem habendam esse putet, quod mihi quidem de vobis dicere religio sit.

Attamen cogitet quisque, in eadem, quod dicitur, navi nos omnes esse, commune esse periculum: nondum enim, proh Dii immortales! ex tantis malis emersumus. Jactamur adhuc fluctibus, ventisque concutitur Petri navicula. Quare sedulo advigilandum. Cumprimis vero orandus est Christus, ut ventos ipse increpet, procellis imperet, hanc rerum tempestatem in tranquillitatem vertat, ac fluctuantem naviculam in portum vindicet: Ecclesiam honestis literarum, tum vero Religionis studiis, præcipuis utique vitæ ornamentis, exornet, foveat, alat, conservet ac tueatur ad laudem & gloriam Nominis sui sancti, & in secula benedicti. Amen.

Postquam igitur Doctor Pelargus orandi finem fecisset, celebri, atque decenti processione, ex majoris Ecclesiæ Choro ad vicinum adeoque contiguum Beatæ Virginis Templum itum est: in quo cum ordine Patres confedisent, Reverendissimus Treverens. Dominus sequenti verborum forma pereundem suum Vicarium omnes compellari jussit.

Summaria tractandarum rerum Propositio.

TAmetsi Reverendi, Generosi, Nobiles, alique Patres Venerabiles in Christo Charissimi, Reverendissimus Dominus noster, ob vestrum omnium conspectum, atque parenti alacritatem, qui ut membra capiti morigeræ, ad præsentem Synodum libenter quoque adestis, plurimum sibi gratuletur: Tamen, quia

corporum repræsentatione tantum, atque personarum intuitu, animorum abdita haud quaquam patefcunt, idcirco inprimis ad hujus negotii tractationem, quod modo in manibus est, plurimum referre existimavit sua Paternitas, si pia atque libera, claraque confessione fateamini: utrum vos non modo æquo animo laturos sitis, illius Reverendissimæ Paternitatem, vestris moribus, si quos vestra parum dignos vocatione fortè perspexerit, juxta Reformationis normam, ac pium ejus in vos omnes affectum consulere volentem: verum etiam eum animum, mentemque huc intuleritis, ut persuasum vobis sit, hanc causam, de qua in præsentiarum agitur, ex æquo omnibus esse communem. Si quidem omnes deliquimus, culpamque admisimus, cur paulo ante acta ætate, immensam malorum colluviem, in nostras omnium cervices vidimus constillasse, quam Dei benignitas alio derivabit, reddita nobis ampla tranquillius vivendi respiratione. Quamobrem si omnes affecti estis, ut quidem esse debetis, ut cum Reverendissima illius Paternitate, erecto in Religionem animo, sive collatis, ut ajunt, signis, seu privata quisque vi atque virtute, juxta officium sibi commissum, inprimis contra Hæreticos, atque pravos illorum doctrinas, vobis bellum suscipiendum esse putetis: Deinde, si de propriis moribus turpitudinem, si sunt infecti, tollendam, si ruptam Ecclesiæ unionem resarciendam, integramque tutandam vobis existimabitis: si denique omnium rerum agendarum ordinem instruendi subditos vestros rationem habendam, statuendamque, tum ex Reformationis forma, tum ex prædictis Synodi Decretis, firmiter, indubitanterque animum induxistis, idque alta voce prædicaveritis, jam opportunum Reverendissima illius Paternitas judicat, ad reliqua, quæ ex usu erunt, præsentì Synodo transire, eaque, quam poterit, maximo cum fructu absolvere.

His auditis, hilari & læto vultu Patres responderunt: sibi nihil esse prius aut magis in votis, quam ista omnia, quæ in Reformatione continentur, tum ea, quæ per Synodum omnium suffragiis forent decernenda, verbo & opere exequi, atque si vel vitæ periculum obster, etiam præstare.

Postquam autem hanc Patrum, cæterorumque expectatam juxta & piam responsionem Reverendissimus gratiose accepisset, collaudari primum per Vicarium suum, deinde gratias Patribus agi, & cæteris omnibus jussit, eo quod & prompte denuntiationi paruissent, & res ferias, sanctas, ac salutes non ut bona mortalium pars per ignorantiam rejicerent, sed obviis ulnis, ac toto pectore in universum reciperent, atque complecterentur.

Adjecit etiam Suffraganeus, non sine Divina benignitate factum esse credi oportere, quod post tot præclarissimarum regionum concussionem, post tantas templorum, ædiumque insignium, atque Monasteriorum ruinas, quibus civitatum, provinciarumque ornamenta & decus continentur, post tot Religionis miserandas strages, Treverensis Ecclesia bonorum precibus & sanctimonia, Patrum cura, Pastorum excubiis, veterem & ab Apostolis pene traditam formam ad hæc usque tempora inviolabiliter retinuisset. Quam rem acceptam ferre hortabatur Divinæ misericordiæ, quæ in maxima Prophetarum inopia, cum unus tantum superesse videretur, sibi septem millia virorum cultorum reservaverat, qui genua ad idolum Baal non flexerant. Itaque postquam Dei favorem, gratiam, atque clementiam jugiter implorandum adinuisset, atque jam omnia, quæ ad Decretorum rogationem, Patrumque suffragia colligenda pertinerent, contulisset, placuit Reverendissimo, ut iterum a prandio conveniretur, atque a Patribus Decreta de publicis criminibus relegerentur, lectaque ac diligenti cura examinata, postero die ad universum Synodi consessum referrentur, ac Patrum attestazione recepta in Synodo, ab illius Paternitatis Suffraganeo, in Metropolitanæ Ecclesiæ Choro publicarentur, & postremum hujus Synodi actis insererentur. Quod quidem juxta Archi-Episcopi nostri sententiam factum est: Hic Reverendissimus Dominus attendens, quod a capite, ut eo facilius ad membra deveniatur, omnis emendatio vitæ sit inchoanda, se humiliter submittit Reformationi, oratione ut sequitur.

Cum animo reputaret, non satis esse recte vivendi formam aliis præscribere,

nisi ille ipse, qui lèges dictaret, sui ipsius parem, vel majorem etiam rationem habuisse videretur. Et quia omni vitio carere Angelicum magis, quam humanum arbitrabatur, & alios quoque in alienis peccatis vel oculatiores esse, vel severiores Judices, tum nos etiam indulgentia, qua nostra extenuamus, plerumque impediri; ita Reverendissima ejus Gratia haud quaquam committendum sibi putat, ne, dum aliorum moribus opportuna consuluisse, ipse sibi in propriis tollendis erroribus videretur defuisse. Quare unumquemque, qui huic celebri Synodo aliquid consilio & prudentia attulerunt, per fraternam charitatem obsecrare statuit, imo & nunc obtestatur, ut libertate in se monendi utantur, & candide vitium, si quod fortassis humano errore ad Archi-Episcopatus fastigium ab ipsius gratia sit allatum, aut majorum consuetudine traditum, in apertum proferrent, quo salutari subindicatione reseceatur, aut opportuna ratione retexatur. Nam eo prorsus affectu, suam Paternitatem ad publicam Synodum descendisse non dubitarent, ut nihilo segnius propriæ salutis, cujus cura maximopere ageretur, quam illorum, qui noxiis erroribus bonorum oculos perstringerent, rationem, consiliumque esset habiturus. Ita demum fieri posse ratus, ut capite repurgato, membra facilius ad sanitatem restaurarentur. Deinde quoque universi, probi exemplo Præsidis excitati, seipsos excuterent, & quod a Cæsaris, imo ipsorum veterum, toties recursis reformationibus dissidens, peregrinum atque absonum in se quisque deprehendisset, non expectata ulterius executionis medela, ipsam turpitudinem abominatus, aut Divino denique judicio permotus, cupide repudiaret. Quamobrem si quid per incuriam, aut locordiam fuisset omisum: si quid publicæ utilitatis, privati commodi gratia occultum; si quid illicitis exactionibus a subditis, qui propria vita sunt illius Gratiæ chariores, esset extortum: si pupilli, viduæ & innocentes, ab Officialibus utriusque conditionis, per vim oppressi: Postremum, si pro justitia Tyrannis dominaretur: id quidquid esset, quod ad suam Paternitatem spectare videretur, candide, ut precatum est, a Patribus admonita ejus Gratia, quam posset maxime, & cito & diligen-

ligeremendare velle promittit: potissimum cum non dubitet, se eo nomine apud Deum, ejus Vicarius est, gratiam inire, & Reipublicæ suæ commodis cum pace tranquillitateque consulere posse.

Responsio Patrum.

Huic tam piæ petitioni, a Synodi Statibus, & inprimis a Reverendis Abbatibus, deinde a Metropolitana Treverens. Ecclesiæ Dominis Canonicis responsum est, nihil se reperire posse; quod Reverendissimam Gratiam suam dedecet, aut in administranda publica re, tanquam grave & damnosum offenderet. Sed hortari omnes, ut eum, quem ipse statim gubernationis cursum, a portu instituisse, ad ultimam usque metam indefessus teneret: spem maximam Patribus invecam esse, sub tanta Prædis bonitate, omnibus beate vivendi summam occasionem firmamque propositam esse. Collegiatæ autem & secundariæ Ecclesiæ, quia gravari se contributionum inæqualitate, quæ ad subsidia impostæ dudum fuerunt, sentirent, humiliter supplicaverunt, ut utriusque status censu valde inæquali considerato, pro Collegiorum tenuitate, atque ubertate censerentur, & Reverendissima illius Paternitas eorundem Collegiorum, ac reliqui Cleri Ecclesiasticam libertatem, ut cœpisset, tueri dignaretur. Hoc equidem se, quoad fieri posset curaturam, per Dominum Suffraganeum illius Gratia benigne promisit.

Submissio Suffraganei.

Ubi autem Reverendissimus Dominus Patrum de se sententiam cognovisset, Reverendus Dominus Suffraganeus: Quæ, inquit, Pontificalis muneris sunt,

ipsum Reverendissimum Dominum Treverens. propriis humeris subire quidem æquum esset, nec dignitate inferioribus sanctum Officium committere. Verum quia distrahunt non pauca, atque subinde recenter emergentia hinc inde Archiepiscopatus negotia, justissima de causa ad me, tanquam fidelem Suffraganeum, ejusmodi Ecclesiæ ministeria, pro suæ voluntatis judicio traduxit. Et quoniam sancta munia, sub tribus insignibus virtute Præsulibus continuavi, a me nunc porro administranda, ideo non sine pudore aliter agere licet; quam officii mei ratio deposcit, ut videlicet sanctum & inculpatum in omnibus me præstem, virtutumque exemplar aliquod factus, cæteris Ecclesiasticis Viris pietatis facem accendam. Idcirco obnixè vos Patres Reverendos oro, ut vestro Reverendiss. Dominum nostrum indicio, benigne de omnibus, quæ officio nostro dedecori esse queant, admoneatis. Quo deinde me Paternitatis illius Reformatione correcto, provincia mea omnibus utilis ac salutaris esse queat.

Ad hæc tum Patres uno ore responderunt, Suffraganeum sub prioribus memoria dignis Præsulibus, officio liberaliter functum fuisse, nihilque aliud accusatione dignum reperiri, quam quod conferendis Ordinibus in jure statutas insinuationes, vel prorogando, vel antevertendo turbasset. Sed extemplo illius rei veraces, cur ita necessitate compulsus fecisset, causas cum adduxisset, Patres in omnibus purgatum habuere.

Ac deinde statim Reverendissimus Dominus per suum Suffraganeum, Reverendos Dominos Abbates, aliosque professione, dignitateque Eximios simili examinatione percurrentes innuit,

Sequuntur Edicta Synodi Diocesanae Treverensis, Præsidente Reverendissimo in Christo Patre, & Amplissimo Principe &c.

JOANNES DEI GRATIA, ARCHIEPISCOPUS TREVERENSIS, SACRI ROMANI IMPERII PER GALLIAM, ET REGNUM ARELATENSE ARCHICANCELLARIUS, AC PRINCEPS ELECTOR. UNIVERSIS ET SINGULIS QUORUMCUNQUE MONASTERIORUM CATHEDRALIS NOSTRÆ, ET COLLEGIATARUM, PAROCHIALIUMQUE ECCLESiarum ABBATIBUS, PRIORIBUS, PRÆPOSITIS, DECANIS, ETIAM RURALIBUS DIVINORUM RECTORIBUS, CURATIS ET NON CURATIS, ALIISQUE ECCLESIASTICIS PERSONIS, CIVITATIS ET DIOCESES NOSTRÆ TREVERENSIS, SALUTEM IN DOMINO.

Cum olim Christum in carne ambulantiem, & verbum Dei seminantiem,

se veritatem appellasse non ignoremus; certo persuadendum nobis omnibus

bus erit, per ipsissimam illam veritatem, nos falli minime posse; quum ejus præsentia nos, quotquot in hoc cætu sacro ad evangelizandum bona & exterminandum mala compererit, Spiritus sui Christum illuminatura sit. Ait namque: Ubi duo vel tres in nomine meo congregati sunt, in medio eorum sum. Huic ideo veritati, tanquam sacræ ancora in nixi, non modo seculo nostro, licet turbulentissimo, sed & posteritati consulere volentes, quædam pudenda atque fœda, neque ullo modo ferenda in Clero flagitia, ut est concubinitus, scortatio, & similia, de quibus ordine inquiretur, Synodico hoc Decreto insectari, castigare, denique exscindere, secundum invectas Canonicas olim Sanctiones, severe statuimus, mandamus, atque per præsentem decernimus. Deinde refractarios atque pertinaces, præsentem seu futuros, Canonum censuras, & reformationis poena, Synodi auctoritate freti, juxta delictorum genera, magnitudinem, atque fœditatem, coercendos, atque puniendos demandamus. Ita enim Legum & Canonum severitatem veriti, admissorum poenitentia peracta, Deum timere & amare, & iniquitate se se avertentes, honesta vivendi exempla esse consuescent. Cæterum quando ingluviem, vini, quæ intemperantia, non paucos obnoxios habet, atque delectat, quo vitio cum omnes, tum Clericali ordine initiati, Deum graviter offendunt, ideo Nobis, & Sanctæ Synodo visum est, huic turpitudini ante omnia, utpote multorum malorum fonti, medelam adhibere.

I. De Clericorum temulentia.

Porro ebrietas, ut palam est, insignium flagitiorum incitatrix ac scaturigo, quæ in comensationibus & conventiculis dominatur, Ecclesiasticum gradum summa cum turpitudine passim infamavit. Quod perpendens Reverendissimus Dominus noster, quam tetrum & abominabile sit, cum in prophanis, tum in Sacerdotibus vitium, quamque periculosum, rixis nimis, cædibus atque vulneribus scatens, quod confessionum arcana sæpe effutit, judicium mentemque pervertit, in quasunque denique libidines, pecudis instar ratione privata, impellit, atque exagitat. Ideo huic fœditati deditos Ecclesia-

rum ministros, Reverendissima illius Paternitas, una cum præsentem Synodo ab officiis, curis, & Ecclesiæ muneribus removendos decernit. Quid enim inhonestius, quam vino assidue madidos ejusmodi helluones, animarum curæ præesse? de quibus Propheta dicit: Væ Sacerdoti & Prophetæ præ ebrietate erranti, & nunquam judicium aspicienti! Formidabilem namque in eos statuit poenam Evangelica tuba, nisi, Joële Propheta monente, fleverint, atque ululaverint, ex inopinato dividendi a sobriis, ut cum Hypocritis exitii, æternæque damnationis partem fortiantur. Quare ad sobrietatem cum omnes, tum præcipue Ecclesiæ fervos, qui luminaria mundi, & sal terræ sunt, una cum Paulo, Reverendissima illius Paternitas inhortatur, utque temulentiam, in qua luxur est, devitent, obnixè precatur. Cæterum qui turpiter illi vitio indulgent immorgeri, ab officiis & beneficiis, ut dictum est, Ecclesiasticis censura, & Synodi auctoritate primum suspendit. Deinde si etiam impudenter detestandæ consuetudini, & dictu pariter ac visu fœdissimæ, ulterius inhæserint, omnibus honorum gradibus exutos, ad quadrupedum sortem, quæ natura prona, atque ventri obedientia finxit, majoribus suppliciiis affectos, statuit abjiciendos.

II. De eorundem Concubinitu.

Huic vero alia succedit, & pene gravior offensionis macula, illicitus Sacerdotum, & Diaconorum concubinitus: qui quantum jam inde ab initio apud omnes fidei Catholicæ cultores, consecratis hominibus pepererit invidiam, atque confecerit odium, vix dici potest. Audeamus tamen ingenue fateri, nullam aliam labem, ebrietate & concubinitu, vulgi oculos acerbius offendisse, majoremque causam dedisse, saviendi ac murmurandi contra Ecclesiæ status.

At etiam illud negari non potest, quod præter evidentiæ sacrarum literarum testimonia, præter Canonum ubique castimoniam initiatum inculcantium decreta, etiam ipsa ratio quodammodo loquitur, Ecclesiasticum hominem, qui Divinis legibus se se, & animarum salutem obstrinxit, castitatem sequeari oportere. Quomodo enim alias, juxta Pauli admonitionem

nem, præstare possemus, ut adhæreamus Domino absque ulla distractione. Cum enim corpus nostrum templum sit, habitantis in nobis Spiritus Sancti, quem habemus a Deo, & nostri negamur esse juris; qua ratione fieri potest, ut sine Dei injuria in alterius redigamur potestatem? Si quidem etiam maritus proprii corporis jus non habet, sed uxor. Quid igitur juris nunc Spiritum Sanctum in Ecclesiæ servis habere dicemus, qui corpus suum scorti per illecebrosam concubitum fecerint membrum? Hæc nimirum sollicitè pensculantes, visum fuit Nobis, ac toti Synodo, non obstante priori contra concubinariorum mandato a Nobis emissum, de integro admonere, ac illos per Christum rogare, ut qui hæcenus castitatis vota non violaverunt, studeant ad ultimum usque terminum vitæ, incomparabile bonum ne amittant: memores quod agnum immaculatum, quocumque ierit, comitabuntur.

Cæterum quicumque carnis imperio, quo nihil potest hujusmodi accidere indignius, vinci se passi sunt, conspurcatisque per exosam Deo impudicitiam membris in contumeliam Sacrorum Mysteriorum abuti non verentur, illis nimirum abactis ejusmodi incontinentiæ latrinis, pie consulimus, (quoniam Deus benignus & misericors est) ut secundum hujus Sanctissimæ Synodi Decretum, se ad integritatem totos convertant, pœniteant, culpam deprecantur, erroris sui veniam apud Deum & homines consecuturi.

III. *Deploratorum pena.*

Quando tamen hæc pestis, ut verisimile est, quosdam adeo pervasit, ac ita in totum labefecit, ut perquam exigua spes sit, a fornicationis maculis, vel diuturnitate temporis, vel Reverendissimi gratia, tanquam mitiori medicina elui posse: in illos igitur primum Divinæ vindictæ metu, deinde Synodi hujus censura, ejus Paternitas decernit, ut simul atque hujusmodi in libidinis cœno volutari deprehenduntur, illico mandati contra concubinariorum edicti vigore, omnibus Ecclesiæ bonis spoliuntur: scorta vero, aut de impura consuetudine, illorum nomine suspectæ, longissime ab irretitorum misereque captorum ædibus, Synodi virtute,

firmissimaque Reverendissimi auctoritate pellantur.

IV. *De Concubinis ad Parentes redeuntibus.*

Si qua vero abjectarum, si res ita fert, in eadem Parochia, in qua Ministro altaris adglutinata fuit, hæreditariam domum habeat, ea ne ob Decreti vigorem privata, animum despondeat, & ad desperationem adigatur; Reverendissimus noster una cum Synodi auctoritate permittit, ut ad suos parentes commigret, & de priore conversatione pœniteat, omnemque antea vitæ infamiam constanti pudicitia, in posterum servata, abstergat.

V. *De Relabentibus.*

Porro si qui aut ea, qua dictum est, causa remanentes, aut extra Parochiam relegate, concubinariis evidentibus indicibus, & fide dignis testimoniis clam seu palam revertisse, adisseque convicti fuerint; illos communi nostra & Synodi sententia, ipso facto ab officiis & beneficiis cecidisse, & iisdem privatos esse decernimus: Prævaricatrices vero, ut canes ad vomitum reversas, dignis censuris, extra hæreditarias ædes exterminandas, edicimus.

VI. *De sortilegis Sacerdotibus & Laicis.*

Qui vero auguria, & sortes tractant, sive sacri, sive prophani, aut divinationibus & incantamentis vacant, quibus sane studiis Dei cultus deseritur, & ad dæmonum fallaciarumque spirituum præstigas confugitur; illos, quotquot Officiales attempta investigatione deprehenderint, canonico anathemate, nisi a damnatis divinitus erroribus ad legitimum Dei cultum illico admoniti, animum atque mentem revocaverint, non ferendos modo Reverendissimus una & Synodi senatus declarat; sed per Officiales in vincula quoque conjiciendos decernit, quousque dæmonum, magistrorum videlicet suorum, fufurris ac illusionibus liberentur.

VII. *De Apostatis.*

Verum, ut nullum facinus turpe, sine Cacodæmonum instinctu admittitur, ita etiam religiosa professio illius inspiratione, in omnibus pene Provinciis, a

F f f

quibus-

quibusdam votorum sanctorum oblitis, nulla de causa est violata. Isti quidem pro nihilo duxerunt, postquam ad Dominicum aratrum manum apposuissent, non respicere tantum, sed & turpiter daminare, infectari, & quibus possent conviciis proscindere omnem, quam professi sunt aliquamdiu, antea actæ vitæ rationem. Cum igitur tales, qui speritis votis, projectis cucullis, ac religiosa in totum deserta vita, ad sæculum se se retulerunt, passim etiam in Treverensi Diœcesi, vagari, ac libidinum nexibus ad Ecclesiæ offendiculum involuti reperiantur; Reverendissimus Dominus cum congregatis Patribus nefas esse putavit, nisi præsentis Synodi Decreto, utriusque sexus apostatæ, ad propria Monasteria, habita singulorum iusta ratione, aggregentur.

VIII. *Contra Apostatarum Patronos.*

Verum enimvero nonnullam quibusdam ex illis præbuit fortasse ad desertionem occasionem, refugii quorundam patrocinium, quo quasi tecti, Ecclesiasticam se censuram evitare posse confiderent. Ideo Reverendissima Gratia sua hujus Synodi suffragiis adjuta, sub censuris huic negotio idoneis, ac suo tempore specificandis, omnibus Treverensi Diœcesi subiectis, cujuscunque status & præminentiae extiterint, mandat ac præcipit, ne posthac tales Apostatas recipere, fovere, tueri, aut animarum curis præficere, ullamve in Ecclesia Provinciam illis committere præsumant. Quin etiam potius, ne se alienis pravavariantium sordibus coinquant, illos admonitos esse de paterno affectu desiderat, ut hactenus contra Ecclesiæ Decreta defensos, ita pro viribus ad professionum repetitionem, redituque adhortentur: ad quem Reverendissima ejus Gratia propensis, & auxilium, & opem, & restitutionem benignam, prævia poenitentia misericorditer promittit.

IX. *De iis, qui contra votum solenne præstitum connubio se se alligant.*

Postremo quia Pontificum & Occidentalis Ecclesiæ ordinatione, jam olim divinitus constitutum est; ut rite conse-

crati utriusque sexus homines, quo corpore & animo jugiter Deo interservirent non tantum in suis conventiculis castimoniam colerent; sed etiam, si forte de suscepta solemniter professione, aut errore seducti, vel intemperantia incitati defecissent, nequiquam contrahendi matrimonii jus haberent: atque adeo communi id apud omnes consuetudine receptum fuit, & Canonicis, & civilibus legibus, de vano & incestuoso talium conjugio satis superque est proditum. Nam proli quoque, si quam sustulerunt tales, legibus successione esse interdictum teneris. Ad tollendum igitur ejusmodi vitium Matrimonium, suo ac Patrum Decreto, Reverendissimus Dominus noster decernit, ac stricte mandat, ut quocunque loco in Diœcesi sua, aut sub quacunque Ecclesiastica vel prophana diuione, Monachi, Moniales, aut aliis sacris Ordinibus initiati, nuptiali scedere copulati delitescant, ab Officialibus prehensi, suis impensis, sibi velut Ordinario præsententur: ut ex his pro delicti qualitate alii castigati, alii monasticis disciplinis emendati, exemplo sint posteritati, ut ab enormi scelere caveant. Porro resipiscences, & ad Ecclesiam matrem redire ultro volentes, quatenus ad Reipublicæ Christianæ utilitatem spectare cognoverit, placabili, & propenso animo, ut oves perditas, & filios prodigos, Reverendissima illius Gratia recipiendos pollicetur.

X. *Ordinum explorationes.*

Fuerunt autem examinationum capita, quæ vere Evangelicos fructus producant. Quæsitum enim est, num essent fastu turgidi quidam? Num superbia inflati? aut libidinum illecebris infecti (qua scabie, Monastici plerique ad bonorum virorum nauseam usque sunt infecti) qui Diaboli imperio magis quam Christo parerent? Deinde an temperantiam, humilitatem, patientiam, cæteraque virtutum Monasticorum arma, contra vitiorum impetum, ut milites Christi decet, parata haberent? Et an, ut alii idem conarentur, sedulo prædicarent, & si quid forte turbulentum odiosumve inter confratres subortum, num etiam ut sopiretur, tamquam pacis boni amatores, collaborassent? Ad hæc quip-

(quippe monastici Viri) an præcipuam navarent operam, ne cultu tantum foris, atque composito ad pietatem corpore, id quod major pars satis esse ad pietatem judicat, sed intus in pectore virtutum thesaurum, & Religionis veram imaginem circumferrent? Deinde, an horis decantandis, orationibus fundendis, atque jejuniis, statuto tempore strenue vacarent? Num hospitales essent? num peregrinorum, pauperum, & pupillorum curam subirent, propriis, honestisque ad hoc comparatis ædificiis, tum competentis supellestiles adjecta: Quod inter extrema quidem monasticæ vitæ opera minime ponitur; quoniam in hoc tot, tamque ampli reditus sunt piorum hominum liberaliter congesti. An postremo ea omnia, quæ sanctimoniam commendarent, gnaviter singuli suis fungendo, probe tamquam coram Deo, officiis persequerentur? nam ea est Dei voluntas.

Ad hunc autem modum monastici Ordinis Patres compellati sunt, quo quid Religionis disciplina, verusque Dei cultus exigeret, in memoriam prolixius revocare, & manum, juxta Synodi præsentis Decretum, operi adhibere possent.

Tandem ne quid præteriretur, quod ad celebris Synodi absolutam rationem pertineret, Gratia Reverendissimi, Metropolitanæ Treverensis Ecclesiæ, cæterorumque Collegiorum, cum superioris, tum inferioris Diocesis, egregios, nobilesque Præpositos, Decanos, Archidiaconos, aliosque Prælatos, quorum omnium cura & exemplis publica salus continetur, benigniter atque gratiose rogavit; ut & ipsi, qui lucernæ essent in domo Dei, ita sese compararent, ut virtutum veros & æternos radios subditorum oculis inferre possent: nam dubium nulli esse, si quorum id maxime interesset, tum ob generis splendorem, tum propter Ecclesiasticam dignitatis eminentiam, se se tales præstarent, quales haberi & esse cuperent, fore, ut inferiores hominum Ordines, bonorum exemplis communiti, ad virtutis, pietatisque studium ardentioribus animis raperentur. Quare ante omnia bonis operibus, beneficentia, sobrietate, modestia in sermone, conversatione, atque

mutua charitate, divites atque locupletes fieri studeant, bonaque studia promoveant. Eæ nimirum divitiæ immortalitatis gloriam merentur, quando cæteræ quidem res omnes, occupationes atque studia, nihil quicquam solidæ beatitudinis merentur. Sed hæc Reverendissima illius Gratia ad morum qualemcunque institutionem satis esse putavit.

Quod vero ad graviora incommoda evellenda maximopere requiritur, illud ordine, quo sequitur, propositum fuit.

Inprimis Reverendissimus Dominus noster a singulis certiores se fieri postulavit, de hæreticis uspiam in tota sua Diocesi palam, aut abstruse versantibus, vel in Monasteriis, sive Collegiis, aut agrorum vicis delitescantibus. Deinde audire quoque a singulis indicio factò postulat, si usquam inveniantur, qui Catholicam Religionem, ejusque sacros ritus oppugnant. Tum eadem obediendi Religionæ, Paternitati suæ Pastores insigniter illiteratos nominatim patefaciant, & illos, qui Ecclesiæ doctrinam adulterant, aut Sacramenta perperam administrant, aut vitam pecuniam bonis odiosam ducunt, manifestent: Suppreffis minime Prælatorum cujuscunque ordinis nominibus, qui aliqua hujusmodi nota fuerint conspersi.

In summa, quia Ecclesiam Dei gravem maculam, rugamque habere non oportet, quam Episcopi vigilantia tollere possent: ideo usurarios, Simoniacos, aleatores, percussores, vinolentos, injuriatores, ac contumeliosos calumniatores; ad hæc Ecclesiis census denegantes, aut ædituum perniciosum agentes, calamitatem egentium focci pñdentes, quive peregrinos de Monasteriorum, Xenodochiorumque limine arcant, aut quoquo modo Ecclesiasticam libertatem corrodunt, & opprimunt, nec non alia, cujuscumque sint classis, dedecora admittunt: eos omnes Reverendissimus sibi indicari, nominarique petit; quo cujusque defectui idoneo auxilio posthac mederi possit.

Archi-Presbyteri vero, qui & Decani rurales appellantur, cum ad Synodi consessum admissi sint, etiam & Compastorum, & sui ipsorum officii rationem

reddere Reverendissimo Domino nostro jubentur: quandoquidem ad eos pertinet, publica subditorum delicta corrigere, animarum curæ consulere, omnes pura verbi Dei doctrina pascere, miseros atque calamitosos consolando sustentare, Ecclesiæ in omnibus bene præesse, denique ipsos sana vivendi exempla verbo & opere exhibere: quod qui faciunt, eos duplici honore dignos Apostolus iudicat. Nam turpissimum Ethnicus esse censet, committere, quod doces alios non esse committendum. De iis igitur, tum etiam de aliis Sacerdote dignis curis, respondere suæ Reverendissimæ Gratiæ debent, quo cognoscat illorum in administrandis officiis integritatem. Eo sane nomine bonis ac lubenter parituris, gratiam, & laudem referri; malis vero & reprobis, cujuscunque conditionis fuerint, ignominia & poena, posthac Ecclesiasticæ censuræ vigore, affici imperabit.

Porro autem universis Ordinibus eo, quo propositum est modo, ad rogata responsuris, Reverend. Dominus Treverens. ipse præfedit, ac coram duobus Notariis, responsa accipientibus, omnium & singulorum quaestiones, accusationes, examinationes, & dubia, magna diligentia & labore multo auctulavit, atque inquisivit, nihilque prætereundum putavit, quod ad subditorum obedientiam, communem vitæ emendationem, & Dei honorem, ac Ecclesiarum usus spectare censeret. Itaque triduo molestissima omnino inquisitione jam absumpto, atque Patribus, cæterisque Statibus, qui ex ordine fuerant, exploratis, cum omnes & singuli omnia sancta, pia, honesta, ac laudabilia promitterent, atque ad communem patriæ tranquillitatem, quæ Dei, & ejus Filii JESU CHRISTI puro cultu, & vivendi integritate facile paratur, concordibus votis conspirassent, seque una jam voce Cælareæ Majestatis Reformationi submississent, tandem ad Reverend. Dominum, tanquam ad unicum publicæ felicitatis Patronum, omnes orae vultusque verterunt. Precabantur autem, ut opem ferret, damna temporum perturbationibus, incussa, & Ecclesiastica privilegia, partim per vim potentiorum misere vexata, partim defensionis inopia etiam erepta, refarciat, atque in integrum

sua amplitudine restituat. Etenim proditum esse sacris literis, neque id Reverendissimam Gratiām ejus ignorare, neminem suis militare facultatibus; & præceptum esse: ut qui servirent altari, etiam de altari viverent: quod quidem peraugustum factum foret, si Ecclesiæ libertas, si proventuum integritas conservetur incolumis. Postremo & illud Patres orabant, ut illius Reverendissima Prudentia præcipuam curam expenderet, ut officarios passim præficeret orthodoxæ fidei tenaces: nam illis vinctis, apostatarum pernicioſa dogmata, illorum dissimulatione gliscere. Postquam hæc Patres & pie & sincero animo locuti essent, Reverendissima ejus Gratiā, prout debuit, omnium in Religionem affectus unice comprobavit. Deinde petitiones, quantum per ætatem liceret, ac Divina gratia aspiraret, sibi inprimis & semper curæ futuras promissit: neque dubitarent, quin Reipublicæ suæ felicitati, cujus salutem divinitus commendatam sibi esse sciret, ita prospiceret, ut omnia illi adversantia impedimenta, incommoda, atque offensiva, prout Notariorum summa cura & fide, accedente omnium concessione, excepta essent, severioribus executionum telis, a Reverendissima sua Gratiā confossa, excisa, penitusque sublata aliquando cognoscerent.

Mandatum contra Concubinariorum.

JOANNES DEI GRATIA, SANC-TÆ TREVEREN. ECCLESIAE ARCHIEPISCOPUS, SACRI ROMANI IMPERII PER GALLIAM ET REGNUM ARELATENSE ARCHI-CANCELLARIUS, AC PRINCEPS ELECTOR, UNIVERSIS ET SINGULIS CATHEDRALIS NOSTRE, ET COLLEGIATARUM, PAROCHIALIUMQUE ECCLESIA-RIUM ABBATIBUS, PRIORIBUS, PRÆPOSITIS, DECANIS TUM RURALIBUS; TUM DIVINORUM REGTORIBUS, CURATIS ET NON CURATIS, ALIISQUE ECCLESIASTICIS PERSONIS, CIVITATIS ET DIOECESIS NOSTRÆ TREVEREN. QUIBUSCUNQUE CONJUNCTIM, AUT SIGILLATIM, QUI SYNODO NOSTRÆ EPISCOPALI, DE JURE, AUT CONSUE- DINE INTERESSE CONSUEVERUNT, ET TE- NENTUR, SALUTEM IN DOMINO SEMPTERNAM.

Perſuaſum habemus, exactis jam ali- quot diebus, omnium oculis re- formandæ vitæ formam, Ecclesiasticis Viris,

Viris a Cæsarea Majestate commendatam, atque a Nobis publicatam, penitus perpeſtam eſſe. Neque quemquam e vobis exiſtere arbitramur, quem iſta tam ſalutaria non eluendis tantum Eccleſiæ naviſ, ſed atrocibus etiam atque pernicioſis in religione contagionum ulceribus repurgandis, pharmaca diutius latere poſſint. Et cum non paucâ, neque eadem contemnenda, animorum vitia, atque morum peſtes, in Eccleſiaſtico corpore graſſari cernantur, quæ properam, atque citam ſanationem depoſcunt: Idcirco auxiliatricem manum diutius diſſerre non licet; ſed quod lædit, Canonico enſe excindendum eſt, ne pars ſincera trahatur. Quare cum animum advertimus, & cauſam quærimus, cur plerique Eccleſiæ miniſtri, & verbi Dei diſpenſatores, cæterique de altari viventes, hac noſtra tempeſtate, non modo contemnuntur a plebe, verum etiam in odio jam ante diu fuerint; nullam aliam evidentiorẽ rationem reperire potuimus, quam vitam eorundem, a connubiali indulgentia nihil diſtantiẽ. Quæ ſane culpa, ut inprimis Divinarum rerum tractationi plurimum officiit, ita etiam Eccleſiæ Dei, illiſque ſervis contemptum odiumque hæud mediocriter parit. Quod quidem vitium, ubi cognovimus in noſtra Diœceſi paſſim temporum licentia, Officialiumque incuria, ut zizania agrorum neglectu ſuccreviſſe, ſalcem ſacrorum Canonum, Conſtitutionemque veterum Patrum; tum ipſius quoque Cæsaris reformationem, ac Synodi, noſtræque authoritatis cenſuram, ne poſthac amplius creſcat, adhibendam eſſe cenſuimus: atque illud quidem hoc eodem mandato factum eſſe volumus, quanquam deinceps ſæpius facturi ſumus: præſertim cum intelligamus, nihil æque dedecere hominem, Divinis rebus militantem, quam eâ, quæ carnis ſunt, ſectari. Quare etiam nunc vobis edicimus, quotquot hanc tum Eccleſiæ, tum vobis ipſis, ignominioſam notam contraxiſtis, qui quidem ſacris initiati eſtis, mandamus atque præcipimus, nullo Eccleſiaſtici ordinis gradu aut ſtatu excepto; ut infra novem dies, vos ab omni concubinato; imo concubitus atque incontinentiæ ſuſpicionẽ omnino abdicetis; procul de domibus ac Parochiis

veſtris ejusmodi offendiçuli ſaxa, viſis hiſ præſentibus literis, exterminantes: neque poſthac unquam deprehendami- ni, cum ſuſpectis, aut parum continen- tibus, aut ætate petulcis commercium habere. Erunt autem ii novem dies, in ſingulas triades peremptoria, atque Canonica admonitione vobis induſti: quo ſit movendi extrudendique ſpatium. Quod ſi quisquam veſtrum, vel quicum- que illi ſint, interea loci a ſe non ſegre- gaverint probroſam conſecratis ejusmodi conſuetudinem, ſed pertinaciter tan- quam ad ſacrum pergunt adhæreſcere, illi ſe ſciant ab officio pariter & benefi- cio, ſecundum diſtæ Reformationis te- norem, ſuſpenſionis ſententia, quam hiſce in literis in illos ſcribimus, ſubmo- vendos: feminæ autem, huiusmodi concubinaris infamia conſpurcatae, niſi domi- bus ceſſerint, & contra ſuſpectaque libidinis diverſoria fugerint, ſed depre- henſæ fuerint, iisdem in locis, ubi in- continentiæ ludum exercuerunt, a Col- legiorum locorumque illorum Decanis authoritate noſtra excommunicentur, ac publice pronuntientur. Ad hæc iſdem Prælatiſ ac Decaniſ ſèvere etiam manda- mus, ut ad proxime a Nobis indiſtam Synodum, rebelles pervicacesque, ac noſtro huic mandato morem gerere ultra novem dies procrastinantes, Nobis nominatim proferant: quò poſſimus, juxta Canonicas Sanctiones, aut benefi- ciorum privatione, aut alio genere pœ- næ, aut juxta Reformationis Imperialis regulam, ad integriorem, Deo vulgo- que minus odioſam vitam, obſtinatos adigere: ut nimirum offenſionum cauſæ a domo Dei, quam longiſſime caſſellant. In fidem præmiſſorum præſentes literas ſigilli noſtri impreſſione communiri juſ- ſimus. Datum ex Oppido noſtro Wit- lich, die XXX. menſis Octobris, Anno MDXLVIII.

Executionis Commiſſio.

Verum quia conſultationum ediçto- rumque finem, executione, qua tanquam falce flagitiorum, atque incommodorum noxia ſeges amputatur, metimur: Ideo Reverendiſſima ejus gratia, hac Synodo feliciter completa, quod ad Reipublicæ uſum, & religionis celerem reſtaurationem plurimum valet, maturare animum

induxit. Quo igitur illius successus ad opus statim accommodatus, boni eventus specimen, sanctiorisque imaginem vitæ præberet; postulavit idoneos juxta & graves, de illorum, qui convenant, numero viros Commissarios sibi dari, qui religionis offendicula, pacisque impedimenta, & alias dissensionum acerbitates, juxta Decreta ac Synodi placita, vigili atque stricta cura omnium nomine persequantur. Hanc Reverendissimi postulationem, tum aliarum rerum corrigendarum commissionem, Reverendi Patres, ne plus operæ sumendum esset, & jam redeundi ad suos expectationem diutius fallerent, ad amplitudinis ejus arbitrium atque prudentiam, cum humili submissione transulerunt.

De libertatis Ecclesiasticæ Violationibus.

Et cum sint, qui potentia freti, Ecclesiæ jura invadunt, aut ipsius Cleri Privilegia perturbant; bonaque, confecta & falsa juris specie occupant, quorum nefaria studia, oppressorum impotentia, & formidine, una cum nominibus reticentur: ut hanc ergo tam sacrilegam violentiam, qua hoc genus luporum grassatur, Reverendissimi Principis gratia, acerba animadversione reprimat, singularem Commissarium ad istiusmodi hominum inquisitionem decernet: cui sine metu inter visitandum opprimentium nomina designabuntur: atque ita demum a sua amplitudine cogniti, Ecclesiæ censuris, Canonico & Cæsaris Decreto damnati atque puniti, a sacrilego aucupio repulsi conquiescant.

Præterea quando Cæsareæ Majestatis Reformatio, liberam in Ecclesiasticos excessus accusationem laicis, & vicissim in illorum crimina in Synodali confesso Clero permittit: Ideo illius Reverendissimæ Gratiæ visum est, quod ad eum articulum attinet, in sequenti Synodo Provinciali, una cum Patribus, pro rei exigentia tractare: ubi etiam tum de Sacramentorum constanti administratione, deque similibus Ecclesiæ utilitatibus, juxta Cæsareæ Reformationis præscriptum, si non majori, saltem pari diligentia, per Dei adjutorium habebitur ratio.

Rebus igitur ad hunc modum, Spiritu Dei duce, per decem dies gestis, &

pertractatis, Synodi Patres, una cum Reverendissimo Domino Treverensi, observata gravibus viris digna modestia a templo, Matri Virgini sacro, ad majoris Ecclesiæ chorum ordine processerunt: ibique actis per Suffraganeum omnibus gratiis, Synodum Provincialem, ad diem Lunæ, post Dominicam Misericordia Domini, proxime venturum, Reverendissimo jubente, Suffraganeus indixit. Recitatum quoque est eodem loco & clara voce, postquam a Patribus esset receptum, Synodi Decretum, in calce hic adjectum: quo audito, sacra Synodus est soluta.

Decretum.

Quandoquidem honorabiles Viri, Patres, & Fratres dilectissimi non ignoratis, quibus de causis per aliquot dies, hic ad vos continue descenderit Reverendissimus Treverensis Dominus; & quo studio, quantaque pietate in hac celeberrima Synodo, vobiscum Spiritu Sancto cooperante, de rebus ad animarum salutem, & communem pacem necessariis, sedulo tractarit: Itaque & vestro consilio, atque omnium, qui hæctenus interfuerunt, favore, jam sua Reverendissima Gratia, eo deductam esse exhaustorum in hoc confesso laborum rationem putat, ut nihil dubitari possit, quin ad restauranda Religionis mœnia, ad fincerum Dei cultum erigendum, ad effuganda obscæna hæresum monstra, pulcherrima, firmaque fundamenta jacta sint. Quæ quidem multo felicius in proxime indicta Synodo perficiuntur, & ad emendationem Treverensis Diocesis producentur: quod fiet, si pro se quisque hujus Sanctæ Synodi Decreta, & Cæsareæ Majestatis edicta, opere & vita præstiterit. Id enim Reverendissimus Treverensis Dominus Archi-Episcopus, hicq; Sanctus Patrum Senatus, communi auctoritate omnibus faciendum, juxta præsentis Decreti vigorem, & penarum in edicto expressarum censuram, statuit. In nominæ Sanctæ & individue Trinitatis, Patris, & Filii, & Spiritus Sancti. Amen.

Actum in publico Synodi Concilio Treveri, Anno Domini MDXLVIII. Mense & die ut supra.

De Comitibus Augustanis eodem hoc anno MDXLVIII. celebratis : de e.lita ibidem, & a Carolo V. Imp. proposita Imperii Ordinibus *Declaratione*, quomodo in negotio Religionis per Imperium usque ad definitionem Concilii Generalis *utendum sit* : quam declarationem alii *Interreligionem*, alii famoso vocabulo *Interim* appellarunt : Item de *forma Reformationis*, Ecclesiasticis Statibus prælecta, cæterisque in eodem Augustano Conventu circa Religionem gestis, quæ tot Synodis, anno 1548. & sequenti per Germaniam coactis, occasionem dederunt, agetur in Digressione.

SYNODUS SALISBURGENSIS PROVINCIALIS

Anno Christi MDXLIX. Pauli III. PP. XIV.

Caroli V. Imp. XXXI. 18. Februar.

Synodi hujus mentionem facit Gewoldus in suis additionibus ad Hundii Metropolitani Salisburgensem.

Erant, inquit, hæc tempora ob innumeras undique succrescentes in Germania hæreses periculosissima : ERNESTUS igitur Archi-Episcopus congenitæ sibi & majoribus suis a tot sæculis, & ab uberibus haustæ pietatis avitæ Catholicæ, minime oblitus, ne officii sui partes defugeret, atque velut servus si delis Domini sui, ab ovili sibi commissio lupos arceret, oves defenderet, palceret, foveret : Anno 1549. Synodum Provinciale Salisburgum indixit. Qua in Synodo, die 18. mensis Februarii celebrata comparuere

Ipsemet Illustrissimus & Reverendissimus Archi-Episcopus.

Præpositus ac Archi-Diaconus Salisburgensis.

Abbas ad S. Petrum. &c. &c.

Catalogum cæterarum personarum, quæ tum ex Metropolitana Salisburgensi, tum ex ejusdem Suffraganeis Ecclesiis & Episcopatibus, Frisingensi, Ratisponensi, Pataviensi, Chiementi, Secoviensi, Lavantiniensi, Brixinensi, & Gurcensi, Provinciali huic Synodo interfuerunt, vide in Hundii Metropoli Salisburg. Tom. I. pag. 88. & apud Hansz. Germ. Sacræ Tom. II. pag. 615. qui pag. 618. sequentia ejusdem hujus Concilii acta recenset :

Prospæctum, inquit, in hac Synodo præcipue contra gliscentem in Pro-

vinciis Austriacis Lutheri Sectam. Relata in tabulas gravamina religionis, atque ad Regem Ferdinandum transmissa : de Parochis & Prædicatoribus per laicos intrusis : de Communione sub utraque specie : de fructibus beneficiorum averfis per Patronos non præsentantes tempore debito : de turbata per laicos libertate in eligendis Prælatiis : de laicis arrogantibus sibi visitationem Clericorum & Monachorum : de bonis Ecclesiasticis alienatis : de Violatis immunitatibus Cleri, aliisque ejusmodi. Contra quæ a Patribus in Synodo congregatis editæ sanctiones præclaræ, signatæ 28. Februarii Anno 1549.

Sed, ut erant tempora, ita narrationem prosequitur Hansz. multis Processuum ad nova dogmata prurientibus, oppositæ sunt Sanctionibus apologiæ : Præterea conquestiones adversus Clerum. Serviebat obtentui Majestas Principis, cui per ejusmodi statuta vim fieri causebantur. Missa Salisburgum Legatio, qua, denunciata primum offensio Regis, postulata satisfactio simul, & recantatio Decretorum. Res in deliberationem assumpta, per annos deinceps aliquot litibus ultro citroque motis occasionem dedit : dum anno 1568. Joannes Jacobus Archi-Episcopus, mitigatis, ut res ferebat, iis, quæ juribus Austriacis advertari videbantur, Synodo Salisburgi celebrata, novarum Constitutionum volumen edidit.

Hæc Hansz. l. cit. Synodum anni 1568. suo loco ac tempore dabimus.

SYNODUS ARGENTINENSIS

Eodem anno Christi MDXLIX. 2. Aprilis.

INDICTIO SYNODI

ERASMUS, DEI ET APOSTOLICÆ SEDIS GRATIA, ELECTUS ET CONFIRMATUS ECCLESIAE ARGENTINENSIS, ALSATIÆQUE LAND-
GRAVIUS, VENERABILIBUS ET HONORABILIBUS, NOBIS IN CHRISTO
DILECTIS ET DEVOTIS ABBATIBUS, PRIORIBUS, PRÆPOSITIS, DECANIS,
SCHOLASTICIS, CANTORIBUS, SUCCENTORIBUS, CUSTODIBUS, TUM
CATHEDRALIS NOSTRÆ ECCLESIAE, TUM ALIORUM COLLEGIORUM ET
MONASTERIORUM PERSONIS, ARCHI-DIACONIS ET PRÆLATIS, NEC
NON UNIVERSIS ET SINGULIS ARCHI-PRESBYTERIS, CAMERARIIS, ET
DIFFINITORIBUS CAPITULORUM RURALIUM, PAROCHIALIUMQUE EC-
CLESIAE RECTORIBUS, SEU LOCA TENENTIBUS, EORUNDEM PLE-
BANIS, VICE-PLEBANIS, VICARIIS PERPETUIS, CAPELLANIS, ET ALIIS
PRESBYTERIS, CURATIS ET NON CURATIS, CÆTERISQUE OMNIBUS ET
SINGULIS PERSONIS ECCLESIASTICIS, PER CIVITATEM ET DIOECE-
SIM NOSTRAS UBILIBET CONSTITUTIS, ÆTERNAM
IN DOMINO SALUTEM.

NEmini dubium esse arbitramur, fre-
quentem celebrationem, non so-
lum Conciliorum Generalium, sed &
Provincialium, ac Synodorum Episco-
palium, agri Domini culturam, om-
nisque boni plantationem esse. Qua-
propter antiqui Canones, & Sancta Pa-
trum Concilia, tam sedulo & diligenter
constituerunt, ac præceperunt, ut Epi-
scopales Synodi, in qualibet Dioecesi,
ad minus semel in anno, per Dioecesa-
num, & Ordinarium loci, celebrentur
& peragantur: & quamquam temporum
injuria, hæc sancta, laudabilis, omni-
busque Ecclesiis necessaria constitutio &
consuetudo, hæcenus in nostra Dioece-
si per aliquod tempus intermissa sit: ta-
men, cum post oblatam Reformationis
formulam, quam Sacra Cæsarea Maje-
stas, in præteritis Comitibus Augustanis,
Ecclesiasticis Principibus & Statibus exhi-
buit, bona spes sit, Ecclesiasticam dis-
ciplinam, variis modis labefactam,
hæc ratione commode rursus restitui pos-
se: tum præsentē occasione arrepta, ma-
jorum nostrorum vestigiis inhærendo,
nostro officio longius deesse nolumus:
statuentes, hujus saluberrimi, pii &
necessarii operis inchoationem & instau-
rationem, juxta Conciliorum Generali-

um Decreta, & Patrum Sanctiones, a
Synodo Dioecesana auspicandam & susci-
piendam esse. Quapropter matura &
diligenti præhabita deliberatione & con-
sultatione, ad laudem & gloriam Dei
omnipotentis, Ecclesiæ suæ incremen-
tum, & ad Cleri, omniumque subdi-
torum salutem, Dioecesanam hanc Syno-
dum, autoritate nostra Ordinaria hisce
inducimus: vosque omnes & singulos,
conjunctim & divisim, præsentibus his
nostris literis, sub virtute obedientiæ,
peremptorie evocamus & citamus, vo-
lentes, ut secunda die mensis Aprilis,
de anno Domini præsentis, videlicet,
Millesimo, quingentesimo, quadrage-
simo nono, in oppido nostro Zabern,
consueto Residentiæ loco, in Choro
Collegiatæ Ecclesiæ, Beatæ Mariæ Vir-
ginis, Patronæ nostræ, tempestive,
cum convenienti, & decenti habitu
compareatis; ubi Divino implorato au-
xilium, Missæque de Sancto Spiritu, de
more solemniter celebrata, ea quæ ad
Ecclesiæ incrementum, tranquillita-
tem & pacem constituendam, ad Cle-
rum reformandum, & ad disciplinam
Ecclesiasticam pene collapsam, denuo
erigendam (in quantum de jure &
consuetudine Nobis permissum est) per-
tinere

tinere & spectare videbuntur, Divina favente Clementia, vestro utentes consilio & opera, tractabimus. Quod si ad hanc nostram evocationem, sine legitima & rationabili causa, aliqui non compareant: in hos tanquam contumaces, juxta inobedientiæ qualitatem, debitis censuris & poenis animadvertemus. Ut autem prædictæ Synodo instructiores interesse possitis, vos omnes & singulos pie ac fideliter admonemus, & in Domino adhortamur, ut super his, quæ in Synodo tractare convenit, sedulo & diligenter cogitetis, an videlicet in Ecclesiis & Parochiis Diocesis nostræ, verbum Dei, sincere & fideliter, ac juxta sanctorum Patrum, & Ecclesiæ Catholicæ interpretationem, proponatur & annuncietur: an & quomodo Sacramenta porrigantur & administrentur: an debita reverentia & ordine referentur & custodiantur: cujusmodi ministri præsent populo: num omnes Ecclesiæ, suos, eosque idoneos & utiles habeant ministros: cujusmodi eorum vita, cujusmodi mores, qualia studia & conversationes: qualis Collegiorum, Ecclesiarumve hinc inde in civitatibus, oppidis & vicis status & conditio: cujus fidei & religionis, cujus doctrinæ & conditionis sint, qui ejusmodi Collegiis intersint: num a Catholica fide desciverint: num in Apostasiam prolapsi sint: num puri laici: num in sacris Ordinibus constituti: num publicis & manifestis criminibus obnoxii: num clandestinis vel manifestis conventiculis errores diffeminant: num falsa & erronea doceant, perverſaque doctrina populum seducant: num Ecclesiarum jura conserventur: num cultus Dei, Divinaque officia, Horæ Canonica, aliæque Ecclesiarum ceremoniæ in locis, in quibus Schisma nondum invaluit, debito modo peragantur. Cogitandum insuper erit, quibus rationibus & modis, publicis & manifestis criminibus, erroribus, perverſis doctrinis, hæresibus, aliisque impietatibus, fortilegiis, divinationibus, incantationibus, superstitionibus, variisque dæmonum præstigiis & illusionibus, occurrendum sit: quomodo refrenanda sint adulteria, scortationes, fornicationes, vagæ cum Cleri, tum populi libidines: item usurarii contractus, Symoniacæ, illicitæ, & de jure

Tomus VI. Concilior. German.

prohibitæ conventiones & pacta: qualis Monasteriorum, tam virorum, quam monialium status: an, & quomodo in iis Divinus celebretur cultus: num, & qualem defectum patiantur. Erit & deliberandum juxta oblata Reformationis tenorem, quomodo Collegiis & Monasteriis providendum sit de Doctoribus, qui sacram Theologiam deinceps Clericis & Monachis profiteantur: quomodo Beneficiorum, & præsertim Curatorum census augendi & locupletandi sint, ita, ut suos possessores & alere, & retinere queant. Quare vos admonitos esse volumus, ut super iis omnibus, & quæ vel ad generalem vel specialem Ecclesiarum, Cleri, ac morum reformationem & utilitatem, quovismodo spectare videbuntur, diligenter præcogitetis: ut communicatis & collatis sententiis, in præsentī nostrā Synodo, singula commode & ordinentur & definiantur. In cujus rei fidem & testimonium, Secretum Vicariatus nostri, præsentibus est impressum. Datum in Oppido nostro Zabern, die quarta mensis Februarii, anno a Nativitate Domini Millesimo, quingentesimo, quadagesimo-nono.

Mandatum de acceptanda Reformationis Formula, quam Carolus Cæsar hujus nominis Quintus, Augustæ in Comitibus, Ecclesiasticis Ordinibus proposuit, deque Synodalibus Statutis observandis.

ERASMUS, DEI GRATIA EPISCOPUS ARGENTINENSIS, ALSATIÆQUE LANDGRAVIUS, UNIVERSIS ET SINGULIS DOMINIS, ABBATIBUS, PRIORIBUS, PRÆPOSITIS, DECANIS, SCHOLASTICIS, CANTORIBUS, SUCCENTORIBUS, CUSTODIBUS, TUM CATHEDRALIS NOSTRÆ ECCLESIAE, TUM ALIORUM COLLEGIORUM ET MONASTERIORUM PERSONIS, ARCHIDIACONIS ET PRÆLATIS, NEC NON UNIVERSIS ET SINGULIS ARCHIPRESBYTERIS, CAMERARIIS, ET DIFFINITORIBUS CAPITULORUM RURALIUM ET PAROCHIALIUM ECCLESiarum RECTORIBUS, SEU LOCA TENENTIBUS, FORUNDEM PLEBANIS, VICE-PLEBANIS,

G g g

VICA-

VICARIIS PERPETUIS, CAPELLANIS, ET ALIIS PRESBYTERIS, CURATIS ET NON CURATIS, CÆTERISQUE OMNIBUS ET SINGULIS PERSONIS ECCLESIASTICIS, PER CIVITATEM ET DIOECESIM NOSTRAS UBILIBET CONSTITUTIS: SALUTEM IN DOMINO SEMPITERNAM, ET NOSTRIS HUIUSMODI ORDINARIIS MONITIONIBUS, AC REQUISITIONIBUS, INHIBITIONIBUSQUE FIRMITER OBEDIRE MANDATIS.

Cum cura pastoralis & officii ratio nobis iungatur, (a) ut diligentem & sedulam curam animarum & gregis totius Dioecesis, & quæ ad Ecclesiæ reformationem, & Cleri, cæterorumque subditorum nostrorum piam, sanam, & necessariam admonitionem & correctionem spectant, ac pertinent, habeamus: ut videlicet, Ecclesiæ tranquillitati, & subditorum salutem, prospiciatur: ne sanguis eorum, juxta Propheticam comminationem, de manibus nostris, qui tanto gregi, autoritate ordinaria ceu Pastor præsumus, requiratur & exigatur: Cumque etiam ejus rei promovendæ causa, Inviçissimus Princeps Carolus, Divina favente Clementia Romanorum Imperator, Dominus noster clementissimus, in Imperiali Conventu, nuper Augustæ celebrato, de consilio Theologorum, Electoribus, Principibus, cæterisque Ecclesiasticis Statibus & Ordinibus, certam & præscriptam Reformationis Formulam exhibuerit: quam matura desuper habita deliberatione & consultatione, prædicti Status, & nos, tanquam Ecclesiæ, totique Clero, præsertim his temporibus, salubrem, necessariam, & convenientem (in quantum ramen de jure nobis permittitur) observandam recepimus: bonaque fide Cæsareæ Majestati polliciti sumus, nos diligentem & fidelem adhibuituros operam, ut prædicta Reformatio in Dioecesi nostra, Clero proponatur & publicetur, omnique studio, & conatu observetur, ac executioni demandetur. Et cum pia sollicitudine perpendamus, ad collapsam pene religionem Catholicam summiter erigendam: ad schismata, quæ misere Germaniæ Ecclesias lacerarunt, ac devastarunt, tollenda: ad vulgi odia & finistros, & amarulentos animorum in Clerum affectus,

sedandos & mitigandos: ad pacem & tranquillitatem constituendam: ad disciplinam & honestatem Ecclesiasticam revocandam: denique ad Catholicæ Ecclesiæ dignitatem & nitorem restituendum, ejus observationem omnino utilem & necessariam fore: considerando insuper, quod piissimo Imperatori, in re tam sancta, pia, honesta, & laudabili, ad cujus observationem alias, & sacrarum Scripturarum autoritate, & jure veterum Canonum astringimur, debitum officium recusare nequivimus: tum hanc Synodalem convocationem indicere volumus: vos universos & singulos, ac præcipue Curatos, in Domino pie & fideliter exhortantes, & a vobis ordinaria autoritate, in virtute sanctæ obedientiæ, requirentes & exigentes, ut ad honorem & gloriam Dei omnipotentis, Ecclesiæ suæ incrementum, & animarum vestrarum, & subditorum salutem, præsentem hanc Reformationis Formulam, post ejus publicationem, ac prælectionem Synodali finita, omni studio recipere, ac doctrina, vita, & moribus observare velitis: quo innocens, & sancta vestra conversatio, vestraque opera bona coram hominibus, ad glorificandum Patrem vestrum, qui in cælis est, (b) cui alias gravem totius administrationis & officii rationem reddere tenemini, tanquam lux fulgeant, alique, juxta Apostoli verba, in vobis (gregi Dominico præsentibus) & pie vivendi, & recte ambulandi exempla habeant, & perspiciant: ita, ut non solum nomine & professione, sed & opere & vita, Sacerdotes Dei agnoscantur: cum verissimum sit illud Chrysostomi: (c) Malum Sacerdotem in suo proprio sedere judicio, & de suo Sacerdotio, non dignitatem, sed crimen acquirere, siquidem bene vivendo, & bene docendo populum, quomodo vivere debeat instruere posse, bene autem docendo, & male vivendo Deum instruere, quomodo ipse puniendus & condemnandus sit. Ut autem prædicta Reformatio vobis omnibus innotescat, ne quis ignorantia executionem prætereundam possit, volumus: ut ea ex ordine, adjunctis Statutis Synodali-bus, prælegatur, vobisque hac ratione publicetur ac innotescat.

Statuta

(a) C. Suggestum. & C. Sciscitaris. 7. quest. 1.
(c) C. Multi. XL. Dist. ex Chrysost. sumptum.

(b) Matth. 5.

STATUTA ET DECRETA

SYNODI DIOECESANÆ ARGENTINENSIS,

Præsidente Reverendissimo in Christo Patre ac Principe, Domino
ERASMO, ejusdem Ecclesiæ Episcopo, &c.

DE SUMMA TRINITATE & Fide Catholica.

CAPUT PRIMUM.

CUM a Divino Numine Synodales congregationes, exordium ac initium sumere debeant, quapropter in nomine Sanctæ & Individuæ Trinitatis, Patris, & Filii, & Spiritus Sancti, præsentem nostram Synodum auspicabimur, & Symbolum Nicenum, Catholicæ Ecclesiæ fidei fundamentum, quo Romana Ecclesia, Chorusque Ecclesiasticus singulis diebus, in peragendo Sacro utitur unanimi voce, ore & corde, confitebimur. CREDIMUS igitur in unum Deum, Patrem omnipotentem, omnium visibilium, invisibiliumque factorem. Et in unum Dominum JESUM CHRISTUM, filium Dei natum ex Patre, unigenitum, hoc est, ex substantia Patris, Deum ex Deo, lumen ex lumine, Deum verum ex Deo vero: genitum, non factum: consubstantiali Patre: per quem omnia facta sunt, & quæ in cælo, & quæ in terra: qui propter nos homines, & propter nostram salutem descendit e caelis: & incarnatus est de Spiritu Sancto: ex Maria virgine: & homo factus est: Crucifixus etiam pro nobis sub Pontio Pilato: passus & sepultus est. Et resurrexit tertia die, secundum scripturas: ascendit in caelos: & sedet a dextris Patris. Et iterum venturus est cum gloria, judicare vivos & mortuos, cujus regni non erit finis. Et (credimus) in Spiritum Sanctum, Dominum vivificantem, qui ex Patre Filioque procedit: qui cum Patre Filioque simul adoratur & glorificatur. Qui locutus est per Prophetas. Et in unam sanctam Catholicam & Apostolicam Ecclesiam. Confitemur unum Baptisma in remissionem peccatorum, & expectamus resurrectionem mortuorum, & vitam futuri sæculi, Amen.

Præcipientes omnibus & singulis, ut in prædicta professione, ac vera Christianæ Religionis confessione firmiter permanere, ac Sanctam & Individuam Trinitatem, Patrem, Filium, & Spiritum Sanctum, unum Deum, mundi Creatorem, quique universa de nihilo produxerit, vera cordis pietate adorare velint: neque in aliquo dubitare, aut desistere, quod orthodoxa, & sancta Catholica Ecclesia, ductore Spiritu Sancto, de summo Triadis mysterio docuerit, statuerit & decreverit: cum hæc Fidei regula, Tertulliano teste, (d) una omnino sit, & sola, immobilis, & irreformabilis: cujus quoque cognitionem sufficere asserit, cum ad omnem pietatem, tum ad cujusvis hæreticæ pravitatis abdicationem: hanc quoque Fidei suæ confessionem subjiciendo: videlicet, credendo unum omnino DEUM esse: nec alium præter mundi Creatorem: qui universa de nihilo produxerit, per Verbum suum, primo omnium emissum: id verbum filium ejus appellatum in nomine Dei, varie visum Patriarchis: in Prophetis semper auditum: postremo delatum ex Spiritu Patris Dei, & virtute in virginem Mariam, carnem factum in utero ejus: & ex ea natum hominem egisse JESUM CHRISTUM: exinde prædicasse novam legem, & novam promissionem regni caelorum: virtutes fecisse: fixum cruci: tertia die resurrexisse: in celos ereptum: sedere ad dextram Patris: misisse Vicariam vim Spiritus Sancti, qui credentes agat: venturum cum claritate ad sumendos sanctos, in vitæ æternæ, & promissorum caelestium fructum, & ad prophanos judicandos igni perpetuo, facta utriusque partis resurrectione, cum carnis restitutione. Quam quoque fidei regulam a Christo institutam, nullas habere apud nos quaestiones, nisi quas hæreses inferant, & quæ etiam hæreticos constituent, affirmat: quibus

(d) Tertull. in lib. de Præscript. Hæreticorum & de virginibus velandis.

quibus exurgentibus, orthodoxi Patres confessionem hanc, ceu firmam & immoram Catholicæ religionis regulam, statim opposuerunt, hæreticorumque errores & conatus sopierunt & oppreserunt. Munienda igitur sunt piorum corda, ne in aliquo ambigant aut dubitent, sed firmiter Apostolicæ Regulæ inhæreant: quam normam prædicationis Apostoli ab invicem discessuri, juxta Cyprianum in expositione Symboli Apostolorum, in commune continuerunt: ne forte alius ab alio abdocti, diversum aliquid, his, qui ad fidem convertendi erant, exponerent. Nam, ut in eodem loco inquit Cyprianus: Omnes in uno positi & Spiritu Sancto repleti, breve istud tutum sibi Prædicationis inditum, conferendo in unum, quod sentiebat unusquisque, composuerunt: atque hanc credentibus dandam esse regulam, statuerunt. Ut autem in ea fidei confessione firmiter consolidemur, operæ pretium visum est, recumenicorum Conciliorum, ac nonnullorum insignium Patrum Catholicæ Religionis Symbola in medium proferre: cum dulces, suaves, consolationeque plenum sit, hæresibus gratulantibus, unanimes diversorum temporum ac Ecclesiarum, videre & cognoscere Catholicæ religionis & fidei consensum.

Symbolum Constantinopolitanum, Primum.

CREDIMUS in unum Deum: Patrem omnipotentem, factorem Cæli & terræ: visibilium omnium & invisibilium conditorem: Et in unum Dominum Jesum Christum, Filium Dei unigenitum: ex Patre natum ante sæcula: Deum ex Deo: lumen ex lumine: Deum verum ex Deo vero: natum non factum: Homousion Patri, hoc est, similis seu ejusdem, cum Patre, substantiæ: per quem omnia facta sunt, & quæ in cælo, & quæ in terra: qui propter nos homines, & propter nostram salutem, descendit de cælis, & incarnatus est de Spiritu Sancto, ex Maria virgine, & homo factus est, Crucifixus etiam pro nobis, sub Pontio Pilato, passus & sepultus est: & resurrexit tertia die, secundum scripturas: & ascendit in cælos:

& sedet ad dexteram Dei Patris. Inde venturus est cum gloria, judicare vivos & mortuos: cujus regni non erit finis. Credentes in Spiritum Sanctum, Dominum & vivificantem: ex Patre procedentem: cum Patre & Filio adorandum atque conglorificandum: qui locutus est per Prophetas, & unam Catholicam & Apostolicam Ecclesiam: confitemur unum Baptisma, in remissionem peccatorum: Expectamus resurrectionem mortuorum, & vitam venturi sæculi.

Fides vel Confessio Fidei Epheſinæ Synodi primæ.

SUBDIMUS autem his nostris, quæ te sentire oportet & docere: & ea, a quibus abstinere conveniat. Hæc est enim Fides Catholicæ Ecclesiæ, cui cuncti contentiunt orthodoxi, per Orientem, Occidentemque Pontifices. **CREDIMUS** in unum Deum Patrem omnipotentem, omnium visibilium, & invisibilium conditorem: Et in unum Dominum nostrum Jesum Christum, Filium Dei: natum de Patre unigenitum, hoc est, ex substantia Patris: Deum ex Deo, lumen de lumine: Deum verum, ex Deo vero: natum non factum: homousion Patri, (*) hoc est, unius cum Patre substantiæ: per quem omnia facta sunt, in cælo & in terra: qui propter nos homines, & propter nostram salutem, descendit de cælis: & incarnatus est, & homo factus, passus est: & resurrexit tertia die: Ascendit in cælos, inde venturus, judicare vivos & mortuos: Et in Spiritum Sanctum. Eos autem qui dicunt, erat tempus, quando non erat, & antequam nasceretur, non erat: quia ex nullis existentibus factus est, aut, ex alia substantia vel essentia esse, dicunt, aut convertibilem vel commutabilem Dei Filium, anathematizat Catholica & Apostolica Ecclesia. Sequentes itaque omnium Sanctorum Patrum confessiones, quas loquente in eis Sancto Spiritu, protulerunt, & intentioni, quæ est in eorum intellectu, aquis vestigiis inhærentes, atque iter ambulantes Regium, profitemur, quod ipsum unigenitum Dei verbum, natum ex ipsa Patris essentia, de Deo vero, Deus verus: lumen de lumine, per quem om-

(*) *al.* homousium Patris.

nia facta sunt, sive in coelis, sive in terra: Salutis nostræ causa descendens, ad exinanitionem sese dignatus est inclinare: Natus autem & homo factus, id est, carnem de virgine sancta suscipiens, eamque propriam faciens, nativitatem nostram ex vulva sustinuit, homo de muliere procedens, nec quod erat abiciens. Nam licet factus sit in assumptione carnis & sanguinis: tamen etiam sic quod erat Deus, natura scilicet & veritate persistit. Nec carnem itaque dicimus in naturam Deitatis esse conversam, nec in substantiam carnis Dei verbi essentiam commutatam: inconvertibilis est enim, & incommutabilis, idemque ipse, juxta scripturas, jugiter permanens. Vilius est autem & parvulus, positusque in cunabulis, & sinibus genitricis Virginis constitutus, universam creaturam replebat, ut Deus genitori suo indivisus existeret. Quod Divinum est enim, sine quantitate, & sine mole cognoscitur, nec ullis terminis continetur verbum Dei. Secundum substantiam confitentes, unum adoramus Filium, & Dominum Jesum Christum: non seorsum ponentes & determinantes hominem & Deum, velut invicem sibi dignitatis & auctoritatis unitate conjunctos. Hoc enim novitas vocis est, & nihil aliud: nec item Christum specialiter nominantes, Dei verbum, quod ex Deo est: nec alterum similiter Christum specialiter, qui de muliere natus est: sed unum solummodo Christum, Dei Patris verbum, cum propria carne cognoscimus.

Alia Fidei Ephesinæ Confessio, excerpta ex Epistola Sanctissimæ Episcopi Alexandriae Cyrilli: quæ continetur Actione prima Concilii Chalcedonensis, ad Joannem Antiochie Episcopum.

CONFITEMUR etenim Dominum nostrum Jesum Christum Filium Dei unigenitum, Deum perfectum, & hominem perfectum: ex anima rationali & corpore: ante sæcula quidem ex Patre natum secundum Deitatem: in fine vero dierum eundem propter nos, & propter nostram salutem, de Maria Virgine, secundum humanitatem: consubstantiali Patri secundum Deitatem: & consubstantiali nobis, secundum humani-

tatem. Duarum enim naturarum unio facta est: propter quod unum Christum, unum Filium, unum Dominum confitemur. Secundum hunc inconfusæ unionis intellectum, confitemur Virginem Dei Genitricem: propter quod Deus verbum incarnatus est, & homo factus est, & ex ipsa conceptione, sibi inierit templum, quod ex ipsa suscepit. Evangelicas vero & Apostolicas de Domino voces scimus Deiloquos viros quosdam quidem unificantes, tanquam in una persona: quosdam vero dividentes, tanquam in duabus naturis: & divinitatem quidem docentes; secundum Deitatem Christi: humiles autem, secundum humanitatem ejus tradentes.

*Confessio Fidei Chalcedonensis
Concilii in Actione V.*

CONSSENTIENTES ergo sanctis Patribus, unum eundemque Filium confiteri Dominum nostrum Jesum Christum, consona voce edocemus, pariter perfectum, eundem in Deitate Deum, & hominem verum, eundem ex anima rationali & corpore, secundum Divinitatem, unius cum Patre naturæ: secundum humanitatem, eundem unius naturæ nobiscum, per omnia similem nobis, absque peccato: Ante sæcula quidem ex Patre natum, secundum Divinitatem: in novissimis vero diebus eundem propter nos, & propter nostram salutem hominem factum: hunc unum eundemque Christum Filium, Dominum unigenitum in duas naturas inconfuse, immutabiliter, indivise, inseparabiliter cognoscendum: in nullo naturarum differentias, propter unitatem, perimendas: magis autem salva utriusque naturæ proprietate, & in una coeunte persona, unoque statu concurrente, non in duabus personis partiendum, vel dividendum, sed unum eundemque Filium unigenitum, Deum, verbum, Dominum JESUM Christum, sicut ab exordio Prophetæ de eo, & ipse nos erudit, & nobis tradidit Symbolum. His itaque cum omni undiquaque subtilitate & diligentia a nobis ordinatis, statuit Sancta & universalis Synodus, aliam fidem nulli

licere profiteri, aut scribere, aut docere, aut dicere aliter. Qui autem audent exponere aliam fidem, aut proferre, aut docere aliud Symbolum, volentibus converti ad scientiam veritatis, ex gentilibus, ex Judæis vel Hæreticis quibuscunque: siquidem Episcopi aut Clerici fuerint, alienos esse Episcopos ab Episcopatu, & Clericos a Clero: Si vero Monachi, vel laici fuerint, anathema fieri.

*Symbolum Toletani Concilii
primi.*

CREDIMUS in unum verum Deum, Patrem omnipotentem, & Filium, & Spiritum Sanctum: visibilem & invisibilem. Factorem, per quem omnia facta sunt, in cælo & in terra. Unum Deum, & unam esse divinæ substantiæ Trinitatem. Patrem autem non esse filium ipsum, sed habere filium, qui pater non sit: Filium non esse Patrem, sed filium Dei, de Patris esse naturam: Spiritum quoque esse Paracletum, qui nec pater sit ipse, nec filius: sed a patre filioque procedens. Est ergo ingenuitus Pater: genitus Filius, non genitus Paracletus, sed a Patre filioque procedens. Pater est, cujus vox hæc audita est de cælis: Hic est Filius meus dilectus, in quo mihi bene complacui: ipsum audite. Filius est, qui ait: Ego a Patre exivi, & a Deo veni in hunc mundum. Paracletus est Spiritus, de quo Filius ait: Nisi ego abiero ad Patrem, Paracletus non veniet. Hanc Trinitatem personis distinctam: substantiam unitam, virtute & potestate, & maiestate, indivisibilem, indifferentem: Præter hanc nullam credimus Divinam esse naturam, vel Angeli, vel Spiritus, vel virtutis alicujus, quæ Deus credatur. Hunc ergo Filium Dei, Deum natum a Patre, ante omne omnino principium, sanctificasse uterum Virginis Mariæ, atque ex ea verum hominem, sine virili generatum semine, suscepisse, duabus duntaxat naturis, id est, Deitatis & carnis in unam convenientibus omnino personam, id est, Dominum nostrum JESUM CHRISTUM: nec imaginarium corpus, aut phantasmatis alicujus in eo fuisse, sed solidum & verum. Hunc & esurisse & sitisse, & doluisse, & flevisse, & omnis corporis in-

urias pertulisse: postremo a Judæis crucifixum & sepultum, & tertia die resurrexisse: conversatum postmodum cum discipulis suis, & quadragesima post resurrectionem die, ad cælum ascendisse: hunc filium hominis, etiam filium Dei: & filium Dei, etiam hominis, Filium appellamus. Resurrectionem vero futuram humanæ credimus carnis: Animam autem hominis, non Divinæ esse substantiæ, aut Dei Patris: sed creaturam dicimus, Dei voluntate creatam.

*Symbolum Toletani Concilii
quarti.*

Quemadmodum a sanctis Patribus accepimus, Patrem, & Filium, & Spiritum Sanctum, unius Deitatis atque substantiæ, confitemur, in personarum diversitate, Trinitatem credentes, in Divinitate unitatem prædicantes: nec personas confundimus: nec substantiam separamus. Patrem a nullo factum vel genitum dicimus. Filium a Patre non factum, sed genitum asserimus. Spiritum vero Sanctum, nec creatum, nec genitum, sed procedentem ex Patre & Filio, profite-mur. Ipsum autem Dominum Jesum Christum, Dei filium & creatorem omnium, ex substantia Patris, ante sæcula genitum, descendisse ultimo tempore, pro redemptione mundi, a Patre, qui nunquam desinit esse cum Patre, incarnatus enim est, ex Spiritu Sancto, & gloriosa sancta Dei genitrice Virgine Maria, & natus ex ipsa. Solus idem Dominus JESUS CHRISTUS, unus in Sancta Trinitate: anima & carne perfectus, sine peccato suscipiens hominem, manens quod erat, assumens quod non erat, æqualis Patri secundum Divinitatem, minor Patre secundum humanitatem: habens in una persona duarum naturarum proprietatem: naturæ enim in illo duæ, Deus & Homo: non autem duo Filii, & Dii duo, sed idem, una persona in utraque natura, perferens passionem & mortem pro nostra salute (non in virtute Divinitatis, sed in infirmitate humanitatis.) Descendit ad inferos, ut Sanctos, qui ibi tenebantur, erueret: & devicto mortis imperio, resurrexit: assumptus deinde in cælos, venturus est in futurum ad iudicium vivorum & mortuorum, cujus morte & sanguine mundati, remissionem peccatorum consecuti sumus,

sumus, resuscitandi ab eo in die novissima, in ea, qua nunc vivimus, carne: & in ea, qua resurrexit idem Dominus forma: percipit ab ipso, alii pro iustitiæ meritis vitam æternam: alii, pro peccatis, supplicii æterni sententiam. Hæc est Ecclesiæ Catholicæ Fides, hanc confessionem servamus, atque tenemus: quam quisquis firmissime custodierit, perpetuam salutem habebit.

Expositio Prædicationis veritatis,
quam ab Apostolis Ecclesia percipiens custodit:

Ex libro Irenæi adversus Valentinum

& similes primo, Capite

secundo.

Ecclēsia enim per universum orbem usque ad fines terræ seminata, & ab Apostolis, & a discipulis eorum accepit eam fidem, quæ est in unum Deum, Patrem omnipotentem, qui fecit cælum & terram, mare, & omnia quæ in eis sunt. Et in unum Jesum Christum, Filium Dei, incarnatum pro nostra salute: Et in Spiritum Sanctum, qui per Prophetas prædicavit dispositiones Dei & adventum: & eam, quæ est ex Virgine generationem, & passionem, & resurrectionem a mortuis, & in carne in cælis ascensionem dilecti Jesu Christi Domini nostri: & de cælis in gloria Patris adventum ejus, ad recapitulanda universa: & resuscitandam omnem carnem humani generis, ut Christo Jesu Domino nostro, & Deo, & Salvatori, & Regi, secundum placitum Patris invisibilis, omne genu curvetur, cælestium, terrestrium, & infernorum: & omnis lingua confiteatur ei, & iudicium justum in omnibus faciat: Spiritualia quidem nequitia, & angelos transgressos, atque apostatas factos, & impios, & injustos, & iniquos & blasphemos homines in æternum ignem mittat: Justis autem & æquis, & præcepta ejus servantibus, & in dilectione ejus perseverantibus (quibusdam quidem ab initio, quibusdam autem ex poenitentia vitam donans) incorruptelam, loco muneris conferat, & claritatem æternam circundet. (c) Hanc prædicationem cum acceperit: & hanc fidem, quemadmodum prædiximus, Ecclesia, & quidem in universum mundum disseminata, diligenter custodit,

quasi unam domum inhabitans, & similiter credit his videlicet, quasi unam animam habens, & unum cor: & consonanter hæc prædicat & docet, & tradit, quasi unum possidens os. Nam etsi in mundo loquelæ dissimiles sunt, sed tamen virtus traditionis una & eadem est: & neque hæ, quæ in Germania sunt fundatæ Ecclesiæ, aliter credunt, aut aliter tradunt, neque hæ quæ in Hyberis sunt: neque hæ quæ in Celtis, neque hæ quæ in Oriente, neque hæ quæ in Ægypto, neque hæ quæ in Lybia, neque hæ quæ in medio mundi sunt constitutæ: sed sicut Sol creatura Dei in universo mundo unus & idem est: sic & lumen, prædicatio veritatis, ubi lucet, illuminat omnes homines, qui volunt ad cognitionem veritatis venire: & neque qui valde prævalet in sermone, ex his qui præsent Ecclesiis, alia quam hæc sunt dicit (Nemo enim supra magistrum est: neque infirmus in dicendo, deminoravit traditionem: cum enim una & eadem fides sit, neque is, qui multum de ea potest dicere, amplius, neque is, qui minus, deminorat.

Symbolum Apostolicum Basilii Magni.

CREDIMUS igitur & confitemur, (f) unum, solum, verum & bonum Deum, & Patrem omnipotentem, ex quo sunt omnia: Deum & Patrem, Domini ac Dei nostri Jesu Christi: & unum illius Filium unigenitum, Dominum ac Deum nostrum Jesum Christum: solum verum, per quem omnia facta sunt, tam visibilia, quam invisibilia: & in quo omnia consistunt: qui in principio erat apud Deum, & Deus erat, & postea secundum scripturas in terra visus est, & cum hominibus conversatus est: qui cum in forma Dei esset, non est rapinam arbitratus parem esse Deo, sed seipsum exinanivit, & per nativitatem ex Virgine, formam servi accepit, & habitu inventus est ut homo: & omnia quæ in se & de se scripta sunt, juxta mandatum Patris, adimplevit: factus obediens usque ad mortem: mortem autem Crucis. Tertia die excitatus a mortuis, secundum scripturas: visus est sanctis suis discipulis, ac reli-

(c) Ex cod. Cap. 3.

(f) Ex Asceticis in sermone de Fide.

reliquis, sicut scriptum est: Ascenditque ad cœlos, ac sedet ad dextram Patris: unde venturus est, in consummatione sæculi hujus, ad excitandum omnes, & reddendum unicuique secundum facta ipsius: quando iusti quidem assumentur ad vitam æternam & regnum cœlorum: peccatores vero condemnabuntur ad supplicium æternum: ubi vermis eorum non morietur, & ignis non extinguetur. Et unum tantum Spiritum Sanctum, Paracletum: in quo obsignati sumus ad diem redemptionis, Spiritum veritatis, Spiritum adoptionis, in quo clamamus: Abba, Pater; qui dividit & operatur charismata a Deo data, unicuique ad utilitatem, prout vult: qui docet & suggerit omnia, quæcunque audit a Filio, qui bonus est, qui inducit in omnem veritatem: & confirmat omnes credentes, ad cognitionem veram & exactam, & pium Dei cultum, & ad orationem spiritalem, & veram confessionem Dei: Patris, & unigeniti Filii ejus, Domini ac Dei nostri Jesu Christi, & sui ipsius.

Symbolum Beati Damasi Romani Episcopi.

CREDIMUS in unum Deum Patrem omnipotentem: (g) & in unum Dominum nostrum Jesum Christum, Filium Dei: Et in Spiritum Sanctum Deum, non tres Deos, sed Patrem, Filium & Spiritum Sanctum, unum Deum colimus & confitemur. Non sic unum Deum, quasi solitarium: nec eundem, qui ipse sibi Pater sit, ipse & Filius: sed Patrem esse, qui genuit: & Filium esse, qui genitus sit: Spiritum vero Sanctum, non genitum, neque unigenitum: non creatum neque factum, sed de Patre Filioque procedentem: Patri & Filio cœternum, & cœqualem, & cooperatorem: quia scriptum est, Verbo Domini cœli confirmati sunt: id est, a Filio Dei, & Spiritu oris ejus, omnis virtus eorum. Et alibi: Emitte Spiritum tuum & creabuntur, & renovabis faciem terræ. Ideoque in nomine Patris, & Filii, & Spiritus Sancti, unum confitemur Deum: quod nomen est potestatis, non proprietatis: proprium nomen est Patri, Pater: & proprium nomen est Filio, Filius: & proprium no-

men Spiritui Sancto, Spiritus Sanctus. In hac Trinitate unum Deum colimus: quia ex uno Patre, quod est, unius cum Patre naturæ est, unius substantiæ, & unius potestatis. Pater Filium genuit, non voluntate, nec necessitate, sed natura. Filius ultimo tempore ad nos salvandos, & ad implendas scripturas descendit a Patre, qui nunquam desinit esse cum Patre: & conceptus est de Spiritu Sancto, & natus ex Virgine: carnem & animam, & sensum, hoc est, perfectum suscepit hominem: nec amisit quod erat, sed cepit esse, quod non erat: ita tamen, ut perfectus in suis sit, & verus in nostris. Nam qui Deus erat, homo natus est, & qui homo natus est, operatur ut Deus: & qui operatur ut Deus, ut homo moritur: & qui ut homo moritur, ut Deus resurgit: qui devicto mortis Imperio, cum ea carne, qua natus & passus, & mortuus fuerat, & resurrexit, ascendit ad Patrem, sedetque ad dexteram ejus in gloria, quam semper habuit & habet: in hujus morte & sanguine credimus emundatos nos, & ab eo resuscitandos die novissimo, in hac carne, qua nunc vivimus: & habemus spem, nos consecuturos premium boni meriti, aut penam pro peccatis æterni supplicii. Hæc lege, hæc crede, huic fidei animam tuam subjuga, & vitam consequeris, & premium a Christo. Magni vero Athanasii, vel etiam aliorum Patrum Symbola his annexere noluimus, cum Athanasiana fidei confessio nemini ignota sit, propter quotidianum psallendi & precandi usum: alia vero ex voluminibus Conciliorum, si qui eorundem lectione ac cognitione delectantur, facile desumi poterunt: & extat Cyrilli Episcopi Nicæni Symboli copiosa & solida expositio, Patribus Ephesinæ Synodi oblata. Quibus sane omnibus subjicere quoque volumus, insignem Divi Augustini sermonem: piam & sinceram Symboli Apostolici explicationem continentem, ne in aliquo pius lector vel hæreat, vel vacillet, aut dubitet, ac offendatur. Adjuncta etiam ipsius Augustini Symbolica precatio, quæ in Soliloquiorum libello continetur.

In Vigilia Pentecostes, de expositione Symboli, Sermo I.

NOTUM est, Dilectissimi, charitati vestra, quod milites sæculi, beneficia temporalia, a temporalibus Dominis accepturi, prius Sacramentis militaribus obligantur, & Dominis suis fidem se servaturos profitentur: quanto magis ergo æterno Regi militaturi & æterna præmia percepturi, debent Sacramentis cœlestibus obligari: & fidem, per quam ei placituri sunt, publice profiteri? dicit enim Apostolus: Sine fide impossibile est placere Deo; hanc in cordibus nostris agnoscit, qui scrutatur renes & corda. Sed propter conservandam Ecclesiæ unitatem, dispensationi hujus temporis, cum fide cordis necessaria est oris confessio: quia corde creditur ad justitiam, ore autem confessio fit ad salutem, non tantum prædicatorum, sed etiam eruditorum. Non enim aliter frater de fratre sentiret, nec pax Ecclesiæ servaretur: nec alium docere, aut ab alio discere salutis necessaria posset, nisi quod in corde habet, signis vocum tanquam suis vehiculis ad corda aliorum transmitteret. Est ergo fides & corde servanda, & ore promenda. Fides namque omnium bonorum est fundamentum, & humanæ salutis initium: Sine hac nemo ad numerum Filiorum Dei poterit pervenire: & sine ipsa in hoc sæculo nec justificationis consequitur gratiam, nec in futuro possidebit vitam æternam: & si quis non ambulaverit per fidem, non perveniet ad speciem. Hoc attendentes S. Apostoli, certam regulam fidei tradiderunt: quam secundum numerum Apostolicum, XII. sententiis comprehensam, Symbolum vocaverunt: per quam credentes Catholicam tenerent unitatem, & per quam hæreticam convincerent pravitatem. Symbolum ergo tali ratione institutum majores nostri dixerunt: tradunt enim, quod post Ascensionem Domini & Salvatoris nostri ad Patrem, cum per adventum Spiritus Sancti, discipuli ejus inflammati, linguis omnium loquerentur ad singulas quasque nationes: ut Dei verbum prædicarent, ituri ac discessuri ab invicem, normam prius sibi futuræ prædicationis in commune statuerunt: ne, localiter ab invicem disce-

dentes, diversum vel dissonum prædicarent his, qui ad fidem Christi invitabantur. Omnes igitur in uno positi, & Spiritu Sancto repleti, breve suæ prædicationis indicium, conferendo in unum, quod sentiebat unusquisque, computabant: atque hanc ita credentibus dandam esse regulam instituerunt. Symbolum breve est verbis, sed magnum est Sacramentis: quicquid enim præfiguratum est in Patriarchis, quicquid denunciatum in Scripturis, quicquid prædictum est in Prophetis, vel de Deo ingenito, vel ex Deo in Deum nato, vel de Spiritu Sancto, vel de suscipiendo omni Sacramento, vel de morte Domini, resurrectionisque ejus mysterio, totum breviter hoc Symbolum continet, & continendo habet, & confitendo. Discat ergo quisque Fidem Apostolicam professus per ora gestantium in Baptismo, cum ad annos intelligibiles venerit.

Jam ad istius Symboli professionis Sacramentum, textumque, quod in hunc modum incipit: CREDO IN DEUM, PATREM OMNIPOTENTEM, &c. Inprimis, Dilectissimi, qualis sermo sit in Symboli capite, diligenter attendite: Ergo in primo habet Credo: Vide quod Dominus noster non nos jubet discutere Divina judicia, sed credere: nec rationem requirere, sed fidem simpliciter & immobiliter exhibere. Non dicit, Credo Deum, vel credo Deo, quamvis & hæc salutis necessaria sint: aliud enim est, credere illi: aliud, credere illum: aliud, credere in illum. Credere illi, est, credere vera esse, quæ loquitur: credere illum, credere, quia ipse est Deus: credere in illum, diligere illum. Credere vera esse, quæ loquitur, multi & mali possunt: credunt enim esse vera, & nolunt ea facere sua: quia ad hoc pedum pigri sunt: credere autem ipsum esse Deum, & dæmones possunt: credere vero in DEUM, soli noverunt, qui diligunt illum: qui non solum nomine Christiani sunt, sed & factis & vita: quia sine dilectione fides inanis est. Cum dilectione fides, Christiani: sine dilectione fides, dæmonis. Qui ergo non volunt credere Christum, adhuc nec dæmones imitantur: Jam credit Christum, sed odit Christum: habet confessionem fidei in timore penæ, non in amore coronæ. Nam & illi puniri timebant.

mebant. Denique Beatus Petrus, cum, Domine, confitens diceret: Tu es Filius DEI vivi, eadem pene verba, quæ & demones, proferre videtur ex ore: sed illorum confessio, quia cum odio prolata est Christi, merito damnata est: illius, quia ex interna dilectione processit, æterna beatitudine remunerata est. Nos ergo, qui per adoptionem gratiæ filii Dei sumus, dicendo: Credo in Deum, Patrem omnipotentem: hoc est, sic ei credamus, ut ei per dilectionem adhæreamus. In Deum Patrem omnipotentem. Advertite, quod cum Dei Patris nomen in confessione conjungit: ostendit, quod non ante Deus esse cœpit, & postea Pater: sed sine ullo initio & Deus semper & Pater est. Patrem autem cum audis: agnosce, quod habet filium veraciter genitum: quomodo possessor dicitur, qui aliquid possidet, & Dominus, qui alicui dominatur. Deus ergo Pater: secreti Sacramenti vocabulum est: cujus vere filius est verbum. Nec quærat, quomodo genuit Filium: quod & Angeli nesciunt: Prophetis est incognitum. Unde illud dictum est: (b) Generationem ejus quis enarrabit? Nec a nobis discutiendus est Deus, sed credendus. Sed ut breviter dicamus: sufficit nos scire, quia genuit lux splendorem. Omnipotentem vero ideo dicit: Quia omnipotens est, cui nihil impossibile est: qui cælum & terram, homines atque omnia animalia & reptilia, non aliquo operis actu, sed solo verbi imperio creavit. Et ideo non veniat nobis in cogitationem, quomodo hoc aut illud potuit fieri, qui omnipotentem precemur confiteri.

ET IN JESUM CHRISTUM FILIUM EJUS UNICUM, DOMINUM NOSTRUM. Advertite, quomodo in Patrem, sic & in Filium credendum est. Et quia cum Patre æqualis est Majestate, tantum ipsi, quantum & Patri honoris nos debere novimus, & servitutis obsequium. Jesus autem, Salvator interpretatur: Jesus autem dicitur, quod salvet populum. Christus a Chrismate dicitur, quia sicut antiqui Reges oleo sacro perfundebantur: ita Dominus noster Jesus Christus, Spiritus Sancti infusione repletus est. Unicus ideo, quia nec comparisonem recepit cum creaturis, nec

similitudinem: quia omnium rerum summus ipse creator est. Homines autem filii Dei vocantur per gratiam: ille solus filius genitus per naturam. Ostendunt ista in eum jure credendum esse, qui propter hoc, quod æqualis Patri est, Salvator noster est, redimens nos: & Christus est Rex, regens nos: & unicus Dominus noster, spoliato antiquo hoste, singulari dominio suo asciscens nos:

QUI CONCEPTUS EST DE SPIRITU SANCTO: id est, cujus conceptionis solus author fuit Spiritus Sanctus. Sicut enim vermis calefaciente sole, de puro limo formatur: sic Spiritu Sancto illustrante & sanctificante cor Virginis, caro Christi de sola carne Virginis, nulla sementina carnis origine operante, concepta est. Unde se vermi comparans, per Psalmistam dicit: Ego sum vermis, & non homo: id est, non conceptus more humano.

NATUS EX MARIA VIRGINE: qui veniebat, inveteratam peccatis hominum renovare naturam, novam legem voluit habere nascendi. Unigenitus igitur Dei, factus est hominis filius: ut qui Creator mundi erat, fieret & Redemptor. Quod vero Majestatis Deus de Maria incarnatus est, non est sordidatus nascendo de Virgine, qui non fuit pollutus, hominem condens ex pulvere. Denique sol aut ignis, si lutum tangat, quod tetigerit, purgat, & se tamen non inquinat. Nec fuit Deo injuria causa misericordiæ: neque sit incredibile, quod ipse natus de Virgine, qui Adam de virgineo pulvere, & primam mulierem potuit de costa formare. Deus filium suum, quem solum de corde suo, æqualem sibi genitum, tanquam seipsum diligebat, ipsum dedit Mariæ, ut naturaliter esset unus idemque communis filius Dei & Mariæ. Omnis natura a Deo creata est, & Deus est ex Maria natus. Deus omnia creavit, & Maria Deum generavit. Deus qui omnia fecit, ipse se ex Maria fecit: & sic omnia, quæ fecerat, refecit, qui potuit omnia de nihilo facere, noluit ea violata sine Maria reficere.

PASSUS SUB PONTIO PILATO, CRUCIFIXUS, MORTUUS ET SEPULTUS. Iste Pilatus Judex erat

(b) Isaïæ 55.

erat in illo tempore, ab Imperatore positus in Judæa, sub quo Dominus passus est, cujus mentio ad temporis significationem, non ad personæ illius pertinet dignitatem. Crucifixus. Hinc multa Prophetæ prædixerunt, qualiter, crucifixus in cruce, in conspectu populi maligni, manibus extensis pependerit: Tamen ut breviter dicatur: in cruce suspensus est, ut nos a damnatione ligni vetiti dissolveret, & a morte liberaret. Sed quæritur, quid sit crucis significatio, & quare Dominus in patibulo se pati elegerit? ad quod tripartita ratio redditur. Prima, ut Christus pro reatu mundi redemptioni daretur, & antiquis hostis velut hano crucis pateretur: scilicet, ut quos absorberat, evomeret: non potentia victus, sed iusticia. Secunda causa est, ut seculis hominibus vitæ magisterium præberet: ad hoc enim ascendit in crucem, ut nobis passionis & resurrectionis præberet exemplum. Tertia causa est susceptæ crucis, ut superbia sæculi & inflata sapientia, per crucis stultam, ut putatur, prædicationem humiliata, corrueretur: & sciret, id quod stultum est Dei, sapientius esse hominibus. Sed adhuc videndum est, quare Dominus tale genus mortis elegerit: legimus enim in Evangelio, quod Pharisei voluerunt eum præcipitare de monte: at ille transiens, per medium illorum ibat. Alii quoque legimus, quod Judæi rulerunt lapides, ut jacerent in eum: ipse vero abscondit se, & exivit de templo. Quare noluit Dominus præcipitari, vel lapidari, aut etiam gladio trunci? Utique causa nostræ salutis hoc fecit: Mors enim Christi, signum est nostræ salutis. Noluit ergo lapidari, aut etiam gladio percuti: quia videlicet nos semper nobiscum lapides, aut ferrum, ferre non possumus: quibus defendamur: elegit vero crucem, quæ levi motu manus exprimitur: qua & contra inimici versutias munimur. Hoc enim signo crucis, consecratur corpus dominicum, sanctificatur fons baptismatis, initiatur etiam Presbyteri & ceteri gradus Ecclesiastici: & omnia quæcunque sanctificantur, hoc signo dominicæ crucis, cum invocatione Christi nominis consecrantur: nam & ipsa crux magnum in se mysterium continet: cujus positio talis est, ut superior pars, cælos petat: infe-

rior, terræ inhæreat: fixa, in infernorum ima contingat: latitudo autem ejus partes mundi appetat: qua & Christus per passionem crucis Angelis profuit in cælo, quorum numerus, quia per apostatam angelum imminutus fuerat, ex animabus fidelium, quotidie adimpletur: & nobis, qui sumus in terra, & illis, qui propter originale peccatum detinebantur apud inferos: sed & ipsis, qui in diversis mundi partibus habitabant: Jacens vero crux, quatuor mundi partes appetit: Orientem videlicet, & Occidentem, Aquilonem & Meridiem: quod & Christus per passionem suam omnes gentes ad se trahit: & omnia sibi subjugavit: juxta quod ipse surgens a mortuis, dicit: Data est mihi omnis potestas in cælo & in terra: Continetur etiam in hac crucis figura altius Sacramentum: quod quanto est altius, tanto attendendum diligentius. Intelligitur namque in latitudine crucis, dilectio proximi: quæ non tantum usque ad amicos, sed etiam extendenda est usque ad diligendos inimicos: intelligitur quoque in ejusdem longitudine, longa & perseverans laborum & persecutionum sustinentia: quam patienter ferre debet ad patriam suspirans nostra peregrinatio, tam pro dilectione proximorum, quam pro exhibitione omnium bonorum operum. Figuratur simili ratione in altitudine ejus, eminentia spei, penetrans usque ad interiora velaminis: ubi visione pacis perfuerunt, qui hic a civibus Babylonis multipliciter exercentur, donec in libertatem gloriæ filiorum Dei a servitute corruptionis hujus liberentur. Attendenda est etiam crucis profunditas: quia profundum est mysterium crucis: in quo, multorum, qui sapientes dicuntur, ingenia defecerunt: quod ausi sunt reprehendere, quod non potuerunt humana ratione comprehendere: videlicet, cur verbum, Deo Patri coæternum, omnia continens, omnia implens, in assumpto homine totum se conclusit: & tamen totum mundum regere, complere & continere non desierit. Nulla ergo sit nobis de cruce Christi confusio: quia habemus de ejus passione victoriam. Sicut enim sempiternus Dei filius non sibi, sed nobis natus: ita immaculatus Dei agnus, non sibi, sed nobis passus est. Quis autem non mirificum advertere esse mysterium: ubi ipse

homo prædicatur, qui Deus est : & ubi idem Dominus annunciat, qui ascribitur crucifixus ? nec incogitata ei, quod peremptus est, aut improvisa res accidit, qui Divinitatis suæ consilio idcirco suscepit hominem, ut pro homine posset occidi. Supplicium autem crucis elegit, ut sublimiorem victoriam pararet pœna deterior : & qui universitatis bono potiebatur, quasi in conspectu mundi in altum sublatus occumberet : simul ut qui crucifixum videbant, mirabilia cernerent crucifixi. Nam satis abundeque gloriam patientis ostendit repentina solis obscuritas, tremor terrarum, saxorum divisio, resurrectio inortuorum. Illud autem quanti est testimonii, quod etiam pariter crucifixus, Latro, memoriam sui in celesti regno fieri a consorte supplicii precabatur. Hinc est, Charissimi, quod illusiones & proba, quæ pertulit Christus, crucem mortemque ejus non suspiriis ingemiscimus, sed continuis celebramus laudibus : Mors Domini nostri Jesu Christi non fuit in anima, sed in sola carne : Mors vero nostra, non solum in carne, sed etiam in anima : in anima, propter peccatum, in carne, propter pœnam peccati. Ille vero, qui peccatum non fecit, nec habuit in anima, non est mortuus, nisi in carne tantum, & hoc per similitudinem carnis peccati, quam de Adam traxit. Igitur simpla ejus mors profuit duplici vitæ nostræ : & simpla ejus resurrectio resurrectioni animæ & corporis. Resurrectio quippe ejus duas mortes nostras solvit : & duas nostras resurrectiones formavit : nec immerito uno die & duabus noctibus jacuit in sepulchro : quia, videlicet, lucem suæ simplæ mortis tenebris nostræ duplici mortis adjunxit. Venit enim ad nos, qui in morte carnis & spiritus detinebamur : & suam unam mortem carnis detulit, duasque nostras solvit. Si enim ipse utramque susciperet : a nulla nos liberaret. Sepultus est, ut ad consolationem sepulchrorum benedictionem corporis ejus terra susciperet. Infirma incarnati Verbi commemorantur, de quibus Apostolus dicit : (i) Quod infirmum est Dei, fortius est hominibus. Natus est ex Virgine : ut nos nasceremur ex Ecclesiæ Virginis utero : tentatus est, ut a tentatione liberaret : tentus, ut dimitteremur :

ligatus, ut nos a nodo maledictionis absolveremur : illusit est, ut nos ab illusionibus demonum liberaret : venundatus est, ut nos redimeret : humiliatus est, ut nos exaltaret : captus est, ut nos a captivitate demonum auferret : spoliatus est, ut nuditas primi hominis, per quam mors ingressa est, tegetetur : spinis coronatus est, ut nos liberaret a spinis peccatorum, vel potius, ut monstraret se cum eis coronandum, illosque caput & coronam Ecclesiæ futuros, qui spinosi erant anando vitia : aceto est potatus, ut nos inebriaret dulcedine ecclesiæ desiderii & æterni gaudii : postremo, in altari crucis sacrificatus est, ut totius mundi peccata deleteret : mortuus est, ut mortis captivaret imperium : sepultus est, ut sepultura Sanctorum benediceret : & ut nos sibi vitis & concupiscentiis sepeliret. Hæc ergo infirmitas Christi superavit omnem firmitatem mundi.

DESCENDIT AD INFERNA, ut Adam Protoplastum, & Patriarchas & Prophetas, omnesque justos, qui pro originali peccato ibidem detinebantur, liberaret : & ut de vinculis peccati absolutos, de eadem captivitate & inferniloco, suo sanguine redemptos, ad supernam patriam, & ad perpetuam vitæ gaudia revocaret : reliqui, qui supra originale peccatum, principalem culpam commiserunt, ut asserit scriptura, in pœnali Tartaro remanserunt : sicut in persona Christi dictum est, per Prophetam : (k) Ero mors tua, O mors : id est, morte sua Christus, humani generis inimicam mortem interfecit, & vitam dedit. Ero morsus tuus, inferne. Partim momordit infernum pro parte eorum, quos liberavit : partem reliquit pro parte eorum, qui principalibus criminibus in tormentis remanserunt.

TERTIA DIE RESURREXIT A MORTUIS : Si credidisti de Christo, quod dedecoris est, crede quod gloriæ est : Si credidisti quod mortis est, crede quod vitæ est. Sicut enim in passione, mysterium pietatis est, ita in resurrectione operatio potestatis, ut ipse ait, Potestatem habeo ponendi animam meam : (l) & iterum sumendi eam.

ASCEN-

(i) 1. Cor. 1.

(k) Osæ 13.

(l) Joan. 10.

ASCENDIT AD COELOS: id est, conditionem naturæ nostræ, quam ex homine matre natus assumpsit, super cœlos in dextera Dei Patris collocavit. Ascendamus & nos cum Christo interim corde: ut cum dies ejus promissus advenit, sequamur & corpore. Scire tamen debemus, fratres, quia cum Christo non ascendit superbia, non avaritia, non luxuria: nullum vitium nostram ascendit cum medico nostro: ideo si post medicum desideramus ascendere, debemus vitia vel peccata deponere. Omnes enim quasi quibusdam compedibus nos premunt, & peccatorum retibus nos ligare contendunt: & ideo cum Dei adjutorio, secundum quod ait Psalmista, dirumpamus vincula eorum: (m) ut securi possimus dicere Domino: Dirupisti vincula mea: (n) tibi sacrificabo hostiam laudis.

SEDET AD DEXTERAM DEI PATRIS OMNIPOTENTIS. Sedere judicantis est: & quia Redemptor noster assumptus in cœlum, & nunc omnia judicat, & ad extremum Judex omnium veniet, sedere describitur.

INDE VENTUROS JUDICARE VIVOS ET MORTUOS. In ipso corpore venturus est ad iudicium, in quo ascendit ad cœlum: Christianos judicaturus & paganos: justos & peccatores: fideles & impios. Omnes enim, ut ait Apostolus, (o) astabimus ante tribunal Christi: ut referat unusquisque propria corporis sui, prout gessit, sive bonum, sive malum: quam rem etiam Dominus in Evangelio denunciat, dicens: Filius hominis venturus est in gloria sua, cum Angelis suis: (p) & tunc reddet unicuique secundum opera sua. Diligenter, quæso, attendite, fratres: & mecum panter expaveſcite: quia non dixit, ut reddat unicuique secundum misericordiam, sed secundum opera: hic enim est misericors, ibi justus. Nam quod non statim in peccatores vindicat, patientia est: non negligentia: non ille potentiam perdidit, sed nos ad potentiam reservavit. Unde valde emendum est, ne quanto diutius spectat, ut corrāmur: tanto gravius vindicet, si emendari noluerimus. Scire & in-

telligere debemus, fratres charissimi, nihil esse nobis salubrius, quam ut damnatis omnium præſentium rerum voluptatibus, id potius cogitemus, quando erimus de hoc sæculo transitori: vel quando tabernaculum corporis, ultimo die superveniente, deposituri, & iterum illud resurrectionis tempore recepturi: ut cum eodem recipiamus, prout gessimus, sive bonum sive malum: & ideo rogo, fratres, ut quotidie cogitemus, quales erimus in die iudicii, purissimis angelorum contemptibus offerendi, & æterno Judici rationem de libris conscientiarum reddaturi, remotis omnibus probationibus. Certum est, in die illa, ipsum ante se hominem constituendum: & ipsam sibi vitam in cordis speculo demonstrandam: & testes, contra eam non deſoris aliquando, sed intus de ipsa anima, proferendos. Adji-cienda erunt non aliqua peregrina, sed nimium nota testimonia: id est, opera sua. Ordinabuntur ante infelicem animam, peccata vel crimina sua: ut eam & convincat probatio, & confundat agnitio, secundum illud, quod scriptum est: Arguam te: & statuam contra faciem tuam. Quicumque se modo, dum licet, emendare neglexerit: ante illum celestem populum, primum excepturus erit, de confusione supplicium: & anima, quæ modo per penitentiam compendiosam, transactas peccatorum suorum putredines, curare dissimulat, ante illud tribunal merendum, sine ullo remedio, in perpetuo Tartaro manebit. Quæ cum ita sit: bene nobiscum ageretur, si jam nunc sic peniteremus super malis nostris, quomodo tunc sine ullo remedio penitebimus, si scditates & confusiones nostras, quemadinodum tunc visuri sumus, sic jam eas nunc videre & horrere possemus. O si jam faciem nunc peccatricis animæ liceret oculis corporeis intueri, & conscientiarum nostrarum vultum, in oculorum præſentiammitteremur adducere! quod si liceret, nec dici potest, quanto studio, quanto metu urgeremur, scdata componere, maculata tergere, vulnerata curare: ideoque, quia non possumus oculis corporis: inspicimus nos, in quantum possumus, oculis cordis: & unusquisque conscientiam suam ante conspectum interioris ho-

H h h 3 minis

(m) Psalm. 2.
(p) Matth. 16.

(n) Psalm. 115.

(o) 2. Cor. 5.

minis constituat : ipsi nosmetipsos castigemus, ipsi nobiscum rationem de quotidiana conversatione faciamus, ipsi nos accusemus quotidie judici nostro, & dum in carne sumus, contra ipsam carnem, auxiliante Domino, quotidie dimicemus, quod qui fecerit, ab auditu malo liberabitur : qui autem contempsit, quid faciet in illo metuendo iudicii die : cum, tremante mundo, Dominus, præcinentibus Angelorum buccinis, in illo Majestatis suæ throno circumdatus celestis militiæ luce confederit : ibique de terræ gremio, & antiquo pulvere suscitato humano genere, astante testimonio conscientiæ singulorum, positis in conspectum peccatorum pœnis, iustorumque præmiis, rationem vitæ cœperit postulare : & plus jam iustus, quam misericors severitate iudicis, contemptæ misericordiæ reos cœperit accusare & dicere : Ego te, homo, de limo manibus meis feci : ego terrenis artubus infudi spiritum : ego tibi imaginem nostram, similitudinemque conferre dignatus sum : ego te inter Paradysi delicias collocavi : tu vitalia mandata contemnens, deceptorem sequi, quam Deum maluisti : cum expulsus de Paradiso jure peccati mortis vinculis tenereris, virginalem uterum sine dispendio virginitatis pariendus introivi : in præpio expositus, & pannis obvolutus jacui : infantia contumelias, humanosque dolores, quibus tibi similis fierem, ad hoc, scilicet, ut te mihi similem facerem, pertuli : iridentium palmas & sputa suscepi : acetum cum felle bibi : flagellis cæsus, vepribus coronatus, Cruci affixus, vulneribus perfossus : ut tu eripereris morti, animam in tormentis dimissi : en clavorum vestigia, quibus affixus pependi : en perfossam vulneribus latus : suscepi dolores tuos, ut tibi gloriam darem : suscepi mortem tuam, ut in æternum viveres : conditus jacui in sepulchro : ut tu regnares in cælo. Cur, quod pro te pertuli, perdidisti ? Cur, ingrata redemptionis tuæ munera renunciaisti ? non te ego de morte tua quæro : redde mihi vitam tuam, pro qua meam dedi : redde mihi vitam tuam, quam vulneribus peccatorum indefinenter occidis : Cur habitaculum, quod mihi in te sacraveram, luxuria sordibus polluisti ? Cur corpus meum illecebrarum turpitudine maculasti ? Cur

me graviore oriminum tuorum Cruce, quam illa in qua quondam pependeram, afflixisti ? Gravior enim apud me peccatorum tuorum crux est, in qua invitus pendeo, quam illa, in quam, tui misertus, mortem tuam occisurus, ascendi : cum essem impassibilis, pro te pati dignatus sum : sed tu despexisti in homine Deum, in infirmo salutem : & quia post omnia mala tua ad medicamenta pœnitentiæ confugere noluisti, ab auditu malo non mereberis liberari. Qui tunc eris stridor dentium, cum Sanctorum multitudine, ad dexteram Regis & ad gloriam segregata : peccati populus, in profundo Tartari, sine ulla miserationis ac veniæ spe demersus, excludi se, tenebris suis a beata Sanctorum luce viderit : & in profundi sinum sine fine descendens, urgente os suum puteo, æterna supplicia, & perpetuam mortem non moriturus aspexerit ? Frustra autem a paupere, quem in hac vita despexit, misericordiam postulat : frustra extremum Lazari digitum, quo ardens refrigeretur, ardentibus labiis rogabit apponi : quam vellet miser, cum pauperum gloriam viderit, duris quondam paupertatis subjacuisse laboribus, & illa, quæ cum vita moreretur, mala portasse, ne ad illa æterna mereretur supplicia pervenire. Ut ergo tam dura & tam terribilia, ante illud tribunal æterni Iudicis non mereamur audire : dum adhuc licet, & cum Dei adiutorio, in potestate nostra est, consideremus conscientias nostras : & si aliqua crimina vel peccata capitalia, nec dum elemosynis & orationibus purgata, nobis adhuc dominari cognoscimus, portum pœnitentiæ, devictis peccatorum fluctibus, Christo juvante, festinemus intrare. Et si quid in navicula animæ nostræ, multis tempestatibus, peccatorum fluctibus, aut per superbiam fractum, aut per avaritiam ruptum, aut per luxuriam resolutum esse cognoscimus, componere vel reparare bonis operibus festinemus : studeamus jugiter vitiorum exhaurire sentinam : non enim nocent peccata præterita, si non placent præsentia. Sicut enim nulli iustorum sufficit iusticia sua, si non perseveraverit usque in finem : ita nulli peccatorum nocere poterit iniquitas sua : si antea quam de corpore isto discedat, ad elemosynarum remedia, vel ad pœnitentiæ

tentia medicamenta confugerit. Sed quia, quando, vel qua hora, de hoc sæculo rapiamur, scire non possumus: sine ulla dilatione vel mora de sinistra fugere festinemus ad dexteram. Non sanitati, non ætati credendum est. Non in remedium salutis suæ, semper finis tardandus est, qui vitæ suæ semper incertus est: quia qui nos securos facit, dicendo: Peccator, in qua die conversus fuerit: (q) omnes iniquitates illius oblivioni traduntur: ipse nos etiam cuitos voluit, dicens: [r] Nolite tardare converti ad Dominum: ne differatis de die in diem. Convertamur ergo ad meliora, dum in nostra sint potestate remedia: hic extinguamus mortem, moriendo peccatis: hic vitam, vitæ meritis acquiramus. Hæc ergo, Fratres dilectissimi, sapienter ac fideliter cogitantes, ad penitentia remedia confugere festinemus: & per castitatem, vel humilitatem, per opera justitiæ ac misericordiæ, æterna nobis apud DEUM comparemus. Sed, ut ad id redeamus, unde digressi sumus: sequitur in hoc sancto Symbolo

CREDO IN SPIRITUM SANCTUM: Advertite, quod sicut in Patrem: ita & in Filium, & in Spiritum Sanctum sit credendum: nam qui vel in unam de Trinitate personam non crediderit: in duabus illi credidisse non proderit. Fides namque Catholica, hæc est: ut unum Deum in Trinitate, & Trinitatem in unitate veneremur, credamus, & colamus, & confiteamur. Et in hac Trinitate nihil prius aut posterius: quia sicut nunquam Pater sine Filio, nec Filius sine Patre: sic & nunquam fuit Pater & Filius sine Spiritu Sancto. Coætærna ergo est Sancta Trinitas, & inseparabilis unitas: sine initio & sine fine. Nihil majus aut minus. Æqualitatem personarum dicit: quia Sancta Trinitas æqualis est, & una est Deitas: Apostolo dicente atque docente, Roman 1. Per ea quæ facta sunt, intellecta conspiciuntur: & per creaturam, creator intelligitur: secundum has comparationes & alias quam plures. Sol, candor & calor: & tria sunt vocabula: & trina unum: quod candet, hoc calet, & quod calet, hoc candet. Tria hæc vocabula: res

una cognoscitur: ita Pater & Filius & Spiritus Sanctus, tres Personæ in Deitate unum sunt, & individua unitas recte creditur. Item de terrenis, vena, fons, fluvius: tria hæc vocabula: & tria unum in sua natura: ita trium personarum Patris & Filii, & Spiritus Sancti, substantia & Deitas unum est: neque Patris persona, neque Spiritus Sancti, sed sola Filii suscepit carnem. Et, ut hoc intelligas, comparationibus utar. Certe, ut intelligas ex creatura creatorem, in anima est ratio, & cum sint unum, aliud agit anima, aliud ratio: anima vivimus, ratione sapimus: ita Pater & Filius & Spiritus sanctus, cum sint una substantia: tota Trinitas operata est hominem: quem assumpsit non tota Trinitas, sed sola persona Filii. Et licet ipse Dei Filius, Deus & homo esset: homo tantum passioni subjacuit, sicut, verbi gratia, videmus arborem, splendorem solis in se habentem: & cum inciditur, videmus, quia ictus ferientis ferri, splendorem solis excipit, priusquam pertingatur lignum: sed splendor, cum ibi sit, non potest nec incidi, nec a dolente [*] separari. Sic etiam Divinitas nec separari potest, nec incidi. Illud autem passioni subjacuit, quod sicut lignum & ligari possit & teneri: igitur sicut in Patrem & Filium, ita & Spiritum sanctum credere debemus. Hæc est, charissimi, inoffensa regula veritatis: ut quorum unum est, & unum sunt, a nobis non separentur in terris. Nam sicut Divinitati nihil de creaturis æquari potest: ita omnem divisionem & inæqualitatem natura Divinitatis excludit. Secundum enim Evangelicam veritatem, sicut Filius a Patre exivit: ita & Spiritus sanctus a Patre procedit: & sicut unigenitus Filius Dei est, ita & Spiritus sanctus Dei est: & sicut Pater, cui vult, miseretur, & Filius, cui vult, Patrem revelat? ita etiam Spiritus sanctus & inspirare legitur, prout vult, & dona cœlestium gratiarum dividere, prout vult. Unde bene ejusdem Spiritus gratia septiformis a Propheta describitur: quia nimirum & per ejus inspirationem ad requiem pervenitur, & in ejus plena perceptione ac visione requies vera possidetur: de quo recte promittitur: ipse vos docebit omnia, quia nisi idem Spiritus cordi assit audientis,

(q) Ezech. 3.

(r) Eccles. 5.

(*) forte: dolante.

dientis, ociosus est sermo Doctoris. Nemo docenti homini tribuat, quod ex ore docentis intelligit, quia nisi intus sit qui doceat, Doctoris lingua exterius in vacuum laborat. Unde, quia sine eo nihil boni agere possumus, ipso opitulante tales nos reddamus, ad quos Spiritus sanctus advenire, & in quibus habitare dignetur.

SANCTAM ECCLESIAM CATHOLICAM. Sciendum est, quod Ecclesiam credere, non tamen in Ecclesiam credere debemus, quia Ecclesia non Deus, sed domus Dei est. Catholicam, dicit roto orbe diffusam, quia diversorum hæreticorum Ecclesiarum, ideo Catholicæ non dicuntur, quia per loca atque per suas quasque provincias continentur, hæc vero a Solis ortu usque ad occasum unius fidei splendore diffunditur. Nullæ sunt majores divitiæ, nulli thesauri, nulli honores, nulla hujus mundi major substantia, quam est Catholica fides: quæ peccatores homines salvat, cecos illuminat, infirmos curat, catechumenos baptizat, fideles justificat, penitentes reparat, justos augmentat, Martyres coronat, Clericos ordinat, Sacerdotes consecrat, regnis celestibus præparat: & in æterna hæreditate cum Angelis sanctis communicat. Quisquis ille est, & qualiscunque ille est: Christianus non est: qui in Christi Ecclesia non est. Sola quippe est, per quam sacrificium Dominus libenter accipiat: sola, quæ pro errantibus fiducialiter intercedat. Unde etiam de agni hostia Dominus præcipit, dicens: In una domo comedetis: (r) nec efferetis de carnibus ejus foras. In una namque domo agnus comeditur: quia in una Catholica Ecclesia, vera hostia Redemptoris immolatur. De cujus carnibus Divina jussio efferri foras prohibet: quia dari Sanctum canibus vetat: Sola est, in qua opus bonum fructuose peragitur: unde mercedem denarii, non nisi qui intra vineam laboraverant, acceperunt: Sola est, quæ intra se posita, valida charitatis compagne custodit: unde & aqua diluvii arcam quidem ad sublimiora sustulit: omnes autem, quos extra arcam invenit, extinxit: Sola est, in qua mytheria superna veraciter contemblemur: unde ad Moy-

sen Dominus dicit, Exod. 33. cap. Est locus apud me, & stabis supra Petram, & paulo post: Tollam manum meam, & videbis posteriora mea, quia enim ex sola Catholica Ecclesia, veritas conspicitur: apud se esse locum Dominus prohibet, de quo videatur. In Petra Moyses ponitur, ut Dei speciem contempletur: quia nisi quis fidei soliditatem tenuerit, Divinam præsentiam non agnoscit. Avelle, inquit, radium solis a corpore: divisionem lucis unitas non capit: frange ramum ab arbore, fractus germinare non poterit: a fonte præcidere rivum, præcisus arefcit. In his Cypriani verbis intelligimus, lucem non capere divisionem: nisi in Sanctis regno Dei prædestinatis, qui dividi ab Ecclesia nullo modo possunt: & non germinare ramum fractum salutis æternæ germine accipimus, ariditatem vero rivi, a fonte præcisi, in eo quod Spiritu Sancto evacuantur, qui ab unitate separantur, agnoscimus.

SANCTORUM COMMUNIONEM, id est, cum illis Sanctis qui in hac, quam suscipimus, fide defuncti sunt, societate & spei communionem teneamur. Si igitur cum Sanctis in æterna vita communionem habere volumus, de imitatione eorum cogitemus. Debent enim in nobis aliquid recognoscere de suis virtutibus, ut pro nobis dignentur Domino supplicare. Si enim tormenta, quæ Sancti pertulerunt, ferre non possumus: vel contra malas concupiscentias, ipsis intercedentibus, repugnemus. Nam nec Abraham, nec Isaac, nec Jacob occisi sunt: & tamen fidei & justitiæ meritis honorati, inter Patriarchas primi esse meruerunt: ad quorum convivium congregatur, quisquis fidelis, & justus, & laudabilis invenitur. Unde & nos, fratres charissimi, etiam si nil tale perpetiamur, si non vincula, non verbera, non carceres, non supplicia corporis alia, nullam hominum persecutionem propter justitiam toleramus: societatem tamen Sanctorum obtinere valebimus, si castigare corpus nostrum, & servituti subicere curamus: si in spiritu humilitatis & in anima contrita, Domino supplicare assuescimus: si illatas a proximo contumelias, placida mente suscipere satagimus: si & eos, qui nos odio habent, qui

(r) Exod. 12.

qui injurias nobis inferunt, diligere, his benefacere, & pro horum vita & sospitate gaudeamus exorare: si cum virtute patientiæ, bonorum quoque operum fructibus adornari contendimus. Taliter etenim converſantibus nobis, & corpora nostra, juxta Apostoli vocem, hostiam viventem, sanctam, Deo placentem exhibentibus, cœlesti dignatione donabimur: ut communi cum eis, qui membra sua in mortem pro Domino dederunt, gloria remuneremur: quia sicut mors illorum, sic & vita nostra preciosa sit in conspectu Domini: disruptisque vinculis carnis & ipsi atria supernæ Civitatis intrare, atque inter choros beatorum Martyrum, vota gratiarum, Redemptori nostro reddere merebimur. Hæc sunt vestigia, quæ nobis sancti qui-que revertentes in Patriam reliquerunt: ut illorum semitis inhærentes, sequeremur ad gaudia, cur non properamus & currimus, ut patriam nostram videre possimus? Magnus illic charorum numerus expectat: parentum, fratrum, filiorum frequens nos & copiosa turba desiderat, jam de sua incolumitate secura, adhuc de nostra salute sollicita: ad eorum complexum & conspectum venire, quanta illis & nobis in commune lætitia est? Illic Apostolorum gloriosus chorus: illic Prophetarum exultantium numerus insignis: ibi Martyrum populus innumera- bilis ob certaminum victoriam corona- tur: illic clarissima Virginum turba læta- tur: illic etiam Confessorum fortitudo laudatur: sed etiam illorum remunera- tio censetur, qui præcepta Dominica ser- vantes, ad cœlestes Thesauros terrena patrimonialia transulerunt. Quæ autem lingua dicere, vel quis intellectus capere sufficit, illa supernæ civitatis quanta sint gaudia, Angelorum choris interesse: cum Beatissimis Spiritibus, gloriæ condi- toris assistere, præsentem Dei vultum cernere, incircumscriptum lumen vide- re, nullo mortis metu affici, incorrup- tionis perpetuæ munere lætari? Ad hos electos Dei avida cupiditate properemus: ut cum his cito esse, & cito nos ad Chri- stum convenire contingat: ad eum, quem hujus itineris ducem habemus, sa-

lutis autorem, lucis Principem, lætitiæ largitorem.

REMISSIONEM PECCATORUM. Credenda est præcipue, fratres, pecca- torum remissio: quia hoc unum reme- dium est, quod hominum genus, a sen- tentia perpetuæ mortis absolvat. Idcirco unigenitus Altissimi dignatus est, car- nem assumere: contentus est Cruce, ut te, qui crimina tua evadere non poteras, indulgentia faceret innocentem: ideo immaculatus occisus est agnus, ut ejus cruore, humani generis macula terge- retur. Miror autem quosdam sic obsti- natos esse, ut dandam non putent lapsis pœnitentiam: aut pœnitentibus existi- ment veniam denegandam: cum scrip- tum sit, Memento unde excideris, & age pœnitentiam: (†) & fac priora ope- ra. Utique ei dicit, quem constat exci- disse, & quem Dominus hortatur per opera rursus exurgere: quia scriptum est: Eleemolyna a morte liberat: (u) & non utique ab illa morte, quam semel Christi Sanguis extinxit, & a qua nos salutaris Baptismi & Redemptoris nostri gratia liberavit, sed ab ea, quæ per delicta postmodum surrepsit. Nam cum scriptum sit, Dominus mortem non fecit: (x) nec lætatur in perditione vivo- rum, utique qui neminem vult perire, cupit peccatores pœnitentiam agere, & per pœnitentiam denuo ad vitam redire. Ideo & per Johel Prophetam clamat & dicit: (y) Et nunc dicit Dominus Deus vester: Revertimini ad me ex toto corde vestro, simulque in jejuniis, & fle- tu, & planctu: & scindite corda vestra, & non vestimenta vestra: & revertimini ad Dominum Deum vestrum: quia mi- sericors & pius est, & patiens, & multæ miserationis: & qui sententiam flectat adversus malitiam irrogatam. Dominus quoque in Evangelio pietatem Dei Pa- tris ostendens, ait: (z) Quis est ex vo- bis homo, quem si petierit filius ejus panem, nunquid lapidem porriget ei? aut si piscem postulaverit, nunquid ser- pentem illi porrigit? Si ergo vos, cum sitis mali, scitis bona data dare filiis ve- stris: quanto magis Pater vester de cœlo dabit Spiritum bonum, petentibus eum?

Com.

(†) Apoc. 2.

(u) Tob. 4.

(x) Sap. 1.

(y) Joel. 2.

(z) Matth. 7.

Comparat hic Dominus carnalem Patrem, & Dei Patris æternam largamque pietatem. Quod si iste in terris nequam Pater offensus graviter a filio peccatore & malo: si tamen eum postmodum viderit reformatum, & depositis prioris vitæ delictis, ad sobrios & bonos mores, ad innocentæ disciplinam, poenitentæ dolore correctum, gaudet & gratulatur: & susceptum, quem ante perdidit, cum voto paternæ exultationis amplectitur: quanto magis unus ille & verus Pater bonus, misericors, pius, imo ipsa bonitas, & misericordia, & pietas, lætatur in poenitentia filiorum suorum: nec iram poenitentibus aut plangentibus & lamentantibus, nec poenam comminatur: sed veniam magis & indulgentiam pollicetur. Si enim tantum potuit Diabolus, ut de excelsis virtutum fastigiis in profundum te duceret malorum: quanto magis poterit Deus te ad summum bonorum verticem revocare: & non solum in id revocare, quod fuisti, sed & beaviorem multo, quam prius videbaris, efficere? Tantum ne concidas animo: neque spem tibi abscidas bonorum: ne quæso, accidat tibi, quod impiis solet. Non enim peccatorum multitudo adducit in desperationem, sed impietas: & propterea Salomon non dixit: quia omnis, qui venerit in profundum malorum, contemnit: sed impius, inquit, si venerit in profundum malorum, contemnit. Impiorum ergo est desperare salutem, & contemnere, cum in profundum venerint malorum: non peccatorum. Impietas enim non finit eos ad Deum respicere, & illuc redire, unde dilapsi sunt. Ista ergo cogitatio, quæ spem conversionis abscidit, ab impietate descendit: & sicut lapis gravissimus, cervicibus animæ incumbens, semper eam deorsum in terram cogit aspicere: ad Deum vero suum oculos non finit levare. Sed virilis animi est, & præclaræ mentis, dejicere a cervicibus animæ suæ inimicum pondus: imo deprimentem se diabolum abjicere, & imperare animæ suæ: ut canens verba Prophetica dicat ad Dominum: sicut oculi fervorum in manibus Dominorum suorum: & sicut oculi ancillæ in manibus Domini suæ: ita oculi nostri, ad Do-

minum Deum nostrum, donec misereatur nostri. Miserere nostri Domine: miserere nostri: quia multum repleti sumus, inquit, despectione: Præclara vere in his verbis & celestis Philosophiæ doctrina est: Repleti sumus, inquit, despectione: hoc est, quod docere nos voluit: quia, etsi peccatorum nostrorum multitudine repleti sumus despectione, atque opprobriis cooperti: oculi tamen nostri ad Dominum Deum nostrum sint, donec misereatur nostri: nec prius ab obsecratione cessemus, quam impetrare peccatorum veniam mereamur: hoc enim vere constantis animæ est, & pertinacis, ut nequaquam repellatur de perseverantia percipiendi desperationem impetrandi: sed perseveret ac persistat in obsecrationibus, donec misereatur ei. Et ne forte arbitreris te offensam magis contrahere apud Deum, si, cum non merearis audiri, importunus persistas in precibus: recordare Evangelii parabolam, & ibi invenies, quod perseverantes & importunos peccatores, Dominus non sibi ostendit ingratos: ait enim, Et si non dabit ei, propter quod amicus ejus est, (a) propter improbitatem tamen ejus surget, & dabit, quantum opus habet. Intellige, charissime, ergo: quia propterea diabolus desperationem subficit impetrandi, ut spem bonitatis Dei nobis abscindat, quæ est dux itineris, quo itur ad cælum. Sicut autem pro morte communi Philosophicum est, a lachrymis temperare: ita in animæ morte consolationem recipere & inspiens, & irreligiosum duco: quinimo & ignaviæ nos arguendos puto, si, cum lamentatores corporum, mortisque communis, tam dure & tam vehementer hoc faciant, cum sciant & certi sint, nihil prodesse fletus suos, ad vitam defuncti: nos nihil tale pro animæ lamentatione faciamus, quam restitui in statum suum per poenitentiam noverimus. Scimus enim plures prolapsos ab itinere recto, & præcipitatos ab ingressu viæ angustæ: & ita rursus reparatos esse: ut posterioribus priora transferint, atque ad palmam pervenerint & coronam, numeroque rursus & choro ascripti credantur esse Sanctorum. Et nolo putes, quia de his sermo mihi sit tantum, qui in paucis & levibus

levibus peccaverunt, de illo loquor, qui omnibus succubuit malis, qui immanitate scelerum viam sibi exclusit regni cœlorum, & non de infidelibus, sed de fidelibus fuerit, & ex his, qui prius placuerunt Deo: posthæc autem ceciderunt, vel in adulteria, vel in omnes impudicitias: quæ, ut Apostolus ait, Turpe est dicere. Nunquam enim spernit pœnitentiam, si ei sincere & simpliciter offeratur, suscipit, libenter accipit, amplectitur, facit omnia, quatenus eum ad priorem statum revocet: quod, quia est adhuc præstantius & eminentius, etiam si quis non potuerit explorare omnem satisfaciendi ordinem: quantulumcunque tamen & quamlibet brevi gestam non respuit pœnitentiam: suscipit etiam ipsam, nec patitur quamvis exiguæ conversionis, perire mercedem. Hoc enim mihi videtur indicare Esaïas, ubi de populo Judæorum quædam talia ait, capite 54. Propter peccatum modice contristavi te, & percussi te: & averti faciem meam a te: & contristatus es, & ambulasti tristis, & consolatus sum te. Hæc igitur habentes exempla pœnitentiæ, non perseveremus in malis: nec desperemus reconciliationem: sed dicamus, Etiam nos redeamus ad Patrem, & approximemus Deo: nunquam, crede mihi, averfabitur ad se conversum, ipse enim dicit, per Prophetam Esaïam cap. 59. Deus adpropians ego sum: & non Deus de longe. Et iterum per eundem Prophetam, Peccata, inquit, separant inter me & vos. Si ergo peccata sunt, quæ nos separant a Deo: auferamus medium istud obstaculum, & nihil est, quod nos prohibeat conjungi Deo. Propterea enim creavit nos Deus, & esse nos fecit, qui non eramus, ut æterna in nos conferat bona, & præstet regna cœlorum. Non enim nos ad hoc fecit, ut gehennæ nos tradat, ignique perpetuo. Regnum cœlorum propter nos: gehenna propter diabolum facta est. Et hæc ita esse, ex Evangelii doceam. Ipse enim Dominus dicit his, qui a dexteris ejus erunt, Matthæi cap. 25. Venite benedicti Patri mei: percipite regnum, quod vobis paratum est, ab origine mundi: illis autem, qui a sinistris ejus erunt, dicit: Discedite a me maledicti in ignem æternum, qui paratus est diabolo, & angelis ejus.

Tomus VI. Concilior. German.

Si ergo gehenna ignis propter diabolum: propter hominem autem regnum cœlorum, a constitutione mundi præparatum est: tantum est, ne nosmetipsos ab ingressu bonorum persistendo in malis pertinaciter excludamus. Donec enim sumus in hac vita, quantacunque nobis acciderint peccata, possibile est omnia ablui per pœnitentiam: cum autem abducti fuerimus ab hoc sæculo: ibi jam, etiam si pœnitebit nos: valde enim nos pœnitebit, sed nulla erit utilitas pœnitentiæ: & licet sit stridor dentium, licet ululatus & fletus, licet fundamus preces, & innumeris obsecrationibus proclamemus, nemo audiet: nemo subveniet: nec extremo quidem digito aquam quis infundet, linguæ nostræ, positæ in flammis: sed audiemus illud, quod dives ille audivit ab Abraham: quia Chaos magnum firmatum est inter nos & vos: & neque hinc illuc transire quis potest, neque inde huc. Respicamus ergo tandem: & recordemur, quid profuerit illis, qui luxuria corporis, & præsentis vitæ voluptatibus, usque ad diem ultimum permanserunt. Intuere nunc sepulchra eorum: & vide, si est in eis aliquod jactantiæ suæ vestigium: si aliqua divitiarum vel luxuriæ signa cognoveris. Require nunc ubi vestes & odoramenta peregrina: ubi spectaculorum voluptas: ubi asseclarum turbæ. Et conviviorum cessit opulentia: risus, jocus & immoderata & ineffrenata lætitia, quo abiit, quo abcessit? Ubi illa nunc, & ubi ipsi? quis finis utrorumque? Intuere diligentius, & accede propius ad singulorum sepulchra. Vide cineres solos, & vermium fœtidas reliquias: & recordare hunc corporum esse finem, etiam si in deliciis & lætitia, si in labore & continentia, transegerint vitam. Nam si res omnis, omnisque causa usque ad cineres veniret & vermes, parva penderentur hæc damna, & quæ facile possit excusare naturæ conditio: nunc autem converte tuos oculos ab istis cineribus & sepulchris, & revoca cogitationem tuam ad illud Divini judicii tribunal horrendum, quod ardens fluvius flammæ ambit fluentis, ubi fletus & stridor dentium: ubi tenebræ exteriores: ubi ille vermis conscientiæ, qui nunquam moritur: & ignis, qui nunquam extinguetur.

I i i 2

Recor.

Recordare parabolam Lazari, & divitis illius, qui opum tantorum Dominus: qui purpura indutus & bysso, unam nunc aquæ guttam invenire non potuit: eum esset in ardoris necessitate constitutus.

Dic, quæso te, quid plus habet vita sita, quam somnium? Sicut enim hi, qui in metallis constituti, vel condemnati, vel in alia qualibet pœna positi: cum forte post multum duræ vitæ, paululum relaxati fuerint in somnum: & vident se inter plures dapes positos, epulis copiosissimis perfrui: ubi vero surrexerint, nihil sibi gratiæ, delectatione somni invenerint reledisse: ita & dives ille quasi somnium habuit hujus vitæ: ubi discessit, nihil cum illo, nisi præteritorum pœnitudo, & præsentium pœna permanfit. Hæc recordare: & ignem illum gehennæ, his, qui se nunc exagitant flammis libidinis & cupiditatis, oppone. Ignis hic, qui in præsentī est vita, absūmit cuncta, quæ recipit: ille vero, quos susceperit, semper cruciat, & pœnæ suæ semper integros servat. Propterea enim & inextinguibilis dicitur, non solum, quia ipse non exstinguitur: sed quia nec eos, quos susceperit, extinguet, aut perimet. Scriptura enim dicit: quia & peccatores induant incorruptionem: scilicet, non ad honorem vitæ, sed ad diuturnitatem supplicii profuturam: hujus autem pœnæ & ignis illius potentiam, nulla vox exponere: nullus poterit sermo explanare. Nihil enim est, rebus corruptibilibus, quod conferri possit incorruptibilibus, sive bonis, sive malis. Ibi quid agemus? quid respondemus? Nihil erit, nisi stridor dentium, nisi ululatus & fletus, & sera pœnitentia, cessantibus undique auxiliis, & undique invalescentibus pœnis: sed solatium quidem nullum: nullus ibi occurret oculis nostris, nisi soli pœnarum ministri, & facies dira tortorum. Verum has pœnas, hos cruciatus non solum evadere, sed etiam æternam beatitudinem, si modo de malis nostris pœnitentiam agimus, possumus acquirere. Vides, quanta est virtus pœnitentiæ? vides, quantum meriti conversio reparavit? (b) Corruptur autem pœnitentia, si eisdem quis, pro quibus confitetur, rursus involvatur malis. Unus enim, inquit,

ædificans, & alius destruens, quid consequentur, nisi laborem? & qui baptizatur a mortuo, & iterum tangit mortuum, quid proficit in lavacro suo? ita & homo, qui jejunit pro peccatis suis, & iterum vadit, & eadem agit, orationem ejus quis exaudiet? Et iterum dicit: Qui redit a justitia ad peccatum, Dominus præcipitat eum in gladium: (c) & sicut canis cum revertitur ad vomitum, odibilis fit: ita & stultus cum revertitur ad peccatum suum. Sed nunc, quid dicamus, ausculta: Sæpe accidit, ut per pœnitentiam quis multa & magna correxit, inter hæc tamen bona, quæ per pœnitentiam correxit, & peccata commisit, & hoc est, quod maxime desperationem inducit animo, quia videtur hic destruxisse, quod ædificaverat, & omnes illos labores inaniter effudisse: & hæc est cogitatio, quæ præcipue animæ, pondus desperationis imponit. Sed illud rursus oportet cogitari, per quod pessima & inimica vitæ nostræ cogitatio ista repellatur: quia illa bona, quæ egimus, & emendatio illa, quæ per pœnitentiam quæsitæ est, nisi fuisset: & velut contrarium pondus, ponderi hunc, quod ex peccato nobis introductum est, obstuisset: nihil fuerat, quod in profundum malorum nos decidere prohiberet: nunc autem sicut fortis quædam lorica, jaculum grave & amarum non permisit usque ad vitalia viscerum penetrare: sed vim lethalis teli maximam fregit. Certum est enim, quia qui fert secum illuc, plura opera bona, & plura opera mala, in ipsis pœnis habebit aliquid refrigerii: qui autem bonorum operum nihil habet, malorum autem secum multam copiam defert: quid eum maneat, non opus est dicere: erit enim ibi, sine dubio compensatio bonorum, malorumque: & velut in statera posita utraque pars: quæ demerserit, illa sibi eorum, quo momentum vergitur, operarium vendicabit: si ergo malorum multum superaverit, operarium suum pertrahit ad gehennam: si vero majora fuerint opera bonorum, summa vi obfistunt & repugnabunt malis: atque operatorem suum ad regionem vivorum, ex ipso etiam gehennæ confinio revocabunt. Hæc ergo, Fratres charissimi, si attentius

volue-

(b) Eccl. 34.

(c) Prov. 26.

voluerimus cogitare, remedia nobis in die necessitatis acquiramus: ut, cum dies iudicii venerit, non cum impiis & peccatoribus puniamur: sed cum iustis & Deum timentibus, ad æterna præmia, feliciter veniamus, Amen.

*Confessio veræ Fidei ex Augustini
libro Soliloquiorum animæ, ad
Deum, Capite XXXII.*

Gratias tibi ago lux mea: quæ illuminaſti me, & cognovi te. Qualiter cognovi te? Cognovi te ſolum Deum vivum, & creatorem meum: cognovi te creatorem cœli & terræ, viſibilem omnium & inviſibilem, Deum verum omnipotentem, immortalem & inviſibilem: incircumſcriptibilem, interminabilem, æternum, inacceſſibilem, incomprehenſibilem, imperſcrutabilem, incommutabilem, immenſum, infinitum: Principium omnium viſibilem & inviſibilem creaturarum: per quem omnia facta ſunt: per quem cuncta ſubſiſtunt elementa: cuius Majeſtas, ſicut principium nunquam habuit, ſic nec deſinet in æternum. Cognovi te unum ſolum verum Deum: æternum Patrem, & Filium, & Spiritum ſanctum: tres quidem perſonas, ſed unam eſſentiam, omnino ſimplicem, indiviſamque naturam: & Patrem a nullo: Filium a Patre ſolo: & Spiritum ſanctum pariter ab utroque, abſque initio, ſemper & ſine fine Deum trinum & unum, ſolum & verum Deum omnipotentem: unum univerſorum principium: creatorem omnium viſibilem & inviſibilem, ſpirituum & temporalium: qui tua omnipotenti virtute ſimul ab initio temporis utramque de nihilo condidiſti creaturam, ſpiritualem & corporalem: angelicam, videlicet, & mundanam, ac deinde humanam, quaſi communem ex corpore & ſpiritu conſtitutam: Cognovi te, & conſiteor te Deum Patrem, ingenitum: te filium, a Patre genitum: te Spiritum ſanctum, Paraſcletum: neque genitum, neque ingenitum: ſinctam & individuum Trinitatem, in tribus cœqualibus perſonis conſubſtantialibus & cœternis: Trinitatem in unitate, & unitatem in Trinitate, (d) corde credens ad juſtiti-

am, & ore conſitens ad ſalutem. Cognovi te verum Deum & Dominum noſtrum, Jeſum Chriſtum: Filium DEI unigenitum: Creatorem, Salvatorem & Redemptorem meum, & totius humani generis: quem conſiteor ex Patre genitum ante ſæcula: Deum, de Deo: lumen de lumine: Deum verum, de Deo vero: non factum, ſed genitum, conſubſtantialem & cœternum Patri & Spiritui ſancto, per quem omnia facta ſunt a principio: firmiter credens & veraciter conſitens te Deum unigenitum, Jeſum Chriſtum, propter ſalutem hominum a tota Trinitate communiter incarnatum: & ex Maria, perpetua Virgine, Spiritus ſancti cooperatione conceptum: verum hominem factum: ex anima rationali & humana carne ſubſiſtentem: qui, cum ſecundum Divinitatem unigenitus DEI impaſſibilis ſis, pariter & immortalis: propter nimiam dilectionem tuam, qua dilexiſti nos, idem ipſe Dei Filius ſecundum humanitatem factus es paſſibilis & mortalis: qui propter ſalutem humani generis, unice Fili Dei, in ligno Crucis pati dignatus es paſſionem & mortem: ut nos a morte perpetua liberares, atque ad inferos, ubi ſedebant in tenebris Patres noſtri, autor luminis deſcendiſti: & die tertia glorioſus victor ab inferis ad ſuperos reſurrexiſti, reſumens ſacrum Corpus, quod pro peccatis noſtris mortuum jacuerat in ſepulchro: & viviſicans, ſecundum ſcripturas, die tertia: ut ipſum in Patris dextera collocares. Aſſumpta namque tecum ex inferis captivitate, quam captivaverat antiquus hoſtis, humani generis inimicus: Verus Dei Filius, cum noſtræ carnis ſubſtantia: id eſt, cum anima & carne humana, ex Virgine glorioſa aſſumpta, ſuper omnes cœlos aſcendiſti, tranſcendens omnes ordines Angelorum. Ubi ſedes ad dexteram Dei Patris: ubi eſt fons vitæ & lumen inacceſſibile, & pax Dei, quæ exuperat omnem ſenſum: ibi te, verum Deum & hominem, Jeſum Chriſtum adoramus & credimus, conſitentes te Patrem habere Deum: indeque venturum Judicem in fine ſæculi expectamus, ut judices vivos & mortuos, & reddas omnibus, bonis & malis, ſecundum opera ſua, quæ operati ſunt in hac vita: vel

(d) Rom. io.

præmium, vel supplicium, prout unusquisque dignus fuerit requie vel ærumna. Resurgent enim in illa die a voce virtutis tuæ, omnes homines, quotquot humanam animam acceperunt in carne sua, quam hic habuerunt: ut totus homo pro meritis, vel gloriam suscipiat, vel gehennam. Tu es ipsa vita & resurrectionis nostra: quem (e) Salvatorem expectamus, Dominum Jesum Christum: qui reformabit corpus humilitatis nostræ, configuratum corpori claritatis suæ. Cognovi te Deum & unum, Spiritum sanctum, Patris & Filii, ab utroque pariter procedentem: consubstantialem & coeternum Patri & Filio: Paracletum & Advocatum nostrum, qui super eundem Deum & Dominum nostrum, Jesum Christum (f) in columbæ specie descendisti: & super Apostolos (g) in linguis igneis apparuisti: qui & omnes Sanctos & electos Dei a principio, tuæ gratiæ munere docuisti: & ora Prophetarum, ut enarrarent mirabilia Regni Dei, aperuisti: qui ab omnibus Sanctis Dei cum Patre & Filio simul adoraris & conglorificaris: inter quos & ego, filius ancillæ tuæ, toto corde meo glorifico nomen tuum, quoniam illuminasti me. Tu enim es vera lux: lumen veridicum: ignis Dei & Magister Spirituum: qui unctiōe tua, doces nos omnem veritatem: Spiritus veritatis, sine quo impossibile est placere Deo, quoniam tu ipse Deus es ex Deo: & lux, de luce: procedens a Patre luminum ineffabiliter, & a suo Filio Domino nostro Jesu Christo, quibus consubstantialis, & coequalis, & coeternus existens, in unius Trinitatis essentia, super essentialiter congloriaris & conregnas. Cognovi te unum Deum: vivum & verum Patrem, & Filium, & Spiritum sanctum: trinum quidem in personis, sed unum in essentia: quem confiteor, adoro & glorifico toto corde meo verum Deum, solum sanctum, immortalem, invisibilem, immutabilem, inaccessible, inperscrutabilem: unum lumen, unum solem, unum panem, unam vitam, unum bonum, unum principium, unum finem, unum creatorem cœli & terræ: per quem omnia vivunt:

per quem omnia subsistunt, per quem omnia gubernantur, reguntur & vivificantur, quæ in cœlis sunt, & quæ in terris, & quæ sub terra: præter quem non est Deus in cœlo & in terra. Sic cognovi te, Domine Deus: cognitor meus, sic cognovi te. Cognovi te per fidem tuam, quam inspirasti mihi, lux mea, lumen oculorum meorum Domine Deus meus: spes omnium finium terræ: gaudium, lætificans juventutem meam: & bonum, sustentans senectutem meam: In te enim, Domine, jubilant omnia ossa mea: dicentia Domine, quis similis tibi? (h) quis similis tibi in Diis; Domine? non quem fecit manus hominum: sed qui fecisti manus hominum. (i) Simulachra gentium, argentum & aurum: opera manuum hominum: non sic operator hominum. Omnes Dii gentium, Dæmonia: Dominus autem cœlos fecit: Dominus ipse est Deus. (k) Dii, qui non fecerunt Cœlum & Terram, pereant de cœlo & de terra: Deum, qui creavit cœlum & terram, cœlum & terra benedicant.

De Doctrina, & quomodo Verbum Dei, populo annunciantur sit.

CAPUT II.

STATUIMUS insuper in hac Synodo, ut juxta Reformationis tenorem, verbum Dei singulis Dominicis & Festis diebus, pure, sincere & fideliter, juxtaque Catholicæ Ecclesiæ & Sanctorum Patrum interpretationes & declarationes populo proponatur, & annuncietur: Utque in principio, vel fine concionis, vel etiam lecto Evangelio (prout unicuique Parocho, ratione loci, plebis, aliarumque circumstantiarum, commodius videbitur) ex ordine recitentur, Precatio Dominica, Salutatio Angelica, Symbolum Apostolicum, & Decalogus: (l) ut hac prælegendi consuetudine observata, Christianæ Religionis principia ac elementa facilius addiscantur, & memoriæ commendentur: præsertim, cum hætenus adulti, & statæ ætatis homines reperti

(e) Philip. 3.

(b) Psal. 85. Psal. 118.

(l) Ex Concilio Remensi capit. 8. & ex Concilio Cabil. cap. 4.

(f) Matth. 3.

(i) Psal. 95.

(g) Actor. 2.

(k) Hier. 10.

perti sint, quibus hæc ignota fuerint. Adhuc volumus, ut per anni circulum, cerasque temporibus prædicatorum omnium, Christiana, brevis, & succincta subsequatur expositio, quo in Ecclesiis nostræ Dicesis, compendiosa Christianæ Religionis, Catechesis, & Epitome, pro informatione juniorum perpetuo habeatur. Atque hæc facile ex Ss. Patrum scriptis & homiliis, vel etiam ex institutione Christianæ doctrinæ, quæ Coloniz in Concilio Provinciali superioribus annis promulgata est, colligi poterit: id quod Concionatorum studio & industria committimus. (m) Hortamur autem omnes in Domino, ut in Concionibus, lectione Evangelica & Epistolari recitata, bono ac convenienti docendi, dividendi, & distinguendi utantur ordine: & ne nimium occupati sint, intempestivis, prolixis, peregrinis, & longe pèitis præfationibus, ac exordiis, sed simplicitati studeant, & cuncta juxta Pauli doctrinam, magis ad auditorum ædificationem, quam ad proprii ingenii ostentationem, accommodent. Atque ea simplicitas & ratio observetur etiam in quæstionibus ipsis, & materia si quæ occurrerit explicanda: neque enim proderit in publicis templis, & populari theatro tales proponere & excutere quæstiones, ex quibus plus dissensionis, & scandali, quam pietatis vel pacis, tranquillitatis & concordiz exoritur. In quanta enim pericula hæc concionandi libertas, ac intempestivæ, parumque sobriæ Concionatorum & Theologorum disputationes Ecclesiam Dei conjecerint, præsentis temporis status declarat. Quare D. Gregorius, (n) Rectorem discretum esse vult in silentio, & utilem & cautum in verbo: ne aut tacenda proferat, aut proferenda reticescat. Et cum in Sacerdotibus & Rectoribus tria potissimum requiruntur: primo, [o] ut pro Ecclesiæ salute indefinenter orent: secundo, ut legendo & meditando sacras Scripturas verum & rectum earum intellectum a Deo consequantur: tertio, ut ea, quæ

a Deo didicerint, populo fideliter & sincere tradant & communicent; Quapropter omnis adhibenda est cura, ne quid ex proprio cerebro, vel humano sensu proponant, aut adjectionibus, aut derationibus, ad dispositionem proprii institui, id quod Tertullianus (p) Hæreticorum esse asserit, intervertant, aut diversis expositionibus contaminent: Sed ea, quæ Spiritus sanctus revelaverit, & docuerit, docendo & concionando proferant, ac sermones Dei, juxta Petri Apostoli doctrinam loquantur: (q) gregem pascendo, secundum Domini Præceptum: non coacte, sed spontanee, neque turpis lucri causa, sed voluntarie, neque ut dominantes, sed forma facti gregis ex animo: ut cum appareat Princeps, percipiant immarcescibilem gloriæ coronam. Item, quemadmodum idem Apostolus in alio loco ait: (r) Hoc primum intelligentes, quod omnis Prophetia scripturæ, propria interpretatione non fit, cum ex humana voluntate aliquando allata non fit, sed Spiritu Sancto inspirati, locuti sint sancti Dei homines, &c. Modesti item sint in redarguendis viciis publicis: nihil privatis affectibus, nihil odio, nihil livori tribuentes: sed reprehendendo ita temperent, ita mitigent, & moderentur cuncta, ut populus Concionatoris candorem, verumque pietatis affectum, ac officii rationem agnoscat, deprehendat, & ut Augustinus monet, (s) ne nos ipsi in nostra potestate, sed Deus in nostro sermone timeatur: & ut idem in alio loco: non ergo asperere, non duriter, non modo imperioso ista tolluntur: sed magis docendo, quam jubendo, magis monendo, quam minando: Sic enim ait vir magnus, esse cum multitudine peccantium agendum: Severitatem autem exerceri vult in peccata paucorum. Ut si quid minamur, cum dolore fiat, de scripturis comminando vindictam futuram. Quæ omnia integre recitamus, ut Parochorum, præferum imperitorum, judicia, in corrigendis

(m) Legantur quoque recentiorum lucubrationes, Institutio Moguntina: Confessio Polonica, ac Catechismus Episcopi Mersburg. & aliorum libri. *Notatio editoris hujus Synodi.* (n) Cap. Sit Rector. 43. dist.

(o) Hieron. super Levit. & refertur Canon. Siquis. dist. 36.

(p) Tertul. in lib. de Præscript. hæreticorum.

(q) 2. Pet. 5.

(r) 2. Pet. 1.

(s) Auguft. ad Aërium Epi. c. Si quis. dist. 36. c. Licet. Sunt namque. c. Recedite. dist. 45.

gendis viciis publicis, ejusmodi sanctorum Patrum dictis ac testimoniis (x) formantur. Diligenter autem animadvertant, cujusmodi peccatis, cujusmodi flagitiis & delictis infectus sit, & contaminatus populus: num hæreses regnent: num addictus sit superstitionibus, & cujusmodi: num utantur fortilegiis, divinationibus, incantationibus, aliisque præstigiis, & dæmonum illusionibus: num dominantur adulteria, fornicationes, scortationes, stupra, illiciti coitus, furta, avaricia, usuræ, ebrietas, crapula, blasphemix: quæ ita abominantur, & detestentur, ut populus vere peccati magnitudinem, ac iræ Divinæ ultionem & vindictam, commemorando aliarum gentium exempla, tanquam ob oculos perspiciat & cognoscat.

Et quamquam Prælatorum, aliorumve Magistratum excessus, in genere reprehendendi sint: tamen ei ita moderari convenit, ne immoderata, & invidiosa excessuum, vitæ & morum reprehensio ac examinatio, Ecclesiasticarum rerum, officiorumque & personarum, quæ publicis functionibus præstant, contemptum, & apud subditos inobedientiam pariat: quin potius a verbi ministris, prudenter, & circumspicte, officiorum & statuum ratio consideranda & perpendenda est. Et quemadmodum Nicolaus Papa, Michaeli Imperatori respondet, (u) non quales Sacerdotes Domini, Vicarii que Apostoli Petri sint, curiose inquirendum: sed quid de Domino loquantur, magnopere providendum: attendendumque: quid pro correctione Ecclesiarum, pro salute & utilitate nostra, in medium proferant, ac producant. Quare subinde adhortandus est populus, ut continuus, & ardentissimis precibus Deum imploret & deprecetur: ut præfidentium conatus, consilia, gubernandique rationem, in Ecclesiæ suæ, Imperiorum, rerum publicarum, subditorum, & totius Christianismi salutem, utilitatem, pacem & tranquillitatem dirigat & convertat: utque non tam Gubernatorum & Præfidentium vitia, quam propria ipsorum peccata, consideret, incuset, &

intueatur: quorum intuitu juxta scripturam, (x) Mali aliquando dantur Principes, & Magistratus: Nam, ut inquit Hieronymus, non Princeps populo, & Judex Ecclesiæ, per Dei arbitrium datur: sed prout merita nostra deposcunt. Si mali sunt actus nostri, & operamur maligna in conspectu Dei, tunc dantur nobis Principes, secundum cor, & peccata nostra: quare, ut supra dictum, in concionibus publicis, crebro admonendus est populus, ut pro Principibus, & Magistratibus, proque communi necessitate, juxta Divi Pauli exhortationem, Deum sedulo implorent. Volo, inquit, Apostolus, (y) ut fiant primum obsecrationes, postulationes, gratiarum actiones, pro omnibus hominibus, pro Regibus, & omnibus, qui in sublimitate constituti sunt, ut quietam & tranquillam vitam agamus in omni pietate & castitate. Et videmus hoc precandi studium in congregationibus Christianorum, a sanctis Patribus diligentissime semper observatum esse. Chrysostomus alibi inquit. Orandum pro terrarum orbe, pro Ecclesiâ, quæ ad terrarum terminos extendatur, & pro gubernantibus ipsam, & Præfidentibus. Et Tertullianus affirmat, (z) Christianos pro omni necessitate preces fuisse, cum præcarentur pro Imperatoribus, ut vitam prolixam, Imperium securum, domum tutam, exercitus fortes, Senatuum fidelem, populum probum, orbem quietam: & quæcunque hominis, & Cæsaris vota essent, haberent, & a Deo consequerentur. Habenda est & ratio (a) miserabilium personarum, pauperum, leproforum, viduarum, orphanorum, quorum egestas, penuria & necessitas, in Concionibus diligenter populo proponenda & commendanda est: ne charitatis opera, aliæque pietatis exercitia & studia, frigescant. In fine autem Concionis, loco Epilogi, breviter & succincte, summa capita concionis recolligantur, inque fasciculum redigantur, quo auditorum memoriæ & utilitati consulatur & prospiciatur.

Debent

(x) Ex Concil. Cabilon. c. 4.

(x) Prov. 28. Etsi 3. Job. 14.

(y) 1. Timot. 2. Et est Decretum Concil. Aurel. c. 3.

(z) Tertull. in Apologetico contra gentes. c. 30.

(u) c. Non quales Sacerdotes. 1. q. 1.

(a) Ex Concil. Aurel. c. 4.

Debent insuper Parochi, ac Concionatores verbi, ardentissimis votis & precibus a Deo subinde petere & precari, ut aperiatur ipsis ostium sermonis ad loquendum (ut inquit Paulus) *(b)* mysterium Christi sincere: utque manifestetur illud, ita ut oportet: cum fiducia, sine timore, non propter invidiam, non propter contentionum studia: non lucri, non quæstus, non inanis gloriæ causa, sed ex bona voluntate, sincereque charitatis affectu, ad solidam Ecclesiæ Christi ædificationem & extructionem: in hoc inprimis solliciti, ut conservetur unitas Spiritus in vinculo pacis: cum omnes *(c)* unum corpus in Christo, & unus spiritus simus, vocati in una spe vocationis: & ne in hoc corpore sint, aut propter mutuas emulationes reperiantur, vel nutriantur schismata, Christianæque charitatis vincula vel lædantur, vel penitus dissolvantur. Excitandus quoque est populus, ut & ipse communis propriæque salutis causa Deum sedulo interpellat, ut dignos operarios in messem suam extrudat, talesque, qui se probatos Deo exhibeant, operarios non erubescendos, recte secantes sermonem veritatis, ne inani & fucata pietatis, religionisque persuasionis decepti, falsa pro veris, adulterina pro sincere amplectantur.

Cæterum, modum concionandi, & quomodo in omnibus sese gerere debeat Ecclesiastes bonus & pius, ostendunt multorum eruditorum, & doctorum virorum, tam veterum, quam recentiorum monumenta & scripta, ad quorum lectionem, nos verbi Ministros remittimus. Inprimis autem omnes Parochos fideliter in Domino adhortamur, ut doctrinæ, *(d)* Christianam vitæ conversationem, adjungant: Nam optimum est, teste Hylario, exemplo potius docere, *(e)* quam dictis. Et Paulus Timotheum adhortatur, ut semetipsum exemplum bonorum operum præbeat in doctrina, in integritate, in gravitate. Quare nulla

alia re Parochi perinde populo consulunt, quam si, ipsius Magistri, Christi Salvatoris nostri, exemplum, sedulo imitentur: qui cœpit primum facere & docere, ut inquit Scriptura: *[f]* Potens erat opere & sermone. Turpe enim est (id quod Christus Phariseis objicit) multa dicere, & non eadem opere præstare. Et Hieronymus *(g)* nos admonet: cum in Apostolorum loco simus, ut non solum sermonem Apostolorum imitemur, sed & conversationem & abstinentiam.

Adhæc volumus etiam ad imitationem Christi, Præceptoris nostri (qui cum in Synagogam Judæorum venisset, accepto, explicatoque volumine, *(b)* Isaïæ locum Judæis ex ordine prælegebat) ut Parochi deinceps ordinariam Epistolæ ac Evangelii lectionem, quam de tempore vocant, populo ex libro recitent. Nam hac ratione auditores, sacri Evangelii historiam, miraculorumque seriem facilius percipient, & memoriæ commendabunt, quam si absque codice a Parochis memoriter singula, multis nunquam omisis, turbatoque ordine recitarentur: & (ut nonnulli facere consueverunt) recitando summaria, elementari & plane puerili adhibita interpretatione, declararentur.

Statuimus insuper: ut omnes Parochi, quibus concionandi munus competit, aut qui ad id rite vocati sunt, finita concione, populo sequentem Catechismi formulam, ex ordine, sine ulla verborum vel ordinis mutatione & transpositione, publice prælegant: ut ex frequenti & continua prælectione, hæc Religionis Catholicæ principia, ab omnibus memoriæ commendentur, Idque fiat, non celeri aut præcipitanti lingua, sed clara & disertâ voce, ac pronuntiatione: adjuncta generali peccatorum confessione, ejusdemque absolutione, prout in sequenti tabula patebit. Adhæc, admonemus Parochos quoque, ubi id (ratione temporis) commode fieri potest, ut sequentem precationem, præterim

(b) Ad Colof. 4. Ad Ephef. 6.

(d) C. Quales. 8. questione 1.

(f) Lucæ 24. Joan. in Epist. 1. cap. 2.

(g) Hieron. ad Helio. in Epist. 1. Qui dicit se in Christum credere: debet, quomodo ille ambulavit, & ipse ambulare.

(h) Luc. 4. & vide Erasim. in Paraphrasi super eundem.

Tomus VI. Concilior. German.

(c) Ad Ephef. 4.

(e) Vide Chryf. in Hom. 72. de Jejunio.

ferum Dominicis diebus, populo (finita parochiali concione) prælegant: ut pro communi necessitate Ecclesiæ, ac Rei-

publicæ Christianæ, certæ precationi quoque assuecat populus.

APOSTOLICÆ FIDEI SYMBOLUM.

Apostolus	Petrus	Credo in Deum, Patrem omnipo- tentem, Creatorem Cœli & Terræ. Et in Jesum Christum, Filium ejus unicum, Dominum nostrum. Qui conceptus est de Spiritu San- cto: Natus ex Maria Virgine. Passus sub Pontio Pilato, crucifixus, mortuus & sepultus. Descendit ad inferos: Tertia die re- surrexit a mortuis. Ascendit ad Cœlos: Sedit ad dex- teram Dei Patris omnipotentis. Inde venturus est, judicare vivos & mortuos. Credo in Spiritum Sanctum. Sanctam Ecclesiam Catholicam: Sanctorum communionem. Remissionem peccatorum. Carnis resurrectionem. Et vitam æternam.
	I.	
	Andreas	
	II.	
	Jacobus major	
	III.	
	Joannes	
	IV.	
	Thomas	
	V.	
	Jacobus minor	
	VI.	
	Philippus	
	VII.	
	Bartholomæus	
	VIII.	
	Matthæus	
	IX.	
	Simon Cananeus	
	X.	
	Judas Thadeus	
	XI.	
	Mathias	
	XII.	

ORATIO DOMINICA,

Matthæi VI.

Pater noster qui es in cœlis: Sanctifi-
cetur nomen tuum: Adveniat reg-
num tuum: Fiat voluntas tua, sicut in
cœlo, sic & in terra. Panem nostrum
quotidianum da nobis hodie: Et remit-
te nobis debita nostra, sicut & nos re-
mittimus debitoribus nostris. Et ne nos
inducas in tentationem, sed libera nos a
malo, Amen.

Dominicæ autem Precationi, San-
ctorum Patrum Ambrosii & Chryso-
stomi sententias adjecimus, ut ex his,
Dominicæ Precationis virtus & efficacia,
ego luculentius cognoscatur & perspicia-
tur: sic autem inquit Ambrosius (i): Vide
quam brevis est oratio, & omnium ple-
na virtutum. Primus sermo, quantæ
est gratiæ? O homo faciem tuam non
audebas ad cœlum attollere: oculos tu-
os in terram dirigebas, & subito acce-
pisti gratiam Christi: omnia peccata di-

missa sunt: ex malo servo, factus est bo-
nus filius: ideo præsume, non de ope-
ratione tua, sed de gratia Dei. Gratia
enim salvati estis, ut dicit Apostolus.
Non enim hæc arrogantia est, sed fides:
Prædicare, quod acceperis, non est su-
perbia, sed devotio. Ergo attolle ocu-
los ad Patrem, qui per lavacrum te ge-
nuit: ad Patrem, qui per Filium te re-
demit: & dic, Pater noster: Bona præ-
sumptio, sed moderate Patrem dices,
quasi filius: sed noli specialiter tibi ali-
quid vendicare, solius Christi est Pater
specialis, nobis omnibus in communi est
Pater, quia illum solum genuit, qui nos
creavit. Et Chrysost. (k) Dicendo Pa-
ter noster, & veniam peccatorum, &
poenarum interitum; & justificationem
& sanctificationem, & liberationem, &
filiorum adoptionem, & hereditatem
Dei, & fraternitatem cum unigenito
copulatam, & Sancti Spiritus dona lar-
gissima, uno sermone significavit.

ANGE.

(i) Ambr. super illud Matth. 6. Pater noster.

(k) Chryf. in Matth. 6.

ANGELICA SALUTATIO.

AVe Maria, (l) gratia plena: Dominus tecum, Benedicta tu inter mulieres, & benedictus fructus ventris tui Jesus Christus Amen.

DECEM PRÆCEPTA DEI,
duabus Tabulis per Moysen data.

Præcepta primæ Tabulæ.

I.

EGo sum (m) Dominus Deus tuus, &c. Non habebis Deos alienos coram me: non facies tibi sculptile, ut adores illud.

II.

Non assumes nomen Dei tui in vanum.

III.

Memento, ut diem Sabbati sanctifices.

Præcepta secundæ Tabulæ.

IV.

Honora Patrem tuum & Matrem tuam, ut sis longævus super terram.

V.

Non occides.

VI.

Non mœchaberis.

VII.

Non furtum facies.

VIII.

Non loqueris adversus proximum tuum, falsum Testimonium.

IX.

Non concupisces uxorem proximi tui.

X.

Non domum, non agrum, non servum, non ancillam, non bovem, non asinum, neque omnia quæ illius sunt.

CONFESSIO GENERALIS
populo, finita Concione, recitanda.

Miserimus ego peccator, reum me statuo, ac confiteor Deo omnipotenti, ab ineunte ætate & infantia; usque

in hanc præsentem, me graviter peccasse, cogitationibus, verbis, & opere, omitendo ac negligendo ea, quæ me peragere conveniebat: quorum omnium me reum, ac miserum peccatorem esse, agnoscit Deus: horum autem me ex intimo corde, veræque contritionis affectu, prænitet: A benignissimo Deo, remissionem & condonationem peccatorum, ac clementiam, per Christum mediatorem, & reconciliatorem Dei & hominis, Dominum nostrum subnixè petens.

Humilientur corda vestra coram Deo, & vera contritione cordis assumpta, precemini a sua benignitate & clementia, omnium peccatorum vestrorum remissionem, & condonationem.

SEQUITUR ABSOLUTIO
PECCATORUM.

Misereatur vestri omnipotens Deus, & dimissis omnibus peccatis vestris, perducatur vos, in vitam æternam, Amen.

Absolutionem cunctorumque peccatorum vestrorum remissionem, tribuat vobis omnipotens & misericors Deus: unus & trinus, Deus Pater, Deus Filius, & Deus Spiritus Sanctus, Amen.

Dennach ordnen und wollen wir, daß ein jeglicher Pfarrer, dem gebürt auff die Sonntag in seiner Pfarrkirchen zu predigen, oder sonst ordentlicher weis dahin erfordert oder beruffen ist, dem einfaltigen Layen diese Tafel, ohn Veränderung der wort und ordnung fürles: damit ein jedtweider auß stetiger fürlesung den anfang und grundt, unsers Christlichen glaubens, einbilden und behalten möge. Und solches soll beschehen, mit klarer, heller, und verstendlicher außredt und worten, sampt der offnen Beicht, und gewönllicher darauff volgender absolution.

Das Bätter unser,
Matth. 6.

Bätter unser, der du bist in den Himeln. Heilighet werde dein Nam: Kommne uns dein Reich. Dein will geschehe wie im Himmel, Also auch auff erden. Unser täglich Brodt gib uns heut.

(l) Luc. 1.

(m) Exod. 20. Levit. 19. Deut. 5.

Tomus VI. Concilior. German.

heut. Und vergib uns unser schuld, als auch wir vergeben unsern schuldigern. Und nicht führe uns in versuchung, sonder erlöß uns vom ubel, Amen.

Das Ave Maria, oder der Engelisch Gruß, Luc. 1.

Gegrüßet seiest du Maria, voll gnaden, der Herr ist mit dir: Du bist gebenedeyet under den Frauen, und gebenedeyet ist die frucht deines leibs, Jesus Christus. Amen.

Der Christliche Glaub.

Ich glaub in Gott Vatter Allmechtigen, Schöpffer des Himmels und der Erden. Und in Jesum Christum seinen einzigen Son, unseren Herrn. Der entpfangen ist vom heiligen Geist, geboren auß Maria der Jungfrauen. Gelitten under Pontio Pilato, gekreuziget, gestorben, und begraben. Niedergestigen zu der Hellen, am dritten tag wieder auferstanden von den toden. Aufgestiegen in den Himel, sitzet zu der gerechten Gottes des Allmechtigen Vatters. Von dannen er künfftig ist, zu richten die lebendigen und die toden. Ich glaub in den Heiligen Geist. Ein heilige Christliche Kirch, gemeinschaft der Heiligen. Vergebung der sünden. Auferstehung des fleisches. Und ein ewiges leben, Amen.

Die zehen Gebott Gottes,

Exod. 20. Deut. 5.

Das Erst Gebott.

Du solt glauben an einen Gott.

Das Ander.

Du solt nicht unnützlich schweren bey seinem namen.

Das Dritt.

Du solt die Feyertag heyligen.

Das Vierdt.

Du solt Vatter und Mutter ehren.

Das Fünfft.

Du solt nicht tödten.

Das Sechsst.

Du solt nicht Ehebrechen.

Das Siebendt.

Du solt nicht stelen.

Das Acht.

Du solt kein falsche gezeugnuß geben

Das Neundt.

Du solt keins andern Eheweib begern.

Das Zehendt.

Du solt kein fremdbt gut begern.

Die gemeine oder öffentliche Beicht, gegründet in der Schrift, Numeri am 5. Josue 7. Prov. 28. Eccles. 4. und 17. 1. 30. han. am 1.

Ich armer sündiger Mensch, gib mich schuldig und bekenn Gott dem Allmechtigen, das ich leider viel gesündigt habe, von meinen kindlichen tagen an, bis auff diese gegenwertige stundt mit vil bösen gedanken, Worten und Wercken: Auch mit versaumnis viel gutes, wie dann das Gott mein Herr an mir armen sündler erkent, So ist es mir alles leydt, und reuet mich von ganzem meinem herzen, und begere genad von dem Allmechtigen, barmherzigen, ewigen Gott, durch Christum unsern Herrn. Reuget ewere herzen mit reuwen zu Gott, und begeret genad.

Qua quidem confessionis formula utantur Parochi, vel sublequente: aut alia etiam, prout ipsis commodius videbitur: dummodo ab ipsius confessionis substantia non recedatur.

Alia.

Auffdas der Allmechtig Gott uns gnedig, und barmherzig sein wölle, auch unser Gebett vätterlich erhören: So wöllen wir uns demütigen vor dem angesicht der Göttlichen Majestätt, unsere sünde bekennen, und genad von Gott dem Allmechtigen begern. Darumb so bezeichnen euch mit dem zeichen des Heiligen Creukes, und sprechen mir also nach in eweren herzen.

Ich armer sündiger Mensch, bekenn mich gegen Gott dem Allmechtigen, gegen der Hochgelobten Jungfrauen Maria, gegen allen Gottes Heiligen und Außerwöhlten, und euch Priester, das ich leyder viel gesündigt habe, von meinen kindlichen tagen an, bis auff diese stundt, mit meinem leben, wider

die gebott Gottes, mit bösen gedanken, worten, willen und wercken, es seye heimlich oder öffentlich, tödtlich oder täglich, wissend oder unwissend, wie das Gott der Herr an mir erkent, und ich armer sündler leyder nicht erkennen kan, das rewet mich, und ist mir leydt, und begehrt der gnaden Gottes. Ich verzeihe auch allen denen, so mich beleidiget haben, auff das Gott der Herr, mir auch gnedig sein wölle. Auff solches klopfet an ewere brust und herzen, und sprechen mit dem offnen sündler: O Herr, biß gnedig mir armen Sündler.

ABSOLUTIO.

Miserere vestrī omnipotens Deus, & dimissis omnibus peccatis vestris, perducatur vos in vitam æternam.

Abolutionem, remissionemque omnium peccatorum vestrorum, tribuat vobis omnipotens & misericors Deus unus & trinus, Pater, Filius, & Spiritus Sanctus, Amen.

Form eines Gebetts für gemeine anliegen.

Wir arme (n) sündige Menschen, bekennen, daß wir die zeit unsers lebens, vielfaltig und schwerlicher weis, wider dich unsern Herrn und Gott gesündigt haben, und noch tägliches alle stundt und augenblick wider dich sündigen, mit worten, wercken, gedanken, lust, willen und bösen neigungen: Wie wir dann leider solche sündliche und gebrechliche artz und natur an uns erkennen und befinden, welches auch uns zuwider, und von grundt unsers herzen leidt ist. Und wiewol wir uns bisanher dermassen gegen dir unserm Gott und Herrn gehalten und erzeigt haben, daß wir billich mit allem ernst, und mancherley straffen von dir angegriffen, und gedemütigt und gezechtigt werden solten, Jedoch so kommen wir, krafft deines Göttlichen bevelchs, mit ganz demütigem und reuigem herzen zu dir,

wie dann unser hoffnung, trost und zuversicht, in deine grundtlose Barmherzigkeit, umm des thewren bluts Christi Jesu unsers Herrn, Heilands und Seligmachers willen, zu dir stehet, welches zu erlangung unsrer erlösung vergossen worden ist, und ruffen derhalben zu dir O Herr und Vatter, bittende, du wöllest dich über uns miltiglich erbarmen, und hierin nit ansehen, was wir verdient, noch verwürckt, sonder das unschuldig Lamb, Jesu Christi, welcher umm unser sünd willen, sich gegen dir, dem Himlischen Vatter, an dem stammen des H. Crucis uffgeopfert, und die versönung zwischen dir und uns erworben hat, und uns in ansehung solches deines sons gehorsame, und beschene versönopffer, das wir umm der unaussprechlichen liebe willen, täglich mit dancksagung in deiner Kirchen betrachten, alle unsere sünde und missehaten verzeihen und nachlassen: Auff das solcher thewrer verdienst, darin unser erlösung ruhet und stehet, an uns in ewigkeit nicht verlohren werde. Wöllest auch deinen Geist in uns erhalten, und täglich zunehmen lassen, damit wir allen bösen sündlichen aufsechtungen und begierden, hinfürter widerstehen mögen, und in Erfüllung deines Göttlichen willens, deiner gebott und bevelchs erfunden werden, und also in deiner gehorsame bleiben, und die zeit unsers lebens darinn beharren und bestohn. Auff das wir nach erneuerung unsers lebens, durch deinen Heiligen Geist dir zubereitet, krafft deiner Göttlichen verheissung nach diesem vergenglichen, das ewig leben bekommen. Darzu du uns durch Christum gnediglich erhalten, und bewahren wöllest: in welchs schutz und schirm, wir unsern geist, und was wir haben, leib und gut übergeben und bevelhen. Darzu wöllest O HERR dir alle gemein, ob- und anliegen deiner Christlichen Kirchen, und der ganzen Christenheit lassen bevolhen sein, wie die täglich fürfallen und genandt werden

R f f 3

[n] Paulus ad Rom. 7. Video autem aliam legem in membris meis, repugnantem legi mentis meæ, & captivantem me in lege peccati, quæ est in membris meis. Infelix ego homo, quis me liberabit de corpore mortis hujus? Gregor. lib. Mor. 2. cap. 27. Ille veram Deo orationem exhibet, qui semetipsum, quia pulvis sit, humiliter videt, qui nihil sibi virtutis tribuit, qui bona, quæ agit, esse de misericordia conditoris, agnoscit. Notatio editoris primi, quem in Germanica scribendi forma ad apicem secuti fuimus.

mögen. Dergleichen alle francken, betrubten, gefangne und beswerdte personen, und die durch den bösen geist verfürct, und in seinen banden blindt liegen und verstopft, mit gefahr leibs und der seelen, hartiglichen verhasst werden.

Zudem wöllest auch unsern gemeinen und ordenlichen Häuptern deines Christenthumbs, geistliches, weltliches Standes und Regiments, Auch unsern zeitlichen Oberkeiten, für die wir zu bitten schuldig und pflichtig seindt, deinen geist der einigkeit, weisheit, verstandes und vernunft, gnediglich mittheilen, damit sie ihrem beruff, stenden, und ämptern, durch deine gnad genug thun, und deiner Kirchen, auch gemeiner Christenheit, Christlich, Gottselig, erdenlichen und wol fürsehen, auffdas dein Kirch, das Christlich Volck, und ire underthanen in Gottseliger, stiller, züchtiger, erbarer, und friedtlicher regierung erhalten, und bewardt werden. Das sie auch nichts thun noch fürnehmen, das wider dich, deinem Göttlichen Wort und erkantnuß zuwider und entgegen, und den underthanen zu verderben, nachtheil und schaden, auch zu zerrüttung deiner Christlichen Kirchen, reiche: sonder wöllest den geist des friedens und einigkeit in ihnen erhalten, damit man erkenn, daß sie und wir dein volck seyen. Auffdas dein Christliche Kirch und alle Christliche versammlungen, hinfürter für uneinigkeit, spaltungen und zertrennungen: auch vor allen Ketzeren und Irthumben, durch dich bewart, behüt, und underhalten werden. Und ob Spaltungen, Irthumben, mißbräuch, ergernuß, und allerhandt beschwerden, umb größe der sünde deines Volcks, auch von wegen der fahrlässigkeit der fürsther (welchen in kraft ihres Ampts, auff deine Herdt, ein fleißigs aufsehens zu haben, gebüret) eingerissen weren (wie wir dann leyder bekennen müssen, daß es in deinem Christenthumb, nicht wol sorglicher noch ubler stehen köndte.) Derohalben dann schwere spaltungen erwachsen, vieler abfall geschehen, und sorgliche irthumben entstanden, welche dein volck, daß du mit dem blut Christi, deines eingebornen sons, dir schwerlich und theuer

erworben hast, in große uneinigkeit, in sorgliche verfürung, auch mißtrauen und erbitterung, der gemüter gegen einander, und in ein unchristlich, frey, verrucht, unzuchtig, wildt und ruchlos leben gebracht haben, wie du auch umb unserer grossen sünd willen den Türcken, und andere unglaubliche, uns zur straff, über uns verhengest, und wir wol verdienen, jedoch wöllest O Gott und Herr, in erweckung deiner grossen güte, gnad und barmherzigkeit, solchen last von deiner Kirchen, und deinem Christenthumb gnediglich abwenden, und mit unsern Häuptern, Regenten, geistlichen und weltlichen Oberkeiten, sampt deinem volck, die gnedigste versöhung thun, damit wir zu Christlicher vergeltung, friedt und einigkeit der Lehr, und alles Gottseligen wandels, leben und wesens kommen mögen. Auffdas nach aufreutung alles irthumbes, abwendung der eussrlischen und inwendigen kriegten, auch abstellung alles unsers sündlichen, schandlichen und ergerlichen lebens, durch welches wir deinen zorn erweckt, und über uns geführt haben, Wir dein Gespons rein und unbefleckt, vor dir unserm Herrn erscheinen, und also dein Weinberg des Christenthumbs, und deine Kirch durch würckung Gott des heiligen Geistes, rechtchaffen erneuert, gepflantz, und nach deinem Göttlichen willen und bevelch erbawen, und vor dir unserm Herrn unsträflich befunden, und in deinem Wort und Erkantnuß gnediglich erhalten werden. Amen.

Tempore Concionis, Sacra non esse celebranda.

CAPUT III.

Prohibemus insuper, ne sub Concione Divini verbi, Sacra, ac Missæ peculiare celebrentur: ne videlicet per eas, populus, ab intentione verbi Dei avocetur, & abstrahatur, ac negligentius verbum Dei, (quod absque omni animarum distractione, sollicitè & attente audiendum est) percipiat. Et cum hodie, neglecto publico Sacro, Dominicis diebus, aliisque feriis ac festivitatibus, multi privatas Missas ob id audiant, quo commensationibus, aliisque studiis, eo

citius

citius incumbant & deserviant (quem abusum Augustinus & suo tempore redarguit) volumus, ut Parochi deinceps populum diligenter admoneant, ne ante publicum Sacrum, peractumque officium Divinum, cibum sumant, sed ut omnes, ad publicam sanctam Matrem Ecclesiam, Missarum solemniam, & concionem verbi Divini audituri, conveniant, illicque, donec omnia peracta sint, & (juxta Decretum Concilii Tyburtiensis) ultima laus, (o) id est, Benedicamus Domino, pronuncietur, vel a Diacono proclametur, devote permaneant. Id autem intelligi volumus de universa populi congregatione: secus de iis, qui ministeriis domesticis præstant: quorum tamen quoque diligens & fidelis cura & ratio habenda est, ut commode, convenientique tempore Ecclesiæ & Sacris interesse queant.

De Clericis peregrinis, præfectorumque qualitate.

CAPUT IV.

AD hæc statuimus & ordinamus, ne deinceps (p) peregrini, ignoti & vagabundi Presbyteri absque sufficienti Episcoporum suorum testimonio, & nisi a Vicario nostro in Spiritualibus generali, quantum ad doctrinam, eruditionem, & ad mores ac vitam attinet, idonei & habiles reperti sint, & approbati fuerint, ad ministerium verbi, publicumque concionandi munus recipiantur & admittantur. Quod si qui hujus necessariæ constitutionis transgressores reperiantur, in hos, secundum delicti & temeritatis qualitatem, digna animadversione, per nostros animadvertemus. Eos autem, si Presbyteri, si Monastici professionis homines sint, quos vel vitæ sanctimonia, vel excellens eruditio & doctrina, morum integritas, rerumque usus commendat, ab hoc prædicandi officio, hac nostra Synodali constitutione excludere nolumus: præsertim cum Monasteria hæcenus Ecclesiis Parochialibus, prædicando verbum Dei, strenuam, laudabilem, & fidelem operam præstiterint, &

adhuc non mediocri, & contemnendo studio præstant: dummodo tamen nostra, vel Vicarii nostri autoritate interveniente, id fiat. Prædictam autem constitutionem & locum habere volumus, circa eos Presbyteros, qui non (q) solum prædicandi munus propria temeritate suscipiunt, sed & alia Divina officia in Ecclesiis nostræ Diocesis, non exhibitis literis testimonialibus, Vicarii nostri approbatione neglecta, propria temeritate peragere conantur.

De retinendis antiquis Ecclesiæ ceremoniis & ritibus: & quod Sacra Scriptura, secundum unanimitatem, Orthodoxorum Patrum consensum & expositiones, interpretanda & delevanda sit.

CAPUT V.

NE autem (r) pro vera & Catholica religione errores disseminentur, ac falsa ac erronea populo proponantur: statuimus, & Visitatoribus nostris, quos ad hoc officium exequendum deputabimus, mandamus, cæterisque etiam Archipresbyteris & Decanis ruralibus injungimus, ut inquirendo & explorando singula, diligentem & sedulam adhibeant curam, ut sincere, & juxta Sanctorum, & ab Ecclesia receptorum Patrum interpretationem & expositionem, sacra scriptura populo proponatur & explicetur: utque summa pietate & reverentia; Sacramenta administrentur & porrigantur, & secundum antiquam Ecclesiæ nostræ Agendam, adserventur, custodiantur, & populo exhibeantur: utque cultus Dei, Divina officia, Cælestionæ, approbati que ritus, cæteraque omnia, quæ ordinaria successione, per manus sanctorum Patrum, vel tradita, vel per majores nostros, ad nos devenerunt, & pie observata sunt, in Ecclesiis rite, decenter & convenienti modo peragantur. Neque (s) enim temere, neglecta Ecclesiæ auctoritate, ab antiquis ritibus, & longa consuetudine (utunque eorum ratio non habeatur, aut facile deprehendi, & investi-

(o) Canon Apost. 9. c. Omnes fideles. De cons. dist. 1. & ex Conc. Carth. 4. c.

(p) C. Ignorantia. 38. dist. in fine.

(q) C. Extraneo hortamur. & c. Nullum. dist. 71.

(r) C. Relatum nobis. dist. 37.

(s) Orig. in Proem. lib. 1. Periarcon.

investigari possit) recedendum est: (x) cum multa observet Ecclesia, quæ etsi ab Apostolis expresse non sunt tradita, tamen cum sint longa consuetudine approbata, non minoris autoritatis esse censentur. Et Epiphanius (u) ait: Oportet & traditione uti: non enim omnia a Divina Scriptura accipi possunt; quapropter aliquid in scripturis, aliquid in traditione, S. Apostoli tradiderunt, quemadmodum dicit Apostolus: sicut & tradidi vobis. Et August. (x) In his rebus, de quibus nihil certi statuit Scriptura Divina, mos populi Dei, vel instituta majorum, pro lege tenenda sunt. Et Basilii Magnus: (y) Apostolorum arbitror esse, inquit, etiam in non scriptis traditionibus, perseverare. Laudo enim, ait Paulus, vos, quod omnia mea meministis, & quemadmodum tradidi vobis, traditiones continetis, quas accepistis, sive per sermonem, sive per Epistolam. Item Origenes: (z) In Ecclesiasticis observationibus, sunt nonnulla ejusmodi, quæ omnibus quidem facere necesse est, nec tamen ratio earum omnibus patet. Nam quod (verbi gratia) genua flectimus orantes, & quod ex omnibus cæli plagis ad solam Orientis partem conversi, orationem fundimus, non facile cuiquam puto ratione compertum: sed & Eucharistiæ percipiendæ, sive eo ritu, quo geritur, explicandæ, vel eorum, quæ geruntur in Baptismo, verborum, gestorumque & ordinum, atque interrogationum ac responsionum, quis facile explicet rationem. Quæ testimonia Patrum, ideo ex ordine referimus, ut eorum opinio refellatur, qui stulta & ridicula præsumptione, abolitis & temere sublati Ecclesiæ ritibus & ceremoniis, nihil in templis retinere conantur, nisi quod expressam, Judaicam & literalem seu elementalem, ut vocant, scripturæ autoritatem habeat. Quapropter eos, qui in expositione sacrarum Scripturarum, Sacramentorum administratione, vel ceremoniarum peractione, contra Ca-

tholicæ Ecclesiæ autoritatem & consuetudinem, contraque orthodoxorum Patrum traditiones & consensum, aliter agunt & docent: Nobis, vel Vicario nostro in Spiritualibus, significare teneantur Archiepiscopi: quo debitis & convenientibus remediis, imminenti morbo & malo, eo maturius & tempestivius, occurratur: cum, Augustino teste: (a) Hæresibus pullulantibus, celerius obviandum sit.

De Lectione Sacerdotum, & maxime Curatorum.

CAPUT VI.

PRæterea volumus, ut a Visitatoribus nostris Presbyterorum, (b) & præsertim Parochorum Bibliothecæ & libri diligenter inspiciantur, eorumque lectio & studium cognoscatur: ne pro synceris, adulterinos: pro Orthodoxis, hæresi, variisque erroribus repletos libros & aucthores legant, populumque seducant. Poeta quidam (c) alibi, sæcli incommoda, malos Poetas vocat: quanto justius id de novitiis quorundam Theologorum nostri temporis scriptis dici poterit, qui in perniciem Religionis Catholicæ, totiusque Ecclesiasticæ disciplinæ, non uno calamitatis genere, Ecclesiæ, rebusque humanis incommodarunt. Quare Sacerdotes, & præsertim, quorum judicia nondum maturuerint, admonitos esse volumus, ut semotis intempestivis, parumque synceris schismaticorum lucubrationibus, sese ad sacræ Scripturæ, & orthodoxorum Patrum lectionem conferant: in qua cum reverentia & timore versentur: & juxta admonitionem Clementis, (d) non sensum alienum adferant, & extraneum quærant, quem scripturarum autoritate palliare & confirmare, contentur: sed ex ipsis scripturis sensum capiant veritatis, quem ab eo discant, qui ipsum a majoribus sibi traditum servat. Quæ autem post sacrarum Scripturarum studia, Presbyterorum, & maxime Curatorum, assidua lectio

(t) Iren. lib. 4. c. 33. 11. Diff. c. Ecclesiast. 12. Diff. c. Illa. 16. Diff. 1. c. Prædicator. c. Cum March. ex. De offic. Missæ.

(u) Epiphani. contr. Apo. hæret. Pap. 243.

(x) August. ad Casul. Episc. 86. Epist.

(y) Basil. Magn. in lib. de Spiritu Sancto. c. 27. & 29.

(z) Orig. in lib. Num. hom. 5.

(a) August. inno. Epist. 91.

(b) C. Si quis. Diff. 36. c. Relatum nobis est. 37. Diff.

(c) Carul. ad Calvum poetam.

(d) Clemens lib. 10. Recog. ad Jacobum fratrem Domini.

lectio esse debeat, ostendit Canon, incipiens: Quæ ipsis: ex Augustino (quem Gratianus 28. dist. allegat) desumptus: quem pro informatione eorundem subiiciendum duximus. (e) Quæ ipsis Sacerdotibus necessaria ad discendum sunt: Sacramentorum liber, Lectionarius, Antiphonarius, Baptisterium, Computus, Canones poenitentiales, Psalterium, Homilia per circulum anni, in Dominicis diebus, & singulis Festivitatibus aptæ, ex quibus, si unum defuerit, Sacerdotis nomen vix in eo constabit. Hactenus Canonis verba. Et extant præsentitempore multorum piorum, & summorum Theologorum, sincera scripta ac lucubrationes: ex quibus solida earum cognitio, facile desumi potest, quamvis in his delectus habendus sit, quem Visitatores nostri, tempore susceptæ visitationis, Presbyteris, & præsertim imperitoribus, signifi- care & demonstrare teneantur.

*Quomodo in Sacra Scriptura
versandum sit.*

CATUT VII.

Legentem sacram Scripturam oportet esse cautum, ne propriæ innitatur prudentiæ & eruditioni, viribusque ingenii sui nimium tribuat, ac fidat: sed cum timore & tremore, abjecta omni privata præsumptione, versetur in eloquiis Domini, & eum scripturæ sensum, implorato Divino auxilio, sequatur & amplectatur, quem Spiritus sanctus, a quo scriptura tradita est, efflagitat & commonstrat. Neque literæ ita inhæreat, ut ab ea (sic exigentibus aliis scripturæ locis & circumstantiis) non sit recedendum: sed cuncta (ut tradunt Canones) (f) ex causa, ex persona, ex loco, ex qualitate, statu, & conditione temporum, consideret & perpendat. Nisi enim hæc diligenter animadvertantur & observentur, fieri nequit, quin lector (maxime sprete & contempta autoritate Ecclesiæ & Patrum) subinde, in alios atque alios errores impingat & incidat: id quod hoc nostro sæculo, in quotidianis Ecclesiæ controversiis, multis exemplis commonstrari & declarari potest: Adhæc non nimis ab-

horreat ab allegoriis, & sincera ac genuina earum interpretatione: sed consideret omnes historias, omnia Patriarcharum testimonia, omnes Prophetias, sacrificia omnia veteris testamenti, ad futurum Messiam, Christum, unicum mundi Salvatorem respexisse, & Typum ac umbram fuisse futuri corporis, & novi Testamenti. Præterea scripturæ non importet sensum (ut supra ex Clemente dictum est) proprium, quem sua ipsius auctoritate violenter, adductis & detortis locis, communire & corroborare conetur lector: sed ex ipso contextu, & serie orationis colligat & eliciat intellectum veritatis: quemadmodum Clemens gravissime monet, inquiens: Diligenter observandum est, ut lex Dei, cum legitur, non secundum propriam ingenii virtutem vel intelligentiam legatur vel doceatur: sunt enim multa verba in scripturis Divinis, quæ possunt trahi ad eum sensum, quem sibi unusquisque sponte præsumperit: sed non oportet: Non enim sensum extrinsecum, alienum & extraneum debetis quærere, ut quoquo modo ipsum, ex scripturarum auctoritate confirmetis: sed ex ipsis scripturis sensum capere veritatis oportet: neque contemnat, ac impudenter eleveat auctoritatem Ecclesiæ, & sanctorum Patrum, qui vitæ innocentia, Martyrio, doctrina, illustrandoque scripturas, Ecclesiæ insigniter profuerunt & inservierunt: Sed potius hanc reverenter, debita exhibita obedientia, veneretur, & eorum auctoritatem, studium, doctrinam & operam sequatur & amplectatur: maxime, in quibus eos errare, aut aliquid contra scripturam, & Catholicæ Ecclesiæ sententiam, tradidisse, sensisse, ac scripsisse certo non constiterit. Sic enim & suos libros, & sanctorum Patrum lucubrationes legendas esse, Augustinus (g) censuit, lib. 2. cap. 21. Quare cum quæstiones oriuntur, cum de scripturæ sensu & intellectu contenditur, cum de dogmatibus litigatur & controvertitur: tum scripturarum collatione facta, ad Ecclesiam recurrendum erit: Certum enim est, ab hac sola, (cui Christus per Spiritum Sanctum perpetuo adest, quam regit & gubernat, ac in quam universam Spiritus

(e) C. Quæ ipsis. Dist. 38.

(f) Dist. 29. c. Sciendum, cum sequent.

(g) August. lib. 2. cap. 21. de bono perferv.

tus Sancti operationem posuit) ad hæc a sanctis Patribus, Catholicæ Ecclesiæ adherentibus, praxin & intellectum scripturæ, in quæstionibus difficilioribus & obscurioribus petendum esse: nam sic inquit Augustinus: (b) Hoc facimus, quod universæ jam placuit Ecclesiæ, quam ipsarum scripturarum commendat autoritas. Et quoniam sancta Scriptura fallere non potest, quisquis fallere metuit, hujus obscuritate quæstionis, eandem Ecclesiam de illa consulat, quam sine ulla ambiguitate, sancta Scriptura demonstrat. Et Origenes Periarth. lib. 1. Illa sola credenda est veritas, quæ in nullo ab Ecclesiastica traditione discordat. Item Irenæus: (2) Quid enim & si de aliqua modica quæstione disceptatio esset, nonne oporteret in antiquissimas recurrere Ecclesias, in quibus Apostoli conversati sunt, & ab eis de præsentī quæstione sumere, quod rectum & reliquidum est? Quid autem si neque Apostoli quidem scripturas reliquissent nobis? nonne oportebat ordinem sequi traditionis, quam tradiderunt his, quibus committebant Ecclesias?

*De Sacramentis, eorundemque
administratione, in ge-
nere.*

CAPUT VIII.

Cum potissima Christianæ Religionis pars in vero Sacramentorum usu consistat: volumus, & in hac Synodo statui-
mus, ut non solum reverenter exhibeantur & administrantur, sed ut singulorum ulus, frequenter, & summa diligentia populo explicetur & inculcetur. Cognita enim & perspecta Sacramentorum virtute & efficacia, major subsequetur devotio, eorumque reverentia, ac Religionis & veræ pietatis fervor & studium. Proderit igitur sub administratione & porrectione cujuslibet Sacramenti, usum & virtutem compendiosa oratione, idque disertis verbis, explicare: quo populus admoneatur, quam arcana Divinæ gratiæ hic tractentur mysteria, ubi aliud videtur,

aliud agitur: sensu aliud percipitur, & aliud corde creditur, juxta Divi Augustini definitionem: (k) Sacramentum invisibilis gratiæ, visibilem esse formam. Et cum Catholica Ecclesia hæcenus, septem Sacramenta esse asseruerit, videlicet Baptismum, Confirmationem, Eucharistiam, Pœnitentiam, Extremam Unctionem, Ordinem & Matrimonium: tum adversariorum opinio explodenda, & rejicienda est, qui citra Ecclesiæ auctoritatem, duo duntaxat, rejectis aliis, esse contendunt. Quomodo autem eorum usus populo explicandus, qua ratione singula pottingenda, tradenda, administranda & conservanda sint, brevitatis causa, ad veterum (l) & recentiorum monumenta, ac lucubrationes, qui ea de re posteritati, ad Ecclesiæ utilitatem, integra commentaria reliquerunt, & præsentem Reformationis formulam, & Prædecessorum nostrorum Agendam (*), ac imprimis sancti Thomæ libellum, de articulis Fidei & Sacramentis editum, nos, Sacerdotes, maximeque Parochos remittimus: quæ exactam & pleniorē informationem singulorum omnium suppeditabunt.

De Baptismo.

CAPUT IX.

Sed ut Parochi, & præsertim imperitiores, intelligant, quomodo ex ordine Sacramentorum usus populo explicandus sit, volumus hoc in loco, informationis causa, compendiosam Baptismi declarationem, præsentibus nostris statutis Synodalibus, subicere. Proderit igitur in declaratione eorum scholastico modo, methodice & convenienti ordine breviter explicare, cur introducta, & quid sint Sacramenta, quæ ad ea requirantur; quæ eorum virtus, effectus & efficacia: quoduplicia sint: quid operentur: & quis finis. Ut in præsentī Baptismatis Sacramento, primo exponendum est, (m) hoc introductum esse ad originale peccatum, cum quo in utero matris concipimur, cum quo nascimur, ac in lucem hanc

(b) August. lib. 1. cap. 33. contra Cresconium.

(2) Iren. lib. 3. c. 4.

(k) August. in lib. de doctr. Christi. August. in Joan. tract. 80.

(l) C. Sane, cum aliis de celebr. Miss. de custod. Euchar. Chry. & aliorum.

(*) Si quid in Agenda Argentoratensi deerit, desumant Parochi ex Moguntina, quæ a Sebastiano Archi-Episcopo repurgata & edita est.

(m) Basil. Magn. in exhortat. Baptismi.

hanc procreamur, imo mori, æternæque damnationi adjudicamur, & subijcitur, collentur; eamque ab omnibus peccatis sordibus, evocandam & repurgandam: juxta illud Pauli: Eramus enim natura illi iræ, a qua nullus hominum liberari poterat, nisi per fidem in Christo inter Deum & hominem Jesu Christi, & per Baptismi Sacramentum, quod datur & porrigitur, in nomine Patris, & Filii, & Spiritus Sancti. Et quamquam ad prædictam originalis peccati contagionem & reatum tollendum, Sacramentum Baptismatis introductum sit, per quod quæ plane tollitur: tamen docendum est, secundum Augustini (n), unanimesque Catholicæ Ecclesiæ sententiam, hanc evacuationem non ita fieri, ut concupiscentia nature amplius non inhereat, sed, ut idem Augustinus gravissime in libro de Baptismo parvulorum inquit, ne obsit: manet enim, donec anima a corpore resolvitur, in carne nostra, perpetua lucta & congressus, adversus Spiritum: ita, ut postquam ad adultam ætatem perventum fuerit, semper adversus carnem pugnandum & decernendum sit: sequitur igitur, Baptismum, lavacrum esse aquæ in verbo: sic enim describit Baptismum Paulus ad Ephesios 3, ubi per fidem regeneramur, & abjecto veteri, novum hominem per Spiritum Sanctum, in lavacro regenerationis assumimus, (o) & Christum, cum in eo baptizati sumus, induimus: quæ (p) quidem regeneratio nisi fieret, nullus hominum æternam salutem ullo modo consequeretur. Constat autem aqua & verbo: quæ quidem aqua in sua natura manet, donec verbum adjicitur, quo accedente, efficaciam suam consequitur, secundum Augustini descriptionem: (q) Accedit verbum ad elementum, & fit Sacramentum. Et quemadmodum Piscina illa, de qua in Evangelio, ut eleganter inquit Chrysostomus, (r) per se non sanabat, sed duntaxat, quando ab Angelo movebatur: Ita & in hoc Sacramento non simplex aqua opé-

ratur, sed cum omnia peccata abluit, cum gratiam Spiritus accipit, ipseque Angelorum Dominus totum negotium perficit, ac præsentia Trinitatis adest. Vere enim, inquit D. Ambrosius, in libro de Sacramento: Non omnis aqua sanat, sed illa quæ habet gratiam Christi. Item: Aqua non sanat, nisi Spiritus Sanctus descendat, & aquam illam consecraret. Sunt autem verba: (s) Euntes ergo, docete omnes gentes, baptizantes eos in nomine Patris, & Filii, & Spiritus Sancti: docentes eos servare omnia, quæcunque mandavi vobis: (t) quæ quidem verba Christi regenerationem in cordibus operantur, non quia proferuntur, sed quia a nobis creduntur. Vis igitur & virtus Baptismi est, abolere & tollere originalis peccati contagionem & reatum, abluere peccata, indulgere & concedere omnium peccatorum remissionem & condonationem, sanctificare, justificare, mundare, & reconciliare nos Deo Patri, & restituere in gratiam: a qua per transgressionem decidimus, æternæque damnationi adjudicati eramus. Subsequitur ergo effectus & finis, qui consistit in digna & vera poenitentia, & renovatione vitæ prioris, de qua Paulus hinc inde in suis Epistolis, ut ad Romanos: (u) Quicumque baptizati sumus in Christo Jesu, in morte ipsius baptizati sumus: confepulti enim sumus cum illo, per baptismum in mortem, ut quomodo Christus surrexit a mortuis per gloriam Patris, ita & nos in novitate vitæ ambulemus, & reliqua. Item ad Ephesios: (x) Resurgimini Spiritu mentis vestræ, & induite novum hominem, qui secundum Deum creatus est, in justitia & sanctitate veritatis. Et ad Coloss. (y) Exspoliantes veterem hominem cum actibus suis, & induentes novum, eum, qui renovatur in agnitionem secundum imaginem ejus, qui creavit illum. Et Aug. de poenitentia inquit, (z) eum non posse novam inchoare, qui jam suæ voluntatis arbiter constitutus est, cum ad Sacramentum fidelium accedit, nisi eum, vitæ prio-

(n) Aug. de peccatorum meritis, & remiss. lib. 1. cap. 39.

(o) Gal. 3.

(p) Aug. Homil. 80.

(q) Idem Tract. 80. in Joan.

(r) Chrys. 35. Hom. super 5. cap. Joan.

(s) Matth. 26.

(t) Aug. Homil. 80. Basil. Magn. in Affect. de fide.

(u) Rom. 6.

(x) Ephes. 4.

(y) Coloss. 4.

(z) Aug. in lib. de Baptism.

prioris pœniteat. Est igitur effectus & finis Baptismi, vitæ renovatio, & tum demum valere incipit ad salutem, secundum Augustini verba, cum illa fictio veraci confessione recesserit, quæ, corde in malitia vel sacrilegio perseverante, peccatorum absolutionem non sinebat fieri. Quapropter sedulo commonefaciendus est populus, ut pœnitentia prioris vitæ suscepta, novam aggrediatur, Dominique voluntatem & præcepta, juxta mandatum (docentes eos servare omnia, quæcunque mandavi vobis) observent & impleant. Quotiescunque igitur Ecclesiæ infans baptizandus offertur, utile erit, populum ejusmodi observato ordine alloqui, & brevi oratione, ipsius Sacramenti virtutem explicare: quo intelligat, non solum quid ibi agatur, & quam invisibilis gratia sub externis signis communicetur & impartiat, sed ut majori devotione ad Divinum mysterium, & intelligendum & venerandum accendatur & excitetur: id quod quoque observandum est circa explicationem ceremoniarum & rituum, qui in peractione tanti mysterii ab Ecclesiâ adhibentur, & pie observantur: cujusmodi sunt, mos ungendi parvulos, insufflatio in faciem Pueri, adhibitio Chrismatis, Salis, Olei, impressio Crucis Christi in fronte & in pectore. Item induitio Albi amictus & candidæ vestis, &c. Danda insuper est opera, ut omni pompa mundi, profanoque & exquisito ornatu abjecto, summa reverentia & devotione, infans ad baptizandum, Ecclesiæ offeratur, piisque precibus Deo commendetur, ut in lucem procreatus puer, recepto baptismo, ad honorem, laudem & gloriam Dei, animæque suæ salutem, in omni pietate, & vera fide succrescat, vegetetur, & incrementumumat. Quam piam (a) sollicitudinem, & susceptores, seu Patrini (ut vocant) qui ipsos pueros, nomine & in fide Ecclesiæ, Christo baptizandum offerunt, ac pro eis spondent, & quodammodo se fidejussores constituunt, in se recipere debent. Revocanda autem est, per totum vitæ cursum, secundum Chrysostomi admonitionem, ad memoriam, sponso & abrenunciatio in Baptismo facta: ne rursus in ejus incidamus laqueos, cui una, cum omnibus suis operibus, studiis & pompis abrenun-

ciavimus. Quotuplex autem sit Sacramentum Baptismatis, videlicet: fluminis, fluminis & sanguinis, secundum veterum divisionem: Item quale Joannis Baptisma: quale Christi & Apostolorum, nimis longum foret explicare: sed hæc Parochi faciant: ubi, aut quoties necesse fuerit, ea concionando, populo proponere & declarare. Ut autem ceremoniarum & rituum significationes in Baptismo cognoscantur, & plene intelligantur, operæ precium duximus, has hic propter informationem imperitiorum, ex testimoniis Patrum, prout Dist. 4. de consecratione recitantur, subjiciendas esse.

Baptizandi quare exorcizantur & exufflantur: ex Rabano, de institutione Clericorum.

Postquam se baptizandus per confessionem veræ fidei, in alterius commendaverit Dominum, & per abrenunciationem prioris possessoris, se alienaverit servitio: exufflatur ab eo potestas sæva, ut per pium Sacerdotis ministerium, Spiritui Sancto cedat, fugiens malignus spiritus.

Augustinus de Symbolo Lib. 1.

Sicut nostis, fratres charissimi, parvuli exufflantur & exorcizantur, ut pel-latur ab eis diaboli potestas inimica, quæ decepit hominem, ut possideret homines. Non ergo creatura in infantibus exorcizatur aut efflatur, sed ille, sub quo sunt, qui sub peccato nascuntur.

Cælestinus Papa.

Sive parvuli, sive juvenes, ad regenerationis veniunt Sacramentum, non fontem vitæ prius adeant, quam exorcismis & efflationibus Clericorum spiritus immundus ab eis abigatur.

Quare signetur Baptizandus in corde & fronte, Rabanus de institut. Clericorum.

Postea signetur Baptizandus, signaculo sanctæ Crucis, tam in corde, quam in fronte: ut ab eo tempore apostata diabolus in vase suo pristino, suæ interemptionis cognoscens signaculum, jam deinceps illic sciat se esse alienum.

(a) August. in ferm. post Pascha Domini, qui incipit: Hodiernus dies.

Quare super Baptizandum Orationes dicantur, Rabanus in eodem lib.

Exhinc jam dicuntur super eum orationes, ut fiat Catechumenus.

Ambrosius de Sacramentis, Tract. II.

Emerfisti: venisti ad Sacerdotem: quid tibi dixit? Deus, inquit tibi, Pater omnipotens, qui te regeneravit ex aqua & Spiritu Sancto, concessitque peccatorum tuorum veniam; ipse te inungat in vitam æternam. Vide ubi inunctus es in vitam æternam.

Quare sale initientur, Bæda super lib. Reg.

Sal coelestis sapientiæ, quo initiantur Catechumeni, in cunctis operum nostrorum Sacrificiis jubemur offerre.

Rabanus in prædicto loco.

Tunc datur Baptizando Sal benedictum in os: ut per Sal typicum, Sapientiæ sale conditus, fetore careat iniquitatis, ne a vermibus peccatorum ultra putrescat, sed magis illæsus fervetur, ad majorem gratiam percipiendam.

Quare de Saliva naves & aures tangantur, Rabanus de institutione Clericorum.

Postea tanguntur ei nares & aures de Saliva, & dicitur ei verbum Evangelicum, quod JESUS dixit, quando surdum & mutum sanavit, tangens cum spuro linguam ejus, & mittens digitos in auriculam ejus, dixit, Ephatha, quod est, aperire. Hoc enim Sacramentum hic agitur, ut per Salivam typicam, & Sacerdotis tactum, sapientia & virtus Divina; salutem ejusdem Catechumeni operetur: ut aperiantur ei nares, ad accipiendum odorem notitiæ Dei: ut aperiantur ei aures, ad audiendum mandata Dei: ut aperiantur ei sensus in intimo corde, ad respondendum.

Ambrosius de Sacramentis.

Propter gloriam muneris & operis, non os tangit Episcopus; sed nares: ut bonum odorem accipiat pietatis æternæ.

Quare a Sacerdote inungantur, idem Raban.

Deinde a Sacerdote inungitur, ut sacrum Baptisma cum fide accepta custodiat: inungitur tunc illius pectus oleo sanctificato, cum invocatione sanctæ Trinitatis, ut nullæ reliquæ latentis inimici in eo resideant; sed in fide sanctæ Trinitatis mens ejus confortetur. Inungitur & inter scapulas, & de eodem oleo, ut undique muniatur, & ad bona opera facienda per Dei gratiam roboretur.

Idem Rabanus in Epistolam ad Ephe-fios.

Postquam ascendit Baptizatus de fonte, statim signatur a Presbytero in cerebro, cum sacro Chrismate; sequente similiter oratione, ut Christi regni particeps fiat, & a Christo Christianus possit vocari.

Ambrosius de Sacramentis, Tract. II.

Accepisti mysterium, hoc est; unguentum super caput: quare super caput? Quia sapientis sensus in capite est. Sequitur spirituale signaculum, quod audisti, legi hodie, quod post fontes superest, quo perfectio fiat, quoniam ad invocationem Sacerdotis, Spiritus Sanctus infunditur.

Quare candida vestis tradatur Christianis. Ex Raban. de institut. Cleric.

Post Baptismum, traditur Christianis vestis candida, quæ significat innocentiam & puritatem Christianam: quam post ablatas veteres maculas, studio sanctæ conversationis, immaculatam servare debet, ad repræsentandum ante tribunal Christi. Cuncti vero renati, albis induuntur vestibus ad ministerium resurgentis Ecclesiæ. Item utuntur Baptizati albis vestibus; ut quorum primæ natiuitatis faciem, vetusti erroris pannus fuscaverat, habitus sanctæ regenerationis, gloriæ præferat indumentum. Tegitur enim post sacram unctionem caput ejus mystico velamine, ut intelligat se diademate regni, & Sacerdotali dignitate potiri.

Ambrosius de Mysteriis.

Accepisti post Baptismum vestimenta candida, ut esset indicium, quod exueris voluptatem peccatorum, & indueris innocentiae calta velamina.

*Quid circa Missæ Sacrificium
agendum.*

CAPUT X.

Cum Missæ officium, in quo summum redemptionis humanae mysterium tractatur, & beneficium Passionis Domini recolitur, propter impias adversariorum disputationes, in magno contemptu habeatur: in hac Synodo sancimus & statuimus, ut a Concionatoribus ejus mysterii usus quoque diligenter & fideliter populo exponatur ^(b) & declaretur: quo eorum animi, abjectis depravatis opinionibus, & persuasionibus, rursus ad tanti mysterii venerationem, amorem, cultum, & frequentationem inducantur. Id quod commodissime fiet, si singulae Sacri vel Divini officii partes ex lectione sanctorum Patrum explicentur, populusque probe informetur, quid agere, quasve preces & laudes una cum Sacerdote (qui tantum mysterium nomine & auctoritate Ecclesie exequitur) effundere debeat: ut videlicet ita assuescat plebs piis precationibus, pro salute humani generis, Deo Patri agere gratias: & si non ore, ac Sacramentaliter, tamen spiritualiter, fide, & vero ac intimo cordis affectu, quotidie sumere corpus & sanguinem Domini. Neque enim credendum est, eum carere fructu, qui tanto mysterio interest, utique ore non sumat corpus & sanguinem Domini, dummodo pia & synce- ra animi devotione, salutis & redemptionis humanae mysterium meditetur, & interventu meriti Christi, totiusque Ecclesie, suæque salutis necessitatem, piis precibus Deo commendet. Quamvis ni-

hilominus crebro adhortandus sit populus, ut una cum Sacerdote Sacramentum Eucharistiae, exemplo veterum Christianorum, per anni cursum sapius sumat & manducet: Nam cum quotidie peccemus, semper, inquit Ambrosius, ^(c) animæ medicina quaerenda est.

Et quia præsens Schisma, multorum & etiam cordatorum animos, propter unius speciei usum & porcionem, a Communione, & frequenti Sacramenti participatione revocat & absterret: in hac quoque parte oratio & diligenter informandus est, ut abjecto conscientiae scrupulo, Ecclesiae auctoritati innitatur, eumque ordinem & modum sumendi celestem cibum observet, quem ipsa, ductore Spiritu Sancto, non absque rationali causa præscripsit & monstravit: maxime, cum secundum unanimitatem & conformem totius Ecclesie consensum & adprobationem Conciliorum, & præsertim duorum postremorum Constantiensis & Basiliensis, ^(d) integrum corpus Christi, sub unaqualibet specie, vere & integre per fidem sumatur, & participetur. Sic enim inquit Hieronymus: Singuli autem totum accipiunt Christum Dominum, & in singulis portionibus totus est, neque per singulas minuitur, sed integrum se in singulis præbet. Et Hylar.: Ubi pars est corporis, est & totum: eadem ratio est in corpore Domini, quæ in Manna, quod in ejus figura præcessit: de quo dicitur, qui plus collegerat, non habuit amplius, neque qui minus paraverat, habuit minus. Non enim quantitas visibilis in hoc æstimanda mysterio, sed virtus Sacramenti Spiritualis. Quæ omnia ideo recitamus, ut ex iis, aliisque Sanctorum testimoniis, Parochi & Ministri verbi, materiam sumant, qua, abjectis scrupulosis & contentiosis opinionibus, aliter persuasos, in viam veritatis, eo scilicet revocent, & ad debitam Ecclesie

^(b) Expolitio & meditatio verborum: Sursum corda, habemus ad Dominum. Gratias agamus Domino Deo nostro. Dignum & justum est. Pax Domini vobiscum, & spiritui tuo: Peti poterit ex sermone Cyprian. de Oratione Dominica, & ex Chrysost. Hom. 33. in 10. cap. Matt. Item ex Home. de Ence. & 18. Home. in 8. cap. secundæ Corinthi. Et ex August. super illud Evangel. Confiteor tibi Pater Domine cæli, & ex libro: de sancta viduitate. Aug. advers. legem & Prophetas, lib. 1. cap. 18. & contra Faust. cap. 18. lib. 20. Item de fide ad Petrum Diacon. cap. 19. c. Quævisque si non sunt, & can. Etsi. dist. 2. de Conf.

^(c) Ambr. lib. 4. cap. 6. de Sacrament.

^(d) 30. Sess. Conc. Basil. Refer. dist. 2. de Consec. c. Sing. & c. Ubi pars.

sive Catholicæ obedientiam præstandam admoneant & exhortentur.

Admonendus insuper est populus, (e) ut juxta Decretum Concilii Aurelianensis, cum ad celebrationem Missarum convenitur, ne ante ejusdem Sacri peractionem & completionem [id quod & supra dictum est] discedat. Inconveniens enim est Christianis, sacro non penitus absoluto, aut Evangelio vix prædicto, ac concione verbi Divini nondum finita, e templo absque omni pietatis fruge, abire & discedere.

Docendus item est, ut non solum interne, pie & reverenter, de tanti sacrificii mysterio sentiat & loquatur, sed etiam ut externo corporis gestu hoc veneretur & amplectatur: ita, ut animos attentos ad hæc, quæ ibi ob memoriam passionis Dominicæ (f) & redemptionis nostræ aguntur, habere videatur populus. Et cum tota Missa nihil aliud, quam perpetuam Psalmodiam & preces, hinc inde ex sacra Scriptura desumptas, ad hæc, religiosam mortis Dominicæ commemorationem in se contineat: digna profecto est, quæ a Christianis non contemnatur & execratur, sed pie colatur, ametur, & frequenter. Quis enim implorando & invocando misericordiam Dei, ad devotionem precandique studium non excitetur? quis ad nomen Salvatoris Jesu Christi genu non flectat? quis ad benedictionem sanctæ & individue Trinitatis, in cujus tutelam, custodiam & protectionem recipimur, caput non aperiat? quis ad Evangelii proclamationem non exurgat? quis, quæso, decantandis Psalmodiis & Angelicis hymnis, Gloria in excelsis; Symbolo Apostolico, Sanctus, aliisque Canticis, quibus in peragendo tanto Sacro Ecclesia utitur, non toto corporis motu se ita componat, ut creatori suo & laudes & gratias, una cum tota Ecclesia agat & referat? quis com-

munibus precibus, quæ plurimum efficaces sunt, suas non adjungat? quorum corda non feriant tot tamque salutares, ac vere Evangelicæ, & de ore Christi prolatae salutationes & preces: Dominus vobiscum: Pax Domini sit semper vobiscum: Custodiat vos Imp. Maj. una Deitas, & cum ad Canonem eventum fuerit (quem non nuper natum, & in Ecclesiam introductum esse, vel ex solo Ambrosio (g) & Augustino colligimus, qui pene eadem Canonis verba recitant & interpretantur. Sic enim inquit Augustinus: Hanc igitur oblationem benedictam, per quam omnes in cælo adscribimur: ratam, per quam in visceribus esse Christi censemur: rationabilem, per quam a bestiali sensu exuamur: acceptabilem, ut qui nobis ipsis displicemus, per hanc acceptabiles ejus unico filio simus, &c.) quis non demisso capite, humique prostrato corpore gratias agat Christo Salvatori nostro: qui factus est victima pro peccatis nostris, offerens se in altari Crucis, Deo Patri, ad humani generis salutem, quæ jam in Adam amissa erat, promerendam & recuperandam? quis tanti, tamque magni beneficii non recordetur? quisejus obliviscatur sacrificii: in quo Christi passio recolitur, ac Corpus & Sanguis Domini sumitur & bibitur? & ut Hieronymus inquit, (h) ubi Dominus Jesus ipse conviva & convivium, Sacerdos & sacrificium est.

*De Sacerdotibus, qui polluta mente
ad Altare Domini accedunt.*

CAPUT XI.

ET quamquam in hujus mysterii celebratione, aliorumve Sacramentorum administratione, non personarum merita, sed Sacerdotum officia, Sacramentorumque virtus consideranda sit (nam in Baptismo, inquit Ambrosius, (i) Petrus non mun-

(e) Propter quæstiones non ita necessarias, unitas Ecclesiæ, Christianæque charitatis vincula non scindenda, neque etiam hæc temere in medium proferendæ sunt. Sicut graviter, pie, & prudenter monet Constant. Imper. Vide Niceph. lib. 8. cap. 13. & Gregor. Naz. lib. 1. de The. Dist. 1. de Conf. c. Cum ad.

(f) Dom. nona post Trinit. precatur Ecclesia: Concede nobis quæsumus Domine, hæc digne frequentare mysteria: quia quoties hujus Hostiæ commemoratio celebratur, opus nostræ redemptionis exercetur.

(g) Ambr. lib. 4. cap. 5. de Sacram. Refert. dist. 2. de Conf. c. Utum figura.

(h) Hieron. ad Eudibiam, & recitatur dist. 2. de Conf. idem in lib. de mem. Dom.

(i) Ambros. in Prologo lib. 1. de Spiritu Sancto.

mundat, non mundat Gregorius, non nostra servitia, sed tua O Domine sunt Sacramenta. Neque enim humani operis est Divina conferre, tuum Domine munus est, & Patris, qui locutus est per Prophetas, dicens: Effundam de Spiritu meo super omnem carnem. Et Chrysostomus (k) alibi, contingit laicos bene vivere, Sacerdotes vero impie. Neque aut debuisset Baptisma esse, aut Corpus Christi, aut oblatio, quæ per eos administrarentur, si ubique gratia meritum exquireret, nunc autem per indignos Deus consuevit operari, & nihil propter Sacerdotis vitam, Baptismi gratia lædatur. Item Augustinus: (l) Non ideo veriora & sanctiora sunt Sacramenta, quæ per meliorem administrantur: Illa namque per se ipsa vera & sancta sunt, propter Deum verum & sanctum, cuius sunt) tamen decernimus, ut Sacerdotes debita & summa veneratione, dignaque & convenienti preparatione, ad tanti sacrificii mysterium pertractandum accedant: ne ob eorum scandala, vitæque & morum improbitatem, inhonestatem & turpitudinem, a tanto mysterio, & salutari cæremonia populus avocetur & absterreatur. Neque enim inficiari quis potest indignam tanti sacrificii tractationem, crebramque cœnæ Dominicæ prophanationem, tantorum malorum, tamque diuturnæ calamitatis in Ecclesia, non minimam causam esse. Quare in detestationem criminum, Sacerdotes ebrietate & crapula refertos, ac impuritate & vitæ turpitudine contaminatos, & infectos, aliisque manifestis & notoriis criminibus obnoxios, a tanto mysterio pertractando, omnino arcemus: volentes, ut ejusmodi, secundum delictorum gravitatem, juxta Canonum (m) dispositionem, severissime puniantur & plectantur. Ut autem instructiores sint, ad tanti sacrificii mysterium exequendum: & ne illotis quodammodo manibus ad Altare Domini accedatur (cum alias lex Divina a Sacerdotibus requirat, ut sanctifi-

centur priusquam accedant ad Donum. Detur, ne forte derelinquat illos: Item ut non adducant in se delictum, & ne accedant offerre dona Deo, in quibus fuerit macula) volumus, ut confessione præcedente, consueta hymnis, psalmis & precationibus, de quibus in libro precationum, quem Breviarium vocant, forma præscribitur, aliisque Sanctorum Patrum meditationibus & orationibus, cujusmodi Ambrosii, sequensque hic Augustini & Basilii Magni est, utantur: quo Sacerdotes ad majorem devotionem, reverentiam & pietatem tanti Sacrificii provocentur & excitentur. Sequitur Augustini.

Augustini Oratio desumpta ex Manuali de Reparatione, vel de Preparatione nostræ Redemptionis. Cap. XI.

PUllerrime Domine Jesu Christe, rogo te per illam sacratissimam effusionem preciosi sanguinis tui, quo redempti sumus, da mihi cordis contritionem & lachrimarum fontem: præcipue dum preces & orationes tibi offero: dum tuæ laudis tibi Psalmodiam decanto: dum mysterium nostræ redemptionis, manifestum misericordiæ tuæ indicium, recolo vel profero: dum sacris altaribus, licet indignus, assisto: cupiens tibi offerre illud mirabile & celeste sacrificium, omni reverentia & devotione dignum, quod tu Domine Deus meus, Sacerdos immaculate, instituisti, & offerre præcepisti, in commemorationem tuæ charitatis, mortis scilicet & passionis pro salute nostra, pro quotidiana fragilitatis nostræ reparatione: Confirmetur mens mea, inter tanta mysteria, dulcedine præsentis tuæ, sentiat te sibi adesse, & latetur coram te. Ignis, qui semper lucet: amor, qui semper ardes: dulcis Christe, bone Jesu, lumen æternum & indeficiens, panis vitæ, qui nos

(k) Chrysost. hom. 9. super 1. ad Corinth. c. 2.

(l) August. contra Cresc. Gram. lib. 4. cap. 20. & legatur integer Canon, qui habetur 32. Dist.

(m) Can. Ut Clericorum mores, a crapula & ebrietate. De vit. & honest. Cler. Bern. in serm. 14. super can. Quid tibi cum sceminis, qui ad Altare cum Dom. familiaris. Qualiter eisdem labiis oscularis in Altari Filium Virginis, quibus oscularis in lupanari filium meretricis? & D. Hieronym. Væ tibi Sacerdos, qui eodem ore oscularis filium Veneris, quo paulo ante sumpstisti filium Virginis.

nos reficis, & in te non deficiis: quotidie comederis, & semper integer manes, resplende mihi, accende me, illumina & sanctifica vas tuum: de malitia evacua, imple de gratia, & plenum conserva, ut ad salutem animæ meæ manducem cibum carnis tuæ, quatenus manducando te, vivam de te, vivam per te, perveniam ad te, & repaulem in te.

Oratio devota ex Missa & Liturgia Basilii Magni, Episcopi.

OMnipotens æternæ DEUS, te suppliciter exoramus, ut nos omnes, de uno pane & calice participantes, coadunati invicem in unius Spiritus Sancti communionē, & nullum nostrum ad iudicium aut condemnationem facias accipere sanctum corpus & sanguinem Christi tui, sed ut inveniamus misericordiam & gratiam cum omnibus Sanctis, qui a sæculo tibi placuerunt, etiam Patrum, Patriarcharum, Prophetarum, Apostolorum, Evangelistarum, Martyrum, Confessorum, Doctorum, & omnis Spiritus iustorum, finem in fide habentium, præcipue sanctæ & intemeratæ benedictæ Dominatricis & semper Virginis Mariæ, Sancti Joannis Præcursoris & Baptistæ, Sancti N. cujus memoriam facimus, & omnium Sanctorum tuorum, quorum postulationibus visita nos Deus, & memento omnium dormientium in spe resurrectionis vitæ æternæ, & refrigera eos, ubi visitur lux vultus tui. Adhuc te obsecramus, memento sanctæ Catholicæ & Apostolicæ Ecclesiæ, quæ est a finibus, usque ad fines orbis terrarum: & pacifica eam, quam fecisti honorifico sanguine Christi tui: & sanctam domum istam confirma, usque ad consummationem sæculi. Memento Domine eorum, qui munera ista tibi obtulerunt, & per quos, & pro quibus ea obtulerunt. Memento, Domine, frugiferorum & bene operantium in sanctis Ecclesiis, & memorantium pauperum: retribue illis, divitibus & celestibus donis tuis: da illis pro terrenis, cœlestia: pro temporalibus, æterna: pro corruptibilibus, incorruptibilia. Memento, Domine, eorum, qui sunt in desertis, & montibus, & speluncis & cavernis terræ. Memento, Domine, eorum, qui sunt in virginitate, & viduitate, & reverentia,

& monachali habitu, & venerabili civilitate degentes. Memento, Domine, piissimi & fidelissimi nostri Imperatoris, quem decrevisti regnare super terram: da ei arma veritatis, arma bonæ voluntatis: corona eum, obumbra super caput ejus in die belli, confortâ brachium ejus, exalta dexteram ejus: corrobora imperium ejus: subditas fac illi omnes Barbaras nationes, quæ bella volunt: tribue illi profundam & inablatam pacem: loquere in cor ejus bona pro Ecclesia tua, & omni populo tuo, ut in tranquillitate ejus, tranquillam & pacificam vitam peragamus, in omni pietate & venerabilitate. Memento, Domine, omnis Principatus & potestatis, & qui sunt in Palatio fratrum nostrorum, & omnis exercitus: bonos in bonitate conserva: malos bonos fac in benignitate tua. Memento, Domine, circumstantis populi tui, & pro certa causâ remanentium, & miserere eis & nobis, secundum multitudinem misericordiæ tuæ: Promptuaria eorum adimple omni bono: conjuges eorum in pace & concordia conserva: parvulos enutri: juventutem bajula, senectutem contine: pusillanimes consolare: dispersos congrega: errantes revoca, & coaduna sanctæ tuæ Catholicæ & Apostolicæ Ecclesiæ. Energumēnos a spiritibus immundis libera: havigantibus connaviga: iter agentibus coitera, viduis patrocinare: orphanos protege: captivos libera: infirmos sana: qui in ergastulis & in metallis, atque exiliis, seu amara servitute, vel in quacunque tribulatione & angustia, sive anxietate sunt, releva. Memento, Domine, & omnium petentium magnam misericordiam tuam, & omnium amantium nos, & odientium, & postulantium, nos indignos orare pro illis: & omnis populi tui. Memento, Domine Deus noster, omnium: & super omnes effunde divitem misericordiam tuam, omnibus tribuens, quæ ad salutem sunt, postulationes. Et quorum nos memoriam non fecimus, aut per ignorantiam, aut per oblivionem, vel propter multitudinem nominum, ipse memento Deus, qui scis uniuscujusque ætatem & appellationem, qui scis unumquemque de ventre matris suæ. Tu es enim, Domine, auxilium inauxiliatorum, spes desperatorum,

torum, laborantium salus, navigantium portus, languentium medicus. Ipse omnibus omnia sis, qui scis unumquemque & postulationem ejus, domum & necessitatem ejus. Et erue, Domine, civitatem hanc, & omnem civitatem & regionem, a fame, pestilentia, terræ motu, dimerfione, igne, gladio, incurfu alienigenarum, & civili bello. Inprimis memento Domine, Archi Episcopi N. quem, da sanctis tuis Ecclesiis ad pacem, integrum, honorificum, sanum, longævum, recte tractantem verbum veritatis tuæ. Memento, Domine, omnium Episcoporum orthodoxorum, recte tractantium verbum veritatis tuæ. Memento, Domine, secundum multitudinem miserationum tuarum & meæ indignitatis: indulge mihi omne delictum voluntarium, etiam non voluntarium: & non pro peccatis meis prohibeas gratiam Sancti tui Spiritus, a propositis muneribus. Memento, Domine, honorifici Presbyteratus, qui est in Christi ministerio, & omnis Sacerdotalis ordinis: & neminem confundas circumstantium sancto altari tuo, visita nos in bonitate tua, Domine appare nobis in divitiis miserationibus tuis. Bene temperatas & utiles nobis auras tribue: pluviam pacificam ad fructificationem terræ largire, benedic coronam anni benignitatis tuæ: comprime schismata Ecclesiarum: extingue incursiones gentium: hæresum insurrectiones cito destrue, virtute Sancti tui Spiritus: omnes nos suscipe in regno tuo, filios lucis, & filios dei, ostendens tuam pacem, & tuam charitatem. Da nobis, Domine Deus noster (omnia enim dedisti nobis) da nobis uno ore & uno corde glorificare & laudare honorificentissimum & magnificentissimum Nomen tuum, Patris, & Filii, & Spiritus Sancti, nunc & temper, & in sæcula sæculorum, Amen.

*Sacrum non esse peragendum, si
plane nemo Actioni Missæ interfuit.*

CAPUT XII.

ET cum tota peragenda publici Sacri actio præsentiam hominum, qui

Missæ interfint, requirat & exigar: in conveniens sane & ineptum est, neminem præsentem, imo sæpe ministro absente, hoc peragere: quasi Divinæ precatationes, obtestationes, compellationes, ac benedictiones, Divorum Statuis & imaginibus, aut parietibus templi, pronunciari ac fieri debeant. Præcipimus igitur, juxta dispositionem Canon: (n) hoc quoque ut semper Presbytero vel Sacerdoti, Missarum solennia celebranti, duo, vel ad minus unus idoneus, seu testes, adsint, qui suo Ecclesiæque nomine, Sacrificanti decenter & apte respondeant: id quod intelligi volumus, de Missis ac Sacris privatis: de Sacro vero publico, observetur ordinatio & constitutio Canon: jubemus, eadem Dist. de Consecrat: Danda autem a Collegiis vel Parochiis inprimis est opera, ut non quosvis, omnis plane rei Ecclesiasticæ imperitos, ad hoc muneris suscipiant: sed tales, qui idonei sint, quique norint Sacerdotum precatationibus, commode & convenienter respondere: & si necessitas quoque requirat, (o) una psallere, Epistolam vel lectionem Evangelii prælegere: Item juventuti in eisdem locis præesse, & exhortari populum, ut filios suos ad Ecclesiam mittant, ad fidem pietatemque Christianam. (Cujus sane constitutionis umbram, videmus in nonnullis Collegiis, & Parochiis ruralibus, ut vocant) discendam & percipiendam. Quæ enim absurditas, quæso, circumstanti turbæ præsentiam Domini, æternamque pacem & benedictionem precari? Ad hæc, admonere fratres & sorores, ut una cum Sacerdote Deum interpellent ac precentur: corda ad Deum elevent, cum nemo adsit, qui vel ore, vel mente respondeat, eaque approbet, ac sua vota, Sacerdotis precibus & postulatis, (p) quæ circumstantium, totiusque Ecclesiæ nomine a Sacerdote peraguntur, adjungat. Id quod tamen sic intelligi volumus, ne ob id, ipsius Sacrificii peractio penitus intermitatur: cum Ecclesia, non tam personarum, vel circumstantium nomen, quam Sacramenti unitatem potissimum attendat & consideret: cumque etiam, utcumque corpore absente, tamen

(n) C. Hoc quoque, de Conf. dist. 1.

(o) C. Ut quisque, De vit. & honest. Cleric.

(p) Petrus Damianus in lib. suo, qui inscribitur: Dominus vobiscum. cap. 13.

mente, votis, desiderio, & spiritu, Sacro interesse possimus, &c. Sed ut decen- ter, & rite, convenientique ordine & modo, in hoc mysterio conficiendo, omnia tractentur & peragantur.

De Pœnitentia & Confes- sione.

CAPUT XIII.

Cum Confessio res utilis, salutaris & necessaria sit: volumus & ordinamus, ut ea non solum in Ecclesiis sollicitè custodiatur & retineatur, sed etiam ut ejus Sacramenti virtus populo frequen- ter, ac summo adhibito studio fideliter exponatur & tradatur. Nam etsi in Bap- tismo plene recipiamus, omnium pec- catorum nostrorum, remissionem & condonationem: tamen cum in hac im- becillitate & fragilitate humanæ carnis, subinde relabamur & peccemus (quæ quidem pœnitentiam agentibus, per mag- nam Dei misericordiam & clementiam, qui non vult perire quenkum, sed omnes homines salvos fieri, ut con- vertantur & vivant, denuo remittun- tur & condonantur) sit, ut necessarium omnino in Ecclesia pœnitentiæ Sacramen- tum sit, quod (ut eleganter Hierony- mus ^(q)) inquit, quasi secunda post nau- fragium miseris tabula est. Nam cum delinquimus, cum peccamus, cum in- dignationem Dei incurrimus, & vicissim delicti perpetrati & commissi vere pœni- ter, misericordiamque Dei cum plena cordis fiducia imploramus, tum gratiam remissionemque delictorum denuo con- sequimur. Crebro igitur ad pœnitenti- am agendam, adhortandus est populus & informandus, hanc non in nuda pro- fessione ac simulatione, sed in vera cor- dium contritione, & sincera delictorum confessione ac satisfactione consistere: Id- que tandem vere pœnitere esse, priorem abjicere, & novam Christo complacen- tem assumere & inchoare vitam: ac secun- dum ipsius Salvatoris nostri doctrinam, amplius nolle peccare. Et ut Ambrosi- us ait: ^(r) non solum diluere lachrymis peccatum suum, sed & emendationibus

factis operire & tegere delicta superiora, ut non imputetur peccatum. Cum au- tem a confessione & enumeratione pec- catorum, quæ Sacerdotibus & Ministris Ecclesiæ sit, homines, hoc præsertim tempore, maximopere abhorreant: danda erit opera, ut eam rursus (id quod sacræ Scripturæ & Ecclesiæ autoritate, sanctorumque Patrum testimoniis com- mode fiet) tanquam rem salutarem, uti- lem, & ad salutem animarum promo- vendam necessariam, amplectantur. Nam, cum juxta Christi institutionem, Spi- ritum Sanctum ad remittenda & retinenda peccata acceperunt Sacerdotes, Eccle- siæque ministri (Accipite, inquit, Spi- ritum Sanctum, quorum remiseritis peccata, remittuntur eis: & quorum retinueritis, retenta erunt. Item quæ- cunque ligaveritis in terra, erunt ligata & in cælo: & quæcunque solveritis in terra, soluta erunt & in cælo) tum non absurdum & inconueniens est, peccata remittere posse (ut ait Cyrillus ^(s)) qui Spiritum Sanctum in se ipsis habent. Nam cum ipsi remittunt aut detinent, Spiritus, qui habitat in eis, per eos remit- tit aut detinet: Et Ambros. ^(t) Munus Spiritus Sancti, est officium Sacerdotis: Jus autem Spiritus Sancti in solvendis ligandisque criminibus est. Cum igitur Christus potestatem & facultatem li- gandi & solvendi, remittendi & retinen- di peccata, in Vicaros suos transfulerit: necessario sequetur, peccata enumeran- da esse; quo cognosceant, quæ peccata retinenda vel remittenda, quæ adhibenda remedia, quæ cura agenda, quod con- siliu præstandum, quæ poena impo- nenda, quæ multa indicenda, quæve satisfactio injungenda sit. Ignorans enim, neque absolvere, neque ligare poterit: & ipse sibi denegat curam, qui suam me- dico non publicat causam: ait Augustin. Epist. 188. Quare Clemens S. Petri dis- cipulus nos ad enumerationem peccato- rum admonet & adhortatur, inquit ^(u): Quod si forte alicujus cor, vel li- vor, vel infidelitas, vel aliquod malum latenter irreperit, non erubescat, qui animæ suæ curam gerit, confiteri hæc

et,

^(q) Hieron. ad Demetriadem.

^(r) Cyrill. lib. 12. in Joannem, cap. 56.

^(u) Clement. in Epist. 1. ad Jacobum fratrem Domini.

^(s) Ambr. lib. 2. de Pœnitent. cap. 5.

^(t) Ambr. lib. 1. de Pœnitent. cap. 2.

ei, qui præest, ut ab ipso per verbum Dei & consilium salubre curetur: quo possit fide integra, & operibus bonis poenas æterni ignis effugere, & ad perpetuæ vitæ præmia pervenire. Et Basil. Magnus (x) Necessarium, inquit, videri iis, quibus dispensatio mysteriorum Dei commissa est, confitenda peccata esse. Et Ambros. (y) alibi: Verecundam confessionem solvere criminum nex-
us, asserit. Et Augustin. expresse affirmat: (z) non soli Deo, sed & Sacerdoti confitendum esse. Hæc enim sunt ipsius verba: Nec dico ut soli Deo, sed & Sacerdoti, Vicario Dei, confitearis: aperi ei penetralium tuorum, abditissima latibula: conscientiarum verecundarum penitiora, revelare pagula: Item in alio loco: sunt qui sibi sufficere ad salutem autumant, si soli Deo, cui nihil occultum est, quem nullius latet conscientia, sua confiteantur crimina: Nolunt enim aut erubescunt, sive dedignantur se ostendere Sacerdotibus, quos tamen inter lepram & lepram discernere, per legis latorem constituit Dominus: Sed nolo, ut ipsa decipiaris opinione, quatenus confundaris confiteri coram Domini Vicario, tabescens præ rubore, vel cervicosus præ indignatione. Nam ipsius similiter subeundum est iudicium, quem Dominus sibi non dedignatur Vicarium. Ergo ad te venire roges Sacerdotem, & fac ipsum conscientiarum tuarum penitus participem, &c. Quæ ideo ex Patribus prolixius referimus, ut ex cordibus hominum per diligentem Parochorum informationem, tollatur & eximatur eorum error, qui more Novatianorum, facultatem solvendi & ligandi, contra expressum verbum Dei, Sacerdotibus adimunt, & soli Deo confitendum esse asserunt: nihil aliud agentes, quam ut mandata Dei rescindant, & secundum Ambrosii verba (a) commissum munus confundant, omnesque Ecclesiæ pias & utiles constitutiones, in dubium revocent, ac contentiosis disputationibus conturbent. Ut autem in sui agnitionem deducatur populus, & perspiciat quomodo vitam transfigat: quomodo se erga Deum gerat & exhibeat: quibus studiis,

quibusque actionibus deditus sit, proderit diligenter commonescere & admonere, ut ad Decalogi præcepta: ad peccata (ut vocant) mortalia seu capitalia, vel in cælum clamantia: ad quinque sensus hominis: ad opera misericordiæ: aliæque universam vitam suam, referat, singulaque ex ordine diligenter exploret & examinet: in quibus homo immunem & liberum, in quibus vero reum se agnoscat. Neque enim a Theologis temere hæc constituta, sed in eum finem ordinata & disposita sunt, ut in sui agnitionem, tanquam per gradus penitus deveniant homines: & cognita & perspecta delictorum & transgressionum mole, majori ardore & affectu, ad penitentiae studia & exercitia, atque prioris vitæ emendationem, excitentur, provocentur, ac convertantur: hæc enim occasione privatæ vitæ explorandæ & inquirendæ, oblata, facilius singula in memoriam revocabunt, quam si hæc ablata, generali agnitione vel confessione, simpliciter agnoscendo se esse peccatores, contenti sint homines. Obedientiæ Sacrificium non mediocre est (ut-
cunque Deus (b) humani cordis inspector & persecutor sit) semetipsum accusare, & coram eo, ejus denique ministro agnoscere imbecillitatem suam, agnoscere crebros continuosque humanæ fragilitatis & carnis lapsus: confiteri se denuo deliquisse contra mandata Dei, excidisse ab ejusdem gratia, idque tali delicti genere, se in observatione hujus vel alterius præcepti inprimis esse negligentem: torpere ad omnia pietatis, charitatisque Christianæ studia, juxta exemplum Achæ, quem Josua fideliter & diligenter admonebat, & exhortabatur ad confitendum id, quod contra mandatum & præceptum Dei, commiserat, utcumque Deo cognitum esset perpetratum Achæ delictum, inquit: Fili mi, (c) da gloriam Domino Deo Israel, & confitere atque indica mihi, quid feceris: ne abscondas. Responditque Achæ Josuæ, & dixit ei: vere ego peccavi Domino Deo Israel: & sic, & sic feci. Perplexam autem curiositatem, & conscientia-

(x) Basil. in reg. Monach. c. 21.

(z) August. de salutaribus documentis, & de visit. infirm. lib. 1. cap. 2. & lib. 2. cap. 4.

(b) Hierem. 17. cap.

(y) Ambr. de Penit. lib. 2. cap. 6.

(a) Ambr. de Penit. lib. 1. cap. 2. &

(c) Josuæ 7.

entiarum carnificinam, hac constitutione non exigimus: sed in tanta securitate hominum, a quibus timor Dei sublatus (qui Tertulliano teste, *(d)*) Instrumentum poenitentiae est: & ut eleganter inquit Basilius Magnus, *(e)* ad pietatem Pædagogus, & Isagogicus) pietasque Christiana elanguit: præsentem confessionis formulam requirimus: ut in transgressionis sui agnitionem, homines eo facilius & commodius perveniant: cum compendiosa ad veniam via sit, peccatorum suorum scditatem & magnitudinem diligenter intueri ac inspicere. Absoluta igitur confessione, satisfactio opus est: quæ consistit in emendatione vitæ, in mortificatione carnis, in larga & liberali elemosyna, in abstinentia, in jejuniis, in oratione, in vigiliis. Non enim sufficit: ait Augustinus *(f)*, mores in melius commutare, & a factis malis recedere: nisi etiam de his, quæ facta sunt, satisfiat per poenitentiae dolorem, per humilitatis gemitum, per contriti cordis sacrificium, cooperantibus elemosynis. Et in alio loco: *(g)* in melius est vita mutanda, & per elemosynas de peccatis præteritis, est propitiandus Deus: non ad hoc emendus quodammodo, ut ea semper liceat impune committere: nemini *(h)* enim dedit laxamentum peccandi: quamvis miserando debeat jam facta peccata, si non satisfactio congrua negligatur. Siquidem id est curam gerere pro delicto, semper niti, semper intendere, semper studiose & sedulo agere, ut sanes peccatum. Quæ satisfactio non ita intelligenda est, ut culpam & æternam poenam diluat & aboleat (id enim non hominum operibus, sed unico Christi merito tribuitur & conceditur) sed ut novo inchoato vitæ genere, veram cordis poenitentiam, declaremus, ac reliquias peccati, aliis bonis & piis operationibus, quæ ex merito passionis Christi virtutem, & promerendi efficaciam assumunt, exinguamus. Quæ quidem, si ex fide proficiuntur, ad salutem recipiendam & consequendam, utiles & necessariae sunt: non qui-

dem ratione operantis, sed misereantis & promittentis Dei. Nam æternam salutem tribuendo, Deus non nostra merita, sed sua coronat dona. Et gravissime Augustinus *[i]*: Tantam esse erga hominem, Dei bonitatem ait, ut nostra velit esse merita, quæ sunt ipsius dona: & pro his, quæ largitus est, æterna præmia sit donaturus: præsertim, cum nihil boni operari queamus, nisi ope & patrocinio Christi. In omni enim opere bono, ut idem inquit, non nos incipimus, & postea per misericordiam Dei, adjuvamus, sed ipse nullis præcedentibus bonis meritis, & fidem & amorem sui, nobis inspirat. Quare de iis omnibus, probe & diligenter populus instituendus & informandus est. Observandum insuper, ut in imponenda satisfactioe Ministri sint prudentes: ne minus necessaria, & ad emendationem vitæ parum utilia, & quod aliqui juxta Augustini sententiam, *[k]* vel impossibilitas abdicat, aut tempus evanescens adimplere prohibet, vel aliqui citra valetudinis incommodum, & rei domesticæ jacturam & detrimentum exequi difficulter possit, contentibus loco satisfactiois imponatur. Et cum *[l]* non omnium sit, secretas audire populi confessiones: statuimus, ut id muneris & officii, peritis, doctis, & prudentibus Presbyteris & Sacerdotibus, quique maturæ ætatis, honestæ vitæ, ac bonæ conversationis, & tenaces secreti sint, committatur: quique perturbatis, perplexis & laucis conscientis, consulendo & medendo, opem & auxilium adferre & subministrare possint, & qui sciant, ut ait Origenes, *(m)* infirmari cum infirmante, flere cum flente, ac qui & condolendi & compatiendi disciplinam habeant. Grave enim est detecto morbo, nudato ulcere, & aperto vulnere, nullam, nisi absolutione facta & pronunciata, turbatis, vacillantibus, & mœrore consternatis conscientis, opem, auxilium vel consolationem præstare posse: Volentes nihilominus ex sacra Scriptura, bene informatis conscientis, & juxta Decretum

M m m 3

Con.

(d) Tertullianus de Poenit.*(f)* August. in præallegato loco cap. 5.*(g)* Augustin. in Enchir. 10.*(i)* August. Tract. 3. in Joan.: idem de Eccles. dog. cap. 32. Cyrill. in Evang. Johan. lib. 9. cap. 30.*(h)* In hist. Eccl. lib. 9. cap. 35.*(e)* Basilius super Psal. 31.*(b)* Augustin. in Psal. 17.*(k)* August. de visitat. Infirm. lib. 2. cap. ult.*(m)* Orig. in Psal. 38. Hom. 2.

Concilii Remensis, (n) exploratis personis, num ex ordine Decalogum, Symbolum Apostolicum, & Orationem Dominicam recensere sciant, ut absolutionem non intricate, multisque circumductionibus perplexam, sed clare & perspicue, secundum communem Ecclesiæ formam, proferant ac pronuncient: ac confitentem, imposita pœnitentia, in pace dimittant. Cæterum quantum ad casus Episcopali authoritati reservados attinet: præcipimus, ut ii ex causis ad hoc nos moventibus, citra specialem nostram commissionem, præterquam in mortis articulo, a nullo remittantur, sed Episcopali potestati reserventur: pollicentes nihilominus, in ea parte erga subditos, prout pium Patrem, & fidelem Pastorem decet, nos gesturos.

*De antiquis Ecclesiæ Ritibus,
Consuetudinibus, Traditionibus, &
Ceremoniis.*

CAPUT XIV.

Sinister intellectus & ignorantia, Traditionis Apostolicæ, Constitutionum Ecclesiasticarum, Consuetudinum, Rituum & Ceremoniarum in Ecclesia, sæpe magnas contentiones excitavit, & non mediocrem contemptum apud imperitos peperit. Quare id, quod supra de Sacramentorum usu explicando diximus, idem & hic repetendum censuimus. Neque enim Ecclesiastici ritus & ceremoniæ, tanquam res meræ prophanæ & impiæ a populo contemnerentur, si de earum usu, & cur ab Ecclesia observarentur, & introductæ sint, constaret. Nunc autem cum major pars hominum non intelligat, quid significant, quid repræsentent, & cur ejusmodi constitutionibus, consuetudinibus, & ritibus Ecclesia utatur: quis eorum finis, & quæ authoritas earum sit, & in quantum valere debeant & possint: fit, ut non solum sine ratione & judicio contemnuntur, sed etiam propter adversariorum parum æquas interpretationes, tanquam impli cultus improbentur, & abominentur. Danda igitur est opera, ut per

anni circulum, congruo, & commodo tempore, eorum usus, ratio, & significatio (in quantum tamen expedit, & necessarium videbitur) quoque fideliter exponatur: ut intelligat & cognoscat populus, quare Ecclesiasticæ traditiones & constitutiones observandæ sint: quid, & in quantum consuetudini tribuendum: qui ritus in Ecclesiis retinendi, qui vero abolendi, & rejiciendi sint. Et cum Augustinus post Tertullianum & Basilium Magnum, hinc inde in suis voluminibus, pie, prudenter, & erudite, hanc rem discusserit & tractaverit, visum est pro utilitate Ecclesiæ, nostræ Diocesis (in qua propter intempestivas, absurdas & contentiosas adversariorum disputationes, omnis ferme traditionum, consuetudinum, & rituum authoritas interiit) pauca quædam subjicere.

Sciendum igitur est, Consuetudinis (o) non esse vulgarem, nec mediocrem in Ecclesiis & Ecclesiasticis constitutionibus, ac ritibus conservandis, auctoritatem: quare non temere tollenda, immutanda, aut infringenda est: sed tanquam vim legis, & auctoritatem habens, pie colenda & observanda. Sic enim inquit Augustin. (p) In his rebus, de quibus Divina Scriptura nihil certi statuit, mos populi Dei, & instituta majorum, pro lege tenenda sunt, & sicut prævaricatores Divinarum Legum, ita & contemptores Ecclesiasticarum consuetudinum, coercendi sunt. Quæ tamen doctrina (secundum eundem Augustin.) semper intelligenda est, dummodo contra fidem Catholicam nihil statuat, aut usurpare dignoscatur. Ratio enim & veritas, consuetudinem semper excludit, & præponenda est. Nam utcumque consuetudo vetusta sit, utcumque vulgata, tamen veritati omnino cedere debet, & usus veritati contrarius abolendus est. Quare Tertull. (q) & veterem consuetudinem Hæresim vocat, si adversus veritatem sapiat. Augustin. (r) igitur hoc genus, quibus Catholica Ecclesia per orbem terrarum diffusa, utitur, in quatuor formas redigit: Aut enim, inquit, ex ipsa authoritate sacræ Scripturæ: aut ex traditio-

(n) Ex Concil. Remensi cap. 8.

(p) August. ad Casulanum Epist. 86. & refertur dist. 11. cap. In his rebus. c. Consuetud. dist. 11. c. Veritate, & c. Si consuetud. dist. 8.

(q) Tertull. de veland. Virg.

(o) C. Consuetudinis, dist. 11.

(r) August. ad Januar. Epist. 118.

ditione Apostolica & universali consuetudine: aut ab informatione propria, & particulari instructione regionum, locorum, & ecclesiarum: aut ex longa & depravata consuetudine ac usu proficiscitur: De primo autem genere, cum propria auctoritate nitatur, nihil dicendum est: sed de secundo sentiendum, non minorem Apostolicæ traditionis, quæ non scripto consistit, nec in scripturis comprehenditur, auctoritatem esse: Siquidem non omnia ab Apostolis in scripta redacta sunt: sed juxta Pauli sententiam, multa in Ecclesiis tradiderunt & constituerunt Apostoli, quæ deinceps de Ecclesia ad Ecclesiam, de Episcopo ad Episcopum, ordinaria successione, tanquam per manus devenerunt promulgata, ac longa & universali accedente consuetudine, confirmata & corroborata sunt. Quare Augustin. ad Janu. (s) illa autem, quæ non scripta, sed tradita custodimus, quæ quidem toto orbe terrarum observantur, dantur intelligi vel ab ipsis Apostolis, vel ex plenariis Conciliis (quorum est in Ecclesia saluberrima auctoritas) commendata atque statuta retineri: sicuti quod Domini Passio, & Resurrectio, & Ascensio ad cælum, Adventus Spiritus Sancti, anniversaria solennitate celebrantur, & si quid aliud tale occurrerit, quod servatur ab universa, quacunque se diffundit, Ecclesia. Et Basil. Magn. (t) graviter contendit, hoc genus Traditionum non minorem auctoritatem, sed cum priore parem vim & virtutem ad pietatem habere. Nam si consuetudines, inquit, & traditiones, tanquam non multum habentes momenti conemur rejicere, quod scripto proditæ non sunt: necesse erit multa damnare, multa rejicere, improbare multa, multa abolere, plura tollere, quæ in Evangelio necessaria ad salutem habentur & continentur, imo ipsam fidei prædicationem, totamque Religionis Christianæ formam, ad exiguas & tenues rerum angustias, & ad nudum nomen (his enim verbis utitur) redigere & contrahere. Nam quod signum crucis utimur: quod ad Orientem veritus precamur, nostrasque preces effundimus: quod consecramus aquam Baptismatis, & oleum unctionis: quod homines immergimus: quod in Baptis-

mate, Sathanæ renunciamus, & Angelis ejus: quod, cum ostenditur panis Eucharistiæ, & ad poculum benedictionis, invocationis verba proferimus, neque contenti quæ commemorat Apostolus & Evangelium, verum alia quoque antea & post dicimus, tanquam multum habentia momenti ad mysterium, quæ ex traditione citra scriptum accepimus, &c. nullo scripto tradita sunt, & nusquam in scripturis reperiuntur, neque earum traditionum, & consuetudinis in scripturis fit aliqua mentio: tamen nihilominus ex arcana, secreta & tacita traditione, pie observantur & retinentur, ac in Ecclesiis tanquam ad salutem promovendam, custodiuntur. Et cum eadem Tertullianus quoque tractet, libet & hujus antiquissimi scriptoris locum subijcere, qui habetur in libro de Corona Militis: ut clare perspicatur, quantus sit ea in re, Patrum, tam Græcorum, quam Latinorum consensus: Sunt autem hæc ejus verba: Ergo quaeramus, an & Traditio non scripta non debeat recipi? plane negabimus recipiendam, si nulla exempla præjudicent aliarum observationum, quas sine ullius scripturæ instrumento, solius Traditionis titulo; exinde Consuetudinis patrocinio vindicamus. Denique ut a Baptismate ingrediar, aquam adiuturi ibidem, sed & aliquando prius in Ecclesia, sub Antistitis manu contestamur nos renunciare diabolo, & pompæ, & Angelis ejus: dehinc ter mergitumur, amplius aliquid respondentes, quam Dominus in Evangelio determinavit. Inde suscepti lactis & mellis concordiam, prægustamus: exque ea die, lavacro quotidiano per totam hebdomadam abstinemus. Eucharistiæ Sacramentum, & in tempore victus & omnibus mandatum a Domino etiam ante lucanis cæribus, nec de aliorum manu, quam præfidentium sumimus. Oblationes pro defunctis, pro Natalitiis annua die facimus: Die Dominico jejunium. nephas ducimus, vel de geniculis adorare. Eadem immunitate a die Paschæ in Pentecosten usque gaudemus. Calicis aut panis etiam nostri aliquid decuti in terram anxie patimur. Ad omnem progressum atque promotum, ad omnem aditum & exitum, ad vestitum & calceatum, ad

lava-

(s) Epist. 118. c. 1. & 5.

(t) Basil. in lib. de Spiritu San. c. 27. & 29.

lavacra, ad mensas, ad lumina, ad cubilia, ad sedilia, quacunque nos conversatio exercet, frontem, Crucis signaculo terimus. Harum & aliarum ejusmodi disciplinarum, si legem expostules Scripturarum, nullam invenies: Traditio tibi prætenditur autrix, consuetudo confirmatrix, & fides observatrix. Rationem Traditioni, consuetudini, fidei parrocinatorum, aut ipse perspicies, aut ab aliquo, qui perspexerit, discies: interim nonnullam esse credes, cui debeatur obsequium. Quare de hoc genere, reverenter & pie sentiendum & docendum est, ut supra dictum, harum non esse minorem auctoritatem, ac si expressè in Scripturis sacris contineantur.

Tertium genus, cujus Augustinus in eadem Epistola ad Januarium ^(u) mentionem facit, est, videlicet specialis vel particularis instructio uniuscujusque Ecclesiæ, vel provinciæ, vel regionis, quæ per loca terrarum, regionesque diversissime variantur: sicuti est, quod aliqui jejunant Sabbato, alii vero non, alii quotidie communicant corpori & sanguini Dominico, alii certis diebus accipiunt: alibi nullus dies intermittitur, quo non offeratur, alibi Sabbato tantum, alibi tantum Dominico: his enim exemplis utitur Augustinus. Est igitur in hoc genere Traditionum, observanda Augustini doctrina, qui de his rebus prudentissime differens, inquit: Quod enim neque contra fidem, neque contra bonos mores injungitur, indifferenter est habendum, & pro eorum, inter quos vivitur, societate servandum. Quare id iudicio & prudenti Christianorum discretioni, committit, ut eo modo agant, quo agere vident Ecclesiam, ad quam forte deveniunt, si modo aliis nolunt esse scandalo, neque quenquam ipsis, quod sane & Augustinus ex consilio beati Ambrosii, matri suæ Monicæ consuluit, cui & ipse una cum matre, tantquam saluberrimæ doctrinæ & regulæ acquievit.

Restat adhuc quartum ^(x) genus Traditionum, quod neque sacræ Scripturæ testimonio, neque Conciliorum auctoritate, neque universalis Ecclesiæ

consuetudine corroboratur & approbatur, sed diversorum locorum, diversis moribus, innumerabiliter variatur: & in cujus observatione, non solum nulla utilitas subest, sed etiam nullæ causæ demonstrari & inveniri possunt, quas in eis constituendis, homines secuti sint: de quibus, secundum Augustini sententiam, ita sentiendum est, ut ubicunque facultas tribuitur, sine ulla dubitatione, rescantur & aboleantur: quod tamen non a vulgo & promiscua plebe, sed ab ordinaria potestate, & ea moderatione fieri debet, ut in earum abolitione, publicæ tranquillitatis, aliarumve circumstantiarum, ratio & prudens rerum circumspectio, & consideratio habeatur: Ne videlicet tollendo inveteratam, parumque utilem consuetudinem, graviora exinde (id quod nostris temporibus vidimus) & Ecclesiæ, & rerum publicarum, subsequantur incommoda & pericula. Nam quemadmodum Ecclesia Dei, in hoc corrupto mundi, & depravato hominum statu, multa tollerat & dissimulat, ut prudentissime ait D. Augustinus, & tamen ea, quæ contra fidem, vel bonam vitam sunt, non adprobat, nec tacet, nec facit: ita in abrogandis & tollendis depravatis consuetudinibus, moribus & ritibus, multa ferenda & toleranda sunt, ne lædatur tranquillitas & pax publica, donec mutandi & tollendi oportunitas & commoda occasio sese offerat. Verissimum enim est, quod idem inquit ^(y): Mutationem consuetudinis etiam quæ adjuvat utilitate, novitate perturbare.

Cæterum danda quoque est opera, ne multitudine Traditionum, & præsertim non necessariarum, populus nimis gravetur & oneretur: neve in observatione earundem plus curentur hæc, quæ propria auctoritate imponuntur, quam quæ in sacris Scripturis, ad utilitatem nostram præcipiuntur, id quod & Augustinus suis temporibus conquestus est. Quare in observatione vel remissione earum, singularis quædam prudentia, iudicium, & discretio, adhibenda est.

Et quanquam necessarium sit, præsertim hoc tempore, populo usum Traditionum, constitutionum, rituum, & cere-

^(u) Cap. 2.

^(y) In eadem Epist. cap. 5.

^(x) August. ad Januar. Epist. 119. cap. 19.

ceremoniarum explicare: tamen diligenter observandum est, ne id aliter fiat, nisi in quantum expedit, & informationis causa, ad pietatem excitandam & alendam conveniat. Neque præsentem constitutionem ita intelligi volumus, ut omnia & secretiora Ecclesiæ mysteria, & arcana revelari, & ex ordine exponi debeant (id enim nec utile, nec necessarium: & verissimum est, Apostolos & sanctos Patres, ut gravissime inquit Basilus (2): qui in primordiis Ecclesiæ certos ritus præscripserunt, in occulto, silentioque mysteriis suis servasse dignitatem, & noluisse ea omnia ad populares & vulgi aures efferri, & producere, ne dogmatum cognitio, propter assuetudinem vulgi veniret in contemptum: (a) scientes nimirum, res usu tritas, & undecunque parabiles, contemptui expositas esse: sepositis vero & semotis conjunctam esse summam admirationem, studium, & venerationem: his enim utitur verbis, de præsentis materia traditionum, acute, graviter, & prudentissime disputans: adfirmans Moyfi exemplo, hanc esse causam & rationem, cur quædam citra scriptum prodita sint) Sed volumus, ubi commodè fieri poterit, & præsertim in concionibus publicis, ut omnium earum rerum usus, compendiarie oratione, & secundum populi captum & utilitatem, in quantum necesse est, exponatur & explicetur, ut singuli intelligant, & cognoscant, quid in peractione uniuscujusque rei meditari & contemplari debeant. Certum enim est, nudam & simplicem earum ignorantiam, aut superstitionem aut contemptum parere.

De Horis Canonicis & Precibus

indies legendis & absolvendis, deque studio & meditatione sacrarum Scripturarum.

CAPUT XV.

Cum ratione (b) ordinis & professionis, Clerici, & præsertim, qui juxta Reformationis formulam majores Ordines receperunt, seu de beneficiis Ecclesiæ aluntur & sustentantur, ad quotidianas, continuas, & publicas preces & laudes, pro Ecclesia Deo peragendas, adstricti & obligati sint: & cum a sanctis Patribus, (c) hoc precationis studium, animique exercitium, in septem partes distributum & ordinatum sit: statuimus, ut hæc, septies laudandi Deum, periodus, quam diligentissime a nostris Presbyteris, quotidie & observetur & absolvatur: ita tamen, ut ad corporale & externum precandi exercitium, verum animi desiderium, totaque mentis & cordis intentio, accedat. Quippe cum vera postulatio & precatio non in oris tantum vocibus, sed in cogitationibus cordis consistat, & Deus non vocis, sed cordis auditor sit: & ut Augustinus ait, (d) id tandem multum precari esse, cum ad Deum, quem precamur, Divina & pia cordis excitatione, pulsemus. Ad hæc volumus etiam, ut reliqua temporis vel diei pars, lectioni & meditationi sacrarum Scripturarum detur, quæ & pietatem alat, & quotidianarum precationum, Psalmorum & laudum Dei pleniorum intellectum suppediet, nosque nostri officii admoneat: cum, Basilio Magno teste, (e) sacrarum Scripturarum meditatio, maxima via sit, ad officii observationem, in qua hypothecæ & præcepta vivendi traduntur, & beatorum Virorum vitæ ac exempla conscripta reperiuntur: quæ tanquam imagines quædam

(2) Basil. in lib. de Spir. Sanct. cap. 27.

(a) Gregor. Nazianz. lib. 1. de Theol. Ut secreta quæ sunt, & a vulgi conspectu remota, secreto quoque tractemus: & quæ sancta, sancte, nec in prophanas aures, quæ silentio sunt adoranda, projiciamus.

(b) C. Presbyter. 91. Diff.

(c) Hieron. ad Eustoch. de vera Virg. Gregor. in Moralibus lib. 22. c. 18. Cyprian. in serm. de Oratione Dominica.

(d) August. in lib. de orando Deum. Ad Probam Epist. 121. cap. 10. c. Cum itaque, diff. 38. c. Ignor. cum sequentibus.

(e) Basil. in Epist. 1. ad Gregorium Theologum.

dam vivæ, ad imitationem bonorum operum nobis proponuntur. Et Cyprian. adhortatur, ut in manibus Cleri, semper sit Divina lectio: in sensibus, Dominica cogitatio: & ut oratio legis omnino non cesset, salutaris operatio perseveret, spiritualibus actibus occupentur, ut quotiescunque inimicus accesserit, quoties adire tentaverit, & clausum adversus se peccus inveniat, & armatum. Et Augustin. alibi Presbyteros alloquens, ait: oportet vos assiduitatem habere legendi, & instantiam orandi, cum vita viri iusti lectione instruat, oratione ornetur, & assiduitate lectionis muniatur homo a peccato, juxta illum, qui dicebat: In corde meo abscondi eloquia tua, ut non peccem tibi. Hæc sunt enim arma, videlicet Lectio & Oratio, quibus diabolus expugnatur: hæc sunt instrumenta, quibus æterna beatitudo acquiritur: his armis vitia comprimuntur, his alimentis virtutes nutriuntur. Et si quando a lectione cessatur, debet manuum operatio subsequi, cum ociositas inimica sit animæ, & antiquus hostis, quem a lectione, sive ab oratione vacantem invenerit, facile ad vitia rapiat. Cum per usum lectionis discatur, qualiter, & ipsi vivere, & alios docere debeant: Per usum vero Orationis, qua ratione & sibi, & his, quibus in charitate conjuncti sunt, prodesse valeant, inquit: Per manuum operationem, & corporis macerationem, & vitiis alimenta negabitis, & vestris necessitatibus subvenietis & habebitis, unde necessitatem patientibus, porrigatis.

Statuimus insuper, ut in templis Divinæ laudes, & consuetæ psallendi ratio, devote, reverenter & distincte decantetur & persolvatur: ita ut in psallendo, aliisque Divinis officiis peragendis, a Sacerdotibus & Canonicis, verus pietatis, animorumque affectus, fervor & studium, agnoscatur. (Basil. in Psal. 29.) Cum non hi Domino psallant, qui Psalmi verba ore proferunt, sed hi, qui corde psalmodiam enunciant: Et quicumque Sancti erga Deum sunt, justitiam

servantes: hi enim Domino psallere rhythmis spiritualibus concinne poterunt, non qui fornicatores sunt, non qui furtum qui dolum, & mendacium in corde suo retinent, nam utcumque psallere putantur, re autem vere non psallunt: inquit alibi D. Basiliius (f): & quem non offendat, ineptus decantandorum Psalmorum usus, seu murmuratio quædam, qua in templis aliquando utuntur Sacerdotes? ubi præter confusaneam & indistinctam vocis modulationem & sonum, summum mentium torporem, negligentiam & lassitudinem significantem, nihil præterea ab auditoribus & circumstantibus auditur & percipitur. Quomodo autem circa officium Divinum celebrandum, ac Horas Canonicas rite decantandas sese gerere debeant Clerici & Sacerdotes, Concilium Basiliense copiosius & exactius ordinavit & constituit. Quare ad pleniorum informationem Cleri, ejusdem Decretum, nostræ Synodali constitutioni annexere volumus.

*Sequitur Decretum Sessionis
vigesima primæ.*

SI quis principem sæculi rogaturus habitu honesto, gestu decenti, prolatione non præcipiti, sed distincta, attenta quoque mente seipsum ac verba studet componere: quanto diligentius in sacro loco omnipotentem oraturus Deum hæc omnia facere curabit? Statuit igitur Sancta Synodus, ut in cunctis Cathedralibus ac Collegiatis Ecclesiis, horæ debitæ signis, congrua pulsatione præmissis, laudes Divinæ, per singulas horas, non cursim ac festinanter, sed asiaticam (*) ac tractim, & cum pausa decenti, præsertim in medio cujuslibet versiculi Psalmorum, debitam faciendo inter solenne & feriale officium, differentiam: reverenter ab omnibus persolvantur. Horas Canonicas dicturi, cum tunica talari, ac superpelliceis mundis, ultra medias tibias longis, vel cappis, juxta temporum ac regionum diversitatem, Ecclesias ingrediantur, non caputia, sed almutia, vel pyreta tenentes in capite: qui cum in choro

(f) C. Cum autem, dist. 92. & vide Hieron. in Epist. ad Ephes.

(*) In Concilio Basiliensi Sess. 21. dicitur: *Non cursim ac festinanter, sed asiaticam ac tractim. Legendum videtur: Asiaticam, id est, divisim.* Joan. de Janua: *Asiaticam, adverbium, id est, dolatim, cæsim, carptim, divisim, & dicitur ab asciare, vel ascia.* Hæc Carolus Du Frene in Glossario ad Scriptores mediæ, & infimæ Latinitatis.

choro fuerint, gravitatem servant, quam & locus & officium exigunt, non infimul, aut cum aliis confabulantes, seu colloquentes, aut literas seu scripturas alias legentes. Et, cum psallendi gratia ibidem conveniant, juncta & clausa labia tenere non debent, sed omnes, præsertim qui majore funguntur honore, in Psalmis, Hymnis & Canticis, Deo alacriter modulentur. Cum dicitur: Gloria Patri & Filio, & Spiritui Sancto, omnes confluant. Cum nominatur gloriosum illud Nomen JESUS, (g) in quo omne genu flectitur, celestium, terrestrium ac infernorum, omnes caput inclinent; nemo ibidem, dum horæ in communi publice cantantur, legat vel dicat privatum officium. Nam non solum obsequium, quo obnoxius est choro, subtrahit, sed alios psallentes, perturbat. Super his debite observandis, aliisque ad Divini officii prosecutionem, & chori disciplinam spectantibus, Decanus, vel cui onus incumbit, diligenter invigilet, hinc inde, ne quid inordinate fiat, circumspiciens. Horum autem transgressores illius horæ, in qua circa prædicta, excesserint, vel alia majori, prout transgressionis gravitas exigit, plectantur poena.

De Jejuniis, eorumque observatione.

CAPUT XVI.

JEjunia ab Ecclesia (b) instituta, sub debita obedientia sanctæ Ecclesiæ Catholicæ, indici & observari debent: ita tamen, ut corporali exercitio, spiritualis jejunii ratio, adjungatur, verusque abstinentiæ usus, diligenter populo inculcetur. Parum enim proderet a certo cibi genere abstinere, nisi & vitiorum ac peccatorum abstinentia, sequeretur. Quare recte nos admonet Origenes, (c) si vere jejunare velimus, a peccatis abstinentiam esse, nullas capiendas epulas voluptatis: nullum cibum malitiæ sumendum: nullo vino luxuriæ concalcandum, sed jejunandum a malis actibus: abstinentiam a malis sermonibus, continendumque a malis cogitationibus.

Et Augustin. super Joannem (k) hoc jejunium magnum & generale vocat, abstinere ab iniquitatibus & ab illicitis voluptatibus sæculi. Et Ambrosius: (l) quid prodest, inquit, jejunare visceribus, & luxuriari venationibus: abstinere a cibis, & errare peccatis? Quæ tamen ea moderatione proponi debent populo, ne (ut idem Origenes monet) Christianæ abstinentiæ frena laxentur. Et cum Chrysostomus (m) egregie populum de utraque jejunii ratione instituat: volumus hunc locum exempli causa subjicere. Omnis nostra sit cura circa animæ salutem, & ut refrenatis carnalibus lasciviis, verum possimus exhibere jejunium: a malis abstinentiam dico, hoc enim est jejunium. Propterea namque ciborum jejunium susceptum est, ut carnis impetum coerceat, & equum nobis facilem reddat. Jejunantem autem omnium maxime decet iram reprimere, mansuetudinemque docere, & humanitatem: Corque contritum habere, absurdarum quoque cupiditatem eliminare cogitationes: Ante oculos, insopitum illum habere oculum, & inevitabile tribunal: pecuniis esse superiorem: multam in elemosynis largitatem ostendere: omnem ex corde nequitiam (in proximum) expellere: hoc verum est jejunium: sicut & Esaias ait, ex Dei loquens persona: Numquid tale est jejunium, quod elegi, per diem affligere animam suam? Numquid contorquere, quasi circulum, caput suum, & saccum & cinerem sternere? nunquid istud vocabis jejunium, & diem acceptabilem Domino? Nonne hoc est magis jejunium, quod elegi? Dissolve colligationes impietatis: solve fasciculos deprimentes: dimitte eos, qui contracti sunt, liberos: & omne onus dirumpere: frange esurienti panem tuum, & egenos vagosque induc in domum tuam. Cum videris nudum, operi eum, & carnem tuam ne despexeris: tunc erumpet, quasi mane lumen tuum, & sanitas tua citius orietur. Vidisti, charissime, quale sit verum jejunium: hoc exerceamus, neque secundum multos temere censeamus in hoc

con-

(g) Phil. 2.

(b) C. Sint tibi. can. Nihil prodest, dist. 5. de Consecrat.

(c) Orig. in Levit. c. 16.

(k) August. super Joan. & allegatus dist. 5. de Consecr.

(l) Ambrós. in Hom. de Quadragesima.

(m) Chrysost. de Jejunio, Hom. 72.

contineri jejunium, si sine cibis ad vesperam usque permaneamus: non hoc est, quod quæritur: sed ut ciborum abstinentia a noxis quoque continentiam exhibeamus: & circa spiritualium exercitationem multum impendamus studium: Jejunantem decet esse correptum, mitem, humilem, præsentis vitæ despicientem gloriam. Hactenus Chrysost. Idem nec multum dissimilibus verbis agit, Homilia octava, in Genesim. Et ex Leone Magno, unam atque alteram Homiliam adscripsimus, ut veram jejunii rationem ex SS. Patrum lectione cognoscant Parochi, quibus addantur Basilii Magni sermones duo, de celebritate & utilitate jejunii, quorum initia: Canite, inquit, tuba, & adhortamini Sacerdotes populum. Sequuntur

HOMILIÆ DOMINI LEONIS PAPE III.

De utilitate Jejunii & Eleemosynarum: Serm. III. de Jejuniio Pentecostes.

SANCTARUM solennitatum, Dilectissimi, ordine celebrato, & spiritualis lætitiæ devotione completa, oportet nos ad salubritatem recurrere parcitatis, remediumque jejunii & exercendis mentibus & castigandis adhibere corporibus, ut quia nos satis de hoc, & Divina monita, & propria experimenta docuerunt, primum per sacratorum dierum recursum, Divinæ pietati gratias referamus, quum sanctas continentię delicias appetentes, aliquantulum nobis de terrenorum ciborum abundantia subtrahamus, ita proficiat Eleemosynis, quod non impenditur mensis. Tunc enim demum ad animæ curationem proficit medicina jejunii: cum abstinentia jejunantis, esuriem reficit indigentis. Quia ergo sci-
mus apud misericordem Deum, jejuniis præcellere eleemosynæ largitatem, dicente ipso Domino: (n) Date eleemosynam, & omnia munda sunt vobis: si animas nostras a peccatorum sordibus cupimus emundari, eleemosynam pauperibus non negemus, ut in die retributionis, ad promerendam Dei misericordiam, misericordiæ operibus adjuvemur,

(n) Lucæ 11.
(q) Galat. 5.

per Christum Dominum nostrum, Amen.

Sermo Quartus de Jejuniio Pentecostes.

De laude abstinentiæ & carnis castigatione.

INTER omnia, Dilectissimi, Apostolica instituta doctrinæ, quæ ex Divinæ institutionis fonte manarunt, dubium non est, influente in Ecclesiæ Principes Spiritu Sancto, hanc primam ab eis oblationem fuisse conceptam, ut sancti observatione jejunii, omnium virtutum regulas inchoarent: quia multum ad præcepta Dei exequenda prodesset, si Christiana militia contra incentiva omnia vitiorum, continentię se sanctificatione muniret: cum enim per illecebram cibi irrepleat prima causa peccati, quo salubriore Dei munere utitur redempta libertas, quam ut noverit abstinere a concessis, quæ frænare se nescivit a vetitis? Omnis quidem (o) Creatura Dei bona est: & nihil est abjiciendum, quod cum gratiarum actione percipitur. Sed non ad hoc creati sumus, ut fœda & impudenti aviditate omnes mundi copias expetamus: tanquam, quod licet sumi, non liceat prætermittere. Laudetur Deus, qui hominum usui tam multa donavit: Sed agnoscat rationalis animus, majores delicias menti datas esse, quam carni. Et cum audit sibi per Spiritum Sanctum dici, (p) post concupiscentias tuas non eas: & a voluntate tua avertere: intelligat, sibi contra omnia, quæ sensibus corporeis blandiuntur, temperantiæ sectandam esse virtutem: per quam, dum exterioris hominis voluntas minuitur, sapientia interioris augetur. Non enim idem vigor cordis est sub onere cibi, qui sub lenitate jejunii: nec eundem sensum potest satietas generare, quem parcitas. Quia [q] cum caro concupiscens adversus Spiritum, spiritali cupiditate superatur, libera obtinetur satietas, & sana libertas, ut & caro mentis judicio, & mens Dei regatur auxilio. Ad hanc ergo utilitatem nos, Dilectissimi, præsens tempus invitat, ut a Resurrectione Domini usque ad adventum Spiritus

(o) 1. Tim. 4.

(p) Eccl. 18.

ritus Sancti, quinquaginta diebus emensis, quos in lætitia præcipuæ festivitatis exegimus, ad jejuniorum remedia recurramus: ne forte per occasionem licentiæ blandioris, & aliquas negligentia culpas, delectabilium usus incidit. Terra enim carnis nostræ, nisi assiduus fuerit subacta culturis, cito de segni otio, spinas, tribulosque producit: & partu degeneri dabit fructum, non horreis inferendum, sed ignibus concremandum: dicente Domino, Matth. 15. Omnis plantatio, quam non plantavit Pater meus cœlestis, eradicabitur. Custodienda igitur nobis omnium germinum, seminumque, generositas, quam ex summi agricolæ plantatione concepimus: & vigili sollicitudine providendum, ne Dei munera, aliqua invidentis inimici fraude violentur, & in Paradyso virtutum, non crescat sylva vitiorum. Ad declinandum autem hoc malum, nihil est potentius elemosynis atque jejuniis, dum & carnales cupiditates continentia necat, & desideriorum spiritualium fructus, misericordiæ cura multiplicat. Unde charitatem vestram solenniter admonemus, ut per castigationem corporis, & per opera pietatis mundari, ab omnium peccatorum sorde curemus. Quarta igitur & sexta FERIA jejunemus. Sabbato autem apud Beatissimum Petrum Apostolum Vigiliis celebremus: cujus meritis & orationibus ita nos per omnia credimus adjuvandos, ut misericordia, Dei & jejuniis nostris adsit, & votis, per Christum Dominum nostrum, Amen.

*De Jejuniis quatuor Temporum,
ac Spirituali mentis. Hom. D. Leonis Pape.*

SCIO quidem, Dilectissimi, plurimos vestrum ita in iis, quæ ad observantiam Christianæ fidei pertinent, esse devotos, ut nostris cohortationibus, non indigeant admoneri. Quod enim dudum & traditio decrevit, & consuetudo firmavit, nec eruditio ignorat, nec pietas prætermittit: Sed quia Sacerdotalis officii est, erga omnes Ecclesiæ filios curam habere communem, in id, quod & rudibus prodest & doctis, quos simul diligimus, pariter incitamus, ut jejunium, quod nobis septimi mensis recursus indicit, fide alacri, per castigationem animi & corpo-

ris celebremus. Quamvis enim diminutio cibi, carnem proprie videatur afficere: nihil tamen corporeis sensibus vel conceditur, vel negatur, quod non sicut ad servientem, ita pertineat ad jubentem. Quum itaque unusquisque homo duplicem in se legem habeat continentia, nihilque actionum nostrarum ad solum corpus, multa autem ad solum referenda sint animum, prudenter debemus advertere, quam indecens, quamque injustum sit, si, quod a superiore indicitur, ab inferiore negligatur. Ut autem mens rationalis, salubriter exteriora castiget, debet etiam propria exercere jejunia: quia non solum carnis desideris, sed etiam animi cupiditatibus convenit repugnare, dicente Scriptura: (r) Post concupiscentias tuas non eas, & a voluntate tua mala avertere. Jejunans ergo ab iis, quæ caro appetit, jejundet & ab iis, quæ male interior substantia concupiscit. Pessimus enim animæ est cibus, velle quod non licet: & noxia cordis delectatio est, quæ aut turpi lucro pascitur, aut superbia extollitur, aut adulatione latatur. Quamvis enim his affectibus motus quoque corporis serviant, ad originem tamen suam cuncta respiciunt, & ibi censetur qualitas actionis, ubi invenitur initium voluntatis, quam revocare a pravis desideriis, optimum maximumque jejunium est: quia tunc est edendi abstinencia fructuosa, quando exterior parcitas, a temperantia interiore procedit. Celebraturi igitur, Dilectissimi, verum & spiritale jejunium, quod & corpus & animum sui puritate sanctificet, cordis nostri secreta rimemur, & quibus rebus aut contristentur, aut gaudeant, justo discutiamus examine. Ac si quis amor vanæ gloriæ, si qua radix avaritiæ, si quod inest virus invidiæ, nihil talium anima sumat escarum: sed virtutum intenta deliciis, cœlestes epulas terrenæ præferat voluptati. Agnoscat homo sui generis dignitatem: factumque se ad imaginem & similitudinem sui Creatoris intelligat, nec ita de miseriis, quas per peccatum illud maximum & commune incidit, expavescat, ut non se ad misericordiam sui Authoris attollat. Ipse enim dicit: (s) Sancti estote, quoniam ego Sanctus sum, hoc est, me diligite, & ab iis, quæ mihi

N n n 3 displi.

(r) Ecclef. 18.

(s) Levit. 9.

displicent, abstinete: facite, quod amate, quod facio: & cum videtur difficile esse, quod jubeo, ad jubenrem recurrite, ut unde datur præceptum, præstetur auxilium. Non negabo opem, qui tribui voluntatem: Jejunate ab adversis: Abstinete a contrariis: Ego sum cibus vester & potus: nemo ea, quæ mea sunt, ineffaciter concupiscat. Qui enim ad me tendit, ex mei participatione me quaerit. His dilectissimi, cohortationibus, quibus nos ad bona incommutabilia, & ad gaudia invitat æterna, plenæ sunt omnes Divinarum paginæ literarum: & ad hoc nobiscum agit testamenti utriusque doctrina, ut inhæreamus veris, & contineamus a vanis. Non enim comprehendere potest, quod promittitur, nisi custoditum fuerit, quod jubetur. Quid justius, quam ut homo, cujus fert imaginem, faciat voluntatem, & per abstinentiam cibi, jejundet a lege peccati? Ideo enim ipsa continentia observantia, quatuor est assignata temporibus, ut in idipsum totius anni redeunte decursu, cognosceremus, nos indefinenter purificationibus indigere: semperque esse nitendum, dum hujus vitæ varietate jactamur, ut peccatum, quod fragilitate carnis, & cupiditatum pollutione contrahitur, jejuniis atque elemosynis deleatur. Esuriamus paululum dilectissimi, & aliquantulum, quod juvandis possit prodesse pauperibus, nostræ consuetudini subtrahamus. Delectetur conscientia benignorum, fructibus largitatis: & gaudia tribuens, quo es lætificandus, accipies. Dilectio proximi, dilectio Dei est: qui (†) plenitudinem legis & Prophetarum, in hac geminæ charitatis unitate constituit, ut nemo ambigeret, Deo se offerre, quod homini contulisset, dicente Domino Salvatore, cum de alendis juvenisque pauperibus loqueretur (u): quod uni eorum fecistis, mihi fecistis. Quarta igitur & sexta feria jejunemus. Sabbato vero apud Beatum Petrum Apostolum Vigiliis celebremus, cujus nos meritis & orationibus credimus adjuvandos, ut misericorditer Deo, jejuniis nostris & devotione placeamus, per Dominum nostrum Jesum Christum, qui vivit & regnat in sæcula sæculorum, Amen.

(†) Matth. 21.

(u) Matth. 26.

Leo Papa in Sermonem II. de Jejunio Pentecostes.

Dubitandum non est, Dilectissimi, omnem observantiam Christianam, eruditionis esse Divinæ: & quicquid ab Ecclesia in consuetudinem est devotionis receptum, de traditione Apostolica, & de Sancti Spiritus prodire doctrina: qui nunc quoque cordibus fidelium, suis præfidet institutis, ut ea omnes & obedienter custodiant, & sapienter intelligant.

Jejunia, autem ordinata cum abstinentia lactiniorum, quæ in Diœcesi nostra observantur, sunt:

Vigiliae	{	Nativitatis Christi,
		Paschæ.
		Pentecostes,
		S. Johannis Baptistæ,
		S. Laurentii Martyris.
		Assumptionis Beate Mariæ Virginis.
		Omnium Sanctorum.

In Vigiliis vero omnium Apostolorum, exceptis Philippi & Jacobi, ac Joannis Evangelistæ, jejunatur, abstineturque ab esu carniæ: sed lactiniorum usu concessio.

Idem observatur in jejuniis Quatuor temporum, ad quartum, sextum, & sabbati diem, & Marci Evangelistæ. At Quadragesimæ tempus in observatione jejunii trium dierum, secunda, quarta, & sexta peragitur.

Et si vigilia Festi alicujus, in diem Dominicum venerit: jejunium Sabbato præcedente, indicitur & observatur.

De Eleemosyna.

CAPUT XVII.

Cum sacra Scriptura, ad opera misericordiæ nos frequenter admoneat & adhortetur, sic enim inquit Esaias (x): Frange esurienti panem tuum, & egenos sine tecto induc in domum tuam: si videris nudum, vesti eum, & domesticos seminis tui non despicias: tunc erumpet temporaneum lumen tuum, & vestimenta tua cito orientur: & præibit ante te justitia, & claritas Dei circumdabit te: tunc excl-

(x) Esaiæ 58.

exclamabis, & Deus exaudiet te: dum adhuc loqueris, dicet tibi, Ecce adsum. Et Eccles. (y) Conclude Eleemosynam in finem pauperis, & hic pro te exorabit ab omni malo. Item (z) qui obturataures, ne audiat imbecillum, & ipse invocabit Dominum, & non erit, qui exaudiat eum. Idem Salomon (a): Qui dat pauperibus, nunquam egebit, qui autem avertit oculos suos, in magna penuria erit. Et David (b): Beatus qui intelligit super egenum & pauperem: in die mala liberabit eum Dominus, &c. Quare a Parochis & verbi ministris, in publicis concionibus (id quod & supra admonuimus) vel alias, ubicunque se occasio offert, subinde admonendus est populus, ut continua & larga eleemosyna pauperum egestati subveniat, aliorumque inopiam succurrat. Nisi enim & nos misericordes simus, quomodo misericordiam Dei consequemur & promerebimur? aut, quid a Divina clementia & bonitate in oratione, in quotidianis nostris supplicationibus & precibus obtinebimus & impetrabimus, cum apud nos nulla habeatur pauperum ratio, durique & inhumani simus in eorum precibus exaudiendis? Estote, inquit Christus, misericordes, sicut & Pater vester, qui in celis est. Quapropter hoc Sacrificii genere, ac iis potissimum victimis demerendus, & conciliandus nobis Deus est: sic attrahendus, sic ad misericordiam, sic ad clementiam, sic ad benignitatem & favorem excitandus & flehendus: hac ratione jejunia nostra, nostra temperantia, abstinencia, castitas, vigilia, tribulationes, & orationes Deo placebunt: dempra vero hac & sublata, omnia immunda, sterilia & infrugifera sunt. Qui enim fratrem suum non diligit, Deum non novit: Neque dubitandum, inhumanitatem & duritiam populi sæpe causam esse publicæ calamitatis & famis. Sic enim, inquit Hieronymus, super Malachiam Prophetam (c): Si quando fames & penuria, & rerum omnium egestas opprimat mundum, sciamus hoc ex ira Dei

descendere, qui se in pauperibus, si non accipiant eleemosynam, fraudari loquitur. Et cum Christus (d) in se collatum esse dicat, quicquid pauperibus erogaverimus: necesse erit, ob intermissa charitatis fraternæ opera, ob Divinarum promissionum & comminationum contemptum, ob neglectam Christi Salvatoris nostri latam sententiam, nos horrendis non solum temporalibus, sed æternis supplicii pœnis subjacere. Sunt igitur hæc omnia diligenter & fideliter inculcanda populo. Danda autem est opera, ut secundum Tobie (e) præceptum, informetur quoque: ut ex substantia propria, deque iustis laboribus & bonis propriis eleemosynam porrigat & largiatur. Neque enim hæc eleemosyna laudanda & commendanda est, quæ vel cum alterius injuria fit: vel quæ ex rapina, aut aliis illicitis & inhonestis modis proficiscitur: Sic enim inquit Gregorius (f): Non est putanda eleemosyna, si pauperibus dispenseetur, quod ex illicitis rebus acquiritur: quia, qui hac intentione mala accipit, ut bene dispenseetur, gravatur potius, quam juvatur: Et Chrysostomus (g): Si propterea rapis, ut miserearis, nihil hac pejus eleemosyna: cum enim ex rapina nascatur hæc, eleemosyna non est, sævitia quædam est, & crudelitas, hoc est, in Deum contumelia. Et Scriptura dicit (h): Qui offert Sacrificium de substantia pauperis, idem est, ac si victimet Filium in conspectu Patris. Item (i): Victimæ impiorum abominabiles sunt Domino. Et Zachæus in Evangelio inquit (k): Ecce dimidium ex substantia mea, do egenis: & si quem defraudavi, quadruplum reddo. Quare recte Gregorius (l) Eleemosyna Redemptoris nostri oculis illa placet, quæ non ex illicitis & iniquitate congeritur, sed quæ de rebus concessis, & bene acquisitis impenditur. Et Augustinus: Deus cor interrogat, & non manum: (m) ac dona iniquorum non probat Dominus, & longe est Dominus ab impiis, & orationes eorum non exaudiet,

(y) Eccles. 29.

(z) Prov. 21.

(a) Prov. 28.

(b) Psal. 40.

(c) Hieron. super Malachiam Prophet. & refertur 16. q. 1. cap. Revertimini.

(d) Matth. 26.

(e) Tobie 4.

(f) 4. Q. 5. per totum Gregor. 1. q. e. Non est deputanda.

(g) Chrysost. Hom. 36. de Eleemosyna & Misericordia.

(h) Eccles. 34.

(i) Proverb. 13.

(k) Lucæ 19.

(l) Gregor. 14. q. 5. c. Eleemosyna.

(m) Eccles. 34.

diet, &c. Si igitur eleemosynam lynceram & gratam præstare ac Deo exhibere voluerimus, necesse erit, ut innocens, nullisque criminibus, scelere, fraude, imposturis, & falso ac inani charitatis prætextu, contaminata & infecta sit: sed ut ex puro corde, & bona conscientia, & liberali voluntate (siquidem hilarem datorem diligit Deus) proficiscatur. Deus enim, juxta Evangelicæ viduæ historiam, non nostram eleemosynam, non bonorum nostrorum quantitatem aut liberalitatem perpendit & considerat, sed voluntatem animi intuetur. & secundum hanc, dona, hostias, victimas, & eleemosynas nostras, vel approbat vel improbat. Sic enim inquit Augustinus, in libro de penitentia: (n) in judicio cordis consideranda est eleemosyna tribuentis: Nec jam considerandum est, quantum, sed qua mente, qua affectione datur, quod potest; & mentionem faciens viduæ, ait: Vidua enim duobus, quæ habuerat minutis, plus omnibus posuit, præque omnibus etiam a Christo laudatur & commendatur. Ad hæc porrigenda, & distribuenda est secundum facultatem & substantiæ modum. Sic enim filium suum erudit Tobias: Prout habueris, Fili fac eleemosynam: si fuerit tibi copiosa substantia, plus ex illa fac: & si exiguum habueris, ex hoc ipso exiguo communica: & ne timueris, cum facis eleemosynam, præmium bonum reponis tibi, in diem necessitatis: quoniam eleemosyna ab omni peccato, & a morte liberat, & non patietur ire animam in gehennam. Qui tamen locus ita intelligendus est, (o) ut non loquatur de peccatis aut delictis, antea perpetratis (nam illa Christi Sanguine, & sanctificatione purgata & sublata sunt) sed de peccatis, quæ regenerati & reconciliati subinde committunt. Et quamquam considerandum, secundum Hieronymum, ne Christi substantiam imprudenter effundamus, & immoderato judicio, rem pauperum tribuamus

non pauperibus: & ita liberalitas liberalitate pereat: sed (p) ut diligenter pendantur in largiendo & distribuendo eleemosynam, circumstantiæ & causæ necessitatis, personarumque qualitates, ut ætas, verecundia, ac debilitas & paupertas: tamen id ita moderate agendum est, (q) ne intempestiva & superflua curiositas, ac personarum discussio, quenquam a debita eleemosyna defrauder.

De Feriis.

CAPUT XVIII.

Pari ratione volumus, &, approbante nostra Synodo, decernimus: ut populus diligenter edoceatur, (r) cur feriæ & præsertim dies Dominicus, ab Ecclesia institutæ sint: videlicet, ut Divinis officiis, (posthabitis & semotis aliis operationibus & studiis) vacemus: ut audiat Missæ sacrum, (s) purgentur corda nostra a pravis cupiditatibus, peccata lachrymis deplorentur & diluantur, ac agatur præteritorum delictorum penitentia, frequentiusque sumatur Eucharistiæ Sacramentum, & fiat devota recordatio ac meditatio Dominicæ passionis & redemptionis nostræ: diesque ille totus, nullis aliis, quam pietatis studiis & actionibus, orando, psallendo, meditando Divina, aliis misericordiarum operibus transigatur. Et Chrysost. alibi de observatione diei Dominicæ differens, inquit (t): Deus erudit nos in circulo hebdomadis, diem unum integrum segregandum & reponendum esse, in spiritualem operationem. Quare hisce diebus omnes prophanos actus, mercatus & nundinas publicas, inhonestas comestiones, choreas inconvenientes, & maxime quæ sub Divinis, in contemptum, scandalum & ignominiam Christianæ Religionis fiunt & peraguntur, aliove impudicos ludos, spectacula & cantus turpes, lasciviam & petulantiam provocantes, inhibemus: volentes, ne populus posthac ejusmodi actionibus & exercitiis

fit

(n) 3. quæst. 7. c. In gravibus, dist. 5. de Penit. 5. In omnibus dolens.

(o) Cyprian. in Sermon. de Eleemosyna.

(p) Ambrosius in lib. de Officiis, & refertur dist. 86. c. Non satis. & c. Consideranda.

(q) Chrysost. in Sermon. Ne scrutemur pauperes curiosè.

(r) c. Jejunia, dist. 3. de Confessione, in fine.

(s) August. de reformatione Catholice conversationis.

(t) Chrysost. in Genes. Hom. 10. De observatione diei Dominicæ differens. Basil. Mag. in ebrietatem & luxum, quibus die Paschæ populum affectum vidit.

sit deditus : Ut autem Parochi, Férias per anni-cursum populo denunciare queant, & ut certi sint, quas in nostra Diœcesi observare conveniat (ne dissimilitudo ac diversitas confusionem pariat) operæ pretium duximus, Catalogum earum subijciendum esse. Sunt autem, omnes dies Dominicæ, Paschæ; Pentecostes & Natalis Domini, cum duobus sequentibus, Circumcisio Domini, Epiphania, Ascensio Domini, Festum Corporis Christi: item dies Festi Beatæ Mariæ Virginis, videlicet, Purificationis, Annunciationis, Visitationis; Assumptionis, & Nativitatis: Item dies Sancti Joannis Baptistæ; & omnium Apostolorum Festa, Sancti Laurentii; Mariæ Magdalænæ, Michaelis, Omnium Sanctorum, & Sancti Martini: item Festum Dedicationis Ecclesiarum, & eorum Sanctorum, qui unus cujusque Ecclesiæ peculiare & singulare Patroni sunt. Reliqua autem Festa, scilicet, Sanctorum Georgii, Udalrici, Arbogasti, Margarethæ, Nicolai, Catharinæ, & aliorum, consuetudini relinquemus, quæ secundum cujusque Ecclesiæ morem & consuetudinem observari & celebrari poterunt: Volentes, ut in Sanctorum festivitatibus, populus fideliter quoque informetur, quomodo Deum in Sanctis suis venerari, & pietatem, fidem, variasque Sanctorum virtutes imitari debeat: cum, teste Basilio Magno, (u) hæc vera & summa Martyrum laus sit, alios ad eorum virtutem æmulandam invitare. Et Augustinus (x) vult Sanctos propter imitationem honorari. Et quamquam Sancti Dei, nostro honore, aut nostris laudibus & præconiis non egeant: tamen cum exempli & imitationis gratia, eorum facta, virtutes & historiæ, in Ecclesiis proponuntur & commemorantur, tum Sanctorum veneratio, si debito modo, citraque superstitionem & impietatem fiat, non omittenda, sed in Ecclesiis, ob variam & multiplicem populi utilitatem, pie retinenda est: nostri enim (y) causa profectus, memoriæ eorum cele-

brantur, historiarumque series commemoratur & populo proponitur. Nam horum omnium attendentes conversationem, æmulamur fidem, bonitatem, spem, zelum, vitam, tolerantiam passionum, & sustinentiam, usque ad sanguinem, ut & coronam gloriæ, cum ipsis Sanctis participemus. Quæ ideo ex Damasceno (z) recitamus, ut Parochi cognoscant, quomodo Sanctorum virtutes, facta ac historias recensere, & ad populi usum & Ecclesiarum utilitatem applicare & accommodare debeant. Cæterum quomodo Deus in Sanctis suis laudandus, & quod ipse solus adorandus, Sancti vero colendi, honorandique sint: item quomodo ob imitationem, & quod exuta mortalitate, immortalitatem induerint & assumpserint, ac amici Christi, Filii & hæredes Dei, promptuaria, pura habitacula, animata templa & tabernacula, ac luminaria mundi (his enim elogiis & præconiis a sanctis Patribus ornantur) facti sint, a nobis venerari debeant: & qui honor Deo tanquam creatori proprie competat: qui vero sanctis tanquam creaturis tribuendus: & quomodo quæve ratione invocandi & compellendi sint, scripta sanctorum Patrum suppeditabunt: ad quorum crebram & sedulam lectionem, ad unanimum & concordem Catholicæ Ecclesiæ, de veneratione Sanctorum consensum perspicendum ac cognoscendum, nos verbi ministros & Parochos remittimus. Colimus ergo Martyres eo cultu dilectionis & societatis, quo & in hac vita cohuntur sancti homines Dei, quorum cor, ad talem pro Evangelica veritate passionem, paratum esse sentimus: sed illos tanto devotius, quanto securius post incerta omnia superata, quanto etiam fidentiore laude prædicamus jam in vita feliciore victores, quam in ista adhuc usque pugnantes. (a) At illo cultu, quæ Græce LATRIA dicitur, Latine uno verbo dici non potest, cum sit quædam proprie divinitati servitus, nec colimus, nec colendum docemus, nisi unum Deum.

Danda

(u) Basil. in 40. Martyres.

(y) Basil. in Gordium Martyrum Cæsari.

(a) Maximus Episc. Taurinensis in Homil. SS. Tauricor. Martyr. Octavii, Adventitii, & Solutoris. Cuncti igitur Martyres percolendi sunt, sed specialiter ii venerandi sunt, a nobis, quorum reliquias possidemus. Damasc. lib. 4. cap. 16. de Sanctorum & Reliquiarum honore. August. contra Faust. lib. 20. cap. 21.

(x) August. de vera Relig.

(z) Damasc. lib. 4. cap. 16.

Danda autem est opera, ut historiæ Sanctorum, maxime ex authenticis & probatis scriptoribus colligantur, eaque ex historiis populo referantur & proponantur, quæ Catholicæ Religioni conveniant, & quæ ad pietatem alendam, excitandam & corroborandam fidem in nobis, voluntatemque Dei in Sanctis suis cognoscendam, & ad totius vitæ nostræ cursum in omnibus actionibus, studiis, tentationibus, tribulationibus & periculis rectius dirigendum & gubernandum, utilia & necessaria esse, videbuntur. Neque tamen iis longius immorandum, sed major & potior temporis pars Evangelio explicando, tribuenda est. Nec foret inutile, si secundum morem Ecclesiarum quondam in Aphryca, (b) Acta Apostolorum, per anni circulum quoque populo in Ecclesiis, statis temporibus, recitarentur. At, veram rationem historiarum de Sanctis, deque eorum festivitatis rite & pie celebrandis, deque locis communibus dextre tractandis, Homiliæ sanctorum Patrum, tum Græcorum, tum Latino- rum, monstrabunt. Quare ex iis, & dicendi & concionandi materiam & rationem, Sacerdotes, qui cathedræ præfunt, desumere poterunt: Quorum etiam Homiliarum exempla aliqua subiecimus: quibus adjungere poterunt Parochi, & alias præclaras & insignes homilias, ut sermones duos Basilii Magni in divites avaros. Et alium, in divites super illa verba scripturæ: in fame & squalore.

S. Basilii Sermo in Quadraginta Martyres.

Quis modus, aut quæ satietas, Martyrum memoriam prosequendi erit, illi præsertim, qui eorum amore ac charitate magnopere tenetur? Nam honor erga bonos conservos collatus, benevolentix significationem apud communem Dominum habet: palam est enim, quemadmodum is, qui generosos homines ac fortes cum honore exceperit, in simili, si forte contingat, occasione, imitari non dignabitur. Venerare igitur legitime Martyres, ut egregiæ tuæ voluntatis te testem adducas, ac demum seu persecutione, sive igne, seu verberibus ac plagis, eodem cum illis præmio dignus

habearis. Nobis hodierna die non unum propositum est admirari, neque duos, neque decem, sed viros quadraginta qui unam in diversis corporibus animam retinentes, in una conspiratione, & concordia fidei, eandem erga res arduas constantiam, & pro veritate, stabile propositum ostenderunt. Omnes inter se similes: pares sententia: pares certamine. Quamobrem parem coronæ gloriam sunt promeriti. Quæ digna laus? quæ sermonis copia his poterit adhiberi? Non enim linguæ quadraginta, ad prosequendam talium virorum virtutem sat fuerint. Nec solum multitudo tanta, phalanx militaris, cuneus insuperabilis æque, & in bellis inexpugnabilis, ac in laudibus inenarrabilis: sed horum unus tantum, si legitime fuerit oratione commendandus, nostram facile vim ingenii sermonisque facundiam superabit. Igitur in medium eos adducentes, ad communem omnium hic astantium utilitatem constituere, palamque omnibus, quemadmodum in pictura, fortia illorum facta reddere conabimur. Nam magnifica in bellis gesta, & oratores sæpe numero, & pictores pulcherrime demonstrant: Hi tabulis describentes atque ornantes: illi oratione: Amboque plures ad fortitudinem imitandam induxere. Quæ enim sermo historiæ, per inductionem præbet: eadem & pictura tacens per imitationem ostendit. Sic & nos Martyrum virtutem commemorantes vos astantes excitabimus: ac vobis sub aspectum, ipsorum facta reducentes, eos, qui sunt animo aliquantulum generoso, ac ipsis voluntate propinquiores, facile ad imitandum accendemus. Hæc est enim Martyrum vera laus, (*) alios ad eorum virtutem æmulandam invitare. Non enim encomiorum legibus, aut eorum, quæ in genere demonstrativo reperiuntur, sermones de Sanctis ullo modo serviunt: quoniam qui laudant ceteros, ex mundi hujus rebus materiam usurpare solent: quibus autem mundus crucifixus est, quomodo ex eo quicquam, quod ad laudem faciat, mutuari poterit? Non erat his Sanctis una patria, alius aliunde venit. Quid igitur? sine patria dicemus eos? aut orbis cives? sicut enim in symbolorum collationibus, quæ oblata sunt, communia existunt omnium conferen-

(b) Augst. Tract. 6. super Joann.

(c) Martyrum laus vera.

ferentium : sic & in his Beâtis, cujuslibet patria, communis omnium erat : & omnes e diversis terrarum locis, tanquam ex uno duxerant omnia communia. Sed quid opus terrestres memorare patrias, cum non liceat, quæ sit vera, facile nosse? Patria igitur horum Martyrum Dei civitas est, cujus author atque conditor ipse Deus. Hæc est superbia Hierusalem, quæ libera est, quæ est mater Pauli, & omnium ei similium. Genus autem humanum aliud alii : Genus vero spirituale unum omnibus omnino : Communis namque eis Pater Deus, & fratres omnes, non ab uno & una descendentes, sed ex adoptione Spiritus in unam concordiam, inter se per charitatem convenientes. Chorus paratus, conventus maximus eorum, qui ab initio Deum laudant : non sigillatim congregati, sed cumulatim dispositi : quis autem dispositionis modus? hi magnitudine corporis, & ætatis flore, ac virtute, cæteris omnibus præcellentes, ad militares ordines regendos promoti sunt : in tantam quoque Imperatoris dignationem venerunt, ut ob bellorum experientiam & animi fortitudinem, primas apud eum obtinerent. Ubi vero per iniquum præconem nunciatum, edictumque omnibus emanavit, ne quis Christum profiteretur : propositaque omnia pœnarum genera confitentibus : multa quoque a Judicibus injustis ira & feritas prodit : multæque item insidiæ, doli, delationes : ignis insuper paratus, ensis in promptu, crux affixa, bothrus, rota, flagella. In tanta igitur fidelium turbatione, nonnulli fugiebant : alii supplicium libenter subibant : alii comprehensi ac cruciati : alii certamen ineuntes, deinde usque ad finem laborum durare nequeuntes, pugnam ac periculum detrectabant : & velut in pelago naufragantes, quæ virtute patientiæ parta multorum annorum secum in navi vehebant, in eam horam amiserunt. Tunc igitur hi quadraginta invicti & generosi Christi Milites, cum Præfectus Imperatoris literas ostendisset, & obedientiam requireret, libera voce, audacter & fortiter, nihil ex iis, quæ viderant, exemplis expavescendo, minas omnes contemnendo, in medium procedentes, sese Christianos esse fassi sunt. O beatas linguas, quæ sacram illam vocem emisserunt, quam aer quidem excipiens sacer est

factus, Angeli audientes plauserunt, diabolus vero cum dæmonibus magnam accepit plagam, Dominus postremo in cælo descripsit. Igitur horum quilibet in medium procedens : En, ait, Christianus sum. Et velut in stadiis, qui simul eunt, dicunt sua nomina, & in locum pugnæ describuntur : sic & hi tunc nobilitatis, generisque ac dignitatis propriæ obliti, tantum servatoris sui professi sunt nomen : quod omnes ordine fecerunt : ex quo facta est omnium una appellatio. Non enim talem ac talem, sed Christianos omnes se clamantes. Hoc itaque cernens Præfectus, anxius ac dubius erat, an blandis verbis, vel potius minis eos ad obtemperandum deduceret. Primum quidem ipsos, si quo modo a pietate obstinata posset avertere, dulci aggreditur sermone : Nolite (inquit) juvenes, ætatem perdere vestram, neque intempestivam mortem, cum dulci hac & amena vita commutare. Absurdum namque in bellis, eos, qui sunt assueti fortia gerere facta, morte ignavorum ac pravorum hominum perire. Post hæc pecuniam pollicebatur, honores ex Imperatore, dignitatesque ac ordines militiæ primos offerebat. Cumque his rebus nihil proficeret, aliud genus, aliumque modum tentavit, plagas, mortes, pœnas intolerabiles ostendit. Et hic quidem talia. Martyres vero qualia? Quid (inquiunt) nos demulcere studeas, Dei hostis? Discedere a Deo vivente, & dæmonibus servire pessimis cogis? Tua nobis bona offers? Putasne tantum te daturum, quantum eripere contendis? Tua respuo dona, ut æternæ pœnæ materiam, non honorem : recipio ignominiam partem. Pecuniam da, quæ permaneat, ac continue duret, gloriam, quæ semper floreat. Me Imperatori vis facere familiarem : sed me a vero Rege alienare quæris? Quid enim hæc minima, quæ tu vocas magna, ex mundo polliceris : cum mundus universus a nobis despiciatur? Non sunt omnia, quæ videri possunt, spei paria, quam continuo retinemus. Vides hoc cælum ut aspectu pulchrum, ut magnum, & terram quanta est, quotve in ipsa mirabilia? Nihil & hæc profecto justorum felicitati & beatitudini æquiparare valent. Illa, namque velociter transeunt, hæc continuo durant. Unam tantum justitiæ pal-

nam exspecto: circa unam gloriam, quæ in regno est cælorum, sollicitor. Honoris superni cupidus sum, poenas varias gehennæ metuo. Illius ignis mihi formidolosus. Nam ignem eum, quem vos nobis intentatis, conservus est. Novit & ipse vereri eos, quidola contemnunt. Sagittas infantium, vestras plagas existimamus. Corpus enim cædis, quod eo clariorem assequetur coronam, quo magis tibi resistet. Quod si corporum imperium habetis, speratis etiam animarum habere? Nam & si Deum nostrum non respicitis, & extrema probra, horrendasque poenas nobis inferitis, nihil profecto aliud contenditis, quam vobis æternum supplicium, nobis vero uberem pietatis materiam, ac perpetuam gloriam parare. Non enim carnis amatoribus, non attolitis hæc facitis. Pro charitate, proque fide in Deum, & in rota poni, & Cruci affigi, ac flammis uri, ac omnibus demum modis torqueri parati sumus. Ubi vero hæc audit barbarus ille ac superbia tumidus, audaciam ac loquendi libertatem minime ferens, modum considerare cepit, quo mortem eis acerbissimam proximamque pararet: invenit tandem. Audite itaque, rem quam duram sit commentus. Excogitans ille, regionis naturam salebrosam, & collibus præruptam esse, ac brumæ tempus instare, observavit in qua maxime parte frigus vehemens, ac boreæ flatus horridior esset, iussit omnes nudos sub dio positos mori. Nostis enim fratres dilectissimi, omnes, qui hyemis horrores estis experti, quod genus hoc poenæ. Non enim nosse licet, nisi iis, qui exemplis similibus periculum fecerunt. (*) Corpus inprimis in horrore prostratum, totum in horrorem concreto sanguine vertitur, deinde turbatur, & fremit, dentes frendunt, venæ disrumpuntur, virium prosperitas per vim dejicitur. Dolor insuper quidam acutus, & labor inenarrabilis, per medullas penetrans, intolerabilem facit sic frigore concretis dolorem. Deinde in acutum tendit, ut ab igne, cum summa cremantur: Ab extremis namque corporis partibus consequens vapor, & ad interiora, ac penitiora confugiens, quædam, unde absistit, mortua relinquit: nonnulla vero, ad quæ tendit, doloribus afficit, qui pau-

latim cruciando perierunt. Igitur Sancti Dei, sub dio pernoctare in stagno quoddam iussi sunt, quod pro mœnibus civitatis erat: ac per brumam ita glaciale concretum apparebat, ut equis pervium, & accolarum pedibus tritum esset: aquæ vero solitum non retinerent cursum, earumque natura mollior in lapidis duritiem concreveret. Boreæ namque mordentis spiritus animantis omnia juxta versantia interimebat. Hic itaque audito damnationis iussu, Martyres considerate quanta fuisse constantia: qui loco cum summa latitia conspecto, ultimum nuditatis amictum alacriter rejicientes, eodem sponte irruerunt, non tanquam ad supplicium, sed ad gloriosissima spolia rapienda, se invicem hortando descenderunt: Non enim (inquiunt) amictum exuimus, sed veterem hominem, concupiscentiæ deceptione corruptum deponimus. (**) Gratias agimus tibi Domine, per hunc amictum peccata repellentes, quoniam ob serpentem eum induimus, ob Christum vero exuimus: quas Domino, qui pro nobis est spoliatus, dignas gratias reddemus? Quid magnum servo, si ea, quæ passus est Dominus, subeat? Nos causa sumus, ut illi vestis detraheretur, longe magis quam Militum audacia, qui eam diripuerunt ac sortiti sunt. Durum profecto frigus, sed dulcis paradysus: Affligens glacies, sed delectabilis requies. Brevi tempore durantes, sinus Abraham nos perpetuo fovebit. Unam noctem cum ævo sempiterno commutabimus. Incendatur frigore pes, ut cum Angelis continuo saltet. Torpescat frigore manus, ut facultatem habeat in Deum attollendi. Quot enim nostri commilitones ceciderunt, fidem mortali Regi servantes? Nos pro fide in verum Deum servanda hanc vitam non projiciemus? Quot item malefici homines mortem tulerunt in scelere deprensus? Nos vero pro justitia, mortem non subeamus? Ne obsecro, commilitones, emolliamur: ne terga diabolo demus. Quando semel mori oportet, moriamur, ut vivamus. Fiat sacrificium nostrum coram te, Domine, & velut hostiæ viventes tibi placentes, nosmet hoc sævo gelu immolantes, abs te recipiamur. Pulchrum quidem sacrificium, pulchra oblatio, pulchrum holocaustum,

non

(*) Frigore eneſti.

(**) Martyrum gratiarum actiones.

non quidem per ignem, sed per frigus absumptum. Hæc igitur & his similia credibile inter se dicerent, ac communem laborem in Domino solarentur: Veluti quandam in bello custodiam instruentes, eam noctem, sævos cruciatus sustinendo atque algendo, præterierunt, tantum spe certa gaudentes, & hostem continuo deridentes. Unum erat omnium votum: quadraginta in stadium intravimus, totidem Domine coronas tribue. Non desit numero, nec unus quidem. (*) Preciosum est tempus, quod quadraginta dierum jejunio ornasti, per quod Divina lex in orbem transivit. Quadraginta item dierum jejunio, Helias Dominum exquirens videre meruit. Et oratio quidem eorum talis. Unus ex eorum, numero, inde per animi inconstantiam subterfugiens, merorem socii maximum relinquit, nec propterea Dominus eorum vota inania permisit esse. Nam prope aderat quidam, cui eorum custodia credita est, exitum rei expectans, paratusque, Martyres, si quis fugerent, ut eis clare pollicitus, in lavacro quodam aquæ calidæ, quod juxta situm erat, excipere ac servare. Res a Præfecto astute fuerat excogitata, talem videlicet invenire certaminis locum, in quo paratum damnati haberent refugium, ut omnem cœpti propositi constantiam amitterent. Sed hoc Martyrum patientiam clariorem reddidit. Non enim, qui cogitur, est constans, sed qui liber & in oblectationis copia dura pati potest, is demum constans & patiens est. (**) Custos itaque dum hos observaret, quosdam e cælo descendentes Angelos, ac coronas singulis Martyribus. uno excepto, distribuentes aspexit. Is autem, quem indonatum illi reliquerunt, ac honoribus cælestibus indignum judicaverunt, ea repertus est animi mollitie atque inconstantia, ut statim laboris tolerantiam desperans, ad hostes transfugeret: miserabile prorsus spectaculum, miles transfuga, vir fortissimus captus: Christi ovis a lupo direpta: & quod miserabilius, a vita perpetua, cælestique excidens: neque hac postremo diu gau-

dens: nam ubi calidam attigit aquam, corpore, quod glacie torpebat dissoluto, statim interiit. Custos vero, qui prodigium hoc viderat, ubi illum fugientem conspexit, relictis omnibus, sese in ejus demisit locum, ac unam cum Sanctis illis vocem emisit: Christianus & ego sum. Itaque cum ejus subita mutatione stuporem illis incuteret, & numerum implevit, & mæstos ob socium amissum Sanctos procul dubio consolatus est: eos imitando, qui in acie prima ubi forte aliquis ceciderit, statim ordini alium restituant ac surrogant, ne proximi incommodum patiantur. Talem igitur ipse se gessit: vidit miracula cælestia, novit veritatem, ad Dominum confugit, cum Martyribus annumerari voluit. Exemplum est Apostolorum imitatus. Abiit Judas, Matthias est surrogatus. Imitatus & Paulum, qui heri persecutor, hodie factus est Evangelizator, superne & ipse vocatus, non ab hominibus, neque per homines. Credidit in nomine Domini Jesu Christi. Baptismum suscepit non ab ullo, sed a propria fide: non in aqua, sed in proprio sanguine. Cum vero primum illuxit, & extracti fere omnes essent exanimis, igni traditi sunt, ac cineres in fluvium projecti, ut per omnem creaturam eorum transiret certamen. In terra primum exerciti, deinde in aere sub dio duravere, postremo igne crematos, aqua excepit: horum est ergo vera vox illa: Transivimus per ignem & aquam, & eduxisti nos in refrigerium. Hi sunt, (***) qui nostram suo templo regionem ornant, nostram quoque adversus inimicos tutelam, ut turres quædam munitæ suscipiunt. Nec uno in loco sese clanserunt, sed in multis locis hospitio recepti, multorum patrias ornaverunt, nec tamen separati, sed inter se commixti: si in singulos ipsos divideris, proprium numerum non excedunt: si vero in unum congregaveris, quadraginta nihilominus erunt, ac ita, ut ignis natura, permanent. Nam ille, & ad progredientem transit, & totus est apud habentem: (****) Si hi quadraginta sunt unum, & omnes apud singulos.

O o o 3

Bene-

(*) Quadragenarii celebritas.

(**) Custos Martyrum, Martyr fit.

(***) Templum Cæsareæ his 40. Martyribus dicatum.

(***) Hic, & sequentes duo sensus ita quidem leguntur in Concilii hujus Editione tam Lunigiana, quam multo antiquiore Moguntina: at quoniam mendose exscripsi, aut

Beneficium igitur hoc, Fratres dilectissimi, mi, gratiam hanc minime deficientem, ac sine invidia, ex Deo obtinemus, ut paratum sit nobis & Ecclesiæ, per hos Martyres auxilium: Exercitum triumphantium, Chorus laudantium Deum. Sæpe operam dedistis, sæpe laborastis, ut unum pro vobis orantem inveniretis: quadraginta sunt hi, unam orationis emittentes vocem. Ubi enim sunt duo vel tres in nomine Domini congregati, ibi Deus est: ubi vero quadraginta fuerint, quis dubitet Deum esse præsentem? Qui aliqua premitur angustia, ad hos confugiat: qui rursus lætatur, hos oret, hic ut a malis liberetur, ille ut duret in rebus lætis. Hos mulier orans pro filiis auditur, peregrinanti viro, reditum incolumem: ægrotanti vero salutem implorat. Cum his ergo Martyribus nostras effundamus preces. Adolescentes suos cœvos imitentur: Patres talium esse filiorum parentes exoptent: matres exemplum matris optimæ spectent: Nam unius illorum (*) mater, alios jam pene frigore consumptos aspiciens: suum vero filium ob vires aliquantulum validiores, & adversus dura constantiam, adhuc vivum: & permittente populo, vitæ consulere valentem: ipsum propriis accepit manibus, ac currui, in quo reliqui jacentes ad pyram ferebantur, apposuit, Martyris vera mater: non enim lachrymam indecoram effundere, aut aliquid humile loqui, vel indignum agere visa est. Sed, o nate, inquit, perface cum tuis contubernalibus iter beatum, ne a chorea deferaris, neve inferior aliis Domino appareas. O matrem scelicem! O bonæ radices bonum germen! Ostendit generosa parens, quemadmodum pietatis institutis eum magis, quam lacte educaverat. Et hic quidem sic nutritus, sic elatus est a pia genitrice. Diabolus vero his visis præ verecundia discessit. Omnia namque supplicia ab eis victa procul dubio victis. Nox horrida & ventosa, tempus anni frigidissimum, corporea nuditas, patria borealis. O san-

ctum Chorum! O sacrum Ordinem! O cuneum inexpugnabilem! O communes generis humani custodes! optimarum Socii: precum ac votorum invicem Suffragatores: castra mundi: flores Ecclesiarum: vos non terra contextit, sed cœlum excepit: Apertæ sunt vobis Paradisi portæ, dignum profecto exercitibus Angelorum, Patriarchis, Prophetis, & iustis omnibus, spectaculum. Viri ætate florentes ac pares, vitam alacriter desipientes, supra parentes & filios Deum amantes, mundo simul & Angelis, & hominibus spectaculum facti: excidenter erexerunt, dubios infide confirmaverunt, piis desiderium auxere, unum omnino pro pietate omnes trophæum erigentes, una iustitiæ corona ornati fuere, in Christo Jesu Domino nostro: Cui gloria & imperium nunc, & in æterna sæcula, Amen.

In Gordium Martyrem, militem Cæsariensem.

NATURÆ lex apibus innata, fratres dilectissimi, ut nisi Rex prius agmen præcedat, ab alvearibus nusquam discedant. Vos autem Dei populum, cum nunc primum ad Martyres tanquam ad flores cœlestes exeuntes, & huc frequentes convenire viderim, quo id duce feceritis, exquiro. Quis hyemalem hanc tristitiam in vernam serenitatem commutavit, ut populus, ex civitatis ædificiis, tanquam ex apum alvearibus hilaris egressus, ad suburbanum decus, præclarumque Martyris stadium conflueret? Sed quoniam (ut mihi quidem videtur) pristina desidia rejecta, ducem secuti estis, præstantem Martyris virtutem, & nos quoque quantum voce contendere licet, veluti bombantes apes, vernantibus floribus circumfusa, præclara ipsius gesta personemus: rem quidem piam agentes, simul ac vobis ore intentis gratam. In laude namque iusti, populus lætabitur. Salomonis lectio nuper recitata, quidnam per latentem huiuscemodi pro-

verbii

certe obscuri videntur; eos ex Sermonibus S. Basilii, Coloniae editis, sic emendamus: Sic bi quadraginta Martyres sunt unum apud singulos. Beneficium hoc, Fratres dilectissimi, gratiam hanc minime deficientem, ex Deo obtinemus: Paratum est hic Christianis auxilium, Ecclesia videlicet Martyrum, Exercitus triumphantium, Chorus laudentium Deum.

(*) Matris virile facinus.

verbi sensum sibi velit, metum ipse cogitabam: an forte dicat, quod populus oratione magnifica, ac plane culta, quæ euditorum aures demulceat, oblectetur: præterea sermonis ornatum, rerumque inventionem, ac dispositionem elegantem exoptet? Quod profecto mihi verisimile non videtur, cum ipse nusquam hujuscemodî dicendi genere usus fuisse inveniatur. Nam & Sanctorum memorias, orationis & eloquentiæ fūco profectui, non fas erat admonere, illi præsertim, cujus scripta, sermone simplici, nulloque styli apparatu conspiciuntur. Quis ergo illorum verborum sensus? is videlicet, quod populus sola, in dicendo, veritate, ac simplici testimonio spiritualiter lætatur: tum ad bonorum exemplorum, quæ audit, cupiditatem & imitationem vehementer incenditur. Illorum enim, qui in fide claruerunt, historia simplex, velut lucem quandam, Dei cultoribus, virtutis iter ostendit. Quamobrem cum in sacris voluminibus Moysis vitam, morum lenitatem nostræ naturæ magnopere optatam audimus, statim æmulamur. Quod si reliquorum facta virorum, eloquentiæ floribus ornantur, Sanctis tamen ad ea, quæ maxima gessere demonstranda, sat fuerit oratio simplex. Cujus dum nitimur ac insistimus veritati, Sanctos ipsos, ex eorum tamen testimonio, quæ de eis referimus, laudare videmur, & populum omni eloquentiæ suspiciōse remota, ad ipsius, rerum synceræ narrationis fidem facile deducimus, ac maxime exhilaramus. Joseph dum audimus & legimus vitam, illius assequi castitatem magnopere cupimus. Si vero Samsonis narratur historia, ad illius imitandam fortitudinem accendimur. Sacra igitur schola, præcepta rhetorum aut instituta non sequitur: nudam rerum expositionem sanctis, ac nobis, satis esse existimat. Illis quidem ad virtutis eorum præconium: nobis vero ad imitationis gloriam atque formam. Rhetorum namque instituta sunt, patriæ dignitatem ostendere, generis originem ex alto repetere, educationis incunabula diligentem referre. Nostrum vero dogma, hæc tanquam supervacua dimittit, & quæ sunt propria ac

vernacula, sectatur. Quidnam ego sum melior, si mea civitas olim magna bella gessit, aut de hostibus triumphavit? Si eadem optimo sit in loco sita, ætate ac hyeme, cœli temperie fruatur? Si frequens est ædificiis? si ager pascendo pecori sufficiat: si meliores nutriet equorum greges, quam usque reperiantur? Quid, inquam, ista, quo ad virtutem commendatiores reddere possunt? Nos, ipsi profecto decipimus, si in montis cacumine constituti, nubes nos transcendere, ac sublime cœlum nobis cedere videntes, hac de caula nobis magis aliquid accedi (+) existimamus. Ineptum insuper, si Sanctis, qui res orbis universas contempserunt, his esse opus commendationibus putamus. Igitur nostri (*) tantum causa profectus, sat illorum celebrare memoriam fuerit. Non enim nostris indigent laudibus ornari: sed nos ipsorum vitæ historia & commemoratio, imitationis gratia indigemus. Quemadmodum enim ex igne naturaliter emicat splendor: ex unguento quoque præstanti diffunditur odor: sic & Sanctorum commemoratione gestorum, ad omnes pervenit utilitas. Hujus itaque Martyris venerandi, facta singula explicare hodierno die, nullo modo pollicemur, quod eorum fama tenuis, nec omnia sane complectens, ad nos usque delata sit. Quamobrem pictoribus recte comparabimur: Illi enim, cum ex antigraphe, sive, archetypo imagines expresserunt, uti par est, a prima forma plurimum recedunt. Nos item cum rerum gestorum aspectu caruerimus, valde metuendum, ne dicendo, rerum veritatem atteramus. Verum quando ejus hodie festum celebramus, qui in hujuscemodî die, certamen pro Christi nomine subiiit, quantum ex ejus historiæ notitia deprehendere licebit, enarrabimus. (**). Fuit hic Martyr beatissimus civis noster Cæsariensis: ex quo non mirum, si nostræ mentis affectus ad eum potissimum dirigitur, quod profecto ad verum, ac domesticum hujus facit ornamentum. Nam sicut arbores, quæ bona ferunt poema, propriæ bonitatis laudem nutriendi tribuunt humo: sic iste ex nostræ urbis prodiens utero, ad summumque gloriæ culmen

(+) accedi, pro: *accedere*.

[+] Sanctorum memoriam, non illorum, sed nostri causa celebrandam.

[**] Gordii Martyris historiæ initium.

culmen euectus, patriæ, quæ eum produxit atque aluit, honorem gloriosissimi martyrii tribuit. Jucunda nempe sunt nobis externa poma, modo sapore delectent: sed longe nostro gratiora gustui, propria, quam peregrina: præterquam quod & gloriam quandam nobis conferre videntur. Militiam exercuit, in quo locum admodum insignem tenuit, ita ut centum milites ejus imperio parerent, quodque animi virtute, & corporis viribus præcelleret, cunctis inter ordines militibus præstantior habebatur. Ea sane tempestate, cum (*) tyrannus impius, qui tunc imperitabat, in Christianum nomen virus suæ feritatis effunderet, manumque Deo inimicam, adversus Ecclesiam exerceret: tota urbe præconis tuba sonabat, toto foro, & per compita, tyrannicum promulgabatur edictum, ne quis Jesum coleret: Qui vero contra iussa faceret, gravi supplicio plecteretur. Idola proponebantur adoranda, lapideæque ac lignea; hominum simulachra, pro vero numine colenda. O misera tempora! Dei civitas rei novitate attonita, tota tumultuabatur. Christianorum domus singulæ petebantur: Innocentiumque facultates diripiebantur: fidelium & ingenuorum corpora, carnificum manibus discebantur: matresfamilias pudicissimæ per vicos trahebantur: nulla juvenum pietas, nulla senum reverentia erat: infantes, noxiis ac maleficis digna pariebantur: Turba plurima, in carcerem arctissimumque locum conjecta, torquebatur: domus insignes & opulentæ, evertebantur. Pleni saltus, plena perfugis loca deserta, ob unum tantum crimen, quod Christum colerent: prodebat Patrem filius: Pater filium accusabat. Frater adversus fratrem insurgebat. Servus Domino insultabat. Adeo diabolicis artibus hominum animi affecti tenebantur, ut velut in tenebris agentes, sese minime cognoscerent. Præter hæc autem, sacra templa, Basilicæ, aræ sanctissimæ evertebantur. Thus ante sacrificia in odorem suavitatis non amplius fumabat: nulla erat oblatio: Divinæ rei nullus jam locus amplius relictus. Cuncta mæror ingens, veluti diffusa caligo occupabat. Sacerdotum collegia fugabantur: sacer

omnis conventus cladem insolitam expavecebat, gentilium vero conciliabula gaudebant: Nidose ac sanguine victimarum infecta cuncta dabant. Hæc igitur exempla crudelia, cum Centurio generosus conspiceret, tantorum malorum exitum præveniens, abjecto militiæ baltheo sponte sibi exilium delegit: Itaque relictis honoribus, relictis omnis generis facultatibus, servis, propinquis, amicis, volupcratibus, & rebus aliis, quas cæteri maxime appetere, ac magno studio parare solent, ad vasta, deserta nemorum loca contendit: longe secum melius agi putans, si in ferarum recessibus, quam inter idola vana cum hominibus habitaret: Heliæ Prophetæ secutus exemplum: qui cum Sidoniorum conspiceret impietatem quotidie invalescentem, in montis Oreb speluncam secessit, ac sese ab omni humana conversatione, ut Deum quæreret ac videret, abdicavit: Vidit tandem, quantum fas est homini mortali. Eodem modo noster Gordius, spretis omnibus, urbanos fugiens tumultus, fori clamorem, magistratum ambitionem, tribunalium fastum, obrectatores, ementes, vendentes, pejerantes, mentientes, mimos, scurras, cæterosque hujuscemodi generis homines, quibus magnæ urbes referæ sunt, multosque secum tanquam magnæ naves, alligatas puppibus cymbas, per æquora trahunt. Insuper visu audituque, ac animo a vitiis purgato & libero, Deum ipsum contemplando videre meruit: tum magna discere mysteria, quæ non ab hominibus, nec per homines fuit edoctus, sed magno usus præceptore Spiritu Sancto. Quamobrem secum meditans, quam sit fallax & inanis vita humana, ac somnii phantasmatibus æquiparanda, in supernæ illius ac melioris vitæ amorem exarsit: ac veluti fortis athleta sese jejuniis, vigiliis, orationibus, studiis demum Divinæ eruditionis probe exercitatum animadvertens, hunc maxime diem observavit, in quo frequens civitas visendo equestri spectaculo erat intenta, quod hoc in loco ea tempestate, in Martis, seu potius furens bellorum dæmonis, honorem celebrabatur: Populus omnis ex edito spectabat, nec ullus deerat, nec Judæus, non

(*) De Maximiano, loqui consentaneum est.

gentilis, non item Christianorum multitudo, quæ cum vanitatis Concilio cōmixta sedebat, & iniquorum imitans consuetudinem, equorum cursum & aurigarum agilitatem spectabat: servi eo die ab opere liberi: pueri e scholis spectatum currebant: scemina prostituta ac ignobiles aderant: plenum jam studium, & omnis jam turba confederat, equestre certamen videre intentā. Tunc magnanimus heros per montis clivum, in theatrum properans, non populum horruit, non quantis se pugnacibus manibus traderet, pensavit: sed animo intrepido, severoque vultu super hominum terga, qui circum theatrum sedebant, tanquam per aliquam lapidum congeriem aut lignorum struem ingrediens, in medio campo constitit: illud secum sæpe repetens dictum: Justus ex fide vivit. Quid plura? adeo intrepido, excelsoque animo fuit, ut cum in eminentiore theatri parte staret, ingenti voce, quam qui audierunt, extant adhuc aliqui, exclamaverit, & clare, illud Apostoli ad Romanos dixerit: Ecce inventus sum ab his, qui me non querunt, his, qui me non interrogabant, palam apparui. Quibus sane verbis se in eum venisse locum significavit, minime coactum, sed ultro se mancipium præbuisse, servatoris exemplum secutum, qui cum per atram noctem minime videretur, se Judæis manifestavit. Omnium igitur oculos statim in se convertit: erat enim aspectu horridus, & quod montana diu incoluerat, scilenti capillo, barba promissa, veste obrita, corpore incurvus, per præcinctus, baculo innixus: quæ sane omnia horrorem quendam populo aspicienti incutiebant, simul, & eum illustrem mag-nopere reddebant. Ubi autem quis esset, cognitus fuit: gentiliū simul & Christianorum murmur est ortum: his quidem ob gaudium sui commilitonis exultantibus, illis vero factum damnantibus, ac iudicis animum ad ejus cædem accendentibus. Hominum igitur clamor, atque tumultus omnia complebat: equos, currus, aurigas jam despiciebat: frustra rotarum stridor aerem verberabat, nullus aliud quam Gordium videre malebat, nullus quam Gordium verba sonantem audire studebat: totum denique theatrum murmure, more ven-

ti, per aera sonantis, perstrepebat. Ubi vero per præconem silentium imperatum, concutere buccinæ, sopitæ fistulæ, varia musicorum instrumenta siluerunt: solus aspiciebatur Gordius, solus audiebatur: hinc ad præsidis tribunal in eodem loco confestim adductus, ab eo quisnam, aut cæjas esset, interrogatus: & patriam & generis, & dignitatis locum, quem tenuerat, præterea fugæ causam ac reditus pariter enarravit. Reversus sum, inquit, palam ostendens, quod tua edicta nihil omnino curo, sed Jesum Christum spem meam, meumque præsidium confiteor, cumque acceperim; te reliquos homines crudelitate superare, hoc sane tempus explendo meo voto maxime idoneum sumpsi. His sane verbis, velut ignis, ira præsidis accensa, quicquid in eo furoris erat, in eum subito convertit. Præsto sint (inquit) lictores, flagella, plumbatæ, corpus rotis scindatur, in eculeo suspendatur, omne tormentorum genus excogitetur: Ferores adfint feræ, mucronibus transfigatur, igni tradatur, in altum dejiciatur barathrum. Verum parva hæc omnia viro execrando, modo una morte intereat. Quin (inquit Gordius) damnum profecto me facere videor, si sæpe variisque modis extingui, variæque pro Christo pati supplicia nequeo. At ille his magis irritatus verbis, magisque se lædi ac sperni, ob talem loquendi licentiam, existimans, naturali ejus feritati vehementior accessit impetus: ac eo truculentior fiebat, quo ille constantior in contemnenda poena videbatur, cum nulla tormentorum ratione, nullis armis, a cæpto proposito averti posset: quin in cælum oculos attollens, sacra psalmorum carmina decantabat: Dominus mihi adjutor, non timebo, quid faciat mihi homo. Et rursus: Non timebo mala, quoniam tu mecum es. Et alia istis germana, quæ de sacris promebat voluminibus, ad animum confirmandum, & in proposito perseverandum maxime facientia. Tantumque abfuit, ut intentatas horreret penas, ut eas ultro in se provocaret, suppliciique moras vehementer increparet. Quid (inquit) agitis? Quid cunctamini? Quid hanc mihi gloriam invidetis? Corripite corpus, membra frustatim cædantur: Denique quodcumque de me sup-

plicium ocyus sumite. . . Quanto enim mihi plus tormentorum accesserit, tanto plus referam præmiorum. Res enim in hac vita, adversæ, nobis apud Deum, perpetuam pariunt voluptatem. Si vulnera mille ac cicatrices patimur, in resurrectione, splendido induemur amictu. Pro contumelia atque ignominia, palmas coronasque assequemur: Pro vinculis & carcere, per ampla Paradysi spacia læti vagabimur: Pro accusatione demum atque iniqua condemnatione, gloriam ex Deo & Angelis referemus: minæ vestræ semina mihi sunt Divina, inde immortalitatem, perpetuæque gaudia metam. Cum tandem vir beatus, hac se veritate a fide obstinata averti non posset, alia tunc via Præses est aggressus: Illecebris & omni lenitate contaminare conatus est, cum præsertim Diabolus hac uti soleat arte, ut timidos metu perterreat, fortes leniat atque palpet. Quod imitatus Præses, ubi illum rebus terribilibus non flexit, dolis ac placabilitate circumvenire quærebat, quamobrem magna se daturum spondebat, quorum alia tunc haberet, alia Imperatorem daturum ei affirmabat, locum inter milites illustrem, facultates, opes, quicquid denique animus cuperet. At ille nec sic quidem victus, Præsidis insaniam ridebat, qui compensare dignum aliquid supernis sedibus existimaret. Impius ille, tum laxatis iræ habenis furore percitus, ensē vagina diripit, lictorem coram adstare iussit, & manu & lingua nefanda, ad viri damnationem se accinxit. Ad tribunal omnis theatri multitudo convenit, reliquus vero populus, qui ante urbis mœnia diffusus erat, ad hoc novum properavit spectaculum, quod & Angeli & homines verebantur, dæmones vero perhorrebant. Quid plura? Concurrentibus eo cunctis, urbs pene vacua facta est. Matres familias, nobiles, ignobiles properabant, domus sine custodibus relicte, tabernæ operariis deserte, in foro venalia disiecta jacebant. Ex hoc tamen urbs tuta, quod omnibus extra mœnia egressis, nemo intus remanserat, qui nefas aliquod perpetrare posset. Servi Domino simul & opere neglectis, avidi spectandi erant. Virgines tunc primo extra domos prodeuntes, marium vultus conspexere: Valetudinarii, ac

senes ipsi quoque extra muros continebantur. In tanto itaque civitatis concursu, beatum Gordium, alteram vitam, jam jam per mortem corporis spectantem atque tenentem, necessariorum amicorumque turba circumfistebat, amplectebantur, oscula dabant, demum flentes adhortabantur, ne sese in ardentem flammam conjiceret, ne florem perderet juventutis, aut æthereas auras, folisque dulce jubar relinqueret. Nonnulli quando a fide omnino avertere non poterant, aut fas putarent, quibusdam eum verisimilibus aggrediebantur rationibus, & Christum tamen corde, si cuperet, retinere, ore autem negare suadebant: non enim Deum verba, sed loquentis animum inspicere: Hoc ferme modo exasperatum Judicis animum demulceri, & Deum nihilominus propitium posse reddi asseverabant. At ille tanquam cantes immotæ maris exagitantibus fluctibus, nulla vi, nulloque verborum impulsu, quassatus, in obstinato cæptoque proposito, inexorabilis permansit. Utenim sapientis domum supra petram edificatam, vis nulla ventorum, aut imber ex cælo vehemens, nec torrentis impetus quassare potest: ita demum nec preces ullæ aut minæ, constantiam ejus evertere potuerunt. Cumque mentis acie huc illuc vagantem Diabolum, ac ejus impulsu ac arte hinc lachrymas oriri, indeque vim eloquentiæ, suadendique copiam administrari animadverteret, illud Domini verbum flentibus ait: Nolite flere super me, sed flere super Dei inimicos, qui in Christianos continuo grassantur, ipsos inquam flete, qui ignem nobis parant, sibi mer gehennæ incendia, iramque in die iræ thesaurizant: Meum sollicitare aut emollire animum desinite. Ego enim pro nomine Domini Jesu Christi mille pericula, milleque mortes; si opus foret, adire sum paratus. Aliis vero, qui Christum ore negare adhortabantur, respondit: Lingua quidem, quam Christi beneficio retineo, adduci non potest, ut suum neget authorem: Corde namque credimus ad justitiam, ore confessio fit ad salutem. An primus nunc ego, qui Christum profitear? Nonne alii mei ordinis audistis factos Christianos? Primi Centurionis exemplum succurrit, qui cruci servato-

ris assistens, ejus Divinitatem per prodigia facta cognoscens, non est veritus, adhuc judæis furentibus, in cæde, nomen ejus palam fateri: quod enim animo sensit, id ore subito manifestavit: vere Dei Filius erat iste. Alius item Centurio, antequam morti traderetur Christus, tanta fide egregia inventus est, ut sese indignum ejus adventu, qui curare verbo poterat absentem, judicaret: Ex quo, Domini voce palam laudatus est, non invenisse tantam in Israel fidem testantis: Cornelius item Centurio, Angelum Domini videre, & per Petrum salvus fieri meruit, cujus Dominus preces simul & eleemosynas respexit. Horum igitur Centurionum libenter discipulus & imitator esse cupio. Negem ego Deum meum, in cujus cultu sum educatus? Nonne cælum, sol, & astra omnia, lumen mihi clauderent suum? Credam profecto humum, quam pedibus tero, mihi ruituram: Revocate tam nefandam ex animo sententiam, aliam induite mentem. Deus nequaquam irideri potest: ex ore nostro nos judicat: ex nostris, inquam, verbis nos servat & damnat. Nonne tremendam Domini sententiam audivisti? Qui me negabit coram hominibus, negabo & ego eum coram Patre meo, qui in cælis est? Mihi consulitis, ut Deum nosse dissimulem? Quamobrem? ut vitam prorogem, mortem differam? dies adjiciam? at supernæ vitæ longævus perdam annos. An ut corporis cruciatus effugiam, at æternæ patriæ dulcedine privabor. Nam ire perditum dedita opera, & fraude ac dolo, sævas tartari pœnas mercari, manifesta quidem infamia. Vobis igitur consulo, si male sapitis, sapientiam ac veritatem discite. Si vero dissimulatis, temporique obsequimini, vos hortor rogoque, relicto mendacio, veraliquamini. Dicite, quoniam Dominus noster JESUS Christus est gloria Dei Patris, in ejus nomine omne genu flectitur, cœlestium, terrestrium, & infernorum: omnes profecto morti sumus obnoxii, sed non omnes inclitum Martyrii nomen sortiuntur. Non (*) igitur naturalem vitæ cursum præstolemur, mundana funera, supremas nostrorum lachrymas despiciamus,

cœlestem gloriam violenta, immaturaque morte præveniamus. Velociter ex hac vita, quæ potius est interitus longus dicenda, brevi quidem labore ad veram vitam commigremus. Quid miser, supremum ætatis finem inutilem, sterilem, infructuosum, stultum, vanum, hominibus, pariter & brutis communem, expectatis? Quicumque enim nati sunt, aut senio tabescunt, aut ægritudine corporis resolvuntur, aut violento improviseque casu aliquo concidunt. Quando igitur omnino semel e vita migrandum est, martyrium pro Christi nomine, ut semper vivatis, alacriter assumite: ac vitæ, quam omnino relinquere oportet, ne parcite: sit pro necessitate voluntas. Si enim res mundi perpetuæ forent, danda venia fortasse, si superna, pro terrenis relinqueremus: Verum quoniam fluxæ fragilesque sunt, & illorum comparatione magnopere indignæ, quis furor in his invigilare? hæc tanto studio complecti? Hæc ubi dixit Christi Miles, crucis se signo communit, & animi magna constantia, vultu intrepido, colore nusquam mutato, ad ignis supplicium hilaris contendit: ubi tantam cordis præ se ferebat alacritatem, ut non licitorum, sed Angelorum manibus se committere videretur, qui subito post interitum, sublimem eum, in cælum deferrent. Ad hæc, tantus illius populi clamor, ac tumultus est factus, ut vel tonanti cælo nunquam similis sit auditus. Hoc igitur hujus præclari Martyrii certamen fuit: hoc hodierna dies spectaculum vidit: quod procul dubio tale est, ut nec temporis diuturnitas unquam abolere, nec longæ consuetudinis fastidium tollere, nec aliud quippiam, quamvis magnum, exuperare valeat. Nam quemadmodum solem, quanto magis aspicimus, tanto magis eum admiramur, nec ullo modo, assiduitate vilescit: sic & hujus Viri sanctissimi memoria, quo majori eam temporis spatio retinemus, eo recentior in nostris animis floret: in memoria enim æterna erit justus: in terris quidem, dum terra durabit: in cælis vero, apud æquum & altissimum Judicem Dominum nostrum Jesum Christum:

(*) Pulchra exhortatio ad Martyrium.

Tomus VI. Concilior. German.

stum: cui honor & Imperium in æterna
sæcula: Amen.

In ebrietatem & luxum, quibus

die Paschæ populum affectum vi-

dit, Basilii Magni

Sermo.

MOvent me quidem, fratres, ad hunc sermonem vespertina spectacula: illud quoque meum retardat animum, meamque in dicendo alacritatem hebetat atque abruptit, quod ex iis, quæ apud vos tentavi, nullum proveniente conspiciam fructum. Nam Agricola seminum primo jactorum, germinibus nullis exurgentibus, desperatione quadam pigritiaque ad alias rursus sementes faciendas, capitur. Si enim in tot admonitionibus, quas & superiore tempore vos adhortando non præterivimus, & deinceps septem hebdomadarum jejunia nocte atque die vobis Evangelium testem adducendo memorare non destitimus, nihil penitus profecimus: qua vos spe hodierna die alloquemur amplius, aut adhortabimur? O miseri! quot noctibus quiete vigilastis, quot diebus quiete convenistis, si tamen quiete. Nam qui in bonarum actionum profectu semel fuerit; deinde ad antiquam vivendi redeat consuetudinem, non solum eorum, quos est passus, laborum præmium non summet, sed longe gravioribus dignus est pœnis, quod cum semel Dei verbum degustaverit, & mysteriorum notitia dignatus fuerit, brevi admodum delinitus voluptate, cuncta prodiderit. Nam parvus quidem & infirmus venia dignus est: potentes vero (ut dicitur) vi majore, ac multo longe graviore premuntur. Vesper unus, imperus inimici unus, omnem præteritum laborem prodidit atque diruit. Quæ igitur alacritas, quæ industria dicendi reliqua mihi? Itaque scitote, me omnino taciturnum fuisse, nisi Hieremix metuerem exemplum, qui ad populum contumacem atque incredulum loqui minime volens, illa passus est, quæ ipse narravit. Quemadmodum in visceribus ei factus est ignis, & undique circumivit nec sustinere valuit. Fœminæ lascivæ, Dei timoris oblitæ, ignis æterni minas nihili pendentes in die tali,

quando eas ob nostri Servatoris JESU Christi memoriam, domi honeste considerare oportebat, ac illius diei felicitatem memoriam habere, per quam cœli sunt aperti (Apparebit namque nobis judex e cœlo, Dei tuba, ac mortuorum resurrectio, justum judicium, ac pro meritis cuique laborum merces) At vos hæc & similia cogitare decebat: Corda item vestra a pravis cupiditatibus purgare, peccata lachrymis diluere, vosmet in hac sacra Paschali solennitate præparatos obviam Jesu Christo procedere. At pro his omnibus, mulieres Christi jugum a suis cervicibus excutientes, capita honestis operata velaminibus impudice retegentes, Deum & ejus Angelos despicientes, ad marium aspectus impudentes, luxui tantum vacaverunt: vestium sumptus, ante oculos nostros traxerunt: pedibus gestientes, ac oculo pæto, risu lascivo, ad saltationem insipientes, omnem juventutis intemperantiam in se provocaverunt: in locis sacris promcenibus civitatis, choros constituentes, ea prophanaverunt, ac omnium probro rum officinas reddidere: Aerem insuper meretriciis cantibus, terram vero pedibus lascive saltando contaminavere: Theatrum pullantes, adolescentes circumfistere provocavere: denique inverecundæ omnino ac insanæ mulierculæ, nullam insaniam, nullum probum prætermisere. Hæc itaque quomodo tacebo? quomodo digne conquerar? Vinum profecto, harum stragem (*) animarum nobis fecit: Vinum Dei donum, ad robur, infirmitatibus ac sustentationem sapientibus concessum, nunc vero arma incontinentiæ intemperantibus est factum: Ebrietas ipsa dæmon est quidam nobis sponte provocatus, qui per voluptatem animas evertit nostras. Ebrietas vitii mater, virtutis inimica fortem quidem manifeste offendit, sapientem ac justum minime novit, prudentiam extinguit. Sicut enim aqua igni est adversa, sic vinum immodicum rationem supprimit. Quamobrem vereor contra ipsum aliquid dicere: non ut de parvo quidem, aut contemnendo malo: sed ut nihil per meum sermonem profecturus, nec aliquid utilitatis allaturus. Si enim ebrius insanit, ac tenebris obvolvitur,

vanus

[*] Ebrietatis mala.

vanus labor, apud non audientem verba facere. Quos igitur alloquemur, si & is, qui admonitione indiget, minime dictis auscultat? Sobrius vero & qui sapit, omni animi affectu purgatus, nullum ex verbis expectat adjumentum? Quid igitur faciam? si & oratio mea sit inutilis futura? silentium vero infructuosum, præteribimus ne diligentiam? at negligentia periculosa: quamobrem loquar. Omnino loquar adversus ebrios, & apud sepultas aures clamabimus. Quanquam ut in pestilentia solet evenire, ii, qui corpora curant, sanos quidem & eo morbo liberos, adjumentis quibusdam ad sanitatem servandam facientibus, securos reddunt, illos vero, qui jam affecti sunt, minime attingunt: sic sermo noster ex parte tantum aliqua proficere poterit, custodiam atque observationem, contra pravos affectus animi monstrando: hos vero, qui jam illis tenentur, prætereundo. Qua in re dic homo miser, quid a brutis differas? nonne rationis munere, quam a Deo omnium conditore acceperis, reliquæ creaturæ omnis factus es Dominus & Imperator? Hoc igitur te mentis lumine per ebrietatem privans, inter bestias, & ipsa ratione carentes, annumerari poteris, similisque illis videri. Ego enim & bestiis longe peiores eos existimaverim, qui ab ebrietate superantur, quum illæ, coeundi statutas habeant leges & horas: at ii, quod plus æquo, se vino ingurgitaverint, corpusque supervacuo calore concitaverint, in commiscendo nullum fas, jusque habentes, nequissimis complexibus & amoribus inter se utuntur. Nec solum eo peiores brutis, quod mente insaniant ebrii: sed etiam quod sensibus, longe infra illa deficere videantur. Quod (*) quæso, animal ita visu auditu, atque ebrius homo debilitatur? nonne familiarissimos interdum ignorant? sæpe alienis ut domesticis congregiuntur, cum umbris quoque luctantur, easque veluti fossas ac valles, saltu pertranseunt: Aures terrifico sonitu more fluctuantis maris refertas habent: Terra interdum insurgere, ac in rectum tendere, montes vero circummoveri videntur: quandoque ab re & præter modum ridet: nunc vero sine consolationis re-

medio plorant, nunc item audaces & temerarii, mox timidissimi & molles. His etiam somni graves & deprimentes, mortique vicini: Vigiliæ somnis ipsis pigriores ac torpentiores contingunt: Exercitibus imperant, gentibus dominantur, civitates regunt, pecuniam distribuant. Talibus vinum phantasmatis, talique deceptione fervens, ipsorum corda possidet: In aliis vero alios, sæpeque contrarios exercet actus: Nonnullos videas tristes atque dolentes, speque omni decedentes, semper querulos, ac lachrymis refertos. Merum, in differentibus corporum habitibus, differentes animæ perturbationes exercet: Eos enim, quibus sanguis copiosius ad ora usque perfunditur, lætos & hilares animo reddit: In iis vero, qui gravi habitudine, frigidoque circum præcordia, sanguine corripuntur, contrarios producit effectus. Sed quid opus reliquam perturbationum catervam numerare, morum perversitatem, ad omnia vitia promptitudinem, celerem ac repentinam animi, ad omnia mutationem, strepitum tumultum ac tumultum, facilem ad dolos deductionem, ad omnes ineptias effrenem lætitiæ? Voluptatis namque incontinentia omnis, ex vini fonte originem vimque habens, præceps ad omnem impuritatem atque intemperantiam ruit: animalium omnium libidinem sceditatemque superat, quum bruta, naturæ leges, in hoc genere noscant atque observent. Ebrii tantum in mare sceminam: in scemina marem quærunt, atque optant. Non enim cuncta, quæ ex ebrietate gravi procedunt, facile prosequi oratione fuerit. Nam incommoda damnaque pestilentia, temporis intervallo hominibus proveniunt, cœli gravitate paulatim hominum corpora interficiente: Quæ vero ex homine proveniunt ebrio, statim irruunt: Sic animam perdentes, ut eam cicatricosam stigmatemque plurimo corrosam relinquunt. Sed & ipsum corporis habitum gravem, membrorumque sceditatem, brutorum more, præ se ferunt. Nam eos videre licet oculis liventibus, ore indecenti, rubore perfuso, spiritu gravi, lingua balbutiente ac demissa, voce confusa, pedibus, puerorum more, infirmis ac titubanti-

[*] Vini effectus.

bus, excreationes frequentes, velut immania sponte facientes. Miseri profecto, ac longe miseres quam fluctibus agitati, quos fluctus aliis alii succedentes, a tempestate obrui non statim sinunt: Sic horum animæ undis, hoc est, vino madentes, ilico deprimuntur. Quamobrem veluti navigia, quando fluctibus procellæ acceptis gravantur, necessario commeatus vacatione ac projectione, levanda sunt: sic ebriis rerum stomachum gravantium vacuatio necessaria, ex quo & vomitione & dejectione frequenti, vix levari possunt: tanto naufragis deteriores, quanto illi res causantur extrinsecus & mare: hi vero sponte periculum adeunt, & ex ebrietate, sibi, volentes tempestatem pariunt. Lymphatus & malo dæmone captus, misericordia quidem dignus: ebrius vero, eadem fere & ipse patiens, minime misericordia dignus, qui optato servit dæmoni. Quin & tales remedium quærunt ebrietati, non aliquid ob eam, grave non admittendo, sed minime desistendo, in eaque continuando. Dies enim admodum parva, brevis etiam nox vel hyberna, potando videtur: denique huius mali finis nullus: Ipsum namque merum, inexplebile continuo sitim addit: nec necessarium quærit usum, sed alium sine excusatione, potum invenit, quum ardentes ebrios, ac semper bibendi cupidiores reddat: ex quo insatiabiles omnino facti, contraria his penitus, quæ optaverunt, patiuntur: ac voluptatem, quam omni studio quærunt, omnino amittunt. Luxus enim huiuscemodi assiduitate, sensus tabescunt: Nam sicuti splendens aliquid visum perficit, summe autem splendens hebetat atque vastat: & magni sonitus atque strepitus ob excessum, auditum tollunt: sic & isti ob assiduam atque immodicam voluptatem, sese vastant atque corrumpunt, & a deletionis via omnino avertunt. Nam si ve meratius seu dilutius, modo satis atque frequenter bibant, ipsam vini flammam intus ardentem, ex potus immodicitate extinguere non valent. Quibus nam Propheta minatur, nisi huic hominum generi, dum ait: Vah vobis, qui contrito estis corde? Vah lamentabilis vox. Lamentatione quidem digni sunt ebrii, quod ex Apostoli sententia, Reg-

num Dei non consequantur: Tumultus in eis oritur & turbatio ob vini potentiam, rationi & rerum cogitationibus adversantem: præterea, tristitia, ob amarus potandi voluptatis exitus. Horum namque pedes ut vincti debilitantur. Manus ex fluxionibus, vini causa eo descendentibus, continuo moventur: quanquam ante omnia mala hæc, in ipso potationis tempore, similia phreneticorum eis eveniunt. Quum (*) enim cerebrum astu, ex vini vapore redundante vacillat, dolorem intolerabilem capiti parit. Ex quo caput recte supra humeros consistere non valens, huc illuc vertebis dissolutum jactatur. Sodalitas Propheta, luxum compositionum, & inhonestos conventus vocat. Contritiones etiam nominat, corporis agitudines significans: in quas ebrii quoque ob varios morborum casus incidere solent. Sed quis horum admonebit vino sepultos, qui ex crapula continuo dormitant, capite gravantur, oscitant, caliginem ob oculos habent, ob nauseam fastidiunt. Quamobrem sapientiae Magistros inclamantes minime audiunt: Nolite inebriari vino, in quo est luxuria. Et rursus: Res est immoderata, vinum, & probrosa ebrietas: quibus sane verbis ipsi minime auscultantes, ebrietatis fructum nimirum referunt: Tumescit enim corpus, oculi humoribus prægravantur, ora siti ardentia, fauces continuo siccae. Nam sicuti valles & botri, donec torrentibus inundantur, pleni esse videntur: unda vero desinente, statim siccae vacuæque remanent: sic & vinolentorum ora, vino ac potatione durantibus, exaturantur ac madescunt: paulo post continua siccitate laborant: ex quo ad frequenter bibendum invitantur, unde humor minime naturalis emititur: Ubi tandem remedium? Ubi medicina, quæ tantis ebrietatis malis occurrat, reperitur? Quis unquam madidum semper & innatans vino corpus faciat, ut non exile, dissolutum & omnibus obnoxium morbis existat? Hinc tremores, hinc debilitates, contrafacto ac debilitato vitali spiritu & excidentibus robore membris, ac dissolutis excitantur. Valetudo enim omni corporis inflationi, tumore inest. Naturali namque firmitate deficiente, necesse est corpus continuo vacillet atque moveatur. Quousque tan-

dem

[*] Ebriorum valetudo.

dem vinum? quousque ebrietas? Periculum, miser, est, ne pro homine cœnum lutumque fias. Sic penitus vino deditus, marcescis, ac quotidianam crapulam meri, & hoc tabidi, haud aliter quam vasa putrida refoles. Hos Esaias luget (*): vœ surgentibus mane, & siceram amanti-bus, non vesp̄eram expectantibus: vinum enim illos cremabit. Post citharam & saltationes vinum bibunt: opera namque Domini respiciunt, & opera manu-um ejus non considerant. Sicera enim, omne quod ebrietatem inducit, apud Hebræos vocari solet. Quos igitur nunc Propheta reprehendit, ii sunt, qui luce incipiente vinum quæritant: œnopolia, cauponasque circumagunt (†), sodales conveniunt, ac invicem ad potandum invi-tant: Omnem denique curam, cæteraque posthabentes in hoc collocant, ne tem-poris partem aliquam in rerum cœlestium, atque operum Dei consideratione ponant: eorum oculi nunquam suspiciunt, aut ad sydera tolluntur, ut pulchritudinem, & omnem in rebus creatis providentiam si-mul & justitiam meditantes, ad summi ac sapientissimi Dei creatoris omnium, cog-nitionem perfectam charitatemque perve-niant: sed statim prima luce symposia meditantur & curant, tapetibus variis & aulæis ornant: famulos ad hoc exercent: in hoc omnem curam & diligentiam osten-dunt: crateras, phyalas, psycteras, sicut in pompa quadam & festa die, ponen-tes: ut vasorum varietas pulchritudoque, veluti chorus quidam suspiciatur, admi-rationique sit: utque poculorum com-moditate ac mutatione dulcius potent: Sed & officia his obeundis adhibent: sym-posiarchos, archienochos, architricli-nos: & denum ordo ac dispositio in re inordinata confusaque constituitur: ut quemadmodum exercitus militibus, di-versa obeuntibus officia, sic convivium Magistratibus honestetur. Ex quo ebrie-tati, veluti reginæ cuidam, ministros disponentes, luxum, horum studio mu-nerum ornare contendunt. Insuper co-ronæ adhibentur, & flores & unguenta, & odorum mille genera, quæ omnia re-bus perituris, ac minime laudandis, su-pervacaneum parium negotium. Cum & potatione procedente eo veniunt, ut de augenda hac infania certent: & de

ebrietate per ambitionem contendant: cujus authorem legis Diabolum habent: victoriæ vero præmium, peccatum. Nam qui plus hauserit meri, is præ cæteris laudatur, is victoriam refert. Ex quo palam est, quod in re turpissima cum sua verecundia, gloriam quærunt. Inter se namque contendunt, & ut in judicio ali-quo, defensitant: Quæ nam ratio, qui ordo, quæ virtus, ubi sunt omnia con-fusione inconsiderantiaque referta, esse poterit? ubi & qui vident, & qui vin-cuntur, pariter sunt temulenti? ubi mini-stri ridet: manus labant: ora madent, venter ciborum gravitate dirumpitur: un-de postremo incommodum, ut miserum corpus naturali vigore dissolutum ac de-fluens, vim ponderis immodici ferre non valeat. Miserum profecto Christiano-rum oculis spectaculum. Vir ætate flo-rens, corpore terribilis, obeundis in ex-ercitu laboribus aptus, & demum sarcin-is oneratus, domum redire idoneus, ita postea a gula vinoque vincitur, ut sibi omnino imperare non possit: & qui ter-rori hostibus fuerat, ridiculus in foro pueris videtur: occasionemque, ut ab omnibus contemnatur, præbet: & sine ferro vulneratur: nec minus interficitur vir militaris & juvenis. Crapulæ manci-pium sit, ab inimicis, quæcunque jussē-rint, pati paratus. Ebrietas itaque ratio-nis interitus, fortitudinis perniciēs: sene-ctus non intellecta: mors brevis tempo-ris. Quid, quæso sunt ebrii, quam gen-tium idola? Oculos habent & non audi-unt: manus paralyti affectas habent, pe-des infirmos ac facile offendentes. Quis hæc machinatur? quis horum causa ma-lorum? quis infanxi hujus pharmacum nobis propinavit homo? Tu quidem præ-lium committis: in aciem juventutem educis: facile vulneratur, ætatis flo-rem vino absumis: vocas ad cœnam ut amicum, ejus petis cadaver, animam ex-tinguis: cum vini adsunt ministri, tunc bibere incipiunt, potantque volucrum more, ut ex fonte perenni ac sponte flu-ente, accumbentibus calices præbent: procedente autem potatione, prodit in medium adolescens nondum ebrius, phy-lam vini refrigerati humeris ferens, quod pincernam ipsum provocare facile posset: is in medio astans per obliquis fistulas æ-quam

[*] Esaias de vinolentis.

[†] forte: circumcunt.

quam convivis distribuit ebrietatem. Novum profecto genus hoc mensuræ, ubi nullus mensuræ modus, ut per (*) poculorum æqualitatem inter eos nulla sit invidia, aut in bibendo concertatio. Arripit quisque ante se positum phlycterem: ut ex quadam cisterna, more bouum, sine respiratione uno haustu tantum bibere contendat, quantum vas illud per argenteam fistulam suppeditat: respice parumper in miserum ventrem, vas magnitudinem, vini mensuram, quanta sit considera: hanc tu nequaquam in vas iterum vinarium reponere, sed in ventrem totum, ut dudum cibis oneratum, demittere curabis. Quamobrem jure clamat Propheta: Vah surgentibus mane, & siceram potantibus, non expectantibus vesperam, & diem in ebrietate consumentibus: ac nullum tempus ad considerandam Dei sapientiam, & opera manuum ejus dignoscenda, interponentibus. Vinum vos profecto comburet, quod sane dicit, quoniam igneis inimicis, fervor ex vino, corpori diffusus incenditur: Rationem igitur ac mentem vinum deprimit, voluptates & animi ceteros affectus malos excitat. Quis, dic mihi, currus equorum indomitum ita præceps fertur, ut Dominum excutiat suum? quod navigium ita gubernatore destitutum, ita fluctibus exagitatum & concussum, si contingat, ut non sit ebrio longe securus? Ex talibus itaque malis, viri ac feminae, communes constituentes choros, maloque dæmoni miserastrantes animas, sese invicem libidinum telis confodiunt atque lacerant: risus inter se histrionicos, cantus probrosos, meretricos gestus ad libidinem invitantes exercent. Rides, dic mihi, & gaudes inepta stolidaque lætitia, quum lachrymas fundere, ac dolere ob ea, quæ admisisti, fas erat? Cantus prophanos exerces, oblitus psalmodum & hymnorum, quos didicisti: moves pedes, & insanus saltas: choreas ducis imprudens, quum genua ad Dei Domini nostri Jesu Christi cultum flectere oportuit: quas ego fleam, puellasne conjugii expertes, an viris conjunctas? hæ quidem legem præterierunt, virginitatem amittentes: Illæ vero pudicitiam viris minime servaverunt. Nam si quæ forsân peccatum corpore vitavere, animo

tamen admiserunt: quæ quidem & viris mihi simul dicta monitaque sint. Vide ille male, visa est illa male: Sed qui mulierem ad concupiscendum viderit, jam mechatus est in corde suo. Si ergo casus (+) diversitas congregiens, aut se invicem solum aspiciens, tantum periculum adhibet, quanto majus fuerit, quum de industria congregiuntur, quum dedita opera mulieres in ebrietate & convivio, omni impudico gestu, saltatione, caneu, ad libidinem effrenes juvenes invitantes spectant ac querunt? Quid dicunt, aut quid causantur ex his spectaculis, ubi tot mala congregantur? Nonne ob voluptatem ac excitandam concupiscentiam spectare? Itaque excusabilis lascivix pœnas, apud justum Dei judicium quandoque dabunt. Quomodo vos, o miser! Pentecoste suscipiet, qui a Deo Pascha contempsisti? Enimvero Pentecoste Sancti Spiritus adventum efficacem, omnibusque notum habet. Tu vero te ipsum contrarii Spiritus habitaculum reddidisti: ex quo non templum Dei, ob inhabitantem Spiritum Sanctum, sed idololum factus es. Quamobrem, veram facis Prophetæ execrationem, ex Dei persona dictis: Convertam festa eorum in luctum. Sed quomodo, dicite mihi, servis imperare potestis, quum & ipsi cupiditatibus vestris tanquam mancipia serviatis? Quomodo filios monetis vestros, animas proprias incastigas retinentes, ac procul, ab omni disciplina viventes? Quid igitur? Vos in his relinquam? Sed vereor, ne si remedium his malis præteream, alius pervicacior fiat: alius vero ob tristitiam illatam desperet. Quamobrem, magnis hujusmodi peccatis medicina prompta est: jejunium ebrietatem curet: (**) psalmus turpes cantus, lachryma rifum: pro saltatione, genu Deo flectatur: pro tripudio & cithara, pectus pulsetur: pro vestium sumptu atque ornatu, humilitas: in omnibus vero eleemosyna peccata diluat: redemptio animæ, viri divitiæ: in communionem societatemque orandi Dei plures admittite hujusmodi delinquentes, si quo modo ad penitentiam revocari possint. Quando enim sedet populus manducare & bibere, tanquam idololatra, tunc Levitæ contra fratres sese armantes, ex eis viginti tria

millia

(*) Æquales calices.

(†) forte: sexus.

(**) Ebrietatis remedium.

millia cæciderunt: sic enim manus suas, inquit historia, consecrarunt. Et vobis nunc Deum timentibus dico, qui plura probra hæc, sceleraque minime probatis: illud monemus, ut si quos pœnitentes horum, quæ admiserunt, videatis, eorum vos miseratio, ut propriorum membrorum affectorum capiat: si vero a vitiis minime discedentes, & vestra, super his, monita, vestrumque dolorem, aspernantes animadvertitis, ex eorum medio cedite, nihil cum eis communicantes, ut ne & ipsi, vos reddant contaminatos: sic enim melius, proprii sceleris se spretos ac relictos videndo, admonebuntur: Vos vero pro iustitia, officioque præmium, zelo Phinees debitum, procul dubio consequemini apud iustum Judicem Deum, & Patrem Domini nostri Jesu Christi: cui gloria & imperium in æterna sæcula, Amen.

Sermo in Nativitate Apostolorum

Petri & Pauli, Divi Leonis

Papæ primus.

OMnium quidem sanctorum solennitatum, dilectissimi, totus mundus est particeps: & unius fidei pietas exigit, ut quicquid pro salute universorum gestum recolitur, communibus ubique gaudiis celebretur. Veruntamen hodierna festivitas, præter illam reverentiam, quam toto terrarum orbe promeruit, speciali, & propria nostræ urbis exultatione, veneranda est, ut ubi præcipuorum Apostolorum glorificatus est exitus, ibi in die martyrii eorum, sit lætitiæ principatus. Isti enim sunt viri, per quos tibi Evangelium Christi, Roma resplenduit: & quæ eras magistra erroris, facta es discipula veritatis.

Isti sunt Patres tui verique Pastores, qui te regnis celestibus inferendam multo melius, multoque felicius condiderunt, quam illi, quorum studio, prima, mœnium tuorum, fundamenta locata sunt: ex quibus is, qui tibi nomen dedit, fraterna te cæde fœdavit. Isti sunt, qui te ad hanc gloriam provexerunt, ut (a) sis gens sancta, populus electus, civitas Sacerdotalis & regia per sacram bea-

ti Petri sedem, caput orbis effecta, latius præsidens religione Divina, quam dominatione terrena. Quamvis enim multis aucta victoriis, jus imperii tui, terra, marique protuleris: minus tamen est, quod tibi bellicus labor subdidit, quam quod pax Christiana subjecit.

Deus namque bonus & iustus, & omnipotens, qui misericordiam suam, humano generi nunquam negavit, omnesque in commune mortales, ad cognitionem sui, abundantissimis semper beneficiis erudit, voluntariam errantium cæcitatem, & proclivem in deteriora nequitiam, secretiore consilio, & altiori pietate misertus est, mittendo verbum suum æquale sibi atque cœternum. Verbum igitur caro factum, ita Divinam naturam naturæ univit humanæ, ut illius ad infima, inclinatio, nostra fieret ad summa, provectio. Ut autem (*) hujus inenarrabilis gratiæ per totum mundum diffunderetur effectus, Romanum regnum Divina providentia præparavit: cujus ad eos limites incrementa perducta sunt, quibus cunctarum undique gentium vicinia & contigua esset universitas.

Disposito namque divinitus operi maxime congruebat, ut multa regna uno confederarentur imperio, & cito pervios haberet populos prædicatio generalis, quos unius teneret regimen civitatis. Hæc autem civitas, ignorans suæ provectionis authorem, cum pene omnibus dominaretur gentibus, omnium gentium serviebat erroribus: & magnam sibi videbatur assumpsisse religionem, quia nullam respuebat falsitatem. Unde quantum erat per Diabolum tenatius illigata, tantum per Christum est mirabilis absoluta. Nam cum duodecim Apostoli, accepta per Spiritum Sanctum, (b) omnium locutione linguarum, imbuendum Evangelio mundum, distributis sibi terrarum partibus suscepissent: beatissimus Petrus, Princeps Apostolici ordinis, ad arcem Romani destinatur imperii, ut lux veritatis, quæ in omnium gentium revelabatur salutem, efficacius se ab ipso capite, per totum mundi corpus effunderet.

Cujus

(a) Exod. 19. 1. Petr. 2.

(b) Act. 2.

(*) Romanum Imperium cur ad summa provectum sit.

Cujus autem nationis homines, in hac tunc urbe non essent, aut quæ usquam gentes ignorarent, quod Roma didicisset? Hic conculcandæ Philosophiæ opiniones: (*) hic dissolvendæ erant terrenæ sapientiæ vanitates: hic confutandi Dæmonum cultus: hic omnium sacrilegorum impietas destruenda, ubi diligentissima superstitione habebatur collectum, quicquid usquam fuerat vanis erroribus institutum. Ad hanc ergo urbem, tu beatissime Apostole Petre, venire non metuis, & consorte gloriæ tuæ Paulo Apostolo, aliarumque adhuc Ecclesiarum ordinationibus occupato, sylvam istam frementium bestiarum, & turbulentissimæ profunditatis Oceanum, constantior, quam cum supra mare gradereris, ingrederis. Nec mundi dominam times Romam, qui in Caiphæ (c) domo expaveras Sacerdotis ancillam.

Nunquid autem iudicio Pilati, aut sævitia Judæorum minor erat; vel in Claudio potestas, vel in Nerone crudelitas? Vincebat ergo materiam formidinis, vis amoris: nec æstimabas terrori cedendum, dum horum saluti consulis, quos susceperas diligendos. Hunc ergo intrepidæ charitatis affectum, jam tunc profecto conceperas, quando (d) profectio tui amoris in Dominum trinæ interrogationis est solidata mysterio, nec aliud ab hac mentis tuæ intentione quæsitum est, quam ut pascendis ejus, quem diligeres, ovibus, cibum, quo ipse eras opimatus, impenderes. Augēbant quoque fiduciam tuam tot signa miraculorum, tot dona charismatum, atque experimenta virtutum.

Jam populos, qui ex circumcisione crediderant, erudieras: jam (e) Antiochænam Ecclesiam, ubi primum Christiani nominis dignitas est orta, fundaveras: jam Pontum, Galatiam, Cappadociam, Asiam, atque Bithyniam, legibus Evangelicæ prædicationis impleveras: nec ut dubius de profectu operis, aut de spacio tuæ ignarus ætatis, trophæum Crucis Christi Romanis arcibus inferebas, quo te Divinis præordinationibus antebant, & honor potestatis, &

gloria passionis: ad quam beatus Coepostolus tuus, vas (f) electionis, & specialis Magister gentium Paulus occurrens, eodem tibi consociatus est tempore, quo jam omnis innocentia, omnis pudor, omnisque libertas, sub Neronis (**) laborabat imperio: cujus furor, per omnium viciorum inflammatus excessum, in hunc eum usque torrentem suæ præcipitavit insanix, ut primus, nomini Christiano, atrocitatem generalis persecutionis inferret: quasi per Sanctorum neces gratia Dei posset extingui, cujus hoc ipsum erat maximum lucrum, ut contemptus vitæ hujus occidæ, perceptio fieret felicitatis æternæ. Preciosa (g) ergo est in conspectu Domini, mors Sanctorum ejus. Nec ullo crudelitatis genere destrui potest, Sacramento Crucis CHRISTI fundata religio.

Non minuitur persecutionibus Ecclesia, sed augetur: & semper Dominicus ager, segete ditiori vestitur, dum grana, quæ singula cadunt, multiplicata nascuntur. Unde duo ista præclara Divini germina feminis, in quantam sobolem germinarint, beatorum millia Martyrum protestantur, qui Apostolorum æmuli triumphorum, Urbem nostram purpuratis, & longe lateque rutilantibus populis ambierunt, & quasi, ex multarum honore gemmarum, conferto uno diademate coronarunt, de quorum præsidio, dilectissimi, divinitus nobis ad exemplum patientiæ, & confirmationem fidei, præparato, universaliter quidem in omnium Sanctorum commemoratione lætandum est: sed in horum excellentia Patrum, merito est excellentius gloriandum, quos gratia Dei in tantum apicem, inter omnia Ecclesiæ membra provexit, ut eos in corpore, cui (b) caput est Christus, quasi geminum constitueret lumen oculorum: de quorum meritis atque virtutibus, quæ omnem loquendi superant facultatem, nihil diversum, nihil debemus sentire discretum: quia illos & electio pares, & labor similes, & finis fecit æquales. Sicut autem & nos experti sumus, &

nostri

(*) Romanorum superstitio.

(d) Johan. 21.

(e) Act. 11.

(**) Neronis furor & persecutio.

(c) Matth. 14. Matth. 26.

(f) Act. 9. 1. Tim. 2.

(g) Psalm. 115.

(b) Ephes. 1.

nostri probavere majores, credimus atque confidimus, inter omnes labores istius vitæ, ad obtinendam misericordiam DEI, semper nos specialium Patronorum orationibus adjuvandos: ut quantum propriis peccatis deprimimur, tantum (*) Apostolicis meritis erigamur, per Dominum nostrum JESUM CHRISTUM: cui est cum Patre & Sancto Spiritu eadem potestas, una Divinitas in sæcula sæculorum, Amen.

*De Petri Fide ac Confessione,
super quam ædificata est Ecclesia,
Sermo, &c.*

EXultemus in Domino, Dilectissimi, & spiritali jucunditate lætemur, quia unigenitus DEI Patris Filius, Dominus noster JESUS CHRISTUS ad insinuanda nobis suæ dispensationis & Divinitatis mysteria, Apostolici ordinis primum Beatum Petrum huic civitati dignatus est, prærogare: cujus hodierna solennitas, recurrente triumpho Martyrii, specimen & decus contulit, orbi terrarum. Hoc enim obtinuit, Dilectissimi, illa confessio, quæ a Deo Patre inspirata Apostolico cordi, omnium humanarum opinionum incerta transcendit, & firmitatem petræ, quæ nullis impulsibus quateretur, accepit. Evangelica siquidem referente historia, omnes Apostolos Dominus, quid de se homines opinentur, interrogat. Et tamdiu sermo respondentium communis est, quamdiu humanæ intelligentiæ ambiguitas explicatur. At ubi, quid habeat discipulorum sensus, exigitur, ille primus est, in Domini confessione, qui primus est in Apostolica dignitate: qui cum dixisset: Tu es CHRISTUS, DEI Filius vivi, (**) Respondit ei JESUS: Beatus es Simon Barjona, quia caro & sanguis non revelavit tibi, sed Pater meus, qui in cælis est. Ideo beatus es, quia Pater meus te docuit, nec opinio terrena fefellit, sed inspiratio cœlestis instruxit: & non caro & sanguis, sed ille, me tibi, cujus sum unigenitus, indicavit. Et ego, inquit, dico tibi, hoc est, sicut

Pater meus tibi manifestavit Divinitatem meam, ita ego notam tibi facio, excellentiam tuam: (i) Quia tu es Petrus, id est, cum ego sim inviolabilis petra, ego (k) lapis angularis, qui facio utraque unum, tamen tu quoque petra es: quia mea virtute solidaris, ut quæ mihi potestate sunt propria, sint tibi mecum participatione communia: super hanc (***) petram ædificabo Ecclesiam meam: & portæ inferi non prævalebunt adversus eam. Super hanc, inquit, fortitudinem, æternum extruam templum, & Ecclesiæ meæ, cælo inferenda, sublimitas, in hujus fidei firmitate confurget. Hanc confessionem, portæ inferi non tenebunt, mortis vincula non ligabunt. Vox enim ista, vox vitæ est: & sicut confessores suos in cœlestia provehit, ita negatores ad inferna demergit: Propter quod dicitur Beato Petro Apostolo: Tibi dabo claves regni cœlorum, & quæcunque ligaveris super terram, erunt ligata & in cœlis: Et quæcunque solveris super terram, erunt soluta & in cœlis. Transiit quidem in Apostolos alios, vis istius potestatis, sed non frustra uni commendatur, quod omnibus incimetur. Petro enim singulariter hoc creditur, quia cunctis Ecclesiæ Rectoribus, Petri forma proponitur. Manet ergo Petri privilegium, ubicunque ex ipsius fertur æquitate judicium, nec nimia est vel severitas, vel remissio, ubi nihil erat ligatum, nihil solutum, nisi quod Petrus aut ligaverit, aut solverit. Instante autem passione sua, Dominus, quæ discipulorum suorum erat turbatura constantiam, Simoni inquit (l): Simon ecce Satanas expostulavit, ut vos cribarer sicut triticum: ego autem rogavi pro te, ut non deficiat fides tua: & tu aliquando conversus, confirma fratres tuos, ne intrent in tentationem. Commune erat omnibus Apostolis periculum, de tentatione formidinis: & Divinæ protectionis auxilio pariter indigebant: quoniam Diabolus omnes exagitare, omnes cupiebat elidere: & tamen specialis a Domino, Petri cura suscipitur, & pro Petri fide proprie supplicatur, tanquam aliorum status

(*) Intercessio Sanctorum.

(**) Petri confessio.

(i) Matth. 16.

(k) Ephes. 2.

(***) Petrus, Petra super quam ædificata est Ecclesia.

(l) Lucæ 22.

Itatus certior sit futurus, si mens Principis viſta non fuerit. In Petro ergo omnium fortitudo munitur, & Divinæ gratiæ ita ordinatur auxilium, ut firmitas, quæ per Chriſtum Petro tribuitur, per Petrum Apoſtolis conferatur. Nam & poſt reſurrectionem ſuam, Dominus Beato Petro Apoſtolo, poſt regni claves, ad trinam æterni amoris profeſſionem, myſtica inſinuatione ter dixit (m): Paſce oves meas, quod & nunc procul dubio facit, & mandatum Domini, pius Paſtor exequitur, confirmandus nos exhortationibus ſuis, & pro nobis orare non ceſſans, ut nulla tentatione ſuperemur. Si autem hanc pietatis ſuæ curam, omni populo Dei, ſicut credendum eſt, ubique protendit: quanto magis alumnis ſuis opem ſuam dignatur impendere, apud quos in ſacro dormitionis thoro, eadem, qua præſedit, carne, requieſcit? Cum itaque dilectiſſimi, tantum nobis videamus præſidium divinitus inſtitutum, rationabiliter & juſte in Ducis noſtri meritis & dignitate lætamur, gratias agentes ſempiterno Regi & Redemptori noſtro, JESU CHRISTO, quod tantam potentiam dedit ei, quem totius Eccleſiæ Principem fecit, ad gloriam & laudem nominis ſui, qui cum Deo Patre, & Spiritu Sancto vivit & regnat in ſæcula ſæculorum: Amen.

Sermo ejusdem Leonis de laude

atque exemplo Martyrum, & de

Laurentii Poſſione ac

Triumpho.

Cum omnium, Dilectiſſimi, ſumma virtutum & totius plenitudo juſtiæ, de illo amore naſcatur, quo Deus, proximusque diligitur, in nullis proſecto hic amor, ſublimius excellere, clariuſque fulgere, quam in beatiffimis Martyribus, invenitur, qui Domino noſtro JESU CHRISTO, pro omnibus hominibus mortuo, tam propinqui ſunt imitatione charitatis, quam ſimilitudine paſſionis. Quamvis enim illi dilectioni, (n) qua Dominus nos redemit, nulla cujuſquam benignitas poſſit æquari, quia aliud eſt, pro juſto mori hominem ſua neceſſitate moriturum, aliud pro impiis occumbere, & debito mortis alienum: multum

tamen univerſis hominibus, etiam Martyres contulerunt, quorum fortitudine ita ejus largitor uſus eſt Dominus, ut poenam mortis, & atrocitatem crucis, nulli ſuorum velleret eſſe terribilem, ſed multis faceret imitabilem.

Si ergo nullus bonus, ſibi ſoli eſt bonus, nec cujuſquam ſapientis, ſibi tantum ſapientia eſt amica: & hæc verarum natura virtutum eſt, ut multos a tenebroſo abducatur errore, qui earum clarus eſt lumine, ad erudiendum Dei populum, nullorum eſt utilior forma, quam Martyrum eloquentia. Facilis ad exhortandum ſit ratio, efficax ad ſuadendum: validiora ſunt exempla, quam verba: & plenius eſt opere docere, quam voce. In quo excellentiſſimo genere doctrinæ, Beatus Martyr Laurentius, cujuſ paſſione dies hodiernus illuſtris eſt, quam glorioſa polleat dignitate, etiam perſequentores ejus, ſentire potuerunt: quum illa mirabilis animi fortitudo, de Chriſti principaliter amore concepta, non ſolum ipſa non cederet, ſed etiam alios, exemplo ſuæ tolerantia roboraret.

Quum enim furor gentilium poteſtatum, in electiſſima quæque Chriſti membra faviret, ac præcipue eos, qui ordinis erant Sacerdotalis, impeteret: in Levitam Laurentium, qui non ſolum miniſterio Sacramentorum, ſed etiam diſpenſatione eccleſiaſtica ſubſtantia præeminebat, impius perſecutor efferbuit, duplicem ſibi prædam de unius viri comprehensione promittens: quæ ſi feciſſet ſacræ pecuniæ traditorem, faceret etiam veræ religionis exortem. Armatur itaque gemina face, homo pecuniæ cupidus, & veritatis inimicus: avaritia, ut rapiat aurum: impietate, ut auferat Chriſtum. Poſtulat ſibi ab immaculato Sacrarum Præſule, opes eccleſiaſticas, quibus avidiſſimus inhiabat, inferri: cui Levita caſtiſſimus, ubi eas re-poſitas haberet, oſtendens, numeroſiſſimos ſanctorum pauperum obtulit greges, in quorum victu atque veſtitu, inamiſſibiles condiderat facultates, quæ tanto integrius erant ſalvæ, quanto ſanctius probabantur expenſæ.

(m) Johan. 21. (n) Rom. 5.

Fremat ergo prædo frustratus, & in odium religionis, quæ talem divitiarum usum instituisse, ardescens, direptionem thesauri potioris aggreditur, apud quem nullam denariorum substantiam reperisset, ut illud depositum, quo sacratius erat dives, auferret. Renunciare Christo Laurentium jubet, & solidissimam illam levitici animi fortitudinem diris parat urgere suppliciis: quorum, ubi prima nil obtinent, vehementia succedunt: Laceros artus, & multa verberum fectone concissos, subiecto præcipit igne torreret, ut per cratem ferream, quæ jam de fervore continuo, vim in se haberet urendi, converforum alterna mutatione membrorum, fieret cruciatus vehementior, & pœna productior. Nihil obtines, nihil proficis sæva crudelitas: Subtrahitur tormentis tuis materia mortalis, & Laurentio in celos abeunte, tui delictis, flammis tuis: superari charitatis CHRISTI flamma non potuit, & segnior fuit ignis, qui foris ussit, quam qui intus accendit. Sævisti persecutor in Martyrem, sævist, & auxisti palmam, dum aggeras pœnam. Nam quid non ad victoris gloriam ingenium tuum reperit, quando in honorem transierunt triumphi, etiam instrumenta supplicii? Gaudeamus igitur, Dilectissimi, gaudio spiritali, & de felicissimo inclyti viri fine gloriemur in Domino, (o) qui est mirabilis in Sanctis suis, in quibus nobis & præsidium constituit & exemplum, atque ita per universum mundum clarificavit gloriam suam, ut a Solis ortu, usque ad occasum, Leviticorum luminum coruscante fulgore, quam clarificata est Hierosolyma Stephano, tam illustri fieret Roma Laurentio: cujus oratione & patrocinio, adjuvari nos, sine cessatione confidimus: ut quia omnes, sicut Apostolus ait (p): quicumque volunt in Christo pie vivere, persecutionem patiuntur, corroboremur spiritu charitatis, & ad superandas omnes tentationes, constantis fidei perseverantia muniamur, per Dominum nostrum JESUM CHRISTUM, viventem & regnantem cum Patre & Spiritu Sancto, in sæcula sæculorum: Amen.

*Sermo, qui inscribitur Sancto
MAXIMO, Episcopo.*

RECTE atque ex debito Ecclesiæ, Beatorum Martyrum celebrant insignia, qui illuminantes virtute fidei suæ innumerales populos, soli quidem illarum sibi senserunt mortem: Sed non soli suæ mortis beneficia possederunt. Immenso enim Dei nostri pietas, multiplex ad bonitatem, & artifex ad salutem, proponens arduam virtutum palmam, raros appetitores invenit: sed in paucorum triumphis, plurimorum commodis prospicit: Illorum siquidem merita, nostra vult esse suffragia: simulque dum nobis veram fidem duro Martyrii agone commendat: afflictionem præcedentium, instructionem efficit posterorum. Quanta est circa nos Dei nostri sollicitudo? illos exanimat, ut nos erudiat: illos conterit, ut nos acquirat: illorum cruciatus, nostros contulit esse profectus: Merito ergo eos colimus, qui periculis suis pugnant, & nostris utilitatibus militant: qui per hujus lucis vitæque contemptum, edocent nos, quantum debeamus Deo nostro affectum. Noverimus itaque, quia non sine magno discrimine, de religionis veritate disputamus, quam tantorum sanguine confirmatam videmus. Magni periculi res est, si post Prophetarum oracula, post Apostolorum testimonia, post Martyrum vulnera, veterem fidem, quasi novellam, discutere præsumas, & post tam magnos & manifestos Duces, in errore permanes, & post morientium sudores, ociosa disputatione contendas. Veneremur ergo in Sanctorum Martyrum gloria, fidem nostram. Congratulemur, dilectissimi fratres, magnæ fidei nostræ, per quam, dum exules proflua charitate suscipimus, ipsos etiam intercessores habere mereamur. Hæc enim est sanctorum Martyrum gloria, quorum & si per universum mundum seminetur in cineribus portio: manet tamen integra in virtutibus plenitudo. Veneremur ergo inter tantos Christi Milites, fidem nostram. Mater namque Martyrii fides Catholica est, in qua isti illustres athletæ, subscripserunt sanguine, & morte juraverunt. Mater inquam martyrii fides est: veneremur ergo in Sanctorum

Q q q 3 gloria,

(o) Psalm. 67.

(p) 2. Tim. 5.

gloria, fidem nostram. Quomodo fidem nostram? Ab eis enim, dum mortis tolerantia indubitanter excipitur, spes immortalitatis nobis evidenter asseritur. Nunquam enim hanc vitam tam constanter expendere, nisi esse alteram incomparabiliter beatiorum, certa diffinitione sentirent. In Sanctis itaque præconibus veritatis, & passionis magnanimitas, & resurrectionis autoritas est. Prompti enim pereunt, in melius reparandi, quibus per angustias tribulationum, aperitur aditus ad plenitudinem gaudiorum. Cruentus impio ex ore sententias, respuunt manu, repudiant auditu, refugiant officio. Itaque impetum passionis, magnanimitate provocant, humilitate declinant. Incumbente persecutionis furore, adhuc catechumini animum cælo præparant, regenerantur morte, damnatione solvantur, gladio consecrantur. Hinc intelligamus, quantum valuerit ad aufertur mundi peccatum, passio redemptoris. Ecce innocentiam & vitam probatur conferre mors hominis. Hinc intelligamus, quantum in commune profuerit sacra mors filii Dei. Ecce proprium & originale delictum, lavat sanguis humanus, & quod plus est, nemo jam tollit, quod baptismo suo cruor ipse contulit. Nos vero post nitorem baptismi, post collatum nobis piæ regenerationis candorem, post acquisitam indumenti nuptialis Angelicam dignitatem, in peccatorum relapsi cæno, & in antiqua criminum volutabra revoluti, niveum vestimentum, tetrus iniquitatum ac libidinum contagiis sordidamus, & holocausticam, in quam Sigillum Divinæ imaginis acceperamus impressum, maculis mortiferæ corruptionis inspicimus, & post singularem Domini indulgentiam, innovata sordidamus, integra rescindimus, expiata violamus, repetentes opera, non jam undis purganda, sed flammis. Fœlix ergo ille Baptismus, quo omne delictum ita a Catechumeno exit, ut jam redire non possit: & quo sic debita solvit sua, ne ultra creditorem timeret: quo in se ostium peccati, fide clausit, fide damnavit: per Baptismum, innocentiam devotione quæsit, perseverantia invenit, morte servavit. Quæ cum ita sint, fratres charissimi, isti Christi testes, quorum hodie solennia colimus, licet fide testes precio-

si, sanguine preciosiores: licet virtute candidi, & pulchri: vulnerum tamen crudelium perpeffione, speciosiores & candidiores extiterunt. Qui licet putentur quacunque urbe peculiare: privilegio sepulchri, Basilicarum, aut Altarium erectione, nostri tantum sunt, & omnium communionis suffragio. Absit, ut cujuscunque urbis charitas proflua, & fides avara, tantum Martyribus derogaverit, dum sibi arrogat: ut solum intra mœnia sua, illorum beneficia inclusa esse crediderit. Non clauditur locis, quod diffunditur meritis: Invocasti Martyres ubicunque, ubique te exaudit ille, qui honoratur in Martyribus. Moderante enim eo, qui pensat vota tua, in tantum præsentia præbentur advocatorum, quanta fuerit fides supplicantium. Et incumbente persecutionis furore, sancti Martyres cælo animum præparant, regenerantur morte, gladio consecrantur: Invocasti ubicunque Martyrem, ubique te exaudit ille, qui oratur in Martyre: Oratio enim, quæ castitate, justitiæ & elemosynarum operibus adjuvatur, excedit mundum: paradidum evolat, & usque ad ipsum summæ Majestatis conspectum Angelo teste, præsentatur: O beata anima! fratres charissimi: cujus votum, cujus compunctionis incensum, cujus supplicationis holocaustum, nulla infidelitate tumidum, nullo illecebræ carnalis fœtore pollutum concupiscentiæ, nulla sævitiæ cruentum, nulla odii similitudine maculatum: sed & fide igneum, puritate conscientie nitidum, sinceritate cordis odoriferum, concordie charitate perfectum: Quod usque ad Dei vultum, per celestium nunciorum desertur obsequium: quod & Sanctis cedit ad gloriam, & Ecclesiæ filiis ad salutem proficit. Honoremus itaque: veneremurque beatos Martyres, Principes fidei, intercessores mundi, præcones regni, cohæredes Dei. Nam si honoremus servos Dei, quanto igitur magis amicos Dei honorare nos convenit: de quibus Propheta dicit: Dominus custodit omnia ossa eorum: unum ex his non conteretur. Honoro igitur in carne Martyris, exceptas pro Christi nomine cicatrices: honoro pro confessione Domini sacros cineres: honoro in cineribus, semina æternitatis: Honoro corpus, quod mihi Deum meum ostendit

dit diligere, quod me propter Deum, mortem docuit non timere. Cur autem corpus illud non honorent fideles, quod reverentur & dæmones? quod affligerunt in supplicio, sed glorificant in sepulchro. Honora itaque corpus, quod Christum honoravit in gladio, quod cum Christo regnabit in cælo.

Ejusdem Sermo de uno Martyre.

AD exhibendum charitati vestræ sermonem, & festivitati sancti Martyris. N. in quantum Dominus permiserit, ipso auxiliante, aliquid enarrare cupimus: & quod nostris viribus non valemus, ejus suffragiis adimplere possumus. Charitas autem hominis non est a se ipso: sed salubriter donatur a Christo. Christus illam donavit Martyribus suis, qui eam donavit fidelibus suis. Charitas ergo Christi, sicut in Martyribus suis vicit: sic ad solennia Martyrum fideles adducit: eandem charitatem in Sancto isto Martyre N. vos diligere demonstratis: ad cujus festivitatem delectabiliter festinatis.

Beatus enim hic Martyr N. virtute charitatis indutus: certavit bonum certamen: cursum consummavit, fidem servavit, occisus triumphavit. Est autem quædam sæcularium hominum sententia, qua dicere assolent: Apud bellicosos viros, victus dicitur occisus. Hoc dicit suis dilectoribus, mundus: sed fidelibus suis, aliud loquitur Christus. In sancta enim Ecclesia invenitur, unde illa sententia evacuatur: ut non dicatur victus, qui fuerit victor occisus: Aliud est enim occidi pro mundo, aliud occidi pro Christo. Qui occiditur pro mundo: vincitur cum occiditur. Ille itaque non victor: sed victus invenitur occisus: quia nisi vinceretur, non occideretur. Qui autem occiditur pro Christo, victus non dicitur, quia non vincitur, quamvis occidatur. Sed revera victor occiditur: quia cum occiditur, victor efficitur: Corona enim victoribus datur: quomodo igitur occisus ille victor negatur, qui pro eo, quod occiditur, a iusto iudice coronatur. Ecce beatus hic Martyr N. occisus est quidem: non tamen est victus, sed perman-

sit victor occisus: quia pro invicto invenitur occisus. In victus enim Christus Dominus, pro quo maluit occidi Martyr: quia si occidi pro invicto metueret, ad victoriam non veniret: imo si non occideretur, miserabiliter vinceretur. Viccit ergo pro fide moriendo, qui vincetur sine fide vivendo. Scriptum est autem (g): quia iustus ex fide vivit. Proinde si iste Martyr amissa fide, vivere delectaretur: frustra viveret corporaliter, quando spiritualiter in anima moreretur. Corpus enim ex anima vivit, anima ex fide vivit. Christus autem in cordibus fidelium tuorum, per fidem habitare dignatur. Dicit enim Apostolus (r): interiori hominem habitare Christum per fidem in cordibus nostris. Permanente itaque fide, permanet in homine Christus. Discedente autem fide, discedit ab homine Christus. Apostolus enim docet: Quia Christus est vita nostra, dicens: Cum Christus apparuerit vita vestra, tunc & vos apparebitis cum ipso in gloria. Inaniter ita corpus ab anima vivificatur, si discedente Christo, anima moriatur. Nam & ipse Dominus, ut fidem, esse animæ vitam, demonstraret, infideles mortuos appellavit, dicens: (s) Dimitte mortuos sepelire mortuos suos. Quid ergo proderit, quia videtur in corpore vivus, qui fuerit in anima, morte infidelitatis occisus? Ista beatus Martyr N. plenus Spiritu Sancto cogitavit, & ut semper in anima viveret, mortem corporis nullatenus formidavit. Meminerat enim Dominum dixisse: (t) Nolite timere eos, qui occidunt corpus, animam autem non possunt occidere. Magis autem eum timere, qui potest corpus & animam perdere in gehennam. Noverat ergo beatus Martyr N. animo non moriente, corpus quidem cum ea æterna requie ac felicitate victurum. Hinc est, quod ad subeundam corporis mortem, indubitanter & fortiter venit: quia in ipsa temporali morte, æternam vitam animæ simul & corporis invenit. Non est ergo victus iste victor occisus, cui mors corporis in tantum est facta triumphalis, ut per illam fieret immortalis. Traditur itaque iudici martyr: deputatur cruciatibus occidendus: deinde quia fervet amore chari-

(g) Rom. 1.

(r) Ephes. 3.

(s) Matth. 10.

(t) Luc. 12.

charitatis, dolorem non metuit supplicii : exhibuit corpus suum hostiam viventem, sanctam, Deo placentem. Impletum est in illo etiam corporaliter, quod spiritualiter de iustis in libro Sapientiæ continetur, de quibus dictum est : Quoniam Deus tentavit illos, & invenit illos dignos se : tanquam aurum in fornace, probavit illos : & quasi holocausti hostiam, accepit illos. Holocaustum, fratres, græcus est sermo, non latinus : Quod græce dicitur holocaustum, latine dicitur Sacrificium : illud autem sacrificium vocabatur holocaustum, quod totum in altari cremabatur. Beatum itaque Martyrem Christi N. charitas holocaustum exhibuit : quem crudelitas persecutoris laceravit : Et martyrem quidem iudex maceravit, sed holocausti, hostiam semetipsum Deo, Martyr sanctissimus immolavit. Impietas ergo iudicis martyrem interfecit : quem passio gloriosa holocausti hostiam perfecit : atque (ut ita dicatur) martyrem suum Dominus hostiam vivam libenter accepit. Noverat autem iste Martyr N. dixisse Christum : qui mihi ministrat, me sequatur : & ubi ego sum, illic & minister meus erit : Ministravit ergo Christo : & securus est Christum. Omnes igitur in hac festivitate lætemur : & virtutem Sanctorum, inquantum Dominus adjuvat, imitemur. Hujus festivitatis gaudium, cunctis proficiat, ad virtutis exemplum. Discamus omnes avaritiam continere : discamus pauperes pascere, pecunias non in terra, sed in cælo servare : discamus usque ad mortem, pro Christi nomine dimicare, discamus intima charitate fervere : & per justitiam, tribulationes, tanquam carbones, longanimiter sustinere. Est enim quædam combustio, temporalis afflictio, de qua dicitur : (u) vasa figuli probat fornax, & homines iustos, tentatio tribulationis. Nos itaque, dilectissimi, Christum Dominum præ omnibus diligamus : ejusque virtute muniti, ut carnalium cupiditatum incendia vincamus, sanctæ charitatis igne ferveamus : ita fiet, ut ignibus tribulationum non fatigemur : sed Divinæ virtutis insuperabili refrigerio sublevemur : sic ad illam requiem perducemur, ubi cum sanctis Martyribus sine fine lætemur : ipso adjuvante Domino nostro Jesu Chri-

sto, qui cum Patre & Spiritu Sancto vivit & regnat Deus, per omnia sæcula sæculorum, Amen.

*In festo Sanctorum Martyrum
CHRYSANTI & DARIE*

Historia.

Pollemius Illustrissimus vir Alexandriae urbis honoratus, & primus, ad urbem Romam cum filio suo Chrysanto veniens, a Romano Senatu susceptus est, & magnis honoribus a Numeriano Imperatore illustratus, Cathedram in Curia Romana suscepit. Hic autem filium suum unicum nomine Chrysantum, omnibus liberalibus studiis tradidit : erat enim ardentis ingenii : ita, ut omnia quæcunque ei ab Oratoribus aut Philosophis fuissent tradita, captu animi fortiter retineret. Cujus revera prudentiæ, cuiusque fuerit intelligentiæ, rerum exitus docet. Nam cum universa librorum volumina, animo curiosius discuteret, ad Evangelicos apices pervenit : & figens curiositatis suæ cursum, ad semetipsum ait : Tamdiu te edoce Chrysante, per librorum tenebras, curarum tuarum freno laxare, quamdiu ad lumen pertingere valeas veritatis. Hæc secum animo quotidie revolvendi, & quotidie Christi famulos requirenti, occurrit, qui diceret, se nosse quendam Carpophorum nomine, virum per omnia eruditum, Christianum & sanctum, sed persecutionis atrocitate sæviante, in quadam montis spelunca collocatum : vix posse a paucissimis, ac fidelissimis viris visitari. Audiens hæc Chrysantus, cepit esse ferventior, & genubus referentis, fufis precibus, advolutus, etiam cum lacrymis postulare, ut ad ejus notitiam mereretur pervenire. Fit providente Deo, quod ejus fidei desiderium flagitabat : & veniens ad sanctum Carpophorum quintæ regionis Presbyterum, inter paucos menses, omnibus Divinis literis imbuitur, & ita cepit esse diligenter instructus, ut statim post septem dies Baptismi sui, Jesum Christum filium Dei voce publica prædicaret. Tunc affines ejus, viri nobiles & potentes, comprehendentes patrem ejus Pollemium, cœperunt arguere eum, dicentes : Periculo patrimonii & capi-

(u) Eccl. 27.

capitis tui, iste juvenis contra Deos Deas-
que nostras vociferatur clamoribus vanis,
dicitque, nescimus quem Christum,
verum Deum esse, quem si audierit Imperator
ista prosequentem, nec tibi proderit,
nec nobis esset consultum. Quis enim
audeat ista præsumere, nisi qui se
aut sine Rege, vel sine lege Romana,
agere credat impune? Tunc iratus pater
ejus Pollemius, fecit eum in tenebroso,
& squalido loco claudi, & vespertinis
horis parvissimo cibo refici. Hoc autem
vir Dei Chrysantus, magis ad exercitacionem
sibi, quam ad supplicium dicebat inferri.
Cumque hoc factum publica confabulatio
detexisset, dicit patri ejus unus ex audientibus:
Si filium tuum ab hac usurpatione conaris eripere,
magis eum deliciis & voluptatibus occupa,
& cujuscunque elegantissimæ, atque
prudencissimæ puellæ conjugio trade:
ut, cum didicerit esse maritus, obliviscatur
esse Christianus. Nam istas tenebras & afflictiones,
quas ad supplicium illi te credis inferre:
ad laudem Christi, & perpetuam gloriam sibi
existimat evenire. Audiens hæc Pollemius,
juber triclinia, vestibus sericis strata,
parari, ipsum quoque auferens de squalida
illa & tetra habitatione, induit eum
vestibus preciosis, & ponens eum in triclinio,
elegit quinque pulcherrimas virgines
ex ancillis suis, & accuratissimis vestibus
& ornamentis composuit, & simul eas
cum Chrysanto constituens, jussit quotidiana
convivia, affluentissimis dapibus exhiberi:
Puellis autem interminatus est dicens,
nisi eum jocos vestris & amplexibus
ab intentione Christianitatis separaveritis,
diversis vos faciam interire suppliciis.
Igitur inter hæc ludibria, vir Dei immobilis,
animo deliciis quasi stercora contemnebat.
Puellas autem virgines, quasi vipersas
perhorrebat: jacebat autem in oratione
immobilis, & amplexus earum & oscula,
quasi sagittarum ictus, scuto suæ fidei
excipiens, clamabat ad Dominum, dicens:
Exurge Domine in adjutorium mihi,
dic animæ meæ, salus tua ego sum. Quis
enim istam pugnam a diabolo excitatam,
vincere prævalet, nisi tua pro eo fuerit
dextera dimicata? Errat, qui se putat
castitatem perfectam suis nîsibus obtinere:
re: nisi enim tuo imbre fuerit extincta

Tomus VI. Concilior. German.

flamma libidinis, non potest animus pervenire,
quo pergit. Post hæc virgo vestalis,
nomine Daria, gemmis & auro radians,
repente ad Chrysantum ingreditur,
& tanta eum sermonis elegantia alloquitur,
ut si esset ferro durior, plumbo
molliorem redderet. At ille inter se
& illam, medium Spiritum Sanctum postulans,
sic eam affatur: Si mihi mortali,
aliis amoribus occupato, tantam
pulchritudinem & sermonis dulcedinem,
spe connubii temporalis, ostendis,
quare non magis te amantem & desiderantem,
immortalem Deum, Regem sæculorum,
habere & obtinere satagis? quem
& obtinere & habere poteris, si animam
tuam, eum corporis integritate custodieris,
ut sicut corpore pulchra, ita mente
pulchrior fias: erunt tibi hujus
connubii laudatores, Angeli: Paranymphe,
Apostoli: Martyres, amici: Christus,
Virginis filius, sponsus, qui thalamum
tibi in cælo custodiens, paradysi
possessiones tribuet, dote sempiterna.
At hæc, verborum ejus virtute compuncta,
respondit: Nulla mecum o juvenis,
cum iis vestibus, signa perulantis animi
ad te adduxi, sed patris tui, lachrymas
miserata, te patri reddere volui:
cui dum Chrysantus, cultus Deorum
falsitatem, & vitæ perpetuæ veritatem
ostendisset, Daria credidit. Igitur
simulata voluntate conjugii, inter
Chrysantum & Dariam, ambo in Dei
timore, & castitatis gloria perduraverunt.
Baptizata itaque Daria, quia non corporeo
calore, sed Spiritus Sancti fervore,
sancto Chrysanto sociata est, multos
utriusque sexus juvenes, ad cælibatum,
castimoniam portum, Domino genuerunt.
Igitur post hæc Celerinus Præfectus,
cum cogeret Sanctum Chrysantum
ad sacrificandum, simul cum Beata
Daria virgine, quam prius, ut dictum
est, vir Dei, ut sibi conjugio copularetur,
adductam, jam ad fidem Christi
converterat, & diversa diceret,
& audiret, jussit Sanctum Chrysantum,
Eculeo ingenti suspendi: cumque
imponeretur Eculeo Chrysantus,
ligna omnia comminuta sunt,
vincula vero universa dirupta:
lampades quoque, quæ erant ad
latera ejus, extinctæ sunt.
Quicumque etiam mittebant manum
ad sanctam virginem Dariam,
stupabant nervi eorum, & præ doloribus,

R r r

gemi

gemitum cordis reddebant. Videns itaque hæc Celerinus Præfectus, vehementer expavit: & cursu rapidissimo, ad Imperatorem properans, cuncta, quæ gesta fuerant, enarravit. Tunc Numerianus non virtutibus Divinis, sed maleficiis imputans, iussit eos duci in viam Salariam, atque in arenario deponi, simul Chrysantum & Dariam, & vivos, terra, & lapidibus obrui: tunc Beatissimus Chrysantus, cum Beata virgine Daria, deponuntur in foveam, Palmis, Hymnis, & orationibus insistentes: Facta est autem in passione societas sanguinis: sicut fuerant etiam mente conjuges: ut quasi in uno lectulo, ita in una fovea, atque in una voluntate perdurantes, simul pertingerent ad coronam.

Catalogus Festorum, ac Fervorum.

Omnes dies Dominici.
Pascha. } cum duobus sequentibus
Pentecostes. } diebus.
Natalis Domini, cum festo, videlicet, S. Stephani, & Johannis Evangelistæ.
Sanctorum vero Innocentium commemorationem, peractioni Sacerdotum in choro committimus.
Circumcisio Domini.
Epiphania.
Ascensio Domini.
Festum Sanctæ & Individuæ Trinitatis.
Festum Corporis Christi.
Purificationis. }
Annunciationis. }
Visitationis. } Festa Beatæ Mariæ Virginis.
Assumptionis. }
Nativitatis. }
Præsentationis. }
Conceptionis. }

Sanctorum Festa.

Omnium Apostolorum.
Johannis Baptistæ.
Mariæ Magdalene.
Sancti Laurentii.
Michaelis.
Omnium Sanctorum.
Sancti Martini.
Dedicatio Templi.

(x) Paul. 1. Cor. c. 14.

(y) Decretum Basiliens. in 21. Sessione promulgatum.

(z) C. Rogationes, dist. 3. de Consecrat.

Festa vero consuetudini referata sunt.

S. Georgii Martyris.
Udalrici Episcopi.
Arbogasti.
Margaretæ.
Nicolai.
Catharinæ.

Præsentationis Beatæ Mariæ Virginis:
Item Patronorum festa, quæ si non a plebe, tamen in templis & collegiis a Sacerdotibus pie celebrentur: ne feriarum multitudine populus nimium graveretur.

De Spectaculis & Ludis in Ecclesiis, nostræ Diœcesis non celebrandis.

CAPUT XIX.

Cum in multis locis nostræ Diœcesis, abusus inoleverit, ut in templis spectacula, & ludicra peragantur, & populo exhibeantur: ea etiam sacras historias contineant, tamen cum ob histrionum & personarum ineptias, ludique levitatem magis risum & cachinnum nonnunquam provocent, quam ut pietatem alant: Et cum in templis ac Christianorum congregationibus, (*) omnia decent, ordine, & summa animorum gravitate, & devotione peragi debeant: tum ejusmodi morem & consuetudinem, aliaque spectacula & ludicra, etiam extra templa paganismum redolentia, ut cantiones & lusus, qui in die Sancti Urbani, circumferendo ipsius imaginem, frondibus comatam & ornatam, decantari, & celebrari consueverunt, abolenda censemus, & decernimus, mandantes, ut circa ea, Concilii Basiliensis (y) Decretum, deinceps in nostra Diœcesi diligenter, & a Clero & subditis, observetur.

De Litaniis & Processionibus publicis.

CAPUT XX.

Statuimus insuper, ut dies (z) Rogationum, cum consuetis Processionibus

bus in Diœcesi nostra diligenter observentur, & pia devotione & modestia peragantur, admoneaturque populus, cur hæc, ab Ecclesiâ, præsertim hoc anni tempore, institutæ & ordinatæ sint: videlicet, (a) ut misericordiam Dei, aperto pœnitentiæ signo, ac publica Cereemonia imploremus, & invocemus. Et quamquam Deus semper invocandus, ejusque clementia ac benignitas implorenda sit (*): tamen cum sub id anni tempus subinde pericula ac calamitates, sive aeris temperiem, sive terræ fructus, sive etiam bella, aliasque clades & incommoda consideremus, populo metuendæ sunt: tum ab Ecclesiâ hæc supplicandi ratio, & forma instituta, & ordinata est, quo populus ad pœnitentiam agendam, ad prioris vitæ emendationem, & ad verum precandi studium, ut pro sua clementia & benignitate Deus omnia mala a nobis avertere velit, excitetur & admoneatur: id quod precationes, quibus, Ecclesiâ in peragendis processionibus utitur, expresse & discrete admonent. Quas quidem reulerit pro informatione populi, concionando breviter & summarie recensere ac explicare: (b) Cur, quando, ob quâ causam, & in quem finem Rogationum dies, ac supplicatoriæ processiones, institutæ sint: quid in iis peragendis agere, quid perpendere, quid meditari, & quomodo (c) non solum pro communi necessitate, angustia, pace & tranquillitate temporis, aliisque corporis, & externis fortunis & bonis, sed & animæ ac totius Ecclesiæ salute orare, & DEO supplicare debeat populus. Item cur agmini præferatur signum Crucis, quid vexilla, aliaque ceremoniæ & ritus, quibus pro informanda plebe Ecclesiâ utitur, significant. Et cum a nonnullis propter invocationem Sanctorum, contempta Ecclesiæ, Conciliorumque autoritate, ac

consuetudine longissimi temporis, Litania, propria temeritate, & audacia, aut plane omittatur, aut abjecta Sanctorum invocatione compellationeque recitetur: mandamus & præcipimus, ut Parochi & Sacerdotes, secundum Catholicæ Ecclesiæ consuetudinem, ea integre in Ecclesiis ac templis utantur. Cæterum comessandi, & computandi studia, tabernarum frequentiam, deambulandi, discurrendique hinc inde confusionem, aliaque inconvenientia, interdiciamus & prohibemus: volentes, ut Sacris, ac Divini verbi Concionibus, quæ semper adhibendæ sunt, unanimiter populus interfuit, hasque summa animorum pietate, devotione, honestate, & ordine decenti, citra piarum mentium scandalum & offensionem, abscessa, & (ad malitiam hominum coercendam) decurtata itineris longitudine, conficiant & absolvant.

*De Signo vel pulsu Angelicæ
Salutationis.*

CAPUT XXI.

L Audabilis hætenus in Ecclesiâ Catholica consuetudo observata est, ut ad ortum diei, Solisque occasum, Angelicæ Salutationis signum, publice datum sit, quo excitarentur homines ad piam & devotam Dominicæ incarnationis, redemptionisque humani generis commemorationem: Videlicet, ut tam inenarrabile & magnum incarnationis, recuperatæ salutis nostræ, mysterium, quod tanto desiderio, tantis suspiriis & gemitibus, Patriarchæ expectarunt & expectaverunt, & de quo, Prophetæ, tot vaticinia, tantaque Spiritus S. oracula prophetarunt & vaticinati sunt, in continua, recenti, & perpetua recordatione, ac meditatione Christianorum retineretur, ac Deo laudes agerentur pro immensâ misericordia & clementia, qua humanum genus,

(a) Ex Concil. Aurel. cap. 6.

(*) Lege exemplum Theodosii Imperatoris lib. 11. Ecclesiasticæ Hist.

(b) Eusebius Emiffenus Episc. in Homilia de Litanis.

(c) D. Euseb. Emiff. in Homilia de sanctis Martyribus Ehipodio & Alexandro. Dulcius, inquam, eis præbatur obsequium, si ibi eos laudum concelebrer benedictio, ubi super eos tribulationum desævit magnitudo, si inde invocentur ad suffragium, unde primo resurrectionis signo evocabuntur ad præmium. & in Hom. de Litanis. Videamus, a. quid nobis in ipsa hostilitate, quid nobis contulerint, oblata communium precum, & præsidia invocata Sanctorum.

nus, quod a Divina gratia, exciderat & perierat, hoc reconciliationis medio, tam elementer & benigne denuo respexeris. Crebro igitur commonefaciendus est populus, ut audito vel dato Angelicæ salutationis signo, Deo Optimo Maximo gratias agat, & assuescat una cum Ecclesia precari, dicendo: Hæc est dies, quam fecit Dominus: hodie Dominus afflictionem populi sui respexit, & redemptionem misit: Hodie mortem, quam fœmina intulit, fœmina fugavit: & ut in Symbolo Toletani Concilii XL. recitatur, hodie Deus homo factus: id quod erat, permansit, & quod non erat, adsumpsit. Ergo exordium redemptionis nostræ devote recolamus & exulemus, dicentes: Gloria tibi Domine: Ave Maria gratia, &c. adjungendo communem precationem, qua, in hujus commemoratione, Ecclesia utitur: Deus qui de beatæ Mariæ Virginis utero, &c. Si enim in veteri testamento, Judæis præcipiebatur, ut præcepta Domini filiis denunciarent, ligarentque ea, quasi signum in manibus, quo ad continuam eorundem meditationem & recordationem excitarentur: Nam sic inquit: Eruntque verba hæc, quæ ego præcipio tibi hodie, in corde tuo, & narrabis ea filiis tuis, & meditaberis sedens in domo tua, & ambulans in itinere, dormiens atque confurgens, & ligabis ea, quasi signum, in manu tua, eruntque & movebuntur inter oculos tuos, scribesque ea in limine & ostiis domus tuæ: Item. Custodi præcepta Domini Dei tui, ac testimonia & cæremonias, quas præcepit tibi, & fac, quod placitum est, & bonum in conspectu Dei, ut bene sit tibi. Cumque (d) interrogaverit te filius tuus, cras dicens, quid sibi volunt testimonia hæc, & cæremoniæ atque judicia, quæ præcepit Dominus Deus noster nobis? Dices ei: servi eramus Pharaonis in Ægypto, & eduxit nos Dominus de Ægypto, in manu forti, fecitque signa ac prodigia magna, & pessima in Ægypto contra Pharaonem, & omnem domum illius, in conspectu nostro, & eduxit nos inde: ut introductis daret terram, super qua juravit Patribus nostris: præcepitque nobis Dominus, ut faciamus om-

nia legitima hæc, & timeamus Dominum Deum nostrum, ut bene sit nobis, cunctis diebus vitæ nostræ, sicut est hodie: eritque nostris misericors, si custodierimus, & fecerimus omnia præcepta ejus, coram Domino Deo nostro, sicut mandavit nobis, &c. Si inquam in veteri testamento, tam sollicitè & diligenter præceptum fuit Judæis, ut Divina beneficia Dei, in recenti & perpetua recordatione conservarent: cur ergo in novo testamento, non id quoque a Christianis fieret? Cur immensa, & impercrutabilia Dei beneficia, humano generi præstita, externis signis, Symbolis & Cæremoniis, non æque custodiremus? in quos non solum corporalia, sed spiritualia, non externa, sed æterna dona collata sunt? Imo non privatæ vitæ, sed æternæ mortis, proprio Christi Sanguine, & videntia interveniente, liberatio facta est? Ob quam quidem causam, Cæremoniæ in Ecclesiis, subinde populo exhibentur & peraguntur.

De Imaginibus.

CAPUT XXII.

IMAGINES Sanctorum in Ecclesiis retinendas esse præcipimus. Neque (e) enim eorum barbaries, & temeritas laudanda & approbanda est, qui rem minime malam, sed Ecclesiis non mediocriter utilem, ac (si crimen idololatriæ & simulachrorum cultus desit) multitudini necessariam, e templis majori infania, & furore, quam judicio aut pio zelo auferunt. Nam (f) cum non adorandæ, neque eis, cultu Divino inserviendum sit, nullumque alium imaginum usum in Ecclesiis esse conveniat, quam ut memoriam & recordationem earum rerum in nobis exsuscitent, conservent, retineant, & ob oculos subinde proponant, quarum causa exhibentur & depinguntur: tum non confringendæ, neque tollendæ, sed in templis (juxta Constitutionem Niceni Concilii, unanimumque Catholicæ Ecclesiæ consensum) pie retinendæ sunt. Verissimum enim est illud Gregorii (g), idem picturam cernentibus, quod scripturam legentibus, præstare. Quod si autem

circa

(d) Deut. 6.

(e) Damascen. lib. 4. cap. 15.

(f) C. Perlatum. c. Venerabiles. dist. 3. De consecrat.

(g) Gregor. Servio Episcopo Marfil.

circa verum earum usum vitio temporum, aliquid mali & incommodi irrepsisset, quod vel impietati, vel superstitioni causam præberet, ut falso quidam calumniantur hoc tempore: statuimus, ut id non seditiose; indecore, aut per tumultum & furorem populi, tollatur: sed verbi ministri, vera & Christiana imaginum informatione adhibita, corrigant, aut (si id necessitas postulat) ad Episcopum rem corrigendam deferant. Cæterum ne res minime mala in contemptum veniat, (b) danda est opera, ut in templis imaginibus, & picturis, certus aliquis statuatur modus. Non enim plus ad pietatem faciet, si omnium Ecclesiarum & parietum anguli imaginibus & picturis referti sint, quam si in eminentioribus templi locis convenientes aliquæ imagines aut tabulæ, quæ historicis decenter & pie depictas, easque maxime ex sacra Scriptura, aliisque probatis ab Ecclesia scriptoribus desumptas, semoto omni prophano, lascivo, vel petulanti ornatu, in se contineant, conspiciantur, & populo exhibeantur.

De Vita & moribus Clericorum.

CAPUT XXIII.

PRÆterea cum Sacerdotibus, & aliis Ecclesiasticis personis nihil æque conveniat, quam castam, & continentem ducere vitam, præsertim cum officii ratione, eos quotidie in templis versari, & Sacrosancta Dei mysteria tractare deceat: in hac Synodo decernimus, & sancimus, ut deinceps Clerus nostræ Diocesis, ablegatis & (i) dimissis concubinis, personisque suspectis, continenter, & caste vivat, eaque fideliter & diligenter observet, & quæ præfens reformationis formula disponit, & a Concilio Basiliensi jam dudum de concubinariis, promulgata, disposita, & ordinata sunt. Legatur Decretum.

Decretum Concilii Basil. Sess. 20.

Quicumque Clericus &c. vide supra pag.

(b) Vide Joan. Damasc. adversus eos, qui sanctas Imagines traducunt. Et Joan. Aurelian. Episcop. de cultu Imaginum, ad Carolum Magnum.

(i) Leg. c. Eccles. ostenfum. 28. dist. c. Sacerdos. 31. dist. c. Hospitalium. 32. dist. item c. A quib. cum omnib. sequentib. tota dist. 35.

(k) Psal. 145.

(l) August. in Epist. 89. ad Host.

(m) Idem August. confess. lib. 6. cap. 12.

321. ubi Decretum hoc integrum refertur.

Et quanquam hæc constitutio, præsertim hoc tempore, & in hac ultima, ut apparet, mundi senecta (in qua omnis pene pietatis fervor & ardor extinctus, & sopitus est) videatur esse dura & gravis (non enim humanarum virium, sed Dei donum est, continere) tamen cum id, quod per vires nostras nequimus, per gratiam consequimur, & cum (k) prope sit Dominus invocantibus, invocantibus eum in veritate, neque iusta petentibus, quicquam neget, & gratiam suam subtrahat: tum vos omnes in Christo JESU Salvatore nostro admonemus, & adhortamur, ut continuis, & ardentissimis precibus, ad continentiam donum consequendum, Dei gratiam & auxilium invocetis, & imploretis: Is enim, ut Augustinus ait (l), qui jubet continentiam, dabit continentiam, qui jubet per legem, dabit per gratiam, qui jubet per litteram, dabit per spiritum. Et ut idem in alio loco: (m) Putabam me miserum fore nimis, inquit, si fœminæ privarer amplexibus, & medicinam misericordiam tuam, ad eandem infirmitatem sanandam, non cogitabam, qui expertus non eram, & propriarum virium credebam, esse continentiam, quarum mihi non eram conscius: cum tam stultus essem, ut nescirem, sicut scriptum est, neminem posse esse continentem, nisi tu dederis: utique dares, si gemitu interno pulsarem aures tuas, & fide solida, in te jactarem curam meam. Quem locum ideo integre recitamus, ut tanti, tamque magni & sancti Viri testimonio, cujus autoritas in Ecclesia semper plurimum valuit, ad continentiam amplexandam admoneamini. Cæterum quæ ad vitam Cleri moresque reformandos pertinent: quæve singularum Ecclesiasticarum personarum peculiaris & propria officia ac qualitates sint: quomodo ambitio fugienda: avaritia vitanda: luxur, immoderatique sumptus detestandi: quomodo a blasphemis, & execrationibus, a ri-

R r r 3

xis.

xis, a crapula, ebrietate, a diurnis nocturnisque comestationibus, a fornicatione, scortatione, lenocinio, ac choreis, a spectaculis, a ludis, de jure prohibitis, abstinendum sit, diligenter & ex ordine recitat ac enumerat sæpe dicta reformationis formula. Quare mandamus, & præcipimus, ut ea omnia summo studio, sub pœnis ordinariis, ac in ea contentis, a Clero nostro ita observentur, ut in sermone, vestitu, gestu, moribus, ac tota vitæ conversatione & maxime in incessu summam modestiam, ac vitæ & morum integritatem & honestatem, plane Sacerdotali ordine dignam, id quod Canones a Clero inprimis exigunt & requirunt, præ se ferant. Sic enim inquit Canon CLEMENS: qui habetur distinctione quadagesima prima. Sit Sacerdos in incessu ornatus, ut gravitate itineris, mentis maturitatem ostendat: Cum incompositio corporis, ut Augustinus ait, inæqualitatem mentis indicet: Et Gregorius Nazianzenus alibi (n), ex indecenti corporis motu, quem Julianus Apostata, gestu, & moribus subinde exprimebat, & exercebat, ingenii inconstantiam, & vanitatem mentis internæ facile conjectabat, & animadvertibat, cum inquit: Mihi, antequam ad rempublicam accederet, visus est talis, qualem postea res gestæ, ostenderunt. Sint igitur Clerici, & Sacerdotes juxta Pauli (o) descriptionem vigilantes, sobrii, modesti, hospitales, idonei ad docendum, non vinolenti, non percussores, non turpis lucri cupidi, sed alieni ab avaricia &c. Et quanquam beatus Apostolus, ea in Episcopo requirat, tamen ea nihilominus secundum Canonum, (p) & sanctorum Patrum sententiam, ad omnes recipientes ordines Clericos & Sacerdotes extenduntur. Ut autem sui officii Clerus plene admoneatur, & quid se deceat veluti in speculo perspiciat, cognoscatque, quomodo in omnibus sese gerere debeat: operæ precium duximus Canonem, His igitur: qui distinctione vicesima tertia habetur, brevitatis causa subjiciendum esse. Legatur Canon.

His igitur lege Patrum cavetur, ut a vulgari vita sæculi, a mundi voluptatibus se abstineant: non spectaculis, non pompis intersint: convivia publica fugiant: privata non tantum pudica, sed sobria colant: usuris nequaquam incumbant: neque turpium occupationibus lucrorum, neque fraudibus cujuscunque studium appetant: amorem pecuniæ, quasi materiam cunctorum criminum fugiant, & sæcularia negotia officiaque abiciant, honoris gradum per ambitionem non suscipiant, pro beneficiis medicinæ DEI, munera non accipiant: dolos & conjurationes caveant: odium, æmulationes & obtestationes atque invidiam fugiant: non vagi oculis, non effreni lingua, aut perulanti fluidoque gestu incedant: sed pudorem, & verecundiam mentis, simplici habitu, incessuque ostendant: obsecnitatem etiam membrorum, & verborum, sicut, & operum, penitus execrentur: viduarum & virginum frequentationes penitus fugiant: contubernia extranearum feminarum nullatenus appetant: castimoniam quoque non violari corporis perpetuo observare studeant, &c.

Porro, cum in peragendis exequiis & Fraternitatibus, seu Capitulis, ut vocant ruralibus celebrandis, (q) sumptuosæ Presbyterorum, vel Capitulorum convivia in publicis tabernis hæcenus adornata sint, & celebrata, ex quibus tandem ob frequens comessandi, & componendi studium, varia subsecuta sunt scandala: & hunc morem reformandum esse duximus, volentes, ut deinceps prædictæ Exequiæ, Funeralia & Fraternitates, absque publicis conviviis & luxu peragantur. Si autem locorum distantia, vel necessitas convivii exigat vel requirat: tum ea sobrie & honeste fiant; ita, ut non ad luxum, sed ad necessitatem præparata, & instructa esse videantur: eaque fiant non in loco publico, sed honesto, ac Sacerdotali dignitati conveniente: ut in Monasteriis, vel ædibus Parochorum,

(n) Gregor. Nazianz. lib. 2. cont. Paganos, & continetur idem locus in hist. Eccles. lib. 7.

(o) Paulus 1. ad Timoth. c. 3.

(p) Dist. 81. Cum hic de ordinando, c. Apost. ex August. S. Joan. desumptus & c. Cog. dist. 34. Host. de Temp. & qualitat. Ordinand.

(q) C. Cum autem. & c. Comestationes. c. Cum nullus Presbyterorum, junctis sequentibus & præcedentibus 44. dist. Item c. Comestationes. De Consecrat. dist. 5.

rum, modo facultas faciendi, locique commoditas id suppetit.

Dent autem Clerici, & Sacerdotes juxta dispositionem Conciliorum (r), Nametenſis, & Toletani, operam; ut quotiescunque ad cibum ſumendum, una conveniunt, ut aliquis eorum ad tabulam ſtans, cibum cum reliqua turba benedicat: & loco ocioſarum fabularum, ſacræ Scripturæ lectionem, prandio vel cœnæ immiſceat: ita ut non ſolum corpus naturali cibo alatur & ſuſtentetur, ſed & anima ſpirituſuali alimonia ad omne bonum foveatur, & nutriatur: Poſt reſectio-nem vero, ad exemplum cœnæ Domini-cæ, ſimiliter Hymnum dicant, ac gratias Deo agant. Cæterum ebrietatem & com-potandi ſtudium, ut ſupra dictum eſt: Item (s) plauſus inconditos, ridi-culas fabulas & inanes, turpes jocos, laſciva dicta, aliorum riſum provo-cantia, & hiſtrionica affectationem, tan-quam Sacerdotali dignitati, & ordini in-convenientem, abominentur, execren-tur, & deteſtentur; ac ita ſe & domi & foris gerant, ut miniſterium eorum non vituperetur, ſed jure merito, ab omni-bus laudetur, commendetur, & obſer-vetur.

Adhæc volumus & præcipimus, ne Clerus de Sacroſancta fide, deque reli-gionis noſtræ negotio inter pocula, & publi-ca laicorum convivia, temere, cum offen-ſione aſſidentium diſputent, diſceptent, aut contendat: (t) ſed in omnibus actio-nibus, ſumma modeſtia, & morum gravitate utantur: & omnino operam dent, ut po-tius exemplo & vita (quod efficaciffimum docendi genus eſt) quam dictis & con-tentioſis diſputationibus, populum & au-ditores doceant & erudiant: præſertim cum (u) non in verbis, ſed in operibus, res noſtræ religionis verſentur & conſi-ſtant, & non videri, ſed Chriſtianum eſſe, grande ſit.

Prohibentes etiam, ne deinceps no-viti, quos vocamus, Sacerdotes, tem-pore primitiarum celebrandarum, (x) in

contemptum tanti myſterii, choreas, aliasque ſæculares pompas exerceant: ſed contenti ſint inter paucos amicos, eos-que ſanguine junctos, ſobria, & convivia, tali profeſſione digna, celebrare.

Coercenda quoque & refrenanda eſt, quorundam Clericorum & Sacerdotum levitas, (y) qui immemores, & obli-ti Sacerdotalis officii & dignitatis, ad deme-rendam & conſervandam Patronorum & Dominorum benevolentiam, eorum ſtu-diis, conviviis diurnis, nocturnisque com-potationibus, ludis, venationi-bus, aliisque inhoneſtis, & Clericis non convenientibus exercitiis & ſtudiis ſeſe immiſcent, ac eiſdem ſuas operas locant. Statuimus igitur & mandamus, ut deinceps a talibus abſtineant, ſuæque ſorte con-tenti, Eccleſiæ, ad cujus miniſterium vocati ſunt, ſumma animorum modeſtia & gravitate inſerviant: Quod ſi qui hu-jus noſtræ Synodaliſ conſtitutionis trans-greſſores reperientur, in hōs, in terro-rem & exemplum aliorum, ſeveriſſime ani-madvertemus.

Cum autem juxta Apoſtolum, (z) nemo Deo militans, negotiis ſæcularibus ſe implicare aut immiſcere debeat: ac multi in Diœceſi noſtra reperiantur, qui tur-pi lucro inhiantes, contra authoritatem Scripturæ & Canonum, varia negotiatio-num genera, vel per ſe, vel per alios, carius diſtrahendo ea, quæ minoris com-paraverint, exerceant: hos admonemus & adhortamur, ut ab illicito quæſtu, & prophanis negociationibus, quæ Sacer-dotali ordini & ſtatui non conveniunt, abſtineant: Mandantes, ut transgreſſores, ordinariis, & a jure conſtitutis pœnis, per Vicarium noſtrum plectantur, & pu-niantur.

Et quanquam ex prædicta comme-moratione, Clerus ſui officii ſatis admo-neatur, tamen cum Divus Hieronymus ad Nepotianum, quæ ad vitam Cleri per-tinent, graviter, luculenter, exacte, & ac-curatiffime deſcribat: & cum non omnium ſit, integra habere Patrum volumina: opo-

(r) Ex Concilio Aphrycano cap. 6.

(s) C. Nullus. c. Quando. & c. Pro reverentia. 44. diſt.

(t) Juſtinus in Apolog. 2. pro Chriſtian. ad Anton. Pium Imperator.

(u) Hieron. ad Paul. Mo.

(x) C. Non oportet Miniſtros. diſt. 5. de Conſec.

(y) Ex Concilio Meldenſi cap. 5. & 6.

(z) 2. Tim. 2. c. Decrevit. diſt. 88. ex Conſilio Chalcedon. cap. 3.

operæ pretium visum est, his nostris statutis Synodalibus, sanctissimi, & eloquentissimi Viri Epistolam subicere, ut tanti viri autoritate & facundia, Clerus eo facilius in ordinem redigatur, sui que officii admoneatur.

*Hieronymus ad Nepotianum, de
vita Clericorum & Sacerdotum.*

PETIS a me, Nepotiane charissime, literis transmarinis: & crebro petis, ut tibi brevi volumine digeram præcepta vivendi: Et qua ratione, qui sæculi militia derelicta, vel Monachus cœperit esse, vel Clericus, rectum Christi tramitem teneat: ne ad diversa viciorum diverticula rapiatur. Dum essem adolescens, imo pene puer, & primos impetus lascivientis ætatis, eremi duritia refrenarem, scripsi ad avunculum tuum, Sanctum Heliodorum, exhortatoriam Epistolam, plenam lachrymis, querimoniisque, & quæ deserti sodalis monstraret affectum: sed in illo opere, pro ætate tunc lusimus, & calentibus adhuc Rhetorum studiis atque doctrinis, quædam scholastico more depinximus: nunc jam cano capite, & arata rugis fronte, & instar boum pendentibus a mento pallearibus, frigidus obstitit circum præcordia sanguis. Unde & in alio loco idem Poeta canit: omnia fert ætas: animum quoque. Et post modicum: Nunc oblita mihi tot carmina. Vox quoque Mœrim, jam fugit ipsa. Quod ne de gentili tantum literatura proferre videamur, Divinorum voluminum Sacramenta cognosce: David, annos natus septuaginta, bellicosus quondam vir, senectute frigescente, non poterat calefieri: Quæritur itaque puella de universis filiabus Israël, Abilac Sunamitis, quæ cum Rege dormiret, & senile corpus calefaceret: Non ne tibi videtur, si occidentem sequaris literam, vel figmentum esse de Mimo, vel Atellanarum ludicro? Frigidus senex obvolvitur vestimentis, & nisi complexu adolescentulæ, non tepescit. Vivebat adhuc Bersabea, supererat Abygail, & reliquæ uxores ejus, & concubinæ, quas scriptura commemorat, omnes quasi frigida repudiantur, & in unius tantum adolescentulæ gremio calefcit amplexibus. Abraham

multo David senior fuit, & tamen vivente Sara, aliam non quæsit uxorem. Isaac duplices David annos habuit: & cum Rebecca jam vetula nunquam friguit. Taceo de prioribus ante diluvium, viris, qui post annos nongentos, non dico senilibus, sed pene jam cariosis artubus, nequaquam puellares quæsiere amplexus. Certe Moyse Dux Israëliti populi, centum & viginti annos habebat, & Sephoram non mutavit. Quæ est igitur ista, Sunamitis uxor & virgo, tam fervens, ut frigidum calefaceret? tam sancta, ut calentem ad libidinem non provocaret? Exponat sapientissimus Salomon, patris sui delicias, & pacificos bellatoris viri narret amplexus: posside sapientiam, posside intelligentiam: Ne obliviscaris, & ne declinaveris a verbis oris mei: neque derelinquas illam, & apprehendet te: ama illam, & servabit te; Principium sapientiæ, posside sapientiam, & in omni possessione tua, posside intelligentiam: circunda illam, & exaltabit te: honora illam, & amplexabitur te: ut det capiti tuo coronam gratiarum: corona quoque deliciarum protegat te. Omnes pene virtutes corporis mutantur in senibus, & crescente sola sapientia, decrescunt cæteræ virtutes, jejunia, vigiliæ & eleemosynæ, chameuniæ, huc illucque discursus, peregrinorum susceptio, defensio pauperum, instantia orationum, perseverantia, visitatio languentium, labor manuum, unde præbeantur eleemosynæ: & ne sermonem longius protraham, cuncta, quæ per corpus exercentur, fracto corpore, minora fiunt. Nec hoc dico, quod in juvenibus, & adhuc solidioris ætatis, his duntaxat, qui labore, & ardentissimo studio, vitæ quoque sanctimonia, & orationis ad Dominum Jesum frequentia, scientiam consecuti sunt, frigeat sapientia, quæ in plerisque senibus ætate marcessit: sed quod adolescentia multa corporis bella sustineat, & inter incentiva vitiorum, & carnis titillationes, quasi ignis in lignis viridibus suffocetur, & suum non possit explicare fulgorem. Senectus vero rursus eorum, qui adolescentiam suam, honestis artibus instruxerunt, & in lege Domini meditati sunt die ac nocte, ætate fit doctior, usu tridior, processu temporis sapientior, & veterum

ricorum est. Qui autem vel ipse pars Domini est, vel Dominum partem habet, talem se exhibere debet, ut & ipse possideat Dominum, & possideatur a Domino. Qui Dominum possidet, & cum Propheta dicit: Pars mea Dominus, nihil (*) extra Dominum habere potest. Quod si quippiam aliud habuerit præter Dominum, pars ejus non erit Dominus: Verbi gratia: Si aurum, si argentum, si possessiones, si variam suppellectilem: cum istis partibus, Dominus, pars ejus fieri non dignabitur. Si autem ego pars Domini sum, & funiculus hereditatis ejus, nec accipio partem inter cæteras tribus, sed quasi Levita & Sacerdos, vivo de decimis, & altari serviens, altaris oblatione sustentor, habens victum & vestitum, his contentus ero: & nudam crucem, nudus sequar. Obsecro itaque te, & repetens, iterumque iterumque monebo, ne officium Clericatus genus antiquæ militiæ putes, id est, ne lucra sæculi, in Christi quæras militia: ne plus habeas, quam quando Clericus esse cœpisti, & dicatur tibi: Clericorum non proderant eis. Nonnulli enim sunt ditiores Monachi, quam fuerant sæculares: & Clerici, qui possideant opes sub Christo paupere, quas sub locuplete, & fallace Diabolo non habuerant: ut suspiraret eos Ecclesia divites, quos mundus tenuit ante mendicos. Mensulam tuam (**) pauperes, & peregrini, & cum illis Christo conviva noverit. Negociatorem Clericum, & ex inope divitem, ex ignobili gloriosum, quasi quandam pestem fuge: Corrumunt bonos mores, confabulationes pessimæ. Tu aurum contemnis, alius diligit: tu calcas opes, ille festatur: tibi cordi est silentium, mansuetudo, secretum: illi verborum, attrita frons: cui nundinæ, fora placent, & plateæ, ac medicorum tabernæ. In tanta morum discordia, quæ potest esse concordia? Hospitolum tuum aut raro, aut nunquam (***) mulierum pedes terant. Omnes puellas, & virgines Christi, aut æqualiter ignora, aut æqualiter dilige. Ne sub eodem tecto mansites, nec in præterita castitate confidas. Nec sanctior David, nec Salomone potes esse sapien-

tior. Memento semper, quod Paradyſi colonum, de possessione tua mulier egerit. Egrotanti tibi quilibet sanctus frater affuit, & germana, vel mater aut probatæ quælibet apud omnes fidei. Quod si hujuscemodi non fuerint consanguinitatis, castimoniamque personæ, multas anus nutrit Ecclesia, quæ & officium præbeant, & beneficium accipiant ministrando, ut infirmitas quoque tua fructum habeat eleemosynæ. Scio quosdam convaluisse corpore, & animo ægrotare cœpisse. Periculose tibi ministrat, cujus vultum frequenter attendis. Si propter officium Clericatus, aut vidua a te visitatur aut virgo, nunquam domum solus introeas. Tales habeto socios, quorum contubernio non infamoris. Si lector, si acolytus, si psalter te sequitur, non ornentur veste, sed moribus: nec calamistro crispent comas, sed pudicitiam habitu polliceantur. Solus (****) cum sola, secreto & absque arbitro vel teste, non sedeas. Si familiarius est aliquid loquendum, habet nutricem majorem domus, virginem, viduam, vel maritatum: non est iam inhumana, ut nullum præter te habeat, cui te audeat credere: Caveto omnes suspiciones, & quicquid probabiliter tingi potest, ne fingatur, ante devita. Crebra munuscula (*****) & sudariola, & fasciolas, & vestes ori applicatas, ac degustatos cibos, blandasque & dulces literulas, sanctus amor non habet. Mel meum, lumen meum, meum desiderium, omnes delicias, & lepores, & risa dignas urbanitates, & cæteras ineptias amatorum, in comædiis erubescimus, in sæculi hominibus detestamur: quanto magis in Monachis, & in Clericis, quorum & Sacerdotium propositum, & propositum ornatur Sacerdotio? Nec hoc dico, quod aut in te, aut in sanctis viris, ista formidem: sed quod in omni propositum, in omni gradu, & sexu, & boni & mali reperiuntur: malorumque condemnatio, laus bonorum sit. Sacerdotes idolorum dicere pudet, mimi & aurigæ & scorta hereditates capiunt: solis Clericis (*****) & Monachis hoc lege prohibetur: & prohibetur non a persecutoribus, sed a Principibus Christianis. Nec de lege con-

(*) Clerici pauperes.

(***) Colloquia solitaria.

(**) Hospitalitas.

(****) Manuscula suspecta.

(***) Fuga mulierum.

(*****) Clerici exheredantur.

conqueror, sed doleo, cur meruerimus hanc legem. Cauterium bonum est, sed quo mihi vulnus, ut indigeam cauterio? Provida severaque legis cautio, & tamen nec sic refrenatur avaritia. Per fidei-commissa legibus illudimus: & quasi majora sint Imperatorum scita, quam Christi, leges timemus, Evangelia contemnimus. Sit hæres, sed mater filiorum, id est, gregis sui, Ecclesia, quæ illos genuit, nutrit, & pavit. Quid nos inferimus inter matrem & liberos? Gloria Episcopi est, pauperum opibus providere. Ignominia omnium Sacerdotum est, propriis studere divitiis. Natus in paupere domo, & tugurio rusticano, qui vix milio & cibario pane, rugientem saturare ventrem poteram, nunc simulam & mella fastidio. Novi (*) & genera & nomina piscium: in quo littore concha lecta sit, calleo. Saporibus avium discerno provincias, & ciborum me raritas, ac novissime damna ipsa delectant. Audio (**) præterea in senes, & anus absque liberis, quorundam turpe servitium. Ipsi apponunt matulam, obdident lectum, purulentiam stomachi & phlegmata pulmonis manu propria suscipiunt. Pavent ad introitum medici, tremantibusque labiis, an commodius habeant, sciscitantur, & si paululum senex vegetior fuerit, periclitantur: simulataque lætitia, mens intrinsecus avara torquetur: timent enim, ne perdant ministerium, & vivacem senem Mathusælem annis comparant. O quantæ apud Deum merces, si in præsentis precium non sperarent: quantis sudoribus hæreditas cassâ expetitur? Minore labore Margaritum Christi emi poterat. Divinas (***) Scripturas sæpius lege: imo, de manibus tuis nunquam sacra lectio deponatur. Disce, quod doceas: obtine eum, qui secundum doctrinam est, fidelem sermonem, ut possis exhortari in doctrina sana, & contradicentes revincere. Permane in his, quæ didicisti, & credita sunt tibi, sciens, a quo didiceris: paratus semper ad satisfactionem omni poscenti te rationem, de ea, quæ in te est, spe & fide. Non confun-

dant operâ tua, sermonem tuum: ne cum in Ecclesia loqueris, tacitus quilibet respondeat, cur ergo hæc, quæ dicis, ipse non facis? Delicatus Magister est, qui pleno ventre de jejuniis disputat. Accusare avaritiam & latro potest. Sacerdotis Christi os, mens manusque concordent. Esto subiectus Pontifici tuo, & quasi animæ (****) parentem suscipe. Amare filiorum: timere servorum est. Si pater sum, inquit, ubi est honor meus? si Dominus ego sum, ubi est timor meus? plura tibi in eodem viro observanda sunt nomina, Monachus, Pontifex, avunculus tuus, qui te jam in omnibus, quæ sancta sunt, docuit. Illud etiam dico, quod Episcopi Sacerdotes se esse noverint, non Dominos, honorent Clericos quasi Clericos, ut & ipsi a Clericis, quasi Episcopis honor deferatur. Scitum illud est Oratoris Domicii: Cur ego te, inquit, habeam ut principem, cum tu me non habeas ut senatorem? Quod Aaron & filios ejus, hoc Episcopum & Presbyteros esse noverimus, unus Dominus, unum templum, unum etiam sit ministerium, recordermur semper, quid Apostolus Petrus præcipiat Sacerdotibus: Pascite eum, qui in vobis est, gregem Domini: providentes non coacte, sed spontanee secundum Deum: neque ut turpis lucri gratia, sed voluntarie: neque ut dominantes in Clerum, sed forma facti gregi ex animo: ut cum apparuerit Princeps pastorum, percipiat immarcescibilem gloriæ coronam. Pessimæ consuetudinis est in quibusdam Ecclesiis, tacere Presbyteros, & præsentibus Episcopis non loqui: quasi aut invideant, aut non dignentur audire, Et, si alii, inquit Apostolus Paulus, fuerit revelatum sedenti, prior taceat: potestis enim per singulos prophetare, ut omnes discant, & omnes consolentur: & spiritus Prophetarum Prophetis subiectus est: Non enim dissensionis Deus, sed pacis. Gloria Patris, est filius sapiens. Gaudeat Episcopus judicio suo, cum tales Christo elegerit Sacerdotes. Docente te (*****) in Ecclesia, non clamor populi, sed gemitus suscietur.

Lachry.

(*) Deliciæ Clericorum.

(***) Studia & doctrina.

(****) Conciones Episcopi.

(**) Captatores testamentorum.

(*****) Episcopus Pater, non Dominus.

Lachrymæ auditorum, laudes tuæ sint. Sermo Presbyteri scripturarum lectione conditus sit. Nolo te declamatorem esse & rabulam, garrulumque sine ratione, sed mysteriorum peritum, & Sacramentorum Dei tui eruditissimum. Verba volvere, & celeritate dicendi, apud imperitum vulgus, admirationem sui facere, indoctorum hominum est. Attrita frons interpretatur sæpe, quod nescit: & cum aliis persuaserit, sibi quoque usurpat scientiam. Præceptor quondam meus Gregorius Nazianzenus, rogatus a me, ut exponeret, quid sibi vellet in Luca Sabbatum *Δευτερόπρωτον*, eleganter lusi: docebo te, inquit, super hac re in Ecclesia, in qua mihi omni populo acclamante, cogeris invitus scire, quod nescis: aut certe si solus taceris, solus ab omnibus stultitiæ condemnaberis. Nihil tam facile, quam vilem plebeculam & indoctam concionem, linguæ volubilitate decipere: quæ quicquid non intelligit, plus miratur. Marcus Tullius (in quem pulcherrimum illud eulogium est: Demosthenes tibi præripuit, ne esses primus Orator: tu illi, ne solus) in oratione pro Q. Gallo, quid de favore vulgi, & de imperitis concionatoribus loquatur, attende: Ne his fraudibus ludaris. Loquor enim, quæ sum ipse nuper expertus: unus quidam Poeta nominatus, homo perliteratus, cujus sunt illa colloquia Poetarum ac Philosophorum: cum facit Euripidem & Menandrum inter se, & in alio loco Socratem atque Epicurum differentes, quorum ætates non annis, sed sæculis scimus esse disjunctas: quantos is plausus & clamores movet? Multos enim condiscipulos habet in theatro, qui simul literas non didicerant. Vestes pullas (*) æque devita ut candidas: Ornatus ut sordes, pari modo fugiendæ sunt: quia alterum delicias, alterum gloriam redolet. Non absque amictu lineo incedere, sed precium vestium linearum non habere, laudabile est. Alioquin ridiculum & plenum dedecoris est, referto marsupio, quod sudarium orariumque (†) non habes, gloriari. Sunt qui pauperibus paulum (**) tribuunt, ut amplius accipiant: & sub prætextu elemosynæ, quærunt divitias: quæ magis venatio appellanda est, quam

elemosynæ genus. Sic bestiæ, sic aves, sic capiuntur & pisces. Modica in hanc escam ponitur, ut matronarum in eo ficuli protrahantur. Sciat Episcopus, cui commissa est Ecclesia, quem, dispensationi pauperum curæque præficiat. Melius est non habere, quod tribuam, quam impudenter petere, quod recondam. Sed & genus arrogantis est, clementiorem te velle videri, quam Pontifex Christi est: Non omnia possumus omnes. Alius in Ecclesia oculus est, alius lingua, alius manus, alius pes, auris, venter, & cætera: Lege Pauli epistolam ad Corinthios, quomodo diversa membra unum corpus efficiunt. Nec rusticus tamen & simplex frater ideo se sanctum putet, si nihil noverit: nec peritus, & eloquens lingua æstimet sanctitatem: multoque melius est, e duobus imperfectis rusticitatem sanctam habere, quam eloquentiam peccatricem. Multi ædificant parietes, & columnas Ecclesiæ substruunt: marmora nitent, auro (***) splendent laquearia, gemmis altare distinguitur: & Ministrorum Christi nulla electio est. Neque vero mihi aliquis opponet, dives in Judæa templum, mensam, lucernas, thuribula, patellas, scyphos, mortariola, & cætera ex auro fabricata. Tunc hæc probabantur a Domino, quando Sacerdotes hostias immolabant, & sanguis pecudum erat redemptionis peccatorum. Quanquam hæc omnia præcesserint in figura: scripta sunt autem propter nos, in quos fines sæculorum devenerunt: nunc vero cum paupertatem domus suæ pauper Dominus dedicavit: cogitemus crucem ejus, & divitias lutum putabimus. Quid miramur, quod Christus vocat iniquum mammona? Quid suspicimus, & amamus, quod Petrus se non habere gloriole testatur? Alioquin si tantum literam sequimur, & in auro atque divitiis, simplex nos delectat historia, cum auro observemus & cætera. Ducant Pontifices Christi uxores, virgines. Quamvis bonæ mentis sit, qui cicatricem habuerit, & deformis est, privetur Sacerdotio: lepra corporis, animæ viciis præferatur: Crescamus, & multiplicemur, & repleamus terram, nec immolemus agnum, nec mysticum Pascha celebremus: quia hæc

(*) Cultus qualis.

(**) Captatores.

(***) Aurum in Templo.

(†) Orarium, sudarium est, quo os abstergitur. Du Frene in Glossar.

hæc absque templo fieri, lege prohibetur: figamus septimo menſe tabernaculum, & ſolenne jejunium buccina concrepemus. Quod ſi hæc omnia ſpiritualibus ſpiritualia comparantes, ſcientesque cum Paulo, quod lex ſpiritualis eſt: & David verba cantatis: Revela oculos meos, & conſiderabo mirabilia de lege tua: ſic intelligimus, ut Dominus quoque noſter intellexit, & interpretatus eſt Sabbathum. Aut aurum repudiemus, cum cæteris ſuperſtitionibus Judæorum: aut ſi aurum placet, placeant & Judæi, quos cum auro aut probare nobis neceſſe eſt, aut damnare. Convivia tibi vitanda ſunt ſæcularium, & maxime eorum, (*) qui tument honoribus. Turpe eſt ante fores Sacerdotis Chriſti, crucifixi & pauperis, qui cibo quoque veſcebatur alieno, liſtores conſulum, & milites excubare, judicemque Provinciæ melius apud te prandere, quam in palatio. Quod ſi obtenderis, te facere hæc, ut roges pro miſeris atque ſubjectis: Judex ſæculi plus deferet Clerico continenti quam diviti, & magis ſanctitatem tuam venerabitur quam opes. Aut ſi talis eſt, qui non audiat Clericos, pro quibuslibet tribulatis, niſi inter phylas: libenter carebo hujusmodi beneficio, & Chriſtum rogabo pro judice, qui magis & citius ſubvenire poteſt, quam Judex. Melius enim eſt conſidere in Domino, quam conſidere in homine: melius eſt ſperare in Domino, quam ſperare in Principibus. Nunquam (**) vinum redoleas, ne audias illud Philoſophi: Hoc non eſt oſculum porrigere, ſed vinum propinare. Vinolentos Sacerdotes, & Apoſtolus damnat, & vetus lex prohibet. Qui altari deſerviunt, vinum & lyceram non bibant. Sycera, Hebræo ſermone, omnis potio nuncupatur, quæ inebriare poteſt, ſive illa, quæ frumento conficitur: ſive pomorum ſucco: aut cum favi decoquuntur in dulcem & barbaram potionem: aut palmarum fructus exprimuntur in liquorem: coctisque frugibus aqua pinguior coloratur. Quicquid inebriat & ſtatum mentis avertit, fuge ſimiliter ut vinum. Nec hoc dico, quod Dei a nobis creatura damnetur (ſiquidem & Dominus vini potator

eſt appellatus: Et Timotheo dolenti ſtomachum modica vini ſorbitio relaxata eſt) ſed modum pro ætatis & valetudinis, & corporum qualitate, exigimus in potando. Quod ſi absque vino ardeo adoleſcentia, & inflammor calore ſanguinis, & ſucculento validoque ſum corpore, libenter carebo poculo, in quo ſuſpicio veneni eſt. Pulchre dicitur apud Græcos, & nescio, an apud nos æque reſonet. Pinguis ventris, non gignit mente tenuem. Tantum (***) tibi modum jejuniorum impone, quantum ferre potes. Sint tibi pura, caſta, ſimplicia, moderata & non ſuperſtitioſa jejunia. Quid prodeſt oleo non veſci, ſed moleſtias quasdam difficulteſque ciborum quærere? caricas, piper, nuces, palmorum fructus, ſimilam, mel, piſtacia: tota hortorum cultura vexatur, ut cibario non veſcamur pane, & dum delicias ſectamur, a regno cælorum retrahimur. Audio præterea quosdam, contra rerum, hominumque naturam, aquam non bibere nec veſci pane, ſed ſorbitiunculas delicatas, & contrita olera, betarumque ſuccum, non calice ſorbere, ſed concha. Proh pudor! non erubeſcimus iſtiusmodi ineptiis: nec tædet ſuperſtitionis? Insuper etiam famam abſtinentiæ in deliciis quærimus. Fortiſſimum jejunium eſt aqua & panis. Sed quia gloriam (****) non habet, & omnes pane & aqua vivimus: quaſi publicam & commune jejunium non putatur. Cave, ne hominum rumuſculos aucuperis: ne offeſam Dei, populorum laude commutes. Si adhuc inquit Apoſtolus, hominibus placerem, Chriſti ſervus non eſſem. Deſiit placere hominibus, & ſervus factus eſt Chriſti. Per bonam famam & malam, a dextris & a ſiniſtris, Chriſti miles graditur: nec laude extollitur, nec vituperatione frangitur: non divitiis tumet, non contrahitur paupertate: & læta contemnit, & triſtia: per diem ſol non urit eum, neque luna per noctem. Nolo (*****) te orare in angulis platearum, nec rectum iter præcum tuarum, frangat aura popularis: nolo te dilatare ſimbrias, & oſtentui habere phylaſteria, & (conſcientia repugnante) phariſaica am-

S s s 3 bitio,

[*] Fuga Magnatum.

[***] Gloria.

[**] Abſtinentia vini & potus.

[****] Cultus ſuperſtitioſus.

[***] Inedia.

bitione circundari. Quanto melius erat hæc non in corpore, sed in corde gestare, & Deum habere fautorem: non aspectus hominum? inde pendet Evangelium, inde lex & prophetæ, sive sacra & Apostolica doctrina. Melius est enim hæc omnia in mente portare, quam in corpore. Fidelis mecum lector, intelligis, quid taceam, & quid magis tacendo loquar. Tot te Regulæ, quot species gloriarum percurrant. Vis scire, quales Dominus quærat ornatus? habeto prudentiam, iustitiam, temperantiam, fortitudinem: his cæli plagis includere: hæc te quadriga, velut aurigam Christi, ad metam concita ferat: nihil hoc monili preciosius, nihil hac gemmarum varietate distinctius: ex omni parte decoraris, cingeris atque protegeris, & ornamento tibi sunt & tutamini: gemmæ vertuntur in scuta. Cave (*) quoque, ne aut linguam aut aures habeas prurientes: id est, ne aut ipse aliis detrahas, aut alios audias detrahentes. Sedens, inquit, adversus fratrem tuum loquebaris: & adversus filium matris tuæ, ponebas scandalum: hæc fecisti & tacui, existimasti inique, quod ero tui similis, arguam te, & statuam contra faciem tuam. Parce a detractioe linguæ: custodi sermones tuos: & scito, quia per cuncta, quæ de aliis loqueris, tua conscientia iudicaris, & in his ipse deprehenderis, quæ in aliis arguebas. Neque vero illa iusta est excusatio, referentibus aliis injuriam facere non possum. Nemo invito auditori libenter refert. Sagitta in lapidem nunquam figitur: interdum resiliens percutit dirigentem. Discat detractor, dum te videt non libenter audire, non facile detrahere. Cum detractoribus, ait Salomon, ne miscearis: quoniam repente veniet perditio eorum, & ruinam utriusque quis novit? tam videlicet ejus, qui detrahit, quam illius, qui aurem accommodat detrahenti. Officii tui est, visitare languentes, nosse domos matronarum ac liberos earum, & nobilium virorum custodire secreta. Officii tui est, non solum oculos castos servare, sed & (**) linguam. Nunquam de forma mulierum disputes: ne quid agatur in alia, domus alia per te noverit. Hyp-

pocrates adjurat discipulos suos, antequam doceat, & in verba sua jurare compellit: extorquet Sacramento silentium: sermonem, incessum, habitum, moresque præscribit: quanto magis nos, quibus animarum cura commissa est, omnium Christianorum domos debemus amare, quasi proprias? Consolutores potius nos in mœroribus suis, quam convivas in prosperis noverint. Facile contemnitur Clericus, qui æpe vocatus ad prandium ire non recusat. Nunquam petentes, raro (***) accipiamus rogati: beatius enim dare, quam accipere. Nescio enim quomodo, etiam ipse, qui deprecatur, ut tribuat: Cumque acceperis, vilior te judicat: & mirum in modum, si eum rogantem contempseris, plus te posterius veneratur. Prædicator continentiae nuptias ne conciliet. Qui Apostolum legit (superest, ut qui habent uxores, sic sint, quasi non habent) cur virginem cogit, ut nubat? Qui de monogamia Sacerdos est, quare viduam hortatur, ut bigama sit? Procuratores & Dispensatores domorum alienarum, atque villarum, quomodo possunt esse Clerici: (****) qui proprias jubentur contemnere facultates? Amico quippiam rapere furtum est: Ecclesiam fraudare sacrilegium est: accepisse, quod pauperibus erogandum sit, & esurientibus, plurimis vel cautum esse velle: vel timidum: aut (quod apertissimi sceleris est) aliquid inde subtrahere, omnium prædonum crudelitatem superat. Ego fame torqueor, & tu iudicas, quantum ventri meo satis sit? aut divide statim, quod acceperis: aut si timidus dispensator es, dimitte largitorem, ut sua ipse distribuat. Nolo sub occasione mea, sacculus tuus plenus sit. Nemo me melius mea servare potest. Optimus dispensator est, qui sibi nihil reservat. Coegisti me Nepotiane charissime, lapidato jam virginis libello, quem sanctæ Eustochio Romæ scripseram, post annos decem rursus Bethleem ora referare, & confodiendum me linguis omnium prodere. Aut enim nihil scribendum fuit, ne hominum iudicium subiremus, quod tu facere prohibuisti: aut scribentes nosse, cunctorum adversum nos maledicorum tela torquen-

[*] Obtestatio.

[**] Silentium.

[***] De negotiis prophanas.

[****] Abstinencia a muneribus.

da: quos obsecro, ut quiescant, & desinant maledicere. Non enim ut adversariis, sed ut amicis scripsimus: nec invecti sumus in eos, qui peccant, sed ne peccent, monuimus: neque in illos tantum, sed & in nos ipsos severi fuimus iudices: volentesque festucam de oculo alterius tollere, nostram primum trabem eiecimus. Nullum lassi, nullius nomea, mea scriptura designatum est: neminem specialiter meus sermo pulsavit. Generalis de vitis disputatio est: qui mihi irasci voluerit, ipse de se, quod talis sit, confitebitur.

De Studiis & Scholis Monasteriorum restaurandis, deque Monachorum vivendi ratione.

CAPUT XXIV.

Id quod infra de Scholis restaurandis dicimus, idem quoque de Clericorum Regularium studiis reparandis, disponemus & ordinabimus. Et quanquam ea restauratio in Monasteriis nostræ Diocesis, ob personarum defectum (cum ferme omnia Monasteria, tam virorum, quam feminarum desolata sint) vix vel difficulter fieri possit: tamen volumus, ut opulentiora, scholas rursus erigant & instaurent: aut aliquos optimæ spei, ac bonæ indolis juvenes, vel ad publica & probata studia, studiorum, & maxime sacræ Theologiæ perdiscendæ causâ mittant: eosque de Monasteriorum bonis & redditibus, in quantum necessitas requirit, alant, & sustentent: vel operam dent, ut a Monasteriis ejusdem Provinciæ & ordinis, in quibus scholæ adhuc vigent, & conservantur: ingenii causa suscipiantur, & informantur. Quod si qui negligentes extiterint, hos tanquam inobedientes, ordinariæque nostræ jurisdictionis contemptores, debitis censuris & pœnis, per Vicarium, vel Officialem nostrum, ad hujus Sanctionis Synodalis observationem, compellendos decernimus, & mandamus. De minus vero opulentis Monasteriis, aliisque Ecclesiasticis proventibus, rationem inibimus, quomodo ad Ecclesiarum & Monasteriorum utilitatem, certa stipendia commode constituentur, ex quibus certus nume-

rus adolescentulorum, in publicis Academicis & alatur & sustentetur. Et quia desolatorum quoque Monasteriorum cura non solum ad nos, tanquam loci Ordinarium, spectat, sed etiam ex speciali Cæsareæ Majestatis commissione nobis injectum sit, ut eorum reparationem & restaurationem suscipiamus, ipsorumque jura, & annuos proventus conservemus: curabimus, ut juxta proventuum, & reddituum qualitatem & modum, rursus in quantum fieri potest, in ordinem redigantur, & reparentur: deliberabimusque, quibus rationibus, temporis progressu, Monasteria, & Ecclesiæ, ab invalorum violentia & oppressione, qui inani defensionis prætextu & advocatiæ titulo, subinde eorum bona & jura invadunt, contraque juris dispositionem violenter, & de facto occupant ac retinent, tandem defendantur ac liberentur.

Cæterum, de vivendi forma & ratione, inter Latinos nemo præclarius, nemo sanctius, nemoque melius Divo Hieronymo (a) scripsit: quare ad tanti viri lectionem, nos, Monachos cujuscunque ordinis seu professionis sint, remittimus: ubi copiose, & diserte invenient, sive animam, sive corpus spectent, quid in hoc vitæ genere se deceat, verisque Monachis conveniat. Solus esse vis: a mundo, mundique consortio separatus, & segregatus esse cupis? delectare solitudine, delectare habitaculo tuo: cellula tua tibi sit locus amoenissimi palatii, in hac, ceu in pædagogio, adorna, quæ ad animæ ornatum (hujus enim potissimum, non corporis, rei que familiaris cura habenda) pertinent: sat comptus fueris, si animum innocentem, justitia, fide, pietate, prudentia, temperantia, continentia, castitate, abstinencia, aliisque virtutibus ornatum Christo exhibueris. Animæ enim credentium Christi templa sunt: has exornare, has vestire, in his offerre donaria, inque has recipere Christum, decet & convenit. Ad quem sane vestitum & habitum consequendum, crebra, frequensque sacrarum literarum lectio, quæ de manibus Monachi nunquam excidat, proderit: Ama Scripturas sanctas, & amabit te sapientia: dilige eam, & servabit te:

(a) Hieron. in 1. Epist. ad Heliod. Item ad Rust. ad Paulin. Monachum.

te: honora illam, & amplexabitur te: Hæc monilia in pectore & in auribus tuis hæreant, nihil aliud noverit lingua quam Christum, ait Hieronymus (b): Neque enim ideo Monasteria ingredienda sunt, certumque hoc vitæ genus eligendum, ut otio fruamur, & securi, in utramque dormiamus aurem: sed maxime, ut lectioni vacetur, arcanaque sacræ Scripturæ mysteria inquirentur: ut tale solitudinis ocium, tandem in communem Ecclesiarum, totiusque Reipublicæ Christianæ salutem & utilitatem redundet: id quod videmus veterum & antiquorum, tum Græcorum, tum Latinorum Monasteria, quæ scholæ similitudinem subinde retinebant, præclare, fideliter, & magna cum laude præstitisse. Dent igitur operam Monachi, si modo Religionis Catholicæ, ipsi Monasteriis, in tanta temporum iniquitate consultum voluerint, ut in hoc studium, omni conatu, omnibusque viribus incumbant. Nam ex sacræ Scripturæ cognitione, privatas vitæ rationes sancte instituent: & habebunt, quo se, ceu clypeo, adversus omnes adversarii tentationes & insultus, fortiter defendant & tueantur. Cui sane opitulabitur frequens oratio, quæ sine intermissione, vigili sensu, rejectis vanis cogitationibus, aliisque animi distractionibus, ad Deum, flexo corpore & mente, effundatur. Semper enim est precandum, semper in corde psallendum, semper DEO laudes dicendæ, semper Divinum implorandum auxilium, (c) ne intremus in tentationem: (d) ne circumveniamur: (e) ne incauti, cum de securitate nostra nihil pollicere nobismet ipsis audeamus, præcipitemur: Circuit (f) enim subinde cacodæmon, tanquam leo rugiens, quærens quem deprehendat & devorer. Vigilandum igitur erit: excubiæ agendæ: in statione standum, taliaque arma sumenda, & recipienda sunt, quibus, tales hostes, qui dies noctesque saluti animæ nostræ insidiantur, arceantur, & a mentibus nostris repellantur. Ad quod quidem certaminis genus multum proderit,

crebra, sed tamen moderata adhibere jejunia: non quod Deus universitatis Creator & Dominus, intestinorum nostrorum rugitu, ut inquit Hieronymus (g): & inanitate ventris pulmonisque deleatur ardore: sed quod aliter pudicitia tuta esse non possit. Abstineant igitur ab immodico & indigesto cibo, qui & crudos humores generare, & inflammare corpora, ac ad libidinem accendere, aliasque inhonestas voluptates excitare solet: sed contenti sint, tantum sumere cibi, quantum ad naturæ sustentationem, valetudinemque conservandam opus est: Modicus (h) enim & temperatus cibus, corpori & animæ utilis est. Exerceant igitur se in omni opere bono, vigiliis, ut inquit Greg. Nazianz. (i) jejuniis, orationibus, lachrymis, genarum callibus, pectoris percussione, suspiriis ex profundo cordis emissis, stationibus nocturnis, mentis ad Deum elevatione continua, glorificando ejus opera, meditandoque legem Domini die ac nocte, ne ociosi a Sathana deprehendantur, inque varios tentationis laqueos conjiciantur. Deinde si a cultu Divino exsolvendo, & piis ac spiritualibus meditationibus vacatur, sumant aliquid operis, in quo conficiendo occupati sint, reliquum temporis non absque labore, corporisque exercitio terendo & consumendo. Cum (k) enim dies ordine quodam, ita in suas partitus est operas, ut opus succedat operi, labor labori, negotium negotio: tum facile vagæ cogitationes sinistri affectus, & rerum noxiarum appetitiones, ex animo pellentur & extinguuntur: ac omne tempus breve videbitur, quod tantis operum varietatibus occupatur. Absit omnis si multas, detrectandi maledicendique studium: sed mutua & fraterna dilectione se invicem exolculentur & amplectantur: nullus se præponat alteri: sed unusquisque suo dono &, a Domino, accepto talento contentus, hoc adornet, alteri inserviat, debitumque honorem & officia, sive domestici, sive peregrini, sive noti, sive ignoti sint, exhibeant: habitu & vestitu

(b) Hieron. ad Paul. de institutione Monachi.

(c) Lucæ 18.

(d) 1. Tim. 2.

(e) 1. Tim. 5.

(f) 1. Pet. 5.

(g) Hieron. ad Eustoch. de custodienda virginitate.

(h) Simples cibi in scriptura probantur, inquit Hieron. ad Eust.

(i) Gregor. Naz. de religiosis Monachorum operibus.

(k) Hieron. in Epist. ad Letam, de institutione filiarum.

stiti utantur decenti, qui unicuique secundum professionem, quam profitetur, conveniat: nihil superstitionis, nihil arrogantiae, nihil fastus præ se ferat, nulla-que varietate notabilis sit, ex quo indicia mentis facile colligantur, & deprehendantur. Debent enim in hoc genere hominum, qui Christum profitentur, habitus, os, mens, manus, interna & externa, harmoniaco quodam concentu concordare. Nam si vestis sordida sit, animus vero tumeat, terroque ab habitu plane dissentiat, nihil hac hominis forma monstrosius, teste Hieronymo. (l) Adhæc debitam reverentiam & obedientiam exhibeant Monasterii Præposito: diligant hunc ut parentem, timeant ut Dominum: hujus auctoritatem pluris faciant: hujus jussis, hujus mandatis diligenter & fideliter obtemperent: credantque omne utile & salutare congregationi & Monasterio futurum (dummodo tamen honeste præsit) quicquid ille præceperit & constituerit. Et cum hæc Monasteria (de opulentioribus nunc loquor) ad non mediocres facultates annuosque proventus excreverint: curandum inprimis erit, ut in elargienda elemosyna publica, succurrendo inopiæ pauperum, communi necessitati & egestati, præsertim famis & belli temporibus subveniendo, largi, & liberales sint. Ad quid enim prodest, non solum granaria, sed & Christianorum Oratoria & Tempia frumentis esse repleta, saccos auro argentoque onustos habere: cum Christus interim in paupere aut periclitetur, aut plane pereat, & fame tabescat? monasteriisque id subtrahatur, quod ad eorum amplitudinem, honorem, augmentationem & conservationem pertinere, & spectare dignoscitur? Annon si liberaliter doctis conductisque præceptoribus, juvenus institueretur, Scholæ veterum more restaurarentur: inque tanto personarum defectu, novi conventus, qui sese huic generi vitæ mancipare conantur, plantarentur: ac communi egestati uberius succurreretur, ac subveniretur, melius consultum foret? annon minori odio gravaretur monastica hæc societas? annon mitioribus periculis exposita essent monasteria? Cum autem hæc pro-

pria monasteriorum officia, aut egregie negligantur, aut leviter & somnolenter attingantur: sit, ut iusto Dei judicio, subinde alio atque alio calamitatis genere affligantur & afficiantur. Neque meliora speranda sunt, nisi in ordinem redactis monasteriis, veterum rursus imitentur & sequantur vestigia: quæ non ideo dicuntur, ut abjecta œconomia, semel omnia sine ratione profundantur, inque pauperum usus distribuenda sint: sed ut potissimum earum rerum semper habeatur ratio, quarum causa, monasteria ipsa ordinata & constituta sunt. Sic enim & nobis dormientibus, nihilque tale sperantibus, non solum conservabuntur, sed cœlesti & tacita benedictione Dei, ac incremento in ipsis receptaculis augebuntur & crescent annui monasteriorum proventus. Date, inquit Christus, & dabitur vobis: Quærite inprimis Regnum Dei, & hæc omnia adjicientur vobis: &, ut Basilii ait (m), datum cum auctario semper redit: & beneficiorum gratiæ, in dantes revertuntur.

De Vita & Moribus Monialium.

CAPUT XXV.

Sint autem Moniales, quæcumque tandem Regulam, ut vocant, profiteantur, unanimes, ita, ut plures, cor unum & animam unam in Domino habeant. Unanimitas enim & concordia monasticæ societatis conservatio & vinculum est. Quare omnes simultates, lites, contentiones, dissensiones domesticæ, quamprimum ortæ fuerint, a Gubernatrice seu Magistra Domus, modesta & Christiana adhibita admonitione, ac reprehensione, tollendæ: animique reconciliandi sunt: ne ex hac conniventia, inveterata nascantur odia, letalesque animorum morbi, videlicet, invidia, superbia, fastus, & contemptus fororum, aliaque, perturbandæ & rescindendæ societatis incommoda subsequantur. Studeant igitur inprimis in hoc vitæ genere, cui se manciparunt sorores, Deum in omnibus actionibus, exercitiis, & studiis totius vitæ, omniumque consiliorum gubernatorem præ-

(l) Hieron. ad Rustic. Monachum.

(m) Basil. Magn. in divites avaros super illud Lucæ Evang. Hominis cujusdam divitis ager.

præ oculis habere: hunc timeant: hunc intueantur: hunc reverenter amplectantur: hujus opem & auxilium in tentationibus, tribulationibus, quotidianisque vitæ molestis, invocent & implorent: Hic enim vacillantibus, laborantibus, periclitantibusque, juxta præclaras, & magnificas Divini verbi promissiones, tempore oportuno succurret. Anima (n) nostra sustinet Dominum, quoniam adjutor & protector noster est. Et alibi: (o) Invoca me in die tribulationis, & eripiam te, & glorificabis me: Item, (p) Et sperent in te, qui noverunt nomen tuum: quia non derelinquis quærentes te, Domine, (q) Jacta super Dominum curam tuam, & ipse te enutriet. (r) Ille pauper clamavit ad Dominum, & Dominus exaudivit eum. (s) Prope est Dominus invocantibus eum: omnibus invocantibus eum in veritate. Juxta est Dominus iis, qui tribulatio sunt corde. Et Matthæi XI, Venite ad me omnes, qui laboratis & onerati estis, & ego reficiam vos: Delectare in Domino, & dabit tibi petitiones cordis tui. Revela Domino viam tuam, & spera in eo, & ipse faciet. His igitur sacræ Scripturæ locis, tanquam magnificis (t) verbi Divini promissionibus, in omni tentationum genere, sive a Diabolo, salutis nostræ adversario, sive a carne, sive a peccato, sive mundo, sive a morte proficiscantur, animi Sororum muniendi, confirmandi, & corroborandi sunt, ne deficiant, ac in ipsis tentationibus facile succumbant. Ad quam quidem luctam feliciter conficiendam, maxime proderunt, juxta Christi Salvatoris nostri præceptum, quotidianæ & continuæ preces, & invocationes, ne ociosæ, & securæ, ab adversario in tentationem, aliaque peccati pericula deducantur, & præcipitentur. Et cum Apostolus nos indefinenter, & semper orare jubeat: assuescendæ sunt, ut sive egrediantur cellulas, sive a laboribus, operibusque, ac domesticis officiis regrediantur, semper obversetur animo oratio: semper occurrat ad Deum, si non prolixa, attamen brevis, & ex imo cordis gemitu proficiscens precatio, qua armetur, qua mu-

niatur, qua pascatur anima, cujus subinde major, quam caduci, & fragilis corpulculi ratio habenda est, juxta præam & gravem Apostoli exhortationem: Induite vos armaturam fidei, ut possitis stare adversus insidias Diaboli: quoniam non est nobis colluctatio adversus carnem & sanguinem, sed adversus Principes & Potestates, adversus mundi rectores tenebrarum harum, contra spiritualia nequitia in Cœlestibus: propterea accipite armaturam Dei, ut possitis resistere in die malo, & in omnibus, perfecti stare. State ergo succincti lumbos vestros in veritate, & induite loriceam justitiæ, & calceati pedes in præparationem Evangelii pacis, in omnibus sumentes scutum fidei, in quo possitis omnia tela nequissimi ignea extinguere: & galeam salutis assumite, & gladium spiritus, quod est verbum Dei, per omnem orationem, & obsecrationem, orantes omni tempore, in spiritu, & in ipso vigilantes in omni instantia. Et cum constitutis horis, in templo vel oratorio communi, publicæ & communes preces expediendæ, cultusque Divinus absolvendus est, detur opera, ut rite, decenter, & convenienti ordine (nam & Paulus id in ejusmodi collegiis & congregationibus requirit) singula peragantur: & præsertim, ut in legendis vel decantandis psalmis, aliisque Ecclesiæ cantionibus & hymnis, id in corde versetur, (u) quod vel vocis & gutturis modulatione proferatur & canitur: Non enim vocis sed cordis auditor est Deus: & psallendum est spiritu & sensu. Et quanquam hoc tempore in decantandis psalmis, officiisque Divinis peragendis ignota utantur lingua: tamen ea diligentia adhibenda est, ut si non omnium, certe præcipuarum rerum (videlicet Psalmorum, Epistolarum, Evangeliorum, communiumque precum ac Hymnorum, qui in sacro celebrando proferuntur, aliisque officiis absolvendis adhibentur) intellectum habeant, quem ex privata & domestica lectione, facile consequentur Sorores. Neque enim a quotidiano legendi & discendi studio, immunes & liberæ esse debent. Nihil igitur in templo vel oratorio agant, quod illic

expe-

(n) Psalm. 32.

(o) Psalm. 45.

(t) Paulus ad Ephes. cap. 6.

(u) Hieron. de viduis perulantibus & jejunia contemnentes.

(p) Psalm. 49.

(r) Psalm. 33.

(q) Psalm. 9.

(s) Psalm. 144.

expedire non conveniat, vel indecorum aut turpe sit: sed cogitent, ideo sese Templi Dei esse effectas, ut unanimiter & concorditer vivendo, Deum, in hoc statu & vitæ genere, indefinenter honorent, laudent, seque ad ejus nutum componant, cui se vivendo denuo desponsarunt, & arctiore vitæ vinculo adstrinxerunt. Quare cum juxta Ecclesiæ cationem, regnum mundi, omnemque sæculi ornatum, propter amorem Domini nostri Jesu Christi, contemnant: cum hunc saltem videre cupiant: cum hunc ament: cumque omnem fiduciam in hunc conferant, hunc diligant: conveniens erit, ut spreto mundo abjectisque terrenis, ea, quæ celestia sunt, cogitent & quærant. Corpus quidem ad obsequia Dei, pietatisque exercitia humi repat, sed cor, furtum, in spiritualium rerum contemplatione habitat, obambulet, & versetur. Adhæc in tam sancta societate, communia sint omnia: communi utantur tabula, communi fruuntur cibo, communis sit refectio, communis somni, communis & quietis locus: nihil sibi vendicet proprietas: sed ita dividantur, ita distribuantur omnia, ne alicui personæ, quantum ad necessitatem, & commodam vitæ sustentationem, quicquam deficiat: absit laeta, sed adsit frugalis mensa: apponanturque tales cibi, qui ad conservandam Sororum valetudinem idonei, & utiles sunt. Est enim in hac parte, maxime valetudinis & sexus habenda ratio: (y) si sumendus est cibus, sive a tabula discedendum, semper referatur Creatori gratia, dicanturque consueta preces: sed a juniore, ad intelligentiam aliarum, repetantur hæc, nativa & vernacula lingua, idque brevi, & compendioso orationis genere: adhæc legatur aliquid, vel ex veteri, vel ex novo testamento, aliisque sanctorum Patrum scriptis, ad tabulam: & præsertim ii libri, qui ad pietatem, disciplinamque alendam, & mores formandos (cujusmodi sunt, Proverbia Salomonis, Ecclesiasticus, Epistolæ Pauli ad Thessalonicenses, Philippenfes, Timotheum, Titum, Jacobi, Petri & Joannis: Item Ambrosii tractatus de virgi-

nitæ, alizque sanctorum Patrum Homiliæ; virtutum vitiorumque descriptionem, in se continentes) utiles sunt. Nam non solum naturali cibo pascenda sunt corpora, sed & animæ Divini verbi pabulo alendæ, & nutriendæ sunt: audiatque hæc lectio patienter, sine tumultu, & inconvenienti vel susurro vel strepitu. Deinde recreationis digestionisque tempore concesso, Sorores rursum se ad lectionem, discendique studia conferant: quæ, qualia esse debeant, Divus Hieronymus (z) (Princeps & Monasticæ vitæ prudentissimus institutor) non uno in loco egregie ostendit inquires: Discendum esse probe & diligenter Psalterium: Proverbia Salomonis, ad vitam erudiendam proponenda: Ecclesiastem legendum, ut quæ mundi sunt, calcare consuescant: Librum Job pervestigandum, ut sectentur virtutis & patientiæ exempla: deinde, ad Evangelia transeundum, quæ nunquam de manibus dimittere debent Sorores: deinde plena cordis voluntate, imbibenda Apostolorum acta & Epistolæ, quibus ita instructæ, tandem ad lectionem Prophetarum, cæterosque veteris Testamenti libros commodè pervenire possunt: quibus tandem adjungant, & sanctorum Patrum opuscula, & præsertim ea, in quibus pietas fidei, ut inquit Hieronymus, non vacillat, & quæ eruditus Magister, facile secundum ingeniorum qualitatem deliget, & proponet: summa, ita imbibant sanctas Scripturas, ita toto pectore hauriant, ac in his delectentur, ut præter has nil æque admirentur, nihil desiderent, nihil cupiant, nihil amore prosequantur. Bonum, inquit Psalmista, mihi lex oris tui, super millia auri & argenti: Item: Quam dulcia faucibus meis eloquia tua? super mel ori meo? & dilexi mandata tua super aurum & topazion. Quare in hujus perscrutationem omnem sollicitudinem, operam omnem, totumque animi studium conferre debent: nihilque nosse, quam quod animi innocentiam, pietatem, imo quod Christum ipsum redolet, & spiret: Præterea castitatem, & pudicitiam, diligenter custodiant, præcipuumque hujus sanctæ Congrega-

(y) Hieron. ad Demetriadem virginem, de servanda virginitate.

(z) Ama scientiam scripturarum, & carnis vitia non amabis. Hieron. ad Rustic. Mon.

Hieron. ad Letam de institutione filiarum.

gregationis florem (Deo consecratum, & dicatum) illibatum conservent: ad quem quidem custodiendum, & conservandum, multum proderit, piis & moderatis exercitiis refrenare (a) & domare carnis insolentiam & petulantiam: quæ quidem semper, ut ait Apostolus, spiritui reluctatur: id autem fiet crebris jejuniis & abstinencia escæ: Quæ tamen semper ita adhibenda & moderanda sunt, ne nimium lædatur & debilitetur corporum valetudo, adjuncta quoque oratione, continuisque precibus. Nam cum continentia Dei donum sit, facile in hac pugna, relictationeque carnis, conservabitur ea, si Divinam opem, auxiliumque Dei, humili corde, veraque precatatione imploraverint & postulaverint. (b) Fidelis est enim Deus, qui non finet nos tentari supra id, quod possumus ferre: sed facit cum tentatione proventum, ut possimus sustinere. Ac sequenda est in hac tentationis pugna, optima & Christiana Divi Hieronymi (c) admonitio, quæ vult, non statim fascias pectorales solvendas esse, sed quamprimum libido titillaverit sensum, aut blandum voluptatis incendium, dulci nos calore perfuderit, erumpendum in vocem. Ah Domine auxiliator, non timebo, quid mihi faciat caro: quare conturbas me? Sperabo in te Domine, & confitebor tibi salutare vultus mei, o Deus meus! Nec permittendum cogitationes crescere: (d) aut quicquam Babilonii ac confusionis adolescens, sed dum parvus est, hostem interficiendum, & nequitiam (ne in zizaniam crescat) in semine elidendam esse: cum ægre reprehendatur id, cui assuescere permittitur. Quibus sane remediis, facile occurreretur huic tentationum generi, qua maxime circumveniri alioquin solet hæc sancta societas, si non tempeste & crebro, diurnis nocturnisque adhibitis vigiliis, & laboribus, remedia adhibeantur. Præ se ferant item in quotidiana vitæ conversatione, in incessu, in habitu, omnibusque corporis motibus, summam honestatem, morumque gravitatem ac modestiam, nihilque faciant, quod vel aures,

vel visum aliarum sororum offendat, vel alios ad libidinem provocet & alliciat: Sed si nonnunquam (id quod solum necessitatis causa, monasteriis concessum & permittum sit) alterius sexus homines alloquendi inspiciendique sunt, jactantur, ut elegantissime inquit Augustinus, oculi in aliquem: figantur in neminem. Neque enim viros videre, sed appetere, aut ab ipsis appeti velle, criminolum est: Nec solo tactu, sed affectu quoque & aspectu appetitur, & appetit scemina. Neque dicendum, nos animos habere pudicos, si habeamus oculos impudicos: cum impudicus oculus, impudici cordis sit nuncius: & cum se invicem sibi, etiam tacente lingua, conspectu mutuo, corda nunciant impudica, & secundum concupiscentiam carnis, alterutro delectantur ardore, etiam intactis ab immunda violatione corporibus, fugit castitas ipsa de moribus. Quem insignem locum ideo integre subjunximus, ut in ejusmodi colloquiis eo cautiores & prudentiores sint. Habitu & vestitu utantur decenti, & forma secundum consuetudinem introducta, neque tam studeant vestibus, & exquisito corporis ornatu, ac mundicie placere hominibus, quam innocentia vitæ, & sincera ac casta morum integritate & simplicitate: si prodeundem est in publicum, si alloquendi cognati, si salutandi amici, si honoris causa aliquid exequendum, munda & bene vestitæ appareant, & ingrediantur: imponentur capiti tegmina, vel lintheola, munda quidem & tenera, sed ita tamen adornata, ut omni fūco & affectatione exquisiti ornatus careant: ac ita obvelent faciem, ut coma nulla, capilli que nudi facile appareant: decet enim hujus Collegii focias, ab omni plane mundi, & tūcato ornatu, & splendore alienas esse. Si quid agendum in monasterio, si aliquando eundem est, adjungantur a Præposita seu domus Magistra, sociæ: ut unaquæque suarum actionum & negotiorum arbitras & testes habeat. Et si contingat in tanta imbecillitate & fragilitate humanæ naturæ aliquam labi, vel delinquere: (e) admo-

neatur

(a) Difficile inter Epulas servare pudicitiam. Hieron. ad Eustoch.

(b) 1. Cor. 10.

(c) Hieron. ad Eustoch. de custodienda virginit.

(d) Hieron. ad Letam, de institut. Filia.

(e) Aliorum vulnera, nostra sit cautio. Hier. ad Sal. de servanda viduitate.

neatur hæc a reliquis dolenter: amice & Christiane condoleant lapsum fororis: adhibeant consolationis poenitentiaque agenda remedia, & vulneratam ac sauciam curent & consolentur. Quod si vero corrigi, & a delinquendi proposito abstinere noluerit, indicetur hoc Præpositæ, & Gubernatrici domus: quæ deinde probe discussa & explorata delicti qualitate, poenam, (secundum quod ratione circumstantiarum conveniens & utile videbitur) imponat & injungat: in qua tamen infligenda, ita se gerat Præposita, ut & delinquens, & reliquæ sorores, justam & necessariam puniendi severitatem cognoscant & perspiciant: absint lites, absint jurgia & rixæ, sed amplectantur se mutua charitate & dilectione: nec dominetur in hac sancta societate, pestilentissima labes invidentiæ, sed contentæ sint singulæ iis, quæ secundum Magistræ arbitrium, de communibus bonis, & facultatibus, unicuique distribuuntur & impartiuntur. Nam cum hæc facultates in communem usum collatæ sint, jamque in aliam quodammodo naturam devenierint: inconveniens est, velle invidere alteri, quod ad ipsam, ratione communitatis, auctoritate Superioris interveniente, cum nullius injuria & incommodo spectat & pertinet. Neque enim in hujusmodi congregationibus, & monasteriis Monialium, hæc querelæ & exprobrationes locum habere debent, quasi hæc plus vel minus in hanc sanctam societatem contulerit: sed cum per monasticum hoc vitæ genus, secundum Apostoli sententiam, unius corporis membra effectæ sint, tum non illius vel alterius membri major vel minor, sed totius ac universi corporis cura & ratio habenda est. Et hac consideratione diligenter habita, facile sapientur contentiones & emulationes, tolliturque pauperum, minusque potentium contemptus, qui una cum ditioribus se huic vitæ generi manciparunt: præsertim, cum unicuique, quod ad sustentationem vitæ opus est, porrigatur & tradatur. Habeant & communem locum, in quo custodiantur singularum vestes: quæ ita a constitutis, & ad id negotii deputatis personis adfer-

ventur, ne a tinea lædantur, vel alias damni aliquid patiantur. Utantur etiam balneis, sed non frequentibus: sufficit enim pro corporum necessitate, menstruo uti lavacro, in quod tamen ingrediantur communiter: vel si ex permissione Præpositæ, lavantur aliquæ, fiat id aliis sororibus præsentibus, quas ad hoc, ipsa Magistra destinabit. Præcipua vero habeatur ratio ægotantium, & debiliū Sororum, quibus monasticæ vitæ præscripta & Canones relaxentur, & indulgeantur, condonenturque ea, sic necessitate exigente, quæ ad eorum valetudinem recuperandam pertinere videbuntur: Atque id fiat nonnunquam de Medici consilio, ne in ægotantibus morbus incrudescat, & radices, in languentium corpusculis, agat. Ordinentur & ad earum curam agendam, personæ idoneæ, quæ non sint morosæ nec difficiles, sed in omni mansuetudine & lenitate inserviant, ac necessaria ministrant, & ægotantibus porrigant. Ocium tanquam pestem, & præsertim huic generi hominum nocivam & periculosam fugiant, & abominentur: Sed muliebribus & honestis exercitiis (exceptis horis, quæ cultui Divino, studio & lectioni dantur) occupentur. Colendi igitur sunt horti, plantandæ herbaræ, proicienda variorum fructuum semina, coquendæ distillandæque aquæ, inquirendæ herbarum & fructuum vires, pervestigandæque earum virtutes, colus versandus, lana texenda, nendum, præparanda indumenta, quibus & sorores totaque Monasterii familia utatur, adornanda linteola &c. Succurrant item pauperum inopiæ, & porrigant de his, quibus abundant, auxiliatrices manus, egenis, & maxime domesticis fidei: nudum vestiant: esurientem cibo, sitientem potu refocillent: afflictos consolentur: ægros visitent: proque communi omnium hominum necessitate quotidianas preces ad Deum fundant. Porro abstineant, ab omni turpi & petulanti sermone, ab obscœnis jocis, & inhonestis ludis: Sed Præpositæ, (f) cum omni reverentia, & timore obediant: hanc venerentur: hanc, ceu matrem, amplectantur: hujus se custodiæ & fidei

T r t 3

com-

(f) Ament ut Parentem, subijciantur ut Dominæ, timeant ut Magistræ: Hieron. ad Gauden. de Pacatulæ infantulæ institutione.

committant. Vicissim vero Præposita curam gerat omnium: & de singularum honore & salute sollicita sit: diligenterque perspicat, quid quotidie emendare & corrigere, inque melius mutare oporteat: neque existimet secundum Augustini admonitionem, se ideo felicem, quod præsit aut dominetur cæteris: sed magis, quod inserviendo proficit, ac omnium salutem, quantum in se est, promoveat. Præbeat (g) igitur se bonorum operum exemplum: ut habeant Sorores, cujus vestigia sequantur: quam in quotidianæ vitæ conversatione imitentur, & moribus exprimant, cogitando, qualitercunque se gerat, de ea administratione, universoque grege, cui præsit, Deo rationem dandam fore.

De Decimis aliisque juribus,

Ecclesiæ exsolvendis.

CAPUT XXVI.

GRAVITER indignatur Deus, cum Ecclesiis, & Ecclesiarum Ministris, Decimæ, aliæque Ecclesiæ jura non porriguntur, & exsolvuntur: Vicissim vero benedictionem frumentorum, omniumque rerum abundantiam promittit & pollicetur, si Ecclesiæ detur, & tribuatur id, quod ad ipsam, sic disponente jure Divino, spectat & pertinet: Sic enim loquitur per Malachiam Prophetam (b): Quia mihi non reddidistis decimas & primitias, idcirco in penuria, & fame maledicti estis. Inferantur igitur in horrea mea, Decimæ, ut habeant Sacerdotes, & Levitæ, qui mihi ministrant, cibos: & probate me, si non tantas pluvias effundero, ut cataractæ cæli apertæ esse credantur, & effundam benedictionem meam pro vobis, usque ad abundantiam. Quare etsi hæc admonitio propriam ipsorum Sacerdotum utilitatem respiciat: tamen nihilominus commonefaciendus est populus, præsertim hoc tempore, ut Decimam, aliæque Parochiarum jura, quæ ad sustentationem eorum introducta & instituta sunt,

qui quotidianis laboribus & continuis oneribus Ecclesiæ inservire coguntur, exolvant: ne suis juribus privetur & defraudetur Ecclesia. (i) Neque dubium est, quin Deus hanc mundi impietatem & ingratitudinem, cum debita jura Ecclesiis fraudulenter subtrahuntur, & ista merces, contra sacræ Scripturæ (k) auctoritatem, ministris non porrigitur, subinde alio atque alio calamitatis genere puniat ac ulciscatur: ac disponat & ordinet, ut reliqua in omni maledictione pereant & consumantur: Verissimum enim est illud Augustini, hanc Dei justissimam esse consuetudinem, ut si tu illi decimam non dederis, tu ad decimam revocaris: dabis, inquit, impio militi, quod non vis dare Sacerdoti. Benefacere Deus semper paratus est, sed hominum malitia prohibetur. Decimæ enim ex debito requiruntur, & qui eas dare noluerint, res alienas invadunt.

De Cura & Administratione Hospitalium: Religiosarum domorum ac pauperum.

CAPUT XXVII.

ADHÆC statuimus, & ordinamus, ut juxta constitutionem (l) Concilii Viennensis, xenodochiorum, leprosoriorum, elemosynariorum, seu Hospitalium, quæ domus ad sustentationem pauperum extructæ & destinatæ sunt, diligens & fidelis quoque habeatur cura & ratio: ne ob negligentiam ipsorum Rectorum aut Procuratorum, harum ædium bona, res, jura & structuræ pereant & collabantur, ac proventus in alios quam in pauperum usum convertantur. Injungimus igitur visitatoribus, præsentibus his literis Synodalibus, ut in locis nostræ jurisdictioni subiectis, curiosam & fidelem suscipiant inquisitionem, ac operam dent, ut, juxta prædictam constitutionem, gubernatio & administratio, providis, idoneis, & boni testimonii viris (hæc enim sunt ipsius constitutionis verba) committantur: qui sciant, velint & valeant, bona eorum ac jura,

(g) Ad Phil. cap. 2. Nihil per contentionem, neque per inanem gloriam, sed in humilitate superiores sibi invicem arbitantes.

(b) Malach. 3. Et vide Hieron. super Malach. Proph.

(i) Deut. 25. Matth. 10.

(k) 1. Cor. 9. Refertur 16. q. 1. c. Decimæ.

(l) In Clement. de Religiosis domibus, * Quia contingit.

jura, iunctiter regere: & eorum proveni-
tus & reditus, in personarum usum mi-
serabilium, fideliter, omni sinistra affe-
ctione remota, dispensare & erogare,
& in quibus verisimilis præsumpcio non
existat, quod prædicta bona in alios,
quam in pauperum usus convertant: &
qui adinstar tutorum & curatorum, ju-
ramentum præstent, ac de locorum ip-
sorum bonis inventaria conficiant, &
ordinariis, seu aliis quibus subsint, loca
hujusmodi (vel deputandis ab eis) sin-
gulis annis, de administratione sua, ra-
tionem reddant. Volentes nihilominus,
ut populus pro faciliore sustentatione
pauperum, & conservatione religiosarum
domorum, a Parochis, pro concione
ad erebram contributionem admoneatur,
excitetur & adhortetur.

De Dedicationibus Templo- rum.

CAPUT XXVIII.

ID quod de Festis rite observandis jam
diximus, idem & nunc de Templo-
rum Dedicationibus, præsertim in tanta
hominum perversitate, dicendum &
constituendum est. Nam cum hæc so-
lemnitates (m) Dedicationum Ecclesia-
rum, singulis annis, maxime in eum
finem celebrentur, partim, ut nos in-
ternæ Dedicationis, qua dediti & astric-
ti sumus Deo, & spiritualia templa Dei
effecti (templum (n) enim Dei sanctum
est, quod estis vos, inquit Apostolus:
(o) & nescitis quia membra vestra Tem-
plum sunt Spiritus Sancti?) admoneant:
partim etiam, ut eorum Sanctorum, &
Martyrum memoriam renovent, & ex-
uscitent: in quorum laudem & honorem,
& ad quorum memoriam conservandam,
ac perpetuo in Ecclesiis retinendam Al-
taria vel Tempa consecrata sunt, &c.
Tum hoc tempore id potissimum a po-
pulo agendum, & in publica concione
exigendum est, ut bonis & piis actioni-
bus & operationibus, ita adornet thala-
mum & templum cordis sui, quo in hoc,
quod in Baptismate & regenerationis la-
vacro Christo deditum, consecratum, &
sanctificatum est, ipse una cum Patre &

Spiritu Sancto ingrediatur, istic com-
moretur, quiescat, & in nobis perma-
neat: & ne (ut Augustinus pie admo-
net) in nobis ipsis inveniat, quod oculos
sue Majestatis offendar: sed ut habi-
taculum cordis nostri, evacuetur vitiis,
& virtutibus repleatur: claudatur Dia-
bolo, & aperiatur Christo. Ad hæc,
ut Sanctorum exempla, quorum mem-
oria colitur, quorumque facta & virtutes
in Ecclesiis proponuntur, imitetur po-
pulus, vitæque ac moribus exprimat.
Tunc enim tunc dubio, secundum Au-
gustini (p) sententiam, & ipsi intercedent
pro nobis, quando in nobis aliquid de
suis virtutibus recognoscunt & perspici-
unt. Quare comestationis, compo-
randique studium & frequentiam, alia-
que prophana & Christianis indigna, &
inconvenientia, ut mercatus publicos,
tripudia, saltus impudicos, ludosque
uturarios, & id genus alia, quibus Deus
graviter, & offenditur, & irridetur, in-
terdicimus: volentes, ut in transgresso-
res, ob constitutionum Divinarum con-
temptum, idque juxta delicti qualita-
tem, severissime animadvertatur.

Quomodo super admissione Ordi- nandorum agendum.

CAPUT XXIX.

CUM facilis, [q] & perfunctoria Or-
dinandorum admissio & receptio,
hactenus Ecclesias, non medioeri dam-
no affecerit: videlicet, cum docti & in-
docti, boni & mali, probi & improbi,
æque admissi, & ad ministeria Ecclesiasti-
ca pervenerint: volumus, & in hæc
nostra Synodo decernimus, ut curiosa,
diligens, & fidelis, non solum eruditio-
nis & doctrinæ, sed & morum ac vitæ
examinatio & inquisitio fiat: ita, ut post-
hac ad suscipiendos sacros Ordines, &
præsertim, quos vocant Majores, nemo
admittatur (utcumque de fide, religio-
ne, & doctrina ordinandi, Vicario vel
Examinatoribus probe constet) nisi ab
ejus loci quoque Parocho & Magistratu,
in quo vitam, majore ex parte trans-
egerit, sufficiens, idque authenticum,
& fide dignum testimonium, de vitæ ac
mo:

(m) C. Solennitates, dist. 1. De consec.

(o) Paul. 1. Cor. 6.

(q) Illiteratos, c. Qui Ecclesiasticis disciplinis, per totum dist. 36.

(n) Paul. 1. Cor. 3.

(p) August. in Serm. 244. De temp.

morum honestate & integritate, secum adferat & exhibeat. Grave enim & periculosum est, eos absque publico testimonio, ad sacros recipere Ordines, qui improbitate vitæ ac morum, tandem in perniciem, scandalum, & detrimentum Ecclesiæ totiusque Ecclesiastici Ordinis, nihil non agunt & moluntur. Præsentem autem constitutionem Synodalem, in nostra Diœcesi solum locum habere volumus: alios vero, qui extra Diœceses suas ordinantur, Canonicis Sanctionibus subijcimus: statuentes, ut secundum Canonum dispositionem, accurate & diligenter, exploratis omnibus personarum circumstantiis, explorentur & examinentur. Dabimus autem operam, ut a doctis & eruditis Theologis, optima examinis ratio & formula, juxta Diœcesis & Ecclesiæ nostræ formam, conscribatur, & conficiatur. Cæterum, quomodo cum his, qui ad sacros Ordines, & præsertim majores, promoveri cupiunt, absoluto jam examine, agendum, qua ratione in confessione explorandi & instruendi, ac quomodo de statu vitæ, conditione & qualitate inquirendi, demonstrabunt Canones. Brevitatis igitur causa Examinatores nostros, ad hos remittimus.

De pluralitate Beneficiorum, & præsertim Curatorum, deque eorundem collatione.

CAPUT XXX.

DE pluralitate Beneficiorum, juris Canonici dispositionem, Concilii Tridientini Decreta, & sæpe dictæ reformationis piam & necessariam exhortationem observandas esse censemus. Cum enim hæc beneficiorum coacervatio, vetus & intolerabilis querela sit, & quæ ordinem Ecclesiasticum, non mediocri odio & invidia graver: necesse est, ut oportuno remedio, tali occurratur & subveniatur malo: quo, causa, & studia plura coacervandi beneficia, a Clero tollantur. Id autem potissimum hac ratione fiet: ut tenuiores beneficiorum redditus & proventus, ita augeantur & locupletentur, ut possessores exinde com-

modam, & pro dignitate ac officii, aliisque circumstantiis exigentibus, sufficientem, liberalem & honestam sustentationem habere queant. Id autem secundum Collegiorum, Ecclesiarum, beneficiorumque qualitatem, annuorum proventuum rationem, ab Episcopis, Collegiis, ac Monasteriis commode fiet. Neque enim singulorum eadem ratio aut præscribi, aut esse poterit: sed ita provideatur unicuique, ne iusta emolumenta desint, ipsique, plura ambiendi beneficia, cautam non habeant. Statuentes insuper, cum non solum collegia, sed & curata beneficia, ob non mediocrem personarum defectum, quæ Ecclesiis, necessariis obsequiis inservire, Divinaque officia peragere coguntur, (r) ut Collatores & Patroni, in conferendis beneficiis, nihil nisi Ecclesiarum utilitatem considerent & perpendant: videlicet, ut ea talibus personis conferantur, quæ idoneæ sunt, & Ecclesiæ, actu inservire velint, cupiant & possint: vel temporis progressu, uberiore sacrarum literarum cognitione consecuta, debitas operas præstare conentur. In ejusmodi enim collationibus non sanguinis vinculum, non affinitatis cognatio, amicitia, familiaritatisque conjunctio, nec munus oblatio locum habere debet: sed qualitas (s) personarum diligenter excutienda est, & perpendendum, an tales sint, quæ Ecclesiis præstare, inservire, Ecclesiasticæque officia, vel actu, vel indubitata spe, peragere valeant: Nam Ambrosio teste, inexpressibilis culpa venditi ministerii est: & vindicta gratiæ celestis, transibit in posteros. Adhæc, sacrilegium grave, & illi quoque committunt, qui etsi de bonis propriis, se sustentare commode & liberaliter possent, ac præter id, quod Ecclesiis inservire nec volunt, nec cupiunt, nec etiam si velint, idonei & habiles sunt: tamen nihilominus Ecclesiastica beneficia ambiunt, ac illicitis modis, & inhonestis, ac de jure prohibitis pactis & conventionibus, in Ecclesiarum & Collegiorum detrimentum & perniciem, debita obsequia Collegiis subtrahendo, occupant ac retinent: & tanquam (t) ignavi fuci, & stupidi

(r) Greg. IX. ad Episc. Argent. c. Super inordinata. De Præb. & Dignit.

(s) C. Moyfes. 8. q. 1. De Præb. & Dignit. c. Grave nimis.

(t) Dum tu ignavus negociator denarium tenes, alterius locum, qui pecuniam duplicare potest.

stupidī negotiatores; denarium tenendo; aliis occasionem & locum præripiunt, qui pecuniam & talentum a Domino traditum, duplici scelerē & usura, ad Ecclesiæ honorem, & utilitatem locupletare & augmentare poterant. Nos igitur huic malo obviare cupientes, ne deinceps talia, & his etiam graviora a quovis committantur, decernimus & mandamus, ut tales ad veram beneficiorum possessionem, fructuumque perceptionem, non obstante collatione facta, nullo modo admittantur: nisi discussa & plene examinata personæ qualitate, Vicarii in Spiritualibus, Examinatorumque nostrorum autoritas, censura & approbatio accedat: volentes nihilominus, ut dispositio Capituli: (Extirpandæ consuetudinis vitium, extra de præbendis, & dignitatibus,) ratione Collatorum, & Patronorum, qui Parochialium Ecclesiarum proveniunt sibi penitus vendicant, vix Presbyteris, pro eorum servitiis exiguam portionem relinquendo, strictissime quoque observetur. Præsentem autem constitutionem Synodalem, præcipue locum habere volumus, in collationibus (u) beneficiorum curatorum, quorum ob varia Ecclesiarum pericula & damna in conferendo, major subinde, & exactior ratio habenda est: videlicet, ut curata, femotis indignis, non nisi idoneis, & qui jam actu, Ecclesiæ vel Parochiis deservire & ministrare valent, conferantur.

*De Competentia Parochorum,
deque personali eorundem residentia.*

CAPUT XXXI.

Cum de (x) altari vivere debeat, juxta Pauli sententiam, qui altari inservit, omnisque (y) mercenarius dignus sit sua mercede, & in lege prohibitum, (z) ne os bovis triturantis ligetur: statuimus, & ordinamus, ut nullis (a) obstantibus locorum consuetudinibus,

pactis, & transactionibus, Parochis (sive perpetui, sive Vicarii sint) competens, honesta, justa & sufficiens vivendi portio de redditibus & censibus Parochiæ, assignetur & tribuatur: ne ob penuriæ & victus necessitatem, Parochiales Ecclesiæ deferantur, populusque Divinis officiis, concionibusque Divini verbi privetur, ac in locum bonorum, & doctorum Parochorum & Sacerdotum, circumforanei quidam, neque doctrina, neque moribus præclari, in Ecclesiarum ruinam, pietatisque subversionem, & subditorum scandalum ac offensionem recipiantur. Turpe enim est & abominabile, ob manifestam ambitionis ac avaritiæ cupiditatem, & ob paululum liberaliorem sustentationem Parochorum, dimittere idoneos: & recipere, & conducere alios, quibus committatur grex Christi pascendus; qui neque doctrina, neque vitæ exemplo, pastoralis functioni, & animarum curæ præesse possunt. Si qui igitur nostræ Constitutioni Synodali obtemperare recusaverint, hos ad sufficientem & condignam competentiam Parochis contribuendam, per Officiale nostrum, jure mediante, summarie tantum, & de plano instituto processu adigendos & compellendos censemus & decernimus: Statuentes insuper, ut & hi, qui vigore foundationis ac beneficiorum, ad personalem eorundem residentiam requiruntur, ad eandem quoque autoritate ordinaria compellantur, nisi legitimas, & rationabiles causas habeant & allegent: quas coram eodem Judice nostro proponere, & ejusdem sententiam desuper expectare teneantur. Caterum Pastoribus quoque ac iis, qui curata beneficia habent vel impetrant ac consequuntur, quive Ecclesiis curatis ipsi præesse nequeunt, vigore præsentis nostræ constitutionis injungimus, ut fidelem gubernationem earundem, idoneis Vicariis ita committant, ut nisi justis & rationabilibus existantibus causis, coram Vicario nostro propo-

poterit, occupasti. Quamobrem qui bene ministrat, bonum gradum sibi acquirit, ita qui indigne ad calicem Domini accedit, reus erit Domini corporis & sanguinis.

(u) C. Quia nonnulli de Clericis non residentibus ext. c. 3. Decret. Synodi Tridentinæ.

(x) 1. Cor. 9.

(y) Lucæ 10.

(z) Deut. 25.

(a) C. Extirpandæ consuetudinis. De Præb. & Dign. & c. s. incip. Ordinarii locorum.

Trident. Concilii.

proponendis, eos amovere non liceat: hac enim ratione, Parochiarum jura rectius & conservabuntur, & Ecclesiis subditorumque salutem, melius consulatur ac prospicietur.

De Electionibus & Collationibus

Prælatorum.

CAPUT XXXII.

Eadem quoque ratio observetur, (b) in electionibus, & dignitatibus ac Prælatorum collationibus: quæ non ex favore, non gratia, neque ex sinistro & cæco sanguinis affectu, aut oblatione munerum, vel ex innominatis, illicitis, ac symoniacis conventionibus & pactis fiant: sed ex judicio vero, sincero & recto proficiantur: scilicet, ut is maxime eligatur, inque eum Ecclesiasticæ dignitates & Prælatuæ conferantur, qui cæteris doctior, & sanctior, inque omni virtutum genere præstantior sit: quique Ecclesiæ, doctrina, vitæ ac morum innocentia, integritate, & gravitate, rerumque experientia, plus cæteris inservire, & valeat, & possit. Nam si, (c) juxta leges, ad regimina & dignitates, non precium vel ambitio, sed probata vita provehere debet: cur igitur in administratione rerum spiritualium, idonearum personarum non æque ratio haberetur? Neque dubitandum est, sinistram hanc & corruptam eligendi rationem, conferendique Prælatuæ in quosvis, qua in eligendis Ecclesiæ Gubernatoribus & Prælatibus, Capitula utuntur, non minimam causam esse, tantorum in Ecclesia malorum & motuum. Danda igitur est opera, ut in electionibus, Deus & salus publica præ oculis habeatur, isque in Ecclesiæ Gubernatorem eligatur, ac iis Ecclesiarum Prælatuæ & dignitates committantur, qui doctrina, studio, autoritate, sapientia rerum, innocentia & consilio, Ecclesiæ, subditorumque salutem, rectius consulere & prospicere queant. Neque ignavis & stupidis, tanta Ecclesiarum munera & onera committenda sunt, qui nihil, nisi vel lucrum & turpem quæstum, vel otium, ac privatas

vitæ commoditates, aut honorem sibi inde quærunt, ambiunt & appetunt. Statuentes, ne deinceps quisquam Prælatuam & dignitatem Ecclesiasticam assumat & recipiat, nisi a Nobis, vel a Vicario nostro in Spiritualibus, ratione ætatis, morum, doctrinæ, tituli, omniumque earum rerum & qualitatum, quæ ad administrationem & gubernationem prædictæ Prælatuæ necessario de jure vel alias requiruntur, rite exploratus, & examinatus fuerit. Cæterum, in electionibus eum modum & processum observandum decernimus, quem Concilium Basiliense salubriter ordinavit & constituit.

Clericis Sæcularibus, studiorum

causa, de Beneficiorum fructibus & proventibus sufficientem sustentationem suppeditandam esse.

CAPUT XXXIII.

Cum Ecclesia, præsertim in tanto defectu, & exiguuo Sacerdotum numero, opus habeat multis ministris: ordinamus & statuimus, ut Collegia, secundum Collegiorum facultates, aliquot adolescentibus bonæ spei ac indolis, studiorum, & præsertim sacræ Theologiæ, quæ in primis Ecclesiæ necessaria est, perdiscendæ causa, in publicis & probatis Academicis & Scholis, alant & foveant: quibus juxta Constitutionem Honorii tertii (d), integri beneficiorum proventus, exceptis quotidianis distributionibus, donec inchoatum studiorum cursum absolvant, dentur & porrigantur: hac tamen moderatione & limitatione adhibita, ut singulis finitis annis, Clerici, qui studiorum causa absunt, ab ipso Rectore, Academicæque Patribus, fide dignum testimonium, ipsius universitatis Sigillo communitum & corroboratum, Collegiis transmittant: quo, de eorum studio & profectu, ac vitæ conversatione & moribus Collegiis constet. Negligentibus enim, quive posthabito & semoto studio, ocio, aliisque inhonestis & illicitis rebus incumbunt, de Ecclesiæ bonis, & beneficiorum proventibus, nihil contribuendum censetur.

(b) 8. q. i. c. Quæ vos. c. Licet. & c. Sunt Ecclesiæ.

(c) L. fin. c. ad l. Jul. Repetundarum. Ad regimina & dignitates non precium vel ambitio, sed probata vita provehere debet.

(d) C. Licet vobis. De Præb. & Dignitatibus.

censemus : volentes nihilominus studio-
sis , de quorum profectu & eruditione
Ecclesiæ bene sperandum sit , si necessi-
tas ita requirat & postulet , uberores
sumptus , vel de quotidianis etiam distri-
butionibus , vel aliis Collegiorum proven-
tibus , secundum quod Collegiis oportu-
num, & necessarium videbitur, suppeditan-
dos esse.

Idem quoque de adolescentibus, qui
Sacris nondum initiati sunt, statuendum
est : quibus pari ratione, de annuis Ec-
clesiarum & Collegiorum proventibus &
reduibus, certa stipendia constituenda,
& studiorum causa, corrigenda & admini-
stranda sunt. Nam cum hoc tempore,
magna pars hominum, ab Ecclesiastico
ordine abhorreat, ac rari sint, qui Ec-
clesiæ inservire velint & cupiant : danda
erit opera, ut hac ratione periclitanti
Ecclesiæ potissimum succurratur, libera-
libusque stipendiis optimorum adolescen-
tum ingenia ad studia provocentur, al-
liciantur, & excitentur : quo temporis
progressu, studio, doctrina & eruditione,
Ecclesiis vicissim inservire, & debita
obsequia præstare possint : Nam his mo-
dis, contra futura pericula, & imminen-
tes calamitates & persecutiones, maxi-
me Ecclesiis consulatur & prospiciatur :
sicque conservabitur Collegiorum, & Ec-
clesiastici status dignitas, honor & æsti-
matio : populi reverentia, amor, stu-
dium, & benevolentia erga Clerum de-
merebuntur. Decernentes insuper, si con-
tingat quenquam, cui Ecclesiastica bene-
ficia & stipendia, ad Ecclesiæ inservien-
dum collata, & studiorum causa suppe-
ditata sunt, ex legitimis & rationabilibus
causis, susceptum Ecclesiastici Ordinis
munus, & inchoatum vitæ genus desere-
re, ut Collegio & Ecclesiæ, loco recepti
beneficii, certam Ecclesiæ summam, ad
quam fidejussoria cautione præstita, se ad-
stringat, & obliget (nisi id ex liberali
Collegii voluntate remittatur) restituere
teneatur : ne Ecclesiæ penitus exposito-
rum sumptuum damnum patiantur, ac sua

liberalitate & benignitate defraudentur.
Cum enim beneficium detur propter offi-
cium, grave & durum nimis foret, Ec-
clesiam, & sumptuum, & personarum,
officiorumque jacturam facere.

De Simoniacis & usurariis.

CAPUT XXXIV.

Simoniacam (e) labem & usuras omni
studio execramur & detestamur : qua-
propter cupimus ea vitia ab ordine Cleri-
cali alienissima esse : Statuentes, ut circa
ea, & reformationis prælectæ dispositio,
& sanctorum Patrum & Canonum Decre-
ta & Sanctiones diligenter observentur.
Quod si reperiantur ejusmodi vitiis & cri-
minibus obnoxii & contaminati, in hos se-
cundum juris scripti tenorem, ad pœnas
per Fiscalem nostrum severissime proce-
detur.

De gratuita Sacramentorum ad- ministratone.

CAPUT XXXV.

Sacramenta & dona Dei gratis homini-
bus conferenda esse Christus præci-
pit : (f) Gratis, inquit, accepistis, gra-
tis date. Et videmus abominabilem hanc
avaritiam, & in veteri & novo (g) testa-
mento horrendis pœnis graviter subinde
vindictam & punitam esse. Nota est
historia (h) Helisæi Prophetæ, ubi prop-
ter accepta munera Giezi, lepra a Prophe-
ta percutiebatur. Naaman autem sani-
tatis gratiam consequabatur : & Simon
Magus aterbissime a Petro objurgatur,
(i) quod pecunias obtulerit pro conse-
quenda potestate, ut per ejus manus im-
positionem homines Spiritum Sanctum
consequerentur, inquit : pecunia tua
tecum sit in perditionem : quoniam Dei
donum existimasti pecuniis parari : non
est tibi pars, neque sors in ratione hac :
cor enim tuum non est rectum coram
Deo. Et ex Evangelio (k) cognoscimus,
quanto Zelo ex Templo ementes & ven-
dentes

(e) C. Episc. Quoniam omnes hujus sæculi. 47. dist. & Sicut. Et c. Non licet. 46. dist. c.
1. q. 1. & cap. Clerici ab indignis. & c. Si quis oblitus. 14. q. 4.

(f) Matth. 10. (g) Actor. 8.

(i) Basil. Magn. ad Episc. curæ suæ commissos, ne pecuniæ gratia manus cuiquam im-
ponant. Ep. 76.

(k) Matth. 11. Johan. 2.

centes Christus eiecerit & expulerit : Significans in domo Dei, in qua Spiritus Sancti gratia diffunditur, & hominibus gratis distribuitur, negotiationibus & mercimoniis non esse locum. Curandum igitur est, ut talibus exemplis & comminationibus sacræ Scripturæ admoniti Sacerdotes, lepram Simoniacæ contagionis evitent: & maculam hanc, Sacerdotali ordini nocentem & periculosam abstergant: nihilque pro Sacramentorum administratione ac Dei donis, mercedis loco postulent, exigant & recipiant: nisi quod ultro & voluntarie ab hominibus, sustentationis ergo, offertur & datur: considerantes, secundum Ambrosii (1) verba, & Prophetæ exemplum: Turpem mercedem, cito secururam lepram, & pecuniam male quæsitam, & corpus & animam maculare: & factio authoris, successionem heredis damnari: & vindictam gratiæ cælestis, ob culpam venditi ministerii transfiguram in posteros. Mandamus igitur, ut Parochi & Sacerdotes, a tanta impietate abstineant: alioqui secundum Canonum dispositionem, in delinquentes graviter animadversuri.

De Hæreticis & Schismaticis.

CAPUT XXXVI.

DE Hæreticis vero, Schismaticis, & Apostatis, præterquam quod dispositioni juris communis, eos relinquimus, in hac nostra Diœcesana Synodo nihil decernere & constituere possumus: maxime, cum præsens Schisma, ferme totam nostram Diœcesim invaserit, & Ecclesias hinc inde misere contaminaverit & infecerit. Quare ejus rei traditionem & excussionem, ad Concilium Provinciale rejiciemus ac remitemus: ipsius Metropolitanis, aliorumque Comprovincialium expectando judicium: interim tamen omnes, qui a Catholica Ecclesiæ unitate defecerunt, in Domino Jesu Christo, Redemptore nostro, fideliter adhortamur, ut abjecta hæresi & schismate, ad gremium sanctæ Matris Ecclesiæ, quod redeuntibus nunquam clausum est, redeant: & cum san-

cto Augustino (m) sentiant & judicent, omnem, qui ab Ecclesiâ Catholica separat fuit, quantumlibet laudabiliter se vivere existimet, hoc solo scelere (quod a Christi unitate disjunctus & divulsus sit) non habere vitam, sed iram Dei manere super eum: adhuc, juxta ejusdem, aliorumque Patrum sententiam, eorum sacrificia, eleemosynas eorum, & vota abominabilia esse in conspectu Dei: sicut enim idem inquit Augustinus: (n) Extra Catholicam Ecclesiam non esse locum veri sacrificii: non quod non sint, aut Sacramenta tractentur, & porrigantur (præsertim, si ea forma & intentione faciendi utantur, qua Ecclesiâ) sed quod deficientibus ab unitate Ecclesiæ, quæ Christus est, nihil prosint. Et Hieronymus in Amos Prophetam: odio prosequi, (o) & a se projicere Deum, imo tanquam foetorem detestari hæreticorum sacrificia, ait: Omne quod fecerint, inquit in Haggeum Prophetam, quod mihi obtulerint, vel vota, pro salute, vel pacifica, pro peccato, vel holocausta veleleemosynas: sive jejunia, vel corporis castitatem, contaminata erunt in conspectu meo. Quamvis enim sancta videantur specie sui, quæ offeruntur: tamen quia tractata sunt ab illo, qui pollutus est in anima, polluantur omnia. Et alibi Augustinus: (p) Homini, qui Ecclesiæ Catholicæ non tenet unitatem, neque Baptismum, neque Eleemosynam, quantumlibet copiosam, neque mortem pro nomine Christi susceptam, etiam si æterno supplicio puniretur, aut vivus concremaretur, proficere posse ad salutem. Et Cyprianus Martyr (q), extra Ecclesiam non esse salutem manifeste asserit: Et in Tractatu, De simplicitate Prælatorum ait: illius foetu nascimur, illius lacte nutrimur, spiritu ejus animamur: adulterari non potest Sponsa Christi: in corrupta est & pudica: unam domum novit: unius cubiculi sanctitatem, casto pudore custodit: hæc nos Deo servat: hæc filios, regno, quos generavit, assignat: quisquis ab Ecclesiâ segregatus, adulteræ jungitur, a promissis Ecclesiæ separatur: nec pertinet ad Christi præ-

mi

(1) Ambros. de Myst. & refertur c. Cito turpem. 1. q. 1. a.

(m) Auguft. Epist. 152. & habetur c. Si quis. 23. q. 4.

(n) 1. q. 1. c. Sicut. c. Dedit.

(p) Auguft. De Fide Cathol. Epist. cciv. ad Do. (o) C. Sicut & odit Deus. 1. q. 1. & c. Maled.

(q) Cyprian. de Hæret. Bapt.

mia, qui relinquit Ecclesiam Christi: alienus est, prophanus est, hostis est: habere jam Deum Patrem non potest: qui Ecclesiam non habet matrem: si potuit evadere, qui extra Arcam Noe fuit, & qui extra Ecclesiam foris fuerit, evadet: Monet Dominus & dicit: (r) qui non est mecum, adversus me est, & qui non mecum colligit, spargit. Qui pacem Christi & concordiam rumpit, adversus Christum facit: qui alibi præter Ecclesiam colligit, Christi Ecclesiam spargit: Dicit Dominus: Ego & Pater unum sumus: & iterum de Patre, & Filio, & Spiritu Sancto scriptum est: (s) Et hi tres unum sunt: Et quisquam credit hanc unitatem de Divina firmitate venientem, Sacramentis cælestibus coherentem, scindi in Ecclesia posse, & voluntatum colludentium divortio separari? Hanc unitatem, qui non tenet, Dei legem non tenet, non tenet Patris & Filii fidem: vitam non tenet, & salutem & reliqua. Quæ præclara & insignia testimonia ideo prolixius recitamus, ut tantorum virorum & martyris autoritatibus & comminationibus, quæ apud pios non leves esse debent, admoneantur hæretici & schismatici: ut tandem ad veram Catholicæ Ecclesiæ unitatem redeant, & convertantur. Ad quod quidem facilius consequendum proderit, si non inhumaniter, non acerbè, neque asperè, ac severe & crudeliter tractentur: sed tanquam solliciti de eorum salute, pie & fideliter exhortentur, ut ad cor redeant, & in viam veritatis Catholicæ revertantur: his enim charitatis dilectionisque Christianæ officiis, continuis ad Deum precibus, flagrantibus cordis gemitibus, ac sincera, Ecclesiæ, Ecclesiasticique Ordinis emendatione & correctione suscepta, sæpe plus efficietur, ac deficientium animi mitigabuntur, persecutionesque & calamitates, a domo Dei auferentur, quam contentiosis & infrugiferis disputationibus & conflictationibus, scribendique amarulentia: Cum non sine arcano Dei consilio, hæc præsentium temporum mala eveniant & infligantur: sed ideo permittantur hæreticorum persecutiones, Cypriano teste, ut in vinea Domini vigilantiores reddantur

Pastores, nosque nostri officii subinde admoneamur.

De Sortilegiis.

CAPUT XXXVII.

Sortilegia, Divinationes, incantationes, superstitiones, præstigias, variasque dæmonum illusiones, alioqui de jure (t) prohibitas, nemini exercere permittimus. Quare ut ejusmodi impiæ & diabolicæ operationes in nostra Diocesi vitentur & omittantur: statuimus & mandamus, ut ab Archi-Presbyteris super ea re diligens & crebra fiat inquisitio. Quod si qui deprehendantur, ii per Fificalem nostrum, ad debitam & competentem purgationem, juxta juris dispositionem, compellantur: & convicti, aut infamia notentur, aut si admoniti in impietate perseveraverint, beneficiis & honoribus priventur: vel pro penitentia agenda, ad tempus, in Monasterium arctum detrudantur, prout, secundum delicti perpetrati qualitatem Vicario nostro in Spiritualibus videbitur convenire. Laicos vero pœnis a jure (u) civili promulgatis subijcimus.

Ne Laici concionandi munus suscipiant & exequantur.

CAPUT XXXVIII.

ET cum Laici hætenus propria temeritate, & inani vocationis (x) prætextu, prædicandi officium usurpaverint, & adhuc in multis locis nostræ Diocesis usurpent, ac sub specie verbi Dei, varios errores disseminent, populumque misere seducant: volumus, & hac nostra Synodali constitutione præcipimus & mandamus, ne deinceps laici, cujuscunque conditionis, status & doctrinæ sint, contra juris dispositionem & auctoritatem, verbum Dei, vel publice, vel in privatis conventiculis, deprædicare quovis modo præsumant. Quod si qui ab hac prædicandi & concionandi temeritate non abstinerint, horum temeritatem, juris, aliisque remediis, prout circumstantiarum ratione, quovis tempore necesse, & oportunum videbitur, coercendam decerni:

V v 3

(r) Math. 12.

(s) Johan. 10.

(t) C. Non oportet junctis aliis 26. q. 5.

(u) L. Nullius. L. Nemo. C. De male. & Marth.

(x) C. Cum ex injuncto. c. Sicut de hæreticis.

cernimus: inhibentes nihilominus, ne sub religionis, ac docendi verbi Dei prætextu, in locis nostræ jurisdictioni subiectis, vel publica, vel privata, & occulta, quæ alias de jure prohibita sunt, celebrentur & peragantur, conventicula.

*Ne Laici, Canonorum Capitulis
& Collegiis, eorumque negotiis & tractatibus intersint.*

CAPUT XXXIX.

ET cum Laici in numero Canonorum & Cleri computari non debeant: neque (y) laicorum sit, ea occupare & detinere, quæ Clericis, ratione Divinorum officiorum peragendorum, competunt: decernimus, ut ab ejusmodi, tanquam illicitis, abstineant: & in locum talium hi recipiantur, qui Collegiis, & Clericalibus Conventibus, ordinis & officii ratione, interesse debent & possunt. Quod si qui amoveri noluerint, in hos tanquam illegitimos & violentos occupatores, digna, vel juris animadversione, vel aliis ordinariis mediis animadvertemus.

*De Libris Ecclesiarum revidendis,
& repurgandis.*

CAPUT XL.

ET quia sæpèdicta reformationis formula Ordinariis injungit, ut BREVIARIA Sacerdotum, LIBRI MISSALES, ANTIPHONARIA & AGENDÆ, cæteraque, quæ ad Divinum cultum, in Ecclesiis & Templis necessaria sunt, repurgentur: quapropter id negotii, piis aliquot & eruditis Viris committemus, qui omnium earum rerum, commodam & necessariam reformationem, & repurgationem, in quantum tamen Nobis autoritate Ordinaria conceditur & permittitur, suscipiant.

De Professoribus Sacræ Theologiae conducendis.

CAPUT XLI.

INjungimus quoque Ecclesiarum (z) Collegiis, & præsertim opulentioribus, ut juxta piam & necessariam Reformationis

admonitionem, Theologos conducant, qui sacram Scripturam Canonicis, Sacerdotibus & Clero profiteantur. Neque enim arbitretur Clerus se suo perfunctum officio, si quotidie ex more, rite Divina peregerit: reliqua temporis pars, sacrarum literarum studio, & spiritualium rerum meditationi tribuenda est. Amas Scripturas sanctas, inquit Hieronymus; & amabit te sapientia: dilige eam, & servabit te: honora illam, & amplexabitur te: hæc monilia in pectore & in auribus Sacerdotum hæreant, Neque dubium est hac ratione, turpi sublato ocio, Clerum & præsertim juniorem, discendi occasione nacta, eo melius in ordinem redigi posse. Cæterum Professoribus secundum Collegiorum facultates, de annuis proventibus, vel fructibus, & redditibus unius præbendæ, certa & sufficientia stipendia assignentur.

De Scholis.

CAPUT XLII.

Cumque etiam officii nostri sit, diligenter prospicere, ut optima educandæ & instituendæ juventutis (quæ Ecclesiarum & rerum publicarum seminarium est) ratio habeatur ac secundum Eugenii Papæ (a) Decretum, Magistri & Doctores constituentur, qui studia literarum, liberaliumque artium doctrinam assidue doceant, & fideliter juventutem informant ac instituant: & cum singula ferme Collegia, juxta veterem Ecclesiarum morem annexas habuerint scholas (quæ ob introductam religionis innovationem interierunt) tum Viscitoribus nostris & hanc rem committemus: deliberabimusque, quomodo in Diocesi nostra, aliisque oppidis & vicis, Scholæ ad Christianam, piam & synceram juventutis institutionem adornentur & restaurentur. Curandum autem inprimis est, ut juventus talibus Præceptoribus & Pædagogis tradatur, qui juventuti, eruditione, honestate vitæ ac morum, fideliter præsent. Neque enim Scholastica cura temere omnibus committenda est: nisi prius de religione, fide, doctrina ac vitæ, morumque integritate & sinceritate ipsorum Præceptorum, Præfectis Scholæ, seu locorum Magistratibus probe

(y) C. In Ecclesia. De instit. ext.

(z) 37. dist. c. De quibusdam.

(z) C. 1. c. Cum nonnullis, De Magistr.

probe constet. Nam talis plerumque fit juvenus, quales fuerint hi, quibus a teneris, & a primis incunabulis ad formandum & instituendum tradita & commissa est: & sane primæ educationi facile respondet reliquus vitæ cursus: & quod semel imbibitum est, ita retinet odorem, & altas in juvenilibus pectoribus radices agit, ut amplius difficulter eximi queat. Ut enim aqua in areola digitum sequitur præcedentem: ita ætas mollis & tenera in utramque partem flexibilis est, & quocunque duxeris, trahitur: teste Hieronymo (b): quare danda est opera, ut in Pædagogis & Præceptoribus hæc omnia prius diligenter inquirentur & explorentur: & præsertim num schismatici sint, num sectis adhæreant: an vero Catholicam & orthodoxam religionem profiteantur, & docendo & instituendo sequantur. Nisi enim hæc inquirendi ratio in eatur, neque Ecclesiæ neque Respublicæ a præsentibus calamitatibus, dissensionibus, & controversiis Ecclesiasticis, factionibus & intestinis motibus & turbis unquam liberabuntur, & pacabuntur. Præcipimus igitur & mandamus, nulli deinceps scholasticum munus & curam juventutis formandæ, committendam esse in nostra Diœcesi, nisi prius præmisso examine, approbationem & testimonium fide dignum a Vicario nostro in Spiritualibus obtineat: quod tenebitur Magistrui ejus loci, vel scholæ Præfectis exhibere, in quo scholasticam functionem suscipere conatur. Cæterum, optimam instituendæ juventutis rationem tradunt Græci, tum latini Scriptores: quare ad hos brevitatis causa, Præceptores & Pædagogos remittimus: Volentes tamen, ut in expolienda lingua, & oratione & sermonis cultu, præcipue & in primis rerum ratio habeatur: ne, videlicet neglecta rerum cognitione, quæ virtus, robur & nervi orationis sunt, adolescentum & juvenum studia, in theatralium & fucatam quandam eloquentiæ & facundiæ ostentationem abeant & deveniant: cuius in rebus seriis tractandis nullus usus sit, vel esse queat. Quare instituendo juventutem, ita eloquentiæ & Philosophiæ conjungenda sunt studia, ut neutrum alterum deferat: sed complicatis manibus, progressum parem & æqualem

faciant: idque non solum in gravioribus Scripioribus explicandis observetur, sed etiam in puerilibus studiis, ac Poetis & Oratoribus, aliisque id genus Authoribus interpretandis. Certum enim est, prudentes & sapientes Scriptores, semper voluisse ea conjungere juxta Horatii versiculos: Aut prodesse volunt, aut delectare Poetæ: Aut simul & jucunda & idonea dicere vitæ: Et, Omne tulit punctum, qui miscuit utile, dulci: Lectorem delectando pariterque monendo. Et timendum est hanc studiorum separationem, neglectum & contemptum rerum, eorumque scriptorum, qui eloquentiæ studia, posthabita rerum cognitione, præferunt, magnam ruinam Ecclesiis, rebusque publicis, temporis progressu, parituram. Quantum enim a Philosophiæ, aliarumque Artium & Facultatum studiis, quibus rerum cognitio maxime inest, fucatum eloquentiæ studium (quod tamen, si cum judicio & moderate fiat, nullo pacto improbandum est) avocaverit: declarant nonnullarum Scholarum in Germania parum felices proventus. Adnitendum igitur est Pædagogis & Præceptoribus, ne, ut supra dictum, hæc studia separentur, & in formanda juventute, negligantur. Tum enim feliciter proficiunt, tum in utilitatem & Ecclesiarum & rerumpublicarum redundabunt adolescentum studia, cum eloquentia rebus, ac res eloquentiæ deservient: mutuamque opesam locabunt. Adhæc, curandum est, ut in proponendis authoribus delectus habeatur: ne videlicet tales proponantur, qui & pietati, & innocentie juvenili, castisque adolescentum moribus officiant: quive non tam ad humanitatem, mansuetudinis officia, comitatem, lenitatem, pietatem, & ad sedandos & corrigendos animorum affectus & motus, denique ad totius naturæ, omniumque rerum moderationem, & æquabilitatem amplexandam faciunt & idonei sunt, quam ut ingenia, natura vehementia & ardentia, animosque feroces, agrestes, impotentes, & culturam desiderantes, atque ad innovandarum rerum statum pronos & propensos, & ad humanitatis obsequia præstanda difficiles, magis inflamment & excitent, & factum ac contemptum

Prin-

(b) Hieron. ad Gauden. de Pacatule infantule educatione.

Principum & Magistratum, communiumque morum pariant. Hinc est, quod quidam in formandis adolescentum ingeniis, magis Tragicis, quam Comicis delectantur scriptoribus: alii vero in Scholis citius retinere & juventuti proponere malunt Marullos & Propertios, quam Poetas castos & verecundos, & in quibus sive pieratis castimoniam, sive eruditionem, argumentum, elocutionem, & carminis elegantiam quis perpendat, nihil aliq̃ui desideretur. Cavendum item, ne ingenia adolescentum ad dissidia, ad factiones, & studia partium, ad contentionem & æmulationem, præsertim publicarum controversiarum & negotiorum instigentur & inflammentur: Sed si ingenii, stylique exercendi causa argumenta proponenda sunt, desumantur hæc non e foro, non de Cathedra, non ex publicis privatisque rerum consultationibus, neque in odium, ignominiam & infamiam aliorum, vel in contemptum publicarum functionum, Principum & supremæ potestatis, cui summa rerum commissa & tradita est: Neque etiam in pulveribus Scholæ, maligne & seditiose excutiantur, disputentur, & interpretentur facta & consilia Superiorum & Magistratum: sed foro, suisque locis hæc discutienda relinquuntur: & ex historiis veterum præscribantur juventuti argumenta, quorum tractatio & jucunda est, & propter historię cognitionem; utilis: nihilque periculi adferet, nec sinceris adolescentum animos contaminabit, nec a publica honestate sinistris conceptis opinionibus, avertet.

Libros juxta Pragmaticam Sanctionem & Constitutionem Imperii, vendendos & distrabendos esse.

CAPUT XLIII.

CÆterum, quia libertas scribendi, imprimendi, & indifferenter divulgandi omnia, Ecclesiarum & rerum publicarum statum, non mediocri damno afflxit: utile omnino foret, secundum Galeni (c) consilium, cæterum quendam esse virorum justorum simul & doctorum, qui recentia scripta & opera, antequam

in lucem prodirent, examinarent, & bona, editioni publicæ committerent: vitiosa autem abolerent, & penitus extinguerent. Verissimum enim est, quod idem in eodem loco inquit: Hanc scribendi libertatem, cum omnibus scribere licitum sit, & quibuslibet etiam vulgaribus judicium permittatur: causam esse, cur apud multitudinem non boni recteque sentientes; sed audacissimi quique in precio sint. Quapropter decernimus, & vigore Pragmaticæ constitutionis & Imperatoris Commissionis mandamus, ut in nostra Diocesi, deinceps nulli imprimentur, vendantur & distrabantur libri, nisi ipsius authoris & loci nomen & cognomen scriptum ipsum exprimat: eaque strictè a Typographis observentur, quæ Imperialis sanctio latius circa librorum publicationem disposuit, & ordinat: volentes, ut in authores seditiosorum & famolorum libellorum accipietur, quibus Germania quodammodo refera est, publica animadversio, negocii qualitate sic exigente, animadvertatur.

De non alienandis rebus Ecclesiæ vel Monasteriorum.

CAPUT XLIV.

Interdicimus insuper & prohibemus, (d) ne Prælati, Abbates, alique Ecclesiarum & Monasteriorum Administratores, res Ecclesiasticas, Monasteriorumque bona, absque nostro, tanquam Ordinarii, aliorumve Superiorum, quorum autoritas & consensus de jure vel consuetudine requiritur; voluntate & consensu alienent & vendant. Quod si ejusmodi alienationes, nisi de evidenti Ecclesiarum & Monasteriorum utilitate certo constet, deinceps fiant: has, tanquam de jure nullas, hac nostra Synodali constitutione rescindimus & annullamus: volentes, ut a Visitatoribus nostris diligens & accurata desuper fiat inquisitio & examinatio: ne Ecclesiæ & Monasteria, suis bonis subdole & fraudulenter, fucato & inani bonæ administrationis prætextu, defraudentur & decipiantur.

De

(c) Galen. in lib. contra Julian.

(d) Toro titulo de rebus Ecclesiæ non alienandis.

*De conservandis Ecclesiarum &**Collegiorum bonis, juribus, edifi-
ciorumque structu-
ris.*

CAPUT XLV.

AD hæc injungimus omnibus beneficiis, & præsertim Curatorum possessoribus, ut domos, prædia, fundosque dotales, dummodo id necessitas requirat, vel restaurent, vel in bona cultura retineant & conservent: Eos vero, qui in detrimentum Ecclesiarum, negligentes extiterint, per subtractionem & suspensionem fructuum, ad collapsa restauranda, per Vicarium vel Officialem nostrum, compellendos esse decernimus: quam quidem salutrem & Collegiis necessariam constitutionem; quoque locum habere volumus, in conservandis Ecclesiis juribus, & redditibus, censibus, registris, ornamentis, & bonis tam mobilibus, quam immobilibus: ne per negligentiam & incuriam possessorum & Capituli, pereant, Collegiaque irreparabilia damna patiantur: statuentes, ut singulis annis ab ipsorum Collegiorum Procuratoribus diligenter & fideliter rationes acceptentur, omniaque Collegiorum jura in certum librum conscribantur & annotentur, inque convenientem ordinem ac formam redigantur: ne exigente necessitate, semper ad originales censuum literas, tabulas & instrumenta, quæ sollicitè adservanda & custodienda sunt, recurrendum sit. Eandem curam & sollicitudinem quoque ab Archipresbyteris in Capitulis ruralibus, tempore convocationis requirentes: interim Ecclesiarum Parochis, beneficiorumque possessoribus, authenticis copiis, pro defensione & conservatione eorundem jurium communicatis. Cæterum diligentem & fidelem rationem & formam conservandorum jurium & monumentorum uniuscujusque Ecclesiæ arbitrio & dispositioni permittimus.

*De Nuptiis non celebrandis**tempore ab Ecclesia interdito.*

CAPUT XLVI.

Cum prohibitis, & ab Ecclesia interdictis temporibus frequenter & sub-

Tomus VI. Concilior. German.

inde matrimonia contrahantur, ac nuptiæ celebrentur: idque sæpe nulla exigente necessitate, sed saltem in Ecclesiastica constitutionis & consuetudinis contemptum, & piarum mentium scandalum & offensionem: eapropter id deinceps permittere nolentes, decernimus, ut a Parochis interdicta tempora diligenter observentur, contrahentesque a nuptiarum celebratione & inthronisatione, ut vocant, arceantur & prohibeantur: nisi a Vicario nostro indultum obtineant: quod tamen contrahentibus non facile, sed evidente necessitate exigente & postulante, indulgeri & permitti debet. Et cum consuetæ & publicæ proclamationes non raro omittantur: ex qua retandem cognitio impedimentis, varia contrahentium pericula, lites & controversiæ suboriuntur: eapropter & hanc intermissionem & temeritatem, hac nostra Synodali constitutione coercendam & tollendam esse duximus: decernentes, neminem deinceps, nisi debitis, & de jure constitutis proclamationibus expeditis, personisque contrahentium speciatim, ne legitimum impedimentum subsit, in Ecclesia publice proclamatis & denunciatis, in Ecclesiam intromittendum & inthronisandum esse: prohibendo quoque, ne clandestina matrimonia deinceps in nostra Dicecesi, quibus Sacerdotes & Parochi, contra expressam Canonum dispositionem nonnunquam interfunt, contrahantur: sed ut constitutio Capituli finalis de clandestina desponsatione diligenter observetur: quam adscribendam esse duximus, ut ejus dispositio omnibus innotescat, cognita & perspecta sit.

Cum inhibiti copulæ conjugalis, &c.

Vide supra pag. 333. ubi Constitutio hæc integra refertur.

Et quanquam Matrimonia sine consensu parentum contracta, rescindi non debeant (hæc enim ex libero contrahentium consensu, per verba de præsententi constant, & dependent: utcumque autoritas & parentum voluntas non interveniat) tamen cum honestum & naturæ consentaneum sit, pietatemque liberorum deceat, reverentiam & honorem, quem ob educationis onera parentibus debemus, ipsisque æquitate qua-

X x x

dam

dam naturali astringimur, & ad hoc obligati sumus, eorum requirere auctoritatem, consensum, & consilia: tum Parochos diligenter admonemus, ut populum ac juventutem crebro admoneant, ne pietate & affectione naturæ abjecta, in contrahendo matrimonio, parentum auctoritatem vel excludant, vel contemnant: sed horum, a quibus in hanc lucem procreati, alti & educati sunt, in contrahendo, seseque indissolubili vinculo, ac vitæ nexui adstringendo, consilio & opera quoque utantur. Soliciti item sint Parochi, ne quosvis, aut ignotos ad contrahenda matrimonia admittant: sed diligenter exploratis contrahentium circumstantiis, literas testimoniales ab ejus loci Parocho, in quo vixerunt, exigant & requirant, ut vel hac cautela contrahentium temeritas, qui in contrahendo, variis imposturis & circumventionibus utuntur, refrenetur: volentes insuper, ne ad tanti Sacramenti scandalum & contumeliam, inhonestæ & turpes virorum & mulierum cohabitationes, inter quos ob canonica impedimenta, matrimonium subsistere nequit, ferantur: sed ut tollantur & prohibeantur: utque deinceps a prophanis, ineptis, ludicris & spectaculis, vel in consuetis instrumentis musicis, item sponfi capillos vellicando, aliisque ridiculis & depravatis moribus & ritibus abstineatur: sed potius, ut summa animorum gravitate, & Christiana modestia sese huic vitæ generi mancipient, quod ex sua benignitate Deus ad nostram salutem instituit & benedixit, (e) ut thorus immaculatus, & honorabile in omnibus conjugium esset. Cæterum, nuptialia convivia, sumptus & apparatus, convivarumque hilaritates, ac consuetæ choreæ & saltationes, ea moderatione temperentur, ne Christiana sobrietas, honestas, & modestia lædatur, aliique judicent & arbitrentur, non Christianorum, non Catholicorum, sed gentium & infidelium, imo insanientium, qui Deum ignorent, congregationes & conventus esse: ne a tam sancta conjunctione statim abigatur & excludatur Christus, cujus benedictionem pro templi foribus vix jam recepimus.

(e) Hebr. 13. cap.

De Testamentis & ultimis voluntatibus, eorundemque ordinationibus & legatis.

CAPUT XLVII.

Quamquam autem non solum Clericorum, sed etiam laicorum testamenta & ultimæ voluntates ac dispositiones, sancte ac fideliter, & præsertim, quæ pro salute animarum, ad pios usus destinata & legata sunt, observandæ & custodiendæ sint: neque permittendum, ut aut infringantur, aut in alios usus, præter ipsius testatoris voluntatem & dispositionem convertantur: tamen cum a testamentariis, ejusmodi testamenta, ac defunctorum voluntates sæpe negligenter exequantur: volumus, & vigore præsentis constitutionis mandamus, ut scripti vel nominati testamentarii, rite confecto inventario, juribusque hæreditariis, a Notario publico conscriptis, adhibitis testibus fide dignis, infra debitum tempus, defuncti voluntatem & dispositionem, fideliter exequantur: nobisque, seu Vicario nostro in Spiritualibus rationem, executionisque informationem sufficientem reddant: ex quibus de dictorum Testamentariorum fide ac diligentia, defunctique voluntatis executione certi & securi efficiamur. Quod si qui negligentes extiterint: hos secundum negligentiam, vel ipsius delicti qualitatem puniendos & plectendos esse per Vicarium nostrum decernimus. Cæterum cum a Collegiis nostræ Diocesis ex testamentis & ordinationibus defunctorum, ad augendos locupletandosque census & redditus annuos, subinde varia legata recipiantur: ex quo fit, ut suffragiorum, exequendorumque legatorum cumulus & pluralitas non solum in immentum crescat, sed etiam, ut minus conveniente tempore, in templis ea exequantur & absolvantur: statuimus, ut in acceptandis ejusmodi legatis, ea utantur moderatione & judicio Collegia, ne Divina & ordinaria officia, aliique necessarii & publici Ecclesiæ actus, ob peractionem eorundem legatorum vel suffragiorum, remorentur & suspendantur: sed loci, temporis, Festorum solennium, aliarumque circumstantiarum,

rum, diligens observetur ratio & decorum: ne videlicet die Paschæ, ob privati hominis superstitionem aut ridiculam devotionem, cantilenam, seu Antiphonam minus convenientem, utpote pro defunctis, vel ejusmodi similem, publice chorus Sacerdotum decantare vel peragere cogatur.

*De non violandis Christianorum
sepulchris vel sepul-
turis.*

CAPUT XLVIII.

PLUS quam Scythica immanitas & barbaries est, violare sepulchra & monumenta Christianorum & defunctorum, quorum sepulturas etiam apud Ethnicos, sub gravissimis poenis violare non licebat. Et sane durum & inhumanum est, ossuaria & monumenta, vel etiam funerali terræ impositos lapides, & incisa epitaphia, quæ memoriæ conservandæ causâ extructa sunt, demoliri, & in alios, & plane prophanos usus convertere: cum a defunctis, vel eorum hæredibus, locus sepulturæ publicæ, quodammodo jure legitimi contractus sæpe emptus, & ad funeralem usum extructus, & adornatus sit. Quare non solum improbanda & detestanda, sed publica auctoritate legum, temeritas & impietas eorum coercenda est, qui sepulchris, cineribus & ossibus defunctorum, qui (teste scriptura) Tempia & Spiritus Sancti habitacula fuerunt, tantam injuriam inferunt. Pro concionibus igitur diligenter a Parochis & verbi ministris admonendi sunt Christiani & universus populus, ut a tanta impietate abstineant, & Christianorum ac defunctorum, tanquam confratrum nostrorum, sepulturas pie & religiose conservent.

*A Collegiis & Monasteriis Biblio-
thecas conservandas & augmen-
tandas.*

CAPUT XLIX.

AHæc ordinamus, ut (Augustini (f) exemplo) apud Ecclesias, & præsertim Collegias, Bibliothecæ non solum, constituantur, aut, si quæ sunt,

adserventur, summaque cura ac fide custodiantur: sed etiam, ut coemptis præsentis sæculi utilibus, & necessariis scriptis & lucubrationibus augeantur & locupletentur. Si enim tabulæ, libri rationum, aliaque instrumenta publica conservandorum censuum & jurium anxie custodiuntur, cur non ad posteritatis, Ecclesiarumque utilitatem, Bibliothecæ, omnis eruditionis & doctrinæ nobilissimi & certissimi thesauri, a Collegiis quoque conservarentur? Quare & hanc Bibliothecarum constituendarum, vel conservandarum curam a Collegiis & opulentioribus etiam Monasteriis requirimus: volentes, ut ejusmodi officium, talibus personis, certis ad id constitutis stipendiis, committatur, qui iudicio, doctrina, rerumque experientia polleant: & qui non solum de communibus Collegiorum sumptibus Codices emant, cunctaque in convenientem ordinem redigant, & libros a pulveribus, tineis, blattis, situ & squallore prohibeant: sed qui nomenclaturam rerum, præsentiumque temporum fidelem, remoto omni sinistro scribendi affectu, historiam, cum diligenti causarum recitatione, & explicatione, ex quibus bella, ingentes motus, partiumque certamina, contentiones, & factiones, confederationes, Regnorum ac Provinciarum defectiones, ac Religionis, Imperiorum, rerumque publicarum mutationes & ruinæ ortæ sint, diligenter conscribant.

Prælectis igitur Decretis & Statutis Synodalibus, vobis omnibus & singulis præsentibus & absentibus præcipimus, & virtute obedientiæ, ac sub poenis juris & arbitrariis mandamus atque injungimus, ut exhibitam & prælectam Reformationis Ecclesiasticæ Formulam, ac præsentia nostra Statuta Synodalia, omni tergiversatione, dolo & fraude seclusa & amota, summo studio & conatu, Divino auxilio & gratia (quæ vere invocantibus nunquam deerit) mediante, observare, & doctrina, vita & moribus, in quotidiana vestra conversatione exprimere & observare velitis. Et ne quis in posterum prælectorum ignorantiam quovismodo aut quæsito colore præten-

dat;

(f) Possidonius in vita Augustini.

Tomus VI. Concilior. German.

dat: Vicario nostro in Spiritualibus injungemus, & commitemus, prout præsentibus injungimus & committimus, ut prædicta omnia publicentur & divulgentur: quo Capitulis, totique Clero, qui ob rationabiles & legitimas causas præsentì Synodo, ac Statutorum publicationi interesse nequiverint, eo commodius proponantur, inque omnium & singulorum notitiam deveniant: præcipientes nihilominus, ut Majorum & Antecessorum nostrorum Decreta & Statuta Synodalia, Johannis Episcopi, Bechtoldi, Conradi, Alberti, & Guilielmi, pari obedientia & observantia, secundum præsentis temporis rationem &

statum, stricte quoque custodiantur & observentur: quibus hæc nostris Decretis nihil derogare, sed hæc denuo renovare, & præsentibus confirmare, ac corroborare volumus, submittendo hæc nostra scripta Ecclesie Catholicae, ac Sedi Apostolicae, (*) cujus authoritati & censuræ obedientes nos semper subjicimus, omniumque etiam rectius sententiarum judicio: In quorum fidem & præmissorum testimonium, præsentibus literas exinde fieri, nostrique Sigilli appensione jussimus & fecimus communiri & corroborari. Acta sunt hæc in oppido nostro Zabern, Die, Mense & Anno quo supra.

Ex antiqua editione Moguntina anni 1566. Ex qua recudit Lunigius Spicil. Eccles. Contin. II.

(*) Div. Hieron. in Confess. Fidei ad Damasum Papam. Hæc est fides, Papa beatissime, quam in Catholica discimus Ecclesia: in qua, si minus perire aut parum caute, forte aliquid positum est, emendari cupimus a te, qui Petri fidem & sedem tenes.

SYNODUS PROVINCIALIS COLONIENSIS

Anno Christi MDXLIX. Pauli III. PP. XIV.
Caroli V. Imp. XXXI.

*Decreta Concilii Provincialis Colonienfis, sub Reverendissimo in Christo
Patre ac Domino D. ADOLPHO, Sanctæ Colonienfis Ecclesie
Archi-Episcopo, Sacri Romani Imperii per Italiam Archi-
Cancellario, Principe Electore, Westphaliæ & An-
garie Duce, Legatoque nato celebrati.*

ADOLPHUS, DEI GRATIA SANCTÆ COLONIENSIS ECCLESIE
ARCHI-EPISCOPUS, SACRI ROMANI IMPERII PER ITALIAM ARCHI-
CANCELLARIUS, PRINCEPS ELECTOR, WESTPHALIÆ ET
ANGARIÆ DUX, LEGATUSQUE NATUS, &c.

UNiversis, ad quos Legatione pro Domino fungimur, gratia & pax a Deo, qui dives est in misericordia, & prope adest omnibus invocantibus eum in veritate: Qui postquam Nos, licet indignos, Sanctæ Colonienfis Ecclesie ac Provinciae, procellosa tempestate graviter jactatæ, atque afflictæ, gubernaculis admovit, huc continuo animum, omneque studium nostrum sua inspiratione convertit, quo Diocesim illam ab hæresum inundatione, quæ pravorum hominum studiis jam plus nimio inva-

luerant, repurgare: Schismataque, quibus misere, atque adeo, ut in ea jam actum de Fide Catholica potuerit videri, discrepabatur, tollere, & oves Nobis creditas, in unum ovile Christi colligere, pro virili adniteremur. Eaque de causa inprimis lupos, pro boni Pastoris officio, ab ovili Dominico abigere, & omnis mali originem, concionatores sectarios, perniciosos illos hominum seductores, ditione nostra protinus, quanquam non sine difficultate, ejicere satagemus, sub-
stitutis Catholicis, & incorruptis Verbi Dei

Dei Concionatoribus in eorum locum. Qua ratione plurimum quidem profectus. Etenim progressum hujus canceri hoc impetu sumus remorati, & Catholicis aperuimus fenestram rursus respirandi. Non tamen hæ scõpæ purgamentis istis sufficiebant penitus everrendis: jam enim hæreseos malum altius, quæ est ejus natura, fixerat radices, quam ut potuerit una falce semel demitti: & hæbat in mentibus ac penetrabilibus hominum, unde neque vi extrahi, neque persuasione suffodi, aut sensim ratione tanquam cauterio pungi, atque curari se pateretur.

Durabant quoque abusus & mores corrupti, quibus Ecclesiastici Ordinis pars maxima dedita, infirmis erat offendiculo, & ut male de religione laici sentirent, causa: ut vere quadraret in eos, quod in Evangelio Dominus dicit: Væ vobis Legis peritis, qui tulistis clavem scientiæ, & ipsi non introistis; & eos, qui introibant, prohibuistis. (a)

Plurimum autem Nobis erat fiducia in Concilio Tridentino, quod feliciter inchoatum, ac Sessionibus aliquot habitis, celebre jam factum, accessu omnium Imperii Ordinum, qui se reverenter ei submiserant, potentissimum ac saluberrimum fore credebatur: cujus progressu sperabamus nancisci opem, & vires justas, quæ erroribus istis & vitiis radicitus extirpandis sufficerent, ejusque autoritate, quæ apud omnes maxima est, sublatum iri, non in nostra modo Dicecesi & Provincia, verum etiam toto orbe Christiano, quicquid uspiam irrepfit malorum, & Ecclesiam Christi pristinum suum nitorem, concordiam, atque unitatem redintegrata, recuperaturam.

Quæ spes, quum inexpectata contentione inter Patres de transferenda Concilii sede suscitata, Nobis pene eriperetur, atque in longum tempus extraheretur, non sine metu graviorum perturbationum in Republica Christiana: En omnibus Nobis, hoc est, Ecclesiastici Ordinis Statibus, consternatis, atque in metu constitutis, adfuit ejus, qui conatibus religiosis, & piis nunquam deest, Dei, a quo est omne bonum, consolatio. Enimvero misericordiarum Pater Deus, qui nuper dedit fortissimo,

invictissimo, felicissimoque Religionis orthodoxæ Propugnatori CAROLO Imperatori nostro de Cælo victoriam, ut hostium validissimorum vires & consilia, non tam viribus, quam consiliis melioribus frangeret, & Imperio suo, non multo fuso sanguine, cogeret parere: cuique, quod mirandum magis est, dedit victoriam partem modeste ac clementer uti: ut rebelles filios castigasse potius, more boni Patris, quam bello petivisse videatur: ejus nunc animum impulit, ut ad Catholicæ Fidei, & paternarumque Traditionum restitutionem omnia consilia, omniaque studia sua converteret. Hinc, quod vix quisquam mortalium sperasset futurum, egit cum eis, ut protestatione, fœderibusque & contentionibus positis, duobus tantum Articulis, ad Concilii definitionem rejectis, doctrinam Catholicam, Traditiones, & Cæremonias Ecclesiasticas, Concionatorum bona parte, unde pendere solebant, reclamante, receperint. Quos cum Deo & Ecclesiæ, quantum in se erat, Imperator piissimus lucrifecisset, atque in plenioris unionis ac concordie spem adduxisset, necesse erat, ut firmiter illius ac solidæ spei offendicula quoque tollerentur.

Quamobrem animum appalit, & ad Cleri corruptos mores reformandos, quo benefactis suis obmutescere facerent, ut Apostolus Petrus ait, imprudentium hominum ignorantiam: & qui carpere Clerum tanquam malefactores solebant, conspectis bonis eorum operibus, glorificent Deum in die visitationis. Deditque negotium quibusdam Theologis piis, eruditissimis, & Deum timentibus, qui formulam quampiam, ad quam Reformatio Cleri videretur instituenda, juxta sacræ Scripturæ normam, antiquos Patrum Canones, & rectæ rationis judicium, conciperent. Hanc Cæsar acceptam tradidit universis Ecclesiastici Ordinis Statibus diligenter expendendam, qui annotarent, dicerentque, quid, qua ratione repudiandum putarent, quidque recipiendum. Multis igitur consultationibus, ac deliberationibus privatim & communiter habitis, quibusdam in Formula expunctis, aliis mutatis vel additis, tandem communi consensu eam probarunt. Cæsa-

reæque Majestati, ut se reformarent, instanti, polliciti sunt se seipsos, suosque subditos, ad illam velle componere, ac reformare, salva Summi Pontificis auctoritate, quæ eis, ut in Articulis quibusdam accederet, necessarium arbitrabantur: id quod in Præfatione, quam Cæsarea Majestas Formulæ huic præfixit, clarius est videre.

Nos itaque considerantes, nostri muneris etiam alias esse, ut vigilemus super gregem nostrum, ut infirmum consolidemus, ægrotum sanemus, confractum alligemus, abjectum reducamus, & perditas oves quæramus, nisi velimus æternæ maledictionis illud væ, quod apud Ezechielem (b) Dominus Pastoribus malis & negligentibus comminatur, certissimo judicio incurrere, tam præclaram rerum bene & sancte gerendarum occasionem, nequaquam duximus negligendam.

Proinde ad Dicecesim & Provinciam nostram reversi, primo omnium indiximus Clero nostro Synodum Dicecesanam, quam & ad eum modum, quem Reformationis Formula præscribit, propitio Deo celebravimus, in qua publicatam, & ab universis Imperii Statibus Ecclesiasticis comprobata, receptamque Reformationem, Clero nostro injunximus servandam. Transmisimus quoque eam ad Reverendos Comprovinciales Episcopos, nostros Suffraganeos, & Fratres, similiter in eorum Dicecesibus publicandam, & Clero injungendam: quod ipsos sedulo curasse, ex gestis & Statutis Synodorum, quas ipsi quoque celebrarunt, Nobis oblatis, & Legatorum eorum fida relatione cognovimus.

Verum negotium istud majus erat, quam ut pateretur se unico impulsu moveri, & morbus inveteratus, levi medicamini non cedit: unde hac ratione vix quidquam aliud promotum est, quam ut sciret quisque, quod alioqui nemo ignorabat, quomodo sibi vivendum esset pie & canonice. Contingit enim fere Mortalibus, quod Poeta quidam ait: Video meliora proboque: deteriora sequor.

Unde est illa Apostoli Pauli confessio de lege mentis & membrorum: (c) Etenim cum legi Dei condelectemur secundum

interiorem hominem, & eam bonam ac sanctam esse confiteamur, est tamen in nobis torpor quidam membrorum, spiritui ac menti repugnans, ut non perficiamus, quæ volumus.

Proinde non erat Nobis hic quiescendum, quasi jam satisfecerimus: sed ulterius de modo erat cogitandum, quo ad efficacem Reformationis executionem possemus perungere. Siquidem inutilis est, quamvis bona Ecclesiastici Ordinis instituta Reformatio, quam nemo exequatur: quemadmodum & Lex bona, contra quam liceat cuilibet impune peccare, jacet inutilis. Multi sunt antiquorum Patrum Canones saluberrimi: At quæ est illorum utilitas, quos pauci norunt, pauciores servant? Quamobrem vestigiis Majorum nostrorum insistentes, qui in rebus magnis cogere solebant Comprovincialium Episcoporum Conventus, Reverendis Comprovincialibus Episcopis Confratribus nostris, totique Clero nostro, indiximus Concilium Provinciale, in quo de rebus ad efficacem & durabilem Reformationis executionem constituendam pertinentibus ac necessariis, communibus consiliis tractaretur, ac statueretur.

Qui cum ipsi ad constitutum undecimum Martii diem, Concilii locum, ob adversam valetudinem, adire non potuissent, misere summæ autoritatis in Clero suo, & præstantis eruditionis Legatos, qui eorum loco & nomine Concilio interessent, & de rebus tractandis Nobiscum agerent, tractarent, ac consulerent in commune.

Multis itaque deliberationibus ac consultationibus cum Capitulo nostro, & Legatis illis, ac Clero nostro, a jam dicta undecima Martii die, ad sextam usque Aprilis, quotidie habitis, tandem apparuit, propterea, quod rigor antiquorum Canonum statim revocari in usum absque motu graviore hac tempestate non possit, ad Media quædam, sacris tamen Canonibus consentanea, quibus Clerus & populus ad plenioram Reformationem sensim perduceretur, esse confugiendum: visaque Nobis sunt plurimum momenti ad durabilem & efficacem Reformationis executionem comparandam allatura Media sex: nempe

I. In:

(b) Ezech. 34.

(c) Rom. 7.

- I. *Instaurationem Studiorum, potissimum Sacrorum.*
- II. *Examen Ordinandorum, & ad Ministeria vel Prælaturas instituendorum.*
- III. *Officiorum, seu Munerum susceptorum sedulam perfunctionem.*
- IV. *Visitationem Archi-Episcopalem, Episcopalem, Archi-Dioceseam, & eorum, quibus hoc incumbit.*
- V. *Synodorum frequentem celebrationem.*
- VI. *Jurisdictionis Ecclesiasticæ jam propemodum collapsæ, & abusivè depravatæ, restitutionem.*

DE MEDIO PRIMO.

Primum quidem instaurationem studiorum, quia ea, quæ Reformatio & Ecclesiæ necessitas exigit, nemo præstiterit melius, quam Scripturarum sacrarum, Canonum, & munerum Ecclesiasticorum peritus. Sive enim regere Ecclesias, & docere populum, sive hæreticos convincere, & scripturarum aperire Mytheria, sive Sacramenta conficere, eaque administrare, sive examinare ex ordine Ecclesiæ Ministros, sive visitare Dioceses, aut Synodos celebrare, vel judicia Ecclesiastica exercere oporteat, scientia opus est: alioqui, ut inquit in Evangelio Christus, (d) si cæcus cæco ducatum præster, ambo in foveam cadent. Quo etiam modo Esaias, indoctos Ecclesiæ Prælatos, cæcos & mutos appellat: (e) Speculatores ejus, inquit, cæci: nescierunt universi, canes muti, non valentes latrare. Non valentes inquit, etiam si cupiant, latrare, hoc est, officia sua exequi. Et subdit: Videntes vana, dormientes, & amantes somnia sua. Canes impudentissimi nescierunt saturitatem: ipsi Pastores ignoraverunt intelligentiam: propterea omnes in viam suam declinaverunt, unusquisque ad avaritiam suam, a summo usque ad novissimum, dicentes: Venite, sumamus vinum, & impleamur ebrietate, & erit sicut hodie, sic & cras, & multo amplius. Quibus verbis Propheta significat, non postremam vitiorum in populo Dei causam, esse ignorantiam Pastorum.

Et jam magna Religionis orthodoxæ jactura, Christianæque Reip. irreparabili fraude, experti per hanc tot hæresum, & seditionum tempestatem su-

mus, quantam Ecclesiæ Christi perniciem adferat Prælatorum & Cleri ignorantia, quibus Scripturas Divinas negligentibus, sutores, textores, calcearii; & id genus opifices, nemine prohibente, quidlibet impune pro Evangelio docentes, irrepere, & mira audacia, etiam munera Ecclesiastica invalere: unde terribilissima hæresum monstra suppullularunt, & sacra prophanis, superis infera miscuerunt & confuderunt.

Nec hoc modo, quin etiam studiorum sacrorum neglectus in causa est, cur tam innumeræ, eademque locupletes Ecclesiæ per Germaniam ministris idoneis ac possessoribus careant, etiam nunc, cum restituantur: neque enim desunt bene mereri de Ecclesiis cupientes, sed potentes desunt & idonei, nempe literarum periti, qui Ecclesiasticis muneribus perfungi queant, earumque hoc nomine possidere Bona. Neque enim ad Ecclesiarum munera, & bona profiliunt Catholici, sicut hæretici, aut Bonorum Ecclesiasticorum occupatores sacrilegi.

Percipitur autem scientia ad Ecclesiæ ædificationem necessaria in Scholis, potissimum Theologorum, quas constat esse propria quædam seminaria Ministrorum & Prælatorum Ecclesiæ, quibus florentibus, floret Ecclesia Doctoribus & Ministris: neglectis & contemptis, Ecclesia quoque Ministris idoneis destituitur. Neque enim, ut olim in die Pentecostes repentino Spiritus Sancti afflatu, aut velut fungi calore solis exciti, prodeunt nobis passim Theologi subito, sed exercitiis longis, ejusdem tamen Spiritus unctione, formantur in scholis.

Quibus

(d) Matth. 15.

(e) Isa. 56.

Quibus rationibus (cum stabilem Reformationis executionem meditemur) permoti, nostrarum esse partium putavimus, ut Scholas Theologicas apud Universitates, Collegia, & Monasteria, magna cura, cum primis Concilii hujus Authoritate, instauraremus; nec has modo: verum etiam Ludos Triviales, & Pædagogia, unde non parum malorum per hanc tempestatem in Ecclesiam defluxit, repurgaremus. Quapropter habita cum Capitulo nostro, & Reverendorum Comprovincialium Episcoporum Legatis ac Synodalibus hujus Concilii Patribus, matura deliberatione, consentientibus, & adstipulantibus eis omnibus, de studiorum instauratione statuimus & ordinavimus in modum sequentem.

Quod ad instituendam juventutem non sint admittendi, nisi de fide, & institutione sua prius examinati.

Percepimus, sectarios quosdam concionatores, a nuperrimis Comitiis, Cathedralis, quas invaserant, deturbatos, incertisque sedibus vagantes, nunc Magisteriis inhiare Scholarum, & operam suam instituendæ juventuti passim venditare, ut quibus non datur amplius grassari publice & venena sua e Cathedra spargere, teneræ ea juventuti instillent, quo cuniculis talibus Ecclesiam Christi suffodiant. Quippe quod e juventute, qui olim regant Ecclesias, & gubernationi admoveantur Rerum publicarum, videntur fore potissimum ii, qui nunc dant operam literis. Quibus corruptis, durabit hoc malum multo tempore, atque in multos transfundetur, ut verendum sit, ne si admittantur qualescunque in Ludis literariis Præceptores, gravem inde atque indelebilem accipiat Respublica Christiana corruptionem. Idcirco Nos, quibus non minor adhibenda est cura, ne instituunt illi male juventutem in Triviis, quam ne populum e suggestis corrumpant, communi omnium consensu statuimus, & ordinamus, neminem præceptioni Trivialium studiorum admittendum esse, nisi qui sit de fide & Religione sua, de vita item & moribus, probe examinatus, & constiterit, ubinam gentium, & apud quos sit ipse institu-

tus. Neque enim parvi retulerit, a Catholico, an Schismatico sit institutus, qui juventutem docturus est. Pertinebit autem examen præcipue ad Ordinarium, qui ordinet per Dicesim viros idoneos, quibus hoc negotii committat.

Neque abs re fuerit, si examinentur quoque in civitatibus a Prælati & Rectoribus Ecclesiarum, qui Scholæ præfunt: Rurj autem a Pastoribus, & Decanis Ruralibus idoneis & eruditis. Visitatores vero de facto examine inquirent: & si contra hanc formam sint aliqui admissi, rejiciantur.

Præcipimusque & mandamus Magistratibus, Ædilibus & Provisoribus, qui scholas suis impensis erexerunt, ne propterea examen hujusmodi quovismodo impediunt, alioqui censura Ecclesiastica, & aliis remediis opportunis coercendis.

Quæ artes in Triviis, & quid in Gymnasiis Studiorum, seu Universitatibus doceri debeat.

Passim Ludimagistri ingenia juventutis, quæ primis literarum rudimentis, & artibus minoribus expolienda susceperant, depravant, præpostera docendiratione quidlibet, ad eruditionis suæ ostentationem, quibuslibet promittentes: & cum Encyclopædian quandam omnium disciplinarum velut in summa comprehensionem, juvenibus polliceantur, non absque aliorum Professorum elevatione, nihil tradunt absolutum, atque perfectum. Quare ingeniis eorum imponunt, qui tali accepto prægusto, continuo se abunde omnia tenere confidunt, studiaque graviora fastidiunt, & nunquam perveniunt ad frugem maturam. Ex quibus officinis prodeunt nobis imperiti Medici, hominum temerarii interemptores, & jurisperiti omnia perturbantes, novarumque Religionum Authores, gloriosi Theologastri, qui magna stoliditate non verentur velut e Tripode Apollinis, de dogmatibus Ecclesiasticis & Religionis veritate pronunciare atque statuere, cum solidi nihil fere de eis sint affecuti. Inter est autem Ecclesiæ, quomodo Sacerdos, quem populus velut ducem sequitur, & a cuius ore (ut in Malachia (f) dicitur) Legem Dei requirit, sit institutus. Siqui-

dem

(f) Malach. 2.

dem quantum ex Ecclesiarum Restoribus, bene ac gradatim Divinis literis imbutis, boni: tantum a non recte institutis, mali solet Ecclesiæ plerumque evenire: quemadmodum & in Republica de Medicis & Jurisperitis res habet. Ea de causa Triviis modum esse dandum censuimus, intra quem se contineant: statuimusque, ut in Trivialibus non nisi Grammatica, Poetica, Rhetorica, Dialectica, Arithmetica, & quæ hujus generis sunt Triviales & liberales Artes: Dominicis vero & Festis diebus literalis Evangeliorum & Epistolarum, Hymnorum, Psalmorum, Parabolarum Salomonis, & ejusmodi sacrorum librorum expositio, pro ætatis illius & ingenii captu tradatur. Quamquam Dialectica etiam requirit usum disputandi, quali exercentur Studiosi in Gymnasiis, sine quo Ars ipsa otiosa est. Poterunt & linguarum rudimenta in Trivialibus doceri. Cæterum exacta atque absoluta Artium & linguarum cognitio, ratioque & reliqua Philosophia, Physica, item Ars Medica, Jurisprudentia, & Theologia seu Scriptura sacra, non nisi in probatis Academicis, & Catholicis Universalium Studiorum Scholis expectentur, doceantur, ac tradantur: nisi quod Theologia etiam in Monasteriis opulentioribus & Collegiis Canonicorum, juxta Reformationis formulam, debeat doceri.

Quos Autores juventuti prælegere, & quos vitare oporteat.

Interest quoque Reipublicæ Christianæ, quales Autores juventuti, im-pietatis juxta ac pietatis capaci, prælegantur, ut rectissime Reformationis formula monuerit, ne libri obscæni, suspecti aut contagiosi, eorum, qui perfidiæ suæ virus, religionisque & pietatis odium, teneræ juventuti suis scriptis instillant: sed tantum casti, pii, & Religioni Orthodoxæ consentientes Autores prælegantur.

Quod judicium cum non sit penas omnes, statuimus nullum Authorem in Trivialibus ludis prælegendum, qui non sit a Decano Artium vicinæ & Catholicæ Universitatis examinatus, & ad prælegendum juventuti admissus. Aut si procul distent ludi ab Universitatibus Catholicis, examen & admissio pertine-

Tomus VI. Concilior. German.

bit ad vicinæ civitatis præstantis eruditionis Prælatum, aut alium aliquem doctum Virum, cui Episcopus illius Dioceseos hoc muneris delegaverit. Quod vero bonis & receptis Authoribus repudiatis, quidam gloriæ aucupandæ studio, nova quotidie Grammatica comminiscuntur, & adolescentium ingenia suis figmentis confundunt, omnino prohibendum & vetandum censemus. Maxime vero omnium sub anathemate interdici-mus, & prohibemus lectionem eorum librorum in Triviis, qui ad seducendam in pravas opiniones juventutem aliud agentem & quærentem, scripti videntur: Quales sunt quorundam Grammaticæ, Dialecticæ, & Rethoricæ institutiones, in quibus exempla fere e pravis adversariorum dogmatis petuntur, quo juvenus incauta, hæresum & sectarum dogmata simul cum Artibus imbiberet. Quales item quædam familiarium colloquiorum formulæ, in odium Monastici instituti, & Cæremoniarum Ecclesiasticarum contemptum, compositæ, atque effictæ, quarum præcipua vis est, animos juvenum corrumpere, & jam a teneris, eos ab hujusmodi pietatis exercitiis ac vitæ Monasticæ institutis, alienare. Dabimus idcirco viros aliquot pios & doctos, qui ferant judicium suum de Authoribus, quos juventuti potissimum prælegere conveniat, eosque Comprovincialibus Episcopis significabimus, quo in instituenda recte juventute, eadem forma per universam Provinciam servetur.

Qui libri Parochis & Concionatoribus sint vitandi & fugiendi.

Comperit Nobis est, simplices, & indoctos Parochos, quibus non est datum, pura ab impuris discernere, obvios quosque de negotiis Religionis tractantes libros emere, & eos potissimum, qui speciosis titulis venditantur, quales sunt conciones adversariorum & commentarii eorum in sacras Scripturas. Quamvis autem quidam eorum, speciem pietatis alicubi præ se ferre videantur, habent tamen, quotquot sunt, latens sub melle venenum, unde incauti & se contaminant ipsos, & auditores quoque: idcirco paterna sollicitudine pro grege nostro

Y y y

stro

stro solliciti, ne pabulum mortis pro vitæ pabulo ei porrigatur: præcipimus omnibus fidelibus, quorum animæ curæ nostræ a Deo commissæ sunt, potissimum verbi Dei tractatoribus, sub Anathemate, quod alias incurrant, ut sibi caveant non modo ab his, quæ ex officina venerunt Lutheri, Bucer, Calvin, Oecolampadii, Bulingeri, Francisci Lamperti, & Philippi Melancthonis, quos constat omnia sua scripta ad decipiendum & seducendum homines a vera fide, edidisse: fugiant etiam Corvinum, Capitonem, Brentium, Pomeranum, Pellicanum, Musculum, Sacerium, & Christophorum Hegendorphium, Osiandrum, Spangenbergium, Oldendorpium, Hermannum Bonnum, Hedionem, & ejus in Ecclesiasticam historiam pestilentissima supplementa, Chronicon Sebastiani Franck, & quidquid ejus est farinæ, donec pleniori Catalogo libros contagiosos per hanc tempestatem editos, eis indicaverimus.

De studiosis Canonicis mittendis ad Studia Universitatum, sumptibus Collegiorum.

Ne, quod in formula Reformationis juxta sanctorum Patrum Decreta salubriter institutum est, vitio vel Collegiorum evanescat: Decernimus & statuimus, ut dent Collegia uni, duobus, vel tribus, ut multus vel exiguus fuerit personarum numerus in Collegio, bonæ spei ac studiosis adolescentibus, non minus, quam triennii tempus, quo possint in studio, potissimum Theologico, versari; in quo si laudis aliquid obtineant, tempus eis prorogetur, atque interim percipiant integros Præbendæ suæ fructus, quotidianis distributionibus exceptis, aut saltem quantum ad victum & Libros necessarios sufficiat: nisi de competenti subsidio sit olim per Capitula studiosis provisum: dum tamen certis testimoniis, singulis annis ad Collegia mittendis, constet, nec perverfis moribus eos deditos, nec studia vana, quæ ad Ecclesiæ ædificationem non conferant, sectariis committendum enim non est, ut cultui Divino dedicata stipendia, in hujusmodi Canonicos dyscolos erogentur. Debent tamen curare, ut ipsis ab-

sentibus, alii eorum in Divinis suppleant vices.

De Cautione, quam dare debeant mittendi ad Universitates.

Quum formula Reformationis exigat, ut juniores in Gymnasiis alantur impenfis Collegiorum, ad hoc, quo Collegia claris & doctis viris ornentur, ut huic menti satisfiat, & Collegia non fraudentur expectatione sua: statuimus, & communi consensu decernimus, ut Canonici, nondum in majoribus Ordinibus constituti, poscentes hoc nomine aut fructus integros, aut decreta subsidia, a Collegiis, quæ pro more habent, ut de fructibus participant etiam in minoribus constituti Ordinibus, prius dent cautionem sufficientem, se non velle ordinem & institutum Ecclesiasticum deserere; aut si mutato proposito forsan resiliant, tum se velle & debere fructus, perceptaque subsidia, Collegio illi integraliter solvere, ac restituere.

Collegia in Universitate aliqua sita, quo suos Studiosos mittere debeant.

Cæterum in locis, ubi Universitas Catholica est, juxta primam institutionem reformata & probata, non videtur causa digna esse, Collegia magnis sumptibus gravandi & mittendi studiosos foras ad Universitatem exteram. Proinde statuimus, ut tales dent operam literis bonis in ipsa Universitate, ubi ad mores & studia ipsorum potest haberi respectus: nisi Decanus & Collegium causam habeant, cur censeant eos ad exteram Universitatem mittendos. Quod si qui fugientes disciplinam, velint omnino non ad eam, quæ eis a suo Decano, & Capitulo designatur, sed ad aliam, quæ ipsismet videbitur, Universitatem proficisci, non tenebitur Collegium illis dare subsidium decretum.

Ne vero Canonici, Vizarii & Chorifocii Cleri nostri Colonienfis, Vigiliis defunctorum, quas mane hora septima persolvere consueverunt, a frequentatione lectionum præcipuarum impediuntur: volumus, ut posthac Vigiliæ tempore pomeridiano ad horam circiter secundam

eundam incipiantur , ut ante preces vespertinas compleantur.

Qui gaudere possint Universitatum Privilegiis.

Ad prohibendum gravem abusum, quo se quidam ad Universitates non studii, sed privilegiorum gratia conferunt, statuimus, & mandamus, sicut ante nos in Synodo Leodiensi (*) statutum est, ut nulli, nisi ad studia literarum idonei, & illarum præcipue gratia, se ad Universitatem conferentes, in membra, seu supposita, usque ad usum Privilegiorum huiusmodi Universitatis recipiantur, aut suorum beneficiorum fructibus eo prætextu gaudeant, nec recepti ipsis privilegiis & beneficiorum fructibus uti sinantur, nisi quamdiu causa studii permanerint, & spes sit, quod ex studio suo fructum uberiores in Ecclesia Dei sint parituri. Qui vero desides & otiosi comperti fuerint, ab eorumdem privilegiorum usu, & fructuum perceptione repellantur.

De Theologo, qui docet in Collegiis alendo.

Quo vero & reliqui, sive Canonici, sive Vicarii, Capellani, sive Chorifocii, Cantores quoque, seu Choraules Collegiorum, quæ extra Universitates, aut in Universitatibus procul a scholis sita sunt, habeant etiam occasionem in sacris discendi & proficiendi, decernimus & statuimus, ut ejusmodi Collegia singula, aut si vicina sint, invicem duo aut plura, simul alant Theologum aliquem docentem, vel binos, qui hanc operam inter se partiantur, concessione fructuum unius Præbendæ, autoritate Apostolica in hunc usum supprimendæ: aut si illa non sufficiat, unione Beneficiorum vel Viciarum, quæ nullam, vel non adeo necessariam functionem requirunt, judicio Visitatorum Episcopaliū decernenda & conficienda: sic tamen, ut fructus Præbendæ, vel stipendii dividantur, secundum numerum lectionum: ut quando non legit, detrahatur illi etiam de fructibus portio destinata. Quod si inter ipsosmet inveniatur, qui hoc docendi munus velit & possit obire,

huic par est, ut distributiones quotidianæ præter justum stipendium, a Choro ablenti, pridie quam legat, & eo die, quo legit, concedantur.

De instaurandis Lectionibus Theologicis in Universitate Coloniensi.

Ut Cæsareæ Majestatis voluntati sanctissimæ de reformandis Universitatibus juxta modum in formula præscriptum satisfiat, & ratio sit, quare Collegia in Colonia non teneantur suos Canonicos mittere ad exteras Universitates, & eis absentibus, aut integros Præbendæ suæ fructus, aut quantum in victum, & libros sufficiat, suppeditare: danda est Collegiis illis opera, ut lectiones potissimum sacre Theologiæ, in ipsa Universitate vigeant, & Canonici illi, qui habent Præbendas, sibi ex indulto Apostolico, cum onere legendi collatas, suo muneri juxta tenorem Bullæ summi Pontificis, unde Præbendas illas conferendi Autoritas manavit, satisfaciant. Quamobrem monemus & hortamur eos, qui de Præbendis Gratia Primæ gaudent, ut aut legant ipsi in sua facultate, aut si legitimo impedimento teneantur, conducant alios idoneos Magistros, qui vices eorum in docendo suppleant. Qui si monitionibus nostris paternis auscultare noluerint, cum nostra (ad quos pertinet Bonum promovere) interfit, Lectiones Apostolicæ Sedis Beneficio Universitati debitas persolvit; censuimus totius Concilii nomine requirendos esse Universitatis Rectorem & Provisores, ut munere suo perfungantur, & eos, quibus de Præbendis, seu Beneficiis providerunt, requirant ad legendum & satisfaciendum oneri Præbendæ annexo: & juxta Apostolici privilegii tenorem, contra non parentes procedant: alioqui negligentiam eorum deferendam ad Summum Pontificem & petendam provisionem, qua huic casui provideatur.

DE

(*) Synod. Leodiens. anni 1548. Cap. V. Vide pag. 393. huj. Tomi.

Tomus VI. Concilior. German.

DE ALTERO MEDIO,

*Ad consequendam Reformationis executionem
necessario, quod est Examen Ordina-
nandorum.*

Deinde visum Nobis fuit, ad stabilem & duraturam Ecclesiastici Ordinis Reformationem comparandam, necessarium esse, ut iniciandi sacris Ordinibus, rite examinentur. Hi vero, qui ad Prælaturas & regimen animarum assumuntur, novo eidemque rigidiori examini submittantur, propterea quod Mortales omnes sequi suum genium quotidie experiamur, & asinum manere asinum, etiamsi exuviis Leoninis induatur: atque ita evenire, ut cum vitiis dediti homines, assumuntur ad dignitates & Prælaturas, vertant dignitates & curas non quo oportet, sed vel ad avaritiam implendam, vel in ventrem saginandum, aut ad fastum & pompam, quidam etiam, ut in luxu & deliciis vivant. Quibus profecto rebus fit, ut plane in diversum abeant Officia & Munera Divinæ iussionis, nec fere ulla sit animarum & rerum Ecclesiasticarum cura vera, sed imagines tantum & apparatus: nec seria bene instituta Reformationis executio, sed major indies morum & doctrinæ corruptela.

Quamobrem imprimis statuimus & ordinamus, ne quis ad sacrorum Ordinum perceptionem admittatur, nisi diligenter examinatus de fide, quam teneat: de affectu, quo ducatur ad petendos Ordines: de scientia, quæ sufficiat ad Ordinis, quem petit, ministeria explenda: de moribus Ordinem decentibus, & ætate legitima.

Ad quos pertineat Examen.

Quoniam vero difficile erat, ubi sunt magnæ Ecclesiæ, & multi ordinandi, Episcopos, ad quos examinatio proprie pertinet, hoc negotii per se obire: olim ea cura in quibusdam Diocesibus in Scholasticos Cathedralium Ecclesiarum, in aliis vero in Prælatos alios relegata est, quibus jam examinandi jus est quæsitum, & majora, quam cæteris Canonici stipendia ab Ecclesia decreta: Verum quales nunc sunt plerique Scholastici, & illi, penes quos est examinandi pote-

tas? Jura quidem sua tuentur, nec tamen docent juventutem, nec examinant, officiumque & curas illas aliis, non multo melioribus Examinatoribus interdum delegant: quo fit, ut alio in alium hanc curam transferente, aut nulla, aut perfunctoriæ, & admodum frigida fiant Ordinandorum examinationes: Quem defectum supplere cupientes, & examen ad sua principia, hoc est, ad Episcopos, revocare, quibus ex Lege Divina incumbit, nemini cito manus imponere, matura deliberatione præhabita, declaramus, Episcopos non debere hujuscemodi examinationibus (quando non ignorant eas perfunctorie factas) statim acquiescere, & inquisitionis specie, quam ex reliquiis antiqui moris retinent in Altari, cum rogant, utrum sint digni, iusti, & sancti; putare se satisfecisse, atque ita inutiles & indignos homines, nonnunquam etiam sceleratos, ab aliis forte (quos ea cura non admodum tangit) dignos judicatos, sacris illis Ordinibus contra conscientiam propriam insignire. Eaque de causa requirimus Provinciæ nostræ Episcopos in Domino, ut vel ipsimet huic suo muneri satisfaciant, vel curam illam imponant viris piis, doctis, & de Ecclesiæ profectu sollicitis, quorum diligentia sit eis explorata, nisi certissimo experimento cognoverint, Scholasticum, vel eum, ad quem hoc pertinet, diligentiam talem, cui merito fidant, adhibuisse.

*De Licentiatoriis ad suscipiendos Ordines
extra Diocesim.*

Statuimus, ut nemini post hac (ubi digna & justa causa non est) dentur Licentiatoria Ordines extra suam Diocesim recipiendi, nisi prius sit juxta modum præscriptum in sua Diocesi examinatus. Ad hoc enim comperimus quosdam licentiatoria petere, ut examen subterfugiant.

*De Proclamatione ante Majores Ordines
facienda.*

Quoniam non oportet sacros Ordines quasi furtim surripere, statuimus, & ordinamus, ut quemadmodum jungendi Matrimonio, trina proclamatione populo denunciantur: ita majoribus Ordini-

dinibus initiandi, trinā proclamatione denuncientur in Ecclesia Parochiæ, quam inhabitant, ad percipienda impedimenta, si quæ sunt, quæ debeat Parochus Episcopo, aut Officialibus ejus significare: ubi tamen proclamatio talis commodè fieri potest, nec verisimilis sit metus, ne malevoli homines Clericos innoxios a majorum Ordinum susceptione deterreant.

De tempore, quando debeant Ordinandi dare nomina sua, & examinari.

Mandamus, ut volentes ad Subdiaconatus, vel Diaconatus Ordinem promoveri, præsententur, & dent Intituloribus nomina sua feria quarta, diem Ordinationis præcedente, ac eodem & sequenti die examinentur, hora, quam eis constituent Examinatores. Promovendi vero ad Sacerdotii gradum, dent nomina sua feria quinta ante diem Ordinationis, quibus similiter statuatur hora; cum simul ob multitudinem examinari non possint. Adferant vero promovendi omnes secum testimonia, non modo suorum Parochorum, verum etiam Præceptorum, aut proborum virorum, apud quos majorem vitæ partem transegerunt, per Examinatores discutienda, unde possit Episcopo, utrum irreprensibiles sint, constare.

De Examine instituendorum ad dignitates, curas animarum, aut alia officia.

Porro quo plus negotiorum incumbit eis, qui ad Prælaturas, dignitates, & curas animarum vocantur, hoc magis interest Ecclesiæ & Christi fidelium, ut tales singulari examine, majorique diligentia, quam reliqui, explorentur, utrum sufficiant ad præstanda munera illa, ad quæ vocantur. Præcipue vero Episcoporum interest, quales habeant in excolendo agro Dominico cooperarios. Hinc statuimus & ordinamus, ut nemo electus confirmetur, nemoque præsentatus ad dignitatem, vel animarum curam instituatur, priusquam sit a suo Episcopo, aut Archidiacono Episcopi, aut hac in parte Vicario, aliisque sacrarum Literarum, Canonum, & Traditionum Ecclesiasticarum peritis viris, quos Episcopus, aut Archidiaconus ad hoc designabit, exami-

minatus, & comprobatus idoneus, possitque & velit muneri, ad quod vocatus est, pro virili satisfacere, & Formulam Reformationis, qua parte eum concernit, exequi. Quod si quis Archidiaconorum, vel jus instituendi habentium, contra hanc constitutionem præsumpserit aliquem, non ita examinatum, investire, ipse quidem pro judicio Episcopi, per certum tempus ab officii sui executione, & fructuum perceptione, suspendetur: Institutus vero eo usque, donec Episcopo comprobabitur qualificatus & idoneus. Neque tamen per Examen Episcopale, derogatum volumus juri examinandi, si quod alii Prælati habent.

De Examine eorum, qui per resignationes, aut permutationes ad Beneficia contendunt.

Ad hæc statuimus & ordinamus, ut in permutationibus, & resignationibus Beneficiorum, eadem cura adhibeatur examinandi eum, in cujus favorem permutatio, vel resignatio concepta est. Et præsertim diligens fiat inquisitio, etiam per diserta juramenta, num permutatio sit ad contegendum Simoniam vitium fraudulenter excogitata ac simulata: quod si vel examinis tempore, vel in posterum compertum fiat, pactionem illicitam, & jure non probatam intercessisse, uterque permutantium, pro Simonica fraude puniatur.

De Formulis ad Examinationem aptis.

Quoniam diversi Ordines, officiorumque & dignitatum gradus diversi, alias, atque alias requirunt in hominibus conditiones; & ratio præterea habenda est eorum Religiosorum, qui perpetuo delitescere quærunt in suis Monasteriis, & ad nullas animarum curas evocari, sed tantum cupiunt Chori officiis in suis Monasteriis adhiberi, Sacrificiumque pro Ecclesia in Missis offerre, & Monasticam indulgere: visum fuit præsentī Concilio, expedire, ut extarent formulæ, ad quas examinarentur ordinandi, secundum diversos suscipiendorum Ordinum gradus, & instituendi & confirmandi secundum conditiones munerum, & officiorum, quibus adiscuntur. Petentibus Suffraganeorum nostrorum Comprovincialium Episco-

Episcoporum Legatis, negotium tales formulas congerendi dabimus eruditis aliquor viris, qui non modo in literis sint exercitati, verum etiam cognitionem Ecclesiasticorum officiorum teneant, & conscribant in genere, quod communicetur eis omnibus pro locorum & Ecclesiarum diversitate, in species aptas deducendum.

De institutis pleno jure a Prælati, & aliis Ecclesiasticis.

Cum bonorum omnium testimonio magnus & perniciosus sit abusus, quo Archi-Episcopi, Episcopi, Præpositi, Abbates, Prælati, & quibus in Clero est potestas conferendi Beneficia Ecclesiastica pleno jure, conferunt Ecclesias Parochiales absolute & simpliciter quibuscunque, interdum indignis & ineptis, hominibus inexploratis, nullo præcedente examine: & quod intolerabilius est, nonnunquam spuris, nothis, pueris, aut servis indignis: censuimus hanc rem totius Concilii nomine ad Summum Pontificem deferendam, petendamque Sedis illius provisionem & declarationem, irritantem tales collationes, quas vocant pleno jure, nisi præcedat Examen Episcopale, seu eorum, quos Episcopi ad hoc dabant: & ut potestatem faciat Episcopis, ut quos non constaret, a sua Sanctitate, vel alias rite examinatos, non teneantur, quavis licet autoritate nitentes, ad possessiones Prælaturarum vel Sacerdotiorum, curam animarum habentium, admittere, nisi examine diligenter excussos, atque probatos. Similiter ne quenkum in Ordine ab alio, quam suo proprio Antistite, surreptitè & nullo prævio examine suscepto, teneantur ad Ecclesiasticas functiones admittere, sed ab Ordinis suscepti executione suspendere, donec exhibitis suæ promotionis literis, per examen debitum, & juxta Reformationis formulam factum, fuerit repertus idoneus.

De Sæcularibus usurpantibus sibi potestatem pleno jure conferendi Beneficia.

De Sæcularibus vero habentibus jus præsentandi aliquem ad Beneficium Ecclesiasticum, sive curatum, sive a cura liberum, qui contra Regulas Canonicas

adnuntunt pleno jure conferre, absque institutione canonica, aut præsentatum via facti intrudere: decernimus cum toto Concilio, tales conatus irritos ac nullos esse: & si qui tale quiddam facere tentaverint, hoc ipso facto, jure præsentandi pro illa vice privatos esse: illum vero, qui Beneficium tali titulo recipit, aut se ei intromittit, nihil per hoc juris acquirere, & procul ab illius occupatione removeri debere, & per Ordinarium in ejus locum surrogari alium: quin & jura decernunt utrumque, & intrudentem & recipientem, anathemate feriendum esse.

De Officiorum Perfunctione, MEDIO TERTIO,

Ad comparandam Executionem Reformationis necessario.

Non prodest ad Ecclesiæ ædificationem, Prælatos & Pastores, curam animarum habentes, fuisse diligenter examinatos, probatos, & legitima manuum impositione institutos, atque admissos, nisi præstent etiam officium; ad quod sunt vocati, & cujus gratia stipendia ab Ecclesia accipiunt: Idcirco pro consequenda Reformationis executione, curandum esse censuimus, ut Ecclesiarum Prælati & Pastores suo munere perfungantur. Quod nisi fiat, jacent omnia, quæ Reformatio exigit.

Quibus possint Archi Diaconi munus suum committere.

Jam quod passim tam indoctos, & inutiles Sacerdotes videmus Ecclesiarum Regimini Præfectos, unde mores boni corrumpuntur, & omnis disciplina populi labascit, quique tam turpiter in concubinato, perpetua ebrietate, & aliis infamibus vitiis, unde & populus scandalizatur, quidam vivunt, Episcoporum negligentia, & Archidiaconis illis, qui quæstum avarum ex officiorum, seu munerum suorum locatione faciunt, & malunt homines de salute æterna periclitari, quam se lucro turpi, ac temporali non ditari, acceptum ferendum esse, fiantur omnes, quibus dolet, animas hominum, quos sanguine suo Christus mercatus est, non pluris æstimari, & Cleri infamia populum scandalizari. Cui accusationi & justæ querelæ mederi cupientes, sanc-

fancimus & statuimus, ut Episcopi, Archidiaconi, & omnes, qui functionem munerum suorum non per se, sed per Ministros aut Commissarios, seu Collectores solent obire, vices suas non committant hominibus levibus, vitiosis, aut conjugatis: sed tantum Ecclesiasticis, gravibus & probatæ opinionis viris.

Non licere Prælati, officia pro pecunia pacta alicui committere.

Similiter ad tollendum gravem & scandalosum abusum, quo quidam, pecuniis oblati comparant sibi a Prælati commissiones & officia, non salutem animarum, sed pecuniam uberiores ex officiis quærentes: Statuimus & mandamus, ne quis Prælatus, cujuscunque sit dignitatis, suam jurisdictionem, & munera ulli Commissario seu collectori, licet Ecclesiastico, plus offerenti, pro pecunia, aut pro certo annuo censu, committat, vel vendat, sub pœna excommunicationis, quam emens, seu pecuniam paciscens, ipso facto incurrat: vendens verò, præter pœnas Canonicas, amittat etiam actionem, pecuniam pactam exigendi: Decernentes, contractum hujusmodi illicitum, a jure damnatum, ac nullum esse, & haberi debere.

Quod non liceat relinquere peccata pro pecuniis impunita.

Magno populi Christiani scandalo, quidam, ad quos pertinet vitiorum correctio, relinquunt peccata ob pecunias & munera impunita, non perpendentes pendendum esse crimen, crimina non coercere: nec quicquam esse, quod atrocius Episcopos & Prælatos coram Deo accuset, quam hujus rei neglectus. Idcirco deliberatione cum Concilio habita, mandamus & sancimus, ne Episcopi, Archidiaconi, vel alii jurisdictionem habentes, aut eorum Officiales, seu Commissarii, vitiorum correctiones dissimulent, permittentes cuiquam, pecuniæ, munerum, vel necessitudinis cujuscunque gratia in eis hæere. Sed delicta præterita castigant, pœnitentia saluari pro delicti gravitate, imposita: nec pœnitentiæ loco pecuniam emungant, nisi ubi permittunt jura aut Canones: seu ubi pro transgres-

sione mandati vel inhibitionis, certa multa (cujus habuerit transgressor cognitionem & tamen contempserit) decreta sit. Verum multa ex permissione jurium aut Canonum proveniens, secundum illorum præscriptum convertatur. Cæterum ubi ejusmodi castigationibus non proficitur, & tanta sit delicti gravitas, poterit etiam censuris & pœnis Canonicis castigari: Nimirum suspensionis ab officio, excommunicationis, & privationis Beneficiorum Ecclesiasticorum.

Ut muneri suo Collegiorum Præpositi satisfaciant.

Querela est Collegiorum, Præpositos quosdam, ad quos præstito jramento, pertineat, jura & statuta Ecclesiarum tueri atque defendere, nihil agere minus: sed percipere tantum amplios fructus: Cæterum Ecclesias, quarum causa illos percipiunt, relinquere indefensas: immemores jurisjurandi, & ejus, quod Beneficium propter officium datur: Hinc decernimus & statuimus, ut si istiusmodi Præpositi a suis Collegiis, ad Bonorum, Privilegiorum, Jurium & Statutorum defensionem, expensis Capitulorum, necessitatis tempore, vel imminente discrimine, requisiti, muneri suo satisfacere neglexerint, & inde Collegium seu Ecclesia damnum accipiat, pœnam incendant, pro damni accepti magnitudine, & Præpositi negligentia, ab Episcopo seu Superioribus taxandam, & moderandam.

Quod non liceat Decanis a suis Collegiis abesse.

Videmus, Decanis absentibus, vel officio suo segniter perfurgentibus, levissimorum quorumque, Canonicorum & Vicariorum insolentiam prævalere: fere adversus meliores, pietatem & zelum bonorum haberi ludibrio, officia negligi, Divina neque rite, neque ab omnibus persolvi, cantum præcipitari, vite & morum honestatem periclitari, disciplinam prorsus nullam esse: breviter, licere pravis quibusque, quicquid libeat. Præcipimus idcirco & mandamus, ut Decani apud suas Ecclesias personaliter resident, & officio suo per se ipsos strenue perfungantur, excessusque subditorum, quoties opus erit, castigant, sub pœna privatio-

vationis fructuum Decanalium, pro rata temporis, quo absque causâ rationabili moniti non resederint, fabricæ, aut pauperibus applicandorum, ubi alias non est pœna digna contra non residentes Decreta, nisi forte necessitatis causâ contigerit eos abesse: Quo casu Capitulari alicui, qui suscepti officii rationem reddere possit, quemque inferiores revereantur, vices suas committant, nisi talem absentis Vicarium pecularia Collegiorum statuta designent.

Quod Abbatissæ Nobilium Virginum, quas Canonissas appellant, debeant apud sua Collegia residere.

Idem statuimus de Abbatissis Collegiorum Nobilium Virginum Canonissarum; quas tanto magis oportet suis Collegiis adesse, & perpetuo residere, quanto virgines illæ majori custodia sunt dignæ. Quibus præterea mandamus, ut diligenter observent, num omnes in Dormitorio communi nocte decumbant, & in habitu ipsas decente incedant, ac Horas Canonicas rite persolvant, cæteraque, quæ Reformationis Cæsareæ formula, & probatæ earum Constitutiones exigunt, diligenter observent, sub pœna suspensionis a perceptione fructuum, in fabricam Ecclesiæ applicandorum, donec pareant.

Illas vero Abbatissas, quæ duobus Collegiis contra Decreta Sanctorum Patrum præpositæ sunt, & duorum in se recipiunt curam, cum vix uni regendo sufficiant, censendas decernimus juxta Decretum, De restringenda pluralitate Beneficiorum, inferius paulo subjectum: Atque ut Canonissæ secundum formulam aliquam ipsorum statui convenientem, possint in vitæ & morum honestate reformari, conscribi quædam in eam rem iussimus, quæ Visitationibus nostris trademus exequenda: communicabimus quoque ea Reverendis Confratribus nostris Comprovincialibus Episcopis, quo & ipsi in suis Diocesium, secundum locorum & personarum rationem, quantum fieri potest, Reformationis unitatem ac conformitatem introducant.

Ut Abbates a Monasteriis suis non discedant.

Mandamus quoque & præcipimus, ut Abbates quorumlibet Monasteriorum, nonnisi intra Monasterii septa, cum fratribus habitent, nec moram longam extra ea trahant.

De restringenda plurimorum Beneficiorum, curam animarum habentium concervatione.

Cupientes ex animo, quantum in Nobis est, prohibere, ac tollere odiosum illud, & intolabile (quod & Patrum Canones detestantur) studium coarctandi multa beneficia, curam animarum habentia, unde populus fidelis graviter scandalizatur, & optimorum quorumque animi a Clero alienantur: spoliatur Ecclesiæ debitis ministeriis, cessatio inducitur cultus Divini: Fundatores, quorum sacrosancta & inviolabilis debebat haberi suprema voluntas, spe & expectatione sua fraudantur: Meliores, quibus Beneficium aliquod Ecclesiæ certe debetur, quique ministrare in eo & cupiant & possint, non absque injuria & offensione Dei excluduntur, & ad studia prophana impelluntur, ubi Ecclesiæ poterant esse ornamento, donec Cæsarea Majestas provisionem meliorem adversus licentiam hanc a Summo Pontifice impetret: id quod ab Ecclesiasticis Imperii Statibus rogatus, se recepit a sanctitate ejus eniti, atque efflagitare velle; Statuimus, & communi, maturaque deliberatione cum Concilio præhabita, quod iustissimum est, & ad Ecclesiæ ædificationem pertinet, sancimus; ut Beneficiatus quisque, si Beneficia habet a curis libera, aut unum curatum, aliud simplex, satisfaciât officio, cujus gratia Beneficium accipit, secundum Fundatorum intentionem, sacros Canones, & Patrum Decreta: & ab Ecclesia, ubi Beneficium negligit, non participet. Etenim Divini juris est, ut qui servit Altari, de Altari vivat: (*) nec bono jure is, qui non servit Altari, vivit de Altari: sicut stipendium non debetur, nisi militanti. Si vero Curatum habet

Bene

(*) 1. Cor. 9.

Beneficium, apud Ecclesiam, ubi Beneficium habet, resideat, & officio satisficiat, alioqui nihil percepturus: pertinebitque ad Episcopum, seu eos, quibus hoc juris competit, ut de Præbendæ, seu Beneficii fructibus, ad Ecclesiæ illius utilitatem disponant: nisi Beneficiarius ille, Ecclesiæ Dei utilis aliquod servitium interim impendat. Quod si quis juxta *C. De multis. De Præbend.* qualificatus, jam intravit a Sede Apostolica facultatem, plura, quam unum Beneficium retinendi, mandamus, ut hanc Episcopo suo, aut ejus Visitatoribus secundum dispositionem *C. Ordinarii. De off. Ordinarii. in 6.* præsentet atque exhibeat. Quæ si appareat sufficiens, curet Episcopus, ut Beneficia debitis obsequiis non fraudentur. Alioqui Beneficiarius, uno, quod maluerit, retento, reliqua libere resignet, aut dimittat viris idoneis, personaliter residere volentibus, absque præjudicio tamen præsentantium, eligentium, & collatorum, conferenda. Si vero dispensatum sit cum indigno, tummo illud Pontifici curet Episcopus significare, ut digniori de Beneficio illo provideatur per eos, quibus alias competit jus eligendi, conferendi, vel præsentandi.

De Competentia juxta Rectoribus Ecclesiarum, sive perpetuis, sive temporalibus, assignanda.

Ubi Collegia vel Monasteria, vel habentes dignitates, habent Ecclesias Parochiales incorporatas, cum Decimis, juribus, & censibus, quas committere soleant Pastoribus vel perpetuis Vicariis, cum assignatione portionis fructuum regendas; si portio talis sit accisa, nec sufficiat, ut honeste ac decenter ex ea vivatur, nec causa sit, eorum animæ negligantur, aut deferatur officium, vel ad curas sordidas Pastor ille pro victu comparando adigatur: mandamus & decernimus, ut juxta portio secundum Reformationem ei de Decimis Collegii, vel Monasterii bonis assignetur, sive per Episcopum loci, sive per ejus Visitatores. (a) Similiter ubi temporales Rectores ad regendas Ecclesias conducun-

tur, decernimus, ut justum & dignum stipendium detur, pro locorum & personarum conditione ab Episcopo moderandum, quod decentem eis & honestum victum atque vestitum suppeditet.

Ne cogantur Ecclesiarum Rectores opera servilia subire.

Omnino autem vetamus, ne ulla Collegia, Monasteria, vel habentes Dignitates, locent Ecclesiarum suarum regimen cum agris, vineis, sylvis, pratis & juribus, Rectori plus offerenti sub annua pensione: Tales enim Coloni verius, quam Pastores, servilibus & sordidis negotiis se dedere, & majorem temporalium, quam spiritualium bonorum sollicitudinem habere, dignamque animarum curam negligere solent. Possunt tamen Colonis secularibus Ecclesiarum prædia sub annuo censu locari, emolumenta pro utilitate Ecclesiarum commutari, vel vendi: Quin etiam non vetamus, quin Collegia & Monasteria possint Ecclesiæ Rectori, bonorum ad ipsam Ecclesiam pertinentium, administrationem plenam committere pro moderato censu, quem de prædiis pendat: sic tamen, ut ei supersit honestus & sufficiens victus ac vestitus: nec ad supremum censum adigatur, ut solent licitantes, a plus offerentibus, pro quo corradendo cogatur se sordidis & servilibus mancipare, ac rusticus fieri, ut vix aut ægre ei supersit, unde nuditatem suam vestiat, & vitam miseram sustentet: quales multos, magno Ecclesiastici Ordinis dedecore, in pagis videmus Sacerdotes.

De Vicariorum seu Capellanorum in Ecclesiis Collegiatis Officiis.

Ad postremum statuimus & ordinamus, ut Ecclesiarum Collegiarum Vicarii (quos aliqui vocant Capellanos, aut Chorisocios) nomini suo respondeant, nec tempore Divinorum aliis psallentibus, ipsi extra Chorum spatientur, desideant, confabulentur, aut aliud quid agant in Ecclesia, in populi scandalum: sed Canonicis in persolvendis Horis Canonicis & Divinis, sint adjumento, & onera specialia, ad quæ vel ex fundatio-

ne,

(a) De Præben. C. Extirpandæ. & C. Exposuisti. & C.I. eod. Tit. in 6.

Tomus VI. Concilior, German.

ne, vel antiqua consuetudine, aut Ecclesiarum status obligantur, devore & diligenter persolvant, sub pœna suspensionis, non a distributionibus tantummodo quotidianis, verum etiam a Vicariarum suarum fructibus, donec negligentiam juxta Decani & Capituli iudicium emendent.

DE QUARTO MEDIO

Reformandi Ecclesiam per Visitationem.

Non alias sane melius, quam in Visitatione deprehenduntur, corriguntur, & eradicantur errores & vitia, quæ Visitoribus dormientibus seminantur, crescunt & securum robur acquirunt. Sic in Evangelio dicitur: *Cum dormirent homines, venit inimicus homo, & superseminavit zizania*, morum nimirum & doctrinæ corruptelam. Dormiunt Prælati: qui non visitant: soli vigilant, & servant custodias noctis super gregem suum, qui mala, quæ metuuntur, Visitatione præcidunt. Et quoniam semper oportet eos in sibi commissas oves habere oculos intentos, speculatores appellantur: *Speculatorem*, inquit Propheta, *dedi te domui Israel*. Nec aliud est Episcopus, etiam ex nomine, quam speculator. Hinc etiam Apostolus: *Attendite vobis & universo gregi, in quo posuit vos Spiritus Sanctus Episcopos*. Et universo, inquit, gregi, quod visitationem requirit, ut Episcopus nemini desit. Quale exemplum dedit ipse de se Apostolus, non semper prædicans, sed visitans etiam suos, quos ad Christum converterat, ut exploraret, utrum servarent doctrinas & traditiones Apostolorum & Seniorum. Sic habito Concilio Hierosolymitano, in quo Apostoli & Seniores statuerant, quonam pacto Lex vetus sepeliri deberet, ait ad Barnabam Paulus: Revertentes visitemus Fratres per universas civitates, quomodo se habeant. Qualium visitationum frequens mentio est in Actis Apostolorum. Cap. XX. commemorat Episcopis Asiaticis labores suos, ac tandem contestatur eos in hæc verba: Quapropter contestor vos hodierna die, quod mundus sum a sanguine omnium: Non enim subterfugi, quo minus annunciarem vobis omne consilium Dei. Qua sane contestatione

pronunciat reos sanguinis omnium per-euntium animarum, Episcopos illos, qui oves suas non requirunt. Visitatione igitur opus est, cum Archidiaconali, tum Episcopali, atque Archi-Episcopali, & eorum, quibus hoc muneris incumbit, ad extirpandos errores ac vitia, & mores bonos plantandos, eosque in usu & vigore suo retinendos. Hactenus autem (quod negare non possumus) alto somno dormierunt Episcopi, de Archidiaconorum visitatione securi, qui speciem quandam visitationis retinuerunt, sed deformem, & pravorum Officialium, seu Visitorum quæstu vitiosam ac reprehensibilem. Nunquam profecto, quod nunc sero querimus, tot hæreses & sectæ, moresque corrupti eousque invaluisse, nec jaceret adeo disciplina Ecclesiastica neglecta, si recte visitatum ab Episcopis & Archidiaconis, & eis, quibus hoc muneris incumbit, fuisset. Quapropter Archidiaconis quidem totius Concilii auctoritate mandamus & præcipimus, ut abusu correcto, Visitationem instituant ad formulam Reformationis, nec quinquam sinant in vitiis, pecuniæ vel munerum causa, hæreses, juxta superiores nostras Constitutiones, sub pœna, quam Episcopi, vel Superiores dignam judicaverint. Episcopos autem requirimus, ut frequentius per hoc triennium visitent suas Dioceses, cum ad extinguendas hæreses & schismatum reliquias, tum vero ut Archidiaconales, & inferiores Visitatores observent, atque in ordinem redigant. Nam nisi hoc fiat, verendum est, inferiores Visitatores suum morem retenturos.

De Notario in Visitatione adhibendo.

Statuimus adhæc, ut Visitoribus adhibeatur Notarius, qui sit Sacerdos, aut saltem Clericus, non conjugatus.

De Visitatione exemptorum, & non exemptorum.

Cautum est in Reformationis formula, ut a Visitatione Episcopali nulla Ecclesia esset libera seu exempta, propterea (ut opinamur) quod exempti multi, ab institutis suis late deflexerunt, & populum graviter irreligiosa vitæ conversatione, & moribus corruptis scandal-

dalizent : induceretur autem Ecclesiæ turpis facies, plurimæque in populo scandala nascerentur, si visitatis ac reformatis non exemptis, exempti, quos oportebat esse potius reformatos, hæreant perpetuo in eodem luto. Verum quum in hoc negotio deesset Episcopis Summi Pontificis autoritas, Cæsarea Majestas recepit, se velle cum Summo Pontifice agere, ut operi huic tam sancto, Sanctitas ejus se accommodaret. Quod ipsum utrum jam factum sit, necne, nondum ad Nos pervenit. Idcirco statuimus interea, donec de hoc reddamur certiorem, ut Episcopus quisque visitet omnes sibi subiectos, non exemptos, licet sint per Archidiaconos Prælatos visitati : Exemptis vero, ne quid in se patiantur Episcopi desiderari eorum, quæ Cæsarea Majestas serio requirit, suum visitandi studium, atque operam offerant, hoc periculoso præsertim tempore. Et nihilominus præsentis Concilio statuente, requirimus, & a Reverendis Coepiscopis nostris Suffraganeis in eorum Diocesium requirendos censemus omnes exemptorum Prælatos & Visitatores, ut munus suum strenue exequantur, reformentque subditos suos juxta Reformationis Cæsareanæ (quam sibi comparare quisque teneatur) Formulam, & Cæsareæ Majestatis mentem. Qua in re, si fuerint negligentes, & non cum effectu Reformationem exequantur, tum Episcoporum erit, ut negligentiam hanc aut Summo Pontifici, aut Cæsareæ Majestati significant, quo prospiciatur eis de remedio opportuno.

De Visitatione Hospitalium, etiam Exemptorum.

Cum Reipublicæ, sed præcipue Episcoporum intersit, ut visitentur ac restituantur Hospitalia, quippe quod Episcopi sint & esse debeant Patres pauperum & infirmorum, nec ferendum eis sit, ut eleemosynæ debitæ eis subtrahantur: statuimus, Hospitalia omnia esse diligenter & magna cura visitanda, impetrandumque Ordinariis a Summo Pontifice, Cæsareæ Majestatis intercessione, privilegium visitandi & reformandi etiam ex-

emptorum Hospitalia, salvo tamen in aliis exemptionis jure.

De autoritate, qua oportet Visitatores Episcopales præditos esse.

Erit quoque Visitatoribus Episcopalis opus flagello Evangelico, & Ecclesiastica coercendi potestate, ut vendentes & ementes, scorta, nequitias, imposturas, omnemque turpitudinem ex Ecclesia ejicere valeant. Proinde decernimus, ut Episcopi & Prælati, mittentes aliquo, ubi ipsi fuerint negotiis aliis occupati, suos Visitatores, instruant eos etiam autoritate ac potestate sufficienti, rebelles ac criminosos per censuras Ecclesiasticas coercendi, & vitia, ut magna, vel pava fuerint, castigandi.

De Formulis inquirendi in Visitationibus.

Quamquam nulla certa inquirendi regula, ob rerum omnium instabilitatem, & diversos casus, qui subinde accidunt, Visitatoribus potest præscribi; expedit tamen extare formulas, ad quas pro diversa locorum, Ordinum, & Ecclesiarum conditione, aliter atque aliter inquisitionem suam illi instituant, & quibus submonitorii loco uti possint. Quæ si non inveniuntur editæ, quo Visitatores hoc onere levemus, dabimus piis & eruditis aliquot viris negotium, tales formulas, etiam Suffraganeis nostris Episcopis communicandas, colligendi ac scribendi.

De sumptuum & procuratorum in Visitatione exigendarum moderatione.

Semper mansit extra controversiam, eos, qui visitarentur, debere suis Visitatoribus sumptus omnes, dicente Apostolo: (b) *Quis plantat vineam, & de fructibus ejus non edit? Quis pascit gregem, & de lacte ejus non manducat? Si nos spiritualia vobis seminavimus, magnum est, si carnalia vestra metamus? Sed quoniam frigescente charitate, populus non (ut olim) benigne & liberaliter succurrit Ecclesiarum necessitatibus, & gravibus insuper exactionibus Ecclesiæ per hanc tempestatem atteruntur; ne visitatio superveniens, fiat onus importabile, & offensionem demus (ut*

Apo-

(b) 1. Cor. 9.

Z z z a

Apostolus loquitur (c) *Evangelio*. Requiritur Reverendos Comprovinciales Episcopos, nostros Suffraganeos, ut quando non per se, sed per Commissarios visitabunt, non sinant visitandos supremis evectionum ac procuratorum iuribus gravari: *Neque enim debent filii tibi favizare parentibus*, (d) *sed parentes filiis*. Præcipimusque & mandamus universis & singulis, Nobis inferioribus Visitatoribus, ne superfluum famulitium in comitatu assumant, & victualium sumptu mediocri, pro sua decentia sint contenti. De Parochis vero, ubi tenues sunt redditus, & paucus est populus, ordinamus, ut visitandi vocentur ad vicinum aliquem illius Decanatus, seu Regiunculæ locum, & moderatum tantummodo subsidium conferant in sumptus communes. Cæterum si pauperis cujuscumque Parochiæ necessitas requirat visitationem personalem, cum hoc Visitatores agant benigne, & ad exemplum Apostoli Pauli, (e) (qui malebat manuum labore victum sibi & suis querere, quam quem gravare,) Ecclesiæ pauperi de suo, quod a locupletiore Ecclesia habent, serviant.

De Synodorum Celebratione, **MEDIO QUINTO,**

Ad Reformationem exequendam necessario,

Magno Status Ecclesiastici, immo Reipublicæ Christianæ detrimento, sero querimus, Synodos vel intermissas, vel non recte hætenus fuisse celebratas. Quarum necessitas hinc intelligitur, quod ubi deficit Visitatio, ubi officiorum non est cura: ubi examen & studia bona jacuere neglecta, solæ restant Synodi, seu Concilia, in nomine Christi congregata, idonea non tantum ad bonorum morum plantationem, & extirpationem malorum, verum etiam ad Mediorum seu viarum, quibus ad istas pertingimus, restitutionem cum primis valentia. Siquidem in Synodis redintegratur unitas, studetur corpori in sua integritate conservando, ubi ea, quæ in visitatione non dabatur exequi, executionem studiis communibus assequuntur: ubi de capite & membris, de fide & pietate, de Reli-

gione & cultu Divino, de moribus, de disciplina, de obedientia & judiciis, & rebus omnibus, ad bene Christianeque vivendum commodis, vel necessariis tractatur, atque statuitur: ut verissime in Reformationis formula dicatur: Salus Ecclesiæ, terror hostium ejus, & fidei Catholicæ stabilimentum sunt Synodi: quas etiam rectissime Corporis Ecclesiæ nervos dixerimus: Neglectis enim Synodis non aliter Ecclesiasticus ordo diffuit, quam si corpus humanum nervis solvatur. Idcirco statuimus, ut Synodus Diocesana quot annis bis, pro veteri quidem more, sed juxta Reformationis formulam religiosius, & meliori cum fructu celebretur. Suffecerit tamen in Diocesi Leodiensi propter ejus latitudinem & multitudinem Prælatorum, semel quot annis recte & studio ferventi celebrare. Synodum vero Provinciale volumus juxta Basileensis Concilii Decretum, singulo quoque triennio cogi debere.

De sumptibus, quos in Synodis faciunt Decani Collegiorum, & Pauperum.

Decani Collegiorum accedentes Synodum, pro suis Collegiis in Religionis officio & dignitate sua conservandis, & Decani rurales, pro suæ Regiunculæ Parochis, Deo utique militant. Nemo vero, ut Apostolus ait, (f) militat unquam stipendiis suis. Propterea decernimus & statuimus, ut pro numero dierum, quibus Concilium durat, conferant Decanis suis Collegia & Parochi subsidia, in sumptus, quos necessario facere debent, absque omni tergiversatione. Qua in re tam iusta, si qui rationis, & æquitatis obliiti, reddiderint se difficiles, Visitatorum nostrorum erit, hos tales non modo compellere ad id, quod jure Divino debent, persolvendum, verum etiam penas ab eis, pro iniquitatis modo exigere.

De novis Constitutionibus in Synodis edendis.

Statuimus quoque, ut in Synodis communibus consiliis decernant de tollendis abusibus & moribus corruptis, quos contigerit ad Synodi judicium referri, disciplina Ecclesiastica castigandis. Et si

(c) 1. Cor. 9.

(d) 2. Cor. 12.

(e) Act. 20.

(f) 1. Cor. 9.

opus sit, Canones veteres renoventur, aut novi in novis casibus juxta sacram Scripturam, Patrum sanctiones, & rectæ rationis judicium, condantur: id quod modo Nos quoque ex his, quæ ad Synodum relata sunt, facere decrevimus.

DE MEDIO SEXTO,

Ad Reformationis executionem necessario.

Sextum medium, ad exequendam Reformationem efficax, est jurisdictio ecclesiastica, qua tanquam supremo refugio compelluntur, qui sponte non ducuntur, ad vitæ emendationem. Hanc Christus Ecclesiæ in Petro pro Ecclesia constitenti, ipsum esse Filium Dei, promissit, quando dixit: (g) *Tibi dabo claves Regni Cælorum: Quodcumque ligaveris super terram, erit ligatum & in Cælis: & quodcumque solveris super terram, erit solutum & in Cælis.* Quam promissionem non ad unum Petrum pertinere, sed in omnes Apostolos transmissam, alio loco (h) insinuat, ubi dicit: *Amen dico vobis, quodcumque ligaveritis super terram, erit ligatum & in cælo: & quodcumque solveritis super terram, erit solutum & in cælo.* Ecclesiæ igitur sunt claves istæ ligandi atque solvendi datæ, quas non ab hominibus, sed a Christo accepit: ut absque Divinæ autoritatis contemptu contemni non possint. Quapropter Christus præcipit, (i) ut eum, qui Ecclesiam jus dicentem non audierit, pro ethnico habeamus & publicano. Tanta est Ecclesiasticæ jurisdictionis vis & potestas. Hac coercentur obstinati in sceleribus, perversi, rebelles, flagitiosi, & contumaces. Hac usus est beatus Apostolus Paulus, quando Corinthios, novercæ suæ stupratorem, tradidit Satanæ: *Ego*, inquit, (k) *absens corpore, præsens autem spiritu, jam judicavi ut præsens, eum, qui sic operatus est, in nomine Domini JESU Christi, congregatis vobis & meo spiritu, cum virtute Domini JESU, tradere hujusmodi hominem satanæ in interitum carnis, ut spiritus salvus sit in die Domini nostri JESU Christi.* Hac item usus est (l) adversus Hymenæum &

Alexandrum, qui operum-conscientiam, quæ fidei rectæ congrueret, repellentes, circa fidem naufragaverunt, quos tradidit satanæ, ut discerent non blasphemare. Et increpat beatus Apostolus Corinthios, (m) apud judices infideles, & Ethnicos judicio condendentes: *An nescitis, inquit, quoniam Sancti de hoc mundo judicabunt? Et si in vobis judicabitur mundus, indigni estis, qui de minimis judicetis. Nescitis, quoniam Angelos judicabimus? quanto magis secularia? Et per ironiam subdit: Secularia igitur judicia si habueritis, contemptibiles scilicet, qui sunt in Ecclesia, illos constituite ad judicandum. Ad verecundiam vestram dico, si non est inter vos sapiens quisquam, qui possit judicare inter fratrem suum, sed frater cum fratre judicio contendit, & hoc apud infideles? Quibus permoti rationibus, decrevimus cum præsentī Synodo, judicia Ecclesiastica imprimis reformanda esse. Et quidem in hanc rem Antecessores nostri, sanctæ Colonienſis Ecclesiæ Archiepiscopi, Theodoricus & Ropertus quædam statuere: post quos Antecessor noster Hermannus, anno vigesimo nono copiosorem nostræ Curie Reformationem edidit, (n) quæ & in Provinciali Concilio, anno trigesimo sexto, communi omnium consensu publicata atque recepta est. Verum cum prohibente hominum malitia, non sit Reformatio illa per hanc tempestatem sortita per omnia executionem, decrevimus hanc primum in Diocesi nostra diligenter exequi, & omnes Curie nostræ Officiarios jurejurando adstringere ad ejus observantiam. Requiritur quoque & monemus Reverendos Confratres nostros, Suffraganeos Episcopos, ut & ipsi secundum hoc exemplar, prout melius videbitur congruere saluti & tranquillitati subditorum, suas quoque Curias reforment, & executionem reformatæ jurisdictionis, Episcopali sua auctoritate inferioribus omnibus ad eundem modum, hoc est, per jusjurandum imponant.*

De impediētibz executionem mandatorum & sententiarum Judicium Ecclesiasticorum.

Ecclesiasticus Judex officio suo nequit perfungi, ubi Magistratus & secularis

Z z z 3

res

(g) Matth. 16.

(h) Matth. 18.

(i) Ibid.

(k) 1. Cor. 5.

(l) 1. Timoth. 1.

(m) 1. Cor. 6.

(n) Vide illam in hoc Tom. pag. 221.

res homines, contumacibus, flagitiosis & rebellibus Patrocinium ferunt adversus Ecclesiastica judicia, vel ea impediunt. Idcirco mandamus omnibus Magistratibus, Præfectis, Judicibus secularibus, & quibuscunque Ecclesiæ filiis, ne quis ad iudicium Ecclesiasticum vocatis, adversus Dei ordinationem, unde est ista potestas, & sacros Canones, patrocinetur, aut quovis modo impediatur mandatorum & sententiarum Ecclesiasticorum iudicium executionem, sub pœna excommunicationis, qua, nisi admoniti resipiscant, sint plectendi. Pissimum quoque Imperatorem nostrum, & Principes seculares, quorum ditiones in provinciam nostram excurrunt, vel intra ejus ambitum continentur, duximus totius Concilii nomine, tanquam justitiæ Patrocinatores invocandos, ut ditionum illarum Satrapis, Judicibus, Magistratibus, suisque Vicariis mandare ac præcipere velint, ne Ecclesiastico Judici, brachium seculare petenti, illud denegent, aut cujuscunque exceptionis per eos propositæ occasione differant, etiamsi nullitatem exceptio concernat, quemadmodum jure communi cautum est.

*Ne Judices seculares de Matrimonialibus,
& aliis spiritualibus causis
judicent.*

Quum Matrimonii Sacramentum, ut Sacramenta reliqua, in thesauris Ecclesiæ numeretur, nec sit civilis quidam contractus, ut olim putarunt Ethnici; ad solius Ecclesiæ iudicium, præsertim ubi quæstio juris versatur, ejus discussio pertinet: idcirco statuimus cum præsentis Concilii, & sub excommunicationis pœna prohibemus, ne Magistratus, aut Judices seculares in matrimonialibus aut aliis spiritualibus quibuscunque causis, ad cognitionem solius Ecclesiastici Judicis spectantibus, inter suos subditos aut alienos judicent, nec dispensandi, aut transgredi potestatem in matrimonio ac gradibus prohibitis sibi usurpent: sed ejusmodi causas omnes, ad Judicis Ecclesiastici cognitionem & definitionem remittant.

CENSURÆ & DECRETA,

*Lata pro abusuum & vitiorum, ad
Synodi iudicium perlatorum,
emendatione.*

Ne quis recipiat aut foveat Monachos & Sanctimoniales, sui instituti desertores, ac fugitivos Apostatas, sub excommunicationis pœna.

Nulla re magis per hanc tempestatem sœdata est Ecclesiæ Christi facies, quam profugorum Monachorum, & Sanctimonialium perfidia atque flagitiis: quorum, ut erat vitæ institutum arctum prius & sanctum, ita eo abjecto, absque omni freno ad quævis flagitiorum genera provoluti sunt: his enim auctoribus natæ sunt hæreses, sacrilegia, incestuosa connubia, & sacrorum omnium profanatio. Nec ab aliis magis, quam iis, quos isti seduxerunt, sunt hæc mala defensa, atque promota. Ideo magna severitate opus est, ut flagitiosissimum hoc genus hominum reprimatur, atque ab Ecclesiæ fidelium, videlicet, ne plures eorum contagione inficiantur & pereant, submoveatur. Proinde quod nuper in Diœcesana Synodo nostra decreveramus, (o) nunc renovamus, & ejus innixi auctoritati, qui dixit: *Quidquid ligaveritis super terram, erit ligatum & in celis*: Sancimus unamini totius Concilii consensu, iudicio ac sententia, ac præcipimus, ne quis cujuscunque status vel conditionis fuerit, posthac Monachos & Monachas fugitivos, & extra Superiorum suorum obedientiam vagantes, quos noverit veridica aliorum relatione, aut Superiorum testimonio, vel alio quovis modo, esse tales, recipere, fovere, aut ad Sacramenta vel Ecclesiastica ministeria admittere auit, sub excommunicationis, quam ipso facto incurrant, pœna, qua & sacri Canones feriunt eos, qui hujusmodi fugitivos, Apostatas atque excommunicatis communicant.

De Monachis, Sanctimonialibus, & Sacerdotibus conjugatis.

Perlaturum ad Concilium est, Apostatas illos varia vitæ genera sectari: quosdam

(o) Vide supra Synodum Coloniensem anno 1548. a pag. 350.

dam enimulare institutum in omnibus assumptis, & pudicitia, quam Deo consecraverant, prostituta, Monachos Sanctimonialibus, duplicato incestu, sub conjugii prætextu adharere. Quo vicio & Sacerdotes, ac majorum Ordinum quidam Clerici, contra Canones se contaminant: quosdam vero viduis & fœminis secularibus se copulasse. In quo gradu & sanctimoniales quædam, Deo sub velamine dicatæ, se viris conjugii nomine prostituerunt: Quas nuptias omnes, quia priorem fidem irritam fecerunt, Deo abominabiles, atque execrabiles, uti nuper in Synodo nostra Diœcesana declaravimus, ita nunc quoque totius Concilii approbatione ac iudicio declaramus & pronunciamus illicitas, prophanas, sacrilegas, atque incestuosas esse, & nusquam tolerandas, & anathemati eos omnes, qui ita contraxerunt, esse innexos: prolesque inde susceptas, illegitimas, nec aliter, quam spurios & nothos habendas, ac proinde hæreditario nomine parentibus suis neque in mobilibus, neque in immobilibus succedere posse aut debere.

De Concubinariis Monachis vel Sacerdotibus.

In tertio genere versantur Monachi Apostatæ, qui ministeriis Ecclesiasticis perfunguntur, & scortis, concubinis adhærent. Quorum quidam religionis suæ habitum penitus abjecerant, quidam non integrum, sed partem ejus ob metum retinuerunt. De quibus statuimus, ut severiori ordinis disciplina pro tanti scandali expurgatione submittantur, & carnis suæ petulantiam afflictione mortificent.

De Sacerdotibus vero & Clericis Beneficiatis, quibus concubinæ & fœminæ de incontinentia suspectæ, seu cum quibus ipsi antehac de fornicatione diffamati fuerunt, manifeste cohabitant, ut nuper in Synodo Diœcesana, ita nunc quoque totius Concilii consensu & approbatione decernimus & pronunciamus, eos, qui tales fœminas apud se detinent, sententiam suspensionis ab officio, & Beneficio incurrisse: Mandamusque & præcipimus, ut juxta novissimam declarationem, eas tam procul e vicinia submoveant, ut commerciis non detur facilis occasio, & suspiciones omnes vitentur. Ipsas vero

fœminas, si posthac in domibus vel vicinia permanserint, censemus excommunicationis pœna plectendas. Volumus quoque & jubemus, ut Ecclesiarum Prælati sententiam memoratam contra Concubinarios notorios, & de concubinato suspectos, diligenter exequantur: alioquin nostrarum partium erit, eorum negligentiam supplere, & pœnas dignas pro ea exigere. Quod si qui libidinis furiis correpti, instar equi & muli, quibus non est intellectus, (p) suspensionis pœna non emendentur, aut his nostris mandatis facto contrario docuerint se non velle parere: contra hos tales ad ulteriorem Beneficiorum privationem, aliasque duriores pœnas, decrevimus & censuimus esse procedendum.

De Monachis, qui extra obedientiam degentes, Divina tractant, & populo Sacramenta ministrant.

In genere quarto versantur Monachi profugi, qui extra obedientiæ jugum & ordinis sui observantiam, alii in habitu, alii habitu cum Religione rejecto degentes, regimini se intromittunt Ecclesiarum, Sacramenta conficiunt, & populo ministrant, cum sint ipsi excommunicati, & Sacramentorum omnium expertes: Confessiones audiunt, cum absolvendi non habeant potestatem, multis modis & populo imponentes, & seipsos censuris gravioribus illaqueantes: nonnunquam etiam dogmata falsa disseminantes. Quos cum animadverterimus, esse propria quædam instrumenta, quibus Ecclesiastica disciplina subvertatur, & pietatis obtentæ specie, tam sibi, quam populo perniciem adferre: mandamus & præcipimus sub anathematis vinculo, ne quis tales Ecclesiarum Regimini, aut Sacramentorum administrationi admoveat.

De Sanctimonialibus, Religionis suæ habitum subinde mutantibus.

His finitimæ sunt sanctimoniales quædam, Religionem bene & sancte institutam professæ, quas accepimus Religionis suæ habitum subinde deponere, & vestes seculares, Religionis tædio sibi aptare, non absque gravi fidelium scandalo, & status sui ignomi-

nomina: Quippe quod sicut mulier impudica cum veste pudorem, ita sanctimonialis Religionem cum veste deponit. Quam indignitatem prohibere volentes, præcipimus, ne qua religiosa virgo sub excommunicationis pœna habitum alium, quam suæ Religioni convenientem, sibi induat: aut alia videri velit sponsa Deo consecrata, quam ea, quam se esse profiteatur.

De requirendis omnis generis Apostatis, ut resipiscant, & ad instituta sua revertantur.

Jam licet Apostatarum, & eorum, qui missa ad aratrum manu, retróspererunt ad seculum, & se ineptos reddiderunt Regno Dei, alius alio gravius impigerit: & quidam humanitate propter errorem communem, & eorum, qui cum prohibere hunc cursum potuissent, officium neglexerunt, conniventiam: alii severa ultione ob malevolentiam & impietatem, digni videantur: in hoc tamen sunt omnes pares, quod Religionis suæ vora illa solennia, quibus se Deo præ cæteris mortalibus manciparunt, timore Dei & æterna animæ salute postpositis, perfide solverunt. Quæ profecto magna est impietas. Enimvero Propheta Baruch, (7) Deos gentium falsos, a Deo vero hoc veluti signo proprio discernit, quod falsi illi, votum quo se quis obligaverit, nec tamen reddiderit, non requirant: Deus autem verus requirit. Unde perspicuum est, securos illos votifragos Apostatas, qui sibi persuadent Deum vota non requirere, habere sibi persuasum, Deum esse falsum, quales sunt Dii gentium: quod vel cogitasse horrendum idololatriæ vitium est. Petrus quoque in Actis Apostolorum (r) testatur, eos, qui communem vitæ societatem, qualis olim inter Apostolos erat, & nunc apud Religiosos conservari debet, semel receptam deserunt, tentare Spiritum Sanctum, & mentiri non hominibus, sed Deo. Idcirco duximus eos omnes, salutis, de qua periclitantur, graviter admonendos, & uno nomine requirendos, quibus & præsentis Synodi autoritate, invocato Christi nomine, quem sceleratis suis factis abnegarunt,

(q) Baruch. 6.

(r) Act. 5.

mandamus & præcipimus, ut relictis falsis conjugibus & concubinis, si quibus adhærent, postpositisque negociis, quibus se implicuerunt, habitum Religionis suæ resumant, & ad suum quique Monasterium revertantur, ubi penitentiam salutarem, ad Divinam ultionem avertendam, veniamque errorum impetrandam, humiliter agant.

De abjuranda hæresi, & communione schismatica vitanda.

Similiter requirimus, & paterno affectu monemus Monachos & Sanctimonialia apostatas, Sacerdotes, sui ordinis & disciplinæ desertores, Clericos & Laicos, eosque omnes, qui communione schismatica, aut pravorum dogmatum contagione per hanc tempestatem se ab unitate Ecclesiæ Catholicæ, extra quam non est salus, separarunt; ut hæresi, schismateque omni abjurato, absolutionem & reconciliationem a Sede Apostolica, vel eis, quibus hoc munus delegatum est, petant, studeantque deinceps in unitate communionis & fide cum Ecclesiâ Sanctâ Catholicâ permanere. Propter eos vero Provinciæ nostræ incolas, qui sibi arbitrantur utriusque speciei communionem a Cæsarea Majestate permissam, operæ pretium duximus, de hoc iterum terre nostrum judicium. Proinde Cæsareæ Majestatis declaratione, maturo judicio lecta atque expensa, quod in nupera nostra Synodo fecimus, nunc totius Concilii sententia declaramus omnibus Provinciæ fidelibus, nihil tale in religiosissimi, Catholicissimi Imperatoris declaratione, qua suam mentem exposuit, inveniri, quin potius contrarium. Siquidem expressis & disertis verbis a Catholicis Imperii Statibus, & eorum subditis, serio valde exigit, ne quid in Sacramentorum administratione præter Ecclesiæ Catholicæ consuetudinem immutent, aut immutari in suis ditionibus permittant. Cui Cæsareæ Majestatis plane Catholicæ & Christianæ ordinationi decrevimus Nos, tanquam Archi-Episcopus & Princeps Elector, per Dei gratiam Catholicus, cum Reverendis Confratribus nostris Comprovincialibus Episcopis & Principibus, eadem gratia Divina concedente simi-

similiter Catholicis, fideliter & obedienter per omnia obtemperare. Id quod & alioqui pro nostra erga Sanctam Ecclesiam devotione, studio pacis & unitatis, quæ Divino illo Sacramento significatur, conservandæ, eramus facturi. Præcipimus idcirco, & autoritate præsentis Synodi, in nomine Domini nostri JESU CHRISTI convocatæ, mandamus omnibus Provinciæ nostræ incolis, qui Christiano nomine censentur, ut Corporis & Sanguinis Christi veritatem sub una Sacramenti specie percepisse contenti, vinculum pacis cum gratiarum actione servant.

*Ut Sacerdotes ab Hæreticis revertentes,
non statim involent Ministeriis
Ecclesiæ.*

Caveant autem Sacerdotes, sive Religiosi, sive sæculares, ab hæreticis, vel schismaticis ad Ecclesiam revertentes, se Ministeriis Divinis statim ingerere, & sacrificare, aut Sacramenta populo administrare, etiam si maxime id non more hæreticorum, aut schismaticorum, sed secundum Ecclesiæ Catholicæ ritum facere velint; priusquam sint absoluti, Ecclesiæ reconciliati, & officiis ac ministeriis suis, irregularitate sublata, restituti, ne damnationem graviolem incurrant, propter irregularitatis impedimentum, quo tenentur per sacros Canones illaqueati.

*Veniæ spe propostæ, errantes omnes ad
Ecclesiam Catholicam revocandos.*

Ne vero penarum severitate propostæ, reverti ad Ecclesiam ab hæresi cupientes, avertamus & retropellamus, & non potius etiam duos & obstinatos veniæ blandimentis emolliamus, atque ad pudorem & resipiscentiam invitemus: En omnibus, cujuscunque sint status, gradus, aut conditionis, ad mentem cum filio prodigo redeuntibus, resipiscentibus, atque ad Ecclesiam, Patris sui domum, unde aufugerant, ab hæresum, & schismatum lenociniis cupientibus reverti, Ecclesiæ valvas, quantum in Nobis est, aperimus, & facilem ignoscentiam pollicemur. Requirimusque Reverendos Confratres nostros Suffraganeos Episcopos, ut animo volven-

Tornus VI. Concilior. German.

tes, boni Pastoris officium esse, non imperare cum austeritate & potentia, sed infirmas oves consolidare, agrotas sanare, contractas alligare, perditas per desertæ quærere, atque in humeris reportare: Patris item boni officium esse, prodigo filio a longe revertenti, veniæ propositione occurrere: studeant etiam ipsi, errantes ad resipiscentiam & Ecclesiam revocare: Omnibus verò Prelatis, Abbatibus, Prioribus, Guardianis, & Monasteriorum utriusque sexus Superioribus mandamus, ut penitentia ductos suos subditos, & ultro revertentes, veniamque petentes, & emendationem pollicentes, paterne recipiant ad penitentiam tolerabilem: quam, emendatione eorum perspecta, sensim minuant, ut sanent, non interimant suas oves. Quod si forte casus sit, ut in Monasterium & locum proprium absque scandalo recipi penitentes nequeant, curent eos in alio ejusdem Ordinis Monasterio, secundum juris Canonici dispositionem, recipi. Nec eos tantum, qui intra Dioceseos nostræ pomeria continentur, cogi volumus, ut huic muneri suo satisfaciant; sed omnes ubique locorum per totam Provinciam. Proinde requirimus & monemus Reverendos Confratres nostros Suffraganeos Comprovinciales Episcopos, ut ad eundem modum, & ipsi suarum Diocesium Prelatos requirant & cogant, resipiscentes ac ultro redeuntés, benigne ad modum prædictum recipere.

*De Refractariis, & in errore persistentibus,
vi cogendis.*

Quod si qui apostatæ & Ordinis sui desertores, fascino diabolico, & vitiorum amore excæcati, atque illaqueati, non patiantur se invitari ad vitæ emendationem, aut ad Ecclesiæ sinum benigne adduci; eos decernimus, post spre tam benevolentiam nostram paternam, vi cogendos, per Dei Ministros illos, qui gladium tenent ad vindictam malorum & laudem bonorum, ut intrare vel inviti compellantur, qui sponte reverti nolebant. Idcirco Concilii totius nomine, per autoritatem Domini nostri JESU CHRISTI, qui nos vocavit, & cujus causam agimus, requirimus Christianos Principes, Magistratus sæculares, &

A a a a

&

& quotquot potestatem coercendi malos habent omnes, ut suo ministerio ad laudem Dei, & Ecclesiæ, cujus sunt filii, salutem perfungentes, obstinatos apostatas, Monachos & Sanctimoniales, in suis sordibus & rebellione hærentes, seductores quoque fidelis populi, eis indicatos, potenti manu capiant, tradantque suis Superioribus, aut Monasteriis, pœnitentiæ severiori, salutari tamen, submittebunt.

De apostatis, qui sub prætextu dispensationum Apostolicarum, vota, Religionisque suæ instituta deserunt.

Apostatæ quidam extra Monasteria sua degunt, Superioribus rebelles, & ad rebellionem alios sollicitantes: tanto nocentiores in Ecclesia, quanto hostis domesticus externo perniciosior est: qui nequitiam suam velant dispensationum Apostolicarum prætextu, quas plerumque vel in Curia, vel a Pœnitentiariis Summi Pontificis, aut Legatis, & Nunciis Apostolicis, surreptitiæ, vel allegatione causarum falsarum impetrant. Et si causæ juri innixæ Bullis obtentis interferantur, tales tamen petunt sibi dari, atque impetrant earum Examinatores & Judices, Summo Pontifici, Legatis, Nunciis, & Dispensatoribus ignotos, qui neque causas allegatas examinent, nec partibus legitime vocatis, de earum veritate inquirent, sed simpliciter eorum libidini patrocinentur: aut si dantur Judices incorrupti, & probitatis amantes, iis Bullas suas non exhibent cognoscendas: & nihilominus secum dispensatum esse jactant, utunturque dispensationibus obtentis haud aliter, quam si causas illas legitime verificassent. Unde non infrequenter plus malorum & scandalorum, quam a notoriis apostatis accipitur: Nostrum vero non est, sustinere in Ecclesia tantam imposturam, tamque licentiosam votorum violationem. Proinde statuimus & ordinamus, ut qui dispensationes tales obtinuerunt, in habitu & obedientia suæ religionis, quam professi sunt, coram Nobis, aut Reverendis Comprovincialibus nostris Coepiscopis, compareant, atque ita dispensationes suas exhibeant examinandas, & vocatis eorum Superioribus, ac quorum intererit,

disputandas. Aut si jam habitum temere, & absque prævia Bullarum examinatione deposuerunt, eum reassumant, & eousque in Monasterio, ac sub obedientia se contineant, donec dispensationibus Nobis ad examinandum oblatis, inveniuntur non etiam Summum Pontificem, & ejus Legatos, vel alios dispensatores fefellisse, aut sinistre aliquid impetrasse. Quod si dispensationibus obtentis aliter, atque jam statutum est, voluerint uti, eos pro notoriis apostatis habendos, vitandos, a Magistratu capiendos, & Superioribus cum rebus omnibus, quas habent, expensis tamen Monasteriorum, tradendos, ad eundem omnino modum, quo de apostatis jam decretum & statutum est, totius Concilii sententia decernimus & approbamus.

Ut qui habent administrationem bonorum Ecclesiasticorum vel officia, reddant rationem.

Accepimus, in quibusdam Collegiis Thesaurarios, fabricæ Præfectos, & alios rerum administratores, vel officia spiritualia habentes, raro, aut nunquam dare administrationum suarum rationem, non sine suspitione infidelitatis, cui per magna datur occasio: unde res Ecclesiarum diffuunt, & quæ a Majoribus ad ornatum Ecclesiarum magnis studiis congestæ sunt, negligentia & fraude posteritatis turpiter dilabuntur. Idcirco statuimus & ordinamus, ut Collegiorum & Monasteriorum officarii, quibus cura administrandorum & dispensandorum Bonorum Ecclesiasticorum committitur, jurejurando promittant, se velle ea fideliter conservare, tractare & administrare, ac quotiescunque petuntur, dare rationem, & ea, quæ rationes conscribere debent. Diem autem certum computandi Decanus & Capitulum eis præfigant, sub pœna suspensionis ab officio, & emolumentorum perceptione. Adhæc ordinamus, ne facile, ubi sunt idoneæ personæ, uni plura, quam unum, officia committantur, nisi sint natura connexa, aut personæ paucæ, & valeat unius industria tanta, ut pluribus sufficere possit. Statuimus quoque, ut juxta Constitutionem felicis memoriæ Vvichboldi Archi Episcopi, Antecessoris nostri,

nostri, laici Provisores Parochialium Ecclesiarum, qui pro conservatione ædificiorum, luminarium, & comparatione ornamentorum instituuntur, nihil ordinent, vel disponant absque consilio sui Plebani, cui bis in anno teneantur reddere rationem, ut si quid inordinate egerint, pro utilitate Ecclesiarum, prout secundum Deum & conscientias suas videbitur expedire, corrigatur, atque reformetur.

Ut campanarii, seu custodes, religiose officia sua exequantur.

Delatum quoque ad Synodum est, campanarios, seu custodes quosdam, quos alii Matricularios vocant, tam Parochialium, quam Collegiarum Ecclesiarum, qui pallas, mappas, vestes sacras, sordide & irreverenter servant, peraguntque ministeria sua prolixis barbis horridi, ac nulla Religionis veste a plebeis discreti. Statuimus igitur, ne liceat campanariis, seu Matriculariis nutrire barbam, aut in veste laica in Ecclesiis circumcuritare, sed ministeria sua in superpelliceis exhibeant, linteaque Ecclesiarum & sacrarii, ut munda sint, diligenter asservent. De eorum vero lotione, quæ pertinent ad usum sacrorum, illos admonent sedulo, quibus hæc cura incumbit, qui talium ablutionem fieri procurent per eos, quibus hoc per Canones licet: sub poena suspensionis ab officio & emolumentis, donec pareant.

De benedictione fontis, & parvulis tempore Paschali baptizandis.

Inolevit gravis abusus in Collegiis quibusdam, qui tempore Paschalis officii aquam omnibus Baptismi caeremoniis benedicunt, quam postea effundunt: Statuimus propterea, ut nullum fontem seu aquam Collegia posthac consecrent, cujus nullus est usus; sed caeremoniis & benedictionibus utantur apud illum fontem Parochiarum suarum, quem intra Collegii septa, aut in proxima vicinia habent: Et ut orationes & caeremoniarum solennes, quæ tempore Paschali & Pentecostes Baptismo adhibentur, habeant res eis respondentes; statuimus, ut Pastores, & Concionatores adhortentur populum, ut parvu-

los natos instante festo Paschæ, servent baptizandos in vigiliam Paschæ, & natos festo Pentecostes instante, ad festum Pentecostes usque servent: si tamen nullum immineat vitæ periculum.

Ubi, & quibus hominibus debeant parvuli baptizari.

Detestanda est non minus Laicorum superbia, quam Pastorum eis obsequentium adulatio: qui contempta Ecclesia, proles suas volunt in suis domibus baptizari, & eo Baptismi aquam deferri. Quem abusum prorsus rescindere volentes, statuimus, neminem alibi, quam in Ecclesia, quocunque loco natus sit, debere baptizari, exceptis Regum Filiis, &c. quibus valeat secundum Concilium Viennense deferri. Pastores vero, qui secus fecerint, ab officio suspendimus, donec absolutionem a Nobis obtineant. Similiter multos abusus & levitates, quæ passim apud dignissimum illud Sacramentum admittuntur, amputare cupientes, prohibemus, parvulos tempore pomeridiano baptizari, sed quando jejuni & sobrii sunt homines, & ad res tantas attenti. Si vero pauca sint in civitate aliqua Baptisteria, & multi baptizandi, poterunt residui, qui apud sacrum matutinale baptizari commode non poterant, tempore pomeridiano baptizari. Et si adsit digna populi frequentia, Pastor eos de Baptismi mysteriis doceat: præsertim ut cogitent, quanta sit DEI misericordia peccata abluentis, & nos in suos filios adoptantis. Præterea vetamus, Ethnicorum more, ab hoc Sacramento magna convivia instruere, epulari, & ebrietate (ut homines parum Christiani faciunt) omnia miscere.

Quod non liceat Religiosis, suscipere in fonte baptizatos, aut nuptiis interesse.

Quamvis Religiosis omnibus interdictum sacris Canonibus sit, ne parvulos in Baptismo suscipiant, aut nuptiarum conviviis interfint: passim tamen hi Canones negliguntur, & Religiosi ad parvulorum susceptionem & nuptias invitantur: unde suspecta plerumque nascitur & alitur familiaritas, & aculei nonnunquam in pectoribus relinquuntur: qui, ut forte, ubi arcta est cognatio,

vel senectus emortua , desint , tamen nocet exemplum junioribus propositum. Idcirco Abbatibus, Prioribus , & Religiosis quibuscunque , susceptionem parvulorum in Baptismo , & nuptiarum convivium plane interdiximus , quantavis necessitudine vel parvulis , vel desponsatis jungantur. Contrarium facientes , pro transgressione & scandalo dato , severa pœnitentia decernimus castigandos.

Comœdias quatenus liceat in Monasteriis ludere.

Percepimus, Comœdiarum actores quosdam , scena & theatris non contentos , transire etiam ad Monasteria Monialium , ubi gestibus prophanis , amatoriis & secularibus , commoveant virginibus voluptatem. Quæ spectacula , etiam si de rebus sacris & piis exhiberentur , parum tamen boni , mali vero plurimum relinquere in Sanctimonialium mentibus possunt , gestus externos spectantibus & mirantibus , cæterum verba non intelligentibus. Ideo vetamus & prohibemus posthac vel Comœdos admitti in Virginum Monasteria , vel Virgines Comœdias spectare.

Abusus populi in audiendis Missis quomodo coercendus.

Animadvertentes , populum rudem & simplicem , religionis antiquæ & veræ ignarum , actiones prope nullas in Missæ sacrificio , præter Hostiæ sacrosanctæ oblationem observare , & hinc abutuntur in civitatibus , ubi multæ celebrantur Missæ , ut ab Altari ad Altare discurrant , nulli sacrificio plane intenti : in oppidis vero & pagis Cæmeteria circumambulantes , & de rebus nonnunquam prophanis tractantes , donec detur ad Hostiæ elevationem signum , qua vel e longinquo conspecta ac salutata , putant se hominis Christiani officio abunde perfunctos : e salute fore populi fidelis existimavimus , si hoc vitium gladio spiritus excinderetur. Idcirco Pastoribus & verbi Divini Concionatoribus omnibus injungimus ac mandamus , ut ubi irreligiosus hic abusus irrepserit , frequenter doceant populum de tremendis , atque adorandis Missæ mysteriis juxta sanctorum Patrum doctrinam , & ea , quæ

in declaratione Cæsareæ Majestatis de Missa traduntur : & quod Christianorum sit , integro Sacro auscultare , quo participes fiant confessionis , quam Sacerdos pro tota plebe facit , & omnium orationum , & benedictionis , qua eos dimittit. Et siquidem peccat ea in re , tota , (ut alicubi fit) rustica communitas , censemus Præfatum loci requirendum , ut abutuntur talem coerceat ac prohibeat. Qui si forte hoc facere recuset , prohibemus omnibus Pastoribus , Vicarariis , & animarum Curatoribus quibuscunque , ne quis eum absolvat , aut ad Sacramentorum perceptionem admittat , nisi certa fide polliceatur , se velle regulis istis Ecclesiasticis obtemperare. Si vero paucorum istud vitium est , & moniti non emendent , cera , vel rebus aliis ad Ecclesiæ ornatum , vel pauperum subventionem pertinentibus , pro arbitrio Pastoris & ædilium mulctentur.

Et ne cui desint pietatis sub Missa exercitia , dabimus piis quibusdam & eruditis viris negotium , conscribendi Divino huic officio congruentes meditationes & orationes , pro populi simplicis capto , quas vel ipsimet legentes intra se revolvant , vel e Parochi frequenti institutione addiscant.

Quando , & ubi conveniat , simul plures Missas dicere.

Mentem sequentes formulæ , ad quam Reformatio instituenda erat , ordinamus , ut in Ecclesiis Parochialibus , ad quas potissimum confluere solet populus in unum collectus , & in minoribus Collegiis ac Monasteriis , Sacerdotes , quibus dicendæ sunt Missæ speciales , eas finiant ante solennis Missæ Evangelium , aut ad summum ante Actionem : aut ab ejus communionem facta incipiant , ne populus in diversâ distrahatur. Ubi vero amplæ sunt Monasteriorum , vel Collegiorum Ecclesiæ , sic in Oratoria distinctæ , ut in locis diversis diversus accipiatur populus , nec possint uni Missæ commode omnes esse intenti , poterunt singulis populorum turbis singulæ Missæ celebrari , quibus unusquisque populus sit intentus. Sub concione autem nulli Sacerdotum liceat , in Ecclesia illa Missam celebrare.

De oblationibus in Missa faciendis.

Varia fuerunt olim in lege veteri sacrificia & oblationes, Christi perfectum sacrificium præfigurantes, quas unica Christus hostia in Crucis ara consummavit, semetipsum pro nobis offerens. Hæc est Hostia sempiterna, quam eandem in Missa Sacerdos eorum omnium nomine, qui Christum pro se oblatum cupiunt, offert, ac sistit ante Patrem. Fuerunt & aliæ Primitiarum, Decimarum, & liberalium votorum oblationes, quibus in Ecclesia, præter sacrificia spiritualia, mactationis victorum, gratiarum actionis, laudis & servitutis, quæ Divinæ Majestati debetur, successerunt etiam rerum temporalium, ad utum ministerii necessariorum oblationes, quas olim in primitiva Ecclesia magnis studiis offerebant in Missa, quo suffragiis ejusmodi Sacerdotes, & Ecclesiæ ministros sustentarent. Unde adeo locupletata sunt initio Ecclesiarum res, etiam persecutionis tempore, tanta copia, ut post Sacerdotum & ministrorum alimenta, partii sint eas etiam in alimenta viduarum, orphanorum & pauperum: in vestes item & vasa ministerii, ornatum & fabricam Ecclesiarum: de quibus extant adhuc antiqui Patrum Canones, extant quoque orationes, quas secretas, appellamus, sub Offertorio Missæ, quibus oblationes populi Deo commendantur.

Qui mos offerendi semper fuit in populo fidei retentus ad novissima usque ista secula. Verum res tam altæ originis, & ratione tam sancta subnixæ, jam tota prope abire cœpit in desuetudinem, hominibus piis causam & originem offerendi ad Altare ignorantibus: & impiis, cupiditate Sacerdotum usum illum introductum calumniose asserentibus. Quamobrem Divini verbi Concionatoribus, illis præsertim, qui de oblationibus populi non participant, ad cupiditatis speciem tollendam, præcipimus, ut populo veritatem rei istius, & utilitatem exponant, hortenturque omnes, sequi Majorum studia, ut vel exigui munusculi oblatione, suam pro rebus a Deo acceptis ostendant gratitudinem, quo etiam preces illæ in eos conquirent: inculcentque eis, quod Deus non tam ad dona, quam ad

voluntatem & mentem piorum respiciat: quanquam locupletes & divites convenit esse liberaliores, quo gratitudinis signum de se amplioris præbeant, & testentur, se a Deo, ad Dei honorem & cultum habere, quicquid habent.

De Suffragiis & Oblationibus pro Defunctis faciendis sine pompa vana & comessationibus.

Cum mortuus sit Christus pro vivis & defunctis, offertur etiam in Missa non tantum pro vivis, verum etiam pro defunctis. Quod rudes & Sadducæis crassiores homines ignorantes, neque orant, neque sacrificium expetunt, aut exequias, aut iusta, pro parentibus, liberis, cognatis & amicis persolvunt: non aliter sane, quam si cum corporibus simul & animæ extinguerentur. Mandamus idcirco, ut verbi Divini Concionatores populum hac de re diligenter ac pie informet & doceant, ne animæ amicorum, in Christo defunctorum, suffragiis orationum, & oblationis Christi fraudentur. Qui modus semper fuit retentus in Ecclesia, atque etiam ante Christum apud Judæos celebris. Ne enim ex unico Machabæi factis (s) concluditur, sanctum esse, pro defunctis orare, & sacrificium offerre, ut a peccatis solvantur, sed quoniam ita pii, & de vera fide instructi Judæi, absque hesitatione credebant. Verum non probamus propterea pomposos & sumptuosos apparatus supra hominis conditionem, qui valent ad ostentationem potius opum, quam ut defuncto suffragentur. Improbamus vero comessationes & ebrietates, quibus post exequias quidam indulgent, quasi mortuorum amicorum memoriam vino abluere velint, ubi potius, eadem via sibi sequendum esse, cogitare debebant.

De Processionibus, in quibus Sacra Hostia cum imaginibus Sanctorum circumfertur.

Nihil prope tam sanctum est, quod sæcularium hominum vanitas non trahat in abusum. Ecclesia de thesauro Corporis Christi exultans circumfert, longis processionibus, etiam extra sacras ædes Hostiam illam salutarem, videlicet simul

A a a a . . . repræ-

(s) 1. Machab. 12.

repræsentans itineris Christi historiam, qui dum quæreret salutem nostram, in medio populi versatus est, & universam Judæam circumambulavit, docens, & ægrotos sanans, Discipulis comitantibus: quamobrem & Sanctorum Reliquias & Imagines eorum, qui vestigia ejus secuti sunt, simul circumferimus, significantes, illos nunc cum ipso regnare & triumphare in Cælis: quæ memoria debet piis esse jucunda & læta. Verum huc sæcularis stultorum hominum vanitas irrepsit, & adhibentur etiam ludi prophani & scurriles magno strepitu: ac quasi ad bellum procedendum esset, tympana pulsantur, & ociosa spectacula eduntur, rebus istis non congruentia: quibus populus delectatus, a rebus, quæ processione aguntur, avocatur. Mandamus ideo, ut juxta Cæsareæ Majestatis Reformationem, quicquid non valet ad devotionem excitandam, a processionibus removeatur. Sed sint processiones compositz, graves & modestæ: absint risus, joci, & confabulationes, & orent homines, aut suaviter corde & voce modulentur: nec Beata Virginis, aut alterius cujuslibet Sancti, plures, quam imago una uniuscujusque circumferatur, ne videamur magnas & parvas, cultas & incultas statuas inspicere, & non sursum mente in Cælum subducta, rem significatam potius cogitare. At ubi populus vanus noluerit abusum hunc corrigere, & insolentiam prohibere; mandamus, & præcipimus Sacerdotibus & Clero, ne talibus processionibus interfint, ubi iram Dei, non vero misericordiam in nos provocamus.

De Stationibus & supplicationibus.

Quantum in processionibus Festivis peccat turba populi, tantum in stationibus & supplicationibus solet Clerus peccare, & populum devotum, nudis interdum plantis & caputibus incedentem, sua insolentia, confabulationibus, cachinnis, incompositis moribus & discursibus scandalizare. Præcipimus ideo, ut in omnibus cujuscunque generis processionibus, Clerus exemplis bonis populum ædificet, & aut oret, aut canter, cum gravitate per plateas incedens: nec dilabantur ad jentacula, nec in Ecclesiis, dum Sacrum in stationibus peragitur, de-

ambulent, aut confabulentur; sed choro omnes interfint, habeantque singuli Decani & Seniores ad juniores respectum, punianturque transgressores poenis, quas Decanus injunget.

Ut distributionum non sint participes, qui officiis integris non interfuerint.

Non minori populi scandalo Clerici quidam, quando sunt pingues distributiones, Chorum ad breve tantummodo tempus, quo sui præsentiam testentur, ingrediuntur, nec officium totum persolvunt, sed continuo egressi Chorum, aut ambulant in Ecclesia, vel ejus immunitate, aut ad aliam, in qua simul Beneficium habent, celeri transitu se proripiunt, ubi similiter testentur se fuisse præsentem, quo duarum Ecclesiarum distributiones pro eodem officio integras percipiant, cum in nulla Ecclesia officium integrum persolverint; manifesto indicio, se pecuniæ, non Christo, aut Ecclesiæ servire, ut ter peccent: primum cupiditate, deinde cultus Divini negligentia, tertio exemplo pravo, quo populum scandalizant, ut transgressionem Canonum prætereamus. Etenim in Concilio Chalcedonenſi statuerunt Patres, ne quis Clericus in duabus Ecclesiis inscriberetur, aut ministraret, nec communicaret prioris Ecclesiæ rebus, qui ad secundam transfret. Quamobrem statuimus, ut illi soli, qui horis Divinis, aut defunctorum exequiis, seu memoriis, a principio ad finem usque interfint, idque in habitu, qualem temporis, & personæ conditio requirit, distributiones percipiant; nisi justa causa sit, quare ante officium finitum discedant, aut tardius ipsum accedant. Nolumus tamen hac Constitutione Privilegio Prælatorum derogatum.

De Processionibus Ruralibus.

Decanis Ruralibus committimus, ut ruri, ubi major est abusus, per suas regiunculas Pastores adhortentur, ut ad prædictum modum suas processiones instituunt, nec vagi & incompositi per agros discurrant, & præsertim Rogationum tempore, quando Deum pro misericordia & frugum conservatione imploramus. Transgredientes Pastores aut ipsi

ipſi in Synodis ſuis corrigant, aut Viſitatoribus noſtris indicent.

Ut Paſtores rurales Decanis ſuis obediant.

Quod præcipit Apoſtolus, (†) ut fideles omnes Præpoſitis ſuis, quorum eſt vigilare pro animabus eorum, ad reddendam Deo rationem, obediant, atque ſubjaceant, intelligant Paſtores Rurales, non ad laicam modo turbam, ſed etiam ad ſe pertinere: quia debent Decanis ſuis in licitis & honeſtis omnibus reverenter auſcultare, & parere: & æquum eſt, ut obedientiam, quam ab inferioribus ſuis, tanquam Chriſti Vicarii exigunt, Superioribus exhibeant. Præcipimus ob id, ut Viſitatores de obedientia, quam mavult Deus, quam Sacrificium, potiſſimum inquirent, nec ſinant inobedientiam impunitam.

Ne Magiſtratus ſæculares Decanis & Paſtoribus in officiorum ſuorum executione ſint impedimento.

Accepimus, Magiſtratus ſæculares quosdam, & Principum Præfectos, munera Eccleſiaſtica invadere, ac tyrannidem in Chriſti Sacerdotes & Clerum exercere, cogere Paſtores, ut præter Eccleſiæ Catholiæ conſuetudinem, ſubditos ſub duplici ſpecie communicent, & cæremonias pie inſtitutas abrogent: quos ſchiſmaticos, atque cum Chore, Dathan, & Abiron, quos terra deglutivit, æternæ maledictioni obnoxios eſſe, e ſacra Scriptura diſcimus. Alios quosdam accepimus, impedire Decanos rurales, quominus poſſint officia, & juridiſtionem ſuam exercere, Synodos libere celebrare, & exceſſus corrigere, ſed judiciū hoc vendicare ſibi: quare & ipſi intelligant ſe, excommunicationem a jure & Canonibus latam, incurrere: quos & excommunicatos totius Concilii auctoritate (ubi præmoniti non abſtinuerint) pronunciamus & declaramus. Volumus quoque, ut Viſitatores, tales Eccleſiaſtica diſciplinæ ac libertatis violatores, atque oppreſſores, ad nos pro ulteriori eorum perfectione perferant: quos, ſi noſtræ ditionis fuerint, pro malis meritis pleſtemus: ſi alterius, eorum Prin-

cipibus, aut Cæſaræ Majeltati pleſtendos denunciabimus.

Ne Magiſtratus ſæculares onerent domos Religioſorum, & eorum perſonas, ſervitiis ſæcularibus.

Pervenit ad ſacrum Concilium, Præfectos quosdam in religioſarum Sororum domos irruiffe, & fractis per vim foribus occupaffe, atque in granaria ſua convertiſſe earum officinas: quin etiam religioſas apſas ſorores magna ſervitute opprimere, compellere frequentius Monafteriis ſuis egredi in arcem, ubi eas domesticis ſuis ſervitiis gravent. Quam indignitatem ſacri Canones graviffimis cenſuris damnant, nec diſſimulare abſque magno reatu Nos poſſumus. Proinde hos tales, ubi res ita aguntur, cum toto Concilio pronunciamus anathemata violatæ immunitatis Eccleſiaſtica incurriſſe. Committimusque Viſitatoribus noſtris, ut de facti enormitate inquirent, quo de remedio ulteriori poſſimus cogitare.

Ne Coloni Eccleſiarum, ſervitiis indebitis graventur.

Ad hæc præcipimus & mandamus univerſis Magiſtratibus & Præfectis fidelibus, ne contra juris diſpoſitionem, Eccleſiarum colonos ſervitiis & impoſitionibus gravent, ſed juxta Cæſaræ Majeltatis Reformationem, ſacros Canones & Imperatorum leges, libertatem, privilegia & immunitates Eccleſiaſticas conſervent eis illibatas, ſi anathema & animæ ſuæ damnationem velint evitare.

Ne Judices ſæculares Clerum judicialibus impenſis ultra æquitatem gravent.

Perlatum eſt in Concilium, ſæculares quosdam Judices, pravo & nuſquam gentium audito exemplo, ab annis paucis introducto, exigere a Clero, ſi quis Clericus, vel Religioſus ratione bonorum Eccleſiaſticorum, vel aliis de cauſis, laicum in ſuo foro convenit, impenſas duplicatas: ut ubi laici actores, vel rei, dant ſimplum, Clerici & Religioſi (ſi velint juſtitiam ſibi adminiſtrari) duplum ſolvere cogant. Quod proſecto iniquum

(†) Hæbr. 13.

quum est gravamen, & tam rationi rectæ, quam legibus Imperatorum & sacris Canonibus adversum. Proinde statui-
mus & ordinamus, ne liceat ullis Judi-
cibus vel Scabinis, quicumque illi sint,
Clericos & Religiosos impensis majori-
bus, quam laicos gravare, aut ad dupli-
solationem eos quocunque prætextu
cogere, ubi in causa simili dat laicus
simplum, sub censuris contra eos, qui
exactionibus & oneribus Clerum gra-
vant, decretis.

*Ne clandestina conjugia contrahantur &
tolerentur.*

Sæpius experti, quanta mala ex
conjugiis clandestinis oriantur, qualia
sunt perjuria, stupra virginum, adulte-
ria, homicidia, parentum & amicorum
offensiones, ut præteream ea, quæ Cæ-
sareæ Majestatis Reformatio pie & Chri-
stiane commemorat: decrevimus & sta-
tuimus, ut clandestine contrahentibus
tantisper Sacramenta negentur, donec
ab excommunicatione a iudice compe-
tente absolvantur, atque ita in facie
Ecclesiæ Sacramenti solennia celebrent.
Idem statuimus de incolis & advenis, de
quibus suspicio est, eos in facie Ecclesiæ
non esse conjunctos, qui aut matrimo-
nii solennes ritus in Ecclesia celebrent,
aut alibi id se fecisse, idoneis testimoniis
probeat. Dum vero hujus gratia ad Ec-
clesiam convenitur, & qui junguntur,
benedictioni Sacerdotali se submitunt,
absit omnis levitas & jocus secularis:
sed cum Dei timore cogitent, quale sit
vinculum, quo colligantur, & quod
Deus sit, qui eos conjungat: ut discant
in Christo nubere, cujus gratia & do-
no torus immaculatus datur & conser-
vatur.

*Quod Matrimonium debeat præcedere trina
proclamatio, & nemo nisi a Pastore,
ad quem hoc pertinet, con-
jungi.*

Fit sæpe, ut dum Pastor alter alte-
rius ovile invadens, copulat virum &
fœminam sibi non subditos, absque Epi-
scopi licentia, ut unus fiat duarum mari-
tus, & contra una multorum uxor.
Ideo sub penis & censuris Canonis sta-
tuimus & ordinamus, ut nemo Pa-
rochus vel Presbyter ausit sibi non subdi-

tos copulare, nisi sit alter alterutrius Pa-
rochus proprius, & Pastoris alterius di-
missorias literas acceperit, nec nisi in
utriusque Parochia trinæ proclamationes
tribus diebus festis, a se invicem distan-
tibus, ad Populi frequentiam præcesse-
rint.

*Quod non debeant sponsus & sponsa con-
jungi, nisi in Ecclesia, & tempo-
re ab Ecclesia non inter-
dicto.*

Superbiam eorum, qui Ecclesiam
Dei contemnunt, reprimere volentes,
mandamus & præcipimus universis Pa-
rochis & Presbyteris, ne quis alibi, quam
in Ecclesia, publice post Missam audi-
tam, jungendos Matrimonio copulet,
nec alio tempore, quam jura permit-
tant, sub pena suspensionis ab officio,
quam Sacerdotes mandatum hoc præ-
tergredientes incurrant: nec volumus
per Officiales nostros, cum quovis, nisi
ex causis gravissimis, & urgente magna
necessitate, dispensari.

*De Communione & Confessione Sacra-
mentali.*

Perlatum est in Concilium, multos
reperiri atheos homines, qui sacram
communionem ab annis aliquot a suo
Parocho non perceperint, quos verifi-
mile est, vel non communicasse, vel ali-
bi clanculum apud schismaticos commu-
nicare. Quosdam etiam adire sacram
Synaxim, de quibus non constet, utrum
sint confessi peccata sua, absoluti, an
secus. Statuimus idcirco, ut quicum-
que Christiano nomine volunt censi,
semel ut minimum in anno accipiant a
suo Parocho sacram Communionem,
secundum Catholicæ Ecclesiæ ritum, sub
una tantum specie. Et vel eidem prius
constentur, vel si de eorum confessio-
ne probabilis est dubitatio, testimonium
adferant, quod alibi sint confessi, & ab-
soluti. Alioqui viventes ab ingressu
Ecclesiæ arceantur, & mortui, Ecclesia-
stica careant sepultura.

*Ne Fratres quatuor Ordinum audiendis
Confessionibus se intromittant, nisi
sint præsentati.*

Exploratum habemus, quosdam e
Fratribus quatuor Ordinum Mendican-
tium

tium juvenes, imperitos, & inexpertos Sacerdotes, fiducia privilegiorum suorum audire passim confessiones, & quolibet passim absque judicio & discretione casuum, quam nullam noverunt, absolvere. Cui periculo obviare volentes, præcipimus, ne quis Fratrum ordinum Mendicantium, confessiones audire præsumat, nisi legitime secundum formam juris, Nobis, vel Comprovincialibus Episcopis præsentatus, & de his, quæ ad officium illud pertinent, probe informatus sit, & judicatus idoneus. Quod si Priores & Guardiani non compulerint suos fratres ad ordinationis hujus observantiam, & dissimulaverint; tales noverint, se ab omni ministerio Ecclesiarum nostrarum cum suis fratribus submoven- dos. Ne vero habeant, quod de præsentatione querantur, has gratis, salva Scribarum moderata mercede, eis impartiemur.

De Pœnitentiariis Episcopalibus.

Iusuper, ut conscientis scrupulosius consulatur, ac facilius pateat omnibus ad veniam & absolutionem peccatorum aditus, ordinamus nostros in hac Diocesi Pœnitentiaris, qui facultatem habeant, sibi confessos ab omnibus casibus, Nobis de jure, vel per Statuta Synodalia reservatis, in foro conscientie absol- vendi:

Inprimis Reverendum Cyrenensem Episcopum, nostrum in Pontificalibus Vicarium. Deinde Metropolitanæ Ecclesiæ nostræ Presbyteros, Canonicos, Theologos, omnes quoque intraneos, & extraneos Collegiorum & Ruralium Pastorum Decanos, & quatuor primarum Parochialium Ecclesiarum in Colonia Pastores: scilicet Martini, Colum- bæ, Laurentii, & Albani: Priores quoque quatuor Ordinum Mendicantium, & præterea: ex Ordine Prædicatorum, Fratrem Georgium de Tremonia: ex Ordine Minoritarum, Fratrem Vuinandum ab Effren, Licentiatum Theologiæ: ex Ordine Carmelitarum, Fratrem Vuilhelmum a Blatzhem: ex Ordine Augustinensium, Fratrem Henricum a Vuverd. Præterea addimus in Majori nostra Ecclesia Venerabilem Licentiatum

Theologiæ Joannem Lunen, Joannem Lamb, Decretorum Doctorem, Joannem ab Heinsberg, Theologiæ Licentiatum, & Gorfridum Ditmarum ab Hagen.

De Confessoribus Sanctimonialium.

Volentes consulere infirmitati Sanctimonialium, quas nonnunquam pudor vel metus retinet a confessione, quia ad unum tantum Patrem, vel Confessorum, eis familiariter notum, alligantur: unde fit, ut sæpe non integre, sed vix unquam libere conscientiam suam exonerent: & tamen ad Sacrosanctam Communionem statutis temporibus cum aliis accedant; clementer indulgemus & concedimus, ut Sanctimonialibus bis aut ter in anno fiat potestas, alii, quam suo Presbytero confitendi, ab Ordinario loci deputando, nisi proprius eorum Visitor aut Commissarius huic rei prius providerit.

De contemptibus Sacram Unionem.

Relatum Nobis in Concilio est, im- pios quosdam homines infirmitatis suæ tempore Unionem sacram respuisse ac contempnissse: quamobrem statuimus, ut si quis Sacramentum illud, nobis ab Apostolo Jacobo (u) tantopere commen- datum, contempnerit, Ecclesiastica ca- reat sepultura.

Est quoque in observatione dierum Festorum multa varietas, de qua in proxima Synodo nostra Diocesana statuemus. Ea vero, quæ hic constituta sunt, judicio sanctæ Sedis Apostolicæ, & Oecumenici Concilii, ut omnia nostra, reverenter submittimus: nec per eam Sacris Canonibus, Traditionibus Ecclesiasticis, aut reliquis Majorum nostrorum Provincialibus & Diocesanis Synodalibus Constitutionibus volumus derogatum: Potestatemque præmissa omnia & singula interpretandi & declarandi, quoties opus fuerit, & visum erit expedire, Nobis reservamus. In cujus fidem & testimonium, Sigillum nostrum præsentibus est appensum. Datum in Metro- politana Ecclesia nostra Colonien- si, 6. Aprilis, Anno Domini Millesimo, quin- gentesimo, quadragesimo nono.

CARO.

(u) Jac. 5.

CAROLI V. Imperatoris Edictum,

quo præmissam Provinciale Synodum Coloniensem per Provinciam
 Archi-Episcopalem observandam jubet, prohibetque, ne ab eorum,
 quæ ibidem statuta sunt, executione quispiam
 impediatur.

CAROLUS QUINTUS, DIVINA FAVENTE CLEMENTIA ROMANO-
 RUM IMPERATOR, SEMPER AUGUSTUS, ET REX GERMANIÆ, HISPANI-
 ARUM, UTRIUSQUE SICILIÆ, HIERUSALEM, HUNGARIÆ, DALMATIÆ,
 CROATIÆ, &c. ARCHI-DUX AUSTRIÆ, DUX BURGUNDIÆ, BRABANTIÆ
 &c. COMES HABSBURGÆ, FLANDRIÆ, TYROLIS &c. UNIVERSIS ET
 SINGULIS PRINCIPIBUS ECCLESIASTICIS ET SÆCULARIBUS, COMITIBUS,
 COPIS, EPISCOPIS, PRÆLATIS, DUCIBUS, MARCHIONIBUS, ARCHI-EPIS-
 COPIS, BARONIBUS, NOBILIBUS, MILITIBUS, MILITARIBUS, PRÆFECTIS, PO-
 TESTATIBUS, VICE-DOMINIS, CASTELLANIS, MAGISTRATIBUS, CONSU-
 LIBUS, JUDICIBUS, OFFICIALIBUS, ADVOCATIS, PROCURATORIBUS,
 CIVIBUS, COMMUNITATIBUS, ET OMNIBUS ALIIS NOSTRIS, ET IMPERII SACRI, ET DITIONUM NOS-
 TRARUM HÆREDITARIARUM IN PROVINCIA ARCHI-EPISCOPATUS COLONIENSIS COMPRÆHENSARUM,
 SUBDITIS, ET IN ECCLESIASTICIS REBUS EJUSDEM PROVINCIÆ EPISCOPORUM ET PRÆLATORUM
 JURISDICTIONI SUBJECTIS, CUIUSCUNQUE PRÆMINENTIÆ, DIGNITATIS, STATUS,
 GRADUS, ORDINIS ET CONDITIONIS EXISTANT, GRATIAM NOS-
 TRAM ET OMNE BONUM.

VEnerabiles & Illustres Electores,
 Principes & consanguinei nostri
 Charissimi, Nobiles, Honorabiles, de
 voti & fideles, dilecti: Quum Venerabi-
 lis Adolphus Archi-Episcopus Coloni-
 ensis, Sacri Romani Imperii per Italiam Ar-
 chi-Cancellarius, Princeps Elector, &
 consanguineus noster Charissimus, & ejus
 Comprovinciales Episcopi, in executione
 formulæ Reformationis, in nuperri-
 mis Comitibus, apud Civitatem nostram Im-
 perialem Augustam Vindelicam habitis,
 eidem Archi-Episcopo, & aliis Episcopis,
 & Statibus Ecclesiasticis per Nos propo-
 sitæ, & ab ipsis probatæ, & quantum in
 eis esset, receptæ, ut monitis nostris ea de
 causa factis parerent, & eidem Reforma-
 tioni commodæ viz præsternerentur, per
 quas ad meliorem vivendi rationem tran-
 situs fieret: in Concilio Provinciali apud
 Coloniam Agrippinam habito, Canones
 quosdam Synodales, tum ad efficacem &
 indies surgentem, ac permanfuram refor-
 mationis executionem, tum ad mores
 pravos extirpandos: potissimum vero ma-
 nifestos abusus in Clero & populo coer-
 cendos: & seductores, qui corruppen-
 dis simplicibus hominibus student, e grege
 propulsandos ediderint, & nobis obtule-
 rint, Authoritate nostra, quatenus expe-

dire videretur, muniendos & in execu-
 tionem mittendos: Nos vero eosdem Ca-
 nones primariis nostris Consiliariis, & aliis
 rerum Theologicarum peritis, ad id spe-
 cialiter per Nos deputatis, propositos, &
 per eos diligenter revisos & examinatos,
 eorumque relatione nobis facta, cum illos
 prædictæ formulæ reformationis confor-
 mes invenerimus: proinde ipsos Canones
 Synodales ratos & gratos habentes, &
 quoad opus est, & per nos fieri potest ac
 debet, approbantes, & decreto nostro
 corroborantes, Imperiali autoritate
 nostra, & qua alias fungimur, vobis
 omnibus & singulis, serio, & sub pœna
 gravis indignationis nostræ, & aliis pœnis
 nostro arbitrio imponendis, hujus Edicti
 nostri vigore præcipimus & mandamus,
 ut ea omnia Provincialis hujus Concilii
 Colonienfis decreta, in omnibus suis pun-
 ctis, clausulis, articulis, sententiis, &
 verborum expressionibus, eo modo, quo
 illa quemlibet vestrum concernunt, rite,
 sancte, inviolabiliter, citra ullam fraudem
 & tergiversationem observetis, impleatis,
 & exequamini.

Vosque Principes & Magistratus ci-
 viles, in refrenandis, & coercendis juxta
 eadem decreta rebellibus, perveris, &
 refractariis, sive illi Ecclesiastici, sive
 laici

laici sint, Ecclesiarum Episcopis & Prælati, ubi ab illis requisiti fueritis, omnem legitimum favorem, auxilium, opem præbeatis, & per Ministros & Officiarios vestros, atque alios, in quos vobis Imperium competit, præberi jubeatis & curetis. Ac nullus omnino vestrum, cujuscunque Præminentia, Dignitatis, Gradus, Ordinis & conditionis sit, aut quocunque munere aut jurisdictione fungatur, memoratos Episcopos & Prælatos in eorum munere, jurisdictione, officio, secundum Canones & Leges, ad ipsorum functionem pertinente, quovis modo impediat aut turbet, neque id ab aliis fieri jubeat, nec permittat.

Prætereā quicunque vestrum Ecclesiarum, Monasteriorum, & aliorum piorum locorum Advocati, Præfecti, & Protectores fuerint, ac Prælatos, Ecclesias & loca pia, eorumque bona in fidem, tutelam, & protectionem suam, sive ex commissione Divorum Principum, Prædecessorum nostrorum in Sacro Imperio, sive nostra, aut alio quovis jure receperint; eadem præfectura, tutela, seu protectione neutiquam abutantur, neque ipsos Prælatos, Ecclesias, Monasteria, & loca pia, contra formam & naturam protectionis usurpent, opprimant, gravent. Quin potius illos & illa in suis privilegiis,

jurisdictionibus & rebus conservent, & tueantur: & tam illi, quam vos alii omnes supradicti, contra promissa facere, seu attentare, neque præsumaris, neque ab aliis fieri, aut attentari sinatis, quovis quæsito colore seu prætextu; quatenus pœnas supradictas, & alias in formula memoratæ reformationis a nobis propositas, & decretis Provincialis Synodi Coloniensis contentas, præter eas, quas aliqui Canones & leges in violatores personarum & rerum Ecclesiasticarum decernunt, malueritis evitare. Hac est animi nostri sententia, & seria voluntas. Datum in Oppido Bruxellensi Ducatus nostri Brabantia, sub impressione Sigilli nostri, quarto nonas Julii, anno a Nativitate Domini supra sesqui millesimum quadragésimo nono, Regnorum nostrorum, Imperii vigésimo nono, & aliorum omnium trigésimo quarto.

CAROLUS.

*Ad Mandatum Cæsareæ & Catholicæ
Majestatis proprium.*

Vid. ANTON. PEREN.

OBERNBURGER Subf.

*Ex editione Coloniensi Quenteliana A. 1554.
Recudit Lunig Spicil. Eccl. I. partis Conti-
nuat.*

SYNODUS PROVINCIALIS MOGUNTINA

Eodem anno Christi MDXLIX.

SUB SEBASTIANO, ARCHI-EPISCOPO MOGUNTINO.

CONSTITUTIONES CONCILII PROVINCIALIS
MOGUNTINI.

PREFATIO.

SEBASTIANUS, DEI GRATIA SANCTÆ SEDIS MOGUNTINÆ
ARCHI-EPISCOPUS, SACRI ROMANI IMPERII PER GERMANIAM ARCHI-
CANCELLARIUS, ET PRINCEPS ELECTOR &c. UNIVERSO CLERO
ET POPULO PER DIOECESIN NOSTRAM MOGUNTINAM,
SALUTEM IN DOMINO SEMPITERNAM.

Postquam grave illud Pastoralis mun-
neris onus humeris nostris, Domi-
Tomus VI. Concilior. German.

no sic disponente, incubuisset, sane
nunquam quasi in dignitate & honorum
B b b b 2 fasti.

fastigio sublimati, lætari potuimus; sed, quasi in quadam specula positi, ingentem & anxiam sollicitudinem animo concepimus, & quasi importabile onus humeris sustinentes, ad omnem suscepti muneris recordationem frequenter ingemimus. Non enim ignorabamus depositum, quod, tradente & commendante Christo suscepimus: quanta in illo asservando cura, sollicitudine & labore desudare nos oporteat: quantave pœna nos maneat, & quam terribilis nos Domini sententia expectet, si quidquam de thesauro illo, quem Christus, velut sedulus & prudens negociator, precio Sanguinis sui comparandum duxit, nostra forte incuria perire contigerit.

Accedebat ad cumulum sollicitudinis nostræ, & timoris nostri pondus in immensum augebat, quod functionem nostram Pastoralem in eam videbamus, tempestatem incidisse, qua tot sectæ, schismata, & omnes pœne præteritorum temporum hæreses, velut conspiratione facta agminatim in Ecclesiam irruerant, & dispersum Christi gregem immanes lapi ad interitum rapiebant: & qua universa vitiolorum corruptela, & gravissimorum scelerum lues, ovile Christi, quasi contagione perferpens, oviculas Christi sanguine redemptas crudelem in modum depascebatur.

Atque hac temporum iniquitate nobis nequaquam desidiæ patrocinium, aut negligentiae excusationem, præberi existimabamus; sed curam & sollicitudinem nostram potius augeri: ut quanto gravioribus malis laborantem Ecclesiam conspiciamus, tanto attentiore animo & studio vigilantiori, in eam, quam Dominus nobis impostuerat, Pastoralis officii functionem incumberemus, & gregi nobis credito custodiam simul & disciplinam sedulo adhiberemus: custodiam quidem, ut ex commonitione nostra, cavere noxia, & salutaria appetere, peccata refugere, & virtutes sectari, plebs nobis commissæ sedulo addisceret: disciplinam vero, ut qui spretis salutaribus monitis, aut torpentes negligentia, aut malicia incitati, delinquerent; per nos a vitiis suis Ecclesiasticæ Censuræ severitate coererentur. Siquidem meminimus, hanc utramque curam, a

Domino, ovis sui custodibus, sub gravi comminatione injungi: Custodiam quidem, cum ait: (*) *Si Speculator viderit gladium venientem, & non insonuerit buccinæ: & populus se non custodierit, veneritque gladius, & tulerit de eis animam; ille quidem in iniquitate sua captus est: sanguinem autem ejus de manu Speculatoris requiram.* Severitatem vero disciplinæ Dominus a Pastoribus exigens, *Non quæras*, inquit, *fieri Judex, nisi valeas virtutē irrumpere iniquitates*: nimirum innuens, gravi culpæ alligari eum, qui vitia subditorum, quæ pro potestate sibi tradita compefcendo emendare debet, dissimulando nutrit, & augeat. Et alibi Dominus Pastorum negligentiam severissimis minis increpans: *Ecce ego ipse*, inquit, *super Pastores, gregem meum de manu eorum requiram.* (**)

His nos Domini commonitionibus incitati, jam inde ab initio Ordinationis nostræ propensâ voluntate ad debitam commissæ nobis functionis executionem omnem animi & consilii vim convertebamur: sed pios conatus nostros inquietudo temporis illius impediēbat, dum tumultibus & bellis ferverent omnia, ac plane apparet, sæculum nostrum jam nec vitia sua ferre posse, nec remedia pati velle. Et jam nihil aliud, quam gravem Ecclesiarum ruinam, & de proximo imminentem, Religionis nostræ interitum oculis prævidebamus, nisi Deus pro immensa sua misericordia miseratus, Ecclesiam suam, tot malis gravissime afflictam, & sub tantarum calamitatum onere jamjam ruituram, Invisibilis & Potentissimi Principis CAROLI QUINTI, Pientissimi & vere Catholici Imperatoris, armis texisset, & a casu præservatam, pia ejusdem Imperatoris sollicitudine ad pristina securitatis recuperandæ spem erexisset.

Cum igitur singulari Dei gratia & misericordia, & Christianissimi ac Potentissimi Imperatoris beneficio, hæc quies Ecclesiis reddita esset, ut jam de rebus Religionis consilia tuto capere liceret; Nos tantam opportunitatem, quam nobis divinitus concedi diu desideraveramus, nequaquam negligendam rati, omnes animi & consilii conatus ad Ecclesiarum nobis subjeclarum disciplinam rite constituendam, & ad plebis

com.

(*) Ezechiel. 33.

(**) Ezech. 34.

commiffæ salutem promovendam, adeoque ad totius Pastoralis muneris nostri functionem pro virili exequendam applicuimus. Et veterem Ecclesiæ consuetudinem insequentem, quam Apostoli nobis reliquerunt, & Sancti Patres quasi per manus traditam sedulo retinuerunt, ut quoties in fide Christiana dubiæ quæstiones orirentur, aut aliqui ancipiti malo Ecclesia periclitaretur, mox Synodum convocarent, & dubias quæstiones ex Scripturis sanctis, juxta communem Sanctorum Patrum consensum, & receptam Ecclesiæ auctoritatem, dirimerent, & suborientibus difficultatibus & periculis, collato inter se consilio, matura & salutaria remedia adhiberent: Nos quoque post celebratam a nobis Synodum Dicecësanam, præsentibus malis etiam ampliora consilii remedia credentes quærenda, juxta sacrorum Canonum Sanctiones, Provinciale Concilium duximus congregandum. Itaque Comprovinciales nostros, Amicos charissimos & dilectos in Christo, Reverendos Episcopos ad diem sextum Maji in civitatem nostram Moguntiam evocavimus: e quibus cum Reverendus in Christo, & Amicus noster sincere dilectus, Mauritius, Episcopus Eystettenfis, Vir insigni eruditione præditus, & promovendæ Religionis zelo mirifice flagrans, per seipsum: plerique vero alii per idoneos Nuntios, pietate, doctrina, providentia, & consilii magnitudine præstantes Viros, prompte comparuissent: omnium, qui convenerant, voluntates, ad Ecclesiæ tot malis afflictæ, & tantis Cleri & populi vitis deturpatæ, auxilium & emendationem valde pronas deprehendimus. Qua animorum alacri pietate, & pia alacritate exhilarati, invocato Dei auxilio, sine ampliore mora, sancto & necessario negotio manus admovimus, & quantum is nos adjuvare dignatus est, cujus causam agebamus, in commune cepimus consulere, quam ratione populos nobis commissos in officio continere, noxia quæque ab eis avertere, & salutaria eis providere, ac Ecclesias nostras in pace & puritate regere possimus; donec Generale Concilium his tantis malis apiora remedia provideret, & omnium abusu plenior emendationem, ac Deo propitio

calamitatum & diffidiorum finem inveniret. Tandem, cum dies aliquot continuis deliberationibus absumpsissemus, quæcunque ad Dei gloriam illustrandam, ad Ecclesiasticæ disciplinæ emendationem, & ad salutem commissi nobis gregis promovendam apta & salutaria nobis visa sunt, in Constitutiones Divinæ Legi, orthodoxorum Patrum sententiis, & rectæ rationis judicio consentaneas, concessimus, & eas, ut ab omnibus per Civitates & Diceceses nostras observentur, communi consensu publicandas decrevimus. Dedimus autem operam in iis nostris Constitutionibus, ut sollicitudinis & pastoralis nostræ curæ utramque partem complecteremur; & gregi nobis commissio custodiam simul & disciplinam præstaremus: omnem curam adhibentes, quatenus in Ecclesiis nostris simul salutare Christi doctrinam, in qua vita & salus Christiani gregis consistit, a pravis opinionibus immunem & puram conservare, & disciplinam Ecclesiasticam magna ex parte collapsam erigere, & sic Christo Principi Pastorum oves, quas suo Sanguine redimendas existimavit, in illo die incolumes sistere valeamus: nequaquam immemores, ut ingentis meriti sibi comparant fructum, qui super gregem Domini diligenti custodia excubantes, ad justitiam erudiunt, & ad salutem promovent multos; sic æterni supplicii se reos constituere, qui ad Pastoralis officii functionem admoti, sua negligentia interire sinunt animas, pro quibus Sanguinem suum impendere, & acerbissimam mortem tolerare sustinuit Christus, Filius Dei.

Nos igitur juxta Apostoli commotionem attendere (*) volentes universo gregi, in quo nos Spiritus Sanctus posuit Episcopos, regere Ecclesiam Dei, quam acquisivit Sanguine suo: memores, nos aliquando coram justo Judice pro animabus commissæ nobis plebis rationem reddituros esse, inprimis sollicita cura duximus providendum, ut in Ecclesiis per universam nostram Provinciam & Diceceses constitutis, sana & sincera, tum etiam una, consentiens, & concors Sacrosanctæ Fidei nostræ doctrina tradatur: quatenus populi curæ nostræ commissi, sicut, uno Baptismo in

B b b b 3

spem

(*) Act. 20.

spem vivam regenerati, unum colunt Deum, unamque Fidem profitentur, & unam omnes ambiunt unius Patris in celo hæreditatem; sic ad eandem una & concordia doctrina, erudiantur.

Proinde universos & singulos Pastores, Parochos, & Concionatores, & Curatos, per Civitates & Dioeceses nostras constitutos in Domino exhortamur, eisque districte præcipiendo injungimus, ut tum universam Christianam doctrinam, juxta receptum sanctorum Patrum, & orthodoxæ ac Catholicæ Ecclesiæ sensum. Civitatis noxiis novitatibus, & suspensis opinionibus penitus omisissis, plebibus commissis fidei cura tradant: tum vero eos præcipue, qui hisce temporibus in controversiam trahuntur, Sacrosanctæ Religionis nostræ articulos, in eam, quæ sequitur sententiam, explicent.

CAPITULA, AD FIDEM PERTINENTIA

De Sancta Trinitate, & Fide Catholica.

Caput I.

Pincipio, ut Superbenedictæ Trinitatis Fidem simplici populo non anxia nimis & scrupulosa, sed plana & simplici oratione, juxta Scripturæ sacræ, & trium Symbolorum, Apostolici, Nicæni, & Athanasii traditionem, exponant; & eos unum Deum in Trinitate, & Trinitatem in Unitate credere & confiteri edoceant: Unum, eundemque Deum in Essentia, & in Personis trinum, Patrem, & Filium, & Spiritum Sanctum.

De creatione & conservatione mundi.

Caput II.

Hunc Deum conditorem, conservatorem, & gubernatorem esse rerum omnium: in poenis & vindictis justum simul, & misericordem, in donis liberalem: omnis quidem boni, sed nequaquam mali culpæ, auctorem: siquidem nos peccata, nulla impulsu necessitate, sed malitia, & vicio nostro, perpetravimus.

De Hominis creatione.

Caput III.

Inter cætera Bonitatis & Potentiæ

sue opera, Deum ab initio hominem ad imaginem & similitudinem suam condidit; animæ & corporis viribus rectum, ornatum justitia & gratia; intus in anima pravis motibus vaeuum, in corpore infirmitatis omnis, & omnium ærumnarum expertem, & a moriendi necessitate immunem, in voluntate ad bona, malaque appetenda ex pari liberum.

De lapsu Hominis.

Caput IV.

Qui cum mandatum Dei, conditoris sui, prævaricatus esset, sanctitatem, gratiam & justiciam, in qua erat constitutus, justissimo Dei judicio amisit: iræ Dei ac damnationis obnoxius, & in corpore simul & anima factus deterior, ut jam in corpore famem, sitim, & innumeras alias miseras & infirmitates, in anima concupiscentiam ad mala allicientem, multas noxias & molestas ærumnas, ac tandem utriusque, videlicet corporis & animæ, mortem sustineret.

De peccato originali.

Caput V.

Hoc primorum hominum peccatum, propagatione in omnes homines transire, ac secum poenam suam trahere, ut sint natura omnes homines iræ Dei, mortis & damnationis rei, & in peccatum prænoti: qui per libertatem arbitrii sui, quæ exigua, & infirma in iis resideret, nondum adjuti gratia Dei, ea, quæ sunt Spiritus, & ad salutem conferunt, non agnoscere, nedum appetere queant.

De Redemptione per Christum.

Caput VI.

Ab hoc originalis peccati morbo, homines sola Dei misericordia, per Redemptionem, quæ est in CHRISTO JESU, liberari; qui infirmitates & languiore nos in se suscipiens, & peccata nostra in Cruce perferens in corpore suo, Patri nos reconciliavit, ut satisfactionem pro delictis nostris, quam in nostris meritis non invenimus, de Christi sanguine, & meritis ejus assumamus: Cui dum per Baptismum inferimur, per Spiritum Sanctum mundamur, & omnem reatum, quem nascendo, vel proprie peccando contraximus, renascendo exuimus, & ab omni prorsus peccato liberamur, & per Spiritum Sanctum sanctificamur, & innovamur.

vamur secundum internum hominem, viresque contra relicta concupiscentiæ imperus accipimus; ut jam non regnet peccatum in mortali nostro corpore: nec ad culpam nobis, sed ad meriti occasionem, si per gratiam Dei pugnaverimus, concupiscentia in nobis sit relicta.

De Justificatione.

Caput VII.

Atque hac ratione sanctificari homines, cum, qui immundi & natura iræ filii & damnationis rei sunt, per Christi meritum peccatorum suorum remissione impetrata, renovantur Spiritu Dei per Christum secundum internum hominum: Ut jam justificati gratia ipsius, & reconciliati Deo, & ab æternæ damnationis reatu absoluti, hæredes sint secundum spem vitæ æternæ.

Talis autem Justificationis initium ex Dei gratia provenire, qua ante omne meritum, dum adhuc inimici, & peccatores sunt, excitati, & adjuti, & eidem gratiæ sic exiranti & adjuvanti consentientes, & cooperantes, ad justificationem disponuntur.

Hanc vero prævenientem gratiam, cum per alia media, tum potissimum in prædicatione verbi, ad conversionem hominis operari: dum homo peccatorum suorum admonitus, & a Deo justo judice constituta peccatis supplicia metuens, mox excitatus, & adjutus Dei gratia, a timore peccati, ad Dei misericordiam cogitatione deflectit: & cum alia omnia in scripturis revelata, tam hoc præcipue fide firma capit; Deum peccatoribus propter Christum misereri velle. Qua subnixus fiducia, spem concipit, & timorem animo ejicit, ac Deum, quem ad miserendum proclivem, sibi que jam propitium credit, diligere, & peccata, quæ ipsum a Deo separabant, odisse incipit, jamque Deo per Baptismum uniri, si nondum est in Christo regeneratus: aut, si post acceptam justificationis gratiam in peccata relapsus est, per pœnitentiam Deo reconciliari desiderat, eique per vitæ novitatem placere, & per mandatorum ipsius observationem perpetuo adherere velle proponit. Sicque is, qui tunc primo fidei Christianæ initiandus venit, regenerationis lavacro suscepto, aut saltem

votis expetito, dum suscipiendi facultas non suppetit: Ille vero, qui post acceptam justificationis gratiam, per peccatum rursus excidit, per pœnitentiæ remedia justificationem accipit; quæ cum peccatorum remissione etiam sanctificationem, & interni hominis innovationem confert: quatenus per meritum Passionis Christi, quod jam credenti, communicatur, cum vena peccatorum homo etiam Dei gratiam, & per Spiritum Sanctum una cum fide, simul charitatem in corde diffusam, ac spem accipit. Hisque Dei donis in ipso permanentibus, non jam solum reputatur, aut nominatur, sed vere existit justus, non tamen sua propria, aut suis meritis comparata; sed ex gratia Dei per Christum donata, & communicata justitia.

Itaque hominem justificari gratis per fidem, quia nullis præcedentibus meritis justificatio acquiritur, sed ex Dei gratia per Christum donatur his, quibus in eum credentibus, mortis ejus, & fusi pro peccatoribus sanguinis meritum applicatur.

De Charitate & bonis operibus.

Caput VIII.

Caritatem vero, sine qua nemo justus esse potest, jam tum, cum in justificatione hominis accedit, operibus bonis gravidam esse, nec otiosam manere in vere justificatis: Quin oblata occasione, & facultate permissa, promat de se opus bonum, & quotidiana faciat justitiæ incrementa secundum Scripturam: (*) *Qui justus est, justificetur adhuc.* Ea vero, quæ justificati jam, membra sua exhibentes arma justitiæ in sanctificationem, fide per dilectionem operante, fecerint opera: tum, quia Deus bene operantibus, & in ipso sperantibus, mercedem misericorditer promissit; tum etiam, quia ejusmodi justificatorum opera, gratiæ Dei effectus sunt, & movente, & adjuvante Spiritu Sancto fiunt: vere bona, & Deo grata, ac remuneratione vitæ æternæ digna esse.

Non enim secundum humanas vires æstimanda sunt justificatorum opera, sed secundum eam gratiam, quam in ipsos influit Christus, ex qua deinde bona ipsorum opera promanant: & secundum
eam

(*) Apoc. 22.

eam dignitatem, quam de Spiritu Sancto, velut omnis boni operis motore sumunt. Sic enim extenuandæ vires humanæ, ut non simul & gratia Dei vilis reputetur: sic in bono opere faciendo, deprimenda est facultas hominis, ut interim cogitemus, Spiritus Sancti motum, & in nobis efficacem, & apud Deum acceptum, ac pretiosum esse.

Observationem Mandatorum DEI, vere Christianis esse possibilem.

Caput IX.

Ex eadem causa demonstrandum est, mandatorum Dei observationem renatis ac justificatis esse possibilem, non secundum naturæ infirmitatem, quam habent cum aliis hominibus communem: sed secundum gratiam Christi, quam imbuti sunt, & secundum opem Spiritus Sancti, quem renati ac justificati acceperunt: Ut jam Divinorum præceptorum observatio renatis tanto sit possibilior, quanto majorem gratiam, eodem semper opitulante Spiritu, vel acceptam retinent, vel amissam novo subinde munere recuperant.

De vera libertate Christiana.

Caput X.

Eam vero libertatem suam (quam lex Spiritus, quæ est ipsa Charitas, diffusa in cordibus nostris, nobis affert) Christiani intelligant, non, ut non impleant ea, quæ in mandatis Dei exiguntur, sed, quatenus ad ea adimplenda, non, ut alii homines, pœnarum metu, & Imperio legis, compellantur; sed ea jam non inviti, imo vero volentes faciant: Ita, ut obedientia ipsorum secundum animi promptitudinem, & in recte factis lætitiis vera libertas: secundum præcepti adimplentionem, plena & pia servitus existimetur. Alioqui cupiditatibus fræna laxare, & carnis curam, secundum ejus desideria facere, non Christi libertas, sed perniciofa Diaboli servitus reputanda est.

De Sacramentis in genere.

Caput XI.

Doceant etiam Pastores nostri, septem esse Ecclesiæ Sacramenta divinitus instituta, per quæ velut apta remedia atque instrumenta, & peccatis nostris me-

deri, & suæ gratiæ munera nobis impartiri Deus voluerit: Eaque non esse ritus simplices, quod quidam impie confingunt; sed sacrosancta signacula, & efficacia signa, quæ rite ea suscipientes, gratiam eis conferendo, sanctificent. Gratiam vero Sacramentorum, non ex ipsa externarum rerum virtute, nec ex merito ministris: sed ex internæ, operationis virtute, æstimandam esse.

Modus doctrinæ circa Baptismum.

Caput XII.

Et ut populus virtutem ac fructum uniuscujusque Sacramenti plane intelligat, concordi doctrina erudiri populos nobis commissos volumus, ut credant, Baptismi virtute omne prorsus peccatum tam originale, quam actuale remitti, nec quidquam in rite baptizato relinqui, quod ab ingressu Regni Cœlestis remorari eum queat. Concupiscentiam enim, quæ post Baptismum in nobis ad agonem, non ad culpam relinquitur, jam non esse peccatum vera ratione peccati; sed peccatum ob id appellari, quod per peccatum facta, & ex peccato relicta sit, & ad peccatum amplius inclinet.

De Baptismo parvulorum.

Caput XIII.

Datum etiam parvulis in fide Ecclesiæ Baptismum, ad abolendum originale peccatum, & ad salutem consequendam, efficacem esse. Eumque semel rite, etiam a parvulo susceptum, aut ab hæretico, vel infideli, in forma Ecclesiæ, cum recta intentione datum, sine injuria Christi (in cujus mortis similitudinem semel pro nobis redimendis toleratæ, traditur) sine grandi piaculo amplius iterari nec posse, nec debere: ne invocatio sanctissimi nominis Dei, in qua semel ablutio data est, per iterationem, quasi vana, accusetur; & mors Domini, in cujus similitudinem semel baptizamur, repetito baptismo, quasi inefficax arguatur.

Baptismum, adhibitis ritibus secundum veterem Ecclesiæ morem, ad ministrari debere.

Caput XIV.

Parochis vero, & aliis Ecclesiarum Ministris, per nostras ditiones constitutis, sedulo injungimus, & sub gravi pœna, prævaricantibus sine remissione infligenda,

genda, comminamur, ne aliter, quam adhibitis Exorcismis, & Exsufflationibus, Unctionibus etiam, & cæteris ritibus, per Catholicam Ecclesiam, ab antiquo observari solitis, & in aqua non profana, sed solemnī benedictione, & sacri Chrismatis unctione sanctificata, extra casum necessitatis, Baptismum administrare præsumant.

Unctiones, in Baptizatis parvulis omittas, expleri debere.

Caput XV.

Cum autem circa sacrum Baptisma non raro evenire soleat, ut mysticæ illæ Unctiones, jam inde ab initio Religionis Christianæ per universam Ecclesiam adhiberi solitæ, & ex necessitate, propter metum imminētis mortis infantium, vel etiam ex contemptu omittantur; Nos Parochis nostris hanc curam serio injungimus, eisquē districte præcipiendo mandamus, ut de pueris sic baptizatis diligenter inquirentes, si compererint aliqui debitam verborum formam observatam, Baptismum quidem sic traditum approbent: eos vero, qui, dum baptizarentur, Unctiones non receperunt, serio exhortentur, & sedulo inducere tentent; ut consuetas Unctiones cum Oleo sancto, in pectore, & scapulis, & in vertice cum Chrismate, adjunctis solitis precationibus, quæ in Agendis habentur, aliosque ritus omittos, in se ipsis per Catholicum Sacerdotem, juxta vetustissimum Ecclesiæ morem, caute & pie suppleri curent. Quod si deprehenderint, in tali Baptismo nec formam debitam esse observatam, his, qui sic baptizati frustra putabantur, totum Baptisma secundum Ecclesiæ ritum, tradant.

Baptismum ante meridiem administrari debere.

Caput XVI.

Et ut tanto Mysterio debita omnino reverentia exhibeatur, Parochos & Ecclesiarum Ministros serio monemus, ut mane, intra officia Divina, aut mox post ea peracta (non autem tempore pomeridiano post epulas & prandia, nisi necessitas, aut periculum infantium accelerare Baptismum exposcat) cum multa sobrietate, & accurata devotione, Baptismum

Tomus VI. Concilior. German.

administrent. Comestiones vero & parum sobria convivia, quæ quibusdam in locis post Baptismum fiunt, per civiles Magistratus inhiberi, aut saltem ad moderationem, Christianis dignam, reduci volumus.

Modus doctrinæ circa Sacramentum Confirmationis.

Caput XVII.

Sacramentum Confirmationis ex institutione Christi & Apostolorum praxi, Ecclesiæ relictum esse, in quo, juxta Domini promissionem, Spiritum Sanctum, quo in Baptismo ad peccati emundationem signati sumus, cum novo gratiæ suæ munere accipimus. Videlicet, ut virtute ejus contra Sathanæ tentationes muniamur: ut gratia ejus ad melius capiendum fidei Mysteria illuminemur: ad confessionem Christi fiduciam, & contra vitia robur accipiamus. Quæ omnia Christus Dominus per Spiritum Sanctum, quem missurus erat, fidelibus conferenda diserte promissit. Ea vero, ut erant a Christo promissa, ipsis Apostolis in die Pentecostes exhibita, & ab eisdem per manuum impositionem in alios transfundi cæpta, Actus ipsorum satis testantur. Unde Ecclesia Catholica Spiritum Sanctum per manus Episcoporum fidelibus tradendi normam accepit.

De Unctione Chrismatis in Confirmatione.

Caput XVIII.

Diligenter etiam populum instruant, cur hoc Sacramentum ab initio sola manuum impositione exhibitum, mox sub ipsis temporibus Apostolorum ex eorundem traditione, adhibita Chrismatis unctione cæperit conferri. Nam cum in initio Spiritus Sanctus ad evidentiorē recentis adhuc fidei commendationem, signo visibili influeret, confirmatis externa unctione, quæ illam internam designaret, tunc non erat opus. Postea vero adulta Ecclesia, & stabilita fide, cum signa externa apparere cessaverunt, nec jam amplius Spiritus Sanctus visibiliter descenderet, mox in locum visibilis signi unctio Chrismatis adhiberi cæpit, quæ his, qui confirmarentur, internam & spirituale unctioem repræsentaret; ut

C c c c

quid

quid intus agatur per gratiam, foris aliquo visibili signo innotescat, & verbi fides externi elementi similitudo confirmet.

De Cognationibus Spiritualibus, ex his duobus potissimum Sacramentis, Baptismi & Confirmationis, provenientibus.

Caput XIX.

Non raro ex impedimentis cognationum spiritualium, difficultates & pericula solent evenire: ad quæ cohibenda decernimus, ne cuiquam, sive ex sacro fonte levando, sive ad sacram Confirmationem tenendo, plures quam unum Patrum liceat adhibere.

Modus doctrinæ circa Sacramentum Pœnitentiæ.

Caput XX.

Pœnitentiam, velut secundam post naufragium tabulam, cujus præsidio, in peccatorum voraginem relapsi, denuo perniciem effugimus, & gratiam reconciliationis, & remissionis peccatorum recipimus; Pastores nostri in Ecclesiis sedulo urgeant, & admoneant fideles, his partibus integram & utilem Pœnitentiam absolvi: Contritione, Confessione, & Satisfactione.

De Contritione.

Caput XXI.

Neque enim remitti peccatum, cuius eum, qui admisit, non pœniteat.

De Confessione.

Caput XXII.

Et cum ad sananda hominum peccata, Christus duplicem Ministris Ecclesiæ suæ potestatem reliquerit, ut remittant, aut retineant, solvant aut ligent: quatenus id remedium, sanandis peccatis apponendum, nobis Dominus tradidit: eatenus confessionem cum enumeratione peccatorum faciendam nobis commendasse; ut ex recensione peccatorum, is, qui discernendi potestatem accepit, sciat, utram commissi muneris partem debeat exercere.

De Satisfactione.

Caput XXIII.

Satisfactionem vero ab his, qui deliquerunt, doceant præstandam. Non illam quidem, qua culpa peccati, & æterna pœna diluitur: hæc enim satisfactio ex sola Christi propitiatione donatur; sed illa a nobis præstanda est, qua pœna temporalis, quæ post culpæ remissionem nonnunquam remanet, aut elemosynis, aliisque pietatis operibus redimitur, aut jejuniis, aut aliis satisfactionibus, quæ tamen ipsæ etiam ex merito Passionis Christi efficaciam sumunt, avertitur.

De Absolutione.

Caput XXIV.

Sacerdotes vero, qui confessionibus audiendis dant operam, absolutionis formam non intricent pluribus membris, aut conditionibus appositis, sed planis & simplicibus verbis depromant: *Ego absolvo te a peccatis tuis, in Nomine Patris, & Filii, & Spiritus Sancti.* Non tamen prohibemus, ut idoneo loco, seu ante absolutionem, seu post eam, orationes, pro petenda delictorum venia adjungant.

De iis, qui Confessionibus audiendis præfici debent.

Caput XXV.

Episcopis, qui curam animarum suscepunt, hac præsertim tempestate, qua variis & perniciosis opinionibus simplicium animi miserandum in modum depravantur; summo studio enitendum est, ut audiendis Confessionibus, quæ ad formandas conscientias opportune serviunt, Sacerdotes viri integri, & periti præficiantur. Unde omnes Superiores Fratrum Mendicantium, qui in hac parte Parochis in adiutorium accedunt, inducendos censemus, & serio monemus, ut Fratres suos, quos ad audiendas confessiones admittere destinaverint, prius Commissariis nostris exhibeant: qui eos aut per examen, aut fide digno suorum Superiorum testimonio dijudicent, num idonei sint, quibus ovium Christi salus tuto committi queat.

De reservatione Casuum relaxanda.

Caput XXVI.

Ne autem propter casus reservatos a salutari Confessionis remedio homines retra-

retrahantur, dum vel in promptu Sacerdotem non inveniunt, qui eos absolvere possit; vel etiam famæ suæ & sumptui timent, si longius pro absolutione consequenda ablegentur: Nos pudori simul, & sumptibus subditorum nostrorum consulere volentes, præsentî Decreto ordinamus, & constituimus, ut deinceps cuncti Parochi per Provinciam nostram rite ordinati, & vocati, omnesque Fratres mendicantes, per suos Superiores, ut præmittitur, præsentati, & per Commissarios nostros approbati, potestatem habeant, vice & nomine nostro absolvendi laicos contritos, & confessos, a quibuscunque peccatis occultis, quantumvis gravibus & enormibus, qui alioqui auctoritati nostræ ordinariæ reservari debebant, exceptis duntaxat Homicidis, Hæreticis, & Excommunicatis, ad Nos, vel Commissarios nostros, mittendis.

Ne Religiosi Laicos communicent sine consensu Parochorum.

Caput XXVII.

Nulli tamen Religioso, etiam si ad confessiones audiendas, ut præmittitur, admissus fuerit, licere volumus, cuiquam laico Sacrosanctæ Eucharistiæ Communionem, sine speciali consensu Parochi, ad cujus curam ille pertinet, porrigere. Quemadmodum & Parochis omnibus ferio inhibemus, ne quemquam alienum Parochianum, sine consensu sui Parochi, extra necessitatem, sive ad Confessionem, sive ad ullius Sacramenti perceptionem recipiant. Si tamen subditus rationabilem causam allegans, alii Sacerdoti Confessionem faciendi consensum a suo Parocho petiverit, talem ei consensum volumus non denegari.

Sine testimonio factæ Confessionis nemo ad Sacra Eucharistia perceptionem admittatur.

Caput XXVIII.

Et ne contempto Confessionis remedio, homines Sacrosanctam Eucharistiam percepturi, periculum sibi, quod Apostolus indignis & inexploratis graviter comminatur, accersant: Parochis nostris injungimus; ne posthac quenquam Parochianum, qui non suo Parocho confessionem fecerit, saltem ubi non factæ

Tomus VI. Concilior. German.

confessionis suspicio subfit, sine testimonio ejus, cui confessionem fecit, ad Sacrosanctam Eucharistiam admittere præsumant.

De Confessione non revelanda.

Caput XXIX.

Magnam etiam cautionem adhibere debent Confessarii Sacerdotes, ne de inuistatis criminibus, præsertim a junioribus inquirendo, inexpertis novæ cupiditatis, aut criminis ante non tentati, occasionem objiciant. Caveant etiam, ne confitentis peccatum sermone & signo, vel aliqua ulla ratione prodant. Sed si consilio super aliqua re, in Confessione sibi manifestata, indigerint, rem ipsam, sine ulla auctoris mentione ad peritiorum referant. Quod si Sacerdos alicujus crimen, per confessionem sibi comperit, vel aperto indicio, aut saltem conditionis, aut loci, aut vicinæ, aut cujuscunque circumstantiæ significatione revelaverit, a Beneficio Ecclesiastico remotus, ad arctum Monasterium ad agendam poenitentiam retrudatur. Nec etiam Sacerdos Confessarius, a quoquam sibi confitente, de peccatis alterius expresso nomine ullo modo inquirere præsumat.

De Satisfactionibus.

Caput XXX.

Sacerdotes autem Confessarios monemus, eisque præcipiendo injungimus, ne in usura, furto, rapina, aut fraude, absolutionem confitenti impertiantur; nisi ea, quæ injuste abstulit, quatenus ejus facultates permittunt, se restitutum promiserit. In aliis levioribus delictis satisfactiones, juxta qualitatem culpæ, aut confitentis possibilitatem, moderentur.

Eisdem hortamur, ut juxta delictorum qualitatem satisfactionis modum temperent, & avaris eleemosynas, incontinentibus jejunia, pro satisfactione imponant, quo semper confitentium vitia contrariis virtutibus compescantur.

Modus doctrina, circa Sacramentum Eucharistiæ.

Caput XXXI.

De veritate Corporis & Sanguinis Dominici in Eucharistia plebem ex verbis Domini instruant, ut credant, post con-

C e c c 2

secre-

separationem sub speciebus panis & vini veram Corporis & Sanguinis Domini substantiam contineri: nec jam dividi Christum, aut Sanguinem ejus a carne separari unquam posse, quoniam amplius non moritur, ideoque sub alterutra specie Christum integrum contineri, & sub una specie tantum a fidelibus, quantum sub utraque sumi.

De Communione unius speciei.

Caput XXXII.

Cum autem nemo fidelium dubitet, Virtutem Sacrosanctæ Eucharistiæ, non ex speciebus pendere, sed ex vivifica Christi Carne, & Sanguine provenire: jam ne hoc quidem quisquam fidelis dubitare debet, illum sub una specie communicandi morem, ad salutem fumentium æque utilem, & efficacem esse, quam alterum sub utraque: Cum constet, non minus accipi in una specie, & eum quoque communicandi morem in una specie, jam inde ab initio praxis Christi, & Apostolorum in Ecclesiam introduxerit. Unicuique autem fidelium, ex his duobus communicandi modis, eum merito tenendum esse, quem Ecclesia, propter causas rationabiles, pro temporum ratione elegerit, & populo tradiderit observandum.

Ut a jejunis & confessis Sacrosancta Eucharistia sumatur.

Caput XXXIII.

Parochis etiam, & Ministris Ecclesiarum serio inhibemus, ne cui extra casum infirmationis, aut necessitatis, Sacrosanctam Eucharistiam, nisi jejuno, & confessio porrigere præsumant.

Modus doctrinæ circa Sacramentum extreme Unctionis.

Caput XXXIV.

Sacram Unctionem doceant Pastores nostri, ad infirmorum, & eorum, qui ad vitæ exitum vergunt, præsidium a pio Domino traditam esse, quam ejus jussu primi Apostoli exercuerunt. Quæ dum per orationem fidei infirmis adhibetur, per Divinæ virtutis operationem, contra corporis infirmitates & terrores conscientia, alleviationem, & hilaritatem rite fumentibus præbet: leviora pec-

cata tollit, & graviorum restantes reliquias expurgat, juxta Apostoli testimonium, & receptam consentientis Ecclesiæ doctrinam.

Modus doctrinæ circa Sacramentum Ordinis.

Caput XXXV.

In collatione Ordinum, quæ cum impositione manuum, velut visibili signo traditur, doceant, rite ordinatis gratiam divinitus conferri, quæ ad Ecclesiastica munera rite, & utiliter exercenda apti, & idonei efficiantur: & quæ rata sint, & efficacia, quæ a rite ordinatis, in Ecclesia juxta Christi, & Ecclesiæ institutionem, geruntur. Hanc vero gratiam esse Ordinis & muneris, non hominum, aut personarum: nec ad cujusquam privatam, sed ad communem totius Ecclesiæ utilitatem accommodari. Ideoque in rite ordinatis, sive boni, sive mali sint, efficacem esse. Atque ita inter dispares Ministros, Domini nostri dona semper æqualia, semper bona & sancta permanere.

Modus doctrinæ circa Sacramentum Matrimonii.

Caput XXXVI.

De hoc Sacramento doceant nostri Pastores, Matrimonium ab initio ad officium institutum, tandem Dei benignitate infirmis hominibus ad remedium cessisse; Ut jam hæc Maris, & Fœminæ commixtio, quæ alioqui, propter turpem concupiscentiæ motum, peccato ex se non careret, propter gratiam Sacramenti, conjugibus ad peccatum non imputetur; sed sit honorabile in omnibus connubium, & torus immaculatus. Esse autem conjunctionem maris, & fœminæ, duorum tantum; nec alicujus tertii consortium, nec duorum a se invicem separationem, nisi per alterius mortem, ullo modo admittendam. Quod si ob fornicationem (quæ sola illis separandi causa a Domino permessa est) conjuges invicem dimiserint, manere debere innuptos, aut dimisso conjugi reconciliari, & neutri eorum, donec vixerit prior conjunx, ad secunda transeundi matrimonia potestatem esse.

Matrimonia etiam, sine consensu parum.

parentum legitime inita, non debere rescindi.

Hanc conjunctionem, ex libero consensu contrahentium per verba de presenti expressa, stabiliri, nec a parentibus (si forte eorum voluntas non accesserit) rescindi posse.

Monendos liberos, ne insciis parentibus contrahant.

Caput XXXVII.

Volumus tamen liberos sedulo admoneri, ut Divini præcepti memores, velint in parentum esse potestate, nec illis insciis, aut invitis inire Matrimonia, aut quidquam rei seriæ inchoare præsumant.

De Matrimonii solemnitate.

Caput XXXVIII.

Et ut Matrimonio suus honos conservetur, conjunctiones conjugum volumus in conspectu Ecclesiæ, adhibita celebritate consueta, confirmari: ne per occultas copulationes, sub prætextu conjugii, illicitæ libidines grassentur. Et ut pericula, quæ ex clandestinis copulationibus suboriri possunt, excludantur: Nomina contrahere volentium ante conjunctionem tribus diebus Festivis, non immediate se invicem sequentibus, sed per aliquot dierum intervalla a se distantibus, in Ecclesia coram multitudine, proponi debent: Ut, si qui impedimentum Matrimonii inter eos noverint; id ante nuptiarum diem Parocho revelent. Nec contra hujusmodi denuntiationem, nisi ex ardua, & necessaria causa, dispensari debet. Quod si qui tempore hujus denuntiationis præsentibus fuerint, & impedimentum reticuerint; post conjunctionem in conspectu Ecclesiæ celebratam, amplius ad ejus matrimonii accusationem, aut ad testimonium contra ipsum, admitti non debent. Caveant etiam Parochi, & Curati nostri, ne peregrinos, & ignotos ad matrimonia jungenda admittant, nisi libertatis suæ testimonia ex his locis attulerint, ubi prius vixerunt. Ad levitates vero, quas in pulsando sponso (& si quæ sunt similes) abusus in ipsam usque Ecclesiam invexit, omittantur: saltationes lascivæ, & comestiones parum sobriæ, si in totum

tolli nequeant, saltem ad moderationem Christianis dignam reducantur: ut sic hilaritas nuptialis, pietate & modestia condita, oculis Dei, qui matrimonii auctor & copulator est, commendetur. Parochis, seu Curatis per universam provinciam nostram constitutis, injungimus; si sub cura sua habuerint subditum, qui mulierem, cui matrimonio jungi per impedimenta Canonica non potest, tamen uxoris loco publice foveat, ut ad dimittendam eam ipsum serio inhortentur: aut, si matrimonium eorum dubium sit, num de jure subsistat, eosdem infra duos proximos menses ad Nos, aut Officiales nostros, pro declaratione accipienda, venire jubeant. Quodsi sic moniti ab invicem non discesserint, aut declarationem, ut præmittitur, non petiverint, aut nostræ, vel Officialium nostrorum decisioni & sententiæ non acquieverint; ab Ecclesiasticis Sacramentis protinus arceantur; & nisi ante mortem peccatum suum emendaverint, aut saltem id confessi fuerint, aut serium super eo animi dolorem ostenderint, Ecclesiastica etiam sepultura priventur.

De benedictione Salis, Aquæ, & aliarum rerum, quæ per Exorcismos & orationes, ad usum Fidelium præparantur.

Caput XXXIX.

Veterem morem in Ecclesia sequimur, dum salem, aquam, & cæteras quasdam res, in usum Fidelium, per orationes in Verbo Dei præparamus. Quem morem nemo reprehendet, qui secum reputaverit, Ecclesiam inter cætera salutis & utilitatis suæ, cum augendæ, tum conservandæ præsidia, etiam exorcizandi potestatem contra insidias Dæmonum, aliasque noxias pestes avertendas, accepisse. Quam potestatem, dum per res externas ad utilitatem Fidelium exercet Ecclesia, nimirum in eo Sanctorum imitatur exempla, qui ad eliciendos quosdam effectus, Divino jussu res corporales adhibuisse leguntur. Quem morem in Ecclesiis nostris præcipimus conservandum: dummodo populum Pastores sedulo doceant, effectus, qui inde petuntur, non ipsarum rerum efficaciam, sed Divinæ virtutis operationi, per fortissimi Nominis Divini in-

vocationem, tribuendos esse: & cave-
rint, ne rebus talibus ad impias supersti-
tiones abuti quisquam præsumat.

De Cæremoniis.

Caput XL.

Similiter & reliquas cæremonias,
quæ aut in cultu Divino ornatum augent,
aut mentes hominum ad pias & utiles
cogitationes excitare possunt, diligenter
retinendas censemus: præsertim eas,
quas ex multa antiquitate præsertas, &
per universam Ecclesiam observatas,
quasi per manus traditas accepimus.
Quales sunt, quæ in administratione Sa-
cramentorum adhiberi consueverunt:
quibus annumeramus, ut templa (ve-
lut orationum, & Divini cultus, & Sa-
cramentorum officinæ) per loca idonea,
habeantur; ad quorum ornatum (simul
etiam velut Divini cultus, & promo-
vendæ pietatis apta instrumenta) in iis
signa Crucis, aliasque imagines, vexilla,
vestes sacras, altaria, & vasa sacra con-
servari, & usurpari volumus.

De Imaginibus.

Caput XLI.

Imaginum autem usum, velut pro
erudienda plebe, & omnium animis ex-
citandis utilem, in Ecclesiis nostris reti-
neri serio mandamus: dummodo Pasto-
res nostri populum accurate moneant,
imagines non ad id proponi, ut adore-
mus, aut colamus eas; sed, ut quid
adorare, aut colere, aut quarum rerum
utiliter meminisse debeamus, per imagi-
nes recordemur. Procaces vero imagi-
nes, & nimio artis lenocinio, ad mun-
danæ potius vanitatis speciem, quam
ad pietatis commonitionem, effigiatas,
in templis proponi omnino vetamus:
tam lascivam artis ostentationem, frugi
& severo Patri familias intra privatas ædes
gravem, templis prorsus intolerabilem
censentes.

De abusu Imaginum prohibendo.

Caput XLII.

Cum utilis & legitimus imaginum
usus intra eos limites contineri merito
debeat, ut simplex populus non ipsas
imagines adorare, aut fiduciam in eis
ullam ponere; sed quem adorare, quos-

ve honorare, & unde omnia bona spe-
rare debeant, per imagines discant re-
cordari. Nos, pravæ superstitioni viam
præcludere volentes, omnibus locorum
Ordinariis injungimus, ut si forte in ter-
ritoriis suis ad imaginem aliquam con-
cursus fieri, & homines ad ipsius imagi-
nis figuram respectum habere, & quasi
quandam Divinitatis opinionem illi tri-
buere, animadverterint, ipsam imagi-
nem (adhibitis prius in Concilio Theo-
logis, & Christianarum antiquitatum
scientissimis juxta ac piensissimis Viris)
pro causæ qualitate, aut tollant, aut mu-
tent, & aliam a prima, notabili quanti-
tate differentem, reponent: ne rudis
populus, in intellectu suo depressus, &
ideo per media corporalia ad Divina eri-
gendus, spem suam contra Ecclesiæ in-
tentionem in corporali, & quidem certa
immagine, privata phantasia, atque inhæ-
sione colloquet: quasi in illa sit quædam
necessitas, ut per eam, & non aliter
inducatur Deus, & Sancti, id facere,
quod petuntur. Verum hæc omnia, uti
dictum est, de Theologorum, & sapien-
tissimorum Virorum sententia, ut sic
salubri Ordinariorum providentia a per-
nicioso idololatriæ scelere populi præ-
servetur simplicitas.

De Reliquiis Sanctorum.

Caput XLIII.

Reliquias etiam Sanctorum, velut
Divinæ gratiæ olim receptacula, & ve-
rissima Christi membra, & pura Spiritus
Sancti domicilia, monemus in Ecclesiis
nostris, vel ob id proponendas, & reli-
giosa pietate venerandas, ut per eas fi-
deles commoniti, discant virtutem, &
fidem Sanctorum imitari: Et alicubi in
iis sanguinolentas notas, & pro fide Chri-
sti tolerati Martyrii vestigia cernentes,
admoneantur, spem fidei nostræ non
esse inanem, pro qua omnia dura pati,
Sancti Martyres in animum sibi induxe-
runt. Quorum exemplum ipsi etiam ad
adversitatum omnium tolerantiam ani-
mentur.

*De Peregrinationibus ad Reliquias San-
ctorum.*

Caput XLIV.

Peregrinationes etiam ad certas San-
ctorum Reliquias, aut ad Tempia me-
moris

moris eorum dedicata, vel ob id Christiano populo censemus permittendas, ut ex ipsorum locorum admonitione, homines ad imitandam Sanctorum fidem, pietatem, & constantiam, vehementiore affectu incitentur, & ut majori devotione, se meritis Sanctorum sociari, & precibus eorum adjuvari postulent: dummodo sedulo caveant Pastores nostri, ne usquam incertæ Reliquiæ, aut novæ, sine Ecclesiæ autoritate, aut ne ullæ etiam ad quæstum proponantur, & ne concursus superstitioni ad statuas, profanis potissimum locis sitas, aut privata auctoritate erectas fiant.

De invocatione & veneratione Sanctorum.

Caput XLV.

Doctrinam, magno totius Ecclesiæ consensu jam inde ab initio receptam, & quasi per manus traditam, retineri in Ecclesiis nostris omnino volumus; Sanctos videlicet, qui in fide Christi nos præcesserunt, & vitæ hujus cursum beato fine clauserunt, veluti ejus corporis, quo Christo jungimur, nobilissima membra, a nobis merito honorari, non tamen eo, qui uni Deo debetur, cultu; Sed eo societatis, & dilectionis cultu, quo in hac vita sancti homines a nobis rite coli possunt: Illos tamen tanto devotius, quanto securius post incerta omnia superata, quanto etiam fidentiore laude prædicamus, jam in vita feliciore victores, quam in ista adhuc usque pugnantes. Quorum etiam meritis associari, & orationibus adjuvari, rite petimus: qui uno spiritu nobiscum colligati, velut ejusdem corporis membra, utique hac nobis lege Charitatis obligantur, qua pro invicem membra sollicitudinem gerere, & pro invicem orare jubentur, ut salutem consequantur: Quod eo magis Sanctos in alia vita pro nobis facere confidimus, quo illis post infirmæ carnis depositionem, & ferventior caritas, & de se securis, ad promovendam aliorum salutem, promptior facultas accessit.

De Orationibus pro Defunctis, & de Purgatorio.

Caput XLVI.

Ex eadem lege Charitatis, qua nobiscum adhuc coheret, qui in fide &

communione Christi ex hac vita migraverunt, tenendum est: defunctos vivorum pietate & orationibus adjuvari, saltem eos, qui, dum viverent, ut eis hæc prodesse possent, meruerunt: Qui non ita boni ex hac vita discesserunt, ut iis non indigeant; nec ita mali, ut eis hæc prodesse non queant.

Est autem consentiens Ecclesiæ doctrina, multarum Scripturarum collatione, & evidenti ratione firmata: Talem esse quendam medium decedentium statum, qui non mox, ut carnem hanc exuerint, aut æternis cruciatibus tradantur, aut ad beatam illam Sanctorum confortia admittantur: In quos moderata, & mixta Clementiæ severitate, vindicet ad tempus is, qui & misericordiæ suæ, & tormentorum modum & mensuram novit. Alioqui, cum ex iis, qui peccaverunt, & per poenitentiam sanantur, alii in hac vita multas adversitates, alii aut parvas, aut nullas experiantur: & cum multi ex hac vita migrent, a lethalibus quidem criminibus immunes; levioribus tamen aliis alio magis implicatus; quorum tamen nemo, sive ob plura, sive pauciora hæc delicta quotidiana, damnationem æternam sustinebit: non facile modus inveniri posset, quomodo Deus, (qui est in omnibus, & erga omnes justissimus) non injustus videretur, si non post hanc vitam, per temporales, & non æternas poenas, omnium compensatio expectaretur.

De Jejunio & delectu ciborum.

Caput XLVII.

Plebem Christianam Pastores nostri, sumpta ex Divinis literis commonitione, ad perpetuam vitæ sobrietatem sedulo cohortentur, ut cibi, potusque moderatione, carnis lasciviam comprimentes, ad exercitia pietatis mentem liberius intendere queant. Eos vero, quos necessitas nulla excusat, etiam ad statuta Ecclesiæ jejunia observanda inducant: Ipsumque jejunium Divini esse præcepti doceant. Tempora vero jejunandi, prout salubritati corporum & animarum expedire videbatur, ab Ecclesia ordinata, & totius Christiani orbis consensu recepta, & jam inde ab Apostolorum temporibus observata sunt. Quæ, qui

extra

extra necessitatem non observaverint, velut Ecclesiasticæ disciplinæ violatores, & consuetudinum Ecclesiæ temerarii contemptores, severitate poenarum, coerceri debent.

Huic jejuniorum observationi jungendus est ciborum delectus, itidem consensu totius Ecclesiæ ad nostra usque tempora retentus: monendique sunt fideles, ut diebus jejuniorum, similiter sextis feriis, & sabbatis a carnium & aliorum ciborum esu, quos Ecclesiæ consuetudo per eosdem dies hucusque vitare perseveravit, extra legitimam necessitatis excusationem, sibi temperent: non quidem ab iis, velut immundis, abstinentes; sed edomandi corporis causa, propter animam, ab irrationabilibus moribus amplius humiliandam. Non tamen existiment Christiani, sola carnis abstinencia se Deo gratos esse posse (cum meminerint, primos homines, qui carnem nondum gustaverant, ob vitæ nequitiam, diluvii immissione deletos) sed cum abstinencia carnis, etiam cæterorum ciborum moderationem, & perpetuam totius vitæ sobrietatem conjungant.

CAPITULA, AD MORES PERTINENTIA.

De Constitutionibus Ecclesiæ.

Caput XLVIII.

DE Constitutionibus Ecclesiæ, quæ ad disciplinam Ecclesiæ continentur, ad bonum & decentem ordinem in Ecclesia tuendum, & conservandum, & ad pietatem publice ac privatim promovendam introductæ sunt, Pastores plebem sibi commissam probe & diligenter instruant; ut discant, eas ab ordinata potestate conditas, velut Dei ordinationes, reverenter agnoscere, & gratanter eisdem obedire: si hæc constitutiones servantur ex consuetudine, quam Paulus violari non vult; *Si quis vult continentius esse*, inquit, (*) *nos talem consuetudinem non habemus, neque Ecclesia Dei: si ve tradantur scriptis Canonibus, quales Apostoli Spiritui Sancto tribuere, non videntur: Visum est*, inquiunt, *Spiritus*

Sancto & nobis. (**) Itaque Plebs Christiana Ecclesiæ constitutiones, nequaquam ut traditiones hominum, (quales erant Phariseorum, ad subversionem Divinæ legis adinventæ, quibus Deus frustra colitur) aspernentur: Sed ut ad pietatem colendam, & continentiam in officio plebem utiles, libenter amplectantur, nec eas existiment sine grandi piaculo violari posse: Considerantes, etsi hoc in præceptis Divinis non continetur, quod tales majorum nostrorum constitutiones jubent, tamen, ut majoribus obediamus, saltem in iis, quæ legi Divinæ non adversantur, discreti juris Divini est. Unde & per occasionem, talium Constitutionum transgressionis grandis peccati reos faciunt temerarios violatores: maxime, dum ex contemptu, aut cum scandalo caritatem violant, quorum utrumque per se peccatum mortale operatur. Alioqui Ecclesiæ constitutiones suas caritati, & necessitati, libenter submittit.

Hanc doctrinam, quæ in superioribus compendio traditur, adjecta institutione ad Christianam pietatem, diffusius explanari curabimus. In qua omnia, quæ ad sacræ Religionis nostræ fundamenta pertinent, & Christianis omnibus cognitu admodum necessaria sunt, copiosius explicabuntur: Quam a Pastoribus & Pastoribus nostris diligenter legi, & ex ea populos sibi commissos, in iis, quæ sunt fidei, sedulo erudiri volumus.

Ne ignoti, & inexplorati, ad prædicationis munus admittantur.

Caput XLIX.

Et quo minus imposterum salutaris Christi doctrinæ sinceritas perverfis dogmatibus, aut noxiis opinionibus, & hæresibus depravetur: Decernimus, definimus, & præcipimus, ut homines vagi & ignoti, qui testimonia Episcoporum suorum, tam ejus, a quo recesserint, quam illius, ad cuius Diocesim diverterint, non habeant, a Ministerio verbi, seu prædicationis officio, in Provincia nostra prohibeantur, & soli admittantur hi, qui ad id munus rite vocati, & Ordinaria autoritate examinati fuerint, & approbati.

(*) 1. Cor. II.

(**) Act. 15.

Fratres tamen Mendicantes, quorum plerique pietate & doctrina satis instructi, in asserenda Catholica doctrina veritate his temporibus utilem sane operam præstant, (saltem ubi tales noti sunt, & probitatis, doctrinae & modestiae suæ testimonium a suis Superioribus habent) a concionandi munere excludere non intendimus. Quos tamen ipsos etiam, priusquam concionandi munus in Provincia & Diocesi nostris sibi usurpent, Nobis, aut Vicariis nostris præsentari, & per eos, vel examine prævio, vel sufficienti, & fide digno suorum Superiorum testimonio, tanquam ad id munus idoneos, approbari volumus.

Observandi Parochi & Concionatores, quomodo quisque doceat.

Caput L.

Et ut pestilentes doctrinae & perniciosi errorum Magistri, ex Ecclesiis protinus ejiciantur, mandamus, & injungimus Visitatoribus nostris, Archipresbyteris, seu Decanis ruralibus, & Testibus Synodalibus, nunc existentibus, aut in posterum futuris; ut Dioceses crebro & sedulo lustrantes, si quos compererint Ecclesiae Ministros, in exponendis Scripturis sacris, & administrandis Sacramentis ab orthodoxorum Patrum communi consensu, & recepta Ecclesiae consuetudine, & auctoritate defestentes; tales Ordinario loci, aut ejus Fiscali, pro excessuum qualitate aut corripiendos, aut e ministerio Ecclesiae prorsus abjiciendos denuntient.

Idem, si quos per Dioceses viros, doctrina, & pietate excellentes, & ad ministeria Ecclesiae idoneos, cognoverint; loci Ordinario in locum abjectorum sufficiendos, aut alioqui destitutis Ecclesiis præficiendos commendent.

Commisimus autem Vicariis, seu Officialibus nostris, eisque in hoc viros pios & peritos exhibuimus; ut Archipresbyteris & testibus Synodalibus, tales querelas ad Religionem pertinentes deferentibus, consilio & auxilio sint.

Videndum, quibus Libris Parochi & Concionatores passim utantur.

Caput LI.

Libros autem Parochorum & Con-

Tomus VI. Concilior. German.

cionatorum Visitatores inspiciant, & ab eis diligenti inquisitione cognoscant, quosnam potissimum Authores legant, & in Concionibus imitentur: contagiosos autem, & de hæresi suspectos libros, ab eis auferant, & ad lectionem verorum orthodoxorum, aut etiam recentiorum, qui suspecti non sint, eos exhortentur.

Plebs, ut Concionibus & Divinis intersit, per Magistratus agenda.

Caput LII.

Et ne Parochi ac Concionatores sedulitatis & laboris sui fructum amittant, si plebs Sacra eorum & Conciones audire refugiat: Præfectorum nostris, per locationibus nostris subiecta, injungemus, ut tempore Concionum & Divinorum officiorum, otiosam turbam e tabernis, e foro & plateis abigant, & Concionibus, & Divinis officiis interesse, nisi legitimis causis impeditos, debitis poenis compellant.

De Horis Canonicis.

Caput LIII.

Et ut ab hac retinenda in verbo Dei puritatis cura, propinquo gradu ad Divinorum officiorum celebrationem rite constituendam, & debita cum veneratione peragendam, transeamus; Clericos, quibus ea cura incumbit, sedulo commonendos, & per Prælatos digna mandamus animadversione compellendos; ut non vocis tantum modulatione, sed devotione cordis, debitum suæ servitutis pensum absolvant, & ad Divina officia peragenda, corpore pariter & mente se componant: quo simul & Deo cultum gratum exhibere, & populo consideranti devotionem augere valeant.

Nemo in Choro, aliis psallentibus, seorsim legere aliquid, aut suas Horas Canonicas orare, aut fabulari, aut aliis levitatibus intendere permittatur: Negligentes vero legere Horas Canonicas, si deprehensi fuerint, per Prælatos subtractione portionis fructuum, in elemosynas pauperum, aut alios pios usus convertenda, puniantur.

Quæ ad tremenda Missæ Myſteria.

Caput LIV.

Circa Sacroſanctæ Miſſæ officium, quo immenſum Redemptionis humanæ beneficium, & ſummum illud ac tremendum Chriſtianæ Religionis Myſterium recolitur, volentes omnia providere, quæ populi animos ad amorem, & venerationem tanti Myſterii inducere valeant; imprimis ſancimus & præcipimus, ne quis Sacerdos, ſolus ad celebrandam Miſſam accedere præſumat; ſed ad minimum uno aut altero, quaſi teſte adhibito, qui, quod publico nomine agitur, ratum habeant, & ad publicas orationes Eccleſiæ nomine reſpondeant.

Presbyteri, cum irreverentia Miſſas celebrantes, coercendi.

Caput LV.

Presbyter vero, qui veſperſtinam computationem uſque ad intempertam noctem produxerit, & mane, adhuc heſternam crapulam eructans celebrare præſumpſerit, aut, qui hoc ſacro Myſterio ad ſuperſtitiones abuti auſus fuerit, Prælati ſui arbitrio ſevere puniatur.

Similiter & hi, qui talem vitæ turpitudinem, levitatem, aut negligentiam ad celebrationem Miſſarum attulerint, ut & plebis animos offendant, & ab hoc ſacro abhorreſcere faciant; Prælatorum ſuorum auctoritate coerceantur.

De præmittenda Sacerdotum Confefſione ante Sacrificium Miſſæ.

Caput LVI.

Et cum ſecundum ſacram Scripturam maledictus ſit, qui opus Dei agit negligenter: nemo autem æque negligenter opus Dei in Eccleſia agere videatur, quam qui, propriæ ſalutis prodigus, impura conſcientia, & illotis, uti dicitur, manibus, tremendo Altaris Sacrificio aſſiſtit, contra id, quod Propheta (*) ait: *Quid eſt, quod dilectus meus facit in domo mea ſcœlera multa? Nunquid carnes ſanctæ auferent a te maltias tuas?* Et Apoſtolus: (**) *Probet, inquit, ſe homo, & ſic de pane illo edat, & de calice bibat.* Cumque non minimam malorum hujus tempeſtatis partem huic malo acceptam

feramus, quod tam impure, non dijudicando Corpus Domini, Sacroſancta hæc Myſteria tractantur: Nos, animarum cupidi, ſtatuiſmus & ordinamus, ne aliter liceat cuiquam Miſſam celebrare, quam præmiſſa Sacramentali Confefſione & Abſolutione emendato, iis, quæ hujus Sacrificii devotio requirit, antea perſolutis. Injungimus præterea, & diſtincte præcipiendo mandamus Decanis, aliſque Prælatiſ, ut diligenter ſuper hoc excubias agant: & ſi quos ita delinquentes deprehenderint; condigna animadverſione plectant. Super quo etiam conſcientias eorum duximus onerandas.

Miſſæ ſub Concione, aut ſolemnī Sacro, non celebrantur.

Caput LVII.

Et cum Apoſtolus (***) jubeat, omnia honeſte, & ſecundum ordinem fieri in Eccleſia, citraque tumultum; ſtatuiſmus & ordinamus, ne deinceps Concionis tempore, aut ſub ſolemnī Miſſa, aliæ ſpeciales Miſſæ celebrentur; ſed aut Concionem, & ſolemne Sacrum præcedant, aut in aliud tempus differantur: ne populus, in diverſa diſtractus, nulli Sacro, aut Concioni, ſatis intendat. Quam rem, pro opportunitate cujuſvis loci & temporis, Prælatorum diſcretionī, relinquimus curandam.

Concionatores plebem verum Miſſæ uſum diligenter edoceant.

Caput LVIII.

Concionatoribus autem & Parochiſ noſtris ſimplicem plebem committimus, & præcipimus diligenter erudiendam, ut uſum Myſterii hujus intelligant, ac omnem mentis vim atque ſenſum tam ſalutari aſſioni intendant, & voto id agant, quod Sacerdos agit Miniſterio: ut ſcilicet diſcant & ipſi, ſuam, totiusque Chriſtiani orbis ſalutem, tam ſalutaris & gratæ Hoſtiæ interventione, & Chriſti Jeſu meritis, Deo Patri commendare. Præterea Sacram Euchariftiam cum Celebrante, ſi non ore, ſaltem fide & deſiderio cordis, ad percipiendum ejus ſpiritualē fructum, crebro ſumere.

Miſſæ

(*) Jerem. II.

(**) I. Cor. II.

(***) I. Cor. I4.

*Missæ quo gestu, & quâ devotione
audienda.*

Caput LIX.

Sedulo commonendus est populus fidelis, Clerici etiam per Prælatos debita animadversione inducendi, ut in celebratione Missarum, adversus tantum Mysterium, quantum quisque per valetudinem potest, etiam corporis gestu reverentiam quandam adhibeant: videlicet, ut dum in Collectis pro communi orbis Christiani incolumitate ad Deum preces funduntur, ipsi quoque, tanquam hujus sacræ Communionis cives, suas preces cum oratione publica conjungant, & vultu ad altare versò, aperto & demisso capite stantes, gestum orantibus convenientem præ se ferant. Pari religione ad nomen Salvatoris nostri JESU CHRISTI, similiter ad Evangelium, *Magnificat, Benedictus, Nunc dimittis, Gloria in excelsis, Gloria Patri*, cæterasque id genus Divinorum officiorum partes, sic genuum flexione, apertione capitis, ac totius corporis gestu se componant, ut ad ea, quæ ibi aguntur, animum intendere videantur.

Jam statim ab inceptione Canonis non sedeant; sed ad tremendi Mysterii pertractationem intenti, vultu idem ad altare converso, corporibus humi demissis, & mente in Cælum elevata, sub silentio, Redemptionis humanæ beneficium, & Christi Passionem secum meditantur, salutis nostræ Auctori de impenso sanguine, & tolerata pro nobis morte debitam gratiarum actionem exhibeant. Cæterum ad sumptionem Sacrosanctæ Eucharistiæ, corporis humilitate & incitatione animi se componentes, si non ore cum Celebrante de Corporis & Sanguinis Dominici Sacrificio communicent; saltem fructum ejus spirituales sibi applicari intimis animi votis exoptent.

In Primitiis omittendæ convectiones.

Caput LX.

Dum vero a novitiis Sacerdotibus hujus Sacri primitiæ celebrantur, serio mandamus, choreas, & omnino sæculares pompas omittendas, & convivia non permittenda, nisi inter paucos amicos,

Tomus VI. Concilior. German.

& ea sobria tamen, & quæ sine luxu, in timore Domini ineantur.

*Sanctorum Solemnitates Dominicis
cedant.*

Caput LXI.

Sed & Sanctorum celebritates, in diem Dominicam incidentes, censemus submovendas, & in feriam aliquam præcedentem, vel sequentem, transferendas, quo Sanctorum omnium Domino sua conservetur solemnitas: exceptis Beatæ Mariæ, Apostolorum, & aliis summis Festivitatibus. Nec tamen legem imponimus his, qui peculiaria singularum Dominicarum Officia, propter cantorum paucitatem, observare non valentes, Officia de Trinitate, & de Spiritu Sancto, aut, quod decentissimum erat, de Resurrectione Domini, diebus Dominicis servaverint.

Et quo Dei gloria in observatione Divini cultus magis illustretur, & fidelium devotio minus impediatur; diebus Dominicis & Festivitatibus celebrioribus, mercimonia, tripudia, saltationes, quas damnat Concilium Toletanum, & prophana spectacula, decernimus non permittenda. Simul etiam ludicra quædam a pietate aliena, & Theatris, quam Templis aptiora, censemus in Ecclesias non admittenda.

De sacris Libris recognoscendis, & repurgandis.

Caput LXII.

Cum etiam libros Missales, Antiphonarios, Agendas & Breviaria, per viros doctos & pios inspicere, & repurgari res postulet; hanc operam necessariam cumprimis, & Ecclesiis utilem, a singulis Comprovincialibus censemus præstandam, per viros idoneos ad hoc adhibitos: qui sententiam super emendatione librorum, primo ad Ordinarium, & mox ad Metropolitanum referant, ut collatis consiliis, sana, & quoad fieri potest, concors Divinorum officiorum celebratio in omnibus Provinciæ Ecclesiis recipiatur & conservetur.

De examine Prælatorum.

Caput LXIII.

Quum his, qui ad Prælaturas Ecclesiarum provehantur, & in dignitatibus,

D d d d 2

velut

velut excelsiore loco, ponuntur, ab inferioribus honorem & obedientiam exhiberi debere, omnes Ecclesiasticæ Constitutiones jubeant; utique tali eos virtute, doctrina, prudentia præditos esse convenit, ut honorem hunc mereri videantur, & cæteri, ipsorum comparatione, gregem se merito dici, reverenter agnoscant. Nos igitur ad honores & dignitates Ecclesiarum, submotis minus idoneis, dignis modo & idoneis viam aperire volentes, constituimus, & ordinamus; ut hi, qui ad Prælaturas (quæ sub nostram, aut aliorum Prælatorum nobis subditorum, dispositionem cadunt) assumendi sunt, prævio examine, de doctrina, de moribus, deque omnibus iis disciplinis, quæ ad regimen, cui destinantur, necessariæ sunt, accurate explorantur ab iis, qui jus investiendi & confirmandi habent. Qui, nisi digni reperti fuerint, confirmationem recipere non debent: sed iis abjectis, alii in eorum locum magis apti, & digni substituantur.

De his, qui plura Beneficia curata obtinent.

Caput LXIV.

Res ipsa loquitur, plura Beneficia, potissimum, quibus animarum cura submissa est, non sine gravi Ecclesiarum damno, ab uno obtineri; cum unus in pluribus Ecclesiis rite officia persolvere, aut rebus earum necessariam curam impendere nequeat. Nos igitur, juxta Reformationis commonitionem, contra hanc Ecclesiarum calamitatem, velut salubre remedium, illud Lugdunensis Concilii Decretum opposcentes, singulos ejusmodi curatorum Beneficiorum detentores monemus, & districte eis præcipiendo injungimus, ut intra trimestre tempus, post hujus Synodi Provincialis exitum, Nobis, aut Comprovincialibus nostris, locorum Ordinariis, dispensationes, quarum prætextu ejusmodi beneficia obtinent, exhibeant. Quod si fecerint, talia beneficia, quasi eo ipso illicitè obtineri convincantur, post trimestre tempus elapsum, per eos, ad quos collatio eorum pertinet, aliis personis idoneis conferri debent. Quod si dispensatio alicujus legitima & sufficiens videbitur, is beneficia sine molestia re-

tinebit: nihilominus tamen providebit, per idoneorum Vicariorum deputatorem, & congrue portionis fructuum assignationem, ne cura animarum in his Ecclesiis negligatur, nec ipsa beneficia debitis officiis fraudentur: Alioquin negligentia ejus per Ordinarium de fructibus beneficii suppleri, & ipse insuper subtractione certæ portionis reliquorum fructuum, pro arbitrio Ordinarii puniri debet. Sin dispensationes invalidæ, aut non satis legitimæ visæ fuerint; si is, qui earum prætextu plura beneficia curata obtinuit, uno retento, cætera libere resignare recusaverit; causa illius ad Sedem Apostolicam referatur, ejusdemque judicium expectetur, quem sui beneficii modum esse velit. Quod si quis in diversis Diocesium ejusmodi beneficia curata obtineat, a quolibet Ordinario ad talem exhibitionem compelli debet. Et si legitima dispensatione munitus non fuerit, ultimo, quod accepit beneficio retento, cætera resignet: cum juxta juris communis dispositionem, per subsequens beneficii curati acceptionem, quod prius obtinebat, ipso jure vacare dignoscatur.

De Generalibus Studiis instituendis, & conservandis: & de adolescentibus, ad studia publice alendis.

Caput LXV.

Prudentes homines facile prospiciunt, & boni ac pii jamdiu queruntur, interitum studiorum, quæ in hac misera perturbatione rerum, saltem in locis Catholicis, propemodum in universum perierunt: imprimis Ecclesiastici status extirpationem, adeoque Sacrosanctæ Religionis ac totius Reipublicæ Christianæ ruinam secururam esse. Cum etiam successio eorum, qui utramque rempublicam administrare debent, ex juventute dependeat, si illa, aut pravis, aut nullis doctrinis imbuatur, spes nulla esse potest, aut in Ecclesiis puritatem Religionis, aut in externa politia pristinam tranquillitatem unquam reddi nobis posse. Itaque quanto quisque desiderio Sacrosanctam Religionem nostram post se superstitem relinqui, ac porro salvam conservari expetit: quanto desiderio communis Patriæ incolumitatem, & vivus restitutam videre, & ad posteros trans-

transmittere satagit; tanto conatu ad instaurationem studiorum incumbere debet. Præsertim vero homines Ecclesiastici, quibus etiam hujus vitæ bene & beate transigendæ omnis facultas, ab incolunitate Religionis (quæ sine studiorum auxilio nequaquam durare potest) dependet; ad studiorum conservationem, veluti ad unicum status sui conservandi, & retinendæ dignitatis præsidium omnes vires suas certatim conferre debent. Hinc Comprovinciales nostros in Domino exhortamur; & serio commonemus, eisque pro autoritate nostra Metropolitana injungimus, ut omni cura, ope, & industria ubique per universam Provinciam nostram studia, præcipue generalia, instaurare, promovere, & conservare satagant, & hanc Religioni ac publicæ tranquillitati perniciosam necessitatem Parentibus juventutis adimant: qui alioqui sanctæ Religionis nostræ bene affecti, tamen ex neglectu studiorum in locis Catholicis, compelluntur, filios suos ad alias Universitates & Scholas ablegare, ubi una cum literis, noxias de Religione opiniones hauriunt, quibus infecti, & perversi domum redeunt, ipsos plerumque Parentes, ac totam fere viciniam pestilentibus opinionibus imbuunt, & sinceritatem Fidei Christianæ in eis corrumpunt. Ad quam perniciem avertendam, omnes boni, quos ulla pietatis ratio, & sacra Religionis nostræ amor tangit, & inprimis Proceres Ecclesiastici, omni conatu incumbere debent, quatenus in hac re salutis civium, & sanctæ Religionis profectui, & publicæ tranquillitati consulatur.

Nec minorem curam & sollicitudinem, Comprovinciales nostri circa Scholas, per suas Dioceses in civitatibus, aut pagis constitutas, impendere debent; ut passim instaurentur & conserventur, & eisdem idonei, & Catholicæ veritatis amantes, & de hæresi non suspecti, præficiantur Pædagogi.

Et ne desint, qui ad messem Spiritualem, velut idonei operarii, mitti rite queant; Comprovinciales nostros similiter, per honorem Dei, & Domini nostri Jesu Christi, & Sacrosanctæ Religionis nostræ conservandæ & promovendæ amorem, exhortamur, quatenus curare velint, ut aliquot adolescentes,

felicioris ingenii & melioris spei (quibus alioqui ad studiorum suorum sustentationem a Parentibus & propinquis facultates non suppetunt) publicis Ecclesiarum & Monasteriorum sumptibus in studiis alantur, qui ad Theologiæ studium operam suam applicent: in qua, si operæ præterit fecerint, deinde Ecclesiis & Parochiis per Dioceses præficiantur. Quos in Ecclesiarum ministerio servituros, maxime convenit earundem sumptibus sustentari.

*De Clericis Sæcularibus & Regularibus,
ad Studia ablegandis: Et de Studijs
apud Monasteria instaurandis
& conservandis.*

Caput LXVI.

Et quo magis Ecclesiæ idoneis Ministris abundent; decernimus, ut Capitula quarumlibet Ecclesiarum, in Provincia Moguntina constitutarum, ex Clericis sæcularibus beneficiatis, juxta cujuslibet Collegii facultates, & personarum numerum, adolescentes aliquot bonæ spei, & docilis ingenii, ad privilegiatas Universitates, pro Studio potissimum Theologico (cujus usus comprimis est Ecclesiis necessarius) mittant. Et iis ad quinquennium fructus Beneficii omnes, exceptis quotidianis distributionibus, concedant. Si tamen cœptis studiis gnaviter incubuerint, & de profectu eorum fructus speretur (negligentes enim & pravis moribus deditos, Ecclesiarum patrimoniis non existimamus alendos) Ubi fructus Præbendæ non suffecerint, de communi Ecclesiarum censu, pro cognitione Prælatorum pars adjiciatur. Eos vero, qui sic mittuntur, Capitulis suis sufficientem cautionem præstare volumus, se se in ordine Clericali permansturos esse. Quod si mutato proposito, ab ordine Ecclesiastico resluerint, & ad Matrimonia, seu negocia sæcularia se transtulerint; ad restitutionem omnium fructuum, aut sumptuum Ecclesiasticorum, quos sic perceperint, eos teneri & omnino compelli volumus.

De Clericis vero Regularibus, dispositionem Reformationis, & juris communis volumus observari: Ut Monasteria opulentiora, intermissa studia, inprimis vero Theologica, apud se instaurent.

rent. Quæ vere minus opulenta sunt, & pauciores habent Monachos, aliquot tamen juvenes felicioris ingenii ad ejusdem Ordinis & Provinciæ Monasterium, in quo studia vigeant, ablegent. Ubi vero Prælati, sive Sæculares, sive Regulares, in ea re negligentes fuerint, per Ordinarium debent ad hoc debitis pænis compelli.

*De Theologiæ apud Ecclesias Collegiatas
Professores.*

Caput LXVII.

Collegiis Ecclesiarum, juxta Reformationis præscriptum injungimus, ut Doctores, qui Theologiam profiteantur, pro cujusque Ecclesiæ facultate & conditione conducant: Contra negligentes sic acturi, ne quid vel in publicis, vel privatis hisce studiis constituendis, ad pietatis incrementa passim promovenda, quantum in nobis fuerit, desideretur.

De Patronis, & collatione beneficiorum.

Caput LXVIII.

Res est perniciosi exempli, & quæ gravem sæpe Ecclesiis calamitatem affert, quod Patroni, tum Ecclesiastici, tum laici, propinquitatem junctos, aut aliis meritis & officiis sibi conciliatos, sine omni ætatis, aut eruditionis respectu, idoneis præteritis, ad beneficia Ecclesiastica admovent. Alii de censibus beneficiorum partem sibi retinent, aut etiam in totum fructus beneficiorum intercipiunt, his, quibus ea ad speciem infamis cupiditatis suæ obvelandæ conferunt, inanem modo titulum relinquentes: Quos præsentis Constitutione Provinciali in Domino hortamur, & peremptorie monemus, ut a pernicioso hoc conatu sibi temperent: alioqui severitate pœnarum rigide censemus coercendos, ac talis beneficii collatione, vel præsentatione saltem pro hac vice, aut pro gravitate excessus, per omnem vitam suam privandos. Ita tamen, ut collatio talis beneficii hæredibus & successoribus eorum integre restituatur, & libere permittatur. Quo vero perniciosam temeritatem Patronorum a curatis beneficiis salubri consilio prorsus secludamus, districte præcipimus, ne quis Prælatus, seu Officialis ejus, ad quem munus in-

vestiendi pertinet, ad beneficium, cui animarum cura annexa est, quenquam investire præsumat; nisi qui annum ætatis suæ vigesimum quintum attigerit: & qui in cæteris idoneus, etiam Ordines, quos cura Ecclesiæ, cui perfici vult, requirit, aut habeat, aut infra tempus, a jure statutum, se suscepturum, sub amissione beneficii, ad quod investendus est, promiserit: & qui censum istius Ecclesiæ, ad suam sustentationem sufficientem esse, eumque sibi a Patrono integrum relinqui, docuerit. Alioqui investituram talem inanem & irritam, & salutaris hujus inhibitionis temerarium transgressorem, ipso facto ab officio suspendendum, & arbitrio Ordinarii sui puniendum decernimus. Eum vero, qui præsentationem, seu provisionem alicujus beneficii; sive Curati, sive non Curati, a Patrono receperit, cum tali pactione, ut Patronus de proventibus beneficii portionem reservet; ad tale beneficium prohibemus investiri: aut si post investituram talem pactionem fecisse deprehensus fuerit, beneficio decernimus privandum, & eidem beneficio alium idoneum præficiendum.*

*De admissione ad beneficia Ecclesiastica,
& eorum Resignatione.*

Caput LXIX.

Universis Archi-Presbyteris, aut aliis Commissariis nostris, serio inhibemus, ne quem ad alicujus beneficii possessionem, vel ad regimen, aut ad Officiaturam alicujus Ecclesiæ admittant; nisi, qui investituram, seu provisionem, & institutionem suam Canonicam, literis earundem sigillatis ostenderit. Beneficium vero, quod quis legitime tenuit, non aliter, quam in manus nostras, aut Vicarii, seu Officialis nostri, sive alterius Collatoris superioris, ad hoc potestatem habentis, resignare, aut dimittere præsumat. Quod si quis sine nostra, aut Superioris, ad id potestatem habentis, auctoritate, aut consensu beneficium aliquod dimiserit; ad beneficium sic dimissum, nemo alius in favorem dimittentis investiri, aut institui; sed beneficium illud, pro arbitrio Ordinarii, sive specialis, sive generalis, alteri idoneo tradi debet: nisi Nos, vel Officiales nostri,

aut Superior, resignationem factam ex rationabili causa confirmaverimus.

De justa distributione proventuum Ecclesiasticorum.

Caput LXX.

Perniciosus abusus est, cum pudento Cleri dedecore & animarum periculo, gravique Ecclesiarum detrimento conjunctus, quod in Ecclesiis quibusdam Cathedralibus, & Collegiatis, potissima proventuum portio Canonicis, etiam apud Ecclesias non residentibus, nec quidquam utilis aut necessarij ministerij exequentibus, distribuitur; Vicariis, qui diurna & nocturna fatigatione omnes Ecclesiæ functiones sustinent, vix tenui censu, & qui ad vitam misere sustentandam ægre sufficiat, relicto. Hinc Capitula & Canonicos Ecclesiarum in Domino exhortamur, ut æquitatis & rationis, olim Deo reddendæ memores, ad functiones Ecclesiis suis necessarias, his, qui eas gerunt, de fructibus Ecclesiarum sufficientem & honestum victum deputent: ne causam præbeant, de Ecclesiarum proventibus necessario aliter disponendi.

Ut Præpositi, Decani, Scholastici, Custodes, & Cantores apud Ecclesias suas resideant.

Caput LXXI.

Cum constet, harum dignitatum officia Majores nostros ideo in Ecclesiis instituisse, ut essent, qui disciplinam Ecclesiasticam, tanquam inspectores & moderatores, conservarent; jam vero videamus, ea ab iis occupari, qui dignitatum titulos tantum gerunt, & emolumentis gaudent, & tamen ab Ecclesiis suis absunt, nihil minus, quam appellationibus suis respondentes. Quare statuimus, ut post hac omnes, qui vel Præpositorum, vel Decanorum, vel Scholasticorum, vel Custodum, vel Cantorum dignitatibus (quatenus hæc ad nostram, aut Comprovincialium nostrorum dispositionem pertinent) jam præfulgent, aut porro ornandi erunt, præsentibus suis Ecclesiis, utilem & nomine dignam operam præstent: Non absentes fructus tantum auferant: neque liceat

cuiquam absenti, ullam harum dignitatem gerere; sed quisque tali titulo insignitus, suæ Ecclesiæ, non absens, neque conductæ aliorum opera, sed residendo præsens ipse serviat.

De modo deserviendi quotidianas distributiones.

Caput LXXII.

Cum Apostolus (*) victu, adeoque ipsa vita indignos judicet homines otiosos, qui panem non labore suo partum, cum gravamine aliorum edunt; quanto graviore indignationi Divinæ eos subjacere putandum est, qui census Ecclesiæ, sanctorum Martyrum patrimonia, & donaria piæ plebis, ad Divini ministerij sustentationem collata, otiose absumunt, pro iis debita ipsis Ecclesiis obsequia rependere non curantes? Nos igitur periculo animarum obviare, & necessitati Ecclesiarum consulere volentes, præsentis statuto decernimus & ordinamus, ne post hac in Metropolitana, Cathedralibus, Collegiatis, aut quibusque aliis, nostris, & nobis subjectis Ecclesiis per universam Provinciam constitutis, quotidianæ distributiones ad brevissima quædam momenta, puta, ad lectionem Epistolæ, seu unius Psalmi, aut Responsorii: sed integris ac totis Officiis, & Horis assignentur, & iis modo tribuantur, qui Officiis Divinis, de quibus hæc emolumenta dantur, ab initio ad finem interfuerint. Hi vero, qui excursus & recursus suos ita parti consueverunt, ut de laboribus minimum, de emolumentis plurimum perciperent, imposterum, nisi integris Officiis, & Horis interesse studeant, illius Officii, aut Horæ fructu in totum mulctentur: quibuscunque irracionabilibus, aut pravis consuetudinibus (quæ potius corruptelæ censendæ sunt) non obstantibus. Si qui tamen infirmitate, aut legitima causa impediuntur, apud Prælatum, aut alium, cui de Ecclesiæ consuetudine competit, se excusent, & veniam absentiae suæ impetrent: Canonicos vero per actus Capitulares ab ingressu Chori, quamdiu Capitulis interstunt, & non diutius, excusari volumus. In qua re Decanos Ecclesiarum, aut quibus ea cura pro tempore incumbit, monemus, eisdem precipientes, ne, extra

(*) 2. Thess. 3.

extra necessitatem, Capitula indicant in eam horam, qua Divina officia peraguntur: cum possint aut maturius, aut serius Capitula haberi, ut etiam ipsi Prælati & Canonici Divinis Officiis commodius interesse queant: quos utique, supra Chori officia, quæ ipsis incumbunt, cum Vicariis communia, actuum Capitularium labor gravare non debet: cum supra communes distributiones, de Præbendis suis ampliore etiam emolumento potiantur.

Simili modo distributiones, quæ de processionibus percipiuntur, his modo dari volumus, qui eisdem ab initio ad finem præsentis interesse perseveraverint.

Et ne beneficia per Ecclesias debitis obsequiis fraudentur, omnibus beneficiorum possessoribus, sub amissione beneficiorum injungimus, ut ordines, quos eorum beneficia requirunt, si nondum habent, proximis temporibus a jure statutis recipiant: ad quod etiam Canonicos Ecclesiarum, pro suo quemque ordine teneri volumus; ut obsequium, quod quisque pro officii sui exigentia Ecclesiæ debet, cum res postulat, per se præstare queat.

Otiosas deambulationes in Ecclesiis inter Divina prohibendas.

Caput LXXIII.

Eos vero, qui interim, dum Divina peraguntur, in Ecclesia, in qua Beneficiati sunt, aut foris circa eam otiosi inambulantes, & aliis psallentibus, & Deo servientibus, ipsi inanibus, nonnunquam etiam turpibus confabulationibus tempus terunt, amplius ferendos non censemus. Quos illius non solum Horæ, sed totius diei emolumento, decernimus privandos. Seculares vero per Magistratus Civiles debita animadversione a tali sacrorum contemptu coercendos.

De honestate & decentia Clericali.

Caput LXXIV.

Hinc hortamur, atque monemus omnes, & singulos Clericos, ut vitam vivant, quam professio eorum exigit, & Christus requirit, (*) inquit: Sic luceat lux vestra coram hominibus, ut videant

opera vestra bona, & glorificent Patrem vestrum, qui in Cælis est: & cum vestitu honesto incedant. Quapropter singulari cura intendat quisque Prælati, ne ii, quibus præest, torques aureos publice in Ecclesia, aut vestes varii coloris, velut virgatas, aut fimbriatas, aut discissas, deferant: sed longis atque talaribus utantur. Nulla arma induant, nisi itinerantes, barbamque non nutriant, coronam & tonsuram deferentes: tum summo opere curantes, ne quem laicorum indecentia vestitus offendant, ut sacris Canonibus cautum est.

Insuper tabernas publicas evitent, nisi eos peregre proficiscentes ingredi oporteat; & tam inibi, quam domi, & alibi a crapula, ebrietatibus, omnique ludo, a jure prohibito, blasphemis, rixis, & aliis quibuscunque excessibus, & offensionibus, penitus abstineant.

Choreas, spectaculaque, & convivia publica vitent; ne ob luxum, perulantiamque eorum nomen Ecclesiasticum male audiat.

Cumque secundum Apostolum, nemo militans Deo se se negotiis secularibus implicare debeat; nemini Clerico liceat, domi suæ tabernam, compotandique locum aperire laicis: quoniam non raro sequi solent ebrietatem rixæ, cædes, & multa hoc genus scelera, quæ Sacerdotalem polluant dignitatem: negotiationibus quoque, mercimoniisque, more mercatorum, abstineant.

De decimis & offertoriis persolvendis.

Caput LXXV.

Cum autem, Domino testante, mercenarius dignus sit mercede sua; statuimus & decernimus, ut decimæ, quæ jure debentur Divino, tam majores, quam minores, sine fraude, aut diminutione solvantur, etiam personales, in quibus eas solvendi consuetudo est;

Simili modo debent etiam quatuor offertoria, & cætera jura Parochialia, integre solvi.

De Foro competenti, & Emunitate Ecclesiastica.

Caput LXXVI.

Præterea cum omnibus palam sit, super Ecclesiarum, atque eorum, qui

(*) Matth. 5.

in sortem Domini delecti pro Magistratu, imo reipublicæ salute, apud Deum quotidie interpellant, libertate, & immunitate, non tam Pontificio, quam etiam Civili jure cautum atque provi- sum; comperimus tamen, infœlici hac rerum perturbatione, Ecclesiarum qua- rundam bona, imo ipsas Deo dicatas Ecclesias, in prophanos usus cessisse; Clericos ad munia civilia, etiam sordi- da, interdum coactos, quæstiones con- tra ipsos, eorumque, & Ecclesiarum bona: similiter super causis matrimonia- libus, & aliis etiam mere Ecclesiasticis, coram secularibus statibus intentari ac definiiri. Proinde adhortamur omnes & singulos in Domino, ut si non Divini Judi- cii respectu, vel eorum saltem, quæ le- gibus sancita sunt, memores, ab injusta Ecclesiasticæ libertatis imminutione, at- que oppressione absistant; Ecclesias, Sacerdotes, atque res ipsorum suæ resti- tuant, atque permittant emunitati & li- bertati. Quorundam igitur viam injus- tam inhibere, & personis Ecclesiasticis suam libertatem vel in hoc asserere vo- lentes, statuimus, ut actor Clerico co- ram seculari judicio actionem intendens, eo ipso omni causa cadat, nec amplius ad ejus causæ querelam etiam coram Ec- clesiastico Judice admittatur. Judicem vero secularem, qui causam Clerici, etiam eo contentiente, aut etiam quam- cunque causam ad Ecclesiasticum judici- um pertinentem, quales sunt matrimo- niales, & similes, judicandam sibi de- sumplerit, excommunicationis pœnam ipso factò incurrere, decernimus.

Similiter Judex Ecclesiasticus, cau- sas, quas laici ad invicem habent, judican- das sibi non assumat; nisi tales causæ sint, quæ ad forum Ecclesiasticum de jure & consuetudine pertinere noscan- tur.

Quibus Episcopi, aut Archi Diaconi, suas vices committere de- beant.

Caput LXXVII.

Caveant autem Episcopi & Archi- Diaconi, dum ipsi officiis suis præesse non possunt, ne vices suas hominibus dubiæ tamæ, aut ab ordine Ecclesiastico prorsus alienis, committant; sed in suum locum, quodvis suis muneribus per se non

præstunt, viros bonos, graves, peritos, prudentes, & imprimis Ecclesiasticos substituant: nec unquam crimina subdi- torum per se, aut suos substitutos, mul- ta pecuniaria punire præsumant; sed aliis debitis, & a jure constitutis pœnis, coerceant.

De Regularibus.

Caput LXXVIII.

Quoniam insolentia quorundam, qui a religionibus, semel professione so- lemni receptis, temere resiliunt, his nostris calamitosissimis temporibus, di- ciplinam Ecclesiæ, adeoque totam Reli- gionem non parum perturbavit; Nos huic calamitati ex Monastica disciplinæ neglectu provenienti, pro viribus oc- currere volentes, Prælatos Monasterio- rum per Charitatem, quæ est in Christo JESU, hortamur, & serio requirimus; ut curæ sibi traditæ diligentius incumbentes personas Regulares, sibi subiectas ad Monasticæ disciplinæ & regularum suarum observantiam, sollicitius indu- cant, aut refractarios etiam debitis pœ- nis compellant. Alioqui cessationem & negligentiam Prælatorum, Nos juxta Canonum Sanctiones supplebimus. Cum vero personæ quædam Regulares jugum jam dudum excusserint, & desertis Mo- nasteriis, & spreta suorum Prælatorum obedientia in sæculo versentur, nos hu- jusmodi Regulares, contra regulam di- vagantes, volentes ad sua Monasteria reducere, ne alii ex prohibita illorum communionem periculis involvantur, Su- periores eorum monemus, ut ejusmo- di vagos Monachos diligenter inquireant, & ad sua Monasteria eos retrahere quo- quo modo procurent. Similiter & om- nibus personis Ecclesiasticis, nobis sub- jectis, mandamus, ut omnes Regulares, cujuscunque sint conditionis & ordinis, in suis districtibus commorantes, dili- genter moneant, & requirant, ut infra mensis spatium post ejusmodi requisiti- onem, ad sua Monasteria redeant, & obe- dientia Superiorum suorum subdantur: aut dispensationes suas, quarum prætex- tu obedientiam Prælatorum suorum reli- querunt, intra idem tempus Nobis, aut Officialibus nostris examinandas exhibe- ant. Hujusmodi vero monitioni non parentes, & in rebellionem, & inobedientiam

sua perseverantes, sine mora Nobis, aut Officialibus nostris denuntient, quos Nos per Ecclesiasticæ censuræ poenas, & omni severa animadversione, quantum Nobis iustitia permiserit, ad suas regulas redigere, & sub Prælatorum suorum obedientiam retrudere, non omittemus.

Cum vero aliquoties contingat, ut personæ aliquæ regulares, aut graviorum excessuum conscientia, aut etiam ex animi levitate Monasteria sua deserant: deinde penitentia ductæ redire ad sua Monasteria volentes, a Superioribus quibusdam nimis rigidis, aut poenarum asperitate absterreantur, aut prorsus non recipiantur; Nos a quantacunque perveritate respicienti, premium misericordiæ non esse claudendum considerantes, ne huiusmodi repulsis etiam amplius delinquendi occasio præbeatur, præsentis statuto cavemus, & ordinamus, ut Monasteriorum Abbates, & Prælati, Abbatissæ, Præpositi, Priores, & Magistratus, cujuscunque ordinis Nobis subiecti, Regulares personas, in Apostasiam ex quacunque causa lapsas, & cum humilitate redire volentes, juxta cujuscunque ordinis disciplinam, sive regulam, & consuetudinem observatam benigne accipiant: nec eis pro excessibus graves poenas, quam quæ in sacris Canonibus & regulis ordinum, expressæ sunt, imponant: ita tamen, ut propter excessus suos, nec vestitus necessarius eis subtrahatur. Prælatos vero, & quoscunque Monasteriorum Magistratus, huic Constitutioni nostræ contravenientes, sententiæ suspensionis a Divinis, simul etiam ab administratione tam Spiritualium, quam temporalium, (quam in contrafacientes; præsentis Canonica monitione præmissa, serimus in his scriptis) volumus subiacere. Et cum hoc tempore passim Ecclesiæ idoneorum Ministrorum penuria nimis periculose laborent; Prælatos Regulares summo pere exhortamur, & serio monemus, si qui fratres, eorum potestati subiecti, per Ordinarios locorum ad regimen Ecclesiarum Parochialium, aut ad munus prædicationis adhibiti sint, aut tales ad eandem operam imposterum evocari contingat; ut promovendæ pietatis & conservandæ sanctæ Religionis nostræ intuitu, Ordinariis locorum in tanta ne-

cessitate deesse non velint. Religiosos tamen, de consensu Prælatorum suorum sic evocatos, nihilominus sub eorundem obedientia, qui eos corrigere & revocare valeant, volumus permanere.

De clausuris Monasteriorum Virginum.

Caput LXXIX.

Virginum Monialium, velut imbecillioris sexus, continentiam & munire præditiis, & adjuvare opportunis auxiliis volentes, præsentis statuto inhibemus; ne sanctimonialia cujuscunque ordinis, quas votum sub perpetua clausura manendi adstringit, quacunque de causa, nisi sola inevitabili necessitate compulsa, aut tali morbo infecta, unde ex contagione aliis periculum immineret, consortium sororum suarum relinquere, aut extra Monasterium prodire, ullo modo præsumant. Vicissim vero, quominus animi Deo dicatarum Virginum pravis cupiditatibus tententur, aut a salutariibus meditationibus distrahantur; omnibus personis, sive Ecclesiasticis & Regularibus, sive laicis, præsertim vitis, serio interdiciamus, ne in ipsa Monasteria quarumcunque Monialium; seu clausuras, nisi ex necessaria causa, cum honesto comitatu, & de manifesto consensu Superioris, ad quem pertinet; introire audeant. Alioqui huic nostræ prohibitioni temere contravenientes, si Ecclesiastici sint, suspensionis ab officio, & beneficio; si seculares, excommunicationis poena percellantur.

Pastores & alii, Ecclesiis suis, quibus per se non præsumunt, idoneos & perpetuos Vicarios præficiant.

Caput LXXX.

Pastoribus etiam, & iis, qui curata beneficia obtinent, injungimus; ut Ecclesiis, in quibus per consensum Diocesani instituti sunt, nec tamen eisdem per se præsumunt, Vicarios idoneos, & Canonice institutos, præficiant, eisque pro sufficienti victu portionem congruam de proventibus Ecclesiæ assignent: nec a se institutos Vicarios ab eadem Vicaria amoveant; nisi ipsi jam actu Sacerdotes, Ecclesias suas per seipso regere velint, aut aliquam rationabilem amotionis causam contra

contra Vicarium coram Dieceſano, aut ejus Officiali probaverint:

De promovendis ad ſacros Ordines.

Caput LXXXI.

De his, qui ad ſacros Ordines promoveri velint, ordinamus & decernimus, ut nemo ad quemcunque Ordinem majorem recipiendum admittatur, niſi, qui paulo ante conſeſſus fuerit idoneo Sacerdoti: qui vitæ conditionem in ordinando ſedulo ſcrutatus, eum inſtruxerit, utrum expediat eum ordinarī; an potius propter irregularitatis, aut legitimi alicujus impedimenti ſequelam abſtinere, donec tale impedimentum a ſe removerit. Nec quicquam ordinandus recipiatur, niſi ad certum titulum Eccleſiaſtici beneficii, quod ſit perpetuum, a quo non poſſit ad inordinatum alicujus placitum amoveri, aut cui de proprio patrimonio ſufficienter ſit proviſum.

De Ordinandorum Teſtimonio.

Caput LXXXII.

Et ne Eccleſiarum miniſteria quibusvis (quæ res hæcenus multis malis cauſam præbuit) ſed dignis modo, & idoneis permittantur; ſancimus, eos, qui ad ſuſcipiendos ordines aſſumi expetunt, Epifcopi ſimul & plebis judicio comprobandos, hoc modo, ut Epifcopus doctrinam examinet, plebs quoque demoribus teſtimonium præbeat. Morum itaque & vitæ teſtimonium ordinandi, idque in literis ſigillatis afferant, acceptum a Prælatiſ Eccleſiaſticiſ, ſeu Parocho, atque etiam a Senatu, ſeu Judicio ejus loci, in quo majorem vitæ partem exegerint. Quod teſtimonium illiſ gratis concedi volumus. Ex longinquo vero venientes, ſi in Provincia Moguntina ordinari expetiverint, ad Canoniarum Sanctionum obſervantiam adigantur.

Qui in Baptiſmo Unctiones ſacri Olei & Chriſmatis, juxta vetuſtiſſimum Ecclēſiæ morem non ſuſceperunt, ad Ordines ſacros ante talem Unctionem ſuppletionem non admittantur.

Caput LXXXIII.

Hæc calamitoſa tempeſtate, qua ſacrorum profanorumque omnium peri-

Tomus VI. Concilior. German.

culôſa confuſione laboramus, plerumque evenire ſolet, ut in ſacri Baptiſmatis adminiſtratione, unctiones ſacri Olei in pectore & ſcapulis, & Chriſmatis in vertice infantium, jam inde a temporibus Apoſtolorum per univerſam Ecclēſiam religioſa pietate adhiberi ſolitz, quorundam temerario abuſu omittantur. De qua re circa eos, qui Ordinibus ſacriſ initiari volunt, diligentem inquiſitionem per noſtros in Pontificalibus Vicarios, aut alios, qui ordinandorum examiniſ præſunt, præcipimus faciendam. Eos vero, qui tales unctiones, dum baptizarentur, non receperint, niſi eas, (una cum orationibus, quæ in agendis ad tales unctiones adhibendæ inveniuntur) in ſe per Catholicum Sacerdotem pie ſupplere curaverint, ab ordinibus proſuſ mandamus repellendos.

De iis, qui ordinantur extra ſuas Diœceſes.

Caput LXXXIV.

Evenire ſolet, ut aliqui eruditioniſ & vitæ non ſatiſ probatæ, aut alioqui cenſuriſ Eccleſiaſticiſ obnoxii, conſcientiam eorum, quibus noti ſunt, ſubterfugientes, ad remotiores Diœceſes ſe conferant, & ordines ab ignotiſ Epifcopiſ, qua poſſunt fraude extorqueant: aut ſaltem eos ſe conſecutos, comminiſcentes, in iſ miniſtrare præſumant. Quorum temeritatem reprimere volentes, Commiſſariis noſtriſ ſerio inhibemus, ne in poſterum alicui literas dimiſſoriſ ad aliam Diœceſim, ſine magna & neceſſaria cauſa, quam bene exploratam habere debent, concedant. Qui vero in aliena Diœceſi ordines ſuſceperint, ad miniſterium, ſeu executionem ordinum, quos ſe habere aſſeverant, non admittantur; niſi priuſ Vicariis, ſeu Commiſſariis noſtriſ, de ſuſceptiſ ordinibus legitimo documento fidem fecerint, & ab eiſdem, quod admitti debeant, teſtimonium patentibſ literiſ obtinuerint. Alioqui taleſ per Archi-Preſbyteroſ noſtroſ ab omni Ecclēſiæ officio ſemoveri, aut ſi iſ non paruerint, nobiſ denunciari debent.

De

De honore Prælatorum.

Caput LXXXV.

Ad confusionem & deonestamentum Ecclesiastici Ordinis facit, sicubi honorum discrimina tolluntur, nec suis cuique honos habetur. Unde ordinamus, & decernimus, ut inferioris dignitatis Clericus, seu Vicarius, sive Canonicus, Prælati suo reverentiam, sive in assurgendo, sive in aliis prærogativis, juxta consuetudinem illius Ecclesiæ debitam subtrahens, fructuum præbendæ subtractione ad tempus, pro excessu qualitate, puniatur. Quod si similitate, aut animi arrogantia provectus, in tali contemptu Prælati sui perseveraverit, a reliquis confratribus, velut inobediens, & juramenti sui parum memor, a consortio Ecclesiæ, & omni fructuum perceptione amoveatur, non nisi de ipsius Episcopi consensu ad eandem rursus admittendus; ut discat potestatem supra se positam, velut Dei ordinationem, agnoscere & venerari.

Ne Domicellares Canonici ante meritum virtutis & doctrinæ ad Capitula assumantur.

Caput LXXXVI.

Hactenus in Ecclesiis Cathedralibus & Collegiatis (saltem in ea parte, qua majores nostri, non sine magna ratione, juniores Canonicos, quos Domicellares vocant, non statim, ut beneficia acceperint, ad Capitula admitti, sed ad tempus sub iugo Prælatorum detineri voluerunt) satis negligenter advigilatum esse, non sine Ecclesiarum perniciem, sentimus; dum hi, quibus ea cura incumbit, ad studia & mores Domicellarum parum attendentes; si modo Domicellares certum tempus in beneficii possessione exegissent, aut pecuniam, pro emancipatione constitutam, numerassent; sine ampliori delectu quosvis ad Capitula admiserunt, etiam eos, quos nec vitæ honestate, nec doctrina satis idoneos, aut Ecclesiis utiles futuros norint. Unde fit, ut interdum Ecclesiæ, minus utili Canonicorum turba onerata, nec in spiritualibus, nec in temporalibus debitis obsequiis administrantur. Quarum indemnitate consulere volentes, Prælatorum, Capitulorum, & aliorum, quorum interest, conscientias duximus onerandas: hisque districte præ-

ciendo injungimus, ut in posterum non secundum præsentem consuetudinem, (quæ hac in parte, ut Ecclesiis perniciofa, irrationabilis, aut potius corruptela censenda est) quoslibet, sed secundum conscientiam, idoneos tantum, & dignos, ad Capitula, præsertim Metropoliticum, & Cathedralia admittant: pravis vero moribus deditos, & ignavos tantisper a Capitulari dignitate & emolumento arceant, donec emendatione vitæ locum hunc mereri videbuntur: aut si contra omnem emendationem præfacti, & incorrigibiles se exhibere perseveraverint; ad dimissionem beneficiorum remediis juris, tanquam inhabiles, & insufficientes, ac minus idoneos prorsus cogant. Quæ Constitutione nostra, & ipsis Prælati & Capitulis, ut officio suo diligentius invigilent, & juventuri Ecclesiasticæ, ut vitæ, ingenique cultum accuratius studio capeant, occasionem præstari arbitramur.

De juramentorum exactione restringenda.

Caput LXXXVII.

Cum scriptura admoneat, virum crebro jurantem iniquitate oppleri, ac plagis multis obnoxium fieri; jurationem namque multa comitari pericula, quæ non tam pejerantem, quam eum, qui perjurio causam, cum debet & potest, non subtrahit, involvunt. Nos igitur crebram illam juramentorum exactionem in Capitulis, si non ut injustam, certe ut periculolosam censemus coarctandam. Injusta vero & illicita juramenta, per quæ nonnunquam via debita correctionis præcluditur, & Prælati a promovenda Ecclesiarum suarum disciplina & utilitate impediuntur, omnino tolli debent. Et Nos, cum hac sancta Synodo talia omnia damnanter, locorum Ordinariis, & Prælati Capitulorum ad ejusmodi correctionem, per Præsentes facultatem impertientes, districte eis præcipiendo injungimus; ut Ecclesiarum Statuta diligenti cura revideant, & juramenta non necessaria, a Sede Apostolica non confirmata, imprimis vero injusta & perniciofa, non obstantibus quibuscunque consuetudinibus (cum iniquitati longinquitas temporis patrocinari non debeat) corrigant, cassent & tollant. Quod si facere inferiores Prælati, & Ordina-

dinarii, ultra sex menses post publicationem hujus Constitutionis distulerint; nos ad primam opportunitatem, aut saltem in futura Provinciali Synodo negligentiam illorum supplebimus, ipsosque cessatores debitis insuper pœnis afficiemus.

Pecunias ex Statutis Beneficiorum, aut aliunde cedentes, in Ecclesiarum utilitatem impendi debere.

Caput LXXXVIII.

Multas Ecclesias in bonis temporali-
bus ingentia detrimenta sustinere: ac
domos earum, aut collapsas, aut ruinis
proximas videmus, ex prava consuetu-
dine, seu potius corruptela, qua Cano-
nici quidam pecunias, ex possessionibus
novorum Canoniorum, aut optione
domorum receptas, non in utilitatem
Ecclesiarum, sed in proprios usus con-
vertunt. Quod Nos ultra fieri omnino
prohibemus, talesque pecunias necessita-
tibus Ecclesiarum, aut domorum repara-
tioni & conservationi, impendi volumus.
Si quos huic Constitutioni nostræ rebelles
deprehenderimus, privatione omnium fru-
ctuum, quos ab ea Ecclesia percipere de-
berent, per semestre tempus plectemus,
fructusque eis sic ademptos, in Ecclesiæ
utilitatem impendi curabimus. Sicubi
vero in Ecclesiis aliunde sumptus, ad
conservationem templorum, ædificiorum,
& domorum, ad Ecclesias, aut earum
personas pertinentium, & in alios neces-
sarios usus suppetunt, rationabiles con-
suetudines, super hujusmodi pecuniis
disponendis, hæcenus observatas, hac
præsentī Constitutione astringi, aut abro-
gari non volumus.

*De rebus Ecclesiarum diligenter cu-
randis.*

Caput LXXXIX.

Ne ex incuria, aut negligentia,
sicut consuevit, damna Ecclesiis accidant,
Capitulis Metropolitanæ, Cathedralium,
& Collegiarum, aliarumque Ecclesia-
rum Rectoribus, & Curatoribus mandan-
do injungimus, ut singulis annis semel ad
minimum, omnes Ecclesiarum res & or-
natus inspiciant, & in indice singula dili-
genter conscribant; quo, si quid inde
perierit, facilius deprehendi, & sarciri,

& ratio ab his, quibus ea cura commissæ
est, exposci & reddi queat.

Eadem diligentia volumus, & præci-
pimus, ut omnium Ecclesiarum prædia &
reditus tum communes, tum etiam ad
singulas dignitates, seu beneficia perti-
nentes, in libro ad id deputato, exadif-
sime conscribantur. Literæ vero origi-
nales censuum, tam communium, quam
ad singula beneficia pertinentium, non
apud singulos possessores relinqui; sed in
publica & bene munita custodia, (copiis
earundem auscultatis, apud possessores
retentis) asservari debent. Unde si oc-
casio exegerit, depromi, & singulis per-
sonis sub cautione redhibitionis permitti
poterunt.

*De procuratione, seu fabricis Ecclesiarum
Parochialium.*

Caput XC.

Ut Ecclesiæ, per Provinciam no-
stram constitutz, a damnis, quæ nonnun-
quam ex infida procuratione accipiunt,
in posterum vindicentur, decernimus &
ordinamus, ne posthac solis laicis; sed
cum aliquot laicis cujusque Ecclesiæ
Rectori, seu Plebano, velut principali,
officiū fabricæ, seu procuratio Ecclesiæ,
committatur; ita tamen, ne ipsi Eccle-
siarum Rectores, seu Plebani, officio ex-
actionis censuum, proventuum, seu re-
dituum, seu procurationis labore gra-
ventur. Tales etiam Ecclesiarum Procu-
ratores, de pecuniis, seu proventibus
Ecclesiarum nihil in suum privatum usum
convertant: sed omnia in Ecclesiæ utili-
tatem impendant, & de omnibus accep-
tis & expensis debito tempore, ad mini-
mum semel in anno, coram ipso Plebano,
seu Rectore Ecclesiæ, & aliis ad hoc de-
putatis, rationem conficiant. Volumus
etiam, ad singulas Ecclesiarum cistas, in
quibus literæ censuum, seu pecuniarum, &
preciosiores Ecclesiarum res, asservantur,
diversas seras, & ad minimum duas, fie-
ri, & ex clavibus semper unam apud Pa-
rochum, seu Rectorem Ecclesiæ relin-
qui & custodiri: Sic ut tales cistæ, non
ab uno aliquo Procuratore, nec unquam
absente Parocho, aut Rectore Ecclesiæ,
possint aut debeant aperiri. Huic vero
nostræ Constitutioni in Ecclesiis frau-
dem non parentes, ipsi Plebani nobis,
E e e e 3 aut

aut Vicariis nostris denuncient, debita monitione prævia, excommunicandos.

De Simonia.

Caput XCI.

Ut ab institutione ad Ecclesiastica Beneficia omnem ambitionem, omnemque Simoniam pravitatem præcidamus, præsentis statuto ordinamus & decernimus, ut quicumque vel muneribus, vel pollicitationibus, seu quibuscunque pactionibus, unius, vel plurium sibi favorem conciliaverit, ut per eos ad beneficium, seu dignitatem qualemcunque (quatenus ad nostram dispositionem pertinent) promoveatur, eo ipso excommunicationis sententiam incurrat, & reddatur inhabilis, ne amplius ad tale beneficium, seu dignitatem eligi, aut assumi possit. Quod si electus & assumptus postea fuerit deprehensus, tales donationes, promissiones, seu pactiones fecisse; beneficio sic occupato privari, & de dignitate omnino deponi debet. Simili modo, quicumque pensiones, non legitime assignatas, aut dederint, aut receperint, aut alioqui illicitis modis beneficia, aut dignitates occupaverint, pro excessuum qualitate puniri, & talibus beneficiis, aut dignitatibus privari debent. Quæ ut arctius observentur, nullus imperum Clericus ad aliquod beneficium, seu dignitatem admitti debet, nisi prius juraverit, quod in ejus adeptione nullam commiserit Simoniam, aut illicitam fecerit pactiorem.

Ut Parochi Sacramenta gratis ministrarent.

Caput XCII.

Execrabilis quorundam Sacerdotum avaritia usque ad Sacramentorum ipsorum contemptum & injuriam nonnunquam irumpit, dum sine numerato pretio conferre Sacramenta detrectant. Quorum pravam cupiditatem, sacris etiam Conciliis invisam & damnatam, comprimere volentes, omnibus nobis subiectis Parochis, seu Ecclesiarum Ministris, serio prohibemus, ne quid de Sacramentorum administratione a quoquam, velut debitum, aut exigant, aut recipiant, quod consuetudo rationalis, laudabiliter introducta, & hætenus observata, non permittit: sed ultra id, etiam oblatum, quasi

non debitum, modeste recuset. Quod si aliquis subditus, ultro-aliquid dare voluerit, non obstat, quin quod libera voluntate, & ex charitate offertur, recipere valeant. Archidiaconis etiam nostris, siue eorum Officialibus, injungimus, ut in Synodis, seu Capitulis, super hujusmodi exactiōe sedulo inquirent, & huic nostræ constitutioni non parentes, severis penis, usque ad suspensionem ab officio & beneficio compescant.

De competentis Parochorum.

Caput XCIII.

Cum Dominus ipse (*) pronuntiet, Mercenarium sua mercede dignum, & Apostolus (**) clamet, Altari servientem de Altari vivere debere; universos Ecclesiarum Metropolitanarum, Cathedralium, & Collegiarum Prælatos, Canonicos, & Capitula, omnes etiam Regulares Prælatos, & Conventus, quicumque Ecclesias Parochiales suis Ecclesiis, seu Monasteriis, unitas & incorporatas habent, in Domino exhortamur, & districte eis præcipiendo injungimus, ut intra trimestre tempus post hujus Constitutionis nostræ publicationem, Ecclesiarum sibi incorporatarum Rectoribus talem fructuum portionem ordinent, qua pro loci conditione honeste sustentari, ac insuper Episcopalia & Archidiaconalia jura solve-re, hospitalitatem exercere, & alia necessaria onera sustinere queant. Quod ni fecerint, Nos illorum injustam negligentiam, ipsis Ecclesiis, & animarum salutis nimis periculosum, amplius sufferre non volentes, apud omnes Ecclesias Parochiales, jurisdictionibus nostris subditas, talem justæ & sufficientis victus depurationem de Decimis, proventibus, vel bonis Collegiorum, aut Monasteriorum, aut Prælaturarum, per Nos, aut Officiales nostros secundum juris communis, & Sacrorum Conciliorum dispositionem ordinare, seposita ampliore mora, omnino aggrediemur.

De Clericis peregrinis.

Caput XCIV.

Clerici aliunde advenientes, nec in iis ordinibus, quos jactant, ministrare permittantur, nec ad altiores ordines promoveantur; nisi fide digno testimonio decue-

(*) Luc. 10.

(**) 1. Cor. 9.

decue-

docuerint, se eos ordines, quos habere se asseverant, rite & legitime suscepisse. Peregrini autem Sacerdotes ad Missarum celebrationes non admittantur, nec ultra mensem in aliquo Presbyterorum consortio foveantur; nisi testimoniales literas super vita, moribus & recessu ab eo Episcopo, a quo discesserunt: similiter admissionis testimonium ejus Episcopi, ad cujus Diœcesin se contulerunt, ostendant.

De Sacellanis Nobilium.

Caput XCV.

Sacellani vero Nobilium, in Sacellis Castrorum Missas celebrare, aut alia Sacramenta conferre, aut etiam prædicare non præsumant, nisi super eo auctoritatem & consensum Ordinariorum obtineant, & prius manualementem promissionem Episcopo, seu loci illius Archi-Presbytero, fecerint, se in obedientia Diœcesani mansuros, & ad Synodos, & Capitula venturos, & mandatis Ecclesiasticis secundum justitiam, & quatenus eos attingunt, parituros esse. Salvis etiam juribus Parochiarum, ad quas talia castra Nobilium pertinere noscuntur.

De Magistris Scholarum.

Caput XCVI.

Hoc imprimis totius Reipublicæ Christianæ utilitas exposcit, ut erudiendæ juventuti passim Magistri, eruditione, honestate vitæ, & fidei sinceritate commendabiles, præfiantur; quod in administratione utriusque Reipublicæ, & Ecclesiasticæ, & secularis successio a pueris dependeat. Qui si pervertis & pravis hominibus erudiendi tradantur, a quibus recentes eorum animi (qui malorum ac bonorum, ut quidque primum hauserint, æque tenaces sunt) pravis & impiis opinionibus imbuantur, spes non est, sacrosanctam Religionem nostram in integrum restitui, aut a pravis doctrinis repurgari, aut pristinam felicitatem & tranquillitatem in Germaniam nostram reduci unquam posse. Proinde sive Prelatis & Capitulis, sive communitatibus, aut locorum Præfectis, ad quos ea cura pertinet, serio injungimus; ut imposterum scholis sibi commissis Didascalos præfecturi, eosdem ad Vicarios nostros in Spiritualibus, seu lo-

corum Commissarios, ablegent, qui eruditionem, mores, & fidei sinceritatem in eis accurato examine explorent, eosque, quid in scholis, tam ad eruditionem, quam ad mores juventutis excolendos, conducibile potissimum prælegant, pro cujusque loci ratione, diligenter admoneant: sine quorum testimonio, (quod scripto his, quos dignos judicaverint, exhibeant) quenquam alicui scholæ præfici omnino prohibemus.

De Testamentis & ultimis voluntatibus.

Caput XCVII.

Quamvis jam olim multis Conciliis Provincialibus, velut Fritzlarienti Domini Gerardi, & aliorum Archi-Episcoporum Moguntinensium, super Testamentorum ordinatione cautum sit, quibus omnino suum robur manere volumus; videmus tamen hac temporum licentia, plerasque morientium voluntates incassum recidere, defunctorumque substantiam contra ipsorum legitimam voluntatem interverti a Testamentariis præsertim, & quibus pro officio competeat, ratum servare defuncti arbitrium. Statuimus, ut qui deinceps nominati fuerint Testamentarii, quamprimum, & ante omnia ipsius defuncti hereditatem, sive substantiam, coram Notario & testibus fide dignis, conscribant, & in inventarium fideliter redigant; omnimodamque morientis voluntatem, arbitrium, & ordinationem, intra debitum tempus executioni demandent & exequantur; de quo Ordinario, aut ipsius Commissario rationem faciant. Quod si quis infideliter agens, hujus nostræ Constitutionis transgressor reperiatur fuerit, pro ordinarii arbitrio, aut alias condigna pœna, pro excessu qualitate plectatur.

Mercatus diebus Dominicis & Festivis prohibendos.

Caput XCVIII.

Magnus abusus est, cum ad rerum temporalium, & mōx periturarum conquirenda lucra, sex diebus homines intendant; ad Regnum Cœlorum, ejusque justitiam inquirendam, septimum diem destinatum, ne eum quidem a negotiis prophanis liberum, execranda hominum

avaricia relinquat. Cui nos improbae hominum cupiditati modum ponere volentes, serio prohibemus, ne in posterum in locis nostrae Provinciae subjectis, diebus Dominicis, aut praecipuis Ecclesiae Festivitatibus, mercatus, nisi forte earum rerum, quae ad usum quotidiani victus necessariae sunt, exerceantur: aut ne subditi nostri ulli operi servili, quod sine evidenti detrimento dilationem sustinere potest, manum admoveant; sed dies Dominicos & Festivos spiritualibus lucris conquirendis, & salutis animarum procurandae, adeoque pietatis, & Divini cultus exercitiis, impendant. Quam nostram Constitutionem, nisi Magistratus locorum, quorum ea potestas est, sub gravibus poenis ita observari curaverint, ipsos Magistratus, debita admonitione praevia, sententiam excommunicationis incidere, & ubi ad nostras temporales jurisdictiones pertinent, insuper aliis poenis, pro nostro arbitrio, puniri volumus.

De Libris per Typographiam publicandis.

Caput XCIX.

Multis Constitutionibus Imperialibus cautum est, ne quis librum aliquem, sine certo auctoris & loci, ubi excusus sit, nomine; aut qui per Commissarios, qui per loca huic rei curandae destinati sunt, comprobatus non sit, vel excudat, vel excusum vendat. Quam ordinationem renovantes, inhibemus, ne quis tales libros in nostris ditionibus vendere, aut emere, aut donare, aut occulte quovis modo alii obtrudere, aut omnino apud se retinere audeat: Officialibus nostris, tam Ecclesiasticis, quam secularibus injungentes, ut in eam rem acri diligentia invigilent, & si quos librorum vel excusores, vel venditores, aut detentores, huic ordinationi non parentes,prehenderint; supra librorum confiscationem, etiam poenis in multis recessibus Imperialibus constitutis, sine remissione afficiant.

De poena Clerici percussoris, aut vixoris contra alium Clericum.

Caput C.

Paci etiam, tranquillitati, ac honestati Clericorum consulere volentes, discernendum duximus, ut quicunque Cle-

ricus alium Clericum probris, maledictis, aut conviciis incesserit, sub duorum, aut trium testimonio; ab omni proventuum Ecclesiasticorum perceptione, per unum mensem suspendatur. Quod si manus alteri Clerico violentas, citra tamen vulnus, attulerit; jam dictam poenam sustineat duplicem. Si vulnus inflixerit, ultra poenam excommunicationis, quam ipso facto incidit, ad quatuor menses tali fructuum privatione mulctetur. Si membrum aliquod mutilaverit, aut inutile reddiderit, omni beneficio Ecclesiastico sit ipso facto privatus. Nihilominus etiam in omnibus iis Casibus, juxta Dioecesiani arbitrium laeso satisfacere cogatur, & pro delicti gravitate a Dioecesano, si videbitur, etiam gravius puniatur. Illud superioribus comminationibus duximus addendum, si linguae petulantiam, aut violentas manus in Praelatum intorserit; in tribus prioribus casibus supra memoratis, ubique poenae duplicatione gravandum esse; salvo tamen jure, quod vim vi repellere permittit. Similiter Clericos, si aut jurgiis aut armis contra laicos contenderint; per Praelatos suos, pro excessum gravitate, irremissibili poena decernimus ac mandamus plectendos.

De poena Sortilegorum.

Caput CI.

Sortilegia, quae ad injuriam sacrae Religionis nostrae, detestando malorum demonum commercio exercentur, omnibus Christianis prohibenda, in Clericis vero omni poenarum acerbitate coercenda censemus. Proinde Clericum sortilegium protinus ab omni functione Ecclesiastica & ordine removendum, & excommunicationis sententia censemus alligandum: a qua, nisi in articulo mortis, a nemine, quam a suo Dioecesano, aut a Summo Pontifice, seu Legato ejus, ad id potestatem habente, absolvi debet. Et si incorrigibilis esse perrexerit, ad Monasterium arctum pro agenda poenitentia, detrudatur, aut prorsus abjiciatur. Laici vero ab hac arte execrabili, publicatione bonorum suorum, aut pervicacia eorum exigente, perpetua captivitate, aut graviore etiam animadversione, coerceri debent.

De Clericis concubinariis.

Caput CII.

Ministris Ecclesiarum, qui sacris functionibus operam suam addixerunt, nihil æque convenit, quam vitæ castimonia: intolerabileque videtur, quod contra Conciliorum, Sanctorumque Patrum auctoritatem, passim concubinis adhæreant. Quis enim in Ministrorum Dei collegio patiatür talem, quem Paulus hominum consortio indignum iudicat, cum quo (*) etiam ne cibum quidem sumendum putavit? Quia ergo Clerici quidam Synodorum, cujusque Diœcesis Episcopaliū specialiter desuper habiturum, decretis, de dimittendis concubinis ægrius paruerunt; ne in hujusmodi scandalo & sordibus volutari diutius permittantur, quibuscunque locorum Ordinariis injungimus, & serio committimus; ut secundum Canonum præcepta, & præcipue Basileensis Concilii definitionem, concubinarios hujusmodi corrigant, atque emendent, easque mulieres, quæ citra scandalum atque offendiculum retineri non possunt, extra viciniam, ne commercii facultas, aut suspicio remaneat, amoveri procurent. Quia in re, cum sæpe comperitum sit, facilius ab initio malis resisti, quam semel in ea demersum rursus erigi, atque emergere; omnino Prælati intendendum præcipimus, ne patiantur juniores Clericos pernicioſa cohabitatione irretiri, a qua deinde extricari facile non queant. Ecclesiasticis etiam Magistratibus, juxta præfati Concilii Decretum, ne ullo sub pacto, compositione, aut spe cujuscunque quæſtus, tales quovis modo tolerant, aut dissimulent, penitus interdicentes: & si opus sit, ut Brachium secularis in hanc rem implorent, injungentes.

De Excommunicatione.

Caput CIII.

Excommunicationem, qua nulla major pœna esse potest, caute ab Officialibus nostris, & non nisi ex inevitabili necessitate, & propter manifestam contumaciam, in quemquam intentari volumus: ideoque Officialibus nostris & Prælati omnibus, qui aliqui excom-

Tomus VI. Concilior. German.

municandi potestatem habent; mandamus, ne sententiam excommunicationis, nisi competenti admonitione præmissa, & in præſentia fide dignorum hominum (ut, si necesse sit, testimonio eorum comprobari queat) promulgare præsumant. Qui aliter excommunicationem in quemquam promulgaverit, & admonitus errorem suum non revocaverit; per mensem ab ingressu Ecclesiæ sit exclusus, & sic a se excommunicato omnes expensas, quas talis excommunicationis occasione necessario fecerit, restituere cogatur.

De vitandis excommunicatis.

Caput CIV.

Et ut timoratis conscientis subveniamus, & scandala excludamus; Generalis Synodi Basileensis Constitutionem volumus observari, quæ decernit, quod nemo deinceps a communione alicujus in Sacramentorum administratione, vel receptione, aut in aliis quibuscunque, sententiæ, aut censuræ Ecclesiasticæ, aut suspensionis, vel prohibitionis, ab homine, vel a jure generaliter promulgatæ occasione, teneatur abstinere, vel aliquem vitare, aut Ecclesiasticum interdictum observare; nisi sententia, prohibitio, suspensio, vel censura Ecclesiastica hujusmodi fuerit vel contra personam, Collegium, Universitatem, Ecclesiam, aut locum certum, aut certam a iudice publicata, vel denunciata specialiter, & expresse; aut si aliquem notorie excommunicationis sententiam constiterit incidisse, quod nulla possit tergiversatione celari, aut aliquo juris suffragio excusari. Nam a communione illius abstinere vult, juxta Canonicas Sanctiones. Per hoc tamen hujusmodi excommunicatos, suspensos, & interdictos, seu prohibitos, non intendit in aliquo relevare, nec eis quomodolibet suffragari.

Cum humana fragilitas in omnibus actionibus, & præsertim in illis, quæ pietatis sunt, si ope Divina non adjuvetur, & dirigatur, sine fructu defudet; præſentis constitutione duximus ordinandum, ut imposterum per omnes totius Provinciæ Ecclesias, quoties in illis multitudo fidelium convenerit, fiant præcationes

F f f f

ad

(*) 1. Cor. 5.

ad Deum, pro Spiritus Sancti gratia, ad salutarem harum Constitutionum Provincialium observantiam, impetranda: similiter pro Summi Pontificis, Imperatoris, ac Regis Romanorum incolumitate & felici gubernatione, & pro omnibus, qui ad utriusque regiminis gubernacula in orbe Christiano præsent, ut quietam & tranquillam vitam agamus in omni pietate & castitate. In ipsa vero sacri Missæ celebratione, alternis diebus pro peccatis & pro pace, sive in ipso Sacro Collectam pro suffragio, sive post illud Antiphonam cum Collecta pro imploranda Dei misericordia devote recitari, aut cantari volumus. Quam rem discretioni Prælatorum, pro loci & temporis conditione committimus curandam.

Quo vero supradicta omnia & singula accuratior cura observentur, & ad excusationem ignorantie nullus locus relinquitur; ordinamus & præcipimus, ut præsentium Constitutionum liber apud Metropolitanam, Cathedralis, & Collegiatas Ecclesias in Choro, aut Capitu-

lis: similiter apud Parochiales Ecclesias idoneo loco, fabricæ sumptu comparatus habeatur, ad quem omnibus, quorum interest, pateat accessus.

Postremo cum his præsentibus nostris Constitutionibus omnes etiam Generalium Conciliorum Constitutiones & Decreta, similiter omnia, & singula alia Statuta Provincialia in Conciliis Provincialibus, sub nostris Præcessoribus celebratis, edita, quorum in his nostris Constitutionibus etiam nullam mentionem fecimus, in suo vigore permanere volumus, & ab omnibus Nobis subiectis, qua quemque parte attingunt, pro confirmatis & authenticis agnosci, haberi & observari districte præcipiendo mandamus: Sacrosanctæ Romanæ, Catholicæ, & Apostolicæ Ecclesiæ Judicio, cujus auctoritatem in omnibus salvam conservari volumus, hæc omnia cum debita obedientia submittenres.

*Ex editione Moguntina ejusdem anni 1549.
Typis Francisci Bebem.*

Sebastianus, ex nobili stirpe Heufenstammiorum natus, Cardinali Alberto Brandeburgico anno 1545. 20. Octobris subrogatus fuit Moguntinorum Archi-Episcopus quinquagesimus sextus. Mox a suscepta dignitate omnes eo curas & studia convertit; ut Religionem, Ecclesiamque Catholicam, tam funestis laceratam dissensionibus, omni qua posset, ope juvaret. Eum in finem, præter utilissimam, quam variis in Comitibus, pro dissidentium animis ad concordiam, fideique unitatem revocandis, contulerat operam, anno 1548. Synodum Diocesanam, atque altero mox anno Provinciale hanc, quam dedimus, celebravit, eamque currente adhuc eodem anno typis Moguntinensibus excusam, publici juris fecit, adjuncta insigni Catechesi de omnibus fere Fidei capitibus. Digna lectu est, præmissa huic Synodo Præfatio; in hac enim & quid Episcopalis sit muneris, egregie docet, & simul ostendit, quantum ipse laboris & curarum in se suscepit, ut eo munere in ista calamitate temporum recte fungeretur. Anno 1551. Concilio Oecumenico Tridentum revocato interfuit cum Joanne Isenburgico Trevirensi, & Adolpho Schawenburgico Coloniensi Archi-Episcopis ac Septemviris. Sed Protestantibus novo bello arma ubique circumferentibus; redire Moguntiam debuit, suam ut Provinciam adversus hostium vim defenderet: quam cum oppositis armis repellere non posset; gravissima damna ab Alberto præsertim Marchione Brandeburgico, direptionibus & incendiis per ejus Diocesim grassante, perpeffus, anno 1555. ad laborum suorum, curarumque & rerum gestarum mercedem evocatus est die Martii 17., postquam suæ Sedi præfuisset, ex P. Serarii nostri calculo, annis 9. mensibus 4. dieb. 28.

Vide Serarium Moguntiac. rerum L. V. a pag. 898.





SYNODUS TREVIRENSIS PROVINCIALIS

Eodem anno Christi MDXLIX.

DECRETA CONCILII PROVINCIALIS TREVERENSIS,

Præsidente Reverendissimo in Christo Patre ac Domino, D. JO-

ANNE Archi-Episcopo Trevirensi, S. R. I. per Galliam &

Regnum Arelatense Archi-Cancellario, Principe

Electore &c. celebrati.

JOANNES DEI GRATIA SANCTÆ TREVERENSIS ECCLESIAE

ARCHI-EPISCOPUS, SACRI ROMANI IMPERII PER GALLIAM, ET REG-

NUM ARELATENSE ARCHI-CANCELLARIUS ET PRINCEPS

ELECTOR. AD PERPETUAM REI

MEMORIAM.

Rem omnino non novam aggredimur, neque per viam insolitam ambulamus: verum & orthodoxorum Patrum & Prædecessorum nostrorum vestigiis tritam ingredimur, sincero corde semper affectantes, ut universum Clerum & gregem Nobis commissum usquequaque lustremus & contemplemur, atque salubris studii vigilantia in hoc sedulo incumbamus, ut eum more boni Pastoris (quantum Nobis ex alto conceditur) pura & sana Evangelicæ veritatis doctrina pascamus & reficiamus, ut cum universalis & tremendi iudicii tempus ingruerit, & Pastor ille Pastorum gloriosus in Majestate sua apparuerit, ad cujus laudem hanc nostram functionem obire cupimus, de muneris impositi administratione cum lucro & ex voto respondere valeamus. Hac igitur occasione provocatos Nos & diligens cura & paterna sollicitudo extimulat, ut circa nostrorum subditorum statum & vitam probe instituendam indefesso studio ac labore invigilemus. Utque ex hac animi nostri promptitudine ipsis piarum rerum cultus in dies magis ac magis crescat pariter & placeat, ipsorum onera, & gravamina, pro hujus temporis iniquitate, inter manus in morem hydræ enascentia, imminuantur, cessent, finiantur; tollantur, atque tranquillitatis & pacis optatus portus, velut in alto navigantibus aperitur: Id quod tum demum re-

ste consequi credimus, cum sinistris eventibus viam præcludimus, vitiis & malorum materiam resecamus, & noxia dissuadentes, ad optima quæque promovenda animum applicamus.

Quapropter horum nostrorum Statutorum editione, tum antiquorum renovatione & explanatione, tum poenarum comminatione impios & orthodoxæ Ecclesiæ hostes ab infelici suo proposito deterreamus, & depellamus; ut in quibus virtutis zelus & ardor ad emendationem nihil proficit, eos saltem honestæ disciplinæ severitas atque poenæ rigor retrahat & coerceat. Sane quondam felicie recordationis Balduinus, Archi-Episcopus Treverensis, & alii Prædecessores nostri, pro subditorum utilitate, pro libertate Ecclesiæ & Ministrorum ejus, quam plurima Statuta Synodalia & Provincialia, non minus utilia, quam necessaria ediderunt, promulgarunt, publicarunt, & poenarum exactionibus, prout opportunum visum fuerat, provide & consulte vallarunt. Quæ nos omnia de consilio & consensu Capituli Ecclesiæ nostræ Metropolitanæ Treverensis: & Nunciorum seu Procuratorum aliorum, Reverendi Domini Nicolai Episcopi Verdunensis: & Nunciorum seu Procuratorum Reverendissimi Domini Joannis Cardinalis de Lotharingia, Administratoris Metensis, & Reverendi Domini Tonsani Episcopi Tullen. Suffraganeorum no-

strorum, in præsentī Concilio Provinciali congregatorum, quatenus per infra statuenda expressē non fuerint revocata & cassata, approbamus & innovamus, atque in suo robore permanere volumus, & eadem antiqua Statuta Provincialia, atque ea nova, quæ nos in præsentī Concilio pro temporum ac rerum necessitate statuimus & ordinamus, ut per totam Provinciam Treverensem firmiter & inviolabiliter, prout statuuntur, publicentur, teneantur, & observentur, firmiter decernimus.

*De Fide Orthodoxa Catholica & Apostolica
Ecclesiæ fideliter & firmiter
tenenda.*

Quando vera in JESUM CHRISTUM Fides fundamentum est, & petra illa; de qua Salvator noster dixit, super eam ædificandam esse Ecclesiam suam, adversus quam inferorum portæ nunquam prævalituræ essent (prævalerent autem si Ecclesia ei rare perniciose posset, aut docere noxia) fateri oportet, Ecclesiam in fide & veritate radicatam, & fundatam errare non posse.

Nam & in confesso est, testantibus nimirum Ecclesiæ Patribus, ac re ipsa clamante, Christi Apostolos, Petrum, & Paulum, Dei Sanctum Evangelium, in sanguine quoque ipsorum signatum, Romanæ Ecclesiæ reliquisse, atque in illius fidem Ecclesias omnes, quæ ubique sunt fideles, in toto orbe terrarum religiose conspirasse, atque societate Sacramenti confederatas & conjunctas esse. Itaque cum ad Nos per Episcoporum successiōnem perpetuo continuatam, ea fides pervenerit, non dubitamus, hanc unam eandemque esse, atque adeo veram fidem, quæ ab Apostolis ipsis in veritate est tradita, & usque nunc religiose semper custodita, & in Catholica Ecclesia semper conservata. Nihil proinde aliud credendum, tenendum, aut docendum est, nisi quod Sancta Romana tenet & docet Ecclesia, omnium consentientium Ecclesiarum Mater & Magistra. Eum vero, qui a Fide Catholica & Romanæ Ecclesiæ recedit, necesse est, a veritate & capite deficere. Hortamur itaque, & in Domino obtestamur omnes & singulos Clericos & Laicos, Nobis Metropolitanico jure subiectos, ut tenaciter &

indivulse adhæreant, non solum his, quæ in Divinorum eloquiorum Canone expressa sunt; verum etiam his, quæ Ecclesia Sancta Catholica habet, & cum omnium orthodoxorum consensu probata, & recepta sunt: neque ulla ratione aut persuasione a veritate fidei, Ecclesiæ, & Evangelii, quod acceperunt, & in quo stant & salvantur omnes gentes, avelli se patiantur, sed in eo, quod habentus & recte docti sunt, & crediderunt, permaneant.

*De Prædicatoribus Verbi, quos missos
esse oportet.*

Hoc habet Apostolica Ecclesia, ut nullus, nisi missus, prædiceret. Sic Christus non nisi missus prædicavit, ipso apud Esaiam testante: *Spiritus Domini super me, eo quod unxerit me: ad evangelizandum pauperibus misit me.* Neque item ipsius Præcursor, de quo scriptum est: *Fuit homo missus a Deo.* Sed nec Apostoli hoc fecissent, nisi mandato a Christo accepto: *Ite. Ecce ego mitto vos.* Proinde nos Evangelicæ & Apostolicæ regulæ innitentes, statuimus, & præcipimus, ne quisquam posthac, etiam quamcunque religionem professus, publice prædicare præsumat, nisi ab Episcopo ordinario, vel ejus Vicario admissus fuerit. Et si quis etiam Religiosus, Apostolicæ Sedis privilegio nitarur, tenebitur Nobis, aut Officialibus, aut Vicariis nostris de hoc fidem legitimam facere. Laicis vero prorsus interdicimus, ne prædicandi officium usurpent, aut occulta conventicula faciant, & Sacerdotum simplicitatem eludant. Et si forte necessitas postulet, ut Sacerdos, tanquam inutilis & indignus, a cura gregis debeat removeri, servato ordine juris, de hoc agendum est apud Episcopum, ad cujus officium tam institutio, quam destitutio Sacerdotum pertinere dignoscitur. Omnes vero & singulos aliter, quam præmissum est, publice vel privatim prædicationis officium usurpare præsumentes, præsentis statuti rigore excommunicationis vinculo innotamus, & excommunicatos declarari publice mandamus. Et nisi respuerint, alia competentis poena a Nobis, aut nostris Suffraganeis, vel locorum Ordinariis plectendi sunt.

Non quivis admittendi sunt, etiamsi præsentati fuerint.

Quando non parum refert, quis, qualisve sit, cui alios instituendi & docendi potestas tradita est; probandi primum & explorandi sunt futuri Concionatores, a quibus, & quomodo instructi sint: ne peregrinis forte & hæreticis doctrinis imbuti, non satis perspecti recipiantur in ovile Christi, ad gravem Dominici gregis perniciem. Attamen non tam eloquentiores, quam sapientiores, neque tam argutiores, quam meliores eligendi sunt, modo gregi sana doctrina paciendo non sint prorsus inidonei. Imo tanto magis aliquoties cavendus est is, qui eloquentia pollet, quanto plus ob eloquentiam, dum recte dicere & docere existimatur, nocere & fallere potest.

Vocatus & admissus quid pro concione docere debeat.

Missi & admissi Verbi Prædicatores, in hoc toti incumbant, ut verbum veritatis recte & bona fide tractent, tanquam dispensatores multiformis gratiæ DEI, omittis his, quæ a puritate Evangelii aliena sunt, vel supervacaneæ, vel parum ædificantia: sed nec opinabilia, ac dubia pro certis & receptis asseverare audeant. Ab apocryphis abstineant, & quæ Ecclesia occultanda esse decrevit, de suggesto non promulgabunt. Comicas, aniles, & interim obscenas fabulas, & quæ risum moveant citius, quam lacrymas propter peccata, populi auribus non ingerant. Et omittis odii, invidiæ, insectationis, quæstus, ambitionis, & consimilibus nequam affectibus, sincere & pacifice Evangelium pacis annuncient, mutuis convitiis se non proscindant, nec alius alium pro concione impugnet. Sed si quis alterum hæresim, vel perniciosum errorem, aut aliud quidpiam, quod pium aurium sit offensivum, dixisse deprehenderit; Episcopo, aut illius Vicario, aut Inquisitori Apostolico, vel Officiali loci, ordine etiam servato Evangelico, significet. Et cum Catholicas traditiones, tanquam ærctissima quædam Christianæ religionis & pacis vincula conservare, & custodire omnes ex æquo deceat, neque dubitemus traditiones & consuetudines

universalés, præsertim eas, quas per orbem tota frequentat Ecclesia, ab Apostolis in Ecclesiæ sinum transfusas, vel a Generalium sacrorum Conciliorum auctoritate profectas; Nos eas simili religione, qua ea, quæ sacra Scripturæ præscribit auctoritas, ut observentur, doceri omnino mandamus: quæ vero per loca vel regiones nostræ Diocesis, vel Provinciæ variantur, eas quisque observet ad ædificationem morum & fidei. Ac ne ququam temere contra eas de suggesto rogationem facere præsumat; mandamus Episcopis Provinciæ nostræ, & Officialibus nostris, ut si qui ritibus Ecclesiæ antiquandis, vel novandis privata auctoritate studere comperti fuerint, in eos severiter animadvertant.

Quare qui pascendi gregis Domini curam susceperunt, ea potissimum doceant, quæ ad tranquillitatem & piam concordiam facere, & ad captum rudis populi accommodata esse cognoverint. Cujusmodi est simplex explanatio Symboli, Decem Præceptorum, & Cæremoniæ Ecclesiæ, Orationis Dominicæ. Item ehortatio ad pœnitentiam: in qua Christi Servatoris commemorent beneficia, ac pœnas nunquam finiendas, quæ in malo obstinatis præparatæ sunt, ob oculos ponant: sed ne misericordiam desperent, rursum sublevent, ac solentur. Cessantes ac torpentes excitent, animo dejectos in spem erigant: voluptuariis, resque mundi admirantibus, vitæ brevitate, & æternos ignis cruciatus subinde ingerant, ut saltem futuris malis territi peccare desinant, atque ad meliorem frugem se recipiant: nec non populo omnino persuadeant, non quamlibet fidem, qua in Deum creditur, sed eam demum salutiferam fore, quæ (Apostolo teste) per dilectionem operatur, ac sic ad bona opera sedulo cohortentur, & præsertim ad opera misericordiæ. Patres ac matres familias, ut proles, & familias christiane educent, graviter & continue commonefaciant, atque ut adulti consueta & ordinaria jejunia, Quadragesimæ videlicet, & quatuor temporum, & Vigiliarum infringere non præsumant: Plebem admoneant, & ut frequenter, vel ad minus in Quadragesima, in initio ejus, vel ante medium ad confessionem veniant: & si non sæpe, saltem in Paschate Corpus

Domini recipiant, si velint inter Catholicos reputari. Sanctorum religiosam mentionem subinde faciant, animosque Christi fidelium illorum exemplis incitent, confirmet, & intercessione confoletur. Doceant quoque, veras Sanctorum Reliquias reverenter habendas. Contenti sint Evangelia & Lectiones; quibus in Dominicis & Festis diebus Ecclesia utitur, interpretari populo, & ex his sermonem & doctrinam ad ædificationem populi formare.

*De Cultu Divino, diligenter & religiose
exequendo, deque disciplina Chori
observanda.*

Deus, etsi Spiritus sit, non tamen internis tantum affectibus fidei, spei & charitatis, verum etiam externis actibus colendus & adorandus est: ut cor & caro exultent in Deum vivum. Est enim externus cultus signum ac manifestatio quædam cultus interni: qualis est laus communis, & orationes publicæ, quæ per Ecclesiæ Ministros ex persona totius populi fidelis Deo offeruntur, quo alii quoque (quatenus per ipsorum occupationes licet) ad laudes Dei, & gratiarum actiones excitentur. Neque enim Ecclesiasticæ melodix sua deest energia. Id quod Augustinus testatur, referens Ambrosium Mediolani cantum instituisse Ecclesiasticum, secundum morem Ecclesiarum orientalium, eumque cultum celebrari ceptum magno studio fratrum, Hymnos & Psalmos canentium: quem etiam cæteræ Ecclesiæ imitatz sunt. Sed & ipse Augustinus, quantum Ecclesiasticis fuerit canticis affectus, his verbis testatur: Quantum fleui, Domine, in hymnis & canticis tuis, suave sonantis Ecclesiæ vocibus acriter commotus: voces illæ influebant auribus meis, & eliquabatur veritas in cor meum, & ex ea æstuebat affectus pietatis, & currebant lacrymæ, & mihi bene erat cum illis. (*) Et rursus: Cum reminiscor, inquit, lacrymas, quas in primordio fidei meæ fudi ad cantus Ecclesiæ, & nunc quoque commoveor, non cantu, sed rebus, quæ cantantur, cum liquida voce, & convenientissima modulatione magham hujus instituti utilitatem rursus agnosco, magisque adducor, consuetudinem approbare in Ecclesia, ut per oblectamenta aurium infir-

mior animus in affectum pietatis assurgat. Hæc cum ita se se habeant, hortamur omnes & singulos Clericos, ut omnes pariter convenienti modulatione, consona denique voce, debitum Deo cultum nocturnum & diurnum devote & religiose exhibeant & exequantur, eo modo, his ritibus & cæremoniis, quibus hætenus uti est Ecclesia, & ut a sanctis Patribus est traditus, atque a Majoribus nostris observatus.

De Horis Canonicis.

Omnes, qui Horis Canonicis persolvendis deputati sunt, dent operam, ut collectis animis, quoad fieri potest, debitum pensum absolvant: nec ita se habeant, ut dum voce psallunt, quidvis potius, quam Deum animo cogitare videantur, semper caventes, ne Propheticum illud audiant: Labiis quidem me honorant, cor autem eorum longe est a me. Quid autem est voce quidem psallere, mente autem domum aut forum circumire, nisi homines fallere, & Deum iridere? Grave admodum est, quod scriptura dicit: Maledictus, qui facit opus Dei negligenter. Statuimus proinde, ut laudes Divinæ per singulas horas non cursim ac festinanter, sed tractim, servatis intervallis decentibus, ratione dierum Festorum, a Profestis & intermediis fecernendorum; habita, reverenter & alacriter absolvantur, nequaquam sublato in altum clamore, ne vel insanire, vel animi lascivia gestire videantur potius, quam fervore spiritus exultare: semper versiculum decantatissimum animo volventes: Non clamans, sed amans, cantat in aure Dei: audit enim ille vocem cordis, sine qua sonum oris contemnit, quare videndum est, ut qui spiritu psallunt, & mente psallant.

Caveant item, qui aliis occupati negotiis, extra chorum horas privatim legunt, ne somnolente, aut truncatis verbis, aut intra fauces compresso spiritu preces demurmurare, vel ut Ethnicus quidam ait, rabiosa silentia rodere videantur, sed articulate, distincte, diserte, & cum attentione integre omnia pronuncient.

Ne qua item occasione in diversa rapti, desint officio suo, districtius prohibemus, ne deambulando horas dicant, sed in locum aliquem orationi aptum tan-

(*) S. Aug. in Confessionibus.

disper concedant, ne mentis evagatio, quæ ex tumultuaria deambulatione nasci solet, fructum orationis intercipiat.

Nullus item dum Canonice preces in templo publice cantantur aut leguntur, audeat privatim ibidem aliquid legere, ac ne horas quidem Canonicas absolvere, sed concinat, ac una cum fratribus Deum honorificet. Contrarium qui fecerit, tanquam absens habeatur.

De iis, qui dum Sacra fiunt, per templa vagantur, prophana miscentes colloquia.

Quicumque tempore, quo Divina peraguntur, spatium in Ecclesia, vel circa eam deambulare, simul & otiosis fabulis vacare, comperti fuerint, tanquam absentes pro die habeantur. Et si semel admoniti non destiterint, sed pertinaces fuerint, graviolem habeant penam, arbitrio Prælatorum, aut eorum vices gerentium, infligendam. Quos ipsos hortamur, imo eis districte injungimus, præsertim in Metropolitana Ecclesia nostra Treverensi, & in Cathedralibus Suffraganeorum nostrorum, tanquam insignioribus & frequentioribus Ecclesiis, ut nulla ratione patiantur Divina officia quorumcumque colloquiorum, confabulationum, deambulationum, aut canum, avium, morionum & similibus strepitu, garritu & latratu, sive a Clericis, sive a Laicis perturbari, aut irreverentia affici.

Sed nec ipsi Prælati, quorum maxime interest removere scandala, atque ea, quæ verbis imperant, facto & exemplo confirmare, in iis se se culpabiles redant, neque in correctione subditorum suorum negligentes se exhibeant: & quod nullus in peccatis excusationi locus relinquatur, præsentis decreti tenore in irritum revocamus, & annihilamus omnia statuta, ordinationes, consuetudines, & privilegia exemptionum, quibuscunque Ecclesiis, militiis, hospitalibus, locis & Monasteriis quorumcumque ordinum, quacunque auctoritate & qualitercumque concessa, quæ reformationi prædictorum abusu, & correctioni perverforum morum adversantur, aut in mora sunt, ut contra personas & loca prædictarum Ecclesiarum, ordinum, domorum, militiarum,

hospitalium, Monasteriorum sine omni exceptione, ad correctionem, seu emendationem procedi non possit aut valeat. Cujus executio in casu negligentia, a Capitulis ad Prælatos, & Prælatorum negligentia intercedente, ad Officiales, vel Vicarios locorum, aut eorum Superiores devolvatur.

Quo tempore quisque in Choro esse debeatur.

Majorum nostrorum vestigia sequentes, & auctoritati sacrorum Generalium Conciliorum innitentes, ut cuncta in domo Dei ordinate fiant: Volumus, ut in Metropolitana nostra Treverensi, & in omnibus Cathedralibus & Collegiatis Ecclesiis civitatis, Diocesis, & Provinciae nostræ Treverensis habeantur duæ tabulæ, quarum una habeatur aut in, aut circa chorum, in qua disciplina observanda descripta sit: ex cujus tenore satis liqueat, quando, & qualiter quis horis Canonicis interesse debeat. Ad cujus disciplinae observantiam, Prælati cunctos sibi subditos rigoro commoneant & compellant. Et si alicubi hactenus erecta non fuit, aut perperita, eam rursus erigi, & describi jubemus.

Secunda vero tabula locabitur & ponetur in sacrario, aut alio loco convenienti: in qua quid ab unoquoque Canonico, vel alio beneficiato legendum, cantandumque sit singulis diebus & horis per hebdomadam, scribatur, & hic negligentiam committens, pro modo delicti corrigatur.

Nolumus autem, ut Collegia Canonicas preces in templis persolvere, aut sacra facere, vindemiae, aut aliorum negotiorum & secularium occupationum prætextu omittant, non obstante quacunque consuetudine: sed ita partiantur onera, ut dum alii temporalia procurant, alii orationibus, & publicis precibus vacent. Et si alicubi hoc fieri non potest, saltem hebdomadarius pro tempore, præsentibus aliis quotidie, durantibus vacationibus vindemialibus, Canonicas horas in choro saltem legendo persolvere curabit. Ita tamen, ut Dominicis diebus, & Apostolorum Festis, Tertiæ, Sextæ, Vesperæ, & Completorium cantentur, & summum Sacrum fiat.

Statui-

Statuimus insuper & ordinamus, ut deinceps Capitula, actus & tractatus Capitulares, tantum profectis, seu ferialibus diebus teneantur: Sed nec in iis sub Missa, Vesperis, aut Completorio indicantur, aut teneantur. Quinimo, ut omnes Missæ intersint, districte mandamus. In aliis vero, si subsit urgens necessitas, aut evidens Ecclesiæ utilitas postulet, ut Capitulum teneatur, Decanus indicabit dilationem, seu moram Capituli, & actuum Capitularium non carere periculo, & propterea sub prædictis horis tractandum & agendum esse. Et si in his secus actum fuerit, tam indicens, quam interessentes, residentia, & præsentis pro illa die carebunt, quinimo omnino uti absentes his horis reputabuntur.

De Missæ Officia rite peragendo.

Hortamur, ut Sacrosanctam illam actionem, in qua Sacrificium pretii nostri, Corpus scilicet & Sanguis Christi veraciter offertur pro vivis & defunctis, summa religione & devotione Sacerdotes peragant, ac quoties datur, sedulo frequentent & celebrent, eo modo, & his ceremoniis, seu ritibus observatis, quos hæcenus Romana & occidentalis servavit & hodie servat Ecclesia.

Dum Sacerdos Sacrum facturus in sacrario cum ministris induitur, nemo inibi confabulari præsumat, unde vel ipsius, vel ministrorum devotio inturbetur.

Egredienti Sacrarium ad Altare, vel revertenti post sacrum, omnes assurgant, similiter & ministris, dum sacris induti, lecto Evangelio, Epistola, aut Homilia prætereunt.

Dum Sacerdos sacrum facturus, confessionem ex more præmittit, ministri nequaquam dent operam accendendis luminaribus, aut aliis rebus mentem avocantibus, sed adsint Sacerdoti confessionem persequentes, & pro se invicem Ecclesiæ nomine orantes.

Veterem Canonem instaurantes prohibemus, ne quis Sacerdos Missarum solennia publica celebrare præsumat, nisi ad minus duobus præsentibus. Quod si in privata Missa commode fieri non potest, ad minus adsit unus, qui respondentis locum suppleat, sed ita, ne sit proles illegitima, quam omnino patre ce-

lebrante Altari adstare prohibemus, multo magis concubinam, si quam habuit.

Et jejunos quilibet celebret, & velato capite Altari assistere, aut ita illud accedere nullus omnino præsumat. Quæ & Diaconos & Subdiaconos observare mandamus: si quis temere contrarium facere præsumpserit, excommunicationis vinculo innodetur.

In Missa publica & summa, præfatio & oratio Dominica, non debent privatim dici aut abrumpi. Ita & Symbolum, Epistola, & Evangelium, integre, distincte & clare cantari debent. Neque ferendum est, ut chorus verba Sacerdotis, vel Subdiaconi, mox in ipso lectionis vestibulo interrumpens auspicetur Graduale, Tractum, vel Alleluja, quasi scilicet hoc satis sit, si adstantes sciant, cujus sit lectio aut Epistola.

Dum Evangelium cantatur in summo Sacro, expedit dare signum per campanam, ut existentes in vicino laici, ad elevationem Dominici Corporis & Sanguinis invitentur.

In elevatione Corporis & Sanguinis Christi, & post, ulque dum cantatur Agnus Dei, sileant organa. Nulla canteur Antiphona, neque pro pace, neque adversus pestem, aut mortalitatem, sed silenter pro se quisque, aut flexis genibus, aut prostratus humi corporibus, passionis ac mortis Christi commemorationem faciat, ac Redemptori gratias agat, pro beneficiis per mortem ipsius largissime acquisitis.

Statuimus insuper, imo antiquorum Patrum statuta innovamus, ut sub summo sacro, nulli Sacerdotum liceat eodem in templo sacram rem facere, sed privatas Missas antea absolvant, ut omnibus ad publicum sacrum convenire sit integrum, & chorus plenus & collectior, plenior ac purior Deo cultum exhibeat.

Etsi optare potius, quam sperare liceat, adesse quotidie aliquos, qui Eucharistiam accipiant: Volumus tamen, ut Sacerdotes ad frequentationem hujus mysterii & sacram communionem laicos adhortentur: nec tamen ideo Sacerdotes a quotidiano sacro desistere oportet, quod desint, qui cum Sacerdote sacra facien-

faciendæ, mensæ Dominicæ quotidie Sacramentaliter communicent.

Ordinamus præterea, ut per singulas Dioceses nostræ Provinciæ, Missarum officia decantentur & legantur, prout in Missali ordinario, uniuscujusque Diocesis, ordinatum est: & si qua Diocesis proprio ordine Missalis caruerit, ad modum nostræ Trevirensis Ecclesiæ Missali utetur: neque alicui publice aut privatim alienis Missalibus uti licebit. Idem & de Breviariis observari volumus.

De moderandis Feriis.

Numerum Festorum crevisse admodum videmus, sed calentem fidelium devotionem frigesce, eoque ventum esse, ut bona pars hominum omnia festa negligat, idque impune, nec sine Ecclesiæ dedecore. Pauperes, qui non habent, unde alant uxorem & familiam, clamant, omnem fere cessationem damnosam sibi esse. Operæ pretium proinde nobis visum est, Festorum numerum contrahere, quo & effrenes coerceantur, & aliquid deur necessitati pauperum. Itaque hæc festa omnino celebra esse volumus, & pro Pastoralis nostri officio solenniter celebranda mandamus & præcipimus: Dies Dominicos omnes, festum Nativitatis Christi, Stephani, Joannis, & omnium Apostolorum, Circumcisionis, Epiphaniæ, & Purificationis, Annunciationis, Assumptionis, Nativitatis Virginis Mariæ, Paschæ cum duobus sequentibus, Ascensionis, Pentecostes, Magdalenz, Laurentii, Crucis, Michaelis, omnium Sanctorum, Martini, Catharinæ, Andreæ, Nicolai, Thomæ. Et in civitate nostra Treverensi hæc festa Patronorum: Maximini, Simeonis, Visitationis, Helenæ, Paulini, Translationis Materni & Euchariei. Et in singulis civitatibus, oppidis, & Parochiis Dedicationis Festa, & Patrocinia celebrari mandamus. Cæterum dies Innocentium, Cinerum, Parasceves, Coenæ Dominicæ, Sabbati magni, Marci, tres Rogationum, Commemorationis animarum, & omnes reliquos dies stationum, quos Ecclesia nostra Treverensis in diebus aliorum Patronorum, vel pro specialibus rogationibus, ab antiquo introduxis, in civitate nostra Treverensi, vel

eius suburbio observatis, usque in meridiem feriari volumus: ita, ut factis Sacramento, cuique ad labores, aut negotia sua redire liceat. Simili ratione in Cathedralibus & Diocesisbus Suffraganeorum nostrorum: quibus tamen arbitrium suum in hoc relinquimus, & in aliis locis & Parochiis Diocesis nostræ observanda. Et si quis sive Clericus, sive laicus in prænominatis celebribus festis, aut in aliis ante meridiem operæ mercenariæ publice vel privatim, aut comportionibus, choreis, ludis, aut id genus lasciviis & levitatibus temere & contumaciter se se dederit, aut immiscuerit, ab Officialibus nostris arbitraria pœna pro modo delicti, etiam brachii secularis auxilio (si opus erit) invocato, puniri mandamus. Cætera vero festa, quacunque ratione instituta sunt, vel recepta, in foro libera facimus. In Choro vero & Ecclesia eadem festa, prout ab antiquo observata sunt, devote celebrentur. Ita tamen, ut historiæ & lectiones parum probatæ omittantur.

Et cum potissimum hæc de causa indictæ sint feriæ, ut festos dies in Dei laudibus, & gratiarum actione, ac audiendo Verbo Dei populus transfigat; curent nostrarum Diocesis & Provinciæ, civitatum, oppidorum & locorum Magistratus ac Rectores, ut populus prænominatis diebus festis, Verbum Dei devote audiant, & Divina frequentent. Neque tempore Divinorum, & præsertim hora, qua Concionatores verba faciunt ad populum, patiantur cives vacantes otiosis fabulis in foro stantes.

De religiosis Monachis & Monialibus.

Religiosos varii nominis & regulæ; simul & pia loca, Sancta Romana Ecclesia benigno favore semper profecuta, specialibus gratiis, privilegiis, immunitatibus, & exemptionibus decoravit. Ea omnia Nos per nostram Diocesim, & Provinciam nostram Treverensem, nullatenus imminuere, sed magis illibata conservare, & quatenus aliorum jure salvo, possumus augere & extendere, in votis habemus & intendimus. Sed ita, ne sub ovina pelle gregem Dominicum, truculentia lupi rapacis invadat: sub pietatis imagine, virus hæreticæ pravitatis obrepat, & sub prætextu conversationis

Evangelicæ, spiritus malignus illudat. Cujus rei gratia (præter singulorum ordinum ab Ecclesia receptorum regulares institutiones, quas tanquam salutare ab omnibus & singulis, prout illos respective concernunt; observari mandamus) varii Canones editi sunt, a quibus (quod dolenter referimus) si non ab omnibus, neque in omnibus; a plerisque tamen & multis declinatur, non solum in propriæ salutis discrimen; sed & in religionis opprobrium; & plurimorum fidelium scandalum, sed & in illius, cui suam integritatem spontanea voluntate devoverunt, gravem offensam. Quapropter quæ in iis ab Ecclesia & Prædecessoribus nostris, sancte & canonice statuta sunt, ut inviolabiliter ab omnibus observentur; serio mandamus, & præcipimus.

Et inter cæteros abusus reformandos current Prælati, Abbates, Priores, Guardiani, simul & Monasteriorum Visitatores, & alii quocunque titulo nominentur, ne aliquis ante decimum quintum annum, ad probationis annum admittatur.

Item, ne quis anno probationis non completo, ad professionem recipiatur.

Item receptis sic, Præceptores idonei deputentur, qui eos in regulari observantia, & Divinis officiis non minus, quam in litteris, & e converso instituunt, & forment.

Ad sacros Ordines suscipiendos, non nisi ætate & scientia sufficientes præsentent.

Item idonei ad iussu Superioris sui, excusatione legitima cessante, se faciant promoveri.

Quodque gratis singuli ad professionem recipiantur, nullo accepto pretio, nec aliqua facta conventionem: & ne hæc sub paupertatis prætextu pallientur, districte inhibemus.

Non patiantur Abbates, Priores, & Abbatissæ, aut Priorissæ, ut suorum Monasteriorum Monachi, aut Moniales, honestatis habentis & monachali modestia laxatis, impudenter se secularibus negotiis involvant, aut extra Monasteriorum septa deambulent, vagentur, & discurrant: & si qua inevitabilis necessi-

tas intercedat, quod tunc nullus egrediatur, nisi honesta subsit causa. Et tunc non nisi de expressa licentia Superioris, & cum habitu decenti, & honesto socio.

Cæteris Canonibus de vestitu, cibo, peculio, officio, Capitulis, Visitatoribus, & correctione Monachorum promulgatis, in suo robore permanentibus; volumus; ut omnes Abbates & Priores, tales diligenter observare procurent, quod iisdem districte præcipiendo injungimus.

Moniales vero, quarum sexus fragilior est, nulla ratione vel causa, nisi tanta & talis sit, quod omnino notorie excuset, Monasteria sua egredi facultatem habeant: sed & tunc, non nisi cum honesto & decenti habitu, & associatæ egrediantur, idque de expressa licentia Episcopi, Abbatis, Visitatoris, aut ab iis potestatem habentis, quam Patri Confessori pro tempore existenti, concedi prohibemus.

Nullæ prorsus inhonestæ personæ, nec etiam honestæ, nisi rationabilis & manifesta causa subsit, ac tunc specialia licentia illius, ad quem spectat concessio; petita & obtenta, accessus vel ingressus ad moniales pateat. Et quæ de clausura in regularibus ordinum Constitutionibus mandantur, omnino & illibate teneantur & observentur: ut sic a publicis & mundanis conspectibus separatz, servire Deo liberius valeant, & sublata lasciviendi opportunitate, corda & corpora sua in omni sanctimonia diligentius custodire possint.

Prohibemus insuper districte, ne Moniales, ordinem aliquem professæ, confessorum habeant alium, quam ejusdem ordinis & regulæ.

Religiosi omnium ordinum, ut si nistræ suspensionis etiam tollatur occasio, quascunque mulieres, & religiosas, & servientes Deo, in ambitum, seu periodum Monasterii recipere aut introducere nullatenus præsumant.

Religiosi convivium secularium non frequentent, sed nec facile illos ad Cænobium invitent, nisi necessitas & honestas ad Superiorum dictamen id suadeant.

Religiosi mensam non nimium lau-

tam aut sumptuosam, neque deliciis ad luxum exquisitis redundantem habeant: quam a benedictione auspicari, sacrae lectionis pastu fovere, hymno & gratiarum actione absolvere convenit. Interim a longo accubitu, comestationibus fœdis, compotandi studio, a crapula & ebrietate omnino abstineant.

Religiosi, ut omnibus bono exemplo, nullis vero, quantum in ipsis erit, offendiculo sint; honesto Prædecessorum suorum more, non nudis byrrhis, aut pileis, sed capitibus cucullo testis in publico incedant. Et nullatenus ad balnea promiscua, aut alia loca publica intrent: sed nec ad nuptias, aut nuptiarum convivia vadant. Neque pueros de sacro baptismatis fonte, per se, vel suffectas personas suscipere præsumant.

Insuper statimur, imo antiquorum Patrum Canones innovando mandamus, quod nullus Monachorum pro lucro terreno, de Monasterio suo exire, nefandissimo ausu, aut secularibus negotiis se se immiscere præsumat. Itaque Religiosos a curtibus Monasteriorum suorum, ad Monasteria revocari, & curtes per fideles laicos, seu præbendarios administrari jubemus.

Insuper, mendicantium ordinum Prælati omnino provideant, ne post hac terminarii eleemosynarum partem quovis modo sibi vendicent; sed eas colligentes cum honestate morum, Dei habito timore, omni scandalo semoto, integram ad Conventum, & in commune conferre & præsentare, ad evitandam proprietatis notam, studeant.

De Monasteriis non molestandis.

Licet ex injuncti Nobis Pastoralis officii debito, super cunctum gregem nobis commissum, mentis nostræ aciem dirigere teneamur, vigilantius tamen & cautius agendum ducimus in iis, ubi subditorum nostrorum majora incommoda & pericula vertuntur. Sane uti ex plurimorum querela didicimus, multi Barones, Præfecti, Officiarii, aut alii nobiles & ignobiles in transigendis aut componendis suis, vel aliorum controversiis & dissidiis, vel simili prætextu, se se cum equis & jumentis in Monasteria, vel eorum curtes, aut possessiones

conferunt, & hospitio excipi volunt, ut nedum luxus, dissolvendæ religionis & monasticæ disciplinæ, ac turbandorum Divinorum inibi in animarum discrimen, & Dei offensam occasio nascatur; verum etiam, ut experientia docti comperimus, nisi provisionis nostræ auxilio succurramus, periculum sit, ne Monasteria tandem funditus exhausta, depauperentur, & collabantur. Nos itaque hujusmodi malo, ac innumeris præterea, & diversis tribulationibus & injuriis, quibus sub præfato prætextu Religiosi sæpe afficiuntur, medelam competentem, quam possumus, adhibere volentes: Mandamus omnibus Præfectis, & Officiariis nostris, ac aliis quibuscunque Baronibus, nobilibus & ignobilibus, ut nunc, & post hac, talia jam prædicta tentare & facere nullomodo præsumant, neque sub colore memorato aut simili, Monasteria aut eorum curtes infestare, aut molestare deinceps attentent.

Mandamus insuper, omnibus & singulis Abbatibus, Prioribus, & Religiosis, ne deinceps tales etiam proprio suo consensu recipiant vel admittant. Et si per aliquem Prælatum, aut alium quempiam, permissum, concessum, vel actum fuerit, animadversione condigna ita cum illo agemus, ut cæteri ab exemplo discant obedire. Et si contra præmissa violenter quisquam se se ingesserit, aut indebite injurias, aut molestias Monasteriis, aut eorundem personis intulerit, in eundem præsentis statuti vigore excommunicationis sententiam ferimus. Atque volumus, quod Prælati & Religiosi, eundem Nobis, aut Officialibus nostris, publice significare & deferre nominatim teneantur. Nos vero, aut Officiales nostri, ex tunc contra eundem, ordine juris servato, usque ad condignam violentiæ, injuriarum, & damnorum satisfactionem procedemus, & per Officiales nostros procedi mandamus: salvis nihilominus, & in suo robore duraturis omnibus aliis Apostolicis, Imperialibus, ac Prædecessorum nostrorum Constitutionibus & Ordinationibus, per quas Ecclesiis, & personis Ecclesiasticis in suis libertatibus prospectum est & provisum: quas etiam innovamus, & per nostram civitatem, Diocesim, & Provinciam Treverensem, inviolabiliter

observari mandamus: Jure etiam & præ-
eminentia Patronorum & Fundatorum
semper salvis & illibatis.

Præterea inhibemus hac nostra Syn-
nodali Constitutione, ne quis aliquam
Religionem professus, Ecclesiarum Pa-
rochialium gubernacula, & curam susci-
piat, nisi de nostra vel Ordinariorum
admissione, subsistente causa legitima, &
Superiorum suorum voluntate & licentia
obtentâ. Ita tamen, quod per Supe-
riores suos revocari possint, ac revocati
humiliter obedire teneantur. Et si qui
hactenus aliter admissi sunt, vel assumpti;
volumus & jubemus, per Officiales nos-
tros, in civitate & Diocesi nostra Tre-
verensi, ac per Suffraganeos nostros,
eorundemque Vicarios, per totam Pro-
vinciam Treverensem, ad Superiores il-
lorum remitti, ut dignas dent temeritatis
suz penas.

Ecclesias vero Monasteriis unitas,
seu incorporatas, si non tanta intercape-
dine distant, quin Religiosi earundem
curam habituri, in communis vitæ regu-
lari observantia, & obedientia degere
possint; per hujusmodi Religiosos pro-
videri & regi, modo idonei sint, per-
mittimus. Si vero Vicarios alios, sive
in propinquis, sive in distantibus Pa-
rochiis perpetuos, vel amobiles pro arbi-
trio constituere velint, hæc non præsu-
mant, nisi per Nos, nostros Suffraga-
neos, aut Officiales nostros, & Vicarios,
tanquam habiles & idonei reperti & ad-
missi fuerint.

Volumus insuper, quod Religiosi
ad curam animarum sic admissi, per om-
nia se Parochialibus Sacerdotibus, juxta
has nostras, & Prædecessorum nostrorum
Synodales Constitutiones & Ordinationes,
nec non universalis Ecclesiæ &
Apostolicæ Sedis Canones, in Verbi Di-
vini explanatione, Evangelii prædicatione,
Divinorum celebratione, Sacramen-
torum administratione, per omnia con-
forment, & nihil novitatis introducere
præsumant.

Mendicantium vero ordinum Fra-
tres, in Verbi Dei propositione, & præ-
dicatione, in audiendis confessionibus
Christi fidelium, in sepulturis & funera-

libus, & aliis hujusmodi, se per omnia
conforment Constitutionibus, & Ordina-
tionibus Apostolicis desuper editis :
quas in posterum inviolabiliter observari
mandamus. Sublata penitus potestate,
cæteris Religiosis quorumcunque ordi-
num, non mendicantium, ad curam ani-
marum, ut præmittitur, non admissis,
nec receptis, ne iis se ingerant : quod
iisdem districte præcipiendo mandamus:
salvis tamen regularibus Constitutioni-
bus omnium eorundem ordinum.

De casibus vero Nobis reservatis,
hoc statuimus, ne quis eorum decisio-
nem sibi arroget, nisi a Nobis specialiter
sibi commissum fuerit. Nos tamen hoc
negotium dabimus expertis, eruditis &
probatissimis aliquot Presbyteris: prout etiam
in similibus casibus Suffraganei nostri ali-
quos per suas Dioceses designare pote-
runt, quibus hoc committant.

In casibus vero non reservatis, nul-
lus Parochianum alterius Parochiæ absol-
vere præsumat, nisi de licentia Ordina-
riorum loci, vel ex permissione proprii
Parochialis Sacerdotis, idque non nisi in
casibus in Constitutione Balduini, felicis
recordationis Prædecessoris nostri ex-
pressis. (*) Et Religiosi, etiam Mendi-
cantium ordinum Fratres, non obstante
quocunque privilegio, in civitate, Dice-
cesi & Provincia nostra Treverensi, præ-
missa observare debebunt, & tenebuntur.
Imo Priores & Guardiani non debent
deputare Fratres suorum ordinum ad
confessiones audiendas, nisi peritos &
prudentes, qui etiam a Nobis, & Ordina-
rariis locorum, & non aliis (quibus per
scripta Superiorum nominari & præsen-
tari tenentur) admittendi sunt,

Et cum omnes Christi fideles ex
constitutione Ecclesiæ semel in anno te-
neantur proprio Sacerdoti confiteri, si
quis hoc neglexerit, & in Paschate Sa-
cræ Eucharistiæ accipere recusaverit
(nisi forte de licentia & consilio Confes-
soris abstineat) sic decedens, careat Ec-
clesiastica sepultura, & vivus ab ingressu
Ecclesiæ arceatur. Proinde in virtute
sanctæ obedientiæ præcipimus Ecclesia-
rum Rectoribus, Vicariis & Capellanis,
curam gerentibus animarum, ut omnes
hujus-

(*) Vide Tomo IV. Conc. Germ. Synodum Provinciale a Balduino celebratam A. 1310.
pag. 147. ubi casus Episcopo reservati recensentur.

hujusmodi rebelles & inobedientes, Nobis, aut locorum Episcopis & Ordinariis, per scripta nominatim indicent; ut vel canonice puniantur, vel pudore suffusi, resipiscant. Quamobrem etiam districte prohibemus omnium ordinum Religiosis, curam animarum non habentibus, ne alicui sacram Eucharistiam porrigere præsumant, nisi de expressa permissione & scientia Pastoris.

De Decanis Christianitatis.

Volumus, ut omnes Decani Archi-Diaconatus tituli Sancti Laurentii in Diekirchen, se conforment Archi-Presbytero in Wetzlaria, & illius statutis, & juribus in casibus, qui singularibus statutis decisi non sunt.

Cæterum in omnibus aliis Presbyteratibus, & Sedium Christianitatis Decanatibus nostræ Ditecesis, volumus, & mandamus, quod omnium & singularum Ecclesiarum Parochialium Curati, intra annum a die acceptæ possessionis, per se, vel Procuratorem legitimum, præstent juramentum Decano, quo præstito, in fratrem recipiatur, & salvis juribus Capituli consuetis, Decanus nunc & post hæc a sic recepto, habeat pro se unum aureum Rhenensem. Et tenebitur quilibet in Capitulis generalibus & annalibus, & similiter, quando necessitate occurrente, Decanus Capitulum indicit, sub pœnis consuetis comparere, & quotam expensarum & sumptuum a Decano factorum persolvere. Nec non deinceps, quocunque Pastore vel Plebano decedente, nostro nomine marcham nobis debitam, ipse Decanus sublevabit, & Sigillifero nostro fideliter tradet.

Et pro se, & juribus suis, a quolibet sic decedente, ipse Decanus habebit tres Florenos Rhenenses in auro, non obstantibus quibuscunque aliis statutis & consuetudinibus, quæ & quas præsentium tenore cassamus, irritamus, & revocamus. Atque præcipimus, quod deinceps contra præmissa nullæ fiant pactiones, statuta, aut ordinationes, nisi de nostra, aut Archi-Diaconorum loci, expressa admissione & licentia.

Et quo præmissa in plenarium effectum deducantur, ut cupimus, volumus, & præsentium tenore statuimus, si quis

elapso anno, in Fratrem Capituli, ut præmittitur, se recipi non curaverit, tunc in pœnam ejus, propter contumaciam, fructus anni illius, qui nostrum annum consequitur, sequestrentur. Et nisi intra eundem annum paruerit, ex tunc tales fructus confiscabuntur: Nobis pro media parte, reliqua medietate, inter Archi-Diaconum loci, & Decanum dividenda. Et sic deinceps singulis annis fiat, donec & quousque paruerit.

Præterea singuli Capellani, aut Vice-Curati non residentium Pastorum, tenebuntur singulis annalibus Capitulis comparere & ostendere Decano commissionem regendi: alias eosdem præsentis statuti vigore excommunicationis sententia teneri volumus. Mandantes Decanis locorum, ut mox tales Nobis, aut Archi-Diaconis nostris, denuncient declarandos.

Atque ipsi Capellani, seu Vice-Curati, nunc & in posterum de fructibus aut arrenda nullatenus respondeant ante finem anni, nisi retenta marcha, & media marcha præmissis. Alioquin ipsi de his respondere, & de suo solvere tenebuntur. Quod etiam tempore Capitulorum observandorum generaliter, & cuilibet specialiter, tempore admissionis injungi volumus & mandamus.

Insuper statuimus & ordinamus, quod deinceps decedentibus Prælati Monasteriorum, sive Collegiatarum Ecclesiarum, quibus quacunque auctoritate Ecclesiæ Parochiales uniæ, aut incorporatæ sunt, ita tamen, & taliter, quod non per fixos Vicarios, sed duntaxat ad nutum amobiles Capellanos gubernentur & regantur: quod ex tunc morte Prælatorum intercedente, nobis marcha argenti, aliis vero Archidiaconis, sedium Christianitatis Decanis & Capitulis, infra annum jura aliis præscripta persolvantur. Insuper præcipientes, ut ipsi Capellani, ut præmittitur amobiles, non nisi idonei admittantur, & admissi ad comparitionem, & omnia Capitularia onera teneantur & compellantur, sub modis & formis præscriptis.

De Competentia Pastorum.

Quum multorum querela pulsante intellexerimus, varios esse, qui vel ob

inopiam Parochias suas deserere & mutare, aut contra Canonum Sanctiones secularibus negotiis se implicare, aut pro Sacramentis Ecclesiasticis immoderate exactionem facere præsumunt, aut in dedecus Clericalis ordinis, victum quasi emendicare coguntur; dignum esse & æquum arbitramur, ut qui Altari servant, de Altari & vivant. Neque absolum reputamus, ut ea, quæ ex antiqua consuetudine locorum Pastoribus & Curatis solvi & præstari eisdem solita sunt, & si modica sint, benigne persolvantur: eoque minus sub hoc prætextu Sacramentorum venditionem causentur isti, qui omnia sinistra in ordinis Clericalis confusionem interpretantur. Atque ut omnium in hoc uniformis observantia in nostra Dicecesi constituatur; maturo consilio statuimus & ordinamus, ut deinceps in nostra Civitate & Dicecesi Treverensi Curatis pro licentiatório, seu dimissoriis litteris, duodecim albos rotatos: pro educendis, seu benedicendis puerperis duodecim denarios: pro eo tempore, quo sacrosanctum Eucharistiæ Sacramentum ad infirmos deferretur, quatuor denarios: extremæ vero unctionis Sacramentum duodecim denarios: pro offertorio quatuor festivitatum, pro qualibet unum denarium exigere liceat.

Ultra tamen nullus Curatus exigere præsumat, datum tamen, aut oblatum liberaliter, recipere potest.

Pariformiter, pro Baptismi aut Pœnitentiæ Sacramentis nihil exigit: liberaliter oblatum recipere potest.

In nuptiis vero celebrandis, Sacerdos juxta consuetudinem loci cibariis missis a nuptiis, debet contentus esse, nihil ultra exigendo. Si vero copulati pro iis pecuniam largiri vellent, numerum octo alborum excedere non debent.

In funeralibus vero, aut exequiis defunctorum, aut tertio, septimo, & tricesimo, expensis, & duobus albis, aut deficientibus expensis, ultra tres albos Sacerdotes exigere non præsumant: sed liberaliter oblata recipere possunt.

In pecoribus vero pascendis & custodiendis, & quæ sunt domus dotis Ecclesiæ, curtis & ædificiorum reparatione,

Decanatus statuta observentur: & iis deficientibus, ad statuta Dicecesana, olim per felicis recordationis Balduinum Prædecessorem nostrum edita & condita, recursus haberi debet.

Insuper, si super competentia questio emerferit, cum certa regula dari non possit, coram Ordinario loci proponetur & deducetur: ac summarie, simpliciter, & de plano per Officiales nostros procedi, & sententiam ferri mandamus. Et si diffinitum aut cognitum fuerit, quod competentia danda sit; ex tunc Nos aut Commissarii nostri, quos specialiter ad hoc deputabimus, primo recursum habebunt ad decimam Parochiæ, five eam Clerici, five Laici habeant: Atque hac deficiente, ad plurimum Parochialium uniones, seu annexiones, prout commodius fieri poterit. Et ultimo, si nec sic provideri potest, ordinaria auctoritate Parochianos ad debitam Parochi sustentationem compellere oportebit.

De Scholis.

Magna & præcipua cura habenda est, ut juvenus nostræ Civitatis, Dicecesis & Provinciæ Treverensis, a primo ætatis flore, non minus Christianæ pietatis institutis, & incorruptis moribus imbuatur, quam rudimentis literarum incontaminatis recte instituatur. Quapropter præcipimus, ut juxta Patrum antiquorum Decreta, singula Collegia scholas instaurare, vel erectas conservare debeant, & Prælati Ecclesiarum, ac alij, quibus id muneris ex officio incumbit, solerter providere; ut pædagogi & magistri idonei sint & probi, atque vitæ omnino inculpatæ: qui ea prælegant, quæ puerorum, seu adolescentum ætati conveniunt: dummodo non sint obscena, suspecta, aut contagiosa. Similiter ratione hæc observanda sunt in scholis Parochialibus oppidorum, & aliorum locorum Dicecesis, & Provinciæ nostræ Treverensis. In quibus curent Parochiales Sacerdotes, si in præmissis defectus aut negligentia suboriantur, quod Ordinariis locorum denuncient. Quibus injungimus, ut diligenter circumspiciant, ne quid in iis, quæ ad veram eruditionem, aut ad pietatem & cultum Dei continent, negligatur. Præterea, quo Collegia doctis & bonis viris ornentur & illustren-

Iustrentur; Prælati Ecclesiarum & Capitula Canonicos suos, id petentes, tribus annis expectantiarum finitis (quorum primus Nobis, secundus præsentiarum augmento, tertius Ecclesiarum fabricis debetur) non obstantibus aliis expectantiarum, aut primæ residentiæ annis, ex statutis, vel consuetudinibus debitis, quæ & quas ad effectum præsentem studiorum obtinendum, revocamus & cassamus: sed quæ tamen ad alios, ad studia non destinatos, illibata esse volumus: si in sacris majoribus ordinibus fuerint, & studiis apti extiterint, ad Universitates Catholicas, arbitrio Capituli, nec non sufficiente tempore eis determinato, ac præbenda debita eisdem assignata: salvo tamen & deducto consueto onere, mittere debent. Ipsis vero in minoribus ordinibus existentibus, de præbenda, quæ eis deducto onere, si rederent, deberetur, in absentia respondere tenebuntur. Data tamen prius sufficienti cautione, de perceptis simpliciter Ecclesiæ restituendis, si finitis annis pro studio concessis, mox tunc infra proximum annum sacris majoribus ordinibus initiari, & apud eandem Ecclesias residere distulerint: non obstantibus quibuscunque statutis vel consuetudinibus Ecclesiarum, quibus auctoritate nostra, de consensu hujus Synodi nostræ Provincialis, quatenus præmissis contraria fuerint, præsentium tenore derogamus, & pro ista parte tollimus, cassamus, & annullamus.

*Ut nemo Clericos, vel Ecclesiasticas personas,
ad judicium sæculare trahere
presumat.*

Magnum abusum, & Canonibus, & Imperialibus Legibus contrarium, omnino tollere & abolere affectantes, vetera Statuta Provincialia Prædecessorum nostrorum innovamus; & districte præcipiendo mandamus, quod nullus Ecclesiasticam personam trahere ad judicium sæculare præsumat. Et si laicus actor hoc fecerit, a jure suo cadat, & judicium non teneat; & Judex ex tunc omni potestate judicandi sit privatus.

Clericus vero actor alium Clericum trahens, ultra præmissa, ipso facto sententiam excommunicationis incurrat.

Clericus vero reus sub simili poena, præter alias poenas juris, in judicium sæculare non consentiat.

Et quicumque Judex secularis, directe vel indirecte, per se, vel aliam, Clericum coram se litigare, aut respondere compellit, aut cautionem, vel fidejussionem exigit, aut impedimentum & molestiam infert aut procurat, quominus Ecclesiasticæ personæ, in foro Ecclesiastico libere agere & defendere possint; ipso facto sententiam excommunicationis incurrat: a qua non debet absolvi, nisi prius omni damno & interesse (ut vocamus) restituto, prout latius in prioribus Statutis Prædecessorum nostrorum ordinatum reperitur. At sub similibus poenis, Judex secularis Clericos reos non compellat, sed & eis agentibus in foro seculari, justitiam denegare non præsumat.

De Immunitate Ecclesiarum.

Præterea statuimus, quod nullus a personis Ecclesiasticis, seu eorum bonis, contra libertatem Ecclesiasticam pædagia, thelonia, angarias, perangarias, collectas aut exactiones extorquere aut imponere præsumat, quinimo ad abstinendum ab iis & similibus, & ad restituendum, si quis aliquid extorserit, Canonica monitione præmissa, per Ordinarios locorum, juxta Ecclesiasticam censuram cogatur.

*Ne quis aliqua Statuta, contra libertatem
Ecclesiæ facere præsumat.*

Vetera Statuta Prædecessorum nostrorum innovando & extendendo, præsentem nostram ordinationem cassamus & irritamus omnia statuta & consuetudines, quæ & quas civitates, communitates, & loca; Præsides, Potestates, Rectores, & Consules, & quæcunque aliæ personæ contra libertatem Ecclesiæ edere vel servare præsumperint: & si aliqui secundum statuta, vel consuetudines memoratas judicaverint, judicatum vigore careat, & ipsi judicantes, vel exequentes, ipso facto inhabiles sint ad omnem legitimum actum in Ecclesia, salvo nihilominus aliis poenis, contra tales in Concilio generali promulgatis.

De

De Vita & honestate Clericorum.

Esti Sacræ Cæsareæ Majestatis Augustanam Reformationem Nobis, & aliis Archiepiscopis, Episcopis, & Ecclesiis Prælati ad deliberandum traditam, & eam quasi sacris Canonibus consonam & convenientem, sine omni sanctæ Sedis Apostolicæ præjudicio probatam receperimus, & in nostra Dicecesi Treverensi solenniter publicari & exequi, quantum in Nobis fuit, curaverimus, atque nonnulla statuta morum correctionem concernentia, in nostra Episcopali Synodo edi & publicari mandaverimus: in quibus abunde & sufficienter contra Simoniacos, Concubinariorum, sortilegos, ebriosos, usurarios, & alios criminosos provisum existit; Nos tamen nunc auctoritate Metropolitica, ea omnia innovando, hortamur, & monemus omnes & singulos nostræ Civitatis, Diocesis & Provinciæ Prælatos, & subditos, quatenus quemlibet concernit, ut Dei timore & reverentia habitis, omni pravo affectu semoto, Sacræ Cæsareæ Reformationis intuitu, tum nostra Metropolitica auctoritate, ex sacrorum Canonum & Generalium Conciliorum præscripto, sanctæ Sedis Apostolicæ auctoritate semper salva, in omnibus iis se se irreprehensibiles & inculpabiles reddant & exhibeant. Alioquin Prælatorum negligentiam, subditorum vero excessus, opportunis juris remediis, in quantum possumus, supplebimus & corrigemus.

Ut quilibet habeat copiam Statutorum Provincialium.

Ne quispiam affectata ignorantia se valeat excusare, præcipimus & mandamus, quod per civitatem, Diocesim & Provinciam nostram Treverensem, horum nostrorum Statutorum legitima fiat publicatio, & quod omnium & singulorum Monasteriorum, Collegiorum Prælati, & Rectores, nec non Christianitatis Decani, & Plebani locorum, copiam Statutorum, & aliorum Prædecessorum nostrorum, & præsentium Statutorum, semper & continuo penes se habeant & teneant, & in iis statuta & ordinata, in quantum quemlibet concernunt, inviolabiliter observent. Alioquin negligentes, seu contrarium facientes, in iis scriptis excommunicamus, præter alias poenas supra comminatas: reservando tamen Nobis, & Successoribus nostris Archiepiscopis Treverensibus Metropolitanis, potestatem super præmissis omnibus & singulis, addendi, minuendi, corrigendi, extendendi, interpretandi, & declarandi, quoties opus fuerit, & visum erit expedire. In cujus rei fidem, Sigillum nostrum præsentibus est appensum. Datum in Metropolitana nostra Ecclesia Treverensi, die decimo tertio Maji, Anno M.D. XLIX.

Ex antiqua editione, eodem anno 1549. facta Coloniae typis Jaspars Gennepei.

SYNODUS COLONIENSIS DIOECESANA

Eodem anno Christi MDXLIX.

ACTA ET DECRETA SYNODI DIOECESANÆ COLONIENSIS,
ANNO DOMINI MILLESIMO QUINGENTESIMO QUADRAGESIMO NONO,
SECUNDA OCTOBRIIS CELEBRATÆ.

*Propositio Commissariorum Reverendissimi Domini Archi-Episcopi,
ex ejus speciali mandato ad Sanctam Synodum.*

Reverendissimus in Christo Pater, & Illustrissimus Princeps & Dominus, D. ADOLPHUS, Sanctæ Coloniensis Ecclesiæ Archi-Episcopus, Prin-

ceps Elector, Westphaliæ & Angariæ Dux, Legatusque natus &c. Nobis suæ Reverendissimæ Celsitudinis, hac in parte Commissariis, cum plena & libera potestate

state ad infra-scripta peragenda constitutis, missa ad nos sufficienti instructione, suo sigillo communita, in mandatis dedit, ut Sacra huic Synodo Diocesana, ad hunc diem & horam ex more indicta & congregata, suæ Reverendissimæ Celsitudinis nomine interessemus, & hæc, quæ sequuntur, a Celsitudine sua Reverendissima, maturo consilio deliberata, diffinita, & decreta, proponamus, eaque proposita, & ut par est, recepta, simul cum ipsa Synodo executioni debita mandemus.

Initio, ut Sacra Synodus intelligat, quibus ex causis Reverendissima sua Celsitudo fuerit impedita, quo minus sui Provincialis Concilii, nuper, se præfidente, in hac sua Metropolitana Ecclesia, suo Capitulo, & Legatis suorum Comprovincialium Episcoporum, nec non Prælati, & universo Clero suæ Diocesis sibi confedentibus & assistentibus, solenniter celebrati, Decreta & Constitutiones, salubriter & efficaciter hætenus exequi potuerit. Existimat sane Celsitudo sua, sacram Synodum bene meminisse, quomodo in ipso Provinciali Concilio (cùm jam fere ad calcem illud perductum esset) prudenter in medium id illatum, expensum, atque ab omnibus probatum fuerit, nempe quamplurimum referre, si sua Celsitudo memorata Decreta, licet jam communi assensu universi Concilii sui Provincialis pie & mature constituta, Inviçissimo tamen & Religiosissimo Imperatori CAROLO V. Domino nostro clementissimo, veluti ex ejus Reformationis Formula, Statibus Ecclesiasticis in Comitibus Augustanis proximis proposita, & ab eisdem recepta, fluxerunt: ac simul etiam Sanctissimi Domini nostri Papæ, Sanctæque Sedis Apostolicæ (a qua omnis ipsorum Decretorum vis dependet) Reverendissimis Dominis Nuntiis pervidenda, & sicubi videretur, emendanda, & approbanda offerret; quo illarum ambarum summarum Potestatum approbatione, & auctoritate interveniente, tanto felicius prodirent in publicum.

Hoc igitur salutare consilium Reverendissimus Dominus noster insecutus, quam maxime ad se, ut curaret, pertinere putavit, ne hæc auctoritas suis Decretis Provincialibus, sine qua forsan

leviora reputarentur, deesset. Sed cum ejus adhibitio, tum apud Reverendissimos Dominos Nuncios, tum apud Cæsaream Majestatem, ob innumera, eaque quam maxime ardua Sacri Imperii, & suorum Regnorum & Provinciarum negotia, suæ Majestati incumbencia, & frequentem loci immutationem, in quartum usque mensem extraheretur, factum est, ut in memorata executione (quamvis jamdudum valde desiderata) nullus potuerit citius fieri progressus.

Cæterum, cum jam proximis diebus Reverendissimus Dominus noster, ex literis ad se, tum a Cæsare, tum a Reverendissimis Dominis Nunciis Apostolicæ Sedis, perlatis, non sine magna animi voluptate, & exhilaratione acceperit, sæpe memorata sui Provincialis Concilii Decreta, post eorumdem diligentem & maturam expensionem, veluti Divinis Scripturis, & sacris Canonibus, memoratæque Reformationi Augustanæ per omnia consentanea, in totum esse recepta, & approbata, ac præterea Cæsarem etiam motu proprio serium mandatum decrevisse, quo in universum omnibus, in universa Provincia suæ Reverendissimæ Celsitudinis degentibus, cujuscunque etiam dignitatis, status, gradus, & conditionis fuerint, non sine comminatione incurfionis gravissimæ indignationis suæ, si contrarium a quoquam factum fuerit, demandatur, ut his Decretis reverenter pareant, & exequendis etiam eis se præbeant promptos, alacres & paratos, quemadmodum idem Cæsareum Mandatum postea ad Celsitudinem suam Reverendissimam transmissum, fufius continet, quod & huic sacra Synodo jam jam prælegetur: profecto sua Celsitudo non diutius morandum rata, statim ejusmodi Decreta, cum Cæsareæ Majestatis mandati præfixione, æneis typis excudi, & in hac sua Synodo rursus publicari, & distribui mandavit; ut ea publicatione via futuræ vifitationi, ad quam sua Celsitudo toto animo & conatu properat & festinat, per totam Diocesim suam, quamprimum omnino fieri poterit, peragenda præsterneretur.

Et quidem rebus, Dei singulari favore eo adductis, Celsitudo sua Reverendissima quam maxime sane cupivit, post-

positis etiam & a se reiectis (quatenus omnino fieri potuisset) aliis quibuscunque & quamlibet gravibus negotiis, presenti huic sacre Synodo personaliter interesse, ut super omnibus rebus, ad executionem Decretorum ejusmodi facientibus, & ad visitationem preparatoris, tanto majori cum autoritate statueretur, & his, quæ adhuc desiderantur, quo ad ejus fieri potuisset, suis quoque legitimis finis imponeretur. Verum hæc meditantem Reverendissimam Celsitudinem suam jam in Transrhenana sua Diocesi constitutam, quædam inevitabilis necessitas, de improvviso incidens, sic obstrinxit & circumsepfit, ut impossibile ei fuerit (nisi tamen eam Diocesis suæ partem gravissimæ & irreparabili jacturæ implicare voluisset) se ad hanc suam Synodum repræsentare. Quamobrem sua Celsitudo hoc nobis ante omnia imposuit, quo absentiam ejus, apud vos omnes, ex causâ ejusmodi necessitatis insuperabilis, excusatam faceremus. Idcirco a vobis omnibus diligenter ac impense petimus, quo excusationem ejusmodi, ut per se justissima est, haud gravate recipiatis. Nam & ne ob hanc suæ Celsitudinis absentiam, quid in præsentiarum a quoquam desideretur, mandati nobis facti amplitudine abunde sarcitum est: ut prætereamus, quod Celsitudo ejus etiam pollicetur, se hanc absentiam suam, in Synodo, hanc proxime secutura, sua personali præsentia abunde repensuram.

Mandato igitur ejus ad nos perlato satisfacturi, principio in medium exhibemus memoratæ Cæsareæ Majestatis Mandatum, in ipso autographo, seu, ut vulgò vocant, in sua originali & authentica forma, ut a Cæsare ipso propriis digitis subscriptum & sigillatum est, quod & publice per adstantem Reverendissimi Domini nostri Secretarium (quo in negotiis suis secretioribus quam maxime utitur) prælegi, & vobis simul cum Decretis Concilii Provincialis, nuper licet in Provinciali Concilio prælectis, per eorundem jam impressorum exhibitionem, principique & finis recitationem & prælectionem rursus publicari mandamus.

Requiritentes omnes & singulos, in ejusmodi Mandato generaliter, & specia-

liter nominatos, tam Ecclesiasticas, quam seculares personas, cujuscunque etiam dignitatis, gradus, status & conditionis fuerint, sive præsentis, sive absentes, quatenus eidem Mandato Cæsareæ Majestatis, uti Ecclesiæ Catholicæ Summi Advocati, & Religionis unici Vindicis, ac Decretis Provincialibus, eo ipso mandato roboratis & communitis, humiliter & prompte pareatis, facturi & adimpleturi omnia, quæ inibi facere jussi estis, modo pœnas eodem mandato, nec non in memorata Reformatione, & in ipsis Decretis Provincialis Concilii, & sacris Canonibus comprehensas, evitare velitis.

Et exhibitum, ostensum, altaque voce prælectum & publicatum est mandatum istud autographum: & rursus publicata Decreta solenniter, ut moris est, per Secretarium memoratum, in hæc verba: Carolus &c. &c. uti idem mandatum ad verbum Decretis Concilii præfixum est. (*)

Nunc ulterius progressuri ad mandati nobis facti adimpletionem, jubemus per hujus sacre Synodi Notarium recitari catalogum eorum omnium, qui ad Synodum hanc Diocesanam de jure vel consuetudine comparere sunt obligati, ut lectus quisque respondeat se adesse.

Et factum est, & signati præsentis, & notati absentes.

Constituentes igitur nos, vobiscum, qui præsentis pro vestra debita & commendabili obedientia adestis, hanc sacram Synodum, ex speciali item mandato Reverendissimi Domini nostri, vos omnes, & singulos, vobisque subiectos, Priores, Canonicos, Ecclesiarum Parochialium Rectores, Vicarios, ac alias Ecclesiasticas personas, quas hæc res concernit, in Domino moneamus, & requirimus, ut quicumque memoratæ Reformationis Augustanæ, veluti ad cujus executionem ipsa Decreta Synodi Provincialis potissimum spectant, nondum exemplar assecutus est, illud ut sibi intra dies quatuordecim procuret habere, sub pœna suspensionis ab officio & beneficio, ipso facto incurrenda. Cæterum Prælati & Decani Christianitatum, pro se & sibi subiectis ipsa Decreta Concilii Provincialis recens impressa, ex singulari Reverendissimi Domini

(*) Vide supra pag. 562.

ni nostri munificentia, jam, aut intra paucissimos dies gratis accipient.

Secundo, eodem nomine vos omnes & singulos Abbates & Prælatos Ecclesiarum, & in eorum absentia, locum tenentes ipsorum, in Domino hortamur, atque etiam monemus & requirimus, ut in Capitulis vestris, quæ intra hinc & dies decem proximos, quisque in vestris Ecclesiis & Monasteriis, hanc ob rem indicere obstricti eritis & obligati: vos vero Decanos Christianitatum, ut in Capitulis, seu Synodis vestris etiam proximis, de more indictis, præsentibus omnibus, qui adesse tenentur, personis, vobis subiectis, tam Reformationem Cæsaris memoratam, quam Decreta ista Provincialia, ab articulo ad articulum distincte relegatis, seu relegi & intelligibiliter prælegi curetis, & circa singulos articulos, quatenus illis in vestris, & vobis subiectis Ecclesiis ab omnibus satisfiat, diligenter exploretis, & indagetis: & facta exploratione, quatenus adhuc illis a quoquam satisfactum minus comperiat, in hoc autoritate vobis hac in parte impartita, toti sitis, ut illis fiat satis, utque ad illorum præscriptum in vestris Ecclesiis exigantur & componantur omnia sub pœnis memoratis, alioqui ipso facto incurrendis.

Cæterum, si quisquam ex vestro sodalicio, seu ex subiectis vobis, horum Decretorum, vel alicujus eorum, competentis monitione præmissa, pervicax magis contemptor, quam obsequiosus adimpletor esse, quod absit, velit ac pergat: seu, si a secularibus potestatibus, ac aliis quibuscunque, religionis Catholicæ, seu Cæsareæ Majestatis parum observantibus, aliquod vobis circa executionem ejusmodi, impedimentum vel obstaculum offeratur, quod vestra autoritate & opera amoliri nequeatis: volumus, ac Reverendissimi Domini nostri jussu, vobis mandamus, ut quidquid ejus erit, ordine & distincte, cum relatione ad articulos Decretorum, quibus temere contravenitur, diligenter annotetis, ac intra hinc & Festum Natalis Domini proxime futurum, imprimis singuli vestrum Reverendissimo Domino nostro: Deinde vos Decani Christianitatum, vestris etiam Archidiaconis scripto significetis, & declaratis: ut Reverendissima sua Celsitudo

Tomus VI. Concilior. German.

cum Archidiaconis, vestram impotentiam, ea in parte compertam, adjuvent, aut si necessitas postulet, ad Cæsarem, veluti summum executorem, a se mandatorum, referant. Qua vestra significatione & hoc efficietis, ut Reverendissimus Dominus noster, cognitis morbis, tanto certius & præsentius remedium in visitatione, ad quam se parat, adhibere opportune possit.

Quapropter & hoc nobis mandatum est, ut consilium vobiscum capiamus, quonam potissimum tempore, post decursa festa Natalitia Christi, proxime futura, quam maturime visitatio generalis per totam Diœcesim institui & inchoari, & quo progressu a loco in locum continuari & peragi, quam commodissime possit.

Iidem ut exploremus a vobis Decanis Christianitatum, quando impossibile est, Visitatores per Reverendissimum Dominum nostrum deputandos, ad singulas Ecclesias & loca sacra, in hac amplissima Diœcesi sita, proficisci, neque id ut fiat, res ipsa postulet: quæ proinde loca in singulis Decanatibus Christianitatum esse magis insignia, populosa, & visitationis indigentia existimetis: quo ad ea Rectores singularum Ecclesiarum Parochialium, cum Vicariis & testibus Synodalibus, ex singulis Parochiis vocari queant, ad visitationem illic peragendam.

Volumus quoque, ut hujus tum faciendæ convocationis, omnes & singuli Parochi suos Parochianos, e suggestu in tempore faciant certiores, quo de eligendis idoneis Synodalibus testibus dispicere, ipsique testes Synodales, crimina, excessus, & defectus diligenter exquirere, notare, & animo concipere possint: ne, si imparati veniant, tam Visitatores, quam se ipsos inutili mora per extractionem dilationis fatigent.

Denique in mandatis habemus, ut vobiscum super moderato numero electionum, qui nulli Ecclesiæ (si tamen onera æqualiter distribuantur) gravis esse queat, & procuratoris Canonice debita exactione, conferamus, & quoad fieri potest, conveniamus & concordemus: & ut vos Decani omnia nomina Rectorum Ecclesiarum Parochialium, in vestris Decanatibus sitarum, nobis in scriptis detis, & qui canonice instituti sint, & qui minus,

nus : & quæ sit illorum vita , mores , & doctrina , & de vestris quoque institutionibus nos certiores faciatis.

Qua de re hinc, Synodo peracta , digressi , in domum Capitularem vos recipere nobiscum velitis , super his & aliis quibusdam, vobis proponendis , & ad executionem Decretorum Provincialium plurimum facientibus , mentem Reverendissimi Domini nostri a nobis audituri , & vestram nobis vicissim exposituri, ad Celsitudinem ejus referendam.

Quod ad reliqua attinet, quæ nobis injuncta sunt , probe meminit Reverendissimus Dominus noster , multa inesse hisce Decretis , quæ uberiores provisionem requirant : multa, quæ Celsitudo ejus Capitulo, & Comprovincialibus Episcopis, ac Clero suo, in Provinciali Concilio se daturam pollicita est. Sed quoniam perillustratio illa Decretorum, a Cæsare , & Nunciis Apostolicis facta , in multum tempus , ut præmittitur, protracta est ; non potuit Celsitudo ejus , ejusmodi rebus pollicitis , & uberiores provisionem requirantibus, admoveere citius manum , quam calculum Decretis istis adhibitum esse (quod primum intra paucissimos dies factum est) intellexisset.

Ergo quod Celsitudo ejus in hac Synodo præstare non potuit , id totum ad Synodum , quæ hanc sequetur, feria secunda post Dominicam Invocavit anni sequentis, millesimi quingentesimi, quinquagesimi, celebrandam (cui quoque se personaliter interfuturam Dei beneficio sperat ac confidit) præstituram & adimpleturam repromittit.

Nisi quod in hac præsentī Synodo prætereundum non putavit , diffinire , quæ Festa per totum anni circulum singulis quibusque mensibus ; tam a Clero, quam a populo, ad Dei Omnipotentis laudem posthac solenniter sint celebranda : ut diversitas celebrationis Festorum , quæ hætenus in hac inclyta Diocesi multis offendiculo fuit, tollatur.

Igitur vestigiis suorum Prædecessorum, & præsertim quondam bonæ memoriæ Henrici , Archiepiscopi Colonienfis, inhærendo, habita etiam diligenti consideratione, quid super his in Generalibus Conciliis, & jure communi constitutum olim

sit, & quid universali ritu in Ecclesia Catholica a piis omnibus ubivis observetur, autoritate sua Archiepiscopali vult, mandat, & ordinat , ut posthac per Civitatem & Diocesium Coloniensem , Festa infra memorata solenniter observentur & celebrentur.

In Mense Januario.

Circumcisionis Domini.
Epiphaniæ.
B. Agnetis Virginis & Martyris.
Conversionis S. Pauli.

In Februario.

Festum Purificationis Beatæ Mariæ Virginis.
Cathedræ S. Petri Apostoli.
S. Matthiæ Apostoli.

In Martio.

Annuntiationis Beatæ Mariæ Virginis.

In Aprili.

S. Georgii Martyris.

In Maio.

Sanctorum Philippi & Jacobi Apostolorum.
Inventionis S. Crucis.

In Junio.

Nativitatis S. Joannis Baptistæ.
Ss. Petri & Pauli Apostolorum.

In Julio.

Visitationis B. Mariæ Virginis.
B. Mariæ Magdalænæ.
Translationis trium Regum, in Civitate Colonienfi tantum.
S. Jacobi Apostoli.
S. Pantaleonis, in Civitate Colonienfi.

In Augusto.

S. Petri ad Vincula.
S. Laurentii Martyris.
Assumptionis B. Mariæ Virginis.
S. Bartholomæi Apostoli.
Decollationis S. Joannis Baptistæ.

In Septembri.

Nativitatis B. Mariæ Virginis.
Exaltationis S. Crucis.
S. Matthæi Apostoli & Evangelistæ.
Dedicationis majoris Ecclesiæ Colonienfis , in die Ss. Cosmæ & Damiani in Civitate Colonienfi celebrandæ.
S. Michaelis Archangeli.

In

In Octobri.

S. Gereonis.
Ss. undecim millium Virginum.
S. Severini, in Civitate Colonienfi.
Ss. Simonis & Judæ Apostolorum.

In Novembri.

Omnium Sanctorum.
Commemorationis animarum, ante
meridiem.
S. Martini Episcopi.
S. Cuniberti, in Civitate Colonienfi.
Præsentationis B. Mariæ Virginis.
B. Cæciliæ Virginis, in Civitate Colo-
nienfi.
B. Catharinæ Virginis.
S. Andreae Apostoli.

In Decembri.

S. Nicolai Episcopi.
Conceptionis B. Mariæ Virginis.
S. Thomæ Apostoli.
Nativitatis Domini, & Salvatoris nostri
Jesu Christi.
S. Stephani Protomartyris.
S. Joannis Apostoli & Evangelistæ.
Ss. Innocentium.

Nunc sequuntur mobilia.

Festum Paschæ, cum duobus diebus
sequentibus.
Festum Ascensionis Domini.
Festum Pentecostes, cum duobus die-
bus sequentibus.
Festum Corporis Christi.
Festum Sanctissimæ Trinitatis, Domi-
nica post octavas Pentecostes.
Denique vult, ut in singulis Ecclesiis
Festum Patroni, ut par est, solen-
niter celebretur.

Dato igitur super hac re nobis spe-
ciali mandato, ejusmodi dies per civita-
tem & Diocesim Coloniensem, ut memo-
ratum est, solenniter & concorditer cele-
brandos esse, vobis significamus.

Qui & hoc, autoritate præfati Re-
verendissimi Domini nostri, a vobis pos-
cimus, ut cum e suggesto Festa ista po-
pulo denuntiantur celebranda, simul &
hoc addatur, ut populus ad sacram con-
cionem, quæ in ejusmodi Festis haberi
debet, conveniat, sacra Missæ intersit,
& totum diem in Dei laudibus expendat,
memor illius: Vacate, & videte, quoni-

am ego sum Deus, qui est gloriosus in ope-
ribus, & mirabilis in Sanctis suis. (*)

Est quoque quiddam in Decretis
Provincialibus constitutum, de Vicariis
Ecclesiarum in civitate & Diocesi Colo-
nienfi, ut ad sua revocentur officia, &
Deo præbeant eum, quem debent in Ec-
clesiis, ad quas (hoc Vicariorum nomi-
ne) ascripti sunt, famularum. Quod
quo majori autoritate roboretur, man-
davit Reverendissimus Dominus noster,
præter Constitutiones Prædecessorum Cel-
situdinis suæ Reverendissimæ, super hac
re expresse disponentes, quas & autho-
ritate hujus Synodi innovatas esse vult,
publicari Bullam Apostolicam, impetra-
tam olim per quondam felicis recordatio-
nis Dominum, Hermannum ab Hassia,
sanctæ Colonienfis Ecclesiæ Archi-Epi-
scopum, suum Prædecessorem, omni laude
dignissimum, ad coercendam suorum
Clericorum irreligiositatem, & inexcusa-
bilem negligentiam, quam in præstandis
officiis suis Ecclesiasticis committunt:
quare & hanc Bullam recitari & publicari
jubemus.

Et recitata, & publicata est tenoris
subsequentis:

B U L L A

*Sanctissimi Domini nostri INNO-
CENTII Papæ VIII., per Reve-
rendiss. Dnum HERMANNUM
ejus nominis Quartum Archi-Epi-
scopum Coloniensem impetrata: De-
clarans autoritate Apostolica,
Statutum: Quod nullus in diversis
Ecclesiis uno eodemque die distribu-
tiones quotidianas percipiat ra-
tione Beneficiorum suorum; obti-
nere debere non modo in Canoni-
catibus & Præbendis, sed
& in Vicariis.*

INNOCENTIUS EPISCOPUS,
SERVUS SERVORUM DEI, AD PER-
PETUAM REI MEMORIAM.

EX Apostolicæ servitutis officio, me-
ritis quanquam insufficientes, Di-
H h h 3 vina

(*) Psal. 45. & 67.

vina nobis dispositione commisso, ad ea libenter intendimus, per quæ in singulis Ecclesiis Divinus cultus floreat, & continuum incrementum suscipiat: ac illa, quæ propterea statuta & ordinata fuisse dicuntur, ut firma & inconcussa permaneant; libenter, cum a Nobis petitur, Apostolico munimine roboramus, optimas provisiones super his adhibendo, prout in Domino cognoscimus salubriter expedire.

Sane pro parte Venerabilis Fratris nostri HERMANNI Archi-Episcopi Colonien-
sis, nuper nobis exhibita petitio continebat, quod licet in Statutis & consuetudinibus Ecclesiæ Colonien-
sis, canonice editis, inter alia contineatur expresse, quod nullus in diversis Ecclesiis, in quibus beneficia obtinet, uno die distributiones percipiat, nisi in aliqua dictarum Ecclesiarum sit Prælatus, seu alias hoc ei competeat ex privilegio, vel alio jure speciali: ne, dum ad plures eodem tempore festinat Ecclesias, nulli earum debitum famulatum impendat: ipsumque statutum, quantum ad Canonicos diversarum Ecclesiarum, fuerit hætenus observatum, & de præsentibus observetur; tamen quoad personas, diversas Vicarias, Altaria, aut alia Beneficia Ecclesiastica, in diversis Ecclesiis, seu Canonicatus, & Præbendas in una, ac Vicarias, Altaria, seu alia Beneficia Ecclesiastica, in aliis Ecclesiis obtinentes, in observantia non existit, pro eo forsan, quod nonnullæ ex eisdem personis, ab aliquibus Sedis Apostolicæ Nunciis, cum potestate Legati de latere ad illas partes destinatis, se super hoc indulta seu dispensatione dicunt impetrasse.

Cum autem, sicut eadem petitio subjungebat, dicti Statuti non observantia, sit occasio diminutionis Divini cultus, tam in majori, quam in aliis Ecclesiis Civitatis & Diocesis Colonien-
sis; pro parte præfati HERMANNI Archi-Episcopi, nobis fuit humiliter supplicatum, ut Statutum prædictum approbare & confirmare, ac perpetuo observari mandare, aliasque in præmissis opportune providere de benignitate Apostolica dignaremur.

Nos igitur attendentes, quod, quoad personas, talia Beneficia etiam mixtim obtinentes, ita concludit ratio Statuti, sicut in his, qui diversos obtinent Cano-

nicatus & Præbendas, quodque Statutum ipsum indistincte loquitur: absurdum quod videtur, quod illi tanquam inferiores aliis, magis qualificatis, & pro statu suo sustentando, amplioribus stipendiis indigentibus, potiori debeant prærogativa gaudere; hujusmodi supplicationibus inclinati, Statutum prædictum, quod etiam, (ut assertitur) in Synodo Colonien-
si publicatum, & per dictum Archi-Episcopum innovatum extitit, autoritate Apostolica tenore præsentium approbamus & confirmamus, ac perpetuæ firmitatis robor obtinere; nec non per omnes & singulas personas, etiam inferiora beneficia, seu talia mixtim cum Canonicatibus & Præbendis in Civitate & Diocesi prædictis obtinentes, sub excommunicationis poena, inviolabiliter observari debere. Et nihilominus Venerabili Fratri Archi-Episcopo Treverensi, & dilectis filiis Sancti Martini, & Sancti Pantaleonis, Colonien-
sium Monasteriorum Abbatibus, per Apostolica Scripta mandamus, quatenus ipsi, vel duo, aut unus eorum, per se, vel alium, seu alios faciant autoritate nostra, Statutum prædictum per omnes & singulas personas prædictas inviolabiliter observari: contradictores per censuram Ecclesiasticam, Appellatione postposita, compescendo. Non obstantibus quibuscunque concessionibus & indultis, seu dispensationibus, a quibuscunque Legatis, seu Nunciis dictæ Sedis, eisdem personis hætenus concessis, & in posterum concedendis, quas ipsis contra Statutum hujusmodi in aliquo suffragari nolumus, contrariis quibuscunque: aut si aliquibus communiter vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas, non facientes plenam & expressam, ac de verbo ad verbum de indulto hujusmodi mentionem. Nulli ergo omnino hominum liceat hanc paginam nostræ approbationis, confirmationis, constitutionis & mandati infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, & Beatorum Petri & Pauli Apostolorum ejus, se noverit incursum. Datum Romæ apud Sanctum Petrum, Anno Incarnationis Dominicæ Millesimo quadringentesimo nonagesimo primo, tertio Calendas
Sep.

Septembris, Pontificatus nostri anno VII.

Post hæc antiquos Canones, & Reverendissimi Domini nostri Prædecessorum Constitutiones, de Clericis peregrinis non admittendis ad sacra ministeria, nisi literis formatis & dimissoriis authenticis exhibitis, & productis, in hac Synodo, vigore mandati nobis facti, innovamus, ac deinceps firmiter observari, ipsius Reverendissimi autoritate præcipimus.

Vult quoque Reverendissimus Dominus noster, baptizatos ab hæreticis & schismaticis, per manuum Episcopaliū impositionem, & Chrisma, secundum antiquos Canones, Ecclesiæ Catholicæ reconciliari debere: quod respuentes, jubet a communione Catholicorum penitus secludi.

Verat quoque, ne Monachi laicos, sine suorum Curatorum, neve quis alienum Parochianum, sine sui Parochi consensu scienter communicet, sub pœnis Canonum ipso facto incuriendis: demandans, ut Canon: *Omnis utriusque sexus*, de Penitentia & Remission. ad minimum observetur: cum alioqui olim non haberetur vere Christianus, qui ad minimum non communicasset ter in anno: in Paschate, in Pentecoste, & in Natali Domini.

Vult sæpe ac frequenter admoneri populum de suggestis, ut se a deambulationibus in templo Domini, præsertim dum Sacra fiunt, & Divina officia celebrantur, penitus abstineant: utque pueros suos, & canes, quos a clamoribus, strepitu & latratu continere non valent, in domibus suis relinquant, memores, quod scriptum est loquente Deo: *Quia Domus mea, Domus orationis vocabitur omnibus gentibus*.

Vult ut populus suæ Diœcesis, Rectoribus Ecclesiarum Parochialium, qui ipsis ministrant spiritualia, temporalia reddere (ne fame laborent) non graventur: & ob id oblationes, quæ olim a fidelibus & piis hominibus ad quotidiana sacrificia religiose & liberaliter offerebantur, ad minimum in quatuor principalibus Festis, valore ad minimum trium obulorum, libenter & ultro ad Altare Domini deferen-

tes, persolvant; aliaque jura Parochialia, secundum morem ab Ecclesia Catholica olim receptum, dependant, memores ejus, quod scriptum est: *Qui bene præsumunt Presbyteri, duplici honore digni habeantur, maxime qui laborant in verbo & doctrina. Dicit enim Scriptura: Non alligabis os bovi trituranti. Et: Dignus est operarius mercede sua.*

Adversus Sacerdotes publicos fornicarios, & aliorum criminum manifeste reos, per Fiscales suos districte procedi vult; præsertim adversus relapsos post mandati, in sua Synodo Diœcesana, anno præterito quadagesimo octavo, 2. Octobris celebrata, contra concubinariorum ipsos publicati, tenorem.

Quibus etiam Fiscalibus suis hoc vult serio injunctum, ut quæcunque in memorata Diœcesana: deinde, quæ in Provinciali, denique, quæ in hac Synodo, secundum Deum, & salubriter constituta sunt, & imprimis Reformationem Augustanam, ad unguem teneant, & adversus eorundem prævaricatores (quos etiam non delatos, ex officio inquirere teneantur) sine mora, & præter omnem conniventiam serio procedant, sub Celsitudinis suæ Reverendissimæ gravis indignationis, & a suorum officiorum amotionis pœnis, si segnes inveniantur, incurrendis.

Quæ omnia nos præfati Reverendissimi Domini nostri Commissarii, ad præsidendum in hac Synodo Diœcesana, Celsitudinis suæ Reverendissimæ nomine cum plenaria potestate ordinati, vobis omnibus & singulis ex speciali mandato ejus significamus, indubitata spe freti, quod hæc omnia, quæ pia, sancta, religiosa, bonis omnibus amabilia, & amplectenda videtis, nobiscum debita executione, secundum Reverendissimi Domini nostri voluntatem, & mandatum, exequi diligenter studebitis. In quorum fidem, præsens scriptum Sigilli Curie Colonienfis, quo in præsentibus utimur, impressione communiri fecimus. Datum in Synodo Diœcesana, Coloniz Agrippinæ, die secunda Octobris, anno Domini Millesimo quingentesimo quadagesimo nono.

SYNODUS COLONIENSIS DIOECESANA

Anno Christi MDL. Julii III. PP. I.
Caroli V. Imp. XXXI.

*ACTA SACRÆ SYNODI DIOECESANÆ COLONIENSIS,
Feria III. post S. Matthiæ Apostoli, Præsidente Reverendissimo & Illu-
strissimo Principe & Domino, D. ADOLPHO, Archi-Episcopo
Coloniensi, Principe Electore &c. &c. in Ecclesia ejus Me-
tropolitana sollemniter celebratæ.*

CUM IN DEI nomine, autoritate Reverendissimi in Christo Patris, & Illustrissimi Principis, & Domini nostri, D. ADOLPHI, Sanctæ Ecclesiæ Coloniensis Archi-Episcopi, Sacri Romani Imperii per Italiam Archi-Cancellarii, Principis Electoris, Westphaliæ, & Angariæ Ducis, Legatique nati &c. in suam Metropolitim Coloniæ Agrippinam, Sacra Synodus Diœcesana, ad Feriam tertiam post Dominicam *Invocavit*, propter festum Sancti Matthiæ Apostoli, quod in Feriam secundam præcedentem, celebrationi Vernalis Synodi destinatam, incidebat, convenisset: idem Reverendissimus Dominus Archi-Episcopus, celebratione Sacrorum Mysteriorum, & invocatione gratiæ Spiritus Sancti præmissa, postquam Synodus de utilitate & necessitate visitationis, oratione perdocta pro more commonita fuisset, quam & ejusdem Reverendissimi Officialis, sua subsecuta admonitione confirmavit, digressus in domum suam Capitularem, ipsam Sacram Synodum in sequentem sententiam allocutus est.

Memoria tenere Sacram Synodum, quomodo ipse pro debito officii sui Pastoralis, a Comitibus Augustanis proximis unam Provinciale, & duas Diœcesanas Synodus indixerit, & celebraverit: in quibus hoc potissimum illi curæ fuerit, ut Reformationem Ecclesiarum, quam Invisibilis Cæsar CAROLUS in memoratis Comitibus, Statibus Ecclesiasticis proposuit, quam & ipsi Status receperunt, exequeretur. Præterea Synodum ipsam probe meminisse, quomodo præter multa

pie & religiose in prædictis Synodis constituta, se adhuc pleraque alia præstiturum pollicitus sit: imprimis, quod omni studio ad visitationem ordinariam & canonicam parare, & accingere se se, & per eandem, quæcunque Cæsarea Reformatio, & suæ Synodi constituisent, debitæ executioni demandare vellent. Quapropter in nupera Synodo sua Diœcesana, præparationem ad ejusmodi visitationem facere cupiens, omnibus & singulis, quibus hoc ex officio incumbit, imposuerit, ut Reformationem Cæsaris in suis Synodis, indicto suorum conventu diligenter relegerent, ac omnia ad illius præscriptum in suis Ecclesiis & Monasteriis componerent: & si qua in re impedirentur, id ad Reverendissimam suam Celsitudinem referrent. In quo tametsi quidam morem gesserint, nonnulli tamen suo officio satisfacere neglexerint. Id quod hinc evenisse, non immerito credat, quod a paucis, quo res ista maxime tendat, fuerit satis intellectum. Ne igitur hæc res in Domino bene cœpta, diutius protrahatur, aut alicujus incuria, aut negligentia in longum differatur, fecerit Formulas quasdam inquirendi in visitatione, secundum Ecclesiarum, Monasteriorum, aliorumque piorum locorum suæ Diœceseos rationem conscribi, prelo mandari & evulgari: juxta quas si in visitatione progressus fiat, speret, Reformationem Ecclesiarum a Cæsare propositam & receptam, felicem successum habituram. Quas Formulas velit Sacræ Synodo nunc facere communes, a qua etiam petat & inquiret, ut ipsum hac in re longe

longe maxima, suis consiliis adjuvent, & visitationis, quam molitur, cursum, quantum in ipsis est, promoveant. Habito igitur diligenti, & maturo super hac propositione Synodali Tractatu, tandem Reverendissimus de Sacre Synodi unanimi consilio decrevit, constituit, & mandavit ea, quæ sequuntur:

DECRETA.

Primum, ut omnes, quotquot huic Sacre Synodo interfuerint, similiter omnes Rectores & Curatores Ecclesiarum Parochialium, alique in universum, quos visitatio concernit, hanc inquirendi formulam sibi comparent intra dies XV. sub pœna suspensionis.

Secundo, ut emptas formulas diligenter perlegant, utque Abbates, Prælati, & Decani Christianitatum, quam primum domum redierint, Capitula & conventus indicant, & quique pro suo officio secundum formulas ejusmodi, quam diligentissime a singulis, eorum curæ subjectis, personarum, rerumque omnium præsentem statum ordine inquireant.

Tertio, ut quæ, facta inquisitione, compererint invecita esse, vel contra fidem Catholicam, vel bonos mores, seu Reformationem Cæsaris, vel Decreta ipsa Provincialia, ex quibus formulæ istæ concinnatæ sunt; ea omnia corrigant, eradiciant, & evellant: & eorum loco, quæ pia, Catholica, & bonorum morum sunt, inserant, & cuncta ad præscriptam Reformationem, & Provincialis Concilii Decreta exigant & reforment.

Quarto, ut quæ egerint, conscribant, maxime, ut Visitatores adventuros, de statu præsentis suarum Ecclesiarum, & Monasteriorum certiores reddere, & de corruptelis & abusionibus, quas ipsi sua autoritate e medio tollere non potuerunt, admoneant, & hac in parte Visitatores præcurrant, & eis viam parent, ac præsternant.

Quinto monet Reverendissimus omnes Abbates, Prælatos, & quibus cura superintendendi commissæ est, ut diligentissime ad hæc tria sequentia attendant, ac curent:

Primum, ne quisquam suspectæ, vel impuriore doctrinæ in regimine Parochia-

Tomus VI. Concilior. German.

lium Ecclesiarum sustineatur: sed si quis talis reperiatur, is ut confestim amoveatur, alio Catholico in ejus locum substituto.

Deinde, ut nullus quoque admittatur ad Pædagogia gubernanda, nisi exploratus: & si quis inveniatur suspectus de hæresi, seu aliqua prava doctrina, is depellatur, & alius itidem idoneus & Catholicus, in locum ipsius substituatur.

Denique, ut facta domatim inquisitione librorum, quibus sub se tam Ecclesiastici, quam seculares utuntur, omnes libros hæreticis, suspectæ fidei, seu per hæreticos depravatos, aboleant.

Et si qui sint, qui ejusmodi libros eis tradere recusent, eos vel Reverendissimo, vel suis Visitatoribus deferant.

Sexto, ut designent Reverendissimo Ecclesias Parochiales, quæ carent Rectoribus: similiter quæ occupantur ab his, qui se propria autoritate ingesserint sine titulo, & quæ occupantur ab intrusis per manum secularem, sine canonica institutione. Item ab apostatis Monachis, quorum quoque quidam (ut ad Reverendissimum perlatum est.) in publico incestu computrescunt.

Item, quæ occupantur a Monachis, non obtenta licentia suorum Superiorum.

Item, quæ occupantur a Curatoribus, publicis & non ferendis flagitiis obrutis & contaminatis.

Nimirum, ut Reverendissimus de his accurate edoctus, possit monere Collatores, seu Patronos, ut Ecclesiis vacantibus prospiciant intra certum tempus, sub pœna devolutionum juris conferendi, juxta Sanctorum Canonum Sanctiones: utque Reverendissimus possit monere principales Rectores Parochialium Ecclesiarum, ut intra certum terminum personaliter resideant, aut idoneos Vice-Curatos suis Archi-Diaconis, vel Gratia suæ Reverendissimæ præsentent, qui hujusmodi Ecclesias gubernent, submotis illis, quos sacri Canones Ecclesias Parochiales regere non permittunt, quos etiam sua Reverendissima Celsitudo una cum Synodo sententiam excommunicationis, canonica monitione præmissa, incurrisse declaravit, juxta Mandatum, in hac Synodo publicatum, quod infra sequitur.

I i i i Septi-

Septimo, Reverendissimus monet & requirit Abbates & Prælatos Monasteriorum, præsertim eorum, quæ habent incorporatas Ecclesias Parochiales, ut Scholas instituunt in suis Monasteriis: ut idoneos alant Ludimagistros, seu Professores, si tales in suo grege non reperiant, qui juniores Monachos doceant rudimenta bonarum literarum, & instituunt ad pietatem, & ætate magis provectos ad bene gerendum curam Ecclesiarum Parochialium, suis Monasteriis incorporatarum: quod seculares Presbyteri idonei hac tempestate vix sufficiant pro Ecclesiis non incorporatis Monasteriis.

Octavo, Reverendissimus monet & hortatur Decanos Collegiorum, ut restituant disciplinam Capitularem, quæ abiit in ludibrium. Nam hodie carceres capitulares magis ad ebrietates, luxus & contumacias augendas per abusionem converti, quam ad canonicam coercionem multum conducere videntur.

Nono, quia Reverendissimus comperit ex relatione suorum Prælatorum & Decanorum ruralium, multa publica scelera & flagitia, per suam Diocesim impudenter & impune admitti, sine ulla spe & indicio respicientiæ: veluti sunt, apostasiæ, hæreses, schismata, maleficia, homicidia, infanticidia, incestus cum proximis consanguineis & affinibus, divortia & direptiones, matrimoniorum etiam in facie Ecclesiæ contractorum adulteria, & sacrilegia, & horum similia: in quibus publice infordescetes, nihilo fecius admittantur ad communionem Sacramentorum, in eodem statu permanentes. Idcirco Reverendissimus monet omnes Prælatos, & alios curam animarum habentes, ut tales publice flagitiosos moneant ad cor redire, pœnitentiam petere, datam accipere, peccata & crimina sua relinquere, & se hoc fecisse, facto contrario ostendere. Alioqui, nisi hoc fecerint, Reverendissimus inhibet Prælati & Curatoribus, ne hujusmodi hominibus manifeste scelerosis (qui nec digni quidem sunt adstare Sacris) administrare Divinissimum Eucharistiæ Sacramentum (*): ne ira Dei ob tam sacrilegam Communionem, in Diocesim Gratiæ suæ provoceat.

(*) *Supple: præsumant.*

Decimo, ut habetur in formula inquirendi, Reverendissimus monet quosque Prælatos, ut denuntient suis, instare visitationem: ut hortentur eos, cum eis depunctiabitur, adesse Visitatores, humiliter adesse & audire Verbum Domini, & animarum suarum saluti consulere. Item, ut perplexam habentes conscientiam, accedant, remedia animarum suarum accepturi. Item; ut quotquot egent Sacramento Confirmationis, accurrant: & qui respuerint, arceantur a Communionem.

Præterea, quando multa adhuc desiderantur, quæ Reverendissimus Dominus noster se præstiturum pollicitus est; imprimis significavit Sacræ Synodo, necessariam esse formulam examinandi ordinandos, quemque secundum munus ordinis sui.

Deinde, necessariam esse formulam examinandi instituendos ad curam animarum; eo quod ordinatio & institutio sit jamua, per quam fit ingressus ad Ecclesiarum administrationem; qui, si sit corruptus, corrumpit totam œconomiam Ecclesiarum. Quare Reverendissimus in præsentī Synodo negotium conferendi hujusmodi formulas, dedit viris idoneis, quas conscriptas evulgabit.

Tertio, quia necessaria est repurgatio quædam Agendarum Ecclesiasticarum, Reverendissimus quoque de assensu Sacræ Synodi dedit quosdam, qui ea repurgent, emendent, & reducant ad Majestatem & integritatem antiquam. Cui libello officiali (ut eum vocant Canones) Reverendissimus faciet annexi formulam informandi populum, ad singulorum Sacramentorum administrationem, ut intelligat populus, quid in unoquoque agatur & tribuatur: & ad Sacramentum Matrimonii adjicietur arbor consanguinitatis & affinitatis.

Item doctrina prohibitionis cognitionis spiritualis, & aliorum impedimentorum, quæ impediunt contrahendum, & dirimunt jam contractum Matrimonium; ne posthac temere incestuosa coeant conjugia.

Quarto Reverendissimus dedit quosdam in hac Synodo, qui corrigant & repurgent Missalia & Breviaria, & redigant ea ad antiquam puritatem, & majestatem;

statem: quæ sic digesta, Reverendissimus faciet imprimi & evulgari.

Quinto, quia Cæsarea Majestas requirit ab Episcopis, ut edatur in eorum Diœcesibus necessaria institutio ad pietatem, quæ serviat tam juventuti in scholis, quam rudioribus Ecclesiis, quæ doceat Parochios suum officium, & quæ suppeditet ea, quæ plebem scire est necesse, propterea Reverendissimus quocumque dispiciet, ne quid hic desideretur.

Sexto, quoniam Cæsarea Majestas requirit, ut edantur meditationes ad singulas Missæ partes, cum brevi expositione Canonis Missæ; Reverendissimus etiam hac in parte adjutus per hos, quibus id muneris imponet, curabit, ut ejus aliquid ad proximam Synodum evulgetur.

Septimo, dabit qui antiquum illud JUS disciplinæ Capitularis, quod nuper in quibusdam vetustissimis codicibus repertum est, diligenter inspiciant, & ad sacros Canones collatum & exactum, Reverendissimo edendum & publicandum exhibeant. Similiter, qui cogitent de penitentis publicis, pro publicis peccatis imponendis: sine cujus disciplinæ restitutione, Ecclesia perpetua scabie laborabit, nec scandalorum erit modus, & pii involvent se peccatis alienis.

Reverendissimus insuper requirit, ut Prælati, Decani Collegiales & Rurales, designent oppida & pagos in suis Regiunculis, in quibus sunt institutæ scholæ: & indicent viros idoneos, in locis vicinioribus commorantes, Catholicos & eruditos, quibus Reverendissimus injungat munus, examinandi Ludimagistros, & inspiciendi libros prælegendos in Pædagogis, pro pueritia & aliis scholasticis, intra hinc & mensis spatium proxime futurum.

Ad hæc quia in Provinciali Concilio cautum est, ut dentur a Reverendissimo, qui examinent eos, quibus de Beneficiis Ecclesiasticis provisum est pleno jure, antequam ad administrationem admittantur: ea de re Reverendissimus hoc muneris delegavit quibusdam viris idoneis, per Diœcesim Coloniensem constitutis; ne propter amplitudinem ejus, provisi graventur, si cogantur omnes

Coloniam examinationis causa venire. Providebitque Celsitudo sua Reverendissima, ut examinatio transigatur sine quæstu.

Item Reverendissimus commisit in hac Synodo Vicario suo in Spiritualibus, & adjuncto Theologo, qui examinent compermutantes: qui etiam debent esse præsentibus tempore permutationis in propriis personis, ut examinari possint.

Postremo, Reverendissimus pro examinandis his, qui petunt licentiam ordinandi extra Diœcesim, deputavit in sua Metropoli suum illic Sigilliferum, adjuncto Theologo, & Vuerlis Officiale suum ibidem, adjuncto etiam illi Theologo idoneo.

Item Reverendissimus requirit, ut Collegia & Monasteria ad tempus visitationis, habeant suarum Ecclesiarum, & Monasteriorum statuta & regulas in promptu, quo possint ea exhibere Visitatoribus: utque Abbates & Visitatores Monasteriorum Sanctimonialium, apud eadem Monasteria efficiant, quo Visitatores adventantes, illic quoque reverenter excipiantur, ipsis Abbatibus visitationi ejusmodi Monasteriorum interfuturis.

Porro sacra Synodus se paratam & obsequiosam obtulit, Visitatores, quos Reverendissimus per suam Diœcesim suo nomine mittet & destinabit, velle reverenter excipere, ac suis sumptibus honeste procurare, & sufficienti comœtu deducere, dum ad alias Ecclesias visitandas pervenerint.

Et quia Reverendissimus accepit, magnam partem Sacerdotum suæ Diœceseos eo levitatis venisse, ut eos vestibus Sacerdotalibus uti pudeat, in dignitatis Sacerdotalis gravem ignominiam: quando tamen olim in Concilio Triburiensi provide constitutum sit, ut Presbyteri, quo a Laicis discernantur, non prædeant in publicum, nec vadant, nisi stola, aut orario induti: hac interminatione adjuncta, ut si aliter incesserint, & in habitu, se non decenti, reperti fuerint, gravem ejus delicti poenam sint subituri. Idcirco Reverendissimus dignitati Sacerdotali consulere volens, mandat omnibus Presbyteris, sub sua Pastoralis cura degentibus, ut posthac orariis (quæ collaria vocantur

tur) in publico utantur, quo, qui iugo Domini, & suæ Ecclesiæ ministerio sua colla submiserunt, hoc velut interfignio a Laicis discernantur.

Ad hæc, cum sua Reverendissima Celsitudo acceperit, plerumque fieri, ut Rectores & Presbyteri, qui ministrant in Ecclesiis Parochialibus ruralibus, in Anniversariis & exequiis, comessationibus, comotationibus & ebrietatibus indulgeant, quod non solum ipsis in damnationem, sed & laicis in scandalum cedit: quamobrem Reverendissimus ad tollendum tam turpem abusum, Canonem illum saluberrimum Maticensis Concilii innovandum duxit, quo constitutum est, ut nullus Presbyterorum, quando ad Anniversarii diem, tricesimum, vel septimum, vel tertium alicujus defuncti, aut quacunque vocatione ad collectam Presbyteri convenerint, se inebriare, aut ad æquales haustus potare, vel alios ad bibendum cogere, seu plausus & risus inconditos, & fabulas inanes ibi referre, aut cantare ullatenus præsumant; cum hæc omnia sub gravissimis poenis a sacris Canonibus constet esse prohibita: prævaricatoribus hujus Decreti graviter puniendis.

Postremo, cum metus non injustus

fit, cervicibus nostris, ob gravissima scelera & flagitia, quæ passim impudenter & impune committuntur, impendere gravissimas plagas, quas Deus ob peccata nostra se immisurum, in scripturis passim comminatur: Deinde cum præsens Ecclesiæ, & Reipublicæ status ad securam tranquillitatem nondum perductus sit, sed bellorum ac dissidiorum tumultus imminere videantur, velitque Deus, & pro depellendis malis, & concedendis bonis, piis & assiduis precibus pulsari: ea de re Reverendissimus Dominus noster Missas precarias per Civitatem & Diocesim suam celebrandas instituit, ad supplicandum Deo Optimo Maximo, ut per suam infinitam misericordiam, condonatis peccatis, a nobis iram suam avertat, & quæque bona ad se conversis, & præsertim instanti visitationi prosperos successus concedat. Servabitur autem prima Missa pro peccatis, altera pro omni gradu Ecclesiæ, & tertia pro pace & tranquillitate Reipublicæ Christianæ, juxta mandatum in hac Synodo decretum, & publicandum. Acta, conclusa, decreta & definita sunt hæc in Synodo Diocesana Colonienſi, anno Domini millesimo quingentesimo quinquagesimo, die Mercurii, vicesimo sexto Februarii.

MANDATUM,

In quo sententiam Excommunicationis majoris incidisse declarantur, qui Parochiales Ecclesias absque Canonica Institutione occupatas detinent, vel enormibus flagitiis irretiti, publico cum scandalo administrant.

ADOLPHUS, DEI GRATIA, SANCTÆ COLONIENSIS ECCLESIAE ARCHI-EPISCOPUS, SACRI ROMANI IMPERII PER ITALIAM ARCHICELLARIUS, PRINCEPS ELECTOR, WESTPHALIÆ ET ANGARIÆ DUX, LEGATUSQUE NATUS &c. &c. UNIVERSIS ET SINGULIS NOSTRARUM METROPOLIS, ET DIOCESEOS INCOLIS ET SUBJECTIS, TAM ECCLESIASTICI, QUAM SECULARIS STATUS, CUJUSCUNQUE ORDINIS, VEL CONDITIONIS FUERINT, SALUTEM IN DOMINO SEMPITERNAM.

Cum non modo Sacrorum Canonum, sed & Evangelica pariter & Apostolica auctoritate constitutum ac decretum sit, nemini prorsus licere, sine Canonica manuum impositione, seu ordinaria missione, administrationem Ecclesiarum, præsertim Parochialium, susci-

pere, aut officium sibi non creditum, in Ecclesia Dei propria temeritate usurpare: adeo, ut qui secus facere tentaverit, non pro legitimo gregis Domini Curatore, sed magis pro fure & latrone, aliunde in ovile Dominicum ascendente habendus, & ab omnibus Catholicis & fidelibus

delibus hominibus, . tanquam pestifer homo, & disciplinæ Evangelicæ adversarius vitandus sit : atque ea de re olim per felicitis recordationis Dominum HENRICUM, Archi-Episcopum Coloniensem, Prædecessorem nostrum, in Concilio suo Provinciali (*) provide constitutum fuerit, neminem debere Ecclesiam, cui cura animarum incumbit, vel tenere, vel regendam suscipere, aut susceptam occupare, nisi a Nobis, & pro tempore existente Archiepiscopo, vel Archidiaconis nostris, seu eorum Officialibus, quibus id iure, vel consuetudine competere dinoscitur, ad eandem fuerit legitime institutus : cum alioqui talis manifeste careat clavibus ligandi & solvendi : hoc etiam adjecto, ut contrarium facere præsumens, nisi ejusmodi Ecclesiam, viginti dierum monitione præmissa, dimittat, ex nunc excommunicationis sententiam incidat ipso facto, nec plebs ei obediatur, vel morem gerat : cumque non dissimili censuræ omnes Apostata, Monachi, & qui extra obedientiæ jugum, & ordinis sui observantiam, Ecclesiarum regimini se intromittere non verentur, seu qui in hæresi, vel schismate, seu in publico incestu, aut aliis enormibus criminibus ad suam ipsorum damnationem, & Ecclesiæ Dei scandalum, computrescunt, iustissimo jure percellantur : uti quoque Nos tales prævaricatores in proximo nostro Concilio Provinciali, accedente assensu & sententia totius Synodi excommunicationis vinculo innodasse meminimus : Fuerit autem in nupera nostra Synodo Diocesana ad nos multorum veridicorum attestations perlatum, permultos esse, qui memoratis Evangelicis, Apostolicis, & Canonicis Censuris contemptim spreitis, se in Ecclesias Parochiales, intra nostræ Dioceseos pomeria & fines constitutas, vel propria auctoritate, sine ullo canonico titulo ingesserint, vel eas, per manum secularem intrusi, sine canonica institutione, detineant occupatas : non paucos quoque Monachos, partim apostatas, partim extra obedientiam degentes, Divina tractare, & populo Sacramenta administrare, non sine gravissimo innumerarum animarum discrimine & periculo.

Nos igitur, qui in Ecclesia Dei, pro parte sollicitudinis nobis concreditæ,

speculatoris officio fungimur : quibus ex impositi muneris necessitate hoc inprimis incumbit, ut a Christi ovilibus lupos quam longissime repellamus, & Ecclesiarum illicitas invasiones, quantum in Nobis est, prohibeamus : provideque animo repetentes, Nobis nequaquam licere, tam sædam Ecclesiasticæ disciplinæ corruptionem, horrendaque facinora, & gravia scandala diutius dissimulare & sustinere, quin potius hoc a Nobis Divinum pariter & humanum jus postulare, ut disciplinæ Ecclesiasticæ nervum in memoratos præsumptores, ad eorum damnabilem audaciam coercendam, distingamus. Quamobrem, præsentis nostri mandati, de assensu sacre Synodi nostræ, cui in præsentiarum præsidemus, Decreti vigore monemus omnes & singulos, qui se propria auctoritate, sine titulo, Ecclesiis Parochialibus ingesserunt, vel illas per intrusionem manus secularis, sine canonica institutione, occuparunt : ad hæc, omnes apostatas Monachos, vel qui extra obedientiam degentes, se Ecclesiarum regimini ingerunt : quique hæresi, vel schismate, aut publico incestu, seu aliis enormibus criminibus manifeste irreti sunt ; ut intra viginti dierum spatium, quod illis pro canonica monitione præfixum volumus, Ecclesias memoratas, quas occupatas detinent, realiter & cum effectu dimittant, præbituri locum canonice & legitime sufficiens. Alioqui ipsos, & eorum quemlibet, contrarium facientes, & hujusmodi nostro mandato non parentes, de simili dictæ nostræ sacre Synodi assensu, sententiam excommunicationis majoris, ex nunc prout ex tunc, & ex tunc prout ex nunc, ipso facto damnabiliter incidisse, præsentium per tenorem declaramus : quos etiam, ut excommunicatos, publice nuntiari, & a plebibus, quarum curam sibi usurparunt, aliisque fidelibus vitari, serio ac districte mandamus ; donec Deo & Ecclesiæ digna poenitentia satisfecerint, ac beneficium absolutionis a Nobis meruerint impetrare. In quorum fidem & testimonium, præsens nostrum Mandatum Sigilli nostri impressione fecimus communiri. Datum in Synodo nostra Diocesana Colonienfi anno 1550. die Mercurii, 26. Februarii.

liii 3

Forma

(*) Vide Tom. IV. nostro, Concilium Provinciale Colonienfe, sub Henrico Archi-Episc. Colon. celebratum anno 1310.

F O R M A,

Juxta quam in Visitatione Cleri & Populi Civitatis Coloniensis, Inquisitio secundum Ecclesiarum, Monasteriorum, Ordinum, personarum & locorum diversas condiciones ac rationes institui, vel fieri debeat. In Synodo Coloniensi Diocesana Anno 1550. 26. Februarii publicata.

FORMA MANDATI DELEGATORII, SEU COMMISSIONIS DANDÆ VISITATORIBUS.

ADOLPHUS, DEI GRATIA, SANCTÆ COLONIENSIS ECCLESIE ARCHIEPISCOPUS, SACRI ROMANI IMPERII PER ITALIAM ARCHICANCELLARIUS, PRINCEPS ELECTOR, WESTPHALIÆ ET ANGARIÆ DUX, LEGATUSQUE NATUS &c. REVERENDO IN CHRISTO, AMICO NOSTRO CHARISSIMO, JOANNI EPISCOPO CYRENENSI, NOSTRO IN PONTIFICATIBUS VICARIO, AC N. ET N., SALUTEM IN DOMINO SEMPITERNAM.

CHRISTUS JESUS Dominus & Redemptor noster, qui per viscera misericordiæ suæ visitavit nos, oriens ex alto, ut illucesceret his, qui in tenebris sedent, ad dirigendos pedes nostros in viam pacis, multifariam cum verbo, tum exemplo suo Divino nos docuit, debere Episcopos, qui Apostolorum suorum loco succedunt, & Legatione pro Deo funguntur, Ecclesias suas, quas curandas suscepunt, pro explorando & reformando earum statu, sæpe & frequenter visitare & inspicere. Narrat enim Sanctum Evangelium, quomodo Pastor ille bonus, qui venit quærere & salvare, quod perierat, non modo per semetipsum, dum adhuc in terris nobiscum ageret, civitates omnes & castella circumiecit, docens in Synagogis eorum, & prædicans Evangelium Regni, & curans omnem languorem & infirmitatem: sed & quum hominum se sequentium turbas videret, & eorum intime miseretur, eo quod essent vexati, & jacentes sicut oves non habentes pastorem; Discipulos suos gravi cum affectu admonuerit, ut se Dominum suum & Magistrum, in hoc visitandi munere, & ejus, quod perierat, requirendi studio sequerentur: utque Patrem suum coelestem ardentibus & sedulis precibus, pro extrudendis idoneis messoribus spiritualibus in messem suam folliciarent, dicens: Messis quidem multa, operarii autem pauci. Rogate ergo Dominum messis, ut mittat operarios in

messes suam. (*) Tales nimirum, qui potentes docere, & eos, qui contradicunt, redarguere, dum hoc visitationis munere perfunguntur, permundent aream ejus, & bonos a malis separantes, congregent tritum in ejus horreum, paleas vero spiritui oris sui exufflent, & de Regno ejus, quæ est Ecclesia, tollant omnia scandala; ut ab universis erroribus & vitiis ejusmodi visitationis ventilabro eventilata, excussa & repurgata, secunda ei serviat libertate. Quo profecto gloriosum illud omnium Ecclesiarum lumen & vas electionis, Sanctissimus Apostolus Paulus, in quo Christus ipse loquitur & auditur, respiciens, Presbyteros Ecclesiæ Ephesiensis ad se Miletum vocatos, sic alloquitur & compellat: Attendite vobis & universo gregi, in quo vos Spiritus Sanctus posuit Episcopos, regere Ecclesiam Dei, quam acquisivit sanguine suo. Quemadmodum Act. 20. legimus. Quo etiam in libro apertissime indicatur, quantæ curæ hoc visitandi munus tanto Apostolo fuerit. Legimus enim illic, ad Barnabam Coapostolum suum illum sic loquentem: revertentes visitemus fratres per universas civitates, in quibus prædicavimus verbum Domini, quomodo se habeant. Quod & crebro & diligenter fecisse eos, idem liber non uno in loco manifestissime declarat & ostendit: maxime ubi narrantur, circumambulasse regiones, in quibus prædicaverunt verbum Dei, ut viderent quomodo

(*) Matth. 9.

se haberent fratres, & ut confirmarent eos in fide: & constitutis ubique idoneis Presbyteris, Apostolorum & Seniorum traditiones & præcepta eis custodienda mandarent. Quæ certe præcipua sunt ad canonicam Visitationem pertinentia. Quin & D. Petrus, Apostolorum vertex ac Princeps, in eodem libro non frustra narratur, transisse & invisisse universos. Quanta item cura in eodem munere dilectissimus Christo Discipulus, & inter Divinos Evangelistas sublimis aquila Joannes, in Asia versatus sit, abunde Ecclesiastica testatur historia. Cæterum quam plenum exitialis periculi, & plane horrendum sit, eos, qui speculatorum in Ecclesia locum tenent, in hoc officio cessare, Dominus ipse apud Prophetam suum Hieremiam gravissime contestatur, ubi durissimas de ignavis Pastoribus, hanc functionem negligentibus, se sumpturum pœnas terribiliter comminatur, dicens: Vos dispersistis gregem meum, & ejecistis eos, & non visitastis eos. (*) Ecce ego visitabo super vos malitiam studiorum vestrorum. Quibus etiam apud alium Prophetam (**) severe admodum impropere & exprobat, quod visitationem gregis negligentes, infirmum non consolidarint, quod ægrotum, non sanarint, quod contractum non alligarint, & quod abjectum non re-duxerint, & quod perierat, non quæsierint. Et dispersæ, inquit, sunt oves meæ, eo quod non esset Pastor, & factæ sunt in devorationem omnium bestiarum agri, & dispersæ sunt. Erraverunt, ait, greges mei in cunctis montibus, & in universo colle excelsio, & super omnem faciem terræ dispersi sunt, & non erat, qui requireret. Non erat, inquam, qui requireret. Unde & vocem hanc, valde sane metuendam, subjicit: Propterea, inquit, Pastores, audite verbum Domini: Hæc dicit Dominus Deus: Ecce ego ipse super Pastores requiram gregem meum, nec pascent amplius Pastores semetipsos: & quæ illic sequuntur. Quin etiam iram esse graviter offensi Dei, quoties datur Pastor aliquis negligens & desidiosus, ipse Dominus in Zacharia Propheta attestatur, ubi inquit: Quia ecce ego suscitabo Pastorem in terra, qui derelicta non visitabit, dispersum non quæret, & contritum non sanabit, & id, quod stat, non enutriet, & carnes pin-

gulum comedet, & ungulas eorum dissolvat. Post quæ continuo hac terribili voce exclamat: O Pastor & idolum, derelinquens gregem. (***) Hæc Divina exempla & tremenda oracula cum superiori tempore nobiscum animo volutarem, & de illorum imitatione & executione crebre (ut par erat) cogitarem, & solliciti essemus; eni commodum Inviectissimus & Religiosissimus Imperator CAROLUS Quintus Augustus, Dominus noster clementissimus, in proximis Augustanis Comitibus, ejus, quod factum oportuit, auspiciandi semel, & agendi viam aperuit. Nam Reformationis salutaris Formula Statibus Ecclesiasticis proposita, non satis esse putavit, indicasse normam aliquam, canonicis institutis consentaneam, secundum quam & viveretur, & doceretur in Ecclesiis Germaniæ, usque ad Concilii Generalis determinationem; sed & idoneos tramites & modos ejusdem Reformationis exequendæ, secundum Evangelicas, Apostolicas & Ecclesiasticas Leges ostendit, quos & Prælatos intra certa præstituta tempora amplecti omnino voluit, ac jussit. Quæ nimirum sunt accurata Provincialium, & Diocesænarum Synodorum celebratio, ac deinde diligens Ecclesiæ visitatio. Nos igitur cernentes tam Religiosis Cæsareæ Majestatis jussis officium nostrum non parum adjuvari, quod confidamus auctoritatem ejus, omnia impedimenta, quæ haud dubium Reformationis impatientes, Episcopis alioqui objecerant, e medio sublaturam; celebratis jam per Nos pro memoratæ Reformationis executione, una Provinciali, & duabus Diocesænanis Synodis, & in his communi consilio & assensu permultis pie & religiose constitutis, quibus priori Cæsareæ jussionis parti satisfactum esse speramus: superesse videmus, ut alteram quoque partem, quæ est de visitando & inspicendo gregem Dominicum Nobis concreditum, cooperante Deo, ut cepimus, prosequamur. Idque non modo ob id, ne præcedens ille noster, non exiguus certe labor, quem in celebratione Synodorum nostrarum adhibuimus, & insampsimus, hujus alterius partis vel intermissione, vel longiore extractione, sine ullo fructu dispereat, & irritus fiat: cum sciamus, frustra esse in civitate jura, nisi sint, qui & ea exequan-

tur.

(*) Jerem. 23.

(**) Ezech. 34.

(***) Ezech. 11.

tur: sed, & quidem inprimis, ne hac in parte commissa, quod absit, negligentia, Dominus sanguinem ovium Nobis commissarum, de manibus nostris, ut Propheta ait, (*) severo judicio exigat. Verum enim vero, cum hoc tam magnum & necessarium Visitationis opus, quod per se late patet, tale sit, ut viros quam maxime idoneos postulet, qui se illi totos addicant, multumque temporis, ut per Diocesim nostram totam, facto initio ab Ecclesia nostra Metropolitana, & ei adherentibus, producat, & peragatur: Ad hæc moram interdum longiusculam, nunc hic, nunc illic, pro locorum ratione & necessitate manendi requirat: Nos vero aliis innumeris & gravissimis, tum Ecclesiæ nostræ, tum Sacri Romani Imperii negotiis ac rebus sic sumus occupati, & impliciti; ut continuum illum a loco in locum progressum, & prolixiorum in nostræ Dioceseos oppidis & vicis singulis moram, sine ejusmodi negotiorum delectu (**) (quem committere nefas putamus) facere non possimus: uti tamen (nisi, ut jam commemoratum est, prohiberemur) libenter facere vellemus: & præterea, ut quam maxime possimus & velimus, hoc muneris per Nos ipsos gerere & subire; id ipsum tamen sine gravi subditorum nostrorum onere, ob numerosiorem nostrum comitatum, ad quem recipiendum alicubi forsitan non sat testi fuerit, facere nequeamus: Vobis, de quorum singulari doctrina, pietate, zelo, prudentia & circumspectione plurimum in Domino confidimus, quam & multa experientia compertam habemus, vices nostras præsentium per tenorem committimus, dantes & concedentes vobis, harum literarum vigore, plenam & liberam potestatem, universas & singulas Ecclesias, tam in ipsa nostra Metropoli Colonienſi (Majori tantum nostra, cujus Visitationem per Nos jam coeptam, Nobis ipsis reservamus, excepta) quam per totam nostram Diocesim Colonienſem constitutas, secundum Sacrorum Canonum Decreta, & Cæsaræ Reformationis Formulam, visitandi, eaque de re Clerum & populum nostrum, ubivis locorum, ad comparandum coram vobis, & submittendum se se visitationi vestræ, canonicè evocandi, & monendi: & ulterius de

statu memoratarum Collegiarum, nec non Parochialium Ecclesiarum, & Decaniarum Christianitatum, seu Ruralium, & Monasteriorum, tam Monachorum, quam Sanctimonialium, & Canonissarum (ut vocant) secularium: domorum quoque Fratrum Teutonicorum, Sanctorumque Joannis, & Antonii, (quatenus se visitationi submiserint) aliarumque sacrarum ædium, Oratoriorum, Capellarum: & quorumcunque piorum locorum, Scholarum & Bibliothecarum, & personarum, in eisdem Ecclesiis, Monasteriis, domibus & plis locis degentium, & Deo militantium, eorumque statutis, ordinationibus, moribus & consuetudinibus: denique de statu & conditione plebium cujusque loci, diligenter inquirendi: & facta inquisitione, inprimis Statum Ecclesiasticum (cujus confusione tota Ecclesiæ facies confunditur) repurgandi: Statuta, ordinationes, mores, & consuetudines Ecclesiarum quarumcunque inspiciendi & cognoscendi: & si quid in eisdem irrationabile, aut indecens fuerit, corrigendi: Ecclesias, Monasteria, Oratoria, Sacella, & alia pia loca, ubi vel excisa sunt, vel exhausta, vel deserta redintegrandi: & pro reformatione plebium, ex singulis Parochiis aliquot probos, boni nominis & fide dignos viros, ad numerum quatuor, quinque aut plurium, secundum & plebis cujusque loci frequentiam, quibus fides, mores, conversatio, fama & opinio omnium illic commorantium sit plus cognita, deligendi: eosque ad dicendum super interrogandis veritatem, remoto procul omni carnali affectu, amoris, odii, spei & metus, adjurandi: & generaliter ubivis hæreses & schismata extirpandi, errores, abusus & scandala tollendi: Fidem Catholicam, virtutes & bonos mores inferendi: seductos ab hæreticis & sectariis, & nunc errores suos recognoscentes, & de illis ex animo dolentes, & ad Orthodoxæ, & Catholicæ fidei unitatem redire cupientes, & recipi humiliter petentes: similiter criminibus & flagitiis obnoxios, cognito tamen in eis omnibus vero, & non ficto, aut simulato de perperam admissis dolore, ad penitentiam recipiendi, pieque & benigne (salva tamen Ecclesiastica disciplina) rursus amplectendi; eis, prout eorum

(*) Ezech. 33.

(**) fors: neglectu.

eorum error aut lapsus, vel publicus, vel occultus fuerit, publicani, seu occultam poenitentiam canonicam imponendi: nec non poenitentias juris communis, pro vestra prudentia & discretione, ac poenitentium qualitate & conditione moderandi: & poenitentes ejusmodi, post exomologesios satisfactionem peractam, a censuris & poenis, errorum, seu criminum suorum ratione incurfis, etiam in casibus Nobis specialiter referatis, auctoritate nostra Archiepiscopali, seu alia quacunque Nobis competenti in Domino absolvendi, & Christi fidelium consortio aggregandi: Congregationes, Communitates, Universitates, ac singulares personas, ab illicitis & damnatis obligationibus exolvendi, & liberatas declarandi. Præterea tenuiorum Beneficiorum redditus, ita ut de singulis Beneficiis singuli Beneficiati commode vivere, & justa emolumenta percipere possint, auctoritate nostra, prout de jure citra revocationem commissionis Vicario nostro in Spiritualibus factæ, augendi, ac Beneficia, quæ nullam necessariam functionem habent, Ecclesiis Parochialibus, quibus stipendia non suppetunt ministrorum, uniendi, vel dismembrandi: omnesque, qui Ecclesias incorporatas habent, ad prospiciendum Curatoribus talium Ecclesiarum Parochialium de ipsarum fructibus & obventionibus sufficienti portione & sustentatione, monendi & compellendi: Similiter viros doctos, boni nominis, graves, pios, & Catholicos ad examinandum Ludimagistros, & excutiendum libros, aliaque, quæ vobis committenda aliis videntur, delegandi: & generaliter quæcunque ad reformationem, instaurationem, & conservationem quarumcunque Ecclesiarum, & piorum locorum, in nostra Diocesi sitorum, pertinent, curandi: Repugnantes vero & contradicentes vobis in præmissis, seu aliquo præmissorum, veluti hæreticos, schismaticos, induratos, votifragos, incestuosos, & quoscunque criminosos & inobedientes, poenitentiam canonicam accipere, & mandatis Ecclesiæ parere recusantes, censuris Ecclesiasticis, ut ad cor redeant, innodandi & percellendi, eos pro excessuum & criminum qualitate, ab officio vel beneficio, vel utroque suspendendi, vel etiam pro gravitate ex-

cessus, perpetuo privandi, excommunicandi, interdicens, ac alias juxta Canonum Sanctiones puniendi & coercendi. Omniaque & singula alia, quæ præsens Visitatio exigere videbitur, pro ratione locorum & personarum, faciendi, gerendi, & exercendi, & quæ Nos ipsi, si personaliter adessemus, gerere & exercere possemus, & merito deberemus: Decernentes, omnia & singula per vos, seu a vobis pro tempore facta & gesta, valida & efficacia fore, suosque debitos effectus fortiri, & ab omnibus inviolabiliter observari debere. In quorum omnium & singulorum fidem, & testimonium, præsentis literas per Notarium nostrum infra scriptum, subscribi, sigillique nostri appensione fecimus communiri.

Datum ex Arce nostra Brulensi, vigesima Decembris, Anno Domini nostri JESUS CHRISTI Millesimo quingentesimo quadragesimo nono.

Præparatoria quedam ad Visitationem.

Visum olim est Sanctis Patribus, ut sacri Canones indicant, cum Episcopus suam Diocesim visitandi gratia circuire vult, debere Archidiaconum, vel Archipresbyterum eum præire aliquot diebus per Parochias, quas visitaturus est, & ex auctoritate sanctorum Canonum præcipere, & serio denunciare, ut omnes, exceptis infirmis, ad Visitationem Synodalem occurrant, & interminari his, qui absque gravi necessitate defuerint, a Christiana communione depulsionem. Deinde debere hunc, accitis ad se Presbyteris, qui in illo loco servitium exhibere debent Episcopo, sagtagere, ut minores & leviores causæ corrigantur & emendentur, ne Episcopus veniens levioribus negotiis fatigetur, neve immorandum illic ei sit amplius, quam necesse fuerit. Quo etiam Canones illud citant, quod Dominus ad Moysen de hujusmodi cooperatoribus ait: Ut tecum (inquit) sustentent onus populi, & non tu solus graveris. (*) Et quod Beatus Joannes Baptista adventum Domini præcurrit prædicando, dicens (**): Poenitentiam agite. Item: Parate viam Domino. Siquidem Episcopus vicem Christi

agere videatur, & ideo cum gaudio, timore, & cum summa reverentia a plebibus sibi subiectis suscipiendus sit, ut illis cum laude dicatur, quod Apostolus de Galatis testatur: Testimonium, inquit, vobis perhibeo, quod ita suscepistis me sicut Angelum Dei, sicut Dominum Jesum. (*)

Verum cum latissima sit Colonienfis Diœcesis, in quatuor Archi-Diaconatus, & quam plurimos Archi-Presbyteratus, seu Decanias rurales distincta, & intermissa jam nimium diu sit Canonica Visitatio, non sine gravi (quod negari non potest) iactura religionis & disciplinæ; convenire Nobis videtur, ut hoc munus, quod Canones unumquempiam Archi-Diaconum, vel Archi-Presbyterum obire volunt, omnes Archi-Presbyteri, hoc est, Decani, tam Collegiales, quam Rurales, qui Christianitatum vocantur, singuli in suis regiunculis obeant; ut advenientes Visitatores, jam strata & præparatam viam inveniant, sic ut Visitatorem ubique locorum, expedite peragere, & absolvere possint.

Multum quoque ad præparationem hanc facere videtur, si Archi-Presbyteri isti, diligenter admoneant plebes, ut mane ejus diei, quo ipsæ visitandæ & inquirendæ sunt, ab omni opere servili feriantur, quo expediti ad Ecclesiam, ad cibum capiendum, qui non perit, animarum suarum salutem consulunt, pergant. Et ut omnes, qui remedium gravatæ conscientiæ (ob nefanda commissa flagitia, quorum relaxatio ab Episcopis petenda fuerit) velint adhiberi: aut consilio opus habeant in re quacunque perplexa, die designata cum bona fiducia adveniant, seque audacter Visitatoribus præsentent, paternam benignitatem & mansuetudinem experturi. Denique ut quotquot Sacramento Confirmationis, secundum ritum Catholicum nondum fuerint communiti, in quavis etiam ætate, ad illud reverenter accipiendum se præparent, hoc est, ut jejuni ad Confirmationem veniant, & moneantur confessionem prius facere, ut mundi Dominum Spiritus Sancti mereantur accipere, ut habet Aurelianense Concilium. Quod maxime in his locis fieri est necesse, ubi sunt baptizati ab hæreticis & schismaticis: nam tales cum extra Ecclesiam

sancti Sacramentum quidem, sed non rem, vel virtutem Sacramenti, nec donum Spiritus Sancti acceperint, necessarium prius integre edoceri & institui debent de fidei mysteriis, & si omnibus assenserint & acquiescant, purgati fidei integritate, manuum Episcopali impositione Ecclesiæ Catholicæ inferi & reconciliari, & Chrismate confirmari. Quod si inveniantur ex horum numero quidam, qui sic confirmari respuant, hi a communione fidelium penitus excludantur.

Ecclesias quoque & Cœmeteria, & quæcunque Deo sacrata, quæ in hac rerum turbatione violata sunt, Episcopali Benedictione, secundum veteres Canones expiari oportet: hujus quoque memoratos Decanos, pro faciendâ præparatione, admonitos esse oportet.

Postremo, etsi ob hujus Diœceseos latitudinem Visitatores omnia in universum loca, invilire, & oculis subicere non possint: & proinde visum sit, designari per omnes Decanias rurales, loca populosiora & magis insignia, ad quæ singularum Decaniarum Parochi, cum Presbyteris & Clericis, & laicis aliquot potioribus quarumque Ecclesiarum per Decanos evocentur; Nihilo secius tamen hoc non oportet esse perpetuum, sed erit ea res Visitatorum discretioni commissa, sic ut etiam ad loca non designata, vel ob populi multitudinem, vel ob aliam necessariam causam, quæ eorum præsentiam, & ocularem inspectionem requirat, pergatur, & necessitati ac salutem omnium consulatur.

Quo ordine Visitatores in singulis Ecclesiis & locis hoc munus administrare & peragere debeant.

Pincipio convocatis Clero & populo, imploranda erit (sine qua nihil possumus) Dei gratia, & devote celebrandum Missæ Sacrum de Spiritu Sancto: in quo suppliciter oretur Deus, ut qui per suum Spiritum, totum mundum ad agnitionem sui nominis convertit, & in unitatem fidei congregavit, per eundem etiam nos faciat eadem sapere, & suis mandatis corda nostra dedere

(*) Gal. 4.

dere & submittere; ut suæ Divinæ Vifitationis fructum, per ministerium Ecclesiasticum experiri & accipere valeamus.

Inter Missæ Sacrum, ubi populus requirendus erit, fiat a decantato Symbolo sermo commonitorius ad adstantem Clerum & populum, qui attemperandus erit, pro diversitate locorum ad hominum caput, & rerum, illic Reformatione quam maxime egentium, conditionem, quam Vifitatores statim ab adventu suo in oppidum aliquod vel vicum, vel a Decano, vel a Parocho, vel ab aliquibus aliis ejus loci Catholicissimis & veracissimis viris percipere retulerit.

Concio in eo versabitur, ut scibi plebs in hæresim aliquam prolapsa fuerit; falsitas ejus per evidentissimas scripturas, & Catholicæ Ecclesiæ determinationes, quibus nullus vel communi sensu prædictus refragari queat, quam fieri potest, breviter ostendatur. Nec subtrahenda hac in parte erit Cæsaris declaratio. Erunt coarguenda scelera, crimina, & peccata, quibus plebs ejus loci quam maxime servit. Addendæ ardentes exhortationes; ut qui aberrarint, & seducti fuerint, in viam redeant: ut qui ceciderint, resurgant: ut suscepta & digne peracta poenitentia correcti, in sinceritate fidei, & doctrina Ecclesiæ Christi, & observatione Præceptorum Dei permaneant & perseverent: ut singuli suæ vocationi servant, suis quique officiis & muneribus fideliter perfungantur: ut Potestatibus superioribus, tam Ecclesiasticis, quam secularibus obedientiam, honorem, & cætera, quæ debent, ultro præstent: ut unanimitati & concordie studeant: denique ut uno spiritu atque ore Deum, Patrem Domini nostri JESU CHRISTI, sincera fide, & puris affectibus concelebrant & colant, quo regni ejus participes efficiantur.

A peracta Concione, publica oratione suppliciter invocandus, & rogandus est Deus: quam qui concionatus est, verbis germanicis, ut plebs eum suis verbis subsequi, & idem cum eo diserte petere a Deo possit, recenseat in hanc sententiam:

Omnipotens, sempiternus Deus, qui etsi corda nosti omnium, ad exemplum

tamen, quod nos sequamur, descendere, ac videre voluisti, an populus scelertus, clamorem, qui ad te pervenerat, opere complevisset. Qui tuum Filium unigenitum in terras ad requirendum, & servandum, quod perierat, misisti: Et per eundem omnes, qui gregis pascendi curam susceperunt, ut idem sedulo agerent, cum verbo, tum opere, admoneri fecisti. Te suppliciter exoramus, ut nobis indignis famulis tuis, gratiam Divini luminis tui, pro tua ineffabili pietate clementer infundas, labia aperias, linguam dirigas, omnesque actus, & cunctas operationes nostras, tua virtute instruas & confirmes; ut hoc Vifitationis opus omni ex parte, Spiritu tuo cooperante, & Beata MARIA Genitrice Filii tui, ac omnibus Sanctis tuis intercedentibus, ad hæresim & vitiolorum eradicationem, ad Catholicæ Fidei, & sanæ doctrinæ robur, & exaltationem, virtutum & bonorum morum institutionem, & charitatis augmentum: denique ad Ecclesiæ tuæ repurgationem, instaurationem, conservationem & tranquillitatem, & ad tui solius Nominis laudem & gloriam sempiternam peragere possimus: Per eundem Dominum nostrum JESUM Christum Filium tuum, qui tecum vivit & regnat in unitate ejusdem Spiritus Sancti Deus, per omnia sæcula sæculorum. Amen.

Deinde facta, ut moris est, supplicatione pro omnibus, qui in sublimitate Ecclesiastica, & sæculari constituti sunt, & pro omnibus hominibus, tam vivis, quam defunctis, & recitata confessione publica, secundum formam in Ecclesia Catholica usitatam, & pronunciata prece: *Miserereatur vestri Omnipotens Deus &c.* Absolutionem & remissionem &c. peragatur ulterius Missæ Sacrificium.

In Collegiatis Ecclesiis, Monasteriis, & aliis piis domibus, ubi Ecclesiastici tantum sunt inquirendi, Missa poterit celebrari, non interrupta concione, & a Missa in domo Capitulari sermo ad congregationem haberi.

His præmissis, ad Inquisitionem generalem, juxta formulas, quæ pro diversâ ratione & conditione Ecclesiarum, Monasteriorum, & aliorum piorum locorum & personarum, conscriptæ sunt,

K k k k 2

descen-

descendantur. Non quod oporteat in singulis locis, a singulis personis inquirendis, omnia & singula eo ordine & serie, ut conscripta sunt, perscrutari: sed examinatio singulorum fiet secundum Visitatorum prudentiam & discretionem, & personarum & locorum qualitatem, & ut plus, vel minus ab institutis suis degenerarunt.

Post Inquisitionem generalem, Visitatores manifestos hæreticos, vel schismaticos, & publice peccantes, publice: occulte vero peccantes, occulte arguent: ac resipiscenibus; & ad pœnitentiæ remedia confugientibus, pro qualitate delicti, vel publicam, vel privatam pœnitentiam injungent, aliaque faciens, quæ Diploma eorum, seu commissio eis data complectitur.

Quod si de quorundam (qui criminosi deferuntur) vitio, seu crimine dubitetur: Videndum, an tales de crimine, cujus insimulantur, publice diffamati sint, & num ab uno, vel pluribus, num a malevolis & maledicis, an potius providis & honestis, non semel tantum, sed sæpe, sic ut jam clamor ascendat, qui diutius sine scandalo dissimulari non possit, vel sine periculo tolerari. Tum debebunt Visitatores ad specialem Inquisitionem contra ejusmodi diffamatas personas descendere, formare inquisitionis articulos, vocare coram se inquisitioni subdendum, proponere ei, de quibus delatus est, criminum capita, & præbere ei facultatem, se defendendi.

Poteruntque Visitatores ad inquisitionem (ut tangatur cor ejus verbo Dei) pro dicenda veritate in hanc sententiam præfari: Deus omniscius (qui est scrutator cordium & renum, ac ante cujus oculos omnia aperta ac nuda sunt) ut nos a præcipitandæ sententiæ prolacione compesceret, non ante voluit contra Gomorrhæos sententiam damnationis proferre, quam cognosceret de his, quæ publicitus per illos conscelerare commitebantur. Unde ait: *Descendam & videbo, utrum clamorem, qui venit ad me, compleverint opere.* (*) Quod & Christus in parabola de villico confirmat. Is enim licet esset diffamatus apud Dominum, quasi dissipasset bona illius; tamen non

est inauditus damnatus: sed accersito eo Dominus dixit: *Quid hoc audio de te? redde rationem villicationis tuæ.* (**) Hæc Dei & Christi monita insequentes, licet pleraque a pluribus fide dignis & idoneis personis de te mala referantur: quæ etsi urgente conscientia, & officii commissi necessitate, non poterimus, nec debemus dissimulare: ea tamen vera esse, cum nobis hætenus liquide comprobatum non sit, & proinde ad te condemnandum nos nondum permoverint, adversus te Canonice duximus inquirendum.

Jam si quis facta inquisitione in negando persistens, postea testibus idoneis de admissio convictus fuerit, & resipiscere velit; accipiat pœnitentiam pro sui delicti modo: sin tantum publica mala fama laboret; ad purgationem adigendus est, secundum Canonicas Sanctiones.

In refractarios & inobedientes, censura Ecclesiastica distringenda est, secundum commissionis & juris communis formam.

Et districte injungendum omnibus, ne cum ejecto ex Ecclesia, donec resipuerit, ullo modo communicent, memores ejus, quod Sanctus Paulus de incestuoso illo vitando suis Corinthiis, (***) & Beatissimus Apostolus Joannes in sua Canonica secunda, de seductoribus cavendis scribunt & præcipiunt.

Post expletam Visitationem, Scheda Visitationis, quæ Decreta & Instituta complectatur, secundum quæ post hæc eo in loco doctrina, vita & mores exigenda erunt, singulis ordinibus relinquatur: & postremo confectis omnibus, Clerus simul & populus Episcopali Benedictione dimittatur, Visitatoribus ad proxima loca porro profecturis.

Visitatores sibi dictum putent illud, primæ Thessalonicens. quinto: *Rogamus autem vos, Fratres, corripite inquietos, consolamini pusillanimes, suscipite infirmos, patientes estote ad omnes.*

Visitandi vero illud ibidem:

Rogamus autem vos, Fratres, ut moveatis eos, qui laborant inter vos, & præsentibus vobis in Domino, & monent vos; ut habeatis illos

(*) Gen. 19.

(**) Lucæ 16.

(***) I. Cor. 5.

illos abundantius in charitate, propter opus illorum: & pacem habete cum eis.

SEQUUNTUR NUNC INQUISTIONES, PRO ECCLESIARUM ET LOCORUM DIVERSITATE ADHIBENDÆ.

Quæ in Ecclesiis Cathedralibus & Collegiatis inquiri debeant.

INitio, an Capitulo competat jus eligendi suos Prælatos.

Si sic; quo ordine, forma, modo, & quibus affectibus ad electionem procedatur.

An hoc solum spectetur, ut digni atque idonei eligantur: tales videlicet, qui exemplo præcedant, & functioni suæ graviter incumbant, & ad quorum comparationem cæteri grex merito dicantur.

An Præpositus, Decanus, & Capitulum, & singulares personæ habeant Ecclesias Parochiales, quæ ad præsentationem, institutionem, provisionem, seu collationem eorum, seu cujusvis ex eis, spectent & pertineant.

Quales provehant, & provehere posthac velint ad tales Ecclesias: an solos eos, qui sciant & velint populum docere verbum Dei pro capto eorum, & Sacramenta Ecclesiastica ritu Catholico administrare, & facere omnia, quæcunque Reformatio Cæsaris, & Decreta Provincialis Concilii, a Parochis & Rectoribus Parochialium Ecclesiarum requirunt.

Quales sint; qui in præsentiarum talibus Ecclesiis præsent: an sint legitime instituti: cum beneficium Ecclesiasticum sine Canonica institutione obtineri non possit: nec is Ecclesiastica Sacramenta administrare queat, cui manus rite imposita non est.

An ejusmodi Ecclesiarum Curatoribus sit de sufficienti portione provium, qua se honeste sustentare possint; ut non sit opus, eos se se servilibus officiis mancipare.

Ut Visitatores sibi faciant exhiberi titulos istorum Parochorum, seu Cura-

torum, si de aliqujus Canonica institutione merito dubitetur.

An Canonici, qui habent Præbendas, sibi ex indulto Apostolico, cum onere legendi, collatas, suo muneri, juxta Bullarum Apostolicarum tenorem, satisfaciant.

An Capitula velint ad istos Canonizatus & Præbendas, quæ universitatis vocantur, cum vacaverint, in futurum eos solos provehere, & admittere, qui velint, & possint earundem Præbendarum onera, ipsis vigore Bullarum Apostolicarum imposita, subire.

Inquirendum, an omnes & singuli in Ecclesia beneficiati, & quicunque officia gerunt, qualiacunque ea sint, functioni suæ graviter incumbant. Et an quisque, quo designatus est loco, ministret in Divinis, & aliis Collegii rebus.

An Præpositi, ad quos præstito juramento pertinet, res, bona, privilegia, status, & jura Ecclesiarum potenter, & patenter defendere (cujus causa præ cæteris ampliores redditus Ecclesiarum percipiunt) hoc munere probe, fideliter & diligenter fungantur: & num ex negligentia eorum (nihil aliud, quam sua lucra quærentium) Ecclesia, seu Collegium damnum accipiat.

An Præpositi, seu alii Prælati, qui habent Archidiaconatus, seu Archipresbyteratus suis dignitatibus annexos, regimulæ sui Archidiaconatus, seu Archipresbyteratus (in qua in partem solitudinis Episcopalis vocati sunt) Parochis, seu Curatoribus Ecclesiarum, ne in officio negligentes sint, superintendant.

An Synodis Episcopalibus interfint, illicque referant & exponant suæ portunculæ statum, ac una cum Patribus consulant, ac decernant Synodalia Decreta & sententias.

An placita Episcopi Parochis, curæ suæ commissis, publicent & exequantur, eaque omnia præsent in suo territorio, quæ in Diocesi Episcopus, cujus sunt oculi, (exceptis tantum his, quæ Episcopalis propriæ muneris sunt) Et an sollicite invigilent, ut si quid adversus fidem, pietatemque Christianam emer-

gar, Episcopo idipsum (ad quem cura prima pertinet) significent.

An territorii, seu regiunculæ suæ, Ecclesias singulis quibusque annis visitent & inquirent, vitia corrigant, & pro publicis criminibus poenitentias publicas injungant : & , si quæ graviora sunt , quæ per ipsos emendari nequeant, ad Episcopum & Synodum Episcopalem referant , publico judicio submittenda : eo quod eorum visitationes parvæ quædam & particulares Synodi habeantur , majori subiectæ, & secundum ejus judicium dirigendæ.

Num designatos ad Beneficia , maxime curam animarum habentia , sive per præsentationem, sive per electionem, vel simpliciter provectos per collationem factam pleno jure, prius investiant, vel ad Ecclesiæ munera subeunda admittant, quam exploratum illis sit diligenti examinatione , eos esse idoneos , & vocationi suæ pro viribus se satisfacturos polliceantur.

Num conjugatis , indoctis, levibus, vitiis & inutilibus vices suas committant : nihil nisi quæstum avarum ex officiorum, seu munerum suorum locatione facientes , malentes homines de æterna salute periclitari, quam se lucro turpi ac temporali non ditari.

Num jurisdictionem suam & munera ulli Commissario, seu Collectori, licet Ecclesiastico, plus offerenti, pro pecunia , aut pro certo annuo censu, committant, vel vendant.

Num Episcopi, & eorum Officiales , ad quos pertinet vitiorum correctio, relinquunt peccata ob pecunias & munera impunita : non perpendentes, pudentem esse crimen, crimina non coercere : nec quicquam esse, quod Prælatos coram Deo magis accuset, quam hujus rei neglectus.

An præterita delicta , impositione salutaris poenitentiae, pro delicti gravitate injuncta, castigant.

An ubi ejusmodi castigatione non proficitur, & ubi hoc delicti gravitas requirit, censuris, & poenis Canonicis, nempe suspensionis, excommunicationis, & similibus, criminosos coerceant.

Num poenitentiae loco pecuniam emungant , nisi ubi permittunt jura & Canones : & num tum hanc mulctam in usum aliquem pium, secundum Canonum præscriptum convertant.

An Decanus pro virili satisfaciatur officio suo, videlicet exemplo præcedendo, & verbo sæpe monendo omnes & singulos Canonicos & Clericos, & familiam eorum ; ut quisque suæ vocationi gnaviger incumbat, & vitam ducat appellatione sua dignam : ut in vitæ honestate, in religioso habitu, tonsura, & disciplina : in lectione & studio sacrae Scripturae se contineat, psalmodias, preces, officia Divina & caeremonias, statim horis digna Majestate persolvat.

An in inobedientes, ebriosos, luxui indulgentes, aleatores, percussores, rixosos, scortatores, ignavos, mercatorem & usuram exercentes, & officium negligentes, secundum censuram sanctorum Canonum & Cæsaream Reformationem, animadvertant.

An Decanus apud suam Ecclesiam personaliter resideat , & officio suo strenue perfungatur, & excessus levissimorum quorumque Canonicorum, & Vicariorum insolentiam, aliorumque subditorum vitia, quoties opus est, castiget. Num absque rationabili vel necessaria causa abest.

An cum ex rationabili causa abest, alicui Capitulari, qui suscepti officii rationem reddere possit, quemque inferiores revereantur, vices suas committat.

Deinde, an qui Subdecani, & Chori episcopi, seu Cantores vocantur, suis officiis rite fungantur : Et an Subdecanus in vitia & negligentias Vicariorum diligenter animadvertat.

An Scholastici advigilent, ut juniores Canonici per idoneos, probos & Catholicos pædagogos, in his, quæ ad pietatem pertinent, erudiantur.

An caveant Scholastici, ubi ad eos jus emancipandi spectat, ne aliquem emancipent, nisi, qui ut emancipetur : hoc est, ut e manu pædagogorum suorum liberatus, Ecclesiæ servitiis addicatur, idoneus sit.

Item an scholam trivialem Ecclesiæ adhzrentem, per eruditum, probum, & Catholicum Ludimagistrum procurant & administrent, qui pueros cum bonis literis & moribus, tum pietate Catholica imbuat.

Cætera, quæ ad examinationem Ludimagistorum pertinent, in articulo generali infra subduntur.

An Custodes, qui nunc Thesaurarii: item an Camerarii, Magistri Fabricæ, Cellarii, Præfentarii, & alii Administratores, suis quique officiis, secundum Ecclesiarum Statuta, Reformationem Cæsaris, & Decreta Concilii Provincialis satisfaciant.

Et præsertim, an Custodes, qui munus Ostiariorum in Ecclesia gerunt, diligentem curam adhibeant, ne ad sacra admittantur excommunicati, interdicti, publice criminosi, alique indigni.

Et an mercimonia & prophanas deambulationes in Ecclesiis, sub Divinis, & quicquid in Ecclesiis committere turpe & sceleratum est, & quod Divini officii celebrationem dehonestat, fieri pro virili prohibeant.

An qui rationem & calculum reddere tenentur, intra tempus debitum, & statutum illum reddant.

An uni personæ plura, quam unum officium, committantur.

An sint in Collegio pluribus beneficiis, & præsertim curatis, onusti.

An habentes Curata beneficia, fructus accipiant absentes: tamen aliquod utilius servitium Ecclesiæ Dei interim non impendant. Quod si se per dispensationem excusent, jubeantur Visitationibus eam exhibere: quæ si appareat sufficiens, curent Visitatores, ut Beneficia debitis obsequiis non fraudentur: Sin autem, provideat Episcopus, juxta C. Ordinarii, de officio Ordinarii in VI.

An Divinus cultus in Ecclesiasticis horis, devote, decenter, ordinate, ultro, prompte, reverenter & cum gravitate, non stipis causa tantum, sed ad Dei laudem & populi ædificationem, persolvatur.

An publicorum Divinorum officiorum, quæ ad omnes Ecclesiæ personas

pertinet, persolutio, ulla confabulatione interrumpatur.

An etiam juniores Canonici, atque adeo omnes alii, qui in Ecclesiis Collegiatis de Beneficiis, quæ possident, gaudere volunt, Divinum officium, ad quod præstandum tenentur, vicissim Psalmorum versus attente modulando, ut se decet, impleant, & an Horas Canonicas rite persolvant. Suntque omnes & singuli ad exhibendum sua Breviaria Visitationibus, monendi.

An fiant distributionum quotidianarum participes, qui Divinis officiis integris non intersunt: exceptis his, quos infirmitas, seu iusta & rationabilis corporalis necessitas, aut Ecclesiæ rerum procuratio, vel evidens utilitas excusant.

An omnes personæ Ecclesiæ ad Divina officia, præsertim ad Matutinas, summam Missam, & Vesperas concurrant, & ab initio usque in finem in eisdem perseverent, uti Canones exposcunt.

An in Missa præsentem, ad omnia, quæ aguntur, diligenter attendant, & attendendo vota sua, ministerium publicum agenti, per omnia accommodent & conjungant: quo eorum omnium participes per Dei gratiam efficiantur, quæ ipsorum nomine sacrificans agit & precatur.

An ad communes orationes Ecclesiæ, quæ Collectæ vocantur, stent omnes, ut Apostolus jubet, aperto capite: idem, quod Sacerdos, qui tum officio Sacerdotali fungitur, orat, si non oris spiritu, saltem mente precantes: Et præsertim, an a Præfatione usque ad completam communionem, stent omnes supplices & inclinati: ut se verbis Canonis accommodent, in quo Sacerdos ad Deum loquens, ait, omnes astare supplices, & supplices rogare & petere &c.

An usque in finem, donec Benedictio Sacerdotalis data fuerit, in officio Missæ perseverent: cum alioqui dici non possint vere interfuisse Missæ, si abeant antequam completis omnibus, missio, seu abundi copia fiat, his verbis: Ite, Missa est.

An summæ Missæ debita ratio habeatur: sic, ut Missæ speciales, ante summæ

ma, seu solennis Missæ Evangelium, aut ad summum ante Actionem finiantur, seu a facta communione inchoentur, ut omnes publico Sacro sint attentī, nec sub eo in diversā Sacra distrahantur.

An Epistola, & Symbolum, & Præfatio, & Oratio Dominica sine decurtatione, tota, clare, distincte & intelligibiliter cantentur: nisi quem vox deficiat.

An in Missis specialibus, lectiones & orationes sacræ, clare ac diserte (excepto sacro Canone, qui submissa voce, ut semper in Ecclesia factum, recitari debet) pronuncientur, ut possint a circumstantibus exaudiri & intelligi.

An celebraturi satagant, ne, nisi aliquibus saltem præsentibus, sacrificium offerant.

An imaguncula crucifixi Domini, Pacificatoris omnium, quæ sunt in cælo & in terra, ab ore Sacerdotis ad omnes adstantes deferatur, ordine ab omnibus, in Christianæ concordiæ & pacis symbolum, & spiritualis communionis signum, inosculanda.

Num organa quid sæculare resonent, seu aliud, quam cantum Ecclesiasticum: Et, sileantne ab elevatione Eucharistiæ, usque ad Agnus Dei: quo interea ab omnibus, sub alto silentio, devota Dominicæ Passionis & Redemptionis nostræ memoria recolatur.

An in deportatione Venerabilis Sacramenti, quicquid ad veram devotionem excitandam parum valet, removeatur.

An unius Sancti plures, quam una, imagines ad excitandam Sancti beatam & utilem memoriam, in ejusmodi processionibus circumferantur: præsertim indigner Sanctis. Veluti ad sæculum magis, quam ad Sanctorum representationem effigiatæ ac comptæ.

An in Processionibus, Stationibus, & supplicationibus publicis, omnes, qui interfunt, Clerici, devote orent, & cum gravitate, religiose & suppliciter cantando, incedant, & finita supplicatione eo, unde processerunt, revertantur: Non curiose interim circumspicientes, nec vacantes prophanis colloquiis, nec ad jentacula, seu potationes delabentes, vel alio deambulantes.

An omnes de Collegio ad memorata publica officia omnia simul peragenda & persolvenda conveniant. An quilibet constitutus inter psallentes & precantes, in Choro pro suo arbitratu oret, vel quod sibi placet, privatim agat, non attentus ad hæc, quæ interea publice agi debent.

An pronunciantes Lectiones in Matutinis, simplici, clara, & ad omne pronunciationis genus accommodata voce utantur: non omnino humili, nec nimis sublimi: non fracta, non tenera, non agresti, non frendenti seu stridenti, sed mediocri & gravi, & ab omnibus intelligibili.

An inter legendum ab omnibus silentium teneatur, sic, ut quoad fieri potest, interea nulla obstrepat excreatio, non vox alia erumpat, vel sonus aliquis gravior, incessu, progressu, vel ullo alio modo cieatur, quo impediuntur astantes ab intentione percipiendi verbi Dei, quod legitur.

An Psalmi, & reliqua Divina cantica, pronuntientur, seu canantur tractim, ut mens sensum verborum, priusquam verba ipsa transmittantur, assequatur.

An Decani, omnes tam Canonicos, quam Vicarios, aliasque personas, sedulo ac diligenter admoneant ad sacrarum Scripturarum studium: ut, quod recitant vel cantant in Ecclesiis, intelligant: & non solis labiis, sed in cordibus suis Deo psallant, gratias agentes, & orantes semper pro omnibus Deum Patrem, per Christum Dominum nostrum.

An Vigiliæ Defunctorum a prandio dicantur, sic, ut ad horam circiter secundam inchoentur, & ante preces Vespertinas compleantur: quo personis Ecclesiarum magis vacet, vel audire mane aliquem sacras literas profitentem, vel sacris studiis, sermoni audiendo, incumbere.

An Decani advigilent, ut secundum Canonem: Omnis utriusque sexus, de pœnit. & remiss. omnes personæ Ecclesiæ, ad minimum semel in anno, ipsis, seu de ipsorum permissione, Ecclesiæ Parocho, seu alii Catholico & idoneo Sacerdoti, peccata sua confiteantur, & secundum Ecclesiæ ritum communicent: & an in negligentes vel detrectantes (ut Canon ille jubet) animadvertant.

An extrema Unctio, infirmo Ecclesiæ membro, id petenti, præsentī tota congregatione, secundum Apostoli mandatum impendatur, sic ut omnes cum Sacerdote inungente infirmum, Psalmos, Litanias, & Orationes nobis ab Ecclesia Catholica traditas, uti hæc in agenda continentur, devote & fixis in terram genibus, super infirmum dicantur: ut satisfiat verbis Apostoli: Si quis infirmatur in vobis, inducat Presbyteros Ecclesiæ, & orent super eum &c. (*)

Num Capitulares Conventus & Tractatus honeste & mature fiant: Et num sint inter tractandum dissidia & contentiones inter fratres. Num Prælati omnium suffragia seu vota, ut vocant, non gravate audiant. Num favore aut odio, aut alio depravato affectu privatorum res magis, quam publicæ gerantur. Et an expectetur ante conclusionem omnium sententia. Et num ullus contemnatur, quantumvis causa Ecclesiæ utilitatem respiciat.

An Capitulares Conventus & Tractatus ab omnibus habeantur tempore, quo solenne Missæ Sacrum peragitur.

An suis quibusque temporibus Capitula, quæ disciplinæ vocantur, rite & canonice, & quo decet, serio & maturitate celebrentur.

An in ejusmodi Capitulis Decani suo, & Diaconi quoque (quorum est Decano accusante, accusationemque prosequente, disciplinales sententias proferre) suo officio rite fungantur.

An Vicarii nomini suo respondeant, videlicet, an sint Canonicis in persolvendis horis, & aliis Divinis officiis adjumento. An onera specialia, ad quæ vel ex fundatione suarum Vicariarum, vel ex laudabili antiqua consuetudine, aut Ecclesiæ Statutis obligantur, devote, religiose & diligenter persolvant.

Et hi monendi sunt, ut fundationes suarum Vicariarum Visitatoribus exhibeant, aut se se in forma juris, quod eas exhibere non possint, expurgent.

An unus, idemque Vicarius, pluribus Ecclesiis Collegiatis simul serviat, & in unaquaque nihilominus Ecclesia non modo fructus grossos, sed & distributiones quotidianas percipiat: quam-

Tomus VI. Consilior. German.

(*) Jacob. 5.

vis impossibile sit, quod simul omnibus officium suum præstare possit: nisi tamen talis singulari prærogativa, eo quod singulariter Ecclesiæ Dei commodet, gaudeat.

An Vicariis absentibus aliquid præstetur, præsertim absentibus sine justa causa, non proviso prius diligenter, quod officia eorum rite in Ecclesia per alios idoneos, qui interim sua officia non negligant, præstentur.

Num Canonici, Vicarii, Capellani, & Chorifocii, tempore Divinorum, aliis psallentibus, ipsi extra Chorum spatiantur, vel intra Chorum desideant, confabulentur, aut aliud quid agant in Ecclesia in populi scandalum.

An vasa sacra, & quæ vocantur corporalia, vel pallæ altaris, per alios, quam per Sacerdotes, vel Diaconos, adjuvantibus Subdiaconis, abluantur, & attritentur.

An qui Campanarii vocantur, sua officia in lineis, ut vocant, seu superpelliceis exhibeant, non nutriendes comam vel barbam.

An saltem sint Clerici, eo quod pleraque obeant in Ecclesia, quæ vetus Ecclesia nullis, nisi in minoribus Ordinibus constitutis, agere permittit. An sacra vasa, sacras vestes, Reliquias Sanctorum, & reliqua ornamenta Ecclesiarum, ipsorum fidei commissa, diligenter custodiant, & ut munda sint, procurent: & reliqua, quæ ad ipsorum officium pertinent, diligenter exequantur.

An sint Deum timentes, religiose pii, honestæ vitæ, & omnis infamæ expertes.

Denique quod ad vitam & conversationem in Ecclesiis ejusmodi ministrantium attinet, inquirendum.

An omnes vitam suo statu ac ordine dignam ducant. Num comam nutrant vel barbam, an potius tonsuram, & habitum deferant Clericalem: habitum, inquam, honestum, non limbis, nec scissuris comptum, sed talarem.

Num incedant gladiis accincti terribiles.

Num gaudeant longo accubitu, & studeant epotandis poculis ad æquales haustus.

Num adhuc inter eos sint, qui concubinas ita publice apud se detinent, quod nulla tergiversatione crimen eorum celari possit.

L 111

Qui,

Qui, si reperiantur, declarentur per Visitatores, Canonica monitione in Statutis Provincialibus præmissa, pœnam suspensionis ab officio & beneficio incurrisse, & abarceantur a ministerio.

Postremo omnium, an templa habeantur & præstentur facta tecta, & cum altaribus munda servantur.

An semel saltem in anno visitentur & inspiciantur domus claustrales. Et cortes, ut vocant, Ecclesiæ, curaque adhibeatur, ne inhabitatorum & cultorum negligentia ruinæ succumbant & intereant.

An Jura Ecclesiarum diligenter in Archivis Ecclesiæ sub clausura conserventur.

An qui Executores testamentorum deputantur, eadem si ab Ecclesiasticis condita sint, curent per Commissarium Reverendissimi D.N. inspicere & approbare. Et an intra tempus constitutum calculum & rationem gesti officii, reddant.

An sint, qui testamenta quæcunque dolo malo supprimant, & quæ Ecclesiis, vel pauperibus, seu in alias pias causas legata sunt, sibi retineant, vel alio, quam destinaverit testator, convertant.

**QUÆ A DECANIS, TAM
COLLEGIALIBUS, QUAM
RURALIBUS,**

De Rectoribus Parochialium Ecclesiarum sub suis Decaniis, sive in oppidis, sive villis, aut pagis commorantibus: Similiter ab ipsis Rectoribus de vita, conversatione, doctrina, & ministerio suorum Confratrum, & Ecclesiarum præsentis statu, inquireri debeant.

AN Decani Christianitatum suis Christianitatibus diligenter superintendant.

An Synodis Episcopalibus intersint, illicque referant & exponant suæ Decaniæ statum, & Decreta Synodalia publicent, & exequantur. Et an solcite invigilent, ut, si quid adversus fidem, pietatemque emergat, Reverendissimo Domino nostro Archi-Episcopo, & Archi-Diacono suo significant.

An Decani, & qui sub eis sunt, Curati omnium Ecclesiarum hoc sinceriter credant, profiteantur, & semper retinere velint, quod Romana, Catholica, & Apostolica tenet Ecclesia, præsertim in articulis hac tempestate controverfis.

An sciant omnes, & velint populum non coacte, sed spontanee docere: & an Verbum Dei singuli pro populi captu prædicent: & an orthodoxam doctrinam tradant: & an ædificent, vel corrumpant gregem.

An sint inter eos lupi, qui gregem invadant, & per novas & peregrinas doctrinas, seu per dulces sermones corrumpant, atque a veritate abducant oves, pro quibus mortuus est Christus: & num deliteat in aliqua Parochia hæreticus, aut schismaticus ullus: Num hæresis aliqua, vel nova dogmata occultis conventiculis disseminentur. Et an sint, qui curiosius de fide disputent, & simplicibus injiciant scrupulos.

An sint aliqui in Parochias, manu seculari, sine Canonica institutione, seu ordinatione, intrusi.

Et an aliqui, quibus est pleno jure provisorum, se intromittant de Ecclesiis sine prævio examine Episcopali, vel Archidiaconali.

An ignotos, aut vagos Sacerdotes, & exitios, seu fugitivos: aut effrenes, & extra obedientiam constitutos Monachos, absque Prælatorum suorum testimoniis, seu formatis, admittant. Seu, quod pejus est, an suspectos de fide, aut flagitiosos Sacerdotes, aut Monachos, per quos populus eis creditus, seduci aut corrumpi facilius, quam doceri potest, ministeriis adhibeant.

An ipsi Curati instruant & doceant populum de his, quæ ad Fidem & Religionem nostram pertinent; ut norint, quid credere, & quo modo conversari, ac vivere in sua quisque vocatione debeat.

An sint inter eos segnes, aut cœci speculatores; & velut canes muti, non valentes latrare, qui non audeant populo annunciare peccata eorum, & incorrigibiles deferre ad eorum Superiores.

An rudes & parvulos suæ Parochiæ certis temporibus instruant & doceant Symbolum, Precationem Dominicam,
Sala-

Salutationem Angelicam, seu Decalogi Præcepta, aut saltem habeant aliquem idoneum Catholicum virum, per quem hoc præsent.

An Evangelium & Sacras Scripturas sinceriter tractent & doceant, juxta Homilias, sensum, & interpretationem Sanctorum, & orthodoxorum Patrum.

An aliquid prophanum, incertum, fabulosum, suspectum, vel inconstans, vel quicquam quod non tota probat Ecclesia, & a Majoribus acceptum non est, adferant. An quæstiones difficiles & perplexas moveant, contendant, vel rixentur in suggestis: & num ea adducant, quæ ad populi ædificationem nihil faciunt.

An in suggestis calumnientur, seu scommata & dicteria in quosvis jaciant, & in compositis moribus gesticulentur, plebem concitantes in Clerum, vel Magistratum.

An simul doceant misericordiam & justitiam Dei: ut pœnitentes ad bene sperandum inflamment, & malos a peccatis deterreant. Non blandientes & decipientes populum perversum, discentes: Pax, Pax; & non est pax. Et proinde, an Decalogi Præcepta populo frequenter inculcent, atque explicant.

An confirment populum in Catholicæ fidei doctrina: & an sic edoceant plebem, ut suppullantes zizanias sciant evitare. Item, an populum admoneant, ut diebus Dominicis & Festis ad Divina, quæ in Ecclesiis celebrantur, conveniant, Concionem sub silentio, & attente audiant, & memoriæ commendent, nec strepitu, vel deambulatione perturbent: & ut audita, secum domum perferant, & liberos, & familiam instruant ad pietatem: nempe Deum timere, & salutem suam ei commendare: memoria retinere, & frequenter recitare Symbolum Apostolicum, Orationem Dominicam, Salutationem Angelicam, Præcepta Decalogi, & quicquid ad virtutem, bonosque mores pertinet: obedire suis Superioribus, solvere decimas, & alia debita tam Ecclesiasticis, quam sæcularibus.

An Sacramenta secundum ritum Ecclesiæ Catholicæ, & secundum Agendam Ecclesiasticam, adhibitis omnibus Ecclesiasticis caeremoniis & piis ritibus, in Ec-

clesia Catholica hætenus observari consuetis, administrent.

An instruant populum de Sacramentis, & eorum gratia, & mysteriis; ut eis secundum Ecclesiæ traditionem, ad salutem suam religiose utatur: præsertim, ut Missæ officio libenter intersit, & votis Ecclesiæ vota sua conjungat: quodque una cum Sacerdote mortem Christi DEO Patri pro peccatis suis offerat, & frequenti confessione se expurget: ut se sæpius corde mundo & avido ad excipendum salutarem Corporis Christi cibum pareat: ut diebus festis tantum sanctis incumbat operibus.

An doceant populum in Sacramentorum administratione, frequenter etiam in Concionibus, quando locus incidit, quid in Sacramenti cujusque collatione agatur: quis sit ejus fructus: quid velint signa externa, & quomodo Dei virtus præsens invisibiliter eis adsit: quomodo etiam digne vel indigne percipiantur.

An circa administrationem Baptismi, & alias in Concionibus de suggesto doceant populum, cur aqua Baptismalis benedicatur & consecretur: cur baptizandus abrenunciet Diabolo per susceptores: cur exorcizetur & exuffletur contraria potestas: cur signum Crucis baptizando toties imprimatur: cur sal benedictum detur, & aures ei aperiantur: cur in pectore, & in scapulis, & in vertice capitis inungatur: cur induatur veste candida: cur præferatur ei cereus ardens ad altare, & cur illic accipiat de ablutione, seu vino benedicto.

An animadvertant, quod Susceptores, sive Patrini, sint provectæ ætatis, in Fide Catholica bene instructi, ad interrogata cum intellectu & serio respondent, & tales, qui parvulos, ubi adoleverint, in fide orthodoxa, si necesse fuerit, instruere possint.

An etiam baptizent parvulos ante prandium, & Missam diei, cûi susceptores cum puero & amicis interesse deberent, & pro parvulo offerre secundum veteris Ecclesiæ ritum.

An sit aliquis inter Curatores Ecclesiarum, qui ausus fuerit Canonem Missæ omittere, vel mutare: & an ab omnibus religiose pronuncietur.

An etiam singulis diebus Dominicis & Festis, Evangelium diei sub, vel intra Missam, lingua vernacula populo de suggesto exponant.

An etiam caveant, ne Concionis tempore ulla Missa celebretur, qua populus ab auscultatione Verbi distrahatur.

An curent Symbolum totum cani, Præfationem itidem, & Orationem Dominicam.

Similiter an curent, ut imaguncula crucifixi Domini, Pacificatoris omnium, ab ore Sacerdotis, pacem populo imprecantis, ad adstantes deferatur, inosculanda ab omnibus, in concordia & pacis symbolum.

An doceant populum de Missæ mysteriis, arque etiam moneant, ut ad finem usque, donec Benedictionem Sacerdotalem acceperint, perseveret, spiritaliter saltem cum Sacerdote communicando, eum desiderio fructus Sacramenti, & unionis cum Christo.

An doceant criminibus ligatos, priusquam absolvantur, & veræ emendationis propositum sumant, ab horum mysteriorum perceptione abstinere.

An palam criminosos, & qui peccati certissimam occasionem dimittere nolunt, a communione abarceant.

An lectiones sacras & orationes, excepto Canone in Missa, clare pronuncient, ut possint a circumstantibus, qui latine intelligunt, audiri & intelligi.

An Eucharistiam in loco honorato servant cum perpetuo lumine.

An quando ad infirmos Eucharistiam deferunt, faciant præferri lumen & campanellam, ad dandum fidelibus signum.

An doceant plebem orare pro defunctis, ut a peccatis solvantur.

An curent etiam, quando in solemnibus Festivitatibus circumferenda est Hostia illa salutaris; quod tum omnes ludi prophani, & quicquid non valet ad veram devotionem excitandam, removeatur: imprimis, quod non pulsantur tympana, absint risus, joci, confabulationes: populus autem oret. Et quod unius tantum Sancti, non plures, quam una imago circumferatur: Nec vagando

per agros discurrant, præsertim Rogationum tempore.

An sint aliqui ex Curatis, qui sustineant in suis Parochiis aliquem, qui non in anno saltem semel peccata sua confiteatur, & Venerabile Sacramentum Eucharistiæ, secundum C. *Omnis utriusque sexus. De Penitentibus & remission.* sumat. Et si quis talis fuerit repertus, an etiam talem ab ingressu Ecclesiæ abarceant, & Ecclesiastica sepultura privent.

An etiam sint circumspecti in audientis Confessionibus, ut qui norint distinguere lepram a non lepra: & ita de peccatis inquirere, ne scandalizent pusillos: & an satisfactiones injungant medicinales: an arguant publica peccata publice, & occulte delinquentes in privata Confessione.

An excommunicatos secundum Canones sacros vitent, & ab omnibus vitari faciant, & eos a nemine recipi in consortium vel familiaritatem procurent.

An sciant, quomodo instantibus quatuor temporibus, trina proclamatione denunciare debeant populo Clericos ejusdem Parochiæ, qui velint ad sacros Ordines promoveri, ad percipienda impedimenta, si quæ sint.

An Sacramentum Unionis extremæ cum Orationibus & Litanis, juxta Agendam Ecclesiæ, ægrotis impertiant: & an sint ex eorum Parochianis, qui illud Sacramentum contemnant: & an sciant, infirmos ex scripturis consolari, & a curis secularibus ad spem salutis æternæ erigere.

An habeant redeuntes ab ægroto adhortatiunculam ad comitantem multitudinem, qua infirmitatis humanæ, & ut pro laborante in extremis studeant ferventius orare, admoneantur.

An doceant Matrimonio conjungi affectantes, qua religione & fide in Christo conjungi debeant. Et an tolerant clandestina Matrimonia: Et an doceant copulandos, quod non jungantur, nisi de parentum & amicorum consilio.

An præmittant proclamationes, ad minimum tres, tribus diebus Festis, per intervallum sibi succedentibus.

An norint, quæ sint impedimenta, quæ

quæ prohibent contrahendum , & quæ dirimunt jam contractum matrimonium.

Et an sciant numerare quatuor gradus consanguinitatis, quatuor item gradus affinitatis: intra quos prohibitio conjunctionis conjugalæ concluditur.

Et an sciant, quo se porrigat impedimentum cognationis spiritualis.

An etiam clandestine contrahentibus, tantisper Sacramenta negentur, donec ab excommunicatione absolvantur, atque ita in facie Ecclesiæ Sacramenti solemnia celebrent.

An etiam diligenter attendant ad incolas & advenas, de quibus est suspicio, quod in facie Ecclesiæ non sint conjuncti; ut tales solemnes ritus in Ecclesia celebrent: aut alibi id fecisse se, idoneis testibus probent.

An etiam, quantum in eis est, admonendo curent, ut quando ad Ecclesiam Matrimonialis conjunctionis gratia convenitur, & quando, qui junguntur, benedictioni Sacerdotali se submitunt, ut tum absit omnes levitas & jocus sæcularis, utque tum magis cogitent jungendi, quale sit vinculum, quo colligantur, & quod Deus eos conjungat.

An sint inter eos, qui alibi, quam in Ecclesia, publice post Missam audiam, seu alio tempore, quam a jure permissio, & non interdicto, conjungendos Matrimonio copulent.

An sint in eorum Parochiis, qui exequias, aut iusta pro parentibus, liberis, cognatis, & amicis perolvere recusent: non aliter, quam si cum corporibus simul & animæ extinguerentur.

An doceant viros in Ecclesia orare nudato, feminas velato capite.

An doceant populum, in omnibus terroribus & periculis inclamare nomen Christi, & signare se signo Sanctæ Crucis, qua Diabolus devictus est.

An doceant populum, cur aqua & sal, palmæ & herbæ, & fructus novi benedicantur: & cur populus aspergatur aqua benedicta, & sumat sal exorcizatum.

Item, cur accendantur in Ecclesia Cerei, Thus adoleatur, processiones agantur, Ecclesia, Altaria, Calices, Ve-

stes Sacerdotales, Campanæ, aliaque Ecclesiæ vasa consecrentur: An doceant populum, ne cæremonias in superstitionem vertant, sed illis religiose utantur.

An vitam ducant sua appellatione dignam, videlicet talem, ut eorum comparatione cæteri merito grex dicantur. An verbo moneant, & præcedant exemplo, castigando corpus suum, & in servitutem redigendo, secundum Apostoli doctrinam; ne ubi aliis prædicaverint salubriter, eosque ad pietatem adduxerint, ipsi servi sint ventris & peccati, & reprobi efficiantur. (*)

An Horas suas Canonicas, ad quas majoribus ordinum gradibus initiati obligantur, rite persolvant: & an in lectione & studio sacræ Scripturæ se contineant: & quibus libris & Authoribus præter Biblia utantur, & qualia Biblia habeant.

An in habitu & tonsura Clericali incedant. An servant decorem in habitu & incessu. An habitus eorum sit honestus, non scissuris, vel limbis comptus.

An superior vestis sit talaris. An gladiis vadant accincti.

An omnes irreprehensibiles sint, & bonum testimonium habeant ab his, quibus ministrant. An sit inter eos impudicus, incontinens, immodestus, contentiosus, iracundus, percussor, vinolentus, ebrius, aut turpis lucri cupidus.

An vacent comestationibus & ebrietatibus, & studio compotandi, præsertim in exequiis, calendis, & anniversariis.

An sit adhuc aliquis inter eos, qui concubinæ adhæreat, aut personæ de incontinentia suspectæ: & qualis sit reliqua illorum familia.

An sint aliqui Rectores Ecclesiarum, qui in propriis personis non resideant, & quales illæ habeant Vicecuratos: & an tales Vicecurati sint per Archidiaconum examinati & admissi. Et an tales Vicecurati habeant competentiam, & taliter constitutam, ut non cogantur servilibus & fordibus negotiis se dedere.

An sint aliqui ex Curatis, vel Vicecuratis, usurarii, negociatores, vel caupones, aut sortilegiis, divinationibus, aut venationibus indulgentes.

An sint in Parochiis Oratoria constituta.

Et qui sint, qui jus Patronatus, seu præsentandi personas idoneas ad hujusmodi Oratoria, seu alia Ecclesiastica beneficia habent.

An eo jure secundum foundationes ejusmodi beneficiorum legitime utantur. Et num sint, qui hujusmodi beneficia, quod in eis est, supprimant vel extinguant.

An eorum redditus, ac res & bona illorum occupent, vel distrahant.

An in eorum Parochiis aliqua sint hospitalia pauperum constituta. Et an Magistri hospitalium bene præsent, & rationem singulis annis reddant. Ut infra latius in forma de Hospitalibus.

An in eorum Parochiis jejunia, abstinentia a carnibus, Dies Festi, præsertim in proxima Synodo publicati & declarati, Processiones Dominicales, & ritus Ecclesiastici rite observentur.

An sub eorum Parochiis vigeant superstitiones, maleficia, blasphemiae, sacrilegia, publica perjuria, adulteria, stupra, incestus, odia, insidiae, rebelliones, usura, & contemptus Ecclesiasticæ jurisdictionis.

An prædia, census, & jura Ecclesiarum conserventur. An Campanarii, seu Custodes Ecclesiarum sibi concredita rite administrent, ac custodiant.

An eosdem etiam admoneant, ut depositis barbis, in Ecclesia in superpellis ministrant.

An populus oblationes Altaris, saltem in quatuor Festis principalibus, ad Altare Domini deferant, aliaque jura Parochialia, secundum morem, ab Ecclesia Catholica olim receptum, præstent.

An Provifores Parochialium Ecclesiarum præsumant, pro suo arbitratu de rebus Ecclesiarum ordinare, vel disponere, absque consensu sui Plebani. Et num illi rationem bis in anno reddere reculent.

An sint apud illos Monachi, seu Moniales apostatae, qui falsis conjugibus adherere, vel qui habitum religionis abjecerint.

An sint, qui contemnendo auctoritatem Ecclesiæ, rumpendo vinculum

pacis, contra mentem Cæsareæ Majestatis (quæ sub Catholicis Principibus nullam novationem veteris Religionis permittendam esse mandavit) sub utraque specie, more schismatico, perentes communent.

An caveant, ut Sacerdotes, ab hæreticis revertentes, non statim se Ministeriis ingerant; priusquam sint absoluti, Ecclesiæ reconciliati, & contra irregularitatem incursum restituti.

An sint apud illos apostatae Monachi, qui sub prætextu dispensationum Apostolicarum, vota, religionisque suæ instituta, deseruerunt, contententes, se intrudere ministeriis, antequam dispensationes eorum sint rite examinatae & admittæ, juxta Decreta Provincialia.

An populus in eorum Parochiis præstet se eis morigerum. An sint in populo, qui habeant libros contagiosos, aut qui cum Deo, Sanctis, & Sacris jocentur.

An e suggestis publicent, libros a Lutheranis, hæreticis, in Decretis Provincialibus (sub rubrica: *QUI libri Parochis & Concionatoribus sint vitandi, & fugiendi*) nominatis, eorumque similibus editos, tam secularibus, quam Ecclesiasticis tanquam pestem esse vitandos.

An admoneant suas communitates rusticas, ut a circumambulatione Cœmeteriorum, sub Concione & Divinis abstineant, sub pœna denegandæ absolutionis & communionis.

An pateant œnopolia & tabernæ diebus Festis ante Sacrum, in Ecclesia peractum.

Et an tales transgressores deferant ad Magistratum.

An sæcularis Magistratus jurisdictionem & libertatem, immunitatemque Ecclesiasticam impediunt seu perturbent.

Et an Judices sæculares de Beneficiis, Matrimonialibus, Decimarum, & aliis causis Spiritualibus, seu de correctione Ecclesiasticarum Personarum, se intromittant.

An in eorum Parochiis admittantur Ludi-Magistri, ad instituendam juventutem, quorum fides, mores, & institutio non sint explorata.

An

An doceantur in Scholis trivialibus Grammaticæ, Dialecticæ, Rhetoricæ institutiones, seu quicumque alii libri, ex officina Lutheri, Melanthonis, Hegendorphini, Spangenbergii, & similium Lutheranorum profecti. Ut infra latius de Scholis.

An Vicarii, Officiantes, Altaristæ, & alii Ministri faciant & exequantur officia, & onera suarum Vicariarum, Altarium, Officiorum & Fraternitatum in suis Ecclesiis.

An omnes & singuli pauperum suæ Parochiæ curam habeant, quibus etiam libenter de eo, quod ipsis superest, suppedient victum necessarium.

Quæ supra in calce inquirendorum in Cathedralibus, & Collegiatis Ecclesiis, de Testamentis, & eorum Executoribus posita sunt, hic quoque inquire debent.

INQUIRENDA DE SCHOLIS.

QUum secundum Reformationem Casareæ Majestatis, non modo ubi Collegia sunt, sed & in singulis oppidis, debeant esse Scholæ, quæ sunt Seminaria non tantum Prælatorum & Ministrorum Ecclesiæ, sed & eorum, qui Reipublicæ gubernaculis admoventur; Inprimis apud Collegia inquire debet, an præter Pædagogium habeatur in Collegio Theologus, qui certis horis doceat juniores Canonicos, Vicarios, & alia Collegii membra.

An quisque Collegio ascriptus, ad lectionem suæ professioni & instituto congruentem, compareat.

An huic Theologo docentes sint assignati proventus unius Præbendæ. Deinde apud singula, non Collegia modo, sed & oppida, inquirendum est de Pædagogio, seu Schola triviali, in qua juventuti tam rudimenta bonarum litterarum, quam institutio ad pietatem Catholicam tradatur.

Et quot sint huic Scholæ didascalii Præpositi, & in quot classes sit distributa.

Et quomodo sit principali Ludi-Magistro de suo victu vel salario provisum.

An Ludi-Magistri & Pædagogi, qui

docent juventutem, honesti, probi, & incorruptæ vitæ sint, & de Religione Christiana & Catholica bene sentientes, ac docti; a quibus tam pietatis Christianæ prima principia, quam rudimenta litterarum, incontaminata adhuc, & quorumlibet studiorum capax pueritia, sine metu corruptionis secure hauriat.

Num aliquis horum didascalorum a communibus Ecclesiæ Catholicæ doctrinis, decretis, traditionibus, cæremoniis, ritibus, seu moribus, quocumque modo dissentiat.

Unde sint oriundi: Et si aliunde venerint, vel affciti fuerint, inquirendum: ubinam gentium, & apud quos sint instituti, & quibus usi sint Præceptoribus: & ex quibus Authoribus tum litterarum, tum religionis rudimenta didicerint, & perceperint.

Num sint inter eos, qui deturbati a Cathedris, quas furore schismatico invaserunt, nunc irrepperint in Pædagogia, ut venena sua, si non, ut ante, a Cathedra toti populo, saltem teneræ juventuti insillant.

Num libri obscæni, suspecti, aut contagiosi, seu qui juxta Decreta Provincialia, per Decanum Facultatis artium, Academiæ Colonienfis, admissi non sint, quibus teneræ juventuti virus impuræ doctrinæ, religionisque, & pietatis odium instilletur, in Scholis ejusmodi trivialibus tradantur.

Et quia forsitan grave erit Ludi-Magistris, qui in oppidis procul a civitate Colonienfi sitis, commorantur, eo se subinde recipere, pro libris, quos prælegent, a Decano Facultatis artium examinandis, & admittendis; Idcirco Visitatores delegabunt hoc muneris passim, pro conditione regiuncularum, & scholarum nostræ Dioceseos, alicui præstantis eruditionis Prælato, aut alii spectatæ probitatis, docto & orthodoxo viro, sive monasticæ, sive Ecclesiasticæ professionis.

Num ejusmodi libri legantur in triviis, qui ad seducendam in pravas opiniones juventutem, aliud agentem & quærentem, scripti videntur: quales sunt quorundam Grammaticæ, Dialecticæ, & Rhetoricæ institutiones, Melan-

lanchthonis, Spangenbergii, & similitum Lutheranorum: in quibus exempla fere e pravis adversariorum dogmatibus petuntur, quorum traditione juvenventus incauta hæresum & sectarum dogmata simul cum artibus imbibit.

Quales item sunt quædam familiarium colloquiorum formulæ, in odium Ecclesiastici instituti, & cæremoniarum Ecclesiasticarum contemptum, compositæ atque effictæ. A quo vicio quædam etiam ex colloquiis Erasmi prorsus aliena non sunt, ob id a Parisiensibus notata.

Quærendum, qua ratione docendi Didascali urantur. Num illa præpostera, qua quidlibet ad eruditionis suæ ostentationem quibuslibet promittunt; Et tamen nihil tradant solidum, absolutum, atque perfectum.

An potius tradantur nonnisi Grammatica, Rhetorica, Dialectica, Arithmetica, & quæ hujus generis sunt triviales artes, casti Poetæ, Rhetores, & Historici. Dominicis vero, & Festis, ac pridianis diebus, puriorum Hymnorum & prosarum, quæ & Sequentiæ appellantur.

Item Evangeliorum & Epistolarum, Psalmodum, Parabolarum Salomonis, & ejusmodi sacrorum librorum, Catholica & literalis expositio, secundum intellectum Sanctorum Patrum, ab Ecclesia Catholica receptorum, non Lutheranorum, seu aliorum sectariorum.

Visitatores non erunt contenti aliorum de Ludi-Magistris testimonio, sed & illos coram se vocabunt, & diligenter examinabunt.

Præterea omnes ipsorum libros inspicient, & Catholicos ab hæreticis, notos a Germanis fecernent.

LIBRI QUI SEQUUNTUR,
In universum omnibus, tam Pa-
rochis, Concionatoribus, Cle-
ricis Ludi-Magistris,
quam Laicis in-
terdicti.

Quotquot venerunt ex Officina Lutheri, Philippi Melanchthonis, Pomerani, Bucerii, Calvinii, Cor-

vini, Capitonis, Brentii, Zuinglii, Oecolampadii, Pellicani, Bullingeri, Francisci Lamperti, Musculi, Hedionis, Sacerii, Christophori Hegendorphini, Osiandri, Spangenbergii, Hermanni Bonni, Sebastiani Franck, & similis farinae hominum, Lutheranismus, seu sectæ alicui adhærentium, aut a Catholica Ecclesia, quacumque ratione dissidentium.

Cui Censuræ & Germanicæ Psalmodum cantiones, quæ plerumque ab interpretibus perfide, ac contra Sacræ Scripturæ sensum, traductæ sunt, submituntur.

Omnes quoque Bibliothecæ, & Bibliopolia, & Officinæ Typographicæ invisenda erunt, & libri omnes diligenter inspiciendi & examinandi: & qui ab hæreticis editi sunt, & a Cæsare, vel Concilio Provinciali notati, confiscandi, comburendi, & penitus abolendi.

Et dandus erit Bibliopolis Catalogus librorum interdictorum, ut suæ indemnitati deinceps consulere possint.

Et injungendum eis, ne post hac ullos libros divendant, nisi prius secundum Decreta Provincialis Concilii inspectos & admissos.

Quando vero superius designati libri, & præsertim, qui Postillæ vocantur, profectæ ex Lutheranorum, seu aliorum hæreticorum officinis, non sine interminatione gravium poenarum, Parochis in primis sint interdicti: & proinde, qui inter eos rudiores sunt & simpliciores, addubitare forsan possint, quibus ergo eis tuto uti liceat, donec Postilla aliqua publica autoritate edatur, quæ expositionem Lectionum, quæ Epistola & Evangelium diei vocantur, secundum id, quod singulis Dominicis, aliisque solemnibus diebus, per anni circulum Catholica Ecclesia suis fidelibus tradere intendit, pulchro ordine digestum complectatur: indicatis videlicet, & concinna serie dispositis locis communibus, in quibus ambæ illæ Lectiones mutuo respondent, ac conveniunt; Ea de re haud supervacaneum, vel inutile fore videtur, ipsis indicare, ut vel sequentes libros sibi comparent, quo inde Catholicum, & bene sanum tractandarum Lectionum sensum, quem ipsi per se, sine

com-

commentariorum subsidio, assequi non possunt, hauriant, ac populo proponant.

EX VETERIBUS COMPARANDI.

Chrysostomus in Matthæum & Joannem. Idem in Epistolas Paulinas omnes.

Theophylactus totus, Chrysostomi Abbreviator.

Augustinus in Joannem.

Sermones Augustini de tempore, & de Sanctis: modo sigillatim ex decimo Tomo Operum ejus excerpti & impressi haberi poterunt.

Beda in novum Testamentum: hoc est, in Marcum, Lucam, Joannem: Epistolas Paulinas & Catholicas, & ipsam Apocalypsim: qui propterea tanto libentius legendus est, quod suos commentarios fere ex optimo & Catholicissimo interprete scripturarum, Augustino, concinnavit.

Homiliarius Doctorum Albini, seu Alcuini.

Catena aurea Divi Thomæ Aquinatis, & ejusdem in Divum Paulum Commentarii.

EX RECENTIORIBUS.

Postilla Lansbergii, quæ simplicissima est.

Sermones Clichtouei, cum Elucidatorio ejus in Hymnos & Profas Ecclesiasticas.

Postilla Joannis Eccii.

Postilla Hoffmeisteri.

Postilla Roy Minoritæ.

Postilla F. Henrici Helmes, Germani.

Commentarium Titelmanni in Psalmium.

Nec quisquam Parochus carere quoque deberet Damasceno.

QUÆ SINT IN HIS SCHOLIS TRADENDA.

Qui primis Rudimentis in triviis imbuntur, primum discant Alphabetum, Orationem Dominicam, Salutationem Angelicam, Symbolum Apostolorum,

Tomus VI. Concilior, German.

Benedictionem mensæ, & gratiarum actionem cum confessione, quæ fieri ad altare consuevit. Donatum, & Murmellii de declinationibus & conjugationibus Nucleum, ejusdemque constructionum regulas. Deinde poterint eis tradi grammaticæ Institutiones Aldi Manutii, vel Perotti, vel Murmellii, Hermanni Torrentini, Joannis Despauterii, aut Joannis Brechtani, atque etiam Syntaxis Erasmi: Cato, Fabulæ Æsopi, Sædulus, Prudentius, Juvenius, Baptista Mantuanus, e quibus pietatem cum litteris hauriant.

Festis vero diebus, exponantur Evangelia & Epistolæ Dominicæ, & incidentium Festorum, grammaticæ tantum. Hymni quoque, & Profas, temporis servientes, vel Psalmi, aut Parabolæ Salomonis, aut ejusmodi aliquid e sacris litteris, quod juventuti conveniat.

In Dialecticis tradi conveniet, Prodidagmata Jacobi Fontani, Dialectica Trapezuntii, Cæsarii, Titelmanni, aut Joachimi Perionii, & Rodolphi Agricolæ inventiones.

In Rhetoricis vero & styli confectendi gratia: Virgilium, Horatium, Ovidium, præterquam de arte amandi, & Epistolas Heroidum: Commentaria quoque Cæsaris, Titum Livium, Suetonium, Valerium Maximum, Institutiones oratorias Quintiliani, Compendium Trapezuntii super Ciceronis Rhetorica: ipsa quoque Rhetorica, Officia, de Amicitia, Senectute, Paradoxa, Tusculanas Quæstiones, Epistolas, & quicquid Scriptorum Ciceronis extat.

IN GRÆCIS LITERIS.

Clenardus, Syntaxis Varenii, Theodorus Gaza, Constantinus Lascaris, Fabulæ Æsopi, Sententiæ Menandri, Batrachomyomachia, Lucianus, Isocrates, Xenophon, Orationes Demosthenis, Homerus, Aristophanes, Hesiodus, Plutarchus.

FORMULA INQUIRENDI

IN MONASTERIIS MONACHORUM.

IN primis fiat Inquisitio de Regula Ordinis, an hæc Fratribus singulis mensis, sibus,

sibus, ad minimum semel, prælegatur: & an probe ab omnibus intellecta, memoriarum commendetur, ac teneatur.

An sancta obedientia vigeat: & an vivatur in monastica paupertate, & sancta continentia.

An quisquam quid proprii sibi vendicat, quaecumque etiam hoc sit: aut habeat privatum peculium.

An Deus diu, nocturneque, horis statutis Psalmis & Laudibus colatur, piisque precibus pro communi salute, & Ecclesiae prosperitate, pulsetur. Et an sacra Missarum solennia, tam pro vivis, quam defunctis, ad Regulæ & antiqui moris præscriptum, & secundum fundationes ejusmodi Divinorum officiorum celebrentur.

An pax inter fratres, inter laicos identidem, qui conversi vocantur vel devoti, totamque Monasterii familiam effloreat.

Num clanculum mutuo invidiant.

Num contentione, rixis, & dissidiis conflentur.

An humilitatem insinuent, mutuum ament, & patientes sint, invicem libenter condonantes, si quis adversus alium habeat querelam.

An rerum coelestium meditationi, & aliis studiis piis & honestis, sedulam dent operam.

An habeant Monachi quotidie lectionem aliquam Sacrae Scripturae illustratricem, qua devotionem suam alant, seque ad cognoscendam & implendam Dei voluntatem inflamment.

An habeant justam curam instruendae Bibliothecae: quæ & inspicienda est.

An scripturas expositas diligenter tractent, & secum ruminent, quo se (quibus hoc munus incumbit) ad prædicationem Verbi Divini, ejusmodi exercitatione tam pia, aptos efficiant.

An tempore, quod eis a celebratione Divinorum, & lectionibus reliquum est, semper pii & honesti aliquid agant, quo diabolus eos nunquam otiosos, sed semper reperiat occupatos.

An interdum in cubiculis aliqui compotent, ludant, aut luxui indul-

geant, aut etiam seculares clam ad se invitent.

An rebus prophanis, seu mechanicis artibus, suam professionem non decentibus, & a pietate avocantibus, incumbant.

An statim a Completorio suum quisque petat cubiculum, & in silentio agat.

An justo tempore claudatur & aperiat Dormitorium.

An messium tempore rusticorum & mulierum coetibus se immisceant.

An Monachis bonæ indolis, qui progressum aliquem in bonis literis, & sacrarum Scripturarum cognitione fecerunt, & se ad aliud suæ Provinciae Monasterium, in quo schola celebrior, & professio frequentior & accuratior habetur, mitti petunt; ut illic in sacris literis simul, & religionis observantia magis ac magis instituantur ac proficiant, copia fiat, illo concedendi.

Quærendum de vita & conversatione Prælatorum.

An visitatio proxima rite sit observata.

An Prælati, quæ ad observationem ordinis & religionis pertinent, diligenter persequatur, & in exigenda regula, & statutis ordinis, fervens conspiciatur.

An eadem etiam ad Christianam pietatem & æquitatem, pro ratione personarum, & aliarum circumstantiarum moderetur: ut semper primas obtineat fraterna charitas, & magis spectetur in omni opere pietas, quæ ad omnia valet, quam exercitatio corporalis, quæ ad modicum utilis est, ut testatur Apostolus. (*)

An bonum exemplum fratribus, aliisque subditis suis præbeat in Religionis observantia.

Num sæpe ex Monasterio discedens, alio proficiat, seu extra illud habitationem suam constituat, vel longam moram trahat.

An pacem, tranquillitatem, & concordiam inter omnes sibi subiectos nutriat ac conservet.

An fratres ad studia sacrarum literarum sedulo invitet.

(*) 1. Tim. 4.

An mensa communis habeatur, & qualis sit victus quotidianus.

An Prælati convivetur communiter cum fratribus, mensa communi contentus: an privata magis oblectetur.

Num otiosos & vanos faciat sumptus.

An familiam superfluam, vel equos ad fastum & pompam potius, quam ad necessitatem, Principum more, nutriet, magisque sæcularem, quam religiosam ducat vitam.

An magis in humilitate vivat frugaliter, & quæ ultra necessitatem superfluit, in pauperes, & educationem studiosorum, quo possint Ecclesiæ olim usui esse, expendat.

An honeste cum laicis conversetur: & qualis sit hospitum receptio.

An sua negligentia fratres luxui & compotationibus studeant.

An ad mensam Sacræ Scripturæ cum hominibus Patrum aptæ temporibus semper legantur.

An vitia fideliter & strenue corrigat, citra personarum acceptionem, Canonicam & regularem exercens disciplinam. Et an Capitula Disciplinæ crebro, & secundum præscriptum Regulæ, diligenter observentur.

Item diligenter quærendum de clausura Monasteriorum, & ingressu laicorum & mulierum.

An silentium juxta regulam teneatur.

An sint inter eos, qui suos habeant privatos congressus, qui invicem conspirent, & dissidia excitent.

An mutua reverentia inter fratres colatur, & colloquiâ, dum colloqui licet, pia sint & religiosa.

Quærendum quoque, an certus sit in Monasteriis numerus personarum, aut incertus.

An suppetat victus, & an res & bona suis monasteriis dicata, possideant. An injustis gravaminibus laicorum divexentur.

An habeant Ecclesias Parochiales incorporatas.

Qualis sit talibus Ecclesiis Curator Præfectus, cujus ætatis, vitæ, doctrinæ, conditionis.

An sufficientem portionem ex Parochiæ fructibus, unde se honeste alere possit, ei assignaverint; ut non sit illi necesse, se sordidis ministeriis addicere, seu officium negligere.

An talis Curator sit sub obedientia Prælati, & an per visitationem Prælati, vita & mores ejus interdum explorentur.

Quærendum de officiis: an, qui officiis præfecti sunt, ut sunt Piores, Suppiores, Præfecti Scholæ, Cameraarii, Sacristæ, Cellarii, Procuratores, & id genus alii suis singuli officiis gnæviter & religiose incumbant, juxta Regulæ Decreta.

Qui sint illorum mores, quæ vita, quæ conversatio.

An officiis impositis ad licentiores vitam vivendam, & ad luxum abutantur.

An sint in ministeriis fideles, æqui: non prætracti, sed modesti & mansueti, continentés & casti.

Est quoque diligenter quærendum de habitu & conditionibus fratrum conversorum.

Deinde, an sint ex Monasterii fodaliario aliqui facti desertores sui monastici instituti, & fugitivi apostatæ.

An sint, qui habitum abjecerint, qui sint vel hæresi polluti, vel de ea suspecti.

An sint facti quidam exititii, qui se incestis nuptiis polluerunt, aut qui extra septa Monasteriorum concubinis, vel sceminis de incontinentia suspectis, cohabitent.

An sint, qui extra obedientiam degentes, Divina tractent, & populo Sacramenta administrent.

An sint, qui sub prætextu dispensationum Apostolicarum, quæ ab Ordinariis, causa legitime cognita, non fuerint approbatæ, vota, religionisque suæ instituta deseruerint.

Ubi tales refractarii, & votifragi foveantur, & receptentur.

An sint, qui parvulos in Baptismo suscipiant, aut nuptiarum convivii intersint.

An Comœdiæ ludantur in Monasterio, & quæ.

Apud Fratres quatuor Ordinum Mendicantium, hoc interrogatorium adjiciendum est: an audiendis confessionibus se intromittant alii, quam præsentati.

Et illic quoque diligenter examinandi sunt Lectores & Concionatores doctrina: & inspiciendi libri, quibus utuntur.

Cætera pro diversâ locorum, Ordinum, & Monasteriorum conditione, & pro rerum & casuum subinde accidentium qualitate, Visitatorum discretio supplcat.

FORMULA INQUIRENDI IN MONASTERIIS SANCTI- MONIALIUM.

DE eisdem fere, pro Visitatorum tamen circumspeditione & prudentia, inquirendum est, de quibus in virorum Monasteriis inquire oportet: exceptis articulis, qui solos Monachos propriè respiciunt, quorum loco Visitatores alia interrogatoria congrua personis istis substituent. Qualia sunt: Quibus affectibus & qua forma ad electionem Abbatissarum, ac aliarum, quibus Monasteriorum moderatio commissa est, procedatur.

An in eligendo fervetur regula, cessetque omnis impressio & corruptio.

Quomodo ab his, quæ officiis præsentantur, ea gerantur.

Et in primis post Inquisitionem factam de Abbatissa, Priorissa, Suppriorissa, Cellaria, Procuratrice, & reliquis, quæ in officiis sunt, quærendum erit:

An sit in Monasterio Ludi Magistra, seu scholæ Præfecta, quæ latine norit.

Et an hæc diligenter & sedulo instituat in Rudimentis Grammatices, virgunculas juniores, & an formet eas ad pietatem & religionem.

Et quænam rudimenta tradat, & quos libellos ad pietatem pertinentes, ru-

dioribus virgunculis prælegat & exponat.

An etiam in Vigiliis dierum Festorum, & in ipsis diebus festis, exponat suis scholasticis virginibus Hymnos, Sequentias, Epistolam, & Evangelium diei.

Et an ad litteram saltem sciat exponere Psalterium.

Quibus libellis, vel ad suam instructionem, vel ad precandum virgines utantur: qui etiam sunt inspiciendi, simul cum libris, quibus utuntur in Officiis Divinis.

An habeant Concionatorem aliquem, virum gravem & Catholicum, a quo audiant Verbum Dei, diebus saltem festis.

Et an idem, vel alius, non minori gravitate, integritate, discretionem & prudentia, sit eis a confessionibus.

An is ex justa causa petentibus permittat virginibus, etiam alii Catholico, pio, & discreto Sacerdoti Confessario confiteri.

An suis temporibus juxta regulæ præscriptum communicent.

Item de observatione cultus Divini, ut supra de Monachis.

An habeant fidum, frugalem, & honestum Oeconomum, qui quater in anno, & quoties poscitur, paratus sit, reddere negotiorum suorum rationem.

Et an hætenus res Monasterii meliores fecerit, seu saltem non deteriores.

Et tales viri Visitatoribus sistendi sunt, examinandi de vita & doctrina.

Quærendum de Ecclesiis incorporatis, (si quas habeant) ut supra in formula inquirendorum Monachorum.

Num Sanctimonialia extra septa suorum Monasteriorum, contra regulam ordinis sui, se interdum proripiant; cum potius intra ea latere debeant, ac soli Deo, pudicitiae amanti (cui se consecrarunt) quemque repudiatis hujus sæculi amatoribus præoptarunt, illibatas conservare.

An pateant virorum conspectibus, seu an permittatur viris, Monasterium ingredi, excepta inevitabilis necessitatis causa.

An habeant ullæ picturas inhonestas, & nimis sæculares in suis cubiculis.

An

An conversationem aliquam habeant suspectam cum extraneis.

An permittatur eis, accipere Epistolas, vel dare extra Monasterium, quas non prius legat Abbatisa, vel illa, cui regimen Conventus incumbit.

An permittatur illis, cum extraneis privata colloquia habere, & suis uti diviticulis.

Quibus artificiosis, quod superest temporis, a finitis Sacris, lectione, precibus, & contemplationibus Divinis, terant.

Num studiosæ sint artis, quæ citius feratur a secularibus, quam spiritalibus, Deo dicatis virginibus, qualis est consuevendi acu picta sudariola & indusia.

Breviter, num exercitationes amplectantur, quæ citius mentem Deo dicatam evertant, atque in mundum retrahant; quam Diabolum, per otium insidiantem, propellant.

An sint inter eas conspirationes, seu ligæ quædam, ut vocant.

An sint, quæ dissidia, rixas, & contentiones excitent: iracundæ, invidiæ, odii tenaces, contumeliøsæ, seu malediciæ, obreptantes, detrahentes, calumniatrices, mendaces, &c.

Interrogandum, ut supra de Monachis dictum est, de obedientia, de paupertate: an quid proprium possideant: & de custodia continentia.

De mensa communi, & quis, ac qualis victus singulis quibusque temporibus præbeatur.

An propter victum, vel similes ob causas, sint inter eas murmuraciones, & turbulentæ indignationum significaciones.

Indagandum; an alicubi Religionis suæ, bene & sancte institutæ, quam & professæ sunt, habitum deposuerint, & vestes sæculares religionis rædiorum sibi aptaverint, cum fidelium scandalo & status sui ignominia: cum videantur religionem cum veste posuisse, sicut impudica mulier cum veste pudorem ponit.

Et tales sub excommunicationis pœna monendæ sunt, ut habitum depositum recipiant: nec aliæ videri velint, quam quales se profitentur: hoc est, sponsas Deo dicatas.

An sint, quæ ulla fatuâ superstitione teneantur: quæ illis eximenda est, inflammandæque sunt ad verum Dei cultum, & vivam charitatem.

INQUIRENDA IN MONASTERIIS CANONISSARUM SÆCULARIUM.

Cum hæc Monasteria fere constituta sint instar Collegiarum Ecclesiarum, proinde eorum pleraque, quæ illic inquiri oportet, hic quoque secundum conditionem personarum & locorum, ac secundum discretionem Visitatorum indaganda erunt.

Præterea inquirendum fere de omnibus his, quæ investiganda sunt in Monasteriis Sanctimonialium: exceptis his, quæ tria illa substantialia vota respiciunt. Speciatim tamen interrogentur de formâ & modo eligendi Abbatisæ, & reliquas, ad officia Ecclesiæ gerenda.

Et an ejusmodi electiones pure fiant, spectata tantum Ecclesiæ utilitate.

An per corruptionem, impressionem, vel alio illicito modo.

Quærendum de Ecclesiis incorporatis.

Num mensam habeant communem, vel suam quæque peculiarem.

An communi utantur Dormitorio, ne pudicitia insidiatori Saranæ detur occasio, ad incontinentiam tentandam.

Num nimis exquisito & procaci habitu utantur, incedentes vestibus, nimis comptis & excultis.

An in his Monasteriis Filia nobilium discant non lascivire, non superbire, sed Deum timere, & pietati studere.

An piis exercitiis affuescant, & non solum a malo, sed ab omni specie mala abstineant, & non alicui malæ de se suspicioni causam præbeant.

An permittatur viris, seu procacibus adolescentibus, in ipsam etiam noctem, quamdiu eis libet, cum virginibus commensari & confabulari.

Et an illis permittatur, intra Monasterii septa dormire.

An Abbatisæ Collegiorum nobilium virginum, quas tanto magis oportet suis

M m m m 3

Colle:

Collegiis adesse, quanto virgines illæ majori custodia sunt dignæ, perpetuo apud ea resideat.

An ejusmodi Abbatissæ diligenter prospiciant, ne quid in ejusmodi Collegiis committatur, quod aliquam habet mali speciem.

Et præsertim, an diligenter observent, ut omnes in Dormitorio communis nocte decumbant, & in habitu ipsas decemte incedant, ac horas Canonicas rite persolvant. Cæteraque, quæ probatæ earum Constitutiones, & Reformationis Cæsaris &c. formula exigit.

An sint Abbatissæ, quæ plurium Collegiorum in se curam receperint, & tamen nulli eorum suum, quod debent, officium rite præstent.

Qualis sit illarum familia: Quo Capellano, & quibus ministris, & Officialibus, utantur.

An Præpositissæ, Decanissæ, & alia officia Ecclesiæ gerentes, officiis suis rite fungantur, & præsertim, an quibus aliqua administratio bonorum commissa est, frugales sint & fideles.

Ante omnia diligenter quærendum, quænam sit inter Canonissas, quæ virgines legere, canere, & quod legunt, & cantunt, intelligere doceat. Et an illa suo munere sedulo & diligenter fungatur.

Qualis sit familia virginum: an verecunda, sobria, pudica, breviter bonæ famæ & laboriosa.

An vero ministrent eis puellæ juvenculæ, lascivæ, ad sæculum comparæ, procaces, otiosæ, & famæ non satis integre.

An in his Collegiis cura pauperum habeatur, ut quod reliquum est a levata mensa, inter pauperes distribuatur.

In his Monasteriis, ubi vita agitur plus satis licentiosa, ut nullus unquam Pontifex hunc statum seu vivendi conditionem voluerit approbare, (*) multa opus est ex verbo Dei instructione, admonitione, & exhortatione: quam oportet adhibere in spiritu lenitatis, nam hic minis parum promovebitur.

Quod ad inquirendos Canonicos, Vicarios, & alios ministros harum Ecclesiarum attinet, eadem omnino forma servabitur, quæ in Collegiis virorum.

DE QUIBUS IN HOSPITALIBUS,

Quæ Collegiis, Monasteriis, & Parochialibus Ecclesiis adhaerent, vel alias in Civitatibus, oppidis, vicis, in usum pauperum & peregrinorum constituta sunt, debeat Inquisitio fieri.

Num ejusmodi Hospitalia alicubi collapsa sint, & jaceant neglecta, & nondum instaurata.

An redditus ad ea destinati, in ullum alium usum conversi sint, seu convertantur.

Et si quid desideretur, quomodo rursus ex ærario Monasterii, Collegii, vel communis id sarciri possit.

An alii in ista Hospitalia recipiantur, quam viduæ, orphanæ, & qui vere sunt pauperes, & ad victum quærendum sibi non sufficiunt: & potissimum ejus loci, ubi Hospitalia illa sunt constituta, in quorum fraudem peregrinis patere non debent.

An Administratores horum Hospitalium sint legitime instituti, & a quibus.

Num eorum incuria bona Hospitalis intereant, aut deteriora reddita sint, aut reddantur.

An luxu & profusione illorum, aut alias minus recte dilapidentur, distrahantur, subtrahanturve.

An ægrotis, quod ipsis ex institutione Hospitalis debetur, fideliter præstetur.

An Magister Hospitalis erga ægrotos se benignus & misericordem exhibeat.

An pauperes isti, & ægroti non tantum reficiantur & sustententur pane corporali, sed & pane verbi Dei, & Sacramentorum.

Quis illis præsit docendo, & Sacramenta ministrando. Et hic audiendus.

Apud Ecclesias Collegiatas & hoc specialiter inquirendum est: Qui sint ex Canonicis, vel Vicariis, qui res Hospitalium ejusmodi Ecclesiis adjacentium, procurent.

(*) C. Indemnitatibus. §. Supradicta. de Elect. in 6.

Et generaliter quærendum, an Provisores, seu Magistri Hospitalium, ubivis fitorum, rationem præstent administrationis suæ, & cui eam præstent.

An præstetur in Collegiis Decano & Capitulo: & in Monasteriis Præbato & Conventui: & in oppidis Parocho & aliis a communitate delectis, ratio & calculus. Nam hi profecto pro debito officii sui, Deo debiti, tenentur superintendere, ne pauperibus quid desit.

Et quoties in anno hæc ratio præstetur. Quater enim in anno, secundum Cæsaris Reformationem, præstari debet.

INQUIRENDA IN DOMIBUS FRATRUM SANCTÆ MARIÆ TEUTONICORUM, JOANNITARUM, ET ANTONITARUM.

Primo in Domibus Fratrum Teutonicorum inquirendum de tribus, quæ ad votum omnis Religionis exiguntur.

Secundo, quomodo permittantur habere bona mobilia & immobilia.

In quibus domibus Hospitalia habeantur.

Qualiter in Hospitalibus infirmi recipiantur.

Qualiter infirmi procurentur.

Qualiter petitores Eleemofynarum mittantur.

Qualiter Divinum officium observetur.

Quoties in anno Fratres Corpus Christi sumant.

Qualiter pro vivis & mortuis orent. Inquiratur de vestitu.

De rasura.

De refectione.

De Eleemofyna danda.

De jejunio.

De collatione.

De Dormitorio & Dormitione.

De Silentio.

De Litteris recipiendis & mittendis.

De clausuris.

De his, quæ ad militiam pertinent.

De venatione.

De infirmis Fratribus.

De senibus.

De convictu, & societate fratrum.

De convocandis fratribus ad consilium.

De itinerantibus.

De probatione ingredientium.

De receptione puerorum.

Quomodo militares ad servitia recipiantur.

Quomodo familiares recipiantur, charitate, vel solido.

De sollicitudine Magistri erga fratres.

De mutua commonitione & accusatione.

De Pœnitentiis fratrum.

Quærendum de Ecclesiis incorporatis.

Similia inquiri debent in Domibus Joannitarum, & Antonitarum: nisi, quod domus Antonitarum, non ad militiam pro defensione Christianitatis, sed specialiter ad refectionem & sustentationem morbidorum, ægrotorum, & pauperum sunt erectæ.

Quamobrem illic diligenter de procuratione pauperum investigandum erit: & an Præceptores cibum, victum, & escas morbidorum & pauperum, per luxum abliguriant.

Quærendum de Ecclesiis incorporatis.

In summa, in his & similibus domibus, uti in Monasteriis, Regula Ordinis, interrogandi & inquirendi materiam supeditabit. Nam tum demum recte ejusmodi Congregationes Religiosæ reformabuntur; si omnis earum actio, officia, mores, & vita, ad Regulæ approbatæ, sub qua degunt, filium exigantur.

**QUE DE LAICIS ET PLEBE
FIERI DEBEAT INQUISITIO.**

Visitatores vocatis coram se quatuor, quinque, aut septem viris ex singulis Parochiis, maturioribus, honestioribus, atque veracioribus, unumquemque illorum infra scripto juramento debent obstringere.

FORMA JURAMENTI.

Quicquid nosti, aut audisti, aut post hæc intelliges, quod contra Dei voluntatem,

tem, & rectam Christianitatem in ista Parochia factum sit, aut fiet: si in diebus tuis evenierit, modo tamen ad tuam cognitionem quocumque modo pervenerit, seu perveniat: si scis, aut tibi indicatum fuerit, Synodalem causam esse, & ad ministerium Episcopi pertinere, quod hoc nec propter amorem, nec propter timorem, nec propter propinquitatem, vel parentelam, quovis modo celabis nos, Archiepiscopi hujus Diocesis Commissarios, quibus hæc inquirere ille iussit. Sic te Deus adjuvet, & hæc Sancta Dei Evangelia.

Ubi singuli respondendo se sic obstrinxerunt, subjicient Visitatores admonitionem in hanc sententiam:

Videte, ut Domino reddatis jura-
menta vestra. Non enim homini jura-
stis, sed Deo Creatori vestro. Nos au-
tem, qui ejus ministri sumus, non terre-
nam substantiam vestram concupiscimus;
sed salutem animarum vestrarum requiri-
mus. Cavete, ne aliquid abscondatis,
& ex alterius peccato vestra fiat damnatio.
Nam sicut Apostolus ait (*): Modicum
fermenti totam massam corrumpit. Et:
Auferte malum ex vobis ipsis.

SEQUUNTUR INQUIRENDA.

An in Parochia, aliquis est hæreticus, schismaticus, de fide, Religione, Traditionibus, Cæremoniis, ritibus & consuetudinibus Ecclesiæ, aliter sentiens, quam ipsa Catholica Ecclesia sentire jubet.

Et hæc inquisitio dilatanda est, & sic explicanda, ut intelligant, quid quærat.

An aliquis sit in Parochia magus, aut ariolus, aut incantator, seu evocator, aut conjurator superstitiosus Dæmonum: aut Divinus, aut sortilegus, aut talium impiorum hominum judicia, vel consilia inquirens, ad inveniendas res deperditas & suffuratas: vel ad futura prænosendum, quæ Deus posuit in sua potestate: aut ad aliud quicquam. Vel qui ulla superstitione irretitus sit, veluti, qui non ponit spem, & fiduciam suam in solo Deo, qui pro suo nutu & voluntate moderatur omnia, & cui oportet submittere & commendare omnem nostrum cogitatum, voluntatem, operationem, & quicquid acciderit prosperi vel adversi.

(*) 1. Cor. 5.

An sint viri, vel mulieres, qui non intellectis conjurationibus rerum utantur, vel maleficiis se aliquid efficere posse putent, seu cum dæmone commercium habeant.

An sint, qui scienter, & pro cupiditate terrena, pejeraverint. An, qui coacti, vel pro vita redimenda, vel metu Dominorum suorum, perjurium commiserint.

An sint, qui alios etiam ad perjurium induxerunt.

An sint blasphemæ in Deum, in gloriosam Dei Genitricem Virginem Mariam, in Sanctos Dei.

An sint, qui vota Deo præstita infregerint.

Qui fidem publicam violaverint.

Qui per Nomen Dei & Sanctorum maledixerint.

Qui ad omne verbum, Nomen Dei assumpserint, seu assumant in vanum.

An est aliquis vel aliqua, qui quodcumque opus inchoans, aliquid superstitiosum dixerit, nisi ut apostolus docet: Omnia in nomine Domini facite. (**)

An est aliquis, qui juravit, quod Deo contrarium est: veluti, quod fratri nunquam reconcilietur: vel simile quid, quod est peccatum in Spiritum Sanctum, & ad mortem.

An sint, qui indigne ad Sacramenta accedant, præsertim ad Sacrosanctum Eucharistiæ Sacramentum.

An sint, qui ab eo accepto, statim inebriantur, etiam usque ad vomitum.

An sint, qui septem Ecclesiæ Sacramenta, vel illorum aliquot contemnunt. Qui ad confessionem saltem semel in anno non veniant, & corpori Domini, nisi ob publica peccata prohibeantur, non communicent.

An sint, qui Ecclesiæ cæremonias rident.

An sint, qui diebus Dominicis, vel in præcipuis Festivitatibus, quicquam operis mechanici faciant: qui non ad Concionem saltem, & ad Missam (si non ad Marutinas, & ad Vesperas, quod tamen facere oportuit) his diebus sine prætermisione occurrant, & in ejusmodi Divinis officiis ab initio usque in finem perseverent.

(**) Coloss. 3.

An sint, qui Ecclesias intrantes, fabulis vacare consueverint, non auscultantes Divina eloquia, & antequam Missa finiatur, exeuntes.

An pecorum pastores, nautæ, carucarii, caupones, tabellarii, & similibus farinæ homines, sint tam brutales, & obliiti penitus Dei sui, ut nullum inter festos vel profestos dies discrimen faciant, intenti tantum, ut ventrem siliquis impleant, contempto verbi Dei cibo illo celesti, sine quo omnis anima fame perit.

An Festa, quæ ex declaratione Synodi Diocesanae celebrari debent, celebrentur.

An Parochiani Presbytero suo debitum honorem impendant.

An illi, & Ecclesiæ ipsi, decimas, oblationes, & jura Parochialia, ex more veteris Ecclesiæ debita exolvant.

An est aliquis, qui Parochum verbo, vel facto injuste inhonoret, aut fatiget, aut ejus salubria monita spernat.

An est aliquis, qui eo contempto, in aliam Parochiam eat, & ibi communice.

An est aliquis, qui excommunicationem sui Episcopi, vel Archidiaconi, & infynodationem (ut vocant) sui Pastoris vilipendat.

An, qui publicam pœnitentiam pro manifestis criminibus vel accipere, vel adimplere contemptum detrectet.

An Susceptores, qui Patrini vocantur, filiis suis Symbolum, Orationem Dominicam, Salutationem Angelicam, & decem Præcepta infinuunt.

An est, qui jejunium quadragesimale, vel quatuor temporum, sive Litaniæ majoris, vel Rogationum, sive feriam sextam, aut sabbatum, sive alia solemnia jejunia, in vigiliis festorum dierum, vel pro quacumque plaga ab Episcopis indicta, contemptim non observaverit.

An est aliquis, qui oblationes, elemosynas parentum, vel propinquorum defunctorum, injuste retinuerit, seu retineat.

An est aliquis, qui patrem aut matrem inhonoraverit, aut percusserit, aut maledixerit, non suscepta pœnitentia.

Tomus VI. Concilior. German.

An est aliquis, in Ecclesia parricida, vel homicida voluntarius, vel involuntarius, qui hominem quocumque modo occiderit, pœnitentia publica pro tanto crimine non peracta.

An est, qui proprium servum occiderit.

Similiter an est aliquis, vel aliqua, qui infantes proprios oppresserunt, aut suffocaverunt, aut abjecerunt, & occiderunt: aut mulier, quæ conceptum excusserit, & voluntarie abortiverit.

An sint aliqui, in quorum conflictu homo perierit.

An sint aliqui, qui conjurationes, conspirationes, & seditiones sectantur & excitant.

An est aliquis, qui Diabolo impellente se occidere tentaverit.

An est aliquis, qui proximum mutilaverit, detruncando illi membrum aliquod corporis: & cum eo reconciliatus non sit.

An est aliquis, qui in consilio fuerit, ut homo interficeretur.

An est aliquis conjugatus, qui cum alterius uxore adulterium perpetraverit, vel uxor cum alterius viro.

An est aliquis, qui legitimam uxorem dimiserit, & alteri se conjunxerit, seu aliam in conjugium acceperit: & e diverso.

An sint conjuges, qui se sine causa separaverint, sine Episcopi judicio.

An est aliqua mulier, quæ conscio viro suo fornicata fuerit. An est aliquis uxore carens, qui cum alterius conjugate fornicatus fuerit: aut, si qua mulier, non habens virum, cum alterius marito.

An est aliquis, non habens uxorem, qui cum femina, quæ virum non habet, fornicatus fuerit.

An sunt soluti, qui fornicatione se polluerint, aut polluant.

An est aliquis, qui alterius sponsam rapuerit, & sibi sociaverit: seu etiam non desponsatam viro abstulerit, & sociaverit sibi. An est, qui desponsatam puellam non duxerit, & fidem sponsaliorum fregerit.

An est, qui Sanctimoniam, vel

N n n n vi:

viduam, Deo sacratam, rapuerit, & in conjugium sumpserit, vel cum eis fornicatus fuerit. An est aliquis, qui accusatus, vel insimulatus, vivente marito, de adulterata uxore, hanc statim defuncto marito duxerit in matrimonium.

An est aliquis, qui fornicatus fuerit cum commatre spiritali, vel cum consanguinea. Vel (quod abhorret animus dicere) contra naturam peccaverit.

An sit vir, vel mulier, qui lenocinium exerceant.

An sit, qui cum propriis ancillis adulteria & fornicationes committat.

An est aliquis, qui assiduam ebrietatem sectetur, apostolo verante, & dicente: Neque ebriosi Regnum Dei possidebunt.

An sit aliquis mimus in Parochia, vel qui carmina turpia, obscœna, vel hæretica cantillet.

An sit in Parochia fur aliquis, aut sacrilegus, qui Ecclesias Dei infregerit, vel aliquid de Ecclesia abstulerit, vel publice rapuerit, vel latenter surripuerit.

An est aliquis, qui injusta mensura suam annonam, aut vinum, vel cerevisiam vendat, cum Dominus dicat: *Æquus sit tibi modius, & æquus sextarius.* (*)

An est aliquis, qui mercēs, præsertim vinæ, mala & noxia commixtione corruptat, cum multo hominum vitæ discrimine.

An est, qui usuram exerceat, qui a fenore velit discere: qui lucrum ex commutata, vel concisa pecunia faciat.

An est aliquis, qui scienter contra aliquem falsum testimonium protulerit, & quantum ac quale damnum corporis, vel bonorum quis inde habuerit.

Inquirendum de mendicis, qui per Parochias discurrunt: & si quisque pauperem de familia sua pro suis facultatibus pascat.

Inquiratur quoque a laicis, an sint in Parochia, qui testamenta & ultimas morientium voluntates suppriment: vel qui Ecclesias, seu pauperes legatis defraudent: vel qui ejusmodi novissima

hominum arbitria non fideliter exequuntur.

Percontandum de fraternitatum societatibus, quomodo in Parochia agantur.

Interrogandum, si in unaquaque plebe constituti sint per pagos viri veraces, & Dominum timentes, qui ceteros admoneant, ut ad Ecclesiam pergant, præsertim festis diebus, ad Matutinas, Missam, & ad Vesperam, & nihil servilis operis faciant, multo minus aliquid criminis, vel ethnicæ levitatis committant: qui & transgressores Presbytero annuntient, similemque denuntiationem faciant de omni opere manifesto.

Postremo interrogandi de Parocho, & aliis, qui in Ecclesia ministrant, an officium suum, ut debent, præstent.

An vitam ducant irreprehensibilem.

In summa, An verbo & exemplo præcedant.

INQUIRENDA AB HÆRESEOS INSIMULATIS.

AN credat, jure Divino licitum esse, præstare juramentum.

An credat, jure Divino se obligari, per juramentum dicere veritatem super proponendis de fide.

An credat, hanc solam veram esse Ecclesiam Catholicam, in qua est unanimis & communis professio doctrinæ Evangelicæ & Apostolicæ, secundum intellectum & expositionem Sanctorum Patrum, & disputationem & determinationem Generalium Conciliorum, ab Ecclesia receptorum: & in qua est administratio Sacramentorum, secundum Catholicam traditionem, in Ecclesia occidentali hætenus pie & laudabiliter observata. Quæ & non in angulo aliquo orbis terrarum conclusa, sed in unitate doctrinæ & Sacramentorum communione, in vinculo pacis diffusa est, & propagata per totum terrarum orbem.

An credat, in hac Ecclesia Catholica nos, omnesque alios esse, qui in hac concordia, communione, & pace, sub

(*) Levit. 19.

obedientia unius summi Pontificis, & Sædæ Sedis Apostolicæ, vivimus.

Vel num putet e diverso, Ecclesiam esse Lutheranos, seu Buceranos, vel horum similes sectarios, qui Ecclesiam, quam nos ut Apostolicam & Catholicam agnoscimus, execrantur, atque adeo non Christi, sed Antichristi regnum vocare non verentur.

Num sentiat, justificationem hominis constare ea sola fide, qua quis credit, sibi non imputari peccata propter Christum. An potius nobiscum credat, justificationem esse Communicationem justitiæ Christi: non solam ejus imputationem, sed actualem regenerationem, & renovationem mentis per spiritum charitatis, quo demum per fidem accepto, ex injustis justifi ficimur, & quæ justa & sancta sunt, operamur, peccatis Christi merito condonatis.

An credat, quod peccatum originale per justificationem, quæ fit in Baptismo virtute Sacramenti, non tantum tegatur, sed & tegendo auferatur & dissolvatur, ut verum sit dicere: Omni peccato caret jam baptizatus, & est mundus totus. Vel e diverso existimet, peccatum hoc realiter adhuc a Baptismo superesse, hoc est, concupiscentiam, quæ manet in renatis post Baptismum, non tantum fomitem esse peccati, sed revera peccatum, tale, tantumque, quod sua natura omnes pariter, tam infantes baptizatos, quam adultos damnaret (etiamsi nullus postea accedat consensus) nisi non imputaretur: pro qua etiam non imputatione, a Baptismo continue orandum sit.

An credat, liberum arbitrium, peccato primi hominis oppressum, per renovationem, quæ in Christo Jesu est in Baptismo, vere liberari: ita ut sic præventum a Deo, per gratiam, quæ est in Christo Jesu, exinde tam in ipsa justificatione, quam in bonis operibus, tamquam partiale agens concurrat & coope- retur Deo: & ea ratione cum gratia Dei, causa meritorum fiat.

An credat, baptizatum, seu regeneratum, assistente & adjuvante gratia Dei, posse facere, seu implere mandata Dei, secundum eam rationem impletionis, quam exigit a nobis Deus, quamdiu sumus in hoc mortali corporis tabernaculo.

Tomus VI. Concilior. German.

An credat, hominem renatum & adultum, per observationem mandatorum Dei, seu bonis operibus, ex fide & dilectione Dei factis, promereri regnum Cælorum.

An credat, hominem propter opera mala condemnandum esse ad ignem æternum: etiamsi habeat tantam fidem, qua & prophetare, & dæmones ejicere, & montes transferre possit: nedum eam, qua credit, sibi remissa peccata propter Christum.

An credat, hominem tantisper manere in morte, quamdiu fides ejus non vivificatur vel accenditur per charitatem.

An credat, septem esse Ecclesiæ Sacramenta: videlicet, Sacramentum Baptismi, Sacramentum Confirmationis, Sacramentum Eucharistiæ, Sacramentum Pœnitentiæ, Sacramentum Ordinis, Sacramentum Matrimonii, & Sacramentum Extremæ unctionis infirmorum. Et quod hæc Sacramenta conferant gratiam suscipienti, non ponenti obieem. Vel an e diverso credat, tantum duo esse Sacramenta: Baptismum, & Eucharistiæ.

An credat, differre Baptismum Christi a Baptismo Joannis, & quomodo.

An credat, in administratione Baptismi adhibendas esse solemnes orationes & cæremonias Ecclesiasticas, quales sunt: Exorcizatio & exufflatio diaboli, crebra crucis impressio, manus impositio, datio consecrati salis, apertio aurium & narium cum saliva, unctio tam ante, quam post Baptismum, consecratio Baptismatis more solenni, abrenunciatio & professio fidei per susceptores, non suo, sed infantis nomine, & impositio albæ vestis. Et quod has cæremonias, extra tempus necessitatis, contemptim omit- tens, schismaticus censendus sit.

An credat, usum Chrismatis esse de necessitate Sacramenti Confirmationis, illudque successisse in locum signi corporalis descensionis Spiritus Sancti, post tempora Apostolorum, ex Apostolica Traditione.

An credat, administrationem hujus Sacramenti solis Episcopis esse reservatam.

N n n n 2

An

An credat, virtute hujus Sacramenti infantibus, vel aliis confirmatis, conferri virtutem constantiæ professionis fidei, patientiæ in tribulationibus, & robur vincendi astus diaboli, & perseverandi in bonis operibus.

An credat, in Eucharistiæ Sacramento, sub qualibet specie esse verum corpus, & verum sanguinem Domini nostri JESU CHRISTI: Substantia panis, & substantia vini, aqua mixti, in corpus & sanguinem Christi, virtute verborum Consecrationis transubstantiatis.

An credat, veritatem corporis & sanguinis Christi in Eucharistia esse permanentem, & non in solo usu, sicut Baptismi Sacramentum, consistere.

Et propterea posse nos, & debere hoc Sacramentum pro infirmis reservare, & in eo Christum illic præsentialiter se exhibentem adorare.

An credat, hoc Sacramentum, sine gravi scelere, alibi posse confici, quam in locis sacris, & ad hoc rite ordinatis: seu ab aliis, quam a Sacerdotibus jejunis, idemque Sacramentum post factam consecrationem sumentibus.

An etiam credat, laicis sufficere ad salutem Communionem sub una tantum specie, ut sub qua revera continetur totus Christus.

An credat, Missam esse Sacrificium novæ Legis, in qua non solum conficiatur, sed & Deo Patri repræsentative offeratur, non cruento quidem, sed in cruento & commemorativo Sacrificio, corpus & sanguis Filii sui, tam provivis, quam pro defunctis.

An credat, Lutheranos & Bucenarios hoc Sacramentum extra communionem Ecclesiæ Catholicæ, omisso Sacro Missæ CANONE, in quo forma Consecrationis Ecclesiæ tradita continetur, posse conficere.

An credat, in CANONE Missæ pro Romanæ & Catholicæ Ecclesiæ Summo Pontifice orandum esse.

An credat, in eodem habendam esse memoriam Sanctorum, qui cum Christo vivunt, & in eorum communione vota nostra reddenda esse Deo.

An credat, Sanctos cum Christo regnantes, non solum in imitatione, sed

laudis quoque & honoris exhibitione, & meritorum & intercessionis pro nobis apud Deum attributione, & ut Deum pro nobis orent, imploratione, venerandos esse.

An credat, hoc Altaris Sacrificium, ad hæc orationes, & eleemosynas fidelium prodesse defunctis, qui fideles decesserunt, ad purgationem macularum in hac vita contractarum, & ante obitum nondum satis expiatarum, & pro absolutione poenarum temporalium.

An credat, post hanc mortem talem aliquem esse ignem, in quo ejusmodi fideles animæ purgentur.

An credat, tres esse partes integrales penitentiae relapsorum in crimina post Baptismum, videlicet contritionem, confessionem sacramentalem, & satisfactionem ad remissionem culpæ & poenæ necessarias.

An credat, enumerationem criminum, saltem lethaliū, & eorum, quæ angunt conscientiam, necessariam esse in Confessione Sacramentali, quæ fit & fieri debet Sacerdoti, modo haberi possit ejus copia.

An credat, satisfactione Ecclesiastica mederi reliquiis peccati, mitigari, seu tolli poenas temporales, & Ecclesiæ lege satisfieri. Et propterea eam necessariam esse lapso post Baptismum.

An credat, Ordinem in Ecclesiâ esse Sacramentum; ita, quod ille, qui non est ordinatus, secundum ritum Catholicæ Ecclesiæ, per suum proprium, vel alium Catholicum Episcopum, de proprii Episcopi consensu, non possit efficaciter in Ecclesiâ Sacramenta Ecclesiastica ministrare, nec alia Ecclesiæ ministeria salubriter obire.

An credat, Sanctum Petrum fuisse Principem Apostolorum, & Christi Vicarium, & Romanæ Catholicæ Ecclesiæ Summum Pontificem: Et tales quoque censendos esse, qui ei canonice in Cathedra sua successerunt, & succedunt, quamvis sint longe inferioris merito.

An credat, a tali Pontificis obedientia, excepta causa hæresis, sine schismate non posse recedi.

An credat, Matrimonium esse & Sacra-

Sacramentum Ecclesiæ, & indissolubile vinculum unius viri, & unius uxoris.

Et eum, qui priori uxori, antequam ea morte decedat, aliam superinduxerit, adulterum esse, etiamsi ex causa fornicationis dimissa sit.

An credat, Matrimonium clandestine contractum, accedente utriusque contrahentis assensu, coram Deo verum Matrimonium esse, ita quod tali Matrimonio fraudem faciens, adulter censendus sit.

An credat, Unctionem extremam vere Sacramentum esse, & propterea sine periculo damnationis æternæ contemni non posse.

An credat, usum imaginum, tam crucifixi Domini, quam Sanctorum, non modo licitum, sed & valde utilem esse in Ecclesia, maxime in usum idiotarum, pro admonitione & rememoratione gestorum Christi, & Sanctorum suorum, & pro excitatione pietatis, & imitationis illorum.

An credat, Sanctorum (qui apud Deum vivunt) veras Reliquias reverenter esse habendas & venerandas: Nec religiosum earum contactum inanem esse, quod Deus sæpe insignia & illustria miracula apud illorum monumenta sit operatus.

An credat, Ecclesiam recte & pie super corporibus Sanctorum, seu Reliquiis, Sacrificia offerre, & tumulos eorum arbitrari altaria Christi.

An credat, statuta jejunia, & ferias indictas ab Ecclesia, religiose esse observanda, nec posse ea violari sine peccato: nisi suadeat & poscat necessitas, per Pastorem, seu ordinarium Curatorem animæ explorata, & comprobata, & absit scandalum.

An credat, votum perpetuæ castitatis, & reliqua vota monastica, paupertatis & obedientiæ, consentanea esse

Juri Divino, & Evangelio Christi: ita quod obligent præstantem in foro conscientiæ ad sui observationem, sub pena damnationis æternæ. Et de illorum violatoribus scriptum esse: Damnationem habentes, quia priorem fidem irritam fecerunt. (*)

An ne credat, in omni Ecclesia, tam Græca, quam Latina, a temporibus Apostolorum, sacris semper Canonibus prohibitum fuisse his, qui jam ad Presbyterii ordinem promoti fuissent, Matrimonium contrahere. Et qui secus fecissent, ab omni Ministerio & Sacerdotio depositos semper fuisse.

An credat, statum virginalem longe præstantiorem, & Deo multo gratiorem esse statu conjugali: modo tamen virginitas & corpore & mente fervetur.

An ne credat, exititios Monachos, pellicientes virgines Moniales ex Monasteriis, & contrahentes cum eis damnatas nuptias, incestuosos esse, & nullibi ferendos sive ab Ecclesiastica, sive sæculari potestate.

An credat, illos esse sacrilegos, & pauperum Christi necatores, qui scienter, sine justa causa, accipiunt, tenent, & sibi vendicant bona Ecclesiarum, Deo dicata, seu in testamentis ad pias causas pauperibus Christi relicta: esseque tales occupatores æternæ damnationis reos, nisi faciant restitutionem.

An credat, pertinaces hæreticos, præsertim, qui malitia errant, & contra Principum edicta discipulos aggregant, & tumultus excitant, per potestatem sæcularem corporalibus poenis coercendos esse. Idque bona conscientia fieri, imo zelo conservandæ Religionis fieri debere.

Ex Codice Statutorum Colonienf. edito Colonia Typis Quenteliani anno 1554.

(*) 1. Timoth. 5.



SYNODUS DIOECESANA CAMERACENSIS

Eodem anno Christi MDL.

ACTA ET DECRETA SYNODI

Dioecesanæ Cameracensis, Præsidente Reverendissimo in Christo Patre, ac Illustrissimo Principe, Domino, D. ROBERTO DE CROY, Episcopo & Duce Cameracensi, Sacri Imperii Principe, Comite Cameracensi &c. celebratæ anno Redemptoris nostri JESU CHRISTI MDL. Mense Octobri.

ITEM

ANTIQUA STATUTA SYNODALIA CAMERACENSIS Dioecesis, ab eadem Synodo recognita, adjectisque Moderationibus, Correctionibus & Additionibus reformata. His adjuncta est FORMULA REFORMATIONIS, per Cæsaream Majestatem Statibus Ecclesiasticis in Comitibus Augustanis ad deliberandum proposita, & ab iisdem recepta & probata.

ROBERTUS DE CROY ^(a), DEI GRATIA, EPISCOPUS ET DUX CAMERACENSIS, SACRI IMPERII PRINCEPS, COMES CAMERACESII, &c. UNIVERSO CLERO ET POPULO NOSTRÆ CIVITATIS ET DIOECESIS CAMERACENSIS, SALUTEM IN DOMINO.

Variis, eisdemque vehementer perniciosis hæresum monstis crebro oppugnatam Ecclesiæ Catholicæ fidem & legimus, & novimus: sed vix unquam (nostro quidem iudicio) tot & tantis, tamque diuturnis, ut hoc nostro infelici sæculo, quo dirum Lutheri longe lateque sparsum virus non paucos infecit, perdidit autem (proh dolor) quam plurimos. Hincque malorum tanta prorupit inundatio, tot animorum dissidia, tanta Martis rabies, tot sectarum porten-

ta, vitiorum denique ac scelerum tanta colluvies: Ut, *Nisi Dominus Sabaoth reliquisset nobis semen; juxta Esaïæ vaticinium, (b) Quasi Sodoma facti essemus, & sicut Gomorrha similes fuissimus. Nisi, inquam, Dominus DEUS exercituum reliquisset nobis, atque conservasset, qui sanctam Ecclesiæ fidem palam assererent, quique gravissimis ipsius hostibus intrepide se se opponerent, insignes Theologos, Patres orthodoxos, Pastores vigilantissimos, Principes vere Catholicos, & impri-*

mis

(a) Robertus de Croy, a fratre suo Guilielmo Croio S. R. E. Cardinali, ad Metropolim Toletanam promotus, Cameracensem Insulam, Carolo V. Imperatore probante, in se translata, obtinuit anno 1519., Episcopus Cameracensium Septuagesimus quintus. Anno 1529, quo exoptata diu pax inter Carolum V. Cæsarem, & Franciscum I. Francorum Regem Cameraci sancita fuit, primam Hostiam sua in Cathedrali DEO litavit, die 5. Augusti. Anno 1546. Concilio Tridentino interfuit, & Sessionis V. Decretis subscripsit. Obiit anno 1556. 31. Augusti, magno sui relicto desiderio: Cameraci in Ecclesia Cathedrali ante aram Bmæ MARIE Virginis, sub magnifica ex alabastro tumba sepultus. Joann. Bapt. Castillon. in Sacra Belgii Chronologia p. II.

(b) Esa. i.

mis Imperatorem nostrum Augustissimum CAROLUM V., maximum Fidei nostræ propugnatorem, & pugilem indefessum; Ecclesiæ res, decus, splendor, ornamentum, avitaque religio funditus eversa periisset. Cæterum ab hæreticis Ecclesiæ fides oppugnari quidam poterit, expugnari nunquam poterit, Christo nimirum ejusdem Ecclesiæ sponso, & redemptore, sanctum semen suppeditante, quod, ceu electæ quædam reliquiæ gratiæ, coram Baal genu non solum non flecter, (c) verum etiam alios, ne id faciant, avertet: eodem denique Christo sponfam suam mirabiliter protegente, & apud Patrem pro suis ipsius membris jugiter interpellante. Et id quidem suis non semel prædixit & pollicitus est sub noctem illam maxime, in qua tradendus erat a discipulo, his verbis inter cætera Petrum compellans: *Simon, Simon, expetivit vos Satanas, ut cribraret, sicut triticum: Sed ego rogavi pro te, ne deficiat fides tua.* (d) Hæc quidem ad Petrum Dominus, sed sic, ut sub ejus persona toti Ecclesiæ, cui præficiendus erat, loqueretur: promittens (quæ sua in nos est clementia) nullo se unquam tempore sic deserturum Ecclesiam, ut persecutionum procellis, aut hæresum turbini- bus, quamlibet vehementibus, succumbat & opprimatur: de qua & alibi dixit, quod *portæ inferi non prævalebunt adversus eam.* (e) Portæ inferi (si Theophilacto credimus) temporales sunt persecutores, qui ad inferum mittere Christianos conantur. Portæ inferi, eodem teste, sunt & hæretici omnes, qui venenata lingua & pestilente doctrina, inconstantium ac minus cautorum animas inficiunt, & secum tandem in perditionis barathrum (proh dolor!) præcipientes trahunt. Verum tamen multis perniciosissimis & persecutoribus & hæreticis olim prævaluit Ecclesia, semperque prævalebit Christo propitio, qui se illi adfuturum ad consummationem usque sæculi (f) certo promissit. Hæc nos promissa solantur, hæc nos inter tot undas malorum & hæresum status, in spem erigunt; ut tandem nostri miseris Dominus, & (ut cum Psalmographo loquamur) *excitatus semper potens, & crapulatus a vino,* (g)

acerrimos Ecclesiæ hostes humiliet, detque in opprobrium sempiternum illos, (b) qui sponfam suam dilectam, sanctam, & immaculatam, impuro ore substantiant, virulenta lingua allatrant, & odio plusquam hostili persequuntur. Quod dudum sane auspiciis haud parum felicitibus demonstravit, quando ipso propugnante simul & adjuvante, Sacra Cæsarea Majestas de hostibus Ecclesiæ, summo piorum omnium applausu & gaudio, palmam retulit, & trophæum erexit. unde profecto Deo omnipotenti maximæ a nobis gratiæ debentur, quod fidei nostræ Catholicæ acerrimum propugnatorem nobis reliquerit, cui sic Christi fides, Ecclesiæ decus ac religio cordi sunt, ut nullam non navet operam, nullum denique non moveat lapidem, quo hæresum vepres ac zizania ad vivum omnia eradicentur. Nam quanto studio ad id contenderit, toties celebrata Concilia, Conventusque Imperiales facile testantur. Porro et si huic rei, communi totius orbis auxilio, nempe generali, pridem Tridenti feliciter inchoato Concilio, succurri maluisset; quando tamen id suspensum in longum protraheretur: sacra illius Majestas, ubi jam dextro Marte cum hoste conseruisset, Christoque propitio victor triumphasset, deploratis Ecclesiæ rebus ut succurreretur, magis atque magis urgere cœpit, omnique studio instare, semel conceptum animi zelum, de extirpandis prorsus hæresibus, Ecclesiæque dissidiis, ut ad perfectum deduceret. Proinde ratus, propter abusum, scandala & mores quam depravatissimos in Clero & plebe, iratum Deum adeo severiter castigare Ecclesiam; in novissimis Imperii Comitibus Augustæ Vindelicorum habitis, ab Imperii Principibus Ecclesiasticis, aliisque Prælati Ecclesiæ clementer postulavit, ut Ecclesiarum mores, vitæque ratio, ad meliorem, sanctioremque formam quasi postliminio revocarentur, oblata, propositaque eisdem formula quadam, a viris aliquot piis, ac sacrarum literarum eruditione claris concepta, qua Clerus & populus juxta sacros Canones, majorum traditiones, & sacræ scripturæ normam reformarentur; donec Generale Conci-

(c) 3. Reg. 19.

(d) Luc. 22.

(e) Matth. 16.

(f) Matth. 28.

(g) Ps. 77.

(b) Ephes. 5.

Concilium diffidiis & abusibus modum ponat. Cui quidem tam sanctæ ac justæ petitioni uno (ut par erat) animo lubenter obtemperantes, formulam hujusmodi, cœu piām, ac Decretis & Canonibus plane conformem, laudarunt, & probatam habuerunt, atque Cæsareæ Majestati pro se quisque, ut ad illam, veluti perpendiculum, sua componeretur & reformaretur Diœcesis, curaturos se polliciti sunt: Summi Pontificis autoritate (quam in nonnullis articulis necessariam putabant) semper salva.

Nos itaque in opere tam laudabili, utili, atque ad hæreses averruncandas apprime necessario, muneri nostro haud quaquam deesse volumus, præsertim, cum Dominus sua gratia nos, licet meritis impares, suo quem redemit sanguine, populo præfecit, non alia ratione, quam ut vigilantissime attenderemus fidem, conversationem, mores & vitam singulorum: hæresum quoque pestilentissimas, exitialesque status cohiberemus: abusus, scandala, moresque corruptissimos, e Clero & populo nobis commisso erueremus: denique diligenter prospiceremus, ne quispiam in ea, qua vocatus est a Deo vocatione torpescat: quatenus hi, qui sanctæ doctrinæ repugnant, juxta Apostolum (i) rubore suffundantur, nihil habentes, quod de nobis dicant mali; sed contra potius videntes bonam nostram conversationem, respiciant a Diaboli laqueis, a quo magna cum salutis suæ jactura, captivi tenentur, & ad Ecclesiæ gremium, fideique orthodoxæ portum redeunt, una nobiscum glorificent Deum, qui in cœlis est.

Proinde & voce Divina commoniti, & Sacræ Cæsareæ Majestatis literis, ut aliorum Imperii Electorum & Principum optimo exemplo, memoratam Reformationis Formulam in universa nostra Diœcesi & ditione Ecclesiastica promulgari, Conventusque & Synodos necessarias convocari, vitia, abusus, & scandala prædicta tolli, corrigi, ac in melius reformari, curare vellemus, pie cohortati, Synodum Diœcesanam in nostra Cameracensi civitate celebrandam indiximus, singulosque Diœcesis nostræ Abba-

tes, Priores, Præpositos, Decanos, Capitula, & alios, qui jure vel consuetudine ad illam comparere tenentur, literis nostris patentibus convocatos volumus; quo de ratione reformandi Cleri & populi, a Deo nobis commissi, aliisque ad hanc rem pertinentibus & necessariis, nobiscum communibus consiliis agerent, tractarent, & consultarent.

Quam quidem Synodum ad eum modum, quem dicta Formula præscribit, Deo auxiliante, celebravimus, ac Reformationem in eadem Synodo lectam, & publicatam, atque a Sacri Imperii Statibus Ecclesiasticis prius (ut præmittitur) receptam, & comprobata, per universam nostram Diœcesim publicari mandavimus, maturisque cum Venerabili Ecclesiæ nostræ Cathedralis Capitulo, seu ejus Deputatis, ac Reverendis Dominis Abbatibus, aliisque Patribus, in sancta Synodo nostra Diœcesana in Domino congregatis, consilio & assensu præhabitis, nonnullas ad hanc rem facientes constitutiones decrevimus, & ordinavimus: atque deinde cætera quoque Statuta Synodalia nostræ Diœcesis, nonnullis eorum superfluis, ac præsentī sæculo parum congruentibus, relectis, sive omissis, & aliquibus detractis, additis, & moderatis, autoritate Synodali ad certam juris & æquitatis normam redeimus & renovavimus. Quocirca ne sanctum sacræ Cæsareæ Majestatis desiderium, studiumque indefessum frustrentur, autoritate nostra Pontificali & Ordinaria, Prælati omnibus & singulis, aliisque Presbyteris & Clericis nostrarum Civitatis & Diœcesis Cameracensis, præcipimus & mandamus, ut antedictam, hicque adjunctam Reformationem, ac Constitutiones, desuper in sancta Synodo noviter editas, una cum antiquis Statutis Synodalibus subscriptis, juxta moderationem, correctionem, & additiones, autoritate Synodali novissime factas (primo illorum tenore non obstante) inviolabiliter & inconcussè observent. Alioqui contra eos ad poenas, in dicta Reformatione, statutisque prædictis contentas, procedemus: aut ad sacram Cæsaream Majestatem prædictam, aliòve Superiores referemus.

(i) Tit. 2.

ACTA SYNODI DIOECESANÆ CAMERACENSIS,

*Præsidente Reverendissimo in Christo Patre, ac Illustrissimo Principe
Domino, D. ROBERTO DE CROY, Episcopo & Duce Came-
racensi, Sacri Imperii Principe, Comite Cameracesii, &c.
Celebratæ die prima mensis Octobris,
anno MDL.*

Mandatum Convocationis.

ROBERTUS DE CROY, DEI GRATIA, EPISCOPUS ET DUX CAME-
RACENSIS, SACRI IMPERII PRINCEPS, COMES CAMERACESII, &c. UNI-
VERSIS ET SINGULIS ABBATIBUS, ABBATISSIS, PRIORIBUS, PRÆPO-
SITIS, DECANIS ET CAPITULIS, TAM COLLEGIATIS, QUAM
RURALIBUS NOSTRÆ DIOECESIS, SINCERAM IN
DOMINO SALUTEM.

CUM Episcopalis muneris sit, vultum
gregis sui agnoscere, oviumque
suarum, & præcipue Cooperariorum,
& Compastorum curam habere, solici-
teque dispicere, ut suum quisque munus
diligenter & fideliter in Diœcesi sua exe-
quatur: etsi enim omnes oves suæ Diœ-
cesis nosse supra vires naturæ sit, Com-
pastores tamen, & in opere Dei Coadju-
tores cognoscat oportet, ut sciat, quo-
modo præsent, quid doceant: quomo-
do traditiones, & ritus Ecclesiæ servant,
denique vitam & mores eorundem, ædi-
ficient, & plantent super fundamen-
tum Apostolorum & Prophetarum, an
vero inficiant & corrumpant, seu potius
exemplis pravis & doctrinis novis, ac ad
aurem popularem excogitatis & pestife-
ris subvertant, ac in foveam errorum,
æternæque damnationis seducant. Quod
quidem nulla melius potest ratione Epif-
copus (qui velut speculator in Ecclesia
Dei constitutus existit) quam Synodali
Prælatorum, ac Curatorum suæ Diœce-
sis convocatione, atque Concilio. Nam
si unquam necessaria fuit, profecto nunc
hoc infelici sæculo, præsertim quo om-
nis caro corrumpit viam suam, omnesque
cujusvis status & conditionis homines,
a maximo usque ad minimum declinave-
runt, & inutiles facti sunt: nec est, qui
faciat bonum, non est ulque ad unum;
summopere necessaria est Sacro-sancta
religiosissimeque a Patribus instituta, no-
strisque Prædecessoribus observata, & per

aliquot annos cum propter bellorum fre-
quentiam, tum propter Concilii œcu-
menici, diu summis votis desiderati, con-
vocationem, intermissa Diœcesana Syn-
odus. Proinde cum Concilii Generalis
summæ expectatum fructum, & finem
diutius præter expectationem differri vi-
deamus, tum etiam, quod Augustissimæ
& Invictissimæ Cæsareæ Majestatis literis,
ad nos tamquam Imperii Principem, di-
rectis & destinatis, salubriter ad Cleri
convocationem, pro ejusdem, populi-
que Reformatione, commoniti, nostro
in hac parte, dictæque Cæsareæ Majesta-
tis pio desiderio & exhortationi satisfacere
summopere cupiamus; Idcirco de
Vicariorum nostrorum Generalium, ac
etiam Venerabilium nobis in Christo Di-
lectorum Confratrum nostrorum, Præpo-
siti, Decani, & Capituli Ecclesiæ nostræ
Cathedralis consilio, vos omnes & sin-
gulos supradictos, autoritate nostra
Pontificali & Ordinaria in virtute sanctæ
obedientiæ in Domino requirimus, &
monemus; ut ad primam diem Octo-
bris proximam (quam celebrationi Syn-
odi nostræ Diœcesanæ pro Cleri, popu-
lique nostræ Diœcesis Reformatione, alio-
rumque in Synodo proponendorum &
tractandorum decisione, seu definitione
præfigimus, præfixamque esse volumus)
in civitate nostra Cameracensi omni ex-
culatione postposita, compareatis, au-
dituri, quæ ad hanc rem pertinent, &
nobiscum consultaturi: cum intimatione

tali, quod sive ad dictam diem comparueritis, sive non, nos nihilominus ad dictæ Synodi celebrationem procedemus, & proinde faciemus, prout juris fuerit & rationis, absentium contumacia in aliquo non obstante. In cujus rei testimonium præsentibus literis manu nostra subsignatis, sigillum proprium duximus appendendum. *Datum in Aelibus nostris Montisplacidi prope oppidum nostrum Castri Cameracensi, Anno Domini, Millesimo quingentesimo quinquagesimo, Mensis Augusti die sexta.*

Cumque dies adesset, qui a Reverendissimo Patre, & Illustrissimo Principe D. ROBERTO, Episcopo, & Duce Cameracensi, Synodo Diocesanæ præfixus erat; mane inter octavam & nonam horas, idem Dominus Reverendissimus cum Prælati & Patribus infra scriptis per Venerabile Collegium Ecclesiæ Cathedralis, Celsitudini suæ obvium, ex Palatio suo Episcopali, duobus Archidiaconis præviis, pannum sericum, seu pallium (ut vocant) tenentibus, post aquæ benedictæ asperisionem, incensique, seu thuris, sibi ab eisdem Archidiaconis oblationem, ac libri Evangeliorum oscu-

lum, ad Ecclesiam prædictam celebri atque decenti processione in Choro ejusdem Ecclesiæ comparuit: ipse quidem Pontificalibus amictus, mitramque in capite gestans, Abbates insignibus Abbatialibus, sine mitris, Archidiaconi & Canonici, cappis pretiosis: Archipresbyteri, seu Decani Rurales, alba, & stola: Curati vero superpelliceo & stola. Quibus ordine confidentibus & constitutis, præfatus Dominus Reverendissimus assistentibus sibi Reverendis Patribus, Dominis Martino Episcopo Chalcedonensi, suo Suffraganeo, tamquam Diacono, & Joanne Calceio, Abbate Sancti Andreæ, Castri Cameracensi, Vicario suo Generali, Subdiacono, Ministrantibus, pro gratia sanctam Synodum hujusmodi feliciter inchoandi, finiendique, Missam de Sancto Spiritu celebravit valde solemnem: eaque ad offertorium usque peracta; dictus Reverendus Pater Dominus Episcopus Chalcedonensis Suffraganeus, ac Sacræ Theologiæ Doctor insignis, in medio chori suggestum conscendens, orationem habuit, non minus piam, quam gravem, in hunc qui sequitur modum.

ORATIO

R. P. D. MARTINI, EPISCOPI CHALCEDONENSIS,
in Synodo Cameracensi habita.

Consideranti mihi varia mortalium studia, eorumque exitus, Reverendissime in Christo Præsul, Patres celeberrimi, Auditoresque optimi, nihil æque rarum videri solet, atque recta, nullaque sui parte claudicans Religio: quippe cum ejus studium, a naturæ Principe, & velut architecto Deo, omnium animis sic sit insculptum, ut tam ferus, & ab omni Religionis cultu remotus inveniat nemo, qui non illius studio aliquando tangatur: sic conscientia teste commendatum, ut in eo solo præcipuam mortalium salutem positam fore consiteamur; sic denique, vel ad hujus vitæ cursum feliciter regendum utile, ut ejus, vel qualicumque imagine, maximæ in terra Respublicæ constitutæ sint & firmatæ. In tanta tamen hominum multitudine, tot sæculorum decursu, pauci adeo veræ religionis & pietatis via ingrediuntur, aut ingressi ad finem, quo illa ducit, pergunt: ut in ea incidisse videamur tempora, quæ Timotheo Paulus scribens,

graphice depinxit, ad amussimque attigit. *In novissimis (inquit) diebus instabunt tempora periculosa, erunt homines se ipsos amantes, cupidi, elati, superbi, blasphemæ, parentibus non obedientes, ingrati, scelesti, sine affectione, sine pace, criminatores, incontinentes, immites sine benignitate, proditores, protervi, tumidi, voluptatum amatores magis, quam Dei; habentes quidem speciem pietatis, virtutem autem ejus abnegantes.* (k) Hæc ea periculosa esse tempora, quæ nos invenerunt, quis modo non dicet? Quando, rogo, licentius unquam abundavit iniquitas? Quando magis refrixit germana charitas? Prisca simplicitas in astutiam, castitas in nequitiam, liberalitas & parsimonia in luxum & avaritiam versa sunt. Justitia vel in odium, vel in gratiam declinavit: amissa est pietas: retinuumus nomen, immo in superstitionem pene succubuit: fides in perfidiam commigravit: quocumque vergas, quocumque oculos deflectas, non datur cernere, quod antiquam

(k) 2. Timoth. 3.

tiquam repræsentet morum honestatem. Vide in ipsiſ, qui ſanctimoniam proſequentur, quæ religio manum claudat porrectis muneribus? Quæ ſolitudo aures obſerat oblaris favoribus? Quæ gula communibus nunc eſt contenta ſaporibus? Quis ſe non iudicet vilem, ſi videat humilem? Quis non putet opprobrium, ſi ſe ſentit inglorium? Et ubi nunc quaero animi vere Chriſtiani tranquillitas? Nonne ubique doli mali, ubique convitiæ, ubique rixæ? Sunt, qui ſe putent frugem tenere, alios quiſquilas: ſe nucleum, alios puramina: ſe ſpiritum, alios mendacia. Ita ſua defendunt omnes, ut aliena rejiciant. Ita docent, ut non dicam, ex bonis, ſed & ex optimis peſſimos reddant. Teſtantur hæc exoticorum Monachorum, Monacharumque tot myriades: Loquuntur diruta, exultaque Monafteria: direpta prædicant Cenobia: clamant denique inter malum & inendum redactæ conſcientiæ. O tempora, o mores! Eo (proh dolor) demeritæ ventum eſt, ut etiam virtus probis vitio denur: vitium vero, abraſa verecundia, pudoreque convulſo, virtutis loco honoretur, dum ſaltem adſuerit, qui vel mediocriter didicit, fraudi ſicum addere. Sed quibus arietibus, qualibus copiis, quantave vi his malis occurrendum ſit, cogitare poterunt pauci, dicere nemo. De luxu, de libidine, de avaritia vitanda, poſitas eſſe leges a Patribus, nemo eſt, qui neſciat. De pietate, de juſtitia, cæterisque virtutibus, traditas eſſe normas, vel ineruditi novere: eas partim negligi, partim jacere, plus etiam, quam volumus, experimur. Proinde quibusdam in longum jam protractum, diu ſuſpenſum, deſideratur Generale Concilium, ſarciendæ ſiquidem religionis ſacra ac præſentiſſima anchora: rejicitur hoc aliis, non quod nova conſulta atque decreta aſpernentur: ſed veterum cuſtodiam Sanctionum in primis ducunt neceſſariam, ut leges jam rite poſitæ, per antiqua Concilia (quæ inconcuſſæ ſunt veritatis) pænæ ſaltem formidine, atque animadverſione in alios, cuſtodiantur; ne quicquid collibitum fuerit, impune feciſſe audeant impii: adeo ut cenſoribus, ut vindicibus legum ipſarum, atque aſſertoribus magis, quam legiſlatoribus opus eſſe non negent.

Verum cum tanti hujus mali, eam mihi viderer cauſam videre, quæ una fere omnis religionis exitium fuit: nempe vocationis noſtræ neglectum, viſum eſt mihi, inter hæc mala, ſpei plurimum reliquum eſſe: ſi modo mores, vitio temporum atque hominum collapſos, ad priſcæ virtutis normam inſtauremus, Paulinæ Epiſtolæ ad Ephēſios non

ſegnes Auditores; *Obſervò, (inquit) vos Fratres, ego vinſus in Domino, ut digne ambuletis vocatione, qua vocati eſtis.* (1) Itemque Petri Apoſtoli: *Fratres ſatagite (inquit) ut per bona opera certam veſtram vocationem & eleſtionem faciatis: hæc enim facientes non peccabitis aliquando.* [m] Et quidem, quantum ad animi mei ſententiam pertinet, duobus hoc mediis præſtabitur. Primum eſt, ut qui Paſtor eſt, Paſtoris fungatur munere. Alterum, ut qui oves ſunt, Paſtoris interim voci obediant unanimis: & hæc duo, niſi acceſſerint, periculum eſt, ne majora tonitrua ſimus experturi. Tonitrua? immo excidium ipſum Auguſtiſſimi Regni ac Imperii Chriſti, pietate olim, & optimis vivendi exemplis parti. Multa regna perdidimus, quoniam artes, per quas parta erant, non rennuimus. Tota Aſia Saracenis & Turcis ceſſimus: Africam Mahometica ſeſta involvit: Europæ major ac nobilior pars nobis adempra eſt, ut vix in Europæ angulo deſideamus. Futurum brevi, (ni Deus avertat) ut totus a nobis migret Chriſtus, excurratque ad exterâs noviter inventas inſulas. Sed longius fortaiſſis, quam res expoſcit, digredior. Quare in mediam ſylvam eorum, quæ dicenda ſunt, me totum proripio: modo exoratus adſit Spiritus ille ſepſiformis, qui ſapientia Salomonem, Daniele intellectu, Joſeph conſilio, Samſonem fortitudine, Moysen ſcientia, David pietate, Job denique timore proſequitur. Verum undenam poſſiſſimum hoc mihi exorem, niſi ab omnium largitore bonorum DEO Optimo Maximo, ejusque Genitricæ ſemper Virgine MARIA, cui pari dicamus voto: Virgo, DEI Genitrix, plena ſalutis, Ave.

Reverendiſſime in Chriſto Præſul, idemque Illuſtriſſime Princeps, Auditoresque optimi: Quamquam apud plurimos veſtrum mens ſolida ſit, fidesque firmior, quam quæ ad præſentis ſæculi violentos moveatur fluctus: Sed frangit potius ipſa, nec frangitur: tentationibus non vincitur, ſed probatur: tamen ne quis vel animi imbecillitate, aut ſæcularis vitæ dulcedine, aut denique veritatis errore, peſtoris ſui Divinum atque invictum robur exerere negligat; diſſimulandum mihi non eſt, nec tacendum: quin, quantum noſtra poteſt mediocritas, ſermone monitorio, delicatæ mentis ignavia utcumque reprimatur, ut quem Deus dignatus eſt vocatione ſua ſancta, Deo & Chriſto dignus habeatur. Principio igitur, ut jam dicere cœpimus, Paſtoris officii erit, veri ac ſupremi illius Paſtoris, CHRISTI Jeſu indeſſe ſubſequi veſtigia, invigilare gregi: ad hoc eniti, ut diſperſa recolligat, errantia reducat,

(1) Ephēſ. 4.

(m) 2. Pet. 1.

cat, refarciat collisa, relever prostrata, infirma stabiliat, utilia foveat, repellat noxia, ac denique amissa quæque recuperet. Præstabit autem hoc ipsum, si modo nihil in eo reperitur, quod ad ostentationem videri possit ascriptum: si mores sint defecati, & talis ubique sermonis habitus, ut loqui sentias vere Christianum, non eum, qui fucum facere didicit: pectus ardeat Evangelica pietate, pectori oratio respondeat: loquatur disertus, sed fortia magis, quam disertus: neque tam loquatur fortia, quam vivat Paulinæ monitionis indefessus observator: Exemplum, inquit, esto Fidelium in verbo, in conversatione, in charitate, in fide, in castitate. (n) Justam monitionis causam apud Corinthios explicans: Nemini, inquit, dantes ullam offensionem, ut non vituperetur ministerium nostrum. (o) Quod si amplius & apertius quid dictum velis, audies Principem Pastorum Petrum, Pastoribus officia præscribentem: *Pascite*, inquit, *qui in vobis est, gregem Dei, providentes, non coacte, sed spontaneæ secundum Deum: neque turpis lucri gratia, sed voluntarie, neque, ut dominantes in Clero, sed forma facti gregis ex animo.* [p] Nec deerunt hic (modo desiderentur) bonorum Pastorum exempla. Habes pro suo sæculo Samuelem Prophetam Domini. Hic post longam, ac bene administratam Pastoralis officii curam, non veritus vulgi censuram, non multitudinis furias, sed neque regia fulmina, confidenter loquitur: *Ego conversatus coram vobis ab adolescentia mea usque in hanc diem, ecce præsto sum. Loquimini de me coram Domino, & coram Christo ejus, utrum bovem cuiuspiam tulerim, aut asinum: si quempiam calumniatus sum: si oppressi aliquem: si de manu cuiusquam accepi; & contemniam illud hodie, restituamque vobis.* O recti sibi conscientium Pastoris animum! Sed audi, Non es, inquiunt, nos calumniatus, neque oppressisti, neque tulisti de manu cuiusquam quidpiam. (q) Jungunt innocentiae testimonium conscientiae puritati. Prodeat hic in medium novi testamenti Pastor, qui plus omnibus laboravit, Paulus: *Memores, inquit, estis, Fratres, laboris nostri & fatigationis. Nocte & die operantes (ne quem vestrum gravavimus) prædicavimus Evangelium Dei: Vos testes estis, & Deus, quam sancte & iuste, & sine querela vobis, qui credidistis, adjuvamus: sicut scitis, qualiter unumquemque vestrum, sicut Pater filios suos, deprecantes vos & consolantes, testificati sumus, ut ambularetis digne Deo, qui vocavit vos in suum regnum & gloriam.* Ad Thessalonicenses (r). Auditis hic Pastores, duorum Pa-

storum gloriam, testimonium liquidem conscientiae illorum. Sed quorumquemque putatis hoc nostro sæculo reperiri Pastorem, cui ex æquo testimonium perhibeant conscientia & oves? Timerem ego, si Malachias Propheta plerosque nostri sæculi Pastores cerne-
ret, rursum diceret: *Vos recessistis de via, & scandalizastis plurimos in lege; propter quod & ego dedi vos contemptibiles & humiles omnibus populis.* (s) An non in nos completa est Prophetica hæc maledictio? *Jam facti sumus opprobrium, sublannatio, & irrisio inimicis nostris.* (t) In nos comminiscuntur crimina, in nos occinendo jaculantur convitia, & convitiando varia impingunt nomina. Proinde concludendum est [proh dolor!] ut audentis quid dicam, Pastorum quorundam corruptos mores non modo his imprecationibus ansam dedisse; verum etiam [filiorum Heli exemplo] a Divino cultu, ab omni pietate, denique & a Dei Sacrificio plurimos deteruisse. Nec sane mirum, Chrysostomo teste, qui omne malum e templo prodire docet. Quandoquidem a plebeis fortis hominibus, si quid forte sit prætermisum socordia, vel temeritate admissum; quemadmodum iactura levior, ita & incommodum, quod acceptum est, faciliore remedio sarcitur. At vero Presbyteri vel unica cessatio, semel præcipitatum consilium, quas nonnunquam tempestates excitat? quantas rerum humanarum ruinas secum trahit? Videmus probatam vitam Pastoris, in sui amorem ac sequelam allicere etiam improbos, velint, nolint. At contra, corrupti mores pios in errorem abducunt; impios vero, sacra commiscere prophanis, adulterare legitima, ac denique antiquare Christi Sacramenta compellunt. Quis enim assentiretur bonos mores suadentibus, si pessimis ipsi suaves involvantur? Quis religioni, quam colunt, initiari per eos cuperet; quos vider, quod ore afferunt, factis pernegare? Quotquot adestis Pastores, hæc melius nostis, quam opus sit audire Martinum: Periculum tamen majus est, voluntatem Dei cognovisse, & in Dei voluntatis opere cessavisse. Pastores quidem multi sumus, sed unum gregem pascimus, si tamen pascimus. Quoruscunque nostrum, rogo, Noe imitator, aptat arcam in salutem domus suæ? Quotus, qui cum Moyse, suorum gratia, deleri cupiat e libro vitæ? Quotus, qui Hieremias imploret lachrymas? Rarus, qui nunc Phinees imbiberit zelum: rarior, cui cum Paulo arrideat, anathema fieri pro fratribus: rarissimus tandem, qui cum Christo animam suam ponat pro ovibus suis.

(n) 1. Timoth. 4.

(q) 1. Reg. 12.

(r) Psal. 43. 78.

(o) 2. Cor. 6.

(s) 1. Thessal. 2.

(p) 1. Pet. 5.

(t) Malach. 2.

fuis. Sed numquid nobis interim vel negligentia segnis, vel duritia crudelis ascribitur in die iudicii, quod Pastores creditas, commissasque nobis oves, nec curare in pace, nec in acie voluerimus armare? Multum metuenda est nobis [Patres ornatissimi] tremendi iudicii comminatio, *Ve Pastoribus Israel, qui pascebant semetipsos! Lac comedebatis, & lanis operiebamini: & quod crasum erat, occidebatis: gregem autem meum non pascebatis.* (u) Quapropter ad memoriam revocemus, succumbentibus licet, & cadentibus ceteris, Mattathiam legem Dei vindicasse fortiter (x): Heliam Judæis deficientibus, atque a Religione Divina recedentibus, steterisse & certasse sublimiter (y): Daniele nec solitudine regionis alienæ, nec persecutionis assidue infestatione deterritum, nec minis armisve fractum; sed victorem Regem in ipsa sua captivitate vicisse [z]. Horum moneamur, moveamurque exemplis; ut ad Religionis unitatem scissi utcumque corporis membra componamus. Largiter quidem acies adhuc geritur, & agon quotidie celebratur: sed perniciofa interim est ad sequentium lapsum somnolentia præpositi: nec tam perniciofa, quam contra utile, cum se per fidei, doctrinæque firmamentum ovibus præber imitandum: & ut paucis multa perstringam, a vita Pastoris pender ovium salus, sanctimonia, religio, denique & vita, & mors ipsa.

Altero loco, Patres integerrimi, quantum mihi & videre, & judicare conceditur, farsciendæ religioni necessarium duxi, ovium, hoc est, subditorum unanimum obedientiam. Non hic requiro, ut oves, instar Hieronymi saxo pectus identidem verberent: neque postulaverim, ut Hilarionis inedia affluant: minus etiam efflagitaverim, ut in spinis, aut nive, volutentur cum Benedicto & Bernardo: sed hoc solum deprecor, ut Paulo obediant, non modo loquenti, sed & præcipienti: *Obedite Præpositis vestris, & subjacete illis: ipsi enim pervigilant, quasi rationem pro animabus vestris reddituri.* (a) Alioqui quid præstabit vel Moyses ipse, si ovis recalcitrantis equi imberit fervorem? Samuel, quo ducet, si non modo errer, sed & referiat ovis? Aerem verberabit & Paulus docens, si ovis a veritate auditum avertat. Ornamentum itaque ovium obedientia est. Nam illa quantum, & quid possit, supervacaneum fortasse videbitur apud colentes, vel refricare saltem decus suum. Ipsa

est pax domus, concordia caput, disciplina bonorum suggerens morum. Hæc nos Deo commendat, convertit Christo, beata ipsa, & beatos efficiens. Hanc nunquam accusare possunt, nec qui eam non habent: venerabilis suis hostibus, dum illam mirantur magis, qui expugnare non possunt. Hæc unica, omnibus retro sæculis prædicanda Abrahamæ opera, ad cælos usque evexit (b): domui Rechab inmarcescibilem peperit gloriam (c): & immortalem Naaman Syro sanitatem comparavit. (d) Quid Heliseum commemorem? qui pallio Heliaë humeris imposito, prompte vocantem sequutus, demum ipsum sui Magistrum pallium, & duplicem ejusdem spiritum est consequutus. (e) Neque hic prætermittenda est Christi Jesu obedientia illa singularis, qua sibi conciliavit Nomen, quod est super omne nomen; ut in Nomine JESU omne genu flectatur, caelestium, terrestrium, & infernorum (f): Nobis vero ipsissimam Iustitiam. Sicut enim per unius hominis inobedientiam peccatores constituti sunt multi: ita & per unius obedienciam justii constituentur multi. (g) Adferet tortas illis [nunquam juxta condignum laudatæ] obedientiaë magnam gloriaë partem, si inobedientiaë spectemus ingloriam. Primum hominem paradiso expulit inobedientia: [h] Saulem ex millibus filiorum Israel selectissimum, primum itemque ejus populi Regem, regia exuit dignitate: [i] Contemptam ac abjectam reddidit Vasthi Reginam [k]: Mari Jonam immergit Prophetam (l): Sic & Chore, Dathan & Abyron, qui sibi contra Moysen & Aaron sacrificandi licentiam vindicare conati sunt, penas statim pro suis conatibus penderunt. (m) Aaronis filii, dum alienum, prohibitumque ignem altaribus imponunt, in conspectu Domini statim vindicantis extincti sunt. (n) Ozias Rex, resistente Azaria Sacerdote, thuribulum ferens, Divina indignatione confusus, lepræ varietate in fronte maculatur. [o] Denique Heli filii, Ophni & Phinees, paternæ correctionis ac monitionis furdi auditores, bellico gladio fusi sunt. [p] Præteriret me tempus, vel ex millibus saltem aliqua referre volentem. Sed quam, quæso, interim sibi pacem promittunt obedientiaë hostes? Profecto nec Deo adherere, nec sibi ipsis hæreere possunt. Ardeant licet, flammis & ignibus traditi, vel bestiis objecti, animas suas ponant; non erit ibi fidei corona, sed perfidiaë pœna: nec religiosa virtutis exitus gloriosus; sed desperatio.

O o o o 3

ratio-

(u) Ezech. 34.

(x) Dan. 14.

(y) Hierem. 35.

(z) Philip. 2.

(a) 1. Reg. 13.

(m) Num. 16.

(p) 1. Reg. 4.

(x) 1. Mach. 2.

(a) Hebr. 13.

(d) 4. Reg. 5.

(g) Rom. 5.

(k) Hester. 1.

(n) Levit. 10.

(y) 3. Reg. 18.

(b) Rom. 4.

(c) 4. Reg. 2.

(d) Gen. 3.

(f) Jon. 1.

(p) 2. Paral. 26.

rationis interitus. Occidi tales poterunt, coronari non poterunt. Quod si avulsus ab arbore ramus germinare potest: si a fonte præcisus rivulus non exarefcit; & qui extra obedientiam est, fructificabit, irrigabitque. Sed coherere non potest amaritudo cum dulcedine, caligo cum lumine, pluvia cum serenitate, pugna cum pace, cum fecunditate sterilitas, cum fontibus siccitas, cum tranquillitate tempestas, sed neque cum inobedientia sanctitas. *Qui enim vos spernit, me spernit, (q)* ait Salvator. Itemque ad Samuelem dicitur: *Non te abjecerunt, sed me. (r)* Neque enim aliunde hæreses obortæ sunt, aut nata sunt schismata; quam quod Pastoribus Dei non obtemperetur. Viderint, qui vel furori suo, vel libidini servientes, & Divinæ Legis ac Sanctitatis immemores, ob aliquorum de Clero corruptos mores, obedientiam omnem propellere laborarunt. Reputemus & nos, quam sit stultum, sic odisse mores quorundam Pastorum, aut Monachorum; ut ofores ipsi fiant illis deteriores: sinistro tantum oculo proximorum vitia contemplant, in aliena lincei, in sua talpis cæciores. Claudendus est iis sinister oculus, & dexter vicissim ad eorum virtutem aperendus. Quod si virtutum candidi fuerint æstimatores, levius offenduntur vitiis, habebuntque, quod in suam inspiciant manticam, a tergo in pectus revolutam.

Verum ego plurimam forsan orationis partem, obedientiæ ofores infectando, sine fructu perdo. At hac me indignatio tulit. Ferre enim nequibam, ut tanta illi petulantia de subditorum obedientia scurrarentur, & qui se totos Apostolicos aiunt, & confitentur evangelicos, Apostolum ignorarent, qui non modo bonis & modestis Dominis, sed etiam discipulis parendum docet.

Sed jam complicanda sunt vela, inhibendi remi, recepruique canendum est. Audistis quidem pauca, Patres optimi, opinor non ingrata. Plura, scio, dici potuisse, & copiosius & elegantius, sed parcendum duxi aurium fastidio. Quamvis ergo ad Divinæ monitionis Præcepta vos exhorter: nihil mihi aliud votivum, quam ut per omnia nostræ vocationis memores, quibus populi commissi sunt, & tam multa sunt curæ, perfecti stemus in Domino, sitque unusquisque, quod esse debet, qualisque haberi vult, scientes nos esse templum Dei, membra Christi, habitationem Spiritus Sancti, electos ad spem, consecratos ad fidem, & destinatos ad salutem, filios Dei, coheredes Christi, conforres Spiritus Sancti, qui cum Patre & Filio vivit benedictus in sæcula. DIXI.

Qua quidem oratione habita, dictæque Missæ sacro peractæ, quoniam hora tardior erat, quam ut ad Synodi negotia tunc procedi posset, iussu præfati Domini Reverendissimi intimatum fuit ad Synodum vocatis, & præsentibus, ut postridie hora octava eodem redirent, Sacrum & concionem audituri, ac deinde in Sacello Episcopali, dictæ Ecclesiæ Cathedrali contiguo sive vicino, ejusdem Synodi negotia tractaturi.

Die itaque subsequente Reverendissimo Domino Episcopo, una cum dicto Reverendo Patre, Domino Episcopo Chalcedonensi, Suffraganeo suo, cæterisque Prælati, ac Patribus Synodalibus, in choro prædictæ Ecclesiæ Cathedralis personaliter convenientibus: idem Reverendissimus Dominus, finito Sacro, Pontificalibus indutus, e vestuario ad Altare majus accessit, lectisque certis precibus, decantatum fuit Sacrosanctum Christi Evangelium Matthæi. Post hæc Religiosus & Eximius Verbi Dei Concionator, Frater Petrus Fabri, Ordinis Minorum Sancti Francisci, in concionem ascendit, dictumque Dominum Reverendissimum, ac Patres Synodi, ad hunc modum cohortatus est:

Attendite vobis, & universo gregi, in quo vos Spiritus Sanctus posuit Episcopos, regere Ecclesiam Dei, quam acquisivit sanguine suo.

Verba hæc, Reverendissime in Christo Pater, idemque Sacri Imperii Princeps, Pastores vigilantissimi, Patres quoque, ac Domini observandissimi, sunt Beatissimi Apostoli nostri, Presbyteros Ecclesiæ Ephesinæ una congregatos, alloquentis, quæ Divus recenset Lucas *Cap. XX. Actuum Apostolorum*, quibus præsens hæc nostra oratio innitetur: si modo auctori & referatori Divinarum Scripturarum complacuerit, mentes nostras suo lumine illustrare, corda accendere, labia calculo ignito purgare, verbumque suum nobis dare Evangelizandum virtute multa. Neque enim querendi nobis sunt lactei eloquentiæ sæcularis fontes, non denique Ciceronis, aut Demosthenis, seu Homeri, vel hujus generis hominum, sermones ornatissimi: verum eo vel in primis opus

(q) Luc. 10.

(r) 1. Reg. 8.

opus est, ut detur mihi sermo in apertione oris mei cum fiducia, notam facere mysterium Evangelii, pro quo legatione (quamquam immeritus) fungor. Quod ut assequi valeamus, Sacratissimam Mariam, Mediatricem nostram, Domino Deo gratissimam, atque ab eo in omnibus suis precibus exauditam (cui Verbum Divinum, miraculo inenarrabili, cooperante Spiritu Sancto, se totum contulit) interpellamus, religioso more dicentes: Ave.

Neminem esse arbitror, Præful Dignissime, Princepsque Illustrissime; qui non animadvertat hujus sacrae Synodi Diocesanae scopum esse, collapsorum in hac Ecclesia, juxta normam Evangelicam, Ecclesiasticamque disciplinam, redintegrationem perverforum morum tum in Clero, tum etiam in populo reformationem. Atque ut obstruatur via hæreticorum perfidiæ ac pestilentiae, ne in hunc gregem invadat. Id quod cum annis superioribus proxime elapsis, feliciter iachœatum fuerit in Comitibus illis Augustanis, a CAROLQ. Maximo, Cæsare Augustissimo, sacrosanctæ nostræ fidei zelantissimo, (qui & hodie huic negotio totus incumbit ibidem) pro instauratione Ecclesiæ Germanicæ; Te quoque, ceu Sacri Imperii Principem, non tantummodo Pontificem, ut id ipsum huic Ecclesiæ tuæ præstares, Suae Majestatis ad tuam dignitatem Epistola gravissima, benigne est adhortatus. Cujus piis votis faciens satis impræsentiarum opus vere & sanctum, & necessarium ad Domini gloriam, gregisque tibi crediti commoditatem (ut spero) non exiguum, juridice exorsus es. Opere pretium itaque fuerit, principio brevibus commemorare vivendi morem, ordinemque, nobis a Domino Deo Optimo Maximo, & a Patribus traditum; ut postmodum contueri liceat lucidius, unde exciderimus: quatenus tandem ad correctiorem vivendi modum singulos pro vitiis revocemus: Si quidem mos ille deejusmodi rebus differendi, reperitur a Sanctis Prophetis non raro usurparus. Prodeat igitur primo in medium eximius Propheta Moyses, is, inquam, qui cum Domino JESU Christo, Majestate plenus videtur in monte, & Israellem Dei verum [populum videlicet Christianum] alloquatur, ut eum de primæva Domini institutione erudiat: ait enim Dominus: (s) Dominus elegit te bodie, ut sis ei populus peculiaris, sicut locutus est tibi, & custodias omnia præcepta illius, & faciat te excelsoiorem cunctis gentibus, quas creavit in laudem, & nomen, & gloriam suam, ut sis populus sanctus Domini Dei tui. Nos autem sumus (Viri Patres) quibus hæc

dicuntur. Nos haud dubium olim Athei, exleges, alieni a republica Israelis, hospitesque testamentorum promissionis, quos ex abyssis suis impercrutabilibus Divina bonitas gratis elegit, vocavit, justificavit: quibus insuper regni sui æterni possessionem, æternam in cælestibus mansionibus jubilationem, sui que immensi boni securissimam fruitionem interminabilem repromisit; si tamen in hac vita constituti, ipsius atque Ecclesiæ Catholicæ indeviabilis sponsæ suæ leges ac præcepta; suis freti luminibus Divinissimis, benedictionibus dulcedinis, ac quibusvis præfidiis cælestibus, ad finem usque sincere observare voluerimus. Et ut nihil nobis deesset, dedit, semperque daturus est, Ecclesiæ suæ in terris degenti ac militanti, æconomos, seu sacrorum mysteriorum, Sacramentorumque Cælestium Dispensatores, quorum Divus meminit Paulus his verbis: Dominus dedit quosdam quidem Apostolos, quosdam autem Prophetas, alios vero Evangelistas, alios autem Pastores, ac Doctores. (x) Cujus rei gratia, o Paule? Ad consummationem, inquit, Sanctorum, in opus ministerii, in ædificationem Corporis Christi, id est, Ecclesiæ. At usquequo, aut quamdiu hæc erunt in Ecclesia? O Apostole? Donec, ait, occurramus omnes in unitatem fidei, & agnitionem Filii Dei, in virum perfectum, in mensuram ætatis plenitudinis Christi. Quibus sane verbis intelligendum est, ordinem hunc Hierarchicum in Sancta Dei Ecclesia ad finem usque permanens. Semel, [namque] loquitur Deus, & secundo idipsum non repetit, ut est apud Job. (u) Horum primi fuerunt Beatissimi Apostoli, & Discipuli Domini JESU, quorum vos [Patres celeberrimi] nunc Successores estis. His ergo hunc in modum dispositis ac ordinatis, quid nobis dicatur, audiamus: Nunc igitur, Israel, ait Moyses, quid Dominus Deus petit a te, nisi ut timeas Dominum Deum tuum, & ambules in viis ejus, & diligas eum, ac servias Domino Deo tuo, in toto corde tuo, & in tota anima tua, custodiasque mandata Domini, & ceremonias ejus, quas ego bodie præcipio tibi, & bene sit tibi? En Domini Dei tui Cælum est, & Cælum Cæli, terra, & omnia, quæ in ea sunt, & tamen Patribus tuis conglutinator est Dominus, & amavit eos: elegitque semen eorum post eos, id est, vos, sicut bodie comprobatur. (x) Jam vero quis non obstupescat, quisve non ingenti quodam horrore concutiat in tantorum nostrarum discrimine, cum videamus Fidem prope modum defecisse, spem deperisse, charitatem refrixisse prorsus, immo & in plerisque extinctam, & omnes omni-

(s) Deut. 26.

(x) Ephes. 4.

(u) Job. 33.

(x) Deut. 10.

no virtutes a terminis nostris veluti profi-
gatas. Abiit honesti, rectique studium: ac-
cipimus ferme universi in vanum animas
nostras: gratias Dei varias in vacuum rece-
pimus: prævaricatores sumus legum natu-
ræ, Divinarum, atque humanarum: irreligi-
ose tractantur & plebi ministrantur Sacra-
menta Cœlestia ac Ecclesiastica, unde con-
tempnus: omnia confusa permixtaque sunt,
& verficatum est, quod Sancti prædixerunt
Prophetæ: *Sicut populus, sic Sacerdos.* (y)
Ambitio, bonorum appetentia, avaritia, lux
dominantur, abusus in dies magis cres-
cunt, imo abusus abusus invocatur. Quam-
obrem in abominandas hæreses, pesticio-
sissimasque seditiones incidit pars maxima
Ecclesiæ nostræ Christianæ, quo fit, ut mo-
res ac instituta Patrum orthodoxorum, pro
lege tenenda; nunc spreta jaceant: Magi-
stratum, Potestatumque impudentissimi con-
temptores, impune cervicibus elatis incedunt:
Divinissima ac tremenda mysticæ mensæ
Mysteria, Pœnitentia, Ordo, cæteraque Sacra-
menta nedom negliguntur; verum etiam in-
audita a sæculo opprobriis, blasphemis ab
impiis imperantur. O Viri Prudentissimi,
quæ, quæso, sunt hæc? Quis unquam talia
vidit? Quis prioribus sæculis pacatis, vel
existimare potuisset, Christianos eo demen-
tiæ arque insanix pervertutos, quo eos de-
venisse jam [proh dolor] cernimus? Nul-
lam profecto huic similem passam est ab ex-
ordio Ecclesiæ Christi calamitatem. Nulla
unquam pestis capitalior, nullum denique
facinus intolerabilius. Et hæc quidem me-
rito patimur ob scelera nostra, id quod luce
clarius Daniel sapientissimus referat de cor-
nu hirci, scilicet Antichristi, loquens (cujus
figuram Antiochus, radix peccati dictus,
gessit) & dicens: (z) *Magnificatum est
usque ad fortitudinem Cæli*, id est, Ecclesiæ:
ventilat enim hoc tempore cornu illud uni-
versum orbem Christianum: *Et deiecit de
fortitudine, & de stellis, & conculcavit eas.*
Has vero reor esse stellas, quarum idem me-
minit Vates dicens: *Qui ad justitiam erudi-
unt plurimos, quasi stellæ in perpetuas æterni-
tates*, [a] (& Salvator in Evangelio præ-
dicebat: [b] *Quoniam stellæ cadent de Cælo*.)
Et usque ad Principem fortitudinis, id est,
Christum, Dei virtutem, Principem omni-
um longe fortissimum, *Magnificatum est, &
ab eo tulit iuge sacrificium*: (c) quod Hebraice
hattamid dicitur, hoc est, sempiternum:
quo procul dubio supremum illud Missæ sa-
crificium designatur, quod Summus Ponti-
fex noster Jesus Christus, ministerio Sacerdo-
rum suorum rite ordinatorum, ad finem uf-

que sæculi pro nobis in Ecclesia sua offert
Deo. *Et deiecit*, (ait Propheta) *locum sancti-
ficationis ejus*; Hoc est, quicquid ad cultum
Divinum, Ceremonias sanctas, & Statum
Ecclesiasticum spectat, delevit prorsum.
Addit autem Daniel, [d] dicens: *Robur ve-
ro datum est ei contra iuge sacrificium propter
peccata, & prosternebitur veritas in terra, &
faciet, & prosperabitur.* Quid [Viri Patres]
manifestius dici potuit? Quis adeo cæcus
est, qui non videat ea impleri in hæresibus?
Abjecimus Legis Divinæ jugum suavissimum,
non parvum voci Domini. Ideoque stilla-
vit super nos maledictio hæc, superindu-
ctum est in nos malum permaximum, qua-
le nusquam fuit sub omni Cælo: ut idem
deplorat vates capite sequenti. Præcipue
autem vitis atque desidæ Pastorum, Docto-
rum, Principum ac Magistratum, & im-
putandum venit hoc malum: ubi enim gradus
cellis, ibi ruina major. Rem vero ita ve-
re pleraque literarum Divinarum testimonia
comprobant, e quibus id primum se se of-
fert, quod Dominus ipse Sacerdotibus Levi-
ticiis [sed multo magis Evangelicis] ait Nu-
meri XVIII. *Excubate in custodia Sanctua-
rii, ne oriatur indignatio super Filios Israel.*
Ubi non dixit: Ne oriatur indignatio super
vos; sed: *super Filios Israel*, ostendens,
punientur se Sacerdotum peccata in populo.
Subscribit huic Eliaïas (e) ingemiscens ac
dicens: *Omne caput languidum, & omne cor
marens.* Et quid inde? *A planta pedis*, ait,
usque ad verticem, non est in eo sanitas. Ejusdem
quoque sententiæ est sermo Divinus apud E-
zechielem, (f) Pastores sani quidem ac integri
in rebus Divinis Judicii, sed ramen sceleratæ
vitæ, corripiens, & dicens: *Cum purissimam
aquam biberetis, reliquam pedibus vestris turba-
bitis, & oves meæ bis, quæ conculcata fuerant,
pascebantur, & quæ pedes vestri turbaverant,
hæc bibeant.* Vulgus namque ad exempla
mala sectanda admodum proclive & para-
tum est, desidiosum vero ac pigrum ad bo-
num. Confirmat hanc nostram sententiam
author operis imperfecti in Matthæum, sive
is sit Chrysostomus, sive quivis alius, Ho-
milia XXXVIII. sic inquit: *Si Sacerdotium
integrum fuerit, tota Ecclesia foret: si autem
corruptum fuerit, omnium fides marcida est.*
Et paucis interpositis, subjunxit: *Si Sacer-
dotes fuerint in peccatis, totus populus conver-
tetur ad peccandum.* Ob quod Irenæus, Epi-
scopus Lugdunensis, testatur, [g] huic uni
invigilasse Apostolos Domini, ut hi, quos
Ecclesiis præcisebant, valde perfecti essent:
quibus emendate agentibus, fieret magna uti-
lias, lapsis vero, summa calamitas. Hæc
autem,

(y) Esa. 24. Osee 4.

(b) Marth. 24.

(c) Esa. 1.

(z) Daniel 8.

(d) Dan. 8.

(f) Ezech. 34.

(a) Ejusd. 12.

(d) Ibid.

(g) Iren. L. 3. adverf. Hæreses. c. 3.

autem, non ut detrahamus, loquimur, sed potius, ut a malis errabundos retrahamus. Quod vero plebs (quæ est Principis hæreditas) sceleratorum suorum Principum luat pœnas, testatur Scriptura sancta capite 20. Genesios : & item secundi Regum ultimo, ubi David Rex plagam, in populum suum ob piaculum ab eo admissum sævientem, cernens, dixisse fertur Domino: *Ego sum, qui peccavi: ego, qui inique egi; isti, qui oves sunt, quid fecerunt?* Cum igitur maledictio hæc (qua supra modum vexatur) a capite primum, & exinde a membris oriatur, non abs re vestras convenimus dignitates [Viri ornatissimi] paraclesi illa Apostolica, qua Paulus Presbyteros, ac majores natu Ecclesiæ commonefaciebat, dicendo: *Attendite vobis & universo gregi.* (b) Vobis primo dicit, deinde gregi. Deponentes itaque veterem hominem, cum actibus suis, vitam agite vestro ordine ac gradu dignam. Ambulate digne Deo, digne Evangelio Christi conversemini. *Conversationem vestram inter gentes habetote bonam, ut in eo, quod detrahant de vobis, tamquam de malefactoribus; ex bonis operibus vos confideantes, glorificent Deum in die visitationis.* (i) Atque utinam huic Ecclesiæ hac congregatione & visitatione Synodali contingat, quod Dominus per Esaiam pollicetur, dicens: *Ponam visitationem tuam pacem, & Præpositos tuos iustitiam.* (k) Ubi Græce pro Præpositis *ἐπισκόπους* legimus. Sequitur: *Non audietur ultra iniquitas in terra tua, vastitas & contritio in terminis tuis: & occupabit salus muros tuos, & portas tuas laudatio.* Excitant hostes tragedias adversus Ecclesiasticos, probris ac contumeliis eos afficiunt, quos venerari in primis debebant. Anhelant ad cædes, & ut Esaias inquit, *Omnia quæ loquitur populus iste, conjuratio est.* [l] Sumunt arma, ut universum Ordinem Ecclesiasticum (si fieri possit) funditus disperdant: id quod jam (peccatis nostris?) ut credimus, vindictam expostulantibus longe lateque peregrissent, nisi Dominus, Ecclesiæ suæ misertus, per CAROLUM Maximum Cæsarem, Christianissimum ipsius Ecclesiæ Protectorem, Defensoremque strenuissimum ac invictissimum, eorum ferocissimis conatibus jam crebro occurrisset. Tollantur itaque abusus, abiciantur ea, quæ dignitatem Ecclesiasticam labefactant. Nimirum Dominus Deus, qui dixit, de tenebris lumen splendescere, quique usque adeo bonus est, ut [Augustino teste] norit etiam ex malis bona elicere, his modis ac mediis [ut conjicimus] ad respi-

scientiam salutarem, atque vitam in melius commutandam, nos vocat. Ut autem nonnulla, & ea quidem, quæ hominum animos magis movere solent, particulatim commemoramus, obsecramus pro Christo, evellatur primum radix amaritudinis, ebrietas, a qua reliqua omnia nefanda opera in his regionibus prodeunt. Est nempe ipsa (ut Deiser ille Basilius Magnus loquitur) spontaneus Dæmon, ex voluptate in animas irruens. Ebrietas, (inquit ipse) mater malitiæ, hostis virtutis, rationis donum per maximum [quo homo a brutis differt, & omnibus corporeis superior est] extinguit, ac prorsus tollit. In qua re differt a brutis, o homo? Nonne dono rationis, qua a Conditor accepta, Princeps ac Dominus omnis creaturæ factus es? Qui itaque sibi ipsi prudentiam, rationemque per ebrietatem detrahit, collatus est pecoribus, mentem non habentibus, ipsisque assimilatus est. Atque ego sane dixerim, ebriosos rationis magis expertes, quam pecora. Hucusque Basilius. (m) Sane si ebrietas grande crimen non esset; Esaias non in has maledictionis prorupisset voces: (n) *Væ, qui potentes estis ad bibendum vinum, & viri fortes, ad miscendum ebrietatem! Væ, qui consurgitis mane ad ebrietatem sectandam, & potandam usque ad vespertam, ut vino assueti!* Cithara & lyra, & tympanum, & tibia, & vinum in convivii vestris, & opus Domini non respiciitis, nec opera manuum ejus consideratis. Propterea captivus ductus est populus meus, quia non habuit scientiam, & nobiles ejus interierunt fame, & multitudo ejus siti exaruit: Propter hoc dilatavit infernus animam suam, & aperuit os suum absque ullo termino: & descendent fortes ejus, & populus ejus, sublimis gloriosique ejus ad eum. O tremendam sententiam! Estis [ornatissimi Domini] Principes populi Dei, quos Dominus constituit super omnem terram: Estis Reges, quibus panis supersubstantialis pinguis delicias præbet: Insigniti estis regalis Sacerdotii titulo. Dicit autem Salomon: *Noli Regibus, O Lamuel, noli Regibus dare vinum: quia nullum secretum est, ubi regnat ebrietas.* (o) Ubi igitur erit arcanorum consiliorum, imo & ipsius Judicii Divini, coram Sacerdotibus pro reatuum absolutione, secretum tam necessarium? Nolite ergo deinceps inebriari vino, in quo est luxuria. [p] Sed & ipsa quoque scæda luxuria ac libido sordida, prorsus rejicienda est. Estis enim præ cæteris vera, vivaque Dei veri & vivi templa. Porro si quis Templum Dei viola-

verit,

(b) Act. 20.

(l) Esa. 8.

(n) Esa. 5.

(i) 1. Petr. 2.

(m) S. Basil. Tom. I. Homil. contra ebriosos.

(o) Prov. ult.

(k) Esa. 60.

(p) Ephes. 5.

verit, disperdet illum Deus. (g) Estis proinde sacrifici, quibus veritum est, alienum ignem offerre. Nadab quippe & Abiud, filii Aaron, offerentes hujusmodi ignem alienum; interempti sunt coram Domino. (r) Piaculum autem istud concupiscentiæ carnalis, ignis est [hanc dubium alienus] usque ad perditionem in devorans, & omnia eradicans genimina, uti testatur sanctus Job. (s) Nam opes ad nihilum redigit [quia, qui nutrit sortum, perdet substantiam (x)] vires corporeas exhaurit, corruptiones varias corporibus infert, (Apostolo dicente) Quoniam, qui seminat in carne sua, de carne & metet corruptionem: (u) famam (qua nihil præstantius est) tollit, animi hebetat solertiam, mentis oculos cæcat, miseris animas donis suis Divinis, ornamentisque celestibus privat ac spoliatur, quas tandem stagno ardenti igne, & sulphure adjudicat. Multa profecto hic adduci possent, quæ prolixitatis vitandæ gratia omitto. Id nihilominus silentio minime committendum duxi, vos stellas eas esse, quas habere dicitur Dei & hominis Filius in dextra sua. [x] Stellæ vero nequaquam corruptioni sunt obnoxie. Estis denique Angeli Ecclesiarum, superantes etiam inter Angelorum celestium dignitatem. Cui enim Spirituum celestium dedit Dominus Deus potestatem supra corpus suum, tam verum, quam mysticum? Quibus dixit aliquando Spiritibus: Ecce Ego dispono vobis, sicut disposui mihi Pater meus, regnum, ut edatis & bibatis super mensam meam in regno meo, & sedetis super thronos, judicantes duodecim tribus Israel? (y) Celestes ergo cum sitis; agite celibatum. Eltore gratia, quod sunt angelici Spiritus natura. Hic esse incipite, quod consummate in Celis futuri estis. Ob oculos mentis ponite, vos & vices gerere Filii Virginis, Sponsique Virginitatis JESU CHRISTI, & Sponsæ suæ Virginis illibatæ esse ministros. Mundamini igitur, qui fertis vasa Domini. (z) Lavamini, mundi estote, auferte malum cogitationum vestrarum. [a] Talis nempe debet esse [Divo Hieronymo teste] pudicitia Sacerdotalis, ut non solum ab opere se immundo absteineat; sed etiam a jactu oculi, & a cogitationis errore: mens, Christi corpus confectura, sit libera. Præterea explodatur de medio, Christi Domini interemptrix avaritia mala, ut possitis cum Apostolo, hoc in loco libere proclamare: Argentum & aurum nullius vestrum concupivi. (b) Tollatur commutatrix

peffima Simonia, ne cuiquam dicatur: Pecunia tua tecum sit in perditionem, quoniam Donum Dei existimasti pecunia possideri. (c) Gratis accepistis, gratis date. (d) Sincere ministrantur plebi spiritalia. Abscedat, juxta Sacrorum Conciliorum Canonicas Sanctiones, Beneficiorum pluralitas. Liceat quidem [ut Apostolus loquitur (e)] his, qui in Sacrario operantur, quæ de Sacrario sunt, edere: & qui Altario deserviunt, cum Altari participare. Ita enim & Dominus ordinavit his, qui Evangelium annuntiant, de Evangelio vivere. Quis namque militat suis stipendiis unquam? Quis plantat vineam, & de fructu ejus non edit? Quis pascit gregem, & de lacte gregis non manducat? Dignum procul dubio, rationique consentaneum est, ut, Qui bene præfunt Presbyteri, duplici honore digni habeantur, maxime, qui laborant in verbo & doctrina sana. (f) Veruatamen amovendi, abolendique sunt excessus quidam, qui novissimis his diebus irrepsērunt, tum in quorundam Sacramentorum & spiritalium ministracione, tum etiam in Præbendarum, Dignitatum, atque Beneficiorum Ecclesiasticorum, vel collationibus, vel permutationibus; ne deinceps vituperetur ministerium nostrum, veluti jam factum est. Alioqui vereor plurimum, ne Dominus veniat, & cito, ut evertat (quod tamen a vobis avertat) Cathedras horum vendentium columbas in templo suo. Exinde, tollatur in opere servitutis Ecclesiasticæ ambitio dominandi, ac tam nociva honorum appetentia: nec quisquam sumat sibi honorem, sed qui vocatur a Deo tamquam Aaron, sicut & Christus non semetipsum clarificavit, ut Pontifex fieret. (g) Quiescant igitur, quicumque a Deo, & ab Ordinariis vocati non sunt, a tantis talibusque animarum curis ac sarcinis: & non nisi charitatis necessitate cogente, animarum regimen suscipiant, hoc præsertim sæculo, deploratis jam rebus, & exitio proximis. Mirum revera valde est, quod, cum [ut ait D. Basilii (h)] Evangelici ritus jam penitus sublato rerum ordine sint confusi; inexplicabilis tamen, & inexplabilis irruptio est ad Præfecturas. Quid (inquit D. Gregorius Nazianzenus (i)) te ipsum facis Pastorem; cum sis ovis? Quid caput efficeris, cum sis pes? Quid attentas ducere exercitum; cum inter milites gregarios dumtaxat sis ordinatus? Sit igitur sua quisque sorte contentus. Locus etenim ille superior (sine quo populus regi non potest) est ita, ut de-

(g) 1. Cor. 3.

(h) Prov. 29.

(i) Luc. 22.

(j) Act. 20.

(k) 1. Cor. 9.

(l) S. Basil. L. de Spiritu S. c. 30.

(m) Levit. 10.

(n) Galat. ult.

(o) Esa. 52.

(p) Act. 8.

(q) 1. Timoth. 5.

(r) S. Greg. Naz. de moderandis Disputationib.

(s) Job. 31.

(t) Apoc. 1.

(u) Esa. 1.

(v) Matth. 10.

(w) Hebr. 5.

cer, teneatur atque administretur, tamen indeceter appetitur, uti Divus prodidit Augustinus. (k) Demum celebrentur rite, omnique cum reverentia, Divinissima ac tremenda Missarum & Sacratissimæ Eucharistiæ mytheria, cum reliquis laudis Divinæ Sacrificiis. Solvant omnes calceamenta de pedibus suis, loca sancta ingressuri, id est, mortua quæque deponant opera. Deambulationes illæ in templis cum colloquiis prophanis (ut interim taceam de obscenis & corruptissimis) auferantur, præsertim dum Divina celebrantur Officiâ. Memores estote zeli Domini, quo semel atque iterum tales expulsi de templo sancto. Et ut semel dicam: *Attendite vobis* in omnibus, declinantes ab universis nequitiiis, sectemini virtutes præclaras & optimas. Profecto enim [Viri Patres] totius rei nostræ summa penes vos resider. Nam dum boves arare cæperint, tum alinæ pascuntur juxta eos: & ubi non sunt boves, præsepe vacuum est. Pastorum est præcedere greges suos, ut ipsi eos sequantur. Tempus itaque nunc est, ut incipiat judicium a domo Dei. Si quidem & Dominus apud Ezechielem, (l) justitiæ sui Ministris ait: *A Sanctuario meo incipite*. Quod si nosmetipsos judicaverimus, non utrique dijudicabimur. Etsi (Viri præstantissimi) Judices orbis, vos ipsos ergo primum judicate. *Vos estis sal terræ, quod si sal evanuerit, aut infusum fuerit, in quo solietur, seu condietur? Ad nihilum valet ultra, nisi ut mittatur foras, & conculetur ab hominibus. Vos estis lux mundi.* (m) *Si autem lumen, quod in te est, tenebræ sunt, ipse tenebræ quantæ erunt.* (n) Et, ut ingenuè fatear, his rationibus moveor, ut existimem, nostræ Reipublicæ moderatores nusquam solis dumtaxat suppliciiis extincturos hujusce hæreseos, ac seditionis flammam copiosissimam, nisi amoris scandalis publicis, deterfisque flagitiis, errore intolerabile continentibus, accesserit Pastorum, Principum, moderatorum plebis, Doctorum, Religiosorum, ac quorumlibet Sacerdotum religiosa & pia vita. O igitur piaculum pleno lachrymarum fonte plangendum! O scelus inextinguibile, nullis unquam suppliciis, nullis ignibus, nulla gehenna satis vindicandum, si tantorum flagitiorum & criminum apud Deum rei inventi fuerimus, & si inescari, nescio, quibus deliciis ac voluptatibus sordidis, non destiterimus tantæ animarum stragis causas præbere! Sitis itaque tales, quales astringit non raro Divus Paulus oportere vos esse. *Oportet* [inquit] *Episcopum, & quemlibet*

Ecclesiæ Præpositum, sine crimine esse, sicut Dei dispensatorem, non superbum, non iracundum, non vinulentum, non percussorem, non turpis lucri cupidum: sed hospitalem, benignum, prudentem, sobrium, justum, sanctum, continentem, amplectentem eum, qui secundum Deum est, fidelem sermonem, ut potens sit exhortari sana doctrina, & eos, qui contradicunt, arguere. [o] Sint enim oportet Pastores, Doctores & docti. Jungenda est eruditio charitati & pietati. *Suscipiant itaque montes pacem populo, & colles justitiam.* [p] Sedeant ad Domini pedes cum Maria. *Qui enim appropinquant pedibus ejus, accipient de doctrina illius.* (q) Legem namque requirit populus ab ore Pastorum & Doctorum. Caveant, ne sint cæci cæcorum duces. Per Prophetam namque comminatur Dominus, dicens: *Quia tu scientiam repulisti, repellam te, ne Sacerdotio fungaris mihi.* [r] Attende ergo (quicumque Pastor es) tibi & doctrinæ (ut Apostolus admonet) *intra in illis: Hoc enim faciens, & te ipsum salvum facies, & eos, qui te audiunt.* (s)

Non solum autem dicitur: *Attendite vobis*; sed &: *gregi universo*. Sane quam plurima sunt in grege ovium rationalium, ob quæ illi attendendum est. *Pascite, qui in vobis est, gregem Dei,* (ait Apostolorum Princeps (t)), pascite scientia & doctrina. Pascite cibis Sacramentalibus, *Attendite gregi.* Provideat prudentia vestra non tam personis, quam Ecclesiis. Probenitur primum, qui ipsis Ecclesiis præficiendi sunt; ut inculpati cognoscantur, priusquam illis animarum cura demandetur, & sic ministrent, nullum crimen habentes. *Sufficient vobis omnia scelerum vestra, domus Israel* (ait Dominus apud Ezechielem (u)) *eo quod inducitis filios alienos incircumcisos corde, & incircumcisos carne, ut sint in Sanctuario meo, & polluant domum meam: & offertis panes meos, adipem, & sanguinem* (en Sanctissimæ Missæ mysterium) *& dissolvitis pactum meum in omnibus sceleribus vestris: & non servastis præcepta Sanctuarii mei, & posuistis custodes observationum mearum in Sanctuario meo vobismet ipsi.* Audiant hæc Principes Ecclesiarum, & hi, quorum est providere gregi Dominico. *Attendite gregi*: non vestris, aut vestrarum privatis commodis terrenis: sed ante omnia attendite, ut corrigantur excessus ferme innumeri subditorum. Quis enim enumerare sufficit ebrietates, homicidia, impudicitias, immunditias, adulteria, sacrilegia, horrendas blasphemias, diernum Sanctorum tam Dominicorum, quam aliorum quibusvis

ope-

(k) L. 19. de Civit. DEL. c. 10.

(n) Matth. 6.

(g) Deut. 33.

(t) 1. Petr. 5.

(l) Ezech. 9.

(o) 1. Timoth. 3.

(r) Ose. 4.

(u) Ezech. 44.

(m) Matth. 5.

(p) Psal. 71.

(s) 1. Timoth. 4.

operibus servilibus prophanationes? Taceo de circumventionibus, usurariis contractibus, furtis, mendaciis, odiis, rixis, contentionibus, & ejus generis iniquitatibus. Quidnam aliud dicturi sumus de his, qui Christianismi titulo insigniri volunt, nisi quod hodie versantur perinde atque exleges, ac professionis suae penitus immemores; ita, ut obliiri sint, se Christianos esse? Quid egregiae dotis in his videbis? Quae impietatis indicia non potius appareant in ipsis? Vestrum autem est (Viri Patres) errata corrigere. Ob id namque vobis data est potestas, non in destructionem, sed in aedificationem: ea ratione baculum geritis pastorem. Corrigitur itaque errata Virga Ecclesiasticae potestatis, ne impropere vobis illud Ezechielis: (x) *Quod infirmum fuit, non consolidastis: & quod egrotum, non sanastis: quod confractum est, non alligastis: & quod abjectum est, non reduxistis: & quod perierat, non quaesistis: sed cum austeritate imperabatis eis, & cum potentia.* Statuantur denuo, & serventur cum Legibus Divinis, Sacrorum Conciliorum, Patrumque Orthodoxorum sanctae Sanctiones. Alioqui vereor plurimum, ne Dominus tot tantisque criminibus exacerbatus; plagam saevissimam in populo mittat, & moveat nonnulla candelabra de locis suis, quemadmodum in prophetia nova committatur. *Ite ad locum meum in Silo* (ait nobis Dominus (y)) *ubi habitavit nomen meum a principio: & videte, quae fecerim ei, propter malitiam populi mei Israel.* Quid quaeso, fecit Dominus loco & Sacerdotio illi? Corruit populus in bello: Ophni & Phinees, filii Heli Sacerdotis interempti sunt: Arca Dei ab hostibus capta est. Idem Heli Sacerdos de sella cadens retrorsum, fractis cervicibus, mortuus est, & translata est gloria Domini de Israel, uti est in priore Samuelis. At cur ea contigerunt illis? Haud dubium propter iniquitatem (ait Dominus). Quam iniquitatem? Quia noverat Heli (z) Sacerdos indigne agere filios suos, & non corripuerit, seu prohibuerit eos. *Et nunc igitur* (ait Hieremias Propheta, [a] nobis loquens) *quia fecistis omnia opera haec, dicit Dominus, & locutus sum ad vos mane consurgens & loquens, & non audistis me: Vocavi, & non respondistis. Faciam domui huic, in qua invocatum est nomen meum, & in qua vos habetis fiduciam, & loco, quem dedi vobis, & Patribus vestris, sicut feci Silo; & projiciam vos a facie mea, sicut projeci omnes fratres vestros.* O verba supra modum expavescenda, & non solum verba, sed fulmina atque horrenda tonitrua! *Projiciam vos* (inquit) *a facie mea,*

sicut projeci omnes fratres vestros, scilicet similes vobis. Haec quippe praescitis illis in figura, confingebant, quae (Apostolo attestante) scripta sunt ad correptionem nostram; quatenus pestilente flagellato, stultus & sapientior fiat, & emendatius vivat. Hoc sane unice postulabat David. Id unum formidabat, ne projiceretur a facie Domini.

Satagite itaque, Viri & Patres ornatissimi, ut Leges sanctae statuuntur & observentur, idque quam fieri poterit, festinantissime. Forſan enim sunt ejus generis Ecclesiae morbi, quorum curatio longiorem moram non ferat, & tam lenta remedia adhibere sit periculofum. Maturate igitur, Patres optimi, iterum vobis dico, maturate. Neque vero satis fuerit, Leges condere, aut promulgare. Prudenter quippe & graviter admonet Aristoteles, frustra condi bonas leges, nisi sint, quorum opera bene conditae servantur. Imo fit alioquin nonnunquam, ut optime conditae leges in summam Reipublicae perniciem vertantur, vicio Magistratum. Hoc autem jure optimo a vobis exigitur, ut videlicet attendatis gregi universo, quando quidem Spiritus Sanctus vos posuit in ipso grege Episcopos, id est, Superintendentes ac Praepositos, regere, seu ad regendam Ecclesiam Dei, quam acquisivit sanguine suo. Ad opera igitur, ac labores ac sudores assumpti estis. Si quidem nomen Episcopi (si Augustino credimus) non tam honoris est, quam oneris & operis [b]; ut intelligat, se non esse Episcopum, qui praesce dilexerit, non prodesse. Itaque omnem operam vestram gregi vobis commissio ex animo impendere satagite, ut regatur: pro quo unigenitus DEI Filius, Dominus noster JESUS CHRISTUS, ad mortem usque acerbissimam accedere non recusavit. Proinde animadvertite / Pastores egregii) quam sit nobile ac pretiosum depositum, quod vobis Spiritus Sanctus servandum, regendumque commisit. Tale haud dubium ac tantum est, quo nihil pretiosius in mundo est, quod non nisi pretiosissimo Filii DEI incarnati sanguine & morte (juxta tamen inenarrabiles consilii Divini dispensationes atque dispositiones) redimi poruit. Reputate ex pretio rei emptae, hoc est, Ecclesiae, & animarum, eximiam quamdam dignitatem: & curate diligentius, ut nihil desit officio vestro, & gregi vobis credito, seu Ecclesiae illi, quam Dominus Deus sibi ipsi sanguine suo acquisivit. Nam si sanguinem illum pretiosissimum penes vos in vase aliquo reconditum haberetis, quanta (obsecro) cum reverentia & diligentia asservaretis? Quid igitur ego infelix, ait devotus Bernardus, c) quo

(x) Ezech. 34.

(y) Hierem. 7.

(z) 1. Reg. 2. 3. & 4.

(a) Hierem. 7.

(b) S. Aug. L. 19. de Civit. Dei. c. 19.

(c) S. Bern. Serm. Dom. 3. Advent.

quo me veram, si tantum thesaurum, si pretiosum depositum istud, quod sibi Christus sanguine proprio pretiosius iudicavit, contingerit negligentius custodire? Veniet, veniet, tremenda dies illa, quando requireretur a pravis ac desidiis Pastorum sanguis ovium, suo ipsorum vitio, suaeque ignavia perditarum, pro quibus redimendis sufficienter effusus est sanguis optimi Redemptoris, æquissimi Iudicis. Apostolum itaque rursus audite (Pastores dignissimi) dicentem vobis: *Attendite gregi.* At quam ratione tantopere, tamque sedulo Pastores horum, quæ prædicta sunt, commonefacis, O electissime Paule? Ego scio, inquit [d], quoniam intrabunt post discessionem meam lupi rapaces in vos, non parcentes gregi. Quos vero luporum nomine designare voluerit, aperit mox subiungens: *Et ex vobis ipsis exurgent viri, loquentes perversa, ut abducant a via recta discipulos post se.* Hoc autem huic nostro sæculo turbulentissimo, vel maxime convenire quis ambigit? Advenerunt procul dubio dies pessimi, ac tempora periculosa, a sanctis Apostolis & Prophetis Domini, vaticiniis prænuntiata, in quibus omnis priorum vesania & malitia adunata cernitur, quæ ob id maxime formidanda est: virtus namque unita fortior est seipsa dispersa. Redierunt in miseris hæreticis Lutheranis Chore, Darhan, atque Abiron, qui volentes temere lupi vindicare Sacerdotium ac Primatum, aiunt veris Ecclesiæ Rectoribus: Sufficiat vobis, quia omnis multitudo Sanctorum [seu sancta] est, & in ipsis est Dominus. (dd) Cur elevamini super populum Domini, Babylo-nii, Macedones, Diocleriani, Decii, & ejusmodi tyranni immanissimi? His diebus templa Domini succenderunt, diruerunt, profanarunt, sacris vestibus, ac quibusvis ornamentis spoliarunt: venerandas imagines plerisque contumeliis affecerunt. Denique quod jus, quæ lex, quæ honestas, quæ virtus, quæ sanctitas, ab his terribis monstis non violatur? Hi sunt lupi rapaces, non parcentes gregi, nihil verentes, audaces, omnem potestatem blasphemantes (ut ait Divus Petrus [e]) qui non metuunt sectas introducere. Sane horum aliqui sunt Joviniani, alii Pelagiani, alii Manichæi, alii Heluidii, alii Vigilantii, seu potius Dormitantii, alii Berengarii, Hussitæ alii, imo sunt nonnulli Athei. Deficiet me tempus, si his recensendis amplius incumbere voluero. Ex nobis exierunt, sed non erant ex nobis. Si enim fuissent ex nobis, permansissent utique nobis-

cum. (f) Nunc autem abierunt retrorsum: circumferunt passim libellos veneno lethali, igneque infernali refertos, quibus incautos quosque ac instabiles ad suas absurdas pertrahant opiniones: vacant conventiculis: *Insidiantur in abscondito, quasi Leo in spelunca sua.* (g) Hi sunt [ut Divus Judas ait] *nubes sine aqua, quæ a ventis circumferuntur: arbores autumnales, infructuosæ, bis mortuæ, eradicatæ: fluctus feri maris, despumantes suas confusiones: sydera errantia, quibus procella tenebrarum servata est in æternum.* (h) Propter quod vigilate, memoria retinentes, quoniam per triennium nocte & die non cessavi cum lacrymis monere unumquemque vestrum. (i) O vere pectus Apostolicum! o vocem tanto dignam Pastore, ab universis Pastoribus veris recolendam frequentius! *Non cessavi (inquit) cum lacrymis nocte & die per triennium monere unumquemque vestrum.* Heu! Heu Pastores! quis nostrum dicere veraciter poterit cum eodem Apostolo: *Quis infirmatur, & ego non infirmor? Quis scandalizatur, & ego non uror?* (k) Quot scandala, quot morbos, imo & mortes, quot errores tum vitæ, tum doctrinæ sunt apud Christianos? Et tamen quam paucissimos cernimus, qui manus porrigant adiutrices rebus jam ferine desperatis. *Lac comedebatis* (ait per Ezechielem Dominus [l]) *& lanis operiebamini, gregem autem meum non pascbatis.* Nos ergo dicamus Pastoribus: Vigilate, ut contraria curentur contrariis. Sane dormitio Pastorum ac Rectorum plebis, pertulit inimicum hominem seminare zizania in medio tritici Domini, ut est in parabola Evangelica: *Cum autem* (ait Christus) *dormirent homines, venit inimicus homo, & superseminavit zizania (m).* Ubi Chrysostramus (n) sic habet: Vides hæreseos causam hanc esse, quod homines dormierint, quod negligentes fuerint. Abjiciant ergo diligentia ac vigilantia, quod negligentia ac desidia introduxit, quæ revera magna olim fuit, estque usque ad hanc diem. Loquatur Esaias, loquatur præco Evangelicus. *Speculatores ejus, id est, Ecclesiæ, cæci* (inquit) *omnes, nescierunt universi: canes muti, non valentes latrare: videntes vana, dormientes & amantes somnia: & canes impudentissimi nescierunt saturitatem.* Ipsi Pastores ignoraverunt intelligentiam, omnes in viam suam declinaverunt, unusquisque ad avaritiam suam a summo usque ad novissimum. *Venite, sumamus vinum, & impleamur ebrietate, & erit sicut hodie, sic & cras, & multo amplius.* (o) Non dubitabo

P P P P 3

pro-

(d) Aët. 20.

(dd) Num. 16.

(e) 2. Petr. 2.

(f) 1. Joann. 1.

(g) Psal. 9.

(h) Jud. cap. unic.

(i) Aët. 20.

(k) 2. Cor. 11.

(l) Ezech. 34.

(m) Matth. 13.

(n) Chrysostr. in fragmento quodam Epist. prioris ad Cor. super illo: *Oportet hæreses esse.*

(o) Esa. 56.

proferre illam Domini vocem apud Ezechielem (p): *Disperse sunt oves meæ, eo quod non esset Pastor, & factæ sunt in devoracionem omnium bestiarum agri, & disperse sunt. Eravaverunt greges mei in cunctis montibus, & in universo colle excelso, & super omnem faciem terræ dispersi sunt greges mei, & non erat, qui requireret: non erat, inquam, qui requireret. Auditisne perditionis causam? Huic concinne respondet Hieremias, sic inquiens: (q) Quia stulte egerunt Pastores, & Dominum non quaesierunt, propterea non intellexerunt: & omnis grex eorum dispersus est. Vigilate itaque, Pastores venerandi, tum in his, quæ contra bonos mores succreverunt, tum etiam & maxime in his, quæ sanctissimæ nostræ fidei adversantur. Disquirite exactius, num lateat anguis in herba. Cavete, ne vel scintilla una hæreseos in terminis vestris foveatur. Ait quippe Divus Hieronymus (r): Doctrina perversa ab uno incipiens, vix duos, aut tres primum in exordio reperit auditores; sed paulatim cancer serpit in corpore: & juxta vulgare Proverbium, unus pecudis scabies totum commaculat gregem. Igitur si scintilla apparuerit, statim extinguenda est, & fermentum à massæ vicinia femovendum: secundæ putridæ carnes, & scabiosum animal a caulis ovium repellendum; ne tota domus, massa, corpus, & pecora, ardeant, corrumpantur, putrescant, intereant. Arrius in Alexandria una scintilla fuit; sed quia non statim oppressa est, totum orbem ejus flamma populata est. Hactenus Hieronymus. Vigilate ergo in omnibus, tamquam rationem reddituri Domino de animabus vobis commissis, ut cum gaudio id faciatis, & non gementes. Sed jam receptui canendum est.*

Ad tuam igitur Celsitudinem [tandem concludens] stylum converto, Præsul Dignissime, Illustrissimeque Princeps: quatenus tuam colendissimam Dominationem ad solertem vigilantiam supra gregem tuum adhorter. Tamen non sum nescius, tuam Dignitatem (me etiam tacente) super hoc negotio abunde monitam; facio nihilominus, quod est Provinciæ meæ. Utraque potestate ornatus incedis, utraque manu fulciris. Esto igitur (ut Græci aiunt) *ἀμφιδέξιος*, hoc est, utere utraque manu pro dextera. Jam enim lupos a caulis tuis strenue expulisti, ad Domini gloriam, gregis tui quietem, atque nominis tui laudem non exiguam. Perge igitur, ut quod feliciter cepisti, optime succedat: animæquior esto: Jam enim Leo cognosceris ex unguibus, Leonis illius vices gerens, de quo scriptum est: *Eccce vicit Leo de Tribu Juda.* (s) Denique Patres, ac Do-

mini observandissimi, Sanctum Judam (t) audite. Vos autem [ait] Charissimi, superadificantes vosmetipsos sanctissimæ nostræ fidei, in Spiritu Sancto orantes, Vosmetipsos in dilectione Dei servate, expectantes misericordiam Domini nostri JESU CHRISTI in vitam æternam. Et hos quidem arguite judicatos, illos vero salvate de igne rapientes. Aliis autem miseremini in timore, odientes & eam, quæ carnalis est, maculatam tunicam. Et nunc cum Apostolo Commendo vos DEO, & verbo gratiæ ipsius, qui potens est edificare, & dare hereditatem in Sanctificationis omnibus. (u) DIXI.

Postquam ergo finis esset dictæ concionis, Dominus Reverendissimus, Benedictione Episcopali omnibus impartita, cum aliis Patribus & Prælati, ac Cleri ordinibus ad Sacellum prætectum, locum Synodi negotiis accommodum & specialiter deputatum, accessit.

Quibus ordine confidentibus, primo jussus est recitari Catalogus eorum, qui ad Synodum vocati fuerant, eidemque interesse tenebantur; quo scilicet de comparentium prompta obedientia, & absentium contumacia, seu inobedientia evidenter constare posset. Cumque inter Patres, Dominosque Synodi præsentibus, nonnulli de suis protestarentur privilegiis & exemptionibus sibi (ut asserabant) concessis; antedictus Reverendissimus, & Illustrissimus Princeps, ne protestationibus, aut dissensionibus sancta Synodus dissolveretur, aut in longum protraheretur, neve debito suo frustraretur effectu; per egregium Virum Dominum & Magistrum Remigium Druicium, utriusque Juris Licentiatum, Officiale suum, declaravit, seu declarari fecit, se non intendere, neque velle privilegiis & exemptionibus, si quas habeant dicti protestantes (quod non credebatur, neque credit) in aliquo præjudicare; sed neque suæ authoritati, vel jurisdictioni præjudicium aliquod generari.

Deinde lectis nonnullorum absentium Procuratoris & mandatis, petit idem Dominus Reverendissimus a Patribus Synodi, num sufficientia, an vero juxta antiqua Statuta Synodalia, in primo titulo de Pertinentibus scilicet ad Synodum, con-

tentia

(p) Ezech. 34.
(u) Apocal. 5.

(q) Hierem. 10.
[t] Jud. Cap. unic.

(r) S. Hieron. L. 3. Commentar. in Epist. ad Gal.
[u] Act. 10.

tenta, in primis visitanda & examinanda forent. Collectisque dein singulorum suffragiis dicta procuratoria, mandataque maturo iudicio diligenter expendenda conclusit, admittendaque, si sufficientia; rejicenda vero, si insufficienter, aut aliter, atque dicta requirunt statuta, confecta forent.

Leſtisque deinde Sacræ Cæſareæ Majeſtatis litteris, ad præſatum Dominum Reverendiſſimum datis, dictoque convocationis mandato, quo celerius ad negotiorum Synodi tractationem & concluſionem procedi poſſet: ex ſingulis ejusdem Synodi ſtatibus, ſeu ordinibus designati fuere certi Deputati, qui una cum Deputatis, ſeu Vicariis præſati Domini Reverendiſſimi, abſentium procuratoria, mandataque eadem die a prandio ſedulo perlegerunt, perleſtaque mature expendunt.

DIE vero *TERTIA* dicti menſis Octobris, præſidente Reverendiſſimo Domino, ac Patribus, ſinguliſque Synodi ordinibus; in dicto Sacello Episcopali Gratia ſua utrimque aſſidentibus, ſimul ac Sacrum inibi per Reverendum Patrem, Dominum Abbatem Sancti Auberti Cameracenſis, primum Sacellatum, Cantoresque Muſicos dicti Reverendiſſimi Domini decantatum erat; illi, qui litteris convocationis præſcriptis obtemperare, aut ad Synodum, nulla ſubſiſtente legitima cauſa, comparere neglexerant, autoritate Synodali contumaces declarati: alii vero, quorum procuratoria ſufficere non videbantur, ad certum tempus a contumacia excuſati fuerunt.

Quibus ſic actis Reverendiſſimus Dominus Patribus ordinibusque Synodi cauſam indiſtionis & convocationis hujus Conventus, ſive Concilii Synodalis exponi, eosque, ut una ſecum de modo exequendi Reformationem, per Cæſaream Majeſtatem ſtatibus Eccleſiaſticis in Comitibus Auguſtanis propoſitam, & ab eiſdem probatam & receptam, deque vitiis, abuſibus, & ſcandalis, e Clero & populo tollendis, & erigendis, mature deliberarent & in commune conſulerent, per dictum ſuum Officiale ſequenti verborum forma cohortari juſſit.

PROPOSITIO ET COHORTATIO AD PATRES SYNODI.

Reverendi Patres, Venerabiles, & Religioſi Viri & Domini: Reverendas Paternitates veſtras latere non arbitror, quod Clementiſſimus & Invictiſſimus Princeps & Dominus noſter, CAROLUS Quintus, Romanorum Imperator ſemper Auguſtus, publicæ pacis & tranquillitatis vindex, Comitibus Auguſtanis, Anno quadregeſimo octavo, menſe Majo celebratis, omnem animi conſilique rationem in id contulerit, ut pro admirabili ſua prudentia ſimul & ſuſcepto cœlitus Eccleſiam Catholicam tuendi officio, religioni prope univerſæ, improborum licentia oblitteratæ, opem ferret, eamque Divina aſpirante gratia in tutum tranquillitatis portum de mediis procellarum, turbinumque fluctibus reduceret: ique fieri poſſe illius Majeſtas exiſtimavit, ſi Eccleſiarum mores, vitæque ratio ad meliorem ſanctioremque normam revocarentur. Itaque Sacra Cæſaris Majeſtas ſtatibus Eccleſiaſticis Imperii (de quorum numero Dei Gratia Reverendiſſimus Dominus noſter Episcopus, & Dux Cameracenſis exiſtit) Formam Reformationis, Scripturis Sacris, Divinitusque inſpiratis Canonibus, conſentaneam, deque ſacrorum voluminum penu, piorum, literatiſſimorumque hominum induſtria depromptam propoſuit: quam maturis deliberatione & conſultatione præviis, dicti Imperii Status Eccleſiaſtici approbarunt, & exequendam ſuſceperunt, prout jam diu eandem in ſuis Conciliis Provincialibus & Synodalibus cœteri publicarunt, & obſervari diſtrictè mandarunt. Quapropter Reverendiſſimus, & Illuſtriſſimus Princeps, & Dominus noſter, deſiderans, ſe ſe cæteris Imperii Principibus, & concluſioni in Comitibus Auguſtanis capræ (ſicuti tenetur,) conformare, nec non litteris Sacræ Cæſareæ Majeſtatis, Anno quinquageſimo, Bruxellæ ad Gratiâ ſuam Reverendiſſimam ſcriptis (quibus eandem, ut prædictam Reformationis Formulam in univerſa ſua Diœceſi, & ditione Eccleſiaſtica promulgari, vitiaque, abuſus & ſcandala, quæ paſſim irrepſerunt,

runt, e medio tolli, corrigi, & in melius reformari, solícite & fideliter curaret, adhortatur) prompte & benevole obtemperare & satisfacere: Reverendas Paternitates vestras ad primam diem Octobris, Divo Remigio sacram, literis patentibus convocari, & prædictam Reformationis Formam in hac sancta Synodo publicari iussit, palam coram Paternitate vestra declarans, se quantum personam suam, ordinem, dignitatemque respicit, per omnia eidem satisfacere velle: daturum quoque operam, ut & Officiales & ministri sui eandem (Sanctissimi Domini nostri, prout maximi, & Reverendissimi in Christo Patris, Archiepiscopi Remensis, Superioris nostri, auctoritate semper salva) observent. Itaque Reverendam Paternitatem vestram, ut, exutis omnibus affectibus humanis, simul cum Reverendissima Paternitate sua de modo exequendi eandem, deque vitiis, abusibus, & gravibus scandalis (si quæ sunt) extirpandis, sancte & pie deliberetis, serio adhortatur & admonet; quo Deo Optimo Maximo, Creatori nostro, & Serenissimæ Cæsareæ Majestati gratus, Ecclesiæque & Dicecisi Cameracensi salutaris sit hujus in Sancto Spiritu congregatæ Synodi fructus & exitus.

Atqui ne necessarium foret, in Statutis novis concipiendis ad executionem dictæ Reformationis conducenibus, longum tempus impendere, nonnulla statuta nova, de Mandato Reverendissimi Domini nostri collecta, & concepta, coram Reverenda Paternitate vestra legentur: super quibus in hac sancta Synodo deliberandum erit, an sic statuenda & publicanda videantur.

Continuo iussu dicti Reverendissimi, honorabilis Vir, Magister Hubertus de Clusis, ipsius Domini Reverendissimi a Secretis, Formulam Reformationis præscriptæ a capite ad calcem usque, nec non articulos quosdam, pro illius executione ad formam seu modum Statutorum Synodali-um conceptos & redactos, palam recitavit atque perlegit. Cumque dicti articuli unica duntaxat lectione per totam Synodum mature expendi non possent; permixti idem Reverendissimus dictæ Synodi Patribus, ut ex singulis ordinibus aliquos deputarent & seligerent, qui super articulis & statutis, modo jam dicto

conceptis, mature inter se se deliberarent, Vicariisque, seu deputatis ejusdem Gratiæ suæ referrent, ut cum ipsis consulere possent.

Quo circa Patres, singulique ordines Synodales subscripti, suos designarunt deputatos, ad, super præactis articulis, sive statutis, eorumque tenore, aliisque pro parte Domini Reverendissimi propositis, eadem die a prandio ac subsequen- tibus diebus mature deliberandum, ac cum illius Gratiæ Reverendissimæ Vicariis, seu deputatis, consulendum.

Deinde quo singula acta, conclusiones, & decreta, fideliter exciperentur, & conscriberentur; præfatus Reverendissimus Domini Secretarius, adjuncto sibi Domino Joanne de Fontanis, insignis Ecclesiæ Cathedralis Notario, communibus omnium & singulorum Patrum, ordinumque vocibus & suffragiis, hujus sanctæ Synodi Scriba deputatus fuit.

EADEM DIE circa horam quartam pomeridianam, ac *DIE SUBSEQUENTI*, Deputati Patrum, ordinumque Synodi in Sacello Episcopali simul congregati, petita & obrenta prius dictorum articulorum seu statutorum copia, Provinciam negotiumque, sibi a sancta Synodo commissum, sedulo continuoque prosecuti sunt, eosdemque articulos, sive Statuta, aliaque pro parte Domini Reverendissimi proposita, diligenter expenderunt & discussurunt, atque ea, quæ sibi in eisdem corrigenda, seu moderanda videbantur, eidem Reverendissimo per gratiæ suæ Secretarium ac Scribam Synodi prædictum referri iusserunt.

Multis itaque deliberationibus & consultationibus utrimque, privatim & communiter præhabitis, ac nonnullis eorum, quæ in dictis articulis continebantur, mutatis seu correctis, & quibusdam additis,

Tandem *DIE QUINTA* dicti mensis Octobris, circiter horam quartam post meridiem, Patres, ordinesque Synodi denuo in Sacello, ac loco Synodali præacto confidentes, articulos & Statuta prædicta, sub iis tenore & forma, quibus per Reverendissimum, ac Deputatos Synodi visitata, moderata, & correctata erant,

erant, unanimiter omnes acceptarunt, laudarunt, & probarunt; consentientes, ut eadem taliter edantur, publicentur, districtæque sub pœnis & censuris inibi contentis, ab omnibus & singulis observari mandarentur: quorumcumque tamen exemptionibus, privilegiis, immunitatibus, libertatibus & juribus quibuscumque, semper salvis.

Et insuper, ut antiqua Civitatis & Diœcesis Cameracensis Statuta Synodalia ad certam juris & æquitatis normam redigi, dictaque Synodus celebrius abfolvi, & terminari posset; præfati Patres, ordinesque Synodales, certos suos unanimi voce & suffragio elegerunt ac designarunt Deputatos, ad una cum dicto Domino Reverendissimo, ejusve Vicariis, antiqua Statuta præacta, autoritate præsentis Synodi visitandum, discutiendum, innovandum, approbandum, addendum, diminuendum, superfluaque, ac præfenti Sæculo minus consentanea, rescandum, abusus quoque audiendum, & corrigendum, ac desuper, si opus fuerit, statuendum. Ita tamen, ut alterum Deputatorum ex singulis Ordinibus, cum Vicariis, seu Deputatis Domini Reverendissimi, in præmissis præsentem esse sufficiat.

Deinde Reverendissimus & Illustrissimus Princeps supplicationem generalem, postridie circiter horam octavam cum delatione imaginis Deiparæ Virginis, a Beato Luca depictæ, solemniter celebrandam decrevit, omnibusque Synodi Patribus & Ordinibus intimari jussit, ut dicta hora in Palatio suo Episcopali singuli eo habitu, quo prima die comparuerant, adessent, supplicationem ejusmodi decoraturi, ac Missam de Sancta Trinitate pro gratiarum actione, a Reverendo Patre, Domino Suffraganeo, decantandam, atque Constitutionum, seu Statutorum Synodaliū prædictorum, iteratam relationem & publicationem audituri.

DIE itaque *SEXTA* antedicti mensis Octobris, supplicatione ac Missa ad Offertorium usque peractis, idem Reverendissimus Dominus Statuta & Constitutiones præactas per, præfatum suum Secretarium ac Synodi Notarium subscriptum, Gratia suæ Reverendissimæ astantem, alte & intelligibili voce recitari & publicari fecit: illaque autoritate Synodali, juxta formam & tenorem, sub pœnis & censuris inibi comprehensis districtius observanda decrevit, aliaque fecit & fieri voluit, atque mandavit, quemadmodum in eisdem Statutis & constitutionibus subscriptis plenius continetur. Quibus quidem, ordine ac modo præscriptis, Dei gratia feliciter gestis, Missaque finita, & Benedictione Episcopali, a Reverendissimo, casula, mitra, & superhumerali, cæterisque Pontificalibus induto, omnibus impartita, Synodus ipsa (facultate & autoritate, prædictis deputatis, quoad veterum Statutorum Synodaliū visitationem, ac alias, ut præmittitur, concessis, in suo robore nihilominus manentibus) soluta fuit.

Postremo Deputati Domini Reverendissimi ac Patrum, ordinumque Synodi præactæ, *DIE SEPTIMA* & *OC-TAVA* mensis Octobris, juxta Provinciam, & facultatem sibi ab eadem sancta Synodo concessam, antiqua Statuta Synodalia, prius etiam jussu Domini Reverendissimi per Jurisperitos visitata, ac in ordinem redacta, continuo, diligenterque expenderunt, examinarunt, & discusserunt: eademque modo & forma in fine dictorum Statutorum veterum subscriptorum contentis, autoritate dictæ Synodi corrigenda, seu moderanda, augenda, innovanda, approbanda, & imprimenda concluserunt, reliquis omnibus antiquis Statutis Synodalibus, tanquam antiquatis, seu obliteratis, ac præfenti sæculo parum congruentibus, omisiss.



SEQUUNTUR

DECRETA SYNODI DIOECESANÆ CAMERACENSIS,

*Præsidente Reverendissimo & Illustrissimo Principe, Domino
ROBERTO DE CROY &c.*

ROBERTUS DE CROY, DEI GRATIA, EPISCOPUS ET DUX CAMERACENSIS, SACRI IMPERII PRINCEPS, COMES CAMERACESII, &c. UNIVERSIS ET SINGULIS ECCLESIAE NOSTRAE CATHEDRALIS, AC MONASTERIORUM ET ECCLESiarUM QUARUMCUMQUE PRÆLATIS, ABBATIBUS, ABBATISSIS, PRIORIBUS, PRÆPOSITIS, DECANIS, CAPITULIS, ARCHIPRESBYTERIS, PLEBANIS, VICE-PLEBANIS, RECTORIBUS, CANONICIS, CAPELLANIS, PRESBYTERIS, CLERICIS ET LAICIS NOSTRARUM CIVITATIS ET DIOECESIS CAMERACENSIS, SALUTEM IN DOMINO SEMPERTERNAM.

QUUM Apostoli & orthodoxi Patres, extirpandis olim hæresibus, & vitiorum undis nullum efficacius remedium, atque frequentem Synodum arbitarentur; hac una afflictis Ecclesiae rebus, aut quoties labefactari viderentur, merito succurrebant. Nam, si Christus, ubi duo (*) consenserint in nomine ipsius, de omni re, quaecumque petierint, pollicitus est, illis fieri a Patre, addens, quod in medio illorum sit: quanto magis aderit, ubi nos pro re tam pia, tam utili, & ad ipsius gloriam & Ecclesiae decorem tam necessaria, convenisse perspexerit? Huic igitur pollicitationi & veritati Evangelicæ (quæ idem Christus est) firmiter innitentes, pro communi Cleri & populi nostrarum Ci-

vitatis & Dioecesis utilitate, proque repurgandis sordibus & abusibus, quæ passim in disciplinam & mores irrepserunt, utque singula suo restituantur nitore, pristinaeque dignitati, maturis cum dictæ Ecclesiae nostræ Cathedralis Capitulo, ejusve deputatis, ac aliis hujus Sacrosanctæ Synodi Patribus, ac Cleri Ordinibus deliberatione & consilio præhabitis, eisque omnibus consentientibus, & astipulantibus, has nostras Constitutiones Synodales ex jure, Sanctorumque Patrum Sanctionibus & Decretis desumptas, ac præter æquum & bonum nihil continentes, concessimus, statuimus, & ordinavimus, in hunc, qui sequitur, modum.

De Qualitate Ordinandorum, & temporibus Ordinationum.

TITULUS PRIMUS.

Tempus Ordinandis præfixum.

IN primis, ut non nisi diligenti & seria examinatione idonei judicati sacris Ordinibus initientur; in hac Sancta Synodo pro executione Formulæ Reformationis (a) statuendum duximus, & statuimus, quod quisquis post hac ad sacrum Subdiaconatus Ordinem promoveri voluerit, feria quinta: & qui ad

Diaconatum, vel Sacerdotium, feria sexta, ante meridiem, hora octava, cum Titulo sufficienti, & alias ad examen subeundum (a quo neminem, cujuscumque status & conditionis, eximi volumus) in civitatibus & locis, in quibus Nos, vel in Spiritualibus Vicarium nostrum, ex dispositione nostra Ordines celebrare contigerit, paratus adsit, adferens secum Testi-

(*) Matth. 18.

(a) In tit. De ordinat. & elect. Ministr. Eccles.

Testimonium legitimum Decani Christianitatis, Parochi, Præceptorum, vel proborum virorum; apud quos majorem vitæ partem Ordinandus exegit, seu eorum, quibuscum moratus fuit, qui vitam & mores ordinandi exploratos habeant, eumque litteris suis talem testentur, qualem Formula Reformationis in §. *Mores*, ac Titulo: *De Ordinatione Ministrorum Ecclesiæ*, esse requirit: ac similes litteras testimoniales, Religiosi cujuscumque ordinis, seu religionis, a suis Superioribus, sub consuetis signis ac sigillis, Nobis, aut Vicariis nostris exhibeant. Alioquin ad sacros Ordines nullatenus admittantur.

Quomodo Ordinandus se præparare debeat.

Et ne sacris decorandi Ordinibus, officio se alligent, cui non possint satisfacere, neve Spiritui Sancto mentiantur, aut impenitenti corde accurrant; statui-mus & ordinamus, quod quilibet ordinandus ore confessus, ac spiritu contritus, humiliatusque, ac totus Deo deditus accedat: memineritque ordinandus, a Nobis, ac Vicariis nostris, ante omnia explorare, & diligenter inquirere affectum, quo ducatur, ad sacros Ordines petendos, & an proposito ejus liberum ab omni vi, vel metu, pium, sanctum, & firmum existat.

De Proclamatione ad Ordines promovendi.

Et quoniam nonnunquam comper-tum est, nonnullos vinculo matrimoniali prius clandestine adstrictos, vel alio impedimento detentos, fraudulenter, in grave animarum suarum periculum, tam eas, cum quibus clandestine contraxerunt, (b) quam Nos, aut Vicarios nostros decipiendo, convolare; ideo statui-mus & ordinamus: quod, quicumque ad Subdiaconatum promoveri voluerit, proclamationem unam (c) per Curatum Parochialis Ecclesiæ loci, seu civitatis, ubi annos nobiles contraxerit, publice in ambone sub Missarum solemnibus fieri procuret. Sic tamen, ut inter proclamationem hujusmodi, ac ordinum sus-

ceptionem, unius mensis intervallum existat. Et si quis impedimentum aliquod sciat, ipsi Curato, ac ulterius Curatus Nobis, aut Vicariis nostris, idipsum denuntiet. De qua quidem proclamatione, nisi Nobis, aut Vicariis nostris, per litteras Curati legitime constiterit, ad sacrum Subdiaconatus ordinem non admittatur: volentes, ac districtè præcipientes omnibus & singulis Curatis, & Vice-Curatis nostrarum Civitatis, & Diocesis; ne pro proclamatione hujusmodi ac literis testimonialibus, ultra tres stuferos exigere, aut recipere præsumant.

Ne literæ districiores concedantur.

Ne autem examen prædictum, ac morum disquisitionem subterfugientes, ad alienos Episcopos declinent, omnibus & singulis Vicariis, & Officiariis nostris districtius prohibemus, ne litteras, dimissoriales, ad sacros Ordines ab extraneis Episcopis suscipiendos, cuiquam sine probabili causa concedant.

De ordinatis per alienos Episcopos, vel extra tempora.

Et nihilominus cum etiam non raro fiat, ut Clerici nostrarum civitatis & Diocesis Cameracensis, vinculo excommunicationis, aut matrimonii adstricti, apostatæ, idiotæ, vel irregulares, aliasve sacrorum Ordinum susceptione indigni, sine nostro, seu Vicariorum nostrorum examine & licentia, per alienos Episcopos, quandoque furtive, seu per saltum, & interdum extra tempora statuta, ac alias contra sacrorum Canonum sanctiones, se faciunt promoveri: & deinde ex dispositione Apostolica, vel alias, se debite promotos esse fingentes, in sacris Ordinibus præsumunt ministrare: hinc est, quod nos pro executione Juris Communis, quantum possumus, hisce providere cupientes, hac Synodali prohibitione statuimus, ut nullus Civitatis & Diocesis Cameracensis Clericus, absque diligenti (ut præmittitur) factò examine, nostraque, aut Vicariorum nostrorum licentia speciali, ad sacros Ordines promotus, in ordinibus hujusmodi, in nostris civitate & Diocesi, ministrare præ-

(b) C. 1. & 2. extra. de Cleri. conjug.

(c) Juxta §. In his omnib. circa fin. sub dict. tit. de Ordin. Ministr. Eccles. in Form. Reform. Tomus VI. Concilior. German.

presumat, aut ad taliter susceptorum ordinum executionem per aliquem scienter admittatur: donec & quousque Nobis, seu Vicariis nostris prædictis, de vita, moribus, & doctrina ejusdem legitime constiterit, & quod admitti debeat, nostris, seu eorumdem Vicariorum nostrorum literis patentibus ostendat. Transgressores autem præsentis Constitutionis, & qui contra illam, in susceptis ordinibus (ut præmittitur) non admitti ministrare præsumpserint, monitione prævia, excommunicatione feriantur. Quodque pro literis testimonii, seu admissionis hujusmodi solum recipiantur tres stateri, & fiat examen gratis.

Ut tituli Ordinandorum bene discutiantur.

Insuper injungimus & mandamus Vicariis & Officiariis nostris, ut Tituli ordinandorum bene discutiantur; ne fictis aut emendicatis Titulis promoti, cogantur in grave Ordinis Clericalis dedecus, aut stipem ostiarum emendicare, aut (quod dolendum est) Sacrosanctum Missæ sacrificium quasi venale facere.

De Electione & Institutione. TITULUS SECUNDUS.

Ne ad dignitates assumantur indigni.

Quia nonnulli citra ullum scientiæ, morum, ætatis discrimen inidoneos ad dignitates & Prælaturas, Parochiales Ecclesias, aliaque beneficia Ecclesiastica promovent, eligunt, seu præsentant: idcirco hoc Synodali edicto omnibus Abbatibus, Abbatissis, Prælatibus, & Capitulis, Collatoribus, Collatricibus, ac beneficiorum quorumcumque, maxime Curatorum, Patronis inhibemus, ne inidoneos ad Abbatiales dignitates, Præposituras, Decanatus & Archidiaconatus, aliasque dignitates eligant, vel eadem, aut alia beneficia

curata inidoneis conferant. Si vero (quod absit) scienter contrarium fecerint, in pœnas Lateranensis (d) Concilii, contra tales promulgatas, incidisse declaramus, easque omni favore postposito exequi mandamus.

Quid ante institutionem, aut confirmationem inquirendum.

Archidiaconi vero, & alii, quibus de jure, vel consuetudine institutio, seu Clericorum confirmatio competit, de ætatis maturitate, morum gravitate, literarum scientia, ad vocationem hujusmodi requisitis, (pro ut ex officii sui debito tenentur) inquirent, & si inidonei, vel inhabiles per eos inventi fuerint, electionem nequaquam confirmant, aut præsentatos instituant: (e) sed de eo Nos, vel Officiales nostros, certiores infra mensem reddant, ut contra tales ad Concilium Lateranensem, (f) aliarumque Constitutionum pœnas procedi, in aliorum exemplum & terrorem queat. Sin autem dicti Archidiaconi, & alii, institutionem, vel electionem confirmationem habentes, id facere neglexerint, contra eos ad pœnas (g) arbitrarie procedi volumus, & mandamus. De Vice-Curatis autem ad regimen curæ animarum admittendis, hoc observari volumus, quod antiquitus (h) per Prædecessores nostros recte in titulo *De additionibus*. §. *Licet regulariter* &c. statutum ac cautum reperitur.

Possidentes Ecclesias Parochiales, infra annum ad Presbyteratum promoveantur.

Cumque ad Ecclesias Parochiales nemo assumi debeat, qui fructuum, seu censuum colligendorum potius, quam gregis curam habere desiderat: neque æquum sit, ut de altari vivat, qui altari non servit; idcirco Sanctissimorum Pontificum in sacris Lateranensi & Lugdunensi Conciliis editis Constitutionibus (i) inni-

(d) C. *Cum in cunctis*. §. *final*. & concordat c. *Innotuit*. c. *Cum Wintonien*. extra. de election. & elect. potest. c. *Licet Canon*. c. *Perpetuo*. de elect. in 6.

(e) C. *Nilil est*. c. *Venerabilem*. vers. *Sed & Principes*. & vers. *Est enim regulariter*. c. *Cum nobis olim*. §. *Hic igitur*. Extrav. de elect. & elect. potest. c. *Si forte*. de elect. in 6.

(f) C. *Cum in cunctis*. §. *final*. cum suis concord.

(g) C. *Nilil est*, quod *Eccles.* Extra. eod. tit.

(h) Vide antiqua Statuta, his Decretis subjuncta.

(i) C. *Cum in cunctis*. §. *Inferiora*. Extr. de elect. c. *Licet canon*. c. *Nemo deinceps*. c. *Commissa*. de elect. in 6.

innitentes, statuimus & ordinamus, ut omnes & singuli ad dictas Ecclesias nostræ Diœcesis promoti; infra annum, a die provisionis & pacificæ possessionis adeptæ numerandum (nisi prius per nos, aut alium ad hoc potestatem habentem, desuper ex rationabili causa fuerit legitime cum eisdem dispensatum) (k) se faciant ad sacrum Presbyteratus ordinem rite promoveri. Alioquin ipsos dictis Ecclesiis, autoritate (l) Canonis, eo ipso privatos declaramus, atque fructus earumdem iis, quibus de jure debentur, applicandos.

*De Horis Canonicis, Psalmi-
modiis, ac Missarum
Officiis.*

TITULUS TERTIUS.

*Ut distributiones tantum Divinis Offi-
ciis interessentibus dentur.*

QUONIAM in multis Ecclesiis intolerabilis, contra expressam juris dispositionem, consuetudo, seu verius corruptela, de recipiendis per Canonicos, Capellanos, aliasque Ecclesiasticas personas absentes, & Divinis officiis, seu Horis Canonicis non interessentes, distributionibus quotidianis (quæ tantum residentibus & Divinis interessentibus debentur) inolevit, ut sacrosanctæ Canonicæ Constitutiones omnino neglectæ merito videantur; ideo hoc Synodali Statuto, juxta Bonifacii Papæ octavi Constitutionem, (m) consuetudinem hujusmodi, corruptelam declaramus, eaque non obstante, seu relevante, ad omnium distributionum sic receptarum restitutionem eos irremissibiliter teneri, & obligari, & ultra hoc etiam pœna arbitraria a suis Superioribus puniri debere. Cujus quidem Constitutionis ignorantiam, ne quis de Clero nostro prætereundere valeat; illam præsentibus inferi, & cum aliis nostris statutis publicari, & districtius observari volumus; cujus tenor sequitur, & est talis:

**CONSTITUTIO BONIFACII
PAPÆ VIII.**

CONSUETUDINEM, quæ in quibusdam partibus inolevit, qua Canonici & alii Beneficiati, seu Clerici Cathedralium & aliarum Collegatarum Ecclesiarum, distributiones quotidianas (quæ alias manualia beneficia, seu victualia nuncupantur, & tantum residentibus tribuuntur) qualitercumque in civitatibus, seu aliis locis, in quibus ipsæ consistunt Ecclesiæ, sine præsentibus, licet Divinis officiis non intersint, ex integro percipiunt, ac si continue ipsis Ecclesiis in eisdem officiis deservirent, penitus improbantes, statuimus, ut distributiones ipsæ quotidianæ, in quibuscumque rebus consistant, Canonicis, ac aliis Beneficiatis, & Clericis Ecclesiarum ipsarum, qui eisdem officiis in ipsis Ecclesiis affuerint, tribuantur juxta Ecclesiæ cuiuslibet ordinationem rationabilem, jam factam, seu etiam faciendam. Qui vero aliter de distributionibus ipsis quidquam receperit (exceptis illis, quos infirmitas, seu iusta & rationabilis corporalis necessitas, aut evidens Ecclesiæ utilitas excusaret) rerum sic receptarum dominium non acquirat, nec faciat eas suas: immo ad omnium restitutionem, quæ contra hujusmodi nostram Constitutionem receperit, teneatur. De distributionibus etiam, pro defunctorum anniversariis largiendis, idem decernimus observandum.

Qui dicantur interesse Divinis.

Eos autem Horis Canonicis interesse dicimus, qui continue tempore horarum Canonicarum principalium, in choro, vel templo Divinis vacando, pensum diurnum, aut alias preces Deo digne persolvunt, vel salutaribus meditationibus sese tempore Divinorum officiorum occupant; non qui vagationibus, obambulationibus, & vanis confabulationibus in Ecclesiis, vel intra illarum immunitates, aut extra, cum gravi laicorum scandalo, & ipsorum ambulantium animarum periculo, tempus terunt

Q q q q 3 &

(k) D. c. *Licet Canon. §. final. c. Cum ex eo.* de elect. in 6.

(l) D. c. *Licet Canon.* vers. *Quod si infra.*

(m) C. *Consuetudinem.* de Cleric. non residen. in Ecclesia, vel Præben. in 6. Concordat. c. *De cætero.* Extrav. de Cleric. non residen. & c. *Licet.* de Præben. in antiq.

& fallunt : quos etiam distributiones præstatas amittere & restituere debere declaramus.

Et insuper autoritate præsentis Synodi decernimus, Decretum Concilii Basiliensis, in Sessione XXI. de his, qui tempore Divinorum vagantur per Ecclesiam, sub pœnis inibi comprehensis, districte observari, cujus tenor sequitur, & est talis:

*DECRETUM CONCILII BASILIENSIS,
de his, qui tempore Divinorum vagantur
per Ecclesiam.*

" **Q**UICUMQUE in Ecclesia Beneficia-
" tus, præsertim de majoribus,
" Divinorum tempore per Eccle-
" siam, vel foris circa ipsam deambulan-
" do, aut cum aliis colloquendo, vagari
" visus fuerit, non solum illius horæ, sed
" totius diei præsentiam ipso facto amit-
" tat. Qui si semel correctus, non desti-
" terit; per mensem distributionibus ca-
" reat: vel graviori, si pertinacia exe-
" gerit, pœnæ subiaceat, ita ut tandem
" desistere cogatur. Prohibeatur etiam,
" ne Divina officia tumultuosi quorum-
" cumque per Ecclesiam discursus im-
" pediant, aut perturbent. Regulares,
" qui in conventualibus Ecclesiis circa
" prædicta exceßerint, gravi pœna Su-
" periorum arbitrio castigentur.

*Preces Canonica tractim & integre
cantentur.*

Item statuimus & ordinamus, quod preces Canonicae, aliæque Divinae laudes, horis debitis, & non cursim, aut truncatim, sed tractim, integre (n) reverenterque secundum Ecclesiæ nostræ Cathedralis usum & consuetudinem, ab omnibus, quibus id muneris incumbit, quoad publicum & solemne officium in Ecclesiis Parochialibus nostrarum Civitatis & Diocesis Cameracensis rite decantentur: quodque publica Missarum officia celebrentur, prout in Missali ordinario nostræ Diocesis ordinatum est.

De Statu Monachorum, & Monialium.

TITULUS QUARTUS.

Monentur apostatae, ut redeant ad Monasteria sua.

GRave nimis ac scandalosum fore considerantes, quod personæ utriusque sexus regulares, extra Monasteria sua divagantes, nonnunquam etiam mutato, & aliquando penitus dimisso religionis habitu, in maximum animarum suarum periculum apostatare non verentur; idcirco omnibus & singulis Curatis nostræ Diocesis districte præcipiendo mandamus, quatenus cujuscumque ordinis & conditionis regulares, sic in suis Parochiis respective vagantes, aut absque speciali Superioris sui licentia commorantes, sub pœna excommunicationis latae sententiæ, moneant & requirant: quos & nos quoque per præsentis Statuti tenorem sic requirimus, & monemus, ut infra spatium sex hebdomadarum (quas illis pro primo, secundo, tertio, & peremptorio termino, monitioneque canonica, præfigimus) a die publicationis & requisitionis hujusmodi ad sua redeant Monasteria, & vota sua Deo omnipotenti reddant, suisque Superioribus juxta ordinem & regulæ institutionem obediant, aut saltem infra idem tempus Nobis, vel Vicariis nostris de privilegiis & indultis (si quæ habeant, aut prætendant) legitimam fidem faciant. Alioquin contra tales sic monitos & requisitos, dictosque Curatos, qui illos (ut præmittitur) monere & requirere recusaverint, aut scienter neglexerint, via juris respective absque aliqua dissimulatione procedemus.

Et insuper omnibus & singulis Monasteriorum Abbatibus, Prioribus, Prælati nostræ Diocesis, in virtute sanctæ obedientiæ, ac sub suspensionis a Divinis officiis pœnis, districte præcipiendo mandamus, quatenus suorum Monasteriorum Religiosos modo præmissis in sæculo vagantes, sive apostatas, cum omni diligentia repetant, (o) adque Monaste-

(n) C. 1. & c. Dolentes. de celebrat. Missæ in antiq.

(o) C. final. Extra. De Regul. & transeunt. ad Relig. c. Quanto. Extra. de Offic. Jud. ordin. c. A nobis. Extrav. de Apostat. c. Ut periculosa. Ne Cleri. vel Mona. secular. negot. se immisc. in 6.

ria & claustra sua reduci procurent. Alioquin Nos contra ipsos ad pœnam suspensionis præstamur procedemus, atque eorum negligentiam propriis ipsorum expensis supplebimus.

Clausura districte observanda.

Periculosum quoque & detestabile est, quod passim Moniales, spretis clausuræ & honestatis habenis, impudenter extra Monasteriorum septa vanis confabulationibus, & suspectis commestationibus vacando, vagentur & discurrant, in gravem Dei offensam & religionis opprobrium: parumque prodest sacris id constitutionibus (p) prohiberi, nisi debita demandentur executioni, pœnarumque ac censurarum executionibus muniuntur. Atque propterea prædictis salubriter providere cupientes, universas & singulas Moniales præfentes & futuras, cujuscumque religionis sint, vel ordinis, in nostris civitate & Diœcesi Cameracensi existentes (quæ clausuram professæ sunt) in suis Monasteriis sub perpetua clausura manere volumus & mandamus; nisi inevitabilis necessitas subsistat, aut forte tanto, ac tali morbo evidenter earum aliquam, seu aliquas laborare, Nobis, Vicariis nostris, aut superiori Visitatori constiterit: quod cum aliis absque gravi periculo commorari non possit. Alioquin, si sine nostra, Vicariorum nostrorum, aut dicti Visitatoris, specialij, in scriptis petita, & ex causâ rationabili obrenta licentia, clausuram exire, contra Summorum Pontificum & nostras Constitutiones temere præsumpserint; sive exemptæ sint, sive non exemptæ, excommunicationi (*) ipso facto subjaceant, & ut tales denunciari districte præcipimus, illarum absolutione nobis, aut Superiori specialiter reservata: districte præcipientes omnibus & singulis Vicariis, & Officiariis nostris, ac Monasteriorum quorumcumque Visitatoribus sub pœna suspensionis a Divinis, ne extra casus prædictos exeundi licentiam quoquo modo concedere præsumant.

Prohibetur ingressus virorum ad Monasteria Monialium.

Sub eadem excommunicationis pœna (q) omnibus & singulis Abbatibus, Abbatissis, Prioribus, Monasteriorumque Superioribus inhibemus, ne quibuscumque viris sæcularibus, aut Ecclesiasticis (nisi de illius, ad quem pertinet, speciali licentia) in monasteria Monialium, quæ clausuram professæ sunt; neque mulieribus ad claustra Monachorum, seu regularium, pateat ingressus: ut a mundanis conspectibus omnino separati Deo servire valeant quietius. Alioquin ipsos excommunicandos declaramus: præcipientes eisdem Abbatibus, Abbatissis, aliisque Superioribus prædictis, ut introitum & accessum hujusmodi opportunis medijs sedulo impedian.

Quis ad Religionis votum admitti possit.

Non minus etiam damnable est; quod nonnulli parentes & consanguinei, nobiles, & ignobiles, ut aliquos ex filiis, aut consanguineis dicent, aliove damnabili affectu (non autem religionis amore) unum vel unam, aut plures, miris mundanarum rerum pollicitationibus, nonnunquam minis, verberibus, (r) aliisque majoribus malis & periculis propitiis, tenellos adhuc, & discretionis annos vixdum attingentes, in animarum suarum & illorum grave periculum, habitum religionis assumere, & anno probationis nondum completo, professionem emittere cogunt & compellunt: quo fit, ut plurimi (metu cessante) apostatæ fiant, habitum in opprobrium religionis abjicientes, atque ad absolutionem a sic facta professione confugientes. Quapropter provide statuendo mandamus Abbatibus, Abbatissis, Prioribus, Præpositis, aliorumque Monasteriorum Superioribus sub pœna suspensionis in Presbyteros, & excommunicationis in alios, ne quemquam ante annos discretionis (s) ad habitum religionis & annum probationis (quomodo enim

(p) C. i. in princ. & in fi. de Statut. Regul. in 6. Clement. *Attendentes*. in princ. De Statu Monach.

(*) Excommunicatione reservata. *Vide Syn. a. 1604. Tit. 8. c. 4. Tomo seq.*

(q) C. Periculoso. In fin. princ. de Statu Regul. in 6.

(r) C. i. Extrav. de iis, quæ vi, metusve causa fiunt. c. Si quis ante annos. Extrav. de Reg. & transeunt. ad Religionem.

(s) C. Si quis ante annos. c. Ad nostram. c. Significatum. Extra. de Regul. & transeunt. ad Relig.

enim is probabit religionem, qui discretionem non utitur? Sed neque ante annum probationis totum completum, (z) animumque & propositum profitendi diligenter exploratum, num scilicet stabile, firmum & rectum sit, ad professionem admittant, si Divinam ultionem & excommunicationis & suspensionis censuram evitare velint.

Gratis singuli ad Professionem admittantur.

Quodque, ut omnis cesset Simoniacæ labes aut suspicio, gratis singuli ad professionem recipiantur, nullo accepto pretio, nec aliqua facta conventionem. (u)

Ne Parentes suas proles ad Religionem compellant.

Omnibus quoque parentibus & amicis, sub excommunicationis pœna, ne filios, vel consanguineas pollicitationibus, minis, verberibus, aliisve illicitis modis ad religionem compellant, districte inhibemus.

Dè Magistris Scholarum, & Privilegiis Studentium.

TITULUS QUINTUS.

De Scholis restaurandis, vel erigendis.

SUMMA diligentia & cura adhibenda est, ut tenera nostræ Diœcesis juvenis, nonnisi Christianæ pietatis institutis, moribusque incorruptis, ac literis, hæreticorum erroribus & exemplis minime contaminatis, instituatur; ne cum lacte venenum imbibendo, ea adducat, quæ postea, non nisi magno cum discrimine vitæ, animæque periculo, dediscere cogatur. Quapropter præsentis Synodali Constitutione præcipimus & statuimus, ut juxta pia Sanctorum Patrum (x) Decreta, singula Collegia, seu Magistratus, ac alii, quorum interest, Scholas restaurare, erectasque conservare teneantur: atque solerter prospiciant, ut Pædagogi & Magistri sint idonei ac probi, qui Catholica & honesta, non autem

suspecta aut obscena juvenibus prælegant.

Ut Magistri idonei admittantur.

Similiter statuimus & ordinamus sub excommunicationis pœna, ut nemo publice vel privatim in nostris civitate & Diœcesi docere præsumat, nisi diligenti examine prævio, ad hoc per eum, cui ex officio competit, specialiter admissus fuerit. Et nihilominus in virtute sanctæ obedientiæ, & sub interminatione Divini judicii districte præcipimus, & inhibemus omnibus & singulis Prælati, & Capitulis, ac aliis, qui in Diœcesi nostra Cameracensi Magistros & Rectores Scholarum recipiant, seu assument, ne quemquam in Magistrum recipiant, seu assument, nisi de cujus vita, integritate, scientia, moribus, ac conversatione, plenam habeant notitiam, & qui perverforum dogmatum fermento minime fuerit conspersus: sed quod tales statim & absque ulla dissimulatione destituant.

Quando de Privilegio Scholaritatis docendum sit.

Universitatum quoque, & in illis studentium privilegiis minime derogare, aut illa quomodolibet imminuere, sed ea ipsa conservare & defendere volentes (dummodo juxta dictæ Cæsareæ Majestatis Reformationis Formulam illis non abutantur) innovando antiqua statuta (y) desuper per Prædecessores nostros edita, statuimus & ordinamus, quod Scholares in aliquo studio privilegiato studentes, annis singulis ante Festum Sancti Magni (ut moris est) de privilegio suæ scholaritatis, (z) seu studii, sub quo Doctore, & qua Facultate studeant, seu studuerint, & quod ad minus per sex menses in illo studio fuerint residentes, aut studium absque fraude sint continuaturi, legitimam fidem facere teneantur. Alioquin ipsos privilegiis prædictis minime gaudere debere decernimus & declaramus.

De

(z) C. *Ad Apostolicam*. Extra. de Regul. & transeunt, ad Relig. c. *Gonsaldus*. XVII. quæst. 2.

(u) C. *Quoniam Simoniacæ labes*. c. *Dilectus*. c. *De Regularibus*. Extra. de Simon.

(x) C. 1. & c. *Quia nonnullis*. Extra. de Magist. & ne aliquid detur pro licentia docendi.

(y) Vide infra in Statut. antiq. Statutum primum in additionib. & Statutum: *Præcipimus*, quod *Presbyteri Parochiales*. sub tit. *De Ordinib.*

(z) Facit. c. *Super specula* in fin. Extra. de Mag. c. *Licet*. X. de Præbend. & dign.

De Matrimonio.
TITULUS SEXTUS.

*Qui matrimonio jungi affectant, quali-
ter instruendi.*

QUoniam matrimonium ad liberos procreandos institutum, ac Dei benedictione firmatum esse dignoscitur; omnibus & singulis Presbyteris nostrarum civitatis & Diocesis Cameracensis præcipimus & mandamus, quatenus Parochianos suos, qui matrimonio jungi affectant, diligenter doceant, instruantque, idipsum, non ob divitias, aut aliquam aliam, quam prolis procreandæ, ac fornicationis vitandæ causam contrahendum esse: & quod, teste Divo Augustino, matrimonium tria complectitur, scilicet: fidem, prolem, & Sacramentum. In fide attenditur, ne propter vinculum conjugale, cum altera, vel altero concubetur. In prole, ut amanter suscipiatur, benigne nutriatur, religiose educetur. In Sacramento autem, ne conjugium separeretur, neve dimissus, aut dimissa, etiam prolis causa, alteri carnaliter commisceatur: Quodque etiam dictos Parochianos suos sedulo admoneant, ut parentum & amicorum utantur consilio, exemploque Tobie, jejuniis & orationibus se se præparent, ac gratiæ Dei commendent, juxta Formulam Reformationis Sacræ Cæsareæ Majestatis præactæ (a), quam etiam quoad conjunctionem & solemniam matrimonii, tamquam juri & antiquis Statutis Synodaliibus, nostrisque plane conformem, per civitatem & Diocesim nostram Cameracensem volumus cum eisdem Statutis sub pœnis inibi contentis districtius observari.

De notoriis adulteris.

Et quia nonnullæ personæ, propriæ salutis immemores, in grave plurimorum scandalum, districti Sacramenti vilipendium & contemptum, in adulterinis amplexibus cohabitare, seu palam conversari non formidant; idcirco omnibus

& singulis Presbyteris, Curatis, & Vice-Curatis nostrarum civitatis & Diocesis in virtute sanctæ obedientiæ districtè præcipiendo mandamus, ut Parochianos suos quoscumque in adulterio, seu adulterinis amplexibus publice viventes, aut conversantes, sub pœna excommunicationis latæ sententiæ (*) moneant, & requirant, quos & nos etiam præsentis Synodalis Statuti vigore monemus, & requirimus, ut infra quindecim dies, a cohabitatione seu conversatione mutua omnino desistant. Et, si (quod absit) monitioni & requisitioni hujusmodi parere contempserint, postque dictos quindecim dies simul cohabitare, aut conversari præsumpserint, tales in sua vita ab Ecclesiasticis arceantur Sacramentis, atque post mortem, nisi in eis signa penitentiae apparuerint, Ecclesiastica careant sepultura: Injungentes Promotoribus & Decanis nostris Christianitatis, sub pœna suspensionis ab officiis suis, ut tales sic monitos, post denuntiationem sibi factam, infra quindecim dies immediate sequentes, via juris prosequantur. Alioquin ab officiis suis suspendantur, donec prosecuti fuerint eosdem.

Causæ Matrimoniales per quos tractari possint.

Item licet causæ Matrimoniales cum earum dependentiis & annexis, non modo de jure (b) & consuetudine legitime præscriptis, verum etiam juxta antiqua Statuta Synodalia nostræ Diocesis Cameracensis, nonnisi per Nos, aut Officiales nostros, tamquam Judices ordinarios, tractari & definiri debeant: (c) nihilominus tamen ad nostrum pervenit auditum, quod nonnulli Decani nostri Christianitatis, Presbyteri, Curati, & Notarii publici illarum cognitioni se se temere ingerere, ac nonnunquam etiam sponsalia, conventiones, & matrimonia, (quantum in eis est) dissolvere, atque dirimere, contractusque desuper conficere non verentur. Quocirca Nos volentes tantis abusibus, fraudibus, & par-

(a) In tit. De Sacramenti Matrimon. Administratione.

(*) Excommunicatio reservata. Vide Tomo sequenti Synod. Camerac. an. 1604. Tit. 8. c. 4.

(b) C. Accedentibus. Extra. De excess. Prælat. c. 1. in fi. Extra. De consangu. & affin.

(c) Vide Statutum: Inhibemus Decanis nostris &c. infra in Statutis Synod. antiquis, sub tit. De Matrimonio.

tium dispendiis occurrere, omnibus & singulis subditis nostris, Clericis, & laicis, cujuscumque status & conditionis fuerint, sub pœna excommunicationis latæ sententiæ (*) prohibemus, ne de examinatione, cognitione, juramenti receptione, vel decisione judiciali quorumcumque causarum matrimonialium, aut illis annexarum, se se intronittere, aut contractus sive scripturas desuper conficere præsumant.

De Missa & Prædicatione Verbi Dei.

TITULUS SEPTIMUS.

Ut quilibet diebus Dominicis & Festivis Missa & Prædicationi intersit.

Item licet, juxta Sanctæ Matris Ecclesiæ statutum & ordinationem, quilibet Christianus, seu ejus nominis Professor, singulis Dominicis, & Festivis diebus, Divino officio Missæ, & prædicationi interesse teneatur, ut ibidem de Divinis præceptis & doctrinis Evangelicis informetur; nonnullorum tamen fide digna accepimus relatione, populum, plerisque in locis nobis subditis, eisdem raro interesse. Quapropter omnibus & singulis Presbyteris & Curatis nostrarum civitatis & Diocesis Cameracensis districtè præcipimus & mandamus, quatenus Parochianos suos, qui ad annos pervenerint discretionis, hortentur, & moneant sub pœna excommunicationis, ut deinceps singulis Dominicis & Festivis diebus officio Missæ interesse studeant, & prædicationem Verbi Dei diligenter audiant, nisi legitimo impedimento ex causa rationabili quis excusetur: nec ab officio hujusmodi ante benedictionem Sacerdotis, donec compleatur, recedant, sive discurrant.

Insuper moneant Presbyteri Curati populum sibi commissum in sermonibus suis, & ad hoc inducere studeant, quo Processionibus, aliisque actibus & ceremoniis Ecclesiasticis, devote interfint,

atque laudes Deo omnipotenti cum attentione cordis, ac morum gravitate reddant.

De Capellis.

Item ne per Capellas honor matricis ac Parochialis Ecclesiæ pereat, statuimus, (a) & ordinamus, quod Parochiani de villis, seu confiniis adjacentibus, & Capellis seu Oratoriis attinentibus quibuslibet, saltem diebus Dominicis & Festis solemnibus, sub pœna excommunicationis, teneantur ad Ecclesiæ suam Parochialem accedere, atque ibidem Missarum solemniam audire, prout in (b) Concilio a sanctis Patribus institutum est: nisi forte adeo sit (c) remota, vel aquarum tanta inundatio, seu aliud impedimentum, ut non immerito queant excusari: dictæque Capellæ de redditibus adeo provisorum existat, ut auctoritate nostra possit & valeat in diebus talibus Missa ibidem celebrari.

Qua hora Missa Parochialis sit celebranda.

Præcipientes insuper omnibus & singulis Presbyteris, Curatis, & Vicecuratis, sub pœna suspensionis; ut hujusmodi Missam Parochialem a Festo Paschæ usque ad Remigii circa horam octavam: & deinde a Festo Sancti Remigii usque ad Paschæ, circa horam nonam, celebrare non postponant.

Ne construantur Altaria sine licentia.

Atque ne deinceps quisquam Ecclesias, Oratoria, vel Capellas, aut alia pia, vel religiosa loca, aut Altare aliquod in nostris civitate & Diocesi sine nostra, aut Vicariorum nostrorum speciali licentia (d) construere, vel ædificare præsumat, sub pœna excommunicationis prohibemus.

Sub Concione a celebratione abstinentium.

Volentes etiam, quod in Parochialibus Ecclesiis, tempore prædicationis Verbi Dei, a Missarum celebratione abstineant.

[*] Excommunicatio reservata. *Vid. Synod. a. 1604. Tit. 8. cap. 4. in Tomo seq.*

(a) Facit c. *Quicumque* 44. & c. *De Decimis* 45. XVI. q. 1.

(b) C. *Si quis etiam* 35. *De Consecrat. dist. 1.*

(c) Facit. c. *Ad audientiam* 1. *Extrav. De Eccles. ædific. & repar.*

(d) Facit. c. *Unicuique*. c. *Clericos*. c. *Si quis*. *De consecr. dist. 1.* & c. *Si patentibus*. *Extrav. De Privil. & excessi. Privilegiato.*

stineatur; ne populo huc atque illuc discurrendi, aut Verbum Dei negligentius audiendi, detur occasio.

De claudendis tabernis tempore Divinorum.

Pariformiter omnibus & singulis cenopolis, tabernariis & cauponibus, sub excommunicationis pœna districte injungimus & prohibemus, ne diebus Dominicis & Festivis, tempore summæ, seu Parochialis Missæ, & Concionis Verbi Dei, aliquos, præter peregrinos & infirmos, compotandi aut comessandi gratia recipiant.

De Festis.

TITULUS OCTAVUS.

Moderatio quorundam Festorum.

STatutum (e) per Prædecessores nostros de minoribus Festis editum, certis rationabilibus de causis adducti, ita duximus moderandum, ut in omnibus minoribus Festis, liceat unicuique, audito sacro, & sermone (si modo fiat) se ad operas suas, quibus suam, suorumque alimoniam quærere cogitur, conferre.

Quodque in locis, ubi unius Sancti Festum particulariter pluries in anno celebratur, unum duntaxat habeatur solemne, reliquis nihilominus ejusdem Sancti Festis pro minoribus tenendis & permanens.

Statuentes nihilominus, quod Beatæ MARIE Virginis ad Nives, ac Sanctorum Gaugerici & Aurberti Festa singulis annis in civitate nostra Cameracensi celebrentur, dictisque minoribus Festis addantur.

De Dedicationibus.

Item ad obviandum multifariis abusibus, & scandalis, quæ passim in pagis ex Dedicationum Festis & comestationibus obvenire solent, statuimus & ordinamus, quod Festa Dedicationum hujusmodi in omnibus & singulis pagis nostræ Diocesis, ipso die Dedicationis

Ecclesiæ nostræ Cathedralis, scilicet prima Dominica post festum Visitationis Beatæ MARIE Virginis celebrentur: districte prohibentes omnibus & singulis dictorum pagorum Presbyteris, Curatis & Vicecuratis, sub suspensionis a Divinis officiis pœna, ne quantumcumque importune a Parochianis suis interpellati, seu requisiti, alio die Dedicationis prædictas indicare, seu publicare præsumant, aut indici, seu publicari permittant.

Qui ad docendum Verbum Dei admitti debeant.

TITULUS NONUS.

De præsentationibus & admissionibus Religiosorum ad prædicandum.

CUM juxta Evangelicæ & Apostolicæ doctrinæ traditionem, nullus, nisi missus, prædicare debeat, sicuti nec Christus, neque Apostoli, non nisi missi, prædicarunt, Christo apud Elaiam his verbis testante: *Spiritus Domini super me, eo quod unxit me: ad evangelizandum pauperibus misit me: & hi quoque non nisi accepto mandato a Christo, ubi dicit: Ecce ego mitto vos, &c. prædicasse dignoscuntur*; ea propter nos Evangelicæ & Apostolicæ doctrinæ innitentes, volumus & ordinamus, ut ex ordinibus Mendicantium nulli post hac in Ecclesiis Parochialibus, Capellis, aut Cœmeteriis earum, ad prædicationem Verbi Dei admittantur, nisi exactiore & diligentiore, quam hactenus, præcedente examine, per literas testimoniales suorum Provincialium, ac Guardianorum, seu Priorum, tamquam juxta Retormationis tenorem, ac alias idonei, Nobis, aut Vicariis nostris pro prima vice personaliter, ac singulis annis ad minus literatorie reverenter præsentati, ac per Nos, aut Vicarios nostros admissi (f) fuerint.

Nihil temere per Religiosos effutendum.

Admissos autem dicti ipsorum Guardiani, seu Priores, tenebuntur serio adhortari & monere, ut juxta Regulam in ipsa Formula Reformationis, sub titulo:

De

(e) Vide infra in Stat. antiqu. sub tit. *De minor. Fest.*

(f) Clement. Dudum. §. *In Parochialibus Ecclesiis.* De Sepul. in Clem. Extrav. *Super Cathedraliam.* §. *In Ecclesiis.* De Sepul. in Extrav. *Commun.*

De Dispensatione Verbi Dei, præscriptam, populum doceant, caveantque, ne contra eandem quidquam temere effutiant, unde auditores male ædificari, vel ad contemptum, seu minorem æstimationem Verbi Dei provocari possint. Caveant etiam, ne indiscrete in suggestu nominatim, peccantes quoscumque, & multo minus Prælatos & Magistratus corripiant, famæ ac nomini eorumdem detrahendo, & auditores scandalizando. Alioquin eos a prædicationis officio amovebimus.

Ne Curati Religiosos, sine literis Episcopi, ad prædicandum admittant.

Inhibemus quoque omnibus Curatis & Vicecuratis, sub pœna suspensionis, ne dictos Religiosos, sine nostris, aut Vicariorum nostrorum prædictis literis, ac licentia speciali, in Ecclesiis suis Parochialibus, Capellis, aut Cœmeteriis earum, ad prædicandum, aut fidelium eleemosynas colligendum, admittere ulatenus præsumant.

De Confessione.

TITULUS DECIMUS.

De præsentatione & admissione, ad audiendum Confessiones.

Simili modo præsentari (g) & examinari volumus eos, qui ex singulis ordinibus Mendicantium, in civitate & Diocesi Cameracensi, ad confessiones ipsis confiteri volentium, audiendum, poenitentias salutares imponendum, & beneficium absolutionis impendendum, per Nos, aut Vicarios nostros admittentur. Alioquin si sine nostra licentia & præter juris (h) Pontificii dispositionem, falcem in messiem alienam scienter miserint, suspensioni (i) ipso facto decernimus subiacere. Nec eisdem aliam, aut uberiorem absolvendi (j) facultatem intelligimus, vel intendimus esse attributam, quam Parochialibus Sacerdotibus a jure,

vel ex Statutis nostris Synodalibus, concessa invenitur; nisi id specialiter in literis fuerit expressum.

Atque ut subditorum nostrorum salutis & commoditati provide consulamus, in locis celebrioribus, magisque populosis, nonnullos deputabimus, qui in casibus, Nobis quomodolibet reservatis, plenam habeant absolvendi potestatem.

Moniales clausuram professæ, bis vel ter in anno, alteri, quam suo Patri, confiteri possunt.

Præterea omnibus & singulis notarum civitatis & Diocesis Monialibus clausuram professis, de speciali gratia concedimus & indulgemus, ut bis vel ter in anno alicui alteri, quam suo Visitatori, seu Patri Confessario (de ipsius tamen, aut Superioris ejusdem consensu) conscientias suas exponere & exonerare valeant: districte præcipiendo omnibus quorumcumque Monasteriorum notarum civitatis & Diocesis Visitatoribus, seu Superioribus, sub suspensionis a Divinis officiis pœna, ne illis suum desuper consensum (si modo rationabilis causa non obstat) negare, aut reculare præsumant.

De vita & honestate Clericorum.

TITULUS UNDECIMUS.

De publicis Concubinariis.

Quoniam contra Clericos concubinos, tam Jure Canonico (k), quam Statutis Synodalibus (l) diversæ pœnæ statutz reperiuntur, ut nihil omnino restare videamus, nisi executionis vigorem; ideo Canonicas Sanctiones, Statutaque Synodalia vetera, & Cæsareæ Majestatis Reformationis Formulam insequendo, omnes & singulas personas, seu Ecclesiasticos Judices, quorumcumque Presbyterorum & Clericorum correctio-

(g) Clem. Dudum. §. Statuimus etiam, & ordinamus. De Sepultur. in Clement.

(h) Clem. 1. in princ. De Privileg. & excess. Privileg. in Clem. & d. §. Statuimus.

(i) Suspendio reservata. Vid. Tomo seq. Synod. Camerac. anni 1604. Tit. 8. cap. 4.

(j) D. Clement. Dudum. §. Per hujusmodi autem.

(k) C. 2. c. Sicut ad extirpandam. c. Si autem Clerici. & per totam titulum. Extrav. De cohabitatione Cleric. & mulier. c. Ut Clericorum. Extra. De vit. & honest. Cler.

(l) Ut Statuto Petri de Alliaco Episc. Camerac. incipiente: Petrus. In Statutis antiq. Tit. 12. De vit. & honest. Cler.

rectionem, jure ordinario, vel ex delegatione, aliasve habentes, sub pœna suspensionis, aliasque arbitraria moneamus & exhortamur, ne sub obtentu pecuniæ, [m] vel alterius commodi temporalis, aut favoris, & amicitiae cum publicis & notoriis concubinariis diffimulent, sed eos juxta Canonicas Sanctiones debite puniant & corrigant, seu puniendos & corrigendos procurent. Alioquin ipsos a Divinis officiis suspendemus, & negligentiam eorum acriter puniemus.

Item salubrem Concilii Basileensis adversus concubenarios editam Constitutionem autoritate præsentis Synodi decernimus in nostris civitate & Diœcesi Cameracensi perpetuo & inviolabiliter observandam & exequendam, cujus tenor sequitur, & est talis:

CONSTITUTIO CONCILII BASILENSIS
adversus Concubenarios.

SACROSANCTA GENERALIS SYNODUS BASILEENSIS, IN SPIRITU SANCTO LEGITIME CONGREGATA, UNIVERSALEM ECCLESIAM REPRESENTANS, AD PERPETUAM REI MEMORIAM.

Quicumque Clericus, cujuscumque status, conditionis, &c. Vide supra hoc Tomo pag. 321.

Ebrietas in Clero maxime detestanda.

Incontinentiæ etiam, & luxuriæ, plurimorumque vitiorum persæpe ebrietas (quæ hoc sæculo nimium invaluit) causa est, testante Apostolo, & dicente: *Nolite inebriari vino, in quo est luxuria*, quæ ut in omni hominum statu, maxime tamen in Clero detestanda est. Ideoque omnes & singulos Clericos crapulæ seu ebrietati deditos, ventrique continue fervientes, moneri mandamus, & per præsentis statuti tenorem, sub suspensionis ab officio & beneficio pœna, moneamus, a prava, sædæque & pecuali hujusmodi ebrietatis consuetudine, abstinere, aut si moniti non abstinuerint, ab officio (n) & beneficio, donec cor-

ruptos mores emendaverint, suspendemus.

De habitu Clericorum.

Insuper statuimus, quod Clerici beneficiati in beneficiis suis residentes: & Sacerdotes, Diaconi, & Subdiaconi & Clerici clericantes, ubivis habitantes, seu moram trahentes, (ut ab aliis dignosci queant) honestis, (o) longis, seu talaribus vestibus, ac bireto Presbyterali, seu Clericali, in publico, & maxime in templo, Missas, & alia Divina officia peragendo, utantur. Alioquin si per præsumptuosam superbiam, aut levitatem id facere contempserint; distributionibus quotidianis, toties quoties contrarium fecerint, priventur, & aliter ad arbitrium puniantur.

De Notariis & Tabellionibus publicis.

TITULUS DUODECIMUS.

Ut Notarii habeant Protocolla.

Item quia nonnullorum Tabellionum ac Notariorum publicorum impertitia & negligentia subinde fit, ut contrahentes gravia damna, lites, & processus ferre, & sustinere cogantur, idcirco præsentis Statuto Synodali volumus & ordinamus, quod omnes & singuli Notarii & Tabelliones publici notarum civitatis & Diœcesis Cameracensis, quotiescunque requisiti in aliquibus causis sive negotiis, instrumenta, sive contractus conficere voluerint, super eisdem instrumentis & contractibus prius recipiant notas & protocolla, quæ penes se authentica, manu propria scilicet scripta aut subscripta, retineant, & diligenter observent, nihil addendo, vel minuendo, quod facti substantiam immutet, seu variet intellectum, adhibitisque in stipulatione dictorum instrumentorum, sive contractuum receptione, duobus testibus, fide dignis & sibi notis. Alioquin, si in præmissis negligentes fuerint, partibus contrahentibus ad interesse tenebuntur, & a Nobis acriter punientur. Reliquis nihilominus statutis & ordinationibus nostris, quoad Notarios & Tabelliones publicos, per Nos dum

R r r r 3

dum

[m] D. c. Ut Clericor. §. Prælati.

(n) Juxta C. A crapula. Extrav. De vita & honest. Cleric.

(o) C. Clerici. Extrav. De vita & honest. Cleric.

dum editis & publicatis, in suis vigore & robore perpetuo permanſurus.

De Pluralitate Beneficiorum.

TITULUS DECIMUS TERTIUS.

Plura Beneficia curata obtinentes, ſuas diſpenſationes oſtendant.

UT ſcandalofa & irrationabilis Beneficiorum (præſertim, quibus animarum cura annexa eſt) pluralitas ſacris damnata Canonibus refrænetur; ſtatui-
mus, quod omnes & ſinguli, ſub noſtra Diœceſi Cameracenſi plura beneficia curata & incompatibilia pacifice poſſidentes, Nobis, aut Vicariis noſtris infra ſemef-
tre, a tempore publicationis præſentium numerandum, diſpenſationum ſuarum (ſi quas habere prætendant) literas oſtendant & exhibeant: alias ſemeftri elapſo, primo ſic obtento & poſſeſſo beneficio, ex nunc prout ex tunc, & e contra, auctoritate Synodali declaramus & decernimus privatos. (p)

Item inhibemus omnibus Collatoribus & Collatricibus noſtræ Diœceſis, ſub ſuſpenſionis in Presbyteros, & excommunicationis in alios, cenſuris & pœnis, ne Beneficium curatum obtinenti (niſi diſpenſatione legitima prius munitus exiſtat) aliud, cui cura animarum annexa eſt, & incompatible, ſcienter conferant, ſi velint dictas, & a jure (q) conſtitutas pœnas evitare.

Quod Proviſio Apoſtolica Ordinario ſit inſinuanda.

Utque plurimorum fraudibus & clandestinis Beneficiorum permutationibus & reſignationibus occurratur, (quæ non raro in maximum ordinariorum Collatorum, ſub prætextu literarum Apoſtolicarum, præjudicium fiunt) innovando antiquum Statutum Synodale in titulo: *De acceptationibus Beneficiorum coram Notariis occulte factis*, eidemque addendo, in hac Sancta Synodo ſtatuiſmus & ordinamus, quod de cætero omnes & ſinguli, de aliquo Beneficio, ſeu Beneficiis Eccleſiaſti-

cis noſtræ Diœceſis auctoritate Apoſtolica proviſi, infra unius menſis ſpatium, a die capte poſſeſſionis computandum, Nobis, aut Sigillifero noſtro, vel Collatori ordinario, de proviſionibus hujusmodi legitimam fidem facere teneantur. Alioquin ipſos per arreſtationem, & fructuum dictorum beneficiorum ſubtractionem puniemus.

Permutationes cum titularibus Beneficiis factas, irritas eſſe.

Inſuper, quoniam experientia didicimus, quam plurimas in Beneficiorum permutationibus & reſignationibus committi fraudes ab aliis, qui ut Collatoribus ordinariis imponant, verum Beneficium, ſeu Beneficia ſua Eccleſiaſtica, benè dotata, ad aliud, ſeu alia nuda ac minime dotata, ſeu titularia Beneficia, nullos omnino fructus præter ipſum titulum, habentia, ſcienter permutare præſumunt; Idcirco hac Synodali Conſtitutione ſtatuiſmus & ordinamus, permutationes hujusmodi de cætero minime admittendas, decernentes eaſdem irritas fore & inanes, Beneficiaque ex cauſa talis prætenſæ permutationis ſcienter reſignata, vacare perinde, ac ſi ſimpliciter reſignata forent.

Inſtrumenta permutationum diligenter viſitanda.

Cumque etiam perſæpe multa in dictis permutationibus ac reſignationibus committantur perſuria per eos, qui frequenter ſubito, ac non præmeditati, aut ipſi, aut per ſuos Procuratores (quod ejusdem culpæ ac reatus eſſe dignoſcitur) jurejurando aſtruunt & affirmant, in illis nullam Simonie labem, aut aliam illicitam pactionem interveniſſe. Cum tamen contrarium illius ſæpius verum exiſtat: per quod gravem in ſe iram Dei provocant. Quocirca diſtrictè præcipimus & mandamus omnibus & ſingulis noſtræ Diœceſis Collatoribus, & Collatricibus; ut perſpectis prius permutationum inſtrumentis, aliisque contractibus, inter ipſos compermutantes initis & factis, atque diligentiori, quam hætenus fieri conſue-

vt,

- (p) C. *De multa*. Extrav. De Præben. & dignit. c. *Licet Episcopos*. De præb. & dignit. in 6. Clem. *Si plures*. De præb. & dign. & Extravagans: *Execrabilis*. eo. titu. c. *Quia nonnulli*. De Cler. non reſiden. in antiq.
(q) D. c. *De multa*. c. *Grave nimis*. Extrav. De Præben. & dignit. c. *Cum in cunctis*. §. fin. Extrav. De elect. & elect. pot. & d. c. *Quia nonnulli*. in fine.

vit, inquisitione prævia, instrumenta huiusmodi recipiant, ne sua levitate & ipsi quoque & reatus & culpæ huiusmodi fiant participes.

De Visitatione.

TITULUS DECIMUS QUARTUS.

Mandat Reverendissimus, ut quisque suæ regnuncule loca visitet.

QUoniam sine Visitatione, defectus, correctionem poscentes, sciri aut corrigi nequeunt, ideo Episcopali seu universali nostræ Diœcesis (Deo favente & aspirante) futuræ visitationi incumbit, serio mandamus, ut singuli eorum, quam citissime & commodissime fieri poterit, suæ jurisdictionis, seu regnuncule loca, in quibus visitandi jus habent, diligenter & fideliter, quemadmodum sæpe dicta Reformatio præscribit, visitent; quo speratus emendationis fructus, DEO Creatori nostro, ac Nobis, nostrisque Visitatoribus commendabilis existat: primam tamen in ea sollicitudinem gerentes de hæreticis, schismaticis, hæreticorum, aut schismaticorum illicitis conventiculis, deque hæreseos suspectis, aut diffamatis, nec non de libris pravis & prohibitis inquirendis, & extirpandis: de quibus Nos, vel Vicarios nostros (quo convenienti remedio, tantum malum in tempore evelli possit) sine ulla dilatione volumus certiores fieri. Alioquin illos graviter puniemus.

Portio Canonica Curatis assignanda.

Mandamus insuper districte Visitatoribus per Nos deputandis, Vicariisque & Officiariis nostris, ac omnibus, ad quos pertinet, ut Ecclesiarum Parochialium Curatis, & Vice Curatis nostræ Diœcesis honestam, & congruentem portionem Canoniam ex decimis, seu fructibus Ecclesiæ (prout Summorum Pontificum (r)

& nostrorum Prædecessorum Constitutiones præscribunt) competenter pro qualitate Ecclesiarum & onerum, eis incumbentium assignent, vel assignari faciant & procurent; ne dicti Curati temporales vel perpetui, propter stipendii (r) seu sustentationis defectum, occasionem sumant populum indebitis exactionibus gravandi. Alioquin inobedientiæ & negligentiae merito arguentur.

De Excommunicatione & cessu.

TITULUS DECIMUS QUINTUS.

Excommunicatus, personaliter & humiliter absolutionem petere debet.

CUM excommunicatio medicinalis (r) sit, non mortalis: sitque gladius spiritualis Ecclesiæ, quo membra putrida a sanis fecernuntur, & rebelles ab Ecclesiâ & communione Sacramentorum & fidelium repelluntur; ut rubore confusi, per humilitatis gratiam ad gremium Sanctæ Matris Ecclesiæ convertantur & faveantur; non debet cuiquam absolutionis beneficium, nisi humiliter perenti, impartiri, ne Censuræ Canonice vilescent & contemnuntur. Quapropter statuimus & ordinamus, ut quicumque per Statuta, vel Nos, aut Officiales nostros excommunicatus, seu aliis censuris innodatus fuerit, se personaliter Nobis, aut nostris Officialibus, pro absolutione legitime obtinenda, repræsentet, nisi ex causa rationabili alteri (specialem gratiam facientes) duxerimus committendam.

Cumque nullus excommunicari debeat, nisi pro peccato mortali, (u) & contumacia, (quam certum est, peccatum mortale existere) præcipimus, sub suspensionis pœna, ut omnes Presbyteri publice in suis Ecclesiis, & etiam privatim moneant & hortentur Parochianos suos, ut cum super excommunicationibus in eis latis, fuerint per Ecclesias militantes absoluti, nihilominus confiteantur & conterantur de peccato contumaciæ & inobedientiæ, pro qua excommunicati fuerint: hoc enim eis expedit ad salutem.

Copia.

(r) C. Extirpanda. c. Exposuisti. Extra. De Præben. & dignit. c. Cum ex eo. §. Porro. De elect. in 6.

(r) In Statuto incipiente: *Licet regulariter.* in Additionibus infra sub finem Statutorum antiquior.

[r] C. Cum medicinalis. in princ. De sent. excomm. in 6.

[u] D. c. Cum medicinalis fit. & c. Særo. Extrav. De sentent. excomm.

Copia citationum Curato danda.

Demum ut nemo in hujusmodi contumaciæ sive contemptus reatum facile incidat, statuimus & ordinamus, ut de cætero portitores, seu executores literarum Curia nostræ Cameracensis, quotiescumque laicum aliquem super crimine, seu negotio ad forum Ecclesiasticum pertinente citare voluerint, primam citationem ipsi Curato, seu Vice-Curato loci intimare, atque deinde etiam literarum contumacialium, priusquam eas exequi præsumant, copiam eidem tradere teneantur; quo idem Curatus, seu Vice-Curatus, sic citatum gratiose monere, & requirere possit, ne pœnam contumaciæ ob non-comparitionem incurrat.

Ne cessetur a Divinis sine præcedenti informatione.

Item quoniam in pluribus casibus, tam Canones, quam Statuta nostra Synodalia cessationem a Divinis, aut pollutionem Ecclesiæ vel Cœmeterii indicunt, nonnullis abusibus, eorum occasione obvenientibus, occurrere cupientes, statuimus, ne in nostris Civitate & Diœcesi Cameracensi a Divinis ex quacumque causa cessetur, vel pollutio servetur, nisi legitima & sufficienti super commissio excessu, propter quem cessandum erit, aut pollutio servanda, præcedente informatione (x) Nos, vel Officiales nostri, cessandum a Divinis, vel Ecclesiam, aut Cœmeterium pollutum declaraverimus, & sic mandaverimus observari.

Postremo, cum Nos prædictam Sacrae Cæsareæ Majestatis Reformationem in novissimis Comitibus Augustanis, Nobis, ac aliis Sacri Imperii Statibus Ecclesiasticis ad deliberandum propositam, velut Sacris Canonibus conformem, (absque tamen Sanctæ Sedis Apostolicæ præjudicio) receperimus, eandem juxta piam Clementissimi & Invictissimi Principis & Domini nostri, Domini CAROLI Romanorum Imperatoris semper Augusti, Nobis (ut præmittitur) factam admonitionem & exhortationem, in hac Sancta Synodo, & per totam nostram Diœcesim solemniter publicari, & quantum in Nobis est, (dictæ Sedis Apostolicæ, no-

strique Archi-Episcopi Metropolitani auctoritate, nec non quorumcumque exemptionibus, privilegiis, libertatibus, & juribus (unde aliqui ex Synodo protestati sunt) semper salvis) exequi, debiteque volumus & decernimus executioni mandari: serio monentes & requirentes omnes & singulos Abbates, Abbatissas, Priores, & Priorissas, Præpositos, Decanos, Capitula, Monasteria, ac Presbyteros, Curatos, & Clericos, in & per civitatem & Diœcesim nostras Cameracenses, constituta, & quæ præscripta sunt, & in hac sancta Synodo noviter statuta, aliaque per Prædecessores nostros edita & publicata (quæ nos etiam quatenus præsentibus non contrariantur, salvis correctionibus, seu moderationibus desuper auctoritate Synodali faciendis, approbamus & innovamus) sub pœnis & censuris inibi fulminatis, seu fulminari comminatis, respective firmiter & inviolabiliter (prout statuuntur) interteneant & observent.

Et ne quispiam eorum, quæ præmittuntur, crassa seu affectata ignorantia queat sese excusare, præcipimus & mandamus, in & per totam nostram Diœcesim prædictam, præmissorum omnium & singulorum debitam fieri publicationem: quodque omnium & singulorum Monasteriorum & Collegiorum Prælati, & Archi-Presbyteri, Plebani, & Curati locorum, dictæ Reformationis Formulam, præsentiumque, & aliorum Prædecessorum nostrorum Statutorum copiam, semper penes se habeant & retineant, & in iis contenta & comprehensa distincte observent. Alioquin contra negligentes ad excommunicationis, aliarumque pœnarum & censurarum prædictarum declarationem & aggravationem, aliasque, prout juris fuerit, absque dissimulatione procedemus.

LECTA ET PUBLICATA fuerunt hæc Statuta Synodalia Cameraci in choro Ecclesiæ Cathedralis, anno a Nativitate Domini millesimo quingentesimo quinquagesimo, Indictione octava, mensis Octobris die sexta, Pontificatus Sanctissimi in Christo Patris & Domini nostri, Do-

(x) Argumento c. *Si Canonici*. & c. *Quamvis*. De officio Ordin. in 6. c. *Irrefragabili*. §. *Cæterum*. Extrav. De offic. Ordinarii.

Domini JULII Papæ Tertii anno primo, in presentia Reverendissimi & Illustrissimi Principis & Domini, Domini ROBERTI DE CROY, Episcopi & Ducis Cameracensis, ac Reverendorum Patrum & Venerabilium Dominorum, Martini Cuperi, Episcopi Chalcedonensis, ejusdem Reverendissimi Domini Episcopi Suffraganei, & Abbatis S. Landelini in Crispino, Adriani Quarre, Georgii Asset, Cameracensis & Valenchenensis respective Archidiaconorum: Gaugerici Baillicq, Joannis Corouble, Sacræ Theologiæ Doctorum: Joannis de le Bay, utriusque Juris Licentii, aliorumque prædictæ Ecclesiæ Cathedralis quamplurimorum Canonicorum: Claudii le Borgnie de Fidemio, Joannis Calcei, Sancti Andree in Castro Cameracensis: Hieronymi Ruffault, Sancti Adriani Geraldimontensis: Ludovici de Bloys Liesiensis: Antonii Grislet, Sancti Sepulchri Cameracensis: Francisci Bebaufii, Sancti Dionysii in Broqueria: Michaelis de Quesnoy, de Hannonio: Leodegarii Prosnier, Altimontensis: Dominici Caputii, Sancti Petri Lobienfis, Ordinis sancti Benedicti: Joannis de Rosa Valcellensis, Francisci Baxii Nizellensis, Ordinis Cisterciensis: Arnoldi Streeters de Dieft Tongerloensis, Joannis Deppe Bonæ spei, Arnoldi Mabieu Jettensis, Nicolai de Spira Grimbergenfis, Joannis de Lavaine Ninovenfis, Ludovici Furze, Sancti Foliani de Sancto Symphoriano, Ordinis Præ-

monstratensis: Michaelis de Franqueville, Sancti Auberti Cameracensis, Caroli de Burgundia, de Cantimprato, Nicolai de Faulche, Sancti Joannis Valenchenensis, Ordinis Canonicorum Regularium Sancti Augustini, respective Abbatum: Guilielmi Mabieu, Vallis Scholarium Montensis, Huberti Scotti, de Busco Domini Isaac, ejusdem Ordinis Priorum: Paridis Taffut de Haspra, & . . . de Aymeries Præpositorum Sancti Gaugerici Cameracensis, Sancti Germani Montensis, Condantensis, Binchensis, Antonienfis, Rothnacenfis Civitatis & Diocesis Cameracensis Ecclesiarum respective Decanorum: nec non Cameracensi, de Bellomanso, de Castello, de Valenchenis, de Haspra, de Avesnis, de Bavaco, de Melbodio, de Binchio, de Montibus, de Chirvia, de Sancto Brixio, de Pamella, Antverpiensis, Bruxellensis, Hallensis, Aloftensis, & Geraldimontensis, Christianitaris Archi-Presbyterorum, seu Decanorum, & Curatorum ad hoc specialiter deputatorum. Presentibus etiam diversis Abbatum, Abbatissarum, Priorum, Præpositorum, Decanorum & Capitulorum Procuratoribus, ad prædictam Synodum specialiter missis, copiosaque dictarum civitatis & Diocesis Cleri & populi multitudine, in Choro præfata Ecclesiæ Cathedralis assistantibus & congregatis.

JO. DE FONTANIS, H. DE CLUSIS subscripserunt.

SEQUUNTUR

ANTIQUA STATUTA SYNODALIA DIOECESIS CAMERACENSIS,

AUTHORITATE SYNODI EPISCOPALIS, in principio mensis
Octobris, Anno Domini MDL. Cameraci celebratæ,
RECOGNITA, CORRECTA, ET
INNOVATA.

ROBERTUS DE CROY, DEI GRATIA, EPISCOPUS ET DUX CAMERACENSIS, SACRI IMPERII PRINCEPS, COMES CAMERACESII, &c. UNIVERSIS ET SINGULIS SÆCULARIUM ET REGULARIUM ECCLESiarUM PRÆLATIS, ABBATIBUS, PRIORIBUS, PRÆPOSITIS, DECANIS, CAPITULIS, CONVENTIBUS, RECTORIBUS, PLEBANIS, VICE-PLEBANIS, CANONICIS, CAPELLANIS, PRESBYTERIS, CLERICIS ET LAICIS, PER NOSTRAS CIVITATEM ET DIOECESIM CAMERACENSEM UBILIBET CONSTITUTIS, PRÆSENTIBUS ET FUTURIS, SALUTEM
IN DOMINO.

Inter alias Pastoralis nostri muneris partes, eas præcipuas arbitramur, ut

oves nostræ curæ a Deo commissas, puro atque sincero Evangelicæ Doctrinæ pabu-

lo pascamus, ipsique boni Pastoris exemplo, monitionibus piis, & præceptis viam præcludentes vitiorum, rectam, quæ ad aulam ducit cœlestem, virtutum semitam commonstremus. Quod sane quondam felicitis recordationis Petrum Episcopum Cameracensem, aliosque nostros Prædecessores fecisse constat; cum pro subditorum utilitate, proque Ecclesiæ ac Ministrorum ejus libertate, complures Synodales ediderint & promulgarint Constitutiones, non minus utiles, quam necessarias, adeo, ut nihil æque requisitum fuisse, atque debitam executionem putemus. Nihil tamen fecius, quando nonnullas huic nostro sæculo non satis congruentes comperimus, cum maturis sanctæ Synodi nostræ Diœcesis Patribus, & Dominis ad hoc specialiter deputatis, consilio & deliberatione præhabitis, Constitutiones prædictas (quas etiam prius per Jurisperitos, & aliquot viros pios, ac Deum timentes, ad eum, qui sequitur modum, compilandas, seduloque expendendas jussimus) per nostros, ac dictæ Synodi Deputatos, diligenter visitatas & discussas, de ipsorum expresso consilio pariter & assensu, quatenus per noviter in sancta Synodo Statuta correctæ, seu moderate non fuerint, nonnullis additis, & quibusdam detractis, & immutatis, auctoritate Synodi prædictæ correximus & moderavimus, corrigimusque, addimus, & moderamus modo & forma, in fine dictarum Constitutionum latius contentis: easdem, salvis correctionibus, additionibus & moderationibus infra scriptis, specialiter & expresse innovantes & approbantes, ac reliquas omnes veteres Constitutiones Synodales abrogantes.

De Pertinentibus ad Synodum.

TITULUS PRIMUS.

De his, qui tenentur venire ad Synodum.

In primis statuimus, & ordinamus, ut in qualibet Synodo, per Nos, vel Vicarios nostros, seu alios ad hoc deputatos, & potestatem habentes, in posterum celebranda, ipsi Prælati, Abbates,

Patroni & Personæ Ecclesiasticæ, & Sacerdotes, Collegia, Capitula, qui & quæ de jure (a) vel de consuetudine ad Synodum venire tenentur, personaliter compareant, & intersint; nisi causam justam & rationabilem habuerint, non comparendi:

De excusatione eorum, qui tenentur venire ad Synodum.

Quam si habuerint, aut prætereire voluerint; statuimus & ordinamus, quod Prælati, Abbates, Priores, Præpositi, & alii viri religiosi, Conventum habentes, quempiam suorum Religiosorum, discretum & honestum: Collegia & Capitula Ecclesiarum Collegiarum, Abbatissæ, Capitula & Conventus mulierum, Presbyterum discretum, notumque & idoneum, ad eos & eas dumtaxat, & non etiam alios, excusandum, sufficienter instructum mittant, & mittere teneantur: qui ad eos, & eas, seu ea excusandum, & alia, quæ in Synodo fient & ordinabuntur, audiendum, referendumque, & si opus fuerit, ratificandum, (b) nec non ad jurandum, quod ea de causa, & non alias ad dictam Synodum venerit, sufficiens mandatū habeat: Statuentes & ordinantes, quod dicti Prælati, Abbates, Priores, Præpositi, Sacerdotes, Decani, Capitula, Abbatissæ sæculares, & aliæ personæ Ecclesiasticæ, superius nominatæ, nullatenus per quemcumque in civitate nostra Cameracensi residentem, ullo modo valeant excusari.

Item statuimus & ordinamus, quod omnes Prælati, Abbates, Priores, Præpositi, Patroni, Abbatissæ sæculares, & alii Decani, & Capitula Ecclesiarum Collegiarum extra nostras civitatem & Diœcesim Cameracensem constituta, ad Synodum nostram venire debentia, si præcedant se habere privilegia, quo nactus personaliter in dicta Synodo celebranda comparere teneantur, Nobis, seu Vicariis nostris, aut aliis ad hoc deputatis, & potestatem habentibus, de hujusmodi suis privilegiis fidem legitimam faciant. Alioquin in qualibet Synodo persona-

(a) Vide in c. *Quod super his*. Extra. De major. & obedien. Et dist. 18. maxime in c. *Episcopus* 2. & c. *Decernimus*. ea. dist. c. *Abbatibus*. 18. quæst. 2. c. 1. junct. glo. *De Satu* Monach. Extra.

(b) C. *Episcopus* 1. dist. 18.

liter, ut alii Prælati & personæ nostrarum civitatis & Diœcesis, comparere tenentur.

Pœna non venientium ad Synodum.

Item Prælatos, personas vel Patronos, Sacerdotes, Capitula, Collegia, & quoscunque alios, de Diœcesi nostra Cameracensi existentes, qui ad Synodum nostram venire tenentur de jure vel consuetudine, non venientes ad Synodum, ut tenentur: qui non fuerint Canonice impediti, aut legitime excusati, aut quibus non detulerimus; nisi infra mensem super hujusmodi inobedientia emendam Nobis, vel Officiali nostro Cameracensi præstiterint competenter, ex nunc, prout ex tunc, a Divinis suspendimus, (*) & suspensos autoritate Synodali nuntiamus. Alios vero, non existentes de Diœcesi, debentes venire, & non venientes, nec pro se mittentes ad dictam Synodum, graviter puniemus. (*Syn. Camerac. anni 1312. & 1334.*)

Præcipimus, ut Prælati, Personæ, sive Patroni, Sacerdotes Parochialium Ecclesiarum, & Sacerdotes ad hoc electi, ad Synodum venientes, veniendo, morando, recedendo honeste se habeant.

Veniendo non nimis cito iter arripiant, nec a Synodo sine licentia recedant. Jejuni intrent Synodum. Presbyteri sint induti superpelliceo cum stola, Decani cum alba & stola, Abbates in albis cum cappâ chori, & baculo pastoralis.

Decani & Presbyteri, ad Synodum venientes, electis ad hoc duobus Provisoribus idoneis & peritis, de consensu Capitulorum suorum, faciant adeo moderatas expensas; ut Presbyteri remanentes, qui Parochiis aliorum deservire tenentur, per excessum expensarum & sumptuum non graventur.

Quilibet Decanus, pro se & duobus Sacerdotibus sui Decanatus, quinque equis, & qualibet die pro quolibet equo secundum distantiam locorum octo grossis Turonensibus regalibus sit contentus, veniendo ad Synodum, & remanens ibidem, quousque computus Decanorum sint finiti, & per unam diem ultra; nisi de mandato Domini, aut Vicariorum te-

nentium Synodum, diutius remanere debeant. (*Synod. Camerac. anni 1334.*)

Item, quod dicti duo Sacerdotes, venientes cum dictis Decanis, facta Synodo, postmodum debeant recedere, nisi de mandato Domini, aut Vicariorum, tenentium Synodum diutius manere debeant. (*ibid.*)

Item, quod dicti Decani in prima convocatione sua, facienda per ipsos Decanos, post hujusmodi Synodum, teneantur facta in Synodo publicare, de expensis publice computare: & sic deinceps singulis annis debent computare in convocatione proxima post Synodum. Quod si secus a quoquam Decanorum factum fuerit, pœnam centum solidorum Parisiensium ipso facto incurrat. Et hoc idem sub eadem pœna injungimus cuilibet Curato de hujusmodi Capitulo. Quod si quid contrarium a quoquam Decanorum factum fuerit, Nobis, aut Officiali nostro significant infra mensem.

Præcipimus, ut Decani veniant ad Synodum nostram bene muniti & instructi de computis suis, & ad computandum compareant adeo tempestive; ut per defectum eorum non oporteat illos, quos hujusmodi tangit negotium, in eodem computu nimiam moram facere. Alioquin ipsi, per quos moram hujusmodi fieri contigerit, expensas, quæ propter hoc fient, de suo proprio solvere tenebuntur.

Quid computus Decani continere debeat.

Præterea Decani scribant in computis suis loca & nomina eorum, a quibus leges quascunque recipiunt, & causas, ob quas ipsas recipiunt; nisi ex hoc timeatur oriri scandalum, seu corporis periculum imminere.

Quid referendum ad Synodum.

Decani, omnium usurariorum manifestorum & excommunicatorum per annum & diem, totius sui Decanatus nomina, & causas excommunicatorum in schedula deferant anno quolibet ad Synodum, vel computum: & ad hoc Curatos suos compellant; ne tam Decani, quam Curati de tali negligentia valeant reprehendi.

Item

(*) Suspendio reservata,

Tomus VI. Concilior. German.

Item referant ad Synodum nomina Presbyterorum omnium, qui in suis Decanatibus illo anno obierunt, ut in Synodo absolvantur: & Presbyter quilibet in reditu suo unam Missam de *Requiem*, cum toto servitio defunctorum pro eisdem dicere teneatur.

De impediētibz Synodum.

Inhibemus sub pœna excommunicationis, ne quis moretur in Synodo, ad quem non pertinet, nec Synodum negotiis impertinentibus, aut alias perturbare præsumat, vel impedire.

Statuimus, ut ubicumque malitiose aut violenter impeditur Synodus, aut Capitulum Decanorum, in locis, in quibus consueverunt fieri, cessetur a Divinis, & impediētes ipso facto excommunicamus. (*)

Quæ sunt faciēda in Synodo.

Primo legatur commissio Domini Episcopi, facta Vicariis, si fuerit absens: deinde prædicetur Verbum Dei. (*Vide Moder. & Addit. infra §. 1.*)

Item surgant Procuratores absentium, & tradant sua procuratoria Vicariis, vel illis, qui ad hoc fuerint specialiter deputati.

Item legantur Statuta de novo facta, si aliqua sint, & legantur aliqua statuta magis necessaria.

Atque si placuerit, legantur literæ Papæ Clementis super restitutione facta Episcopo, Capitulo, & Ecclesiæ Cameracensi de Comitatu Cameracensi.

Item revocentur omnes gratiæ & commissiones sub hac forma: *Revocamus omnes gratias, & literas generales &c. ut in titulo XXVII. continetur.*

Deinde omnes, qui de jure vel consuetudine ad Synodum venire tenentur, minus sufficienter comparentes, contumaces reputentur.

Item præcipiatur omnibus sub certa pœna, ne aliqui recedant, nisi prius petita licentia & obtenta.

Item surgant omnes Decani Christianitatum per ordinem, & dicant alta

(*) Excommunicatio reservata.

(d) C. 2. Extra. De Baptis. & ejus effect.

voce nomina Curatorum & Capellano- rum, in suis Decanatibus mortuorum: deinde dicatur pro defunctis usque in finem, *Pater noster*, cum collecta; *Fidelium Deus, &c.*

De Baptismo.

TITULUS SECUNDUS.

Baptismus caute & reverenter celebrāndus.

Baptismus caute & honorabiliter celebretur cum aperta distinctione, & forma verborum, in quibus consistit Sacramentum, id est, salus & virtus Baptismi, quæ est talis: *Patre, ego (c) baptizo te, in Nomine Patris, & Filii, & Spiritus Sancti Amen.* Quæ verba dicantur ab eo, qui baptizandum immergit. Et ut caveatur periculum baptizandi, non immergatur caput pueri in aquam, sed baptizans, ter super verticem pueri aquam infundat cum pelvi, aut alio mundo & honesto vase.

De Piscina.

Item juxta fontes instituatür piscina apta, ut laventur manus eorum, qui tenuerunt puerum, & vas lavetur, cum quo infusus fuit puer, & super piscinam illam ponatur cooperculum.

Renovatio fontis.

Renovetur autem aqua fontium, quoties opus fuerit, & vetus amoveatur, & nova benedicatur & chrismetur. Sed antequam nova apponatur, fontes diligenter mundentur, propter reverentiam Sacramenti.

Infans in necessitate etiam per mulieres baptizari potest.

Doceant quoque Presbyteri viros & mulieres formam & verba Baptismi in propria lingua, quibus valeant in necessitate infantem baptizare, etiam parentes, si alius defuerit. Et postmodum deferatur puer ad Sacerdotem, qui diligenter interroget, quid baptizator fecerit aut dixerit: & si invenerit omnia rite facta, vel dicta, faciat puero ea, quæ solent fieri post immersionem. Si autem invenerit aut dubitaverit (d) puerum non esse rite bapti-

(c) C. 1. Extra. De Baptis. & ejus effect.

baptizatum, baptizet eum sub hac forma: *Petre, si non es baptizatus, ego baptizo te, in Nomine Patris, & Filii, & Spiritus Sancti. Amen.*

Doceant quoque Presbyteri, quod si pater & mater pueri infantem suum in necessitate baptizarent; non propter hoc dimittant, quin se habeant ut conjuges, sicut ante.

De infante non perfecte nato.

Præterea si caput nascentis infantis extra appareat, & timeatur de morte ejusdem, antequam perfecte nascatur, infundat aquam benedictam, (*) qui aderit, super caput infantis nascentis, dicens: *Infans, ego te baptizo in nomine Patris, & Filii, & Spiritus Sancti. Amen.* Et tradatur Ecclesiastica sepultura. Si vero caput non appareat, sed alia pars corporis, & timeatur de morte, ut dictum est; infundatur aqua super parte visa, & proferantur verba Baptismi superius declarata. Si tamen caput vivum non apparuerit, Ecclesiastica denegetur sepultura. Si autem pervenerit ad ortum legitimum, de novo baptizetur sub his verbis: *Petre, si non es baptizatus, ego te baptizo in Nomine Patris, & Filii, & Spiritus Sancti. Amen.* Nec addantur, aut immisceantur aliqua verba.

Si mulier mortua fuerit in partu, non negentur ei aliqua jura Christianitatis; sed in Ecclesiam deferatur, & in cœmeterio tumuletur, nisi aliud obstitit: quia pœnam non debemus ei vertere in culpam. Si certum fuerit, quod pariens mortua fuerit, teneatur os ejus apertum, & cum magna cautela uterus ejus aperiat, ut infans vivus, si possit fieri, educatur, & baptizetur. Si autem mortuus reperiatur, extra cœmeterium tumuletur.

De Susceptoribus Parvulorum.

Ad levandum puerum de fontibus, quatuor personæ laicæ & seculares, duo scilicet masculi, & duæ feminae in paternos & maternas, sive pueri levandi sint masculi, sive feminae admittantur. (e) Et si placuerit parentibus, quatuor alii

seculares, (f) in sacris Ordinibus constituti, cum supradictis assumantur: Præcipiendo sub pœna excommunicationis Presbyteris, ne plures personas in paternos, vel maternas admittant, quibus jungant, ut Orationem Dominicam, & Symbolum Apostolorum, & Ave Maria doceant eos, quos de fontibus levarint.

De custodia Fontis & Chrismatis.

Fontes sub cooperulo & sera teneantur cum sollicitudine diligenti.

Item Chrisma, Oleum sacrum, & Oleum infirmorum, in ampullis metallicis, & sub clave custodiantur, & ampullæ certis titulis distinguantur, & diligenter obstruantur. Si autem oportuerit Chrismati, Oleo sacro, vel Oleo infirmorum aliud oleum apponi consuetum, caute & diligenter misceatur appositum cum Chrismate, Oleo sacro, & Oleo infirmorum.

Item licet per Constitutionem Clementinam (g) jam diu fuerit inhibitum, ne quis nisi in Ecclesiis, in quibus fontes ad hoc specialiter fuerint deputati, aliquem audeat baptizare (liberis Regum & Principum dumtaxat exceptis) ut tamen adjectione pœnæ dicta Constitutio magis in reverentia teneatur, & ejus inhibitiō timeatur; hac autoritate ordinaria inhibemus, statuentes, ut qui de cætero contrarium fecerit, in excommunicationis (*) sententiam incidat ipso facto. (*Syn. Camerac. anni 1321.*)

Quis possit mitti pro Sacro Chrismate.

Item statuendo præcipimus, ne quis pro sacro Chrismate habendo mittat laicum, vel mulierem; sed dumtaxat Clericum honestum & discretum. Et si quis contrafecerit, incurrat pœnam viginti solidorum Parisiensium. (*Synod. Camerac. anni 1325.*)

Statuimus, quod omnes & singuli Decani Christianitatum nostrarum Civitatis & Diœcesis, de cætero pro sacro Chrismate habendo mittant aliquem Presbyterorum, Curatorum, seu Capellanorum suorum Decanatum, post hujusmodi

S s s s 3

Sacri

(*) Vide Moderat. & Addit. infra §. 2.

(e) Revocatum per Concil. Trident. Sess. 24. de Reform. Matrim. c. 2.

(f) Vide Moderat. & Addit. infra §. 4.

(g) Clem. unic. De Baptis. & ejus effect. in Clero.

(*) Excommunicatio reservata.

sacri Chrismatis confessionem & consecrationem. Alioquin Clericos, seu Custodes suarum Parochialium Ecclesiarum, si canonico impedimento impediti sint, mittant.

Statuimus & prohibemus, ne Decani a Curatis pro administratione Chrismatis exigant, aut recipiant immoderatas expensas, sed moderatis expensis sint contenti: contrarium autem facientes, graviter puniemus. (*Syn. Camer. an. 1334*)

De Confirmatione.

TITULUS TERTIUS.

Quod pueri septennes sint confirmandi.

Hortentur Presbyteri suos subditos, ut pueros suos septennes & supra, adducant ad Episcopum confirmandos, cum munda & decenti capillatura, loris frontibus, cum fasciis mundis & aptis de spissa tela: & tertia die reducant ad Ecclesiam confirmatos, ut ibidem frontes eorum laventur a Presbyteris cum cinere vel sale, & fasciæ eorum comburantur, & aqua lotionis frontium cum cinere fasciarum in piscinam reponatur. Unus solus teneat, & liget confirmandum, non pater, nec mater.

Confirmatio non iteranda.

Istud Sacramentum non est iterandum, & qui pluries fuerit confirmatus, graviter puniatur. [*Syn. Camer. an. 1311.*]

Adulti, scilicet duodecim annorum & amplius, prius confiteantur suis Sacerdotibus de peccatis suis, antequam confirmantur.

Parentes parvulorum jam confirmatorum sæpe reducant ad memoriam eorum, quando, a quo, & ubi fuerint confirmati.

Mutatio nominis.

Item doceant Sacerdotes, quod Episcopus in confirmatione confirmandorum nomina potest mutare. Item nullus ad primam tonsuram, vel ordines audeat accedere, nisi fuerit prius confirmatus.

De Pœnitentia, & partibus ejus, scilicet: Confessione, Contritione, & Satisfactione.

TITULUS QUARTUS.

Quis, quando, & cui confitendum.

Sacerdotes moneant subditos suos, ut omnes a quatuordecim annis & supra, præsertim in Quadragesimali tempore, & ante Dominicam in Ramis Palmarum, ad confessionem frequenter accedant, seu veniant: & saltem semel in anno confiteantur proprio Sacerdoti, (*b*) id est, Presbytero parochiali; qui ideo magis proprie proprius dicitur esse Sacerdos, quia non solum confessiones audit, & absolvit, sed etiam ministrat alia Ecclesiastica Sacramenta.

Quæ peccata confitenda.

Confiteantur autem nullatenus aliena peccata, sed sua tantummodo, & præcipue omnia mortalia, distincte, cum circumstantiis, & aggravationibus, quæ notantur in hoc versu, *Quis, quid, ubi, per quos, quotiens, cur, quomodo, quando.* & hoc in habitu humili, & corde contrito. Venialia autem in summa confiteantur eidem.

Locus & tempus audiendæ Confessionis.

Sacerdos autem cum attenta diligentia in Ecclesia, loco apto, post solis ortum, & ante solis occasum, nisi necessitas aliud poposcerit, insuper indutus superpelliceo, vel cappa rotunda cum stola, sedendo, vultibus & oculis in terram demissis, mansuete, confessiones audiat eorundem, ipsi pœnitentias peccatis suis contrarias injungendo: ut pro peccato luxuriæ, jejunium & abstinentiam: pro peccatis spiritualibus, meditationes, orationes & similia: pro furto & detentione rei alienæ, primo restitutionem & satisfactionem integram, & nihilominus aliam congruam pœnitentiam pro eisdem.

In actu confessionis, nec confitens, nec Sacerdos verba confabulationis, aut alia, quæ ad salutem non pertinent, immiscere præsumat.

Sacer-

(b) C. Omnis utriusque sexus. Extra. De pœnit. & remiss.

Sacerdos impenitentem non absolvat.

Sacerdotes Curati, & eorum vices gerentes, ac alii, qui vice nostra confessiones audiunt, eos, qui propositum non habent abstinendi a peccatis, nullatenus absolvant: sine pœnitentia tamen eos non relinquunt. (i) Sed cum hoc eos moneant ex charitate, ut interim agant, quidquid boni possunt, ut Deus corda eorum ad veram contritionem, & pœnitentiam illustret. (*Synod. Camerac.* 1308.

Sacramentum pœnitentie ultimo damnatis supplicio non denegandum.

Item exhortamur primo, & moneamus in Domino sub pœna excommunicationis, (*) quam ex causa statuendo ferimus in non obedire volentes, ut ultimo damnandum supplicio, si petat, confessionis, & pœnitentiæ, non degreget Sacramentum: Præcipientes Decanis nostris, aut Curatis, seu vices eorum gerenibus, ut eos & singulos, quos legitime constiterit in prædictam excommunicationis sententiam incidisse, palam & publice excommunicatos in suis Ecclesiis nuntiare non omittant. (*Syn.* 1320.)

Casus reservati Episcopo.

TITULUS QUINTUS.

Reservamus Nobis (**) peccata majora, videlicet peccata contra naturam in viris ultra vicesimum annum: Homicidia: Incendia: Simoniam: Hæresim: Apostasiam: Sacrilegia ultra quadraginta solidos: incestus cum Patre & matre, filio & filia, fratre & sorore, & cum mulieribus religiosis professis: injectiones manuum violentas in parentes cum deliberatione factas: sortilegia in Sacramentis, videlicet in Eucharistia, vel chrismate: oppressiones parvulorum voluntarie procuratas: negligentias parentum, in igne vel aqua natos perdentium: perjuria solemnia, & fidei fractiones solemnes in Curia Cameracensi:

votorum solemnium transgressionem: maleficia impediencia coitum: procuraciones sterilitatum, vel abortivorum: propinationes veneni: magnas blasphemias Deo factas: casus eorum, qui falsificant literas Curie nostræ Cameracensis, vel abutuntur eisdem: omnes casus excommunicationis (***) tam a Nobis, quam a Canone latæ, exceptis inferius nominatis & expressis: & omnia alia peccata istis graviora, exceptis in mortis articulo.

De absolutione in articulo mortis.

Nam pœnitentes in articulo mortis (k) constitui, per Presbyteros, etiam non Curatos, maxime quando Curatorum copia non habetur, a peccatis & excommunicationis sententia, quantumcumque reservatis Summo Pontifici, Episcopo, Officiali, Pœnitentiariis, vel alteri de jure, vel statuto (dum tamen parti fuerit satisfactum, vel quantum in se est, satisfactionem offerant idoneam, cavendo, vel bona sua ad manus Ecclesiæ propter hoc reportando, & præstito juramento, quod si eosdem sanitati restitui contingat, superiorem adibunt, qui propter hoc est adeundus, ejus parituri mandatis) injuncta pro modo culpæ pœnitentia saluari, cum Psalmo Pœnitentiali: *Miserere mei Deus. Gloria Patri. Kyrie eleison. Pater noster. Et ne nos Es'c. Salvum fac servum tuum Domine Deus, sperantem in te. Nihil proficiat inimicus in eo, & filius iniquitatis non nocebit ei. Esto ei Domine turris fortitudinis a facie inimici. Domine exaudi orationem Es'c. Dominus vobiscum, cum responsoriis. Oremus: Deus, cui proprium est, semper misereri Es'c. parcere, suscipe deprecationem nostram, & hunc famulum, vel hanc famulam tuam, quem vel quam peccatorum Es'c. excommunicationis catena constringit, miseratio tue pietatis absolvat, Per Christum Dominum Es'c. Junctis verbis sequentibus: *Auctoritate Dei Omnipotentis, Beatorum Petri & Pauli Apostolorum ejusdem, suæ Sanctæ Ecclesiæ, & nostræ, absolvimus, a talibus peccatis, & a tali sententia, & restituimus te communioni & participationi Ecclesiæ, & omnium fide-**

(i) C. *Quod quidam.* Extra. De pœnit. & remiss.

(*) Excommunicatio reservata,

(**) Moderatum in Synodo Camerac. anni 1604. Tit. 8. cap. 1.

(***) Moderatum in Synodo Camerac. anni 1604. Tit. 8. cap. 4.

(k) C. *final.* Extra. De Sepult. c. *Ex tenore.* Extra. De Excomm. c. *Cum desideres* 1. & c. *A nobis* 2.

fideliū, & Ecclesiasticis Sacramentis. absol-
vendi sunt: nec eisdem viaticum & unctio
extrema, si non obtulerit aliud, denegari
debent. Quoad sepulturam autem talium
nihil innovetur, sed juris & Statutorum
Constitutiones potius observentur. Si
vero (quod absit) sic absoluti restituan-
tur sanitati, & infra mensem non adim-
pleverint, quod iuraverunt; curiæ nunti-
entur, in pristinas sententias & offensas
relapsi, & contra eos procedatur. Hanc
autem nostram, imo verius Juris provi-
sionem Presbyteris omnibus sæcularibus
& regularibus præcipimus inviolabiliter
observandam.

Addendo statuto loquenti de casibus
nobis reservatis, statuimus & ordinamus
omnibus & singulis Presbyteris, Curatis,
& vices gerentibus eorundem, nostrarum
civitatis & Dioecesis Cameracensis, sub
suspensionis & excommunicationis
pœnis, & centum solidorum Parisien-
sium, Nobis & Archidiacono loci, si com-
mittantur, applicandorum, irremissibi-
liter injungimus, ut ipsi Presbyteri Pa-
rochialium Ecclesiarum Curati, & eorum
vices gerentes, de cætero singulis die-
bus Dominicis & Festivis, in facie sua-
rum Ecclesiarum, generaliter omnes &
singulos homicidas, pedum, manuum,
& aliorum membrorum ablatores, (quos
Nos tenore præsentis nostri Statuti Syn-
docalis, Pontificali & ordinaria autori-
tate, una cum aliis pœnis & sententiis,
Juris, & Statutorum Synodaliū &
Provincialium autoritate, in tales latis
(a) excommunicamus) ut (b) excom-
municatos publice, distincte & nomina-
tim, cum ad ipsorum Curatorum, seu
aliorum vices gerentium noticiam deve-
nerint, denuntient. Nec tales ad Sa-
cramenta Ecclesiastica quæcumque (Sa-
cramentis confessionis & extremæ un-
ctionis exceptis) recipiant seu admittant,
nisi eis constiterit legitime parti læsæ sa-
tisfecisse, & a nobis beneficium absolu-
tionis obtinuisse, injungentes Decanis
nostris Christianitatis sub eisdem pœnis,
ut de Presbyteris, Curatis & eorum vi-
ces gerentibus, in præmissis negligentibus
seu remissis, diligenter inquirent,

nominaque & cognomina eorundem No-
bis, seu Officiali nostro Cameracensi refe-
rant, seu rescribant.

Casus reservati Pœnitentiariis.

TITULUS SEXTUS.

Committimus (c) Pœnitentiariis no-
stris generalibus per Decanatus, de-
puratis, peccata contra naturam in omni
ætate per mulieres perpetrata, in viris
intra vicesimum annum: pollutiones
manuum in omni ætate: perjuria & fidei
fractiões, quæ non fuerint factæ in Cu-
ria Cameracensi: votorum non solemni-
um transgressiões: injectiões ma-
nuum in parentes, ubi non fuerit gravis
læsiō, vel deliberatio: injectiões manu-
um parvulorum in Clericum usque ad
vicesimum annum: sortilegia, quæ
non fuerint de Eucharistia, vel Chrisma-
te: oppressiões parvulorum non vo-
luntarie, sed casuales: clandestinas nup-
tias: incestus, exceptis patre, matre,
filio, filia, fratre & sorore: omnia adul-
teria: injectiões manuum mulierum in
Clericum, vel Sacerdotem, ubi non est
enormis læsiō: sacrilegia usque ad qua-
draginta solidos, ita tamen, quod debi-
ta restitutio fiat Ecclesiæ de eisdem: &
omnia peccata, ubi Curati habent po-
testatem.

Casus commissi Presbyteris Pa- rochialibus.

TITULUS SEPTIMUS.

Curatis, & eorum vices gerentibus
committuntur (d) inordinatus con-
cubitus cum mulieribus: mollicies: pec-
cata contra naturam in ætate puerili, in
viris usque ad decimum quartum an-
num: in mulieribus vero usque ad vice-
simum quintum annum: Adulteria ex
una parte provenientia: damnificationes
& furta, dummodo fiat restitutio statim,
atque facultas se obtulerit: Sacrilegium
usque ad decem solidos, dummodo Ec-
clesiæ

(a) Excommun. reservata. (b) Moderatum. Vide infra in *Moderationib. & Addition. §. 5.*
(c) Moderatum in *Synodo Camerac. anni 1604. Tit. 8. c. 1. & 2.* quam vide *Tom. sequ.*
(d) Vide eand. *Synodum Camerac. anni 1604. l. cit.*

clefiz fiat restitutio : levis injeſio manu in parentes : ſortilegia in rebus minimis & communibus , ubi non eſt horror, vel turpitudō : perſuria privata, in quibus nullus damnificatur : ſtuprum virginum : abortus non procurati, ſed caſuales.

De caſibus (e) Nobis, aut Pœnitentiariis noſtris reſervatis, Curatis, & eorum vices gerentibus, interdici-mus omnem poteſtatem abſolvendi , excepto mortis articulo.

Sacerdotes confeſſiones mulierum, cum quibus peccaverunt , fautorum & mediatorum non audiant ; niſi in caſu neceſſitatis. (Syn. 1311.)

Statuimus, quod in quolibet Decanatu quilibet Curatus poſſit ſibi eligere idoneum Confeſſorem (f) in ſuo Decanatu, qui ipſum abſolvat a peccatis ſibi confeſſis, exceptis caſibus Nobis, & Pœnitentiariis noſtris reſervatis. (ibid.)

De ſubveniēdo Curatis per Capellanos.

Ad ſopiendum inter Parochiales Preſbyteros & Capellanos perpetuos noſtræ civitatis & Diœceſis, in Eccleſiis Parochialibus omnimodam materiam quæſtionis, ſtatuimus, ut Capellani tam perpetui, quam mercenarii, in confeſſionibus audiendis, Preſbyteris Parochialibus ſubveniant, & ſuccurrant in his, quæ ad opus Parochiale pertinent, eo tempore, quo conſtabit dictos Preſbyteros occaſione noſtra, vel Curiz Cameracenſis impeditos eſſe, vel infirmitate proprii corporis detentos; dum tamen infirmitas huiusmodi quindecim dierum numerum non excedat: ſalvis nihilominus Ordinationibus, a Nobis, aut Prædeceſſoribus noſtris, ſuper Capellanis, ſi quæ fuerint, factis & ordinatis. (Syn. 1333.)

Item ſtatuimus, quod Capellani perpetui in Parochiis, in quibus ſux Capellaniz conſiſtunt, reſidentiam faciant corporalem, & cum Curatis locorum in Eccleſiis Parochialibus, Veſperis, Matu-

tinis, & Miſſis, diebus Dominicis & feſtivis interſint, ſecundum ſcientiam a Deo ſibi collatam cantando & legendo. Nomina autem rebellium Preſbyteri, ſeu Decani, Nobis, vel Officiali noſtro nuntient, ſeu reſcribant. (ibid.)

Nemo alienum Parochianum abſolvere poteſt.

Quoniam, ſicut experientia nos docuit, nonnulli Sacerdotes, imo verius deceptores, in alienam meſſem falcem ſuam mittere non verentes, in noſtra civitate & Diœceſi Cameracenſi, ſine noſtra, vel Curatorum Parochialium Eccleſiarum ejusdem Diœceſis, licentia, in eorundem Parochiis & Eccleſiis præſumunt temeritate propria audire confeſſiones, & miniſtrare Eccleſiaſtica Sacramenta, contra Sacrorum Canonum inſtituta; cum ipſis conſistentes abſolvere nequeant, aut ligare, vel Eccleſiaſtica Sacramenta miniſtrare: (g) Nos autem tantæ temeritati, & animarum periculis occurrere cupientes, ſtatendo prohibemus; ne aliqui Sacerdotes, ſine noſtra, vel prædictorum Curatorum licentia, audire confeſſiones, vel alia Sacramenta miniſtrare præſumant, niſi in mortis articulo, ubi non poſſet haberi copia Curatorum. Si quis contrarium facere præſumpſerit, excommunicationis (h) vinculo ſit ligatus: ſalvis tamen authenticis ſcriptis & privilegiis Apoſtolicis, quorum volumus eſſe defenſores. (Syn. 1317.)

Preſbyteri ſuis Parochianis inhibeant, ne quis rem furtivam, vel furti ſuſpectam, emere ſcienter præſumat: & ſi ſecus fecerit, ſe ad reſtitutionem teneri ſciat. (i) (Syn. 1333.)

Item Preſbyteri ſuis Parochianis præcipiant & injungant, ut hi, qui procul ad nundinas, aut peregre ſunt ituri, licentiam a ſuo Sacerdote accipiant, ſumendi Eccleſiaſtica Sacramenta in via, ſi neceſſe fuerit: & Sacerdos eis denegare non præſumat. (ibid.)

Nota.

(e) Moderatum in Synod. Camerac. an. 1604. l. cit.

(f) Argum. c. final. Extra. De pœnit. & remiſſion.

(g) C. Omnis utriusque ſexus. c. Quod autem. Extra. De pœnit. & remiſſion. c. Nullus. Extra. De Paroch. & alien. Paroch.

(h) Excommunication non reſervata. Vide Tom. ſeq. Synod. anni 1604. Tit. 8. cap. 4.

(i) L. Incivilem rem. L. Civile eſt. C. De furt.

Tomus VI. Conciliar. German.

Notabilis facultas, commutandi vota peregrinationum.

Item statuimus, ut Presbyteri, & alii, qui vice & auctoritate nostris audiunt confessiones, confitentes inducant & moneant, ut saltem semel in anno visitent matrem suam Ecclesiam Cameracensem: & si forsan iidem, præcipue mulieres, alias peregrinationes voverunt, & eas sibi commutari requirant; ipsas peregrinationes, & maxime mulieribus, quibus parcendum est propter sexum, in peregrinationem ad dictam Ecclesiam Cameracensem, unam, vel plures, compensatis peregrinationis primo promissæ, laboribus & expensis, auctoritate nostra commutent. [*ibid.*]

Sacerdotes diligenter instruant subditos suos de Symbolo Apostolorum, & articulis fidei. (*ibid.*)

Nullum excommunicatum (*k*) pro absoluto habeant, nisi eis de absolutione facta fuerit certa fides. (*l*) Et cum aliquem absolunt, dicant: *Miserere mei, Deus, &c.* Absolvendo coram eis, ante ostium Ecclesiæ, flexis genibus constituto.

De Eucharistia, & celebratione Missarum.

TITULUS OCTAVUS.

Vestitus celebrantis.

Sacerdotes in vestibus Sacerdotalibus, mundis & benedictis accedant ad Missam celebrandam: manipulus habeat duos pedes in longitudine sub brachio: stola ad minus usque ad paramentum alba se extendat: alba & casula integræ & non dissutæ habeantur & custodiantur: amictus integer sit, & sæpe mundetur: cingulum longum, mundum, integrum & benedictum habeatur: Presbyteri non contenti sine calceamentis & caligis supra genua attingentibus.

Quam graviter peccet, qui indigne celebrat.

Noverint Sacerdotes, quod si cum conscientia peccati mortalis ad celebran-

dam Missam accesserint, & celebraverint; ad minus ter peccant mortaliter. Primo, quia præsumunt indigne accedere. Secundo, quia indigne conficiunt & contingunt Eucharistiam, & tenent sacra vasa. Tercio, quia manducant indigne corpus Christi, & bibunt ejus Sanguinem.

Ornamenta Altaris.

Altare ad minus duabus pallis benedictis paretur. Corporalia duo ad necessitatem unius altaris ad minus habeantur. Pannus, cum quo calix extergitur, cum veneratione custodiatur in calice, vel super altare, sicut reliquiæ. Cæteri panni, quibus calix & patena involvuntur, mundi custodiantur. Missale semper involutum camisa linea, & munda, altari superponatur, & habeat sudariolum vel manutergium dependens, quo Presbyteri nares, faciem & os detergant. Loca circa altare ab araneorum telis, pulveribus, & cæteris immunditiis sæpius emundentur. Cortinæ convenientes, quæ alæ dicuntur, a lateribus altaris utrimque appendantur, nec tempore Sacrificii ab aliquo retrahantur: cortina convenienter sursum supra altare extendatur, quæ protegat & defendat altare, ab incommodis immunditiarum descendentiis. Calix, & patena, in quibus conficitur corpus Christi, sint argentei vel aurei, (*m*) & integri, & calix sit cum firmo pede, non titubans.

Nullus sine Clerico celebrare præsumat.

Ampullæ.

Ampullæ vini & aquæ integræ & mundæ interius & exterius observentur, & signo notabili distinguantur. Vinum de tertio die in tertium diem ad minus renovetur. Vinum rubrum, si commode possit haberi ad celebrandum, ministretur.

Piscina.

Piscina, in quam lavat Sacerdos manus post consecrationem Sacramenti, munda teneatur & cooperiatur, & exterius post illam lotionem mundum habeatur, & reverenter alba tela, vel cortina linea, seu serica tegatur, & cum

cor-

(*k*) Vide infra Moderat. & Addit. §. 6.

(*l*) C. Sicut nobis. Extra. De sentent. excommun.

(*m*) C. fina. De celebrat. Missar. c. Vasa. c. Ut Calix. De Consecrat. dist. 1.

corporali, si necesse fuerit, abluatur ab aliquo Sacerdote, vel persona religiosa, & aqua ablutionis in piscinam sacram recondatur. Item exterforium calicis, quando ipsum vetus & minus honestum fuerit, super piscinam sacram comburatur, & cinis in piscinam recondatur.

Habeat Sacerdos proprium manutergium, quo se extergat ante celebrationem vel contactum Sacramentorum, ut Eucharistiae, Chrismatis, Olei sacri. Clericus autem non tergat manus suas ad prædicta manutergia vel exterforia, sed habeat aliud proprium.

Hostia.

Sacerdos (n) sit diligens in electione hostiæ consecrandæ, ut sit integra, & solida, & rotunda, non nimis vetusta: & in appositione vini & aquæ discernat odore, quid sit utrumque, vel faciat ab alio gustu discerni: de aqua autem apponantur duæ guttæ vel tres.

Sacerdos autem distincte & attente legat & dicat in Canone, quæ dicenda sunt. Sacerdos non levet hostiam ad ostendendum populo, nisi prius dixerit hæc verba: *Hoc est enim Corpus meum* &c. & tunc pulsetur campana magna tribus vicibus, in una parte: & fideles, qui audierint, ubicumque fuerint, adorent.

Cautela Missæ.

Sacerdos cum venerit ad consecrationem, vel perceptionem, & nihil in calice invenerit, innuat, quod offeratur ei vinum cum aqua, quibus appositis, dicat verba Canonis ab illo loco: *Simili*

modo postquam conatum est, &c. usque finem, & faciat signacula, quæ tunc fieri solent super Sanguinem: illa autem, quæ facta sunt super Eucharistiam, non reiteret. Quod si aquam invenerit & gustaverit, non reiteret Sacramentum sanguinis, sed transeat consueto more: (o) ille autem, per cuius negligentiam hoc evenierit, jejuset tribus diebus, a se distans, in pane & aqua.

Effusio Sanguinis.

Si quid de Sanguine ceciderit super corporale, vel super pallam altaris; pars corporalis, vel pallæ, intincta sanguine, ter abluatur diligenter, & aqua ablutionis a Presbytero jejuno, vel persona religiosa jejuna sumatur, & poterit dictis pannis uti, sicut prius post ablutionem prædictam. Si sanguis super alium pannum ceciderit; pars tincta sanguine abscindatur, & comburatur, & cinis in sacram piscinam recondatur. Si super lignum, vel lapidem, vel terram si lidam ceciderit; illa pars, si commode fieri possit, a Sacerdote ablinguatur, & postmodum deradatur, & rasure combusta in sacram piscinam reponatur.

Si in Sanguinem Christi aliquid abominabile ceciderit.

Si in sanguinem musca, vel aranea, vel aliquid abominabile ceciderit, quod vix sine periculo corporis, vel vomitu sumi possit, caute abstrahatur, & super patenam, vel alium calicem abluatur vino: & post sanguinis sumptionem solitam, illa lotio bestiæ reponatur in piscinam,

(n) C. final. De celebrat. Missæ. c. 1. & 2. & c. Non oportet. cum sequent. De consecrat. Dist. 2.

(o) Error hic irrepisse videtur in editionem Synodorum Cameracensium Parisinam, anni 1739. (qua usus sum) forte ob vocabulorum quorundam prætermisssorum defectum. Certum est enim, quod Sacerdos, si, dum Calicem sumit, solam aquam invenerit, & gustaverit; vinum affusa aqua consecrare debeat, ut integrum Sacrificium compleatur.

In Missali Romano Tit. De defectibus Missæ. §. 4. n. 4. & 5. sic legitur: " Si post verba " Consecrationis advertat, vinum non fuisse positum, sed aquam; deposita aqua " in aliquod vas, iterum vinum cum aqua ponat in calice, & consecret, resumendo " a verbis: *Simili modo* &c.

" Si hoc advertat post sumptionem Corporis, vel hujusmodi aquæ; apponat aliam " Hostiam iterum consecrandam, & vinum cum aqua in calice: offerat utrumque " & consecret, & sumat, quamvis non sit jejunos. Vel, si Missa celebretur in loco publico, ubi plures adsint; ad evitandum scandalum, poterit apponere vinum " cum aqua, & facta oblatione, ut supra, consecrare, ac statim sumere, & profici " qui cetera.

nam, & bestia comburatur, & cinis in piscinam mittatur. Si corpus Domini super passam ceciderit, palla bis lavetur vino vel aqua, & a Presbytero sumatur: si super aliud vestimentum ceciderit, pars illa abscindatur, & comburatur, & cinis in piscinam mittatur.

Calix quomodo communicatur infirmis.

Calix ad communicandum infirmis, mundus & integer custodiatur, & etiam coopertus: & (si facultas suppetat) fiat argenteus. Pyxis, in qua corpus Christi reservatur ad infirmos, sit eburnea, vel argentea, vel ad minus cuprea, vel bene eliminata, & semper pannus albus, lineus vel sericus, & mundus intra pyxidem ponatur, super quem corpus Christi in pyxide collocetur.

De communicatione infirmi.

Cum infirmus communicare voluerit, visitet eum prius Presbyter sine corpore Christi, si commode fieri possit, & diligenter audiat ejus confessionem; & post redeat ad Ecclesiam: cumque iturus est ad communicandum infirmo, prius aliquanto spatio pulsetur campana, aliquo certo signo ad hoc distincto, ut fideles ad Ecclesiam conveniant, qui Sacerdotem deferentem Regem Regum, & Dominum dominantium, reverenter & ordinate sequantur: & orationes, quales sciunt, dicant devote pro infirmo, eundo & redeundo: Sacerdos autem eat & redeat, dicendo septem Psalmos Penitentiales: & si via fuerit longior, addat alios Psalmos post Litaniam & alias orationes subsequentes. Incadat autem Sacerdos ad communicandum, præcedentibus igne & lucerna cum campana.

De adoratione Corporis Christi.

Expectent autem fideles, donec infirmus communicaverit, & redeant ad Ecclesiam post Sacerdotem deferentem semper Corpus Christi, ne populus in redeundo nihil adoret: si qui autem maligni hanc processionem perturbaverint, per censuram Ecclesiasticam compescantur. Deferatur autem Corpus Domini venerabiliter & honorabiliter, ac solemniter, posito decenti cooperculo super calicem cruce superposita, panno & fimbriis sericis adornatum. Si infirmus

frequenter vomitum levi occasione patiatur, non conferatur ei Corpus Christi: sed si credat, spiritualiter accipit. Antequam Sacerdos communicet infirmo, roget eum, an credat, quod sub illa specie panis, sit Corpus Christi, natum ex Maria Virgine, passum in cruce, & tertia die resuscitatum: quod si dicat, & confessus fuerit verbo vel signo, quod sic, communicet ei, si alia causa non subfistat. Si autem communicatus evomuerit, partes caute & diligenter colligantur, & cum vino a Sacerdote, vel aliquo fidei sumantur, residuum vomitus comburatur, & ponatur in terram juxta altare, vel alibi in loco sacro, ubi commode poni possit. Cum autem Corpus Christi deferretur, fideles, coram quibus deferretur, si commode fieri possit, genua flectant, pectus tundant, & inclinato capite, junctis manibus adorent: Equitantes autem non dedignentur descendere ab equis, ut adorent eum, qui pro ipsis descendit de Cœlis.

Item præcipimus, ut nullus Presbyter audeat Missam celebrare, nisi prius dixerit Matutinas Canonicas, & Primam.

Renovatio Eucharistia.

Præcipimus omnibus & singulis Presbyteris, ut Eucharistiam, seu hostias consecratas pro infirmis servatas, renovent in hyeme & æstate, secundum quod honestum fuerit. Alioquin ipsos de inhonestate tam abominabili graviter puniemus.

Custodia Sacramentorum.

Corpus Christi super altare in honesto loco, vel armario sub clave sollicitè custodiatur: similiter Chrisma, oleum sacrum, & oleum infirmorum, sed in alio loco.

Qualiter, & quibus communicandum.

Doceant Presbyteri subditos suos, ut cum ad communicandum venerint die Paschæ, vel alio die, jejuni & confessi devote accedant, & nullus extraneus, seu alienus Parochianus se immisceat, nisi viator, vel peregrinus, & hoc de licentia sui Sacerdotis. Hostiæ non consecræ, quæ vocantur panis benedictus, nulli dentur, nec etiam pueris. Pueri non com-

communicent, antequam discretionem fidei habeant, seu habere dignoscantur citra decimum annum.

Præcipimus, ut in die Paschæ & cæteris diebus, quibus fideles communicant, tot hostiæ consecrentur, ut non oporteat frangi personas sive formas, quibus ipsi fideles communicant.

Quod non fit sæpius in die celebrandum.

Inhibemus, ne aliquis Sacerdos bis (p) in die præsumat Missam celebrare, nisi in magna necessitate & urgenti, videlicet in Paschæ, Pentecostes, & omnium Sanctorum, quibus solet multitudo copiosa fidelium communicare, & propter carentiam Sacerdotis succurrentis absentis impedito, vel infirmo: aut, ut conficiatur Corpus Christi, si deest pro infirmis, & instat sibi Viaticum præberi. Duo tamen in his volumus concurrere, videlicet carentiam Sacerdotis, & quod in priori Missa perceptionem, perfusionem, vel abluionem manuum non sumperit Sacerdos, sed infundat in sacram piscinam, & hæc sub pœna excommunicationis præcipimus observari. (Syn. 1311. & 1343.)

De iis, qui deserviunt duobus Beneficiis.

Item excommunicamus (q) Sacerdotes, curam animarum habentes, qui sine licentia speciali deservire præsumunt in duabus Ecclesiis, seu Capellaniis, nisi una dependeat ab alia. (Syn. 1530.)

Hoc statutum etiam observari volumus in Curatis civitatis & Diœcesis Cameracensis, qui in suis Parochialibus Ecclesiis residentes, sine dicta licentia in Capellaniis, aut aliis beneficiis suis deserviunt: nec non in Capellanis civitatis & Diœcesis prædictæ, qui plures obtinent Capellanas, & in eisdem sine nostra licentia, quamquam in eadem civitate vel oppido constitutis, deservire præsumunt: & si contrarium faciant, eadem (r) sententia sint ligati.

Capellani autem non habentes sufficiens redditus, & Presbyteri mercena-

rii poterunt duabus Ecclesiis non Parochialibus deservire, dum tamen non celebrent bis in die, nisi in casibus supra dictis, & quod loca sibi commissæ servitio non defraudent. Præcipimus tamen Decanis, ut si commode possint habere Presbyteros non beneficiatos, eos ponant in succursibus deservientes. Et si Presbyteri, in Ecclesiis per Archidiaconum instituti, velint in suis Ecclesiis personaliter deservire; volumus, ut omnibus præponantur, pretium solitum & debitum recepturi.

De extraneis Presbyteris.

Statuimus, ne ulli extranei & ignoti Presbyteri, tamquam mercenarii Capellani, ad deservendum in officio Sacerdotii, in civitate & Diœcesi Cameracensi de cætero admittantur, nisi constet per literas Ordinarium, aut alias legitime, eos esse vitæ laudabilis & conversationis honestæ, & in Sacerdotii ordinem Canonice promotos. (Syn. 1308.)

Inhibemus Presbyteris & Capellanis, ne celebrent in Capellanis nondum confirmatis, nisi, qui Canonice ibi fuerint instituti, & in corporalem possessionem per Archidiaconum loci missi; contrarium autem facientes, in excommunicationis (s) sententiam incidant ipso facto.

Apostata.

Vetamus, ne quis apostata scienter admittatur ad celebrandum Divina officia in aliqua Ecclesia.

Quis repellatur a Communione.

Nullus fidelis amovendus est a communionem, nisi sit excommunicatus, vel interdictus, aut alio notorio crimine notatus, videlicet meretrices publicæ, mimi, histriones. (Syn. 1311.)

Sortilegia.

Excommunicamus (t) omnes, qui faciunt sortilegia de Corpore Christi, vel Chrisimate, seu de quocumque alio Sacramento, & a Presbyteris præcipimus excommunicatos nuntiari.

T t t t 3

Nota-

(p) C. Consultuisti. Extra. De celebrat. Missar.

(q) Excommunicatio non reservata. Vide Tomo seq. Synod. Camerac. anni 1604. Tit. 8. c. 4.

(r) Nec ista Excommunicatio reservata est. Vide loc. cit.

(s) Excommunicatio non reservata. Ibid.

(t) Excommunicatio reservata.

Notorius fornicator.

Item inhibemus, ne Presbyter, notorius fornicator, videlicet ipsa rei evidētia, concubinam eisdem domo, mensa, lectoque tenens, vicinis hoc scientibus, seu filiis inde natis vagientibus, hoc attestantibus, Missam celebrare audeat, cum sit suspensus (*) quoad se, & quoad alios, & celebrando irregularis efficitur.

Excommunicamus (x) Presbyteros & Capellanos, qui scienter cantabunt Missam, præsentibus nominatim excommunicatis, &c. (*)

In Capellis Magnarum, vel aliorum, sine licentia nostra, nullus audeat celebrare.

Præcipimus sub poena viginti solidorum Parisiensium, ne quis Presbyter permittat, Altari, vel circa Altare mulierem insistere, dum Divina celebrabuntur. (Syn. 1325.)

De excessibus Mercenariorum.

Statuimus, ne ullus Curatus Capellanum mercenarium habeat de aliena Diocesi, sine nostra, vel Officialis nostri speciali licentia. Alioqui de factis & excessibus ipsius noverit se teneri. (Syn. 1310.)

Si Curati aliquos mercenarios, seu vicēs gerentes, non Beneficiatos in suis Ecclesiis instituerint, qui aliquos excessus perpetraverint; ad hujusmodi excessuum emendationem, aliorumque debitorum (si quæ fuerint) per ipsos fiendam satisfactionem hujusmodi Curatos, & suorum Beneficiorum fructus volumus & decernimus de cætero efficaciter fore obligatos.

De admissione ad deservendum curam animarum.

Statuimus, ne ullus de cætero in nostris civitate & Diocesi Cameracensi, beneficio curam animarum habenti, Ecclesiastica Sacramenta ministrando, de-

servire præsumat ultra mensem; nisi Nobis, aut in illa parte auctoritate nostra fungentibus, prius se præsentaverit, & auctoritate nostra ad deservendum tali beneficio idoneus fuerit reputatus. Contrafacientes ipso facto decernimus auctoritate Synodalis Statuti suspensionis (y) sententia innodatos. Præsens tamen Statutum ad deservientes pro residentibus personaliter in suis beneficiis, & eisdem per se officiantibus, (absentibus per illa tempora dumtaxat, & eo modo, quibus nostra statuta permittunt, residentes absque nostra licentia a suis absentare beneficiis) volumus non extendi. (Syn. 1345.)

Excommunicati ne Missa interfint.

Item cum Sacerdotes Missam celebraturi erunt, alta voce proclamant, ut omnes excommunicati Ecclesiam exeant, donec fuerit celebrata. Et quia plerumque propter metum proprii corporis Presbyteri & Capellani non audent nominatim nominare singulares personas hujusmodi, ut exeant; statuimus (z), ut singulis diebus Dominicis & festivis Presbyteri in suis Ecclesiis excommunicent, & denuntient excommunicatos auctoritate Synodali omnes illos, qui sciunt se esse ligatos sententia excommunicationis, & publice denuntiatis, nisi post monitionem factam a Presbyteris & Capellanis, ante Missarum solemniam exierint Ecclesiam, Oratoria, vel Capellas. Nec Sacerdos hujusmodi excommunicatos habeat potestatem absolvendi, sed eos remittat ad suos Superiores absolvendos. Si autem tales nec Ecclesiam, nec Oratorium, nec Capellam exire curaverint; Presbyteri, vel Capellani in eorum præsentia celebrare non præsumant, propter periculum imminens ipso facto: nisi forsitan hujusmodi excommunicatus, sive excommunicati ad Ecclesiam confugerint, ut se ab inimicis tueantur.

Item cum excommunicatus excommunicari non valeat, nec vinculo fortiori ligari, excommunicatos a Canone

(a) de-

(*) Suspendio reservata.

(x) C. fin. De cohab. Cler. & mulier.

(y) In edition. anni 1604. legitur: nominatim excommunicatis, denuntiatis, vel notoriis percussoribus Clerici.

(y) Suspendio reservata.

(z) In editione anni 1604. additur ad marginem: Differt iste Canon a sequenti, primum, quia in isto sufficit generalis monitio; in sequenti autem debent nominatim moneri. Secundo, quia in sequenti comprehenduntur etiam interdicti.

(a) denuntiamus omnes & singulos excommunicatos publice, & interdictos, qui, si dum Missarum solemniam in Ecclesiis celebrantur, nominatim moniti a celebrantibus, ut Ecclesiam exeant, non parentes, ibidem præsumpserint remanere, ab ea sententia per Sedem Apostolicam dumtaxat absolvi possunt: eadem vero sententia sunt ligati, qui eos, ne exeant, inhibere præsumunt. (Syn. 1320.)

De Matrimonii & Sponsalibus.

TITULUS NONUS.

Matrimonium cum honore & reverentia celebretur in facie Ecclesie, non cum risu & jocosè, ne contemnatur.

Sponsalia clandestina.

Inhibeant Presbyteri Parochiani subditis suis, ne Spontalia sua contrahant, seu dent fidem inter se, de Matrimonio pariter contrahendo; nisi coram Populo & Presbytero, saltem alterius contrahere volentium, vel illo, in cuius ipsi contrahere volentes, vel eorum alter, Parochia commoretur: & hoc fiat in loco publico, Ecclesia scilicet, Cœmeterio, sive Capella, & coram aliis pluribus fide dignis. Et si aliter contraxerint sponsalia, nisi illa infra octo dies reiterent coram altero de prædictis Presbyteris; non procedat Presbyter ulterius ad bannorum proclamationem, nec Matrimonii solemnizationem, sine nostra, vel Officialis nostri speciali licentia: & qui hoc facere præsumpserit, ipso facto sciat se (b) suspensum.

Excommunicatio in clandestine contrahentes, & eis interessentes.

Insuper excommunicamus (c) & denunciari in genere præcipimus excommunicatos omnes illos & illas, qui

post clandestinam affidationem, sive affidationem in manu Presbyteri factam, ante solemnizationem Matrimonii se carnaliter cognoverint: & illos, qui clandestinas nuptias fieri procuraverint, seu ipsos, qui præsumpserint interesse.

Clandestina nuptia quæ dicuntur.

Excommunicamus omnes illos, qui clandestinas nuptias contrahunt, & Presbyteros, qui hujusmodi clandestinas nuptias celebrant. (d) Clandestinas autem nuptias (e) appellamus, quas non præcefferant tres banni, in Ecclesia infra Missarum solemniam tribus diebus solemnibus, a se distantibus, more solito proclamati, vel de quibus per Nos, vel Officialem nostrum non extitit dispensatum.

Excommunicamus (f) omnes illos, qui contra matrimonium falsâ impedimenta proposuerint, vel ea scienter celaverint, amore, odio, vel favore, vel alia quacumque causa: & præcipimus omnes excommunicatos propter hoc a Presbyteris frequenter nuntiari. Quod si nemo in proclamatione bannorum se opposuerit, & loci Presbyteri verisimilem, aut veram contra Matrimonium habeant conjecturam, Nobis, aut Officiali nostro super hoc inconsultis, ad Matrimonii solemnizationem non procedant: & si contra fecerint, excommunicationis (g) sententiam se noverint incurrisse.

Impedimenta Matrimonii.

Impedimenta autem Matrimonii sunt hæc: impossibilitas coeundi naturaliter, per defectum caloris accidentalis, vel per maleficium frigiditatis: habitus religionis cum professione: ordo Subdiaconatus & supra: cognatio spiritualis (h): cognatio carnalis: consanguinitas: affinitas: votum solumne factum in manu Episcopi, vel alicujus ex parte ejus destinata.

(a) Clem. *Gravis*, in fin. De sent. excommun. in Clem.

(b) Suspendio reservata.

(c) Hæc poena excommunicationis lætæ sententiæ auctoritate hujus Synodi sublata est, ut patet in moderationibus infra scriptis §. 7.

(d) *Vile* infra *Moderat. & Addit.* §. 7.

(e) *Vide de his c. Cum inhibitis.* Extra. De clandest. desponsat.

(f) Excommunicatio hic lata, mutata est in ferendam a Syn. Camerae, Provinciali I. anno 1565. celebrata. Tit. De Matrimonio. c. 9.

(g) Excommunicatio non reservata. *Vide Synod. anni 1604. Tit. 8. c. 4. Tom. sequ.*

(h) C. *Super eo.* Extra. De cognat. spirit. & c. 1. eod. Tit. in 6.

finai. (i) Dispar cultus Paganismi, vel Judaismi: vis: coactio: violentia: error personæ: inhonestas, seu publicæ honestatis iustitia. (k)

Presbyteri pro Sacramento Matrimoniali, & aliorum Sacramentorum Ecclesiasticorum exhibitione, nihil exigant, vel recipiant; nisi forsan eis gratis offeratur, vel ex liberali, & non onerosa consuetudine debeat. [l]

Tempus celebrandi Matrimonii. [m]

Statuimus, quod Matrimonium non celebretur, nec solemnizetur in diebus, qui sunt inter primum sabbatum Adventus Domini, & crastinum Epiphaniæ, & inter primum sabbatum Septuagesimæ, & crastinum in octavis Paschæ: & inter sabbatum immediate præcedens Dominicam in Rogationibus, & crastinum Trinitatis: in sabbatis autem & crastinis supra dictis Matrimonia licite celebrantur. [n] (Syn. 1311.)

Præcipimus omnibus Presbyteris civitatis & Diocesis Cameracensis, ut ipsi in suis Parochiis diligenter inquireant, an sint aliqui conjuncti matrimonialiter in casu illicito, & contra Canonicas sanctiones: & si quos tales invenerint, Nobis eorum nomina infra mensem, postquam ad eorum notitiam pervenerint, aut Officiali nostro referant vel rescribant.

Qui cognoscant de causis Matrimonialibus.

Inhibemus Decanis nostris Christianitatis, & aliis Presbyteris, in virtute sanctæ obedientiæ, & sub poena suspensionis, ne de causis matrimonialibus, & aliis quibuscumque se aliquatenus intromittant, nisi de nostra vel Officialis nostri Cameracensis speciali commissione: præcipientes omnibus Presbyteris subditis nostris, ne Decanis (nisi prius facta fide de speciali commissione (o) hujusmodi) pareant, vel intendant, salvis informationibus ex eorum officiis facien-

dis, non in figura iudicii inter partem, & partem, sed ad finem cessandi, vel personas Ecclesiasticas, seu eorum bona repetendi, aut instructa negotia Nobis aut Officiali nostro remittendi: super quibus nihil penitus innovamus. Decani contrarium facientes, ipso facto se noverint esse suspensos. (p) Et nos nihilominus processus factos coram eis, & sententias ab ipsis super hujusmodi inhibitis latas, decernimus irritas & inanes. [Syn. 1343.]

Ne Matrimonia clandestina effectu debito defraudentur propter testes excommunicatos, auctoritate Provinciali & Synodali statuimus, & statuendo declaramus, quod depositiones talium testium valeant & robur obtineant firmitatis, dummodo a Nobis, vel Officiali nostro Cameracensi, aut ejus locum tenenti, seu deputato, ante depositiones eorum ad cautelam fuerint absoluti.

Verba Sponsaliorum.

Propter simplicitatem quorundam Presbyterorum, qui nonnunquam subditos, in ipsorum præsentia, & ipsis Presbyteris verba proferentibus, ad contrahendum sponsalia de futuro, constitutos admittunt, & inducunt per simplicitatem, ad contrahendum Matrimonium de præsentia, unde multa incommoda, & animabus damnosa pericula pervenire noscuntur; statuimus & præcipimus in virtute sanctæ obedientiæ omnibus Presbyteris in nostris civitate & Diocesi Cameracensi, quod de cætero in sponsalibus, seu fidei dationibus, utantur dumtaxat talibus vel consimilibus verbis: *Petre, vis promittere, quod accipies Mariam, quæ hic est, in uxorem, si impedimentum canonicum non fuerit, quod obstat?* Et e converso. Et his dictis, accipiat manus contrahere volentium, & dicat: *Petre, tu promittis, quod accipies Mariam in uxorem, si canonicum impedimentum non obstat: & e converso.* (q) (Syn. 1308.)

Statui-

(i) C. Uni. De voto, & vot. redempt. in 6.

(k) C. Uni. De Sponsal. & Matrim. in 6.

(l) C. Cum in Ecclesiæ. c. Ea, quæ. c. Ad Apostolicam. Extra. De Simon.

(m) Mutatum per Conc. Trident. Sess. 24. cap. 10. De Reform. Matrim.

(n) C. Capellanus. Extra. De Fieriis.

(o) C. Accedentibus. Extra. De excessib. Præl. & c. 1. in fin. Extra. De consang. & aff.

(p) Sponsio reservata.

(q) C. Si inter virum & mulier. in fin. Extra. De Sponsal. & Matrim.

Statuimus, ne Presbyter, aut Capellanus benedictionem in secundis nuptiis audeat celebrare. (*ibid.*)

Inhibemus, ne Sacerdotes, vel Capellani, seu Vicarii eorundem, mulieres jacentes de partu damnato, coitu nefario, vel fornicario notorio & manifesto, ad purificationem recipiant, sine nostra, vel Officialis nostri, aut Decanorum locorum, civitatis, aut Diœcesis Cameracensis, recepta licentia speciali. Qui vero contra hoc facere præsumperit, eo ipso sententiam suspensionis (o) incurrat: & nihilominus per Officiale nostrum, aut Decanum loci, gravius, prout culpa exegerit, puniatur. (*Syn. 1320.*)

De citatione opponentium, vel contrahere volentium.

Statuimus, quod si Sponsalibus, vel Matrimonii aliquis se opposuerit, Curati locorum, seu eorum vices gerentes, coram quibus hujusmodi oppositiones fieri contigerit, opposcentes & contrahere volentes coram Officiali nostro citent, pro hujusmodi oppositionibus terminandis, & non coram Decanis nostris. Alioquin contrarium facientes suspendemus a Divinis. (*Syn. 1311. & 1343*)

Si contrahere volentes fuerint ex diversis pagis, Decanatibus, aut Diœcesibus.

Statuimus, quod si duo contrahere volentes Matrimonium, sint oriundi ex diversis Decanatibus nostræ Diœcesis; Curatus alterius eorum literas suas testimoniales super Matrimonio celebrando scribat Decano suo, & Decanus alteri Decano: si vero sint ejusdem Decanatus, Curatus alteri Curato dirigat literas Matrimonii. (*Ibid. & Syn. 1324.*)

Et si oriundi ex Diœcesi nostra, contrahere voluerit, vel velit cum aliqua persona ex aliena Diœcesi, Curatus literas suas dirigat Decano suo, & Decanus Officiali nostro: pro quibus literis concedendis, Curatus duos soli-

dos Turonenses, & Decanus totidem recipiant, & non ultra. Quod si secus fecerint, pœnam sexaginta solidorum, quoties a quoquam contrarium factum fuerit, incurrant, & ad restitutionem dupli partibus teneantur. (p)

Inhibemus, ne pro bannis faciendis, & literis suis testimonialibus concedendis, tam Decani, quam Sacerdotes, ultra tres solidos Turonenses fortis monetæ recipiant. (q)

De registratione Bannorum, & aliorum &c.

Statuimus, quod quilibet Curatus, vel vices gerens, literas bannorum, seu absolutionum, aut aliarum gratiarum, sive legum, sibi directas regitrent, & nomina eorum, qui eas præsentabunt: & quilibet Curatus, seu ejus vices gerens in congregatione Decano deferat, & Decanus ad computum, seu Synodum Sigillifero tradat, ut cum registro Sigilliferi collatio fiat.

Excommunicatio contrahentium contra Sanctiones Canonicas. (r)

Excommunicatos a Canone nuntiamus omnes personas, quæ in gradibus (s) consanguinitatis, vel affinitatis, seu in aliis casibus, a jure prohibitis: aut si in sacris Ordinibus constituti, vel religionem professi, scienter contrahere non verentur: quorum nomina per Curatos locorum, ubi moram trahunt, cum ad eorum notitiam devenerit, notificari volumus absque mora, ut contra tales, prout fuerit justum, procedere valeamus. (*Syn. 1319.*)

Excommunicatio Religioforum, solemnizantium Matrimonia. (t)

Excommunicatos a Canone (u) nuntiamus omnes illos & singulos Religiosos, qui inter alienos Parochianos, non habita super hoc Presbyteri Parochialis Ecclesiæ licentia, Matrimonia præsumperint solemnizare, per Sedem Apostolicam absolvendi: eos vero, qui hæc fieri procuraverint, seu in his consilium præstiterint, aut in his scienter interfuerint, excommunicatio-

nis

(o) Suspendio reservata.

(q) Vide *ibid.*

(r) Clem. *Uni.* De consang. & affin. in Clem.

[u] Clem. i. De Privil. & excess. Privil. in Clement.

(p) Vide *infra* Moderat. & Addit. §. 8.

(r) Reservata.

[r] Reservata Sedi Apostolicæ.

nis (x) sententia innotamus. (*Ibid.* & *Syn.* 1320.)

De Diffidio.

Quia, ut intelleximus, in nostra Dicecesi Cameracensi (quod dolenter referimus) nonnulli tam viri, quam mulieres, simul matrimonialiter copulati, ad suggestionem Diaboli, qui semper in hoc mundo parat discordias, & non cessat zizanias seminare, Christi fideles ab unitate fidei separare, ex quadam displicentia seu discordia, sua auctoritate, vel temeritate propria, absque iudicio Ecclesiæ, contra præceptum Domini, & Ecclesiasticas, sive Apostolicas Sanctiones, se se ab invicem dividunt & separant, de facto divortium inter se ad sui libitum celebrando, virique dimissis suis propriis uxoribus, alias uxores, etiam aliquando aliis viris conjugatas: & uxores viros alios sibi damnabiliter associant, in Dei & Ecclesiæ scandalum publicum luxuriose vivendo. Nos igitur tantis in Ecclesia Dei scandalis, tantisque erroribus, & subditorum nostrorum animarum periculis, prout ex debito tenemur officio, occurrere cupientes, statuendo præcipimus; ne aliqui de cætero tam viri, quam mulieres absque iudicio Ecclesiæ, se se ab invicem separent, aut dividant, causa divortii inter eos faciendi. Qui vero contrarium fecerint, in excommunicationis sententiam, quam in ipsos ferimus, incident ipso facto. (*)

*De Ordinibus & Beneficiatis,
ad sacros Ordines promovendis.*

TITULUS DECIMUS.

Præcipimus omnibus Clericis, habentibus Ecclesias Parochiales, Capellanas, Præposituras, vel alias animarum curas, ut ad singula tempora

sacrorum Ordinum se transferant ante dies ordinum, sic apto tempore examinandi, ut nos possimus inquirere de idoneitate & sufficientia eorum, & infra tempus debitum, secundum quod onus beneficii requirit, se faciant ad sacros ordines promoveri (y): & personaliter resideant in eodem, & ad hoc iuramentis propriis se adstringant.

Impetranda est cura animarum.

Item præcipimus Sacerdotibus Parochialibus, ut infra mensem a tempore suæ residentie primæ, curam animarum suarum ab Episcopo recipere non postponant, & infra alium mensem super his Decanis suis faciant fidem certam. Alioquin pro anno illo foranei reputentur.

Excommunicamus (**) omnes illos, qui illicentiat, ab aliis Episcopis, quum a nobis, fecerint se ad tonsuram Clericalem, seu alios ordines promoveri. (z)

De per saltum promotis.

Excommunicamus (a) omnes illos, qui per saltum fuerint in sacris ordinibus instituti, seu promoti (b), inhibentes Decanis nostris, ne tales ponant in succursibus deserviendis, nec ab Archidiaconis in corporalem possessionem mittantur, licet a Patronis præsentati, nisi cum eis super hoc fuerit a nobis dispensatum.

Inhibemus, ne Parochialis Ecclesia conferatur alicui, qui vigesimum quintum annum non attigerit, quoniam talis collatio nulla est ipso jure. (c)

De residendo.

Præcipimus, quod Presbyteri Parochiales & Capellani perpetui in Ecclesiis suis & Capellaniis, continue & personaliter resideant (d), spatio duorum mensium, (tam dies interpolatos, quam

(x) Excommunicatio non reservata. *Vid. Synod. anni 1604. Tit. 8. cap. 4.*

(y) *Moderatum, ut infra. Vid. Moder. & Addit. §. 9. Vid. etiam §. 10. 11. & 12.*

(z) C. *Cum in cunctis. §. In inferiora. Extra. De elect. c. Licet Canon. c. Commissa. c. Quam sit. in fin. De elect. in 6.*

(**) *Vide Moderationem infra in Moder. & Addit. §. 13.*

[z] C. *Eos. c. Cum nullus. c. fin. De temp. Ordin. in 6.*

(a) Tam hæc excommunicatio, quam præcedens, reservata est.

(b) C. *un. De Clerico per saltum promoti. Extra.*

(c) C. *Cum in cunctis. cum seq. juribus supra alleg.*

(d) D. c. *Licet Canon. c. Relatum. c. De cætero. c. Tuæ fratern. Extra. De Cler. non resid.*

quam continuatos connumerando) pro absentia a dictis Ecclesiis & Capellaniis, eis duntaxat indulto. Alioquin extranei & foranei censeantur, & suarum Ecclesiarum, & Capellaniarum fructus nobis, & Archidiaconis locorum applicentur. (e)

De Horis legendis.

Statuimus, ut habens tonsuram Clericalem addiscat, & studeat dicere quotidie septem Psalmos (f) Pœnitentiales. Item, ut acolythus horas gloriæ Virginis Mariæ dicat. Item, ut existens in sacris ordinibus, siue sit Beneficiatus, siue non, horas Canonicas de die, & Beatæ Virginis Mariæ quotidie dicere non omitat.

Promotus ad titulum Patrimonii.

Statuimus, ut quicumque se fecerit ad sacros ordines promoveri ad titulum sui patrimonii, de cætero quamdiu idem promotus vixerit, vel donec competenter Beneficiatus fuerit, non possit dictum patrimonium, ad cuius titulum ordinatus fuerit, alienare, vendere, vel extra manus suas ponere; quin bona & emolumenta provenientia ex dicto patrimonio habeat, lever, & percipiat, ac in suos proprios usus sine fraude convertat: nisi causam legitimam coram suo Ordinario allegaverit, & per Ordinarium cum ipso dispensatum fuerit, quod dictum patrimonium possit vendere & alienare. (Syn. 1324.)

Item illi, qui promoventur ad titulum patrimonii, & de hoc fuerint datæ literæ, vel chartæ coram laicali iustitia: quod huiusmodi literas non restituant, quousque eis fuerit provisum de beneficio competente, & hoc sub pœna decem librarum, Domino Cameracensi Episcopo solvendarum. (Syn. 1335.)

Curent Beneficiati, cum quibus dispensabitur super non residentia, (g) vel ordinibus, insistendo scholis vel studio generali; ut ibidem sufficienti tempore, absque fraude studendo resideant. Alias pro non dispensatis habentur. (Syn. 1320.)

De Extrema Unctione.
TITULUS UNDECIMUS.

Modus inungendi.

Cum reverentia, aqua benedicta, & luce præcedentibus, per Sacerdotem Oleum sacrum ad infirmos deferatur, & diligenter ac devote dicantur septem Psalmi, Litanæ, & Orationes, ad hoc consuetæ. Ille autem, qui inungit, inungendo reverenter & distincte proferat ista verba: *Per istam sanctam Unctionem, & suam sanctam piissimam misericordiam, indulgeat tibi Deus, quicquid deliquisti per visum, ad oculos: ad aures: per auditum; ad nares: per odoratum; ad os: per gustum; ad manus: per tactum; ad pedes: per gressum; ad pectus: per cogitatum; semper repetendo: Per istam sanctam Unctionem, ut supra.* Manus Sacerdotis foris inungantur, manus aliorum intrus.

Ad Sacramentum extremæ Unctionis sæpe Presbyteri moneant subditos indifferenter a quatuordecim annis, & supra; ut singuli, cum necesse fuerit, inungantur: nec pauperes propter egestatem se excusent. Si infirmus non potest habere multitudinem candelarum, vel indumenta lineæ, quæ causâ reverentiæ in hoc Sacramento exhiberi solent; non propter hoc dimittat Sacerdos inungere, sed sufficiat una candela. Inuncti vero cum stuppa diligenter in locis inunctis extergantur, & stuppæ comburantur, & cinis in sacro loco reponatur.

Sacramentum Unctionis iterari potest.

Doceant Sacerdotes, quod hoc Sacramentum licite iterari potest, in qualibet gravi infirmitate & periculosa. Istud Sacramentum valet ad tria, quæ patent his versiculis:

*Ungor in extremis, ut fiat gratia maior,
Et morbus levior, & mea culpa minor.*

Suscepturi quodlibet Sacramentum, prius confessione mudentur, & honor ac reverentia a Presbyteris, Clericis

(e) C. Præfenti. De offic. Ordin. in 6.

(f) Vide Moderatum in Moderat. & Addit. §. 14.

(g) D. c. Tuæ fraternitatis. Extra. De Cleric. non resident.

ricis & laicis, omnibus Sacramentis supra dictis exhibeantur.

Excommunicantur Religiosi, qui administrant Sacramenta sine licentia Presbyteri Parochialis.

Excommunicatos a Canone (b) nuntiamus Religiosos, qui inter Parochianos alienos Matrimonia solemnizare, aut Clericis & laicis, Sacramenta Eucharistiæ, extremæ Unctionis, ministrare, seu a sententia per Statuta Synodalia vel Provincialia promulgata absolvere præsumpserint, non habita super his Presbyteri Parochialis licentia speciali, & per Sedem Apostolicam absolventi. (Syn. 1319. & 1321.)

De vita & honestate Clericorum, & excessibus eorumdem.

TITULUS DUODECIMUS.

Vestitus Clericorum.

Clerici tonsuram rotundam & competentem habeant (i), & eam saltem septies in anno radi faciant: vestibus quoque honestis utantur, in forma, colore, & pretio honestatem decentibus Clericalem.

Virgulis vestibus & partitis, ac aliis inhonestis non utantur, nisi a Nobis cum eisdem super hoc fuerit dispensatum. Contrarium facientes, si Beneficiati fuerint, vel in sacris Ordinibus constituti, excommunicationis sententiam (k) incurrant ipso facto. Alii vero Clerici ad penam quadraginta solidorum Parisiensium Nobis teneantur.

Statuimus, ut Presbyteri civitatis & Diocesis Cameracensis vestibus strangularis, & scissis de cætero non utantur, sed rotundis & clausis. Alioquin contrafacientes graviter puniemus. (l) (Syn. 1330.)

Clerici, in sacris Ordinibus promoti, Epistolam vel Evangelium in

veste Ecclesiastica cantent, sive legant, aliisque Officiis Ecclesiasticis & bonis studiis intendant: nec se immisceant [m] officiis & commerciis (n) sæcularibus & laicalibus, maxime illicitis, turpibus, & prohibitis quæstibus, & negotiationibus: videlicet, ne sint camplores, tabernarii, carnifices, mimi, histriones, joculatores, vel proxenetæ (quod vulgariter dicitur Gallice: Courtiers, vel Avantparleurs) in Curia laicali, vel hujusmodi: quæ sine peccato, vel scandalo, modernis temporibus non exercentur. A quibus negotiationibus, vel quæstibus, nisi post trinam monitionem (quam eis a locorum Decanis, vel Presbyteris fieri præcipimus) omnino destiterint, eos, & nisi etiam vestes deferant Clericales, Ecclesia non defendat.

De Presbytero fornicario.

PETRUS, MISERATIONE DIVINA EPISCOPUS CAMERACENSIS, UNIVERSIS ET SINGULIS PRESBYTERIS, CAPELLANIS, CURATIS, ET NON CURATIS, AC PAROCHIALIUM ECCLESiarUM RECTORIBUS, NEC NON NOTARIIS ET TABELLIONIBUS PUBLICIS, PER CIVITATEM ET DIOCESIM NOSTRAS CAMERACENSES, UBILIBET CONSTITUTIS, SALUTEM IN DOMINO, ET MANDATIS NOSTRIS FIRMITER OBEDIRE.

Quia ad nostrum (quod dolenter, & non sine amaritudine cordis, & dolore accepimus) fama publica deferente, & denuntiante clamore, quæ sine gravi scandalo pertransiri non possunt, nec ulla tergiversatione celari, pervenit auditum, quod quam plures Ecclesiasticæ personæ, Canonici, Capellani, & Vicarii Ecclesiarum Collegiarum, nec non etiam Parochialium, nostrarum Civitatis & Diocesis Cameracensis Curati & Rectores, in nostris Civitate & Diocesi Cameracensi super aliis suis Beneficiis moram trabentes & residentes, ipsorumque vices gerentes, & Capellani, non attendentes, quod extrema libidinis turpitudine non solum mentem exterminat, sed etiam corpus

(b) Clem. 1. De Privil. & excess. Privil. in Clem. Excommunicatio reservata Sedi Apost. per dictam Clem. 1. Vide idem Statutum supra pag. 195.

[i] C. un. De Cleric. conjug. in 6. c. Clerici. 2. Extra. De vita & honest. Cleric.

[k] Vide infra in Moderat. & Addit. §. 15.

(l) Eod. c. Clerici. 2.

(m) D. c. Clerici. & c. Cum decorem. & c. fin. Extra. De vita & honest. Cleric. d. c. Uni. De Cleric. conjug. in 6.

[n] Vide in Moderat. & Addit. §. 16.

pus enervat: non solum etiam sedat animam, sed sedat personam, & est familiaris inimicus non procul habitans, sed prope: non extra, sed intra, (nam virtus in lumbis ejus) quodque nunquam fugit, nisi quando fugatur: nec maculatur, nisi quando maceratur: ætatem corrumpit, omnem sensum confundit, omnem gradum pervertit: invadit etiam senes & juvenes: prudentes, & simplices: superiores, & inferiores: & ad ultimum etiam ipsas personas Ecclesiasticas & Sacerdotes, qui nocte Veneream amplexantur, & mane Virginem venerantur. (Turpe quidem dictum, sed turpissimum factum dici liceat, ut agi non valeat) nocte filium Venereis agitant in cubili; mane filium Virginis ostendunt in altari, (nec ejus multiplices species valent explicari) in publica fornicatione, tenentes secum in suis domibus suas concubinas, & mulieres publice suspectas, in scandalum plurimorum cohabitantes simul copulati, eisdem domo, mensa, & lecto, residendo, ac si essent vir & uxor matrimonialiter conjuncti: proles super terram gradientes ex hujusmodi suis concubinis susceptas, una cum eisdem, in suis domibus publice, secum habendo, & tenendo: Sacramentum Matrimonii & Canonicas Sanctiones multipliciter per hoc vilipendendo, in maximum suarum animarum periculum, jurisdictionis Ecclesiasticæ, ac honestatis præjudicium, jacturam, & gravamen: penas & sententias juris & Statutorum, tam Provincialium, quam Synodaliū, in tales, ac talia damnabiliter perpetrantes, auctoritate latas incurrendo, ac per præmissa gravissime delinquendo & excedendo. Cum igitur plures ipsorum sint tam adulteri, quam fornicarii, & nobis datus sit gladius, ad faciendum vindictam in talibus; ne nobis quidem improperetur illud Apostoli verbum: Libenter suffertis insipientes, cum sitis ipsi sapientes: & ut ipsi hujusmodi vitio abominabili irretiti, a talibus se abstineant, & impuniti non remaneant: cum impunitas sit nutritrix incestus, fornicationis, & adulterii, filia negligentiae, mater contumaciæ, præambula mortis æternæ, peccati radix, & inferni finaliter præparatrix: (per impunitatem vero impiorum malitia convalescit, per hanc in suis stercorebus miseria putrescunt, atque peccatorum suorum bibendo urinam, cum malefecerint, gloriantur) ipsique hujusmodi vitio irretiti, sententiam suspensionis & excommunicationis, a jure & Statutis Provincialibus & Synodalibus in eos latam, non timeant:

NOS PETRUS, Cameracensis Episcopus præfatus, tenore præsentis nostri perpetui Statuti, statuimus & ordinamus, ut nullus personarum Ecclesiasticarum, Canonicorum, Capellanorum, & Vicariorum præfatarum Ecclesiarum, Collegiatarum, & aliarum superiorius declaratarum, in domo sua, & loco habitationis suæ, suove servitio, seu domo sibi contigua, concubinam, seu mulierem suspectam de cætero teneat, seu habeat, tenere seu habere præsumat. Contrarium vero facientes, in his scriptis monemus, & per vos omnes & singulos, quibus præsentis nostra litera diriguntur, vobis hæc disricte præcipiendo, moneri auctoritate nostra volumus & mandamus, primo, secundo, & peremptorie, sub juris, suspensionis, & excommunicationis penis, ut infra sex dies, post monitionem & publicationem præsentium literarum nostrarum, & nostri præsentis Statuti sibi factam, proxime sequentes, quorum duos pro primo, duos pro secundo, & reliquos duos dies pro tertio & peremptorio termino, ac monitione canonica, eisdem, & eorum cuilibet assignamus: hujusmodi suas concubinas & mulieres suspectas licentient (o), & ab ipsorum domo & societate & servitio penitus & omnino, absque ulteriori de cætero cum eisdem sub eodem tecto, cohabitatione, seu comestatione, expellant & removeant. Alioquin contra ipsos, & eorum quemlibet, non parentes, ad hujusmodi juris, suspensionisque & excommunicationis sententias, & penas, lapsi dictorum sex dierum spatio, declarandas, & alias, prout fuerit juris, procedemus. Volumus insuper, statuimusque, & decernimus pro nunc, prout ex tunc, & ex tunc, prout ex nunc, quod omnes & singuli non parentes, una cum penis & sententiis superius enarratis, per Nos declarandis, a perceptione fructuum suorum Beneficiorum, & Ecclesiarum, nec non distributionibus quibuscumque, ipso facto suspensi & privati sint, pro toto tempore, quo ipsas suas concubinas, seu mulieres suspectas, lapsis dictis sex diebus secum detinuerint, & per duos menses sequentes: quodque tales ad perceptorum restitutionem teneantur, quæ per ipsos, seu eorum alterum, ipso facto, suspensionis & privationis tempore pendente, percepta fuerint: si fuerint in aliqua dictarum Ecclesiarum Collegiatarum Beneficiati, mediatim fabricæ Ecclesiæ, & mediatim nobis ad opus elemosynæ nostræ: si vero Rectores Parochialium Ecclesiarum fuerint, mediatim matriculariis Parochialibus Ecclesiæ,

clesiæ, ad opus fabricæ ejusdem, & mediatim Nobis ad opus elemosynæ nostræ committentes & applicantes, converti & applicari volumus & mandamus, sine remissione quacumque facienda: ita, quod nulli de eisdem fiat gratia. Et nihilominus tales, non parentes, taliter puniemus, quod cæteris cedent in exemplum. Hujusmodi autem præsentis literas nostras, & præsens nostrum Statutum, seu ejus copiam (quod observari & teneri, ac tantam roboris & efficaciæ firmitatem, ac si distincte, specificque & nominatim moniti, ad eorum proprias personas fuissent & essent, contrarium facientes, habere & obtinere decernimus & volumus) ne tales hujusmodi vitio fornicationis, incestus, & adulterii irretiti ignorantie causam prætereundum valeant, valvis Cathedralis, Sanctæ Crucis, & Sancti Gaugerici Cameraensis, Ecclesiarum affigi, & per vos omnes, & singulos superius nominatos, quibus diriguntur, executioni debitæ demandari volumus & mandamus: taliter vos in præmissis habentes, quod de negligentia non valeatis redargui; quinimo potius de diligentia commendari. Datum Cameraci in nostro Episcopali Palatio, anno Domini millesimo trecentesimo nonagesimo octavo, feria secunda post Dominicam in Ramis Palmarum, vigesima quarta die mensis Martii.

Reparatio & intertentio domorum.

Presbyteri & Capellani in domibus beneficiorum suorum moram trahant, & eas competenter interteneant. Alioquin Decani de bonis beneficiorum, siue vacant, siue non, eas faciant competenter intertineri: & semel in anno idem Decani defectus hujusmodi investigent.

Quandocumque nos contingit concedere licentiam, ex certis aliis causis, Curatis, vel Capellaniis de non residendo in Ecclesiis vel Capellaniis suis, intentio nostra est, quod domus eorum sustententur, & ut oportet, reparentur. Quod si non fecerint; volumus, quod Decani locorum de fructibus dictarum Ecclesiarum, seu Capellaniarum, faciant dictas domos reparari: & quod in his faciendis vigilant diligenter. (2. Syn. 1316.)

De reparatione domorum.

Cæterum, quia ex fide dignorum relatione didicimus, quod nonnulli

nostrarum civitatis & Diocesis Cameracensis, tam Curati, quam Capellani, domos Ecclesiarum, Capellaniarumque suarum adeo male reparant & restaurant; quod aliquæ ipsarum penitus corruerint, aliæ proximam minantur ruinam: aliæ vero non modicum indigent in pluribus refectione festina: idcirco hujusmodi Capellaniarum & Ecclesiarum incommoditatibus occurrere cupientes, statuimus, ut omnes Decani Christianitarum infra annum ipsas domos, quæ ruinam minantur, reparari faciant; illas vero quæ penitus corruerunt, modo utiliori, quo poterit, reedificari, si, & prout ultra salarii defervientium eisdem Ecclesiis, Ecclesiarum, & Capellaniarum ipsarum suppetant facultates. Quod nisi fecerint pro viribus, & si in præmissis fuerint negligentes & remissi, contra ipsos juxta modum negligentie suæ, siue culpæ, acriter procedemus. (Syn. 1323.)

Statuimus, quod si contigerit, domos Curatorum & Capellanorum pejorari propter negligentiam Decanorum Christianitatis, qui eas tenentur visitare; Decani, ob quorum defectum hoc accidet, & eorum beneficia, teneantur dictas domos relevare, vel reparari facere suis propriis sumptibus & expensis. (Syn. 1324. sede vac.)

Presbyteri decimas a laicis, non nisi de licentia nostra recipiant, nec grangias, seu terras alienas, aut bona ad firmam seu censam: cum id species negotiationis existat.

Pena pecuniaria Statuta contra Laicos, extenditur etiam contra Clericos.

Statuimus, quod ubicumque a Præsidibus justitiæ laicalis certa poena pecuniaria statuitur contra laicos delinquentes, vel excedentes, Clerici, qui in similes excessus inciderint, eadem poena, & ultra in duobus solidis; & alias secundum conditionem delinquentis, & personæ, cui injuria inferitur, ad qualitatem & quantitatem delicti puniantur, prout Officialis Cameracensis, aut Decanus, sub quo delinquentes moram traxerint, de hoc duxerint decernendum.

De induciis.

Item Decanis prædictis nostram committimus potestatem, ut ubi inter laicos super inimiciis treugæ datæ fuerint, compellant per censuram Ecclesiasticam, invocando (si necesse fuerit) brachium sæculare, Clericos de parentela, & quorum interest, ad consentiendum dictis treugis, & tenendum easdem.

Excommunicamus (p) omnes Presbyteros & Clericos, in sacris ordinibus constitutos, qui Burgesias intrabunt sæcularium Dominorum, & eos, qui jam intraverint easdem, nisi infra mensem exeant ab eisdem: qui etiam, si per mensem sustinuerint excommunicationis sententiam antedictam, ex tunc pro illo anno fructibus beneficiorum suorum Ecclesiasticorum sint privati.

Clericus excommunicatus privatur fructibus beneficij.

Præcipimus, ut omnes Presbyteri nobis subiecti propter suam culpam excommunicati, durante ipsa excommunicatione, suorum beneficiorum Ecclesiasticorum fructus amittant (q), ac Nobis, & locorum Archidiaconis applicentur.

Clericus arma ne deferat.

Quoniam legitur in Canone, quicumque videntur ex Deo esse, arma militaria non fumant; statuimus, ut nullus Clericus cujuscumque sit status, arma deferat (r) sine Nostra vel Officialis nostri licentia speciali. Alias ad pœnam quinquaginta solidorum teneatur, & arma nihilominus amittat. (Syn. 1312.)

Nomina excommunicatorum in scriptis per Curatos habenda.

Statuimus, ut singuli Presbyteri in scriptis habeant nomina suorum Parochianorum excommunicatorum, & qua de causa sint excommunicati, vel fuerint, utrum pro judicato, vel contemptu, vel alias: & nomina illorum,

(p) Excommunicatio non reservata. Vide Tomo seq. Synod. anni 1604. Tit. 8. c. 4.

(q) C. Pastoralis in fin. Extra. De app.

(r) Suspendio reservata.

ad quorum instantiam sunt excommunicati, diem etiam, qua primo denuntiantur: & singulis annis per mensem ante Synodum Decanis referant excommunicatos: aliter ad viginti solidorum Parisiensium pœnam nobis teneantur: & Decani referant nomina excommunicatorum ad Synodum, secundum antiqua statuta: aliter nomine pœnæ in quadraginta solidos teneantur. (ibid.)

Denuntiatio excommunicatorum.

Statuimus, quod singuli Presbyteri alta & intelligibili voce in facie Ecclesiarum suarum diebus Dominicis & Festivis suos Parochianos excommunicatos denuntient nominatim & distincte, ut rubore confusi, ad unionem Sanctæ Matris Ecclesiæ citius revertantur, & eorum nomina habeant in schedula vel libro. Aliter quoties omiserint scienter, gratia, amore, vel favore; suspensionis (s) sententiam incurrant ipso facto. (ibid. & Syn. 1333. 1343.)

De non habentibus curam animarum.

Quia nonnulli Sacerdotes furtivè Ecclesias Parochiales in Diocesi Cameracensi sunt ingressi, absque hoc, quod a Nobis, vel vices nostras gerentibus, seu Prædecessoribus nostris, curam animarum receperint: item alii per Archidiaconum loci, vel autoritate sua, non sunt missi in possessionem Ecclesiarum suarum Parochialium, quas obtinent; præcipimus, ut omnes Decani Christianitatem nostræ Diocesis super his diligenter inquirent: & si quos tales invenerint, nobis eorum nomina infra mensem, postquam ad eorum notitiam pervenerint, referant vel rescribant.

Qualiter Divinum Officium celebrandum.

Præcipimus, ut Presbyteri Parochiales, vel eorum vices gerentes, diebus Dominicis & Festis solemnibus, præcedente campanarum pullatione, Divinum Officium cantent, tam nocturnum,

(s) C. Clerici arma. Extra. De vit. & hon. Cler.

num, quam diurnum. Item, quod in singulis diebus Dominicis, pro solemnitate diei, intra Ecclesiam, vel extra, & qualibet feria 2da, pro animabus in Cœmeteriis, ante Missam, cum Clero & populo eis subdito (prout consuetum est) processionaliter incedant, dicendo diebus Dominicis Responsorium de Trinitate, & si festum, de Sancto, cujus festum evenierit: feria autem secunda: *Miserere mei Deus. De profundis.* cum aliis orationibus consuetis. Si vero feria secunda, tempus pluviosum, sive nocivum, aut Cœmeterium interdictum fuerit, processio intra Ecclesiam: Et si Festum solemne eadem feria evenierit, fiat processio die immediate sequente.

Inhibemus, ne laici una cum Clericis in choro, vel cancello interesse præsumant; (t) dum ibidem Divina celebrantur, nisi nobiles existant, vel alias tales, qui ibidem consueverint Presbyteros in Divinis officiis adjuvare.

Ne hicus tonsuram Clericalem vadat, seu deferat.

Item, quia nonnulli laici, asserentes se Clericos, tonsuram Clericalem, licet revera non sint Clerici, neque Canonice tonsurati, deferre præsumunt, in suarum periculum animarum, & scandalum plurimorum; Nos abusui hujusmodi obviare volentes, statuendo inhibemus, ne de cætero aliquis in civitate & Diœcesi Cameracensi tonsuram Clericalem, nisi ab Episcopo fuerit Canonice Clericali charactere insignitus, deferre præsumat. Contrarium vero facientes, eo facto, excommunicationis (u) sententia innodamus: eadem sententia percellentes omnes barbitonsores, ac alios, qui talibus scienter de cætero in civitate & Diœcesi Cameracensi tonsuras radere vel facere attemptabunt. (Syn. 1330.)

Præcipimus etiam, ut in Monasteriis & Prioratibus Monachorum debitus personarum numerus observetur: & si contra hoc commissum fuerit, præfidentes, ad quos ejusmodi cura pertinet; pœna Canonica puniemus.

(t) C. 1. Extra. De vita & honest. Cleric.

(u) Excommunicatio non reservata. Vide Tom. seq. Synod. anni 1604. Tit. 8. c. 4.

(x) C. Un. De Cler. conjug. in 6. c. 2. De for. compet. in 6. c. Si diligenti. & c. Significasti. Extra. De foro competen.

Statuimus, ne ulla persona religiosa sola extra Monasterium in villis commoretur.

Clericus non potest prorogare jurisdictionem Judicis secularis.

Dignum esse noscitur, ut quos timor Dei a malo non revocat, ipsos saltem Ecclesiasticæ coerceat severitas disciplinæ, præcipue Clericos, quos Ecclesia Dei filios Dei peperit speciales, ipsosque liberatibus & privilegiis inter alios filios suos præmunivit, & suis propriis insigniis voluit insigniri. Si ipsam Matrem contemnunt, si ipsius immunitates infringunt, si ipsius matris privilegiis (in contemptum ipsius) uti nolunt, quibus amicorum, ac omni alio cessante subsidio, a morte etiam turpissima sæpius liberantur; quid mirum, si eos, qui se ab ejus immunitatibus eximunt absque causâ, a communione sua & fidelium suorum segreget & expellat? Cum igitur nonnulli Clerici de suis excessibus & delictis coram Dominis temporalibus & justitiis secularibus eligant reddere rationem, & absque sui judicis licentia, eorum jurisdictioni voluntarie se submittant, & cum eis de dictis excessibus transigant & componant; ut correctionem Ecclesiasticam possint effugere, a qua misericordiam & veniam debent humiliter implorare: quod cedit in totius Cleri vituperium, & Ecclesiasticæ libertatis præjudicium, & contra Canonicas Sanctiones noscitur esse factum: Nos igitur his occurrere, prout debemus & possumus, juris remediis cupientes, statuimus, ac firmiter inhibemus, ne de cætero quivis Clericus, gaudere debens privilegio Clericali, coram laicali justitia, præcipue in delictis respondeat, aut jurisdictioni Dominorum temporalium se submittat. (x) Qui vero contrarium fecerit, excommunicationis sententiam noverit se incursum. (Syn. 1321.)

Quia nonnulli Clerici & Presbyteri, maxime qui sentiunt se aliquibus sceleribus involutos, cum ipsos citari, seu alias per suum Judicem Ecclesiasticum corrigi & puniri contigerit, ut debi-

debitam correctionem evadant, per potentiam nobilium vel mandatum, minas vel diffidationes, literaliter vel verbaliter, & quandoque factio atrocis injuriæ per ipsos potentes sæculares & magnates, dici, fieri, & mitti procurant, & cum eisdem nobilibus & magnatibus colligationes, seu potius conspirationes ineunt, laicali iustitiæ, ac ipsis nobilibus de suis iudiciis Ecclesiasticis conquerendo, & alias procurando cum dictis potentibus quovis modo: sic quod per eos, eorumque potentiam vel favorem, correctiones evitent, & de suis excessibus remaneant impuniti, quæ tam de jure, quam de Statutis, & Provincialibus Conciliis multipliciter inhibentur, & pœnas in talibus delinquentes, quam plurimas incurrunt, in eisdem iuribus, Statutis, & Conciliis constitutas: Nos prædicta, vel consilia fieri in nostris civitate & Diœcesi Cameracensi prohibemus, monentes tenore præsentium scriptorum omnes subditos nostros, & maxime Clericos & personas Ecclesiasticas, ne talia quomodo, vel quovis colore quæsito faciant, seu procurent, nec in eisdem faciendis seu procurandis dent auxilium, consilium, vel juvamen. Alioquin contrarium facientes, excommunicationis (y) sententia innodamus, & per subditos nostros præcipimus evitari, & præfens statutum publicari & observari.

Fraudulenta compositio Decanorum.

Item quoniam nonnulli, tam Clerici, quam laici, scientes se coram Officiali Cameracensi, suis super excessibus & delictis citatos, cum Decanis ruralibus, post citationem & processum Curie inchoationem transigunt & componunt, & his non contenti, literas compositionum a dictis Decanis sub anteriori data fraudulenter impetrant, per quæ processus inchoatus calumniiose impeditur aut eliditur, Curiaque

decipitur, & præjudicium Domino Episcopo & Archidiacono, ac etiam sumptus inanes & graves generantur; Nos igitur prædictis Decanis & partibus inhibemus, ne talia de cætero committere audeant vel præsumant. Qui vero contrarium fecerint, suspensionis Presbyteri, & excommunicationis alii, sententias, & censuras (z) incurrant ipso facto. (Syn. 1321.)

De Reverentia, Jurisdictione, Libertate & Immunitate Ecclesiarum, Cæmeteriorum, & Ecclesiasticarum Personarum.

TITULUS DECIMUS TERTIUS.

Inhibemus, ne in Ecclesiis & Cæmeteriis judicia sæcularia ferventur, (a) neque ludi histrionum & jocularum exhibeantur, [b] nec forum rerum venalium teneatur, nec banna, seu edicta sæcularium Judicum proclamantur. (c)

Interdicti & excommunicati in Ecclesia, dum prædicatur, interesse possunt; (d) sed prædicatione peracta seu finita, in continenti recedant.

Præcipimus Presbyteris Parochialibus, & Capellanis, ut Divinis officiis, in eorum Ecclesiis & Sacellis celebratis, tam ante prandium, quam post, Ecclesias & Sacella clausa & munda teneant, nisi causa honesta ea poposcerit aperiri.

Decima lanarum.

Statuimus, ut in Parochiis, in quibus oves & arietes nutriri contigerit, Curatis earundem & Patronis decimæ lanarum & vellerum (e) pro rata temporis solvantur: non obstantibus consuetudine & statutis contrariis quibuscumque. Fraudem vero & dolum in eis perpetrantes excommunicamus: a qua excommunicatione non nisi per Nos,

(y) Excommunicatio reservata.

(z) Neutra reservata. Vide Tom. seq. Camerac. Synod. anni 1604. Tit. 8. c. 4.

(a) C. i. & c. Cum Ecclesia. Extra. De immunit. Eccl.

(b) C. Cum decorem. Extra. De vit. & honest. Cleric.

(c) C. Decet domum Dei. De immunit. Eccl. in 6.

(d) C. Responso. De sent. Excommun. Extra. & c. Cum voluntate. in princ. eo. tit.

(e) C. Ad Apostolicæ. juncta glo. Extra. De Decimis.

Nos, aut Officialem nostrum (f) dumtaxat possunt absolvi.

Invadens possessiones Ecclesiarum, aut Ecclesiasticarum personarum.

Statuimus, quod quicumque (g) possessiones personarum Ecclesiasticarum invadant injuste, vel bona ipsorum mobilia rapiunt, vel rapta detinent, sive detinebunt scienter, per se, vel per alium, nisi infra quindecim dies post præsumptionem hujusmodi ea sufficienter restituerint, cum integra satisfactione parti, & Nobis condigna emendatione facienda; ex tunc ipso facto eos excommunicamus: nec non omnes, & singulos, cujuscumque sint conditionis, ordinis, aut status, in præmissis dantes consilium, auxilium, mandatum, vel favorem, publice, vel occulte, nisi infra quindecim dies post perpetrata poenituerint, vel destiterint, & procuraverint pro viribus, ut omnia de eorum consilio vel mandato perpetrata ad statum pristinum reducantur. (Syn. 1309.)

Et nihilominus ubicumque hæc perpetrari contigerit, & ubi raptores, detentores, præsumptores, invasores, mandatores, & forefactores hujusmodi moram traxerint: ibidem tunc omnino cessetur a Divinis, nec sine nostra, aut Officialis nostri licentia, organa resumantur ibidem. (*ibid.*)

Obsessio Ecclesiarum, aut Cæmeteriorum.

Statuimus, ut ubicumque obsidentur Ecclesiæ, vel Cæmeteria adversus eos, qui causa refugii eo confugerunt, ita, quod non possit ad eosdem pro vitæ necessariis deferendis accessus haberi; moneantur per locorum Presbyteros, obsessores, ut recedant, & ab obsessione desistant, & eos libere abire permittant. Alioquin cessetur a Divinis, & obsessores excommunicationis (b) sententiam incurrant ipso facto. Propter præsentiam autem confugientium ad Ecclesiam (etiam si majori excommunicatione innodati fuerint) Presbyteri ibidem celebrare non omitant.

Quia plerumque accidit, quod, quando aliqui confugiunt ad Ecclesias, seu Monasteria, aut Cæmeteria, causa immunitatis, seu libertatis Ecclesiarum, (i) Monasteriorum, Cæmeteriorum; inimici, seu persecutores talium confugientium ad Ecclesias, Monasteria vel Cæmeteria, aut alii, circa dicta loca jurisdictionem exercentes, quandoque violant Ecclesias, Monasteria vel Cæmeteria hujusmodi, & ab eis confugientes extrahunt: quandoque subtractione victus, & aliorum pro istis confugientibus necessariorum, aut modo alio ipsos confugientes inducunt, seu compellunt, ut exeant, contra libertatem & immunitatem prædictam; statuimus, una cum aliis penis super his statutis, ut in locis, in quibus de cetero talia perpetrari contigerit, quocumque etiam colore quæsito, & ubi violatores & perpetratores hujusmodi moram traxerint, omnino cessetur a Divinis, nec sine nostra, vel Officialis nostri licentia, organa resumantur ibidem. (Syn. 1308.)

Pollutio.

Statuimus, quod si maleficia fuerint ab aliquo perpetrata in Cæmeterio, vel Ecclesia, per quod in Ecclesia, vel Cæmeterio atrociter sanguis effunditur, (k) ad decem libras Parisienses teneatur nobis, pro pastu reconciliationis applicandas; & si dictas decem librasolvere non poterit is, qui est in culpa; Parochiani loci ipsasolvere teneantur. (Syn. 1311.)

Reconciliatio pollutorum.

Item, ut Ecclesiæ vel Cæmeteria, sanguinis effusione polluta, & quas pollui contingeret in posterum, Diabolo suadente, & instigante, sub tanta diu non remaneant fœditate; statuimus, ut si ille, seu illi, quorum factum, seu culpa, polluta sint vel fuerint, vel erunt in futurum, nisi infra mensem reconciliationem dictarum Ecclesiarum, seu Cæmeteriorum procuraverint cum effectu; postquam fuerint super his a Curatis dictarum Ecclesiarum

(f) Reservatio sublatæ est. Vide Synod. Camerac. anni 1604. l. cit.

(g) Vide Conc. Trid. Sess. 22. De Reform. c. 11.

(b) Excommunicatio reservata.

(k) C. un. De consec. Eccles. vel Altar. in 6.

(i) C. Inter alia. Extra. De Immun. Eccles.

rum, seu Cœmeteriorum legitime requisiti, (Canonico tamen impedimento cessante) excommunicationis (l) vinculo sint ligati, & publice nuntientur. Veruntamen si ille, vel illi, quorum facto, vel culpa, facta est pollutio, vel fieri contingeret, non sint nostræ spirituali jurisdictioni subiecti, aut propter suam paupertatem, dictam reconciliationem procurare non valeant cum effectu; Parochiani dictarum Ecclesiarum, vel Cœmeteriorum, dictam reconciliationem teneantur efficaciter procurare infra duos menses, postquam super hoc a Curatis locorum fuerint requisiti. Quod si negligentes fuerint, vel remissi, ex tunc infra dictam Parochiam cessetur a Divinis. Et si quos tunc de dictis Parochianis contingat decedere, sine nostra, aut Officialis nostri licentia non tradantur Ecclesiasticæ sepulturæ, donec reconciliationem procuraverint cum effectu. Curati vero, in quorum Parochiis præmissa contingent fieri, super eisdem cito perficiendis & observandis, sicut præmittitur, solcite se habeant, ne possint de negligentia reprehendi. [Syn. 1310.]

Item Ecclesiæ pollutæ sanguinis, vel feminis effusione, reconcilientur per Nos, seu de mandato nostro, vel Officialis nostri: siue Ecclesiæ, vel Cœmeteria fuerint dedicata, siue non: & interim quousque fuerint reconciliatæ, nullus sepeliatur (m) ibidem. (Synod. 1308.)

Si Cœmeterium fuerit pollutum sanguinis, vel feminis effusione, propter hoc Ecclesia non erit polluta: sed si Ecclesia fuerit polluta altero prædictorum modorum; Cœmeterium erit pollutum, si Ecclesiæ fuerit contiguum: non sic autem, si ab Ecclesia sit remotum; & quousque fuerit reconciliatum, nullus ibidem sepeliatur. (n) (ibid.)

(l) Excommunicatio reservata.

(m) D. c. un. De consecrat. in 6. c. Proposui. c. A qua. c. final. X. De consecrat. Eccles. vel Altar.

(o) C. Si civitas. De sent. Excomm. in 6.

(p) Clem. 1. De sent. Excomm. in Clem.

(r) De observatione interdicti vide c. 1. 2. & 3. De sent. Excomm. in Clem.

(s) C. Responsio. Extra. De sent. excomm.

Thomas VI. Consiliarius German.

Interdictum.

Statuimus, ut si aliqua Ecclesia nostræ Dicecesis particulari interdicto sit interdicta, quod in Capella eidem contigua interdictum huiusmodi observetur: secus, si non contigua existat. Intentio tamen nostra est, quod si per Statuta nostra Synodalia in Ecclesia Parochiali cessetur, quod in omnibus Ecclesiis, & Capellis ejusdem Ecclesiæ cessetur omnino: etiam si Ecclesiæ prædictæ vel Capellæ, eidem contiguæ non existant. (o) (Syn. 1311.)

Excommunicatio Religiosorum, non servantium interdictum. (p)

Excommunicatos a Canone (q) nuntiamus omnes & singulos Religiosos, tam exemptos, quam non exemptos, qui in civitate Cameracensi, villis & castris nostræ Dicecesis Cameracensis, in quibus Cathedralē, vel matricem loci Ecclesiam, autoritate Statutorum Provincialium, vel Synodaliū, interdictum, seu cessationem sciverint observare, in suis Ecclesiis, Monasteriis, & Prioratibus Divina officia celebraverint, aut celebrare præsumperint: excepta Moderatione Constitutionis: Alma Mater. De sentent. excommunicat. in 6. quæ sequitur. (Syn. 1320.)

CONSTITUTIO APOSTOLICA BONIFACII PP. VIII.

Alma Mater Ecclesia plerumque nonnulla rationabiliter ordinat, & consulte, quæ suadente subiectorum utilitate postmodum revocat, & in melius commutat. Sane a nostris fuit dudum Prædecessoribus constitutum, ut in terris, seu locis Ecclesiastico suppositis interdicto, (r) nulla (certis casibus & Sacramentis exceptis) Divina celebrentur officia, vel ministrantur Ecclesiastica Sacramenta. [s] Quia vero in districtione huiusmodi Statutorum crescit indevotio populi, pulsat bæresis, & infinita animarum pericula insurgunt, ac Ecclesiis,

fiis, sine earum culpa, debita officia subtrahuntur; cum fratribus nostris super his habita de liberatione diligenti, concedimus, quod tempore interdicti ab homine vel a jure prolati, non tantummodo morientes, sed & viventes, tam sani, quam infirmi, ad penitentiam, quæ propter pravitatem & fragilitatem hominis ad peccandum, summe necessaria est, licite admittantur, dum tamen excommunicati non fuerint, quos admitti, præterquam in mortis articulo, nolumus ad eandem. Illis etiam, propter quorum culpam, dolum, vel fraudem lata est sententia interdicti, vel qui ad perpetrandum delictum, cujus occasione interdictum est latum, præbuerint auxilium, consilium, vel favorem, (nisi de illo delicto, si sint tales, ut id valeant, prius satisfecerint, vel de satisfaciendo idoneam dederint cautionem: aut si satisfacere nequeunt, vel hujusmodi cautionem præstare juraverint, quod, cum poterunt, satisfacient, & ad satisfactionem hujusmodi per eum, vel eos, qui facere ipsam debent & possunt, præstandam, dabunt consilium, & auxilium, ac juxta posse suum fideliter laborabunt) non est penitentia beneficium aliquatenus concedendum: nec tunc etiam, quoad istos, vel alios, qui circa hoc minime deliquerunt (ubi civitas, vel locus alius, seu Universitas interdicti existunt) facienda est relaxatio interdicti, sed eis solummodo iungenda penitentia salutaris. Addecimus præterea, quod singulis diebus in Ecclesiis & Monasteriis Missæ celebrentur, & alia dicantur Divina officia, sicut prius, submissa tamen voce, & januis clausis, excommunicatis & interdictis exclusis, & campis etiam non pulsatis: & tam Canonici, quam Clerici Ecclesiarum, in quibus distributiones quotidianæ illis, qui Horis intersunt Canonicis, tribuantur, si ad officia non venerint supra dicta, distributiones easdem amittant, [t] sicut interdicto perderent non extante, si Divinis officiis non adessent. In festivitibus vero Natalis Domini, Paschæ, Pentecostes, & Assumptionis Virginis gloriose, campanæ pulsantur, & januis apertis, & alta voce Divina officia celebrentur, excommunicatis prorsus exclusis: sed interdictis admissis, quibus ob reverentiam dictarum solemnitatum, ut & ipsi ad humilitatis gratiam, & reconciliationis effectum facilius inclinentur, præfatis diebus participationem permittimus Divinorum: sic tamen quod illi,

propter quorum excessus hujusmodi interdictum est prolatum, ad altare nullatenus appropinquent. Cæteris, quæ circa observationem interdictorum a nostris Prædecessoribus sunt instituta, in suo robore duraturis: non obstantibus quibusvis privilegiis, Ecclesiis, Monasteriis, Ordinibus, Religionibus, seu personis Ecclesiasticis, secularibus, regularibus, exemptis, & non exemptis, sub quavis forma & expressione verborum ab Apostolica Sede concessis, quæ contra tenorem præsentis Constitutionis nulli volumus suffragari; cum quibuslibet, tam regularibus, quam secularibus sufficere debeat, ut tempore interdicti modo præmissis diebus celebrent supradictis.

Statuimus, quod Cæmeteria, in quibus excommunicatorum, interdictorum & abortivorum corpora sepeliri contigerit per potentiam propinquorum, vel alias contra Ecclesiasticam jurisdictionem, reconcilientur per asperisionem aquæ, ab ipso Episcopo benedictæ, sicut in Dedicationibus, vel reconciliationibus Ecclesiarum, vel Cæmeteriorum fieri consuevit. (u) (Syn. 1311.)

Item, si qui in Cæmeteriis scienter aliquid edificaverint, a Presbyteris locorum excommunicentur.

Ne Clerici puniantur per Seculares.

Item, cum per justitiam laicalem, excessus puniri non debeant Clericorum, (*) nec per Judicem sæcularem levare emenda ab eisdem: cum hæc ad solos Judices Ecclesiasticos, non sæculares pertineat noscantur; Nos juxta tenorem Provincialis Concilii, & tam ipsius, quam nostra autoritate monemus omnes & singulos nostrarum civitatis & Diocesis Cameracensis, justitiam sæcularem exercentes, ne pro prædictis, vel occasione eorum aliquid levent, seu de bonis hujusmodi recipiant, vel exigant quoquo modo. Et si secus fecerint, ipsos sententia excommunicationis (y) autoritate eadem innodamus. (Ecc. Conc. Prov. Remen. 1301.)

Ne

(t) C. un. De Cler. non resident. in 6.

(u) C. Consulisti. Extra. De consecrat. Eccles. vel Altar. c. Sacris. Extra. De Sepult.

(x) C. un. De Cler. conjug. in 6.

(y) Excommunicatio non reservata. Vide Tomo seq. Synod. Camerac. anni 1604. Tit. 8. cap. 4.

Ne Clerici compellantur per Sæculares debita solvere.

Quia plerumque nonnulli Justitiarum sæculares nostræ Diœcesis, plus spectantes motum animi, quam iudicium rationis, personas Ecclesiasticas ad solvendum debita, super quibus coram illis contra fas exhibentur literæ, & aliæ damnabiles probationes inducuntur, damnabili præsumptione compellunt per captionem bonorum, vel alias: cum eis nulla comperat jurisdictio in hac parte; Nos huic præsumptioni persistere, quæ in nostra Diœcesi nimium invalescit, occurrere cupientes, statuendo præcipimus, ut nulli Justitiarum sæculares, talia de cætero facere præsumant. Si quis contra hoc nostrum salubre Statutum personas Ecclesiasticas ad solvendum debita, contra Canonum (2) Statuta cogere præsumserit, excommunicationis [a] sententia sit ligatus. (Syn. 1313. & 1314.)

Si Presbyter laicus fuerit.

Item statuendo præcipimus, ut ubicumque infra fines alicujus civitatis, oppidi, vel municipii, Presbyter, Curatus, vel Capellanus, captus vel vulneratus fuerit; mox cessetur (b) in dicta civitate, municipio, vel oppido, a Divinis. [Syn. 1335.]

Si Clericus capiatur.

Statuimus & decernimus auctoritate Concilii, ut si in aliqua civitate, vel aliquo oppido, seu loco nostræ Diœcesis contingat Clericum capi, & detineri per justitiam laicalem: postquam dictus Clericus fuerit ab Episcopo illius loci, vel Officiali, aut Decano rurali, seu ex parte eorundem legitime repetitus; nisi restituatur, cessetur a Divinis in loco captionis & detentionis, quousque fuerit competentor restituatus. (Ex Conc. Prov. Remensi 1301.)

Quod si Clericus per laicalem justitiam capiatur in aliqua Diœcesi, &

extrahatur ab ea, & ad aliam ducatur, cessetur similiter a Divinis in loco, ubi fuerit caprus, & in loco ipsius capientis, per quem fuerit deductus: quousque ad dictam Diœcesim fuerit deductus, & sufficienter restitutus. [ibid.]

Obligans calices, libros &c.

Intelleximus, quod quidam Prælati, Presbyteri, & Beneficiati, calices, libros, & alia ornamenta, seu utensilia Ecclesiarum & Beneficiorum suorum, pro debitis suis creditoribus obligare præsumunt de facto, licet de jure (c) non valeant: propter quod Divinorum celebratio impeditur, in animarum suarum periculum, Ecclesiarum & Beneficiorum suorum præjudicium & gravamen, & etiam scandalum Presbyterorum. Quare ipsis sub pœna suspensionis a Divinis inhibemus, ne quis eorum, calices, libros, aut ornamenta, sive utensilia alia, Beneficiis suis, vel Ecclesiis pertinentia, alicui titulo pignoris tradere vel obligare de facto præsumat. Inhibemus etiam creditoribus, sub pœna suspensionis in Presbyteros, & excommunicationis in alios, ne quis calices, libros, aut ornamenta, sive utensilia Ecclesiarum, aut Beneficiorum, ex causâ prædicta recipere præsumat: denuntiantes insuper ac declarantes, obligationes tales, si quas de facto fieri contigerit, non valere: & nihilominus talia facientes, seu attentantes, graviter puniimus.

Ne bona Ecclesiæ alienentur.

Præcipimus, ut omnes Presbyteri omnia bona & redditus, ad Ecclesias, Capellanas, aut Beneficia sua spectantia, in Missalibus suis discrete conscribant, alienata revocent, nec de dictis bonis quidquam vendere, aut alienare sine nostra licentia præsumant: & aliter facta venditio vel alienatio non valet. [d]

Cum laicis de rebus Ecclesiæ nulla disponendi sit attributa (e) potestas; X x x x 3 statui-

(2) C. 2. De foro compet. in 6.

(a) Excommunicatio non reservata. Ex ead. Synod. Camer. 1604. l. c.

(b) Vide c. Si Canonici. De offic. Ordin. in 6.

(c) C. 1. & c. Ex presentium. Extra. De pignor.

(d) C. Nulli. & per totum tit. De reb. Eccl. alien. vel non. C. Hoc. in 6. C. 12. quæst. 2. & Authent. De non alien. reb. Eccles. §. Nos igitur.

(e) C. 2. De Judic. Extra.

statuimus, ut si Abbates, Priores, Conventus & personas Ecclesiasticas contigerit possessiones, redditus perpetuos, vel ad vitam, aliquibus personis vendere, seu quoquo modo alienare: quod pro hujusmodi alienationibus tenendis & observandis, coram Dominis temporalibus, seu suis Officiariis se non obligent ullo modo, seu super hoc ad eosdem recurrant, nec ad dona, vel pœnam quamcumque super his, vel bonis suis capiendam, vel levandam erga prædictos Dominos temporales se obligent: sed quod hujusmodi alienationes faciant secundum Canonicas sanctiones, & cum debita solemnitate juris, decretoque & confirmatione nostris intervenientibus. Quod si secus attentare præsumpserint; declaramus, tales alienationes irritas, & contrarium facientes excommunicamus. (f) (Syn. 1311.)

Rescriptio bonorum & Capellaniarum facienda.

Item addendo statuimus, ut omnes Capellani infra mensem, post primam convocationem, faciendam per Decanum, reportare teneantur omnes redditus & bona Capellaniarum suarum: nec non facere scribi in Missali Ecclesiæ, & hoc sub pœna viginti solidorum Parisiensium, Domino Cameracensi solvendorum: & quod Curati locorum teneantur Capellanos illos, qui defecerint in reportatione hujusmodi, & conscriptione, Officiali infra mensem significare, & hoc sub eadem pœna. Item, quod Curati teneantur nomina omnium Capellaniarum infra metas suarum Parochiarum, tam antiquarum, quam novarum, remittere ad proximam Synodum per eum, qui electus fuerit venire cum Decano ad Synodum, & sic de anno in annum, nomina novarum Capellaniarum, institutarum infra metas suarum Parochiarum, & hoc sub pœna viginti solidorum Parisiensium. (Syn. 1335.)

Denuntiatio impedimentorum contra Immunitatem Ecclesiasticam.

Statuimus, ut quilibet Curatus teneatur reportare ad proximam convocationem Decani sui, omnia impedimenta contra libertatem Ecclesiasticam, si quæ sint, a quibuscumque personis facta: &

illa Decanus significare teneatur, quam citissime poterit, Officiali, ut ad hoc remedium valeat apponi: & hoc sub pœna viginti solidorum Parisiensium, tam a Curatis, quam Decanis, si in hoc defecerint, solvendorum. (*ibid.*)

Denuntiatio publicorum excessuum, per Curatos facienda.

Statuimus, ut si in nostra Diœcesi contingat (quod absit) aliquos excessus enormes & detestabiles committi, ut incendia Ecclesiarum: vel ad immunitatem Ecclesiæ fugientes extrahi violenter: gravem injectionem manuum in Clericos, vel Clericorum in laicos: notorium crimen incestus, vel usurarum: matrimonium illicitum contrahi: conjugem absque iudicio Ecclesiæ dimitti: publice adulterari: mulieres violenter rapi: portatores literarum Curiae Cameracensis rapi, vel verberari, aut incarcerari: jurisdictionem Ecclesiasticam quomodolibet impediri: sortilegia, hæresim, Simoniam, Sodomiam, aut alios graves & publicos excessus committi; Curati, in quorum Parochiis talia acciderint, Decano loci infra octo dies a tempore notitiæ, & Decanus prædictus infra quindecim dies postmodum subsequentes, nomina malefactorum, & excessuum hujusmodi, & qualiter possimus super hoc latius informari, Nobis, aut Officiali nostro, referant. Alioquin ipsos pro nostro arbitrio, & modo culpæ graviter puniemus. (Syn. 1311.)

Denuntiatio cessationis a Divinis.

Statuimus, ut quotiescumque cessari contigerit in nostra Diœcesi a Divinis, causam cessationis, & nomina illorum, ob quorum causam cessatur, & alias circumstantias, Curati, seu eorum vices gerentes, locorum, in quibus cessatur, infra octo dies Decanis suis, & Decani infra quindecim dies postmodum Nobis, aut Officiali nostro, referant vel conscribant. Alias viginti solidorum Parisiensium pœnam, quotiescumque contrafecerint, Nobis solvere teneantur. (*ibid.*)

De

(f) Excommun. non reservata. Vide Synod. 1604. L. supra cit.

De Conspiratoribus, & Perturbatoribus Ecclesiasticæ libertatis.

TITULUS DECIMUS QUARTUS.

EXcommunicatos denuntient (g) Sacerdotes omnes illos & singulos, cujuscumque sint conditionis, dignitatis, aut status, qui conspirationem faciunt contra suos Prælatos & Presbyteros, ac eorum libertates & jura, verbo, vel facto, publice, aut occulte: quos etiam ex nunc, prout ex tunc ipsos excommunicamus: (b) nec non omnes & singulos, cujuscumque sint conditionis, dignitatis aut status, auxilium, consilium, vel favorem, seu mandatum dantes circa conspirationem hujusmodi: sub qua intelligimus contineri, alligationes, confederationes, expensarum & sumptuum distributiones. (Syn. 1309.)

Edicta contra Jurisdictionem Ecclesiasticam ne fiant.

Statuimus, ut ubicumque publice per Dominos temporales, Baillivos, Præpositos, aut alios, sæcularia judicia exercentes, proclamantur & edicuntur edicta & præcepta, seu inhibitiones, contra jurisdictionem Curie Cameracensis, & possessionem jurisdictionis ejusdem, cessetur a Divinis.

Denuntiamus (i) excommunicatos a Canone (k) illos, qui servant, & servari faciunt statuta, edicta, & consuetudines, introductas contra Ecclesiæ libertatem. (2. Syn. 1316.)

Item Statutarios, & Scriptores Statutorum, nec non Rectores & Scabinos locorum, ubi de cætero hujusmodi edicta & consuetudines factæ fuerint & observatæ, nec non eos, qui secundum eas præsumplerint judicare. (l) (*ibid.*)

Item eos, qui temporale Dominium obtinent, & suis subditis, ne Prælati, aut Clerici, seu personis Ecclesiasticis quie-

quam vendant, emantive ab eisdem, aut ipsis frumentum molant, aut panem coquant, aut alia obsequia exhibere præsumant, aliquando interdiciunt: (cum talia in derogationem libertatis Ecclesiasticæ noscantur esse facta,) sententiæ excommunicationis decernimus ipso facto subjacere. (m) (Syn. 1317.)

De perturbationibus jurisdictionis Ecclesiasticæ.

Item præcipimus (n) in virtute sanctæ obedientiæ, & sub pœna suspensionis & excommunicationis, omnibus & singulis nostræ Diocesis Curatis, ut denuntient palam & publice excommunicatos illos omnes, qui impetratores literarum nostrarum, vel Officialis nostri Cameracensis, vel alias ad forum Ecclesiasticum recurrentes, super causis, quæ ad idem forum de jure & antiqua consuetudine pertinere noscuntur, ad desistendum, per eorundem judicum Ecclesiasticorum, vel impetrantium, aut litigantium, vel volentium litigare, aut propinquorum ipsorum, seu rerum, sive bonorum eorundem, vel Ecclesiarum suarum, captionem & apprehensionem, seu modis aliis quibuscumque, compellunt, compelli faciunt, aut procurant per se, vel per alios quoquo modo, & qui ad præmissa facienda dant auxilium, consilium, vel favorem: a qua sententiâ non possunt absolvi, nisi tam Nobis, quam Officiali, seu Judici, cujus causæ cognitio fuerit impedita, vel jurisdictio usurpata, ac præterea parti, quæ turbata fuerit in persecutione sui juris, de injuria, damno, expensis & interesse, prius per eosdem fuerit integre satisfactum. (Syn. 1314.)

De Executione Mandatorum & Statutorum Synodali.

TITULUS DECIMUS QUINTUS.

SAcerdotes Superiorum suorum Mandata, sine dilatione & periculo nuntiorum

(g) C. Quoniam. De Immunit. Eccles. in 6.

(b) Excommunicationes reservatæ.

(i) Trium sequentium paragraphorum excommunicationes non reservantur.

(k) C. Noveritis. c. Gravem. Extra. De sent. excommunic. c. Adversus. Extra. De Immunit. eccles.

(l) D. c. Noveritis.

(m) C. fin. De Immunit. Eccles. in 6.

(n) C. Quoniam, ut intelleximus. De Immunit. Eccles. in 6.

tiorum, diligenter & fideliter exequantur, & maxime Mandata nostra, sive curiæ nostræ Cameracensis. Et propria habeant sigilla, quæ apponant in signum executionis Mandatorum, vel faciant scriptiones ad eadem: nec aliquid exigant, nisi unum denarium Turonensem pro sigillo vel rescriptione: & Clerici Parochiarum similiter unum denarium Turonensem pro labore & executione facienda. (e)

De apprehensione executorum Curie.

Statuimus, ut ubicumque portatores literarum Curie Cameracensis, vel executores, aut etiam ipsæ literæ, & insuper, ubicumque Clerici tam beneficiati, quam non beneficiati, ac ubicumque bona Ecclesiastica, & Clericorum beneficiorum, violenter rapiuntur & detinentur: aut portatores literarum, vel executores earumdem capiuntur vel verberantur: & ubi captos moram trahunt; quod tam in locis, ubi capiuntur, seu detinentur personæ, aut verberantur portatores literarum nostrarum, seu executores earumdem, vel bona huiusmodi capiuntur: quam etiam in locis, in quibus detinentur, seu transferuntur, omnino cesset a Divinis: nec sine nostra, aut Officialis nostri licentia, organa resumantur ibidem, si postquam a Nobis, aut Officiali nostro, seu Decano rurali, aut deputato ab ipso, seu altero eorumdem requisiti fuerint, non restituantur. (Syn. 1307. 1334. 1312.)

Portator literarum Curie.

Item statuimus, ut cum portator literarum curiæ nostræ ad quemvis executores ipsarum accedit; si idem executor viderit periculum, ipsum portatorem non ostendat, non prodatur, nec alias revelet, seu revelari faciat parti adversæ: imo si sciat, vel viderit insidias poni, seu periculum imminere dicto portatori per partem adversam, seu ipsa procurante, literas sibi præsentatas statim sigillet, & tradat sigillatas ipsi portatori, retinendo mandatum in suis tabulis, aut pergameni breviculo, nec mandatum parti adversæ insi-

nuet, aut insinuari faciat, permittat, aut procuret; donec portator poterit per duo milliaria, vel tria, post dictam sigillationem & traditionem a dicto loco recessisse. Alioquin contrafacientes extunc a Divinis suspendimus (p) ipso facto. (Syn. 1307.)

De citatione.

Præcipimus omnibus subditis nostris, ne faciant aliquam citationem contra aliquem de mandato Curie Cameracensis, nisi per competentem terminum ante diem citationis secundum distantiam locorum. (ibid.)

Si Presbyteris imminet periculum propter observationem Statutorum.

Item, si Presbyteris pro executionibus Mandatorum nostrorum, aut curiæ nostræ Cameracensis, aut observatione & executione statutorum, aut defensione, vel retentione suorum jurium Parochialium, a laicis minæ inferantur, sic, ut justo metu, qui potest in constantem virum cadere, perterriti, in propriis Parochiis morari non audeant propter sævitiam eorum; volumus, ut apud Cameracum causa studiorum & securitatis, præmissis durantibus, moram faciant, ut scholares: & si alias non habeant, unde vivere possint, si in præmissis nec culpa, nec dolus præcesserit, eisdem per Nos, & locorum Archidiaconos de vitæ necessariis providebitur competenter. (ibid.)

Si quis Clericus in nostra Diocesi aliquid crimen commiserit, occasione (q) cujus, bona mobilia ipsius Clerici per Nos pro emenda possint, vel debeant annotari, sequestrari seu etiam confiscari; si laicales iustitiæ bona huiusmodi confiscaverint & levaverint, (nisi ad nostrum, vel Officialis nostri, seu Decani, vel Presbyteri loci mandatum, Nobis, aut Officiali, vel Decano, aut Curato prædictis, vel alicui ex nostra, vel Officialis nostri parte destinato, hæc nomine nostro integre reddantur) ex tunc omnino ibidem cessetur a Divinis. Et quia constat, tales ipsa bona contra dictum mandatum in sequestrationem detinentes, seu detineri fa-

(e) Vide Moderationes & Addit. infra §. 17.

(q) C. Vergentis. c. Excommunicamus. 1. §. Damnati. Extra. De hæretic.

(p) Suspendio reservata.

facientes, nostram jurisdictionem Ecclesiasticam impedire; ipsos autoritate (r) Canonis excommunicationi decernimus subjicere, & eos esse excommunicatos, volumus a Presbyteris in facie Ecclesiarum suarum publicari; a qua excommunicatione, nisi per Nos, aut Officialem nostrum, non possunt absolvi: præcipientes cuilibet Presbytero, si sciverit in Parochia sua aliquem Clericum tam grave delictum perpetrasse; ut incontinenti, & quam citissime poterit, bona mobilia talis Clerici delinquentis in manu nostra ponat, quodque Nobis, vel Officiali nostro, quam citissime poterit, significare non postponat. (*ibid.*)

Præcipimus, ut subditi nostri, vel alii, Mandata Curiae Rhemenfis, sine placito nostro, vel Officialis nostri Cameracensis, juxta Constitutionem Albaricem (s) nullatenus exequantur.

De executione Mandatorum Apostolicorum.

Inhibemus Sacerdotibus, & aliis Ecclesiarum Prælatibus, ne Mandata Executorum, vel Judicum a Sede Apostolica Deputatorum, nisi prius diligenter viso authentico, etiam de falsitate non suspecto, nullatenus exequantur: nec etiam exequantur mandata de citando, vel vocando in jus subditos nostros, nec procedendo alias contra eos extra civitatem & Diocesim Cameracensem, nisi in literis Domini Papæ, virtute quarum processus petuntur fieri, hanc clausulam: *non obstante tali constitutione*, scilicet expresse videant contineri. (*Syn. 1307.*)

CONSTITUTIO CONCILII LUGDUNENSIS.

QUICUMQUE (t) pro eo, quod in Reges & Principes, Barones, & Nobiles, Baillivos, vel quoscunque ministros eorum, aut quoscunque alios, excommunicationis, suspensionis, seu interdicti sententia fuerit promulgata, licentiam dederint alicui occidendi, capiendi, vel alias in personis, vel bonis suis temporalibus, vel suorum, gravandi eos, qui tales sententias protulerunt, five quo-

rum occasione fuerint prolatae, vel easdem sententias servantes, vel taliter excommunicatis communicare nolentes, (nisi licentiam ipsam integram revocaverint: vel si ad novorum captionem processum sit occasione ipsius licentiae, nisi bona sua infra octo dierum spatium fuerint restituta, vel satisfactio pro ipsis impensa,) in excommunicationis sententiam incidant ipso facto. Eadem sententia sint innodati, qui usi fuerint prædicta licentia, vel aliquod præmissorum, ad quæ committenda licentiam prohibemus dari, ausi committere suo motu. Qui autem in eadem sententia permanserint duorum mensium spatio, ex tunc ab ea non possint, nisi per Apostolicam Sedem absolutionis beneficium obtinere. Datum Lugduni Pontificatus nostri anno tertio.

Quando non liceat exequi Mandatum de excommunicando.

Item fraudi aliquorum obviare volentes, prohibemus, ne aliquis Presbyter, seu executor Mandatorum nostrorum, aliquod Mandatum sibi, feria sexta ante Pascha, in vigilia & die Paschæ, in vigilia & die Pentecostes, in vigilia & die Natalis Domini, tunc primo præsentatum de excommunicando aliquem aliquatenus exequatur. (*Syn. 1307.*)

Affectata ignorantia Statutorum.

Cum nonnulli Presbyteri & Capellani, scientes, & scire debentes, se teneri ad observationem statutorum Synodaliū, statuta hujusmodi in casu cessationis non observent; sed potius statutis hujusmodi contemptis, ignorantiam (u) in hoc casu affectantes, seu fingentes, celebrare, ubi cessare deberent, aliter quam de jure sit permixtum, scienter præsumant; Nos cupientes circa hoc statuendo adhibere remedium opportunum, tales ipso facto ex nunc a Divinis (x) suspendimus: & si suspensionem hujusmodi per sex dies in se sustinuerint, excommunicamus eosdem, & excommunicatos publice mandamus nuntiari. (*Syn. 1309. sede vac.*)

Cita-

(r) C. Quoniam, ut intelleximus. De Immunit. Eccles. in 6.

(s) Alias: Domini Albaricem.

(t) C. Quicumque. De sent. excommun.

(u) C. Ut animarum periculis. De Constitution. in 6.

(x) Suspendio reservata, uti & excommunicatio, quæ sequitur.

Citatio generalis.

Item, cum per citationes generales, nominibus citandorum non expressis, plures fraudes & enormitates committantur; ut fraus & dolus in prædictis tollatur, auctoritate Synodali statuimus, quod de cætero tales citationes non fiant, nisi de Officialis nostri Cameracensis licentia speciali. (*ibid.*)

De Sententiis Excommunicationis, suspensionis & interdicti, & de Absolutione ab eisdem.

TITULUS DECIMUS SEXTUS.

Denuntiamus excommunicatos (y) a Canone (z) omnes hæreticos, credentes & fautores eorum, ac omnes schismaticos. (*Syn.* 1317.)

Item denuntiamus excommunicatos a Canone Synodali, omnes illos, qui civitatem nostram Cameracensem, villas, nemora, prata, molendina, vivaria, & alia loca & jura, ad nostram mensam temporalem pertinentia, violenter invadunt, & injuriose occupant, & eos, qui eisdem in præmissis, aut aliquo præmissorum, dant consilium, auxilium, vel favorem: & terras eorum Ecclesiastico supponimus interdicto. (*Syn.* 1316. 1317.)

Item denuntiamus excommunicatos a Canone Synodali omnes illos, qui in nostro Comitatu Cameracensi, incendi domos, granaria, vel segetes faciunt: & eos, qui eisdem in præmissis dant auxilium, consilium, vel favorem, & terras eorum Ecclesiastico supponimus interdicto. (*ibid.*)

Item denuntiamus excommunicatos a Canone Synodali omnes illos, qui in Comitatu nostro Cameracensi agricolas euntes ad agriculturam, & redeuntes, aut in ipsa existentes, vel animalia, quibus arant, aut semina portant ad agrum, hostiliter capiunt, vulnerant, aut interficiunt: & omnes, qui eisdem in præmissis

dant consilium, auxilium, vel favorem. (*ibid.*)

Item excommunicatos (a) a Canone (b) nuntiamus omnes, exemptos & non exemptos, qui interdicti tempore, in casibus a jure nobis concessis, defunctorum corpora, vel excommunicatos publice, & nominatim interdictos, vel usurarios manifestos, in Cæmeteriis suis ausi fuerint sepelire. (*Syn.* 1319.)

Pedagia.

Item excommunicatos a Canone (c) nuntiamus omnes, qui ab Ecclesiis, vel personis Ecclesiasticis, pro eorum rebus propriis, quas non negotiandi causa deferunt, aut deferri faciunt, pedagia, seu guidagia, suo, vel alieno nomine exigunt & extorquent. (*ibid.*)

Denuntientur excommunicati, qui fabricant, cudent, fabricari, seu cudi faciunt monetas infra Comitatum Cameracensi, contra jurisdictionem & honorem Episcopi Cameracensis: & qui eis dant, vel præstant auxilium, consilium, vel favorem: nec non qui eisdem monetas ipsas approbantes, utuntur in contractibus quibuscumque. (*Syn.* 1311. 1312. 1315.)

De Duellis.

Denuntientur excommunicati auctoritate Apostolica, omnes & singuli, qui in nostra Diocesi torneamenta, & duella facere & exercere quomodolibet præsumunt: nec non & illi, in quorum terris & districtibus, seu locis illa fiunt, non prohibentes, si possint: ac alii, qui hujusmodi duella, seu torneamenta facientes, aut facere volentes, & propter hoc ad locum torneamenti, seu duellorum hujusmodi accedentes, eundo, & stando, in domibus suis scienter receperint, ipsi equos & expensas, vel quævis alia subsidia pro hoc faciendo ministraverint, vel cum eisdem super hoc aliquod commercium fecerint: & terræ eorum Ecclesiastico sint suppositæ interdicto: cujus excommunicationis absolutio est, (præterquam in mortis articulo) Sedi Apostolicæ

(y) Quatuor priorum paragraphorum excommunicationes reservatæ.

(z) *C. Noverit.* Extra. De sent. excommunic.

(a) Excommunicatio non reservata, uti & duæ sequentes. *Vide Tom. seq. Synod. anni 1604. Tit. 8. c. 4.*

(b) *Clem. 1.* De sepult. in *Clem.*

(c) *C. 1. c. Clericis.* De immunit. Eccles. in 6. *Clem. un.* De iramua. Eccles. in *Clem. c. Non minus.* & *c. Adversus.* Extra. De immunit. Eccles.

licæ reservata, prout hæc in constitutione D. Clementis PP. V. plenius continetur. (Syn. 1314.)

De absolutionibus excommunicatorum ab homine.

Item, ut censura Ecclesiastica magis timeatur, statuimus, ut omnes excommunicati a Nobis, vel Officiali nostro, pro suis absolutionibus obtinendis, ad Nos, vel ad Curiam nostram Cameraensem accedant, vel Procuratorem sufficienter instructum mittant: potestatem absolvendi eosdem, (præterquam in mortis articulo) penitus reservantes. (Syn. 1307.)

Item statuimus, ut quicumque excommunicatus a Nobis vel Officiali nostro, absolutus a proprio Curato in articulo mortis fuerit, (d) si convalescit, nisi infra mensem post suam convalescentiam Nobis, & parti adversæ satisfaciatur de offensa; in pristinam sententiam noverit se reincursurum, ac Sacerdotes tales renuntient excommunicatos, si a partibus fuerint requisiti. (ibid.)

De absolutionibus excommunicatorum a Canone Synodali.

Absolutionem, seu relaxationem a sententiis excommunicationis, suspensionis, & interdicti, in statutis tam antiquis, quam novis latis, si quis eas incurrit, Nobis Episcopo Cameracensi, seu nostro locumtenenti, specialiter (præterquam in mortis articulo) reservamus. (e)

Præterea statuimus, ut, si contigerit, aliquem fore excommunicatum pluribus sententiis, & ab una fuerit absolutus, nihilominus pro alia excommunicatus nuntiatur. (f) (Syn. 1312.)

De Cautionibus recipiendis.

TITULUS DECIMUS SEPTIMUS.

U Surarii, nisi de usuris, & excommunicati, nisi pro quo excommu-

nicati fuerint, satisfecerint (g) Nobis, & parti adversæ, saltem per cautionem competentem, vel ab eis, vel eorum hæredibus, per Presbyterum loci receptam, si solvendo fuerint: si vero non solvendo fuerint, per receptum de stando mandatis Ecclesiæ juramentum; [h] nullatenus absolvantur, nec tradantur Ecclesiasticæ sepultura; si decedant. Volumus autem, ut infra mensem, cum accepta fuerit per ipsum Curatum huiusmodi cautio, nobis remittatur.

Cautio ad Curiam transmittenda.

Ac statuimus, ut si Curati receperint Mandata ab Officiali Cameracensi, vel aliquo Decano de absolvendo suos Parochianos, prius recepta cautione, pro huiusmodi absolutione impetranda; quod huiusmodi cautionem, vel vadium reportent, vel significant illi, a quo huiusmodi mandatum receperint, infra quindecim dies. (Syn. 1335.)

De Decanis & Curatis, ac Capitulis, seu convocationibus, & aliis pertinentibus ad officium eorundem.

TITULUS DECIMUS OCTAVUS.

De Capitulis Decanorum.

Presbyteri Parochiales ad Capitula generalia Decanorum suorum, & eorum convocationes veniant & intersint, & pareant ordinationi eorundem: & Decani in Capitulis suis singulis, partem de Statutis Synodalibus legi faciant, & sic de Capitulo in Capitulum, donec omnia statuta infra annum fuerint plenarie lecta. (Syn. 1307.)

Item statuimus, ut Curati Parochiarum ad Decanorum suorum convocationes venire teneantur sub pœna viginti solidorum Parisiensium, quam pœnam (nobis viventibus) cæteris de Decanatu Curatis venientibus volumus applicari: præ-

(d) C. Eos, qui. De sent. excommun. in 6.

(e) Moderatum in Synod. anni 1604. Tit. 8. c. 4.

(f) C. Officii. c. Cum pro causa. Extra. De sent. excommun.

(g) C. Quamquam. De usur. in 6. c. Quia in omnibus. c. Præterea. Extra. De usur.

(h) C. Ex tenore. c. Cum desideres. c. Super eo. Extra. De sent. excommunic.

præcipientes Decanis, ut ipsi tales ad solvendum prædictam pœnam, si necesse fuerit, per censuram Ecclesiasticam inducant & compellant. (*ibid.*)

Occultans leges Reverendissimo debitas.

Quicumque Decanorum nostrorum, seu Presbyterorum, leges (*) Nobis & Archidiacono locorum debitas in suis Decanatibus & Parochiis occultaverint, seu fraudem fecerint in eisdem, quominus legitime persolvantur Nobis & Archidiaconis locorum, nisi infra mensem post occultationem, seu fraudem hujusmodi satisfecerint, seu revelaverint nobis, ex tunc noverint se esse suspensos. (i) (*ibid.*)

Decani in suis literis absolutoriis, exprimant, de qua sententia absolvant, (k) & ad quorum instantiam tales absoluti sententiam excommunicationis incurrerint. Alias Presbyteri literas absolutorias Decanorum nullatenus exequantur. (*Syn.* 1312.)

*Quid certificatio emendæ (**) seu compositionis continere debeat.*

In literis Decanorum Christianitatum factis super emenda, vel absolutione, vel alias, inscribatur summa pecuniæ recepta a Decanis. Alioquin dictas literas pro nullis reputamus, & Curati, & alii, quibus diriguntur, dictis literis non obediant. (*Syn.* 1335.)

Unusquisque Decanus scribat in computis suis, nomina & cognomina personarum, a quibus emendam, vel aliquam pecuniam, nomine emendæ, receperit, nec non & factum, pro quo hujusmodi pecuniam receperit: & hoc sub pœna viginti solidorum Parisiensium pro qualibet persona, sive factu, non scripto in suis computis, a contrafacientibus solvenda. (*Syn.* 1336.)

Nullus Decanus ad absolutionem aliqujus personæ pro judicato, sive pro recognito procedat. (*Syn.* 1343.)

De Capellaniis non confirmatis, & aliis qualitatibus Capellaniarum inquirendis.

Districte præcipimus & injungimus omnibus Decanis nostris Christianitatis,

ut quilibet in Decanatu suo inquirat, si sint aliquæ Capellaniæ minus sufficienter dotatæ, & non amortizatæ competenter: & si celebretur in Capellaniis aliquibus, per Episcopum non confirmatis: & nomina eorum, qui talibus deserviunt contra prohibitionem Synodalem, Nos, aut Officiale nostrum, ac super præmissis omnibus & singulis certificare procurent. Alias eos graviter puniemus. (*Syn.* 1310.)

Item quilibet Decanus in suo Decanatu inquirat de omnibus Capellaniis non confirmatis: & si Fundatores retinuerint semel, vel perpetuo, aut alicui Patrono dederint collationem: & omnia, ac Fundatorum nomina, & summam reddituum ac bonorum, infra certum tempus, Vicario nostro, seu Sigillifero mittant. (*Syn.* 1343.)

Præterea eligantur per Decanum & Fundatorem, seu heredes ejusdem, potissimum si collationem retinuerint, duo probi viri, qui fructus talis Capellaniæ non confirmatæ, recipiant, & illud, quod deservitur dictæ Capellaniæ non confirmatæ superfit, reservent pro dicta Capellania confirmanda. (*ibid.*)

De incarcerationis.

Statuimus, ut Decani nostri Christianitatis ab incarcerationis non pro magno delicto, recipiant cautiones (l) fidejussorias, secundum qualitatem personæ & delicti commissi, de comparando coram Officiali ad certam & competentem diem, per Decanum loci assignandam, sub pœna delicti confessati, ac certâ pœna pecuniaria secundum qualitatem delicti: ad quam diem Decanus certificet Officiale, vel Promotorem, vel Sigilliferum, de assignatione diei, & qualitate delicti, & carceribus & pœnis adjunctis seu commissis, per proprium & certum nuntium. Insuper dicti Decani, quam citissime poterunt, nomina illorum, quos capi contigerit pro magno delicto, Officiali, seu Sigillifero mittant, una cum qualitate delicti & personarum captarum. (*ibid.*)

Ac dicti Decani bona mobilia captivorumprehendant, & de ipsis inventarium faciant. (*ibid.*)

Nomi-

(*) id est, multas, nimirum a lege definitas.

(i) Suspensio reservata.

(k) C. Cum pro causa. & c. Officii. Extra. De sent. excommunic.

(**) Emenda. Multa pecuniaria, compensatio damni: quasi Emendatio, quæ arbitrio Judicis irrogatur.

(l) C. Si Clericos. De sent. excommunic. in 6.

*Nomina beneficiorum, & Beneficiorum
transmittenda.*

Quilibet Decanus in suo Decanatu scribat nomina beneficiorum, & ad cuius collationem pertineant, præsertim quæ ad collationem Episcopi spectabunt, & ea mittant Sigillifero infra certum tempus: & quilibet Decanus in suo Decanatu inquirat beneficiatos non residentes, & nomina beneficiorum non residentium, tam gratiam habentium, quam non habentium, & infra certum tempus Sigillifero mittat. (*ibid.*)

Item præcipimus Decanis, si commode possint habere Presbyteros non beneficiatos, eos ponant in succursibus deserviendis: & si Presbyteri in Ecclesiis suis per Archidiaconum instituti, velint personaliter in Ecclesiis suis deservire; volumus, ut omnibus præponantur, premium solum & debitum recepturi. (m)

Ut denuntietur cessus.

Item, si Decanus sciverit, quod cessetur in aliqua Parochiali Ecclesia sui Decanatus, vel factum commissum fuerit, pro quo cessari debeat, infra mensem Sigillifero notificet. (Syn. 1343.)

Quilibet Decanus in computu suo ponat registra, de quibus non fuerit satisfactum, ac tradat, ut ordinetur de ipsis, secundum quod visum fuerit faciendum.

Denuntiatio excessuum.

Item, quod omnes excessus commissos in Decanatibus suis infra mensem mittant in scriptis Vicario, vel Officiali.

Ut nomina Clericorum decedentium transmittantur.

Quod nomina Clericorum decedentium ab intestato, quilibet Decanus infra duos menses mittat Vicario, vel Officiali; similiter nomina Clericorum, & aliorum decedentium cum testamento, & executores eorumdem, si quos fecerint, mittant infra duos menses post decessum eorumdem ad Vicarium vel Officialem. [Syn. 1343.]

(m) Vide idem supra pag. 711. §. Capellani.

(n) C. Omnis utriusque sexus. Extra. De poenit. & remission.

Statuta communia de Fide, & Personis Ecclesiasticis.

TITULUS DECIMUS NONUS.

Sacerdotes moneant subditos suos, ut perfecte discant *Pater noster* &c. *Ave Maria*, &c. & *Credo in Deum*, & saltem bis in die, mane scilicet, & vesperi legant, & scientibus nomine poenitentiae injungant, ut doceant ea ignorantes. (Syn. 1333.)

Ac statuimus, quod Curati Ecclesiarum singulis diebus Dominicis, vel saltem semel in mense moneant Parochianos suos, ut filios ad fidem addiscendam, videlicet, *Pater noster*: *Ave Maria*: *Credo in Deum*, mittere non postponant. [*ibid.*]

Ne quis locet domum suam meretricibus.

Ultimo Sacerdotes prohibeant subditis suis, sub poena excommunicationis, ne locent suas domos meretricibus, ac receptoribus earum, vel turpitudinis mediatoribus: & si aliqui contra hanc prohibitionem fecerint, Episcopo, vel Officiali nomina eorum Presbyteri nuntient, ac exhortentur Parochianos suos, ut ipsis Presbyteris denuntient eos, qui deliquerint in prædictis.

De Testamentis & Executionibus, seu Executoribus eorum.

TITULUS VIGESIMUS.

Pastores Parochianos suos hortentur, præcipue in initio infirmitatum suarum, ut confiteantur sua peccata proprio Sacerdoti (n), & viaticum de consilio ejus recipiant, ac sua testamenta conficiant, debita & emendas solvendo, aut solvi faciendo, & quædam piis locis erogando.

Inventarium.

Statuimus insuper, quod nullus executor intromittat se de bonis ultimæ voluntatis cujusvis defuncti, seu se immisceat eisdem, nisi prius legitime in præ-

Yyy 3

len-

sentia testium & Presbyteri Parochialis, si haberi possit, facto inventario bonorum defuncti, continente, quanta & qualia sint bona in domo mortuaria inventa. Contrafacientes ad pœnam condignam nobis solvendam, teneri volumus.

Ut Executores refundant expensas litis de propriis.

Statuimus, ut Executores testamentorum, super legatis, & aliis ex parte defuncti in causam tracti, si dolo & culpa lapsi manifeste inveniuntur; de suis, non de bonis testatoris, adversariis litis expensas refundere teneantur.

Quatenus liceat ædificia Ecclesiæ obligare.

Item concedimus Presbyteris Parochialibus, & Capellanis perpetuis, ut si in solo Ecclesiæ, vel Capellanis suæ, de bonis undequaque acquisitis nova ædificia construxerint, quod pro modo valoris medietatis ædificiorum prædictorum possint ultimas voluntates ordinare, & quod ædificia ipsa usque ad valorem prædictum valeant obligare, æstimatione valoris tempore mortis eorundem super hoc faciendâ.

Pia Legata.

Cum plures plura bona ac diversarum pecuniarum summas ex testamentis fidelium datas, concessas, seu legatas ad opus Ecclesiarum, seu Beneficiorum Ecclesiasticorum instituendorum, & emolumenta, quæ provenierint ex ipsis, sibi retinere præsumserint & præsumant: præcipimus, quod Presbyteri tales, & eorum nomina diligenter inquirant, Nobisque, vel Officiali nostro denuntient, qui per censuram Ecclesiasticam compellat (o) eos, si necesse fuerit, ad restitutionem omnium prædictorum, ut in usus, ad quos deputata & ordinata sint, convertantur.

Ut Testamentum fiat coram Presbytero.

Præcipimus quoque, ut Presbyteri testamenta sua, non per laicos, sed

saltem in præsentia unius Presbyteri ordinent, sub testimonio competentis, (p) nisi necessitas eos impediat: ac insuper, ut laici testamenta sua, sine præsentia sui Sacerdotis, si ipsius præsentiam commode possint habere, facere non præsumant: quos omnes Presbyteri moneant, ut testamenta sua, dum adhuc sunt compotes corporum vel sensuum, condere non omitant, & ad faciendum eleemosynas, tam fabricæ Ecclesiæ Cameracensis, quam Ecclesiis propriis, & pauperibus, eos precibus & monitis inducant.

Libera debent esse Testamenta.

Item statuimus, ut quilibet pro salute animæ suæ, de rebus suis vel sibi debitis, in ultima voluntate testari, vel aliter disponere libere & quiere valeat: ac in omnes; qui directe, vel indirecte: tacite, vel expresse: clam, vel publice, aliquem libere testari impedierint, seu prohibuerint; excommunicationis (q) sententiam proferimus in his scriptis.

Moneantur Executores negligentes.

Præterea singuli Presbyteri in suis Parochiis moneant, autoritate Synodali publice in facie Ecclesiarum suarum suarum, omnes, qui testamentarias dispositiones, & ultimas voluntates defunctorum receperint exequendas; ut infra annum (r), si commode fieri possit, dictas executiones faciant & compleant de consilio proprii Sacerdotis, juxta dispositionem testatoris. Alioquin excommunicationis sententia (s) eos innodamus.

Abusus laicorum circa Testamenta.

Quia in quibusdam villis nostræ Cameracensis Diocesis sunt nonnulli laici, tam Judices, quam non Judices, asserentes & sustinere volentes, ultimas decedentium voluntates, ac testamenta aliter non valere, aut habere roboris firmitatem, nisi in prædictorum constitutione seu factione, Scabini loci, aut duo saltem Scabini de ipsis præsentibus adfue-

(o) C. Nos quidem. c. Si hæres. c. Joannes. Extra. De Testam. & ult. volunt.

(p) C. Cum esset. Extra. De Testam. & ult. volunt.

(q) Excommunicatio non reservata. Vide Tom. seq. Synod. Camer. anni 1604. Tit. 8. c. 4.

(r) Fundatur in c. Nos quidem. Extra. De Testam. Authent. Hoc amplius. c. De Fideicom.

(s) Moderat. Vide infra in Moderation. & Addition. §. 18.

adfuerint, ad hoc specialiter vocati & rogati, asserentes, quod secundum usum suum, quem prætendunt, per alios testes, quam Scabinos, evidenter probari non valeat ultimæ voluntatis dispositio: Nos igitur attendentes, quod prædictus abusus evidenter est contrarius rationi, & juris dispositioni (ε): quodque per prædictum abusum, si de cætero toleraretur, prædictas voluntates defunctorum sæpius indebite contingeret irritari; Statuimus, præcipimus, & firmiter inhibemus, ne quis, occasione abusus hujusmodi, prædicta testamenta, alias tamen rite facta, impedire, aut scienter impugnare præsumat. Qui vero contrarium fecerit, in excommunicationis (u) sententiam incidat ipso facto. (*Syn. 1319.*)

Quia etiam in quibusdam villis & locis nostræ Cameracensis Diœcesis, nonnullæ laicales iustitiæ asserunt & sustinere nituntur, quod secundum usum suum, legata & donationes causæ mortis quas faciunt decedentes, non valeant, nec habeant roboris firmitatem, nisi testator de lecto ægritudinis confurgens, extra domum, in qua jacet, per quadraginta pedum spatium vadat, & de bonis suis ibidem ordinet & disponat: sunt etiam aliqui Judices asserentes, quod non valent, neque tenent legata, donationes, vel eleemosynæ defunctorum, nisi de datis & relictis, testator in vita sua, propria manu, legatariis & donatariis possessionem dederit, ad iniquitatem suam & malitiam palliandam, quemdam abusum pro consuetudine allegantes. Nos igitur attendentes, quod piæ & favorabiles sunt ultimæ decedentium voluntates, statuimus, ut legata, donationes, & eleemosynæ defunctorum valeant & teneant; sive in loco mortis sint factæ, sive in domo, sive extra: etiam si defunctus de prædictis datis & legatis, legatariis & donatariis in vita sua possessionem non tradiderit; dicto abusu contrario non obstant: dum tamen non subsit alia causa, propter quam possint & debeant impugnari. Inhibentes, ne quicumque Judices, vel

alii, occasione dictorum abusus, vel aliqui eorum, dicta legata, aut donationes fraudulenter impugnare præsumant. Qui vero contrarium fecerint, aut facere præsumperint, in excommunicationis (x) sententiam incidant ipso facto. (*ibid.*)

Inventarium qualiter fieri debeat.

Ad occurrendum negligentis, fraudibus & malitiis, quæ circa exequendas pias decedentium voluntates sæpius committuntur, hoc Synodali Statuto provida moderatione duximus ordinandum; ut omnes & singuli nostrarum Civitatis & Diœcesis Cameracensis, ultimarum voluntatum Executores, qui a testatoribus electi, onus executionis duxerint assumendum, de bonis, ad executionem eis commissam pertinentibus, infra mensem, a die obitus defuncti numerandum, inventarium sub manu publica, vel per Curatum loci, vel saltem sub fide dignorum testimonio fideliter facere teneantur, in quo omnia & singula bona nominatim scribantur, & eorum valores juxta æstimationem, per æstimatores locorum super hoc juratos, plenarie declarantur. Et si bona hujusmodi ad centum librarum Turonensium valorem ascendant, per se, vel per alium, cum testamento, seu ultima voluntate testatoris, aut testatricis, Officiali nostro, vel ejus locum tenenti, se infra mensem alium præsentent, ac de hujusmodi testamento & inventario copiam faciant, quam copiam penes Curiam nostram Cameracensem volumus remanere, ut per ejus copiam informetur Officialis prædictus super fidelitate & diligentia executorum circa executionem prædictam, & ut negligentias eorum melius corrigere valeat & supplere, ac ipsos executores instruere, qualiter se habere debeant in executione prædicta. Quod si minoris valoris existant, Decani nostri Christianitatis, præmissa facere & complere teneantur. (*Syn. 1323.*)

Ratio

(ε) C. Cum esset. Extra. De Testam. & ult. volunt.

[u] Excommunicatio non reservata. *Vide Tom. seq. Synod. anni 1604. L. supra cit.*

(x) Excommunicatio non reservata. *Ibid.*

Rationes per Executores Nobis reddenda.

Volumus etiam, & statuendo præcipimus, ut Executores ipsi, infra annum a die mortis testatorum, executionem prædictam adimpleant: & ut negligentias & defectus eorum melius corrigere valeamus, & supplere, juxta voluntatem & ordinationem defuncti; Officiali nostro prædicto, vel illi, aut illis, quibus duxerimus committendum, de bonis dictæ executionis, per eos receptis, ac gestis & administratis fideliter rationem reddant. (*ibid.*)

Curati Executores moneant, ut Inventarium faciant.

Et ut præsens Statutum firmitus observetur, eidem duximus subjungendum, ut omnes & singuli Presbyteri, Curati locorum, ubi testatores decedunt, vel eorum loca tenentes, executores hujusmodi super inventario, ut præmittitur, faciundo, & ad Curiam nostram cum testamento deferendo, auctoritate nostra sub pœna excommunicationis moneant diligenter, ac dicto Officiali nostro per eorum literas patentes influent ipsorum testatorum & executorum nomina, & utrum ipsos executores monuerint, & utrum eorum monitioni paruerint. Hoc igitur Synodale Statutum, quod ad providendum piis decedentium votis, & animarum salutem, creditoribus, legatariis, piis locis, & pauperibus, ac eorum hæredibus, & omnibus, qui ex dispositione defuncti aliquod emolumentum percipiunt, aut expectant, salubriter, & prout ad Nos de jure pertinet, duximus faciendum, præcipimus subditis nostris, & sub pœna excommunicationis & suspensionis injungimus, firmiter & inviolabiliter observandum. (*ibid.*)

Item, cum incumbat nostro officio, quod ultimæ voluntates testatorum, præsertim ad pias causas, infra certum tempus a jure statutum (z) executioni demandentur; statuimus, ut singuli Curati in Parochiis suis se super hoc diligenter informant, si prædictæ ultimæ voluntates fuerint executioni debite demandatæ: & Nobis, seu Offi-

ciali nostro teneantur referre ad proximam Synodum: & hoc sub pœna centum solidorum Parisiensium; & sic de anno in annum, ad finem, ut providere possimus juxta sacrorum Canonum instituta de remedio opportuno. (*Syn.* 1335.)

De Exequiis & Sepultura Mortuorum.

TITULUS VIGESIMUS PRIMUS.

Quos & quando Curati decedentes fructus suos faciant.

Statuimus, ut, si Curati Ecclesiarum decedant infra Festum Nativitatis Beati Joannis Baptistæ, & Festum Magdalene, fructus maturos separatos a solo, suos faciant, sed si teris Ecclesiæ per ipsos exculitis, decedant inter dicta festa, vel in aliqua parte anni, dum tamen fructus aliquos non perceperint, volumus, ut sumptus culturæ reddatur: residuum vero fructuum Ecclesiæ, cedat Nobis (a), & Archidiacono loci, salvo semper servitio Ecclesiæ. Si autem inter festum Magdalene & Purificationem Beatæ Mariæ decesserint, omnes fructus pro tempore præterito perceptos, suos faciant: percipiendi vero pro tempore sequenti, cedant ut supra, salvo servitio Ecclesiæ: ita tamen, ut pro rata perceptorum & percipiendorum fructuum, ad deservendum Ecclesiæ usque ad sequens Festum Beati Joannis Baptistæ, quælibet pars portionem se contingentem apponat seu conferat: si vero inter Festum Purificationis, & Festum Beati Joannis Baptistæ decesserint, omnes fructus faciant suos: ita tamen, ut de illis deserviat Ecclesia per consilium Decani loci. Quod quidem statutum, & alia de hujusmodi materia mentionem facientia, ad Capellanos seu Capellanas volumus extendi. (*Syn.* 1289. 1300. 1315.)

Nemo funus alienæ Parochiæ sepelire præsumat.

Item statuimus, ut nullus Presbyter funus defuncti alienæ Parochiæ sepelire præsumat: (b) quod si secus fecerit,

(z) D. c. Nos quidem.

(a) C. Præsent. De officio Ordin. in 6.

(b) C. Ex partes 1. c. Cum liberum. c. In nostro. Extra. De Sepult.

erit, ossa defuncti, & omne emolumentum, quod occasione sepulturæ defuncti recepit, restituere teneatur: & nihilominus eum graviter puniemus; nisi defunctus, salvo jure Parochiali, ibidem elegerit sepulturam, aut fuerit de longinquis partibus peregrinus.

Exequiæ pro Presbyteris solemniter celebrande.

Et præcipimus, ut pro Presbyteris & Capellanis defunctis campanæ pulsentur, & officium Divinum solemniter celebretur.

Anniversarium Confratrum Ecclesiæ Cameracensis.

Ac præcipimus, ut in crastino octavarum Paschæ celebretur in omnibus Ecclesiis Parochialibus, anniversarium Confratrum Ecclesiæ Beatæ Mariæ Cameracensis.

De absolutione post mortem.

Nec non, quod omnes Presbyteri, audito obitu Parochianorum suorum, absolvant eos cum Psalmis, *Miserere. De profundis.* & collecta: postmodum dicant vigiliæ, & alia, quæ defunctis debentur: & hoc, quando ipsi Parochiani excommunicati non decesserint, aut si in articulo mortis, cum copiam excommunicatorum habere non potuerunt, per suos Curatos in forma Ecclesiæ fuerint absoluti: (c) sed si signa penitentiae tantum apparuerint in eis, pro absolutione impetranda est ad excommunicatorem eundem. (d)

Excommunicatus per annum, in articulo mortis absolutus, non sepe liatur.

Statuimus tamen, ut nullus sustinens, seu qui sustinuit excommunicationem, autoritate nostra latam, per annum & diem, quamvis per Presbyterum in articulo mortis absolvatur, tradatur Ecclesiasticæ sepulturæ. Alioquin contra facientes noverint se esse suspensos. (e)

De arrenda terrarum Ecclesiæ, vel beneficiorum.

Quia nonnulli terras Ecclesiarum Parochialium; & Capellaniarum sub melioratione in arrendam recipere a Rectoribus & Capellanis eorundem formidant, eo quod si ipsos Rectores, vel Capellanos ante terminum arrendæ decedere, aut resignare contingat, eorum Successores dictam arrendam, & conventiones super hoc factas retractare possint, si velint, & penitus annullare; ita quod arrendator, seu censuarius, melioratione dictarum terrarum, si quam fecerit, est omnino defraudatus: propter quod quam plures terræ beneficiorum quotidie pejorantur; Statuimus idcirco, ut si quis Presbyter, aut Capellanus, terras beneficii sui in toto, vel in parte, alicui in arrendam concesserit, ipseque arrendator per suam industriam, laborem, & expensas, dictas terras melioraverit, ac ipsum concedentem ante finem arrendæ decedere, aut resignare contingat; Successor ipsius decedentis vel resignantis, conventiones, a suo Prædecessore cum dicto arrendatore super dicta arrenda habitas, tenere & adimplere, aut ipsam meliorationem ad decretum bonorum virorum, ab ipsis arrendatoribus; & successoribus eligendorum, eidem necessario reddere & restituere ante omnia teneatur, prout iidem eligendi, seu electi duxerint ordinandum.

Statuimus, ut Capellani perpetui Sacramenta sua a Curatis locorum suorum in infirmitatibus suis accipiant: & si decedant, in Capellaniis suis sepeliantur, nisi ex devotione (salvo jure Parochiali) alibi elegerint sepulturam. Quod statutum ita declaramus, ut si emolumentum exequiarum talium Capellano alius, quam Curatis locorum, de consuetudine competat; per statutum prædictum nolumus, neque intendimus, dictæ consuetudini in aliquo derogare. (Syn. 1308.)

Inhi-

(c) C. fin. Extra. De sepult.

(d) C. A nobis. 2. Extra. De sent. excomm.

(e) In editione anni 1604. legitur ad marginem: Suspendio reservata, nisi mandantes sepulturæ cautionem de satisfaciendo, & parendo iudici, exegerint ab hæredibus, & obtinuerint.

Inhibemus Presbyteris Parochialibus, & Capellanis, sub pœna suspensionis & excommunicationis, ne quis eorum suspensos, & excommunicatos, aut interdicto Ecclesiastico suppositos, vel alias in peccato mortali notorie existentes, tradat Ecclesiasticæ sepulturæ, nisi in articulo mortis signa pœnitentiæ apparuerint in eisdem. (f) (*ibid.*)

Qui dicuntur manifesti usurarii.

Licet usurarum crimen, utriusque testamenti pagina detestetur, ac in Concilio Lateranensi fuerit contra manifestos usurarios salubriter institutum & constitutum, ut huiusmodi usurarii manifesti, nec ad communionem admittantur altaris, nec Christianam, si in hac pravitate decesserint, accipiant sepulturam, nec etiam oblationes eorum quisquam recipiat, (g) sintque contra usurarios manifestos in eorum odium Constitutiones & Canones multiplices promulgati: nonnulli tamen nostrarum civitatis & Diœcesis Cameracensis, prout ad nostrum fide digna relatio perduxit auditum, tantis sunt insolentiæ & avaritiæ reatibus excæcati; ut non solum usurarum crimen exerceant, imo in suis malitiis & insolentiis gloriantes pro manifestis usurariis cupientes haberi, signa teneant & habeant ante domos & fenestras suas, per quæ, quod sint usurarii, divulgantur, & etiam cognoscuntur, adinstar tabernarii, qui ante tabernam pro signo tabernæ circum dolii tenere solet appensum, aut qui mensam scenebrem publice exercent.

Excommunicatio (h) in manifestos usurarios.

Nos igitur cupientes per aggravationem pœnarum, tales & confimiles insolentias & præsumptiones, exemplo perniciosas, de Civitate & Diœcesi Cameracensi penitus extirpare, & usurarios ipsos ab usurarum voragine cohibere, præsentî Synodali Statutoq; decernimus & declaramus, omnes tales usurarios, huiusmodi signa tenen-

tes, aut mensam scenebrem exercentes, manifeste usurarios judicandos; & contra ipsos, tamquam contra manifestos usurarios, fore procedendum, ipsosque, & omnes alios usurarios manifestos, in Civitate & Diœcesi prædictis manentes, excommunicamus, & excommunicatos præcipimus publice nuntiari, & tamquam excommunicatos ab omnibus evitari: Injungentes omnibus Presbyteris & Capellanis subditis nostris, sub pœna suspensionis & excommunicationis, ut ipsos manifestos usurarios, authoritate præsentis Synodalis Statuti, publice denuntient in offeritorio eorum excommunicatos, & contra ipsos pœnas prædictas Concilii Lateranensis diligenter observent. Item, quia sunt quidem alii usurarii, qui licet non sint omnino manifeste usurarii, tamen, licet occulte, usurarios contractus indifferenter exercent, quos publica fama usurarios esse demonstrat; eos ad Ecclesiasticam sepulturam præcipimus non admitti. (Syn. 1323.)

Quoniam pro funeralibus, quæ in exequiis defunctorum apportantur, antequam fiant exequiæ, a nonnullis sunt pactiones illicitæ, Ecclesiis & Ecclesiasticis personis damnosæ; inhibemus præcipiendo in virtute sanctæ obedientiæ, & sub pœna excommunicationis, ne de cætero pactiones fiant de hisce funeralibus, antequam ipsæ exequiæ factæ fuerint, & corpus, pro quò fient, traditum sit Ecclesiasticæ sepulturæ. (i) (2. Syn. 1316.)

De Vigiliis & aliis Jejuniis totius anni.

TITULUS VIGESIMUS SECUNDUS.

Quare appellantur Vigiliae.

Dies immediate præcedentes Festivitates, Jejunia habentes, Vigiliæ vocantur, quia antiquitus mariti cum uxoribus & filiabus suis ad Ecclesiam illis diebus conveniebant, & ibi cum

(f) C. final. & c. Sacris. Extra. De Sepultur. C. A nobis. 2. Extra. De sent. excommun.

(g) C. Quanquam. De usur. in 6. c. Quia in omnibus. Extra. De usur. Vide etiam supra in tit. De Cautiombus, pag. 723.

(h) Reservata.

[i] C. Abolendæ. De Sepult. c. Ad Apostolicam. Extra. De Simon.

cum cereis & luminaribus per totam noctem vigilabant. Et quia contingebat, in his Vigilis corrumpi virgines, & ad multa maleficia exercenda majorem opportunitatem haberi, ideo Vigilæ in jejunia sunt translatae, & illa jejunia adhuc vigilæ nuncupantur, antiquum morem, & non nomen variando.

Sunt undecim Vigilæ anni.

Sunt autem undecim Vigilæ singulis annis in Dicecesi Cameracensi, ab universis ætatem habentibus, jejunandæ: (k) scilicet Ascensionis (l) Domini, Pentecostes, Nativitatis Beati Joannis Baptistæ, Petri & Pauli Apostolorum, Laurentii Martyris, Assumptionis Beatæ Mariæ Virginis, Matthæi Apostoli, Simeonis & Judæ Apostolorum, Omnium Sanctorum, Andreæ Apostoli, & Nativitatis Domini.

Si Vigilæ in diebus Dominicis evenierint, sabbatis præcedentibus jejunentur. (m)

Item tenentur omnes ætatem habentes jejunare (n) in die Marci Evangelistæ, si Dominica non fuerit; & si

Dominica fuerit, feria secunda sequenti, nisi aliud obstitit, ut infra de Fæstis.

Item tenentur jejunare feria secunda, tertia, & quarta ante Ascensionem Domini. (o)

Quatuor Tempora.

Præterea tenentur jejunare jejunia quatuor temporum: quorum primum (*) est feria quarta, sexta, & sabbato inter Pentecostem & Nativitatem Sancti Joannis: & fit in æstate, quæ est fervida, ut simus ferventes in charitate. Secundum jejunium quatuor temporum est feria quarta, sexta, & sabbato post Exaltationem Sanctæ Crucis; & fit in autumno, in quo tempus est fructuosum, ut in nobis abundant bonorum operum pii fructus. Tertium est feria quarta, sexta & sabbato post Festum Lucæ & Lamberti, & fit in hyeme, in qua cadunt folia & moriuntur herbæ, ut in nobis defluant vitia & moriantur. Quartum jejunium quatuor temporum est feria quarta, sexta, & sabbato post diem Cinerum: & fit in vere, in quo omnia virent, ut in nobis

[k] C. 2. Extra. De observat. jejunii.

(l) Vide Moderat. & Additiones infra §. 19. Vide etiam Tomo seq. Synodum Camerac. anni 1604. Tit. 4. c. 10.

(n) Moderatum infra in Moderation. & Addition. §. 20.

(o) Moderatum. Vide ibid. §. 21.

(*) Secundum communem computandi morem primum quatuor temporum jejunium dici solet Vernale, alterum Æstivale, tertium Autumnale, quartum Hyemale; his autem in Statutis primum ponitur Æstivum, & Vernale postremum. Quod ex eo factum arbitror, quod Cameracenses olim, cum plerisque Belgarum, Gallorum more annum ordiri consueverint a Paschate, testibus Miræo, aliisque; unde primum ipsis anno quolibet quatuor temporum jejunium æstivale fuit, & vernum ultimum. Ut apud alias gentes, inquit Aubertus Miræus, in Præfatione sui Chronici, sic & apud Belgas varia computandi atque inchoandi annos ratio fuit. Alii enim a die Natali JESU CHRISTI, seu solstitio Hiberno: nonnulli a Kalendis Januariis: alii a verno æquinoctio, seu Annuntiationis Angelicæ die: . . . Brabantii nostri, Flandri, Cameracenses, alique . . . more Ecclesiæ Gallicanæ, epocham in Paschate collocarunt. Sed ista computandi ratio in Galliis edicto Regio Caroli IX. antiquata est, teste Du Cange anno 1564, vel, ut alii volunt, 1567; in Belgio autem anno 1575. ex edicto Philippi II. Regis Hispaniarum. Ex quo tempore istis in Regionibus a Kalendis Januariis annorum cæpta fuit computatio.

Apud Colonienſes, Leodiensēſque eadem a Paschate annum inchoandi consuetudo jam pridem ante fuerat abolita, ut patet ex Concilio Provinciali Colonienſi anno 1310. celebrato sub Henrico Virneburgico, ubi Canone XXIII. ita decernitur: "Statutum est etiam, ut ex nunc de cætero annus Domini observetur, ut in Nativitate Christi innovetur quolibet anno, prout Sacrosancta Romana Ecclesia id observat, quæ est omnium Ecclesiarum caput, & Magistra." Vide Tomo nostro IP. Concil. Germ. pag. 117. Aubert. Miræum l. cit. Du Cange Glossar. Tom. I. V. annus. Joann. Knippenberg, Hist. Eccles. Ducat. Geldrie in Præfat.

Tomus VI. Concilior. German.

bis opera virtutum, sine quibus nihil est perfectum, virecant. Fiunt autem hæc jejunia per dies præfatos, quia magis sunt penitenciales, quam alii dies hebdomadæ: & tres sunt dies, ut quicquid corde, ore & opere, contra Deum unum in substantia, & trinum in Personis deliquimus, per jejunia quatuor temporum his tribus diebus expurgemus.

Adventus.

Quando A. E. F. G. sunt literæ Dominicales, jejunium Quadragesimæ ante Nativitatem Domini incipit sexto Idus Novembris super E. Quando autem B. C. D. sunt literæ Dominicales, jejunium Quadragesimæ ante Nativitatem Domini incipit quinto Idus Novembris super D, & hujusmodi Quadragesima jejunatur a Religiosis.

Quadragesima.

Ultimo omnes ætatem habentes, tenentur jejunare ex præcepto Ecclesiæ Quadragesimam ante Pascha.

De Majoribus Festis.

TITULUS VIGESIMUS TERTIUS.

Majora Festa.

PRæcipimus majora Festa ab omnibus subditis nostris diligenter observari, in quibus non possunt, neque debent Presbyteri licentiarum (p) subditos suos, pro accommodatione carrucarum, vel equorum, aut animalium ad hoc deputatorum, pro se, vel pro aliis quibuscumque: videlicet (q) omni die Dominica, in Circumcisione Domini, in Epiphania, in Purificatione Beatæ Mariæ Virginis, in Annuntiatione Dominica, in Parasceve ante totum officium completum, in die Sancto Paschæ, feria secunda post Pascha, in die Philippi & Jacobi Apostolorum, in Inventione Sanctæ Crucis, in Ascensione Domini, in die Pentecostes, feria secunda post Pentecosten, in die Sanctæ Trinitatis, in die Sancti Sacramenti, in Nativitate Beati Joannis Baptiste, in Passione Petri

& Pauli Apostolorum, in die Visitationis B. M. V., in die Magdalene, in die Jacobi & Christophori, in die Laurentii, in Assumptione B. M. V., in die Bartholomæi Apostoli, in die Nativitatis B. M. V., in Exaltatione Sanctæ Crucis, in die Matthæi Apostoli, in die Michaelis Archangeli, in die Simonis & Judæ Apostolorum, in die Omnium Sanctorum, in die Sancti Martini hyemalis, in die Catharinæ Virginis, in die Beati Andree Apostoli, in die Beati Nicolai Hiemalis, in die Conceptionis B. M. V., in die Beati Thomæ Apostoli, in die Nativitatis Domini, in die Sancti Stephani Protomartyris, in die Beati Joannis Apostoli & Evangelistæ, in die Patroni Ecclesiæ, & in die Dedicationis Ecclesiæ.

Præterea præcipimus, ut Festa Beatorum Apostolorum, & Evangelistarum, & Sanctorum Confessorum, Gregorii, Augustini, & Ambrosii Episcoporum, & Hieronymi Presbyteri, in singulis Ecclesiis civitatis & Diocesis Cameracensis, subditis nostris sub duplicibus officiis annis singulis celebrentur.

Festum Conceptionis Gloriosæ Virginis MARIÆ.

Postremo statuimus, & omnibus subditis nostris Ecclesiasticis in virtute sanctæ obedientiæ injungendo præcipimus, cum apud eam exuberare debeat devotio fidelium, quæ nostra est coram Deo mediatrix, & impetratrix gratiarum promptissima, ut Festum Conceptionis Gloriosissimæ Virginis MARIÆ, octava die mensis Decembris, cum matutinis, Missis, cæterisque Divinis officiis devote celebrent: & præcipimus dictum Festum solemne, sub poena excommunicationis ab omnibus reverenter observari. (Syn. 1308.)

De minoribus Festis.

TITULUS VIGESIMUS QUARTUS.

Festa minora.

Festa autem sequentia vocamus minora Festa, in quibus licet arare & carrucare: videlicet (r) in Conversione

(p) C. Conquestis. c. Licet. Extra. De Feriis. c. un. De Reliqu. & Venerat. Sanctor. in 6.

(q) Vide Tom. seq. Synod. Camerac. anni 1604. Tit. 4. c. 5.

(r) Vide Synod. Camerac. anni 1604. Tom. seq. Tit. 4. c. 6.

sione Pauli, in Cathedra Sancti Petri, in die Matthiæ Apostoli, in die Marci Evangelistæ, in die Petri ad Vincula, in die Decollationis Beati Joannis Baptistæ, in die Lucæ Evangelistæ, in die Nicasii, Sociorumque ejus, in die Sacerdotum Innocentium, feria tertia & quarta in Paschalibus, feria tertia & quarta in Pentecostalibus, in die Vincentii Confessoris, Aycardi peregrinis, Gisleini & Dionysii, Sociorumque ejus, in die Sancti Eligii peregrinis: requiritur post festa mobilia ista tria festa.

Festum Annuntiationis.

Si Festum Annuntiationis Beatæ MARIÆ (†) Virginis in aliqua Dominica Quadragesimæ evenierit, ferietur & celebretur feria secunda proxime sequenti, prout factum extitit Dominica, qua cantatum fuit: *Oculi mei.*, Anno Domini Millesimo trecentesimo septuagesimo quarto, de præcepto Domini Gerardi de Dainville, Episcopi Cameracensis.

Si autem Festum Annuntiationis Dominicæ sabbato in Ramis Palmarum evenierit, ibidem ferietur & celebretur: sed secundæ vespere erunt de tempore, & fiet memoria de Sancta MA-

RIA tantum per antiphonam, versum & collectam. Si vero in Dominica in Ramis Palmarum, vel deinceps usque in diem Paschæ evenierit, ferietur quinta ante Dominicam in Ramis Palmarum. Sed si in die Paschæ evenierit, vel aliqua feria hebdomadæ Paschalis, vel Dominica, qua cantatur *Quasi modo*, ferietur & celebretur feria tertia post *Quasi modo*, nisi fuerit annotinum (*) Pascha, quia tunc usque ad feriam quintam subsequenter differtur.

Translatio Festi S. Marci.

Item, si Festum Marci Evangelistæ in die Paschæ, vel deinceps, usque ad octavas Paschæ evenierit, statuimus, quod ferietur & celebretur feria quarta vel quinta post *Quasi modo*, & fiat jejunium, cum Litania majore, & Processio ipso die. Si autem aliqua alia die Dominica evenierit, fiat Festum Sancti Marci Evangelistæ ipsa die Dominica, & jejunium ac processio cum Litania majore fiant feria secunda sequenti, sed non ferietur Festum.

Translatio Festi S. Ambrosii.

Quod si Festum (**) Beati Ambrosii in hebdomada Paschali evenierit, Zzzz 3 fiat

(†) Vide ibid. cap. 7.

(*) Annotinus idem significat, quod anniversarius. De Paschate Annotino hæc habet Micrologus, de Eccles. observat. c. 56. Romani annotinum Pascha quasi anniversarium Pascha dicunt, quia antiquitus apud illos, qui in priori Pascha baptizati erant, in sequenti anno eadem die ad Ecclesiam convenere, suæque regenerationis anniversarium diem cum oblationibus sollemniter celebraverunt. Cum autem Pascha singulis fere annis diversos in dies incideret, ideoque etiam a Christianis suscepti in Paschate Baptismi sollemnis memoria diversis diebus celebraretur; Ecclesia deinde certum Baptizatis omnibus quolibet anno diem statuendum censuit, pro regenerationis gratia communi devotione recolenda. Diem porro hunc aliqui dicunt fuisse Sabbatum in albis: alii ipsam Dominicam in albis. Du Cange in Glossario existimat, fixam huic celebrati fuisse Feriam 2dam, post Dominicam in albis proxime sequentem, propter conjunctionem Officii, seu Missæ Paschatis Annotini cum Dominica. Verum ex ipsis his Statutis antiquis Cameracensibus eruitur, Pascha istud annotinum etiam feria tertia fuisse celebratum. Præcipitur enim, ut Festum Annuntiationis Bmæ M. V. si vel in die Paschæ, vel in aliqua feria hebdomadæ Paschalis, vel in Dominica *Quasi modo* inciderit, ferietur & celebretur feria 3. post *Quasi modo*, nisi [eadem nimirum illa feria 3tia] fuerit annotinum Pascha; atque tunc festum Annuntiationis in feriam 5tam differendum dicitur. Vide etiam paulo post §. De Translatione Festi S. Ambrosii, ubi eadem de Pascha annotino in feriam tertiam post *Quasi modo* incidente reputantur. Arbitror proinde non 2dam tantum, sed alias etiam ejusdem hebdomadæ ferias, vel ex arbitrio Episcopi Dicecesani, vel secundum ordinem, seriemque feriarum, pro Annotino Paschate celebrando, fuisse constitutam. Vide plura in Glossar. Du Cange Tomo III. verb. Pascha.

(**) Intellige hæc de Festo, quo S. Ambrosii obitus quibusdam in Dicecesibus recolitur ad diem 4tam Aprilis. Cæterum ab Ecclesia Rom. uti & Mediolanensi, Sancti hujus Doctores festum possimum celebratur in die Ordinationis ejusdem, nimirum 7ma Decembris.

fiat officium Sancti Ambrosii feria tertia post *Quasi modo*, nisi annotinum Pascha illa feria tertia evenerit, quo casu dictum officium fiet feria quinta post *Quasi modo*: si autem Dominica in Ramis Palmarum, vel deinceps usque diem Paschæ evenerit, fiat feria quinta ante Dominicam in Ramis Palmarum.

Translatio Inventionis S. Crucis.

Item, si Ascensio Domini, & Inventio Sanctæ Crucis, eadem die occurrerint, officium Sanctæ Crucis fiet feria sexta sequenti, sed non ferietur.

Quando incipiat Adventus Domini.

Adventus Domini incipit semper in die Dominica propinquiore Festo Beati Andreæ Apostoli, sive illa dies Dominica præcedat, sive sequatur: & si Festum sit die Dominica, eadem die incipit Adventus Domini: sed officium de festo fieret feria secunda sequenti, & non ferietur, & vigilia sive jejuni-um sabbato præcedenti: & festum Beati Eligii, feria tertia immediate sequente.

Festum Purificationis.

Si Festum Purificationis in Dominica Septuagesimæ evenerit, ibidem ferietur, & celebretur, & fiat memoria de Septuagesima per antiphonam, versum & collectam.

Festum Ss. Fabiani & Sebastiani.

Item, si festum Fabiani & Sebastiani in Septuagesima evenerit, fiat sabbato præcedenti.

Festum S. Agnetis.

Item, si Festum Beatæ Agnetis in Septuagesima evenerit, fiat feria sexta præcedenti. Eodem modo fiat de aliis Festis, si necesse fuerit.

Quinque Festa mobilia.

Quinque sunt Festa mobilia, videlicet Septuagesima, Quadragesima, Pascha, Rogationes, & Pentecoste: quæ ideo vocantur mobilia, quia certum locum in Calendario non habent, quorum noticia sic habetur. (*) Dies Paschæ

celebratur Dominica tertia primæ Lurationis, quæ est post Nonas Martii, accipiendo Lurationem secundum aureum numerum Martii: Dominica decima præcedente diem Paschæ Septuagesima celebratur: Dominica sexta sequente diem Paschæ, Dominica in Rogationibus celebratur: & sequenti feria quinta est Ascensio Domini: Dominica octava sequenti diem Paschæ, celebratur dies Pentecostes, intelligendo diem Paschæ, & alios dies Dominicos inclusive.

De Indulgentiis ab Episcopo concessis.

TITULUS VIGESIMUS QUINTUS.

Qui Ecclesiam Cameracensem visitant.

NOs omnibus verè poenitentibus & confessis, qui matrem suam Ecclesiam Cameracensem devote visitaverint, quadraginta dies, quotiescumque hoc fecerint, de injunctis poenitentibus misericorditer relaxamus.

Qui pauperibus elemosynam largiuntur.

Præcipimus, ut Presbyteri Parochiales diligenter exponant subditis suis in facie Ecclesiarum suarum Constitutionem Provinciale, per quam benefactoribus pauperum Parochiarum suarum, tam a Reverendissimo Archiepiscopo Rhemenfi, quam ab omnibus Suffraganeis suis, quadraginta dies Indulgentiarum conceduntur: qui dies faciunt summam quadringentorum & octoginta dierum.

Qui funera pauperum deferunt.

Omnibus & singulis deferentibus funera, maxime pauperum, de domibus ad Ecclesiam, & de Ecclesia ad fossam, seu Cœmeterium, seu qui Missæ, aut sepulturæ eorum intererunt, decem dies Indulgentiarum autoritate Synodali concedimus.

Qui honorant nomen JESUS, &c.

Omnibus & singulis fleatentibus genua, & dicentibus, *Pater noster*, dum in Missa audierint dicere, vel nominare hoc

(*) Vide Reformationem Calendarii Gregorianam.

hoc nomen, JESUS, vel hoc nomen, MARIA, vel hæc verba: *Verbum Caro factum est*, autoritate prædicta decem dies Indulgentiarum concedimus.

Qui orant pro Nobis.

Omnibus & singulis, pro Nobis orantibus, singulis diebus, quibus hæc fecerint, viginti dies Indulgentiarum autoritate prædicta concedimus.

Qui comitantur Corpus Christi.

Statuimus, ut comitantes Sacerdotem, Corpus Christi de die infirmis deferentem, eundo decem dies, & redeundo decem dies Indulgentiarum mereantur & consequantur: comitantes autem sic de nocte, indulgentiam volumus habere duplicatam.

Qui comitantur extremam Unctionem.

Item comitantibus Presbyterum eum Sacramento extremæ Unctionis, eundo quinque dies, & redeundo alios quinque dies concedimus autoritate prædicta: si autem de nocte comitati fuerint, eis indulgentiam concedimus duplicatam.

Qui Vigiliis Presbyterorum intersunt.

Omnibus vere poenitentibus & confessis, qui officiis & exequiis Presbyterorum, & Capellanorum intendant, viginti dies Indulgentiarum clarigimur.

Qui Anniversario Confratrum Ecclesiæ Cameracensis intersunt.

Presbyteri annuntient, quod omnibus, qui anniversario Confratrum Ecclesiæ Beatæ MARLÆ Cameracensis intererint, decem dies Indulgentiarum concedimus.

Qui Sacerdotes honorant.

Omnibus vere poenitentibus & confessis, qui ob reverentiam Sacerdotii, Nobis, vel alicui Sacerdoti assurgent, toties quoties hoc reverenter & devote fecerint, decem dies Indulgentiarum autoritate Synodali concedimus.

Qui Processionibus intersunt.

Insuper omnibus, qui Processionibus devote faciendis diebus Dominicis & die Lunæ interesse voluerint, & aliis diebus, in quibus Processiones fieri consueverunt in Ecclesiis suis Parochialibus, pro qualibet Processione cujuslibet diei, decem Indulgentiarum dies concedimus autoritate Synodali.

Qui Prædicationibus in Capitulis Decanorum assuerint.

Omnibus etiam, qui Prædicationibus devote in Capitulis Decanorum assuerint, viginti dies Indulgentiarum misericorditer relaxamus.

Qui primitiis intererunt.

Postremo omnibus subditis nostris vere poenitentibus & confessis, qui primis Missis novorum Presbyterorum interfuerint, & pro Nobis, & nostris, & Ecclesiæ nostræ negotiis devote oraverint, viginti dies de injunctis sibi poenitentis misericorditer relaxamus.

De Quæstoribus, seu Quæstariis.

TITULUS VIGESIMUS SEXTUS.

Quæstores ne prædicent. (s)

PRæcipimus, ut quæstarii non permittantur in Ecclesiis, vicis, vel plateis quoquo modo prædicare, aut sua negotia exponere, nisi hoc ex nostrarum habeant beneficio literarum: nec admittantur Quæstarii, qui literas deferunt a nostra communi forma Quæstariis concessa deviantes. Ipsi autem Presbyteri, seu eorum vices gerentes, exponant & promoveant eorum negotia bona fide. (†) (Syn. 1307.)

Statuimus insuper, ut Decani Christianitatis Quæstariis literas ad quæstam faciendam concedere non præsumant, sub poena suspensionis: quas si concesserint, eas irritas nuntiamus. (ibid.)

Statuimus quoque, ut Decani, seu Presbyteri vel Curati, eorumve vices gerentes, futuros proventus eorundem

(s) Vide Conc. Trid. Sess. 21. De Reformat. cap. 9.

(†) Vide de his in Tit. De Relig. & Vener. Sanct. Extra.

dem Quæstariorum in Ecclesiis suis percipiendos emere, vel in arrendam recipere non præsumant. (*ibid.*)

Non admittantur Quæstores diebus solemnibus.

Quæstores suas quæstas non faciunt, nec eos Presbyteri recipiant diebus solemnibus, quibus populus communicare consuevit, videlicet in festo Paschæ, Pentecostes, omnium Sanctorum, Nativitatis Domini, Dedicatio- nis Ecclesiæ & Patroni loci. (*ibid.*)

Præcipimus Decanis, ut Quæstores cum literis Curia nostræ Cameracensis permittant libere ire per suos Decanatus ad quærendum fidelium elemosynas; dum tamen non impediatur Divinum officium per eosdem. Alioquin contra facientes graviter puniemus. (*ibid.*)

De Revocationibus Gratiarum & Commissionum.

TITULUS VIGESIMUS SEPTIMUS.

Revocatio gratiarum.

Revocamus omnes gratias & literas generales non perpetuas, cujuscumque formæ seu tenoris existant, quibuscumque personis ex quacumque causâ a Nobis, vel Officiali nostro concessas, nisi de præsentî revocatione fiat mentio in eisdem.

Revocatio Commissionum Decanorum &c.

Revocamus omnes commissiones, Decanis nostris Christianitatis & Presbyteris Curatis nostrarum civitatis & Diocesis Cameracensis, & aliis subditis nostris a Nobis concessas, cognoscendi de causis matrimonialibus & de sponsalibus, & matrimonia tangentibus quoquo modo.

Revocantur omnes commissiones Judicibus secularibus factæ.

Præterea revocamus omnem potestatem, seu licentiam, quam Nos, vel Officialis noster concessimus Justitiariis secularibus quibuscumque, aut laicis

personis super arrestatione, captione, & detentione Clericorum & Ecclesiasticarum personarum, ac bonorum eorundem.

Ac omnes commissiones & mandata concessa a Nobis quibuscumque personis laicis, aut Dominis temporalibus super captione Presbyterorum & Clericorum, etiam si sint perpetuæ, & licet de præsentî revocatione mentionem faciant, revocamus & annullamus penitus, & ex causâ.

Revocatio Penitentiariorum.

Ultimo revocamus omnes Penitentiariorum a Nobis, seu autoritate nostra constitutos, & potestatem eis concessam.

De Cedentibus, seu cedere volentibus.

TITULUS VIGESIMUS OCTAVUS.

Cum aliqui justitarii seu servientes, aliquos bonis suis cedentes, seu cedere volentes (*u*), aut alias forum Ecclesiasticum eligentes, super his, quorum cognitio, ad forum Ecclesiasticum pertinet de jure vel consuetudine, per captionem bonorum suorum & corporum, adinvenientes quandoque non causam pro causâ, compellunt ad desistendum a prosecutione litis, & quandoque etiam occasione debitorum, pro quibus facta est cessio, cedentes hujusmodi capiunt, & carceri mancipant, non obstante cessione factâ, eaque spreta & contempta, in derogationem libertatis Ecclesiasticæ, sic excommunicationem latæ sententiæ incurrendo ipso facto: Nos omnes & singulos tales & dantes eis in hoc auxilium vel juvamen, autoritate Canonis (*x*) denuntiamus excommunicatos, mandantes omnibus & singulis Ecclesiarum Rectoribus, eorumque vices gerentibus in nostro Episcopatu constitutis, quatenus singulis diebus Dominicis & festivis (campanis pulsatis, & candelis accensis, extinctis) ipsos denuntient excommunicatos, ad absolutionem eorum nul-

(*u*) C. Odoardus. Extra. De solut.

(*x*) C. Quoniam, ut intelleximus. De Immunit. Eccles. in 6.

nullatenus procedentes, nisi in mortis articulo, sine nostra licentia speciali: imo absolutionem talium Nobis, vel Officali nostro reservamus. (*Syn.* 1308.)

De Acceptationibus Beneficiorum coram Notariis, occulte factis.

TITULUS VIGESIMUS NONUS.

Percipimus, quosdam suæ salutis immemores, & juris ignaros, qui Patronos Ecclesiarum, aliorumque Beneficiorum Collatores ordinarios decipientes, quin potius ipsos fraudantes, plures virtute literarum Apostolicarum acceptationes fraudulentas & occultas facere non formidant, provisiones suas de dictis beneficiis, nec non possessionis adeptionem longo tempore protrahentes, in læsionem aliorum impetran- tium, & suarum periculum animarum: Nos igitur fraudibus & tot diversis periculis obviare cupientes, easdem acceptationes occulte & fraudulenter fieri de cætero prohibemus, tabellionibus & Notariis publicis omnibus districte injungentes, & sub pœna perpetuæ depositionis sui officii, nec non privationis præcipientes, quatenus si acceptationes aliquas coram eis fieri de cætero contigerit, Patrono, seu ordinario Collatori Beneficii sic acceptati infra mensem intimare procurent. Alioquin indignationem nostram, & sui officii privationem & infamiae periculum poterant merito formidare. (*Syn.* 1359.)

Additiones aliquot ad priora Statuta.

TITULUS TRIGESIMUS.

Privilegium Scholaritatis exhibendum.

Imprimis ad Statutum incipiens: *Præcipimus, quod Presbyteri Parochiales &c.* sub titulo: *De Ordinibus* (y), Addendo, statuimus, quod si aliqui tales præ- tenderint se Privilegiatos, seu Scholares in aliquo studio privilegiato studentes, (æ) ipsi annis singulis, Nobis vel De-

cano loci fidem legitimam faciant, & doceant de hujusmodi privilegio suo scholaritatis, vel alio, sub quo Doctore, & qua Facultate studeant, seu stuerint, & quod ad minus pro illo anno per sex menses in illo studio fuerint residentes. Alioquin foranei reputentur, fructusque beneficiorum suorum Nobis & Archidiacono loci, ut in dicto statuto continetur, applicentur.

De Præsentatione & admissione Vice-Curatorum.

Licet regulariter Rectores Parochialium Ecclesiarum in Ecclesiis suis residere, & curam animarum diligenter exercere, & laudabiliter in Divinis deservire teneantur in eisdem, nisi quibus aliter permissum est ex indulgentia speciali: quia tamen hoc nunc passim aut usurpatur, aut obtinetur, ut longe plures ab Ecclesiis suis absint, quam in illis resideant, paucique admodum sint, qui per se curam gregis sibi commissi gerant, & quod deterius est, absentes Vicecuratos ad hujusmodi exercitium curæ deputent, non qui digniores, aut magis sint idonei, & verbo & exemplo possint proficere in populo; sed qui majorem ex fructibus Ecclesiæ pensionem reddere velint: quod adeo invaluit, ut cum in plerisque Ecclesiis nulli aut modici sint grossi fructus, ad opus Rectorum principalium deputati, non modo ex eisdem fructibus, si qui sint, non provident Vicecuratis suis, sed ex laboribus eorundem, & sola Sacramentorum & curæ administratione, magnas annue sumunt pecuniarum summas: quo fit, ut vix aliqui idonei reperiantur Vicecurati, & cogantur pro hujusmodi Sacramentorum exhibitione jura graviora a Parochianis plerisque invitis exigere, nec populus, prout debet, verbo aut exemplo instruat. Nos igitur, qui quamquam immeriti, Ecclesiæ Cameracensis regimini præsidemus, præmissis, ac aliis subditorum nostrorum periculis occurrere, & illorum animarum salutem pro viribus consulere, nec non ut regimen & cura animarum per antedictos Vicecuratos de-

center

(y) Vide supra pag. 706.

(æ) C. Licet. De Præbend. & Dignit. Extra.

Tomus VI. Concilior. German.

center geratur, efficere cupientes, Statuimus, ut nemo deinceps, qui verus Rector Parochialis Ecclesiæ non fuerit, ad hujusmodi Ecclesiæ deservituram in nostra Diœcesi Cameracensi admittatur, nec ad illam quovis modo idoneus censetur; nisi qui Nobis, seu nostris, ad hoc specialiter deputatis, Vicariis legitime præsentatus, præmisso super illius vita & moribus examine rigorofo, per Nos, aut per illos, ad hujusmodi onus gerendum probatus fuerit idoneus & admissus: non minus etiam ordinantes, ut is sic admissus nullatenus hujusmodi deservituram exerceat, seu se administrationi Ecclesiæ, seu curæ animarum immisceat, nisi prius coram Nobis, vel nostris, ut supra, Vicariis in persona constitutus, juramentum solemne præstiterit, ac eo medio specificaverit, declaraverit, & dixerit, quid, ac quantum principali Rectori de fructibus Ecclesiæ fuerit annuatim persoluturus, seu pro quanto cum illo convenierit, & ei dare promiserit, seu id in pecunia, seu in aliis quibuscumque rebus constiterit, omnibus fraude, dolo, ac subtili ingenio, quominus id pateret, seclusis. Ut autem plenius nobis constet, quis modus in regimine Ecclesiarum Parochialium, & cura animarum per antedictos Vicecuratos observetur, & si illis laudabiliter in Divinis deserviant; ordinamus, statuimus, & volumus, ut iidem Vicecurati de cætero singulis annis semel ante Nativitatem Joannis, Nobis, aut nostris Vicariis in propria præsententur, utque toties literas præsentationis & admissionis de novo recipiant, seu renovent: quod volumus per singulos districtius observari. Contemptores vero, si qui (quod absit) reperti fuerint, ut in eo, in quo deliquerint, puniantur, volumus ad curam animarum gerendam censei perpetuo inhabiles, & alias multas & penas, quas illis arbitrati fuerimus imponendas, incurrere. (*Syn. 1481.*)

Nullus Quæstorum ambonem ascendat.

Item, quia ex frequenti fide dignorum relatu didicimus, Quæstores nonnullos, quibus de jure dumtaxat concessum est, indulgentias suis locis concessas insinuare populo, & charitativa ab eodem simpliciter postulare subsidia, nec aliud ex-

ponere, quam quod in eorum literis habeatur, in tantam prorupisse audaciam ac temeritatem; ut ambonem frequenter ascendere præsumpserint, & ibi quamplurima, ut simplices decipiant, & aurum subtili ingenio extorqueant, exponere; quibus (cum in animarum cedant pericula, & scandala plurimorum) viam præcludere cupientes, Statuimus, ut nullus Quæstorum hujusmodi, nisi qui Presbyter sit, & licentiam a Nobis specialem habuerit, ambonem de cætero ascendere præsumat, nec ibi, aut alibi in suis insinuationibus alia populo dicat, aut exponat, quam ea, quæ in suis literis eisdem concessis continentur. Si quis autem his contraire præsumpserit, illum gravi pœna pro arbitrio nostro puniemus. (*ibid.*)

Nullus beneficiatorum pecunias, ex redemptione reddituum sui beneficii provenientes, sine consensu Episcopi recipere præsumat.

Quia etiam, ut plurimum relatione didicimus, in nonnullis Diœcesibus nostræ partibus consuetudo invaluit, quod Missarum & aliorum officiorum Divinorum fundationes in redditibus annuis perpetuis, tamen redimibilibus, admixtæ sunt, & frequenter admittuntur, quodque, dum redemptionis casus occurrit, is, qui Capellaniam aut beneficium, seu officium obtinet, pecuniam ex redemptione obvientem recipere præsumit: ita, ut raro constare valeat, in quos usus pecunia hujusmodi convertatur: quo fit, ut sæpius officia Divina & Missæ minuantur, & animarum debita suffragia subtrahantur. Quapropter statuimus & ordinamus, ut de cætero nullus dictorum Capellanorum aut officiatorum, per se præsumat pecuniam ex hujusmodi redemptione proveniente recipere: sed id Nobis, aut Vicario nostro significet, ut nostro consilio eadem pecunia ad Divinum & alias opportunum & licitum opus quam citissime expendatur. Contrarium facientes, a Divinis eo ipso suspendimus. (*a*) (*ibid.*)

Decanis inhibetur cognitio concubinariorum.

Præcipimus statutum per bonæ memoriæ quondam Reverendum in Christo Patrem, Dominum Petrum de Aillyaco, Dei gratia, Episcopum Cameracensem, Prædecessorem nostrum, contra Presbyteros

(a) Suspendio reservata.

teros concubenarios ordinatum (b) firmiter observari: Inhibentes Decanis nostris Christianitatum, ne deinceps de in-

continentiis dictorum concubinariorum cognoscant, sed absque simulatione nobis illos referant. (*ibid.*)

(b). *Vide Statutum istud supra pag. 708.*

Moderationes, Additiones, & Correctiones dictorum antiquorum Statutorum Synodaliū,

Per Reverendissimum & Illustrissimum Dominum ROBERTUM,
Episcopum & Ducem Cameracensem, autoritate Synodi,
die octava mensis Octobris, anno MDL.
factæ.

§. 1.

IN primis, in Titulo: *De pertinentibus ad Synodum*, Statuto incipienti: Primo legatur commissio, &c. (*Vide supra pag. 692.*) *Addimus in fine*: sub Missa de Sancto Spiritu.

§. 2.

Item, in Titulo: *De Baptismo*. ad Statutum: *Præterea si caput*, &c. (*pag. 693.*) ad verba: infundat aquam benedictam, *addimus*: vel aliam elementarem.

§. 3.

Item (*in fine tit. De Baptismo pag. 694.*) *addendo*: Statuimus & ordinamus, ut de cætero omnes & singuli nostrarum Civitatis & Diocesis, Plebani & Curati, seu Vice-Plebani & Vice-Curati, baptizatorum, ac eosdem levantium nomina libro suo inscribere teneantur.

§. 4.

Item, cum sacris Canonibus Religiosis omnibus sit interdictum, ne parvulos in Baptismo suscipiant, passim tamen hi Canones, negliguntur, & Religiosi ad parvulorum susceptionem invitantur, unde suspecta nonnunquam nascitur & aliter familiaritas: idcirco omnibus & singulis cujuscumque ordinis Religiosis, districtius susceptionem parvulorum interdicimus & inhibemus.

§. 5.

Item, in titulo: *De Casibus reservatis Episcopo*, ad Statutum ultimum, ante verbum: excommunicatos, (*pag. 696.*) *addimus*: nisi infra mensem parti lætæ satis-

Tomus VI. Concilior. German.

fecerint, & a Nobis ab homicidio, & violenta membrorum ablatione absolutionem obtinuerint.

§. 6.

Item, ad Statutum ultimum, in titulo: *De Casibus commissis Presbyteris Parochialibus*, post verbum: excommunicatum, (*pag. 696.*) *addimus*: denuntiatum & publicatum.

§. 7.

Item, in titulo: *De Matrimonio & Sponsalibus*, [*pag. 703.*] pœnam excommunicationis lætæ sententiæ tollimus & detrahimus, eandem in pœnam excommunicationis ferendæ sententiæ, & alias arbitriam commutando.

§. 8.

Item in Statuto incipienti: *Et si oriundus*, &c. (*pag. 705.*) loco verborum: duos solidos Turonenses, *ponimus*: sex stuferos monetæ currentis. Et idem similiter in Statuto subsequenti, loco verborum: tres solidos Turonenses monetæ fortis, *ponimus*: sex stuferos monetæ prætactæ.

§. 9.

Item Statuto incipienti: *Quia ut intelleximus*, (*pag. 706.*) in fine, sub verba: qui vero contrarium fecerint, *addimus*: nisi infra quadraginta dies ad consortium mutuum redierint, vel actionem divortii intentaverint.

§. 10.

Item, (*ad eund. tit. De Matr. & Sponsal.*) quia nonnulli Curati & Vicecurati, proprio magis quæstui, quam Sanctæ Ma-

tris Ecclesiæ decori studentes; Matrimonia cum ea, qua decet, reverentia & honore celebrare, bannorumque matrimonialium proclamationes palam & publice in facie Ecclesiæ, juxta antiquum ejusdem Sanctæ Matris Ecclesiæ ritum facere non curant; sed nonnunquam illas voce minus intelligibili, aliquando seorsum, ac ubi, & quando pauci, vel nulli præsentés existunt, facere præsumunt: adeo, quod proclamationes hujusmodi apud paucos admodum, vel nullos innotescere possunt; idcirco matura desuper præhabita deliberatione, autoritate Synodi, statuimus & ordinamus, & nihilominus omnibus & singulis Curatis & Vicecuratis, aliisque Presbyteris nostrarum civitatis & Diocesis Cameracensis, expresse interdiciamus & inhibemus, ne matrimonia inter aliquos celebrare præsumant, nisi de trium bannorum proclamationibus, pro parte utriusque contrahentium, in Ecclesia, vel Ecclesiis loci, seu locorum, ubi annos nobiles contraxerint, statim finito sermone, vel tempore summæ Missæ in ambone, seu suggestu, ac facie Ecclesiæ, rite & debite satis sibi constiterit. (*Addit. 15. Mart. 1546.*)

§. 11.

Item, (*ad eund. tit.*) eisdem Curatis & Vice-Curatis, aliisque Presbyteris, districte præcipimus & mandamus, ne ante sextam horam meridiei matrimonia solemnizare, neve cum ipsis contrahere volentibus, super tempore & solemnitatibus, vel ceremoniis consuetis, in aliquo dispensare præsumant; volentes etiam, quod affidationes, sive sponsalia in facie Ecclesiæ & manu Presbyteri, non autem in loco prophano, aut utroque, vel altero temulento vel ebrio, aut sensuum suorum minus compote existente, cum debitis honore & reverentia celebrentur. (*ibid.*)

§. 12.

Atque [*ad eund. tit.*] ut eo melius dicti Sacramenti conjugii decori, Deo auxiliante, consulere, ac periculis, abusibus, & scandalis multis modis obviare valeamus (prout secundum Deum & justitiam facere tenemur) omnibus & singulis Curatis & Vice-Curatis, aliisque Presbyteris prædictis, & eorum cuilibet districtæ præ-

ciendo mandamus, quatenus nomina & cognomina affidatorum, & matrimonium contrahere volentium, una cum designationibus loci, seu locorum, nativitatibus & habitationis eorundem, diligenter inquirere, eaque libro, seu registro (quod penes ipsos Curatos, seu Vice-Curatos, dumtaxat observari volumus) inscribere, atque id ipsum Promotoribus, & Decanis nostris Christianitatis, quoties super hoc requisiti fuerint, legendum & inspiciendum ostendere & communicare teneantur. (*ibid.*)

§. 13.

Item in titulo: *De Ordinibus*, Statuto incipienti: Excommunicamus omnes illos, qui illicitiati &c. (*pag. 706.*) ad verbum: fecerint, addimus: scienter & fraudulenter.

§. 14.

Ad Statutum incipiens: Statuimus, ut habens, &c. (*pag. 707.*) moderando addimus in fine post verba: Psalmos penitentiales, vel saltem Psalmum penitentialem, *Miserere mei Deus.* cum Versu: *Dominus Pars. &c.*

§. 15.

Item in titulo: *De vita & honestate Clericorum.* Statutum incipiens: *Virgulis vestibus &c.* (*pag. 708.*) corrigendo & moderando, *penam excommunicationis lata sententia*, in penam arbitriariam commutamus.

§. 16.

Item, quoniam non pauci in hac nostra Diocesi reperiunt Presbyteri & Clerici, se se Notarios & Tabelliones publicos scribentes & nominantes, quorum per sepe imperitia & indoneitate, non solum nullitatis, sed etiam falsitatis, aliæque diversa vitia committuntur, propter quæ contrahentes, & interesse habentes, lites, damna, & incommoda sustinere debent; idcirco omnibus & singulis Presbyteris, ac Clericis nostrarum civitatis & Diocesis Cameracensis, autoritate prædicta interdiciamus & inhibemus, ne post præsentium publicationem, nisi prius per Nos, aut Vicarios nostros admissi fuerint, contractus, vel instrumenta aliqua; ut & tamquam Notarii (*a*) publici conficere, aut quovis modo in hac nostra Dioc-

Dieceſi Notariatus officio ſe ingerere præſumant. (*Addit. 15. Mart. 1546.*)

§. 17.

Item primo Statuto, *De executione mandatorum, &c.* (*pag. 719.*) loco *denarii Turonenſis*, ponimus: & perſolvi volumus unum ſuſerum monetæ currentis.

§. 18.

Item Statutum incipiens: Præterea ſinguli &c. (*pag. 726.*) in tit. *De Teſtamentis*. Corrigendo ſeu moderando, loco *verbi*: innodamus, *ponimus hæc verba*: innodandos decernimus.

§. 19.

Item Statutum incipiens: Sunt autem &c. (*pag. 731.*) in titulo: *De Vigiliis*, hæc verba: *Aſcenſionis Domini* detrahimus, laudabilem loci conſuetudinem obſervari volentes.

§. 20.

Item Statutum incipiens: Item tenentur omnes, &c. (*pag. 731.*) moderando, addimus ad verbum: *Jejunare*, uſque ad prandium, & ab eſu carnum abſtinere.

§. 21.

Similiter & ad ſubſequens Statutum, (*pag. 731.*) in fine *addi volumus*: uſque ad prandium.

Quæ quidem omnia, tamquam juri & æquitati conſentanea, vobis omnibus & ſingulis ſupra ſcriptis, & veſtrum cui-libet intimamus & inſinuamus, ac ad veſtrum & cujuſlibet veſtrum noticiam deduci volumus. Datum in Civitate noſtra Cameracenſi, Anno, Menſe, & Die, antea tactis.

JO. DE FONTANIS,
H. DE CLUSIS ſubſcripſerunt.

FORMULA REFORMATIONIS,

PER CÆSAREAM MAJESTATEM Statibus Eccleſiaſticis in Comitibus Auguſtanis ad deliberandum propoſita, & ab eiſdem, ut Paci publicæ conſulerent, & per eam Eccleſiarum ac Cleri ſui utilitati commodius providerent, probata & recepta
Anno Domini M.D. XLVIII.

IN SYNODO CAMERACENSI ANNO MDL. PUBLICATA.

CAROLUS QUINTUS, DIVINA FAVENTE CLEMENTIA, ROMANORUM IMPERATOR AUGUSTUS, AC GERMANIÆ, HISPANIARUM, UTRIUSQUE SICILLÆ, HIERUSALEM, HUNGARIÆ, DALMATIÆ, CROATIAE &c. REX: ARCHI-DUX AUSTRIÆ, DUX BURGUNDIÆ, BRABANTIÆ &c. COMES HABSPURGI, FLANDRIÆ, TYROLIS, &c. &c. UNIVERSIS ET SINGULIS NOSTRIS ET SACRI ROMANI IMPERII ELECTORIBUS ET PRINCIPIBUS ECCLEſIAſTICIS, N. ARCHI-EPISCOPIS, EPISCOPIS, ET ALIIS PRÆLATIS, CUJUSCUMQUE GRADUS, DIGNITATIS, ET PRÆ-
EMINENTIÆ EXISTANT, GRATIAM NOSTRAM
ET OMNE BONUM.

Venerabiles Electores, Principes, & Conſanguinei noſtri chariſſimi, ac honorabiles, devoti, dilecti. Gratiſſimum Nobis fuit, placuiſſe Dilectionibus veſtris, & vobis conceptam Reformationem: ex qua diſciplinam Eccleſiaſticam, multis partibus deformatam, priſtinæ dignitati ac notori reſtituere pro virili veſtra

ſtauiſtis, cupientes ea parte ſollicitudinis, quam ſuſcepisti e manu Domini, afflictiſ Imperii rebus ſuccurrere, & omni ſtudio ac diligentia, collapsam pene Religionem erigere, ac confirmare. Quam veſtram voluntatem, egregiam ſane ac piam, ut perſpectam ante habuimus, & nunc libenter agnoſcimus, ita quoque deinceps

Aaa aa 3

ceps

ceps in ipsa rerum administratione operam vestram futuram strenuam, ac diligentem Nobis pollicemur. Ideoque ne pius hic exercenda Reformationis calor longa temporis dilatione refrigeretur, valde Nobis probatur, quod in hoc ipsum de celebrandis Synodis Diœcesanis, ad festum Divi Martini diem proximum constitutis. Nam Provinciales, ut ante Quadagesimam omnes absolvantur, videtur omnino necessarium; quod erit facile iis, quibus Provincia non sunt ample: iis vero, quorum Provinciae latius patent, non ita difficile, si Suffraganei, & quos convenit interesse, in tempore admoneantur, & convocentur. Eam vero moderationem, quam quibusdam locis adhibendam esse censuistis, quæ jam ipsi Reformationi opposita est, Nobis quoque est visum, & rerum ipsarum conditioni, & temporibus his convenire. Quod vero petitis, ut literis nostris agamus cum Summo Pontifice, ut se ad progressum hujus operis sancti ac necessarii aliquot Reformationis locis accommodet, illis videlicet, ut Coadjutores, qui examine explorati indigni deprehenduntur, summoveri possint: ut Beneficiorum, & Episcopatum pluralitas

refrænctur; ut Præpositura, & aliæ quædam dignitates, Sedi Apostolicæ reservatæ, ad articulum illum Reformationis revocentur, qui statuit non nisi idoneos, & examine probatos, ad ejusmodi dignitates esse admittendos: ut locorum Ordinarii corruptos mores reformare, & excessus corrigere possint, non obstant exemptione, aut privatis personis, aut Capitulis Ecclesiarum, per Sedem Apostolicam concessa: aliisque nonnullis; Nos quidem, quo ad nostra fieri poterit, diligenter agemus cum ipsius Sanctitate, ut in re tam justa, & necessaria, officio suo desungi velit. Data in Civitate nostra Imperiali Augusta Vindelicæ, die nono mensis Julii, anno a Nativitate Domini Millesimo quingentesimo quadagesimo octavo, Imperii nostri vigesimo octavo, & Regnorum nostrorum trigesimo tertio.

CAROLUS.

Ad Mandatum Cæsareæ & Catholicæ
Majestatis proprium.

Vt. A. PERRENOT.

Jo. Obernburger substit.

FORMULA (*) REFORMATIONIS, PER CÆSAREAM MAJESTATEM Statibus Ecclesiasticis in Comitiis Augustanis ad deliberandum exhibita, & ab eisdem probata & recepta.

UT abusus & scandala, propter quæ Deus iratus severiter adeo Ecclesiam suam castigat, tollantur, reformenturque Clerus & populus juxta sacras Canones, traditiones Majorum, & sacræ Scripturæ normam, (quantum ejus per hanc tempestatem fieri potest) donec Concilium Generale diffidiis, & abusibus modum ponat, in primis necessarium est, ut redintegretur, repur-

geturque ordo Ecclesiasticus: quo confuso, indifcreto & incerto, tota Ecclesiæ facies confusa est, & variis jactatur modis. (a)

De ordinatione & electione Ministrorum Ecclesiæ.

TITULUS PRIMUS.

PRæterquam (b) admoveatur aliquis sacris Ordinibus, diligenter inqui-

(*) Eadem Formula Reformationis anno 1559. post Caroli V. obitum Augustanis itidem in Comitiis, sub Ferdinando Imp. denuo revisa, & paucis quibusdam adjectionibus aucta fuit, eodemque anno typis Moguntinis, ex ipsius Ferdinandi Imp. privilegio, excusa. Nactus sum hujus editionis exemplar e Bibliotheca Collegii nostri Trevirensis, cum quo Formulam antiquiorem anni 1549. Cameraacensi huic Synodo adjectam, diligenter contuli: & quæ posteriori editioni addita, cæteraque, quæ in hac variata inveni, subjectis in notis designavi.

(a) Huic Præfationi in posteriore editione adnectitur:

Ecclesiarum vero incolumitatem, adeoque totam populi Christiani salutem a qualitate Ministrorum, quibus Ecclesiarum gubernatio, & Divinorum munerum dispensatio concredita est, ex magna parte pendere, nemo sapiens inficiari potest: ut si boni, & idonei Ministri Ecclesiis præ sint, Religionis status incolumis perseveret, & Christiani

inquirendum est de fide, de moribus, de scientia, & ætate ordines petentis.

De fide (c) quidem propterea, quod qui rectam fidem non tenet, ad fidei Sacramenta jure admitti non debet. Itaque diligenter ordinandus examinari debet, de hæresibus, hoc potissimum tempore jactatis, an in articulis, hac tempestate controversis, hoc sinceriter credat, profiteatur, & semper retinere velit, quod Romana, Catholica & Apostolica tenet Ecclesia. Nam de sepultis hæresibus, & nusquam emergentibus, inquirere specialiter operæ pretium non videtur. Expedit tamen simul explorare affectum, quod ducatur ad gradus Ecclesiasticorum ordinum petendos, & an propositum ejus pium, sanctum, & firmum sit.

Mores autem constare, & probari debent, fidei, ac certo testimonio Patrochi, Præceptorum, & proborum virorum, apud quos majorem vitæ partem ordinandus exegit: cum Beatus Apostolus requirat, (d) ut habeat testimonium bonum ab eis etiam, qui foris sunt, & sit sine crimine, irreprehensibilis, justus, sanctus, sobrius, continens, pudicus, prudens, modestus, benignus, ornatus, non super-

bus, non litigiosus, non iracundus, aut percussor, nec vinolentus, aut turpis lucri cupidus &c.

Scientia, (e) saltem explendis ministeriis, ad quæ ordinatur, sufficiens; constare debet, non titulis, quos mercatus sit quispiam in Gymnasiis, aut ab aliis dignitatum & titulorum venditoribus, sed diligenti ejus examinatione.

Licet (f) autem Canones antiqui statuerint, ut ante trigessimum ætatis annum, nemo in Episcopum vel Presbyterum ordinetur: ministrorum (g) tamen inopia, post tam latam hujus ordinis stragem, hodie postulat, ut qui alioqui dignus est, in anno vigesimo quinto, ab hoc ordine non repelliatur.

In his omnibus solerti cura advigilare debent Episcopi. Nam ad illos præcipue pertinet ordinandorum examinatio, dicente Apostolo: *Manus (b) nemini cito imposueris.* Aut si per valetudinem, & causas, Deo Judice (cui sunt ordinationum suarum daturi rationem) dignas id nequeant, curent saltem, per idoneos Vicarios, & viros pios, sacrarumque literarum, Canonum, & traditionum Ecclesiasticarum peritos fieri: ne spectacula tantum inquisitionum

stiani gregis salus, in tuto permaneat: si mali, & negligentes, rixos universa morum corruptela populos occupet, & malis omnibus agminatim in Ecclesias irruentibus, tranquillitas earum periculose perturbetur. Ut autem utiles & idoneos Ministros Ecclesiæ fortiantur, duabus maxime viis provideri potest: accurata videlicet Ministrorum ordinatione & institutione, & crebra, eaque diligenti per Dioceses visitatione: circa quas res præcipua Episcoporum cura in vigilare debet, ut in quibus potissima muneris Episcopalis ratio consistit.

(b) In Formula anni 1559. additur: autem.

(c) Ex Conc. XI. Tolet. c. 10.

(d) 1. Timoth. 3.

(e) In Conc. Rom. sub Hilar. PP. c. 3.

(f) In Formula anni 1559. inseritur hic §.

Siquidem Episcopi meminerint, incitiam in laicis vix tolerabilem, in iis vero, qui præsent, nec excusatione, nec venia dignam esse: & Domini severa denuntiatione a Sacerdotio repellendum, qui a se scientiam repulerint. Ideoque de eruditione & doctrina ordinandorum, non perfunctorie & frigide, sed solícite, diligenter & curiose disquirant & explorent. Et in his præsertim, qui ad Prælaturas, & dignitates, quique ad animarum curam provehendi sunt, non qualicumque doctrina contenti sunt, sed imprimis Divinorum eloquiorum (quæ Sacerdotii substantia sunt) & Scripturarum Veteris, ac novi Testamenti: similiter & Ecclesiasticorum Canonum scientiam exposcant. Ignaros, & indoctos nequaquam ad Ordines admittant, memores, ignorantiam in Sacerdotibus, cunctorum errorum esse matrem, & hæcenus incitiam Sacerdotum, multis & maximis malis in Ecclesia causam præbuisse: & hos demum, a Deo sciri & probari, qui, quæ Dei sunt, sapiunt, & qui ignorant, ignorari, ac rejici.

(g) In Conc. Neo-Cæsar. can. 11. *Rigorem Canonum de ætate ordinandorum temperat necessitas.* Gelas. in Epist. Decret. ad Episcopos Lacedæmon, Brutios, & Siculos.

(b) 1. Timoth. 5.

num edantur, aut testimonia subornentur non legitima, nec idonea: aut superficialis tantum, & perfunctoria fiat examinatio; sed diligens, & seria, cum proclamatione præcedente ad plebem Parochiæ, ubi ordinandus habitatur, si commode fieri possit, nullusque sit ab examine illo liber. (i)

Ad Episcopatum (k) nemo assumi debet, nisi sit Sacerdos, aut promittat, se velle gradus, quos nondum habet, omnes in proximis ordinationibus, absque fraude, dilatione, aut tergiversatione suscipere.

Ad Prælaturas soli digni, atque idonei designandi sunt, & admittendi. (l) Qui idonei sint, examinatio probabit, si tales inveniantur, ut eorum comparatione, illi, quibus præficiuntur, grex merito dicantur.

Ad Ecclesias Parochiales nemo provehatur, nisi sciat, & velit populum docere, & Verbum Dei pro capto suo prædicare.

Episcopi & Archidiaconi designatos, sive per electionem, sive per col-

lationem, (m) non prius investiant, nec ad Ecclesiæ munera subeunda admittant, quam exploratum ipsis diligenti examine sit, eos esse idoneos, & vocationi suæ pro virilibus se satis facturos polliceantur.

(n) Nulla pro examinatione exigatur pecunia, cum ad hæc tam necessaria officia habeant Episcopi, & ad quos examinatio pertinet, ampla satis stipendia.

In eis quoque, qui ad Ecclesiasticas dignitates, curas, vel Beneficia per Coadjutorias, aut resignationes contendunt, eadem cura, quæ in electione & collatione exigitur, est adhibenda: nec recipiendi, aut admittendi sunt hujusmodi homines, nisi examinatione præscripta comprobentur idonei, quales si non fuerint, quaecumque sit resignatum illud beneficium, vacabit, & adificandus erit alius in rejecti locum. (o)

De

(i) *Ordinatos indignos absque examine Ecclesia abjicit.* Vide Can. 9. Conc. Nicæni, & eundem allegatum in Conc. Carthaginensi VI. Can. 9.

(k) Dist. 60. *Nullus in Episcopum.* Ibid. *Nullus in Præpositum.*

(l) *In Formula anni 1559. hæc sequuntur:* Quanto enim major negotiorum, & curarum cumulus his incumbit, qui ad Prælaturas, & dignitates, aut ad animarum curam, aliæque potiora officia vocantur; tanto accuratiore censura, mores horum, & vita, & eruditio discutienda, & vires eorum diligenter explorandæ sunt, num his oneribus, quæ illis imponuntur, pares esse valeant. Præcipue vero, cum his, qui ad Ecclesiarum Prælaturas provehuntur, & in dignitatibus, velut excellentiore loco ponuntur, ab inferioribus honorem, & obedientiam exhiberi debere, omnes Ecclesiasticæ Constitutiones jubeant: utique tali eos virtute, doctrina, prudentia præditos esse convenit, ut honorem hunc mereri videantur, & cæteri, ipsorum comparatione, gregem se merito dici, reverenter agnoscat.

(m) *In Formula anni 1559. additur:* Præsentationem, aut quocunque alio modo.

(n) *Adjiciuntur sequentia:* Præcaveant etiam & Ecclesiastici, & Laici, beneficiorum collatores, ne in conferendis beneficiis Ecclesiasticis, depravatis ducti affectibus, nulla rectæ rationis judicii habita ratione, abducantur: aliqua vel propinquitatis, aut consanguinitatis consideratione, aut ullius alterius meriti, seu officii commendatione, ut aliis, quam dignis & idoneis, Ecclesiastica beneficia conferant. Inprimis vero caveant, ne præmiis, vel acceptis, vel promissis inescari, per turpem illam Ecclesiasticorum beneficiorum venalitatem, Domini iram incurrant, qui flagelli verberibus ementes & vendentes e templo exigendos existimavit. Quin etiam in Resignationibus, & permutationibus diligens fiat inquisitio, etiam exacto juramento, an fraus, vel dolus aliquis Simoniacus, inque permutationibus hujusmodi simulatus, aut fictus titulus intervenerit. Si compertum fuerit, uterque pro delicti qualitate puniantur: eodem loco habeantur pensiones illegitime assignatæ. Hæc, & id genus alia, in publicis Synodis detegenda sunt, & severa Prælatorum animadversione punienda.

(o) *Additur ibidem:* pia doctrina & docta pietate insignis.

*De Ordinum Ecclesiasticorum
officiis.*

TITULUS SECUNDUS.

(p) CUM duplex sit potestas, una Ecclesiastica, altera temporalis, quæ longo distant intervallo, Episcoporum Germaniæ pars maxima, præter Ecclesiasticam, etiam temporali præditi sunt. Est autem præposterum, & vocatione eorum indignum, res temporales spiritualibus præferre, & rebus sæcularibus sedulo intentos, eos Principes tantum agere, curam vero Ecclesiasticam omnem rejicere in Vicarios, dicentibus Apostolis: *Non est (q) æquum, nos relinquere Verbum Dei, & ministrare mensis.* Ita ergo eis vita instituenda est, ut appareat, eos Episcopos potius, quam Principes esse, & Cælum potius, quam mundum hunc cogitare.

(r) Est autem proprium Episcopi officium, regere Ecclesiam Dei, (s) quam sibi Christus acquisivit sanguine suo: ad quod pertinet, pascere oves ejus cibo Verbi Dei, Sacramentis & exemplis, confirmare baptizatos, examinare & ordinare Ecclesiæ Ministros, Synodos celebrare, visitare suam provinciam, & lupos ab ea abarcere. Quæ, si fidelis & bonus Pastor est, per se potius, quam per Vicarios, quantumvis pios & doctos, pro ædificatione Cleri & populi sui obibit, nisi aliqua legitima causa impediatur.

Debet igitur omnium ovium suarum habere curam, sed præcipue Cooperariorum, per quos regit oves, & dispicere, ut suum quisque munus fideliter in Ecclesia exequatur. Erti enim omnes oves nosse, supra naturæ vires sit; Compastores tamen, & in opere Dei Coadjutores suos, ut cognoscat, est opus: ut sciat, quomodo præsent, quid doceant, quomodo vivant: ædificent, an corrumpant gregem. Ex iis enim

pendet disciplina & salus populi. Sic poterit desides & torpentes arguere, inutiles removere, & corruptores, perniciosos, & scandalosos etiam plectere.

Pertinet quoque ad Episcopum, solícite invigilare, ne lupi gregem invadant: quibus se se obicere pro grege fortiter & strenue debet, eosque abigere ac persequi: nec ferre, ut doctrinis novis & peregrinis, aut per dulces sermones corrumpantur, atque a veritate abducantur oves, pro quibus Christo daturus est rationem.

Archidiaconos, quos alii Chorepiscopos, alii Presbyteros, alii Decanos appellant rurales, quocunque censeantur nomine, in partem sollicitudinis constituti sunt & vocati; ut certæ regiunculæ Pastoribus, seu Parochis, ne in officio negligentes sint, superintendant. Horum est, Synodis Episcopalibus interesse, referre & exponere illic suæ portiunculæ statum, & una cum Patribus consulere, ac decernere Synodalia decreta & sententias, placita quoque Episcoporum publicare curæ suæ Parochis, & exequi: & præter Confirmationem & Ordinationem, & propria solius Episcopi munera, ea omnia præstare in suo territorio, quæ in Dicecesi Episcopus, cujus sunt oculi: solícite invigilantes; ut si quid adversus fidem, pietatemque Christianam emergat, Episcopo id ipsum, ad quem cura prima pertinet, significent. (t)

Parochi dispensatores sunt Verbi Dei, & Sacramentorum: qui ut fideles inveniantur, debent frequenter populum de his, quæ ad fidem & religionem nostram pertinent, docere, eosque instruere, ut norint, quid credere, & quomodo conversari & vivere in sua quisque vocatione debeat. Administrare quoque debent Sacramenta; & eorum gratiam mysticam exponere: arguere eos, quorum publica

(p) *Hæc præmittuntur: Quum in Ecclesia ex veterum Patrum institutione diversi sint gradus ministrantium; tunc salvus & felix Ecclesiarum status fuerit, si singuli, quod nomine præ se ferunt, id re ipsa præstare sedulo contenderint.*

Et cum duplex sit potestas, &c.

(q) *Act. 6.*

(r) *Ex Conc. 4. Carthag. can. 15.*

(s) *Act. 20.*

(t) *Ex Epist. decret. Leon. ad German. & Gallia Episcopos. De Chor-Episcopis.*

Tomus VI. Concilior. German.

B b b b b

lica sunt peccata, publice : occulte vero delinquentes , in privata confessione : & in omnibus se non segnes aut cæcos speculatores exhibere ; ne sint velut canes muti, non valentes latrare : sed quasi tuba, annuntient populo peccata, & ad conversionem & poenitentiam eos adducant. Incorrigibiles vero & præfractos referre debent ad majores, vel publica satisfactione curandos, vel ab Ecclesia proscindendos.

Debent quoque Parochi parvulos, (quæ est pulchra Ecclesiæ portio, & apta disciplinæ pietatis) non negligere ; sed eos, ac rudes quosque suæ Parochiæ, certis temporibus instruere, & catechizare, ut discant Symbolum, Precationem Dominicam, Salutationem Angelicam, & Decalogi Præcepta : aut certe habere Sacellanum, aut pædagogum, per quos officia ista minora præstent. Ut vero totam curam in mercenarios rejiciant, Canones non permittunt.

De Officio Decani & Canoniorum.

TITULUS TERTIUS.

IN (u) Collegiis, ubi diversi sunt ministrantium gradus & ordines, Decanorum est, exemplo suo præcedere, verbo monere, & provocare Collegii sui Clericos & familiam, ut suæ

quisque functioni gnaviter incumbat, & eo, ad quem destinatus est loco, ministraret in Divinis & Collegii rebus. Neque enim, ut torpentes vacent, sed ut muneri suo satisfaciunt, & vitam ducant appellatione sua dignam, constat Clericos ordinari. Debet itaque Decanus continere Clericos, in decenti & ordinata officii Divini persolutione, in vitæ & morum honestate, in religioso habitu, disciplina, in lectione & studio Sacræ Scripturæ, quo Psalmodiæ, preces, officia Divina & ceremoniæ, statim horis, ad laudem Dei, & populi ædificationem, secundum instituta Patrum, digna majestate persolvantur. (*) Inobedientes vero, & ebriosos, luxui indulgentes, aleatores, percussores, scortatores, & officium negligentes, publice arguere, severiter corripere, sacris abarcere, mulctare etiam proventu, & distributionibus, pro excessuum gravitate, juxta potestatem, qua de jure (*) & consuetudine Ecclesiarum funguntur. (y)

Scholasticorum est, docere indoctos, eosque in his, quæ ad pietatem, & cultum Dei pertinent, erudire, aut curam hanc procurare : Præsertim vero, juventutem regere, eisque idoneos, ac probos prædicere Pædagogos.

Sint Scholastici viri graves, qui juventutem, Ecclesiæ ministeriis destinatam, in potestate habeant, & curent, ut

(u) *In Formula anni 1559. sic legitur* : In Collegiis quidem diversi sunt ministrantium gradus, & ordines. Cum autem Archi-Diaconatus Ecclesiarum Præposituris adjunctus sit; cogitet Præpositus, se oculum esse Episcopi : Utque diligentius gregi sibi commisso jus dicat, atque Synodos, statutis temporibus, ita celebret, ut non nuda sint spectacula & comessationes; sed Ecclesiæ utiles, & Clerum atque populum a vitiis reducant, ad pietatem vero & virtutem excitent. Quod vero ad Oeconomiam Ecclesiæ (quod illius proprium munus est) attinet, in eam etiam ipsam vigili cura diligenter incumbat. Decanorum est, exemplo suo &c.

(x) *Hæc adduntur* : Et ne uspiam per Ecclesias beneficia debitis officiis, atque obsequiis defraudentur; omnibus beneficiorum possessoribus injungere debet, sub amissione beneficiorum; ut quilibet ordines, quos suum beneficium requirit, si nondum habet, proximis temporibus a jure statutis recipiat, ac obsequium, quod quisque pro officii sui exigentia, Ecclesiæ debet, cum res postulat, per se præstare possit. Inobedientes vero &c.

(y) *Ex Conc. Lateran. IV. Can. 7.*

(y) *Sequitur* : Dabunt etiam operam Decani, ne sine necessaria & rationabili causa, Capitula sub Divinis congregentur; ne hinc occasionem sumant personæ Ecclesiasticæ, Divinum cultum deferendi, cum non immerito DEI causa temporalibus omnibus negotiis præponenda sit. Cætera Decani juxta Ecclesiarum suarum Statuta, & muneris sui rationem diligenter exequantur, undique providentes, ne quid perperam, aut inordinate fiat. Eodem modo Thesaurarii, seu Custodes, aliisque functionibus præfecti, officiis suis, secundum Majorum institutionem, & Ecclesiæ Statuta, intenti sint, quatenus & DEO, & hominibus, muneris sui rationem approbare possint. Scholasticorum est &c.

ut sub eorum disciplina, doctrina, pietate, & morum honestate imbuantur : & caveant, ne emancipent, aut ad capitula tales præsentent, quos propria vitia rejiciunt.

Sic Cantorum est, modum dare eis, quæ in Choro canuntur, ac intonare: Sic Thesaurarii, sic Succentores, sic Vicarii, & reliqui ministri omnes; debent suo quisque loco, quod eis ex nomine, vel officio, vel Præsidentium mandato incumbit, diligenter obire, quo decenter ac ordinate omnia fiant inter eos.

Canonici (2) omnes debent in his, quæ ad cultum Divinum, observationem Canonum, & mores bonos pertinent, Decano suo humiliter obedire: Divinis omnibus interessè, modestia, gravitate, pietate, eleemosynis & bonis exemplis populum ædificare. Non deambulare in Templo Divinorum tempore, nec confabulari: oculos habere pudicos, incessum minime fastuosum; Ecclesiasticum officium, cujus gratia beneficium percipiunt, ultro, prompte, & reverenter persolvere, ac adimplere: (a) ut, dum ore canunt, cantent & mente: & ita, ne videantur tanquam conducti mercenarii trahi; & pecuniæ potius, quam Deo servire, & magnarum distributionum tempora anxie, minorum negligenter observare, ac si stipendium præcedere officium debeat, & non potius sequi.

(b) Quo vero doctis, & claris viris Collegia ornentur, & vigeant; Decanus & Collegium studiosos aliquos, qui spem de se bonam præbent, debent mittere ad Academias, & Universitates celebres & Catholicas, ac studiis eorum dare sufficiens tempus: ac interim eos habere pro præsentibus in Collegio, aut sane, quantum pro victu & libris eis sufficiat, suppeditare. Qua in re si negligentes fuerint, poterunt, Episcopi autoritate, ad hoc compelli. Curent tamen Ecclesiarum Prælati, de iis, qui studiorum causa absunt, diligenter cognoscere. Et si compererint eos negligentes, aut perverfis moribus deditos, sumptus ante dari consuetos, eis subtrahant, & in alios melioris spei juvenes eosdem transferant. (c)

De Horis Canonis & Psalmodiis.

TITULUS QUARTUS.

IN cultu Divino post Missæ Sacrificium in Ecclesia primas tenent preces Canonice, in horas septem distributæ: ad quarum observantiam, qui majoribus ordinum gradibus sunt initiati, seu de beneficiis gaudent Ecclesiæ, præcipue obligantur, quo preces, (d) laudes, & gratiarum actiones Deo pro Ecclesia, cujus sunt ministri, cum gravitate & decencia modulentur: atque persolvant, & in lege ejus nocte die-

que

- (2) *Additur*: Canonici, quod vocantur, idem esse velint: ut, cum in muneris sui perfunctione, tum in omni vita sua, ad recti & honesti regulam sese componant: Omnes debent in his, quæ ad cultum &c.
- (a) *Additur*: Nec est, quod quasi vile, aut se se indignum existiment, Divinis semper adesse, alios psallentes adjuvare, & quæ sui officii sunt, per se præstare. Si enim generis claritatem non obfuscat, ex bonis Ecclesiæ vitam sustentare; nec illud vile, aut magnis natalibus indignum videri debet. Et dum ore cantant, canant & mente &c.
- (b) *Inferitur hic Paragraphus*: In quibusdam Ecclesiis abusus obrepfit, ut Vicarii a psalmodia & horarum decantatione immunes esse velint: qui per Prælatos admonendi sunt, ut sint memores, ad fructuum Ecclesiasticorum perceptionem, propter officii exhibitionem se se admissos esse. Itaque nisi omnibus Divinis intersint Vicarii, non solum distributionibus eos carere, (*Supple*: oportet, vel quid simile.) sed in totum omni emolumento beneficiorum, pro excessu qualitate priventur; nisi inevitabilis necessitas, aut iusta causa, quæ Decano probabitur, eos excusaverit.
- (c) *Additur*: Si vero, qui sic ad studia mittuntur, Capitulis suis sufficientem cautionem præstare debent, se se in ordine Clericali permansturos esse. Quod si mutato proposito, ab ordine Ecclesiastico resilierint, & ad Matrimonia, seu negotia sæcularia se transulerint, ad restitutionem omnium fructuum, aut sumptuum Ecclesiasticorum, quos sic perceperint, teneri, & omnino compelli debent.
- (d) *De Celebrat. Missarum Can. Presbyter.*

Tomus VI. Concilior. German.

B b b b b 2

que versentur. Ideo enim de altari edunt, & participant, quia altari servant. Præposterum est autem, & tam naturæ, quam dignitati, ac institutioni cultus illius Divini contrarium, vel le curam hanc ad postremos tantum ordines, aut conductitios succentores rejicere.

Forma autem canticorum & precum illarum quondam ab antiquæ Ecclesiæ Patribus, & postremo a Beato Gregorio, aliisque Ecclesiæ Rectoribus purior tradita, ordineque præscripta est. Verum ad hanc, temporum vitio, multa inepta, apocrypha, parumque ad sincerum cultum pertinentia, non negamus irrepsisse. Quod ipsum & Breviariis, (quorum usus permissus est propter eos, qui iustis impediti negotiis, choro nequeunt interesse) usu venit, quæ operæ pretium erit, ut a viris doctis & piis, (quos Episcopi interim in sua Diocesi ad hoc dare debeant) emendentur, & reducantur ad puriorem & antiquiorem ritum: nec tamen modus, quem nunc Ecclesiæ in precibus Canonicis servant, mutetur, sed in locum eorum, quæ emendatione indiguerint, meliora & puriora reponantur, quo sancta, authentica, & officio Divino digna sint omnia, quæ horis illis recitantur. (e) Episcopis vero cura hæc relinquenda videtur, ut de hac re diligenter cogitent, si quid forte de Sanctorum historiis in eum usum publicari possit, quo Ecclesiæ Germaniæ interea recte in Lectionibus matutinalibus uterentur, (f) donec ea de re per Concilium Generale statuatur.

Expediret ad hæc, frequentes earundem precum & Psalmorum in una die repetitiones, memorias item, quæ suffragia vocantur, quibus ad fastidium usque plerisque in locis Sacerdotes gravantur, tollere, quo prolixitas

neminem ab illis, quæ secundum feriarum & temporis cursum dicenda erant, deterreat: aut ad ea impellat, quæ de Sanctis, breviori quidem compendio, at fructu nonnunquam minori, dicuntur. Horæ tamen Canonice integræ permaneant, sublati tantum accessionibus quibusdam, quæ minus necessariæ videntur, idque autoritate ordinaria Episcoporum, ita tamen ut voluntates fundatorum (g) firmæ permaneant.

De Monasteriis.

TITULUS QUINTUS.

EO maxime dolendum est, Monasteria multa in Germaniis excisa & everisa, quædam etiam sponte deviasse ab instituto, & vix pauca restare, ut olim, integra: quod Monasteria apud Patres nostros, officinæ erant cultus Divini, & pauperum quædam cellaria, in quibus unius voti ac professionis homines certis horis, die noctuque Deum Psalmodiis & laudibus colebant, horas intercalares, orationi, Lectioni scripturarum sacrarum, meditationibus rerum cælestium, & aliis studiis piis & honestis dabant, jejuniis se castigabant, & quod supererat, erogabant in pauperes: quibus sane viis ad Evangelicam perfectionem contenditur. Hinc non modo Leges, Canones, & ipsius naturæ Jura, verum etiam tam necessitas publica, quam monastici instituti sanctitas efflagitant, ut reformentur, & quantum fieri potest, reparentur & conserventur.

Igitur Monasteria, cujuscumque sint ordinis, quæ ab institutis suis degenerarunt, debent secundum regulas, quas professi sunt, absque omni personarum respectu, a Visitatoribus suis reformari, & Monachi in obedientia & religione sui

(e) *Additur*: Sunt præterea quidam in Clero, zelum quidem habentes, sed non secundum scientiam, qui privatis quibusdam affectibus ducti, vel testamento, vel (ut vocant) foundationibus efficiunt, ut nova festa, præter Ecclesiæ autoritatem, solenniter subinde celebrentur. Quo interim fit, ut preces horariæ, ac reliqua publice recepta, pro affectu cujuslibet facile noventur, quod piis viris haud probatur. Neque enim errarunt Patres, a quorum institutis tam longe discessum esse vix oportuit. Quod si hic singulorum affectibus indulgebatur, tandem antiquus ritus penitus evanescet. Episcopis vero cura hæc &c.

(f) *Inseritur hæc parentesis*: & ne ab his, quæ a Patribus statuta, & ab Ecclesia recepta sunt, longius discedatur.

(g) *In Formula anni 1559. additur*: rationabiles.

fui ordinis contineri: (b) repugnantes vero, & reformationis impatientes, sine exceptione, ad eam subeundam cogi. Quod si Visitatores ad hoc non sufficiant, debent Ordinarii, aut Magistratus, vel Principis opem implorare. (i)

Ad hæc debent Monasteria opulenta restaurare apud se intermissa studia, præsertim sacrarum literarum; ut habeant Monachi quotidie lectionem aliquam sacræ Scripturæ illustratricem, qua devotionem suam alant, seque ad pietatem continuam exercent, & se ad prædicationem Verbi Divini aptos efficiant. Ubi vero pauci sunt Monachi, iidemque inopia laborant, debent nihilominus unum, vel duos mittere ad aliud Monasterium a suis Prælatibus, ubi scholæ restitutæ sunt, qui in literis sacris simul & in Religionis observantia, illic instituantur & proficiant.

Non exerceanrur Monachi rebus profanis, sed in locis, ubi se Deo devoverunt, permaneant, nisi forte ad concionandum; vel sacra peragenda, aut ad aliud Monasterium a suis Prælatibus mittantur, aut ad curam animarum, ab Ordinariis locorum evocentur, de consensu Prælatorum suorum: sub quorum obedientia nihilominus manere debent, qui possint eos corrigere & revocare. Sic tamen, ut Prælati ordinum, Episcopis in hac necessitate non desint: tempore vero, quod eis a Divinis & lectionibus reliquum est, semper pii & honesti aliquid agant, ut eos semper inveniat Diabolus occupatos.

Non debent item Monachi, quamvis opulenti, & regalibus dotati munitis, otiosos & vanos facere sumptus, nec familiam superfluum, nec equos, ad fastum & pompam potius,

quam ad necessitatem, Principum more, nutrire, magisque sæcularem, quam religiosam ducere vitam: sed in humilitate vivere frugaliter, & quæ ultra necessitatem supersunt, in pauperes, & educationem studiosorum, quo possint Ecclesiæ Christi olim usui esse, utiliter expendere: idque cum autoritate Ordinarii loci, si illis sint subdita Monasteria, aut habeant jus visitandi eadem: in cæteris fiat hoc per eorum Prælatos.

At ubi per hanc tempestatem vel excisa sunt Monasteria, aut exhausta Monachis, & deserta, debent Visitatores initio duos, aut tres bene institutos, ac probæ vitæ Monachos illo mittere, qui monasticen rursus introducant, & quantum fieri poterit, omnia restaurent. (k)

Monialibus, continentiam professis, nequaquam Monasteriorum suorum septa egredi licebit, (l) sed in eis latere debent, ac soli Deo pudicitiae amatori, cui se consecrarunt, quemque, repudiatis huius sæculi amatoribus, præoptarunt, se conservare illibatas: nec item patere debet eis virorum conspectus, aut viris permitti, ut Monasterium ingrediantur, nisi inevitabilis necessitas requirat. (m)

Cum non detur autem eis, suasmet res foris procurare, (n) æconomum sibi deligere poterunt fidum, frugalem, & honestum, qui debeat eis, & Visitatori quater in anno, & quoties poscitur, reddere negotiorum suorum rationem. Quod si inutilem eum, aut gravem, vel infidum experiantur, poterunt eo amoto alium surrogare.

Quæ (o) vero continentiae studium sectantur absque voti professione, B b b b b 3 &

(b) Ex Conc. Aurelian. I. c. 21. & habetur 18. q. 2. : *Abbatessæ pro humilitate.*

(i) In eadem Formula subnectitur: Aut si hac in re negligentes Visitatores fuerint, horum defectum Ordinarii, auctoritate Apostolica, sive Ordinaria adimplere teneantur.

(k) Ibid. hic §. subjungitur: Quin etiam Monachi profugi, per Prælatos suos, summa diligentia inquiri debent, & ad sua quisque Monasteria reduci, & obedientiae Superiorum suorum subijci: eo tamen moderamine adhibito, ut si qui, ex quacunque causa in apostasiam prolapsi, humiliter suam culpam agnoscentes, redire velint; juxta cujuscunque Ordinis disciplinam, benigne recipiantur, nec eis graviore pœnæ, quam quæ in sacris Canonibus & Regulis Ordinum expressæ sunt, imponantur.

(l) De Statu Regular. in 6. cap. Periculoso.

(m) Ex Concil. Epaonenf. Can. 38.

(n) In 6. De Statu Regul. d. c. Periculoso. §. Porro ne Moniales.

(o) Ex Concil. Mogunt. anni 813. Can. 13.

& vitam in Collegiis ducunt religiosam, quales vocantur Canonici; etiam si non habeant (quam tamen decentissimum esset habere) mensam communem, sed suam quæque peculiariter; debent tamen commune habere dormitorium, ne pudicitie insidiatori Sathanae detur occasio, ad incontinentiam tentandam. Debent quoque a nimis exquisito, & procaci habitu abstinere, nec seculariter comptis incedere vestibus excultæ; sed in habitu modesto, mundo, & casto: ut sint earum Monasteria scholæ pudicitie & virtutum, in quibus filie nobilium discant non lascivire, non superbire; sed Deum timere, orare & piis assuescant exercitiis, ac moribus bonis, ubi voluerint, nupturæ in Domino. Talia autem Collegia, sicubi in his virgines ob liberorem vitam famam suam in periculum adducant, per Superiores & Episcopos reformatur.

De Scholis & Universitatibus.

TITULUS SEXTUS.

Scholæ Seminaria sunt, non Prælatorum tantum & ministrorum Ecclesiæ, verum etiam Magistratum, & eorum, qui consiliis suis Republicas gubernant: quæ si negligantur, aut depraventur, necesse erit, & Ecclesias, & Republicas inde periclitari: propterea de earundem instauratione magna cura habenda est. (p)

Inprimis igitur, ubi extant fundatæ, autoritateque ordinariæ probatæ Universitates, seu Academiae, de-

bent destinata Præceptoribus & Studiofis Beneficia & stipendia, Privilegia item & immunitates, atque exemptiones a vectigalibus, exactionibus, collationibus & oneribus publicis, tam discipulis, quam Præceptoribus, ante omnia tuta conservari: nec ab ullo hominum, quantavis potestate sit præditus, infirmari, infringi, aut alio converti, quam destinata sunt. Quod si Provisores Beneficia huc destinata, in alios contulerint; irrita debet haberi & esse collatio, & qui damnum Universitati intulerint, ad satisfactionem compelli.

Curandum est in singulis Academicis, ut non nisi probati Authores in artibus & disciplinis, auditoribus prælegantur: atque ut Doctores & Magistri, qui doceant juventutem, probi sint, Catholici, & de Religione Christiana bene sentientes.

Ad hæc, qui in numero studentium volunt haberi, & privilegii Universitatum frui, ac gaudere; non debent privilegiis & libertate sua abuti, sed sub obedientia & disciplina vivere Rectoris; qui eos delinquentes, & Statuta prætergredientes, præsertim rixantes, severiter corripere, & pro modo delicti plectere debeat.

Nulla re magis Ecclesiæ; publicæque utilitati consulere, quam si Summus Pontifex, & Collatores ordinarii, secundum Concilii Basilienfis placita, Academicis purioribus & incorruptis potestatem facerent, significandi eis subinde viros literatos, ad regendum Ecclesias idoneos; quos ipsi quibuscumque aliis, minus idoneis, in colla-

(p) *Adduntur hic rursus sequentia*: Præsertim vero rerum Ecclesiasticarum gubernaculis admoti Antistites, quibus etiam hujus vitæ bene, beateque transigendæ, omnis facultas, ab incolumitate Religionis (quæ sine studiorum auxilio nequaquam durare potest) dependet, ad studiorum conservationem, veluti ad unicum status sui conservandi, & refinendæ dignitatis præsidium, omnes vires suas certatim conferre debent. Quapropter Ecclesiarum Proceres, omni cura, ope, & industria, ubique per universas suas Provincias, studia præcipue generalia instaurare, promovere, & conservare satagant: & hanc Religioni, ac publicæ tranquillitati, perniciosam necessitatem parentibus juventutis adimant, qui alioqui Sanctæ Religionis nostræ bene affecti, tamen, ex neglectu studiorum in locis Catholicis, compelluntur, filios ad alias Universitates, & Scholas ablegare, ubi una cum literis noxiæ de Religione opiniones hauriunt, quibus infecti, & Patriæ reddit, non tam parentes, quam totam sepe viciniam depravatis de Religione opinionibus imbuunt. Ad quam perniciem avertendam, omnes boni, quos ulla pietatis ratio tangit, & inprimis Ecclesiastici Proceres, omni conatu incumbere debent, quatenus in hac re salutis ovium, & sanctæ Religionis profectui, & publicæ tranquillitati consulatur.

collatione Beneficiorum, & præsertim Parochialium Ecclesiarum præferrent, modo tamen personaliter illi non delectarent residere.

Ubi fundatæ non sunt, debent singula Collegia secundum Decreta Concilii Lateranensis, ut parva fuerint, vel magna, ita Scholas parvas, vel magnas apud Collegia erigere: quibus præficiant Magistros & Pædagogos incorruptæ vitæ, a quibus tam pietatis Christianæ prima principia, quam rudimenta literarum, incontaminata adhuc, & quorumlibet studiorum capax juvenus hauriat: atque ubi multus est adolescentium numerus, in classes dividendi poterunt. Debet autem eis prælegi hoc tantum, quod innocentiae illius ætatis conveniat. Væ enim ei, qui scandalizaverit unum pusillum, qui in me credunt! ait Christus. Idcirco sedulo curandum, ne prælegantur eis libri obsceni, suspecti, aut contagiosi, eorum, qui perfidiae suæ virus, religionisque & pietatis odium teneræ juvenutis suis scriptis, quæ per hanc tempestatem edidere, instillant.

Sed ubi Collegia non sunt, debent in singulis civitatibus esse Scholæ, quarum Magistri boni, honesti, & docti sint.

Præter Pædagogia vero habeatur in Collegiis Theologus, qui certis horis interpretetur Biblia, ac de re Theologica doceat juniores Canonicos, Vicarios, & alia Collegii membra: ubi quisque ad lectionem suæ professioni & instituto congruentem, tenebitur (q) comparere. Huic vero quomodo, & unde providendum sit de victu, in Concilio Lateranensi constitutum est: ira nimirum, ut unius Præbendæ proventus ei, donec in docendo perstiterit, assignentur, si sufficiant: sin minus, ut aliunde suppléatur, & tantum huic, quantum satis sit, suppeditetur.

De Hospitalibus Pauperum, infirmorum, & peregrinorum.

TITULUS SEPTIMUS.

SAnctorum Patrum Constitutionibus olim sancitum fuit, ut bo-

norum Ecclesiasticorum pars quarta cederet pauperibus. Hinc apud Collegia & Monasteria antiqua, Hospitalia extructa sunt, quæ nunc passim, aut in usus alios sunt conversa, aut jacent neglecta, non sine gravi impietatis piaculo. Verisimile est, cum Ecclesiastici, Patres pauperum haberentur, & essent, fideliterque bona commissa dispensarent, Imperatores, Reges, Principes & locupletes homines permotos, ut tam amplis prædiis Episcopos, Collegia & Monasteria ditarent. Debent igitur Episcopi, Collegia & Monasteria, rursus ædes illas sicubi collapsæ sint, instaurare: ubi vero extant, conservare: redditus quoque ad eas destinatos, ac olim separatos, de quibus constat, in nullum usum alium convertere. Qui si forsân cum cæteris redditibus, & bonis alicubi confusi sint, & hodie ignorentur, debet nihilominus ædibus illis, de omnibus ad infirmorum curam pertinentibus, ex ærario communi Monasterii, vel Collegii sufficienter provideri, idque pro dispositione Episcopi, aut Ordinarii Ecclesiastici illius loci.

Sic etiam reliqui ordines, qui Hospitalia habent, eadem studeant conservare.

In ejuscemodi Hospitalia recipiendi sunt viduæ, orphani, & qui vere sunt pauperes, & ad victum quærendum sibi non sufficiunt, & potissimum ejus loci, ubi Hospitalia illa sunt constituta. Peregrinis vero pro refectio- ne, non in habitatione, aut in pauperum illorum fraudem, patere debent.

Cæterum, sicubi Respublicæ civitatum, municipiorum, aut Parochiarum, suis civibus, aut etiam peregrinis Hospitalia construxerunt, quorum sibi retinuerunt provisionem ac dispensationem; curandum est, ut administratores dent provisores, a communitate delectis, quater in anno rationem: ne & ista, casu simili, quo illa, pereant, & pauperum res per fraudem distrahantur. Superiorum vero omnium inspectio ad Vistationem pertinet Episcopalem, aut Prælatorum, quibus de consue-

(q) Additur: sub pœna arbitraria, a Prælati infligenda,

consuetudine ejus loci cura hæc incumbit. (r)

*De Dispensatione Verbi Dei,
& officio Ecclesiastæ.*

TITULUS OCTAVUS.

Concionandi (r) officium sibi assumere nemo debet, nisi vocatus, & ordinaria Ecclesiastica potestate admissus, dicente Apostolo: *Quomodo prædicabunt, nisi mittantur?* (*) Pertinet autem officium illud ad Episcopos, & Pastores, quibus animarum cura incumbit. Iis tanquam subsidiarii cooperatores, quatuor mendicantium ordines ad prædicandum Verbum Dei adjuncti sunt. Permissum quoque ipsis est, accire ad hoc Vicarios Sacerdotes, seu Sacellanos, quorum interdum opera utantur. At non temere debent ignotos quosque, aut vagos Sacerdotes, & Monachos, absque Prælatorum suorum testimoniis, seu Formatis, ut vocant Canones, admittere, multo minus suspectos de fide, flagitiosos Sacerdotes, aut Monachos fugitivos, per quos populus eis creditus seduci, aut corrumpi facilius, quam recte doceri potest.

Ad Verbi Dei Doctorem, seu Concionatorem pertinet, ut Evangelium & sacras Scripturas sinceriter tractet & doceat: non secundum sensum, quem prius conceptum ipse ad scripturas attulit; sed juxta sensum & interpretationem Sanctorum & or-

thodoxorum Patrum. Ita enim nec ipse errabit, nec alios in errorem seducet. Hinc Canones suadent, sanctorum Patrum Homelias, seu Evangeliorum enarrationes in Ecclesia recitari. In anniversariis quoque Sanctorum Martyrum diebus, licebit secundum Africani Concilii Canones, recitare eorum passionem post Evangelia, si tamen certæ sunt, & a fide dignis scriptoribus proditæ.

In Concione nihil prophanium, incertum, fabulosum, aut illo indignum loco adferatur: nihil suspectum, nihil inconstans, nihil, nisi quod tota probat Ecclesia, & a majoribus acceptum est; ut sic forma servetur secundum præceptum Apostoli, sanorum verborum, & doctrinæ sanæ, quibus sancti Patres & Ecclesia Dei, quæ columna est & firmamentum omnis veritatis, consueverunt.

A Quæstionibus item difficilibus & perplexis Ecclesiastes abstineat: non oportet enim ad ingenii & eruditionis ostentationem prædicare; sed utiliter, pro ædificatione populi. Idcirco debet se demittere ad captum auditorum, & nunc catechistam agere, nunc interpretem Scripturarum, nunc vitiorum reprehensorem, nunc Doctorem Mysteriorum, & sapientiam loqui inter perfectos, omnibusque omnia fieri, ad omnes Christo lucrificandos.

Nec (t) sit contentiosa declamatio, aut rixosa (contendere enim verbis; inquit Apostolus, ad nihil utile est,

(r) *Additur:* Hic ante omnia curandum est, ut in domibus istis, quæ ad salutem animarum pertinent, minime negligantur, sed apte omnia de Sacramentorum administratione pauperibus, ac debilibus provideatur. Ac ubi corporis infirmitas medicum postulat, ibi prius animæ, deinde corporis medicus accersatur.

(s) *In Formula anni 1559. primus hujus Tit. §. sic ponitur:* Sicut ovium incolumitas & vita in ubertate & salubritate pascuarum consistit; sic præciosæ hominum animæ salutari Verbi DEI pabulo enutriuntur, & saginantur in vitam æternam. Sed usque adeo plurimi refert, quales hi sint, qui animas pascendi munere perfunguntur. Non enim omnes, qui Pastoris habitum sibi induunt, & ductores gregis sese præbent, ad utilitatem pascunt; sed sub hac specie admissi, luporum, furum, & latronum rabiem in miseris oves exercent. Et dum pascere se simulant; aut dolose furantur, aut crudeliter mactant & perdunt. Quapropter, ut Christi grex, quem sanguine suo præcioso redemit, ab his exitiosis pestibus liber & immunis præservetur; ante omnia statuendum est, & ordinandum, ut ad prædicationis munus, & curam animarum procurandam nemo admittatur, nisi ritè vocatus, & ordinatus, & missus sit. Omnes vero alii, qui vocationis, & missionis suæ legitimos titulos monstrare non possunt, a prædicationis officio, & cura animarum procul arceantur: quos Apostolus quoque pellendos censet, *Quomodo*, inquit, prædicabunt, nisi mittantur? Pertinet autem officium illud ad Episcopos &c.

(*) *Ram. 10.*

(t) *Interponitur hic paragrahus:* Quæ in disceprationem & contentionem revocari possunt, non attingant, nisi data occasione, de iis, secundum sensum receptum & Catho-

est, nisi ad subversionem audientium) sed modesta, sobria, seria, gravis, nervosa, qua potens sit exhortari doctrina sana, & eos, qui contradicunt, arguere. Caveat quoque scurriliter calumniari, scommata & dicta in alios jactare, suum expuere livorem, & subfiliare: incompotitis moribus gesticulari, concitare plebem in absentes, Clerum & Magistratum: qui etiam si reprehensione dignum aliquid admisissent, non est tamen illorum causa ad plebis iudicium referenda: quin potius contra in omni Concione admonendus est populus, ut pro Clero & Magistratu orent.

Subinde, quoties locus opportunus incidit, facienda Concionatoribus est mentio misericordiae, charitatis & bonitatis DEI erga nos; quo dubitantes & anxios, ad bene sperandum & amandum Deum inflamment: ita tamen, ut etiam iustitiae ejus, qua pro benefactis Caelum, pro malefactis gehennam, & æternum supplicium reddit, non obliviscantur: quo malos a peccatis deterreant, & ad respicientiam, elemosynas, satisfactiones, & opera pietatis inducant: ne sint, quales Pseudo-Prophetæ, de quibus apud Ezechielem (tt) dicitur: Deceperunt populum meum dicentes: Pax, Pax, &

non est Pax: & ipse ædificabat parietem, illi autem lineabant eum absque luto, & absque paleis & temperamento, &c.

Frequenter etiam per hanc emergentium undique hæresum tempestatem confirmandus est populus, Catholicæ fidei doctrina, ut suppullantes zizanas vitare queant. Hortandus, ut Verbum Dei attentius audiat: sed a Catholicis & sinceris, ne sub melle Verbi Dei propinet adversarius ei aconita. Instruendus de Sacramentis, & eorum mysteriis; ut eis secundum Ecclesiæ traditionem, ad salutem suam religiose utatur: ut Missæ officio libenter intersit, votis Ecclesiæ vota sua jungat: cum Sacrificium offerente Sacerdote, ipse quoque mortem Christi pro peccatis suis, cordis sursum elevati manibus Patri offerat: frequenti confessione se expurget: corde mundo & avido salutarem Corporis Christi cibum excipiat: diebus Festis sanctis tantum incumbat operibus. Breviter, ad omnia pietatis Christianæ exercitia ipsum instruat & formet. Inculcet quoque sedulo Decalogi Præcepta, & eaque explicet: ad quod etiam proderit Catechismum (x) sæpius relegere. (x)

Ad

Catholicum, ad utilitatem auditorum, sufficiente instructione, modeste, & præmeditate, se differere velle, proposuerint. Omnem scripturæ intelligentiam ad genuinæ Charitatis Dei, & proximi ædificationem, velut ad certissimum scopum dirigant.

(tt) Ezechiel. 13.

(u) Additur: pium & Catholicum.

(x) Subjiciuntur sequentia: Et quominus sinceritas doctrinæ ulla in parte polluat, summa cura invigilandum est, ut perniciosi, & de hæresi suspecti libri, de manibus Concionatorum excutiantur, & ab omni tam Ecclesiasticorum, quam laicorum usu procul removeantur. Non enim ea iudicii gravitate & firmitate, eaque animi constantia præditi sunt omnes, ut sine noxa quosvis libros legere, aurumque e stercore secernere, & apum more, venenis omissis, mellis tantum conficiendo utilia decerpere queant. Providendum igitur erit Archi-Episcopis, & Episcopis, & ex Sermone libris, quos hoc tempore edocti, & Catholici Concionatores scripserunt, & ad populum publice pronuntiarunt, & prædicarunt, optimos quosque deligant, & eosdem veluti communem materiam eorum, quæ ad veram Catholicam Religionis de Fide, de Sacramentis, & Cæremoniis Ecclesiæ doctrinam pertinent, ad populum prædicandos, Parochis, & Ecclesiarum Rectoribus & Pastoribus proponant: Interim, eo tamen servato inter simpliciores Pastores & doctiores Concionatores discrimine; ut simpliciores, qui in sacris Literis, & Sanctorum Patrum Scriptis minus exercitati sunt, aut eorundem Patrum Scripta forte non habent, ad doctrinam prædicatorum Scriptorum, eorumque formam, modumque prædicandi astricti sint. Aliis vero, qui in Scriptis Sanctorum Patrum diligentius versati, majorem in his rebus usum & exercitationem habent, liberum relinquatur, ut quod illis quotidiana & pia Divinarum Scripturarum, & Sanctorum Patrum lectio suggeret, ad subditas sibi plebes, pro earum captu, prædicare possint.

Ad postremum (*), & tamen ante omnia meminerit Ecclesiastes, ut exemplo Pauli castiget corpus suum, & in servitutem redigat, ne ubi aliis prædicaverit salubriter, eosque ad pietatem adduxerit, ipse servus sit ventris & peccati, ac reprobus efficiatur.

De Administratione Sacramentorum.

TITULUS NONUS.

Ecclēsia, (y) quæ sola Sacramentorum thesaurum a Christo accipit, novit etiam verum ac legitimum eorum usum, custoditque substantialia ipsorum immutata. Cæremonias vero, quas plerumque significationis, aut pietatis excitandæ gratia, vel ipsa instituit, aut ex traditione Apostolica accipit, & orationes solemnes, ac ritus in administrando, pro utilitate & ædificatione Ecclesiæ mutare potest, & solet: quam tamen potestatem nemo privatus sibi usurpare debet, sed potius sequi in omnibus receptam uniformitatem, tum ob reverentiam atque obedientiam, quæ debetur sacris Canonibus, antiquis traditionibus, & Imperatorum piissimorum legibus, tum ad confusionem & schismata in Ecclesia Dei vitanda, juxta illud Apostoli: *Si quis videtur contentiosus esse, nos talem consuetudinem non habemus, neque Ecclesia Dei.* (z)

Ne vero hæc tanta Dei beneficia, quæ ad omnium salutem a Christo instituta sunt, ignorentur, aut putentur otiosa esse spectacula, nec suo habeantur loco, vel etiam indigne tractentur; debet populus in eorum administratione (ubi commodè fieri poterit) frequenter etiam in concionibus, ubi inciderit locus, doceri, quid in Sacramenti cu-

jusque collatione agatur: quis sit ejus fructus: quid velint signa externa: quomodo Dei virtus præsens, invisibiliter eis adsit: quomodo etiam digne, vel indigne percipiantur, & iis similia.

Rectius in Ecclesia Occidentali Sacramenta lingua Latina, quam vernacula celebrantur: *Conservatur enim mysteriis* (ut Basilius ille Magnus ait) *Silentio sua auctoritas, atque majestas.* Quod autem putavit quidam, omnium referre, ut Sacramentorum mysteria, lingua omnibus intellecta peragantur & administrantur; quo gratia Dei, quæ illic operatur, cognoscatur ab omnibus: arbitramur, hoc commodius fieri posse concionibus frequentibus, ad populi caput demissis, quam paucis illis verbis, quibus in Sacramentorum celebratione Ecclesia utitur, iisdemque mysticis & sacratioribus, quam ut a quovis e vulgo statim intelligantur. Et sane ante vilescunt vulgo Sacramenta, lingua vernacula celebrata, quam ut suo habeantur loco, debitaque veneratione colantur: quippe quod ea, quæ captum, ingeniumque nostrum excedunt, attentius miremur, atque observemus: intellecta vero propemodum negligamus. Attamen ut in Baptismo abrenuntiationes & professiones fidei, secundum antiquas Agendas, & in Matrimonio, sicut hætenus consuetum est fieri in Ecclesia Catholica, consensus contrahentium lingua vernacula requirantur, non improbamus. (a)

De Administratione Sacramenti Baptismi.

TITULUS DECIMUS.

Quamvis orationes illæ solemnes, & cæremoniæ, quibus circa Baptismum Ecclesia utitur, non sint Sacra-

(*) Hic §. in Formula anni 1559. non legitur.

(y) Primus hujus Tituli IX. articulus in dicta Formula sic incipit: Catholica Ecclesia septem Sacramenta agnoscit, Divinitus instituta, velut apta & parata remedia, per quæ DEO placuit peccatis & infirmitatibus nostris mederi, & diversâ salutaris gratiæ suæ dona, diversâ etiam ratione, nobis largiri. Eadem Sancta & Catholica Ecclesia, quæ sola Sacramentorum thesaurum a Christo accipit &c.

(z) 1. Cor. 11.

(a) Sub finem hujus Tit. apponuntur sequentia: Quin etiam de novo Agenda, eaque communis, edenda erit, quæ circa singula Sacramenta exhortationes germanice compositas contineat, huc accommodas, ut populus, quid agatur, intelligat, & quid de virtute & efficacia uniuscujusque Sacramenti sentire, quid credere debeat, dilucide & breviter erudiat. In præsentia tantummodo Parochi admonendi, quid in dispensatione Sacramentorum observare debeant: Et primum circa Baptismum.

Sacramento essentialia, non possunt tamen absque gravi sacrilegio contemni, nec omitti sine schismate, aut animæ periculo, nisi facultatem eripiat necessitas. Statim enim a tempore Apostolorum cepit consuetudo illa, quam Ecclesia hucusque religiose observavit, ut baptizarentur fideles in aqua, invocatione nominis Christi ad baptizandum benedicta: & prius exorcizarentur, exufflareturque contraria potestas: & signum Crucis fronti baptizandi imprimeretur, auresque ei aperirentur, ad audiendum deinceps verbum Dei: & sal, sapientia significativus, ori injiceretur: & Diabolo per se, vel sponsores suos abrenuntiaret: profitereturque Symbolum Apostolicum, & in pectore, ac scapulis, tanquam novus athleta, inungeretur, cui contra Diabolum pugnaturus, & cordis (quo creditur ad iustitiam) constantia opus est, & corporis robore, ad mandata Dei opere implenda. Ac post immersionem jam Christo incorporatus in vertice ungebatur, induebaturque veste candida; custodiendæ innocentiae signum: atque ita præferebatur ei cereus ardens, tanquam per tenebras mundi in luce ambulaturo. Quibus caeremoniis significatur, quid tota vita exercere, meditari, cogitare, & operibus implere debeant baptizati. Ideo sæpius debent hæc populo exponi, ut professionis suæ, qua Christo initiati sunt, frequenter admoneantur.

Curandum est etiam, ut susceptores, seu sponsores parvulorum, sint provectæ ætatis, in fide probe catechizati, atque instructi, quo non ore tantum, sed & mente ac serio ad interrogata respondere, suum munus intelligere, & parvulos, ubi adoleverint, in fide orthodoxa (si res postulat) instituere possint. Id enim ipsorum, quam pro parvulis baptizandis DEO & Ecclesiæ faciunt, sponso requirit.

De administratione Sacramenti Confirmationis.

TITULUS UNDECIMUS.

EPiscoporum est, ad confirmandos baptizatos, suam Diocesim frequentius circuire, mysterii huius ori-

Tomus VI. Concilior. German.

ginem, & Chrismatis arcanum, si non per se; saltem per Concionatorem idoneum, populo exponere, pro capto tamen parvulorum; ut & ipsi hinc aliquid fructus percipiant.

De Missæ Cæremoniis.

TITULUS DUODECIMUS.

Canon Missæ, quem tot jam sæculis retinuit Ecclesia Dei, nihil continet, quod non sit consonum iis, quæ a tempore Apostolorum apud altaris Sacrificium supplicata, pronuntiata, vel observata sunt; id quod liquet ex antiquorum veteris Ecclesiæ Patrum scriptis, in quibus ipsa Canonis verba alicubi est reperire: ut prorsus sacrilegium sit, eum vel damnare, vel auctoritate privata immutare. Debet idcirco ille, quemadmodum hætenus factum est, in Missa religiose, ac submissa voce (quo mysteriis tam tremendis sua conservetur auctoritas) pronunciari.

Quod ad reliquas Missæ partes attinet, etiam omnes illæ nihil sint aliud, quam aut laudes DEI, aut preces Ecclesiæ, aut lectiones sacræ, & ideo minime negligenter habendæ; tamen si quas novas Collectas, Sequentias, Præfationes, & id genus res, vel indoctas, vel incertis & apocryphis historiis innixas, aut Missæ Sacrificio parum congruentes, recentior ætas invexit; tales omnes tollendas censemus, atque ad probatissimorum codicum fidem restituendas. Debentque Episcopi pro officio suo huic repurgationi, adhibitis ad eam rem viris doctis, dare operam, quo pura, emendata, certa & solida existant omnia, quæ in sacratissimo illo officio dicuntur.

Epistolæ & Evangelia, pro reverentia, quæ eis debetur, semper pronuntientur in Missa lingua latina: Dominicis vero & Festivis diebus in Parochialibus Ecclesiis plebi lingua vernacula exponantur, sive ante Sacrum solemne, sive sub ipso: nec concionis tempore ulla Missa celebretur, qua populus ab auscultatione distrahatur. Sed neque sub Sacro solemni convenit, ut coram populo eodem legantur etiam

C c c c e 2

Missæ

Missæ speciales, quibus hac illuc populus distrahatur, avoceturque, ut nulli Sacro satis intendat. Verum interim non minus curandum est, ne Sacrum illud protrahatur æquo prolixius, generetque potius fastidium auscultantibus, quam devotionem.

Organa nihil lascivum sonent, aut sæculare, sed quod ipsa etiam plebs intelligat religiosum ac pium esse. Et præstiterit, Symbolum totum cani, similiter Præfationem, & Orationem Dominicam, quam partem relinqui organis, sicut magno abusu alicubi consuetum est fieri.

Nec convenit, ut sub elevatione sacræ Hostiæ cantentur antiphonæ, ad hoc Sacrificium non proprie pertinentes, quales alicubi dicuntur de pace, de Beata Virgine, de Sancto Sebastiano, aut alio quopiam Patrono; quæ melius a Sacro peracto cantarentur.

Et fraternæ charitatis redintegratio, & pax nobis a Christo relicta poscit, ut osculum pacis, ubi mos ejus dandi exolevit, in Missis solemnioribus restituatur, sic, ut imaguncula crucifixi Domini, Pacificatoris omnium, ab ore Sacerdotis, pacem populo imprecantis, ad astantes deferatur, quam ordine, in concordia & pacis symbolum, osculentur omnes.

Docendus item est populus frequenter de Missæ mysteriis, ut Missam audiens, vota sua sacrificanti Sacerdoti conjungat, & ad finem usque, donec Benedictionem Sacerdotalem acceperit, perseveret, sæpiusque communicet, si non semper externa sumptione Sacramenti, saltem spiritualiter, desiderio fructus Sacramenti, & unionis cum Christo. Verum interim non minori diligentia monendi sunt, ut qui peccati vinculo retinentur ligati, absque absolutione, & veræ emendationis proposito a mysteriorum illorum Divinorum perceptione abstineant: palam vero criminosi, & qui peccati certissimam occasionem dimittere nolunt, sive Sacerdotes sint, sive laici, omnino a communione arceantur.

Similiter docendus est populus, ut quamvis in Missa pie orent pro spe salutis & incolunitatis suæ, incommodisque temporalibus vitandis; cavendas tamen

esse omnes superstitiones; quales sunt polliceri alicui e certis Missis certam fortunam, securitatem in aggressibus temerariis, aut aliquid hujusmodi.

Tametsi omnis Missa sit officium publicum, & ad totam pertineat Ecclesiam; nemini tamen vetandum est, sua devotione privatim uti, & quod publicum est, celebrare pro Ecclesia non publice: modo cum gravitate omnia exequatur, & orationes ac lectiones sacras clare & diserte pronuntiet, ut possit a circumstantibus audiri, atque intelligi, & habeat (secundum sacrorum Canonum Sanctiones) præsentem, qui Ecclesiæ nomine respondeant, ut verba, quæ dicuntur, congruant etiam rebus ipsis. Curent etiam Episcopi, ut ignoti Sacerdotes, & qui publicis criminibus infames sunt, aut solum quæstum sectantur, ad celebrationem Sacri hujus non admittantur.

Cum jubeant Canones Ecclesiastici, vitalem Hostiam servari, ut semper habeatur parata pro infirmis, quibus viatico illo opus fuerit; fides & religio nostra prorsus exigit, ut in loco servetur honorato, cum perpetuo lumine, quo adorneamur (b) eò loco præsentem esse illum, qui lucem habitat inaccessibilem, quique tenebras nostras illuminat.

Quando in solemnibus Festivitatibus ad amplificandum cultum Divinum, aut in magnis supplicationibus, ad corda fidelium compungenda, circumferitur Hostia illa salutaris, omnes ludi prophani, & quicquid non valet ad veram devotionem excitandam, removeatur: nec deferatur Sacramentum extra Ecclesiam, nisi graves causæ postulent: & sint, qui digno illud honore, tanquam vere præsentem Christum, prosequantur, atque adorent. Sed & quando ad infirmos deferatur, præferri debet lumen, & campanella, ad dandum fidelibus signum, pulsari.

De Sacramenti Pœnitentiæ administratione.

TITULUS DECIMUS TERTIUS.

INfinitam peccandi licentiam confessionis Sacramentalis neglectum consequi,

(b) In Formula anni 1559.: Quo admoneatur populus.

sequi, piorum omnium vox est, & negari non potest. Quamobrem decernendum, quod & ab Ecclesia salubriter institutum est, & a Patribus diligenter observatum, ut quotquot Christiani nominis sunt homines, saltem in anno semel peccata sua Sacerdoti confiteantur: quod si recusent facere, ab Ecclesia protinus ejiciantur. Etenim ut sæpe confiteantur ii, qui sæpius peccant, propria ipsorum salus efflagitat, eximieque cujusdam pietatis est, peccata statim, ut commissæ sunt, lugere, confiteri, dignaque satisfactione mortificare.

Veteres rigidiori disciplina satisfactionem publicam exigebant: de quo Canones pœnitentiales adhuc extant. Verum ad severas illas publicæ pœnitentiæ leges desperamus (c), fide & charitate admodum languentem populum hoc tempore posse reduci. Ergo quando hoc non datur, consuetudini posterioris ætatis insistendum est, quæ obtinuit, ut confessis pro satisfactione injungerentur orationes, elemosynæ, jejunia, & id genus opera pietatis, quibus scripturæ Divinæ testantur, pœnam peccatis debitam dimitti. Nonnunquam graviores imponuntur, sed occultæ afflictiones, ad satisfaciendum, secundum pœnitentis facultatem, & peccatorum magnitudinem.

Quare prudentes oportet esse Confessores, qui norint distinguere lepram a lepra: & ita de peccatis inquirent, ne scandalizent pusillos: ita satisfactiones injungant, ut sint simul & medicinales, quibus animæ morbus curetur.

Quo vero quam minimum retrahantur homines a confessione, videtur nobis hoc tempore profecto expedire; ut confiteri volentes non ad usum solum eogantur: sed ut pluribus (idoneis tamen) Sacerdotibus, fiat absolvendi potestas, etiam in casibus reservatis, quos adire sit omnibus liberum, idque pro arbitrio Episcopi, & Ordinarii loci. (d)

De Unctionis extremæ administratione.

TITULUS DECIMUS QUARTUS.

PRO more, quem hætenus tota servavit Ecclesia, Sacramentum unctionis supremæ fidelibus impartendum est cum litanis & orationibus, huic negotio congruentibus, quales sunt illæ, quas a Majoribus acceptas, tota Ecclesia servat: Studebitque Sacerdos, infirmum consolari, atque a curis & desideriis transeuntis hujus vitæ ad spem salutis æternæ erigere: Diabolum & terrores ejus non formidare: in Christi misericordiam, qui novit figmentum nostrum, & tulit iniquitates nostras, pro quibus & mortem sustinuit, tota mente sperare ac fidere, atque ita confirmatum, cum benedictione Christo commendare. Nec abs re fuerit, ut rediens Sacerdos habeat oratiunculam ad comitantem multitudinem, qua infirmitatis humanæ admoneantur, & ut pro laborante in extremis studeant ferventius orare.

De Sacramenti Matrimonii administratione.

TITULUS DECIMUS QUINTUS.

QUI matrimonio jungi affectant, debent doceri, ut sciant, qua religione & fide nubatur in Christo, & clandestina illa, quæ carnaliter, incitante sola venere, præter Ecclesiæ Christi ritum contrahuntur, non esse religiosa, & Christianis digna matrimonia: & quamvis illa (ubi contrahentes fuerint personæ legitimæ) sint rata, veraque matrimonia; non tamen ob id esse Deo grata; utpote gratia Sacramentali destituta: donec vitium suum emendent, & Ecclesiæ legibus subdantur. Ideo jungendi matrimonio admoneri debent, ut parentum & amicorum utantur consilio, exemploque Tobiae, jejuniis & orationibus se se præparent, ac commendent gratiæ Dei, qua quod reliquum est vitæ, deinceps peragendum erit. Neque enim

Ccc cc 3

possunt

(c) In ead. Formula: desperatur.

(d) In dicta Formula additur: Illi vero, qui audiendis Confessionibus præficiuntur, sint viri integri, eruditi, silentii tenaces, non ad quæstum intenti, in explorando non plus æquo curiosi, non leves, non ebriosi, vel quovis alio vitio notabiles.

possunt filii Sanctorum (ut in sacris dicitur) ita conjungi, sicut gentes, quæ ignorant Deum.

Nec debet Sacerdos Sacramento huic alicubi, (e) quam in Ecclesia (quæ est proprius Sacramentorum locus) benedicere; nec admittere, seu conjungere quoslibet sibi oblatos, nisi quos post proclamationes, ut minimum tres, tribus diebus festis sibi succedentibus, ad populum in concione publice factas, cognoverit nullis impedimentis irriteritos, quosque examine facto, exploratum habeat, non cogi ad hanc copulam invitos a parentibus vel cognatis, sed animo eam libero appetere.

De Cæremoniis Ecclesiasticis.

TITULUS DECIMUS SEXTUS.

Cum cæremoniæ sint pietatis incitamenta quædam & alimenta, quibus subiacet ipsa quoque frigeat, languescat, atque emoriatur pietas, nulla unquam Religio absque cæremoniis potuit constare. Idcirco cæremonias, Majoribus nostris (f) hominibus religiosissimis usitatas, retinendas, revocandasque censemus (g). Non quidem propter speciem operum, aut signorum externorum vim & meritum; sed quod ad varios pietatis usus valeant: Nec item, quod in ipsis fiducia salutis sit locanda; sed quia exercitia quædam sunt, quibus corpus simul cum mente ad Deum, seu cultum ejus attrahatur.

Sic secundum doctrinam Apostolicam orant viri nudato, feminae velato capite, & genua in terram figimus, (h) corpus cum spiritu humiliantes; (i) & tundimus pectus, quod malefactorum conscientia dolere debebat, & conteri.

Sic in terroribus ac periculis, inclamato nomine Christi, signamus (k) nos signo Crucis, qua Diabolo in nos potestas imminuta, ademptaque est. Item (l) ituri dormitum propter timores nocturnos facimus, & mane quoque surgentes, quo tota die a malis protegamur hoc signo muniti. Quin, Tertulliano (m) teste, antiqui Christiani olim, sive vestes induerent, sive deponerent, sive domo prodirent, sive aliud quid agerent, aut inceptarent, ad singulas actiones consignarunt se Cruce. Non potest enim negligere pietas vera Christi signum, aut a cogitatione ejus, quæ signo illo renovatur, esse otiosa. Sic cibum & potum sumebant, benedictione præcedente, memores illius Apostolici: *Sanctificatur* (n) *per verbum Dei, & orationem.*

Hinc & aqua, & sal, & herbæ, & agnus (o) Paschalis, & fructus novi, aliæque humanis usibus necessaria (de quibus ad Adam, in quo peccavimus omnes, dictum est: *Maledicta* (p) *terra in opere tuo*) benedicuntur & sacrantur in nomine Christi, per orationem, qua petit Ecclesiæ minister Sacerdos, ut Deus illa ipsa ad sanctificationem, & salutis nostræ profectum, potentia & bonitate sua, contra adversarias potestates, incantationes, magias, fraudes & machinationes inimici, qui nocere hominibus non desistit, nobis concedat valere. Et valent utique fidelibus, ob Benedictionem Sacerdotalem, per verbum Dei & orationem, quæ alioqui nullam adversus spirituales nequicias, & potestates invisibiles, in se ipsis virtutem habebant. Atque hinc adeo, cum aspergimur (q) aqua benedicta, oramus mente & habitu, ut a peccatis amplius lavemur: cum salem sumimus exorcizatum, ut vitam nobis & sermonem omnem

(e) al. alibi.

(f) In Formula anni 1559. sic legitur: præcis hominibus, pia eruditione, & erudita pietate insignibus; Catholicæ fidei, & aviræ Religionis Christianæ observantissimis usitatas, &c.

(g) Ibid. censetur.

(h) Ibid. figuntur.

(i) humiliando, & tundendo pectus.

(k) signatur quis.

(l) Ibid. Idem, cum itur dormitum, propter timores nocturnos sit: & mane quoque surgendo, quo tota die a malis protegetur, hoc signo munitus.

(m) Tertull. de corona militis, & in Apologet. contra Gentes.

(n) 1. Timoth. 4.

(o) In Form. anni 1559.: Ignis Paschalis.

(p) Genes. 3.

(q) In ead. Formula: cum aspergitur quis aqua benedicta, oratur mente & habitu; ut a peccatis amplius lavetur: Cum sal sumitur exorcizatus, ut vitam & sermonem omnem &c.

omnem concedat Deus habere fide conditum.

Cereos (r) autem accendimus, in gloriam illius, qui lucem inhabitat inaccessibilem, & illuminat omnem hominem venientem in hunc mundum. Sed & sanctos (s) luminibus veneramur, quos vivere cum Christo in gloria & in regione lucis (t) prædicamus. At in fide defunctis cæteris, lucem ad sepulturam (u) præferimus, orantes, ut lux perpetua luceat eis.

Thura incendimus (x) significatio- ne, quod oportet orationes & desideria (y) nostra sursum ad Deum, cum odore bonorum operum, ascendere.

Processionum, alias lætas ducimus (z) in modum cœlestis cujusdam exercitus ordine compositas, de Christi gloria & triumpho exultantes & canentes: (qua de causa Crucis signum & vexilla in aera sustollimus, ad significandum aeræ potestatis expugnationem) alias agimus tristes & solliciti in tribulatione, quam peregrini hoc exilium peragrantes patimur, veniam peccatorum, & misericordiam pro vindicta supplicantes.

Consecramus item Ecclesias, altaria, calices, pallas, vestes Sacerdotales, campanas, aliasque Ecclesiæ vasa, quæ usibus eximuntur civilibus seu prophanis, & ministerio tantum Sacramentorum Christi aptantur ac mancipantur: ut sciamus, in Ecclesia non nisi sacris & Divinis rebus vacandum, gratia Dei illic, ceu Numine quodam, præsentem: Campanis vero ab operibus & negotiis sæcularibus, nos ad orationem, laudes Dei, & sacra Mysteria invitari: cogitemusque (a) e tanto vasorum apparatu; & tot consecrationibus, quanta reverentia Sacrificium Cor-

poris & Sanguinis Christi a rebus prophanis sit secernendum & dijudicandum.

De quibus omnibus debet populus sedulo ac frequenter doceri, ne cætemonias religiose institutas, in abusum aut superstitionem vertant (b), sed ad pietatem exercendam ipsis utantur. Utque processiones, rebus sæcularibus ac vanis præcisis, sint graves, ordinatæ, honestæ, ac Christiana Religione dignæ: Reprobi vero, & quibus studia ista pietatis vilescunt, redarguantur.

De Disciplina Cleri & populi. (c)

TITULUS DECIMUS SEPTIMUS.

(d) **D**isciplinæ jam pars bona tradita est in descriptione officiorum. Etenim ut suum quisque præstet officium, præcipua est disciplinæ regula. Hoc tantum restat, ut vitia quædam publica, quæ emendationem, Concilii definitione non expectata, requirunt, rerexamus.

Contra ordinem & dignitatem Cleri comprimis sunt luxus & avaritia, quas res etiam plebs execratione dignas in Clero ducit. Debet igitur Clerus a luxu prophano, fastuoso, carnali, prorsus esse alienus: & primum servare decorum in habitu & incessu. Sit habitus honestus & simplex, non limbis, aut scissuris compositus, mundus tamen. Superior vestis sit talaris: nec incedant Clerici cum multi famulatii strepitu, aut gladiis accincti terribiles, sed venerabiles, qui aliter se contemptibiles reddunt.

Mensa quoque sit frugalis, nec lauta nimium, nec sumptuosa. Pompofus vero

(r) Cerei autem accenduntur.

(s) Sed & Sancti luminibus honorantur.

(t) prædicatur.

(u) præfertur, orando, ut lux &c.

(x) incenduntur.

(y) pro voce: nostra, piorum.

(z) aliæ læte ducuntur.

Sic & cætera, quæ sequuntur, cum in anteriore Formula anni 1548. per verba activa fuerint expressa; in Formula posteriore anni 1559. proferuntur passiva, omittis personis, quibus verba respondeant.

(a) pro cogitemusque ponitur: cogitando.

(b) vertat . . . utatur.

(c) Et populi non additur.

(d) In primo hujus Tituli articulo hæc præmittuntur: Quamvis Divinorum Mysteriorum Virtus a qualitate Ministri non dependeat; tamen si ve malitia, si ve infirmitate humani judicii sit, ut ex vilitate Ministri plerumque in animis hominum, etiam ipsa Divina Mysteria vilescant. Ideoque gravi cura advigilandum est, ut ministerii sanctitati ipsa etiam Ministrorum vita respondeat. Porro Ecclesiastica disciplina jam pars bona tradita est in descriptione officiorum &c. ut supra.

vero esculentorum apparatus, & exquisita ad luxum delitiæ, longus accubitus, & commestationes frequentes, detestanda ac fugienda: Similiter infamis, & sacris litteris damnata ebrietas, & studium compotandi, atque ad æquales haustus provocandi, cui Propheta Væ imprecatur. *Væ*, inquit, (e) *qui potentes estis ad potandum vinum, & viri fortes, ad miscendam ebrietatem!* Quin sacris Canonibus decretum est, tales ab officio & beneficio suspendere.

Porro quis ferendum putet, ut scortationi indulgeant, & adhæreant concubinis, qui sacrificii & orationis, adquam debent perpetuo esse accincti, causa, conjugio etiam alioqui honesto & licito abstinent? *Qui adhæret, inquit (ee) Apóstolus, meretrici, unum corpus cum ea efficitur. Tollens ergo membra Christi, faciam membra meretricis?* Quibus verbis significat, scortatores a Christo excidere. Tantam ergo indignitatem in Clero, magna poenarum severitate veteres persecuti sunt. Concilium Neocæsariense, Nicæno antiquius, statuit, Presbyterum, qui uxorem duceret, ab ordine deponendum: Si fornicaretur autem, vel adulterium committeret, etiam extra Ecclesiam abjiciendum, & ad poenitentiam, inter laicos agendam, redigi debere. Ut autem non ferant hæc sæcula tantam severitatem, & sit mitius agendum, Sacerdos, Diaconus, & Subdiaconus, fornicationis, adulterii, aut suspectæ familiaritatis convictus, remota protinus concubina, primum non poena pecuniaria, sed suspensione ab officio & beneficio secundum scandalum gravitatem plectendus est. Qui

si facinus non emendet, & iterum convincatur; plectatur severius. Ubi vero apparuerit, eum effrenem & incorrigibilem factum, & nec pudore infamiæ retineri, nec poenis abarceri a scelere; in modum equi & muli, quibus non est intellectus, beneficio secundum Canones prorsus privetur. Sed & concubinas, quæ posthac cum Clericis cohabitare sibi permiserint, per excommunicationem ab Ecclesia, & cœtu fidelium expellere (f) oportet.

Et ne (g) tantum dedecus Clericalem dignitatem amplius dehonestet, revocandi omnino sunt in usum Canones antiqui. Concilium Nicænum non permittit Episcopis, Sacerdotibus, Diaconis, aut Subdiaconis, habere domi subintroductam, seu extraneam foeminam, nisi forte aut matrem, aut sororem, amatam, aut tales, quæ fugiant suspicionem. Concilium Carthaginense tertium, cui Augustinus interfuit, extendit hunc Canonem etiam ad fratrum, vel sororum filias. Sic & Canon a Siricio latus, nullas foeminas Clericis permittit cohabitare, nisi sanguinis necessitudine Clerico junctas. Verum suspicionem non fugiunt juvenculæ, formosæ, lascivæ, cultæ, procaces, imperiosæ, otiosæ, impudentes, curiosæ. Si admittitur ergo, quæ suspicionem fugiat; anosa, quæ annum quadragesimum superaverit, statæ formæ, verecunda, sobria, pudica, inculta, laboriosa, severa, & quæ testimonio publico casta est, vidua, vel virgo senex, in ministerium domesticum assumi potest, & ne cum tali quidem familiaritas nimia est habenda. (h)

Da

(e) Esa. 5.

(ee) 1. Cor. 6.

(f) Additur: & si opus fuerit, etiam brachium sæculare in hanc rem implorare oportet.

(g) Initio hujus articuli hæc præmittuntur: Et ne hi, qui hæcenus majorum salutaribus monitis, & super hac re editis Statutis in dimittendis concubinis ægrius paruerunt, in posterum curæ domesticæ, & rei familiaris administrandæ necessitatem (qua se hæcenus tutati sunt) prætexere possint, ratio ineunda erit; ne Clericis ministeria mulierum suspecta, sint posthac necessaria. Dein sequitur: Et ne tantum dedecus &c.

(h) Additur hic §. Ruralibus tamen Sacerdotibus, & Parochis, qui domesticæ rei curam (forte legendum: cura) sine magno dispendio, ideoque mulierum ministerio ægre carere possunt, mulieres in famulatio permittendæ sunt tales, quæ, ut dictum est, aut per ætatem, aut sanguinis propinquitatem, omnem illicitæ consuetudinis, aut incontinentiæ suspicionem excludant. Porro, si qui usque adeo pertinaces, intratables, ac incorrigibiles reperti fuerint, ut nullis piis, & honestis monitis parere, ac in ordinem redigi velint, tum in exemplum & terrorem aliorum dimittendi, & ex Diocesi relegandi sunt hi Clerici & Presbyteri. Quos tamen ita dimissos nullus

vel

De Pluralitate Beneficiorum.

TITULUS DECIMUS OCTAVUS.

TOLLenda est etiam ex Clero omnis Simonia & ambitio. Ac quia sine gravi Ecclesiarum detrimento accidere non solet, ut aliquis plura, quam unum (maxime si curata sint) Beneficia occupet: Solus enim per omnes Ecclesias, si munere suo recte ac diligenter fungi velit, nec officium persolvere, nec rebus earum necessariam curam impendere valet; curandum est, ne quis plures, quam unam, Metropolitanas, aut Cathedrales Ecclesias teneat, & ne Clerici singuli in posterum plura, quam unum, Beneficia acquirant, atque obtineant.

Sed quia tenuitas Beneficiorum facit, ut, cum eorum singula multis in locis possessores suos alere atque sustentare nequeant, causam arripiant, cur plura Beneficia coacervent atque possideant: Archi-Episcopi, aut certe Episcopi curent, ut per unionem, aut per aliam quandam viam, Beneficiorum tenuior redditus ita augeatur, ut de singulis Beneficiis singuli possessores satis emolumenti pro munere atque dignitate quisque sua habere possint. Nam (i) ut ambitiosam plurium Beneficiorum cupiditatem, quæ malam omnino speciem habet, ex Ecclesia tollendam censemus; ita vicissim Ministris Ecclesiæ prospiciendum putamus, ut habeant, unde commodè vivere possint: dignus enim est operarius mercedē suā. Qua in re arbitramur eorum Beneficiorum, quibus cura animarum annexa est, comprimis rationem habendam esse.

In qua re hanc sequantur rationem Archi-Episcopi atque Episcopi, ut si census alicujus Ecclesiæ, pro veteri Præbendarum atque Beneficiorum numero, ad justā Ministrorum emolumenta non suffi-

ciat; Beneficia, quæ nullam Ecclesiæ necessariam functionem habent, illis uniantur, aut Præbendæ ac Beneficia ad pauciores numerum redigantur, donec a singulis, possessori cuique justa emolumenta suppetere queant, ut causa non sit, cur unus non uno Beneficio sit contentus.

Res enim ita constituenda est, ut non deferat quisque officium, propter quod datur Beneficium: sed in loco Beneficii sui resideat, ac muneri Ecclesiastico, quod huic annexum est, ipse diligenter incumbat, & cogitet, quanti sit momenti, vigilare pro animabus, & ab eis non discedere, pro quibus aliquando coram tribunali Dei rationem redditurus sit. Intererit igitur, non solum Ecclesiæ, sed etiam possessorum; si plura Beneficia curata non obtineant, ut uno, quod maluerint, eisque ad justā emolumenta sufficiat, retento, cætera intra annum sine ulla pensione resignent. Sed si forte de jure, quod se acquisivisse putant, recedere nolint; imponatur necessitas eisdem, ut dispensationem Sedis Apostolicæ, Ordinario loci exhibeant, ac si legitima fuerit dispensatio, relinquuntur illis Beneficia. Ordinarius tamen loci juxta Constitutionem Gregorii Decimi in Concilio Lugdunensi, quam etiam Tridentina Synodus (ii) innovavit, provideat, etiam per idoneorum Vicariorum deputationem, & congruæ portionis fructuum assignationem, ut cura animarum, Beneficiis illis annexa, non negligatur, nec Beneficia ipsa debitis obsequiis fraudentur. Atque ut hic iis, qui jam possident, & jus habent acquisitum, indulgendum videtur, sub hac tamen cautione, quam Concilium Lugdunense præscribit; ita in acquirendis Beneficiis in posterum coacervatio eorundem atque pluralitas, de qua vetus est querela, eaque non injusta, omni-

vel Archi-Episcopus, vel Episcopus, aut qualiscunque Prælati, vel etiam Parochus suscipere debet, nisi ei de sufficienti Episcopi, aut Prælati sui dimissione, voluntate & consensu probe constiterit, literasque dimissorias, ut vocant, exhibuerit. Id, quod ab aliis quoque, qualescunque tandem sint, fieri convenit: Quas tamen testimoniales literas, dicti Archi-Episcopi, Episcopi, cæterique Ecclesiarum Prælati, & Parochi Clericis & Presbyteris recufare non debent, si honeste vixerint, laudabiliterque se gesserint: ac justis, necessariisque causis moti, susceptam conditionem mutare voluerint.

(i) In Formula posteriore sic legitur: Nam ut ambitiosa &c. cupiditas tollenda est; ita vicissim Ministris Ecclesiæ prospiciendum, ut habeant, unde &c.

(ii) Sess. 7. de Reformat. cap. 5.

Tomus VI. Concilior. German.

omnino debet vitari. Ac ne salubre institutum Curiales turbent, huc ut accedat authoritas Summi Pontificis, quamprimum impetrandum videtur.

Debent etiam, qui incorporatas habent cum decimis & censibus Ecclesias, quas velint retinere, non nisi idoneos, atque a secularibus & sordidis negotiis liberos Sacerdotes eis præficere, quibus de victu & vestitu honesto, & competentia iusta prospiciant. Qua in re, si fuerint negligentes aut avari, Episcopi erit, pro suo officio & removere ineptos, & idoneis de Ecclesiæ illius decimis & iuribus, quantum honestum est, decidere atque assignare, aut reclamantia Collegia, vel Monasteria suo iure, ob negligentie culpam privare. Dignus enim est operarius mercede sua: Et qui Evangelio servit, de Evangelio debet vivere. Incumbit autem Parochis plus, reliquis Canonicis & Sacerdotibus, curæ & laboris. (k)

Species alia cupiditatis est, si questum secularem, aut lucrum turpe sectentur Clerici, & sint usurarii, negotiatores, vel caupones: quæ vitia omnes Canones in Clero damnant. Quin & Scriptura (l) dicit: *Nemo militans Deo, implicat se negotiis secularibus, ut ei placeat, cui se probavit.* Proinde nemo Clericorum amplius recipiat, quam dederit accommodato. Si pecuniam (inquit Concilium Carthaginense) pecuniam; si speciem, speciem eandem, quam dederit, accipiat, nec ultra, aut iustum pro ea pretium. Secus facientes, feneratores sunt, ab officio & Beneficio suspendendi, excommunicandi, & ad Ecclesiasticam sepulturam, secundum Canones, non admittendi.

Nec licet mercaturas Clerico exercere, ut emat, quæ postea vendat: nec item cauponem agere, ut domum suam verat in ænopolium, seu tabernam publicam: nec sortilegiis, Divinationibus, aut etiam venationibus indulgere. Quæ omnia sacris Canonibus severiter prohibita sunt, in Capitulis disciplinæ, in Visitationibus, & quoties deprehenduntur, per Episcopum, Archidiaconos, Decanos, & eorum Officiales, puniendi.

Sacerdotes item Nobilium, & divitum civium servitio, sine Episcopi consensu & authoritate, se non ita mancipient, ut servant in negotiis prophanis, & a cura Sacerdotali alienis.

De Disciplina populi.

TITULUS DECIMUS NONUS.

POpulus præter obedientiam, quam Principibus & Magistratui civili debet, ad eam quoque, quam Episcopis debet, & Ecclesiæ Prælati, sine qua in disciplina contineri non potest, redigendus est. Quin etiam Lex Divina exigit, ut obediant Præpositis suis, quorum est pervigilare, ut reddant rationem de animabus eorum; quo cum gaudio, quod officii sui est, faciant, & non gementes. Debet ergo Populus Clerum, Parochos, & illis superiores ordines venerari, eorum facta non temere iudicare, nec adversus Presbyteros suos contendere, aut duos, vel refractarios se exhibere, sed morigeros & obsequentes. Ad Christum enim, cuius legatione funguntur, pertinet eorum tam contemptus, quam honor.

Diebus Dominicis & Festis conveniat populus ad Divina, quæ in Ecclesia celebrantur: Concionem sub silentio audiat, & memoriæ commendat, nec strepitu, aut deambulatione, vel Concionatorem, vel auscultantes perturbet. Patres aut matres familias audita illic secum domum perferant, secundum quæ liberos & familiam instruant ad pietatem. Doceant eos Deum, qui inspector est omnium actionum nostrarum, time-re, eique salutem suam quotidie commendare: memoria retinere, & frequenter recitare Symbolum Apostolicum, orationem Dominicam, Salutationem Angelicam, præcepta Decalogi, & quidquid ad virtutem, bonosque mores pertinet: frequenter interesse Divinis, verbum Dei attente audire, orare, Clerum & Magistratum honorare, erga omnes modestos & placidos se gerere: malam societatem fugere, horrere a blasphemis

(k) *Ibid. additur*: quorum munus in prædicatione Verbi, & administratione Sacramentorum potissimum consistit, & alios omnes & utilitate, & necessitate antecedit.

(l) 2. *Timoth.* 2.

miis, juramentis & execrationibus: non contendere, litigare, aut inolescere, nemini injuriam irrogare: senioribus cedere, increpationes æquanimiter ferre, vera loqui, mendacia detestari;

Ceremonias quoque pietatis Christianæ, quales supra descripsimus, & instituta Ecclesiastica de jejuniis & abstinentia carni, de feriis, de processionibus, & id genus ritibus, populus religiose ac pie observet.

Libri contagiosi, de falsa religione suspecti, & qui Lucianico more, cum Deo, cum Sanctis, cum Religione & sacris jocantur, trahuntque ea in ludicra spectacula, populo curioso prohibendi: neque enim ad pietatem, & bonos mores faciunt. Similiter petulantes & obscenæ imagines, libidinum incitamenta cum multa foeditate ostendentes, vel ad ludibrium religionis, aut ad certorum hominum infamiam effigiatæ, prohibeantur. Legat autem populus libros sacros, sanctos Doctores, vitas Sanctorum, historias præclarorum & fortium virorum, & tales spectet imagines, quibus ad pietatem, virtutem, studia honesta, religionis & Reipublicæ amorem accendatur.

Abstineatur ab ebrietate & compositionibus, quibus & naturæ vires enervantur, & malis ingentibus sæpe datur occasio. Nec pateant ænopolia & tabernæ diebus Festis ante Sacrum in Ecclesia peractum, nisi peregrinis & infirmis. In transgressores Magistratus animadvertat. Animadvertat quoque in seductores populi, qui nova dogmata ab Ecclesia non recepta, non verentur spargere: in sacrilegos, in perjuros, blasphemos, usurarios, adulteros, & crimina publica, quibus corrumpitur juventus, imo omnis ætas, & propter quæ Deus respublicas sæpe magnis cladibus afficit.

Principes sæculares, & Magistratus civiles, non patrocinentur eis, qui in Clero & populo reformari detrectant, sed Episcopis & Prælati Ecclesiæ sint auxilio, eorumque decreta fideliter exequantur & ordinem præscriptum cogant observare. Jurisdictionem quoque & libertatem ac immunitatem Ecclesiasticam, Imperatorum legibus, & sacris Canonibus,

Episcopis & Clero tributam ac firmatam, tueantur, ipsisque conservent. At hi, qui Prælatos, Ecclesias, eorumque bona in fidem, tutelam ac protectionem suam recipere, & contra fidem datam, præfectura seu protectione sua abusi, Ecclesiis, quas tueri debebant, gravia & iniqua onera ausi fuerant imponere, æquum est, ut præfectura, seu tutela, per Cæsareæ Majestatis Commissarios amoveantur: eis autem, qui abusi non sunt, limites & jus præscribantur: ut aperte constet, quid alteri alteris invicem debeant.

De Visitatione.

TITULUS VIGESIMUS.

UT visitent Episcopi suas Diœceses; non nupera est inventio, aut a Patribus primum introducta; sed hic mos ab Apostolis descendit. In Actis (m) scribit Lucas, Paulum circumambulasse regiones, in quibus prædicaverat verbum Dei; ut videret, quomodo haberent se fratres, & ut confirmaret eos in fide, traditionesque Apostolorum & Seniorum eis præciperet custodiendas: quæ fere omnia sunt, quæ ad visitationem pertinent.

Debet itaque Episcopus, si non juxta Toletani Concilii Decretum, quot annis propter latitudinem Provinciæ, saltem quarto, aut quinto quoque anno, totam Diœcesim suam, per se, vel per suum in Pontificalibus Vicarium circumire ac visitare, & inter visitandum pueros baptizatos Confirmationis Sacramento signare, Archidiacones vero, seu Chorepiscopi & Decani rurales, territorii, seu regiunculæ suæ Ecclesias singulis quibusque annis visitare debent. Ad hoc enim negotium in partem sollicitudinis Episcopalis vocati sunt.

A Visitatione Episcopali nulla Ecclesia sit exempta: sed a Cathedrali ad Collegia, a Collegiis ad Monasteria (nisi proprium habeant Visitatorem) a Monasteriis ad Ecclesias Parochiales, ab his ad Oratoria, Hospitalia, Scholas & Bibliothecas transeat. In quibus præcipua sit cura Episcopo, ut primum Cleri vitia, dein-

(m) Act. 15. & 16.

Tomus VI. Concilior. German.

deinde populi eradicet; ne qua radix amaritudinis sursum crescat, per quam inquinentur multi. Siquidem neglecta visitatione, Religio omnis corruiat, & robur acquirit impietas.

In locis visitandis deligantur imprimis viri probi, boni nominis, & fide digni quatuor, quinque, aut plures, secundum Cleri & plebis, subjectorumque pagorum multitudinem: quibus conversatio Cleri & populi, fama quoque vulgaris sit nota: qui & obstringantur juramento, ad dicendum libere, auctoriter & secure, ira, odio, amore & affectibus pravis remotis, ea, de quibus est Visitator pro emendatione & correctione malorum percontaturus. At leves delatores, nisi probent, quæ deferunt, non audiantur.

Procedendum autem in inquisitione a capitibus ad membra inferiora, a Decanis ad Canonicos, Vicarios, & Ministros infimos: ab Abbatibus ad Procuratores & Monachos: a Parochis ad Sacerdotes, Ædificos & Ostiarios, deinde ad Laicos reliquos. Inquirendumque in Collegiis & Monasteriis, utrum Canones & Regulæ observentur: utrum fervetur frequenter Capitulum disciplinæ, & qua severitate: an corrigantur illic vitia quotidie subnascentia: an reverenter & debite fervetur cultus Divinus: an satisfaciant majores & minores suo quisque officio, secundum ea, quæ supra exposita sunt: an sint ulli concubinarij, adulteri, ebriosi, criminosi, infames, aut suspecti de hæresi, vel aliis malis. Externa, qualis est habitus & tonsura: ædificiorumque, & Bibliothecæ status inspicere debent: de prædiorum, censuum, & jurium conservatione inquirendum. Sed specialiter in Parochiis, num intrusus sit Parochus, & quo titulo regat: an constet de ordinatione: utrum sit mercenarius: an recte administret Sacramenta: an extorqueat pecunias pro administratione: Item de doctrina, de honestate vitæ, & familiæ ejus, & an boni Parochi munere in omnibus perfungatur. Sic de Ædilibus, de Sacristis, seu Custodibus, num ornamenta, vestes, sacræ Reliquiæ, vasa aurea, & argentea, ædificia, census, prædia bene conserventur. Diligentissime vero investi-

gandum, num deliteat in Parochia hæreticus, aut schismaticus ullus: num hæresis aliqua occultis conventiculis diffeminetur: an sint, qui curiosius de fidei mysteriis disputent, & simplicibus injiciant scrupulos: Item de observantia jejuniorum, processionum, dierum festorum, & rituum Ecclesiasticorum: de superstitionibus, maleficiis, blasphemis, perjuriis, adulteriis, stupris, incestibus, odiis, dissidiis, rebellionibus & contemptu Ecclesiasticæ & Civilis Potestatis, & iis criminibus, quibus locus, qui visitatur, solet difamari.

Inquisitione facta, quæ rectè se habent, laudabit: quæ male, castigabit, & corrigeat. Intrusos Parochos, vagos Sacerdotes, quibus nulla certa functio est, & Monachos fugitivos, extrudet, atque ejiciet. Quæ per ipsum emendari nequeunt, referet ad Synodum Episcopalem, ut illic de hujusmodi rebus secundum Canones Ecclesiasticos statuatur.

In castigatione tamen sit prudens & circumspèctus Visitator, ne occulta prodant: sed quæ occulta sunt, clam etiam & occulte puniat, & sanare curret: manifesta vero publice arguat, vocatisque, secundum Lateranensis Concilii Sanctiones, accusatis, non primum multam ab eis exigit, ut hætenus, pecuniariam, sed poenitentiam Canonice, & publicam, quantum ejus fieri potest, imponat: sic videlicet, ut peccatum humiliter agnoscantibus, veniamque petentibus, & pollicentibus emendationem, poenitentiam salutarem, in ædificationem aliorum, ad certum tempus, pro magnitudine delicti, imponat. Contumaces vero, & manifesta sua crimina agnoscere, & poenitentiam suscipere recusantes, si Clerici sint, a ministerio & beneficio eos removeat, aut etiam pro criminis magnitudine excommunicet: Laicos extra communionem Sacramentorum & consortium hominum locet, ab omnibus vitandos, donec ad cor revertantur, & crimina sua agnoscant, poenitentiam remedia suscipiant.

Postea, Visitator omnes in universum moneat, ut non solum, qui publice peccarunt: sed etiam, quorum conscientia

scientiæ occulto peccatorum reatu tenentur obstrictæ, ipsi, aut eis, quos in comitatu socios & cooperatores habet, privatim confiteantur, ut potestate a Deo Episcopis data, absolvi a vinculis suis mereantur, & secretius poenitentia salutari imposita satisfacere.

Ad hanc formam visitent quoque, & inquirent, ac poenitentiam injungant Archidiaconi & Decani rurales in suis regiunculis. Graviora vero, & quæ per ipsos emendari nequeunt, referant, uti supra dictum est, ad Episcopum & Synodum Episcopalem, publico judicio submittenda: eorum enim visitationes parvæ quædam & particulares sunt Synodi, Synodo majori subjectæ, & secundum ejus judicium dirigendæ.

De Synodis.

TITULUS VIGESIMUS PRIMUS.

Salus Ecclesiæ, terror hostium ejus, & fidei Catholicæ stabilimentum sunt Synodi, in quibus potissimum eminet Episcopalis apicis autoritas. Quapropter Apostoli, & post Apostolos magna illa Concilia, Chalcedonense & Lateranense, statuerunt, ut Episcoporum Comprovincialium Synodus quotannis bis celebraretur. Quod cum in Germaniis, propter Provinciarum latitudinem, fieri, sit difficile: saltem Diocesanam Synodum bis quotannis celebrare est necesse, in qua Archidiaconis, Abbatibus, Prælatibus, Decanis, Presbyteris, Parochis, & Clero suo Episcopus, Synodi caput, præsideat, quem a Synodo abesse non licet, nisi insuperabilis impotentia adimat ei facultatem. Concilium vero Provinciale, statuerunt Patres Concilii Basilienfis, ad minus de triennio in triennium debere celebrari.

Primo Synodi die, præsentibus, qui ei intererunt, invocetur Spiritus Sanctus. Deinde Episcopus, aut alius quispiam, cui ille hoc negotii imposuerit, adhortetur omnes ad promovendum studium pietatis, & Ecclesiasticam disciplinam, ac correctionem vitiorum emergentium. Post exhortationem legantur novissimi Concilii Ge-

neralis, vel Provincialis, nondum publicata decreta.

Deinde ejectis, ad publicationem Synodi usque, Laicis & Clericis minorum ordinum, & eis, qui ad secreta Synodi consilia non pertinent, intromissis illis tantum, qui in confestum Synodalem recipiuntur, & Sacerdotibus ac dignioribus e Clero, causam Episcopus exponat, aut alteri exponendam imponat, ob quam Synodus sit coacta, jubeatque singulos per Juramentum, Notariis, qui omnia excipiant, assidentibus, proferre in medium, Ecclesiarum suarum, Prælatorum quoque & populi, sive præsentium, sive absentium, vitia gravia, quæ a Synodo corrigantur, absque ullo personæ respectu: Si sit Pastor aliquis non legitimus, aut per vim intrusus: si negligens officii & incorrigibilis: si in Clero quis Simoniacus: si hæreses suppululent: si in officia Divina irreperant abusus: si Prælatibus, aut Parocho bene præsidenti rebelles sint inferiores: si ulli male præsideant: si per tyrannidem potentiorum, aut Judicia injusta opprimatur Ecclesia, populus, yidua, vel orphanus: si sacrilegia committantur: si violentur Ecclesiæ jura: si usurarii sint in Clero, vel populo, si incestuosi: si enormia crimina admittantur, a quibus nolint desistere, aut agere poenitentiam.

Audiantur quoque appellationes eorum, qui ad Synodum provocarunt, & absentium legantur epistolæ: Denique & Laicis fiat potestas, suas querelas, modo res Ecclesiasticas concernant, aut ad judicium Synodi pertineant, proponendi in scriptis, aut per Sacerdotem, aut Advocatum aliquem: aut si viri sunt digni, intromitti possunt, & audiri præsentibus, non una tantum sessione, aut die uno, sed duobus, tribus, quatuorve, aut quinque, donec fuerit Synodus de causis sufficienter informata.

Perceptis vitiiis & querelis, consultandum inter Synodales communiter & privatim, qua ratione arbitrentur, audita incommoda emendari posse, & tolli. Ad quæ consilia etiam Theologi & Jurisperiti, si res postular, adhibeantur: & nemo discedat, donec cau-

æ omnes finiantur, dimittanturque Synodus.

Ubi de executione eorum, quæ Synodi pars potior probabit, fuerit constitutum; pulsatis campanis ad publicationem admittantur omnes, renoventurque Canones, ad correctionem vitiorum, de quibus tractatum fuit, & eorum extirpationem valentes, aut etiam novi pro disciplinæ Ecclesiasticæ, ac pietatis restitutione condantur. Si quid non finiatur, rejiciatur ad Synodum Provinciale, illic discutiendum & definiendum: rogeturque Metropolitani, ut quamprimum fieri conveniet, Concilium Provinciale indicat.

Peractis omnibus cantetur: *Te Deum laudamus*, dimittanturque Clerus & populus cum Benedictione Episcopali.

De Excommunicatione.

TITULUS VIGESIMUS SECUNDUS.

Cum excommunicandi potestas in hoc a Christo Ecclesiæ tradita sit, ut impii, scelerati, contumaces, rebelles & incorrigibiles, ab Ecclesia, a Sacramentis & communione fidelium pellantur, tradanturque Sathanæ in in-

teritum carnis, donec suffusi pudore resipiscant, & abnegata impietate, digna penitentia pro flagitiis suis Ecclesiæ satisfaciant, ejusque se judicio submittant; summopere Christianis veris metuenda est, nec leviter in aliquem stringenda.

Cavebit ergo Judex, ne ob alias causas, quam criminales, easque valde graves ac letales, magno cum judicio, Divinam hanc censuram, qua nulla est major in Ecclesia, proferat in eos, qui aliter corrigi non possunt: sic tamen, ut feriendo magis sanet, quam ut prorsus interimat, atque ut spiritus salvetur in die Domini. In causis vero mere Civilibus, Juris Civilis dispositiones observentur.

Excommunicati secundum Sacros Canones & Scripturas, sub gravis reatus incursum, ab omnibus vitari debent, & a nemine recipi in consortium, vel familiaritatem: nec ante ad Sacramenta & communionem fidelium admitti, aut absolvi; quam penitentia ducti, veniam supplices postulent, spondeantque emendationem, & non modo Ecclesiæ digna penitentia pro perpetratis sceleribus, secundum Sacerdotis judicium, satisfaciant, verum etiam illis, quibus injuriam intulere. (u)

F I N I S.

(u) In Formula, anno 1559. recusa, hæc sequitur conclusio: Potest quidem Ecclesiasticæ hujus Reformationis Formula, brevis ac succincta, ad depravatos utriusque Reipubl. hominum mores, Introductio quædam æstimari; Sed pius, ac Catholicus Lector paulo altius ea memoria repetat, quæ post promulgationem, approbationem, & acceptationem ejusdem, anno abhinc undecimo factam, Archi-Episcopi, & Sacri Rom. Imp. Electores, aliique insignes, avitæ, ac veræ Religionis vindices Præsules, salubre hoc Institutum promovendi, ac provehendi studio, non absque magna & accurata diligentia in lucem eodem anno ediderunt: ut sunt eorum, quorum jam facta est mentio, Antistitum Constitutiones, & Decreta Provincialia, illisque adjunctæ Institutiones, ad veram & Catholicam Fidem colendam, propagandam, & retinendam, non tam utiles, quam necessariæ. (*) Ea quidem omnia, & quæcunque alia Christianæ Reipubl. quocunque modo profutura fuerint, huic Formulæ adjungenda esse, sibi persuadeat. Nam in hoc upo elaborabunt rerum Ecclesiasticarum gubernaculis admoti Præsides, ne quicquam in suscepto negotio, feliciter conficiendo, desiderari queat: quin potius omnia ad laudem & gloriam DEI Omnipotentis, ad Ecclesiæ & Catholicæ Religionis conservationem, Ecclesiasticique Ordinis, & Status repurgationem, Divina favente Clementia, sancte, pie, & decenter peragantur, & conficiantur. Ad quod quidem præstandum, & observandum Archi-Episcopi, cæterique Præsules & Ecclesiarum Præ-

(*) Constitutiones hæc & Decreta vide supra in hoc Tomo in Conciliis Provincialibus Moguntino, Trevirensi, & Coloniensi, aliisque Diocesani, annis 1548. & 1549, tum etiam 1550. celebratis: Institutiones autem Cathæbeticas, Synodis Provincialibus Coloniensi, Moguntina & Trevirensi adjunctas, prætermisimus; tum ne nimium excreset hoc opus; tum, quod licet in Synodis istis promissæ, earundem tamen auctoritate, saltem omnes, confirmatæ non fuerint.

Praelati teneantur & adstricti sint: & dent operam, ut omnia ad effectum deducantur, paratamque executionem consequantur: cum frustra condantur Leges, Canones & Decreta, & omnis generis Statuta, nisi salubris & diligens eorum observatio subsequatur.

Addenda his visa est, quæ posteriori Formulæ hujus Reformationis, anno 1559. præmissa sunt Præfatio, his verbis concepta:

Ad Christianum & Catholicum Lectorem.

EN tibi, Christiane, & Catholice Lector, exhibetur Formula Reformationis Ecclesiasticæ Sacratissimi & Inviictissimi, felicitis recordationis CAROLI, ejus nominis Quinti, Romanorum Imperatoris, &c. nunc denuo in Imperiali Conventu Augustæ Vindelicorum revisa, & adjectionibus quibusdam aucta, cui in hac causa Reformationis trium Provinciarum Moguntinens. Colonienf. & Trevirens. ac quarundam illis subditarum Cathedralium Ecclesiarum Anno MDXLVIII. decretæ, & editæ Provinciales, & Dioecesanæ Constitutiones adjungendæ sunt. Ad quarum omnium normam, statutis & jam diffinitis temporibus, earundem Provinciarum, & Dioecesium Ecclesiæ, Divina juvante Clementia, reformabuntur. In qua re Archi-Episcopi, Episcopi, & reliqui Ecclesiarum Proceres nihil inausum, & intentatum relicturi sunt, quo omnia, quæ ad uniuscujusque muneris functionem, ad Ecclesiæ repurgationem, veteremque Cleri disciplinam revocandam attinent, repurgentur, eodem DEO Opt. Max. favente, & annuente, cui gloria & honor perpetuum in ævum duraturus. Interim vale Christiane & Catholice Lector, & in Domino vera, & Catholica Fide, Religioneque confortare.

Additiones hæc de prompta sunt ex antiquo exemplari, exciso Moguntia typis Francisci Beheim anno 1559. Ipsa vero Synodus Cameracensis, una cum antiquis Statutis, ceterisque adjunctis, descripta est ex Parte I. Statutorum Synodaliū Ecclesiæ Cameracensis, impressa Parisiis anno 1739.

SYNODUS DIOECESANA COLONIENSIS AUTUMNALIS

Eodem anno MDL.

SUB ADOLPHO III. ARCHI-EPISCOPO COLONIENSI, &c.

ACTA ET PUBLICATA IN SACRA SYNODO DIOECESANA COLONIENSI, Feria 5ta post Remigii Episcopi solenniter celebrata Anno M. D. L.

Propositio Commissariorum Reverendissimi D. ADOLPHI,
Archi-Episcopi Colonienfis &c.

CUM Sacra Synodus Dioecesana Autumnalis Agrippinæ Colonie secunda mensis Octobris convenisset, post invocatam suppliciter gratiam Spiritus Sancti, & orationem juxta piam ac doctam, de officio Sacerdotali habitam, ac post nominum recitationem, & præsentium annotationem, Reverendus in Christo Pater, Dominus JOHANNES Cyrenensis Episcopus, Reverendissimi in Christo Patris & Illustrissimi Principis & Domini, Domini ADOL-

PHI, Archi-Episcopi Colonienfis, Principis Electoris &c. in Pontificalibus Vicarius, ceterique ejusdem Domini Archi-Episcopi Commissarii, ad infra scripta specialiter delegati, secundum mandatum ipsis factum, quod & publice Synodo prælectum est, Libellum comminatorium memorati Reverendissimi Domini, Domini nostri Archi-Episcopi, Decreta & Mandata ejusdem in hac Sacra Synodo publicanda & firmanda complectentem, ad ipsos sub Archi-Epi-

Episcopali Sigillo transmissum, confedentibus Abbatibus & Prælatibus, Christianitarumque Decanis, & aliis quam plurimis, tam Ecclesiastici, quam secularis status, frequenti numero adstantibus, sonora & bene perceptibili voce publice prælegi & recitari fecerunt in modum subsequenter.

Reverendissimus in Christo Pater, & Illustrissimus Princeps & Dominus, Dominus ADOLPHUS, Sanctæ Colonienfis Ecclesiæ Archi-Episcopus, Princeps Elektor, Westphaliæ & Angariæ Dux, Legatusque natus &c. Sux Sacræ Synodo jam instanti, cui in præsentiarum ob alia quædam ardua negotia, quæ Celsitudinem suam impeditam tenent, personaliter interesse non potest, suam mentem & sententiam per suos Commissarios in modum subsequenter exponere operæ pretium duxit; ne per suam absentiam, eorum, quæ (si adesse potuisset) præsens egisset, quid desideretur.

Initio non ambigit sua Reverendissima Celsitudo, Sacram Synodum non parum mirari, quod cum jam dudum ipsa in Concilio suo Provinciali anno M.D.XLIX. solenniter celebrato, & deinde in duabus subsequentibus Synodis Dicecesanis, tam pie pollicita sit, se visitationem universalem, juxta Sacrorum Canonum Instituta, per totam suam Dicecesim sine mora adornare, atque eadem, velut unica via, ad hoc accommoda & opportuna, Reformationem Ecclesiarum a Cæsare propositam, & ab Ecclesiasticis Statibus receptam, suæque Decreta Provincialia pro sua virili, adjuvante Domino, executioni debitæ demandare velle: Cumque insuper ea omnia fecisse videatur, quæ ad tanti operis inchoandi præparationem necessaria existimantur, edita etiam visitandi & inquirendi formula, & dato mandato Prælatibus ac Parochis, subditis suis denunciandi Visitacionem jam iam instare, horrandique eos ad Visitatorum adventum præsto esse, & salutari disciplinæ a Deo mandatæ, se reverenter subicere: Quinam ergo fiat, ut ejusmodi Visitatio tam necessaria, & ab omnibus piis hucusque defi-

derata & expectata, suum progressum non habuerit.

Ne igitur sacra Synodus, aut alii quicunque, eam de Reverendissimo opinionem concipiant, quasi fervor ille ac zelus, quo opus Domini jam dudum agere, ac urgere cœpit, paulatim deferbuerit, aut refrigerit: neve Celsitudini suæ a quovis imputetur, quasi minus steterit promissis; Ea de re ad omnem sinistram suspicionem depellendam & eximendam, sua omnino interesse putavit, hanc Sacram Synodum certiores facere, quidnam hæcenus confici & absolvi potuerit, maxime ne hæc qualiscunque mora in calumniam rapiatur, aut scandalum occasionem præbeat iis: qui in suis officiis exequendis segniores inveniuntur.

Nosse ergo Sacra Synodus debet, Reverendissimam Celsitudinem a celebratione Provincialis sui Concilii, huc potissimum cogitationes suas semper & sedulo consulisse, quo tandem modo visitationem promissam maturare & absolvere possit. Hoc autem cogitanti in mentem venisse, id inprimis curandum esse sibi, ne videlicet operam pariter perderet, & impensam, ut sæculares potestates per suam Dicecesim constituti, admoniti de hoc sancto instituto, consensum suum ad ejus peractionem libere adhererent, & quæ se decet, & Cæsar jussit, pro ejusdem executione non gravatè præstarent: Nempe, ut mittendis Visitatoribus suum (ut vocant) salvum conductum darent, & plenam ac securam suas ditiones perambulandi, hujus sacræ functionis explendæ gratia, potestatem facerent: Dein ut Visitatoribus omnem legitimum favorem, auxilium & opem impartirent, & per suos ministros & officarios impartiri juberent, & id curarent, ne quid illis rerum necessariorum comparandarum deesset: Utque demandarent subditis suis, ut se morigeros Visitatoribus exhibeant, & obtemperent: Denique ut Visitatoribus assisterent, in rebellibus, perversis & refractariis, ut se decet, coercendis.

Jam licet Celsitudo ejus Reverendissima id apud omnes illos necdum impetraverit, seu perfecit; ut nihilo
fecius

secius in re benecepta, quo ad ejus in præsentiarum fieri potest, pergat; suis Commissariis in mandatis dedit, ut de his potissimum, quæ in Synodo proxime celebrata salubriter constituta, & communi assensu recepta sunt, pro ulteriori futuræ Visitationis expeditione diligenter inquirant, ac interrogent Prælatos & Christianitatum Decanos: utpote, an quisque pro suo gradu ac munere ejusmodi statutis & decretis, quatenus ea se concernunt, satisfecerit, & suos subditos satisfacere eisdem curaverit, & quantum hac in re apud suos jam promoverit: hoc est, an visitandi formulam sibi commissis, seu suis subditis, ordine prælegerit, & de personarum, rerumque omnium statu diligenter inquisierit: An, quæ compertit contra fidem & bonos mores inventa, fideliter correxerit: An acta in hoc negotio a se, conscripserit: quæ si habet, exhibere jubeatur. An quas corruptelas invenerit: quas sua auctoritate corrigere non potuerit: Et analicubi (quod ipse sciat) hæreat, seu foveatur pseudologus Concionator, vel Pedagogus, seu Ludimagister, de fide & religione suspectus: Et quibusnam libris, religionem contingentibus, tam Ecclesiastici, quam sæculares, qui sub ipsius administratione sunt, utantur: Et sintne, qui ipsi recusarint libros suspectos & hæreticos tradere. An sciat, sub sua gubernatione aliquas Ecclesias Parochiales, legitimis Rectoribus, sive Curatoribus carentes, aut sine Canonica Institutione invasas, aut a Monachis, sine Superiorum suorum licentia, vel quod gravius est, apostatis, seu his, qui publicis flagitiis obruti sunt, occupatas. An principales Rectores apud suas Ecclesias personaliter resideant: Et an hi Vicariis utantur, per Nos, vel Archidiaconos nostros, nec exploratis, nec admissis. An in Collegiis disciplina Capitularis sit restituta, & quatenus: & an in Monasteriis Scholæ sint institutæ. An Sacerdotes vestitu se decenti, & orariis, seu collaris utantur: An sint Presbyteri, qui in anniversariis & exequiis, comotationibus & ebrietatibus adhuc indulgeant. An in Parochiis fastineantur hæretici, vel schismatici, seu publice flagitiosi, qui

in suis sceleribus contabescentes, absque dignæ poenitentiae actione irrumpere nihilominus velint ad participationem sacrorum. An sint in Christianitatum Decanatibus Ecclesiarum Rectores, seu alii Presbyteri, vel in sacris Ordinibus constituti, qui mandato in prima Synodo Reverendissimæ Celsitudinis suæ, de abjiciendis concubinis publicato, nondum paruerint, suæ impuritati adhuc infordescens. Denique explorabunt, an Superioribus diebus per Decanatus Christianitatum, per Laicos auctoritate sæculari visitatio ulla usurpara sit: & qui Laici isti fuerint: quæ mandata prodixerint: & quid ipsis Decanis, & Ecclesiarum Rectoribus injunxerint vel imposuerint: & vicissim, quid facere eos, prohibuerint. Et si quæ sunt alia necessaria, ea omnia exploranda erunt: Et requirendum, ut quisque indicet oppida & pagos sibi vicinos, in quibus scholæ institutæ sunt: utque indicent viros idoneos, ejusmodi oppidis & pagis vicinos, quibus Reverendissimum munus examinandi hosce Ludimagistros & eorum libros deleget.

TERTIO. Cum Reverendissimus in proxima Synodo edictum quoddam publicaverit, in quo sententiam excommunicationis majoris incidisse declaravit eos, qui Parochiales Ecclesias, absque Canonica institutione, detinent occupatas: vel auctoritate Superiorum suorum non admissi, seu enormibus flagitiis irretiti, eas publico cum scandalo administrant; comperiat autem, hætenus eo edicto & mandato parum effectum esse, sed inobedientiam & rebellionem continenter serpere, atque adeo jura sua Episcopalia (quæ Canon *Honorii Tertii*, qui legitur in *Decretalibus Pontificum*, sub Titulo: *De officio Judicis ordinarii, in C. conquirente Oeconomo*, renarrat) passim proculcari, & omnem Ecclesiasticam evanescere disciplinam: idcirco, cum crescente contumacia, crescere debeat & poena, & gravioribus morbis fortiora sint adhibenda pharmaca: Reverendissimus novum edictum, seu mandatum, maturo consilio editum, adversus istos, disciplinæ jurisdictionis suæ Ecclesiasticæ temerarios & perversos

ces contemptotes & proculcatores, in hac sancta Synodo promulgari & publicari mandat, quod sequitur in hæc verba:

MANDATUM NOVUM

*contra Disciplina Jurisdictionis
Ecclesiasticæ temerarios &
pervicaces contemp-
tores.*

ADOLPHUS, DEI GRATIA SANC-
TÆ COLONIENSIS ECCLESIE ARCHI-
EPISCOPUS, SACRI ROMANI IMPERII PER
ITALIAM ARCHI-CANCELLARIUS, PRIN-
CEPS ELECTOR, WESTPHALIE ET AN-
GARIE DUX, APOSTOLICÆQUE SEDIS
LEGATUS NATUS, UNIVERSIS ET SIN-
GULIS NOSTRARUM CIVITATIS ET DICE-
CESEOS COLONIENSIS INCOLIS ET SUB-
JECTIS, TAM ECCLESIASTICI, QUAM
SECULARIS STATUS, CUJUSCUNQUE
ORDINIS VEL CONDITIONIS FUE-
RINT, SALUTEM IN DOMINO
SEMPITERNAM.

Quamquam Divinis legibus, quibus
omnis anima subiecta est ^(a), om-
nisque humana potestas absolu-
tam obedientiam debet, ad Episcopos
& Archidiaconos, quibus clavis jurisdi-
ctionis est commissa, ^(b) pertineat
providere, ne quisquam inexploratus
ad Ecclesiarum ministeria & animarum
curam gerendam admittatur: neve qui
principales Ecclesiarum Rectores dici
volunt, pascendi suorum gregum cu-
ram in Mercenarios vel Vicarios, qui
prius examinati & admissi non sint, re-
legant, juxta illud Apostoli ad Timo-
theum, Ephesiorum Episcopum scri-
bentis: ^(c) Hi probentur primum, &
sic ministrent: Ad hæc, licet eodem
Divino Jure ad solos Ecclesiasticos Ju-
dices spectet, Clericos, cum in cau-
sam, vel ob negotia civilia, vel crimi-
na trahuntur, judicare: quod satis in-
dicat Apostolus, cum eundem suum
Timotheum monet, ^(d) ne adversus

Presbyterum accusationem recipiat, ni-
si coram duobus aut tribus testibus: Ac
eorundem etiam proprium munus sit,
de causis Spiritualibus, seu Ecclesiasti-
cis, quales inter alias sunt, cum de
institutione vel destitutione Clerico-
rum, seu jure præsentandi, instituendi,
conferendi, seu providendi, agi-
tur: Vel super Decimis, aliisque Ec-
clesiasticis rebus, bonis, facultati-
bus, proventibus & obventionibus,
seu testamentis ad pias causas conditis:
Vel cum de conjugiorum nexu & vin-
culis, aut de usuris, aliisque similibus
spiritualibus negotiis disceptatur, cog-
noscere: Id quod satis Caput quintum
Actuum Apostolicorum, & ambæ Pauli-
næ ad Corinthios Epistolæ indicant:
Denique ipsorum muneris sit, de cri-
minibus & flagitiis, quæ Ecclesiam
scandalizant, ex officio inquirere, in-
quisita & cooperta Ecclesiasticis pœnis
coercere, ac inobedientes, refractari-
os, & pœnitentiam recipere recusantes
excommunicare, excommunicationis-
que vim, ad ipsam usque animam per-
tingentem, strenue tueri, sicut Domi-
nus præcepit, ^(e) dicens: Si Ecclesiam
non audierit, sit tibi sicut Ethnicus &
Publicanus: In primis autem (ut A-
postolus Titum suum, Cretensium Epif-
copum ^(f) docet) hæreticos a fideli-
um consortio separare, & Sathanæ tra-
dere, ut discant, non blasphemare:
Conferque ejusmodi Divinas leges,
per Apostolorum Canones, non multo
post a Sancto Clemente conscriptos, fu-
sus explicatas: Ac deinde subsequen-
tium vetustissimorum Conciliorum De-
creta sanxisse, ut hæc in omnibus Eccle-
siis irrefragabiliter observentur: ^(g)
Specialiter vero in Generali Concilio
Lugdunensi constitutum sit, eum, qui
ad regimen Parochialis Ecclesiæ assumi-
tur, quo gregis sibi crediti curam ge-
rere diligentius possit, in ea Ecclesia,
cujus Rector est, residere personaliter
debere, & intra annum, a sibi com-
missi regiminis tempore, Sacerdotio
initiari: alioqui interea non initiatum,
sua Ecclesia, nulla etiam monitione
præmissa, ipso jure privatum fore:

^(b)

^(a) Rom. 13.

^(c) 1. Tim. 3.

^(f) Tit. 3.

^(b) C. 1. c. Ad hoc. & c. Ut nostrum. De offic. Archidiacon.

^(d) 1. Tim. 5.

^(e) C. Licet. De Election. in 6.

^(f) Matth. 18.

(b) Nullum quoque talium Rectorum a continua facienda residentia excusatum esse aliter, quam si, causa rationabili id exposcente, per Superiorem suum, ad hoc potestatem habentem, super ea, sed tamen ad tempus minime longum, canonice sit dispensatum: quando tamen (ut non multo post, Bonifaciana Constitutione sancitum est) (2) Ecclesiam suam non per quoscunque, propria autoritate accersendos, sed per bonos & sufficientes Vicarios, ab eodem suo Superiore exploratos & admissos, a quibus animarum cura diligenter exerceatur, & deserviaturlaudabiliter in Divinis, regere & gubernare debeat: quibus etiam Superioris arbitrio moderanda, ad victum necessaria, congrue suppeditentur, uti hæc fufius in memoratis Canonice continentur institutis: quæ & postea recolendæ memoriæ hujus Sanctæ Sedis Antistites, nostri Prædecessores, per suas Constitutiones Provinciales & Synodales, qua late patet nostra Provincia, firmiter observari mandarunt: inter quos quondam Dominus Vuichboldus (k) & Vualramus (l) Archiepiscopi, non pauca contra eos, qui Ecclesiis Parochialibus Præfecti, ad Sacrum Presbyteratus ordinem promoveri non curant, vel residentiam non faciunt personalem, statuerunt: idemque Vuichboldus expresse sanxerit, (m) quod nullus deinceps Presbyter ad regimen & curam animarum loco Coadjutoris, vel Vicarii, aut socii, per Ecclesiarum, vel Capellarum, vel Altarium Rectores assumatur, absque literis testimonialibus proprii sui Episcopi, profitentis, talem rite secundum claves Ecclesiæ ordinatum esse, & executionem sui officii habere: decernens, omnes, qui contra fecerint, excommunicationis sententiæ subiacere: & quod ad Jurisdictionem Ecclesiasticam attinet, constet, bonæ memoriæ Engelbertum Ar-

chiepiscopum, in suo Provinciali Concilio (n), memoratis Juris Divini & humani Regulis insistentem, districtè prohibuisse, ne Clerici, vel Religiosi, quamvis ob causam ad Judicia secularia trahantur, neve a laicis contra eos sententia dictetur, idque sub excommunicationis, & aliarum pœnarum, ipso facto incurrendarum, interminatione: qui & eadem sua Constitutione decrevit, Clericum ad talem vesaniam venientem, ut alium Clericum ad forum seculare, suo, vel Ecclesiæ, vel alterius cujuscunque nomine, in causam trahere præsumpserit, causam suam eo ipso amittere: Et, si monitus, incontinenti non destiterit, ac intra septem dies in causam tracto, & Ecclesiæ non satisfecerit competenter, sententiam suspensionis ab officio & beneficio incurrere debere: Et si suspensione hujusmodi durante, se vel officio, vel beneficio ingerat, excommunicandum, & excommunicatum publice nunciandum: Eundemque, si in ejusmodi contumacia & excommunicatione per tres septimanas permanerit, ex tunc beneficio, si quod, vel curam annexam habens, vel a cura liberum possideat, eo facto ipso privatum esse censendum, & ad rehabendum idem beneficium inhabilem fore: sin autem nullum beneficium habeat, inhabilis etiam sit ad habendum: Ac idem præterea Engilbertus Archiepiscopus (o) pro nervo Ecclesiasticæ disciplinæ conservando, in omnes & singulos Parochialium Ecclesiarum Rectores & Plebanos, ac Hebdomadarios Ecclesiarum Conventualium, qui in suis Ecclesiis vel Capellis mandata Ecclesiastica in causis ad forum Ecclesiasticum pertinentibus exequi, & qui excommunicationis sententia innodatos, excommunicatos denunciare recunaverint, sententiæ excommunicationis decreverit subiacere: quos & depositionis periculum formidare voluit, si Di.

(b) D. c. Licet. §. Super Residentia.

(i) C. Cum ex eo. §. Porro. eod. Lib. 6.

(k) Vide Tomo IV. Conc. German. Statuta WICHOLDI Archi-Episcopi Colon. edita in Synodo anni 1360. pag. 37.

(l) Statuta hæc WALRAMI vide eod. Tomo IV. nostro pag. 434. 436. 439.

(m) In dicta Synodo Wicholdi pag. 38. Cap. Quia vero.

(n) Vide Tom. III. Conc. Germ. pag. 621. Statutorum Engelberti II. Cap. IX. X. & XI.

(o) Vide ibid. in ead. Synodo Engelberti pag. 629. Cap. XL.

fi Divinis se ingesserint sic ligati ; ita ut nisi celeri satisfactione sibi prospexerint ; monitione præmissa , a suis Ordinariis , beneficiis , quæ habent , priventur : aliis personis idoneis per eos , ad quorum collationem beneficia pertinent , eorum loco surrogandis : Quibus omnibus accedit , quod Invißissimus juxta & Religiosissimus Imperator CAROLUS QUINTUS , Dominus noster Clementissimus , in *Formula Reformationis* , anno 1548. proposita & recepta , hoc a Principibus sæcularibus , & Magistratibus civilibus requirit , nempe , ut Episcoporum & Prælatorum Decreta fideliter exequantur , jurisdictionemque ac immunitatem Ecclesiasticam , Imperatorum Legibus , & sacris Canonibus , Episcopis & Clero tributam ac firmatam , tueantur & conservent : urque excommunicati secundum Sacros Canones & Divinas Scripturas , sub gravis reatus incurfu , ab omnibus vitentur , & a nemine , nisi obrenta absolutione , in consortium & familiaritatem admittantur : Nos denique pro ejusmodi *Reformationis* debita executione facienda , in memorata Provinciali nostra Synodo , de totius assensu Concilii , Magistratibus & Judicibus sæcularibus interdixerimus , ne quovis modo mandatorum & sententiarum Ecclesiasticorum Judicium executionem , modo excommunicationis censuram vitare velint , impediant ; Neve in Matrimonialibus , aut aliis spiritualibus quibuscunque causis , ad cognitionem solius Ecclesiastici Judicis spectantibus , inter suos subditos vel alienos dijudicent , nec dispensandi , seu transigendi potestatem in Matrimonio , seu gradibus prohibitis sibi usurpent ; sed ejus generis causas omnes ad Judicis Ecclesiastici cognitionem & definitionem remittant : Porro ejusmodi causarum spirituales Judices non alii sint , quam Nos , nostrique Archidiaconi (p) , & quibus contentiosæ jurisdictionis exercitium de jure vel consuetudine competit : non Decani Christianitarum (q) , qui , ut Canon Synodi Ravennatensis habet , ita debent præesse plebibus suis ,

ut hac quidem in parte in nullo titubet Ecclesiastica sollicitudo : Sed cuncta tamen referant ad Episcopum , nec aliquid contra ejus Decretum ordinare præsumant : Eaque de re quondam Henricus Archi-Episcopus , Prædecessor noster etiam statuerit , (r) ne Decani Christianitarum de causis , ad Nos , & Consistorium nostrum de jure vel consuetudine spectantibus , maxime Matrimonialibus , & aliis quibuscunque , causæ cognitionem exigentibus , præterquam in Synodalibus , quocunque modo , causa , vel colore quæsito , se intromittant , disponant , vel cognoscere audeant : Sed ad Nos , & Officialis nostri examen sine difficultate remittant , sine Canonico decidendas : qui vero contrarium fecerit , in nostram jurisdictionem falcem mittendo , ipso facto excommunicationis sententiæ voluerit subiacere , illorum nihilominus sententias & processus cassans & irritans , cassosque & irritos declarans : Quanquam , inquam , hæc omnia ita habeant , quamobrem merito debuissent , ac deberent universi , nostræ Archiepiscopali curæ commissi , & imprimis , qui Clericalis , seu Ecclesiastici ordinis existunt , memoratis Juris Divini & humani Legibus , & Provincialibus , Synodalibusque Constitutionibus per omnia reverenter parere , & obedire , easque quantum quemque concernunt , exequi , & effectui debito mancipare : Attamen non præter animi nostri gravem molestiam , certissimis testimoniis cognovimus , atque ipsa rerum experientia didicimus , has Divinas & Canonicas præceptiones , complures , qui neque DEUM metuunt , neque homines reverentur , malitiose & perversaciter violare . Sunt enim , qui manu prorsus sæculari , sine Canonica manu impositione , Ecclesiarum regimini ineptos , & solo nomine Clericos , suæ ordinationis & obedientiæ , (quam suis Episcopis & Prælati jurejurando promissam , debent) penitus oblitos , ac alias ætate , scientia , & moribus minime idoneos , damnabiliter ingerunt . Sunt , qui ad Ecclesias Clericos ea condicio-

(p) C. I. c. *Ad bræc.* De offic. Archidiac.

(q) C. *Ut singule.* De offic. Archipresbyt.

(r) In Synodo Colon. anno 1306. celebrata. *Vide Tomo IV. nostro pag. 103. Cap. VII. Monemus.*

ditione ac pacto præsentant, ut ipsi majorem reddituum Ecclesiæ partem sibi, non sine sacrilegio, retineant, & usurpent. Sunt, qui ad Parochiales Ecclesias instituti, ad sacrum Presbyteratus ordinem, quem eorum vocatio postulat, promoveri minime curant. Sunt, qui nulla subsistente legitima causa, a suis Superioribus comprobata, apud suas Ecclesias residentiam non faciunt personalem. Sunt, qui sine nostra, seu Archidiaconorum nostrorum exploratione & permisso, Vicarios & mercenarios ad curam animarum, ipsis commissam, gerendam, propria autoritate, seu temeritate verius, sibi substituant. Inter quos hæc deplorata tempestate passim inveniri constat, homines ignotos, peregrinos, & ex aliis sæpe territoriis expulso & fugatos, de fide & religione Catholica plurimum suspectos, atque hæresi, vel schismate contaminatos, excucullatos, & votifragos Monachos, circumambulones & erroneos, misere errantes, & alios in errorem mitrentes, dissensionesque & rebelliones in plebibus spargentes & excitantes, & eorum, quæ Cæsarea Majestas prædicari per Imperium & observari voluit, contumaces contemptores & prævaricatores. Sunt Laici, qui Clericos, ab eorum sæculari jurisdictione exemptos, judicare tamen, arrestare, manuum violentarum injectione obledere, capere, incarcerare, & pro sua libidine mulctare & punire præsumunt.

Sunt item Laici, qui de causis, Sacerdotia, seu beneficia Ecclesiastica concernentibus, deque rebus & bonis, ad Ecclesias pertinentibus, ut sunt Decimæ, & aliæ Ecclesiasticæ obventiones & facultates: Similiter, qui de testamentis & legatis ad pias causas, item qui de causis Matrimonialibus & his coherentibus, ut sunt reclamationum, Matrimonialium impedimentorum, divortiorum, legitimatis & similes: & generaliter & extra exceptionem de aliis omnibus spiritualibus causis & criminibus mere Ecclesiasticis, judicandi potestatem de facto arripiunt. Sunt, qui libertatem & immunitatem Ecclesiasticam horribiliter violant & infringunt. Immo, quod longe deterius est, sunt

degeneres quidam Clerici, & inter hos etiam Ecclesiarum Parochialium Rectores seu Plebani, qui obliiti ordinis sui, fidemque suam priorem, Deo & Ecclesiæ datam, irritam facientes, propriam suam libertatem, toti ordini Clericali concessam, & jurisdictionem Ecclesiasticam (si *vr*) qua disciplina in Ecclesia non geritur) quod in ipsis est, spernunt & conculcant: adeo ut non vereantur sui ordinis Clericos coram sæcularibus Judicibus in causam trahere: quorum etiam quosdam eo vesaniæ pervenisse compertum est, ut in suis malitiis etiam gloriantur, audeantque nostris, aliorumque suorum Superiorum, seu Prælatorum Ecclesiasticorum, quibus non solum ex vinculo ordinationis suæ, & juramentorum præstitorum, sed & Christiani nominis debito, nimirum ex Divini juris præceptione, subjectionem, obedientiam & reverentiam debent, nefarie illudere, atque etiam non sine gravi contumelia insultare, jactantes, jam pridem e suis terris, quas incolunt, omnem jurisdictionem Ecclesiasticam, bonis avibus eliminatam esse: & deinceps non Episcopos, & Archidiaconos, sed Principes & Magistratus sæculares (qui sibi non modo rem civilem, sed & Religionem administrare sumpserint) ipsorum Judices esse debere: per hæc se se perfidos nebulones & consceleratos apostatas, & sui ordinis persecutores declarantes. Sunt præterea Parochialium Ecclesiarum Rectores, & Vice-Curatores, cum quibus etiam (ut metus est) quidam Decani rurales colludunt, qui ut impune in suis peccatis computrescant, Ecclesiasticam censuram pessime odierunt, qui mandata Ecclesiastica contra alios Rectores, seu Vicarios, & Clericos vicinarum Ecclesiarum, (tamen ad id ex obedientiæ debito teneantur) exequi reculant, nimirum, ut illi ipsis vicissim parcant. Et inter hos sunt, qui pro sua ementita & conficta excusatione obtundunt, sibi ejusmodi exequendi facultatem per sæculares potestates, Præfectos seu Magistratus, esse interdictam; ut metu corporis, quod facere jussi sunt, facere non audeant: cum tamen sæculares istæ potestates, super his rogari, talem prohibitionem

E e e e e 3

fecisse

fecisse se purgent: ut illi vel hinc mendacii, & iniquæ cum sæcularibus officiariis, ad extinguendam penitus Ecclesiasticam jurisdictionem, collusionis factæ convincantur. Sunt Decani aliquot Christianitatum, qui falcem in messem alienam mittendo, quosvis ad se perductos Clericos, & quocunque modo, manu sæculari, beneficiis Ecclesiasticis occupandis designatos, horribili temeritate, & execranda manuum impositione instituunt. Sunt, qui de causis matrimonialibus, & aliis, causæ cognitionem exigentibus, non levi audacia se temere intromittunt. Sunt denique, qui censuras Ecclesiasticas (quas sacri Canones nervum Ecclesiasticæ disciplinæ proprie appellant) impie contemnunt & irident: qui contemptim cum excommunicatis communicant, excommunicatosque Ecclesiasticæ sepulturæ tradere non formidant, & quando ipsi excommunicationis sententia ligati, seu declarati sunt, communioni tamen fidelium, atque adeo administrationi Divinorum Sacramentorum se damnabiliter ingerunt, irregularitatis & inhabilitatis notam sibi inurentes, & super se iudicium Domini manducantes & bibentes, ac alia multa nefaria & horribilia committentes. Ad quæ diutius profecto conivere nequaquam possumus; nec debemus, nisi speculatoris munus, ex alto Nobis impositum, & disciplinæ Ecclesiasticæ, quæ fidei & religionis retinaculum est, & Magistræ virtutis, administrationem negligere penitus (quod absit) velimus.

Nos igitur ex debito Pastoralis officii nostri, ex animo cupientes tam enormes excessus, quantum in Nobis est, corrigere, & morbis tam perniciosi competentem adhibere medelam, juris pariter Divini & humani præceptiones & constitutiones insequendo, & nostrorum Prædecessorum vestigiis inhærendo, ac Casareæ Majestatis mentem, & voluntatem, ut par est, exequendo: Imprimis universos & singulos, Potestates, Præsides, Præfectos, & Judices sæculares, cujuscunque gradus, status, ordinis & conditionis fuerint, in Domino hortamur & requirimus, ipsis, & eorum cuilibet sub penis infra scriptis inhibentes, ne posthac ullos Clericos, Ministeriis Ecclesiasticis

addictos, vel in civilibus, vel in criminalibus causis judicare, arrestare, capere, incarcerare, multare, seu aliter punire præsumant: neve memoratarum, aliarumque spiritualium, seu Ecclesiasticarum causarum cognitionem, sibi de facto usurpent.

Ad hæc, ne Jurisdictionem Ecclesiasticam in impediendis litterarum & mandatorum impetrationibus, executionibus, cognitionibus, decisionibus, & modis aliis, quibus ipsa jurisdictio exercetur & geritur, per se, vel per alios prohibeant, vel retardent, seu prohiberi, seu retardari faciant, & procurent quovis modo, dando ad hoc consilium, auxilium vel favorem. Similiter, ne de Ecclesiarum, seu beneficiarumque personarum rebus & bonis, ultimisque voluntatibus seu testamentis ad pias causas, aut bonis ab intestato relictis, quovis modo se intromittant, aut immunitatem, & libertatem Ecclesiasticam violent aut infringant. Et quod omnium deterrimum est, ne quem Clericum, seu alium ad Ecclesias, seu beneficia Ecclesiastica occupanda, manu sæculari, sine canonica institutione intrudant. Si quis vero eorum, cujuscunque etiam status aut conditionis fuerit, contra hæc venire, & quicquam attentare præsumperit; excommunicationis sententiam, & Canonis, & nostræ etiam autoritate, quam quindecim dierum monitione Canonica præmissa, ex nunc prout ex tunc ferimus in his scriptis, se noverit incurrisse ipso facto.

Deinde repetito & innovato mandato Nostro, in novissimâ nostra Synodo adversus eos, qui se regimini Ecclesiarum Parochialium, seu aliorum beneficiorum Ecclesiasticorum sine Canonica manuum impositione, seu legitima admisione ingerere non formidant, publicato, (s) prout idem mandatum in hac Sacra Synodo repetitum & innovatum esse volumus, monemus omnes & singulos, qui ad gerendum regimen Ecclesiarum Parochialium instituti, vel provecti sunt, ut intra tempus a Canonibus præfixum, se ad Sacerdotii ordinem promoveri faciant, & intra dies triginta proximos, quos eis pro Canonica & peremptoria monitione assignamus, apud Ecclesias suas resideant,

(s) Vide illud supra in Synodo Colonienfi Verna ejusdem anni 1550. pag. 620. hoc Tom. VI.

deant, vel coram Nobis, seu Archidiaconis nostris causam rationabilem, in jure expressam, aut privilegia, vel Canonica impedimenta, quare ad hoc minime teneantur, ostendant, & comprobent. Alioqui noverint se suis Ecclesiis fore privatos. Inhibentes nihilominus eisdem Parochialium Ecclesiarum Rectoribus sub excommunicationis pœna, quam contravenientes incurrere volumus ipso facto, ne deinceps ullum Vice-Curatorem, adiutorem, vel focium ad regimen & curam animarum, absque literis testimonialibus proprii Episcopi, & Nostra, seu Archi-Diaconorum nostrorum, præcedente examinatione, & permisso, assument. Ac sub ejusdem etiam excommunicationis incursum pœna omnibus & singulis Presbyteris, Clericis, Religiosis, seu aliis quibuscunque, districtè interdicimus, ne de regimine alienarum Ecclesiarum, sub Vicecurati, adjutoris, vel focii nomine, nisi ejusmodi examinatione & admissione prævia, sibi que de congrua sustentatione, pro arbitrio Superioris proviso, quovis modo se intromittant.

Insuper omnes & singulos Presbyteros seu Clericos, qui damnabili insolentia & temeritate alias Ecclesiasticas personas quocunque nomine, coram sæcularibus Judiciis in causam trahere præsumpserint, memoratis pœnis in statuto quondam Engelberti Archiepiscopi, in tales vesanos homines prolatis, volumus subiacere. Similiter eos, qui in suis Ecclesiis vel Capellis mandata Ecclesiastica in causis ad forum Ecclesiasticum pertinentibus, exequi, seu excommunicatos publice denuntiare recusaverint: aut qui cum excommunicatis communicaverint, seu eos Ecclesiasticæ sepulturæ tradiderint: seu, quod longe deterius est, se, cum excommunicationis sententia ligati sunt, sacris immiscuerint; prædictis pœnis & censuris, in ejusdem Engelberti, & aliorum Prædecessorum nostrorum Statutis, ac a jure communi expressis, volumus percellit: Mandantes Officiali & Archidiaconis nostris, ut contra tales iniquitatis & inobedientiæ filios, ad declarationem censurarum & pœnarum ejusmodi, etiam usque ad depositionem eorundem ab officio & beneficio, omni conniventia semota, indilate procedant: & quod con-

tra eos decreverint, per censuras Ecclesiasticas faciant inviolabiliter observari. Volumusque, ut si qui se ob justum metum ejusmodi mandatorum Ecclesiasticorum executionem facere non audent prætendant, eundem metum intra dies quindecim legitime probare teneantur: ex tunc nihilominus processu per editum publicum in locis vicinis continuando.

Inhibemus quoque Decanis Christianitatum, ne illicitam manum, in alterius superiogræ præjudicium, alicui imponant: neve de causis matrimonialibus, & aliis, causæ cognitionem exigentibus, eas audiendo, vel diffiniendo, quovis modo se intromittant, sub excommunicationis pœna, ipso facto, si contrarium fecerint, per eos incurrenda.

Committimus quoque, ac mandamus omnibus Christianitatum Decanis, quatenus nomina omnium illorum, qui in suis Decanatibus Ecclesias Parochiales occupant, nec tamen ad Sacerdotii gradum intra tempus statutum se fecerint promoveri: Similiter eos, qui apud Ecclesias suas non resederint, aut Vice-Curatores inexploratos, sine admissione nostra, aut Archi-Diaconorum nostrorum assumpserint: Itidemque eos, qui se sic assumi sustinuerint: Quique in executione mandatorum Ecclesiasticorum, se rebelles, seu inobedientes exhibuerint, aut censuras Ecclesiasticas contempserint: seu etiam excommunicatione innodati, Divinorum celebrationi se ingesserint, aliisve præmissis contravenerint, Nobis & Archidiaconis suis, intra duorum mensium spatium tradant, ut ejusmodi negligentia & defectus suppleantur, & excessus gravissimi auctoritate Canonica corrigantur. Alioqui in Decanos, hæc facere negligentes, sententiam excommunicationis ferimus in his scriptis.

In quorum fidem & testimonium præmissorum, has nostras mandati seu edicti literas confici, sigillique nostri appensione fecimus communiri. Datum in Arce nostra Brulensi, ipso die Sancti Michaelis Archangeli, Anno Domini millesimo quingentesimo quinquagesimo.

QUARTO, cum Dei cultus & timor diebus Festis, & potissimum, quibus Dedicationes Ecclesiarum celebrantur, seu

pro-

processiones sunt: Similiter cum in Nuptialibus conviviis, & his, quæ a baptismationibus puerorum instruuntur, per commestiones & ebrietates immodicas, ab hominum male feriantium mentibus penitus excludantur, non sine evidenti Ecclesiæ scandalo, nec sine Reipublicæ & privatorum gravissimo detrimento; Ea de re Reverendissimus pro suo officio tantis abusionibus finem imponere, & quantum in se est, salubri ordinatione Divinam vindictam, ob scelera, quæ hinc sequuntur, suis subditis imminuentem, avertere cupiens: aliud quoque suum edictum, seu mandatum super hac re publicari jubet, quod sequitur in hæc verba.

MANDATUM

*Contra comeestiones & ebrietates,
& quod eam ob rem Dedicaciones
omnes omnium Templorum to-
tius Diœcesis Colonienfis uno
eodemque die celebran-
de sint.*

ADOLPHUS, DEI GRATIA SANCTÆ COLONIENSIS ECCLESIAE ARCHIEPISCOPUS, SACRI ROMANI IMPERII PER ITALIAM ARCHICANCELLARIUS, PRINCEPS ELECTOR, WESTPHALIÆ ET ANGARIÆ DUX, APOSTOLICÆQUE SEDIS LEGATUS NATUS &c. UNIVERSIS ET SINGULIS ABBATIBUS, PRÆPOSITIS, DECANIS, ET CAPITULIS TAM COLLEGIALIBUS, QUAM RURALIBUS, AC PAROCHIALIUM ECCLESiarUM RECTORIBUS, ALIISQUE PRESBYTERIS ET CLERICIS, AC UNIVERSIS NOSTRIS SUBJECTIS TAM ECCLESIASTICI, QUAM SÆCULARIS STATUS, PER NOSTRAM CIVITATEM ET DIOECESIN COLONENSEM CONSTITUTIS, SALUTEM IN DOMINO SEMPERNAM.

QUum inter omnia, quæ Divina Legge mandata sunt, nihil fere arctius & severius præceptum legamus, quam ut Sabbata Domini sanctificemus, custodiamus & observemus: nihil item damnatum aut panitum gravius, quam

Sabbata polluta, prophanata, derisa & violata: eademque Dei Lege dictante, discamus; nullos graviore maledictione percelli, quam qui Divinorum Sacramentorum vim, quæ pro animarum nostrarum remediis & salute instituta sunt, contemptui habentes, statim ab ipsorum administratione peracta, contraria prorsus rebus, quæ sacris Mysteris significantur, agunt: & gratiam Divinam, quæ ipsorum vi, non ponentibus obicem, confertur, indigne a se repellunt, & ut Apostolus (†) ait, Spiritum Sanctum contristant: Nec mirum, quod ejusmodi contempti non in hominem, sed in Deum ipsum peccetur, ut de eo peccati genere dictum videatur: (u) *Si peccaverit vir in virum, placari ei potest Dominus; si autem in Dominum peccaverit vir, quis orabit pro eo?* Constat vero, nihil aliud esse sanctificare Sabbata, quam diebus Festis, ad honorem DEI & Sanctorum ejus institutis, soli Deo vacare, precibus, laudibus, & gratiarum actionibus incumbere, audire & pertractare verbum DEI, benefacere proximo, & omnibus bonis operibus esse intentum: E diverso vero, abstinere ab omni opere malo, & noxiis cupiditatibus, quæ militant adversus animam, & præsertim a comeestationibus, & ebrietatibus, quæ cum digna Sacramentorum perceptione & Festorum celebratione compugnant: Quando enim in Sacramentorum impartitione & solenni-um dierum feriacione, hoc quam maxime spectare debeamus, ut abiciamus opera tenebrarum, & induamur arma lucis, utque coercitis carnalibus desideriis, spiritu & mente uniamur & copulemur DEO; nihil sane ab hoc scopo nos remotius submover, quam facta ventris ingluvies, qua mens gravata ad DEUM sustolli non potest: ut proinde Dominus nos admonendos duxerit (x) in hæc verba: *Attendite vobis, ne forte graventur corda vestra in crapula & ebrietate, & curis hujus vite, & superveniat in vos repentina dies illa.* Et Apostolus ejus Paulus: (y) *Non in comeestationibus & ebrietatibus, . . . sed induimini Dominum JESUM CHRISTUM, & carnis curam ne feceritis in desideriis.* Qui & comeestiones & ebrietates manifesta opera carnis esse pronuntiat (z): *Quæ prædi-*

(†) Ephes. 4.
(y) Rom. 13.

(u) 1. Reg. 2.
(z) Gal. 5.

(x) Luc. 21.

prædico (inquit) vobis, sicut prædixi, quia qui talia agunt, regnum Dei non possidebunt. Habent enim hæc vitia alia fere omnia conjuncta, quæ ut vinctes quidam ab ingressu regni Cœlestis, quos detinent occupatos, excludunt. Nam non mentitus est, qui dixit, ventris ingluviem non modo ad libidinem provocare, sed & omne opus bonum dissolvere. Et illic, ubi ebrietas obtinet, ibi libidinem dominari & furorem. Quod & Salomon, dum vini potonibus omnem sapientiam adimit, satis indicat, dicens: Luxuriosa res est vinum, & contumeliosa ebrietas. Omnis qui cum his miscetur, non erit sapiens. Cumque hæc non solum in scripturis doceantur, sed rei experientia manifesta fiant, ut quæ in conspectum ponit, ex hoc malo gravissima quæque flagitia agminatim profluere: Qualia sunt horribiles blasphemiae, immanes cædes, homicidia, pugnae, contumeliaz in proximum, rixæ, contentiones, conflictationes & dissensiones, ac multiplex inobedientia tam liberorum erga parentes, quam subditorum, servorum & familiarum adversus suos Principes, Dominos, Magistratus & Patres familias: Qualia sunt adulteria, fornicationes, impudicitia & omnis immunditia, stultiloquium, scurrilitas & sensus hebetudo. Ut interim varia discrimina & pericula, damna quoque & jacturas publicas fileamus, veluti, quæ ex incendiis, ebrietatis incuria occasionem fumentibus, & incauta secretorum, quæ ebrii effutiant, manifestatione, ex hac a DEO tam graviter damnata & maledicta ingluvie & crapula oriuntur & sequuntur.

Jam vero ita usuveniat, quod ejusmodi vitia per nostram Diocesim, quæ maxime diebus Festis, & præsertim, cum Dedicationes Ecclesiarum celebrantur, & solemnes processiones fiunt: in conviviis item Nuptialibus, & quæ a puerorum baptismationibus habentur, publico cum Ecclesiæ scandalo committantur, per quæ haud dubium Deus, qui nobis omnia suppeditat, ut illis non ad carnis incitamenta, sed ut suis donis cum gratiarum actione fruamur, gravissime offenditur, & ad immitendum in abutentes varias clades, pestilentias, fames, agrorum steri-

lites, & bellorum motus, similesque plagas justissime commovetur, quemadmodum olim populum Israeliticum ob similem voracitatem & ingluviem durissimis plagis affecit, sicut scriptum est: (a) *Et manducaverunt & saturati sunt nimis, & desiderium eorum attulit eis: non sunt fraudati a desiderio suo.* *Adbuc esca eorum erant in ore ipsorum, & ira Dei ascendit super eos, & occidit pingues eorum, & electos Israel impedivit.* Et iterum: (b) *Sedit populus manducare & bibere, & surrexerunt ludere, & quidam ex ipsis fornicati sunt, & occiderunt una die viginti tria milia.* Ut prætereamus, quod præter iram Divinam, quæ de cœlo revelatur, nemo non sentiat, se sibi per cibi & potus intemperantiam, cum adversam corporis valetudinem, tum animi stuporem cum ineptitudine ad res quasque rite gerendas, & facultatum inopiam accersere: ut verissimum sit, hujus tam terri vitii frequentiam, non privatam modo personis singulis; sed & publicam terris, in quibus vigent, inferre jacturam & perniciem. Quod & tanto abominabilius est in Ecclesiarum Præfæctis, aliisque Clericis, quod illis de Ecclesiarum opibus, seu de altari vivere, non luxuriari, permittatur, illo quod superest, in pauperes erogando. Cum itaque hæc tam turpis labe, tam ferax malorum sit, habeatque semper Divinæ ultionis severam vindictam comitem; eo nobis annitendum quam maxime est, ut ex nostra Diocesi, quo ad ejus per Dei gratiam provisiónem nostra fieri potest, eliminetur.

NOS igitur pro officii nostri Pastoralis debito, tam perniciosæ corruptelæ, & tot horrendis flagitiis & scandalis, quæ hinc, velut ex sentina quadam dimanant, occurrere & mederi cupientes: vos omnes & singulos cujuscunque status, gradus, vel conditionis fueritis, in Domino hortamur, & sub Divini interminatione Judicii monemus, & requirimus; ut post hac omnem perditum luxum, omnesque comesationes, ebrietates, & ciborum, potuumque intemperantias, quæ (quod cum dolore referimus) nostra deplorata ætate diebus Festis, & potissimum annuæ Ecclesiarum Dedicationi consecratis, & cum processiones, & circumlationes Ve-

(a) Psal. 77.

(b) 1. Cor. 10.

Tomus VI. Concilior. German.

nerabilis Sacramenti, & Sanctorum Reliquiarum, & imaginum peraguntur, abominando abusu, instigante Diabolo, passim inoluerunt, ob Dei timorem, cum immoderatis & superfluis sumptibus (qui frustra & inutiliter, non sine pauperum Christi fraude, prodiguntur) penitus aboleatis, & quisque vestrum aboleat, prout & Nos eas deinceps per nostram Diocesim abolitas esse volumus, & omnibus districte interdixit: ut videlicet ejusmodi abusionibus, quibus Divina Sabbata polluantur, sublatis, unusquisque hisce diebus Deo vacare, bonis operibus incumbere, & Mysterium Dedicationis (quo animorum & corporum vestrorum, quæ viva templa sunt Spiritus Sancti, consecratio significatur) recolere digne possitis, & ut illa requirit, mores vestros componere. Prohibemus quoque sub Divini interminatione judicii, ut dum processiones, seu Venerabilis Sacramenti, vel Sacrarum Reliquiarum & imaginum circumlationes aguntur, nemo omnium, qui ejusmodi processionibus interfunt, edendo vel bibendo jejuniū solvat, antequam peracta in timore Dei cum piis precibus processione, singuli ad domos suas revertantur: quando neque comessationibus & ebrietatibus indulgendum erit; sed cibus parce, cum gratiarum actione sumendus; ne gratia Divina, quæ in sacris processionibus ambitur, fœda ista temulentia, duplicato crimine, abjiciatur. Similiter interdiximus, ne diebus Festis, ante summi Sacri celebrationem peractam, vinum adustum ante templorum fores venum exponatur, vel offæ ex eodem vino confectæ sumantur: neve symbola, vel symposia in œnopolis, seu aliis tabernis cerevisiariis habeantur.

Cæterum quoniam abusionibus istis deterrimis non modicam ansam præbuisse videtur, quod singulæ Ecclesiæ per nostram Diocesim constitutæ, singulos per annum Dedicationis Ecclesiæ dies anniversarios hætenus celebrant; ad quos vicinorum oppidorum, pagorum & vicorum inhabitatores & incolæ, comessandi gratia, magna frequentia confluere consueverant, non quidem ob Dei cultum, sed magis ob symposia: Idcirco ad præscindendam hanc ansam malorum, Prædecessorum nostrorum vestigiis inha-

rentes, autoritate nostra Archiepiscopali, qua Dei dispositione & favore fungimur, statuimus, volumus & mandamus, ut deinceps omnes omnium Parochialium Ecclesiarum per nostram Diocesim universam Dedicationes uno anni die, nempe proxima Dominica post diem Cosmæ & Damiani Martyrum, quo Festum Dedicationis Ecclesiæ nostræ Majoris in Civitate nostra Colonienſi celebratur (nisi tamen in eam Dominicam Festum Michaelis incidat, quando in diem Dominicam antecedentem transferetur) ubique celebretur: idque non in comessationibus & ebrietatibus, sed cum Dei timore, decenter & honeste. Ut tamen per hæc non intendamus his diebus frugalia & hilaria convivia, post finitum sacrum officium, præter crapulam & profusionem sumptuum supervacaneorum, habere.

Similiter cum hætenus in conviviiis Nuptialibus tam immodici sumptus inutiliter profusi, & tot superflua expensæ passim factæ & erogatæ sint, tanta hominum frequentia ad hæc convivia invitata, ut sæpe brevis hora consumpserit, quo non ad unum modo, sed ad plures aliquot annos ali familia honeste potuerit: qua etiam in re sæpe unus alterum supra ejus facultatum vires gravavit; idcirco volumus & mandamus, ut posthac ad convivia nuptialia cives in oppidis non ultra tres, nec villani in pagis & vicis non ultra duas mensas instruant, seu plures invitent, quam duobus mensis instructis acumbere possint: Permittentes interim, ut intra hunc numerum & modum invitati simul in Domino (qui Matrimonii institutor est, eodemque Christi & Ecclesiæ purissimam unionem repræsentat) col lætentur. Prohibentes, ne alter alterum immoderatis & emendicatis donariis mutuum gravent aut spolient.

Denique volumus ac mandamus, ut qui a baptismationibus suorum liberorum omnino velint convivium facere, hi tantum susceptores, qui & patrini & matrinæ appellantur, cum pauculis amicis, quos una mensa simul cum illis capere possit, accersant. In quibus quoque conviviiis Christianam honestatem, quæ tantum Sacramentum (quod mortificationem veteris hominis & exortum novi in Christo repræsentat) quam maxime decet, ante omnia coli optamus & requirimus: Vo-

bis omnibus & singulis, quibus Ecclesiarum administratio vel cura commissa est, in virtute sanctæ obedientiæ injungentes, ut hanc nostram piam, religiosam & necessariam ordinationem, & ipsi firmiter teneatis, & vestris subditis, vestræque curæ commissis, in Concionibus vestris Ecclesiasticis, in quibus ex Verbo Dei has deterrimas abusiones severe coargue- re, & plebes ad sobrietatem Christianam diligenter cohortari & adducere debetis, tenendam & observandam inviolabiliter intimetis: nisi præter Dei vindictam, nostras quoque censuras ac pœnas; pro nostro arbitrio refractariis infligendas, experiri velitis. Dabimus quoque Præfatis & Officiariis nostris secularibus serium & districtum mandatum, ut cunctos laicos in nostra seculari ditione commo- nantes, & huic pio & sancto edicto non parentes, multis & aliis pœnis pro excessuum magnitudine severe castigent.

Datum in Arce nostra Brulensi, ipso die Sancti Michaelis Archangeli, Anno 1550.

QUINTO publicari quoque jubet Mandatum de charitativo subsidio sol- vendo, in quod recens ad sublevandas publicas necessitates, Venerabile suum Capitulum, una cum Venerabili suo uni- versali Clero civitatis suæ Colonienfis unanimiter consensit, cujus tenor quoque sequitur in modum subsequenter:

ADOLPHUS, DEI GRATIA SANC- TÆ COLONIENSIS ECCLESIAE AR- CHI-EPISCOPUS, SACRI ROMANI IMPERII PER ITALIAM ARCHICAN- CELLARIUS, PRINCEPS ELECTOR, WESTPHALIAE ET ANGARIAE DUX, APOSTOLICÆQUE SEDIS LEGATUS NATUS &c. UNIVERSIS ET SINGU- LIS ABBATIBUS, PRIORIBUS, PRÆ- POSITIS, DECANIS, CANONICIS, PLEBANIS, ALIISQUE ECCLESiarUM COLLEGIATA- RUM, PAROCHIALIUM, MONASTERIORUM, CON- VENTUUM UTRUSQUE SEXUS ECCLESIASTICI STA- TUS, CAPELLARUMQUE ET ALTARIUM RECTORI- BUS, NEG NON VICARIIS, PRESBYTERIS ET CLE- RICIS NOSTRARUM CIVITATIS ET DIOCESES COLONIENSIS, SALUTEM IN DOMINO SEM- PITERNAM, ET INFERA SCRIPTIS FIDEM INDUBIAM ADHI- BERE.

Cum recens post impositionem primi nostri charitativi subsidii anno M. Tomus VI. Concilior. German.

D. XLVIII. factam, ob contributiones, quas ex Sacerrimæ Cæsareæ Majestatis, Sacrique Imperii Statuum ordinatione, secundum Recessum Dietæ Augustanæ anno M.D.XLVIII. promulgata, exol- vere teneamur, & ob alias quamplurimas urgentissimas & inevitabiles causas, pro Ecclesiæ nostræ Jurium conservatione, & Reipublicæ utilitate, ingentes & maxi- mos sumptus facere coacti simus & co- gamur, viresque & facultates Camere nostræ ad ejusmodi necessaria onera sup- portanda, & alia, ad quæ pro officio te- nemur, exequenda munera, nequaquam sufficient: idcirco causas & onera præ- missa omnia & singula distincte & speci- fice, prout in facti veritate se continent, Venerabilibus, Illustribus, & Honorabi- libus Decano, & Capitulo Ecclesiæ nos- træ majoris, totique secundario Clero Ecclesiarum civitatis nostræ Colonienfis per Consiliarios nostros cum verbo, tum scripto proposuimus, petentes, ut his attentis, pro memoratis necessariis one- ribus (ut præmittitur) supportandis, su- per Ecclesiis, Monasteriis, Mensis & Prioratibus, Religiosis locis, Conventi- bus & domibus utriusque sexus Ecclesia- stici status, nec non beneficiis & alta- ribus, illorumque omnium bonis & red- ditibus ipsorum Ecclesiasticis, intra Dio- cesim nostram constitutis, imponendum consentire velint; ut videlicet prædicta onera eo melius sustinere possimus & va- leamus: Quibus quidem per eos accep- tis & intellectis, & aliquot diebus cum Capitulis & Conventibus suis pertracta- tis, consultatis, & deliberatis, tandem comperto, quod causæ per Nos allegatæ, manifestæ & rationabiles existerent, & de allegatis per Nos sufficienter informa- ti, in domo Capitulari dictæ Ecclesiæ nostræ insimul congregati, totumque Clerum civitatis nostræ Colonienfis re- præsentantes, attendentes, quod divisa in partes onera, levius perferantur, in charitativum subsidium viginti Decima- rum Nobis in duobus terminis, quorum prior in festo Beati Remigii Confesso- ris, anni præsentis M. D. L., alter vero in Festo Assumptionis Beatissimæ MA- RIÆ Virginis, anni proxime futuri M. D. L. cedet, de & ex Ecclesiis, Monaste- riis & aliis religiosis locis, Conventibus, & domibus utriusque sexus Ecclesiastici

Status, nec non aliis suis beneficiis, nostrarum civitatis & Diocesis prædictarum, tam exemptis, quam non exemptis, unicuique nihilominus suis privilegiis aliis salvis remansuris, exigendum, & in necessitates memoratas convertendum consenserunt. Quem consensum nos gratum & ratum habentes & acceptantes, idem subsidium cum charitate postulatum, in prædictis terminis, ut consensum est, Nobis exsolvendum, autoritate nostra ordinaria, Nobis hac in parte de jure comperenti, imposuimus, & imponimus per præsentis. Quæ omnia & singula prædicta vobis omnibus & singulis intimare, insinuare, & ad vestram & cujuslibet vestrum notitiam deducere decrevimus, prout intimamus, insinuamus, & deducimus per præsentis. Vos omnes & singulos in DEO exhortantes, quatenus consensui Venerabilium, Illustrium, Honorabilium, devotorum Nobis dilectorum Decanorum & Capitulorum Majoris & secundariorum Ecclesiarum, totiusque Cleri civitatis nostræ Colonienfis, & impositioni nostræ supradictæ vos conformantes, idemque subsidium in terminis statutis, quorum tamen priorem extraneo Clero a die Sancti Remigii usque ad festum Sancti Martini Episcopi proxime futurum prorogamus, Honorabilibus, Devotis, Nobis dilectis, Petro Kannengieser Jurium Doctori, Majoris: Hermanno Stockum, Subsigillifero nostro, Sancti Gereonis: Joanni Vualtem Sanctorum Apostolorum, & Melchiori Schenck Beatz Mariæ ad Gradus, nostræ civitatis Colonienfis Ecclesiarum Canonicis, quos hujus subsidii collectores deputavimus, exsolvatis, tradatis, deliberetis, ac de eo satisfaciatis realiter & cum effectu, facturi in hoc, quod vestrum requirit erga nos officium, & præterea rem nobis summopere, singulari gratia, favore & benevolentia erga vos recognoscendam.

Datum in Arce nostra Brulensi, ipso die Sancti Michaelis Archangeli, anno Domini M. D. L.

SEXTO, quod ad reliqua attinet, quæ Celsitudo ejus in suo Provinciali Concilio, & Synodo proxima pollicita est; nec tamen adhuc omnia, ob varia, quæ inciderunt impedimenta, præstare potuit, jubet Sacra Synodus hoc de

ea sperare, quod omni diligentia curabit, quo primo quoque tempore, quæ restant, perficiantur, & suæ Ecclesiæ subditis juxta factum promissum dentur & impartiantur.

POSTREMO hortatur Reverendissima sua Celsitudo omnes, qui huic Sacræ Synodo interfunt, & administrationem aliquam tenent, ut suis particularibus visitationibus intra suam administrationem sibi commissam, universalem visitationem, quæ, Deo dante, non extrahetur in longum, viam præparent, ut dum Visitatores advenerint, reperiant prava omnia conversa in directa, & aspersa in vias planas.

In robur & testimonium omnium & singulorum præmissorum, Reverendissima sua Celsitudo hoc scriptum a se diligenter visum & relectum, suo Sigillo subimpresso communiri fecit.

Datum in Arce nostra Brulensi anno Domini M. D. L. ipso die Michaelis Archangeli.

HIS IGITUR Archi-Episcopalibus jussionibus & mandatis ordinæ perlectis & publicatis, Sacra Synodus consurgens, se in Domum Capitularem majoris Ecclesiæ Colonienfis recepit: ubi memorati Commissarii, secundum mandatum ipsis factum, initio diligentem inquisitionem super omnibus & singulis, quæ a Prælatibus & Christianitatum Decanis, Ecclesiarumque Rectoribus interroganda & exploranda erant, fecerunt: omniaque, quorum certiores per inquisitionem ejusmodi reddebantur, diligenter annotari curarunt, ad Reverendissimum Dominum perferenda. Deinde eosdem Prælatos, totamque Sacram Synodum autoritate Archi-Episcopali serio cohortati sunt & requisiverunt, ut edicta & mandata Archi-Episcopalia, superius exarata, & paulo ante Synodaliter publicata, pro obedientiæ suæ debito reverenter recipiant, illaque, quantum ea quæque concernunt, officiose & accurate exequantur, & ut eis ab omnibus suæ curæ commissis, obediatur & obtemperetur, efficiant & procurent: & si qui se refractarios & rebelles, aut immorigeros exhibuerint, eos ipsi Reverendissimo Domino nostro intra proximum bimestre nominatim designent. Quod Sacra Synodus receptis inprimis memo-

memoratis Mandatis, ut iustis, & ad retinendam in Ecclesia disciplinam necessariis, se facturam sedulo promissit.

Post quæ postremo, facta diligenti exhortatione, ut singuli suis muneribus intenti, in sua quisque administratione apud suos, per particulares suas visitationes, prava in directa & aspera in vias planas per DEI adiutorium redigendo, universa in eum ordinem componant, ut

ad visitationem universalem ubique omnia recte & bene disposita inveniantur; Sacra Synodus facta missione soluta est. Datum in Ecclesia Metropolitana Coloniensi, anno Domini M. D. L. feria quinta post Remigii Episcopi.

Ex Statutis Synodalibus Sanctæ Ecclesiæ Coloniensis, editis Colonia in officina hæredum Joannis Quentel, anno 1554.

SYNODUS VERNA COLONIENSIS DIOECESANA

Anno Christi MDLI. Julii III. PP. II.
Caroli V. Imp. XXXIV.

SUB EODEM ADOLPHO III. ARCHIEPISCOPO COLONIENSI, &c.

DECRETA ET PUBLICATA IN SACRA VERNALI SYNODO DIOECESANA COLONIENSI, altera post Dominicam, quæ vocatur Invocavit, solenniter celebrata
Anno Domini M. D. LI.

Congregata Sancta Synodo Dioecesis in civitate Colonia Agrippina, altera post Dominicam *Invocavit* presentis anni M. D. LI., invocata inprimis gratia Spiritus Sancti, & post habitam Orationem paraneticam, cum eruditam, tum piam, Reverendus in Christo Pater, Dominus JOANNES, Episcopus Cyrenensis, Reverendissimi in Christi Patris & Illustrissimi Principis & Domini, Domini ADOLPHI, Sanctæ Coloniensis Ecclesiæ Archiepiscopi, Sacri Romani Imperii per Italiam Archicancellarii, Principis Electoris, Vuestphaliæ, & Angariæ Ducis, Apostolicæque Sedis Legati nati, &c. Vicarius in Pontificalibus, & reliqui ejusdem Domini Archiepiscopi Commissarii, ad ea, quæ sequuntur, peragenda specialiter deputati, Libellum continentem jussu & mandata memorati Domini Archiepiscopi, sigillo ejus subsignatum, & ad ipsos, & hanc Sacram Synodum directum & destinatum, confidentibus Dominis Abbatibus & Prælatibus, Christianitatumque Decanis, aliisque permultis, tam Ecclesiastici, quam secularis sta-

tus hominibus, publice prælegi & publicari fecerunt, tenoris subsequæntis.

ADOLPHUS, DEI GRATIA SANCTE COLONIENSIS ECCLESIE ARCHIEPISCOPUS, SACRI ROMANI IMPERII PER ITALIAM ARCHICANCELLARIUS, PRINCEPS ELECTOR, VUESTPHALIE ET ANGARIÆ DUX, APOSTOLICÆQUE SEDIS LEGATUS NATUS, &c. REVERENDO IN CHRISTO AMICO NOSTRO JOANNI EPISCOPO CYRENENSI, NOSTRO IN PONTIFICALIBUS VIGARIO, CÆTERISQUE NOSTRIS HAC IN PARTE COMMISSARIIS, IN ALIIS NOSTRIS LITERIS NOMINATIS, TOTIQUE SACRÆ SYNODO, IN CIVITATE NOSTRA COLONIENSI CELEBRANDA, IN DOMINO CONGREGANDIS, SALUTEM ET OMNIS BONI INCREMENTUM.

Desideravimus quidem huic sancto vestro conventui personaliter interesse, ad prosequendam & confirmandam semel bene cœptam Ecclesiarum, nostræ curæ commissarum, Reformationem, per communem sollicitudinem

nem vestram simul & nostram. Sed quum arduis aliis Ecclesiæ nostræ negotiis impediti detinemur, quo minus præsentiam nostram corporalem apud vos nunc exhibere possimus; Ideo curandum Nobis, & omnino providendum putavimus; ut saltem mentis & voluntatis nostræ significatione, & spiritus conjunctione vobis adestemus. Quare præsens scriptum, nostra consilia & iussa continens, ad vos mittere decrevimus, in hac sacra Synodo evulgandum, & a vobis pro obedientiæ vestræ debito humiliter recipiendum, & per adjuvantem & cooperantem Dei gratiam, in Ecclesiis & locis vestræ curæ commissis, in omnibus & singulis articulis subsequentiis prompte & fideliter exequendum, tenoris subsequentiis:

Initio, cum Divo Augustino attestante, Conciliorum Generalium in Ecclesia magna sit & salubris autoritas, cui nulli Catholico liceat obluſtari: Cumque sacra Oecumenica Synodus Tridentina, nuper singulari DEI Beneficio congregata, & brevi eodem

Deo Optimo Maximo bene favente & adspirante continuanda, & ad finem utque omnibus bonis optabilem perducenda, multa præclare, religiose ac pie, præter Catholicæ doctrinæ (quam tradidit) soliditatem, pro Ecclesiarum & personarum Ecclesiasticarum Reformatione constituerit, pulchre consentientia cum his, quæ nuper in Provinciali nostro Concilio, Reverendorum Suffraganeorum nostrorum, & vestro intercedente assensu, provide sancita sunt: idcirco, ut eo major nostris Decretis accedat autoritas, quædam ex his, quæ Tridenti auctoritate sacri Oecumenici Concilii in septima Sessione salubriter constituta sunt, in hac nostra sacra Synodo (ne quis eorum ignorantiam obtendere possit) publicari, ac deinceps firmiter & inviolabiliter observari præcipimus & mandamus, nempe Caput III. IV. V. VI. VII. VIII. XI. XII. XIII. XIV. & XV. sub Titulo, *De Residentia, & Reformandis in Ecclesia moribus*. Et Cap. III. sub Titulo, *De his, qui minoribus Ecclesiis præstant*. Quæ sequuntur in hæc Verba:

Decreta Sacri Generalis Concilii Tridentini in Septima Sess. jam memorata.

CAPUT III.

*Habilibus duntaxat personis beneficia
conferantur.*

" **I**NFERIORA beneficia, præfer-
" tim curam animarum habentia,
" personis dignis & habilibus, & quæ
" in loco residere, ac per se ipsos cu-
" ram ipsam exercere valeant, juxta
" Constitutionem Alexandri III. in La-
" teranensi, quæ incipit: *Quia nonnulli*.
" (a) Et aliam Gregorii X. in Genera-
" li Lugdunensi Concilio, quæ incipit:
" *Licet Canon*. (b) editam, conferantur.
" Aliter autem facta collatio, sive pro-
" visio, omnino irritetur: Et ordina-
" rius Collator penas Constitutionis
" Concilii Generalis, quæ incipit:
" *Grave nimis*. (c) se noverit incursum.

CAPUT IV.

*Plurium beneficiorum retentor contra Cano-
nes, iis privetur.*

" **Q**UICUNQUE de cetero plura
" curata, aut alias incompatibilia benefi-
" cia Ecclesiastica, sive per viam unio-
" nis ad vitam, sive commendæ perpetuæ, aut alio quocunque nomine &
" titulo, contra formam sacrorum Canonum, & præsertim Constitutionis
" Innocentii III. quæ incipit: *De multa*. (d) recipere, ac simul retinere
" præsumperit; beneficiis ipsis, juxta ipsius Constitutionis dispositionem,
" ipso jure, etiam præsentis Canonis vigore, privatus exeat.

CAPUT

(a) C. *Quia nonnulli*. De Cler. non resid.
(c) C. *Grave nimis*. De Præb.

(b) C. *Licet Canon*. De elect. in 6.
(d) C. *De multa*. De Præb.

CAPUT V.

*Plura beneficia curata obtinentes, Ordinario
suas dispensationes exhibeant: qui de Vi-
cario Ecclesiis provideat, congrua
portione fructuum as-
signata.*

" ORDINARIUM locorum quoscun-
que, plura curata, aut alias incompati-
bilia beneficia Ecclesiastica obtinen-
tes, dispensationes suas exhibere di-
strictè compellant; & alias proce-
dant juxta Constitutionem Gregorii X.
in Generali Lugdunensi Concilio edi-
tam, quæ incipit: *Ordinarii*: (e)
Quam eadem sancta Synodus inno-
vandam censet, & innovat; Addens
insuper, quod ipsi Ordinarii etiam
per idoneorum Vicariorum deputa-
tionem, & congruæ portionis
fructuum assignationem omnino pro-
videant, ut animarum cura nullatenus
negligatur, & beneficia ipsa de-
bitis obsequiis minime defraudentur:
appellationibus, privilegiis, exem-
ptionibus quibuscunque, etiam cum
judicum specialium deputatione, &
illorum inhibitionibus in præmissis,
nemini suffragantibus.

CAPUT VI.

*Quæ beneficiorum uniones valida cense-
antur.*

" UNIONES perpetuæ, a qua-
draginta annis citra factæ, examinari
ab Ordinariis, tanquam a Sede Apo-
stolica delegatis, possint: & quæ per
surreptionem, vel obreptionem ob-
tentæ fuerint, irritæ declarentur.
Illæ vero, quæ a dicto tempore citra
concessæ, nondum in toto, vel in
parte sortitæ sunt effectum, & quæ
deinceps ad cujusvis instantiam fient
(nisi eas ex legitimis, aut alias ratio-
nabilibus causis coram loci Ordina-
rio, vocatis, quorum interest, ve-
rificandis, factas fuisse constiterit)
per surreptionem obtentæ præsuman-
tur: ac propterea, nisi aliter a Sede
Apostolica declaratum fuerit, viri-
bus omnino careant.

(e) C. Ordinarii. De offic. Ordin. in 6.

CAPUT VII.

*Beneficia Ecclesiastica unita visitentur: per
Vicarios, etiam perpetuos, cura exer-
ceatur; quorum deputatio fiat
cum portione assignanda,
etiam super re
certa.*

" BENEFICIA Ecclesiastica cura-
ta, quæ Cathedralibus, Collegiatis,
seu aliis Ecclesiis, vel Monasteriis,
beneficiis, seu Collegiis, aut piis lo-
cis quibuscunque, perpetuo unita &
annexa reperiuntur, ab Ordinariis lo-
corum annis singulis visitentur, qui
solicite providere procurent, ut per
idoneos Vicarios perpetuos (nisi ip-
sis Ordinariis pro bono Ecclesiarum
regimine aliter expedire videbitur)
ab eis cum tertiæ partis fructuum, au-
majori, vel minori, arbitrio ipsorum
Ordinariorum, portione etiam su-
per certa re assignanda, ibidem de-
putandos, animarum cura laudabili-
ter exerceatur: appellationibus, pri-
vilegiis, exemptionibus, etiam cum
Judicum deputatione, & illorum in-
hibitionibus quibuscunque in præ-
missis minime suffragantibus.

CAPUT VIII.

*Ecclesiæ reparentur: cura animarum soli-
cite habeatur.*

" LOCORUM Ordinarii Ecclesias
quascunque, quomodolibet exemp-
tas, auctoritate Apostolica singulis
annis visitare teneantur, & opportu-
nis remediis providere, ut quæ re-
paratione indigent, reparentur: &
cura animarum, si qua illis imminet,
aliisque debitis obsequiis minime de-
fraudentur: appellationibus, privi-
legiis, consuetudinibus etiam ab im-
memorabili tempore præscriptis, Ju-
dicum deputationibus, & illorum
inhibitionibus, penitus exclusis.

CAPUT XI.

*Facultates de promovendo sine justa causa
nemini suffragentur.*

" FACULTATES de promo-
vendo a quocunque, non suffragen-
tur,

" tur, nisi habentibus legitimam cau-
 " sam, ob quam a propriis Episcopis
 " ordinari non possint, in literis expri-
 " mendam : & tunc non ordinentur,
 " nisi ab Episcopo in sua Diœcesi resi-
 " dente, aut pro eo Pontificalia exer-
 " cente, & diligenti prævio examine.

CAPUT XII.

*Facultas de non promovendo annum non
 excedat.*

" FACULTATES de non pro-
 " movendo, (f) præterquam in casu-
 " bus a jure expressis concessæ, ad an-
 " num tantum suffragentur.

CAPUT XIII.

*A quocumque presentati non instituantur sine
 prævio examine Ordinarii & ap-
 probatione, certis ex-
 ceptis.*

" PRÆSENTATI, seu electi, vel
 " nominati a quibusvis Ecclesiasticis
 " personis, etiam Sedis Apostolicæ
 " Nunciis, ad quævis Ecclesiastica be-
 " neficia, non instituantur, nec confir-
 " mentur, neque admittantur, etiam
 " prætextu cujusvis privilegii, seu con-
 " suetudinis, etiam ab immemorabili
 " tempore præscriptæ; nisi fuerint pri-
 " us a locorum Ordinariis examinati,
 " & idonei reperti: & nullus appella-
 " tionis remedio se tueri possit, quo-
 " minus examen subire teneatur. Præ-
 " sentatis tamen, electis, seu nominatis
 " ab Universitatibus, seu Collegiis ge-
 " neralium studiorum, exceptis.

CAPUT XIV.

*Causæ Civiles exemptorum Clericorum sæcu-
 larium, & Regularium, degentium
 extra Monasterium, ab Epif-
 copis cognoscantur.*

" IN EXEMPTORUM causis Consti-
 " tutio (g) Innocentii IV. quæ incipit:
 " Volentes. in Generali Concilio Lug-
 " dunensi edita, servetur: quam ea-

" dem Sacrosancta Synodus innovan-
 " dam censuit, & innovat. Addendo
 " insuper, quod in Civilibus causis
 " mercedum, & miserabilium perso-
 " narum, Clerici sæculares, aut Regu-
 " lares, extra Monasterium degentes,
 " quomodolibet exempti, etiam si cer-
 " tum Judicem, a Sede Apostolica de-
 " putatum, in partibus habeant; in
 " aliis vero, si ipsum Judicem non ha-
 " buerint, coram locorum Ordinariis,
 " tanquam in hoc ab ipsa Sede delega-
 " tis, conveniri, & jure medio ad solven-
 " dum debitum cogi & compelli pos-
 " sint: Privilegiis, exemptionibus, con-
 " servatorum deputationibus, & eo-
 " rum inhibitionibus, adversus præ-
 " missa nequaquam valituri.

CAPUT XV.

*Ordinarii curent, ut Hospitalia quæcunque,
 etiam exempta, a suis Administratori-
 bus fideliter gubernentur.*

" CURENT Ordinarii, ut Hospi-
 " talia quæcunque a suis administrato-
 " ribus, quocunque illi nomine cen-
 " seantur, etiam quomodolibet exemp-
 " tis, fideliter, & diligenter gubernen-
 " tur, Constitutionis Concilii Vien-
 " nensis, quæ incipit: *Quia contingit.*
 " forma servata. Quam quidem Con-
 " stitutionem eadem Sancta Synodus
 " innovandam duxit, & innovat, cum
 " derogationibus in ea contentis.

*Sessio VI. Decreti de Refor-
 matione*

CAPUT III.

*Excessus Sæcularium Clericorum, & Regula-
 rium agentium extra Monasteria, ab
 Ordinario loci corrigantur.*

" ECCLESiarum Prælati ad
 " corrigendum subditorum excessus,
 " prudenter ac diligenter intendant: &
 " nemo sæcularis Clericus cujusvis per-
 " sonalis, vel regularis extra Mona-
 " sterium degens, etiam sui Ordinis
 " privi-

(f) D. c. *Licet Canon. & c. Cum ex eo. De elect. in 6.*

(g) Ista Constitutio Innocentii IV., quæ incipit: *Volentes*, habetur *Lib. 6. Decretalium* C. i. in qua constituitur, quod exempti, vel privilegiis muniti, non teneantur, nisi sub certo Judice respondere; nihilominus ratione delicti admissi, contractus initi, aut rei sitæ in loco non exempto, coram locorum Ordinariis conveniri pos-
 sint ac debeant.

" privilegii prætextu, tutus censeatur,
 " quo minus, si deliquerit, ab Ordinario loci, tanquam super hoc a Sede Apostolica delegato, secundum
 " Canonicas Sanctiones, visitari, puniri, & corrigi valeat.

Finiunt Decreta Sacri Concilii Tridentini.

MANDATUM

De non leviter præstandis juramentis, ac propterea non quovis ad Majores Ordines, ne per-jurus fiat, admit-tendum.

SECUNDO, quia in Concilio Provinciali Colonienfi sub titulo: *De altero medio*, ad consequendam *Reformationis* executionem necessario, quod est examen Ordinandorum: inter cætera prudenter ac provide constitutum est, ut ordinandi & instituendi ad sacra ministeria, prius diligenter examinentur & interrogentur, possintne, & velint muneri, ad quod suscipiendum aspirant, pro virili satisfacere; Ita vero, proh dolor, hac deplorata tempestate, eveniat, quod licet omnes ordinandi ad Sacerdotii gradum, secundum Sacrorum Canonum instituta, & morem hætenus in Ecclesia receptum, teneantur corporale juramentum Ordinatori suo præstare, quod Episcopo, ad cujus Parochiam ordinandi erunt, obediens & consentientes esse velint, secundum justitiam & ministerium suum: quod quoque juramentum post factam ordinationem, Sanctique Corporis & Sanguinis Domini sumptionem, iterata promissione confirmant, promittentes Episcopo suo, ad cujus Parochiam ordinati sunt, reverentiam & obedientiam: similiter instituendi ad Beneficia Ecclesiastica, præsertim, quibus cura animarum imposita est, jurent suo Episcopo & aliis Superioribus suis obediens esse in omnibus licitis & honestis: Nihilominus tamen eorum permulti, præsertim sub sæcularibus potestatibus, per Diocesin nostram Coloniensem mo-

rant, dum Ordinationes, vel institutiones ambiunt, hæc omnia Ordinatori, seu Archidiacono, vel Examinatori stipulanti, magna facilitate, corporali etiam jurejurando interveniente, promittunt: Promoti vero, & provecti jam ad Sacerdotii ordinem, vel Beneficii titulum, suorum promissorum & juramentorum immemores, omnem protinus obedientiam & reverentiam debitam in exequendis his præsertim, quæ ad disciplinam pertinent, Nobis suo Archi-Episcopo, exhibere detestant, parum solliciti de gravissimi perjurii reatus incurfu. Cum igitur Propheta monente, *(b)* singulari curaprovidendum sit, ut omnes, a quibus juramentum recipitur, jurent *in veritate & judicio, & in justitia*: cumque Ecclesia per indiscretæ jurationis exactionem viam perjurii aperire non debeat, quæ perjuria vetat; idcirco auctoritate nostra Archi-Episcopali, quam a Domino in ædificationem, & non in destructionem accepimus, volumus, præcipimus & mandamus, & in hac Sacra Synodo, omnium quoque vestrum accedente consensu, firmari cupimus; ut deinceps quicumque per Archi-Diaconos ad Beneficia, quæ curam animarum annexam habent, institui, seu per Vicarium nostrum in Pontificalibus ad Sacerdotii gradum promoveri desiderant, ante omnia de juramento, hac in parte per eos præstando, diligenter admoneantur. Qui, nisi admoniti existiment ac sperent, atque adeo secum tanquam coram Deo constituent, se posse, ac velle, quam jurejurando promittunt, obedientiam, omni mundano timore postposito, Nobis præstare & exhibere, nempe in his, quæ ad nostrum & eorum officium spectant; omnino non ordinentur, vel instituantur: eo maxime, ne Vicarius noster in Pontificalibus, aut Archi-Diaconi nostri ullam ansam, vel occasionem perjurii, quæ metus est illos per supinam incuriam & incogitantiam incursum, præstent. Ut sileamus, ejusmodi homines, qui nondum eo constantia pervenerunt, ut velint plus obedire Deo, quam hominibus, & po-

nus

(b) Jerem. 4.

Tomus VI. Concilior. German.

tius omnia mala pati, quam malo consentire, tanta ordinatione & institutione indignos merito cenferi. Volumus quoque jam institutos & ordinatos hujus Edicti nostri autoritate, suorum præstitorum juramentorum admonitos esse, ut cogitent, quam grave sit, mentiri Spiritui Sancto, & committere in secundum præceptum decalogi, quod Deus non sine interminatione inevitabilis vindictæ promulgavit, dicens: (1) *Non enim in fontem babelit Dominus eum, qui assumpsit nomen Domini Dei sui frustra.* Qui etiam scient, si perjuri reatum contempserint, Nos ad pœnarum, perjuris a jure irrogatarum declarationem, ut justitia postulaverit, processuros & procedi curaturos.

Statutorum D. SIFRIDI, & D. VUALRAMI de Synodorum observatione innovatio.

TERTIO. Etsi frequens Synodorum celebratio, perspicua sit agri Dominici cultura, & proinde statim ab initio nascentis Ecclesiæ, Apostolorum etiam ætate (quod, qui Apostolorum Canones vocantur, conscripti a Beato Clemente testantur) saluberrime constitutum sit, uno quoque anno bis Synodum Episcopalem habendam esse, ad determinandas Ecclesiæ quæstiones, & reformandos mores: id quod etiam in Synodo nostra Provinciali proxime celebrata repetitum meminimus: docet tamen rerum experientia, tantam esse etiam eorum, qui ministeria Ecclesiastica susceperunt, incogitantiam, & socordiam, ut nisi formidine pœnæ adigantur, nihil rite, & ut pro debito officii tenentur, faciant vel exequantur. Quapropter quondam bonæ memoriæ, Dominorum Sifridi & Vualrami Archi-Episcoporum Colonienſium, Prædecessorum nostrorum, quorum vestigiis libenter inhæremus, Statuta, hac de re edita, cum censurarum & pœnarum, quæ illorum vigore contemptoribus inſiguntur, interminatione, in omnibus & singulis articulis suis, præsentium per tenorem innovamus, & deinceps firmiter & in-

violabiliter observari, & contraventores vel contemptores eorundem, in memoratas pœnas damnabiliter incidisse declarari mandamus. Quæ Statuta sequuntur in hæc verba:

Statutum Domini SIFRIDI de Synodi observatione.

" Licet de Clericis, qualiter eos cum modestia, sobrietate &c. *Vide Tom. III. Conc. Germ. pag. 657.*

Statutum Domini VUALRAMI de Synodi observatione.

" WALRAMUS Dei gratia &c.
" Multis modis & in pluribus Sacris
" Synodis hætenus &c. *Vide Tom. IV. nostro pag. 442.*

Archi-Diaconis & Christianitatum Decanis sua Concilia, sive Capitula diligenter suis temporibus observanda.

QUARTO, Cum frustra in Sacris Synodis Episcopalibus edantur Constitutiones & Decreta, nisi, quibus hoc ex suscepto munere incumbit, ea probe ac diligenter, ut fideles Ecclesiarum Ministros decet, exequantur: ac non modo in Sacris Canonibus, sed & in memorata *Reformatione Ecclesiasticorum Ordinum*, Augustæ receptæ, expressè sancitum sit, Archi-Diaconos, & Decanos Rurales, velut in partem sollicitudinis hac in parte vocatos & constitutos, singulis quibusque annis, post Synodorum Episcopalium celebrationem, suas quoque Synodos Archi-Diaconales & Rurales in suis regionculis observare debere: in quibus Synodorum Episcopalium Decreta, placita & sententias, curæ suæ Parochis, in ejusmodi suis Synodalibus Conventibus ex more congregatis, intiment, publicent, ac exequantur: solícite invigilantes, ut si quid adversus fidem, pietatemque emergat, & graviora quæque Episcopo, ad quem cura prima pertinet, significant, ejusque vel Synodi judicio submittant: Experientia vero doceat, quos-

(1) Exod. 20.

quosdam hac in re tam pia, salutari, atque adeo summe necessaria, rite gerenda, multum segnes, ac desides esse: quosdam etiam tam sanctum institutum improbe contemnere, & nihil minus, quam quod ad se proprie pertinet, peragere & adimplere, suæ profecto vocationi pessime servientes: Idcirco, qui hanc socordiam, & in officio cessationem, quantum in Nobis est, corrigere debemus, omnes & singulos Archidiaconos, Prælatos, & Christianitatum Decanos, omnesque alios, qui intra suos terminos suas Synodos, seu Capitula, ut vocant, servare tenentur, similiter omnes Parochialium Ecclesiarum Rectores, & Vice-Curatores, præsentium vigore requirimus & moneamus: Archidiaconos quidem ac Prælatos, & Christianitatum Decanos, ut memoratas suas Synodos, seu Capitula, deinceps suis quibusque temporibus diligenter observare curent, & in his nostra & Synodorum nostrarum Episcopatum Decreta publicent, & quæ corrigenda & reformanda erunt (prout ad cuiusque eorum officium pertinuerit) corrigant & reforment, graviora vero ad Nos referant: Rectores vero & Vice-Curatores Ecclesiarum Parochialium, ut ad ejusmodi Synodos seu Capitula, quæ visitare quique tenentur, obedienter compareant, Decreta, Statuta & Præcepta Synodalia audiant, audita in suis Parochiis effectui mancipent, & *Reformationi* injunctæ studeant & invigilent: ne servi mali, pigri, & inutiles reperiantur, sub censuris, pœnis & multis in Statutis Synodalibus, tam quondam bonæ memoriæ Domini Engelberti, quæ postea sub Domino Henrico facta sunt Provincialia; quam quondam bonæ memoriæ Domini Hermannii ab Hassia, Prædecessorum nostrorum, (quæ quoque inferius descripta, præsentium vigore innovamus) in contemptores & cessatores ejusmodi latis & promulgatis, quas ipsos incurrere volumus ipso facto.

Sequitur Statutum Concilii Provincialis quondam Domini ENGILBERTI, contra impediētes & turbantes Celebrationes Sanctarum Synodorum.

" Statuimus etiam, ut Prælati &
" ordinarii Judices nostræ Civitatis &
" Diocesis &c. *Vide Tomo III. in Synodo Engelberti anno 1266. celebrata Cap. XIV. pag. 623.*

Sequitur Mandatum quondam Domini HERMANNII ab Hassia, per ejus Officialem in Synodo promulgatum.

" Item mandat idem Venerabilis
" Dominus Officialis omnibus & singulis
" Pastoribus & Vicecuratis, quatenus
" in Capitulis suorum Decanatum,
" statutis temporibus observandis se
" personaliter repræsentent, sub pœna
" tuius Scutari Vuilhelmi, pro una
" Fisco Reverendissimi Domini nostri
" Archi-Episcopi Colonienfis, & pro
" alia medietatibus Decano & Capitulo
" rurali, sub quibus degunt, irremissibiliter exigenda, applicandi. Nisi
" rationabilis causa, quam etiam teneantur
" tunc Decano & Capitulo per
" scripta, aut alias legitime per certum
" nuncium, ad hoc missum, allegare,
" ipsos excuset: & tunc in casu prædicto
" expensas, pro qualibet persona
" solvi consuetas, Decano & Capitulo
" loci transmittere teneantur.

ET QUIA nuper Decanos nostrarum Decaniarum Ruralium per nostram Diocesim Coloniensem sitarum, ubicunque locorum residentes, qui supra scriptis Constitutionibus quondam Dominorum ENGILBERTI, & HERMANNII, aliisque Provincialibus & Synodalibus Decretis, & *Reformationi* Augustanæ male obtemperarunt, ad comparandum coram hac Sacra Synodo citari & moneeri fecimus, secundum Edicti seu Mandati nostri subsequēntis (quod per Tabellarium nostrum Nobis juratum, eorum singulis fecimus intimari, cujus etiam relationi hac in parte fidem adhiberi volumus) formam & tenorem: Idcirco vobis committimus & mandamus, ut autoritate nostra Archi-Epi-

Epicali, ac etiam Synodali, contra rebelles, (*) obaudientes, inobedientes, contumaces & contemptores, ad comminationarum, & incurfarum poenarum declarationem procedatis, & procedi curretis; ne (**) quos recti & iusti amor ad serviendum vocationi non permovet, saltem poenæ formido ad subeunda sua munera adigat & compellat: sic tamen, ut cum vere resipiscantibus, & deinceps nostris & Sanctæ Ecclesiæ Mandatis parere volentibus, mitius agere possitis.

Sequitur Mandatum nostrum jam memoratum contra Decanos rurales, Synodis Episcopalibus interesse non curantes, nec sua interim Capitula servantes.

ADOLPHUS, DEI GRATIA SANCTE COLONIENSIS ECCLESIE ARCHIEPISCOPUS, SACRI ROMANI IMPERII PER ITALIAM ARCHI-CANCELLARIUS, PRINCEPS ELECTOR, VESTPHALIE ET ANGARIÆ DUX, APOSTOLICÆQUE SEDIS LEGATUS NATVS, &c. UNIVERSIS ET SINGULIS DECANIARUM NOSTRARUM RURALIUM, SIVE CHRISTIANITATUM, PER DIOCESEM NOSTRAM CONSTITUTARUM, UBICUNQUE LOCORUM RESIDENTIBUS DECANIS, ET EORUM SINGULIS, SALUTEM IN DOMINO SEMPTERNAM.

AD audientiam nostram pervenit, quod licet tam ex Sacrorum Canonum, & juris communis dispositione, quam Statutorum Provincialium & Synodaliū Ecclesiæ nostræ Colonienfis, atque etiam Statutorum Decaniarum vestrarum, per vos, & unumquemque vestrum juratorum ordinatione, ad vos pertineat, vestroque officio ac muneri incumbat: bis in anno, videlicet in crastino Dominicæ Invocavit, nec non altera Remigii, Synodis nostris Diocesanis, ac etiam Conciliis nostris Provincialibus, quotiescunque ea observari & celebrari contigerit, personaliter interesse, ibidemque Statuta

& Mandata tam Provincialia, quam Synodalia, quæ in illis communi prahabito consilio eduntur, publicantur & pronunciantur, audire, illorum exemplaria perere & recipere, eaque omnia secundum modum & formam vobis traditam, in proxima Congregatione, seu Capitulo, in vestris Decaniis observanda omnibus & singulis Ecclesiarum Parochialium, sub unaquaque Decania sitarum, & vestris Capitulis subiectarum, publicare, ac efficere, ut ea deinceps per Rectores & Vice-Curatores ejusmodi in suis Parochiis, cunctis ipsorum subditis innotescant, & debite executioni demandentur. Similiter in eisdem Capitulis omnia & singula Mandata, Nos & Archi-Diocos nostros ac vestros, nec non Majoris Ecclesiæ nostræ fabricam, seu Capitulum vestrum concernentia, contra omnes & singulos Rectores, seu Vice-Curatores memoratos, sive presentes, sive absentes, exequi, cum eisdem vestrarum Decaniarum Statutis ita ita tinentibus, ejusmodi mandata sic publicata, debite & legitime exequuta censeantur, ejusdemque roboris, tam in personis absentium, quam etiam presentium esse, eosdemque pariter coarctare debeant: eo quod omnes in ejusmodi Capitulis vestris, memoratis de causis, vel per se, vel legitime impediti, per alios comparere teneantur; Sitque etiam specialiter in Statutis bonæ memoriæ Prædecessorum nostrorum Dominorum SIFRIDI & VUALRAMI, omnibus & singulis, præmissa facere negligentibus, seu exemplaria Decretorum Provincialium, seu Synodaliū, habere non curantibus, seu ea secum minime deferentibus, & in suis Decaniis, seu Parochiis publicare, & executioni demandare obmittentibus, sententia excommunicationis latæ sententiæ inflicta: jubeantque etiam bonæ memoriæ Prædecessoris nostri Domini ENGILBERTI Statuta, ut vos alique, ad quos id muneris spectat, Ecclesiarum Prælati, in terminis vestræ jurisdictioni subiectis, Synodos vestras rurales, congruis temporibus celebratis, & quæ corrigenda vel reformanda

(*) obaudire, plerumque idem sonat, quod obedire: aliquando tamen significat male audire. Hic: obaudientes idem significare videtur, quod: audire negligentes. Vide Glossar. Du Cange V. obaudire & obaudire.

(**) pro ne, legendum videtur: ut.

da occurrunt in iisdem Synodis (ad quas omnes in Parochiis, in quibus eadem Synodi observantur, obedienter confluere tenentur) corrigatis & reformatis : non obstante aliqua occasione vel consuetudine contraria, quæ pro corruptela in dictis Statutis reputatur, & penitus reprobatur : Quibus etiam postea felicitis memoriæ HERMAN-NUS ab Hassia, etiam Prædecessor noster, majus robur addere volens, omnibus & singulis Rectoribus & Vice-Curatis, qui se in dictis Capitulis suorum Decanatum, statutis temporibus observandis, personaliter representare non curaverint, ultra penas Canonicas, multam unius Scutarii Vuillhelmi, pro una Fisco nostro, & pro alia medietatibus vobis Decanis & Capitulis Ruralibus, sub quibus degunt, irremissibiliter exigendam, applicandam irrogaverit : nisi tamen eos, seu illorum aliquem, rationabilis causa, quam & teneantur tum vobis Decanis & Capitulis, per scripta, aut alias legitime, per certum nuncium ad hoc missum, allegare, ipsos excuset : in quo tamen casu nihilominus expensas, pro qualibet persona solvi consuetas, vobis Decanis & Capitulis loci transmittere teneantur : Constat quoque, quod *Reformatio* Status Ecclesiastici, nuper anno M. D. XLVIII. in Comitibus Imperialibus, Augusta celebratis, per Cæsaream Majestatem Ordinibus Ecclesiasticis proposita, & ab iisdem recepta, idem munus præmissa peragendi, vobis passim imponat, & præterea a vobis exigat, ut graviora quæque ad vestrum Archiepiscopum, & Synodum Episcopalem, & Archie-Diaconos vestros, publico judicio submittenda referatis : pro ut passim in ejusmodi *Reformatione*, præsertim sub titulo : *De Ecclesiasticorum Ordinum officiis*, Paragrapho : *Archi-Diaconi*. Et sub titulo : *De Visitatione*. Paragrapho : *Ad hanc formam*, continetur & legitur : Quæ licet omnia ita habeant, vosque omnes & singuli, tam tempore institutionis ad Curam, quam geritis, quam promotionis ad Sacerdotii ordinem, nec non etiam electionis vestræ ad officia vestra Decanalia, juramentis corporalibus intercedentibus, Nobis reverentiam & obedientiam exhibere promiseritis : Nihilominus tamen cer-

tissimis testimoniis edocti sumus, quod permulti vestrum, suæ propriæ salutis immemores, in prædictorum omnium & singulorum, tam pie & religiose statutorum ludibrium & contemptum, non sine gravis perjurii reatus, excommunicationisquæ & aliarum pœnarum supra dictarum incurfu, ad Synodum nostram Dicecesanam, proxime post Remigii celebratam, personaliter comparere, Synodaliaque Decreta & placita, in eisdem constituta, audire, & recipere : immo etiam (quod deterius est) Capitula vestra post dictæ Synodi nostræ celebrationem, pro more observare, inibique ejusmodi Decreta vestræ curæ Parochis publicare, & exequenda demandare minime curaveritis : Immo, quod omnium deterimum est, vestris Archie-Diaconis, quibus in dicta *Reformatione* per Cæsaream Majestatem publicata, sub titulo : *De Visitatione*, Paragrapho : *Debit itaque*, injectum est, ut vestra Capitula & regicularum vestrarum Ecclesias, singulis quibusque annis visitare debeant : quibus etiam Nos in mandatis dedimus, ut Acta & Decreta in novissima Synodo nostra, vobis in dictis Capitulis vestris intimarent, & ad eorum executionem requirerent ; tanquam notorie rebelles, obaudieritis, & dorsa verteritis, illos neque audire, neque in Capitulis vestris præsidere, neque Exemplaria Decretorum nostrorum recipere, nec eorum Mandata exequi volentes : non recogitantes, quod quasi peccatum ariolandi est repugnare, & velut scelus idololatriæ, nolle acquiescere (k) : pœnas & censuras prædictas, aliasque in jure communi contentas, & in tales refractarios fulminatas, damnaviliter incurrendo. Quamobrem vos omnes & singulos in præmissis, seu aliquo præmissorum culpabiles, præsentium per tenorem citamus, & requirimus, quatenus ad feriam secundam post Dominicam *Invoceant* proxime futuram in Civitate nostra Colonienſi coram Nobis, seu nostris Commissariis, & Sacra Synodo, personaliter compareatis, visuri & audituri, vos ob præmissam vestram inexcusabilem inobedientiam, rebellionem, ac Sacrorum Canonum, Provincialiumque & Syno-

G g g g g 3

daliū,

(k) 1. Reg. 15.

daliū, & vestrōrum propriōrum Statutorum, ac etiā juramentōrum vestrōrum, denique Cæsareæ Majestatis *Reformationis* violationem & prævaricationem, in pœnas & censuras prædictas, nec non perjurii reatum, damniliter incidisse, declarari, & declaratos ulterius denunciari & publicari, ac ad alias graviores pœnas etiā depositionis ab officio & beneficio procedi: Nisi coram Nobis, seu Sacra Synodo allegaveritis causam rationabilem, quare præmissa fieri non debeant. Certificantes vos omnes & singulos, quod sive in termino citationis hujusmodi comparueritis, sive non, Nos nihilominus, seu Commissarii nostri, una cum Sacra Synodo, ad præmissa omnia & singula, jure & ratione suadentibus, procedemus, & procedi faciemus, contumacia vestra in aliquo non obstante. Insuper monemus vos omnes & singulos in universum, ut deinceps memorata Statuta Dominorum SIFRIDI, VUALRAMI, ENGILBERTI, & HERMANNI, de Visitatione Synodorum nostrarum Provincialium, & de observatione vestrōrum Capitulorum, & Synodorum vestrarum ruralium edita: nec non *Reformationem* Cæsaream desuper subsequutam, obediēter, fideliter & firmiter observetis: Nobisque & Archi-Diaconis vestris debitam obediētiā præstetis, & exhibeat: nec non Statuta & ordinationes singularum Decaniarum vestrarum, coram Nobis, seu Commissariis nostris, & Sacra Synodo, in forma authentica seu meliori, qua apud vos detinentur, revidenda & perlustranda exhibeat, seu exhiberi curetis, sub excommunicationis, aliisque, quas in omnes & singulos contravenientes, in his scriptis ferimus, pœnis: scientes, quod excommunicationis censuram alia sequetur gravior pœna, hujusmodi Mandati nostris transgressoribus irroganda. In quorum fidem & testimonium, præsens nostrum Mandatum in forma publica confici, Sigillique nostri subimpresione communiri fecimus. Datæ in Arce nostra Poppelsdorff, die Sabbati, vigesima quarta mensis Januarii, anno a Nativitate Domini M.D.LI.

Querela Parochorum contra vulgi avaritiam, ob iniquam eorum, quæ Parochis debent, subtractionem. Innovatio STATUTI quondam D. VUILHELMII Archiep. Ne Domini temporales, Judices, Consules aliquid attentent in præjudicium Sanctæ Ecclesiæ: Et STATUTI quondam D. ENGELBERTI contra detentores, seu subtractores Decimarum.

QUINTO, permultorum Parochorum, & Vice-Curatorum, qui Ecclesiis administrandis, & oculis Christi pascendis, se addixerunt, gravi certe & dolenda querimonia accepimus, hoc tam excellens & laboriosum ministerium, præsentī deploratæ ætate in tantam passim apud laicos veniēse vilitatem & contemptum; ut non modo non cogitent suarum animarum Curatoribus, qui eis spiritalia seminant, carnalia vicissim, hoc est, vel tenuem victum, quo vitam honeste traducere possint, suppeditare: sed & ea, quæ speciali jure debent, ut sunt oblationes Altaris, eæ saltem, quas quemque fidelem hominem in quatuor præcipuis anni Festis exsolvere justum est, & reliqua, quæ ex laudabili more Ecclesiarum Rectoribus dependi consueverunt, perinique subtrahant. Quo fiat, ut eorum plerique, quorum Ecclesiæ nullis, aut admodum tenuibus Redditibus perpetuis sunt dotatæ, ob facultatas tam acciās, vel ad relinquenda ministeria, vel ad turpem, & ignominiosam mendicitatem propemodum adigantur: Esse quoque Laicos quosdam, qui eo vesaniæ venerunt, ut existiment, vanum esse, suorum Parentum & necessariorum, in Domino defunctorum, solennem aliquam in Ecclesiis memoriam agere, aut curare, ut pro eis ad Altare Domini Sacrificium offeratur: non Tricesimos modo, & Anniverfarios dies, quorum vetustissimi quique meminerunt, abrogantes, sed & honestas sepulturas, & religiosas exequias (quæ & Justa vocantur) suis proximis & cognata-

cognatis exhibere, neglecta prorsus omni Christiana pietate; detrectant & pernegant, non satis religiose de resurrectione cogitantes. Quæ omnia quam pugnent cum sacris Literis & Ecclesiastica Traditione, nemo Catholicus ignorat. Beatissimus enim Apostolus post Dominum pronunciat, (a) Justum esse, ut qui Altario deservit, cum Altario quoque participet, Domino ordinante (b) iis, qui Evangelium annunciant, de Evangelio & vivere, quod dignus sit operarius mercede sua. Qui & eodem loco suos Corinthios alloquens: Si nos, inquit, vobis spiritualia seminavimus, magnum est, si carnalia vestra metamus? Cui Divinæ, & Apostolicæ doctrinæ Concilium Generale innitens, ita quoque constituit, quod tametsi Sacramenta libere sint conferenda, nihilominus tamen non ferendos esse laicos, qui laudabilem consuetudinem erga Sanctam Ecclesiam, pia devotione fidelium introductam, ex fermento hæreticæ pravitatis nituntur infringere, sub prætextu Canonice pietatis. Et proinde eodem Concilio sancitum sit, ejusmodi pias consuetudines observari debere, & mandatum insuper Episcopis, ut veritate cognita, eos compellant, qui malitiose nituntur ejusmodi laudabiles consuetudines immutare.

Quamobrem Divinis præceptis & Conciliaribus Decretis obsequi volentes, memoratam laicorum irreligiositatem, & iniquam eorum, quæ suis Parochis debent, subtractionem, & laudabilium Ecclesiæ consuetudinum præsumptam abolitionem: una cum omnibus Ordinationibus seu Statutis sæcularibus, quibus cuilibet permittitur, ab ordinationibus, traditionibus, & laudabilibus Ecclesiæ consuetudinibus impune discedere, præsentium per te-

norem damnamus, innovantes STATUTUM quondam bonæ memoriæ Domini VUILHELMI Archi-Episcopi, Prædecessoris nostri, sub titulo: *Ne aliqui Domini temporales, vel Judices, vel Consules, aliquid attentent in præjudicium Sanctæ Ecclesiæ* (& illius Innovatorium & Declaratorium felic. record. THEODERICI Archi-Episcopi, incipiens: *Item, cum præsumptuosa quorundam Dominorum temporalium &c.*) quod sequitur in hæc verba:

WILHELMUS, DEI gratia, &c.
" Præsumptuosa quorundam Domino-
" rum temporalium, &c. (c)

Innovamus præterea STATUTUM quondam bonæ memoriæ Domini ENGLBERTI, contra detentores, seu subtractores Decimarum, quod sequitur in hæc verba: " Item cum Sacri-
" legi censentur, qui injuriose sub-
" trahunt &c. (d)

*Innovatio Statuti quondam bonæ
mem. D. FRIDERICI Archiep. &c.
De impediētibz Jurisdictionem
Ecclesiasticam, & de violatoribus
Immunitatum Ecclesiasticarum,
& de excommunicatis in cæ-
meterio non sepeli-
endis.*

SEXTO, quia Christus vult esse judicium in Ecclesia, & Excommunicatos vitari, tam vivos, quam mortuos debere; quod (secundum Sacros Canones) quibus non communicamus vivis, nec communicare debeamus defunctis: quia quoque Christus domui suæ, orationi dedicatæ, & quæ huic adhærent fidelium cæmeteriis, suum vult honorem & immunitatem confer-
vari:

(a) 1. Cor. 10.

(b) Matth. 10.

(c) Statutum istud Wilhelmi Archi-Ep. Colonienf. cum pluribus aliis editum fuit anno 1357. die 25. Februar. Vide illud Tomo IV. Concil. Germ. pag. 483. Innovatum deinde a Theoderico a Mærsa Archi-Ep. Colon. in Synodo Provinciali anno 1423. Synodum hanc vide Tom. V. nostro Conc. Germ. pag. 217. ubi Cap. IV. prædicti Statuti confirmationem reperies.

(d) Vide illud nostro Tom. III. Conc. Germ. pag. 629. n. V. inter cætera Engelberti II. Statuta Diocesana, edita anno 1266. Eadem anno 1322, ab Henrico Archi-Ep. Colon. facta sunt Provincialia, in Concilio Colon. Provinciali. Vide Tom. IV. Conc. Germ. pag. 282.

vari : idcirco & jam STATUTUM quondam bonæ memoriæ Domini FRIDERICI Archi-Episcopi, de impedientibus jurisdictionem Ecclesiasticam ; & de excommunicatis in cœmeterio non sepeliendis, præsentium autoritate innovamus. Cui & hoc adjicimus, inique agere laicos, qui Parochos adigunt, ad infantes non baptizatos, vel partus abortivos, in Cœmeteriis, ad fidelium tantum corpora conservanda consecratis, sepeliendos : quod & hoc ipso, Baptismo injuria fieri videatur, & Anabaptistarum furori quidquam tribui, qui omnium hominum, nedum Christianorum, infantes, pares, quod ad perpetuam salutem consequendam attinet, faciunt.

Sequitur jam memoratum Statutum quondam Domini FRIDERICI.

FRIDERICUS, DEI gratia &c.
" Quamquam Sacris Canonibus &c. (e)

Innovatio STATUTI in præcedente Synodo Colonienfi promulgati de Processionibus & Dedicationibus.

SEPTIMO, quia nunc tempus appetit, quo solent Dedicationes Ecclesiarum, & Circumlationes Venerabilis Sacramenti Eucharistiæ, Reliquiarum & imaginum, & similes processionες & stationes frequentari, in quibus hæctenus magis ventri, seu Como (f) Deo, comestationibus & ebrietatibus immodicis, & tympanis, ac aliis musicis instrumentis, lascive satīs & procaciter resonantibus, servitum est : idcirco ad tam fœdos abusus penitus abominandos, serio volumus, & districte præcipimus, Decretum Concilii nostri Provincialis, sub Rubrica : *De processionibus, in quibus Sacra Hostia cum imaginibus Sanctorum circumfertur* : (g) Nec non Mandatum nostrum in nupera nostra Synodo super hac re publicatum, (b) firmiter observari. Volumusque, ut in omnibus Ecclesiis ejusmodi Decretum ac Mandatum e suggestis per Prædicatores Verbi Dei, populo diligen-

ter enarrentur, exponantur, & Scripturarum Divinarum allegationibus inculcentur, quo populus Divina voce, cui omnia cedunt, ab abusionibus illis peffimis deterreatur & abducatur.

Innovatio STATUTI olim Reverendissimi D. HERMANNI ab Hassia : De executionibus Testamentorum.

OCTAVO. Licet Canonicis institutis expressum sit, Clericos de rebus suis, quæ consideratione Ecclesiæ perceiverint, nullum de jure præter sui Episcopi consensum, facere posse Testamentum : quodque de Clericorum Bonis, intuitu Ecclesiæ acquisitis, Episcopo loci ad minimum quarta pars relictorum debeatur, ipsumque Episcopum Testamentorum Executoribus in executione, si intra annum eam facere neglexerint, succedere : Nostri autem Prædecessores, & præsertim memoratus quondam D. Hermannus ab Hassia, debitam nobis portionem ad quantitatem longe minorem, quam a Canonibus tributam, pro sua in Clericos humanitate redegerint, quam & Nos, ne quis se gravari, justè quæri possit, libenter amplectimur : Idcirco Statutum Domini Hermanni, de executionibus Testamentorum, a Clericis conditorum, quod subjecimus, præsentium per tenorem innovamus.

STATUTUM olim Reverendissimi Domini HERMANNI ab Hassia, Archi-Episcopi Colon. &c. De Executionibus Testamentorum.

HERMANNUS, DEI GRATIA SANCTÆ COLONIENSIS ECCLESIAE ARCHI-EPISCOPUS, S. R. I. PER ITALIAM ARCHI-CANCELLARIUS, PRINCEPS ELECTOR, WESTPHALIÆ ET ANGARIÆ DUX, LEGATUSQUE NATUS &c.

" Cum nil plus debeatur hominibus, quam ut supremæ voluntatis,

(e) Vide Tom. IV. Conc. Germ. pag. 519. Caput II. Synodi Colonienfis, anno 1375. sub Friderico III. Archi-Ep. Colon. celebratæ.

(f) Comus, apud Veteres dicebatur *Deus comestationum & Saltationum nocturnarum.*

(g) Supra pag. 557.

(b) Pag. 776. in Syn. præcedente.

tatis, postquam jam aliud velle non possunt, liber sit stylus, & licitum, quod non redit, arbitrium: Nostra que interfit, ut vota defunctorum per omnia observentur & adimpleantur: idcirco pietate & misericordia, quam defunctis debemus, moti, ac animarum saluti consulentes, Auctoritate nostra Ordinaria statuimus & ordinamus, ut cujuscunque Testamenti, ultimæ voluntatis, sive Codicilli, aut etiam ordinationis quorumcunque Legatorum, verbo, vel in scripto quomodocunque factorum, Executores, Manufideles, sive fidei Commissarii, quomodocunque nominentur & appellentur, intra annum continuum, a die mortis Testatoris computandum, testamenta, ultimas voluntates, codicillos, sive ordinationes Legatorum defunctorum, debeant realiter & cum effectu executi fuisse: Alioqui, dicto anno elapso, executio testamentorum, ultimarum voluntatum, codicillorum, sive piarum ordinationum, nulla expectata monitione, sive avocatione, ad Nos, nostrosque Successores, futuros Archi-Episcopos pro tempore devolvatur.

Insuper statuimus, & ordinamus, præcipimusque, & mandamus, ut Executores præfati, intra triginta unum dies, a die mortis Testatoris computando, Sigillifero Curiae nostræ Colonienfis, veras & integras de verbo ad verbum concordantes, & collationatas copias, ex veris Originalibus extractas Testamenti & Inventarii, realiter & cum effectu debeant exhibuisse, sub pœna excommunicationis latæ sententiæ & decem florenorum Rhenensium, Fisco nostro, dicto termino lapso, ipso facto persolvendorum, nisi substantia defuncti tam ampla & magna sit, aut aliud legitimum obster impedimentum, quod intra dictos triginta unum dies, Bona defuncti nequeant commode conscribi, & de his Inventarium fieri. Ex tunc nihilominus nostro Sigillifero pro tempore teneantur hoc ipsum significare, & intra triginta unum dies prædictos a Sigillifero tempus competens petere. Quod

Tonus VI. Concilior. German.

etiam, si eorum petitio fuerit rationabilis, eis non denegabitur, sub pœnis & censuris prædictis.

Item ordinamus, statuimus, præcipimus & mandamus, ut dicti Executores cujuscunque Testamenti, ultimæ voluntatis, codicilli, aut ordinationis quorumcunque Legatorum, intra mensem post annum prædictum immediate sequentem, sine ulteriori dilatione, coram Nobis de executione dicti Testamenti computationem, rationem & calculum legitimos realiter & cum effectu fecisse debeant, & teneantur: Alioqui in pœnas excommunicationis, & decem florenorum prædictorum incidant ipso facto.

AD HÆC quamvis secundum Decreta Canonica Clericorum ab intestato decedentium Bona, ad Ecclesiam devolvantur: & ad Episcopum, ea secundum ipsorum Canonum præscripta, in pios usus distribuere pertineat; reperiuntur tamen, qui temerariis & iniquis ausibus eadem Bona, sua auctoritate invadere & occupare præsumunt, quod sub excommunicationis sententia deinceps fieri prohibemus.

De Ludimagistris sedulo, cujus sint fidei, examinandis.

NONO, cum Ludimagistri hæretica pravitare adpersi vel infecti, gravissimam perniciem Ecclesiæ & Republicæ afferant, quando simplicis & innocentis juventutis animos perverfa & depravata doctrina vitiant ac violent: eaque de re in Concilio nostro Provinciali cautum sit, dando esse per Dicecesim viros, cum doctos, tum pios, qui Ludimagistros ubique locorum constitutos, & deinceps constituendos, simul & libellos, quos prælegunt, diligenter examinent; Hinc est, quod vobis injungimus, ut communicato cum Decanis Ruralibus consilio, viros tales, quos eruditos simul ac pios, & Catholicæ Religionis studiosos esse, certis testimoniis acceperitis, Nostro, & Synodi nomine nominatim designetis, & deputetis, qui singuli intra sua pomeria ipsis decernenda, Ludimagistros per totam nostram Dicecesim, oppi-

H h h h h

datim

darim vel vicatim, ad juventutem docendam conductos aut conducendos, diligenter de fide & doctrina examinent, & judicium de authoribus, ex quibus juvenus, vel etiam plebs, tuto doceri possit, ferant, idoneos viros approbent, pravos vero & suspectæ fidei, cum malis libellis abjiciant: & ad hoc inprimis sint intenti, ne quisquam Ludimagister juventuti sibi concredita, alium Catechismum prælegat, vel discendum proponat, quam qui sit citra controversiam a bene Catholico compositus, quique expositionem contineat Symboli Apostolici, Orationis Dominicæ, Salutationis Angelicæ, decem Præceptorum, & septem Ecclesiæ Sacramentorum, secundum Catholicæ Ecclesiæ interpretationem & ritus.

De collapsæ Disciplinæ Ecclesiasticæ instauratione.

DECIMO, quia ad Episcopos quam maxime spectat, Disciplinæ Ecclesiasticæ collapsâ instaurationi, atque ita, proh dolor, habeat, quod inexcusabili incuria & oscitantia Majorum, tum Capitularis in Collegiis Ecclesiasticis disciplina, cum publica penitentia, quam jus Divinum & humanum eos, qui publica admiserunt crimina, anteaquam ad communionem Sacramentorum recipiantur, peragere postulat, pene abolita sit: Extent autem adhuc, ut accepimus, fragmenta quædam veteris moris apud Ecclesias, quæ si docti aliquot & pii diligenter inspiciant, & cum judicio perlegant; facile modum ac viam invenerint, utriusque disciplinæ tam Cleri, quam populi, restituendæ: Eam ob rem nostræ Majoris, nec non Collegiatarum, aliarumque Ecclesiarum Prælati & personis injungimus, ut quæcunque habent super hac re Disciplinæ Ecclesiasticæ fragmenta seu libellos, intra hinc & Dominicam *Lætare*, memorato Vicario nostro in Pontificalibus exhibere & tradere non detrectent. Ei enim & quibusdam aliis eruditis & piis viris mandatum dedimus, ut indagato, quoad fieri potest, veteri more, Nos de modo instaurationis utriusque disciplinæ admoneant: quo res tam præclara, ad Synodum

post hanc proximam, nostræ Diœceseos Ecclesiis restitui per Nos possit.

Commendatio & publicatio indictæ & prosequendæ Synodi Generalis Tridentinæ.

POSTREMO, interea dum hæc describi & confici curamus, en literas Reverendissimi in Christo Patris, Domini SEBASTIANI, Archi-Episcopi Siptontini, Legati Apostolici ad Cæsaream Majestatem, universamque Germaniam destinati, accepimus. Quibus duo transumpta authentica apposita erant, quæ ad Nos, ex speciali S. D. N. mandato transmissit: Unum Bullæ ejusdem S. D. N. JULII Papæ III. continuationis, & prosecutionis Concilii Oecumenici, per felices recordationis PAULUM Papam tertium, Prædecessorem suum indicti & inchoati, & postea certis de causis intermissi, & in proximis Kalendis Maji reassumendi: Alterum Brevis Apostolici, publicationis ejusdem Bullæ. Et quia S. D. N. in memorata Bulla indictæ continuationis, omnes Archi-Episcopos & Abbates, omnesque alios, qui de jure, vel consuetudine, aut privilegio, Concilii Generalibus interesse debent, quosque præfatus quondam felices recordationis PAULUS III. in suis indictionibus, & aliis quibuscunque desuper confectis & publicatis literis, Concilio interesse voluit, requirit ac monet, ut proximis Kalendis Maji, in ipsâ Civitate Tridenti, legitimo cessante impedimento, convenire, & se congregare, ac ipsius Concilii continuationi & prosecutioni, omni mora postposita, incumbere velint. Memoratus quoque Legatus Apostolicus Nos admonendos putaverit, ut Nos in præmissis sic exhibeamus, quemadmodum S. D. N. Papa desiderat & confidit: Idcirco ex debito filialis obedientiæ, qua S. suæ, sanctæque Sedi Apostolicæ & Ecclesiæ Dei sumus obstricti, ad nostrum officium pertinere putavimus, vobis, omnibusque aliis & singulis, qui de jure, vel consuetudine, vel privilegio Concilii Generalibus interesse debent, quosque præfatus quondam Dominus PAULUS III. in suis indictionibus interesse voluit, Nobis, nostræ-

stræque Archi-Episcopali jurisdictioni quomodolibet subiectis, memoratas literas Apostolicas, inferius descriptas, in hac nostra Sacra Synodo publicandas, insinuandas, & notificandas duximus, prout præsentium per tenorem publicamus, insinuamus & notificamus: confissi, omnes & singulos Nobis subiectos, qui hisce Apostolicis literis requiruntur & mōnentur, se tales præbituros, ut S. D. N. experiat, neque Nos nostro officio in admonendo, neque illos in eo, ad quod ipsi tenentur munere, pro communi Ecclesiæ procuranda utilitate exequendo, fuisse defides aut immorigeros. Literæ verorum præfati Reverendissimi Domini Nuncii ad Nos directæ, quam generales S. D. N. sequuntur in modum subsequentem: Et inprimis

EXEMPLAR LITERARUM
Reverendissimi Legati Apostolici.

REVERENDISSIMO ARCHI-EPISCOPO COLONIENSI.

REVERENDISSIME & ILLUSTRIS-
SIME PRINCEPS!

QUum superioribus diebus Sanctissimus D. N. JULIUS Papa tertius, ad tollenda Religionis nostræ dissidia, quæ diti in Germania vixerunt, Generale Concilium per Prædecessorem suum felicis recordationis PAULUM tertium Tridenti indictum & inchoatum, postea certis de causis intermissum, in proximis Kalendis Maji reassumendum, & proseguendum expediens, & opportunum esse judicaverit; ut hanc suam deliberationem in Senatu Apostolico approbatam, per orbem Christianum notam faceret, literas sub plumbo, ad perpetuam rei memoriam confici, & successive (ut moris est) publicari mandavit: quæ licet ad Dominationis vestræ Reverendissimæ verisimiliter notitiam devenerint; quia tamen Fratres suos Patriarchas, & Archi-Episcopos specialiter prerogativa dignos esse putavit, singulariter illos de his omnibus certiores reddere omnino decrevit. Earundem igitur literarum præfens authenticum exemplum, Dominationi vestræ Reverendissimæ transmittendum, ad me destinavit: Quod, ut primum accepi, Venerabili viro Hieronymo Unicornio, Canonico & Procuratori vestro, ad Dominationem ve-

Tomus VI. Concilior. German.

stram Reverendissimam deferendum consignavi. Reliquum vero est, ut Dominatio vestra Reverendissima in præmissis se talem exhibeat, ut S. D. N. Papa, & boni omnes eam futuram fore desiderant & confidunt.

DEUS Optimus Maximus personam suam custodiat.

Date Augustæ, die XXVIII. Januarii
M. D. LI.

*Ad omne obsequium Dominationis
vestræ Illustrissimæ*

S. PIGINUS, ARCHI-EPISCOPUS
SIPONTINUS, LEGATUS
APOSTOLICUS.

BULLA

*Reductionis Generalis Concilii ad
Civitatem Tridentinam, cum mo-
nitione & requisitione Præla-
torum, ad illius prosecutionem,
per S. D. N. JULIUM III.
Pontificem Max.*

JULIUS EPISCOPUS, SERVUS
SERVORUM DEI, AD FUTURAM
REI MEMORIAM.

CUm ad tollenda Religionis nostræ dissidia, quæ in Germania longo tempore non sine totius Christiani orbis perturbatione & scandalo vixerunt, bonum, opportunum & expediens esse videatur, sicuti etiam charissimus in Christo filius noster CAROLUS, Rom. Imperator, semper Augustus, Nobis per suas literas & Nuntios significari fecit, ut Sacrum Oecumenicum Generale Concilium, per felicis recordationis PAULUM Papam III. Prædecessorem nostrum indictum, & per Nos tunc Cardinalatus honore fungentes, atque ipsius Prædecessoris nomine, una cum duobus aliis S. Rom. Ecclesiæ Cardinalibus, ipsi Concilio præsidentes, inceptum, ordinatum & continuatum: in quo plures publicæ & solennes habitæ fuerunt Sessiones, pluræque tam in causa Fidei, quam Reformationis promulgata Decreta, multaque & ad utramque causam pertinentia, examinata & discussa, ad civitatem Tridentinam reducatur: Nos, ad quos & Summos pro tempore Pontifices spectat, Generalia Concilia indicere & dirigere, ut Ecclesiæ pacem & Christiana Fidei atque orthodoxæ Religionis incrementum,

H h h h h 2

mentum, ad Omnipotentis DEI laudem & gloriam procuravimus, & quantum in Nobis est, tranquillitati ipsius Germaniæ, qua sane Provincia retroactis temporibus in vera Religione, & Sacrorum Conciliorum, & Sanctorum Patrum doctrina excolenda, exhibendaque Maximis Pontificibus, Christi Redemptoris nostri in terra Vicariis, debita obedientia & reverentia, nulli Christianorum Provinciæ fuit unquam secunda, paterne consulamus, sperantes, per ipsius DEI gratiam & benignitatem futurum, ut Reges omnes ac Principes Christiani, iustis prorsusque nostris in hac re votis annuant, faveant, atque assistant; Venerabiles Fratres, Patriarchas, Archi-Episcopos, Episcopos: & dilectos Filios Abbates, omnesque alios, qui de jure, vel consuetudine, vel privilegio Conciliis Generalibus interesse debent, quosque idem Prædecessor noster in suis indictionibus, & aliis quibuscunque desuper confectis & publicatis literis, Concilio interesse voluit, per viscera misericordiae Domini nostri JESU CHRISTI hortamur, requirimus, & monemus, ut proximis futuris Calendis Maji, quem diem ad ipsum Concilium in eo, in quo nunc reperitur, statu resumendum, & proseguendum prævia matura deliberatione, & ex certa nostra scientia, & de Apostolicæ auctoritatis plenitudine, ac Venerabilium Fratrum nostrorum, Sanctæ Romanæ Ecclesiæ Cardinalium consilio & assensu statimus, decernimus, & declaramus, in ipsa Civitate Tridenti, legitimo cessante impedimento, convenire & se congregare, ac ipsius Concilii continuationi & prosecutioni, omni mora postposita, incumbere velint. Nos enim operam fidulo daturi sumus, ut eodem tempore, in eadem Civitate nostri omnino adsint Legati, per quos; si per ætatem nostram, valetudinemque, ac Sedis Apostolicæ necessitates, personaliter adesse nequiverimus, Spiritu Sancto Duce ipsi Concilio præsidebimus: quacunque ipsius Concilii translatione & suspensione, cæterisque contrariis non obstantibus quibuscunque, ac præsertim illis, quæ idem Prædecessor noster in suis literis prædictis, quas cum omnibus & singulis in eis contentis clausulis & Decretis in suo robore permanere volumus, atque decernimus, & quatenus opus sit, innovamus, voluit non ob stare: irritum nihilominus decernentes & inane, si secus super his a quoquam, quavis auctoritate, scienter vel ignoranter, contigerit attentari. Nulli ergo omnino hominum liceat hanc paginam nostrarum hortationis, requisitionis, monitionis, statuti, declarationis,

innovationis, voluntatis & decretorum infringere, vel ei ausu temerario contraire. Si quis autem hoc attentare præsumpserit, indignationem Omnipotentis DEI, ac Beatorum Petri ac Pauli Apostolorum ejus, se noverit incursurum. Datum Romæ apud S. Petrum, anno Incarnationis Dominicæ Milleesimo quingentesimo quinquagesimo, XVIII. Calend. Decembris, Pontificatus nostri anno primo.

M. CARDINAL. CRESCENTIUS.

Rom. Amasæus.

R. de Sanct. Marsal.

R. APUD ROMULUM SECRETARIUM.

BREVE APOSTOLICUM
Publicationis ejusdem
Bulle.

JULIUS PAPA III. AD FUTURAM
REI MEMORIAM.

Superioribus diebus de Venerabilium Fratrum nostrorum S. Rom. Ecclesiæ Cardinalium consilio, ex causis tunc expressis, Apostolica auctoritate decrevimus, quod Sacrum Oecumenicum & Universale Concilium Tridentinum, ubi olim inceptum fuerit, reduci, & ibi adjuvante Domino terminari deberet, tempusque ad illud resumendum & proseguendum, Calendaris Maji proxime futuri præfiximus: omnesque & singulos, quomodolibet in eo interesse debentes, hortati sumus & monuimus, ut dicto tempore Tridenti esse velint, prout in nostris sub plumbo desuper expeditis literis plenius continetur. Ne autem propterea, quod dictæ literæ nondum publicatæ fuerunt, aliqui ignorantiam rei ullo modo prætexere possint, sed omnes plenam illius notitiam habeant; dictâ auctoritate per præsentem ordinamus, quod tam prædictæ, quam præsentis literæ, per aliquem ex nostris Curforibus in Basilicis S. Petri de urbe, & S. Joannis Lateranensis, dum inibi Divina celebrantur, publice ac alta & intelligibili voce legantur, & postquam lectæ fuerint, vobis ipsarum Basilicarum affigantur, & inibi aliquandiu dimittantur, & relicta postea illarum copia, amoveantur: Decernentes publicationem sic faciendam, omnes & singulos ipsius Concilii celebrationi quomodolibet interesse debentes, perinde arcere, ac si eis personaliter intimatæ fuissent: quodque ipsarum literarum transumptis,

tis, etiam impressis, manu alicujus Notarii subscriptis, ac Sigillo persone in Dignitate Ecclesiastica constitutæ munitis, eadem prorsus fides adhibeatur, quæ ipsis Originalibus adhiberetur. Adhortantes, Et in Domino requirentes omnes Et singulos Venerabiles Fratres nostros Patriarchas Et Archi-Episcopos, ad quos ipsarum literarum exempla impressa transmitti curabimus, ut pro suo officio Et debito, id eorum Suffraganeis, Et aliis minoribus Prælati, Et Abbatibus, notificent, contrariis non obstantibus quibuscunque. Datum Romæ apud S. Petrum sub annulo Piscatoris, die vigesima septima Decembris, M. D. L. Pontificatus nostri anno primo.

GAL. AQUINAS.

Publicata in prædictarum Ecclesiarum valvis prima Januarii M. D. LI.

Ita est. Joannes Roillard Curfor Sst.

Ita est. Maturinus Menander Curfor Sst.

Adrianus de Cuppis, Magister Curforum.

HÆC SUNT, quæ in præsentiarum a vobis Commissariis nostris, ac tota Synodo poscimus. Quæ si Synodali auctoritate firmata, gnaviter, ut spes est, executi fueritis, feceritis rem vestris officiis dignam, ac expressam nostram voluntatem & mentem. In quorum robur & testimonium, præsentem literas sigillo nostro subimpresso fecimus communiri. Datæ in Arce nostra Poppelsdorff, Anno Domini M. D. LI. ipso die Valentini Martiris.

His itaque literis memorati Reverendissimi Domini, D. Archi-Episcopi Coloniensis, publice perlectis, Sacra Synodus confurgens, se in domum Capitularem Ecclesiæ majoris recepit. Illicque confidens, cum (præhabito super præscriptis decretis, edictis, mandatis, & jussionibus, in eisdem literis ordine narratis & contentis, maturo Tractatu) comperisset, ea omnia & Divinis literis & Sacris Canonibus quam maxime consentanea esse, & plurimum ad reformationem prosequendam profutura: idcirco pro suæ obedientiæ debito, eadem ipsa, ut mature, sancte & pie ab antedicto suo Archi-Episcopo constituta & mandata

sunt, recipiens, Synodali etiam auctoritate firmavit, & ab omnibus, quos concernunt, sub censuris & pœnis comminatis, fideliter exequenda decrevit.

Recensio eorum, qui Synodo præsentis interesse debebant, ac præsentium assignatio. Confutatio vehemens quorundam Decanorum Ruralium.

DEinde recitata fuerunt nomina, & annotati præsentis Decani Rurales, seu Christianitatum, videlicet Arcuensis seu Bonnenfis, Tulperensis, Efflicensis, Sibergensis, Juliacensis, Berchemensis, Geldrensis, Noviomagensis, alias Zeiflicensis, Suchtelenfis, Nussiensis, Vuatenschedensis, Sanctensis, Tremoniensis, Tuitiensis, Ludenschedensis, Vuormbachensis, Assindiensis.

Quo factò, providus Magister Tilmannus Rinsche, Procurator Fiscalis præfati Reverendissimi Domini nostri, repræduxit citationis & respective monitionis & requisitionis mandatum, per eundem Dominum nostrum Reverendissimum contra omnes & singulos Christianitatum Decanos, per totam Diocesim Coloniensem constitutos, superioribus diebus Decretum, emanatum, & legitime executum, petens per providum Magistrum Crathonem a Leyten de Vuetter Notarium publicum, & superioris, ac præsentis Synodi Scribam, ad hoc specialiter deputatum, memoratos Decanos præsentis singulatim interrogari, an ne dictum mandatum ipsis & unicuique ipsorum, per Nuntium, seu Tabellarium præfati Reverendissimi Domini nostri ad hoc specialiter deputatum & juratum, rite & legitime insinuatum fuerit.

Qui omnes ex ordine interrogati responderunt, quod sic:

Hoc audito, & per Procuratorem Fiscalem recepto & acceptato, idem Procurator Fiscalis petiit, memoratum Magistrum Crathonem Notarium per Sacram Synodum moneri, ad designandum ex suo Protocollo actorum Synodi proxime præcedentis, nomina Decanorum Ruralium,

H h h h h 3

um, qui tunc (nulla legitima excusatione facta) non comparuerunt: qui per Synodum monitus, ex suo Protocollo designavit & recitavit Decanos, Juliacensem, Vuattenschedensem, Sanctensem, Tremoniensem, Attendoriensem, Dusburchensem, Vuornbachensem.

Tum Fiscalis petiit a Sancta Synodo jam nominatos Decanos, illic adstantes, ob ejusmodi suam non comparitionem ad dictam Synodalem Episcopalem, in penas & censuras, in dicto mandato expressas, incidisse declarari: ac potissimum eos, qui a dicta Synodo, sua Capitula pro more non servaverunt, nec ad ea suos Archidiaconos ad præsidendum admittere, nec Decreta Synodalia recipere, nec mandata Ecclesiastica, secundum dispositionem Sacrorum Canonum & Statutorum Provincialium, & Cæsareæ Reformationis, Augustæ receptæ, Decreta exequi voluerunt.

Deinde quoque accusavit contumaciam Decanorum, ad præsentem Synodum comparere non curantium, eorumque contumaciam secundum ejusdem mandati tenorem petiit puniri.

Denique postulavit, Decanos præsentem, omnesque alios observationi Synodorum Episcopaliū interesse debentes, requiri & moneri, ut dicto mandato Reverendissimi Domini nostri posthac per omnia pareant, ac ut Decani Rurales suarum Decaniarum Statuta, seu ordinationes, in medium exhibeant.

Verum cum ex adverso prædicti Decani accusati præsentem, varias & diversas excusationes suæ culpæ attulissent, ac omnes, qui in ditionibus Illustrissimi Principis & Domini, Domini Vuilhelmi Ducis Juliacenſis, Clivenſis & Montenſis, Comitum in Marka, Ravensperg, Domini in Ravenstein &c. &c. commorantur, quasdam literas ab eodem Principe ad se directas produxissent, & earum vigore sibi justum metum incussum allegassent, & inter hos Religiosus Pater, Albertus Köninck Sacræ Theologiæ Magister, qui Ecclesiā Parochialem in Duren, & Decanatum Juliacensem, sine tamen auctoritate præfati Reverendissimi Domini nostri Archi-Episcopi administrat, & præterea quoddam Beneficium Ecclesiasticum, in dicta Ecclesia Durenſi si-

tum, sine tamen Canonica institutione detinet, prout hæc ad interrogationem Procuratoris Fiscalis publice confessus est, cum, inquam, is præ cæteris a dicto, ac aliis Procuratoribus Fiscalibus Reverendissimi Domini nostri Archi-Episcopi, & Officiariis Reverendi & Illustrissimi Domini, Domini Georgii ex Ducibus Brunsvicensibus, Præpositi Ecclesiæ majoris Colonienſis, & Archi-Diaconi &c. urgeretur: Commissarii Reverendissimi Domini nostri Archi-Episcopi una cum Sacra Synodo omnibus & singulis Decanis Ruralibus præsentibus & superius nominatis, infra scripta interrogatoria proponi fecerunt, & ad ea per verbum veritatis affirmative vel negative, clare ac diserte respondere illos jussuerunt, uti factum est in modum subsequenter.

PRIMUM itaque interrogati fuerunt, anne verum sit, quod ipsi omnes & singuli Reverendissimo Domino nostro Archi-Episcopo triplicis juramenti vinculo, ad obedientiam & reverentiam debitam præstandam, obstricti sint. Primum quidem ratione ordinationis suæ ad Sacerdotii gradum: secundo, ratione institutionis suæ ad Ecclesias Parochiales, quas administrant: tertio, ratione officii sui Decanalis? Et responderunt omnes, se, ut memoratum est, obstrictos esse.

SECUNDO rogati sunt, anne verum sit, quod ipsi non modo ex dispositione juris communis & Statutorum Provincialium Ecclesiæ Colonienſis, Reformationisq; per Cæsaream Majestatem Augustæ propositæ & receptæ, sed etiam ex antiquissimo more, ab immemorabili tempore in Ecclesia & Diœcesi Colonienſi semper observato, atque adeo juxta suarum Decaniarum Statuta, a se jurata, teneantur quotannis bis in Civitate Colonienſi ad Synodos Archi-Episcopales personaliter (nisi tamen legitime impediti fuerint, & per suos Procuratores, ad hoc speciale mandatum habentes, & fidem de impedimentis facientes excusentur) comparere, & eisdem Synodis, quarum una feria secunda post *Invocavit*: secunda vero, altera post *Remigii* Episcopi celebrantur, interesse, & audire decreta, quæ in illis Synodice constituuntur & sanciantur, eorumque exemplaria petere, & sibi comparare, & ea diligenter legere, attende-

re & observare? Ad quam interrogationem similiter responderunt, se ad hæc teneri.

TERTIO interrogati sunt, anne itidem ex antiquissimo more, supra omnium hominum memoriam semper observato, atque etiam suarum Decaniarum Statutorum vigore (ut Jus commune, Statuta Ecclesiæ Colonienſis, & Cæsaris Reformatio fileantur) obſtricti sint, quotannis bis, post Archi-Episcopales Synodos celebratas, sua Capitula observare, & in eisdem omnibus & singulis Ecclesiarum Parochialium Rectoribus & Vice-Curatoribus, sub eorum Decaniis commorantibus, eisdemque Capitulis interesse debentibus, Decreta in Synodis Archi-Episcopalibus promulgata, insinuare & publicare, & ut ea ulterius quique in suis Parochiis publicent & observari faciant, committere? Et responderunt, quod sic.

QUARTO interrogati sunt, anne similiter secundum sua propria statuta, ipsorum juramentis corporalibus firmata, & præterea ex more longe vetustissimo teneantur in eisdem Capitulis exequi quæcunque mandata Ecclesiastica, suum Archi-Episcopum, Ecclesiæ Colonienſis fabricam, suum item Archi-Diaconum, & suum denique Capitulum concernentia? Et facti responderunt, se teneri.

QUINTO interrogati sunt, anne itidem ex receptissimo more, ab immemorabili tempore observato, celebratio Sacrarum Synodorum Parochialium semper spectaverit, & pertinerit primo quoque anno ad Archi-Episcopum, secundo vero ad Archi-Diaconum, tertio ad Decanum Ruralem, & quarto ad Rectores ipsarum Ecclesiarum Parochialium: quodque in eisdem Synodis, quæ correctione & reformatione digna sunt, corrigi & reformari debeant? Et responderunt, rem ita se, ut interrogati sunt, habere.

SEXTO interrogati sunt, anne ipsi Decani Rurales tam de jure communi, ordinationeque Statutorum Ecclesiæ Colonienſis, quam etiam ex antiquissima consuetudine, teneantur, omnes & singulas Beneficiales, matrimoniales, & reliquas Ecclesiasticas causas, quæ Judiciale requirunt indaginem, ad tribunal, seu

forum sui Archi-Episcopi, seu Archi-Diaconi remittere, per eos sua autoritate jure terminandas: Et, quod ad ipsos attinet Decanos, debeant esse contenti sola correctione Synodali delictorum manifestorum, in Synodis Ruralibus delatorum & publicatorum; eo quod ipsi nullam habeant jurisdictionem contentiosam ad cognoscendum super viribus titularum Beneficiorum Ecclesiasticorum, vel matrimoniorum, & similium, quorum cognitio proprie ad Episcopos & Archi-Diaconos pertinet: quod ad ipsos solos institutio, & destitutio, & matrimonialium ac similium Ecclesiasticarum causarum cognitio spectet? Et, anne constet, ipsos Decanos non posse mucronem Episcopi (quæ excommunicatio est) sua auctoritate distringere? Et responderunt omnes, rem ita se habere, nemine contradicente.

SEPTIMO interrogati sunt, anne teneantur, casus Episcopis per Sacros Canones pro indicendis penitentis specialiter reservatos, ad suum Archi-Episcopum remittere? Et responderunt, quod sic.

POSTREMO interrogati sunt, velintne superiorum Synodorum & præsentis Decreta secundum veterem consuetudinem & morem, & prout de jure tenentur, publicare & observare: & in his, sicut ab antiquo fieri solitum est & consuetum, decenter se gerere, suoque Archi-Episcopo reverentiam & obedientiam debitas in omnibus exhibere? Et responderunt se velle pro sua virili & quantum possent.

Quibus sic gestis, Commissarii præfati Reverendissimi Domini nostri una cum Sacra Synodo, prædictis Decanis accusatis, aliisque adstantibus, & ad Synodum non pertinentibus, paululum sedcedere jussis, habita super præmissis maturâ consultatione & deliberatione: & deinde dictis accusatis, rursus coram se ad suam præsentiam revocatis, tandem instante Procuratore Fiscali, in Notarii & testium infraſcriptorum præsentia, suum Decretum Synodale in scriptis tulerunt, quod & publice legi, recitari, & pronuntiari fecerunt, tenoris subſequentis.

**DECRETUM SACRÆ
SYNODI,**

*contra inobedientes quosdam
Decanos Rurales.*

Licet Commissarii Reverendissimi Domini nostri D. Adolphi, Archiepiscopi Colonienſis, Principis Electoris &c. ac Sacra Synodus non audiverint causas rationabiles, & in jure fundatas, per quas, qui accusati sunt, ab inobedientia sua in totum excuſentur: eo maxime, quod nullius Decani, non venientis ad Synodum Episcopalem, excuſatio recipi debet, nisi facta per Procuratorem, ad hoc habentem sufficiens Mandatum, & docentem de legitimo impedimento sui Mandatoris: & propterea possent de rigore, eos in pœnas & censuras in Mandato reproducto comprehensas, incidisse declarare: nihilominus in præſentiarum humanius ac mitius agere volentes, pœnarum & censurarum hujusmodi declarationem usque ad proximam Synodum suspendunt: eo salvo, quod Reverendum D. Provinciale, & Venerabilem D. Priorem Carmelitarum in Colonia requirunt, ut F. Albertum Köninck, sui ordinis Professum, & præter auctoritatem Ordinarii sui Archiepiscopi, Ecclesiam Parochialem Durensem, una cum una vel pluribus Vicariis, etiam sine titulo occupantem, & Decanatum Ruralem Juliacenſem administrantem, contra Sacrorum Canonum Sanctiones, quæ talibus anathematis pœnam infligunt, in & ad suum Monasterium & obedientiam juxta Canones Synodi Provincialis novissime celebratæ, revocent; donec auctoritatem sui Ordinarii, & Canonicam institutionem de aliis beneficiis, & absolutionis, & rehabilitationis beneficium mereatur obtinere: quam auctoritatem, consensum, & absolutionis beneficium potest incontinenti per se, vel alios, apud Reverendissimum Dominum nostrum, prope existentem, & apud Superiores ordinis sui, nisi velit in inobedientia perſeverare, sibi procurare. Statuentes nihilominus & decernentes, quod Decani Rurales sub Illustrissimo Principe, & Domino, Domino Duce Juliacenſi, Clivenſi, & Montenſi, ac Comite Markenſi, & Ravenspergenſi &c. commorantes, te-

neantur se cum decretis & actis in hac præſenti Synodo, ad Celsitudinem ejus Illustrissimam personaliter conferre, & eandem de omnibus hic pronuntiatis, publicatis & actis, fideliter, obsequioſe & humiliter informare, & de eo certiores reddere, quod in Synodis proxime celebratis, seu etiam in hac, nihil sit eis a Reverendissimo Domino suo Archiepiscopo Colonienſi injunctum, nisi quod ad Celsitudinem suam Reverendissimam, tanquam loci Archiepiscopum & Ordinarium, non solum de jure, sed etiam de more, & consuetudine, ultra omnem hominum memoriam spectavit & pertinuit, & in cujus usu suæ Reverendissimæ Celsitudinis Prædecessores, per totam suam Diœcesim hæcenus fuerunt, quodque ipsi, nisi perjurium incurrere, & debitam obedientiam suo Archiepiscopo (quod absit), subtrahere velint, teneantur, ejusmodi decretis & mandatis parere, vel sua ministeria relinquere: ea spe, quod præfatus Illustrissimus Dux, hujusmodi informatione recepta, clementer patietur, prout etiam sua Illustrissima Celsitudo in suis literis ad hoc se offert, præfatum Reverendissimum suo Jure Archiepiscopali, sibi ab antiquo competenti, libere uti: eo maxime, quod Sacra Synodus informata est, Reverendissimum Dominum nihil penitus novi velle attentare, sed tantum cupere, ut fiat & ſervetur Spirituales & temporalis Jurisdictionis distinctio, & quod quisque in exercitio suæ Jurisdictionis maneat illæſus, Præſigentes nihilominus dictis Decanis terminum infrascriptum, videlicet, ut intra hinc & Festum Lanceæ & Clavorum, Reverendissimum Dominum nostrum de actis & expeditis per eos, certiores reddant, & datum responſum ad Celsitudinem suam Reverendissimam perferant. Injungentes eisdem, ut de cætero, ut promiserunt, sua officia debita, ad quæ juxta propriam confessionem tenentur & obligantur, fideliter exequantur, si declarationem censurarum & pœnarum prædictam, in proximam Synodum suspensam, velint evitare. Mandant quoque eisdem Decanis, ut, qui Statutâ suarum Decaniarum ad manum habent, ea revidenda Dominis Commissariis Reverendissimis Domini nostri, intra hinc & diem crastinum tradant: cæteri vero intra hinc & dictam

dictam diem Lanceæ & Clavorum tradi procurent: nec hinc discedant, nisi Decretis & actis hujus Synodi sigillatis & subscriptis, quibus parere teneantur, sibi comparatis.

Cui quidem Decreto sic lecto, & recitato, nemo contradixit. Et sic Synodus, facta dimissione, in Domino est soluta.

Actum & datum in Schola Theologorum, in qua Synodus communiter celebrari consuevit: ac post digressum ex eadem, in domo Capitulari Majoris Ecclesiæ Colonienfis, sub anno Domini M. D. LI. feria secunda post Dominicam *Invocavit*, quæ erat sexta decima mensis Februarii, præsentibus ibidem Clarissimo Domino Francisco Burchardo Jurium Doctore, & præfati Reverendissimi Domini nostri Archi-Episcopi Colonienfis Consiliario aulico: nec non Venerabilibus, Egregiis & circumspèctis viris, Dominis Joanne a Kempis, & Joanne Beckum, Jurium Licentiat, Petro a Cosfeldt, Reveren-

di Capituli Colonienfis Secretario, & Casparo a Dorler, Testibus ad hoc specialiter vocatis & rogatis. In fidem & testimonium præmissorum, Sigillum majus Venerabilis Curia Colonienfis, de mandato præfatorum Dominorum Commissariorum, & Sacra Synodi, præsentibus actis, per memoratum Magistrum Crathonem, hujus Synodi Notarium, de simili mandato subscriptis, est impressum.

De speciali Mandato & Commissione Reverendorum, Illustrum, & Venerabilium Dominorum Commissariorum, præfati Reverendissimi Domini mei, ac totius Sacra Synodi, ego Cratho a Leyten de Wetter, Notarius publicus, ejusdemque Synodi Scriba, specialiter deputatus, rogatus & requisitus, subscripsi.

SYNODUS GLACENSIS

ARCHI-DIACONALIS,

Anno Christi MDLIX. Pauli IV. PP. V.

Ferdinandi I. Imp. II.

CONSTITUTIONES SYNODI COMITATUS GLACENSIS.

CHRISTOPHORUS NEÆTIUS, SACRÆ THEOLOGIÆ DOCTOR,
ET ARCHI-DIACONUS COMITATUS GLACENSIS. HIERONYMUS HANOSKI,
DECANUS IBIDEM, SALUTEM IN DOMINO SEMPITERNAM.

HAud vos latere arbitramur, Confratres, ac Domini, in Christo charissimi, nobis jam dudum, & in præsentia vestra, per Dominos Commissarios, a Cæsarea Majestate huc transmissos, nec non & Dominum, Dominum HENRICUM, Administratorem Catholicum Archi-Episcopatus Pragenfis Ecclesiæ, Ordinarium nostrum, officium Archi-Diaconi ab una, & Decani, ab altera parte, fuisse, & esse injunctum, hac conditione, ut circa gubernationem rerum Divinarum, & aliarum, ad custodiam simul & disciplinam, gregis

commissi spectantium, nos diligentes Inspectores præbeamus.

Quod quidem officium hætenus non sine ingenti & anxia sollicitudine sustinuimus, non ignorantes, quantum nos sudare oporteat, quantave poena nos sit apprehensura, si talentum, quod Christus suo sanguine precioso redimendum duxit, quodque abiens suis Discipulis, & nobis ad usuram tradidit, nil operando, sudario saltem involventes, nostra incuria perire siverimus. Accedit quoque ad communem curam nostram, quam ratione functionis no-

stræ, pro Ecclesiis nostris gerimus, quod videmus hujusmodi onus, in ea tempestate, & terra nobis esse impositum, in qua tot sectæ, schismata, prævæ opiniones, & dogmata falsa agminatim velut in asylum confluxere. Quæ & ut videre licet, miram animorum distractionem procrearunt, adeo ut jam fere nemini cuiquam fidem adhibere liceat. Nam qui internas, circa fidem simulates alunt, quomodo poterunt diu, nisi maluerint dissimulata probitate, contra Christianam simplicitatem, dolum exercere, quomodo poterunt, inquam, extrinsecus, pacifice unanimisque vivere?

Cur autem hæcenus moram traxerimus, quo minus, ut fortasse suspicamini, ad officium nostrum spectantia, exercuimus, culpa nostra factitatum non est. Quis enim separabit nos a charitate matris nostræ Ecclesiæ, an opprobria, scommata, dicteria, vel etiam temporum iniquitas, locique spinosa & offendibilis occasio? Certe hæc omnia magis auxere sollicitudinem nostram, quam ut negligentia excusationem, seu desidia patrocinium præstasse, videri possent. Imo aliud, quiddam desiderium nostrum protruxit. Verum, nihilominus, ex quo cuncta in pejus relabi cernuntur, officio nostro, tum & Præcepto Domini Administratoris, Dominique DEI nostri, satisfacturi, subsequentes Constitutiones, vobis proponere statuimus, ne dicatur in nos illud Esaiæ 56. *Speculatoris ejus cæci omnes, canes muti, non valentes latrare, videntes vana: Et Ezech. 33. Sanguinem populi, de manu Speculatoris requiram.*

Porro, ex quo plurimi vestrum, certe valde turpem vitam agunt, viventes in continuis comestationibus tabernarum, jurgiis, & aliis vitiis, quæ laicis omnibus modis, multo magis Clericis, in plerisque locis Scripturæ, & Statutis Conciliorum prohibita leguntur, nolumus de reliquo dissimulanter agere, timore perculsi ex hoc, quod habemus apud Ezech. 34. *Ecce ego ipse gregem meum de manu Pastorum requiram.* Et Ecclef. 7. *Non quæras fieri Judex, nisi valeas virtute irrumpere iniquitates, ne forte*

extimescas jaciem potentis, & tonas siandum in agilitate tua. Volens hisce, illos gravi poena dignos esse, qui vitia subditorum, quæ pro potestate sibi concessa emendare, evellere, & eradicare deberent, connivendo nutriunt, & augent. Audite & Fratres charissimi, D. Paulum dicentem Act. 20. *Attendite vobis & universo gregi, nempe vos, qui estis aliorum Præfecti, in quo vos posuit Spiritus Sanctus Episcopos, regere Ecclesiam DEI, quam acquisivit Sanguine suo.*

His itaque commonitionibus incitati, certa scientia ducti, nos oportere representari, ante tribunal Christi, in convocatione universali, quæ fiet in die novissimæ, reddituri rationem pro omnibus, quæ gessit unusquisque in corpore suo, sive bonum, sive malum, magis autem de his, quæ gessit unusquisque in corpore Christi, quod est Ecclesia, propensa voluntate inclinati, culpandam quorundam vestrorum negligentiam, & dissolutam vitam, opportunis admonitionibus, importunisque disciplinis, in charitate eliminare decrevimus. Adjutorio confortati & confirmati in primis DEI Optimi Maximi, deinde Illustrissimi ac Catholici Principis, & Domini, Domini ERNESTI, (*) Comitis Palatini Rheni, utriusque Bavariæ Ducis &c. Domini, Domini nostri gratiosissimi, quem singulari Dei beneficio, Dominum Comitatus nostri constitutum arbitramur: Tantamque opportunitatem nunc nobis oblatam, nequaquam negligendam duximus, Synodum præsentem convocavimus, in qua Ecclesias deturbatas in hac terræ parte, unanimi consensu, fraterne purgare statuimus. Spe bona freti, quemlibet vestrum talem se præstiturum in omni obedientia & reverentia, qualem se decet, omniaque æqui bonique suscepturum, quæ modo dicuntur. Certe magna res est Ecclesia, in qua vobis commissæ sunt animæ hominum, pro quibus Christus sanguinem suum preciosissimum fudit, in illa dicimini Pastores, & cum sitis pro parte potatores, atudimini sal, sed infatuatum, lux, & estis tenebræ, parum aut nihil scientes, & quod pejus, nil discere cupientes, hoc solum scitu necessarium

(*) De hoc Ernesto Bavariæ Principe, qui Salisburgensem Archi-Episcopatum annis tredecim magna laude administraverat, vide quæ supra diximus pag. 349.

arbitrantes, quomodo decimæ, & fruges terræ sint congregandæ. At quomodo populus provideatur cæremoniis Ecclesiæ, Sacramentis, tum & verbo DEI, juxta Orthodoxorum Patrum Sententias, Sacrorum Canonum Sanctiones, & recti judicii rationem, secundum veteris Ecclesiæ consuetudinem, quam Sancti Patres, quasi per manus Apostolorum traditam sedulo retinuerunt, nullus fere curat. Honorari apprimè desideratis de Sanctuario DEI; verum Domini honorem, quæ sit laudabilibus & consuetis cæremoniis, propagare detrectatis.

Ob id rogamus vos, Fratres, considerate tandem statum quotidianæ conversationis vestræ tanquam faciem civitatis in speculo, sed Evangelicò, ubi

Christus agit de furibus, mercenariis, & bonis pastoribus. Si boni Pastores estis, gaudete, quia copiosa est merces in Coelis; si mercenarii, timete: grande enim timere habetis periculum in terris. Si fures, ingemiscite, nam locus vester jam est præparatus in igne gehennæ. Non ergo vestram, rogamus, facite voluntatem, nolite placentia loqui quibusdam nobilibus, qui ad instar harpyarum hæreditario jure se possidere arbitrantur Sanctuarium DEI. Non Scultetis semper morem gerite, sed Domino JESU, & Matri Ecclesiæ, tanquam filii charissimi, servi obedientissimi, & dispensatores fidelissimi. Quæ JESU CHRISTI sunt, quærite, non quæ vestra: Ipsi honor & gloria.

*Sunt autem subsequentes Constitutiones, olim
propositæ post Conventum Bilsnensem per Venerabile Capitulum
Ecclesiæ Pragensis, additis nunc quibusdam aliis,
ratione loci necessariis.*

I.

P Principio, ut unusquisque firmiter credat, & nullatenus dubitet, quæcunque S. Mater Ecclesia proponit, ea esse vel ex Scripturis Sacris deprompta, vel a Spiritu Sancti inspiratione profecta.

II.

Deinde, certo sibi persuadeat, juxta sententiam D. Cypriani, & Augustini, se non habiturum Deum Patrem, qui Ecclesiam noluerit habere Matrem, atque eam Magistram & interpretem Scripturarum Sacrarum agnoscere.

III.

Denique, extra hanc cõmmunionem Catholicæ Ecclesiæ, quæ habet successionem Sacerdotum ab ipso Petro, cui Dominus a mortuis resurgens, gregem suum commisit, sicut extra Noë archam, nullam omnino esse salutem mortalibus, non Sacramentorum usum, neque remissionem peccatorum. Nam licet hæretici Sacramenta habeant, teste Augustino, usum tamen, & rem Sacramenti non habent.

IV.

In hac Catholica Christi & Petri, seu Romana Ecclesia, Ministri cumpri-
mis Catechismum, hoc est, Orationem Dominicam, Symbolum Apostolicum, Decem Præcepta, & alia ad salutem necessaria, subinde recitent, & planius rudioribus in concionibus tradant, præsertim sacro Quadragesimali tempore, idque juxta interpretationem Catholicorum Patrum, maxime Reverendiss. D. MICHAELIS Episcopi Merspurgen-
sis, D. FRIDERICI Naufæ, Gropperi, & aliorum similium.

V.

Deinde, de fide, spe, charitate, gratia, libero arbitrio, justificatione, bonis operibus, libertate, Sacerdotio, & aliis locis ita doceant, ne omnia (quod hæretici solent) confundant, & nudam, seu solam fidem justificare nos clament, bona opera floccifaciant, omnes Sacerdotes esse, omnes liberos affirmant, confusum Babel in Ecclesiam DEI, quæ est ordinata, ut castrorum acies, introducentes.

VI.

In Concionibus præterea, & in enarrando Evangelio, utantur Authoribus antiquis, & Catholicis, & ex illis, & Scripturis Sacris colligant, quod populo proponant. Libellos Lutheranos, Zuinglianos, Sarcerianos, Illyricos, Schvencfeldianos, Spangebergianos, Calvinianos; atque alios non Catholicos abjiciant.

VII.

Liturgiam, seu Missam devote, cum bona intentione, singulis festivis diebus celebrent, memores Dominicæ Passionis, & Redemptionis nostræ, atque alios, quid sibi velit tremendum mysterium, & Sacrificium incruentum, propitiatorium, & Eucharisticum doceant. Et Angelos ibi assistentes cum D. Chrysostomo non dubitent.

VIII.

Item usitatis, & ad singula officia destinatis, utantur vestibus, & ornamentis, atque illa omnia munda servant.

IX.

In administratione Sacramentorum sint diligentes, ut omnia juxta ritum, & praxin Catholicæ Ecclesiæ agant. Modis omnibus caveant, ne quid negligant, aut irreverenter tractent.

X.

Doceant, septem esse Ecclesiæ Sacramenta Divinitus instituta, per quæ velut apta remedia peccatis nostris mederi, & gratiæ suæ munera, Deus voluerit nobis impertiri. Gratiam vero Sacramentorum, non ex ipsâ externarum rerum virtute, nec ex merito ministris, sed ex internæ & Divinæ operationis virtute, æstimandam esse. Sunt autem hæc: Baptismus, Confirmatio, Pœnitentia, Eucharistia, Ordo, Matrimonium, & Unctio extrema.

XI.

Omnibus itaque Ecclesiarum Ministris sedulo injunctum volumus, ne aliter, quam adhibitis Exorcismis, Exufflationibus, Unctionibus, & cæteris ritibus, per Catholicam Ecclesiam adhiberi solitis, latine, & in aqua non pro-

phana, sed sacri Chrysmatis unctione sanctificata, extra casum necessitatis, Baptismum administrare præsumant. Et ut tanto mysterio debita omnino reverentia adhibeatur, Ecclesiæ Ministros serio monemus, ut cum multa sobrietate & devotione, non post prandia & epulas, absque necessitate, Baptismum administrent.

XII.

Confirmationis Sacramentum, quod olim saltem per manuum impositionem conferebatur, quod postea Chrysmatis unctione adhibita conferri cepit, internam & spirituales unctionem significare, & quod foris aliquo signo visibili innotescit, id ipsum intus per gratiam operari, doceant.

XIII.

Pœnitentiam esse Sacramentum, per quod, post Baptismum in peccatorum voraginem relapsi, denuo perniciem effugimus, tradant. Atque veram pœnitentiam Contritione, Confessione, & Satisfactione absolvi.

XIV.

Sacerdotes, qui confessionibus audiendis dant operam, non plures simul, sed unum post alium absolvere præsumant.

XV.

De veritate Corporis & Sanguinis Domini in Eucharistia, plebem ex verbis Domini instruant; ut credant, post consecrationem sub speciebus panis & vini, veram Christi corporis substantiam realiter contineri, atque sub una tantum specie a fidelibus sumi, quantum sub utraque, quoniam sanguis a carne separari nequit. Et ex quo virtus hujus Sacramenti, non pender ex speciebus, sed ex vivifica carne Christi & sanguine vivo, jam nemo dubitare debet, unum alio plus, minusve sumere. Et merito is sumendi modus a fidelibus est retinendus, quem S. Ecclesia Catholica tradidit observandum. Venerabile Sacramentum singulis mensibus renovent, particulas reverenter tractent, relictas absumant. Et nemo ad Eucharistiam admittendus, nisi privatim peccata sua commemorans, atque detestans, confessus & absolutus fuerit.

XVI.

XVI.

Sacram Unctionem, doceant, & primos Apostolos, ad infirmorum, qui ad vitæ exitum vergunt, præsidium exercuisse: Eamque juxta Apostoli testimonium, contra corporis infirmitatem, & terrores conscientie valere.

XVII.

De Sacramento Ordinis doceant, illa sola rata, & efficacia esse, quæ à rite ordinatis in Ecclesia, juxta Christi institutionem, geruntur. Et hanc gratiam esse, non hominum aut personarum, sed muneris DEL, ad communem utilitatem totius Ecclesiæ accommodatam.

XVIII.

Et ut Sacramento Matrimonii suus conservetur honos, conjunctiones conjugum volumus in conspectu Ecclesiæ, confecta celebritate confirmari, non in angulis, ædibus privatis: & prius ter proclamationes faciant; ob multas & varias fraudes evitandas. Neque quisque ignotas personas, ad se non pertinentes copulare absque licentia sui Plebani, & testimonio, sibi usquequaque liberum esse præsumat.

XIX.

Item neque dimissas & separatas personas, ipso jure propter adulterium, aut aliam ob causam, copulare audeat. Siquidem apud Christianos nullum divortium est, sed separatio thori: scilicet dum vixerit alter conjugum, matrimonium durat.

XX.

Cæremonias sacras ab Ecclesia receptas observent, & pro tempore, quid significant, populo interpretentur; ut excitentur homines ad religionem, etiam per res externas, & visibiles, ubi intellexerint, quid sibi velint.

XXI.

Benedictionem salis & aquæ, nec non & rerum aliarum, tanquam morem antiquum, conservandam præcipimus; dummodo Pastores populum sedulo doceant, effectus, qui inde petuntur, non ipsarum rerum efficaciæ, sed operationi Divinæ tribuendos esse.

Populusque monendus, ne rebus talibus ad impias superstitiones abuti præsumat.

XXII.

De imaginibus doceant, eas non ob id proponi, ut adoremus aut colamus eas; sed ut quid adorare aut colere, aut quarum rerum utiliter meminisse debeamus, per imagines recordemur.

XXIII.

Sanctos tanquam nobilissima membra Corporis Christi, eo societatis, & dilectionis cultu, quo in hac vitæ sancti homines, merito honorandos esse doceant. Atque eateñus invocandos, quatenus non obscoretur gloria Christi; ponendo in illos non fiduciam redemptionis, sed flagitando ab ipsis officium intercessionis; nam utique lege charitatis usque modo nobis obligantur: quodque eo magis eos facere confidimus, quo illis post carnis depositionem, ferventior charitas & promptior facultas accessit.

XXIV.

Eadem lege charitatis, tenendum est, defunctos vivorum pietate & orationibus adjuvari.

XXV.

Cæterum, plebs Christiana, sumpta ex Divinis literis commonitione, ad continuam vitæ sobrietatem, sedulo cohortetur; ut cibi, potusque moderatione carnis lasciviam comprimentes, ad exercitia pietatis mentem liberius intendere queant. Cui jungendus est ciborum delectus, non quidem ab iis, velut immundis abstinentes, sed edomandi corporis causa.

XXVI.

Corpora mortuorum honorifice cum cantu lugubri, & precibus pro defunctis sepeliuntur.

XXVII.

Vigilias Sanctorum, jejunia, & memorias Sanctorum, e suggestu denuntiari volumus; & populus moneatur, ad ea colenda, & observanda, ut celebrantes Festa Sanctorum, imitentur eorum exempla, laudantes Deum de gratia eis collata.

XXVIII.

Proceffiones diebus Dominicis teneant; Item communes petitiones pro Ecclefia Dei & omnibus ſtatibus: Et pro defunctis poſt, ſive ante Concionem orare non negligent.

De corrigendis moribus.

I.

Convocationes Cleri, & ad pietatem & Catholicam Religionem, ad honeſtatem vitæ cohortationes, & monitiones fieri volumus. Malos vero & diſſolutos condigna pœna, pro delicti qualitate plecti curabimus.

II.

Archi-Diaconus, ſive Decanus, ſi non ſæpius, ad minus ſemel in anno, viſitari curabit concreditas fidei ſuæ Parochias; ut intelligant, quid quisque agat, quid boni omittat, & mali committat, quidque in Eccleſiis, & Clero & populo, emendandum, aut proſuſ reprimendum ſit.

III.

Parochi ſubjecti ſint Archi-Diacono & Decano ſuo.

IV.

Tabernas omnino fugiant, & per omnia vitam vivant, qualem profeſſio eorum exigit, & Chriſtus requirit: *Luceat lux veſtra coram hominibus, ut videant opera veſtra bona.* Honeſto veſtitu incedant, longis & talaribus utantur, non varii coloris, aut diſciſſis.

V.

Arma, niſi itinerantes, non induant, barbam non nutrant, Coronam & tonſuram deferant. Omni ludo, blaſphemiis, rixis, choreis & aliis quibuscunque exceſſibus, abſtineant.

VI.

Nemini Clericorum liceat in dote Eccleſiæ, laicis locum compotandi aperire; quoniam inde non raro ebrietatem rixæ, cædes, & multa ſcelera, quæ Sacerdotalem polluant dignitatem, ſequi ſolent.

VII.

Nullus quoque, vel ſemel in anno, abſque evidente neceſſitate, Offi-

um Divinum, ſive non prædicando, ſeu non celebrando, omittat. Provideat itaque quilibet, ſi per ſe non poterit, per vicinum, ut ſuas oviculas ad minimum officio prædicandi paſci faciat, ne torpor & negligentia Plebani, laicis incuriam & contemptum verbi Divini, nec non & vitam beſtialem, pariat.

VIII.

Debita non contrahant, contracta vero diſſolvant. Nam impii eſt, mutuum, ſive mercedem (*) ſolvere.

IX.

Famulas ſuſpectas, & notæ turpitudinis, amoveant, & honeſtiores ratione miniſterii ſuſcipiant, ut ſint irreprehenſibiles.

X.

In charitate & unitate vivant, mutuis convitiis ſeſe non afficiant, & ſi quid injuriarum eſt, ad majores ſuos deferant.

Ordo conſervetur, & diſci-
plina.

I.

Nemo ſine institutione, & cura aanimarum, ſibi ab Ordinariis data, Eccleſiis Dei ſe intrudat, & nemo inde diſcedat ſine licentia ſui Prælati.

II.

Unusquisque Biblia Catholica habeat, Sacræ Lectioni & veterum Patrum, intendat. Et horas Canonicas quotidie cum devotione oret.

III.

Ab exigenda pecunia, in miniſtratione Sacramentorum, proſuſ abſtineant, ne nundinationi, & avaritiæ, ut ſit, adſcribatur; ſed ſint contenti eo, quod de conſuetudine offertur.

IV.

Decimas, & cenſus Eccleſiarum, ſumalia, & id genus alia, ad ſuſtentationem officii & cultus Divini, conſtituta, modeſte exigere non negligent, & nihil agant in præjudicium Succeſſorum per contractus, abſque conſenſu Majorum & Ordinarii.

V.

(*) *Supple: non.*

V.

Et quia hoc in primis necessarium, ut erudiendæ juventuti in oppidulis, Magistri eruditione simul & pietate commendabiles præfiantur; volumus, ut Pastores ibidem vigilanti cura attendant, quibus hujusmodi munus tradatur, atque eosdem prius examinationi nostræ subjiciendos transmittant. Ad hæc, ipsi Parochi Scholas sæpius visitent, & quid pueris proponatur, inquirant, ne quid erronei & hæresim redolens, teneræ & innocenti ætati inculcetur.

VI.

Reliqui Plebani in pagis constituti, Ædituos, quos Scribas vocant, Sacerdotale munus (utpote introducere sponsas, & mulieres post partum) minime exercere sinant. Sed Parochis suis

& Ecclesiæ, debita reverentia & obedientia inserviant: quod si non fecerint, sciant, se id non impune habituros.

VII.

Causas Matrimoniales quascunque nemo propria autoritate tractare, sive componere audeat. Et Nuptias, prohibitis ab Ecclesia temporibus, nequaquam celebrari permittat.

Has quidem Constitutiones, pro nunc sufficere putavimus, promittentes, & reliqua, si opus fuerit, pro loci & temporis conditione nos ordinaturos. Et quo supradicta omnia & singula accuratiori cura observentur, & ad excusationem ignorantie nullus relinquatur locus; singulis vobis, has præfentes Constitutiones ad manus tradere volumus, præcipientes, ut apud omnes Ecclesias habeantur & maneant.

FINIS.


Diligenter collatum cum suo genuino Textu, in Archivo Archi-Episcopali Pragensi sub fide mea jurata asservato, per omnia concordare testor. Praga die 7. Octobris A. 1557.

(L.S.)

WENCESLAUS PROCOPIUS DUCHOWSKI mpp.
Ss. Theol. Baccalaureus formatus, Reg. Cap. Oo. SS.
in Castro Prag. Beneficiatus, Notarius Apostolicus &
Curia Archi-Episcopalis Prag. Archivarius Juratus.



SACRO-



SACRO-SANCTUM OECUMENICUM
ET GENERALE CONCILIUM
TRIDENTINUM

SUB PAULO III. JULIO III. PIO IV.

PONTIFICIBUS MAX.

CAROLO V. ET FERDINANDO I.

IMPERATORIBUS.

CELEBRATUM

a XIII. Decembris anni Christi MDXLV., quo
inchoatum,

USQUE AD

diem IV. Decembris anni Christi MDLXIII., quo
finitum fuit.

BULLA INDICATIONIS SACRI
OECUMENICI ET GENERALIS CONCILII
TRIDENTINI,

SUB PAULO III. PONT. MAX.

PAULUS EPISCOPUS, SERVUS SERVORUM DEI, AD FUTURAM
REI MEMORIAM.

INITIO nostri hujus Pontificatus, quem non ob merita nostra, sed propter suam magnam bonitatem, Dei omnipotentis providentia nobis commisit, cernentes jam tum in quas perturbationes temporum, quotque incommoda rerum fere omnium nostra Pastoralis sollicitudo, & vigilia esset vocata, cupiebamus quidem mederi Christianæ Reip. malis, quibus illa jamdudum vexata, & propemodum oppressa est: sed ipsi etiam, ut homines, (a) circumdati infirmitate, ad tantum onus tollendum impares vires nostras esse sentiebamus. Nam cum pace opus esse intelligeremus ad liberandam, & conservandam a plurimis impendentibus periculis Remp. omnia invenimus odiis & dissensionibus plena, dissentionibus præsertim Principibus iis inter

se, quibus summa rerum pene omnis a Deo permixta est. Cum unum Ovile, (b) & unum Pastorem Dominici esse gregis, ad integritatem Christianæ religionis, & ad cœlestium bonorum spem in nobis confirmandam, necessarium duceremus; schismatis, dissidiis, hæresibus erat Christiani nominis divulgata jam pene, & lacerata unitas. Cum tutam, atque munitam ab infidelium armis, atque insidiis Rempublicam optaremus; nostris erratis, nostraque cunctorum culpa, Dei videlicet ira peccatis nostris imminente, Rhodus fuerat amissa, Hungaria vexata, conceptum, & meditatum contra Italiam, contraque Austriam, & Illyricum terra, marique bellum: cum impius & immitis hostis noster Turca nullo tempore requiesceret; nostrorumque inter se odia,

&

(a) Hæbr. 5.

(b) Joan. 10.

& diffensiones suam bene gerendæ rei occasionem duceret. Igitur, ut dicebamus, in tanta hæresum, dissensionum, bellorumque tempestate, tantisque excitatis fluctibus, cum essemus ad moderandam & gubernandam Petri naviculam vocati, nec viribus ipsi nostris satis fideremus; (c) primum coniecimus in Domino cogitatus nostros, ut ipse nos nutriret, animumque nostrum firmitate & robore, mentem consilio, sapientiaque instrueret: deinde, animo repetentes, Majores nostros, sapientia admirabili, & sanctitate præditos, sæpe in summis Christianæ Reip. periculis remedium optimum, atque opportunissimum, œcumenica Concilia, & Episcoporum generales Conventus adhibuisse; ipsi quoque animum ad generale habendum Concilium adjecimus; exquisitisque Principum sententiis, quorum nobis videbatur utilis in primis, & opportuna ad hanc rem esse consensus; cum eos tunc non alienos ab hoc tam sancto opere invenissemus, œcumenicum Concilium, & generalem eorum Episcoporum, aliorumque Patrum, ad quos pertineret, Conventum in civitate Mantuæ indiximus; anno Incarnationis Domini, sicut literis, & monumentis nostris testatum est, millesimo quingentesimo trigésimo septimo, Pontificatus nostri tertio, ad X. Kal. Jun. inchoandum; spem prope certam habentes fore, ut, cum illic in nomine Domini essemus congregati, ipse, sicut promissit, Dominus (d) in medio nostrum affuturus, & bonitate, ac misericordia sua omnes temporum procellas, omniaque pericula Spiritu oris sui facile depulsurus esset. Sed, ut semper insidiatur piis actionibus humani generis hostis, primum contra omnem spem, & expectationem nostram denegata fuit nobis Mantuana civitas, nisi aliquas condiciones subiremus ab institutis Majorum nostrorum, & conditione temporum, nostraque ac hujus Sanctæ Sedis, ac nominis Ecclesiastici dignitate, libertateque prorsus alienas; quas in aliis nostris literis expressimus. Quapropter alium invenire locum, aliamque deligere ci-

vitatem necesse habuimus: quæ cum non statim nobis occurreret idonea, & apta; ad sequentes Kal. Nov. prorogare Concilii celebrationem fuimus coacti. Interim sævus, & perpetuus hostis noster Turca, ingenti classe Italiam adortus; aliquot oppida in litoribus Apuliæ cepit, vastavit, diripuit, prædas hominum abegit: nos in maximo timore, & periculo omnium, muniendis litoribus nostris, finitimisque auxilio juvandis fuimus occupati: nec tamen interea destitimus consulere, & hortari Christianos Principes, ut, de idoneo ad habendum Concilium loco quid sentirent, nobis exponerent: quorum cum essent incertæ, variæque sententiæ, tempusque diutius, quam erat opus, videretur extrahi; nos optimo animo, atque, ut arbitramur, etiam consilio, Vicentiam (e) elegimus, urbem copiosam, & Venetorum, qui eam nobis concedebant, virtute, auctoritate, potentia cum aditum patentem, tum stationem omnibus liberam, atque tutam in primis in se habentem. Sed, cum jam tempus longius progressum esset; novæque urbis electionem omnibus significari conveniret; jamque Kalendæ Nov. appetentes facultatem hujus divulgationis excluderet; huiusmodi esset propinqua, rursus altera prorogatione tempus Concilii differre in proximum (f) sequens ver, Majique futuras Kalendas; compulsi fuimus. Qua re firmiter constituta, atque decreta, cum & nos ipsos, & cetera omnia ad eum bene agendum, Deo juvante, celebrandumque Conventum pararemus; plurimum reputantes interesse cum celebrationis Concilii, tum universæ Christianæ Reipubl., Christianos Principes pace inter se, & concordia consentire; Carissimos in Christo Filios nostros, CAROLUM Romanorum Imperatorem, semper Augustum, & Christianissimum Regem FRANCISCUM, duo præcipua Christiani nominis firmamenta, atque subsidia, orare, atque obsecrare institimus, ut ad colloquium inter se, & nobiscum una convenirent; quorum quidem apud utrumque literis, Nunciis, & a latere nostro missis, ex

Vene-

(c) Psal. 54.

(d) Matt. 18.

(e) Editio Parisina Harduini habet: Vicentiam.

(f) In ead. Parisina legitur: primum sequens ver.

Venerabilium Fratrum nostrorum numero, Legatis, sapissime egeramus, ut ex similitudine, & diffidiis ambo in unum fedus, & piam amicitiam vellent convenire, labentibusque succurrere Christianis rebus; quarum servandam cum esset illis potestas ab Deo precipue tributa, si id non agerent, & ad commune Christianorum bonum sua consilia non dirigerent, acris & severa ratio eidem Deo ab ipsis reddenda esset. Qui aliquando precibus nostris annuentes, Nicæam se contulere; quo nos quoque longum iter, & senilis ætati nostræ vehementer contrarium, Dei & pacis conciliandæ causa suscepimus; neque prætermisimus interea, cum tempus Concilii præstitutum, Kalendæ videlicet Majæ; appropinquarent, tres Legatos summæ virtutis, ac auctoritatis, a latere nostro, de numero eorundem Fratrum nostrorum S. R. E. Cardinalium, Vincentiam mittere; qui initium Concilii facerent; Prælatosque undique venientes exciperent; & ea, quæ judicarent esse opus, agerent, & tractarent, quoad nos, ab itinere, & negotio pacis reversi, omnia accuratius dirigere possemus. Interim vero in illud sanctum opus, maximeque necessarium, tractationem videlicet pacis inter Principes, incubuimus, & quidem omni animi studio, omni pietate, ac diligentia. Testis est nobis Deus, cujus freti clementia, nosmet ipsos itineris, & vitæ periculo exposuimus. Nostra testis conscientia; quæ nihil habet in hac re quidem, in quo nos arguat aut prætermisissæ, aut non quæsitæ ad pacificandum occasionis. Principes ipsi testes; quos tam sæpe, tamque vehementer Nunciis, literis, Legatis, monitis, hortatu, precibusque omnibus obsecravimus, ut similitates deponeant, ut (g) societatem coirent, ut Christianæ Reipubl. in maximum, & propinquum jam adductæ discrimen, communibus studiis, & subsidiis opitulerentur. Jam vero testes illæ vigilæ animi nostri labores, gravesque sollicitudines, quas ob hanc rem, & causam plurimas jam suscepimus: nec tamen ad optatum exitum nostra consilia, &

acta adhuc perducta sunt. Ita enim visum Domino Deo est: quem tamen non desperamus aliquando optata (b) nostra benignius respecturum. Ipsi quidem, quantum in nobis fuit, nihil, quod esset nostro Pastoralis officio debitum, in hac re omisimus. Quod si qui sunt, qui actiones pacis nostras in aliam interpretentur partem: dolemus quidem; sed tamen in dolore nostro gratias Deo Omnipotenti agimus, qui ad exemplum, & doctrinam patientiæ nostræ suos voluit Apostolos habere dignos; qui pro Nōmine JESU, qui pax nostra est, (i) contumeliam paterentur. Verum in illo congressu, colloquioque nostro, quod Nicææ habitum est, etsi peccatis nostris impediētib; inter duos Principes vera, & perpetua pax non potuit confici, indutiæ tamen decennales factæ sunt: quarum opportunitate nos sperantes & Sacrum Concilium commodius celebratum iri, & deinde ex Concilii auctoritate perfici posse pacem; apud Principes institimus, ut & ipsi venirent ad Concilium, & Prælatos suos præsentēs ducerent, absentesque accerferent. Qui cum de utroque se excusassent; quod & ipsis redire in regna sua tum necesse esset; & Prælatos, quos secum habuissent, itinere, atque impendiis fessos, atque exhaustos recreari, & refici oporteret; Nos hortati sunt, ut aliam quoque prorogationem temporis habendi Concilii decernemus. Quia in re concedenda cum effemus aliquantum difficiles, literas interim a Legatis nostris, qui Vincentiæ erant, accepimus, transacto jam, & longius præterito Concilii ineundi die, unum vix, aut alterum ex externis nationibus Prælaturum Vincentiam se contulisse. Quo Nuncio accepto, cum videremus eo tempore nulla jam ratione haberi Concilium posse, ipsis Principibus concessimus, ut differretur tempus (k) agendi Concilii usque ad sanctum Pascha, diemque festum futuræ Dominicæ Resurrectionis. Cujus nostri præcepti, expectationisque decretæ literæ Genæv, anno Incarnationis Domini M. D. XXXVIII. IV. Kal. Jul. factæ, publicatæque sunt, atque hanc dilationem eo propensius fecimus, quod polli-

(g) In Herduniana: in Societatem.
(i) Act. 5. in fi. Eph. 2.

(b) In eadem: nostra, non legitur.
(k) ibid. agendi, omissum.

pollicitus est nobis uterque Princeps Legatos suos Romam ad nos se missurum, ut ea, quæ ad perfectionem pacis reliqua essent, neque Nicææ ob brevitatem temporis potuerant omnia contici, Romæ commodius coram nobis agerentur, & tractarentur, & ob hanc rationem etiam a nobis ambo peterunt, ut hæc pacificationis procuratio Concilii celebrationi præponeretur, cum ipsum Concilium, pace facta, multo deinde utilius, & salutaris Christianæ Reip. futurum esset. Semper enim hæc pacis spes nobis injecta Principum nos voluntatibus assentiri hortata est. Quam spem vehementer auxit post discessum a Nicæa nostrum ipsorum duorum Principum inter se benevola, amicaque congressio: quæ, maxima nostra cum læticia a nobis intellecta, confirmavit nos in bona spe, ut tandem aliquando nostras preces apud Deum exauditas, & vota pacis accepta esse crederemus. Hanc igitur pacis conclusionem cum & expecteremus, & urgeremus; nec solum duobus antedictis Principibus, verum etiam carissimo in Christo filio nostro, FERDINANDO, Regi Romanorum, videretur, actionem Concilii, nisi pace facta, suscipi non oportere; cunctique a nobis per literas, suosque Oratores contenderent, ut alias rursus temporis prorogationes faceremus; præcipue autem instaret Serenissimus Cæsar, promississe se demonstrans iis, qui a Catholica unitate dissentiant, se operam suam apud nos interpositurum, ut aliqua concordie ratio iniretur; quod antè suam in Germaniam defectionem apte non posset fieri: Nos, eadem semper spe pacis, & tantorum Principum voluntate adducti, cum præsertim cerneremus, ne ad dictum quidem Resurrectionis festum alios Prælatos Vincentiam convenisse, prorogationis nomen jam fugientes, quod tam sæpe frustra fuerat reperitum, celebrationem Generalis Concilii ad nostrum & Sedis Apostolicæ beneplacitum suspendere maluimus. Itaque fecimus, & de suspensione hujusmodi literas ad singulos supradictorum Principum decima die Jun. M. D. XXXIX. dedimus, sicut ex illis perspicue potest intelligi. Ea itaque suspensione neces-

sario per nos facta, dum tempus illud magis idoneum a nobis, pacisque aliqua conclusio expectatur; quæ & dignitatem postea, frequentiamque Concilio, & Christianæ Reip. præsentiorum salutem erat allatura; Christianæ interea res in deterius quotidie prolapsæ sunt, Hungaris, Rege ipsorum mortuo, Turcam vocantibus; Ferdinando Rege bellum in eos movente; Belgis ad defectionem a Cæsare ex parte quadam incitatis: cujus defectionis comprimendæ causa per Galliam amicissime, & cum Rege Christianissimo concordissime, magno benevolæ inter eos voluntatis indicio, transiens in Belgas Serenissimus Cæsar, & illinc deinde in Germaniam profectus, conventus Germaniæ Principum, & civitatum, tractandæ ejus, quam dixerat, concordie causa habere cœpit. Sed cum, spe pacis jam deficiente, ille quoque modus curandæ in conventibus, tractandæque concordie ad majores potius discordias concitandas aptus esse videretur: inducti fuimus ad pristinum Concilii generalis remedium reverti, idque per Legatos nostros, S. R. E. Cardinales, ipsi Cæsari obtulimus; quod etiam postremo, & præcipue in Katisponensi Conventu egimus; cum illic dilectus Filius noster, Gaspar tit. S. Prædixedis, Cardinalis Contarenus, & summa doctrina, & integritate, Legatum nostrum ageret. Nam cum (id quod ne accideret, antea veriti eramus) ex ejus Conventus sententia peteretur a nobis, ut ab Ecclesia dissentientium quosdam articulos tolerandos declararemus, quoad per œcumenicum Concilium illi excuterentur, & deciderentur; idque nobis ut concederemus, neque Christiana & Catholica veritas, neque nostra, & Sedis Apostolicæ dignitas permetteret; palam potius Concilium, ut quamprimum fieret, proponi mandavimus. Neque vero in alia umquam sententia, & voluntate fuimus, quam ut primo quoque tempore Concilium œcumenicum, & generale congregaretur. Sperabamus enim ex eo & pacem populo Christiano, & Christianæ religionis integritatem posse recuperari: verumtamen id, cum bona gratia, & voluntate Christianorum Principum habere volebamus. Quam

voluntatem dum expectamus ; dum observamus tempus absconditum , tempus beneplaciti (1) tui , o Deus ; aliquando tandem decernere compulsi sumus , omne esse tempus beneplacitum Deo , cum de rebus sanctis , & ad Christianam pietatem pertinentibus consilia ineuntur . Quapropter videntes , maximo quidem animi nostri cum dolore , rem Christianam quotidie in pejus ruere , Hungaria a Turcis oppressa , Germanis periclitantibus ; cæteris omnibus metu , maioreque afflictis , nullius jam Principis consensum expectare , sed tantum DEI Omnipotentis voluntatem , & Christianæ Reip. utilitatem attendere constituimus : Itaque cum Vincentiam amplius non haberemus ; cupereamusque cum universâ Christianorum salutem , tum Germanicæ Nationis incommodis in eligendo per nos novo Concilii habendi loco consulere ; aliquoque locis propositis ipsam Tridentinam civitatem ab ipsis desiderari videremus : Nos etsi in citeriore Italia commodius omnia tractari posse iudicabamus , ad eorum tamen postulationes nostram voluntatem paterna caritate defleximus . Itaque Tridentum civitatem elegimus , qua in civitate œcumenicum Concilium ad proxime venturas Kalendas Nov. haberetur , idoneum locum illum statuentes , quo ex Germania quidem , aliisque Germaniæ finitimis nationibus facillime , ex Gallia , Hispania , cæterisque Provinciis remotioribus non difficiliter Episcopi , & Prælati convenire possent . Dies autem Concilii ea a nobis spectata est , quæ spatium in se haberet & publicandi per Christianas nationes nostri hujus Decreti , & facultatis omnibus Prælati ad veniendum tribuendæ . Quo minus autem annum tempus præfiniremus mutando Concilii loco , sicut quibusdam constitutionibus alias præscriptum est , ea res fuit in causa , quod longius extrahi spem faciendæ aliqua in parte Christianæ Reip. quæ tot detrimentis , & calamitatibus affecta est , nolimus ; & tamen videmus tempora : agnosceamus difficultates : quid sperari possit ex consiliis nostris , incertum esse intelligimus . Sed quia scriptum est : (m) Revela Domino viam tuam , & spera in eo ; & ipse faciet : magis DEI clementiæ & misericordiæ confidere , quam nostræ imbecillitati diffidere , constitui-

mus . Sæpe enim fit in bonis operibus incipiendis , ut , quod humana consilia non valent , Divina virtus efficiat . Hujus igitur ipsius Dei Omnipotentis Patris , & Filii , & Spiritus Sancti , ac Beatorum ejus Apostolorum , Petri , & Pauli auctoritate , qua nos quoque in terris fungimur , freti , atque subnixi , de Venerabilium item Fratrum nostrorum , S. R. E. Cardinalium consilio , & assensu sublata , amotaque suspensione , de qua supra commemoratum est , quam per præsentem tollimus , & amovemus , sacrum œcumenicum & Generale Concilium in civitate Tridentina , loco comodo , & libero , omnibusque nationibus opportunum , ad Kalendas proximas Nov. anni præsentis ab Incarnatione Domini MDXLII. incipiendum , proseguendum , & eodem Domino adjuvante , ad ipsius gloriam , atque laudem , & Christiani totius populi salutem absolvendum , perficiendumque indicimus , annunciamus , convocamus , statuimus , atque decernimus ; omnes omnibus ex locis tam Venerabiles Fratres nostros Patriarchas , Archi Episcopos , Episcopos , & Dilectos Filios Abbatibus , quam alios quoscunque ; quibus jure , aut privilegio in Conciliis Generalibus residendi , & sententias in eis dicendi permissa potestas est , requirentes , hortantes , admonentes , ac nihilominus eis (n) vi jurisjurandi , quod nobis , & huic Sanctæ Sedi præstiterunt , ac sanctæ virtute obedientiæ , aliisque sub penis jure aut consuetudine in celebrationibus Conciliorum adversus non accedentes ferri , & proponi solitis , mandantes , atque præcipientes , ut ipsimet , nisi forte justo detineantur impedimento , de quo tamen fidem facere compellantur , aut certe per suos legitimos Procuratores , & Nuncios Sacro huic Concilio omnino adesse , & interesse debeant . Supra autem dictos , Imperatorem , Regemque Christianissimum , nec non cæteros Reges , Duces , Principes , quorum præsentia , si alias umquam , hoc quidem tempore maxime Sanctissimæ Christi fidei , & Christianorum omnium futura est salutaris , rogantes , atque obsecrantes per viscera misericordiæ Dei , & Domini nostri JESU Christi , cujus fidei veritas , & religio ; & intus , & extra graviter jam oppugnatur , ut , si salvam volunt Christianam esse Remp. si se

Domini

(1) Psal. 68.

(m) Pl. 36.

(n) In Parisina & Lovanienfi : in vi,

Domino obstrictos, & obligatos pro maximis illius erga se beneficiis intelligunt, ne deserant ipsius Dei causam, & negotium; ipsimet ad Sacri Concilii celebrationem veniant, in quo ipsorum pietas, atque virtus communi utilitati, salutique suæ, ac cæterorum, & temporali, & æternæ, plurimum est profutura. Sin autem, id quod nollemus, accedere ipsi non poterunt; at graves saltem viros Legatos cum auctoritate mittant, qui personam Principis sui quisque & cum prudentia, & cum dignitate possint in Concilio referre. In primis vero ut id curent, quod ipsis facillimum est, ut ex suis cuiusque Regnis ac Provinciis Episcopi, & Prælati sine tergiversatione, & mora ad Concilium proficiantur. Quod maxime quidem a Prælati, Principibusque Germaniæ Deum ipsum, atque nos impetrare æquum est, ut cum eorum præcipue causa, ipsique cupientibus Concilium indictum sit, & in ea civitate indictum, quæ ab eis est desiderata, non graventur ipsi sua cunctorum præsentia id celebrare, & ornare; quo melius atque commodius, quæ ad integritatem, & veritatem Christianæ religionis, quæ ad bonorum morum reductionem, emendationemque malorum, quæ ad Christianorum inter se tam Principum, quam populorum pacem, unitatem, concordiamque pertineant, & quæ ad repellendos impetus Barbarorum & infidelium, quibus illi universam Christianitatem obruere moluntur, sint necessaria, Deo nostris consultationibus præeunte, & lumen sapientiæ suæ, ac veritatis mentibus nostris præferente, agi in dicto sacro œcumenico Concilio, & conspirante omnium caritate consuli, tractari, confici, ad optatosque exitus deduci quamprimum, & quam optime possint. Atque ut nostræ hæc literæ, & quæ in eis continentur, ad noticiam cunctorum, quorum oportet, perveniant, neve quis illorum ignorantiz excusatio-

nem prætendat, cum præsertim etiam non ad omnes eos, quibus nominatim illæ essent intimandæ, tutus forsitan pateat accessus, volumus, & mandamus, ut in Basilica Vaticana Principis Apostolorum, & in Ecclesia Lateranensi, cum ibi multitudo populi ad audiendam rem Divinam congregari solita est, palam clara voce per Curia nostræ Cursores, aut Notarios aliquos publicos legantur, lectæque in valvis dictarum Ecclesiarum, itemque Cancellariæ Apostolicæ portis, & Campi Floræ solito loco affigantur, ubi ad lectionem, & noticiam cunctorum aliquamdiu expositæ pendeant: cumque inde amovebuntur, earum nihilominus exempla in eisdem locis remaneant affixa. Nos enim per lectionem, publicationem, affixionemque huiusmodi, omnes, & quoscunque, quos antedictæ nostræ literæ comprehendunt, post spatium duorum mensium a die literarum publicationis & affixionis, ita volumus obligatos esse, atque astrictos, ac si ipsimet illæ coram lectæ, & intimatæ essent: transumptis quidem earum, quæ manu publici Notarii scripta, aut subscripta, & sigillo personæ alicujus Ecclesiasticæ, in dignitate constitutæ, munita fuerint, ut fides certa, & indubitata habeatur, mandamus, atque decernimus. Nulli ergo omnino hominum liceat hanc paginam nostræ indictionis, annunciationis, convocationis, Statuti, Decreti, Mandati, præcepti, & obsecrationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli, Apostolorum ejus, se noverit incursum. Datum Romæ, apud S. Petrum, anno Incarnationis Dominicæ M. D. XLII. XI. Kal. Jun. (o) anno VIII.

BLOSIUS.

Hier. Dand.(o) *Supple ex editione Parisina: Pontificatus nostri.*

Kkk kk 3

CANO-

CANONES ET DECRETA

SACRO-SANCTI CONCILII

TRIDENTINI. (*)

SESSIO PRIMA

SUB PAULO III. PONT. MAX.

CELEBRATA DIE XIII. MENSIS DECEMBR. ANNO DOM. MDXLV.

Decretum de inchoando Concilio.

PLACETNE vobis, ad laudem & gloriam Sanctæ & Individuæ Trinitatis, Patris, & Filii, & Spiritus Sancti, ad incrementum, & exaltationem Fidei, & Religionis Christianæ, ad extirpationem hæresum, ad pacem, & unionem Ecclesiæ, ad reformationem Cleri, & populi Christiani, ad depressionem, & extinctionem hostium Christiani nominis, decernere, & declarare, Sacrum Tridentinum & Generale Concilium incipere, & inceptum esse? *Respondervnt, PLACET.*

Indi-

(*) Circa Tridentini Generalis & Oecumenici Concilii editionem, inferendane huic operi esset, an ab eo removenda, variæ erant Eruditorum sententiæ. Prætermittendam suaserunt aliqui: tum quod Oecumenica illa Synodus esset, tum quod passim versaretur in manibus. Alii e contra, & pars quidem potior, omnino addendam voluere. Horum ego ad iudicium accessi tanto lubentius, quanto plura erant, quæ eandem in opinionem me jam pridem impulerunt.

Movebat imprimis exemplum P. Sirmondi nostri, qui Concilium Lugdunense I. sub Innocentio IV. PP., Lugdunense II. sub Gregorio X., Viennense præterea sub Clemente V. licet Oecumenica essent, a sua tamen Conciliorum Galliæ collectione non tantum non excludenda, sed multo potius ab ipsis his Generalibus Synodis, lucem cæteris longe maximam adventuram esse putavit.

Movebat 2do. Quod Tridentinum istud non in Germaniæ solum civitate, sed in causâ etiam Ecclesiarum Germaniæ, ob nova Lutheri ac Zwinglii dogmata, a se invicem gravissime dissidentium: ac propterea petentibus Germanis, immo ipso Luthero, ejusque affectis id importune, seu vere, seu fiste, postulantibus, ac initio nihil prope, nisi Concilium clamitantibus: urgente itidem Carolo V. Imp. aliisque Germaniæ Magnatibus, a Rom. Pontifice indictum, post varias deinde vices ac interruptiones, denuo resumptum, continuatum, ac denique decimo octavo, postquam cæptum fuerat, anno, sub Ferdinando I. Imp. felicem ad finem perductum fuerit.

Movebat 3tio. Quod sequentes dein Germaniæ Synodi tum Provinciales, tum Diocesanae, Tridentini Oecumenici Canonibus ac Præceptis, tanquam certissimis fidei, morumque Regulis, non inniterentur tantum, sed ad illa singulis etiam paginis, ac fere capitibus provocarent. Non congruum proinde videbatur, pro inspiciendis Tridentini Decretis, ad alienos ab hoc opere codices Lectorem amandare.

Accedebat ad hæc, quod Statutorum omnium, in hac tota collectione contentorum, Tomo ultimo adjiciendus Index, mancus omnino, mutilusque fuisset futurus, si Sacro-Sancti hujus Concilii Canones ac Decreta, quorum uti indubitata veritas est, ita summa etiam ac veneranda omnibus auctoritas, in eo Indice reperienda non fuissent.

Ne tamen per Oecumenicæ hujus Synodi accessionem plus, quam necesse esset, extenderetur hoc opus; relictis, quæ ad historiam pertinent, narrationibus, Orationibus item, Epistolis, aliisque gestis prætermisiss, ipsos de quibus jam dixi, Tridentinos Canones duntaxat, editaque ibidem pro desiderata diu morum reformatione Decreta, hic percensenda putavi, utpotè quorum præcipua, immo unica, mihi visa est habenda ratio.

Cætera ex editionibus aliis, conscriptisque, quibus abundant Bibliothecæ, de hac Synodo voluminibus, dummodo Sarpiano, Courayeriano, similique, Ecclesiæ & Apostolicæ Sedis hostium, veneno infecta non sint, peti facile poterunt.

Ipsos

Indictio futuræ Sessionis.

Et cum proxima sit celebritas Nativitatis Domini nostri JESU CHRISTI; & subsequantur aliæ festivitates labentis & incipientis anni; Placetne vobis, primam futuram Sessionem habendam esse die Jovis post Epiphaniam, quæ erit septima mensis Jan. anno Dom. MDXLVI? *Respondervunt, PLACET.*

SESSIO SECUNDA,

CELEBRATA DIE VII. MENSIS JANUarii, MDXLVI.

Decretum de modo vivendi, & aliis in Concilio servandis.

Sacrofancta Tridentina Synodus, in Spiritu Sancto legitime congregata, in ea presidentibus eisdem tribus Apostolicæ Sedis Legatis, agnoscens cum Beato Jacobo Apostolo, quod (a) omne datum optimum, & omne donum perfectum desursum est, descendens a Patre lumen; qui iis, qui postulant a se sapientiam, dat omnibus affluenter, & non impropereat eis; & simul sciens, quod (b) initium sapientiæ est timor Domini; statuit, & decrevit, omnes & singulos Christi fideles, in civitate Tridentina congregatos, exhortandos esse, prout exhortatur, ut se a malis & peccatis hætenus commissis emendare, ac de cætero (c) in timore Domini ambulare, & desideria carnis non perficere, orationibus instare, sæpius confiteri, Eucharistiæ Sacramentum sumere, Ecclesias frequentare, præcepta denique Dominica, quantum quisque poterit, adimplere, nec non quotidie pro pace Principum Christianorum, & unitate Ecclesiæ privatim orare velint: Episcopos vero, & quoscunque alios, in ordine Sacerdotali constitutos, Oecumenicum Concilium in ea civitate

concelebrantes, ut assidue in (d) Dei laudibus incumbere, hostias, laudes, & preces offerre, Sacrificium Missæ quolibet saltem die Dominico, in quo Deus lucem condidit, & a mortuis resurrexit, ac (e) Spiritum Sanctum in discipulos infudit, peragere satagent, facientes, sicut idem Spiritus Sanctus per (f) Apostolum præcipit, obsecrationes, orationes, postulationes, gratiarum actiones, pro Sanctissimo Domino nostro Papa, pro Imperatore, pro Regibus, & cæteris, qui in sublimitate constituti sunt, & pro omnibus hominibus: ut quietam & tranquillam vitam agamus, pace fruamur, & fidei incrementum videamus. Præterea hortatur, ut jejurent saltem singulis sextis feriis in memoriam Passionis Domini, & eleemosynas pauperibus erogent: in Ecclesia autem Cathedrali singulis quintis feriis celebretur Missa de Spiritu Sancto, cum Letaniis, & aliis orationibus ad hoc institutis: in aliis vero Ecclesiis eadem die dicantur ad minus Letaniæ, & orationes: tempore autem, quo Sacra peraguntur, colloquutiones, & confabulationes non fiant; sed ore & animo, celebranti assistatur. Et quoniam (g) oportet Episcopos esse irreprehensibiles, sobrios, castos, domui suæ bene præpositos; hortatur etiam, ut ante omnia quilibet in mensa (g) servet sobrietatem, moderationemque ciborum; deinde cum in eo loco sæpe otiosi sermones oriri soleant, ut in ipsorum Episcoporum mensis Divinarum Scripturarum lectio admisceatur: familiares vero suos unusquisque instruat, & erudiat, ne sint rixosi, vinosi, impudici, cupidi, elati, blasphemii, & voluptatum amatores; vitia demum fugiant, & virtutes amplectantur; & in vestitu, & cultu, & omnibus actibus honestatem præ se ferant, sicut decet ministros ministrorum DEI. Ad hæc, cum hujus Sacrosancti Concilii præcipua cura, sollicitudo, & inten-

Ipsos hos porro Canones ac Decreta Lectori exhibeo, prout Romæ primum, studio & cura Pauli Manutii, quam accuratissime in lucem prodierunt, ac deinde tum aliis in Typographæis, tum præcipue singulari industria Venetis, secundo post Romanam editionem anno, a Jordano Ziletto, rursum anno insequente Lovanii a Petro Zangrio Tiletano, ac postmodum in officina Christophori Plantini, Prototypographi Regii, Antwerpiae recusa sunt: quarum antiquissimarum editionum probatissimos codices, invicem collatos, summa fide, ad apices usque securus sum.

(a) Jac. i.

(b) Proverb. i. Psal. 110.

(c) Proverb. i. & 9.

(d) In Parisina non legitur: in.

(d) Act. 2.

(e) 1. Timot. 2.

(f) 1. Timot. 3.

(g) Tit. i.

intentio sit, ut, propulsatis hæresum tenebris, quæ per tot annos operuerunt terram, Catholicæ veritatis lux, JESU CHRISTO, (b) qui vera lux est, annuente, candor puritasque refulgeat; & ea, quæ reformatione egent, reformentur: ipsa Synodus hortatur omnes Catholicos hic congregatos, & congregandos, atque eos præsertim, qui sacrarum literarum peritiam habent, ut sedula meditatione diligenter secum ipsi cogitent, quibus potissimum viis, & modis ipsius Synodi intentio dirigi, & optatum effectum sortiri possit, quo maturius & consultius damnari damnanda, & probanda probari queant: ut per totum orbem omnes uno ore, & eadem fidei confessione glorificent Deum, & Patrem Domini nostri JESU CHRISTI.

In sententiis vero dicendis, juxta Toletani Concilii Statutum, in loco benedictionis confidentibus Domini Sacerdotibus, nullus debeat aut immodestis vocibus perstrepere, aut tumultibus perturbare, nullis etiam falsis, vanisve, aut obstinatis disceptationibus contendere: sed quidquid dicatur, sic mitissima verborum prolatione temperetur, ut nec audientes offendantur, nec recti iudicii acies perturbato animo inflectatur.

INSUPER ipsa Sacra Synodus statuit, ac decrevit, quod, si forte contigerit aliquos debito in loco non sedere, & sententiam, etiam sub verbo, Placet, proferre, Congregationibus interesse, & alios quoscunque actus facere, Concilio durante, nulli propterea præjudicium generetur, nullique novum jus acquiratur.

Deinde indicta fuit futura Sessio ad diem Jovis, quartam mensis Febr. proxime venturi.

SESSIO TERTIA,

CELEBRATA DIE IV. MENSIS FEBRUARII, MDXLVI.

Decretum de Symbolo Fidei.

IN NOMINE SANCTÆ, ET INDIVIDUÆ TRINITATIS, PATRIS, ET FILII, ET SPIRITUS SANCTI.

Hæc Sacrosancta Oecumenica, & Generalis Tridentina Synodus, in Spi-

ritu Sancto legitime congregata, in ea Præfidentibus eisdem tribus Apostolicæ Sedis Legatis, magnitudinem rerum tractandarum considerans, præsertim earum, quæ duobus illis capitibus, de extirpandis hæresibus, & moribus reformandis, continentur, quorum causa præcipue est congregata; agnoscens autem cum (i) Apostolo, non esse sibi colluctationem adversus carnem & sanguinem, sed adversus spirituales nequitias in cœlestibus, cum eodem omnes, & singulos in primis hortatur, ut confortentur in Domino, & in potentia virtutis ejus, in omnibus sumentes scutum fidei, in quo possint omnia tela nequissimi ignea extinguere, atque galeam spei salutis accipiant, cum gladio spiritus, quod est verbum Dei. Itaque, ut hæc pia ejus sollicitudo principium; & progressum suum per Dei gratiam habeat, ante omnia statuit, & decernit, præmittendam esse confessionem fidei, Patrum exempla in hoc secuta, qui sacratioribus Conciliis hoc scutum contra omnes hæreses in principio suarum actionum apponere consuevere: quo solo aliquando & infideles ad fidem traxerunt, hæreticos expugnaverunt, & fideles confirmarunt. Quare symbolum fidei, quo Sancta Romana Ecclesia utitur, tamquam principium illud, in quo omnes, qui fidem Christi profitentur, necessario conveniunt, ac fundamentum firmum & unicum, contra quod portæ inferi nunquam prævalebunt, totidem verbis, quibus in omnibus Ecclesiis legitur, exprimendum esse censuit. Quod quidem ejusmodi est.

CREDO in unum Deum Patrem Omnipotentem, factorem cœli, & terræ, visibilibus omnium, & invisibilibus; & in unum Dominum Jesum Christum, Filium Dei unigenitum, & ex Patre natum ante omnia sæcula; Deum de Deo, lumen de lumine; Deum verum de Deo vero; genitum, non factum, consubstantialem Patri, per quem omnia facta sunt; qui propter nos homines, & propter nostram salutem descendit de cœlis, & incarnatus est de Spiritu Sancto ex Maria Virgine, & homo factus est; crucifixus etiam pro nobis sub Pontio Pilato, passus & sepultus est; & resurrexit tertia die, secundum Scripturas; & ascendit in cœlum, sedet

(b) Joan. i.

(i) Ephes. 6.

sedet ad dexteram Patris; & iterum venturus est cum gloria judicare vivos & mortuos; ejus regni non erit finis: & in Spiritum Sanctum, Dominum, & vivificantem; qui ex Patre Filioque procedit; qui cum Patre & Filio simul adoratur, & conglorificatur; qui locutus est per Prophetas: & unam Sanctam Catholicam & Apostolicam Ecclesiam, Confiteor unum Baptisma in remissionem peccatorum: & expecto resurrectionem mortuorum, & vitam venturi sæculi. Amen.

Indictio futurae Sessionis.

EADEM Sacrosancta, Oecumenica, & Generalis Tridentina Synodus, in Spiritu Sancto legitime congregata, in ea præsidentibus eisdem tribus Apostolicæ Sedis Legatis, intelligens multos Prælatos ex diversis partibus accinctos esse itineri, nonnullos etiam in via esse, quo huc veniant; cogitansque omnia ab ipsa Sacra Synodo decernenda, eo majoris apud omnes existimationis, & honoris videri posse, quo majori fuerint, & pleniori Patrum consilio, & præsentia sancita, & corroborata; statuit, & decrevit, futuram Sessionem post præsentem celebrandam esse die Jovis, quæ subsequetur Dominicam *Lætare*, proxime futuram: interim tamen non differri discussionem, & examinationem eorum, quæ ipsi Synodo discutienda, & examinanda videbuntur.

SESSIO QUARTA, CELEBRATA DIE VIII. MENSIS APRILIS, MDXLVI.

Decretum de Canonicis Scripturis.

SACROSANCTA Oecumenica, & Generalis Tridentina Synodus, in Spiritu Sancto legitime congregata, præsidentibus in ea eisdem tribus Apostolicæ Sedis Legatis, hoc sibi perpetuo ante oculos proponens, ut, sublatis erroribus, puritas ipsa Evangelii in Ecclesia conservetur: quod promissum ante per Prophetas in Scripturis sanctis, Dominus noster JESUS CHRISTUS, DEI Filius, proprio ore primum promulgavit; deinde per suos

Apostolos, tamquam fontem omnis, & salutaris veritatis, & morum disciplinæ, (k) omni creaturæ prædicari jussit: perspicuensque hanc veritatem, & disciplinam contineri in libris scriptis, & sine scripto traditionibus, quæ (l) ipsius Christi ore ab Apostolis acceptæ, aut ab (m) ipsis Apostolis, Spiritu Sancto dictante, quasi per mantus traditæ, ad nos usque pervenerunt; orthodoxorum Patrum exempla secuta, omnes libros tam veteris, quam novi Testamenti, cum utriusque unius Deus sit auctor, nec non traditiones ipsas, tum ad fidem, tum ad mores pertinentes, tamquam vel ore tenus a Christo, vel a Spiritu Sancto dictatas, & continua successione in Ecclesia Catholica conservatas, pari pietatis affectu, ac reverentia suscipit, & veneratur. Sacrorum vero librorum Indicem huic Decreto adscribendum censuit; ne cui dubitatio suboriri possit, quinam sint, qui ab ipsa Synodo suscipiuntur. Sunt vero infra scripti, Testamenti veteris, quinque (n) Moysi, id est, Genesis, Exodus, Leviticus, Numeri, Deuteronomium; Josue, Judicum, Rut; quatuor Regum, duo Paralipomenon, Esdræ primus, & secundus, qui dicitur Neemias; Thobias, Judith, Hesther, Job, Psalterium Davidicum centum quinquaginta Psalmorum, Parabola, Ecclesiastes, Canticum canticorum, Sapientia, Ecclesiasticus, Isaïas, Hieremias cum Baruch, Ezechiel, Daniel: duodecim Prophetæ minores, id est, Osea, Joel, Amos, Abdias, Jonas, Micheas, Naum, Abacuch, Sophonias, Aggæus, Zacharias, Malachias: duo Machabæorum, primus, & secundus. Testamenti novi, quatuor Evangelia, secundum Matthæum, Marcum, Lucam, & Joannem: Actus Apostolorum a Luca Evangelista conscripti: Quatuordecim Epistolæ Pauli Apostoli: ad Romanos, duæ ad Corinthios, ad Galatas, ad Ephesios, ad Philippenses, ad Colossenses, duæ ad Thessalonicenses, duæ ad Timotheum, ad Titum, ad Philemonem, ad Hebræos: Petri Apostoli duæ, Joannis Apostoli tres, Jacobi Apostoli una, Judæ Apostoli una, & Apocalypsis Joannis Apostoli. Si quis autem libros ipsos integros cum omnibus suis partibus, prout in Ecclesia Catholica legi

con-

(k) Marc. ult.

(l) Editio Pavina Harduini: ex ipsius, *Lovanienfis* vero: ab ipsius

(m) Pavina habet: ab ipsius Apostolis, *omisso*: aut.

(Christi ore.

(n) Pavina: Quinque libri Moysi,

Tomus VI. Concilior. German.

consueverunt; & in veteri vulgata Latina editione habentur, pro Sacris, & Canonicis non suscepit; & traditiones prædictas sciens & prudens contempserit; anathema sit. Omnes itaque intelligant, quo ordine, & via ipsa Synodus, post factum fidei confessionis fundamentum, sit progressura, & quibus potissimum testimoniis, ac prædiis in confirmandis dogmatibus, & instaurandis in Ecclesia moribus, sit usura.

Decretum de editione & usu sacrorum librorum.

INSUPER eadem Sacrosancta Synodus considerans non parum utilitatis accedere posse Ecclesiæ Dei, si ex omnibus Latinis editionibus, quæ circumferuntur, sacrorum librorum, quænam pro authentica habenda sit, innotescat; statuit, & declarat, ut hæc ipsa vetus, & vulgata editio, quæ longo tot sæculorum usu in ipsa Ecclesia probata est, in publicis lectionibus, disputationibus, prædicationibus, & expositionibus pro authentica habeatur; & ut nemo illam rejicere quovis prætextu audeat, vel præsumat.

PRÆTEREA, ad coercenda petulantia ingenia, decernit, ut nemo, suæ prudentiæ innixus, in rebus fidei, & morum, ad ædificationem doctrinæ Christianæ pertinentium, sacram Scripturam ad suos sensus contorquens, contra eum sensum, quem tenuit, & tenet sancta Mater Ecclesia, cujus est judicare de vero sensu, & interpretatione Scripturarum sanctarum: aut etiam contra unanimum consensum Patrum ipsam Scripturam sacram interpretari audeat; etiam si hujusmodi interpretationes nullo umquam tempore in lucem edendæ forent. Qui contravererint, per Ordinarios declarentur, & pœnis a jure statutis puniantur.

SED & Impressoribus modum in hac parte, ut par est, imponere volens, qui jam sine modo, hoc est, putantes sibi licere quidquid libet, sine licentia Superiorum Ecclesiasticorum, ipsos Sacræ Scripturæ libros, & super illis annotationes, & expositiones quorumlibet indifferenter, sæpe tacito, sæpe etiam ementito prælo, & quod gravius est, sine nomine auctoris imprimunt; alibi etiam

impressos libros hujusmodi temere venales habent; decernit, & statuit, ut posthac Sacra Scriptura, potissimum vero hæc ipsa vetus & vulgata editio quam emendatissime imprimatur; nullique liceat imprimere, vel imprimi facere quovis libros de rebus sacris sine nomine auctoris, neque illos in futurum vendere, aut etiam apud se retinere, nisi primum examinati, probatique fuerint ab Ordinario, sub pœna anathematis, & pecuniæ, in Canone Concilii novissimi Lateranensis apposita. Et, si regulares fuerint, ultra examinationem, & probationem hujusmodi, licentiam quoque a suis Superioribus impetrare teneantur, recognitis per eos libris, juxta formam suarum ordinationum. Qui autem scripto eos communicant, vel evulgant, nisi antea examinati, probatique fuerint, eisdem pœnis subjaceant, quibus Impressores. Et qui eos habuerint, vel legerint, nisi prodiderint auctores, pro auctoribus habeantur. Ipsa vero hujusmodi librorum probatio in scriptis detur, atque ideo in fronte libri, vel scripti, vel impressi, authentice appareat: idque totum, hoc est, & probatio, & examen gratis fiat: ut probanda probentur, & reprobanda improbanda. Posthac temeritatem illam reprimere volens, qua ad profana quæque convertuntur, & torquentur verba, & sententiæ Sacræ Scripturæ, ad scurrilia scilicet, fabulosa, vana, adulationes, detractiones, superstitiones, impias & diabolicas incantationes, divinationes, sortes, libellos etiam famosos; mandat, & præcipit, ad tollendam hujusmodi irreverentiam & contemptum, ne de cætero quisquam quomodolibet verba Scripturæ Sacræ ad hæc, & similia audeat usurpare; ut omnes hujus generis homines, temeratores & violatores verbi Dei, juris & arbitrii pœnis per Episcopos coerceantur.

Indictio futuræ Sessionis.

ITEM hæc Sacrosancta Synodus statuit, & decernit, proximam futuram Sessionem tenendam, & celebrandam esse feria quinta, post sacratissimum festum proximum Pentecostes,

SESSIO QUINTA,

CELEBRATA DIE XVII. MENSIS
JUNII, MDXLVI.*Decretum de peccato originali.*

UT Fides nostra Catholica, (1) sine qua impossibile est placere DEO, purgatis erroribus, in sua sinceritate integra & illibata permaneat; & ne populus Christianus (m) omni vento doctrinæ circumferatur; cum (n) Serpens ille antiquus, humani generis perpetuus hostis, inter plurima mala, quibus Ecclesia Dei his nostris temporibus perturbatur, etiam de peccato originali, ejusque remedio non solum nova, sed vetera etiam dissidia excitaverit: Sacrosancta Oecumenica, & Generalis Tridentina Synodus in Spiritu Sancto legitime congregata, præsentibus in ea eisdem tribus Apostolicæ Sedis Legatis, jam ad revocandos errantes, & nutantes confirmandos accedere volens, Sacrarum Scripturarum, & Sanctorum Patrum, ac probatissimorum Conciliorum testimonia, & ipsius Ecclesiæ judicium, & consensum secuta, hæc de ipso peccato originali statuit, fatetur, ac declarat.

I. Si quis non confitetur, primum hominem Adam, cum mandatum Dei in Paradiso fuisset transgressus, statim sanctitatem, & justitiam, in qua constitutus fuerat, amisisse, incurrisseque per offensam prævaricationis hujusmodi iram, & indignationem Dei, atque ideo mortem, quam antea illi comminatus (o) fuerat Deus, & cum morte captivitatem sub ejus potestate, (p) qui mortis deinde habuit imperium, hoc est, diaboli, totumque Adam, per illam prævaricationis offensam, secundum corpus, & animam in deterius commutatum fuisse: anathema sit.

II. Si quis Adæ prævaricationem sibi soli, & (q) non ejus propagini, asserit nocuisse; & acceptam a Deo sanctitatem, & justitiam, quam perdidit, sibi

soli, & non nobis etiam eum perdidisse; aut inquinatum illum per inobedientiæ peccatum, mortem, & penas corporis tantum in omne genus humanum transfudisse, non autem & peccatum, quod mors est animæ: anathema sit: cum contradicat Apostolo dicenti: Per (r) unum hominem peccatum intravit in mundum, & per peccatum mors: & ita in omnes homines mors pertransiit, in quo omnes peccaverunt.

III. Si quis hoc Adæ peccatum, quod origine unum est, & propagatione, non imitatione transfusum omnibus, inest unicuique proprium, vel per humanæ naturæ vires, vel per aliud remedium asserit tolli, quam per meritum unius mediatoris Domini nostri JESU CHRISTI, (s) qui nos Deo reconciliavit in sanguine suo, factus nobis (t) justitia, sanctificatio, & redemptio: aut negat, ipsum CHRISTI JESU meritum per Baptismi Sacramentum in formâ Ecclesiæ ritæ collatum, tam adultis, quam parvulis applicari: anathema sit: quia non (u) est aliud nomen sub Cælo datum hominibus, in quo oporteat nos salvos fieri. Unde illa (x) vox: Ecce agnus Dei: Ecce qui tollit peccata mundi. Et illa: (y) Quicumque baptizati estis, Christum induistis.

IV. Si quis parvulos recentes ab uteris matrum baptizandos negat, etiam si fuerint a baptizatis parentibus orti; aut dicit, in remissionem quidem peccatorum eos baptizari, sed nihil ex Adam trahere originalis peccati; quod regenerationis lavacro necesse sit expiari ad vitam æternam consequendam; unde fit consequens, ut in eis forma Baptismatis, in remissionem peccatorum, non vera, sed falsa intelligatur: anathema sit: quoniam non aliter intelligendum est id, quod dixit Apostolus: (z) Per unum hominem peccatum intravit in mundum, & per peccatum mors; & ita in omnes homines mors pertransiit, in quo omnes peccaverunt: nisi quemadmodum Ecclesia Catholica ubique diffusa semper intellexit.

Propter

(1) Heb. 11.

(m) Eph. 4.

(n) Gen. 3.

(o) Gen. 3.

(p) Heb. 2.

(q) Rom. 5. 1. Cor. 15.

(r) Rom. 5.

(s) 1. Tim. 2.

(t) 1. Cor. 1.

(u) Act. 4.

(x) Joan. 1.

(y) Gal. 3.

(z) Rom. 5.

Propter hanc enim regulam fidei ex traditione Apostolorum etiam parvuli, qui nihil peccatorum in semetipsis adhuc committere potuerunt, ideo in remissionem peccatorum veraciter baptizantur, ut in eis regeneratione munda-
(a) Nisi enim quis renatus fuerit ex aqua, & Spiritu Sancto, non potest introire in regnum Dei.

V. Si quis per JESU CHRISTI Domini nostri gratiam, quæ in Baptismo confertur, reatum originalis peccati remitti negat; aut etiam asserit, non tolli totum id, quod veram, & propriam peccati rationem habet; sed illud dicit tantum radi, aut non imputari: anathema sit. In renatis enim nihil odit Deus: quia (b) nihil est damnationis iis, qui vere (c) conscripti sunt cum Christo per Baptisma in mortem: qui (d) non secundum carnem ambulant, sed, (e) veterem hominem exuentes, & (f) novum, qui secundum Deum creatus est, induentes; innocentes, immaculati, puri, innoxii, ac Deo dilecti effecti sunt, (g) hæredes quidem Dei, cohæredes autem Christi, ita ut nihil prorsus eos ab ingressu celi remoretur. Manere autem in baptizatis concupiscentiam, vel fomitem, hæc Sancta Synodus fatetur, & sentit: quæ cum ad agonem relicta sit, nocere non consentientibus, (*) sed utiliter per CHRISTI JESU gratiam repugnantibus non valet: quinimo, qui (b) legitime certaverit, coronabitur. Hanc concupiscentiam, quam aliquando (i) Apostolus peccatum appellat, Sancta Synodus declarat Ecclesiam Catholicam nunquam intellexisse peccatum appellari, quod vere, & proprie in renatis peccatum sit, sed quia ex peccato est, & ad peccatum inclinat. Si quis autem contrarium senserit; anathema sit.

DECLARAT tamen hæc ipsa Sancta Synodus, non esse suæ intentionis comprehendere in hoc Decreto, ubi de peccato originali agitur, Beatam & Immaculatam Virginem MARIAM, DEI Genitricem; sed observandas esse Constitutiones felicitis recordationis Xysti

Papæ IV., sub pœnis in eis Constitutionibus contentis, quas innovat.

Decretum de Reformatione.

CAPUT I.

EADEM Sacrosancta Synodus, pijs Summorum Pontificum, & probatorum Conciliorum Constitutionibus inhærens, easque amplectens, & illis adjiciens; ne cœlestis ille sacrorum librorum thesaurus, quem Spiritus Sanctus summa liberalitate hominibus tradidit, neglectus jaceat; statuit, & decrevit, quod in illis Ecclesiis, in quibus præbenda, aut præstimonium, seu aliud quovis nomine nuncupatum stipendium pro Lectoribus Sacræ Theologiæ deputatum reperitur, Episcopi, Archi-Episcopi, Primates, & alii locorum Ordinarii eos, qui præbendam, aut præstimonium, seu stipendium hujusmodi obtinent, ad ipsius Sacræ Scripturæ expositionem, & interpretationem, per se ipsos, si idonei fuerint, alioquin per idoneum substitutum ab ipsis Episcopis, Archi-Episcopis, Primatibus, & aliis locorum Ordinariis eligendum, etiam per subtractionem fructuum, cogant, & compellant. De cætero vero præbenda, præstimonium, aut stipendium hujusmodi non nisi personis idoneis, & quæ per se ipsos id munus (**) explicare possint, conferantur: & aliter facta provisio nulla sit, & invalida. In Ecclesiis autem Metropolitanis, vel Cathedralibus, si civitas insignis, vel populosa, ac etiam in Collegiatis, existentibus in aliquo insigni oppido, etiam nullius Diœcesis, si ibi Clerus numerosus fuerit, ubi nulla præbenda, aut præstimonium, seu stipendium hujusmodi, deputatum reperitur, præbenda quomodocumque, præterquam ex causa resignationis, primo vacatura, cui aliud onus incompatible inunctum non sit, ad eum usum ipso facto perpetuo constituta, & deputata intelligatur. Et quatenus in ipsis Ecclesiis nulla, vel non sufficiens præbenda foret, Metropolitanus, vel Episcopus ipse per assignationem fructuum alicujus simplicis bene-

(a) Joan. 3.

(b) Rom. 8.

(c) Rom. 6.

(d) Rom. 8.

(e) Coloss. 3.

(f) Eph. 4.

(g) Rom. 8. Gal. 3.

(*) Lovaniensis & Parisina, pro sed utiliter, habet: & viriliter.

(b) 2. Tim. 2.

(i) Rom. 6. 7. & 8. Coloss. 3.

(**) In Lovaniensi & Parisina pro explicare, legitur: explere.

beneficii, ejusdem tamen debitis supportatis oneribus, vel per contributionem Beneficiorum suæ civitatis, & Diœcesis, vel alias, prout commodius fieri poterit, de Capituli consilio ita provideat, ut ipsa Sacra Scripturæ lectio habeatur, ita tamen, ut quæcumque alia lectiones, vel consuetudine, vel quavis alia ratione instituta, propter id minime prætermittantur. Ecclesiæ vero, quarum annui proventus tenues fuerint, & ubi tam exigua est Cleri, & populi multitudo, ut Theologiæ lectio in eis commode haberi non possit, saltem Magistrum habeant, ab Episcopo cum consilio Capituli eligendum, qui Clericos, aliosque Scholares pauperes grammaticam gratis doceat; ut deinceps ad ipsa Sacra Scripturæ studia, annuente Deo, transire possint. Ideoque illi Magistro grammatices vel aliquis simplicis beneficii fructus, quos tamdiu percipiat, quamdiu in docendo perstiterit, assignentur; dum tamen beneficium ipsum suo debito non fraudetur obsequio: vel ex Capitulari, vel Episcopali mensa condigna aliqua merces persolvatur: vel alias Episcopus ipse aliquam rationem ineat suæ Ecclesiæ, & Diœcesi accommodam; ne pia hæc, utilis, atque fructuosa provisio quovis quæstio colore negligatur. In Monasteriis quoque Monachorum, ubi commode fieri queat, etiam lectio Sacra Scripturæ habeatur, qua in re si Abbatēs negligentes fuerint, Episcopi locorum, in hoc ut Sedis Apostolicæ delegati, eos ad id opportunis remediis compellant. In Conventibus vero aliorum Regularium, in quibus studia commode vigere possunt, Sacra Scripturæ lectio similiter habeatur: quæ lectio a Capitulis Generalibus, vel Provincialibus assignetur dignioribus Magistris. In Gymnasiis etiam publicis, ubi tam honorifica, & cæterorum omnium maxime necessaria lectio hætenus instituta non fuerit, religiosissimorum Principum, ac Rerumpublicarum pietate, & caritate ad Catholicæ fidei defensionem, & incrementum, sanæque doctrinæ conservationem, & propagationem instituatur: & ubi instituta foret, & negligereetur, restituatur. Et, ne sub specie pietatis impietas diffeminetur;

statuit eadem Sancta Synodus neminem ad hujusmodi lectionis officium tam publice, quam privatim admittendum esse, qui prius ab Episcopo loci de vita, moribus, & scientia examinatus, & approbatus non fuerit: quod tamen de Lectoribus in Claustris Monachorum non intelligatur. Docentes vero ipsam Sacram Scripturam, dum publice in scholis docuerint, & scholares, qui in ipsis scholis student, privilegiis omnibus de perceptione fructuum, præbendarum, & beneficiorum suorum, in absentia a jure communi concessis, plene gaudeant, & fruuntur.

CAPUT II.

QUIA vero Christianæ Reipublicæ non minus necessaria est prædicatio Evangelii, quam lectio; & hoc est præcipuum Episcoporum munus; statuit, & decrevit eadem Sancta Synodus, omnes Episcopos, Archi-Episcopos, Primates, & omnes alios Ecclesiarum Prælatos teneri per se ipsos, si legitime impediti non fuerint, ad prædicandum Sanctum Jesu Christi Evangelium. Si vero contigerit Episcopos, & alios prædictos legitimo detineri impedimento; juxta formam Generalis Concilii viros idoneos assumere teneantur ad hujusmodi prædicationis officium salubriter exequendum. Si quis autem hoc adimplere contempserit, districtæ subjiciatur ultioni. Archi-Presbyteri quoque, Plebani, & quicumque Parochiales, vel alias curam animarum habentes, Ecclesias quocumque modo obtinent, per se, vel alios idoneos, si legitime impediti fuerint, diebus saltem Dominicis, & Festis solemnibus plebes sibi commissas pro sua & earum capacitate pascant salutaribus verbis; docendo (*), quæ scire omnibus necessarium est ad salutem, annunciandoque eis cum brevitate & facilitate sermonis vicia, quæ eos declinare, & virtutes, quas sectari oporteat; ut pœnam æternam evadere, & cœlestem gloriam consequi valeant. Id vero si quis eorum præstare negligat, etiam si ab Episcopi jurisdictione quavis ratione exemptum se esse prætenderet; etiam si Ecclesiæ quovis modo exemptæ dicerentur, aut alicui Monasterio, etiam extra Diœce-

LIII 3

sim

(*) In Lovaniensi & Parisina additur: ea.

sim existenti, forsitan annexæ, vel unitæ, modo re ipsa in Dicecesi sint, provida Pastoralis Episcoporum sollicitudo non desit; ne illud impleatur: Parvuli petierunt panem, & non erat qui frangeret eis (*). Itaque ubi ab Episcopo moniti trium mensium spatio muneri suo defuerint, per censuras Ecclesiasticas, seu alias ad ipsius Episcopi arbitrium cogantur, ita ut etiam, si ei sic expedire visum fuerit, ex beneficiorum fructibus alteri, qui id præstet, honesta aliqua merces persolvatur, donec principalis ipse resipiscens officium suum impleat.

Si quæ vero Parochiales Ecclesiæ reperiantur subiectæ Monasteriis in nulla Dicecesi existentibus; si Abbates, & regulares Prælati in prædictis negligentes fuerint; a Metropolitanis, in quorum Provinciis Diceceses ipsæ sitæ sunt, tamquam, quo ad hoc, Sedis Apostolicæ delegatis, compellantur. Neque huius Decreti executionem consuetudo, vel exemptio, aut appellatio, aut reclamatio, sive recursus impedire valeat, quousque desuper a competenti iudice, qui summarie, & sola facti veritate inspecta procedat, cognitum & decisum fuerit. Regulares vero cujuscumque ordinis, nisi a suis Superioribus de vita, moribus & scientia examinati, & approbati fuerint, ac de eorum licentia, etiam in Ecclesiis suorum Ordinum, prædicare non possint: cum qua licentia personaliter se coram Episcopis præsentare, & ab eis benedictionem petere teneantur, antequam prædicare incipiant. In Ecclesiis vero, quæ suorum ordinum non sunt, ultra licentiam suorum Superiorum, etiam Episcopi licentiam habere teneantur; sine qua in ipsis Ecclesiis non suorum ordinum nullo modo prædicare possint. Ipsam autem licentiam gratis Episcopi concedant.

Si vero, quod absit, Prædicator errores, aut scandala diffeminaverit in populum, etiam si in Monasterio sui, vel alterius ordinis prædicet; Episcopus ei prædicationem interdicat. Quod si hæreses prædicaverit; contra eum secundum juris dispositionem, aut loci consuetudinem procedat; etiam si prædicator ipse generali, vel speciali pri-

vilegio exemptum se esse prætenderet. Quo casu Episcopus auctoritate Apostolica, & tamquam Sedis Apostolicæ delegatus procedat. Curent autem Episcopi, ne quis Prædicator vel ex falsis informationibus, vel alias calumniose vexetur, justamve de eis conquerendi occasionem habeat.

CAVEANT præterea Episcopi, ne aliquem, vel eorum, qui cum sint nomine Regulares, extra claustra tamen, & obedientiam religionum suarum vivunt; vel Presbyterorum sæcularium, nisi ipsis noti sint, & moribus atque doctrina probari, etiam quorumlibet privilegiorum prætextu in sua civitate, vel Dicecesi prædicare permittant, donec ab ipsis Episcopis super ea resanctæ Sedes Apostolica consulatur; a qua privilegia huiusmodi, nisi tacita veritate, & expresso mendacio ab indignis extorqueri, verisimile non est.

QUESTOKES vero eleemosynarii, qui etiam Quæstuarii vulgo dicuntur, cujuscumque condicionis existant, nullo modo nec per se, nec per alium prædicare præsumant; & contra facientes ab Episcopis, & Ordinariis locorum, privilegiis quibuscumque non obstantibus, opportunis remediis ornino arceantur.

Indictio futuræ Sessionis.

ITEM hæc Sacrosancta Synodus statuit, & decernit, primam futuram Sessionem tenendam, & celebrandam esse die Jovis, feria quinta post festum Beati Jacobi Apostoli.

Prorogata deinde fuit Sessio ad diem XIII. Mensis Januarii MDXLVII.

SESSIO SEXTA,

CELEBRATA DIE XIII. MENSIS
JANUARIJ, MDXLVII.

Decretum de Justificatione.

PRO OE MI U M.

CUM hoc tempore, non sine multarum animarum iactura, & gravi Ecclesiasticæ unitatis detrimento, erronea quædam disseminata sit de Justificatione

(*) Thren. 4.

tione doctrina : ad laudem, & gloriam Omnipotentis DEI, Ecclesiæ tranquillitatem, & animarum salutem, Sacrosancta Oecumenica, & Generalis Tridentina Synodus, in Spiritu Sancto legitime congregata, præsentibus in ea nomine Sanctissimi in Christo Patris, & Domini nostri, Domini PAULI, Divina providentia Papæ Tertij, Reverendissimis Dominis, Dominis, Jo. Maria Episcopo Prænestino, de Monte, & Marcello tit. S. Crucis in Hierusalem Presbytero, Sanctæ Romanæ Ecclesiæ Cardinalibus, & Apostolicis de latere Legatis; exponere intendit omnibus Christi fidelibus veram sanamque doctrinam ipsius justificationis, quam Sol justitiæ CHRISTUS JESUS, (k) fidei nostræ auctor, & consummator, docuit, Apostoli tradiderunt, & Catholica Ecclesia, Spiritu Sancto suggerente, perpetuo retinuit; districtius inhibendo, ne deinceps audeat quisquam aliter credere, prædicare, aut docere, quam præsentî Decreto statuitur, ac declaratur.

De naturæ, & legis ad justificandos homines imbecillitate.

CAPUT I.

PRIMUM declarat Sancta Synodus, ad justificationis doctrinam probe, & sincere intelligendam, oportere, ut unusquisque agnoscat, & fateatur, quod (l) cum omnes homines in prævaricatione Adæ innocentiam perdidissent; (m) facti immundi, & ut Apostolus inquit, (n) natura filii iræ, quemadmodum in Decreto de peccato originali exposuit, usque adeo servi erant peccati, & sub (o) potestate Diaboli ac mortis; ut non modo gentes per vim naturæ, sed ne Judæi quidem per ipsam etiam literam legis Moyfi, inde liberari, aut surgere possent; tamen in eis liberum arbitrium minime extinctum esset, viribus licet attenuatum, & inclinatum.

De dispensatione, & mysterio Adventus Christi.

CAPUT II.

Quo factum est, ut cælestis Pater, (p) Pater misericordiarum, & Deus totius consolationis, CHRISTUM JESUM, Filium suum, & ante legem, & legis tempore multis Sanctis Patribus declaratum, ac promissum, cum venit beata illa plenitudo (q) temporis, ad (*) homines miserit; ut & Judæos, qui sub lege erant, redimeret; & (r) gentes, quæ non sectabantur justitiam, justitiam apprehenderent, atque omnes adoptionem filiorum reciperent. Hunc (s) proposuit Deus propitiorem per fidem in sanguine ipsius pro peccatis nostris; non (t) solum autem pro nostris, sed etiam pro totius mundi.

Qui per Christum justificantur.

CAPUT III.

VERUM, etsi ille pro omnibus mortuus (u) est, non omnes tamen mortis ejus beneficium recipiunt, sed ii duntaxat, quibus meritum passionis ejus communicatur. Nam, sicut revera homines, nisi ex semine Adæ propagati nascerentur, non nascerentur injusti; cum ea propagatione, per ipsum dum concipiuntur, propriam injustitiam contrahant: ita, nisi in Christo renascerentur, numquam justificarentur; cum ea renascentia per meritum passionis ejus gratia, qua justi fiunt, illis tribuatur. Pro hoc beneficio Apostolus gratias nos (x) semper agere hortatur Patri, qui dignos nos fecit in partem sortis Sanctorum in lumine, & eripuit de potestate tenebrarum, transtulitque in regnum filii dilectionis suæ; in quo habemus redemptionem, & remissionem peccatorum.

Inf.

(k) Heb. 12.

(n) Ephes. 2.

(q) Galat. 4.

(r) Rom. 9.

(s) 1. Joan. 1.

(l) 1. Cor. 15. Rom. 5.

(o) Rom. 6. & 3. Hebr. 2.

(*) Parisina editio: ad omnes miserit.

(t) Rom. 3. & 5. Coloss. 2. 1. Tim. 2. & 2. Tim. 1.

(u) 2. Cor. 5.

(m) Isai. 64.

(p) 2. Cor. 1.

(x) Coloss. 1.

*Innuatur descriptio justificationis
impii, & modus ejus in statu
gratiæ.*

CAPUT IV.

Quibus verbis justificationis impii descriptio insinuat, ut sit translatio ab eo statu; in quo homo nascitur (y) filius (*) primi Adæ, in statum gratiæ, & adoptionis filiorum Dei per secundum Adam JESUM CHRISTUM, Salvatorem nostrum. Quæ quidem translatio post Evangelium promulgatum, sine lavacro regenerationis, aut ejus voto fieri non potest, sicut scriptum est: (z) Nisi quis renatus fuerit ex aqua, & Spiritu Sancto; non potest introire in regnum Dei.

*De necessitate præparationis ad justificationem in adultis, &
unde sit.*

CAPUT V.

DECLARAT præterea, ipsius justificationis exordium in adultis a Dei per CHRISTUM JESUM præveniente gratia sumendum esse, hoc est, ab ejus vocatione, qua nullis eorum existentibus meritis, vocantur; ut, qui per peccata a Deo averſi erant, per ejus excitantem, atque adjuvantem gratiam ad convertendum se ad suam ipsorum justificationem, eidem gratiæ libere assentiendo, & cooperando, disponantur: ita ut, tangente Deo cor hominis per Spiritus Sancti illuminationem, neque homo ipse nihil omnino agat, inspirationem illam recipiens, quippe qui illam & abjicere potest, neque tamen sine gratia Dei movere se ad justitiam coram illo libera sua voluntate possit. Unde in sacris literis, cum dicitur: (a) Convertimini ad me, & ego convertar ad vos: libertatis nostræ admonemur. Cum respondemus: (b) Converte nos Domine ad te, & convertemur: Dei nos gratia præveniri confitemur.

Modus præparationis.

CAPUT VI.

DISPONUNTUR autem ad ipsam justitiam, dum excitati Divina gratia, & adjuti, (c) fidem ex auditu concipientes, libere moventur in Deum, credentes vera esse, quæ divinitus revelata, & promissa sunt; atque illud inprimis, a Deo justificari impium per gratiam ejus, per (d) redemptionem, quæ est in Christo Jesu; & dum peccatores se esse intelligentes, a Divina justitiæ timore, quo utiliter concutuntur, ad considerandam Dei misericordiam se convertendo, in spem eriguntur, fidentes, Deum sibi propter Christum propitium fore; illumque, tamquam omnis justitiæ fontem, diligere incipiunt: ac propterea moventur adversus peccata per odium aliquod, & detestationem, hoc est, per eam penitentiam, quam ante Baptismum agi oportet: denique dum proponunt suscipere Baptismum, inchoare novam vitam, & servare Divina Mandata. De hac dispositione scriptum est: (e) Accedentem ad DEUM oportet credere quia est; & quod inquirentibus se remunerator sit. Et, (f) Confide fili, remittuntur tibi peccata tua. Et, (g) Timor Domini expellit peccatum. Et, (h) Penitentiam agite, & baptizetur unusquisque vestrum in nomine Jesu Christi, in remissionem peccatorum vestrorum, & accipietis donum Spiritus Sancti. Et, (i) Euntes ergo docete omnes gentes, baptizantes eos in nomine Patris, & Filii, & Spiritus Sancti, docentes eos servare, quæcumque mandavi vobis. Denique, (k) Præparate corda vestra Domino.

*Quid sit justificatio impii, &
quæ ejus causæ.*

CAPUT VII.

HANC dispositionem, seu præparationem justificatio ipsa consequitur; quæ non est sola peccatorum remissio, sed & sanctificatio, & renovatio interioris

(y) Gal. 4. Tit. 3.

(a) Zachar. 1. Joel. 2.

(e) Hebr. 11.

(b) Act. 2.

(*) In Parisina non legitur: primi.

(b) Thren. 5.

(f) Marc. 2. & Matth. 9.

(e) Matth. ult. Luc. 24.

(z) Joan. 3.

(d) Rom. 3.

(g) Eccl. 1.

(k) 1. Reg. 7.

rioris hominis per voluntariam susceptionem gratiæ, & donorum. Unde homo ex injusto fit justus, & ex inimico amicus, ut sit (k) hæres secundum spem vitæ æternæ. Hujus justificationis causæ sunt, finalis quidem, gloria Dei, & Christi, ac vita æterna: efficiens vero, misericors Deus, qui gratuito (l) abluat, & (m) sanctificat tignans, & ungens (n) Spiritu promissionis Sancto; qui est pignus hereditatis nostræ: meritoria autem, dilectissimus Unigenitus suus, Dominus noster JESUS CHRISTUS: qui, cum (o) essemus inimici, propter nimiam caritatem, qua dilexit nos, sua sanctissima Passione in ligno crucis nobis justificationem meruit, & pro nobis Deo Patri satisfecit: instrumentalis item, Sacramentum Baptismi; quod est Sacramentum fidei, sine qua nulli umquam contigit justificatio: demum unica formalis causa est justitia Dei; non qua ipse justus est, sed qua nos justos facit; qua videlicet ab eo donati, renovamur ipiritu mentis nostræ; & non modo reputamur, sed vere justi nominamur, & sumus, justitiam in nobis recipientes unusquisque suam secundum mensuram, quam (q) Spiritus Sanctus partitur singulis prout vult, & secundum propriam cujusque dispositionem, & cooperationem. Quanquam enim nemo possit esse justus, nisi cui merita Passionis Domini nostri JESU CHRISTI communicantur: id tamen in hac impij justificatione fit, dum ejusdem sanctissimæ Passionis merito per Spiritum Sanctum caritas (r) Dei diffunditur in cordibus eorum, qui justificantur, atque ipsis inhæret. Unde in ipsa justificatione cum remissione peccatorum hæc omnia simul infusa accipit homo per JESUM CHRISTUM, cui inferitur, fidem, spem, & caritatem. Nam fides, nisi ad eam spes accedat, & caritas, neque unit perfecte cum Christo, neque corporis ejus vivum membrum

efficit. Qua ratione verissime dicitur, (t) Fidem sine operibus mortuam, & otiosam esse. Et, In (u) CHRISTO JESU neque circumcisionem aliquid valere, neque præputium; sed fidem, quæ per caritatem operatur. Hanc fidem ante Baptismi Sacramentum ex Apostolorum traditione Catechumeni ab Ecclesia petunt, cum petunt fidem, vitam æternam præstantem; quam sine spe, & caritate fides præstare non potest. Unde & statim verbum Christi audiunt: (x) Si vis ad vitam ingredi, serva mandata. Itaque veram, & Christianam justitiam accipientes, eam (y) ceu primam stolam pro illa, quam Adam sua inobedientia sibi, & nobis perdidit, per CHRISTUM JESUM illis donatam, candidam, & immaculatam jubentur statim renati conservare, ut eam perferant ante tribunal Domini nostri JESU CHRISTI, & habeant vitam æternam.

Quomodo intelligatur, impium per fidem, & gratis justificari.

CAPUT VIII.

CUM vero Apostolus (z) dicit, justificari hominem per fidem, & gratis; ea verba in eo sensu intelligenda sunt, quem perpetuus Ecclesiæ Catholicæ consensus tenuit, & expressit; ut scilicet per fidem ideo justificari dicamur, quia fides est humanæ salutis initium, fundamentum, & radix omnis justificationis: [a] sine qua impossibile est placere Deo, & ad filiorum ejus consortium pervenire: gratis autem justificari ideo dicamur, quia nihil eorum, quæ justificationem præcedunt, sive fides, sive opera, ipsam justificationis gratiam promeretur. Si (b) enim gratia est, jam non ex operibus: alioquin, ut idem Apostolus inquit, gratia jam non est gratia.

Con-

- (k) Tit. 3. (l) 1. Cor. 6.
(n) Ephes. 1. (o) Ephes. 2.
(r) Rom. 5. (t) Jac. 2. in fi.
(y) Luc. 15. (z) Rom. 3.
(b) Rom. 11. Ephes. 2. Tit. 3.

Tomus VI. Concilior. German.

- (m) Tit. 3.
(q) 1. Cor. 12. Ephes. 4.
(u) Gal. 5. & 6. (x) Matth. 19.
(a) Heb. 11.

M m m m m

*Contra inanem hæreticorum
fiduciam.*

CAPUT IX.

QUAMVIS autem necessarium sit (c) credere, neque remitti, neque remissa umquam fuisse peccata, nisi gratis Divina misericordia propter Christum: nemini tamen fiduciam, & certitudinem remissionis peccatorum suorum jactanti, & in ea sola quiescenti, peccata dimitti, vel dimissa esse, dicendum est; cum apud hæreticos, & schismaticos possit esse, immo nostra tempestate sit, & magna contra Ecclesiam Catholicam contentione prædicetur vana hæc & ab omni pietate remota fiducia. Sed neque illud afferendum est, oportere eos, qui vere justificati sunt, absque ulla omnino dubitatione, apud semet ipsos statuere, se esse justificados, neminemque a peccatis absolvi, ac justificari, nisi eum, qui certo credat se absolutum, & justificatum esse; atque hac sola fide absolutionem, & justificationem perfici; quasi qui hoc non credit, de Dei promissis, deque mortis, & resurrectionis Christi efficacia dubitet. Nam sicut nemo pius de Dei misericordia, de Christi merito, deque Sacramentorum virtute, & efficacia dubitare debet: sic quilibet, dum seipsum, suamque propriam infirmitatem, & indispositionem respicit, de sua gratia formidare, & timere potest; cum nullus scire valeat certitudine fidei, cui non potest subesse falsum, se gratiam Dei esse consecutum.

De acceptæ justificationis incremento.

CAPUT X.

Sic ergo justificati, & amici Dei, ac domestici facti, (d) euntes de virtute in virtutem, renovantur, ut Apostolus inquit, de die in diem: hoc est, mortificando membra carnis suæ, & (e) exhibendo ea arma justitiæ in san-

ctificationem, per observationem Mandatorum Dei, & Ecclesiæ, in ipsa justitia per Christi gratiam accepta, cooperante fide bonis operibus crescunt, atque magis justificantur, sicut scriptum est: (f) Qui justus est, justificetur adhuc. Et iterum: (g) Ne verearis usque ad mortem justificari. Et rursus: (b) Videtis quoniam ex operibus justificatur homo, & non ex fide tantum. Hoc vero justitiæ incrementum petit Sancta Ecclesia, cum orat: Da nobis Domine fidei, spei, & charitatis augmentum.

*De observatione mandatorum,
 deque illius necessitate, &
possibilitate.*

CAPUT XI.

NEMO autem, quantumvis justificatus, liberum se esse ab observatione mandatorum putare debet: nemo temeraria illa, & a Patribus sub anathemate prohibita voce uti, Dei Præcepta homini justificato ad observandum esse impossibilia non jubet, sed jubendo monet, & facere quod possis, & petere quod non possis; & adjuvat, ut possis. (k) Cujus mandata gravia non sunt; cuius (l) jugum suave est, & onus leve. Qui enim sunt filii Dei, Christum diligunt: qui (m) autem diligunt eum, ut ipsemet testatur, servant sermones ejus. Quod utique cum Divino auxilio præstare possunt. Licet enim in hac mortali vita quantumvis sancti, & justi, in levia saltem & quotidiana, quæ etiam venialia dicuntur, peccata quandoque cadant, non propterea desinunt esse justi. Nam (n) justorum illa vox est & humilis, & verax: Dimitte nobis debita nostra. Quo fit, ut justi ipsi eo magis se obligatos ad ambulandum in via justitiæ sentire debeant, quo liberati jam a peccato, (o) servi autem facti Deo, (p) sobrie, juste, & pie viventes proficere possint per Christum Jesum:

(c) Tit. 3.

(f) Apocal. ult.

(e) 1. Joan. 5.

(m) Joan. 14.

(p) Tit. 2.

(d) Psal. 83. 2. Cor. 4. in fi. Coloss. 3.

(g) Eccl. 18.

(k) Ibid.

(n) Matth. 6. Luc. 11.

(e) Rom. 6.

(b) Jac. 2.

(l) Matth. 11. Joan. 11.

(o) Rom. 6.

sum : per quem (p) accessum habuerunt in gratiam istam. Deus namque sua gratia semel iustificatos non deserit, nisi ab eis prius deferatur. Itaque nemo sibi in sola fide blandiri debet, putans fide sola se heredem esse constitutum, hereditatemque consecuturum, etiam si Christo non (q) compatiatur, ut & conglorificetur. Nam & Christus ipse, ut inquit Apostolus, (r) cum esset Filius Dei, didicit ex iis, quæ passus est, obedientiam, & consummatus, factus est omnibus, obtemperantibus sibi, causâ salutis æternæ. Propterea Apostolus ipse monet iustificatos, dicens : Nescitis, quod ii, qui (s) in stadio currunt, omnes quidem currunt, sed unus accipit bravium ? Sic currite ut comprehendatis. (t) Ego igitur sic curro, non quasi in incertum : sic pugno, non quasi ærem verberans : sed castigo corpus meum, & in servitutem redigo : ne forte, cum aliis prædicaverim, ipse reprobus efficiar. Item Princeps Apostolorum Petrus : (u) Satagite, ut per bona opera certam vestram vocationem & electionem faciatis. Hæc enim facientes, non peccabitis aliquando. Unde constat, eos orthodoxæ religionis doctrinæ adversari, qui dicunt, iustum in omni bono opere saltem venialiter peccare, aut quod intolerabilis est, pœnas æternas mereri : atque etiam eos, qui statuunt, in omnibus operibus iustos peccare, si in illis suam ipsum socordiam excitando, & sese ad currendum in stadio cohortando, cum hoc, ut in primis glorificetur Deus, mercedem quoque intuentur æternam : (x) cum scriptum sit : Inclinavi cor meum ad faciendas justificationes tuas propter retributionem. Et de Mose dicat (y) Apostolus, quod respiciebat in remunerationem.

Prædestinationis temerariam præsumptionem cavendam esse.

CAPUT XII.

NEMO quoque, quamdiu in hac mortalitate vivitur, de arcano Divinæ prædestinationis mysterio usque adeo præsumere debet, ut certo statuatur, se omnino esse in numero prædestinatorum : quasi verum esset, quod iustificatus aut amplius peccare non possit, aut, si peccaverit, (z) certam sibi respicientiam promittere debeat. Nam, nisi ex speciali revelatione, sciri non potest, quos Deus sibi elegerit.

De perseverantiæ munere.

CAPUT XIII.

SIMILITER de perseverantiæ munere, de quo scriptum est : (a) Qui perseveraverit usque in finem, hic salvus erit : quod quidem aliunde haberi non potest, nisi ab eo, qui potens est eum, (b) qui stat, statuere, ut perseveranter stet, & eum, qui cadit, restituere : nemo sibi certi aliquid absoluta certitudine polliceatur : tamen in Dei auxilio firmissimam spem collocare, & repone omnes debent. Deus enim, nisi ipsi illius gratiæ defuerint, sicut (c) cœpit opus bonum, ita perficiet, operans velle, & perficere. Veruntamen qui se (d) existimant stare, videant, ne cadant ; & cum (e) timore ac tremore salutem suam operentur in laboribus, in vigiliis, in elemosynis, in orationibus, & oblationibus, in jejuniis, & castitate. Formidare enim debent, scientes, (f) quod in spem gloriæ, & nondum in gloriam (g) renari sunt, de pugna, quæ superest cum carne, cum mundo, cum Diabolo : in qua victores esse non possunt, nisi cum Dei gratia Apostolo obtemperent, dicenti : (g) Debitores sumus non carni, ut secundum car-

(p) Rom. 5.

(q) 1. Cor. 9.

(r) Psal. 118.

(s) Matth. 10. Ezech. 33.

(t) 1. Cor. 10.

(u) Parisina & Lovaniensis habent : in gloria.

(q) Rom. 8.

(t) Ibid.

(y) Hebr. 11.

(b) Rom. 14.

(e) Philip. 2.

(v) Philip. 2. Hebr. 5.

(u) 2. Pet. 1.

(z) Ezech. 18. Galat. 3.

(c) Philip. 1. & 2.

(f) 1. Pet. 1.

(g) Rom. 8.

carne[m] vivamus. Si enim secundum carnem vixeritis, moriemini: si autem spiritu facta carnis mortificaveritis, vivetis.

De lapsis, & eorum reparatione.

CAPUT XIV.

QUI vero ab accepta justificationis gratia per peccatum exciderunt, rursus justificari poterunt, cum, excitante Deo per Pœnitentiæ Sacramentum, merito Christi amissam gratiam recuperare procuraverint. Hic enim justificationis modus est lapsis (*) reformatio: quam secundam post naufragium deperditæ gratiæ tabulam Sancti Patres apte nuncuparunt. Etenim pro iis, qui post Baptismum in peccata labuntur, CHRISTUS JESUS Sacramentum instituit Pœnitentiæ, cum dixit: (b) Accipite Spiritum Sanctum: quorum remiseritis peccata, remittuntur eis; & quorum retinueritis, retenta sunt. Unde docendum est, Christiani hominis pœnitentiam post lapsum multo aliam esse a baptismali; eaque contineri non modo cessationem a peccatis, & eorum detestationem, (i) aut cor contritum, & humiliatum, verum etiam eorundem Sacramentalem Confessionem saltem in voto, & suo tempore faciendam, & Sacerdotalem Absolutionem; itemque Satisfactionem per jejunia, eleemosynas, orationes, & alia pia spiritualis vitæ exercitia, non quidem pro pœna æterna, quæ vel Sacramento, vel Sacramenti voto una cum culpa remittitur, sed pro pœna temporali; quæ, ut sacræ literæ docent, non tota semper, ut in Baptismo fit, dimittitur illis, qui gratiæ Dei, quam (k) acceperunt, ingrati Spiritum Sanctum contristaverunt, & (l) templum Dei violare non sunt veriti. De qua pœnitentia scriptum est: (m) Memor esto, unde excideris: age pœnitentiam, & prima opera fac. Et iterum: (n) Quæ secundum Deum tristitia est, pœnitentiam in salutem stabilem operatur. Et rursus: (o)

Pœnitentiam agite, & facite fructus dignos pœnitentiæ.

Quolibet mortali peccato amitti gratiam, sed non fidem.

CAPUT XV.

ADVERSUS etiam hominum quorundam callida ingenia, qui per dulces sermones, & benedictiones seducunt corda innocentium, asserendum est, non modo infidelitate, (p) per quam & ipsa fides amittitur, sed etiam quocumque alio mortali peccato, quamvis non amittatur fides, acceptam justificationis gratiam amitti; Divinæ legis doctrinam defendendo: (q) quæ a regno Dei non solum infideles excludit, sed (r) & fideles quoque, fornicarios, adulteros, molles, masculorum concubitores, fures, avaros, ebriosos, maledicos, rapaces, ceterosque omnes, qui leralia committunt peccata; a quibus cum Divinæ gratiæ adjumento abstinere possunt, & pro quibus a Christi gratia separantur.

De fructu justificationis, hoc est, de merito bonorum operum, deque ipsius meriti ratione.

CAPUT XVI.

HAC igitur ratione justificatis hominibus, siue acceptam gratiam perpetuo conservaverint, siue amissam recuperaverint, proponenda sunt Apostoli verba: (s) Abundate in omni opere bono, scientes, quod labor vester non est inanis in Domino. [t] Non enim injustus est Deus, ut obliviscatur operis vestri, & dilectionis, quam ostendistis in nomine ipsius. Et, Nolite (u) amittere confidentiam vestram, quæ magnam habet remunerationem. Atque ideo bene operantibus usque in finem, & in Deo sperantibus proponenda est vita æterna, & tamquam gratia filiis Dei per CHRISTUM JESUM miser-

(*) In Parisina Harduini, & Lovaniensi legitur: lapsi.

(b) Joan. 20. Matth. 16.

(l) 1. Cor. 3.

(o) Matt. 3. & 4. Luc. 3.

(r) 1. Cor. 6.

(u) Hebr. 10.

(i) Psal. 50.

(m) Apocal. 2.

(p) Rom. 16.

(s) 1. Cor. 15.

(k) Ephes. 4.

(n) 2. Cor. 7.

(q) 1. Tim. 1.

(t) Hebr. 6.

sericorditer promissa; & tamquam merces ex ipsius Dei promissione bonis ipsorum operibus, & meritis fideliter reddenda. Hæc est enim illa corona (x) iustitiæ, quam post suum certamen, & curium repositam sibi esse aiebat Apostolus, a iusto Iudice sibi reddendam: non solum autem sibi, sed & omnibus, qui diligunt adventum ejus. Cum enim ille ipse CHRISTUS JESUS tamquam Caput in membra, & tamquam vitis in palmites, in ipsos iustificatos jugiter virtutem influat; quæ virtus bona eorum opera semper antecedit, & comitatur, & subsequitur; & sine qua nullo pacto Deo grata, & meritoria esse possent; nihil ipsis iustificatis amplius deesse credendum est, quo minus plene illis quidem operibus, quæ in Deo sunt facta, Divinæ legi pro hujus vitæ statu satisfecisse, & vitam æternam suo etiam tempore, si tamen in gratia decesserint, consequendam, vere promeruisse censeantur: cum Christus, Salvator noster, dicat: (y) Si quis biberit ex aqua, quam ego dabo ei, non sitiet in æternum; sed fiet in eo fons aquæ salientis in vitam æternam. Ita neque propria nostra iustitia, tamquam ex nobis propria statuitur: neque ignoratur, aut repudiatur iustitia Dei. Quæ enim iustitia nostra dicitur, quia per eam nobis inhærentem iustificamur; illa eadem Dei est, quia a Deo nobis infunditur per Christi meritum. Neque vero illud omittendum est; quod licet bonis operibus in sacris literis usque adeo tribuatur, ut etiam (z) qui uni ex minimis suis potum aquæ frigida dederit, promittat Christus eum non esse sua mercede cariturum: & Apostolus (a) testetur, id quod in præsentis est momentaneum, & leve tribulationis nostræ, supra modum in sublimitate æternum gloriæ pondus operari in nobis: absit tamen, ut Christianus homo in se ipso vel confidat, (b) vel gloriatur, & non in Domino: cujus tanta est erga omnes homines bonitas, ut eorum velit esse merita, quæ sunt ipsius dona. (c) Et quia in multis of-

fendimus omnes; unusquisque sicut misericordiam, & bonitatem, ita severitatem, & iudicium ante oculos habere debet, neque se ipsum aliquis, (d) etiam si nihil sibi conscius fuerit, iudicare: quoniam omnis hominum vita non humano iudicio examinanda, & iudicanda est, sed Dei: (e) qui illuminabit abscondita tenebrarum, & manifestabit consilia cordium: & tunc laus erit unicuique a Deo, qui, ut scriptum est, (f) reddet unicuique secundum opera sua.

Post hanc Catholicam de justificatione doctrinam, quam nisi quisque fideliter firmiterque receperit, iustificari non poterit; placuit Sanctæ Synodo hos Canones subjungere, ut omnes sciant, non solum quid tenere, & sequi, sed etiam quid vitare, & fugere debeant.

DE JUSTIFICATIONE.

CANON I.

SI quis dixerit, (g) hominem suis operibus, quæ vel per humanæ naturæ vires, vel per legis doctrinam fiant, absque Divina per JESUM CHRISTUM gratia posse iustificari coram Deo, anathema sit.

CANON II.

SI quis dixerit, ad hoc solum Divinam gratiam per CHRISTUM JESUM dari, ut facilius homo iuste vivere, ac vitam æternam promereri possit; quasi per liberum arbitrium sine gratia utrumque, sed ægre tamen, & difficulter possit; anathema sit.

CANON III.

SI quis dixerit, sine præveniente (h) Spiritus Sancti inspiratione, atque ejus adiutorio, hominem credere, sperare, diligere, aut poenitere posse sicut oportet, ut ei justificationis gratia conferatur; anathema sit.

M m m m m 3

CA.

[x] 1. Tim. 4.

[a] 2. Cor. 4.

[c] Jac. 3.

[f] Matth. 16. Rom. 2.

[y] Joan. 4.

[b] 1. Cor. 1. in fi.

[d] 1. Cor. 4.

[g] Rom. 3. 1. Cor. 15.

[z] Matt. 10. in fin. & Marc. 9. circa fin.

1. Cor. 10. in fi. Gal. 6. Hier. 9.

[e] Ibidem.

[h] Rom. 5.

CANON IV.

Si quis dixerit, liberum hominis arbitrium a Deo motum, & excitatum nihil cooperari assentiendo Deo excitanti, atque vocanti, quo ad obtinendam justificationis gratiam se disponat, ac præparet, neque posse dissentire, si velit, sed veluti inanime quoddam nihil omnino agere, mereque passive se habere, anathema sit.

CANON V.

Si quis hominis arbitrium post Adæ peccatum amissum, & extinctum esse dixerit, aut rem esse de solo titulo, immo titulum sine re, figmentum denique a Satana invecum in Ecclesiam; anathema sit.

CANON VI.

Si quis dixerit, (i) non esse in potestate hominis, vias suas malas facere, sed mala opera ita, ut bona, Deum operari, non permissive solum, sed etiam proprie, & per se adeo, ut sit proprium ejus opus non minus proditio Judæ, quam vocatio Pauli; anathema sit.

CANON VII.

Si quis dixerit, opera omnia, quæ ante justificationem fiunt, quacumque ratione facta sint, vere esse peccata, vel odium Dei mereri, aut, quanto vehementius quis nititur se disponere ad gratiam, tanto eum gravius peccare; anathema sit.

CANON VIII.

Si quis dixerit, (k) gehennæ metum, per quem ad misericordiam Dei de peccatis dolendo confugimus, vel a peccando abstinemus, peccatum esse, aut peccatores peiores facere; anathema sit.

CANON IX.

Si quis dixerit, sola fide impium justificari, ita ut intelligat nihil aliud requiri, quod ad justificationis gratiam consequendam cooperetur, & nulla ex parte necesse esse eum suæ voluntatis motu præparari, atque disponi; anathema sit.

CANON X.

Si quis dixerit, homines, (l) sine Christi justitia, per quam nobis meruit, justificari, aut per eam ipsam formaliter justos esse; anathema sit.

CANON XI.

Si quis dixerit, homines justificari vel sola imputatione justitiæ Christi, vel sola peccatorum remissione, exclusa gratia, & caritate, quæ in cordibus (m) eorum per Spiritum Sanctum diffundatur, atque illis inhæreat; aut etiam gratiam, qua justificamur, esse tantum favorem Dei; anathema sit.

CANON XII.

Si quis dixerit, fidem justificantem nihil aliud esse, quam fiduciam Divinæ misericordiæ, peccata remittentis propter Christum; vel eam fiduciam solam esse, qua justificamur; anathema sit.

CANON XIII.

Si quis dixerit, omni homini ad remissionem peccatorum assequendam necessarium esse, ut credat certo, & absque ulla hæsitacione propriæ infirmitatis & indispositionis, peccata sibi esse remissa; anathema sit.

CANON XIV.

Si quis dixerit, hominem a peccatis absolvi, ac justificari ex eo, quod se absolvi, ac justificari certo credat; aut neminem vere esse justificatum, nisi qui credat se esse justificatum; & hac sola fide absolutionem, & justificationem perfici; anathema sit.

CANON XV.

Si quis dixerit, hominem renatum, & justificatum temeri ex fide ad credendum, se certo esse in numero prædestinatorum; anathema sit.

CANON XVI.

Si (n) quis magnum illud usque infini per se perseverantiæ donum se certo habiturum absolutam, & infallibilem certitudine dixerit; nisi hoc ex speciali revelatione didicerit; anathema sit.

CA.

(i) Joan. 1.
(m) Rom. 5.

(k) Psal. 17. Luc. 12. & Marc. 9. in fi.
(n) Gal. 3, Ezech. 18.

(l) Gal. 2. & 5. Eph. 1. & 4.

CANON XVII.

Si quis justificationis gratiam non nisi prædestinatis ad vitam contingere dixerit; reliquos vero omnes, qui vocantur, vocari quidem; sed gratiam non accipere, utpote Divina potestate prædestinatos ad malum; anathema sit.

CANON XVIII.

Si quis dixerit, (o) Dei præcepta homini etiam justificato, & sub gratia constituto esse ad observandum impossibilia; anathema sit.

CANON XIX.

Si quis dixerit, nihil præceptum esse in Evangelio præter fidem, cætera esse indifferentia, neque præcepta, neque prohibita, sed libera; aut decem præcepta nihil pertinere ad Christianos; anathema sit.

CANON XX.

Si quis hominem justificatum, & quantumlibet perfectum, dixerit non teneri ad observantiam mandatorum Dei, & Ecclesiæ, sed tantum ad credendum; quasi vero Evangelium sit nuda, & absoluta promissio vitæ æternæ, sine conditione observationis mandatorum; anathema sit.

CANON XXI.

Si quis dixerit, Christum Jesum a Deo hominibus datum fuisse ut Redemptorem, cui fidant, non etiam ut Legislatorem, cui obediant; anathema sit.

CANON XXII.

Si quis dixerit, justificatum, vel sine speciali auxilio Dei, in accepta justitia perseverare posse, vel cum eo non posse; anathema sit.

CANON XXIII.

Si quis hominem semel justificatum dixerit amplius peccare non posse, neque gratiam amittere, atque ideo eum, qui labitur, & peccat, numquam vere fuisse justificatum, aut contra posse in tota vita peccata omnia, etiam venialia, vitare, nisi ex speciali Dei privilegio, quemadmodum de Beata Virgine tenet Ecclesiæ; anathema sit.

CANON XXIV.

Si quis dixerit, justitiam acceptam non conservari, atque etiam (*) augeri coram Deo per bona opera; sed opera ipsa fructus solummodo, & signa esse justificationis adeptæ, non autem ipsius augendæ causam; anathema sit.

CANON XXV.

Si quis in quolibet bono opere justum saltem venialiter peccare dixerit, aut, quod intolerabilius est, mortaliter, atque ideo pœnas æternas mereri; tantumque ob id non damnari, quia Deus ea opera non imputet ad damnationem; anathema sit.

CANON XXVI.

Si quis dixerit, justos non debere pro bonis operibus, quæ in Deo fuerint facta, expectare, & sperare æternam retributionem a Deo per ejus misericordiam, & Jesu Christi meritum, si bene agendo, & Divina mandata custodiendo usque (p) in finem perseveraverint; anathema sit.

CANON XXVII.

Si quis dixerit, (q) nullum esse mortale peccatum, nisi infidelitatis, aut nullo alio, quantumvis gravi, & enormi, præterquam infidelitatis, peccato, semel acceptam gratiam amitti; anathema sit.

CANON XXVIII.

Si quis dixerit, amissa per peccatum gratia simul & fidem semper amitti; aut fidem, quæ remanet, non esse veram fidem, licet non sit viva; aut eum, qui fidem sine caritate habet, non esse Christianum; anathema sit.

CANON XXIX.

Si quis dixerit, eum, qui post Baptismum lapsus est, non posse per Dei gratiam resurgere; aut posse quidem, sed sola fide amissam justitiam recuperare sine Sacramento Pœnitentiæ, prout Sancta Romana, & universalis Ecclesiæ, a Christo Domino, & ejus Apostolis edocta, hucusque professa est, servavit, & docuit; anathema sit.

CA.

(o) 1. Joan. 5.
(q) 1. Cor. 6.

(*) *Parifina & Lovaniens.* non augeri.

(p) *Marth.* 24.

CANON XXX.

Si quis post acceptam justificationis gratiam cuilibet peccatori poenitenti ita culpam remitti, & reatum aeternae poenae deleri dixerit, ut nullus remaneat reatus poenae temporalis exolvendae vel in hoc saeculo, vel in futuro in Purgatorio, antequam ad regna caelorum aditus patere possit; anathema sit.

CANON XXXI.

Si quis dixerit, justificatum peccare, dum intuitu aeternae mercedis bene operatur; anathema sit.

CANON XXXII.

Si quis dixerit, hominis justificati bona opera ita esse dona Dei, ut non sint etiam bona ipsius justificati merita; aut, ipsum justificatum bonis operibus, quae ab eo per Dei gratiam, & Jesu Christi meritum, cujus (*) vivum membrum est, fiunt, non vere mereri augmentum gratiae, vitam aeternam, & ipsius vitae aeternae, si tamen in gratia decesserit, consecutionem, atque etiam gloriae augmentum; anathema sit.

CANON XXXIII.

Si quis dixerit, per hanc doctrinam Catholicam de justificatione, a Sancta Synodo hoc praesenti Decreto expressam, aliqua ex parte gloriae Dei, vel meritis Jesu Christi, Domini nostri, derogari, & non potius veritatem fidei nostrae, Dei denique, ac Christi Jesu gloriam illustrari; anathema sit.

DECRETUM DE REFORMATIONE.

CAPUT I. (**)

Prælatos convenit in Ecclesiis suis residere; si secus fecerint, juris antiqui poenae in eos renovantur, & novae decernuntur.

EADEM Sacrosancta Synodus, eisdem Praesidentibus Apostolicae Sedis Le-

gatis, ad restituendam collapsam admodum Ecclesiasticam disciplinam, depravatosque in Clero, & populo Christiano mores emendandos se accingere volens, ab iis, qui majoribus Ecclesiis praesunt, initium censuit esse sumendum. Integritas enim praesidentium salus est subditorum. Confidens itaque per Domini, ac Dei nostri misericordiam, providamque ipsius Dei in terris Vicarii solertiam omnino futurum, ut ad Ecclesiarum regimen, onus quippe angelicis humeris formidandum, qui maxime digni fuerint, quorumque prior vita, ac omnis aetas, a puerilibus exordiis usque ad perfectiores annos per disciplinae stipendia Ecclesiasticae laudabiliter acta, testimonium praebat, secundum venerabiles Beatorum Patrum Sanctiones assumantur: omnes Patriarchalibus, Primatialibus, Metropolitanis, & Cathedralibus Ecclesiis quibuscumque, quovis nomine, ac titulo, Praefectos monet, ac monitos esse vult, ut (r) attendentes sibi, & universo gregi, in quo Spiritus Sanctus posuit eos regere Ecclesiam Dei, quam acquisivit sanguine suo, vigilent, sicut Apostolus praecipit, (s) in omnibus laborent, & ministerium suum impleant: implere autem illud se nequaquam posse sciant, si greges sibi commissos mercenariorum more deserant, atque ovium suarum, quarum (t) sanguis de eorum est manibus a supremo Iudice requirendus, custodiam minime incumbant: cum certissimum sit, non admitti pastoris excusationem, si lupus oves comedit, & pastor nescit. Ac nihilominus, quia nonnulli, quod vehementer dolendum est, hoc tempore reperiantur, qui propriae etiam salutis immemores, terrenaque caelestibus, ac Divinis humana praeserentes, in diversis curiis vagantur, aut in negotiorum temporalium sollicitudine, ovili derelicto, atque ovium sibi commissarum cura neglecta, se detinent occupatos: Placuit Sacrosanctae Synodo antiquos Canones, qui temporum, atque hominum (***) injuria pene in desuetudinem abierunt, adversus non residentes promulgatos innovare; quemadmodum virtute praesentis Decreti innovat

[*] vivum in Parisina non legitur.

[**] Capitulum rubricas ex Parisina editione Harduini apposui.

(r) Act. 20.

(s) 2. Tim. 4. Joan. 10.

(t) Ezech. 33. & 34. Act. 10.

(***) incuria.

novat, ac ulterius, pro firmiori eorundem residentia, & reformandis in Ecclesia moribus, in hunc, qui sequitur, modum statuere, atque sancire. Si quis a Patriarchali, Primatiali, Metropolitana, seu Cathedrali Ecclesia sibi quocumque titulo, causa, nomine, seu jure commissa, quacumque ille dignitate, gradu, & præminencia præfulgeat, (legitimo impedimento, seu iustis & rationabilibus causis cessantibus) sex mensibus continuis extra suam Diocesim morando abfuerit: quartæ partis fructuum unius anni, fabricæ Ecclesiæ, (*) pauperibus loci per Superiorem Ecclesiasticum applicandorum, pœnam ipso jure incurrat. Quod si per alios sex menses in hujusmodi absentia perseveraverit; aliam quartam partem fructuum similiter applicandam eo ipso amittat. Crescente vero contumacia, ut severiori sacrorum Canonum censuræ subijciatur, Metropolitanus suffraganeos Episcopos absentes, Metropolitanum vero absentem suffraganeus Episcopus antiquior residens, (**) pœna interdicti ingressus Ecclesiæ eo ipso incurrenda, infra tres menses per litteras, seu Nuncium, Romano Pontifici denunciare teneatur: qui in ipsos absentes, prout cujusque major, aut minor contumacia exegerit, suæ supremæ Sedis auctoritate animadvertere, & Ecclesiis ipsis de Pastoribus utilioribus providere poterit, sicut in Domino noverit salubriter expedire.

CAPUT II.

Nulli Beneficium, exigens Personalem Residentiam, obtinenti abesse licet, nisi iusta de causa ab Episcopo approbata, qui tum etiam Vicarium subducta parte fructuum substituatur, ob curam animarum.

Episcopis inferiores, quævis beneficia Ecclesiastica personalem residentiam de jure, sive consuetudine exigentia, in titulum, sive commendam obtinentes, ab eorum Ordinariis, quemadmodum eis pro bono Ecclesiarum regimine, & Divini cultus augmento, locorum, & personarum qualitate pensata, expediens vi-

debitur, opportunis juris remediis residere cogantur: nullique privilegia, seu indulta perpetua de non residendo, aut de fructibus in absentia percipiendis, suffragentur. Indulgentiis vero, & dispensationibus temporalibus, ex veris, & rationabilibus causis tantum concessis, & coram Ordinario legitime probandis, in suo robore permansuris: quibus casibus nihilominus officium sit Episcoporum, tamquam in hac parte a Sede Apostolica delegatorum, providere, ut per deputationem idoneorum Vicariorum, & congruæ portionis fructuum assignationem, cura animarum nullatenus negligatur: nemini, quo ad hoc, privilegio, seu exemptione quacumque suffragante.

CAPUT III.

Excessus sæcularium Clericorum & Regularium, agentium extra Monasteria, ab Ordinario loci corrigantur.

ECCLESiarum Prælati ad corrigendum subditorum excessus prudenter, ac diligenter intendant: & nemo sæcularis Clericus, cujusvis personæ, vel regularis, extra Monasterium degens, etiam sui ordinis privilegii prætextu tutus censetur, quo minus, si deliquerit, ab Ordinario loci, tamquam super hoc a Sede Apostolica delegato, secundum Canonicas Sanctiones visitari, puniri, & corrigi valeat.

CAPUT IV.

Ecclesias quascunque Episcopi & alii majores Prælati, quoties opus fuerit, visitent; omnibus, quæ huic Decreto obstare possent, sublatis.

CAPITULA Cathedralium, & aliarum majorum Ecclesiarum, illorumque personarum, nullis exemptionibus, consuetudinibus, sententiis, juramentis, concordiis, quæ tantum suos obligent auctores, non etiam successores, tueri se possint, quo minus a suis Episcopis, & aliis majoribus Prælatibus, per se ipsos solos, vel illis, quibus sibi videbitur, adjunctis, juxta

(*) Parisina addit: &c.

Tomus VI. Concilior. German.

(**) In Parisina: sub pœna.

juxta Canonicas Sanctiones, toties, quoties opus fuerit, visitari, corrigi, & emendari, etiam auctoritate Apostolica, possint, & valeant.

CAPUT V.

Episcopi in aliena Diœcesi nec Pontificalia exerçant, nec Ordines conferant.

NULLI Episcopo liceat, cujusvis privilegii prætextu, Pontificalia in alterius Diœcesi exercere, nisi de Ordinarii loci expressa licentia, & in personas eidem Ordinario subiectas tantum. Si secus factum fuerit; Episcopus ab exercitio Pontificalium, & sic ordinati ab executione Ordinum, sint ipso jure suspensi.

Indictio futuræ Sessionis.

PLACETNE vobis proximam futuram Sessionem celebrari die Jovis feria quinta post primam Dominicam subsequens Quadragesimæ, quæ erit dies tertia mensis Martii? *Responderunt, PLACET.*

SESSIO SEPTIMA,
CELEBRATA DIE III. MENSIS
MARTII, MDXLVII.

Decretum de Sacramentis.

PROOEMIUM.

AD CONSUMMATIONEM salutaris de justificatione doctrinæ, quæ in præcedenti proxima Sessione uno omnium Patrum consensu promulgata fuit; consentaneum visum est de Sanctissimis Ecclesiæ Sacramentis agere, per quæ omnis vera justitia vel incipit, vel coepta augeatur, vel amissa reparatur: propterea Sacrosancta Oecumenica & Generalis Tridentina Synodus, in Spiritu Sancto legitime congregata, Præsidentibus in ea eisdem Apostolicæ Sedis Legatis, ad errores eliminandos, & extirpandas hæreses, quæ circa Sanctissima ipsa Sacramenta hæc nostra tempestate, tum de damnatis olim a Patribus nostris hæresibus fuscitata, tum etiam de novo adinventæ sunt, quæ Catholicæ Ecclesiæ puritati, & animarum salutis magnopere officiunt; Sanctarum Scripturarum doctrinæ, Apostolicis traditionibus, atque aliorum Conciliorum,

& Patrum consensui in hærendo, hos præsentēs Canones statuendos, & decernendos censuit; reliquos, qui supersunt, ad coepti operis perfectionem, deinceps, Divino Spiritu adjuvante, editura.

DE SACRAMENTIS
in genere.

CANON I.

SI quis dixerit, Sacramenta novæ legis non fuisse omnia a JESU CHRISTO, Domino nostro, instituta; aut esse plura, vel pauciora, quam septem, videlicet, Baptismum, Confirmationem, Eucharistiam, Pœnitentiam, extremam Unctionem, Ordinem, & Matrimonium; aut etiam aliquod horum septem non esse vere, & proprie Sacramentum; anathema sit.

CANON II.

Si quis dixerit, ea ipsa novæ legis Sacramenta a Sacramentis antiquæ legis non differre, nisi quia cærimoniarum sunt aliæ, & alii ritus externi; anathema sit.

CANON III.

Si quis dixerit, hæc septem Sacramenta ita esse inter se paria, ut nulla ratione aliud sit alio dignius; anathema sit.

CANON IV.

Si quis dixerit, Sacramenta novæ legis non esse ad salutem necessaria, sed superflua; & sine eis, aut eorum voto, per solam fidem homines a Deo gratiam justificationis adipisci; licet omnia singulis necessaria non sint; anathema sit.

CANON V.

Si quis dixerit, hæc Sacramenta propter solam fidem nutriendam instituta fuisse; anathema sit.

CANON VI.

Si quis dixerit, Sacramenta novæ legis non continere gratiam, quam significant; aut gratiam ipsam non ponentibus obicem non conferre, quasi signa tantum externa sint acceptæ per fidem gratiæ, vel justitiæ, & notæ quædam Christianæ professionis, quibus apud homines discernuntur fideles ab infidelibus; anathema sit.

CANON VII.

Si quis dixerit, non dari gratiam per hujusmodi Sacramenta semper, & omnibus, quantum est ex parte Dei, etiam si rite ea suscipiant, sed aliquando, & aliquibus; anathema sit.

CANON VIII.

Si quis dixerit, per ipsa novæ legis Sacramenta ex opere operato non conferri gratiam, sed solum fidem Divinæ promissionis ad gratiam consequendam sufficere; anathema sit.

CANON IX.

Si quis dixerit, in tribus Sacramentis, Baptismo scilicet, Confirmatione, & Ordine, non imprimi characterem in anima, hoc est, signum quoddam spirituale, & indelebile, unde ea iterari non possunt; anathema sit.

CANON X.

Si quis dixerit, Christianos omnes in verbo, & omnibus Sacramentis administrandis habere potestatem; anathema sit.

CANON XI.

Si quis dixerit, in Ministris, dum Sacramenta faciunt, & conferunt, non requiri intentionem saltem faciendi, quod facit Ecclesia; anathema sit.

CANON XII.

Si quis dixerit, Ministrum, in peccato mortali existentem, modo omnia essentialia, quæ ad Sacramentum faciendum, aut conferendum pertinent, servaverit, non conficere, aut conferre Sacramentum; anathema sit.

CANON XIII.

Si quis dixerit, receptos, & approbatos Ecclesiæ Catholicæ ritus, in solemni Sacramentorum administratione adhiberi consuetos, aut contemni, aut sine peccato a Ministris pro libito omitti, aut in novos alios per quemcumque Ecclesiarum Pastorem mutari posse; anathema sit.

DE BAPTISMO.

CANON I.

Si quis dixerit, Baptismum Joannis habuisse eandem vim cum Baptismo Christi; anathema sit.

CANON II.

Si quis dixerit, aquam veram, & naturalem non esse de necessitate Baptismi, atque ideo verba illa Domini nostri JESU CHRISTI; (u) Nisi quis renatus fuerit ex aqua, & Spiritu Sancto; ad metaphoram aliquam detorserit; anathema sit.

CANON III.

Si quis dixerit, in Ecclesia Romana, quæ omnium Ecclesiarum mater est, & magistra, non esse veram de Baptismi Sacramento doctrinam; anathema sit.

CANON IV.

Si quis dixerit, Baptismum, qui etiam datur ab hæreticis in nomine Patris, & Filii, & Spiritus Sancti, cum intentione faciendi, quod facit Ecclesia, non esse verum Baptismum; anathema sit.

CANON V.

Si quis dixerit, (x) Baptismum liberum esse, hoc est, non necessarium ad salutem; anathema sit.

CANON VI.

Si quis dixerit, baptizatum non posse, etiam si velit, gratiam amittere, quantumcumque peccet, nisi nolit credere; anathema sit.

CANON VII.

Si quis dixerit, (y) baptizatos per Baptismum ipsam solius tantum fidei debitores fieri, non autem universæ legis Christi servandæ; anathema sit.

CANON VIII.

Si quis dixerit, baptizatos liberos esse ab omnibus Sanctæ Ecclesiæ Præceptis, quæ vel scripta, vel tradita sunt, ita ut ea observare non teneantur, nisi se sua sponte illis submittere voluerint; anathema sit.

CA;

[u] Joan. 3.

[x] Ibidem.

[y] Galat. 5.

Tomus VI. Concilior. German.

CANON IX.

Si quis dixerit, ita revocandos esse homines ad Baptismi suscepti memoriam, ut vota omnia, quæ post Baptismum fiunt, vi promissionis, in Baptismo ipso jam factæ, irrita esse intelligant, quasi per ea, & fidei, quam professi sunt, detrahatur, & ipsi Baptismo; anathema sit.

CANON X.

Si quis dixerit, peccata omnia, quæ post Baptismum fiunt, sola recordatione, & fide suscepti Baptismi, vel dimitti, vel venialia fieri; anathema sit.

CANON XI.

Si quis dixerit, verum, & rite collatum Baptismum iterandum esse illi, qui apud infideles fidem Christi negaverit, cum ad pœnitentiam convertitur; anathema sit.

CANON XII.

Si quis dixerit, neminem esse baptizandum, nisi ea ætate, qua Christus baptizatus est, vel in ipso mortis articulo; anathema sit.

CANON XIII.

Si quis dixerit, parvulos, eo quod actum credendi non habent, suscepto Baptismo inter fideles computandos non esse; ac propterea, cum ad annos discretionis pervenerint, esse rebaptizandos; aut præstare omitti eorum Baptisma, quam eos non actu proprio credentes baptizari in sola fide Ecclesiæ; anathema sit.

CANON XIV.

Si quis dixerit, huiusmodi parvulos baptizatos, cum adoleverint, interrogandos esse, an ratum habere velint, quod Patrini, eorum nomine, dum baptizarentur, polliciti sunt; & ubi se nolle responderint, suo esse arbitrio relinquendos; nec alia interim pœna ad Christianam vitam cogendos, nisi ut ab Eucharistia, aliorumque Sacramentorum perceptione arceantur, donec resipiscant; anathema sit.

DE CONFIRMATIONE.

CANON I.

Si quis dixerit, Confirmationem baptizatorum otiosam cærimoniam esse, & non potius verum, & proprium Sacramentum; aut olim nihil aliud fuisse, quam catechesim quandam, qua adolescentiæ proximi fidei suæ rationem coram Ecclesia exponebant; anathema sit.

CANON II.

Si quis dixerit, injurios esse Spiritui Sancto eos, qui sacro Confirmationis Chrismati virtutem aliquam tribuunt; anathema sit.

CANON III.

Si quis dixerit, Sanctæ Confirmationis ordinarium Ministrum non esse solum Episcopum, sed quemvis simplicem Sacerdotem; anathema sit.

DECRETUM DE REFORMATIONE.

EADEM Sacrosancta Synodus, eisdem Præsidentibus & Legatis, inceptum residentie, & Reformationis negotiorum ad DEI laudem, & Christianæ Religionis incrementum proficere intendens, ut sequitur, statuendum censuit, salva semper in omnibus Sedis Apostolicæ auctoritate.

CAPUT I.

Quis capax Regiminis Ecclesiarum Cathedralium.

AD Cathedralium Ecclesiarum regimen nullus, nisi ex legitimo matrimonio natus, & ætate matura, gravitate morum, literarumque scientia, juxta Constitutionem Alexandri Terti, quæ incipit: Cum in cunctis, in Concilio Lateranensi promulgatam, præditus assumatur.

CAPUT II.

Tenentes plures Cathedrales Ecclesias jubentur omnes, excepta una, dimittere, certo modo & tempore.

NEMO, quacumque etiam dignitate, gradu, aut præeminentia præfulgens, plures

plures Metropolitanas, seu Cathedrales Ecclesias, in titulum, sive commendam, aut alio quovis nomine, contra Sacrorum Canonum instituta, recipere, & simul retinere præsumat: cum valde felix sit ille censendus, cui unam Ecclesiam bene, ac fructuose, & cum animarum sibi commissarum salute regere contigerit. Qui autem plures Ecclesias contra præsentis Decreti tenorem nunc detinent, una, quam maluerint, retenta, reliquis infra sex menses, si ad liberam Sedis Apostolicæ dispositionem pertineant, alias infra annum dimittere teneantur: alioquin Ecclesiæ ipsæ, ultimo obtenta dumtaxat excepta, eo ipso vacare censeantur.

CAPUT III.

Habilibus dumtaxat personis Beneficia conferantur.

INFERIORA Beneficia Ecclesiastica, præsertim curam animarum habentia, personis dignis, & habilibus, & quæ in loco residere, ac per se ipsos curam ipsam exercere valeant, juxta Constitutionem Alexandri III. in Lateranensi, quæ incipit: Quia nonnulli; & aliam Gregorii X. in Generali Lugdunensi Concilio, quæ incipit: Licet Canon, editam, conferantur. Aliter autem facta collatio, sive provisio, omnino irritetur: & ordinarius Collator poenas Constitutionis Concilii Generalis, quæ incipit: Grave nimis, se noverit incursum.

CAPUT IV.

Plurium Beneficiorum retentor contra Canones, iis privetur.

QUICUMQUE de cætero plura curata, aut alias incompatibilia beneficia Ecclesiastica, sive per viam unionis ad vitam, seu commendæ perpetuæ, aut alio quocumque nomine, & titulo, contra formam Sacrorum Canonum, & præsertim Constitutionis Innocentii III. quæ incipit: De multa, recipere, ac simul retinere præsumperit; beneficiis ipsi, juxta ipsius Constitutionis dispositionem, ipso jure, etiam præsentis Canonis vigore, privatus existat.

CAPUT V.

Plura Beneficia curata obtinentes, Ordinario suas dispensationes exhibeant, qui de Vicario Ecclesiæ provideat, congrua portione fructuum assignata.

ORDINARIJ locorum quoscumque plura curata, aut alias incompatibilia beneficia Ecclesiastica obtinentes, dispensationes suas exhibere districte compellant; & alias procedant juxta Constitutionem Gregorii X. in Generali Lugdunensi Concilio editam, quæ incipit: Ordinarii: quam eadem Sancta Synodus innovandam censet, & innovat; addens insuper, quod ipsi Ordinarii etiam per idoneorum Vicariorum deputationem, & congruæ portionis fructuum assignationem omnino provideant, ut animarum cura nullatenus negligatur; & beneficia ipsa debitis obsequiis minime defraudentur; appellationibus, privilegiis, exemptionibus quibuscumque, etiam cum judicium specialium deputatione, & illorum inhibitionibus in præmissis nemini suffragantibus.

CAPUT VI.

Quæ Beneficiorum uniones validæ censeantur.

UNIONES perpetuæ, a quadraginta annis citra factæ, examinari ab Ordinariis, tamquam a Sede Apostolica delegatis, possint: & quæ per subreptionem, vel obreptionem obtentæ fuerint, irritæ declarentur. Illæ vero, quæ a dicto tempore citra concessæ nondum in toto, vel in parte sortitæ sunt effectum, & quæ deinceps ad cujusvis instantiam fient, nisi eas ex legitimis, aut alias rationabilibus causis, coram loci Ordinario vocatis, quorum interest, verificandis, factas fuisse constiterit, per surreptionem obtentæ præsumantur: ac propterea, nisi aliter a Sede Apostolica declaratum fuerit, viribus omnino careant.

CAPUT VII.

Beneficia Ecclesiastica unita visitentur: per Vicarios etiam perpetuos cura exerceatur; quorum deputatio fiat cum portione assignanda, etiam super re certa.

BENEFICIA Ecclesiastica curata, quæ Cathedralibus, Collegiatis, seu aliis Ecclesiis, vel Monasteriis, beneficiis, seu Collegiis, aut piis locis quibuscumque perpetuo unita & annexa reperiuntur, ab Ordinariis locorum annis singulis visitentur: qui sollicite providere procurent, ut per idoneos Vicarios, etiam perpetuos, nisi ipsis Ordinariis pro bono Ecclesiarum regimine aliter expedire videbitur, ab eis cum tertiæ partis fructuum, aut majori, vel minori, arbitrio ipsorum Ordinariorum, portione etiam super certa re assignanda, ibidem deputandos, animarum cura laudabiliter exerceatur: appellationibus, privilegiis, exemptionibus, etiam cum Judicum deputatione, & illorum inhibitionibus quibuscumque in præmissis minime suffragantibus.

CAPUT VIII.

Ecclesiæ reparentur: cura animarum sollicite habeatur.

Locorum Ordinarii Ecclesias quas-cumque, quomodolibet exemptas, auctoritate Apostolica, singulis annis visitare teneantur, & opportunis juris remediis providere, ut, quæ reparatione indigent, reparentur; & cura animarum, si qua illis imminet, aliisque debitis obsequiis minime defraudentur: appellationibus, privilegiis, consuetudinibus, etiam ab immemorabili tempore præscriptis, Judicum deputationibus, & illorum inhibitionibus penitus exclusis.

CAPUT IX.

Munus Consecrationis non differendum.

Ad majores Ecclesias promoti munus consecrationis infra tempus a jure

statutum suscipiant: & prorogationes ultra sex menses concessæ nulli suffragentur.

CAPUT X.

Sede vacante Capitula nulli dent Reverendas, nisi arctato occasione obtinendi, aut obtenti beneficii.

Varia contravenientium pænæ.

Non liceat Capitulis Ecclesiarum, Sede vacante, infra annum a die vacationis, ordinandi licentiam, aut literas dimittorias, seu reverendas, ut aliqui vocant, tam ex juris communis dispositione, quam etiam cujusvis privilegii, aut consuetudinis vigore, alicui, qui beneficii Ecclesiastici recepti, sive recipiendi occasione arctatus non fuerit, concedere: si secus fiat, Capitulum contraveniens Ecclesiastico subiaceat interdicto, & sic ordinati, si in minoribus ordinibus constituti fuerint, nullo privilegio Clericali, præsertim in criminalibus, gaudeant: in majoribus vero, ab executione Ordinum, ad beneplacitum futuri Prælati, sint ipso jure suspensi.

CAPUT XI.

Facultates de promovendo sine justa causa nemini suffragentur.

FACULTATES de promovendo a quocumque, non suffragentur, nisi habentibus legitimam causam, ob quam a propriis Episcopis ordinari non possint, in literis exprimendam; & tunc non ordinentur, nisi ab Episcopo in sua Diœcesi residente, aut pro eo Pontificalia exercente, & diligenti prævio examine.

CAPUT XII.

Facultas de non promovendo annum non excedat.

FACULTATES de non promovendo, præterquam in casibus a jure expressis, concessæ, ad annum tantum suffragentur.

CAPUT

CAPUT XIII.

A quocunque præsentati non instituantur sine prævio examine Ordinarii & approbatione, certis exceptis.

PRÆSENTATI, seu electi, vel nominati a quibusvis Ecclesiasticis personis, etiam Sedis Apostolicæ Nunciis, ad quævis Ecclesiastica beneficia non instituantur, nec confirmantur, neque admittantur, etiam prætextu cujusvis privilegii, seu consuetudinis, etiam ab immemorabili tempore præscriptæ, nisi fuerint prius a locorum Ordinariis examinati, & idonei reperti. Et nullus appellationis remedio se tueri possit, quo minus examen subire teneatur. Præsentatis tamen, electis, seu nominatis ab Universitatibus, seu Collegiis generalium Studiorum exceptis.

CAPUT XIV.

Causæ civiles exemptorum Clericorum Secularium & Regularium, degentium extra Monasterium, ab Episcopis cognoscantur.

In exemptorum causis constitutio Innocentii IV. quæ incipit: Volentes, in Generali Concilio Lugdunensi edita, servetur; quam eadem Sacrosancta Synodus innovandam censuit, & innovat; addendo insuper, quod in civilibus causis mercedum, & miserabilium personarum Clerici sæculares, aut regulares, extra Monasterium degentes, quomodolibet exempti, etiam si certum Judicem, a Sede Apostolica, in partibus habeant; in aliis vero, si ipsum Judicem non habuerint, coram locorum Ordinariis, tamquam in hoc ab ipsa Sede delegatis, conveniri, & jure medio ad solvendum debitum cogi, & compelli possint: privilegiis, exemptionibus, Conservatorum deputationibus, & eorum inhibitionibus adversus præmissa nequaquam valituris.

CAPUT XV.

Ordinarii curent, ut Hospitalia quæcunque, etiam exempta, a suis administratoribus fideliter gubernentur.

CURRENT Ordinarii, ut hospitalia quæcunque a suis administratoribus, quocumque illi nomine censeantur, etiam quomodolibet exemptis, fideliter, & diligenter gubernentur, Constitutionis Concilii Viennensis, quæ incipit: Quia contingit, forma servata, quam quidem constitutionem eadem Sancta Synodus innovandam duxit, & innovat, cum derogationibus in ea contentis.

Indictio futuræ Sessionis.

ITEM hæc Sacrosancta Synodus statuit, & decrevit proximam futuram Sessionem habendam, & celebrandam esse die Jovis, feria quinta post sequentem Dominicam in Albis, quæ erit vigesima prima mensis Aprilis, præsentis anni M.D. XLVII.

**BULLA FACULTATIS
TRANSFERENDI CONCILII.**

PAULUS EPISCOPUS, SERVUS SERVORUM DEI, VENERABILI FRATRI, JOANNI MARIE, EPISCOPO PRÆNÆSTINO, ET DILECTIS FILIIS, MARCELLO TIT. S. CRUCIS IN HIERUSALEM PRESBYTERO, AC REGINALDO S. MARIE IN COSMEDIN DIAcono, CARDINALIBUS, NOSTRIS, ET APOSTOLICÆ SEDIS LEGATIS DE LATERE, SALUTEM, ET APOSTOLICAM BENEDICTIONEM.

REGIMINI universalis Ecclesiæ, meritis licet imparibus, disponente Domino, præsidentes, nostri officii partes esse putamus, ut, si quid gravius causa Reipublicæ Christianæ constituendum sit, id non modo tempore opportuno, verum etiam loco commodo, & idoneo perficiatur. Cum itaque nos nuper, postquam suspensionem celebrationis sacri Oecumenici, & universalis Concilii, alias per nos in civitate Tridentina, ex causis tunc expressis, de Venerabilium Fratrum no-

strorum

strorum, S.R.E. Cardinalium consilio & assensu indicti, ex certis aliis etiam tunc expressis causis, usque ad aliud opportunius, & commodius tempus per nos declarandum, de simili consilio, & assensu factam, audita pace inter Carissimos in Christo Filios nostros, CAROLUM Rom. Imperatorem, semper Augustum, & FRANCISCUM Francorum Regem Christianissimum, conciliata, pari consilio, & assensu sustulera-
mus, & amoveramus: nequeuntes ipsi, tunc legitime impediti, ad dictam civitatem personaliter accedere, & eidem Concilio interesse, vos nostros, & Apostolicæ Sedis Legatos de Latere, in eodem Concilio de simili consilio constituerimus & deputaverimus, vosque ad eandem civitatem, tamquam pacis Angelos, destinaverimus, prout in diversis nostris desuper confectis literis plenius continetur: Nos, ne tam sanctum celebrationis Concilii huiusmodi opus ex incommo-
ditate loci, aut alias quovis modo impediatur, aut plus debito differatur, opportune providere volentes, motu proprio, & ex certa scientia, ac de Apostolicæ potestatis plenitudine, parique consilio & assensu, vobis in simul, aut duobus ex vobis, reliquo legitimo impedimento de-
tento, seu inde forte absente, quando-
cumque vobis videbitur, Concilium prædictum de eadem civitate Tridentina ad quamcumque aliam commodio-
rem, & opportuniorem, seu tutiorem civitatem, de qua vobis etiam videbitur, transferendi, & mutandi; ac illud in ipsa civitate Tridentina supprimendi, & dissolvendi; nec non Prælati, & aliis personis Concilii huiusmodi, ne in eo ad ulteriora in dicta civitate Tridentina procedant, etiam sub censuris, & pœnis Ecclesiasticis inhibendi, ac idem Concilium in alia civitate huiusmodi, ad quam illud transferri, & mutari contigerit, continuandi, tenendi, & celebrandi, & ad illud Prælatos, & alias personas Concilii Tridentini huiusmodi etiam sub perjurii, & aliis, in literis inductionis Concilii huiusmodi expressis pœnis, evocandi, eidemque sic trans-
lato & mutato Concilio, nomine & au-

thoritate prædictis præsidendi, ac in eo procedendi, cæteraque in præmissis, & circa ea necessaria & opportuna, alias juxta priorum vobis directarum literarum continentiam, & tenorem, facienda, statuendi, ordinandi, & exequendi, plenam & liberam Apostolica auctoritate tenore præsentium concedimus potestatem, & facultatem; ratum & gratum habituri, quidquid per vos in præmissis factum, statutum, ordinatum, executumve fuerit, idque facturi, auctore Domino, inviolabiliter observari: Non obstantibus constitutionibus, & ordinationibus Apostolicis, cæterisque contrariis quibuscumque. Nulli ergo omnino hominum liceat hanc paginam nostræ concessionis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli, Apostolorum ejus, se noverit incursum. Datum Romæ, apud S. Petrum, anno Incarnationis Dominicæ, M.D. XLIV. (*) VIII. Kal. Mart. Pontificatus nostri anno XI.

FAB. EPISCOPUS SPOL.

B. Motta.

Huc usque progressum fuit Concilium Tridentinum sub Paulo III. a quo postea Concilium idem Bononiam translatum, illic ad tempus est intermissum. Interim vero Paulus III. viam universæ carnis ingressus, Successorem habuit Julium III., sub quo postea convocatum est iterum in eadem civitate Tridentina: & vocati omnes, qui solent interesse Concilio, ad primam diem Maji, A. Millesimo quingentesimo quinquagesimo primo. Qua die adfuit præsens Legatus Crescentius cum nonnullis Episcopis: nihil tamen actum est propter paucitatem Episcoporum usque ad undecimum Octobris ejusdem anni, qua die celebrata est Sessio sub Julio Pontifice.

Ex editione Petri Crabbe.

SESSIO

[*] Sic habet editio Lovaniensis & Veneta: sed in Parisina legitur: anno MDXLVII. atque ita legendum, quia annus 1547. erat undecimus Pontificatus Pauli III.

SESSIO OCTAVA,

CELEBRATA DIE XI. MENSIS
MARTII, MDXLVII.*Decretum de Translatione
Concilii.*

PLACETNE vobis decernere, & declarare, de hujusmodi morbo ex præmissis, & aliis allegatis ita manifeste, & notorie constare, ut Prælati in hac civitate sine vitæ discrimine commorari, & in ea iccirco inviti minime retineri possint, & debeant? Itemque attempto recessu multorum Prælatorum post proxime præteritam Sessionem, & attentis protestationibus aliorum complurium Prælatorum, in Congregationibus generalibus factis, hinc omnino timore ipsius morbi abirevolentium, qui iuste detineri non possunt; & ex quorum discessu Concilium vestrum dissolveretur, vel ex paucitate Prælatorum bonus ejus progressus impediretur; & attempto etiam imminente periculo vitæ, & aliis causis, per aliquos ex Patribus in ipsis Congregationibus allegatis, utpote notorie veris, & legitimis; Placetne vobis similiter decernere, & declarare, pro conservatione, & prosecutione ipsius Concilii, securitate vitæ ipsorum Prælatorum, Concilium ipsum ad civitatem Bononiæ, veluti ad locum magis paratum, salubrem, & idoneum, pro tempore transferendum esse, & ex nunc transferri, & ibidem Sessionem jam indictam, statuta die, vigesima prima Aprilis, celebrandam esse, & celebrari; & successive ad ulteriora procedendum, donec Sanctissimo Domino nostro, & Sacro Concilio expedire videbitur, ut ad hunc, seu alium locum, communicato etiam consilio cum Invictissimo Cæsare, Christianissimo Rege, & aliis Regibus, ac Principibus Christianis, ipsum Concilium reduci possit, & debeat? *Responderrunt*, PLACET.

SESSIO NONA,

BONONIÆ CELEBRATA DIE XXI.
MENSIS APRILIS, MDXLVII.*Decretum prorogationis Sessionis.*

HÆc Sacrosancta Oecumenica, & Generalis Synodus, quæ dudum in civitate Tridenti congregata erat, nunc Bononiæ in Spiritu Sancto legitime congregata, Præsidentibus in ea nomine Sanctissimi in Christo Patris, & Domini nostri, Domini PAULI Divina providentia Papæ III. eisdem Reverendissimis Dominis D. Jo. Maria, Episcopo Prænestino, de Monte, & Marcello, tit. S. Crucis in Hierusalem Presbytero, S. R. E. Cardinalibus, & Apostolicis de latere Legatis, considerans, quod die undecima mensis Martii, præsentis anni in generali publica Sessione, in eadem civitate Tridenti, & in loco consueto celebrata, omnibusque agendis de more peractis, ex causis tunc instantibus, urgentibus, & legitimis, interveniente etiam auctoritate Sanctæ Sedis Apostolicæ, eisdem Reverendissimis Præsidentibus etiam specialiter concessa, decrevit, & ordinavit, Concilium ex eo loco in hanc civitatem transferendum esse, sicuti transtulit; itemque Sessionem pro præsentis die vigesima prima Aprilis, illic indictam, ut de Sacramentorum, & Reformationis materiis, de quibus tractandum proposuerat, Canones sancirentur, & promulgarentur, in hac ipsa civitate Bononiæ celebrari debere: consideransque nonnullos ex Patribus, qui in hoc Concilio interesse consueverunt, his superioribus, majoris hebdomadæ, & solemnitatis Paschalis, diebus, in propriis Ecclesiis occupatos, aliquos etiam, aliis impedimentis detentos, huc nondum accessisse, quos tamen brevi affuturos sperandum est; ac propterea factum esse, ut non ea, quam Sancta Synodus desiderabat, Prælatorum frequentia potuerint materiæ ipsæ Sacramentorum, & Reformationis examinari, & discuti: ut omnia maturo consilio, cum dignitate, & gravitate debita fiant; bonum, opportunum, & expediens censuit,

cenſerque, Sefſionem prædictam, quæ hoc ipſo die, ut præfertur, celebranda erat: ad diem Jovis, infra octavam Pentecoſtes proxime futuram, quo ad ipſas materias expediendas, differendam, & prorogandam eſſe, quemadmodum differt, ac prorogat; quam diem & rei gerendæ maxime opportunam, & Patribus præſertim abſentibus percommendam, judicavit, & judicat: Hoc tamen adjecto; quod terminum ipſum ipſa Sancta Synodus, pro ejus arbitrio, & voluntate, ſicuti rebus Concilii putaverit expedire, etiam in privata Congregatione, reſtringere, & imminuere poſſit, & valeat.

SESSIO DECIMA,

BONONIÆ CELEBRATA DIE II.
MENSIS JUNII, MDXLVII.

Decretum prorogationis Sefſionis.

QUAMVIS hæc Sacroſancta Oecumenica, & Generalis Synodus Sefſionem, quæ die vigefima prima menſis Aprilis, proxime præteriti, ſuper Sacramentorum, & Reformationis materiis, in hac inclyta civitate Bononiæ ex Decreto, in urbe Tridentina, in publica Sefſione, die undecima menſis Martii promulgato, celebranda erat, propter aliquas cauſas, ac præſertim propter abſentiam nonnullorum Patrum, quos brevi affuturos ſperabat, ad hunc præſentem diem differendam, & prorogandam eſſe decreverit: volens tamen cum iis, qui non venerunt, etiam adhuc benigne agere, eadem Sacroſancta Synodus, in Spiritu Sancto legitime congregata, Præſidentibus in ea eiſdem Sanctæ Romanæ Eccleſiæ Cardinalibus, & Apoſtolicæ Sedis Legatis, ſtatuit, & decernit, Sefſionem ipſam, quam hac die ſecunda menſis Junii, præſentis anni milleſimi quingentefimi quadrageſimi ſeptimi, celebrare decreverat, ad diem Jovis poſt feſtum Nativitatis Beatæ Mariæ Virginis, quæ erit decima quinta menſis Septembris proxime futuri, quo ad prædictas, & alias materias expediendas, differendam, & prorogandam eſſe, quemadmodum differt, & prorogat; ita tamen, quod

proſecutio diſcuſſionis, & examinationis eorum, quæ tam ad dogmata, quam ad reformationem pertinent; interim non omittatur; & terminum ipſum ipſa Sancta Synodus, pro ejus libito, & voluntate, etiam in privata Congregatione, abbreviare, & prorogare libere poſſit, & valeat.

Die XIV. Sept. M.D. XLVII. in Congregatione generali, Bononiæ, prorogata fuit Sefſio, quæ futura erat die ſequenti, ad beneplacitum Sacri Concilii.

BULLA RESUMPTIONIS CONCILII TRIDENTINI.

SUB JULIO III. PONT. MAX.

JULIUS EPISCOPUS, SERVUS
SERVORUM DEI, AD FUTURAM
REI MEMORIAM.

CUM ad tollenda religionis noſtræ diſſidia, quæ in Germania longo tempore, non ſine totius Chriſtiani orbis perturbatione, & ſcandalo, viguerunt; bonum, opportunum, & expediens eſſe videatur, ſicuti etiam Cariffimus in Chriſto Filius noſter, CAROLUS Romanorum Imperator, ſemper Auguſtus, nobis per ſuas literas, & Nuncios ſignificari fecit, ut ſacrum Oecumenicum Generale Concilium, per ſel. rec. PAULUM Papam III. Prædeceſſorem noſtrum, indictum, & per nos, tunc Cardinalatus honore fungentes, atque ipſius Prædeceſſoris nomine, una cum duobus aliis Sanctæ Romanæ Eccleſiæ Cardinalibus ipſi Concilio Præſidentes, inceptum, ordinatum, & continuatum, in quo plures publicæ, & ſolemnes habitæ fuerunt Sefſiones, pluraque tam in cauſa fidei, quam reformationis promulgata Decreta, multaque etiam ad utramque cauſam pertinentia examinata, & diſcuſſa, ad civitatem Tridentinam reducatur: Nos, ad quos, ut (*) Summos pro tempore Pontifices ſpectat, Generalia Concilia indicere, & dirigere, ut Eccleſiæ pacem, & Chriſtianæ fidei atque orthodoxæ Religionis incrementum ad omnipotentis Dei laudem & gloriam procuremus, & quantum in nobis eſt, tranquillitati ipſius Germaniæ, quæ ſane Provincia retroactis temporibus

(*) Editio Veneta habet: & Summos.

bus in vera religione , ac Sacrorum Conciliorum , & Sanctorum Patrum doctrina excolenda , exhibendaque maximis Pontificibus , Christi Redemptoris nostri in terra Vicariis , debita obedientia , & reverentia , nulli Christianorum Provinciæ fuit umquam secunda , paterne consulamus ; sperantes per ipsius Dei gratiam & benignitatem futurum , ut Reges omnes , ac Principes Christiani iustis , piisque nostris in hac re votis annuant , faveant , atque assistant : Venerabiles Fratres Patriarchas , Archiepiscopos , Episcopos , & dilectos Filios Abbates , omnesque alios & singulos , qui de jure , vel consuetudine , vel privilegio Concilii Generalibus interesse debent , quosque idem Prædecessor noster in suis Indictionibus (*) , & aliis quibuscumque desuper confectis , & publicatis literis , Concilio interesse voluit , per viscera misericordiæ Domini nostri , Jesu Christi , hortamur , requirimus , & monemus , ut proximis futuris Kal. Maji , quem diem ad ipsum Concilium in eo , in quo nunc reperitur , statu resumendum & proseguendum , prævia matura deliberatione , & ex certa nostra scientia , & de Apostolicæ auctoritatis plenitudine , ac Venerabilium Fratrum nostrorum ejusdem Sanctæ Romanæ Ecclesiæ Cardinalium consilio , & assensu , statuimus , decernimus , & declaramus , in ipsa civitate Tridentina , legitimo cessante impedimento , convenire , & se congregare , ac ipsius Concilii continuationi , & prosecutioni , omni mora postposita , incumbere velint . Nos enim operam sedulo daturi sumus , ut eodem tempore , in eadem civitate , nostri omnino adsint Legati , per quos , si per ætatem nostram , valerudinemque , & Sedis Apostolicæ necessitates , personaliter adesse nequiverimus , Spiritu Sancto duce , ipsi Concilio præsidebimus : quacumque ipsius Concilii translatione , & suspensione , cæterisque contrariis non obstantibus quibuscumque , ac præsertim illis , quæ idem Prædecessor noster in suis literis prædictis , quas cum omnibus , & singulis in eis contentis clausulis & decretis in suo robore permanere volumus , atque decernimus , & , quatenus opus sit , innovamus , vo-

luit non ob stare : irritum nihilominus decernentes , & inane , si fecus super his a quoquam , quavis auctoritate , scienter vel ignoranter , contigerit attentari . Nulli ergo omnino hominum liceat hanc paginam nostrorum , hortationis , requisitionis , monitionis , statuti , declarationis , innovationis , voluntatis , & decretorum infringere , vel ei ausu temerario contraire . Si quis autem hoc attentare præsumperit , indignationem Omnipotentis Dei , ac Beatorum Petri & Pauli , Apostolorum ejus , se noverit incursum . Datum Romæ , apud Sanctum Petrum , anno Incarnationis Dominicæ M.D.L. XVIII. Kalend. Dec. Pontificatus nostri , anno primo .

M. Cardinalis Crescen.

Rom. Amasæus.

SACROSANCTI OECUMENICI,
ET GENERALIS CONCILII
TRIDENTINI

SESSIO XI.

QUÆ EST PRIMA
SUB JULIO III. PONT. MAX.
CELEBRATA KAL. MAJI,
M D L I.

Decretum de resumendo Concilio.

PLACETNE vobis ad laudem , & gloriam Sanctæ , & Individuæ Trinitatis , Patris , & Filii , & Spiritus Sancti , ad incrementum , & exaltationem Fidei , & Religionis Christianæ , sacrum Oecumenicum , & Generale Concilium Tridentinum , juxta formam , & tenorem literarum Sanctissimi Domini nostri , resumendi debere , & procedendum esse ad ulteriora ? *Responderunt* , PLACET .

Indictio futuræ Sessionis.

PLACETNE vobis ; proximam futuram Sessionem habendam ; & celebrandam esse in futuris Kalendis Septembris ? *Responderunt* , PLACET .

O o o o o 2

SESSIO

Tomus VI. Concilior. German.

(*) *In Lovaniensi* : in suis indictionibus.

SESSIO XII.

QUÆ EST SECUNDA

SUB JULIO III. PONT. MAX.

CELEBRATA DIE PRIMA SEPT.

M D L I.

Decretum prorogationis Sessionis.

SACROSANCTA Oecumenica, & Generalis Tridentina Synodus, in Spiritu Sancto legitime congregata, Præfidentibus in ea eisdem Sanctæ Sedis Apostolicæ Legato, & Nunciis, quæ in proxime præterita Sessione sequentem hanc hodie habendam, & ad ulteriora procedendum esse, decreverat, cum ob inclytæ Germanicæ nationis, cujus præcipue causâ agitur, absentiam, ac non magnam cæterorum Patrum frequentiam procedere hæcenus distulerit; de Venerabilium in Christo Fratrum, & Filiorum suorum, Maguntini, & Treverensis, Archi-Episcoporum, ac Sacri Romani Imperii Principum Electorum, & complurium ipsius, aliarumque Provinciarum Episcoporum, sub hanc ipsam diem adventu in Domino exultans, & dignas ipsi omnipotenti Deo agens gratias, firmamque spem concipiens, quamplurimos alios, tam ipsius Germanicæ, quam aliarum nationum Prælatos, & sui officii debito, & hoc exemplo commotos, propediem esse venturos, futuram Sessionem ad quadagesimam diem, quæ erit undecima mensis Octobris, proxime sequentis, indicit; & Concilium ipsum in statu, in quo reperitur, proseguendo, cum in præteritis Sessionibus de septem Sacramentis novæ legis in genere, & in specie de Baptismo, & Confirmatione definitum fuerit; statuit, & decernit, de Sanctissimæ Eucharistiæ Sacramento, nec non, quod ad Reformationem attinet, de reliquis, quæ ad faciliorem & commodiorem Prælatorum residentiam pertinent, agi & tractari debere; ac monet, & hortatur omnes Patres, ut interim, Domini nostri, JESU CHRISTI, exemplo, quantum tamen humana fragilitas patietur, jejuniis, & orationibus vacent; ut tan-

dem placatus, qui in sæcula sit benedictus, Deus corda hominum ad veræ suæ fidei agnitionem, & sanctæ Matris Ecclesiæ unitatem, ac recte vivendi normam reducere dignetur.

SESSIO XIII.

QUÆ EST TERTIA

SUB JULIO III. PONT. MAX.

CELEBRATA DIE XI. OCTOB.

M D LI.

Decretum de Sanctissimo Eucharistiæ Sacramento.

SACROSANCTA Oecumenica, & Generalis Tridentina Synodus, in Spiritu Sancto legitime congregata, Præfidentibus in ea eisdem Sanctæ Sedis Apostolicæ Legato, & Nunciis, etsi in eum finem, non absque peculiari Spiritus Sancti ductu, & gubernatione convenerit, ut veram & antiquam de Fide & Sacramentis doctrinam exponeret, & ut hæresibus omnibus, & aliis gravissimis incommodis, quibus Dei Ecclesia misere nunc exagitur, & in multas, & varias partes scinditur, remedium afferret; hoc præsertim jam inde a principio in votis habuit, (a) ut stirpitus convelleret zizania execrabilium errorum, & schismatum, quæ inimicus homo his nostris calamitosis temporibus, in doctrina fidei, usu, & cultu Sacrosanctæ Eucharistiæ superfeminavit: quam aliqui Salvator noster in Ecclesia sua, tamquam Symbolum reliquit ejus unitatis, & caritatis; qua Christianos omnes inter se conjunctos, & copulatos esse voluit. Itaque eadem Sacrosancta Synodus sanam, & sinceram illam de Venerabili hoc & Divino Eucharistiæ Sacramento doctrinam tradens, quam semper Catholica Ecclesia, ab ipso JESU CHRISTO, Domino nostro, & ejus Apostolis erudita, atque a Spiritu Sancto, illi (b) omnem veritatem in dies suggerente, edocta, retinuit, & ad finem usque sæculi conservabit; omnibus Christi fidelibus interdicit, ne posthac de Sanctissima Eucharistia aliter credere, docere, aut prædicare audeant, quam ut est hoc præsentis Decreti explicatum, atque definitum.

De

(a) Matth. 13.

(b) Luc. 22. Joan. 16.

*De reali præsentia Domini nostri
JESU CHRISTI in Sanctissi-
mo Eucharistiæ Sacra-
mento.*

CAPUT I.

PRINCIPIO docet Sancta Synodus, & aperte, ac simpliciter proficitur, in almo Sanctæ Eucharistiæ Sacramento, post panis, & vini consecrationem, Dominum nostrum, JESUM CHRISTUM, (c) verum DEUM, atque hominem, vere, realiter, ac substantialiter sub specie illarum rerum sensibilem contineri. Nec enim hæc inter se pugnant, (d) ut ipse Salvator noster semper ad dexteram Patris in cælis affideat, juxta modum existendi naturalem; & ut multis nihilominus aliis in locis Sacramentaliter præfens sua substantia nobis adsit, ea existendi ratione, quam etsi verbis exprimere vix possumus, (e) possibilem tamen esse Deo, cogitatione per fidem illustrata, assequi possumus, & constantissime credere debemus. Ita enim majores nostri omnes, quotquot in vera Christi Ecclesia fuerunt, qui de Sanctissimo hoc Sacramento disseruerunt, apertissime professi sunt, hoc tam admirabile Sacramentum in ultima cœna Redemptorem nostrum instituisse; cum post panis, viniq; benedictionem, se suum ipsius corpus illis præbere, ac suum sanguinem, disertis, ac perspicuis verbis testatus est. (f) Quæ verba a Sanctis Evangelistis commemorata, & (g) a Divo Paulo postea repetita, cum propriam illam, & apertissimam significationem præ se ferant, secundum quam a Patribus intellecta sunt, indignissimum sane flagitium est, ea a quibusdam contentiosis, & pravis hominibus ad fictitios, & imaginarios tropos, quibus veritas carnis, & sanguinis Christi negatur, contra universum Ecclesiæ sensum detorqueri: quæ, tamquam (h) columna & firmamentum veritatis, hæc ab impiis hominibus excogitata commenta, velut

Satanica, detestata est, grato semper, & memore animo præstantissimum hoc Christi beneficium agnoscens.

De ratione institutionis Sanctissimi hujus Sacramenti.

CAPUT II.

ERGO Salvator noster, discessurus ex hoc mundo ad Patrem, Sacramentum hoc instituit, in quo divitias Divini sui erga homines amoris velut effudit, (i) memoriam faciens mirabilium suorum; (k) & in illius sumptione colere nos sui memoriam præcepit, suamque annunciare mortem, donec ipse ad judicandum mundum veniat. Sumi autem voluit Sacramentum hoc, tamquam spiritualem animarum cibum, quo alantur, & confortentur viventes vita illius, qui dixit: (l) Qui manducat me, & ipse vivet propter me: & tamquam antidotum, quo liberemur a culpis quotidianis, & a peccatis mortalibus præservemur. Pignus præterea id esse voluit futuræ nostræ gloriæ, & perpetuæ felicitatis: adeoque symbolum unius illius corporis, (m) cujus ipse caput existit, cuique nos, tamquam membra, arctissima, fidei, spei, & caritatis connexione astrictos esse voluit, ut idipsum omnes diceremus, (n) nec essent in nobis schismata.

De excellentia Sanctissimæ Eucharistiæ super reliqua Sacramenta.

CAPUT III.

COMMUNE hoc quidem est Sanctissimæ Eucharistiæ cum cæteris Sacramentis, symbolum esse rei sacræ, & invisibilis gratiæ formam visibilem: verum illud in ea excellens, & singulare reperitur, quod reliqua Sacramenta tunc primum sanctificandi vim habent, cum quis illis utitur: at in Eucharistia ipse Sanctitatis auctor ante usum est. Nondum enim Eucharistiam (o) deman-

O o o o 3 nu

(c) Joan. 1.

(d) Marc. 16. in fi.

(e) Matt. 19.

(f) Matt. 26. Marc. 14. Luc. 22. (g) 1. Cor. 11.

(h) 1. Timot. 3.

(i) Psal. 110.

(k) 1. Cor. 11. Luc. 22.

(l) Joan. 6.

(m) 1. Cor. 11. Ephes. 5. Roman. 12. 1. Cor. 5.

(n) 1. Cor. 1.

(o) Matt. 26. Marc. 14.

nu Domini Apostoli susceperunt, cum vere tamen ipse affirmaret corpus suum esse, quod præbebat. Et semper hæc fides in Ecclesia Dei fuit, statim post consecrationem verum Domini nostri corpus, verumque ejus sanguinem sub panis & vini specie una cum ipsius anima & Divinitate existere; sed corpus quidem sub specie panis, & sanguinem sub vini specie, ex vi verborum; ipsum autem corpus sub specie vini, & sanguinem sub specie panis, animamque sub utraque, vi naturalis illius connexionis, & concomitantiz, qua partes Christi Domini, (p) qui jam ex mortuis surrexit, non amplius moriturus, inter se copulantur: Divinitatem porro propter admirabilem illam ejus cum corpore, & anima hypostaticam unionem. Quapropter verissimum est, tantundem sub alterutra specie, atque sub utraque contineri. Totus enim, & integer Christus, sub panis specie, & sub quavis ipsius speciei parte: totus item sub vini specie, & sub ejus partibus existit.

De Transubstantiatione.

CAPUT IV.

QUONIAM autem Christus, Redemptor noster, corpus suum id, (q) quod sub specie panis offerebat, vere esse dixit; ideo persuasum semper in Ecclesia Dei fuit, idque nunc denuo Sancta hæc Synodus declarat, per consecrationem panis & vini conversionem fieri totius substantiz panis in substantiam corporis Christi, Domini nostri, & totius substantiz vini in substantiam sanguinis ejus, quæ conversio convenienter, & proprie a Sancta Catholica Ecclesia Transubstantiatio est appellata.

De cultu, & veneratione, huic Sanctissimo Sacramento exhibenda.

CAPUT V.

NULLUS itaque dubitandi locus relinquitur, quin omnes Christi fideles, pro more in Catholica Ecclesia semper recepto, latius cultum, qui vero Deo deberur, huic Sanctissimo Sacramento

in veneratione exhibeant: neque enim ideo minus est adorandum, quod fuerit a Christo Domino, ut sumatur, institutum. Nam illum eundem Deum præsentem in eo adesse credimus, quem Pater æternus introducens in orbem terrarum, dicit: (r) Et adorent eum omnes Angeli Dei: quem Magi procidentes adoraverunt: (s) quem denique in Galilæa ab Apostolis adoratum fuisse, Scriptura testatur. Declarat præterea sancta Synodus, pie & religiose admodum in Dei Ecclesiam inductum fuisse hunc morem, ut singulis annis peculiari quodam, & festo die præcellum hoc, & Venerabile Sacramentum singulari veneratione, ac solemnitate celebraretur, utque in processionibus reverenter, & honorifice illud per vias, & loca publica circumferretur. Æquissimum est enim, sacros aliquos statutos esse dies, cum Christiani omnes singulari, ac rara quadam significatione, gratos & memores testentur animos erga communem Dominum, (t) & Redemptorem, pro tam ineffabili, & plane Divino beneficio, quo mortis ejus victoria, & triumphus repræsentatur. Atque sic quidem oportuit victtricem veritatem de mendacio & hæresi triumphum agere; ut ejus adversarii in conspectu tanti splendoris, & in tanta universæ Ecclesiæ leticia positi, vel debilitati, & fracti tabescant, vel pudore affecti, & confusi aliquando resipiscant.

De asservando Sacræ Eucharistiæ Sacramento, & ad infirmos deferendo.

CAPUT VI.

CONSUETUDO asservandi in Sacrario Sanctam Eucharistiam, adeo antiqua est, ut eam sæculum etiam Niceni Concilii agnoverit. Porro deferri ipsam Sacram Eucharistiam ad infirmos, & hunc usum diligenter in Ecclesiis conservari, præterquam quod cum summa æquitate, & ratione conjunctum est, tum multis in Conciliis præceptum invenitur, & vetustissimo Catholicæ Ecclesiæ more est observatum. Quare sancta hæc Synodus retinendum omnino salutem.

(p) Rom. 6.

(q) Lucæ 22.

Joan. 6. 1. Cor. 11.

(r) Psal. 96. Heb. 1. Matt. 2. & 28.

(s) Luc. 24.

(t) 1. Cor. 15. Heb. 2.

lutarem hunc, & necessarium morem statuit.

De præparatione, quæ adhibenda est, ut digne quis Sacram Eucharistiam percipiat.

CAPUT VII.

Si non decet, ad sacras ulla functiones quempiam accedere, nisi sancte; certe, quo magis Sanctitas, & Divinitas celestis hujus Sacramenti viro Christiano comperta est, eo diligentius cavere ille debet, ne absque magna reverentia, & sanctitate ad id percipiendum accedat, præsertim cum illa plena formidinis verba apud (a) Apostolum legamus: Qui manducat, & bibit, non judicans corpus Domini. Quare communicare volenti revocandum est in memoriam ejus præceptum: (x) Prober seipsum homo. Ecclesiastica autem consuetudo declarat, eam probationem necessariam esse, ut nullus sibi conscius mortalis peccati, quantumvis sibi contritus videatur, absque præmissa Sacramentali Confessione ad Sacram Eucharistiam accedere debeat. Quod a Christianis omnibus, etiam ab iis Sacerdotibus, quibus ex officio incubuerit celebrare, hæc Sancta Synodus perpetuo servandum esse decrevit, modo non defit illis copia Confessoris, quod si, necessitate urgente, Sacerdos absque prævia confessione celebraverit, quamprimum confiteatur.

De usu admirabilis hujus Sacramenti.

CAPUT VIII.

QUODAD usum autem, recte & sapienter Patres nostri tres rationes hoc Sanctum Sacramentum accipiendi distinxerunt. Quosdam enim docuerunt Sacramentaliter dumtaxat id sumere, ut peccatores: alios tantum spiritualiter, illos nimirum, qui voto propositum illum caelestem panem edentes, fide viva, (y) quæ per dilectionem operatur, fructum ejus, & utilitatem sentiunt; ter-

tios porro Sacramentaliter simul & spiritualiter; hi autem sunt, qui ita se prius probant, & instruunt, (z) ut vestem nuptialem induti ad Divinam hanc mensam accedant. In Sacramentali autem sumptione semper in Ecclesia Dei mos fuit, ut laici a Sacerdotibus Communionem acciperent; Sacerdotes autem celebrantes seipsos communicarent: qui mos, (a) tamquam ex traditione Apostolica descendens, jure, ac merito retineri debet. Demum autem paterno affectu admonet Sancta Synodus, hortatur, rogat, & obsecrat per viscera misericordiae Dei nostri, ut omnes & singuli, qui Christiano nomine censentur, in hoc unitatis signo, in hoc vinculo caritatis, in hoc concordiae symbolo jam tandem aliquando conveniant, & concordent, memoresque tantæ Majestatis, & tam eximii amoris JESU CHRISTI, Domini nostri, (b) qui dilectam animam suam in nostræ salutis pretium, & carnem suam nobis dedit ad manducandum; hæc sacra mysteria corporis & sanguinis ejus fidei constantia, & firmitate, ea animi devotione, ea pietate, & cultu credant, & venerentur, ut panem illum super substantialem frequenter suscipere possint; & is vere eis sit animæ vita, & perpetua sanitas mentis; cujus vigore confortati, ex hujus miseræ peregrinationis itinere ad caelestem patriam pervenire valeant, eundem (c) panem Angelorum, quem modo sub sacris velaminibus edunt, absque ullo velamine manducaturi.

QUONIAM autem non est satis veritatem dicere, nisi detegantur, & refellantur errores; placuit Sanctæ Synodo hos Canones subjungere, ut omnes, jam agnita Catholica doctrina, intelligant quoque, quæ ab illis hæreses caveri vitæque debeant.

DE SACROSANCTO EUCCHARISTIAE SACRAMENTO.

CANON I.

SI quis negaverit, in Sanctissimæ Eucharistiæ Sacramento contineri vere, realiter, & substantialiter corpus & sanguinem una cum anima, & Divinitate

(u) 1. Cor. 11.

(x) Ibid.

(y) Gal. 5.

(z) Matt. 22.

(a) Heb. 5. & 7.

(b) Joan. 6.

(c) Psal. 77.

nitate Domini nostri, JESU CHRISTI, ac proinde totum Christum; sed dixerit, tantummodo esse in eo, ut in signo, vel figura, aut virtute; anathema sit.

CANON II.

Si quis dixerit, in Sacrosancto Eucharistiæ Sacramento remanere substantiam panis, & vini, una cum corpore, & sanguine Domini nostri, Jesu Christi; negaveritque mirabilem illam, & singularem conversionem totius substantiæ panis in corpus, & totius substantiæ vini in sanguinem, manentibus dumtaxat speciebus panis, & vini: quam quidem conversionem Catholica Ecclesia aptissime Transubstantiationem appellat; anathema sit.

CANON III.

Si quis negaverit, in Venerabili Sacramento Eucharistiæ sub unaquaque specie, & sub singulis cujusque speciei partibus, separatione facta, totum Christum contineri; anathema sit.

CANON IV.

Si quis dixerit, peracta consecratione, in admirabili Eucharistiæ Sacramento non esse corpus, & sanguinem Domini nostri, Jesu Christi, sed tantum in usu, dum sumitur, non autem ante, vel post; & in hostiis, seu particulis consecratis, quæ post communionem reservantur, vel supersunt, non remanere verum Corpus Domini; anathema sit.

CANON V.

Si quis dixerit, vel præcipuum fructum Sanctissimæ Eucharistiæ esse remissionem peccatorum, vel ex ea non alios effectus provenire; anathema sit.

CANON VI.

Si quis dixerit, in sancto Eucharistiæ Sacramento Christum unigenitum Dei Filium non esse cultu latræ, etiam externo, adorandum; atque ideo nec festiva peculiari celebritate venerandum; neque in processionibus, secundum laudabilem, & universalem Ecclesiæ sanctæ ritum, & consuetudinem, solemniter circumgestandum: vel non publice, ut adoretur, populo proponendum, & ejus adoratores esse idololatrias; anathema sit.

CANON VII.

Si quis dixerit, non licere, sacram Eucharistiam in sacrario reservari, sed statim post consecrationem astantibus necessario distribuendam: aut non licere, ut illa ad infirmos honorifice deferatur; anathema sit.

CANON VIII.

Si quis dixerit, Christum in Eucharistia exhibitum, spiritualiter tantum manducari, & non etiam Sacramentaliter ac realiter; anathema sit.

CANON IX.

Si quis negaverit, omnes & singulos Christi fideles utriusque sexus, cum ad annos discretionis pervenerint, teneri singulis annis, saltem in Paschate, ad Communicandum, juxta præceptum sanctæ Matris Ecclesiæ; anathema sit.

CANON X.

Si quis dixerit, non licere Sacerdoti celebranti se ipsum communicare; anathema sit.

CANON XI.

Si quis dixerit, solam fidem esse sufficientem præparationem ad sumendum Sanctissimæ Eucharistiæ Sacramentum; anathema sit. Et, ne tantum Sacramentum indigne, atque ideo in mortem, & condemnationem, sumatur; statuit, atque declarat ipsa sancta Synodus, illis, quos conscientia peccati mortalis gravat, quantumcumque etiam se contritos existiment, habita copia Confessoris, necessario præmittendam esse Confessionem Sacramentalem. Si quis autem contrarium docere, prædicare, vel pertinaciter asserere, seu etiam publice disputando defendere præsumperit, eo ipso excommunicatus existat.

DECRETUM DE REFORMATIONE.

CAPUT I.

Episcopi prudenter moribus caste informandis invigilent: ab eorum correctione non appelletur.

EADEM Sacrosancta Tridentina Synodus, Præsidentibus in ea eisdem sanctæ

sanctæ Sedis Apostolicæ Legato, & Nunciis, intendens nonnulla statuere, quæ ad jurisdictionem pertinent Episcoporum; ut, juxta proximæ Sessionis Decretum; illi in commissis sibi Ecclesiis eo libentius resideant, quo facilius, & commodius sibi subiectos regere, & in vitæ, ac morum honestate continere potuerint; illud primum eos admonendos censet; (d) ut se Pastores, non percussores, esse meminerint; atque ita præesse sibi subditis oportere, ut non in eis dominantur, sed illos, tamquam filios, & fratres, diligant: elaborentque, ut hortando, & monendo ab illicitis deterreant; ne, ubi deliquerint, debitis eos pœnis coercere cogantur: Quos tamen si quid per humanam fragilitatem peccare contigerit, (e) illa Apostoli est ab eis servanda præceptio; ut illos arguant, obsecrent, increpent in omni bonitate, & patientia: cum sæpe plus erga corrigendos agat benevolentia, quam austeritas; plus exhortatio, quam comminatio, plus caritas, quam potestas. Sin autem ob delicti gravitatem virga opus fuerit; tunc cum mansuetudine rigor, cum misericordia iudicium, cum lenitate severitas adhibenda est; ut sine asperitate disciplina populis salutaris, ac necessaria conservetur; & qui correcti fuerint, emendantur; aut, si respicere noluerint, cæteri, salubri in eos animadversionis exemplo, a vitiis deterreantur: cum sit diligentis, & pii simul Pastoris officium, morbis ovium lenia primum adhibere fomenta; post, ubi morbi gravitas ita postulet, ad acriora, & graviora remedia descendere; sin autem ne ea quidem proficiant illis submovendis, cæteras saltem oves a contagionis periculo liberare. Cum igitur rei criminum plerumque ad evitandas pœnas, & Episcoporum subterfugienda iudicia, querelas & gravamina simulent: & appellationis diffugio iudicis processum impédiant; ne remedio, ad innocentie præsidium instituto, ad iniquitatis defensionem abutantur, atque ut huiusmodi eorum calliditati, & tergiversationi occurratur; ita statuit, & decrevit: In causis visitationis, & correctionis, sive habilitatis, & inhabilitatis, nec non spiritualibus, ab Episcopo, seu illius in Spi-

ritualibus Vicario Generali, ante definitivam sententiam, ab interlocutoria, vel alio quocumque gravamine, non appellatur: nec Episcopus, seu Vicarius appellationi huiusmodi, tamquam frivole, deferre teneatur; sed, ea, ac quacumque inhibitione ab appellationis iudice emanata, nec non omni stylo, & consuetudine, etiam immemorabili, contraria non obstante, ad ulteriora valeat procedere; nisi gravamen huiusmodi per definitivam sententiam reparari, vel ab ipsa definitiva appellari non possit: quibus casibus sacrorum, & antiquorum Canonum statuta illibata persistant.

CAPUT II.

In criminalibus appellatio ab Episcopo, quando Metropolitano, aut uni ex vicinioribus committenda.

A SENTENTIA Episcopi, vel ipsius in Spiritualibus Vicarii Generalis, in criminalibus appellationis causa, ubi appellationi locus fuerit, si Apostolica auctoritate in partibus eam committi contigerit, Metropolitano, seu illius etiam Vicario in Spiritualibus generali; aut, si ille aliqua de causa suspectus foret, vel ultra duas legales dietas distet, seu ab ipso appellatum fuerit; uni ex vicinioribus Episcopis, seu illorum Vicariis, non autem inferioribus Iudicibus, committatur.

CAPUT III.

Acta primæ instantiæ intra triginta dies dentur gratis reo appellanti.

REUS, ab Episcopo, aut ejus Vicario in Spiritualibus generali, in criminali causa appellans, coram Iudice, ad quem appellavit, acta primæ instantiæ omnino producat: & Iudex, nisi illis visis, ad ejus absolutionem minime procedat. Is autem, a quo appellatum fuerit, intra XXX. dies acta ipsa postulanti gratis exhibeat: alioqui absque illis causa appellationis huiusmodi, prout iustitia suaserit, terminetur.

CAPUT

(d) Tit. I. I. Tim. 3. I. Pet. 5.
Tomus VI. Concilior. German.

(e) 2. Tim. 4.

CAPUT IV.

Qua ratione Clerici ob gravia delicta Sacris exauctorandi.

Cum vero tam gravia nonnunquam sint delicta, ab Ecclesiasticis commissa personis, ut ob eorum atrocitatem & sacris Ordinibus deponendæ, & curiæ sint tradendæ sæculari: in quo secundum sacros Canones certus Episcoporum numerus requiritur: quos si omnes adhibere difficile esset, debita juris executio differretur; si quando autem intervenire possent, eorum residentia intermitteretur: propterea statuit, & decrevit: Episcopo per se, seu illius Vicarium in Spiritualibus generalem, contra Clericum, in sacris etiam Presbyteratus Ordinibus constitutum, etiam ad illius condemnationem, nec non verbalem depositionem; & per seipsum etiam ad actualem, atque solemnem degradationem ab ipsis Ordinibus, & gradibus Ecclesiasticis, in casibus, in quibus aliorum Episcoporum præsentia, in numero a Canonibus definito, requiritur, etiam absque illis procedere liceat: adhibitis tamen & in hoc sibi assistentibus totidem Abbatibus, usum mitræ & baculi ex privilegio Apostolico habentibus, si in civitate, aut Diocesi reperiri, & commode interesse possint; alioquin aliis personis in Ecclesiastica dignitate constitutis, quæ ætate graves, ac juris scientia commendabiles existant.

CAPUT V.

Summarie cognoscat Episcopus de gratiis, quibus peccatum remittitur, aut pœna.

Et quoniam per fictas causas, quæ tamen satis probabiles videntur, interdum accidit, ut nonnulli ejusmodi gratias extorqueant, per quas pœnæ, illis Episcoporum iusta severitate inflictæ, aut remittuntur omnino, aut minuuntur; cum non ferendum sit, ut mendacium, quod tantopere Deo displicet, non modo ipsum (f) impunitum sit, verum etiam alterius delicti veniam impetret mentienti; iccirco, ut sequitur, statuit, & decrevit: Episcopus apud Ecclesiam suam re-

fidens, de subreptione, & obreptione gratiæ, quæ super absolutione alicujus publici criminis, vel delicti, de quo ipse inquirere cœperat, aut remissione pœnæ, ad quam criminofus per eum condemnatus fuerit, falsis precibus impetratur: per se ipsum, tamquam Sedis Apostolicæ delegatus, etiam summarie cognoscat; ipsamque gratiam, postquam per falsi narrationem, aut veri taciturnitatem obtentam esse, legitime constiterit, non admittat.

CAPUT VI.

Non citetur personaliter Episcopus, nisi depositionis, aut privationis causa.

QUONIAM vero subditi Episcopo, tametsi jure correpti fuerint, magnopere tamen eum odisse, & tamquam injuria affecti sint, falsa illi crimina objicere solent; ut, quoquo pacto possint, ei molestiam exhibeant: cujus vexationis timor plerumque illum ad inquirenda, & punienda eorum delicta segniorem reddit: iccirco, ne is magno suo, & Ecclesiæ incommodo gregem sibi creditum relinquere, ac non sine Episcopalis dignitatis diminutione vagari cogatur; ita statuit, & decrevit: Episcopus, nisi ob causam, ex qua deponendus, sive privandus veniret, etiam si ex officio, aut per inquisitionem, seu denunciationem, vel accusationem, sive alio quovis modo procedatur; ut personaliter compareat, nequaquam citetur, vel moneatur.

CAPUT VII.

Qualitates testium contra Episcopum describantur.

TESTES in causa criminali ad informationem, vel (*) judicia, seu alias in causa principali contra Episcopum, nisi testes, & bonæ conversationis, (**) & famæ fuerint, non recipiantur; & si odio, temeritate, aut cupiditate aliquid deposuerint, gravibus pœnis multentur.

CAPUT

(f) Exod. 23. Levit. 19. Proverb. 6. 8. 10. 12. & 19.

(*) Parisina & Lovaniensis: indicia.

(**) In Parisina: existimationis & famæ.

CAPUT VIII.

Graves Episcoporum causæ a Pontifice Maximo cognoscantur.

CAUSÆ Episcoporum, cum pro criminis objecti qualitate comparere debeant, coram Pontifice Max. referantur, ac per ipsum terminentur.

DECRETUM PROROGATIONIS definitionis quatuor articulorum de Sacramento Eucharistiæ, & Salvi conductus, Protestantibus dandi.

EADEM Sancta Synodus errores omnes, qui super hoc Sanctissimo Sacramento repullularunt, tamquam vepres ex agro Dominico evellere, ac omnium fidelium saluti prospicere cupiens, quotidianis precibus DEO Omnipotenti pie oblatis, inter alios, ad hoc Sacramentum pertinentes, articulos diligentissima veritatis Catholicæ inquisitione tractatos, plurimis, accuratissimisque pro rerum gravitate disputationibus habitis, cognitis quoque præstantissimorum Theologorum sententiis, hos etiam tractabat: An necessarium sit ad salutem, & Divino jure præceptum, ut singuli Christi fideles sub utraque specie ipsum Venerabile Sacramentum accipiant. Et: Num minus sumat, qui sub altera, quam qui sub utraque communicat. Et: An erraverit Sancta Mater Ecclesia, laicos, & non celebrantes Sacerdotes, sub panis specie dumtaxat communicando. Et: An parvuli etiam communicandi sint. Sed quoniam ex nobilissima Germaniæ Provincia ii, qui se Protestantes nominant, super his ipsis articulis, antequam definiantur, audiri a Sancta Synodo cupiunt, & eam ob causam fidem publicam ab illa postularunt, ut ipsistuto huc venire, & in hac urbe commorari, ac libere coram Synodo dicere, atque proponere, quæ senserint, & postea, cum libuerit, recedere liceat: Sancta ipsa Synodus, licet magno desiderio eorum adventum multos antea menses expectarit, tamen, ut pia mater, quæ ingemiscit, & parturit, summopere id desiderans, ac laborans, ut in iis, qui Christiano nomine censentur, nulla sint

schismata: sed quemadmodum eundem omnes Deum, & Redemptorem agnoscunt, ita idem dicant, idem credant, idem sapiant; confidens (*) Dei misericordia, & sperans fore, ut illi in sanctissimam & salutarem unius fidei, spei, caritatisque concordiam redigantur; libenter eis in hac re morem gerens, securitatem, & fidem, ut petierunt, publicam, quam saluum conductum vocant, quo ad se pertinet, ejus, qui infra scriptus erit, tenoris, dedit, atque concessit: & eorum causa definitionem illorum articulorum ad secundam Sessionem distulit; quam, ut illi commodè interesse possent, in diem festum Conversionis S. Pauli, quæ erit vigesima quinta die mensis Januarii, anni sequentis, indixit. Illudque præterea statuit, ut in eadem Sessione de Sacrificio Missæ agatur, propter magnam utriusque rei connexionem. Interea Sessione proxima de Pœnitentiæ & extremæ Unctionis Sacramentis tractandum. Illam autem diem festo S. Catharinæ Virginis, & Martyris, qui erit vigesima quinta Novembris, habendam esse decrevit, simulque, ut in utraque materiam Reformationis profequatur.

*SALVUS CONDUCTUS
datus Protestantibus.*

SACROSANCTA Generalis Tridentina Synodus, in Spiritu Sancto legitime congregata, Præsidentibus in ea eisdem Sanctæ Sedis Apostolicæ Legato, & Nunciis, omnibus, & singulis, sive Ecclesiasticis, sive sæcularibus personis universæ Germaniæ, cujuscumque gradus, status, condicionis, qualitatis sint, quæ ad Oecumenicum hoc, & Generale Concilium accedere voluerint, ut de iis rebus, quæ in ipsa Synodo tractari debent, omni libertate conferre, proponere, & tractare, ac ad ipsum Oecumenicum Concilium libere, & tuto venire, & in eo manere, & commorari, ac articulos, quot illis videbitur, tam scripto, quam verbo, offerre, proponere, & cum Patribus, sive iis, qui ab ipsa Sancta Synodo delecti fuerint, conferre, & absque ullis conviciis, & contumeliis disputare, nec non, quando illis placuerit, recedere possint, & valeant, publicam fidem, & plenam securitatem, quam saluum conductum appel-

P p p p p 2 lant,

Tomus VI. Concilior. German.

(*) In Parisina Harduini additur: in.

lant, cum omnibus, & singulis clausulis, & decretis necessariis, & opportunis, etiam si specialiter, & non per verba generalia exprimi deberent, quæ pro expressis haberi voluit, quantum ad ipsam Sanctam Synodum spectat, concedit. Placuit præterea Sanctæ Synodo, ut, si pro majori libertate, ac securitate eorum, certos tam pro commissis, quam pro committendis per eos delictis, Judices eis deputari cupiant, illos sibi benevolos nominent, etiam si delicta ipsa quantumcumque enormia, ac hæresim sapientia fuerint.

SESSIO XIV.

QUÆ EST QUARTA

SUB JULIO III. PONT. MAX.

CELEBRATA DIE XXV. NOV.

M D L I.

Doctrina de Sanctissimis Pœnitentia, & extrema Unctionis Sacramentis.

SACROSANCTA Oecumenica, & Generalis Tridentina Synodus, in Spiritu Sancto legitime congregata, Præsidentibus in ea eisdem Sanctæ Sedis Apostolicæ Legato, & Nunciis.

Quamvis in Decreto de Justificatione multus fuerit de Pœnitentiæ Sacramento, propter locorum cognationem, necessaria quadam ratione sermo interpositus; tanta nihilominus circa illud nostra hac ætate diversorum errorum est multitudo, ut non parum publicæ utilitatis retulerit, de eo exactiorem & pleniorum definitionem tradidisse: in qua demonstratis, & convulsis, Spiritus Sancti præsidio, universis erroribus, Catholica veritas perspicua, & illustris fieret; quam nunc Sancta hæc Synodus Christianis omnibus perpetuo servandam proponit.

De necessitate, & institutione Sacramenti Pœnitentiæ.

CAPUT I.

SI ea in regeneratis omnibus gratitudo erga Deum esset, ut justitiam, in

Baptismo, ipsius beneficio, & gratia, susceptam, constanter tuerentur; non fuisset opus, aliud ab ipso Baptismo Sacramentum ad peccatorum remissionem esse institutum. (g) Quoniam autem Deus, dives in misericordia, cognovit figmentum nostrum; illis etiam vitæ remedium contulit, qui sese postea in peccati servitute, & Dæmonis potestatem tradidissent, Sacramentum videlicet Pœnitentiæ; quo lapsi post Baptismum, beneficium mortis Christi applicatur. Fuit quidem Pœnitentiæ universis hominibus, qui se mortali aliquo peccato inquinassent, quovis tempore ad gratiam, & justitiam assequendam necessaria, illis etiam, qui Baptismi Sacramento ablui petivissent, ut, perversitate abjecta, & emendata, tantam Dei offensionem cum peccati odio, & pio animi dolore detestarentur. Unde Propheta ait: (b) Convertimini, & agite pœnitentiam ab omnibus iniquitatibus vestris; & non erit vobis in ruinam iniquitas. Dominus etiam dixit: (i) Nisi pœnitentiam egeritis, omnes similiter peribitis. Et Princeps Apostolorum Petrus peccatoribus Baptismo initiandis pœnitentiam commendans, dicebat: (k) Pœnitentiam agite, & baptizetur unusquisque vestrum. Porro nec ante adventum Christi Pœnitentiæ erat Sacramentum, nec est post adventum illius cuiquam ante Baptismum. Dominus autem Sacramentum Pœnitentiæ tunc præcipue instituit, eum a mortuis excitatus, insufflavit in discipulos suos dicens: (l) Accipite Spiritum Sanctum: quorum remisistis peccata, remittuntur eis; & quorum retinueritis, retenta sunt. Quo tam insigni facto, & verbis tam perspicuis, potestatem remittendi, & retinendi peccata, ad reconciliandos fideles, post Baptismum lapsos, Apostolis, & eorum legitimis Successoribus fuisse communicatam, universorum Patrum consensus semper intellexit. Et Novatianos, remittendi potestatem olim pertinaciter negantes, magna ratione Ecclesia Catholica, tamquam hæreticos, explosit, atque condemnavit. Quare verissimum hunc illorum verborum Domini sensum sancta hæc Synodus probans, & recipiens, damnat eorum commenticias interpretationes, qui verba illa ad potestatem

(g) Psal. 102. Ephes. 2.

(k) Act. 2.

(b) Ezech. 18.

(l) Joan. 20. Mat. 16.

(i) Luc. 13.

[illegible]

QUÆ EST QUARTA
JULIO III. PONT. MAX.
EBRATA DIL. XXV. NOV.
MDLL

SACROSANCTA Oecumenica, & Generalis Tridentina Synodus, in Spiritu Sancto legitime congregata, Præsidentibus in ea eisdem Sanctæ Sedis Apostolicæ Legato, & Nuncis.

*De necessitate, & institutione
Sacramenti Pœnitentiæ.*

CAPUT I.

(g) Psal. 102. Ephes. 2.
(k) Act. 2.

(b) Ezech. 18.
(l) Joan. 20. Mat. 16.

(g) Loc. 13.

853

De differentia Sacramenti Pœnitentiæ, & Baptismi.

CAPUT II.

quæ ipſius viſa ſunt, in illis militibus
vires poſitam eſſe. Ego te abſolvo,
et, quibus quidem de Eccleſie ſanctio mo-
re preces quidam laudabiler adjuſcun-
tur: ad ipſos tamen forme eſſentiam ſan-
ctiſſimæ ſacramenti non accedunt. Quia
Sacramentum adminiſtrationem ſine necella-
rit. Sunt autem quæ materia huius Sa-
cramenti ipſi præſentis actus, nempe
verbum, et panis, et vinum, ſunt. Quia
quatenus præſentibus ad integrum ſacra-
mentum, ad planum, et perfectum
peccatorum remiſſionem ex Dei inſtitu-
tione requiruntur, hac ratione Peni-
tentia partes duos habet, uno vero nec
ſacramenti, nec sacramentalium, ſed
eius vim, et efficaciam pernet, reconcilia-
tio eſt cum Deo, quoniam interdu in viri-
piis, et cum devotione hoc Sacramentum
perſequentibus, confectioſ pacis, ac ſa-
cramentalis, et ſacramentalium, et ſacra-
mentorum conſequi ſolent. Hæc de paribus,
et eſſe cum huius Sacramenti ſanctiſſima Synodus
tradens, ſimul oritur ſententia dam-
nari qui Penitentia partes, et inefficacem
ſacramentalis corrores, et cum eſſe con-
tendunt.

De Contritione.

CAPUT IV.

CONTRITIO, quæ primum locum inter duos poenitentis actus habet, animi dolor, ac desectio fidei de peccato commisso, cum proposito non peccandi de cætero. Sui autem quovis tempore ad impetrandam veniam peccatorum huius Contritionis modus necessarius; & in hominibus Baptismo lapsis ita deum præparat ad remissionem peccatorum, si cum fiducia Divinæ misericordie, & voto præfandi relictæ, coniunctis sit, quæ ad fidei suscipiendum hunc Sacramentum requiruntur. Declarat igitur sancta Synodus, hanc Contritionem, non solum confessionem a peccato, & vitæ novæ profectum, & laborum, &

*De partibus, & fructu hujus
Sacramenti.*

III.

(m) 1. Cor. 5.
(p) Ezech. 18.

(u) 1. Cor. 12.
(q) Psal. 50.

(c) Galat. 3.

(q) Pfal. 50.

malum coram te feci: (r) Laboravi in gemitu meo; lavabo per singulas noctes lectum meum: (s) Recogitabo tibi omnes annos meos in amaritudine animæ: & alios hujusmodi generis: facile intelliget, eos ex vehementi quodam antea actæ vitæ odio, & ingenti peccatorum detestatione manasse. Docet præterea, etsi Contritionem hanc aliquando caritate perfectam esse contingat, hominemque Deo reconciliari, priusquam hoc Sacramentum actu suscipiatur; ipsam nihilominus reconciliationem ipsi Contritioni, sine Sacramenti voto, quod in illa includitur, non esse adscribendam. Illam vero Contritionem imperfectam, quæ Attritio dicitur, quoniam vel ex turpitudinis peccati consideratione, vel ex gehennæ, & pœnarum metu communiter concipitur, si voluntatem peccandi excludat, cum spe veniæ; declarat, non solum non facere hominem hypocritam, & magis peccatorem, verum etiam donum Dei esse, & Spiritus Sancti impulsus, non adhuc quidem inhabitantis, sed tantum moventis, quo pœnitens adjutus viam sibi ad justitiam parat. Et quamvis sine Sacramento Pœnitentiæ per se ad justificationem perducere peccatorem nequeat; tamen eum ad Dei gratiam in Sacramento Pœnitentiæ impetrandum disponit. Hoc enim timore utiliter (p) concussi Ninivitæ, ad Jonæ prædicationem, plenam terroribus, pœnitentiam egerunt & misericordiam a Domino impetrarunt. Quamobrem falso quidam calumniantur Catholicos Scriptores, quasi tradiderint Sacramentum Pœnitentiæ, absque bono motu suscipientium, gratiam conferre: quod numquam Ecclesia Dei docuit, nec sensit. Sed & falso docent, Contritionem esse extortam, & coactam, non liberam, & voluntariam.

De Confessione.

CAPUT V.

Ex (u) institutione Sacramenti Pœnitentiæ, jam explicata, universa Ecclesia semper intellexit, institutam etiam esse a Domino integram peccatorum Confessionem, & omnibus post Baptismum lapsis jure Divino necessariam existere:

quia Dominus noster, JESUS CHRISTUS, (x) e terris ascensurus ad cælos, Sacerdotes sui ipsius Vicarios reliquit, tamquam Præsides, & Judices, ad quos omnia mortalia crimina deferantur, in quæ Christi fideles ceciderint; quo, pro potestate clavium remissionis, aut retentionis peccatorum, sententiam pronuncient. Constat enim, Sacerdotes judicium hoc, incognita causa, exercere non potuisse: neque æquitatem quidem illos in pœnis injungendis servare potuisse, si in genere duntaxat, & non potius in specie, ac sigillatim, sua ipsi peccata declarassent. Ex his colligitur, oportere ad pœnitentibus omnia peccata mortalia, quorum post diligentem sui discussionem conscientiam habent, in Confessione recenseri, etiam si occultissima illa sint, & tantum adversus duo ultima (y) Decalogi præcepta commissa, quæ nonnumquam animus gravius sauciant, & periculosiora sunt iis, quæ in manifesto admittuntur. Nam venialia, quibus a gratia Dei non excludimur, & in quæ frequentius labimur, quamquam recte & utiliter, citraque omnem præsumptionem in Confessione dicantur, quod piorum hominum usus demonstrat, taceri tamen citra culpam, multisque aliis remediis expiari possunt. Verum, cum universa mortalia peccata, etiam cogitationis, (z) homines iræ filios, & Dei inimicos reddant; necessum est, omnium etiam veniam, cum aperta, & verecunda Confessione, a Deo quærere. Itaque, dum omnia, quæ memoriæ occurrunt, peccata Christi fideles confiteri student, procul dubio omnia Divinæ misericordiæ agnoscenda exponunt. Qui vero secus faciunt, & scienter aliqua retinent, nihil Divinæ bonitati per Sacerdotem remittendum proponunt. Si enim erubescat ægrotus, vulnus medico detegere; quod ignorat, medicina non curat. Colligitur præterea, etiam eas circumstantias in Confessione explicandas esse, quæ speciem peccati mutant: quod sine illis peccata ipsa neque a pœnitentibus integre exponantur, nec Judicibus innotescant; & fieri nequeat, ut de gravitate criminum recte censere possint, & pœnam, quam

(r) Psal. 6.

(u) Lucæ 5. & 17. Jac. 5.

(y) Deuter. 5.

(s) Esa. 38.

1. Joan. 1.

(z) Ephes. 2.

(p) Jonæ 3. Matt. 12. Lucæ 11.

(x) Joan. 20. Matt. 16.

quam oportet, pro illis, pœnitentibus imponere. Unde alienum a ratione est, docere, circumstantias has ab hominibus otiosis excogitatas fuisse; aut unam tantum circumstantiam consentendam esse, nempe peccasse in fratrem. Sed & impium est, Confessionem, quæ hac ratione fieri præcipitur, impossibilem dicere, aut carnificinam illam conscientiarum appellare. Constat enim, nihil aliud in Ecclesia a pœnitentibus exigi, quam ut, postquam quisque diligentius se excusserit, & conscientie suæ sinus omnes, & latebras exploraverit, ea peccata confiteatur, quibus se Dominum, & Deum suum mortaliter offendisse meminerit: reliqua autem peccata, quæ diligenter cogitanti non occurrunt, in universum, eadem Confessione inclusa esse intelliguntur: pro quibus fideliter cum Propheta dicimus: (a) Ab occultis meis munda me Domine. Ipsa vero huiusmodi Confessionis difficultas, ac peccata detegendi verecundia gravis quidem videri posset, nisi tot tantisque commodis, & consolationibus levaretur, quæ omnibus, digne ad hoc Sacramentum accedentibus, per Absolutionem certissime conferuntur. Cæterum, quo ad modum confitendi secreto apud solum Sacerdotem, etsi Christus non vetuerit, quin aliquis in vindictam suorum feclerum, & sui humiliationem, cum ob aliorum exemplum, tum ob Ecclesiæ offensæ adificationem, delicta sua publice confiteri possit: non est tamen hoc Divino præcepto mandatum, nec satis consulte humana aliqua lege præcipere, ut delicta, præsertim secreta, publica essent confessione aperienda. Unde cum a sanctissimis, & antiquissimis Patribus, magno, unanimique consensu, secreta Confessio Sacramentalis, qua ab initio Ecclesia sancta usa est, & modo etiam utitur, fuerit semper commendata; manifeste refellitur inanis eorum calumnia, qui eam a Divino mandato alienam, & inventum humanum esse, atque a Patribus, in Concilio Lateranensi congregatis, initium habuisse docere non verentur. Neque enim per Lateranensem Concilium Ecclesia statuit, ut Christi fideles confiterentur, quod jure Divino necessarium, & institutum esse intellexerat; sed ut præceptum Confessionis, saltem semel

in anno, ab omnibus & singulis, cum ad annos discretionis pervenissent, imple-retur. Unde jam in universa Ecclesia, cum ingenti animarum fidelium fructu, observatur mos ille salutaris confitendi, sacro illo, & maxime acceptabili tempore Quadragesimæ: quem morem hæc sancta Synodus maxime probat, & amplectitur, tamquam pium, & merito retinendum.

De ministro hujus Sacramenti, & Absolutione.

CAPUT VI.

CIRCA ministrum autem hujus Sacramenti, declarat sancta Synodus, falsas esse, & a veritate Evangelii penitus alienas doctrinas omnes, quæ ad alios quosvis homines, præter Episcopos, & Sacerdotes, clavium ministerium perniciosè extendunt; putantes verba illa Domini: (b) Quæcumque alligaveritis super terram, erunt alligata & in cœlo: & quæcumque solveritis super terram, erunt soluta & in cœlo. (c) Et: Quorum remiseritis peccata, remittuntur eis; & quorum retinueritis, retenta sunt: ad omnes Christi fideles indifferenter, & promiscue, contra institutionem hujus Sacramenti, ita fuisse dicta, ut quivis potestatem habeat remittendi peccata, publica quidem per correptionem, si correptus acquieverit; secreta vero per spontaneam Confessionem, cuicumque factam. Docet quoque, etiam Sacerdotes, qui peccato mortali tenentur, per virtutem Spiritus Sancti, in ordinatione collatam, tamquam Christi ministros, functionem remittendi peccata exercere; eosdem prave sentire, qui in malis Sacerdotibus hanc potestatem non esse contendunt. Quamvis autem Absolutio Sacerdotis alieni beneficii sit dispensatio; tamen non est solum nudum ministerium, vel annunciandi Evangelium, vel declarandi remissa esse peccata: sed ad instar actus judicialis; quo ab ipso, velut a Judice, sententia pronuntiatur. Atque ideo non debet pœnitens adeo sibi de sua ipsius fide blandiri, ut, etiam si nulla illi adsit contritio, aut Sacerdoti animus serio agendi, & vere absolvendi desit; putet tamen se, propter suam solam fidem, vere,

(a) Psal. 18.

(b) Matth. 16. & 18.

(c) Joan. 20.

vere, & coram Deo esse absolutum. Nec enim fides sine Penitentia remissionem ullam peccatorum præstaret: nec is esset, nisi salutis suæ negligentissimus, qui Sacerdotem joco se absolventem cognosceret; & non alium, serio agentem, sedulo requireret.

De Casuum reservatione.

CAPUT VII.

QUONIAM igitur natura, & ratio iudicii illud exposcit, ut sententia in subditos dumtaxat feratur; persuasum semper in Ecclesia Dei fuit, & verissimum esse Synodus hæc confirmat, nullius momenti Absolutionem eam esse debere, quam Sacerdos in eum profert, in quem ordinariam, aut subdelegatam non habet jurisdictionem. Magnopere vero ad Christiani populi disciplinam pertinere, Sanctissimis Patribus nostris visum est, ut atrociora quædam & graviora crimina non a quibusvis, sed a summis dumtaxat Sacerdotibus, absolventur. Unde merito Pontifices Max. pro suprema potestate, sibi in Ecclesia universa tradita, causas aliquas criminum graviore suo potuerunt peculiari iudicio reservare. Neque dubitandum est, quando omnia, quæ a Deo sunt, ordinata sunt, quin hoc idem Episcopis omnibus in sua cuique Diocesi, in ædificationem tamen, non in destructionem, liceat, pro illis in subditos tradita supra reliquos inferiores Sacerdotes auctoritate, præsertim quo ad illa, quibus excommunicationis censura annexa est. Hanc autem delictorum reservationem, consonum est Divinæ auctoritati, non tantum in externa politia, sed etiam coram Deo vim habere. Veruntamen pie admodum, ne hac ipsa occasione aliquis pereat, in eadem Ecclesia Dei custoditum semper fuit, ut nulla sit reservatio in articulo mortis: atque ideo omnes Sacerdotes quoslibet penitentes a quibusvis peccatis, & censuris absolvere possunt; extra quem articulum Sacerdotes cum nihil possint in casibus reservatis, id unum penitentibus persuadere nitantur, ut ad Superiores, & legitimos Iudices pro beneficio Absolutionis accedant.

De satisfactionis necessitate, & fructu.

CAPUT VIII.

DEMUM, quo ad Satisfactionem, quæ ex omnibus Penitentiarum partibus, quemadmodum a Patribus nostris Christiano populo fuit perpetuo tempore commendata, ita una maxime nostra ætate, summo pietatis prætextu, impugnatur ab iis, qui speciem pietatis habent, virtutem autem ejus abnegarunt: Sancta Synodus declarat; falsum omnino esse, & a verbo Dei alienum, culpam a (d) Domino numquam remitti, quin universa etiam pœna condonetur. Perspicua enim, & illustria in sacris literis exempla reperiuntur, quibus, præter Divinam traditionem, hic error quam manifestissime revincitur. Sane & Divinæ justitiæ ratio exigere videtur, ut aliter ab eo in gratiam recipiantur, qui ante Baptismum per ignorantiam deliquerint; aliter vero, qui semel a peccati, & Dæmonis servitute liberati, & accepto Spiritus Sancti dono, scientes Templum (e) Dei violare, & Spiritum Sanctum contristare non formidaverint. Et Divinam clementiam decet, ne ita nobis absque ulla satisfactione peccata dimittantur, ut, occasione accepta, peccata leviora putantes; velut injurii, & (f) contumeliosi Spiritui Sancto, in graviora labamur, thesaurizantes nobis iram in die iræ. Procul dubio enim magnopere a peccato revocant, & quasi freno quodam coercent hæc satisfactionis pœnæ, cautioresque & vigilantiores in futurum penitentes efficiunt; medentur quoque peccatorum reliquiis, & vitiosos habitus, male vivendo comparatos, contrariis virtutum actionibus tollunt. (g) Neque vero securior ulla via in Ecclesia Dei umquam existimata fuit ad amovendam imminentem a (h) Domino penam, quam ut hæc penitentiarum opera homines cum vero animi dolore frequentent. Accedit ad hæc, quod dum satisfaciendo patimur pro peccatis, Christo Jesu, (i) qui pro peccatis nostris satisfecit, ex quo omnis nostra sufficientia est, conformes efficiamur, certissimam quoque inde arrham habentes, quod

(d) Gen. 3. 2. Reg. 12. Num. 12. & 20.

(f) Heb. 10. Rom. 2.

(b) Esa. 30. Eccl. 17. Marc. 3. 4. 11. & 18.

(e) 1. Cor. 3. Ephe. 4.

(g) Ezech. 33. Jonæ 3. Hier. 3. 18. & 25.

(i) Rom. 5. 1. Joan. 2. 2. Cor. 3. Rom. 8.

si compatimur, & conglorificabimur. Neque vero ita nostra est satisfactio hæc, quam pro peccatis nostris exsoluimus, ut non sit per CHRISTUM JESUM. Nam qui ex nobis, tamquam ex nobis nihil possumus; eo cooperante, qui nos confortat, omnia possumus. Ita non habet homo unde gloriatur: sed omnis gloriatio nostra in Christo est: in quo vivimus, in quo meremur, in quo satisfacimus, facientes fructus dignos penitentiae: qui ex illo vim habent; ab illo offeruntur Patri, & per illum acceptantur a Patre. Debent ergo Sacerdotes Domini, quantum spiritus, & prudentia suggererit, pro qualitate criminum, & penitentium facultate, salutare, & convenientes satisfactiones injungere: ne, si forte peccatis conniveant, & indulgentius cum penitentibus agant, levissima quædam opera pro gravissimis delictis injungendo, alienorum peccatorum participes efficiantur. Habeant autem præ oculis, ut Satisfactio, quam imponunt, non sit tantum ad novæ vitæ custodiam, & infirmitatis medicamentum, sed etiam ad præteritorum peccatorum vindictam, & castigationem. Nam Claves Sacerdotum non ad solvendum dumtaxat, sed & ad ligandum concessas, etiam antiqui Patres & credunt, & docent; nec propterea existimarunt, Sacramentum Penitentiae esse forum iræ, vel poenarum, sicut nemo umquam Catholicus sensit ex hujusmodi nostris satisfactionibus vim meriti, & satisfactionis Domini nostri, JESU CHRISTI, vel obscurari, vel aliqua ex parte imminui: quod dum Novatores intelligere nolunt, ita optimam Penitentiam novam vitam esse docent, ut omnem Satisfactionis vim, & usum tollant.

De operibus Satisfactionis.

CAPUT IX.

DOCET præterea, tantam esse Divinæ munificentiae largitatem, ut non solum poenis, sponte a nobis pro vindicando peccato susceptis, aut Sacerdotis arbitrio pro mensura delicti impositis, sed etiam, quod maximum amoris argumentum est, temporalibus flagellis a

Deo inflictis, & a nobis patienter toleratis, apud Deum Patrem per Christum Jesum satisfacere valeamus.

DOCTRINA DE SACRAMENTO EXTREMÆ UNCTIONIS.

VISUM est autem Sanctæ Synodo, præcedenti doctrinæ de Penitentia adjungere ea, quæ sequuntur de Sacramento extremæ Unctionis: quod non modo Penitentia, sed & totius Christianæ vitæ, quæ perpetua Penitentia esse debet, confirmativum existimatum est a Patribus. Primum itaque circa illius institutionem, declarat, & docet, quod clementissimus Redemptor noster, qui servis suis quovis tempore voluit de salutaribus remediis adversus omnia omnium hostium tela esse prospectum, quemadmodum auxilia maxima in Sacramentis aliis præparavit, quibus Christiani conservare se integros, dum viverent, ab omni graviore spiritus incommodo possint; ita extremæ Unctionis Sacramento finem vitæ, tamquam firmissimo quodam præsidio, munivit. Nam etsi adversarius noster (a) occasiones per omnem vitam quærat, & capter, ut devorare animas nostras quoquo modo possit: nullum tamen tempus est, quo vehementius ille omnes suæ versutiae nervos intendant ad perdendos nos penitus, & a fiducia etiam, si possit, Divinæ misericordiæ deturbandos, quam cum impendere nobis exitum vitæ (*) perspicit.

De Institutione Sacramenti extremæ Unctionis.

CAPUT I.

INSTITUTA est autem sacra hæc Unctio infirmorum, tamquam vere, & proprie Sacramentum novi Testamenti, a Christo, Domino nostro, apud Marcum (b) quidem insinuatam, per Jacobum autem Apostolum (c), ac Domini fratrem, fidelibus commendatum, ac promulgatum. "Infirmatur, inquit, quis in vobis: inducat Presbyteros

(a) 1. Petr. 5.

(b) Marc. 6.

(c) Jac. 5.

(*) *Parisina Harduini*: prospicit.

Tomus VI. Concilior. German.

teros Ecclesiæ, & utent super eum, ungentes eum oleo in nomine Domini: & oratio fidei salvabit infirmum: & alleviabit eum Dominus: & si in peccatis sit, dimittentur ei." Quibus verbis, ut ex Apostolica traditione, per manus accepta, Ecclesia didicit, docet materiam, formam, proprium ministrum, & effectum hujus salutis Sacramenti. Intellexit enim Ecclesia, materiam esse oleum, ab Episcopo benedictum. Nam Unctio aptissime Spiritus Sancti gratiam, qua invisibiliter anima ægrotantis inungitur, repræsentat; formam deinde esse illa verba: Per istam unctionem, &c.

De effectu hujus Sacramenti.

CAPUT II.

Res porro, & effectus hujus Sacramenti illis verbis explicatur: Et oratio fidei salvabit infirmum: & alleviabit eum Dominus: & si in peccatis sit, dimittentur ei. Res etenim hæc gratia est Spiritus Sancti: cujus Unctio delicta, si quæ sint adhuc expianda, ac peccati reliquias abstergit; & ægroti animam alleviat, & confirmat, magnam in eo Divinæ misericordiæ fiduciam excitando: qua infirmus sublevatus, & morbi incommoda, ac labores levius fert; & tentationibus Dæmonis, calcaneo insidiantis, facilius resistit: & sanitatem corporis interdum, ubi salutis animæ expeditur, consequitur.

De Ministro hujus Sacramenti, & tempore, quo dari debeat.

CAPUT III.

JAM vero, quod attinet ad præscriptionem eorum, qui & suscipere, & ministrare hoc Sacramentum debent, haud obscure fuit illud etiam in verbis prædictis traditum. Nam & ostenditur illic, proprios hujus Sacramenti Ministros esse Ecclesiæ Presbyteros. Quo nomine, eo loco, non ætate seniores, aut primores in populo intelligendi veniunt; sed aut Episcopi, aut Sacerdotes, ab ipsis rite ordinati, per

impositionem manuum Presbyterii. Declaratur etiam, esse hanc Unctionem infirmis adhibendam, illis vero præsertim, qui tam periculose decumbunt, ut in exitu vitæ constituti videantur: unde & Sacramentum exeuntium nuncupatur. Quod si infirmi post susceptam hanc Unctionem convaluerint, iterum hujus Sacramenti subsidio juvari poterunt, cum in aliud simile vitæ discrimen inciderint. Quare nulla ratione audiendi sunt, qui contra tam apertam, & dilucidam Apostoli Jacobi sententiam docent, hanc Unctionem vel figmentum esse humanum, vel ritum a Patribus acceptum, nec mandatum Dei, nec promissionem gratiæ habentem: & qui illam jam cessasse asserunt, quasi ad gratiam curationum dumtaxat in primitiva Ecclesia referenda esset: & qui dicunt, ritum, & usum, quem sancta Romana Ecclesia in hujus Sacramenti administratione observat, Jacobi Apostoli sententiæ repugnare, arque ideo in alium commutandum esse: & denique, qui hanc extremam Unctionem a fidelibus sine peccato contemni posse affirmant. Hæc enim omnia manifestissime pugnant cum perspicuis tanti Apostoli verbis. Nec profecto Ecclesia Romana, aliarum omnium Mater, & Magistra, aliud in hac administranda Unctione, quantum ad ea, quæ hujus Sacramenti substantiam perficiunt, observat, quam quod Beatus Jacobus præscripsit. Nec vero tanti Sacramenti contemptus absque ingenti scelere, & ipsius Spiritus Sancti injuria esse posset.

Hæc sunt, quæ de Pœnitentiæ, & extremæ Unctionis Sacramentis hæc sancta Oecumenica Synodus profiteretur, & docet, atque omnibus Christi fidelibus credenda, & tenenda proponit. Sequentes autem Canones inviolabiliter servandos esse tradit, & asserentes contrarium perpetuo damnat, & anathematizat.

DE SANCTISSIMO POENITENTIE SACRAMENTO.

CANON I.

SI quis dixerit, in Catholica Ecclesia Pœnitentiam non esse vere, & proprie Sacramentum, pro fidelibus, quoties post Baptismum in peccata labuntur, ipsi Deo reconciliandis, a Christo, Domino nostro, institutum; anathema sit.

CANON II.

Si quis Sacramenta confundens, ipsum Baptismum, Pœnitentiæ Sacramentum esse dixerit, quasi hæc duo Sacramenta distincta non sint: atque ideo Pœnitentiam non recte secundam post naufragium tabulam appellari; anathema sit.

CANON III.

Si quis dixerit, verba illa Domini (c) Salvatoris: "Accipite Spiritum Sanctum: quorum remiseritis peccata, remittuntur eis; & quorum retinueritis, retenta sunt:" non esse intelligenda, de potestate remittendi, & retinendi peccata in Sacramento Pœnitentiæ, sicut Ecclesia Catholica ab initio semper intellexit; detorserit autem, contra institutionem hujus Sacramenti, ad auctoritatem prædicandi Evangelium; anathema sit.

CANON IV.

Si quis negaverit, ad integram, & perfectam peccatorum remissionem requiri tres actus in pœnitente, quasi materiam Sacramenti Pœnitentiæ, videlicet, Contritionem, Confessionem, & Satisfactionem, quæ tres Pœnitentiæ partes dicuntur; aut dixerit, duas tantum esse Pœnitentiæ partes, terrores scilicet incussos conscientia, agnito peccato, & fidem conceptam ex Evangelio, vel absolutione, qua credit quis sibi per Christum remissa peccata; anathema sit.

CANON V.

Si quis dixerit, eam Contritionem, quæ paratur per discussionem; collectionem, & detestationem peccatorum,

qua quis recogitat annos suos in amaritudine animæ suæ, ponderando peccatorum suorum gravitatem, multitudinem, fedtatem, amissionem æternæ beatitudinis, & æternæ damnationis incursum, cum proposito melioris vitæ, non esse verum & utilem dolorem, nec præparare ad gratiam, sed facere hominem hypocritam, & magis peccatorem; demum illam esse dolorem coactum, & non liberum ac voluntarium; anathema sit.

CANON VI.

Si quis negaverit Confessionem Sacramentalem vel institutam, vel ad salutem necessariam esse jure Divino; aut dixerit, modum secrete confitendi soli Sacerdoti, quem Ecclesia Catholica ab initio semper observavit, & observat, alienum esse ab institutione, & mandato Christi, & inventum esse humanum; anathema sit.

CANON VII.

Si quis dixerit, in Sacramento Pœnitentiæ ad remissionem peccatorum necessarium non esse jure Divino, confiteri omnia & singula peccata mortalia, quorum memoria cum debita, & diligenti præmeditatione habeatur, etiam occulta, & quæ sunt contra duo ultima Decalogi præcepta, & circumstantias, quæ peccati speciem mutant; sed eam confessionem tantum esse utilem ad erudiendum, & consolandum pœnitentem, & olim observatam fuisse tantum ad satisfactionem Canonicam imponendam; aut dixerit, eos, qui omnia peccata confiteri student, nihil relinquere velle Divinæ misericordiæ ignoscendum; aut demum, non licere confiteri peccata venialia; anathema sit.

CANON VIII.

Si quis dixerit, Confessionem omnium peccatorum, qualem Ecclesia servat, esse impossibile, & traditionem humanam, a piis abolendam; aut ad eam non teneri omnes, & singulos utriusque sexus, Christi fideles, juxta magni Concilii Lateranensis constitutionem, semel in anno; & ob id suadendum esse Christi fidelibus, ut non

con-

(c) Joan. 20. Matt. 16.

Tomus VI. Concilior. German.

conſiteantur tempore Quadrageſimæ ;
anathema ſit.

CANON IX.

Si quis dixerit, Abſolutionem Sa-
cramentalem Sacerdotis non eſſe actum
judiciale, ſed nudum miniſterium
pronunciandi, & declarandi remiſſa
eſſe peccata confitenti, modo tantum
credat, ſe eſſe abſolutum; aut Sacerdos
non ſerio, ſed joco abſolvat; aut dixe-
rit, non requiri Confeſſionem pœnitentis,
ut Sacerdos eum abſolvere poſſit;
anathema ſit.

CANON X.

Si quis dixerit, Sacerdotes, qui
in peccato mortali ſunt, poteſtatem li-
gandi, & ſolvendi non habere; aut non
ſolos Sacerdotes eſſe miniſtros abſolu-
tionis, ſed omnibus, & ſingulis Chri-
ſti fidelibus eſſe dictum: "Quæcum-
que ligaveritis ſuper terram, erunt li-
gata & in celo: & quæcumque ſolve-
ritis ſuper terram, erunt ſoluta & in
celo: Et: Quorum remiſeritis pecca-
ta, remittuntur eis; & quorum re-
tinueritis, retenta ſunt": quorum ver-
borum virtute quilibet abſolvere poſ-
ſit peccata, publica quidem per cor-
reptionem dumtaxat, ſi correptus ac-
quieverit; ſecreta vero per ſpontaneam
confeſſionem; anathema ſit.

CANON XI.

Si quis dixerit, Epiſcopos non ha-
bere jus reſervandi ſibi caſus, niſi quo
ad externam politiam, atque ideo ca-
ſuum reſervationem non prohibere, quo
minus Sacerdos a reſervatis vere abſol-
vat; anathema ſit.

CANON XII.

Si quis dixerit, totam pœnam ſi-
mul cum culpa remitti ſemper a Deo,
ſatiſfactionemque pœnitentium non eſ-
ſe aliam, quam fidem, qua apprehen-
dunt Chriſtum pro eis ſatiſfeciffe; ana-
thema ſit.

CANON XIII.

Si quis dixerit, pro peccatis, quo
ad pœnam temporalem, minime Deo
per Chriſti merita ſatiſfieri pœnis, ab

eo infligitis, & patienter toleratis, vel a
Sacerdote injunctis, ſed neque ſponte
ſuſceptis, ut jejniis, orationibus,
eleemoſynis, vel aliis etiam pietatis
operibus, atque ideo optimam pœni-
tentiam eſſe tantum novam vitam; ana-
thema ſit.

CANON XIV.

Si quis dixerit, ſatiſfactiones, qui-
bus pœnitentes per Chriſtum Jeſum
peccata redimunt, non eſſe cultus Dei,
ſed traditiones hominum, doctrinam de
gratia, & verum Dei cultum, atque ip-
ſum beneficium mortis Chriſti obſcu-
rantes; anathema ſit.

CANON XV.

Si quis dixerit, Claves Eccleſiæ
eſſe datas tantum ad ſolvendum, non
etiam ad ligandum; & propterea Sa-
cerdotes, dum imponunt pœnas confi-
tentibus, agere contra finem Clavium,
& contra institutionem Chriſti; & fi-
ſtionem eſſe, quod, virtute Clavium,
ſublata pœna æterna, pœna temporalis
plerumque exſolvenda remaneat; ana-
thema ſit.

DE SACRAMENTO EX- TREMÆ UNCTIONIS.

CANON I.

Si quis dixerit, extremam Unctio-
nem non eſſe vere, & proprie Sa-
cramentum, a Chriſto Domino noſtro
inſtitutum, & a Beato Jacobo Apoſtolo
promulgatum; ſed ritum tantum ac-
ceptum a Patribus, aut figmentum hu-
manum; anathema ſit.

CANON II.

Si quis dixerit, ſacram infirmorum
Unctionem non conferre gratiam, nec
remittere peccata, nec alleviare infir-
mos; ſed jam ceſſaſſe, quaſi olim tan-
tum fuerit gratia curationum; anathe-
ma ſit.

CANON III.

Si quis dixerit, extremæ Unctionis
ritum, & uſum, quem obſervat ſancta
Romana Eccleſia, repugnare ſenten-
tiæ Beati Jacobi Apoſtoli, ideoque
eum

eum mutandum, posseque a Christianis absque peccato contemni; anathema sit.

CANON IV.

Si quis dixerit, Presbyteros Ecclesie, quos Beatus Jacobus adducendos esse ad infirmum inungendum hortatur, non esse Sacerdotes, ab Episcopo ordinatos, sed ætate seniores in quavis communitate; ob idque proprium extremæ Unctionis ministrum non esse solum Sacerdotem; anathema sit.

DECRETUM DE REFORMATIONE.

P R O O E M I U M.

Episcoporum munus esse, subditos, præsertim ad animarum curam constitutos, admonere officii sui.

CUM proprie Episcoporum munus sit, subditorum omnium vitia redarguere; hoc illis præcipue cavendum erit, ne Clerici, præsertim ad animarum curam constituti, criminosi sint, neve inhonestam vitam, ipsis conniventibus, ducant. Nam, si eos pravis, & corruptis moribus esse permittant; quo pacto laicos de ipsorum vitiis redarguent, qui uno ab eis sermone convinci possent, quod Clericos ipsis (*) patiantur esse deteriores? Qua etiam libertate laicos corripere poterunt Sacerdotes; cum tacite sibi ipsi respondeant, eadem se admisisse, quæ corripiunt? Monebunt propterea Episcopi suos Clericos, in quocumque ordine fuerint, ut conversatione, sermone, & scientia commissio sibi Dei populo præeant; memores ejus, quod scriptum est (d): Sancti estote, quia & ego sanctus sum. Et juxta Apostoli vocem: (e) Nemini dent ullam offensionem, ut non vituperetur ministerium eorum; sed in omnibus exhibeant se, sicut Ministros Dei; ne illud Prophetæ (f) dictum impleatur in eis: Sacerdotes Dei contaminant sancta, & reprobant legem. Ut autem ipsi Episcopi id liberius exequi, ac quoquam prætextu desuper impediti nequeant;

eadem Sacrosancta Oecumenica, & Generalis Tridentina Synodus, Præsidentibus in ea eisdem Apostolicæ Sedis Legato, & Nunciis, hos, qui sequuntur, Canones statuendos, & decernendos duxit.

CAPUT I.

Si prohibiti ascendere ad Ordines, ascendant: si interdicti, si suspensi, puniantur.

CUM honestius, ac tutius sit subiecto, debitam Præpositis obedientiam impendendo, in inferiori ministerio deservire, quam cum Præpositorum scandalo graduum aliorum (**) appetere dignitatem; ei, cui ascensus ad sacros Ordines a suo Prælato, ex quacumque causa, etiam ob occultum crimen, quomodolibet, etiam extrajudicialiter, fuerit interdictus; aut qui a suis Ordinibus, seu gradibus, vel dignitatibus Ecclesiasticis fuerit suspensus, nulla contra ipsius Prælati voluntatem concessa licentia de se promoveri faciendo, aut ad priores Ordines, gradus, & dignitates, sive honores, reitutio suffragetur.

CAPUT II.

Si Episcopus quoscunque Ordines contulerit sibi non subdito, etiam familiari, sine expresso proprii Prælati consensu, uterque decretæ pænæ subjaceat.

Et, quoniam nonnulli Episcopi Ecclesiarum, quæ in partibus infidelium consistunt, Clero carentes, & populo Christiano, cum fere vagabundi sint, & permanentem sedem non habeant, non quæ Jesu Christi, sed alienas oves, inscio proprio Pastore, quærentes: dum per hanc sanctam Synodum se Pontificia officia in alterius Diocesi, nisi de loci Ordinarii expressa licentia, & in personas eidem Ordinario subjectas tantum, exercere prohibitos vident; in legis fraudem, & contemptum, quasi Episcopalem Cathedram in loco nullius Diocesis sua temeritate eligunt; &

Qqq qq 3

(*) Parisina: ipsi.

(f) Sophon. 3.

(d) Levit. II. 19. & 20.

(**) Parisina: aliorum.

(e) 2. Cor. 6.

ques-

quoscumque ad se venientes, etiam si suorum Episcoporum, seu Prælatorum literas commendaticias non habeant, Clericali charactere insignire, & ad sacros etiam Presbyteratus Ordines promovere præsumunt: quo plerumque fit, ut minus idonei, & rudes, ac ignari, & qui a suo Episcopo tamquam inhabiles, & indigni rejeçti fuerunt, ordinati, nec Divina officia peragere, nec Ecclesiastica Sacramenta recte valeant ministrare: Nemo Episcoporum, qui Titulares vocantur, etiam si in loco nullius Diocesis, etiam exempto, aut aliquo Monasterio cujusvis Ordinis resederint, aut moram traxerint, vigore cujusvis Privilegii, sibi de promovendo quoscumque ad se venientes pro tempore concessi, alterius subditum, etiam prætextu familiaritatis continuæ commensalitatæ suæ, absque sui proprii Prælati expresso consensu, aut literis dimissoriis, ad aliquos sacros, aut minores Ordines, vel primam tonsuram promovere, seu ordinare valeat: Contrafaciens ab exercitio Pontificalium per annum, taliter vero promotus ab executione Ordinum sic susceptorum, donec suo Prælato visum fuerit, ipso jure sint suspensi.

CAPUT III.

Episcopus suos Clericos, ab alio male promotos, non admittat ad officia celebranda, nisi prævio examine.

EPISCOPUS quoscumque suos Clericos, præsertim in Sacris constitutos, absque suo præcedenti examine, & commendaticii literis, quacumque auctoritate promotos, licet tamquam habiles ab eo, a quo ordinati sunt, probatos; quos tamen ad Divina officia celebranda, seu Ecclesiastica Sacramenta ministranda minus idoneos, & capaces repperit; a susceptorum Ordinum exercitio ad tempus, de quo ei videbitur, suspendere, & illis, ne in altari, aut aliquo ordine ministrent, interdicare possit.

CAPUT IV.

Nullus Clericus eximatur a correctione Episcopi, etiam extra Visitationem.

OMNES Ecclesiarum Prælati, qui ad corrigendum subditorum excessus diligenter intendere debent, & a quibus nullus Clericus per hujus sanctæ Synodi Statuta, cujusvis privilegii prætextu, tutus censetur, quo minus juxta Canonicas Sanctiones visitari, puniri, & corrigi possit; si in Ecclesiis suis resederint, quoscumque sæculares Clericos, qualitercumque exemptos, qui alias suæ jurisdictioni subessent, de eorum excessibus, criminibus, & delictis, quoties, & quando opus fuerit, etiam extra visitationem, tamquam ad hoc Apostolicæ Sedis delegati, corrigendi, & castigandi facultatem habeant: quibuscumque exemptionibus, declarationibus, consuetudinibus, sententiis, juramentis, concordiis, quæ tantum suos obligent auctores, ipsis Clericis, ac eorum consanguineis, Capellanis, familiaribus, procuratoribus, & aliis quibuslibet, ipsorum exemptorum contemplatione, & intuitu minime suffragantibus.

CAPUT V.

Conservatorum jurisdictio certis finibus concluditur.

INSUPER, cum nonnulli, qui sub prætextu, quod super bonis, & rebus, ac juribus suis diversæ eis injuriæ, ac molestiæ inferantur, certos judices per literas Conservatorias deputari obtinent, qui illos a molestiis, & injuriis hujusmodi tueantur, ac defendant, & in possessione, seu quasi, bonorum, rerum, ac jurium suorum manuteneant, & conservent, nec super illis eos molestari permittant; ejusmodi literas in plerisque contra concedentis mentem in reprobum sensum detorqueant: iccirco nemini omnino, cujuscumque dignitatis, & condicionis sit, etiam si Capitulum fuerit, Conservatoriæ literæ, cum quibuscumque clausulis, aut decretis, quorumcumque judicium deputa-
tione

tionem, quocumque etiam alio prætextu, aut colore concessæ, suffragentur ad hoc, ut coram suo Episcopo, sive alio Superiore Ordinario, in criminalibus, & mixtis causis accusari, & conveniri, ac contra eum inquiri, & procedi non possit: aut quo minus, si qua jura ei ex cessione competierint, super illis libere valeat apud judicem ordinarium conveniri. In civilibus etiam causis, si ipse actor extiterit, aliquem ei apud suos Conservatores judices in judicium trahere minime liceat. Quod si in iis causis, in quibus ipse reus fuerit, contigerit, ut electus ab eo Conservator ab actore suspectus esse dicatur; aut si qua inter ipsos judices, Conservatorem, & Ordinarium, controversia super competentia jurisdictionis orta fuerit: nequaquam in causa procedatur, donec per arbitros, in forma juris electos, super suspicione, aut jurisdictionis competentia fuerit judicatum. Familiaribus vero ejus, qui hujusmodi literis Conservatoris tueri se solent, nihil illæ prodest, præterquam duobus dumtaxat; si tamen illi propriis ejus sumptibus vixerint. Nemo etiam similitum literarum beneficio ultra quinquennium gaudere possit. Non liceat quoque Conservatoribus judicibus ullum habere tribunal erectum. In causis vero mercedum, aut miserabilium personarum, hujus sanctæ Synodi super hoc Decretum in suo robore permaneat. Universitates autem generales, ac Collegia Doctorum, seu scholarium, & regularia loca, nec non hospitalia, actu hospitalitatem servantia, ac Universitatum, Collegiorum, locorum, & hospitalium hujusmodi personæ in præsentis Canone minime comprehensæ, sed exemptæ omnino sint, & esse intelligantur.

CAPUT VI.

Pœna decernitur in Clericos, qui in Sacris constituti, aut beneficia possidentes, decenti sui ordinis veste non induuntur.

QUIA vero, etsi habitus non facit Monachum, oportet tamen Clericos

vestes proprio congruentes ordini semper deferre, ut per decentiam habitus extrinseci morum honestatem intrinsecam ostendant: tanta autem hodie aliquorum inolevit temeritas, religionisque contemptus, ut, propriam dignitatem, & honorem Clericalem parvipendentes, vestes etiam deferant publice laicales, pedes in diversis ponentes, unum in Divinis, alterum in carnalibus: propterea omnes Ecclesiasticæ personæ, quantumcumque exemptæ, quæ aut in Sacris fuerint, aut dignitates, personatus, officia, aut beneficia qualiacumque Ecclesiastica obtinuerint, si, postquam ab Episcopo suo, etiam per edictum publicum, moniti fuerint, honestum habitum Clericalem, illorum ordini, & dignitati congruentem, & juxta ipsius Episcopi ordinationem, & mandatum non derulerint; per suspensionem ab ordinibus, ac officio, & beneficio, ac fructibus, redditibus, & proventibus ipsorum beneficiorum, nec non, si semel correpti, denuo in hoc deliquerint, etiam per privationem officiorum, & beneficiorum hujusmodi coerceri possint, & debeant: Constitutionem Clementis Quinti, in Concilio Viennensi editam, quæ incipit: Quoniam, innovando, & ampliando.

CAPUT VII.

Voluntarii homicidæ nunquam, casuales quomodo ordinandi.

Cum etiam qui per industriam occiderit proximum suum, & per insidias, ab altari avelli debeat: qui sua voluntate homicidium perpetraverit, etiam si crimen id nec ordine judiciario probatum, nec alia ratione publicum, sed occultum fuerit, nullo tempore ad sacros Ordines promoveri possit; nec illi aliqua Ecclesiastica beneficia, etiam si curam non habeant animarum, (*) conferri liceat; sed omni Ordine, ac beneficio, & officio Ecclesiastico perpetuo careat. Si vero homicidium non ex proposito, sed casu, vel vim vi repellendo, ut quis se a morte defenderet, fuisse commissum narretur; quam ob causam etiam ad sacrorum Ordinum, & alta-

(*) *Parifina*: conferre.

altaris ministerium, & beneficia quæcumque, ac dignitates, jure quodammodo dispensatio debeat; committatur loci Ordinario, aut ex causa Metropolitano, seu viciniore Episcopo; qui non nisi causa cognita, & probatis precibus, ac narratis, nec aliter, dispensare possit.

CAPUT VIII.

Nulli alienos Clericos punire liceat.

PRÆTEREA, quia nonnulli, quorum etiam aliqui veri sunt Pastores, ac proprias oves habent, alienis etiam ovibus præesse quærunt: & ita alienis subditis quandoque intendunt, ut suorum curam negligant; quicumque, etiam Episcopali præditus dignitate, qui alienos subditos puniendi privilegium habuerit, contra Clericos sibi non subditos, præsertim in Sacris constitutos, quorumcumque etiam atrocium criminum reos, nisi cum proprii ipsorum Clericorum Episcopi, si apud Ecclesiam refederit, aut personæ ab ipso Episcopo deputandæ interventu, nequaquam procedere debeat: alias processus, & inde secuta quæcumque viribus omnino careant.

CAPUT IX.

Beneficia unius Diœcesis nullo prætextu uniantur beneficiis alterius.

ET, quia jure optimo distinctæ fuerunt Diœceses, & Parochiæ, ac unicuique gregi proprii attributi Pastores, & inferiorum Ecclesiarum Rectores, qui, suarum quisque ovium; curam habeant, ut ordo Ecclesiasticus non confundatur, aut una & eadem Ecclesia duarum quodammodo Diœcesum fiat, non sine gravi eorum incommodo, qui illi subditi fuerint: beneficia unius Diœcesis, etiam si Parochiales Ecclesiæ, Vicariæ perpetuæ, aut simplicia beneficia, seu præstimonialia, aut præstimonialia portiones fuerint, etiam ratione augendi cultum Divinum, aut numerum beneficiariorum, aut alia quacumque de causa, alterius Diœcesis beneficio,

aut Monasterio, seu Collegio, vel loco etiam pio, perpetuo non uniantur: Decretum hujus sanctæ Synodi super hujusmodi unionibus in hoc declarando.

CAPUT X.

Regularia beneficia Regularibus conferantur.

REGULARIA beneficia, in titulum Regularibus professis provideri consueverunt, cum per obitum, aut resignationem, vel alias illa in titulum obtinentis vacare contigerit, religiosi tantum illius ordinis, vel illi, qui habitum omnino suscipere, & professionem emitte teneantur, & non aliis, ne vestem lino, lanaque contextam induant, conferantur.

CAPUT XI.

Translati ad alium Ordinem in claustris sub obedientia maneat, & beneficiorum Secularium incapaces existant.

QUIA vero Regulares, de uno ad alium ordinem translati, facile a suo Superiore licentiam standi extra Monasterium obtinere solent, ex quo vagandi, & apostatandi occasio tribuitur: nemo cujuscumque ordinis Prælati, vel Superior, vigore cujusvis facultatis aliquem ad habitum, & professionem admittere possit, nisi ut in ordine ipso, ad quem transfertur, sub sui Superioris obedientia in claustris perpetuo maneat; ac taliter translatus, etiam si Canonico Regularium fuerit, ad beneficia secularia, etiam curata, omnino incapax existat.

CAPUT XII.

Jus Patronatus nemo nisi ex fundatione, vel dotatione obtineat.

NEMO, etiam cujusvis dignitatis Ecclesiasticæ, vel secularis, quacumque ratione, nisi Ecclesiam, beneficium, aut Capellam de novo fundaverit, & construxerit; seu jam erectam, quæ tamen sine sufficienti dote fuerit, de suis pro-

propriis, & patrimonialibus bonis compereperit dotaverit; jus Patronatus impetrare, aut obtinere possit, aut debeat. In casu autem fundationis, aut dotationis, hujusmodi institutio Episcopo, & non alteri inferiori reservetur.

CAPUT XIII.

Præsentatio fiat Ordinario, alias institutio sit nulla.

NON liceat præterea Patrono cuiusvis privilegii prætextu aliquem ad beneficia sui juris patronatus, nisi Episcopo loci Ordinario, ad quem provisio, seu institutio ipsius beneficii, cessante privilegio, jure pertineret, quoquo modo præsentare; alias præsentatio, ac institutio, forsan secutæ, nullæ sint, & esse intelligantur.

CAPUT XV.

Tractandum deinceps de Missa, Ordine, & Reformatione.

DECLARAT præterea sancta Synodus, in futura Sessione, quam ad XXV. diem Jan. subsequentis anni M. D. LIII. habendam esse jam decrevit; una cum Sacrificio Missæ agendum & tractandum etiam esse de Sacramento Ordinis, & prosequendam esse materiam Reformationis.

SESSIO XV.

QUÆ EST QUINTA

SUB JULIO III. PONT. MAX.

CELEBRATA DIE XXV. JAN.

M D L II.

Decretum prorogationis Sessionis.

CUM ex eo, quod proximis Sessionibus decretum fuit, sancta hæc, & universalis Synodus per hos dies accuratissime, diligentissimeque tractaverit ea, quæ ad sanctissimum Missæ sacrificium, & ad Sacramentum Ordinis spectant; ut hodierna Sessione, quemadmodum Spiritus Sanctus suggessisset, decreta de his rebus, & quatuor præterea articulos ad sanctissimum Eucha-

ristiæ Sacramentum pertinentes, in hanc tandem Sessionem dilatos publicaret; atque interim affuturos esse putaverit ad hoc sacrosanctum Concilium eos, qui Protestantes se vocant, quorum causâ eorum publicationem articulorum distulerat; & ut libere, ac sine cunctatione ulla huc venirent, fidem eis publicam, sive Salvum conductum concesserat: tamen, cum illi nondum venerint; & eorum nomine supplicatum huic sanctæ Synodo fuerit, ut publicatio, quæ hodierno die facienda fuerat, in sequentem Sessionem differatur, certa spe allata, affuturos eos esse omnino multo ante illam Sessionem, salvo conductu amplioris formæ interim accepto; eadem sancta Synodus, in Spiritu Sancto legitime congregata, iisdem Legato, & Nunciis præsentibus, nihil magis optans, quam ex præstantissima natione Germanica omnes de religione dissensiones, & schismata tollere, ac ejus quieti, paci, otioque consulere; parata, ipsos, si venerint, & humaniter excipere, & benigne audire; confidensque eos non fidei Catholicæ pertinaciter oppugnandæ, sed veritatis cognoscendæ studio esse venturos, & ut Evangelicæ veritatis studiosos decet, sanctæ Matris Ecclesiæ Deoretis, ac disciplinæ ad extremum esse acquiescuros; sequentem Sessionem ad eandem, & publicanda ea, quæ supra commemorata sunt, in diem festum sancti Josephi, qui erit die XIX. mensis Martii, distulit; ut satis illi temporis, & spatii habeant, non solum ad veniendum, verum etiam ad ea, quæ voluerint, antequam is dies veniat, proponenda. Quibus ut omnem cunctandi diutius causam adimat; fidem publicam, sive salvum conductum, ejus, qui recitabitur, tenoris, & sententiæ, libenter dat, & concedit. Interea vero de Matrimonii Sacramento agendum; & de eo, præter superiorum decretorum publicationem, definiendum esse, eadem Sessione statuit; & decernit, & prosequendam esse materiam Reformationis.

SALVUS

Tomus VI. Concilior. German.

Rrrrr

SALVUS CONDUCTUS
datus Protestantibus.

Sacrofancta Oecumenica, & Generalis Tridentina Synodus, in Spiritu Sancto legitime congregata, Præsidentibus in ea eisdem Sanctæ Sedis Apostolicæ Legato, & Nunciis, inherendo Salvo conductui, in penultima Sessione dato, & illum, juxta tenorem infra-scriptum, ampliando, Universis fidem facit, quod omnibus, & singulis Sacerdotibus, Electoribus, Principibus, Ducibus, Marchionibus, Comitibus, Baronibus, Nobilibus, militaribus, popularibus, & aliis quibuscumque viris, cujuscumque status, & conditionis, aut qualitatis existant, Germanicæ Provinciæ, & Nationis civitatibus, & aliis locis ejusdem, & omnibus aliis Ecclesiasticis, & secularibus, præsertim Augustanæ confessionis, personis, qui, aut que una cum ipsis ad hoc Generale Tridentinum Concilium venient, aut mittunt, ac profecturi sunt, aut bucusque venerunt, quocumque nomine censeantur, aut valeant nuncupari, tenore præsentium publicam fidem, & plenissimam, verissimamque securitatem, quam saluum conductum appellant, libere ad hanc civitatem Tridentinam veniendi, ibidemque manendi, standi, morandi, proponendi, loquendi, una cum ipsa Synodo de quibuscumque negotiis tractandi, examinandis, discutiendi, & omnia, quæcumque ipsis libuerit, ac articulos quoslibet tam scripto, quam verbo libere offerendi, propalandi, eosque Scripturis sacris, & Beatorum Patrum verbis, sententiis, & rationibus declarandi, astruendi, & persuadendi, &, si opus fuerit, etiam ad objecta Concilii Generalis respondendi; & cum iis, qui a Concilio delecti fuerint, disputandi Christiane (*), aut caritative, absque omni impedimento conferendi, opprobriis, conviciis, ac contumeliis penitus semotis: & signanter quod causæ controversæ, secundum sacram Scripturam, & Apostolorum traditiones, probata Concilia, Catholica Ecclesiæ consensus, & Sanctorum Patrum auctoritates in prædicto Concilio Tridentino tractentur; illo etiam addito, ut religionis prætextu, aut delictorum circa eam commissorum, aut committendorum minime puniantur: impartitur; ac omnino concedit; sic etiam, ut propter illorum præsentiam neque in itinere, aut quocumque locorum, eundo, manendo, aut redeundo, nec in ipsa civitate Tridentina a Divinis officiis quovis

modo cessetur. Et ut, his peractis, vel non peractis, quandocumque ipsis libuerit, aut majorum suorum mandato, & assensu ad propria reverti optabunt; aut aliquis eorum optabit; mox absque ulla venientia, & occasione, aut mora, salvis rebus eorum, & suorum pariter honore, & personis, vice versa, possint juxta beneplacitum libere, & secure redire, de scientia tamen ab eadem Synodo deputandorum; ut tunc opportune eorum securitati, absque dolo, & fraude provideatur. Vult etiam Sancta Synodus in hac publica fide, salvoque conductu, omnes quascumque clausulas includi, ac contineri, ac pro inclusis haberi, quæ pro plena, efficaci, & sufficienti securitate, in eundo, stando, & redeundo, necessaria, & opportuna fuerint. Illud etiam, ad majorem securitatem, & pacis, ac (**) conciliationis bonum, exprimens, quod, si quispiam, aut illorum aliqui, sive in itinere, Tridentum veniendo, sive ibidem morando, aut redeundo; aliquod enorme, quod absit, egerint, aut commiserint, quo posset hujus fidei publicæ, & asservationis beneficium, eis concessum, annullari, aut cassari; vult, & concedit, ut in hujusmodi facinore deprehensi, ab ipsis duntaxat, & non ab aliis, condigna animadversione, cum emenda sufficienti, per partem ipsius Synodi merito approbanda, & laudanda, mox puniantur; illorum asservationis forma, conditionibus, & modis omnino manentibus illibatis. Pariformiter etiam vult, ut si quisquam, vel aliqui ex ipsa Synodo, sive in itinere, aut manendo, aut redeundo aliquid enorme, quod absit, egerint, aut commiserint, quo posset hujus fidei publicæ & asservationis beneficium violari, aut quoquo modo tolli; in hujusmodi facinore deprehensi, ab ipsa Synodo duntaxat, & non ab aliis condigna animadversione, & emenda sufficienti, per partem Dominorum Germanorum Augustanæ confessionis, tunc hic præsentium, merito laudanda, & approbanda, mox puniantur; præsentis asservationis forma, conditionibus, & modis omnino manentibus illibatis. Vult præterea ipsa Synodus, quod liceat ipsis Ambasciatoribus, omnibus, & singulis, toties, quotiescumque opportunam fuerit, seu necessariam, ad auram capiendam exire de civitate Tridentina, & reverti ad eandem, nec non nuncium, vel nuncios suos ad quæcumque loca pro suis necessariis negotiis ordinandis libere mittere, seu destinare, ac ipsos missos, seu destinatos, seu missum, & destinatum suscipere toties, quoties eis videbitur expedire; ita quod

(*) In editione Romana, quam secutus fuit Harduinus, ea vox: Christiane, non legebatur. Vide Tom. X. Concilior. Harduin. col. 107.

(**) Apud Harduinum: reconciliationis.

SESSIO XVI.

QUÆ EST SEXTA,

ET ULTIMA

SUB JULIO III. PONT. MAX.

CELEBRATA DIE XXVIII. APR.

M D L I I.

Decretum Suspensionis Concilii.

quod aliqui, vel aliquis per deputandos Concilii faciuntur, qui eorum securitati provideant, vel provideant. Qui quidem saluus conductus, & securitas stare ac durare debeat, a tempore, & per tempus, quo in ipsius Synodi, & suorum tuitionis curam ipsos suscipi contigerit, & usque ad Tridentum perducti, ac toto tempore mansionis eorum ibidem, & rursus, post sufficientem audientiam habitam, spatio viginti dierum præmissio, cum ipsi petierint; aut Concilium, habita huiusmodi audientia, ipsis receptum indicaverit, a Tridento usque in quem quisque elegerit sibi locum tutum, Deo favente, restituet, dolo, & fraude prorsus exclusis. Quæ quidem omnia pro universis, & singulis Christi fidelibus, pro omnibus Principibus, tam Ecclesiasticis, quam secularibus quibuscunque, atque omnibus aliis Ecclesiasticis & secularibus personis, cujuscunque status, & conditionis existant, aut quocunque nomine censeantur, inviolabiliter observanda esse promittit, & bona fide spondet.

Insuper, omni fraude, & dolo exclusis, vera, & bona fide promittit, ipsam Synodum nullam vel manifeste, vel occulte occasionem quaesituram; aut aliqua auctoritate, potentia, jure, vel statuto, privilegio Legum, vel Canonum, aut quorumcunque Conciliorum, præsertim Constantiensis, & Senensis, quacunque forma verborum expressa, in aliquod hujus fidei publicæ, & plenissimæ asservationis, ac publicæ, & liberæ audientie, ipsis per ipsam Synodum concessæ, præjudicium quovis modo usuram, aut quemquam uti permissuram: quibus in hac parte pro hac vice derogat. Quod si Sancta Synodus, aut aliquis ex ea, vel suis, cujuscunque conditionis, vel status, aut præeminentie existens, præscriptæ asservationis, & salvi conductus formam & modum in quocunque puncto vel clausula violaverit; quod tamen avertere dignetur Omnipotens; & sufficiens emenda non fuerit mox subsequuta, & ipsorum arbitrio merito approbanda, & laudanda; habeant ipsam Synodum, & habere poterunt, incidisse in omnes penas, quas jure Divino, & humano, aut consuetudine, huiusmodi saluorum conductuum violatores incurvere possunt, absque omni excusatione, aut quavis in hac parte contradictione.

In editione Petri Crabbe, & Laur. Surii additur:

Datum Tridenti, in Sessione publica die vigesimo quinto Januarii, MDLII.

Tomus VI. Concilior. German.

SACROSANCTA Oecumenica, & Generalis Tridentina Synodus, in Spiritu Sancto legitime congregata, Præsidentibus in ea Reverendissimis Dominis, Sebastiano, Archi-Episcopo Siptontino, & Aloysio, Episcopo Veronensi, Apostolicis Nunciis, tam eorum proprio, quam Reverendissimi, & Illustrissimi Domini Marcelli, tit. S. Marcelli Sanctæ Romanæ Ecclesiæ Cardinalis Crescentii, Legati, ob adversam ejus gravissimam valetudinem absentis, nomine: non dubitat Christianis omnibus patere, hoc Concilium Oecumenicum Tridentum primo a PAULO feliciter convocatum, & collectum fuisse; deinde a Sanctissimo Domino nostro, JULIO III. efflagitante CAROLO Quinto, Augustissimo Imperatore, ea præcipue de causa fuisse restitutum, ut religionem in multis orbis partibus, & præsertim in Germania, in diversas opiniones miserabiliter distractam, in statum pristinum revocaret, abusus, & mores Christianorum corruptissimos emendaret: cumque ad hoc agendum quamplurimi Patres, nulla laborum suorum, periculorumque habita ratione, e diversis regionibus alacriter confluxissent; resque strenue, magno fidelium concursu, feliciterque procederet; ac spes esset non levis, illos Germanos, qui eas novitates excitant, in Concilium venturos, sic animatos, ut veris Ecclesiæ rationibus unanimiter acquiescerent; lux denique quædam rebus affulsisse videretur; caputque attollere inciperet profligata antea, & afflicta Respublica Christiana: ii repente tumultus, ea bella, hostis generis humani versutia, exarserunt, ut Concilium velut hæerere, ac suum cursum interrumpere satis incommode cogeretur; spesque omnis ulterioris progressus hoc in tempore tolleretur: tantumque aberat, ut sancta

Rrrrr 2

Syno-

Synodus Christianorum malis, & incommodis mederetur; ut multorum mentes, præter sui animi sententiam, irritaret potius, quam placaret. Cum igitur ipsa sancta Synodus, omnia, & præcipue Germaniam armis ardere, & discordiis, videret: omnes fere Episcopos Germanos, præsertim Principes Electores, suis consultum Ecclesiis e Concilio abiisse; decrevit tantæ necessitati non reluctari, & ad meliora tempora reticere; ut Patres, quod eis nunc agere non licet, suis ovis prospexit ad suas Ecclesias regredi valerent; ne diutius utrobique inutiles otio contendantur. Atque ita, quoniam sic temporum condicio tulit, hujus Oecumenici Concilii Tridentini progressum per biennium suspendendum fore decernit, prout præfenti Decreto suspendit, ea tamen lege, ut, si citius pacata res sit, ac tranquillitas pristina revertatur, quod sperat DEI Optimi Maximi beneficio non longo fors spatio futurum, ipsius Concilii progressus eodemmet tempore suam vim, firmitatem, vigoremque habere censeatur. Sin autem, quod Deus avertat, peracto biennio prædicta legitima impedimenta non fuerint submotæ; cum primum cessaverint, talis suspensio eo ipso sublata esse intelligatur: ac suus vigor, & robur Concilio sit restitutum, & esse intelligatur, sine alia nova Concilii convocatione, accedente ad hoc Decretum consensu, & auctoritate Sanctitatis suæ, & Sanctæ Sedis Apostolicæ.

INTEREA tamen eadem Sancta Synodus exhortatur omnes Principes Christianos, & omnes Prælatos, ut observent, & respective, quatenus ad eos spectat, observare (*) faciant in suis Regnis, Dominiis, & Ecclesiis omnia, & singula, quæ per hoc Sacrum Oecumenicum Concilium fuerunt hætenus statuta, & decreta.

(*) *Harduinus*: observari.

BULLA CELEBRATIONIS CONCILII TRIDENTINI.

SUB PIO IV. PONT. MAX.

PIUS EPISCOPUS, SERVUS
SERVORUM DEI, AD FUTURAM
REI MEMORIAM.

AD Ecclesiæ regimen, licet tanto oneri impares, sola Dei dignatione vocati, statim circumferentes mentis oculos per omnes Reipublicæ Christianæ partes, cernentesque non sine magno horrore, quam longe, lateque pestis hæresum, & schismatis pervasisset, & quanta Christiani populi mores correctione indigerent; in eam curam, & cogitationem, pro suscepti muneris officio, incumbere cepimus, quemadmodum ipsas hæreses extirpare, tantumque, & tam perniciosum schisma tollere, moresque adeo corruptos, & depravatos emendare possemus. Cum autem intelligeremus, ad hæc sananda mala aptissimum esse remedium, quod sancta hæc Sedes adhibere consuevisset, Oecumenici Generalisque Concilii; ejus congregandi, &, Dei juvante, celebrandi consilium cepimus. Indictum illud quidem ante fuit a fel. rec. Paulo III. & ejus Successore Julio, Prædecessoribus nostris; sed variis de causis sæpius impeditum, & interpellatum perfici non potuit, siquidem Paulus, cum id primo in urbem Mantuam, deinde Vincentiam indixisset; quasdam ob causas, in literis ejus expressas, id primo suspendit, postea Tridentum transtulit: deinde cum quibusdam de causis ibi quoque ejus celebrandi tempus dilatum fuisset, tandem suspensione sublata, in eadem civitate Tridentina inchoatum fuit. Verum Sessionibus aliquot habitis, & nonnullis Decretis factis, ipsum se postea Concilium, aliquibus de causis, accedente etiam Sedis Apostolicæ auctoritate, Bononiam transtulit. Julius autem, qui ei successit, in eandem civitatem Tridentinam id revocavit. Quo quidem tempore facta alia quædam decreta sunt. Sed cum novi in propinquis Germaniæ locis tumultus excitati fuissent; & bellum in Italia, & Gallia gravissimum exarsisset; rursus

Con-

Concilium suspensum, & dilatum fuit, adnitente nimirum humani generis hoste, aliasque ex aliis difficultates, & impedimenta objiciente, ut tantum Ecclesiæ commodum, quod prorsus auferre non poterat, saltem quam diutius sine retardaret. Quantopere vero interea auctæ fuerint, & multiplicatæ, ac propagatæ hæreses; quantopere schisma creverit; sine maximo animi dolore nec meminisse possumus, nec referre. Sed tandem pius, & misericors Dominus, qui nunquam ita irascitur, ut misericordiæ obliviscatur; Regibus, & Principibus Christianis pacem, & unitatem donare dignatus est. Quam nos occasione oblata, maximam in spem venimus, ipsius misericordia freti, fore, ut his tantis quoque Ecclesiæ malis eadem Concilii via finis imponatur. Nos itaque, ad schisma, hæresesque tollendas, ad corrigendos, & reformandos mores, ad pacem inter Christianos Principes conservandam, celebrationem ejus non esse duximus diutius differendam. Habita igitur cum Venerabilibus Fratribus nostris, Sanctæ Romanæ Ecclesiæ Cardinalibus, deliberatione matura, factis etiam consilii nostricertioribus Carissimis in Christo Filiis nostris, FERDINANDO Romanorum Imperatore electo, & aliis Regibus, atque Principibus; quos quidem, sicut de eorum summa pietate, & sapientia nobis pollicebamur, paratissimos ad ipsius Concilii celebrationem adjuvandam invenimus; ad Dei Omnipotentis laudem, honorem, & gloriam; atque universalis Ecclesiæ utilitatem, de eorundem Fratrum nostrorum consilio, & assensu, Sacrum Oecumenicum, & Generale Concilium, ex auctoritate ejusdem Dei, & Beatorum Petri, & Pauli, Apostolorum, qua nos quoque in terris fungimur, freti, & subnixi, in civitate Tridentina, ad sacratissimum diem Resurrectionis Dominicæ proxime futurum indicimus, & ibi celebrandum, sublata suspensione quacunque; statuimus, atque decernimus. Quocirca Venerabiles Fratres nostros, omnes ex locis, Patriarchas, Archi-Episcopos, Episcopos, & dilectos filios Abbates, cæterosque, quibus in Concilio Generali sedere, & sententiam dicere, jure

communi, vel ex privilegio, vel ex antiqua consuetudine licet, vehementer in Domino hortamur, & monemus, atque etiam districte præcipiendo mandamus, in virtute sanctæ obedientiæ, in vi quoque juramenti, quod præstiterunt, & sub pœnis, quas in eos, qui ad Concilia generalia convenire neglexerint, sacris sciunt esse Canonibus constitutas, ut ad Concilium ibi celebrandum convenient intra eam diem; nisi forte impedimento fuerint legitimo præpediti: quod tamen impedimentum per legitimos Procuratores Synodo probare debebunt. Moneamus præterea omnes, & singulos, quorum interest, interesseve poterit, ut in Concilio adesse ne negligant. Carissimos vero in Christo Filios nostros, Romanorum Imperatorem electum, cæterosque Reges, & Principes, quos optandum sane esset, Concilio interesse posse, hortamur, & rogamus, ut, si ipsi Concilio interesse non potuerint, at Oratores suos, prudentes, graves, & pios viros, utique mittant, qui ipsorum nomine illi intersint, curentque diligenter pro sua pietate, ut ex eorum Regnis, atque Dominiis Prælati sine recusatione, ac mora, tam necessario tempore, Deo & Ecclesiæ officium suum præstent: eosdem etiam curaturos esse minime dubitantes, ut per ipsorum Regna, & Dominia tutum, ac liberum iter Prælati, eorumque familiaribus, Comitibus, & aliis omnibus ad Concilium euntibus, & ab illo redeuntibus pateat; benigneque, ac comiter omnibus in locis recipiantur, atque tractentur; sicut, quod ad nos attinet, ipsi quoque curabimus; qui nihil omnino prætermittere decrevimus, quod ad tam pium, & salutare opus perficiendum, a nobis, in hoc loco constitutis, præstari possit: nihil, ut Deus scit, quærentes aliud, nihil propositum habentes in hoc Concilio celebrando, nisi honorem ipsius Dei, dispersarum ovium reductionem, ac salutem, & perpetuam Christianæ Reipublicæ tranquillitatem, ac quietem. Ut vero hæc literæ, & quæ in eis continentur, ad omnium, quorum oportet, notitiam perveniant; nec quisquam ea excusatione uti possit, quod illa ignoraverit, præsertim cum non ad omnes, quos de his literis certiores fieri oporteret, tutus forsitan pateat aditus;

volumus, & mandamus, ut in Basilica Vaticana Principis Apostolorum, & in Ecclesia Lateranensi tunc, cum in eis populus, ut Missarum solemnibus intersit, congregari solet; palam clara voce a Curia nostræ Curforibus, seu Notariis ali- quibus publicis recitentur; & postquam recitata fuerint, ad valvas earum Eccle- siarum, itemque Cancellariæ Apostolicæ, & in loco solito Campi Floræ affigantur; ibique, quo legi, & omnibus innotescere possint, aliquandiu relinquuntur: cum autem inde amovebuntur, earum exem- pla in eisdem locis affixa remaneant. Nos enim per recitationem hanc, publicatio- nem, & affixionem omnes, & singulos, qui his literis comprehenduntur, post duos menses a die publicationis, & af- fixationis eorum, volumus perinde astri- ctos, & obligatos esse, ac si ipsismet illæ coram editæ, & lectæ fuissent. Tran- sumptis quoque earum, quæ manu pub- lici alicujus Notarii scripta, subscripta- ve, & sigillo, & subscriptione alicujus personæ, in dignitate Ecclesiastica con- stitutæ, munita fuerint, ut sine dubita- tione ulla fides habeatur, mandamus, at- que decernimus. Nulli ergo omnino ho- minum liceat, hanc paginam nostræ indi- ctionis, Statuti, Decreti, præcepti, ad- monitionis, & adhortationis infringere; vel ei ausu temerario contraire. Si quis autem hoc attentare præsumperit, in- dignationem Omnipotentis Dei, ac Bea- torum Petri, & Pauli, Apostolorum ejus, se noverit incursum. Datum Romæ, apud S. Petrum, anno Incarnatio- nis Dominicæ, M.D.LX. III. Kal. Dec. Pontificatus nostri anno primo.

ANTONIUS FLOREBELLUS.

Barengus.

SACROSANCTI OECUMENICI,
ET GENERALIS CONCILII
TRIDENTINI

SESSIO XVII.

QUÆ EST PRIMA
SUB PIO IV. PONT. MAX.
CELEBRATA DIE XVIII. JAN.
M D LXII.

*Decretum de celebrando Con-
cilio.*

PLACETNE vobis, ad laudem, & gloriam Sanctæ, & Individuæ Tri- nitatis, Patris, & Filii, & Spiritus San- cti, ad incrementum & exaltationem Fi- dei, & Religionis Christianæ, Sacrum Oecumenicum, & Generale Concilium Tridentinum, in Spiritu Sancto legitime congregatum, ab hodierno die, qui est XVIII. mensis Jan. anni a Nativitate Do- mini M.D. LXII. Cathedræ Romanæ Beati Petri, Apostolorum Principis, con- secrato, sublata quacumque suspensione, juxta formam, & tenorem literarum San- ctissimi Domini nostri PII IV. Pont. Max. celebrari, & in eo ea, debito ser- vato ordine, tractari, quæ proponenti- bus Legatis, ac Præsidentibus, ad ho- rum temporum levandas calamitates, se- dandas de religione controversias, coer- cendas linguas dolosas, depravatorum morum abusus corrigendos, Ecclesiæ ve- ram atque Christianam pacem concilian- dam apta & idonea ipsi Sanctæ Synodo videbuntur? *Responderunt, PLACET.*

Indictio futuræ Sessionis.

PLACETNE vobis, proximam fu- turam Sessionem habendam & celebra- dam esse feria quinta, post secundam Dominicam Quadragesimæ, quæ erit die XXVI. mensis Februarii? *Responderunt, PLACET.*

SESSIO

SESSIO XVIII.

QUÆ EST SECUNDA

SUB PIO IV. PONT. MAX.

CELEBRATA DIE XXVI. FEB.

M D LXII.

Decretum de librorum delectu, & omnibus ad Concilium fide publica invitandis.

SACROSANCTA Oecumenica, & Generalis Tridentina Synodus, in Spiritu Sancto legitime congregata, Præsidentibus in ea eisdem Apostolicæ Sedis Legatis, non humanis quidem viribus confisa, sed Domini nostri, Jesu Christi, qui os, (a) & sapientiam Ecclesiæ suæ daturum se promisit, ope & auxilio freta, illud præcipue cogitat, ut Catholicæ fidei doctrinam, multorum inter se dissidentium opinionibus, pluribus locis inquinatam, & obscuratam, & in suam puritatem, & splendorem aliquando restituat; & mores, qui a veteri instituto deflexerunt, ad meliorem vitæ rationem revocet; corque (b) Patrum ad filios, & cor filiorum ad patres convertat. Cum itaque omnium primum animadverterit, hoc tempore suspectorum, ac perniciosorum librorum, quibus doctrina impura continetur, & longe lateque diffunditur, numerum nimis excrevisse; quod quidem in causa fuit, ut multæ censuræ in variis Provinciis, & præsertim in alma Urbe Roma, pio quodam zelo, editæ fuerint; neque tamen huic tam magno, ac pernicioso morbo salutarem ullam profuisse medicinam, censuit, ut delecti ad hanc disquisitionem Patres de censuris, librisque, quid factu opus esset, diligenter considerarent, atque etiam ad eandem sanctam Synodum suo tempore referrent; quo facilius ipsa possit varias & peregrinas doctrinas, tamquam (c) zizania, a Christianæ veritatis tritico separare; deque his commodius deliberare, & statuere, quæ ad scrupulum ex complurium animis eximendum, & tollendas multarum querelarum causas, magis opportuna videbuntur. Hæc autem omnia ad noticiam quorumcumque deducta esse vult, prout

etiam præsentī Decreto deducit: ut, si quis ad se pertinere aliquo modo putaverit, quæ vel de hoc librorum, & censurarum negotio, vel de aliis, quæ in hoc Generali Concilio tractanda prædixit, non dubitet a sancta Synodo se benigne auditum iri.

QUONIAM vero eadem sancta Synodus ex corde optat, Deumque enixe rogat, quæ ad pacem sunt Ecclesiæ, ut universi communem matrem in terris agnoscantes, quæ, quos (d) peperit, obvisci non potest, unanimes, (e) uno ore, glorificemus Deum, Patrem Domini nostri Jesu Christi; per viscera misericordix ejusdem Dei & Domini nostri, omnes, qui nobiscum communionem non habent, ad concordiam & reconciliationem, & ut ad hanc sanctam Synodum veniant, invitat atque hortatur; utque caritatem, (f) quod est vinculum perfectionis, amplectantur; pacemque Christi, exultantem in cordibus suis, præ se ferant, in quam vocati sunt, in uno corpore. Hanc ergo non humanam, sed Spiritus Sancti vocem audientes, ne obdurent corda sua: sed in suo sensu non ambulantes, neque sibi placentes, ad tam piam, & salutarem matris suæ admonitionem excitentur, & convertantur. Omnibus enim caritatis officiis sancta Synodus eos ut invitat, ita complectetur.

INSUPER eadem sancta Synodus decrevit, fidem publicam in Congregatione generali concedi posse, & eandem vim habituram, ejusdemque roboris & momenti futuram, ac si in publica Sessione data, & Decreta fuisset.

Indictio futuræ Sessionis.

EADÉM Sacrosancta Tridentina Synodus, in Spiritu Sancto legitime congregata, Præsidentibus in ea eisdem Apostolicæ Sedis Legatis, statuit, & decernit, proximam futuram Sessionem habendam & celebrandam esse feria quinta, post Sacratissimum Festum Ascensionis Domini; quæ erit die XIV. Mensis Maji.

SAL-

(a) Luc. 21.
(e) Rom. 15.(b) Luc. 1.
(f) Coloss. 3.

(c) Matt. 13.

(d) Isa. c. 49.

SALVUS CONDUCTUS

CONCESSUS GERMANICÆ

NATIONI,

IN CONGREGATIONE GENERALI,

DIE IV. MARTII, M.D.LXII.

Sacrofancta Oecumenica, & Generalis Tridentina Synodus, in Spiritu Sancto legitime congregata, Præsidentibus in ea eisdem Sedis Apostolicæ Legatis, Universis fidem facit, quod omnibus, & singulis Sacerdotibus, Electoribus, Principibus, Ducibus, Marchionibus, Comitibus, Baronibus, Nobilibus, militaribus, popularibus, & aliis quibuscunque viris, cuiuscunque status, & conditionis, aut qualitatis existant, Germanicæ Provinciæ, & nationis, civitatibus, ac aliis locis ejusdem, & omnibus aliis Ecclesiasticis, & Sæcularibus, præsertim Augustanæ confessionis, personis, qui, aut quæ una cum ipsis ad hoc Generale Tridentinum Concilium venient, aut mittuntur, ac profecturi sunt, aut bucusque venerunt, quocunque nomine censeantur, aut valeant nuncupari, tenore præsentium publicam fidem, & plenissimam, verissimamque securitatem, quam Salvum conductum appellant, libere ad hanc civitatem Tridentinam veniendi, ibidemque manendi, standi, morandi, proponendi, loquendi, una cum ipsa Synodo de quibuscunque negotiis tractandi, examinandi, discutiendi, & omnia, quæcumque ipsis libuerit, ac articulos quoslibet, tam scripto, quam verbo, libere offerendi, propalandi, eosque Scripturis Sacris, & Beatorum Patrum verbis, sententiis, & rationibus declarandi, astruendi, & persuadendi, &, si opus fuerit, etiam ad objecta Concilii Generalis respondendi, & cum iis, qui a Concilio delecti fuerint, disputandi, aut caritative absque omni impedimento conferendi, opprobriis, conviciis, ac contumeliis penitus semotis; & signanter, quod causæ controversiæ secundum sacram Scripturam, & Apostolorum traditiones, probata Concilia, Catholica Ecclesiæ consensus, & Sanctorum Patrum auctoritates in prædicto Concilio Tridentino tractentur; illo etiam adito, ut Religionis prætextu, aut delictorum circa eam commissorum, aut committendorum, minime puniantur, impertituri, ac omnino concedit; sic etiam, ut propter illorum præsentiam neque in itinere, aut quocunque locorum eundo, manendo, aut redeundo, nec in ipsa civitate Tridentina a Divinis officiis quovis modo cessetur. Et ut, bis peractis, vel non pera-

ctis, quandotumque ipsis libuerit; aut majorum suorum mandato, & assensu ad propria reverti optabunt; aut aliquis eorum optabit; mox absque ulla venientia, & occasione, aut mora, salvis rebus eorum, & suorum pariter honore, & personis, vice versa, possint juxta beneplacitum libere, & secure redire; de scientia tamen ab eadem Synodo deputandorum; ut tunc opportune eorum securitati, absque dolo, & fraude, provideatur. Vult etiam Sancta Synodus, in hac publica fide, salvoque conductu, omnes quascunque clausulas includi, ac contineri, ac pro inclusis haberi, quæ pro plena, efficaci, & sufficienti securitate, in eundo, stando, & redeundo, necessariæ, & opportuniæ fuerint. Illud etiam, ad majorem securitatem, & pacis, ac conciliationis bonum, expriment, quod, si quispiam, aut illorum aliqui, sive in itinere, Tridentum veniendo, sive ibidem morando, aut redeundo, aliquod enorme, quod absit, egerint, aut commiserint, quo possit bujus fidei publicæ, & assécurationis beneficium, eis concessum, annullari, aut cassari; vult, & concedit, ut in bujusmodi facinore deprehensi, ab ipsis dumtaxat, & non ab aliis condigna animadversione cum emenda sufficienti, per partem ipsius Synodi merito approbata, & laudanda, mox puniantur: illorum assécurationis forma, condicionibus, & modis omnino manentibus illibatis. Pariformiter etiam vult, ut, si quisquam, vel aliquis ex ipsa Synodo, sive in itinere, aut manendo, aut redeundo, aliquod enorme, quod absit, egerint, aut commiserint, quo possit bujus fidei publicæ, & assécurationis beneficium violari, aut quoquo modo tolli; in bujusmodi facinore deprehensi, ab ipsa Synodo dumtaxat, & non ab aliis condigna animadversione, & emenda sufficienti, per partem Dominorum Germanorum Augustanæ confessionis, tunc hic præsentium, merito laudanda, & approbata, mox puniantur; præsentis assécurationis forma, condicionibus, & modis omnino manentibus illibatis. Vult præterea ipsa Synodus, quod liceat ipsis Ambasciatoribus, omnibus & singulis, toties, quotiescumque opportunum fuerit, seu necessarium, ad auram capiendam, exire de civitate Tridentina, & reverti ad eandem, nec non nuncios, vel nuncios suos ad quæcumque loca pro suis necessariis negotiis ordinandis libere mittere, seu destinare, ac ipsos missos, seu destinatos, seu missum, & destinatum suscipere toties, quoties eis videbitur expedire: ita quod aliqui, vel aliquis per deputandos Conciliiificentur, qui eorum securitati provideant, vel provi-

provident. Qui quidem salvis conductus, & securitas stare, ac durare debeat a tempore, & per tempus, quo in ipsius Synodi, & suorum tuitionis curam ipsos suscipi contigerit, & usque ad Tridentum perducit, ac toto tempore mansionis eorum ibidem: & rursus, post sufficientem audientiam habitam, spatio viginti dierum præmissis, cum ipsi petierint; aut Concilium habita hujusmodi audientia, ipsis recessum indixerit, a Tridento usque in quem quisque elegerit sibi locum tutum, Deo favente, restituet, dolo, & fraude prorsus exclusis. Quæ quidem omnia pro universis, & singulis Christi fidelibus, pro omnibus Principibus, tam Ecclesiasticis, quam secularibus quibuscumque, atque omnibus aliis Ecclesiasticis, ac secularibus personis, cujuscumque status, & conditionis existant, aut quocumque nomine censeantur, inviolabiliter observanda esse promittit, & bona fide spondet. Insuper, omni fraude, & dolo exclusis, vera & bona fide promittit, ipsam Synodum nullam vel manifeste, vel occulte occasione quaesituram, aut aliqua auctoritate, potentia, jure, vel statuto, privilegio Legum, vel Canonum, aut quorumcumque Conciliorum, præsertim Constantiensis, & Senensis, quacumque forma verborum expressa, in aliquod hujus fidei publicæ, & plenissimæ asservationis, ac publicæ, & liberæ audientia, ipsis per ipsam Synodum concessæ, præjudicium quovis modo usuram, aut quæquam uti permissuram: quibus in hac parte pro hac vice derogat. Quod si Sancta Synodus, aut aliquis ex ea, vel suis, cujuscumque conditionis, vel status, aut præminentia existens, præscriptæ asservationis, & salvi conductus formam & modum in quocumque puncto vel clausula violaverit, quod tamen avertere dignetur Omnipotens, & sufficiens emenda non fuerit mox subsecuta, & ipsorum arbitrio merito approbanda, & laudanda; habeant ipsam Synodum, & habere poterunt, ineidisse in omnes penas, quas jure Divino, & humano, aut consuetudine, hujusmodi salvorum conductuum violatores incurrere possunt, absque omni excusatione, aut quavis in hac parte contradictione.

Extensio ad alias Nationes.

Eadem Sacrosancta Synodus, in Spiritu Sancto legitime congregata, Præsidentibus in ea eisdem Apostolicæ Sedis de latere Legatis, omnibus, & singulis aliis, qui nobiscum in iis, quæ sunt fidei, communionem non habent, ex quibuscumque Regnis, Nationibus, Provinciis,

Tomus VI. Concilior. German.

civitatis, ac locis, in quibus publice, & impune predicatur, vel docetur, sive creditur contrarium ejus, quod Sancta Romana sentit Ecclesia, dat fidem publicam, sive saluum conductum sub eadem forma, & eisdem verbis, quibus datur Germanis.

SESSIO XIX.

QUÆ EST TERTIA
SUB PIO IV. PONT. MAX.
CELEBRATA DIE XIV. MAJI,
M D LXII.

Decretum prorogationis Sessionis.

SACROSANCTA Oecumenica, & Generalis Tridentina Synodus, in Spiritu Sancto legitime congregata, Præsidentibus in ea eisdem Apostolicæ Sedis Legatis, Decreta ea, quæ hodie in præsentis Sessione statuenda, ac facienda erant, justis nonnullis, ac honestis causis, in feriam quintam, post proximam solemnitatem Corporis Christi, quæ erit pridie Nonas Junii, proroganda esse censuit, ac prorogat; dictaque die Sessionem habendam esse, ac celebrandam, omnibus indicit. Interea rogandus est DEUS, & Pater Domini nostri, JESU CHRISTI, auctor pacis, ut sanctificet corda omnium; quo adjuvante, Sancta Synodus & nunc, & semper meditari, atque peragere valeat, quæ ad ejus laudem, & gloriam pertineant.

SESSIO XX.

QUÆ EST QUARTA
SUB PIO IV. PONT. MAX.
CELEBRATA DIE IV. JUN.
M D LXII.

Decretum prorogationis Sessionis.

SACROSANCTA Oecumenica, & Generalis Tridentina Synodus, in Spiritu Sancto legitime congregata, Præsidentibus in ea eisdem Apostolicæ Sedis Legatis, propter varias difficultates, ex diversis causis exortas, atque

S s s s s etiam

etiam ut congruentius, majorique cum deliberatione omnia procedant, nempe ut dogmata cum iis, quæ ad Reformationem spectant, simul tractentur, & sanciantur; ea, quæ statuenda videbuntur tam de Reformatione, quam de dogmatibus, in proxima Sessione, quam omnibus indicit in diem sextam decimam subsequenter mensis Julii, definienda esse decrevit: Hoc tamen adjecto, quod dictum terminum ipsa Sancta Synodus pro ejus arbitrio, & voluntate, sicuti rebus Concilii putaverit expedire, etiam in generali Congregatione, restringere, & prorogare libere possit, & valeat.

SESSIO XXI.

QUÆ EST QUINTA,
SUB PIO IV. PONT. MAX.
CELEBRATA DIE XVI. JUL.
M D LXII.

DOCTRINA DE COMMU- NIONE SUB UTRAQUE SPE- CIE, ET PARVULO- RUM.

SACROSANCTA Oecumenica, & Generalis Tridentina Synodus, in Spiritu Sancto legitime congregata, Præsidentibus in ea eisdem Apostolicæ Sedis Legatis, cum de tremendo, & Sanctissimo Eucharistiæ Sacramento varia diversis in locis errorum monstranequissimi Dæmonis artibus circumferantur, ob quæ in nonnullis Provinciis multi a Catholicæ Ecclesiæ fide, atque obedientia videantur discessisse; censuit ea, quæ ad Communionem sub utraque specie, & parvulorum pertinent, hoc loco exponenda esse. Quapropter cunctis Christi fidelibus interdicit, ne posthac de iis aliter vel credere, vel docere, vel prædicare audeant, quam est his Decretis explicatum, atque definitum.

Laicos, & Clericos non conscientes, non astringi jure Divino ad Communionem sub utraque specie.

CAPUT I.

ITAQUE Sancta ipsa Synodus, a Spiritu Sancto, qui Spiritus est (a) sapientiæ, & intellectus, Spiritus consilii, & pietatis, edocta, atque ipsius Ecclesiæ judicium, & consuetudinem secuta; declarat, ac docet, nullo Divino Præcepto laicos, & Clericos non conscientes, obligari ad Eucharistiæ Sacramentum sub utraque specie sumendum; neque ullo pacto, salva fide, dubitari posse, quin illis alterius speciei Communio ad salutem sufficiat. Nam, (b) etsi Christus Dominus in ultima cæna Venerabile hoc Sacramentum in panis, & vini speciebus instituit, & Apostolis tradidit: non tamen illa institutio, & traditio eo tendunt, ut omnes Christi fideles statuto Domini ad utramque speciem accipiendam astringantur. Sed neque ex sermone illo, apud Joannem sexto, recte colligitur, utriusque speciei Communionem a Domino præceptam esse, utcumque juxta varias Sanctorum Patrum, & Doctorum interpretationes intelligatur. Namque qui dixit: (c) Nisi manducaveritis carnem filii hominis, & biberitis ejus sanguinem, non habebitis vitam in vobis: dixit quoque: (d) Si quis manducaverit ex hoc pane, vivet in æternum. Et qui dixit: (e) Qui manducat meam carnem, & bibit meum sanguinem, habet vitam æternam: dixit etiam: (f) Panis, quem ego dabo, caro mea est pro mundi vita. Et denique qui dixit: (g) Qui manducat meam carnem, & bibit meum sanguinem, in me manet, & ego in illo: dixit nihilominus: (h) Qui manducat hunc panem, vivet in æternum.

Eccle.

(a) Esaiæ 11.

(c) Joan. 6.

(f) Ibidem.

(b) Matt. 26. Marc. 14. Luc. 22. 1. Cor. 11.

(d) Ibidem.

(g) Ibidem.

(e) Ibidem.

(h) Ibidem.

Ecclesiæ potestas circa dispensationem Sacramenti Eucharistiæ.

CAPUT II.

PRÆTEREA declarat, hanc potestatem perpetuo in Ecclesia fuisse, ut in Sacramentorum dispensatione, salva illorum substantia, ea statueret, vel mutaret, quæ suscipientium utilitati, seu ipsorum Sacramentorum venerationi, pro rerum, temporum, & locorum varietate, magis expedire judicaret. Id autem Apostolus non obscure visus est innuisse, (i) cum ait: Sic nos existimet homo, ut Ministros Christi, & dispensatores mysteriorum DEI. Atque ipsam quidem hac potestate usum esse, satis constat, cum in multis aliis, tum in hoc ipso Sacramento, cum ordinatis nonnullis circa ejus usum, (k) Cætera inquit, cum venero, disponam. Quare agnoscens sancta Mater Ecclesia hanc suam in administratione Sacramentorum auctoritatem, licet ab initio Christianæ Religionis non infrequens utriusque speciei usus fuisset, tamen progressu temporis, latissime jam mutata illa consuetudine, gravibus, & iustis causis adducta, hanc consuetudinem sub altera specie communicandi approbavit, & pro lege habendam decrevit: quam reprobare, aut sine ipsius Ecclesiæ auctoritate pro libito mutare non licet.

Totum & integrum Christum, ac verum Sacramentum sub qualibet specie sumi.

CAPUT III.

INSUPER declarat, quamvis Redemptor noster, ut antea dictum est, (l) in suprema illa cena hoc Sacramentum in duabus speciebus instituerit, & Apostolis tradiderit; tamen faciendum esse, etiam sub altera tantum specie totum, atque integrum Christum, verumque Sacramentum sumi; ac propterea, quod ad fructum attinet, nulla gratia, necessaria ad salutem, eos de-

fraudari, qui unam speciem solam accipiunt.

Parvulos non obligari ad Communionem Sacramentalem.

CAPUT IV.

DENIQUE eadem Sancta Synodus docet, parvulos, usu rationis carentes, nulla obligari necessitate ad Sacramentalem Eucharistiæ Communionem: siquidem, per (m) Baptismi lavacrum regenerati, & Christo incorporati, adeptam jam filiorum Dei gratiam in illa ætate amittere non possunt. Neque ideo tamen damanda est antiquitas, si eum morem in quibusdam locis aliquando servavit. Ut enim Sanctissimi illi Patres sui facti probabilem causam pro illius temporis ratione habuerunt; ita certe, eos nulla salutis necessitate id fecisse, sine controversia credendum est.

DE COMMUNIONE

*SUB UTRAQUE SPECIE,
ET PARVULORUM.*

CANON I.

SI quis dixerit, ex Dei præcepto, vel necessitate salutis omnes, & singulos Christi fideles utramque speciem Sanctissimi Eucharistiæ Sacramenti sumere debere; anathema sit.

CANON II.

Si quis dixerit, Sanctam Ecclesiam Catholicam non iustis causis, & rationibus adductam fuisse, ut laicos, atque etiam Clericos, non conficientes, sub panis tantummodo specie communicaret, aut in eo errasse; anathema sit.

CANON III.

Si quis negaverit, totum, & integrum Christum, omnium gratiarum fontem, & auctorem, sub una panis specie sumi; quia, ut quidam falso asserunt, non secundum ipsius Christi constitutionem (*) sub utraque specie sumatur; anathema sit.

CA-

(i) 1. Cor. 4. 2. Cor. 6.

(k) 1. Cor. 11.

(l) Matt. 26. Marc. 14.

(m) Tit. 3.

(*) *Parisina*: Institutionem.*Tomus VI. Concilior. German.*

CANON IV.

Si quis dixerit, parvulis, antequam ad annos discretionis pervenerint, necessariam esse Eucharistiæ Communionem; anathema sit.

Duos vero articulos, alias propositos, nondum tamen excussos, videlicet: An rationes, quibus sancta Catholica Ecclesia adducta fuit, ut communicaret laicos, atque etiam non celebrantes Sacerdotes, sub una tantum panis specie, ita sint retinendæ, ut nulla ratione Calicis usus cuiquam sit permittendus; & An, si honestis, & Christianæ caritati consentaneis rationibus concedendus alicui vel nationi, vel regno Calicis usus videatur, sub aliquibus condicionibus concedendus sit; & quænam sint illæ: Eadem Sancta Synodus, in aliud tempus, oblata sibi quamprimum occasione, examinandos, atque definiendos reservat.

DECRETUM DE REFORMATIONE.

P R O O E M I U M.

EADEM Sacrosancta Oecumenica, & Generalis Tridentina Synodus, in Spiritu Sancto legitime congregata, Præsidentibus in ea eisdem Apostolicæ Sedis Legatis, ad Dei Omnipotentis laudem, & Sanctæ Ecclesiæ ornamentum, ea, quæ sequuntur, de Reformationis negotio in præsentī statuenda esse censuit.

CAPUT I.

Episcopi gratis cum Ordines conferant, tum dimissorias & testimoniales dent: pro quibus eorum Ministri nihil prorsus; Notarii, quod in Decreto præfinitum est, accipiant.

QUONIAM ab Ecclesiastico Ordine omnis avaritiæ suspicio abesse debet; nihil pro collatione quorumcumque Ordinum, etiam Clericalis tonsuræ, nec pro literis dimissoriis, aut testimonialibus, nec pro sigillo, nec alia quacumque de causâ, etiam sponte obla-

tum, Episcopi, & alii Ordinum Collatores, aut eorum ministri quovis prætextu accipiant. Notarii vero in iis tantum locis, in quibus non viget laudabilis consuetudo, nihil accipiendi, pro singulis literis dimissoriis, aut testimonialibus, decimam tantum unius aurei partem accipere possint; dummodo eis nullum salarium sit constitutum pro officio exercendo: nec Episcopo ex Notarii commodis aliquod emolumentum ex eisdem Ordinum collationibus directe, vel indirecte provenire possit. Tunc enim gratis operam suam eos præstare omnino teneri decernit: contrarias taxas, ac statuta, & consuetudines, etiam immemorabiles, quorumcumque locorum, quæ potius abusus, & corruptelæ, simoniacæ pravitati faventes, nuncupari possunt, penitus cassando, & interdicendo: & qui secus fecerint, tam dantes, quam accipientes, ultra Divinam ultionem, pœnas a jure inflictas ipso facto incurrant.

CAPUT II.

Arcentur a Sacris Ordinibus, qui non habent, unde vivere possint.

Cum non deceat eos, qui Divino ministerio adscripti sunt, cum ordinis dedecore mendicare, aut sordidum aliquem quæstum exercere; compertumque sit, complures plerisque in locis ad sacros Ordines nullo fere delectu admitti; qui variis artibus, ac fallaciis confingunt, se beneficium Ecclesiasticum, aut etiam idoneas facultates obtinere: statuit sancta Synodus, ne quis deinceps Clericus sæcularis, quamvis alias sit idoneus moribus, scientia, & ætate, ad sacros Ordines promoveatur, nisi prius legitime constet, eum beneficium Ecclesiasticum, quod sibi ad victum honeste sufficiat, pacifice possidere. Id vero beneficium resignare non possit, nisi facta mentione, quod ad illius beneficii titulum sit promotus. Neque ea resignatio admittatur, nisi constituto, quod aliunde vivere commode possit: & aliter facta resignatio nulla sit. Patrimonium vero, vel pensionem obtinentes ordinari posthac non possint, nisi

nisi illi, quos Episcopus iudicaverit assumendos pro necessitate, vel commoditate Ecclesiarum suarum; eo quoque prius perspecto, patrimonium illud, vel pensionem vere ab eis obtineri, taliaque esse, quæ eis ad vitam sustentandam satis sint: atque illa deinceps sine licentia Episcopi alienari, aut extinguî; vel remitti nullatenus possint; donec beneficium Ecclesiasticum sufficiens fiat adepti; vel aliunde habeant, unde vivere possint: antiquorum Canonum pœnas super his innovando.

CAPUT III.

Ratio augendi distributiones quotidianas præscribitur: consuetudo, qua non residentes nihil, vel minus tertia parte fructuum percipiunt, laudatur: absentium contumacia punitur.

Cum beneficia ad Divinum cultum, atque Ecclesiastica munia obeunda sint constituta, ne qua in parte minuatur Divinus cultus, sed ei, debitum omnibus in rebus obsequium præstetur; statuit sancta Synodus, in Ecclesiis, tam Cathedralibus, quam Collegiatis, in quibus nullæ sunt distributiones quotidianæ, vel ita renuet, ut verisimiliter negligantur, tertiam partem fructuum, & quorumcumque proventuum, & obventionum, tam dignitatum, quam Canoniciatum, personatum, portionum, & officiorum, separari debere, & in distributiones quotidianas converti, quæ inter dignitates obtinentes, & cæteros Divinis interessentes, proportionabiliter juxta divisionem ab Episcopo, etiam tamquam Apostolicæ Sedis delegato, in ipsâ prima fructuum deductione faciendam, dividantur: salvis tamen consuetudinibus earum Ecclesiarum, in quibus non residentes, seu non servientes, nihil, vel minus tertia parte percipiunt: non obstantibus exemptionibus, ac aliis consuetudinibus, etiam immemorabilibus, & appellatiobus quibuscumque. Crescenteque non servientium contumacia, liceat contra eos procedere, juxta juris, ac sacrorum Canonum dispositionem.

CAPUT IV.

Sacramenta per convenientem Sacerdotum numerum exhibeantur.

Ratio novas Parochias erigendi traditur.

EPISCOPI, etiam tamquam Apostolicæ Sedis delegati, in omnibus Ecclesiis Parochialibus, vel Baptismalibus, in quibus populus ita numerosus sit, ut unus Rector non possit sufficere Ecclesiasticis Sacramentis ministrandis, & cultui Divino peragendo, cogant Rectores, vel alios, ad quos pertinet, sibi tot Sacerdotes ad hoc munus adungere, quot sufficiant ad Sacramenta exhibenda, & cultum Divinum celebrandum. In iis vero, in quibus ob locorum distantiam, sive difficultatem, Parochiani sine magno incommodo ad percipienda Sacramenta, & Divina officia audienda accedere non possunt; novas Parochias, etiam invitis Rectoribus, juxta formam constitutionis Alexandri III. quæ incipit: Ad audientiam, constituere possint. Illis autem Sacerdotibus, qui de novo erunt Ecclesiis noviter erectis præficiendi, competens assignetur portio, arbitrio Episcopi, ex fructibus ad Ecclesiam matricem quomodocumque pertinentibus: & si necesse fuerit, compellere possit populum, ea subministrare, quæ sufficiant ad vitam dictorum Sacerdotum sustentandam: quacumque reservatione generali, vel speciali, vel affectione, super dictis Ecclesiis, non obstantibus. Neque hujusmodi ordinationes, & erectiones possint tolli, nec impediri, ex quibuscumque provisionibus, etiam vigore resignationis, aut quibusvis aliis derogationibus, vel suspensionibus.

CAPUT V.

Possint Episcopi facere uniones perpetuas in casibus a jure permixtis.

UT etiam Ecclesiarum status, ubi sacra Deo officia ministrantur, ex dignitate conservetur; possint Episcopi, etiam tamquam Apostolicæ Sedis delegati, juxta formam juris, sine tamen

præjudicio obinentium , facere uniones perpetuas quarumcumque Ecclesiarum Parochialium, & Baptismalium, & aliorum beneficiorum, Curatorum, vel non Curatorum, cum Curatis, propter earum paupertatem , & in cæteris casibus a jure permittis, etiam si dictæ Ecclesiæ, vel beneficia essent generaliter, vel specialiter reservata, aut qualitercumque affecta. Quæ uniones etiam non possint revocari, nec quoquo modo infringi vigore cujuscumque provisionis; etiam ex causâ resignationis, aut derogationis, aut suspensionis.

CAPUT VI.

Imperitis Rectoribus Vicarii cum parte fructuum pro tempore deputentur. In scandalo perseverantes privari beneficiis possint.

QUIA illiterati, & imperiti Parochialium Ecclesiarum Rectores sacris minus apti sunt officiis: & alii propter eorum vitæ turpitudinem potius destruunt, quam ædificant; Episcopi, etiam tamquam Apostolicæ Sedis delegati, eisdem illiteratis, & imperitis, si alias honestæ vitæ sint, Coadjutores, aut Vicarios pro tempore deputare, partemque fructuum eisdem pro sufficienti victu assignare, vel aliter providere possint; quacumque appellatione, & exemptione remota. Eos vero; qui turpiter & scandalose vivunt, postquam præmoniti fuerint, coerceant, ac castigent; & si adhuc incorrigibiles in sua nequitia perseverent, eos beneficiis, juxta sacrorum Canonum constitutiones, exemptione, & appellatione quacumque remota, privandi facultatem habeant.

CAPUT VII.

Episcopi transferant una cum oneribus Ecclesias, quæ nequeunt instaurari; alias vero reparari procurent.

CUM illud quoque valde curandum sit, ne ea, quæ sacris Ministeriis dedicata sunt, temporum injuria obsolescant, & ex hominum memoria excidant; Episcopi, etiam tamquam Apostolicæ Sedis

delegati, transferre possint beneficia simplicia, etiam juris Patronatus, ex Ecclesiis, quæ vetustate, vel alias collapsæ sint, & ob eorum inopiam nequeant instaurari, vocatis iis, quorum interest, in matrices, aut alias Ecclesias locorum eorundem, seu viciniorum, arbitrio suo; atque in eisdem Ecclesiis erigant altaria, vel Capellas sub eisdem invocationibus, vel in jam erecta altaria, vel Capellas transferant cum omnibus emolumentis, & oneribus, Prioribus Ecclesiis impositis. Parochiales vero Ecclesias, etiam si juris Patronatus sint, ita collapsas, refici, & instaurari procurent ex fructibus, & proventibus quibuscumque, ad easdem Ecclesias quomodocumque pertinentibus. Qui si non fuerint sufficientes; omnes Patronos, & alios, qui fructus aliquos ex dictis Ecclesiis provenientes percipiunt: aut, in illorum defectum, Parochianos omnibus remediis opportunis ad prædicta cogant; quacumque appellatione, exemptione, & contradictione remota. Quod si nimia egestate omnes laborent; ad matrices, seu viciniores Ecclesias transferantur, cum facultate tam dictas Parochiales, quam alias Ecclesias dirutas, in profanos usus, non sordidos, erecta tamen ibi Cruce, convertendi.

CAPUT VIII.

Monasteria commendata, in quibus non viget Regularis observantia, & beneficia quæcumque quotannis ab Ordinario visitentur.

QUACUMQUE in Diocesi ad Dei cultum spectant, ab Ordinario diligenter curari, atque iis, ubi oportet, provideri æquum est. Propterea commendata Monasteria, etiam Abbatæ, Prioratus, & Præposituræ nuncupatæ, in quibus non viget Regularis observantia; nec non beneficia tam curata, quam non curata, secularia, & regularia, qualitercumque commendata, etiam exempta, ab Episcopis, etiam tamquam Apostolicæ Sedis delegatis, annis singulis visitentur; curentque iidem Episcopi congruentibus remediis, etiam per sequestrationem fructuum, ut, quæ renovatione indigent, aut restauratione, reficiantur: &

& cura animarum , si qua illis vel eorum annexis immineat , aliaque debita obsequia recte exercentur ; appellationibus quibuscumque , privilegiis , consuetudinibus , etiam immemorabili tempore præscriptis , conservatoriis , Judicum deputationibus , & eorum inhibitionibus non obstantibus. Et, si in eis vigeret observantia Regularis , provideant Episcopi paternis admonitionibus , ut eorum Regularium Superiores juxta eorum Regularia instituta debitam vivendi rationem observent , & observari faciant , & sibi subditos in officio contineant , ac moderentur. Quod si admoniti , intra sex menses eos non visitaverint , vel correxerint ; tunc iidem Episcopi , etiam ut delegati Sedis Apostolicæ , eos visitare possint , & corrigere , prout ipsi Superiores possent , juxta eorum instituta , quibuscumque appellationibus , privilegiis , & exemptionibus penitus remotis , & non obstantibus.

CAPUT IX.

Quæstorum Eleemosynarum nomen & usus tollitur : Indulgentias , & Spirituales gratias Ordinarii publicent. Duo de Capitulo Eleemosynas gratis accipiant.

Cum multa a diversis antea Conciliis , ram Lateranensi , ac Lugdunensi , quam Viennensi , adversus pravos eleemosynarum Quæstorum abusus remedia tunc adhibita , posterioribus temporibus redita fuerint inutilia ; potiusque eorum malicia ita quotidie magno fidelium omnium scandalo , & querela excrescere deprehendatur , ut de eorum emendatione nulla spes amplius relicta videatur : statuit , ut posthac in quibuscumque Christianæ Religionis locis eorum nomen , atque usus penitus aboleatur ; nec ad officium hujusmodi exercendum ullatenus admittantur , non obstantibus privilegiis , Ecclesiis , Monasteriis , hospitalibus , piis locis , & quibusvis , cujuscumque gradus , status , & dignitatis personis , concessis , aut consuetudinibus , etiam immemorabilibus. Indulgentias vero , aut alias spirituales gratias , quibus non ideo Christi fideles decet privari , deinceps

per Ordinarios locorum , adhibitis duobus de Capitulo , debitis temporibus populo publicandas esse decernit. Quibus etiam eleemosynas , atque oblata sibi caritatis subsidia , nulla prorsus mercede accepta , fideliter colligendi facultas datur : ut tandem cœlestes hos Ecclesiæ thesauros non ad quæstum , sed ad pietatem exerceri , omnes vere intendant.

Indictio futuræ Sessionis.

SACROSANCTA Oecumenica , & Generalis Tridentina Synodus , in Spiritu Sancto legitime congregata , Præsidentibus in ea eisdem Apostolicæ Sedis Legatis , statuit , & decrevit , proximam futuram Sessionem habendam , & celebrandam esse feria quinta post octavam Festi Nativitatis Beatæ Mariæ Virginis , quæ erit XVII. mensis Septembris , proxime futuri : Hoc tamen adjecto , quod dictum terminum , ac unicuique Sessioni in posterum præfigendum , ipsa sancta Synodus pro ejus arbitrio , & voluntate , sicuti rebus Concilii putaverit expedire , etiam in generali Congregatione , restringere , & prorogare libere possit , & valeat.

SESSIO XXII.

QUÆ EST SEXTA
SUB PIO IV. PONT. MAX.
CELEBRATA DIE XVII. SEPT.
M D L XII.

DOCTRINA DE SACRIFICIO
MISSÆ.

SACROSANCTA Oecumenica , & Generalis Tridentina Synodus , in Spiritu Sancto legitime congregata , Præsidentibus in ea eisdem Apostolicæ Sedis Legatis , ut vetus absoluta , atque omni ex parte perfecta de magno Eucharistiæ mysterio in sancta Catholica Ecclesia fides , atque doctrina retineatur , & in sua puritate , propulsatis erroribus , atque hæresibus , conservetur ; de ea , quatenus verum , & singulare sacrificium est , Spiritus Sancti illustratione edocta , hæc , quæ sequuntur , docet , declarat , & fidelibus populis prædicanda decernit.

CAPUT

CAPUT I.

De institutione Sacrosancti Missæ Sacrificii.

QUONIAM sub priori Testamento, teste Apostolo Paulo, propter (n) Levitici Sacerdotii imbecillitatem consummatio non erat; oportuit, Deo Patre misericordiarum ita ordinante, Sacerdotem alium secundum ordinem Melchisedech surgere, Dominum nostrum Jesum Christum, qui posset omnes, quotquot sanctificandi essent, consummare, & ad perfectum adducere. Is igitur Deus, & Dominus noster etsi semel se ipsum in ara Crucis, morte intercedente, Deo Patri oblaturus erat, ut æternam illic redemptionem operaretur: quia tamen per mortem Sacerdotium ejus extinguendum non erat; in cæna novissima, qua nocte tradebatur, ut dilectæ sponsæ suæ Ecclesiæ visibile, sicut hominum natura exigit, relinqueret sacrificium, quo cruentum illud, semel in Cruce peragendum, repræsentaretur; ejusque memoria in finem usque sæculi permaneret, atque illius salutaris virtus in remissionem eorum, quæ a nobis quotidie committuntur, peccatorum applicaretur; Sacerdotem secundum ordinem Melchisedech se in æternum constitutum declarans, corpus & sanguinem suum sub speciebus panis, & vini Deo Patri obtulit; ac sub earundem rerum symbolis, Apostolis, quos tunc novi Testamenti Sacerdotes constituerebat, ut sumerent, tradidit; & eisdem, eorumque in Sacerdotio Successoribus, ut offerrent, præcepit per hæc verba: (o) Hoc facite in meam commemorationem; uti semper Catholica Ecclesia intellexit, & docuit. Nam celebrato veteri Pascha, quod in memoriam (p) exitus de Ægypto multitudo filiorum Israel immolabat, novum instituit Pascha, se ipsum ab Ecclesia per Sacerdotes sub signis visibilibus immolandum in memoriam transitus sui ex hoc mundo ad Patrem, quando per sui sanguinis effusionem nos redemit (q), eripuitque de potestate tenebrarum, & in Regnum suum transtulit. Et hæc quidem (r) illa munda oblatio est, quæ nulla indignitate, aut malitia offerentium in-

quinari potest: quam Dominus per Malachiam nomini suo, quod magnum futurum esset in gentibus, in omni loco mundam offerendam prædixit: & quam non obscure innuit Apostolus Paulus, (s) Corinthiis scribens, cum dicit: Non posse eos, qui participatione mensæ Dæmoniorum polluti sunt, mensæ Domini participes fieri: per mensam altare utrobique intelligens. Hæc denique illa est, quæ per varias sacrificiorum, naturæ, & legis tempore, similitudines figurabatur; utpote quæ bona omnia, per illa significata, velut illorum omnium consummatio & perfectio complectitur.

CAPUT II.

Sacrificium visibile esse propitiatorium pro vivis & defunctis.

Et quoniam in Divino hoc sacrificio, quod in Missa peragitur, idem ille Christus continetur, & incruente immolatur, qui in ara Crucis semel se ipsum cruento obtulit; docet sancta Synodus, sacrificium istud vere propitiatorium esse; per ipsumque fieri, ut, si cum vero corde, & recta fide, cum metu, & reverentia, contriti ac pœnitentes ad Deum accedamus, misericordiam consequamur, & gratiam inveniamus in auxilio opportuno. Hujus quippe oblatione placatus Dominus gratiam, & donum penitentiae concedens, crimina, & peccata, etiam ingentia, dimittit. Una enim eademque est hostia, idem nunc offerens Sacerdotum ministerio, qui se ipsum tunc in Cruce obtulit, sola offerendi ratione diversa, cujus quidem oblationis, cruentæ, inquam, fructus per hanc (t) uberrime percipiuntur: tantum abest, ut illi per hanc quovis modo derogetur. Quare non solum pro fidelium vivorum peccatis, pœnis, satisfactionibus, & aliis necessitatibus, sed & pro defunctis in Christo nondum ad plenum purgatis, rite, juxta Apostolorum traditionem, offertur.

CAPUT

(n) Hebr. 7.

(o) Matth. 26. Luc. 22.

(p) Exod. 12.

(q) Coloss. 1.

(r) Malach. 1.

(s) 1. Cor. 10.

[*] In Parisina & Lovaniensi: per hanc incruentam.

CAPUT III.

*De Missis in honorem Sancto-
rum.*

ET quamvis in honorem, & memoriam Sanctorum nonnullas interdum Missas Ecclesia celebrare consueverit; non tamen illis sacrificium offerri docet, sed Deo soli, qui illos coronavit; unde nec Sacerdos dicere solet, Offero tibi sacrificium Petre, vel Paule; sed Deo de illorum victoriis gratias agens, eorum patrocinia implorat; ut ipsi pro nobis intercedere dignentur in cœlis, quorum memoriam facimus in terris.

CAPUT IV.

De Canone Missæ.

ET cum Sancta sancte administrari conveniat, sitque hoc omnium sanctissimum Sacrificium; Ecclesia Catholica, ut digne reverenterque offerretur, ac perciperetur, sacrum Canonem multis ante sæculis instituit, ita ab omni errore purum; ut nihil in eo contineatur, quod non maxime sanctitatem, ac pietatem quandam redoleat, mentesque offerentium in Deum erigat. Is enim constat cum ex ipsis Domini verbis, tum ex Apostolorum traditionibus, ac Sanctorum quoque Pontificum piis institutionibus.

CAPUT V.

*De solemnibus Missæ Sacrificii
cerimoniis.*

CUMQUE natura hominum ea sit, ut non facile queat sine adminiculis exterioribus ad rerum Divinarum meditationem sustolli; propterea pia Mater Ecclesia ritus quosdam, ut scilicet quædam summissa voce, alia vero elatiore, in Missa pronunciarentur, instituit. Cerimonias item adhibuit, ut mysticas benedictiones, lumina, thymiamata, vestes, aliaque id genus multa, ex Apostolica disciplina & traditione; quo & majestas tanti sacrificii commendaretur, & mentes fidelium per hæc visibilia religionis & pietatis signa ad rerum altissimarum, quæ in hoc sacrificio latent, contemplationem excitarentur.

(t) Apocal. 17.

(u) Thren. 4.

Tomus VI. Concilior. German.

CAPUT VI.

*De Missa, in qua solus Sacerdos
communicat.*

OPTARET quidem Sacrosancta Synodus, ut in singulis Missis fideles adstantes non solum spirituali affectu, sed Sacramentali etiam Eucharistiæ perceptione communicarent; quo ad eos Sanctissimi hujus Sacrificii fructus uberius proveniret: nec tamen, si id non semper fiat, propterea Missas illas, in quibus solus Sacerdos Sacramentaliter communicat, ut privatas, & illicitas, damnat, sed probat, atque adeo commendat. Siquidem illæ quoque Missæ vere communes censi debent; partim, quod in eis populus spiritualiter communicet; partim vero, quod a publico Ecclesiæ Ministro non pro se tantum, sed pro omnibus fidelibus, qui ad Corpus Christi pertinent, celebrentur.

CAPUT VII.

*De aqua vino miscenda in calice
offerendo.*

MONET deinde Sancta Synodus, præceptum esse ab Ecclesia Sacerdotibus, ut aquam vino in calice offerendo miscerent; tum quod Christum Dominum ita fecisse credatur, tum etiam, quia e latere ejus aqua simul cum sanguine exierit: quod Sacramentum hac mixtione recolitur: & cum (t) aquæ in Apocalypsi Beati Joannis populi dicantur; ipsius populi fidelis cum capite Christo unio representatur.

CAPUT VIII.

*De Missa vulgari lingua passim
non celebranda: & mysteriis
ejus populo explicandis.*

ETSI Missa magnam contineat populi fidelis eruditionem; non tamen expedire visum est Patribus, ut vulgari passim lingua celebraretur. Quamobrem, retento ubique cujusque Ecclesiæ antiquo, & a Sancta Romana Ecclesia, omnium Ecclesiarum Matre, & Magistra, probato ritu, ne oves Christi esuriant, (u)

neve

neve parvuli panem petant, & non sit, qui frangat eis; mandat Sancta Synodus Pastoribus, & singulis, curam animarum gerentibus, ut frequenter inter Missarum celebrationem vel per se, vel per alios ex iis, quæ in Missa leguntur, aliquid exponant; atque inter cætera Sanctissimi hujus Sacrificii mysterium aliquod declarent, diebus præsertim Dominicis, & festis.

CAPUT IX.

Præfatio Canonum sequentium.

QUIA vero adversus veterem hanc in Sacrosancto Evangelio, Apostolorum traditionibus, Sanctorumque Patrum doctrina fundatam fidem, hoc tempore multi disseminati sunt errores, multaque a multis docentur, atque disputantur; Sacrosancta Synodus, post multos, gravesque his de rebus mature habitos tractatus, unanimi Patrum omnium consensu, quæ huic purissimæ fidei, sacræque doctrinæ adversantur, damnare, & a Sancta Ecclesia eliminare, per subiectos hos Canones, constituit.

DE SACRIFICIO MISSÆ.

CANON I.

SI quis dixerit, in Missa non offerri Deo verum & proprium Sacrificium: aut quod offerri non sit aliud, quam nobis Christum ad manducandum dari; anathema sit.

CANON II.

Si quis dixerit, illis verbis: (x) Hoc facite in meam commemorationem, (y) Christum non instituisse Apostolos Sacerdotes; aut non ordinasse, ut ipsi, alique Sacerdotes offerrent corpus, & sanguinem suam; anathema sit.

CANON III.

Si quis dixerit, Missæ sacrificium tantum esse laudis, & gratiarum actionis, aut nudam commemorationem Sacrificii in Cruce peracti, non autem propitiatorium; vel soli prodesse fumentis: neque pro vivis, & defunctis, pro peccatis, poenis, satisfactionibus, & aliis necessitatibus offerri debere; anathema sit.

(x) 1. Cor. 11.

(y) Luc. 22.

(*) Hæc verba: Sicut Ecclesia intendit. omissa sunt in editione Parisina Harduini: Leguntur autem in Veneta Jordani Ziletti anni 1566. in Lovaniensi Petri Zangrii Teletani anni 1567. & in Antwerpensi Plantiniana anni 1571.

(x) Hier. 48.

CANON IV.

Si quis dixerit, blasphemiam irrogari Sanctissimo Christi Sacrificio, in Cruce peracto, per Missæ Sacrificium, aut illi per hoc derogari; anathema sit.

CANON V.

Si quis dixerit, imposturam esse, Missas celebrare in honorem Sanctorum, & pro illorum intercessione apud Deum obtinenda, (*) sicut Ecclesia intendit; anathema sit.

CANON VI.

Si quis dixerit, Canonem Missæ errores continere, ideoque abrogandum esse; anathema sit.

CANON VII.

Si quis dixerit, cærimonias, vestes, & externa signa, quibus in Missarum celebratione Ecclesia Catholica utitur, irritabula impietatis esse magis, quam officia pietatis; anathema sit.

CANON VIII.

Si quis dixerit, Missas, in quibus solus Sacerdos Sacramentaliter communicat, illicitas esse, ideoque abrogandas; anathema sit.

CANON IX.

Si quis dixerit, Ecclesiæ Romanæ ritum, quo summissa voce pars Canonis, & verba consecrationis proferuntur, damnandum esse; aut lingua tantum vulgari Missam celebrari debere; aut aquam non miscendam esse vino in calice offerendo, eo quod sit contra Christi institutionem; anathema sit.

DECRETUM DE OBSERVANDIS, ET EVITANDIS IN CELEBRATIONE MISSÆ.

QUANTA cura adhibenda sit, ut Sacrosanctum Missæ Sacrificium omni religionis cultu, ac veneratione celebretur, quivis facile existimare poterit, qui cogitarit, maledictum in sacris literis eum vocari, (z) qui facit opus Dei negligenter. Quod si necessario fatemur, nullum aliud opus adeo Sanctum, ac Divinum a Christi fidelibus tractari posse, quam

quam hoc ipsum tremendum mysterium, quo vivifica illa hostia, qua Deo Patri reconciliati sumus, in altari per Sacerdotes quotidie immolatur; satis etiam apparet, omnem operam & diligentiam in eo ponendam esse, ut quanta maxima fieri potest, interiori cordis munditia, & puritate, atque exteriori devotionis, ac pietatis specie peragatur. Cum igitur multa jam sive temporum vitio, sive hominum incuria, & improbitate irrepsisse videantur, quæ a tanti Sacrificii dignitate aliena sunt; ut ei debitus honor, & cultus ad DEI gloriam, & fidelis populi ædificationem restituatur: decernit Sancta Synodus, ut Ordinarii locorum Episcopi ea omnia prohibere, atque e medio tollere sedulo curent, ac teneantur; quæ vel avaritia, (a) idolorum servitus; vel irreverentia, quæ ab impietate vix sejuncta esse potest: vel superstitio, veræ pietatis falsa imitatrix, induxit. Atque ut multa paucis comprehendantur, in primis, quod ad avaritiam pertinet, cujusvis generis mercedum condiciones, pacta, & quidquid pro Missis novis celebrandis datur; nec non importunas, atque illiberales eleemosynarum exactiones potius, quam postulationes, aliaque hujusmodi, quæ a sumoniaca labe, vel certe a turpi quæstu non longe absunt, omnino prohibeant. Deinde, ut irreverentia vitetur, singuli in suis Diocesisibus interdiciant, ne cui vago, & ignoto Sacerdoti Missas celebrare liceat. Neminem præterea, qui publice, & notorie criminosus sit, aut sancto altari ministrare, aut Sacris interesse permittant; neve patiantur, privatis in domibus, atque omnino extra Ecclesiam, & ad Divinum tantum cultum dedicata oratoria, ab eisdem Ordinariis designanda, & visitanda, Sanctum hoc Sacrificium a Sæcularibus, aut Regularibus quibuscumque peragi: ac nisi prius, qui intersint, decenter composito corporis habitu, declaraverint se mente etiam, ac devoto cordis affectu, non solum corpore, adesse. Ab Ecclesiis vero musicas eas, ubi sive organo, sive cantu lascivum, aut impurum aliquid miscetur: item sæculares omnes actiones, vana, atque adeo prophana colloquia, deambulatio-

nes, strepitus, clamores arceant; ut domus (b) Dei vere domus orationis esse videatur, ac dici possit. Postremo, ne superstitioni locus aliquis detur, edicto, & pœnis propositis caveant, ne Sacerdotes aliis, quam debitis horis celebrent; neve ritus alios, aut alias cærimonias, & preces in Missarum celebratione adhibeant, præter eas, quæ ab Ecclesia probatæ, ac frequenti, & laudabili usu receptæ fuerint. Quarundam vero Missarum, & candelarum certum numerum, qui magis a superstitioso cultu, quam a vera religione, inventus est, omnino ab Ecclesia removeant: doceantque populum, quis sit, & a quo potissimum proveniat Sanctissimi hujus Sacrificii tam pretiosus ac cælestis fructus. Moneant etiam eundem populum, ut frequenter ad suas Parochias, saltem diebus Dominicis, & majoribus festis, accedant. Hæc igitur omnia, quæ summam enumerata sunt, omnibus (*) locorum Ordinariis ita proponuntur, ut non solum ea ipsa, sed quæcumque alia huc pertinere visa fuerint; ipsi pro data sibi a Sacrosancta Synodo potestate, ac etiam, ut delegati Sedis Apostolicæ, prohibeant, mandent, corrigant, statuunt; atque ad ea inviolate servanda censuris Ecclesiasticis, aliisque pœnis, quæ illorum arbitrio constituentur, fidelem populum compellant: non obstantibus privilegiis, exemptionibus, appellationibus, ac consuetudinibus quibuscumque.

DECRETUM DE REFORMATIONE.

EADEM Sacrosancta Oecumenica, & Generalis Tridentina Synodus, in Spiritu Sancto legitime congregata, Præfidentibus in ea eisdem Apostolicæ Sedis Legatis, ut Reformationis negotium prosequatur, hæc in præsentì Sessione statuenda censuit.

CAPUT

(a) Ephes. 5. (b) Matth.
Tomus VI. Concilior. German.

(*) omnibus, in Parisina non legitur.

CAPUT I.

Canones de vita & honestate Clericorum innovantur.

Nihil est, quod alios magis ad pietatem, & Dei cultum assidue instruat, quam eorum vita, & exemplum, qui se Divino ministerio dedicaverunt. Cum enim a rebus sæculi in altiore sublati locum conspiciantur; in eos, tamquam (c)speculum (*), reliqui oculos conjiciunt, ex iisque sumunt, quod imitentur. Quapropter sic decet omnino Clericos, in sortem Domini vocatos, vitam, moresque suos omnes componere, ut habitu, gestu, incessu, sermone, aliisque omnibus rebus nil, nisi grave, moderatum, & ac religione plenum, præ se ferant; levia etiam delicta, quæ in ipsis maxima essent, effugiant; ut eorum actiones cunctis afferant venerationem. Cum igitur, quo majore in Ecclesia Dei & utilitate, & ornamento hæc sunt, ita etiam diligentius sint observanda; statuit sancta Synodus, ut quæ alias a Summis Pontificibus, & a sacris Conciliis de Clericorum vita, honestate, cultu, doctrinaque retinenda: ac simul de luxu, comestationibus, choreis, aleis, lufibus, ac quibuscumque criminibus, nec non sæcularibus negotiis fugiendis copiose, ac salubriter sancita fuerunt, eadem in posterum iisdem poenis, vel majoribus, arbitrio Ordinarii imponendis, observentur; nec appellatio executionem hanc, quæ ad morum correctionem pertinet, suspendat. Si qua vero ex his in desuetudinem abiisse compererint; ea quamprimum in usum revocari, & ab omnibus accurate custodiri, studeant, non obstantibus consuetudinibus quibuscumque; ne subditorum neglectæ emendationis ipsi condignas, Deo vindice, poenas persolvant.

CAPUT II.

Quinam ad Cathedrales Ecclesias assumendi.

Quicumque posthac ad Ecclesias Cathedrales erit assumendus, is non solum natalibus, ætate, moribus, & vi-

ta, ac aliis, quæ a sacris Canonibus requiruntur, plene sit præditus; verum etiam in sacro Ordine antea, saltem sex mensium spatio, constitutus. Quorum rerum instructio, si ejus notitia nulla, aut recens in Curia fuerit, a Sedis Apostolicæ Legatis, seu Nunciis Provincialium, aut ejus Ordinario, eoque deficiente, a vicinioribus Ordinariis sumatur. Scientia vero præter hæc ejusmodi polleat; ut muneris sibi injungendi necessitati possit satisfacere: ideoque antea in Universitate Studiorum Magister, sive Doctor, aut Licentius in sacra Theologia, vel Jure Canonico merito sit promotus, aut publico alicujus Academiæ testimonio idoneus ad alios docendos ostendatur. Quod si Regularis fuerit, a Superioribus suæ religionis similem fidem habeat. Prædicti autem omnes, unde instructio, seu testificatio erit sumenda, hæc fideliter, & gratis referre teneantur: alioquin eorum conscientias graviter oneratas esse scient; ac Deum, & Superiores suos habebunt ultores.

CAPUT III.

Creandæ distributiones quotidianæ ex tertia parte quorumcumque fructuum: portio absentium quibus cedit: certi casus excepti.

Episcopi, etiam tamquam delegati Apostolici, ex fructibus, & proventibus quibuscumque omnium dignitatum, personatum, & officiorum, in Ecclesiis Cathedralibus, vel Collegiatis existentium, tertiam partem in distributiones, eorum arbitrio assignandas, dividere possint; ut scilicet, qui eas obtinent, si personaliter competens sibi servitium juxta formam, ab eisdem Episcopis præscribendam, quolibet die statuto non impleverint; illius diei distributionem amittant, nec ejus quoquo modo dominium acquirant: sed fabricæ Ecclesiæ, quatenus indigeat, aut alteri pio loco, arbitrio Ordinarii applicetur. Crescente vero contumacia, contra eos juxta sacrorum Canonum constitutiones procedant. Quod si alicui ex prædictis dignitatibus in Ecclesiis

(c) Matth. 5.

(*) Parisina habet: in speculum.

fiis Cathedralibus, vel Collegiatis, de jure, seu consuetudine, jurisdictione, administratio, vel officium non competat; sed extra civitatem in Dicecesi cura animarum imminuat, cuius, qui dignitatem obtinet, incumbere voluerit; tunc pro tempore, quo in curata Ecclesia resederit, ac ministraverit, tamquam præsens sit, ac Divinis intersit, in Ecclesiis Cathedralibus, ac Collegiatis habeatur. Hæc in iis tantum Ecclesiis constituta intelligantur, in quibus nulla est consuetudo, vel statutum, ut dictæ dignitates non servientes aliquid amittant, quod ad tertiam partem dictorum fructuum, & proventuum ascendat: non obstantibus consuetudinibus, etiam immemorabilibus, exemptionibus, & constitutionibus, etiam juramento, & quavis auctoritate firmatis.

CAPUT IV.

In quacunq[ue] Cathedrali vel Collegiata, majoribus necdum initiati, vocem in Capitulo non habeant:

quid præstare teneantur ad eos promoti; quive deinceps promovendi.

QUICUMQUE in Cathedrali, vel Collegiata, seculari, vel regulari Ecclesia Divinis mancipatus officiis, in Subdiaconatus Ordine saltem constitutus non sit; vocem in hujusmodi Ecclesiis in Capitulo non habeat, etiam si hoc sibi ab aliis libere fuerit concessum. Il vero, qui dignitates, personatus, officia, præbendas, portiones, ac quælibet alia beneficia in dictis Ecclesiis obtinent, aut in posterum obtinebunt, quibus onera varia sunt annexa, videlicet, ut alii Missas, alii Evangelium (*), alii Epistolas dicant, seu cantent; quocumque ii privilegio, exemptione, prærogativa, generis nobilitate sint insigniti, teneantur, justo impedimento cessante, infra annum Ordines suscipere requisitos: alioquin penas incurrant, juxta Constitutionem Concilii Viennensis, quæ incipit: Ut ii, qui; quam præsentis Decreti innovat, cogantque Episcopi eos diebus statutis dictos Ordines per se ipsos exercere, ac cætera omnia officia, quæ debent in cultu Di-

vino præstare, sub eisdem, & aliis, etiam gravioribus, penis, arbitrio eorum imponendis. Nec aliis in posterum fiat provisio, nisi iis, qui jam ætatem, & cæteras habilitates integre habere dignoscantur: aliter irrita sit provisio.

CAPUT V.

Committantur Episcopo dispensationes extra Curiam, & ab eo examinentur.

DISPENSATIONES, quacumque auctoritate concedendæ, si extra Romanam curiam committendæ erunt, committantur Ordinariis illorum, qui eas impetraverint. Eæ vero, quæ gratiose concedentur, suum non fortiantur effectum, nisi prius ab eisdem, tamquam delegatis Apostolicis, summarie tantum, & extrajudicialiter cognoscatur, expressas preces surreptionis, vel obreptionis vitio non subiacere.

CAPUT VI.

Circumspecte commutandæ ultimæ voluntates.

IN commutationibus ultimarum voluntatum, quæ non nisi ex justa, & necessaria causa fieri debent, Episcopi, tamquam delegati Sedis Apostolicæ, summarie & extrajudicialiter cognoscant, nihil in precibus, tacita veritate, vel suggesta falsitate fuisse narratum, priusquam commutationes prædictæ executioni demandentur.

CAPUT VII.

Innovatur Decretum Innocentii IV. Papæ, de appellationibus.

LEGATI, & Nuncii Apostolici, Patriarchæ, Primates, & Metropolitani in appellationibus ad eos interpositis, in quibusvis causis, tam in admittendis appellationibus, quam in concedendis inhibitionibus post appellationem, servare teneantur formam & tenorem sacrarum Constitutionum, & præsertim Innocentii IV. quæ incipit: Romana; quacumque consuetudine, etiam immemorabili, aut stylo, vel privilegio, in contra-

T t t t 3

rium

(*) *Parisina habet: Evangelia.*

rium non obstantibus; aliter (*) inhibitiones, & processus, & inde secuta quæcumque sint ipso jure nulla.

CAPUT VIII.

Pias omnium dispositiones exequantur Episcopi: quæcumque pia loca visitent, dummodo non sint sub immediata Regum protectione.

EPISCOPI, etiam tamquam Sedis Apostolicæ delegati, in calibus a jure concessis omnium piarum dispositionum, tam in ultima voluntate, quam inter vivos, sint executores; habeant jus visitandi Hospitalia, Collegia quæcumque, ac Confraternitates laicorum, etiam quas scholas, sive quocumque alio nomine vocant: non tamen, quæ sub Regum immediata protectione sunt, sine eorum licentia. Eleemosynas Montis Pietatis, sive Caritatis, & pia loca omnia, quomodocumque nuncupentur, etiam si prædictorum locorum cura ad laicos pertineat, atque eadem pia loca exemptionis privilegio sint munita; ac omnia, quæ ad Dei cultum, aut animarum salutem, seu pauperes sustentandos instituta sunt, ipsi ex officio suo juxta sacrorum Canonum Statuta cognoscant, & exequantur: non obstantibus, quacumque consuetudine, etiam immemorabili, privilegio, aut statuto.

CAPUT IX.

Quorumcumque locorum piorum Administratores reddant rationem Ordinario; nisi aliter in fundatione sit cautum.

ADMINISTRATORES, tam Ecclesiastici, quam laici, fabricæ cujusvis Ecclesiæ, etiam Cathedralis, Hospitalis, Confraternitatis, eleemosynæ Montis Pietatis, & quorumcumque piorum locorum, singulis annis teneantur reddere rationem administrationis Ordinario: consuetudinibus, & privilegiis quibuscumque in contrarium sublati: nisi secus forte in institutione, & ordinatione talis Ecclesiæ, seu fabricæ expresse cautum esset. Quod si ex con-

suetudine, aut privilegio, aut ex constitutione aliqua loci, aliis ad id deputatis ratio reddenda esset; tunc cum iis adhibeatur etiam Ordinarius: & aliter factæ liberationes dictis Administratoribus minime suffragantur.

CAPUT X.

Notarii Episcoporum examini & judicio subjaceant.

CUM EX Notariorum imperitia plurima damna, & multarum occasio litium oriatur; possit Episcopus quoscumque Notarios, etiam si Apostolica, Imperiali, aut Regia auctoritate creati fuerint, etiam tamquam delegatus Sedis Apostolicæ, examinatione adhibita, eorum sufficientiam scrutari; illisque non idoneis repertis, aut quandocumque in officio delinquentibus, officii ejus in negotiis, litibus, & causis Ecclesiasticis, ac spiritualibus exercendi usum perpetuo, aut ad tempus prohibere. Neque eorum appellatio interdictionem Ordinarii suspendat.

CAPUT XI.

Bonorum cujuscumque Ecclesiæ, aut pii loci occupatores puniuntur.

SI quem Clericorum, vel laicorum, quacumque is dignitate, etiam Imperiali, aut Regali, præfulgeat, in tantum malorum omnium radix cupiditas occupaverit, ut alicujus Ecclesiæ, seu cujusvis secularis, vel regularis beneficii, Montium Pietatis, aliorumque piorum locorum jurisdictiones, bona, census, ac jura, etiam feudalia, & emphyteotica, fructus, emolumenta, seu quascumque obventiones, quæ in ministrorum, & pauperum necessitates converti debent, per se, vel alios vi, vel timore incusso, seu etiam per suppositas personas Clericorum, aut laicorum, seu quacumque arte, aut quocumque quæsito colore in proprios usus convertere, illosque usurpare præsumperit: seu impedire, ne ab iis, ad quos jure pertinent, percipiantur; is anathemati tamdiu subjaceat, quamdiu jurisdictiones, bona, res, jura, fructus, & redditus, quos occupaverit, vel qui

ad

(*) In Parisina pro aliter, ponitur: alias.

ad eum quomodocumque , etiam ex donatione suppositæ personæ , pervenerint ; Ecclesiæ , ejusque Administratori , sive Beneficiario integre restituerit ; ac deinde a Romano Pontifice absoluti-
nem obtinuerit. Quod si ejusdem Ecclesiæ Patronus fuerit ; etiam jure Patronatus ultra prædictas pœnas eo ipso privatus existat. Clericus vero , qui nefandæ fraudis , & usurpationis hujusmodi fabricator , seu consentiens fuerit , eisdem pœnis subiaceat ; nec non quibuscumque beneficiis privatus sit , & ad quæcumque alia beneficia inhabilis efficiatur ; & a suorum ordinum executione , etiam post integram satisfactionem , & absolutionem , sui Ordinarii arbitrio suspendatur.

DECRETUM SUPER PETITIONE CONCESSIONIS CALICIS.

INSUPER , cum eadem sacrosancta Synodus superiori Sessione duos articulos , alias propositos , & tum nondum discussos , videlicet : An rationes , quibus sancta Catholica Ecclesia adducta fuit , ut communicaret laicos , atque etiam non celebrantes Sacerdotes , sub una panis specie , ita sint retinendæ , ut nulla ratione Calicis usus cuiquam sit permittendus : & , An , si honestis , & Christianæ caritati consentaneis rationibus concedendus alicui vel nationi , vel regno Calicis usus videatur , sub aliquibus condicionibus concedendus sit : & quænam illæ sint , in aliud tempus , oblata sibi occasione , examinandos , atque definiendos reservaverit ; nunc , eorum , pro quibus petitur , salutem optime consultum volens , decrevit , integrum negotium ad Sanctissimum Dominum nostrum esse referendum , prout præsentis decreto refert ; qui pro sua singulari prudentia id efficiat , quod utile Reip. Christianæ , & salutare petentibus usum Calicis , fore judicaverit.

Indictio futuræ Sessionis.

Insuper eadem sacrosancta Tridentina Synodus diem futuræ Sessionis ad feriam quintam , post octavam festivitatis omnium Sanctorum , quæ erit dies XII. mensis Nov. indicit ; & in ea decer-

netur de Sacramento Ordinis , & de Sacramento Matrimonii , &c.

Prorogata fuit Sessio usque ad diem XV. Jul. M.D.LXIII.

SESSIO XXIII.

QUÆ EST SEPTIMA

SUB PIO IV. PONT. MAX.

CELEBRATA DIE XV. JUL.

M D LXIII.

Vera , & Catholica doctrina de Sacramento Ordinis , ad condemnandos errores nostri temporis , a Sancta Synodo Tridentina decreta , & publicata Sessione septima.

CAPUT I.

De institutione Sacerdotii novæ Legis.

SACRIFICIUM , & Sacerdotium ita Deij ordinatione conjuncta sunt , ut utrumque in omni lege extiterit. Cum igitur in novo Testamento sanctum Eucharistiæ Sacrificium visibile ex Domini institutione Catholica Ecclesia acceperit ; fateri etiam oportet , in ea novum esse visibile , & externum Sacerdotium , in quod verus translatus est. Hoc autem ab eodem Domino Salvatore nostro institutum esse , atque Apostolis , eorumque Successoribus in Sacerdotio , potestatem traditam consecrandi , offerendi , & ministrandi corpus , & sanguinem ejus , nec non & peccata dimittendi , & retinendi , sacræ literæ ostendunt , & Catholicæ Ecclesiæ traditio semper docuit.

CAPUT II.

De septem Ordinibus.

Cum autem Divina res sit tam sancti Sacerdotii ministerium ; consentaneum fuit , quo dignius , & majori cum veneratione exerceri posset , ut in Ecclesiæ ordinatissima dispositione plures , & diversi essent ministrorum Ordines , qui Sacerdotio ex officio defer-

virent ;

virent; ita distributi, ut, qui jam Clericali Tonsura insigniti essent, per minores ad maiores ascenderent. Nam non solum de Sacerdotibus, (c) sed & de Diaconis sacræ literæ apertam mentionem faciunt; & quæ maxime in illorum ordinatione attendenda sunt, gravissimis verbis docent; & ab ipso Ecclesiæ initio sequentium Ordinum nomina, atque uniuscujusque eorum propria ministeria, Subdiaconi scilicet, Acolythi, Exorcistæ, Lectoris, & Ostiarii in usu fuisse cognoscuntur, quamvis non pari gradu. Nam Subdiaconatus ad majores Ordines a Patribus, & sacris Conciliis refertur, in quibus & de aliis inferioribus frequentissime legimus.

CAPUT III.

Ordinem vere esse Sacramentum.

Cum Scripturæ testimonio, (d) Apostolica traditione, Patrum unanimi consensu perspicuum sit, per sacram ordinationem, quæ verbis, & signis exterioribus perficitur, gratiam conferri, dubitare nemo debet, Ordinem esse vere, & proprie unum ex septem sanctæ Ecclesiæ Sacramentis. Inquit enim Apostolus: (e) Admoneo te, ut resuscites gratiam Dei, quæ est in te, per impositionem manuum mearum. Non (f) enim dedit nobis Deus spiritum timoris, sed virtutis, & dilectionis, & sobrietatis.

CAPUT IV.

De Ecclesiastica hierarchia & ordinatione.

QUONIAM vero in Sacramento Ordinis, sicut & in Baptismo, & Confirmatione, character imprimitur, quin nec deleri, nec auferri potest; merito sancta Synodus damnat eorum sententiam, qui asserunt, novi Testamenti Sacerdotes temporariam tantummodo potestatem habere; & semel rite ordinatorum, iterum laicos effici posse, si verbi Dei ministerium non exerceant. Quod si quis omnes Christianos promiscue novi Testamenti Sacerdotes esse, aut omnes

pari inter se potestate spirituali præditos affirmet; nihil aliud facere videtur, quam (g) Ecclesiasticam hierarchiam, quæ (b) est ut castrorum acies ordinata, confundere; perinde ac si contra Beati Pauli (i) doctrinam omnes Apostoli, omnes Prophetæ, omnes Evangelistæ, omnes Pastores, omnes sint Doctores. Proinde sacrosancta Synodus declarat, præter cæteros Ecclesiasticos gradus, Episcopos, qui in Apostolorum locum successerunt, ad hunc hierarchicum Ordinem præcipue pertinere; & positos, (k) sicut idem Apostolus ait, a Spiritu Sancto, regere Ecclesiam Dei; eosque Presbyteris superiores esse, ac Sacramentum Confirmationis conferre, ministros Ecclesiæ ordinare, atque alia pleraque peragere ipsos posse: quarum functionum potestatem reliqui inferioris Ordinis nullam habent. Docet insuper sacrosancta Synodus, in ordinatione Episcoporum, Sacerdotum, & cæterorum Ordinum, nec populi, nec cujusvis sæcularis Potestatis, & Magistratus consensum, sive vocationem, sive auctoritatem ita requiri, ut sine ea irrita sit ordinatio: quin potius decernit, eos, qui tantummodo a populo, aut sæculari Potestate, ac Magistratu vocati, & instituti, ad hæc ministeria exercenda ascendunt, & qui ea propria temeritate sibi sumunt, omnes non Ecclesiæ ministros, (l) sed fures, & latrones, per ostium non ingressos, habendos esse. Hæc sunt, quæ generatim sacræ Synodo visum est, Christi fideles de Sacramento Ordinis docere. His autem contraria, certis, & propriis Canonibus, in hunc, qui sequitur, modum damnare constituit; ut omnes, adjuvante Christo, fidei regula utentes, in tot errorum tenebris Catholicam veritatem facilius agnoscere, & tenere possint.

DE SACRAMENTO
ORDINIS.

CANON I.

SI quis dixerit, non esse in novo Testamento Sacerdotium visibile, & exter-

(c) 1. Tim. 3. & Act. 21.

(f) 2. Tim. 1.

(i) Ephes. 4.

(d) 1. Tim. 4.

(g) Cantic. 6.

(k) Act. 22.

(e) 2. Tim. 1. & 1. Tim. 4.

(b) 1. Cor. 12.

(l) Joan. 10.

externum; vel non esse potestatem aliquam consecrandi, & offerendi verum Corpus, & Sanguinem Domini, & peccata remittendi, & retinendi; sed officium tantum, & nudum ministerium prædicandi Evangelium; vel eos, qui non prædicant, prorsus non esse Sacerdotes; anathema sit.

CANON II.

Si quis dixerit, præter Sacerdotium non esse in Ecclesia Catholica alios Ordines, & majores, & minores, per quos, velut per gradus quosdam, in Sacerdotium tendatur; anathema sit.

CANON III.

Si quis dixerit, Ordinem, sive sacram Ordinationem non esse vere & proprie Sacramentum, a Christo Domino institutum, vel esse signum quoddam humanum, excogitatum a viris rerum Ecclesiasticarum imperitis; aut esse tantum ritum quendam eligendi ministris verbi Dei, & Sacramentorum; anathema sit.

CANON IV.

Si quis dixerit, per sacram Ordinationem non dari Spiritum Sanctum; ac promde frustra Episcopos dicere, Accipe Spiritum Sanctum; aut per eam non imprimi characterem; vel eum, qui Sacerdos semel fuit, laicum rursus fieri posse; anathema sit.

CANON V.

Si quis dixerit, sacram Unctionem, qua Ecclesia in sancta Ordinatione utitur, non tantum non requiri, sed contemnendam, & perniciosam esse; similiter & alias Ordinis caerimonias; anathema sit.

CANON VI.

Si quis dixerit, in Ecclesia Catholica non esse hierarchiam Divina ordinatione institutam, quæ constat ex Episcopis, (*) Presbyteris, & Ministris; anathema sit.

CANON VII.

Si quis dixerit, Episcopos non esse Presbyteris superiores, vel non habere

potestatem confirmandi, & ordinandi; vel eam, quam habent, illis esse cum Presbyteris communem; vel Ordines ab ipsis collatos sine populi, vel potestatis secularis consensu, aut vocatione, irritos esse; aut eos, qui nec ab Ecclesiastica & Canonica potestate rite ordinati, nec missi sunt, sed aliunde veniunt, legitimos esse verbi & Sacramentorum ministros; anathema sit.

CANON VIII.

Si quis dixerit, Episcopos, qui auctoritate Romani Pontificis assumuntur, non esse legitimos, & veros Episcopos, sed figmentum humanum; anathema sit.

DECRETUM DÈ REFORMATIONE.

EADEM Sacrosancta Tridentina Synodus, Reformationis materiam prosequens, hæc, quæ sequuntur, in præfenti decernenda esse statuit, & decernit.

CAPUT I.

Rektorum Ecclesiarum in residendo negligentia varie coercetur: animarum curæ providetur.

CUM [m] Præcepto Divino mandatum sit omnibus, quibus animarum cura commissæ est, oves suas agnoscere, pro his Sacrificium offerre, verbique Divini Prædicatione, Sacramentorum administratione, ac bonorum omnium operum exemplo pascere; pauperum, aliarumque miserabilium personarum curam paternam gerere, & in cætera munia pastoralia incumbere; quæ omnia nequaquam ab iis præstari, & impleri possunt, qui gregi suo non invigilant, neque assunt, sed mercenariorum more deserunt: Sacrosancta Synodus eos admonet, & hortatur, ut Divinorum Præceptorum memores, factique (n) forma gregis, in iudicio, & veritate pascant, & regant. Ne vero ea, quæ de

refi-

(*) In Parisina: & Presbyteris,
Tomus VI. Concilior. German.

(m) Joan. 21. Act. 20.

(n) 1. Pet. 5.

residencia sancte, & utiliter jam antea sub fel. rec. Paulo III. sancita fuerunt, in sensu a sacrosanctæ Synodi mente alienos trahantur, ac si vigore illius Decreti quinque mensibus continuis abesse liceat; illis inhærendo, declarat sacrosancta Synodus, omnes Patriarchalibus, Primatialibus, Metropolitanis, ac Cathedralibus Ecclesiis quibuscumque, quocumque nomine, & titulo Præfectos, etiam si sanctæ Romanæ Ecclesiæ Cardinales sint, obligari ad personalem in sua Ecclesia vel Diocesi residentiam, ubi iuncto sibi officio defungi teneantur; neque abesse posse, nisi ex causis, & modis infra scriptis. Nam cum Christiana caritas, urgens necessitas, debita obedientia, ac evidens Ecclesiæ, vel Reip. utilitas aliquos nonnumquam abesse postulent, & exigant; decernit eadem sacrosancta Synodus, has legitimæ absentiæ causas a Beatissimo Romano Pontifice, aut a Metropolitano, vel, eo absente, Suffraganeo Episcopo antiquiori residente, qui idem Metropolitanus absentiam probare debebit, in scriptis esse approbandas; nisi cum absentia inciderit propter aliquod munus, & Reip. officium, Episcopatibus adjunctum: cujus quoniam cause sunt notoriæ, & interdum repentinae, nec eas quidem significari Metropolitano necesse erit: ad eundem tamen cum Concilio Provinciali spectabit, judicare de licentiis a se, vel a Suffraganeo datis; & videre, ne quis eo jure abutatur; & ut pœnis Canonice errantes puniantur. Interea meminerint discessuri, ita ovibus suis providendum, ut, quantum fieri poterit, ex ipsorum absentia nullum damnum accipiant. Quoniam autem, qui aliquantisper tantum absunt, ex veterum Canonum sententia non videntur abesse, quia statim reversuri sunt: sacrosancta Synodus vult, illud absentia spatium singulis annis, sive continuum, sive interruptum, extra prædictas causas, nullo pacto debere duos, aut ad summum tres menses excedere; & haberi rationem, ut id æqua ex causa fiat, & absque ullo gregis detrimento: quod an ita sit, abequentium conscientia relinquit, quam sperat religiosam, & timoratam fore; cum Deo corda pateant; cujus opus non fraudulenter agere, suo

periculo tenentur. Eosdem interim admonet, & in Domino hortatur, ne per illius temporis spatium, Dominici adventus, Quadragesimæ, Nativitatis, Resurrectionis Domini, Pentecostes item, & Corporis Christi diebus, quibus refici maxime, & in Domino gaudere Pastoris præsentia oves debeant, ipsi ab Ecclesia sua Cathedrali ullo pacto absint, nisi Episcopalia munia in sua Diocesi eos alio vocent.

Si quis autem, quod utinam nunquam eveniat, contra hujus decreti dispositionem abfuerit; statuit sacrosancta Synodus, præter alias pœnas adversus non residentes, sub Paulo III. impositas, & innovatas, ac mortalis peccati reatum, quem incurrit, eum pro rata temporis absentia fructus suos non facere, nec tuta conscientia, alia etiam declaratione non secuta, illos sibi detinere posse; sed teneri, aut ipso cessante, per Superiorem Ecclesiasticum illos fabricæ Ecclesiarum, aut pauperibus loci erogare: prohibita quacumque conventionione, vel compositione, quæ pro fructibus male perceptis appellatur; ex qua etiam prædicti fructus in totum, aut pro parte ei remitterentur: non obstantibus quibuscumque privilegiis cuicumque Collegio, aut fabricæ concessis.

EADEM omnino, etiam quo ad culpam, amissionem fructuum, & pœnas de Curatis inferioribus, & aliis quibuscumque, qui beneficium aliquod Ecclesiasticum, curam animarum habens, obtinent, sacrosancta Synodus declarat, & decernit: ita tamen, ut, quando cumque eos, causa prius per Episcopum cognita, & probata, abesse contigerit, Vicarium idoneum, ab ipso Ordinario approbandum, cum debita mercedis assignatione relinquant. Discedendi autem licentiam, in scriptis, gratisque concedendam, ultra bimestre tempus, nisi ex gravi causa, non obtineant. Quod si, per edictum citati (*) etiam non personaliter, contumaces fuerint; liberum esse vult Ordinariis, per censuras Ecclesiasticas, & sequestrationem, & subtractionem fructuum, aliaque juris remedia, etiam usque ad privationem, compellere; nec executionem hanc, quolibet privilegio, licentia, familiaritate, exemptione, etiam ratio

ne

(*) Hæc vox: etiam, in Parisina omittitur.

ne cuiuscumque beneficii, pactione, statuto, etiam iuramento, vel quacumque auctoritate confirmato, consuetudine, etiam immemorabili, quæ potius corruptela censenda est, sive appellatione, aut inhibitione, etiam in Romana Curia, vel vigore Eugenianæ Constitutionis suspendi posse. Postremo, tam decretum illud sub Paulo III., quam hoc ipsum in Conciliis Provincialibus, & Episcopalibus publicari, sancta Synodus præcipit: cupit enim, quæ adeo ex Pastorum munere, animarumque salute sunt, frequenter omnium auribus, mentibusque infigi, ut in posterum, Deo iuvante, nulla temporum injuria, aut hominum oblivione, aut consuetudine aboleantur.

CAPUT II.

Præfetti Ecclesiis consecrationis munus intra tres menses suscipiant.

ECCLESIS Cathedralibus, seu Superioribus, quocumque nomine, ac titulo præfetti, etiam si sanctæ Romanæ Ecclesiæ Cardinales sint, si munus consecrationis intra tres menses non susceperint, ad fructuum perceptorum restitutionem teneantur. Si intra totidem menses postea id facere neglexerint; Ecclesiis ipso jure sint privati. Consecratio vero, si extra Curiam Romanam fiat, in Ecclesia, ad quam promoti fuerint, aut in Provincia, si commode fieri poterit, celebretur.

CAPUT III.

Extra ægritudinem Episcopi per se Ordines conferant.

EPISCOPUS per semetipsos Ordines conferant. Quod si ægritudine fuerint impediti; subditos suos non aliter, quam jam probatos, examinatos, ad alium Episcopum ordinandos dimittant.

CAPUT IV.

Qui prima Tonsura initiandi.

PRIMA Tonsura non inicietur, qui

Sacramentum Confirmationis non susceperint, & fidei rudimenta edocti non fuerint; quique legere, & scribere nesciant; & de quibus probabilis conjectura non sit, eos non sæcularis iudicii fugiendi fraude, sed ut Deo fidelem cultum præstent, hoc vitæ genus elegerint.

CAPUT V.

Ordinandi quibus instructi esse debeant.

Ad minores Ordines promovendi bonum a Parocho, & a Magistro Scholæ, in qua educantur, testimonium habeant. Hi vero, qui ad singulos majores erunt assumendi, per mensem ante ordinationem Episcopum adeant, qui Parocho, aut alteri, cui magis expedire videbitur, committat, ut, nominibus, ac desiderio eorum, qui volent promoveri, publice in Ecclesia propositis, de ipsorum ordinandorum natalibus, ætate, moribus, & vita a fide dignis diligenter inquirat, & literas testimoniales, ipsam inquisitionem factam continentes, ad ipsum Episcopum quamprimum transmittat.

CAPUT VI.

Ætas annorum quatuordecim ad beneficium Ecclesiasticum requiritur: quis privilegio fori gaudere debeat.

NULLUS prima Tonsura initiatus, aut etiam in minoribus Ordinibus constitutus, ante decimum quartum annum beneficium possit obtinere. Is etiam fori privilegio non gaudeat, nisi beneficium Ecclesiasticum habeat; aut Clericalem habitum, & Tonsuram deferens, alicui Ecclesiæ ex mandato Episcopi inserviat; vel in Seminario Clericorum, aut in aliqua Schola, vel Universitate, de licentia Episcopi, quasi in via ad majores Ordines suscipiendos versetur. In Clericis vero conjugatis fervetur constitutio Bonifacii IX. (*) quæ inci-

(*) *Restius in editione Lovaniensi & Parisina Harduini scribitur: Bonifacii octavi; cum ista Constitutio legatur C. 1. de Clericis conjugatis in 6. L. 3. Sextus autem Decretalium liber jussu Bonifacii octavi collectus fuerit, & quinque Libris Decretalium Gregorii IX. adjectus, centum circiter ante Bonifacium IX. annis.*

incipit: Clerici, qui cum unicis: modo hi Clerici, alicujus Ecclesiæ servitio, vel ministerio ab Episcopo deputati, eidem Ecclesiæ serviant, vel ministrent, & Clericali habitu, & Tonsura utantur; nemini, quo ad hoc, privilegio, vel consuetudine, etiam immemorabili, suffragante.

CAPUT VII.

Examinandi sunt ordinandi a viris peritis juris Divini & humani.

SANCTA Synodus, antiquorum Canonum vestigiis inhærendo, decernit, ut quando Episcopus ordinationem facere disposuerit; omnes, qui ad sacrum Ministerium accedere voluerint, feria quarta ante ipsam ordinationem, vel quando Episcopo videbitur, ad civitatem evocentur. Episcopus autem Sacerdotibus, & aliis prudentibus viris, peritis Divinæ legis, ac in Ecclesiasticis Sanctionibus exercitatis, sibi ascitis, ordinandorum genus, personam, ætatem, institutionem, mores, doctrinam, & fidem diligenter investiget, & examinet.

CAPUT VIII.

Quomodo & a quo unusquisque promoveri debeat.

ORDINATIONES sacrorum Ordinum, statutis a jure temporibus, ac in Cathedrali Ecclesia, vocatis, præsentibusque ad id Ecclesiæ Canonicis, publice celebrentur. Si autem in alio Dicecensis loco, præsentem Clero loci, dignior, quantum fieri poterit, Ecclesia semper adeatur. Unusquisque autem a proprio Episcopo ordinetur. Quod si quis ab alio promoveri petat, nullatenus id ei, etiam cujusvis generalis, aut specialis rescripti, vel privilegii prætextu, etiam statutis temporibus permittatur; nisi ejus probitas, ac mores Ordinarii sui testimonio commendentur. Si secus fiat; ordinans a collatione Ordinum per annum, & ordinatus a susceptorum Ordinum executione, quamdiu proprio Ordinario videbitur expedire, sit suspensus.

CAPUT IX.

Ordinans familiarem Episcopus, conferat statim re ipsa beneficium.

EPISCOPUS familiarem suum non subditum ordinare non possit, nisi per triennium secum fueris commoratus; & beneficium, quacumque fraude cessante, statim re ipsa illi conferat: consuetudine quacumque, etiam immemorabili, in contrarium non obstante.

CAPUT X.

Episcopis inferiores Prælati tonsuram; vel minores Ordines ne conferant, nisi Regularibus sibi subditis: nec ipsi, aut Capitula quæcumque dimissorias concedant; graviore in Decretum peccantibus plena statuta.

ABBATIBUS, ac aliis quibuscumque, quantumvis exemptis, non liceat in posterum, intra fines alicujus Dicecensis consistentibus, etiam si nullius Dicecensis, vel exempti esse dicantur, cuiquam, qui Regularis subditus sibi non sit, Tonsuram, vel minores Ordines conferre: nec ipsi Abbates, & alii exempti, aut Collegia, vel Capitula quæcumque, etiam Ecclesiarum Cathedralium, literas dimissorias aliquibus Clericis secularibus, ut ab aliis ordinentur, concedant. Sed horum omnium ordinatio, servatis omnibus, quæ in hujus sanctæ Synodi decretis continentur, ad Episcopos, intra quorum Dicecensis fines existunt, pertineat: non obstantibus quibusvis privilegiis, præscriptionibus, aut consuetudinibus, etiam immemorabilibus. Pœnam quoque impositam iis, qui contra hujus sanctæ Synodi sub Paulo III. Decretum a Capitulo Episcopali, Sede vacante, literas dimissorias impetrant; ad illos, qui easdem literas non a Capitulo, sed ab aliis quibusvis, in jurisdictione Episcopi loco Capituli, Sede vacante, succedentibus, obtinent, mandat extendi. Concedentes autem dimissorias contra formam Decreti,

ab officio, & beneficio per annum sint ipso juro suspensi.

CAPUT XI.

Interstitia in susceptione minorum Ordinum, & certa alia præcepta observanda.

MINORES Ordines iis, qui saltem latinam linguam intelligant, per temporum interstitia, nisi aliud Episcopo expedire magis videretur, conferantur; ut eo accuratius, quantum sit hujus disciplinæ pondus, possint edoceri; ac in unoquoque munere, juxta præscriptum Episcopi, se exerceant; idque in ea, cui ascripti erunt, Ecclesia; nisi forte ex causa studiorum absint: atque ita de gradu in gradum ascendant; ut in eis cum ætate vitæ meritum, & doctrina major accrescat. Quod & bonorum morum exemplum, & assiduum in Ecclesia ministerium, atque major erga Presbyteros, & Superiores Ordines reverentia, & crebrior, quam antea, Corporis Christi Communio, maxime comprobabunt. Cumque hinc ad altiores gradus, & sacratissima Mytheria sit ingressus; nemo iis initietur, quem non scientiæ spes majoribus Ordinibus dignum ostendat. Hi vero non nisi post annum a susceptione postremi gradus minorum Ordinum ad sacros Ordines promoveantur: nisi necessitas, aut Ecclesiæ utilitas, judicio Episcopi, aliud exposcat.

CAPUT XII.

Ætas ad majores Ordines requisita; digni dumtaxat assumendi.

NULLUS in posterum ad Subdiaconatus Ordinem ante vigesimum secundum, ad Diaconatus ante vigesimum tertium, ad Presbyteratus ante vigesimum quintum ætatis suæ annum promoveatur. Sciant tamen Episcopi, non singulos, in ea ætate constitutos, debere ad hos Ordines assumi, sed dignos dumtaxat, & quorum probata vita senectus sit. Regulares quoque nec in minori ætate, nec sine diligenti Episcopi examine ordinentur: privilegiis quibuscumque, quo ad hoc, penitus exclusis.

CAPUT XIII.

Ordinatio qualis Subdiaconi & Diaconi, & eorum munus: nulli Ordines sacri duo conferantur eodem die.

SUBDIACONI, & Diaconi ordinentur, habentes bonum testimonium, & in minoribus Ordinibus jam probati, ac literis, & iis, quæ ad Ordinem exercendum pertinent, instructi. Qui sperent, Deo auctore, se continere posse; Ecclesiis, quibus ascribentur, inserviant; scientque maxime decere, si saltem diebus Dominicis, & solemnibus, cum altari ministraverint, sacram Communionem perceperint. Promoti ad sacrum Subdiaconatus Ordinem, si per annum saltem in eo non sint versati, ad altiorum gradum, nisi aliud Episcopo videatur, ascendere non permittantur. Duo sacri Ordines non eodem die, etiam Regularibus, conferantur: privilegiis, ac indultis quibusvis concessis, non obstantibus quibuscumque.

CAPUT XIV.

Quinam ad Presbyteratum assumendi: assumptorum quod munus.

QUI pie & fideliter in ministeriis ante actis se gesserint, & ad Presbyteratus Ordinem assumuntur, bonum habeant testimonium: & hi sint, qui non modo in Diaconatu ad minus (*) annum integrum, nisi ob Ecclesiæ utilitatem, ac necessitatem aliud Episcopo videretur, ministraverint; sed etiam ad populum docendum ea, quæ scire omnibus necessarium est ad salutem, ac ad ministranda Sacramenta, diligenti examine præcedente, idonei comprobentur: atque ita pietate, ac castis moribus conspicui, ut præclarum bonorum operum exemplum, & vitæ monita ab eis possint expectari. Curet Episcopus, ut ii saltem diebus Dominicis, & Festis solemnibus, si autem curam habuerint animarum, tam frequenter, ut suo muneri satisfaciant, Missas celebrent.

V v v v v 3

Cum

(*) Parisina habet: ad annum integrum, omisso: minus.

Cum promoris per saltum, si non ministraverint, Episcopus ex legitima causa possit dispensare.

CAPUT XV.

Nullus Confessiones audiat, nisi ab Ordinario approbatus.

QUAMVIS Presbyteri in sua ordinatione a peccatis absolvendi potestatem accipiant; decernit tamen sancta Synodus, nullum etiam Regularem, posse confessiones secularium, etiam Sacerdotum, audire; nec ad id idoneum reputari; nisi aut Parochiale beneficium, aut ab Episcopis per examen, si illis videbitur esse necessarium, aut alias idoneus judicetur, & approbationem, quæ gratis detur, obtineat: privilegiis, & consuetudine quacumque, etiam immemorabili, non obstantibus.

CAPUT XVI.

Arcentur ab Ordinibus Ecclesiasticis inutiles, & vagi.

CUM nullus debeat ordinari, qui iudicio sui Episcopi non sit utilis, aut necessarius suis Ecclesiis; sancta Synodus, vestigiis sexti Canonis Concilii Chalcedonensis inherendo, statuit, ut nullus in posterum ordinetur, qui illi Ecclesiæ, aut pio loco, pro cuius necessitate, aut utilitate assumitur, non ascribatur, ubi suis fungatur muneribus, nec incertis vagetur sedibus. Quod si locum inconsulto Episcopo deseruerit; ei sacrorum exercitium interdicitur. Nullus præterea Clericus peregrinus sine commendatitii sui Ordinarii literis ab ullo Episcopo ad Divina celebranda, & Sacramenta administranda admittatur.

CAPUT XVII.

Qua ratione Exercitia minorum Ordinum repetenda.

UT sanctorum Ordinum a Diaconatu ad Ostiariatum functiones, ab Apostolorum temporibus in Ecclesia laudabiliter receptæ, & pluribus in locis aliquamdiu, intermissæ, in usum juxta sacros Canones revocentur; nec ab hæreticis, tamquam otiosæ, traducantur;

illius pristini moris restituendi desiderio flagrans sancta Synodus, decernit, ut in posterum hujuscemodi ministeria non nisi per constitutos in dictis Ordinibus exerceantur; omnesque & singulos Prælatos Ecclesiarum in Domino hortatur, & illis præcipit, ut, quantum fieri commode poterit, in Ecclesiis Cathedralibus, Collegiatis, & Parochialibus suæ Diocesis, si populus frequens, & Ecclesiæ proventus id ferre queant, hujusmodi functiones curent restituendas, & ex aliqua parte reddituum aliquorum simplicium beneficiorum, vel fabricæ Ecclesiæ, si proventus suppetant, aut utriusque illorum, eas functiones exercentibus stipendia assignent: quibus, si negligentes fuerint, Ordinarii iudicio, aut ex parte mulari, aut in totum privari possint. Quod si ministeriis quatuor minorum Ordinum exercendis Clerici calibes præsto non erunt; sufficere possint etiam conjugati, vitæ probatæ, dummodo non bigami, ad ea munia obeunda idonei, & qui Tonsuram, & habitum Clericalem in Ecclesia gestent.

CAPUT XVIII.

Forma erigendi Seminarium Clericorum, præsertim tenuiorum: in cuius erectione plurima observanda: de educatione promovendorum in Cathedralibus & majoribus Ecclesiis.

CUM adolescentium ætas, nisi recte instituat, prona sit ad mundi voluptates sequendas; & nisi a teneris annis ad pietatem & religionem informetur, antequam vitiorum habitus totos homines possideat, numquam perfecte, ac sine maximo, ac singulari propemodum DEI Omnipotentis auxilio in disciplina Ecclesiastica perseveret: sancta Synodus statuit, ut singulæ Cathedralis, Metropolitana, atque his majores Ecclesiæ, pro modo Facultatum, & Diocesis amplitudine certum puerorum ipsius civitatis, & Diocesis, vel ejus Provinciæ, si ibi non reperiantur, numerum in Collegio ad hoc prope ipsas Ecclesias, vel alio in loco convenienti, ab Episcopo eligendo, alere, ac

reli-

religiose educare, & Ecclesiasticis disciplinis instituere teneantur. In hoc vero Collegio recipiantur, qui ad minimum duodecim annos, & ex legitimo matrimonio nati sint; ac legere, & scribere competenter noverint; & quorum indoles, & voluntas spem afferat, eos Ecclesiasticis ministeriis perpetuo inservituros. Pauperum autem filios præcipue eligi vult; nec tamen ditionum excludit; modo suo sumptu alantur, & studium præ se ferant Deo & Ecclesiæ inserviendi. Hos pueros Episcopus in tot classes, quot ei videbitur, divisos, juxta eorum numerum, ætatem, ac in disciplina Ecclesiastica progressum, partim cum ei opportunum videbitur, Ecclesiarum ministerio addiceret; partim in Collegio erudiendos retinebit; aliosque in locum eductorum sufficit: ita ut hoc Collegium Dei Ministrorum perpetuum Seminarium sit. Ut vero in eadem disciplina Ecclesiastica commodius instituatur, Tonsura statim, atque habitu Clericali semper utentur: Grammatices, cantus, computi Ecclesiastici, aliarumque bonarum artium disciplinam discunt: sacram Scripturam, libros Ecclesiasticos, homilias Sanctorum, atque Sacramentorum tradendorum, maxime quæ ad confessiones audiendas videbuntur opportuna, & rituum, ac carimoniarum formas ediscunt. Curet Episcopus, ut singulis diebus Missæ sacrificio interfint, ac saltem singulis mensibus confiteantur peccata; & juxta Confessoris judicium sumant Corpus Domini nostri JESU CHRISTI; Cathedrali, & aliis loci Ecclesiis diebus festis inserviant. Quæ omnia, atque alia, ad hanc rem opportuna, & necessaria Episcopi singuli cum consilio duorum Canonicorum seniorum, & graviorum, quos ipsi elegerint, prout Spiritus Sanctus suggererit, constituent; eaque ut semper observentur, sæpius visitando operam dabunt. Discipulos, & incorrigibiles, ac malorum morum seminatores acriter punient; eos etiam, si opus fuerit, expellendo: omniaque impedimenta auferentes, quæcumque ad conservandum, & augendum tam pium, & sanctum institutum pertinere videbuntur, diligenter curabunt. Et quia ad Col-

legii fabricam instituendam, & ad mercedem Præceptoribus & Ministris solvendam, & ad alendam juventutem, & ad alios sumptus certi redditus erunt necessarii; ultra ea, quæ ad instituendos, vel alendos pueros sunt in aliquibus Ecclesiis, & locis destinata, quæ eo ipso huic Seminario sub eadem Episcopi cura applicata censeantur: iidem Episcopi cum consilio duorum de Capitulo, quorum alter ab Episcopo, alter ab ipso Capitulo eligatur; itemque duorum de Clero civitatis, quorum quidem alterius electio similiter ad Episcopum, alterius vero ad Clerum pertineat; ex fructibus integris mensæ Episcopalis, & Capituli (*), & quarumcumque dignitatum, personatum, officiorum, præbendarum, portionum, Abbatiarum, & Prioratum, cujuscumque Ordinis, etiam Regularis, aut qualitatis, vel conditionis fuerint, & Hospitalium, quæ dantur in titulum, vel administrationem, juxta Constitutionem Concilii Viennensis, quæ incipit: Quia contingit: & beneficiorum quorumcumque, etiam Regularium (**), etiam si juris Patronatus cujuscumque fuerint, etiam si exempta, etiam si nullius Diocesis, vel aliis Ecclesiis, Monasteriis, & Hospitalibus, & aliis quibusvis locis piis, etiam exemptis, annexa, & ex fabricis Ecclesiarum, & aliorum locorum, etiam ex quibuscumque aliis Ecclesiasticis redditibus, seu proventibus, etiam aliorum Collegiorum; in quibus tamen Seminaria discuntium, vel docentium ad commune Ecclesiæ bonum promovendum actu non habentur: hæc enim exempta esse voluit: præterquam ratione reddituum, qui superflui essent ultra convenientem ipsorum Seminariorum sustentationem, seu corporum, vel confraternitatum, quæ in nonnullis locis Scholæ appellantur, & omnium Monasteriorum, non tamen Mendicantium, etiam ex decimis quacunque ratione ad laicos, ex quibus subsidia Ecclesiastica solvi solent, & milites cujuscumque militiæ, aut ordinis, pertinentibus: Fratribus sancti Joannis Hierosolymitani dumtaxat exceptis, partem aliquam, vel portionem detrahent: & eam portionem sic detractam, nec non beneficia aliquot simplicia,

(*) In Parisina non legitur: & Capituli.

(**) In ead. Paris. omittitur: etiam Regularium.

cia, cujuscumque qualitatē, & dignitatis fuerint, vel etiam præstimoniam, vel præstimoniales portiones, nuncupatas etiam ante vacationem, sine cultus Divini, & illa obtinentium præjudicio, huic Collegio applicabunt, & incorporabunt. Quod locum habeat, etiam si beneficia sint reservata, vel affecta; nec per resignationem ipsorum beneficiorum, uniones & applicationes suspendi, vel ullo modo impediri possint, sed omnino quacumque vacatione, etiam si in Curia effectum suum sortiantur, & quacumque constitutione non obstante. Ad hanc autem portionem solvendam, beneficiorum, dignitatum, personatum, & omnium, & singulorum supra commemoratorum possessores, non modo pro se, sed pro pensionibus, quas aliis forsan ex dictis fructibus solverent, retinendo tamen pro rata, quidquid pro dictis pensionibus, illis erit solvendum, ab Episcopo loci per censuras Ecclesiasticas, ac alia juris remedia compellantur; etiam vocato ad hoc, si videbitur, auxilio brachii secularis: quibusvis, quo ad omnia & singula supradicta, privilegiis, exemptionibus, etiam si specialem derogationem requirerent, & consuetudine, etiam immemorabili, quavis appellatione, & allegatione, quæ executionem impediatur, non obstantibus. Succedente vero casu, quo per uniones effectum suum sortientes, vel aliter Seminarium ipsum in totum, vel in partem dotatum reperitur; tunc portio ex singulis beneficiis, ut supra, detracta, & incorporata ab Episcopo, prout res ipsa exegerit, in totum vel pro parte remittatur. Quod si Cathedralium, & aliarum majorum Ecclesiarum Prælati in hac Seminarii erectione, ejusque conservatione negligentes fuerint, ac suam portionemolvere detrectaverint; Episcopum Archi-Episcopum, & Superiores Synodus Provincialis acriter corripere, eosque ad omnia supradicta cogere debeat; & ut quamprimum hoc sanctum, & pium opus, ubicumque fieri poterit, promoveatur, studiosè curabit. Rationes autem reddituum hujus Seminarii Episcopus annis singulis accipiat, præsentibus duobus a Capitulo, & totidem a Clero civitatis deputatis.

DEINDE, ut cum minori impensa hujusmodi Scholis instituendis provideatur;

statuit sancta Synodus, ut Episcopi, Archi-Episcopi, Primates, & alii locorum Ordinarii, Scholasterias obtinentes, & alios, quibus est lectionis, vel doctrinæ munus annexum, ad docendum in ipsis scholis instituendos, per se ipsos, si idonei fuerint, alioquin per idoneos substitutos, ab eisdem Scholasticis eligendos, & ab Ordinariis approbandos, etiam per subtractionem fructuum, cogant, & compellant. Quod si judicio Episcopi digni non fuerint; alium, qui dignus sit, nominent, omni appellatione remota. Quod si neglexerint; Episcopus ipse deputet. Docebunt autem prædicti, quæ videbuntur Episcopo expedire. De cætero vero officia, vel dignitates illæ, quæ Scholasteris dicuntur, non nisi Doctoribus, vel Magistris, aut Licentiatis in sacra pagina, aut in jure Canonico, & aliis personis idoneis, & qui per se ipsos id munus explere possint, conferantur: & aliter facta provisiō nulla sit, & invalida: non obstantibus quibusvis privilegiis, & consuetudinibus, etiam immemorabilibus.

Si vero in aliqua Provincia Ecclesiæ tanta paupertate laborent, ut Collegium in aliquibus erigi non possit: Synodus Provincialis, vel Metropolitanus cum duobus antiquioribus Suffraganeis in Ecclesia Metropolitana, vel alia Provinciæ Ecclesiæ commodiori unum, aut plura Collegia, prout opportunum judicabit, ex fructibus duarum, aut plurium Ecclesiarum, in quibus singulis Collegium commode institui non potest, erigenda curabit, ubi pueri illarum Ecclesiarum educantur.

In Ecclesiis autem, amplas Dioceses habentibus, possit Episcopus unum, vel plura in Diocesi, prout sibi opportunum videbitur, habere Seminaria: quæ tamen ab illo uno, quod in civitate erectum, & constitutum fuerit, in omnibus dependeat.

POSTREMO, si vel pro unionibus, seu pro portionum taxatione, vel assignatione, & incorporatione, aut quolibet alia ratione difficultatem aliquam oriri contigerit, ob quam hujus Seminarii institutio, vel conservatio impediretur, aut perturbaretur; Episcopus cum supra deputatis, vel Synodus Provincialis, pro regionis more, pro Ecclesiarum, & beneficio-

neficioꝝ qualitate, etiam supra scripta, si opus fuerit, moderando, aut augendo, omnia & singula, quæ ad felicem huius Seminarii profectum necessaria, & opportuna videbuntur, decernere, ac providere valeat.

Indictio futuræ Sessionis.

INSUPER, eadem sacrosancta Tridentina Synodus proximam futuram Sessionem in diem decimam sextam mensis Septembris indicit: in qua agetur de Sacramento Matrimonii, & de aliis, si qua erunt ad doctrinam fidei pertinentia, quæ expediri possint: item de provisionibus Episcopatum, dignitatum, aliorumque beneficiorum Ecclesiasticorum, ac de diversis reformationis articulis.

Prorogata fuit Sessio ad diem XI. Novemb. M.D.LXIII.

SESSIO XXIV.

QUÆ EST OCTAVA
SUB PIO IV. PONT. MAX.
CELEBRATA DIE XI. NOV.
M D L X I I I.

DOCTRINA DE SACRAMENTO MATRIMONII.

MATRIMONII perpetuum, indissolubileque nexum primus humani generis parens Divini Spiritus instinctu pronuntiavit, cum dixit: Hoc (o) nunc os ex ossibus meis, & caro de carne mea. Quamobrem (p) relinquet homo patrem suum, & matrem, & adhærebit uxori suæ, & erunt duo in carne una.

Hoc autem vinculo duos tantummodo copulari, & conjungi, Christus Dominus apertius docuit, cum postrema illa verba, tanquam a Deo prolata, referens dixit: (q) Itaque jam non sunt duo, sed una caro. Statimque ejusdem nexus firmitatem, ab Adamo tanto ante pronunciatam, his verbis confirmavit: Quod ergo Deus conjunxit, homo non separaret.

GRATIAM vero, quæ naturalem illum amorem perficeret, & indissolubilem unitatem confirmaret, conjugisque sanctificaret, ipse Christus, venerabilem Sacramentorum institutor, atque perfectior, sua nobis passione promeruit. Quod Paulus Apostolus innuit, dicens: (r) Viri diligite uxores vestras, sicut Christus dilexit Ecclesiam, & se ipsum tradidit pro ea: mox subjungens: Sacramentum hoc magnum est: ego autem (s) dico in Christo, & in Ecclesia.

CUM igitur Matrimonium in lege Evangelica veteribus connubiis per Christum gratia præstet; merito inter novæ legis Sacramenta annumerandum, sancti Patres nostri, Concilia, & universalis Ecclesiæ traditio semper docuerunt: adversus quam impii homines huius sæculi infantes, non solum perperam de hoc venerabili Sacramento senserunt, sed de more suo prætextu Evangelii libertatem carnis introducentes, multa ab Ecclesiæ Catholicæ sensu, & ab Apostolorum temporibus probata consuetudine aliena, scripto, & verbo asseruerunt, non sine magna Christi fidelium iactura: quorum temeritati sancta, & universalis Synodus cupiens occurrere, insigniores prædictorum schismaticorum hæreses, & errores, ne plures ad se trahat perniciosus eorum contagio, exterminandos duxit, hos in ipsos hæreticos, eorumque errores decernens anathematismos.

DE SACRAMENTO MATRIMONII.

CANON I.

SI quis dixerit, Matrimonium non esse vere, & proprie unum ex septem legis Evangelicæ Sacramentis (t) a Christo Domino institutum, sed ab hominibus in Ecclesia inventum, neque gratiam conferre; anathema sit.

CANON II.

Si quis dixerit (u), licere Christianis plures simul habere uxores, & hoc nulla lege Divina esse prohibitum; anathema sit.

CA:

(o) Gen. 2. 3. Esdræ 4. Eph. 5. 1. Cor. 6.
(q) Matth. 19. Marc. 10. 1. Cor. 6. Eph. 5.
(t) Matth. 19. Marc. 10. Eph. 5.

Tomus VI. Concilior. German.

(p) Matth. 19.
(r) Eph. 5. (s) Ibidem.
(u) Matth. 19.

CANON III.

Si quis dixerit (x), eos tantum consanguinitatis, & affinitatis gradus, qui in Levitico exprimuntur, posse impedire matrimonium contrahendum, & dirimere contractum; nec posse Ecclesiam in nonnullis illorum dispensare, aut constituere, ut plures impediunt, & dirimant; anathema sit.

CANON IV.

Si quis dixerit, Ecclesiam non potuisse constituere impedimenta matrimonii dirimentia, vel in iis constituendis errasse; anathema sit.

CANON V.

Si quis dixerit, propter hæresim, aut molestam cohabitationem, aut affectatam absentiam a conjuge, dissolvi posse matrimonii vinculum; anathema sit.

CANON VI.

Si quis dixerit, matrimonium ratum, non consummatum, per solemnem religionis professionem alterius conjugum non dirimi; anathema sit.

CANON VII.

Si quis dixerit, (y) Ecclesiam errare, cum docuit, & docet, juxta Evangelicam, & Apostolicam doctrinam, propter adulterium alterius conjugum matrimonii vinculum non posse dissolvi: & utrumque, vel etiam innocentem, qui causam adulterio non dedit, non posse, altero conjuge vivente, aliud matrimonium contrahere; mœcharique eum, qui dimissa adultera, aliam duxerit, & eam, quæ, dimisso adultero, alii nupserit; anathema sit.

CANON VIII.

Si quis dixerit, Ecclesiam errare, cum ob multas causas separationem inter conjuges, quo ad thorum, seu quo ad cohabitationem, ad certum, incertumve tempus fieri posse decernit; anathema sit.

CANON IX.

Si quis dixerit, Clericos in sacris Ordinibus constitutos, vel Regulares, ca-

stitatem solemniter professos, posse matrimonium contrahere, contractumque validum esse, non obstante lege Ecclesiastica, vel voto; & oppositum nil aliud esse, quam damnare matrimonium, post seque omnes contrahere matrimonium, qui non sentiunt se castitatis, etiam si eam voverint, habere donum; anathema sit: cum Deus id recte petentibus non denegat, nec (z) patiatur nos supra id, quod possumus, tentari.

CANON X.

Si quis dixerit, (a) statum conjugalem anteponendum esse statui virginitatis, vel cælibatus, & non esse melius, ac beatius manere in virginitate, aut cælibatu, quam jungi matrimonio; anathema sit.

CANON XI.

Si quis dixerit, prohibitionem solemnitatis nuptiarum certis anni temporibus, superstitionem esse tyrannicam, ab ethnicorum superstitione profectam; aut benedictiones, & alias cærimonias, quibus Ecclesia in illis utitur, damnaverit; anathema sit.

CANON XII.

Si quis dixerit, causas matrimoniales non spectare ad Judices Ecclesiasticos; anathema sit.

DECRETUM DE REFORMATIONE MATRIMONII.

CAPUT I.

Matrimonii solemniter celebrandi forma in Concilio Lateranensi præscripta innovatur: quoad Proclamationes dispensare possit Episcopus: Qui aliter, quam præsentibus Parocho, & duobus, vel tribus testibus contrahit, nihil agit.

TAMETSI dubitandum non est, clandestina matrimonia, libero contra-

hen-

(x) Levit. 18.

(y) Matt. 19. Lucæ 16. 1. Cor. 7.

(z) 1. Cor. 10.

(a) Matt. 19. 1. Cor. 7.

hentium consensu facta, rata, & vera esse matrimonia, quamdiu Ecclesia ea irrita non fecit; & proinde jure damnandi sint illi, ut eos sancta Synodus anathemate damnat, qui ea vera, ac rata esse negant; quique falso affirmant, matrimonia, a filiisfamilias sine consensu parentum contracta, irrita esse, & parentes ea rata, vel irrita facere posse: nihilominus sancta Dei Ecclesia ex justissimis causis illa semper detestata est, atque prohibuit. Verum, cum sancta Synodus animadvertat, prohibitiones illas propter hominum inobedientiam jam non prodesse, & gravia peccata perpendat, quæ ex eisdem clandestinis conjugis ortum habent; præsertim vero eorum, qui in statu damnationis permanent, dum, priore uxore, cum qua clam contraxerant, relicta, cum alia palam contrahunt, & cum ea in perpetuo adulterio vivunt. Cui malo, cum ab Ecclesia, quæ de occultis non iudicat, succurri non possit, nisi efficacius aliquod remedium adhibeatur: iccirco sacri Lateranensis Concilii, sub Innocentio III. celebrati, vestigiis inhærendo præcipit, ut in posterum, antequam matrimonium contrahatur, ter a proprio contrahentium Parocho, tribus continuis diebus festivis, in Ecclesia inter Missarum solemnias publice denunciatur; inter quos matrimonium sit contrahendum: quibus denunciationibus factis, si nullum legitimum opponatur impedimentum, ad celebrationem matrimonii in facie Ecclesiæ procedatur; ubi Parochus, viro & muliere interrogatis, & eorum mutuo consensu intellecto, vel dicat, Ego vos in matrimonium conjungo in nomine Patris, & Filii, & Spiritus Sancti: vel aliis utatur verbis, juxta receptum uniuscujusque Provinciæ ritum. Quod si aliquando probabilis fuerit suspicio, matrimonium malitiose impediri posse, si tot præcesserint denunciations: tunc vel una tantum denunciatio fiat; vel saltem Parocho, & duobus, vel tribus testibus præsentibus matrimonium celebretur. Deinde ante illius consummationem denunciations in Ecclesia fiant; ut, si aliqua subest impedimenta, facilius detegantur: nisi Ordinarius ipse expedire judicaverit, ut prædictæ denunciations remittantur: quod illius prudentiæ, & iudicio sancta Syno-

dus relinquit. Qui aliter, quam præsentem Parocho, vel alio Sacerdote, de ipsius Parochi, seu Ordinarii licentia, & duobus, vel tribus testibus matrimonium contrahere attentabunt; eos sancta Synodus ad sic contrahendum omnino inhabiles reddit: & hujusmodi contractus irritos, & nullos esse decernit, prout eos præsentis decreto irritos facit, & annullat. Insuper Parochum, vel alium Sacerdotem, qui cum minore testium numero: & testes, qui sine Parocho; vel Sacerdote, hujusmodi contractus interfuerint, nec non ipsos contrahentes graviter arbitrio Ordinarii puniri præcipit. Præterea eadem sancta Synodus hortatur, ut conjuges ante benedictionem Sacerdotalem, in templo suscipiendam, in eadem domo non cohabitent; statuitque benedictionem a proprio Parocho fieri; neque a quoquam, nisi ab ipso Parocho, vel ab Ordinario licentiam ad prædictam benedictionem faciendam, alii Sacerdoti concedi posse; quacumque consuetudine, etiam immemorabili, quæ potius corruptela dicenda est, vel privilegio, non obstante. Quod si quis Parochus, vel alius Sacerdos, sive regularis, sive secularis sit; etiam si id sibi ex privilegio, vel immemorabili consuetudine licere contendat, alterius Parochiæ sponfos, sine illorum Parochi licentia, matrimonio conjungere, aut benedicere ausus fuerit: ipso jure tamdiu suspensus maneat, quamdiu ab Ordinario ejus Parochi, qui matrimonio interesse debebat, seu a quo benedictio suscipienda erat, absolvatur. Habeat Parochus librum, in quo conjugum, & testium nomina, diemque & locum contracti matrimonii describat, quem diligenter apud se custodiat. Postremo sancta Synodus conjuges hortatur, ut, antequam contrahant, vel saltem triduo ante matrimonii consummationem sua peccata diligenter confiteantur, & ad sanctissimum Eucharistiæ Sacramentum pie accedant. Si quæ Provinciarum aliis, ultra prædictas, laudabilibus consuetudinibus, & cærimoniis hac in re utuntur, eas omnino retineri sancta Synodus vehementer optat. Ne vero hæc tam salubria præcepta quemquam lateant, Ordinarius omnibus præcipit, ut, cum primum poterint, curent hoc decretum populo publicari, ac explicari in singulis

suarum Diœcesum Parochialibus Ecclesiis; idque in primo anno quam sæpiſſime fiat; deinde vero quoties expedire viderint. Decernit insuper, ut hujusmodi Decretum in unaquaque Parochia suum robur post triginta dies habere incipiat, a die primæ publicationis, in eadem Parochia factæ, numerandos.

CAPUT II.

Inter quos cognatio Spiritualis contrahatur.

DOCET experientia, propter multitudinem prohibitionum, multoties in casibus prohibitis ignoranter contrahi matrimonia: in quibus vel non sine magno peccato perseveratur, vel ea non sine magno scandalo dirimuntur. Volens itaque sancta Synodus huic incommodo providere, & a cognitionis spiritualis impedimento incipiens, statuit, ut unus tantum sive vir, sive mulier, juxta sacrorum Canonum instituta, vel ad summum unus, & una baptizatum de Baptismo suscipiant; inter quos, ac baptizatum ipsum, & illius patrem, & matrem, nec non inter baptizantem, & baptizatum, baptizatique patrem, ac matrem tantum spiritualis cognatio contrahatur. Parochus, antequam ad Baptismum conferendum accedat, diligenter ab iis, ad quos spectabit, sciscitetur, quem, vel quos elegerint, ut baptizatum de sacro fonte suscipiant; & eum, vel eos tantum ad illum suscipiendum admittat; & in libro eorum nomina describat; doceatque eos, quam cognationem contraxerint; ne ignorantia ulla excusari valeant. Quod si alii, ultra designatos, baptizatum tetigerint; cognationem spiritualem nullo pacto contrahant: Constitutionibus, in contrarium facientibus, non obstantibus. Si Parochi culpa, vel negligentia secus factum fuerit; arbitrio Ordinarii puniatur. Ea quoque cognatio, quæ ex Confirmatione contrahitur, confirmantem, & confirmatum, illiusque patrem, & matrem, ac tenentem non egrediatur: omnibus inter alias personas hujus spiritualis cognationis impedimentis omnino sublatis.

CAPUT III.

Publicæ honestatis impedimentum certis limitibus coarctatur.

JUSTITIÆ publicæ honestatis impedimentum, ubi sponsalia quacumque ratione valida non erunt, sancta Synodus prorsus tollit; ubi autem valida fuerint, primum gradum non excedant: quoniam in ulterioribus gradibus jam non potest hujusmodi prohibitio absque dispendio observari.

CAPUT IV.

Affinitas ex fornicatione ad secundum gradum restringitur.

PRÆTEREÀ sancta Synodus, eisdem, & aliis gravissimis de causis adducta, impedimentum, quod propter affinitatem ex fornicatione contractam inducitur, & matrimonium postea factum dirimit, ad eos tantum, qui in primo, & secundo gradu conjunguntur, restringit: in ulterioribus vero gradibus statuit, hujusmodi affinitatem matrimonium postea contractum non dirimere.

CAPUT V.

Ne quis intra gradus prohibitos contrahat, quare ratione in iis dispensandum.

Si quis intra gradus prohibitos scienter matrimonium contrahere præsumpserit, separetur, & spe dispensationis consequendæ careat; idque in eo multo magis locum habeat, qui non tantum matrimonium contrahere, sed etiam consummare ausus fuerit. Quod si ignoranter id fecerit, siquidem solemnitates requisitas in contrahendo matrimonio neglexerit; eisdem subjiciatur poenis. Non enim dignus est, qui Ecclesiæ benignitatem facile experiatur, cujus salubria præcepta temere contempsit. Si vero, solemnitatibus adhibitis, impedimentum aliquod postea subesse cognoscatur, cujus ille probabilem ignorantiam habuit, tunc facilius cum eo, & gratis dispensari poterit. In contrahendis matrimoniis vel nulla omnino detur dispensatio, vel raro: idque ex causa, & gratis concedatur. In secundo gradu numquam dispensetur,

setur, nisi inter magnos Principes, & ob publicam causam.

CAPUT VI.

In raptos animadvertitur.

DECERNIT sancta Synodus, inter raptorem, & raptam, quamdiu ipsa in potestate raptoris manserit, nullum posse consistere matrimonium. Quod si rapta a raptore separata, & in loco tuto, & libero constituta, illum in virum habere consenserit; eam raptor in uxorem habeat; & nihilominus raptor ipse, ac omnes illi consilium, auxilium, & favorem præbentes, sint ipso jure excommunicati, ac perpetuo infames, omniumque dignitatum incapaces; & si Clerici fuerint, de proprio gradu decendant. Teneatur propterea raptor mulierem raptam, sive eam uxorem duxerit, sive non duxerit, decenter arbitrio Judicis dotare.

CAPUT VII.

Vagi matrimonio caute jungendi.

MULTI sunt, qui vagantur, & incertas habent sedes, & ut improbi sunt ingenii, prima uxore relicta, aliam, & plerumque plures, illa vivente, diversis in locis ducunt. Cui morbo cupiens sancta Synodus occurrere, omnes, ad quos spectat, paterne monet, ne hoc genus hominum vagantium ad matrimonium facile recipiant: Magistratus etiam sæculares hortatur, ut eos severe coerceant: Parochis autem præcipit, ne illorum matrimoniis intersint, nisi prius diligentem inquisitionem fecerint, & re ad Ordinarium delata, ab eo licentiam id faciendi obtinuerint.

CAPUT VIII.

Concubinatus penis gravissimis punitur.

GRAVE peccatum est, homines solutos concubinas habere; gravissimum vero, & in hujus magni Sacramenti singularem contemptum admissum, uxoratos quoque in hoc damnationis statu vivere, ac audere eas quandoque domi, etiam cum uxoribus, alere, & retinere. Quare, ut huic tanto malo sancta Syno-

odus opportunis remediis provideat, statuit hujusmodi concubinarios, tam solutos, quam uxoratos, cujuscumque status, dignitatis, & conditionis existant, si, postquam ab Ordinario, etiam ex officio, ter admoniti ea de re fuerint, concubinas non ejecerint, seque ab earum consuetudine non sejunxerint, excommunicatione feriendos esse; a qua non absolvantur, donec re ipsa admonitioni factæ paruerint. Quod si in concubinato per annum, censuris neglectis, permanserint; contra eos ab Ordinario severe pro qualitate criminis procedatur. Mulieres, sive conjugatæ, sive solutæ, quæ cum adulteris, seu concubinariis publice vivunt, si ter admonitæ non paruerint, ab Ordinariis locorum, nullo etiam requirente, ex officio graviter pro modo culpæ puniantur; & extra oppidum, vel Diocesim, si id eisdem Ordinariis videbitur, invocato, si opus fuerit, brachio sæculari, ejiciantur: aliis penis, contra adulteros, & concubinarios inflictis, in suo robore permanentibus.

CAPUT IX.

Ne Domini temporales aut Magistratus quidpiam libertati Matrimonii contrarium moliantur.

ITA plerumque temporalium Dominorum, ac Magistratum mentis oculos terreni affectus, atque cupiditates excæcant, ut viros, & mulieres, sub eorum jurisdictione degentes, maxime divites, vel spem magnæ hæreditatis habentes, finis, & penis adigant, cum iis matrimonium invitos contrahere, quos ipsi Domini, vel Magistratus illis præscripserint. Quare, cum maxime nefarium sit, matrimonii libertatem violare, & ab eis injurias nasci, a quibus jura expectantur; præcipit sancta Synodus omnibus, cujuscumque gradus, dignitatis, & conditionis existant, sub anathematis pena, quam ipso facto incurrant, ne quovis modo directe, vel indirecte subditos suos, vel quoscumque alios cogant, quo minus libere matrimonia contrahant.

CAPUT X.

*Nuptiarum solemnitates certis
temporibus prohibentur.*

AB adventu Domini nostri JESU CHRISTI usque in diem Epiphaniæ, & a feria quarta Cinerum usque in octavam Pascharis inclusive, antiquas solemnium nuptiarum prohibitiones diligenter ab omnibus observari sancta Synodus præcipit; in aliis vero temporibus nuptias solemniter celebrari permittit: quas Episcopi, ut ea, qua decet, modestia, & honestate fiant, curabunt. Sancta enim res est matrimonium, & sancte tractandum.

DECRETUM
DE REFORMATIONE.

EADEM Sacrosancta Synodus, Reformationis materiam prosequens, hæc in præsentì Sessione statuenda decernit.

CAPUT I.

*Norma procedendi ad creationem
Episcoporum & Cardinalium.*

SI in quibuslibet Ecclesiæ gradibus providenter, scienterque curandum est, ut in Domini domo nihil sit inordinatum, nihilque præposterum; multo magis elaborandum est, ut in electione ejus, qui supra omnes gradus constituitur, non erretur. Nam totius familiæ Domini status, & ordo nuntabit, si, quod requiritur in corpore, non inveniatur in capite. Unde, etsi alias sancta Synodus de promovendis ad Cathedrales, & superiores Ecclesias nonnulla utiliter decrevit: hoc tamen munus hujusmodi esse censet, ut, si pro rei magnitudine expendatur, nunquam satis cautum de eo videri possit. Itaque statuit, ut, cum primum Ecclesia vacaverit, supplicationes, ac preces publice, privatimque habeantur, atque a Capitulo per civitatem & Diocesim indicantur; quibus Clerus, populusque bonum a Deo Pastorem valeat impetrare. Omnes vero, & singulos, qui ad promotionem præficiendorum, quod-

cumque jus, quacumque ratione, a Sede Apostolica habent, aut alioquin operam suam præstant, nihil in iis pro præsentì temporum ratione innovando, hortatur, & monet, ut in primis meminerint, nihil se ad Dei gloriam, & populorum salutem utilius posse facere, quam si bonos Pastores, & Ecclesiæ gubernandæ idoneos promoveri studeant; eosque alienis peccatis communicantes mortaliter peccare, nisi, quos digniores, & Ecclesiæ magis utiles ipsi judicaverint, non quidem precibus, vel humano affectu, aut ambientium suggestionibus, sed, eorum exigentibus meritis, præfici diligenter curaverint; & quos ex legitimo matrimonio natos, & vita, ætate, doctrina, atque aliis omnibus qualitatibus præditos fiant, quæ juxta sacros Canones, & Tridentinæ hujus Synodi decreta requiruntur. Quoniam vero in sumendo de prædictis omnibus qualitatibus gravi, idoneoque bonorum, & doctorum virorum testimonio, non uniformis ratio ubique ex nationum, populorum, ac morum varietate potest adhiberi; mandat sancta Synodus, ut in Provinciali Synodo, per Metropolitani habenda, præscribatur quibusque locis, & Provinciis propria examinis, seu inquisitionis, aut instructionis faciendæ forma, Sanctissimi Romani Pontificis arbitrio approbanda, quæ magis eisdem locis utilis, atque opportuna esse videbitur; ita tamen, ut, cum deinde hoc examen, seu inquisitio de persona promovenda perfectæ fuerit; ea in instrumentum publicum redacta, cum toto testimonio, ac professione fidei ab eo facta, quamprimum ad Sanctissimum Romanum Pontificem omnino transmittatur: ut ipse Summus Pontifex, plena totius negotii, ac personarum notitia habita, pro gregis Domini commodo de illis, si idonei per examen, seu per inquisitionem factam reperti fuerint, Ecclesiis possit utiliter providere. Omnes vero inquisitiones, informationes, testimonia, ac probationes, quacumque de promovendi qualitatibus, & Ecclesiæ statu a quibuscumque, etiam in Romana Curia, habitæ, per Cardinalem, qui relationem facturum erit in Consistorio, & alios tres Cardinales diligenter examinen-

minentur; ac relatio ipsa Cardinalis re-
latoris & trium Cardinalium subscrip-
tione roboretur: in qua ipsi singuli
quatuor Cardinales affirmant, se, adhi-
bita accurata diligentia, invenisse pro-
movendos qualitatibus a jure, & ab hac
sancta Synodo requisitis, præditos; ac
certo existimare sub periculo salutis æ-
ternæ idoneos esse, qui Ecclesiis præfi-
ciantur: ita ut relatione in uno Confi-
sistorio facta, quo maturius interea de
ipsa inquisitione cognosci possit, in aliud
Consistorium judicium differatur; nisi
aliud Beatissimo Pontifici videbitur ex-
pedire. Ea vero omnia, & singula,
quæ de Episcoporum præficiendorum
vita, ætate, doctrina, & cæteris qua-
litatibus alias in eadem Synodo consti-
tuta sunt, decernit eadem, etiam in
creatione sanctæ Romanæ Ecclesiæ Car-
dinalium, etiam si Diaconi sint, exigenda;
quos Sanctissimus Romanus Pon-
tifex ex omnibus Christianitatis natio-
nibus, quantum commodè fieri po-
terit, prout idoneos repererit, assu-
met. Postremo, eadem sancta Sy-
nodus, tot gravissimis Ecclesiæ incom-
modis commota, non potest non com-
memorare, nihil magis Ecclesiæ Dei ef-
se necessarium, quam ut Beatissimus
Romanus Pontifex, quam sollicitudinem
universæ Ecclesiæ ex muneris sui officio
debet, eam hic potissimum impendat,
ut leuissimos tantum sibi Cardinales ad-
fiscet; & bonos maxime, atque idone-
os Pastores singulis Ecclesiis præficiat;
idque eo magis, quod ovium Christi
sanguinem, quæ ex malo negligentium,
& sui officii immemororum Pasto-
rum regimine peribunt, Dominus no-
ster Jesus Christus de manibus ejus sit
requisiturus.

CAPUT II.

*Synodi Provinciales quolibet trien-
nio: Diœcesanæ quotannis cele-
brentur: qui eas cogere,
quive illis interesse
debeant.*

PROVINCIALIA Concilia, sicubi
omissa sunt, pro moderandis moribus,
corrigendis excessibus, controversiis
componendis, aliisque ex sacris Cano-

nibus permissis renoventur. Quare
Metropolitani per se ipsos, seu, illis
legitime impeditis, Co-Episcopus an-
tiquior, intra annum ad minus a fine
præsentis Concilii, & deinde quolibet
saltem triennio post octavam Paschæ Res-
urrectionis Domini nostri Jesu Christi,
seu alio commodiori tempore promovere
Provinciæ non prætermittat, Synodum
in Provincia sua cogere: quo Episcopi
omnes, & alii, qui de jure, vel consue-
tudine interesse debent, exceptis iis,
quibus cum imminenti periculo trans-
fretandum esset, convenire omnino
teneantur. Nec Episcopi Comprovinciales,
prætextu cujuslibet consuetudi-
nis, ad Metropolitanam Ecclesiam in pos-
terum accedere inviti compellantur.
Idem Episcopi, qui nulli Archi-Episco-
po subjiciuntur, aliquem vicinum
Metropolitanum semel eligant; in cu-
jus Synodo Provinciali cum aliis inter-
esse debeant; & quæ ibi ordinata fue-
rint, observent, ac observari faciant.
In reliquis omnibus eorum exemptio,
& privilegia salva, atque integra maneant.
Synodi quoque Diœcesanæ quot
annis celebrentur: ad quas exempti
etiam omnes, qui alias, cessante ex-
emptione, interesse deberent, nec Ca-
pitulis generalibus subduntur, accedere
teneantur: ratione tamen Parochialium,
aut aliarum sæcularium Ecclesiarum,
etiam annexarum, debeant ii, qui illarum
curam gerunt, quicumque illi
sint, Synodo interesse. Quod si in his
tam Metropolitani, quam Episcopi, &
alii superscripti negligentes fuerint;
pœnas, sacris Canonibus sancitas, incur-
rant.

CAPUT III.

*Qua ratione Visitatio per Præ-
latos facienda.*

PATRIARCHÆ, Primates, Metro-
politani, & Episcopi propriam Diœce-
sim per se ipsos, aut, si legitime impe-
diti fuerint, per suum generalem Vi-
carium, aut Visitatorem, si quotannis to-
tam, propter ejus latitudinem, visita-
re non poterunt, saltem majorem ejus
partem, ita tamen; ut tota biennio
per se, vel Visitatores suos compleantur,
visitare non prætermittant. A Metro-
poli-

politaniis vero, etiam post plene visitationem propriam Dicecesim, non visitentur Cathedrales Ecclesiae, neque Diceceses suorum Comprovincialium, nisi causa cognita, & probata in Concilio Provinciali. Archi-Diaconi autem, Decani, & alii inferiores, in iis Ecclesiis, ubi hactenus visitationem exercere legitime consueverunt, debeant quidem, assumpto Notario, de consensu Episcopi deinceps per se ipsos tantum ibidem visitare. Visitatores etiam, a Capitulo deputandi, ubi Capitulum jus visitandi habet, prius ab Episcopo approbentur: sed non ideo Episcopus, vel, eo impedito, ejus Visitator, easdem Ecclesias seorsum ab his visitare prohibeatur; cui ipsi Archi-Diaconi, vel alii inferiores, visitationis factae infra mensem rationem reddere, & depositiones testium, ac integra acta ei exhibere teneantur: non obstantibus quacumque consuetudine, etiam immemorabili, atque exemptionibus, & privilegiis quibuscumque. Visitationum autem omnium istarum praecipuus sit scopus, sanam, orthodoxamque doctrinam, expulsis haeresibus, inducere, bonos mores tueri, pravos corrigere; populum cohortationibus, & admonitionibus ad religionem, pacem, innocentiamque accendere; caetera, prout locus, tempus, & occasio feret, ex visitantium prudentia ad fidelium fructum constituere. Quae ut facilius, feliciusque succedant; monentur praedicti omnes, & singuli, ad quos visitatio spectat, ut paterna caritate, Christianoque zelo omnes amplectantur; ideoque modesto contenti equitatu, famulatuque, studeant quam celerrime, debita tamen cum diligentia, visitationem ipsam absolvere. Interimque caveant, ne inutilibus sumptibus cuiquam graves, onerosive sint; neve ipsi, aut quisquam suorum quidquam procuratoris causa pro visitatione, etiam testamentorum ad pios usus, praeter id, quod ex relictis piis jure debetur, aut alio quovis nomine, nec pecuniam, nec munus, quodcumque sit, etiam qualitercumque offeratur, accipiant: non obstante quacumque consuetudine, etiam immemorabili: exceptis tantum vi-ctualibus, quae sibi, ac suis frugaliter,

moderateque pro temporis tantum necessitate, & non ultra, erunt ministranda. Sit tamen in optatione eorum, qui visitantur, si malint solvere id, quod erat ab ipsis ante solvi, certa pecunia taxata, consuetum; an vero praedicta victualia subministrare: salvo item jure conventionum antiquarum, cum Monasteriis, aliisque piis locis, aut Ecclesiis non Parochialibus inito, quod illarum permaneat. In iis vero locis, seu Provinciis, ubi consuetudo est, ut nec victualia, nec pecunia, nec quidquam aliud a Visitatoribus accipiantur, sed omnia gratis fiant; ibi id observetur. Quod si quisquam, quod absit, aliquid amplius in supradictis omnibus casibus accipere praesumpserit; is praeter dupli restitutionem, intra mensem faciendam, aliis etiam penis juxta Constitutionem Concilii Generalis Lugdunensis, quae incipit: Exigit; nec non & aliis penis in Synodo Provinciali arbitrio Synodi, absque ulla spe veniae, mulctetur. Patroni vero in iis, quae ad Sacramentorum administrationem spectant, nullatenus se praesumantingere; neque visitationi ornamentorum Ecclesiae, aut bonorum stabulum, seu fabricarum proventibus immisceant; nisi quatenus id eis ex institutione, ac fundatione competat: sed Episcopi ipsi haec faciant, & fabricarum redditus in usus Ecclesiae necessarios, & utiles, prout sibi expedire magis visum fuerit, expendi curent.

CAPUT IV.

A quibus & quando munus praedicationis obeundum: Ecclesia Parochialis ad audiendum Verbum DEI adeunda. Nullus contradicente Episcopo praedicet.

PRÆDICATIONIS munus, quod Episcoporum praecipuum est, cupiens sancta Synodus, quo frequentius possit ad fidelium salutem exerceri, Canones, alias super hoc editos sub fel. rec. Paulo III., aptius praesentium temporum usui accommodando, mandat, ut in Ecclesia sua ipsi per se, aut, si legitime impe-

impediti fuerint, per eos, quos ad prædicationis munus assument: in aliis autem Ecclesiis per Parochos, sive, iis impeditis, per alios, ab Episcopo impensis eorum, qui eas præstare vel tenentur, vel solent, deputandos in civitate, aut in quacumque parte Dicecisis censebunt expedire; saltem omnibus Dominicis, & solemnibus diebus festis; tempore autem Jejuniis, Quadragesimæ, & Adventus Domini quotidie, vel saltem tribus in hebdomada diebus, si ita oportere duxerint, sacras Scripturas, Divinamque legem annuncient; & alias, quotiescumque id opportune fieri posse judicaverint. Moneatur Episcopus populum diligenter, teneri unumquemque Parochiæ suæ interesse, ubi commode id fieri potest, ad audiendum Verbum DEI. Nullus autem sæcularis, sive regularis, etiam in Ecclesiis suorum Ordinum, contradicente Episcopo, prædicare præsumat. Idem etiam saltem Dominicis, & aliis festivis diebus pueros in singulis Parochiis fidei rudimenta, & obedientiam erga Deum, & parentes diligenter ab iis, ad quos spectabit, doceri curabunt, & si opus sit, etiam per censuras Ecclesiasticas compellent: non obstantibus privilegiis, & consuetudinibus. In reliquis, ea, quæ de prædicationis munere sub eodem Paulo III. decreta fuerunt, suum robur obtineant.

CAPUT V.

Criminales causæ contra Episcopos, majores a solo Summo Pontifice: minores a Concilio Provinciali cognoscantur.

CAUSÆ criminales graviiores contra Episcopos, etiam hæresis, quod absit, quæ depositione, aut privatione dignæ sunt, ab ipso tantum Summo Romano Pontifice cognoscantur, & terminentur. Quod si ejusmodi sit causa, quæ necessario extra Romanam Curiam sit committenda, nemini prorsus ea committatur, nisi Metropolitanis, aut Episcopis, a Beatissimo Papa eligendis. Hæc vero commissio & specialis sit, & manu ipsius Sanctissimi Pontificis signata, nec umquam plus his tribuat, quam

Totius VI. Concilior. German.

ut solam facti instructionem sumant; processumque conficiant: quem statim ad Romanum Pontificem transmittant, reservata eidem Sanctissimo sententia definitiva. Cætera alias sub fel. rec. Julio III. super his decreta, nec non & Constitutio sub Innocentio III. in Concilio generali, quæ incipit: Qualiter & quando; quam sancta Synodus in præsentem innovat, ab omnibus observetur. Minores vero criminales causæ Episcoporum in Concilio tantum Provinciali cognoscantur, & terminentur, vel a deputandis per Concilium Provinciale.

CAPUT VI.

Datur Episcopis potestas circa irregularitatem & suspensionum dispensationes, & criminum absolutiones.

LICEAT Episcopis in irregularitatibus omnibus, & suspensionibus, ex delicto occulto provenientibus, excepta ea, quæ oritur ex homicidio voluntario, & exceptis aliis deductis ad forum contentiosum, dispensare; & in quibuscumque casibus occultis, etiam Sedi Apostolicæ reservatis, delinquentes quoscumque sibi subditos, in Dicecesi suæ per se ipsos, aut Vicarium, ad id specialiter depurandum, in foro conscientie gratis absolvere, imposita pœnitentia salutari. Idem & in hæresis crimine in eodem foro conscientie eis tantum, non eorum Vicariis, sit permissum.

CAPUT VII.

Sacramentorum virtus, antequam populo administrantur, ab Episcopis & Parochis explicetur: Inter Missarum solemnia sacræ pagine explanentur.

UT fidelis populus ad suscipienda Sacramenta majori cum reverentia, atque animi devotione accedat; præcipit sancta Synodus Episcopis omnibus, ut non solum, cum hæc per se ipsos erunt populo administranda, prius illorum vim, & usum pro suscipientium caput explicent; sed etiam idem a singulis

Y y y y

Paro-

Parochis pie, prudenterque, etiam lingua vernacula, si opus sit, & commode fieri poterit, servari studeant, juxta formam, a sancta Synodo in Catechesi singulis Sacramentis præscribendam; quam Episcopi in vulgarem linguam fideliter verti, atque a Parochis omnibus populo exponi curabunt: nec non ut inter Missarum solemnias, aut Divinorum celebrationem sacra eloquia, & salutis monita eadem vernacula lingua singulis diebus festis, vel solemnibus explanent; eademque in omnium cordibus, postpositis inutilibus quæstionibus, inferere, atque eos in lege Domini erudire studeant.

CAPUT VIII.

Publice peccantes publice penitentiant, nisi Episcopo aliter videatur: Penitentiarius in Cathedralibus instituendus.

APOSTOLUS monet, (a) publice peccantes palam esse corripiendos. Quando igitur ab aliquo publice, & in multorum conspectu crimen commissum fuerit, unde alios scandalo offensos; commotosque fuisse non sit dubitandum; huic condignam pro modo culpæ penitentiam publice injungi oportet: ut quos exemplo suo ad malos mores provocavit, suæ emendationis testimonio ad rectam revocet vitam. Episcopus tamen publicæ hoc penitentiaæ genus in aliud secretum poterit commutare, quando ita magis judicaverit expedire. In omnibus etiam Cathedralibus Ecclesiis, ubi id commode fieri poterit, Penitentiarius aliquis cum unione præbendæ, proxime vacaturæ, ab Episcopo instituitur, qui Magister sit, vel Doctor, aut Licentiatus in Theologia, vel Jure Canonico, & annorum quadraginta, seu alias, qui aptior pro loci qualitate reperiatur; qui dum confessiones in Ecclesia audiet, interim præsens in Choro censeatur.

(a) 1. Tim. 5.

CAPUT IX.

A quo visitari debeant Ecclesie Sæculares nullius Dicecesis.

QUÆ alias sub fel. rec. Paulo III. & nuper sub Beatissimo Domino nostro Pio IV. in hoc eodem Concilio de adhibenda ab Ordinariis diligentia in beneficiorum, etiam exemptorum, visitatione constituta sunt; eadem etiam in iis Ecclesiis sæcularibus observentur, quæ in nullius Dicecesi esse dicuntur; ut ab Episcopo, cujus Cathedralis Ecclesia est proximior, si id constet: alioquin ab eo, qui semel in Concilio Provinciali a Prælato loci illius electus fuerit, tamquam Sedis Apostolicæ delegatus, visitentur: non obstantibus privilegiis, consuetudinibus quibuscumque, etiam immemorabilibus.

CAPUT X.

Executio visitationis a subditis ne suspendatur.

EPISCOPI, ut aptius, quem regunt, populum possint in officio, atque obedientia continere, in omnibus iis, quæ ad visitationem, ac morum correctionem subditorum suorum spectant, jus & potestatem habeant, etiam tamquam Apostolicæ Sedis delegati, ea ordinandi, moderandi, puniendi, & exequendi, juxta Canonum Sanctiones, quæ illis ex prudentia sua pro subditorum emendatione, ac Dicecesis suæ utilitate necessaria videbuntur. Nec in his, ubi de visitatione, aut morum correctione agitur, exemptio, aut ulla inhibitiō, appellatio, seu querela, etiam ad Sedem Apostolicam, interposita, executionem eorum, quæ ab his mandata, decreta, aut judicata fuerint, quoquo modo impediatur, aut suspendatur.

CAPUT

CAPUT XI.

CAPUT XII.

Honorarii tituli, aut privilegia particularia, Episcoporum iuvinibil detrabant. Cap. Cum Capellæ Extra. De Privilegiis. innovatur.

Quales esse debeant promovendi ad Dignitates & Canonicatus Cathedralium Ecclesiarum: quidve promoti præstare teneantur.

QUONIAM privilegia, & exemptiones; quæ variis titulis plerisque conceduntur, hodie perturbationem in Episcoporum iurisdictione excitare, & exemptis occasionem laxioris vitæ præbere dignoscuntur; decernit sancta Synodus, ut, si quando iustis, gravibus, & fere necessariis suadentibus causis, aliquos honorariis titulis Protonotariatus, Acolythatus, Comitatus Palatini, Capellani Kegii, aut aliis huiusmodi in Romana Curia, vel extra, insignibus decorandos esse placuerit; nec non alios, cuicumque Monasterio oblatos, vel quomodocumque addictos, aut sub nomine servientium Militiis, seu Monasteriis, Hospitalibus, Collegiis, aut quocumque alio titulo assumi; nihil ex iis privilegiis detractum esse Ordinariis intelligatur; quo minus iis, quibus ea jam concessa sunt, vel in posterum concedi contigerit, ipsis Ordinariis, tamquam Apostolicæ Sedis delegatis, plene in omnibus, & quo ad Capellanos Regios, juxta Constitutionem Innocentii III. quæ incipit: Cum Capellæ, subiecti existant: exceptis tamen iis, qui prædictis locis, aut militiis actu serviunt, & intra eorum septa, ac domos resident, subque eorum obedientia vivunt; five iis, qui legitime, & secundum regulam earundem militiarum professionem fecerint, de qua Ordinario constare debeat: non obstantibus privilegiis quibuscumque, etiam religionis Sancti Joannis Hierosolymitani, & aliarum militiarum. Quæ vero privilegia residentibus in Curia Romana vigore Eugenianæ Constitutionis, aut familiaritatis Cardinalium competere solent; ea in iis, qui beneficia Ecclesiastica obtinent, ratione prædictorum beneficiorum minime intelligantur; sed Ordinarii iurisdictioni subiecti permaneant: non obstantibus quibuscumque inhibitionibus.

Cum dignitates, in Ecclesiis præfertim Cathedralibus, ad conservandam augendamque Ecclesiasticam disciplinam fuerint institutæ; ut, qui eas obtinerent, pietate præcellerent, aliisque exemplo essent, atque Episcopos opera, & officio juvarent: merito, qui ad eas vocantur, tales esse debent, qui suo muneri respondere possint. Nemo igitur deinceps ad dignitates quascumque, quibus animarum cura subest, promoveatur, nisi qui saltem XXV. suæ ætatis annum attigerit; & in Clericali Ordine versatus, doctrina ad suum munus exequendum necessaria, ac morum integritate commenderetur; juxta Constitutionem Alexandri Terti, in Concilio Lateranensi promulgatam, quæ incipit: Cum in cunctis. Archidiaconi etiam, qui oculi dicuntur Episcopi, sint in omnibus Ecclesiis, ubi fieri poterit, Magistri in Theologia, seu Doctores, aut Licentiati in Jure Canonico. Ad cæteras autem dignitates, vel personatus, quibus animarum cura nulla subest, Clerici aliquin idonei, & XXII. annis non minores, adsciscantur. Provisi etiam de beneficiis quibuscumque, curam animarum habentibus, teneantur a die adeptæ possessionis, ad minus intra duos menses, in manibus ipsius Episcopi, vel, eo impedito, coram generali ejus Vicario, seu Officiali, orthodoxæ suæ fidei publicam facere professionem, & in Romanæ Ecclesiæ obedientia se permansturos spondeant, ac jurent. Provisi autem de Canonicatibus, & dignitatibus, in Ecclesiis Cathedralibus, non solum coram Episcopo, seu ejus Officiali, sed etiam in Capitulo idem facere teneantur: alioquin prædicti omnes provis, ut supra, fructus non faciant suos; nec illis possessio suffragetur. Neminem etiam deinceps ad dignitatem, Canonicatum, aut portionem recipiant, nisi qui eo Ordine sacro aut sit initiatum,

quem illa dignitas, præbenda, aut portio requirit; aut in tali ætate, ut infra tempus a jure, & ab hac sancta Synodo statutum, initiari valeat. In omnibus vero Ecclesiis Cathedralibus omnes Canonicatus, ac portiones habeant annexum Ordinem Presbyterii, Diaconatus, vel Subdiaconatus. Episcopus autem cum consilio Capituli designet, ac distribuat, prout viderit expedire, quibus quisque Ordo ex sacris annexus in posterum esse debeat; ita tamen, ut dimidia saltem pars Presbyterii sint, cæteri vero Diaconi, aut Subdiaconi: ubi vero consuetudo laudabilior habet, ut plures, vel omnes sint Presbyteri, omnino observetur. Horatur etiam Sancta Synodus, ut in Provinciis, ubi id commode fieri potest, dignitates omnes, & saltem dimidia pars Canonicatum, in Cathedralibus Ecclesiis, & Collegiatis insignibus conferantur tantum Magistris, vel Doctoribus, aut etiam Licentiatis in Theologia, vel Jure Canonico. Præterea obtinentibus in eisdem Cathedralibus, aut Collegiatis dignitates, Canonicatus, Præbendas, aut portiones, non liceat vigore cujuslibet statuti, aut consuetudinis, ultra tres menses, ab eisdem Ecclesiis quolibet anno abesse: salvis nihilominus earum Ecclesiarum Constitutionibus, quæ longius servitii tempus requirunt: alioquin primo anno privetur unusquisque dimidia parte fructuum, quos ratione etiam præbendæ, ac residentiar fecit suos. Quod si iterum eadem fuerit usus negligentia, privetur omnibus fructibus, quos eodem anno lucratus fuerit. Crescente vero contumacia, contra eos, juxta sacrorum Canonum Constitutiones, procedatur. Distributiones vero, qui statis horis interfuerint, recipiant: reliqui, quavis collusione, aut remissione exclusi, his careant, juxta Bonifacii VIII. Decretum, quod incipit, Consuetudinem: quod sancta Synodus in usum revocat: non obstantibus quibuscumque statutis, & consuetudinibus. Omnes vero Divina per se, & non per substitutos, compellantur obire officia; & Episcopo celebranti, aut alia Pontificalia exercenti, adistere, & inservire, atque in Choro, ad psallendum institu-

to, hymnis, & canticis DEI nomen reverenter, distincte, devotèque laudare. Vestitu insuper decenti tam in Ecclesia, quam extra, assidue utantur; ab illicitisque venationibus, aucupii, choreis, tabernis, lufibusque abstineant; atque ea morum integritate polleant, ut merito Ecclesiæ Senatus dici possit. Cætera, quæ ad debitum in Divinis officiis regimen spectant, deque congrua in his canendi, seu modulandi ratione, de certa lege in Choro conveniendi, & permanendi, simulque de omnibus Ecclesiæ Ministris, quæ necessaria erunt, & si qua hujusmodi; Synodus Provincialis, pro cujusque Provinciæ utilitate, & moribus, certam cuique formulam præscribet. Interea vero Episcopus non minus, quam cum duobus Canonicis, quorum unus ab Episcopo, alter a Capitulo eligatur, in iis, quæ expedire videbuntur, poterit providere.

CAPUT XIII.

*Quomodo tenuioribus Cathedralibus Ecclesiis consulendum: Pa-
rochiæ certis finibus
distinguendæ.*

QUONIAM pleræque Cathedrales Ecclesiæ tam tenuis redditus sunt, & angustæ, ut Episcopali dignitati nullo modo respondeant, neque Ecclesiarum necessitati sufficiant; examinet Concilium Provinciale, vocatis iis, quorum interest, & diligenter expendat, quas propter angustias, tenuitatemque invicem unire, vel novis proventibus augere expediat; confectaue de præmissis instrumenta ad Summum Romanum Pontificem mittat: quibus instructus Summus Pontifex ex prudentia sua, prout expedire judicaverit, aut tenues invicem uniat, aut aliqua accessione ex fructibus augeat. Interim vero, donec prædicta effectum sortiantur, hujusmodi Episcopis, qui fructuum subventionem pro Diocesis suæ tenuitate indigent; poterit de beneficiis aliquibus, dum tamen curata non sint, nec dignitates, seu Canonicatus, & Præbendæ, nec Monasteria, in quibus viget Regularis observantia, vel quæ Capitulis generalibus, & certis Visitationibus sub-

duntur,

CAPUT XIV.

*Ne quis admittatur ad possessionem
beneficii, aut distributionum, cum
fructuum distributione in usum
non pios conver-
tenda.*

duntur, a Summo Romano Pontifice providendi. In Parochialibus etiam Ecclesiis, quarum fructus æque adeo exigui sunt, ut debitis nequeant oneribus satisfacere; curabit Episcopus, si per beneficiorum unionem, non tamen Regularium, id fieri non possit, ut primitiarum, vel decimarum assignatione, aut per Parochianorum symbola, ac collectas, aut qua commodiori ei videbitur ratione, tantum redigatur, quod pro Rectoris, aut Parochiæ necessitate decenter sufficiat. In unionibus vero quibuslibet, seu ex supra dictis, seu aliis causis faciendis, Ecclesiæ Parochiales Monasteriis quibuscumque, aut Abbatibus, seu dignitatibus, sive præbendis Ecclesiæ Cathedralis, vel Collegiæ, sive aliis beneficiis simplicibus, aut Hospitalibus, militiisve non uniantur: & quæ unitæ sunt, revideantur ab Ordinariis, juxta alias decretum in eadem Synodo sub sel. rec. Paulo III. quod etiam in unitis ab eo tempore citra æque observetur: non obstantibus in iis quibuscumque verborum formis, quæ hic pro sufficienter expressis habeantur. Ad hæc in posterum, omnes hæ Cathedralis Ecclesiæ, quarum redditus summam Ducatorum mille: & Parochiales, quæ summam Ducatorum centum, secundum verum annuum valorem non excedunt, nullis pensionibus, aut reservationibus fructuum graventur. In iis quoque civitatibus, ac locis, ubi Parochiales Ecclesiæ certos non habent fines, nec earum Rectores proprium populum, quem regant, sed promiscue petentibus Sacramenta administrant; mandat sancta Synodus Episcopis, pro tutiori animarum eis commissarum salute, ut, distincto populo in certas, propriasque Parochias, unicuique suum perpetuum, peculiaremque Parochum assignent, qui eas cognoscere valeat, & a quo solo licite Sacramenta suscipiant; aut alio utiliori modo, prout loci qualitas exegerit, provideant. Idemque in iis civitatibus, ac locis, ubi nullæ sunt Parochiales, quamprimum fieri curent: non obstantibus quibuscumque privilegiis, & consuetudinibus, etiam immemorabilibus.

In pluribus Ecclesiis, tam Cathedralibus, quam Collegiatis, & Parochialibus, ex earum Constitutionibus, aut ex prava consuetudine observari intelligitur; ut in electione, præsentatione, nominatione, institutione, confirmatione, collatione, vel alia provisione, sive admissione ad possessionem alicujus Cathedralis Ecclesiæ, vel beneficii, Canonicatum, aut Præbendam, vel partem proventuum, seu ad distributiones quotidianas certæ conditiones, seu deductiones ex fructibus, solutiones, promissiones, compensationesve illicitæ: aut etiam, quæ in aliis quibus Ecclesiis dicuntur Turnorum lucra, interponantur: hæc cum sancta Synodus detestetur, mandat Episcopis, ut, quæcumque hujusmodi in usum pios non convertuntur, atque ingressus eos, qui simoniacæ labis, aut fordidae avaritiæ suspicionem habent, fieri non permittant; ipsique diligenter de eorum constitutionibus, sive consuetudinibus super prædictis cognoscant; & illis tantum, quas ut laudabiles probaverint, exceptis, reliquas, ut pravas, ac scandalosas, rejiciant, & aboleant. Eos vero, qui adversus hæc, in præsentibus Decreto comprehensa, quavis ratione commiserint, penis, contra Simoniacos editis, sacris Canonibus, & variis Summorum Pontificum Constitutionibus, quas omnes innovat, teneri decernit: non obstantibus quibuscumque statutis, constitutionibus, consuetudinibus, etiam immemorabilibus, etiam Apostolica auctoritate confirmatis: de quarum surreptione, obreptione, & intentionis defectu Episcopus, tamquam Apostolicæ Sedis delegatus, cognoscere possit.

CAPUT XV.

*Ratio augendi tenues Præbendas
Ecclesiarum Cathedralium, &
Collegiatarum insigni-
nium.*

IN Ecclesiis Cathedralibus, & Collegiatis insignibus, ubi frequentes, adeoque tenues sunt Præbendæ simul cum distributionibus quotidianis, ut sustinendo decenti Canonorum gradui pro loci, & personarum qualitate non sufficiant; liceat Episcopis cum consensu Capituli, vel aliquot simplicia beneficia, non tamen regularia, iis unire; vel, si hac ratione provideri non possit, aliquibus ex iis suppressis, cum Patronorum consensu, si de jure patronatus laicorum sint: quarum fructus & proventus reliquarum præbendarum distributionibus quotidianis applicentur, eos ad pauciores numerum reducere; ita tamen, ut tot supersint, quæ Divino cultui celebrando, ac dignitati Ecclesiæ commode valeant respondere: non obstantibus quibuscumque constitutionibus & privilegiis, aut quacumque reservatione generali, vel speciali, aut affectione; neque prædictæ uniones, aut suppressiones tolli, seu impediri possint ex quibuscumque provisionibus, etiam vigore resignationis, aut quibusvis aliis derogationibus, vel suspensionibus.

CAPUT XVI.

*Quid muneris incumbat Capitulo,
Sede vacante.*

CAPITULUM, Sede vacante, ubi fructuum percipiendorum ei munus incumbit, Oeconomum unum, vel plures fideles, ac diligentes decernat, qui rerum Ecclesiasticarum, & proventuum curam gerant, quorum rationem ei, ad quem pertinebit, sint reddituri. Item Officiale, seu Vicarium infra octo dies post mortem Episcopi constituere, vel existentem confirmare omnino teneatur, qui saltem in jure Canonico sit Doctor, vel Licentius, vel alias, quantum fieri poterit, idoneus. Si secus factum fuerit, ad Metropolitanum deputatio hujusmodi de-

volvatur. Et, si Ecclesia ipsa Metropolitana fuerit, aut exempta, Capitulumque, ut præfertur, negligens fuerit; tunc antiquior Episcopus ex Suffraganeis in Metropolitana, & propinquior Episcopus in exempta, Oeconomum, & Vicarium idoneos possit constituere. Episcopus vero, ad eandem Ecclesiam vacantem promotus, ex iis, quæ ad eum spectant, ab eisdem Oeconomum, Vicario, & aliis quibuscumque Officialibus, & Administratoribus, qui, Sede vacante, fuerunt a Capitulo, vel ab aliis, in ejus locum constituti, etiam si fuerint ex eodem Capitulo, rationem exigat officiorum, jurisdictionis, administrationis, aut cujuscumque eorum muneris; possitque eos punire, qui in eorum officio, seu administratione deliquerint: etiam si prædicti Officiales, redditibus rationibus, a Capitulo, vel a deputatis ab eodem, absolutionem, aut liberationem obtulerint. Eidem quoque Episcopo teneatur Capitulum de scripturis, ad Ecclesiam pertinentibus, si quæ ad Capitulum pervenerunt, rationem reddere.

CAPUT XVII.

*Beneficiorum collationi, & plu-
rium retentioni modus
statuitur.*

CUM Ecclesiasticus ordo pervertatur; quando unus plurium officia occupat Clericorum; sanctæ sacris Canonibus cautum fuit, neminem oportere in duabus Ecclesiis conscribi. Verum quoniam multi improba cupiditatis affectu se ipsos, non Deum, decipientes, ea, quæ bene constituta sunt, variis artibus eludere, & plura simul beneficia obtinere non erubescunt: sancta Synodus debitam regendis Ecclesiis disciplinam restituere cupiens, præsentis decreto, quod in quibuscumque personis, quocumque titulo, etiam si Cardinalatus honore fulgeant, mandat observari; statuit, ut in posterum unum tantum beneficium Ecclesiasticum singulis conferatur. Quod quidem, si ad vitam ejus, cui conferitur, honeste sustentandam non sufficiat; liceat nihilominus aliud simplex sufficiens, dammodo utrumque personalem residentiam non requirat, eidem conferri. Hæcque non modo ad Cathedrales Eccle-

Ecclesias, sed etiam ad alia omnia beneficia, tam secularia, quam regularia quæcumque, etiam commendata, pertinent, cuiuscumque tituli, ac qualitatis existant. Illi vero, qui in presenti plures Parochiales Ecclesias, aut unam Cathedralē, & aliam Parochialem obtinent, cogantur omnino, quibuscumque dispensationibus, ac unionibus ad vitam non obstantibus, una tantum Parochiali, vel sola Cathedrali retenta, alias Parochiales infra spatium sex mensium dimittere: alioquin tam Parochiales, quam beneficia omnia, quæ obtinent, ipso jure vacare censeantur; ac tamquam vacantia libere aliis idoneis conferantur; nec ipsi antea illa obtinentes, tuta conscientia, fructus post dictum tempus retineant. Optat autem sancta Synodus, ut resignationum necessitatibus commoda aliqua ratione, prout summo Pontifici videbitur, provideatur.

CAPUT XVII.

Ecclesia Parochiali vacante, deputandus ab Episcopo Vicarius, donec illi provideatur de Parocho. Nominati ad Parochiales quæ forma & a quibus examinari debeant.

EXPEDIT maxime animarum salutem, a dignis, atque idoneis Parochis gubernari. Id ut diligentius, ac rectius perficiatur, statuit sancta Synodus, ut, cum Parochialis Ecclesiæ vacatio, etiam si cura Ecclesiæ, vel Episcopo incumbere dicatur, & per unum, vel plures administretur, etiam in Ecclesiis patrimonialibus, seu receptivis nuncupatis, in quibus consuevit Episcopus uni, vel pluribus curam animarum dare, quos omnes ad infra scriptum examen teneri mandat, per obitum, vel resignationem, etiam in Curia, seu aliter quomodocumque contigerit; etiam si ipsa Parochialis Ecclesia reservata, vel affecta fuerit generaliter, vel specialiter, etiam vigore indulti, seu privilegii in favorem Sanctæ Romanæ Ecclesiæ Cardinalium, seu Abbatum, vel Capitulorum: debeat Episcopus statim, habita notitia vacationis Ecclesiæ, si opus fuerit, idoneum in ea Vicarium, cum congrua, ejus arbitrio, fructuum

portionis assignatione, constituere; qui onera ipsius Ecclesiæ sustineat, donec ei de Restore provideatur. Porro Episcopus, & qui jus Patronatus habet, intra decem dies, vel aliud tempus, ab Episcopo præscribendum, idoneos aliquot Clericos ad regendam Ecclesiam coram deputandis examinatoribus nominet. Liberum sit tamen etiam aliis, qui aliquos ad id aptos noverint, eorum nomina deferre, ut possit postea de eorum iustitate, moribus, & sufficientia fieri diligens inquisitio. Et, si Episcopo, aut Synodo Provinciali pro regionis more videbitur magis expedire, per edictum etiam publicum vocentur, qui volent examinari. Transacto constituto tempore, omnes qui descripti fuerint, examinentur ab Episcopo, sive, eo impedito, ab ejus Vicario Generali, atque ab aliis Examinatoribus non paucioribus, quam tribus; quorum votis, si pares aut singulares fuerint, accedere possit Episcopus, vel Vicarius, quibus magis videbitur. Examinatores autem singulis annis in Diocesana Synodo ab Episcopo, vel ejus Vicario ad minus sex proponantur; qui Synodo satisfaciant, & ab ea probentur. Advenienteque vacatione cujuslibet Ecclesiæ, tres ex illis eligat Episcopus, qui cum eo examen perficiant; indeque succedente alia vacatione, aut eosdem, aut alios tres, quos maluerit, ex prædictis illis sex eligat. Sint vero hi Examinatores, Magistri, seu Doctores, aut Licentiati in Theologia, aut jure Canonico, vel alii Clerici, seu Regulares, etiam ex ordine mendicantium, aut etiam seculares, qui ad id videbuntur magis idonei, jurentque omnes ad sancta Dei Evangelia, se, quacumque humana affectione postposita, fideliter munus executuros. Caveantque, ne quidquam prorsus occasione hujus examinis nec ante, nec post accipiant: alioquin simoniæ vitium tam ipsi, quam alii dantes incurrant; a qua absolvi nequeant, nisi dimissis beneficiis, quæ quomodocumque etiam antea obtinebant; & ad alia in posterum inhabiles reddantur. Et de his omnibus non solum coram Deo, sed etiam in Synodo Provinciali, si opus erit, rationem reddere teneantur, a qua, si quid contra officium eos fecisse compertum fuerit, graviter ejus arbitrio puniri possint.

sint. Peracto deinde examine renunci-
entur, quotcumque ab his idonei iudicati
fuerint ætate, moribus, doctrina, pru-
dentia, & aliis rebus ad vacantem Eccle-
siam gubernandam opportunis. Ex his-
que Episcopus eum eligat, quem cæteris
magis idoneum iudicaverit; atque illi, &
non alteri, collatio Ecclesiæ ab eo fiat,
ad quem spectabit eam conferre. Si vero
iuris Patronatus Ecclesiastici erit; ac in-
stitutio ad Episcopum, & non alium per-
tineat; is, quem Patronus digniorem in-
ter probatos ab Examinatoribus iudicabit,
Episcopo præsentare teneatur, ut ab eo
instituitur. Cum vero institutio ab alio,
quam ab Episcopo, erit facienda; tunc
Episcopus solus ex dignis eligat digniorem,
quem Patronus ei præsentet, ad quem
institutio spectat. Quod si jus Patrona-
tus laicorum fuerit, debeat, qui a Patro-
no præsentatus erit, ab eisdem deputatis,
ut supra, examinari, & non, nisi ido-
neus repertus fuerit, admitti. In omni-
busque supra dictis casibus non cuiquam
alteri, quam uni ex prædictis examinatis,
& ab Examinatoribus approbatis, juxta
supradictam regulam, de Ecclesia provi-
deatur, nec prædictorum examinatorum
relationem, quo minus executionem
habeat, ulla devolutio, aut appellatio,
etiam ad Sedem Apostolicam, sive ejus-
dem Sedis Legatos, aut Vice-Legatos,
aut Nuncios, seu Episcopos, aut Me-
tropolitanos, Primates, vel Patriarchas
interposita, impediatur, aut suspendatur;
alioquin Vicarius, quem Ecclesiæ vacanti
antea Episcopus arbitrio suo ad tempus
deputavit, vel forsitan postea deputabit,
ab ejus Ecclesiæ custodia, & administra-
tione non amoveatur, donec aut eidem,
aut alteri, qui probatus, & electus fue-
rit, ut supra, sit provisum: alias provi-
siones omnes, seu institutiones, præ-
ter supradictam formam factæ, sur-
repticiæ esse censentur: non obsta-
ntibus huic Decreto exemptionibus, in-
dultis, privilegiis, præventionibus, af-
fectionibus, novis provisionibus, indultis
concessis quibuscumque Universitatibus,
etiam ad certam summam, & aliis impe-
dimentis quibuscumque. Si tamen adeo
exigui redditus dictæ Parochiales fuerint,
ut totius hujus examinationis operam non
ferant; aut nemo sit, qui se examini qua-
rat subficere; aut ob apertas factiones, seu

diffidia, quæ in aliquibus locis reperiu-
tur, facile graviore rixæ, ac tumultus
possint excitari: poterit Ordinarius, si pro
sua conscientia cum deputatorum consi-
lio ita expedire arbitrabitur, hac forma
omissa, privatum aliud examen, cæteris
tamen, ut supra, servatis, adhibere. Li-
cebit etiam Synodo Provinciali, si qua in
supradictis circa examinationis formam
addenda, remittendave esse censuerit,
providere.

CAPUT XIX.

*Mandata de providendo, exspe-
ctative & alia id genus
antiquantur.*

DECERNIT Sancta Synodus, Man-
data de providendo, & gratias, quæ ex-
pectative dicuntur, nemini amplius, eti-
am Collegiis, Universitatibus, Senati-
bus, & aliis singularibus personis, etiam
sub nomine indulti, aut ad certam sum-
mam, vel alio quovis colore concedi, nec
hactenus concessis cuiquam uti licere. Sed
nec reservationes mentales, nec aliæ quæ-
cumque gratiæ ad vacatura, nec indulta
ad alienas Ecclesias, vel Monasteria, ali-
cui, etiam ex Sanctæ Romanæ Ecclesiæ
Cardinalibus, concedantur, & hactenus
concessa, abrogata esse censentur.

CAPUT XX.

*Ratio tractandi causas, ad forum
Ecclesiasticum pertinentes,
præscribitur.*

CAUSÆ omnes, ad forum Ecclesia-
sticum quomodolibet pertinentes, etiam
si beneficiales sint, in prima instantia co-
ram Ordinariis locorum dumtaxat cogno-
scantur, atque omnino, saltem infra bi-
ennium a die motæ litis, terminentur:
alioquin post id spatium liberum sit parti-
bus, vel alteri illarum, Judices superiores,
alias tamen competentes, adire; qui
causam in eo statu, quo fuerit, assumant,
& quamprimum terminari curent; nec
antea aliis committantur, nec avocentur:
neque appellationes ab eisdem interposi-
tæ, per Superiores quoscumque recipian-
tur; eorumve commissio, aut inhibito
fiat, nisi a definitiva, vel a definitiva vim
habente, & cujus gravamen per appella-
tionem

tionem a definitiva reparari nequeat. Ab his excipiantur causæ, quæ juxta Canonicas Sanctiones apud Sedem Apostolicam sunt tractandæ; vel quas ex urgenti, rationabilique causâ judicaverit Summus Romanus Pontifex, per speciale rescriptum Signaturæ Sanctitatis suæ, manu propria subscribendum, committere, aut avocare. Ad hæc, causæ matrimoniales, & criminales, non Decani, Archi-Diaconi, aut aliorum inferiorum judicio, etiam visitando, sed Episcopi tantum examini, & jurisdictioni relinquuntur; etiam si in præfenti inter Episcopum, & Decanum, seu Archi-Diaconum, aut alios inferiores super causarum istarum cognitione his aliqua in quacumque instantia pendeat: coram quo, si pars vere paupertatem probaverit, non cogatur extra Provinciam nec in secunda, nec in tertia instantia in eadem causâ matrimoniali litigare; nisi pars altera & alimenta, & expensas litis velit subministrare. Legati quoque, etiam de latere, Nuncii, Gubernatores Ecclesiastici, aut alii quorumcumque Facultatum vigore, non solum Episcopos in prædictis causis impedire, aut aliquo modo eorum jurisdictionem iis præripere, aut turbare non præsumant; sed nec etiam contra Clericos, aliasve personas Ecclesiasticas, nisi Episcopo prius requisito, eoque negligente, procedant: alias eorum processus ordinationesve nullius momenti sint; atque ad damni satisfactionem, partibus illati, teneantur. Præterea, si quis in casibus a jure permittis appellaverit, aut de aliquo gravamine conquestus fuerit; seu alias ob lapsum biennii, de quo supra, ad alium Judicem recurrerit; teneatur acta omnia, coram Episcopo gesta, ad Judicem appellationis expensis suis transferre, eodem (*) Episcopo prius admonito, ut, si quid ei pro causæ instructione videbitur, possit Judici appellationis significare. Quod si appellatus compareat; cogatur tunc is quoque actorum, quæ translata sunt, expensas, pro portione sua, si illis uti voluerit, subire; nisi aliter ex loci consuetudine servetur, ut scilicet ad appellantem integrum hoc onus pertineat. Porro ipsam actorum copiam teneatur Notarius, congrua

Tomus VI. Concilior. German.

(*) In Parisina additur: tamen.

mercede accepta, appellanti quanto citius, & ad minus intra mensem, exhibere. Qui Notarius, si in differenda exhibitione fraudem fecerit; ab officii administratione arbitrio Ordinarii suspendatur; & ad dupli pœnam, quanti ea lis fuerit, inter appellantem, & pauperes loci distribuendam, compellatur. Judex vero, si & ipse impedimenti hujus conscius, particepsve fuerit, aliterve obstiterit, ne appellanti integre acta intra tempus traderentur; ad eandem dupli pœnam, prout supra, teneatur: non obstantibus, quo ad omnia supra scripta, privilegiis, indultis, concordis, quæ suos tantum teneant auctores, & aliis quibuscumque consuetudinibus.

CAPUT XXI.

*Declaratur ex certis verbis supra
positis non immutari solitam ra-
tionem tractandi negotia in
Generalibus Con-
ciliis.*

CURIENS sancta Synodus, ut ex Decretis ab ea editis nulla umquam futuris temporibus dubitandi occasio oriat, verba illa, posita in Decreto, publicato Sessione prima, sub Beatissimo Domino nostro Pio Quarto, videlicet: Quæ proponentibus Legatis, ac Præfidentibus, ad horum temporum levandas calamitates, sedandas de religione controversias, coercendas linguas dolosas; depravatorum morum abusus corrigendos, Ecclesiæ veram, & Christianam pacem conciliandam apta, & idonea ipsi sanctæ Synodo videbuntur; explicando declarat, mentis suæ non fuisse, ut ex prædictis verbis solita ratio tractandi negotia in Generalibus Conciliis ulla ex parte immutaretur; neque novi quidquam, præter id, quod a sacris Canonibus, vel generalium Synodorum forma hæcenus statutum est, cuiquam adderetur, vel detraheretur.

Indictio futuræ Sessionis.

INSUPER, eadem Sacrosancta Synodus proximam futuram Sessionem feria quinta post Conceptionem Beatæ MARIE Virginis, quæ erit dies nona

22222

mensis

mensis Decembris, proxime venturi, habendam esse statuit, & decernit, cum potestate etiam abbreviandi. In qua Sessione tractabitur de sexto, nunc in eam dilato capite, & de reliquis Reformationis capitibus jam exhibitis, deque aliis ad eam pertinentibus. Si vero opportunum videbitur, & tempus patietur, poterit etiam de nonnullis dogmatibus tractari, prout suo tempore in Congregationibus proponentur.

Abbreviata est dies Sessionis.

SESSIO XXV.

QUÆ EST NONA,
ET ULTIMA

SUB PIO IV. PONT. MAX.
COEPTA DIE III., ABSOLUTA
DIE IV. DECEMBR.
MDLXIII.

DECRETUM DE PURGATORIO.

CUM Catholica Ecclesia, Spiritu Sancto edocta, ex sacris literis, & antiqua Patrum traditione, in sacris Conciliis, & novissime in hac Oecumenica Synodo docuerit, Purgatorium esse; animasque ibi detentas, fidelium suffragiis, potissimum vero acceptabili altaris Sacrificio juvari; præcipit sancta Synodus Episcopis, ut sanam de Purgatorio doctrinam, a sanctis Patribus, & sacris Conciliis traditam, a Christi fidelibus credi, teneri, doceri, & ubique prædicari, diligenter studeant. Apud rudem vero plebem difficiliores, ac subtiliores quæstiones, quæque ad ædificationem non faciunt, & ex quibus plerumque nulla fit pietatis accessio, a popularibus Concionibus secludantur. Incerta item, vel quæ specie falsi laborant, evulgari, ac tractari non permittant. Ea vero, quæ ad curiositatem quandam, aut superstitionem spectant, vel rursus lucrum sapiunt, tamquam scandala, & fidelium offensa prohibeant. Curent autem Episcopi, ut fidelium vivorum suffragia, Missarum scilicet sacrificia, orationes, elemosinæ, aliaque pietatis opera, quæ

a fidelibus pro aliis fidelibus defunctis fieri consueverunt, secundum Ecclesiæ instituta pie, & devote fiant; & quæ pro illis ex testatorum foundationibus, vel alia ratione debentur, non perfunctorie, sed a Sacerdotibus, & Ecclesiæ Ministris, & aliis, qui hoc præstare tenentur, diligenter, & accurate persolvantur.

De invocatione, veneratione, & Reliquiis Sanctorum, & sacris imaginibus.

MANDAT Sancta Synodus omnibus Episcopis, & cæteris docendi munus, curamque sustinentibus, ut juxta Catholicæ, & Apostolicæ Ecclesiæ usum, a primævis Christianæ Religionis temporibus receptum, sanctorumque Patrum consensionem, & sacrorum Conciliorum Decreta, in primis de Sanctorum intercessione, invocatione, Reliquiarum honore, & legitimo imaginum usu, fideles diligenter instruant, docentes eos, Sanctos, una cum Christo regnantes, orationes suas pro hominibus Deo offerre; bonum, atque utile esse, suppliciter eos invocare; & ob beneficia impetranda a Deo per filium ejus JESUM CHRISTUM, Dominum nostrum, qui solus noster Redemptor & Salvator est, ad eorum orationes, opem, auxiliumque confugere: illos vero, qui negant Sanctos, æternam felicitate in cælo fruantes, invocandos esse; aut qui asserunt, vel illos pro hominibus non orare; vel eorum, ut pro nobis etiam singulis orent, invocationem esse idololatriam; vel pugnare cum verbo Dei, adversarique honori unius Mediatoris DEI, & hominum JESU CHRISTI; vel stultum esse, in cælo regnantibus voce, vel mente supplicare; impie sentire. Sanctorum quoque Martyrum, & aliorum cum Christo viventium, sancta corpora, quæ viva membra fuerunt Christi, (a) & templum Spiritus Sancti, ab ipso ad æternam vitam suscitanda, & glorificanda, a fidelibus veneranda esse: per quæ multa beneficia a Deo hominibus præstantur: ita ut affirmantes, Sanctorum Reliquiis venerationem, atque hono-

(a) Cor. 3.

honorem non deberi; vel eas, aliaque sacra monumenta a fidelibus inuiciter honorari; atque eorum opis impetrandæ causa Sanctorum memorias frustra frequentari; omnino damnandos esse, prout jampridem eos damnavit, & nunc etiam damnat Ecclesia. Imagines porro Christi, Deiparæ Virginis, & aliorum Sanctorum, in templis præsertim habendas, & retinendas, eisque debitum honorem, & venerationem impertiendam; non quod credatur, inesse aliqua in iis Divinitas, vel virtus, propter quam sint colendæ; vel quod ab eis sit aliquid petendum; vel quod fiducia in imaginibus sit figenda; veluti olim fiebat a Gentibus, quæ in idolis spem suam collocabant; sed quoniam honos, qui eis exhibetur, refertur ad prototypa, quæ illæ repræsentant: ita ut per imagines, quas oculamur, & coram quibus caput aperimus, & procumbimus, Christum adoremus; & Sanctos, quorum illæ similitudinem gerunt, veneremur. Id quod Conciliorum, præsertim vero secundæ Nicænæ Synodi Decretis contra imaginum oppugnatores est sancitum.

ILLUD vero diligenter doceant Episcopi, per historias mysteriorum nostræ redemptionis, picturis, vel aliis similitudinibus expressas, erudiri, & confirmari populum in articulis fidei commemorandis, & assidue recolendis: tum vero ex omnibus sacris imaginibus magnum fructum percipi; non solum quia admonetur populus beneficiorum, & munerum, quæ a Christo sibi collata sunt; sed etiam, quia Dei per Sanctos miracula, & salutaria exempla oculis fidelium subjiciuntur: ut pro iis Deo gratias agant, ad Sanctorumque imitationem vitam, moresque suos component; excitenturque ad adorandum, ac diligendum Deum, & ad pietatem colendam. Si quis autem his Decretis contraria docuerit, aut senserit; anathema sit. In has autem sanctas & salutare observationes si qui abusus irreperint, eos prorsus aboleri sancta Synodus vehementer cupit; ita ut nullæ falsi dogmatis imagines, & rudibus periculosi erroris occasionem

præbentes, statuantur. Quod si aliquando historias, & narrationes sacræ Scripturæ, cum id indoctæ plebi expediet, exprimi, & figurari contigerit; doceatur populus, non propterea Divinitatem figurari, quasi corporeis oculis conspici, vel coloribus, aut figuris exprimi possit. Omnis porro supersticio in Sanctorum invocatione, Reliquiarum veneratione, & imaginum sacro usu tollatur; omnis turpis quæstus eliminetur; omnis denique lascivia vitetur; ita ut procaci venustate imagines non pingantur, nec ornentur; & Sanctorum celebratione, ac Reliquiarum visitatione homines ad comestationes, atque ebrietates non abutantur; quasi festi dies in honorem Sanctorum per luxum, ac lasciviam agantur. Postremo, tanta circa hæc diligentia, & cura ab Episcopis adhibeatur, ut nihil inordinatum, aut præpostere, & tumultuarie accommodatum, nihil profanum, nihilque inhonestum appareat, (b) cum domum Dei deceat sanctitudo. Hæc ut fidelius observentur, statuit sancta Synodus, nemini licere ullo in loco, vel Ecclesia, etiam quomodolibet emptæ, ullam insolitam ponere, vel ponendam curare imaginem, nisi ab Episcopo approbata fuerit; nulla etiam admittenda esse nova miracula, nec novas Reliquias recipiendas, nisi eodem recognoscente & approbante Episcopo. Qui simul, atque de iis aliquid compertum habuerit, adhibitis in consilium Theologis; & aliis piis viris, ea faciat, quæ veritati, & pietati consentanea judicaverit. Quod si aliquis dubius, aut difficilis abusus sit extirpandus; vel omnino aliqua de iis rebus gravior quæstio incidat: Episcopus, antequam controversiam dirimat, Metropolitanus, & Comprovincialium Episcoporum in Concilio Provinciali sententiam expectet; ita tamen, ut nihil, inconsulto Sanctissimo Romano Pontifice, novum, aut in Ecclesia hætenus inusitatum, decernatur.

DE

(b) Psal. 92.

Tomus VI. Concilior. German.

*DE REGULARIBUS, ET
MONIALIBUS.*

EADEM Sacrosancta Synodus, Reformationem prosequens, ea, quæ sequuntur, statuenda esse censuit.

CAPUT I.

*Regulares omnes ad Regulæ, quam
professi sunt, præscriptum, vitam
instituant. Id ut fiat, Su-
periores sedulo
curent.*

QUONIAM non ignorat sancta Synodus, quantum ex Monasteriis pie institutis, & recte administratis, in Ecclesia Dei splendoris, atque utilitatis oriatur; necessarium esse censuit, quo facilius, ac maturius, ubi collapsa est, vetus, & Regularis disciplina instauretur, & constantius, ubi conservata est, perseveret, præcipere, prout hoc Decreto præcipit, ut omnes Regulares, tam viri, quam mulieres, ad Regulæ, quam professi sunt, præscriptum vitam instituunt, & component; atque in primis, quæ ad suæ Professionis perfectionem; ut obedientiæ, paupertatis, & castitatis, ac si quæ alia sunt alicujus Regulæ, & Ordinis peculiaris vota, & præcepta, ad eorum respectivè essentiam, nec non ad communem vitam, victum, & vestitum conservanda pertinentia, fideliter observent. Omnisque cura, & diligentia a Superioribus adhibeatur tam in Capitulis generalibus, & Provincialibus, quam in eorum visitationibus, quæ suis temporibus facere non prætermittant, ut ab illis non recedatur: cum compertum sit, ab eis non posse ea, quæ ad substantiam Regularis vitæ pertinent, relaxari. Si enim illa, quæ bases sunt, & fundamenta totius Regularis disciplinæ, exacte non fuerint conservata; totum corruat ædificium necesse est.

CAPUT II.

*Proprietas Regularibus omnino
prohibetur.*

NEMINI igitur Regularium, tam virorum, quam mulierum, liceat bona im-

mobilia, vel mobilia, cujuscumque qualitatis fuerint, etiam quovis modo ab eis acquisita, tamquam propria, aut etiam nomine Conventus, possidere, vel tenere; sed statim ea Superiori tradantur, Conventuique incorporentur. Nec deinceps liceat Superioribus, bona stabilia alicui Regulari concedere, etiam ad usumfructum, vel usum, administrationem, aut commendam. Administratio autem bonorum, Monasteriorum, seu Conventuum, ad solos Officiales eorundem, ad nutum Superiorum amovibiles, pertineat. Mobiliu vero usum ita Superiores permittant, ut eorum suppellex statui paupertatis, quam professi sunt, conveniat; nihilque superflui in ea sit; nihil etiam, quod sit necessarium, eis denegetur. Quod si quis aliter quidquam tenere deprehensus, aut convictus fuerit; is biennio activa & passiva voce privatus sit; atque etiam juxta suæ Regulæ, & Ordinis Constitutiones puniatur.

CAPUT III.

*Omnia Monasteria, quæ hic non
prohibentur, possunt possidere bona
immobilia: numerus personarum in
illis pro modo facultatum, aut
elemosynarum constituendus:
nulla sine licentia Epi-
scopi erigenda.*

CONCEDIT sancta Synodus omnibus Monasteriis, & domibus tam virorum, quam mulierum, & mendicantium, exceptis domibus Fratrum sancti Francisci, Capucinatorum, & eorum, qui Minorum de Observantia vocantur, etiam quibus aut ex Constitutionibus suis erat prohibitum, aut ex privilegio Apostolico non erat concessum, ut deinceps bona immobilia eis possidere liceat. Quod si aliqua loca ex prædictis, quibus auctoritate Apostolica similia bona possidere permissum erat, eis spoliata sint; eadem omnia illis restituenda esse decernit. In prædictis autem Monasteriis, & domibus tam virorum, quam mulierum, bona immobilia possidentibus, (*) vel non possidentibus, is tantum numerus constituatur; ac in posterum conservetur, qui vel ex redditibus propriis Monasteriorum, vel ex

con-

(*) Verba ista: vel non possidentibus, omissa sunt in editione Parisiensi.

consuetis elemosynis commode possit sustentari : nec de cætero similia loca erigantur sine Episcopi, in cuius Diœcesi erigenda sunt, licentia prius obtenta.

CAPUT IV.

Regularis sine Superioris licentia nec se obsequio alterius loci, aut personæ subiciat; nec a Conventu recedat: Absens studiorum causa in Conventibus commoretur.

PROHIBET sancta Synodus, ne quis Regularis, sine sui Superioris licentia, prædicationis, vel lectionis, aut cuiusvis pii operis prætextu, subiciat se obsequio alicujus Prælati, Principis, vel Universitatis, vel Communitatis, aut alterius cuiuscumque personæ, seu loci; neque ei aliquod privilegium, aut facultas, ab aliis super iis obtenta, suffragetur. Quod si contra fecerit; tamquam inobediens arbitrio Superioris puniatur. Nec liceat Regularibus a suis Conventibus recedere, etiam prætextu, ad Superiores suos accedendi; nisi ab eisdem missi, aut vocati fuerint. Qui vero sine prædicto mandato, in scriptis obtento, repertus fuerit; ab Ordinariis locorum tamquam desertor sui instituti puniatur. Illi autem, qui studiorum causa ad Universitates mittuntur, in Conventibus tantum habitent: alioquin ab Ordinariis contra eos procedatur.

CAPUT V.

Clausuræ Monialium, præsertim quæ extra urbes agunt, providetur.

BONIFACII Octavi Constitutionem, quæ incipit: Periculoso, renovans sancta Synodus, universis Episcopis sub obtestatione Divini Iudicii, & interminatione maledictionis æternæ, præcipit, ut in omnibus Monasteriis, sibi subiectis, ordinaria, in aliis vero Sedis Apostolicæ auctoritate, clausuram Sanctimonialium, ubi violata fuerit, diligenter restitui, & ubi inviolata est, conservari maxime procurent: inobedientes, atque contradictores per censuras Ecclesiasticas, aliasque

pœnas, quacumque appellatione postposita, compescentes, invocato etiam ad hoc, si opus fuerit, auxilio brachii sæcularis. Quod auxilium ut præbeatur, omnes Christianos Principes hortatur sancta Synodus, & sub excommunicationis pœna, ipso facto incurrenda, omnibus Magistratibus sæcularibus injungit. Nemi- ni autem Sanctimonialium liceat, post professionem exire a Monasterio etiam ad breve tempus, quocumque prætextu, nisi ex aliqua legitima causa, ab Episcopo approbanda: indultis quibuscumque; & Privilegiis non obstantibus. Ingredi autem intra septa Monasterii nemini liceat, cuiuscumque generis, aut conditionis, sexus, vel ætatis fuerint, sine Episcopi, vel Superioris licentia, in scriptis obtenta, sub excommunicationis pœna, ipso facto incurrenda. Dare autem tantum Episcopus, vel Superior licentiam debet in casibus necessariis; neque alius ullo modo possit, etiam vigore cuiuscumque facultatis, vel indulti hæctenus concessi, vel in posterum concedendi. Et quia Monasteria Sanctimonialium extra mœnia urbis, vel oppidi constituta; malorum hominum prædæ, & aliis facinoribus sine ulla sæpe custodia sunt exposita; curent Episcopi, & alii Superiores, si ita videbitur expedire, ut Sanctimoniales ex iis ad nova, vel antiqua Monasteria intra urbes, vel oppida frequentia reducantur, invocato etiam auxilio, si opus fuerit, brachii sæcularis. Impedientes vero, vel non obedi- entes per censuras Ecclesiasticas parere compellant.

CAPUT VI.

Ratio eligendi Superiores.

IN electione Superiorum quorum- cumque, Abbatum temporalium, & aliorum Officialium, ac Generalium, & Abbatissarum, atque aliarum Præpositarum, quæ omnia recte, & sine ulla fraude fiant, in primis sancta Synodus districte præcipit, omnes supradictos eligi debere per vota secreta; ita ut singulorum eligentium nomina numquam publicentur. Nec in posterum liceat, Provinciales, aut Abbates, Priores, aut alios quoscumque Titulares ad effectum electionis faciendæ constituere; aut voces, & suffragia absentium sup- plere. Si vero contra hujus Decreti Con-

stitutionem aliquis electus fuerit; electio irrita sit; & is, qui ad hunc effectum se in Provinciale, Abbatem, aut Priorem creari permiserit; deinceps ad omnia Officia, in religione obtinenda, inhabilis existat; facultatesque super his concessæ, eo ipso abrogatæ censeantur; & si in posterum aliæ concedantur, tamquam surrepticiæ habeantur.

CAPUT VII.

Quæ & quomodo in Abbatissas, & quocumque nomine Præfektas eligendæ: Duobus Monasteriis nulla præficiatur.

ABBATISSA, & Priorissa, & quocumque alio nomine Præfektæ, vel Præpositæ appelleretur, eligatur non minor annis quadraginta, & quæ octo annis post expressam professionem laudabiliter vixerit. Quod si his qualitatibus non reperiatur in eodem Monasterio, ex alio ejusdem Ordinis eligi possit. Si hoc etiam incommodum Superiori, qui electioni præest, videatur; ex iis, quæ in eodem Monasterio annum trigessimum exceßerint, & quinque saltem annis post professionem recte vixerint, Episcopo, vel alio Superiore consentiente, eligatur. Duobus vero Monasteriis nulla præficiatur. Et, si quæ duo, vel plura quocumque modo obtinet, cogatur, uno excepto, intra sex menses cætera resignare. Post id vero tempus, nisi resignaverit, omnia ipso jure vacant. Is vero, qui electioni præest, Episcopus, siue alius Superior claustra Monasterii non ingrediatur; sed ante cancellorum fenestellam vota singularum audiat, vel accipiat. In reliquis serventur singularum Ordinum, vel Monasteriorum Constitutiones.

CAPUT VIII.

Regimen Monasteriorum, non habentium ordinarios Regulares Visitatores, quomodo instituendum.

MONASTERIA omnia, quæ generalibus Capitulis, aut Episcopis non subsunt, nec suos habent ordinarios regulares Visitatores, sed sub immediata Sedis Apo-

stolicæ protectione, ac directione regi consueverunt, teneantur infra annum a fine præsentis Concilii, & deinde quolibet triennio sese in Congregationes redigere, juxta formam Constitutionis Innocentii III. in Concilio Generali, quæ incipit: In singulis; ibique certas regulares personas deputare, quæ de modo, & ordine, de prædictis Congregationibus erigendis, ac statutis in eis exequendis deliberent, & statuant. Quod si in his negligentes fuerint; liceat Metropolitano, in cujus Provincia prædicta Monasteria sunt, tamquam Sedis Apostolicæ delegato, eos pro prædictis causis convocare. Quod si infra limites unius Provinciæ non sit sufficiens talium Monasteriorum numerus ad erigendam Congregationem; possint duarum, vel trium Provinciarum Monasteria unam facere Congregationem. Ipsi autem Congregationibus constitutis, illarum generalia Capitula, & ab illis electi Præsides, vel Visitatores, eandem habeant auctoritatem in suæ Congregationis Monasteria, ac regulares in eis commorantes, quam alii Præsides, ac Visitatores in cæteris habent Ordinibus: teneanturque suæ Congregationis Monasteria frequenter visitare, & illorum reformationi incumbere; & ea observare, quæ in sacris Canonibus, & in hoc sacro Concilio sunt decreta. Quod si etiam, Metropolitano instante, prædicta exequi non curaverint; Episcopis, in quorum Diocesis loca prædicta sita sunt, tamquam Sedis Apostolicæ delegatis, subdantur.

CAPUT IX.

Monialium Monasteria immediate subiecta Sedi Apostolicæ, ab Episcopo regantur: alia vero a Deputatis in Capitulis generalibus, vel aliis Regularibus.

MONASTERIA Sanctimonialium, sanctæ Sedi Apostolicæ immediate subiecta, etiam sub nomine Capitulorum sancti Petri, vel sancti Joannis, vel alias quomodocumque nuncupentur, ab Episcopis, tamquam dictæ Sedis delegatis, gubernentur, non obstantibus quibuscumque. Quæ vero a deputatis in Capitulis generalibus,

libus, vel ab aliis Regularibus, reguntur; sub eorum cura, & custodia relinquuntur.

CAPUT X.

Moniales unoquoque mense confiteantur & communicent: de Confessario extraordinario iis ab Episcopo provideatur: Apud illas extra publicam Ecclesiam Eucharistia non conservetur.

ATTENDANT diligenter Episcopi, & ceteri Superiores Monasteriorum Sanctimonialium, ut in Constitutionibus earum admoneantur Sanctimoniales, ut saltem semel singulis mensibus confessionem peccatorum faciant; & sacrosanctam Eucharistiam suscipiant; ut eo se salutari præsidio muniant ad omnes oppugnationes Dæmonis fortiter superandas. Præter ordinarium autem Confessorem alius extraordinarius ab Episcopo, & aliis Superioribus bis aut ter in anno offeratur, qui omnium confessiones audire debeat. Quod vero Sanctissimum Christi Corpus intra chororum, vel septa Monasterii, & non in publica Ecclesia conservetur, prohibet sancta Synodus: non obstantè quocumque indulto, aut privilegio.

CAPUT XI.

In Monasteriis, quibus imminet cura personarum sæcularium, præter eas, quæ sunt de illorum familia, visitet Episcopus, & eidem curæ præsciendas examinet, certis exceptis.

IN Monasteriis, seu domibus virorum, seu mulierum, quibus imminet animarum cura personarum sæcularium, præter eas, quæ sunt de illorum Monasteriorum, seu locorum familia, personæ, tam regulares, quam sæculares, hujusmodi curam exercentes, subsint immediate in iis, quæ ad dictam curam, & Sacramentorum administrationem pertinent, jurisdictioni, visitationi, & correctioni Episcopi, in cuius Diocesi sunt sita. Nec ibi aliqui, etiam ad nutum amovibiles, de-

putentur, nisi de ejusdem consensu, ac prævio examine, per eum, aut ejus Vicarium faciendo: excepto Monasterio Cluniacensi cum suis limitibus: & exceptis etiam iis Monasteriis, seu locis, in quibus Abbates Generales, aut Capita Ordinum sedem ordinariam principalem habent, atque aliis Monasteriis, seu domibus, in quibus Abbates, aut alii Regularium Superiores jurisdictionem Episcopalem, & temporalem in Parochos, & Parochianos exercent: salvo tamen eorum Episcoporum jure, qui majorem in prædicta loca, vel personas jurisdictionem exercent.

CAPUT XII.

Conformentur Regulares Sæcularibus in observatione censurarum Episcopaliū & Fæstorum Diœcesis.

CENSURÆ, & interdicta, nedum a Sede Apostolica emanata, sed etiam ab Ordinariis promulgata, mandante Episcopo, a Regularibus in eorum Ecclesiis publicentur, atque servantur. Dies etiam festi, quos in Diocesi sua servandos idem Episcopus præceperit, ab exemptis omnibus, etiam Regularibus, servantur.

CAPUT XIII.

Controversias de præcedentia e vestigio componat Episcopus. Exempti non in strictiori clausura viventes, ad supplicationes publicas accedere compellantur.

CONTROVERSAS omnes de præcedentia, quæ persæpe (*) cum scandalo oriuntur inter Ecclesiasticas personas, tam sæculares, quam Regulares, cum in Processionibus publicis, tum in iis, quæ fiunt in tumulandis defunctorum corporibus, & in deferenda umbella, & aliis similibus, Episcopus, amota omni appellatione, & non obstantibus quibuscumque, componat. Exempti autem omnes, tam Clerici sæculares, quam regulares, quicumque, etiam Monachi, ad publicas Processiones vocati, accedere compellan;

(*) In Parisina: maximo cum scandalo.

pellantur, iis tantum exceptis, qui in strictiori clausura perpetuo vivunt.

CAPUT XIV.

Regulari publice delinquenti pœna a quo irroganda.

REGULARIS, non subditus Episcopo, qui intra claustra Monasterii degit, & extra ea ita notorie deliquerit, ut populo scandalo sit; Episcopo instante, a suo Superiore intra tempus, ab Episcopo præfigendum, severe puniatur; ac de punitione Episcopum certiore faciat: sin minus, a suo Superiore officio privetur, & delinquens ab Episcopo puniri possit.

CAPUT XV.

Professio non fiat, nisi anno Probationis exacto, & decimo sexto ætatis completo.

IN quacumque Religionē, tam viro- rum, quam mulierum Professio non fiat ante decimum sextum annum expletum; nec qui minore tempore, quam per annum, post susceptum habitum in probatione steterit, ad professionem admittatur. Professio autem, antea facta, sit nulla; nullamque inducat obligationem ad alicujus Regulæ, vel Religionis, vel Ordinis observationem, aut ad alios quoscumque effectus.

CAPUT XVI.

Renuntiatio, aut obligatio facta ante duos menses proximos Professioni sit nulla. Finita Probatione, Novitii aut profiteantur, aut ejiciantur. In pio Clericorum Societatis JESU instituto nihil innovatur. Cavetur, ne quid ex bonis Novitii Monasterio tribuatur ante Professionem.

NULLA quoque renunciatio, aut obligatio, antea facta, etiam cum juramento, vel in favorem cujuscumque causæ piæ, valeat, nisi cum licentia Episcopi, sive ejus Vicarii, fiat intra duos

menses proximos ante professionem; ac non alias intelligatur effectum suum fortiri, nisi secuta professione: aliter vero facta, etiam si cum hujus favoris expressa renunciatione, etiam jurata, sit irrita, & nullius effectus. Finito tempore Novitatus, Superiores, Novitios, quos habiles invenerint, ad profitendum admittant, aut e Monasterio eos ejiciant. Per hæc tamen sancta Synodus non intendit aliquid innovare, aut prohibere, quin religio Clericorum Societatis JESU, juxta pium eorum institutum, a sancta Sede Apostolica approbatum, Domino, & ejus Ecclesiæ inservire possit: sed neque ante professionem, excepto victu, & vestitu, novitii, vel novitiæ illius temporis, quo in probatione est, quocumque prætextu, a parentibus, vel propinquis, aut Curatoribus ejus Monasterio aliquid ex bonis ejusdem tribuatur: ne hac occasione discedere nequeat, quod totam, vel majorem partem substantiæ suæ Monasterium possideat: nec facile, si discesserit, id recuperare possit: quin potius præcipit sancta Synodus sub anathematis pœna dantibus, & recipientibus, ne hoc ullo modo fiat; & ut abeuntibus ante professionem omnia restituantur, quæ sua erant. Quod ut recte fiat, Episcopus, etiam per censuras Ecclesiasticas, si opus fuerit, compellat.

CAPUT XVII.

Puella major duodecim annis, si habitum Regularem suscipere voluerit, exploretur ab Ordinario; iterumque ante Professionem.

LIBERTATI professionis Virginum Deo dicandarum prospiciens sancta Synodus, statuit, atque decernit, ut, si puella, quæ habitum regularem suscipere voluerit, major duodecim annis sit; non ante eum suscipiat; nec postea ipsa, vel alia professionem emittat, quam exploraverit Episcopus, vel, eo absente, vel impedito, ejus Vicarius, aut aliquis eorum sumptibus ab eis deputatus, virginis voluntatem diligenter, an coacta, an seducta sit, an sciat, quid agat. Et si voluntas ejus pia, ac libera cognita fuerit; habueritque condiciones requisitas juxta Mo-

Monasterii illius, & Ordinis regulam; nec non Monasterium fuerit idoneum; libere ei profiteri liceat. Cujus professionis tempus ne Episcopus ignoret; teneatur Præfecta Monasterio eum ante mensem certiore facere. Quod si Præfecta certiore Episcopum non fecerit; quamdiu Episcopo videbitur, ab officio suspensa sit.

CAPUT XVIII.

Ne quis, præterquam in casibus a jure expressis, cogat mulierem ad ingrediendum Monasterium, aut ingredi volentem prohibeat: pœnitentium, seu convertitarum Constitutiones serventur.

ANATHEMATI sancta Synodus subjicit omnes, & singulas personas, cujuscumque qualitatibus, vel condicionibus fuerint, tam Clericos, quam laicos, sæculares, vel regulares, atque etiam qualibet dignitate fungentes, si quomodocumque coegerint aliquam virginem, vel viduam, aut aliam quamcumque mulierem invitam, præterquam in casibus in jure expressis, ad ingrediendum Monasterium, vel ad suscipiendum habitum cujuscumque religionis, vel ad emittendam professionem; quique consilium, auxilium, vel favorem dederint; quique scientes, eam non sponte ingredi Monasterium, aut habitum suscipere, aut professionem emitte, quoquo modo eidem actui vel præsentiam, vel consensum, vel auctoritatem interposuerint. Simili quoque anathemati subjicit eos, qui sanctam virginum, vel aliarum mulierum voluntatem veli accipiendi, vel voti emitendi, quoquo modo sine justa causa impederint. Eaque omnia, & singula, quæ ante professionem, vel in ipsa professione fieri oportet, servantur non solum in Monasteriis subiectis Episcopo, sed & in aliis quibuscumque. Ab his tamen excipiuntur mulieres, quæ Pœnitentes, aut Converticæ appellantur: in quibus Constitutiones earum servantur.

CAPUT XIX.

Quomodo in causis deficientium a Religione procedendum.

QUICUMQUE Regularis prætendat, se per vim, & metum ingressum esse Religionem; aut etiam dicat, ante ætatem debitam professum fuisse; aut quid simile; velitque habitum dimittere quamcumque de causa, aut etiam cum habitu discedere sine licentia Superiorum; non audiat, nisi intra quinquennium tantum a die professionis, & tunc non aliter, nisi causas, quas prætenderit, deduxerit coram Superiore suo, & Ordinario. Quod si antea habitum sponte dimiserit; nullatenus ad allegandum quamcumque causam admittatur; sed ad Monasterium redire cogatur, & tamquam apostata puniatur: interim vero nullo privilegio suæ Religionis juvetur. Nemo etiam Regularis cujuscumque facultatis vigore transferatur ad laxiorem Religionem; nec detur licentia cuiquam Regulari occulte ferendi habitum suæ Religionis.

CAPUT XX.

Superiores Ordinum, Episcopis non subiecti, inferiora Monasteria visitent, ac corrigant, etiam commendata.

ABBATES, qui sunt Ordinum Capita, ac cæteri prædictorum Ordinum Superiores, Episcopis non subiecti, quibus est in alia inferiora Monasteria, Prioratusve legitima jurisdictio, eadem illa sibi subdita Monasteria, & Prioratus, suo quisque loco, atque ordine, ex officio visitent, etiam si commendata existant. Quæ cum Ordinum suorum Capitibus subsint, declarat sancta Synodus, in iis, quæ alias de visitatione Monasteriorum commendatarum definita sunt, non esse comprehensâ: teneanturque quicumque prædictorum Ordinum Monasteriis præsint, prædictos Visitatores recipere, & illorum ordinationes exequi. Ipsa quoque Monasteria, quæ sunt Ordinum Capita, juxta sanctæ Sedis Apostolicæ, & cujusque Ordinis Constitutiones visiten-

tur. Et quamdiu durabunt hujusmodi commendæ, Priores claustrales, aut in Prioratibus Conventum habentibus, Subprieores (*), qui correctiones, & spirituale regimen exercent, a Capitulis generalibus, vel ipsorum Ordinum Visitatoribus instituantur. In cæteris omnibus præfatorum Ordinum privilegia, & facultates, quæ ipsorum personas, loca, & jura concernunt, firma sint, & illæsa.

CAPUT XXI.

Monasteria Regularibus conferantur: Ordinum Capita nemini imposterum commendentur.

Cum pleraque Monasteria, etiam Abbatia, Prioratus, & Præposituræ ex mala eorum, quibus commissæ fuerunt, administratione non levia passæ fuerint tam in spiritualibus, quam in temporalibus detrimenta; cupit sancta Synodus ea ad congruam monasticæ vitæ disciplinam omnino revocare. Verum adeo dura, difficilisque est præsentium temporum condicio, ut nec statim omnibus, nec commune ubique, quod optaret, remedium possit adhiberi: ut tamen nihil prætermittat, unde prædictis salubriter aliquando provideri possit; primum quidem confidit, Sanctissimum Romanum Pontificem pro sua pietate, & prudentia curaturum, quantum hæc tempora ferre posse viderit; ut iis, quæ nunc commendata reperiuntur, & quæ suos Conventus habent, regulares personæ, ejusdem Ordinis expresse professæ, & quæ gregi præire, & præesse possint, præficiantur. Quæ vero in posterum vacabunt, non nisi Regularibus spectatæ virtutis, & sanctitatis conferantur. Quo ad ea vero Monasteria, quæ Capita sunt, ac Primates Ordinum, sive Abbatia, sive Prioratus, filia illorum Capitum nuncupantur, teneantur illi, qui in præsentia ea in commendam obtinent, nisi sit eis de regulari successore provisum, infra sex menses Religionem illorum Ordinum propriam solemniter profiteri, aut iis cedere: alias commendæ prædictæ ipso jure vacare censeantur. Ne autem

in prædictis omnibus, & singulis fraus aliqua adhiberi possit; mandat sancta Synodus, ut in provisionibus dictorum Monasteriorum qualitas singulorum nominatim exprimat: aliterque facta provisio surrepticia esse censeatur: nullaque subsequenti possessione, etiam trienniali, adjuvetur.

CAPUT XXII.

Prædicta de Reformatione Regularium, nulla mora interposita observentur.

Hæc omnia & singula in superioribus Decretis contenta, observari sancta Synodus præcipit in omnibus Cœnobiis, ac Monasteriis, Collegiis, ac domibus quoruncumque Monachorum, ac Regularium, nec non quoruncumque Sanctimonialium Virginum, ac Viduarum, etiam si illæ sub gubernio Militiarum, etiam Hierosolymitanæ, vivant, & quocumque nomine appellentur, sub quacumque regula, vel constitutionibus, & sub custodia, vel gubernatione, vel quavis subjectione, aut annexione, vel dependentia cujuscumque Ordinis, Mendicantium, vel non Mendicantium, vel aliorum regularium Monachorum, aut Canonicorum quoruncumque; non obstantibus eorum omnium, & singulorum privilegiis, sub quibuscumque formulis verborum conceptis, ac Mare magnum, appellatis, etiam in foundatione obtentis, nec non constitutionibus, & regulis etiam juratis, atque etiam consuetudinibus, vel præscriptionibus, etiam immemorabilibus. Si qui vero Regulares tam viri, quam mulieres sunt, qui sub arctiori regula, vel statutis vivunt, excepta facultate habendi bona stabilia in communi, eos ab eorum instituto, & observantia sancta Synodus amovere non intendit. Et quia sancta Synodus desiderat, ut omnia, & singula supradicta quamprimum executioni demandentur; præcipit omnibus Episcopis, in Monasteriis sibi subiectis, & in omnibus aliis, ipsis in superioribus Decretis specialiter commissis, atque omnibus Abbatibus, & Generalibus, & aliis Superioribus Ordinum

(*) Lovaniensis, & Parisina editio Harduini pro: Subprieores, habent: Superiores.

num supradictorum, ut statim prædicta exequantur. Et si quid executioni mandatum non sit, Episcoporum negligentiam Concilia Provincialia suppleant, & coerceant. Regularium vero Capitula Provincialia, & generalia, & in defectum Capitulorum generalium Concilia Provincialia, per deputationem aliquorum ejusdem Ordinis provideant. Horratur etiam sancta Synodus omnes Reges, Principes, Resp. & Magistratus, & in virtute sanctæ obedientiæ præcipit, ut velint prædictis Episcopis, Abbatibus, ac Generalibus, & cæteris Præfectis in superius contentæ reformationis executione suum auxilium, & auctoritatem interponere, quoties fuerint requisiti; ut sine ullo impedimento præmissa recte exequantur ad laudem DEI Omnipotentis.

DECRETUM DE REFORMATIONE.

CAPUT I.

Cardinales omnes Ecclesiarum Prælati modestam suppellectilem & mensam habeant, consanguineos, familiaresque suos ex bonis Ecclesiarum non augeant.

OPTANDUM est, ut ii, qui Episcopale ministerium suscipiunt, quæ suæ sint partes, agnoscant; ac se non ad propria commoda, non ad divitias, aut luxum, sed ad labores & sollicitudines pro DEI gloria vocatos esse intelligant. Nec enim dubitandum est, & fideles reliquos ad religionem, innocentiamque facilius inflammandos, si Præpositos suos viderint non ea, quæ mundi sunt, sed animarum salutem, ac cælestem patriam cogitantes. Hæc cum ad restituendam Ecclesiasticam disciplinam præcipua esse sancta Synodus animadvertat; admonet Episcopos omnes, ut secum ea sæpe meditantes, factis etiam ipsis, ac vitæ actionibus, quod est veluti perpetuum quoddam prædicandi genus, se muneri suo con-

formes ostendant: in primis vero ita mores suos omnes componant, ut reliqui ab eis frugalitatis, modestiæ, continentiæ, ac, quæ nos tantopere commendat Deo, (*) sanctæ humilitatis exempla petere possint. Quapropter, exemplo Patrum nostrorum in Concilio Carthagenensi, non solum jubet, ut Episcopi modesta suppellectili, & mensa, ac frugali victu contenti sint; verum etiam in reliquo vitæ genere, ac tota ejus domo caveant, ne quid appareat, quod a sancto hoc instituto sit alienum; quodque non simplicitatem, DEI zelum, ac vanitatum contemptum præ se ferat. Omnino vero eis interdicit, ne ex redditibus Ecclesiæ consanguineos, familiaresve suos augere studeant: cum & Apostolorum Canones prohibeant, ne res Ecclesiasticas, quæ DEI sunt, consanguineis donent; sed, si pauperes sint, iis, ut pauperibus distribuant; eas autem non distrahant, nec dissipent illorum causa: immo, quam maxime potest, eos sancta Synodus monet, ut omnem humanum hunc erga fratres, nepotes, propinquosque carnis affectum, unde multorum malorum in Ecclesia Seminarium extat, penitus depellant. Quæ vero de Episcopis dicta sunt; eadem non solum in quibuscunque beneficia Ecclesiastica, tam sæcularia, quam regularia obtinentibus, pro gradus sui conditione observari, sed & ad sanctæ Romanæ Ecclesiæ Cardinales pertinere decernit: quorum consilio apud Sanctissimum Romanum Pontificem, cum universalis Ecclesiæ administratio nitatur, nefas videri potest, non iis etiam virtutum insignibus, ac vivendi disciplina eos fulgere, quæ merito omnium in se oculos convertant.

CAPUT II.

A quibus nominatim Decreta Concilii solemniter recipi & doceri debeant.

Cogit temporum calamitas, & invalescentium hæresum malitia, ut nihil sit prætermittendum, quod ad populorum ædificationem, & Catholicæ fidei

(*) Psalm. 101. Eccles. 3. 35. & 66. Matt. 10. & 18.

Tomus VI. Concilior. German.

fidei præsidium videatur posse pertinere. Præcipit igitur sancta Synodus Patriarchis, Primatibus, Archi-Episcopis, Episcopis, & omnibus aliis, qui de jure, vel consuetudine in Concilio Provinciali interesse debent, ut in ipsa prima Synodo Provinciali, post finem præsentis Concilii habenda, ea omnia, & singula, quæ ab hac sancta Synodo definita, & statuta sunt, palam recipiant; nec non veram obedientiam summo Romano Pontifici spondeant, & profiteantur; simulque hæreses omnes, a sacris Canonibus, & Generalibus Conciliis, præsertimque ab hac eadem Synodo damnatas, publice detestentur, & anathematizent. Idemque in posterum quicumque in Patriarchas, Primates, Archi-Episcopos, Episcoposque promovendi, in prima Synodo Provinciali, in qua ipsi interfuerint, omnino observent. Quod si quis ex supradictis omnibus, quod absit, renuerit; Episcopi Comprovinciales statim Summum Romanum Pontificem admonere sub poena Divinæ indignationis teneantur; interimque ab ejusdem communionē abstineant. Ceteri vero omnes, si in præsentī, si in futurum beneficia Ecclesiastica habituri, & qui in Synodo Diocesana convenire debent, idem ut supra, in ea Synodo, quæ primo quoque tempore celebrabitur, faciant, & observent: alias secundum formam sacrorum Canonum puniantur. Ad hæc, omnes ii, ad quos Universitatum, & Studiorum generalium cura, visitatio, & reformatio pertinet, diligenter curent, ut ab eisdem Universitatibus Canones, & Decreta hujus sanctæ Synodi integre recipiantur; ad eorumque normam Magistri, Doctores, & alii in eisdem Universitatibus ea, quæ Catholicæ fidei sunt, doceant, & interpretentur; seque ad hoc institutum initio cujuslibet anni solemnī juramento obstringant: sed & si aliqua alia in prædictis Universitatibus correctione, & reformatione digna fuerint, ab eisdem, ad quos spectat, pro religionis, & disciplinæ Ecclesiasticæ augmento emendentur, & statuuntur. Quæ vero Universitates immediate summi Romani Pontificis protectioni, & visitationi sunt subjectæ; has sua Beati-

tudo per ejus delegatos eadem, quæ supra, ratione, &, prout ei utilius visum fuerit, salubriter visitare, & reformari curabit.

CAPUT III.

Excommunicationis gladio temere non utendum: ubi executio realis, aut personalis fieri potest, a censuris abstinendum: iisque Civili Magistratui se immiscere, nefas esto.

QUAMVIS excommunicationis gladius nervus sit Ecclesiasticæ disciplinæ, & ad continendos in officio populos valde salutaris: sobrie tamen, magnæque circumspectione exercendus est: cum experientia doceat, si temere, aut levibus ex rebus incuriatur, magis contemni, quam formidari; & perniciem potius parere, quam salutem. Quapropter excommunicationes illæ, quæ monitionibus præmissis, ad finem revelationis, ut ajunt, aut pro deperditis, seu subtrahitis rebus ferri solent, a nemine prorsus, præterquam ab Episcopo, decernantur; & tunc non alias, quam ex re non vulgari, causæque diligenter, ac magna maturitate per Episcopum examinata, quæ ejus animum moveat; nec ad eas concedendas cujusvis secularis, etiam Magistratus, auctoritate adducatur: sed totum hoc in ejus arbitrio, & conscientia sit positum: quando ipse pro re, loco, persona, aut tempore eas decernendas esse judicaverit. In causis vero judicialibus mandatur omnibus Judicibus Ecclesiasticis, cujuscumque dignitatis existant, ut quandocumque executio realis, vel personalis in qualibet parte judicii propria auctoritate ab ipsis fieri poterit, abstineant se tam in procedendo, quam definiendo a censuris Ecclesiasticis, seu interdicto: sed liceat eis, si expedire videbitur, in causis civilibus, ad forum Ecclesiasticum quomodolibet pertinentibus, contra quoscumque, etiam laicos, per multas pecuniarias, quæ locis piis, ibi existentibus, eo ipso, quod exactæ fuerint, assignentur; seu per captionem pignorum, personarumque districtio-

nem,

nem, per suos proprios, aut alienos Executores faciendam, five etiam per privationem beneficiorum, aliaque iuris remedia procedere, & causas definire. Quod si executio realis, vel personalis adversus reos hac ratione fieri non poterit; sitque erga iudicem contumacia, tunc eos etiam anathematis mucrone, arbitrio suo, præter alias pœnas ferire poterit. In causis quoque criminalibus, ubi executio realis, vel personalis, ut supra, fieri poterit; erit a censuris abstinendum: sed si dictæ executioni facile locus esse non possit; licebit iudici hoc spiritali gladio in delinquentes uti; si tamen delicti qualitas, præcedente bina saltem monitione, etiam per edictum, id postulet. Nefas autem sit sæculari cuilibet Magistratui prohibere Ecclesiastico Iudici, ne quem excommunicet; aut mandare, ut latam excommunicationem revocet, sub prætextu, quod contenta in præsentī Decreto non sint observata; cum non ad sæculares, sed ad Ecclesiasticos hæc cognitio pertineat. Excommunicatus vero quicumque, si post legitimas monitiones non respuerit, non solum ad Sacramenta, & communionem fidelium, ac familiaritatem non recipiatur: sed, si obdurato animo, censuris annexus, in illis per annum inforduerit, etiam contra eum, tamquam de hæresi suspectum, procedi possit.

CAPUT IV.

Ubi nimius est Missarum faciendarum numerus, statuant Episcopi, Abbates, & Generales Ordinum, quod expedire iudicaverint.

CONTINGIT sæpe in quibusdam Ecclesiis vel tam magnum Missarum celebrandarum numerum ex variis defunctorum relictis impositum esse, ut illis pro singulis diebus, a testatoribus præscriptis, nequeat satisfieri; vel elemosynam huiusmodi pro illis celebrandis adeo tenuem esse, ut non facile inveniat, qui velit huic se muneri subicere; unde depereunt piæ testantium voluntates; & eorum conscientias, ad

quos prædicta spectant; onerandi occasio datur. Sancta Synodus, cupiens hæc ad pios usus relictæ, quo plenius, & utilius potest, impleri, facultatem dat Episcopis, ut in Synodo Diocesana: itemque Abbatibus, & Generalibus Ordinibus, ut in suis Capitulis Generalibus, re diligenter perpecta, possint pro sua conscientia in prædictis Ecclesiis, quas hac provisione indigere cognoverint, statuere circa hæc, quidquid magis ad DEI honorem, & cultum, atque Ecclesiarum utilitatem viderint expedire; ita tamen, ut eorum semper defunctorum commemoratio fiat, qui pro suarum animarum salute legata ea ad pios usus relinquerunt.

CAPUT V.

Rebus bene constitutis, annexum onus habentibus, nihil detrahatur.

RATIO postulat, ut illis, quæ bene constituta sunt, contrariis ordinationibus non detrahatur. Quando igitur ex beneficiorum quorumcumque erectione, seu fundatione, aut aliis Constitutionibus, qualitates aliquæ requiruntur, seu certa illis onera sunt iniuncta; in beneficiorum collatione, seu in quacumque alia dispositione, eis non derogetur. Idem in præbendis Theologicalibus, Magistralibus, Doctoralibus, aut Presbyteralibus, Diaconalibus, ac Subdiaconalibus, quandocumque ita constituta fuerint, observetur, ut eorum qualitatibus, vel Ordinibus nihil in ulla provisione detrahatur: & aliter facta provisio surrepticia censetur.

CAPUT VI.

Qui se gerere debeat Episcopus quoad Vistationem Capitulorum exemptorum.

STATUIT sancta Synodus, ut in omnibus Ecclesiis Cathedralibus, & Collegiatis Decretum sub fel. rec. Paulo III. quod incipit: Capitula Cathedralium, observetur, non solum, quando Episcopus vistorum, sed & quoties

ex officio, vel ad petitionem alicujus, contra aliquem ex contentis in dicto decreto, procedat: ita tamen, ut, cum extra visitationem processerit, infra-scripta omnia locum habeant: videlicet, ut Capitulum initio cujuslibet anni eligat ex Capitulo duos: de quorum consilio, & assensu Episcopus, vel ejus Vicarius, tam in formando processum, quam in cæteris omnibus actibus usque ad finem causæ inclusive, coram Notario tamen ipsius Episcopi, & in ejus domo, aut consueto tribunali procedere teneatur. Unum autem tantum sit utriusque votum, possitque alter Episcopo accedere. Quod si ambo ab Episcopo discordes in aliquo actu, seu interlocutoria, vel definitiva sententia fuerint, tunc intra sex dierum spatium cum Episcopo tertium eligant. Et, si in electione tertii etiam discordent, ad vicinorem Episcopum electio devolvatur; & juxta eam partem, cum qua tertius conveniet, articulus, in quo erat discordia, terminetur: alias processus, & inde secuta nulla sint, nullosque producant juris effectus. In criminibus tamen ex incontinentia provenientibus, de qua in Decreto de concubinariis, & in atrocioribus delictis, depositionem, aut degradationem requirentibus, ubi de fuga timeretur, ne judicium eludatur, & ideo opus sit personali detentione, possit initio solus Episcopus ad summariam informationem, & necessariam detentionem procedere; servato tamen in reliquis ordine præmissis. In omnibus autem casibus ea ratio habeatur, ut juxta qualitatem delicti, ac personarum, delinquentes ipsi in loco decenti custodiantur. Episcopis præterea ubique is honor tribuatur, qui eorum dignitati par est; eisque in choro & in Capitulo, in Processionibus, & aliis actibus publicis sit prima sedes, & locus, quem ipsi elegerint; & præcipua omnium rerum agendarum auctoritas. Qui si aliquid Canonice ad deliberandum proponant; nec de re ad suum, vel suorum commodum spectante agatur, Episcopi ipsi Capitulum convocent, vota exquirant, & juxta ea concludant. Absente vero Episcopo omnino hoc ab iis de Capitulo, ad quos hoc de jure, vel consuetudine spectat,

perficiatur, nec ad id Vicarius Episcopi admittatur. Cæteris autem in rebus Capituli jurisdictio, & potestas, si qua eis competit, & bonorum administratio salva, & intacta omnino relinquatur. Qui vero non obtinent dignitates, nec sunt de Capitulo, ii omnes in causis Ecclesiasticis Episcopo subiciantur: non obstantibus, quo ad supradicta, privilegiis, etiam ex fundatione competentibus, nec non consuetudinibus, etiam immemorabilibus, sententiis, iuramentis, concordiiis, quæ tantum suos obligent auctores: salvis tamen in omnibus, privilegiis, quæ Universitatibus Studiorum generalium, seu earum personis sunt concessa. Hæc autem omnia, & singula in iis Ecclesiis locum non habeant, in quibus Episcopi, aut eorum Vicarii ex constitutionibus, vel privilegiis, aut consuetudinibus, sive concordiiis, seu quocumque alio jure majorem habent potestatem, auctoritatem, ac jurisdictionem, quam præsentis Decreto sit comprehensum: quibus sancta Synodus derogare non intendit.

CAPUT VII.

Accessus & regressus ad beneficia tolluntur: Coadjutor quomodo, cui, & ex qua causa concedendus.

Cum in Beneficiis Ecclesiasticis ea, quæ hæreditariæ successionis imaginem referunt, sacris Constitutionibus sint odiosa, & Patrum Decretis contraria; nemini in posterum accessus, aut regressus, etiam de consensu, ad beneficium Ecclesiasticum cujuscumque qualitatis concedatur: nec hæcenus concessi suspendantur, extendantur, aut transferantur. Hocque Decretum in quibuscumque beneficiis Ecclesiasticis, ac etiam Cathedralibus Ecclesiis, ac in quibuscumque personis, etiam Cardinalatus honore fulgentibus, locum habeat. In Coadjutoriis quoque cum futura successione idem posthac observetur, ut nemini in quibuscumque beneficiis Ecclesiasticis permittantur. Quod si quando Ecclesiæ Cathedralis, aut Monasterii urgens necessitas, aut evidens utilitas postulet, Prælato dari Coadjutorem, is non alias cum futura successione detur, quam hæc causa prius

prius diligenter a Sanctissimo Romano Pontifice sit cognita, & qualitates omnes in illo concurrere certum sit, quæ a jure, & Decretis hujus sanctæ Synodi in Episcopis, & Prælatiis requiruntur: alias concessiones super his factæ surrepticiæ esse censeantur.

CAPUT VIII.

Administratorum Hospitalium munus: eorum negligentia a quibus & qua ratione coercenda.

ADMONET sancta Synodus quoscunque, Ecclesiastica beneficia, sæcularia, seu regularia, obtinentes, ut hospitalitatis officium, a sanctis Patribus frequenter commendatum, quantum per eorum proventus licebit, prompte, benigneque exercere assuescant; memores, eos, qui hospitalitatem amant, Christum in hospitibus recipere. Illis vero, qui hospitalia vulgo nuncupata, seu alia pia loca, ad peregrinorum, infirmorum, senum, pauperumve usum præcipue instituta, in commendam, administrationem, aut quicumque titulum, aut etiam Ecclesiis suis unita, obtinent; vel si Ecclesiæ Parochiales, hospitalibus forte unitæ, aut in hospitalia erectæ, earumque Patronis in administrationem concessæ sint; præcipit omnino, ut impositum illis onus, officiumve administrent, atque hospitalitatem, quam debent, ex fructibus ad id deputatis actu exercent, juxta Constitutionem Concilii Viennensis, alias in hac eadem Synodo sub fel. rege. Paulo III. innovatam, quæ incipit: Quia contingit. Quod si hospitalia hæc ad certum peregrinorum, aut infirmorum, aut aliarum personarum genus suscipiendum fuerint instituta; nec in loco, ubi sunt dicta hospitalia, similes personæ, aut perpaucae reperiantur; mandat adhuc, ut fructus illorum in alium pium usum, qui eorum institutioni proximior sit, ac pro loco, & tempore utilior, convertantur, prout Ordinario cum duobus de Capitulo, qui rerum usu peritiores sint, per ipsum deligendis, magis expedire visum fuerit; nisi aliter forte, etiam in hunc eventum, in eorum fundatione, aut institutione fuerit expressum: quo casu, quod ordi-

natum fuit, observari curet Episcopus; aut, si id non possit, ipse, prout supra, utiliter provideat. Itaque si prædicti omnes, & singuli, cujuscunque Ordinis, & religionis, & dignitatis, etiam si laici fuerint, qui administrationem hospitalium habent, non tamen regularibus subiecti, ubi viget regularis observantia, ab Ordinario moniti hospitalitatis munus adhibitis omnibus, ad quæ tenentur, necessariis, re ipsa obire cessaverint; non solum per Ecclesiasticas censuras, & alia juris remedia ad id compelli possint: sed etiam hospitalis ipsius administratione, curave perpetuo privari possint; aliique eorum loco ab iis, ad quos spectabit, substituantur. Et prædicti nihilominus, etiam ad fructuum restitutionem, quos contra ipsorum hospitalium institutionem perceperunt, quæ nulla eis remissione, aut compositione indulgeatur, in foro conscientiarum teneantur; nec administratio, seu gubernatio hujusmodi locorum uni & eidem personæ ultra triennium deinceps committatur; nisi aliter in fundatione cautum reperiat: non obstante, quo ad omnia supradicta, quacunque unionis, exemptionis, & consuetudinis in contrarium, etiam immemorabili, seu privilegii, aut indultis quibuscunque.

CAPUT IX.

Quomodo probandum jus Patronatus: cui deferendum munus Patronorum: accessiones vetitæ: quibus id juris non acquiritur.

SICUTI, legitima Patronatum jura tollere, piasque fidelium voluntates in eorum institutione violare, æquum non est: sic etiam, ut hoc colore beneficia Ecclesiastica in servitutem, quod a multis impudenter fit, redigantur, non est permittendum. Ut igitur debita in omnibus ratio observetur, decernit sancta Synodus, ut titulus juris Patronatus sic ex fundatione, vel dotatione, qui ex authentico documento, & aliis jure requisitis ostendatur; sive etiam ex multiplicatis præsentationibus per antiquissimum temporis cursum, qui hominum memoriam excedat, aliasve secundum juris dispositionem.

spositionem. In iis vero personis, seu Communitatibus, vel Universitatibus, in quibus id jus plerumque ex usurpatione potius quæsitum præsumi solet, plenior, & exactior probatio ad docendum verum titulum requiratur. Nec immemorabilis temporis probatio aliter eis suffragetur, quam si præter reliqua ad eam necessaria, præsentationes, etiã continuatæ, non minori saltem, quam quinquaginta annorum spatio, quæ omnes effectum sortitæ sint, authenticis scripturis probentur. Reliqui Patronatus omnes in beneficiis, tam sæcularibus, quam Regularibus, seu Parochialibus, vel dignitatibus, aut quibuscumque aliis beneficiis, in Cathedrali, vel Collegiata Ecclesia, seu facultates, & privilegia concessa tam in vim patronatus, quam alio quocumque jure nominandi, eligendi, præsentandi ad ea, cum vacant, exceptis patronatibus, super Cathedralibus Ecclesiis, competentibus, & exceptis aliis, quæ ad Imperatorem & Reges, seu regna possidentes, aliosque sublimes, ac supremos Principes, jura Imperii in Dominis suis habentes, pertinent; & quæ in favorem Studiorum generalium concessa sunt, in totum prorsus abrogata, & irrita cum quasi possessione inde secuta intelligantur. Beneficiaque hujusmodi, tamquam libera, a suis Collatoribus conferantur; ac provisiones hujusmodi plenum effectum consequantur. Ad hæc liceat Episcopo, præsentatos a Patronis, si idonei non fuerint; repellere. Quod si ad inferiores institutio pertineat; ab Episcopo tamen, juxta alias statuta ab hac sancta Synodo, examinentur: alioquin institutio ab inferioribus facta, irrita sit, & inanis. Patroni autem beneficiorum, cujuscumque Ordinis, & dignitatis, etiã si Communitates, Universitates, Collegia quæcumque Clericorum, vel laicorum existant, in perceptione fructuum, proventuum, obventionum quorumcumque beneficiorum, etiã si vere de jure Patronatus ipsorum ex fundatione, & dotatione essent, nullatenus, nullave causa, vel occasione se ingerant; sed illos libere Rectori, seu Beneficiario, non obstante etiã quacumque consuetudine, distribuendos dimittant. Nec dictum jus Patronatus venditionis, aut alio quocum-

que titulo in alios contra Canonicas sanctiones transferre præsumant. Si secus fecerint; excommunicationis, & interdicti pœnis subjiciantur; & dicto jure Patronatus, ipso jure privati existant. Insuper accessiones, per viam unionis factæ de beneficiis liberis, ad Ecclesias (*) juris Patronatui, etiã laicorum, subjectas, tam ad Parochiales, quam ad alia quæcumque beneficia, etiã simplicia, seu dignitates, vel hospitalia, ita ut prædicta beneficia libera ejusdem naturæ cum iis, quibuscum uniuntur, efficiantur, atque sub jure Patronatus constituantur; hæc si nondum plenarium sortitæ sunt effectum, vel deinceps ad ejusvis instantiam fient; quacumque auctoritate, etiã Apostolica, concessæ fuerint, simul cum unionibus ipsis per surreptionem obtentæ intelligantur: non obstante quacumque in iis verborum forma, seu derogatione, quæ habeatur pro expressa: nec executioni amplius demandentur; sed beneficia ipsa unita, cum vacaverint, libere, ut antea, conferantur. Quæ vero a quadraginta annis citra factæ, effectum & plenam incorporationem sunt consecutæ; hæc nihilominus ab Ordinariis, tamquam a Sede Apostolica delegatis, revideantur, & examinentur: ac quæ per surreptionem, vel obreptionem obtentæ fuerint, simul cum unionibus irritæ declarentur, ac beneficia ipsa separentur, & aliis conferantur. Similiter quoque Patronatus quicumque in Ecclesiis, & quibuscumque aliis beneficiis, etiã dignitatibus antea liberis, acquisiti a quadraginta annis citra, & in futurum acquirendi, seu ex augmento dotis, seu ex nova constructione, vel alia simili causa, etiã auctoritate Sedis Apostolicæ, & ab iisdem Ordinariis, uti delegatis, ut supra, qui nullius in his facultatibus, aut privilegiis impediuntur, diligenter cognoscantur: & quæ non repperint ob maxime evidentem Ecclesiæ, vel beneficii, seu dignitatis necessitatem legitime constitutos esse, in totum revocent; atque beneficia hujusmodi sine damno illa possidentium, & restituto Patronis eo, quod ab eis iccirco datum est, in pristinum libertatis statum reducant: non obstantibus privilegiis, Constitutionibus, & consuetudinibus, etiã immemorabilibus.

CA:

(*) Juris patronatui, habet editio Veneta, Lovaniensis, & Antwerpensis; sed in Parisina legitur: Juri Patronatus.

CAPUT X.

Judices a Synodi designandi, qui delegentur a Sede Apostolica: a quibus & Ordinariis causæ breviter terminandæ.

QUONIAM ob. malitiosam petentium suggestionem, & quandoque ob locorum longinquitatem personarum notitia, quibus causæ mandantur, usque adeo haberi non potest; hincque interdum Judicibus, non undequaque idoneis, causæ in partibus delegantur: statuit sancta Synodus, in singulis Conciliis Provincialibus, aut Diocesanis aliquot personas, quæ qualitates habeant, juxta Constitutionem Bonifacii VIII. quæ incipit: Statutum, & alioquin ad id aptas designari, ut præter Ordinarios locorum his etiam posthac causæ Ecclesiasticæ, ac spirituales, & ad forum Ecclesiasticum pertinentes, in partibus delegandæ committantur. Et, si aliquem interim ex designatis mori contigerit; substituat Ordinarius loci cum consilio Capituli alium in ejus locum usque ad futuram Provinciam, aut Diocesanam Synodum: ita ut habeat quæque Diœcesis quatuor saltem, aut etiam plures probatas personas, ac ut supra, qualificatas; quibus hujusmodi causæ a quolibet Legato, vel Nuncio, atque etiam a Sede Apostolica committantur: alioquin post designationem factam, quam statim Episcopi ad Summum Romanum Pontificem transmittant, delegationes quæcumque aliorum Judicum aliis, quam his, factæ, surrepticiæ censeantur. Admonet dehinc sancta Synodus tam Ordinarios, quam alios quoscumque Judices, ut terminandis causis, quanta fieri poterit brevitate, studeant, ac litigatorum artibus, seu in litis contestatione, seu alia parte judicii differenda, modis omnibus, aut termini præfixione, aut competenti alia ratione occurrant.

CAPUT XI.

Variae locationes bonorum Ecclesiasticorum prohibentur: quædam factæ irritantur.

MAGNAM Ecclesiis perniciem afferre solet, cum earum bona, repressata pecunia, in successorum præjudicium aliis locantur. Omnes igitur hæ locationes, si anticipari solutionibus fiant, nullatenus in præjudicium successorum validæ intelligantur: quocumque indulto, aut privilegio non obstante: nec hujusmodi locationes in Romana Curia, vel extra eam confirmantur. Non liceat etiam, jurisdictiones Ecclesiasticas, seu facultates nominandi, aut deputandi Vicarios in Spiritualibus locare, nec conductoribus per se, aut alios ea exercere: aliterque concessionibus, etiam a Sede Apostolica factæ, surrepticiæ censeantur. Locationes vero rerum Ecclesiasticarum, etiam auctoritate Apostolica confirmatas, sancta Synodus irritas decernit, quas a triginta annis citra, ad longum tempus, seu, ut in nonnullis partibus, ad viginti novem, seu bis viginti novem annos, vocant factas: Synodus Provincialis, vel deputandi ab ea, in damnum Ecclesiæ, & contra Canonicas Sanctiones contractas fuisse judicabunt.

CAPUT XII.

*Decimæ integre persolvendæ: eas subtrahentes excommunicandi: Re-
ctoribus Ecclesiarum tenuium
pie subveniendum.*

Non (*) sunt ferendi, qui variis artibus decimas, Ecclesiis obvenientes, subtrahere moliantur; aut qui (**) ab aliis solvendas temere occupant, & in rem suam vertunt: cum decimarum solutio debita sit Deo: & qui eas dare noluerint, aut dantes impediunt, res alienas invadunt. Præcipit igitur sancta Synodus omnibus, cujuscumque gradus, & condicionis sint, ad quos decimarum solu-

(*) Exod. 22. 23. Levit. 27. Numer. 18. Tob. 1. Malach. 3.

(**) Hæc præpositio: ab, quæ in editione Venetæ, Antwerpensi & Lovaniensi additur, omissa est in Parisina.

solutio spectat, ut eas, ad quas de jure tenentur, in posterum Cathedrali, aut quibuscumque aliis Ecclesiis, vel personis, quibus legitime debentur, integre persolvant. Qui verbò eas aut subtrahunt, aut impediunt, excommunicentur, nec ab hoc crimine, nisi plena restitutione secuta, absolvantur. Hortatur dehinc omnes, & singulos, pro Christiana caritate, debitoque erga Pastores suos munere, ut de bonis sibi a Deo collatis, Episcopis, & Parochiis, qui tenuioribus præfunt Ecclesiis, large subvenire ad Dei laudem, atque ad Pastorum suorum, qui pro eis invigilant, dignitatem tuendam, non graventur.

CAPUT XIII.

Quartam funeralium Cathedralis, vel Parochiales Ecclesiæ recipiant.

DECERNIT sancta Synodus, (*) quibuscumque in locis, jam ante annos quadraginta, Quarta, quæ funeralium dicitur, Cathedrali, aut Parochiali Ecclesiæ solita esset persolvi, ac postea fuerit ex quocumque privilegio, aliis Monasteriis, hospitalibus, aut quibuscumque locis piis concessa, eadem posthac (**) integro jure, & eadem portione, quæ antea solebat, Cathedrali, seu Parochiali Ecclesiæ persolvatur: non obstantibus concessionibus, gratiis, privilegiis, etiam, Mari magno, nuncupatis, aut aliis quibuscumque.

CAPUT XIV.

Præscribitur ratio procedendi in causis Clericorum concubinariorum.

QUAM turpe, ac Clericorum nomine, qui se Divino cultui addixerunt, sit indignum, in impudicitæ sordibus, immundoque concubinato versari, satis res ipsa, communi fidelium omnium offensione, summoque Clericalis militiæ dedecore, testatur. Ut igitur ad eam, quam decet, continentiam, ac vitæ integritatem Ministri Ecclesiæ revocentur; populusque hinc eos magis discat revereri, quo illos vita honestiores cognoverit: prohibet sancta Synodus

quibuscumque Clericis, ne concubinas, aut alias mulieres, de quibus possit haberi suspicio, in domo, vel extra detinere, aut cum iis ullam consuetudinem habere audeant: alioquin penis, a sacris Canonibus, vel statutis Ecclesiarum impositis puniantur. Quod si, a Superioribus moniti, ab iis se non abstinerint; tertia parte fructuum, obventionum, ac proventuum beneficiorum suorum quorumcumque, & pensionum ipso facto sint privati: quæ fabricæ Ecclesiæ, aut alteri pio loco arbitrio Episcopi applicetur. Sin vero in delicto eodem cum eadem, vel alia femina, perseverantes, secundæ monitioni adhuc non paruerint, non tantum fructus omnes, ac proventus suorum beneficiorum, & pensiones eo ipso amittant, qui prædictis locis applicentur; sed etiam a beneficiorum ipsorum administratione, quoad Ordinarius; etiam uti Sedis Apostolicæ delegatus, arbitrabitur; suspendantur: & si ira suspensi, nihilominus eas non expellant, aut cum iis etiam versentur, tunc beneficiis, portionibus, ac officiis, & pensionibus quibuscumque Ecclesiasticis, perpetuo priventur: atque inhabiles, ac indigni quibuscumque honoribus, dignitatibus, beneficiis, ac officiis in posterum reddantur, donec post manifestam vitæ emendationem ab eorum Superioribus, cum iis ex causa visum fuerit, dispensandum. Sed si, postquam eas semel dimiserint, intermissum consortium repetere, aut alias hujusmodi scandalosas mulieres sibi adjungere ausi fuerint; præter prædictas penas, excommunicationis gladio plectantur. Nec quævis appellatio, aut exemptio prædictam executionem impediatur, aut suspendatur: supradictorumque omnium cognitio, non ad Archidiaconos, nec Decanos, aut alios inferiores, sed ad Episcopos ipsos pertineat: qui sine strepitu, & figura judicii, & sola facti veritate inspecta, procedere possint. Clerici vero beneficia Ecclesiastica, aut pensiones non habentes, juxta delicti, & contumaciæ perseverantiam, & qualiterem, ab ipso Episcopo carceris pœna, suspensione ab ordine, ac inhabilitate ad beneficia obtinenda, aliisve modis, juxta sacros Canones

nones

(*) In Parisina & Lovaniensi additur: ut.

(**) Hæc vocis: integro jure &, non leguntur in Parisina.

nones, puniantur. Episcopi quoque, quod abist, si ab huiusmodi crimine non abstinuerint; & a Synodo Provinciali admoniti, se non emendaverint; ipso facto sint suspensi: & si perseverent, etiam ad Sanctissimum Romanum Pontificem ab eadem Synodo deferantur, qui pro qualitate culpæ, etiam per privationem, si opus erit, in eos animadvertat.

CAPUT XV.

*Filii Clericorum illegitimi a quibusdam beneficiis ar-
cendi.*

Ut paternæ incontinentiæ memoria a locis Deo consecratis, quos maxime puritas, sanctitasque decet, longissime arceatur; non liceat filiis Clericorum, qui non ex legitimo nati sunt matrimonio, in Ecclesiis, ubi eorum patres beneficium aliquod Ecclesiasticum habent, aut habuerunt, quodcumque etiam dissimile, beneficium obtinere, nec in dictis Ecclesiis quoquo modo ministrare, nec pensiones super fructibus beneficiorum, quæ parentes eorum obtinent, vel alias obtinuerunt, habere. Quod si in præsentem pater, & filius in eadem Ecclesia beneficia obtinere reperiantur; cogatur filius suum beneficium resignare, aut cum alio permutare extra Ecclesiam intra trium mensium spatium: alias ipso jure eo privatus existat, & super iis quæcumque dispensatio surrepticia censeatur. Ad hæc, reciprocarum resignationes, si quæ posthac a parentibus Clericis in favorem filiorum fient, ut alter alterius beneficium consequatur: in fraudem huius Decreti, & Canoniarum Sanctionum factæ omnino censeantur: nec collationes secutæ, vigore huiusmodi resignationum, seu aliarum quarumcumque, quæ in fraudem factæ fuerint, ipsi Clericorum filii suffragentur.

CAPUT XVI.

*Beneficia curata non convertantur
in Simplicia: ei in quem translata
fuerit cura animarum, assignetur
congrua portio: Vicariæ cessent,
cura ad titulos
revocata.*

STATUIT sancta Synodus, ut Ecclesiastica beneficia secularia, quocumque nomine appellentur, quæ curam animarum ex primæva eorum institutione, aut aliter quomodocumque retinent, illa deinceps in simplex beneficium, etiam assignata Vicario perpetuo congrua portione, non convertantur: non obstantibus quibuscumque gratiis, quæ suum plenarium effectum non sunt consecutæ. In iis vero, in quibus contra earum institutionem, seu fundationem cura animarum in Vicarium perpetuum translata est, etiam si in hoc statu ab immemorabili tempore reperiantur, si congrua portio fructuum Vicario(*), quocumque nomine is appellatur, non fuerit assignata, ea quamprimum, & ad minus intra annum a fine præsentis Concilii, arbitrio Ordinarii, juxta formam Decreti sub fel. rec. Paulo III, assignetur. Quod si id commode fieri non possit; aut intra dictum terminum factum non erit: cum primum per cessum vel decessum Vicarii, seu Rectoris, aut quomodolibet alterum eorum vacaverit, beneficium curam animarum recipiat, ac Vicariæ nomen cesset, & in antiquum statum restituitur.

CAPUT XVII.

*Episcopi dignitatem suam morum
gravitate commendent; nec cum
Regum Ministris, Regulis, aut
Baronibus indigna demissione
se gerant.*

Non potest sancta Synodus non graviter dolere, audiens Episcopos aliquos, sui status oblitos, Pontificiam dignitatem non leviter dehonestare; qui cum Regum ministris, Regulis, & Baronibus in Ecclesia, & extra, inde-

Bbb bbb 2 centi

Tomus VI. Concilior. German.

(*) In Lovaniensi & Parisina: Vicario Ecclesiæ.

centi quadam demissione se gerunt, & veluti inferiores ministri altaris, nimis indigne non solum loco cedunt, sed etiam personaliter illis inserviunt. Quare, hæc, & similia detestans sancta Synodus, sacros Canones omnes, Concilia Generalia, atque alias Apostolicas Sanctiones ad dignitatis Episcopalis decorum (*), & gravitatem pertinentes renovando, præcipit, ut ab hujusmodi in posterum Episcopi se abstineant; mandans eisdem, ut tam in Ecclesia, quam foris suum gradum, & Ordinem præ oculis habentes, ubique se Patres, & Pastores esse meminerint; reliquis vero tam Principibus, quam cæteris omnibus, ut eos paterno honore, ac debita reverentia prosequantur.

CAPUT XVIII.

Canones ad amissim servantur: si quando in eis dispensandum, id valide, mature, & gratis fiat.

Sicuti publice expedit, legis vin- culum quandoque relaxare, ut plenus, eventibus casibus, & necessitatibus, pro communi utilitate satisfiat; sic frequentius legem solvere, exemploque potius, quam certo personarum, rerumque delectu, perentibus indulgere, nil aliud est, quam unicuique ad leges transgrediendas aditum aperire. Quapropter sciant universi, sacratissimos Canones exacte ab omnibus, & quoad ejus fieri poterit, indistincte observandos. Quod siurgens, justaque ratio, & major quandoque utilitas postulaverint, cum aliquibus dispensandum esse; id causa cognita, ac summa maturitate, atque gratis, a quibuscumque, ad quos dispensatio pertinebit, erit præstandum: aliterque facta dispensatio surrepticia censetur.

CAPUT XIX.

Monomachia, sive duellum pœnis gravissimis punitur.

DETESTABILIS duellorum usus, fabricante Diabolo, introductus, ut cruenta corporum morte, animarum etiam perniciem lucretur, ex Christia-

no orbe penitus exterminetur: Imperator, Reges, Duces, Principes, Marchiones, Comites, & quocumque alio nomine, Domini temporales; qui locum ad monomachiam in terris suis inter Christianos concesserint; eo ipso sint excommunicati; ac jurisdictione, & Dominio civitatis, castri, aut loci, in quo, vel apud quem duellum fieri permiserint, quod ab Ecclesia obtinent, privati intelligantur: & si feudalia sint, directis Dominis statim acquirantur. Qui vero pugnam commiserint, & qui eorum Patrimi vocantur, excommunicationis, ac omnium bonorum suorum proscriptionis, ac perpetuæ infamiae pœnam incurrant, & ut homicidæ, juxta sacros Canones, puniri debeant. Et, si in ipso conflictu decesserint; perpetuo careant Ecclesiastica sepultura. Illi etiam, qui consilium in causa duelli, tam in jure, quam facto dederint; aut alia quacumque ratione ad id quemquam suaserint, nec non spectatores, excommunicationis, ac perpetuæ maledictionis vinculo teneantur: non obstante quocumque privilegio, seu prava consuetudine, etiam immemorabili.

CAPUT XX.

Quæ sunt juris Ecclesiastici, Principibus Sæcularibus commendantur.

CURIENS sancta Synodus Ecclesiasticam disciplinam in Christiano populo non solum restitui, sed etiam perpetuo fartam tectam a quibuscumque impedimentis conservari, præter ea, quæ de Ecclesiasticis personis constituit, sæculares quoque Principes officii sui admonendos esse censuit, confidens eos, ut Catholicos, quos Deus sanctæ fidei, Ecclesiæque Protectores esse voluit, jus suum Ecclesiæ restitui, non tantum esse concessuros, sed etiam subditos suos omnes ad debitam erga Clerum, Parochos, & Superiores Ordines reverentiam revocatos; necpermisuros, ut Officiales, aut inferiores Magistratus, Ecclesiæ & personarum Ecclesiasticarum immunitatem, Dei ordinatione, & Canonice sanctionibus constitutam, aliquo cupiditatis studio, seu inconsideratione aliqua violent;

(*) In Parisiis: decorem.

lent; sed una cum ipsis Principibus debitam sacris Summorum Pontificum, & Conciliorum Constitutionibus observantiam præstent. Decernit itaque, & præcipit, sacros Canones, & Concilia Generalia omnia, nec non alias Apostolicas sanctiones, in favorem Ecclesiasticarum personarum, libertatis Ecclesiasticæ, & contra ejus violatores editas, quæ omnia præsentī etiam Decreto innovat, exacte ab omnibus observari debere. Proptereaque admonet Imperatorem, Reges, Resp. Principes, & omnes, & singulos, cujuscumque status, & dignitatis extiterint, ut, quo largius bonis temporalibus, atque in alios potestate sunt ornati, eo sanctius, quæ Ecclesiastici juris sunt, tamquam Dei præcipua, ejusque Patrocinio testæ, venerentur; nec ab ullis Baronibus, Domicellis, Rectoribus, aliisve Dominis temporalibus, seu Magistratibus, maximeque Ministris ipsorum Principum lædi patiantur; sed severe in eos, qui illius libertatem, immunitatem, atque jurisdictionem impediunt, animadvertant: quibus etiam ipsimet exemplo ad pietatem, religionem; Ecclesiarumque protectionem existant; imitantes anteriores optimos, religiosissimosque Principes, qui res Ecclesiæ suæ in primis auctoritate, ac munificentia auxerunt, nedum ab aliorum injuria vindicarunt. Adeoque ea in re quisque officium suum sedulo præstet: quo cultus Divinus devotè exerceri, & Prælati, cæterique Clerici in residentiis, & officiis suis, quieti, & sine impedimentis, cum fructu, & ædificatione populi, permanere valeant.

CAPUT XXI.

In omnibus Salva Sedis Apostolicæ auctoritas maneat.

POSTREMO sancta Synodus, omnia, & singula, sub quibuscumque clausulis, & verbis, quæ de morum Reformatione, atque Ecclesiastica disciplina, tam sub fel. rec. Paulo III. ac Julio III. quam sub Beatissimo Pio IV. Pontificibus Maximis, in hoc sacro Concilio statuta sunt, declarat, ita decreta fuisse, ut in his salva semper auctoritas Sedis Apostolicæ & sit, & esse intelligatur.

(a) Matth. 16. Joan. 20.

Decretum de continuanda Sessione in diem sequentem.

CUM ea omnia, quæ in præsentī Sessione tractanda erant, quia hora tarda est, commodè expediri non possint; propterea juxta id, quod in generali Congregatione a Patribus statutum fuit, ea quæ supersunt, in diem crastinam, hanc eandem Sessionem continuando, differuntur.

CONTINUATIO SESSIONIS
DIE IV. DECEMBR.

DECRETUM DE INDULGENTIIS.

CUM (a) potestas conferendi indulgentias a Christo Ecclesiæ concessa sit; atque hujusmodi potestate, divinitus sibi tradita, antiquissimis etiam temporibus illa usa fuerit: sacrosancta Synodus indulgentiarum usum, Christiano populo maxime salutarem, & sacrorum Conciliorum auctoritate probatum, in Ecclesia retinendum esse docet, & præcipit; eosque anathemate damnat, qui aut inutilis esse asserunt; vel eas concedendi in Ecclesia potestatem esse negant. In his tamen concedendis moderationem, juxta veterem, & probatam in Ecclesia consuetudinem, adhiberi cupit; ne nimia facilitate Ecclesiastica disciplina enervetur. Abusus vero, qui in his irrepserunt, & quorum occasione insigne hoc Indulgentiarum nomen ab hæreticis blasphematur, emendatos, & correctos cupiens, præsentī decreto generaliter statuit, pravi quæstus omnes pro his consequendis, unde plurima in Christiano populo abusu, cum cauta fluxit, omnino abolendos esse. Cæteros vero, qui ex superstitione, ignorantia, irreverentia, aut aliunde quomodocumque provenerunt, cum ob multiplices locorum, & Provinciarum, apud quas hi committuntur, corruptelas commodè nequeant specialiter prohiberi; mandat omnibus Episcopis, ut diligenter quisque hujusmodi abusus Ecclesiæ suæ colligat, eosque in prima Synodo Provinciali referat: ut aliorum quoque Episcoporum sententia cogniti, statim ad Summum Romanum Pontificem deferantur:
Bbb bbb 3 cujus

cujus auctoritate, & prudentia, quod Universali Ecclesiæ expediet, statuatur; ut ita sanctarum indulgentiarum munus pie, sancte, & incorrupte omnibus fidelibus dispensetur.

*De delectu ciborum, jejuniis,
& diebus festis.*

INSUPER hortatur sancta Synodus, & per Sanctissimum Dominum nostri, atque Salvatoris adventum Pastores omnes obtestatur, ut tamquam boni milites illa omnia, quæ sancta Romana Ecclesia, omnium Ecclesiarum (*) Mater, & Magistra, statuit, necnon ea, quæ tam in hoc Concilio, quam in aliis Oecumenicis statuta sunt, quibuscumque fidelibus sedulo commendent; omnique diligentia utantur, ut illis omnibus, & iis præcipue sint obsequentes, quæ ad mortificandam carnem conducunt, ut ciborum delectus, & jejunia; vel etiam, quæ faciunt ad pietatem augendam, ut dierum festorum devota, & religiosa celebratio; admonentes populos crebro, obedire Præpositis suis: quos, qui audiunt, Deum remuneratorem audient; qui vero contemnunt, Deum ipsum ultorem sentient.

*De Indice librorum, Catechismo,
Breviario, & Missali.*

SACROSANCTA Synodus in secunda Sessione, sub Sanctissimo Domino nostro Pio IV. celebrata, delectis quibusdam Patribus commisit, ut de variis censuris, ac libris, vel suspectis, vel perniciosis, quid facto opus esset, considerarent; atque ad ipsam sanctam Synodum referrent: audiens nunc, huic (**) operi ab eis extremam manum impositam esse; nec tamen, ob librorum varietatem, & multitudinem, distincte, & commode possit a sancta Synodo judicari; præcipit, ut, quidquid ab illis præstitum est, Sanctissimo Romano Pontifici exhibeatur: ut ejus judicio, atque auctoritate terminetur, & evulgetur. Idemque de Catechismo a Patribus, quibus illud mandatum fuerat, & de Missali, & Breviario fieri mandat.

De loco Oratorum.

DECLARAT sancta Synodus, ex loco assignato Oratoribus, tam Ecclesiasticis, quam sæcularibus, in sedendo, incedendo, aut quibuscumque aliis actibus, nullum cuiquam eorum factum fuisse præjudicium; sed omnia illorum, & Imperatoris, Regum, Rerumpublicarum, ac Principum suorum jura, & prærogativas illasas, & salvas esse, in eodemque statu permanere, prout ante præsens Concilium reperiebantur.

*De recipiendis, & observandis
Decretis Concilii.*

TANTA fuit horum temporum calamitas, & hæreticorum inveterata malitia, ut nihil tam clarum in fide nostra asserenda umquam fuerit, aut tam certo statutum; quod non, humani generis hoste suadente, illi errore aliquo contaminaverint. Ea propter sancta Synodus id potissimum curavit, ut præcipuos hæreticorum nostri temporis errores damnaret, & anathematizaret; veramque & Catholicam doctrinam traderet, & doceret, prout damnavit, anathematizavit, & defini- vit. Cumque tamdiu tot Episcopi, ex variis Christiani orbis Provinciis evocati, sine magna gregis sibi commissi jactura, & universali periculo ab Ecclesiis abesse non possint; nec ulla spes restet, hæreticos, toties, fide etiam publica, quam desiderarunt, invitatos, & tamdiu expectatos, huc amplius adventuros; ideoque tandem huic sacro Concilio finem imponere necesse sit: superest nunc, ut Principes omnes, quod facit, in Domino moneat ad operam suam ita præstandam, ut, quæ ab ea decreta sunt, ab hæreticis depravari, aut violari non permittant; sed ab his, & omnibus devote recipiantur, & fideliter observentur. Quod si in his recipiendis aliqua difficultas oriatur; aut aliqua inciderint, quæ declarationem, quod non credit, aut definitionem postulent, præter alia remedia, in hoc Concilio instituta, confidit sancta Synodus, Beatissimum Romanum Pontificem curaturum, ut vel evocatis ex illis præsertim Provinciis, unde difficultas orta fuerit, iis, quos eidem negotio tractando viderit expedire, vel etiam Concilii Generalis cele-

(*) In Parisina hæ voces: Mater &c, omittuntur.

(**) operi, in Parisina non habetur.

celebratione, si necessarium judicaverit, vel commodiore quacumque ratione ei visum fuerit, Provinciarum necessitatibus pro Dei gloria, & Ecclesiæ tranquillitate consulatur.

*De recitandis Decretis Concilii
sub Paulo III. & Julio III.
in Sessione.*

QUONIAM diversis temporibus, tam sub fel. rec. Paulo III. quam Julio III. multa in hoc sacro Concilio, quo ad dogmata, ac morum reformationem statuta, & definita sunt; vult sancta Synodus, ut illa nunc recitentur & legantur.

Recitatae sunt.

*De fine Concilii, & confirmatione
petenda a Sanctissimo Domino nostro.*

ILLUSTRISSIMI Domini, Reverendissimique Patres, Placetne vobis, ut ad laudem Dei Omnipotentis huic sacre Oecumenicæ Synodo finis imponatur? & omnium, & singulorum, quæ tam sub fel. rec. Paulo III. & Julio III. quam sub Sanctissimo Domino nostro Pio IV. Romanis Pontificibus, in ea decreta, & definita sunt, confirmatio nomine sanctæ hujus Synodi per Apostolicæ Sedis Legatos, & Præsidentes a Beatissimo Rom. Pont. petatur?

Responderunt, PLACET.

Postmodum Illustrissimus & Reverendissimus Cardinalis Moronus, primus Legatus & Præsident, benedicens sanctæ Synodo, dixit: **POST GRATIAS DEO ACTAS REVERENDISSIMI PATRES ITE IN PACE.** Qui responderunt, **AMEN.**

**ACCLAMATIONES
PATRUM IN FINE
CONCILII.**

CARDINALIS. A. LOTHARINGIA.

Beatissimo Pio Papæ, & Domino nostro, sanctæ Universalis Ecclesiæ Pontifici, multi anni, & æterna memoria.

RESPONSIO PATRUM.

Domine Deus, Sanctissimum Patrem diutissime Ecclesiæ tuæ conserva, multos annos.

Card. *Beatissimarum Summarum Pontificum animabus, Pauli III. & Julii III; quorum auctoritate hoc sacrum Generale Concilium inchoatum est, pax a Domino, & æterna gloria, atque felicitas in læce Sanctorum.*

Resp. *Memoria in benedictione sit.*

Card. *Caroli V. Imperatoris, & Serenissimarum Regum, qui hoc Universale Concilium promoverunt, & protexerunt, memoria in benedictione sit.*

Resp. *Amen, Amen.*

Card. *Serenissimo Imperatori Ferdinando, semper Augusto, Orthodoxo, & Pacifico, & omnibus Regibus, Rebuspub. & Principibus nostris, multi anni.*

Resp. *Pium, & Christianum Imperatorem Domine conserva; Imperator cælestis terrenos Reges, rectæ fidei Conservatores, custodi.*

Card. *Apostolicæ Romanæ Sedis Legatis, & in hac Synodo Præsidentibus, cum multis annis magnæ gratiæ.*

Resp. *Magnæ gratiæ: Dominus retribuat.*

Card. *Reverendissimis Cardinalibus, & Illustribus Oratoribus.*

Resp. *Magnas gratias, multos annos.*

Card. *Sanctissimis Episcopis vita, & felix ad Ecclesias suas reditus.*

Resp. *Præconibus veritatis perpetua memoria: Orthodoxo Senatui multos annos.*

Card. *Sacro sancta Oecumenica Tridentina Synodus: ejus fidem confiteamur, ejus Decreta semper servemus.*

Resp. *Semper confiteamur, semper servemus.*

Card. *Omnes ita credimus: omnes id ipsum sentimus: omnes consentientes, & amplectentes subscribimus. Hæc est fides Beati Petri, & Apostolorum: hæc est fides Patrum: hæc est fides Orthodoxorum.*

Resp. *Ita credimus; ita sentimus; ita subscribimus.*

Card. *His Decretis inbærentes, digni reddamur misericordiis, & gratia primi, & magni supremi Sacerdotis, Jesu Christi Dei, intercedente simul inviolata Domina nostra Sancta Deipara, & omnibus Sanctis.*

Resp.

Resp. Fiat, fiat. Amen, Amen.

Card. Anathema cunctis hæreticis.

Resp. Anathema, anathema.

Post hæc mandatum fuit a Legatis, & Præfidentibus sub pena excommunicationis omnibus Patribus, ut, antequam discederent e civitate Tridentina, subscriberent manu propria Decretis Concilii; aut ea per publicum instrumentum approbarent. Qui omnes deinde subscripserunt, & fuerunt numero CCLV. videlicet, Legati IV. Cardinales II. Patriarchæ III. Archiepiscopi XXV. Episcopi CLXVIII. Abbates VII. Procuratores absentium cum legitimo mandato XXXIX. Generales Ordinum VII.

LAUS DEO.

Concordat cum originali: in cuius fidem subscripsimus.

Ego Angelus Massarellus, Episcopus Thelefinus, Sacri Concilii Tridentini Secretarius.

Ego Marcus Antonius Peregrinus, () Comensis, ejusdem Concilii Notarius.*

Ego Cyntbius Pamphilus, Clericus Camerinenfis Diœcesis, ejusdem Concilii Notarius.

CONFIRMATIO CONCILII.

NOS ALEXANDER, S. Laurentii in Damaso Diaconus Cardinalis, de Farnesio, S. R. E. Vice-Cancellarius, fidem facimus, & attestamus, qualiter hodie, die Mercurii, XXVI. Januarii, M. D. LXIV. Pontificatus Sanctissimi D. nostri D. Pii, Divina Providentia Papæ Quarti, anno quinto, in Consistorio secreto, apud S. Petrum, Reverendiss. DD. mei, Cardinales Moronus, & Simoneta, nuper reversi a sacro Concilio Tridentino, cui uti Sedis Apostolicæ Legati præerant, petierunt ab eodem Sanctiss. D. nostro, ut infra.

Beatissime Pater, in Decreto super fine Concilii Oecumenici Tridentini, pridie nonas Decembris præteriti publicato, statutum fuit, ut per Sanctitatis Vestræ, & Sanctæ Sedis Apostolicæ Legatos, &

Præsidentes peteretur nomine dicti Concilii a Sanctitate Vestra confirmatio omnium, & singulorum, quæ tam sub fel. rec. Paulo III. & Julio III. quam sub Sanctitate Vestra in eo decreta, & definita sunt. Quapropter Nos Joannes Cardinalis Moronus, & Ludovicus Cardinalis Simoneta, qui tunc Legati, & Præsidentes eramus, volentes exequi, quod in dicto Decreto stabilitum fuit, humiliter petimus nomine dicti Concilii Oecumenici Tridentini, ut Sanctitas Vestra dignetur confirmare omnia, & singula, quæ tam sub fel. rec. Paulo III. & Julio III. quam sub Sanctitate vestra in eo decreta, & definita sunt.

Quibus auditis, Sanctitas Sua, viso, & lecto tenore dicti Decreti, & habitis votis Reverendiss. DD. meorum Cardinalium, respondit per hæc verba:

Petitioni, nomine Concilii Oecumenici Tridentini super ejus confirmatione per dictos Legatos nobis factæ, annuentes, omnia, & singula, quæ in dicto Concilio tam sub fel. rec. Paulo III. & Julio III. Prædecessoribus nostris, quam Pontificatus nostri tempore decreta, & definita sunt, auctoritate Apostolica, etiam de Venerabilium Fratrum nostrorum Cardinalium consilio, & assensu, matura cum illis deliberatione præhabita, confirmamus, atque ab omnibus Christi fidelibus recipi, & inviolabiliter observari mandamus, In nomine Patris, & Filii, & Spiritus Sancti, Amen.

Ita est. A. Cardinalis

Farnesius, Vice-Cancell.

BULLA S. D. N. PII,

DIVINA PROVIDENTIA
PAPÆ QUARTI,

SUPER CONFIRMATIONE
Oecumenici Generalis Concilii
Tridentini.

PIUS EPISCOPUS, SERVUS SERVORUM DEI, AD PERPETUAM
REI MEMORIAM.

BENEDICTUS Deus, & Pater Domini nostri Jesu Christi, Pater misericordiarum, & Deus totius consolationis: qui,

(*) Sic legitur in Veneta & Antwerpensi. In Parisina vero: Ego Marcus Antonius, Clericus Peregrinus Comensis. *Àst Lovanienfis ita habet:* Ego Marcus Antonius Peregrinus, Clericus, Comensis, ejusdem &c.

qui respicere dignatus Ecclesiam suam sanctam, tot procellis & tempestatibus agitaram, atque vexatam, & gravius in dies laborantem, apto tandem ei subvenit, opratoque remedio. Ad plurimas, & perniciosissimas hæreses extirpandas, ad corrigendos mores, & restituendam Ecclesiasticam disciplinam, ad pacem, & concordiam Christiani populi procurandam indictum jam pridem in civitate Tridentina Oecumenicum, & Generale Concilium a piæ memoriæ Paulo III, Prædecessore nostro, & Sessionibus aliquot habitis ceptum fuerat: ab ejus autem Successore Julio in eandem urbem revocatum, post alias Sessiones celebratas, variis impedimentis, & difficultatibus objectis, ne tum quidem peragi potuerat: itaque diutius intermissum fuerat, non sine maximo mœrore piorum omnium; cum quotidie magis Ecclesia ejusmodi remedium imploraret. Nos autem post susceptum Sedis Apostolicæ regimen, tam necessarium, ac salutare opus, sicut Pastoralis sollicitudo monebat, Divinæ misericordiæ fiducia perficere aggressi, adjuti pio studio Carissimi in Christo Filii nostri Ferdinandi Romanorum Imperatoris electi, & aliorum Christianorum Regum, Rerumpublicarum, ac Principum, tandem consecuti sumus, quod nec diurnis, nec nocturnis curis elaborare destitimus, quodque a Patre luminum assidue precati sumus. Cum enim eam in urbem undique ex Christiani nominis nationibus convenisset, nostris convocata literis, & sua etiam ipsorum pietate excitata, Episcoporum, & aliorum insignium Prælatorum maxima, & Oecumenico Concilio digna frequentia, præter plurimos alios pios, & sacrarum literarum scientia, Divinique, & humani juris cognitione præstantes viros, præsentibus ipsi Synodo Sedis Apostolicæ Legatis, nobis adeo Concilii libertati faventibus, ut etiam de rebus Sedi Apostolicæ proprie reservatis liberum ipsi Concilio arbitrium per literas, ad Legatos nostros scriptas, ultro permiserimus, quæ de Sacramentis, & aliis rebus, quæ quidem necessariæ visæ sint, tractanda, definienda, & statuenda restabant, ad confutandas hæreses, ad tollendos abusos, & emendandos mores a sacrosancta Synodo summa libertate, diligentiaque tractata, & accurate, ac mature admo-

Tomus VI. Concilior. German.

dum definita, explicata, statuta sunt. Quibus rebus perfectis Concilium tanta omnium, qui illi interfuerunt, concordia peractum fuit, ut consensum eum plane a Domino effectum fuisse constiterit: idque in nostris, atque omnium oculis valde mirabile fuerit. Pro quo tam singulari Dei munere supplicationes statim in alma hac urbe indiximus, quæ magna Cleri, & populi pietate celebrata fuerunt; laudesque, & gratias Divinæ Majestati merito persolvendas curavimus: cum ejusmodi Concilii exitus spem magnam, & prope certam attulerit, fore, ut majores in dies fructus ad Ecclesiam ex ipsis Decretis, Constitutionibusque perveniant. Cum autem ipsa Sancta Synodus pro sua erga Sedem Apostolicam reverentia, antiquorum etiam Conciliorum vestigiis inhærens, Decretorum suorum omnium, quæ nostro, & Prædecessorum nostrorum tempore facta sunt, confirmationem a nobis petierit, Decreto de ea re in publica Sessione facto: Nos, ex Legatorum literis prius, deinde post reditum eorum ex iis, quæ Synodi nomine diligenter retulerunt, postulatione ipsius Synodi cognita, habita super hac re cum Venerabilibus Fratribus nostris, Sanctæ Romanæ Ecclesiæ Cardinalibus, deliberatione matura, Sanctique Spiritus in primis auxilio invocato, cum ea Decreta omnia Catholica, & populo Christiano utilia, ac salutaria esse cognovissemus, ad Dei Omnipotentis laudem, de eorundem Fratrum nostrorum consilio, & assensu, in Consistorio nostro secreto illa omnia, & singula auctoritate Apostolica hodie confirmavimus, & ab omnibus Christi fidelibus suscipienda, ac servanda esse decrevimus; sicut harum quoque literarum tenore ad clariorem omnium notitiam confirmamus, & suscipi, observarique decernimus. Mandamus autem in virtute sanctæ obedientiæ, & sub penis a sacris Canonibus constitutis, aliisque gravioribus, etiam privationis, arbitrio nostro infligendis, universis, & singulis Venerabilibus Fratribus nostris, Patriarchis, Archi-Episcopis, Episcopis, & aliis quibusvis Ecclesiarum Prælati, cujuscumque status, gradus, ordinis, & dignitatis sint, etiam si Cardinalatus honore præfulgeant, ut eadem Decreta, & Statuta in Ecclesiis suis, civitatibus, & Diocesi,

C c c c c

cessibus, in iudicio, & extra iudicium diligenter observent, & a subditis quisque suis, ad quos quomodolibet pertinent, inviolabiliter faciant observari: contradictores quoslibet, & contumaces, per sententias, censuras, & penas Ecclesiasticas, etiam in ipsis Decretis contentas, appellatione postposita, compescendo: invocato etiam, si opus fuerit, brachii secularis auxilio. Ipsum vero Carissimum Filium nostrum Imperatorem electum, ceterosque Reges, Respublicas, ac Principes Christianos monemus, & per viscera misericordiæ Domini nostri JESU Christi obtestamur, ut, qua pietate Concilio per Oratores suos affuerunt, eadem pietate, ac pari studio, Divini honoris, & populorum suorum salutis causa, pro Sedis quoque Apostolicæ, & sacre Synodi reverentia, ad ejusdem Concilii exequenda, & observanda Decreta, Prælati, cum opus fuerit, auxilio, & favore suo adsint, neque adversantes sanæ, ac salutari Concilii doctrinæ opiniones a populis ditionis suæ recipi permittant, sed eas penitus interdicant. Ad vitandum præterea perversionem, & confusionem, quæ oriri posset, si unicuique liceret, prout ei liberet, in Decreta Concilii commentarios, & interpretationes suas edere; Apostolica auctoritate inhibemus omnibus, tam Ecclesiasticis personis, cujuscunque sint ordinis, conditionis, & gradus, quam laicis, quocumque honore, ac potestate præditis: Prælati quidem sub interdicti ingressus Ecclesiæ, aliis vero, quicumque fuerint, sub excommunicationis latæ sententiæ penis, ne quis sine auctoritate nostra audeat ullos commentarios, glossas, annotationes, scholia, ullumve omaino interpretationis genus super ipsius Concilii Decretis quocumque modo edere, aut quidquam quocumque nomine, etiam sub prætextu majoris Decretorum corroborationis, aut executionis, aliove quæsito colore, statuere. Si cui vero in eis aliquid obscurius dictum, & statutum fuisse, eamque ob causam interpretatione, aut decisione aliqua egere visum fuerit; ascendat ad locum, quem Dominus elegit, ad Sedem videlicet Apostolicam, omnium fidelium Magistrum, cujus auctoritatem etiam ipsa sancta Synodus tam reverenter agnovit. Nos enim difficultates, & controversias, si quæ ex

eis Decretis ortæ fuerint, nobis declarandas, & decidendas, quemadmodum ipsa quoque sancta Synodus decrevit, reservamus, parati, sicut ea de nobis merito confisa est, omnium Provinciarum necessitatibus ea ratione, quæ commodior nobis visa fuerit, providere: Decernentes nihilominus irritum, & inane, si secus super his a quoquam quavis auctoritate scienter, vel ignoranter contigerit attentari. Ut hæc autem ad omnium notitiam perveniant, neve quis excusatione ignorationis uti possit: Volumus, & mandamus, ut hæc literæ per aliquos Curie nostræ Cursores in Basilica Vaticana Principis Apostolorum, & in Ecclesia Lateranensi, tunc, cum in eis populus, ut Missarum solemnibus interfit, congregari solet, palam & clara voce recitentur; & postquam recitatæ fuerint, ad valvas earum Ecclesiarum, itemque Cancellariæ Apostolicæ, & in loco solito Campi Floræ affigantur; ibique, ut legi, & omnibus innotescere possint, aliquantisper relinquantur. Cum autem inde amovebuntur, relictis de more ibidem exemplis, in alma Urbe ad impressionem tradantur, quo commodius per Christiani nominis Provincias, & regna divulgari possint. Transumptis quoque earum, quæ manu alicujus publici Notarii scripta, subscriptæ, & sigillo, ac subscriptione alicujus personæ, in dignitate Ecclesiastica constitutæ, munitæ fuerint, fidem sine ulla dubitatione haberi mandamus, atque decernimus. Nulli ergo omnino hominum liceat, hanc paginam nostræ confirmationis, monitionis, inhibitionis, reservationis, voluntatis, Mandatorum, & Decretorum infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli, Apostolorum ejus, se noverit incursurum. Dat. Romæ, apud Sanctum Petrum, anno Incarnationis Dominicæ Millesimo quingentesimo sexagesimo tertio, septimo Kalend. Februarii, Pontificatus nostri anno quinto.

EGO PIUS, CATHOLICÆ
Ecclesiæ Episcopus.

Ego

Ego F. Car. Pisanus, Episcopus Ostien.
Decanus.

Ego Fed. Card. Cæsius, Episcopus Portuen.

Ego Jo. Card. Moronus, Episcopus Tufulan.

Ego A. Card. Farnesius, Vice-Can. Episcopus Sab.

Ego R. Card. S. Angeli, Major Pœnitenti.

Ego Jo. Cardinalis S. Vitalis.

Ego Jo. Michael, Card. Saracenus.

Ego Jo. B. Cicada, Card. S. Clementis.

Ego Scipio, Cardin. Pifarum.

Ego Jo. Cardinalis Romanus.

Ego F. M. G. Card. Alexandrinus.

Ego Clemens, Card. Aræceli.

Ego Ja. Card. Sabellus.

Ego B. Cardinalis Salviatus.

Ego Ph. Card. Aburd.

Ego Lud. Card. Simoneta.

Ego F. Car. Pacieccus, y de Tol.

Ego M. A. Card. Amulius.

Ego Jo. Franc. Card. de Gambara.

Ego Carolus Card. Borromeus.

Ego M. S. Card. Constantiens.

Ego Alph. Card. Gesualdus.

Ego Hip. Cardinalis Ferrar.

Ego Franciscus, Card. Gonzaga.

Ego Guſ. Aſc. Diac. Cardinalis Cam.

Ego Vitellotius, Cardin. Vitellius.

Ant. Florebellus Lavellinus.

H. Cumyn.

Tomus VI. Concilior. German.

BULLA S. D. N. PII,

DIVINA PROVIDENTIA

PAPÆ IV.

SUPER DECLARATIONE

temporis ad observanda Decreta
Sacri Oecumenici, & Generalis Concilii Tridentini.

PIUS EPISCOPUS, SERVUS SERVORUM DEI, AD PERPETUAM REI MEMORIAM.

SICUT ad sacrorum Conciliorum Decreta ac Canones, auctoritas atque confirmatio Apostolicæ Sedis & debet, & solet accedere; ita si qua super eis exorta sit dubitatio, ejusdem Sedis judicio, & declaratione tollenda est. Ad aures nostras pervenit, multos esse, qui dubitent, ex quo tempore cœperint Decreta sacri Generalis Concilii Tridentini ad reformationem & jus positivum duntaxat spectantia, eos, ad quos pertinent, obligare, illa præsertim, quæ tempora certa præstituunt, ad Provinciales, Diocesanasque Synodos celebrandas, ad sacros Ordines suscipiendos, ad religionem profitendam, ad Parochiales Ecclesias, aliaque beneficia Ecclesiastica, quæ ejusdem Concilii Decretis retineri prohibitum sit, resignanda, & ad complures res hujusmodi exequendas, ac alias omnes ad prædictam reformationem jusque positivum tantum spectantes, quæ observari, aut evitari debeant. Nos itaque, ut omnis controversia dubitatioque tollatur, Motu proprio eam rem, prout rationi, juri, & æquitati convenire censuimus, duximus declarandam: Nam etsi ipsius Concilii Decreta etiam de Venerabilium Fratrum nostrorum Sanctæ Romanæ Ecclesiæ Cardinalium consilio, & assensu in Consistorio nostro secreto confirmata a nobis fuerunt sub finem Mensis Januarii, & ab eo etiam tempore apud hanc sanctam Sedem observari cœperunt; quia tamen non parum temporis in eis Romæ diligenter, emendateque imprimendis necessario consumptum fuit, & jure etiam communi sancitum est, ut Constitutiones novæ vim non nisi post certum tem-

Cccccc 2

pus

pus obtineant; æquum nobis, & iustum visum est, prædicta Decreta omnia, ad dictam reformationem jusque positivum duntaxat spectantia, a Kalend. Maji proxime præteriti omnes obligare cepisse, neque post eam diem excusationem cuiusquam, quod ea ignoraverit, admittebam: atque ita Apostolica auctoritate declaramus, ac definimus, & ab omnibus judicari debere mandamus, atque statuimus. Decernentes irritum, & inane si quid secus a quoquam quacumque dignitate, auctoritate, & potestate prædico contigerit judicari. Non obstantibus Constitutionibus, & ordinationibus Apostolicis, aliisque in contrarium facientibus quibuscumque. Nulli ergo omnino hominum liceat, hanc paginam nostræ declarationis, definitionis, mandati, Statuti, & Decreti infringere, vel ei ausu temerario contraire. Siquis autem hoc attentare præsumpserit, indignationem Omnipotentis Dei, & Beatorum Petri, & Pauli Apostolorum ejus, se noverit incursurum. Dat. Romæ, apud Sanctum Petrum, Anno Incarnationis Dominicæ Millesimo quingentesimo sexagesimo quarto, quintodecimo Kal. Augusti. Pontificatus nostri Anno quinto.

FED. CARD. CÆSIUS.

Cæ. Glorierius.

H. Cumyn.

Registrata apud Cæsarem Secretarium.

Anno a Nativitate Domini Millesimo quingentesimo sexagesimo quarto, Indictione septima, die vero vigesima mensis Julii, Pontificatus Sanctissimi in Christo Patris, & Domini nostri, Domini Pii, Divina Providentia Papæ Quarti, anno quinto, retrospectæ literæ affixæ, lectæ, & publicatæ fuerunt in valvis Basilicarum Principis Apostolorum de Urbe, & Sancti Joannis Lateranen. : Nec non Cancellariæ Apostolicæ, & in Acie Campi Floræ. Per Nos Jacobum Carra, & Julium Parinum prælibati S. D. N. Papæ Cursores.

*Antonius Clerici Magister
Cursorum.*

BULLA S. D. N. PII,

DIVINA PROVIDENTIA
PAPÆ IV.

SUPER FORMA JURAMENTI PROFESSIONIS FIDEI.

PIUS EPISCOPUS, SERVUS SERVORUM DEI, AD PERPETUAM REI MEMORIAM.

INJUNCTUM nobis Apostolicæ servitutis officium requirit, ut ea quæ Dominus Omnipotens, ad providam Ecclesiæ suæ directionem, sanctis Patribus, in nomine suo congregatis divinitus inspirare dignatus est, ad ejus laudem & gloriam incunctanter exequi properemus. Cum itaque juxta Concilii Tridentini dispositionem omnes, quos deinceps Cathedralibus & Superioribus Ecclesiis præfici, vel quibus de illarum dignitatibus, Canonicatibus, & aliis quibuscumque beneficiis Ecclesiasticis, curam animarum habentibus, provideri contingeret, publicam orthodoxæ fidei professionem facere, seque in Romanæ Ecclesiæ obedientia permanens spondere, & jurare, teneantur: Nos volentes, etiam per quoscumque, quibus de Monasteriis, Conventibus, domibus, & aliis quibuscumque locis, Regularium quorumcumque Ordinum, etiam Militiarum, quocumque nomine vel titulo providebitur, idem servari, & ad hoc, ut unius ejusdem fidei professio uniformiter ab omnibus exhibeatur, unicaque & certa illius forma cunctis innotescat, nostræ sollicitudinis partes, in hoc alicui minime desiderari, formam ipsam præsentibus annotatam, publicari, & ubique gentium per eos, ad quos ex Decretis ipsius Concilii & alios prædictos spectat, recipi & observari, ac sub poenis per Concilium ipsum in contravenientes latis, juxta hanc & non aliam formam, professionem prædictam solemniter fieri, auctoritate Apostolica, tenore præsentium districte præcipiendo mandamus, hujusmodi sub tenore. Ego N. firma fide credo & profiteor omnia & singula, quæ continentur in Symbolo fidei, quo Sancta Romana Eccle-

siæ

sia utitur, videlicet. Credo in unum Deum Patrem Omnipotentem, factorem cœli & terræ, visibilibus omnium, & invisibilibus; & in unum Dominum Jesum Christum, Filium Dei unigenitum, & ex Patre natum ante omnia sæcula; Deum de Deo, lumen de lumine; Deum verum de Deo vero; genitum, non factum; consubstantiali Patri, per quem omnia facta sunt; qui propter nos homines, & propter nostram salutem descendit de cœlis, & incarnatus est de Spiritu Sancto ex Maria Virgine, & homo factus est; crucifixus etiam pro nobis sub Pontio Pilato, passus, & sepultus est; & resurrexit tertia die secundum Scripturas; & ascendit in cœlum, sedet ad dexteram Patris; & iterum venturus est cum gloria judicare vivos, & mortuos; cujus regni non erit finis: & in Spiritum Sanctum Dominum, & vivificantem, qui ex Patre, Filioque procedit; qui cum Patre, & Filio simul adoratur, & conglorificatur; qui locutus est per Prophetas: & unam sanctam Catholicam, & Apostolicam Ecclesiam. Confiteor unum Baptisma in remissionem peccatorum, & expecto resurrectionem mortuorum, & vitam venturi sæculi Amen. Apostolicas & Ecclesiasticas traditiones, reliquasque ejusdem Ecclesiæ observationes & Constitutiones firmissime admitto, & amplector. Item sacram Scripturam juxta eum sensum, quem tenuit & tenet sancta Mater Ecclesia, cujus est judicare de vero sensu, & interpretatione sacrarum Scripturarum, admitto; nec eam unquam, nisi juxta unanimum consensum Patrum accipiam, & interpretabor. Profiteor quoque septem esse vere & proprie Sacramenta novæ Legis a Jesu Christo, Domino nostro, instituta, atque ad salutem humani generis; scilicet Baptismum, Confirmationem, Eucharistiam, Pœnitentiam, Extremam Unctionem, Ordinem, & Matrimonium; illaque gratiam conferre, & ex his Baptismum, Confirmationem, & Ordinem, sine sacrilegio reiterari non posse. Receptos quoque & approbatos Ecclesiæ Catholice ritus, in supradictorum omnium Sacramentorum solemnem administrationem recipio, & ad-

mitto: Omnia & singula, quæ de peccato originali, & de justificatione in Sacrosancta Tridentina Synodo definita & declarata fuerunt, amplector, & recipio: Profiteor pariter, in Missa offerri Deo verum, proprium, & propiciatorium Sacrificium, pro vivis, & defunctis, atque in Sanctissimo Eucharistiæ Sacramento esse vere, realiter, & substantialiter corpus, & sanguinem, una cum anima, & Divinitate Domini nostri, JESU CHRISTI, fierique conversionem totius substantiæ panis, in corpus, & totius substantiæ vini, in sanguinem, quam conversionem Catholica Ecclesia Transubstantiationem appellat. Fateor etiam sub altera tantum specie, totum atque integrum Christum, verumque Sacramentum sumi. Constante teneo Purgatorium esse, animasque ibi detentas fidelium suffragiis juvari: similiter & Sanctos una cum Christo regnantes, venerandos atque invocandos esse: eosque orationes Deo pro nobis offerre, atque eorum reliquias esse venerandas. Firmissime assero, imagines Christi, ac Dei paræ semper Virginis, nec non aliorum Sanctorum habendas & retinendas esse, atque eis debitum honorem ac venerationem impertiendam: Indulgentiarum etiam potestatem, a Christo in Ecclesia relictam fuisse; illarumque usum Christiano populo maxime salutarem esse, affirmo: Sanctam Catholicam, & Apostolicam Romanam Ecclesiam, omnium Ecclesiarum Matrem, & Magistram agnosco; Romanoque Pontifici, Beati Petri, Apostolorum Principis, Successori, ac JESU CHRISTI Vicario veram obedientiam spondeo, ac juro: Cætera item omnia a sacris Canonibus, & Oecumenicis Conciliis, ac præcipue a sacrosancta Tridentina Synodo tradita, definita, & declarata, indubitanter recipio, atque profiteor: simulque contraria omnia, atque hæreses quasunque ab Ecclesia damnatas, & rejectas, & anathematizatas, ego pariter damno, rejicio, & anathematizo. Hanc veram Catholicam Fidem, extra quam nemo salvus esse potest, quam in præsentis sponte profiteor, & veraciter teneo, eandem integram & inviolatam, usque ad extremum vitæ spiritum, con-

stantissime (Deo adjuvante) retinere, & confiteri, atque a meis subditis, vel illis, quorum cura ad me in munere meo spectabit, teneri, doceri, & prædicari, quantum in me erit, curaturum. Ego idem N. spondeo, vovéo, ac juro. Sic me Deus adjuvet, & hæc Sancta Dei Evangelia. Volumus autem, quod præsentis literæ, in Cancellaria nostra Apostolica, de more, legantur: Et ut omnibus facilius pateant, in ejus Quinterno describantur, ac etiam imprimantur. Nulli ergo omnino hominum liceat, hanc paginam nostræ voluntatis & mandati infringere, vel ei ausu temerario contraire. Si quis autem hæc attentare præsumpserit, indignationem Omnipotentis Dei, ac Beatorum Petri, & Pauli, Apostolorum ejus, se noverit incursum. Dat. Romæ, apud Sanctum Petrum, anno Incarnationis Dominicæ Millesimo quingentesimo sexagesimo quarto, Idibus Novemb. Pontificatus nostri anno Quinto.

FED. CARDINALIS CÆSIUS.

Cæ. Glorietur.

LECTÆ, & publicatæ fuerunt superscriptæ literæ Romæ, in Cancellaria Apostolica, Anno Incarnationis Dominicæ Millesimo quingentesimo sexagesimo quarto, diē vero Sabbati, nona mensis Decembris, Pontificatus Sanctissimi in Christo Patris, & Domini nostri, Domini Pii, Papæ Quarti, anno Quarto.

A. Lomellinus Cust.

MOTUS PROPRIUS

S. D. N. PII, DIVINA PROVIDENTIA PAPÆ IV.

Per quem deputantur octo Reverendiss. Cardinales, qui faciant observari Reformationes ab ipso editas, nec non Decreta Sacri, Oecumenici, & Generalis Concilii Tridentini.

PIUS PAPA IV.

MOTU proprio &c. Alias nos nonnullas Constitutiones, & Ordinationes, reformationem majoris Pœnitentiarii, ac sacræ Pœnitentiariæ nostræ, ac Vicarii nostri, ac ejus officii, nec non Camerarii, & Cameræ Apostolicæ, ac illius causarum Auditoris, nec non Palatii Apostolici causarum Auditorum, ac Gubernatoris, & Capitoliæ curiarum, & Contradictarum, aliorumque almæ Urbis nostræ, ac Romanæ Curia tribunalium, & officiorum concernentes, edidimus: quæ tamen (ut intelleximus) ab eorundem officiorum & tribunalium Præfectis, ac Officialibus minus diligenter observantur. Cum autem enixæ nostræ voluntatis sit, ut illa, & pariter Decreta sacri Concilii Tridentini; in his, quæ ad eorum officia spectant, ab eisdem omnino observentur: Nos propterea considerantes, parum esse, jura condere, nisi sint, qui ea executioni demandari faciant, & in præmissis, prout ex debito Pastoralis officii nobis (meritis licet imparibus) injuncti obligamur, salubriter, & utiliter providere: præfatasque Constitutiones, & Ordinationes, ac Decreta Concilii, quas, & quæ hic haberi volumus pro expressis, inviolabiliter observari volentes: Venerabili Fratri nostro Joanni Episcopo Tusculan. Morono, Jo. Michaeli Sanctæ Anastasiæ Saraceno, ac Jo. Baptistæ Sancti Clementis Cicadæ, nec non Michaeli Sanctæ Sabinæ Alexandrino, Clementi Sanctæ Mariæ in Ara cæli, & Ludovico Sancti Cyriaci in Thermis Simonetæ, ac Carolo Sancti Martini in Mon-

Montibus Borromeo: Presbyteris; nec non Vitellio Sanctæ Mariæ in Porticu Vitellio, nuncupatis, titulorum, Diacono, Cardinalibus, committimus, & mandamus: quatenus ipsi, seu eorum major pars, conjunctim, vel divisim, eorum arbitrio, etiam tamquam executores dictarum literarum, Constitutionum, & Decretorum prædictorum, Constitutiones, & Ordinationes, ac Decreta præfata, juxta tenores eorum, ac literarum desuper confectarum, per quoscumque Poenitentiariæ, Vicariæ, & Cameræ, ac Rotæ curiarum, ac tribunalium prædictorum Judices, & Officiales, sub excommunicationis latæ sententiæ, ac privationis officiorum, & aliis, eisdem Cardinalibus bene visis, etiam pecuniarum, eo ipso incurrendis poenis, firmiter observari faciant, & cum effectu: nisi tam in executione dictorum Decretorum Concilii, quam dictarum literarum nostrarum, aliqua dubietas, aut difficultas emerferit: quo casu ad nos referant, invocato etiam ad hoc, si opus fuerit, auxilio brachii sæcularis: ac eos, qui literis, & Decretis prædictis, & eorumdem Cardinalium mandatis non paruerint, extunc, prout ex eadem die, & contra, illorum officiis privatos, nec non ad illa, & alia Romanæ Curie officia imposterum obtinenda inhabiles, ac ipsi ab eisdem officiis sic privatis, illa tamquam per privationem vacantia, a Datario nostro vendi, & a quibusvis personis idoneis pro pretio convenienti emi, libere, & licite posse auctoritate nostra curent, nuncient, decernant, ac declarent, prout nos harum serie nunciamus, decernimus, & declaramus. Non obstantibus quibusvis Constitutionibus, & Ordinationibus Apostolicis, ac Poenitentiariæ, & curiarum, nec non tribunalium prædictorum statutis &c. etiam juramento &c. roboratis: privilegiis quoque, indultis, & literis Apostolicis illis, ac dictis Officialibus, & Tribunalibus sub quibuscumque tenoribus, & formis, ac cum quibusvis clausulis & Decretis, etiam motu simili &c. & alias quomodocumque concessis &c. Quibus omnibus &c. illorum tenores &c. hac vice latissime derogamus, eaque adversus præmissa nullatenus suf-

fragari volumus: cæterisque contrariis quibuscunque.

Placet Motu Proprio. I.

Dat. Romæ, apud Sanctum Marcum, quarto Nonas Augusti, anno Quinto.

BULLA S. D. N. PII,

PAPÆ IV.

REVOCATORIA PRIVILEGIORUM, exemptionum, immunitatum, facultatum, conservatoriarum, indultorum, confessionalium, Maris magni, & aliarum quarumcumque similium gratiarum, quibuscumque locis, & personis concessarum, in his, in quibus Statutis, & Decretis Sacri Concilii Tridentini contrariantur.

PIUS EPISCOPUS, SERVUS SERVORUM DEI, AD PERPETUAM REI MEMORIAM.

IN Principis Apostolorum Sede, meritis licet imparibus, Divina dispositione constituti, nihil neque universali Ecclesiæ, curæ & sollicitudini nostræ commissæ, salubrius, neque injuncto nobis Apostolicæ servitutis officio, decentius præstare possumus, quam quod providentiæ nostræ ministerio Oecumenicum Concilium Tridentinum, sicut nostris potissimum auspiciis, summaque sanctorum Patrum concordia per DEI misericordiam feliciter absolutum fuit: Ita per universos, qui Christiana pietate censentur, ubique suscipiatur, & remotis quibuslibet obstaculis ab omnibus æqualiter observetur. Cum itaque in eodem Concilio quamplurima salubria, & ad universalem morum reformationem valde utilia, Decreta atque Statuta, maturo præsentium ipsorum examine præcedente, sint edita, quibus multa, atque diversa privilegia,

gia, exemptiones, immunitates, dispensationes, facultates, conservatoriarum, indulta, & ut vocant, confessionalia; & Mare magnum, & aliarum gratiarum, quæ variis, tam Cathedralibus, etiam Metropolitanis, quam Collegiatis Ecclesiis, Monasteriis, Conventibus, & aliis Religiosis, etiam Fratrum Mendicantium domibus, & ordinibus: Nec non Sancti Spiritus in Saxia, sancti Joannis Lateranensis, ac Incurabilium de Urbe, sancti Antonii Viennen. & sancti Bernardi Juren. aliisque Hospitalibus, Militiis, eorumque Capitulis, & Conventibus, ac Universitatibus, etiam Studiorum generalium Collegiis, tam secularibus, quam Ecclesiasticis, Confraternitatibus, Societatibus, & tam Principis Apostolorum de Urbe, quam aliis Fabricis, sanctæ Cruciatæ, aliisque piis, locis, & operibus: nec non Patriarchis, Archi-Episcopis, Episcopis, Prælatibus, Abbatibus, Abbatissis, Prioribus, Præpositis, & aliis Ecclesiasticis, tam secularibus, quam diversorum ordinum, & militiarum Regularibus, ac etiam laicis cujuscumque dignitatis, & status, ac gradus, & excellentiæ, ac etiam Ducali, Regia, & Imperiali dignitate fulgentibusque utriusque sexus personis: Nec non aliquibus Notariis, & etiam de latere Legatis, atque Nunciis, tam perpetuo, quam ad tempus per plures Romanos Pontifices Prædecessores nostros, ac nos, & Sedem Apostolicam, ejusque Legatos hætenus etiam Motu proprio, & ex certa scientia, ac de Apostolicæ potestatis plenitudine, seu etiam Imperatorum, Regum, Ducum, & aliorum Principum contemplatione, & intuitu, etiam de fratrum consilio, diversimode, variisque temporibus in genere, vel specie, ex quavis etiam honesta causa concessa, & etiam pluries confirmata, & innovata fuerunt, in plerisque contrariantur. Nos quibus in primis cordi est, tam Sancta, & Ecclesiæ Dei saluberrima Decreta suos, ut par est, effectus ubique consequi, & ab omnibus obedienter observari, privilegiorum, exemptionum, immunitatum, facultatum, Conservatoriarum, Indultorum, Confessionaliū, Maris magni, & aliarum gratiarum prædictarum, ac quarum-

cumque Apostolicarum, & aliarum litterarum desuper confectarum, processuumque, Decretorum, & aliorum inde secutorum tenores, ac si de verbo ad verbum infererentur, præsentibus pro sufficienter expressis, & plene insertis habentes: Motu proprio, & ex certa scientia, ac de Apostolicæ potestatis plenitudine, quod eadem omnia, & singula privilegia, exemptiones, immunitates, facultates, dispensationes, Conservatoriarum, Indulta, Confessionalia, Mare magnum, & aliarum gratiarum in his omnibus & singulis, in quibus illa statuta, & decretis, Concilii hujusmodi contrariantur, ipso jure revocata, cassata, & annullata, ac ad ipsius Concilii terminos, atque limites reducta sint, & esse censeantur; nec quicquam adversus ipsa decreta, & statuta, quominus ubique, & apud omnes observentur, in aliquo suffragari posse; sed ea perinde haberi, & reputari debere, ac si nunquam emanassent; auctoritate Apostolica, tenore præsentium declaramus, ac etiam statuimus, & ordinamus. Decernentes nihilominus omnia, & singula quæ vigore privilegiorum, exemptionum, immunitatum, & dispensationum, facultatum, Conservatoriarum, Indultorum, Confessionaliū, & aliarum quarumcumque gratiarum hujusmodi post id tempus, quo Concilium obligare cepit, facta, & gesta quomodolibet fuerunt, & imposterum fient, in his, in quibus dicti Concilii Decretis adversantur, nulla, invalida, & irrita esse, & censeri; ac nemini, etiam quantumlibet, ut præferatur, qualificato, tam in foro (quod ajunt) fori, quam conscientiæ, suffragari posse, & debere. Et ita per quoscunque locorum Ordinarios, aliosque Judices, & Commissarios quavis auctoritate fungentes, etiam Sanctæ Romanæ Ecclesiæ Cardinales, sublata eis, & eorum cuilibet quavis aliter judicandi facultate, in utroque foro judicari, & definiri debere: ac quidquid secus, a quoquam, quavis auctoritate scienter, vel ignoranter attentari contigerit, irritum, & inane decernimus. Non obstantibus præmissis, ac Constitutionibus, & Ordinationibus Apostolicis, cæterisque contrariis quibuscumque. Nulli ergo omnino hominum liceat

liceat hanc paginam nostræ Declarationis, Statuti, Ordinationis, & Decreti infringere, vel ei aduſu temerario contraire. Si quis autem hoc attentare præſumpſerit, indignationem Omnipotentis DEI, ac Beatorum Petri, & Pauli, Apostolorum ejus, se noverit incurſurum.

Datum Romæ, apud Sanctum Petrum, anno Incarnationis Dominicæ Millesimo quingentesimo sexagesimo quinto, tertio decimo Kalen. Martii, Pontificatus nostri anno Sexto.

P. EPISCOPUS NARNIEN.

Cæ. Glorierius.

H. Camyn.

Anno a Natiuitate D. Millesimo quingentesimo sexagesimo quinto, Indictione sexta, die vero vigesima quarta mensis Februarii. Pontificatus Sanctissimi in Christo Patris, & Domini nostri, Domini PII, Divina providentia Papæ Quarti, anno ejus Sexto retroſcriptæ literæ Apostolicæ, affixæ & publicatæ fuerunt in Acie Campi Floræ, & valvis Cancellariæ Apostolicæ, per nos Nicolaum de Matthæis, & Camillum Cherubinum S. D. N. Papæ Curſores.

*Philibertus Ppauis, Magister
Curſorum.*

BULLA

DE INDICE LIBRORUM
prohibitorum, per delectos a Concilio Tridentino Prælatos
confecto.

PIUS PAPA IV. AD FUTURAM
REI MEMORIAM.

Dominicæ gregis custodiæ, Domino disponente, præpositi, vigilis more Pastoris, non desistimus ipsi gregi ab imminentiſſimis periculis, quanta maxima poſſumus cura & diligentia, præcavere, ne propter negligentiam noſtram pereant oves, quæ pretioſiſſimo Domini nostri JESU CHRISTI Sanguine ſunt redemptæ. Etſi autem, quæ

Tomus VI. Concilior. German.

ad fidei veritatem patefaciendam, & ad horum temporum hæreſes confutandas pertinebant, in Oecumenico, & Generali Concilio Tridentino, Sancti Spiritus aſſiſtente gratia, nuper adeo enucleata & definita fuerunt, ut facile jam ſit unicuique ſanam, Catholicamque doctrinam a falſa adulterinaque internoſcere: tamen cum librorum ab hæreticis editorum lectio non modo ſimpliciores homines corrumpere ſoleat, verum ſæpe etiam doctos, eruditosque in varios errores, & a veritate fidei Catholicæ alienas opiniones inducere; huic quoque rei eſſe duximus providendum. Cum autem aptiſſimum ei malo remedium eſſe ſciremus, ſi componeretur atque ederetur Index, ſive Catalogus Librorum, qui vel hæretici ſint, vel de hæretica pravitate ſuſpecti, vel certe moribus & pietati noceant, id negotium ad ſacram Tridentinam Synodum rejeceramus. Ea vero ex tanta Epiſcoporum & aliorum doctiſſimorum virorum copia delegit ad eum conficiendum indicem, multos cum doctrina, tum judicio inſignes Prælatos ex omnibus fere nationibus. Qui quidem non ſine maximo labore, plurimiſque vigiliis eum indicem tandem, Deo juvante, perfecerunt, adhibitis etiam in conſilium lectiſſimis quibusdam Theologis. Peraſto autem Concilio, cum ex ipſius Synodi Decreto is index nobis oblatuſ fuisset; ut ne ante ederetur, quam a nobis approbatus fuisset: Nos doctiſſimis quibusdam, probatiſſimiſque Prælatiſ eum accuratiſſime legendum, examinandumque tradidimus, & ipſi etiam legimus. Cum igitur eum magno ſtudio, acri judicio, diuturna cura conſectum, & præterea commodiſſime digeſtum eſſe cognoverimus: Nos ſaluti animarum conſulere, eamque ob cauſam providere cupientes; ne libri & ſcripta cujuſcumque generis, quæ in eo improbantur, ſive ut hæretica, ſive ut de hæretica pravitate ſuſpecta, ſive ut pietati, ac morum honeſtati inutilia, aut aliqua correptione ſaltem indigentia, poſthac a Chriſti fidelibus legantur, ipſum indicem, una cum regulis ei præpoſitiſ, auctoritate Apostolica, tenore præſentium, approbamus, imprimique ac divulgari, &

D d d d d d

ab

ab omnibus Universitatibus Catholicis, ac quibuscumque aliis ubique suscipi, easque regulas observari mandamus, atque decernimus: inhiabentes omnibus, & singulis, tam Ecclesiasticis personis, Sæcularibus, & Regularibus, cuiuscumque gradus, ordinis & dignitatis sint, quam laicis, quocumque honore, ac dignitate præditis, ne quis contra earum regularum præscriptum, aut ipsius prohibitionem indicis libros ullos legere, habereve audeat, si quis autem adversus eas regulas, prohibitionemque fecerit; is quidem, qui hæreticorum libros, vel cujusvis authoris scripta, propter hæresim, vel falsi dogmatis suspensionem damnata, atque prohibita legerit, habueritve, ipso jure in excommunicationis poenam incidat; eamque ob causam in eum tamquam de hæresi suspectum inquiri, & procedi liceat, præter alias penas, super hoc ab Apostolica Sede, Sacrisque Canonibus constitutas. Qui autem libros alia de causâ prohibitos legerit, habueritve, præter peccati mortalis reatum, Episcoporum arbitrio severe se noverit puniendum, non obstantibus Constitutionibus & Ordinationibus Apostolicis contrariis quibuscumque; aut si quibus communiter, vel divisim ab eadem sit Sede indultum, ne excommunicari possint, per literas Apostolicas non facientes plenam & expressam, ac de verbo ad verbum, de indulto hujusmodi mentionem. Ut hæc autem ad omnium notitiam perveniant, neve quis excusatione ignorationis uti possit; volumus & mandamus, ut hæc literæ per aliquos Curia nostræ Cursores in Basilica Vaticana Principis Apostolorum, & in Ecclesia Lateranensi, tunc cum in eis populus, ut Missarum solemnitibus interfuit, congregari solet, palam & clara voce recitentur; & postquam recitatæ fuerint, ad valvas earum Ecclesiarum, itemque Cancellariæ Apostolicæ, & in loco solito Campi Floræ affigantur; ibique ut legi & omnibus innotescere possint, aliquantisper relinquantur. Cum autem inde amovebuntur, earum exempla in iisdem locis affixa remaneant. Nos enim, per recitationem hanc, publicationem, & affixionem, omnes & sin-

gulos, qui his literis comprehenduntur, post tres menses, a die publicationis, & affixionis earum numerandos, volumus perinde adstrictos, & obligatos esse, ac si ipsismet illæ editæ, lectæque fuissent. Transumptis quoque earum, quæ manu alicujus publici Notarii scripta, subscriptave, & sigillo, ac subscriptione alicujus personæ, in dignitate Ecclesiastica constitutæ, munita fuerint; fidem sine ulla dubitatione haberi mandamus atque decernimus.

Datum Romæ apud Sanctum Petrum, sub annulo Piscatoris, die XXIV. Martii MDLXIV. Pontificatus nostri anno Quinto.

ANT. FLOREBELLUS LAVELLINUS.

In Indicem Librorum prohibitorum, confectum a Deputatione Tridentinæ Synodi Præfatio R. P. F. Francisci Forerii, Ordinis Fratrum Prædicatorum, Sacræ Theologiæ Professoris, & ejusdem Deputationis Secretarii.

Cum Sancta Oecumenica Tridentina Synodus, iis rationibus adducta, quæ in secundæ Sessionis Decreto sub Beatissimo Pio IV. Pontifice Max. explicatæ sunt, censuisset, ut Patres aliquot, ex omnibus fere nationibus electi, de librorum censuris quid statuendum esset, diligenter cogitarent, in eam tandem sententiam post diuturnam deliberationem venerunt, ut judicarint, nihil utilius fieri posse, quam si Romanus ille prohibitorum librorum index, ab Inquisitoribus Romæ postremo confectus, paucis tantum demptis, atque etiam additis, retineretur; quippe qui, cum magna maturitate a multis viris doctis compositus, plurimos comprehendat auctores, atque in ordinem satis commodum digestus esse videatur. Quoniam vero intelligebant, propterea in aliquibus Provinciis ac locis hætenus eum indicem receptum non esse, quod in eo quidam libri prohiberentur, quorum lectione viri docti privati, magno incommodo afficerentur; atque

atque animadvertentes etiam, in eo esse nonnulla parum explicate posita, quæ interpretatione indigerent, re multum diuque deliberationibus agitata, ac viris etiam ex omni natione, Theologicæ facultatis scientissimis, in consilium adhibitis, subjectas regulas componendas iudicarunt: ut, quoad ejus fieri posset, doctorum hominum commodis & studiis, salva veritate, ac religione, prospiceretur. Illud igitur in primis observare oportet, unamquamque pene Alphabeti literam tres habere classes. In prima non tam libri, quam librorum Scriptores continentur, qui aut hæretici, aut nota hæresis suspecti fuerunt. Horum enim Catalogum fieri oportuit, ut omnes intelligant, eorum scripta, non edita solum, sed edenda etiam, prohibita esse. Sed illud etiam animadvertendum est, quod licet multi præterea sint, qui iustissimis de causis in hanc classem referri poterant: Patribus tamen non is fuit animus, aut ad eorum pertinebat institutum, ut eos ad unum perquirerent: sed iis pene contenti fuere, qui in Romano catalogo descripti sunt: de aliis vero ejusdem generis auctoribus idem ab Ordinariis & Inquisitoribus statuendum esse existimant. In secundam classem non auctores, sed libri sunt relati, qui propter doctrinam, quam continent, non sanam, aut suspectam, aut quæ offensivam etiam in moribus tantum, fidelibus atterere potest, rejiciuntur: etiam si auctores, a quibus prodire, ab Ecclesia nunquam desciverunt. Tertia vero & ultima classis eos libros complectitur, qui sine scriptoris nomine exierunt in vulgus; & eam doctrinam continent, quam Romana Ecclesia, tanquam Catholicæ fidei, aut morum integritati contrariam, refutandam ac repellendam esse decernit. Non enim omnes libri, qui nomen auctoris non præterunt, damnandos putarunt: quandoquidem sæpe viros doctos, ac Sanctos novimus, ut Christiana quidem Resp. ex eorum vigilis fructum caperet, ipsi vero inanem gloriam evitarent, libros optimos sine nomine edidisse: sed eos tantum, qui aut liquido pravam aut dubiam fidei doctrinam, sive moribus perniciosam continent. At vero,

Tomius VI. Concilior. German.

qui sint hujusmodi, aut tales censerī debeant, præter eos, qui in hoc catalogo descripti sunt, Episcopi & Inquisitores una cum Theologorum Catholicorum consilio dijudicabunt. Sed propter nostrorum temporum malitiam, ne in posterum libri sine nomine auctoris edantur, Decreto quartæ Sessionis Tridentini Concilii sub fel. rec. Paulo III. quod incipit: Sed & impressoribus &c. provisum est.

DE LIBRIS PROHIBITIS

REGULÆ X.

Per Patres a Tridentina Synodo delectos concinnatæ, & a PIO PP.

IV. comprobatæ superiore Constitutione, quæ incipit: Dominici, die XXIV. Martii, anno M.D.LXIV.

REGULA PRIMA.

Libri omnes, quos ante annum M. D. XV. aut Summi Pontifices, aut Concilia Oecumenica damnarunt, & in hoc indice non sunt, eodem modo damnati esse censeantur, sicut olim damnati fuerunt.

REGULA II.

Hæresiarcharum libri, tam eorum, qui post prædictum annum hæreses invenerunt, vel fuscitarunt, quam qui hæreticorum capita aut duces sunt, vel fuerunt; quales sunt Lutherus, Zuinglius, Calvinus, Balthasar Pacimontanus, Swenchfeldius, & his similes, cumque nominis, tituli, aut argumenti existant, omnino prohibentur. Aliorum autem hæreticorum libri, qui de religione quidem ex professo tractant, omnino damnantur. Qui vero de religione non tractant, a Theologis Catholicis, jussu Episcoporum & Inquisitorum examinati & approbati permittantur. Libri etiam Catholici descripti, tam ab aliis, qui postea in hæresim lapsi sunt, quam ab illis, qui post lapsum ad Ecclesiæ gremium rediere, approbati a Facultate Theologica alicujus Universitatis Catholicæ, vel ab

D d d d d d 2

Inqui-

Inquisitione generali, permitti poterunt.

REGULA III.

Versiones Scriptorum etiam Ecclesiasticorum, quæ hætenus editæ sunt a damnatis auctoribus, modo nihil contra sanam doctrinam contineant, permittuntur. Librorum autem veteris Testamenti versiones, viris tantum doctis & piis iudicio Episcopi concedi poterunt: modo huiusmodi versionibus, tanquam elucidationibus vulgaræ editionis, ad intelligendam sacram Scripturam, non autem tanquam sacro textu utantur. Versiones vero novi Testamenti ab auctoribus primæ classis huiusmodi factæ nemini concedantur; quia utilitatis parum, periculi vero plurimum lectoribus ex earum lectione manare solet. Si quæ vero annotationes cum huiusmodi, quæ permittuntur versionibus, vel cum vulgata editione circumferuntur, expunctis locis suspectis a Facultate Theologica alicujus Universitatis Catholicæ, aut Inquisitione generali, permitti eisdem poterunt, quibus & versiones. Quibus conditionibus totum volumen Bibliorum, quod vulgo Biblia Vatabli dicitur, aut partes ejus, concedi viris piis & doctis poterunt. Ex Bibliis vero Isidori Clarii Brixiani prologus, & prolegomena præcidantur: ejus vero textum nemo textum vulgaræ editionis esse existimet.

REGULA IV.

Cum experimento manifestum sit, si sacra Biblia vulgari lingua passim sine discrimine permittantur, plus inde, ob hominum temeritatem, detrimenti, quam utilitatis oriri, hac in parte iudicio Episcopi aut Inquisitoris stetur: ut cum consilio Parochi vel Confessarii, Bibliorum a Catholicis auctoribus versorum lectionem in vulgari lingua eis concedere possint, quos intellexerint, ex huiusmodi lectione, non damnum, sed fidei atque pietatis augmentum capere posse: quam facultatem in scriptis habeant. Qui autem absque tali facultate ea legere, seu habere præsumperit, nisi prius Bibliis Ordinario redditus, peccatorum absolutionem percipere non possit. Bibliopolæ

vero, qui prædictam facultatem non habenti, Biblia idiomate vulgari conscripta vendiderint, vel alio quovis modo concesserint; Librorum pretium, in usus pios ab Episcopo convertendum, amittant, aliisque pœnis pro delicti qualitate ejusdem Episcopi arbitrio subiaceant. Regulares vero nonnisi facultate a Prælati suis habita, ea legere, aut emere possint.

REGULA V.

Libri illi, qui hæreticorum auctorum opera interdum prodeunt, in quibus nulla aut pauca de suo apponunt, sed aliorum dicta colligunt, cujusmodi sunt lexicæ, concordantiæ, apophthegmata, similitudines, indices, & huiusmodi, si quæ habeant admixta, quæ expurgatione indigeant, illis Episcopi, & Inquisitoris, una cum Theologorum consilio, sublatis aut emendatis, permittantur.

REGULA VI.

Libri vulgari idiomate de controversiis inter Catholicos & hæreticos nostri temporis differentes, non passim permittantur: sed idem de iis servetur, quod de Bibliis vulgari lingua scriptis statutum est. Qui vero de ratione bene vivendi, contemplandi, confitendi, ac similibus argumentis, vulgari sermone conscripti sunt, si sacram doctrinam contineant, non est cur prohibeantur, sicut nec sermones populares vulgari lingua habiti. Quod si hætenus in aliquo Regno vel Provincia aliqui libri sunt prohibiti, quod nonnulla continerent, quæ sine delectu ab omnibus legi non expediat, si eorum auctores Catholici sunt, postquam emendati fuerint, permitti ab Episcopo & Inquisitore poterunt.

REGULA VII.

Libri, qui res lascivas, seu obscenas ex professo tractant, narrant, aut docent, cum non solum fidei, sed & morum, qui huiusmodi librorum lectione facile corrumpi solent, ratio habenda sit, omnino prohibentur; & qui eos habuerint, severe ab Episcopis puniantur. Antiqui vero ab ethnicis conscripti, propter sermonis elegantiam & proprietatem permittuntur: nulla tamen ratione pueris prælegendi erunt.

REGU-

REGULA VIII.

Libri, quorum principale argumentum bonum est, in quibus tamen obiter aliqua inserta sunt, quæ ad hæresim, seu impietatem, divinationem, seu superstitionem spectant, a Catholicis Theologis, Inquisitionis generalis auctoritate expurgati, concedi possint. Idem judicium sit de prologis, summariis, seu annotationibus, quæ a damnatis auctoribus, libris non damnatis, appositæ sunt: sed posthac nonnisi emendati excudantur.

REGULA IX.

Libri omnes & scripta geomantiæ, hydromantiæ, aeromantiæ, pyromantiæ, onomantiæ, chiromantiæ, necromantiæ, sive in quibus continentur sortilegia, veneficia, auguria, auspicia, incantationes artis magicæ, prorsus rejiciuntur. Episcopi vero diligenter provideant, ne astrologiæ judicariæ libri, tractatus, indices, legantur, vel habeantur, qui de futuris contingentibus, successibus, fortuitisve casibus, aut iis actionibus, quæ ab humana voluntate pendent, certo aliquid eventurum affirmare audent. Permittuntur autem judicia, & naturales observationes, quæ navigationis, agriculturæ, sive medicæ artis juvandæ gratia conscripta sunt.

REGULA X.

In librorum, altarumve scripturarum impressione servetur, quod in Concilio Lateranensi sub Leone X. Sess. 10. statutum est. Quare si in alma urbe Roma liber aliquis sit imprimendus, per Vicarium Pontificis & Sacri Palatii Magistrum, vel personas a Sanctissimo Domino nostro deputandas, prius examinetur. In aliis vero locis ad Episcopum, vel alium habentem scientiam, libri vel scripturæ imprimendæ, ab eodem Episcopo deputandum, ac Inquisitorem hæreticæ pravitatis ejus civitatis vel Diocesis, in qua impressio fiet, ejus approbatio & examen pertineat: & per eorum manum propria subscriptione gratis & sine dilatione imponendam, sub pœnis & censuris in eodem decreto contentis approbetur: hac lege & conditione addita, ut exemplum libri imprimendi authenticum, & manu auctoris subscriptum, apud Examinatorem rema-

neat: eos vero, qui libellos manuscriptos vulgant, nisi ante examinati probatique fuerint, iisdem pœnis subjici debere judicarunt Patres deputati, quibus impressores, & qui eos habuerint, & legerint, nisi auctores prodiderint, pro auctoribus habeantur. Ipsa vero hujusmodi librorum probatio in scriptis detur, & in fronte libri vel scripti, vel impressi authentice appareat, probatioque & examen, ac cætera gratis fiant. Præterea in singulis civitatibus ac Diocesium, domus vel loci, ubi ars impressoria exercetur, & Bibliotheca librorum venalium, sæpius visitentur a personis ad id deputandis ab Episcopo, seu ejus Vicario, atque etiam ab Inquisitore hæreticæ pravitatis, ut nihil eorum, quæ prohibentur, aut imprimatur, aut vendatur, aut habeatur. Omnes vero Librarii, & quicumque librorum venditores habeant in suis Bibliothecis indicem librorum venalium, quos habent, cum subscriptione dictarum personarum: nec alios libros habeant, aut vendant, aut quacumque ratione tradant, sine licentia eorundem deputandorum, sub pœna amissionis librorum, & aliis arbitrio Episcoporum vel Inquisitorum imponendis. Emptores vero, lectores, vel impressores, eorundem arbitrio puniantur. Quod si aliqui libros quoscumque in aliquam civitatem introducant, teneantur eisdem personis deputandis renuntiare, vel si locus publicus mercibus ejusmodi constitutus sit, ministri publici ejus loci prædictis personis significant libros esse adductos. Nemo vero audeat librum, quem ipse vel alius in civitatem introduxit, alicui legendum tradere, vel aliqua ratione alienare, aut commodare, nisi ostenso prius libro, & habita licentia a personis deputandis; aut nisi notorie constet, librum jam esse omnibus permissum. Idem quoque servetur ab hæreditibus & exsecutoribus ultimarum voluntatum, ut libros a defunctis relictos, sive eorum indicem illis personis deputandis offerant, & ab iis licentiam obtineant, priusquam eis utantur, aut in alias personas quacumque ratione transferant. In his autem omnibus & singulis pœna statuitur vel amissionis librorum, vel alia arbitrio eorundem Episcoporum, vel In-

quisitorum, pro qualitate contumaciæ vel delicti.

Circa vero libros, quos Patres deputati examinarunt, aut expurgarunt, aut expurgandos tradiderunt, aut certis conditionibus, ut rursus excuderentur, concesserunt; quidquid illos statuisse constitit, tam Bibliopolæ, quam ceteri observent. Liberum tamen sit Episcopis aut Inquisitoribus Generalibus secundum facultatem, quam habent, eos etiam libros, qui his regulis permitti videntur, prohibere, si hoc in suis Regnis, aut Provinciis, vel Diocesibus expedire judicaverint. Ceterum nomina, cum librorum, qui a Patribus deputatis purgati sunt, tum eorum, quibus illi hanc Provinciam dederunt, eorundem Deputa-

torum Secretarius Notario sacræ universalis Inquisitionis Romanæ descripta Sanctissimi Domini nostri jussu tradidit.

Ad extremum vero omnibus fidelibus præcipitur, ne quis audeat, contra harum regularum præscriptum, aut hujus indicis prohibitionem libros aliquos legere, aut habere. Quod si quis libros hæreticorum, vel cujusvis auctoris scripta, ob hæresim, vel ob falsi dogmatis suspensionem damnata, atque prohibita legerit, sive habuerit, statim in excommunicationis sententiam incurrat. Qui vero libros alio nomine interdictos legerit, aut habuerit, præter peccati mortalis reatum, quo afficitur, iudicio Episcoporum severe puniatur.

NOMINA, (*) COGNOMINA, PATRIÆ, ET
DIGNITATES, LEGATORUM, ET ALIORUM PATRUM, ITEM
ORATORUM ET THEOLOGORUM, QUI AD SACROSANCTAM OECUMENICAM TRIDENTINAM SYNODUM CONVENERUNT A PRINCIPIO
USQUE IN FINEM, QUI FUIT IV. DECEMBRIS M.D.LXIV.
SUB PIO IV. PONTIFICE MAXIMO.

*Archi-Episcoporum & Episcoporum Promotiones hic adjunximus ex editione Lovaniensi, Anno MDLXXXVII. & quadam alia identidem inferuimus ex editione Philippi Cbiffletii, Abbatis Balernensis, sive Antverpiana, sive Agrippinensi, anni MDCXLIV. (**)*

Legati & Nuntii Apostolici, Concilii Præsides.

Hercules Gonzaga, Sanctæ Romanæ Ecclesiæ Presbyter Cardinalis tituli Sanctæ Mariæ Novæ, Mantuanus; obiit Tridenti, die secunda Martii, Millesimo quingentesimo sexagesimo tertio, & sepultus est Mantuæ.

Hieronymus Seripandus, Sanctæ Romanæ Ecclesiæ Presbyter Cardinalis, tituli Sanctæ Sufannæ, Neapolitanus; obiit Tridenti, die decima octava Martii, Millesimo quingentesimo sexagesimo tertio, & ibi sepultus in

Ecclesia Sancti Marci, Ordinis Eremitarum Sancti Augustini, cujus olim fuerat Generalis.

Joannes Moronus, Sanctæ Romanæ Ecclesiæ Cardinalis, Episcopus Prænestinus, Mediolanensis, in demortui Cardinalis de Mantua locum missus. Postea Ostiensis, & sacri Collegii Decanus; obiit M.D.LXXX. Kalend. Decemb. sepultus in æde Sanctæ Mariæ supra Minervam.

Stanis-

(*) Non leguntur in hoc Indice, nec in aliis, quos vidi, a nobis tamen minime prætermittendi, tres Ecclesiastici S. R. I. Principes Electores, & Archi-Episcopi:

Sebastianus ab Hausenstein, Archi-Episcopus Moguntinensis, Germanus.
Joannes Comes ab Eyfemburg, Archi-Episcopus Treverensis, Germanus.
Adolphus a Schawemburg, Archi-Episcopus Colonienfis, Germanus.

Qui Sessioni XIII. XIV. & XV. interfuerunt, pluribus sæcuntis interfuturi, nisi novi belli, a Protestantibus anno 1552. moti tumultus eosdem ad suas Ecclesias tandas reverti, cæterosque Patres Concilium ipsum, decreta ejusdem suspensione, interrompere coegissent.

(**) Adnotatio P. Philippi Labbe S. J., apud Harduinum. Apud eundem in titulo præcedente omittuntur hæ voces: *A principio usque in finem, qui fuit IV. Decembris MDLXIV.*

Stanislaus Hosius, Sanctæ Romanæ Ecclesiæ Presbyter Cardinalis, tituli Sancti Laurentii in Palisperna, Polonus, civis & Episcopus Warmiensis. Postea Pœnitentiarius major; obiit Capranicæ MDLXXIX. Nonis Augusti, sepultus Romæ in Æde sanctæ Mariæ trans Tiberim.

Ludovicus Simoneta, Sanctæ Romanæ Ecclesiæ Prebyter Cardinalis, tituli Sancti Cyriaci in Thermis, Mediolanensis, Episcopus Pifaurensis. Obiit Romæ, MDLXIII. pridie Kalend. Maji: sepultus in Æde sanctæ Mariæ Angelorum.

Marcus Syriacus, seu Siticus de Altaemps, Sanctæ Romanæ Ecclesiæ Diaconus Cardinalis, Basilicæ sanctorum duodecim Apostolorum, Germanus, Episcopus Constantiensis. Obiit Romæ MDCXV. mense Martio, sepultus in æde sanctæ Mariæ trans Tiberim.

Bernardus Navagerius, Sanctæ Romanæ Ecclesiæ Presbyter Cardinalis, tituli sancti Nicolai inter Imagines, Venetus, in demortui Cardinalis Seripandi locum missus. Obiit Veronæ MDLXV. pridie Kalend. Junii, sepultus in Ecclesia Cathedrali.

Cardinales non Legati.

Carolus a Lotharingia, Sanctæ Romanæ Ecclesiæ Presbyter Cardinalis, tituli sancti Apollinaris, Princeps & Archi-Episcopus Remensis, Gallus, Abbas Cluniaci. Obiit Avenione MDLXXIV. VII. Kalend. Januarii: sepultus Remis in Ecclesia Metropolitana.

Ludovicus Madrutius, Sanctæ Romanæ Ecclesiæ Diaconus Cardinalis, tituli sancti Callisti, civis & electus Episcopus Tridentinus, Germanus. Postea Episcopus Tusculanus. Obiit Romæ MDC. II. Aprilis, sepultus in Sacello familiari sancti Onuphrii.

Oratores: quorum nomina hic describuntur juxta eorum loca, quæ in eadem Sacrosancta Synodo habuerunt.

Oratores Ecclesiastici sedebant a manu Legatorum: videlicet:

Antonius de Muglitio, Moravus, Archi-Episcopus Pragensis, Orator Cæsareus.

Georgius Drafcovitiuss, Croatus, Episcopus Quinqueecclesiensis, Orator Cæsareus pro Regno Hungariæ, postea Cardinalis, & Archi-Episcopus Colocensis. Obiit MDLXXXV. sepultus in Cathedrali Giavarini Ecclesia.

Valentinus Herbutus, Polonus, Episcopus Præmissiensis, Orator Serenissimi Regis Poloniæ.

Marcus Antonius Bobba, Casalensis, Episcopus Augustensis in Pedemontio, Excellentissimi Ducis Sabaudiz Orator, postea Cardinalis.

Hieronymus de Gaddis, Florentinus, Episcopus Cortonensis, Orator Excellentissimi Ducis Florentiæ, missus in locum Joannis Strozii.

Frater Martinus Royas Portalubeo, Hispanus, Orator Religionis Hyeropolymitanæ.

Oratores Sæculares sedebant a manu sinistra Legatorum.

Sigismundus a Tuun, Tridentinus, Orator Cæsareus.

Oratores Christianissimi Galliarum Regis.

Ludovicus de sancto Gelasio, Dominus de Lansac.

Arnaldus du Ferrier, sive Ferrerius, Præsidens in Parlamento Parisiensi: &

Guido du Faur, sive Faber, Judex major Tolosæ, postea Advocatus Regius, demum Præses in suprema Curia Parisiensi. Obiit Parisiis, anno Domini MDLXXXIV.

Ferdinandus Martineus Mazcarenius, Orator Serenissimi Regis Portugalliæ.

Oratores

*Oratores Serenissimi Domini
Venetorum.*

Nicolaus de Ponte Doctor & Eques, &
Matthæus Dandulus, Eques.

Melchior Lussi, Eques auratus, Orator
septem Cantonum Helvetiorum.

Augustinus Paungartner, Juris Utriusque
Doctor, de Monachio, Orator Ex-
cellentissimi Alberti Ducis Bavaricæ.

Claudius Fernandez Quignonii, sive
Vegil de Quignones, Comes Lu-
nensis, Orator Regis Catholici, in
locum Illustrissimi Ferdinandi de A-
valos Marchionis Piscariæ missus,
obiit Tridenti die vigesima Decem-
bris, anno Millesimo quingentesimo
sexagesimo tertio post finem Conci-
lii, ibique sepultus est.

Hic separatim ab aliis Oratoribus sedebat
apud Reverendissimum Thelesinum
Secretarium sanctæ Synodi, ob con-
tentionem super præcedentia ortam
inter ipsum & Oratores Regis Chri-
stianissimi.

Patriarchæ.

Antonius Helvius, Justinopolitanus, Pa-
triarcha Hierosolymitanus.

Daniel Barbarus, Venetus, electus Pa-
triarcha Aquilegensis.

Joannes Hieronymus Trivisanus, Vene-
tus, Patriarcha Venetiarum.

Archi-Episcopi Pauli III.

*Archi-Episcoporum & Episcoporum Promo-
tiones additæ sunt ex editione
Lovaniensi.*

Ferdinandus Annius, Neapolitanus, Ar-
chi-Episcopus Amalphitanus, postea
Episcopus Bovinus. Promotus in Nov.
1530.

Petrus Landus, Venetus, Archi-Episco-
pus Cretensis. Prom. in Martio 1535.

Petrus Antonius de Capua, Neapolita-
nus, Archi-Episcopus Hydruntinus.
Prom. in Martio 1535.

Marcus Cornelius, Venetus, electus
Archi-Episcopus Spalatrensis. Prom.
15. August. 1536.

Sebastianus Leccavella, Græcus, Ord-
inis Prædicatorum, Archi-Episcopus
Naxiensis, postea Episcopus Lite-
ranensis. Prom. 8. Mart. 1540.

Petrus Guerrero, Hispanus, Archi-Epi-
scopus Granatensis. Prom. in Oct. 1540.

Antonius Altovitus, Florentinus, Archi-
Episcopus Florentinus. Prom. in April.
1548.

Cæsar Cibo, Genuensis, Archi-Episco-
pus Taurinensis; obiit Tridenti, die
vigesima sexta Decembris, anno
Millesimo quingentesimo sexagesi-
mo secundo. Prom. in Julio 1548.

Archi-Episcopi Julii III.

Paulus Æmilius Verallus, Romanus Ar-
chi-Episcopus Rossanensis, postea
Episcopus Caputaquensis. Prom. 22.
Apr. 1551.

Joannes Brunus de Olcinio, Macedo,
Regni Servicæ Primas, Archi-Epi-
scopus Antibarensis. Prom. 15. Julii
1551.

Joannes Baptista Castaneus, Romanus,
Archi-Episcopus Rossanensis, postea
S. R. E. Cardinalis, tituli sancti Mar-
celli, Bononiæ Legatus, ac tandem
Pontifex Maximus dictus Urbanus
VII. per dies dumtaxat duodecim.
Prom. 3. Mart. 1553.

Joannes Baptista Ursinus, Romanus, Ar-
chi-Episcopus sanctæ Severinæ. Prom.
1554.

Archi-Episcopi Pauli IV.

Ludovicus Beccatellus, Bonnoniensis,
Archi-Episcopus Ragusinus. Prom.
in Julio 1555.

Mutius Calinius, Brixienensis, Archi-Epi-
scopus Jaderensis. Prom. 8. Septemb.
1556.

Sigismundus Saracenus, Neapolitanus,
Archi-Episcopus Materanus. Prom.
in Majo 1556.

Antonius Parrages de Castillejo, seu Ca-
stillegio, Hispanus, Archi-Episco-
pus Calaritanus. Prom. 4. Nov. 1558.

Julius Pavestus, Brixienensis, Ordinis Præ-
dicatorum, Archi-Episcopus Surren-
tinus. Prom. 21. Julii 1558.

Bartholomæus de Martyribus, Lusitanus, Ordinis Prædicatorum, Archi-Episcopus Bracarensis. *Prom. 27. Jan. 1559.*

Augustinus Salvago, Genuensis, Ordinis Prædicatorum, Archi-Episcopus Genuensis. *Prom. 17. April. 1559.*

Archi-Episcopi Pii IV.

Philippus Mocenicus, Venetus, Regni Cypri Primas, & Legatus natus, Archi-Episcopus Nicosienfis. *Prom. in Mart. 1560.*

Guilielmus d'Avanson, Gallus, Archi-Episcopus Ebredunensis, & Abbas Montis majoris prope Arelate. *Prom. in Janu. 1560.*

Antonius Caucas, Venetus, Archi-Episcopus Corcyrensis. *Prom. 19. Mart. 1560.*

Germanicus Bandinus, Senensis, electus Archi-Episcopus Senarum. *Prom. 19. Jun. 1560.*

Marcus Antonius Columna, Romanus, Archi-Episcopus Tarentinus, postea Cardinalis & Archi-Episcopus Salernitanus. Obiit Zagarolæ MDXC-VII. sepultus ibidem in Monasterio sanctæ Mariæ, Ordinis sancti Francisci. *Prom. 19. Jun. 1560.*

Caspar de Foffo, Consentinus, Calaber, Ordinis sancti Francisci de Paula, Archi-Episcopus Reginus. *Prom. 1560.*

Antonius de Muglitzio, Moravus, Orator Cæsareus, Archi-Episcopus Pragensis. *Prom. 5. Sept. 1561.*

Maximus de Maximis, Romanus, Archi-Episcopus Amalphitanus. *Prom. 16. Martii.*

Caspar Cervantes de Gaeta, Hispanus, Archi-Episcopus Messanenfis, postea Salernitanus & Cardinalis. *Promot. 19. Nov. 1561.*

Leonardus Marinus, Genuensis, Ordinis Prædicatorum, Archi-Episcopus Lancianensis. *Prom. in Jan. 1562.*

Octavianus Præconius, Messanenfis, Siculus, Ordinis Minorum Conventualium Sancti Francisci, Archi-Episcopus Panormitanus. Obiit Panormi,

Tomus VI. Concilior. German.

MDLXXVIII. XVIII. Julii, sepultus in Aede majori. *Prom. 14. Mart. 1562.*

Nicolaus de Pelleve, Gallus, Archi-Episcopus Senonensis, postea Cardinalis & Archi-Episcopus Rhemensis. Obiit Parisiis MDXCIV. *Prom. in Decemb. 1562.*

Antonius Justinianus, Chienfis, Græcus, Ordinis Prædicatorum, Archi-Episcopus Naxienfis. *Prom. 21. Decemb. 1562.*

Antonius Puteus, Niciensis, Archi-Episcopus Barenfis. *Prom. 16. Decemb. 1562.*

Episcopi Leonis X.

Vincentius Nicofantius, de Fano, Episcopus Arbensis. *Prom. 1514.*

Joannes Franciscus de Flisco, Genuensis, Episcopus Andriensis. *Prom. in Januario 1517.*

Joannes Thomas de Sancto Felicio, Neapolitanus, Episcopus Cavenfis Senior. *Prom. 1519.*

Episcopi Hadriani VI.

Quinctius de Rusticis, Romanus, Episcopus Militenfis. *Prom. 1523.*

Episcopi Clementis VII.

Lucas Byzantius de Catharo, Episcopus Catharenfis. *Prom. 8. Julii 1524.*

Aloysius Pisanus, Venetus, Episcopus Patavinus, postea Cardinalis. Obiit MDLXX. ult. Maji. *Prom. 11. Nov. 1526.*

Alexander Piccolomineus, Senensis, Episcopus Picentinus. *Promot. 6. Sept. 1528.*

Dionysius Græcus, Ordinis Minorum Sancti Francisci de Observantia, Episcopus Milopotamenfis Senior. *Promot. in Febr. 1529.*

Gabriel le Veneur, Gallus, Episcopus Ebroidensis. *Prom. in Sept. 1532.*

Guilielmus Barton de Montbas, Gallus, Episcopus Lectorenfis. *Prom. 1531.*

Episcopi Pauli III.

- Antonius a Camera, Sabaudus, Episcopus Bellicensis. *Promotus 14. Jun. 1536.*
- Nicolaus Maria Caracciolus, Neapolitanus, Episcopus Catanienfis. *Prom. 8. Januar. 1537.*
- Berardus Bonjoannes, Romanus, Episcopus Camerinensis. *Promot. 5. Mart. 1536.*
- Fabius Mirtus, Neapolitanus, Episcopus Cajacensis. *Prom. in Julio 1537.*
- Scipio Bongallus, Romanus, Episcopus civitatis Castellanae. *Prom. in Nov. 1538.*
- Georgius Cornelius, Venetus, Episcopus Tarvisinus. *Prom. in Nov. 1538.*
- Vincentius Durantius, Brixienfis, Episcopus Thermularum. *Prom. 14. Julii 1539.*
- Mauritius de Petra, Papiensis, Episcopus Vigleventis. *Prom. in Jan. 1540.*
- Martius de Martiis, Medices, Florentinus, Episcopus Marficensis. *Prom. in Februar. 1540.*
- Joannes Vincentius Michaëlius, Barolitani, Episcopus Minerbinensis. *Prom. in Martio 1540.*
- Gabriel de Bouverii, Gallus, Episcopus Andegavensis. *Prom. in Majo 1540.*
- Leonardus Haller, Germanus, Episcopus Philadelphienfis. *Prom. 5. Decem. 1540.*
- Ludovicus Vanninus de Theodolis, Foroliviensis, Episcopus Britonorienfis; obiit Tridenti, die 11. mensis Januarii, anno Millesimo quingentesimo sexagesimo tertio. *Prom. 19. Jan. 1541.*
- Ægidius Falcetta, Cingulanus, Episcopus Caprulanus, postea Britonorienfis. *Prom. 11. Mart. 1541.*
- Julius Contarenus, Venetus, Episcopus civitatis Bellunenfis. *Prom. 12. Sept. 1542.*
- Thomas Casellus, Rossanensis, Ordinis Prædicatorum, Episcopus Cavenfis Junior. *Prom. 1542.*
- Hippolytus Arivabenus, Mantuanus, Episcopus Hierapetrenfis. *Prom. 21. Decemb. 1542.*
- Hieronymus Macchabæus, Romanus, Episcopus Castrenfis. *Prom. 6. Julii 1543.*
- Petrus Augustinus, Hispanus, Episcopus Oscensis & Jacensis. *Prom. 5. August. 1543.*
- Jacobus Naclantus, Florentinus, Ordinis Prædicatorum, Episcopus Clodiensis. *Prom. in Jan. 1544.*
- Bartholomæus Sirigo, Cretensis, Græcus, Episcopus Castellananensis. *Prom. 17. Mart. 1544.*
- Thomas Stella, Venetus, Ordinis Prædicatorum, Episcopus Justinopolitanus. *Prom. in Decemb. 1545.*
- Petrus du Val, Gallus, Episcopus Sagienfis, obiit Vicennis MDLXIV. *Prom. 15. Jan. 1545.*
- Joannes Antonius Pantusa, Consentinus, Episcopus Litterienfis, obiit Tridenti, die vigesima septima Octobris, Millesimo quingentesimo sexagesimo secundo. *Prom. in Martio 1545.*
- Joannes Baptista de Grossis, Mantuanus, Episcopus Regienfis. *Prom. 3. Nov. 1545.*
- Joannes Xuares, Lusitanus, Ordinis Sancti Augustini, Episcopus Conimbricensis. *Prom. 24. Jan. 1546.*
- Philippus Riccabella, Recanatenfis, Episcopus Recanatenfis. *Prom. 27. Jan. 1546.*
- Joannes Jacobus Barba, Neapolitanus, Ordinis Sancti Augustini, Episcopus Interamnenfis. *Prom. 26. Maji 1546.*
- Michael a Turre, Utinenfis, Episcopus Cenetenfis, postea Presbyter Cardinalis. Obiit MDLXXXVI. sepultus in Ecclesia Cenetenfi. *Prom. 7. Febr. 1546.*
- Pompejus Zambeccarius, Bononienfis, Episcopus Sulmonenfis. *Promot. in Mart. 1546.*
- Joannes Beroaldus, Pânormitanus, Episcopus Sanctæ Agathæ. *Prom. in Mart. 1546.*
- Antonius Scarampus, Aquensis, Episcopus Nolanus. *Prom. in August. 1546.*

Antonius de Comitibus, Genuensis, Ordinis Prædicatorum, Episcopus Brugenensis. *Prom. 5. Mart. 1548.*

Cæsar Fogga, Roslanensis, Episcopus Umbriaticensis. *Prom. 7. Maji 1548.*

Cæsar Comes a Gambara, Brixientis, Episcopus Tortonenfis. *Prom. 13. Maji 1548.*

Joannes Baptista de Bernardis, Lucensis, Episcopus Adiacensis. *Prom. 13. Apr. 1548.*

Martinus Perezius de Ayala, Hispanus, Episcopus Segobientis. *Prom. 16. Maji. 1548.*

Nicolaus Pfalme, Gallus, Episcopus Comes Viridunensis. Hic Canones & Decreta Concilii Tridentini revocata in artem, ordinem atque rubricas, certaque capita, convenienti methodo digesta, præfixis summaris excudenda curavit in 4. Viriduni, Anno MDLXIV. ad Illustrissimum Principem, Reverendissimumq; Cardinalem Carolum a Lotharingia, Remensium Archi-Episcopum &c. *Prom. 4. Junii 1548.*

Alphonfus Rosettus, Ferrariensis, Episcopus Comacienfis, postea Ferrariensis. *Prom. 23. Oct. 1548.*

Julius Parisianus, de Tolentino, Episcopus Ariminensis. *Prom. 9. Januarii 1549.*

Bartholomæus Sebastianus, Hispanus, Episcopus Pactensis. *Prom. 9. Jan. 1549.*

Franciscus Lambertus, Sabaudus, Episcopus Niciensis. *Prom. in Febr. 1549.*

Maximilianus Doria, Genuensis, Episcopus Naulensis. *Prom. 28. Februar. 1549.*

Eustachius du Bellay, Gallus, Episcopus Parisiensis. *Prom. in Febr. 1549.*

Bartholomæus de Capranica, Romanus, Episcopus Carinensis. *Prom. 10. Apr. 1549.*

Ennius Massarius, de Narnia, Episcopus Feretranus. *Prom. 29. Apr. 1549.*

Achilles Brancia, Neapolitanus, Episcopus Bovenfis. *Prom. in Maio 1549.*

Joannes Franciscus Verdura, Messanensis, Episcopus Chironensis. *Prom. 7. Junii 1549.*

Tomus VI. Concilior. German.

Albertus Duimius de Glicicis, Catharenfis, Ordinis Prædicatorum, Episcopus Veglenfis. *Prom. 26. Julii 1549.*

Joannes Antonilerz de Bricianos de la Ribera, Hispanus, Episcopus Juvenacensis. *Prom. 25. Oct. 1549.*

Tristanus de Bizet, Gallus, Episcopus Xantonensis, & Abbas S. Nicolai de Bosco. *Prom. in Decemb. 1550.*

Episcopi Julii III.

Ascanius Gherardinus, de Amelia, Episcopus Cattaconensis. *Prom. 18. Martii 1558.*

Marcus Gonzaga, Mantuanus, Episcopus Aufferensis. *Prom. in Apr. 1550.*

Balduinus de Baldovinis, Pisanus, Episcopus Aversanus. *Promot. in April. 1550.*

Petrus Franciscus Palavicinus, Genuensis, Episcopus Aleriensis. *Prom. 30. Mart. 1550.*

Ægidius Fuscararius, Bononiensis, Ordinis Prædicatorum, Episcopus Mutinensis. *Prom. in Maio 1550.*

Timotheus Justinianus, de Chio, Græcus, Ordinis Prædicatorum, Episcopus Calamonensis. *Prom. 25. Junii 1550.*

Didacus de Almanfa, Hispanus, Episcopus Cauriensis. *Prom. 14. Jul. 1550.*

Lactantius Roverella, Ferrariensis, Episcopus Asculanus. *Prom. 26. Septemb. 1550.*

Ambrosius Monticula Lunensis, Sarzanensis, Episcopus Signinus. *Prom. 18. Jan. 1551.*

Sebastianus Gualterius, Urbevetanus, Episcopus Viterbienfis. *Prom. 27. Jan. 1551.*

Honoratus Hiferniensis, ex Fascitellis, Neapolitanus, Monachus Ordinis Sancti Benedicti, Episcopus Insulanus; obiit Romæ, mense Martio, Millesimo quingentesimo sexagesimo quarto. *Prom. in Januar. 1551.*

Petrus Camajanus, Aretinus, Episcopus Fæfularum. *Prom. 11. Febr. 1551.*

Horatius Græcus, Trojanensis, Apulus, Episcopus Lesinensis. *Prom. 18. Febr. 1551.*

E e e e e 2

Fabius

Fabius Cupallata, seu Cuppalata, Placentinus, Episcopus Lachedonensis. *prom. 13. Julii 1551.*

Gaspar de Casal, Lusitanus, Ordinis Sancti Augustini, Episcopus Leirienfis, postea Conimbricensis. *prom. 3. Julii 1551.*

Bernardinus de Cuppis, Romanus, Episcopus Auximanus. *prom. 23. Julii 1551.*

Joannes de Morvilliers, Blesensis, Gallus, Episcopus Aurelianensis. *prom. in Aprili 1552.*

Julius Gentilius, Tortonenfis, Episcopus Vulturariensis. *prom. in Aprili 1552.*

Hadrianus Fusconius, Romanus, Episcopus Aquinas. *prom. 20. Octobr. 1552.*

Antonius de Sancto Michaële, Hispanus, Ordinis Sancti Francisci de Observantia, Episcopus Montis Marani. *prom. 14. Decemb. 1552.*

Hieronymus Melchiorius, Recanatensis, Episcopus Maceratensis. *prom. 6. Martii 1553.*

Petrus de Petris de Monte, Aretinus, Episcopus Lucerinus. *prom. 17. Maji 1553.*

Cæsar Jacomellus, Romanus, Episcopus Bellicastrenfis.

Julius Grittus, Venetus, Episcopus Parentinus. *prom. in Majo 1553.*

Jacobus Silverius Piccolomineus, de Calano, Episcopus Aprutinus. *prom. in Aug. 1553.*

Ludovicus de Brezo, Gallus, Episcopus Meldensis. *prom. 15. Sept. 1553.*

Jacobus Mignanellus, Senensis, Episcopus Grossetanus. *prom. 2. Octob. 1553.*

Joannes Andreas Crucius, de Tibure, Episcopus Tiburtinus. *prom. in Octob. 1553.*

Franciscus Richardotus, Burgundus, Ordinis Eremitarum Sancti Augustini, Episcopus Atrebatensis. Obiit XXVI. Julii MDLXXIV. *prom. in Decemb. 1554.*

Carolus Cicada, Genuens, Episcopus Albinganensis. *prom. in Aprili 1554.*

Franciscus Maria Piccolomineus, Senensis, Episcopus Ilcinenfis. *prom. 20. Aprilis 1554.*

Accisculus, seu Acisculus Moya de Contreras, Hispanus, Episcopus Vicenfis. *prom. 7. Jul. 1554.*

Galeatius Roscius de Interamna, Episcopus Assisensis. Obiit Tridenti die decima sexta Octobris, Millesimo quingentesimo sexagesimo tertio. *prom. 8. Octob. 1554.*

Jacobus Maria Sala, Bononienfis, Episcopus Vivariensis. *prom. 16. Oct. 1554.*

Gabriel de Monte S. Sabini, Episcopus Æsinus. *prom. 19. Nov. 1554.*

Marianus Sabellus, Romanus, Episcopus Eugubinus. *prom. 19. Novemb. 1554.*

Agapitus Bellhoumo, Romanus, Episcopus Casertanus. *prom. 5. Dec. 1554.*

Julius Cananius, Ferrariensis, Episcopus Hadrienfis, postea Cardinalis tituli sancti Eusebii & Episcopus Mutinensis. Obiit Ferraria MDXCII. sepultus in Ecclesia S. Domitici. *prom. in Decemb. 1554.*

Julius Galettus, Pisanus, Episcopus Aleffanensis. *prom. in Jan. 1555.*

Hieronymus Burgenfis, Gallus, Episcopus Carakaunensis, Abbas sancti Petri de Monte. Obiit MDLXXIII.

Episcopi Pauli IV.

Scipio Æstensis, Ferrariensis, Episcopus Casalensis. *prom. 1. Junii 1555.*

Didacus Sarmiento de Sotomajor, Hispanus, Episcopus Asturicensis. *prom. 5. Julii 1555.*

Thomas Goduellus, Anglus, Episcopus Afaphensis. *prom. 5. Junii 1555.*

Faustus Caffarellus, Romanus, Episcopus Fundanus. *prom. 15. Julii 1555.*

Bellifarius Baldinus, Neapolitanus, Episcopus Larinensis. *prom. 15. Julii 1555.*

Urbanus Vigerius de Ruere, Gentienfis, Episcopus Senogallienfis. *prom. in Julio 1555.*

- Jacobus Suretus, Græcus, Episcopus Milopotamensis Junior. *Prom. 26. Julii 1555.*
- Joannes Baptista Ofius, Romanus, Episcopus Reatinus. Obiit die duodecima Novembris MDLXII. *Prom. 24. Octob. 1555.*
- Marcus Laureus, Tropienfis, Ordinis Prædicatorum, Episcopus Campanienfis. *prom. 8. Decemb. 1555.*
- Franciscus de Beauquere, sive Belcarius, Pegulio, Dominus de la Chreste & Chommiers, Gallus, Episcopus Mercensis, postea Abbas sancti Germani Antiffidiorensis, Rigniaci, & sancti Sigiranni. Obiit XIV. Februarii MDXCI. *Prom. in Decemb. 1555.*
- Joannes Franciscus Commendonus, Venetus, Episcopus Zacynthenfis, postea Cardinalis. *Promot. in Octobri 1555.*
- Carolus de Grassis, Bononiensis, Episcopus Montis Falisci, postea Cardinalis. *Prom. 18. Decemb. 1555.*
- Arrias Gallego, Hispanus, Episcopus Gerundenfis. *Prom. 14. Aprilis 1556.*
- Hieronymus Gallego, Hispanus, Episcopus Ovetensis. *Prom. 5. Maji 1556.*
- Hercules Rettinger, Germanus, Episcopus Laventinus. *Prom. 16. Maji 1556.*
- Julius de Rubeis, Polianus, Episcopus S. Leonis. Obiit Romæ Mense Martio MDLXIV. *Prom. 23. Octobris 1555.*
- Joannes de Mugnatones, Hispanus, Ordinis S. Augustini, Episcopus Segobricensis. *Prom. 12. Jan. 1556.*
- Franciscus Blanco, Hispanus, Episcopus Auriensis. *Prom. 12. Jun. 1556.*
- Vincentius de Luchis, Bononiensis, Episcopus Anconitanus. *prom. 8. Febr. 1556.*
- Pompejus Piccolominetus, de Aragonia, Episcopus Tropienfis. *prom. 12. Junii 1556.*
- Petrus Barbaricus, Venetus, Episcopus Curzolenfis. *prom. in Junio 1556.*
- Franciscus Bachodius, Sabaudienfis, Episcopus Gebennensis. *prom. 27. Junii 1556.*
- Carolus de Angennes a Ramboüillet, Gallus, Episcopus Genomanensis, postea Cardinalis. Obiit Corneti in Etruria XXII. Martii MDLXXXVII. *prom. 27. Julii 1556.*
- Hieronymus de Nichifola, Veronenfis, Ordinis Prædicatorum, Episcopus Theanenfis. *prom. 11. Januarii 1557.*
- Marcus Antonius Bobba, Casalensis, Episcopus Augustensis, postea Cardinalis, de quo supra inter Oratores Ecclesiasticos. *prom. 18. Junii 1557.*
- Jacobus Lomellinus, Messanenfis, Episcopus Mazarienfis. *prom. 21. Junii 1557.*
- Donatus de Laurentiis, de Aculo, Apulus, Episcopus Arianensis. *prom. 21. Junii 1557.*
- Petrus Contarenus, Venetus, Episcopus Paphensis. *prom. in Julio 1557.*
- Petrus Danesius, Gallus, Episcopus Vaurenfis. Obiit Parisiis in Genobio sancti Germani Pratenfis, ibique sepultus MDLXXVII. *prom. 9. Augusti 1557.*
- Hieronymus Savorghanus, Forojulienfis, Episcopus Sibinienfis. *prom. 9. Augusti 1557.*
- Philippus du Bec, Gallus, Episcopus Venetenfis, postea Nannetenfis, deinde Archi-Episcopus Remensis. Obiit MDCV. *prom. 4. Novembris 1562.*
- Carolus de Roucy, Gallus, Episcopus Suesionensis. *prom. in Sept. 1557.*
- Georgius Drascovitiis, Croatus, Episcopus Quineeclesienfis, postea Archi-Episcopus Colocenfis & Cardinalis. Vide supra inter Oratores Ecclesiasticos. *prom. 9. Novemb. 1557.*
- Franciscus de Aguirre, Hispanus, Episcopus Crotonensis. *prom. 10. Decemb. 1554.*
- Andreas de Cuesta, Hispanus, Episcopus Legionensis. *prom. 10. Decemb. 1557.*
- Antonius Gorriorero, Hispanus, Episcopus Almerienfis. *prom. 10. Decemb. 1557.*
- Antonius Augustinus, Hispanus, Episcopus Ilerdenfis: postea Archi-Episcopus Tarraconensis. *prom. 15. Decemb. 1557.*

- Angelus Massarellus, Septempedanus, Episcopus Thelesinus. *prom. 15. Decemb. 1557.*
- Antonius Ciurelia, Barenfis, Episcopus Buduenfis. *prom. 4. Febr. 1558.*
- Dominicus Casablanca, Messanenfis, Ordinis Prædicatorum, Episcopus Vicenfis. *prom. 4. Februarii 1558.*
- Petrus Faunus, Costacciaris, Episcopus Aquesinis. *prom. 18. Martii 1558.*
- Joannes Carolus Bovius, Bononienfis, Episcopus Ostunenfis, postea Archi-Episcopus Brundusinus. *prom. 3. Februarii 1562.*
- Hugo Boncompagnus, Bononienfis, Episcopus Vestanus, postea Cardinalis titulo S. Sixti, & Pontifex Maximus, dictus Gregorius XIII. *prom. 9. Decemb. 1561.*
- Salvator Pacinus, de Colle, Episcopus Clusinus. *prom. 16. Febr. 1563.*
- Lupus Martinez, Hispanus, Episcopus Elnensis. *prom. 12. Julii 1558.*
- Carolus d'Espina, Gallus, Episcopus Dolensis. Obiit MDXCI. *prom. in Januario 1558.*
- Ægidius Spifame, Gallus, Episcopus Nivernenfis, & Abbas sancti Pauli Xenonenfis. Obiit Lutetia, MDLXXVIII. *prom. 10. Novemb. 1562.*
- Antonius Sebastianus Minturnus, de Traiecto, Episcopus Uxentinus. *prom. 12. Jan. 1562.*
- Bernardus Delbene, Florentinus, Episcopus Nemaufensis. *prom. 3. Jul. 1562.*
- Dominicus Bollanus, Venetus, Episcopus Brixienfis. *prom. 12. April. 1562.*
- Joannes Antonius Vulpus, Comensis, Episcopus Comensis. *prom. pridie Aprilis 1563.*
- Ludovicus de Genoilhac, Gallus, Episcopus Tutellenfis, & Abbas sancti Romani de Blavia: obiit Burdigala anno MDLXXXIII. *prom. 17. Martii 1563.*
- Philippus Maria Campegius, Bononienfis, Episcopus Feltrenfis. *prom. 17. Martii 1562.*
- Joannes de Guignones, Hispanus, Episcopus Calagurritanus. *prom. 9. Novemb. 1561.*
- Didacus Covarruvias de Leyva, Hispanus, Toleranus, Episcopus Civitatenfis, seu civitatis Roderici, postea Segovienfis, demum Concha designatus. Obiit Madriti, MDLXXVII. Kalend. Octobris, sepultus Segovia. *prom. 19. Maji 1562.*
- Philippus Gerius, Pistorienfis, Episcopus Iclanenfis, postea Assisienfis. *prom. 16. Sept. 1561.*
- Joannes Antonius Fachinettus de Nuce, Bononienfis, Episcopus Neocastrenfis, postea Patriarcha Hierosolymitanus, S. R. E. Presbyter Cardinalis, tit. SS. quatuor Coronatorum, ac tandem Pontifex Maximus, dictus Innocentius IX. per duos dumtaxat menses. *prom. 8. Octob. 1562.*

Episcopi Pii IV.

- Hyppolitus Capilupus, Mantuanus, Episcopus Fanensis.
- Joannes Fabritius Severinus, Neapolitanus, Episcopus Acerensis. *prom. 19. Mart. 1562.*
- Martinus Balduini Rithovius, Brabantus, primus Episcopus Iprensis. Obiit Audomaropoli MDLXXXIII. *prom. 25. Maji 1562.*
- Antonius Havetius, Flander, Ordinis Prædicatorum, Episcopus primus Namurcensis. Obiit MDLXXXVIII. *prom. 18. Jan. 1562.*
- Constantinus Bonnellus, Feretranus, Episcopus civitatis Castell. *prom. prid. Apr. 1562.*
- Julius Superchius, Mantuanus, Ordinis Carmelitarum, Episcopus Accienfis, postea Caprulanus. *prom. 11. Aug. 1562.*
- Matthæus de Concinis, Florentinus, Episcopus Cortonenfis. *prom. 5. Oct. 1561.*
- Nicolaus Sfrondatus, Mediolanenfis, Episcopus Cremonenfis, postea Presbyter Cardinalis tituli S. Cæcilie, demum Pontifex Maximus, dictus

- dictus Gregorius XIV. per menses X. & dies X. *prom. ult. Mart. 1562.*
- Ventura Buffalinus, Tiphernas, Episcopus Massanensis. *prom. 19. Sept. 1563.*
- Ludovicus de Bueil, Gallus, Episcopus Venciensis. *prom. 13. Novemb. 1562.*
- Hieronymus Galleratus, Mediolanensis, Episcopus Sutrinus. *prom. 21. Septemb. 1562.*
- Joannes Petrus Delphinus, Venetus, Ordinis Canonorum Regularium, Episcopus Zacynthi & Cephaloniæ secundus. *prom. 2. Apr. 1561.*
- Joannes Andres Bellonius, Messanen-
sis, Episcopus Massalubrensis. *prom. 30. Oct. 1561.*
- Georgius Zifchouid, Hungarus, Ordinis Minorum S. Francisci de Observantia, Episcopus Signiensis. *prom. 3. Junii 1562.*
- Federicus Cornelius, Venetus, Ordinis S. Joannis Hierosolymitani, Episcopus Bergomensis, postea Patavinus, & S. R. E. Presbyter Cardinalis, tituli S. Stephani. Obiit Romæ MDXC. sepultus Patavii in Ecclesia Cathedrali. *prom. 13. Apr. 1560.*
- Stephanus Boucher, Gallus, Episcopus Corisopitenfis. *prom. 19. Nov. 1562.*
- Joannes Paulus Amanius, Cremenfis, Episcopus Anglonensis. *prom. 14. Julii 1562.*
- Alexander Sfortia, ex Comitibus de Sancta Flora, Episcopus Parmensis, postea Cardinalis tituli S. Mariæ in via. Obiit Maceratæ MDLXXXI. sepultus Romæ in Ecclesia S. Mariæ majoris. *prom. 26. Apr. 1562.*
- Antonius le Cirier, Gallus, Episcopus Abrincensis. *prom. 3. Maji 1560.*
- Andreas Mozenicus, Venetus, Episcopus Nimosienfis. *prom. 3. Maji 1560.*
- Benedictus Salvinus, Firmanus, Episcopus Verulanus. *prom. 19. Junii 1560.*
- Guilielmus Cassador, Hispanus, Episcopus Barcinonensis. *prom. in Junio 1560.*
- Petrus Gonzalez de Mendoza, Hispanus, Episcopus Salmanticensis. *prom. 26. Junii 1560.*
- Martinus de Corduba de Mendoza, Hispanus, Ordinis Prædicatorum, Episcopus Dertusensis. *prom. 17. Julii 1560.*
- Julius Magnanus, Placentinus, Ordinis Minorum Conventualium sancti Francisci, Episcopus Calvensis. *prom. 17. Julii 1560.*
- Valentinus Herbutus, Polonus, Episcopus Præmissiensis, Orator Regis Poloniæ. *prom. 16. Augusti 1560.*
- Simon Aleotus, Foro-Julienfis, electus Episcopus Foro-Julienfis; mortuus est Tridenti, die vigesima Augusti MDLXII. *prom. 18. Julii 1560.*
- Petrus de Xaque, Hispanus, Ordinis Prædicatorum, Episcopus Niochenfis. *prom. 4. Septemb. 1560.*
- Prosper Rebiba, Messanenfis, Episcopus Trojanus, postea Patriarcha Constantinopolitanus. *prom. 4. Sept. 1560.*
- Melchior à Vosmediano, Hispanus, Episcopus Guadixensis. *prom. 4. Septemb. 1560.*
- Hypopolitus de Rubeis, Parmensis, Episcopus Papiensis, postea S. R. E. Presbyter Cardinalis, tituli sanctæ Mariæ in Porticu, deinde sancti Blasii de Anulo. Obiit Romæ MDXCI. IV. Kalend. Maji: sepultus in sancti Blasii. *prom. 4. Septemb. 1560.*
- Didacus de Leon, Hispanus, Ordinis Carmelitarum, Episcopus Columbrienfis. *prom. 2. Octob. 1560.*
- Annibal Saracenus, Neapolitanus, Episcopus Licienfis. *prom. 29. Novemb. 1560.*
- Paulus Jovius, Comensis, electus Episcopus Nucerinus. *prom. 29. Nov. 1560.*
- Hieronymus Trivisanus, Venetus, Ordinis Prædicatorum, Episcopus Veronensis, mortuus est Tridenti, die nona Septembris MDLXII. *prom. 15. Januarii 1561.*

- Hieronymus Ragazzonus, Venetus, Episcopus Nazianzenus, & Coadjutor Famaugustanus, postea Bergomenfis Episcopus. *prom. 15. Jan. 1561.*
- Romulus de Valentibus, de Trebia, Episcopus Conversanus. *prom. 15. Jan. 1561.*
- Lucius Maranta, Venusinus, Episcopus Lavellinensis. *prom. 30. Januar. 1561.*
- Simon de Nigri, Genuensis, Episcopus Sarzanensis. *prom. 14. Februar. 1561.*
- Theophilus Gallupus, Tropienfis, Episcopus Oppidenfis. *prom. 16. Martii 1561.*
- Julius Simonetta, Mediolanensis, Episcopus Pisaurensis. *prom. 9. Maji 1561.*
- Petrus d'Albret, Gallus, Episcopus Convenarum. *prom. in Martio 1561.*
- Jacobus Guidius, Volaterranus, Episcopus Pennensis, & Adriensis. *prom. 2. Junii 1561.*
- Didacus Ramirez, Hispanus, Episcopus Pampilonensis. *prom. 2. Junii 1561.*
- Franciscus del Gado seu Delgado, Hispanus, Episcopus Lucensis. *prom. 13. Junii 1561.*
- Joannes Clauffe, Gallus, Episcopus Senecensis, seu Saniciensis. *prom. 15. Novemb. 1562.*
- Jacobus Gibertus de Noguerras, Hispanus, Episcopus Aliphanus. *prom. 12. Februarii 1562.*
- Joannes Annius, Neapolitanus, Episcopus Hipponensis, & Coadjutor Bovinus.
- Antonius Maria de Salviatis, Romanus, Episcopus S. Pauli, postea S. R. E. Presbyter Cardinalis, tituli sanctæ Mariæ in Aquiro, & Bononiæ Legatus. Obiit Romæ MDCII. XXVI. Aprilis, sepultus in sancti Jacobi. *prom. 18. Novemb. 1562.*
- Matthæus Priulus, Venetus, Episcopus Aemoniensis, postea Vinceninus. *prom. 15. Jan. 1562.*
- Thomas Lilius, Bononiensis, Episcopus Soranus. *prom. 14. Oct. 1562.*
- Hieronymus Guerinus, Ferefranus, Episcopus Imolensis. *prom. 11. Maji 1562.*
- Thomas Oyerlaithe, sive Overlaitte, Hibernus, Episcopus Rossensis. *prom. 25. Maji 1562.*
- Franciscus de la Valette, Gallus, Episcopus Vabrenfis. *prom. 3. Nov. 1562.*
- Fabius Pignatellus, Neapolitanus, Episcopus Monopolitanus. *prom. 13. Mart. 1562.*
- Carolus de Vice-Comitibus, Mediolanensis, Episcopus Vintimiliensis, postea Cardinalis, titulo Sanctorum Martyrum Viti & Modesti in Macello. Obiit Romæ MDLXV. Idibus Novembris, sepultus in Ecclesia sui tituli. *prom. 15. Jun. 1562.*
- Joannes Colofvarinus, Hungarus, Ordinis Prædicatorum, Episcopus Canadiensis; obiit Tridenti, die vigesima quarta Novembris MDLXII. *prom. 9. Febr. 1562.*
- Andreas Duditus Sbardellatus, Hungarus, Episcopus Tininienfis, postea Quinqueecclesiensis, qui ab Ecclesia postea turpissime defecit raptus in reprobum sensum. *prom. 9. Febr. 1562.*
- Spinellus Bencius, Politianus, Episcopus montis Politiani. *prom. 24. Mart. 1562.*
- Franciscus Abundius Castillioneus, Mediolanensis, Episcopus Bobienfis, postea S. R. E. Presbyter Cardinalis, tituli S. Nicolai inter Imagines. Obiit MDLXVIII. XVIII. Kalend. Decembris, sepultus Romæ in Ecclesia Sanctæ Mariæ de populo. *prom. 17. Maji 1562.*
- Stanislaus Faleſchi, Polonus, Episcopus Theodosienfis. *prom. 12. Nov. 1562.*
- Eugenius Qhairt, Hibernus, Ordinis Prædicatorum, Episcopus Achaensis, seu Ægadenfis. *prom. 25. Maji 1562.*
- Donatus Magongial, Hibernus, Episcopus Rapotenfis. *prom. 15. Maji 1562.*
- Guido Ferrerius, Pedemontanus, Civis & Episcopus Vercellenfis, postea S.

S. R. E. Presbyter Cardinalis ,
tituli Sanctæ Euphemie , deinde
Sanctorum Viti & Modesti Marty-
rum in Macello , & Marchio Ro-
mognani : obiit MDLXXXV.
XVI. Maji , sepultus in Sanctæ Ma-
rie Majoris.

Joannes Baptista Siglaicellius , Bononi-
ensis , Episcopus Faventinus. *prom.*
3. Decemb. 1562.

Sebastianus Vantius , de Arimino , Epi-
scopus Urbeveranus. *prom.* 3. Julii
1562.

Joannes Baptista Lomellinus , Messanen-
sis , Episcopus Gardienfis. *prom.*
prid. Decemb. 1562.

Joannes Baptista Milanensis , Florenti-
nus , Episcopus Maricanus , *prom.*
27. Novemb. 1562.

Augustinus Molignatus , Vercellenfis ,
Episcopus Trivicanensis. *prom.* 17.
Octobr.

Carolus Grimaldus , Genuensis , Epi-
scopus Savonenfis. *prom.* 23. Octobr.
1562.

Fabritius Landrianus , Mediolanensis ,
Episcopus S. Marci. *prom.* 21. Oct.
1562.

Bartholomæus Ferratinus , Amerinus ,
Episcopus Amerinus. *prom.* 10. Oct.
1562.

Petrus Fragus , Hispanus , Episcopus
Ufellenfis , postea Algarenfis. *prom.*
5. Jun. 1563.

Hieronymus de Gaddis , Florentinus ,
Episcopus Cortonenfis. *prom.* 21.
Julii 1563.

Franciscus Contarenus , Venetus , Epi-
scopus Paphensis. *prom.* 4. Martii
1563.

Joannes Delphinus , Venetus , Episco-
pus Torcellanus. *prom.* 27. April.
1563.

Alexander Molus , Comensis , Episcopus
Minorensis. *prom.* 20. Apr. 1563.

Hieronymus Vielmus , Venetus , Or-
dinis Prædicatorum , Episcopus
Argolicensis. *prom.* 17. Mart. 1563.

Franciscus Raguseus , Ordinis Sancti
Francisci de Observantia , Episco-
pus Marcanensis.

Tomus VI. Concilior. German.

(*) *al. de la Souchero , Arvernus.*

Abbates.

Ludovicus de Baiffey , Abbas Cisterci-
ensis , Generalis totius Ordinis.

Hieronymus de Souchier , (*) Gallus ,
Campanus , Abbas Claravallensis ,
postea Abbas Generalis Cistercii ,
demum S. R. E. Presbyter Cardina-
lis , tituli S. Matthæi in Merulana.
Obiit Romæ X. Kalend. Novem-
bris MDLXXI. sepultus in Eccle-
sia sanctæ Crucis in Jerusalem.

Simplicianus , Abbas sancti Salvatoris
Papæ de Vultolina , Congregatio-
nis Cassinenfis.

Stephanus Catanius , Novariensis , Ab-
bas sanctæ Mariæ Gratiarum , Pla-
centinæ Diocesis , Congregationis
Cassinenfis.

Augustinus Loscus , Hispanus , Abbas
S. Benedicti de Ferrara , Congre-
gationis Cassinenfis.

Eutychius de Cordes , Antverpiensis ,
Abbas sancti Fortunati apud Bassia-
num , Congregationis Cassinenfis.
Obiit MDLXXXII. Mensè Sep-
tembri , sepultus in sanctæ Justinae
de Padua.

Claudius de Saintes , Gallus , Campa-
nus , Abbas Lunevillanus.

Cosmas Damianus , Hortulanus , Hispanus ,
Abbas Villabertrandi.

Generales.

Vincentius Justinianus , Genuensis ,
Generalis Ordinis Prædicatorum ,
postea Cardinalis , tituli sancti Ni-
colai inter imagines , deinde sanctæ
Sabinæ. Obiit XXVIII. Octo-
bris , MDLXXII. Romæ sepultus in
sanctæ Mariæ super Minervam.

Franciscus Zamora , Conchenfis , Hi-
spanus , Generalis Ordinis Minoro-
rum de Observantia. Obiit MDL-
XXI.

Antonius de Sapiencibus , Augustanus ,
Generalis Ordinis Minorum Con-
ventualium.

Christophorus Paravinus , Prior Gene-
ralis Ordinis Eremitarum sancti Au-
gustini. Obiit MDLXIX.

F f f f f f

Joan.

Joannes Baptista Migliavacca, Astenfis, Generalis Ordinis sanctæ Mariæ Servorum.

Stephanus Fazinus, Cremonensis, Provincialis Lombardiæ, pro Generali Carmelitarum.

Jacobus Lainez, Hispanus, ex oppido Castellæ Almazan, Diocesis Seguntinæ, Præpositus Generalis Societatis JESU. Obiit Romæ XIX. Januarii MDLXV. ætatis LIII.

Thomas Tiphernas civitatis de Castello in Umbria, Generalis Capuccinorum.

Doctores Legum pro Sacro Concilio missi.

Gabriel Palæottus, Bononienfis, Auditor Rotæ, postea Episcopus Bononienfis, & S. R. E. Diaconus Cardinalis, tituli sanctorum Nerei & Achillei, mox sanctorum Joannis & Pauli, deinde tituli sancti Martini in Montibus, & primus Bononiæ Archi-Episcopus, demum tituli sancti Laurentii in Lucina, ac Episcopus Albanus, postremo Episcopus Cardinalis Sabinus. Obiit Romæ XI. Kalend. August. MDXCVII. sepultus Bononiæ in Ecclesia Metropolitana.

Scipio Lancellottus, Romanus, Advocatus Consistorialis, postea Auditor Rotæ, & S. R. E. Presbyter Cardinalis, tituli sancti Simeonis. Obiit Romæ, VI. Nonas Junii MDXCVIII. sepultus in sancti Joannis Lateranensis.

Joannes Baptista Castellius, Bononienfis, Promotor, postea Episcopus Ariminensis.

Michaël Thomafius, Majoricensis, Doctor Decretorum, postea Episcopus Ilerdensis.

Theologi a Summo Pontifice missi.

Frater Petrus de Soto, Hispanus, Ordinis Prædicatorum, obiit Tridenti, mense Aprili MDLXIII.

Alfonfus Salmeron, Toletanus, Hispanus, Societatis JESU. Obiit non Salmanticæ, sed Neapoli, MDLXXXV. die XIII. Febr. ætatis LXX.

Franciscus Turrianus, quibusdam etiam dictus, sed minus recte, Torrensis, Hispanus, Legionensis, Doctor Theologus, postea Professor Societatis JESU. Obiit Romæ MDLXXXIV. ipso die festo Præfationis B. Mariæ Virginis, quem ex Breviario expunctum Ecclesiæ Catholicæ restitui procuraverat, ætatis fere LXXX.

Antonius Solifus, Hispanus, Doctor Theologus.

Frater Camillus Campeggius, Papiensis, Ordinis Prædicatorum, Inquisitor Ferrariæ.

Frater Hieronymus Bravo, Hispanus, Ordinis Prædicatorum.

Frater Hadrianus Valentinus, Venetus, Ordinis Prædicatorum, in demortui Fratrî Petri de Soto locum missus; postea Dominii Veneti Inquisitor Generalis.

Doctores Theologiæ Facultatis Parisiensis missi a Carolo IX. Galliarum Rege Christianissimo.

Nicolaus Maillard, Decanus Facultatis Parisiensis.

Joannes Pelerier, Præfectus Collegio Navarræ.

Antonius Demochares, Reffonæus.

Nicolaus de Bris.

F. Jacobus Hugonis, Franciscanus, idem etiam Procurator Reverendissimi Joannis Ursini, Episcopi Trecorensis.

Simon Vigor, Normannus, Canonicus Parisiensis, postea Archi-Episcopus Narbonensis.

Richardus du Pre.

Natalis Paillet, obiit Tridenti, VII. Kalendas Decembris MDLXII.

Robertus Fournier, Ambianus.

Antonius Coquier.

Lazarus Broychot.

Claudius de Saintes, Carnotensis, Canonici Regularis sancti Augustini, postea Episcopus Ebroicensis. Obiit MDXC.

Theologi missi a Philippo Rege Catholico.

Cofinas Damianus, Hortulanus, electus Abba Villæbertrandi.

Ferdinandus Tritius, Doctor Theologus, Canonicus Cauriensis.

Ferdinandus Vellofillus, Doctor Theologus, Canonicus Saguntinus, postea Episcopus Lucensis.

Thomas Daffio, Juris Utriusque Doctor, Canonicus Valentinus.

Licentius Antonius Covarruvias, Auditor Granatenfis, Didaci Frater.

Ferdinandus Mincafenfis, Decretorum Doctor.

Frater Joannes Ramiretz, Hispanus, Minister Provincialis sancti Jacobi.

Frater Alphonsus Contreras, Commissarius Ordinis Minorum in Curia Regis Hispaniæ.

Frater Michael de Medina, Hispanus, Ordinis Minorum, Sacræ Theologiæ Doctor.

Frater Joannes Lobera, Hispanus, Sacræ Theologiæ Lector Salmanticæ, Socius Ministri Provincialis sancti Jacobi.

Cofmus Palma Fonteyus, Hispanus, Sacræ Theologiæ Doctor, Socius Hortulani Abbatis.

Frater Joannes Gallo, Hispanus, Ordinis Prædicatorum.

Frater Petrus Fernandez, Hispanus, Ordinis Prædicatorum, in societate Magistri Gallo.

Frater Desiderius de Sancto Martino, Panormianus, Ordinis Carmelitani.

Michael Bajus, Hannoniensis, ab Ato, Sacræ Theologiæ Doctor, postea Decanus Ecclesiæ Collegiæ Sancti Petri Lovaniensis, Academiæ Cancellarius, & ejusdem Confer-

vator. Obiit Lovanii XVI. Sept. MDLXXXIX. ibique sepultus in Sacello Collegii Pontificii.

Joannes Hefsels a Lovanio, Brabantus, Sacræ Theologiæ Doctor. Obiit Lovanii VII. Nov. MDLXXVI.

Cornelius Jansenius, Hulstensis, Flander, Sacræ Theologiæ Doctor, postea primus Episcopus Gandavensis. Obiit Gandavi XI. April. MDLXXVI.

Theologi missi a Rege Portugalliæ.

Frater Franciscus Foriero, seu Forerius, Lusitanus, Ulyssiponenfis, Ordinis Prædicatorum.

Domnus Jacobus a Payva de Andrade, Lusitanus, Doctor Theologus.

Domnus Melchior Cornelius, Decretorum Doctor, Senator Regis Portugalliæ.

Ab Excellentissimo Duce Bavaricæ.

Joannes Covillonius, Insulensis, Flander, ex Societate JESU. Obiit Romæ MDLXXXI. cum esset unus e Penitentiariis ad Divi Petri Basilicam.

Procuratores Episcoporum absentium.

Merchantus, Doctor Theologus, pro Illustrissimo Cardinale de Mendoza, Episcopo Burgenfi.

Joannes Gothardus, seu Cothardius, Clericus sæcularis, Germanus, pro Reverendissimo Episcopo Ratisbonensi.

Georgius Hochenvarter, Clericus sæcularis, Doctor Theologus, Suffraganeus pro Reverendissimo Episcopo Basileensi.

Frater Felicianus Ninguarda a Morbino, Ordinis Prædicatorum, pro Illustrissimo Domino Salisburgenfi Orator.

Petrus Cumel, Doctor Theologus, Canonicus Malacitanus, pro Reverendissimo Malacitano.

Joannes Delgadus, Doctor Theologus, Canonicus Tudenfis, pro Reverendissimo Domino Joanne de Sancto Emiliano, Episcopo Tudenfi.

Gaspar Cardillus, Villalpandus, Segobienfis, Doctor Theologus, pro Reverendissimo Episcopo Abulensi.

Frater Joannes de Ludenna, Doctor Theologus, Ordinis Prædicatorum, pro reverendissimo Episcopo Saguntino.

Frater Franciscus Orantes, Lector Vallis Oleti, Ordinis Minorum, pro reverendissimo Episcopo Palentino.

Cæsar Ferrantius Sueffanus, Doctor Theologus, pro reverendissimo Episcopo Sueffano, apud reverendissimum Ilerdensem.

Procuratores Ordinum.

Joannes Coutignon, Doctor Gallus, Procurator Ordinis Cluniacensis, postea Prior major. Obiit XXI. Aprilis MDLXXII. sepultus Marciaci.

Nicolaus Boucherat, Gallus, Prior Monasterii de Recluso, Procurator Generalis Ordinis Cisterciensis, postea ejusdem Ordinis Abbas Generalis. Obiit XXII. Martii MDLXXXVI.

Theologi Sæculares & Doctores Juris Canonici.

Georgius Girard, Gallus, Doctor Theologus, cum reverendissimo Andegavenfi.

Gentianus Hervetus, Gallus, Aurelianensis, cum Illustrissimo ac reverendissimo Cardinale a Lotharingia. Fuit postea Canonicus Remensis. Obiit Remis XII. Sept. MDLXCIV.

Franciscus Sancius, Decanus Facultatis Theologiæ, & Canonicus Salmanticensis, cum reverendissimo Salmanticensi.

Mattheus Guerra, Consentinus, Calaber, Presbyter sæcularis, cum reverendissimo Episcopo Sancti Marci.

Federicus Pendasus, cum Illustrissimo Cardinale de Mantua, Legato Sacri Concilii.

Joannes Franciscus Lombardus, cum Illustrissimo Cardinale Seripando, Legato Sacri Concilii.

Petrus Mercatus, Theologus, cum reverendissimo Vicensi.

Trigillus, Doctor Theologus, Canonicus Legionensis, cum reverendissimo Legionensi.

Sobannus, Doctor Theologus, cum reverendissimo Legionensi.

Antonius Leitonius, Doctor Theologus, cum reverendissimo Conimbricensi.

Petrus Fontidonius, Doctor Theologus, Canonicus Salmanticensis, cum Reverendissimo Salmantino.

Joannes Villetta, Doctor Theologus, cum Reverendissimo Barcinonensi.

Joannes Fonseca, Doctor Theologus, cum Reverendissimo Archi Episcopo Granatensi.

Michael Oroncuspe, Doctor Theologus, cum Reverendissimo Episcopo Pamilonensi.

Alfonfus Fernandez de la Guerra, Hispanus, Doctor Theologus, cum Reverendissimo Guadixiensi.

Michaël Ytero, Doctor utriusque Juris, cum Reverendissimo Episcopo Pamilonensi.

Josephus Puebla, Doctor Theologus, cum Reverendissimo Episcopo Civitatenfi.

Joannes Chiacon, Doctor Juris Canonici, cum reverendissimo Episcopo Almeriensi.

Antonius Garfias, Doctor Theologus, cum reverendissimo Episcopo Ovetensi.

Benedictus Arias Montanus, Ordinis Sancti Jacobi, Doctor Theologus, cum reverendissimo Episcopo Segobiensi.

Joannes Barcellona, Theologus, cum reverendissimo Episcopo Uscelensi.

Doctores Galli, Ordinis Sancti Benedicti.

Joannes Carthougne, Doctor Theologus.

Joannes de Verdun, Doctor Theologus.

Theologi Ordinis Fratrum Prædicatorum.

Angelus Ciofus, Florentinus, cum Illustrissimo Cardinale Mantuano, Legato Sacri Concilii.

Seraphinus de Caballis, Brixienfis, Provincialis Terræ sanctæ, cum reverendo suo Generali, postea & ipse Ordinis sui Fratrum Generalis. Obiit Hispali MDLXXVIII. XXI. Novembris.

Elisæus Capys, Venetus, Theologus, cum reverendissimo Archi-Episcopo Pragenfi.

Petrus Aridiensis, Gallus, cum reverendissimo Domino Cenomanensi.

Bernardus Bernardi, Gallus, Inquisitor Avinionensis, Vicarius Congregationis Franciæ, cum Reverendissimo Domino Nemaufensi.

Joannes Matthæus Valdina, cum Reverendissimo Domino Tarentino.

Petrus Martyr Coma, Hispanus, cum Reverendissimo Gertundenfi.

Petrus Zitores, Hispanus, cum Reverendissimo Domino Dertusensi.

Antonius de Grosupto, cum Reverendissimo Domino Viglevanensi.

Aurelius de Chio, cum Reverendissimo Domino Spalatrensi.

Hadrianus Valentinus, Venetus, cum Reverendissimo Domino Nicosienfi.

Marcus Medices, Veronenses, cum Reverendissimo Domino Cenerensi.

Benedictus Herba, Mantuanus, cum Reverendissimo Domino Brixienfi.

Michael de Ast, Genuensis, Prior sancti Laurentii.

Constantinus Coccianus Isorella, cum Reverendissimo Domino Montis Politiani.

Henricus de sancto Hieronymo, cum Reverendissimo Domino Bracarenfi.

Ludovicus de Sotomajor, Lusitanus, cum reverendissimo Domino Georgio de Tuyde, seu Tudenfi.

Baptista de Lugo, cum reverendissimo Domino Veronenfi.

Hieronymus Barolus, Papiensis.

Theologi Ordinis Minorum Beati Francisci de Observantia.

Aloysius de Burgo novo, Italus, Sacræ Theologiæ Lector Bononiæ, Commissarius Generalis, tum & ipse postea Ordinis Generalis.

Thomas de Sogliano, Italus, Provincialis, Bononiæ Minister.

Antonius de Padua, Lusitanus, Ordinis Secretarius.

Bonifacius Raguseus, Apostolicus Prædicator, Terræ Sanctæ Gubernator, postea Episcopus de Stagno in Dalmatia.

Angelus de Petriolo, Italus, Lector S. Theologiæ Perusii.

Angelus Justinianus, Italus, Lector S. Theol. Genuæ.

Vincentius de Messina, Italus, Sacræ Theologiæ Lector Neapoli.

Julius Passiranus, Urceanus, Italus, Sacræ Theologiæ Lector Bergomi.

Jacobus Alani, Gallus, Theologus, cum reverendissimo Episcopo Venerensi.

Theologi Ordinis Fratrum Minorum.

Marcus Antonius Gambaronus a Lugo, sive Lugio, Socius religionis.

Bartholomæus Golphus, de Pergula, Prædicator Illustris.

Joannes Tertius, Bergomensis, Lector Theologiæ in Gymnasio Papiensi.

Clemens Thomasinus, de Florentia, regens in Conventu sanctæ Crucis Florentiæ.

Augustinus Balbus, a Lugo.

Joannes Baptista Ghisulphus, Ordinis Scriba.

Antonius de Gringnano, regens sancti Antonii de Patavio.

Lucius Anguoliola, Placentinus, regens sancti Francisci Bononiæ.

Fff fff 3

Maxi.

Maximus Benianus, Cremenſis, Orator pro religione, & Inquiſitor Paduæ, poſtea Epiſcopus Clodiſis.

Octavianus Charus, de Neapoli, regens ſancti Laurentii de Neapoli.

Antonius Poſius, de Monte Ilcino, regens in Conventu duodecim Apoſtolorum Romæ. Obiit Montilcini MDLXXX.

Bonaventura Meldulenſis, regens in Conventu Parmæ.

Martialis Peregrinus, Calaber, regens in Conventu Ferrariæ.

Antonius a Cubalo, Feltrenſis.

Andreas Schynopius, de Amandula, cum reverendiſſimo Domino Cathanzario.

Balthaſar Criſpûs, Neapolitanus, cum reverendiſſimo Domino Tropienſi.

Theologi Ordinis Fratrum Eremitarum Sancti Augustini.

Thadaus Peruſinus, cum reverendiſſimo Domino Salviato, poſtea Præpoſitus Generalis.

Joannes Paulus Recanatenſis, cum Reverendiſſimo Domino Quinqueeceſienſi, Oratore pro Regno Hungariæ.

Simon Florentinus, cum Illuſtriſſimo Cardinale Seripando Legato.

Cherubinus Lavofius de Caſſia, cum reverendiſſimo Domino Vercellenſi.

Gabriel Vertallus, Anconitanus, alias Duratellus.

Ambroſius Veronenſis, Prior Conventus ſancti Marci in Urbe Tridentina.

Joannes Baptiſta Burgos, Valentinus, Hiſpanus.

Antonius Mondulphenſis, cum reverendiſſimo Domino Pragenſi Oratore.

Ægidius Volaterranus, cum reverendiſſimo Epiſcopo Thininienſi.

Eugenius Piſaurenſis, Concilii Prædicator, poſtea Epiſcopus Smyrnenſis & Veliternorum Propræſul, apud quos obiit XXI. Junii MDLXXX.

Adamantius Florentinus, cum Illuſtriſſimo Cardinale Madrutio: orationem ha-

buit nomine Oratoris Septem Pagorum Helvetiorum Catholicorum. Obiit Romæ XVII. Januarii MDLXXI.

Aurelius Coris Maltenſis, cum Domino Oratore Helvetiorum.

Balthaſar Maſſanus, cum reverendiſſimo Epiſcopo Catanienſi.

Sebaſtianus, Fanenſis, Ordinis Scriba.

Chriſtophorus de Sanctotis, Burgenſis, Hiſpanus.

Simon de Brazzolatîs, Patavinus.

Angelus Ferrus, Venetus, cum Reverendiſſimo Domino de Oſina. Obiit Barri in Apulia Præfectus Provincialis.

Petrus Luſitanus, cum Reverendiſſimo Domino Leirienſi.

Theologi Ordinis Fratrum Carmelitarum.

Joannes Jacobus Cherecatus, Vicentinus, Provincialis Venetiarum, poſtea Procurator Generalis Ordinis.

Theodorus Maſius, Mantuanus, cum Reverendiſſimo Domino Cremonenſi.

Silveſter Confeſſarius Illuſtriſſimi Cardinalis Mantuani.

Lucretius Aſolanus, cum Reverendiſſimo Domino Patriarcha Venetiarum.

Nicolaus Gallus, cum Reverendo Patre Generali.

Eraldus Gallus, cum Reverendo Patre Generali.

Laurentius Lauretus, Venetus, cum Reverendo Patre Generali.

Angelus Ambroſianus, Venetus.

Theologi Ordinis Fratrum Servorum Beatæ Mariæ.

Stephanus Bonutius, Aretinus, Tuſcus, poſtea Epiſcopus Alatrinus, deinde Aretinus, & S. R. E. Presbyter Cardinalis, tituli Sanctorum Petri & Marcellini. Obiit 11. Januarii MDLXXXIX. in Collegio ſui Ordinis, ibique ſepultus.

Amans, pro Congregatione Servorum,
cum Reverendissimo Domino Sibi-
nicensi.

*Officiales Sacri Concilii Tri-
dentini.*

Episcopus Cavenfis, Commissarius.

Episcopus Thelesinus, Secretarius.

Ludovicus Bondonius, Magister Cærimo-
niarum.

Antonius Marcellus, Depositarius.

Cantores Sacri Concilii.

Simon Bartolinus, Perusinus.

Joannes Aloysius de Episcopis, Neapo-
litanus.

Bartholomæus Conte, sive le Conte,
Gallus.

Matthias Albo, de Fulginio.

Franciscus Bustamante, Hispanus.

Joannes Antonius Latinus, Beneven-
tanus.

Franciscus Druda, Calliensis.

Lucas Longincus, Gifonensis.

Petrus Scorteccius, Aretinus.

Notarii.

Marcus Antonius Peregrinus, Comensis, &

Cynthius Pamphilus, de sancto Severino.

Hieronymus Gambarus, Brixienfis, Fo-
renfis.

*Cursores Sanctissimi Domini no-
stri & Sacri Concilii.*

Nicolaus de Mattheis, &
Jacobus Carra, Allobroges.

FINIS TOMI VI.

*Digressio sequetur pro more sub finem SÆCULI XVI.
in Tomo sequente.*



